

# PATROLOGIÆ

## CURSUS COMPLETUS

SIVE

BIBLIOTHECA UNIVERSALIS, INTEGRÆ, UNIFORMIS, COMMODA, OECONOMICA,  
OMNIUM SS. PATRUM, DOCTORUM SCRIPTORUMQUE ECCLESIASTICORUM

QUI

AB ÆVO APOSTOLICO AD INNOCENTII III TEMPORA

FLORUERUNT;

### RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER DUODECIM PRIORA  
ECCLESIAE SÆCULA,

JUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS,  
PERQUAM DILIGENTER CASTIGATA;

DISSERTATIONIBUS, COMMENTARIIS LECTIONIBUSQUE VARIANTIBUS CONTINENTER ILLUSTRATA;

OMNIBUS OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DEBENTUR ABSOLUTAS  
DETECTIS, AUCTA;

INDICIBUS PARTICULARIBUS ANALYTICIS, SINGULOS SIVE TOMOS, SIVE AUCTORES ALICUJUS MOMENTI  
SUBSEQUENTIBUS, DONATA;

CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM SUPERIOREM  
DISTINGUENTIBUS SUBJECTAMQUE MATERIAM SIGNIFICANTIBUS, ADORNATA;

OPERIBUS CUM DUBIIS TUM APOCRYPHIS, ALIQUA VERO AUCTORITATE IN ORDINE AD TRADITIONEM  
ECCLESIASTICAM POLLENTIBUS, AMPLIFICATA;

DUOBUS INDICIBUS GENERALIBUS LOCUPLETATA: ALTERO SCILICET RERUM, QUO CONSULTO, QUIDQUID  
UNUSQUISQUE PATRUM IN QUODLIBET THEMA SCRIPSERIT UNO INTUITU CONSPICIATUR; ALTERO  
SCRIPTURÆ SACRÆ, EX QUO LECTORI COMPERIRE SIT OBVIUM QUINAM PATRES  
ET IN QUIBUS OPERUM SUORUM LOCIS SINGULOS SINGULORUM LIBRORUM  
SCRIPTURÆ TEXTUS COMMENTATI SINT.

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR: CHARACTERUM NITIDITAS,  
CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS  
TUM NUMERUS, FORMA VOLUMINUM PERQUAM COMMODA SIBIQUE IN TOTO OPERIS DECURSU CONSTANTER  
SIMILIS, PRETII EXIGUITAS, PRÆSENTIMQUE ISTA COLLECTIO, UNA, METHODICA ET CHRONOLOGICA,  
SEXCENTORUM FRAGMENTORUM OPUSCULORUMQUE HACTENUS HIC ILLIC SPARSORUM,  
PRIMUM AUTEM IN NOSTRA BIBLIOTHECA, EX OPERIBUS AD OMNES ÆTATES,  
LOCOS, LINGUAS FORMASQUE PERTINENTIBUS, COADUNATORUM.

### • SERIES SECUNDA,

IN QUÆ PRODEUNT PATRES, DOCTORES SCRIPTORESQUE ECCLESIAE LATINÆ  
A GREGORIO MAGNO AD INNOCENTIIUM III.

ACCURANTE J.-P. MIGNE,

BIBLIOTHECÆ GLORI UNIVERSÆ,

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIA BINA EDITIONE TYPIS MANDATA EST, ALIA NEMPE LATINA, ALIA GRÆCO-LATINA. —  
VENEUNT MILLE FRANCIS DUCENTA VOLUMINA EDITIONIS LATINÆ; OCTINGENTIS ET  
MILLE TRECENTA GRÆCO-LATINÆ. — MERE LATINA UNIVERSOS AUCTORES TUM OCCIDENTALES, TUM  
ORIENTALES EQUIDEM AMPLECTITUR; HI AUTEM, IN EA, SOLA VERSIONE LATINA DONANTUR.

### PATROLOGIÆ TOMUS CVIII.

B. RABANI MAURI

TOMUS SECUNDUS.

EXCUEBATUR ET VENIT APUD J.-P. MIGNE EDITOREM,  
IN VIA DIGTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM,  
SEU PETIT-MONTROUGE.

1851

C 550.11

RECEIVED

THE HARVARD UNIVERSITY LIBRARY

FROM THE HARVARD UNIVERSITY LIBRARY



ALMA MATER

HARVARD COLLEGE LIBRARY

1875, March 22.

Request of

James Walker, D.D., LL.D.  
(H. U., 1814.)

President of Harv. Univ.

7387  
1875  
41-136  
1-50

SÆCULUM IX.

# B. RABANI MAURI

FULDENSIS ABBATIS ET MOGUNTINI ARCHIEPISCOPI

## OPERA OMNIA

JUXTA EDITIONEM GEORGH COLVENERII ANNO 1617 COLONIÆ AGRIPPINÆ DATAM, MENDIS  
QUIBUS SCATEBAT INNUMERIS CURA QUÆ PAR ERAT EXPURGATAM,  
NOVISSIME AD PRELUM REVOCATA ET NOVO ORDINE, CHRONOLOGICO SCILICET, DIGESTA;

VARIIS PRÆTEREA MONUMENTIS

QUÆ SUPPEDITARUNT

MABILLONII, MARTENII ET DACHERII COLLECTIONES MEMORATISSIMÆ,

AUCTA ET ILLUSTRATA.

ACCURANTE J.-P. MIGNE,  
BIBLIOTHECÆ CLERI UNIVERSÆ,  
SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITOREM.

---

TOMUS SECUNDUS.

---

VENEUNT 6 VOLUMINA 42 FRANCIS GALLICIS.

EXCUEBATUR ET VENIT APUD J.-P. MIGNE EDITOREM,  
IN VIA DICTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM,  
SEU PETIT-MONTROUGE.

1851

**ELENCHUS**

**AUCTORUM ET OPERUM QUI IN HOC TOMO GRIE CONTINENTUR.**

**CITATA:**

**B. RABANUS MAURUS, MOGUNTINUS ARCHIEPISCOPUS.**

<b>Commentariorum in Exodum libri quatuor.</b>	Col. 9
<b>Expositionum in Leviticum libri septem.</b>	248
<b>Enarrationum in librum Numerorum libri quatuor.</b>	587
<b>Enarrationis super Deuteronomium libri quatuor.</b>	837
<b>Commentariorum in librum Josue libri tres.</b>	999
<b>Commentariorum in librum Judicum libri duo.</b>	1107
<b>Commentarium in librum Ruth.</b>	1199

Ex typis MIGNE, an Petit-Montronge.

# BEATI RABANI MAURI

ABBATIS FULDENSIS ET MOGUNTINI ARCHIEPISCOPI

## COMMENTARIORUM IN EXODUM

LIBRI QUATUOR. (ANNO 834.)

### PRÆFATIO.

AD FRECULPHUM LEXOVIENSEM EPISCOPUM.

EPISCOPUS LEXOVIENSIS

Inter cæteras Scripturas quas Pentateuchus legis A sequente eos petra : petra autem erat Christus (I Cor. continet, merito liber Exodi eminet, in quo petre continet, merito liber Exodi eminet, in quo petre  
omnia sacramenta quibus præsens Ecclesia instituitur, nutritur et regitur, figuratim exprimitur. omnia sacramenta quibus præsens Ecclesia instituitur, nutritur et regitur, figuratim exprimitur.  
Nam ibi per corporalem exitum filiorum Israel de Ægypto testatur, noster exitus de spirituali Ægypto demonstratur : ibi per transitum maris Rubri et Pharaonis Ægyptiorum submersionem, baptismi mysterium et spiritualium hostium interitus figuratur. Ibi typici agni immolatio, et Paschæ celebratio, veri Agni passionem ac nostram redemptionem insinuant. Ibi manna de cælis et potus de petra egenti populo dantur, ut doceat nos cœlestem panem et potum vitæ desiderare. Ibi præcepta atque judicia populo Dei in monte traduntur, ut discamus supernis subijci disciplinis. Ibi tabernaculi constructio atque vasorum ejus simul cum cultu et sacrificiis fieri jubetur, ut sanctæ Ecclesiæ mirabilis ornatus, et spiritualium sacrificiorum ritus in hoc insinuatur. Ibi spiritualis unctionis et thymiamatis odoramaenta conficiuntur, ut sanctificatio Spiritus sancti et orationum sacrarum mysterium nobis commendetur. Hæc enim omnia non solum præcedentium Patrum dictis ita explicata invenimus, verum ipsorum apostolorum traditione ac Scripturis certissime percepimus. Nam Paulus ad Corinthios scribens, ita ait : *Nolo autem vos ignorare, fratres, quod patres nostri omnes sub nube fuerunt, et omnes per mare transierunt ; et omnes in Moyse baptizati sunt, in nube et in mari : et omnes eandem escam spirituales manducaverunt, et omnes eundem potum spirituales biberunt. Bibebant autem de spirituali con-*

B  
C

secundo Dominicanæ positionem describere, ubi ad illum locum perventum est, quo in cruce penduntium latronum crura frangerentur, hinc testimonium sumens ait : *Ad Jesum autem cum venissent, ut viderunt eum jam mortuum, non frangerunt ejus crura, sed unus militum lancea latus ejus aperuit, et continuo exiit sanguis et aqua.* Et paulo post : *Facta sunt, inquit, hæc, ut Scriptura impleretur : Os non comminuetis ex eo, etc.* Quapropter, dilectissime antistitum Freculphe, videtur mihi hujus libri necessaria esse meditatio, in quo sacramentorum atque mysteriorum celestium tanta vis existit, ut non solum evangelicis, sed etiam legalibus ad Christi cultum pleniter instruamur traditionibus. Feci enim sicut in tua epistola mihi jussisti : et collegi undique de sanctorum Patrum dictis in unum volumen, singularum sententiarum solutiones ; et ubi minus antiquorum invenire potui explanationes, nostras juxta eorum sensus similitudinem, prout divina gratia me posse concessit, inserui expositiones. Unde deprecor ut si confectum opus dignum duxeris, tam tuis quam aliorum utilitatibus illud accommodes ; et communiter secundum charitatis regulam, cum proximis tuis utari bono quod tibi agnosci munere collatum esse divino. De cætero quoque obsecro ut fragilitatem meam orationibus adjuves, deprecans supernam majestatem ut me in præsentis pelagi tempestate ita sua gratia gubernet qualiter me in præsentis vita, in suo servitio utilem, et in futura largitatis suæ ope concedat esse beatum.

INCIPIUNT

## COMMENTARIA IN EXODUM.

### LIBER PRIMUS.

#### CAPUT PRIMUM.

De ingressu Israel in Ægyptum, et fatigatione qua vexabant Ægyptii Israelitas.

Hæc sunt nomina filiorum Israel, qui ingressi sunt

PATROL. CVIII

Ægyptum cum Jacob. Singuli cum domibus suis introierunt : Ruben, Simeon, Levi, Judas, Isachar, Zabulon et Benjamin, Dan et Nephthaim, Gad et Aser (Exod. 1). Quid ergo isti undecim filii Jacob, qui

ingressi sunt cum eo in *Aegyptum*, sive magis quodocum addito videlicet *Joseph* significant, nisi apostolorum ordine? De quibus *Salvator* ipse ait: *Sicut misit me Pater, et ego misi vos in mundum* (*Joan. vi*). *Aegyptus* enim, hic mundus esse figuratiter multis prophetarum vocibus approbatur. Neque enim et septuaginta quinque animæ, quæ simul in *Aegyptum* cum prædicto patriarcha introisse describuntur, prædicatorum ordinem typice designant: quia septuaginta discipulos ad prædicandum Dei verbum in toto orbe *Salvator* miserat: ut Pentateuchum legis spiritualiter servandum docerent. Aliter hæc septuaginta animæ, quæ in *Aegyptum* ingressæ sunt, mystice in numero remissionis accipiuntur: scilicet ut huic sæculo, qui per *Aegyptum* figurabatur, post tanta peccata et sacrilegia, donaretur remissio peccatorum. *Joseph autem in Agypto erat*. Et de Redemptore nostro *Joannes* scripsit: quia in mundo erat, et mundus per ipsum factus est, et mundus eum non cognovit (*Joan. i*). Quo mortuo et universis fratribus ejus, omnique cognatione illa filii *Israel* creverunt, et quasi germinantes multiplicati sunt: ac roborati nimis, impleverunt terram. (*Ex Isidoro*.) Mortuo *Joseph* et fratribus ejus, creverunt filii *Israel*, et invaluerunt nimis. Sic et noster verus *Joseph*, postquam pro omnibus gustavit mortem, per quam destruxit diabolum, qui habebat mortis imperium, multiplicatus est fidelium populus. Nisi enim sicut ipse ait, cecidisset granum frumenti in terram et mortuum fuisset, non atque fructum (*Joan. xii*), nunc plurimum totius orbis terræ sustulisset. Moraliter quoque et in te si moriatur *Joseph*, id est mortificationem *Christi* in corpore tuo suscipias, et mortifices membrum tuum peccato, tunc in te multiplicantur filii *Israel*, id est sensus boni et spirituales. Quotidie enim morientibus vitiis in te, virtutum numerus augetur: et in terra multiplicaberis, in tua scilicet carne: per quam virtutes administrantur. Surrexit interea rex novus super *Aegyptum* qui ignorabat *Joseph*, et ait ad populum suum: *Ecce populus filiorum Israel multus et fortior nobis est. Venite sapienter opprimamus eum, ne forte multiplicetur*. In *Chronicis Eusebii* et *Hieronymi* legimus, quod post ingressum *Jacob* in *Aegyptum*, primus *Amosis* regnavit annis xxv, post quem *Nebron* annis xiii, dehinc *Amenonphis* annis xxi, post hunc *Mephres* annis xii, post quem *Mispharmutis* annis xxvi, post eum *Tithimoris* annis ix, deinde *Amonaphis* annis xxxi, sub quo *Amram* genuit *Moysen* cum esset annorum lxx. Præposuit itaque eis magistros operum, ut affligerent eos oneribus: edificaveruntque urbes tabernaculorum *Pharaoni*, *Phiton* et *Rameses*. Quantoque opprimebant eos, tanto magis multiplicabantur et crescebant. Oderantque filios *Israel Aegyptii* et affligebant, illudentes eis et invidentes, atque ad amaritudinem perducebant vitam eorum, operibus duris luti et lateris: omnique famulatu quo in terræ operibus premebantur.

Mystice autem primum videndum est quis sit iste rex qui sciebat *Joseph*; et quis sit, qui nesciebat.

Quando ergo rex noster, id est, spiritus mentis nostræ, tenet memoriam *Joseph*, id est, *Christi* (hujus enim meminit rex in *Agypto*, id est, spiritus noster in carne nostra, quæ *Aegyptus* non inconvenienter dicitur) non alliguntur filii *Israel*, rationabiles scilicet sensus vel virtutes; nec late et latere consumuntur, terrenis scilicet curis; neque eis adnascuntur palæ, id est, leves et irrationabiles actus; nec masculi necantur, hoc est, opera jam perfecta. Si vero sensus noster nescierit *Christum*, tunc sapientia carnis quæ inimica est Deo, succedit in regnum: et alloquitur gentem suam, corporeas scilicet voluntates: et vocatis ducibus vitiorum, initur consilium contra *Israel*, quomodo opprimatur supradictis malis. Et tu ergo, qui hæc audis, si post donum baptismi opera hujus mundi facis, scito quia surrexit in te alius rex qui nescit *Joseph*. Potest quoque rex *Aegypti* qui nescit *Joseph*, diabolus accipi, qui dixit in corde suo, non est Deus: qui genti suæ, id est apostatis angelis quodammodo loquitur: *Ecce viri Israel creverunt, et invaluerunt nimis super nos: hi scilicet, qui mente Deum videre possunt, et unde hoc sensit diabolus, quia fortis sit gens Israel, nisi quia sæpe congressus est, et sæpe superatus est*. Sed illud, quod timet, ne quando eveniat illis bellum et jungantur adversariis illorum, et devictis illis, de terra sua discedant, ostendit se ea, quæ a patriarchis et prophetis de adventu *Christi* prædicta sunt, præsensisse: et inde scire, quod sibi immineat bellum: cum eum sensit venturum, qui cum fiducia triumphet ipsum et satellites ejus. Docet igitur *Pharao* *Israelitis* edificare sibi civitates; id est *Phiton*, quæ interpretatur os defectionis vel os abyssi, et *Ramesen*, quæ interpretatur malitiam detinens, vel commotio tineæ. Ecce quales civitates præcepit sibi edificari *Pharao*, qui interpretatur dissipator, et verus inimicus est populi Dei: urbem scilicet quæ dicitur oris despectio vel os abyssi: cum mendacium loqui persuadet, et foveam præparat perditionis his qui sibi obtemperantes, linguæ suis dolose agunt. Altera vero, quæ dicitur commotio tineæ vel malitiam detinens, ibi construitur, ubi malitiosus ipse, malitiam mentis perversæ ingerit, et avaritiæ pestem introducit. Qui enim sequuntur illum, nisi qui colligunt per fraudem divitias, et condunt thesauros suos in terra, ubi tineæ demolitur, et fures effodiunt atque furantur? Nos ergo si de substantia nostra gratias agamus omnium bonorum largitori, et misericordiam de illa impendamus in proximis, nostros egentem, jungamurque per obedientiam prædicatoribus veritatis, dicet de nobis spiritualis *Pharao*; Filii *Israel* prævaluerunt nimis super nos, et junguntur inimicis nostris, quia prævalebimus illi, et eo invito pergamus de terra sua, deponentes veterem hominem cum actibus ejus, atque relinquentes imaginem terreni parentis nostri, induemus nos imaginem cælestis Redemptoris. Inde enim maxime sollicitatur diabolus, et certat per magistros ac præpositos suos, hæreticos videlicet,

philosophos, seu falsos Christianos, ut affligamur a peccatoribus, ne egrediamur liberi a servitute peccatorum et vitiorum. Quodque dicitur, *Quanto opprimebant illos, tanta magia multiplicabantur et crescebant*, significat quod quanto sævit diabolus persequendo Christianos, et angeq̄o tentationes atque tormenta, tanto magis crescunt electi in augmento meritorum, et multiplicantur in retributione premiorum. Sequitur :

## CAPUT II.

*De obstetricibus Hebræorum et Pharaonis præcepto de interfectione masculorum.*

Dixit autem rex *Ægypti* obstetricibus Hebræorum, quorum una vocabatur *Sephra*, altera *Phua*, præcipiens eis : *Quando obstetricibus Hebræas, et partus tempus advenerit, si masculus fuerit, interficite illum : si femina reservate* (Exod. 1). Ista obstetrices, id est, *Phuam*, quæ apud nos *rubens* vel *verecunda* dici potest, et *Sephram*, quæ avis ejus vel *pulchritudo* sive placens interpretatur, quidam dixerunt rationabilis eruditionis formam tenere, quæ subtilis, pulchra et verecunda est, et tam spiritualibus quam corporalibus habilis atque commoda disciplinis. Obstetrices enim quædam mediæ sunt, et tam masculos quam feminas fovēt : sic eruditio ista communis rationabilis scientiæ ad omnes propemodum pertingit sensus : omnes instruit, omnes fovēt ; et sive cœlestia meditari, sive mundana disponi, suis possessoribus in promptu est. Si quis virilis in ea animi fuerit, et voluerit cœlestia quærere, per hujusmodi eruditionem ad divinorum intelligentiam paratior veniet. Si autem hæcularia quæ negotia per eam agere voluerit, ad hoc ipsam utilissimam habebit. (Ex *Isidoro*.) Jubet quoque masculos occidi Pharaonem, et feminas vivere : sic et diabolus, ne robur fidei prævaleat, conatur ut interfectis virtutibus, vitia maneant : fortissimosque et viriles animi sensus, unde cœlestia rapimus et divina, id est rationem, prudentiam, innocentiam et fidem in homine occidere festinat ; et illud in eo vivificare, quod femineum, quod imbecillum et fragile, et primum ad vitia cernitur ; id est, ambitionem, vinolentiam, libidinem, iracundiam, crudelitatem, furorem, et cætera his similia, quæ in seminarum figura sunt. Timuerunt autem obstetrices Deum, et non fecerunt juxta præceptum regis *Ægypti*, sed conservabant mares, quibus ad se accersitis, rex ait : *Quidnam est hoc, quod facere voluistis, ut pueros servaretis ? Quæ responderunt : Non sunt Hebrææ sicut *Ægyptiæ* mulieres. Ipse enim obstetricandi habent scientiam : et priusquam veniamus ad eas, partunt. Bene ergo fecit Deus obstetricibus, et crevit populus confortatusque est nimis : et quia timuerunt obstetrices Deum, edificavit illis domos.* (Ex *Augustino*.) Quæri solet, utrum talia mendacia approbata sint auctoritate divina, quandoquidem scriptum est Deum benefecisse obstetricibus ; sed utrum pro misericordia ignoscebat mendacio, an et ipsum mendacium dignum præmio judicabat, incertum est. Aliud enim faciebant obstetrices vivi-

ficando infantes parvulo ; aliud Pharaoni mentiendo. Nam in illis vivificandis, opus misericordiæ fuit ; mendacio vero illo pro se utebantur, ne noceret illis Pharaonem : quod potuit non ad laudem, sed ad veniam pertinere. Neque hinc auctoritatem ad mentendum esse propositam mihi videtur, in qua magis recompensatione noscitur quid mendacii culpa mereatur. Nam benignitatis eorum merces quæ est in æterna vita potuit retribui, pro admissa culpa mendacii in terrena est recompensatione declinata ; ut in vita sua quam mendacio tueri voluerunt, ea quæ fecerunt bona receperunt, et ulterius quod exspectarent mercedis suæ præmium, non haberent. Præcepit autem Pharaonem omni populo suo dicens : *Quidquid masculini sexus natum fuerit, in flumen projicite ; quidquid feminei reservate.* Videte quod princeps hujus mundi populo suo præceperit, scilicet ut nostros infantes rapiant, et in flumen projiciant. Unde considera, o homo, quid tibi immineat postquam natus fueris, imo renatus. Illud utique, quod in Evangelio legitur : ubi de baptismo Domini commemoratur. *Jesus, inquit, ut ascendit de baptismo, ductus est ab Spiritu in desertum, ut tentaretur a diabolo* (Matth. 4). Hoc ergo tibi imminet, ut aquis salutaribus mundatus et novus homo effectus, insidias et tentationes perferas diaboli et ministrorum ejus ; quibus hoc voti est, ut quidquid masculini ac præcipui gignas operis, aquis submergant. De quibus aquis Propheta dicit : *Quia intraverunt aquæ usque ad animam meam* (Psal. LXXVIII). Quid ergo dabimus tibi consilii, nisi ut masculum natum, tribus mensibus more Levitæ elegantem occultes infantem : ne hostis illum rapiat et interficiat ? Verbi gratia, si facias eleemosynam, quia opus Dei est, masculum generas, sed si ita facis ut hominibus innotescas, ab *Ægyptiis* rapitur eleemosyna tua, et aquis spiritualibus submergetur. Vide ergo ne obliviscaris præcepti Domini, quod tibi mandat : *Cum fecis eleemosynam, nesciat sinistra tua quid faciat dextera tua ; ut sit eleemosyna tua in abscondito ; et Pater tuus, qui videt in abscondito, reddet tibi* (Matth. 6). Sic et de jejunio et de oratione, et cæteris spiritualibus artibus nobis faciendum est, ne forte perdamus fructum laboris nostri, et dicat de nobis Dominus : *Amen, amen dico vobis, receperunt mercedem suam* (Ibid.).

## CAPUT III.

*De nativitate Moysi, et ejus expositione in flumine.*

Egressus est post hæc vir de domo Levi, et accepit uxorem stirpis suæ, quæ concepit et peperit filium ; et videns eum elegantem, abscondit tribus mensibus. Cumque jam celare non posset, sumpsit fascellam scirpeam, et linivit eam bitumine ac pice, posuitque intus infantulum, et exposuit eum in carecto ripæ fluminis, stante procul sorore ejus, et considerante eventum rei. Ecce autem descendebat filia Pharaonis, ut lavaretur in flumine : et puellæ ejus gradiebantur per crepidinem alvei. Quæ cum vidisset fascellam in papyrione, misit unam e famulis suis ; et illatam aperiens cernensque in ea parvulum vagientem, misertam

ejus alio: *De infantibus Hebræorum est. Cui soror* A  
*pueri? Vix inquit, ut vadim, et vocem tibi Hebræam*  
*ostenderem, quæ nutriti possit infantulum? Respondit*  
*ibi: Vade! Patrexit: puella, et vocavit matrem ejus: Ad*  
*quam locuta filia Pharaonis: Accipe, ait, puerum ist-*  
*um: et nutri mihi: ego tibi dabo mercedem tuam.*  
 Suscepit mulier et nutriti puerum, adultamque tra-  
 didit: filia Pharaonis; quem illa adaptavit in locum  
 filii, vocavitque nomen ejus Moyses, dicens: *Qui de*  
*aqua tulit eum (Exod. 11).* Hinc apud Josephum taliter  
 scriptum reperitur. Metuens autem Amramis, ne  
 captus regis iræ succumberet, et ipse cum puero  
 deperisset, et Dei providentiam excluderet, delibera-  
 vit potius hoc modo pueri consulere salutem, providen-  
 tiamque latendi hanc esse indicavit. Vas rotundum  
 æræ vimine complicitum, velut alveoli magnitudinæ B  
 præpararunt, quod sufficere ut infans ibi spatiosè  
 hæceret: deinde unxerunt illud bitumine. Natura  
 enimque bituminis est, ut in viminalibus vasculis ac-  
 cessum positæ coerceat. Illic ergo mittentes infan-  
 tem et circa fluvium ponentes, ejus salutem Deo re-  
 liquerunt. Thermothe igitur erat filia regis, hæc  
 dum luderet circa litus fluminis, portari a fluvio  
 allatæ vas conspicens, præcepit ut ad se ille alveus  
 portaretur. Venientibus autem qui ad hoc fuerant  
 destinati cum alveo, videns infantem, valde gavisæ  
 est propter magnitudinem et speciem ejus. Tanto  
 anim studio, Deus circa Moysen usus est, ut ab ipsis  
 quæ propter ejus nativitatem decreverant inferire  
 quæ genus Hebræorum, alimento et cura dignus ha-  
 beretur. Jussitque mulierem adduci Thermothe regis C  
 filia, quæ daret infanti mamillam. Quo non accedente  
 ad illius ubera, sed evitante, et hoc in multis mu-  
 lieribus faciente, Maria assistens his quæ fiebant,  
 non quasi videretur ex operibus ei inter alios aptare,  
 ait: Frustra, o regina, hæc mulieres ad nutrimentum  
 infantis vocas, quæ nullam ad eum coactionem ha-  
 bent. Si vero quasdam Hebræarum mulierum ad-  
 alvei præceptoris, patris tanquam contribulis sue po-  
 terit, ubera accipere. Cumque putaretur bene dixisse,  
 jussit hanc inquam, ut aliquam quæ lactare eum possit  
 adduceret. Illa vero accepta hujusmodi potestate,  
 reversa est ad matrem nulli cognitam, infansque  
 grate quodammodo ejus accessit ad ubera, et sup-  
 plicante regina, commissam est ei cum omni dili-  
 gentia pueri nutrimentum: cui secundum eventum D  
 annorum nomen impositum est, eo quod de flumine sit  
 salvatus. Aquam enim *mas* Egyptii vocantes, is vero  
 salvatus componentes, itaque hæc ex ambobus,  
 Moyses ei nomen imposuerunt, id est, ex aqua salva-  
 tus. Parentes Moysi, quorum fidem et opera lex na-  
 turalis decorabat, patriarchæ sunt, a quibus ipse  
 Moyses et illi qui legem literæ acceperunt, nati sunt.  
 Tribus ergo mensibus Moyses in domo parentum na-  
 tus occullatur, cum lex vetus tribus temporibus in  
 Judaica plebe ante adventum Christi lateret, hoc est  
 sub iudicibus, sub regibus, sub sacerdotibus, donec  
 venit ipse qui legem dedit, et per totam mundi lati-  
 tudinem spiritualiter eam observandam gentibus tra-

didit. Filia autem Pharaonis Ecclesia est, ex genti-  
 bus congregata, quæ quamvis nunc vero gaudeat  
 parente, hoc est Deo Patre, tamen antea alium  
 quando idolis serviebat, secuta est patrem: de quo  
 per divinum vocem in psalmo ad ipsam dictum est,  
*Audi, filia, et vide, et inclina aurem tuam, et obliv-*  
*escere populum tuum, et domum patris tui (Paul. XLIV).*  
 Hæc ergo exivit de domo patris, et venit baptizari ut  
 lavaretur a peccatis, quæ contraxerat in domo pa-  
 tris sui, veniensque ad baptismum suscepit legem:  
 quæ tamen lex intra scissellam tanquam scissellam  
 ex multis virgulis sive ex papyro contexta, ac limba  
 pioe et bitumine: quia vilibus atque et terrestribus  
 Julæarum sondebat septa traditionibus, usqueque  
 Ecclesia ruperat illam de palustribus, et luteis locis  
 carnalium sensuum, et in terra sapientia veræ, aulæ,  
 et regalia tecta conscribat. Hæc infantiam suam  
 apud suos transegit: apud illos scilicet, qui spiri-  
 tualiter eam intelligere nesciebant parvula et lactan-  
 dium siens cibi. Cum vero ad Ecclesiam venit, et  
 per eam rite intellecta est, fortiori efficitur. (*Ex Is-*  
*idoro*) Quid igitur est, quod mercedem accepit illa,  
 quæ puerum nutrebat, a filia Pharaonis, nisi quod  
 Synagoga apud quam lex nata et nutrita erat, ab  
 Ecclesia istam mercedem accepit, ut illa idola non  
 coleret, videns eos qui ex gentibus crediderant, ita  
 conversos ad Dominum, ut penitus respuerent si-  
 mulacra, et ultra non colerant, ipsa quoque doceret  
 non ambescere idola colere. Aliter, Moyses ad ripam  
 fluminis expositus reperitur, cum Dominus cujus  
 G Moyses typum induerat, ad flumen lavacri et aquam  
 baptismatis, a credentibus invenitur. Plorabat in-  
 fans, quia Christus veteris hominis quem induerat  
 peccata deflebat. Hæc et ad resuscitandum Lazarum  
 flevit Judæorum deplorans perfidiam. Filia Phara-  
 nis descendens ad lavacrum fluminis collegit infan-  
 tem: Ecclesia ex gentibus lavacri sacramentis sanctifi-  
 cationem desiderans, excipit Christum a Synagoga  
 carnali expulsam, quasi infantem, quia tunc  
 parvulus videbatur, eum in homine cognoscitur. A-  
 venit illa Moysen inclusum in vasculo quod ex mul-  
 tis ærestibus virgulis sit: invenit Christum. Ecclesia  
 reconditum in cordibus sanctorum, qui in unitatem  
 sui contexti, et multorum membrorum, omnes  
 in Christo unum corpus effecti sunt, et eum religio-  
 sa observatione suscipientes tuentur.

## CAPUT IV.

*De Moysæ, quomodo interfecit Egyptum, alterantem*  
*cum Israelita, et fuga ipsius in terra Madian.*

*In diebus illis postquam creverat Moyses, egressus*  
*ad fratres suos, vidit afflictionem eorum: et virum*  
*Egyptium percutientem quemdam de Hebræis fratri-*  
*bis suis. Cumque circumspexisset huc atque illuc, et*  
*nullum adesse vidisset, percussum Egyptium abscon-*  
*diti sabulo. Et egressus die altero, conspexit duos He-*  
*bræos rixantes, dixitque ei qui faciebat injuriam:*  
*Quare percussis proximum tuum? Qui respondit: Quis*  
*te constituit principem et iudicem super nos? Num*  
*occidere me tu vis, sicut occidisti heri Egyptium?*



**T**ITULUS *Moyſes et alii*: Quomodo patiens factum est verbum istud? (Erod. II.) [R. Augustino.] Quasi utrumque in ed laudabilis fuerit, quia hoc peccatum aduersus sicat solet abere terra etiam ante uisum uentura, quidam herbarum quoniam vis inuillium feracitate haurit, in omnia ipsam faciam iustificandam: quod ideo non videtur, quia nullam adhibere legitimam potestatem gerbat, nec acceptam diuinitus, nec humana societate ordinatam: tamen sicut Stephanus dicit in Actibus apostolorum, putabat intelligere fratres suos, quod per eum Deus daret illis salutem (Act. vi): ut per hoc testimonium videtur Moyſes, iam diuinitus adiuuatus, quod Scriptura eo loco tacet, hoc audere potuisse (Ex. Iul. d. 7.) Igitur Moyſes peregrinanti fratrem ab Egypto liberavit infirmam persequentem, inultum esse non ferens fratrem defendit, et eumdem Egyptum dedit in fugam: Agura facillime iniuriam nobis in hac peregrinatione diabulum, in Domino Christo nobis defensio occidi. Quod uero in sabulo arenam obruit interemptum, manifestum est ejus iam uirtutem praesentiam in eis latere, qui uoti habent stabile fundamentum. Unde et Ecclesiam Dominus in petra aedificat, et eos qui adiunt uerbum ejus et faciunt, comparat praudenti uirum qui aedificat domum suam super petram: ne tentationibus cadat et corrumpat illos autem qui audiunt et non faciunt comparat stolto aedificanti super arenam, ejus tentata domus, ruina efficit magnam. In eo autem quod rixantes duos Hebraeos Moyſes pacificare uoluit, Christi typum, ut quidam uolunt tenet: qui duorum populorum discordiam pacificare studens in semetipso, angulari uidelicet lapide consociavit atque coadunauit. Qui uero iniuriam fecit proximo, et reconciliatorem in honesto spernens repulit, Iudaicum populum demonstrat: qui praedicationem Christi uerbum reconciliationis ingratis suscepit. Hostias uero credentis populi semper fuit: sicut in Evangelio legitur, quod ex eo nato a Christo illuminato, maledixerunt ita dicentes: Tu discipulus ejus es: nos autem Moyſe discipuli sumus (Joan. ix). Et alibi: Noluerunt, inquit, hunc regnare super nos (Matth. xxvii).

#### CAPUT V.

**D**e Moyſe et uxore ejus, et quomodo apparuit ei Dominus in flamma ignis, in medio rabi, cum pasceret oves.

**A**uditique Pharaon sermonem hunc, et querebat occidere Moyſen. Qui fugiens de conspectu ejus, moratus est in terra Madian, et sedit juxta puteum. Erant autem sacerdotes Madian septem filiae, quae uenerunt ad hauriendam aquam, et impletis canalibus adhaerere cupiebant greges patris sui. Supervenere pastores, et eiecerunt eas. Surrexitque Moyſes, et defensus puellis, adhaeruit oves earum. Quae cum reuertissent ad Raquel matrem suam, dixit ad eas: Cur uelocius uenistis solito? Responderunt: Vir Aegyptius liberavit nos de manu pastorum: inasper et hausit aquam nobiscum, potumque dedit ouibus. At ille, ubi

est, inquit? Quare dimisit is hominem? Vocata enim est corredas panam. Inquit ergo Moyſes, quod habitaret cum illo, et reliqua. Fuga Moyſi, quae ab Egypto uelociter migravit in terram Madian, significat quod Redemptor noster diceret civitatem Iudaici populi, migravit in apostolis ad gentes, convocandas; ubi contradictionem primitus inuenit, postea deuotam obedientiam, quod bene exprimitur ipsa sermo. Aegyptus enim quae interpretatur tenebrae, significat tenebras mentium infidelium. Madian autem, contradictio uel responsio: demonstrans gentes primitum contradicentes euangelicae praedicationi. Unde et Simeon de Christo in Euangelio ad Madiam dixisse legitur. Inquit: erit in iudaeis et in gentibus multorum in Israel, et in signum cuius praedicatorum (Luc. ii). Postea pia deuotione et bonis operibus respondentes sibi: Sedit ergo Moyſes juxta puteum ad quem uenerant septem filiae sacerdotum Madian ad hauriendam aquam, ut adhaerent greges patris sui. Quibus aduersabant pastores, sed Moyſes defensus puellis, adhaeruit oves earum. Sic et Redemptor noster praesens scientiae legis seu sapientiae mundanae uenientibus ad se septem ecclesiis de domo diaboli, impendit doctrinam spiritualem, qua possent sensus cordis sui refocillare, et sibi obedientibus potum uiae tribuere; falsosque pastores, hoc est philosophos seu idolorum sacerdotes, a lesione earum compescit. Quod autem Raquel admiratus est filius suas uelocius solito uenisse, significat stuporem diaboli de ueloci conversione gentium ad fidem Christi: quia promptiores fuerunt ad obedientiam Evangelii, pro qua etiam mori parati erant: quam unquam in ejus cultu uel idololatria existerent. **A**cepto ergo Moyſes unam de septem filiabus Raquel, qui interpretatur pastio Dei: etre amicus ejus Deus, uelut Sephoram, quae interpretatur palchritudo sive placens; quae genuit ei filium quem uocauit Gersoni, quod interpretatur aduenat. Peperit et alterum, qui uocatus est Eliezer, et interpretatur Deus metis adiutor, eum Redemptor noster de gentium populo Ecclesiam septiformem spiritali conjugio sibi copulauit; quae licet muneris Spiritus sancti septiformis sit; tamen una est in fide catholica, de qua in Cantico canticorum dicit: Una est columba mea; electa genitricis suae (Cant. vi). Haec unam genuit filium, qui uocatur advena, et alterum qui uocatur Dei adiutorium: quae nomina bene conueniunt populo Christiano; ex circumcisione et praepatio conuocato. Advena enim sunt; qui in incolatu Iudae mundi caelesti patria modo peregrinantur, sed tamen Dei adiutorio nunquam carebunt. **P**ost multum tempus mortuus est rex Aegypti: et ingemiscerunt filii Israel propter opera uociferati sunt. Ascenditque clamor eorum ad Deum ab operibus; et audiuit gemitum eorum, ac recordatus est Ieders quod pepigerat cum Abraham, Isaac et Jacob. Respexit ergo Dominus filios Israel, et cognouit eos. Postquam ergo Moyſes in terra Madian uxorem suscepit, mortuus est rex Aegypti, quia postquam Christus in toto orbe terrarum

rum per Evangelium gentes ad fidem convocavit, destructus ac minoratus est principatus diaboli qui per idololatriam captivum antea tenebat mundum. *Et ingemiscetes filii Israel propter opera vociferati sunt*, cum credentes ex carnis corruptione dolebunt, et ex peccati contagione lacrymas pœnitentiæ ad pias aures Conditoris emittunt. De quibus merito dicitur quod ascendit clamor eorum ad Deum ab operibus, et audivit gemitum eorum ac recordatus est fœderis quod pepigerat cum Abraham, Isaac et Jacob : quia oculi Domini super justos et aures ejus ad preces eorum, et ex omnibus tribulationibus eorum liberavit eos. *Moses autem pascebat oves Jethro cognati sui, sacerdotis Madian. Cumque minasset gregem ad interiora deserti, venit ad montem Dei Oreb : apparuitque ei Dominus in flamma ignis de medio rubi, et videbat quod rubus arderet et non combureretur (Exod. iii).* Moses admistus Ægyptiis quasi vigilabat, idcirco vocem Domini in Ægypto positus non audiebat; sed extincto Ægyptio postquam in desertum fugit, illic dum xl annis deguit, quasi ab inquietis terrenorum desideriorum tumultibus obdormivit; atque idcirco divinam vocem percipere meruit, quia per supernam gratiam quanto magis ab appetendis exterioribus torpuit, tanto verius ad cognoscenda interiora vigilavit. Cum enim ab externis actionibus mens sopitur, tunc verba Dei veracius penetrat; cum ad se admittere curavit, sæcularium tumultus refugit. Male autem homo vigilat, quando cum sæcularium negotiorum æstus insolenter inquietat.

Aures quippe cordis terrenarum cogitationum turba dum perstrept, claudit; atque in secretario mentis quanto minus curarum tumultuantium sonus compescitur, tanto amplius vox præsentis iudicis non auditur. Neque enim perfecte homo sufficit ad utraque divisus : sed dum sic interius erudiri appetit ut tamen exterius implicetur, unde tamen exterius auditum appetit, inde interius non obsurdescit. Apparuit in rubo Dominus Moysi, mittens eum ad gentem quam præciebat iniquam futuram : et erat flamma in rubo, id est in spinis, et rubus non cremabatur. Rubus spinæ sunt peccatorum Judaicorum, flamma in rubo verbum Dei. Quod ergo illis lex data est, flamma erat in rubo; quod lege data non sunt consumpta peccata, nec rubus sub igne cremabatur. (*Ex Isidoro.*) Alii in rubo flammante, et non urente, Ecclesiam intelligunt inflammari persecutionibus; et eam loquente in illa Domino non perire. Quod vero Dominus Moysi in eodem rubo apparuisse legitur, ostendit non alibi quam in Ecclesia cum credentibus apparere, quia nullus dignus consistere, vel Deum videre potest, nisi qui cuncta terrena et mortalia deposuerit vitia, quod significabant illa Moysi calceamenta deposita. Unde sequitur : *Cernens autem Dominus quod pergeret ad videndum, vocavit eum de medio rubi, et ait, Moses, Moses. Qui respondit : Adsum. At ille : Ne appropies, inquit, huc. Solve calceamentum de pedibus*

*tuis : locus enim in quo stas, terra sancta est. Habet quippe et aliam figuram id quod Moyses excalceari jubetur. Veterum namque consuetudo erat ut si sponsum sponsa repudiare vellet, discalcearetur ille, et hoc esset signum repudii. Proinde Moyses excalceari jubetur, ne ad Ecclesiam, quæ in rubo significabatur, quasi sponsus calceatus accederet. Hoc enim Christo servabatur, qui verus sponsus erat, de quo dicit Joannes : Cujus non sum dignus solvere corrigiam calceamenti (Matth. iii); utique sicut dictum est Josue et Moysi. Hebræi autem dicunt propterea in rubo apparuisse Deum Moysi et non in alio ligno, ne forte exculperent in eodem Judæi idolum. Semper enim Deus abstulit occasionem idololatriæ. Sequitur : Ego sum ; inquit, Deus patris tui, Deus Abraham, Deus Isaac, Deus Jacob. Hinc ostenditur quod præcedentia facta bonorum parentum sæpe adjuvant merita filiorum, quia amor quem ipsi fide et bonis operibus a Deo promeruerunt, redundat in filios. Unde Israelitæ sæpe de angustiis ob merita patrum meruerunt liberari; et in libro Regum seu Paralipomenon scriptum est quod Dominus dixerit Salomoni peccanti : Quia habuisti hoc apud te, et non custodiisti pactum meum, et præcepta mea, quæ mandavi tibi, dirumpens scindans regnum tuum, et dabo illud servo tuo : verumtamen in diebus tuis non faciam, propter David patrem tuum. De manu filii tui scindam illud; nec totam regnum auferam, sed tribum unam dabo filio tuo, propter David servum meum : et Jerusalem, quam elegi (II Paral. ix).*

C Item Ezechie duci populi mei : Hæc dicit Dominus Deus patris tui David : Audivi orationem tuam, et vidi lacrymam tuam : ecce sanavi te, etc. (IV Reg. xx).

#### CAPUT VI.

*De eo quod jubet Dominus Moysi descendere in Ægyptum ad Pharaonem, ut dimittat Israelitas a terra Ægypti; et de signo virgæ in serpentem versæ et manu leprosa.*

*Abcondit Moyses faciem suam. Non enim audebat respicere contra Deum. Cui ait Dominus : Vidi afflictionem populi mei in Ægypto et clamorem ejus audivi, propter duritiam eorum, qui præsumunt operibus : et sciens dolorem ejus, descendendi ut liberarem eum de manibus Ægyptiorum et educerem de terra illa in terram bonam et spatiosam, in terram quæ fuit lacte et melle, ad loca Chanaanæ, Ethæi, Amorrhæi, Pherezæi et Evar et Jebusei. Clamor ergo filiorum Israel venit ad me, et ridique afflictionem eorum quæ ab Ægyptiis opprimuntur. Sed veni, mittam te ad Pharaonem, ut educais populum meum filios Israel de Ægypto (Exod. iii).* Quod plebi Israeliticæ Chanaan terra promittitur, considerandum est quod præsentis vitæ prosperitas aliquando idcirco datur, ut ad meliorem vitam provocet; aliquando vero, ut in æternum plenius damnet. Hinc est enim quod plebi Israeliticæ Chanaan terra promittitur, ut quandoque ad æterna speranda provocaretur. Neque enim rediis ille populus promissionibus Dei in lon-

gingno crederet, si a promissore suo non etiam e vicino aliquid percepisset. Ut ergo ad æternorum fidem certius roboretur, nequaquam solummodo spe ad res, sed rebus quoque ad spem trahitur, quod liquido Psalmista testatur dicens: *Dedit eis regiones gentium, et labores populorum possederunt, ut custodiant justificationes ejus et legem ejus exquirant* (Psal. civ). Rudi enim populo etiam de præsentī vita aliquid promittendum fuit, ut possint robustius in futuro solidari. Carnalis populus si parva non acciperet, magna non crederet. Omnipotens ergo Deus largiendo terrena suadet ad cœlestia, ut percipiens quod videret, sperare disceret quod minime videbat; et tanto certior de invisibilibus fieret, quanto eum ad spel certitudinem visibilia promissa fulcirent. (Ex Augustino.) Quod autem dicit se eos introducturum in terram fluentem lacte et melle, quæritur utrum terram fluentem lacte et melle spiritualiter accipere debeamus, quia secundum proprietatem non hæc erat illa quæ data est populo Israel; an locutionis est modus, quid ad laudem ubertatis et suavitas referatur. Ait Moyses ad Deum: *Ecce ego vadam ad filios Israel et dicam eis: Deus patrum vestrorum misit me ad vos. Si dixerint mihi, Quod est nomen ejus, quid dicam eis? Dixit Deus ad Moysen, Ego sum qui sum. Ac sic dices filiis Israel, Dominus Deus patrum vestrorum, Deus Abraham, Deus Isaac, Deus Jacob, misit me ad vos. Hoc nomen mihi est in æternum.* Beatus Hieronymus scribens ad Marcellam de nominibus Dei, sexto loco ponit nomen *Escher eheie*, אֶשְׁרֵי אֱהִיֶה, quod in Exodo legitur: *Qui est, misit me.* Deus enim solus, qui exordium non habet, essentialiter nomen vere tenet, et hoc enim nomen ad sanctum Moysen per angelum est delatum. Quærenti enim quod esset nomen ejus qui cum pergere præcipiebat ad populum ex Ægypto liberandum, respondit: *Ego sum qui sum, et dices filiis Israel: Qui est, misit me ad vos.* Tanquam in ejus comparatione qui vere est, eo quod incommutabilis est, ea quæ commutabilia facta sunt quasi non sint. Quod enim dicitur fuit, non est; et quod dicitur erit, nondum est. Deus autem tantum est; non novit fuisse, et futurum esse non novit. Solus autem Pater cum Filio et Spiritu sancto veraciter est; cujus essentialiter comparatum esse nostrum, non esse est. Unde et in colloquio dicimus: *Vivit Deus, qui essentialiter vita vivit quam mors non habet. Ingraderisque tu, et seniores Israel ad regem Ægypti, et dices ad eum: Dominus Deus Hebræorum vocavit nos. Ibinus viam trium dierum per solitudinem, ut inveniamus Domino Deo nostro. Sed ego scio quod non dimittet vos rex Ægypti ut eatis, nisi per manum validam. Extendam enim manum meam, et percussiam Ægyptum in cunctis mirabilibus meis quas facturum sum in medio eorum, et post hæc dimittet vos. Quod autem Dominus Moysen ad Pharaonem misit, ad castigandam contumaciam ejus, et postremo ad interfocionem illius, significat Dominum legem fuisse missurum ad destruendum principatum dia-*

boli, et humanum genus a cultura ejus abstrahendum; et sicut non Moyses, sed Dominus populum liberavit de servitute Ægyptiorum, sic non lex mundum, sed Christus, sua passione et resurrectione, a laqueo mortis liberavit. (Ex Gregorio.) Tunc namque Moyses ad vocandum missus est, cum jam Pharo duris operibus ad opprimendum fuerat exercitus, ut Israelitarum mentes, Ægypto deformiter inhærentes, alius dum vocaret, quasi traheret; alius impelleret dum sæviret; et plebs in servitio turpiter fixa, vel provocata bonis, vel malis impulsamoveretur. Hoc quotidie agitur, dum de prædicatis cœlestibus præmiis, sævire in electis reprobi permittuntur; ut si ad promissionis terram vocati exire negligimus, pressuris saltem sævientibus impellamur: atque hæc Ægyptus, videlicet vita præsens, quæ nos oppræsserit blandiens, adjuvet premens; et quæ dum fovens servitutis jugum contrivit, libertatis viam, dum cruciat, ostendat. Hæc itaque causa est quod ab injustis Justī permittuntur affligi, ut scilicet dum futura audiunt bona quæ cupiant, patiantur etiam mala præsentia, quæ perhorrescant, atque ad faciliorem exitum, dum amor provocat, cruciatus impellat. *Daboque gratiam populo huic coram Ægyptiis; et cum egrediemini, non exibitis vacui: sed postulabit mulier a vicina sua, et ab hospita sua, vasa argentea et aurea ac vestes: ponetisque eas super filios ac filias vestras, et spoliabitis Ægyptum.* (Ex Augustino.) Quod mandavit Dominus Hebræis per Moysen, ut acciperent ab Ægyptiis vasa aurea et argentea et vestem, atque addidit, et prædabimini eos, mandati hujus non potest Injustum esse judicium. Mandatum enim Dei est, de quo non judicandum, sed ei obtemperandum fuit. Ille enim novit, quam juste mandaverit; ad servum autem pertinet obedenter facere quod mandavit. Respondens Moyses ait: *Non credent mihi neque audient vocem meam, sed dicent: Non apparuit tibi Dominus.* Dixit ergo ad eum: *Quid est quod tenes in manu tua? Respondit, Virga. Ait: Projice eam in terram. Projecit, et versa est in colubrum, ita ut fugeret Moyses. Dixitque Dominus, Extende manum tuam, et apprehende caudam ejus. Extendit et tenuit, versaque est in virgam* (Exod. iv). Quis per Moysen, nisi Judaicus populus, et quid per virgam nisi potestas Divinitatis? Quid per serpentem nisi mortalitas nostri Redemptoris exprimitur? Quia enim per serpentem mors, recte mortalitas in serpente signatur. Vel certe cum scriptum sit. Estote ergo prudentes sicut serpentes (Matth. x), et quia ipsa summa prudentia, id est Dei sapientia, incarnari dignata est, recte ejus mortalitas in serpente figuratur. Unde et in Evangelio de passione sua loquitur dicens: *Sicut Moyses exaltavit serpentem in deserto, ita exaltari oportet filium hominis* (Joan. iii). Moyses ergo virgam tenuit, quia Judaicus populus ante Redemptoris adventum in divina potestate confixus est, sed virgam in terram projecit, quia idem populus per patriarchas ac prophetas Deum incarnandum esse

nuntiavit. Virga vero in colubrum vertitur, quia Redemptor noster Deus in se permanens, mortalis inter homines factus est. Sed Moyses colubrum conspiciens, pertimuit et fugit, quia Judaicus populus, dum Redemptorem humani generis mortalem vidit, Deum credere expavit. Cui jubetur ut colubrum cauda teneat, quia perfidus ille populus, qui modo credere recusat, in extrema parte Dominici corporis, id est, posteriore tempore sanctæ Ecclesiæ, videlicet in fine mundi, sese ad fidem recolliget, ut colubrum cauda teneat, quia eum, quem mortalem ante despexerat, Redemptorem suum in ultima jam parte Ecclesiæ constitetur. Sed mox serpens in virgam redit, quia statim ut Judaicus populus in Redemptore nostro crediderit, idem redemptor noster ad iudicium in potestate suæ divinitatis apparebit, ut etiam serpens virga sit: quia is qui in terra homo despectus est, de cælo veniens, super angelos videbitur Deus. (Ex Isidoro.) Aliter: Virga in serpente, Christus in morte, et tamen expavit et fugit Moyses. Quid est ab illo serpente fugisse Moysen, nisi quod legitur in Evangelio factum, mortuus est Christus, et apostoli expaverunt, et ab illa spe in qua fuerant recesserunt? Sed quod dictum est, *apprehende caudam ejus*, quid est nisi posteriora? Hoc significavit, posteriora mea videbis. Primo enim factus est serpens, sed cauda apprehensa, facta est virga, quia primum occisus est, postea peractis omnibus, ad id quod fuerat resurgendo reversus est, ubi per vitæ reparationem morte consumpta, nihil in eo serpentis apparuit. Est etiam in cauda serpentis sæculi finis, quia sic mortalitas Ecclesiæ, quæ corpus ejus est, per lubrica tempora volvitur: alii eunt, alii veniunt per mortem. Tanquam per serpentem mors seminata est, sed sine novissimo, velut cauda sæculi, redimus ad manum Dei, atque apprehensi separabimur, et novissima inimica morte destructa, resurgentes, in dextera Dei, virga regni erimus. *Dixitque Dominus rursus: Mitte manum tuam in sinum tuum. Quam cum misisset in sinum, protulit leprosam instar nivis. Retrahe, ait, manum in sinum tuum. Retrahit et protulit iterum, et erat similis carni reliquæ. Si non crediderint, inquit, tibi, neque audierint sermonem signi prioris, credent verbo signi sequentis. Quod si nec duobus quidem his signis crediderint, neque audierint vocem tuam, sume aquam fluminis, et effunde super aridam: et quidquid hauseris de fluvio vertetur in sanguinem.* Albor enim in cute lepra est, non candor. Ipsa enim hæreditas Dei, id est populus ejus, foras ab eo missus, immundus factus est, sicut scriptum est de ea: *Ut quid avertis faciem tuam, et dexteram tuam de medio sinu tuo?* (Psal. lxxiii.) Sed quid aliud ait? *Revoca eam in sinum tuum: Revocavit, et reversa est ad colorem suum.* Sic et plebs Judæa nunc aliena est a sinu Dei, et foris immunda remansit: sed revocat eam et redit ad pristinum colorem, dum agnoverit Dominum Salvatorem. Nunc enim cæcitas ex parte contigit in Israël, donec plenitudo gentium intraverit, et sic

A omnis Israel salvus fiet. Deinde aqua missa in terram a Moysse vertuntur in sanguinem, id est populi in sanguine Christi et fide. *Aqua enim, ait, Apocalypsis, quas vidisti, populi sunt et gentes* (Apoc. xviii).

## CAPUT VII.

*De reversione Moysi in Ægyptum, et angeli occurrentis in via.*

*Ait Moyses: Obsecro, Domine, non sum eloquens aheri et nudius tertius: et ex quo locutus es ad servum tuum, impeditioris et tardioris lingue sum* (Exod. iv). [Ex Augustino.] Quod ait Moyses ad Dominum, *precor Domine, non sum eloquens ante hesternum, neque ante nudius tertianum diem, neque ex quo cœpisti loqui famulo tuo, intelligitur credere posse fieri Dei voluntate, subito eloquentem, cum dicit: neque ex quo cœpisti loqui famulo tuo; tanquam ostendens fieri potuisse, ut ante hesternum et nudius tertianum diem, qui eloquens non fuisset, repente fieret, ex quo cum illo Dominus loqui cœpit. Dicit Dominus ad eum: Quis fecit os hominis, aut quis fabricatus est mutum et surdum, videntem et cæcum, nonne ego?* Sicut qui Deo calumniantur, vel Scripturæ potius Veteris Testamenti, quia dixerit Deus quod ipse fecerit cæcum et mutum. Quid ergo dicunt de Domino Christo aperte in Evangelio dicente: *Ego veni, ut qui non vident videant, et qui vident cæci fiant?* (Joan. ix.) Quia autem nisi insipientes, crediderit aliquid homini secundum vitia corporalia posse accidere quod Deus nolit? sed eum juste totum velle nemo ambigit. *Perge igitur, et ego ero in ore tuo, doceboque te quid loquaris.* Quod Dominus dicit ad Moysen: Sed nunc vade tu, et ego aperiam os tuum, et instrua te, quæ locuturus es; satis hic apparet, non tantam instructione oris, sed ipsam etiam apertitionem, ad Dei voluntatem et gratiam pertinere. Non enim ait: Tu aperi os tuum, et ego instrua te: sed utrumque ipse permisit, *Aperiam, et instrua.* Alibi autem dicit in psalmo. *Dilata os tuum et adimplebo illud* (Psal. lxxx): ubi significat in homine voluntatis accipiendi quod Deus donat volenti; ut ad voluntatem exordium pertineat, *dilata os tuum, ad Dei gratiam, et adimplebo illud:* hic vero, et *aperiam os tuum et instrua te.* At ille: *Obsecro, inquit, Domine, mitte quem missurus es. Iratus Dominus in Moysen ait: Aaron frater tuus Levites, accio, quod eloquens est. Ecce ipse egredietur in occursum tuum, videntemque te, lætabitur corde. Loquere ad eum et pone verba mea in ore ejus. Ego ero in ore tuo et in ore illius, et ostendam vobis quid agere debeatis. Ipse loquetur pro te ad populum, erit os tuum: tu autem eris ei in his, quæ ad Deum pertinent. Virgam quoque hanc sume in manu tua: in qua facturus es signa.*

(Ex Augustino.) Quemadmodum posset intelligi irascens Deus. Quia non sicut homo per irrationabilem perturbationem, per omnia tenendum est, ubi tale aliquid Scriptura dicit ne de hoc eadem sæpe dicenda sint. Sed merito queritur cur hic iratus de fratre Moysi dixerat, quod ipse illi loqueretur ad populum. Videtur enim tanquam diffidenti non dedisse plebi-

simam facultatem quam daturus erat, et per duos  
 agi voluisse quod et per unum posset si credidisset.  
 Verumtamen, eadem verba omnia diligentius consi-  
 derata, non significant iratum Dominum pro vindicta  
 dedisse Aaron. Sic enim dicit: *Nonne ecce Aaron*  
*frater tuus (Levites, scia quia eloquens est, loquetur*  
*ipse? Quibus verbis ostenditur Deus increpasse potius*  
*eum qui timeret ire, quod ipse esset minus ido-*  
*neus, cum haberet fratrem per quem posset ad popu-*  
*lum loqui quod vellet; quomodo erat ipse gracillius*  
*voeis et lingue tardioris, quanquam de Deo totum*  
*spere deberet. Deinde eadem ipsa quae paulo ante*  
*promiserat; et posteaquam iratus est, dicit. Dixe-*  
*rat enim: Ego ero in ore tuo: doceboque te quid loqua-*  
*ris; sive ut in aliis exemplaribus habetur, Ego aper-*  
*iam os tuum, et instruam te. Nunc autem dicit, B*  
*Ego ero in ore tuo, et in ore illius: sive, aperiam*  
*os tuum et os ejus, et instruam vos quae faciatis. Sed*  
*quomodo addidit et loquetur ipse tibi ad populum,*  
*videtur oris apertio praestita, propter quod dicit*  
*Moses, lingue se tardioris. De vocis autem gracili-*  
*tate, nihil ei praestare Dominus voluit, sed propter*  
*hoc adiutorium fratris adunxit, qui posset ea uti*  
*voce quae populo docendo sufficeret. Quod autem ait,*  
*et dabis verba mea in os ejus, ostendit quod ea lo-*  
*quendo esset daturus. Nam si tantummodo audiendo*  
*sicut populo, in aures diceret. Deinde quod paulo*  
*post ait, et loquetur ipse tibi ad populum, et ipse erit*  
*tuum os, et hic subanditur, ad populum. Et cum*  
*dicit, tibi loquetur ad populum, satis indicat in Moy-*  
*se principatum, in Aaron ministerium. Deinde C*  
*quod ait: Tu autem illi eris quae ad Deum, magnum*  
*hic fortassis perscrutandum est sacramentum, cum*  
*in his figuram gereret velut medius Moses, inter*  
*Deum et Aaron, et medius Aaron inter Moysen et*  
*populum. Igitur quod dicit Moses se non esse elo-*  
*quentem ab heri et nudistertius, ex quo locutus*  
*est ad illum Dominus, sed tardioris atque impediti-*  
*oris lingue esse, ostendit quod omnes homines in*  
*comparatione divini verbi, non solum ineloquentes,*  
*sed et muti putandi sunt. Donec enim Moses fuit*  
*in Aegypto: non tarchum se lingua proficitur. Erat*  
*enim Aegyptiis eloquentia incomparabilis. Ubi cepit*  
*audire vocem Dei, tunc sensit se tardum esse lingua.*  
*Sed quia in id proficiebat, ut agnosceret semetip-*  
*sum, merito a Domino, audivit: Ego ero in ore tuo. D*

#### CAPUT VIII.

*De reversione Moysi in Aegyptum, et angeli occursum in via.*

*Tulit Moses uxorem et filios suos, et imposuit eos*  
*super asinum: reversusque est in Aegyptum, portans*  
*virgam Dei in manu sua. Dixitque ei Dominus rever-*  
*tenti in Aegyptum: Vide, ut omnia ostenta quae posui*  
*in manu tua, facias coram Pharaone. Ego indurabo*  
*cor ejus, et non dimittet populum (Exod. iv). Quo-*  
*modo ergo hic Dominus dicit, Indurabo cor ejus, et*  
*non dimittet populum, cum Apostolus taliter de eo*  
*referat dicens: Qui vult omnes homines salvos fieri,*  
*et ad agnitionem veritatis pervenire (1 Tim. ii)? Indu-*

rare ergo Dominus Pharaonem dicitur, non quod  
 ipse eum durabilem et inobedientem faciat, sed quod  
 induratum ne eum corrigat, justo iudicio derelin-  
 quat. Sequitur: *Dicesque ad eum, Haec dicit Dominus:*  
*Filius meus primogenitus Israel. Dixi tibi; Dimitte*  
*filium meum ut seruiat mihi; et noluisti dimittere*  
*eum. Ecce ego interficiam filium tuum primogenitum.*  
 Filium primogenitum Israel vocat: quia in patriar-  
 chis primus electus est, ad unius Dei fidem et noti-  
 tiam ac legem litterae praecipendam; postea quidem  
 per Evangelium gentes ad fidem Christi convocandae  
 erant. *Cumque esset in itinere in diversorio, occurrit*  
*ei dominus, et volebat occidere eum. Tulit illico Se-*  
*phora acutissimam petram, et circumcidit praeputium*  
*filii sui, tetigitque pedes ejus, et ait: Sponsus san-*  
*guinum tu mihi es, et dimisit eum postquam dixerat.*  
*Sponsus sanguinum tu mihi es, ob circumcisionem.*  
*Dixit autem Dominus ad Aaron: Vade in occursum*  
*Moysi in deserto. Qui perrexit ei obviam in montem*  
*Dei, et osculatus est eum. (Ex Augustino.) Primum*  
 quaeritur, quem volebat angelus occidere: utrum  
 Moysen, quia dictum est: *Occurrit ei angelus et*  
 quaerebat eum occidere. Nam cui putabitur occur-  
 risse, nisi illi qui universo suorum comitatu praebu-  
 it, et a quo caeteri ducebantur? an puerum qua-  
 rebat occidere, cui mater circumcidendo subvenit:  
 ut ob hoc intelligatur occidere voluisse infantem,  
 quia non erat circumcisus, atque ita sancire praec-  
 ceptum circumcisionis severitate vindictae? Quod  
 si ita est, incertum est prius, de quo dixerat: *Quae*  
*rebat eum occidere, quia ignorabatur quem, nisi ex*  
 consequentibus reperitur. Mira sane locutio et in-  
 usitata, ut prius diceret, *occurrit ei et quaerebat eum*  
*occidere, de quo nihil ante dixerat. Sed talis est in*  
 psalmo: *Fundamenta ejus in montibus sanctis: dili-*  
*git Dominus portas Sion (Psalm. LXXXVI).* Inde enim  
 psalmus incipit: nec aliquid de illo vel de illa di-  
 xerat, cujus fundamenta intelligi voluit dicens:  
*Fundamenta ejus in montibus sanctis. Sed quia*  
 sequitur *diligit Dominus portas Sion, ergo funda-*  
*menta vel Domini vel Sion, et ad faciliorem sensum,*  
 magis Sion, ut fundamenta civitatis accipiantur:  
 sic et hic nondum nominato infante dictum est:  
*Occurrit ei, et quaerebat eum occidere: ut de quo*  
 dixerat, in consequentibus agnoscamus; quanquam  
 et si de Moysa accipere quisquam voluerit, non est  
 magnopere resistendum. Illud potius quod sequitur,  
 si fieri potest, intelligatur quid sibi velit, ideo re-  
 cessisse angelum ab interfectione cujuslibet eorum,  
 quia dixit mulier: *Sponsus sanguinum tu mihi es ob*  
 circumcisionem, sive juxta alia exemplaria, *Stetit*  
*sanguis circumcisionis infantis.* Non enim ait re-  
 cessit ab eo propter quod circumcidit infantem; sed  
 quia stetit sanguis circumcisionis: non quia cucur-  
 rit, sed quia stetit magno, ni fallor, sacramento.  
 Secundum historiam vero mater gentilis novitatem  
 rei admirans, ignara praeccepti quod Abraham datum  
 est circumcisione, ad Moysen potuit dici, *Sponsus*  
*sanguinum tu mihi es: ac si diceret, ritus gentis tuae*

cogni, non sanguinem fundere filii mei ob circumci-  
sionem, quod aliis gentibus moris non est facere.  
Secundum mysterium autem Sephora typum tenet  
Ecclesie de gentibus quæ præputium filii sui, id  
est, populi gentilis, acutissima petra, hoc est, do-  
ctrina Spiritus sancti sive illa petra de qua dicit  
Apostolus: *Petra autem erat Christus (I Cor. x)*,  
docet expoliationem veteris hominis cum acibus  
ejus: ut mudent se ab omni inquinamento carnis  
et spiritus, perficientes sanctificationem in timore  
Dei. Tunc enim stat sanguis circumcisionis, quando  
absorbetur id quod mortale est a vita: et corruptibile  
hoc induerit incorruptionem. Tunc enim veraciter  
circumcisionis sacramentum finitur, quando jam  
ultra non licet peccare, nec pugnam carnis refrag-  
antis sustinere. (Ex Augustino.) Quod superius dic-  
tum est, quod Moyses uxorem et infantes suos im-  
posuit vehiculis, ut cum eis in Ægyptum pergeret,  
postea vero Jethro socer ejus, illi cum eis occurrit,  
scilicet post eductionem populi ex Ægypto, quæri  
potest quomodo utrumque sit verum. Sed intelli-  
gendum est, post illam quæ ab angelo futura erat,  
interfectione Moysi vel infantis, reversam fuisse  
cum parvulis. Nam quidam putaverunt propter hoc  
angelum terruisse, ne ad impedimentum mysterii  
quod divinitus impositum Moyses genebat, femineus  
sexus conpararetur.

## CAPUT IX.

*De egressu Moysi et Aaron ad Pharaonem.*

Post hæc ingressi sunt Moyses et Aaron, et dixerunt  
Pharaoni: *Hæc dicit Dominus Deus Israel: Dimitte  
populum meum, ut sacrificet mihi in deserto. At ille  
respondit: Quis est Dominus, ut audiam vocem ejus,  
et dimittam Israel? Nescio Dominum, et Israel non  
dimittam (Exod. v).* Superbiam diaboli contumaciam,  
Pharao suo sermone exprimit qui subdi Deo noluit,  
sed æqualem dixit se esse Altissimo, quia nisi per  
tormenta coactus, Deo non vult impendere: unde in  
Evanglio cum Deum tentaret, quasi dubitans de  
ejus divinitate ait: *Si Filius Dei es, dic ut lapides isti  
panes fiant (Matth. iv).* Sed post ea quasi ab ipso  
verberatus, quodammodo supplicationis vocem emit-  
tit, quam nisi coactus nequaquam expenderet. Scri-  
ptum est enim: *Clamaverunt hæmiones et dixerunt  
ad Deum: Quid voluisti ante tempus torquere nos?  
Solus te quia es Filius Dei (Matth. vii).* Ubi enim  
tormenta senserunt, scilicet Dominum quem ante  
flagella scire noluerunt. Sed et Pharao ante verbera  
nescire se Dominum dixit: post verbera autem pro  
se supplicare ad Dominum rogat. Sequitur: *Deus  
Hæmionum vocavit nos, ut eamus etiam triem dierum  
in solitudinem, et sacrificemus Domino Deo nostro, ne  
forte accidat nobis pestis aut gladius. Queritur quo-  
modo populo dicatur, quod mandavit Deus delecta-  
rum se eos de Ægypto in terram Chanaan, Pharaoni  
autem dicatur, quod triem dierum iter exire vellent  
in deserto immolare Deo suo ex mandato ejus.  
Sed intelligendum est, quamvis Deus sciret quid  
esset factururus, quomodo præsciebat non consensu*

rum Pharaonem ad populum dimittendum, illud  
primo dictum est quod etiam primitus fieret, si ille  
dimitteret. Ut enim sic fierent omnia quemadmodum  
consequens scriptura testatur, Pharaonis contuma-  
cia meruit et suorum. (Ex Isidoro.) Neque enim  
mendaciter Deus jubet quod scit non facturum cui  
jubetur, ut justum judicium consequatur. Mystice  
autem, quæ est in via trium dierum, quæ nobis in-  
cedenda est, ut exeuntes de Ægypto, pervenire  
possimus ad locum, in quo immolare debeamus?  
Via ista Christus est, qui dixit: *Ego sum via, ve-  
ritas, et vita (Joan. xiv)*. Quæ via triduo nobis in-  
cedenda est. Qui enim confessus fuerit in ore suo  
Dominum Jesum, et crediderit in corde suo quod  
Deus illum suscitavit a mortuis tertia die, salvus  
erit. Hæc est ergo tridui via per quam pervenitur  
in locum, in quo Domino inmoletur, et reddatur  
sacrificium laudis, sicut in consequentibus dicitur.  
*Abominationes, inquit, Ægyptiorum immolabimus  
Domino Deo nostro. Oves quippe Ægyptii edere  
dedignantur. Sed quod abominantur Ægyptii, hoc  
Israelitæ Deo offerunt: quia simplicitatem consci-  
entiæ quam sapientes hujus sæculi, hoc est, cives  
Ægypti quasi fatuitatem deputant, hanc justis Deo in  
sacrificium immolant: et per id Deo placere procu-  
rant, quod sæculo et mundo abjectum et contempti-  
bile esse considerant, secundum Apostolum qui ait:  
Nam quæ stulta sunt mundi, elegit Deus, ut confundat  
sapientes (I Cor. i).*

## CAPUT X.

*Ubi Pharaeo paleas protulit dari Israelitis; et de queri-  
monia ipsorum Israelitarum pro afflictione operis.*

Ait ad eos rex Ægypti: *Quare Moyses et Aaron,  
solicitalis populum ab operibus suis? Ite ad opera  
vestra. Dixitque Pharaeo: Multus est populus terræ.  
Videlicet quod turba succreverit, quanto magis, si dede-  
rimus eis requiem ab operibus? Præcepit ergo in die  
illa præfectis operum et exactoribus populi, dicens:  
Nequaquam dubitatis ultra paleas populo, ad conficien-  
dos lateres, sicut prius. Sed ipsi vadunt et colligunt  
stipulam; et mensuram laterum quos prius faciebant,  
imponitis super eos, nec minuētis quidquam. Vacant  
enim, et idcirco vociferantur dicentes: Eamus et sacri-  
ficemus Deo nostro. Opprimantur operibus et expleant  
ea, ut non acquiescant verbis mendacibus, et reliqua.  
(Ex Isidoro.) Ex quo autem loqui cœpit Moyses ad  
Pharaonem, magis affligitur populus Dei. Ita et ex quo  
in animam hominis sermo Dei perlatus fuerit, acrius  
callidus hostis consurgit, et majora vitia quibus  
vincatur, immittit. Prius vero quam venisset sermo  
qui argueret vitia, in pace durabant; sed ubi sermo  
Dei facere cœpit uniuscujusque discrimen, tunc  
conturbatio magna consurgit. Videbantque se præ-  
positi filiorum Israel in malo, eo quod diceretur eis:  
*Non minuetur quidquam de lateribus per singulos  
dies, occurreruntque Moysi et Aaron, qui stabant ex  
adverso, egredientes a Pharaone, et dixerunt ad eos:  
Videat Dominus et judicet, quomodo setere fecistis**

odorem nostrum coram Pharaone et servis ejus : et præbuitis ei gladium, ut occideret nos.

(Ex Augustino.) Cum lux divinitus missa; hominum cor fuerit illustrare dignata; mox ab occulto adversario contra fulgentem mentem, tentamenta succrescunt. Nam callidus adversarius, quos luce justitiæ enitescere conspexit, eorum mentes illicitis desideriis inflammare contendit: ut plerumque plus se urgeri tentationibus sentiant, quam tunc cuti lucis internæ radios non videbant. Unde et Israelitæ, postquam vocati sunt, contra Moysen de excrescente labore conqueruntur dicentes: Videat Dominus et judicet, quomodo feilere fecisti odorem nostrum coram Pharaone et servis ejus. Volentibus quippe ex Egypto discedere, Pharaon palæas subtraxerat: et tamen ejusdem mensuræ opera requirebat. Quasi ergo contra legem mens submurmurat; post cusos configurationem tentationum stimulos acriores portat; et cum sibi labores crescere conspexit, in eo quod adversario displicet, quasi fetere se in oculis Pharaonis dolet.

Reversusque Moyses ad Dominum ait: Domine, cur afflixisti populum istum? Quare misisti me? Ex eo enim ex quo ingressus sum ad Pharaonem ut loquerer in nomine tuo, afflixisti populum tuum, et non liberasti eos. Dixit Dominus ad Moysen: Nunc videbis quæ facturæ sum Pharaoni. Per manum enim sortem dimittet eos: et in manu robusta eiciet illos de terra sua (Exod. vi). [Ex Augustino.] Verba quæ dicit Moyses ad Dominum, Quare afflixisti populum hunc, et ut quid misisti me? Ex quo enim intravi ad Pharaonem loquens in tuo nomine de populo hoc, magis afflixit eum, et non liberasti populum tuum, non contumaciæ verba sunt vel indignationis, sed inquisitionis et orationis: quod ex his apparet quæ illi Dominus respondit. Non enim arguit infidelitatem ejus, sed quod sit facturus aperuit.

CAPUT XI.

De eo quod Moysi nomen suum Adonai Dominus indicavit, et de præcepto ad Israel dato.

Locutus est Dominus ad Moysen dicens: Ego Dominus quia apparui Abraham, et Isaac, et Jacob in Deo omnipotente: et nomen meum Adonai non indicavi eis; et reliqua (Exod. vi). Septimum in ordine nominum Dei; est Adonai; quod generaliter interpretatur Dominus: quod dominetur cunctis creature; vel quod creatura omnis dominatur: ejus deserviat. Dominus ergo et Deus dicitur, eo quod dominetur omnibus vel quod timeatur a cunctis. Quomodo ergo nunc dicitur, quod Dominus nomen suum Abraham non indicaverit, de quo scriptum est: Apparuit Dominus Abraham; diciturque ad eum: Ego Dominus omnipotens, nunc habeo coram me, et esto perfectus: ponamque fœdus meum inter me et te, et multiplicabo te vehementer nimis? (Gen. xvii.) Aut quomodo Isaac nomen ejus non est indicatum, ad quem ipse Dominus ait: Ego ero tecum et benedicam tibi: tibi enim et semini tuo dabo universas regiones hæc, et benedicentiam in aquis tuo: omnes gentes terræ?

Sive quomodo latuit nomen Domini Jacob qui dixit: Vidi Dominum facie ad faciem, et salva facta est anima mea (Gen. xxxii). Sed si secundum veritatem Scripturam inspicimus, agnosceremus aliquid Moysi revelatum esse, quod anterioribus Patribus non est intinatum. Quanto enim ipsius veritatis appropinquavit adventus in carne, tanto manifestius revelata sunt sacramenta Patribus, quia ipsa Dominicæ incarnationis tempora nascendo et moriendo præveniebant. Inde nunc ad Moysen dicitur: Ego Dominus qui apparui Abraham et Isaac et Jacob in Deo omnipotente, et nomen meum Adonai non indicavi eis: Unde et David dicit: Super omnes docentes me, et super seniores intellexi (Psalm. cxviii). Et Dominus in Evangelio ad apostolos: Beati oculi qui vident quæ vos videtis.

Dico enim vobis quia multi prophetae et justi voluerunt videre quæ vos videtis, et non viderunt, et audire quæ audistis, et non audierunt (Matth. xiii).

Ideo dicit filius Israel: Ego Dominus qui educam vos de ergastulo Egyptiorum, et eruum de servitute, ac redimam in brachio excelso, et judicatis magnis: et assumam vos mihi in populum, et ero vester Deus: scietisque quod ego sum Dominus Deus vester, qui eduxeritis vos de ergastulo Egyptiorum, et induxerim in terram super quam levavi manum meam, ut darem eam Abraham, Isaac et Jacob: daboque illam vobis possidendam: ego Dominus. Narravit ergo Moyses omnia filiis Israel qui non uiderunt ei propter angustiam spiritus et opus durissimum. Mystice, ergastulum Egyptiorum tentationes hujus mundi quibus tribulatur sancti significat. Liberat enim Dominus filios Israel in brachio excelso; hoc est, in potestate magna et virtute, sive in filio pot quem fecit Dominus. Qui propter effectum virtutum brachium Dei dicitur; cum sanctis suis de potestate diaboli ad servitutem peccatorum eruat, et introducat in terram spiritus lena celestis patriæ pro qua juravit, id est, firmiter pronuntiat patribus nostris, patriarchis, prophetis, et apostolis, ut daret eam illis in possessionem et nominis eorum; hoc est, omnibus qui fidem et operam eorum fideles secuti sunt, ut possideant illam in sempiternum. Locutusque est Dominus ad Moysen dicens: Ingredere et loquere ad Pharaonem regem Egypti, ut dimittas filios Israel de terra tua. Responditque Moyses coram Domino: Ecco filii Israel non me audiant, et quomodo audiam? Rursum, cum similes circumciter, loquitur: (Ex Augustino.) Quod Moyses dicit: Ecco ego gracili voce sum, et quomodo exaudiret me Pharaon, non videtur tamen, propter magnitudinem populi exurgere de vocis fragilitate, verum etiam propter unum hominem. Mirum si tam graciliis vocis fuit, ut nec ab uno homine posset audiri. An forte regius factus non eos permittebat de proximo loqui?

CAPUT XII.

De eo quod Levi progeniem numerat, et de mandato ad Pharaonem dato, et signorum demonstratione.

Itaque erant principes domorum per familias suas: Levi primogenitus Isaac, Enoch et Phaleg, et

rom et Scharim. Hæ cognationes Ruben, Filiis Simeon, A  
 Jamet et Jamin, et Abad, Jacob, et Soher, et Saul  
 filius Charanithia. Hæ progenies Simeon. Et hæc nomi  
 nina filiarum Levi per cognationes. Gerson, et  
 Laith, et Merari (Exod. vi) Sacramenti, locum esse  
 dandum non est, quod Scriptura volens originem  
 Moysi demonstrare, quoniam ejus actio jam expe  
 rebat, a primogenito Jacob, id est Ruben, progenies  
 cepit, inde ad Simeon, iade ad Levi, ultra progres  
 sa, non est, quoniam ex Levi Moyses. Hi autem  
 commemorantur, qui jam commemorati fuerant in  
 illis, septuaginta quinque, in quibus Israel intravit  
 in Ægyptum. Non enim primam, neque secundam,  
 sed tertiam tribum, id est Leviticam, Deus esse vo  
 luit sacerdotalem. *Accipit autem Aaron uxorem Eli  
 sebeth, filiam Aminadab, sororem Naason, quæ peperit ei  
 Nadab, et Abiu, Eleazar, et Ithamar.* Aminadab  
 filius Esrom fuit, filii Phares, filii Juda. Unde appa  
 ret quod regalis et sacerdotalis prosapie statim in  
 principio legis commista est, et ideo nequaquam  
 est dubitandum quin Redemptor noster, secundum  
 Evangelii fidem, et de regali et de sacerdotali stirpe  
 progenitus sit. *Dixitque Dominus ad Moysen, Ecce  
 constitui te Deum Pharaonis, Aaron frater tuus erit  
 propheta tuus. Tu loqueris omnia quæ mando tibi;  
 ille loquetur ad Pharaonem, ut dimittat filios Israel  
 de terra sua (Exod. vii).* [Ex Augustino.] In Scri  
 ptura sacra aliquando Deus nuncupative, aliquando  
 vero essentialiter dicitur. Nuncupative enim Deus  
 dicitur, sicut nunc ad Moysen dictum est: *Ecce  
 constitui te Deum Pharaonis*, et sicut iterum Moyses  
 ait: *Si quis homo hoc vel illud fecerit, applica illum  
 ad deos (Exod. xxii)*, videlicet ad sacerdotes, sicut  
 et Psalmista ait: *Deus stetit in synagoga deorum;  
 in medio autem deos discernit (Psal. lxxxi)*. Essen  
 tialiter autem Deus dicitur, sicut ipse ad Moysen  
 dicit: *Ego sum Deus Abraham, et Deus Isaac, et  
 Deus Jacob.* Unde Paulus apostolus volens nuncupa  
 tivum Dei nomen ab essentia discernere, ait: *Quo  
 rum patres et ex quibus Christus secundum carnem,  
 qui est super omnia Deus benedictus in sæcula (Rom.  
 ix)*. Nuncupativus enim Deus, inter omnia; essen  
 tialis autem, super omnia. Utergo responderet Chri  
 stum naturaliter Deum, non hunc Deum tantum  
 modo, sed Deum super omnia, esse memoravit,  
 quia et justus quilibet Deus est, sed inter omnia,  
 quia nuncupative Deus. Christus autem Deus est  
 super omnia, quia naturaliter Deus. (Ex Augustino.)  
 Notandum quod cum ad populum mitteretur, non ei  
 dictum est, *Ecce dedi te Deum populo, et frater tuus  
 erit propheta*; sed, *frater tuus, inquit, loquetur tibi  
 ad populum. Ad populum dictum est etiam, erit ille  
 os tuum, et tu illi quæ ad Deum*; non dictum est, *Tu  
 illi Deus. Pharaoni autem dicitur Moyses datus  
 Deus, et secundum analogiam propheta Moysi Aa  
 ron, sed ad Pharaonem.* Hic insinuat eam nobis lo  
 qui quæ propheta Dei audivit ab eo, nihilque aliud  
 esse prophetam Dei, nisi enuntiatorem Dei verborum  
 hominibus, qui Deum vel non possunt, vel non me

reptur audire. Sequitur; *Sed ego indurabo cor ejus,  
 et multiplicabo signa et ostenta mea in terra Ægypti,  
 et non audiet vos: immittamque manum meam super  
 Ægyptum, et educam exercitum, et populum meum  
 filios Israel de terra Ægypti, per iudicia maxima;  
 et scient Ægypti quod ego sum Dominus.* Assidue  
 Deus dicit, *Indurabo cor Pharaonis*, et velut causam  
 infert cur hoc faciat. (Ex Augustino.) *Indurabo, in  
 quit, cor Pharaonis, et implebo signa mea et portenta  
 mea in Ægypto*, tanquam necessaria fuerit obdura  
 tio cordis Pharaonis ut signa Dei multiplicarentur  
 vel implerentur in Ægypto. Utitur ergo Deus bene  
 cordibus malis ad id quod vult ostendere bonis, vel  
 quo facturus est homo. Et quavis uniuscujusque  
 cordis in malitia qualitas, id est, quale cor habeat  
 ad malum, fiat vitio quod inolevit ex arbitrio volun  
 tatis, ea tamen qualitate mala ut huc vel illuc mo  
 veatur, cum sive huc, sive illuc male moveatur,  
 causis sit quibus animus propellitur: quæ causæ ut  
 existant vel non existant, non est in hominis pote  
 state, sed veniunt ex occulta providentia, justissima  
 plane et sapientissima, universum quod creavit, dispo  
 nentis et administrantis Dei. Ut ergo tale cor haberet  
 Pharaon, quo patientia Dei non moveretur ad pieta  
 tem, sed potius ad impietatem, vitii proprii fuit.  
 Quod vero ea facta sunt quibus cor suo vitio tam  
 malignum resisteret jussionibus Dei, hoc est enim  
 quod dicitur induratum, quia non flexibiliter con  
 sentiebat, sed inflexibiliter resistebat, dispensatio  
 nis fuit divine, quia tali cordi non solum justa in  
 duratio, sed evidenter justa pœna parabatur, qua  
 timentes Deum corrigantur. Proposito quippe lucro  
 verbi gratia propter quod homicidium committatur,  
 aliter avarus, aliter pecuniæ contemptor movetur:  
 ille scilicet ad facinus perpetrandum, ille ad cavend  
 dum; ipsius tamen lucrî propositio in alienius illo  
 rum non fuit potestate: ita causæ eveniunt homini  
 bus malis, quæ non sunt quidem in eadem potestate,  
 sed hoc de illis faciunt quales eos invenerunt jam  
 factos propriis vitiis ex præterita voluntate. Viden  
 dum sane est utrum etiam sic accipi possit, *Ego in  
 durabo*, tanquam diceret, quam durum sit demon  
 strabo. *Erat autem Moyses octoginta annorum, et  
 Aaron octoginta trium, quando locuti sunt ad Pha  
 raonem.* Quid significat hic numerus ætatis legisla  
 toris, et primi sacerdotis secundum legem, nisi sa  
 cramentum legis ac sacerdotii? Quando enim Moyses  
 et Aaron locuti sunt ad Pharaonem, ætas Moysi  
 octoginta erat annorum, et Aaron octoginta trium,  
 quia lex quando ad salutem gentibus per sanctos do  
 ctiores oblata est, circumcisionem spiritualem per  
 fecte docuit: necnon et ipsi sancti prædicatores  
 perfecte studebant se ab omni inquinamento carnis  
 et spiritus mundos servare, et sic fidem sanctæ Tri  
 nitatis, perfecte, aliis prædicare. *Dixitque Dominus  
 ad Moysen et Aaron: Cum dixerit vobis Pharaon,  
 Quid est signum, dices ad Aaron: Tolla virgam tuam,  
 et projice eam coram Pharaone, ac vertatur in colu  
 brum.* (Ex Augustino.) Hic certe non ministerio vo



cis opus erat, cui videbatur velut ex necessitate datus Aaron propter gratitatem vocis Moysi, sed virga erat proficienda ut draco fieret. Cur ergo hoc Moyses ipse non fecit, nisi quia ista mediatio ipsius Aaron inter Moysen et Pharaonem alicujus magnæ rei figuram gerit? *Egressi itaque Moyses et Aaron ad Pharaonem, fecerunt sicut præceperat Dominus. Tulitque Aaron virgam coram Pharaone et servis ejus, quæ versa est in colubrum.* (Ex Augustino.) Etiam hoc notandum quod cum id signum coram Pharaone dandum fieret, secundum Septuaginta scriptum est: *Et projecit Aaron virgam suam.* Cum si forte dixisset, *projecit virgam*, nulla esset quæstio. Quod vero addidit *suam*, cum eam Moyses dederit, non frustra forsitan dictum est. An erat utrique illa virga communis, ut cujuslibet eorum diceretur, verum diceretur? *Vocavit autem Pharaon sapientes et maleficos: et fecerunt etiam ipsi per incantationes Ægyptias et arcana quædam similiter: projeceruntque singuli virgas suas, quæ versæ sunt in dracones, sed devoravit virga Aaron virgas eorum;* sive, secundum Septuaginta, *et absorbit virga Aaron virgam illorum.* Si dictum esset, Absorbuit draco Aaron virgas illorum, intelligeretur verus draco Aaron phantasmatica illa signum non absoruisse, sed virgas. Hoc enim potuit absorbere quod erant, non quod esse videbantur et non erant. Sed quoniam dixit: *absorbuit virga Aaron virgas illorum*, draco utique potuit virgas absorbere, non virga draconem. Sed eo nomine appellata res est, unde versa est, non in quod versa est. Quia in id etiam reversa est, ideo hoc vocari debebat quod principaliter erat. Quid ergo dicendum est de virgis magorum, utrum et ipsi veri dracones facti fuerint? Sed ea ratione virgæ appellatæ sunt, quia virga Aaron, an potius videbantur esse quod non erant, inificatione venefica? Cur ergo ex utraque parte et virgæ dicuntur et dracones? Unde signum istis nihil differt loquendi modis: sed demonstrare difficile est quomodo etiam si veri dracones facti sunt ex virgis magorum, non fuerint tamen creatores draconum, nec magi nec angeli mali, quibus ministris illa operabantur. Insunt enim rebus corporeis per omnia elementa mundi quædam occultæ seminariæ rationes, quibus cum data fuerit opportunitas temporalis atque casualis, prorumpunt in species debitas suis modis et finibus; et sic non dicuntur angeli qui ista faciunt animalium creatores, sicut nec agricolæ segetum vel arborum, vel quorumque in terra gignentium creatores dicendi sunt, quamvis noverint præbere quædam visibiles opportunitates et causas ut illa nascantur. Quod autem isti faciunt visibiliter, hoc angeli invisibiliter. Deus verò solus unus creator est, qui causas ipsas et rationes seminarias rebus inseruit. Res breviter dicta est: quæ si exemplis et copiosa disputatione explicetur, ut facilius intelligatur, longo sermone opus est, a quo se ratio nostræ festinationis excusat. (Ex Isidoro.) Mystice autem projecit Moyses virgam coram Pharaone, et serpens factus devoravit serpentes Ægyptiorum, significans quod

Verbum caro fieret, qui serpentis: dicitur enim evocatur, et per remissionem ac indulgentiam peccatorum. Virga est verbum directum, regule, plenam potestatis, insigne imperii. Virga serpens facta est quomodo qui erat Filius Dei ex Deo Patre natus: filius hominis factus est, natus ex virgine. Qui quasi serpens exaltatus in cruce medicinam humanis effudit vulneribus. Unde ipse Dominus ait: *Sicut exaltavit Moyses serpentem in deserto, ita oportet exaltari filium hominis* (Joan. III). Virga enim Moysi in draconem conversa magorum absorbit virgas, et Christus post gloriæ suæ dignitatem factus est obediens Patri usque ad mortem, et per ipsam mortem carnis consumpsit aculeum mortis, attestante propheta: *Ero mors tua, o mors, mortuus tuus ero; o infernus* (Isa. XLV). **B** (Use. XIII). **A**lter: Moyses ad Ægyptum veniens, et deferens virgam quæ castigat Ægyptum, legem significat, quæ mundum decem plagis mandatorum corripit. Virga ergo per quam Ægyptus corrumpitur et Pharaon superatur, crux Christi est, per quam mundus vincitur, et princeps hujus mundi trionphatur. Quod autem virga projecta sit serpens, significat quod ait Sapientia: *Estote, inquit, prudentes sicut serpentes* (Matth. X). Quod autem virga serpentes magorum devoravit, significat quod crux Christi, cujus prædicatio videbatur stultitia, omnem sapientiam mundanam superavit. Quod virga Moysi mysterium crucis habet, Dominus designat cum ait de Moysse: *Deus enim ille scripsit* (Joan. V). Cum projecta esset in terram virga, tunc in serpentem versa est, quia cum crux ad credulitatem hominum venit, stultam fecit sapientiam hujus mundi per mysterium passionis Christi. *Fecerunt autem, inquit, similiter et incantatores Ægyptiorum veneficis suis, et induratum est cor Pharaonis, et non exaudivit eos sicut dixit Dominus.* Cum hæc dicuntur, videtur propterea cor Pharaonis induratum fuisse, quia et incantatores Ægyptiorum similia fecerant, sed consequentia docebunt quanta fuerit illa obduratio, etiam cum incantatores defecerunt. (Ex Isidoro.) Spiritualiter autem, induravit Dominus cor Pharaonis, scilicet quia diabolum ita induravit post peccatum, ut penitentia compunctione nunquam emollatur, sicut in Job de eo scriptum est: *Cor ejus indurabitur quasi lapis* (Job. XLII). De illis inferuntur plagæ in Ægyptum. Licet illa in Ægyptum corporaliter gesta sunt, spiritualiter tamen nunc geruntur in nobis, Ægyptus namque sæculi forma est.

## CAPUT XIII.

*De conoersione aquæ in sanguinem.*

*Dixit quoque Dominus Deus ad Moysen: Die ad Aaron, Tolle virgam tuam, et extende manum tuam super aquas Ægypti, et super fluvijs eorum, et fluos ac patudes et omnes locus aquarum, et vertantur in sanguinem: et sit cruor in omni terra Ægypti, tam in ligneis vasis quam in saxis. Feceruntque ita Moyses et Aaron sicut præceperat Dominus, etc.* (Exod. VII.) Quod vero aquæ fluminis vertuntur in sanguinem, satis convenienter aptatur, ut fluvius cui Hebræorum

partulos crudeliter nocendos tradiderant, auctori-  
bus sceleris redderet poculum sanguinis. (Ex *Isido-  
ro*.) Mystice autem aquæ Ægyptiæ erratica et lu-  
brica philosophorum sunt dogmata, quæ merite in  
sanguinem vertuntur, quia in rerum causis carna-  
liter sentiunt. Sed ubi crux Christi mundo huic lu-  
men veritatis ostendit, hujusmodi sunt correptioni-  
bus arguit, ut ex qualitate peccatorum proprios agnos-  
cant errores. *Foderunt autem omnes Ægypti per  
circuitum fluminis aquam, ut biberent. Non enim  
poterant bibere de aqua fluminis. Quid significat quod  
Ægypti postquam aquæ fluminis versæ sunt in san-  
guinem, foderunt per circuitum fluminis, quærentes  
aquam ut biberent, nisi quod gentilitas, confusa de  
meditatione secularis philosophiæ, cum viderit nihil  
vitalæ ac salubre sibi illam præbere, istum et inve-*

stigando ac salubriter tractando, usquequaque que-  
rere sapientiæ haustum, quem tunc veraciter non  
inveniet, nisi perueniat ad fontem vitæ, qui ait:  
*Qui sitit, veniat ad me et bibat, et de ventre ejus  
fluat aqua vivum* (Joan. vii).

#### CAPUT XIV.

##### *De ranarum productione.*

*Dixitque Dominus ad Moysen: Dic ad Aarõn. Ex-  
tende manum tuam super fluvios, et super rivas ac  
paludes, et educet ranas super terram Ægypti. Extendit  
Aarõn manum super aquas Ægypti, et ascenderunt  
rænes, operueruntque terram Ægypti* (Exod. viii). [*Ex  
Isidoro*.] In secunda vero plaga ranæ producuntur,  
quibus indicari figuratè arbitrantur carmina peccato-  
rum, qui inani quadam et inflata modulatione, velut  
ranarum sonus et cantibus, mundo huic deceptionis  
fabulas intulerunt. Rana enim est loquacissima vani-  
tas. Hoc enim animal ad nihil aliud utile est, nisi  
quia sopor, yocis, improbis et importunis clamori-  
bus, reddit. *Fecerunt autem et malefici per incanta-  
tiones suas similiter, eduxeruntque ranas super terram  
Ægypti. Vocavit autem Pharaõ ad Moysen et Aarõn,  
et dixit eis: Oryte Dominum ut auferat ranas a me  
et a populo meo, et dimittam populum ut sacrificet  
Dominõ* (Ex Augustino.) Fecerunt autem similiter  
et incantatores Ægyptiorum, beneficiis suis, et edu-  
xerunt ranas super terram Ægypti. Quæritur unde,  
si jam prius factum erat. Sed similis quæstio est,  
unde et aquam in sanguinem verterint, si tota aqua  
Ægypti in sanguinem conversa jam fuerat. Primum  
in illigendum est, regionem ubi filii Israël habita-  
bant, plagis talibus non fuisse percussam, et inde  
potuerunt incantatores vel aquam haurire, quam in  
sanguinem verterent, vel ab aquis ranas educere ad  
solam demonstrationem magicæ potentis; quanquam  
potuerunt, etiam postea quæ illa compressa sunt fa-  
cere; sed Scriptura cito narrando conjunxit quod  
etiam postea fieri potuit. *Egressisque eunt Moyses et  
Aarõn a Pharaõne, et clamavit Moyses ad Dominum  
pro spersione ranarum quam condiderat Pharaõni.  
Fecitque Dominus juxta verbum Moysi, et mortuæ  
sunt ranæ de domibus et de villis et de agris: con-  
gregavitque eas in sinuibus aggeres, et compulvit*

*terra. Videns autem Pharaõ quod data esset requies,  
ingravabat cor suum, et non audivit eos sicut præce-  
perat Dominus* (Ex Augustino.) Et vidit, inquit, Pha-  
raõ, quia facta est refrigeratio, et ingravatum est  
cor ejus, et non exaudivit eos sicut dixerat Dominus.  
Hic apparet non illas tantum fuisse causas obdura-  
tionis cordis Pharaonis, quod incantatores ejus si-  
milia faciebant, verum etiam ipsam Dei patientiam  
quæ parcebat. Patientia enim Dei secundum corda  
hominum quibusdam utilis ad poenitentiam, quibus-  
dam inutilis ad resistendum Deo, et in malo perse-  
verandum; non tamen per seipsam inutilis est, sed  
secundum cor malum sicut jam diximus. Hoc et  
Apostolus dicit: *Ignoras quia patientia Dei ad poeni-  
tentiam te adducit? Secundum autem duritiam cordis  
tui et cor impoentens, thesaurizas tibi iram in die ire  
et revelationis justi judicii Dei, qui reddet unicuique  
secundum opera ejus* (Rom. ii). Nam et tibi cum  
diceret: *Christi bonus odor sumus in omni loco, etiam  
illud adjunxit: et in his qui salvi sunt, et in his qui  
pereunt* (II. Cor. ii). Non dixit Christi bonum se odo-  
rem esse his qui salvi sunt, malum autem his qui  
pereunt, sed tantum bonum odorem se dixit. Illi  
vero tales sunt, ut et bono odore pereant, secundum  
sui cordis, ut sæpe dictum est, qualitatem, quæ  
mutanda est bona voluntate in Dei gratia, ut inci-  
piant ei prodesse judicia Dei quæ malis cordibus nocent.  
Unde inde mutato in melius corde cantabat: *Vivet anima  
mea, et laudabit te, et judicia tua adju-  
vabunt me* (Psal. cxviii). Non dixit munera tua et  
præmia tua, sed *judicia tua*. Multum est autem ut  
sincera fiducia dici possit: *Proba me, Domine, et  
tentame, ut renes meos et cor meum* (Psal. xxv).  
Et ne sibi aliquid ex suis viribus tribuisse videretur,  
continuo addidit: *Quoniam misericordia tua ante  
oculos meos est, et complacui in veritate tua* (Ibid.).  
Factam erga se commemorat misericordiam ut pla-  
cere possit in veritate, quomodo universæ viæ Do-  
mini misericordia et veritas.

CAPUT XV.

##### *De sciniphibus.*

*Dixitque Dominus ad Moysen: Loquere ad Aarõn,  
extende virgam tuam, et percute pulverem terræ, et  
sint sciniphes in universa terra Ægypti. Feceruntque  
ita, et extendit Aarõn manum virgam tenens: per-  
cussitque pulverem terræ, et facti sunt sciniphes in  
hominibus et in jumentis: omnis pulvis terræ versus  
est in sciniphes per totam terram Ægypti* (Exod.  
viii). [*Ex Isidoro*.] Post hæc sciniphes producentur.  
Hoc animal pennis quidem suspenditur per aera vol-  
itans, sed ita subtile est et minutum, ut oculi visum  
nisi acute cernentis effugiat. Corpus autem cui in-  
sederit acerbissimo terebrat stimulo, ita ut quem  
voluntate [volantem] videre quis non valeat, sentiat  
statim advenientem. Hoc ergo animalis genus subtili-  
tati hæreticæ comparatur, quæ subtilibus verbo-  
rum stimulis animas terebrat, tantaque calliditate  
circumvenit, ut deceptus quisque nec videat nec in-  
telligat unde decipiatur. *Feceruntque similiter malo-*

#### CAPUT XV.

##### *De sciniphibus.*

*Dixitque Dominus ad Moysen: Loquere ad Aarõn,  
extende virgam tuam, et percute pulverem terræ, et  
sint sciniphes in universa terra Ægypti. Feceruntque  
ita, et extendit Aarõn manum virgam tenens: per-  
cussitque pulverem terræ, et facti sunt sciniphes in  
hominibus et in jumentis: omnis pulvis terræ versus  
est in sciniphes per totam terram Ægypti* (Exod.  
viii). [*Ex Isidoro*.] Post hæc sciniphes producentur.  
Hoc animal pennis quidem suspenditur per aera vol-  
itans, sed ita subtile est et minutum, ut oculi visum  
nisi acute cernentis effugiat. Corpus autem cui in-  
sederit acerbissimo terebrat stimulo, ita ut quem  
voluntate [volantem] videre quis non valeat, sentiat  
statim advenientem. Hoc ergo animalis genus subtili-  
tati hæreticæ comparatur, quæ subtilibus verbo-  
rum stimulis animas terebrat, tantaque calliditate  
circumvenit, ut deceptus quisque nec videat nec in-  
telligat unde decipiatur. *Feceruntque similiter malo-*

fieri incantationibus suis, ut educerent scinphes et non potuerunt; erantque scinphes tam in hominibus quam in iumentis. Et dixerunt malefici ad Pharaonem, *Digitus Dei est hic. Induratumque est cor Pharaonis, et non audivit eos sicut praeceperat Dominus.* (Ex Augustino.) Quod dixerunt magi ad Pharaonem, *digitus Dei est hic.* Quomodo non potuerunt educere scinphes? Senserunt profecto cum artium suarum nefariarum scirent potentiam, non talibus artibus, velut potentior in eis esset Moyses, suos conatus fuisse frustratos, ut non possent educere scinphes, sed digito Dei, qui utique operatur per Moysen. *Digitus Dei* autem sicut Evangelium manifeste loquitur, Spiritus sanctus intelligitur. Nam quod uno evangelista ita narrante verba Domini, ut diceret, *Si ego in digito Dei ejicio demonia* (Luc. xi), alius evangelista, idipsum narrans, exponere voluit quid sit *digitus Dei* et ait: *Si ego in Spiritu Dei ejicio demonia* (Matth. xii). Cum itaque magi faterentur, quorum Pharaeo potentiae confidebat, *digitum Dei esse in Moysen, in quo superabantur et eorum beneficia frustrabantur, tamen induratum est cor Pharaonis nunc mirabili omnino duritia.* Cur autem in tertia ista plaga magi defecerunt (nam plagae ceperunt ex quo aqua in sanguinem versa est) et sentire et experientiae difficile est. Poterant enim et in primo signo deficere, ubi in serpentem virga conversa est, et in prima plaga, ubi aqua in sanguinem commutata est, et in secunda de ranis, si hoc fuisset *digitus Dei*, id est spiritus Dei. Quis enim dementissimus dixerit, *digitum Dei in hoc signo potuisse conatus magorum impedire, et in superioribus nequissime? Omnino ergo certa causa est quare illa facere hucusque permisi sunt.* Commendatur enim fortasse Trinitas: et quod verum est, summus philosophi gentium, quantum in eorum litteris indagatur, sine Spiritu sancto philosophari sunt, quamvis de Patre et Filio non tacerent, quod etiam Dilymus in libro suo meminit quem scripsit de Spiritu sancto. (Ex Isidoro.) Mystice autem, sicut conciliatus et placatus Spiritus sanctus requiem praestat mitibus et humilibus corde, ita contrarius et adversus, immites ac superbos inquietudine exagitat. Quam inquietudinem muscae illae brevissimae significaverunt, sub quibus magi Pharaonis defecerunt dicentes: *Digitus Dei est hic.*

#### CAPUT XVI.

##### De muscis prolati.

*Dixit quoque Dominus ad Moysen: Consurge cuculo, et sta coram Pharaone. Egredietur enim ad aquas, et dices ad eum: Haec dicit Dominus: Dimitte populum meum ut sacrificet mihi. Quod si non dimiseris eum, ecce ego inundam in te et in servis tuis, in populum tuum et in domos tuas, omne genus muscarum: et implebuntur omnes domus Aegyptiorum muscis diversis generis: et universa terra in qua fuerint: faciamque mirabilem in die illa terram Gessen, in qua populus meus est, ut non sint ibi muscae; et scias quoniam ego Dominus in medio terrae; portan-*

*que divisionem inter populum meum et inter populum tuum* (Exod. viii). [Ex Augustino.] Quod hic Scriptura aperuit, ne ubicunque diceret intelligere debemus, sed in posterioribus et in prioribus signis factum esse, ut terra in qua habitabat populus Dei nullis plagis talibus vexaretur. Opportunum autem fuit ut ibi hoc aperte poneretur, unde jam incipiunt signa, quibus magi similia nec conati sunt facere. Procul dubio enim quia ubique fuerant scinphes in regno Pharaonis, non autem fuerant in terra Gessen, ubi conati sunt magi similiter facere et minime potuerunt. Quosque ergo defecerent, nihil de illius terra segregatione dictum est; sed ex quo ceperunt ea fieri, ubi jam illis similia facere nec conari auderent, ibi commemoratum est. (Ex Isidoro.) Quarto autem loco Aegyptus muscis percussit. Musca enim nimis insolens et inquietum animal est, in qua quid aliud quam insolentes carae desideriorum carnalium designantur? Aegyptus ergo muscis percussit, quia eorum corda qui hoc seculum affligunt, desideriorum suorum inquietudinibus ferunt. Porro Septuaginta interpretes cynomyam, id est caninam muscam posuerunt: per quam canini mores significantur, in quibus humanae mentis voluntas et libido carnis arguitur. Potest quidem hoc loco significare etiam musca canina forensium hominum eloquentiam, qua veteres canes alterutrum se lacerant. *Vocabit autem Pharaeo Moysen et Aaron, et ait illis: Ne, sacrificetis Deo vestro in terra hac.* Nolebat enim eos se quo dicebant, sed ut illi in Aegypto immolarent, volebat. Hoc ostendunt verba Moysi quae sequuntur, ubi dicit, non posse fieri propter abominaciones Aegyptiorum. Sic enim scriptum est: *Et ait Moyses: Non potest ita fieri: Abominaciones Aegyptiorum immolabimus Domino Deo nostro.* Ac si diceret: Non possunt ea animalia quae abominantur Aegyptii, praesentibus illis Domino Deo nostro immolari. Oves enim Aegyptii edere dedignantur. Unde et in Genesi scriptum est: *Omnes pastores ovium detestantur Aegyptii* (Gen. xlii). Quod autem adiecit, *Quod si mactaverimus ea quae colunt Aegyptii coram eis lapidibus nos obruent.* Suggillat ipsos gentiles, eo quod animalium figuram pro Deo summo colerant, ligno et lapidibus impressam. Nam Ammonem Jovem in ariete venerabantur; Anubem in cane; Apin quoque colentes in tauro, et caetera portenta magis quam numina, quae ipsa Aegyptus cultu credebat venerari divino; ideoque Moyses et Aaron dicebant se se velle ubi Aegyptii non videntur abominaciones suas immolari. (Ex Augustino.) Hoc autem intelligendum est mystice significati, quod supra diximus, quia erant Aegyptii oves et pastores earum abominabiles et ideo separatam terram Israeliticam acceperunt cum venerunt in Aegyptum. Sic enim et sacrificia Israelitarum abominaciones sunt Aegyptii, sicut iniquis vita Justorum. (Ex Gregorio.) Sancti quoque viri Domino oves offerunt, quia simplicitates suas omnipotenti Deo sacrificium ostendunt. Sed oves abominantur Aegyptii, quia dives hujus seculi asper-

nantur et despiciunt simplicitatem bonorum. Sicut ergo sunt abominaciones malorum operum quas detestantur boni, ita bonorum operum causæ abominaciones sunt reprobis. Unde scriptum est: *Abominantur justi virum impium, et abominantur impii eos qui in recta sunt via* (Prov. XLIX).

## CAPUT XVII.

*Ubi vestis valida immittitur in animantia Ægyptiorum.*

*Dixit autem Dominus ad Moysen: Ingredere ad Pharaonem, et loquere ad eum: Hæc dicit Dominus Deus Hebræorum: Dimitte populum meum, ut sacrificet mihi. Quod si adhuc renuis et retines eos, ecce manus mea erit super agros tuos, super equos et asinos, et camelos, et boves, et oves, pestis valde gravis* (Exod. IX). Quod vero quinto in loco animalium nec vel pecorum Ægyptus verberatur, recordia hic arguitur vel stultitia hominum mortalium, qui tanquam irrationabilia pecora cultum et vocabulum Dei imposuerunt figuris, non solum hominum, sed et pecorum, ligno, metallis atque lapidibus impressis; et ea quæ ipsi credebant cultu honorari divino in his viderent miseranda exerceri supplicia. Mortuaque sunt omnia animantia Ægyptiorum. De animalibus vero filiorum Israel nihil omnino periit. Et misit Pharaon ad videndum: nec erat quidquam mortuum de his quæ possidebat Israel. Ingravatumque est cor Pharaonis, et non dimisit populum. (Ex Augustino.) Quomodo e contrariis causis facta est hæc ingravatio cordis Pharaonis? Si enim et pecora Israelitarum morerentur, tunc videretur causa competens quæ cor ejus gravaretur ad contemnendum Deum, tanquam si et magi ejus pecora Israelitarum fecissent mori. Nunc vero unde debuit ad timendum vel credendum moveri, videns nullum pecus mortuum ex pecoribus Hebræorum? Hinc ingravatum est, id est, illa ingravatio etiam hucusque progressa est. Et dixit Dominus ad Moysen et Aaron: Tollite plenas manus cineris de camino: et spargat illum Moyses in cælum coram Pharaone: sitque pulvis super terram Ægypti. Erunt enim in hominibus et jumentis ulcera et vesicæ turgentes in universa terra Ægypti. (Ex Augustino.) Quid est quod dicit Deus ad Aaron et Moysen, Sumite vobis plenas manus favillæ de fornace, et aspergat Moyses in cælum coram Pharaone, et coram servis ejus, et fiat pulvis in tota terra Ægypti? Signa enim superiora virga fiebant, quam non Moyses sed Aaron extendebat super aquam, vel ad terram percutiebat. Nunc vero interpositis duobus signis de cynomya et pecorum mortibus, ubi nec Aaron nec Moyses aliquid manu operati sunt, dicitur ut Moyses favillam spargat in cælum de fornace, et hanc ambo sumere jubentur, sed ille spargere non in terram sed in cælum; tanquam Aaron qui datus erat ad populum, terram percutere deberet, vel in terram sive in aquam manum extendere: Moyses vero, de quo dictum est: Erit tibi in his quæ ad Deum, in cælum jubetur favillam spargere. Quid duo illa superiora signa, ubi nec Moyses nec Aaron

A manu aliquid operantur? quid sibi vult ista diversitas? neque enim nihil. Tuleruntque cinerem de camino, et steterunt coram Pharaone: et sparsit illum Moyses in cælum: factique sunt ulcera vesicarum turgentium in hominibus et in jumentis; nec poterant malefici stare coram Moyse, propter ulcera quæ in illis erant et in omni terra Ægypti. (Ex Isidoro.) In ulceribus arguitur dolosa hujus sæculi et purulenta malitia; in vesicis, tumens et inflata superbia; in fervoribus, ira furoris et insania. Hucusque enim talia per errorum suorum figuras mundum supplicia temperant. Post hæc vero, verbera veniunt de supernis: voces scilicet, tonitrua et grando et ignis discurrens, sicut in sequentibus ostendetur. Dixit quoque Dominus ad Moysen: Mane consurge et sta coram Pharaone, et dices ad eum: Hæc dicit Dominus Deus Hebræorum: Dimitte populum meum, ut sacrificet mihi, quia in hac vice mittam omnes plagas meas super cor tuum, et super servos tuos, et super populum tuum, ut scias quia non sit similis mei in omni terra. Nunc enim extendens manum, percutiam te et populum tuum peste, peribisque de terra. Idcirco autem posui te, ut ostendam in te fortitudinem meam: et narretur nomen meum in omni terra. Hæc Scripturæ verba et Apostolus posuit, cum in eodem loco perdifficili versaretur. Ibi autem et hoc ait: Si autem volens Deus ostendere iram et demonstrare potentiam suam, sustulit in multa patientia vasa iræ, parcendo utique his quos malos futuros esse præscierat, quæ vasa dicit perfecta in perditionem: et ut notas, inquit, faceret divitias gloriæ suæ in vasa misericordiæ (Rom. IX). Unde vasorum misericordiæ vox est in psalmis: Deus meus, misericordia ejus præveniet me. Deus meus demonstravit mihi bona coram inimicis meis (Psal. LVIII). Novit ergo Deus bene uti malis; in quibus tamen humanam naturam non ad malitiam creat, sed profert eos patienter quousque scit oportere: non inaniter, sed utens eis ad admonitionem vel exhortationem bonorum. Ecce enim ut annuntiaretur nomen Dei in universa terra, vasis misericordiæ utique prodest. Ad eorum itaque utilitatem Pharaon servatus est, sicut et Scriptura testatur et exitus docet. Mitte ergo jam nunc, et congrega jumenta tua, et omnia quæ habes in agro. Homines enim et jumenta, et universa quæ inventa fuerint foris, nec congregata de agris, cecideritque super ea grando, morientur. (Ex Augustino.) Quid est quod mandat Deus Pharaoni, cum se facturum magnam grandinem minaretur, ut festinet congregare pecora sua, et quæcunque illi essent in campo, ne grandine intereant. Hoc enim non tam indignanter quam misericorditer videtur admonere. Sed hoc non facit quæstionem, quando Deus etiam irascens temperat pœnam. Illud est quod merito movet, quibus nunc pecoribus consulatur, si omnia mortua fuerant plaga superiore ubi scriptum est quod discevit Deus inter pecora Hebræorum et Ægyptiorum, ita ut illinc nullum moreretur, omnia vero Ægyptiorum pecora morerentur. An ea solvitur quæstio, quod prædixit

rat ea mortifera, quæ in campo fuissent, ut hæc accipiantur omnia; intelligantur autem evasisse quæ in domibus erant, quæ potuerunt etiam a dubitantibus colligi, et in domo tenere, ne forte verum esset quod Moyses Dominum facturum esse prædixerat; et ex his esse in campis iterum poterant, quæ modo admodum et congregari in domos, ne grandine pereant? Maxime quia sequitur Scriptura, et dicit: *Qui timuit verbum Domini servorum Pharaonis, congregavit pecora sua in domos. Qui autem non intendit mentem in verbum Domini, dimisit pecora sua in campo.* Hoc ergo fieri potuit, quando etiam mortem pecorum minatus est Deus, quamvis id Scriptura tacuerit.

## CAPUT XVIII.

## De grandinis immissione.

*Et dixit Dominus ad Moysen: Extende manum tuam in cælum, et erit grando in omni terra Ægypti (Exod. ix).* Ecce iterum non in terram, sed in cælum manum jubetur extendere, sicut superius de favilla. *Extenditque Moyses virgam in cælum, et Dominus dedit tonitrua et grandinem, ac discurrentia fulgura super terram; et reliqua. (Ex Isidoro.)* Septimo loco super Ægyptum verbera veniunt de supernis, voces scilicet et tonitrua, et grando et ignis discurrens. In tonitruis enim increpationes ac divinæ correptiones intelliguntur, quia non cum silentio verberat, sed dat voces; et doctrinam cœlitus mittit, per quam possit culpam suam, cœlitus castigatus, agnoscere mundus. Dat et grandinem, per quam tenera adhuc vastentur nascentia vitiorum; dat et ignem, sciens esse spinas et tribulos, quos debeat ignis ille depasci; de quo dicit Dominus, *Ignem veni mittere in terram (Luc. xii).* Per hunc enim incentiva voluptatis et libidinis consumuntur. *Misitque Pharaon, et convocavit Moysen et Aaron dicens ad eos: Peccavi etiam nunc, Dominus justus; ego et populus meus, impii. Orate Dominum, ut desinant iteritua Dei et grando, et dimittam vos, et nequaquam hic ultra maneat. Ait Moyses: Cum egressus fuero de urbe, extendam palmas meas ad Dominum, et cessabunt tonitrua, et grando non erit: ut scias quia Domini est terra. Novi autem quod et tu et servi tui, nec dum timeatis Dominum Deum, et reliqua (Luc. xii). (Ex Augustino.)* Cum fragore cœli qui vehemens erat in grandine, Pharaon tertius rogavit Moysen ut oraret pro illo, confitens iniquitatem suam, et populi sui; Moyses ei dixit: *Et tu et servi tui scio quod nondum timeatis Dominum.* Qualem timorem quærebat, cui timor iste nondum erat Domini timor? Facile enim est peccatum timere, sed hoc non est Deum timere, illo scilicet timore pietatis, quæ commemorat Jacob ubi dicit: *Nisi Deus patris mei Abraham, et timor Isaac esset mihi, nunc me inanem dimisisses. Et dixit Dominus ad Moysen: Ingrederere ad Pharaonem. Ego enim inharavi cor ejus et servorum illius, ut faciam signa mea hæc in eo: et narres in auribus filii tui et nepotum tuorum, quoties contriverim Ægyptios, et signa mea fecerim in eis: et scietis quia ego Dominus Deus (Gen. xxxi), et reliqua.* Quod Dominus illi ait ad

**A** Moysen: *Intra ad Pharaonem: Ego enim inharavi cor ejus et servorum ejus, ut ordine superveniant (Exod. x), signa mea hæc super eos, non sic accipiendum est, tanquam opus habeat Deus cujusquam malitia. Sed sic intelligendum est ac si diceret: Ego enim patiens fui super eum et servos ejus ut non eos auferrem, ut ordine superveniant signa mea super eos. Qua patientia enim Dei obstinatio fiebat malus animus; ideo pro eo quia in eum fuit, dicitur inharavi cor ejus.*

## CAPUT XIX.

## De locustis.

*Dixit autem Dominus ad Moysen: Extende manum tuam super terram Ægypti ad locustam, ut ascendat super eam: et devoret omnem herbam quæ restitua fuit grandini. Et extendit Moyses virgam super terram Ægypti (Exod. xviii).* [Ex Isidoro.] Quod locustarum octavo in loco fit mentio, putatur a quibusdam, per hoc genus plagæ, dissidentis a se et discordantis, humani generis inconstantia confutari. Alio quoque sensu locustæ pro mobilitate levitatis accipiendæ sunt tanquam vagæ et salientes animæ in sæculi voluptates. *Et Dominus induxit ventum urentem tota illa die ac nocte, et, facto mane, ventus urens levavit locustas, quæ ascenderunt super universam terram Ægypti, et sederunt in cunctis finibus Ægyptiorum innumerabiles, quales ante illud tempus non fuerunt, nec postea futuræ sunt; operueruntque universam superficiem terræ, vastantes omnia. Devorata est igitur herba terræ, et quidquid pomorum in arboribus fuit, quæ grando dimiserat: nihilque omnino virens relictum est in lignis et herbis terræ, in cuncta Ægypto, (Ex Gregorio.)* Ventus, inquit, urens levavit locustas, quæ ascenderunt super universam terram Ægypti, operueruntque universam faciem terræ, vastantes omnia. *Devorata est igitur herba terræ et quidquid pomorum in arboribus fuit.* Exhibita cœlitus Ægypti plagæ, quæ exigentibus meritis corporaliter semel illata sunt, quæ mala pravamentes quotidie feriant, spiritualiter signaverunt. Eis enim Ægyptus plagis affecta est, in quibus exteriore percussione commota, dolensque perpenderit, quæ devastatiois damna interius negligens tolerarit, ut dum fortis perirent minima, amplius delicta cernerent per eorum speciem, et quæ intus tolerant graviora sentirent. **D** Quid ergo per significationem locustæ portendant, quæ plusquam cætera minuta quæque animalia, humanis frugibus nocent, nisi linguas advolantium, quæ terrenorum hominum mentes, si quando bona aliqua proferre conspicunt, hæc immoderatus laudando corrumpunt. Fructus quippe Ægyptiorum est opera cenodoxorum quam locustæ exterminant, dum adulantis linguæ ad appetendas laudes transitorias, cor operantis inclinant. Herbas vero locustis comedunt, quando adulatores quique verba loquentium favoribus extollunt. Pomæ quoque arborum devorant, quando vanis laudibus quorundam jam quasi fortium opera enervant. *Egressus est Moyses de conspectu Pharaonis, et oravit Dominum, qui stare fecit*

ignem ab occidente vehementissimum, et ardentem, A locustarum projecto in mare Rubrum. Non remansit ne-  
 sand quidem in cunctis finibus Ægypti. Et induravit  
 cor Pharaonis, nec dimisit filios Israel. (Ex Augu-  
 stino.) Beneficium certe Dei commemoravit Scri-  
 ptura, quod abstulit locustas, et secuta dixit indu-  
 rasse Deum cor Pharaonis. Beneficio itaque suo et  
 patientia sua, qua illa fiebat obstinatio, dum ei par-  
 caretur, sicut omnia mala corda hominum, patientia  
 Dei male utendo durescunt.

## CAPUT XX.

*De tenebrarum immissione.*  
 Dixit autem Dominus ad Moysen: *Extende manum*  
*tuam in caelum, et sint tenebrae super terram Ægypti,*  
*sicut densa et palpari queant. Extendit Moyses ma-*  
*num in caelum, et factae sunt tenebrae horribiles in uni-*  
*versa terra Ægypti. Tribus diebus nemo vidit fratrem*  
*suum, nec movit se de eo loco in quo erat (Exod. x).*  
 [Ex Isidoro.] Nona plaga tenebrae factae suat: sive  
 ut mentis eorum caecitas arguatur, sive ut intelli-  
 gant divinae dispensationis et providentiae obscuris-  
 simas esse rationes. Posuit enim tenebras latitudi-  
 nem suam: quas illi audacter et temere perscrutari  
 cupientes, et alia ex aliis asserentes, in crassas et  
 palpabiles tenebras ignorantiae devoluti sunt.

## CAPUT XXI.

*De novissima plagarum decem, hoc est, de primitivorum*  
*interitu, et mystica decem plagarum expositione.*  
 Et dixit Dominus ad Moysen: *Adhuc una plaga*  
*tingam Pharaonem et Ægyptum, et post hæc dimittet*  
*vos, et eire compelles (Exod. xi).* [Ex Isidoro.] Ad  
 ultimum primitivorum inferitur interitus. Delentur  
 enim primogenita Ægypti, sive principatus et pote-  
 states eorum, et hujus mundi rectores: sive aucto-  
 res et inventores falsarum quæ in hoc mundo fue-  
 runt religionum: quas Christi veritas cum suis ex-  
 stinxit auctoribus et delevit. Hæc quantum ad locum  
 mysticum spectant, prolata sunt. Jam vero si etiam  
 moralis nobis figura tractanda est, dicemus quod  
 unaquæque anima in hoc mundo dum in erroribus  
 vivit et in ignorantia veritatis, in Ægypto posita  
 est. Huic si appropinquare cœperit lex Dei, aquas  
 ei vertit in sanguinem, id est, fluidam et lubricam  
 juventutis vitam convertit ad sanguinem Veteris vel  
 Novi Testamenti. Tum deinde educit ex ea vanam  
 et inanem loquacitatem, et adversum Dei providen-  
 tiam, ranarum similem querelam. Purgat etiam mal-  
 lignas cogitationes ejus, et scinphum mordacitati si-  
 miles, calliditatis aculeos discutit. Libidinum quoque  
 morsus cynomyæ spiculis similes depellit; stultitiam  
 in ea et intellectum pecudibus similem delet, per  
 quam homo cum in honore esset non intellexit, sed  
 comparatus est jumentis insipientibus et similis fac-  
 tus est illis. Arguit ejus et ulcera, peccatorum at-  
 que arrogantiae tumorem fervoremque in ea furoris  
 extinguit. Adhibet post hæc etiam voces filiorum  
 tonitru, id est, evangelicas apostolicasque doctrinas.  
 Sed et castigationem grandinis admoveat, ut luxuriam  
 voluptatesque coerceat. Adhibet simul et ignem poeni-

tentiae, ut ipse dicat: *Nonne cor nostrum erat ardens*  
*intra nos (Luc. xxiv)?* Nec locustarum ab ea sub-  
 duxit exempla, quibus mordeantur et depascantur  
 omnes inquieti motus ejus et turbidi: quo et ipse  
 dicat quod Apostolus docet, *ut omnia sua secundum*  
*ordinem fiant (II Cor. xii).* Ubi vero sufficienter fue-  
 rit castigata pro moribus et pro emendationis vitæ  
 correctione coercita, cum auctorem verberum sense-  
 rit, et confiteri jam cœperit quia digitus Dei est, et  
 parum quid agnitionis acceperit, tunc præcipue ges-  
 torum suorum tenebras videt; tunc errorum suo-  
 rum caliginem sentit. Cumque in hoc venerit, tunc  
 merebitur, ut exstinguantur in ea primogenita Ægy-  
 pti: in quo tale aliquid intelligi posse arbitror. Om-  
 nis anima cum ad supplementum ætatis advenerit,  
 et velut naturalis in ea quædam lex cœperit sua jura  
 defendere, primos sine dubio motus secundum desi-  
 derium carnis producit, quos ex concupiscentiæ vel  
 iræ fomite incentiva commoverit. Unde quasi præ-  
 cipuum et quod non sit commune cum cæteris homi-  
 nibus, de solo Christo Propheta dicit: *Butyrum et*  
*mel manducabit (Psal. vii).* Priusquam faciat aut  
 proferat maligna, eligit bonum: quam priusquam  
 aciat per bonum aut malum, resistet malitiæ ut eli-  
 gat quod bonum est. Alius autem Propheta tanquam  
 de semetipso loquens, dicebat: *Delicta juventutis*  
*meæ et ignorantia meæ ne memineris (Psal. xxiv).*  
 Quia ergo primi isti animæ motus secundum carnem  
 prolati, in peccatum ruunt, merito immortalis loco  
 Ægyptiorum primitiva ponunt: quæ eatenus exstin-  
 guantur, si reliquæ vitæ conversio emendatiorem di-  
 rigat cursum. Sic ergo in anima quam lex divina ab  
 erroribus susceptam castigat et corrigit, etiam pri-  
 mogenita Ægyptiorum intelliguntur esse deleta;  
 nisi post hæc omnia, in infidelitate perduret, et no-  
 lit jungi Israeliticæ plebi, ut exeat de profundo, et  
 vadat incolumis, sed in iniquitate permaneat, et  
 descendat tanquam plumbum in aquam validissi-  
 mam. *Iniquitas enim, secundum Zachariæ prophetae*  
*visum, super talentum plumbi sedet (Zach. v):* et  
 ideo qui permanet in iniquitate, tanquam plumbum  
 demergi dicitur in profundum. Sane quod in supe-  
 rioribus observavimus quædam prodigia per Aaron,  
 quædam per Moysen, quædam vero per ipsum Do-  
 minum ministrata, intelligi eatenus possunt ut ag-  
 noscamus in quibusdam per sacrificia sacerdotum  
 et observationes pontificum non esse purgandos,  
 quod Aaron persona designat; in quibusdam vero  
 per scientiam divinæ legis emendandos, quod Moysi  
 designat officium; in aliis autem sine dubio quæ  
 difficiliora sunt, ipsius Domini ægre virtute. Sed ne  
 illud quidem putandum est nobis inaniter observa-  
 tum quod primo quidem Moyses non int. at ad Pha-  
 raonem, sed occurrit ei exeuntem ad aquas, postmo-  
 dum vero intrat ad eum. Post hæc nec intra, sed  
 accersitus accedit et in hoc ita ut arbitror intelli-  
 gi posse, quod sive nobis in verbo Dei et religionis as-  
 sertorem certamen est adversum Pharaonem, sive  
 etiam obsessas ab eo animas, de potestate ejus co-

namur eripere, et est nobis in disputatione luctamen, non statim in prima fronte ingredi debemus ad ultima quæstionum loca; sed occurrendum nobis est adversario, et occurrendum ad aquas suas. Aquæ enim suæ sunt auctores gentilium philosophorum. Ibi ergo nobis primo disputare volentibus occurrendum est ut ipsos arguamus, et ipsos errare doceamus; post hoc jam ingrediendum est nobis ad interiora certaminis. Dicit enim Dominus: *Nisi quis prius alligaverit sortem, non potest introire in domum ejus, et vasa ejus diripere* (Matth. xii). Prius ergo nobis alligandus est fortis, et quæstionum vinculis constringendus: et ita introeundum ad diripiendum vasa ejus, et liberandas animas quas deceptionis fraude possederat. Quod cum sæpius fecerimus, et steterimus contra ipsum, steterimus autem eo modo quo Apostolus dicens: *State ergo succincti lumbos vestros in veritate* (Ephes. vi); et iterum: *State in Domino et viriliter agite* (Phil. iv); cum ergo hoc modo steterimus adversus ipsum, ille artifex antiquus et callidus etiam vinci se simulavit et cedere; si forte per hoc negligentiores nos efficiat ad certamen. Sed et penitentiam simulabit et deprecabitur nos discedere quidem, sed non longe discedere. Vult nos enim esse sibi aliqua ex parte vicinos; vult nos a suis finibus non longe discedere, sed nos nisi ab eo longius recedamus et transeamus mare, et dicamus: Quantum interjacet ortus ab occasu, elongavit a nobis iniquitates nostras, salvi esse non possumus. Possunt præterea et hæc decem plagæ quibus Ægyptus verberata est propter Israelitis, Romani regni comparari temporibus, quia hæc in figuram nostri facta sunt. Uterque populus, id est, Israeliticus et Christianus, unius Dei est, una populi utriusque causa. Subdita fuit Israelitarum Synagoga Ægyptiis, subdita Christianorum Ecclesia Romanis; persecuti sunt Ægyptii, persecuti sunt et Romani. Decem ibi contradictiones adversus Moysen; decem ibi editæ adversus Christum. Diversæ enim plagæ Ægyptiorum; diversæ hic calamitates Romanorum. Nam ut etiam ipsas inter se plagas, in quantum tamen figura formæ comparari potest, conferam. Ibi prima correptio habuit sanguinem vulgo vel emanasse de puteis, vel in fluminibus concurrisse: hic prima sub Nerone exigit plaga ut ubique mortentium sanguis esset, vel morbis in urbe correptus, vel bellis in orbe profusus. Ibi sequens plaga prodit perstreperentes persultantesque in penetrabilibus ranas, inediæ propemodum causa habitatoribus atque exitu fuisse hic sequens sub Domitiano pœna, similiter quando satellitum militumque ejus improbis effrenatisque discursibus cruentissimi jussa principis exsequentium, ad inopiam pene omnes Romanos cives adactos, exsilioque dispersos coegit. Ibi tertia vexatio habuit sciniphes, musculas scilicet parvissimas sævissimasque: quæ mediis sæpe æstibus per loca squalida coadunatim vibrando densata, et in illo volatu allabi solent, capillisque hominum ac pecudum setis cum urente morsu infarri:

A hic itidem sub Trajano plaga Judæos excitavit: qui cum atque ubique dispersi, ita jamque non essent quiescerent, repentino quodque calore permoti, in ipsos inter quos erant totæ orbis sævierat, abque inmanibus multarum urbium ruinis, quas crebri terremotus fisdem temporibus subtraxerunt. Ibi in quarta plaga muscæ caninæ fuerunt, sævæ animalia putredinis veruntumque matres; hic itidem quarta sub Marco Antonio plaga, lues plurimis infusa provinciis, Italiam quoque cum urbe Roma universam, exercitumque Romanorum, per longinquos limites in diversa hiberna dispersum, morte dissolutum, putredini simul ac vermibus dedit. Ibi quinta correptio pecorum ac jumentorum repentino interitu expleta est; hic similiter quæstæ ultio sub Severo persecutore, creberrimis civibus bellis, propria viscera et adjumenta reipublicæ, hoc est, plebes provinciarum, et religiones militum communitæ sunt. Ibi sexta vexatio intulit vastas ossiferasque, ulceraque manantia: hic æque sexta pœnitio quæ post Maximi persecutionem fuit, qui specialiter episcopos et clericos ommissa turba populari, hoc est, ecclesiarum primates cruciari imperaverat; intumescens crebro ira atque invidia, non per vulgi eadem, sed per vulnera mortientium principum ac potentum exaltata est. Ibi septima plaga numeratur coacta agere grandis profusa, quæ hominibus jumentisque satis exitio fuit: hic similiter septima sub Gallo et Volusiano, qui persecutori Decio mox interfecto successerant, plaga existit. Nam tunc pestis infusa est per omnia Romanæ regni ab oriente ad occidentem spatia, cum omne propemodum genus hominum neci dedit; tunc etiam corruptæ latus, infuditque pabula tabo. Ibi octavam Ægypti contritionem facere, excitatæ undique locustæ, terrentesque omnia; hic octavam æque in subversionem Romanæ urbis excitatæ, undique intalere gentes, quæ cædibus atque incendiis cunctas provincias deleverunt. Ibi nona turbatio futurinæ, crassas ac penetrabiles tenebras habuit: plus omnino periculi comminata quam scæti; hic eadem correptio fuit, cum Aureliano persecutionem decernenti diris turbinibus, terribile ac triste fulmen sub ipso pædibus ruit, ostendens quid cum ultio talis exigere, tantus possit ultor, nisi et clemens esset et patiens: quanquam intra sex hic menses, tres occidi imperatores, hoc est, Aurelianus, Tacitus et Florianus, diversis causis interfecti sunt. Ibi postremo decima plaga, quæ novissima omnium fuit, interfectio illorum quos primos quique genuerunt: hic nihilominus decima, id est, novissima pœna est, omnium perditio idolorum, quæ primitus facta, in primis amabant. Ibi rex potentiam Dei sentit, et probavit et credidit, ac per hoc populum Dei ire permisit: hic per potentiam Dei sentit et probavit et credidit, ac per hoc populum Dei ire liberum esse permisit. Ibi nunquam postea populus Dei ad servitutem retractus: hic nunquam postea populus Dei ad idololatriam coactus est. Ibi Ægyptiorum vasa pretiosa Hebræis tradita

sunt. Hic Ecclesie Christianorum præcipua paganorum templa cesserunt. Sane illud, ut dixi, denuntiandum puto, quia sicut Ægyptus post has decem plagas dimissos Hebræos persequi, molientibus irruit per superductum mare æterna perditio: ita et nos quidem libere peregrinantes, superventura quandoquidem persecutio gentilium manet, donec mare Rubrum, id est, ignem iudicii, ipso Domino duce et iudice, transeamus. Hi vero in quos Ægyptiorum forma transfunditur, permessa ad tempus potestate sævientes gravissimis quidem permissu Dei Christianos cruciatibus persequuntur: verum tamen iidem omnes inimici Christi cum rege suo Antichristo, accepto stagno ignis æterni, quod magna impediende caligine dum non videretur, intratur, perpetuam perditionem immortalibus arsuris suppliciiis patientur.

### CAPUT XXII.

*Mandatum Domini per Moysen ad filios Israel datum, ut petant a vicinis suis et amicis vasa aurea et argentea.*

*Locutus est Dominus ad Moysen, dicens: Dic ergo omni plebi ut postulet vir ab amico suo, et mulier a vicina sua, vasa aurea et argentea. Dabit autem Dominus gratiam populo suo coram Ægyptiis (Exod. xi).* Non hinc quisque sumendum exemplum putare debet ad exspoliandum isto modo proximum. (Ex Augustino.) Hoc enim Deus iussit, qui noverat quid quemque pati oporteret; nec Israelitæ furtum fecerunt, sed Deo iubenti ministerium præbuerunt: quemadmodum cum minister iudicis occidit eum quem iudex iussit occidi, profecto si id sponte fiat, homicida est etiam si eum occidat quem scit occidi a iudice debuisse. Est etiam ista nonnulla quæstio: Si seorsum habitabant Hebræi in terra Gessen, ubi nec plagæ leebant quibus regnum Pharaonis affligebatur, quomodo petit quisque a proximo vel a proxima aurum, et argentum, et vestem, præsertim quia ubi primum hoc mandatur per Moysen, sic positum est: *et mulier a vicina sua*, et concellaria vel concellania, si ita dicendum est, vel cohabitatrix sua. Unde intelligendum est etiam in terra Gessen non solos Hebræos habitasse, sed eis aliquos Ægyptios in illa terra cohabitatores fuisse, ad quos poterunt merito Hebræorum etiam illa beneficia pervenire, ut hic eos et diligenter iidem Ægyptii cohabitatores, et quod petebant facile commendarent: nec tamen Deus iudicavit ita illos alienos fuisse ab injuriis et contradictionibus quas populus Dei per tulit, ut nec isto damno ferirentur, qui plagis illis propter quod terræ illi parcebatur percussi non erant. (Ex Gregorio.) Hic quoque diligenter considerandum est quod montes usui vitæ carnalis inhærentes, evelli ab infimis non possunt, nisi gradatim ducta prædicatione proficiant. Hinc quippe est quod in Ægypto positus, pio iustoque moderamine, latente concupiscentia condescenditur, et vicinorum suorum vasis aureis argenteisque sublatis, discedere iubentur. Qui ad Sina montem ducti, accepta lege *oculum pro oculo*,

*A dentem pro dente (Exod. xxi)*, præcipiuntur exigere; et quandoque tamen revelante gratia *percussi in maxillam unam, alteram iubentur præbere (Matth. v)*. Quia enim semper plus ira in vindicta exigit quam injuria accipit, dum discunt mala non multipliciter reddere, quando discerent ea et multiplicata sponte tolerare. Hinc est quod eundem rudem populum a quibusdam prohibuit, quædam vero ei in usu pristino servavit; sed hæc ipsa tamen in meliori vitæ figura composuit. Bruta namque animalia idolis in Ægypto mactabant eique in usu postmodum animalium victima fuit: ut dum de usu suo aliquid admitterent, consolarentur ejus infirmi per hoc quod de usu suo aliquid haberent. Mira autem dispensatione consilii, quod ei Dominus de consuetudine carnali retinuit, hoc in figura spiritus potentius vertit. Quid enim sacrificia illorum animalium, nisi Unigeniti mortem designant? Quid sacrificia illorum animalium, nisi extinctionem carnalis vitæ nostræ significant? Unde ergo imbecillitati populi rudis condescendens dicitur, inde ei per obumbratas allego-riarum species major fortitudo spiritus nuntiatur.

### CAPUT XXIII.

*De sanctione Paschæ in terra Ægypti.*

*Dixit quoque Dominus ad Moysen et Aaron in terra Ægypti: Mensis iste vobis principium mensium, primus erit in mensibus anni. Loquimini ad universum cætum filiorum Israel, et dicite eis: Decima die mensis hujus tollat unusquisque agnum per familias et domos suas. Sin autem minor est numerus ut sufficere non possit ad vescendum agnum, assumet vicinum suum qui conjunctus est domui suæ: juxta numerum animarum quæ sufficere possunt ad esum agni. Erat autem agnus absque macula, masculus, anniculus. Juxta quem ritum tolletis et hædum: et servabitis eum usque ad quartam decimam diem mensis hujus: immolabitque eum universa multitudo filiorum Israel ad vesperam (Exod. xii).* Mensis enim iste vobis principium mensium, primus erit in mensibus anni. Mensem primum vocat Nisan secundum Hebræos in quo creatum est cælum et terra, et mundi exstitit exordium. Cujus mensis plenilunium, post æquinocetium vernale semper debet attendi in eo, et plebs Israelitarum a servitute Ægyptiorum liberata est, et genus humanum per Christi sanguinem a potestate diaboli ereptum atque translatum est. Decima die mensis agnus assumi iubetur et servari usque ad quartam decimam diem mensis ejusdem ad vesperam, et sic immolari: ita et Redemptor noster decima die, hoc est, ante quinque dies Paschæ Jerosolymam veniens, in templo atque in conventu insidiantium Judæorum verbum Dei docens, exspectavit quartam decimam diem, in quo Pascha mysticam cum discipulis suis celebrans, per Judam proditorem in manus Judæorum traditus est, atque sequenti die in cruce est pro redemptione nostra immolatus. Quod autem decima die mensis agnus tollitur, sed non immolatur usque ad quartam decimam diem, significat quod per legem quidem Christi passio præfigurabatur, tamen non



nisi Evangelii coruscante gratia completeretur. Denarius enim numerus propter decalogum ad legem pertinet, et quaternarius propter quatuor Evangelia Novum exprimit Testamentum. Hoc igitur quod unicuique agnum jubet sumere per familias et domos suas, et si minor sit numerus edentium qui non possit agni carnem consumere, mandat vicinum suum qui junctus est domui eis assumere, quatenus sufficiens sit numerus ad esum agni, typice designat quod non solum ex Judæis, sed etiam ex gentibus, convocandi erant ad fidem Christi et ad veri Agni immolationem. Non enim sola sufficebat gens Judæa ad spirituale Pascha celebrandum; quin etiam gentes quæ vicinæ fuerunt domui Judæ, adhibendæ erant, quatenus domus Dei convivantium numero impleretur, et agni carnes digne comestæ, fidelibus in pastum vitæ æternæ verterentur. Quod autem idem agnus vespere comedi jubebatur, significat Christi passionem in novissima ætate sæculi esse complendam. Denique quod hædus similiter assumi jubetur, et servari usque ad quartam decimam diem, non immerito incarnationis Christi mysterio accipitur. Quid enim opus erat ovem vel agnum ab ovibus, et hædum ab hædis accipiendum moneri, nisi ille figuraretur cujus caro non solum ex justis, verum etiam ex peccatoribus propagata est: quanquam conentur Judæi etiam hædum intelligere accipiendum ad celebrandum Pascha, et hoc esse dictum putant, ab ovibus et hædis accipere, tanquam diceret vel ab agnis agnum, vel ab hædis hædum, si illud desit, sumi oportere. Apparet tamen in Christo, rebus impletis, quid illo præcepto fuerit figuratum: *Et sument de sanguine, ac ponent super utrumque postem, et in superliminaribus domorum, in quibus comedent illum: et edent carnes nocte illa assas igni, et azymos panes cum lactucis agrestibus. Non comedetis ex eo crudum quid, nec coctum aqua, sed assum tantum igni. Caput cum pedibus et intestinis vorabitis, nec remanebit ex eo quidquam usque mane. Si quid residui fuerit, igne comburetis.* Quæ autem superaverint, inquit, ab eo in mane, igne concremabitis. (Ex Augustino.) Quæri potest quomodo aliquid superavit, cum hoc præmoniti fuerant, ut si domus non habuerit consumendo pecori idoneam multitudinem, vicini assumantur. Sed intelligitur quoniam dictum est, *Os non comminuetis ex eo*, remansura utique fuisse ossa quæ igne concremarentur: *Sic autem comedetis illum: Renes vestros accingetis, calceamenta vestra habebitis in pedibus, tenentes buculos in manibus, et comedetis festinantes. Est enim Phase, id est transitus Domini. Et transibo per terram Ægypti nocte illa, percutiamque omne primogenitum in terra Ægypti, ab homine usque ad pecus, et in cunctis diis Ægypti faciam judicia: ego Dominus.* (Ex Gregorio.) Hæc videlicet cuncta magnam nobis ædificationem pariunt, si fuerint mystica interpretatione discussa. Quis namque sit sanguis agni, non audiendo sed bibendo didicimus. Qui sanguis super utrumque postem ponitur, quando non solum ore corporis, sed etiam ore cordis hauritur,

In utroque etenim poste agni sanguis est positus quando sacramentum passionis illius cum ore ad redemptionem sumitur, ad imitationem quoque intenta mente cogitatur. Nam qui sic Redemptoris nostri sanguinem accipit, ut imitari passionem illius necdum velit, in uno poste sanguinem posuit. Qui etiam in superliminaribus domorum ponendus est. Quid enim spiritualiter domos, nisi mentes nostras accipimus, in quibus per cogitationem inhabitamus? Cujus domus superliminare, est ipsa intentio, quæ supereminet actioni. Qui ergo intentionem cogitationis suæ ad imitationem Dominicæ passionis dirigit, in superliminare domus agni sanguinem ponit. Vel certe domus ipsa sunt corpora, in quibus quousque vivimus, habitamus, et in superliminare domus agni sanguinem ponimus, quia crucem passionis illius in fronte portamus. De quo agno adhuc subditur: *Et edent carnes nocte illa assas igni.* In nocte quippe agnum comedimus, qui in sacramento modo Dominicum corpus accipimus, quando adhuc ab invicem nostras conscientias non videmus. Quæ tamen carnes agni assandæ sunt, quia nimirum dissolvit carnes quas aqua coxerit; quas vero ignis sine aqua excoquit, roborat. Carnes itaque agni nostri ignis coxit, quia eum vis passionis illius ad resurrectionem valentior reddidit, atque incorruptionem roboravit. Quæ enim ex morte convaluit, videlicet carnes illius ab igne diruerunt. Unde etiam per Psalmistam dicit: *Exaruit velut testa virtus mea (Psal. xxi).*

Quid namque est testa ante ignem, nisi molle lutum? sed ei ex igne agitur ut solidetur. Virtus ergo humanitatis ejus velut testa exaruit, quia ab igne passionis ad virtutem incorruptionis crevit. Sed sola Redemptoris nostri percepta sacramenta ad veram solemnitatem mentis non sufficiunt, nisi eis quoque et bona opera jungantur. Quid enim prodest corpus et sanguinem illius ore percipere, et ei perversis moribus contraire? Unde bene adhuc ad comedendum subditur: *Et azymos panes cum lactucis agrestibus.* Panes quippe sine fermento comedit, qui recta opera sine corruptione vanæ gloriæ exercet; qui mandata misericordiæ sine admixtione peccati exhibet, ne perverse diripiat quod quasi recte dispensat. Hoc quoque peccati fermentum bonæ suæ actioni miscuerunt, quibus prophetæ voce per increpationem Dominus dicit: *Venite ad Bethel, et impie agite.* Atque post pauca: *Et sacrificate de fermento laudem (Amos iv).* De fermento namque laudem immolat, qui sacrificium Deo de rapina parat. Lactucæ vero agrestes valde amaræ sunt; carnes vero agni cum lactucis agrestibus sunt edendæ, ut cum corpus Redemptoris accipimus, nos pro peccatis nostris in fletibus affligamus, quatenus ipsa amaritudo pœnitentiæ abstergat a mentis stomacho perversæ amorem vitæ. Ubi et subditur: *Non comedetis ex eo crudum quid, neque coctum aqua.* Ecce jam non ipsa verba historici ab intellectu historico repellunt. Nunquid Israeliticus ille populus in Ægypto constitutus agnum comedere crudum consueverat ut illi lex dicat, *Non comedetis*

*ex ea crudum quid?* ubi et additur, *neque coctum in aqua*. Sed quid aqua nisi humanam scientiam designat? Juxta hoc quod per Salomonem sub hæreticorum voce dicitur: *Aquæ furtivæ dulciores sunt* (Prov. ix). Quid crudæ agni carnes, nisi inconsideratam ac sine reverentia cogitationis rejectam illius humanitatem significant? Omne enim quod subtiliter cogitamus, hoc mente coquimus. Sed agni caro nec arida edenda est, nec aqua cocta, quia Redemptor noster, nec purus homo æstimandus est, neque per humanam sapientiam qualiter incarnari Deus potuit, cogitandus. Omnis enim qui Redemptorem nostrum puram hominem credit, quid iste aliud quam agni carnes crudas comedit, quas videlicet coquere per divinitatis ejus intelligentiam noluit? Omnis vero incarnationis ejus mysteria juxta humanam sapientiam discutere conatur, carnes agni aqua vult coquere, id est dispensationis mysterium, per dissolutam vult scientiam penetrare. Qui igitur paschalis gaudii solemnitatem celebrare desiderat, agnam neque aqua coquat, neque crudum comedat; ut neque per humanam sapientiam profunditatem incarnationis illius penetrare appetat, neque in eum tanquam in hominem purum credat; sed assatas igni carnes comedat, ut dispensari omnia per sancti Spiritus potentiam sciat. De quo adhuc recte subjungitur: *Caput cum pedibus et intestinis vorabitis*. Quare Redemptor noster est  $\alpha$  et  $\omega$  (Apoc. i). Deus videlicet ante sæcula, et homo in fine sæculorum. Caput ergo agni vorare, est divinitatem illius fide percipere. Pedes vero agni vorare, est vestigia humanitatis ejus amando et imitando perquirere. Quid vero sunt intestina, nisi verborum illius occulta et mystica mandata? Quæ tunc voramus, cum verba vitæ cum aviditate sumimus. In quo devorationis verbo, quid aliud quam nostræ pigritiæ torpor reprehenditur, qui ejus verba atque mysteria, et per nosmetipsos non requirimus, et dicta ab aliis audimus inviti? *Non remanebit ex eo quidquam usque mane*, quia ejus dicta magna sunt sollicitudine discutienda, quatenus priusquam dies resurrectionis appareat, in hac præsentis vitæ vocatione omnia mandata illius intelligendo et operando penetrentur. Sed quia valde est difficile ut omne agni eloquium possit intelligi, et omne ejus mysterium penetrari, recte subjungitur: *Si quid autem remanserit, igni comburetis*. Quod ex agno remanet igni comburimus, quando hoc quod de mysterio incarnationis ejus intelligere et penetrare non possumus, potestati Spiritus sancti humiliter reservamus, ut non superbe quis audeat vel contemnere, vel denunciare quod non intelligit; sed hoc igni tradit, cum Spiritui sancto reservat.

Quia igitur qualiter edendum sit pascha cognovimus, nunc qualiter edi debeat, agnoscamus. Sequitur: *Sic autem comedetis illum: renes vestros accingetis*. Quid in renibus nisi delectatio carnis accipitur? Unde et Psalmista postulat, dicens: *Ut renes nostros esse nesciret, eos uri minime petisset*. Unde quia potestas diaboli in humano genere maxime per luxu-

riam prævaluit, de illo voce Dominica dicitur: *Potestas ejus in lombis ejus* (Job. xxxviii). Qui ergo pascha comedit, habere renes accinctos debet, ut qui solemnitatem resurrectionis atque incorruptionis agit, corruptioni jam per vitia nulli subiaceat, voluptates edomet, carnem a luxuria restringat. Neque enim cognovit quæ sit solemnitas incorruptionis, qui adhuc per incontinentiam corruptionis subjacet. Hæc quibusdam dura sunt, *sed angusta porta est quæ ducit ad vitam*, et habemus jam non multa exempla continentium: *Calceamenta habebitis in pedibus*. Quid sunt etenim pedes nostri nisi opera? Quid vero calceamenta nisi pelles mortuorum animalium? Calceamenta autem pedes muniunt. Quæ vero sunt mortua animalia ex quorum pellibus nostri muniantur pedes, nisi antiqui Patres qui nos ad æternam patriam præcesserunt, quorum dum exempla conspiciamus, nostri operis pedes manimus? Calceamenta ergo in pedibus habere est mortuorum vitam conspiciere, et nostra vestigia a peccati vulnere custodire. *Tenentes baculos in manibus*. Quid lex per baculum, nisi pastorem custodiam designat? Et notandum quod prius præcipimur renes accingere, postmodum baculos tenere: quia illi debent curam pastorem suscipere qui jam in suo corpore sciunt fluxa luxuriæ domare, ut cum aliis fortia prædicant, ipsi desideriis mollibus exviter non succumbant. Bene autem subditur: *Et comedetis festinantes*. Notandum vero quod dicitur *festinantes*, nos admonere quo mandata Dei, mysteria Redemptoris, cælestis Patris gaudia cum festinatione cognoscamus, et præcepta vitæ cum festinatione implere curemus. Quia enim adhuc hodie licet bene agere scimus, utrum cras liceat, ignoramus. Festinantes ergo pascha comedamus, id est solemnitatem patriæ cælestis anhelemus. Nemo in hujus vitæ itinere torpeat, ne in patria locum perdat. Pascha enim nostrum Christus est, Paulo attestante qui ait: *Etenim pascha nostrum immolatus est Christus* (I Cor. v). Porro quod sequitur, *in diebus eorum fecit judicium*, illud Hebræi autumant quod nocte qua egressus est populus, omnia in Ægypto templa destructa sunt, sive motu terræ, sive tactu fulminum. Spiritualiter autem dicimus quod egredientibus ex Ægypto errorum idola corruant, et omnis perversorum dogmatum cultura quatiatur. *Erit autem sanguis vobis in signum in aedibus in quibus eritis. Et videbo sanguinem ac transibo vos, nec erit in vobis plaga disperdens, quando percussero terram Ægypti*. Sanguis Christi in signum est credentibus ne noceat eis exterminator, quia maxima tutela contra hostes est Christianis memoria passionis Christi. Quod autem idem sanguis, tincto fasciculo hyssopi, aspergi in superliminare, et in utrumque postem jubetur, significat, quod secundum fidem catholicam passionis Christi sacramentum celebrare debemus. Hyssopus enim herba est humilibus radicibus, adhærens petreæ, et purgandis pulmonibus apta: sic et fides Christi, quam in Evangelio (Matth. xiii) ipse Dominus *grano sinapis* comparat, humili devotione suscepta, et fir-

miter in corde retenta, omnes interiores animi affectus purgat et emundat, ac sacramentorum celestium habilem hominem efficit. *Habebitis autem hunc diem in monumentum, et celebrabitis eum solemnem Domino, in generationibus vestris cultu sempiterno.* (Ex Augustino.) Quod scriptum est, Et facietis diem hunc in progenies vestras legitimum æternum, vel æternalem, quod Græce dicitur *αιώνιον*, non sic accipiendum est tanquam possit istorum prætereuntium dies esse ullus æternus, sed illud æternum est quod iste significat dies, velut cum dicimus ipsum Deum æternum, non utique istas duas syllabas æternas dicimus, sed quod significant. Quanquam diligenter scrutandum sit quomodo appellare Scriptura solet æternum, ne forte ita dixerit solemniter æternum, quem nefas habeant prætermittere aut sua sponte mutare. Aliud est enim quod præcipitur, quousque fiat sicut præceptum est, ut septies muros Jericho circumiret arca; aliud cum præcipitur sic observari aliquid, ut nullus terminus præliniatur observationis, sive quotidie, sive per menses, sive per annos solemniter, sive per multorum, sive aliquorum annorum certa intervalla. Aut ergo sic appellavit æternum, quod non sua sponte audeant desinere celebrare; aut sicut dixi, ut non ipsa signa rerum, sed res quæ his significantur æternæ intelligantur. *Septem diebus azyma comedetis. In die primo non erit fermentum in domibus vestris. Quicumque comederit fermentatum, peribit anima illius de Israel, a primo die usque ad diem septimum.* Quid est quod Pascha celebraturos septem diebus azyma jubet comedere, nisi quod omnes qui passionis Christi et resurrectionis ejus mysteria fide verè celebrant, oportet ut sine fermento malitiæ et nequitiae præsentem vitam, quæ septenario dierum numero discurrit, totam incontaminatam ducant? Unde et sequitur: *Dies, inquit, prima erit sancta atque solemnitas: et dies septima eadem festiuitate venerabilis. Nihil operis facietis in eis, exceptis his quæ ad vescendum pertinent; et servabilis azyma.* Diem primam initium credulitatis, et diem septimam finem præsentis vocat. Omne enim tempus præsentis vitæ convenit veris Israelitis festivum ducere, hoc est in passionis et resurrectionis Christi mysterio honorare; nihilque operis in illis facere, exceptis his quæ ad vescendum pertinent: quia non licet eis in mundi concupiscentiâ et peccatorum opere laborare, sed in meditatione sanctorum Scripturarum atque in bonis operibus quæ æternam in caelis refectionem sanctis præparant, continuo delectari. Unde sequitur: *Primo mense, quarta decima die mensis ad vesperam, comedetis azyma, usque ad diem vigesimum primum ejusdem mensis ad vesperam.* Quid significat vespera quarta decima diei primi mensis, in quo Pascha celebratum est, et agni immolatio perfecta, nisi depositionem veteris hominis, et initium conversationis novæ quod in baptismo Christi morte figurante inchoatur? Unde et Apostolus: *Quicumque, inquit, baptizati sumus in Christo Jesu, in morte ipsius baptizati sumus. Consepulti enim su-*

mus cum illo per baptismum in morte; ut quomodo resurrexit Christus a mortuis per gloriam Patris, ita et nos in novitate vitæ ambulemus (Rom. vi). Ergo a vespera quartæ decimæ diei primi mensis, per integram videlicet septimanam, azyma jubemur comedere, quia a perceptione sacri baptismatis, usque ad finem vitæ simpliciter et sine dolo debemus vivere. Unde et Petrus ait: *Deponentes omnem malitiam et omnem dolum, et simulationes et invidias et omnes detractiones, sicut modo geniti infantes, rationabile et sine dolo lac concupiscite, ut in eo crescat in salutem.* Sequitur: *Quicumque comederit fermentum, peribit anima ejus de cælis Israel, tam de adventis quam de indigenis terræ.* Quia nimirum omnis qui dolose vivit, et erronea doctrina pollutus, præsentem vitam usque ad finem perduxerit, tunc separatus de cœtu sanctorum, perpetuis cruciatibus sine fine puniendus, in æternum peribit. *Incurvatusque populus adoravit. Et egressi filii Israel fecerunt sicut præceperat Dominus Moysi et Aaron.* Fit Pascha in occisione agni; occiditur Christus, de quo in Evangelio dicitur: *Ecce Agnus Dei, ecce qui tollit peccata mundi (Joan. i).* Vespere immolatur agnus; in vespera mundi, passus est Christus. Prohibentur qui Pascha faciunt ossa frangere; non franguntur in cruce ossa Domini, attestante evangelista, qui dicit: *Oss ejus non comminuetis.* Sanguine agni illiniuntur Israelitarum postes, ne vastator angelus audeat inferre perniciem; signantur signo Dominicæ passionis in frontibus fideles populi ad tutelam salutis, ut hi soli ab interitu liberentur, qui cruore Dominicæ passionis corde et fronte signati sunt; qui etiam opere loquuntur: *Signatum est super nos lumen cultus tui, Domine (Psal. iv).* Unde appellatur ista solemnitas phase, quod nos transitum possumus vocare, eo quod de peccatoribus ad meliora pergentes tenebrosam Ægyptum derelinquamus.

## CAPUT XXIV.

*De transitu Domini in noctis medio per terram Ægypti, et percussione primogenitorum.*

*Factum est autem in noctis medio, percussit Dominus omne primogenitum in terra Ægypti, a primogenito Pharaonis qui sedebat in solio ejus, usque ad primogenitum captivæ, quæ erat in carcere, et omne primogenitum jumentorum. Surrexitque Pharaon nocte et omnes servi ejus, cunctaque Ægyptus: et ortus est clamor magnus in Ægypto, neque enim erat domus in qua non jaceret mortuus (Exod. xii).* Factus est, inquit, clamor magnus in terra Ægypti, non enim fuerat domus in qua non jaceret mortuus. Nonne potuit esse aliqua domus quæ primogenitum non haberet? (Ex Augustino.) Cum ergo primogeniti tantummodo morerentur, quomodo nulla erat quæ non haberet mortuum? An et hoc divinitus præsentia Dei fuerat procuratum, ut in omnibus omnino essent domibus primogeniti, in quibus percuterentur Ægyptii? Ab hac sane plaga non putandi sunt immunes fuisse Ægyptii qui habitabant in terra Gessen, hominum quippe erat vel animalium, non terræ, id est,

homines et animalia primogenita moriebantur occulto et angelico percussu : non aliquid in cœlo vel in terra factum erat, sicut rana, vel locusta, vel tenebræ, unde qui habitabant affligerentur; a talibus enim plagis cum terra Gessen fuisset aliena, procul dubio perveniebat beneficium ad eos Ægyptios qui in eadem terra cum Hebræis morabantur : hac vero primogenitorum omnes percussi sunt. *Filii autem Israel fecerunt sicut præceperat illis Moyses, et petierunt ab Ægyptiis vasa aurea et argentea et vestem : et Dominus dedit gratiam populo suo coram Ægyptiis, et commodaverunt illis, et prædatis sunt Ægyptios.* Jam hoc factum fuerat ante mortes primogenitorum Ægyptiorum, sed nunc per recapitulationem repetitur. Nam narratum est quando factum est. Modo enim fieri quomodo posset ut in tanto luctu ex moribus suorum accommodarent ista filiis Israel, nisi forte quis dicat etiam ista plaga non fuisse percussos Ægyptios qui cum Hebræis inhabitabant terram Gessen. (*Ex Isidoro.*) Quid vero hæc præfiguraverunt, nisi quod in auro et argento ac veste Ægyptiorum significatæ sunt quædam doctrinæ quæ ex ipsa con-

A suetudine gentium, non inutili studio discuntur. Sed sive hoc significet, sive illud quod ex ipsis gentibus animæ pretiosæ tanquam vasa aurea et argentea, cum suis utique corporibus quod vestem significant, adjungunt se populo Dei, ut simul de hoc sæculo, tanquam de Ægypto, liberentur. *Tulit igitur populus conspersam farinam antequam fermentaretur, et ligans in palliis, posuit super humeros suos.* Quod vero ait fermento sublato sic profectos esse filios Israel de Ægypto, hoc et a nobis modis omnibus, si fieri potest, elaborandum est, ut exeuntes a sæculi hujus illecebris, non ambulemus in fermento veteris malitiæ et nequitiae, sed in azymis sinceritatis et veritatis, quod est novi hominis conversatio, relicto pristino homine cum vitii suis. Sane quia ab exordio libri Exodi incrementum populi Israelitici in Ægypto, plagasque Ægyptiis irrogatas propter inobedientiam describentes, primum librum usque ad typici Paschæ celebrationem perduximus, sequentis libri exordium ab exitu filiorum Israel de Ægypto inchoandum ratum esse arbitramur.

## LIBER SECUNDUS.

### PRÆFATIO.

*Omnis Scriptura divinitus instituta, secundum Apostoli sententiam (II Tim. III), utilis est ad docendum, ad arguendum, ad corrigendum, ad erudiendum in justitia. Quapropter quisquis sedulus earum est meditator, interneque eas conspicit, invenit in sermone suave documentum, in sensu salubre consilium, in mysterio honorabile sacramentum.* Neque enim solummodo sufficit lectoribus divinatorum librorum sensus historicus, sed etiam diligenter eis est considerandum quid per allegoriam eis propheticus sermo innuere velit : sicut in præsentī libro, quando per historiam audierimus propter crudelitatem exertam in filios Israel, et propter inobedientiam qua divino imperio contrarii exstiterunt, Ægyptios justam promeruisse vindictam, cogitare debemus eorum Israelitarum liberationem de spirituali Ægypto, et introductionem in terram repromissionis, ubi mel et lac spirituale credentes quique sufficienter percipiunt; hostiumque spiritualium in baptismatis unda, per manum omnipotentis Dei, validam interfectionem; ut in his omnibus instructi, parati simul ad omne opus bonum. Post commemorationem ergo Paschæ, sequitur sermo de transitu filiorum Israel ex Ægypto, prolatus ita.

### CAPUT PRIMUM.

*De profectioe filiorum Israel ex Ægypto de Ramesse in Socoth prima mansione; et ritu Paschæ ibi exposito per Moysen.*

*Profectique sunt filii Israel de Ramesse in Socoth, sexcenta ferme millia peditum virorum, absque parvulis et mulieribus; sed et vulgus promiscuum innumerabile ascendit cum eis (Exod. XII). (Ex Ambrosio.*

Manifestum est homines significatos, sive in servis, sive in mulieribus, sive in his ætatibus quæ militiæ non essent idoneæ, ut sexcenta millia peditum in eis solis intelligamus qui possent militari agmine armari. Quæri autem solet utrum ad tantum numerum Hebræi pervenisse potuerint per eos annos in Ægypto. Dicit enim ita in sequentibus : *Habitatio autem filiorum Israel qua manserant in Ægypto fuit quadringentorum triginta annorum. Quibus expletis eadem die egressus est omnis exercitus Domini de terra Ægypti.* Non enim ab introitu Jacob in Ægyptum usque ad exitum filiorum Israel de Ægypto, quisquis Scripturas sacras diligenter inspexerit, tantum numerum annorum invenerit. Proinde illa nimirum computatio quam secutus est Eusebius in historiæ suæ Chronico, perspicuæ veritati subnixæ est. Ab illa enim promissione computat quadringentos et triginta annos, qua vocavit Deus Abraham ut exiret de terra sua in terram Chanaan; quia et Apostolus cum Abraham laudaret et commendaret fidem, in ea promissione qua Christum vult intelligi prophetarum, id est, qua promisit Deus Abraham quod benedicerentur in eo omnes tribus terræ. *Hoc autem dico, inquit, quia testamentum a Deo confirmatum, quæ post quadringentos et triginta annos facta est lex, non infirmat ad evacuandas promissiones (Gal. III).* Ex illa ergo promissione qua vocatus est Abraham et credidit Deo post quadringentos et triginta annos factam legem dicit Apostolus, non ex tempore quo Jacob intravit in Ægyptum. Deinde etiam ipsa scriptura Exodi satis hoc significat. Non enim dixit, incolatus filiorum Israel quem incoluerunt in terra Ægypti, anni quadringenti triginta, sed aperte dixit : *quam incoluerunt*

in terra *Ægypti Chanaan, ipsi et patres eorum*. Ac per hoc manifestum est computandum esse tempus etiam patriarcharum Abrahamæ, Isaac et Jacob, ex quo peregrinari cœpit Abraham in terra Chanaan, id est, ex illa promissione in qua ejus fidem laudat Apostolus, usque ad illud tempus quo ingressus est Israel in *Ægyptum*. Toto quippe isto tempore peregrinati sunt patres in terra Chanaan, et deinde semen Israel in *Ægypto*, ac sic completi sunt quadringenti triginta anni, a promissione usque ad exitum Israel ex *Ægypto* quando facta est lex in monte Sina, quæ non infirmat testamentum ad evacuandas promissiones. Septuagesimo et quinto anno vitæ suæ Abraham, sicut Scriptura dicit (*Act. vii*), egressus est in terram Chanaan, et genuit Isaac cum esset centum annorum. Fiunt itaque anni viginti quinque ex promissione usque ad natum Isaac. His adduntur omnes anni vitæ suæ, id est, centum octoginta, et sunt ducenti quinque; tunc erat Jacob annorum centum viginti. Nati sunt enim sexagenario patre gemini, ipse et Esau. Post decem autem annos intravit Jacob in *Ægyptum*, cum esset annorum centum triginta, Joseph autem cum esset triginta novem. Fiunt proinde anni a promissione usque ad ingressum Jacob in *Ægyptum* ducenti quindecim. Joseph autem ab illo tricesimo et nono anno ætatis suæ, in quo eum pater in *Ægypto* invenit, vixit septuaginta et unum annum, quia omnis ætatis ejus anni centum decem fuerunt. Cum itaque ad ducentos quindecim annos accesserint septuaginta unum, sunt anni ducenti octoginta sex. Restant centum quadraginta quatuor vel quinque quibus intelligitur servisse in *Ægypto* populus Israel post mortem Joseph. His annis quantum multiplicari potuerunt, si fecunditas hominis consideretur, adjuvante illo qui eos voluit valde multiplicari, reperitur non esse mirum quod in sexcentis millibus peditum egressus est populus ex *Ægypto*, excepto apparatu, ubi et servitia erant, et sexus muliebris, et imbecillis ætas. Quod ergo dixit Deus ad Abraham, *Sciendo scies quia peregrinum erit semen tuum in terra non propria; et in servitute redigent eos, et nocebunt illis quadringentis annis* (*Gen. xv*), non sic accipiendum est tanquam in illa durissima servitute quadringentos annos Dei populus fuerit; sed quia scriptum est, *In Isaac vocabitur tibi semen* (*Gen. xxi*), ex anno nativitatis Isaac, usque ad annum egressionis ex *Ægypto*, computantur anni quadringenti quinque. Cum ergo de quadringentis triginta detraxeris viginti quinque, quæ sunt a promissione usque ad natum Isaac, non mirum est, si quadringentos et quinque annos, summa solida quadringentos voluit appellare Scriptura, quæ solet tempora nuncupare: ut quod de summa perfectionis numeri parvulum excrevit aut infra est, non computetur. Non itaque, quod ait, *In servitute redigent eos, et nocebunt illis quadringentos annos*, referendum est, tanquam per tot annos eos habuerint in servitute; sed referendi sunt quadringenti anni, ad id quod dictum est: *Peregrinum erit semen tuum in terra*

*non propria*. Quia sive in terra Chanaan, sive in *Ægypto* peregrinum erat illud semen, antequam in hæreditatem sumeret ex promissione Dei, quod factum est, posteaquam ex *Ægypto* liberati sunt; ut hyperbaton hic intelligatur, et ordo verborum sit: *Sciendo scies quia peregrinum erit semen tuum in terra non propria quadringentis annis*. Illud autem interpositum intelligatur: *Et in servitute redigent eos, et nocebunt illis*, ita ut ad quadringentos annos ista interpositio non pertineat. In extrema enim parte annorum summæ hujus, hoc est post mortem Joseph factum est ut in *Ægypto* populus Dei duram perageret servitute. *Dixitque Dominus ad Moysen et Aaron: Hæc est religio phæse: Omnis alienigena non comedit ex eo; omnis autem servus emptitius circumcidetur, et sic comedit. Advena et mercenarius non edent ex eo*. Alienigenam dicit gentilem, qui necdum sacro baptismate renatus est: cui nullo modo corpus Dominicum et sanguis tribuendus est, quia sicut extra est religione, sic debet esse et communionem. Servum vero emptitium mandat circumcidi, ut liceat ei pascha comedere. Quid est servus emptitius nisi is qui emptus est pretio sanguinis Christi? Qui primum debet circumcidi, spirituali utique circumcisione non carnis, sed cordis, et sic agni immaculati corpus comedere. Nam talibus dicit Petrus Apostolus: *Succincti lumbos mentis vestræ, sobrii perfecte sperate in eam, quæ offertur vobis gratiam, in revelatione Jesu Christi* (*Petr. i*). Et paulo post: *Scientes*, inquit, *quod non corruptibilibus auro vel argento redempti estis de vana vestra conversatione paternæ traditionis, sed pretioso sanguine quasi agni immaculati et incontaminati Christi. Præcogniti quidem ante constitutionem mundi, manifestati autem novissimis temporibus propter vos, qui per ipsum fideles estis in Deo, qui suscitavit eum a mortuis, et dedit ei gloriam, ut fides vestra et spes esset in Deo; animas vestras castificantes in obedientia charitatis, in fraternitatis amore, simplici ex corde invicem diligentes attentius, renati non ex semine corruptibili, sed incorruptibili, per verbum Dei vivi et permanentis* (*Ibid.*). Advena quoque et mercenarius pascha edere non possunt. Quis est advena, nisi qui nuper venit ad fidem, nec firmus est in catholica religione? Mercenarius autem ipse est, qui pro terrenis tantum lucris laborat, et nullum in futuro præmium requirit. Isti sane non sunt digni accipere corpus Christi, quia aut eum non firmiter credunt, aut veraciter amant, ac ideo indigni ejus participatione sunt. Sequitur: *In una domo comedetur: nec efferatis de carnibus ejus foras, nec os illius confringetis*. In una domo agni caro comedi jubetur, quia in una Ecclesia catholica mysterium passionis ejus rite celebratur; nec efferrî licet de carnibus ejus foras, quia nec pagani, nec Judæi, nec hæretici, nec illi omnino qui extra Ecclesiam sunt ad hanc communionem admittuntur; quorum fides, doctrina et conversatio, aliena est a regula ecclesiasticæ disciplinæ. *Nec os, inquit, illius con-*

*fringetis. Quid hoc significet Joannes Evangelista narrans de passione Domini in evangelio suo, ostendit dicens: Judæi ergo quoniam parasceve erat, ut non remanerent in cruce corpora sabbato (erat autem magnus dies ille sabbati) rogaverunt Pitatum, ut frangerentur eorum crura et tollerentur. Venerunt ergo milites, et primi quidem fregerunt crura, et alterius, qui crucifixus est cum eo. Ad Jesum autem cum venissent, ut viderunt eum jam mortuum, non fregerunt ejus crura: sed unus militum lancea latus ejus aperuit, et continuo exivit sanguis et aqua. Et qui vidit testimonium perhibuit: et verum est testimonium ejus; et ille scit, quia vera dicit, ut et vos credatis. Facta sunt enim hæc, ut Scriptura impleteretur: Os non comminuetis ex eo. Et iterum alia Scriptura dicit: Videbunt in quem transfecerunt (Joan. xix; Zach. xii). Aliter: Os agni non comminuere est in dispensatione incarnationis Christi, robor divinitatis per blasphemiam non corrumpere: quia Deus et homo unus est Christus. Comminuit ergo ossa agni, qui Christum dicit de Maria virgine purum hominem natum, et non verum Christum. Omnis cætus filiorum Israel faciet illud. Quod si quis peregrinorum in vestram voluerit transire coloniam, et facere phase Domini, circumcidetur prius omne masculinum ejus, et tunc rite celebrabit; eritque sicut indigena terræ. Quod est aperte dicere veris Israelitis et populo ecclesiastico verum pascha celebrantibus: Si quis infidelis et externus a cultu Christiano, ad hanc communionem se sociare voluerit, expoliet prius veterem hominem cum actibus ejus, et induat novum, qui secundum Deum creatus est in justitia et sanctitate veritatis. Sicque digne sociabitur convivis cœlestibus, vesceturque rite epulis spiritualibus. Eadem lex erit indigenæ et colono, qui peregrinatur apud vos. Quia personarum non est acceptor Deus: sed in omni gente, qui timet Deum et operatur justitiam, acceptus est illi. Non enim est distinctio Judæi atque gentilis, servi et liberi; sed omnia et in omnibus Christus (Act. x). Locutusque est Dominus ad Moysen, dicens: Sanctifica mihi omne primogenitum, quod aperit vulvam in filiis Israel, tam de hominibus, quam de jumentis: Mea sunt enim omnia (Exod. xiii), et reliq. Commendat populo per Moysen Dominus ereptionis suæ memoriam habendam, et Ægyptiorum interfectionis, ut scirent debitores se esse, primogenita sua et primogenita jumentorum suorum Domino offerre, qui in eorum liberatione omnia primogenita Ægyptiorum exstinxit. Unde in sequentibus ipse populus dicturus est: Occidit Dominus omne primogenitum in terra Ægypti, a primogenito hominis usque ad primogenitum jumentorum. Idcirco immolo Domino omnia quod aperit vulvam masculini sexus, et omnia primogenita filiorum mearum pretio redimo (Exod. xv). Mystice autem primogenita nostra Domino offerimus, cum primordia operum nostrorum illi sanctificamus. Quidquid enim ex vulva bonæ voluntatis ac bonæ cogitationis, in apertum sani ser-*

monis et bonæ operationis processerit, jure Domino competit, qui dedit ipsum bonum velle et perficere pro bona voluntate. Quidquid, inquit, habueris masculini sexus, consecrabis Domino. Primogenitum asini mutabis ove. Quod si non redemeris, interficies. Omne primogenitum masculinum, id est, virile et perfectum opus, divinæ gratiæ debemus applicare non nobis: quidquid femineum et molle atque infirmum est in nostra conversatione, nostræ debemus hoc fragilitati deputare, non Domino. (Ex Gregorio.) Quid per asinum nisi immunditia, et quid per ovem nisi innocentia designatur? Asini ergo primogenita ove mutare, est immundæ vitæ primordia ad innocentiam simplicitatem convertere, ut postquam illa peccator egit quæ immunda Dominus respuit, ea jam agendo proferat, quæ Dei sacrificio imponat. Omnes enim homines nati in peccatis sumus, atque ex carnis delectatione concepti, culpæ nobiscum originem traximus. Unde fit ut etiam ex voluntate nostra peccatis implicemur. Sed quisquis malitia carnis ad innocentiam convertit cordis, primogenitum asini mutat ove, quia prioris vitæ immunditiam ad innocentiam convertit. Qui enim qualis prius fuit esse desinit, et apprehensa carnis munditia innocentiam custodit, in oblatione Dei primogenitum asini ad ovem mutavit. Erit igitur quasi signum in manu tua, et quasi appensum quid ob recordationem intra oculos tuos: eo quod in manu forti eduxerit vos Dominus de Ægypto. (Ex Augustino.) Quid est quod ait, cum de pascha præciperet, Erit tibi quasi signum in manu tua: sive juxta alia exemplaria, super manum tuam? an intelligitur super opera tua, id est, quod præferre debeas operibus tuis? Pertinet enim pascha propter occisionem ovis ad fidem Christi et sanguinem quo redempti sumus. Hæc enim fides operibus præponenda est: ut sit quodammodo super manum adversus illos qui in operibus legis gloriabantur. De qua res Apostolus loquitur. Et multum agit fidem operibus antepone, ut ex illa pendeant opera bona, atque ab ea præveniantur, ut non ipsa velut meritis bonorum operum retribui videatur. Illa enim ad gratiam pertinet. Si autem gratia, jam non ex operibus, alioquin gratia jam non est gratia (Rom. xi). Igitur cum emisisset Pharaon populum, non eos dixit Dominus per viam terræ Philistinim, quæ vicina est, reputans non forte pœniteret eum, si vidisset adversum se bella consurgere, et reverteretur in Ægyptum; sed circumduxit per viam deserti, quæ est juxta mare Rubrum. (Ex Gregorio.) Hic ostenditur omnia fieri debere, quæ consilio recte fieri possunt, ad evitanda quæ adversa sunt, etiam cum Deus apertissime adjutor est. Sæpe conversi, qui in ipso adhuc aditu inchoationis suæ vel tranquillitatem pacatissimam carnis, vel dona prophetiæ, vel prædicamenta doctrinæ, vel signorum miracula, vel gratiam curationis accipiunt: post hæc autem duris tentationum probationibus fatigantur, a quibus tentationibus adhuc eum inciperent, valde liberos se

esse crediderunt, quod divina gratia dispensatorie agit: ne inchoatione sua tentationum asperitate tangantur; quia si eorum initia amaritudo tentationis exciperet, etiam facile ad ea quæ reliquerant redirent; a quibus nec longius discesserunt, cum tentati prius vitulis quasi juxta positis, replicantur. Unde scriptum est: *Cum dimisisset Pharaon populum, non eos duxit Dominus per viam terræ Philisthim quæ vicina est, reputans ne forte pœniteret eum si vidisset adversum se bella consurgere, et revertetur in Ægyptum.* Ex Ægypto itaque exeuntibus e vicino bella subtrahuntur, quia derelinquentibus sæculum, quædam prius tranquillitas ostenditur; ne in ipsa sua teneritudine atque inchoatione turbati, ad hoc territi redeant, quod evaserunt. Prius ergo securitatis suavitatem sentiunt; prius pacis qui enutriuntur; post cognitam vero dulcedinem tanto jam tolerabilius tentationum certamina sustinent, quanto Deum altius cognoverunt. *Et armati ascenderunt filii Israel de terra Ægypti.* (Ex Hieronymo.) Aquila namque, qui non contentiosius ut quidam putant, sed studiosius verbum interpretatur ad verbum, in eo loco ubi Septuaginta posuerunt, *Quinta autem generatione ascenderunt filii Israel de terra Ægypti.* Ita transtulit: *Et armati ascenderunt filii Israel de terra Ægypti*: licet pro eo quod armati nos diximus secundum Græci sermonis ambiguitatem, instructi sive muniti, propter supellectilem qua Ægyptios exspoliaverant, possit intelligi. Verum ubi Septuaginta, quinta generatione posuerunt, illi qui Hebræorum libros diligenter inspexerunt, non quinta generatione, sed quinta tantum ibi scriptum asserunt: ut sit quasi sensus. *Quinta autem ascenderunt filii Israel de terra Ægypti.* Quod quia minus videbatur intelligi, adjuncta generatio est. Aquilam vero et in cæteris et in hoc maxime loco propria transtulisse, omnis Judæa conclamat, et synagogarum consonant universa subsellia. Si autem secundum Septuaginta quis scire voluerit quomodo quinta generatione filii Israel ascenderint de Ægypto, per horum generationes supputari debet, id est, ut ab ipso Jacob, qui intravit in Ægyptum, usque ad Moysen qui cum populo egressus est, ut aliqui volunt, generationes quinque numerentur. Jacob enim primus, secundus Levi, tertius Caath, quartus Amram, quintus Moyses invenitur. Has autem dicit progenies Latinus interpres quas γενεαι Græci vocant: quæ in Evangelio generationes appellantur: nec numerantur nisi per successiones hominum, non per numerum annorum. Alii autem non Jacob per Levi usque ad Moysen, sed per tribum Judæa numerant, quæ fuit tribus regalis: ita ut a Phares filio Judæ, qui cum Juda patre suo ingressus est Ægyptum, usque ad Salmon, qui in ipsa tribu dux, terram repromissionis introiit, sint quinque generationes. Phares genuit Esrom; Esrom genuit Aram; Aram genuit Aminadab; Aminadab autem genuit Naasson; Naasson autem genuit Salmon.

## CAPUT II.

*De secunda mansione, hoc est de Socoth in Etham, et de columna nubis et ignis.*

*Profectique de Socoth, castrametati sunt in Etham, in extremis finibus solitudinis. Dominus autem præcedebat eos ad ostendendam viam per diem in columna nubis, et per noctem in columna ignis: ut dux esset itineris utroque tempore. Nunquam defuit columna nubis per diem, nec columna ignis per noctem coram populo. Locutusque est Dominus ad Moysen dicens: Loquere filiis Israel: Reversi castrametentur e regione Phihahirath, quæ est inter Magdala et mare contra Beelsephon. In conspectu ejus castra ponetis super mare (Exod. xii). Ex Ramessa, quæ interpretatur commotio tineæ vel tonitru, venerunt, inquit, in Socoth. Socoth tabernacula intelligi apud Hebræos tradunt interpretes nominum. (Ex Origen.) Cum ergo voce Evangelii communitus, derelinquens Ægyptum, discussis alis te tineas totius corruptelæ, et vitiorum incitamenta rejeceris, habitabis in tabernaculis. Habitabis enim in tabernaculis, ex quibus nolumus exspoliari, sed supervestiri. Habitatio autem tabernaculorum, expeditum et absque ullis impedimentis indicat esse eum, qui festinat ad Deum. Sed nec in hoc quidem standum est: urgenda est profectio, movenda sunt castra etiam de Socoth, et festinandum est ut veniatur in Etham. Etham sive Othon, in nostram linguam verti dicunt, fortitudo sive signa ejus. Et merito. Hic enim audis dici, quia Deus anteedebat eos per diem in columna nubis, et per noctem in columna ignis. Non hoc invenis factum apud Ramessa, nec apud Socoth, quæ secunda proficiscantibus castra dicuntur; sed tertia castra sunt, in quibus fiunt signa divina. Recordare quæ superius lecta sunt cum dicebat Moyses ad Pharaonem: *Iter trium dierum ibimus in deserto, et immolabimus Domino Deo nostro.* Hoc ergo erat triduum, ad quod festinabat Moyses: et contradicebat Pharaon. Illi enim dicebat. *Non estis longius.* Non permittebat Pharaon ad locum signorum pervenire filios Israel; non permittebat eos interim proficisci, ut possint tertii diei mysteriis perfrui. Audi enim propheta quid dicit: *Resuscitabit Deus nos post biduum, et in die tertia resurgemus, et vivemus in conspectu ejus* (Ose. iii). Prima dies nobis passio Salvatoris est; secunda quæ descendit in infernum; tertia autem resurrectionis est dies. Et ideo in die tertia Deus anteedebat eos per fidem in columna nubis, per noctem autem in columna ignis. Quod si secundum ea quæ superius diximus, in his verbis recte nos Apostolus docet baptismi mysteria contineri, necessarium est ut qui baptizantur in Christo, in morte ipsius baptizentur, et ipsi consequantur, et cum ipso die tertia resurgant a mortuis. Quos et secundum hoc quod dicit Apostolus, simul secundum suscitavit, simulque fecit sedere in cælestibus. Cum ergo tibi tertii diei mysterium fuerit susceptum, incipiet te deducere Deus, et ipse post hæc tibi*

viam salutis ostendere. Sed videamus quid post hæc dicitur ad Moysen : quæ via præcipitur eligenda. *Reversi*, inquit, *castrametentur e regione Pihahiroth*, et reliqua. De Ethan quippe Domino jubente reversi filii Israel, castrametati sunt e regione Pihahiroth, quæ est inter Magdalum et mare, contra Beelsephon, castra ponentes super mare. Pihahiroth, *os nobilium*: Magdalum, *turris*: Beelsephon, *Dominus aquilas*. Et bene est ut ore doctorum instructus, ascendas turrim virtutum, et memineris tibi contra Dominum aquilonis, id est diabolum principem infidelium, semper esse pugnandum. Juxta aliam autem editionem ita legitur : De Othon, inquit, conversi, iter facite inter Epauleum, et inter Magdalum, quod est contra Beelsephon. Hæc autem interpretantur Epauleum quidem ascensio tortuosa : Magdalum turris. Beelsephon quidem speculæ vel habens speculam. Tu fortassis credebas quia iter quod Dominus ostendit planum esset et molle, et nihil prorsus haberet difficultatis aut laboris. Ascensio est, et ascensio tortuosa : non enim proclive iter est, quo tenditur ad virtutes, sed ascenditur. Audi etiam Dominum in Evangelio dicentem : *Quam arcta et angusta via est, quæ ducit ad vitam* (Matth. vii). Est ergo iter quo incedunt, ascensio tortuosa, et ascensio speculæ, vel habens speculam. Ascensio ad actus pertinet, specula ad fidem. Ostendit ergo quia et in actibus et in fide multa est difficultas, et multus labor. Multæ enim nobis tentationes occurrunt : multa offendicula volentibus agere quædam sunt. Tum deinde in fide multa invenies tortuosa, plurimas quæstiones, multas objectiones hæreticorum, multas contradictiones infidelium. Hoc iter agendum est sequentibus Deum ; sed est et turris in hoc itinere. Quæ est ista turris ? Illa nimirum quam dixit in Evangelio. Dicit quippe : *Quis vestrum volens turrim ædificare : nonne prius sedebit et computabit sumptus, si habet unde perficiet* (Luc. xiv) ? [Ex Isidoro.] Ista est ergo turris, sedes ardua et excelsa virtutum. Jam tum videtur Dominus nocte in columna ignis, et per diem in columna nubis præcedens populum, et dux factus itineris. Nubes ista præcedens Christus est. Idem etiam columna, quia rectus et firmus, et fulciens infirmitatem nostram ; per noctem lucens, per diem non lucens : ut qui non vident, videant ; et qui vident, cæci fiant. Potest etiam non incongrue accipi Christi sacramentum, tanquam in terrore nocturno, quia tunc erit magna tribulatio sæculi tanquam ignis, et lucebit justis, et ardebit injustis. Rursum de hac columna ignis et nubis subtili investigatione discussum intelligi et aliter potest. Quid est ergo quod columna nubis, quæ in eremo præibat populum, splendore ignis non in die, sed in nocte radiabat, nisi quia Redemptor noster, suæ conversationis exemplo ducatum sequentibus se præstans, de justitia sua confidentibus nulla luce claruit, peccatorum suorum tenebras agnoscentibus ignes sui amoris infulsit ? Sequitur : *Dicturusque est Pharao*

*A super filiis Israel : Coarctati sunt in terra, conclusit eos desertum : et indurabo cor ejus, et persequetur vos, et reliqua.* Non enim iter vitæ sine tentationum fluctibus agitur, sicut Apostolus dicit : *Omnes qui volunt pie vivere in Christo, persecutionem patiuntur* (II Tim. iii). Æstimat Pharao cum ingerit persecutiones et coarctat tribulationibus, quod cito possit subvertere a fide Christianum : sed si Moysen, id est legem Dei, sequens agas hoc iter, Ægyptius te quidem persequitur et insectatur. Sed vide quid fiat. *Levavit se, inquit, angelus Domini, qui antecedebat castra Israel, et abiit post illos : et cum eo pariter columna nubis, priora dimittens, post tergum stetit inter castra Ægyptiorum et Israelitarum.* Hæc columna nubis populo quidem Dei efficitur murus, Ægyptiis vero obscuritatem imponit et tenebras. Non enim transfertur columna ignis ad Ægyptios, ut videant lucem ; sed in tenebris permanent, quia dilexerunt magis tenebras quam lucem. Et tu ergo, si ab Ægyptiis recedas, potestatem dæmonum fugias, vide quanta tibi divinitus præparantur auxilia, vide quantis adiutoribus uteris : tantum est ut permanas fortis in fide, nec te Ægyptiorum equitatus et quadrigarum formido perterreat ; nec reclames contra Moysen, hoc est legem Dei, et dicas sicut quidam ex illis dixerunt : *Tanquam non essent sepulcra in Ægypto, ita eduxisti nos, ut in deserto hoc moriamur. Melius fuerat nos servire Ægyptiis quam mori in deserto hoc.* Hæc fatiscantis in tentatione animi verba sunt. Sed quis iste beatus est qui sic tentationum pondus expedit, ut nulla ejus menti cogitatio ambiguitatis obrepat ? Vide magno illi Ecclesiæ fundamento et petræ solidissimæ, super quam Christus fundavit Ecclesiam, quid dicatur a Domino : *Modice, inquit, fidei, quare dubitasti* (Matth. xiv) ? Verum tamen quia dicunt, *Melius fuerat nos servire Ægyptiis quam mori in eremo*, tentationis et fragilitatis hæc verba sunt, alioquin falsum est, longe enim melius est in eremo mori, quam servire Ægyptiis. Qui enim in eremo moritur, hoc ipso quod separatus est ab Ægyptiis et discessit a rectoribus tenebrarum et de potestate Satanae, habuit aliquem profectum, etiamsi ad integrum pervenire non potuit.

**D** Melius est enim perfectam vitam quærenti in itinere mori, quam ne proficisci quidem ad perfectionem quærendam.

Unde et eorum falli videtur opinio qui dum nimis arduum iter virtutis exponunt, dumque multas ejus difficultates multaque pericula et lapsus enumerant, ne ineundum quidem id aut incipiendum judicant. Sed multo melius est, ne in hoc itinere vel mori, si ita necesse est, quam inter Ægyptios permanentem necari, et falsis atque amaris fluctibus obrui.

### CAPUT III.

*De transitu filiorum Israel ad mare Rubrum, et Ægyptiorum suffocatione in aquis.*

*Et ait Moyses ad populum : Nolite timere ; state et videte magnalia Domini quæ factururus est hodie. Ægy-*



ptos enim, quos nunc videtis, nequaquam ultra videbitis usque in sempiternum, etc. (Exod. xiv). [Ex Augustino.] Quomodo accipienda sunt hæc verba, cum viderint postea Israelitæ Ægyptios? an quia isti, qui tunc videbant, non eos ulterius non viderunt, quia et illi sunt mortui, qui consequentur: et isti omnes, unusquisque die mortis suæ? Nam posteri eorum viderunt posteros illorum. Annon eos videbitis sicut hodie, intelligendum est? Non sicut hodie persequentes inimicos, et tanto post vos agmine venientes, ut omnino nulla sit quæstio, nec de æterno tempore quod hic posuit, quia et si videbunt se utique tempore resurrectionis, non sic videbunt utique ut hodie. (Ex Origene.) Sed interim clamat Moyses ad Dominum. Quomodo clamat? Nulla ejus vox clamoris auditur, et tamen dicit ad eum Deus: Quid clamas ad me? Velim scire quomodo sancti sine voce clamant ad Dominum. Apostolus docet (Galat. iv), quia Deus dedit spiritum Filii sui in cordibus nostris, clamantem, Abba Pater. Et addidit: Ipse Spiritus interpellat pro nobis gemitibus inenarrabilibus. Et iterum (Rom. viii): Qui autem scrutatur corda, scit quid desiderat Spiritus, quia secundum Deum postulat pro sanctis. Sic ergo interpellante Spiritu sancto apud Deum, per silentium sanctorum clamor auditur. Et quid post hoc? Jubetur Moyses virga percutere mare, ut ingredienti populo Dei dehiscat et cedat, ac voluntati divinæ elementorum famulentur obsequia, et aquæ quæ timebantur, dextra lævaque famulis Dei murus effectæ, non solum perniciem nesciant, sed et munimentum exhibeant. Sequitur: Cumque extendisset Moyses manum super mare, abstulit illud Dominus, flante vento vehementi et urenti tota nocte, et vertit in siccum, etc. Quid est Moysen manum extendere super mare, nisi solam legem per Scripturam demonstrare, in aquis effectum esse divinæ potentiae? Abstulit illud Dominus flante vento vehementi et urenti, illo utique vento de quo in psalmis dictum est: In spiritu vehementi conteres naves Tharsis (Psal. xlvi). Et in Actibus apostolorum scriptum est quod recumbentibus in cœnaculo Sion discipulis in die Pentecostes, subito factus est sonus de celo, tanquam spiritus vehementis, et implevit totam domum ubi erant sedentes, et apparuerunt illis dispersitæ linguæ tanquam ignis, seditque super singulos eorum, et reliqua (Act. ii). Abstulit ergo Dominus mare flante vento vehementi et urenti tota nocte, et vertit in siccum, eum per omne tempus istius vite, quod nox significat, Spiritus sancti gratia aquas baptismatis meabiles credentibus facit, ut illis per eas transeuntibus de spirituali Ægypto in terram repositionis, hostium in eodem elemento subsequens suffocetur exercitus. Nonne et illa hora noctis, qua iste transitus factus est, bene congruit divino sacramento. Nam sequitur: Advenerat vigilia matutina: et ecce respiciens Dominus super castra Ægyptiorum per columnam ignis et nubis, interfecit exercitum eorum, et subvertit rotas carruum, ferebanturque

A in profundum, et reliqua. Dictum est supra quod columna ignis et nubis significaret ipsum Mediatorem Dei et hominum, blandum justis, terribilem peccatoribus, fulcientem pios et interficientem impios. Ergo vigilia matutina, quando Salvator noster triumphator mortis ab inferis ascendens, resurrexit in gloria, bene dictum est quod in vigilia matutina Dominus aspiciens super castra Ægyptiorum per columnam ignis et nubis, interfecit exercitum eorum. Interfecit quippe exercitum spiritualium Ægyptiorum cum vero Pharaone, quando diabolus et satellites ejus, cum tota spirituali nequitia et multitudine peccatorum in aquis spiritualibus, ubi credentes per similitudinem mortis ejus baptizati a morte peccatorum resurgunt, submersit et æterno damnavit interitu; nec eis veros Israelitas, qui prædestinati sunt ad vitam æternam, sub sua potestate ulterius habere licebit, quia quos præscientia divina prædestinavit, hos et vocavit; et quos vocavit, illos et justificavit: quos autem justificavit, illos et glorificavit.

B Fugientibusque Ægyptiis, occurrerunt aquæ, et involvit eos Dominus in mediis fluctibus; reversæque sunt aquæ, et operuerunt currus et equites cuncti exercitus Pharaonis, qui sequentes ingressi fuerunt mare. Ne unus quidem superstit ex eis. (Ex Origene.) Cogitur enim fluctus in cumulum, et unda in semetipsam repressa curvatur, soliditatem recipit liquor, et solum maris arescit in pulverem. Bonitatem Dei creatoris intellige, si voluntati ejus obtemperes; si legem ejus sequaris, ipsa tibi elementa etiam contra sui naturam servire compellit. C Filii autem Israel perrexerunt per medium sicci maris, et aquæ eis erant quasi pro muro a dextris et a sinistris. Audivi a majoribus traditum quod in ista digressionem maris singulis quibusque tribubus Israel singulæ aquarum divisiones factæ sint, et propria unicuique tribui in mari aperta sit via, idque ostendi ex eo quod in psalmis scriptum est: Qui divisit mare Rubrum in divisiones (Psal. cxxxv), per quod plures divisiones docentur factæ, non una. Sed et per hoc quod dicitur, Ibi Benjamin juvenior in stupore. Principes Juda, duces eorum: principes Zabulon, principes Nephthalim (Psal. lxxvii); nihilominus unicuique tribui proprius enumerari videtur ingressus. Hæc a majoribus observata in Scripturis divinis, religiosum credidi non tacere. Quid ergo nos docemur per hæc quæ jam superius diximus, qui sit in his Apostoli sensus? Baptismum hoc nominat in Moysen consummatum in nube et in mari, ut et tu qui baptizaris in Christo in aqua et Spiritu sancto scias insectari postea Ægyptios, et velle te revocare ad servitium suum: rectores scilicet hujus mundi et spirituales nequitias, quibus ante deservisti, quæ conantur quidem insequi, sed tu descendis in aquam, et evadis incolumis, atque ablatis sordibus peccatorum, homo novus ascendis, paratus ad cantandum canticum novum. Ægyptii vero post te insequentes demergentur in abyssum, etiamsi videntur rogare Jesum, ne eos interim

mittat in abyssum. Sed et alium ex his accipere possumus intellectum. Si Ægyptum fugias, si ignorantie tenebras relinquant, et sequaris legem Dei Moysen, obvies autem tibi mare, et contradicentium fluctus occurrat, peroute tu obvelantes undas virga Moysi, id est, verbo legis et vigilantia Scripturarum; iter tibi ipsi disputando per adversarios pando, cedent undæ continuo et superati fluctus locum victoribus, mirantibus et attonitis ac stupore defixis his qui paulo ante adversabantur. Legitimis tu disputationum lineis rectum fidei iter secabis, et in tantum doctrinæ verbo proficies, ut auditores tui, quos in virga legis erudisti, ipsi jam contra Ægyptios velut fluctus maris insurgant, et non solum impugnent eos, sed et superent et extinguant. Extinguunt namque Ægyptiam, qui non agunt opera tenebrarum. Extinguunt Ægyptum, qui non carnaliter, sed spiritualiter vivunt. Extinguunt Ægyptum, qui cogitationes sordidas et impuras vel depellunt ex corde, vel omnino non recipiunt, sicut et Apostolus dicit: *Argumentes scutum fidei, ut possitis omnia maligni jacula ignita extinguere (Ephes. vi)*. Hec ergo modo possumus etiam hodie Ægyptios videre mortuos et jacentes ad littus, submergi quadrigas eorum et equos. Possumus etiam ipsum Pharaonem videre submergi, si tanta fide vivamus, ut Deus conterat Satanam sub pedibus nostris velociter, per Jesum Christum Dominum nostrum.

## CAPUT IV.

*De cantico quod cecinit Moyses et filii Israel Domino post transitum maris Rubri.*

*Tunc cecinit Moyses et filii Israel carmen hoc Domino, et dixerunt: Cantemus Domino, gloriose enim magnificatus est: equum et ascensorem dejecit in mare (Exod. xv).* [Ex Origene.] Multa quidem cantica ferri legimus in Scripturis divinis. Horum tamen omnium primum istud est canticum quod, Ægyptiis et Pharaone submerso, populus Dei post victoriam cecinit. Moris quippe sanctorum est, ubi adversarius vincitur, tanquam qui sciant non sua virtute, sed Dei gratia victoriam paratam, hymnum Deo gratulationis offerre: accipiunt tamen hymnum cantantes etiam tympana in manibus suis, sicut de Maria sorore Moysi et Aaron refertur. Et tu ergo si mare Rubrum transieris, si Ægyptios submergi videris, et exstingui Pharaonem, atque in abyssi profundum præcipitari, potes hymnum cantare Deo, potes vocem gratulationis emittere et dicere: *Cantemus Domino, gloriose enim honorificatus est: equum et ascensorem projecit in mare.* Melius autem et dignius hæc dices, si habueris tympanum in manu tua, id est, si carnem tuam crucifixeris cum vitiis et concupiscentiis, et si mortificaveris membra tua quæ sunt super terram: et tamen videamus quid dicit, *Cantemus Domino, gloriose enim honorificatus est.* Et quidem, quantum possumus conjicere, videtur enim mihi quod aliud sit glorificari, aliud gloriose glorificari. Nam Dominus Jesus Christus, cum carnem ex Virgine pro salute nostra suscepit, glorifi-

catus est quidem, quia venit quærere quod perierat, non tamen gloriose glorificatus est. Dicitur enim de ipso: quia *vidimus eum, et non habebat speciem neque decorem, et vultus ejus ignobilis super filios hominum (Isa. xlii)*. Glorificatus, et cum ad crucem venit, et pertulit mortem; sed, ut ita dicam, humiliter non gloriose glorificatus est. Verum quia hæc oportebat pati Christum, et sic intrare in gloriam suam, cum venerit in gloria Patris et sanctorum angelorum, cum venerit in majestate sua judicare terram, quando et verum Pharaonem, id est, diabolum, interficiet spiritu oris sui. Cum ergo refulgebit in majestate Patris sui, et post adventum humilitatis, secundum in nobis gloriæ ostendit adventum, tunc non solum glorificatur Dominus, sed gloriose glorificatur, cum omnes ita glorificent Filium sicut honorificant Patrem. *Equum et ascensorem projecit in mare. Fortitudo et laus mea Dominus, et factus est mihi in salutem.* Homines qui nos insequuntur equi sunt: et, ut ita dicam, omnes qui in carne nati sunt, figuratiter equi sunt, sed hi habent ascensores suos. Sunt equi quos Dominus ascendit, et circumeunt omnem terram. De quibus dicitur: *Et equitatus tuus salus.* Sunt autem equi qui ascensores habent diabolum et angelos ejus. Judas equus erit; sed donec ascensorem habuit Dominum, de equitatu salutis fuit. Cum cæteris etenim apostolis missus, ægrotis salutem et sanitatem languentibus præstitit. Sed ubi se diabolo substravit (post buccellam enim introivit in eum Satanus), ascensor ipsius effectus est Satanus; et illius habentis ductus, adversum Dominum et Salvatorem nostrum cepit equitare. Omnes enim qui persequuntur sanctos, equi sunt hinnientes; sed habent ascensores, quibus aguntur, angelos malos, et ideo feroces. *Dominus ergo equum et ascensorem projecit in mare, et factus est mihi in salutem. Hic Deus meus et honorificabo eum: Deus Patrie mei, et exaltabo eum.* Hic ergo et Deus est Deus, et Patrie mei. Pater noster, qui nos fecit et genuit, Christus est; et ipse dicit: *Vado ad Patrem meum et Patrem vestrum, Deum meum et Deum vestrum (Joan. xvi)*. Si ergo agnoscam quod Deus meus sit Deus, glorificabo eum. Si vero etiam istud agnoscam quomodo Patrie mei Christus sit Deus, exaltabo eum. *Dominus conterens bella, Dominus nomen est illi.* Nolo putes quia tantum visibiles pugnas conterit Dominus, sed et illas conterit quæ nobis sunt non adversum carnem et sanguinem, sed adversum principatus et potestates et adversum mundi hujus rectores tenebrarum. *Dominus enim nomen est illi, et non est ulla creatura cujus Dominus non sit. Quadrigas Pharaonis et exercitum ejus projecit in mare: electos ascensores, terros statuas demersit in Rubrum mare.* Pharao vero voluit potentior in malitia; et regnum nequitiæ tenens, quadrigas agit. Non illi satis est uni equo ascendere; plurimos simul agit, plurimos simul plagis torti verberis cogit. Quoscumque videris in luxuria turpiores, in incredulitate sæ-

viores, in avaritia tetriores, in impietate flagitiosiores, A scilicet hos de quadrigis esse Pharaonis : ipsis sedet, ipsos currui suo subjungit, in ipsis fertur et volitat, et apertos scelerum campos effusus eos agit habenis. Sunt alii electi ascensores, electi sine dubio ad malitiam. Sed jam de ascensoribus supra diximus, nunc etiam qui sicut terni statores videamus. Mihi videntur terni statores pro eo dici quod triplex est hominibus peccandi via. Aut enim in facto, aut in dicto, aut in cogitatione peccatur, et ideo terni statores per singulos quosque dicuntur qui tres istas in nobis peccandi obsideant vias; et speculentur semper atque insidiis agant, ut aut ille ex misero homine sermonem malum eliciat, aut ille iniquum opus extorqueat, aut ille cogitationem pessimam rapiat. Denique et *sermen verbi Dei*, ubi cadit et deperit, triplex describitur locus: unus *secus viam* refertur, qui *conculcatur ab hominibus*, alius *in spinis*, alius *in petrosis*, et e contrario *terra bona afferre dicitur triplicem fructum, vel centesimum, vel sexagesimum, vel tricesimum* (Math. 13). Isti ergo terni statores sunt angeli nequam de exercitu Pharaonis, qui stant in hujusmodi viis, observantes unumquemque nostrum per hæc agere in peccatum: quos demergit Dominus in mare Rubrum, et ignis eos in iudicii die fluctibus tradet, ac peccatorum pelago teget. *Abyssi operuerunt eos*. Abyssi utique illi de quibus in Job, ubi de Leviathan narratur scriptum est: *Æstimavit abyssum quasi senescentem*. Et in Evangelio rogabant dæmones Jesum ne imperaret illis ut in abyssum irent. *Descenderunt in profundum quasi lapis*. (Ex Augustino.) Quare ceciderunt in profundum tanquam lapis? Quia non erant tales lapides de quibus suscitari possent filii Abraham, sed tales qui amarent profundum et liquidum diligenter elementum, id est, qui amaram et fluxam præsentium rerum cuperent voluptatem. *Dextera tua, Domine, magnificata est in fortitudine: dextera tua, Domine, percussit inimicum*. Quæ est ista dextera nisi illa de qua in psalmo scriptum est, *Dextera Domini fecit virtutem, dextera Domini exaltavit me* (Psal. cxvii)? Quæ inimicum verum et antiquum hostem per crucis mysterium interfecit, et per mortem destruxit eum qui habebat mortis imperium, id est diabolum, alligans fortem et vasa ejus diripiens, atque draconem, serpentem videlicet antiquum: qui cauda sua detraxit tertiam partem siderum, et misit in stagnum ignis ardentis, qui paratus est sibi et angelis ejus. Unde sequitur: *Et in multitudine gloriæ tuæ deposuisti adversarios meos*. Gloria utique resurrectionis Dominicæ, confusio fuit diaboli, qui cum Judæis meditatus est mortem Christi. *Misisti iram tuam, quæ devoravit eos sicut stipulam*. Ultio novissima quæ diabolo et angelis ejus infligitur, videtur patientibus jam iram esse; sed tamen ab illo qui universa cum tranquillitate judicat, sine perturbatione animi sui juste peccatoribus irrogatur, quæ eos sicut stipulam devorat, quia fortiter devastat et ex omni parte cruciat. *Et in spiritu furoris tui congregatæ sunt aquæ*. Stagnum uti-

que sulfuris condignum meritis eorum impenditur, sub quo demersi gemunt in perpetuum. Sed quia hæc pœna ad integrum in novissimo examine persolvenda erit, et hora vindictæ adhuc protelatur, hostibus videntur occasionem persequendi tribuere: qui patientia Dei abutuntur, thesaurizantes sibi iram in die iræ et revelationis justi iudicii Dei, cum ipse tamen certissime veniet sanctis suis reddere præmia æternæ beatitudinis et adversariis suis dare vindictam in flamma ignis. Unde sequitur: *Stetit unda fluens, congregatæ sunt abyssi in medio mari. Dixit inimicus, Persequar et comprehendam, distendam spolia, implebitur anima mea. Evaginato gladium meum, interficiet eos manus mea. Flavit spiritus tuus et operuit eos mare: submersi sunt quasi plumbum in aquis vehementibus*. (Ex Augustino.) *Misisti spiritum tuum, et cooperuit eos mare*. Ecce quinto jam commemoratur spiritus Dei, ut in hoc numero accipiatur quod dictum est: *Digitus Dei est hic* (Exod. viii). Primo ubi scriptum est, *spiritus Dei ferebatur super aquas* (Gen. 1). Secundo, ubi dicitur, *non permanebit in istis hominibus spiritus meus, quoniam carnes sunt*. Tertio ubi Pharaon dicit ad Joseph, *quoniam spiritus Dei est in te* (Gen. vi). Quarto ubi incantatores Ægyptiorum dicunt: *Digitus Dei est hic*. Quinto in hoc cantico: *Misisti spiritum tuum, et cooperuit eos mari*. Memineris autem spiritum Dei non solum ad beneficia, verum etiam ad vindictam commemorari. Nam quid aliud etiam supra dixit, *Per spiritum iræ tuæ divisa est aqua*? Iste itaque spiritus Dei in Ægyptios fuit spiritus iræ ejus: quibus nocuit aquarum divisio, ut intrantes possent aquis redeuntibus obrui: filiis vero Israel, quibus profuit, quod aqua divisa est, non fuit ille spiritus iræ Dei. Unde significatur propter diversas operationes et effectus, spiritum Dei dissimiliter appellari, cum sit unus atque idem ille duntaxat, qui etiam Spiritus sanctus in unitate Trinitatis accipitur. Proinde non arbitror alium quam eundem significari, ubi dicit Apostolus. *Non enim accepistis spiritum servitutis iterum in timore; sed accepistis spiritum adoptionis, in quo clamamus, Abba Pater* (Rom. viii). Quia eodem spiritu Dei, id est digito Dei, quo lex in tabulis lapideis conscripta est, timor incussus est eis qui gratiam nondum intelligebant, ut de sua infirmitate atque peccatis per legem convincerentur, et lex fieret illis pædagogus quo perducerentur ad gratiam, quæ est in fide Jesu Christi. De hoc autem spiritu adoptionis et gratiæ, id est de hoc opere spiritus Dei, quo impartitur gratia et regeneratio in vitam æternam, dicitur: *Spiritus autem vivificat; cum supra diceretur, Littera occidit* (II Cor. iii), id est conscripta tantummodo jubens sine adjutorio gratiæ. (Ex Origene.) *Demersi sunt, inquit, tanquam plumbum in aquam validissimam*. Peccatores graves sunt. Denique et iniquitas super talentum plumbi sedere monstratur, sicut Zacharias propheta dicit. *Vidi, inquit, mulierem sedentem super talentum plumbi, et dixi: Quæ est hæc? Et respondit, Iniquitas* (Zach. v). Inde est ergo quod ini-

qui in profundum demersi sunt sicut plumbum in A aqua validissima. Sancti autem non demerguntur, sed ambulant super aquas, quia leves sunt et peccati pondere non gravantur. Denique Dominus et Salvator super aquas ambulavit. Ipse enim est qui vere peccatum nescit. Ambulavit et discipulus ejus Petrus, licet paulum trepidaverit. Non enim tantus erat et talis, qui nihil omnino de specie plumbi haberit admixtum. Ignis decoquat et resolvat, ut efficiantur omnes aurum bonum, quia aurum terræ illius bonum esse dicitur, quam habituri sunt sancti. Et sicut fornax probat aurum, ita homines justos tentatio. Veniendum est ergo omnibus ad ignem. Veniendum ad conflatorium. Sed et enim Dominus et conflator et purgator filios Juda. Sed illuc cum venit, si quis multa opera bona et parum aliquid iniquitatis attulerit, illud parum tanquam plumbum igni resolvitur ac purgatur, et totum remanet aurum purum. Et si quis plus illuc plumbi detulerit, plus exurit, ut amplius decoquatur, ut si parum aliquid auri, purgatum tamen resideat. Quod si aliquis illuc totus plumbeus venerit, fiet de illo hoc quod scriptum est : Demergitur in profundo tanquam plumbum in aqua validissima. *Quis, inquit, similis tibi in diis, Domine? quis similis tibi, gloriosus in sanctis, mirabilis in majestatis, faciens prodigia?* Quod dicit, *Quis similis tibi in diis*, non simulacris gentium comparat Deum, nec dæmonibus qui sibi falso deorum nomen assiscunt; sed deos illos dicit qui per gratiam et participationem Dei appellantur dii. De quibus et alibi Scriptura dicit : *Ego dixi, Dii estis (Psal. xiii)*. Et iterum : *Deus stetit in congregatione deorum (Ibid.)*. Sed hi quamvis capaces sint Dei, et hoc nomine donari per gratiam videantur, nullus tamen Deo similis invenitur, vel in potentia, vel in natura. Et licet Joannes apostolus dicat : *Filioli, nondum scimus quid futuri sumus. Si autem revelatum nobis fuerit, de Domino scilicet, similes illi erimus (I Joan. iii)*. Similitudo tamen hæc non ad naturam, sed ad gratiam revocatur : verbi causa ut si dicamus picturam similem esse ejus cujus imago in pictura videtur expressa, quantum ad gratiam pertinet, visus similis dicitur; quantum ad substantiam, longe dissimilis. Illa enim species carnis est et corporis vivi, ista colorum fucus est, et cætera, tabulis sensu carentibus superposita.

Nullus ergo in diis similis Domino. Nullus enim invisibilis, nullus incorporeus, nullus immutabilis, nullus sine initio et sine fine, nullus creator omnium, nisi Pater cum Filio et Spiritu sancto. *Extendisti dexteram tuam, et devoravit eos terra. (Ex Augustino.)* Terra pro aqua nimirum est posita. Tota quippe pars ista extrema vel infirma mundi terræ nomine censetur, secundum id quod sæpe dicitur? *Deus qui fecit cælum et terram (Psal. cxlviii)*; et in illius psalmi distributione, commemoratis cælestibus, *Laudate, inquit, Dominum de terra* : et ea exsequitur in laude quæ etiam ad aquas pertineant.

(*Ex Origene.*) Impios quidem et hodie devorat terra. An non tibi videtur a terra devorari ille qui semper de terra cogitat, qui semper terrenos actus habet, qui de terra loquitur, de terra litigat, terram desiderat, et omnem spem suam ponit in terra, qui ad cælum non respicit, qui futura non cogitat, qui iudicium Dei non mæruit, nec beata ejus promissa desiderat, sed semper de præsentibus cogitat et terrena suspirat. Talem cum videris, dicit quia devoravit eum terra. Sed et si quemdam videris luxuriæ carnis et voluptatibus corporis deditum, in quo animus nihil valet, sed totum libido carnis obtinuit, dicit quia devoravit eum terra. Adhuc me movet quod ait : *Extendisti dexteram tuam, et devoravit eos terra*, quasi ut devorarentur a terra, hæc causa fuerit quod extendit Dominus dexteram suam. Si consideres quomodo Dominus, exaltatus in cruce, tota die extendit manus suas ad populum non credentem et contradicentem, et qualiter infidelem populum, qui clamavit, *Crucifige, crucifige eum (Matth. xvii)*, mors admissi sceleris oppressit, evidenter invenies quomodo extendit dexteram suam, et devoravit eos terra : nec tamen penitus desperandum est. Possibile namque est ut si forte respiscat qui devoratus est, rursus possit evomi sicut Jonas. *Deduxisti iustitia tua populum tuum hunc quem liberasti. Consolatus es virtute tua, et in requie sancta tua.* Dominus populum suum, quem liberavit per lavacrum regenerationis, deducit in iustitia : consolatur etiam eum per consolationem Spiritus sancti in virtute sua et in requie sua. Futurorum namque spes laborantibus requiem parit, sicut et in agone positus dolorem vulnerum mitigat spes coronæ.

*Audierunt gentes et iratæ sunt : dolores comprehenderunt habitantès Philistihim. Tunc festinaverunt duces Edom et principes Moabitarum : apprehendit eos tremor, tabuerunt omnes habitantes Chanaan.* Quantum ad historiam pertinet, nullum ex his gentibus interfuisse mirabilibus quæ facta sunt, constat. Quomodo ergo videbuntur tremore deterritæ vel festinasse, ut dicit, vel iratæ esse Philistihim et Moabitæ et Edom, et reliquæ quas enumerat nationes? Sed si redeamus ad intelligentiam spiritualem, invenies quia Philistihim, id est *caventes poculo*, et Edom qui interpretatur *terrenus*, trepidant, et horum omnium principes cursitant et pavent constricti doloribus cum vident regna sua, quæ in inferno sunt, penetrata ab eo qui descendit in inferiora terræ ut eripiat eos qui possidebantur a morte. Hic eos comprehendit timor et tremor, quia senserunt magnitudinem brachii ejus. Hinc etiam tabuerunt omnes habitantes Chanaan, qui mutabiles interpretantur et mobiles, cum vident moveri regna sua, alligari fortem, et vasa ejus diripi. *Veniat ergo super eos timor et tremor magnitudinis brachii tui.* Quid timent dæmones, quid tremunt? Sine dubio crucem Christi, in qua triumphati sunt, in qua exuti sunt principatus eorum et potestates. Timor ergo et tremor cadet

super eos, cum signum in nobis crucis viderint fideliter fixum, et magnitudinem brachii illius quod Dominus expandit in cruce, sicut dicit : *Tota die expandi manus meas ad populum non credentem et contradicentem mihi (Rom. x)*. Non te ergo aliter timebunt, nec aliter tremor tuus veniet super eos, nisi videant in te crucem Christi, nisi et tu poteris dicere : *Mihi autem absit gloriari, nisi in cruce Domini mei Jesu Christi, per quem mihi mundus crucifixus est, et ego mundo (Galat. vi)*.

*Fiant tanquam lapis, donec transeat populus tuus, Domine, donec transeat populus tuus hic quem acquisisti.* Fieri tanquam lapidem, non est natura esse lapidem. Non enim fieret nisi quod non erat. Hoc propter illos dicimus qui malæ naturæ Pharaonem vel Ægyptios dicunt fuisse; et non ex arbitrii libertate in hæc esse deductos, sed et propter eos qui creatorem Deum accusant tanquam sævum, quo homines vertantur in lapides. Hi ergo priusquam blasphement, considerent summa liberatione quæ scripta sunt. Non enim dixit, *Fiant tanquam lapis, et tacuit*; sed tempus statuit, et mensuram condemnationis decernit. Ait enim : *donec transeat populus tuus.* Quo scilicet transitu populi non sint tanquam lapides; in quo mihi videtur prophetiæ aliquid latere. Video enim quia prior populus, qui fuit ante nos, factus est tanquam lapis durus et incredulus; verum non eatenus ut in lapidis natura permaneat, sed donec transeat populus hic, populus quem acquisisti. Cæcitas enim ex parte contigit in Israel secundum carnem, donec plenitudo gentium subintraret. *Cum enim plenitudo gentium subintroierit, tunc etiam omnis Israel, qui per incredulitatis duritiam factus fuerat sicut lapis, salvabitur (Rom. xi)*. Et vis videre quomodo salvabitur? Potens est, inquit, Deus de lapidibus suscitare filios Abrahæ. Manent ergo lapides nunc, *donec transeat populus tuus, Domine, populus tuus hic quem acquisisti.* Sed si ipse Dominus creator est omnium, videndum est quomodo hic acquisisse dicatur quæ sua esse non dubium est. Dicitur et in alio cantico Deuteronomii : *Nonne hic ipse Deus tuus, qui fecit te, et creavit te, et acquisivit te (Deut. xxxii)?* Videtur enim unusquisque illud acquirere quod non fuit suum. Inde denique et hæretici dicunt de Salvatore quia non erant sui quos acquisivit. Dato etenim pretio mercatus est homines, quos Creator fecerat; et certum est, aiunt, unumquemque illud emere quod suum non est. Apostolus enim ait : *Pretio empti estis (I Cor. v)*. Sed audi quid dicit propheta : *Peccatis vestris venundati estis, et pro iniquitatibus vestris dimisi matrem vestram (Isa. l)*. Vides ergo quia Dei quidem creaturæ omnes sumus, unusquisque vero peccatis suis venundatur, et pro iniquitatibus suis a proprio Creatore discedit. Dei ergo sumus, secundum quod ab eo creati sumus; effecti vero sumus servi diaboli, secundum quod peccatis nostris venundati sumus. Veniens autem Christus redemit nos, cum serviremus illi domino cui nosmetipsos peccando vendidimus. Et ita videtur

A tanquam suos quidem recepisse quos creaverat, tanquam alienos autem acquisisse qui alienum sibi dominum peccando quæsiverant. Sed fortasse recte quidem dicitur redemisse nos Christus, qui pretium nostri sanguinem suum dedit. Quid tale autem ut nos mercaretur, etiam diabolus dedit? Ergo si videtur ausculta : Homicidium pecunia diaboli est. Ille enim ab initio homicida est. Fecisti homicidium, diaboli pecuniam suscepisti; adulterium, diaboli pecunia est : diaboli enim in eo imago est et superscriptio. Commisisti adulterium, accepisti a diabolo numisma : furtum, falsum testimonium, rapacitas, violentia, hæc omnia diaboli census est et diaboli thesaurus. Talis enim pecunia de ejus moneta procedit. Hac igitur pecunia emit ille quos emit, et efficit sibi servos omnes, qui de hujusmodi censu ejus quantumcumque susceperint.

B *Introduces et plantabis eos in monte hereditatis tuæ.* Non vult nos Deus in Ægypto plantare, nec in dejectis et humilibus locis, sed in monte hereditatis suæ vult plantare quos plantat. Propheta dicit : *Vineam ex Ægypto transtulisti, expulisti gentes et plantasti eam. Pervium iter fecisti, ante eam plantasti radices ejus, et replevit terram. Operuit montes umbra ejus, et arbusta ejus cedros Dei (Psal. lxxix)*. Advertis jam quomodo plantat Deus et ubi plantat? Non plantat in vallibus, sed in montibus, in excelsis et sublimibus locis. Quos enim educit ex Ægypto, quod de sæculo adducit ad fidem, non vult eos iterum in humilibus collocare, sed conversationem eorum vult esse sublimem. Vult nos in montibus habitare, sed et in ipsis nihilominus montibus non vult nos per terram repere; nec ultra vult vineam suam humi dejectos habere fructus, sed vult palmites ejus sursum duci, in alto collocari, traduces fieri, et traduces non in quibuscumque humilibus arboribus, sed in excelsis et altissimis cedris Dei. Cedros Dei ego prophetas et apostolos puto : quibus nos adjungamur vitis, quam de Ægypto transtulit Deus; et per ramos eorum nostri palmites diffundantur, atque in ipsis innisi, traduces quidem efficiamur, charitatis ad invicem vinculis nexi, fructum sine dubio plurimum afferimus. *Nam omnis arbor quæ non facit fructum, excidetur et in ignem mittetur (Matth. iii)*. In præparata habitatione tua, quam præparasti, Domine. Vide clementis Domini bonitatem : non vult te inducere ad laborem, non vult ut ipse tibi facias habitaculum, jam te ad præparatam deducit habitationem. Audi Dominum in Evangelio dicentem : *Alii laboraverunt, et vos in laborem eorum introistis (Joan. iv)*. Sanctimonium, Domine, quod præparaverunt manus tuæ. Sanctimonium Domini tabernaculum Dei, velut templum quod ab eo sanctificantur accedentes. Hoc non dicit manu hominis factum, sed manu Dei. Quid ergo? propter te Deus et plantat et ædificat : agricola efficitur, structor efficitur, ne tibi aliquid desit. Audi et Paulum dicentem : *Dei agricultura, Dei ædificatio estis (I Cor. iii)*. Quid ergo istud est sanctimonium, quod non

manu hominum factum est, sed manibus Dei paratum? Audi Sapientiam dicentem: Qui edificavit sibi domum (I Cor. m). Ego autem hoc de incarnatione Domini rectius intelligendum puto. Non enim manu hominum factum est, id est, non opere humano templum carnis edificatur in virgine; sed sicut supra Daniel, lapis sine manibus excisus, crescit et factus est mons magnus. Istud est sanctimonium carnis assumptæ et sine manibus, id est, absque opere hominum de monte humane nature, et substantia carnis excisum.

*Domine, qui regnas in sæculum, et in sæculum, et adhuc.* Quoties in sæculum dicitur, longitudo quidem temporis, sed esse finis aliquis indicatur; et si in aliud sæculum dicatur, aliquis sine dubio longior quidem, tamen ponitur finis. Et quoties sæcula sæculorum nominantur, fortasse licet ignotus nobis, tamen a Deo statutus aliquis terminus indicatur. Quod vero addit in hoc loco, et adhuc, nullum sensum termini alicujus aut finis reliquit. Quodcumque enim illud cogitaveris in quo finem putes posse consistere, semper dicit tibi sermo propheticus, et adhuc: velut si loquatur ad te et dicat: Putas in sæculum sæculi Dominum regnaturum? Et adhuc: Putas in sæcula sæculorum? Et adhuc: Et quodcumque illud lixeris de regni ejus spatiis, semper tibi dicit Propheta, et adhuc.

*Intravit equitatus Pharaõ cum quadrigis et ascensoribus in mare: et induxit super eos Dominus aquas maris. Filii autem Israel ambulaverunt per siccum in medio mari.* Et tu si filius Israel es, potes ambulare per siccum in medio mari. Si fueris in medio nationis prave et perversæ; sicut lumen solis verbum vite continens ad gloriam, potest fieri ut in medio peccatorum incedentem te, non infundat humor peccati. Potest fieri ut transeuntem te per hunc mundum, nulla libidinis unda respergat; nullus cupiditatis aestus verberet. Qui enim Ægyptius est et sequitur Pharaonem, ille vitiorum fluctibus mergitur. Qui vero sequitur Christum, et sicut ille ambulavit, ita et ipse ambulat, atque ei murus sicut dextra laeva que. Ipse autem media via incedit per siccum; non declinat ad dexteram neque ad sinistram, usquequo exeat ad libertatem, et hymnum victoriæ Domino concinat dicens: *Cantabo Domino, gloriose enim honorificatus est.*

CAPUT V.

*De projectione filiorum Israel a mari Rubro in Marath: ubi Moyses per Domini mandatum, ligno aquas amaras indulcavit, ubi et Dominus constituit eis præcepta atque judicia.*

*Tulit autem Moyses Israel de mari Rubro; et egressi sunt in desertum Sur. Ambulaveruntque tribus diebus per solitudinem, et non inveniebant aquam. Et venerunt in Marath; nec poterant bibere aquas de Marath, eo quod essent amara. Unde et congruum loco nomen imposuit, vocans illud Marath, id est, amaritudinem. Et murmuravit populus contra Moysen dicens: Quid bibemus? At ille clamavit ad Dominum, qui ostendit ei lignum. Quod cum misisset in*

*aquas, in deserto dicitur: ubi et Dominus constituit eis præcepta atque judicia, et ibi tentavit eum dicens: Si audieris vocem Domini Dei tui, et quod rectum est coram eo feceris, et obideris mandata ejus, custodierisque omnia præcepta illius, unctum languorem quem passus in Ægypto, non inducam super te. Ego enim Dominus Salvator tuus, et reliqua (Ex. Origens.) Quod videtur dicere quod ei quis servet mandata, nullam amaritudinem patitur, hoc est, neque febrem, neque alios dolores corporis ferat. Non puto, quod hæc sint quæ promittuntur divinis mandatis servantibus; alioquin indicio nobis est Job justissimus et totius pietatis observantissimus, qui a capite usque ad pedes, repletur ulcere pessimo. Non ergo his debentur carere infirmitatibus, qui mandata custodiunt; sed non habebunt illas infirmitates quas Ægyptii habent. Ægyptus namque mundus figuratè appellatur. Diligere ergo mundum et ea quæ in mundo sunt, Ægyptius languor est. Dies observare et menses et tempora, signa requirere, stellarum cursibus adherere, Ægyptius languor est. Deservite carnis luxurie, voluptatibus operari dare, vacare deliciis, Ægyptius languor est. Carere namque infirmitatibus his et languoribus, qui mandata custodit.*

CAPUT VI.

*De eo quod de Marath pergentes filii Israel venerunt in Elim; et de Elim in desertum Sin, quod est inter Elim et Sinai; ubi et Dominus dedit illis coespere coturnices et manna pluit manna.*

Post hæc dicit, quia venerunt in Elim: et erant ibi duodecim fontes aquarum et septuaginta arbores palmarum (Exod. cap. xv). Putas non habet aliquid rationis, quod non ante in Elim dicitur populos, ubi erant duodecim fontes aquarum, in quibus nihil amaritudinis invenerat; ino potius, ubi erat amara vitæ et aquas misas et amaras, quibus per lignum monstratum a Domino dulcibus effectis, postea venit ad fontes. Si historiam solam sequamur, non multum nos ediscat scire ad quæm locum primo venerunt, ad quem secundo. Si vero rimemur in

his mysterium latens, inventum ordinem adfert. Primum enim dicitur populus ad litteram legis; ab hac donec permanet in amaritudine sua, recedere non potest. Cum vero per lignum vite dulcia fuerit effecta, et intelligi lex spiritaliter ceperit, tunc de Veteri Testamento transitur ad Novum, et venit ad duodecim apostolicos fontes. Ibi etiam arbores reperientur septuaginta palmarum. Non enim soli duodecim apostoli fidei Christi predicaverunt, sed et alii septuaginta missi ad predicandum verbum Dei referuntur: per quos palmam victoria Christi mundus agnosceret.

*Profecturus autem de Egipto venit omnis multitudo filiorum Israel in desertum Sin, quod est inter Egiptum et Sinus, quinto decimo die mensis secundi, postquam egressi sunt de terra Egipti. Et murmuravit omnis congregatio filiorum Israel contra Moysen et contra Aaroon in solitudine. Dixeruntque ad eos filii Israel: Utinam mortui essemus per manum Domini in terra Egipti, quando sedebamus super ollas carnis, et comedebamus panem in saturitate. Cum educatis nos in desertum istud, ut occideratis omnem multitudinem fame (Exod. cap. xvi) ? [Ex Origene.]* Hæc propter correptionem legentium, indicatur populi peccatum; quia murmuraverit et ingratus fuerit beneficiis divinis, cum cælesti manna susciperet. Quid etiam dies scribitur, in qua die murmuraverit populus? Secundo inquit mense, decima quinta die mensis. Quod utique non absque ratione scriptum est: Recordare de legibus Pasche: que dicta sunt, et invenies ibi hoc esse tempus, quod statuitur ac secundum Pascha faciendum his qui immundi in anima fuerint, vel occupati negotiis peregrinis. Qui ergo non fuerint immundi in anima, vel non longe peregrinabatur, decima quinta die primi mensis pascha facerent. Qui autem peregrinabatur et immundi erant, secundum Pascha in hoc tempore faciunt: in hoc tempore quo et manna de caelo descendit. In die quo primum pascha fit, non descendit manna: sed in hoc quo secundum pascha fit. Videamus ergo nunc qui sit in his ordo mysterii. Primum pascha primi populi est: secundum pascha nostrum est. Nos enim fuimus immundi in anima, qui colebamus lignum et lapidem, et ignorantes Iesum, his qui natura non erant dii, serviebamus. Nos etiam eramus, qui longe peregrinabamur. De quibus dicit Apostolus: Quia fuimus hospites et peregrini, testamentorum Dei spem non habentes, et sine Deo in hoc mundo. Verumtamen non datur manna de caelo in illa die, qua primum pascha fit, sed in illa qua secundum. Raris enim qui de caelo descendit, non venit ad illos, qui primam sollemnitatem celebrabant, sed ad nos qui secundam suscepimus. Nostrum enim pascha immolatus est Christus, qui verus nobis panis de caelo descendit. Sed intentionem videamus quid est quod in hac die gestum monstratur. Quinta decima die mensis secundi, murmuravit populus et dixit: Quia melius fuerat nos mori in Egipto, quando sedebamus super ollas car-

*nis. Qui populus intantum desiderat Egiptum, qui Egiptus vidit extinctos Carnes Egipti requirit, qui Egiptorum carnes vidit maris piscibus, et cæli alitibus, datas. Murmurat ergo adversum Moysen: imo, adversum Deum stebet. Sed hoc primo quidem ignoscitur, et secundo fortassis et tertio. Verum si non desinunt, sed persistent, audi quid post hæc murmurante populo consequatur. In Numerorum libro refertur, quod et in quibus scriptis retulit Apostolus dicens: Neque murmuraveritis, sicut quidam ex illis murmuraverunt et a serpentibus interierunt (I Cor. x). Murmurantem populum venenatus in eremo serpentum depascit morsus. Videamus nos qui hæc audimus, nos inquam pro quibus scripta sunt; Illis enim ad correptionem facta sunt: scripta sunt autem propter nos, in quos fines sæculorum devenerunt. Sed hæc initia habentibus ignoscuntur; in eos qui non desinunt, graviter vindicatur. Mittuntur namque in eos serpentes, id est, impudicia spiritibus traduntur, venenatisque demonibus, qui eos morsibus oculis ac latentibus perimant, atque interius et intra cordis penetralia conclusis cogitationibus absument: dicit enim Deus, qui audivit murmuracionem filiorum Israel: videtis quia non latet Dominum murmuratio nostra; audit omnia, eo quod non statim punit, pœnitentiam nostram conversionis expectat. Sed quid post hæc recitatum est? dixit autem Dominus ad Moysen: Ego ego pluviam vobis panes de caelo: egredietur populus, et colligat quæ sufficiant per singulos dies, ut tentem cum utrum quibet in lege mea an non. (Ex Augustino.) Tentatio ista probatio est, non in peccatum seductio. Neque ideo probatio, ut Deus noverit: sed ut ipsos ipsis hominibus ostendat, quo humiliores fiant ad petendum adiutorium, et agnoscendam Dei gratiam, Die autem sexta parent quod inferant: et sit duplum, quam colligere solebant per singulos dies. Quæro ergo qua die cœperit manna caelitus dari, et volo comparare Dominicam nostram sabbatam Judæorum. Ex divinis namque Scripturis apparet, quod in die Dominica primo in terris datur est manna. Sicut enim, ut Scriptura dicit, sex diebus continuus collectum est, septima autem die, quæ est sabbati, cessatum est, sine dubio initium ejus a die prima quæ est Dominica fuit. Quod si ex divinis Scripturis hoc constat quod in die Dominica Deus pluit manna, et in sabbato non pluit, intelligant Judæi jam tum prælatam esse Dominicam nostram Judaico sabbato; jam tunc indicabatur quod in sabbato ipsorum gratia Dei ad eos de caelo nulla descenderit, panis cœlestis, qui est sermo Dei, ad eos nullus venerit. Dicit enim et alibi propheta: Diebus multis sedebunt filii Israel sine rege, sine principe, sine propheta, sine hostia, sine sacrificio, sine sacerdote (Ose. iii). In nostra autem Dominica die, semper Dominus pluit manna de caelo. Sed hodie ego dico, quia pluit Dominus manna de caelo. Cœlestia namque sunt eloquia ista quæ nobis lecta sunt; et a Deo descenderunt verba quæ nobis recitata sunt, et ideo nos,*







era. Sed tunc illam terram sic credendum est appellatam. Modo enim non hoc vocatur nomine. Alia quippe est, quæ Phœnice appellatur, regio Tyri et Sidonis, qua illos transisse non legitur: quanquam Scriptura fortasse potuerit terram Phœnicos appellare, ubi palmarum arbores jam esse coeperant post eremi vastitatem, quoniam palma Græce sic appellatur. Initio enim perfectionis suæ Inveniant locum, ubi septuaginta palmarum arbores fuerant et duodecim fontes. Sed postea eos excepit eremi prolixitas, ubi tale aliquid non fuit, quousque venirent ad loca quæ colebantur. Verum illo sensus est probabilior, ut credamus sic appellatam fuisse tunc terram. Multarum enim terrarum et locorum, sicut fluminum et urbium nomina, certis existentibus causis, antiquitate mutata sunt. Sequitur: *Gomorum autem decima pars est ephi*; ephi ergo mensura est trium modiorum, ut in libro Ruth ostenditur; et gomorum mensura est Atticorum ephenicum trium; unde et in Levitico et in Numerorum libro quotiescunque decima pars ephi in sacrificio exhiberi jubetur, mensura gomorum expensa intelligitur.

## CAPUT VII.

*De transitu filiorum Israel a deserto Sin in Raphidim, ubi murmuravit populus pro aquæ penuria.*

Igitur profecta omnis multitudo filiorum Israel de deserto Sin per mansiones suas, juxta sermonem Domini, castra metati sunt in Raphidim, ubi non erat aqua ad bibendum populo. Qui jurgatus contra Moysen ait: *Da nobis aquam ut bibamus.* Quibus respondit Moyses: *Quid jurgamini contra me? Cur tentatis Dominum? Sicut ergo populus ibi pro aquæ penuria, et murmuravit contra Moysen dicens: Cur nos exire fecisti de Aegypto, ut occideres et nos et liberos nostros ac jumenta eorum (Exod. xvii)?* Raphidim est locus in deserto juxta montem Choreb. Sciendum autem quod omnis eremus usque ad montem Sinai Sin vocetur, et ex tota provincia etiam locus unius mansionis nomen acceperit, sicut et Moab tam arbis quam provincie nomen est. In hac solitudine quinque mansiones sunt: Suph et eremus, Sin et Daphæa et Alus, et Raphidim. Unde breviter in Exodo notatur quod *profecta est omnis multitudo filiorum Israel de eremo Sin per mansiones suas, juxta os Domini, et venerunt Raphidim (Exod. xiv)*: Ex quo perspicuum est plures mansiones unius regionis vocabulo demonstrari: *Clamavit autem Moyses ad Dominum dicens: Quid faciam populo huic? Adhuc paululum, et lapidabunt me.* Ait Dominus ad Moysen: *Antecede populum, et sume tecum de senioribus Israel, et virgam qua percussisti flumen, et tolle in manu tua, et vade.* Flumen Aaron legitur non Moyses virga percussisse. Nam Moyses eadem virga mare divisit, non flumen. (Ex Augustino.) Quid sibi ergo vult, *Accipe virgam in qua percussisti flumen?* An forte mare appellavit flumen? Quærendum exemplum locutionis hujus, si ita est. An quod Aaron fecit Moysi potius vitulum est, quia per Moysen Deus jubebat, quæ faceret Aaron? Quandoquidem et primis suis verbis

A Deus hoc illi ait de fratre suo: *Eris tibi ad populum: tu illi quas ad Dominum. En ego stabo coram te tibi super petram Horeb, percussisque petram, et exiit ex ea aqua ut bibat populus.* Fecit Moyses ita eodem senioribus Israel: et quis tentaverunt Dominum dicentes: *Estne Dominus in nobis, an non? (Ex. Iudicor.)* Post manna quaeritur populus ab ardore sitis, et fons de petra erupit: eadem autem petra, quæ percussa aquam commovit, Christi figuram habuit, quæ aperta cuncta fluxerunt. Ad quem valis virga lignum passionis accessit, ut emanaret credentibus gratia. Partensa enim, fons manavit; percussus in cruce Christianis sitientibus lavaverit gratiam et donum Spiritus sancti effudit. Petram enim istam figuram Christi habuisse probat Apostolus, cum dicit: *Bibebant, inquit, de spiritali consequente eos petra; petra autem erat Christus (I. Cor. x)*. Quod autem sitiens populus pro aqua murmurat adversus Moysen, et propterea jubet Deus ut ostendat ei petram de qua bibant, quid hoc significat, nisi quia si quis est, qui legem Moysen murmurat adversus eum, et displicet ei, legem secundum litteram est scripta, ostendit ei Moyses petram, quæ est Christus, et adducit eum ad ipsum, ut inde bibat et reficiat animam suam.

## CAPUT VIII.

*De pugna Amalec contra Israel.*

Venit autem Amalec, et pugnabat contra Israel in Raphidim. Dixitque Moyses ad Josue: *Edige viros, et egressus pugna contra Amalec. Eras ego stabo in vertice collis, habens virgam Dei in manu mea.* Fecit Josue ut locutus ei erat Moyses, et pugnavit contra Amalec. Moyses autem et Aaron et Hur ascenderunt super verticem collis. Cumque levabat Moyses manus, vincebat Israel; sin autem paululum remisisset, superabatur Amalec. Manus autem Moyse erant quædam. Sumentes igitur lapidem posuerunt subter eum, in quo sedit. Aaron autem et Hur sustentabant manus ejus ut utraque parte, et factum est ut manus ipsius non lassarentur usque ad occum solis. Fugavitque Josue Amalec et populum ejus in ore gladii. (Ex Augustino.) Et ecce ego stabo super verticem collis, et virga Dei in manu mea, Moyses dicit ad Josue, cum præciperet pugnari adversus Amalec. Nunc ergo virga Dei dicitur, quæ primam dicitur esse virgam Aaron, postea vero virga Moyse. Sicut dicitur Spiritus Sanctus, qui est Spiritus Dei, etiam participes factus est Elias. Sic ille potest dici et Dei justitia, quæ nostra est, sed donata a Deo. De qua loquens Apostolus, *Judæos arguit dicens: Ignorantes Dei justitiam, et eam justitiam volentes constitueri (Rom. x)*, id est, tanquam a se sibi paratam. Contra quales dicit: *Quid enim habes, quod non accepisti? Mystice autem ascendit Moyses in montem: Jesus contra Amalec militat, tenet virgam Moyses, brachiaque sua in modum crucis extendit. Sic hostis, id est diabolus, viam celestis patriæ intercludere volens, signo crucis Dominice superatur. Dum levaret manus Moyses, vincebat Israel. Rursum, dum inclinaret, superabatur Amalec. Elevantibus enim nobis actus nostros ad*

caelum, rectores tenebrarum subiciuntur. At contra  
 tra vespasius arantes manibus, hoc est, conuersatio  
 bona terrenam sectantes, hostis victor insequitur.  
 Sedet Moyses super lapideum, de quo narravit Za-  
 charias (Cap. v.) qui septem habebat oculos, et in  
 Saabuelis volumine appellatur lapis adjutorii, et  
 utramque manum Aaron et Hur, quasi duo populi  
 aut duo testamenta, sustentant. Aliter: Moyses se-  
 dit in lapide, cum lex requieuit in Ecclesia. Sed  
 hae eadem lex manus graves habuit, quae peccantes  
 quosque non misericorditer petulit, sed seuera dis-  
 tinctione percussit. Aaron vero mons fortitudinis,  
 Mûr autem ignis interpretatur. Quem itaque mons  
 iste fortitudinis signat, nisi Redemptorem nostrum?  
 Ideo quo per prophetam dicitur: Erit in novissimis  
 diebus preparatus mons domus Domini in vertice  
 montium (Isai. ii). Aut quis per ignem, nisi Spi-  
 ritus sanctus figuratur, de quo idem Redemptor  
 noster dicit: *Ignem veni mittere in terram*. Aaron  
 ergo et Hur graves manus Moysi sustentant, atque  
 sustentando leviores reddunt, quia Mediator Dei et  
 hominum cum igne sancti Spiritus veniens, manda-  
 ta legis gravia, quae dum carnaliter tenerentur, por-  
 tari non poterant, liberiora nobis per spiritualem  
 intelligentiam ostendit. Quasi enim manus Moysi  
 leves reddidit, quia pondus mandatorum legis ad  
 virtutem confessionis retorsit. Hanc nobis sequentis  
 misericordiae promissionem intulit, cum per propheta-  
 lam dicitur: *Nolo mortem peccatoris, sed ut conuer-  
 satum et vivat* (Ezech. xviii). Hinc iterum sub Iude  
 specie unicuique peccatorum animam dicitur: *Si dereli-  
 querit vir uxorem suam, et illa recedens duxerit virum  
 alterum, nunquam revertetur ad eum, autem? Numquid  
 non polluta et contaminata erit mulier illa? Tu autem  
 fornicata es cum amatoribus multis. Tamen revertere  
 ad me, sicut Dominus* (Jerem. iii). Ecce paradigma  
 turpis mulieris videtur. Ostendit quod post turpitudi-  
 nem recipi non possit, sed hoc ipsum paradigma  
 quod protulit, per misericordiam vincit, cum dicit  
 forniciferam mulierem recipi nequaquam posse, et  
 tamen ipse fornicantem animam, ut recipiat, ex-  
 pectat. Proponens potius tantae pietatis dicit quod  
 tori non potest, et demonstrat, quia hoc ipse facere  
 potest contra morem potest. Ecce vocat et inquina-  
 tas, denuntiat, etiam hoc amplecti, quærit a quibus  
 desertum esse, ne queritur. Insuper ergo ad miseri-  
 cordiam duritiam legis, quia quae iusto ille damnat,  
 ipse misericorditer liberat: *Dixit autem Dominus ad  
 Moysen: Scriba hoc ad monumentum in libro, et trade  
 manibus Joana. Deleba enim memoriam Amalec sub  
 caelo. Edificavitque Moyses altare, et vocavit nomen  
 eius, Dominus exaltatio mea*. Jubet Dominus bellum  
 conceptum contra Amalec in libro conscribi, et tradi  
 auribus Joanae, praedicique quod deleturus sit me-  
 moriam Amalec. Quid hoc significat nisi quod omni-  
 potens Deus per legem, cuius typum Moyses tenet,  
 de Salvatore nostro praenuntiat quod ipse deleturus  
 sit memoriam hostium spiritualium, atque sanctae  
 Ecclesiae laesione compescens demersurus sit eos in

profundum abyssi, hostes videlicet illos de quibus  
 propheta dicit: *Perit memoria eorum sicut corium,  
 et Dominus in eternam peremisset* (Psalm. lxxv). Et  
 ut ostenderet militibus Christi, nulla tempore pigri-  
 tiae inertia esse torpendum, sed semper paratos esse  
 ad periculum, post subdidit dicens: *Quis manus  
 solius Domini, et bellum Dei erit contra. Amplect a gene-  
 ratione in generationem. Manus salus Domini et bel-  
 lum Dei contra Amalec est, id est, contra malignos  
 spiritus, qui sanguinolenta et corruptibilia opera  
 semper sicut. Interpretatur enim Amalec populus  
 bruceus, vel populus linguæ sanguineus. Cum Chri-  
 stus in membris suis, hoc est sanctis, viriliter et  
 sine cessatione in praesenti tempore contra spiri-  
 tuales nequitas praebatur; a generatione videlicet  
 in generationem, id est, usque ad finem mundi,  
 quando perfecte victoria perpetrata sancti cum  
 triumpho ad caeleste regnum comitantes regem  
 suum Christum, intrabunt, regnum et ipsi accepturi  
 perpetuum, tunc et illud veraciter impletur quod  
 Apostolus dicit: *Absorpta est mors in victoria*. Et  
 alibi scriptum est: *Mors, inquit, ultra jam non erit,  
 neque luctus, neque clamor, quia prima abierunt*  
 (Apoc. xxi).*

CAPUT IX.

De adventu Jethro cognati Moysi in desertum cum  
 uxore et filiis Moysi; et de consilio quod dedit  
 Moysi pro labore iugiorum levigando.  
 Cumque audisset Jethro sacerdos Median cognatus  
 Moysi omnia, quae fecerat Dominus Moysi et Israel  
 populo suo, eo quod eduxisset Dominus Israel de  
 Egypto, tulit Sopheram uxorem Moysi, quam remi-  
 serat, et duos filios ejus, quarum unus vocabatur Ger-  
 sam, dicente patre: *Advena fui in terra aliena. Alter  
 vero Eliezer, Deus enim ait patri meo adjutor meus,  
 et erxit me de gladio Pharaonis. Venit ergo Jethro  
 cognatus Moysi, et filii ejus et uxor ad Moysen in de-  
 sertum, ubi erat castra metatus juxta montem Dei.*  
 Veneruntque Aaron et omnes senes Israel, ut comede-  
 rent panem cum eo coram Domino (Exod. xviii). [Ex  
 Augustino.] Queritur, ubi auto Deum, quando hic  
 tabernaculum fuit, nec arca testamenti, quae postea  
 sunt instituta? Neque enim et hic de futuro dicitur  
 accipere, possumus, sicut dictum est de manna,  
 quod positum est in vase aureo. Ergo ante Deum id  
 accipere debemus factum. Ubi enim non Deus? *Altero  
 autem die sedit Moyses, ut judicaret populum; qui as-  
 sistebat Moysi de mane usque ad vesperam. Quod cum  
 vidisset cognatus ejus, omnia scilicet quae agebat populo,  
 ait: Quid est hoc, quod facis in plebe? Cur solus sedes,  
 et omnis populus praestolatur de mane usque ad vespere-  
 ram? Cui respondit Moyses: Venit ad me populus qua-  
 rens sententiam Dei; cumque acciderit eis aliqua dis-  
 ceptatio, veniunt ad me, ut judicem inter eos et  
 ostendam praercepta Dei et leges ejus.* (Ex Augustino.)  
 Quæri potest quomodo ista Moyses dixerit, cum lex  
 Dei adhuc nulla conscripta esset, nisi quia lex Dei  
 sempiterna est, quam consulunt omnes pie mentes:  
 ut quod in ea invenerint, vel faciant, vel jubeant, vel  
 vetent, secundum quod illa incommutabili veritate

repperit. Numquid enim Moyses, quavis cum illo loqueretur Deus, per singula credendum est, quod consulere solet Deum, si quid esset in disceptationibus tantæ multitudinis, quæ illum in hoc iudicandi negotio a mane usque ad vesperam detinebat? Et tamen nisi suæ menti presidentem Dominum consuleret, legemque eius sapienter attenderet, quid iustissimum iudicare inter disceptantes posset, non inveniret. At ille: *Non bonam, inquit, rem facis. Stulto labore consumeris et tu et populus iste, qui tecum est. Ultra vires tuas est negotium. Solus illud non poteris sustinere; sed audi verba mea atque consilia, et erit Dominus tecum.* In eo quod Jethro consilium dat generi suo Moysi, ne occupatus iudiciis populi, et ipse et populus consumeretur consummatione intolerabili, prima questio est, cur hoc Deus famulum suum, cum quo ipse tanta et talia loquebatur, ab alienigena passus est admoneri. In quo Scriptura nos admonet, per quemlibet hominem detur consilium veritatis, non debere contemni. Videndum etiam ne forte ibi voluerit Deus ab alienigena admoneri Moysen, ubi et ipsum posset tentare superbia. Sedebat enim iudicaria sublimitate. Nam hunc sensum indicat, cum ipse Jethro eos eligere iussit ad iudicandas causas populi, qui odissent superbiam. Deinde quam sit observandum, quod alibi Scriptura dicit: *Fili, ne in multis sint actus tui (Eccl. xi)*, satis et hic apparet. Deinde verba Jethro dantis consilium Moysi, considerata sunt. Dicit enim: *Nunc itaque audi me, et consilium dabo tibi, et erit Deus tecum.* Ubi mihi videtur significare nimis intentum humanis actionibus animum, Deo quodammodo vacuari, quo sit tanto plenior, quanto in superna atque æterna liberius extenditur. Sequitur: *Esto tu populo in his, quæ ad Deum pertinent, ut referas, qui dicuntur ad eum, ostendasque populo cæremonias et ritum colendi, viamque per quam ingredi debeant, et opus quod facere. Provide autem de omni plebe viros potentes et timentes Deum, in quibus sis veritas, et qui oderint avaritiam: et constitue ex eis tribunos et centuriones, quinquagenarios et decanos, qui iudicent populum omni tempore. Quidquid autem majus fuerit, referant ad te, et ipsi minora tantummodo iudicent; leviusque tibi sit partito in alios onere. Si hoc feceris, implebis imperium Domini, et præcepta eius poteris sustentare; et omnis hic populus revertetur cum pace ad loca sua.* Quod vero adiungit et dicit, esto tu populo in his quæ ad Deum, et referes verba eorum ad Deum, et testaberis illi præcepta Dei et legem eius, et demonstrabis illis vias in quibus ambulabunt in eis, et opera quæ faciant, cum populo universo hæc agenda esse demonstrat. Non enim ait uniuscuiusque verba referre ad Deum, sed verba eorum: cum supra dixisset: *Esto tu populo in his quæ ad Deum sunt.* Post hæc admonet, ne singulorum negotia quæ inter se habent, deserantur: electis videlicet potentibus viris, Deum colentibus, iustis, et qui oderint superbiam: quos constitueret super milenos; alios super centenos; alios super

A quinquagenos; alios super denos. Sic et ab ipso Moyses removit graves, et periculosas occupationes, nec istos gravavit, quandoquidem ipsi mille haberent unum super se, et sub illo haberent alios decem; et sub eis alios viginti, et sub his alios centum; ut vix aliquid ad singulos, quosque præpositos perveniret, quod iudicare necesse haberent, insinuatur. Ille etiam humilitatis exemplum, quod Moyses cum quo Deus loquebatur, non fastidivit neque contempsit alienigenæ soceri sui consilium: quanquam et ipse Jethro cum Israelita non fuisset, utrum inter viros Deum veram colentes, religioseque sapientes habendus sit, quemadmodum et Job, cum ex ipso populo non fuisset, merito quaeritur, imo creditur haberi. Ambigue quippe posita sunt verba: vel utrum sacrificaverit Deo vero in populo ejus, quando vidit generum suum; vel utrum eum adoraverit ipse Moyses, quanquam de adoratione, etiam si expressè positum esset, honor videretur socero redditus eodem modo, quo solet hominibus honorificentia causa ex liberi a patribus, sicut de Abraham scriptum est, quod *adoraverit filios Heth (Gen. xxvii)*. Quod autem dicat grammato isagogas post definitiones, non facile sciri potest, quoniam hoc nomen in nullo usu habemus vel officiorum vel magisteriorum; nam quidam doctores interpretati sunt, ut intelligantur magistri litterarum, qui introducunt in litteras, sicut resonat Græcum vocabulum. Ille sanè significatur ante legem datam, quod haberint Hebræi litteras, quæ a quo ceperint esse, nescio utrum valeat indagari. Non nullis enim videtur, a primis hominibus eas cepisse et perductas esse ad Noe, atque inde ad parentes Abraham, et inde ad populum Israel. Sed unde hoc probari possit, ignoro. (Ex Isidoro.) Hoc magne admirationis est, ut diximus, quod Moyses propheta Deo plenus, qui cum Domino facie ad faciem loquebatur, ab homine gentili consilium accepit, ut faceret omnia quæcumque diceret ille: nisi ut formam humilitatis populorum principibus daret, et futuri sacramenti designaret imaginem. Sciebat enim futurum quandoque quod populum ex gentibus congregatum, ea quæ in lege decernant, eo suggerente compleantur; bonumque et spiritualem intellectum, afferret ad legem Dei; et sciebat quia audiret eundem populum lex, et faceret omnia quæcumque diceret legisque diminutio suggerente Evangelio completeretur.

## CAPUT X.

De adventu filiorum Israel ad montem Sinai, ubi mandavit populo per Moysen, ut essent parati in diem tertium.

Mense tertio egressionis Israel de terra Egypti, in die hac, venerunt in solitudinem Sinai. Nam profecti de Raphidim, et pervenientes usque in desertum Sinai, castra metati sunt in eodem loco; ibique Israel fixit tentoria e regione montis. Moyses autem ascendit ad Deum vocavitque eum Dominus de monte et ait: *Hæc dices domui Jacob, et annuntiabis filiis Israel, etc. (Exod. xix).* (Ex Isidoro.) Accessit itaque post hæc

populus quid d' legem sub manu die egressionis Israel  
 ad Egyptum ad montem Sinai; ibique Moyses ascen-  
 dit ad Deum et Dominus ibi descendit. Si quid  
 est: moraliter quod Moyses in montem ascendit et  
 Dominus in montem descendit. Mons quippe: ad-  
 (scilicet) contemplationis posture est, in qua ascendimus;  
 ultra ea que ultra infirmitatem nostram sunt in-  
 tuenda subleuatur. Sed in hanc Dominus descendit;  
 quia sanctis scriptis proficiendis parum de se ali-  
 quid eorum pensibus aperit. In hanc quoque  
 montem quasi uidentis que fecerim Egyptis in quomodo  
 peruenimus nos super alas aquilarum, et assumptis  
 nobis. Alas aquilarum, id est in mente mystice appellat  
 doctrinam Testamento. Bene ergo Scriptura sacra  
 pennas aquilarum assimilatur, quod nos ad infirmi-  
 tatis exhortationibus eleuant, et suis consolationibus  
 parant; suisque documentis semper ad ardua opera  
 uirtutum, et ad celestia premia aduertunt. Si ergo  
 uideritis uocem meam, et custodieritis preceptum meum,  
 eritis mihi in populum. Et tunc dicit populus. Mea est  
 terra omnia: et deus eris mihi regnum et gens  
 sancta. Hoc lapidis testimonium quodam antiquo  
 Dei populo per Moysen datum est, quod postea  
 recte gentibus datus apostolus Petrus dicens. Voc-  
 auimus genus electum, regale, sacerdotium: gens san-  
 cta, populus acquisitionis. (I. Petri ii), quia in Chri-  
 stum uelut crediderunt qui uelut lapis angularis  
 in eam quam in se Israel habuerat salutem, gentes  
 aduenit. Quas genus electum uocat propter fidem:  
 ut distinguat ab eis qui lapidem uivum reprobande  
 faciunt ipsi reprobi. Regale autem sacerdotium, quia  
 illius corpora sunt uicarij, qui rex summus et sacerdos  
 est uerus, regnum suis tribuens ut rex et ut pontifex, so-  
 rum, peccatorum sui sanguinis hostia mundans. Regale  
 sacerdotium eos nominat, ut et regnum se parare per-  
 petuum et hostias immaculate conuersationis. Deo sem-  
 per offerre meminerint. Gens quoque sancta et popu-  
 lus acquisitionis uocatur, iuxta id quod apostolus  
 Paulus propheta exponens sententiam dicens: In-  
 stus autem ueni et fide uixit. (Abac. ii). Quod si sub-  
 traxerit se, non placebit anime mee. Nos autem  
 non sumus, inquit, subtractionis filij in perditionem;  
 sed dei in acquisitionem anime. Et in Actibus  
 Apostolorum. Vos ait. Spiritus sanctus posuit epi-  
 scopos regere Ecclesiam Domini quam acquisiuit  
 sanguine suo (Act. xx). Populus ergo acquisitionis  
 facti sumus in sanguine nostri Redemptoris: quod  
 erat quondam populus Israel redemptus sanguine  
 agni de Egypto.

A sensus spiritualis demonstratur. Omne leue et iaci-  
 dum ad fideles pertinet: omnis autem terra et teo-  
 dyrositas, ad infirmos terrendos. Ideo autem lex cum  
 terrore datur, ut populus carnalis Deum timeret, et  
 legem eius cum reuerentia conseruaret.  
 Nuntiabit ergo Moyses uerba populi ad Dominum,  
 qui dixit ei: Uade ad populum et sanctifica eos hodie  
 et cras; lauentque uestimenta sua, et sint parati in  
 diem tertium. Die enim tertio, descendet Dominus  
 coram omni plebe super montem Sinai. Hac quidem  
 die reperitur dari lex, que in tabulis lapideis  
 scripta est digito Dei: sicut consequentia docent.  
 Dies autem iste tertius apparet tertij esse mensis  
 ab exitu ex Egypto. Ex die ergo quo pascha fece-  
 runt, id est, agnum immolauerunt et ederunt, qui  
 fait quartus decimus primi mensis, usque ad istum  
 quo lex datur, dies quinquaginta numerantur: decem  
 et septem scilicet primi mensis: reliqui ab ipso xiv,  
 deinde omnes xxx secundi mensis, qui sunt xlvii.  
 Et tertius tertij mensis, qui est a solemnitate occisi  
 agni quinquagesimus. Ac per hoc in ista umbra fu-  
 turi secundum agni immaculati diem festum, sicut  
 quinquagesimo die lex data est, que conscripta est  
 digito Dei, ita ipsa ueritate Novi Testamenti, a festi-  
 uitate agni immaculati Christi Jesu, quinquaginta  
 dies numerantur: ut Spiritus sanctus de altissimis  
 datus est. Digtum autem Dei esse Spiritum sanctum  
 supra iam diximus teste Evangelio. Quod autem Do-  
 minus precepit Moysi, ut populum sanctificet hodie  
 et cras, utque ipsi lauent uestimenta sua, et sint pa-  
 rati in diem tertium, mystice significat quod omnis  
 qui ad conspectum Dei peruenire desiderat, sanctifi-  
 care se debet, id est, sana fide et digna conuersa-  
 tione preparare; et uestimenta sua lauare, id est,  
 opera sua mundare; in presenti uidelicet et in fu-  
 turo tempore, quod significat hodiernus et dies cra-  
 stinus: quatenus ad gloriam resurrectionis et im-  
 mortalitatis Domine pertingere, possit. Hoc quo-  
 que insinuat dies tertius, quia Christus die tercia a  
 mortuis resurrexit. Constituesque terminos populo per  
 circuitum et dices: Cavete ne ascendatis in montem,  
 nec tangatis fines illius. Omnis qui tetigerit montem,  
 morte morietur. Manus non tanget eum: sed lapidibus  
 opprimetur, aut confodietur iaculis: sive iumentum  
 fuerit, sive homo, non uiuet. Quid est quod legem daturus  
 Dominus, in igne fumoque descendit, nisi quia lu-  
 miles per claritatem sue ostensionis illuminat, et as-  
 perborum oculos per caliginem erroris obscurat? Prius  
 ergo mens ab appetitu glorie temporalis, atque ab  
 omni carnalis concupiscentie delectatione tergenda  
 est; et tunc ad actum contemplationis erigenda. Unde  
 et cum lex accipitur, populus a monte prohibetur; ut  
 uidelicet qui infirmis adhuc mentibus terrena deside-  
 rant, considerare sublimia non presument. Ubi et  
 recte dicitur: Si bestia tetigerit montem, lapidabitur.  
 Bestia etenim montem tangit, cum mens irrationa-  
 bilibus desiderijs subdita, ad contemplationis alta se  
 erigit. Sed lapidibus percutitur, quia summa non sus-  
 tinens, ipsis superni ponderis ictibus necatur. Qui

Venit Moyses, et convocatis maioribus natu populi,  
 expressit uerba eorum, que mandauerat Dominus.  
 Responditque uniuersus populus simul. Cuncta que  
 locutus est Dominus faciemus. Cuique respondit  
 Moyses uerba populi ad Dominum, ait ei Dominus:  
 Jam nunc ueniam ad te, in caligine nubis, ut audiat  
 me populus loquentem ad te, et credat tibi in perpetuum.  
 Per caliginem et omne quidquid tenebrosum  
 in deserto Dei, erat littera legis designatur; per  
 montem uero et omne quidquid ibi splendidum fuit,

ergo cubum apprehendere perfectionis nituntur, A  
contemplationis arcem tenere desiderant, prius se  
in campo operis per exercitium probent, ut solliciti  
sciunt, si nulla jam mala proximis irrogant; si sub-  
interrogata a proximis, aequanimiter portant; si obje-  
ctis bonis temporalibus, nequaquam eos lætitia sol-  
vit; si subtractis, non nimio mœnore sciantur, ad  
deinde perpendant, si cum ad semetipsos introrsus  
redeunt, in eo quod spiritualia rimantur, nequa-  
quam secum rerum corporalium umbras trahunt;  
vel fortasse tractas, manu discretionis abigunt, si in-  
circumscriptionum lumen videre cupientes, cunctas  
circumscriptionis suo imaginem deprimunt; et in eo  
quod super se contingere appetunt, vincunt quod  
sunt.

Cum cœperit clangere buccina, tunc ascendant in B  
montem. Quid est quod prius prohibet populum ne  
ascendat in montem, nec tangat fines illius, mina-  
turque transgressoribus mortem, nunc autem jubet ut  
quando cœperit clangere buccina, tunc ascendant in  
montem; nisi quod humanam audaciam compescens  
premit, et ad obediendum divinæ jussioni, mentem  
erigit? Ad sonitum ergo buccinæ ascendere oportet  
in montem, quia ad sacræ predicationis vocem se  
erigere debet ad superiora, mens auditorium. Nec enim  
inordinate ad investigationem sacramentorum cœ-  
lestium abilius peritit se immittere debet, irratio-  
nabili motu presumptionis suæ instigatus; sed ad  
vocationem divinam promptus ac devotus subsequi,  
quo provocat gratiam largitoris.

Cumque lavissent vestimenta sua, ostendit eis C  
Esiodo purati in diebus tertium, nec appropinquatis  
arboribus cœstris. Quid est quod post lavationem ve-  
stimentorum prohibet accessum arborum, nisi ut  
ostendat nullis non sufficere ad virtutem contem-  
plationis, infundationem operum per poenitentiae la-  
mentum, sine castitate tam corporum, quam etiam  
animarum? Oportet ergo ut mundentur necesse no-  
stros præteritis per complationem lacryarum et  
puritatem integram servemus præcoriorum, quia  
satis non sufficimus ad contemplationem Dei, et ad  
perceptionem veræ sapientiæ. Hinc ipsa Veritas ait:  
Nesci mundo corde, quoniam ipsi Deum non vident  
(Matth. 23). Et in Salomone scriptum est: Spiritus  
sabbellus discipline effugit factam; et in animam ma-  
tebotam non introfuit sapientia (Sap. 1).

CAPUT XI.

De eo quod die tertio cœperant audiri tonitrua, mi-  
care fulgura, et nubes operire montem, clangorque  
buccinæ bellimentis persurrepere. Cum Dominus  
descendisset de monte  
Cum advenaret dies tertius, manserunt clarescere et  
cœperant audiri tonitrua, de micare fulgura, et nubes  
densissima operire montem; clangorque buccinæ quæ  
bellimentis persurrepebat (Exod. XIX). (Ex Esiodo.) Quin-  
quagesimo die post actum pascha, data est lex Moysi;  
illa est quinquagesimo die post passionem Domini,  
quam pascha illud præfigurabat, data est Spiritus  
sanctus promissus pascha descendens super epou-

stolos, et qui cum eis erant. In contino vigesimo  
Mosaica ætatis numero constitutis et divisis linguis  
credentium, totus Evangelica predicatione mundus  
impletus est. Dicitur illic scripta lex digito Dei, et  
Dominus dicit de Spiritu sancto: In digito Dei effu-  
ditur dæmonia (Luc. xi). Aspici illic cunctos populos  
voces et lampades montemque fumantem, tonitrua  
et fulgura, clangoremque buccinæ persurrepentem.  
In vocibus namque et tonitruis, clamor predicationum  
intelligitur; in lampadibus, claritas miraculo-  
rum; in sonitu buccinæ, prædicatio fortis sancto-  
rum. Quæ omnia in adventu Christi et sancti Spiritus  
completa sunt, quando omnes discipuli Christi  
in varietate linguarum, præceptis et signis intone-  
runt. Interpretatur autem Sinai rubus, quod signifi-  
cat Ecclesiam, in qua et Dominus Moysi loquitur.  
Quod autem legem daturus Dominus, in igne fumo-  
que descendit, hoc significat quia et fideles claritas  
sive ostensionis illuminat, et infideles oculis per-  
fumum erroris obscurat. Quod vero videtur in calli-  
gine, hoc significat quia simplices terrena sapientie,  
calliginem malitiæ cum descendente, id est, in ho-  
militate nascentem, non agnoverunt. Atque in calli-  
gine visus, legem dedit, quia veritatem suam legem  
non secutus infidelibus, quasi per calliginem dixit;  
ut videntes non viderent.

Timuit populus qui erat in castris. Cumque eduxisset  
eos Moyses in occursum Dei de loco basurorum,  
ereterunt ad rantes montis. Intueri libet quomodo  
særa eloquia in exordio narrationum qualitates ex-  
primant certinosque clausuram. Aliquando namque  
a positione loci aliquantulum a positione corporis, ali-  
quando a qualitate aeris, aliquando a qualitate tem-  
poris signant quid de ventura actione suspicant.  
A positione locorum divina Scriptura exprimat sub-  
sequentium merita finisque causarum: sicut de  
israele dicit quia verba Dei in monte audire non  
potuit, sed præcepta in campis audire accepit; sub-  
sequentem nimirum infirmitatem populi indicans,  
quia ascendere ad summam non valuit, sed semetipsum  
in infinis, neglecte vivendo, laxavit. A positione  
corporis futura denuntiat, sicut in Actibus apostolo-  
rum (Stephanus, Verum a dextris cœlestis Dei gradem  
(Act. VII) se vidisse manifestat. Stare quippe præ-  
gnantis est, vel juvenilis. Et recte stare cernitur,  
qui ad bello certaminis optulatur. A qualitate aeris  
res subsequens demonstratur, sicut evangelista cum  
predicante Domino nullo tunc ex Judæa credituros  
diceret, præmisit dicens: Hiems autem erat (Matth. 23).  
Scriptum namque est: Abundavit iniquitas, et refrige-  
scit charitas multorum (Matth. XXV). Ideo ergo  
hiemis enavit tempus exprimere, ad inesse auditi-  
rum cordibus malitiæ frigus indicaret. Hinc est quod  
negaturo Petra præmittitur quia frigus erat, et stans  
ad portas, opes factus se. Nam namque inhi-  
chantis calor torpuerat; et ad majorum presentis  
vitas, quasi ad persequentium prones, in similitate  
estuantis recedebat. A qualitate quoque temporis, si-  
nis exprimitur actionis; sicut non restituros ad ve-

niam, et ad traditionis perfidiam nocte Judas exisse, perhibetur, cum egrediente illo ab evangelista dicitur: *Erat enim nox* (Joan. xiii). Hinc enim et inique diviti dicitur: *Hac nocte repetunt animam* (nam, *aba te* (Luc. xii). Anima quippe quæ ad tenebras ducitur, non in die repeti, sed in nocte memoratur. Hinc est, quod Salomon, qui sapientiam non perperaturus accepit, in somnis hanc et nocte accepisse describitur. Hinc est, quod angeli ad Abraham meridie veniunt; punitur autem Salomon, ad eam vespere venisse memoratur.

Totus autem mons Sinai sumabat, eo quod descendisset Dominus super eum in igne: et ascenderet, et superius: et ea quasi de facina. Eratque omnis mons, et semitus, buccina paulatim, crescebat in majus, et prolixius tendebatur. Quid, per montem, ipsa nostra contemplatio designatur, in qua nos ascendimus ut ad ea, que ultra infirmitatem nostram sunt, videamus, sublevemur? Sed in hunc Dominus descendit, qui nobis multum proficiendis, parum de se, aliquid nostris, seculis, aperit; si tamen dies in illo, vel perum, vel aliquid, potest, qui unus semper, et, idem, intelligi, particuleliter, non potest, et tamen a suis, fidelibus, participari, dicitur, cum in ejus substantia pars nullatenus admittatur. Sed quia hunc, experire, perfecta sermone non possumus, humanitatis nostre modula, quasi infantia imbecillitati, præpediti, eum, aliquatenus ballutienda resonemus. Somnus, inquit, buccina paulatim, crescebat in majus, et prolixius, tendebatur. Somnus buccina, est sermo prædicatorum, qui, secundum auditorum intellectum, formari, debet, ut, omnia, persona, videatur, expedire. Non enim, eodem, tempore, doctrinæ, imbuenda, est, puditas, propheta, qua, instruenda, est, capacitas, emulorum. Unde, et, Paulus, quibusdam, auis, auditoribus, dixit: *Non potui loqui vobis quasi spiritibus, sed quasi carnalibus, tanquam parvulis in Christo* (I. Cor. iii). Et alibi: *Loquimur, inquit, sapientiam inter perfectos, quam, domo, principum, hujus sæculi, cognoscimus* (I. Cor. ii). *Descenditque Dominus super montem Sinai, quia ipse montis vertice, et vocavit Moysen in cacumen ejus*. Ecco Dominus descendere in montis verticem dicitur, et vocare Moysen in cacumen ejus, in quo ostenditur, quod ipse Dominus profectum sanctorum, sicut, semper, ad sublimiora, et perfectiora, provocat, quibus ipse, summa, perfectio, est, quæ, ejus, vultu, perpetua, consummatio, est, omnium, virtutum.

Quo cum accessisset, dicit ad eum: *Descende et contempe populum, ne forte velint transcendere terminos ad videndum Dominum, et pereat ex eis plurima multitudo*. Contematur populum Dominus, ne forte velint transcendere terminos præstitatos ad videndum Dominum, quia magna discretione dicitur opus est, ne velit ultra quam debet, et quam possit de ipsa, divina, natura, rimari, ac tractare, conetur. Unde et Scriptura dicit: *Qui majestatem scrutatur, opprimetur a gloria* (Prov. xv). Et alibi ipsa Sapien-

tia dicit: *Mel invenisti, comede quod sufficit tibi; ne forte satiatas, epomas illud, et perjures nomen Domini* (Ibid.).

Locutusque est Dominus Moysi cunctos sermones hos: *Ego sum Dominus Deus tuus, qui eduxi te de terra Egypti, de domo servitutis* (Exod. xx). [Ex Origene.] Omnis qui dicit se contemnere præsens sæculum, quod figuratiter Egyptus appellatur, et per verbum Dei, ut secundum Scripturas dicam translatus est, et non invenitur, quia ad sæculum futurum festinat ac tendit, de hujusmodi anima dicit Deus: *Ego sum Dominus Deus tuus, qui eduxi te de terra Egypti*. Non ergo hæc ad illos tamen dicuntur, qui de Agypto profecti sunt, sed multo magis ad te qui

hunc audis, ista, si tamen proficiscaris ex Agypto, et Agyptis ultra non servias, dicit hæc Deus: *Ego sum Dominus Deus tuus qui eduxi te de terra Egypti, de domo servitutis*. Vide si non negotia sæculi et agus carnis domus est servitutis; sicut rusticus e contrario, relinquere secularia, et secundum Deum vivere, domus est libertatis, sicut Dominus in Evangelio dicit: *Si permaneritis in verba, meo, vos agnosceitis veritatem, et veritas liberabit vos* (Joan. viii). Ergo Agyptus domus est servitutis, Judæa vero et Jerusalem domus est libertatis, Audi et Apostolum de his secundum sapientiam, que, ei, in mysterio data, fuerat, præcipitantiem: *Quæ quædam, servituti est, inquit, Jerusalem, libertas est, quæ, est, mater omnium nostrum* (Gal. iv). Sicut ergo Agyptus ista

terrena, provincia, filiis Israel domus dicitur servitutis, ad comparisonem Judææ et Jerusalem quæ eis domus efficitur libertatis, ita ad comparisonem celestis Jerusalem, quæ, ut, ita, dicam, mater, est, libertatis, totus hic mundus, et omnia, que, in mundo sunt, domus est servitutis. Et, quoniam, de paradiso libertatis, pro peccati ad hujus mundi, ventum fuerat servituti, idcirco, primus sermo decalogi, id est, prima mandatorum, Dei, nox, de libertate præsertur, dicens: *Ego sum Dominus Deus tuus, qui eduxi te de terra Egypti, de domo servitutis*. Hæc vocem in Agypto positus audire, non poterat, etiam si tibi iungatur ut Pascha facias, etiamsi accipias lambos et sandalia accipias in pedibus, etiamsi virgam, teneas in manu, et aqua, cum amaritudine comedas. Et quid dico, in Agypto positus hæc audire non poterat? Sed nequæ, quidem profectus, in prima statim mansionem hæc audire potuisti, nec in secunda, nec in tertia, nec cum transieris mare Rubrum, etiamsi ad Maram veneris, et fuerit tibi amaritudo in dulcedinem versa; etiamsi in Elim veneris ad duodecim fontes aquarum, et septuaginta arbores palmarum, etiamsi Raphidim præteritis, ceterosque profectus ascenderit, nondum ad ejuscemodi verba idoneis judicaris, sed cum veneris ad montem Sinai, Matis, ergo, ante laboribus peractis, pugnis ærumnis, et tentationibus superatis, vix aliquando mereberis, præcepta suscipere libertatis, et audire a Domino: *Ego sum Dominus Deus tuus, qui eduxi te de terra Egypti, de domo servitutis*. Verum hic

sermo nondum sermo mandati est, sed qui sit qui  
 mandat ostendet. Nunc ergo videamus quod sit ini-  
 tiu decem mandatorum legis, et si non accurrat  
 uis omnia initia, saltem prout Dominus dederit  
 explicemus.

CAPUT XII.

*Sermo Dei ad populum de quo legitur in Exodo.*  
 Primum ergo mandatum est. *Non erunt tibi dii  
 alii prater me;* et post hoc sequitur. *Non facies  
 tibi sculptile, neque omnem similitudinem que est in  
 celo desuper, et quae in terra deorsum, nec coelum  
 quae sunt in aquis sub terra. Non adorabis ea, neque  
 coles.* (Exod. xx.) [Ex Origene.] Hinc ubi et Apo-  
 stolum Paulum supplesse, aliud quod ad Corinthios  
 scribit dicens. *Siquidem quae quae dicuntur dii sunt  
 in caelo sive in terra.* (I Cor. xiii.) Et addidit. *Sicut  
 et sunt dii multi et domini multi; sed nobis unus  
 Deus Pater, ex quo omnia et nos, ab ista et unus, Do-  
 minus Jesus Christus, per quem omnia et nos per  
 ipsum.* Tale etenim est, quod dicit. Licet sint multi  
 domini qui aliis gentibus dominantur, et dii multi  
 qui ab aliis colantur, sed nobis unus est Deus et  
 unus Dominus. *Non facies tibi idolum, neque omnem  
 similitudinem eorum quae sunt in caelo, vel in  
 terra, etc.* Aliud ergo est facere idolum, aliud simi-  
 litudinem. Et siquidem Dominus nos edocet quae  
 cenda sunt, illuminare digne, et legibus amantibus  
 capiendum quod, verbi causa, si quis in quolibet me-  
 tallo auri, vel argenti, vel ligni, vel lapidis, faciat  
 speciem quadrupedis, alicuius, vel serpentis, vel  
 avis, et statuum illam adorandam, non idolum, sed  
 similitudinem fecit; vel etiam si picturam ad hoc  
 ipsum statuat, nihilominus similitudinem fecisse de-  
 cendus est. Idolum vero facit ille qui, secundum  
 Apostolum dicentem, quia idolum nihil est, facit  
 quod non est. Quid est autem quod non est? Species  
 quam non vidit oculus, sed ipse sibi animus pingit.  
 Verbi gratia, ut si quis humanis membris capiti  
 canis aut arietis formet, vel rursus in amo hominis  
 habitu duas facies fingat, aut humano pectore bestie  
 mas partes equi, et piscis adiungat. Haec et his simi-  
 lilia qui facit, non similitudinem, sed idolum fabricat.  
 Facit enim quod non est, nec habet aliquid simile  
 sui, et sic, hoc, sciens Apostolus dicit quia idolum  
 nihil est, in mundo. Nomen enim aliquo ver rebus  
 existantibus assumitur species, sed quod ipse est  
 otiosa mens et curiosa reperit. Similitudo vero  
 cum aliquid ex his que sunt, vel in caelo, vel in terra,  
 vel in aquis, formatur, sicut superius diximus, non  
 rursus in non sicut, de his que in terra sunt, vel  
 in mari, similitudinem, in promptu est pronuntiare.  
 Ita etiam de celestibus, ubi quis dicit de sole, de  
 luna, et stellis, hoc posse sentire, et hoc quae in  
 formas exprimere gentilitas solet. Sed quia Moyses  
 eruditus erat in omni sapientia Aegyptiorum, etiam  
 ea que apud illos erant in occultis et reconditis  
 prohibere cupiebat.

*Ego enim sum Dominus Deus tuus, Dominus zelans.*  
 Vide benignitatem Dei, quomodo ut nos doceat et

perfectos faciat, ipse fragilitatem humanorum  
 recusat affectum. Quis enim amicum Deum, et  
 legem, non continuo miretur, et hunc in modum  
 vitium patet. Sed omnia propter nos ob agniti-  
 tiam, Deus, et ut possimas docere, nota et usura  
 nobis, affoci bus loquitur. Videmus ergo quod  
 quod dicitur, quia Dominus zelans, ego sum. Sed  
 contemplari facilius possunt ut in rebus humanis, sed  
 eundem eamque superius miserunt, docentur  
 exemplis. Omnis nulli aut solo viro esse et subiecti  
 est, legibus viri, aut meretricis, de illis liberate  
 peccandi. Qui ergo ingreditur ad meretricem, se  
 se ad eam ingressum esse mallet, quae prostituta  
 est, ut non motis, volentibus patere, et hoc nulli  
 non potest nisi cum eorum alios vitiat amatores.  
 Quinque legitime videtur matrimonio, non factum  
 uzonem potestas peccata, sed nec dicitur zelo ad  
 castitatem matrimonii conservandam, quo possit  
 exire sicut legitimus pater. Hoc ergo exemplo intelli-  
 gamus omnem carnalium, aut prostitutam esse de-  
 monibus, et habere plurimos amatores, nam ut inter  
 ad eam modo quidem spiritibus immundis, imo dis-  
 cedentes, in terra spiritibus avaritia, post hunc veluti  
 superbie spiritus, in deo, male in vita, post hunc  
 vasa gloria, et in eis plurimi. Isti omnes  
 ita cum in deo amant meretricantur, ut alter alteri  
 non in videant, nec zelosus inveniatur ad invicem.  
 Et quid dicit quod aliter attestum non excludat? In  
 et in quibus inveniunt, et sponte conlocant, sicut  
 Paulo ante iam diximus, quod in Evangelio scriptum  
 est, de illo spiritu qui venit ab oriente, et regnavit  
 adduxit seculum in seipsum, et in seipsum spiritus  
 (Luce, xi), ubi una anima simul habitant. Sic ergo  
 nullam zelotypiam amatorum suorum patitur anima  
 quae demonibus prostituta est. Si vero legitimo con-  
 juncti sit viro, illi viro eius matrimonium Paulus  
 animas coniungit et sociat, sicut et ipse dicit, *Sicut  
 tu, quae non nisi viri virginem, et animam et hunc* (I Cor.  
 xi). Et de quo in Evangelio scriptum est,  
 quid restitutum sed in seipsum, et in seipsum.  
 In huiusmodi viro non potest unum se anima dederit, et  
 legitimum unum et in seipsum dedit matrimonium,  
 etiam si sit aliquando peccatrix, etiam si meretrica  
 est, tamen et se male viro trahit, illa cum se non  
 non patitur non potest ferre ut rursus anima que  
 se sortita est vitium, illud ad alterum, et in  
 super eam zelus ejus, defewit conjugii castitatem.  
 Et zelus dicitur Deus, quia animam sui mancipia  
 tam non patitur demonibus addiscere. Atque in  
 eam videris temerantem jura confugit, et occasiones  
 quare ad peccandum, unde, ut scriptum est, *ad  
 libertatem repudiis, et dicitur, cum dicitur, superbi  
 bellus repudiat in terra vestre, quo dicitur, cum  
 xiv). Quibus etiam addit et dicit, Ecce peccatis vestris  
 venundat estis, et propter iniquitates vestras, dimisi  
 mas vestrum (Jeremi. iii).  
 Vestras iniquitatem partem in filiis in tertiam et  
 quartam generationem eorum, qui oderunt me, et  
 faciens misericordiam in millia his qui diligunt me*



et custodiunt praecepta mea, etc. Nunc ergo videamus  
 secundum hanc quam diligenter praegredimur, quibus deo  
 Deo, peccata patrum: nunc dat in Offitio. Veritas ex  
 quantis progeniem, et in ipso non reddat patres?  
 Nihilominus de peccatis patrum diaboli ergo quia  
 peccata iam non sunt excessum ad septem prophetas dicitur  
 quem pro modo vestimentum in sanguine contineant,  
 non sicut sanguis, et sic et ipse non sicut in sanguine  
 hoc scilicet, neque conturbatur pro peccato, neque  
 flagellatur, Quia, manumque servat, punctum in telu-  
 rum. Unde, et ipse sicut sibi illud institutum, tempus  
 esse potest, dicebat ad Salvatorem in Quis venisti  
 ante tempus, foras, nos illud. (Matth. 23.) Quia ergo  
 statim, quod peccata, sua, non recipi diaboli,  
 qui est peccatum patrum. Redduntur autem in filios,  
 id est, in eos, quos genuit, per peccata. Et enim B  
 homines, in carnem, possit, corriguntur, et Domino  
 verberantur, flagellantur. Non enim vult Dominus  
 mortem peccatoris, sed ut revertatur, et vivat. Et  
 propterea benignus, et misericors, Dominus, reddidit  
 peccata patrum in filios, ut quomodo patres, id est,  
 diabolus et angeli eius, gentisque principes, mandati  
 ac retores, verberantur, haec, et ipsi, scilicet, offi-  
 ciuntur patres peccati sicut, et diabolus, quomodo  
 inquam, patres, isti, indigni sunt, qui in presenti  
 reatu, et in futuro, recipiant, quia me-  
 rentur, filii eorum, id est, quos peccata persuaserunt,  
 et qui, nihilominus, per, ipsos, assecuti, fuerint, ad con-  
 sortium, societatemque, peccati, ibi, respicient, quae  
 essent, ut, in, quibus, ad, futurum, seculum, per-  
 sistent, et ultra, diabolus, non, effugiantur, in, peccata. C  
 Quia ergo, misericors, est, Dominus, et amicus, homi-  
 nes, vult, salvos, fieri, propterea, dicit, Visitabo, in  
 virga, scelerum, eorum, et in flagello, peccata, eorum. A  
 Misericordiam, quam, meam, non, auferam, ab, eis, Psal-  
 m. lxxxviii. Visitat, ergo, Dominus, animas, nostras, quod  
 rit, quae, ipse, passim, persuasioni, peccati, patrum, ge-  
 nuerit, et, dicit, ad, unam,quamque, sanctorum, iudicij, sicut  
 hic, et, vide, et, inclina, oculos, tuos, et, oblitiscere, po-  
 pulum, tuum, et, misericordiam, patris, tui, (Psal. lxxv). Visitat,  
 ergo, tempus, peccatorum, et, commouet, se, ac, ibi, flagellat  
 et, in, virga, te, visitat, pro, peccato, quod, tibi, diabolus, et  
 pater, subiecit, ut, reddat, illud, tibi, in, signum, id est, quod  
 dum, in, corpore, deus, et, sic, complatur, reddi, peccata,  
 patrum, in, sinu, filiorum, in, tertiam, et, quartam, D  
 progeniem, Dominus, animam, relinquit, et, animam, om-  
 nem, sibi, despondit, in, se, non, vult, illam, carna-  
 nere, in, contaminatione, peccati, sed, vult, eam, cito  
 purgari, et, velociter, abluere, omnes, in, mundicia, et  
 suas, sicut, forte, surreptum, est, Si, vero, per-  
 manet, in, peccato, et, dicit, Non, audiemus, vocem,  
 Domini, sed, facientes, faciemus, voluntates, nostras, et  
 et, incendemus, thura, regiam, cum, sicut, approbatur,  
 per, prophetam, tunc, servatur, etiam, ipsi, ad, illam,  
 Sapientiae, sententiam, qua, dicit, Quia, non, videm  
 vocem, et, non, audiebatur, sed, videbat, sermone,  
 meos, itaque, et, ego, vestram, perdisignam, iisdem  
 (Jerem. xliv). Vel, illa, qua, posita, est, in, Evangelio,  
 dicente, Domino, Discedite, a me, in, ignem, aeternum,

quem preparavit Deus diabolo et angelis eius (Matth.  
 xxiv). Possunt et alio modo hanc sententiam in-  
 telligere, quia dicitur Deus, quod visita iniquitatem  
 patrum in filios in tertiam et quartam generationem ut  
 in his qui peccata patrum sequuntur, iusta sententia  
 damnatio permaneat. Nam quasi iniustitia videretur  
 alium peccare, et alium libere peccata. Sed ex eo  
 quod sequitur, his qui me oderunt, comminationis  
 sive praecepti scandalum solvitur. Non ideo enim  
 puniuntur in tertia et quarta generatione, quia deli-  
 querunt patres eorum, cum patres potius qui fuerunt  
 peccatores puniri debuerunt; sed quia patrum exsi-  
 torum amatores, et oderunt Deum, hereditario  
 malo et impii tate perierunt, in ramos quoque de ra-  
 dice crescente: Sicut qui hoc quod nunc in Exodo  
 scriptum est, Reddita iniquitates patrum super fi-  
 lios in tertiam et quartam generationem, ita edisse-  
 ram, ut ad animam humanam sententiam referant:  
 patrum in nobis, sive punctum sensum et in-  
 centiva victoriam esse dicentes, filium vero si cogitatio  
 peccatum conceperit. Neptem, si quod cogitaveris  
 autem conceperis, opere perpetrabis. Prophetam  
 autem hoc est, generationem quartam, si non solum  
 feceris quod malum est, et sceleratum, sed in his  
 sceleribus glorieris, secundum illud quod scriptum  
 est, Impius cum in profundam malorum venerit,  
 condemnet (Prov. xxvii). Quod autem iuxta Ezechie-  
 lam Dominus dicit, Quod est quod inter vos para-  
 lam veritatis in praesentium in terra Israel dicen-  
 tes, Patres operabuntur etiam adhibent, et dentes fil-  
 iorum obtulerunt: Viso ergo, dicit Dominus Deus,  
 si horis, vobis, atera, parabola, haec, in, proverbium, in  
 Israel. Ecce omnes, animae, meae, sunt, et anima, pa-  
 tris, et anima, filii, meae, est, Anima, quae, peccaverit,  
 ipsa, morietur. (Ezech. xviii). Manifestat quod iustus  
 iudex, unicuique, secundum, propria, reddet, merita.  
 Sicut, enim, peccata, filiorum, non, nocent, patribus, qui  
 non, pravum, exemplum, peccati, filios, praebuerunt,  
 ita, peccata, patrum, iniquorum, non, reddunt, ad  
 filios, solum, imitatores, in, malis, non, filii, sed  
 anima, qui, pro, quibus, ipsa, morietur. Non, ab, illis, et  
 utique, substantia, sed, ex, eis, consortio, privatione,  
 qui, dicit, Ego, sum, sita, (Joan. iv). Et, filii, loqu-  
 tur, et, O, haec, quae, vultis, et, creditis, me, non, morietur, in  
 eternum, in, Aeternum, amen, dico, vobis, qui, sermone,  
 meum, servaverit, mercedem, non, perdet, in, aeternum,  
 (Joan. v). Viso, ergo, nostro, operabuntur, et, cum, Chri-  
 sto, in, Deo, (Joan. vi). in, qua, victori, vultis, quando  
 Christus, apparuerit, vult, nostra, in, gloria, Be, qui, im-  
 bitur, illud, quod, scriptum, est, in, Antioch, in, hoc, ob-  
 bis, qui, sermone, meum, audit, et, credit, ei, qui, me  
 misit, habet, vitam, aeternam, et, in, futurum, non, veni,  
 sed, transibit, moris, iniqua, (Joan. vi). Et, Psal. lxxviii.  
 Primum, decalogi, mandatum, ad, Deum, Patrem, perti-  
 net, dum, dicitur, Dominus, Deus, tuus, Deus, unus, est. Uti, quae, haec  
 audiam, cum, Deum, patrem, colas, et, in, multos  
 fictos, deos, fornicationem, tuam, non, effundas. Se-  
 cundum, praeceptum, ad, filium, pertinet, dum, dicitur,

*Non assumes nomen Dei tui in vanum.* Id est, A  
ne pestimes creaturam esse Filium Dei, quoniam  
quis creatura vanitati subjecta est; sed credas  
eum aequalem esse Patri, Deum deorum, Verbum  
apud Deum, per quem omnia facta sunt (Joan. 1).  
Tertium mandatum de sabbato ad Spiritum perti-  
net sanctum, cuius dono requies nobis sempiterna  
promittitur. Nam quia Spiritus sanctus dicitur,  
propterea et septimum diem sanctificavit Deus. In  
alijs enim diebus operum, non est nominata sanctifi-  
catio, nisi in sabbato, ubi dicitur: *requievit Deus*  
(Gen. 1). Proinde igitur hoc mandatum pertinet ad  
Spiritum sanctum, tam propter nomen sanctificatio-  
nis, quam etiam propter aeternam requiem ad  
donum sancti Spiritus pertinentem. Dicitur enim ibi:

*Memento ut diem sabbati sanctifices. Sex diebus  
operaberis, et facias opera tua. Septimus autem dies  
sabbatum est Domini, Dei tui: non facies opus, opus.  
In sex diebus opera sex statum operatio continetur.  
In septimo vero requies, beati illius regni tem-  
pus ostenditur, quod carnaliter Iudaei celebrantes  
peccant: et hoc ut non nos ad fidem mendacij sal-  
lentes aptemus, clamat, per prophetam dicens: *Ne-  
memias et sabbatu vestra viduit anima mea* (Isa. 1).  
Quomodo ergo sanctificata erant sabbata illa quae  
viduit Deus? Illud ergo sabbatum est sanctificatum,  
ubi post bona hujus vitae opera requies nobis aeterna  
promittitur. Ideoque quidquid agimus, si propter  
futuri saeculi requiem facimus, veraciter sabbatum  
observamus. Post haec praecipitur septenarius succe-  
dit numerus mandatorum ad dilectionem pertinentem  
proximi, et incipit ab honore parentum, quod tamen  
in ordine quartum est:*

*Honora patrem tuum et matrem tuam.* A parenti-  
bus enim suis homo aperit oculos, et haec vita ab  
eorum dilectione sumit exordium. Inde hoc manda-  
tum primum est in septem, sicut Dominus ait  
in Evangelio: *Honora patrem tuum et matrem tuam,*  
quod est mandatum primum (Matth. xv). Sed quo-  
modo primum quia quartum, nisi quia praedictum  
est, in septenario numero, qui pertinet ad dilectio-  
nem proximi, primum est in altera tabula? Nam  
deo hae tabulae legis datae sunt. Juhetur ergo in  
hoc praecipio filios honorare parentes, neque con-  
tumeliosos illis existere, sed officio pietatis debitam  
reverentiam praestare. Nam qui parentibus honorem  
deferre non novit, quibus parere potest qui suos  
odit? Quintum:

*Non machaberis.* Id est, ne quisquam praeter ma-  
trimonium foedera, alijs feminis misceatur, ad im-  
plendam suam libidinem. Nam specialiter adulte-  
rium facit, qui praeter suam, ad alteram accedit  
uxorem. Sextum:

*Non occides.* Etenim non solum opere perpetrans  
homicidium facit, sed etiam ei qui incurrit in eum  
evanescens vel nudum, qui mori possit nisi indu-  
mentum cibumque porrigendo subveniat, et idem  
homicida tenetur. Septimum:

*Non furtum facies.* Quod est vitium rapacitatis.  
Octavum:

*Non falsam testimoniam dices.* Quod est crimen  
mendacii et falsitatis. Nonum:

*Non concupisces uxorem proximi tui.* In hoc pra-  
cepto vetat intentionem adulterinae cogitationis. Nam  
aliud est facere aliquid tale praeter uxorem, aliud  
appetere alienam uxorem. Ideo duo praecipia sunt,  
*Non machaberis, et Non concupisces uxorem proximi  
tui.* Decimum:

*Non concupisces rem proximi tui.* In quo pra-  
cepto damnat ambitionem saeculi, et refrenat concu-  
piscenciam rerum. Namque horum primum prohibet  
subreptionem, secundum errorem, tertium interficit  
saeculi amorem, quartum impietatem, quintum  
addit fornicationem, sextum crudelitatem, septi-  
mum rapacitatem, octavum peritiam falsitatem, non-  
um adulterii cogitationem, decimum mundi cupidi-  
tatem. (Ex Augustino.) Et notandum quia sicut de-  
cem plagis percutiuntur Aegyptii, sic decem praecipis  
conscribuntur tabulae, quibus regantur populi Dei,  
et demones occidantur. Sed ad plagas decem non  
pertinet, quod primum factum signi causa, ut virga  
in serpentem converteretur. Aditus enim ipse erat  
ad Pharaonem, quo commendabatur Moyses educlur-  
us ex Aegypto populum Dei. Non dum enim consu-  
mantes feriebantur, sed divino sigillo jam terrebantur.

Virga significabat regnum Dei, idemque regnum  
Dei esse, utique populum Dei. Serpens autem, tem-  
pus mortalitatis hujus: mors enim a serpente pro-  
pinata est. Tanquam ergo cadentes de manu Domini  
in tetram, mortales facti sunt: unde projecta virga  
ex manu serpens effecta est. Fecerunt et magi Pha-  
raonis similiter. Virgula eorum projectis, serpentes  
facti sunt: sed prius serpens Moysi, id est, virga  
Moysi, devoravit omnes serpentes magorum. Tunc  
deum cauda comprehensa, identidem virga facta  
est: et regnum remeavit ad manum. Sunt ergo  
virgae magorum, populi impiorum, vici Christi no-  
mine: cum in ejus corpus transferuntur, tanquam  
a serpente Moysi devorantur, donec redeat regnum  
Dei ad manum Dei. Sed in fine mortalis saeculi, quod si-  
gnificat cauda serpentis, magnum signum fiet. Audistis  
quae debeatis desiderare; audite quid debeatis vitare.

CAPUT XIII.

*Comparatio decalogi ad decem plagas Aegypti.*

Primum praecipum in lege de colendo uno Deo:  
*Non erunt tibi, inquit, dii alii praeter me.* Prima  
plaga Aegyptiorum aqua conversa est in sanguinem.  
Compara primum praecipum primae plagae: Deum  
unum ex quo sunt omnia in similitudine intellige  
aquae, ex quo generantur omnia. Quo autem perituet  
sanguis, nisi ad carnem mortalem? Quid est ergo  
conversio aquae in sanguinem, nisi quia *obscuratum  
est insipiens cor eorum? Dicentes enim se esse sa-  
pientes, stulti facti sunt: et commutaverunt gloriam  
incorruptibilis Dei in similitudinem imaginis cor-  
ruptibilis hominis* (Rom. 1). Gloria incorruptibilis Dei  
sicut aqua: similitudo imaginis corruptibilis homi-

nis, sicut sanguis : et hoc quidem fit in corda imple-  
 sum, non Deo incommutabilis manet. Neque enim  
 quia et Apostolus dixit, *Commutaverunt*, ideo muta-  
 ta est Deus. Secundum præceptum : *Non accipies  
 nomen Domini Dei tui in vanum*. Qui enim accipit  
 nomen Domini Dei sui in vanum, non mundabitur.  
 Nomen Domini nostri Jesu Christi veritas est. Ipse  
 enim dixit : *Ego sum veritas* (Joan. xiv). Veritas  
 ergo mandat, vanitas inquinat. Et quoniam qui lo-  
 quitur veritatem, de Deo loquitur : qui enim loquitur  
 mendacium, de suo loquitur. Veritatem loqui,  
 est rationally loqui. Vanitatem loqui, est stre-  
 pere potius quam loqui. Et merito : quia secundum  
 præceptum est dilectio veritatis, cui contraria est  
 dilectio vanitatis. Loquitur autem veritas, perstrepi-  
 vanitas. Hinc præcepto secundo, contrariam videte  
 secundam plagam. Quæ est illa secunda plaga? Ra-  
 narum abundantia. Hæc expressam significatam  
 vanitatem, si attendas ranarum loquacitatem. Vide  
 abiatore veritatis non accipientes in vanum nomen  
 Domini Dei sui, loqui sapientiam inter perfectos.  
 Etiam et inter perfectos loqui quod ipsi sapere non  
 possunt ; non est recedere a veritate, et pergere in  
 vanitatem. Quamvis enim imperfecti non capiant  
 si quid paulo exclusius fuerit disputatum de verbo  
 Dei apud Deum per quod facta sunt omnia, possunt  
 que capere quod inter eos loquitur Paulus, tanquam  
 inter perfectos Christi, *Jesum Christum, et hunc cruci-  
 fixum* (I. Cor. ii), non tamen illa est veritas, et ista  
 vanitas. Vanitas autem esset, si Christum mortuum  
 non implevisse, sed fixisse diceremus ; si vulnera  
 illa in phantasmate fuisse, si sanguinem non verum,  
 sed simulatum de vulneribus emanasse ; si falsas  
 cum cicatrices tanquam post falsa vulnera deman-  
 strasse. Cum vero ista omnia vera dicimus facta,  
 dicemus certa, expressa, impleta credimus et præ-  
 dicamus. Quamvis de sublimi illius Dei incommuta-  
 bili veritate non loquamur, non tamen inus in va-  
 nitatem. Qui autem illa omnia in Christo falsa et  
 simulata dicunt, rane sunt clamantes in palude ;  
 strepitum vocis habere possunt, doctrinam sapientie  
 insinquare non possunt. Denique in Ecclesia loquun-  
 tur inhaerentes veritati, veritatem per quam facta sunt  
 omnia : veritatem verbum carnem factum et habi-  
 tare in nobis : veritatem Christum natum de Deo  
 unum de uno, unigenitum et coeternum, veritatem  
 accepta forma servi, natum ex virgine Maria, pas-  
 sum, crucifixum, resurgentem, ascendentem, ubi-  
 que veritatem. Et quam parvulus capere non po-  
 test, veritatem et in pane et in lacte. In pane magno-  
 rum, in lacte parvulorum. Idem quippe panis ut  
 lac fiat, per carnem traicitur. Qui autem huic veri-  
 tati contradicunt, et sua vanitate decepti decipiunt,  
 rane sunt tedium inferentes auribus, non cibum  
 mentibus. Audi denique homines rationabiliter lo-  
 quentes. *Non sunt loquelæ neque sermones, quorum  
 non audiantur voces eorum* (Psal. xviii). Sed voces  
 non inanes : quia in omnem terram exiit sonus eo-  
 rum : et in fines orbis terræ verba eorum. Si autem

A et rane vis e contrario intelligere, illam veritatem  
 psalmi recole : *Vana locuti sunt unusquisque ad pro-  
 ximum suum* (Psal. xi). Tertium præceptum : *Me-  
 memento diem sabbati sanctificare*. In tertio isto præ-  
 cepto insinuat quædam vocationis indicio, quæ  
 est cordis tranquillitas ac mentis, quam facit con-  
 scientia. Ibi sanctificatio, quia ibi Spiritus Dei. De-  
 nique videre vocationem, hoc est quietem. *Super  
 quem*, inquit, *requiescet spiritus meus, nisi super hu-  
 mitem et quietum et trementem verba mea* (Isa. lxv).  
 Inquieti ergo resiliunt a Spiritu sancto provocatores  
 rixarum, amatores calumniarum, seminatores conten-  
 tionis, quorum præcordia vanitatis sunt cupidiora  
 quam veritatis. Ideo inquietudine sua non ad se  
 mittunt quietem sabbati spiritualis. Contra istorum  
 inquietudinem dicitur, tanquam in sabbatum ha-  
 beant in corde, sanctificationem spiritus Dei. *Esto  
 mansuetus ad audiendum verbum*, ut intelligas.  
 Quid intellecturus sum? Deum dicentem? *Cessa ab  
 inquietudine tua*; non sit turbolentia quædam in corde  
 tuo per corruptionem, voluntibus phantasmatibus  
 et componentibus te. Non sit ita. Deum enim in-  
 lecturus es dicentem tibi : *Vacate et videte, quoniam  
 ego sum Dominus* (Psal. cxv). Tu inquietudi-  
 nera vacare non vis contentionum earum cor-  
 ruptione cæcatus, exigit videre quod non potes. At-  
 tende enim, et contrariam tertiam plagam huic  
 præcepto tertio. Scitiphies nate sunt in terra  
 Egypti de limo. Muscæ quædam sunt minutissimæ  
 et inquietissimæ, inordinate volitantes, in octos  
 irruentes, non permitteutes hominem quiescere.  
 Deum abiguntur et irritant, dum subjecta, rursus  
 redeunt; sic et omnino vana phantasmata cordis  
 contentiosorum sunt. Tenete præceptum, cavete pla-  
 gam. Quædam præceptum est : *Honora patrem tuam  
 et matrem tuam*. Hinc contraria quarta Egyptiorum  
 plaga. Cyonomia enim quid est? Cyonomia est canina  
 musca : Grecum vocabulum est. Caninum est pa-  
 rentes non agnoscere. Nihil tam caninum quam eum  
 ubi qui genuerunt, non agnoscunt. Matris ergo  
 causi tanquam, caqui pascuntur. Quintum præceptum  
 est : *Non machaberis*. Quinta plaga, est, mora in  
 pecoribus Egyptiorum. Comparemus hæc. Da homi-  
 nem mochari meditantem, conjugio non contentum  
 suo, appetitum quendam carnis in se domare non  
 vult, qui est nobis pecoribusque communis. Etenim  
 concumbere et generare etiam peccatum est : ratio-  
 cinari et intelligere, humanum est. Hinc ratio que  
 præsidet in mente, motus inferiores carnis, tanquam  
 regnans et dominans, frenare debet, non immode-  
 rate et illicite passim vageque laxare. Ideoque ipsis  
 pecoribus natura datum est, instituitur Creatore,  
 ut non moveantur ad feminas et ad concubitum nisi  
 certis temporibus. Neque enim ratione se cohibet  
 alio tempore pecus, sed omnino, ipso motu frige-  
 scente, torpescit. Homo autem ideo semper moveri  
 potest, quia et refrenare motum potest. Tibi domi-  
 nationem rationis creator dedit, tibi præcepta con-  
 tinentiæ, tanquam in bestias inferiores, tibi con-

cessit. Tenes tu quod pecus non potest. Laboras aliquantum in continendo, non laborat pecus. Sed gaudebis semper in æternitate, ad quam non pervenit pecus. Si opus fatigat, merces consoletur. Et ipsa enim patientia est interiorem motum frenare, et quod habes commune cum pecore, non tanquam pecus in omni re debes laxare. Quod si contempseris te, et imaginem Dei in qua fecit te neglexeris, victus cupiditate insignitarum rerum, tanquam amisso homine eris pecus, non quasi conversus in naturam pecoris, sed in hominis formam habens similitudinem pecoris; qui non audis dicentem: *Nolite esse sicut equus et mulus, non habentes intellectum (Psal. xxxi)*. Sed forte eligis tibi esse pecus, et libera vagari libidine, nulla lege appetitum carnis ad continentiam refrenandum. Attende plagam: Si pecus es, non times, sed saltem mori times. Sextum præceptum, *Non occides*. Sexta plaga, pustula in corpore, et vesicæ bullientes et scatentes, et incendia vulnerum, et favillæ fornacis. Tales sunt animæ homicidales. Ardent ira, quia per iram homicidii fraternitas deperit. Ardent homines ira, ardent et gratia. Sed alius est fervor sanitatis, alius fervor ulceris. Ardentes papulæ per totum concepta homicidia scatent, et sanum non est; fervet, sed non de spiritu Dei. Nam et qui vult subvenire, fervet: ille præcepto, isto, morbo; ille bonis operibus, iste sanie ulceribus. Si possemus videre animas homicidarum, plus plangeremus quam putrescentia corpora ulceratorum. Sequitur:

*Non furaberis*. Præceptum septimum, et plaga septima, grando in fructibus; quod contra præceptum subdaciis, de caelo perdis. Nemo enim habet injustum lucrum sine justo damno. Verbi gratia: qui furatur acquirit vestem, sed caelestem iudicio amittit fidem. Ubi lucrum, ibi damnum. Visibiliter lucrum, invisibiliter damnum. Lucrum de sua cecitate, damnum de Domini nube. Neque enim aliquid sine providentia, charissimi: aut vere reprobatis ea quæ patiuntur homines, dormiente Deo pati? Passim videntur fieri hæc, nubes colligi, imbres infundi, grandinem jaci, tonitruis terram concuti, coruscatione terreri, passim putantur fieri, et quasi ad divinam providentiam non pertinere, contra tales cogitationes vigilat ille psalmus: *Laudate Dominum de terra*. Cum laudes dictæ essent de caelo, *dracones et omnes abyssi, ignis, grando, nix, glacies, spiritus tempestatis, quæ faciunt verbum ejus (Psal. cxlviii)*. Ergo qui suo malo desiderio forinsecus furantur, Dei iudicio intrinsecus grandinantur. O! si possent inspicere agrum cordis sui, profecto lugerent, dum ibi non invenirent, quod in os mentis mitterent: et si in furto suo, invenirent quod in aviditatem ventris mitterent, major fames esset hominis interioris: major fames et periculosior plaga, et gravior mors. Multi mortui ambulant, et multi facinorosi de vanis divitiis exsultant. Denique servum Dei Scriptura intus dicit locupletem. *Absconditus*, inquit, *cordis vestri homo, qui est ante Deum*

*dives*, non ante homines dives (*I Petr. iii*). Ubi Deus videt, ibi dives. Quid ergo tibi prodest? ubi homo non videt, furaris: et ubi Deus videt, grandinaris. Octavum præceptum: *Falsum testimonium non dices*. Octava plaga, locusta, animal dente noxium. Quid autem vult falsus testis, nisi nocere mordendo, et consumere mentiendo? Denique admonens homines Dei Apostolus ne se falsis criminationibus appetant, *Si mordetis, inquit, et comeditis invicem, videte ne ab invicem consumamini (Gal. v)*. Nonum præceptum: *Non concupisces uxorem proximi tui*. Nona plaga, densæ tenebræ. Etenim est quedam mœchia contra quam supra præceptum datum est, etiam non appetenda castitate uxoris aliena. Mœchus est enim, et qui movetur ad uxorem alienam, tantum quia non contentus est sua. Jam vero non solum post suam peccare, sed etiam alienam attentare, vere densæ sunt tenebræ. Nihil enim sic dolet in corde patientis, et qui hoc facit alteri, nihil sic vult pati; ad alienam paratior est omnis homo. Hoc autem nescio utrumne est, qui tolerabiliter ferat odium has tenebras ista facientium; talia concupiscentium, vere excæcantur furore horribili. Furor enim indomitus est concubare viri uxorem. Decimum præceptum est: *Non concupisces ullam rem proximi tui*: non pecus, non possessionem, non subjugium, non aliquid omnino proximi tui concupiscas. Huic mala plaga contraria est decima, mors primo-genitorum. In qua plaga cum comparationem quamdam quaero, nihil mihi interim occurrit. Fortassis occurrat melius diligentiusque inquirentibus, nisi quia omnes res quas habet, hæredibus servare reprehenditur. Hic autem clamat, qui rem proximi sui concupiscent, et qui furto aufert, et qui furatur aliquid proximo, non potest nisi rem proximi furari. Sed de furto jam superius præceptum est, ubi intelligas et rapinam. Non enim de furto præceptum, et de rapina taceret Scriptura, nisi te intelligere voluisset, quia si pœnale est clanculo auferre, multo majoris pœnæ est violenter eripere. Auferre ergo volens, sive occulte, sive palam, habet præceptum suum; concupiscere rem proximi, quod notat Deus in corde, etiamsi justam ibi successionem quaeras, non licet. Denique qui volunt res alienas tanquam juste possidere, hæredes se quaerunt fieri a morientibus. Quid enim tam justum videtur quam rem sibi derelictam possidere, et habere jure communi? Quid apud te facit homo? dimissum est mihi, hæreditatem consecutus sum, testamentum lego; nihil videtur justius ista voce avaritiæ. Tu laudas quasi jure possidentem, Deus damnat injuste concupiscentem. Vide qualis es qui optas te ab aliquo hæredem fieri. Non vis ut habeat hæredes. In hæredibus autem nihil charius primogenito; proinde in primogenitis tuis puniris, qui concupiscendo res alienas, id quod tibi jure non debebatur, quasi juris umbra perquiris. Et facile est quidem fratres corporaliter amittere primogenitos. Moriuntur enim homines, sive ante parentes suos, sive post parentes suos mor-



- et *in faciebus superbo* *in faciebus* *et pacifica* *vestra*  
*in omni loco in quo memoria*  
*in faciebus* *nomina* *mues* *nomina* *adite* *et benedicam* *tibi*  
*in faciebus* *cetera*. (Exod. xxi.) Quod autem dictum est,  
*Non facietis vobis deos argenteos et deos aureos*, re-  
 putatur quod in primo precepto inuocatum est. Et  
 ex his argenteis et aureis, atque omnia simulacra  
 intelliguntur, sicut est illud in Psalmo in *Sinuloera*  
*in faciebus*; *argentum et aurum* (Psalm. cxxii). Quod  
 inuocatum additur, *Altare de terra facietis mihi*, osten-  
 dit hoc testamentum interdictis simulacris adire  
 esse concessum solum de terrenis materiis, ut uni Deo  
 sacrificia et sacrificia in eo offerantur. Mystice au-  
 tem, altare de terra Deo facere, est incarnationem  
 Mediatoris operari. Tunc quippe a Deo nostram  
 animam accipitis, quando in hoc altari nostra huius-  
 moditas, id est super Dominice incarnationis Adam  
 ponitur, quilibet bene operatur. In altari ergo de  
 terra operationem manus accipimus, si actus nostros  
 Dominice incarnationis fide solidamus. Deinde ad-  
 dicitur: *Quod et altare lapideum feceris mihi, non*  
*quodificabis illud de sectis lapidibus*. Sed enim, *leuaueris*  
*super illas vultrum polluetur*. Secti lapides hi sunt  
 qui unitatem sciunt, sed diuisunt semetipsos a so-  
 cietate fraterna, per odium vel schismata. Tales in  
 corpore suo non recipit Christus, cuius corporis fi-  
 guram altaris illius constructio obumbrat. Isti vero  
 non secti lapides ex quibus altare construui iubetur,  
 hi sunt qui fidei moraque unitate solidantur. De  
 qualibus dicit Apostolus: *Vas estis lapides vivi*  
*coedificati domus spiritualis* (I Pet. ii). His non est  
 injectum ferrum, quia incorrupti sunt, et iacula  
 maligni ignita non receperunt, quique unum altare  
 faciunt unitate fidei, vel concordia charitatis. *Non*  
*ascendes per gradus ad altare meum*, id est, non  
 gradatim unum alio preferens ad me peruenias;  
 neque priorem atque posteriorem tempore discer-  
 nes: quia diuisum et sequestratum propitium non  
 habebis. Ille enim Ariani factus, qui insecabilem  
 Patris et Filii et Spiritus sancti substantiam diui-  
 dunt. *Hec sunt iudicia que propono*. *Si emeris*  
*seruum Hebraeum, sex annis seruiet tibi, in septimo*  
*egredietur liber gratis*. *Cum quali veste intraverit,*  
*cum tali exeat*. *Si habens uxorem, et uxor egredietur*  
*simul, et cetera*. (Exod. xxi.) Quae de seruo Hebreo  
 precipiuntur, ut sex annis seruiat, et dimittatur li-  
 ber gratis, ne serui Christiani hoc flagitare a do-  
 minis suis, apostolica auctoritas iubet *seruos domi-*  
*nis suis esse subditos, ne nomen Dei et doctrina*  
*blasphemetur* (I Tim. vi). Illud enim ex hoc satis  
 constat in mysterio preceptum, quia et pertundi su-  
 pulsa eius autem ad postem precepit Deus, qui li-  
 bertatem illam recusaret. Praecipitur enim ut He-  
 braeus puer si forte in seruitutem devenerit, sex an-  
 nis seruiat, septimo vero anno dimittatur. Quod si  
 egredi a seruitute noluerit propter uxorem et filios,  
 perforabitur auricula eius, et erit servus in saecu-  
 lum. Hoc de presenti saeculo non dicitur, sed de fu-  
 turo, quia in sex aetatibus huius saeculi seruiens,

A septimo die, aeterno sabbato liberamur: si tamen  
 voluerimus esse liberi, dum adhuc in saeculo servi-  
 mus peccato; si autem noluerimus, perforabitur vo-  
 bis auricula in testimonium inobedientiae, et cum  
 uxore et filiis nostris quos pretulimus libertati, id  
 est, cum carne et operibus eius, iugiter peccati servi-  
 erimus in aeternum. Sed et aliter hoc intelligi po-  
 test. Nempe sciendum est, quia cum actiua vel con-  
 templatiua vita ex Dei sunt gratia, una nobis in  
 necessitate, altera in voluntate. Quis enim cognoscens  
 Deum, ad eius regnum ingreditur, nisi prius bene  
 operetur? Sine contemplatiua ergo vita intrare non  
 possunt ad caelestem patriam, qui bona quae pos-  
 sunt operari, negligunt. Sine actiua autem intrare  
 non possunt, si negligunt bona operari quae possunt.

B Illa ergo in necessitate, haec in voluntate est. Unde  
 ad Moysen dicitur: *Si emeris seruum Hebraeum,*  
*sex annis seruiet tibi. In septimo egredietur liber gra-*  
*tis*. (Exod. xxi.) Hebraeus enim, transiens inter-  
 pretatur. Et seruus Hebraeus emitur, quando unusquis-  
 que qui iam ab hoc saeculo mente transit, seruitio  
 omnipotentis Dei subditur. Ille etenim Deo vere  
 seruis appetit, qui ab hoc saeculo mente transire  
 didicerit. Sic Moyses transiit ut videret visum. Sic  
 David, cum videret *impium exaltatum et eleuatum sic-*  
*ut cedros Libani, transiit et non erat* (Psalm. xxxvi):  
 quia iniquorum potentiam, esse magnum aliquid  
 fortasse credimus, nisi ad permanens saeculum  
 mente transeamus. Seruus vero Hebraeus emptus  
 sex annis seruire praecipitur, ita ut in septimo liber  
 exeat gratis. Quid enim per seuarium numerum,  
 nisi actiuae vitae perfectio designatur? Quid per  
 septenarium, nisi contemplatiua exprimitur? Sex  
 annis seruit et septimo egredietur liber, qui per  
 actiuam quam perfecte exhibuerit, ad contemplatiuae  
 vitae libertatem transit. Et notandum quod gratis  
 liber egredietur, quia hi qui postquam omnia fecerint,  
 dicunt se inuitos seruos, eis procul dubio sicut ipsa  
 actiua fuit ex munere, ita erit ex gratia etiam con-  
 templatiua. Cum quali veste intraverit, cum tali  
 exeat: quia omnino necesse est, ut unusquisque  
 nostrum in hoc quod incipit, perseveret, atque us-  
 que ad finem operis in ea qua inchoauit intentione,  
 perduret. Ille quippe bene ad contemplatiuam transi-  
 it, qui in actiua vita intentionis suae vestem non  
 mutauerit. Et sunt nonnulli, qui priusquam omni-  
 potentis Dei seruitio socientur, iam bona operari di-  
 ligunt. Sunt vero alii qui bona opera postquam ad  
 seruitium omnipotentis Dei venerunt, discunt. Qui  
 ergo operationem bonam, et priusquam ad Dei ser-  
 uitium veniret, habere studuit, Hebraeus seruus cum  
 uxore emptus est. Et plerumque is qui talis est, po-  
 test ad contemplatiuam vitam transire, et tamen  
 actiuam non deserere. Unde et illic subditur: *Si*  
*habens uxorem, et uxor egredietur simul*. Cum, eo  
 enim ad libertatem et uxor egredietur, quando is qui  
 ad contemplationem peruenit, etiam foris actionem  
 boni operis qua prodesse possit aliis, non relinquit.  
 Si autem dominus dederit illi uxorem et pepererit, si-

*Uxor et filius, mulier et liberi ejus erunt domini sui. Ipse vero exiet cum vestitu suo.* Servo empto dominus dat uxorem, cum prædicator quisque, eum quem ipse omnipotenti Deo mancipaverit, bonæ actioni conjungit. Nam et prædicatorum domini vocantur: sicut Eliseo propheta de prædicatoris suo dicitur: *Scis quod Dominus tuus tollatur a te (IV Reg: II)?* Uxor vero servi empti tum filios et filias pariet, quando et bona actio fertes vel teneros fructus generat. Sed mulier quæ a domino data est, eidem domino cum filiis remanet. Ipse vero servus exit cum vestitu suo: quia bona actio vel ejusdem bonæ actionis fructus, prædicatoris mercede reputatur. Ipse vero, in desiderio sui intentione perdurans, per supernam gratiam ad contemplationem liber egreditur. *Quod si dixerit servus: Diligo dominum meum et uxorem et liberos: non egredietur liber (Rom. viii).* Servus dominum suum diligit, quando prædicatoris verba sollicita mente custodit. Uxorem quoque filios et liberos liber egredi recusat, quando activam vitam ejusque fructus diligens, transire ad contemplativam non vult: quia bona se opera habere in ministerii sui servitute considerans, ad libertatis quietem renuit transire. *Sed offerat eum dominus autem, et applicetur ad ostium et postes: et perforet aurem ejus subula, ut sit ei servus in sæculum.* Is enim qui in activa disposuit vita perdurare, a Domino diis offertur, quando a prædicatoris suo antiquorum Patrum dictis imbuitur qui nobis in via omnipotentis Domini sacerdotes fuerunt; atque ad ostium et postes tabernaculi ducitur, ut de ingressu æterni tabernaculi aliquid audiat, et tremendi iudicii diem subtiliter agnoscat, ne per bonâ opera quæ faciunt, placere hominibus appetat. Sicque auris ejus subula perforatur, dum mens illius timoris Dei subtilitate percussit: et verbi acumine transfixa, per omne quod agit, novit ingressum regni semper attendere, et quasi ab ostio et poste tabernaculi perforatam aurem portare, qui erit servus in sæculum, et esse post sæculum liber possit. In sæculum enim servus est, qui per activam vitam hominibus servire disposuit, ut post præsens sæculum ad libertatem veram valeat pervenire. De qua per Paulum dicitur: *Quia et ipsa creatura liberabitur a servitute corruptionis, in libertatem gloriæ filiorum Dei.* Tunc enim vera in nobis libertas erit, cum ad gloriam filiorum Dei adoptio nostra pervenerit. Nunc vero non solum activa in servitute est, sed etiam contemplatio qua super nos rapimur, libertatem mentis non obdit, sed imitatur; quia illa quies interna in enigmate videtur.

*Si quis vendiderit filiam suam in famulam, non egredietur sicut ancilla extræ consuereunt. Si displicerit oculis domini cui tradita fuit, admittet eam: proputo autem alieno vendendi non habebit potestatem, et spreverit eam. Sin autem filio suo desponderit eam, juxta morem filiarum faciet illi. Quod si ultorem ei acceperit, providebit puellæ nuptias, et vestimenta et pretium pudicitia non negabit. Si tria ista*

*non fecerit, agredietur gratis absque pecunia, et cætera.* Si quis autem, inquit, vendiderit filiam suam in famulam, id est, ut sit famula quam *chæres* Græci vocant, non abibit ita ut recedat ancillæ: intelligendum est, non sic recedet quomodo recedunt ancillæ Hebrææ post sex annos. Eam quippe oportet in feminam Hebræam legem datam intelligi, quæ servata in maribus. Cur ergo ista ita recedet, nisi quia in illo famulatu intelligitur humiliata, quod ei se dominus miscuerit? Hoc quippe in consequentibus utcumque clarescit. Sequitur enim et dicit: *Quod si non placuerit domino suo, quia non annominabit eam, id est, non eam fecit uxorem, remunerabit eam, hoc est quod supra dixit, non abibit ita ut recedat ancillæ. Jussa est quippe aliquid accipere pro eo quod humiliata est: quia non ei se ita miscuit, ut faceret uxorem, id est, ut annominaret eam sibi. Quod si filio annominaverit eam, secundum justificationem filiarum faciet ei.* Hic jam apparere incipit, quemadmodum supra dixerit, quia non annominavit. Nam quid est aliud; si filio annominaverit eam, nisi filio confuxerit eam uxorem, quandoquidem dicit, *secundum justificationem filiarum faciet ei*: id est, ut sic tradat tanquam filiam, dotem scilicet apponens ei. Deinde adjungit: *Quod si aliam accipiat ei, id est, non istam deputavit uxorem filio suo, sed ei aliam accipiet, quæ opus sunt, et vestem conversationem ejus non fraudabit ei.* Simili lege quæ competunt, quomodo mansit uxor filio ejus, quemadmodum ei daret si eam ibi non annominasset, et tamen concumbendo humiliasset. *Si autem tria hæc non fecerit ei, exibat gratis.* Hoc intelligitur, si eam ipse concubitus non humiliaverit, neque filio suo conjunxerit, neque aliam filio suo ductam, istam ejecerit, abibit gratis: id est, sufficet ei non teneri in servitute. Abibit enim nihil accipiens, ut servus Hebræus. Non enim licet Domino ejus copulare illam viro non Hebræo, quam non licet extræ genti tradi. *Si autem servo Hebræo eam copulaverit, hoc utique intelligitur quod cum eo gratis exibat, nequaquam a marito separata. Mystice autem, si quis devotam subjectionem quam bonus animus genuit, cuilibet doctori ad obediendum tradiderit, non est æquum, ut spreta ab illo vel confusa, abjiciatur: sed sive sibi vel probato discipulo jungat ad consortium disciplinæ, si hoc elegerit, vel alio doctori eam commendat, in cujus societate proficere possit, et ipse benevola mente eum cum sociali prosequatur, nec vacuum dilectione a se credere permittat. Hæretico autem homini vel schismatico, qui alienus est a Dei populo, non habet potestatem illum tradendi; sed si ipse laborem de eo subire noluerit, liberum recedere patietur, ut sibi magistrum quem velit eligat. *Si quis percusserit aliquem et mortuus fuerit, morte morietur. Qui autem nolens, sed Deus tradidit in manus ejus, dabo tibi locum in quem fugiat.* Quaritur hic quomodo dictum est, *Si autem nolens, sed Deus tradidit in manus ejus: quasi et si nolens occiderit, non posset occidere, nisi Deus traderet im**

manus ejus. intelligitur ergo tantummodo Deum secuisse, cum quisque occiditur a nolente, et pro hoc tantummodo Deus id fecit, dictum est: *Sed Deus tradidit in manum ejus.* Cum vero volens occidit, et ipse occidit, et Deus tradidit in manum ejus. Hoc ergo interest, quod illic tamen Deus fecit: hic autem et Deus et homo propter voluntatem facientis, sed non sicut Deus homo. Deus enim non nisi iuste, homo autem poena dignus: non quia illum occidit quem Deus nollet occidi, sed quia per iniquitatem. Non enim ministerium Deo jubenti praeiuvat, sed suae malignae cupiditati servivit. In uno igitur eodemque facto, et Deus de occulta equitate laudatur, et homo de propria iniquitate punitur. Non enim quia Deus proprio Filio non pepererit, sed pro omnibus nobis tradidit illum, ideo Judas excusatus est, qui eandem ad mortem tradidit Christum.

*Qui autem non est insidiatus, inquit, sed Deus illum tradidit in manu ejus, constituam tibi locum in quem fugere debeat.* Hoc quomodo factum sit, liber qui dicitur Jesu Nave (*Josue, xx*), manifestat cum commemorat Josue, Domino jubente, sex civitates refugii decerneret homicidis, qui homicidium non sponte fecerint: hoc est Cades in Gallilaea in montis Neptalim, et Sichem in monte Ephraim, et Cariath Arbe: ipsa est Hebron in monte Juda, et trans Jordanem contra occidentalem plagam Jericho urbem Bosor, quae sita est in campestris solitudine de tribu Ruben, et Ramoth Galaad de tribu Gad, et Gaulon in Basan de tribu Manassae. Hae civitates constitutae sunt cunctis filiis Israel, et advenis qui habitant inter eos, ut fugeret ad eas qui animam nescius percussisset, et non moreretur in manu proximi effusum sanguinem vindicare cupientis, donec staret ante populum expositurus causam suam. Mystice autem, si quis per invidiam aut odium invidiae malitiae aliquem percusserit, et in mortem animae se duxerit, aeternae morti ipse obnoxius erit. Unde ipsa Veritas ait: *Si quis scandalizaverit unum de pusillis istis qui in me credunt, expedit ei, ut mola asinaria addatur collo ejus, et demergatur in profundum* (*Math. xviii*). Et Joannes ait: *Qui odit fratrem suum, homicida est. Et scitis quid omnis homicida, non habet vitam aeternam in se manentem* (*I Joan. iii*). Hic talis ab altari Domini evelli jubetur, quia indignus Dominicis sacramentis, a participatione sacri altaris merito removetur. *Qui autem non voto malitiae, sed per incuriam aut ignorantiam aliquem laeserit, habet urbes refugii, Ecclesiam videlicet catholicam: ubi se angustia poenitentiae coarctans, per omne tempus praesentis vitae, bonis operibus studium impendens maneat; et si spem suam in morte pontificis summi, Redemptoris videlicet sui posuerit, hic sine dubio in aeternum salvabitur. Qui percusserit patrem suum et matrem, morte moriatur.* Et paulo post: *Qui maledixerit, inquit, patri suo et matri, morte moriatur.* Quid est percutere patrem et matrem, et maledicere patri vel matri, nisi impium exstiterit et contrarium legi,

quae jubet parentes honorare, et ob hoc maledictum et dignum esse morte? Spiritu autem qui maledixerit patri, id est, blasphemiam in Deum qui omnium pater est protulerit, vel contra Ecclesiam matrem unitatis schismata ingesserit, aeterna poena multandus erit. *Qui furatus fuerit hominem et vendiderit eum, convictus noxae, morte moriatur.* Haereticos hac sententia percutit, qui per dolium hominem Christianum a veritate catholicae fidei seducunt, et malignis spiritibus per errorem obnoxium tradunt, aeterna poena eos damnandos esse ostendit. *Si rixati fuerint viri, et percusserit alter proximum suum lapide vel pugno, et ille mortuus non fuerit et jacuerit in lectulo, si surrexerit et ambulaverit fortis super baculum suum, innocens erit qui percussit: ita tamen, ut operas ejus et impensas in medicos restituat, et caetera.* Allegorice: Si quis cum proximo suo per iracundiam contenderit, et vel lapide vel pugno illum percusserit, hoc est duritia mentis vel paritate cordis, spernendo sive misericorditer non consulendo exasperaverit, et ille infirmatus in tristitia a fervore dilectionis languescit, necesse est ut reus per confessionem operas poenitentiae et impensas promissae emendationis in medicos, hoc est in doctores impendat, qui agentem baculo consolationis suae erigant, et foementis praedicationum medicantes, in pristinum statum dilectionis reforment. Ita enim ad innocentiam veram pervenire possumus, si male gesta dignis poenitentiae fructibus diluere satagamus. *Qui percusserit servum suum vel ancillam virga, et mortuus fuerit in manibus ejus, criminis reus erit, et caetera.* Sicut disciplina opus est in eruditione subditorum, ita et discretione maxime opus est, in exhibitione correptionum. Qui enim sibi commissum gregem ultra modum disciplinae constringit, ubi vitam debuit propagare, invenietur ibi mortem ingerere. Unde et per Sapientiam dicitur: *Qui fortiter premit ubera, exhibet butyrum; et qui vehementer emungit, elicit sanguinem* (*Prov. xxx*). Est ergo semper mensura in disciplina tenenda, ut rigor sit in refrigerio, et refrigerium in rigore, ut in disciplinato fides et dilectio vigeat, nec per desperationem vel odium, funditus intereat. *Si rixati fuerint viri, et percusserit quis mulierem pregnantem, et abortivum fecerit, sed ipsa viverit, subiacebit damno, quantum expetierit maritus mulieris, et arbitri judicaverint, et caetera.* Hic, ut mihi videtur, talis est sensus: Quod si quis mulierem percusserit post conceptum semen, et pro hoc abortivum quidem fecerit, ipsa tamen vivente, tunc pecunia percussor lesionem recompensare possit, secundum id quod expetitus fuerit, et iudices decreverint. Si autem mors illius fuerit subsequuta, tunc jam homicidii reus, puniendus erit ipse percussor. Mystice autem, si quis alicujus animam post conceptum semen verbi, per incuriam vel fraudem laeserit, ita ut vitale germen boni operis sanum proferre non possit, etiam si ipsa adhuc in fide



riens perentior percussor tamen ut damnum illatum per penitentiam restituat secundum Evangelii magisterium necesse habebit. Si autem ipsa anima per errorem necata, post prolatum abortivum hoc est opus mortiferum, in infidelitate perseveraverit, sine dubio seductor illius, quasi verus homicida, aeterna morte reus erit. (August.) Notandum autem quod alia editio sic habet: Si litigabit duo viri, et percusserit mulierem in utero habentem, et exierit infans ejus non deformatus, detrimentum patietur, quantum indixerit illi mulieris: et dabit cum postulatione. Hic de anima quaestio solet agitari, utrum quod formatum non est, anima quidem possit intelligi: et ideo non sit hominidum, quia nec examinatum dici potest, si adhuc animam non habeat. Sequitur enim et dicitur: Si autem formatum fuerit, dabit animam pro anima. Ubi quid aliud intelligitur, nisi ut ipse moriatur? Nam hoc et in ceteris ex hac occasione iam praecepit: Oculum pro oculo, dentem pro dente, manum pro manu, pedem pro pede, combustionem pro combustionem, vulnus pro vulnere, irrorem pro livore: talionis videlicet aequilae (Exod. xxi). Quae lex ideo constituitur, ut demonstraret quae vindicta debeatur. Nisi enim per legem sciretur quid vindictae deberetur, unde sciretur quid venia relaxaret, ut dici posset: Dimitte nobis debita nostra, si est et nos dimittimus debitoribus nostris (Matth. vi)? Debitoribus igitur lege monstrantes, ut quando ignoscitur, appareat quid dimittatur. Neque enim debita dimittimus, nisi quid nobis deberetur, lege indice disceremus. Ideo ergo informe puerperum lex poluit ad homicidium pertinere, quia nondum dici potest anima viva in eo corpore quod sensu caret, si talis est in carne nondum formata, et ideo nondum sensibus praedita. (Orig.) Duo autem isti viri qui litigant duo disputantes sunt de dogmatibus, vel quaestionibus legis. Quia ergo isti qui in quaestionibus litigant: contra Apostoli sententiam faciunt qua dicit: Noli verbis contendere, ad nihil enim utile est, nisi ad subversionem audientium (II Tim. ii). Idcirco percussit mulierem praegnantem, et exierit infantem ejus, vel formatum jam, vel nondum formatum. Mulier praegrans dicitur anima, quae super concepit verbum: ut pote catechumena, qui rudis est adhuc in fide. Haec ergo anima cum per contentionem aliquorum scandalizaret, ita ut verbum fidei quod tenuiter conceperat, abiciat et perdat, pondum formatum, id est scandalum fecit, dicitur damnum pati. Dabit autem, inquit, secundum quod indixerit vel imposterit vir ejus. Ergo vir iste, vel Christus, qui omnium magister est, vel qui pro Christo Ecclesiae praest, doctor animarum ille qui ad subversionem audientium verbis contendit, patietur damnum pro anima illa quae nondum formatum abicit infantem, hoc est penitentiam agat et rursus coherat ipse qui laesit, ut instruat, reparet, restituat animam ea quae perdidit. Et haec jam faciat cum honore, cum modesta, cum

patientia, sicut Apostolus dicit: Cum mansuetudine corripientes eos qui resistunt (II Tim. ii), non cum ira, sicut superius cum scandalum intulit. Quod si formatus jam fuerit infans, dabit animam pro anima. Formatus infans potest videri sermo Dei in corde ejus animae quam gratiam baptismi consecuta est, vel evidentius et elarius, verbum fidei concepit. Haec ergo si anima, contentione doctorem percussit, abiecit verbum et inventa fuerit, esse de illis, de quibus dicebat Apostolus: Jam enim quaedam corripere sunt, ut qui post Satanam (I Tim. v), animam pro anima dabit, vel in die iudicii accipiendum est, apud eum iudicem, qui potest animam, et corpus perdere in gehennam, vel carere potest fortassis vitam illud aptari, ut qui sibi conscium facti scandalizaverit, ponat animam suam pro anima illius, quem scandalizaverit, et usque ad mortem det operam, quomodo redeat, quomodo reparetur, quomodo restituatur, ad fidem. Ponat etiam oculum pro oculo. Si oculus laesit, anima, id est, intellectum ejus turbavit, auferatur oculus ipsius ab eo, qui Ecclesiae praest, et intellectus ejus, ille turbulentus et ferax, qui scandalum generat, desecetur. Sed et si dentem laesit auditoris, quo suscipiens cibum verbi Dei, vel comminure, vel molaribus terere solitus erat, et subtilem ex his ad ventrem animae transmittere sensum, si hunc dentem ille vexavit et evellit, ut pro contentione ipsius non possit anima subtiliter et spiritualiter suscipere verbum Dei, auferatur dens ejus, qui non bene Scripturarum, comminuit et dividit cibos. Fortassis enim propter hoc, et alibi dicitur: Dentes, peccatorum contrivisti (Psal. iii). Et alibi nihilominus scribitur: Qui manducat vomam acerbam, obstupescunt dentes ejus (Ezech. xxx). Et alibi: Molas leonum confringet Dominus (Psal. lvii). Si ergo per membra dicitur laedi anima et percuti, manus quoque pro manu, pes pro pede deposcitur, Manus est anima virtus, quae tenere aliquid et constringere potest: velut si dicamus actus ejus et fortitudo et pes quo incedit ad bona vel ad mala. Quia ergo si scandalum patitur anima, non solum in fide, sed in actibus, qui per manus significantur et pedes, auferantur illius qui offendiculum praebuit manus, quibus non bene operatur, et pedes quibus non bene incedit. Recipiet etiam combusturam qua combustus, et gehennam animam tradidit: per quae singula hoc ostenditur, ut iste percussor omnibus detruncatis membris, a corpore excidatur Ecclesiae: ut caeteri, inquit, videntes, timorem habeant, et non faciant similiter (I Cor. v). Si percusserit quisquam oculum servi sui, qui ancilla, et lupos eos fecerit, dimittet liberos pro oculo quem eruit. Dentem quoque si excusserit servo vel ancilla sua, similiter dimittet eos liberos. Si quis vero auditorem suum ad intantum reuti intellectus debilem fecerit, aut dentem discretionis per quem subtiliter sententias Scripturarum comminuens, ad pactum animae redigere poterat, per proterviam suam excusserit, bonum est ei ut illi

manus ejus. intelligitur ergo tantummodo Deum fecisse, cum quisque occiditur a nolente, et pro hoc tantummodo Deus id fecit, dictum est: *Sed Deus tradidit in manum ejus.* Cum vero volens occidit, et ipse occidit, et Deus tradidit in manum ejus. Hoc ergo interest, quod illic tamen Deus fecit: hic autem et Deus et homo propter voluntatem facientis, sed non sicut Deus homo. Deus enim non nisi iuste, homo autem poena dignus: non quia illum occidit quem Deus nollet occidi, sed quia per iniquitatem. Non enim ministerium Deo jubenti praebeat, sed suae malignae cupiditati servit. In uno igitur eodemque facto, et Deus de occulta equitate laudatur, et homo de propria iniquitate punitur. Non enim quia Deus proprio Filio non peperit, sed pro omnibus nobis tradidit illum, ideo Judas excusatus est, qui eundem ad mortem tradidit Christum.

*Qui autem non est insidiatus, inquit, sed Deus illum tradidit in manu ejus, constituam tibi locum in quem fugere debeat.* Hoc quomodo factum sit, liber qui dicitur Jesu Nave (*Josue, xx*), manifestat cum commemorat Josue, Domino jubente, sex civitates refugii decernere homicidis, qui homicidium non sponte fecerint: hoc est Cades in Galilea montis Neptalim; et Sichem in monte Ephraim; et Cariath Arbe: ipsa est Hebron in monte Juda; et trans Jordanem contra occidentalem plagam Jericho urbem Bosor, quae sita est in campestri solitudine de tribu Ruben; et Ramoth Gataad de tribu Gad; et Gaulon in Basan de tribu Manassa. Hae civitates constitutae sunt cunctis filiis Israel, et advenis qui habitant inter eos, ut rogeret ad eas qui animam nescius percussisset, et non morderetur in manu proximi effusum sanguinem vindicare cupientis, donec staret ante populum expositurus causam suam. Mystice autem, si quis per invidiam aut odium invidiae malitiae aliquem percusserit, et in mortem animae se duxerit, aeternae morti ipse obnoxius erit. Unde ipsa Veritas ait: *Si quis scandalizaverit unum de pusillis istis qui in me credunt, expedit ei, ut mola asinaria addatur collo ejus, et demergatur in profundum* (*Matth. xviii*). Et Joannes ait: *Qui odii fratrem suum, homicida est. Et scitis quia omnis homicida, non habet vitam aeternam in se manentem* (*I Joan. iii*). Hic talis ab altari Domini evelli jubetur, quia indignus Dominicis sacramentis, a participatione sacri altaris merito removetur. Qui autem non voto malitiae, sed per incuriam aut ignorantiam aliquem laeserit, habet urbes refugii, Ecclesiam videlicet catholicam: ubi se angustia poenitentiae coarctans, per omne tempus praesentis vitae, bonis operibus studium impendens maneat; et si spem suam in morte pontificis summi, Redemptoris videlicet sui posuerit, hic sine dubio in aeternum salvabitur.

*Qui percusserit patrem suum et matrem, morte moriatur.* Et paulo post: *Qui maledixerit, inquit, patri suo et matri, morte moriatur.* Quid est percutere patrem et matrem, et maledicere patri vel matri, nisi inipium existisse et contrarium legi,

quae jubet parentes honorare, et ob hoc maledictum et dignum esse morte? Spiritu autem qui maledixerit patri, id est, blasphemiam in Deum qui omnium pater est protulerit, vel contra Ecclesiam matrem unitatis schismata ingesserit, aeterna poena multandus erit. *Qui furatus fuerit hominem et vendiderit eum, convictus noxae, morte moriatur.* Haereticos hac sententia percutit, qui per dolum hominem Christianum a veritate catholicae fidei seducunt, et malignis spiritibus per errorem obnoxium tradunt, aeterna poena eos damnandos esse ostendit. *Si rixati fuerint viri, et percusserit alter proximum suum lapide vel pugno, et ille mortuus non fuerit et jacerit in lectulo, si surrexerit et ambulaverit fortis super baculum suum, innocens erit qui percussit: ita tamen, ut operas ejus et impensas in medicos restituat, et caetera.* Allegorice: Si quis cum proximo suo per iracundiam contenderit, et vel lapide vel pugno illum percusserit, hoc est duritia mentis vel paritate cordis, spernendo sive misericorditer non consulendo exasperaverit, et ille infirmatus in tristitia a fervore dilectionis languescit, necesse est ut reus per confessionem operas poenitentiae et impensas promissae emendationis in medicos, hoc est in doctores impendat, qui agentem baculo consolationis suae erigant, et foementis praedicationum medicantes, in pristinum statum dilectionis reforment. Ita enim ad innocentiam veram pervenire possumus, si male gesta dignis poenitentiae fructibus diluere satagamus. *Qui percusserit servum suum vel ancillam virga, et mortuus fuerit in manibus ejus, criminis reus erit, et caetera.* Sicut disciplina opus est in eruditione subiectorum, ita et discretione maxime opus est, in exhibitione correptionum. Qui enim sibi commissum gregem ultra modum disciplinae constringit, ubi vitam debuit propagare, invenietur ibi mortem ingerere. Unde et per Sapientiam dicitur: *Qui fortiter premit ubera, exhibet butyrum; et qui vehementer emungit, elicit sanguinem* (*Prov. xxx*). Est ergo semper mensura in disciplina tenenda ut rigor sit in refrigerio, et refrigerium in rigore, ut in disciplinato fides et dilectio vigeat, nec per desperationem vel odium, funditus intereat. *Si rixati fuerint viri, et percusserit quis mulierem pregnantem, et abortivum fecerit, sed ipsa vixerit, subjacebit damno, quantum expetivit maritus mulieris, et arbitri judicaverint, et caetera.* Hic, ut mihi videtur, talis est sensus: Quod si quis mulierem percusserit post conceptum semen, et pro hoc abortivum quidem fecerit, ipsa tamen vivente, tunc pecunia percussor laesionem recompensare possit, secundum id quod expetitus fuerit, et iudices decreverint. Si autem mors illius fuerit subsequuta, tunc jam homicidii reus, puniendus erit ipse percussor. Mystice autem, si quis alicujus animam post conceptum semen verbi, per incuriam vel fraudem laeserit, ita ut vitale germen boni operis sanum proferre non possit, etiam si ipsa adhuc in fide

vixens, persisterit, percussor tamen ut damnum illarum per poenitentiam restituat secundum Evangelii magisterium necesse habebit. Si autem ipsa anima per errorem peccata, post prolatum abortivum hoc est opus mortiferum, in infidelitate perseveraverit, sine dubio seductor illius, quasi verus homicida, aeterna morte reus erit. (August.) Notandum autem quod alia editio sic habet: *Si inveniunt duo viri, et percusserit mulierem in utero habentem, et exierit infans ejus non deformatus, detrimentum patietur, quantum indixerit vi matri: et dabit, cum postulatione.* Hic de anima questio solet agitari utrum quod formatum non est, anima quidem possit intelligi: et ideo non sit homicidium, quia nec exanimatum dici potest, si adhuc animam non habeat. Sequitur enim et dicitur: *Si autem formatum fuerit, dabit animam pro anima.* Ubi quid aliud intelligitur, nisi ut ipse moriatur? Nam hoc et in ceteris ex hac occasione iam præcepit: *Oculum pro oculo, dentem pro dente, manum pro manu, pedem pro pede, combustionem pro combustionem, vulnus pro vulnere, noverem pro noverem; talionis videlicet æqualis (Exod. xxi).* Quæ lex ideo constituit, ut demonstraret quæ vindicta debeatur. Nisi enim per legem sciretur quid vindicta deberetur, unde sciretur quid venia relaxaret, ut dici possit: *Dimitte nobis debita nostra, sicut et nos dimittimus debitoribus nostris (Matth. vi)?* Debitorum igitur lege monstrantes, ut quando ignoratur, appareat quid dimittatur. Neque enim debita dimitteremus, nisi quid nobis deberetur, tege in dice disceremus. Ideo ergo informis puerperum lex potuit ad homicidium pertinere, quia nondum dici potest anima viva in eo corpore quod sensu caret, si talis est in carne nondum formatum, et ideo nondum sensibus prædita. (Orig.) Duo autem isti viri qui litigant, duo disputantes sunt de dogmatibus, vel questionibus legis. Quia ergo isti qui in questionibus litigant contra Apostoli sententiam faciunt, quæ dicit: *Non verbis contendere, ad nihil enim utilis est, nisi ad subversionem audientium (II Tim. ii),* ideo percussit mulierem prægnantem, et eiecit infantem ejus, vel formatum jam, vel nondum formatum. Mulier prægnans dicitur anima, quæ nuper concepit verbum, ut potè catechumini, qui rudis est adhuc in fide. Hæc ergo anima eum per contentionem aliquorum scandalizabitur, ita ut verbum fidei quod tenuerit conceperat, abiciat et perdat nondum formatum, id est qui scandalum fecit, dicitur damnum pati. Dabit autem, inquit, secundum quod indixerit vel imposuerit vi ejus. Ergo vir iste vel Christus, qui omnium magister est, vel qui pro Christo Ecclesie præest, doctor animarum, ille qui ad subversionem audientium verbis contendit, patietur damnum pro anima illi quæ nondum formatum abiecit infantem, hoc est poenitentiam agat, et rursus conietor ipse qui læsit, ut instruat, reparet, restituat animæ ea quæ perdidit. Et hæc jam faciat cum honore, cum modestia, cum

patientia, sicut Apostolus dicit: *Cum mansuetudine corripientes eos qui resistunt (II Tim. ii),* non cum alia, sicut superiores, cum scandalum intulit. Quod si, formatus jam fuerit, infans, dabit animam pro anima. Formatus infans potest videri sermo, Dei in corde ejus animas quæ gratiam baptismi consecuta est, vel evidentius et elapsus, verbum fidei concepit. Hæc ergo anima, contentione doctorum percussa, abiecit verbum et inventa fuerit, esse de illis, de quibus dicebat Apostolus: *Jam enim quædam corripere sunt, ut inquit, Satanam (I Tim. v),* animam pro anima dabit, vel in die iudicii, accipiendum est, apud eum iudicium, qui potest animam, ea, corpus perdere, vel gehennam, vel carere potest, fortassis dicitur illud, aptari, ut qui sibi, conscius facti scandalum fuerit, ponat animam suam, pro anima illius, quem scandalizaverit, et osque, ad mortem det operam, quomodo redeat, quomodo reparetur, quomodo restituatur, ad fidem. Ponat etiam oculum pro oculo. Si oculus læsit animæ, id est, intellectum ejus turbavit, auferatur oculus ipsius ab eo, qui Ecclesie præest, et intellectus ejus, ille turbulentus et ferax, qui scandalum generat, desecetur. Sed et si dentem læsit auditoris, quo suscipiens cibum verbum Dei, vel comminere, vel solaribus terere solitus erat, et subtilem ex his ad ventrem animæ transmittere sensum, si hunc dentem ille vexavit, et exellit, ut pro contentione ipsius non possit anima subtiliter et spiritualiter suscipere verbum Dei, auferatur dens ejus, qui non bene Scripturarum comminuit, et dividit cibos. Fortassis enim propter hoc, et alibi dicitur: *Dentes peccatorum contrivisti (Psal. iii).* Et alibi nihilominus scribitur: *Qui manducat uvam acerbam, obstupescunt dentes ejus (Eccle. xxx).* Et alibi: *Molas leonum confringet Dominus (Psal. lvi).* Si ergo per membra dicitur lædi anima et percuti, manus quoque pro manu, et pes pro pede deposcitur. Manus est animæ virtus, quæ tenere aliquid et constringere potest: velut si dicamus actus ejus et fortitudo, et pes quo incedit ad bona vel ad mala. Quia ergo si scandalum patietur anima, non solum in fide, sed in actibus, qui per manus significantur et pedes, auferantur illius, qui offendiculum præbuit manus, quibus non bene operatur, et pedes quibus non bene incedit. Recipiet etiam combusturam quæ combustis gehennam animam, tradidit: per quæ singula hoc ostenditur, ut iste percussor omnibus detruncatis membris, a corpore excidatur Ecclesie: *ut ceteri, inquit, videntes, timorem habeant, et non faciant similiter (I Cor. v).* Si percusserit quispiam oculum servi sui, aut ancille, et luscus eos fecerit, dimittet libertas pro oculo quem eruit. Dentem quoque si exliserit sermo, vel ancilla sua, similiter dimittet eos liberos. Si quis vero auditorem suum ad intultum reuti intellectus debilem fecerit, aut dentem discretionis per quem subtiliter sententias Scripturarum comminatus, ad pactum animæ redigere poterat, per proterviam suam excusserit, bonum est ei ut illi

libertatem tribuat alterius discipulatum subeundi: A ne forte pro ejus animæ interitu, cum sibi injustam obedientiam impendere exigat, ipse pro hoc penas gehennæ luere cogatur. *Si bos cornu patieris virum aut mulierem, et mortui fuerint, lapidibus obruetur: et non comedentur carnes ejus; dominus autem bovis innocens erit. Quod si bos cornupeta fuit ab heri et nudiustertius, et contestati sunt dominum ejus, nec reclusit eum, occideritque virum aut mulierem, et bos lapidibus obruetur, et dominum illius occidet, et cætera. (August.)* Ad justitiam pertinet, ut animal hominibus noxium perimatur; et quod de tauro positum est, a parte totum intelligendum est: quidquid in pecoribus usui humano subditum, infestum est hominibus. Sed si necesse est occidi, nunquid lapidari? Quid interest enim animal quod auferendum est, qua morte auferatur? Deinde quod addidit, carnibus ejus non esse vescendum quo pertinet, nisi omnia ista significant aliud, quod Scriptura maxime solet intueri? Bovis ergo nomine contumax discipulus denotari potest: qui per fastum superbiæ laniat, et reliqua pecora gregis Dominici infestat. Talis ergo si inscio magistro aliquem virum aut feminam, hoc est quemlibet fortem aut infirmum, cornu proterviæ suæ perfoderit, et eis mortem animæ intulerit, lapidibus duræ sententiæ obruetur; et non comedentur carnes ejus, hoc est non imitentur actus ejus. Dominus autem bovis illius ita innocens esse probabitur, si neque consensu, neque consilio fovabat actum illius: quia dicente Domino: *Anima quæ peccaverit, ipsa morietur: et justitia justi super eum erit: et impietas impii erit super eum (Ezech. xviii)*. Si autem magister et doctor tales discipuli mores sciebat, et a Scripturis sacris sæpe contestatus curam infesti pecoris habere negligebat, jam actus illius particeps factus, pœnæ illius utique merito particeps erit: quia, secundum Apostolum, non solum qui male faciunt, sed etiam qui consentiant facientibus, digni sunt morte. *Quod si pretium ei fuerit impositum, dabit pro anima sua quidquid fuerit postulatus*. Eleemosynis utique et dignis pœnitentiæ fructibus, a perpetua morte se festinet liberare. *Filium quoque et filiam si cornu percusserit, simili sententiæ subiacebit*. In filii vel filiæ nomine, quem congruentius possumus accipere, quam bonum auditorem, quia ea quæ sunt Dei diligenter discere atque operibus exercere studet, et hoc pro vitæ æternæ desiderio? Hinc quoque qui percusserit, homicidæ judicio multandus erit. Quod autem sequitur, *Si servum ancillamque invaserit, triginta siclos argenti dabit domino: bos vero lapidibus obruetur*. Quis vero servus vel ancilla melius intelligi potest, quam ille qui, in domo Ecclesiæ existens, præsentia tantum diligit, et ob eorum quæstum laborem totum impendit; qui nondum in filiorum numero meruit ascribi, quia hæreditatem coelestis patriæ quærere neglexit? Huic quoque si ille superbus cornupeta, in rebus quas diligit aliquid incommodi intulerit, et eum in hoc contristaverit, provisor ipsius, damnum illatum, justa

emendatione secundum legis mandata, per fidem, spem et charitatem emendare debet; nec non et auctorem sceleris, duris disciplinis corripere, qui contra id quod scriptum est: *Neminem conviciatis, neminem noceatis, procaeciter egit (Joan. 1)*; et iterum: *Quod tibi non vis fieri, alteri ne feceris*. Potest et aliter ista sententia intelligi: et significatione bovis cornupetæ superbium animi motum accipiamus: quem si dominus suus, hoc est spiritus qui recte debuit in homine principari non constringit; et propter viam suam spiritualiter animabus facti interitum, vel corporibus ingerit incommodum, reatus sceleris redundat in auctorem simul et custodem illius, qui eum prohibere debuit, et non fecit. Unde Scriptura dicit: *Omni custodia serva cor tuum, quia ex ipso vita seu mors procedit (Prov. iv)*. Et item: *Cor hominis disponit viam suam (Prov. xv)*. Et item: *Cor sapientis erudiet os ejus: et labiis illius addet gratiam (Ibid.)*. Et alibi: *De fructu, inquit, oris viri replebitur venter ejus, et gemina labiorum ejus saturabunt eum. Si quis aperuerit cisternam, et foderit, et non operuerit eam, cecideritque bos vel asinus in eam, dominus cisternæ reddet pretium jumentorum, et cætera (Prov. xviii)*. Quid est aperire cisternam, nisi intellectu valido Scripturæ sacræ arcana penetrare? Quid autem per bovem et asinum, id est, mundum, et immundum animal, nisi fidelis quisque vel infidelis accipitur? Qui ergo cisternam fodit et cooperuit, ne illuc bos vel asinus ruat, id est, qui in sacro eloquio jam alta intelligit, sublimes sensus eorum non accipientibus per silentium tegat: ne per scandalum mentis aut fidelem parvulum aut infidelem, qui credere potuisset, interimat. Ex morte enim jumentorum debet pretium: quia illud scilicet admisisse convicitur, unde ad agendam pœnitentiam, reus tenetur. Quisquis namque ad alta scientiæ fluentia perventus, cum hæc apud bruta audientium corda non contegit, pœnæ reus addicitur, si per verba ejus scandalum sive munda sumens immunda capiatur. Operienda est itaque cisterna, quia eorum parvullis mentibus, legenda est alta scientia, ne unde cor docentium ad summa attollitur, inde infirmitas auditorum ad ima dilabatur. Si *bos alienius bovem alterius vulneraverit, et ille mortuus fuerit, vendent bovem vivum, et dividunt pretium: cadaver autem mortuum inter se disperient, etc. (August.)* Nunquid in solo tauro hæc justificatio servanda est, et non de omnium pecorum tali casu? Proinde a parte totum hoc intelligendum est. Sed hoc de carnibus occisi pecoris fieri non potest, quæ non vescuntur. Typice autem, si quis sub jugo disciplinæ constitutus, sociam suam in agri cultura Dominica similiter laborantem, aliquo peccati vulnere lethaliter sauciaverit, unde et ipse in anima moriatur, custos illius vendat bovem vivum, hoc est redigat sub pœnitentiam facinorosum: secundum illud Apostoli, *tradere hujusmodi hominem Satanae in interitum carnis, ut spiritus ejus salvus sit in die Domini*. Et dividunt pretium custodes utriusque pecoris, hoc est satis

sibi faciant in poenitentia delinquentis. Cadaver autem mortuum, inter se similiter disperdiat, cum pro scelere facto, uterque poenitentia condoleat, juxta Pauli vocem: *Quis infirmatur, inquit, et ego non infirmor? Quis scandalizatur, et ego non uror?* (I. Cor. xi). Qui autem injuriosum discipulum sciobat, et eum quantum potuit composcere non curavit, non minus scelus in reatum proprium convertit. *Si quis furatus fuerit ovem aut bovem, et occiderit vel vendiderit, quinqve boves pro una bove restituet, et quatuor oves pro una ove, etc.* (Exod. xxi). (August.). Quae justificatio est, ut pro vitulo uno quinque reddantur, pro ove autem quatuor, nisi aliquid significare intelligatur? Possumus hanc distantiam inter bovem et ovem facere, ut in bove accipimus bene laborantem doctorem in agro Dominico: qui terram cordium carnalium vomere evangelico sciudit, ut fructus virtutum germinare possit. In ovem, simplicem auditorem, qui tantum sua simplicitate contentus est. Quanto enim major est utilitas in qualibet re, tanto magis damnum in ejus perditione. Et quanto minor commoditas in possessione aliqua, tanto minor est dolor in ipsius amissione: quod significat, major numerus in bovis restitutione, et minor in ovis. Qui enim quemlibet doctorem a plebe Dominica per fraudem evellit, multis nocet; et pro hoc necesse est ut omnes sensus corporis sui poenitentia studio subigat, quoniam secundum legem Domini pleniter exsolvat. Qui autem auditorem simplicem a statu suo per malitiam subvertit, corpus suum quod quatuor elementis constare manifestum est, ut jejuniis et vigiliis castiget, necesse est, donec perfectam remissionem a Domino recipere mereatur. Item alio modo. Bos, quippe subjugale est animal; et populum priorem significat, qui sub lege Moysi constitutus iudicium legis expectabat, Apostolo teste, qui ait: *Quicumque enim in lege peccaverunt, per legem iudicabuntur* (Rom. ii). Ergo hos furatus et occisus, sive venditus, quiaque bubus recte pensatur, cum homo Judaeus contra legem lesus, secundum legem ulcisatur. Unde et in ipsa lege scriptum est: *Qui occiderit hominem, morte moriatur*. Et item: *Oculum pro oculo, manum pro manu, et caetera*. Ovis autem, quod simplex est animal, hominem Evangelicum sub gratia Dei constitutum significat: membrum videlicet illius ovis, de quo Propheta ait: *Tanquam ovis ad occisionem ductus est, et non aperuit os suum* (Isa. liii). Cujus imitator existens, servat illud quod in Evangelio scriptum est: *Si quis percusserit te in dexteram maxillam, praebere illi et alteram* (Math. v). Et item: *Diligite inimicos vestros, et benefacite his, qui oderunt vos*. Sed ne hujus simplicis animalis lesio inulta praeteriri videatur, legislator jubet quod quatuor oves pro una ove reddantur. Igitur ovis perditam quadruplam restitutionem poscit, quia quisquis simplicitatem Christianam per fraudem laeserit, necesse est ut secundum evangelicam doctrinam, digna poenitentia, iterum illam restituere festinet. *Si effringens*

*Asinum domum sive fodiens fuerit in vallis, et accepto vulnere mortuus fuerit, percussor non erit reus sanguinis: Quod si orto sole hoc fecerit, homicidium perpetravit; et ipse moriatur, etc.* Intelligitur ergo tunc non pertinere ad homicidium, si fur nocturnus occiditur. Si autem diurnus, percussor. Hoc est enim quod ait: *Si oriatur sol super eum, poterat quippe discernere, si quod ad furandum non ad occidendum, venisset, et ideo non deberet occidi*. Hoc et in legibus antiquis saecularibus, quibus tamen ista est antiquior, invenitur: impune occidi non auctum furem quocumque modo: diurnum autem, si se telo defendente jam contempserit, est quam fur. Mystice autem fures haereticos possunt intelligere. Unde ipsa Veritas ait: *Quotquot venerunt ante me, fures vanae et latrones* (Joan. x). *Et item: Fur, inquit, non venit, nisi ut furem reddat: et qui perdat, Ego autem veni, ut vitam habeam, et ubi dantius habeant* (Ibidem). Ergo fur, id est, haereticus, si effringens vel fodiens, hoc est, per contentum sive dolum, domum Ecclesiae irruptum, tunc venit, et accepto vulnere iuste correptionis, in errore concepto, perseverans perierit. doctor, qui impio poenitentiam ageret, non unquam privavit, oratione perdidit, non constringitur. *Quod si orto sole hoc fecit, homicidium perpetravit*. In morte ortus, id est, lumen rectae scientiae extinguatur: sicut enim haeretici et reliqui predicatorum admoniti, arrepti, et in seclusum relinquentes, ad lucem veritatis appropinquare conantur, non est aquum, ut anathematis ergo perdidit, sed charitatis vinculo destrictis, rite observetur sententia, secundum illam Salvatoris sententiam: *Si peccaveris, in te fratrem tuum, vade et corripue eum in secreto et ipsum solum. Et si poenitentiam egerit, accipet fratrem suum, et reliqua* (Matth. xviii). *Et item: Quod non habuerit, quod pro furto reddat, exanimabitur*. Hoc est, si per possibile non habuerit, unde dignus quatuor tertio fructus apprehendere possit, exanimabitur, et secundum veritatis constantiam, et theologiae et philosophiae regulas. Si ergo veritas fuerit, impudenter quod furatus est, vitium, sine hoc, sine animi poenitentia ovis, amplius restituat. Hoc est, ovis, quae magis dividit, et sustinent, multas sunt animabus, insuperque autem inveniendum. Si ergo homo Judaeus, et legis in Christum credens, aut simplex quilibet Christianus, sive etiam paganus nondum in Christo convertens, quod haereticum vitium, id est, rectam fidei rationem vanum querendi habens, omninoque intendit, duplo restituetur: scilicet, non animo quam, etiam corpore ab illa haeretico in quo non est veritas separata, jubet potestati cessari Christo, qui est, via, veritas, et vita, in Ecclesia, sicut per fidem et confessionem catholicam restituetur: ut ibi totum inveniat, quod alibi frustra quaerit. Hinc etiam hortatur Sapientia, dicens: *Ego mater pulchrae dilectionis, et simonia, et agnitionis, et sanctae spei. In me gratia operum, et veritatis, et in me omnis spes vitae et victus. Transi ad me, et omnes qui concupiscitis me, et a generationibus meis implemini. Qui audit me, non confundetur, et qui aperuerit in me non peccabit. Qui elucidant me, usque ad*

nam habent. (Ezeca. xxv). Et in Evangelio Dominus ipse dicit: *Qui bibit, veniat ad me et bibat: et de ventre ejus fluent aquae vivae. Si laeserit quispiam agrum vel vineam proximi sui, et dimiserit jumentum suum, ut depascatur aliena, quidquid optimum habuerit in agro suo vel vinea, pro damni aestimatione restituat* (Joan. vii). Hac sententia cupiditas humana constringitur, et maxime contra episcopos ac sacerdotes valet, qui alienas parochias invadere querunt. Igitur qui dimiserit appetitum carnalem, quem significat irrationabile jumentum, ut plebem ad se non pertinentem avaritiae causa sollicitet, ut ejus obsequia vel redditiones, in questum proprium convertat, pro damni aestimatione, agrum corporis sui, vel vineam cordis castigare cogatur: ut qui per voluptatem abusus est alienis, per jejunium et elemosynas discat expendere propria. Si egressus ignis inveniat spinas, et comprehenderit acervos frugum, sive stantes segetes in agris, reddet damnum, qui ignem succendit. Nimia cautela Scriptura sacra, quidquid agendum est facere nos docet. Nam ignem succedimus, cum correptionem subditis nostris praeparamus, ut spinas vitiorum in eis consumamus. Sed providendum est ne dum vitia persequimur, virtutes laedamus; et eos qui fructus in se bonorum operum profertur operant, antequam illos ad maturitatem perducant, per injuriam noceamus. Ergo, qui tale damnum in plebe Dei commiserit, necesse est ut dignam poenitentiam pro hoc gerat; et quod prius per inertiam laesit, per studium bonum restaurare cogatur.

*Si quis commendaverit amico pecuniam aut vas in custodiam, et ab eo qui susceperat furto ablata fuerint, si invenitur fur, duplum reddatur; si latet, dominus domus applicabitur ad deos, et jurabit quod non extendit manum in rem proximi sui, ad perpetrandam fraudem: tam in bove quam in asino et ova, et testamento; et quidquid damnum inferre potest, ad deos utriusque causa perveniet, et si illi judicaverint, duplum restituat proximo suo.* Amico pecunia aut vas in custodiam commendatur, cum per quemlibet praedicatoris, thesaurus verbi Dei; et vasa Scripturae sacrae simplici auditori ad custodiendum, in recta fide et operibus bonis commendantur. Sed si pecunia commendata, id est, fides recta per quemlibet perversum doctorem et haeticum, confuso intellecta ablata fuerit, ille qui per malitiam deli damnum fecit, in custode pecuniae Dominicae, si apparebit, redigatur sub poenitentiam; ut tam corde quam etiam corpore contribulatus, dignas commissi sceleris poenas luat. Sin autem latet auctor erroris, Dominus domus applicabitur ad deos. Ipse utique, qui ad custodiendam fideliter pecuniam Domini suscepit, in conventum doctorum catholicorum presentetur, a quibus diligenter discussus est, congrue satisfaciatur quod non per fraudem aut nequitiam propriam in aliquo laeserit: sed simpliciter prout intellexerit, eatenus servaverit, nec quemlibet qui ad gregem Domini pertinebat, ipsa doctrina maculave-

rit aut subverterit: a quibus reatum sibi consciverit. Sicque iudicio sanctorum sacerdotum proximo suo duplum restituat, cum praedicatori suo fidem et confessionem catholicam pleniter exsolvat; ut qui prius minus intelligens aberraverat, pleniter instructus, veraciter fidelem se per omnia ostendat.

*Si quis commendaverit proximo suo asinum, ovem, bovem, omnia jumentum ad custodiam, et mortuum fuerit, aut debilitatum vel captum ab hostibus, nullaque hoc viderit, iurandum erit in medio, quod non extendit manum ad rem proximi sui: suscipietque Dominus iuramentum, et ille reddere non cogetur. Quod si furto ablatum fuerit, restituet damnum domino. Si comestum a bestia fuerit, deferet ad eum quod occisum est, et non restituat.* Hic proximum, Redemptorem nostrum possumus accipere: *Qui cum in forma Dei esset, non rapinam arbitratus est esse se aequalem Deo, sed semetipsum exinanivit formam servi accipiens, in similitudinem hominum factus, et habitum inventus ut homo.* Iste proximus noster, asinum, ovem, bovem, aut omne jumentum in custodia committit, cum cuilibet praedicatori animalia sua, hoc est homines, alios ingenio valentes, alios simplices et innocentes, alios brutos et hebetes, ad regendum committit. Si ergo his animalibus custos gregis Domini omnem sollicitudinem impendit, et pervigil custodia curam illorum habuit, non ei nocebit, alioquin quiddam a maligis spiritibus seductum, aut proprio vitio mortuum fuerit. Sufficiet pastori conscientia pura et fides non ficta, quae per dilectionem operans, pro salute illius devote laborabit. Suscipiet ergo Dominus bonam devotionem illius, et studium bonum redundare faciet illi in vitam aeternam. Unde dicit Apostolus: *Deo autem gratias, qui semper triumphat nos in Christo Jesu, et odorem nostrae suae manifestat per nos in omni loco: quia Christi bonus odor sumus Deo, in his qui salvi fiunt, et in his qui pereunt.* Aliis quidem odor mortis in mortem; aliis quidem odor vitae in vitam (II Cor. ii), et caetera. Si autem dormitater paterfamilias, et furem venturum non observaverit et per desidiam illius horum quiddam perierit, damnum domino suo restituat: quia per negligentiam suam Dominicam pecuniam custodire non curavit. Hinc Dominus ad prophetam ait: *Si me dicente ad impium, Morte morieris, non fueris locutus, ut se custodiat impius a via sua, ipse impius in iniquitate sua morietur: sanguinem autem ejus de manu tua requiram. Si autem annuntians te ad impium, ut a viis suis convertatur, non fueris convertens a via sua, ipse in iniquitate sua morietur: porro tu liberasti animam tuam* (Ezech. xviii). Semper quidem cautus esse debet pastor, et pervigil in custodia sua; et si aliquem suorum per bestiam diabolicam laesam conspexerit, statim pro eo Dominum proces fundat, eumque admonet et curare festinet, ne ejus interitus in suae animae perniciem perveniat.

*Qui a proximo suo quidquam horum mutuum postularit, et aut debilitatum aut mortuum fuerit domino non presente, reddere compelletur. Quod si in presen-*

tiarum: facit dominus, non restituet; maxime si A  
 conductum venerat pro mercede operis sui. A proximo  
 igitur nostro mutuum postulamus, cum pro aeterna  
 remuneratione, curam gregis Domini suscipimus.  
 Sed si timorem Dei semper ante oculos cordis nostri  
 ponimus, et adventum ejus quasi exigentem pecuniam  
 nobis commissam formidamus, quasi in praesentia  
 ipsius semper sumus. Unde et Jacob ad Laban ait:  
*Nisi Deus patris mei Abraham, et timor Isaac affuis-*  
*set mihi, forsitan modo nudum me dimisisses* (Gen.  
 xxx). Et Apostolus dicit: *Scientes, timorem Domini*  
*hominibus suademus, Deo autem manifesti sumus*  
 (II. Cor. v). Et item de Deo inquit: *Quasi coram Deo*  
*in Christo loquimur. Interitus ergo debilitati aut mor-*  
*tui, pecoris pastori non reputatur si ejus curam*  
*strenue gessit: et quasi Deo praesente, reddituras*  
 rationem studiosissime laboravit. Si autem domino  
 non praesente damni quidquam factam fuerit, red-  
 dere compellitur, quia qui negligens est in cura pa-  
 storali; et secundum illam sententiam servi nequam,  
 dicitur in corde suo: *Moram facit dominus meus ve-*  
*nire, et cepit parvulos, pueraque et ancillas, et edere*  
*et bibere, et inebriari, paviet dominus servi illius in die*  
*quo non sperat, et hora quam nescit, et dividet eum,*  
*partemque ejus cum infidelibus ponet, et in carcerem*  
*misquet, non exibit inde, donec reddat novissimum*  
*quod dixerunt ei. Si seduceris quis virginem, aedum des-*  
*sponsatam, et dormierit cum ea, deturbit eam, et habet*  
*bit eam uxorem.* Virginem quippe, necdum despon-  
 tam, seductam, est quilibet sententiam canonicam  
 necdum ab alio impositam juxta sensum Patrum, ex-  
 positio exponere. Sed detem dare illi debet, et sic  
 habere uxorem: quia nisi per fidem catholicam san-  
 ctam adquisierit, ejus copula frui non licebit. Sequitur:  
 Si pater virginis eam dare noluerit, reddas percutiam  
 juxta modum dotis, quam virgines accipere consue-  
 verunt. Pater quidem virginis hoc est sententiae,  
 sensus est historicus, de qua nascitur oratio. Si ergo  
 historicus sensus in qualibet sententia invenitur,  
 qui charitatis regnum idonee aedificet; et regnum  
 cupiditatis sufficienter destruat, non videtur abesse  
 allegorica interpretatio illum exponit. Quam tamen  
 lector dote recte fidei honorare debet, et sic im-  
 pietatem suam expositione relinquere. *Maleficos non*  
*patiaris vivere.* Maleficos appellat illos qui praestigiis  
 magicis artis ac diabolicis figmentis causas agunt,  
 et ab uno Deo, qui verus est auctor omnium bono-  
 rum, avertere satagunt: quos ultra valere ad homi-  
 num perniciem lex non patitur, sed magis extinguere  
 jubet. Typica autem maleficos, haereticos possumus  
 accipere; qui non spiritu Dei, sed spiritu maligno  
 instigati, perversas sectas ad hominum deceptionem  
 introducunt; quos lex Domini interimere jubet, id est,  
 a conspectu fidelium, qui Deo vitam veram vivunt, ana-  
 themate penitus sequestrari, donec maleficium, id  
 est, error extingatur, qui noxie in eis vivere vide-  
 batur, ne eorum communicio simplicium fratrum fiat  
 contaminatio. Qui coierit cum jumento, morte mori-  
 riatur. Contra naturalem usum, brevis animalibus

per fornicationis instinctum vetat misceri: necnon  
 et stultorum hominum prohibet consortium, quorum  
 societas in fornicationem pessimam hominem facit  
 incidere, id est, animam per errorem separari a  
 Deo, et jungi per flagitium diabolo. Unde Scri-  
 ptura dicit: *Amicus stultorum efficietur similis*  
 (Prov. xiii).

## CAPUT II.

De eo quod vetat idolorum culturas, et instruit de  
 charitate et ceteris justificationibus legis, quae post  
 haec sequantur in volumine.

Qui immolat diis, occiditur: praeterquam Domino  
 soli (Exod. xxi), id est, qui divinum honorem soli  
 competentem Deo, alicui creaturae impenderit, nec  
 spirituali in anima multatur: in Tartarum utque  
 gehennae ignis, sine ullo remedio propter impieta-  
 tem, in aeternum puniendus praecipitabitur. *Advenam*  
*non contristabis, neque affliges eum. Advenae enim et*  
*ipsi fuistis in terra Aegypti. Viduae et pupillo non*  
*nocebis. Si laeseris eos, vociferabuntur ad me, et ego au-*  
*diam clamorem eorum, et indignabitur furor meus,*  
*percutiamque vos gladio, et erant uxores vestrae viduae,*  
*et filii vestri pupilli.* Dilectionem proximi per miseri-  
 cordiae compassionem commendat, ne forte furore  
 iracundiae permoti, aut avaritiae stimulo incitati,  
 naturae jus servare negligant; sed semper illius sen-  
 tentiae veritatis reminiscantur, qua dicit: *Omnia quae*  
*vultis ut faciant vobis homines, haec eadem et facite*  
*illis* (Matth. vi). Et ut alibi scriptum est: *Quod tibi*  
*quis fieri non vult, alio ne faciat.* Unusquisque ergo  
 indigenti proximo suo, in necessitate consulat, nec  
 unquam noceat, sed secundum vires soveat. Alter, in  
 videri Ecclesia; et in pupillo Christianus populus ac-  
 cipi potest: quam prohibet contristari per persecu-  
 tionem vel factam mundanum, ne forte talis insec-  
 tatio, ad perniciem eorum spiritualem perveniat,  
 qui eos frustra odiis et contumeliis molestant. *Si*  
*pecuniam mutuum dederis populo meo pauperi qui*  
*habitat tecum, non urgebis eum quasi exactor, nec*  
*usuris opprimes. Si pignus a proximo tuo acciperis*  
*vestimentum, ante solis occasum redde ei. Ipsum enim*  
*est solum, quo operitur indumentum carnis ejus: nec*  
*habet aliud in quo dormiat.* More suo Dominus pro-  
 vocat ad misericordiam, et beneficentiam corda au-  
 dientium: quod indigentibus proximis ex pecunia  
 abundantia opitulantur, dilectionis jam conservent,  
 quam aeternam illis parient in caelis remunerationem.  
 Aliter: Pecuniam mutuum populo pauperi dare, est  
 legis scientiam gentili populo impendere, qui pauper  
 spiritu est. Quem tamen argere, vel usuris, hoc est,  
 superabundantia aliqua opprimere vetat: quia post  
 perceptionem gratiae, ad caeremonias legis veteris ob-  
 servandas restorqueri non vult; quia finis legis est  
 Christus ad justitiam omni credenti. (Ex Gregoria.)  
 Item tropologice predicator Evangelii admonet,  
 ut superfluitatem rerum in praesenti non appe-  
 tant; sed habentes victum et vestitum, his con-  
 tenti sint, magisque recordentur illius Dominicae  
 sententiae, qua dicit: *Gratis accipitis, gratis date.*

et erit merces vestra multa in celo (Matth. x). Item secundum allegoriam hoc loco quid pignoris nomine, nisi peccati confessio datur intelligi? Frater etenim noster debitor nobis efficitur, cum quilibet in nos proximus deliquisse monstratur. Peccata quippe debita vocamus. Unde peccatori seruo dicitur: *Omnia debita dimisi tibi* (Matth. xviii). Et in Dominica quotidie oratione precamur: *Dimitte nobis debita nostra, sicut et nos dimittimus debitoribus nostris* (Matth. vi). A debitore autem nostro pignus accipimus, quando ab eo qui in nobis peccasse cognoscitur, peccati eius jam confessionem tenemus; per quam relaxare peccatum, quod in nobis perpetrandum est, postulamus. Qui enim peccatum quod commisit fatetur et veniam petit, jam quasi pro debito pignus dedit. Quod nimirum pignus ante solis occasum reddi iubetur: quia priusquam in nobis per dolorem cordis sol iustitiæ occidat, debemus et confessori veniam reddere, a quo confessionem accepimus culpæ: ut qui se deliquisse in nos meminit, a nobis etiam relaxatum sentiat quod deliquit. *Diis non detrahes*. Queritur quos deos, utrum principes qui iudicant populum, sicut dictum est Moysi, quod datus fuerat deus Pharaoni, ut per expositionem sit dicitur quod sequitur, velut ostendendo quos dixerit deos ubi ait: *Et principem populi non maledices*, quod Græcus habet: *Non dices male*. An secundum illud accipiendum est, quod Apostolus ait: *Nam etsi sunt qui dicantur dii, sive in celo sive in terra, sicut et isti multi et domini multi*. Addendo autem scienti sunt deos intelligi voluit: qui digne etiam dicuntur. Ita sane ut latria quæ dicitur Græce, et interpretatur Latine servitus: sed ea quæ ad religionem pertinere intelligitur, non debeat nisi uni Deo vero, qui nobis est Deus. Illi autem qui dicuntur dii, etiam si qui sunt, ubi merito dicuntur, prohibiti sunt, non iussi sunt maledici; nec tamen sacrificiis vel ullis latriæ obsequiis, honorari. *Decimas tuas et primitias non tardabis offerre. Primogenitum fructuum tuorum dabis mihi. De bubus quoque et de ovibus similiter facies*, etc. (Ex Isidorō). Iubetur quoque inter hæc Israëlítico, decimas frugum cunctarumque primitias rerum offerre Deo. Spiritualliter quippe primitiæ frugum vel primogenitorum, principia operum honorum ostendunt; vel ipsam bonam voluntatem, quæ prior est opere, quam peccatam sibi tribuendo offendant. Deus autem dum illa sibi a nobis iubet offerri, indicat ad ipsius gratiam pertinere. In decimis itaque Deo offerendis, denarius numerus perfectionem significat, quia usque ad ipsum numerus crescit; ideo sicut in primitiis primitiæ voluntatum, ita in decimis, consummationes nostrorum operum ad Deum referre precipimur, a quo et boni operis initium, et perfectionis donatur effectus. Quod autem iubetur primogenita animalium septem diebus cum matre sua manere, et in die octava reddi Domino, mystice signat, in presenti tempore quod per septenarium numerum designatur, eo quod septem dierum numero discurrit, necessario

unumquemque, bonorum operum primogenita, in Ecclesiæ unitate debere servare, et in fide catholica quidquid boni possit, elaborare, donec octava dies veniat, id est, resurrectionis tempus, quando ante tribunal iudicis Christi presentatus, bonorum operum remunerationem ab ipso accipiet. Unde dicit Apostolus: *Nolite ante tempus iudicare quoadusque veniat Dominus, qui et illuminabit abscondita tenebrarum, et manifestabit consilia cordium; et tunc laus erit unicuique a Deo* (I Cor. iv). Et item: *Omnes, inquit, stabimus ante tribunal Christi; ut recipiat unusquisque propria corporis prout gessit: sive bonum, sive malum. Viri sancti eritis mihi. Carnem quæ a bestiis fuerit prægustata, non comedetis, sed projicietis canibus* (Rom. xiv). Licet fas non sit secundum historiam, carnem pollutam bestiali dente dilaceratam, homini divinæ legi subdito, contra legem comedere, sed quasi immundam reputare, tamen allegorico sensu carnem, conversationem humanam, seu animale doctrinam intelligere possumus. Bestiam vero, hæreticum sive diabolum. Carnem vero, hoc est conversationem, quæ ab hæreticorum opere venenato laniatur, vel diabolica suggestionem decipitur, non est licitum homini Christiano imitari; sed quasi immundam projicere canibus, hoc est malignis spiritibus sive paganis aptam, atque consimilem deputare, secundum illam Veritatis vocem, qua iubet eum qui Ecclesiam non audierit, pro ethnico et publicano haberi (Matth. xviii). Et Apostolus mandat, *peccantem tradi Satanae in interitum carnis, ut spiritus sit salvus in die Domini* (I Cor. v). Item per morticinorum et a bestia captarum carniū prohibitionem, possumus advertere, non communicandum esse mensæ demoniorum his, qui pane cœlesti reficiuntur, juxta illud Apostoli: *Non potestis, inquit, mensæ Domini participari, et mensæ demoniorum* (I Cor. x). In his enim sunt vere morticina, et a bestiis capta quia enim simul sanctus, simul autem et nutritor substantiæ nostræ, intelligibilis prædictus panis est, nec pollutos enim percipere præcipit, vere rursus mundatos prohiberi non vult; utrumque enim plane et Paulus præcipit: *Quicumque enim, inquit, comedit panem, et bibit calicem Domini indigne, reus erit corporis et sanguinis Domini* (I Cor. xi). Ecce iste est pollutus et immundus. Hunc enim intelligis omnimodo indigne comedentem, a sanctorum prohibitum participatione. Quid autem his addidit: *Probet autem seipsum homo, et sic de pane illo edat, et de calice bibat*. Qui autem semetipsum probat, si peccati sibi conscius est, et pollutionem animæ se habere sentit, pœnitet sine dubio: et post pœnitentiæ de pane comedere et bibere rursus de calice sancto et impolluto potest.

*Non suscipies vocem mendacii; nec junges manum tuam, ut pro impio dicas falsum testimonium* (Exod. xxiii). Hinc itera scriptum est: *Non credas omni verbo*. Et alibi: *Testis falsus non erit impunitus. Non sequeris turbam ad faciendum malum; nec in iudicio, plurimorum acquiescens sententiæ ut a vero de-*



vies (Prov. xix), etc. Hæc ideo dicta sunt, ne se inde quisquam defendat, quia cum pluribus fecit, aut ideo patet non esse peccatum. Sequitur: *Et pauperis non misereberis in iudicio*. Nisi addidisset: in iudicio, magna esset quæstio. Sed intelligendum esset, etiamsi scriptum non esset. Supra enim dixerat: Non apponeris cum multitudine cum pluribus, ut declines iudicium, ac per hoc et pauperis non misereberis, possit intelligi, in iudicio. Sed cum additum est, nulla quæstio est hoc esse præceptum, ne forte cum iudicamus, videamus iustitiam esse pro divite contra pauperem, et nobis recte facere videamur, si contra iustitiam pauperi faveamus causa misericordix. Bona est ergo misericordia: sed non debet esse contra iudicium. Iudicium sane illud appellat Scriptura, quod iustum est. Ne quis autem propter istam sententiam Deum putaret misericordiam prohibere, quod sequitur, opportunissime sequitur. *Si autem oblativeris bovi inimici tui aut subjugali ejus errantibus, reducere reddes ei*. Ut scias non te prohibuit facere misericordiam, fac etiam erga inimicos tuos, cum potestas est a iudicando libera. Non enim cum reduces errantem bovem inimici tui et reduces, inter aliquos iudex resides: *Mendacium fugies. Insontem et iustum non occides, quia aversor impium*. Veritatem et iudicium Dominus amat; et ad hæc sequenda, populum suum per legem, prophetas atque Evangelium, exhortatur: quia non est personarum acceptor, sed singulis reddit secundum opera sua. *Non accipies munera, quæ excæcant etiam prudentes, et subvertunt verba iustorum*. Hinc per Sapientiam dicitur: *Avaro nihil est scelestius; nihil est iniquius quam amare pecuniam*. Hic enim animam suam venalem habet, quoniam in vita sua projecit intima sua. *Peregrino molestus non eris: scitis enim advenarum animas, quia et ipsi peregrini fuistis in terra Ægypti* (Ecc. x). Ex sua conditione unusquisque quomodo aliis misereri conveniat, perpendere debet. Unde et Dominus in Evangelio dicit: *Dimittite, et dimittetur vobis; date, et dabitur vobis* (Luc. vi). Mensura qua mensi fueritis, remetietur vobis. *Sex annis seminabis terram tuam, et congregabis fruges ejus: anno autem septimo dimittes eam, requiescere facies, ut comedant pauperes populi tui, et quidquid reliqui fuerit, edant bestie agræ. Ita facies in vinea et in oliveto tuo* (Aug.). Quærit potest, quid colligant pauperes, si septimo anno ita parit terra, ut nec seminetur quidem. Non enim ad vineam et olivetum pertinet, quod dictum est, *Edent pauperes gentis tuæ*, quia de terra non seminata nihil possunt sumere, ubi segetes nasci non possunt. De vinea enim et oliveto, postea dicit similiter esse faciendum, ac per hoc illud de arvis intelligitur quæ frumentis serviunt; ac sic accipiendum: *Sex annis seminabis terram tuam, et colliges fructum ejus: hoc est sex annis seminabis et colliges: septimo vero non colliges; ut intelligatur, Seminabis: etiamsi dictum non est, ut ad sex annos seminare et colligere pertineat, ad septimum vero dimittere quod fuerit seminatum. Nam quid*

inde habebunt pauperes, quorum residuum etiam feris bestiis dedit: eis videlicet qui illis frugibus vesci possint, sicut sunt apri et cervi, et etiam iustum: quod tamen non diceretur, nisi ab omni significationis gratia. Nam si quid attinet ad præcepta quæ hominibus data sunt, de lubus cura non est Deo. Quod non sic intelligitur, tanquam ipse non pascat ea quæ nec seminant, nec metant, neque congregant in horreum: sed quia ei curæ non est, præcepto monere hominem, quomodo bovi suo consulat. Quanto minus ei cura est de feris bestiis præcipere, quomodo illis ab hominibus consulatur, cum eas ipse pascat divitiis naturæ usquequaque fructifera, qui eas etiam per alios sex annos pascit, cum colliguntur quæ seminantur? Si quis autem quæserit, quid secundum allegoriam præsens præceptum de septimi anni frugibus dimittendis pauperibus populi, et bestiis terræ significet, sciat quia senarius numerus operum perfectionem significat. In septenario quoque, requies animarum exprimitur. Et bene in sex annis seminare terram nostram, et congregare fruges ejus præcipitur, quia in præsentis vite, quæ sex ætatibus constat, terram carnis nostræ exercere, et virtutum semina in eam serere debemus: quatenus augmentum honorum operum, et mercedis abundantia, inde nobis excrescens, in futuro requiem animarum nostrarum, siue ullo labore jam actionis nos percipere faciat. Quod autem pauperes populi seu bestie agræ comedere jubentur, quæ de labore nostro præterito in septimo anno accrescunt, significat, quod per eleemosynarum et charitatis obsequia, merces nobis in futuro parabitur. Denique eadem vinea et olivetum insinuat, gratia videlicet et misericordix opera futura bona præparantia. Si ergo non tantum amicis nostris indigentibus, verum etiam inimicis qui hostiarum nomine notati sunt, benefici existimus, sine dubio in vita futura, ubi jam non est tempus operandi, de benefactis præmia æterna consequemur. Unde et Salvator in Evangelio nos admonet dicens: *Facite vobis amicos de mammona iniquitatis: ut cum defeceritis, recipiant vos in æterna tabernacula* (Luc. xvi). Hinc et doctor gentium ait: *Qui parce seminat, parce et metet. Qui seminat in benedictionibus, de benedictionibus metet vitam æternam*. Quod autem sequitur: *Sex diebus operaberis, septimo die cessabis, ut requiescat bos et asinus tuus, et refrigeretur filius ancillæ tuæ et advena*. Ad eundem intellectum pertinet, ut scilicet in præsentis tempore, bene laborando unusquisque studeat, tam disciplinatus quam hebes, tam servus quam liber, tam dives quam pauper, quatenus æternæ requiei exspers non fiat, quin potius merito rectæ fidei ac bonorum operum, gaudii æterni particeps existat. *Omnia quæ dixi vobis, custodite: et per nomen externorum deorum non jurabitis, neque audietur ex ore vestro*. Hic apparet quantum præcellat umbra Veteris Legis veritas Evangelii. Hæc ergo jurare per nomen externorum deorum tantummodo prohibentur: per nomen autem Domini ju-

travo non vetantur. Hic quoque interdicitur omnino non jurare, neque per arborum, neque per terram, neque per Jerusalem, neque per aliquid aliud, nisi solummodo austeritatem, Est, est, Non, non. Evangelica autem veritas non recipit juramentum, cum omnis sermo fidelis, pro iurando sit. Sicut enim falsum loqui nos potest, qui non loquitur; sic perjurare non potest, qui non iurat. Ne ergo juramenti usus ad iudicium colenda promoveat, veteribus quasi paryulis sub lege, per nomen exterorum deorum jurare, denotatur, magisque in Dei nomine si vellent, iurare, permittitur: cui, cultum debitum, per omnia impendere precipitur, sicut victimarum carnalium oblatio concessa est, iisdem in templo Domini uni Deo offerri, ne idolis exhiberent, cuius usum penitus deserere noluisse.

CAPUT III.

De scribis solemnissimas precipuis, in quibus omne masculinum Domino praecipari, in lege acceptum est.

Tribus modis, per singulos annos festa celebrabitur (Ecc. xxiii). Tres festivitatis, praecipuas hoc loco observandas, praeter alias festivitatis, maxime commendat, id est, Pascha, Pentecostes et Scenoegia. Qui consequenter enumerat: Solemnitatem, inquit, septem diebus comedes azymas sicut praecipit tibi tempore mensis novorum, quando agrorum tuae de Aegypto. Non apparebis in conspectu meo vacuus. Hic mensis apud Hebraeos Nisan appellatur, apud Graecos vero Xanticus, apud Latinos Aprilis dicitur. Qui ideo mensis novorum nominatur, quia nova fruges eodem mense primitus metantur. (Ex Josepho.) De quo quid Josephus in Antiquitatum libro tertio referat, commemorandum censemus. Secunda, inquit, azymorum die, quae est sexta et decima, frugum primitias quas metunt, antequam ex eis vescantur, Deum iudicantes, iustum esse primitiis honorari, quo sint hac ubertate completi, offerunt isto modo: Siccantes spicarum manipulum, et contundentes, et munda ad coquendum hordea facientes, arae Dei assarium offerunt: et unam drachmam, ex eo mittentes, reliquum sacerdotum usui derelinquant: et tunc iam licebit omnibus pro sua metere voluntate. Immolant autem in primitiis frugum, agnum holocaustum Domino. Et solemnitatem mensis primitivorum operis tui, quaecunque severis in agro. (Ex Josepho.) Hinc idem Josephus: Septima vero, inquit, septimana transacta post hoc sacrificium, quarum septem hebdomadarum dies sunt quadraginta et novem, Pentecoste celebratur: quam Hebraei Asartha vocant, quod significat Pentecosten, id est, quinquagesimam; in qua offerunt Deo panes de alphyta siccata factos, cum fermento assarium duorum: et ad mactandum agnas duas. Solemnitatem quoque in exitu anni facias, quando congregaveris omnes fruges tuas de agro. Ostendit quoque his verbis, quod iam ex maturis frugibus haec oblatio offertur, cum tunc adsit tempus messis. Exitum anni appellat finem aestatis,

quando iam fructus totius anni collecti sunt. Et haec eadem festivitas in septimo mense, quem Hebraei Theseri, Macedones iureferam vocant, Latini Octobrem, in cuius principio, Iudaei solemnitate agentes, amplius tuba canebant, et plura offerebant sacrificia, quam per singulos menses. In quo dies expiationum erant, et dies Scenoegiae eodem mense, decimo quinto die celebrabantur, solemnitates scilicet tabernaculorum, in quo plurima et diversa offerebantur sacrificia. Haec secundum historiam. Spiritualiter quoque tribus vicibus, per annos singulos festa celebramus, cum omni tempore presentis vitae, in sanctae trinitatis confessione per fidem, spem et charitatem, honorum operum, obsequia spiritualiter, gaudentes Deo conditori nostro exhibemus. Nam Pascha celebramus mense novorum, cum per sanguinem agni immaculati ab Aegypto servitute liberati, per spirituales aquas de veteri homine in novum transimus: ambulantes non in vetustate littere, sed in novitate spiritus; quo in terram re-promissionis, per Christi gratiam Domini et Redemptoris nostri, pervenire valeamus. Solemnitatem ergo mensis primitivorum celebramus, cum omnium operum nostrorum, voluntatum ac sermonum primitias Domino consecramus. Solemnitatem quoque in exitu anni, quando congregatis frugibus dies Scenoegiae celebrantur, tunc veraciter agimus, quando congregatis virtutum fructibus, usque ad finem vitae, et introitum regni caelestis, pervenire contendimus. In tabernaculis utique septem diebus commemorantes: quia per omne tempus vitae presentis, peregrinos nos in saeculo esse agnoscendo, requiem non hic, sed in futura vita requiramus. Quid tunc digne fit, si hoc sedulo tractantes, implere satagimus. Quod supra dictum est: Non apparebis in conspectu meo vacuus. (Ex Gregorio.) In conspectu Domini vacuus apparet, qui nihil secum de fructu sui laboris portat. Allus namque adipiscendis honoribus exsudat, alius multiplicandis facultatibus extat, alius promerendis laudibus anhelat. Sed quia cuncta haec hic quisquis moriens deserit, ante Dominum vacuus apparet, quia secum ante iudicem nihil tulit. Hinc ergo per legem salubriter admonemur vacuam: Non apparebis in conspectu Domini vacuus. Qui enim promerendae vitae mercedem, bene agendo non providet, in conspectu Domini vacuus apparet. Hinc de justis per Psalmistam dicitur: Venientes quidem venient in exultatione, portantes manipulos suos (Psal. cxxv). Ad examen quippe iudicii portantes manipulos veniunt, qui in semetipsis recta opera quibus vitam mereantur, ostendunt. Sequitur: Ter in anno apparebit omne masculinum tuum coram Domino Deo. Quid est quod feminis tacitis, de masculinis lex mandat in conspectu Domini presentibus, nisi quod Creator noster quidquid molle, quidquid fragile, et infirmum in nostra conversatione est reprobandis, fortia virtutum opera a nobis exquirat? Si enim in fide Patris et Filii et Spiritus sancti, pro aeternae mercedis adeptu, tempore vitae praesentis

bonis operibus stadium impendimus, masculinum nostrum sine dubio, ante conspectum Domini digni stitimus.

Non immolabis super fermento sanguinem victimæ meæ. Fermentum quod in sacrificio Domini offerri non dicitur, ut saepe diximus, iniquitatis et nequitiae symbolum significat. Non immolabis, ait, super fermento sanguinem victimæ meæ. Ac si diceret: Caveas ne in oblatione qua Dominum placare desideras, aliquid doli aut nequitiae intermiscas: quia sinceritas iustitiæ Deo maxime placet. Item hæc sententia nos admoneri sciamus, quod in sacrificio corporis et sanguinis Domini, munditiam cordis et operis studeamus habere: ne in offerendo vitæ libamine, foedi et ingrati coram Domino appareamus.

Sequitur: Nec remanebit adeps solemnitatis meæ usque mane. Per hanc sententiam nos instruit, ne opus misericordiae vel cæterarum pinguedinem virtutum, in mane resurrectionis futuræ faciendum differamus, quia ibi actionis tempus jam nullum erit, sed dies iste retributionis, ut recipiat unusquisque prout gessit tempore carnis suæ, quando licuit operari. Primicias frugum terræ tuæ deferas in domum Dei tui. Primordia utique omnium operum tuorum, in Ecclesia Domini digne conversans, Creatori tuo grante exhibeas: quia hæc est domus una, in qua agnus paschalis comedi jubetur: nec non et omnium munerum aptissimus locus est ad offerendum. Non coques hædum in lacte matris suæ. Sive juxta aliam editionem: Non coques agnum in lacte matris suæ.

Quomodo intelligatur ad verborum proprietatem, nescio utrum possit reperiri. Si enim alicujus significationis causa prohibitum acceperimus agnum in lacte coqui, nullus usus est ita coquendi. Si autem in diebus quibus lactatur, quis hoc habuit unquam Judæorum in observatione, ut agnum coqueret, nisi cum desideret sugere? Quid est autem in lacte matris suæ? quasi posset etiam si hoc intelligeretur, sine hujus præcepti transgressione coqui, si eo nato, mortua matre ejus, ad ovis alia lactaretur. Cum alicujus profecto rei significanda causa sint præcepta, nemo ambigit, etiam illa quæ possunt cum observantia facilitari non sine causa ita sunt præcepta. Significant enim aliquid. Hoc vero quomodo observetur, ad proprietatem verborum aut non est, aut non elucet. Lectum tamen de Christo approbo, quod hæc prophetia prædictus est non occidendus a Judæis infans, quando Herodes quærens eum ut occideret, non invenit. Ut, coques, quod dictum est, pertineat ad ignem passionis, hoc est tribulationem. Unde dicitur: Vasa figuli probat fornax: et homines justos, tentatio tribulationis (Eccl. xxvii). Quia ergo non est tunc infans passus, cum quærento Herode, hujusmodi periculum imminere videretur, prædictum est his verbis: Non coques agnum in lacte matris suæ. Illud quoque forsitan non absurdum est, quod alii dicunt, id esse præceptum per prophetiam, ne se homines Israelitæ sociarent malis Judæis, a quibus Christus passus est, tanquam agnus in lacte matris suæ,

id est eo tempore quo conceptus est. Dicuntur enim femine ex quo conceperint, hæc colligere. Illorum autem mense passum esse Christum et Pascha observatio, et dies ecclesis notissimus natiuitatis ejus, ostendit. Qui enim mense novo natus est, octavo Kalendas Januariæ, profecto mense primo conceptus est, circa octavam Kalendas Aprilis: quod tempus etiam passionis ejus fuit in factis matris suæ: hoc est in diebus matris suæ. Item per tropologium, Non coques hædum in lacte matris suæ. Hædus hic sub peccatoris figura introducitur. Proinde peccans non est coquendus in lacte matris, id est non est purgandus in delictibus reuerentissimæ Ecclesiæ disciplinæ, sed in superioribus præceptis ejus sunt excoquenda peccata, quæ magna sunt crimina, ut qui per lasciviam blandimenta se perdidit, fortiore disciplina se redimat.

CAPUT IV.

Ubi prædicit expulsurum se gentes per manum angeli a facie filiorum Israel, si tamen audierint præcepta Domini et facerent eam.

Ecce ego mitto angelum meum qui præcedat te et custodiat in via, et introducat ad locum quem paravi. Observa eum, et audi vocem ejus, nec contemnendum putes, quia non dimittet eam peccatoris et est nomen meum in illo (Exod. xxiii). Hæc sententia secundum historiam Josue autem populi Israeliticæ dicitur: qui idcirco angelus nominatur, quia ad legationem Domini peragentiam destinatus est. Angelos enim Græce, nuntios vocamus. Et bene Josue nuntius dicitur potest, quoniam in Israelitis Domini mandata innotuit, et gentibus Dei potentiam ac terrorem intulit. Cujus vocem Dominus jubet populo suo obtemperare. Unde et idem populus ad eam dixisse refertur: Sicut obedivimus, inquit, Moysi, sic obediemus et tibi. Tantum sit Dominus Deus tecum, sicut fuit eum Moysi. Qui contradixerit orationi tuæ, et non obedierit cunctis sermonibus tuis quos præcepisti ei, morietur (Josue i). Et, inquit, nomen meum in illo. Bis certe nomen Domini erat in Josue, quæ et Israelita fuit. Israel enim interpretatur vir videns Deum, sive princeps cum Deo. Et nomen Jesu, id est, salvatoris in se habuit: quem et in officio et nomine præfiguravit. Nam secundum allegoriam, ipse angelus, ipse Dominus et redemptor noster intelligi potest. Nam ipse per prophetam propter dispensationem humanitatis, magni consilii angelus nuncupatur, quia suæ et paternæ voluntatis est annuntiator. Quem qui non audierit, exterminabitur de populo suo. Nomen enim Dei in illo veraciter est, quia cum sit homo verus Deus agnoscitur. Sequitur: Quod si audieris vocem ejus, et feceris omnia quæ loquor, inimicus ero inimicis tuis; et affligam affligentes te; præcedetque te angelus meus, et introducet ad Amorrhæum, et Ethæum, et Pherezæum, Chananeumque et Evæum et Jebuzæum, etc. Historialiter enim populum Israeliticum Josue introduxit in terram repromissionis, ejiciens gentes quas prænominauit a facie eorum, comminuens idola et destruens aras eorum. Spiritualiter autem Redemptor noster, in nobis has septem gentes cum si-

mulieris eorum exterminat, cum septem principalia vitia a nobis eicit, et omnem dolum inimici, de cordibus nostris procul pellit, quatenus naturæ nostræ terram pleniter ac perfecte possideamus. Radix quippe cuncti mali, superbia est, de qua Scriptura attestante dicitur: *Initium omnis peccati superbia* (Ecc. 1). Primæ autem ejus soboles, septem nimirum principalia vitia, de hac virulenta radice proferruntur: scilicet inanis gloria, invidia, ira, tristitia, avaritia, ventris ingluviæ, luxuria. Nam quia his septem superbiæ vitis nos captos doluit, idcirco Redemptor noster ad spirituale liberationis prælium, spiritum septiformis gratiæ plenus venit. Quod vero istarum perniciosarum gentium regiones salubriter possidere præcipimur, ita intelligitur. Habet unum quodque vitium in corde nostro propriam stationem: quam sibi vindicans in animæ nostræ recessu exterminat Israel, id est contemplationem rerum summarum atque sanctarum, eisque semper adversari non desinit. Non enim possunt virtutes cum vitiis pariter morari. Quæ enim participatio justitiæ cum iniquitate? aut quæ societas luci cum tenebris? Sed cum Israelis populo, id est a virtutibus contra se dimicantibus, fuerint vitia superata, locum quem sibi in corde nostro concupiscentiæ vel fornicationis spiritus retinebat, ibi deinceps castitas obtinebit. Quem furor cooperat, potentia vindicabit. Quem tristitia mortem operans occupaverat, salutaris et plena audio tristitia possidebit. Quem acedia vastavit, incipiet excolere fortitudo. Quem superbia conculcabat, humilitas honestabit: et ita singulis vitiis expulsis, eorum loca, id est, effectus, virtutes contrariæ possidebunt. Quæ filii Israelis, id est, animæ Deum videntes, non immerito nuncupantur: qui cum universas cordis expulerint passiones, non tam alienas possessiones pervasisse, quam proprias recuperasse credendi sunt. Etenim quantum docet vetus traditio has eadem terras Chananeorum, in quas introducuntur filii Israelis, filii Sem quondam fuerant in orbis divisione sortiti: quas deinceps per vim atque potentiam posteritas Cham per invasionis iniquitatem possedit. In quo et Dei judicium rectissimum comprobatur, qui et illos de locis alienis quæ male occupaverant expulit; et isti sancti tanquam patrum possessionem, quæ prosapiæ eorum divisione orbis fuerat deputata, restituit. Quæ figura in nobis quoque stare certissima ratione cognoscitur. Nam voluntas Domini possessionem cordis nostri, non vitiis sed virtutibus naturaliter deputavit. Quæ post prævaricationem Adæ insolescentibus vitiis, id est, populus Chananeus a propria religione depulsa, cum eis forsium per Dei gratiam diligentia nostra ac labore fuerint restituta, non tam alienas occupasse terras, quam proprias credendæ sunt, recepisse. De his octo vitiis et in Evangelio ita significatur: *Non adorabis deos eorum, nec coles eos. Non facias opera eorum, sed destrues eos, et confringes statuas eorum, servietsque Domino Deo vestro, ut benedicam panibus tuis et aquis, et auferam infirmitatem de medio tui.*

*Non erit infecunda nec sterilis in terra tua. Numerum dierum tuorum implebo* (August.). Quoniam iste promissiones possint et spiritualiter intelligi, tamen cum secundum temporalem hominum felicitatem intelliguntur, ad Vetus Testamentum pertinet, ubi quaquam præcepta, exceptis his quæ in sacramento aliquid significant, eadem ad mores bonos pertinentia reperiuntur, promissiones tamen carnales atque terrene sunt. Unde in psalmo septuagesimo secundo, pene lapsos et effusos gressus suos homo dicit, cum zelaret in peccatoribus, pacem peccatorum intuens. Ea quippe cernebat abundare impiis, quæ ipse secundum Testamentum Vetus expectabat a Domino Deo, cui hac mercede serviebat. Et cum hinc ei subripere cœpisset sensus impius, quod Deum non curare existimaret humana, correctum se dicit, cum auctoritatem sanctorum non est ausus improbare; et cœpit cognoscere et ait: *Hoc labor est ante me: donec intrem in sanctuarium, et intelligam novissima. Ibi enim præmia dantur, ad Novum pertinentia Testamentum, quæ impii non accipiunt; et pœnæ tunc futuræ sunt in piorum, quas nullus piorum sensurus est. At tamen benedictionem aliquam in hac presenti vita sancti accipiunt, dum fecunditatem bonorum operum illis Dominus tribuit, et copiam virtutum, ut in progressu sanctorum actionum legem Domini quæ eis data est, ad custodiendum opere consummant, quatenus ad æternæ beatitudinis præmia pervenire mereantur. Unde Propheta dicit: *Etenim benedictionem dabit qui legem dedit: ambulabunt de virtute in virtutem: videbitur Deus deorum in Sion* (Psal. LXXXIII). Ibi quippe numerus dierum eorum implebitur, ubi summa perfectio tribuetur, et stabilitas æternitatis largitur. *Cunctorumque inimicorum tuorum coram te terga vertam: emittens crabrones prius, qui fugabunt Ercæum, et Chananeum, et Ethæum antequam introeas.* Quæritur de istis bestiis, quid intelligendum sit. Nam et promittit hoc Deus, et liber Sapientiæ dicit, ubi impletum ait: *Et misit antecessores exercitus sui vespas* (Sap. XII). Non autem legitur factum, neque Moysi temporibus, neque sub Jesu Nave, neque sub iudicibus, neque sub regibus. Ac per hoc vespæ istæ aulei timoris intelligendi sunt, fortasse quibus agitabantur memoratæ gentes, ut cederent filiis Israel. Deus enim loquitur: in cujus sermone si figuratè aliquid dicatur, quod ad proprietatem non sit impletum, non impedit historiæ fidem in qua perspicitur veritas narratoris. Sicut nec evangelistarum narratio secundum proprietatem impeditur, si aliquid a Christo dicitur figuratè.*

## CAPUT V.

*Ubi enarrat se emissurum crabrones ante Israel, qui fugent alienigenas coram eis; et de benedictione de terra repositionis possidenda.*

*Non ejectionem eos a facie tua anno uno, ne terra in solitudinem redigatur, et crescant contra te bestie. Paulatim expellam eos de conspectu tuo, donec angearis et possideas terram* (Exod. xxiii). Manifeste Dominus designat ob quam causam gentes, quarum

terram israelitico populo se daturum promisit, simul offerre noluit: nique ut experiretur et erudiret in eis Israel; ut essent qui peccantes arguerent, et ad timentium Deum improbos compellerent. Mystice autem, electos suos de corruptibilitate carnis, expulsiis mollis vitiorum turpis, aliquibus Dominus permittit impignari, quatenus habeant semper in quibus se exercent, ne forte per inertiam in majorem ruinam peccatorum cadant. Unde et doctori gentium penenti, ut Dominus a se angelum Salame qui eum colaphizabat auferret, responsum est: *Sufficit tibi gratia mea* (II Cor. xii). Nam virtus in infirmitate perficitur. *Ponam autem sermões tuos a Miar Rubro usque ad Mare Palæstinorum; et a deserto usque ad fluvium* *Uradam manibus vestris habitatores terræ; et esciam eos de conspectu tuo. Non timbis cum eis factus, neq. tim. illis eorūm. Non habitent in terra tua, ne forte peccare te faciant in me, si servieris diis eorūm: quod tibi certo erit in scandalum.* Si servieris aliis eorūm, erunt tibi offendicillim. Ille Græcus *ὁμοιωσις* habet *ὁμοιωσις*. Unde intelligitur, quia et iustia debetur Deo tanquam Dominū. *Lactia vero non nisi Deo, tanquam Deo. Moysi quoque dicit: Ascende ad Dominum tu et Aaron, Nadab et Abia: et septuaginta senes ex Israel, et adbrabilis procl: solusque Moyses ascendet ad Dominum: et illi non appropinquabunt, nec populus ascendet cum eo* (Exod. xxiv). Quid est quod Dominus primum præcipit, ut Moyses et Aaron, Nadab et Abia, et septuaginta senes ex Israel ascendant ad Dominum, et statim subiungit, quod solus Moyses ascendat ad Dominum, ceteri autem non appropinquent, sed adorent procul, nisi quod moraliter nos instruit, ut unusquisque perpenderit discretè vires suas, et vigorem animi, ut ultra quam se prævalere conspiciat ad virtutum arcem, vel ad culmen contemplationis se erigere non presumat; sed quantum divina clementia eum provocat, vel Scriptura sacra edocet, tantum progrediatur? Quod autem quidam ait: In præceptum pedem ponit, qui mensuram suam limitem discretè non attendit: Sequitur: *Populus autem non ascendet cum eo.* Populum infirmos auditores appellat, seu qui adhuc terrenis cupiditatibus implicentur. Quibus interdicit ascendere cum Moysè, quia ad arcem scientiæ diviniæ legis pertingere non poterant, quos amor terrenus in inferioribus tenet.

Veni ergo Moyses, et narrauit plebi omnia verba Domini utque iusticia. Responditque cunctus populus una voce: *Omnia verba Domini quæ locutus est, faciemus et audiemus* (Ex Augustino.) Usque ad hunc locum Scripturæ, justificationes intelliguntur quæ dantur sunt populo ad observandum: incipiunt autem quantum ipsa verba Scripturæ indicant, unde hoc nomen justificationum exorsum est, ab illo servo Hebræo cui auris ad postem pertunditur. In quibus omnibus justificationibus considerandum est, quæ inde ad agendam vitam, et morum bonorum conversationem duci possunt. Multa quippe in eis sunt sacramenta significantia potius aliquid, quam vitam nostram in-

struentia. Justificationes sane Latini interpretes eas esse dixerunt, quæ Græci *δικαιώματα* appellant. Notandum est quod iterum populus ista respondet: *Omnia verba quæ locutus est Dominus, faciemus et audiemus*, cum videatur ordo postulare ut diceretur, *audiemus et faciemus*. Sed mirum nisi aliquis sensus hic lateat. Nam si *audiemus*, pro eo positum est, quod est *intelligemus*, prius oporteret verbis Dei reddere facienda servitutem, et ad intelligentiam eorum verborum quæ ipso præcipiente non merito devotionis qua non contempta sed facta sunt, ipse perducit. Sed videndum est utrum iste populus in illis annis inveniat, qui patri jubente dixit: *Ibo in vineam, et non ibit* (Matth. xxi). Sentēs enim quæ Deum contempserunt, postea per nullis obedientiam B justificatione, quæ non sectabantur iustitiam, apprehenderant Injustitiam.

CAPUT VI.

De eo quod edificavit Moyses altare ad radicem montis, et de oblatione in eo lococastis.

Scriptum autem Moyses universos sermões Domini; et mane consurgens edificavit altare; ad radices montis, et duodecim titulos per duodecim tribus Israel (Exod. xxiv). Notandum quod Moyses edificavit altare sub monte, et duodecim lapides in duodecim tribus Israel. Intelligitur enim ex duodecim lapidibus altare edificatum, significasse ipsum populum esse altare Dei, sicut est templum Dei. Aliter: Ad radices montis Moyses altare edificat; et duodecim titulos per duodecim tribus ponit Israel, cum lex divina ante ascensum virtutum aram fidel in cordibus nostris jubet nos statuere, et secundum libertatem duodecim apostolorum; ritum religionis formare. *Mistiquæ juvenes de filiis Israel; et obtulerunt holocausta: immolaveruntque victimas pacificas Domino vitulos.* Holocaustum Domino offert qui seipsum Deo dedicat. Et bene juvenes de filiis Israel dicuntur offerre holocausta, quia non nisi fortium est vite perfectionem appetere. Ceterum qui adhuc infans est, hoc est rudis in fide, vel quem senectus debilitat, id est, quem consuetudo carnalis premit, non est habilis ad holocausta Domino offerenda, sed mandata legis inferiora servet, per quæ salvetur. Unde ipsa Veritas in Evangelio seiscitanti de salute sua, primum respondit: *Si vis, inquit, ad vitam ingredi, serva mandata.* Et paulo post de perfectione taliter docet: *Si vis, inquit, perfectus esse, vende et vende omnia quæ habes, et da pauperibus, et habebis thesaurum in celo: et veni, sequere me* (Matth. xix).

Victimas ergo pacificas Domino offert vitulos, qui compressis incentivis vitiorum, jucunditatem bonooperum pacifica mente exhibet Deo. (Ex Augustino.) Notandum autem quod secundum aliam editionem ita legitur: *Et immolaverunt hostiam salutaris Deo.* Non dixit hostiam salutarem, sed *hostiam salutariis*, quod Græcus habet *σωτηριον*. Unde in psalmo: *Calicem, inquit, salutaris accipiam* (Psal. cxv). Non dixit calicem salutarem. Ubi videndum est, ne forte ille significetur, de quo dixit Simcon: *Quoniam ni-*

derunt oculi mei, salutare tuum (Luc. 11). Hunc enim et psalmus commendat ubi legitur: *Bene nuntiavit diem ex die, salutare ejus (Psal. xcvi)*. Quid est enim aliud si diligentius attendamus, quod ait diem ex die, nisi lumen ex lumine, hoc est Deum ex Deo, qui est unigenitus Filius? *Sumens autem Moyses dimidiam partem sanguinis, infudit in crateram, et partem reliquam sanguinis in altare; et accipiens librum testamenti, recitavit in aures populi*. Notandum est nunc primum sacrificare Moysen, evidetur Scripturam dicere, ex quo ex Aegypto eductus est populus. Primo enim de Jethro dictum erat socero ejus, quamvis cum aliqua ambiguitate, quod immolaverit Deo. Et advertendum librum testamenti cum sanguine hostiæ recitari; in quo libro illas justificationes conscriptas debemus accipere. Nam decalogum legis in tabulis lapideis fuisse conscriptum postea manifestum est. *Et dixerunt: Omnia quaecunque locutus est Dominus, faciemus et audiemus*. Non aliter respondent ecce jam tertio. *Ille vero: sumpsum sanguinem, respersit in populum et ait: Hic est sanguis fœderis, quod pepigit Dominus vobiscum, super cunctis sermonibus his*. Hunc locum Paulus apostolus, in Epistola ad Hebræos, quomodo Dominicæ passionis sanguinem significet, manifestissime exponit. *Quia omnia penè in sanguine mundantur secundum legem: et sine sanguinis effusione, non fit remissio (Hebr. ix)*. Nam sanguis ille quo Moyses populum aspergit, ac purificat librum legis, et tabernaculum testamenti, et omnia quæ in eo erant dicens: Sanguis hic, sanguinis testamenti, mirifice Domini Jesu sanguinem prædicare monstratur, quo omnium credentium corda purgantur, quo fides Ecclesiæ signatur, quo omnia, id est corpus omne tabernaculi sanctificatur, dicente Domino discipulis: *Hic sanguis meus Novi Testamenti: qui pro multis effundetur (Matth. xxvi)*. Adimpletum in veritate id, quod per Moysen fuerat ostensum in imagine.

Ascenderunt Moyses et Aaron, Nadab et Abiu, et septuaginta de senibus Israel, et viderunt Deum Israel. Sub pedibus ejus quasi opus lapidis sapphirini et quasi cælum cum serenum est. Nec super eos quod præcæl recesserunt de filiis Israel, misit manum suam: videruntque Deum, et comederunt ac biberunt. (Ex Augustino.) Constat inter eos qui recte intelligunt, nullo Deum contineri loco, nec aliquo velut situ corporis membra ponere, sicuti est nostri corporis sedere, jacere, stare, et si quid hujusmodi est. Hæc enim non sunt nisi corporum; Deus autem spiritus est. Quod ergo se ostendit specie corporali, vel signis corporaliter expressis, non substantiâ ejus apparet, quæ est ipse quod est: sed assumptio formarum visibilium, ejus omnipotentia subjacet. Et de electis Israel non dissonuit nec unus, et apparuerunt in loco Dei, et manducaverunt et biberunt. Quis dubitet illos quos nominatim expressit, et septuaginta seniores nunc appellatos, electos Israel: qui præcæl dubio personam gerebant eorum, qui electi sunt in populo Dei? Non enim omnium est fides:

et novit Dominus qui sunt ejus (Rom. ix). In magna autem domo sunt alia vasa in honorem, alia in contumeliam: *Quoniam quos ante præscivit, et prædestinavit; quos autem prædestinavit, illos et vocavit; quos autem vocavit, illos et justificavit; quos autem justificavit, illos et glorificavit. (Rom. viii)*. Profecto de electis Israel non dissonuit nec unus. Significatur autem quaternarius numerus in Moysè et Aaron, Nadab et Abiu, propter quatuor evangelia, et totius orbis qui in quatuor partes dividitur promissionem. Et septuaginta de senioribus Israel. Numero scilicet septenario decuplato: qui pertinet ad significandum Spiritum sanctum. Sapphiro autem significatur vita cœlestis, maxime quia dictum est, sicut aspectus firmamenti. Firmamentum autem cœlum appellari quis nesciat? Et forma lateris in eodem sapphiro, quadraturam ipsam vel stabilitatem, vel ejusdem quaternarii numeri sacramentum figurat. Quod autem manducant et bibunt in loco Dei, suavitatem saturitatemque significat in illo regno æternitatis. *Beati enim qui esuriunt et sitiunt justitiam: quoniam ipsi saturabuntur (Matth. v)*. Unde et Dominus dicit venturos multos. Quos utique nisi electos præscitos, prædestinatos, vocatos, justificados, glorificatos, et recubituros cum Abraham, et Isaac, et Jacob in regno cœlorum? Et alio loco ipse hoc promittit fidelibus suis, *quod faciat eos recumbere, et transeat et ministret eis (Luc. xii)*. Quid sibi vult quod Jesu Nave non commemoratus in illis quatuor, subito cum Moysè apparet, et cum illo ascendit in montem, ad accipiendas tabulas legis, et subito rursus Jesus absconditur, id est tacetur, et Moyses accipit legem in duabus tabulis, et cum eo iterum apparet? An forte significat Novum Testamentum nomine Jesu, et absconditum esse in lege, et aliquando apparere intelligentibus? Quod vero Jesus jam vocatur, cum in libro Numerorum quando id nomen accepit Scriptura testatur, quod jam prope esset ut terram promissionis intraret, per prolepsin, hoc est per præoccupationem anticipat Scriptura, quod postea factum est. Omnia quippe ista postea quam facta sunt, scripta sunt: ac per hoc quando factum est quod modo commemoratur, nondum vocabatur Jesus; sed quando scriptum est, jam hoc vocabatur. Omnia autem, sicut Apostolus ait, in figura continentur illis: scripta sunt autem propter nos omnia (I Cor. x); videlicet non solum facta vel verba, quæ sacris litteris continentur, verum etiam locorum et aurarum, et temporum situs: et ipsarum quoque in quibus gesta sive dicta sunt, circumstantia rerum.

## CAPUT VII.

De ascensione Moysi in montem ut legem acciperet a Domino, scriptam in tabulis: quod et fecit. Dixit autem Dominus ad Moysen: Ascende ad me in montem, et esto ibi: daboque tibi tabulas lapideas, et legem ac mandata quæ scripsi, ut doceas filios Israel (Exod. xxiv). [Ex Beda.] Daturus ergo legem Moysi Dominus, primo illum in verticem montis evocat, ut in alto secum demoratus liberius audiat, quæ

ad inferiora rediens populum præcepta doceat. Sic et in Evangelio Dominus, novos gratiæ præcones in montem convocans, præceptis salutariis instituit, ut ex loci etiam situ patesceret, quia sublimia illis vel mandata vivendi, vel promissa daret remunerandi. Et legis ergo et Evangelii præcepta Dominus in monte dedit, ut sublimitatem per hoc utriusque Testamenti commendaret. Verum quia Scriptura legis uni tunc populo Israel committenda, gratia vero Evangelii ad omnes per orbem nationes apostolis predicantibus erat perventura, recte ad discendam accipiendamque legem, solus Moyses ascendit in montem: doctrinam vero Evangelii, apostoli simul omnes in monte cum Domino positi, auscultantibus etiam turbis audierunt. Sed et audierunt per gratiam sancti Spiritus, quo hæc eadem gratia et veritas Evangelii manifestius Ecclesiæ data est, non apostoli solummodo, verum etiam plurima simul cætera fidelium, quando in cœnaulo montis Sion constituta suscepit; et hoc in variarum divisione linguarum, ut tali miraculo Ecclesiam cunctarum per orbem gentium, linguis Deum collaudatura signaretur. Daboque tibi tabulas lapideas, et legem ac mandata quæ scripsi, ut doceas eos. Huic simile est illud Evangelii quod, supra posuimus: *Docentes eos servare omnia quæcunque mandavi vobis (Matth. ult.)*. Non ergo Moyses, non apostoli, non quilibet doctorum alia debet populum Dei docere quam quæ ipse Dominus docuit, quæque consilii sui decreto nobis observanda præscripserit, et in quorum observatione vitam nos habere æternam voluit. Scripsit autem hæc in tabulis lapideis, quia in cordibus electorum fide fortibus, fixa intentione custodienda firmavit: quorum exempla cum nobis ad imitandum proponit, quasi scripta in lapide statuta suæ legis ostendit. Nam et Daniel vidit Dominum in figura lapidis excisi de montibus sine manibus contrivisse pompam regni mundialis, ut regnum ipsius solum suæ finæ permaneat (*Dan. 11*). Et Petrus fideles admonet dicens: *Et vos tanquam lapides vivi, superedificamini domus spirituales (I Petr. 11)*. Surrexit Moyses, et Josue minister ejus. Josue minister Moysi, Dominum salvatorem, et nomine designat et actione. Qui minister Moysi recte vocatur quia apparens in carne, Mosaicæ legis in se cærimonias suscipere dignatus est, quia non solvere legem venit, sed adimplere. Moysi in omnibus vestigia sequitur: quia in cunctis quæ loquitur vel scribit Moyses, ille vel typice, vel manifeste designatus, quasi comes individus si bene quaeritur, invenitur. Hinc etenim dicit Judæis: *Si crederetis Moysi, crederetis forsitan et mihi. De me enim ille scripsit (Joan. v)*.

*Ascendensque Moyses in montem Dei, senioribus ait: Expectate hic, donec revertamur ad vos. Habebitis Aaron et Hur vobiscum. Si quid natum fuerit questionis, referetis ad eos. Aaron mons fortitudinis, referetis ad eos. Aaron mons fortitudinis, Hur interpretatur ignis sive lumen: unde Aaron Salvatorem Dominum, Hur designat Spiritum sanctum. Ascendens ergo Moyses ad Dominum, Aaron*

PATROL. CVIII.

et Hur, hoc est montem fortitudinis et lumen ignis, in campestribus ad regimen populi dereliquit. Et nos si doctores nostros ad altitudinem divinæ contemplationis sequi non possumus, curemus solliciti, ne aliqua nos tentatio a vicinia montis Dei retrahat; sed juxta modum nostrum virtutum operibus insistamus, inherentes stabili corde sacramentis nostri Redemptoris quibus imbuti sumus, et gratiam spiritus ejus qua signati sumus intemeratam in nobis conservare curantes; et si qua nos adversitatum questio pulsaverit, mox adiutorium invocemus ejusdem nostri Redemptoris, qui fideles suos per donum sancti Spiritus protegere a malis omnibus, ac liberare consuevit. *Cumque ascendisset Moyses, operuit nubes montem. Sicut mons in quo legem accepit Moyses altitudinem perfectionis quæ in eadem lege erat conscribenda, ita nubes quæ mons tectus est gratiam divinæ insinuat protectionis, qua tanto amplius quisque fruatur, quanto altius ad scrutanda mirabilia de lege Dei revelatis oculis cordis ascendit. Namque nec montem solummodo in quo Moyses ascendit, nubes operuit, sed et populum per desertam gradientem, qui nequaquam ad altiora poterat ascendere, nihilominus nubes cœlitus missa obumbravit. Unde scriptum est: Expandit nubem in protectionem eorum (Psal. cxiv)*. Quia nimirum Dominus omnes timentes se, passillos cum majoribus, cœlesti benedictione protegit. *Et habitavit gloria Domini super Sinai, tegens illum nube sex diebus. Septimo autem die etiam nomen montis in quo data est lex perfectionem ipsius legis figurate denuntiat. Sinai namque interpretatur mensura mea, sive amphora mea. Divinitus ergo procuratum est ut mons in quo lex daretur, amphora mea vocaretur, quasi ipso Domino per hoc vocabulum significante quod lex sua perfectæ vivendi regulam, omnibus promulgaret. Bene autem dicitur quod, Moysæ ascendente, nubes et gloria Domini sex diebus montem operuit, septimo autem die illum ad altiora montis vocaverit. Sex namque diebus in lege operari, in septimo requiescere jubemur. Ascendensque montem Moyses, sex diebus nube et gloria Domini tegitur; ut insinuetur mystice, quia quicumque mandata Domini operibus justis exsequitur, divina utique protectione dignus existit. Septimo autem die vocat ad altiora Dominum Moysen, quia post operum perfectionem, requiem nobis lex promittit æternam; ut qui in altitudine rectæ actionis Domino assistere curavimus, jam ad ejus visionem atque colloquium ascendere mereamur. Medium namque caliginis unde vocatus esse dicitur, non inesse Deo tenebras ullas significat, sed quia lucem habitat inaccessibilem. Et sicut item dicit Apostolus: *Quem vidit nullus hominum, sed nec videre potest (I Tim. vi)*. Caligo namque illa, obscuritas est arcanorum cœlestium, terrenis quidem cordibus inaccessibilis, sed Moysi et cæteris mundo corde beatis, divina reserante gratia, penetrabilis.*

*Erat autem species gloriæ Domini, quasi ignis ar-*

deus lupem in speciem montis in conspectu filiorum  
 Israel. Adhuc ignis namque ardens species glorie  
 Domini apparuit, quia corda electorum, et dono  
 scientie beatis, illustrat, et ardore suae charitatis  
 inflammata, laetant, et ergo, caligine et igne gloriae Do-  
 mini, quibus est in nubibus videlicet, quia nos ab aestu  
 aedificationum protegit, quia caligine vero, quia poten-  
 tia maiestatis, et nulla potest creatura ad integrum  
 comprehendere. Ita enim Dei vis superat omnem sen-  
 suum, et quia, autem, ardore, quia mentes fidelium  
 supernorum honorum cognitione irradiat, et spe ac  
 dilectione accendit. Et habet quidem Domini gloriam  
 sibi Israel de longe, et ab inferioribus aspiciunt,  
 Moyses vero prius ascendendo penetrat, quia nimi-  
 sum, adhaec systemum divinarum, quae perfecte  
 et sublimiter videntur, aut nos nostrae memoriae fra-  
 gilitatis, et inertiam, et insipientiam intrare comprehen-  
 dendo, nequimus, saltem, credendo, sperando, dili-  
 gendo in proximo manere, atque aspectare cure-  
 mus. *Ingressusque Moyses medium nebulae, ascendit  
 montem Dei, sicut dicitur, quadraginta diebus, et quadra-  
 ginta noctibus, et Moyses a medium nebulae ingressus,  
 ascendit in montem, cum praedicatorum divinae legis,  
 in quibus ipsa Moyses animus erat, ad intuenda su-  
 blimitate innotescit, et occulta sapientiae divinae, invi-  
 stantia, et condente Domino, penetrant. Fuit autem  
 cum Domino Moyses quadraginta diebus et quadra-  
 ginta noctibus, et hoc numero temporis discret, et  
 quod illi in modum de lege, quem cum suo  
 populo acciperet, possent implere, quos evangelicae  
 gratiae veritatis, quae quatuor libris erat descri-  
 benda, gravaretur, et hoc numero temporis discret, et  
 quod illi in modum de lege, quem cum suo  
 populo acciperet, possent implere, quos evangelicae  
 gratiae veritatis, quae quatuor libris erat descri-  
 benda, gravaretur.*

CAPUT VIII.

*De quoque locutus est Dominus ad Moysen de obla-  
 tis in modumque, sique, primitiarum.*  
*Et locutus est Dominus ad Moysen dicens: Loquere  
 filiis Israel, ut tollant michi primitias. Ab omni ho-  
 mine qui offert ultionem, accipietis primitias michi  
 (Exo. d. xxv). Et nos primitias honorum nostrorum  
 Domino offeremus, quando si quid boni agimus, to-  
 tum hoc oblationem gratiae tribuimus, veraciter et in-  
 iusto ex corde profferentes, quod non initium quidem  
 digna actionibus aut cogitationibus, aliquid, nisi a Domino  
 possimus habere, nisi vero nostra, semper a nobis  
 zelum diaboli instigante, et cepta et consummata,  
 actionibus Domino donante, taxanda esse fatemur.  
 Haec statim precipitur Moyses ab homine qui offert  
 ultionem accipere primitias, et ultionem enim dicitur  
 ultio. Non ex tristitia nos aut  
 necessitate, sed a proposito cordis bona facere iubet  
 (Et Cor. x. i). Quod se facere sciens Propheta, gloria-  
 liq. Domino dicens: *Voluntarie sacrificabo tibi  
 (Psalm. lxxv). Et sicut dicitur, quae accipere debetis:  
 Aurum, argentum, et vestes hyacinthinae ad purpuram;  
 et dicitur, et vestes hyacinthinae, et pilos caprarum; et  
 pelles arietum rubricatas, pelles hyacinthinas, et hya-  
 cinthinae, et vestes hyacinthinae, et omnia in  
 aliquentum; et hyacinthinae boni odoris, lapides onychi-  
 nas, et gemmas ad ornandum ephod ac rationale. Fa-**

*vientque michi sanctuarium, et habitabo in medio eor-  
 um.* Cuncta haec quae Dominus sibi a priore populo  
 ad faciendum sanctuarium materialiter offerri praeci-  
 pit, nos quoque qui spirituales filii Israel imitato-  
 res Domini videntis populi, esse desideramus, spiri-  
 tuali intelligentia debemus offerre. Cui videlicet  
*aurum* offerimus, cum claritate verae sapientiae, quae  
 test in fide recta, resplendemus; *argentum*, cum er-  
 rore nostro confessio sit in salutem; *as*, cum eandem  
 fidem publica praedicatione divulgare gaudemus;  
*hyacinthum*, cum sursum corda levamus; *purpuram*,  
 cum corpus passioni subieimus; *coecum bis tin-  
 ctum*, cum gemina, id est, Dei et proximi dilectione,  
 flagramus; *byssum*, cum carnis castitatem secti-  
 mur; *pilos caprarum*, cum habitum penitentiae ac  
 factus induimus; *pelles arietum rubricatas*, cum  
 ipsos Domini gregis duotores, suo sanguine bap-  
 tizatos videmus; *pelles hyacinthinas*, cum nos post  
 mortem spiritualia in caelis corpora habituros esse  
 speramus; *ligna sethim*, cum expurgatis peccatorum  
 spinetis, munda carne et anima, soli Domino servi-  
 mus; *oleum ad luminaria concinnanda*, cum fructi-  
 bus charitatis et misericordiae refulgemus; *aromata*  
 in unguentum, et thymiamata boni odoris, cum opi-  
 nionem bonae nostrae actionis, multum ad exemplum  
 bene vivendi, longe lateque diffundimus; *lapides  
 onychinos et gemmas ad ornandum ephod ac ratio-  
 nale*, cum miracula sanctorum quibus cogitationes  
 Deo devotas, et opera virtutum digna laude praedi-  
 camus, atque haec in adiutorium nostrae fidei ubi  
 opus fuerit, assumimus. Quia enim in humeris  
 onera gestare solemus, et recte per ephod, id est,  
 superhumerali, opera justorum, et pii pro Domino  
 labores, insinuantur. Quia vero in pectore cogita-  
 tionum sedes est, recte in rationali, qui est habitus  
 pectoris sacerdotalis, mundi electorum cogitatio-  
 nes exprimitur. Lapidibus onychini et gemmae  
 ornant ephod ac rationale, cum eximii summorum  
 Patrum actibus et cogitationibus, etiam miraculo-  
 rum insignia junguntur.

CAPUT IX.

*De precepto quomodo sanctuarium iubet construi.  
 Facientque michi, inquit, sanctuarium, et habitabo  
 in medio eorum: iuxta omnem similitudinem taberna-  
 culi quod ostendam tibi, et omnium vasorum in cul-  
 tum ejus.* Ostendit Moysi Dominus tabernaculum in  
 monte, et vasa in cultum consecrata: quia eidem  
 secum tanto tempore demorantur manifeste demon-  
 stravit, quanta pietate, humilitate, et munditia,  
 virtutes angelicae suo Creatori gaudent obedire, quae  
 sunt perfectum in omnibus tabernaculum ejus; qui  
 nunquam in eis ex quo conditi sunt, manere atque  
 inhabitare cessavit. Tabernaculum ergo quod Moysi  
 in monte monstratum est, superna est illa civilis  
 et patria ecclestis, quae illo quidem tempore, ex solis  
 existisse creditur angelis sanctis. Post passionem  
 vero, resurrectionem, ascensionem in caelos media-  
 toris Dei et hominum, et multitudinem praeclearam  
 et copiosam sanctarum recepit animarum. Vasa vero



tabernaculi illius, singulae quaeque sunt personae spirituum beatorum, ex quibus omnibus ipsa Jerusalem quae est mater nostrum omnium, in vera pace et unitate consistit. Notandumque diligentius, quod sanctuarium Domino facere filii Israel iubentur, non ex parte simile, sed juxta omnem similitudinem tabernaculi, quod ostendit Moysi, omniumque vasorum in cultum ejus. Quod si forte requiris in quo hoc tabernaculum caeleste, o homo terrigena, spiritualiter imitari valeas, diligendo Deum et proximos, hoc imitare; subveniendi miseris, et si non angelis qui omnes beati sunt, certe hominibus, hoc imitare. Humiles sunt, mites sunt, invicem placati sunt, divinis parent jussis: hoc in quantum vales, imitare. Nihil mali, nihil otiosi, nihil loquuntur injuste, agunt, cogitant, divinis indefessi laudibus, verbo et mente assistunt. Hoc quantum potes, imitare; et sanctuarium Domino juxta exemplum quod Moysi in monte monstratum est, aedificasti. Veniensque Dominus et Salvator noster cum Patre, mansionem apud te facit; quin et post hanc vitam in illud te tabernaculum quod imitaberis, perpetuo beatum introducet. Sequitur:

## CAPUT X.

*Descriptio arcae quomodo facienda erat: propitiatorium, cherubim, nec non et vectium.*

*Sicque facietis illud: Arcam de lignis sethim compingite.* Arca quae primo omnium in tabernaculo fieri iubetur, non incongrue ipsam Domini et Salvatoris nostri incarnationem designat: in quo sunt omnes thesauri sapientiae et scientiae absconditi. Quae videlicet arca bene de lignis sethim compingi iubetur. Ligna quippe sethim levis atque imputribilis feruntur esse naturae, non multum a qualitate albae spinæ distantia. Arca ergo de lignis sethim facta est, quia corpus Dominicum ex membris constabat omnium vitiorum labe carentibus. Et hæc eadem sunt ligna spinis simillima: quia et *si non in carne peccati, tamen in similitudine venit carnis peccati*, ut Apostolus ait (*Rom. v*). Sequitur: *Cujus longitudo habebit duos semis cubitos: latitudo cubitum et dimidium: altitudo cubitum similiter ac semissem.* Cujus autem quantitatis sit cubitus ille, Josephus in Antiquitatum libro manifeste ostendit dicens: Facta est autem et arca longitudinis quinque palmorum, latitudinis trium. Unde patet manifeste, quia illum designat cubitum, quem duo palmi complent. Mystice autem longitudo arcae, longanimitatem Domini ac Redemptoris nostri patientiam, qua inter homines conversatus est, insinuat. Latitudo, amplitudinem ipsam charitatis, qua ad nos venire et inter nos habitare voluit. Altitudo, spem futuræ sublimitatis, qua vel seipsum post passionem suam glorificandum, vel glorificaturum esse prævidit. Unde et apte longitudo arcae duorum erat cubitorum, propter videlicet doctrinam et opera quibus refulgebat in mundo. Quod vero post duos cubitos, etiam semissem arca in longitudine habebat, potest ad humanæ tarditatem fragilitatis referri: quæ dicta vel opera Salvatoris su-

blimia, necdum prout dignum erat, capere valebat. Unde et de quibusdam mysticis ejus actibus aperte dictum est. *Hæc non cognoverunt discipuli ejus primum, sed quando glorificatus est Jesus (Joan. xiv)*. Similiter et de viciis illius sublimioribus: *De hoc verbum istud absconditum ab eis, et non intelligebant quæ dicebantur (Luc. 11)*. Habebat arca duos cubitos longitudinis, quia Dominus in carne clarus verus et actibus apparebat. Habebat et dimidium cubitum, quia etiam tarditatem discipulorum, qui necdum perfecti dicta vel acta ipsius capere poterant, longanimitate ferebat. Unius erat cubiti latitudo arcae ob dispensationem ipsius Dominicæ charitatis, qua electos suos in Deo adunare curavit. Hæc ergo arca cubitum habet et dimidium: quia Dominus unica nos pietate sibi ac Patri associandos diligens, nostræ quoque capacitatem dilectionis, qualiscumque in hac vita esse potest, æque pia benignitate complectitur, donec ad ejus visionem, ubi eum ex toto corde, tota anima, tota virtute diligamus, intrare mereamur. Altitudo quoque arcae aptissima brevitate unius et dimidii: videlicet propter significationem unicæ spei, qua vel Dominus ipse cum ossibus in carne nobiscum futuræ resurrectionis et posterioris gloriæ præstolabatur eventum, vel nos inter adversa sæculi, propter futurorum præmia bonorum, gaudere semper admonet.

*Et deaurabis eam auro, mundissimo intus et foris. Facies insuper coronam auream per circumdantem.* Arca intus et foris auro mundissimo deauratur, quia assumpta a Filio Dei humana natura, et intus virtute sancti Spiritus plena erat et foris, hominibus aperte Spiritus sancti opera præmonstrabat. Cui nimirum arcae bene corona aurea supra circumdari præcipitur, quia apparens in carne, atque ad redemptionem humani generis veniens Filius Dei, certum expectabat tempus et horam quando susceptam pro nobis mortem, cum ipso mortis auctore superaret, atque ad Patrem victor in caelos ascenderet. *Et quatuor circulos aureos quos pones per quatuor arcae angulos. Duo circuli sint in latere uno, et duo in altitudo.* Quatuor circuli aurei quatuor sunt Evangeliorum libri. Qui merito aurei sunt propter claritatem sapientiae, qua fulgent. Merito circulis comparati, quia æterna est ipsa Dei sapientia quam prædicant, neque incipiens ex tempore, neque esse desinens æternæ divinitatis, quam homo Christus accepit. Unde imminente hora suæ passionis, precatur Patrem dicens: *Et nunc clarifica me, tu Pater, apud te ipsum, claritate quam habui, priusquam mundus esset apud te (Joan. xvii)*. Quatuor angulos autem habet arca, quia sacramentum Dominicæ incarnationis per omnes mundi plagas in quibus sancta Ecclesia dilatatur, celebrare non desinit: et per eosdem angulos quatuor, quatuor circuli sunt positi, quia in cunctis mundi finibus Evangelium Christi salvandis fidelium cordibus, prædicatur. Duo autem circuli in latere uno et duo sunt in altero: vel quia duo evangelistæ discipulati Salvatoris in carne prædicantis et miracula fa-



spiritualis scientiæ replent. Quibus etiam nomen A scientiæ multitudinis. Vel scientiæ multiplicatæ con- venit, quod videlicet Scriptura sacra spirituali ac di- vina scientia plena est; eademque scientia ex quo ipsa Scriptura condita cæpit, augeri semper ac mul- tiplicari non desinit. Recte cherubim gloriæ propitia- torum obumbrare dicuntur, quia (testamento cre- scente per tempus, et multiplicatâ scientiâ, propi- tiationem nobis Domini Salvatoris prædicant, et hanc gratis semper vocabitur, quasi expansis ad volatum aliis honorare non cessant. Quia enim verba collo- quuntium quibus volando per aerem ab ore dicen- tium ad cor pervenit audientium, merito expansis cherubim alis, velut ad volandum aptatis, possunt designari. *Inde præcipiunt et loquitur ad te, supra propitiatorum scilicet, ac de medio duorum cherubim, quæ erunt supra arcam testimonii, cuncta quæ manda- dabo per te filiis Israel.* Quia per gratiam propitia- tionis Dei factum est, ut hominibus post culpam prædicatorem apparere, et eis viam veritatis post errorem demonstrare, dignatus est, de medio cheru- bin loquitur, quia per angelicam visionem, et non in sua substantia Deus apparuit: et locutus est Moysi attestante Apostolo: *Quia lex propter trans- gressiones posita est, donec veniret semen, eui miserat, et manna per angelos et manna mediatoris (Galat. III).* Item de medio duorum cherubim loqui- tur Dominus, quia per verba utriusque Testamenti, consona nos voce ad fidem veritatis erudit. Vel certe de medio cherubim loquitur, quia per unigenitum suum, qui in medio duorum Testamentorum in carne apparuit, humano generi Deus Pater voluntatem suam manifestare dignatus est. Potest autem in arca etiam sancta Ecclesia figuratè accipi, quæ de lignis im- putribilibus, hoc est animabus sanctis edificatur, et in fide sancti Evangelii per quatuor mundi plagas districta, coronam vitæ a Deo expectat æternam, habens in se tabulas testamenti, in meditatione con- tinua legis Dei, habens etiam gratiam cum manna in fide Dominicæ incarnationis. Habens et virginem Aaron quæ fronduerat, in participatione regni, et sacerdotii Domini, dicente apostolo Petro: *Vos autem genus electum, regale sacerdotium (I Pet. II).* Ha- bens propitiatorium desuper, ut cuncta quæ habet bona, largiente divina gratia, sese accipere incipi- erit. Habens et cherubin gloria in propitiatorio, vel angelica videlicet præsidia, qui a Deo semper adju- velur propitio, vel Testamenta, quibus qualiter vivere et quomodo auxilium recte vivendi a divina propitia- tione querere debeat, instituitur. Sic autem sunt cher- ubim super propitiatorium positi, quomodo civitas Christus, id est sancta Ecclesia super montem. Id est super ipsum Christum esse constituta dicitur: non quod alior illo possit esse civitas sua, sed quod ejus subsidio sustentata proficiat. Cherubin supra propitiatorium habet arca, quia vel angelica mini- stera, vel eloquia divina eo veraciter ecclesiam ju- vant, quo ipsa in fundamento summæ veritatis sta- bilitas consistunt.

CAPIT. XI.

*De mensura factura, et orbem aureum, et pedibus pronu- nciabam. Et mensuram illam mensurabitur in cubitis, et mensurabitur in mensura. Et mensurabitur in mensura. Et mensurabitur in mensura. Et mensurabitur in mensura.*

Faciesque illi labium aureum per circuitum, et ipsi labio coronam intrassent, etiam quatuor digi- tas. Labium aureum illi mensure per circuitum, quia doctrina sacri eloquii per mundissimam nobis prædi- catorum fidelium ora ministratur, neque infortum locutio qui divina nobis arcanâ tradiderunt, hominam confabulationis sermonibus utalentes atamari con- sentiebat. Quin potius, non tantum nociva, sed et otiosa hominum verba graviter ferre ac reddere cu- rabant. Vel certe labium illi aureum mense per circuitum, quia Scriptura sancta omni ex parte sua

locationis cum recte intelligitur, claritatem nobis sapientiæ cœlestis insonat. Cui videlicet labio corona additur, quia lingua prædicantium suis auditoribus retributionem vitæ promittit æternæ. Et bene ipsa corona quatuor digitis alta fieri præcipitur, quia celsitudo nobis coronæ perennis, per quatuor sancti Evangelii libros ostenditur, vel quia per custodiam evangelicæ fidei et operationis ad coronam nos vitæ pervenire oportet. Pulchreque per digitos libri designantur, quia nimirum et tabule legis digito Dei esse scriptæ referuntur, et in Evangelio Dominus distinctionem legis temperaturus, *digito scribebat in terra* (Joan. viii). Bene autem eadem corona interrasilis fieri præcipitur, quia nimirum æterni retributionis regni non indifferenter omnibus datur, sed proportionate accipientium distincto divinitus examine singulis quibusque distribuitur. Corona etenim aurea mensæ Domini pura et non interrasilis esset, si claritas futuræ justorum retributionis æqualis omnibus paraderetur: instar videlicet hujus solis mundum; cuius splendorem Deus indifferenter super bonos et malos facit oriri. At quia sicut stella stellæ differt in claritate, ita erit et resurrectio mortuorum, coronâ mensæ Domini, variis distincta sculpturis, sed competenter ordinatis, apposita est. Una etenim vita futura, omnibus est promissa justis, sed multiformis in fide pro diversitate meritorum gloria est singulorum. Quod vero descripta prius una corona subjungitur, et super illam altera corona aureola, de illam potest præmio recte intelligi, qui generalia Scripturæ sanctæ mandata spontanea vitæ perfectionis electione transcendunt, ideoque specialem præ cæteris fidelibus retributionem voluntariæ oblationis expectant. Vel certe corona aurea labio mensæ Domini apponitur, cum in verbis sacræ Scripturæ *discimus* egredientes e carne animas ad æterna in cœlis præmia esse recipiendas. Et super illum altera aureola superadditur corona, cum in eadem Scriptura reperitur, quod eis sublimior in fine sæculi gloria in corporum quoque immortalium receptione servetur.

*Quatuor quoque circulos aureos præparabis, et ponas eos in quatuor angulis ejusdem mensæ per singulos pedes. Hæc ut supra de arca exposuimus, etiam hæc accipienda sunt. Quatuor namque circuli aurei, quatuor sunt Evangeliorum libri, per quorum fidem contigit ut omnis Scriptura sancta per mundum legeretur, et intelligeretur universum. Quatuor autem pedes habet mensa, quia quadriformi ratione, omnis divinarum eloquiorum series distinguitur. In libris namque omnibus sanctis intueri oportet, quæ fidei æterna intimentur, quæ facta narrentur, quæ factura pronuntientur, quæ agenda præcipiantur vel moneantur. Item mensa tabernaculi quatuor habet pedes, quia verba cœlestis oraculi, vel historico intellectu, vel allegorico, vel tropologico, id est morali, vel certe analogico solent accipi. Historia namque est, cum res aliqua quomodo secundum litteram facta sive dicta sit, plano sermone refertur: quo-*

A modo populus Israel ex Ægypto salvatus tabernaculum Domino fecisse in deserto narratur. Allegoria est, cum verbis sive rebus mysticis, præsentia Christi et Ecclesiæ sacramenta signantur. Verbis videlicet ut Isaias ait: *Egredietur virga de radice Jesse, et flos de radice ejus ascendet* (Isa. xi). Quod est aperte dicere: Nascetur virgo Maria de stirpe David: et Christus de stirpe ejus orietur. Rebus autem, ut populus de Ægyptia servitute per sanguinem agni salvatus, Ecclesiam significat, passione Christi a dæmoniaca dominatione liberatam. Tropologica id est moralis locutio ad institutionem et correctionem morum, sive apertis seu figuratis prolata sermonibus respicit. Apertis videlicet, ut Joannes admonet dicens: *Filioli mei, non diligamus verbo nec lingua, sed opere et veritate* (I Joan. iii). Figuratis vero, ut Salomon ait: *Omni tempore sint vestimenta tua candida: et oleum de capite tuo non deficiet* (Eccle. ix). Quod est aperte dicere: *Omni tempore sint opera tua munda, et charitas de corde tuo non deficiet.* Anagoge, id est ad superiora ducens locutio est, quæ de præmiis futuris, et ea quæ in cœlis est vita futura, sive mysticis seu apertis sermonibus disputat. Apertis scilicet, ut, *Beati mundo corde, quoniam ipsi Deum videbunt* (Matth. v). Mysticis vero, ut: *Beati qui lavant stolas suas, ut sit potestas illis in ligno vitæ, et per portas intrent in civitatem.* Quod est patenter dicere: *Beati qui mundant suas cogitationes et actus, ut potestatem habeant videndi Dominum Christum, qui ait: Ego sum via, veritas, et vita* (Joan. xiv). Et per doctrinam atque exempla præcedentium Patrum, intrent in regnum cœlorum. *Subter coronam erunt circuli aurei, ut mittantur vectes per eos, ut possit mensa portari. Ipsos quoque vectes facies de lignis sethim: et circumdabis auro ad subvehendam mensam.* Apte subter coronam erunt circuli, quia libris sancti Evangelii in hac vita utimur, coronam vero vitæ supernæ futuram in cœlis speramus. Per quos videlicet circulos immittuntur vectes ad subvehendam mensam, quia doctores sancti, ut verbis sacri eloquii corda audientium resciant, ipsi per omnia mentem suam necesse est in evangelica lectione fixam teneant, quatenus ad fidem sensumque illius omnem interpretationis ac doctrinæ suæ intentionem dirigant. *Parabis et acetabula ac phialas, thuribula et cyathos, in quibus offerenda sunt libamina, ex auro purissimo.* Varia vasa quæ ad offerenda sunt libamina facta, variæ sunt distinctiones eloquii divini, pro dispari capacitate audientium. Non enim una eademque omnibus potest convenire doctrina. Aliter namque sapientes, aliter insipientes, aliter divites, aliter pauperes, aliter sani, aliter infirmi, aliter senes, aliter juvenes, aliter viri, aliter femine, aliter cœlibes, aliter conjugati, aliter prælati, aliter subditi docendi sunt. Quæ tamen vasa omnia ad mensam tabernaculi, omnia ad offerendam libamina pertinent: quia quæcumque prudens doctor diversa pro diversitate audientium loquitur, universa in regula sacræ Scripturæ reperiuntur, atque ad offe-

reuda Domino. ypta bonorum operum corde excitant au-  
ditorum.

Et ponas super mensam panes propositionis in conspectu meo semper. Panes propositionis super mensam positi semper, doctores sunt spirituales, qui in lege Domini die ac nocte meditantes cunctis Ecclesiam intrantibus refectionem verbi caelestis offerunt. Qui recte propositionis panes vocantur : quia in propatulo semper esse debet universis fidelibus sermo salutis, neque unquam in Ecclesia deesse oportet pijs auditoribus verbum solatii. De his panibus in Levitico plenius quot et quales, faciendi, vel quomodo ponendi fuerint, refertur, dicente Domino ad Moysen. Accipies quoque similitam, et coques ex ea duodecim panes, qui singuli habeant duas pucimas : quorum senos altrinsecus super mensam purissimam coram Domino stantes. Et ponas super eos. Iustus, lucidissimum, ut sit panis in manimentum, oblationis Domini. Per singula sabbata mutantur coram Domino, suscepti a filiis Israel foedera sempiterno ; eruntque Aaron et filiorum eius, ut comedant eos in loco sancto (Levit. xxiv). Duodecim ergo panes in mensa tabernaculi, duodecim sunt apostoli, et omnes doctrinae illorum sequaces in Ecclesia : qui quoniam usque ad consummationem saeculi populum Dei alimoniis verbi reficere non desinunt, panes duodecim propositionis nunquam de mensa Domini recedunt. Et bene iidem panes non de qualibet farina, sed de simila fieri iubentur : quia nimirum quicumque aliis verbum vitae ministrant, primo ipsos necesse est virtutum frugibus operam dare, quatenus ea quae predicando admonent etiam faciendo commendent. Bene etiam iidem panes seni altrinsecus super mensam statui praecipuntur, propter concordiam scilicet charitatis et societatis. Nam et Dominus binos ad praedicandum discipulos misisse prohibetur : figuratim insinuans, quia sancti doctores nunquam ab invicem, vel in assertione veritatis, vel in affectu dilectionis discrepant. Et thus lucidissimum super panes ponitur in monumentum oblationis Domini, quando pia sanctorum actioni ac doctrinae oratio pura additur : quo per haec utraque rite sociata, semper memoriae, sacrae oblationis, in conspectu summi arbitri appareat. Bene autem per singula sabbata panes coram Domino mutari mandantur. Panes namque qui per septem dies operandi in mensa Domini fuerant positi, sabbato novis mutantur, cum doctores quique sanctae Ecclesiae, completo tempore sui sancti laboris, aeterna in caelis quiete remunerantur, et alios post se in idem opus laborandi in verbo, sub eiusdem spe retributionis relinquunt. Coquebantur autem panes ante sabbatum, ut Josephus scribit duo, et duo divisim ante sabbatum ; et sabbato mane oblatae super sacram mensam, ponebantur, seni ad alterutros conversi, duabus patetis aureis superpositis thure, plenis, qui permanebant, ad aliud sabbatum. Et tunc pro illis alii deportabantur, illi vero sacerdotibus exhibebantur. Et thure in caelo in igne sacro, in quo omnia holocausta fiebant, aliud thus

super alios panes adiciebatur. Imponchantur ergo panes sabbato in mensam Domini, et utique intentione ponentium, ut transacto sabbato, ibidem per septem dies operandi manerent. His quoque transmissis, altero superveniente sabbato, in refectionem summi sacerdotis et filiorum eius consummarentur, quia nimirum in primordio nobis Deo devota conversationis accipienda requies et vita aeterna promittitur, ea tamen conditione, ut per labores et opera bona vitae temporalis ad eam pertinere debeat.

CAPUT XII.

De candelabro.

Facies et candelabrum ductile de auro purissimo. (Exod. xxv). Candelabrum tabernaculi sicut et mensa universalis praesentis temporis Ecclesiam designat. Ideo namque sunt ante velum intra quod porta testamenti posita est, quia secundum ad visionem in caelis sui Redemptoris meruit intromitti. Sed mensa, quia his qui esuriunt et sitiunt iustitiam, victum quotidia caelestem, de in tentationibus deficient, impugnant. Candelabrum est, quia iter lucis errantibus ostendit. Mensa, pariter et candelabrum est, quia sanctis edocta litteris, et animam esurientem satiare bonis et sedantibus in tenebris, atque umbra mortis, in certum nam verbi subministrare, didicit. *Hastile eius, calami, scyphos, et sphaerulas, et lilia ex illo procedentia.* Hastile, candelabri ipse, qui est, caput, Ecclesiae, mediator Dei et hominum, homo Christus Jesus debet intelligi : de cuius corpore, quod nos sumus, quae de calami ex hastili procedentibus, dicit, Apostolus, *Ex quo totum corpus, per connexus, et conjunctiones, subministratum et constructum, creceit in augmentum Dei (Colos. 1).* Calami, ergo, procedentes de hastili, praedicatores sunt, qui instituti a Domino, ducti sunt in mundo, ediderunt : videlicet, canticum bonum. Calami sunt omnes Ecclesiae filii, dicente enim Propheta : *Cantate Domino canticum novum, Ave ejus ab extremis terra.* (Psal. cxlix). Quia, sicut scyphi vino repleri solent, non immerito per eos, in audentium designantur, qui ad vocem praedicationis, vino scientiae replentur. Et quoniam eodem vino internae dilectionis inebriata corda fidelium, in fatigabili desiderio ad Deum tendunt, recte in candelabro post scyphos, sphaerulae sunt. Sphaera enim ex omni parte volvitur, quia nimirum, in electorum, nec adversitatibus saeculi ullis, retineri, nec prosperitatibus possunt, corrumpi : quin, in omnibus quae occurrunt, ad Deum per sancta desideria proficiant. Et bene post calamos, scyphos et sphaerulas in candelabro lilia, deformantur, quia post gratiam praedicationis, post inebriationem potus spiritualis, post irrevocabilem, sanctae operationis, procursum, illa virans patria sagittatur, qua animalibus sanctis, id est, floribus, vernali, aeternis, *Sax, calami egredientur de lateribus, tres, et uno latere, et tres, et altero.* Constat quidem numerum, senarium, in quo factus est, mundus, operum perfectionem designare. Sed

quoniam ita positus est in descriptione calamorum, A sto adhærere curaverit, tanto vicinior in illa vita, ut his in ternos dividatur, magis de ternario dicens, ejus visione fruetur.

Tres namque calami de uno latere hastilis, et tres egrediuntur de altero, quia fuerunt doctores ante adventum Domini in carne, qui fidem sanctæ Trinitatis mystica voce designarent, et quantum rudes adhuc capere poterant, prædicarent. Unde est illud Psalmiste: *Verbo Domini cœli firmati sunt: et spiritu oris ejus omnis virtus eorum* (Psal. xxxii). Sunt modo doctores, qui eandem fidem sanctæ Trinitatis aperte prædicant, ita ut omnes qui ad Christum pertinent, eadem debeant fide consecrari, dicente apostolis Domino: *Euntes ergo, docete omnes gentes, baptizantes eos in nomine Patris, et Filii, et Spiritus sancti* (Matth. ult.). Item tres calami ex uno latere candelabri, et tres procedunt ex altero, quia et ante et post incarnationem Dominicam terni fuere gradus eorum qui fideliter in Ecclesia domino deservirent: conjugatorum videlicet, continentium et rectorum; quorum distantiam Ezechiel propheta mystice describit, cum veniente plagarum articulo, tres tantum viros, Noe videlicet, Daniel et Job, liberandos esse prædixit. In Noe namque qui arcam in undis rexit, præpositos Ecclesiæ; in Daniele qui in aula regis continentem vivere studuit, continentes sive virgines; in Job qui in conjugali vita positus mirandum cunctis exemplar patientiæ præbuit, bonorum vitam conjugatorum ostendit. Item eorundem in Novo Testamento distantiam Dominus sub figura basimæ, eorum qui in lecto, in agro, in mola reperiri debent, in die iudicii: e quibus singulos assumendos, et singulos dicit esse relinquendos (Matth. xxv.). Nam in lecto quies continentium, in agricultura industria prædicantium, in gyro mola labor exprimitur conjugatorum. Et quia in omnibus his gradibus quidam eligendi, quidam vero sunt reprobandi, recte de singulis dicitur, quia unus, de quibus assumetur, et alter relinquetur. Quia vero in parte electorum sublimius est meritum prædicantium, quam eorum qui solummodo continentium, et continentiam operi doctrinæ student, item sublimior continentium quam conjugatorum conversatio, recte supremi calami qui hinc et inde de hastili procedebant, eos qui in utroque Testamento inter virtutes alias, doctrinæ studiis sese subdidere, designant. Recte inferiores calami, qui ex utroque hastili lateris procedunt, vitam continentium Deo devotam. Recte infimi calami, et ipsi ex eodem unius candelabri stipite orti, bonorum vitam conjugum, in utriusque Testamenti tempore, uni, eidemque Domino fideliter servientem, typice demonstrant. Diversi ergo locis calami procedunt de hastili, qui tamen omnes eam quæ loco, et ordine, reflexi in altum ad unam perveniunt summam, quatenus æqualem supra ne positionem lucernarum valeant conservare. Quia simpliciter electi, et si meritum sunt gradibus discreti, una sunt, fide veritatis innotui, ad unam in cœlis lucem æternæ veritatis perventuri. Et quanto quisque altius in hac vita Chri-

sto adhærere curaverit, tanto vicinior in illa vita, ejus visione fruetur.

Tres scyphi quasi in nucléis modum per calamos singulos, sphaerulaque simul et lilia, et tres scyphi scyphi instar nucléis in calamo altero, sphaerulaque et lilia. Hoc erit opus sex calamorum, qui producendi sunt de hastili. Nucleum in figura presentis Ecclesiæ poni solere, testatur Salomon, qui ex persona doctorum fidelium loquitur: *Descendi, dicens in Cantico canticorum, ad hortum nucleum, ut viderem pomum convallium* (Cant. vi). Sicut enim nux dulem quidem habet fructum interius, sed non hunc ostendere foris, nisi fracta testæ duritia potest, sic iustorum vita præsens, ita suavitate gratiæ spiritualis intimo corde conservat, ut hæc a proximis quanta sit, nullatenus valeat perspicere, donec soluto corpore in domicilio, libere se annuæ ipsorum alterutrum in cœlesti luce conspiciant; et quanta singula gratiæ sancti Spiritus fulgeant, quantum unaqueque ostendatur ab altera, nulli prorsus remaneat occultum. Fiantque scyphi in candelabro ad nucléis modum, cum quilibet electi vino sapientiæ repleri desiderant, ad exemplum sese informare satagunt præcedentium iustorum, quos magna invisibilium bonorum dulcedine ac dilectione plenos esse noverunt. Quod autem per singulos calamos tres fuere scyphi, sphaerulae et lilia, significat ternas temporum differentias, quibus electi, et ante incarnationem Dominicam, et postea Deo devote vixerunt. Fuerunt etenim iusti ante legem; fuerunt sub lege; fuerunt temporibus prophetarum; item post ascensionem Dominicam congregata est Ecclesia primitiva de Israël. Congregatur nunc Ecclesia de gentibus; congreganda est in fine mundi, de reliquiis Israël. Habebat ergo calamus primus in uno latere tres scyphos, sphaerulas et lilia, quia in parte doctorum ante incarnationem Domini erant tres ordines eorum qui haustum gratiæ cœlestis quasi scyphi sitirent, et in via Domini promptissime quasi sphaerulae currentes, supernæ donum retributionis, quasi candorem liliorum odoremque gaudenter expectarent; et ante legem, sub lege, sub prophetis. Secundus calamus et ipse habebat tres scyphos, sphaerulas et lilia, quia continentes illius temporis æque tres ordines sanctorum in præfata distinctione temporum habebant, potum spirituales desiderantes, viam mandatorum Domini currentes, et cœlestia præmia præstolantes. Tertius similiter calamus tres scyphos et sphaerulas, et tria habebat lilia, quia multi erant conjugati ante legem, multi sub lege, multi in diebus prophetarum, qui verbum Domini audire, qui viam ejus currere, qui bonorum præmia operum ab ipso expectare gauderent. Item ex alio latere hastilis, et primus calamus et secundus et tertius, tres scyphos et sphaerulas, tria quoque lilia habebat, quia in Novo quoque Testamento, et in doctoribus, et in continentibus, et in conjugalis Deo devotis tres fuere ordines tempore distantes, hoc est in primitiva Ecclesia de Israël, in nostrâ electione de gen-

tibus, in ultima collectione reliquiarum Israel, qui universi suo quique tempore verbo vite debuerunt in viam pacis properare, candorem perpetuae lucis videre desiderarent.

In ipso autem candelabro erunt quatuor scyphi in nucis modum sphaerulaeque per singulos et lilia sphaerulae sub duobus calamis per tria loca, qui simul sex sunt, procedentes de hastili uno. Diximus ipsum candelabrum, id est, stipitem candelabri medium, de quo calami procedebant, Dominum Salvatorem designare, de cuius gratia iusti quidquid boni habent, acceperunt. Unde ipse in Evangelio cum dixisset discipulis: *Ego sum vitis, vos palmites*, continuo subiunxit: *Sicut palmes non potest ferre fructum a semetipso, nisi manserit in vite, sic nec vos nisi in me manseritis* (Joan. xv). In quo nimirum candelabro quatuor scyphi sunt facti, quia in quatuor libris sancti Evangelii qui de Domino sunt conscripti, gustum vini novi, hoc est doctrinae caelestis invenimus, quod non utres veteres, hoc est mentes terrenis adhuc desideris inhaerentes, sed tantum innovata per spiritum gratiae corda fidelium, capere queant. Sunt per singulos scyphos sphaerulae simul et lilia deformata, quia idem Dominus qui poecilum nobis sapientiae spiritualis propinavit, cursum quoque pie operationis inoffensum ac promptum, et habendum nobis ostendit, et ut habere possimus, ipse donavit; et ne in vacuum curreremus, claritatem nobis patriae caelestis ad quam intenderemus, promisit, et hujus nobis adiutum sua gratia patefecit. Vel certe quia sub duobus calamis per tria loca, scyphi, sphaerulae et lilia mandantur fieri, possumus haec ita mystice interpretari, quia tribus fidelium gradibus, de quibus sapius diximus, conjugatorum scilicet, continentium et virginum, et doctrinam veritatis aperuit, et cursum boni operis imperavit, et hereditatis semper immarcescibilis atque incorruptae benedictionem promisit atque donavit. Et apte scyphi, sphaerulae et lilia candelabri, non super calamos, sed sub calamis esse iubentur, quia corda praedicantium, imo omnium electorum, ne ad infima delabi possint, donis, mandatis et promissionibus Dominicis sustentantur, atque ad amanda et quaerenda caelestia sublevantur. Apte scyphi, sphaerulae et lilia, sub duobus calamis sunt, quia in utroque Testamento fidelibus, quamvis caeremoniis distantibus, eadem devotio Domino serviendi mandata, eadem est gloria regni caelestis conservata. Quartus autem scyphus, sphaerula et lilium, quae supra calamos omnes iuxta summitatem fuere candelabri ipsius, proprie ad Dominum pertinet Salvatorem, qui non solum electis suis virtutum scientiam, operationem et remunerationem tribuit, verum etiam in seipso idem homo Christus figuram ostendit scyphi, cum se plenum Spiritu sancto declaravit. Formam praetendit sphaerulae, cum apparens in mundo, absque ullo circumstrepentium rerum obstaculo, exsultavit ut gigas ad currendam viam. Speciem monstravit lili, cum resurgens a mortuis atque ascendens ad coelos, clarificatus est ea claritate quam

habuit, priusquam mundus esset apud Patrem. Et recte hic scyphus, sphaerula et lilium, calamis altior eminebat, quia nimirum dona quae mediatori Dei et hominum, homini Jesu Christo Deus Pater contulit, omnem humanae capacitalis modum transcendunt. *Unicuique enim nostrum data est gratia, secundum mensuram donationis Christi* (Eph. iv). In ipso autem Christo, sicut Apostolus ait, *habitat omnis plenitudo divinitatis corporaliter* (Col. ii). Sequitur: *Et sphaerula igitur et calami ex ipso erunt: universa ductit de auro purissimo*. Omne enim opus candelabri, hoc est et slipes medius et calami ex ipso procedentes, cum omni suo ornatu, de auro fiunt, quia et Dominus ipse specialiter immunit a peccato, atque operibus iustitiae per omnia praerulans in mundo apparuit, et eandem innocentiam atque iustitiam, membra ejus in hac interim vita, quantum valent imitantur, in futuro autem veraciter ipsi adhaerendo proficiunt. Et apte idem aurum ductile fuit. Ductile namque feriendo productur, quia et Redemptor qui ex conceptione et nativitate perfectus est Deus et homo existit, passionum dolores pertulit, ac sic ad resurrectionis gloriam pervenit. *Et omnes qui volunt pie vivere in illo, persecutionem patiuntur: quia et ipsi quasi metallo feriendo dilatati, per passionis contumelias, et immortalitatis gratiam proficiunt*. *Facies et lucernas septem, et pones eas super candelabrum ut luceant ex adverso* (I Tim. iii). Lucernae septem, septem sunt dona Spiritus sancti, quae et in Domino ac Redemptore nostro cuncta semper manserunt, et in membris ejus, hoc est omnibus electis, pro ejus voluntate distributa sunt. Poniuntur ergo lucernae septem super candelabrum, quia super Redemptorem nostrum primogenitum de radice Jesse, *requiescit spiritus sapientiae et intellectus, spiritus consilii et fortitudinis, spiritus scientiae et pietatis, et impletus est spiritus timoris Domini* (Isa. xi). Et scullitem ipse per eundem loquitur prophetam: *Spiritus Domini super me, eo quod unxerit me* (Isa. lxi). Quod autem dicitur, *ut luceant ex adverso*, hoc est quod propheta subsequenter adiecit: *Ad amandandam mansuetis misit me, et mittere contritos corda, et praedicarem captivis indulgentiam, et clausis aperirem; et diem ultionis Deo nostro* (Ibid.). Enactoria quoque, et ubi quae emuncta sunt extinguantur, fiant de auro purissimo. Sunt enim quaedam in Scripturis divinitis praepcepta, quae perpetuo jure, et in hac vita, et in futura semper observari debeant, ut est illud: *Non habebis deos alienos coram me*, (Exod. xx); et, *Diliges Dominum Deum tuum ex toto corde tuo, et ex tota anima tua, et ex tota virtute tua*; et *diliges proximum tuum sicut teipsum* (Deut. vi). Sunt illa quae toto hujus vitae tempore observanda iubentur, sed in futura vita metecorum suae observationis aeternam percipiunt, ut est illud Evangelii: *Facite vobis amicos de mammona iniquitatis, ut et ipsi recipiant vos in aeterna tabernacula* (Luc. xvi). Ille enim ad tempus elemosynas facien-

dæ: ibi perpetuo elemosynarum est fructus recipiendus. Sunt item alia quæ tempore Veteris Testamenti diligenter, jubente Domino servata, nunc coruscante per orbem Evangelio, non juxta litteram, sed juxta sensum mysticum, in Ecclesia jubentur observari, ut est custodia sabbati, ut ritus hostiarum, et sanguis agni paschalis, cæteraque hujusmodi quæ suo quidem tempore solerter custodita a populo Dei, quibus ellychnia in lucernis candelabri ardebant, infusa oleo piæ devotionis, et incensa igne verbi cœlestis. Cum vero ab apostolis atque apostolicis viris prædicatur his et hujusmodi observationibus finem a Domino impositum, cunctaque spiritualiter magis in Ecclesia quam juxta litteram esse servanda, quibus emulgebantur ellychnia candelabri, ut reparata melius lucerent, quia sublimius intellecta per spiritum sanctæ Ecclesiæ lucem doctrinæ salutaris præbebant. Emunctoria ergo et vasa in quibus quæ enuncta sunt extinguuntur, sunt de auro purissimo, quia et divina sunt verba, quibus cessatio caeremoniarum legalium prædicatur, et Dei gratia sunt illustrata eorum corda, in quibus eadem figurata legis adumbratio finem accipit, ut succedens Evangelii veritas clarius mundo luceret. Item quia finita mortali, et succedente vita immortalis, cessabunt maxima ex parte opera vel dona lucis, quibus nunc utimur, ut sequantur æternæ præmia lucis, in præsentia divinæ visionis, illa Scripturarum testimonia, quæ hæc futura esse testantur, emunctoria nimirum sunt aurea: quia ipse futuræ claritatis eximia sunt. Vasa quoque in quibus ea quæ emuncta sunt extinguuntur, corpora utique sunt, et corda omnium justorum immortalia. Et ideo rectissime auro assimilata, in quibus exoptatissima hæc immutatio fiet, ut post temporalia Dei beneficia, ad æterna perveniant. *Omne pondus candelabri cum universis vasis suis, habebit talentum auri mundissimi.* Omne pondus candelabri cum universis vasis suis, omne Christi corpus est, cum ipso capite nostro mediatore Dei et hominum, cum universis clectis suis, a summis usque ad infimos, ab his quibus major inter natos mulierum nemo est, usque ad eos de quibus dicit. Videte, ne condemnatis unum de pusillis istis, qui in me credunt. Qui nimirum omnes, in diversis licet gradibus, ætatibus, sexibus, conditionibus, ingeniis, temporibus, uni eidemque auctori et datori perpetuæ lucis, suo quique tempore ac loco quibus candelabro aureo fixa radice mentis in hærent, quo ejusdem participes lucis fieri possint. Quod videlicet candelabrum, recte talentum auri mundissimi habere debere memoratur. Talentum namque pondus plenum ac perfectum est, quia justus Dominus in omnibus viis suis. Et qui suam gratiam in hac vita fidelibus ut bene operentur tribuit, ipse coronam justitiæ in illa vita bonis eorum operibus reddit. Cui contra Zacharias propheta, *iniquitatem super talentum plumbi sedare describit* (Zach. v): quia et reprobis in eodem justo examine, juxta actus ipsorum restituit; quia tu reddes, inquit,

A *singulis secundum opera ipsorum* (Psalm. lxi). Utraque tamen et plumbum scilicet et aurum, talenti habet mensuram, quia et in damnando impios, et in salvando ac coronando electos, justa est nostri sententia conditoris: *Inspice et fac secundum exemplar, quod tibi in monte monstratum est.* Hujus mysterium præcepti, facillime ex eis quæ superius exposita sunt, patet. Ostensum namque est Moysi in monte exemplar candelabri quod faceret, quia in altitudine intimæ contemplationis, didicit aperte multifaria Christi et Ecclesiæ sacramenta: quæ tamen non aperte populo quem erudiebat, proferre valebat, sed typice potius per figuram et opus candelabri ac vasorum ejus, signabat, donec veniret ipse Dominus ac Redemptor noster in carne, qui interiorum ejusdem figuræ sensum, Ecclesiæ suæ data sancti Spiritus gratia reseraret. Tabernaculum quod fecit Domino Moyses in solitudine, sicut et templum quod fecit Salomon in Jerusalem, statum sanctæ universalis Ecclesiæ designat, quæ partim jam cum Domino regnat in cælis, partim in præsentis adhuc vitæ decedentibus ac succedentibus sibi membris suis, peregrinatur a Domino. Et quidem in utriusque constructione domus, hæc principalis solet esse distantia figurarum, quod tabernaculum præsentis ædificium Ecclesiæ, quo quotidie in laboribus exercetur, templum futuræ requiem designet, quæ quotidiana animarum hinc post labores exeuntium receptione perficitur. Quia nimirum tabernaculum Moyses cum populo Dei in via adhuc positus, qua ad terram repromissionis pergebat, condidit: Salomon autem templum ipsa jam terra repromissionis, et regno in ea potitus, construxit. Moyses tabernaculum in solitudine, Salomon templum in Jerusalem, quæ interpretatur *visio pacis*. Quoniam hic quidem Ecclesia in labore et ærumna vitæ labentis, in siti et esurie regni perennis ædificatur: illic tamen in visione ac perceptione veræ pacis consummatur. Unde bene in templi constructione dictum est, quod malleus et securis, et omne ferramentum, non sunt audita in eo cum ædificaretur. Præparatis extra Jerusalem cunctis lapidibus ac lignis, atque in positionem ordinis sui decenter aptatis quæ ibi facillime atque indubitanter, suo quæque loco reddita, aut cæmento necterentur aut clavibus. Quia videlicet in pace supernæ beatitudinis, non est tribulationibus nostra examinanda fides aut vita probanda, sed quæ in præsentis sæculo castigata, et cœlestibus erat sedibus regulariter aptata, ibi glutine et vinculis mutæ charitatis, ne perpetuo dissolvi queat, in conspectu etiam sui conditoris ac regis, ad invicem copulanda. Item figura utriusque sanctuarii potest generaliter ita distingui, ut opus tabernaculi tempus synagoge, hoc est antiquæ Dei plebis, opus vero templi, Ecclesiam, id est, illam electorum multitudinem, quæ post incarnationem Dominicam ad fidem venit, significet: quomodo videlicet tabernaculum Moyses cum sola Hebræorum plebe consummavit, templum vero Salomon collecta proselytorum multitudine



perfecti, adjuvante cum rege Tyrio cum artificibus suis qui neque natura Judæi, neque professione fuerunt. Constat enim, quia priori Dei populo doctores, non nisi ex ipsa eorum gente præferunt. At vero Ecclesiæ rectores primi quidem fuerunt de Hebræis; verum mox crescente ea ac dilata per orbem, etiam de gentibus structores sunt ejus exorti, adeo ut ipse quoque evangelista Lucas, et Timotheus ac Titus viri apostolici, de vocatione gentium, ad præsulatum ejus pervenerint. Verum si diligentius inspiciamus, utriusque domus ædificationem, et totius Ecclesiæ præsentis statum mystice describit, quæ ab initio mundanæ conditionis, usque ad ultimum qui in fine sæculi nasciturus est electum, semper ædificare non desinit, et futuræ quoque gloriæ vitæ, qua nunc ex parte fruitur, sed post hujus terminum sæculi, in omnibus suis membris, in æternum fruitura est, mirabili figurarum varietate depingit. Unde nos aliqua de tabernaculo Domino opitulante dicturi, primo ipsum invocantes, humili etiam prece deprecamus, revelare oculos cordis nostri, ut considerare queamus mirabilia de lege ejus, et in pretiosorum decore metallorum ac vestimentorum intelligamus ornatum nobis morum, fide ac devotione fulgentium, esse commendatum. Neque enim nobis aliter sermo ille apostolicus potest convenire, quo ait: *Vos enim estis templum Dei vivi sicut dicit Deus: quoniam inhabitabo in illis, et inter eos ambulabo (I Cor. vi)*. Et quod Joannes audivit vocem magnam de throno dicentem: *Ecce tabernaculum Dei cum hominibus, et habitabit cum eis (Apoc. xxi)*. Quem ornatum sive tabernaculi sive templi materiales, religiosi mundique cordis et corporis cultu imitemur. Sed et certius de spirituali sensu disseramus. Primo de ipso materiali textu literæ, paulisper videamus. Erat tabernaculum domus Domino consecratum, habens longitudinis cubitos triginta, latitudinis decem, altitudinis æque decem, tectum habens æquale per totum, quomodo in Ægyptio et Palæstina domus moris est ædificandi. Cujus quidem parietes tres, australis, septentrionalis et occidentalis, de tabulis sunt compacti ligneis, ab utroque latere deauratis. Porro pro orientali parte unus vetis erat, unde introitus fuit, qui per medias tabulas ab angulo usque ad angulum perveniret, id est a summitate ultima hujus parietis, usque ad parietis alterius summitatem, cui cortinæ tabernaculi et tectum incubuere, ubi et tectorum erat quinque columnis suspensum. Tegebatur autem domus et desuper, et undique cortinis mira varietate contextis, quod proprie tabernaculum vocabatur. Tegebatur et hoc undique sagis cilicinis, usque ad terram pertingentibus. Sed et operimentum aliud tecto de pellibus arietum rubricatis pictum est, et super hoc rursus aliud operimentum de hyacinthinis pellibus. Erat etiam et velum opere plumarii variatum columnis quatuor appensum, quo sanctuarium et sanctuarii sanctuaria dividebantur. Intra quod posita erat arca testamenti, et contra arcam

A extra velum altare thymiamatis. Item in medio ipsius sanctuarii, candelabrum in parte australi: mensa vero stabat in septentrionali. Altare holocausti foris ante ingressum sanctuarii, labrum æneum inter hoc altare et tabernaculum; et circa omnia atrium tabernaculi, longitudinis habens cubitos centum, latitudinis quinquaginta. His ergo dilucidandi gratia breviter prælibatis, videamus ipsa verba historię, quo per hæc altius atque apertius ad sensum allegoriæ pervenire queamus. Cum Moysi Dominus secum in monte Sinai quadraginta diebus ac noctibus constituto, legis caeremonias et ritum vivendi traderet, ait inter alia.

### CAPUT XIII.

B *De factura tabernaculi, hoc est cortinarum decem, sagorum undecim, operimentis tertii et quarti pellibus.*

*Tabernaculum vero ita facies: Decem cortinas de bysso retorta, et hyacintho ac purpura, coccoque bis tincto, variatas opere plumario facies (Exod. xxvi)*. Tabernaculum Domini sit ex cortinis diversa colorum specie variegatis, quia sancta universalis Ecclesia, ex multis electorum personis, ex multis per orbem ecclesiis, ex variis virtutum floribus ædificatur. Cujus omnis perfectio in denario numero continetur, quia quaquaversum Ecclesia per mundum in diversis gentibus et tribubus et populis et linguis diffusa est, tota in sola Dei et proximi dilectione quæ decalogo legis est comprehensa subsistit. Neque aliter quisquam potest veraciter ad Ecclesiæ membra pertingere, nisi integro corde, et eum per quem ædificatur, et eos in quibus ædificatur Ecclesia, hoc est Deum et electos ejus amare didicerit. Varius autem colorum decor quo eadem sunt cortinæ distinctæ, variarum est gratia virtutum, quibus sancta Ecclesia mirabili ac prorsus cælesti arte composita in conspectu sui respundet auctoris. Byssus ergo quæ de terra quidem oritur, sed eruta de terra longo exercitio siccandi, tundendi, purgandi, coquendi et nendi, gramineum solet perdere, et candidum in se recipere colorem, corpora designat castitatis nitida decore. Quæ cum carnis quidem illecebris nascentia, magno continentia labore quasi nativum exsudant humorem, atque ad decorem Deo digne puritatis solerti jejuniorum et vigiliarum, orationum et lectionis, patientiæ et humilitatis instantia perveniunt. De quibus recte possit illud apostolicum dici: *An nescitis quoniam membra vestra templum sunt Spiritus sancti qui in vobis est (I Cor. vi)*? Retorquetur autem hæc byssus in cortinas tabernaculi, quoniam non modo lumbos carnis, verum etiam ut Petrus admonet, *Lumbos mentis nostræ in sobrietate succingimus (I Petr. i)*. Ut videlicet et carnem a lascivis motibus, et cor ab illecebris refrenemus cogitationibus. Hic accinctus quoniam aeris et cæli speciem imitatur, eorundem mentes electorum, omni spe ac desiderio cælestia quærentes significat. Cujus nobis coloris sacramentum commendans Apostolus ait: *Si conresurrexistis cum Christo, quæ sursum sunt quærite, ubi Christus est in*





tia : quia summi illi prædicatores, qui vitam fidelium suis exhortationibus et intercessionibus quotidiana sollicitudine, vigiliis, jejuniis, sua nuditate protegunt, sese quidem humiliter ipsi contemplata, supernæ puritatis excellentia peccatores profitentur. Qui tamen quantum ad humanæ modum perfectionis attinet, mundi inter homines ac sublimes apparent : *Æqua erit mensura sagorum omnium, e quibus quinque junges seorsum, et sex sibi mutuo copulabis, ita ut sextum sagum in fronte tecti duplices.* Una erit mensura sagorum omnium, quia nimirum una est fides in qua tota salvatur Ecclesia, una eademque vita ad quam festinat æterna. Unde et hi qui in vinca Domini diverso tempore ad operandum intraverunt, uno omnes denario remunerantur (*Matth. xx*). Divisio ergo sagorum in quinque et sex juxta illud intelligi potest, quod supra de cortinis in quinque et quinque divisus exposuimus, quia videlicet doctores utriusque Testamenti designent. Quinque etenim saga antiquis populis Dei magistris, apte comparantur, vel quia Mosaicæ tamen legis sacramenta prædicabant, quamvis et evangelicæ arcana prædicebant; vel quia in quinque mundi ætatibus hujus vitam ducebant. In sex autem sagis possunt non inconvenienter Novi Testamenti doctores accipi, quia videlicet omnia quæ divina Scriptura in sex ætatibus sæculi facta sive dicta refert, in adiutorium atque exemplum suæ prædicationis spiritualiter intellecta assumunt; quia passionem Dominicam, per quam mundus sexta sabbati redemptus est, palam suis auditoribus credendam confitentemque pronuntiant, ac per hujus solummodo sacramentum eos salvari posse contestantur. Unde recte præcipitur sextum sagum in fronte tecti duplicari, propter confessionem videlicet et imitationem ejusdem Dominicæ passionis. Siquidem juxta litteram, frontem tecti, ingressum tabernaculi dicit, ubi non tabulas ut supra breviter diximus, sed columnas et vectem ab angulo tabularum, usque ad angulum protentum, poni præceptum est. Ideoque quantum ad formam operis ipsius pertinet, ibi magis opus erat geminato sagorum munimento, ubi solida parietis firmitas aberat. Ad vero mystice, in fronte tecti sextum sagum duplicatur, cum omnes qui sanctam intrant Ecclesiam, ita fide et sacramentis Dominicæ passionis initiantur, ut in hujus quoque imitatione sibi semper esse vivendum intelligant : *Facies et quinquaginta ansulas in ora sagi unius, ut conjungi cum altero queat; et quinquaginta ansas in ora sagi alterius, ut cum altero copuletur; quinquaginta fibulas aureas, quibus jungantur ansæ, ut unum ex omnibus operimentum fiat.* Hæc ut supra in cortinis exposuimus, etiam hic intelligi possunt : quod videlicet recordatio supernæ requiæ, quæ numero quinquagenario solet exprimi, corda sanctorum vinculo precis adunet. Aut si novi aliquid audire delectat, saga humilitatem sublimissime designant virorum, quia magis sudorâ membrisse delictorum quam virtutes suas prædicasse capiunt, amplius de eis quas apprehendere non possunt virtutibus compungi, quam

A de illis quas jam apprehenderant, student gloriari, potest numero ansarum sive fibularum quinquagenario, ipsa compunctionis eorum humilitas designari. Quinquagesimus namque penitentiae psalmus est, et recte : quia donum penitentiae non nisi Spiritu sancto largiente conceditur : donum veniæ penitentibus, non nisi eadem sancti Spiritus gratia administrante tribuitur. Et bene quinquagenæ ansæ vel fibulæ saga invicem neclunt, quia nulla magis virtus quam humilitas, fideles in unam charitatis copulam ligat. Nam quanto se quisque amplius infirmum esse perpendit, tanto studiosius auxilium proximi quo confirmetur, inquirat. Et bene fibulæ sunt æneæ, quod multum vocale constat esse metallum, quia nimirum magnam apud Deum habet vocem humilis conscientia justorum. Unde et pauper ille Davidicus, cum anxius esset et non in auribus hominum vociferaretur, sed in conspectu Domini effunderet orationem suam, *Domine, exaudi orationem meam, inquit, et clamor meus ad te veniat (Psal. ci).*

Quod autem superfuerit in sagis quæ præparantur tecto, id est, unum sagum quod amplius est, ex medietate ejus operies posteriora tabernaculi; et cubitus ex una parte pendebit, et alter ex altera, qui plus est in sagorum longitudine, utrumque latus tabernaculi protegens. Hæc ut plenius intelligi queant, paulo latius de tota ipsius tabernaculi positione disputare necesse est. Diximus parietes tabernaculi quæ ex tabulis et columnis constabant, longitudinem habuisse triginta cubitorum, latitudinem decem, altitudinem C similiter decem. Si quis ergo vellet domum in latitudine cingere funiculo, verbi gratia a basi tabulæ unius meridiani lateris, usque ad basim tabulæ quæ esset e regione in latere septentrionali, constat profecto eundem funiculum triginta cubitorum longitudinis esse debere : hoc est decem cubitos habens ascensionis in meridiano pariete, decem alios æqualitatis sursum inter parietes, decem tertio descensionis in pariete septentrionali. Item si per longitudinem domus extendere funiculum velis, hoc est a basibus columnarum sursum, et per longitudinem totius domus ad occidentalem usque parietem, ac deinde usque ad bases ejus deorsum, habebit funiculus ille quinquaginta cubitos longitudinis : decem videlicet ascensionis juxta columnas, triginta æqualitatis secundum longitudinem domus, decem rursus descensionis juxta occidentalis parietis tabulas. His ergo consideratis, intueri est mensuras cortinarum quibus regenda erat domus, qualiter præfatis possint convenire mensuris. Decem erant cortinæ habentes singule longitudinis viginti octo cubitos, latitudinis quatuor : quæ simul junctæ et in unum compositæ, tabernaculum implebant de latitudine sua, cubitos quadraginta. Suspende igitur cortinas quæ habent singulæ longitudinis viginti octo cubitos, et pone in domo cujus est mensura in transversum triginta cubitos, et videbis quia cortinæ habebunt in æqualitate quæ est inter parietes, cubitos decem, in ascensu autem, sive descensu qui est juxta parie-

tes, habebunt cubitos novenos : sicque fit ut summis cortinarum terram tangere non possit, sed mensura unius cubiti a terra altior absit. Item videbis quod cortinae habent in aequalitate per longitudinem domus cubitos triginta, in ascensu autem sive descensu, qui est in orientali et occidentali latere domus, cubitos quinos. Ideoque eadem lateralis summitas cortinarum nequaquam ad terram usque pertingit, sed quinque cubitis habetur terra altior; unde necesse sit, ut quinque illi cubiti cortinarum, qui cessantibus parietibus supersunt, inducantur ad invicem in orientali simul et occidentali latere, sibi in mutuo jungantur; ac sic fiat, ut undique domum cortinae excepto uno juxta terram cubito contegant. Haec de cortinis. Porro saga tricenos habebant cubitos longitudinis, quaternos latitudinis. Et quia undecim erant conjunctae adinvicem per latera, quadraginta quatuor cubitos implebant. Pone ergo et has in domo, quia concordat longitudo sagorum cum funiculo quo domum metiebaris in transversum, sitque ut summitas eorum ad terram usque pertingat. Habent enim denos cubitos aequalitatis inter parietes, denos aequae ascensionis sive descensionis in utroque latere. Et hoc est quod ait Scriptura, *quia cubitus ex una parte penderet, et alter ex altera, qui plus esset in sagorum longitudine, utrumque latus tabernaculi protegens*. Tabernaculum namque proprie vocat ipsam cortinarum facturam sive conjunctionem, quas uno atque cubito transiebant saga ab australi latere domus, altero a septentrionali. Ideoque ad terram perveniebant, quia haec triginta cubitos longitudinis, illae duo minus habebant. Item mensura sagorum per longitudinem domus quadraginta quatuor cubitis tendebatur: triginta videlicet cubitos in aequalitate habens a fronte domus usque ad summitatem tabularum in plaga occidentali, et septem cubitos dependentes a fronte domus, septem similiter dependentes in plaga occidentali. Sicque fit ut mensura sagorum in occidentali latere duobus cubitis excederet mensuram cortinarum, quia nimirum cortinae desuper venientes sicut supra commemoravimus, quinque cubitos eidem occidentalis parietis tegebant, et tribus relinquebant intactos. Et hoc est quod nunc dicitur: *Quod autem super fuerit in sagis quae parantur tecto*, id est, unum sagum quod amplius ex medietate ejus operies posteriora tabernaculi. Medietas namque sagi in latitudine sunt duo cubiti, ex qua videlicet medietate cooperiebantur posteriora tabernaculi, id est, cortinarum quae proprie tabernaculum vocabantur, quia duobus cubitis eas, ut diximus, ad inferiora tendens sagum ultimum transibat. Itemque saga desuper venientia septem solummodo cubitos occidentalis parietis cooperiebant; nec tamen tres reliqui qui remanserant usque ad terram nudi tempestatum injuriis patebant, sed adductis ad invicem ab utroque latere sagis septenorum cubitorum, qui deficientibus parietibus supererant, his posteriora domus firmissime ad terram usque contegebantur. Neque autem

A haec tantum ad invicem pertingere, et instar cortinarum sese in medio parietis contingere poterant; sed quia septenorum erant cubitorum, medium parietis in utroque partem duobus cubitis excedebant, ac sibi invicem superpositae jungebantur. Quod eodem modo per omnia etiam de orientali parte domus intelligendum esse putamus. Ideoque supra praecipuum est ut sextum sagum in fronte tecti duplicaretur. Haec de re difficillima prout nobis intellexisse visi sumus, strictim explicare curavimus, parati discere in his veriora si quis docere nos voluerit, in quibus tuus omnibus patet allegoriae sensus per lucidus. Saga namque cortinas et desuper et infra, et ex omni latere protegebant; atque ut illae intus libera facie sua venustatis fulgerent, haec ab omni eas injuria tempestatum, pluviarum et caumatum, foris immunes reddebant: quia nimirum perfecti sanctae Ecclesiae praepositi ita vitam fidelium sibi commissorum solerti solent cura circumspicere, ut nec subsidia carnis, nec vitae spiritualis eis auxilia desint. Repellunt enim saga imbres, obsistunt procellis, arcent solis ardores, cuncta foris adversantia fortiter ambiunt, ut decus cortinarum interius intemeratus persistat: cum Augustinus omnia quae fidem turbare poterant, haereticorum venena evacuat; cum Gregorius ea quae mores bonos impugnant tentamenta antiqui hostis explicat; cum Cyprianus infirmos ne in martyrio labantur, piis confortat exhortationibus; cum alii venerabiles episcopi ac doctores quaecumque turbare Ecclesiam poterant, longius tentamenta propellunt, et quae eisdem sint ad salutem proficua solerti indagine prospiciunt: quatenus undique tuta conversatio religiosa fidelium libero corde virtutibus studere, atque in conspectu sui conditoris et opere praefulgida lucere, et ipsius quoque contemplationi possit oculum mentis intendere. Verum quia inter sanctos praedicatores illi sunt maximo digni honore, qui excepto quod officio praedicationis et populorum regimini deserviant, etiam pro Christo sanguinem fundunt, recte subditur: *Facies et operimentum aliud tecto, de pellibus arietum rubricatis*. Arietum quippe vocabulo, solent nonnunquam sancti doctores accipi, eo quod sint duces sequentium Domini gregem. Unde pulchre Psalmista: *Afferte Domino, inquit, filii Dei, afferte Domino filios arietum* (Psal. xxviii). Quod est aperte dicere: *Afferte Domino, omnes angeli Dei, quibus hujus officii cura delegata est, afferte Domino in caelos spiritus fidelium, qui per imitationem vitae et fidei, filii beatorum apostolorum fieri meruerunt. Operiuntque tabernaculum Domini pelles arietum rubricatae atque ab injuria tempestatum defendunt, cum sancti praedicatores exemplo passionis et patientiae suae, corda infirmorum ne in pressuris tribulationum deficiere debeant, muniant. Et quoniam inter praecipua Christi et Ecclesiae membra eximium sacra virginitas locum tenet, apte post variatum decus cortinarum, post ciliciorum munimenta sanctorum, post rubricatas arietum pelles, additur adhuc: *Et super hoc rursus aliud operimen-**

*rum de hyacinthinis pellibus.* Hyacinthus namque celestis est coloris : pellis vero mortui animantis pars et indicium est. Et quid per pelles hyacinthias, nisi virtus exprimitur illorum qui mortificatis ad purum cunctis concupiscentiæ carnalis illecebris, cœlestem quodammodo in terris vitam gerunt, atque inter homines positi angelicam magis puritatem imitantur, et hoc quod tempore futuræ immortalitatis cunctis promittitur electis qui non nubant neque ducant uxores, *sed sint æquales angelis Dei (Luc. xx)*, ipsi adhuc mortali carne retenti prævenire satagunt. Unde merito tam magnæ virtutis permagnum restat præmium, quia attestante propheta, *Hæc dicit Dominus eunuchis, qui custodierunt sabbata mea, et elegerunt quæ ego volui, et tenuerunt fœdus meum : Dabo eis in domo mea, et in muris meis locum; et nomen melius a filiis et filiabus, nomen sempiternum dabo eis quod non auferetur (Isa. lvi)*. Merito ergo pelles hyacinthiæ supremum in domo Dei locum tenent; colorque cœlestis proximam cœlo sedem sortitus est, ut chori virginales, et animi et corporis speciali vicinia agnum secuturi, et hymnorum ei laudes designentur esse cantaturi. Bene autem de velis cortinarum ac sagorum dicitur, quod et si in alto posita, ad terram tamen demissa penderent, quamvis cortinæ nequaquam ad terram usque pertingere potuerint. Columnæ quoque ac tabulæ tabernaculi, et si in altum erant erectæ, bases tamen in quibus starent habebant in terra positas. At vero de rubricatis atque hyacinthinis pellibus, quod in alto tectum operiant, dicitur. Quod vero ad terram essent deflexæ, non additur : quia nimirum cæteræ virtutum species commune aliquid cum his qui in terra adhuc detinentur, habere videntur. Certamen vero martyrii, et decus Deo dicatæ virginitatis, quasi ab infimis ac terrenis rebus suspensum, et supernis civibus specialiter constat esse conjunctum.

## CAPUT XIV.

*De tabulis tabernaculi et positione earum vectium eorum et annulorum.*

*Facies et tabulas slantes tabernaculi, de lignis sethim, quæ singulæ denos cubitos in longitudine habeant, et in latitudine singulos ac semissem.* Ligna sethim de quibus tabernaculum fiebat imputribilis sunt naturæ, eximii candoris ac levitatis : et non multum de alba spina, nisi tamen magnitudine, distantia. Unde et Hieronymus nonnunquam in lib. Hebræorum Nominum, et in aliis opusculis suis, *sethim* absolute *spinas* interpretatus est. Verbi gratia, *abel sethim, luctus spinarum*. Non autem facile hoc genus ligni nisi in desertis Arabiæ, ubi tabernaculum ædificabatur, solet inveniri. Unde Græci vel Latini interpretes, nomen ei aliud præter Hebræum ponere nequiverunt : ut pote, cuius apud eos notitia nulla erat, quamvis quidam qualitatem naturæ ejus exprimere volentes, *ligna imputribilia* transtulerunt. Tabulæ ergo tabernaculi apostolos eorumque successores, per quorum sermonem Ecclesia per orbem dilatata est, designant. Latitudo enim tabularum, di-

latitudo est fidei et sacramentorum, quæ prius in una Israelitica latebat, sed horum ministerio ad totius orbis plenitudinem pervenit : quamvis recte in latitudine tabularum ipsa quoque dilatatio cordis sanctorum valet intelligi, per quam mundum despiciere atque ad appetenda cœlestia solent sublimiter accendi, per quam non solum amicos in Deo, sed etiam inimicos gaudent diligere propter Deum. Spinae vero juxta eloquium Salvatoris curæ sunt hujus sæculi divitiæ et voluptates fallaces; sed et punctiones peccatorum non incongrue spinis assimilantur. Hinc etenim scriptum est, *quia spinæ nascantur in manibus temulenti (Prov. xxvi)* : id est, peccata in operibus stulti. Quia ergo prædicatores sancti et a punctionibus se vitiorum expurgare, et omnibus mundi curiæ ab delectationibus exuere studuerunt, quatenus libera mente in amore Dei et proximi dilatari, atque ad prædicandum verbum longe lateque possent discurrere, recte dicitur, quia de lignis spinarum tabulæ sunt factæ tabernaculi. Longitudo tabularum altitudo est, quæ decem cubitos habebat : quia sancti doctores per observantiam decalogi legis ad perfectionem tendunt; quia pro perceptione denarii diurni in vinea Christi laborant, id est, illa intentione verbo doctrinæ insistunt, ut imaginem in se sui conditoris ac regis, quam Adam peccante perdidit, ipso donante restaurent; ut ejus quod peccando amiserant, recte vivendo recipiant. Solet namque in denario regis nomen et imago contineri. Sed et hoc quod denarius ex eo nomen accipit, quia decem nummis compleatur, statui futuræ nostræ beatitudinis apte congruit, quæ in vera Dei et proximi dilectione perficitur. Deus namque solet ternario sæpe numero, propter eam quæ ipse est trinitatem, figurari : homo septenario, quia corpus ex quatuor notissimis habetur elementis. Animæ vero, hoc est interioris hominis substantia, triplici solet in Scripturis distantia comprehendi. Hinc est enim quod *diligere Deum ex toto corde, tota anima, tota virtute nostra precipimur (Deut. xvi)*. Bene ergo tabulæ, quibus erectis ac stantibus tabernaculum omne continetur, decem cubitos habent altitudinis : quia doctores ac rectores sanctæ Ecclesiæ hac intentione Deo deserviunt, ut ipsum anima et carne immortales ac beati in æternum videre mereantur. Quod vero ipsæ tabulæ cubitos ac semissem in latitudine habebant, plenus ille cubitus perfectionem bonæ operationis, dimidium cubiti quod superest inchoationem divinæ ostendit cognitionis. Deum vero interim fide cognoscimus, sed plenam ejus cognitionem in futuro speramus, dicente ipso Deo ac Domino nostro Jesu Christo : *Si manseritis in verbo meo, vere discipuli mei eritis, et cognoscetis veritatem (Joan. viii)*. Qui rursus ad Patrem : *Hæc est autem, inquit, vita æterna, ut cognoscant te solum et verum Deum, et quem misisti Jesum Christum*. Plenum ergo boni operis cubitum habent in hac vita electi. Sed cubitum beatæ retributionis ex parte habent, in quantum gaudia regni perennis, et præsentiam sui conditoris possunt de-

aidentia prægustare coelestibus. Cujus etiam cubiti adimplerione tunc beatificantur, cum fuerit sermo quem omni electorum populo promisit in fine futurum dicens: *Eripiam eum et glorificabo eum, longitudine dierum adimplebo eum, et ostendam illi salutare meum (Psal. xc).*

In lateribus tabulae, incastraturæ sunt, quibus tabula alteri tabulae connectitur; atque in hunc modum, exacte tabulae parabantur. Incastraturæ in lateribus tabularum virtutem designant humilitatis in mentibus justorum, per quam maxime sibi invicem fraternæ caritate junguntur. Dum enim singuli quique eorum corde contrito et humiliato, receptaculum in se proximorum dilectioni præparant, et diligenti se fratribus merito pietatis ac devotionis exhibent, quasi tabulae omnes tabernaculi inter alterutrum per incastraturæ nexum copulantur. Et quidem erecto tabernaculo ac regulariter ante ordinato, compago tabularum figura incastraturæ non cernitur; quanta tamen virtute tabulas sibi met coadunaverit, ipsa parietis inconcussa firma stabilitas ostendit: quia nimirum humilitas cordis sanctorum, qua sibi alterutrum foderantur, foris hominibus videri non potest, sed quid intus operetur ex ipso sanctæ Ecclesiæ pacatissimo statu palam omnibus patet. Quod autem jubet duas in tabulis singulis incastraturas fieri, hoc est in utroque latere illarum, dupliciter accipi per figuram potest: ut et in prosperis simul atque adversis inviolata erga fratres jura charitatis servemus. Quarum viginti erant in latere meridiano, quæ vergit ad austrum: quibus quadraginta bases argenteas fundas, ut binæ bases singulis tabulis per duos angulos subjiciantur. Quanta fuerit longitudo tabernaculi specialiter non exprimitur; sed ex eo immittitur quod parietes ejus ex tabulis viginti compacti essent; et hæc singula singulos cubitos ac semissem latitudinis habuisse perhibentur. Viginti namque cubiti et vides semis cubiti, triginta cubitorum summam complebunt: quam fuisse tabernaculi longitudinem etiam Josephus scribit. Et bene hoc numero tabernaculi longitudo comprehenditur: quia tres sunt virtutes in quibus principaliter omnis sanctæ Ecclesiæ perfectio consistit, videlicet fides, spes et charitas: quæ per decem multiplicantur, ut tricenarius numerus impleatur, dum virtutibus mentis opera bona junguntur, quæ decalogo legis continentur, ne quis sibi fidem, spem et dilectionem in Deum absque operum executione putet sufficere posse. Quod vero numerus tabularum vicenarius est, et hoc magnæ sanctorum perfectionis mysterium continet. Quater enim quini, faciunt viginti: et cum lex Mosaica quinque libris, gratia autem et veritas Novi Testamenti quatuor sancti Evangelii voluminibus comprehensa est, merito sancti doctores, vicenario numero exprimiuntur, quia miro veritatis consensu, et revelata atque completa in Evangelio legis arcana manifestant, et præfigurata fuisse in lege Evangelii sacramenta declarant. Bases autem quibus tabulae sustentabantur, verba sunt et libri legis ac proph-

etarum, quibus apostoli et Evangelistæ ea quæ scripturae prædicaverunt, vera esse ac divina probabant. Unde est illud in Evangelio sæpiissime repetitum: *Tunc adimpletum est, quod dictum est per prophetam; et, Hoc autem totum factum est, ut adimplerentur scripturæ prophetarum.* Et apostolus Petrus de Domino testimonium perhibens, adjecit: *Et habemus firmiorem propheticum sermonem, cui beneficiis attendentes (II Petr. i).* Bene autem singulis tabulis binæ bases supponuntur, ut consensus prophetice attestacionis in omnibus quæ apostoli dixerunt monstraretur; vel certæ binæ bases singulis tabulis per duos angulos subjiciuntur, ut, bene suffultis angulis, tota recte et indeclinabiliter possit tabula consistere: quia omnis evangelici et apostolici sermonis, in prophetis litteris, et initium præsignatum invenitur et finis. Bene eadem bases argenteæ sunt factæ, propter nitorem videlicet verbis coelestis. *Eloquia enim Domini eloquia casta, argentum igne examinatum terræ. In latere quoque secundo tabernaculi, quod vergit ad aquilonem, viginti tabulae erunt quadraginta habentes bases argenteas. Binæ bases singulis tabulis supponuntur.* Latus meridionem tabernaculi quod vergebat ad austrum, antiquam illam Dei plebem designat, quæ lucem scientiæ legalis jam dudum accipiens, amore sui conditoris fervere solebat. Porro latus secundum, quod vergebat ad aquilonem eam quæ tenebris ac frigore infidelitatis usque ad tempus Dominicæ incarnationis torpere non destiterat gentium multitudinem figurat: de cujus vocatione pulchre Dominus per prophetam: *Dicam, inquit, aquiloni: Da; et austro: Noli prohibere (Isa. xliii).* Quod est aperte dicere: *Dicam populo gentium diutius sine fide argenti: Da de tuis filiis qui ad meam fidem confessionis et amoris convenient. Dicam et plebi Israeliticæ, quæ jam meæ lumine cognitionis fruebatur: Noli prohibere gentes in sortem electionis recipi. Dicam Cornelio ac domui ejus: Fidem et baptisma Christi suscipite. Dicam Judæis: Nolite cogere credentes ex gentibus circumcidi, quibus fonte baptismi consecratis fides et confessio veritatis ad salutem sufficit. Unius autem numeri, mensurarum et factorum, tabulas utrumque latus habuit. Quia nimirum una eademque fides, spes, charitas, utrique populo per apostolos prædicatur, ad una uterque promissa regni coelestis vocatur. Ad occidentalem vero plagam tabernaculi facies sex tabulae; et rursum alias duas in angulis; et erigantur post tergum tabernaculi.* Josephus scribit de tabernaculo, quod decem cubitos habuerit latitudinis. Scribit etiam quod tabulae ejus mensuræ quatuor digitorum fuerint a terra suspensæ: ex quo videtur velle intelligi quod tantæ altitudinis factæ fuerint ipsarum bases tabularum. Qui rursus de hoc quod modo proposuimus capitulo ac de veticibus tabularum ita dicit: *Posterioris autem parietis novem cubitos sex tabulae faciebant, quibus conjunctæ sunt alia duæ tabulae ex medio cubito sex: quas angulares posuerunt, ad instar aliarum*

tabularum. Singulae vero tabulae annulos habebant aureos, per exteriores frontes eminentes, velut quibusdam radicibus confixos, per ordinem ad invicem per circuitum respicientes, et per eos deaurati vectes immixsi, unoquoque habente magnitudinem cubitorum quinque, erantque ad conjunctiones tabularum, intrabatque caput vectis uniuscujusque in alio vectis capite, velut in modum cochleae. Et post tergum parietum in longitudine positum erat ordo per tabulas omnes vadens, quo per uncinos utriusque parietis latera continebantur, incastrationibus factis et immixtis ad invicem; quod propterea sic exquisitum est, ut neque a ventis moveretur, neque alia causa tabernaculum conturbaret, sed immobile secura quiete servaretur. Haec de litterae textu Josephus. Verum juxta allegoricis sensus, occidentalis plaga quae utrumque in se parietem recipiens, aedificium tabernaculi consummat, recte adimpletionem totius universalis sanctae Ecclesiae, quae cum fine hujus mundi perficitur designat. Ad quam usque fides et operatio recta utriusque populi perseverantia, quasi gemini longitudo parietis pertingit; neque enim credibile est, vel ante tempus Dominicae incarnationis unquam defuisse qui ex gentibus crederent, vel nunc, quamvis graviter damnatio ob perfidiam populo Iudeorum, non esse aliquos ex illis, tanetsi paucissimos, qui inter Christianos exsultantes, quotidie credendo ad salutem perveniunt. Quod si quis negare praesumpserit, dicamus quod negari nullatenus potest, quod videlicet spirituales utriusque testamenti doctores atque interpretes, qui juxta sermonem Domini proferant de thesauro suo nova et vetera (Matth. xiii), usque ad finem saeculi sint in sancta Ecclesia permansuri. Et apte tabernaculum in occidentali plaga consummatur, in qua diem sol claudere, et cuncta solent astra occidere, propter scilicet obitum uniuscujusque electi, vel generalem totius saeculi terminum. Recte de hac plaga tabernaculi in sequentibus dicitur, quoniam mare respiceret. Significat autem Mare Rubrum in quo demersus cum suo exercitu Pharaos, et quo salvatus Israel a Domino ad montem Sinai, ubi tabernaculum faceret, ascendit. Respicit ergo mare plaga occidentalis tabernaculi, cum sancta Ecclesia post operum bonorum perfectionem corda nata in Christo libero aspecta intuebitur vitia vel poenas impiorum, quas ipso juvante cavere fecit, Isaia attestante qui ait: *Quia sicut caeli novi et terra nova, quae ego vobis facio coram me dicit Dominus, sic stabit semen vestrum et nomen vestrum.* Et paulo post: *Et egredientur et videbunt cadavera virorum, qui praevarisati sunt in me. Vermis eorum non morietur, et ignis eorum non exstinguetur (Isai. xl).* Bene autem plaga tabernaculi occidentalis vel quae mare respicere dicta est, sex tabulis constabat: vel quia scenario numero solet perfectio boni operis exprimi, eo quod Dominus in illo mundi ornatu consummaverit, in illo hominem in primordio creaverit, in illo genus humanum sua passione restaura-

verit; vel quia sex sunt aetates saeculi hujus, in quibus oportet nos bonis operibus perfici, ut ad aeternam requiem in futuro et resurrectionis gloriam, pervenire possimus. Nam quod rursum aliae duae tabulae exceptis sex primis in angulis jubentur ergi post tergum tabernaculi, quae venientes ab orientali plaga parietes excipiant, et occidentalis plagae parieti jungantur, ad remunerationem futurae pertinent vitae quae post labores et tempora saeculi hujus secutura est. Quod bifarie dividitur, in sabbatismum scilicet, hoc est requiem animarum sanctarum post absolutionem corporum, et in gloriam resurrectionis incorruptibilium receptionem corporum. Quae utraque portio remunerationis, utriusque populo communis, nullo unquam fine terminatur. Bene autem de eisdem tabulis subinfertur: *Erunque conjunctae a deorsum usque sursum; et una omnes compago retinebit.* Quia nimirum omnis electorum vita, eademque fide et charitate ad caelestia tendit, in unum eundemque finem divinae visionis pervenit, in una eademque voce recti dogmatis, omnis sanctorum praedicatorum sermo concordat. Dehisceret namque ab invicem compago tabularum, si quod unus propheta aut apostolus dixisset, hoc alius negaret. Verum quod consors fabricam ecclesiae sermo divinatorum eloquiorum erigit, perfecto una omnes tabernaculi tabulas junctura compaginatur: atque ab invicem sejungi non sinit. *Duabus quoque tabulis quae in angulis ponendae sunt similis junctura servabitur: et erunt simul tabulae octo: bases earum argenteae sedecim: duabus basibus per unam tabulam supputatis.* Angulares tabulae sunt tabulis parietum per omnia conjunctae, quia futurae requiei et immortalitatis gloriam, praesenti nostrae conversationi per fidem, spem et charitatem firmissime connexa est. Imo ideo stabilis et inconcussa praesens nostra conversatio perdurat, quia futurae dona retributionis credit, sperat, diligit. Et haec autem tabulae quae vel perfectionem bonae naturae actionis, vel futurae pro bonis praemia designant actibus, binis singulae hasibus sustentantur, quia haec quoque omnia ad confirmationem evangelicae et apostolicae praedicationis, prophetae sancti futura esse, consona voce praedixerunt. *Facies et vectes de lignis sethim quinque ad continendas tabulas in uno latere tabernaculi, et quinque alios in altero. Et ejusdem numeri ad occidentalem plagam, qui mittuntur per medias tabulas, a summo usque ad summum.* Vectes quinque qui tabulas tabernaculi continent, quinque sunt libri Mosaicae legis, quorum munimine sancta Ecclesia mirabiliter ab omni tentantium scelerum sceleratorumque spirituum impulsionem tutatur. Et hoc in utroque latere, quia non solum priorum Dei populum littera legis erudiebat ad fidem et opera bona, sed etiam nos novi temporis testamenti Deo servientes eadem littera spiritualiter intellecta majoris gratia dulcedinis et in praesenti ad fidem operationemque virtutum instituit et in futuro ad spem perpetuae remunerationis accendit. Ejusdem quoque numeri vectes ad occidentalem pla-



gam sunt, quia ipsam quoque completionem boni operis, quando ad præmia futura de carne egredimur, lex nobis bene intellecta prædicat. Unde interroganti ac dicenti, *Magister bone, quid boni faciam, ut habeam vitam æternam?* respondit idem magister bonus: *Si vis ad vitam ingredi, serva mandata* (Matth. xix), et non illi alia, quam legis mandata subdidit.

*Ipsasque tabulas deaurabis, et fundes eis annulos aureos, per quos vectes tabulata contineant.* Tabulæ tabernaculi deauratæ præfulgent, cum omnis vita, omnis sermo sanctorum prædicatorum lucem præmonstrat sapientiæ cælestis, nihilque in eis affud quam virtutum decus aspicitur. Annulli autem aurei per quos vectes tabulata continebant, ipsam vitæ cælestis beatitudinem designant, quæ propter suæ gloriæ claritatis recte auro, propter æternitatem recte circulo comparatur. Unde et Apostolus de illa: *Reposita est, inquit, mihi corona justitiæ* (II Tim. iv). Quinque autem circulos singulæ habebant tabulæ, non quia quinquepartita est distinctio patriæ cælestis, sed quia eadem perpetua claritas, et clara perpetuitas regni illius in Genesi, eadem in Exodo, eadem in Levitico, eadem in libro Numerorum, eadem in Deuteronomio scripta continetur. Et quinque annuli aurei singulis tabernaculi tabulis erant infixi, quia corda justorum multum dilatata per amorem in omnibus legis Mosaicæ libris, non solum correctionem operum, sed et perpetuam supernæ retributionis lucem legunt. *Et fundes eis, inquit, annulos aureos, per quos vectes tabulata contineant.* Vectes per annulos aureos tabulata continent, cum verba sacri eloquii per promissionem regni cælestis statum sanctæ Ecclesiæ confirmant, ut eo minus perturbationes mundi timeat, quo certius stabilitatem perpetuam remunerationis didicit. Bene autem de eisdem vectibus subditur: *Quos operies laminis aureis.* Laminis quippe aureis vectes operiuntur, cum verbis diviniæ legis quæ esse juxta litteræ sensum fortia videntur, atque ad confirmandam vitam fidei aptissima, superior intellectus, id est evangelica charitate præfulgidus, inesse monstrabatur. Ut eam exempli gratia unum testimonium ponam, cum legimus historiam sancti Noe, quomodo diluvium quod impios delevit, mirabiliter cum suis in arca servatus evaserit, patet omnibus in eo quod Deus diligens justitiam et odio habens iniquitatem pios non verit de tentatione eripere, impios vero justa distributione punire: ideoque talis lectio, instar vectium impunitibilium, tabernaculum Domini continet, quia mentes fidelium verbis inflectæ veritatis, ab incursu tentationum præmunit. Verum quasi vectes ligni laminis vestiantur aureis, cum hæc eadem lectio per spirituales intelligentiam sacerdotibus plena mysteriis ostenditur, cum arca Ecclesiam catholicam, aqua diluvi baptismum significare dignoscitur, mundi et immunda animalia, spirituales et carnales quoque in Ecclesia, ligna arcæ levigata et mundantia, doctores gratiæ fidei roboratos. Corvus

de arca egressus nec reversus eos qui post baptismum ad apostasiam decidunt; ramus oliivæ per columbã illatus in arcam, eos qui foris quidem, hoc est inter hæreticos baptizati sunt; sed quia pinguedinem castitatis habent, per gratiam sancti Spiritus in unitatem catholicam merenter introducti. Columba de arca egressa, neque ultra reversa eos qui carne soluti, ad liberam lucem patriæ cælestis pervolant, nequaquam amplius ad labores terrenæ peregrinationis reditari. Circumdantur itaque auro vectes lignorum sethim, cum firmissima sacre Scripturæ testimonia per interpretationem mysticam his et hujusmodi sensibus cælestibus ac spiritualibus probabunt esse perlucida. *Et eriges tabernaculum juxta exemplum, quod tibi in monte monstratum est.* Exemplum tabernaculi Moysi in monte monstratum est, quia commemoratus est in secreto cum Domino, vidit sublimem angelicæ puritatis et immortalitatis vitam. Ad cuius instar, humanam in terra conversationem, in quantum mortalibus imitari possibile fuit, instituere videbatur. Erigitur autem tabernaculum juxta exemplum quod illi in monte monstratum est, quando electi quique, ad imitationem angelicæ puritatis quam ipse in occulto contemplari meruit, opus animique componunt. Hactenus de parte templi meridiano, septentrionali et occidentali, prout Dominus dedit, expositum est. In sequentibus autem, etiam orientale latus qualiter sit compositum, monstratur. Sed prius Scriptura de medio parte, qui sancta sanctorum a priore tabernaculo dividebat, intinandum judicavit. Sequitur:

#### CAPUT XV.

*De velo quod dividebat sanctuarium et sanctum sanctorum, et de columnis ipsius, et de propitiatorio ponendo super arcam; nec non et de tentorio in introitu tabernaculi suspendendo, et columnis ejus, vectibusque illius qui ab angulo usque ad angulum pereniebant.*

*Facies et velum de hyacintho et purpura, et cocco bis tincto, et bysso retorta opere plumario, et pulchra varietate contextum, quod appendet ante quatuor columnas de lignis sethim* (Exod. xxvi). Verum hoc quod tabernaculum dividebatur medium, ita positum refert Josephus, ut viginti quidem cubiti longitudinis ad priorem domum, decem vero pertinerent ad secundam. Quod per omnia mensuris templi quod postea factum est, a Salomone liquet esse conveniens. Quod cum esset sexaginta cubitorum longitudinis et viginti latitudinis, tertiam longitudinis partem, id est, viginti cubitos ad anteriorem domum, hoc est sanctum sanctorum habebat separatam, ita ut longitudo et latitudo ejusdem domus interioris una esset. Sic ergo tabernaculi pars interior, longitudinem et latitudinem similem, hoc est denorum habebat cubitorum. Quid idem velum figuratè exprimat, Apostolus ad Hebræos manifeste declarat, ubi et hoc pariter exponit ad sensum allegoricum, quare in priore quidem tabernaculo, semper introirent sacerdotes sacrificiorum officia consummantes, in secundo autem semel in anno

solum pontifex, non sine sanguine, quem offerbat pro sui et populi ignorantia (Heb. ix). Velum hoc celum interpretatur. Quod autem in priori tabernaculo quotidie per animum introibant cum sacrificiis sacerdotes, super huius vite stata edisserat, ubi sancti Domino sine intermissione famulantes, quotidianos suae fragilitatis ernatus sine quibus esse in hac vita nullatenus possunt, quotidianis bonorum operam victimis, quotidianis lacrymarum supplicium, lachrymibus, quasi veri sacerdotes Dei et Christi ejus, expiant. Summum vero sacerdotem, qui semel in anno sancta sanctorum cum sanguine victimarum ingrediebatur, ipsum intelligit esse pontificem magnum, cui dictum est: Tu es sacerdos in aeternum, secundum ordinem Melchisedech. Qui semel oblatum pro peccatis nostris, ipse sacerdos et hostia per propriam sanguinem in ipsum celum intravit, et apparet ante thronum Dei pro nobis. Quod autem idem velum de hyacintho et purpura et cocco bis tincto, et hyssopetorae pulchra varietate contextum est, quis non videat etiam juxta litteram pulchritudini coelestis congruere visionis? Si enim decorem flammisque astrorum, si multifariam nubium speciem, si ipsam irim consideras mille trahentem varios adverso sole colores, nonne videris tibi multo plures ac pulchriores, quam velo tabernaculi intexte sunt, inditas celo colorem notare picturas? Quatuor autem columnae ante quas appensum est hoc velum, coelestium sunt potestates agminum, virtutibus quatuor eximiiis praelatae, de quibus et supra diximus; hoc est fortitudine, temperantia, prudentia, iustitia: quae quidem virtutes, aliter in laboribus et rerumnis, vitae hujus a nobis, aliter in caelis servantur ab angelis et animabus sanctis. Ibi namque regnante praesens videtur esse subditum iustitiae. Est et hoc immortalis omnino iustitiae; nullum bonum Deo preponere vel aequare, prudentiae; Deo firmissime coherere, fortitudinis; in illo defectu noxiq; delectari, temperantiae. Hic autem quod agit iustitia in subveniendo miseris, quod prudentia in praevocandis insidiis, quod fortitudo in perferendis molestiis, quod temperantia in coercendis delectationibus pravis, non ibi erit, ubi nihil erit omnino mali. Bene autem haec columnae de lignis sethim sunt factae, vel quia spiritus angelici incorruptibiles natura et immortales sunt conditi, vel quia absque peccato conditi intemeratam suae conditionis puritatem semper custodiunt. De quibus apte subditur: Quae ipsae quidem deauratae erunt, et habebunt capita aurea, sed et bases argenteas. Deauratae quippe sunt columnae ante quas appenderetur velum, quia posita intra velum coeli virtutes angelorum, summae claritatis sunt gratia vestitae. Capita habent aurea, quia mentem qua reguntur habent praesentia divinae cognitionis ac visionis illustratam. Habent et bases argenteas, quia omnis eorum natura in hoc quasi fundamento specialiter subsistit, ut laudes hymnorum suo conditori decantent, ut voluntatem ejusdem conditoris nobis adhuc in terra peregrinantibus quasi extra velum positam, suis con-

civibus narrent. Insuper etiam velum non sicut ad intra, quod ponas arcam testamenti, quae sanctuarium et sanctuarium singulare dividuntur. Caeli qui aequae unitate habere neque finem videntur, omnino loquuntur in Scriptura sacra pro aeternitate poni solent. Et apte velum quo celum figuratur, per seipsum suspensum esse prohibetur. Vel quia in aeterno, et in concilio divinitatis, quando mundus crearetur, in quo primum aequo eximium locum habet natura coelestis, vel quia ita factum est firmamentum caeli, ut nunquam ejus factura solvatur. Nam quia Dominus ait, Caelum et terra transibunt (Matth. xxv), de caelo est aethereo accipiendum. Intra hoc autem velum posita est arca testamenti, quia mediator Dei et hominum homo Christus Jesus, qui solus paternam est consocios, et passionem suam resurrectionemque a mortuis, super caelos caelorum ascendens sedet ad dexteram Patris. Hic velum sanctuarium et sanctuarium sanctuarium dividuntur, quoniam Ecclesia quae ex angelis sanctis et hominibus constans, partim adhuc peregrinatur in saeculis, partim aeterna patria regnat in saeculis; adhuc et vestros dirimente velo caeli habet ab invicem segregatos. Pones et propitiatorium super arcam testamenti in vano sanctorum. Apte propitiatorium super arcam positum esse dicitur, quia ipse mediator Dei et hominum, specialiter Deo Patre donatum est, ut esset propitiatio pro peccatis nostris. Unde etiam Paulus dicit: Jesus Christus qui mortuus est, immo qui et surrexit, qui est ad dexteram Dei, qui etiam interpellat pro nobis (Rom. viii). Mensam contra velum, et contra mensam candelabrum in latere tabernaculi meridiano. Mensa enim stabit in parte aquilonis. Mensa et candelabrum tabernaculi temporalia Dei beneficia designant, quibus in presenti reficimur et illuminamur, tunc his interim confortati et adjecti, crescente gratia meritorum, ad panem angelorum in caelis manducandum, et ad videndam veram mundi lucem intrare valeamus. Quae sunt ambo extra velum, quoniam in hac solummodo vita vel Scripturis sanctis ac doctoribus, vel ceteris redemptionis nostrae sacramentis opus habemus, in futuro autem saeculo ubi Dominus palam de Patre annuntiabit nobis, id est, palam Patri ostendet nobis. Diximus autem supra, quia datae tabernaculi meridiana, antiquam Dei plebem significaret, quae prior lucem divinae cognitionis, prior fervorem divinae dilectionis accipit. Pars vero septentrionalis ejusdem tabernaculi, congregatam de gentibus Ecclesiam, quae distinctus in tenebris, et in umbra mortis remanserat, indicaret. Unde recta distinctione etiam candelabrum quod in parte australi collocatur, potest gratiam quae priori populo data est, insinuare. Mensa vero quae in parte aquilonis stabat, ea quae nobis sunt donata Dei beneficia designare. Recte candelabrum contra mensam positum esse dicitur, quia nimirum Scriptura legis et prophetarum per omnia ad gratiam Evangelii respicit, huic videlicet testimonium perhibens, et per hanc se sensu spirituali revelandam

esse significans. *Facies et tentorium in introitu tabernaculi, de hyacintho et purpura coccoque bis tincto, et hyssopo retorta opera plantario.* Expleta narratione de velo, quod amotuarium et sanctuarium sanctuarium dividebat, redit exponere de orientali latere sanctuarium, quod infermisse ad tempus videbatur, cum caetera eius latera, australe videlicet, septentrionale et occidentale, describeret. Tentorium ergo in introitu tabernaculi pulchra colorum varietate contextum, primitivus est deus Ecclesiae, diversis virtutum floribus glorificum. De quibus scribit Lucas: *Quia multitudinis credentium erat conventus et animus unus, et non erat separatio in eis ulla; nec quisquam eorum, qui possidebat, aliquid suum esse dicebat, et d. (ibid. iv).* Inerat namque et hyacinthus, quia caelestia cogitare, ecclestiam sua feris vitam duco solebat. Inerat purpura, quia mori parata pro Christo. Inerat coccus bis tinctus, quia Dei et proximi dilectione flagrabat. Inerat hyssopus retorta, quia continentia carnis, et castitate gaudebat. *Et quinque columnas de aprahia signorum seibim, quae duas ducunt tentorium.* Columnae quibus tentorium suspendebatur, sancti sunt doctores, de quibus Lucas consequenter adjungit. *Et virtute magna reddebant apostoli testimonium resurrectionis. Jaqu Christi Domini nostri (Ibid.).* Quorum mens, quanto robustius ipsa ad superna erigatur, tanto firmius docendo, et alios ad amorem, superiorum sufficit, attolere. Sicut enim apostoli et apostolici viri, per tabulas recte possunt designari, propter latitudinem vel doctrinam, quae omnes in mundum universum praedicant evangelium omni creaturae, vel claritas, quia non solum usque ad amicos, sed usque ad diligendos etiam ipsos extendunt, animos. Et orationibus ac beneficiis sequendos eos, qui se odip habent, ita etiam propter inextinguibile cordis robur et intentionem ad caelestia semper erectam, non inconvenienti vocabulo, et factura columnarum, figurantur. Apostolo attestante qui ait: *Jacobus, Cephas et Joannes, qui videbantur columnae stae (Galat. ii).* Quae nimirum columnae bene quinque sunt factae, propter totidem libros, legis, quos necesse est ut sancti doctores, sua verbo, praedicationis, communiarent. Et manuae qui primitivam instituit Ecclesiam, quae ex Hebraeorum populo congregata, sola Mosaeae legis auctoritate novae institui, cum necdum evangelica et apostolica per orbem scripturae effulgeret. Hae eadem columnae de lignis quidem seclum fieri, vero eadem columna de lignis quidem seclum fieri, aut insinuantur predicatoribus sancti, et firmitate cordis, integritate, atque in nullo deficientes, et operum claritate, in seculis esse debere, conspicui. Vel certe columnae lignorum seclum deaurantur, cum idem doctores, fortitudinem suae actionis, divino semper adiutorio protegendam docent, cum in omnibus quae faciunt, gloriam Patris qui in caelis est requirunt, cum in universis quae loquuntur, Christum sonare gaudent dicentes. *Non enim nosmetipsos praedicamus, sed Jesum Christum Dominum nostrum (II Cor. iv).* De

quibus apte subditur: *Quorum capita aurea et bases terreae.* Aurea quippe capita illum designant, de quibus dicit Apostolus: *Et omnia constant in ipso, et ipse est caput corporis Ecclesiae, qui est principium et primogenitus ex mortuis (Ephes. v).* Neque incongruum videatur per quinque capita columnarum, unam caput Ecclesiae Christum figurari. Tot enim fuisse capita, quot columnae. Quia nimirum idem ipse Dominus Christus, omnium sanctorum caput, in se quidem ipso manens, semper aequalis atque indivisibilis, sed singulis quibusque electis, gratiam sui Spiritus pro accipiendum capacitate dividens. Unde non solum omnino generaliter Ecclesiae, verum etiam specialiter utroque membrorum ejus, licet illud propheticum cum fiducia proclamare: *Mundus autem exaltavit caput meum super inimicos meos.* Cujus nimirum capitis significante convenit apte quod eadem capita columnarum, non deaurata ut columnae et tabulae, sed aerea fieri jubentur. Quia sancti quidem omnes, participes sunt facti Spiritus sancti et gratiae caelestis. *Ipsae autem plenas erant gratiae, et veritatis.* Et sicut praecursor suus de illo niebat: *Non enim ad mensuram dat illi Deus Spiritum. Pater enim diligit Filium, et omnia dedit in manu ejus (Joan. i).* Bases autem terreae, prophetae sunt, quia de orientali plaga loquimur, videtur opportunum commemorare aliqua de expositione vectis illius singularis, quem ab angulo tabularum ad angulum usque parietis alterius porrectum esse ab totum parietum constantiam, ne vi et impulsu procellarum concuti, atque huc et illic posset inflecti, continere jath diximus. Scriptum est in sequentibus sacrae historiae, ubi omnia quae Dominus imperarat, Moyses explevisse narrat: *Fecit quoque vectem alium, qui per medias tabulas ab angulo usque ad angulum perveniret.* Hic ergo vectis a prima tabularum summitate usque ad alterius lateris summitatem, per decem cubitos latitudinis tabernaculi protensus esse credendus est, capite utroque firmiter tabulis impo-  
**B** sitis, ut per hoc et ea tabernaculi plaga, quae non tabulis sed columnis constabat, non inflexa quam caetera vento licet impellente, persisteret. Cujus vectis si etiam sacramentum scire desideras, ipsum absque omni ambiguitate Redemptorem nostrum figurate denuntiat. Qui quasi ab angulo usque ad angulum pervenit, quia plebe Judaica quam prius elegit, sese ad salvandam etiam gentium multitudinem propiliatus extendit. Unde merito sicut in prophetis lapis angularis, ita etiam in lege vectis angularis potest recte nuncupari. Lapis videlicet angularis, propter templum quod de lapidibus vivis Deo construitur: vectis vero angularis, propter tabernaculum quod ei de lignis imputribilibus, hoc

est de animabus electorum, corruptionis labe carentibus, ædificatur.

### CAPUT XVI.

*De altari holocausti et vasis ejus.*

*Facies et altare de lignis sethim, quod habebit quinque cubitos in longitudine et totidem in latitudine, id est quadrum, et tres cubitos in altitudine (Exod. xxvii).* Hoc altare, quod proprie holocausti vocabatur, corda electorum designat, quæ ad offerenda Deo sacrificia bonorum operum, in ipsius sunt dono consecrata. Quod apte de lignis sethim fieri præcipitur, quia munda et incorrupta decet esse corda et corpora, in quibus spiritus Dei habitat. Habet quinque cubitos longitudinis, et totidem latitudinis, cum fidelis quisque, omnes sui corporis sensus, in longitudine patientiæ, et in latitudine charitatis exercere satagit, ut omni suo visu, auditu, gustu, olfactu et tactu, semper se divino meminerit mancipatum esse servitio, juxta illud Apostoli: *Sive manducatis, sive bibitis, sive aliud quid facitis, omnia in gloria Dei facite (I Cor. x).* Habet tres cubitos altitudinis, cum eadem corda electorum, per fidem, spem et charitatem, ad cœlestia tendunt. *Cornua autem per quatuor angulos ex ipso erunt: et operies illud ære.* Quatuor angulos habet altare holocausti, quia per quatuor mundi plagas sancta dilatatur Ecclesia, quæ propter unum cor et animam totius credentium multitudinis recte factura unius designatur altaris. Ex quo videlicet altari cornua fiunt quatuor, cum quatuor virtutibus sæpe dictis, justorum corda muniantur. De quibus in laude sapientiæ dicitur: *Sobrietatem enim et prudentiam docet, et justitiam et virtutem, quibus utilius nihil est in vita hominibus.* Hæc cornua ex ipso altari producuntur, cum munimenta virtutum, fideles non specie tenuis et ad faciem hominum ostentant, sed ex intima sui cordis radice teste generant. Cornua sunt quatuor per quatuor angulos altaris, cum in omnibus mundi terminis, Ecclesia virtutum potentia spirituali, cunctis hostium insidiis inviolabilis persistit, imo ipsa cunctis se impugnantibus fortior efficitur. Quod videlicet altare operietur ære, cum virtus cœpta fidelium, perseveranter usque ad finem firma tenetur. Quia enim æris metallum longo solet tempore incorruptibile durare, recte per hoc virtus valet perseverantiæ designari. Si quem vero movet juxta litteram, quomodo ligna altaris tanto igne vicino incombusta permanere potuerint, accipiat beati Hieronymi de hac quæstione responsum. Altaris, inquit, ligna quæ de lignis paradisi sunt, non cremantur igne vicino, sed puriora redduntur. Nec mirum hoc sanctuario et interioribus templi, et altari thymiamatis credere, cum etiam amianton ligni genus est, vel ligni habens in se similitudinem, quanto plus arserit, tanto mundi inveniatur.

*Faciesque in usus ejus lebetes ad suscipiendos cineres; et forcipes atque suscipulas, et ignium receptacula, omnia vasa ex ære fabricabis.* Vasa altaris diversa, vel diversas fidelium personas, vel certe

multifarias ipsorum actiones, sive cogitationes in famulatum sui conditoris dispositas, accipere debemus. Et quidem primo lebetas ad suscipiendos cineres facere præcipitur. Cinis autem hostiarum, quod in magno mysterio debeat accipi, testatur cinis vitulæ rufæ aspersus, qui etiam Apostolo teste inquinatos sanctificabat ad emundationem carnis. In quo ipse præfiguratum intelligit sacramentum Dominicæ passionis tempus, et actionem passionis Christi designat. Quia ergo omnia sacrificia et victimæ quæ incendebantur in altari, vel passionem Domini, vel devotionem sanctorum ejus flamma charitatis ardentem figurate denuntiant, merito cinis holocaustorum, vel consummationem Dominicæ passionis, vel certe perfectionem exprimit virtutis justorum, cum toti in Dei servitium per ignem sancti Spiritus oblatis, ipsa jam bona opera finire, et ad percipienda operum præmia in æternam vitam rapi, meruerint. Quod ut manifestius fiat, videamus quid de cineribus holocausti Moyses dicat. *Hæc est lex holocausti: Cremabitur in altari tota nocte usque mane. Ignis ex eodem altari erit. Vestieturque sacerdos tunica et feminalibus lineis; tollensque cineres quos vorans ignis exussit, et ponens juxta altare, spoliabitur prioribus vestimentis; indutusque aliis, efferet eos extra castra, et in loco mundissimo usque ad favillam consumi faciet. Ignis autem in altari semper ardebit.* Holocaustum ergo cremabitur in altari, cum in corde cujuscunque electi, qui seipsum totum et carne videlicet et corde Deo voverat, opus bonum fervente charitatis igne patrat. Quid tota sit nocte usque mane, cum quis toto vitæ hujus tempore, usque dum raptus e corpore, futuri mane sæculi videre meruerit, bonis insistere non cessat operibus. Ignis ex eodem altari erit, quia illa solum charitate quam Ecclesiæ suæ Dominus per Spiritum sanctum tribuit, ardere debemus. Denique filii Aaron, quia ignem alienum Domino offerre, et non eum qui semel de cœlo datus est voluerunt, mox igne cœlesti perempti sunt. Quia nimirum quicunque opera cœlestia non cœlestis intentione mercedis, sed temporalis intuitu favoris aut commodi faciunt, sententia iræ cœlestis feriuntur. *Vestietur sacerdos tunica, et feminalibus lineis.* Sacerdos qui offert holocaustum, Dominus est, quia in nobis ipse ignem suæ charitatis accendere, ac per hunc hostias bonæ nostræ actionis sibi immet acceptabiles facere, consuevit. Et hæc faciens vestitur lineis indumentis, quia ut nos ad opera virtutum excitet, exempla nobis suæ incarnationis, puritatis et mortis proponit: quæ per lignum significari posse sæpius dictum est. Tollit autem idem sacerdos cineres quos vorans ignis exussit, et ponit juxta altare, cum Dominus finem laboriosis operibus imponit: neque justos de hac vita raptos, ultra pro vita æterna certare, sed coronam justitiæ in vita æterna jubet accipere. Ponens etenim cineres juxta altare spoliabitur prioribus vestimentis, cum ad memoriam justis quæ fecerunt bona reducens, non eis amplius habitum suæ passionis imitandum ostendit.

dit, sed induitur aliis vestimentis : illis videlicet, de quibus in Evangelio dicit ipse : *Amen dico vobis, quod præcinget se, et faciet illos discumbere (Luc. XII)*, id est, ad æternam se remunerationem preparabit, et illos in æterna faciet quiete refoveri. Indutus aliis vestimentis, elferet cineres extra castra, cum paratus ad remunerandum laborem electorum suorum Dominus, quidquid boni gesserant, jam in illa facit vita videri hinc ablatum. Nec ab re est loco extra castra posito, vitæ perpetis ingressum figurari, cum et Dominus dicat : *Per me si quis introierit, salvabitur : et ingreditur et egredietur, et pascua inveniet.* Et Psalmista : *Dominus custodiat introitum tuum, et exitum tuum (Psalm. CXX).* Introitum videlicet in hanc Ecclesiæ vitam ; exitum vero in illam ubi pascua inveniuntur æternæ satiæ. Non ergo inepte locum extra castra positum, in illa intelligimus vitam : præsertim cum ibi locus mundissimus esse dicatur, quod in hac vita fieri nullatenus posse, perspicuum est. Locus ergo mundissimus extra castra, ipse est animus justorum ex hac vita sublatorum, et in alia vita gaudentium : in quo videlicet loco, cinis holocausti usque ad favillam consumitur, cum ita ibi operum bonorum merces redditur, ut labor omnibus ad integrum consummetur. Et quia cessante operum labore bonorum, ipsa charitas per quam operabantur nunquam cessabit, imo flagrantior exardescet, cum ipse quem diligimus in æternum videbitur, recte subditur : *Ignis autem in altari semper ardebit.* Et paulo post : *Ignis iste perpetuus nunquam deficiet de altari.* Consummato ergo usque ad favillam holocausto, ipsis nunquam de altari deficiet, quia assumpto perfecte omni genere laborandi, sola charitas perpetuo nunquam extinguenda flagrabit. Hæc de lege holocausti latius diximus, propter lebetes altaris, qui ad suscipiendos cineres hostiarum fieri iubebantur. Lebetes ergo cineres sanctos suscipiunt, cum fideles quique, vel exempla ac sacramenta dominicæ passionis ad custodiam sui pia mente retractant, vel certe exitum præcedentium justorum diligenter aspiciunt ; qui magnis pro Domino elaborantes agonibus, nunc cursu consummato, de percepto jam bravio sine fine lætantur. Post lebetes autem, forcipes atque fuscinula, et ignium receptacula fieri sunt iussa. Forcipes ad emendandum altaris ignem fieri debere, credendum est. Unde recte per eos sancti prædicatores designantur, qui ignem in nobis charitatis, quasi in altari Dei accendere suis exhortationibus solent. Namque hi velut gemino dente forcipis, ad hunc ignem accendendum titiones in altari componunt, quando consonis utriusque testamenti nos paginis institunt, et eloquia veritatis, in nostro corde, quibus amplius ad æternorum desideria inflammemur, collocant. Vel certe forcipe, duplici videlicet instrumento, sacerdotes ignem altaris emendant, cum in omnibus, quæ docent prædicatores sancti, virtutem nobis geminæ charitatis infundere, et hujus gratia nos ardere simul et lucere, præcipiunt. Fuscinula

quæ Græce vocantur creagræ ad hoc in ministerio habebantur altaris, ut carnes victimarum per eos de caldariis coctæ proferrentur, atque ad esum eorum qui his erant reficiendi afferrentur. Quorum usus æque sanctorum prædicatorum figuræ congruit : quorum ministerii est animas fidelium verbo fidei reficere : et juxta regulam apostolicæ discretionis, rudibus adhuc disciplinis, rationale et sine dolo lac doctrinæ simplicis adhibere ; perfectioribus autem, solidum cibum doctrinæ sublimioris ministrare. Recte fuscinulas facere jubet sacerdotibus Moyses, quibus carnes hostiarum prout oportuerit componant ; et alia quidem hominibus, sed mundis edenda offerant ; alia vero altaris ignibus consumenda relinquant : quia sunt in verbis Dei nonnulla, quæ nostræ humilitati revelare, ad nostræ epulas refectionis concedere dignatus est. Sunt item alia tantæ profunditatis, quæ sancti Spiritus solummodo scientiæ pateant : nostræ vero capacitatis per omnia mensuram transcendant. Porro ignium receptacula ad hoc deputata sunt, ut per hæc ignis sanctus ab altari holocausti, ad altare thymiamatis vespere et mane ad incensum ponendum deferretur ; quæ et ipsa patenter figuram tenent doctorum, qui tanquam ignem de altari holocaustorum ad altare deferunt incensi, cum suos docent auditores de virtute semper in virtutem proficere meritisque crescentibus, paulatim ad altiora et interiora divinæ visionis arcana, penetrare. Sed et omnes qui ferventia pietate corda proximorum videntes imitari festinant, quasi receptacula ignium fiunt : quia flammam cœlestis sacrificii quam in fraternis conspiciunt in suis quoque accendere mentibus satagunt. Quæ nimirum cuncta ex ære vasa fiunt, eum devotio fidelium perseveranter divinis curat obsecundare præceptis, vel certe cum hoc quod ipsa recte agit, proximis quoque agendum, clara voce sedulæ exhortationis insonat. *Craticulam quoque in modum retis æneam : per cujus quatuor angulos, erunt quatuor annuli ænei, quos ponet subter arulam altaris : erit namque craticula usque ad altaris medium.* Altare quidem totum cavum fieri præceptum est, ut in sequentibus manifestius edocetur. Sed in medio sui habens craticulam, per totum in modum retis distinctam, in quam victimarum carnes comburendæ imponerentur, et subter eam arulam, in qua compositis lignis, arderet ignis semper ad devoranda superposita holocausta paratus. Erat enim contra arulam ostium in pariete altaris orientali, unde vel ligna ad delendum ignem immitti, vel carbones et cineres possent egeri : quod in pictura Cassiodori senatoris, cujus ipse in expositione Psalmorum meminit, expressum vidimus. In qua etiam utrique altari, et holocausti videlicet et incensi, pedes quatuor fecit : quod utrumque eum, sicut et tabernaculi et templi positionem, a doctoribus Judæorum didicisse putamus. Habet ergo altare Dei in medio sui craticulam ad suscipienda holocausta paratam : quia preparant electi locum Domino, in intimo sui cordis affectu, ubi devotas ei

cogitationes collocauit. Habet arulam subter craticulam, in qua ligna et ignem holocaustorum suscipiat, quia eadem spes electorum corda receptaculum in se preparant auditu verborum celestium, quibus calefacti, imo et inflammati per donum sancti Spiritus, grata Deo, reddant vota cogitationum piarum, ligna namque arule altaris sacerdos imponit, cum doctot quisque desiderantibus atque inhiante quærentibus fidelium mentibus, sanctarum testimonia Scripturarum, quibus amplius in fide ac dilectione conflamantur, ingerit. Addit et ignem lignis, cum infusum verbi atque efficaciam pie operationis, a Deo quaerendum edocet. Ardenti quæ ligna in altari, cum charitas Dei, diffunditur in cordibus nostris, per Spiritum sanctum qui datus est nobis. Atque hoc igni superpositum consumitur holocaustum, cum uniuersa quæ bene agere disposuimus, donante gratia sancti Spiritus, per virtutem dilectionis Deo acceptabilia redduntur. Unde bene craticula, quæ holocausta gerit, instat rebus fieri præcipitur, quo per æbras illius aperturas ignis suppositus ad consummandas omnes hostiarum partes, liberè penetret, sic etiam, quæ et omnia necesse est, ut nequaquam obliuiscamur condicte nostre, neque obseramus more Pelagiamoribus aduentus gratiam Dei, sed diligenter speramus eam et quasi plurimis simul patrefactis, janulis, sedulo deprecemur, ut per omnia quæ inchoauimus, vel agere desideramus, bona, quia per singula veterarum eius frustra, sua nos misericordia illustrade, et in amorem ipsæ suum accendere dignetur. Quatuor autem anguli æneæ, qui per totidem angulos altaris fieri iubentur, quatuor sunt euangeliorum libri, qui apte anacis assimilantur, quia perpetuam lauditoribus suis coronam uitæ promittunt. Aptæ æneæ sunt, quia in omni terra exiit sermo seruum (Psalm. xlviii). Aptæ per quatuor angulos altaris positi, uti Koptiamus fidelium per omnes mundi plagas diffundant, uerbo fidei et ueritate confirmant. Aptæ subter arulam altaris inlata, ut animos humilitatem inuicem suæ consolationis allevant. *Facies et ueteris altaris de dignis actum, duas, quos operies lamina simpis.* Nōctea quibus altare portabatur doctorum sum, qui Ecclesiam ad notam quasi portare solebat, cum fidem ac sacramenta ueritatis, vel eis qui uenerabili prædicantes, uel in eis, qui iam ueritatem cognouerant, confirmantes roborant. Qui quoniam non sua prædicant, sed ea quæ sunt Iesu Christi non indoctas fabulas secuti, sed cognitam celesti oraculo uirtutem Domini nostri, mundo notam faciunt, apte uectes ut portare queant altare, mittuntur in circuitus. Uectibus, namque altare Domini per circuitos portare est, sanctis doctoribus corda fidelium per uerba Euangelii, quæ nec celo et terra transeuntibus præteribunt, exhortando erigere. Duo sunt autem uectes: ut utrique populo, et Iudæo uideat et gentili, uerbum prædicetur, quod ipsum sequentibus quoque uerbis astruitur, cum subinfertur: *Eruntque ex utroque latere altaris ad portandum.* Erunt enim doctores qui Iudæam, erunt qui gentili-

tatem, in unam eandemque fidei gratiam conuenire et opere aduocent. Vel certe ex utroque latere altaris ad portandum erunt uectes, cum mentes fidelium sancti prædicatores, et in prosperis, et in aduersis inconcussam tenere uirtutum constantiam docent; ne aut hæc blandiendo extollant, aut illa terrendo conturbent. *Non solidum sed inane et concavum intrinsecus facies illud.* Idcirco altare non solidum sed inane et concavum fieri præceptum est, ut copiosum haberet locum, ubi vel ignem sacrosanctum, et ligna ad ignem uel holocausta quæ igni erant consumenda reciperet, in cuius exemplum et tu si uis esse altare Dei, exinanis te ipsum, et uacua ab omni cogitatione rerum mundanarum; quatenus uitæ ligna uerborum celestium et hostiæ uirtutum, locum possint habere sufficientem; capiasque flammam sancti Spiritus, quæ eadem hostiæ Domino consecrentur, et ad finem perfectionis firmam producantur: ubi apte in conclusione subiungitur: *Sicut tibi est monstratum in monte.* Ita altare eorum et mane fieri iubetur, sicut Moysi in monte monstratum est; quia sicut angeli ac spiritus iustorum in cœlis, uacui a peccatis, et pleni sunt pietatis ac iustitiæ, ita et nos in terra pro modulo nostro, declinare a malo, et facere bonum debemus.

CAPUT XVII.

*De atrio tabernaculi, et columnis eius ac uectibus.*  
*Facies et atrium tabernaculi, in cuius plaga australi, erunt tentoria de bysso retorta (Exod. xxvii).* Sicut Sancta sanctorum eam quæ in cœlis est, sanctæ Ecclesiæ partem designant, et prius tabernaculum, perfectam fidelium uitam in hoc duntaxat sæculo commorantium typice denuntiat, ita atrium tabernaculi, quod, dexterius erat, prima incipientium rudimenta demonstrat. Unde bene tentoria ejusdem atrii de bysso retorta, erant facta: quia prima incipientibus curam impendenda est, ut illecebras carnis simul et spiritus refrenent, iuxta illud Apostoli, quo de filiis adoptionis loquens, adiecit: *Has igitur habentes promissiones charissimi, mundemus nos ab omni inquinamento carnis, et spiritus (II. Cor. vii).* Retorquetur autem byssus, ne facile possit dissolui: cum non solum carnis luxuria restringitur, uerum etiam tota eius memoria, ab intimo corde radicitus eyellitur. *Centum cubitos unum latus tenebit in longitudine: et columnas viginti cum basibus, totidem amica, quæ capita cum calaturis suis habebunt argentea,* et rel. Constat numerum centenarium qui in compute digitorum de leua transferitur in dexteram, nonnunquam in Scripturis uita celestis habere figuram: quæ sicut dextera leuæ, ita merito uita præfertur præsentī. Cujus nimirum numeri frequens in diuinis litteris, mysterium reperitur, Centum ergo cubitos, habet latus tabernaculi in longum; quia uniuersi qui ad membra ecclesiæ pertinent, necesse est pro æterna in cœlis uita, laborem in se patientiæ et continentie temporalis assumant. Columnæ autem quibus hæc tentoria, suspenduntur in altum, doctores, sup̄ sancti qui uerum corda auditorum, a terre-

tribus contagis extracta, ad caelestia desideranda sustollunt, et hæc quasi vestem Domini diligenter extendunt, ne quid his inesse duplicitalis valeat, sed simplici ac munda intentione, coram Domino velut tentoria byssina niteant. Quæ videlicet columnæ teneæ fuere, sed argento vestitæ, ut in sequentibus manifestius dicitur. Aeneæ quidem, propter perseverantiam virtutis, sive propter sonum ipsius prædicationis. Argento autem vestitæ, quia non aliud quam verbum Dei sonant, cujus sæpe claritas argento figurari, non aliud vivendo in actibus, quam observantiam divinatorum monstrat eloquiorum. Non solum inargentatæ erant, sed et capita tota habebant argentea: quod proprie doctorum est, totos se verbis sacrae Scripturae subjicere, hisque animum corpuseque meditando, prædicando, operando mancipare. Quid autem in basibus columnarum æneis aptius, quam initium sapientiae timorem Domini intelligere debemus, de quo et filius Sirach ait: *Radix sapientiae est, timere Deum (Eccli. 1)*. Ubi et pulchre subjungit: *Rami enim illius longævi*, quia nimirum germina virtutum multifaria, quæ timore Dei tanquam opus et cælaturæ columnarum de basibus prodeunt, nunquam fructu suæ mercedis carebunt. Quare autem viginti fuerint columnæ in uno latere atrii, supra jam expositum est: ubi ejusdem numeri tabulae in uno latere tabernaculi, sunt fieri præceptæ.

*Similiter in latere aquilonis per longum erunt tentoria centum cubitorum; columnæ viginti, et bases æneæ ejusdem numeri, et capita eorum cum cælaturis suis argentea.* Eadem de latere aquilonis repetuntur, quæ jam de latere australi erant præmissa: quia utriusque testamenti præcones, consono nos ore ad caelestia erigunt: tametsi caeremonias sacramentorum habuerunt, pro temporum ratione differentes. *In altitudine vero atrii quæ respicit ad occidentem, erunt tentoria per quinquaginta cubitos, et columnæ decem, basesque totidem, etc.* Latitudo atrii quæ ad occasum respicit solis, ubi terminato labore diurno noctis sopora gratia succedit, merito tempus significat illud, quando cessante post mortem vita actuali, quies electorum et mercès æterna sequitur. Denique illi, qui in vinea summi patrisfamilias operabantur, cum sero esset factum, præmia sui percipere laboris. Recte occidentale latus atrii tentoria habebat per quinquaginta cubitos, et columnas decem. Quinquagenarius namque numerus, consueve insignificat in lege quinquagesimum, qui libertati, quieti et remissioni totus erat congregatus propter quod et Jubileis vocari præceptus est. *Jobel* namque dimittens aut mutatus interpretatur. Deasorum quoque numerum, constat eadem superna præmia designare: ubi humilia natura in utraque sua substantia immortaliter sublevata, in divina presentia visionis Reclatur. Deus namque trinitas est; corpus nostrum ex quatuor elementis subsistit. Interior homo noster ternario numero comprehenditur, cum ex toto corde, tota anima, tota virtute, Deum diligere tube-

mur. *In ea quoque atrii latitudine quæ respicit ad orientem, quinquaginta cubiti erunt.* Ea latitudo atrii quæ ad orientem respicit, primordium bonæ nostræ conversationis, quæ a fide incipit significat, quæ propter primam caelestis gratiæ perceptionem, recte ad orientem respicere dicitur, juxta illud beati Zachariæ. *Visitavit nos oriens ex alto. Illuminare his qui in tenebris et umbra mortis sedent (Luc. 1)*. In qua nimirum plaga, quinquaginta cubiti erunt: quia in ipso mox ingressu conversationis, omnes qui catechizantur, remissionem peccatorum et requiem sperare docentur æternam; quorum tamen continuo alia specialis distinctio subinfertur, quæ ad unum eundemque, sine bene considerata, refertur. Sequitur: *In quibus quindecim cubitorum tentoria, lateri uno deputabuntur, columnæque tres et bases totidem; et in latere altaris erunt tentoria cubitos obtinentia quindecim, columnæ tres, et bases totidem.* Quindecim namque quæ septenario et octonario numero constant, recte gaudia designant vitæ æternæ: quæ a sabbatismo incipiens animarum, in resurrectione corporum perficitur. *In introitu vero atrii fiet tentorium cubitorum viginti, ex hyacintho et purpura, coccoque bis tincto, et bysso retorta, opere plumarii. Columnas habebit quatuor cum basibus totidem.* In introitu atrii quatuor sunt columnæ: quia non nisi per fidem et sacramentam evangelii, quæ quatuor libris continentur, unitatem sanctæ Ecclesiæ, quis ingredi poterit. Unde pulchre in ipsa Ecclesia mos antiquus inolevit, ut his qui catechizandi, et Christianis sunt sacramentis initiandi, quatuor evangeliorum principia recitentur; ac de figuris et ordine eorum, in apertione aurium suarum solenter erudiantur, quo sciant exinde ac meminerint, qui et quot sunt libri, quorum verbis maxime in fide veritatis debeant erudiri. In quo introitu, tentorium quoque fieri cubitorum viginti præcipitur, qui est numerus idem quaternarius quinquies ductus. Quinque autem sunt notissimi corporis nostri sensus, visus videlicet, auditus, gustus, olfactus et tactus. Bene ergo in introitu atrii tentorium viginti cubitorum in quatuor columnis suspenditur, quia omnes qui sanctam Ecclesiam intrant, ad regulam Evangeliorum, fidem suam pariter et actus componere debent; ut continentes ab illecebris carnalibus cunctos sui corporis sensus, divinis subjugent imperiis. Non solum enim hoc tentorium quatuor columnis sublevatur, sed et ipsum in longitudine sua, quinarium numerum per quatuor multiplicatum habet, cum quilibet humiles ac p̄i auditores ad fidem venientes, non solum Evangelii verbis imbui, verumetiam evangelicam ipsi agere vitam desiderantes, cunctos sui corporis sensus, in obedientiam charitatis expendunt. Recte autem hoc introitu atrii tentorium, non sicut in reliquo atrio de bysso retorta, sed de quatuor sit coloribus nobilissimis, hyacintho scilicet et purpura, coccoque bis tincto, et ipsa bysso retorta opere plumarii: quia pulchra quidem his qui catechizantur Ecclesiæ facies exterius fulget, sed

nullo præclarior ejus dignitas ac virtus apparebit his quæcumque per sacramentum baptismatis ingredi merentur. Qui videlicet colores opere plumarii sunt invicem variati, cum unaquæque virtus fidelium, vicinarum sibi virtutum societate, et velut quadam consanguinitate, amplius clarescit: quamvis etiam singuli colores præfati singulis electorum possint convenire personis. Quia enim aliquis alius cælestia speculari meretur, hyacinthus est; alter, quia plura propter justitiam patitur, purpura est; hic, quia ferventior in Deum et proximum dilectione flammescit, cæcus his tinctus est; ille, quia specialiter integritate carnis virginialis albet, hyssus retorta est.

*Omnæ columnæ atrii per circuitum vestitæ erunt argenti laminis, capitibus argenteis et basibus æveis.* Diligentius ea quæ dixerat inculcat, ut sedulo lectorem admoneat, neminem inter doctores veritatis, columnas videlicet atrii cælestis, posse computari, qui non instar æris invincibilem inter adversa patientiam habere didicerit, non se cælestium et observantia eâ annuntiatione verborum, undique velut argenti laminis munire, atque exornare curaverit, non se omni subjectione præceptis divinis quasi argenteo capite supponere studuerit, non in timore Dei velut ænea basi stabilire consueverit.

*In longitudine occupabit atrium cubitos centum, in latitudine quinquaginta: altitudo quinque cubitorum erit.* Centum cubitos longitudinis habet Ecclesia, quia ulnas suas elevat ad bona opera propter vitam æternam. Quinquaginta latitudinis, quia requiem sperat sempiternam, in gratia Spiritus sancti, quæ quinquagenario numero voluit designari, cum Pentecosten, id est, quinquagesimam Paschalis festivitatis diem, suo adventu consecrare dignatus est. Altitudo quinque cubitorum est juxta quædam sensuum corporis nostri, quia lux recipiet unusquisque propria corporis sui prout gessit, sive bonum, sive malum.

*Quæque vasa tabernaculi in omnes usus ejus et cæremarias, tam parillas ejus quam atrii, ex ære facies.* Vasa tabernaculi in omnes usus ejus et cæremarias præparata, homines sunt Ecclesie in diversis meritis gradibusque Domini deservientes: quæ vasa cuncta fieri jubentur ærea: illius nimirum, ut scriptum est, figura mysterii, ut quisquis pulsatur adversis, perfereret in finem: ne promissam sibi salutem desidia perdat: sive ut sileam quam didicit, etiam inimicia oblectantibus, palam confiteri non metuat: sed et apicis dona, quæ percepit, sedulus insonare mamerit. Æs atque sonorus et naturæ diu durabilis est. Paxilli autem quos dicit tabernaculi sive atrii, ad hoc erant facti, ut infixi columnarum summitatibus, foris eminent, et impositis sibi velorum sive tentorium funibus, sic ea levantes a terra, suspenderent: quorum factura et positione, non absurde ipsa doctorum potest lingua designari, quæ prædicando audientium corda tangit ac tangendo sublevat. Funibus etenim solet aliquoties

Scriptura sacra designari. Unde scriptum est: *Funiculus triplex difficile rumpitur (Eccle. 17)*, quia nimirum Scriptura quæ historico, allegorico, morali, consuevit sensu interpretari, nulla hæreticorum sive paganorum valet perversitate corrumpi. Ipsa enim tentoria sive vela ut recipere funes possent habere, necesse est in superioribus suis ansas sive circulos, quibus iidem funes immitterentur. Et tu si vis tentorium Dei fieri, præpara in corde tuo receptaculum sermonibus ejus, quo possis ad superna suspendi. Imponantur vero paxillis columnarum funes tentorium, ut sic expansa atque in altum elata, pulchritudinem tabernaculi compleant. Committant sancti prædicatores fidelium cordibus eloquia divina: eosque per hæc ad exemplum sui ab infimis erigi commoneant, expansa funibus ac sublevata vela sive tentoria, decus sui operis mirificum, quod involuta nequiverant, cunctis longe lateque demonstrant.

### CAPUT XVIII.

*De olea offerendo ex arboribus olivarum, ad luminaria instruenda in candelabro tabernaculi.*

*Præcipe filiis Israel, ut offerant tibi oleum de arboribus olivarum purissimum, piloque contusum, ut ardeat lucerna semper in tabernaculo testimonii extra velum, quod appensum est testimonio; et collocabunt eam Aaron et filii ejus.* Disposito prout tabernaculi, consequenter etiam lumen lucernæ prævidetur, ut decor ejus admirabilis, sicut interdiu lumine solari, ita etiam noctu lucernalibus flammis illustretur; nec unquam in domo Dei aliquis tenebrarum

Tocus, aliqua umbrarum possit hora suppetere. *Justa*

*vero mysticos sensus quid significet lumen lucernæ, Dominus in Evangelio declarat qui cum per parabolam dixisset: Neque accendant lucernam, et ponunt eam sub modio, sed super candelabrum, ut luceat omnibus, qui in domo Dei sunt (Math. v), mox aperte subjunxit: Sic luceat lux vestra coram hominibus, ut videant opera vestra bona. Lucerna ergo lucis in domo Dei, opera sunt justorum, quæ mentes intuentium suis exemplis illuminant. Verum diligentius intueendum, quod ut lucerna semper in tabernaculo Dei possit ardere, filii quidem Israel oleum offerre, Aaron autem et filii ejus, ipsam lucernam collocare jubentur. Quæ est hæc distinctio, ut ad nutriendam, populus oleum offerat lucem in domo Domini, et sacerdotes lucernam componant, nisi forte hoc figurate imperatur, ut fideles et religiosi auditores, prompta ad obediendum fidei corda afferant; doctores vero, eis ignem verbi cælestis quo et illuminentur ad cognoscendum, et inflammentur ad diligendum Deum, prædicando ministrent? Notandum autem, quod non indifferenter oleum offerre filii Israel, sed cum distinctione, oleum de arboribus olivarum præcipiuntur, et insuper additur, purissimum piloque contusum. Sicut nec ignis alius qui de cælo descendit, vel in lucernis sæcietis ardeat, vel in altari Dei debet accendi. Sanctus enim spiritus disciplinæ effugiet fictum. Offerant ergo*



filiis Israël oleum ad lucernam Dei non quaecumque, sed de lignis olivarum, et hoc purissimum pilo- que contusum. Offerant boni auditores spiritalibus doctoribus, conscientiam puram et charitatis gra- tiam secundam, pilo- que sedulae probationis ab omni nequitiae commistione permundatam, qua sola vi- delicet intentione placendi et serviendi Domino, verba eius audire delectet. Offerat Aaron cum filiis suis, ignem non alienum, sed desuper missum ad accendendam lucernam : sicut etiam ad consu- menda holocausta ac redolenda thymiamata. Prae- dicent verbum doctores non sum, sed Domini, pro- testantes cum fiducia. Non enim sumus sicut plu- rimi, adulterantes verbum, sed ex sinceritate, sed ex Deo, sicut coram Deo in Christo loquimur. Hoc igne utantur ad illustranda cognitione Dei corda audientium : hoc, ad perficienda ac Deo consecranda holocausta bonorum operum suorum; hoc, ad incen- denda thymiamata orationum sanctarum. Bene autem dicitur : Ut ardeat lucerna semper in tabernaculo tes- timonii, quia nunquam in sancta Ecclesia lux praedi- cationis, nunquam debet humilitas auditorum pura, quae hanc libenter excipiat, imo et solerter inqu- rat, deesse. Bene additur : Extra velum quod op- ansum est testimonio. Non enim intra velum caeli opus habemus lucerna scripturarum, ubi arca est Domini, et cherubim gloriae propitiatorium obum- brant, id est, agmina caelestis militiae, gloriam in- carnati filii Dei, quem posuit Deus propitiationem pro peccatis nostris, consona voce praedicant. Bene

A sequitur : Et collocabunt eam Aaron et filii eius. Quia non omnium est sacramenta fidei praedicare in populo, sed eorum solummodo, qui et castitate fidei, et executione boni operis, ad filios summi sacerdotis, Domini videlicet et Salvatoris nostri, pertinere probantur. Bene autem adhuc subditur. Et usque mane luceat coram Domino. Cum enim transacta nocte saeculi hujus, mane futurum saeculi claruerit, de quo dicit Propheta, *Mane astabo tibi et videbo* (Psalm. v), non jam ultra lucerna librorum indigemus, apparente et illustrante nos vera luce mundi, de quo dicit et Propheta : *Vobis autem timentibus nomen meum, Orietur sol iustitiae. Perpetuus erit cultus per successiones eorum a filiis Israël* (Mat. iv). Quomodo enim juxta litteram perpetuus esse poterit cultus officii sacerdotalis, ubi et ipsi in sacerdotium et tabernaculum in quo gerebatur, et populus cui gerebantur, jam dudum esse cessaverunt? Unde constat hoc in sancta Ecclesia verbum esse complendum, ubi succedentibus sibi per ordinem doctoribus simul et auditoribus veritatis, nunquam deerunt spirituales filii Israël, qui in do- mum Domini dona pietatis offerant, et filii Aaron, id est, veri sacerdotis nostri, qui illis luceat verbiminit- strent : donec completo saeculi hujus statu, et ipso quo- que tabernaculo Dei toto, id est universa electorum multitudine ad regnum caeleste translata, non erunt ultra, qui ab hominibus erudiantur homines, cum sit *Deus omnia in omnibus*.

## LIBER QUARTUS.

### CAPUT PRIMUM.

*De edificatione Aaræ et filiorum eius in sacerdotium constituendorum.*

Applica quoque ad te Aaron fratrem tuum cum filiis suis de medio filiorum Israël, ut sacerdotio fun- gantur tibi Aaron, Naab et Abiu, et Eleazar et Ithamar (Exod. viii). Descripta factura tabernaculi, consequenter sacerdotes qui in eo ministrent ordina- tur, quorum quidem ordinatio et habitus, recte Ec- clesiae sacerdotibus congruit : ita ut omne, quod illic in ornatu vestium clarum extrinsecus fulgebat, hoc intellectum spiritualiter, in ipsis sacerdotum nostrorum mentibus altum intus emineat; hoc in eorum actibus praeter ceteris fidelium meritis, foris gloriosum clarescat. Unde apte praecipitur Moysi, ut applicet ad se Aaron fratrem suum cum filiis de medio filiorum Israël, ad fungendum sacerdotio coram Domino. Necessè est enim, ut quicumque ad majorem in sancta Ecclesia gradum promovendi sunt, majore mentis industria, sese ad legem Dei applicent, id est divinatorum observantiae mandato- rum, solertiore praeter ceteris animo copulentur. Hoc est enim eos qui sacerdotio functuri sunt de medio filiorum Israël, ad Moysen applicari : praesentes ac

doctores sanctae Ecclesiae, communem vitam electo- rum, singulari mentis culmine transcendere, et fa- miliaris inspectione quodam generaliter omnibus electis, quid vero paucis perfectioribus specialiter loquatur, attendere : ut altiori excellentia meritorum ad altiora possint premia pervenire. Nam quod fra- trem suum Moyses cum filiis in sacerdotium ordi- nare praecipitur, quid nobis aliud mystice commen- dat, nisi quod omnes qui officium doctoris suscipi- unt, tanto debent studia et amore meditationi divi- nae legis adherere, ut quasi gemina ei videantur cognatione conjuncti? Neque hoc quod primi filio- rum Aaron post ordinationem cum ignem alienum offerrent coram Domino, igne caelesti perierunt, a si- gnificatione miserabilis nostri temporis abhorret ubi nonnulli sacerdotum ac doctorum loco potius quod dictum quoque grave ac lugubre satis est, dum ignem cupiditatis igni superbiae dillectionis, antepo- nunt, igne superbiae ultionis absorbentur; quorum perpetua damnatio, temporalis est filiorum Aaron morte figurata, quamvis excellentioris figura myste- rii, quomodo tabernaculum cum ornatum ac vastis suis, sanctam designat Ecclesiam, pulcherrima vir- tutum sive personarum fidelium varietate distin-

clamq[ue] etiam summus ejusdem tabernaculi sacerdos, figuram tenet veri pontificis Jesu Christi; qui semetipsum obtulit oblationem et hostiam Deo pro nobis, in odorem suavitatis; qui et jure potest fratrem Moysi vocari: Quis enim amplius alteri frater est, cedere comexus, quam Christus Moysi? Regi gratia; Novum Testamentum Veteri.

**CAPUT III.**  
*De veste sacerdotis Aaron et filiorum ejus.*  
 Faciteque vestem sanctam fratri tuo in gloriam et decorem; et loqueris cunctis sapientibus corde, quos repleti spiritu prudentie, ut faciant vestes Aaron, in quibus sanctificatus ministrat tibi. (Exod. xxviii.)  
 Vestes samete Aaron quas illi Moyses fecit, opera sunt justitie et sanctitatis, quas Scriptura sacre legis rectoribus habenda commendat, quorum et in his qui processere in Christo exempla que insistentur ostendit. Sapientes autem corde, quos ad fabricandas easdem vestes, Deus spiritu prudentie replevit; ipsi sunt prophete et apostoli, ceterique doctores veritatis, qui nobis apertissime, quomodo vivere sacerdotes, et ministri altaris, qualiter docere debeant, sive exemplo sue actionis, sive verbo exhortationis, ostendant. Quibus est illud Apostoli ad Titum: Oportet etiam episcopum sine crimine esse; ut dispensatorem, non superbum, non iracundum, non violentum, non percussorem, non turpis lucri cupidum, sed hospitalem, benignam, sobrium, justum, sanctum, continentem, amplectentem eum, qui secretum doctrinam est fidelem sermone (Tit. 1).

**CAPUT III.**  
*De fabrica superhumeralis.*  
 Hec autem vestimenta erant, que facient: Rationale et superhumerale, tunicam et lineam strictam, cidarim et baltheum. Facient et vestimenta sancta Aaron fratri tuo et filiis ejus, ut sacerdotio fungantur tibi, decipientque aurum et hyacinthum, et purpuram, coccumque bis tinctum, et byssum (Exod. xxviii).  
 Quomodo hec singula facta sint, plenius in sequentibus explicatur: Rationale autem pectoris habitus, superhumerale est humerorum tunica et linea stricta, id est, camisia, totum corpus operiant. Cidarim caput ornant, baltheum utrumque tunicam simul et superhumerale, artius ad corpus aptat. Quibus sex indumentis, inferius septimum jungitur et octavum: feminalia videlicet linea, ad cooperiendam carnem turpitudinis, et lamina aurea super cidarim, que titulo nominis Domini, ceteris altior omnibus, eminebat. Linea autem stricta dicitur, quoniam adharebat corpori, et ita arcta erat astrictis manibus, ut nulla ei omnino ruga inesset. Descendebat autem usque ad crura: unde et Græce poderis, id est, talaris vocabatur.

His octo generibus vestium pontifex tempore sacrificii solebat indui, e quibus erant quatuor et minoris ordinis sacerdotibus concessa: feminalia videlicet, linea tunica, et baltheus et cidarim. Dicebat enim ut quo majoris quis gradu esset insignis, eo pluribus etiam virtutum actibus admirandus fulgeret. Camela

autem dicitur de auro pretiosisque coloribus, quæ nihil vile ac sordidum, in sacerdotis ore vel opere debet apparere; sed cuncta que agit, universa que loquitur, omnia que cogitat, et cetera hominibus præclara, et in conspectu interni arbitri oportet esse gloriosa. Quod dictum est, *Et pones in utroque latere superhumerali*, memorialis filii Israel, nunc quoque pontifex in superhumerali nomina gestat patriarcharum, cum doctor qui sive presens Ecclesie, in omnibus que agit patrum precedentium facta considerat; atque ad eorum imitationem vitam dirigere, et bonis evangelicæ perfectionis ferre satagat. Quæ videbet nomina patrum apte in lapidibus pretiosis sculpti jussa sunt. Lapidis quippe pretiosi, opera virtutum sunt spiritualium; habetque sacerdos in humeris lapides preciosos, et in eis nomina patrum inscripta, cum et ipse claritate bonorum operum cunctis admirandus existerit, et eandem claritatem non a se potenter inventant, sed antiqua sibi patrum auctoritate traditam esse, docuerit. Duplici autem ratione hæc in humeris portat, ut et ipse præceptis dominicis humiliter subditus incedat, et auditoribus suis semper celestia, sive sua, sive patrum exempla que sequantur, proponat. Aptæ etiam iidem lapides includi auro atque circumdari jubentur. Auro namque vel intellectus ut supradictum est, vel certe charitas insinuatur, quia sicut aurum metallis, ita caritas virtutibus præstat ceteris. Includuntur vero auro lapides et circumdantur pretiosi, cum operati virtutem adeo puro undique ver-

sum intellectu circumspiciatur, ut nulli in eis vitiorum lateri, nil remanere sordidum permittatur, cum ipsa virtutes ita vinculo charitatis continentur, ut nulla rerum mutabilitate, a suo statu decidere, nunquam de habitu sacerdotis, torpente mentis custodia valeant prolabi.

Bene autem sequitur: *Portabitque Aaron nomina eorum coram Domino, super utrumque humerum ob recordationem.* Sacerdos namque ob recordationem nomina patrum super utrumque portat humerum, cum diligenter omni hora, precedentium sanctorum vitam perpendens, et in adversis et prosperis virtutum semper ornamento est munitus; quatenus juxta vocem Pauli, per arma justitiæ a dextris et sinistris gradens, cum ad sola que altiora sunt nititur, in nullo delectationis inflama latere flectatur. *Facies et uncinos ex auro, et duas catenulas ex auro purissimo, sibi invicem coherentes, quas inseres uncinis.* Uncinos quos dicit, in supremis erant angulis superhumeralis sabre affixi. Catenule autem quas subjungit, non in ipso superhumerali, sed potius in rationali, hoc est in superioribus ejus angulis, per annulos aureos videntur fuisse annexæ; ut cum indueretur pontifex, catenule que de rationali pendebant, possent cum uncinis superhumeralis annexi, quatenus utraque sibi mutuo firma positione cohererent; scriptum namque aperitius est in posterioribus: *Fecerunt in rationali et catenulas sibi invicem coherentes, de auro purissimo, et duos uncinos, totidemque annulos aureos.*

Porro annulos ponerunt in utroque latere rationalis  
 e quibus penderent demerstone, quoniam inscruerunt in  
 digis, qui in superhumeralia angulis eminebant. De  
 quorum figura melius in rationalis explanatione tra-

**CAPUT IV**

*Rationalis, quoque iudicii, sapientiae, operum polyplo-*  
*justa lectura superhumeralia, ex auro, hyacintho, et*  
*purpura, coccoque bis tinata, et bysso, retorta. Quam*  
*draculura, erit, et duplex. Mensuram palmi habebit,*  
*tam in longitudine, quam in latitudine. (Ecod. xxviii.)*  
 Opere polyplo, opere multifario dicitur. Sicut autem  
 teq. in superhumerali operum perfectio, ita in ra-  
 tionali iudicii, quo pectus sacerdotis tegebatur simul  
 et ornabatur, cordis et cogitationum eius, castitas ex-  
 primitur. Et bene post superhumeralia, rationale semi-  
 quitur iudicii, ut cum ante homines, quis sanctus  
 manibus apparetur, multa magis in conspectu summi  
 iudicis aequum cordis assistere contendat, omni agens  
 industria, ut quidquid foris erga proximos agat, aut  
 iudicet, solum ex regula interna rationis probatum,  
 ac suo conditori placitum, fulgeat. Item rationale  
 iudicii sacerdos in pectore ferre precipitur, quia de-  
 bet rector, subtili semper examine, bonam ipsaque  
 discernere, et quae vel quibus, quando, vel qualiter  
 congruant, studiose cogitare. Duplex autem factura  
 est rationale, ut facilius lapidum pondus sustineretur.  
 Sed haec duplicatio rationalis, in tegalis pectore ba-  
 cerdotis, typice nos admonet, ut rationem nostri exa-  
 minis, et invisibilis intus arripere, probet, et in unum  
 quam humana, foris existimatio, merito contemnat.  
 Quod autem mensuram palmi habebat per quadrum  
 conatum infatigabilem, ac perpetua pie intentione  
 ostendit. Qui enim pectus aliquid caelit, summo  
 utique conamine dispansis digitis manum extendit,  
 ut possit mensuram qui quaerit, plene et absque scri-  
 pulo dubitatis, tenere. Unde merito, sicut per manum  
 operatio, ita per palmyum, exprimitur ipsa inflexibilis  
 contentio, hinc operationis, dum suam quisque dexte-  
 ram, in universa, quae valet, ingenia, virtutum, dili-  
 genter sagat. *Pectusque in eo quatuor ordines lapidum.*  
*In primo, perui, erit lapis, sardius, et topacius, et amari-*  
*rogus. In secundo, carbunaulus, sapphirus, et jaspis.*  
*In tertio, ligurinus, achates, et amethystus. In quarto,*  
*chrysolithus, onychinus, et beryllus. In octavo, erant*  
*per ordines suas, habebuntque nomina filiarum Israel,*  
*duodecim. Lactabuntur singuli lapides, novissimus sin-*  
*gulorum, per duodecim tribus. Haec gemmarum*  
 positio diversarum in rationali, multiplicem va-  
 riarum virtutum gratiam designat, quae concordia  
 serie

ferre, debet, ostendunt. Et apte, prima de super-  
 humerali, scienda precipitur, quia quisquis ad sa-  
 cerdotium magistrumque populi Dei, promoveendus  
 est, primam eius debent, opera cognosci, et dum hoc  
 quod foris omnibus patet, inreprehensibile parubri-  
 convenienter, ex tempore, et in integritas cordis eius,  
 et fidei sinceritas scrutetur. Filii autem, idem super-  
 humerale de auro et hyacintho, ac purpura cocco-  
 que bis tinato, et bysso retorta. De auro videlicet, ut  
 ante omnia, in habitu sacerdotis, intellectus sapientie  
 principaliter iniecit. Hinc autem hyacinthos  
 qui aereo colore resplendet, adiungitur, ut per omne  
 quod intelligentio penetrat, non ad favores infimos,  
 sed ad amorem coelestem surgat, ne dum suis in-  
 cautis, laudibus paschitur, ipse veritatis intellectu van-  
 fluctent. Auro quoque, et hyacintho, purpura, permix-  
 scetur, ut videlicet sacerdos, eorum cum summa quae  
 praedicat, sperat, in semetipso, etiam suggestiones va-  
 tiorum recipiat, et quae ex regia potestate contradi-  
 cat, quatenus nobilitatem semper, intima regenera-  
 tionis, aspiciat et coelestis regni, sibi, habitum, mori-  
 bus defendat, quamvis, ut superius dictum est, in  
 purpureo colore, possit, ipsa, effusio, sanguinis, pro-  
 Christo, vel diversarum tolerantia, pressuram inteli-  
 giti. Ipsa est, enim, crux, quam sequentes Dominum,  
 quotidie, ferre, iubemur. Unde merito, talis species,  
 inter alias, in humero, sacerdotis, resulget, ut ipsum  
 ad patiendum, adversa, semper doceat, esse paratum.  
 Auro autem, hyacintho, ac purpura, bis, tinctus, con-  
 cius adiungitur, ut ante interna iudicii, oculos, omnia  
 virtutum bona ex charta, decorentur, ut cuncta  
 quae coram hominibus, fulcant, haec, in conspectu  
 occulti, arbitri, flamma, intima, amoris, accendat. Quae  
 scilicet, charitas, quia, Deum, ac, proximum, diligit,  
 quasi, ex duplici, tinctura, fulgescit. Sed cum, mense, ad  
 praecipia, charitatis, contendit, resat, procul, dubio,  
 ut, per, abstinentiam, caro, maceratur, unde, hinc, dim-  
 cta, cocco, et, bysso, adiungatur. De terra, etenim,  
 bysso, utenti, specie, oriuntur. Et quid, per, byssum,  
 nisi, candens, decore, munditiae, corporalis, castitas, de-  
 signatur? Quae, videlicet, tortae, pulchritudini, super-  
 humeralis, inaequitur, quia, tunc, castimonia, ad peni-  
 tentiam, munditiae, candorem, ducitur, eorum, per, absti-  
 nentiam, caro, fatigatur. Potest, de, cocco, qui, ignis,  
 specie, resulget, ut, hoc, non, conveniant, dicitur, quod  
 ideo, fortasse, bis, tinctus, sicut, praecipit, sicut, quae  
 ignis, duplicem, habere, vim, solet, urendi, scilicet, et,  
 lucendi, cuius, naturam, imitari, praesolem, in, verbo,  
 nimirum, doctrinae, solutariae, oportet, ut, et, lucem, vide-  
 licet, scientiae, desiderantibus, aperire, et, multigenam,  
 peccatorum, in, contemptoribus, curat, in, crepando, con-  
 hupere. *Quas, et, iunctas, habebit, in, utroque, latere,*  
*summitatum, ut, in, unum, redeant.* De hoc, in, sequen-  
 tibus, ita, dicitur. *Fiant, igitur, superhumeralia, de, auro,*  
*hyacintho, et, purpura.* Et paulo, post. *Quas, et, iunctas,*  
*in, utroque, latere, summitatum.* Et  
 quo, panis, simile, videtur, quod, applicatae, vestes, con-  
 iunctas, sibi, fuerunt, one, utriusque, partis, in, utroque,  
 latere, a, aureum, usque, deorsum, ita, ut, dimidiatum

**CAPUT V**

*De tunica superhumerali, ac purpura coccoque bis tinata, et bysso, retorta, opera*  
*polyplo (Ecod. xxviii).* Quoniam in humeris, quora  
 portare solemus, quid superhumeralia pontificis, nisi  
 labores bonorum operum, quae jugiter, coram Domino

ferre, debet, ostendunt. Et apte, prima de super-  
 humerali, scienda precipitur, quia quisquis ad sa-  
 cerdotium magistrumque populi Dei, promoveendus  
 est, primam eius debent, opera cognosci, et dum hoc  
 quod foris omnibus patet, inreprehensibile parubri-  
 convenienter, ex tempore, et in integritas cordis eius,  
 et fidei sinceritas scrutetur. Filii autem, idem super-  
 humerale de auro et hyacintho, ac purpura cocco-  
 que bis tinato, et bysso retorta. De auro videlicet, ut  
 ante omnia, in habitu sacerdotis, intellectus sapientie  
 principaliter iniecit. Hinc autem hyacinthos  
 qui aereo colore resplendet, adiungitur, ut per omne  
 quod intelligentio penetrat, non ad favores infimos,  
 sed ad amorem coelestem surgat, ne dum suis in-  
 cautis, laudibus paschitur, ipse veritatis intellectu van-  
 fluctent. Auro quoque, et hyacintho, purpura, permix-  
 scetur, ut videlicet sacerdos, eorum cum summa quae  
 praedicat, sperat, in semetipso, etiam suggestiones va-  
 tiorum recipiat, et quae ex regia potestate contradi-  
 cat, quatenus nobilitatem semper, intima regenera-  
 tionis, aspiciat et coelestis regni, sibi, habitum, mori-  
 bus defendat, quamvis, ut superius dictum est, in  
 purpureo colore, possit, ipsa, effusio, sanguinis, pro-  
 Christo, vel diversarum tolerantia, pressuram inteli-  
 giti. Ipsa est, enim, crux, quam sequentes Dominum,  
 quotidie, ferre, iubemur. Unde merito, talis species,  
 inter alias, in humero, sacerdotis, resulget, ut ipsum  
 ad patiendum, adversa, semper doceat, esse paratum.  
 Auro autem, hyacintho, ac purpura, bis, tinctus, con-  
 cius adiungitur, ut ante interna iudicii, oculos, omnia  
 virtutum bona ex charta, decorentur, ut cuncta  
 quae coram hominibus, fulcant, haec, in conspectu  
 occulti, arbitri, flamma, intima, amoris, accendat. Quae  
 scilicet, charitas, quia, Deum, ac, proximum, diligit,  
 quasi, ex duplici, tinctura, fulgescit. Sed cum, mense, ad  
 praecipia, charitatis, contendit, resat, procul, dubio,  
 ut, per, abstinentiam, caro, maceratur, unde, hinc, dim-  
 cta, cocco, et, bysso, adiungatur. De terra, etenim,  
 bysso, utenti, specie, oriuntur. Et quid, per, byssum,  
 nisi, candens, decore, munditiae, corporalis, castitas, de-  
 signatur? Quae, videlicet, tortae, pulchritudini, super-  
 humeralis, inaequitur, quia, tunc, castimonia, ad peni-  
 tentiam, munditiae, candorem, ducitur, eorum, per, absti-  
 nentiam, caro, fatigatur. Potest, de, cocco, qui, ignis,  
 specie, resulget, ut, hoc, non, conveniant, dicitur, quod  
 ideo, fortasse, bis, tinctus, sicut, praecipit, sicut, quae  
 ignis, duplicem, habere, vim, solet, urendi, scilicet, et,  
 lucendi, cuius, naturam, imitari, praesolem, in, verbo,  
 nimirum, doctrinae, solutariae, oportet, ut, et, lucem, vide-  
 licet, scientiae, desiderantibus, aperire, et, multigenam,  
 peccatorum, in, contemptoribus, curat, in, crepando, con-  
 hupere. *Quas, et, iunctas, habebit, in, utroque, latere,*  
*summitatum, ut, in, unum, redeant.* De hoc, in, sequen-  
 tibus, ita, dicitur. *Fiant, igitur, superhumeralia, de, auro,*  
*hyacintho, et, purpura.* Et paulo, post. *Quas, et, iunctas,*  
*in, utroque, latere, summitatum.* Et  
 quo, panis, simile, videtur, quod, applicatae, vestes, con-  
 iunctas, sibi, fuerunt, one, utriusque, partis, in, utroque,  
 latere, a, aureum, usque, deorsum, ita, ut, dimidiatum

vestis intuendum oculis foris appareret, dimidium A  
vero aliud interius lateret; sed oræ utrorumque con-  
iunctæ, usque ad extremos angulos ad inferiora de-  
scenderent. In quo quid aliud nobis typice intelli-  
gendum est, nisi ut cum bona foris opera proximis  
ostendimus, eadem intus coram Domino integra ser-  
vemus: ne unquam vel castitatem puræ cogitationis  
minor piæ actionis perfectio sequatur, vel profectionem  
quæ videtur operis, imperfectioris mentis inten-  
tio ex parte solitariam relinquat. Sed quasi duæ  
oræ superhumeralis sibi invicem copulentur: dum  
omnia quæ foris bona monstramus, intus pura et  
simplici intentione Deo placendi gerimus, et hoc in  
utroque latere superhumeralis, ut inter adversa et  
prospera concordî semper actione et cogitatione, con-  
ditori nostro serviamus. *Ipsaque textura et cuncta B*  
*operis varietas, erit ex auro, hyacintho et purpura,*  
*coccoque bis tincto, et bysso retorta.* Non in ima parte  
superhumeralis aurum, in altera hyacinthus, in alia  
rursus alii atque alii colores fuerunt, sed omnes  
colores utique per omnia cum auro ipso fuere  
contexti, quia nimirum in actione sacerdotali, nun-  
quam aliqua magnarum virtutum, vel ad horam  
debet intermitteri; sed semper auro sapientiæ luci-  
dus, semper hyacintho spei in superna erectus, semper  
regni cœlestis purpura, adversus vitiorum bella  
magnanimus, semper cocco bis tincto geminæ dile-  
ctionis flammans, semper retorta bysso castigatæ car-  
nis sacerdos sive doctor fidelium, debet esse nitidus.

*Sumesque lapides duos onychinos, et sculpes in eis C*  
*nomina filiorum Israel. Sex nomina in lapide uno,*  
*et sex reliqua in altero, juxta ordinem nativitatis*  
*eorum, opere sculptoris, et cœlatura gemmarii sculpes*  
*eos, nominibus filiorum Israel, inclusos auro atque*  
*circumdatos: et pones in utroque latere superhumerali*  
*memoriale filiis Israel.* Træs ob causas Aarón no-  
mina patriarcharum inter sacrificia semper in hume-  
ris sicut et in pectore portabat, ut videlicet ipse  
fidem, vitamque patriarcharum meminisset imitari,  
ut duodecim tribuum quæ de his natæ sunt, in ora-  
tionibus et sacrificiis memor existeret, ut idem po-  
pulus scripta in veste præsulis sui patrum nomina  
videns curaret sedulo, ne ab illorum meritis descen-  
dens, ad errorum contagia declinaret. Ad hoc enim  
velut disposita, in sacerdotis debet corde semper ap-  
parere. Singuli autem lapides singulis patrum nomi-  
nibus inscribuntur, dum sanctorum vitam rector in-  
spiciens, in quibus maxime virtutum operibus flouerunt,  
sedula inquisitione scrutatur, et hæc cuncta  
abditi sui pectoris meditando colligere atque ope-  
rando proferre satagit. Neque enim sine certi ra-  
tione sacramenti, ita utraque vestis lapidibus pre-  
tiosis redimita, ac patrum nominum insignita est,  
ut ipsa nomina in superhumerali quidem duobus la-  
pidibus unius ejusdemque generis, in rationali vero  
duodecim nominibus diversi generis inscripta sunt;  
sed quod patres in lapidibus pretiosis, unius atque  
indivisiibilis generis sculpti sunt, significat aperte,  
quod una fides in Deum eadem charitas, communis

spes vitæ cœlestis, omnium corda patrum repleret.  
Quod vero diversi generis lapidibus iidem scripti  
sunt, denuntiat figurate, quia multiplex est varietas  
et gratia bonorum operum, quibus præfata sancto-  
rum fides, spes et charitas confirmata refulget. Quod  
autem in rationali quatuor ordines fuerunt, et horum  
singuli quique tres habuere lapides, quid nobis inti-  
matur typice, nisi ut in virtutibus quæ distinguuntur  
quatuor principales, fidem sanctæ trinitatis non  
fictam teneamus? Possumus sane in vario decore  
lapidum, non solum claritatem multifariam sacerdo-  
talis actus et cogitationis, verumetiam spiritualium ac-  
cipere charismata virtutum ac miracula sanitarum:  
de quibus ipse Dominus apostolis: *Infirmos, inquit,*  
*curate, mortuos suscite, leprosos mundate, dæmo-*  
*nes ejicite (Matth. x).* Et iterum: *Signa autem eos*  
*qui credunt hæc sequentur: In nomine meo dæmonia*  
*ejicient, linguis loquentur novis, serpentes tollent, et si*  
*mortiferum quid biberint, non eis nocebit.* Verum sive  
hoc sive illud, utrumque designant. Recte etiam duo  
lapides onychini, in superhumerali, eodem duodena-  
rio erant patrum numero sculpti, ut doctrinam fidem-  
que apostolorum utrique populi Judæorum videlicet  
et gentium profuturam esse designarent. Juxta quod  
eidem intellectuali Jerusalem, hoc est, Ecclesiæ suæ  
Dominus per prophetam manifeste promissit diceas:  
Ad dexteram enim et ad levam penetrabis, et semen-  
tuum gentes hæreditabit. Quod autem onyx rubri  
fertur esse coloris, singulos videlicet habens albis  
cingentibus zonis quis non videat, quod vel ardorem  
charitatis, vel lucem designet scientiæ comitante zona  
castitatis? Cujusmodi lapidibus inscripta patrum  
vocabula gestat sacerdos, cum exsecutus præceden-  
tium justorum charitati, humilitati, doctrinæ, cate-  
risque virtutum operibus, juge studium impendit.  
Et hoc in utroque humero, ut sive Judæus quis seu  
de gentibus adsit, claritatem semper in doctore ver-  
itatis et pietatis per quam ipse ad meliora pro-  
fecerit, aspectet. *Facies in rationali catenulas sibi*  
*invicem coherentes ex auro purissimo, et duos annu-*  
*los aureos, quos pones in utraque rationalis summi-*  
*tate, catenasque aureas junges annulis, qui sunt in*  
*marginibus ejus, et ipsarum catenarum extremæ duo-*  
*bus copulabuntur uncinis, in utroque latere superhu-*  
*meralis quod rationale respicit.* Ordo operis quan-  
tum nobis videtur, hinc etenim fuit. Duo erant  
uncini supra in duobus superhumeralis angulis  
impositi, et duo contra annuli in duobus rationalis  
annulis sursum; e quibus pendebant duæ catenæ au-  
ræ, quæ tempore induendi inserebantur uncinis, qui  
in superhumeralis angulis eminebant, ut in sequen-  
tibus apertius scriptum est: ut superhumeralis et ra-  
tionale, mutuo necterentur, quorum superior conne-  
xio hucusque scripta est. Sequitur autem de inferiori  
quæ erat subtus ascellas. Scriptura ita subjiciens:  
*Facies et duos annulos aureos quos pones in summi-*  
*tibus rationalis, et in oris quæ e regione sunt super-*  
*humeralis et posteriora ejus aspiciunt.* Quod di-  
cit, et in oris quæ e regione sunt superhumeralis,

non significat in oris superhumeralis, sed in oris illis, quæ e regione sunt superhumeralis: hoc est in oris rationalis, quæ videlicet ore e regione superhumeralis sunt. Annulli enim illi qui in ultimis et infimis erant angulis rationalis, habebant contra se in utroque latere superhumeralis æque alios annulos, quibus ipsi vittis ligantibus jungerentur: de quibus subsequenter adjungitur: *Nec non alios duos annulos aureos, qui ponendi sunt in utroque latere superhumeralis deorsum, quod respicit contra faciem juncturæ inferioris, ut aptari possit cum superhumerali.* Contra faciem dicit juncturæ inferioris, quia de junctura superiore quæ erat super scapulas, ante dixerat. Inter quas videlicet juncturas hoc distabat, quod superior his catenulis, inferior vero erat vittis facta ligantibus. Unde apte subjungitur: *Et instringetur rationale annulis suis cum annulis superhumeralis vittâ hyacinthina, ut maneat junctura fabricata, et ab invicem rationale et superhumeralis nequeant separari.* Non autem putandum est, utrumque indumentum simul esse terminatum. Nam rationale quod mensuram palmi in altitudine, sicut et in latitudine habuit, non multo amplius quam pectus solum legere sufficiebat. Superhumeralis autem usque ad cingulum pertingebat, sicut in posterioribus manifestissime ostenditur, ubi scriptum est: *Hæc et ante et retro ita conveniebant sibi, ut superhumeralis et rationale mutuo necterentur, stricta ad halterem, et annulis fortius copulata, quos Jungebat vittâ hyacinthina, ne laxeduerent, et a se invicem moverentur.* Hæc de ipsa connexionione superhumeralis et rationalis, secundum litteram dicta sunt. Quia vero quod sæpius dictum est, superhumeralis ad operum consummationem bonorum, rationale autem ad significandam cogitationum munditiam pertinet, connexo quæ hæc in alterutrum sociat, recte illam mentis industriam figurate denuntiat, quæ doctorem fideliorem intellectu ac fide cum operatione conjungitur. Maves enim junctura fabricata, ut a se invicem rationale et superhumeralis nequeant separari, quando tanta eruditione toto operum studio præeminet rector, ut nil ex his quæ faciendâ esse cognoverit infectam relinquat, nil ex illis quæ recta facere cernitur per incuriam cordis virtute rectitudinis privat. Desolant namque indumenta pontificis, et a se invicem moventur, si vel decus operis boni minor cordis custodia sordidat, vel castitatem puræ cogitationis, integritas non sequitur perfectæ actionis. Sed ne hæc ab invicem valeant dissolvi, habeat sacerdos in rationali duas catenulas ex auro purissimo; id est, continentiam castæ et non fectæ dilectionis, cordi vero firmiter alligatam, quæ nunquam mandis et inquam spiritus ab æquitate puri sensus discedere permittat. Et bene duas: ut et in his quæ ad divinæ cultum servitutis, et in eis quæ ad fraternæ subsidium necessitatis pertinent, rite ornatus incedat. Et quidem ante opus charitatis per catenulas exprimitur aureas, quia sicut catenula ex purissimis auri virgulis una connectitur, ita chari-

tas ex multifaria virtutum operatione perficitur.

Quas profecto virgulas exponens Apostolus ait: *Charitas patiens est, benigna est, Charitas non amulatur: non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, congaudet autem veritati. Omnia suffert, omnia credit, omnia sperat, omnia sustinet.* Habeat et annulos aureos, e quibus eadem catenæ pendeant, id est, jugem memoriam perpetuæ et nunquam fisciendæ charitatis in cœlesti patria, ex qua solum memoria fieri consuevit, ut continua nobis possint vincula charitatis manere. Habeat duas uncinos superhumeralis angulis eminentes, quibus inserantur catenæ, hoc est, in ipso exordio cujusque bonæ actionis, habeat firmam Deo placendi intentionem, quæ apta sit per omnia suscipiendæ et continendæ in se dilectionis Dei et proximi, ita ut sive secunda seu adversa quæque occurrerint, nunquam saluberrima piæ devotionis retinacula laxet. Hoc est namque sacerdotem in utroque humero uncinos qui catenulas rationalis excipiant, habere; et in prosperis eum, et in asperis rerum eventibus, fixum Deo placendi studium gerere, et hujus intentione studii, in ipsius simul et proximi amore firmari. Inserunt ergo se uncini superhumeralis catenulis aureis, quæ de rationalis summitatibus offerentur, cum ea quæ mens rationaliter de ipserna luce charitatis degustabat, mox alacritas bepe operandi libenter amplexata, suscipit ne forte citius habitus rationalis pulcherrimus, a pectore sacerdotis relabatur, si non eum accelerans boni operis vicinus qui continet apprehendat. Subrogantur ejisdem catenulis in auxilium, et vittæ hyacinthine, quibus uterque sacerdotis habitus ad invicem copuletur, id est, ligaturæ desiderii cœlestis fortissime, quæ annulis aureis immissæ, superhumeralis cum rationali constringunt, cum agnita luce patriæ perennis, in illam ineffabilem gloriam suspiramus, utque ad hanc intrare mereamur, concordiam semper fide, et vita, opere et professione, in tabernaculo præsentis Ecclesiæ Domino servire studeamus. Quod autem superhumeralis strictum erat haltheus, ut in sequentibus ubi pontifex induebatur, apertius indicatur, et superhumeralis, inquit, imposuit, quod stringens haltheo, aptavit rationali: quis non videat, quod custos bonorum operum fidelissima virtus est continentia, de qua Dominus in Evangelio: *Sint lumbi vestri præcincti, et lucernæ ardentes (Luc. XII).* Lumbi videlicet præcincti, per continentiam; lucernæ vero ardentes, per operationem virtutum. *Portabatque Aaron nomina filiorum Israel in rationali judicii, super pectus suum, quando ingreditur sanctuarium, memoriale coram Domino in æternum. Semper quidem oportet sacerdotem memoriam patrum in pectore suo ferre, sed permaxime tunc, quando ministraturus coram Domino, ad altare ascendit, ut quo sacratus est ministerium, eo solertius toto se semper mundans studio, tota industria mentis exornans et corporis, sanctorum exempla respiciat, horumque sedu-*

les imitator existens, aptum se divinis exhibere  
 rueret aspectibus. Item nomina filiorum Israel, Aaron  
 super pectus suum memoriale coram Domino portat  
 in æternum, quando præsul quisque fidelis, nunquam  
 coram quibus prælatus est, curam intermittit, ha-  
 bere, sed vitam iugiter illorum et exhortando, in-  
 crepando, consolando ipsos confortare, et non con-  
 fortandam tutandamque Domino crebris in orationi-  
 bus commendare, satagit. *Pompe autem in rationali  
 iudicii doctrinam et veritatem, quæ erunt in pectore  
 Aaron, quando ingrediatur coram Domino. Ideo do-  
 ctrina et veritas in rationali iudicii, sive litteris im-  
 pressa, seu in eadem veste indutus, meminisset se  
 studiis doctrinæ, ita etiam discipulorum septuaginta  
 duo circa pedes numerum assignatum haberet. Con-  
 stat enim quia sicut duodenarius apostolorum nu-  
 merus, episcopalis gradum dignitatis inchoavit, sic  
 discipuli septuaginta duo, qui et ipsi ad prædican-  
 dum verbum sunt missi a Domino, gradum sacer-  
 dotii minoris, qui nunc presbyteratus vocatur, sua  
 electione signarunt. Portabat et septuaginta duo  
 tintinnabula aurea, cum totidem malis puniçis, ut  
 ostenderet mystice, quod fides et operatio justitiæ  
 universum mundum esset ab errorum tenebris ad  
 veram lucem perductura. Tres namque dies ac no-  
 ctes, horas habent septuaginta duas, et quia sol jus-  
 titiæ visibilis omnes mundi partes in LXXII horis  
 supra infraque lustrando, tribus vicibus circuit, apte  
 hic numerus tintinnabulorum et majorum diversita-  
 te coloris tunicæ pontificis indutus est, ad docen-  
 dum figurate, quod sol justitiæ Christus orbem esset  
 illuminaturus universum, eique donum præbiturus,  
 et veræ fidei, quæ in agnitione et confessione sanctæ  
 Trinitatis et bonæ operationis.*

## CAPUT VI.

*De lamina aurea facienda, ad ornandam frontem  
 pontificis.*

*Facies et laminam de auro purissimo, in qua scul-  
 pes opere cælatoris sanctum Domino. Ligabisque eam  
 vitta hyacinthina, et erit super tiaram imminens fronti  
 pontificis (Exod. xxviii).* Lamina hæc aurea in fronte  
 pontificis, in qua sanctum Domino, sive sanctum Do-  
 mini, ut in sequentibus appellatur, sculptum est, sa-  
 cratius cæteris erat indumentis illius, et merito quia  
 sicut divina potentia cunctis quæ creavit superemi-  
 liet, ita oportebat ut nomen ejus cæterum pontificis  
 habitum ornatumque transcendens, altius præemi-  
 ueret, et velut cuncta sanctificans, eximiam in eis  
 sedem teneret. Significat autem ipsam professionis  
 nostræ fiduciam, quam in fronte portamus dicentes  
 singuli cum Apostolo: *Mihi autem absit gloriari, nisi  
 in cruce Domini nostri Jesu Christi (Gal. vi).* Et re-  
 cte hoc unum in toto pontificis habitu de auro est  
 solo factum, ut munditiam cordis sive corporis, in  
 qua mysteria redemptionis nostræ recondere vel  
 gestare debeamus, ostenderet, vel certe auro inscri-  
 ptum in fronte sacerdos sanctum Domini gestat, ut  
 insinuet mystice, quod ita passionem Domini et Sal-  
 vatoris nostri, per quam redempti sumus, venerari

et amplecti debemus, ut claritatem in illo divina  
 majestatis per quam creati sumus, pariter confitean-  
 dum esse noverimus: ita mortem assumptæ ab illo  
 humanitatis confiteri, ut eandem mox humanitatem  
 in æternam de morte gloriæ resurrexisse fateamur.  
 Sanctum autem Domini quod in lamina sculpi jube-  
 tur, nomen ejus sanctum et venerabile significat,  
 quod apud Hebræos quatuor litteris vocalibus scribi  
 solet: hoc est, הוהוה. Cujus interpretatio lingua  
 eorum ineffabile sonat: non quia dici non potest,  
 sed quia finiri sensu et intellectu creaturæ nullius  
 potest. Et bene quatuor litteris idem nomen Domini  
 in fronte pontificis erat scriptum, propter videlicet  
 significantiam totidem partium Dominicæ crucis,  
 quam in fronte portaturi eramus, hoc est, supre-  
 mam, dextram, lævam, infimam. Ligatur autem la-  
 mina quæ sanctum Domini continet, vitta hyacin-  
 thina, cum tiara pontificis, quando spe cœlestium  
 præmiorum quam hyacinthus significat, in fide con-  
 fortamur, et eo arctius vel sacramenta nostræ re-  
 demptionis, vel imaginem ac similitudinem nostri  
 conditoris, et redemptionis intemeratam servare  
 contendimus, quo nullum esse aliud salutis iter co-  
 gnovimus. *Portabitque Aaron iniquitates eorum quæ  
 obtulerint et sanctificaverint filii Israel, in cunctis mu-  
 neribus et donariis suis.* Portat namque pontifex iniqui-  
 tates subditorum, id est, exportat et aufert, cum aut  
 eos docendo ad pœnitentiam commissorum provo-  
 cat, aut pro pœnitentibus supplicando, grâtiâ eis  
 justi iudicis conciliat. Facit autem hoc in muneribus  
 et donariis quæ ipsi obtulerint Domino et sanctifica-  
 verint cum pro fructibus dignis pœnitentiæ, id est,  
 elemosynis cæterisque justitiæ operibus quæ fece-  
 runt, pœnitentes a reatu scelerum quæ quondam  
 patnaverunt absolvit. *Erit autem lamina semper in  
 fronte ejus, ut placatus sit eis Dominus.* Si enim la-  
 mina nomine Domini scripta semper fuerit in fronte  
 Aaron, placabitur filiis Israel Dominus: quia cum  
 doctor ipse fideliter se divino servitio pura mentè  
 subdidit, mox etiam subditi exemplis illius ac mo-  
 nitibus accensi, et ipsi rectè vivere, gratiamque internè  
 inspectoris promereri satagunt. *Stringesque bysso  
 tunicam.* Hæc est tunica interior, quam supra fricam  
 strictam nuncupat. Quare autem linea stricta sit  
 dicta, vel bysso stringi præcipiatur, jam superius  
 expositum est. Et nunc adjiciendum, quia solent mi-  
 lites habere lineas, quas camisas vocant, sic aptas  
 membris et strictas corporibus, ut expediti sint, vel  
 adversum, vel ad prælium dirigendo jaculo, tenent  
 clypeo, ense librando, et quocumque necessitas traxe-  
 rit: qualem et Joab habuisse legitur, quando Ama-  
 sam interfecit: strictam scilicet ad mensuram habi-  
 tus sui. Ergo et sacerdotes parati in ministerium  
 Dei utuntur hac tunica, ut habentes pulchritudinem  
 vestimentorum, nudorum celeritate discerant. Hæc  
 autem linea non solum stricta et veris inquirendis,  
 non autem curandis rimandisque sæcularibus nego-  
 tiis, præceptum sacerdotium Suisse observatum. *Et  
 gestabit iudicium: filiorum Israel in pectore suo, in*

conspetu Domini semper. Sacerdos iudicium filiorum Israel in pectore suo in conspectu Domini gestabit, cum subditorum causas pro sola interni iudicis intentione discarit, ut nihil se ei humilitatis admisceat in eo, quod divina positus vice dispensat.

## CAPUT VII.

De tunica linea et tiara byssina, ac baltheo opere plumario factis.

Facies et tunica superhumeralis totam hyacinthinam (Exod. xxviii). Tunica dicitur superhumeralis cujus pars non minima superhumerali tegebatur, ad distinctionem tunice quæ erat interius linea; quarum pariter meminit superius dicens: Hæc autem erunt vestimenta quæ facient: rationale et superhumeralis, tunicam et lineam strictam. Interior autem erat linea sive byssina, quod lini esse genus nobilissimum constat; exterior vero tunica tota hyacinthina nil omnino coloris alterius admittens, cujus specie uniformi, manifeste vita sacerdotis qualis esse debeat, docetur, hoc est, supernis solum desideriis incessanter intenta, et conversationem juxta Apostolum habens in caelis, ac sui Salvatoris indesideranter expectans adventum. Quæ videlicet tunica sicut et byssina ad pedes usque pertingebat, unde utraque Græce poderis dicta est; ut ostenderetur nil in sacerdotali vita infimum ac sordidum remanere, sed omne quod ageret, quasi æthereo colore speciosissimum, per universa membra ejus, a capite usque ad pedes, gratia virtutum contextam esse debere. Item tunica talari sacerdos tota hyacinthina est vestitus, ut admoneatur opus cœlestis non inchoandum tantummodo, verumetiam usque in finem in eo esse perseverandum omnibus, qui salvi esse voluerint. In cujus medio supra, erit capitium, et ora per gyrum ejus textilis, sicut fieri solet in extremis vestium partibus, ut facile rumpantur. Capitium quippe tunicæ hyacinthinæ firmissimam habet oram, et ex sese postea non facile rumpatur: cum primordium bonæ nostræ actionis, forti radice timoris divini subnixum, contra omnes insidias hostis antiqui probatur esse munitum. Talis namque collum sacerdotis per gyrum vestit et ornat, quando rectori fiduciam loquendi subdit, ac prædicandi cœlestia maxima præbet, hoc est, quod ipse non solum in procurso vitæ suæ recte vixerit, sed ipsum quoque exordium a rectitudine cœperit. Tunica ergo sacerdotis hyacinthina habet oram in capite textilem, sicut in extremis vestium partibus fieri solet, cum doctor quisque egregius, a tanta perfectione opus virtutum incipit, ad quantam quilibet alius diutissime laborans, vix aliquando pervenit, cum tanto timore famulatus, omni hora juxta sermonem Prophetæ, sollicitus ambulat cum Domino, Deo suo, quantum alius quis vel meritorius, vel ad iudicium Domini sui ultimum ingressurus, vix habere sufficit.

Deorsum vero ad pedes ejusdem tunicæ per circumitum, quasi mala, punica facias, et hyacintha, et purpuracea corvæ bis tinale, mixta in medio, tintinnabula. Deorsum namque ad pedes tunicæ, sicut quasi

mala punica et tintinnabula per gyrum, quando ad tantam excellentiam devota Dei conversationis sacerdos pervenerit, ut nil in illo aliud quam splendor et gratia, nosque ut ita dixerim variis honorum operum videatur: nil ab illo aliud eum os aperit, quam stravissimus horum sonus audiri. Quia enim in malo punice multa interitus grana uno folio cortice teguntur, recte per mala punica, multifaria virtutum operatio, uno charitatis munimine undique versum tecta designatur. His vero in medio tintinnabula permiscetur, cum neque opus sacerdotis unquam a sonitu verbi quod loquitur discrepat, neque a rectitudine operis, terribus adversis, linguæ solitus dissentit. Ubi pulchre additur: Ita ut tintinnabula sit auream et malum punicum: rursumque tintinnabulum auro aureum, et malum punicum. Aurea quippe tintinnabula hyacinthinæ pontificis tunicæ inseruntur, et omni ex parte circumdantur, cum omnibus sermo ejus claritatem supernæ lucis resonat; et idem sonitus velut hyacinthinæ tunicæ firme infixus, operum quoque ipsius sublimitate, audientium mentibus commendatur. Fiantque binæ mala circum singula tintinnabula, et circum singula mala, binæ tintinnabula, cum et omnia quæ loquitur, bonis confirmantur actibus, atque in auditorum arcibus corde figuntur, et universa quæ agit, quam sint rationabilia, discreto sermonis sonitu producuntur. Bene autem sequitur:

## CAPUT VIII.

De eo quod Aaron et filii ejus induebantur vestibus sanctis.

Et vestietur ea Aaron in officii ministerio: ut audiat sonitus quando ingreditur et egreditur sanctuarium in conspectu Domini, et non moriatur (Exod. xxviii). Sacerdos namque ingrediens vel egrediens moritur, si de eo sonitus non auditur, quia iram contra se occulti iudicis exigit, si sine prædicationis sonitu incedit. Quod si Josephi (Antiq.) verbis intendere voluerimus quibus dicit, mala in tunica pontificis septuaginta duos fuisse, et ejusdem numeri tintinnabula, congruit hoc figuris mysteriorum, ut sicut in humero, a pectore apostolicum ferre numerum jussus est. Verum etiam ponderis est videlicet ad pedes usque descendens, cum continentia non uni cuilibet membro violenter imposita, sed in toto est corpore delectabiliter consummata. Hæc etenim linea, manus ac brachia debet stringere sacerdotis, ne quid nisi utile faciat; pectus, ne quid inane cogitet; ventrem, ne delicias ultra modum appetens Deum suum gulosus facere presumat; subjecta enim ventri membra, ne lasciviendo, totam sacerdotalem habitus pulchritudinem corrumpant. Genua ne ab orationis instantia torqueant, Tibias, et pedes, ne ad malum currant, induatur sacerdos primo linea stricta, ut et corpus, ab iniquis operibus et a pravis mentem cogitationibus compascat. Accipiat deinde hyacinthinam, ut post descriptionem continentie salutaris, aqua corpus et animum, spirituum virtutum habitu renuset. Et tiaram byssinam, facies, Tiara

namque quæ et cidaris et mitra vocabatur, caput tegebat et ornat pontificis, ut hoc indumento admoneretur, omnis capitis sensus Deo consecratos habere, ne vel oculi ejus viderent vanitatem, vel aures libentius audiendo, opprobrium acciperent adversus proximum suum, vel os abundaret nequitia, et lingua concinnaret dolum sive etiam cor crapula et ebrietas gravarent, vel olfactus aspersum myrrha, aloë et cinamomo lectum meretricis amplecteretur. Qualiter autem tiara hæc fuerit facta, Josephus docet (*Lib. III, cap. 11*) dicens: Super caput autem gestat pileum in modum parvuli calamaci aut cassidis, quod extenditur supra summitatem capitis, et modice verticis medietatem excedit, et tale est, ut videatur ex lini textura confectum, habens vittas quæ convolutæ sæpius connectuntur, ne facile dilabatur. Qui videlicet Josephus huic pileo super additum esse narrat, aliud majus velamen, quod totam capitis superficiem celaret, apte perfectum, ne laborante sacerdote circa sacrificia corruat. Quod tamen cujus esse coloris, non ostendit. Et hæc quidem de minoris sacerdotis; de pontificis vero tiara, hoc modo testatur: Pileum autem similiter operatum habet pontifex, sicut reliqui sacerdotes, et alium consutum ex hyacintho variato. Circumdatur autem ei et aurea corona tribus vicibus facta, supra quam surgit in media fronte, quasi calyculus quidem aureus, similis herbae quæ apud nos acharo nuncupatur, quam Græci hyosciamon dicunt. Et paulo post descripta ejus mirabili varietate, subintulit dicens: Habet autem florem similem plantagini, et per circuitum tota corona his floribus est cæolata, ab occipitio usque ad utrumque tempus. In fronte vero hoc quidem non habet: sed lamina est aurea, quæ sacris litteris Dei nomen habet inscriptum. Hæc quidem de secundo velamine et coronis pontificum aureis, Scriptura sancta tacere videtur. Coronarum vero breviter fecit in sequentibus mentionem dicens: *Fecerunt et tunicas opere textili, Aaron et filii ejus, et mitras cum coronulis suis ex bysso*. Sed de qua materia factæ essent non dixit. Cum enim dicat, et mitras cum coronulis suis ex bysso, poterat intelligi utrasque ex bysso factas esse, si non Josephus coronas esse aureas designaret, qui stante adhuc templo, et legali observantia celebrata, cum esset de genere sacerdotali, facillime potuit modum omnem sacerdotalis indumenti, non tantum legendo, sed videndo cognoscere. Verum sive byssinæ, seu fuerint aureæ coronulæ, cum constet eas factas esse cum mitris, dicamus breviter de figura. Mitras cum coronulis habent sacerdotes ex bysso, qui sic visum, auditum, gustum, olfactum et tactum suum in venustate castimonie custodiunt, ut pro eadem custodia se coronam vitæ quam repromisit Deus diligentibus se, accipere sperent. *Et balteum opere plumario*. De cujus videlicet factura baltei, manifestius in posterioribus scriptum est. Cingulum vero fecerunt de bysso retorta, hyacintho, purpura, ac vermiculo bis fincto, opere plumario. Hoc cingulum, ut Hieronymus ex Josepho scribit, in

similitudinem pellis colubri quam exiit in senectute, sic in rotundo contextum est, ut marsupium longius putes. Textum autem subtemine, cocci, purpuræ, hyacinthi, et stamine byssino ob decorem et fortitudinem, atque ita polymita arte distinctum, ut diversos flores et gemmas, non artificii manu contextas, sed additas arbitreris. Habebatque latitudinem iv digitorum, quo cingulo proprie pontifex utebatur; et in eo tunica hyacinthina simul et superhumeralis stringebatur. Nam in sequentibus aperte de conjunctione superhumeralis et rationalis est dictum: Hæc et ante et retro ita conveniebant sibi, ut superhumeralis et rationale mutuo neclerentur stricta ad balteum, et annulis fortius copulata, quos ingebat vitæ hyacinthina ne laxæ fluerent, et a se invicem moverentur. Nulli autem dubium, quin balteus sive cingulum, cui superhumeralis astringebatur, tunicam hyacinthinam, quæ et superhumeralis tunica vocabatur, cingebat. Cuncta etenim quæ hucusque dicta sunt, ad pontificis habitum pertinent, dehinc consequentur filiorum ejus baltei simul et cætera indumenta exponuntur, cum dicitur: *Porro filiis Aaron tunicas lineas parabis, et balteos ac tiaras in gloriam et decorem*. Neque de balteis eorum, utrum et ipso opere plumarii, an unius coloris fieri debuerint, aliquid decernitur. Dicendum est igitur primo de balteo pontificis, qui de quatuor illis coloribus nobilissimis ac Deo dignis factus est, quia apte talem haberet pontifex, quem singulari virtutum decore semper oportebat accingi, apte pontifex variante flore colorum fulgentium, accinctus incedebat: quia sicut alius quilibet, necesse est industria continentie præcingatur, ne caro repugnans spiritui internam mentis pacem aliquando conturbet; ita pontifex ac doctor fidelium, edomito jam omni concupiscibili motu animi sive corporis, ipsa virtutum debet gloria circumdari: ut juxta exemplum floris illius, qui egressus est de radice Jesse, id est, Domini salvatoris, sit justitia cingulum lumborum ejus, et fides cinctorium renum ejus. Tunicæ autem lineæ et baltei ac tiaræ, quæ filiis Aaron in gloriam et decorem fieri præcepta sunt, quid nobis interni decoris et gloriæ commendent, facillime ex his quæ superius exposita sunt, intelligi valet. Tunicas namque habent sacerdotes lineas, cum totum corpus suum candore castitatis dedicant. Balteis tunicas cingunt, cum eandem castimoniam vigilantem mentis custodia circumspectant, ne conscientia illius, desidiosiores erga bonorum operum exercitia remaneant; ne per jactantiam castimonie ipsius etiam castimonie meritum minuant.

*Vestiesque his omnibus Aaron fratrem tuum et filios ejus cum eo, et cunctorum consecrabis manus, sanctificabisque illos, ut sacerdotio fungantur mihi*. Omnibus quidem his vestiendus erat Aaron et filii ejus, sed ea distinctione, ut ipse quidem his omnibus uteretur; filii autem ultimis tribus, quæ illorum proprie nomini ascripta sunt, cum dicitur: *Porro filiis Aaron tunicas lineas parabis, et balteos ac tiaras in glo-*



nam et decorata: Quod vero sequitur: *Facies et femoralia lineas*, ut operiant carnem turpitudinis suae, a venibus magis ad femina, et utentur eis Aaron et filii ejus, quando ingrediantur tabernaculum testimonii, vel quando appropinquant ad altare, ut ministrent in sanctuario, ne iniquitatis rei moriantur. Ad utroque simul et Aaron scilicet et filios ejus, sicut etiam ipsa verba manifeste probant, pertinet, etque fit, ut Aaron ipse quocumque quae commemorantur octo vestibus induatur: femoralibus videlicet lineis, tunica feminea, tunica hyacinthina, superhumerali, rationali, balteo, tiara, petalo aureo. Filii vero ejus quatuor tamen ex his, id est, feminalibus, linea stricta, cingulo et tiara utentur. Verum quia de ceteris supra tractatum est, feminalia haec quae ad operendam carnem turpitudinis fieri mandantur, illam castimoniam portione, quae ab appetitu copulae conjugalis cohibet, propria designat; sine qua nemo vel sacerdotium suscipere, vel ad altaris potestatem ministerium consecrari, id est, si non aut virgo permanserit, aut casta, uxore conjunctionis foedera solverit. Quod videlicet genus virtutis, nulli per legem Dei necessaria impositum, sed voluntaria est devotio Domino offerendum, dicente ipse de hoc: *Non omnes capiunt verbum istud* (Matth. xii). Ad quam tamen benigna max. exhortatione eos qui possunt invitatur, dicens: *Qui potest capere capiat*. Et paulo post eisdem, qui vel uxorem vel alios cognatos et impementa mundi hujus, propter ipsam reliquerunt, centuplum promittat in hac vita praemium, et in saeculo futuro, vitam aeternam. Unde certe gratia distinctionis, non Moyses hoc indumento vestire Aaron et filios ejus jubet, sicut de prioribus dicit: *Vestiteque his omnibus Aaron fratrem tuum et filios ejus cum eo, sed, Facies, inquit, femoralia lineas, ut operiant carnem*. Ipsi, inquit, operiant carnem turpitudinis suae, ut femoralia pontifici, et filii ejus facies: tu castitatis regulam docebis, tu abstinendam ab uxore complexu eius qui sacerdotio functi sunt, intinabis. Nulli tamen violenti hujusmodi continentiae jugum impones. Sed quicumque sacerdotes fieri, ac ministerio servire altaris volunt, ipsi sua sponte uxorem servi esse desistant. Quid ubi perfecterint, et suscepto semel continentiae proposito, ministros se sanctuarii atque altaris fore consentiant, aderit lex divina, quae velat caeterum illis habitum sacerdotibus congruum imponens, quomodo vivere vel docere debeant, abundanter justitiae.

*Cumque lavatis Patrum cum filio aqua, indues Aaron vestimentis suis, id est, linea et tunica, et superhumerali, et rationali quod constringes balteo, et petas tiaram in caput ejus, et luminam sanctam super liaram, et oleum unctionis fundes super caput ejus, atque hoc ritu consecrabitur. Filios quoque illius applicabis, et indues tunica lineis, cingesque balteo, Aaron scilicet et filios ejus, et impone eis mitras; et unguis sacerdotes mei: religione perpetua* (Exod. xxix). Nam neque hic de feminalibus a Moyses accipendis, praecipitur. Unde liquido constat, quod se

hoc genere vestimenti ipse prius Aaron et filii ejus induerant, et sic ad manum Moysi lavandi, fructuendi, unguendi, et consecrandi intrabant. Ubi et hoc notandum, quod consecraturus eos Moyses, primo lavit aqua, et sic habitum illis sacri gratias imponit: quia nimirum necesse est ut qui ad officium altaris promovendus est, majoribus se solito fluentis lacrymarum sive compunctionis, tempore dedicationis abluat, ut quo mundior ad gradum accipiendum accesserit, eo perfectius acceptum consummet. Indutus vero sacris vestibus pontifex, mox oleo unctionis profunditur, ut per gratiam Spiritus sancti consecratio perficiatur, non quod ea quae praemissa sunt indumenta virtutum, absque gratia Dei possimus habere, sed quia majus necesse est auxilium gratiae tribuatur a Domino, ubi quis vel majorem conscenderit gradum, vel plurimorum fuerit regimini praelatus. Notandum interea quod cum in hoc libro Exodi, Aaron octo vestibus induendus asseratur, videtur in Levitico addita et notitia: balteus videlicet quo linea fuerit tunica et indutata hyacinthinam praecincta. Sic etenim scriptum est: *Cumque lavisset eos, vestivit pontificem subcuta linea, accingens eum balteo, et induens tunicam hyacinthinam, et desuper humerale imposuit, quod stringens cingulo, aptavit rationali*. Sed quomodocumque hoc factum fuerit, patet manifeste ex eis quae explanata sunt, figura vestitus intellectualis. Verum quia de habitu sacerdotali sequentes dicta patrum, breviter ista perstrinximus, notandum putavimus et hoc, quid quatuor illi colores eximii de quibus factus est, totidem elementis congrua comparatione aptatur, byssus sive linum, terrae quod ex ea nascuntur, purpura, aquis, quod ex marinis conchyliis tingatur, hyacinthus et coccus, aeri et igni, ob coloris similitudinem, coccusque fuerit bis tinctus, eo quod ignis gemina sit virtute praeditus: lucendi videlicet et incendendi. Aiuntque Hebraei, quia ideo pontifex omnium figuram elementorum in suo habitu gestaverit, quia non solum pro Israel, sed et pro omni mundo immolans, rogare debuerat: quibus nos non incongrue forte addere valemus, quid in uno quoque hominum, figura omnium elementorum continetur: Ignis in calore, aeris in halitu, aquarum in humore, terrae in ipsa soliditate membrorum. Unde et a physologis Graece homo *μικροκομος*, id est minor mundus vocatur. Quid et si aurum quo in eodem habitu, juxta hanc intelligentiam significet quaeris, rationabilem in eo interioris hominis virtutem intellige: unde et in eo proprie sanctum Domini scriptum est, quia non nisi per hanc, quisque ad cognitionem sui conditoris ascendit. Hinc etenim dicit Apostolus: *In interiore homine habitare Christum per fidem in cordibus nostris* (Ephes. iii). Et ideo nobis scriptura pontificem Veteris Testamenti sic vestitum respondit, ut sciat nostri temporis pontifex pro toto se genere humano, maxime autem pro eis qui cognoverunt veritatem, signumque fidei illius in fronte portant, intercedere debere, Apostolo admonente ac dicente: *Obsecro igitur primum om-*

nium fieri obsecrationes, orationes, postulationes, gratiarum actiones, pro omnibus hominibus, pro regibus, et omnibus, qui in sublimitate sunt (1 Tim. ii). Quid si in pontifice quem consecrat Moyses, Dominum salvatorem intelligimus, iure in habitu suo totius mundi figuram simul et hominis, habet. Ipse est enim ut Apostolus ait, Splendor gloriae et figura substantiae Dei prioris, portansque omnia verbo veritatis suae (Hebr. i; Joan. i; Psal. cix). Ipse agnus Dei, qui tollit peccata mundi. Ipse sacerdos in aeternum, omni sanctitatis ornatu praeclarus, non quem natus in carne per exercitium laboris accipere meruit, sed quem in utero virginis incarnatus, praevieniente Spiritus sancti gratia totum simul accepit, cujus sacerdotium interpellationem pro nobis pulcherrime commendans Apostolus, ait: *Hic autem eo quod maneat in aeternum sempiternum habet sacerdotium, unde et salvare in perpetuum potest, accedens per semetipsum ad Dominum, semper vivens ad interpellandum pro eis (Hebr. vii)*. Cujus etiam aequae indumenta et ornamenta virtutum commendans, adiunxit: *Talis enim decebat ut nobis esset pontifex, sanctus, innocens, impollutus, segregatus a peccatoribus, et excelsior caelis factus, qui vere habuit laminam in capite suo auream, in qua esset sanctum Domini sculptum, quia venit in nomine Patris, dicens: Ego in Patre, et Pater in me est, et qui videt me, videt et Patrem (Joan. xiv)*. Haec enim Aaron et filiorum eius habitus qualis esse debeat, caelesti designatur oraculo. Sequitur autem hinc etiam modus consecrationis, quo vel ipsos vel tabernaculum cum omni suppellectile sua, dedicari oporteat, oblati videlicet Domino vitulo et duobus arietibus, panibus quoque triticeis non solum azymis sed et oleo conspersis, si velitis, adhibito etiam oleo unctionis.

Quae nimirum cuncta sive operum devotionem bonorum ac munditiam fidei, seu gratiam divinae illustrationis sola consecrari oportet, sacerdotes figurate demonstrant. Quis enim nesciat immolationem ac sanguinem illorum animalium, mortem aspersionemque designare sanguinis Domini nostri, per quam et a peccatis absolvendi, et in bonis operibus sumus confirmandi? Panes quoque azymi quid mysterii salutaris contineant, docet Apostolus dicens: *Itaque epulemur, non in fermento veteri, neque in fermento malitiae et nequitiae, sed in azymis sinceritatis et veritatis (1 Cor. v)*. Consersa sunt autem, sive lita oleo crustula et lagana, ut admoneremur opera habere, non solum a fermento malitiae et nequitiae castigata, sed et pinguetudinem charitatis divinis dignam conspectibus. Vel certe crustula oleo consersa ad consecrationem nostram Domino offerimus, cum universa quae fecimus, per internam sancti Spiritus gratiam in cordis nostri devotione pinguescunt. Lagana oleo lita offerimus, cum etiam foris hominibus spiritualia esse quae agimus, indubitanter in exemplum vivendi ostendimus. Quibus nimirum oblationibus consecratio nostra perficitur, dum per opera bona et cogitationes puras, meritum

nobis sanctimoniae Domino donante conquirimus. Expletis autem mandatis huiusmodi consecrationis Aaron et filiorum eius, redit Scriptura praecipere etiam de factura altaris incensi: in quo idem Aaron quotidianum adolere thymiamam deberet.

## CAPUT IX.

*De altari incensi et instrumentis eius.*

Facies quoque, inquit, altare ad adolendum thymiamam, de lignis sethim habens cubitum longitudinis, et alterum latitudinis, id est, quadrangulum et duos cubitos in altitudine (Exod. xxx). Si altare holocausti de quo supra dictum est, generaliter vitam designat iustorum, qui carnem suam quotidie crucifigere cum vitiis et concupiscentiis, atque in hostiam vivente Deo offerre consuerunt, quid hoc altare ad adolendum thymiamam factum, nisi specialem quorundam perfectiorum vitam significat? Neque frustra in illo carnes animalium incendebantur, et in hoc adolebatur incensum, nisi quia illo figurabantur hi, qui non secundum desideria carnis ambulant, sed quasi haec Domino immolantes, omnes sui corporis sensus per ignem sancti Spiritus, eius voluntati dedicant, in isto autem illorum typus exprimitur, qui maiore mentis perfectione, extinctis prorsus ac sopitis illecebris omnibus carnis, sola Domino orationum vota offerunt: nil quidem de carne quod se impugnet, nihil de conscientia peccati, unde conturbentur ac paveant, habentes: sed dulcium profusione lacrymarum, optantes venire et parere ante faciem Dei. Unde apte hoc altare intus in vicinia veli et arcae illud arcae tabernaculum foris positum est, quia nimirum illi in conspectu sanctae Ecclesiae cunctis in exemplo virtutum praesulgent: isti altioris ardore desiderii, contemplatione futurae beatitudinis, licet corpore detenti, non minimum propinquant. Aptaque illud aere, hoc vestiri auro praecipitur. Aes namque plus aliis metallis sonorum ac diu durable est: aurum vero quantum sono succumbit, tanto splendore praestat aramento. Unde recte aeneum altare in quo carnes incendebantur, et sanguis fundebatur victimarum, illorum gestat typum, qui edomitibus et velut Deo immolatis voluptatibus carnis, perseveranter viam veritatis quam semel inchoaverunt, peragunt, et hanc quoque proximis incedendam, crebro sermone predicationis insonant. Porro aureum altare illis convenienter aptatur, qui ampliore gratia supernae claritatis illustrantur, sed minus aliis quae in secreto de interna suavitate gustent, dicentes aperiant, munus eructare proloquendo sufficiunt: quanta ipsi intus dulcedine in abdito vultus Dei reficiantur. Aptae etiam altare thymiamatis quantum metalli fulgore praecellebat, tanto mensura minus fuit, quia quo sanctiones quoque in Ecclesia, eo sunt pauciores. Aptae de eisdem lignis sethim quae albae spinae similia, et esse incorruptibilia diximus, utrumque altare fieri praecipitur, quia nimirum una est fidei, non fictae firmitas, quia omnium corda electorum praemuniri atque ad suscipiendum ignem dilectionis, et offe-

renda Deo virtutum libamina debent preparari, quia omnibus generaliter pusillis cum majoribus loquitur Apostolus dicens: *Mundemus nos ab omni inquinamento carnis et spiritus, perficientes sanctificationem in timore Dei (I Cor. vii)*. Aptè unus ac non dispar erat ignis, qui in hoc altari victimas, in illo thura incendebat, quia nimirum unus est spiritus, qui cunctorum mentes fidelium, variante donationum gratia vivificat. Quod autem incensi altare quadrangulum fuit, unum habens cubitum longitudinis, et alterum latitudinis, duos vero in altitudine, longitudo ad longanimitatem patientiæ, ut in expositione altaris holocausti dictum est, latitudo ad amplitudinem dilectionis, altitudo pertinet ad sublimitatem spei, per quam in laborum tolerantia temporalium, et hilaritate dilectionis, sincera mente gaudemus. Unius autem est cubiti, et longitudo et latitudo altaris, quando summi quique et perfecti in Ecclesia viri, pulchrius alterius rei quam perpetuæ retributionis intuitu, mala temporalia æquanimitè ferant, et quæ valent proximis per charitatem bona impendunt. Rectè altare thymiamatis in longitudine et in latitudine sua quadrangulum fieri jubetur, ut insinuetur quod perfectorum animus, fœderatis ad invicem virtutibus quantum diligere fratrem, tantum et ferre sufficit; et quantum per patientiam sustinere ejus molestiam potest, tantum præstare ei per dilectionem suæ pietatis benevolentiam potest. Duos autem cubitos habet in altitudine, quia duplex est premium, quod sese in futura vita accepturos sperant electi. Unum videlicet quietis animarum, cum corruptibile hoc et mortale corpus exuentur, et cœleste regnum intraverint; aliud, cum recepto eodem corpore incorrupto atque immortalis, perfectius in præsentia sui conditoris exultabunt, impleta promissione prophetica qua dicitur: *In terra sua duplicia possidebunt, lætitia sempiterna erit eis. Cornua ex ipso procedent, vestiesque illud auro purissimo, tam craticulam ejus, quam parietes et cornua. Cornua sæpe in Scripturis solent eminentiam designare fidei et virtutum, per quam obviantia nobis antiqui hostis certamina obtundere ac superare debemus, dicentes cum Propheta Domino: In te inimicos nostros cornu ventilabimus (Psal. xliii)*. Qui mox de quo cornu dixisset subdendo declaravit dicens: *Et in nomine tuo spernemus insurgentes in nos*. Sicut e contra nonnunquam bella vitiatorum, quæ nos expugnare moluntur, cornuum nomine solent indicare: quod utrumque breviter complexus, per Prophetam Dominum dicebat: *Et omnia cornua peccatorum confringam, et exaltabuntur cornua justi (Psal. lxxiv)*. Undè bene in lege cornuti tantum generis animalia munda esse, et populo Dei comestibilia decernuntur. Quæ enim ruminant atque unguam findunt animalia, ea etiam constat esse cornuta, ut ostendatur mystice, quod illi tantum Ecclesiæ Dei spirituali conjunctione possunt incorporari, qui fortitudine fidei ad bella vitiatorum existere probantur invicti. Procedunt autem cornua

ex ipso altari thymiamatis, cum opera virtutum electi non ad faciem hominum spectentur ostendunt, sed in externa mentis radice; fixi atque immobili exercent affectu. Vestitur autem altare auro purissimo, cum perfecti quique vera interna sapientiæ luce resurgent; cum in omnibus quæ agunt, splendorem charitatis velut quotidiani gloriam habitus præmonstrat; cum memoriam sibi perpetuæ claritatis semper inesse cunctis sese viventibus sive audientibus ostendunt; cum se ante omnia regnum Dei et justitiam ejus cogitare et querere manifestant. Et bene tam craticula altaris, quam parietes et cornua vestiri auro jubentur. Craticula quippe intus in medio erat altaris, ad suscipienda nimirum thymiamata parata; parietes vero foris parabant cornua, et ipsa foris parentia, speciali fastigio altius eminebant. Deauratur autem craticula, cum in interiore homine nostro per fidem Christi gratia resplendet. Deaurantur parietes, cum eadem gratia Dominicæ dilectionis per bona se exterius opera dilatat. Deaurantur et cornua, cum ipsa fiducia fortitudinis justorum, quæ adversarios veritatis, sive per patientiam fortiter ferre, seu per patientiam prudenter repellere vel corrigere didicerint, internæ lucis in omnibus fulgore coruscet. Et quoniam tales jure dicere possunt. *Bonum certamen certavi, cursum consummavi, fidem servavi, De reliquo repasita est mihi corona justitiæ (II Tim. iv)*. Rectè subditur: *Faciesque ei coronam aureolam per gyrum. Corona etenim aureola per gyrum fit altari thymiamatis, cum sancti pro bonis quæ se egisse meminerunt, præmia præstolantur æterna. Et bene per gyrum altaris corona fit, ut omnia quæ fecere, cœlesti mercede digna esse doceantur. Et duos annulos aureos subter coronam per singula latera, ut mittantur in eos vectes, et altare portet, ipsosque vectes facies de signis sethi, et inaurabis*. Possunt quidem in his annulis quibus altare portabat, juxta quod supra in altari holocausti, arca et mensa expositum est, quatuor Evangeliorum libri non inconvenienter accipi, per quorum fidem ac doctrinam sancti portantur, atque a terrenis cogitationibus sublevati, per eremum hujus vitæ, quotidianis bonorum operum profectibus, cœlestem feruntur ad patriam. Verum quia ibi manifeste quatuor circuiti fieri, duo videlicet, in latere uno, et duo in altero præcipiuntur, hic autem tacito numero quaternario, duo annuli per singula latera sunt, pro certo ibi apertus Evangelistarum numerus claret; hic vero etiam aliud quiddam mysterii spiritualis, quod ad dilectionem Dei et proximi summe respiciat, inest. Per singula etenim latera annulis aureis circumdatur altare, quia cor electorum hinc et inde Dei ac proximi dilectione confirmatur. Quæ bene annulis comparatur, quia evacuata in fine prophetia, destructa scientia, cessantibus linguis, ipsa nunquam cessabit. Duo sunt autem annuli per singula latera, quia utrumque charitatis mandatum gemina virtute dis-

regneret. Caritas quippe Dei per sinceritatem fructus vite munditiam perficitur.

*Ponatur altare contra velum, quod ante arcam posuit testamenti, coram propitiatorio, quo legitur testamentum, ubi loquar tibi.* Arce velum quod ante arcam, ut suo loco expositum est, id est, Dominum Salvatorem pendebat, ipsum celum designat, cujus udyta Dominus devicta morte penetravit, ut sicut Apostolus ait, appareat nunc valuti Dei pro nobis. Statque altare contra velum quod ante arcam appensum est, cum omnis justorum intentio ad ingressum directa est regni cœlestis. Stat coram propitiatorio quo legitur arca cum visioni sui conditoris puritate mentis appropriat; et clausi quamlibet corpore conversationem habent in cœlestibus.

### CAPUT X.

*De adolendo quotidie thymiamate super ipsum altare, mane et vespere.*

*Et adolebit incensum super eo Aaron suave fragrans mane, quando componet lucernas et incendet illud, et quando collocat eas ad vespertum (Cap. xxx).* Constat incensum sive thymiamata vim orationis exprimere, dicente Psalmo: *Dirigatur oratio mea sicut incensum in conspectu tuo (Psal. cxl).* Et in Apocalypsi Joannes vidit sanctos habere phialas aureas plenas odoramentorum (Apoc. v); quod confestim exponendo subiunxit, *quæ sunt orationes sanctorum.* Et quoniam Aaron, ut supra dictum est, et ipsum specialiter summum sacerdotem, videlicet Dominum Salvatorem; et nostri quoque ordinis sacerdotes designat, adolebit Aaron in hoc altari incensum suave fragrans mane, cum vel Dominus ipse illustrata fidelium corda, novo gratiæ suæ jubare ad dulcedinem orationis instigat, vel participes sacerdotii illius sedula exhortatione fideles, ad deprecandam faciem sui conditoris excitat. Incendit autem thymiamata sacerdos non solum mane, sed et vespere. Mane etenim thymiamata incenditur, ut in principio omnis boni quod Deo inspirante facere disponimus, illius auxiliû quo persequamur, invocemus. Ad vespertum vero, ut eum bene cœpta complemus, illi a quo accepimus, pro his quæ donavit gratiarum vota reddamus. Bene ergo dicitur: *Et adolebit incensum super eo Aaron suave fragrans; mane quando componet lucernas, incendet illud; et quando collocat eas ad vespertum.* Mane etenim Aaron incensum super altari adoleat, cum Dominus corda fidelium in his quæ jam intelligere valent arcane veritatis, ad gratiam compunctionis inflammat. Incendit illud et ad vespertum, quando collocat lucernas, cum etiam ex eis quæ necdum capere queunt, quoniam ad hæc sancta, quoniam divinæ (Sic in ms.) esse non ambigitur, ad amorens eos cœlestium, ubi omnia secreta patefuit, informat: fragratque suave thymiamata, cum subita compunctione divinitus tacti, lacrymalis solem ac precibus vacare dulces habent. Bene autem sequitur: *Uret thymiamata sempiternum osium Domino in generationes vestras.* Quia nimirum necesse est ut animus post orationem et fletus, ad

otiosa verba sive facta non divortat, sed in eodem se vigore devotionis quem in oratione suscipit, etiam finita oratione custodiat, juxta exemplum Amos, de qua orante dictum est: *Vultusque eius non sunt amplius in diversa mutati. Non offertis super eo thymiamata compositionis alienaria.* In sequentibus hujus voluminis; e quibus aromatis hæc thymiamata componi debuerit, nominatim designatur: stacte videlicet, et onyche galbano boni odoris, et thure kœcillissimæ. Quæ cuncta ad significationem æternorum, quæ principaliter a Domino quaerenda sunt, constat pertinere. Non est ergo offerendum super altari aureo thymiamata compositionis alienaria, quam quod Dominus statuit, quia non aliud a Domino quaerere orantes quam quod ipse jussit, quodque se daturum esse promisit, nec aliud de illo credere quam quod ipse docuit debemus. *Non est offerenda super eo victima, nec liba libanda.* Hæc etenim omnia ad altare exterius pertinent, quo incipientium et in profectum adhuc posituram vitam designat. Tantæ namque sublimitatis perfectorum est vita justorum, ut nil in ea carnalis quod Dominus mactare habeant valeat inveniri. Et quidem libamina vini constat nonnunquam magnam gratiæ spiritualis designare virtutem, hoc est, sive poculum doctrinæ, seu calicem passionis, sive fervorem præcipue dilectionis, sive ipsam Spiritus sancti participationem, aut aliquid hujusmodi. Verum quotiescumque vinum libaminum cum carnibus offertur hostiarum, eorum profectio juxta tropologicam expositionem designat sanctimoniam, qui adhuc aliquid de carnalibus et concupiscentiis quod puritati spiritus adversetur, et quod igne sancti Spiritus in ara cordis incendi debeat, habent.

Perfecti autem justique dicere possunt: *De facie cor meam et caro mea: Deus cordis mei, et pars mea. Deus in sæcula (Psal. lxxii),* quasi cessantibus victimarum libaminibus, quod ad ornatum altaris exterioris positum pertinet, sola inus in aureo altari aromata Domino desiderio cœlestis offerunt, quia de remissione peccatorum jam securiores effecti, prodilato solummodo regni perennis introitu lugent, lacrymisque lacrymarum fluentis stratum suam per singulas noctes irrigant. De quo videlicet altari adhuc bene subditur: *Et deprecabitur Aaron super cornu ejus semel per annum, in sanguine quod obtatum est pro peccato.* Summus namque sacerdos noster semel in anno obtulit sanguinem suum pro peccato totius mundi. In illo videlicet anno; de quo dicitur per Isaiam, quia venerit præfigurare annum Domini acceptum, id est, hoc in toto tempore, quo Ecclesiam sibi copulare dignatus est. Semel etiam unicusque credentium, lavacrum sacri fontis in mysterium sui sanguinis ad solvenda peccatorum vincula, donavit. Et pulchra omnimodis figuratum distantia, semel quidem per annum pondus in sanguine oblationis super cœnua altaris deprecandi, quotidie autem thymiamata suave fragrans, super eo incendere præcipitur: quia Dominus est Salvator

noster, qui quotidie fideles suos gratiæ internæ compunctionis accendens renovat, semel eos hostia sui sanguinis mortem superans redemit. Ipsi fideles qui quotidianâ peccata quotidianis abluerè precibus, ac lacrymis solent, semel in sacramentum passionis illius, absolutos se a peccatis esse omnibus gaudent. Deprecabitur autem super cornu altaris, quia et ipse non solum inter homines conversatus pro hominibus oravit, verum etiam nunc ad dexteram patris in cœlestibus sedens, interpellat pro nobis; in cordibus electorum per fidem inhabitans, dum eos ad deprecandum excitat, recte ipse deprecari narratur. *Et placabit super eo in generationibus vestris. Sanctum sanctorum erit Domino.* Placat quippe Aaron super altari incensi, quando propter justitiam sanctorum, quam intercessorem et patronum querimus, nobis propitiatur Dominus. Denique obsecro ab hostibus Ezechie, et auxilium ejus invocasti ait. *Et civitatem hanc salvabo, et protegam eam propter me, et propter David servum meum (IV. Reg. xix).* Possumus sane hæc altaria etiam ita interpretari, ut aëreum quidem in quo carnes comburebantur, et sanguis fundebatur hostiarum, omnem hujus temporis Ecclesiam accipiamus, in qua nullus est absque peccato, etiamsi unius diei fuerit vita ejus super terram. Nullus qui non ex peccato prævaricationis Adæ carnaliter natus, necesse habeat in Christo renasci, et spiritus ejus igne mundari. Aureum vero altare ipsum Domini significat: qui miro atque ineffabili ordine ita carnem veram traxit ex Adam, ut a peccato carnis Adæ, veraciter esset immunitus. Quoniam altare quidem utrumque ex unius ejusdemque generis lignis factum, sed non utrumque erat auro coopertum. Sed et in hoc altari nil carnale offerebatur, verum etiam aromata tantum adolebantur, quia Dominus precative lacrymas effundens, non pro suis erratibus quæ nulli erant, sed pro nostra hoc salute faciebat. Sicut enim arca intra velum posita, hominem sedentem Domini ad dexteram majestatis in excelsis significat, ita altare extra velum quidem, sed prope introitum ejus positum, eundem medialorem Dei et hominum potest figuraliter exprimere: inter homines quidem humanitus conversantem, sed potentia divinitatis, cœlorum interiora penetrantem. Stabat altare iacens in sanctuario ubi et candelabrum et mensa, quia verbum caro factum est, et habitavit in nobis. Stabat arca intra velum, quia idem Dominus Jesus, post passionem resurrectionemque suam assumptus est in cœlum, et sedet a dextris Dei. Super ejus cornua altaris deprecatur Aaron in sanguine quod oblatum est pro peccato, et placati super eo, quando rogantes pro populo Dei, vel pro sua ipsorum ignorantia sacerdotes, per unigenitum Filium ejus esse adjuvandos, et per sacramentum passionis illius salvandos esse confidunt, monente Apostolo ac dicente: Per ipsum ergo offeramus hostiam laudis semper Deo, id est, fructum labiorum conscientiam nostram ejus. Quod de omnibus

et etiam electis membris videlicet summi sacerdotis, qui in spiritu et veritate orant Patrem convenienter accipi potest. Cui autem melius quam huic altari convenit, quod dicitur Sanctum sanctorum erit Domino, de quo in mundum nascitur, dixit Virgini matri archangelus: *Spiritus sanctus superveniet in te (Luc. 1).* Et reliqua. Descripta hucusque factura altaris incensi, superest adhuc descriptio labri ænei, in quo lavarent manus suas ac pedes, ingressuri in tabernaculum sacerdotes; sed præmittitur unum Domini mandatum, quod et nos breviter tangere ac pro modulo nostro exponere convenit. Sequitur:

## CAPUT XI.

*De eo quod Dominus jubet pretium pro animabus singulorum numerato populo, Domino impendi.*

*Locutusque est Dominus ad Moysen dicens: Quando tuleris summam filiorum Israel, juxta numerum dabunt singuli pretium pro animabus suis Domino, et non erit plaga in eis. Hoc autem dabit omnis qui transit ad nomen, dimidium sicli juxta mensuram templi. Siclus viginti obolos habet. Media pars sicli offeratur Domino.*

Hujus præcepti oblitus est David, quando numeravit populum, ideoque plagam numerando eidem populo conscivit (II. Reg. xxv). Spirituali autem sensu summa filiorum Israel, summam omnium designat electorum quorum nomina scripta sunt in cœlo, singulique dant pro animabus suis pretium Domino, cum ei in bonis operibus exhibent sedulam servitutis obsequium. *Alloquin plaga erit in eis, cum fuerint recensiti.* Quia nimirum ultio manet perpetua eos, qui fidelium numero non merentur sociari, perfecta fidei opera Domino offerre detractent, diciturque de talibus: *Non dabunt Deo placationem suam, nec pretium redemptionis animæ suæ (Psal. xlviii).* *Redemptio enim animæ viri divitiæ suæ (Prov. xiii),* ut Salomon ait; sive temporales: scilicet cum eas distribuerit dederitque pauperibus; ut *justitia ejus maneat in sæculum sæculi (Psal. iii);* seu spirituales, hoc est, ipsa justitia quam fecit, vel miserendo pauperibus, vel alia bona faciendo. *Dabit autem omnis qui transit ad nomen dimidium sicli,* hoc est, decem obolos; quod non aliud aptius quam observantia decalogi legis, a nobis valet intelligi. Qui enim hunc recte intelligere novit omnem in eo et fidei atque operis plenitudinem, et futuræ promissionem retributionis luisse cognovit. Denique in primis tribus dilectio Dei, in sequentibus septem dilectio est proximi comprehensa Apostolo testè: *Plenitudo legis est dilectio (Rom. xiii).* Sed et aliud sacramentum nequaquam prætereundum, eodem numero denario continetur. Nomen enim Jesus apud Hebræos a littera *iod,* apud Græcos *iota* incipit. Quæ utraque in sua gente, denarii est nota numeri. Decemque obols in pretium animæ suæ Domino offerunt, qui Jesum Christum credentes; signum nominis ejus quod denario numero incipit, in fronte et professione proferunt. Et fortasse hujus gratia sacramenti

Domini in Evangelio testatur: Iota unum de lege præterire non posse, quia virtus decalogi quæ ibi continetur, fidesque nominis ipsius quæ ibi mystice significatur, nulla unquam potest infidelium perturbatione corrumpi. *Qui habetur in numero a viginti annis et supra, dabit pretium.* Numerus vicenarius utriusque testamenti conjunctionem significat: legis videlicet quæ quinque libris scripta est, et Evangelii quod quatuor. Quater enim quinque faciunt xx. Annis xx ergo habetur quisque in numero populi Dei, quia ille solus est electorum consortio dignus, qui et decreta legis spiritualiter intellecta, per gratiam adjutus Evangelii, pro sua mensura et capacitate perficit; et de ejusdem gratiæ promissis, æterna in cælis præmia expectat. *Dives non addet ad medium sicti, et pauper nihil minuet.* Quia sive magnus est meritis quisque ac perfectus, seu tener adhuc et in propectu positus virtutum, cunctis eadem lex decalogi quæ Deum ac proximum diligit, imponitur. *Susceptamque pecuniam quæ collata est a filiis Israel, trades in usum tabernaculi testimonii ut sit monumentum eorum coram Domino, et propitiatur animabus illorum.* Et suscepta a filiis Israel pecunia, in monumentum eorum coram Domino infertur, cum omne quidquid agimus boni, in æterna apud conditorem ac judicem nostrum memoria custoditur: quatenus ex eis quæ illi obtulimus bonorum operum fructibus, propitius nobis fieri dignetur. Servaturque eadem pecunia in usum, cum ex bonis justorum actibus, sequentium in Christo fidelium mores actusque confirmantur; ac tales fieri majores quique contendunt, quales fuisse eos quos cum Domino regnare agnoscunt. Notandum sane quod pecunia memorata non juxta æstimationem vulgi, sed juxta mensuram templi erit danda. Mensura namque templi dispositio est divinæ legis, quam in Ecclesia sua Dominus servari præcipit: et cujus tamen observantia, æterna in futuro præmia promittit. Cæterum si quis juxta placitum humanæ voluntatis Deo servire nititur, iste quia juxta mensuram templi pecuniam suæ devotionis non obtulit, reprobata et abjecta oblatione, plaga ultimi judicii animadversus ferietur.

## CAPUT XII.

De faciendo labio æneum.

*Locutus est Dominus ad Moysen dicens: Facies et labium æneum: cum basi sua ad lavandum, ponesque oblut in tabernaculum testimonii, ad altare, et missa aqua, lavabunt in ea Aaron et filii ejus manus suas ac pedes, quando ingressuri sunt tabernaculum testimonii, et quando accessuri ad altare.* Potest quidem hæc labio sive labro, ut in sequentibus appellatur, principaliter aqua baptismatis intelligi, cujus lavacro necesse est, purgantur omnes qui Ecclesiæ januas ingrediuntur. Verum in tabernaculum testimonii et altare holocausti positum est, quia bis quotidie iidem ipsi sacerdotes, hæc est mane et vespere, cum ingredierentur ad altare thymiana Domino oblaturi, in eo lavari præcepti sunt. Aqua autem baptismi,

quæ non nisi semel lavare valentis, consequentibus labrum hoc oblationem nobis compunctionis et lacrymarum commendat, quæ semper opus habentis, maxime autem cum mysteriis cælestibus ministraturi appropiamus, quia altare holocausti, in quo carnes victimarum Domino incendebantur, extinctionem designat carnalium concupiscentiarum per ignem Spiritus sancti. Altare vero thymiamatis puritatem significat eorum qui sopitis per omnia carnis illecebris, ac certamine vitiorum, pro sola expectatione ac desiderio cælestis introitus, lacrymas fundunt amoris. Recte post altare holocausti, labrum ponitur in quo abluti sacerdotes, ingrediuntur tabernaculum, ut thymiana Domino incendant. Duobus namque modis lacrymarum et compunctionum status distinguitur, quia primo necesse est ut quisque ad Dominum conversus pro his quæ commisit peccatis veniam fuis lacrymis precetur. Qui cum comitantibus dignis pœnitentiæ fructibus longo tempore profecerit, restat ut secior de accepta pœctorum venia effectus, jam desideriis inhiantibus optet venire tempus, quo mereatur inter beatissimos angelorum choros faciem Creatoris videre. Quid qui veraciter agit, nequaquam absque lacrymis vel hujus vitæ longitudinem, vel illius tolerat dilationem, dicens de ista: *Heu me quia incolatus meus prolongatus est, habitavi cum habitantibus Cedar* (Psal. cxix), id est, cum his qui in tenebris errorum ac scelerum versantur, quod vocabulum Cedar sonat. Ipse jam perpetuæ lucis gaudia suspirans, multum laboriosam duxit vitam, quia quantum cælestem patriam sitio, tantum viciniam pravorum inter quos incola conversor horreo, dicens item de illa: *Sitit anima mea ad Deum rivum, quando veniam et apparebo ante faciem Dei* (Psal. xli). Quam profecto situm, quia sine lacrymis ferre nequibat, subsequenti verba declarant: *Fuerunt mihi lacrymæ meæ panes die ac nocte.* Ac si aperte diceret: Quo diutius a videnda facie Dei ad quem ardentem sitio differor, eo dulcius pane lacrymarum quas in ejus memoriam fundo reficior. Igitur altare holocausti lacrymas insinuat pœnitentium de peccatis quæ gesserunt, altare incensi fletus exprimit gaudentium de bonis operibus quæ Domino juvante perfecerunt, ac desiderantium præmia, quæ se accepturos Domino remunerante confidunt. Qui nimirum fletus tantum præcellit priori, quantum æramento aurum: quantum Sancta sanctorum (ubi erat arca Domini) priori tabernaculo, in quo candelabrum et mensa Domini stabant, constat fuisse prælata. Propter altare vero holocausti labrum erat positum, in quo lavarentur qui ad altare incensi intrabant, quia nemo repente fit summus, sed proficientibus meritis quisque primo bella debet vitiorum devincere; deinde a conditore suo compunctione lacrymarum supplex impetrare, ut pro ingressu regni dulces fundere fletus possit, qui pro timore penarum pridem fundebat amaras. Quid autem basis, in qua idem labrum inerat positum, aptius quam ipsum desiderium regni.

et nita celestis accipitur? cuius nimirum causa A  
tunc sit, ut perfecti ac summi viri, quotidiano se  
lacrymarum fonte diluant, et quod necdum perfecte  
vivendo valeant, gaudium internæ quietis saltem  
suspirando degustent. Nam quia hoc lavacro, quod  
inter tabernaculum et altare positum est, perfectio-  
rum lacrymæ figurentur, testantur ipsa verba, qui-  
bus dicitur: *Et missa aqua lavabunt in ea Aaron et  
filii eius manus suas ac pedes.* Neque enim quisquam  
de plebe ihj lavari, sed ipse pontifex iussus, et filii  
eius, videlicet sacerdotes gradus inferioris, quia sicut  
magnum virorum sancta perfectior vita, sic  
et compunctio solet esse sublimior. Non autem hoc  
ita dicimus, quasi soli altaris ministri huiusmodi  
compunctionis vel possint habere vel debeant virtu-  
tem, sed memore beati apostoli Petri, qui cunctis B  
fidelibus loquens de angulari lapide, qui est Chri-  
stus, ait: *Et ipsi tanquam lapides vivi superedifi-  
cavimus domos spirituales, sacerdotium sanctum, of-  
ferre spirituales hostias (I Petr. ii).* Et quod Joannes  
in Apocalypsi. *Beatus, inquit, et sanctus qui habet  
partem in resurrectione prima; in his secunda mors  
non habet potestatem, sed erunt sacerdotes Dei et Chri-  
sti (Apoc. xx).* Admonemus omnes fideles mystico  
sacerdotum nomine censeris, utpote membra Christi,  
videlicet sacerdotis aeterni. Quibus etiam beatus  
apostolus Paulus, quid victimarum offerre debeant,  
ostendit dicens: *Obsecro vos fratres per Dei miseri-  
cordiam, ut exhibeatis corpora vestra hostiam viven-  
tem, sanctam, Deo placentem (Rom. xii).* Non ergo  
solum ministris sacri altaris, sed et omnibus per-  
fectis in quocunque gradu positis, hoc lavacrum po-  
suit Moyses, quia lex Dei cunctis generaliter fide-  
libus gratiam salutiferæ compunctionis prædicavit.  
Quod si in persona Aaron ipsum magnum pontifi-  
cem Dominum Salvatorem accipere volumus, con-  
stat etiam eum huius aqua labri priusquam ad altare  
oblaturus intraret, locum: quia priusquam thymia-  
ma sui sacrosancti corporis propter salutem  
nostram in altari crucis incenderet, pro nostro  
amore etiam lacrymas fudit, quod in resurrectione  
Lazari celeberrime innotuit. Bene autem additur,  
ut offerant in eo thymiamata Domino, ne forte moriatur  
(Joan xi). Mors etenim timenda est animæ spiri-  
tualis et æterna. Si quis ad ministerium altaris  
electus, thymiamata orationum Deo reddere negligit, P  
mors timenda est; si quis ad sacrosancta mysteria  
absque spirituali ablutione compunctionis intrare, et  
sancta Domini communibus manibus tractare præ-  
sumit. Lavent ergo manus suas ac pedes in aqua  
labri aenei, et sic ad altare accedant. Abluant lacry-  
mis actus et incessus, ac deinde manus ad tangenda  
Christi mysteria proferant, pedumque gressus in  
atria Domini ponant. Quod æque præceptum reor  
his qui eorumdem sacramentorum perceptione mun-  
dandi sunt, ut cautiore cura prius actus suos cogita-  
tusque discutiant, eventilent, purgent, ac sic ad  
participanda fidei sacramenta procedant, ne audire  
mereantur illud Apostoli: *Quicumque enim mandu-*

*cat et bibit indigne, iudicium sibi manducat et bibit,  
non dijudicans corpus Domini (I Cor. xi),* id est,  
nequaquam edulium panis, vini, a communium  
escarum utilitate, cuncta et sollicita mente secer-  
nens. Diligentius vero intueendum est, quod in con-  
clusionem subiungitur. *Legitimum sempiternum erit  
ipsi et semini ejus per successiones.* Hæc ad litteram  
quidem observari cessarunt, sed juxta priscam intel-  
ligentiam spiritualiter observari a sanctis nun-  
quam cessabunt: ipsi et semini ejus per successio-  
nes, non quidem de Aaron stirpe nascendo, sed cre-  
dendo in eum, quem Aaron cum ejus avo credidit.

## CAPUT XIII.

*De confectioe unguenti optimi ad consecrandum ta-  
bernaculum ac vasa ejus.*

*Locutusque est Dominus ad Moysen, dicens: Sume  
tibi aromata primæ myrrhæ et electæ quingentos si-  
clos, et cinnamomi medium, id est, ducentos quinquaginta  
siculos, calami similiter ducentos quinquaginta,  
casæ autem quingentos siclos in pondere  
sanctuarii, olei de olivetis mensuram hin: faciesque  
unctionis oleum sanctum, unguentum compositum  
opere unguentarii, et unges ex eo tabernaculum testi-  
monii, et arcam testamenti, mensamque cum vasis  
suis, candelabrum et utensilia ejus, altaria thymia-  
matis, et holocausti et universam supellectilem quæ  
ad cultum eorum pertinet. Sanctificabisque omnia,  
et erunt Sancta sanctorum: qui tetigerit ea sanctifi-  
cabitur. Aaron et filios ejus unges, sanctificabisque  
eos ut sacerdotio fungantur mihi. Filiis quoque Israel  
dices: hoc oleum unctionis sanctum erit mihi in ge-  
nerationes vestras. Caro hominis non ungetur ex eo,  
et juxta compositionem ejus non facietis aliud, quia  
sanctificatum est, et sanctum erit vobis. Homo qui-  
cunque tale composuerit, et dederit ex eo alieno ex-  
terminabitur de populo suo (Exod. xxx).*

Advertendum est et notandum, quemadmodum  
unguento chrisomatis omnia jussit ungi, tabernacu-  
lum scilicet et ea quæ in illo erant, et deinde erunt  
Sancta sanctorum: omnia scilicet cum fuerint uncta,  
erunt Sancta sanctorum. Quid igitur distabit jam  
inter illa interiora quæ velo teguntur, etc., si om-  
nia, cum uncta fuerint, erunt Sancta sanctorum,  
diligentius requirendum: hæc tamen notanda cre-  
dimus ubi etiam meminimus, sicut de illo altari  
sacrificiorum, quod post unctionem appellari voluit  
sanctum: sancti, contum dicitur est: *Omnia qui  
tangit illud sanctificabitur: de omnibus postea, quæ  
de illo unguento uncta, dicta sunt Sancta sancto-  
rum: eadem sententia subsequuta est, ubi diceretur,  
omnis qui tangit ea sanctificabitur. Quid nobis  
modis intelligi potest, sive tangendo sanctificabitur,  
sive sanctificabitur ut ei liceat tangere, sive tamen  
non licebat tangere populo tabernaculum quando  
offerebat hostias, vel quæcumque ab eis oblata offe-  
rebantur Deo: Nam consequenter non solum sacerdo-  
tibus neque solum levitis dicendum admonet, quod  
ait ad Moysen: *Et filius Israel loquere dicens: Uti-  
que filii Israel totus ille populus erat. Jubet autem**

del. oleum unctioris amictum erit hoc vobis in progenies vestras: Super carnem hominis non linietur, et secundum compositionem hanc non facietis vobis in ipsis similiter. Sanctum est, et sanctificatio erit vobis. Quienque fecerit similiter, et quicumque dabit de eo extere nationi, intoribit de populo suo. Jubet igitur non solis sacerdotibus, sed universo populo Israel, ut non faciat tale unguentum in usus humanos. Hoc est enim quod ait: *Super carnem hominis non linietur*. Prohibet ergo simile fieri in usus stros, et interitum minatur, si quisquam similiter fecerit, id est, unguentum ad usus suos similiter simile confecerit, vel cuiquam hinc dederint extere nationi. Ac per hoc quod ait, Sanctificatio erit vobiscum, cum populo Israel universo dici jubet, non video quid intelligam, nisi quod licebat eis, quando veniebant cum suis quisque muneribus tangere tabernaculum, et tangendo sanctificabatur. (Ex Isidor.) Propter illud oleum quo cuncta peruncta sunt, et hinc dictam; *Omnis qui tangit sanctificabitur*; non tamen sic quemadmodum sacerdotes, qui etiam ut sacerdotio fungerentur ungebantur ex illo. Porro unguentum quo perungitur tabernaculum, chrisma est quo ungitur fidelis populus, in quibus divinitas tanquam in tabernaculo habitat. Potest quidem intelligi hoc unguentum etiam virtutes sanctorum, seu odor justitie longe lateque diffusus, de quo dicit Apostolus: *Deo autem gratias, qui triumphat nos in Christo Jesu, et odorem justitie manifestat per nos (I Cor. II).*

## CAPUT XIV.

De confectioe thymiamatis ex pretiosissimis aromatis, et Bezeleel artifice.

Dicitque Dominus ad Moysen: Sume tibi aromata stactem et onycha, galbanum boni odoris, et thus lucidissimum. Aequalis ponderis erunt omnia. Faciesque thymiamata compositum opere unguentarii, mistum diligenter et purum, et sanctificatione dignissimum. Cumque in tenuissimum pulverem universa contuderis, pones ex eo coram tabernaculo testimonium, in locum quo apparebo tibi. Sanctum, sanctorum erit, voluit thymiamata. Talis compositionem, non facietis in usus vestros, quia sanctum est Domino. Nemo quicumque fecerit simile, ut odore illius perfruat, peribit de populo omni (Exod. xxx). [Ex Augustino.] Quod praecepit quibus aromatis fiat thymiamata, id est, incensum, et dicit unguentario more coctum, opus unguentarii, non ideo putare debemus unguentum fieri, id est, unde aliquid ungetur. Sed ut dictum est, thymiamata vel incensum, quod imponatur illi altari incensi, ubi non licebat sacrificari, et erat intus in Sancta sanctorum. (Ex Isidoro.) Incensum autem quod ex quatuor odoratissimis generibus in maximam subtilitatem comminatis, id est, stacte, onycha, galbano et thus componit, haec in forma orationum fidelium constituta esse, beatus Joannes Apocal. ostendit: Et illi quidem, inquit, viginti quatuor seniores procident ante agnum, habentes unusquisque citharas et psalteria aureas, plenas incensi, quae sunt orationes sanctorum. Quanquam et spe-

naturae significare videantur: ut thus quod perlucidum est, aeri comparetur, stacte vero aquis, galbanus et onyx terrae atque igni, ut per haec omnium quae in caelo et infra caelum et in terra et in aquis sunt placitum Deo incensum sit haec creaturae laudis oratio. Thymiamata ex aromatibus compositum facimus, cum in altari boni operis virtutum multiplicitate redolemus. Quod mistum et purum sit: quia quantum virtus virtuti jungitur, tantum incensum boni operis sincerius exhibetur; ubi et bene subjungitur: *Cumque in tenuissimum pulverem in universa contuderis, pones ex eo coram testimonio tabernaculi*. In tenuissimum pulverem aromata universa conterimus, cum bona nostra quae in pilo cordis occulta discussione tundimus, et si veraciter bona sunt, subtiliter retractamus. Aromata ergo in pulvere redigere est virtutes recogitando terere, et usque ad subtilitatem occultae examinationis revocare. Et notandum quod de eodem pulvere dicitur: *Pones ex eo coram testimonio tabernaculi, quia tunc nimirum bona nostra veraciter in conspectu iudicis placeant, cum haec mens subtilius recogitando conterit, et quod de aromatibus pulverem reddit, ne grassum durumque sit quod agitur, ne etiam si hoc arcta retractionis manus non comminuat, odorem de se subtilius non aspergat. [Locutusque est Dominus ad Moysen dicens: Ecce vocavi ex nomine Bezeleel filium Uri, filii Ur de tribu Juda, et implevi eum spiritu Dei, sapientia et intelligentia, scientia in omni tempore, ad excogitandum sabre, quidquid fieri potest ex auro et argento et aere, marmore et gemmis, et diversitate lignarum. Denique ei sacrum Ooliub filium Achisamech, de tribu Dan, et in corde omnis eruditi posui sapientiam, ut faciant cuncta quae praecipi tibi, etc. (Exod. xxxi.)* Quid est quod Bezeleel cum jubaret adhiberi operibus tabernaculi faciendis, dixit ad eum se replevisse spiritu divino sapientiae, et intellectus et scientiae, in omni opere excogitare, et architectonari, etc. Utrum Spiritus sancti muneris etiam ista opera tribuenda sint, quae pertinere ad officium videntur? an et hoc significative dictum est, ut ea pertineant ad divinum spiritum sapientiae et intellectus et scientiae, quae his rebus significantur. Tamen etiam hic cum spiritu repletus dicatur iste divini sapientiae et scientiae, nondum legitur Spiritus sanctus.

## CAPUT XV.

Præceptum de custodia sabbati.

Locutus est Dominus ad Moysen dicens: Loquere filiis et dices ad eos Israel: Videte sabbatum meum custodiat, quia signum est inter me et vos in generationibus vestris, ut sciatis quia ego Dominus qui sanctifico vos. Custodite sabbatum. Sanctum est enim vobis. Qui polluerit illud, morte morietur. Qui fecerit in eo opus, peribit anima illius de medio populi sui. Sex diebus facietis opus: in die septimo, sabbatum est requies sancta Domino. Omnis qui fecerit opus in hac die, morietur. Custodiant filii Israel sabbatum, et eo-



lebrent illud in generationibus suis. Pactum est æternum inter me et filios Israel, signum perpetuum. Sex enim diebus fecit Dominus cælum et terram, et in septimo ab omni opere cessavit (Exod. xxxi). Notandum enim quod in Septuaginta hic locus ita habetur: Testamentum in æternum in me et filiis Israel. Quid sibi vult quod cum de sabbato observando præciperet, ait: Testamentum est æternum in me et filiis Israel? non ait inter me et filios Israel, an quia sabbatum requiem significat, et requies nobis non est nisi in illo? Nam profecto filios Israel universum populum dicit, id est, semen Abraham, et ejus Israel secundum carnem et secundum spiritum. Nam si Israel non esset dicens nisi ex genere carnis, non diceret Apostolus: Videte Israel secundum carnem: Ubi profecto significat esse Israel secundum spiritum, qui in abscondito Judeus est, et circumcisio cordis. Sic ergo melius fortasse distinguitur, testamentum æternum in me. Et inde alius sensus sit, et filius Israel tanquam signum æternum, id est, æternæ rei signum: quomodo petra erit Christus, quia petra significabat Christum. Non ergo ita unguentum est testamentum æternum in me et filiis Israel, tanquam in Deo; et filius Israel sit hoc testamentum æternum in me, quia in illo promissa est requies æterna, et filius Israel signum est æternum, quia filii Israel acceperunt observandum signum quo requies significatur æterna, veris Israelitis, hoc est, filii promissionis et visus Deum facie ad faciem sicuti est: Dedit quoque Moysi completis hujusmodi sermonibus in monte Sinai duas tabulas testamento lapideas, scriptas digito Dei. (Ex Augustino.) Cum tam multa locutus sit Deus, duas tamen tabulas dantur Moysi lapideas, quæ dicuntur tabule testimonii. Figura in arca, nimirum omnia cætera quæ præcepit Deus ex illis decem præceptis, quæ duabus tabulis conscripta sunt, pendere intelliguntur, si diligenter quærantur, et bene intelligantur, quomodo hæc ipsa rursus decem præcepta, ex duobus illis, dilectione scilicet Dei et proximi, in quibus tota lex pendet et propheta.

## CAPUT XVI.

De transgressionibus Aaron in formatione vituli aurei.

Videns autem populus quod moram faceret descendendi de monte Moyses, congregatus adversus Aaron ait: Surge fac nobis deos qui nos præcedant. Moysi enim huic viro, qui nos eduxit de terra Ægypti, ignoramus quid acciderit. Dixitque ad eos Aaron: Tollite in aures aureas de uxorum filiorumque et filiarum vestrarum auribus, et afferte ad me. Fecit populus que jussisset, deferens in aures ad Aaron. Quas cum ille accepisset formavit opere fusorio et fecit ex eis vitulum constabilem; dixeruntque: Hi sunt dii tui Israel, qui te eduxerunt de terra Ægypti. Quod cum vidisset Aaron, edificavit altare coram eo, et præconis voce clamavit dicens: Gratias solemnitas Domini est, etc. (Exod. xxxii). Quod jubet Aaron in aures demi ab auribus uxorum atque filiarum, unde illis faceret deos, non absurde intelligitur: difficile præcipere voluisse, ut hoc modo

Aves ab illa intentione revocaret. Faciunt tamen illud ipsum difficile, ut esset aurum ad faciendum idolum, propter eos notandum putavi, qui contristantur, si quid tale propter vitam æternam divinitus fieri, vel æquo animo tolerare jubeantur: Sedit populus manducare et bibere et surrexerunt ludere. Eius potusque ad lustum impulit: Iesus ad idololatriam traxit, quia si vanitatis culpa nequaquam caute comperitur, ab iniquitate protinus mens incauta devoratur. Salomone attestante quia qui modica spernit, paulatim decedit. Si enim curare parva negligimus insensibiliter seducti, audacter etiam majora perpetramus: Locutus est autem Dominus ad Moysen dicens: Vade, descende: peccavit populus tuus quem eduxisti de terra Ægypti. Recesserunt cito de via quam ostendisti eis. Feceruntque sibi vitulum constabilem, et adoraverunt, atque immolantes ei hostias, dixerunt: Isti sunt dii tui Israel, qui eduxerunt te de terra Ægypti. Edificare etiam lectorem valde juxta historiam potest, si perpendat quomodo bonis rectoribus mixta sit, et regendi auctoritas et benignitas consulendi. Discipulus enim vel misericordia multum destituitur, si una sine altera teneatur. Sed circa subditos suos in esso rectoribus debet, et justa consulens misericordia, et pia sæviens disciplina. Intueri namque libet in Moysi pectore misericordiam cum severitate societam. Videamus amantem, pie et districte sævientem. Certe cum Israeliticus populus ante Dei oculos peccata inveniabilia contraxisset offensam, ita ut ejus rector audiret, Descende, peccavit populus tuus; ac sibi divina vox diceret, quia in tale peccatum lapsus est, jam meus non est. Atque subjungeret: Dimitte me, ut irascatur furor meus contra eos, et deleam eos, faciamque te in gentem magnam. Ille semel et iterum pro populo cui præerat, obicem se ad impetum Dei irascentis opponens ait: Aut dimitte eis hanc iram, aut si non facis, dele me de libro tuo quem scripsisti. Pensemus quibus visceribus eundem populum amavit, pro cuius vita de libro vite doleri se petit. Sed tamen iste qui tanto ejus populi amore constringitur, contra ejus culpas pensemus, quanto zelo rectitudinis accendatur. Mox etenim petitione primæ culpæ veniam ne delerentur obtinuis: ad eundem populum veniens ait: Ponat vir gladium super femur suum. Ite et redite de porta quisque ad portam per medium castrorum, et occidit unumquisque fratrem et amicum et proximum suum. Cecideruntque in die illa quasi viginti tria milia hominum. Ecce qui vitam omnium etiam cum sua morte petiit, paucorum vitam gladio exstinxit. Inus arsit ignibus amoris, foris accensus est zelo severitatis. Tanta fuit pietas, ut se pro illis coram Domino morti offerre non dubitaret; tanta severitas, ut eos quos divinitus ferire timebat, ipse iudicii gladio feriret. Sic amavit eos quibus præfuit, ut pro eis nec sibi parceret; sed tamen delinquentes sic persecutus est quos amavit, ut eos etiam Domino parcente prosterneret: utrobique legatus fortis, utrobique mediator mirabilis, causam populi apud Dominum prolebat, causam Dei

a populo gladius alienavit; intus amans divinæ iræ supplicando obstitit, foris sæviens culpam feriendo consumpsit, succurrens citius omnibus ostensa morte paucorum. Et ideo omnipotens Deus famulum suum citius exaudivit agentem pro populo, quia vidit quod super populum acturus esset ipse pro Deo. In regimine ergo populi utrumque Moyses miscuit, ut nec disciplina decisset misericordiæ, nec misericordia disciplinæ.

## CAPIT. XVII.

*De eo quod Moyses Dominum iratum populo pro idololatria, precibus mitigavit, et de oburgatione Aaron.*

Rursumque ait Dominus ad Moysen: Cerno quod populus iste duræ cervicis sit, dimitte me, ut irascatur furor meus contra eos, et deleam eos, faciamque te in gentem magnam; Moyses autem, orabat Dominum Deum suum dicens: Cur, Domine, iraciter furor tuus contra populum tuum, quem eduxisti de terra Egypti, in fortitudine magna, et in manu robusta? Ne, quæso, fiant Egyptii. Callide eduxit eos, ut interficeret in montibus, et deleat de terra, etc. (Exod. xxxii). Omnes sancti qui iræ Dei obviant, ab ipso accipiunt, ut contra impetum percussiois ejus opponantur, atque ut ita dixerim, cum ipso se erigunt contra ipsum, eosque vis divina sibi opponit secum, quia in eo quod adversum sævientis iram foris opponit, intus eos gratia irascentis fovet, et famulantes interius levat, quos quasi adversantes exterius tolerat. Portat ergo contra dictionem deprecantium quam aspirat, et velut nolenti imponitur, quod ab ipso ut fiat, imperatur. Moysi etenim dicit: *Dimitte me, ut irascatur furor meus contra eos, faciamque te in gentem magnam.* Quid est servo dicere, *Dimitte me*, nisi deprecandi ausum præbere? ac si ei aperte diceretur: *Pensa quantum apud me valeas, et cognosce quia obtinere poteris quidquid pro populo exoras.* Sed dum hæc ita sint, minus legentis animum movet, quid est quod econtra in beati Job historia per eundem sanctum virum dicitur: *Deus cuius resistere iræ nemo potest?* (Job. ix.) Mirum valde est, quod iræ Dei nullus posse resistere dicitur, cum multos indignationi supernæ animadversionis obviasse eloquia divina testantur. An non iræ Dei idem Moyses restitit, qui pro cadente populo erectus, ipsum supernæ percussiois impetum, mortis suæ oblatione restrinxit dicens: *Dimitte illis hæc noxam; alioquin dele me de libro quem scripsisti?* An non iræ Dei Aaron restitit, cum inter viventes ac mortuos, thuribulum sumpsit, atque animadversionis ignem incensi fumo temperavit? An non Phinees iræ Dei restitit, qui luxuriantes cum alienigenis in ipso coitu trucidans, zelum suum divinæ indignationi obtulit, et furorem gladio placavit? An non David iræ Dei restitit, qui angelo ferienti se offerens, placationis gratiam et ante tempus propositum exegit? An non Elias iræ Dei restitit, qui longo jam tempore terræ aridæ, subductas de cælo pluvias verbo revocavit? Quomodo igitur divinæ iræ nullum posse resistere

dicitur, cum multos sæpe resistere exemplis existentibus demonstratur? Sed si subtiliter et beati Job eloquia, et illorum facta pensamus, et verum cognoscimus quia divinæ iræ non resistitur, et verum, quia multi sæpe resisterunt. Namque plerique sanctorum iræ Domini sicut uniuscujusque superior ordo narratur edocuit, resistere probantur. Resisti autem iræ Dei non potest, cujus ejus indignatio sese ut ita dixerim, medullitus movet. Quæ dum se movet, hæc oppositio humana non retinet, nec se utiliter cujuslibet deprecatio objicit, cum semel Deus ab infimis irascendo disponit. Hinc est enim quod Moyses qui reatum totius plebis apud Dominum precibus tersit, dumque se obicem obtulit, divinæ iræ vim placavit, ad petram Oreb veniens, pro aquæ exhibitione diffidens, repromissionis terram ingredi Domino irascente non potuit. Hæc de re sæpe accedens affigitur, sæpe desiderio se excitante turbatur, et dispositæ ultionis iracundiam repellere a semetipso non valuit, qui hanc volentem Domino et a populo, amovit. Hinc David quia prostrata plebe postmodum angeli gladium prece compescuit, prius plorans et ejulans nudis pedibus filium fugit, et quousque perpetrati facinoris ultionem ad plenum reciperet iram Dei nequaquam valuit pro semetipso temperare. Hinc Elias, etsi ut homo parum aliquid quasi de divina animadversione sentiret, qui verbo cælos aperuit, ante indignationem mulieris territus per desertum fugit et pro semetipso infirmatus est in formidinem, qui furorem Dei placat aliis per interventionem. Iræ igitur Dei resisti valet, quando ipse qui iratus est, opitulatur, et resisti omnino non valet, quando se ad ultiscendum excitat, et ipse preceam quæ ei funditur, non acceptat. *Placatus est Dominus ne faceret malum, quod locutus fuerat adversus populum suum.* Sive juxta alia exemplaria, *Et propitius est Dominus de malitia quam dixit facere populo suo.* Malitiam hic pœnam intelligi voluit, sicuti est testimata malitia exitus illorum. Secundum hanc dicitur, et bonum et malum a Deo, non secundum malitiam, quæ homines mali sunt. Malus enim Deus non est, sed malis ingerit mala quia justum est, *Et reversus est Moyses de monte, portans duas tabulas testimoniæ manu Dei scriptas ex utraque parte, factas opere Dei.* Cumque appropinquasset ad castra, nidi vitulum et choros iratusque valde, projecit de manu tabulas et confregit eas ad radicem montis. Iratus quidem Moyses videtur tabulas testimoniæ digito Dei scriptas, collisisse atque fregisse; magno tamen mysterio figurata est iteratio testamenti, quoniam vetus fuerat abolendum, et constituendum novum. *Attripsitque vitulum quem fecerant, combussit ea contrivit usque ad pulverem, quem sparsit in aqua et dedit ex eo potum filiis Israel.* Sed quid sibi velit iste vitulus, quem fecerunt filii Israel in solitudine, vel quid significet quod Moyses ipsum vitulum igni combussit, minutatimque concidit, et in aquam aspergens potum populo dedit? Si enim tabulas quas digito Dei, hoc est operatione Spiritus sancti scriptas

acceperat, ideo fregit, quia indignos eos quibus eas legeret, iudicavit. Si denique ab eis ille vitulus penitus aboleretur, incendit et contrivit, et in aqua sparsit atque submersit, ut quid et potum de hoc populo dedit? Quem non excitet factum hoc ad quaerendam et intelligendam prophetica[m] significationem? Occurrat ergo jam intentis mentibus, quia diaboli corpus significatur in vitulo, id est homines in omnibus gentibus quibus ad hæc sacrilegia caput, hoc est auctor, diabolus: aureum propterea, quia videntur idololatriæ ritus, velut a sapientibus instituti. De quibus ita Apostolus: *Quoniam cognoscetes Deum, non sicut Deum glorificaverunt aut gratias egerunt, sed evanuerunt in cogitationibus, et obscuratum est insipientes cor eorum; dicentes enim se esse sapientes, stulti facti sunt, et immutaverunt gloriam incorruptibilis Dei, in similitudinem imaginis corruptibilis hominis, et volucrum, et quadrupedum et serpentium (Rom. 1).* Ex hac quoque sapientia iste vitulus aureus, qualia solebant Ægyptiorum etiam ipsi primates, tanquam docti homines adorare figmenta. Hoc ergo vitulo significatum est omnè corpus, id est, omnis societas gentilium idololatriæ deditorum: hanc sacrilegam societatem Dominus illo igne comburit, de quo in Evangelio dicit: *Ignem veni mittere in terram.* Et quoniam non est qui se abscondat a calore ejus, dum in eum credunt gentes, igne virtutis ejus, diabolica in eis forma solvitur. Totum deinde corpus illud comminuitur, id est, ab illa malæ conspirationis conflatione discissum, verbo veritatis humiliatur, et comminutum, in aqua mittitur, ut eos Israelitæ, id est, Evangelii predicatorum, ex baptismo in sua membra, hoc est in Dominicum corpus transferant. Quorum Israelitarum Petro de ip[s]is gentibus dictum est: *Macta et manduca (Act. 1).* Quare etiam non, Occide et hibe? Ita ille vitulus per ignem zeli, et aciem verbi, et aquam baptismi ab eis potius quos absorbere conabatur, absorptus est. Dixitque ad Aaron: *quod fecit tibi hic populus, ut induceres super eum peccatum maximum? Cui ille respondit: Ne indignetur Dominus meus. Tu enim hosti populum istum, quod prohis sit ad malum. Dixerunt mihi: Pacè nobis deos qui præcedant nos. Huic enim Moyse qui nos eduxit de terra Ægypti, nescimus quid acciderit. Quibus ego dixi: Quis vestrum habet auram? Tulerunt et dederunt mihi, et projecit illud in ignem, egressusque est hic vitulus. Hic compendio locutus est, non dicens, quod ipse formaverit, ut extret vitulus fustis, an excusationis causa timendo mentitus est, tanquam ipse in ignem periturum aurum projecit, atque ipso non id agente, forma vituli exierit. Quod ideo non est credendum hoc eum animo dixisse, quia nec Moysen latere posset, quid esset in viro, cum quo Deus loquebatur, et fratrem de mendacio non redarguit. Videns ergo Moyses populum quod esset nudatus (spoliaverat enim eum Aaron propter ignominiam sordis, et inter hostes nudum constituerat). Notandum est, quemadmodum illud totum malum quod populus*

A fecit, ipsi Aaron tribuatur, quod eis consenserat ad faciendum quod male petiverant. Magis enim factum est, spoliavit, vel dissipavit eos Aaron, quoniam cessit eis, quam dissipaverunt se ipsi, qui tantum malum flagitaverunt.

## CAPUT XVIII.

*De ultione facta in idololatrias; de quo, et quod Dominus jubet Moyse populum ducere in terram repromissionis, et de abnegato suo cum ejus transitu.*

Et stans in porta castrorum ait: *Si quis est Domini jungantur mihi. Congregatique sunt ad eum filii Levi, quibus ait: Hæc dicit Dominus Deus Israel: Ponat vir gladium super femur suum. Ite et redite de porta usque ad portam per medium castrorum, et occidat unusquisque fratrem et amicum et proximum suum. Feceruntque filii Levi juxta sermonem Moysi, et reliqua. Cum Moyses dicit ad Dominum, Precor peccavit populus iste peccatum magnum, et fecerunt sibi deos aureos. Et nunc si quidem remittis illis peccatum illorum, remitte: sin autem, dele me de libro tuo, quem scripsisti. Securus quidem hoc dixit, ut a consequentibus ratiocinatio concludatur, id est, ut quia Deus Moysen non deleret de libro suo, populo peccatum illud remitteret. Verumtamen advertendum est quantum malum in illo peccato perspexerit Moyses, quod tanta cæde crediderit expiandum, qui eos sic disgebatur, ut pro eis illa verba Deo funderet. Merito queritur, cum superius populum nudasse vel dissipasse dictus sit Aaron, cum in ipsum vindicta nulla processerit, neque cum Moyses interficere jussit omnem, qui Levitis euntibus et ad portam redeuntibus occurrisset armatis, neque cum postea factum est quod Scriptura dicit: *Et percussit Dominus populum propter facturam vituli quem fecit Aaron, maxime quia et hic hoc idem repetendo meculatum est. Non enim dictum est: Et percussit Dominus populum propter facturam vituli, quem fecerunt, sed quem fecit Aaron: et tamen non est percussus Aaron. Quod etiam illud quod de sacerdote ejus ante peccatum ejus Deus præcipiebat, impletum est. Sed jussit et ipsum et filios abluere, et sic ordinati sunt in sacerdotium. Ita novit ille cui parcat usque ad commutationem in melius et cui parcat ad tempus, quamvis eum præscierit in melius non mutari; et cui non parcat, ut mutetur in melius, et cui non parcat, ita ut nec mutationem ejus expectet. Et totum hoc ad id redit, quod Apostolus dicit exclamans: *Quam inscrutabilia sunt judicia ejus, investigabiles viæ ejus!* (Rom. xi.) Nunc autem quid etiam prophetice significationis habuerit, requirendum est quod ex eis multos qui sibi absente ipso idolum fabricaverunt, sine ulla ejusque necessitudinis distentione jussit interficere. Facile est ut intelligatur hominum illorum interemptione significari vitiorum talium necem, quilibet ad eandem idololatriam deluxerunt. In talia quippe vitia sævire nos jubet Apostolus cum dicit: *Mortificate membra vestra, quæ sunt super terram (Col. iii): fornicatio***

nom, immoderatum, luxuriam, concupiscentiam malam, et avaritiam, quæ est idolorum servitus. Si quis, inquit, est Domini, veniat et jungatur mihi. Ponat gladium super femur suum. Ite et redite de porta usque ad portam per medium castrorum, et occidat unusquisque fratrem, et amicum, et proximum suum. Gladium super femur ponere, est prædicationis studium voluptatibus carnis anteferre, ut cum sancta qui studet dicere, curet necesse est suggestiones edompare. De porta usque ad portam ire, est a vitio usque ad vitium per quod ad mentem culpa ingreditur increpando discurrere. Per medium vero castrorum transire, est tanta æqualitate intra Ecclesiam vivere, ut qui delinquentium culpas redarguit, in nullis se debeat favore declinare. Unde et recte subiungitur: *Occidat vir fratrem et amicum et proximum suum, fratrem scilicet, proximum et amicum interfecit, qui cum puniendi invenit, ab increpationis gladio, nec eis quos per cognationem diligit, patet.* Si ergo et illo Dei dicitur, qui ad feriendam vitam zelo divini amoris excitatur, profecto esse se Dei denegat, qui quantum sufficit, increpare vitam carnalium recusat. Sed ipse numerus trium millium interfectorum triplicem formam indicat peccatorum. Omnè enim peccatum, aut facto, aut verbo, aut cogitatione committitur. *Locutusque est Dominus ad Moysen, dicens: Vade, ascende de loco isto, tu et populus tuus quem eduxisti de terra Ægypti, in terram quam juravi Abraham, Isaac et Jacob, dicens, Semini tuo dabo eam (Exod. xxxiii).* Vade, ascende hinc, tu et populus tuus quem eduxisti, alioquin dixisset, tu et populus meus, quem eduxisti de terra Ægypti. Sed illi quando idolum poposcerunt, ita locuti sunt: *Moses enim hic homo qui eduxit nos de terra Ægypti, nescimus quid factum sit ei.* Liberationem suam in hominem constituendo defecerant. Hoc eis modo replicatur cum dicitur: *Tu et populus tuus quem eduxisti de terra Ægypti.* Quod illis est criminis, non Moysi. Non enim aliud volebat nisi ut non in illo, sed in Domino spem ponerent, et Domini misericordia se in gratiarum actione crederent ab illa servitute liberatos. Cujus tamen apud Dominum tanquam fidelissimi famuli, tantum erat meritum per illius gratiam, ut ei diceret Deus, *Sine me, ut irascar contra eos;* quod utrum jubentis sit cum ait: *Sine me,* an quasi petentis, utrumque videatur, absurdum. Nam et si jubeat Deus, inobedienter famulus non parebat, et Dominum hoc a servo velut pro beneficio petere, non decebat, cum præsertim posset eos etiam illo nolente conterere. Ille itaque ibi sensus in promptu est, quod his verbis significavit Deus plurimum apud se prodesse illi populo, quia sic ab illo viro diligebantur, quem sic Dominus diligebat, ut eo modo admoneremur, ut cum merita nostra nos gravant ne diligamur a Deo, relevari nos apud eum illorum meritis posse quos diligit. Nam cum ab Omnipotente dicitur homini, *Sine me,* et conteram eos, quid aliud dicitur, quam contererem eos nisi diligerentur ab eis. Ita ergo di-

ctum est, *Sine me,* ac si diceretur, *Noli eos diligere,* et conteram eos, quia ne id faciam dilectio tua in illos intercedit mihi. Obtemperandum autem esset Domino dicenti: *Noli eos diligere,* si hoc jubendo dixisset, et non potius admonendo et exprimendo, quid illum ab eo supplicio revocaret. Nec tamen etiam illo intercedente, sine flagello disciplinæ populum dereliquit. Nescio quo enim modo ut sic eos diligeret ipse Moyses, Deus illos occultius diligebat, qui manifeste terrebat, ubi dicit Dominus ad Moysen: *Vade, ascende hinc, tu et populus tuus quem eduxisti de terra Ægypti, in terram quam juravi Abraham, Isaac et Jacob dicens: Semini vestro dabo eam.* Continuo tanquam ad ipsum Moysen adhuc loquebatur occulta conversione, quod Græce apostrophe dicitur. Jam ad ipsum populum loquitur, dicens: *Mittam angelum meum ante te, et efficiet Chananeum, et Amorrhæum, et Hethæum, et Pherezæum, et Gergesæum, et Hevæum, et Jebusæum; et introducet te in terram fluentem lac et mel. Non enim ascendam tecum, quia populus dura cervice es, ut non deleam te in via.* Magna sacramenti et mira profunditas, tanquam majorem misericordiam posset angelus habere quam Dominus, qui populo duræ cervicis parceret. Et tamen etiam per angelum suum se quodammodo ab eis absente, qui nusquam esse absens potest, implere se dicit quod patribus eorum juravit. Tanquam et hic ostendens hoc se ideo facere, quia illis patribus justis promisit, non quod isti digni non essent. Quid ergo significat, nisi forte ideo se non esse cum eis qui dura cervice sunt, quia non eum propitium et salubrem, nisi humilitas et pietas capit. Esse autem Deum cum duræ cervicis hominibus, nihil est aliud, quam vindicando adesse atque puniendo. Unde cum eo modo malis non adest, parcendo facit, quo pertinet illud quod dicitur: *Averte faciem tuam a peccatis meis (Psal. 1):* quia si non avertit, evertit. Sicut enim fluit cera a facie ignis, sic pereant peccatores a facie Dei. *Audiens autem populus sermonem hunc pessimum, luxit, et nullus ex more indutus est cultu suo.* Pessimum sermonem dicit audisse populum, hoc est, crudelissimum atque mœstissimum. Quod enim majus alicui potest præstari beneficium, quam Dei gratiam habere presentem, ac conditorem suum agnoscere sibi esse propitium? Aut quod majus est discrimen, quam auctoris sufferre iram? Nihil habet boni, qui creatoris sui carebit gratia atque presentia. *Dixitque Dominus ad Moysen: Loquere filiis Israel: Populus duræ cervicis es, semel ascendam in medio tui, et delebo te.* Hoc est, quod ante dixit: *In die ultionis visitabo et hoc peccatum eorum: semel enim dicitur ascendere Dominus in medio perfidorum, ut deleat eos; quia certissime et sine ulla dubietate venturus est judicare vivos ac mortuos: justis dare præmium, perennem gloriam, ac peccatoribus perpetuam pœnam. Jam nunc deponite ornatum tuum, ut sciam quid faciam tibi.* In Septuaginta quoque ita legitur, *Deponite stolas gloriarum vestra-*

rum, et cultum, et ostendam quæ facturus sum tibi. Scire enim hic pro revelare accipiendum est, sicut alibi ignorare pro non manifestare. Unde illud in Evangelio: De die autem illa et hora, nemo novit, neque angeli caelorum, neque Filius, nisi Pater solus.

Moses quoque tollens tabernaculum, tetendit extra castra procul, vocavitque nomen ejus, tabernaculum fœderis, et omnis populus qui habebat aliquam quasi stationem, egrediebatur ad tabernaculum fœderis extra castra. Cumque egrediebatur Moses ad tabernaculum, surgebat universa plebs, et stabat unusquisque in ostio papilionis sui. Aspiciebantque tergum Moysi, donec ingrederetur tentorium. Ingresso autem illo tabernaculum fœderis, descendebat columna nubis, et stabat ad ostium. Loquebaturque cum Moysa cernentibus universis, quod columna nubis staret ad ostium tabernaculi, stabantque ipsi, et adorabant per fores tabernaculorum suorum. Hebræus populus de Egyptia servitute liberatus, cum loquente Deo columnam nubis cernebat, unusquisque in tabernaculo sui foribus stabat et adorabat. De quibus et dicitur: Cum egrederetur Moyses ad tabernaculum, surgebat universa plebs, et stabat unusquisque in ostio papilionis sui. Quid est enim populum columnam nubis aspicere, et in tabernaculo sui foribus stare et adorare, nisi quod humana mens cum superiora illa atque caelestia, utcumque in enigmate conspiciat, jam claustra habitationis corporeæ per subleatam cogitationem exigit, atque illum humiliter adorat? Cujus et si videre substantiam non valet, jam tamen ejus potentiam per illuminationem spiritus miratur. Et cum Moyses tabernaculum ingreditur, ejus terga populus aspiciat, et in papilionum suarum ostiis consistat, quia cum sanctus quisque prædicator alta de Deo loquitur, supernæ habitationis jam utrumque tabernaculum ingreditur. Cujus prædicationem infirmi quique et si virtutem plene pensare non possunt, tamen velut terga aspiciunt, quia postrema quæ prævalent, per intellectum sequuntur. Sed in ipsis quoque minimis quæ capere sufficiunt, jam de suis papilionibus quasi exeunt atque in ostiis stant, quia et habitacula carnis relinquere, et ad illa æternæ vitæ gaudia quæ audiunt, progredi conantur. Dixit autem Moyses ad Dominum: Præcipis et educam populum istum, et non indicas mihi, quem missurus es mecum, præsertim cum dixeris: Novi te ex nomine, et invenisti gratiam coram me. In aliquibus exemplaribus ita legitur: Scio te præ omnibus, et gratiam habes apud me, quod pene idem est. Quid est aliud dicere, Novi te ex nomine, nisi scio te præ omnibus, id est, specialiter te novi præ omnibus? Et nomen enim, species cujusque notatur. [Si ergo inveni gratiam in conspectu tuo, ostende mihi temetipsum manifeste, ut videam te, ut sim inveniens gratiam ante te, ut sciam quia populus tuus est gens hæc.] Quod habet Græcus *γνωστός*, hoc quidam Latini interpretati sunt manifeste, cum Scriptura non dixerit *γνωστός*. Potuit ergo fortasse potius dici, Si inveni gratiam in

conspectu tuo, ostende mihi temetipsum scientem, ut videam te. Quibus verbis satis ostendit Moyses, quod non ita videbat Deum in illa tanta familiaritate conspectus, ut desiderabat videre. Quod ille omnes visiones Dei, quæ mortalibus præbebantur affectibus, et ex quibus fiebat sonus, quod mortalibus attingeretur auditus, sic exhibebantur sicut Deus volebat specie qua volebat, ut non eia ipsa ullo sensu corporis sentiretur divina natura, quæ invisibilis ubique tota est, et nullo continetur loco. Et quia in diobus præceptis, hæc est, dilectionis Dei et proximi, tota lex pendet, ideo Moyses in utroque suam desiderantem demonstrabat, dilectionem, scilicet Dei, ubi ait: Si inveni gratiam in conspectu tuo, ostende mihi temetipsum manifeste, ut videam te, ut sim inveniens gratiam in conspectu tuo. In dilectione autem tuam est gens hæc. Quæritur quomodo. Deus ad Moysen dixerit, Scio te præ omnibus: Numquid Deus aliqua scit, et aliqua minus? an secundum, quod dicitur quibusdam in Evangelio, Non novi vos. Secundum hanc enim scientiam quæ Deus dicitur scire, quæ illi placeat, nescire quæ displiceat. Non quia ignorat ea, sed quia non approbat. Sicut ars recte dicitur nescire vitia omnia improbet vitia. Præ omnibus Deus Moysen sciebat, quia Deo præ omnibus Moyses placebat. Notandum est quod prius ipse Moyses dixerat Deo, Dixisti mihi, Scio te præ omnibus, quod illi Deus posteaquam hoc ipse dixit, legitur dixisse, ante autem non legitur. Ut intelligamus non omnia esse scripta, quæ cum illo Deus locutus est. Sed diligentius requirendum est in prioribus Scripturæ partibus an vere ita sit.

#### CAPUT XIX.

De eo quod Moyses vultus Dei contemplationem appetiit, et Domini coram eo transiit.

Dixitque Dominus: Facies mea præcedet te, et requiem dabo tibi. Et ait Moyses: Si non tu ipse præcedis, non educas nos de loco isto. In quo enim scire poterimus ego et populus tuus, invenisse nos gratiam in conspectu tuo, nisi ambulaveris nobiscum, ut glorificemur ab omnibus populis qui habitant super terram? Dixit autem Dominus ad Moysen: Et verbum istud quod locutus es faciam. Inveni enim gratiam coram me, et te ipsum novi ex nomine, qui ait: Ostende mihi gloriam tuam, respondit: Ego ostendam omnem bonum tibi, et vocabo in nomine Domini ebram te. Et miseror cui volueris, et clemens ero, in quem mihi placuerit, rursumque ait: Non poteris videre faciem meam. Non enim videbit me homo et vivet. Et iterum, Ecco, inquit, est locus apud me super petram. Cumque transibit gloria mea, ponam te in foramine petrae, et protegam te dextera mea; donec transeam, tollamque manum meam; et videbis posteriora mea, faciem autem meam videre non poteris (Exod. xxxiii). Si autem Deus erat, cum quo facie ad faciem loquebatur, cur se petebat videre quem videbat? Sed hac melius petitione colligitur, quod enim sciebat per in-circumscriptione nature suæ claritatem cernere, quæ

jam cœperat per quasdam imagines videre: ut sic superna essentia mentis ejus oculis adesset, quatenus ei ad æternitatis visionem in illa imago creata temporaliter interesset. Et viderant ergo patres Testamenti Veteris Dominum, et juxta Joannis vocem, *Deum nemo vidit unquam*. Et juxta ejusdem vocem Domini, *Nemo Deum vidit, et vixit*: qui in hac mortali carne consistens, et videri potuit per quasdam effigatas imagines, et videri non potest per ineffabilem lumen æternitatis. Sin vero quibusdam in hac adhuc corruptibili carne, sed inestimabili virtute crescentibus, quodam contemplationis acuminis æterna Dei claritas videtur, hoc quoque ab ejusdem virtutis sententia non abhorret quod dicitur: *Non enim videbit me homo, et videt*. Quoniam quisquis sapientiam quæ Deus est vidit, hinc funditus moritur ne jam ipsi amore teneatur. Nullus quippe eam vidit, qui adhuc carnaliter vivit, quia nemo potest aspectu Deum simul et seculum. Qui enim Deum vidit eo ipso moritur, quo vel intentione cordis, vel affectu operis, ab hujus vitæ dilectionibus tota mente separatur. Nemo ergo Deum vidit et vixit. Ac si aperte diceretur: Nullus unquam Deum spiritualiter vidit, et mundo carnaliter vivit. Cum autem dixisset Moyses ad Dominum, *Ostende mihi gloriam tuam*, respondit ei Dominus: *Transibit ante te gloria mea, et vocabor nomine Domini in conspectu tuo, et miserebor cui misericors ero, et misericordiam præstabo cui misericordiam præstitero*. Cum paulo ante dixisset: *Ipse antecedit me, sive secundum aliam editionem, facies mea præcedet te: et requiem tibi dabo*. Quid Moyses sic videtur accepisse: Antecedam te, tanquam non ei populo qui præsens in itinere futurus esset; et ideo ait: Si non tu ipse simul veneris nobiscum, ne me ducas hinc, etc. Deus autem neque ei hoc negavit dicens: *Et hoc tibi verbum quod dixisti faciam*. Quomodo ergo cum dixisset ei Moyses, *Ostende mihi gloriam tuam*, rursus tanquam præcessurus, et non cum eis simul futurus, videtur dicere: *Ego transibo ante te; sive transibit gloria mea ante te*. Nisi quia hoc aliud est. Ille quippe intelligitur loqui et dicere: *Transibo ante te, de quo dicit Evangelium: Cum venisset hora, ut transiret Jesus de hoc mundo ad Patrem (Joan. xiii)*; qui transitus etiam pascha interpretari perhibetur. Hæc itaque magna omnino propheta est. Ipse enim ante omnes sanctos transit ad Patrem de hoc sæculo, parare illis mansiones regni celorum, quas dabit eis in resurrectione mortuorum, quoniam transiit ante omnes primogenitus a mortuis factus est. Gratiam vero suam in eo ipso valde commendat, cum dicit: *Et vocabo nomine Domini in conspectu tuo*, tanquam in conspectu populi Israel, cujus Moyses cum hæc audiret, typum gerebat. In conspectu enim gentis ipsius ubique dispersæ, vocatur Dominus Jesus in omnibus gentibus. *Vocabo autem dixit, non vocabor*: activum verbum pro passivo ponens, genere locutionis inusitato, in quo nimirum magnus sensus latet. Sic enim fortasse significare

voluit seipsum hoc facere, in est, gratia sua fieri, ut vocaretur Dominus in omnibus gentibus. Quod vero addidit, et miserebor, cui misericors ero, et misericordiam præstabo cui misericordiam præstitero, ibi plane expressius ostendit vocationem, qua nos, post vitam in suum regnum et gloriam nos, promeritis nostris, sed pro misericordia sua. Quoniam enim gentes introducitur, pollicebatur, dicitur: *Vocabo in nomine Domini in conspectu tuo, commendabit hoc se misericorditer facere*. Sicut Apostolus dicit: *Dico enim Christum, unigenitum, sive circumcisiem propter veritatem Dei ad confirmandas promissiones patrum. Gentes autem super misericordia glorificavit Deum (Rom. xv)*. Hoc ergo prædicum est: *Miserebor cui miseratus ero, et misericordiam præstabo cui misericordiam præstitero*. Quibus verbis prohibuit hominem, ne de propriarum virtutum, meritis gloriari, ut qui gloriatur, in Domino gloriatur. Non enim ait: *Miserebor talibus vel talibus, sed cui misericors fuero; ut neminem precedentibus bonis operibus suis, misericordiam tantæ vocationis, meruisse sperare, demonstraret*. Etiam Christus pro impiis mortuus est. Sed utrum hoc idem repetere voluerit, cum addidit: *Misericordiam præstabo cui misericordiam præstitero*, vel sicut alii interpretati sunt, *cui misericors fuero, an aliquid intersit, nescio*. Quod enim Græca lingua duobus verbis dicitur est, *διδωω* et *δωξαίω*, quod unum atque idem videtur significare non potuit Latinis diversis verbis dicere, sed diversis modis eandem misericordiam repetivit. Si autem diceretur, *Miserebor cui misereor, et misereor cui miseratus ero, aut miserebor cui miseratus ero, non satis commode dici videretur; et tamen fortius ille ipse, tibi sensus est; quod autem ipsius misericordie suæ firmitatem Deus, ista repetitione monstravit, sicut amen, amen, sic fiat; sic repetitio sonum Pharaonis, peraque similia, aut in diversis populis, id est, gentibus et Hebræis, hoc modo Deus pronuntiavit misericordiam se esse futurum, quia Apostolus ita dicit: *Sicut enim vos aliquando non credidistis Deo, nunc tamen misericordiam consecuti estis illorum incredulitate, ut et ipsi nunc non crediderunt in vestra misericordia; ut ipsi misericordiam consequantur (Rom. xi)*. Conclimit enim Deus omnes in incredulitate, ut omnium miserentur, etiam iniquos, etiam iniquos, etiam iniquos. Deinde post hanc suæ misericordie commendationem, respondet ad illud: quod ei dictum fuerat, *Ostende mihi gloriam tuam*, vel quia supra petiverat dicens: *Ostende mihi remissionem iniquitatis tuæ, et videam te: Non poteris, inquit, videre faciem meam*. *Non enim videbit homo faciem meam et videt*. Ostendens huic vitæ quæ agitur in sensibus mortalis corruptibilis carnis, Deum sicuti est, apparere non posse, id est, sicut videri in illa vita potest, ubi ut vivatur, hinc vitæ moriendam est. Item interposito articulo dicente Scriptura. Et ait Dominus, sequitur et loquitur. *Ecco locus penes me: Quis enim Iesus non penes Deum est, qui nusquam est absens? Sed**

Ecclesiam significat dicendo, *Ecce locus ponam me* tanquam templum suum commendans. *Et stabis*, inquit, *super petram, quia super hanc petram, ait Dominus, edificabo Ecclesiam meam* (Matth. xvi). Statim ut transiet gloria mea, stabis super petram: Quia post transitum Christi, id est, post passionem et resurrectionem Christi, stetit populus fidelis super petram: *Et ponam te* inquit, *in caverna petrae*. Et munimen firmissimum significat. Alii autem interpretati sunt, in specula petrae: Sed Graecus habet *ὄρη*: hoc enim foramen vel cavernam interpretatur. *Et tegam manum meam super te donec transeam*, et *superam manum meam*, et tunc videbis posteriora mea, *facies autem mea non videbitur tibi*. Cum jam dixisset, stabis super petram statim et transiet gloria mea, ubi intelligitur post transitum suum promississe super petram stabilitatem, quomodo accipiendum est quod ait, *Ponam te in caverna petrae et tegam manum meam super te, donec transeam et superam manum meam*, et tunc videbis posteriora mea: Quasi jam illo in petra consulto, tegat manu sua super eum, et deinde transeat, cum esse in petra non possit, nisi post ejus transitum. Sed recapitulatio intelligenda est rei praetermissae quali solet ut Scriptura in multis locis. Postea quippe dixit, quod ordine temporis prius est: qui ordo ita se habet. Tegam manum meam super te, donec transeam, et tunc videbis posteriora mea, *nam facies mea non videbitur tibi*, et stabis super petram statim ut transiet gloria mea; et ponam te in caverna petrae. Hoc enim factum est in eis, quos tunc significabat persona Moysi, id est, Israelitis, qui in Dominum Jesum sicut Actus apostolorum indicant, postea crediderunt, id est, statim ut transiet ejus gloria. Nam postea quam resurrexit a mortuis et ascendit in caelum, misso desuper Spiritu sancto, cum linguis omnium gentium apostoli loquerentur, compuncti sunt corde multi ex eis qui crucifixerant Christum, quem si cognovissent nunquam Dominum gloriae crucifixissent. *Caecitas ex parte in Israel facta est* (Rom. xi), sicut dictum fuerat: *Tegam manum meam super te donec transeam*. Unde Psalmista ait: *Quoniam die ac nocte gravata est super me manus tua* (Psal. xxxi). Diem appellans quando Christo divina miracula faciebat, noctem, quando sicut homo moriebatur et illi adhaerent, qui in die crediderunt. Hoc est ergo, Cum transiero, tunc videbis posteriora mea: Cum transiero de hoc mundo ad Patrem, posteriora in me credidituri sunt, quorum typum

Tunc enim compuncti corde dixerunt: *Quid faciemus?* (Act. ii.) Et jussi sunt ab apostolis agere poenitentiam, et baptizari in nomine Jesu Christi, ut dimitterentur illis peccata eorum. Quod in psalmo illo sequitur, cum dictum esset, *die ac nocte gravata est super me manus tua*, id est, ut cognoscerem. Si enim cognovissent, nunquam Dominum gloriae crucifixissent. Sequitur et jungit: *Conversus sum in arripua, dum confringeretur spina, id est, cum ossequi corde compunctus*. Deinde addidit: *Pecca-*

*tum meum cognovi, et facinus meum non operui*. Posteaquam viderunt quanto scelere Christum crucifixerant, et qui receperunt consilium, ut agerent poenitentiam, et in baptismoque remissionem acciperent peccatorum. *Dixi*, inquit, *pronuntiabo adversum me delictum meum Domino, et tu remisisti impietatem cordis mei*. Hanc autem prophetiam potius fuisse quam locutus est Dominus ad Moysen, satis res ista indicat, quando quidem de petra vel caverna ejus et de manus ejus superpositione, de visione posteriorum ejus, nihil postea visibili opere subsequutum legitur. Mox enim adjungit, interposito articulo Scriptura, *Et dixit Dominus ad Moysen* cum ipse Dominus utique etiam illa quae supradicta sunt, loqueretur, atque inde contextit quid deinceps Dominus dicat.

## CAPUT XX.

*De eo quod Moyses tabulas legis secundo a Deo impetravit, et de mandatis ad populum datis.*

*Excide tibi duas tabulas lapideas, sicut et primas, et scribam super eas verba quae habuerunt tabulae quas fregisti. Estis paratus mane, ut ascendas statim in montem Sinai stabisque mecum super verticem montis. Nullus ascendat tecum, nec videatur quispiam per totum montem. Oves quoque et boves non pascantur e contra* (Exod. xxxiv). Jubeat Dominus Moysi, ut sit paratus mane statim ascendere in montem Sinai, quatenus stet cum Domino super verticem montis, spiritualiter innuens his qui populo Dei praesunt, ut praeparent corda sua ad accipiendam divinam sapientiam. Mane ergo paratus est ascendere, qui discussis tenebris vitiorum atque carnalium desideriorum, mentem suam elevat ad intuenda caelestia, quatenus in fide catholica firmiter consistens, divinae contemplationis particeps existat. Oves quoque et boves prohibet, ut e contra non pascantur, quia simplices quique atque terrenis operibus incubantes, ad spiritualium ac divinorum mysteriorum meditationem non sufficiunt. *Excidit ergo duas tabulas lapideas quales ante fuerunt, et de nocte consurgens, ascendit in montem Sinai, sicut ei praeeperat Dominus, portans secum tabulas. Cumque descendisset Dominus per nubem stetit Moyses cum eo invocans nomen Domini*. Quid est Dominum descendere per nubem, nisi in velamento misteriorum se investigandum praebere. Unde Propheta dicit: *Posuit tenebras latibulum suum* (Psal. xvii). Et in Job: *Nubes, ait, latibulum ejus* (Job. xxii). Ut secundum Apostolum, *Nunc videamus per speculum in aenigmate* (I Cor. xii). *Tunc autem*, id est, tempore universalis judicii, quando fuerimus translati de morte ad vitam, de corruptione ad incorruptionem, *revelata facie gloriam Domini contemplantur*. Interim ergo donec illucescat dies, et inclinentur umbrae, juxta exemplum Moysi, simus cum eo, et invocemus nomen Domini: intentius deprecantes, quatenus per gratiam suam et secundum multitudinem misericordiae suae, ad ea quae intelligenda illuminare, ad ea

quæ agenda sunt, nos adjuvare dignetur. Quo trans-  
*mittit coram eo, ait : Dominator Domine Deus, misericors et clemens, patiens et multa miserationis ac*  
*verus, qui custodie misericordiam in millia, qui auferis*  
*iniquitatem et scelera atque peccata, nullusque apud*  
*te per se innocens est. Nullus, ait, apud te per se innocens*  
*est. Quomodo apud Deum quis per se innocens*  
*esse poterit, cum Scriptura dicat : Non est homo*  
*super terram qui faciat bonum et non peccet (II Pa-*  
*ral. vi). Et alibi : Astro, inquit, non sunt munda in*  
*conspectu ejus, et in angelis suis reperit pravitatem*  
*(Job. iv). Ac inde necessario unusquisque ab illo re-*  
*probat mandari, qui solus est sine macula, solusque*  
*habet immortalitatem, et lucem habitat inaccessi-*  
*bilem. Cui psalmus dicit : Amplius lava me ab in-*  
*justitia mea, et a delicto meo munda me. Ecce enim*  
*in iniquitatibus conceptus sum, et in delictis peperit*  
*me mater mea (Psal. l). Et in libro Job : Quis pos-*  
*te, inquit, mundum facere de immundo conceptum*  
*semine, nonne tu qui solus es? (Job. xiv). Sequitur,*  
*Qui reddis iniquitatem patrum in filiis ac nepotibus*  
*in tertiam et quartam progeniem. Cum per pro-*  
*phetam Dominus alibi dicat : Filius non portabit in-*  
*iquitatem patris, neque pater iniquitatem filii : justitia*  
*justi super eum erit, et impietas impii erit su-*  
*per eum, etc. (Ezech. xviii), quid est quod nunc per*  
*Moysem Domino dicitur, Qui reddis iniquitatem pa-*  
*trum filiis ac nepotibus? Sed in utraque hac sententia*  
*dum dissimilis sensus invenitur, auditoris animus ut*  
*discretionis viam subtiliter requirat instruitur. Pec-*  
*catum quippe originale a parentibus trahitur et nisi*  
*per gratiam baptismatis solvatur, etiam parentum*  
*peccata portamus, qui unum adhuc videlicet cum*  
*illis sumus. Redditur ergo iniquitas patrum in filiis, dum*  
*pro culpa parentis ex originali peccato anima polluitur*  
*prolis. Et rursum, Non redditur parentum iniqui-*  
*tas in filiis, quia cum ab originali culpa per bap-*  
*tismum liberamur, non jam parentum culpas, sed*  
*quas ipsi committimus, habemus. Quod tunc intelligi*  
*etiam aliter potest, quia quisquis pravi parentis*  
*iniquitatem imitatur, etiam ex eis delicto constringitur.*  
*Quisquis autem parentis iniquitatem non imi-*  
*tatur, nequaquam delicto illius gravatur. Unde fit*  
*ut iniquus filius iniqui patris non solum sua quæ*  
*addidit, sed etiam patris peccatum persolvat : cum*  
*viis patris, quibus iratum Dominum non ignorat,*  
*etiam suam adhuc malitiam adungere non formidat.*  
*Et justum est, ut qui sub stricto iudice vias parentis*  
*iniqui non timet imitari, cogantur in vita presentis,*  
*etiam culpas parentis iniqui persolvere. Unde et illic*  
*dictum est : Anima patris mea est, anima filii mea est,*  
*Anima quæ peccaverit, ipsa morietur. Quia in carne*  
*nonnunquam filii, etiam ex patris peccato perimuntur,*  
*delicto autem originalis peccati, ex parentum nequitia,*  
*anima non tenetur. Quid enim est quod parvuli filii*  
*plerumque a demonibus arripiuntur, nisi quia caso*  
*filii ex patris poena multatur? In semetipso enim per-*  
*cutitur pater iniquus et percussio vim sentire*  
*contemnit. Plerumque percutitur in filiis ut acrius*

uratur, et dolor patris in carnem filiorum redditur,  
 quatenus filiorum poenis, mens patris iniqua poeniatur.  
 Cum vero non parvuli, sed jam provectiores filii  
 ex parentum culpa feriuntur, quid aliud aperte da-  
 tur intelligi, nisi quod illorum etiam poenas luunt,  
 quorum facta secuti sunt? Unde recte dicitur, *Usque*  
*ad tertiam et quartam progeniem. Qui enim usque*  
*ad tertiam et quartam progeniem, eam quam imi-*  
*tantur filii parentum vitam possunt videre, usque*  
*ad eos ultio extenditur qui viderunt quia male se-*  
*quenter.*

*Festinusque Moyses curvatus est pronus in terram,*  
*et adorans ait : Si inveni gratiam in conspectu tuo,*  
*Domine, obsecro ut gradiaris nobiscum (populus enim*  
*dura cervicis est), et auferas iniquitates nostras atque*  
*peccata, nosque possideas. Respondit Dominus : Ego*  
*inibo pactum, videntibus cunctis signa faciam, quæ*  
*nunquam sunt visa super terram, nec in illis gentibus,*  
*ut cernat populus in cuius es medio, opus Domini*  
*terribile, quod facturus sum. Quid est quod Moysi*  
*deprecanti pro salute populi sibi commissi, quatenus*  
*Dominus gratiam suam illis concederet, eorumque*  
*peccata atque delicta auferret. Respondit Dominus,*  
*Ego inibo pactum, videntibus cunctis signa faciam,*  
*quæ non sunt visa super terram, etc. Quæ sunt illa*  
*signa, quæ nunquam sunt visa super terram? An*  
*forte signa illa ad Novum Testamentum pertinent,*  
*incarnationis videlicet, passionis ac resurrectionis*  
*Domini? De quibus signis ad perfidum regem, qui*  
*noluit jussus a Domino petere, Isaias propheta ait,*  
*Audite ergo domus David : Nunquid parum est vos*  
*molestos esse hominibus, quia molesti estis et Deo*  
*meo? Propterea ipse Dominus dabit vobis signum.*  
*Ecce virgo concipiet et pariet filium, et vocabis nomen*  
*ejus Emmanuel. Butyrum et mel comedet, ut sciat re-*  
*probare malum, et eligere bonum (Isai. vii). Tuque*  
*ergo vere cum populo Dei initum est pactum,*  
*quando per Christi adventum in mundo prædicatum*  
*est Evangelium. Observa cuncta quæ hodie mandavi*  
*tibi. Ego ipse ejiciam ante faciem tuam Amorrhæum,*  
*et Chanæum, et Hethæum, Pheræum quoque et*  
*Hevæum, et Jebusæum. Quid est quod dicitur ad*  
*Moysem, Observa cuncta quæ hodie mandavi tibi.*  
*Nunquid de populo dicere voluit, cuius ipse de-*  
*ctor fuit? sed non ipse introduxit populum in eam*  
*terram, ubi perhibet poni testamentum sive pa-*  
*ctum cum eis, qui in illa habitabant. Cave ne*  
*unquam cum habitatoribus terræ illius, jungas ami-*  
*citias, quæ tibi sint in ruinam, sed aras eorum, de-*  
*strue, confringe statuas, lucosque succide. Noli*  
*adorare Deum alienum; Dominus, zelotes nomen*  
*ejus, Deus est amulator. Ne in eas pactum cum*  
*hominibus illarum regionum: ne cum fornicati fuerint*  
*cum diis suis, et adoraverint simulacra sua, vocet te*  
*quispiam ut comedas de immolatis. Nec uxorem de*  
*filiabus eorum accipies filiis tuis, ne postquam ipse*  
*fuerint fornicatæ, faciant et filios tuos in deos suos.*  
*Deos constables non facies tibi. Cum præciperet Deus*  
 loquens ad Moysen, ut data terra in potestate, omnis



idololatría everteretur, nec adorarentur dii alieni, A ait : Dominus enim Deus zelans nomen, Deus zelator est, id est, ipsum nomen quod Dominus Deus dicitur, zelans est, quia Deus zelator est, quod non humanae perturbationis vitio facit Deus, semper atque omni modo incommutabilis atque tranquillus; sed hoc verbum indicat, non impune plebem suam per alienos Deos fornicaturam. Ductum est enim verbum tropo metaphora a zelo maritali, qui castitatem custodit uxoris, qui nobis prodest, non Deo. Quis enim tale genere fornicationis Deo nocuerit, sed sibi plurimum ut pereat : (Ex Origene.) quia Deus prohibet terrore gravissimo, zelantem se appellans : cui dicitur in psalmo : *Perdidisti omnem qui fornicatur abs te. Mihi autem adherere Deo bonum est* (Psal. LXXII). Dehinc Scriptura eadem repetit, quæ in prioribus commendavit, hoc est, de tribus festivitibus præcipuis, et de primogenitorum oblatione, et de primitiis frugum, quæque in anterioribus juxta sensum Patrum exposita sunt, non necessario credimus hic tenuo iterari. *Et erat tibi Moyses in conspectu Domini quadraginta diebus et quadraginta noctibus, panem non manducavit, et aquam non bibit, etc.* Quæ et ante dixerat, quando tabulas accepit quas fregit. Hoc etiam modo repetit, non recapitulando quod factum est, sed iterum quod factum est commendans. (Ex Isidoro.) Repetitio quippe legis jam quid significet diximus, hoc est, tabulæ imaginem demonstrabant priscae legis, non post longo intervallo populi peccato cessantis. Aliæ vero ad instar priorum iteratim incisæ, Novi Testamenti habuere figuram : istæ non franguntur, ut ostenderentur Novi Testamenti eloquia permansura. Unde et merito x verbis legenda significatur, ut per eundem numerum figura crucis exprimeretur. Hujus enim forma in decas x littera est. Nam x recto uno apice a sommo in imum ducitur, sursum alio non dispari tramite per transversa brachiorum componitur. Unde et ipse ait : *Non veni legem solvere, sed adimplere* (Matth. v); utique per passionem crucis, cujus imago fuit in tabulis. Quod autem ait : *Panem non manducavit, et aquam non bibit*, intelligitur jejunavit, a parte totum, id est, nomine panis omnem cibum, et nomine aquæ omnem potum, significante Scriptura. Quid autem sibi velit, quod Moyses quadraginta diebus jejunaverit, cujus actionis quædam figura est in hujus numeri consideratione : quadragenario enim numero et Moyses et Elias, et ipse Dominus jejunaverunt; præcipitur enim nobis ex lege et prophetis, et in ipso Evangelio, quod testimonium habet a lege et prophetis. Unde etiam in monte inter utramque personam medius Salvator effulsit, ut ab omnibus mundi illecebris aviditatem nostram tanquam jejunio temperantiæ refrenemus, quandiu perfectio decalogi legis per quatuor ejusdem mundi partes, id est, toto orbe prædicatur, ut decem quater ducta, quadragenarium numerum signent. *Et scripsi in tabulis verba Testamenti decem*; de Moysse dictum est, quod ipse scripserit. Cui etiam Deus paulo ante

dixerat : *Scribe tibi verba hæc.* Cum vero primum legem accepit, cujus tabulas abiecit et fregit, nec ipse excidisse dictus est tabulas lapideas, et modo dictum est : *Excide tibi duas tabulas lapideas*; nec ei dictum est ut scriberet, sicut ei modo dicitur, nec eas ipse scripsisse narratur, sicut modo narrat. Scriptura et dicit : *Scripsit in tabulis Testamenti decem verba, sed tunc dictum est : Et dedit Moysi statim et cessavit loqui ad eum in monte Sina, duas tabulas Testimonii, tabulas lapideas, scriptas digito Dei.* Deinde paulo post : *Conversus, inquit, Moyses descendit de monte, et duas tabulas lapideas scriptas utraque parte, hinc atque hinc, erant scriptæ, et tabulæ opus Dei erant. Et scriptura Dei est sculpta in tabulis.* Proinde magna oritur quæstio, quomodo illæ tabulæ, quas erat Moyses Deo utique præsciente facturus, non hominis opus dicantur esse, sed Dei; nec ab homine scriptæ, sed scriptura Dei, digito Dei; posteriores vero tabulæ tandiu mansuræ, et in tabernaculo ac templo Dei futuræ, jubente quidem Deo, tamen ab homine excisæ sint, ab homine scriptæ. An forte in illis prioribus gratia Dei significabatur? Non hominis opus, quo gratia indigni facti sunt revertentes corde in Ægyptum, et facientes idolum, unde illo beneficio privati sunt, et propterea Moyses tabulas fregit. Istis vero tabulis posterioribus significati sunt, qui de suis operibus gloriantur. Unde dicit Apostolus : *Ignorantes Dei justitiam, et suam volentes constituere, justitiæ Dei non sunt subjecti* (Rom. x) : et ideo tabulæ humano opere conscriptæ datæ sunt, quæ cum ipsis manerent, ad eos significandos de suis operibus gloriaturos, non de digito Dei, hoc est de Spiritu Dei.

Certe ergo repetitio legis Novum Testamentum significat : illud autem Vetus significabat. Unde confectum et abolitum est, maxime quoniam cum secundo lex datur, nullo terrore datur, sicut illa in tanto strepitu ignium, nubium et tubarum. Unde tremefactus populus dixit : *Non loquatur Deus ad nos, ne moriamur.* Unde significatur timor in Veteri Testamento, in Novo dilectio. Quomodo igitur hæc solvitur quæstio, quare illæ opus Dei, istæ opus hominis? et illæ conscriptæ digito Dei, istæ scriptæ ab homine? An forte ideo magis illis prioribus vetus significatum est Testamentum, quod Deus sibi præcepit, sed homo non fecit? Lex enim posita est in Veteri Testamento, quæ convinceret transgressores, quæ subintravit ut abundaret delictum. Non enim implebatur timore, quæ non impletur nisi charitate. Et ideo dicitur opus Dei, quia Deus legem constituit. Deus conscripsit nullum opus hominis : qui homo Deo non ostempéravit, et eum potius reum lex fecit. In secundis autem tabulis homo per adjutorium Dei tabulas fecit atque conscripsit, quia Novi Testamenti charitas legem fecit. Unde dicit Dominus : *Non veni legem solvere, sed adimplere.* Dicit autem Apostolus : *Plenitudo legis charitas, et fides quæ per dilectionem operatur* (Rom. xiii). Factum est itaque homini facile in Novo Testamento, quod in Veteri difficile fuit,

habenti fidem, quæ per dilectionem operatur, atque A  
 suo digito Dei, hoc est, Spiritu Dei intus eam in corde  
 scribente, non foris in lapide. Unde dicit Aposto-  
 lus: *Non in tabulis lapideis, sed in tabulis cereis*  
*scripturam, quodammodo charitas Dei (Rom. vi) quæ ve-*  
*lante impletur preceptum, diffusa est in cordibus*  
*nostris per Spiritum sanctum, qui datus est nobis.*  
 Hæc est ergo prius data lex, ubi significatur Ve-  
 lamen Testamentum, quæ est opus tantummodo Dei, et  
 conscriptio digni Dei, quæ Apostolus dicit: *Intus*  
*res quædam habetur, et mandatum sanctum, et iustum,*  
*in voluntate.* Lex ergo sanctorum et bonorum Dei opus est, ubi  
 homo nihil agit, quia non obtemperat, sed reatu  
 potius premitur, lege infante atque damnanter: *Peccatum*  
*enim, inquit, ut appareat peccatum: per bonum*  
*inquit operatum est mortem.* Beatus autem homo  
 est, cum hoc mandatum sanctum et iustum, et do-  
 cum est etiam opus eius, sed per gratiam Dei.  
 CAPUT XXI.  
 De descensione Moysi de monte, cuius faciem cornu-  
 tam sive velamine sive Israel videre non poterant,  
 quæ dicitur: *Exposuit verbum Domini et de sabbato est*  
*Quæque ascendit Moyses de Monte Sinai, tene-*  
*bat duas tabulas testamenti, et ignorabat quod comata*  
*isset faciem suam: et in conspectu hermonis Dei. Videntes*  
*autem Aaron et filii eius, cornutam Moysi faciem,*  
*timuerunt prope accedere, notati que ab eo reversi sunt,*  
*et dixerunt: Quam quæ principis synagoga. Et postquam*  
*locutus est, tulerunt ad eum etiam omnes filii Israel,*  
*quibus precepit danda quæ audierat a Domina in*  
*Monte Sinai. Impletaque sermonibus, posuit velamen*  
*super faciem suam: quæ ingressus est ad Dominum,*  
*et loquutus est ei, quæ fecerat dante ceteris, et luna do-*  
*tegebantur ad filios Israel omnia: quæ tibi fuerant*  
*recepta: Qui volebat faciem egredientis Moysi esse*  
*obornatam, sed operabat versus ille faciem suam,*  
*inquando loquebatur ad eos (Exod. xxxiv).*  
 Quod vero descendente denuo Moysè cum tabulis,  
 facies ejus glorificata videtur, sed tamen velamine  
 legitur, hoc significabat ut ostenderet eandem le-  
 gem mystico esse velamine coopertam tectaque  
 infidelibus et occultam. Sermo quippe legis habet  
 scientie gloriam, sed secretam. Habet et cornua  
 quorum testamentorum, quibus contra dogmata  
 falsitas incedit armata. Cum autem Moyses legitur,  
 velamen est positum super cor eorum, et manifeste  
 dum legis et prophetarum scripta per nihilam stoli-  
 ditatem cordis carnaliter accipiunt infideles, illis tota  
 facies Moysi quodam velamine legitur, ita ut non  
 possint loquentis legis gloriam sustinere. Sed si con-  
 versi fuerint ad Deum, auferetur velamen. Occidens  
 litera morletur, vivificans spiritus suscitabitur, Do-  
 minus enim spiritus est, et lex spiritualis est. Unde  
 et David orabat in psalmo: *Reverta oculos meos, et*  
*considerabo mirabilia de lege tua (Psal. cxviii).*  
 Igitur congregata omni turba filiorum Israel dicit  
 ad Moysen: *Hæc sunt quæ jussit Dominus fieri (Exod.*

xxxv). Hæc, inquit, verba quæ dixit Dominus fieri, vel  
 juxta istam editionem, quæ dicit Dominus facere  
 ea, ambigere positum est, utrum facere ea ipse Do-  
 minus an illi. Sed utique manifestum est quod illius  
 sint, quippe illa, quæ fierent. Sed forte idcirco sic pos-  
 tum est, ut ex utroque acciperetur, quia Dominus facit,  
 cum facientes approvat secundum illud Apostoli: *In timore*  
*et tremore vestram imperantiam operamini*  
*(Philip. ii).* Dominus enim est qui operatur, et homines qui  
 velle, et operari, pro bona voluntate: *Sex dies faci-*  
*stis opus: septimas dies erit vobis sicutus: sabbatum*  
*et requies Domini.* Posteaquam descendit Moyses de  
 monte, opera commendantur tabernaculo consociandi  
 et vestis sacerdotalis. De quibus faciendis antequam  
 aliquid præciperet, locutus est ad populum de sabbati  
 observatione. Ubi non immerito movet, cum decem  
 verba legis acceperit in tabulis lapideis iterum, quas  
 ipse excidit, ipse conscripsit, quare de solo sabbato  
 posteaquam descendit, populum admonuit? Si enim  
 propterea decem præcepta legis, superfluum fuit ut  
 populus iterum audiret, cur non fuit superfluum, ut  
 de sabbato denuo audiret? Cur et hoc in eisdem præ-  
 ceptis x legatur? An et hoc simile est velamine,  
 quo faciem obtexit, quia splendorem vultus ejus filii  
 Israel non poterant intueri? Nam ex x præceptis hoc  
 solum populo præcepit, quod figurate hæc dicitur est.  
 Alia quippe ix sancta præcepta etiam, in Novo Te-  
 stamento observanda, minime dubitamus. Illud ve-  
 lamen unum de sabbato, usque ad o figurata diei se-  
 rvari observatione apud Israelitas velatum fuit, et  
 in mysterio præceptum, et quodam sacramento figu-  
 rabatur, ut nonne a nobis non observetur. Sed solum  
 quæ significabat intueamur. In illa autem requie ubi  
 opera servilia jubentur cessare, magna est altitudo  
 gratiæ Dei. Tunc enim sunt cum requie opera bona,  
 cum fides per dilectionem operatur. Timor autem  
 tormentum habet, et in tormento quæ requies? Unde  
 timor non est in charitate. *Charitas diffusa est in*  
*cordibus nostris per Spiritum sanctum, qui datus est*  
*nobis (Rom. v).* Ideo sabbatum requies sancta Do-  
 mini, Dei scilicet gratiæ tribuenda non nobis velut  
 ex nobis. Alioquin nostra opera sic erunt, ut sint  
 humana, aut peccata: aut enim timore, non eum di-  
 lectione. Et ideo servilia sine requie. Plenitudo au-  
 tem sabbati erit in requie sempiterna. Non enim  
 frustra institutum est et sabbatum sabbatorum su-  
 perius. Quando prius locutus est Deus de tabernacu-  
 culo unguendo, dixit eadem unctione sanctificari illa  
 omnia, et fieri Sancta sanctorum. Altare autem ho-  
 locaustomatam, eadem unctione sanctificatum, dixe-  
 rat fieri Sanctum sancti. Et hoc interesse videbatur,  
 qui nihil eorum dixisset Sanctum sanctorum, nisi  
 quod tantum velo separabatur a sancto, id est, ubi  
 erat arca testamenti et altare incensum. Nunc autem  
 cum eadem repeteret, dixit de tabernaculo uncto, et  
 his quæ in illo essent, quæ ea unctione sanctifica-  
 rentur et fierent sancta. Illud autem altare holocau-  
 stomatam, de quo prius dixerat, quod fieret San-  
 ctum sancti, eadem unctione nunc dixit fieri San-

324; ita dominus dicitur quod dicitur in libro de divinis nominibus. **De eo quod dicitur: Sanctum sancti, quantum valet quod dictum est, Sancti sanctorum.** Ad hoc illa omnia sancta id est, totum tabernaculum, et quaequeque in eo essent, quae prius appellaverat Sancta sanctorum, tantumdem valere quod nunc ait, sancta. Nec unumquodque eorum dicitur tantummodo ipse, ista enim rationem, Sanctum sancti, verum etiam Sanctum, sanctorum, sicut, altare, holocaustarium, in jam nihil intersit, quantum ad hanc appellationem attinet, inter illa quae interiora intra vestibula fuerant, id est, ubi erat arca testimonii, et caetera foris, nisi quod illa interiora ita dicebantur Sancta sanctorum, Sanctum sanctorum, ut etiam ante unctio nem nisi appellarentur. Caetera vero unctio ne sanctificata sunt, ut hoc nomen acciperent, quod otio disautendum est, quid ista significarent. Qui fecerit opus in eo, occidit. Non accendit ignem in omnibus habitaculis vestris, nec diem sabbati. Opera necessaria, peccatorum, prohibet facere, nec non et ignem cupiditatis atque furoris, tam in corporibus humanis, quam etiam in conventibus universis, vitari, incendere. Magisque persuadet, in sabbato spirituali officio, et contemplationi, iacere divina, quae sicut salubris est omnibus charitatis flamma semper fervens, ita et cunctisnoxium est cupiditatis igne acceptibiliter assuere.

CAPUT XIII

**De eo quod Moyses ex sermone Domini praecepit populo, ut prepararent primitias et animo voluntario offerrent Dominum, ad constructionem tabernaculi.** **Ed ait Moyses ad omnes ceterumque filiosque Israel: Iste est sermo quem mandavit Dominus dicens: Separata apud vos primitias Dominum. Omnis voluntarius de prompto animo offerat eas Dominum: aurum, et argenti, et byssum, et hyacinthum, et purpuram, et coccum, et byssum, et byssum, et caprarum, et pelles arietum, rubricatas, et hyacinthinas. Ligna acipim, et oleum ad luminaria concinnanda: et conficiatur incensum, et thymiana, suavissimum. Lapidem onychinum, et gemmas ad ornatum superhumeralis, et rationalis (Exodi xxxiv).** In potissimum tantum Moyses protulit, quae Dominus opera fieri praeceperit, tabernaculum, scilicet cum omnibus quae in eo essent, et veste sacerdotali. Commemoravit autem quosdam quibus dixit Spiritum divinitus datum, quod illa effacere possent, et tamen multi intelliguntur sponte ad eadem opera venisse, quibus neque imperatum est, nec eorum nomina commemorata sunt a Domino, dicta Moysi. Non ergo illi soli hoc munus divinum habuerunt, qui nominatim commemorantur, sed fortasse praecipue atque excellentius. Laudandus est autem in his omnibus non attractus ad opus serviliter animus, sed liberaliter sponte devotus. **Quisquis vestrum est sapiens, veniat et faciat quod Dominus imperavit.** Notandum quod illi, qui sapientes appellantur, effectores operum sancti, etiam moribus tales erant, ut cum ipsi susciperent omnia,

A qua populus offerere existimans necessaria, ex quibus illa omnia complerentur, viderunt plus offerri, quam erat necesse, et dixerunt Moysi: **Aliguo ille per precorem ultra, populum offerre, prohibuit.** Poterant autem si vellet multa offerre, sed modestia prohibuit, vel regio tenuit. Tabernaculum, scilicet et lectum eius, atque operimentum, et caetera. Operuntur autem, uno studio, et tamen dixerat doctrina ad constructionem tabernaculi, iuxta quod scriptum est: **Aurum, argentum, et lapides preciosos. Tunc caetera byssum, coccum, hyacinthum, et purpuram, pelles etiam arietum, rubricatas, et pelles hyacinthinas, sed et ligna imputribilia, pilos quoque caprarum, ad constructionem tabernaculi, sed et quidquid in cultum et ad vestes sanctas necessarium erit, viri cum mulieribus praebuerunt.** **Armillas et in aures, et annulos, et dextralia.** Omnia vas aureum in donaria Domini separatim est. Si quis habuit hyacinthum, purpuram, coccum, et tinctum, byssum et pilos caprarum. Figuram itaque prioris tabernaculi Ecclesiaeque, superius, latius exponendo, juxta Patrum multiplicem sensum prosequi coepimus, et nunc breviter ob commemorationem idipsum repetimus. **Fides enim Ecclesiae auro comparatur: sermo praedicationis, argento, et patientia.** Quod vero quae in ornamento sive tabernaculo necessaria sunt, viri cum mulieribus praebent, hoc significat, quibus intra Ecclesiam virtutes fortium, quae per viros exprimiuntur, et exigua opera infirmorum, quae per mulieres intendantur, omnia locum inveniant, et ad usum sanctae edificationis accipiantur. Collatio vero ipsa non sit necessitate, sed sponte, quia fides spontanea est. Nam per armillas quae lacertos astringunt, praepositorum valde laborantium opera demonstratur. Per in aures subditorum obedientia exprimitur, per annulos, signaculum secretorum, unde et quaedam minus intelligentibus occultantes, quasi sub signaculo recondunt, doctores, ad indignis quibusque Dei sacramenta credantur, unde et iustus sapienter et dicit: **In corde meo abscondi eloquia tua, ut non peccem tibi.** (Psalm. cxviii). Porro per dextralia, opera bona et dextra, commemorantur. Vas aureum in donaria Domini, reparatum, divinitus intelligentia accipitur, quae tam ab inferiorum amore, disjungitur, quanto ad sola quae aeterna sunt, amanda sublevari. Porro per hyacinthum spes caelestium, per purpuram, cruor ac tolerantia passionum, amore regni perpetui exhibita. Per bis tinctum coccum charitas demonstratur, quae perfectione sui bis tingitur, qui Dei et proximi dilectione decoratur. Per byssum, immaculata, carnis incorruptio, et splendidissimum sanctimoniam, candor ostenditur. Byssus enim limum est candidum, per pilos autem caprarum, ex quibus ciliciorum asperitas, textur, dura penitentiae afflictio designatur. Dum igitur alii per armillas et annulos sorte, magistrorum exercere, alii per in aures et dextralia devotam audiendi obedientiam rectamque operationem exhibent, alii per vas aureum praecellente subtilioremque Dei intelligentiam tenent, alii

per hyacinthum, purpuram, et coccum, audita celestia sperare, credere, amare non desinunt, etiam que adhuc subtiliori intellectu minime cognoscunt, alii per hyssum incorruptionem carnis offerunt, alii per caprarum pilos deplorant aspera que libenter admitterunt; eorum ex tanta diversitate operum, unum equifitatur tabernaculum, sicut ex diverso pulvere, una compingitur terræ gleba, infusione sancti Spiritus irrigata. Jam porro ligna Sethim impatibilia omnes sancti intelliguntur, mente et corpore incorrupti, nequa cum sæculo pereuntes, semper manentes æterni. Lapidés quoque pretiosi, confessores, apostoli, sacerdotes, omnesque justi. Quos etiam lapides vivos beatus Petrus apostolus dicit: *Ut sitis, inquit, lapides viri, cœdificati in templo Dei (I Petr. u)*. Hæc igitur omnia offeruntur in tabernaculum Dei, ut nullus desperet salutem. Offert super hæc et aliud aurum, sensum; aliud argentum, eloquium; aliud vocem, æa; sicque multa sunt in tabernaculo Dei; mensa scilicet et candelabrum; altare, columna, basca, tabula, crateræ, scyphi, thuribula, phialæ, mortariola, emunctoria, paxilli, tentoria, quibus diversitatibus tota illa tabernaculi, id est, Ecclesia pulchritudo distinguitur. Nam tabernaculum Ecclesia est, in qua est mensa, id est, unitas fidei, vel certe Scriptura sacra, qua universi fideles spirituali cibo pascentur. Candelabrum quoque cum septem lucernis, Christus cum septem ecclesiis. Emunctoria quoque ejus, hoc est, geminum testamentum, et columnæ, doctores sancti, firmitate fidei solidati; necnon et bases, id est, prophetae suo fundamine structuram gestantes Ecclesie. Ibi etiam et tabulæ, apostoli prædicationis latitudine dilatati; ibi tentoria, prepositi videlicet et prædicatores, qui exterius laborant contra hujus sæculi turbines. Sunt ibi et crateræ, id est, distributiones hominum; sunt et paxilli, hoc est, principes et prædicatores Ecclesie, quibus pendent omnia genera populorum quasi vasorum; scyphi quoque, doctrine eloquia sive sensus. Necnon et thuribula, virtutes scilicet honorum operum, vel orationes sanctorum, quibus odor suavitatis ascendit ad Dominum. Phialæ quoque, apostoli et doctores pleni vitalibus aquis. Ibi lilia, virginitatis candor; sive mortariola, laborum passionumque tolerantie, quibus mortificantur membra penitentium. Et hæc quidem species dispensationesque donorum sunt divise per Spiritum sanctum fidelibus, ut singulis distributionibus perfectum Christi tabernaculum construatur, in quibus habitat Deus in medio eorum. Quod autem subsequitur: *Principes vero obtulerunt lapides onychinos et gemmas ad superhumeralé et rationale, aromataque et oleum ad luminaria concinnanda, et ad præparandum unguentum ac thymiana odoris suavissimi componendum*, significat apostolos apostolicosque viros, sacerdotes ac doctores fidelium, ministrum virtutum opera sermone atque exemplis, decorem ministerii sacerdotalis decenter præparare; quatenus per eorum studium atque impensam in sancta Ecclesia

A fulgeat lumen scientiæ, atque exemplum boni operis: sermo luculentus ad instruendos auditores, bona fama sanctæ conversationis, ad commendandam sanctæ religionis gratiam: his, qui in domo Dei honeste conversantur, ut eorum exemplo discant illorum subjecti, Domino spontanea corda, oris atque operis vota persolvere. Unde subjungitur: *Omnes viri et mulieres mans devota obtulerunt donaria, ut fierent opera que jussarat Dominus per manum Moysi. Cuncti filii Israel voluntaria Domino dedicaverunt. Non utique contra Apostolum ex tristitia aut necessitate, sed alacri corde ac pia devotione, quia hilarem datorem diligit Deus.*

## CAPUT XXIII.

De eo quod Moyses ad magisterium tabernaculi ex præcepto Dei, Beseleel filium Huri de tribu Juda, et Ooliab filium Achisamech vocavit.

Dixitque Moyses ad filios Israel: *Ecce vocavit Dominus ex nomine Beseleel filium Huri filii Hur de tribu Juda, implevitque eum spiritu Dei, sapientia et intelligentia, et scientia et omni doctrina, ad excogitandum et faciendum opus ex auro, et argento et ære, sculptendisque lapidibus, et opere carpentaria. Quicquid fabre adinveniri potest, dedit in corde ejus. Ooliab quoque filium Achisamech de tribu Dan. Ambo eruditio sapientia, et factant opera abietarii, polymerarii, ac plumarii, et cætera (Exod. xxxv)*. Per istos tabernaculi typici artifices exprimuntur veri tabernaculi spirituales opifices. Nam et nomina eorum horum officia designant. Beseleel quippe *in umbra Dei interpretatur. Hur ignis, Huri lux mea, Judas confessio, Ooliab protectio mea pater, Achisamech fratrem meum roborans, et Dan judicium vel judicans, in Latina lingua resonat. Igitur doctores sancti, qui prædicanturæ sue spirituale ædificolum domus Dei fabricant, Bene umbra Dei nuncupari possant, qui in divina defensione confidunt. In quorum persona Psalmista dicit: *In umbra alarum tuarum sperabo, donec transierit iniquitas (Psal. xvi)*. Ipsi ignis aut lumen vite nominantur, qui zelo spirituali accensi, lumen fidei ac scientiæ spiritualis auditoribus suis impendunt, atque confessionis catholice normam ostendunt. Hi quoque protectionem Dei patris habentes in iudicio et justitia, fratres suos quatenus in fide catholica et bonis operibus perseverent, exhortando corroborant. Nec non et illud præ considerandum est, quia non solum ille qui de tribu regali ortus est, quin etiam iste qui de ancilla natus est, ad magisterium operis Dei eligitur. Beseleel quoque ex tribu Juda qui de Lia libera natus est processit, et Ooliab de tribu Dan qui fuit filius Bala ancillæ Rachel progenitus est; spiritualiter nobis innuens, quia non solum nobiles, sed etiam ignobiles, quantum ad sæculi dignitatem pertinet, ad regimen Ecclesie eliguntur, quia juxta Petri vocem, non est personarum acceptor Deus, sed in omni gente qui timet Deum et operatur justitiam, acceptus est illi. Non enim Deus nobilitatem carnis, sed nobilitatem animi pensat, et solummodo recta fide et bonis operibus apud*

Deum discernitur ab illis. Præterea in ipsa electione artificem potest secundum mysterium accipi, quod non solum ex Judæis, sed etiam ex gentibus doctores Ecclesie sue Dominus esse voluit. Unde in libro Numerorum, ubi filii Israel castra metati sunt circa tabernaculum, Judas ab Oriente castra metatus est, et Dan ab Aquilone. In Oriente ergo Dominus primum ex Judæis primitivam Ecclesiam constituit, postea de vocatione gentium, hoc est, ex paganis, qui de regno illius qui ad aquilonem solium suum constituere legitur, ad ipsum confugerunt, gratia sue exoptantes esse noluit, sed dignitatem ecclesiasticam percipere, et ad corporis sui unitatem pertinere decrevit.

CAPUT XXIV.

De erectione tabernaculi, et gloria Domini apparente super illud.

Igitur mensis primo anni secundi, in primo die mensis collocatum est tabernaculum, erectique illud Moyses, et reliqua (Exod. xl). Quod autem primo mensis anni secundi, primo die mensis erigitur tabernaculum, quid significat, nisi constructionem Ecclesie per adventum Christi? Primum ergo annum, omne tempus legis ante incarnationem Salvatoris nostri accipere, ut secundus annus ab adventu mediatoris Dei et hominum, usque ad consummationem sæculi intelligatur. Quasi ergo primo mense, primo die mensis tabernaculum erigitur, cum in initio gratia per Redemptorem nostrum omnis Ecclesie operans construitur, ac decore nova Jerusalem sponsa videlicet celestis regis qui de caelo descendit, qualis a fidelibus animabus tenante Evangelio, demonstratur. Post autem, hoc est in resurrectione vivorum et mortuorum, jam manifestabitur apostolo, qui nunc latet in enigmate. Et sicut in primo anno congregatis impensis, ejusdem structurae preparatus sumptus futuro operi sub-

stituendus erat, ita electorum omnium qui fuerunt ab initio mundi, usque ad adventum Domini servio vel opus, ad structuram sanctæ Ecclesie per ipsum Salvatorem ædificandæ conveniens, per scriptores Veteris Testamenti colligitur, ut doctores Evangelii sumptus habeant prisce legis, in attestacione Evangelii ad confirmandam fidem credentium. Sequitur: Postquam cuncta perfecta sunt, operuit nubes tabernaculum testimonii, et gloria Domini implevit illud, nec poterat Moyses ingredi lectum sedaria, nube operiente omnia, et majestate Domini coruscante, quia cuncta nubes operuerat. Si quando nubes tabernaculum desererat, proficiscebantur filii Israel per turmas suas. Si pendebat desuper, manebant in eodem loco. Nubes quippe Domini incubabat per diem tabernaculo, et signis in nocte, videntibus populis Israel per cunctas mansiones suas. Notanda est res multum mirabilis, quia nube descendente et implente tabernaculum, quæ tamen gloria Domini dicitur, non poterat Moyses intrare tabernaculum, qui in monte Sina quando legem primitus accepit, intravit in nubem ubi erat Deus. Procul dubio ergo aliam personam tunc figurabat, aliam nunc. Et tunc eorum qui principes sunt, intimæ veritati Dei, nunc autem Judæorum quibus gloria Domini quæ in tabernaculo est, quod est Christi gratia, tanquam nubes opponitur non eam intelligentibus; et ideo non intrant in tabernaculum testimonii, et hoc credendum est tenet factum, mox ut constitutum est tabernaculum, significationis hujus causa vel alioquin alterius. Neque enim semper sic erat nubes super tabernaculum, ut illic Moyses intrare non posset. Quandoquidem non removebatur, nisi cum eis hoc signum dabatur disjungendi, hoc est castra movendi ex eo loco ubi erant, et accedendi quo nubes ducebat per diem, flamma per noctem. Quæ duq; vicissim etiam super tabernaculum manebant ubi castra possissent, nubes per diem, flamma per noctem.

BEATI RABANI MAURI

ABBATIS FULDENSIS ET ARCHIEPISCOPI MOGUNTINI

EXPOSITIONUM IN LEVITICUM

LIBRI SEPTEM. (ANNO 834.)

PROLOGUS

AD FREGULPHUM EPISCOPUM LEXOVIENSEM.

Domino, sancto atque beato Patri, multumque in Domino Christi membris causa vere pietatis nobis venerando Fregulpho episcopo Rabanus peccator in Christo salutem.

Arduum opus et ultra proprias vires me aggredi jampridem jussisti, ut quinque libros Mosaicæ legis, quos Hebræi Torach appellant, sensu spiritali tibi per ordinem exponerem; ad quod in fronte operis

statim respondi, mirari me, quare ad tale studium vilem et inertem homunculum eligeres, præcipue cum in desertis locis conversans maxima occupatione detinear, qua servire ac necessaria providere famulis Christi sub Regula sancti Benedicti degentibus quotidie compellor; nec otium habeam aut Patrum dicta pleniter perscrutari, aut excusationem recipere nolebas, parvi præcepto ne inobedientiæ arguerer fastu, et Geneseos librum atque Exodum secundum sensum majorum exposui, tandem ad Leviticum perveniens, reperi hunc a venerabili presbytero Hierosolymorum Hesychio satis plene expositum, unde cogitavi ab hujus libri labore me penitus abstinere ac tibi suggerere quatenus memorati auctoris lectione tibi satisfaceres. Sed tua diligentia, hoc responso non contenta, præcipiebat ut ex præfati viri opere, necnon et ex aliorum Patrum scriptis qui in eundem librum non per ordinem, sed viritum quasdam sententias exposuerunt, in unum colligerem, ut in promptu haberes quid unusquisque eorum inde senserit. Feci sicut mandasti, et ex confuso sententiarum ordine, quemdam ordinem digestionis variorum doctorum sententias alternando atque commiscendo composui. Si quid autem ibi te offenderit, tibi deputes non mihi, qui hoc facere me compellebas. Ego autem in hoc non necessitati alicujus consului, sed tantum tuæ obediendi voluntati. Accipe opus quod postulasti, et Levitici libri multiplicia mysteria in eo legendo revolve, cujus libri tanta vis est, ut beatus Hieronymus in ejus laude alibi dixerit quod singula sacrificia, imo singula pene syllabæ retyphes Aaron et totus ordo Leviticus celestia inspirarent sacramenta, quia ut alius doctor ait: Sicut in novissimis diebus Verbum Dei ex Maria virgine carne vestitum processit in hunc mundum, et aliud quidem erat quod videbatur, in eo, aliud quod agebatur, carnis namque aspectus in eo parebat omnibus, paucis vero et electis dabatur divinitatis agnoscio; ita et cum per prophetas vel per legislatorem

verbum Dei profertur ad homines, non absque contemplentibus profertur indumentis. Nam sicut ibi dicitur, ita hic litteræ velamine tegitur, ut litteræ quidem aspiciatur tanquam caro latens, verò interioris spiritualis sensus tanquam divinitas sentiatur. Te tamen difficultas ulla lectionis non deterreat, sed magis divinæ pietatis ad studium provocet recordatio, quæ per quemdam sapientem voluit dicere: *Ego diligentes me diligam, et qui mane vigilverint ad me, inveniunt me* (Prov. viii). *Transite ad me omnes qui concupiscitis me, et a generationibus meis implemini* (Eccli. xxiv). Et in Evangelio ipsa vestra humilitatem nostram ad meditationem sapientiarum misericorditer provocando ait: *Qui sitit veniat ad me et bibat, et de ventre ejus fluent aquæ vivæ* (Joan. vii). *Venite ad me omnes qui laboratis et onerati estis, et ego reficiam vos. Tollite jugum meum super vos, et discite a me quia mitis sum et humilis corde, et inveniatis requiem animabus vestris; jugum enim meum suave est, et onus meum leve est* (Matth. xi). Cujus pietatem tam in presenti sentire quam etiam in futuro pleniter percipere ipse concedat, qui nos ad studium gratiam convocaverat Jesus Christus Dominus noster. De cætero quoque charitatem tuam, sancte frater, suppliciter postulo ut pro opere tibi meo expenso sacris orationibus me remuneres, et omnibus tecum conversantibus atque lectione hostiæ credebis id ipsum facere persuadeas, quatenus divina gratia in via veritatis me ducere, et usque ad finem in ea conservare dignetur. Dicisque quotidie pro me orando illud Psalmista: *Spiritus tuus domine, Domine, deducat famulum tuum in viam rectam, vitiosaque eum in æquitate tua, et educes eum de tribulatione annam illius, et in misericordia tua disperdes inimicos ejus: et perdes omnes qui tribulant animam tuam, quoniam servus tuus ipse est* (Psal. cxlvi). Bene te valere cupimus, et in Christi servitio quotidie proficere, sancte Pater, memorem nostri.

INCIPIUNT

EXPOSITIONES IN LEVITICUM.

LIBER PRIMUS.

**CAPIT. PRIMUM.**  
*De hostiis pecudum.*  
 (CAP. I.) Vocavit autem Moyses et locutus est ei Dominus de tabernaculo testimonium dicens: Loquere filiis Israel et dices ad eos: Homo qui obtulerit ex vobis hostiam Domino de pecoribus, id est, de bobus et ovibus, offeret victimam. (Ex Hesychio.) Quod non alligat Deus sacrificia, ea quæ de sacrificiis præcipit demonstrat Isaias dicens: *Quo mihi multitudinem victimarum vestrarum dicit Dominus: ole-*

*us sum holocausta arietum et adipem pinguium et sanguinem vitulorum et agnorum et hircorum non; cum veneritis ante conspectum meum, quis quaerit hæc de manibus vestris* (Isa. i). Ergo quodammodo hoc quod de sacrificiis præceperat, abluit. His similia et Amos dicit: *Non quaerit vicinus ut sacrificia obtulistis mihi in deserto quadraginta annis, domus Israel* (Amos. v). Non quia frequentiter obtulerant, sed ob hoc quod nimis ei displicebant, ea quasi non oblata reputabat. Eadem et Jeremias propheta ait:

*Hæc dicit Dominus exercituum Deus Israel: Holocautumata vestra edidit nigritia vestra, et comedite carnes, quia non sum locutus patribus vestris, et non præcepi eis in die qua eduxi vos de terra Ægypti, de serbo, holocaustorum, et victimarum (Jerem. vii).*

Sed, inquit, hæc de quibus loquimur, ipse mandavit qui et negat. Et cur negat quæ mandaverat. Cur quia intentionem datoris hi qui acceperunt transgressi sunt. Cum enim esset subtilis et valde sublimis lex, et cum propter eos absconsa esset in superficie litteræ, quatenus perscrutantes eam discerent, cum spiritus suos emendassent sensus. Ergo et nunc aliorum intelligibilium quorundam, et rationabilium sacrificiorum imaginem, describere Dominus Moysen præcepit: et apertissime hæc quæ dicitur revocatio, dispensationem quamdam verborum vel rerum ad

superiora respicientium inquit. Sed unde ad eum Dominus loquitur, de tabernaculo scilicet testimonii: quoniam quidem de cælo, quia in ipso habitare Deus affirmatur. Deinde tabernaculum testimonii præsentem scripturam intelligimus, quoniam quasi tabernaculum quoddam erat, cum ea quæ dicebantur imagines sive figure sequentium mysteriorum essent, propter quod tabernaculum testimonii dicebatur. Hæc autem sermonum tabernaculum testimonii, figurarum rerum est, indubitabilem eis fidem præstans. Quis autem dicit, aut ad quos jussit? Ad filios videlicet Israel de quibus eum qui voluntaria dona offerebat, de bobus vel de ovibus offerre præcepit. Ex utroque animali vel jumento similem designans hominem, qui nihil acuminis, neque ad virtutem neque ad malitiam habet, sed trahitur ab alio. Tales sunt boves, et oves, nimis enim ad manum sunt consueta animalia, et eorum qui ea trahunt facile sequentia, et propterea nec omnium hæc munera sed Judæorum solummodo esse possunt. Illi enim etiam si virtutis aliquid non operantur, sufficit eis inique minime operari. Verum quia intelligibilem quemdam Israel didicimus, eumque intelligibilem circumcisionem venerantem, quemadmodum Paulus ait: Non enim qui

in manifesto Judæus, nec ea quæ palam in carne est circumcisio, sed qui in occulto, et circumcisio cordis in spiritu, non littera, cujus laus non ex hominibus, sed ex Deo est. Homo, inquit, qui obliterit ex vobis hostiam de pecoribus, id est, de bobus et ovibus offerens victimas: si holocaustum ejus fuerit oblatio ac de armento, masculinum immaculatum, et ret ad ostium tabernaculi testimonii ad placandum sibi Dominum, etc. (Ex Origene). Hoc in loco hominem quem appellavit et primum in omnibus posuit ad offerendum munus Deo, intelligendum esse omne humanum arbitror genus, et ipsum dici hominem qui holocaustum offerat vitulum ex bobus sine macula. Iste autem vitulus sine macula vide si non ille saginatus est vitulus quem pater pro regresso ac restituto sibi illo qui perierat filio, qui que omnem eius substantiam dilapidaverat, jugulavit, et fecit contrivium magnum et lætitiâ habuit, ita ut lætarentur

angeli in caelo super unum peccatorem poenitentiam agente. Homo ergo iste qui perierat et inventus est quoniam nihil habuit propriæ substantiæ quod offerret, cuncta namque dilapidaverat, vivens luxuriose, invenit istum vitulum, cœlitus quidem missum sed ex patriarcharum ordine, et connexis ex Abraham generationum successione venientem, et hæc non dixit vitulum, et siluit, ut videatur vitulus quicumque mandatus, sed vitulum ex bobus, id est, ex patriarcharum generatione venientem, hic est masculus sine macula. Masculus vere est, qui peccatum quod est femineæ fragilitatis ignorat. Solus ergo ille masculus, solus sine macula est, qui peccatum non fecit, nec dolus inventus est in ore ejus. Et qui acceptus contra Dominum offertur ad ostium tabernaculi.

Ad ostium tabernaculi non est intra ostium, sed extra ostium. Extra ostium etenim fuit Jesus, qui in sua propria venit et sui enim non receperunt. Non est ergo ingressus tabernaculum illud ad quod venerat, sed ad ostium ejus oblatus est holocaustum, qui extra castra passus est hauri et illi mali coloni venientem filium patrisfamilias ejecerunt foras extra vineam et occiderunt. Hoc est ergo quod offertur ad ostium tabernaculi, acceptus contra Dominum. Et quid tam acceptum quam hostia Christi qui seipsum obtulit Deo: Et tunc imponent manum suam, inquit, super caput hostiæ, et jugulabunt vitulum contra Dominum, et offerent filii Aaron sacerdotes sanguinem, et effundent sanguinem ad altare in circuitu quod est ad ostium tabernaculi testimonii. Potest quidem videri ob hoc dictum quod de filiis Aaron erant Anna et Caiphas, et cæteri omnes qui consilium agentes adversum Jesum pronuntiaverunt eam rem mortis, et effuderunt sanguinem ejus directam basem altaris tabernaculi testimonii. Ibi etenim effunditur sanguis ubi erat et altare et basis ejus, sicut et ipse Dominus dixit: Quia non caput petre prophetam extra Jerusalem (Luc. xiii). Posuit ergo et manum suam super caput vituli, hoc est peccata generis humani imposuit super caput vituli. Iste est enim caput corporis Ecclesie sue. Sed et hoc fortasse

non sine causa fit, quia cum superius dixisset: applicabit eum ad ostium tabernaculi testimonii, in posterioribus repetit et iterum dicit, ad altare, quod est ad ostium tabernaculi testimonii; quasi non eundem locum suum eadem narratione semel designasse sufficeret, nisi quia forte hoc intelligi voluit, quod sanguis Jesu non solum in Jerusalem effusus est ubi erat altare et basis ejus, et tabernaculum testimonii, sed et quod supernum illud altare quod est in cœlis, ubi Ecclesia primitivorum est, idem ipse sanguis aspersus, sicut et apostolis dicit: Quia placabitur per sanguinem dracis Isæa sive, quæ in terra sunt sive quæ in cœlis (Cotos. a). Si vis autem scire quod duplex hostia in ea sua consecratis, restribus et apta cœlestibus, Apostolus ad Hebræos scribens dicit, per velamen, id est, carcerum suam, et Iherum, interius velamen interpretatur, conam quod penetraverit Jesus, et assistat nunc, vultui

et iterum dicit, ad altare, quod est ad ostium tabernaculi testimonii; quasi non eundem locum suum eadem narratione semel designasse sufficeret, nisi quia forte hoc intelligi voluit, quod sanguis Jesu non solum in Jerusalem effusus est ubi erat altare et basis ejus, et tabernaculum testimonii, sed et quod supernum illud altare quod est in cœlis, ubi Ecclesia primitivorum est, idem ipse sanguis aspersus, sicut et apostolis dicit: Quia placabitur per sanguinem dracis Isæa sive, quæ in terra sunt sive quæ in cœlis (Cotos. a). Si vis autem scire quod duplex hostia in ea sua consecratis, restribus et apta cœlestibus, Apostolus ad Hebræos scribens dicit, per velamen, id est, carcerum suam, et Iherum, interius velamen interpretatur, conam quod penetraverit Jesus, et assistat nunc, vultui

in manifesto Judæus, nec ea quæ palam in carne est circumcisio, sed qui in occulto, et circumcisio cordis in spiritu, non littera, cujus laus non ex hominibus, sed ex Deo est. Homo, inquit, qui obliterit ex vobis hostiam de pecoribus, id est, de bobus et ovibus offerens victimas: si holocaustum ejus fuerit oblatio ac de armento, masculinum immaculatum, et ret ad ostium tabernaculi testimonii ad placandum sibi Dominum, etc. (Ex Origene). Hoc in loco hominem quem appellavit et primum in omnibus posuit ad offerendum munus Deo, intelligendum esse omne humanum arbitror genus, et ipsum dici hominem qui holocaustum offerat vitulum ex bobus sine macula. Iste autem vitulus sine macula vide si non ille saginatus est vitulus quem pater pro regresso ac restituto sibi illo qui perierat filio, qui que omnem eius substantiam dilapidaverat, jugulavit, et fecit contrivium magnum et lætitiâ habuit, ita ut lætarentur

Dei pro nobis: Semper, inquit, vivens ad interpellandum pro his. Si ergo duo intelliguntur velamina, quæ velut pontifex ingressus est Jesus, consequenter et sacrificium duplex intelligendum est, per quod et terrestria salvaverit et cœlestia. Denique et ea quæ sequuntur, plus cœlesti sacrificio quam terreno videntur aptanda: *Detrahaque pelle hostiæ artus in frusta cadent, et subjicient in altari ignem strue lignorum ante composita, et membra quæ cæsa sunt desuper ordinantes, caput videlicet et cuncta quæ adhærent jecori, intestinis et pedibus lotis aqua. Adolebitque ea sacerdos super altare in holocaustum et suavem odorem Domino.* Quomodo decorietur caro Verbi Dei quod hic vitulus nominatur, et quomodo membratim dividatur a sacerdotibus opera præteritum est advertere. Eos puto quod ille sacerdos detrahit corium vituli oblatis in holocaustum, et detrahat pellem qua membra ejus conteguntur, qui de verbo Dei abstrahit velamen litteræ, et interna ejus, quæ sunt spiritualis intelligentiæ, membra denudat, et hæc membra, verbi interiores scientiæ, non in humili aliquo loco ponit, sed in alto et sancto, id est super altare collocat, cum non indignis hominibus et humilem vitam ac terrenam ducentibus pandit divina mysteria, sed illis qui altare Dei sunt, in quibus semper ardet divinus ignis, et semper consumitur caro. Super hos ergo tales, membratim divisus iste holocausti vitulus collocatur. Dividit namque membratim vitulum, qui explanare per ordinem potest, et competenti distinctione disserere qui sit profectus Christi similitudinem contigisse; qui vero pedes ejus lavisse lacrymis, et capillis capitis sui extersisse; quanto autem his potius caput ejus unxisse misto, sed et in pectore ejus recubuisse, quia habeat eminentiæ. Horum ergo singulorum causas disserere, et alia quidem incipientibus; alia vero his qui jam proficiunt in fide Christi; alia autem illis qui jam perfecti sunt scientia; et charitate ejus aptare, hoc est membratim vitulum divisisse, et qui novit ostendere quæ fuerint legis principia, qui etiam in prophetis profectus, accesserit; quæ vero in Evangelis plenitudo perfectionis habeatur, vel qui docere potest, quo verbi lacte alendi sunt partum in Christo, et quo verbi oleo refrendi sunt qui infirmantur in fide; quis etiam sit cibus solidus et fortis, quo impinguendi sunt athletæ Christi: qui hæc singula novit spiritali ratione dividere, potest hujusmodi doctor ille sacerdos videri qui imponit super altare holocaustum per membra divisum. Addit et ligna altari quo ignis animetur et ardeat is qui non solum de corporali virtutibus Christi, sed etiam de divinitate ejus sermo miscetur; desursum enim est divinitas Christi quo ignis iste festinat. Convenienter ergo omnia hæc quæ in corpore a Salvatore gesta sunt cœlestis ignis assumpsit, et ad divinitatis ejus naturam cuncta restituit. Lignis tamen adhibitis ignis iste succenditur, usque ad lignum enim in carne passio fuit Christi; ubi autem suspensus

An ligno est, dispensatio carnis finita est. Resurgens enim a mortuis ascendit ad cœlum quod ita ejus natura ignis ostendit, unde et Apostolus dicebat: *Quia et si cognovimus Christum secundum carnem, sed nunc jam non novimus.* (II. Cor. v). Holocaustum namque carnis ejus per lignum crucis oblatum, terrena cœlestibus et divinis humana sociavit. Intestina sane cum pedibus aqua dilui debet sermo præcepti, sacramentum baptismi sub figurâ predicatione denuntians. Nam intestina diluit, qui conscientiam purgat; et pedes abluit, qui consumptionem suscipit sacramenti, et scit quia qui mundus est non indiget, nisi ut pedes lavet, et quæ partem quis habere non potest cum Jesu, nisi laverit pedes ejus (Jonn. xiii). Verum si hæc etiam ad moralem locum inclinare velis, habes et tu vitulum quem offerre debeas, vitulus est et quidem valde superbus caro tua; quam si vis manus Domino offerre, ut eam castam pudicamque custodias, adducam eam ad ostium tabernaculi, id est ubi divinarum librorum suscipere possit adiutum; masculinum sit munus tuum, feminam nesciat, concupiscentiam respuit, fragilitatem refugiat, nihil dissolutum requirit aut molle. Impone etiam manum tuam super hostiam tuam, ut sit accepta Domino; et *jugula illum contra Dominam*, hoc est, impone ei continentis frenum et manum disciplinæ ne auferas ab ea, sicut imposuisti manum suam carni suæ, ille qui dicebat: *Macero corpus meum, et servituti subieci, ne forte cum aliis gravitaverem, ipse reprobus efficiar.* *Et jugula eam contra Dominum*, mortificans sine dubio membra terrea quæ sunt super terram. Sed et filii Aaron sacerdotes offerant sanguinem ejus: Sacerdos in te, et filii ejus, mens quæ in te est et sensus ejus, qui merito sacerdos vel filii sacerdotis appellantur, soli enim sunt qui intelligunt Deum, et capaces sint scientiæ Dei. Vult ergo sermo divinus ut rationabili sensu carnem tuam in castitate offeras Deo: Secundum quod Apostolus dicit: *Hostiam vivam, sanctam, placentem Deo, rationabile obsequium vestrum.* (Rom. xii). Et hoc est per sacerdotalem vel filios sacerdotis offerre sanguinem ad altare, cum et corpore et spiritu quis castus efficitur. Sunt enim et alii qui offerunt quidem holocaustum carnem suam, sed non per ministerium sacerdotis: Non enim scienter nec secundum legem quæ in ore sacerdotis est offerunt, sed sunt quidem casti corpore, animo autem inveniantur incesti. Ant enim gloriæ humanæ concupiscentia maculantur, aut cupiditate avaritiæ polluntur, aut invidia ac livoris infelicitate sordescunt, vel parentis odii et iræ immunitate vexantur. Quicumque ergo tales sunt, licet corpore casti sint, tamen non offerunt holocausta sua per manus et ministerium sacerdotis: non est enim in eis conscientia, et prudentia quæ sacerdoti sangitur apud Deum, sed sunt ex illis quinque virginibus stultis quæ virgines quidem fuerunt, et castitatem corporis servaverunt, oleum autem charitatis et pacis et reliquarum virtutum in lampadibus suis non



dere nescierunt, et ideo exclusæ sunt a thalamo sponsi (*Math. xxv*). Quoniam sola carnis continentia ad altare Domini non potest pervenire, si reliquis virtutibus et sacerdotalibus ministeriis desoratur. *Quod si de pecoribus oblatio est, de ovibus sive de capris holocaustum, anniculum et absque macula offeret, immolabitque ad latus altaris quod respicit ad aquilonem coram Domino, sanguinem vero illius fundent super altare filii Aaron per circuitum, dividentes membra et caput et omnia quæ adhærent jecori, et imponent super ligna quibus subjiciendus est ignis. Intestina vero et pedes lavabunt aqua et oblata omni adolebit sacerdos super altare in holocaustum et odorem suavissimum Domino.*

(*Ex Hesychio.*) Eadem nunc etiam dicit quæ superius commemoravit, licet paucis immutatis. Illud autem intelligere oportet eum qui subtiliter verba legis investigat, quoad non solum de lobus, sed et de ovibus præcepit Israelitam holocausta offerre. In bovia enim nomine operator legis accipitur, simplex et sine malitia, ovi comparatur, dicente Jeremia: *Ego quasi agnus mansuetus qui portatur ad victimam et non cognovi* (*Jerem. xi*). Capra significat peccatorem. Sicut ergo licet non solum de ovibus, sed et de capris offerri, et oblatio de pecoribus dicitur, sic et eum qui ex peccatoribus est, possibile est simplicitati operam dare.

Secunda hostia de ovibus agnus oblati, id est Christus propter innocentiam figuratur. Hic est agnus qui apud Isaiam in sacrificium adducitur, et a Joanne omnibus demonstratur: *Ecce agnus Dei, ecce qui tollit peccata mundi.* Bene ergo in sacrificio agnus offertur, ut innocentiam et passionis Christi figura demonstraretur. Bene et hædus, quia per ejus mortem auctor peccati diabolus agnoscitur jugulatus, et quasi ovem factum, conversationem suam in holocaustum offerre Deo. Quod enim nihil impedit ad adipiscendam justificationem peccatorem quempiam fuisse, quamvis hoc Judæi non putarent, audi qualia per Ezechielis prophetiam dixit; cum enim in multa in vectus fuisset contra injustum et dixisset, *morte moriatur, sanguis ejus super ipsum erit, hæc etiam subdidit: Quod si genuerit filium qui videns omnia peccata patris quæ facit, non fecerit simile eis, super montes non comederit, et oculos suos non levaverit ad idola domus Israel, et uxorem proximi sui non violaverit, et alia his similia, in quibus sine hunc addidit: hic non morietur in iniquitate patris sui, sed vixit, et dicitis, quare non portavit filius iniquitatem patris sui* (*Ezech. xviii*). Sic Judæi necesse esse filium quasi hereditario jure in patris peccato succedere arbitrabantur. Sed quamobrem ovem et capras ad latus altaris quod respicit ad aquilonem coram Domino præcipit occidi, cum non ita de lobus præcepisset, sed coram Domino sanxisset immolari? Videntur enim verba ipsa contrarietatem quandam habere atque differentiam; quia cum sit sacrificium holocaustum, utraque differentia distribuitur loca. Non est ergo ignorandum quod

A quantum ad superficiem litteræ eundem in altarisque locum legislator significavit; holocaustum enim altare ante tabernaculum constitutum ex latere erat januæ, ut non sanctorum ministrantibus obstrueretur introitus, sicut in Exodo de eodem dicitur: *Et imposuit velum januæ tabernaculi testimonij, et aram holocaustum posuit circa ostium tabernaculi testimonij.* Quæcunque ergo ad sacrificium offerebantur, ex latere altaris ab aquilone stabant, et sic coram Domino sacrificium celebrabatur, id est, in conspectu sanctorum; faciem enim Domini appellat Sancta sanctorum, quia in ipsis Dei habitat gloria. Unde nec frequenter in ipsis intrare sacerdotem, nisi semel in anno jubebat. Altare holocausti Christus intelligitur, in cujus commemoratione quidquid Deo offerendum est offerri oportet. Ovium autem sacrificium simplicitas est studentium, non absolute ovium oblatio ut bovm, in directum illius intelligibilis altaris, sed ex latere offertur: in directum est enim qui mandata perficit, ex latere autem qui a malis abstinet. Quare? Quia sicut in aulam, verbi gratia, regiam, melius est quidem per ostium rectum ingredi, cum autem hoc non est facile, bonum sit etiam per illud quod est ex latere introire, sic melius est Deo quidem per mandatorum offerri perfectionem, bonum est tamen et si per malorum se quis offerat abstinentiam, Deo quippe modo quolibet offerre bonum est. Ad latus autem altaris ad aquilonem, necessario addidit. Nebulosa enim pene semper hæc pars est: ob C tinentur siquidem nebula, id est ignorantia, hi qui ex toto se innocentiam tradunt; propterea et holocaustum dicitur, etiam sine operatione justitiæ. Per sanguinem ergo animam hic intelligi, dubitandum non est, cum ipse legislator paulo post dicat: *Sanguinem non comedetis in cunctis habitationibus vestris, quia anima carnis in sanguine est.* Oportet ergo nos non parcere animæ nostræ, sed ponere eam pro Christo. Per caput, mens intelligitur. In iecore desiderium exprimitur, intestina latentes cogitationes significant, pedes autem actiones. Vult ergo nos simul cum actionibus et cogitationibus diluere aqua, sive baptismi, sive flentis, quod et de cogitationibus in judicio Domini rei tenemur; verum et divisiones et caput et jecur super ligna quibus D (subjectus est in altare imponere offerentem jubet, ut omnem nostrum hominem Scripturis spiritualibus quæ de intelligibili altare corporis Domini dictæ sunt coaptemus, secundum ejus viventes seu conversantes imitationem; *Adolebitque ea sacerdos super altare in holocaustum et suavem odorem Domino.* (*Ex Hesychio.*) Ergo quando sacrificium nostrum holocaustum sit, tunc Domino odor suavitatis invenitur, et quando omnia super intelligibile altare obtulerimus, imitatores Christi secundum possibilitatem efficiamur ad ipsius imitationem, nostram vitam seu conversationem coaptantes, hoc enim esse altare superius ostendimus. *Sin autem de ovibus holocausti oblatio fuerit Domino, de turribus et pul-*

*lis columbe, offeret ea sacerdos ad altare, et retorio ad collum capite ac rupto, vulneris loco decurrere, faciet sanguinem super crepidinem altaris, vesiculum vero gutturis et plumas projiciet prope altare ad orientalem plagam in loco in quo cineres effundi solent, confringetque ascellas ejus, et non secabit nec ferro dividet ea, et adolebit super altare lignis igne suppeditis, holocaustum est, et oblatio suavissimi odoris Domino.* (*Ex Hesychio.*) Tertium sacrificium dicitur offerre turturem, et columbam turturem carnem Christi esse manifestum est, Salomone dicente: *Speciosus genae tuae sicut turtur* (*Cant. i.*) Columba Spiritus sancti figuram habere Joannes Baptista declarat dicens: *Super quem videris Spiritum descendentem sicut columbam, hic est qui baptizat* (*Joan. i.*) Ac per hunc turturem et columbam, id est Christi carnem, spiritum sociatam per suorum passionum sacrificium Deo in odorem suavitatis, ita tria sacrificia offeret homo, id est, Christus Jesus. Aliter: Prædictæ siquidem oblationi differentia volatillum non est communita, ut videlicet perfectior et major multorumque transgrediens possibilitatem, Volatilia enim homines sunt contemplationi vacantes, terrenis omnino se non miscentes negotiis, quod et si forte necessitas exegerit, mox revolant ad sublimia, illo Evangelii juvante testimonio quo Dominus ait: *Considerate volatilia celi, quia non seminant neque metunt, et Pater vester celestis pascit illa* (*Matth. v.*) Contemplationi ergo vacans, et in superiorum consideratione perfectus homo (hoc enim quæ prædicta sunt docuerunt), si conversionem sive vitam suam oblationem offeret, de turturibus aut de columbis offerat munus suum, id est, in scientia et mansuetudine spiritali: hæc enim opus habet, ut non excedat legis consideratio in vanis occupata, turtur siquidem quia cognitionem habet, ita ut ejus exemplo Judæorum exprobraretur populus, Jeremias probat; ait enim: *Turtur et hirundo et ciconia custodierunt tempus adventus sui, populus autem meus non cognovit judicium Domini* (*Jerem. viii.*) Columba autem munda et simplex annuntiatque presentie sancti Spiritus est, tales oportet esse eos qui circa contemplandas Scripturas habent studium; unde Ezechias ait: *Meditator ut columba*. Hanc oblationem tunc sacerdos offeret, non multi; non est quippe contemplativa via plurimorum, id est, ut ex tota se mente offerant Deo, nihilque humanum ulterius cogitent, sed continue contemplentur coelestia, et ea quæ sursum sunt sapiant, ubi Christus est, sicut ait Apostolus in *dextera Dei sedens* (*Coloss. iii.*) videlicet Patris, unde alii ad tabernaculum testimonii oblationem offerunt. Hæc autem ad altare offertur, cujus vim in precedentibus didicisti, id est, quia Dominicum significet corpus, sed videamus quæ his subjungantur: *Et retorio ad collum capite ac rupto vulneris loco, abruptens videlicet a pelle, quæ superlatet [superjacet] collo, non illam separans a corpore, ut nec dissiparet illud, nec ea rursus astringatur, quod significatur abrupto vulneris loco; et ideo*

etiam nunc non ut occidatur avis, sed ut abruptatur vel refrangatur [refrigatur], legislator jussit, ostendens quomodo per partes et leniter verum caput, id est mentem, dividat a pelle, id est, a carne, unde nec effundit sanguinem, sed decurrere faciet, vel, secundum Septuaginta, esculat [excolat]; ut per partes et perfecte despiciat presentium meditationem vel vitam, ut pote qui totam suam animam obtulerit Deo: hoc enim significat, et sanguis esculatus [excolatus] circa basim altaris, quod est Christus. Christi autem basis est Evangelium in quo maxime oportere nos presentem vitam despiciere, ut pote totam animam nostram Deo offerentes didicimus. Vesiculum autem gutturis et plumas projicit jussit ex utroque scilicet inflatione atque superfluum inquisitione eum carere mundarique volens; maxime enim his passionibus hi qui uberiori polent scientia succumbunt, attestante Paulo qui dicit: *Scientia inflat, non ergo permittit inflari, et ideo auferri præcepit vesicam, sed nec majora nobis querere vel altiora. Altiora te, inquam, ne quaeris, et sublimiora te ne scrutatus fueris, unde et plumas ab hostia separavit, et projici propter altare ad plagam orientalem, in loco in quo cineres effundi solent. Ad orientem quidem, quia inquisitio sublimium rerum videtur esse; extra altare autem, quia non necessarium sed superfluum atque noxiam scrutationem possidet; in locum autem jubet cinerum, propter naturam, de qua Abraham dicit: *Ego autem sum pulvis et cinis* (*Gen. xviii.*) Ergo per locum cinerum prædictam inflationem redarguit legislator, ut pote quæ digna sit cinere. Quod autem cinere dignum est, deorsum in terra manet, et in cælum ascendere non potest. Deinde ait: *Confringetque ascellas ejus et non secabit nec ferro dividet*, necessarie præcipiens utrumque confringere, siquidem, quia oportet membra contere atque affligere eum qui Deo sacrificium fieri cupit: *Non secabit autem nec ferro dividet, nec faciet avem sicut bovem aut ovem per divisiones*. Contemplationi enim inhaerens homo, nihilque habens terrenum, sed qui totus jamdudum coelestis est, adversans animam non habet corpus. Integrum quippe ejus corpus et anima, sed et spiritus, secundum quod dixit Paulus, *sine querela in adventu Domini custoditur* (*I Thess. v.*) et propterea superflua in eis membrorum divisio est. Integrum enim super-intelligibile altare, et super ligna quibus subicitur ignis, offertur. Neque enim aliter sacrificium acceptabile efficitur, nisi meditatione spiritalis legis, et tunc holocaustum et oblatio suavissimi odoris Domino reperitur, qui semper odoratur sacrificium nostrum, et uniuscujusque nostrum vitam sive conversationem secundum legem quæ ab eo lata est offertur.*

## CAPUT II.

## De oblatione avium.

(CAP. II.) *Animam cum obtulerit oblationem sacrificii Domino, simila erit ejus oblatio fundetque super eam oleum, et ponet thus, ac deferet ad filios Aaron sacer-*

*dotis, quorum unus tollet pugillum plenum similit et olei ac totum thus, et ponet memoriale super altare, in odorem suavissimum Domino. Quod autem reliquum fuerit de sacrificio, erit Aaron et filiorum ejus, Sanctum sanctorum de oblationibus Domini. Quartum autem, anima offerens sacrificium de similia Ecclesiae catholicae figuram pronuntiat, quae ex convenientibus membris quasi similia ex multis creditum granis collecta est, et Legis et Evangeliorum mola inter litteram et spiritum separata, per aquam etiam baptismatis adunata, chrisimatis oleo peruncta, sancti Spiritus igne solidata, per humilitatem spiritus, Deo hostia placens electa. Quia animam totum hominem appellat, manifestum est ex hoc quod ait, similia erit ejus oblatio. Anima autem ipsa per se quomodo deferret oblationem, quam necesse habeat deprecans, et ad hoc utique necessarium haberet ministerium corporis, nihil novitatis hic affert sermo. Nam et alibi animam saepe Moyses totum hominem appellavit, veluti cum eorum qui in Aegypto descenderunt numerum digerens ait: *Cunctae animae quae ingressae sunt cum Jacob in Aegyptum, et egressi sunt de femoribus illius, absque uxoris filiorum, septuaginta duo (Exod. xii).* Sed et Lucas cum Pauli navigium Romam euntis describeret, ait: *Eramus autem omnes animae in navi ducentae septuaginta sex (Act. xxvii).**

Intuendum est autem ne forsitan animam in hoc loco gentilem dixisset hominem; quia enim superioribus filiis Israel ea quae sunt in sanguine sacrificia dicens: *Loquere, ait, filiis Israel: Homo qui obtulerit ex vobis hostiam Domino de pecoribus, id est, de bobus et ovibus, offeret victimas (Levit. i)*; hic illud, quod extra sanguinem est, sacrificium similia praecipiens, necesse non dixit, homo ex vobis, sed, anima cum obtulerit oblationem, animam, gentilem nominans, quia animales erant prius, et qui non potuissent intelligere ea quae sunt spiritus, verumtamen vocatur ad oblationem, miserante eum justo Deo atque per condensationem salvante: cum pro peccatis sacrificia disponit eum qui nec ovem habet, nec capram, turtures vel pullos columbarum offerre praecipit; qui autem nec hoc habet, similiam eum sancit offerre. Non enim jam ex operibus, ut pote pauper virtutibus, sed sola Dei cognitione salvatur. Licet autem Dei cognitio salutis gentium principium sit, superiundere tamen similia oleum et thus superponere opus habemus, ut gratiam Dei elemosynis orationique commisceamus. Haec enim possunt de caelo Dei sententiam [scientiam] profligare. His autem testis est Cornelius, ad quem descendens de caelo angelus dixit: *Corneli, orationes tuae et elemosynae ascenderunt ad Deum (Act. x).* Quomodo autem in thure accipitur oratio, quaerens eius vim perscrutansque cognoscis; uti quippe eo contra inferiores passiones medici solent, oculorumque aegritudines curare; et si quis incendens, fumum ejus suscipiat, restringit accedentes oculis ex infirmitate lacrymas. Hoc eodem modo oratio quoque plurima

A operatur; haec quippe maxime animae passiones sanat, haec etiam intelligibilium oculorum curat vulnera, absolvens ab ignorantia, atque ex ea quae vere est aegritudo, id est ex peccato, lacrymas accedentes salvat. Post haec pugilo tollere jubet similiam, id est, fide scientiam Dei comprehendere, per pugillum enim hic fidem significat, aperteque ostendit illam esse scientiam sive cognitionem Dei Domino acceptam, quam fides comprehendere potest, et quem admodum qui pugilo plus vult comprehendere, nihil proficit, totum quippe decurrit et cadit, atque inutiliter laborat, sic mensura Dei scientia fides est: *Crederet enim oportet, sic Paulus ait, qui accedit ad Deum (Hebr. xi).* Et ut dicamus breviter: *Omne quod non est ex fide, peccatum est, sicut isdem ad*

B Romanos scripsit, intende autem quia cum oleo jubet similiam accipi, apertissime elemosynam nos facere volens: *Dare, inquit Dominus, elemosynam, et ecce omnia munda erunt vobis. Jubet autem omnem thus in pugillo sumi; omne, quare? quia semper oportet orare, sine intermissione gratias agere, sicut Paulus ait. Sed quis est qui in pugillo tollit, secundum Septuaginta non dicit, ut absolute offerentem significaret. Secundum Hebraicam autem veritatem, sacerdos, id est, unus filiorum Aaron, tollit pugillum plenum similia et olei et totum thus, ac ponet memoriale super altare in odorem suavissimum Domino. Esse autem hunc sacerdotem Jesum didicisti, cujus officio nos hostia grata erimus Deo, qui nos perducit ad contemplationem Dei. (Ex Hesi-*

C *chio.) Ipse enim sacrificii memoriale in caelesti offerret altari. Memoriale autem cognitionis Dei perfecta scientia est, cuius semper memores erimus, quando ejus capaces fuerimus, quae nunquam destruitur, quae eam quae nunc est, non ut contrariam destruit, sed partem eam minimam esse per suam plenitudinem monstrat, secundum quod dictum est: *Ex parte cognoscimus, et ex parte prophetamus; cum autem venerit quod perfectum est, evacuabitur quod ex parte cognoscimus (I Cor. xiii).* Et quomodo evacuabitur, clare manifestat subdens: *Videmus nunc per speculum in anigmate, tunc autem facie ad faciem. Nunc cognosco ex parte, tunc cognoscam, sicut et cognovimus sum.* Hoc sacrificium odorem suavissimum necessario Domino legislator appellavit. Odor enim in Deo est cognitio sive scientia ejus, et ne hoc dubites, habet hoc quoque Paulum veracissimum testem: *Deo enim, inquit, gratias, qui semper triumphat nos in Christo Jesu, et odorem notitiae suae, manifestat per nos in omni loco. Ecce interim cognovisti odorem notitiae, sed et bonum odorem in subsequentibus audi, quia Christi bonus odor sumus in his qui salvi sunt, et in his qui pereunt (I Cor. ii).* Deinde dicit legislator: *Quod autem reliquum fuerit de sacrificio, erit Aaron et filiorum ejus, Sanctum sanctorum de oblationibus Domini, Reliquum ait de illa perfecta et in caelis abscondita atque reposita in Christo scientia sive notitia: In ipsa enim sunt thesauri sapientiae et scientiae absconditi (Col. ii); Sanctum sanctorum est de oblationibus Domini;**

D

partilis est enim scientia quæ reliqua est, omnes tamen  
alias superans et perducens ad perfectionem. Aaron  
ergo et filiorum ejus erit; Aaron autem arca vel  
montanus interpretatur; id est alia de Deo intelli-  
gens; quia et arca, ut pote habens in se legem Dei  
et eloquia, offerre predictum sacrificium potest.

Cum autem obtulerit sacrificium coctum in clybano  
de simila, panes absque fermento conspersos  
oleo et lagana, azyma oleo facta (Ex Hæschio.) Ba-  
sorbileum ergo coctum, Christi appellat incarnationem.  
Ad hoc basin incarnatus est, ut immolaretur,  
propter quod enim Agnus Dei qui tollit peccata  
mundi, Joannes Baptista appellavit (Joan. 1). Recte  
ergo sacrificium in hoc loco est demonstratum nativita-  
tem ejus, dicitur coctum in clybano, Dei genitricis  
videlicet utero; illa enim clybanus necessarè nomi-  
natur. Quia et panes ignemque desuper clybanus sus-  
cipit, sicut et Dei genitrix desuper vitæ panem;  
Deam videlicet Verbum in suo utero ignemque sus-  
cepit presentie Spiritus sancti: Spiritus enim; in-  
quit, habitus supervenit in te, et eritis Altissimi  
strumbabis tibi. (Luc. 1). Si ergo munus offeres in-  
carnationis Unigeniti quæ in ventre Virginis facta  
est, non aliter acceptum est Deo; nisi coctam de si-  
milia, id est; ex Dei scientia vel nobilitate fiat; unde  
enim non aliunde de hac re locutionem, nisi ab apo-  
stolis et a prophetis sumpsimus. Verba ergo aposto-  
lorum panes accipe, prophetarum vero lagana;  
quantum enim panes a lagana ad nutriendum sunt  
aptiores; tantum verba apostolorum verbis prophe-  
tarum. Utrique autem azymi, quia ex alia doctrina  
fermentum non habent; verbi gratia, sapientie se-  
cularis, quod hæreticis convenit accipere: hi quippe  
cum exteriora interioribus conjungere nitentur, et  
hæc magis illis subficere et firmare quæ firmen-  
tari nullatenus possunt, ab azymis sermonibus exci-  
derunt. Sed ecce apostolorum panes in oleo, et pro-  
phetarum lagana in oleo sunt. Concorditer enim et  
ab illis et ab istis scriptum est, quia nos miserans  
Christus advenit, sed apostoli planius, quia isti jam  
completionem esse quod illi narraverunt futuram.

Si oblatio tua fuerit de sartagine, simile consperse  
oleo et absque fermento, divides eam minutatim, et  
fundes super eam oleum.

Sacrificium de sartagine dispensationem passionis  
appellat Unigeniti, crucem assimilari sartagine pro-  
pterea judicans, quia sartago in tantum est fortis, ut  
superposita igni, ipsa quidem non consumatur, nec  
aliquam corruptionem sustineat, aut immutationem,  
superpositos autem cibos mox ut ignem tetigerint,  
vel si duriores fuerint, non longo intervallo aptos  
usui reddit: sic et Christi crux, fortis quidem tan-  
tum fuit ut omnem creaturam subjeceret crucifixo,  
carneque antea ejus, quæ ad comedendum incepta erat  
aut passionem (quis enim comedere capiebat car-  
nem Dei?), aptam cibo post passionem fecit. Si enim  
non fuisset crucifixus, sacrificium corporis ejus mi-  
nime consummatus; comedimus autem non cibum  
suspendis ejus memoriam passionis. Hanc sartagi-

nem apud Ezechielem Dominus significans ait: et in-  
sume tibi sartagine ferream, et pones eam murum  
ferreum inter te et civitatem (Ezech. iv), ferream  
quidem eam propter predictam appellavit fortitu-  
dinem. Inter te autem et civitatem ait, id est Hie-  
rusalem, quod maxime ipsi in cruce Domini offen-  
dentes; et filialis passionibus, ab ejus sunt scientia  
separati. Mysterium ergo passionum in oleo cons-  
pergitur, quia miserans nos pro nobis sustinuit  
mortem. Quod et sine fermento esse, id est mu-  
dum ab exteriori vult esse doctrina, ait autem:  
Divides ea minutatim, ut in passione ejus quæ per  
partes processerunt sermonem dividamus, veluti  
apud apicis, colaphis, spatulis, confixioneque lateris. Et  
fundes supra eam oleum; sed quemadmodum ille  
misericordiam in nobis habens, pro nobis semet-  
ipsum tradidit passioni, sic oportet et nos proximis  
misereri, passionem Dominicam ad hujus accipientes  
pietatis exemplam.

### CAPUT III.

De sacrificio similia cum oleo et thure

(Iord.) Sin autem de craticula fuerit sacrificium,  
æque similia oleo conspergetur, quam offeres Domino  
tradens manibus sacerdotis, qui cum obtulerit eam,  
tollet memoriale de sacrificio, et adolebit super altari  
in odorem suavitatis Domino. Quidquid autem reli-  
quum est, erit Aaron et filiorum ejus, Sanctam sancto-  
rum de oblationibus Domini. Similia disputat et de re-  
surrectione disceptantem vult, cujus mysterium crati-  
culam non frustra appellavit; sed per craticulam mor-  
tem significavit. Sicut autem in sartagine Domini-  
cam crucem supra accepimus, ita in craticula mor-  
tem, sed et sepulturam accipimus. Quæ enim inter  
craticulam et sartagine differentia sit, nulli pen-  
tus ignotum est, quod sartago super ignem nunc  
exardescit eam et succensam, craticula autem in  
carbonibus ardentibus et olium accensis ponitur. Sicut  
mors Domini non fuit initium aliquod passionis, sed  
passionum quæ pridem in eo operatæ sunt, fuit substi-  
tuta. Et hujus ergo munus ex similia, id est ex Dei  
cognitione sive scientiæ quæ de morte Domini est  
persecutus: oportet enim Christum et in morte Deum  
dici, et nihilominus immortalem prædicare eum qui  
propter mortalem carnem mortuus est, in oleo la-  
men vivus fuit; oportet quippe de Domini morte  
et resurrectione disputantem, misericordiam quicquid  
Dei addere ratiocinationi oleum, miserans siquidem  
genus humanum, et mortem sustinuit, et resurre-  
ctionem a mortuis dispensavit. Tradet in manibus  
sacerdotis, ipsi videlicet Christo; qui postquam ap-  
propinquavit altari qui in caelis est, appropinquavit  
autem carne per ascensionem. Nunquam enim se-  
paratur a divinitate: Tollit membratim de sacrificio,  
abundantiam scientiæ sive cognitionis, sicut supra  
jam docuimus. Quod super altare adolebit, aptus est  
custodiens illud in sæculum futurum. Quidquid reli-  
quum est, id est quantum scire nos et per-  
secrari præcepit; hoc Aaron erit et filiorum ejus;  
id est et his qui sublimia et de Deo cogitare et sen-

ture possunt tradidit, quos filios Aaron esse prædiximus; Sanctam sanctorum de oblationibus Domini, magis idipsum confirmans hoc legislator scripsit; sancta quippe est omnis bona scientia, sed Sancta sanctorum, quæ de Dei scientia sicut oportet disputare potest. Item quoque moraliter nos ritulum offerimus Deo, cum carnis superbiam vincimus; agnum, cum irrationalibus motus corrigimus; hædum, cum lasciviam superamus; columbam, cum simplicitatem mentis custodimus, turturam, dum castitatem servamus: hoc enim genus avium dicitur unum et castum servare conjugium. Similam et panes azymos offerimus, cum sine malitia et nequitia hæc vitam præsentem agimus. Offert, verbi gratia, similam, qui in agricultura, aut navigando, aut in aliquibus communis vitæ usibus, positam offert conversationem, oleo tamen conspersam, quod omnis anima eget oleo divinæ misericordiæ, nec præsentem vitam evadere quispiam potest, nisi ei oleum cælestis misericordiationis adfuerit. Nec, non et illud intimum quod juxta mortalitatem per ciborum tentationum pondus exprimitur: per sartagine constantia animi et robur mentis; per craticulam, multiplex impugnatio non incongrue significatur. (Ex Origene.) Sed fortasse quis dicit de auditoribus Ecclesiæ: Melius forte agebatur cum antiquis, quam nobiscum, ubi oblati diverso ritu sacrificiis, peccantibus venia præstatur, apud nos uno tantummodo est venia peccatorum, quæ per laværi gratiam in initiis datur, nulla post hæc peccati misericordia nec venia ulla conceditur. Decet quidem districtiōnis esse disciplinæ Christianum pro quo Christus mortuus est; pro illis oves, hirci, boves jugulabantur et aves, similia conspergebatur; pro te Dei Filius jugulatus est, et iterum te peccare delectat! Et tamen ne tibi hæc non tam erigant animos pro virtute quam pro desperatione dejiciant, audisti quanta sint in lege sacrificia pro peccatis, audi nunc quantæ sunt remissiones peccatorum in Evangeliiis. Et est prima qua baptizantur in remissionem peccatorum. Secunda remissio est in passione martyrum. Tertia est, quæ per eleemosynas datur. Dicit enim Salvator: *Verumtamen date quæ habetis, et ecce omnia munda sunt vobis* (Luc. xi). Quarta nobis fit remissio peccatorum per hoc quod et nos remittimus peccata fratribus nostris. Sic enim dicit ipse Dominus et Salvator: *Quia si remisistis fratribus vestris ex corde peccata ipsorum, et vobis remittet Pater vester peccata vestra. Quod si non remisistis fratribus vestris ex corde, nec vobis remittet Pater vester* (Matth. vi). Et sicut in oratione nos dicere docuit: *remitte nobis debita nostra, sicut et nos remittimus debitoribus nostris*. Quinta peccatorum remissio est, cum converterit quis peccatorem ab errore viæ suæ; ita enim dicit Scriptura divina: *Quia qui converti fuerit peccatorum ab errore viæ suæ, salvat animam ejus a morte, et cooperit multitudinem peccatorum*. Sexta quoque fit remissio per abundantiam charitatis, sicut et ipse dicit: *Amen dico tibi, remittuntur*

*ei peccata multa, quoniam dilexit multum* (Luc. vii). Et apostolus dicit: *Quoniam charitas cooperit multitudinem peccatorum* (I Petr. iv). Est adhuc et septima, licet dura et laboriosa, per penitentiam remissio peccatorum, cum lavat peccator in lacrymis stratum suum, et sunt ei lacrymæ suæ ponis die ac nocte (Psal. xiv), dum non erubescit sacerdoti Domini indicare peccatum, et querere medicinam, secundum eum qui ait: *Dixi, pronuntiabo adversum me injuriam meam, et tu remisisti impietatem cordis mei* (Psal. xxxi). In quo impletur et illud quod Jacobus apostolus dicit: *Si quis ostent infirmatus, vocet presbyter Ecclesiæ, et imponat ei manus, ungentes eum oleo in nomine Domini: et oratio fidei salvabit infirmum, et si in peccatis fuerit, remittentur ei* (Jac. v). Et tu ergo cum venis ad gratiam baptismi, vitulum obtulisti, quia in morte Christi baptizaris; cum vero ad martyrium duceris, hircum obtulisti, quia auctorem peccati diabolum jugulasti. Cum autem elemosynam feceris, et erga indigentem affectum misericordiæ sollicita pietate dependeris, altare sericum hædis pinguis operasti: nam si ex corde remisistis peccatum fratri tuo, et iracundie timore deposito, mitam intra te et simplicem recollecteris animam, immolasse te asietem, vel agnum in sacrificium obtulisse confide. Porro actem et divinis lectionibus instructus meditando sicut columba, et in lege Domini vigilando die ac nocte ab errore converteris peccatorem et a via nequitie ad simplicitatem cum columba revocaveris, atque adherens sanctis, feceris cum societatem turturis imitari, parturiturum aut duos pullos columbarum Domino obtulisti. Quod si illa, quæ ape et fide major est, charitas abundaverit in corde tuo, ita ut diligas proximum tuum non solum sicut teipsum, sed sicut ostendit ille qui dicebat: *Majorem hæc charitatem nemo habet, quam ut animam suam ponat quis pro amicis suis* (Joan. xv), panes simidacos in charitatis oleo subactos, sine ullo fermento malitiæ et nequitie in azymis sinceritatis et veritatis te obtulisse cognosce. Sin autem in amaritudine steteris tui fueris luctu, lacrymis et lamentatione confectus, carnem tuam maceraveris, et jejuniis ac multa abstinentia aridam feceris, et dixeris: *Quia sicut in frigidario confrixerunt ossa mea* (Psal. ci), uno sacrificium similam a sartagine vel a craticula obtuleris: Et hoc modo inveniris tu: verius et perfectius secundum Evangelium offerre sacrificia, quæ secundum legem jam offerre non potest Israel.

## CAPUT IV.

*Quod omnis oblatio absque fermento et cum sale debet esse.*

(IUD.) *Omnis oblatio quæ offertur Domino, absque fermento fiet, nec quidquam fermenti in melle adhibebitur in sacrificium Domino. Primitias vintum vestrum offeretis et munera; super altare vero non ponentur in odorem suavitatis.* (Ex Mesychio.) Nihil commentationis vult habere doctrinam Dei cum exteriori scientia; quod enim fermentum alienam doctrinam app-



scientia divina in nobis perficitur. De sacerdote autem ac de memoriali super altare posito supra jam diximus, nec necesse est illud iterari. (CAP. III.) Quod si hostia pacificorum fuerit eius oblatio, et de bobus velerit offerre, marem sive feminam immaculatam, offeret coram Domino. Ponetque manum super caput victimae, quae immolabitur in introitu tabernaculi, fundentque filii Aarons sacerdotes sanguinem per circumvalla altaris, et offerent de hostia pacificorum in oblationem Domini, adipem qui operit ventrem, et quicquid pinguedinis intrinsecus est. Duos renes, cum adipe, qui reperiuntur illis, et reticulum jecoris, cum renunculis, adolebuntque ea super altare in hoc locum, lignis igne suppeditis, in oblationem suavisimae odoris Domino. (Ex Hesychio.) Quoniam conversationes, Deus, hominibus differentes, per legem sanxit, et in modum scapularum [ scalarum ], virtutes ordinavit, ut alii quidem liceret omnes assequi, alio autem quasdam, ut sursum tamen quaeque sublevaretur a terra, haec quippe et differentia sacrificiorum significabat. Nam hic quidem de nobis holocaustum offeret, totum semetipsum Deo offerre volens, sicut et Paulus dicebat: *Christa confecta sum cruci*. (Gal. vi.) Alter, sacrificium pacificorum, sive salutare, qui desiderat salutem, et non potest nimis sublimiter conversari; nam et si non valet virginitatem quisquam consequi, in caelo autem conjugio convenietur, viam [ vaniam ] percipit a Domino qui dixit: *Nem omnes capiunt verbum*, quando de virginitate apostolis exponebat; sed tamen inter eos qui salvantur necessaria ordinatur, hoc ipsam famam, et de contemptu rerum, et de justitia et de cibo cum gratiarum actione; quod magnus est, qui magna, et parvus, non tamen minimus, qui saltem medicaria consequi potest. Ut probaretur ergo, quia duae conversationum species sunt, ad justificationem hominum, duas sacrificiorum sponsozorum, destinationes posuit. At, enim in libro, Exodi, *Altare de terra facietis mihi, et immolabitur super holocaustum, et pacifica vestra, quae vestrae ab hove in omni loco in quo nominatum fuerit, nomen meum; variam ad te, et benedicam tibi*. (Exod. xx. xxv.) Et praecipit quidem pacificorum holocaustum, subinfert autem pacifica, velut secundi ordinis et virtutis. Quicunque ergo solum sibi hoc putat sufficere, si salvetur, siquidem de bobus offerat. Esse autem bovem diximus eos qui circa agenda ea, quae legis sunt vacent, sive masculum sive feminam. Immaculatum tamen munus offerat, et quidem eum qui holocaustum offeret non praecipit offerri feminam, nequaquam feminam privas ab huiusmodi conversatione, sed ostendens quod perfecta sapera proprie virorum est. Quod et si mulier haec sapiat, vir haec, ut pote fortis appellabitur, de qua Salomon dixit: *Mulierem fortem quis inveniet*. (Prov. xxxi.) demonstrans quod fortitudo, id est perfectio, difficile in mulieribus invenitur. Pacificorum autem sacrificium virorum et mulierum est; oportet enim et mulieres illa vivere sicut aptum est ad salutem. Sed quam-

obrem manus imponere super caput victimae praecipuntur, et immolare in introitu tabernaculi, sanguinemque fundere in circuitu altaris, in sacrificiis holocaustorum sufficienter discussimus. Quod autem Deo offerre de suo sacrificio necesse habeant ad salvari volunt, hoc quaeri et considerari necessarium est. Offerunt enim de hostia pacificorum in oblationem Domini, adipem qui operit vitalia et quicquid pinguedinis intrinsecus est, vel, sicut Septuaginta, adipem qui operit ventrem, et omnem adipem qui in ventre est, per ventrem cor significans. Ideo autem secundo eius in supradicta editione memoriam fecit, quia duas habent operationes, sicut dicunt medici. Etenim per unam partem trahit alimenta, quod ventrem superiorem; per aliam purgationes, quod ventrem inferiorem vocant; renes vero quo vitalium seminum sunt ministeria; habent autem communionem cum ventre et femoribus; atque huius rei gratia, adipem primum qui supra ventrem est, et duos renes, et curvus adipem, qui super eos est, id est, super femora, ut pote quae vicina sunt renibus, jubet offerri, quia inter medium femoris et ventris renes siti sunt. In jecore autem, id est in hepate, delectationem sive concupiscentiam constitutam esse dixit; unde idem, secundum Septuaginta, hepatis pinnam cum renibus auferri dictum est, ut pote hepate, in renibus, vim operationis suae ministrante. Sed quid per haec significat? vel quid sancit iis qui salvari volentibus etiam nunc in parabolis, os aperuit? Quod oportet hostiam, id est primitias et holocaustum, Deo ab his, qui salvari volunt, intelligibilem adipem, videlicet desiderium, quod Graeci, epitimiam, dicunt, offerri; qui prius quidem operit superiorem ventrem, deinde inferiorem, ut et in cogitando, et in implendo, desiderium Deo offeramus. Oportet enim proponi prius, et postea compleri. Ergo, reatex, animus, cor est, in quo prius proponimus quasdam actiones, postea autem conamus implere. Reponere ergo appetere, quodammodo est, fastinare autem proficere digestio, forsitan, quaedam proprie dicatur, quorum utrorumque desiderium, quod adipem, clama vit, necesse habemus Deo offerre, ut nihil praxum proponamus, neque, expleamus. Bene autem super ventrem superiorem, (qui est appetitus, adipem qui operit ventrem, ait, quia maxima pars desiderii circa appetitum, et circa propositum est. Inferiori autem ventri duos renes, conjunctis, diximus enim, quod communionem renes ad cor habent, unde David ait: *Ura renes meos, et cor meum*. (Psal. xxxv.) Audi etenim Dominum, per Jeremiam prophetam, dicentem: *Ego Dominus, cor meum, et renes meos*. (Jer. xvii.) Nullo modo autem membra haec prophetia, conjunxisset, nisi ostentimodo quippiam eis commune fuisset. Motus est irascendi, in corde, in renibus autem, memoria eius jacere, medici dicunt. Unde innocentius tibi testimonium perhibens David: *Judica me, Domine, quoniam ego in innocentia mea ingressus sum*. (Psal.

xxv), ait; et renes uri atque cor postulavit, ut pote cui utraque poterant testimonium perhibere. In renibus ista etiam seminis causa est, unde et communione cum femoribus habere, qui ipsi coitalibus actionibus vim præbent, putantur. Vult ergo et nuptiarum desiderium offerri Deo, ut prolis causa, non fornicationis, proveniat, et honorabile sit conjugium et thorus immaculatus. Sed et hoc quod in nobis est irascibile Deo debet offerri, sic enim non ad operationem peccati, sed ad destructionem peccati irasci poterimus, et David in nobis implebitur Scriptura: *Irascimini et nolite peccare (Psal. iv)*. Quia enim est ira placens Deo, quando non ad nocendum, sed ad corrigendum proficit, probat aperte quod primum de Moysse in Exodo scribitur, ait enim: *Cumque appropinquasset ad castra, vidit vitulum et choros, iratusque valde projecit de manu tabulas, et confregit eas ad radicem montis, etc. (Exod. xxxii)*. Quod autem in hepate concupiscentiæ requiescere putantur, propterea pinnam, id est, summitatem, auferri cum renibus præcepit, et offerri ad altare: ut ab omni mala delectatione mundemur, scientes quia primitiva cogitationum nostrarum Deo necesse habemus offerre, sanctificantes per delibationem et massam. Verumtamen ita se quis debet disponere, ut omne desiderium et propositum cujuslibet actionis et consummationem Deo offerat, sed a mala ira et a tali delectatione mundari debet. Propterea enim motum iræ et delectationum primitias, ipsumque totum conjugium, per pinnam hepatis et renem offeret, recteque potest suam conversationem ad supernum altare offerre, et super holocausta, et super ligna quæ sunt super ignem. Secundum enim mandata spiritus conversatur, et hostia Deo suavissimi odoris efficitur. Placeat quippe ei perficere fructum, non solum centesimum, sed et sexagesimum et tricesimum. *Si vero de ovibus fuerit ejus oblatio et pacificorum hostia, sive masculum sive feminam obtulerit, immaculata erunt. Si agnum obtulerit coram Domino, ponet manum super caput victimæ suæ, quæ immolabitur in vestibulo tabernaculi testimonii, fundentque filii Aaron sanguinem ejus per altaris circuitum, et offerent de pacificorum hostia sacrificium Domino, adipem et caudam totam cum renibus et pinguedinem quæ operit ventrem: atque universa vitalia et utrumque renunculum cum adipe qui est juxta ilia, reticulumque jecoris cum renunculis, et adolebit ea sacerdos super altare in pabulum ignis et oblationis Domini. Si capra fuerit ejus oblatio, et obtulerit eam Domino, ponat manum suam super caput ejus, immolabitque eam in introitu tabernaculi testimonii, et fundent filii Aaron sanguinem ejus per altaris circuitum, tollentque ex ea in partem ignis Domini adipem qui operit ventrem, et qui legit universa vitalia, duos renunculos cum reticulo quod est super eos juxta ilia [Al., circa vitalia], et arvinam jecoris cum renunculis, adolebitque ea sacerdos super altare in alimoniam ignis et suavissimi odoris. Omnis adeps Domini erit jure perpetuo in generationibus*

*et cunctis habitaculis vestris, nec adipem nec sanguinem omnino comedetis. (Ex Hesychio.)* Quædam bovem offerre, et quem rursus ovem, quem vero capram, legislator præcepit, olim in his quæ de holocaustis dicta sunt exposuimus: ergo bovem legallium mandatorum operatorem ostendimus. Oves autem simplices esse diximus, capras etiam simplices quidem versatos in peccatis, sed tamen postea conversos, sed ibi ovibus etiam caprarum sacrificium misceat, ait enim: *Quod si de pecoribus oblatio est, de ovibus sive de capris holocaustum, anniculum absque macula offerret; LXX autem sic edunt: Si ab ovibus manus ejus ab agnis et hædis in holocaustum, masculum immaculatum offeret illum.* Quia oves genus quoddammodo esse agnorum et hædorum complexi; Vetus Testamentum æstimavit, invenies non hic tantum, sed et apud Amos, capras appellatas oves. Ait enim (*Cap. vii*): non sum propheta nec filius propheta, sed e populis [Ms., epulus] ego sum veniens sicamina, et sustulit me Dominus ex gregibus ovium; cum proprie e populis [epulus], quæ capras vescuntur [qui capras pascunt] appellentur, manifestum est quia et capras inter oves posuit. Quia ergo quædam ex ipsis agnos, quædam capras lex dicit: quorum quidem agni simplices tantum et qui nihil peccaverunt significantur; capræ autem simplices quidem, sed qui peccaverunt et conversi sunt, horum sacrificium unum quodammodo esse in holocaustomatibus recte traditum est. Eum enim qui perfecta vult sapere, etsi peccator fuit, ex quo vitam perfectam elegerit, sic oportet conversari sicut ille qui ante non peccavit. In sacrificio autem pacificorum cum eadem custodisset, tam in sacrificio ovium quam caprarum et boum, unum hoc plus in ovibus custodivit; quod non solum adipem reticulumque jecoris, vel secundum Septuaginta, pinnam hepatis, sed renes et caudam, vel idem secundum Septuaginta lumbum immaculatum cum renibus jussit offerri, quia enim ut simplex multa quæ operari debuit omisit: debet suam virtutem offerre Deo, ut non virtute sua in malum, ut simplex, sed magis utatur in bonum et manifestum faciat, quia nihil ex his quæ scire potest et exsequi omisit. Recte, cauti redduntur simplices, ut pote qui ex simplicitate facile poterant ad voluptatem trahi, ut non solum renes et adipem qui super ipsos est, sed et lumbum qui est in renibus offerant Deo. Quod autem adjicit in eadem translatione *sine macula, integrum* hoc intellige; quod explanans Symmachus *pro immaculato integrum* posuit. Aquila autem *perfectum* Nam et propterea cum renibus addidit, integrum illud perfectumque secundum quod diximus offerri, volens ne aliud ejus Deo, aliud autem adversario simplex offeratur, sufficit enim huic ad veniam ea quæ vitiatæ sunt non agere. Nam cum mala operatur, veniam non habebit; unde simplices ut columbas jubet esse Dominus, quia columba nimiam quodammodo simplicitatem habet, verumtamen ab omni malitia non desunt. Qui autem de bobus sacrificium offerret



ut pote operator legalium mandatorum, non habet necessitatem lumbum offerre, quia hoc in correctione bonarum sortitus est actionum; is autem qui de capris immolat, etsi simplicis est generis, verumtamen quia ex peccatoribus conversus intellectus est, non potest lumbum immaculatum offerre: olim quippe eura peccato maculavit. Manifestum est ergo quod hic quidem, ut pote qui non fuerat in peccatis, immaculatum lumbum offerre potest, qui vero fuit, hic iam non offeret lumbum in sacrificiis, siquidem quæ sunt de capris ascribitur, de quibus lumbum offerri non sancivit. Et hoc erat propter quod in sacrificio pacificorum ab agnis capras distinguit. Communis autem sunt alia, de quibus loqui necessarium non habemus, in oblatione enim hominum sufficienter tractatum est. Illud autem oportet cognosci quomodo ubi ait: Adolebit ea sacerdos super altare in simoniam ignis et suavissimi odoris, cum Septuaginta edidissent: Offeret illud sacerdos ad altare exta, odor suavitatis, ceteri interpretes in sacrificio quidem holocaustatum, pro extis, holocaustatumque, alii autem oblationem ediderunt: in hoc autem pacificorum sacrificio, hic quidem panem, alii autem frumentum demonstrantes sine dubio, quia et si non perfectæ philosophiæ sit oblatio, hoc enim est holocaustatum sacrificium, verumtamen sufficiens est etiam hæc pascere in his quæ sunt ad salutem et fortitudinem dare operanti, hoc enim nutrimentum panem præbere David propheta dicit cum ait: Panis, enim, confirmat cor hominis. Omnis adeps Domini erit iura perpetuo in generationibus et cunctis habitaculis vestris, nec adipem nec sanguinem omnino comedetis (Psal. ciii). Adipem ejus qui in nobis est desiderii, seu concupiscentiæ; sanguinem vero anime figuram gerere diximus; quia ergo adipem in æternum præcepit offerri, manifestum est quia consecrari Deo nostrum desiderium sive concupiscentiam vult. In æternum autem, hoc est, ne ad Deum illud et ad mundum dividamus, propter quod et addidit, In generationibus, id est, per singulas ætates. In generationes autem permutationes ætatum intelliguntur. Quod ostendit Jeremias, cum populo Judæico in Babylonia scribere in septem generationibus septuaginta annorum dicens numerum. In cunctis autem habitaculis, id est, in omni conversatione, sive societatem hanc agamus, sive solitariam assequamur vitam. Unde David dicebat: Qui habitare facit unanimes in domo (Psal. cxii). Adipem atque sanguinem præcepit omnino non comedi: adipem ad hoc, quia desiderium sive concupiscentiam nos habere propriam, id est carnalem, non vult, propter quod Jacobus dicebat: Unusquisque autem testatur, a concupiscentia sua abstractus et illectus (Jac. i); sanguinem autem, ut nec ad suam mortem, neque ad proximi currat: Bestiarum quippe hoc est crudellum proprium; ideo dixit: Non edetis omnem sanguinem. Non solum nos proximis parcere, sed et nobismetipsis præcipiens, nam et ad Noe aperte alia rursus præcepit: Carnem cum sanguine non

comedetis, sanguinem enim animalium vestrarum requiram. Significans quia per abstinentiam sanguinis, ab homicidijs abstinere vult hominem. Pro Deo autem non immolari vetuit, nec despiciere animam, sed omnino præcepit, unde et sanguinem circa basium fundi altaris jussit.

## CAPUT VI.

De hostiis pro peccato ignorantia.

(CAP. IV.) Locutusque est Dominus ad Moysen dicens: Loquere filiis Israel: anima cum peccaverit per ignorantiam, et de universis mandatis Domini, quæ præcepit ut non fierent, quippiam fecerit, si sacerdos qui est unctus peccaverit, delinquere faciens populum, offeret pro peccato suo vitulum immaculatum Domino. Et adducet illum ad ostium tabernaculi testimonii coram Domino, ponetque manum suam super caput ejus, et immolabit eum Domino. Hauriet quoque de sanguine vituli, inserens illud in tabernaculum testimonii. Cumque intinxerit digitum in sanguine, asperget de eo septies coram Domino contra velum sanctuarii. Ponetque de eodem sanguine super cornua altaris thimiamatis gratissimi Domino, quod est in tabernaculo testimonii. Omnem autem reliquum sanguinem fundet in basim altaris holocausti in introitu tabernaculi. Et adipem vituli offeret pro peccato, tam eum qui operit vitalia, quam omnia quæ intrinsecus sunt, duos renunculos et reticulum in quod est super eos juxta ilia, et adipem jecoris, cum renunculis, sicut auferitur de vitulo hostiæ pacificorum. Et adolebit ea super altare holocausti. Pellem vero et omnes carnes cum capite, et pedibus et intestinis et fimo, et reliquo corpore efferet extra castra in locum mundum ubi cineres effundi solent. Incendetque ea super lignorum struem, quæ in loco effusorum cinerum cremabuntur. Nihil eorum quæ necessaria fuerunt legislator omisit; designans quippe conversationum differentias, et ostendens nobis vias in oblatione sacrificiorum, quibus nos oporteat conversari, post hoc necessarie exponit Christi sacrificium, per quod nobis peccatorum remissio et redemptio concessa est. Ante alia ergo hoc nunc primum intende, quia peccata dixit esse animæ, quidam enim corpus quasi causale peccati accusant, sed non ita est. Nam si sana sit anima, nihil illi nocebit carnis luxuries. Quam si secundam quem oportet modum regat anima, recedit et cessat. Si autem dicit, atqui nolentem eam peccare dixit, verumtamen non coacta a carne, sed ignorantia boni, quam ex negligentia et mutatione deteriorum patitur, per quam etiam sua via ea quæ sunt noxia aestimat. Sed et hoc vide quomodo in multis sacerdotem permiscet. Ait enim: Anima cum peccaverit de universis mandatis Domini quæ præcepit ut non fierent, quippiam fecerit. Si sacerdos qui est unctus peccaverit, siquidem sacerdos qui unctus est peccavit, similem dicit aliis sacerdotem pro peccatis offerentem, quia et Christus nobis se similem præbuit, de ipso quippe ait Paulus: Propter quod debuit per omnia fratribus similis esse, ut misericors feret (Heb. ii). Et idem sacerdos in his qua

ad Deum quasi ad reconcilianda peccata populi, nisi  
 simul cum populo legis in Christo exponere. Sed iam  
 sunt in quaestione de sacramentis in manu esse, legislator  
 peccatum ipsius, secundum peccatum populi appellat  
 oris, quia negligens, sensibilis sacerdos, aut peccans  
 ipse, aut non iudicans in peccatoribus, illicet eos  
 qui videt sentit ad similia, intelligibilis autem, nec  
 drape peccatum fecit, nec apud, vel parum, neglexit;  
 qui enim lege nobis naturali etiam scriptam, dedit,  
 et non sine testimonio, sicut ait Paulus, semetipsum  
 reliquit. Verum tamen, quia haec figura coaptanda  
 est in Christo, secundum quod possibile est, ut per  
 omnia imaginis, consumitur color, hoc quod dictum  
 est, secundum quod dignum est, Christo intelligibili  
 resti, secundum quod dignum est, Christo intelligibili  
 sacerdoti debemus accipere. Si enim Dei longanimitate  
 non volentis, peccatorem perdere, abusus fuerit  
 quis, videtur illi Deus ignem dare peccandi,  
 propter quod Isaias ait: *Quare errare nos fecisti,*  
*Domine, de vis tuis, induxisti cor nostrum ne immer-*  
*emus, te? (Isa. LXIII.)* Habacuc etiam similia quo-  
 dammodo queritur, *Quare non respicis super inique*  
*agentes, et taces, devorante impio iustorem se, et facies*  
*homines quasi pisces maris, et quasi reptile non habens*  
*principem? (Habac. 1.)* Aperte ergo videtur legislator  
 illum sacerdotem significare cui dictum est: *Tu es*  
*sacerdos in aeternum secundum ordinem Melchisedech,*  
*cum qui a Patre unctus est, ad quem David dicebat:*  
*Sedes tua, Deus, in saeculum saeculi, virga recta est*  
*virga regni tui, dilexisti iustitiam et odisti iniquitatem,*  
*propterea unxit te Deus Deus tuus (Psal. XLIV.)* Hic  
 ergo pro peccatis nostris convenienter sacrificium  
 obtulit, de quo Paulus Hebraeos scribit: *Sic et Chri-*  
*stus semel oblatus ad multorum exhaurienda peccata,*  
*secundo sine peccato apparuit expectantibus se in*  
*salutem (Hebr. ix).* Offeret tamen se pro peccato  
 suo, LXX autem addunt, *quod peccavit.* Peccatum  
 autem eius, sicut qui semel illud in se suscepti,  
 nostrum peccatum dicitur; unde et Paulus dicebat: *Ob-*  
*secramus pro Christo reconciliari Deo, et qui ne-*  
*scebat peccatum, peccatum pro nobis fecit (II Cor.*  
*v).* Vitulum autem immaculatum Domino, videlicet  
 Patri, offeret carnem suam; immaculatum vero, quia  
 peccatum non fecit, nec dolus inventus est in ore eius  
 (I Petr. ii). Vitulum autem est quia in cruce intelli-  
 gibiles nostros inimicos ventilavit. Quod autem LXXI  
 vitulum de bobus legitur, ideo intelligemus dictum  
 de bobus, quia secundum carnem ex patribus fuit  
 qui de Legis existerant iustitia gloriosi. Ubi autem  
 offeret vitulum, id est, carnem suam? Ad ostium  
 tabernaculi testimonii coram Domino, ad ostium  
 quidem ut sacrificium Christi secundum doctrinas  
 et traditiones apostolorum factum fuisse intelli-  
 gamus, has enim esse ostia tabernaculi testimonii su-  
 perius ostendimus, ut pote ad caelum introitum  
 praesentia, quod tabernaculum est testimonii, habi-  
 tare enim hic in tabernaculo testimonii docetur  
 atque probatur. Habet enim Isaias aper tissimam  
 testimonii probationem dicens: *Qui extendit velut*  
*nihilum caelos, et expandit eos sicut tabernaculum*

ad inhabitandum (Isa. XLII). *Coram Deo sicut*  
*ostia inspiciente Patre consummabatur, et ubi regi-*  
*sterium, in tantum ut etiam aspicere videtur. Quia*  
*diceret Dominus: Pater, in manus tuas commendo*  
*spiritum meum (Luc. XXIII).* Ponere autem ostium aspi-  
 ritum super caput vituli, et jugulare vitulum proba-  
 tur. Nemo enim illum obtulit, sed nec immolare po-  
 terat, nisi semetipsum ipse ad patendum tradide-  
 ret, propter quod non solum dicebat: *Pater, in*  
*manus tuas commendo spiritum meum, et potestatem iudicis*  
*derum sumentis eam (Joan. I);* sed et praeventus,  
 semetipsum in cena apostolorum immolavit. Quia  
 enim de sanguine in tabernaculo testimonii in vita,  
 docet Paulus ad Hebraeos dicens: *Christus testis*  
*posuit, utrumque videtur per amplius et perfe-*  
 ctius tabernaculum non manuum factum, id est, non legis  
 creaturam, nec per sanguinem animalium, sed per  
 sanguinem suum, sed per proprium sanguinem, sicut  
 sancti, et eterna redemptionis causa (Hebr. IX).  
 Hic dicitur: *Neque enim in manu factis quocumque*  
*est Christus formam servavit, sed in spiritu et*  
*tabernaculum testimonii, quippe quia in ipso*  
 habere Deum pro patre, deservit, sicut et intelligi-  
 mus (II Cor. habitus in veste, inquit, irradiat eos (Paul.  
 II), et, *Nemo ascendit in caelum nisi qui descendit*  
*de caelo (Joan. III),* Unguentibus quoque sanctis  
 hominibus, per sanguinem introduxit, quia ibi carnes  
 portant, passionibus, et in virtute reguntur, unde et  
 sicut corpus patrandum Thomae plebani, asque ta-  
 C In caelos ascendit. Probat autem sequentia et  
 que intellere dignum in sanguine, ut patet de ob-  
 pter coram Domino contra vestem dicitur. Multis  
 nominibus carnem Domini appellat, quia et multis  
 operatibus habetur, unde et ipse Dominus modo  
 quidem semetipsum sacrificium, modo pro peccatis  
 i (Luc. XXII). Deinde rursum vitem, sicut vitem, quoniam  
 i (Joan. XV), et, *oportet ut aspiciatur*  
 verbis variis suis appellatibus, et nominibus. Et  
 sicut ergo vitum eius carnem appellat, et dicitur  
 enim hoc non possumus, Paulo ad explicationem  
 huius mysterii dicitur: *Habemus quosdam confite-*  
*ntiam in introitu sancto, in quo theoz Christi,*  
*quam vultum nobis vitem, in orem, et vitem per*  
*etiam, id est, carnem suam, et vitem vitem*  
 D ad ostium delinquentis cum pharaone in sacrificio  
 etione patet (Hebr. IX), prope et vitem vitem  
 appellatum est, quoniam quippe carnem suam  
 ram gerat. Quia ergo vitum de vitem vitem dicitur,  
 tur, convenienter vitem in sanguine in ungue, et  
 ostenditur quia passiones carnis Domine veraciter  
 divinitatis acta sunt. Nam quomodo potest talia  
 tunc fieri, si est, sicut recessus, terram, et coelo  
 petrarum, et similia? Hic ergo vitum vitem  
 passionem suscipiens, aspersit quidem suam car-  
 nem, aspersit autem septies, quia pro remissione  
 hoc peccatorum, et pro salmatis, et vitem vitem  
 spiritu recti, ut unquam enim pro peccatis  
 consuevit numerus. Quia vitem vitem oportet

in passione eius accipere, probant Pilati et Judaeorum turbae, dum enim traderetur cruci, ipse quidem clamabat: *Mundus sum a sanguine justorum* (Matth. xxvii). Illi autem: *Sanguis ejus super nos et super filios nostros* (Ibid.). Hujus aspersionis et Petrus in catholica epistola meminit, apostolum se dominans secundum praescientiam Dei Patris in sanguine Jesu Christi (I. Petr., i). Ponetque de eodem sanguine super cornua altaris thymiamatis gratissimi Domino, quod est in tabernaculo testimonii. Hic altare eodem Dei, hoc est cherubim, significat; quod enim sunt altare Isaias per visionem seraphim manifestavit, ait enim: *Et volavit ad me unus de seraphim, et in manu ejus calculus quem forcipe tulerat de altari* (Isa. vi). Thymiamata autem sicut LXX dicunt compositiones, compositionem omnium sicut in thymiamate virtutum dicitur, quia sunt intelligibile thymiamata, ubi quippe decet virtutes nisi in sede Dei esse compositas, in quibus et si in terra conterrita est, de caelo tamen descendunt, unde et Paulus de his qui in virtutum conversantur dicitur: *intra autem conversatio in caelis est* (Philipp. iij). Iacobus vero ait: *Quae autem desursum est sapientia, primum quidem benigna est* (Jac. iij). Sapientiam dicens unam de generalibus, esse virtutibus. Haec enim fortitudo, et justitia, et caritas, multo magis et caeterae cum hac ordinantur, quod dicitur sunt quatuor, ut arbitror, excellenter cornua praedicti altaris, quia genera sunt aliarum virtutum convenienter nominantur. Ait autem et Isaias: *Misericordiae Domini memorabor remiscens virtutem ejus*. Haec Dominus ungit proprio sanguine, virtutem eis praestans majorem perfectionemque, ut contra adversariorum vires praevaleat possint. Omnem reliquum sanguinem vituli fundi circa basim altaris hoc locausti, quod est in tabernaculo testimonii praecipit Altare hoc locaustomatis rursus Christi corpus intelligamus. Sicut enim ipse sacerdos et sacrificium est, sic et altare est; si autem in multis nominibus unum est, quod significatur diximus, quippe cum oportere intelligi etiam velum, nihil est quod ex hoc possit obsistere; dum enim multa sint in ipso operationes, convenienter etiam multa sunt nomina. Quia autem intelligibile altare corpus Domini, et beatus Paulus intelligit ipse dicente cognoscit, ait enim: *Habemus altare, de quo edere non debemus potestatem hi qui tabernaculo deserunt, corpus videlicet Christi, de illo enim Judaei comedere fas non est*. Hoc altare, necessario in introitu tabernaculi testimonii, id est in introitu caelorum est, et in ipso, ipsum ingressum habemus in caelis. Sed quod reliquum sacrificii hujus discutiamus; quaecunque enim in sacrificio pacificorum seu salutari praecipit, eadem fieri etiam in hoc praecipit, duos remittit, jubet offerri, et reticulum quod est super eum, et adipem jecoris, quod LXX edunt, et pinnam hepatis. Et adoleri ea super altare holocaustatum, in quibus sacrificium dividens, quatenus omnibus

A liceat Christi sacrificium imitari, id est, tam his qui inferioris sunt conversationis, eis quippe convivere pacificorum diximus sacrificium, quam altiora sapientibus, quibus imitari sufficit, quae sequuntur: *Pellam vero et omnes carnes cum capite et pedibus et intestinis, et fimo et reliquo corpore offeret extra castra*. Quod praecipit ut non Christum dividas, sicut quidam dividunt dicentes: *Is qui de Maria est, passus est, qui autem de Deo Patre est, passus non est*. Nobis enim unicus Dominus Jesus Christus, per quem omnia, qui [Ms., quae], secundum quod Paulus dixit. Cum ut homo pateretur miracula, tamen in passionibus operabatur ut Deus (Hebr. ii). Caro enim in Domino omnibus ejus humanitas, quia *Verbum caro factum est*, dicitur, propter quod et carni eius cum capite et pedibus vel eum capite et extremis, videlicet pedibus. Sic enim caeteri interpretum ediderunt, jussit incendi ut per praedicta verba, eum qui pro nobis passus est esse a principio, et in novissimis intelligeremus, de quo ait Paulus, *quo in ipso creata sunt omnia quae in caelis, et quae in terra, visibilia et invisibilia*. Sive throni, sive dominationes, sive principatus, sive potestates. Omnia per ipsum et in ipso creata sunt, et ipse est ante omnia, et omnia in ipso constant. Et ipse est caput corporis Ecclesiae, qui est principium primogenitus a mortuis, ut ipse in omnibus primatum tenens (Colos. i). Insuper cum intestinis et fimo, vel, sicut Septuaginta, cum ventre et stercore, ait, ut quia mentis intelligibilis venter figuram gerit, sicut in sacrificiis aliorum holocaustorum ostendimus, ex eo mentem habuisse nostram eum qui pro nobis passus est, minime ignoramus, quod quidam haeticorum negant. Fimus autem peccata generis humani significat, quae crucifixus in se suscepit, haec enim fimus Domini verissimiliter dicuntur, fimus quippe cum sit immundus, gerentem non polluit. Neque natura nostra est quamvis sit in nobis, sicut et peccata nostra quae portavit Dominus, et aliena fuerunt ab eo, et eum nullatenus polluerunt, permansi enim sine peccato. Totum ergo vitulum, id est, totum Christum, extra castra in loco mundissimo ubi effundi cineres solent ejus legislator jubet, aperuisse sacrificii Christi locum significare studens, extra castra enim passus est, quod testatur Paulus, dicens: *Ideo et Jesus ut sanctificaret plebem extra portam passus est* (Hebr. xii). Quis autem mundus est cineris locus? Golgotha videlicet, et in tantum mundus, ut mundum totum ipse mundaret; cineris autem recte locus dictus est, quia in ipsa extincta sunt peccata generis humani, unde et mundus locus appellatur. *Incedentque ea super struem lignorum*. Ligna autem in igne, sacras Scripturas diximus; quaecunque autem in Domino tempore passionis gesta sunt, ad implenda ea quae propheta dixerunt sunt gesta, quod manifestat Dominus, quando a Judaeis comprehensus est, dicens: *Tanquam ad latronem existis cum gladiis et fustibus comprehendere me: quotidie in templo sedebam docens, et non me tenuistis, hoc autem factum*

nec ut completerentur Scripturae prophetarum. (Lac. xxii.)  
 Et rursus: Jesus autem videns quod omnia consum-  
 matura essent, ut impleretur Scriptura, dixit: Sitio  
 (Joan. xiiii.) Sed cum per singula figura Dominice  
 passionis appareat, tamen planius legislator videtur  
 hoc in serpentibus figurare mysterium. (Cap. iv.)  
 Quod si omnia turba Israel ignoraverit, et per impe-  
 ritiam fecerit quod contra mandatum Domini est, et  
 postea intellexerit peccatum suum, offeret vitulum pro  
 peccato, adducetque eum ad ostium tabernaculi, et  
 ponens seniores populi manus super caput ejus coram  
 Domina, immolatoque vitulo in conspectu Domini,  
 interficiet sacerdos qui sanctus est de sanguine ejus in  
 tabernaculum testimonii,incto digito aspergens se-  
 pties contra velum, ponetque de eodem sanguine in  
 cornibus altaris, quod est coram Domino in taberna-  
 culo testimonii. Retiquum autem sanguinem fundet  
 jacta basim altaris holocaustorum, quod est in ostio  
 tabernaculi testimonii, omnemque ejus adipem tollet,  
 et adolebit super altare, sic faciet et de hoc vitulo  
 quomodo fecit et prius. Et rogante pro eis sacerdote,  
 propitijs erit Dominus. Ipsum autem vitulum offeret  
 extra castra, atque comburet, sicut et priorem vitu-  
 lum, quia pro peccato est multitudinis. Nihil in his  
 legislator commutavit quod esse possit extra prædi-  
 cationem sacrificiam, quod est principis sacerdotum.  
 Idem enim a turba Israel et a sacerdote offerri præ-  
 cepit, vitulum enim et hic et illic dixit. Similiter  
 etiam sanguinem in tabernaculo testimonii offerri  
 jubet, vitulum autem extra castra incendi. Atque  
 lapertissime in his quæ dicta sunt ostenditur quia  
 eadem erant plebis sacerdotisque peccata, nam quam  
 ob causam idem sacrificium pro eis offerret. Quod  
 autem de sacrificio immutatum est, hoc magis ad fir-  
 mitatem pertinet, quod unquam sit sacrificium, nam  
 in sacerdote non dixit, si cognoverit peccatum suum.  
 Nec enim ignoraturus erat Dominus peccatum, quod  
 ut suspiceret incarnatus est. De turba autem, id est,  
 de synagoga; sive de plebe, attende quid ait: Quod  
 si omnia turba Israel ignoraverit, et per imperitiam  
 fecerit quod contra mandatum Domini est, et postea  
 intellexerit peccatum suum. Ergo ab initio quidam  
 suum peccatum ignoraverunt, sed postea cognove-  
 runt; et hoc ostendunt ipsa verba Domini, ait enim:  
 Nisi venissem et locutus es fuissem, peccatum non  
 haberent, ut ignorantibus utique, nunc autem excusa-  
 tionem non habent de peccato suo. (Joan. xv), ut pote  
 per ejus doctrinam discerent quod nesciebant prius;  
 quando ergo suam peccata cognoverunt, tunc ad  
 sacrificium Unigeniti se verterunt. Deinde in sacri-  
 ficio sacerdotis ipsum diximus imposuisse manum  
 super caput vituli, hic autem seniores hoc ficere  
 dicit. Utrumque enim revera in Christi sacrificio  
 agebatur, id est, quia et imminere ad constan-  
 mandum illud seniores populi et scribæ, et Caiphas  
 princeps sacerdotum, dicebantque: Expedi vobis  
 ut unus homo moriatur pro populo, et non tota gens  
 pereat (Joan. xvi). Et quia nullo modo expleri po-  
 tuisset, si non semetipsum ad passionem Dominus

tradidisset, in tantum uti predicator. Petrus: Nisi  
 gladium tuum in vaginam, habeam quem dedisti mihi  
 Pater, non vis ut bibam illum? (Matth. xxvi.) Remi-  
 sionem enim dispensare nostrorum peccatorum remi-  
 sionem, quod necessarium in his quæ sunt de vi-  
 tulo synagoga sacrificio est considerandum. Alio enim:  
 Sic faciet de hoc vitulo quomodo fecit et prius. Et ro-  
 gante pro eis sacerdote, propitijs erit Dominus. Chri-  
 stus enim factus est nobis propitiatio in sanguine  
 suo, sicut a beato Paulo Romanis scriptum est, per  
 quem in tantum peccata remissa sunt, quatenus ipsi  
 quoque remissionem mererentur qui in eo peccave-  
 runt. De ipsis quippe dixerat: Pater, ignosce illis,  
 nesciunt enim quid faciunt (Lac. xxiii). Sed quid ad  
 finem sacrificii legislator dixit? Sufficit enim nobis  
 legis ipsius conclusio ad manifestanda præsentia.  
 Ipsum autem vitulum offeret extra castra atque com-  
 buret, sicut et priorem vitulum, quia pro peccato est  
 multitudinis. Vides quomodo nihil mutari in secundo  
 sacrificio extra hoc quod primo est præcipitur? Et  
 quare? Quia pro peccato est, inquit, multitu-  
 dinis. Ergo hoc manifestum est et indubitabile quia  
 idem peccatum plebis et sacerdotis intellexerit. Et  
 propterea idem in utroque sacrificium ordinavit;  
 nec ipsis quidem verbis dividens quod non faceret,  
 nisi figuræ fuissent ea quæ tunc agebant. (Ibid.) Si  
 peccaverit princeps, et fecerit unum vitulum per  
 ignorantiam, quod Domini lege prohibetur, et postea  
 intellexerit peccatum suum, offeret hostiam Domino,  
 hircum de capris immaculatum, ponetque manum suam  
 super caput ejus. Cumque immolaverit eum in loco  
 ubi solet mactari holocaustum coram Domino, quia  
 pro peccato est, tinget sacerdos digitum in sanguine  
 hostiæ pro peccato, tangens cornua altaris holocausti,  
 et reliquum stans ad basim ejus. Adipem vero adole-  
 bit supra, sicut in victimis pacificorum fieri solet,  
 rogabitque pro eo et pro peccato ejus, ut dimittatur ei.  
 Quod si peccaverit anima per ignorantiam de populo  
 terre, ut faciat quidquam ex his quæ Domini lege  
 prohibentur, atque delinquat, et cognoverit peccatum  
 suum, offeret caprum immaculatum, ponetque manum  
 super caput hostiæ quæ pro peccato est, et immolabit  
 eum in loco holocausti. Tolleque sacerdos de sanguine  
 in digito suo, et tangens cornua altaris, reliquum fundet  
 ad basim ejus. Omnem autem asperens adipem  
 sicut in asperis solet de victimis pacificorum adolebit  
 super altare, in odorem suavitatis Domino, rogabitque  
 pro eo et dimittetur ei. Quomodo in conversationibus et condi-  
 tionibus vitæ offerentium ordinavit, ita rursus pro  
 peccatis sacrificia æquata esse peccatis jubet, quo-  
 rum magnitudo non solum ex actione peccati, sed  
 ex persona peccantium ponitur. Et hinc recte, quia  
 et Dominus apostolis dixit: Servus cognoscens vo-  
 luntatem domini sui, et non se preparans nec faciens  
 secundum voluntatem ejus, vapulabit multis; qui au-  
 tem non cognovit, et non fecit digna plægis, vapulabit  
 paucis (Lac. xii); sed quid subjunxit? Cui datum est  
 multum, multum queritur ab eo; et cui creditum est

substitutum; substituitur ab eo (Luc. xii). Nunc intellige A  
 esse qui a legislatore dictus est princeps; hic ergo  
 ab peccatoribus hircum offert, si quis autem de populo,  
 dicit autem idiotam, sive popularem, non enim qui  
 sorte distinctus est ad meditandam legem: Nam et  
 hic utique princeps nominaretur, qui pro minori  
 peccato capram offerre præcipitur, quemadmodum  
 ille hircum, hic feminam, ille marem. Quemadmo-  
 dum ergo oblatio capræ sacrificium pro peccato sig-  
 nat, sic hircus et capra cum sit feminini generis,  
 hircus masculini, sacrificii interpretatur vim. Non  
 enim frustra hoc legislator intendit, sed quia hircus  
 et capra: hoc autem Septuaginta in Græco sic  
 edunt, ut χίμαρον et χίμαραν dicant offerri debere,  
 quod Latini ex eadem editione interpretati sunt:  
 hædum ex capris masculinum, et capram de hædis  
 fenellam. Chimarrus autem et chimarra fetus ca-  
 prarum sunt, chimerrini vel χιμαρροι, id est, qui  
 circa tempus hiemis nascuntur: nam bis per annum  
 capris parientibus, quidam fetus tempore hiemis,  
 quidam autem æstatis generantur. Cum ergo ita se  
 habeant, per hiemem tristitiam poenitentiae docet;  
 in tristitia quippe hic et fetu filios generat, sed ta-  
 men filii ejus non sunt a sacrificio probati. Unde  
 existimo hædos, id est, χιμαρρους, offerre poenitentes,  
 ut pote fluctuantes, præcepit, et ut qui diversita-  
 tibus, undarum, a peccatis se erigentibus, repugnan-  
 tes misericorditer omnino salvabuntur. Si enim per-  
 maneant in poenitentia, et non desperent, velut in  
 tempestate reliquentes navis, animæ gubernacula  
 liberaliuntur; sin autem desperaverint, quemadmo- C  
 dum quidam gubernatores vel nauæ pavidi, statim  
 perant. Nam et Dominus dixit: *Orate ne fiat fuga  
 vestra hieme vel sabbato (Matth. xxiv)*, hiemem tem-  
 pus poenitentiae dicens, sabbatum vero otium animæ  
 atque virtutum cessationem intelligens; ad otium  
 siquidem atque a malis vacationem datum est sab-  
 batum, sed Judæorum gens hoc e diverso usa est.  
 Græve autem est in tempore quo necessaria est poe-  
 nitentia, et multo gravius quo vacat ab omnibus  
 operibus, quæquam tentari, vel persecutionem pati,  
 unde etiam sicut majorem eum qui sabbato per-  
 secutionem patitur, novissimum numeravit. Quia ergo  
 et hircus et capra sive hædi virtutem et differentie  
 sacrificiorum modum didicimus, jam videamus que  
 in utroque aguntur sacrificio. Communia enim sunt,  
 quoniam poenitentia finis, et generalis effectus pec-  
 catorum remissio est, quam aperte legislator posuit,  
 dicens: *Quod si peccaverit anima per ignorantiam  
 de populo terræ, ut faciat, quidquam, ex ijs quæ Do-  
 mini lege prohibentur. Non dicit quid, quia in quo-  
 libet prævaricatione quis fuerit, in totam legem de-  
 liquit, sicut beatus Jacobus ait: Quicumque totam  
 legem servaverit, offendet autem in uno, omnium reus  
 committetur (Jac. ii)*. Quando ipse qui peccavit pecca-  
 tum suum cognoverit, neque enim aliter poenitentiam  
 agere potest nisi cognoscat peccatum suum, tunc  
 enim princeps hircum sive chimarrum; is autem qui  
 de turba est offert capram sive chimarram, immacu-

lata autem utraque: immaculatam siquidem oportet  
 esse poenitentiam. Quæ autem ejus est macula? Vile-  
 licet si peccato compatitur, vel amicus sit poenitens  
 pro quo agit poenitentiam. Oportet enim eum perfecte  
 a peccato eodem atque studiosissimo recedere pro-  
 posito. Deinde imponet manum suam super caput  
 hostiæ; ipse per semetipsum peccatum manifestans,  
 et suam offerens confessionem. Ipse autem (secun-  
 dum Septuaginta) non occidit, sed alii, habet enim  
 necessarium et aliorum auxilium ad orationem, ut  
 suscipiatur ejus poenitentia, unde nec omnimodo  
 sacerdotes occidere præcepit. Ait enim: *Occident  
 eum in loco in quo occidunt holocaustomata*. Qui  
 autem occidant non addidit, licet enim in sacrificio  
 poenitentia alterius uti adjutoris. Quod testatur Ja-  
 cobus dicens: *Orate pro alterutro ut salvemini (Ja-  
 cob. v)*. Sed magis justorum utamur adjutorio, ipse  
 enim subdidit: *Multum enim valet oratio justis as-  
 tidua (Ibid.)*. Ubi autem occident? Idem secundam  
 LXX, *In conspectu Domini*. Pro peccato quippe in  
 conspectu Domini confiteri necessarium habemus,  
 propter quod dixit David: *Peccatum meum cogni-  
 tum tibi feci, et Injustitias meas non operui. Dixi  
 Pronuntiabo adversum me injustitiam meam Domino,  
 et tu remisisti iniquitatem cordis mei (Psal. xxxi)*.  
 Propterea hic legislator intulit: et tollit et ponet  
 sacerdos sanguinem peccati digito super cornua al-  
 taris holocaustomatis, sanguinem autem peccati ap-  
 pellavit; qui pro peccato offertur. Hujus primitias  
 sacerdos Christus super cornua altaris holocausto-  
 matis offeret, videlicet per crucem suam; si enim al-  
 tare holocaustomatis Domini corpus est, hujus pro-  
 cut dubio cornua crux erit; de qua Habacuc dixit:  
*Cornua sunt in manibus ejus (Habac. iii)*. Offeret  
 super suam crucem primitias necessario sui san-  
 guinis qui pro peccato offertur, quia opus crucis et  
 effectus perfecta peccatorum nostrorum remissio  
 est. Quod autem dicit: *Reliquum sanguinem fundet  
 ad basim ejus*, omnem poenitentiam evangelicæ tri-  
 buit prædicationi, quam esse basim altaris diximus.  
 Recte autem poenitentiam omnem apostolicæ prædi-  
 cationi tribuit, quia omnia ejus intentio hæc est, ut  
 omnis homo poenitens se corrigendo salvetur, pro-  
 pter quod et primam illam vocem Dominus prævidet  
 in Evangelio doctorem: *Poenitentiam agite, appropin-  
 quabit enim regnum caelorum (Matth. iv)*. Omnem  
 autem auferent adipem sicut auferri solet de vicini-  
 is pacificorum, ut poenitentis omne desiderium  
 sursum respiciat, id est caelum intendat, tunc enim  
 poterit poenitentiam offerenti in pacificorum sacri-  
 ficio reputari: Sed quis sit finis horum quæ dicta  
 sunt, addidit: *Rogabitque pro eo sacerdos et dimi-  
 tetur ei*. Neque enim idque sumus peccata nobis-  
 metipsis dimittere, Christus autem nobis propitia-  
 tionem perficit. *Si autem de pecoribus obtuleris vi-  
 ctimam pro peccato, ovem scilicet immaculatam, po-  
 nel manum super caput ejus, et immolabit eam in  
 loco ubi solent holocaustorum caedi hostiæ, sumetque  
 sacerdos de sanguine ejus digito suo, et tangens cor-*

non altaris holocausti, reliquum fundet ad basim  
 ejus. *Omniem quoque auferens adipem, sicut auferri  
 solet adipe arietis qui immollatur pro pacificis, et  
 mabit super altare in incensum Domini: Rogabitque  
 pro eo, et pro peccato ejus, et dimittetur illi.* Semet-  
 ipsum nunc quoque sequens legislator oblationem cap-  
 rae, sive chimarræ quam diximus ab his qui sunt  
 de populo, et qui non occupantur in meditatione  
 legis, offerri ovem quoque conjunxit: quoniam in  
 populo et idiotis possibile est esse aliquos etiam  
 simplices quibus conveniat ovis sacrificium, quod  
 tam in holocaustis quam sacrificiis hostiarum pa-  
 cificorum demonstratum. Aperte ergo legislator ap-  
 probare cupiens quod non solum princeps, id est  
 scientia sublimior, nec tantum popularis, sed si quis  
 est in populis simpliciter, si forte peccaverit, quod  
 et hic ad redemptionem peccatorum debet penit-  
 entiam, ovis sacrificium introduxit: ideo autem  
 non arietem, sed ovem, id est feminam, et non ma-  
 sculum precepit offerri, quia popularibus feminarum  
 sacrificium deputavit, eos hic qui legem accipiunt  
 evidenter contestans, ut quacunq; principatum sor-  
 titus est, et est alius sublimior scientia, non solum  
 exhibeat simplicitatem cum oporteat eum etiam pra-  
 dentem esse sicut serpentem, quemadmodum Domi-  
 nus ait, qui vero non est talis, id est, qui non abun-  
 dat scientia, et propterea in populo deget, hic quam-  
 vis sit simplex, si contingat ut peccet, nec ipso pec-  
 cato ignoscitur nisi per oblationem penitentiae pec-  
 catum dimittit. Cum ergo hæc ita se habeant, non  
 egent cætera expositione. Cum enim sacrificium pro  
 peccato sit, simul et de capra et ove precepit, unde  
 necesse non est, cum tendamus ad sequentia, dit-  
 ti in presentibus immorari.

CAPUT VII.

*De eo qui audit juramentum mendaciter.*  
 (Cap. v.) *Si peccaverit anima, et audierit vocem  
 jurantis testisque fuerit quod aut ipse vidit aut con-  
 sciens est, non indicaverit, portabit iniquitatem suam.*  
 (Ex D. Augustino.) Hoc enim videtur dicere pec-  
 care hominem, quo audiente jurat aliquis falsum,  
 et scit eum falsum jurare et tacet, tunc autem scit,  
 si ei rei de qua juratur testis fuerit aut vidit, aut  
 conscius fuit, id est aliquo modo cognovit, aut oculis  
 suis conspexit, aut ipse qui jurat, illi indicavit. Ita  
 enim potuit esse conscius, sed inter timorem hujus  
 peccati, et timorem conditionis hominum non parva  
 existit plerumque tentatio; possumus enim paratum  
 ad perjurium admonendo vel prohibendo a tam gravi  
 peccato revocare, sed si non audierit, et coram nobis  
 de re quam nobis falsum juraverit utrum pro-  
 leudus sit, si proditus etiam in periculum mortis  
 incurrat, difficillima questio est, sed quod non ex-  
 pressit, cui hoc indicandum esset, utrum illi cui ad-  
 juratur, an sacerdoti, vel cuiquam qui non solum eum  
 persequi non potest irrogando supplicium, sed etiam  
 orare pro illo potest, videtur mihi quod se homo sol-  
 rat, etiam a peccati vinculo, si indicet talibus qui  
 magis possunt prodesse quam obesse perjuro, sive

ad corrigendum, sive ad Deum pro illo placandum,  
 si et ipse confessionis adhibeat medicinam. Post hoc  
 autem peccati genus quod de perjurio alicujus non  
 indicato commemoravit, nullum pro eo sacrificium  
 jussit offerri, sed deinde subjunxit

CAPUT VIII.

*De anima que tetigerit aliquid immundum, aut a  
 bestia obisum.*  
 (IBIDEM.) *Anima que tetigerit aliquid immundum,  
 sive quod occidit a bestia est, aut per se mortuum,  
 vel quodlibet aliud reptile, et oblita fuerit immunditie  
 sue, vea est, et delinquit. Et si tetigerit quippiam de  
 immunditia hominis, iuxta omnem impuritatem quæ  
 potuit solet, oblitaque cognoverit, postea subjacere  
 debet. Neque hic sacrificium pro illo genere peccati  
 quid offeratur commemoravit, sed adhuc adjecit et  
 ait: Anima que juraverit, et protulerit labiis suis, et  
 vel male quod faceret, vel bene, et idipsum iustitiam  
 et sermone firmaverit, oblitaque postea intellexerit  
 delictum suum, agat penitentiam pro peccato, et offer-  
 rat agnam de gregibus, sive capram, et oblatque pro eo  
 sacerdos, et pro peccato ejus. (Ex Augustino.) Quid  
 est, ergo, quod pro facito, cujusquam perjurio, et pro  
 eo quod tangitur mortificum, vel aliquid immun-  
 dum, in nullum sacrificium commemoravit, pro eo  
 vero peccato ubi falsum, quisque nesciens jurat, dixit  
 offerri agnam, vel capram, an pro omnibus supra-  
 dictis hoc sacrificium oportet intelligi? Voluit enim  
 prius omnia enumerare, et sic inferre, quod sacrifi-  
 cio possit expiari. Si autem non potuerit offerre  
 pecus, offerat duos turtures, vel a duos pullos co-  
 lombarum Domini, unum pro peccato, et alterum in  
 holocaustum, et oblatque eos sacerdoti, qui primus  
 offerens pro peccato, retrahet caput ejus ad pennis  
 suas, ita ut collo hæreat, et non penitus abrup-  
 tum, et asperget de sanguine ejus parietem altaris,  
 quidquid autem reliquum fuerit, faciet distillare ad  
 fundamentum ejus, quia pro peccato est, alterum vero  
 ad oblatum holocaustum ut fieri solet. Rogabitque pro eo  
 sacerdos, et pro peccato ejus, et dimittetur ei. Quod si  
 non quiverit manus ejus offerre duos turtures, vel duos  
 pullos colombe, offeret pro peccato, similem partem  
 ephi decimam. Non misit in eam oleum, nec thuris  
 aliquid impone, quia pro peccato est, traditque eam  
 sacerdoti, qui plenum ex toto pugillam hauriens, ore-  
 mabit super altare, in monumentum ejus, qui obtulit,  
 rogans pro illo et expians. Reliquum vero partem ipse  
 habebit in manere. (Ex Hesychio.) Num eadem legis-  
 lator repetit, cum in præteritis dixisset: Quoties  
 peccaverit de populo terre per ignorantiam, ut faciat  
 quippiam ex his que Domini lege prohibentur, atque  
 delinquit? generaliter de omni peccato præcipiens,  
 et iubens quæ debent offerri. Quando enim dixit:  
 Quod si peccaverit de populo terre per ignorantiam,  
 ut faciat quippiam ex his que Domini lege prohiben-  
 tur, atque delinquit, sensibilem Israelitem ostendit,  
 qui cognoscens Dei mandata, non debuit quippiam  
 legis transgredi; transgressus autem implere debuit  
 ea quæ ad penitentiam pertinent. In presenti autem*



atque in iusjurandum committitur; aliquando autem  
 omne peccatum quod ad scientiam pervenit, legis-  
 lator appellat, et propterea ab eo ubique cognitio  
 peccati, sive anteponatur, sive subinferatur, modis  
 omnibus delictum dicitur, ut ostendat quia omne  
 peccatum, postquam cognoscitur, in ipsum delin-  
 quiat Deum. Et ideo appellatur delictura, id est,  
 πλημμελεια. Non enim sine causa legislator hoc ser-  
 mone frequenter utitur; nam et quemadmodum dif-  
 ferentes conversationes hominum in exordiis libri  
 per holocausta et sacrificia salutaria designans  
 legislator, non frustra proposuit, sed vias multas  
 et januas aperire cupiens, sic et modo non unam  
 speciem, sed multas de oblationibus pro peccato  
 sancivit, ut plurimos modos poenitentiae proponeret;  
 quia nec omnes homines omnes modos implere pos-  
 sunt, nec omnis modus poenitentiae in omni peccato  
 convenit, quando enim poenitentia saccum, et jeju-  
 nium, et lacrymas et orationem continuam, et vigi-  
 lias exigit, aliaque similia, quomodo, verbi gratia,  
 inspectura aut alicui corpore infirmus, talen agere  
 poenitentiam praevaleret? Num ergo hic propter in-  
 firmitatem aut senilem aetatem repellitur q poeniten-  
 tia? Nullo modo, habet enim alium modum ad im-  
 petrandam remissionem peccatorum. Sed quis hic  
 sita sequentia demonstrant. Ait enim: Si ergo hic  
 non paraverit offerre pecus, offerret pro peccato suo  
 quod peccavit duos turturas aut duos pullos columba-  
 rum Domino. Quamobrem necessarium vobis est re-  
 mittere nos, quia contemplativam vitam, et in medi-  
 tatione conversantem, et mundam atque simplicem  
 significari per pullos columbarum et turturarum super-  
 rius diximus. Ergo qui non potest vacare in continua  
 afflictione et annona, ut panem suum cum cinere co-  
 medat, et potum suum cum fletu temperet (Psal. 41),  
 aliaque his similia poenitens agat, verbi gratia, in-  
 firmitate aut talis quaeunque necessitate prohibitus,  
 hic alio modo agere potest poenitentiam, voluti  
 offerre semetipsum ad contemplandum Deum, et  
 ad perscrutationem legis ejus, et utinamque mentem  
 suam consentans caelesti conversationi a terrenis  
 rebus planissime se cohibeat; per hoc enim et  
 peccatorum remissio et justitiae procuratur. Unde  
 eorum quae offeruntur animum quidem pro peccato, id  
 est, ad emundationem peccati. Alterum vero in ho-  
 locaustum, quasi in cruciagentem semetipsum, con-  
 versationem vel vitam, et plenissime Deo tradente  
 immolatur. Offerret autem hinc sacerdoti, Christo uti-  
 que; itaque enim acceptabile est utramque quando  
 secundam intentionem Dominicam, atque eo me-  
 diante offeruntur; qui primum offerens pro peccato,  
 ideo primum pro peccato offerret, quia nemo potest  
 holocaustum fieri, nisi prius fuerit a peccato  
 liber effectus. Sed quis hujus modus est liberta-  
 tis? Retorquebitque sacerdos caput ejus ad pinna-  
 las ita, ut colla haereat et non penitus abrup-  
 tur. Per collam quod LXX. spatulum interpre-  
 tati sunt, totum corpus intelligitur, quia colla  
 firmitas, sanitas, et substantia totius corporis est.

Quia ergo solent caput pro membris recipere in divinis  
 Scriptura pro eo quod mens principatum tenet in  
 homine, unde et David Domino dicebat: Tu confid-  
 bulasti capita draconum super aquas: (Psal. 74. 13),  
 mentem videlicet, dum aqua baptismatis remissio-  
 nem praebente, mens diaboli conteritur, retorquebit-  
 que caput ejus ad pinulas; vult nos non servire re-  
 que compati corpori, sed abrumpi vel retorqueri, ut  
 non ex aequo repugnet legi mentis lex peccati, quae  
 consuetudine peccandi in membris habitat corporis,  
 neque captivum ducat hominem, sicut Paulus ait  
 (Rom. vi). Quia autem non debentur ex toto corpus  
 aversari, nec creaturam illud diaboli aestimare, sicut  
 quidam putant, sed subdere illud menti; propterea  
 non praecepit caput a colla separari, unius quippe  
 ejusdem sunt utraque creatura. Sed sequentia videa-  
 mus: Et asperget de sanguine illius parietem altaris;  
 quidquid autem reliquum fuerit, faciet distillare ad  
 fundamenta ejus, quia pro peccato est. Paries altaris  
 corpus Christi intelligitur, de quo ipse Christus di-  
 cebat: Solvite templum hoc et in tribus diebus aedifi-  
 cabo illud. (Joan. 2. 19). fundamentum autem ejus,  
 sive, ut LXX. interpretati sunt, basis, basis ejus  
 Evangelium est; ergo secundam intentionem sacri-  
 ficii Christi et evangelicam doctrinam jubet etiam hoc  
 pro peccatis sacrificium offerri, propter quod addidit,  
 quia pro peccato est. Nihil quippe sic a peccatis cri-  
 ptere, quemadmodum Christi imitatio et obedientia  
 evangelicae praedicationis, potest. Cui quis obediens,  
 alterum adolebit holocaustum, ut fieri solet, id est,  
 quemadmodum oportet holocaustum fieri; quod LXX  
 plane secundam hoc edunt, id est, faciet autem quo-  
 modo debet. Oportet, quippe, eum qui patrem, et  
 matrem, et fratres, et omnia secularia reliquit, holo-  
 caustum fieri, si modo vult esse acceptabile et in-  
 telligibile holocaustum. Haec si faciat, is (qui) non  
 potest predictis modis poenitentiam agere, sed est  
 vigiliis, et sacris, et aliis similibus afflictionibus, re-  
 gibusque pro ea sacerdos intelligibilis, et pro peccato  
 ejus et dimittetur ei. Admirabilis valde ergo Deus est  
 hujus actor legis, qui veniam ut pote clementer im-  
 becillitati generis humani tribuit, et modum repem  
 per quem non minor consequi infirmos possint.  
 Potest de prolato juramento, et per oblivionem  
 omisso, et de oblatione per hoc agere sive capite de gre-  
 gibus sive oblatione turturarum vel columbarum, ali-  
 ter juxta morem intellectum sentiri. (Eccl. Gregoria.)  
 Juramentum proferre est voto nos divinae servitutis  
 alligare, et cum bona opera promittimus, haec nos  
 facere spondemus. Cum vero ab continentiam crucia-  
 tumque carnis nostrae novemus, male ad praesens  
 nos nobis parere juramus; sed quia melius in hac  
 vita ita perfectus est, ut quamlibet Deo devotus sit,  
 inter ipsa quantumcumque pia vota non peccat, pro  
 peccato aquam offerre sive capram praecipit. Quid  
 enim per agnam, nisi activa vita innocentia? Quid  
 per capram, quae in summis scopis extremisque ped-  
 dens rupibus pascitur, nisi contemplativa vita sigue-  
 tur? Qui ergo ea conspiciat promissa ac praesentia non



...iungens; ad sacrificium Dei esse quod iustus debet, vel in  
 necessitate boni operis; vel in sublimi pacto contempla-  
 tivis ascendere. Et bene dicitur de gregibus; capram  
 (veneri offerre de gregibus non jubetur) quia activa vita  
 auctorum est; contemplativa paucorum. Et cum hac  
 agimus (non auctor agere et egisse conspicimus, quasi  
 agnam de gregibus domus; sed cum offerentis virtus  
 ad agnam captamque non sufficit, in remedio poeniten-  
 tiam adiungitur ut duo colubarum pulli vel duae tur-  
 tures offerantur. Scimus quia colubarum pulli pro  
 eam gemitus habent; quid ergo per duos columba-  
 rum pullos, vel duos turtures; nisi duplex poenitentiae  
 nostrae gemitus designatur? ut cum ad offerenda  
 bona opera non assurgimus, nosmetipsos duplitter  
 desquamus; quia et recta non sequebimur, et prava ope-  
 ratum sumus; unde et unus turtur pro peccato; alter  
 vero offerri in holocaustum jubetur; holocaustum  
 namque totum incensum dicitur. Unum ergo turtu-  
 rem pro peccato offerimus; cum pro culpa gemitum  
 ducimus; de altero vero holocaustum facimus; cum  
 pro eo quod bono negleximus; nosmetipsos funditus  
 succedentes igne doloris ardemus. Nec silentio est  
 praeterendum, in hac oblatione turturis vel co-  
 lumbae quae pro peccato jubetur offerri, capite et post  
 mortem hostiae corpori caput inhaereat, quia Media-  
 toris nostri persona allegorice in ea potest intelligi.  
 (Ex Gregorio.) Redemptoris enim nostri mors ad  
 conjunctionem sui corporis, id est Ecclesiae, valuit,  
 non ad separationem. Mediator etenim Dei et homi-  
 num, id est caput omnium nostrum; et verus man-  
 datarius hostiae; unde pro nobis mortem pertulit,  
 inde nobis verius inhaesit. Post sectionem ergo ca-  
 put turturis suo corpori inhaeret; quia Christum ab  
 Ecclesia nec morte interveniens divellit. Persecutores  
 igitur peccaverunt hoc quod perniciose molli sunt;  
 intulerunt mortem, ut ab eo abscederent fidelium  
 devotionem; sed inde fides crevit; unde hanc se-  
 et extinguere infidelium crudelitas credidit; eumque se-  
 cuti sunt; ejus miracula persecutando abscondere;  
 hanc hinc impetu compulsi sunt; nesciendo dilatare.  
 Quis namque caput nostrum est; nisi Redemptor ge-  
 neris humani? de quo scriptum est: *Ipsam dedit ca-  
 put supra omnem Ecclesiam* (Eph. v), quae est corpus  
 ipsius quem cum Judaei persecuerentur, non enim  
 ejus dolere de terra conati sunt; cumque eum cruci-  
 fixum et sepultum viderunt eum se ab amore om-  
 nium divisisse crederent. Sed caput turturis et  
 incoctum est; et tamen a suo corpore abscissum non  
 est, quia ex eo quod pro nobis mortem pertulit, om-  
 nes nos sibi verius in ipsam suam mortem conjun-  
 xit. (Ex Meschilio.) Quia autem non omne facile est  
 ad poenitendum tempus; imo aliquando et difficile,  
 id est, quando ab abscessu ipsa poenitentia; virtu-  
 teque ejus quodammodo abolevimus; quod evenit  
 in his forte peccatis; et poenitere se simulans, ad  
 hoc rursus redeat, quod et Petrus reprehendens ait:  
 Expulsi estis veri pro verbi: *Canis reversus ad suam  
 vomitum; et sus, tota in volutabro carni* (II Petr. II).  
 Sed et Paulus: *Ne quisque ait, fornicator aut profanus;*

us *Beati, qui propter unum escam vendidit primitias  
 suas: scitote animo quia et postea volens intrare  
 benedictionem; reprobatum est; non enim invenit po-  
 nitentiae locum; quanquam cum laegymis exquisisset  
 eam* (Hebr. xii). Ergo quia talibus non facile praebetur  
 poenitentiae aditus; ecce nunc legislator inruit,  
 cui unius: *Quod si non quiverit manus ejus offerre  
 duos turtures, vel duos pullos columbae.* Qui vero hac  
 non potest, omnimodo nec hanc nec ovem potest;  
 quare autem non potest? sed ut LXX dicant, *non in-  
 venit;* quia divitis poenitentiae male usus; non eas  
 quomodoam oportebat expendit. Quid ergo faciet  
 ut non desperatio ei causa perditionis fiat? *Offeret  
 pro peccato suo simulam, partem ephi decimam;* non  
 mittet in ea os obsum, nec turris aliquid proest, quia pro  
 peccato est. Haec ergo species ei poenitentiae concessa  
 est; quam dixit auxiliari autem et timere debet; ne  
 forte non suscipiatur ejus, ut pote frequenter inju-  
 riata, poenitentia; propterea nec oleum superfluit, ut-  
 pote dubitans an misericordia et compassione dignus  
 sit; sed nec turris aliquid imponit; ut pote qui  
 nescit utrum boni odoris sit ejus oratio quam fre-  
 quenter praevicatus est. Unde Job propheta ad  
 plebem Judaeorum dicebat: *Convertimini ad Domi-  
 num Deum vestrum; quia benignus et misericors est,  
 patiens et multum misericors; et praestabilis super  
 malitia. Quis scit si convertatur et ignoscatur; et retin-  
 quat post se benedictionem, sacrificium et tributum  
 Domino Deo nostro?* (Job. vi). Et quomodo dubitatur  
 de misericordia et patiente; et multa; miseratioris,  
 si convertatur et poeniteat; et si sacrificium et tribu-  
 tum pro peccatis accipiat? Nisi quia, populo maligno  
 et diligenti peccata loquitur? Qui enim saepe berit,  
 nunquam perstitit in pura poenitentia. Ergo nec de-  
 sperationem illis facere vult; nec rursus eos poenit-  
 entes valde praesumere, atque idcirco verbi est dicitis  
 usus. Et quomodo non oportebat praesumptio-  
 nem eis facile dari? Ne data praesumptio ad mala  
 rursus peccata eos negligenter efficeret; velut  
 relaxatis prioribus. Infirmas quippe quosdam et in-  
 constantes in virtutibus legislator innotuit. *Tendat  
 autem eam sacerdoti.* Hoc autem et pote simul Christus  
 quippe est; qui etiam nunc per significationem in-  
 telligitur sacerdotis; qui poenitentiam ex toto pugillum  
 humanis cremavit super altare; in monumentum ejus  
 qui obtulit; species oblationis acceptabilis est; ephi si-  
 mile. Ephraem mensura est trium mensurarum,  
 id est, tres modios capiens. Ergo Christus est qui  
 sacrificium offert; et ipse est sacrificium quod offer-  
 tur: ephi enim, cum sit mensura trium modiorum,  
 evidenter Trinitatem innuit; quae una quidem men-  
 sura est; quia una in ea est deitas; tres autem  
 habet mensuras; id est, tres personas perfectas et  
 tot subsistentias; et manifestum sit non nos peccare  
 ejus partem, carnem Domini dicentes, propter inse-  
 parabilem eum ea in incarnati Verbi unionem.  
 Quare autem trinitatis pars est? Quia indivisibilis  
 ejus est gloria et virtus, ita ut Paulus de Christo di-  
 ceret: *In ipso habitat omnis plenitudo divinitatis*

corporaliter (Colos. II). Sed et Joannes: Qui negat, A debet omnis anima fidelis esse scientiae plenitudinem inquit, Filium, nec Patrem habet, qui confiteri Jesum et Patrem habet (I Joan. II). Ergo ephi quidem hic incarnatus Deus Verbum, ut pote habens in se Trinitatis plenitudinem. Declina autem ejus est caro, primum quidem ut ostenderet sublimitas divinitatis ejus quantum ad humanitatem. Propter quod et pars dicitur. Deinde pro eo quod integro homine incarnatus est Deus Verbum et qui legem impleret. Utrumque enim decima significat, quia et perfectus est denarius numerus. Decem autem mandata legis sunt, unde et decima dicitur. Præcipuum sacerdoti, Christo videlicet, lex deputavit, ut pote massa nostræ primitiæ haberentia. Quicumque ergo penitentiam, sive prævaricans, violavit, rursusque vult agere penitentiam in spe Christi agat, qui inquisitus a Petro: Si peccaverit in me frater meus, quoties dimittis ei, usque septies? dixit: Non dico tibi usque septies, sed usque septuagies septies. Hic ergo sermo apem penitentiam per quibus impossibilia videntur, præbet. Propter quod baptisma, de oblatione implet, pugillum, in manibus mentis qui ostendit, et cremas, super altare, id est, metum sui carnis quod pro his salvandis, qui ad se veniebant apostolus dixit: Non perirent in æternum, et nemo eas recipiet, de manu mea (Joan. XIX, 8). Venientem ad se salvat eum, qui sæpe deliquit in penitentiam. Quid pro eo offerens, pugillum, in manibus, id est, verbis, secundum, quod, promissum, eos, qui, semel, sub manu eius, facti, fuerint, non perire. Hoc ergo momentum offeret super altare corpus, solum, quod omnia peccata suscipit, etiam illud, quod videbatur, impossibile, posse, salvari. Propter quod addidit, quia pro peccato, est, ostendens quia ad Christum solum penitentiam, omnium peccata suscipere. Ergo in qui penitentiam, sæpe peccando, prævaricabant, sunt, postremo, autem penitentiam, ex, enim, quidem, quod, fræquentem, prævaricati, sunt, apem, penitentiam, non, habent, Christus, tamen, etiam, sic, orare, id, est, suscipere, penitentiam, propter, suum, patitur, verbum, moyses, in, est, enim, et, fidelis, sacerdos, et dupli, qui, exoret, pro, peccatis, populi, sed, etiam, qui, similitudo, hujus, supplicionis, cognoscantur, sequitur, enim, oblationem, vera, partem, a, me, habent, in, manibus, quod, LXX, desiderat: Quod, autem, reliquum, fuerit, sit, sacerdotia, quemadmodum, sacrificium, simile. Et, quia, theologiam, supra, similem, significare, diximus, hæc, autem, oblatio, non, tantum, theologiam, quantum, penitentiam, est, unde, ibidem, quod, reliquum, fuit, Anton, et, filius, eius, deputavit, quia, filios, intelligimus, eos, esse, qui, sublimitas, et, divina, intelligere, possunt, ipsi, quippe, nascuntur, de, scientia, reliquis, quibus, totum, et, que, summam, in, oculis, Christus, habet. Cum, aliter, dicitur, in, quod, duo, præsentem, sacrificium, dicitur, dicitur, id, est, qui, restitutionem, peccatorum, penitentiam, agentis, et, in, theologiam, Christo, et, hoc, hæc, enim, Dei, est, ignoscere, etiam, ex, quorum, impossibile, videtur, fuisse, quia, scriptum, est: Quod, impossibile, est, apud, homines, possibile, est, apud, Deum (Matth. XIX, 26). In, Christus, enim, credere

debet omnis anima fidelis esse scientiae plenitudinem, ut possit quantum ad omnem scientiam peccata offerre. Sed et Joannes: Qui negat, A debet omnis anima fidelis esse scientiae plenitudinem inquit, Filium, nec Patrem habet, qui confiteri Jesum et Patrem habet (I Joan. II). Ergo ephi quidem hic incarnatus Deus Verbum, ut pote habens in se Trinitatis plenitudinem. Declina autem ejus est caro, primum quidem ut ostenderet sublimitas divinitatis ejus quantum ad humanitatem. Propter quod et pars dicitur. Deinde pro eo quod integro homine incarnatus est Deus Verbum et qui legem impleret. Utrumque enim decima significat, quia et perfectus est denarius numerus. Decem autem mandata legis sunt, unde et decima dicitur. Præcipuum sacerdoti, Christo videlicet, lex deputavit, ut pote massa nostræ primitiæ haberentia. Quicumque ergo penitentiam, sive prævaricans, violavit, rursusque vult agere penitentiam in spe Christi agat, qui inquisitus a Petro: Si peccaverit in me frater meus, quoties dimittis ei, usque septies? dixit: Non dico tibi usque septies, sed usque septuagies septies. Hic ergo sermo apem penitentiam per quibus impossibilia videntur, præbet. Propter quod baptisma, de oblatione implet, pugillum, in manibus mentis qui ostendit, et cremas, super altare, id est, metum sui carnis quod pro his salvandis, qui ad se veniebant apostolus dixit: Non perirent in æternum, et nemo eas recipiet, de manu mea (Joan. XIX, 8). Venientem ad se salvat eum, qui sæpe deliquit in penitentiam. Quid pro eo offerens, pugillum, in manibus, id est, verbis, secundum, quod, promissum, eos, qui, semel, sub manu eius, facti, fuerint, non perire. Hoc ergo momentum offeret super altare corpus, solum, quod omnia peccata suscipit, etiam illud, quod videbatur, impossibile, posse, salvari. Propter quod addidit, quia pro peccato, est, ostendens quia ad Christum solum penitentiam, omnium peccata suscipere. Ergo in qui penitentiam, sæpe peccando, prævaricabant, sunt, postremo, autem penitentiam, ex, enim, quidem, quod, fræquentem, prævaricati, sunt, apem, penitentiam, non, habent, Christus, tamen, etiam, sic, orare, id, est, suscipere, penitentiam, propter, suum, patitur, verbum, moyses, in, est, enim, et, fidelis, sacerdos, et dupli, qui, exoret, pro, peccatis, populi, sed, etiam, qui, similitudo, hujus, supplicionis, cognoscantur, sequitur, enim, oblationem, vera, partem, a, me, habent, in, manibus, quod, LXX, desiderat: Quod, autem, reliquum, fuerit, sit, sacerdotia, quemadmodum, sacrificium, simile. Et, quia, theologiam, supra, similem, significare, diximus, hæc, autem, oblatio, non, tantum, theologiam, quantum, penitentiam, est, unde, ibidem, quod, reliquum, fuit, Anton, et, filius, eius, deputavit, quia, filios, intelligimus, eos, esse, qui, sublimitas, et, divina, intelligere, possunt, ipsi, quippe, nascuntur, de, scientia, reliquis, quibus, totum, et, que, summam, in, oculis, Christus, habet. Cum, aliter, dicitur, in, quod, duo, præsentem, sacrificium, dicitur, dicitur, id, est, qui, restitutionem, peccatorum, penitentiam, agentis, et, in, theologiam, Christo, et, hoc, hæc, enim, Dei, est, ignoscere, etiam, ex, quorum, impossibile, videtur, fuisse, quia, scriptum, est: Quod, impossibile, est, apud, homines, possibile, est, apud, Deum (Matth. XIX, 26). In, Christus, enim, credere

B

C

D

ad tantum profectum ut in tantis peccatis non peccaretur. Quomodo autem peccati aries per sacerdotem offeratur, in alia parte libri connectitur, est ubi sacrificium pro peccato aequale esse sacrificio quod pro delicto fit praedicatur. Hoc autem adiungendum est quod delictum legislator duobus modis sui veniendi solet, et delictum appellare, quum quidem peccatum quod ad scientiam pertinet, est, nequaquam iam ignotum est peccati; quum autem in Deo ipso commissum est, veluti iurjurando, quod in sanctis non sine culpa hoc appellari delictum, sed ut in cognoscas, similiter in Deum referendi peccatum quod in scientia, et quod in ignorantia, et quod in sanctis committitur.

CAPUT IX

*De oblatione pro peccante per ignorantiam, aut praetermissam, aut inobedientem legem.*  
 Anima qui peccaverit per ignorantiam, feceritque unum ex his quae Domini lege prohibentur, et peccati rea intellexerit iniquitatem suam, offeret arietem immaculatum de gregibus sacerdotum iuxta mensuram aestimationemque peccati: qui orabit pro illo, quod nesciens fecerit, et dimittatur ei, quae per errorem deliquit in Domino. Habet praesens locus questionem non modicam, consideratione dignam, quia pro peccatis pro quibus capram pridem offerri aut ovem praecipit, ait enim: Quod si peccaverit de populo terra per ignorantiam, ut faciat quicumque ex his quae Domini lege prohibentur atque vetantur, et cognoverit peccatum suum, offeret capram immaculatam, nunc tanquam oblitus ea quae praecipit. Si anima (ait) peccaverit per ignorantiam, feceritque unum ex his quae Domini lege prohibentur, et peccati rea intellexerit iniquitatem suam, offeret arietem immaculatum de gregibus sacerdotum. Et manifestum videtur differre inter hoc sacrificium et illud quod auctum praecipit. Sed neque oblitus est veteris, nec contraria eis praecipit, quia eadem nomina sunt generantia signa, nec autem forsitan ignorantiam mandata legis transgredi poterat, propter quod dicitur: per ignorantiam. Recte intelligibilis aries, Christus videlicet, huius peccatum in sacrificio probobstantur dicitur, ergo est quae ex transgressu Christi tollitur esse, Iudaeus forte aut paganus, utem postea se de peccatis suis per conversationem, et vitam demonstrat, remissionem non merebitur, quia arietem offerre id est, Christi sacrificium, non potest. Quamobrem generaliter de omnibus quodammodo sancto cupiens, non dicit: Si anima de populo, sed: si anima inobediens peccaverit, obfecerit

indocet, et de habente scientiam, nec non de omni peccato, recte hoc quod dictum est accipitur, quia auctum arietem pro delicto iubeat offerri, aperte significat ariem delictum, hic legislator intellectum peccatum poquit, propter quod dicens, per ignorantiam, subdidit, et peccati rea intellexerit iniquitatem suam, qui autem intellexerit peccatum, hic illud in se reliquit, et sordidat ab eo sive onerat, quantum per praedictum sacrificium oratio pro eo fiat.

CAPUT X

*De anima quae contempto Deo, regulam depositam, aut praetermissam, aut inobedientem legem.*  
 Anima qui peccaverit, et contempto Deo, regulam depositam, aut praetermissam, aut inobedientem legem, et peccati rea intellexerit iniquitatem suam, offeret arietem immaculatum de gregibus sacerdotum iuxta mensuram aestimationemque peccati: qui orabit pro illo, quod nesciens fecerit, et dimittatur ei, quae per errorem deliquit in Domino. Habet praesens locus questionem non modicam, consideratione dignam, quia pro peccatis pro quibus capram pridem offerri aut ovem praecipit, ait enim: Quod si peccaverit de populo terra per ignorantiam, ut faciat quicumque ex his quae Domini lege prohibentur atque vetantur, et cognoverit peccatum suum, offeret capram immaculatam, nunc tanquam oblitus ea quae praecipit. Si anima (ait) peccaverit per ignorantiam, feceritque unum ex his quae Domini lege prohibentur, et peccati rea intellexerit iniquitatem suam, offeret arietem immaculatum de gregibus sacerdotum. Et manifestum videtur differre inter hoc sacrificium et illud quod auctum praecipit. Sed neque oblitus est veteris, nec contraria eis praecipit, quia eadem nomina sunt generantia signa, nec autem forsitan ignorantiam mandata legis transgredi poterat, propter quod dicitur: per ignorantiam. Recte intelligibilis aries, Christus videlicet, huius peccatum in sacrificio probobstantur dicitur, ergo est quae ex transgressu Christi tollitur esse, Iudaeus forte aut paganus, utem postea se de peccatis suis per conversationem, et vitam demonstrat, remissionem non merebitur, quia arietem offerre id est, Christi sacrificium, non potest. Quamobrem generaliter de omnibus quodammodo sancto cupiens, non dicit: Si anima de populo, sed: si anima inobediens peccaverit, obfecerit

De anima quae contempto Deo, regulam depositam, aut praetermissam, aut inobedientem legem, et peccati rea intellexerit iniquitatem suam, offeret arietem immaculatum de gregibus sacerdotum iuxta mensuram aestimationemque peccati: qui orabit pro illo, quod nesciens fecerit, et dimittatur ei, quae per errorem deliquit in Domino. Habet praesens locus questionem non modicam, consideratione dignam, quia pro peccatis pro quibus capram pridem offerri aut ovem praecipit, ait enim: Quod si peccaverit de populo terra per ignorantiam, ut faciat quicumque ex his quae Domini lege prohibentur atque vetantur, et cognoverit peccatum suum, offeret capram immaculatam, nunc tanquam oblitus ea quae praecipit. Si anima (ait) peccaverit per ignorantiam, feceritque unum ex his quae Domini lege prohibentur, et peccati rea intellexerit iniquitatem suam, offeret arietem immaculatum de gregibus sacerdotum. Et manifestum videtur differre inter hoc sacrificium et illud quod auctum praecipit. Sed neque oblitus est veteris, nec contraria eis praecipit, quia eadem nomina sunt generantia signa, nec autem forsitan ignorantiam mandata legis transgredi poterat, propter quod dicitur: per ignorantiam. Recte intelligibilis aries, Christus videlicet, huius peccatum in sacrificio probobstantur dicitur, ergo est quae ex transgressu Christi tollitur esse, Iudaeus forte aut paganus, utem postea se de peccatis suis per conversationem, et vitam demonstrat, remissionem non merebitur, quia arietem offerre id est, Christi sacrificium, non potest. Quamobrem generaliter de omnibus quodammodo sancto cupiens, non dicit: Si anima de populo, sed: si anima inobediens peccaverit, obfecerit

depositum manet. Similiter et cætera omnia ipsius, si justus, si sanctus, si mundus corde, et omnia que in Deo præsto sunt per naturam, si tibi per imitationem subsistant, depositum apud te divinæ imaginis salvum est. Si vero e contrario agas, et pro misericordie crudelis, pro pio impius, pro benigna violentus, pro quieto turbulentus, pro liberali raptor existas, abjecta imagine Dei, diaboli in te imaginem suscepisti, et bonum depositum, commendatum tibi divinitus, abpegasti. Aut non hoc erat quod sub mysterio Apostolus electo discipulo mandabat Timotheo dicens: *O Timothee, bonum depositum custodi* (I Tim. vi)? Ego etiam illud addo quod et Christum Dominum depositum suscepimus, et sanctum Spiritum depositum habemus: Videndum ergo nobis est, ne hoc sancto deposito non sancte utamur, et cum nos in consensum sui peccata sollicitant, iuremus nos non suscepisse depositum, quod utique si habeamus in nobis peccata, consentire non possumus: sed et ipse sensus rationalis qui in me est, commendatus mihi est ut eo utar ad intelligentiam divinorum. Ingenium item, memoria, iudicium, ratio, et omnes qui infra me sunt motus, commendati mihi videntur a Deo, ut eis utar in his quæ præcepit lex divina; si vero ad malas artes, solers et perspicax vertatur ingenium, et rebus Dei abutamur in his quæ non vult Deus, hoc est abjurare depositum, et beneficia vertere in perfidiam. Post hoc de rapina dicitur. Raptores sunt mali, sunt et boni: boni quidem illi de quibus dicit Salvator, *qui regnum diripiunt* (Matth. xi); sunt autem et mali raptores, de quibus dicit propheta: *Et rapina pauperum in domibus vestris est* (Isa. iii). Apostolus vero abrupte pronuntiat dicens: *Nolite errare, quia neque adulteri, neque molles, neque masculorum concubitores, neque iures, neque rapaces, regnum Dei possidebunt* (I Cor. vi). Est tamen aliquid et secundum spiritalem intelligentiam culpabiliter rapere, sicut illi laudabiliter rapiunt regna cælorum, ut verbi causa dicamus, si homo nondum purgatus a vitiis, nondum segregatus a profanis et sordidis actibus, velit se cœtui sanctorum latenter ingerere, et sermonem quo perfecta et mystica tractantur audire, huiusmodi homo secretorum et perfectorum scientiam non bene rapuit. Meminisse enim oportet præcepti Salvatoris, quod dicit: *Quia nemo mittit vinum novum in utres veteres; alioquin utres rumpentur, et vinum peribit* (Matth. ix); ostendens quod animæ nondum renovate, sed in vetustate malitiæ perduranti, non oporteat novorum mysteriorum, quæ per Christum mundus agnovit, secreta committi. Addit deinceps legislator: *Aut si quid nocuit proximo, vel si invenit perditionem: Lex Riteræ hoc videtur mandare ut si quis invenit quod illius perditio, et requisitum fuerit, reddat, nec perfuret pro eo; est et hæc utilis audientibus edificatio. Item secundum allegoriam:*

Item perditio in] seu perditionem, ut in LXX habetur, non incongrue possumus intelligere testimonia, quæ prave interpretata ab hæreticis invenimus: multum enim hæretici perquirunt in Scripturis divinis ut inveniant perditionem, unde astruant suam errorem: sed si forte aliquis horum audiens in Ecclesia Dei verba catholica tractari, respiciat et intelligat quia quod invenerat, perditio est, reddit quod invenit, hoc est, non sibi vindicet errorem alienum, sed auctori suo illum dimittat. Abstineamus ergo nos totis viribus a fallacia, quoniam Deus per fallaciam injuriatur, qui veritas est. Caveamus et avaritiam, quæ in fraude zelatur pecunia vel per vim rapta designatur, quia Scriptura teste: *Avaritia est idolotum, veritas* (Gal. v). Atque *radix omnium malorum est cupiditas* (II Tim. vi). Reddet, inquit, omnia quæ per fraudem voluit obtinere integra, et quintam insuper partem domino cui damnum intulerat (Ex Hezekio). Quoniam enim eum eo qui prædicium passus est in rapina vel in deposito, et contra ipsum quoque Deum iniuste agi per fallaciam vel perjurium dicimus, recte horum quintam Deo dari jubet ad quem tenuit injuria; quinta autem lingua est. Esse enim quiniam etiam hanc diximus, cum sit una de quinque sensibus. Hæc ergo offertur Deo, ut deinceps non peccet, quia per ipsam unumquodque prædictorum committitur. Notandum autem quod in Septuaginta non quintam partem, sed quintas superaugeri debere scriptum reperitur. Sunt qui ita exponunt, ut non pro quinque verbi gratia nummis subtractis, uno addito, id est, pro quinque sex nummi reddantur: sed, qui furatus sit quinque nummos, ipsos quidem restituere et alios quinque uno superaddito reddere cogatur. Videamus ergo juxta allegoriam, quomodo isti bis quinque uno superaddito reddantur (Ex Origene). Quinquenarius numerus frequenter, imo pene semper, pro quinque sensibus accipitur. Scire ergo debemus hoc modo istos quinque sanctis posse restitui, ut si forte præsumpsimus abuti eis in secularibus actibus, et impendimus usum eorum in his quæ non secundum Deum gessimus, restituamus; nunc ipsos quinque sanctis actibus religiosisque ministeriis et alios eis quinque addamus, qui sunt interioris hominis sensus, per quos vel mundi corde effecti, Deum videmus, vel aures habemus ad audienda ea quæ docet Jesus, vel odorem capimus illum, quem dicit Apostolus, *quia Christi bonus odor sumus* (II Cor. v); vel etiam gustum sumimus illum, de quo dicit Propheta: *Gustate et videte quoniam suavis est Dominus* (Psal. xxxiii), vel tactum illum, quem dicit Joannes: *Quia oculis nostris perspeximus et manus nostræ palpaverunt de verbo vita* (I Joan. i). His autem omnibus unum superaddimus, ut ad unum Deum hæc cuncta referamus. Quid vero de arietis sacrificio agendum sit, supra expositum est.

## LIBER SECUNDUS.

## CAPUT PRIMUM.

De lege holocausti et ira sacrificiorum et altarium.  
 (Ism.) *Locutus est Dominus ad Moysen dicens:*  
*Præcipe Aaron et filii ejus: Præ est lex holocausti:*  
*Cremabitur in altari tota nocte usque ad mane; ignis*  
*ex eodem altari erit. Vestietur sacerdos tunicâ et femi-*  
*nâlibus lineis, tolletque cineres quos rotans ignis*  
*exussit, et ponens juxta altare, spoliabitur prioribus*  
*vestimentis; indutusque albis, efferet eos extra castra,*  
*et in loco mundissimo, usque ad suillam consumi fac-*  
*ciat, et cætera. (Ex Hesychie.)* Hic de justo sacrificio  
 lex loquitur, quod quotidie in libro Exo. si offert præ-  
 cepti sacerdotes. At enim sic: *Hoc est quod facies:*  
*In altari agnos æniculos duos per singulos dies jugi-*  
*ter (Exod. xxix).* Et paulo post: *Oblatione perpetua*  
*in generationibus vestras (Ibid.).* Dicit autem: *Facies*  
*holocaustum unam ægnum mane, et altum facies ve-*  
*spere.* Per hæc ergo intelligimus quia in eorum quide-  
 m qui sunt de plebe voluntate datum est, si volunt,  
 offerre holocaustum, propter quod sacrificium illud  
 multis eorum, ut potè spontanea oblatio nominatur.  
 Neque enim ab omni homine perfectissima exigitur  
 sapientia; sacerdos tamen omnimodo debet perfecte  
 sapere. Perpetuum enim sacrificium, id est, conti-  
 nuum holocaustum, secundo in die, mane et vespere,  
 offerre præcipitur, ut a perfecta sapientia incipiens,  
 in eadem ariet, et totam suam vitam componat ad  
 perfectionem. Ignis in altari semper ardebit, quem  
 nutrit sacerdos; oportet quippe eum qui holocau-  
 stum, id est, perfecte sapientia operationem, debet  
 semper accendere ignem sancti Spiritus et non si-  
 nere extinguere. Extinguitur autem et eorum quibus  
 donatus est, negligentia. Propter quod et Paulus ait:  
*Spiritum nolite extinguere (I Thess. v);* velut in no-  
 stra potestate sit positum extinguere illum sive ac-  
 cendere. Totam autem nocte incendi ignem jussit, non  
 quod in die non incenderetur, nam quomodo secundo  
 fieret ætatis singulis holocaustum; sed quia mani-  
 festus erat ignis diurnis, nocturnum addidit, quia  
 ergo nox caligo est vitæ hujus, id est, ea quæ multos  
 obstat, ignorantia. De qua Paulus dicebat: *Nox*  
*præcessit, dies autem appropinquavit (Röm. xiii).* Nos  
 præcepit, qui holocaustum Dei facti sumus, etiam  
 in nocte accendere ignem, ut cum assilègem trans-  
 grediantur et terreni sint, nos simus spirituales. Sub-  
 didit autem: *Vestietur sacerdos tunica et feminalibus*  
*lineis.* Sacerdos hic qui holocaustum offert, unis-  
 que perfecte sapiens intelligitur, quia sacerdo-  
 tium perfectionis exemplum est, propter quod et re-  
 gale sacerdotum populus fidelis (I Petr. ii) appellatur,  
 ut potè legem perfectam Evangelii suscipiens. Qui  
 ergo vult offerre holocaustum, tunica, id est, justitia,  
 et feminalibus, id est, castitate, indatur. De lino autem  
 et tunicam et feminalia vult esse non ex lana, quia  
 Aspera autem ea quæ ex lana est. Ex quo docet quia

A habiles inlittomque coherentes sunt animæ justitia  
 et castitas; simulque hoc docet, quod quemadmodum  
 facile cultus est ad habendum, sic virtutes volentibus  
 eas consequi faciles sunt et quæ cito conquiri pos-  
 sunt. His autem indutum jubet auferre cineres hol-  
 ocausti quos ignis consumpsit de altari. Quid per  
 hæc dicens, nisi ut quemadmodum hostia auferatur,  
 id est, sacrificium quod peractum est holocausto-  
 matis, ut aliud iterum simile offeratur, ita et nos fa-  
 ciamus. Virtutes quippe quas cooperante Spiritu  
 gerimus, singillatim debemus ponere, ut alias rursus  
 operemur, et non tantum præcedentibus contenti si-  
 mus, sed et alias adjungamus. Quemadmodum is qui  
 currit, relinquens transcursa, ad reliqua currenda  
 contendit, quia videlicet aliter ad bravium non po-  
 terit pervenire. Propter quod cum auferri de altari  
 præcepisset consummatum igne holocaustum, poni  
 illud juxta altare præcepit. Esse autem Christum  
 holocaustum altare diximus. Auferimus ergo ei  
 olim opere consummatas virtutes, quando habemus  
 tempus operandi, quasi non nobis imputet præceden-  
 tes negligentibus, si non super eas alias construa-  
 mus. Servat enim nobis Christus justus iudex qua-  
 cunque bona egerimus, si non hæc per iniquis ac-  
 tiones prævaricari fuerimus. (Ex Origene.) Observan-  
 dum tamen est quod aliis indumentis sacerdos uti-  
 tur dum est in sacrificiorum ministerio, et aliis cum  
 procedit ad populum. Hoc faciebat et Paulus scien-  
 tissimus pontifex et peritissimus sacerdotum, qui  
 cum esset in ecclesia perfectorum, tanquam inter San-  
 cta sanctorum positus, et stola et perfectione indutus  
 dicebat: *Sapientiam loquimur inter perfectos, sapien-*  
*tiam autem non hujus mundi, neque principum hujus*  
*mundi qui destruuntur, sed loquimur Dei sapientiam*  
*in mysterio absconditam, quam nemo principum hu-*  
*jus sæculi cognovit; si enim cognovissent, nunquam*  
*Deum manifestatis crucifixissent (I Cor. ii).* Sed post  
 hæc tanquam ad populum exiens, mutat stolam, et  
 alia induitur longè inferiore quam ista. Et quid di-  
 cit? *Nihil aliud, inquit, me judicari veire inter vos,*  
*nisi Jesum Christum et hunc crucifixum (Ibid.)* [Ex  
 Hesychie.] Extra castra autem in locum mundissi-  
 mum jubet efferri, id est, præmittere ad futurum  
 judicium. Illud enim extra castra est presentis sæ-  
 culi, et locus est mundus, qui ab omni corruptione  
 mundum est futuri sæculi judicium. Sed quid est  
 quod addidit: *Ignis autem in altari semper ardebit,*  
*quem nutrit sacerdos, subjiciens ligna mane per sin-*  
*gulos dies?* Quemadmodum ergo materia ignis sunt  
 ligna, mane autem ea jubet componi, sic nobis sunt  
 materia subministrationis spiritus, divina legis testi-  
 monia, et sacrorum eloquiorum meditatio, quæ su-  
 pra esse ligna diximus. Ergo hæc mane in lumine  
 componere debemus, id est, in vigilantia et sobrie-  
 tate animæ. Non solum enim nobis in die sed et in  
 nocte, id est, non solum in tempore sobrietatis, sed

et intelligibili nocte, de qua Paulus dicebat: *Non ergo dormiamus sicut et ceteri, non habentes spem, sed vigilemus et sobrii simus: Qui enim dormiunt, nocte dormiant, et qui ebrii sunt, nocte ebrii sunt (I Thess. v)*, ignis sufficiat subministrationis spiritus, in quo ordinari oportet intelligibilem hostiam et adipem pacificorum; ignis, ait, est iste perpetuus qui nunquam deficiet de altari. *Spiritus enim est Deus, et qui adorant eum, in spiritu et veritate oportet adorare (Joan. iv)*; unde et intelligibile altare, quod est Christi corpus, inextinguibilem habet ignem subministrationis spiritus (*Ex Gregorio*). Item, secundum tropologiam: Altare Dei est cor nostrum, in quo jubetur ignis semper ardere, quia necesse est ex illo ad Dominum charitatis flammam indesinenter accendere. Cui per singulos dies sacerdos ligna subjiciat ne extinguatur: omnis enim Christi prædicator membrum utique summi sacerdotis effectus est, sicut cunctis fidelibus Petrus apostolus dixit: *Vos autem genus electum, regale sacerdotium (I Petr. ii)*; et sicut Joannes apostolus dixit: *Fecisti nos Deo nostro regnum et sacerdotium (Apoc. v)*. Sacerdos ergo in altare ignem nutriens quotidie ligna subjiciat, id est, fidelis quisque ne in eo charitatis flamma deficiat, in corde suo tam exempla præcedentium, quam sacræ Scripturæ testimonia congerere non desistat; nam quasi quædam fomenta igni dare est, in exercitatione charitatis, vel exempla Patrum, vel præcepta Dominica ministrare. Quia enim interna novitas nostra ipsa quotidie hujus vitæ conversatione veterascit, ignis iste adhibitis lignis nutriendus est, ut cum per usum se vetustatis nostra novitas extenuat, per Patrum testimonia et exempla reviviscat. Et bene illic præcipitur ut mane ligna per dies singulos congerantur. Hæc quippe non fiunt nisi cum nox cæcitatibus extinguitur; vel certe, quia mane prima pars diei est, postpositis cogitationibus vitæ præsentis, hoc priore loco quisquis fidelium cogitet ut quod in se jamque quasi defecit, quibus valet nisibus, studium charitatis inflammet. Ignis enim iste in altare Domini, id est, in corde nostro, citius extinguitur, nisi solerter adhibitis exemplis Patrum et Dominicis testimoniis reparetur. Bene autem illic subjungitur: *Et imposito holocausto desuper adolebit adipem pacificorum*. Nam quisquis in se hunc ignem charitatis accendit, semetipsum utique holocaustum desuper imponet, quia omne vitium quod in se male vivebat exurit. Cum enim cogitationum suarum interna considerat, et vitam reprobam per immutationis gladium mactat, in ara se sui cordis imposuit, et igne charitatis incendit; de qua hostiæ pacificorum adipem redolent, quia interna novæ vitæ impingatio, pacem inter nos et Deum faciens, odorem de nobis suavissimum reddit. Quia vero eadem charitas in cordibus electorum inextinguibilis manet, apte illic subditur: *Ignis enim iste perpetuus, qui nunquam deficiet de altari*. Nunquam profecto de altari ignis iste deficiet, quia etiam post hanc vitam eorum mentibus fervor charitatis accrescit. *Æterna quippe contemplatione agitur ut*

omnipotens Deus quo magis visus fuerit, eo amplius diligatur.

(*IBID.*) *Hæc est lex sacrificii et libamentorum, quæ offerent filii Aaron coram Domino et coram altari. Tollet sacerdos pugillum simiæ, quæ conspersa est oleo, et totum thus, quod super simiæ positum est. Adolebitque illud in altari in monumentum odoris suavissimi Domino; reliquam autem partem simiæ comedet Aaron cum filiis suis absque fermento, et comedet in loco sanctuarii tabernaculi. Ideo autem non fermentabitur, quia pars ejus in Domini offertur incensum. Sanctum sanctorum erit, sicut pro peccato atque delicto. Mares tantum stirpis Aaron comedent illud, legitimum sempiternum in generationibus vestris, de sacrificiis Domini. Omnis qui tetigerit illa, sanctificabitur.* (*Ex Hesychio*.) Legislator videtur reiterans quæ semel exposuit, ut multiplici repetitione mandati legentes ad memoriam revocaret. Quatenus autem per repetitionem legis necessariorem redderet lectionem, interponit aliquid amplius, cujus gratia necessarium hoc mandatum et inexcusabile nimis existeret. Sicut ergo in præcedentibus de holocaustis sacrificia iteravit, permiscens eis assiduitatem ipsius, ut est illud: *Ignis qui in altari est semper ardeat, nunquamque deficiat*; sic et nunc, cum sacrificium simiæ deduxisset ad medium, per quam significari theologiam in hujus libri exordio demonstravimus, addidit quod oportet eam in loco tantum sancto et a masculis, non autem ubique aut etiam ab omnibus, comedi. De qua vide qualia etiam nunc præcepit: *Hæc est lex sacrificii et libamentorum, quæ offerent filii Aaron coram Domino et coram altari*. Hoc ergo de quo nunc sermo est: filii Aaron, id est, sublimes in sapientia homines, soli offerre debent coram Domino, id est, secundum quod Dei voluntas est, non superfluo in divino disputantes, sed quæcunque nobis Christus revelabit. Hoc enim intellige quod ait, *coram altari*. Quia altare esse humanitas Unigeniti demonstrata est, ergo in his theologiam constituamus, quæ nobis incarnatus tradidit Dominus, ut Patrem in eo et ipsum in Patre cogitemus, et de Spiritu sancto sciamus, quia et ipsius est Filii, et a Patre procedit. *Tollet sacerdos pugillum simiæ quæ conspersa est oleo, et totum thus quod super simiæ positum est, adolebitque illud in altari in monumentum odoris suavissimi Domino*. Cum elemosyna et oratione, hæc enim figurantur per oleum et thus, quibus necessarie theologia conquiritur; utriusque si quidem adiutorium, ut non excidant ex veritate qui de Deo loquuntur, necessarium habent hujus in monumentum. Intelligibilis sacerdos Christus pugillum tollit, quia summa scientia apud eum permanet, quod in monumentum quidem est quia in perpetuum erit permansura memoria. Neque enim, quemadmodum ea quæ nunc est nostra scientia, proventus destruitur; quia quando venerit quod perfectum est, sicut ait Paulus, *destruetur quod ex parte est (I Cor. xiii)*. Itaque summam cognitionis et perfectæ scientiæ esse apud Christum legislator innuit. Quid autem his subdat, intende,

*Reliquam autem partem similæ comedet Aaron cum filiis suis*; ut non ex toto a theologia cessemus, pro eo quod summa scientia in futurum conservatur; quæ autem nobis ab eo relicta est, id est, tradita, hanc comedere nos jubet scientiam et operari. Sed intuendum ubi hanc et quomodo oporteat operari. Sequitur: *Absque fermento, et comedet in loco sanctuarii tabernaculi*. Non coquitur cum fermento, id est, secundum Judaicam doctrinam neque secundum gentile fermentum, quia non vult nos verbum loqui, sed ut munda sit ab omni permistione et absque omni fermento. Comedi autem illam in atrio tabernaculi testimonii præcepit, id est, operari in Ecclesia. Tabernaculum enim testimonii cælum est, in quo quod habitat Deus, Scriptura testatur. Atrium autem tabernaculi testimonii, id est cœli, Ecclesia est, non solum sicut introitus et vestibulum cœlorum, sed etiam quemadmodum domus Dei. Ibi ergo, id est in ea, oportet omnimodo de divinitate loqui, sive theologiam exercere. In ecclesiis enim ait: *Benedicite Dominum (Psal. LXVII)*. Si quis autem in domo Ecclesiam habet: Ait quippe Paulus: *Salutate Nympham et domesticam ejus Ecclesiam (Coloss. IV)*. Habet autem quis domesticam Ecclesiam, quando semetipsum sanctificaverit Deo, et a sæcularibus cessaverit negotiis, hic etiam domi de Deo loqui sive theologiam exercere potest. Tales sunt, quibus pars de sacrificiis Domini, id est, loqui de Deo vel theologia de donis et oblationibus datur, de quo subdidit: *Sanctum sanctorum erit*, quia sancti sanctorum contemplationem possident; subdidit autem, *sicut pro peccato atque delicto*; simile illud volens ostendere pro peccato et pro delicto sacrificium. Sermo enim de Deo maxime ad erectionem et emundationem animæ habetur, quando oleo et thuri, elemosinæ videlicet et orationi, sacrificium verbi Dei, id est, theologiæ conjungitur. *Mares, inquit, tantum stirpis Aaron comedent illud, legitimum sempiternum est in generationibus vestris de sacrificiis Domini*. Non ergo omnium est de Deo disputare, sed talium qui, nihil femineum, nihil fluxum in cogitationibus habent, quod legitimum æternum in generationibus eorum, id est, in perpetuum custodiri præcepit, ut in omni tempore intendamus, nullatenus de Deo disputare præsumere, quandiu per quasdam declinationes diffluentes vel sæculares alias phantasias a masculorum excidimus dignitate. Quod autem novissime de sacrificiis dictum est, *Omnis qui tetigerit illa, sanctificabitur*, hoc secundum litteram Judaicam non potest stare. Quomodo omnis qui tetigerit de sacrificio sanctorum sanctificatur, si homicida tetigerit, si profanus, si adulter, incestus; non enim excepit aliquem, sed dixit: *Omnis qui tetigerit ea, sanctificabitur*, quærendus est ergo intellectus mysticus: quia sacrificium pro quo hæc omnia sacrificia in typo et figura processerant, unum et perfectum immolatum, est Christus; hujus sacrificiæ carnem si quis tetigerit, hoc est, si credulo corde totam spem salutis suæ in ejus passione et re-

A surrectione posuerit, continuo sanctificatur si immundus est, sanatur si in plaga est. (*Ex Hesychio*.) Omnis quippe Dei commemoratio sanctificationem præstat, quod testatur Paulus dicens: *Quia omnis creatura Dei bona et nihil rejiciendum quod cum gratiarum actione percipitur, sanctificatur autem per verbum Dei et orationem (I Tim. IV)*. Sed cum dicit, tangentem sanctificari, plane ostendit quia in disputando de Deo, id est, in theologia, sufficit nobis etiam tantum tangere, quemadmodum ignem qui vult caleferi; nam si interius mittat manum pro eo quod potuit caleferi, comburitur, sic et qui profundius vel altius de Deo disputare præsumit, pro eo quod gloriosius quid vult offendere, in blasphemiam cadit, dum comprehendere altitudinem divinarum dogmatum non possit.

## CAPUT II.

*De hostiis Aaron et filiorum ejus in die unctionis suæ.*

(IBID.) *Et locutus est Dominus ad Moysen dicens: Hæc est oblatio Aaron et filiorum ejus quam offerre debent Domino in die unctionis suæ. Decimam partem ephi offerent similæ in sacrificio sempiterno: medium ejus mane et medium vespere; quæ in sartagine oleo conspersa frigetur. Offeret autem eam calidam in odorem suavissimum Domino, sacerdos qui patri jure successerit, et tota cremabitur in altari. Omne enim sacrificium sacerdotum igne consumetur, nec quisquam comedet ex eo. Omne sacrificium quod ad sacerdotis refertur personam, Unigeniti sacrificii figuram gerit, sicut per præsentem demonstratur legem. Ait enim: Et locutus est Dominus ad Moysen dicens: Hæc est oblatio Aaron et filiorum ejus quam offerre debent Domino in die unctionis suæ. Multorum quidem sacerdotum hoc donum est: ait quippe Aaron et filiorum ejus, sed uno uncto offertur, quia omnis sacerdotii imago et firmitas sive subsistentia Christi sacrificium est, ipso enim solo oblato per totum est. Et quando actum est: In die unctionis ejus, id est, tempore quo incarnatus est: unctio enim in Unigeniti persona incarnatio dicitur, de qua ait Petrus: *Jesum Nazarenum quomodo eum unxit Deus Spiritu sancto et virtute (Luc. XXIV)*; hæc vero quomodo aut quando facta sint, Gabriel Mariæ dixit: *Spiritus sanctus, inquit, superveniet in te, et virtus Altissimi obumbrabit tibi (Luc. I)*: quam ergo oblationem cum sacerdos unctus fuerit, post incarnationem videlicet verbi, legislator offerri præcepit? decimam partem ephi offerent similæ in sacrificio sempiterno, medium ejus mane, et medium ejus vespere, quæ in sartagine oleo conspersa frigetur. Sed decimam quidem ephi similæ, esse Unigeniti humanitatem, in superioribus ostensum est, cum et ephi utpote mensuram tres modios capientem. Trinitatem esse recte diximus. Si autem ephi, Domini caro esse, ut et divinitatis supereminencia demonstratur, Dominicæque carnis cum ea inseparabilitas, hoc nihilominus in sacrificio perpetuum est, quia sicut ait Paulus: *Una enim oblatione consummavit in sempiternum sanctificatos, unde et salvare in perpetuum**

potest, accedens per semetipsum ad Deum : medium autem ejus mane et medium vespere (Hebr. x). Mane passio incipiens : ex quo enim in atrio Caiphæ alapis cædebant alligantes; usque ad vesperum protelata est : tenebris enim eam interpolantibus, et a sexta horâ usque ad nonam factis, necessarie sacrificium in mane, et sacrificium vespere, dividi dicitur : *Hæc autem in sartagine oleo conspersa frigitur*; sartagine Domini crucem ut pote fortem, et nihil ab igne humanorum peccatorum læsam, accipi oportet, quæ etiam superimpositam Dominica carnem esibilem hominibus reddidit; nisi enim super imposita fuisset cruci, nos corpus Christi nequaquam mystice percepissemus. Hæc in oleo conspergitur, quia nobis compassus est, impassibilis passionem sustinuit carnis : omne autem hoc sacrificium est suavissimi odoris Domino, humano quippe generi salutem præstitit, hæc autem Deo ut pote creatura [creatori] naturæ nihil est suavius. Ad majorem autem explanationem quod Unigeniti sacrificium significet, intende quid subdidit : *Sacerdos qui patri jure successit*, quod Septuaginta ita ediderunt : *Sacerdos unctus pro eo ex filiis ejus faciet*, et cætera. Quia, quid [quidem] est Christus et Jesus, Paulus probat dicens : *Nobis unus Dominus Jesus Christus per quem omnia* (I Cor. viii). Quia enim per Aaron est non in loco ipsius, sed pro eo, translato in se videlicet sacerdotio, manifestum est ex eo quod ipse sacerdotium suscipiens, illius sacerdotii ministerium cessare fecit. Sed et quod ediderunt ex filiis ejus : *Esse ex ejus filiis jure creditur*, ut pote qui ex Jacob femoribus descendebat : beatissimæ genitricis Domini ex eadem tribu linea descendente. Quod ad conclusionem legis hujus sequitur, intendendum est : *Et tota cremabitur in altari. Omne enim sacrificium sacerdotum igne consumetur, nec quisquam comedit ex eo*. Quid ergo per hæc contestamur? nisi ut non dicatur de Domino, quod is qui ex muliere natus est, passus est; qui autem descendit de cælo, passus non est : *Nobis enim unus Dominus Jesus Christus per quem omnia* (Ibid.), quem hi qui crucifixerunt non cognoverunt cujus esset dignatis atque virtutis. *Si enim cognovissent, nunquam Dominum gloriæ crucifixissent*. Ipsi ergo est Verbi incarnati passio, quæ provenit in carne, quando obrem tota cremabitur in altari. Ipsi ergo est qui semetipsum totum exinanivit, et formam servi accepit, et habitu est inventus ut homo, humiliavitque semetipsum, obediens factus usque ad mortem, mortem autem crucis (Phil. ii). Septuaginta dixerunt : *Holocaustum fiet integrum : erit*, Aquila edidit. *Non ergo comedit ex eo quisquam*, id est, non dividetur, quia dentium est dividere et partiri cibos, cum aliter mandi non possint. Christi autem sacrificium indivisibile demonstratum est, et propterea comedi non potest. Potest et hoc sacrificium per alium typum figurari : vide si non ut ego suspicor sacrificium sacerdotis hæc ipsa sit lex, quæ per Moysen promulgatur : *Cujus dimidium mane jubetur offerri,*

*dimidium vero ad vesperam.* (Ec. Origens.) Quam legem in duas partes dividi præcepit, in litteram videlicet et spiritum. Et dimidiam quidem partem, quæ est littera, offerri jubet mane, primæ scilicet legis tempore, quæ illis quibus tunc secundum litteram data est, novam lucem et novam protulit diem. Dimidium vero ejus offerri jussit in vespera, in vespera enim nobis datus est Salvatoris adventus; in quo pars illa dimidia, hoc est sensus vel spiritus legis, secundum quod lex spiritualis est offeratur. *Oleo conspersa tenera*; oleum ad misericordiam revocatur, quæ debet in sacerdotibus abundare : tenera, ad subtilem et puram intelligentiam pertinet. Quod autem a sartagine dicitur, puto quod descriptum et multa continentia aridum et torridum velit esse sacerdotem, in quo nihil remissum haberi ad luxuriam, nihil fluitans ad libidinem possit. Quod autem sacrificium ipsum ex fragmentis nominavit in odorem suavitatis, puto quod fragmenta sacerdotum velit intelligi, cum legis per eos littera frangitur, et cibus ex ea latens intrinsecus spiritualis edocitur, ut audientes turbæ reficiantur, sicut et Dominus scisse refertur in Evangeliiis : *Ubi benedixit panes et dedit discipulis, et discipuli confringentes apposuerunt turbis, et cum satiati fuissent omnes, superfuerunt, inquit, fragmentorum cophini duodecim* (Joan. vi). Istud est ergo sacrificium ex fragmentis, cum minutatim quæ sunt legis saneta discutimus, ut spiritalem ex his cibum purumque capiamus; *et hæc est, inquit, lex æterna* : Joannes quidem apostolus in Apocalypsi dicit esse Evangelium æternum, invenimus et hic scriptum esse legem æternam, sed isti qui legem secundum litteram sequi volunt, velim mihi nunc dicerent quomodo lex hujus sacrificii esse possit æterna? Cum utique destructo templo, subverso altari, et omnibus quæ dicebantur sancta profanatis, ritus iste sacrificiorum non poterit permanere, quomodo ergo æternum dicent, quod olim cessasse et finitum esse jam constat? Restat ut secundum eam partem lex hæc æterna dicatur, quæ nos dicimus legem esse spiritalem, et per eam spiritualia offerri posse sacrificia, quæ neque irrumpi unquam, neque cessare possunt. Non enim in loco sunt qui subvertitur, aut in tempore quod mutatur, sed in fide credentis et in corde sacrificantis. Sane quod ait : *Non detur de sacrificio sacerdotis, sed holocaustum erit*, certum est ad Domini et Salvatoris nostri personam referri : de illius enim sacrificio non edetur, sed holocaustum erit. Hoc in loco sacrificium, verbum ipsum accipiendum est et doctrina, de qua nullus edet, hoc est nullus disputat, nullus retractat, sed holocaustum est : quidquid enim dixit, quidquid statuit, æterna consecratione perdetur. Nullum omnipotenti Deo tale est sacrificium, quale sekus animarum. Hinc enim Psalmista ait : *Zelus domus tuæ comedit me* (Psal. lxxviii). [Ec. Gregorio.] Quantum vero fixura cordis, quæ per spiritalem zelum agitur, omnipotentem Dominum placat, aperte ostenditur, cum offerre per legem et



quæ in sacrificium iubetur, de qua scriptum est : *In sartagine oleo conspersa frigitur, et offeret eam calidam in odorem suavissimum Domino sacerdos qui patri jure successerit, et tota cremabitur in altare.* Tunc enim similia in sartagine frigitur, cum munda mens justæ per zelum sancti ardoris crematur, quæ conspergi oleo præcipitur. Quia Græce oleus misericordia dicitur, non immerito per oleum misericordia designatur, quæ in conspectu omnipotentis Domini ardet et lucet. Conspergatur ergo oleo mens quæ in sartagine frigitur, quia sancti zeli districtio necesse est ut misericordiæ virtute et ardeat et clarescat : amat enim eundem ipsum quem insequi videtur; unde et calida in odorem suavissimum Domino offerri præcipitur, quia si amorem zelus non habet, ea quæ in sartagine offertur calorem similia est. Et notandum quis ea offerre præcipitur, videlicet sacerdos qui patri jure successerit. Ille enim sacerdos patri jure succedit, qui esse se omnipotentis Domini filium moribus demonstrat, atque a nobilitate intima operum suorum ignobilitate non discrepat. Quæ in altare tota cremari præcipitur, ut videlicet holocaustum fiat : holocaustum enim totum incensum dicitur, unde et in translatione altera hoc in loco, hæc eadem similia quæ in sartagine frigitur, holocaustum fieri iubetur. Hoc autem inter holocaustum et sacrificium distat, quia omne quidem holocaustum sacrificium est, non vero omne sacrificium holocaustum : sunt enim multa bona quæ aguntur sacrificia, sed holocausta non sunt, quia totam mentem in amorem spiritalem minime incendunt. Qui enim sic operantur ea quæ Dei sunt, ut tamen et quæ sunt sæculi non relinquunt, nimirum sacrificium et non holocaustum offerunt; qui vero cuncta quæ mundi sunt deserunt, et tota mente igne divini amoris accenduntur, si nimirum omnipotenti Domino sacrificium et holocaustum sunt. Similia itaque in sartagine est munda mens justæ, in zeli spiritalis afflictione, quæ per sollicitudinem animarum frigitur, et non solum sacrificium, sed etiam holocaustum Domino esse deputatur.

## CAPUT III.

*Quo ordine hostiæ pro peccato oblatae a sacerdote compleantur.*

(Ibid.) *Locutus est Dominus ad Moysen dicens : Loquere Aaron et filiis ejus : Ista est lex hostiæ pro peccato, in loco ubi offertur holocaustum, immolabitur coram Domino, Sanctum sanctorum est; sacerdos qui offeret, comedet ea in loco sancto, in atrio tabernaculi, quidquid tetigerit carnes ejus sanctificabitur. Si de sanguine illius vestis fuerit aspersa, lavabitur in loco sancto, vas autem fictile in quo cocta est confringetur. Quod si vas æneum, defricabitur, et lavabitur aqua, omnis masculus de genere sacerdotali veniet de carnibus ejus, quia Sanctum sanctorum est. Hostia enim quæ deditur pro peccato, cujus sanguis offertur in tabernaculum testimonii, ad expiandum, in sanctuario non comedetur, sed comburetur igni. (Ex Haggachio.) Quæ est autem hæc lex? In loco ubi offertur holocaustum immolabitur coram Domino, Sanctum sanctorum est, propterea Aaron et filiis ejus*

prædicta mandantur, quia offerre pro peccato sacrificium, id est, poenitentiam sublimem et summorum est, atque a terra sublevatorum, quod non præstat nisi a malo recessio. Ergo ubi holocausta immolantur, ibi et quæ pro peccato sunt occiduntur, quia qui offeret poenitentiam, jam imitatur eum qui totum semetipsum obtulit Deo, et omnimodo recessit a sæculo, unde et holocaustum ejus appellatur. Conversatio et utriusque oblatio in conspectu est Domini : placita enim est Deo, quando secundum ejus intentionem offertur, sicut autem placita Deo Sanctum sanctorum recte appellata est. Si enim non esset sanctorum Sanctum poenitentia sacrificium, nunquam poenitentem introduxisset in Sancta sanctorum eum, qui per peccatum inde prius expulsus est. *Sacerdos qui offeret, comedet eam, qui offeret ait. Hic autem Christus est, qui nostra peccata suscepit, recteque nostram offeret poenitentiam; et quomodo eam manducet, a loco cognosce in quo comedet. In loco sancto in atrio tabernaculi, vel sicut Septuaginta ediderunt : in atrio tabernaculi testimonii.* Atrium autem tabernaculi testimonii Ecclesia est, ipsa quippe apte cœlum, atrium tabernaculi testimonii est ubi Christus poenitentium salutem operatur, quia salus ejus etiam cibus appellatur : *Meus enim cibus est, inquit, ut faciam voluntatem Patris mei (Joan. iv), voluntas autem ejus est ut peccator convertatur et salvetur. Insuper ait : Quidquid tetigerit carnes ejus sanctificabitur.* Carnis autem poenitentia intelligimus jejunium, vigiliam, cilicium vestimentum, cum lacrymis orationem, elemosynam, ex his enim consistit poenitentia, quæ qui tangit recte sanctificabitur. *Et si de sanguine illius vestis fuerit aspersa, lavabitur in loco sancto; sanguis poenitentia proprie baptismus est, quia sicut vita omnis carnis sanguis est, sic et poenitentia, domum baptismi est : omnis enim qui agit poenitentiam, si non perceperit baptismum, inutilis ei est, et sine aliquo lucro poenitentia, mortuaque et exanimis, quia veterem peccati hominem non aliter quisquam nisi ablutione regenerationis disponit. Quod si dicas : Et quomodo qui olim baptizati sunt homines poenitentiam agent? Cognosce quia virtus præcedentis baptismatis operatur et in ea quæ postea acta fuerit poenitentia. Hæc ergo est intentio legislatoris, quod quemadmodum qui comedet carnes prædicti sacrificii, quamvis oblatio alterius sit, sanctificatur, per hoc autem ostenditur, quod et is qui non eget poenitentia, si quid egerit horum, poenitentiam agens sanctificatur : similiter vel si multum parvus quisquam baptizatus fuerit, qui necdum forte peccavit, mundatur, et quid ei est opus mundatio? Ad hoc ei opus est, quia nemo est mundus a sordibus, nam licet unius diei vita ejus sit super terram, sordem tamen quam ex Adam successionem et generationem traxit retinet. Et ideo eum qui sanguine poenitentia aspersus est, non dixit, sicut immundum lavari, ait enim : *Si de sanguine illius vestis fuerit aspersa, id est, caro; ipsa est enim**

vestis interioris hominis, quæ si aspersa fuerit, ibi *lavabitur in loco sancto*; in domo mystica spiritus. Ergo si quis foris lotus fuerit, sicut sunt, verbi gratia, paganorum aspersiones, non lavatur, quia non in loco sancto aspersione, neque ablutionem suscipit. *Vas autem fictile in quo cocta est confringetur; quod si vas æneum, defricabitur, et lavabitur aqua.* Quod est autem vas fictile et ubi jacens, Paulus ostendit cum dicit: *In magna autem domo non solum sunt vasa aurea et argentea, sed et lignea et fictilia; et quædam quidem in honore, quædam autem in contumelia.* In contumeliam videlicet ea quæ sunt fictilia: magnam autem domum ut pote quæ domus Dei est, Ecclesiam intellexi, in qua aurea vasa et argentea iusti fictilia peccatores sunt. Dixit quippe et Isaia de Jerusalem: *Veniet contritio ejus et comminuetur sicut conteritur lagena figuli contritione pervalida, et non invenietur de fragmentis ejus testa in qua portetur igniculus de incendio, aut hauriatur parum aquæ de fovea (Isa. II).* Ergo quia vasa in quibus carnes sacrificii coquantur in templo sunt, esse autem in templo Dei quædam infirma vasa, ex prædictis verbis apostolicis ostendimus. Quicumque est in templo vas fictile, id est, infirmus quispiam et sordidus, et qui in peccando consuetudinem fecit, ut ex hoc sicut amator peccatorum, vas contumeliæ nominetur cocto sacrificio per quod peccatorum dispensatur remissio, propterea confringitur sive conteritur, quia cum esset infirmus, bona male percipit, videns enim peccata dimitti, putat semper licere peccari, et ex eo quod juvatur altera læsio et contritio, infirmitas invenitur alterius. Quicumque autem fortis est ut æs, et æruginem peccati non habens, hic coctione pœnitentiæ non conteretur, neque confringetur, sed defricatur sive extergitur, id est, diluitur; et quomodo diluitur? aqua lotus. Videns enim alium pœnitentem, movetur ad compunctionem et mundatur, aqua lacrymarum lotus. *Omnis masculus de genere sacerdotali vescetur carnibus ejus, quia Sanctum sanctorum est.* Sacerdotem quidem offerentem integrum sacrificium et comedentem, intelligas Christum. Ipse autem nostram offeret pœnitentiam, ipse et comedit, quia cibum salutem peccatorum habet. Carnes autem sacrificii quæ pertinent ad pœnitentiam, omnis masculus de sacerdotibus comedit, omnem fortitudinem convenienter exhibens, cui recte dicitur, *Viriliter age et confortare et sustine Dominum (Psal. xxvi)*; et hæc quidem ita se habeant. Sed intendum est quem subinferat terminum: *Hostia enim quæ creditur pro seccato, cujus sanguis insertur in tabernaculo testimonii ad expiandum, in sanctuario non comedetur, sed comburetur igni; et cujus sanguis pro peccato in tabernaculo testimonii ad expiandum seu deprecandum offertur: vituli scilicet congregationis, sive synagogæ, et idem vituli pro peccato pontificis; hoc enim plenissime superius dixit, quia ergo illa sacrificia multis probationibus ad Christum ostendimus pertinere, recte ea comedi non præcepit, sed igne*

*comburi, neque enim per ea per quæ sibi unusquisque remissionem peccatorum proligit: per jejunium verbi gratia, aut vigiliis, vel aliam similem conversationem, per hæc Christus persægit remissionem, sed auctoritate et virtute propriæ divinitatis: Christi enim passiones, per quas nobis remissio procuratur, non hominis cujusquam puri, sed Dei sunt incarnati. Propter quod non est esibilis hominibus, sed igne consumitur; quia solius Dei est remissionem omni præbere suo plasmati, quem per ignem significat: Deus enim noster ignis consumens est (Hebr. XII).* [Ex Origene.] Hostiarum quædam quidem sunt Dei solius, ita ut nullus hominum participet ex ipsis, quædam sunt Aaron sacerdotis et filiorum ejus, quædam ipsius et filiorum et filiarum ejus, ita ut etiam uxori sacerdotis edere liceat ex his; quædam sunt sacerdotum et filiorum ac filiarum earum; sed de quibus edere liceat etiam filios Israel, et in illis quidem hostiis de quibus licet edere filios Israel, sine dubio habent participium etiam sacerdotes et filii sacerdotum, non tamen ex omni hostia, quam edet sacerdos, etiam filios Israel edere licebit. Prima ergo est hostia holocaustoma: neque enim oportebat aliam primo hostiam nominari, nisi eam quæ omnipotenti Deo offerebatur; secunda hostia est, quæ ad edendum sacerdotibus mancipatur; tertia, de qua etiam filios Israel contingere vel edere, ipsos scilicet qui offerunt, fas est; sed filios Israel, non omnes, nisi illos tantum qui mundi sunt: soli enim qui mundi sunt de sacrificiis edere jubentur. Verum istas omnes hostias tu qui in occulto Judæus es, nolo in animalibus requiras visibilibus, nec in mutis pecoribus inveniri putes, quos offerri debeat Deo; istas hostias intra teipsum require, et invenies eas intra animam tuam. Intellige habere intra teipsum greges boum, illos qui benedicuntur in Abraham; intellige habere te et greges ovium, et greges caprarum, in quibus benedicti et multiplicati sunt patriarchæ; intellige esse intra te etiam aves cœli, nec mireris quod hæc intra te esse dicimus; intellige te alium mundum esse in parvo, et esse intra te solem, esse lunam, esse etiam stellas: hoc enim si ita non esset, nunquam dixisset Dominus ad Abraham: *Aspice ad cœlum et vide stellas si dinumerari possent a multitudine: sic erit semen tuum (Gen. xv)*. Nec mireris, inquam, si dicitur ad Abraham, *quia sic erit semen tuum*, sicut sunt stellæ cœli: de illis scilicet qui ex fide ejus genati rationabiliter vivant, ac divinas leges et præcepta custodiant. Audi amplius aliquid Salvatorem ad discipulos dicentem: *Vos estis lux mundi (Matth. v)*: dubitas ne esse intra te solem et lunam, ad quem dicitur: *Quia lux sis mundi.* Vis adhuc amplius aliquid de teipso audire! ne forte parva de te et humilia cogitas tanquam vilem, negligas vitam tuam. Habet hic mundus gubernatorem suum, habet qui eum regat et habitet in ipso, omnipotentem Deum, sicut ipse per Prophetam dicit: *Nonne cœlum et terram ego repleo? dicit Dominus (Jer. xxxiii)*;

audire ergo ipse Dominus omnipotens, quid etiam de A  
 te, hoc est, quid de hominibus, dicat: *Habitabo, inquit, in eis, et in ipsis ambulabo* (Exod. xxiii). Plus aliquid adhuc addidit erga personam, quam: *Et, ero, inquit, eis in patrem, et ipsi erunt mihi in filios, et filias, dicit Dominus*. Vides quam multa misericordia et benignitas Dei est. Et ubi holocaustum jugulatur illud, quod soli Deo offertur, ibi etiam hostia quæ pro peccato est immolari jubetur; quo scilicet intelligat, se qui peccavit et penitet, conversus ad Deum, et contribulati spiritus hostiam jugulat in loco jam sancto stare et sociari his quæ pertinent ad Deum. Ibi ergo immolatur hostia pro peccato ubi et holocaustum, in *conspetu*, inquit, *Domini*. Est fortassis in conspectu Domini offerre sacrificium, et offerre non in conspectu Domini. Quis ergo est, B  
 qui offert in conspectu Domini? Ille opinor qui non exiit a conspectu Domini, sicut Cain, et effectus est timens et tremens. Si quis ergo est qui habet fiduciam stare in conspectu Domini, et non fugit a facie ejus, nec aspectum ejus peccati conscientia declinat, iste in conspectu Dei offert sacrificium. Hanc ergo hostiam quæ offertur pro peccatis, dicit esse *Sancta sanctorum*. Majus aliquid audere vult sermo, si tamen et vester sequatur auditus, quæ est hostia quæ pro peccatis offertur, et est *Sancta sanctorum*, nisi unigenitus filius Dei Dominus meus Jesus Christus? Ipse solus est hostia pro peccatis, et ipse est hostia *Sancta sanctorum*. Sed quod addidit? *Sacerdos*, inquit, *qui offert illud, edet illud*. Hic ergo est sacerdos qui peccata populi comedit et consumit, C  
 de quo dictum est: *Tu es sacerdos in æternum secundum ordinem Melchisedech* (Psal. cix). Salvator ergo et Dominus meus peccata populi edit. Quomodo edit peccata populi? Audi quid scriptum est: *Deus, inquit, noster ignis consumens est*. Quid consumit Deus ignis: nunquid tam inepti erimus ut putemus quod Dei ignis ligna consumat, aut stipulam, aut fenum? sed consumit Deus ignis humana peccata, illa absument, illa devorat, illa purgat, secundum quod et alibi dicit: *Et purgabo te igni ad purum* (Isa. i). Hoc est manducare peccatum ejus, qui offert sacrificium pro peccato: ipse enim peccata nostra suscepit, et in semetipso ea tanquam ignis comedit et absument. Dicit ergo lex: *Sacerdos qui obtulerit, edet illud in loco sancto, in atriis tabernaculi testimonii*; consequens enim est ut secundum imaginem ejus qui sacerdotium Ecclesiæ dedit, etiam ministri et sacerdotes Ecclesiæ peccata populi accipiant, et ipsi imitantes magistrum, remissionem peccatorum populo tribuant. Debent ergo et ipsi Ecclesiæ sacerdotes ita perfecti esse, et in officiis sacerdotalibus eraditi, ut peccata populi in loco sancto, in atriis tabernaculi testimonii, ipsi non peccando consumant. Quid autem est in loco sancto manducare peccatum? Locus erat sanctus in quem venerat Moyses, secundum quod dictum est ad eum: *Locus enim in quo stas, terra sancta est* (Exod. i). Similiter ergo et in Ecclesia Dei locus

sanctus est *fides perfecta et charitas de corde puro et conscientia bona* (I Tim. i): Qui in his stat in Ecclesia, in loco se sancto stare cognoscat. Edit ergo sacerdos carnes sacrificii in atriis tabernaculi testimonii, cum intelligere poterit quæ sit ratio in his, quæve mysteria, quæ describuntur de atriis tabernaculi testimonii: ad hæc enim atria secreta et recondita nullus accedit, nulli hæc nisi sacerdotibus patent, si tamen pateant, si scientia sua et intellectu mystico poterint eorum secreta penetrare. Scio autem esse et alia quædam in Ecclesia dogmata secretiora, quæ adire nec ipsis sacerdotibus liceat; illa dico ubi arca reconditur, ubi urna mannae et tabulae testamenti. Illic ne ipsis quidem sacerdotibus datur accessus: sed uni tamen pontifici et huic semel in anno, certis quibusdam et mysticis purificationibus conceditur istud intrare secretum; sunt et alia Ecclesiæ dogmata, ad quæ possunt pervenire etiam Levitæ, sed inferiora sunt ab his quæ sacerdotibus adire concessum est. Scio et alia esse ad quæ possunt accedere etiam filii Israel, hoc est, laici, non tamen alienigenæ, nisi si ascripti jam fuerint in Ecclesia Domini: *Ægyptius enim tertia generatione intrabit in Ecclesia Domini* (Deut. xxxii). Credo fidem Patris et Filii et Spiritus sancti in quem credit omnis qui sociatur Ecclesiæ Dei, tertiam generationem mystice dictam. Verumtamen sciendum est quod ex hostiis quæ offeruntur, licet concedantur sacerdotibus ad edendum, non tamen omnia conceduntur, sed pars ex ipsis aliqua Deo offertur, et altaris ignibus traditur, ut sciamus etiam quod et si conceditur nobis aliqua ex divinis Scripturis apprehendere et cognoscere, sunt tamen aliqua quæ Deo reservanda sunt, quæ cum intelligentiam nostram superent, sensusque eorum supra nos sit, ne forte aliter a nobis quam se habet veritas proferantur, melius igni ista servamus; et ideo etiam in hoc loco, quæ quidem concessa sunt hominibus ad edendum, prout potuimus, intra tabernaculum Domini consumpsimus. Si qua vero supersunt, et vel nos in audiendo, vel nos superant in dicendo, servemus igni altaris, tanquam eam partem quæ pro peccato super altare Domini jubetur offerri.

## CAPUT IV.

*Qualiter hostiæ pro delictis offerantur.*

(CAP. VII.) *Hæc quoque est lex hostiæ pro delicto Sanctum sanctorum est, idcirco ubi immolatur holocaustum, mactabitur et victima pro delicto, sanguis ejus per gyrum fundetur altaris; offerent ex ea caudam et adipem qui operit vitalia, duos renunculos, et pinguedinem quæ juxta ilia est, reticulumque jecoris cum renunculis, et adolebit ea sacerdos super altare. Incensum est Domini pro delicto. Omnis masculus de sacerdotali genere in loco sancto vescetur his carnibus, quia Sanctum sanctorum est. Et sicut pro peccato offertur hostia, ita et pro delicto utriusque hostiæ una lex erit, ad sacerdotem qui eam obtulerit, pertinebit. Delictum aliquando quidem cognitum peccatum vocat, aliquando autem illud quod in*

ipsum committitur Deum. Sicut illud quod in sanctis perpetratur quemadmodum superius ostendimus. (Ex Origene.) Scio tamen et illam differentiam, quæ nonnullis sapientium visa est, quod delictum quidem sit cum non facimus ea quæ facere debemus, peccatum vero sit, cum committimus ea quæ committere non debemus. Sed hæc quoniam non semper in Scripturis divinis sub ista distinctione invenimus, idcirco generaliter affirmare non possumus. (Ex Hesychio.) Quæcunque autem ad Deum referuntur, difficilem habent veniam, ita ut Heli filius diceret : *Si homo peccaverit in homines, orabit pro eo; si vero in Deum peccaverit, quis pro eo orabit (I Reg. II)?* Necessarie ergo arietem figuram gerentem Domini, de quo dictum est : *Ecce agnus Dei, ecce qui tollit peccata mundi*, aumi in sacrificio diximus, in quo solo est, peccata quæ in eum commissa sunt relaxare. Oportet autem quæri quare non omnis aries in holocaustum sit, sicut et vitulus qui pro populo et pro sacerdote oblatus est; ipse enim figuram gerere sacrificii unigeniti, est probatus; sed ibi quidem quia generalis dispensata est remissio, et omnis humani generis peracta est venia, necessario omne Christi sacrificium offertur. Quæcunque ergo eum possunt salvare, hæc in sacrificium Christi suscipi legislator jussit. Quæ sunt autem hæc Paulus ait : *Pacem sequimini cum omnibus* dicens, et *sanctimoniam, sine qua nemo videbit Deum (Hebr. XIII)*; quod et nunc legislator significavit per ante factam oblationem interiorum. Cogitationes enim sunt intelligibilia interiora, quibus pacem habentibus, pacem cum omnibus habebimus. Oblatione autem renum et pinnulæ et epatis, et femorum, sanctificationem significat, quæ nobis ordinata est ad salutem. (Ex Gregorio.) Quid in cauda, nisi finis est corporis? et ille bene immolat, qui sacrificium boni operis usque ad finem debitæ perducit actionis. Cauda ergo hostiæ in altare offerri præcipitur, ut videlicet omne bonum cum incipimus etiam perseverante fine compleamus. (Ex Hesychio.) Nota autem quia quæcunque in sacrificio pacificorum, ea et in hoc sacrificio præcepit fieri : adipem jubet offerri. Desiderat enim Christus ut eum, qui gravia habet peccata salvare; cum adipe secundum Septuaginta et lumbum offert. Neque enim solummodo hoc vult, sed et potest : lumbus autem ut pote forte membrum, significat virtutem. Duos renunculos et pinguedinem quæ juxta ilia est, vult quippe maxime penitentis mundari interiorem hominem, vult etiam habere eum et castitatem, propter quod non solum renum, sed et iliorum vel femorum pinguedinem seu adipem offerri jussit, quia hæc commisionis ministeria et seminum putantur. Cum his etiam reticulum jecoris, vel, sicut Septuaginta, pinnulam hepatis cum renunculis auferri præcepit, et offerri cum aliis in altari hostiam Domino; vult enim eum qui penitentiam agit, concupiscentiam propriam non habere, sed omnem eam offerre Deo, quia enim concupiscentias sive desideria in hepate moveri dicunt et nu-

triri, quarum primitiæ per pinnulam oblate in sanctificatione peragi omnesque corrigi faciant. Hæc dicens addidit, *Pro delicto est*, ostendens quod non frustra sacrificium hoc differre ab aliis sacrificiis, quæ sunt pro peccatis dixit, sed quia pro delicto est, id est, in Deum tendit peccatum ejus. *Omnis masculus de sacerdotali genere in loco sancto vescetur his carnalibus, quia Sanctum sanctorum est. Sicut pro peccato offertur hostia, ita et pro delicto; utriusque hostiæ una lex erit*, etc. (Ex Origene.) Igitur eodem modo atque eadem traditione de sacrificio quod pro delicto offertur accipiendum est, quod et supra exposuimus de eo quod pro peccato est. Similiter enim jubetur adipem arietis hi qui circa renes sunt, et ii qui interiora aperiunt, imponi super altare, ut et tu qui hæc audis scias omne quod est intra te crassius, et operit interiora tua, debere te offerri igni altaris, ut purgentur omnia interiora tua, et dicas et tu, sicut et David dicebat : *Benedic, anima mea, Dominum, et omnia interiora mea nomen sanctum ejus (Psal. CII)*. Nisi enim ablata fuerit crassitudo illa quæ tegit interiora tua, non possunt subtilem et spiritalem capere sensum, nec possunt intellectum capere sapientiæ, et ideo Dominum laudare non possunt. Quod si ablatum fuerit omne quod pingue est de renibus et de omnibus interioribus viscerum, tunc vere purgatus omni vitio libidinis jugulasti hostiam pro delicto, et obtulisti sacrificium Domino in odorem suavitatis, *Sacerdotis, inquit, qui offert illud, et repropitiavit pro delicto ipotus erit*. Discant sacerdotes Domini qui Ecclesiis præsent, quia pars eis data est cum iis quorum delicta repropitiaverint. Quid autem est repropitiare delictum : si assumpseris peccatorem, et monendo, hortando, docendo, instruendo adduxeris eum ad penitentiam, ab errore correxeris, a vitis emendaveris, et effeceris eum talem ut ei converso propitius fiat Deus, pro delicto repropitiasse diceris; si ergo talis fueris sacerdos, et talis fuerit doctrina tua et sermo tuus, pars tibi datur eorum quos correxeris, ut illorum meritum tua merces sit, et illorum salus tua gloria. Aut non et Apostolus hæc ostendit ubi dicit : *Quia quod superædificaverit quis mercedem accipiet (II Cor. III)*. Intelligant igitur sacerdotes Domini ubi est eis data portio, et in hoc vacent atque his operam dent, non se inanibus et superfluis actibus impliceant, sed sciant se in nullo alio partem habituros apud Deum, nisi in eo quod offerunt pro peccatis, id est, quod a via peccati converterint peccatorem.

*Sacerdos qui offeret holocausti victimam habebit pellem ejus; et omne sacrificium similitæ quod coquitur in clibano, et quidquid in craticula vel in sartagine præparatur, ejus erit sacerdotis a quo offertur; sive oleo conspersa, sive arida fuerit, cunctis filiis Aaron æqua mensura per singulos dividetur*. Legimus in libro Job, quod laudante Domino lapsu Job, Satan responderit : *Pellem pro pelle et cuncta quæ habet homo dabit pro anima sua (Job. II)*. [Ex Hesychio.] Ergo pellis, divitiarum circumstantia, quasi

exterius circumdatis est hominem, quam offerre in-  
 telligimus sacerdoti hi qui volunt holocaustum fieri  
 debent; propter quod in qui doctrinæ apostolicæ  
 erodiderunt, vendentes substantias suas ad pedes apo-  
 stolorum ponebant (Act. iv). Quia ergo pellem pro  
 pelle dixit, necessarie divitiarum circumstantiam  
 quam perdidit Job pro patientia quæ ei relicta est  
 intelligimus; pellem autem; quia multa ex ea utilis  
 sunt, patientiam profitemur; quæ multa acquirere-  
 libus se providet bona; quia autem intelligibile hic  
 describit holocaustum, ipse textus ostendit. Al-  
 tenim: *Sacerdos qui offeret holocausti victimam*, non  
 boum, aut ovium, aut aliorum similibus, sed homi-  
 nis; ubi enim non ab his qui offerunt, sed ab his  
 quæ offeruntur, sacrificia considerantur, necessarie  
 animalium mentionem facit: hic autem quia aper-  
 tius voluit introducere personam Domini, sacerdo-  
 tem posuit holocaustum hominis offerentem; intel-  
 ligibilia enim nostra holocausta solus Christus offe-  
 ret, ad cuius imitationem eorum hostiæ et conversa-  
 tiones studentur.

Non solum autem in ejus doctrinâ, sed et in res-  
 pectu ejus patientiam in passionibus habemus,  
 Paulo dicente: *Recognite autem eum qui talem sus-  
 tinuit et peccatoribus adversus semetipsum contra-  
 dictionem, ut ne fatigemini animis vestris deficientes*  
 (Hebr. xii). Post hæc dixit: *Omne sacrificium quod  
 coquitur in clibano, et quicquid in craticula vel in  
 sartagine præparatur, ejus erit sacerdotis a quo offeren-  
 tur*; reminiscendum est quia sacrificia hæc theolo-  
 giæ esse unigeniti dispensationis diximus, et illud  
 quidem quod est de clibano, diximus significare  
 Virginis partum. Quod vero de sartagine est, crucis  
 passionem; illud etiam quod de craticula est, a  
 mortis resurrectionem, rationem in omnibus red-  
 dentes, et probationes quas oportebat aspicientes.  
 Quia ergo hæc theologiæ incarnationis proxima sunt,  
 necessarie sacerdotis offerentis eam, Christi videli-  
 cet nati et passi et resurgentis est. Sed nimirum  
 novum tibi videtur quod inferitur: *Sive oleo con-  
 spersa, sive arida fuerint, cunctis filiis Aaron æqua  
 mensura per singulos dividetur*. Conspersum siqui-  
 dem in oleo sacrificium de simila dicit, quod nec in  
 clibano, nec in sartagine vel in craticula mittitur:  
 ergo et ipsam esse theologiam diximus, sed non de  
 Dominica incarnatione, ut non ergo omnem theolo-  
 giam circumscriptabat in Unigeniti humanitate;  
 oportet enim nos et de Patris et de Spiritus sancti,  
 sed etiam ipsius Filii, quæ ex Patre est substantia dis-  
 potare, propterea non in semetipso portare, hoc  
 sacrificium repetivit, sed filiis Aaron illud ad theolo-  
 giam per meditationem proficientibus Scriptura-  
 rum deputavit, unicuique æqualiter dispartiens, ut  
 non dissimilia, sed omnes similia de Deo sentirent;  
 et hoc manifestum quia hæretici de tali percipere  
 sacrificio non præcepit; quia non eadem de Deo sa-  
 piunt, sed et nimis differentia. Non conspersum au-  
 tem de simila iterum dicit, quando decima ephi-  
 stique oleo et thure pro peccato offertur, a non va-

lentibus hircum aut ovem aut par turturum aut pal-  
 los columbarum offerre in sacrificium.

Hoc autem etsi sacrificium Salvatoris significat,  
 tamen quia non theologiæ gratia, sed causa utilita-  
 tis offerentis præcepta est, et hanc filiis Aaroni de-  
 putavit. (Ex Origene.) Sacrificium jubetur salutaris  
 in oleo fieri, sicut supra jam diximus: sacrificium  
 vero pro peccato non fit in oleo. Dicit enim, *non  
 superponit ei oleum, quoniam pro peccato est*. Quod  
 ergo pro peccato est, nec oleum lætitiæ ei, nec thuris  
 suavitatis imponitur: peccantibus enim dicit Apo-  
 stolus: *Et lugeam eos qui ante peccaverunt, et non  
 egerunt penitentiam* (II Cor. xii). Nec odor in eo  
 suavitatis est, quia ex personâ peccatoris dicitur:  
*Computruerunt et corruptæ sunt cicatrices meæ*  
 (Psal. xxxvii). Cor ergo est hominis clibanus, istud  
 autem cor, si vitia succenderint, vel diabolus in-  
 flammaverit, non coquet, sed exuret; si vero ille id  
 succenderit qui dixit: *Ignem veni mittere in terram*,  
 panes Scripturarum divinarum et sermonum Dei,  
 quos in corde suscipio, non exuro ad perditionem,  
 sed coquo ad sacrificium. Et fortassis illa coqui di-  
 cuntur in clibano, quæ interiora sunt et recondita,  
 nec profertur facile ad vulgus possunt. Sunt enim  
 multa in Scripturis divinis hujusmodi: sicut apud  
 Ezechielem, cum vel de cherubini, vel de Deo et de  
 illa magnifica visione describitur. Hæc si in clibano  
 non coquantur, comedi ita ut sunt cruda non pos-  
 sunt, neque enim credendum est quod sit animal  
 quoddam in forma leonis positum quo vehatur Deus  
 vel aliud in formâ vituli, aut aquilæ. Hæc ergo et  
 si qua hujusmodi sunt, non sunt cruda proferenda,  
 sed in cordis clibano sunt coquenda. Tria itaque  
 sunt hæc in quibus dicit sacrificia debere præparari:  
 in clibano, in sartagine, in craticula; et patet  
 quod clibanus secundum sui formam, profundiora et  
 ea quæ sunt inenarrabilia, significet in Scripturis  
 divinis; sartago vero ea quæ si frequenter ac sæpe  
 versentur, intelligi et explicari possunt; craticula  
 autem, ea quæ palam sunt et absque aliqua obste-  
 ctione cernuntur; triplicem namque in Scripturis di-  
 vinis intelligentiæ inveniri sæpe diximus modum,  
 historicum scilicet, moralem, mysticum, unde et  
 corpus inesse ei et animam ac spiritum intelleximus,  
 cujus intelligentiæ triplicem formam, sacrificiorum  
 triplex hic apparatus ostendit. Sed et alibi inven-  
 tus, id est, in iis ipsis, quæ de sacrificiis memo-  
 rantur dici canistrum sanctum perfectionis, in quo  
 tres panes haberi mandantur.

Vides consonare sibi sacramentorum omnium for-  
 mas; canistrum perfectionis, in quo tres panes pon-  
 jubentur, quid aliud debemus accipere, nisi Scriptu-  
 ras divinas, cibos auditoribus tripliciter apponen-  
 tes? Vis tibi et de evangelis similis mysterii pro-  
 feramus exempla? Recolamus Domini voces ubi di-  
 cit: *Quia medio noctis venit quidam ad amicum suum,  
 pulsans ostium ejus, et ait: Amice, conmoda mihi  
 tres panes, quoniam amicus mihi supervenit de via,  
 et non habeo quod apponam ei* (Luc. xi); in quibus

ut, breviter perstringamus, non est tempus huius  
vitiæ, et tres panes sunt, unus, qui in elibano, alius  
qui in sartagine, tertius, qui in craticula, coquitur.  
Post hæc, et, omne, inquit, sacrificium factum in oleo,  
sive, non factum, omnibus filiis Aaron, erit, singulis  
æqualiter, quod sacrificium est factum in oleo, vel  
quod, est non factum in oleo.

## CAPUT V.

De lege hostiarum pacificorum quæ offertur Domino pro  
actione gratiarum.

(Iude.) Hæc est lex hostiarum pacificorum quæ offertur  
Domino: ei pro gratiarum actione fuerit oblatio, offerent  
panes absque fermento conspersos oleo, et lagana  
azyma uncta oleo, coctamque similam et collyridas olei  
admitione conspersas; panes quoque fermentatos cum  
hostia gratiarum, quæ immolatur pro pacificis: ex  
quibus unus pro primitiis offeretur Domino, et erit  
sacerdotis qui fundet hostiæ sanguinem: cuius carnes  
eadem comedentur die, nec remanebit ex eis quidquam  
usque mane. (Ex Origene.) Sacrificium hoc, quod salutare  
appellatur, in duas dividit partes; et unam  
quidem laudationis nominat, alteram voti; utrumque  
tamen sacrificium salutare nominatur.

(Ex Hesychio.) Vides rationalem et activam esse  
vitam ex iis quæ nobis ad pacifica sive ad salutem  
transeuntibus dedit, potestatem tribuens quam ex  
utrisque voluerimus eligere, quia enim rationale  
quoddam est sacrificium, gratiarum actionis, sive  
secundum Septuaginta laudationis. Audi David,  
postquam prohibuit sacrificia quæ secundum legem  
erant, dicentem: *Immola Deo sacrificium laudis, et  
redde Altissimo vota tua.* (Ex Origene.) Ille ergo ob-  
tulit sacrificium laudis, pro cuius actibus, pro cuius  
doctrina, pro cuius verbo et moribus et disciplina  
laudatur et benedicitur Deus, sicut e contrario sunt  
illi, de quibus dicitur: *Quia per vos nomen meum  
blasphematur inter gentes* (Rom. 11). Audi et Paulum  
ad Hebræos scribentem per se: dicit autem: *Sic offeramus  
hostiam laudis semper Deo fructum laborum  
confitentium nomini ejus* (Hebr. xiv). Quomodo autem  
jubet illud offerri? *Offeret panes absque fermento  
consersos oleo, et lagana azyma uncta oleo,  
coctamque similam et collyridas, olei admitione  
consersas*; quod Septuaginta ita edunt: *Et similam  
consersam oleo in collyridis panum azymorum offeret  
munera sua super altare laudationis salutaria.* Panes  
sine fermento, sive azymos consersos in oleo, apo-  
stolicos libros, lagana uncta oleo, propheticos intel-  
lige: quia illi quidem nimis opulenter, isti autem  
etsi ut ipsi opulenter, non tamen tantum annuntiant  
misericordiam Dei, dum misericordiæ propter inobedi-  
entiam Judæorum permiscet minas, unde et non  
consersa oleo lagana, sed tantum uncta esse di-  
cuntur: coctam autem similam et collyridas olei  
commistione consersa, vel sicut Septuaginta di-  
cunt, *Et similam consersam [oleo collyridis panum  
azymorum.* Similam in oleo consersam cum eleemosyna  
theologiam intelligimus, unde et similia propter  
subtilitatem dicitur. Verumtamen in collyridis

panibus sine fermento, munera sacrificii pacificorum  
sive salutariis, præcepit fieri in apostolicis: videlicet  
Scripturis apostolicam autem doctrinam sequi ma-  
xime oportet eam qui salvam desiderat; panes quoque  
fermentatos cum hostia gratiarum quæ immo-  
latur pacificis, ex quibus unus pro primitiis offeretur  
Deo, et erit sacerdotis qui fundet hostiæ sangui-  
nem. Septuaginta autem dicunt: *Et offeres de omni-  
bus muneribus tuis, laudationem Deo, sacerdoti profunden-  
ti sanguinem salutis tibi erit.* Quid per hæc  
ostendentes, quia quantumcumque homo egerit et  
vixerit, cucurrerit et comprehenderit sive assecutus  
fuerit, sive adjutorio Domini salutem adipisci  
sive assequi non potest. Propter quod et Paulus dice-  
bat: *Non volentis neque currentis, sed miserentis est  
Dei: ipsi autem sacerdoti profudenti sanguinem  
salutaris* (Rom. ix), id est, Christi ministranti et  
perficienti sacrificium per suum adjutorium primi-  
tias jussit offerri. Attende autem qualiter etiam præ-  
sentem legis sanctionem conclusit: *Cujus carnes ead-  
em comedentur die, nec remanebit ex eis quidquam  
usque mane, vel, sicut Septuaginta, et carnes sacri-  
ficii laudis salutariis ipsi erunt: videlicet offerentis,  
et in quacunque die donabit comedetur, non relinquet  
ex eo usque mane.* Hic mane, sæculum futurum ap-  
pellat, ut pote qui totus est lucis, et nocti præsentis  
sæculi succedit. Non vult ergo de carnibus sacrificii  
salutaris in mane relinqui, per quas nos oportet  
salvari. Sciens quia non restat in illo sæculo ope-  
ratio. (Ex Origene.) Sæpe jam diximus quod carnes  
in Scripturis solidum indicant cibum, perfectamque  
doctrinam; secundum Scripturas enim scio est  
animæ cibum quemadmodum lactis, et alium cibum  
animæ olerum et aliam carnis, sicut ipse Apostolus  
de quibusdam dicit, *Quia lacte vos potavi, non esca,  
nondum enim poteratis, sed nec adhuc potestis, adhuc  
enim estis carnales* (I Corinth. 11). Et iterum alibi di-  
cit: *Alius quidem credit manducare omnia, qui autem  
infirmus est, olera manducet* (Rom. xiv). Et rursus  
alibi: *Perfectorum autem est cibus solidus*, etc.  
(Hebr. v). Hic ergo carnes sacrificii salutariis quod  
offeritur pro laudatione, ipse jubetur esse sacer-  
dotis. Ex similia vero tripliciter oblata, ut supra di-  
ximus: unum tantum quod placuerit sacerdoti de-  
putatur, cætera offerentis sunt laici, ita tamen ut sub  
die comedantur, nec remaneat ex his aliquid in  
mane. Carnes ergo in quibus solidus cibus est et  
perfecta scientia, sacerdotibus deputantur, quia de-  
bent in omnibus esse perfecti, in doctrina, in virtuti-  
bus, in moribus; si enim hoc in se non habuerint,  
de sacrificiorum carnibus non edent. Caro quæ ex  
sacrificiis sacerdotibus deputatur, verbum Dei est  
quod in Ecclesia docent. Per hoc ergo, figuris my-  
sticis commententur, ut cum proferre ad populum  
sermonein cœperint, non hesternam proferant, non  
vetera quæ sunt secundum litteram proloquantur;  
sed per gratiam Dei nova semper proferant, et spi-  
ritalia semper inveniant; si enim ea quæ didiceris  
a Judæis hesternæ dic hæc hodie in Ecclesia profo-

ras hoc est, hesternam carnem sacrificii edere. Unum vero illud quo separatur, tanquam præcipuum ex tribus quæ ex similia præcepta sunt, in hoc illam partem scientiæ arbitror designari de qua superius diximus, quæ perfectam indicat profundamque doctrinam. Sed requiras fortasse, cum superius fermentum panis de sacrificiis abiecerit, quomodo nunc super panes fermentatos sacrificium mandati imponi? Verum diligentius intueere quia non ad sacrificium sed ad ministerium sacrificii fermentatus panis assumitur: quid ergo hoc sit, age videamus. Dominus in Evangeliiis humanam doctrinam Phariseorum qui tradebant traditiones, præcepta hominum, fermentum appellat, cum dicit discipulis: *Observate a fermento Phariseorum* (Matth. xvi; Luc. xii): similiter ergo humana doctrina est, verbi causa, grammatica ars, vel rhetorica, vel etiam dialectica; ex qua doctrina, ad sacrificium quidem, hoc est, in his quæ de Deo sentienda sunt, nihil suscipiendum est, sermo vero lucidus et eloquentiæ splendor ac disputandi ratio ad ministerium verbi Dei decenter jubetur admitti, aut non super hoc fermentum habebat verbi Dei sacrificium positum ille qui dicebat: *Corrumpunt mores bonos colloquia mala* (I Corint. xv). Et: *Gretenses semper mendaces, malæ bestiæ, ventres pigri* (Tit. i), et alia his similia ex fermento sumpta Græcorum?

## CAPUT VI.

*Qua die liceat de hostiis sponte oblati comedere.*

(Ibid.) *Si voto vel sponte quisquam obtulerit hostiam, eadem similiter edetur die, sed et si quid in crastinum remanserit, vesci licitum est; quiddam autem tertius invenerit dies, ignis absumet, et si quis de carnibus victimæ pacificorum die tertio comederit, irrita fiet oblatio, nec proderit offerenti; quia potius quæcumque anima tali se edulio contaminaverit, prævaricationis rea erit.* (Ex Hesychio.) Omne quidem sacrificium pacificorum seu salutare, spontaneum est, unde illud inter dona superiore parte libri hujus legislator ascripsit, sed gratiarum actionis sive laudis sacrificium quanquam species oblationis ejus quæ nunc dicta est sit; tamen quia rationalis quoddam est, propterea in lege voluntarium non habet additum, qui cum sine dubio rationales simus, debitum quodammodo præcipuum Creatori rationale sacrificium debeamus; propterea in eo voluntarium lex reticuit non illud excipiens a voluntariis. Cras enim aliquando pro præsentis vita, aliquando pro futura accipitur; sed in isto loco pro præsentis vita accipitur, sicut et illud quod Jacobus in Epistola sua dicit: *Ecce nunc, qui dicitis, Hodie et crastino ambulabimus in illam civitatem et negotiabimur, et lucrum faciemus* (Jacob. iv). Sed et præsens quidem sæculum hodie dicitur: quomodo David dicit: *Hodie si vocem ejus audieritis*, etc. (Psal. xciv). [Ex Hesychio.] Dicitur autem et cras, non tamen omnino *ἀνὰ δωδεκάη* hodierni, sed quia præsentis sæculi non eadem sunt temporum spatia, sicut in Proverbiis ostendit: *Ne dicas amico tuo, Vade et*

*crus veni* (Proverb. xi). Neque enim æquum describi futurum, sed subsequens præsentis vitæ tempus, propter quod dicit: *Neque enim scies quid peris, sed perventura dies*; id est, ne forte in ea moriaris, aut ab aliqua impediaris causa: *Quiddam tertius invenerit dies ignis absumet*. Per diem tertium futurum indicans sæculum. In ipso quippe generalis est resurrectio mortuorum, quam designat tertii diei facta resurrectio Domini, quæ mane provenit, propter quod et mane sæculum diximus significare futurum. Tunc ergo quod reliquum est de sacrificio pacificorum, seu salutare, igne consumetur; quodcumque enim reliquerimus ad nostram salutem pertinens, inoperatum est, inoperatum et hoc quod male operatum est, et ligna aut fenum atque stipula factum, hoc igne consumetur, nos autem detrimentum patiemur; sed quid his addidit? *Si quis de carnibus victimæ pacificorum die tertio comederit, irrita fiet oblatio, nec proderit offerenti; quin potius, quæcumque anima tali se edulio contaminaverit, prævaricationis rea erit*. Nec hæc frustra præsentis sanctioni addidit, sed quia quidem post finem hujus vitæ et mortuorum resurrectionem, aliam saltem vitam qualis nunc est describere præsumperunt, mille annorum quoddam sæculum introducentes: in quo, ut aiunt, Jerusalem sensibilis ædificabitur, templumque ejus et quæ in ea quondam fuerunt Sancta sanctorum restaurabuntur, et sacrificia offerantur. Hanc ergo præsumptionem de animo nostro removeere cupiens: *Si quis de carnibus, ait, pacificorum die tertio comederit*, id est, si quis sibi in cogitatione proponat, quia post resurrectionem mortuorum reliquias hujus vitæ acturus est, et modo quoddam comedat, prædicta in mente utens pro cibo fantasia, et sperans comedere se eo tempore quo comedere impossibile est, id est, operari: hujus oblatio non suscipitur nec reputabitur ei; qui enim falsa de futuro sæculo æstimat, sibi metipsi damnum facit, abominabilemque et pollutam oblationem suam constituit. Non solum autem hoc, sed et peccatum sibi met contrahit, propter quod dicit: *Quin potius quæcumque anima tali se edulio contaminaverit, prævaricationis rea erit*; ostendens quia et in damno bonorum vivit, et peccato se subicit, quicumque non bona de retributione æstimat Christi. (Ex Origene.) Aliter in biduo quibus licet vesci carnes sacrificii, puto duo Testamenta posse intelligi, in quibus liceat omne verbum quod ad Deum pertinet, hoc enim est sacrificium requiri et discuti, atque ex ipsis omnem rerum scientiam capi, si quid autem super fuerit quod non divina Scriptura decernat, nullam aliam scripturam tertiam debere auctoritate scientiæ suscipi, quæ hic dies tertia nominatur, sed igni tradamus quod superest, id est, Deo reservemus; neque enim in præsentis vita Deus scire nos omnia voluit, maxime cum id et Apostolus dicat: *Quia ex parte scimus et ex parte prophetamus; cum venerit autem quod perfectum est, destruentur illa quæ ex parte sunt* (I Corin. xiii). Iste est ergo ignis cui quæ in tertium diem super fuerint servare

debemus, et ut non temeritate presumpta assumamus nobis eandem scientiam, ut merito nobis dicatur ab eodem Apostolo: *Nescientes neque quæ loquantur, neque de quibus affirmant.*

## CAPUT VII.

*Quod nemo debet immundum cuiusvis rei aut tangere aut vesci.*

(IBID.) *Caro quæ aliquid tetigerit immundum non comedetur, sed comburetur igni; qui fuerit mundus vescetur ea. Anima polluta quæ ederit de carnibus hostiæ pacificorum quæ oblata est Domino, peribit de populo suis; et qui tetigerit immunditiam hominis vel fumenti, sive omnis rei quæ pollere potest, et comederit de huiusmodi carnibus, interibit de populo suis.* (Ex Origene.) Triplices immunditiæ causas hic legislator exposuit: unam, ne carnes sacrificiorum aliqua immunditia contingantur; aliam ne is qui edit carnes sacrificii immundus sit, et immunditia ejus in ipso sit; tertiam, quod si carnes mundæ sint et ipse qui edit mundus sit, tamen ne contigerit aliquid immundum, vel a pecoribus, vel ab arboribus, vel ex omnibus quæ immunda pronuntiata sunt. Et hæc quidem voluntas est legis de ritu sacrificiorum corporalium sancientis; secundum nostræ vero expositionis ordinem ubi carnes sanctæ, verba intelliguntur esse divina, huiusmodi habenda est observatio, quia sæpe accidit immundas carnes contingi ab aliquo immundo, ut verbi causa dixerim: Si quis de Deo Patre ac de Unigenito ejus et Spiritu sancto, digno deitatis mysterio, purum faciat sincerumque sermonem, similiter et de omnibus creaturis rationabilibus, tanquam a Deo factis ad hoc ut caperent et intelligerent eum, non autem consequenti mysterio asserat etiam carnis resurrectionem: primus quidem ejus sermo, quoniam perfecte et sancte disseruit, solidus cibus est, carnes sanctæ sunt; hoc vero quod his addit resurrectionem carnis negando, quia alienum a fide est, superioribus junctum perfectis et fidelibus verbis, sanctas carnes contaminavit et polluit. Ideo ergo præcipit legislator ne manducentur huiusmodi carnes quibus immunditia infidelitatis alicujus adjungitur. Propterea et Apostolus dicit: *Etenim diem festum celebremus non in fermento veteri, neque in fermento maliitæ et nequitia, sed in azymis sinceritatis et veritatis* (I Cor. v). Secundum immunditiæ genus est, ne ipse qui carnes edit immundus sit, et immunditia ejus in ipso sit, quod hoc modo intelligi potest verbi gratia, si sit aliquis nature florentis et ardentis ingenii, non continuo aptus videbitur ad suscipienda verbi Dei mysteria; sed quaeritur etiam hoc, ut prius a profanis actibus et immundis operibus separetur, et ita demum eruditionis capax fiat, si prius capax fuerit sanctitatis. Tertia est immunditiæ species qua is qui mundus est aliquid contingit immundum, et non tam suo peccato quam aliena contagione polluitur, ut puta si quis societur amicitiis et consortio hominis lividi, vel iracundi, vel adulteri, et ipse quidem propriis actibus non inferatur sceleribus ejus; videat tamen eum et intelligat quomodo fratrem suum odit

A et homicida est, vel quomodo insidiat alienis mulieri, et adulter est, vel quomodo in ceteris quibusque sacrilegus est, nec deprehensis his discedat ab ejus consortio; iste est qui contingit immundum, vel animal, vel avem, vel morticinum; et aliena immunditia ipse pollutus est. Aliter: (Ex Hesychio.) Carnes significant virtutes ex quibus sacrificium salutare constat, verbi gratia, castitatem, eleemosynam, justitiam, hæc ergo si tetigerit immundum quippiam, com forte per superbiam justitia et castitas ad vanam gloriam, et eleemosyna ex injustitia fit: igne incendatur judicii futuri. Quod demonstrat Isaias dicens: *Qui immolat bovem, quasi qui interficiat vitrum; qui mactat pecus, quasi qui excerebrat canem, et reliqua* (Isaiæ. LXVI). Presentis autem mandati recta conclusio est, *Qui fuerit mundus, vescatur ea; anima polluta quæ ederit de carnibus hostiæ pacificorum quæ oblata est Domino, peribit de populo suis.* Aperte hic ironiam destruit et hypocrisim; hæc enim sunt animæ immunditiæ, ita ut horum homo interior lupus appellaretur, cum dicit Dominus: *Attendite ab eis qui veniunt ad vos in vestitu ovium, intus autem sunt lupi rapaces* (Matth. VII). Hi de carnibus hostiæ pacificorum sive salutaris, quæ oblate sunt Domino comedentes, quia virtutes quæ a Deo possidentur non virtutis intentione, sed fraudulenter operantur, perent de populo suo, ut non jam oves sed lupi nominentur. Jumenta autem immunda sunt, hoc est, hi qui immundis et terrenis actionibus occupantur, ad terram intendentes, quemadmodum jumenta. Unde et fornicatores equi emissarii appellantur: *Sive omnis rei quæ pollere potest.* Quicunque somnia et divinationes et purgationes, vel dies et tempora custodiunt, multo magis autem magi et venefici abominabiles sunt apud Dominum. *Omnia qui facit hæc, forsitan enim communicat quis malis eorum consiliis aut actionibus, et hic ut pote prohibitam immunditiam tangens, non potest ea quæ ad hostiam salutarem vel pacificorum pertinent comedere, sive operari: cum enim nisus fuerit ea quæ ad salutem pertinent agere et communicaverit operantibus mala, et quæ ad perditionem pertinent, perit de populo suo, id est, de his qui salvantur.*

## CAPUT VIII.

*Adipem qui ad incensum Domini pertinet, non licet comedere.*

(IBID.) *Locutus est Dominus ad Moysen, dicens: Loquere filiis Israel: Adipem bovis et ovium et capræ non comedetis; adipem cadaveris morticini, et ejus animalis quod a bestia captum est, habebitis in usus varios: si quis adipem qui offerri debet in incensum Domini comederit, peribit de populo suo.* (Ex Hesychio.) Adipem boum et ovium et caprarum comedi non præcepit, quorumque carnes mundas et esibiles dixit eorum comedi adipem vetuit, nec ejus qui operatur mandatum, quemadmodum est bos, nec simplicis, qui est ovis, nec eorum qui pro peccatis penitentiam agunt. Per capram quippe significatur ea quæ pro peccatis sunt sacrificia, cum capram præ-



ceperit in his aut hircum immolari; nec horum ergo concedit, ut desiderium comedamus: ad Deum enim illud referri et Deo offerri jubet, quatenus non sit secundum intentionem humanam, sed Deo soli uniuscujusque rei quam quis ex prædictis assequitur desiderium offeratur; similiter peccatorum desiderium, quod per morticinam et a bestiis capta significatur: per morticina quidem, ut pote qui elegerunt per quasdam impudicitias et per superhiam peccati mortem; quod probat Paulus de viduis dicens: *Quæ enim in deliciis est vidua, vivens mortua est.*

Per ea autem quæ a bestiis capta sunt intelliguntur hi qui dum negligunt cautelam suam et custodiam, captivati sunt ab intelligibilibus bestiis comprehensi: Quod ut non patiamur, rursus Petrus ait: *Sobrii estote, vigilate, adversarius enim vester diabolus sicut leo rugiens circuit quærens quem devoret* (I Petr. v): quorum non concedit adipem comedi, noxium enim est nobis horum desideriis uti, sed nec Deo ea jubet offerri; *Desiderium enim peccatorum peribit.* Sed quid præcepit? *Habebitis in usus varios.* Transferre ergo illud ad virtutem debemus, ut aut ad castitatem, aut ad eleemosynam, aut ad justitiam, aut ad quamcunque speciem bonæ operationis, horum desiderium convertamus, resolventes illud et in alium modum derivantes. Hoc enim est, *Habebitis in usus varios*, quia et adeps, si ad aliquam utilitatem ejuslibet conficiendi operis necessarius est, subtiliatur atque resolvitur. *Si quis adipem qui offerri debet incensum Domini comederit, peribit de populo suo.* Recte perit, videlicet cogens aut alio modo suadens ei, qui semetipsum obtulit Deo, non ad supernum oculum desiderium habere, sed ad placendum sibi; *Sanguinem quoque omnis animalis non consumetis in cibo, tam de avibus quam de pecoribus: omnis anima quæ ederit sanguinem, peribit de populis suis* (Psal. cxl). Quod sanguinem animam vult intelligi sufficienter superius demonstratum est. Vult ergo virtutem nos assequi alterne dilectionis, et neque justorum quorum hoc loco propter altiore volatum conversationem significavit; neque peccatorum quibus pecorum appellatio, pro eo quod ad inferiora intendunt, convenit, comedere sanguinem, id est, nihil ad eorum operari mortem. (Ex Origene.) Potest ergo fieri et in hoc loco, ut quod mandatur ne quis adipem edat ex his quæ Domino offeruntur, hoc sit quod Dominus dicit: *Ne quis scandalizet unum ex his minimis qui credunt in me* (Matth. xviii). Quod autem sanguis nullius animalis edi jubetur, illud fortasse sit quod de Israelitis dicit Apostolus: *Dicis ergo: Si fracti sunt rami, ut ego insererem, bene propter incredulitatem fracti sunt: tu autem fides. Noli altum sapere, sed time* (Rom. xi). Et iterum: *Noli gloriari adversus ramos, quod scilicet casu eorum nullus insultet, ne forte sicut idem Apostolus dicit: Et tu excidaris, et illi si non permanserint in incredulitate, inserantur.* Sanguis autem puto quod populus ille competenter intelligatur. Non enim ex

A fide neque ex spiritu Abraham, sed tantum ex sanguine ejus descendunt.

## CAPUT IX.

*Armus dexter et pectusculum de hostiis pacificorum sacerdotis sunt*

(Ibid.) *Locutus est Dominus ad Moysen dicens: Loquere filiis Israel: Qui offeret victimam pacificorum Domino, offerat simul et sacrificium, id est, et libamenta ejus. Tenebit manibus adipem hostiæ et pectusculum; cumque amba oblata Domino consecraverit, tradet sacerdoti, qui adolebit adipem super altare, pectusculum autem erit Aaron et filiorum ejus: armus quoque dexter de pacificorum hostiis cedet in primitiis sacerdotis, qui obtulerit sanguinem et adipem filiorum Aaron, ipse habebit et armum dextrum, in portione sua. Pectusculum autem elationis et armus separationis tui a filiis Israel de hostiis eorum pacificis, et dedi Aaron sacerdoti ac filiis ejus lege perpetua, ab omni populo Israel. Qui offeret victimam pacificorum Domino, offeret simul et sacrificium.* (Ex Hesychio.) id est, libamenta ejus. Septuaginta autem: *Offerens sacrificium salutare Domino, offeret munus suum Domino de sacrificio salutari ejus.* Et quam hoc interpretationem habeat, manifestat plura quod sequitur: *Tenebit manibus adipem hostiæ.* Vel sicut Septuaginta: *Manus ejus offerent exta Domino*, id est, ipsum quempiam oportet ea, quæ ad pacifica vel salutem pertinent operari: ut pote qui alterius studio amici forte aut cognati salvari non potest.

C. *Quemadmodum enim iniquitas iniqui super eum erit, sic et justitia justis super eum erit* (Esach. xviii): Quomodo autem oportet hostiam celebrari? *Tenebit manibus adipem hostiæ et pectusculum; vel secundum Septuaginta: Offeret adipem, qui est super pectusculum et pinnam jecoris, et offeret ea ut impunatur in conspectu Domini.* Pectusculum hic appellat fidem, et confidentiam, quia hæc fortitudini conjuncta sunt: fortitudo autem animalis perfectos designare solet; pectusculum autem fidem designans et confidentiam, quam offerri Domino vult ab eo, qui salvari desiderat, *Quia sine fide impossibile est nos placere Deo* (Hebr. xi). Quid autem his addit? *Tradet sacerdoti qui adolebit adipem super altare.* Recte: diximus enim quia omne nostrum desiderium holocaustum fieri vult; *pectusculum autem erit Aaron et filiorum ejus, armus quoque dexter*, actiones bonæ sunt, ergo et fidem et actiones offerri oportet eum qui salvari vult. Sed quia pectusculum filiis Aaron deputavit, qui sublimes vita sunt, armum autem dextrum sacerdoti qui imaginem Christi tenet, propter quod solus sacerdos hoc sacrificium perficere potest. Offerri aperte legislator ostendit, quia credere quidem et proponere bona (ex inspiratione Dei) nostrum est, sive incipere ea: operibus autem perficere et ad finem perducere ea quæ coepta sunt, hoc divine est gratiæ, propter quod dixit Paulus: *Non volentis neque currentis, sed miserentis est Dei* (Rom. ix).

Solus enim est dirigere actiones, propter quod A. et brachium ipse Dei nominatur: ad enim Isaias, Dominus; quis credidit auditui nostro, et brachium Domini, cui revelatum est (Isaias, I, III)? Nam quia ipse est verum brachium, recte nostrum armum, seu, ut Septuaginta dicunt, brachium accepit. Deinde in-  
 tentioem nostram dilatans legislator subdidit: Qui obtulerit sanguinem et adipem filiorum Aaron, ipse habebit armum dextrum in portione sua. Christus est enim, intelligibilem sanguinem pacificorum, et adipe, videlicet animas et desideria salutarium offerens, qui est quidem de filiis Aaron, non propter cognationem, sed propter propriam dignitatem, sacerdos singularis et in hominibus precipuus, in ejus portionem armus dexter seu brachium dextrum, id est, omnis bona actio et operis effectus transit. (Ex Origene.) Sacrificium quod dicitur salutare nemo effert Domino nisi qui sanus est, et salutis suae conscius, gratias Domino refert. Nemo ergo qui æger est animo et languidus in operibus, offerre potest sacrificium salutare. Vis videre quod nemo æger et languidus, potest illud offerre sacrificium? Leprosus ille, quem Dominus in Evangelio curasse describitur, non poterat offerre hostiam, donec lepræ ægritudine sanabatur; cum autem accessit ad Jesum et mandatus est, tunc jubetur a Domino offerre munera ad altare. Quod præcepit, inquit, Moyses in testimonium illis. Vidisti qui sit qui offerre debeat hostiam salutaris? Audi nunc quomodo debeat offerre: Manus, inquit, ejus offerunt hostiam Domino. Nunquid non evidenter clamat legislator, quia non homo est qui offert hostiam, sed manus ejus, id est, opera ejus: opera namque sunt quæ commendant hostiam Deo. Si enim attracta sit manus tua ad dandum, et expansa ad accipiendum, intra te est adhuc lepra tua, et offerre non potes hostiam salutaris. In hoc loco ubi nos habemus, manus ejus offerent hostiam Domino: in Græcis habetur pro hostia holocarpomata, quod intelligitur omnem fructum, per quod ostendit non posse Domino offerre omnem fructum eum qui infructuosus est (Galat. v): qui non offert fructum justitiæ, fructum misericordiæ, vel etiam fructus spiritus, quos enumerat Apostolus; charitatem, gaudium, pacem, patientiam, et unanimitatem, et cætera his similia.

Quod autem dicit, adipem qui super pectusculum sunt; pectusculum tuum intellige esse cor tuum de quo tibi auferendæ sunt omnes male cogitationes, inde enim procedunt, et altaris igni tradendæ sunt, ut possit cor tuum mundum effectum Deum videre. Sed et pinnam jecoris præcipit offerendam; diximus et ante, jecoris partem, loca iracundiæ vel cupiditatis exponi: Offert ergo pinnam jecoris, qui ex se omne vitium iræ et furoris excidit.

Adipes igitur qui sunt super pectusculum imponuntur altari; ipsum vero pectusculum Aaron et filiis ejus, sed et brachium dextrum separari præcipit, et esse eis muneris loco ex sacrificio salutaris. Quid ergo est sacerdotis pectus aut quale? ego tale puto esse quod

plenum sit sapientia, plenum animi divina intelligentia; imo quod plenum sit Deo. Quale est et brachium sacerdotis, quod ei offerunt filii Israel pro salute sua, quæ salvantur? Formæ sunt ista, singula quæ scribuntur in lege eorum, quæ in Ecclesia geri debent; alioquin nec fuisset necessarium legi hæc in Ecclesia, nisi ex his edificatio aliqua audientibus præberetur. Si ergo sacerdos Ecclesiæ per verba et doctrinam et multam sollicitudinem suam et laborem vigiliarum, convertere potuerit peccatorem et docere eum ut meliorem vitam sequatur; ad timorem Dei redeat, cogitet spem futuram, a malis actibus desinat, et convertatur ad bonos: si, inquam, tale opus fecerit, consequens est eum qui in ipsius labore salvatur, Deo gratias agere et offerre hostiam salutaris, pro eo quod salutem consecutus sit. Sed et quod addidit pectusculum dici appositionis et brachium demptionis, non mihi sine causa dictum videt. Et ideo velim requirere quid est, quod apponendum est pectusculo ut fiat pectusculum appositionis? Posteaquam ablatum fuerit a corde tuo omne quod crassum est, et emundatum fuerit ab omni operimento quod igni tradendum est, restat ut apponatur ei gratia Spiritus sancti, et tunc fiet pectusculum appositionis, sed et brachium separationis sive demptionis; quomodo erit et brachium separationis. Si scias et intelligas discernere quæ sint opera lucis, et quæ sint opera tenebrarum, et separare actus tuos de tenebris, ut sint opera tua in lumine, brachium tuum efficitur brachium separationis; vel cum separaveris te ab omni fratre inquiete ambulante, vel certe secundum Prophetam, separant se, et exeunt de medio peccatorum qui portant vasa Domini (Isai. LI).

#### CAPUT X.

De unctione Aaron, et filiorum, de cæremoniis et vestibus ad eam pertinentibus.

(Ibid.) Hæc est unctio Aaron et filiorum ejus in cæremoniis Domini, die qua obtulit eos Moyses ut sacerdotio fungerentur, et quæ præcepit dari ejus Dominus a filiis Israel religione perpetua in generationibus suis. (Ex Hesychio.) Ea quæ dicta sunt videntur quodammodo ad unctionem sacerdotum pertinere, sed non in præsentem de hac disserere legislator proposuerat: quam enim cum unctione sacerdotum societatem habent ea quæ prædicta sunt sacrificia? Sed solummodo eorum quæ superius ab eo dicta sunt, vel ostendere dignitatem, et quem pro vectum præsentent his qui ea custodiunt. Quod enim ait: Hæc est unctio Aaron et filiorum ejus in cæremoniis Domini, ad superiora hoc reddidit: (id est, pectusculum impositionis et brachium separationis; ipsa esset unctio Aaron et filiorum ejus, ne putaremus illa pro carnibus dicta, sed ut doceret etiam ipsa sub sacramento unctionis inserta) ut tu cognosceres quia custodiens quæcumque lex superius dixit ad sacerdotis proficiat dignitatem, et studendo ea, valeas regale sacerdotium, gens sancta dici, aliter autem nequaquam. Hæc est enim unctio in cæremoniis Domini, videlicet ex communicationibus quæ

in prædictis sunt descriptæ sacrificiis præstatæ. Propter quod addidit: *In die qua obtulit eos Moyses ut sacerdotio fungerentur mihî, et quæ præcepit dandi Dominus a filiis Israel.* Ergo in hæc nobis unctio nem dedit, et in istis nos vocavit Deus: *Die qua obtulit eos.* Quando autem hoc? Qua die unxit eos ut sacerdotio fungerentur, id est, qua die illos ex filiis Israel unxit, per unctionem videlicet quæ nunc dicta sunt. Qui enim sublimius vivunt seu conversantur, recte omni excellentiores sunt populo, unde et nimis opportune legislator subdidit: *Religione perpetua in generationibus vestris,* quatenus tu scires quia inconcussa hæc apud Deum religio est, ut neque dignitate, neque sapientia, neque cognitione justorum, neque alia simili ex re populo vel plurimis excellere possit quis, nisi ea assecutus fuerit quæ in superioribus sunt præcepta. Sic enim quispiam et sacerdos sit secundum cognitionem Christi veri sacerdotis, qui immaculatam et perfectam demonstravit vitam. Sed quia unctionem ea quæ superius plane dicta sunt intellexit, quæ consequuntur approbant: *Ista est lex holocausti et sacrificii pro peccato atque delicto, et pro consecratione et pacificorum victimis quas constituit Dominus Moysi in monte Sinai, quando mandavit filiis Israel, ut offerrent oblationes suas Domino in deserto Sinai (Ibid.).* Vides differentes conversationes quæ conjungunt Deo, sive perfectum honorem sapientiæ, qui per holocaustum significatur, sive per mediocre justitiam quæ idonea est, et quæ ad salutem pertinent operari. Sacrificia enim hæc pacificorum sive per holocausta agantur, sive per oblationem, recte esse utilia, ut pote dignitatem sacerdotalem præstantia lex intellexit, et propterea in die qua unctio legis Moysi in monte Sina mandavit etiam ea quæ sunt de sacrificiis subdidit, simulque ea omnia breviter enumeravit et commemoravit. Sed ubi hæc constituta dixit? *In deserto Sinai:* Sinai autem rubus vel temptatio interpretatur. Similis est autem rubo temptatio, asperum quippe virgultum est, et quod difficile manu comprehenditur. Significatur autem per hunc, quia quemadmodum eorum qui in agone contendunt, corona in sudore et labore est: sic et corona bonæ vitæ in temptationibus et tribulationibus consummatur: finem autem temptationum et tribulationum Jacobus nobis sufficienter exposuit: *Beatus vir qui sustinet temptationem, quia cum probatus fuerit, accipiet coronam vitæ quam promissit Deus diligentibus se (Jacob. 1).*

(Levit. viii.) Locutusque est Dominus ad Moysen, dicens: *Tolle Aaron cum filiis suis vestes eorum et unctiois oleum; vitulum pro peccato, duos arietes, canistrum cum azymis, et congregabis omnem cœtum ad ostium tabernaculi testimonii.* Quid autem hæc quæ nunc dicta sunt significant, hoc tibi præcedens sermo tradet, quia unctio Christi et his qui ejus sunt communis et non communis est. Communis quidem, quia ejusdem unctiois sunt et ipsi participes, quamobrem et nos participatione Christi,

Christiani dicimus. Non communis autem, quia inestimabili quadam sublimitate excedit Deus hominibus et gratia in qua ei communicamus; unctus ipsi siquidem substantialiter, nos vero operatione ejus et gratia: propterea unctus quidem simul cum Aaron filius ejus, sed non talia in eis, qualia et in Aaron in unctioe aguntur, sicut manifestant sequentia: sed etiam in hoc mens in presenti signanda est, quod non frustra hæc in Christum acceptamus, sciens enim Ecclesiam dicere hæc legislator mystica, convocari omnem cœtum sive Synagogam præcepit, id est, quod Græci Ecclesiastæ dicunt, ad januam tabernaculi testimonii. Quæ synagoga non potest aliter ad hanc legem communionem habere, nisi ad Ecclesiam conveniat, apud quam harum figurarum veritas conservatur.

*Fecit Moyses ut Dominus imperaverat, congregataque omni turba ante fores ait: Iste est sermo quem misit Dominus fieri: Statimque obtulit Aaron et filios ejus, cumque lavisset eos, vestivit pontificem sub bacula linea, accingens eum balteo, et induens tunica hyacinthina, et desuper humerale imposuit, quod astringens cingulo coaptavit rationati: in quo erat doctrina et veritas. Cydarim quoque tenuit caput, et super eam contra frontem posuit laminam auream consecratam in sanctificationem, sicut præceperat ei Dominus.* Quæ mystice in Ecclesia aguntur, ante multas generationes Spiritus Dei præcepit, sed et cum secundum Septuaginta superius dixisset: *Convoca ad januas tabernaculi testimonii,* hic ait: *Convocavit congregationem non ad januas, sed ad januam tabernaculi testimonii:* admonens aures nostras evidenter, quod apostolorum doctrinæ, quas esse januas tabernaculi testimonii præcedens sermo exposuit, et Christi doctrina sunt ipsius lingue infusæ, et ex his ex quibus ipse docuit. *Congregataque omni turba ante fores ait: Hic est sermo quem misit Dominus fieri.* Quis sermo ille? De quo scilicet David dicebat: *Dominus dubit verbum evangelizantibus virtute multa (Psal. lxxvii);* sed et Petrus planctus ait: *Hoc est verbum quod annuntiatum est vobis (I Petr. 1).* Evangelicus siquidem præsens sermo est, quia et Evangelica sunt ab eo annuntiatæ mysteria, quibus et gratia inest baptismatis, sed quid est etiam quod nunc exponit Deum præcipere? *Statimque obtulit Aaron et filios ejus, cumque lavisset eos,* quando is qui vere est sacerdos Christus offertur Patri: Oblationis enim ejus etiam Daniel meminit, cum dicit: *Et ecce ut filius hominis cum nubibus cœli, et usque ad Veterum dierum pervenit. Et oblatum est in conspectu ejus.* Nostri utique causa, et nobiscum, et propter nos offertur: propterea et nunc etiam cum filiis suis dicit oblatum, cum his videlicet qui sublimiora sapiunt et qui imitantur eum, quantum fas est hominibus, sicut Paulus qui ait: *Imitatores mei estote, sicut et ego Christi (Phil. iii),* sed oblatio ipsa per baptismum celebratur, propter quod ait: *Cumque lavasset eos.* Certum est autem quod Christus ad sacrificandas aquas bapti-

smatis nostri in Jordano fluvio baptizatus. Sed hæc quidem communia sunt Aaron cum filiis ejus, Christusque videlicet nobiscum; sequentia vero nequaquam excedunt quippe nos atque sublimiora nobis sunt, solique primo ac vero sacerdoti competentia. *Vestivitque pontificem. subucula linea accingens eum balteo, et induens tunica; quod Septuaginta translulerunt, Et induit eum tunicam et præcinxit zonam, et vestivit illum ypoditum.* Hic manifesto Unigeniti sequitur [exsequitur] incarnationem; qui quia totum nostrum incarnatus est hominem, tunica indui et ypoditum dicitur: duplex est enim nostra conditio, et unus quidem in nobis est de pulvere, alter cælestis, sed tamen unus uterque. Ait enim Moyses: *Formavit Deus hominem de limo terræ (Gen. 11)*, hic est ergo terrenus: *et insufflavit in faciem ejus spiritum vitæ (Ibid.)*, apertissime hic cælestis est. Christus autem induitur quidem terrenum, id est illum qui de terra est, veterem hominem, quem etiam simul affixit cruci. Ait quippe Paulus quia *vetus homo noster simul crucifixus est ut destruat corpus peccati (Rom. vi)*. Induitus est autem et cælestem, quem ipse insufflavit. Sed quia nihil egit terrenum hic, nec corruptioni proximum, procul dubio cælestis dicitur. Hoc Paulus exponens dicit: *Primus homo de terra terrenus, secundus de cælo cælestis (I Cor. xv)*. Quod duobus modis accipi oportet: primus enim homo noster, id est corpus, ex terra formatum est, propter quod terrenus dicitur est; anima vero de cælo, Dei est enim insufflatio. Rursus: primus homo inobediens Adam ex terra terrenus, quia operibus pulveris semetipsum deputavit; secundus homo novus, est Christus, qui de cælo est: non solum quia de cælo descendit, sed quia et dignitatem cælestis servavit, dum nec terrenum aliquid operatus est, nec corruptioni proximum. Ergo tunicam hic terrenum appellavit: de lino enim, quod est ex terra, tunica facta est; ait enim: *Et fecit eis tunicas lineas; ypoditum autem cælestem, quia ypoditum ponderis est, simul autem et hyacinthinus est; hic autem color cæli est.* Utrumque nostrum Christus suscepit hominem, et manifestum et occultum, et terrenum et cælestem, id est corpus perfectum et animam perfectam, et in omnibus integram: utrumque enim ut pote utriusque creator salvavit. Illud etiam intende: *Et desuper humerale imposuit, quod astringens cingulo, aptavit rationali.* Septuaginta autem ediderunt: *Et posuit super illum epomidem, et cinxit illum secundum aditum epomidis, et constrinxit illum ad eam superhumerale.* Suave Christi jugum est, id est, evangelica vita, quam ut pote ipse demonstrans, recte super humeros portabat, de qua ait: *Tollite jugum meum super vos, et discite quia mitis sum et humilis corde: jugum enim meum leve est, et onus meum suave (Matth. xi)*. Quid est autem cingulum quo tunicam et ypoditum cinxit? Ipsum opus discite. Dicit enim in tabernaculi constructione: *Et facies cydarim byssinum et zonam opus varium.* Quia enim

cydaris indumentum capitis est. Opus autem cinguli sive zonæ confortare quodammodo et constringere est eum qui cingitur; hoc ostendere legislator proposuit, quia Christus simul creaturam omnem recapitulans sive restaurans, simul etiam confortans nostram massam, ejus primitias sumpsit incarnationis dispensare mysterium; quia per ipsam et nos fortes facti sumus. Quis autem sit dispensationis modus Joannes ait: *Verbum caro factum est (Joan. 1)*; ideoque cydarim et zonam ait Moyses byssinam esse opus variatum. Dyssus enim de terra eum sit, carnem demonstrat, quæ ex terra nostra est; opus plumarii, Deum Verbum, qui artifex et variator totius est creaturæ; ipse sibi carnem a nobis sumptam operatus est, varians in ea mysteria quodammodo et creationis miracula. Post hoc subdidit, secundum Septuaginta: *Et posuit super eum rationale.* Et quomodo quædam autographa habent, *super eum*: Sed utraque ad idem respiciunt: *Quod astringens cingulo aptavit rationali, in quo erat doctrina et veritas.* Septuaginta autem ediderunt: *Et imposuit super logium ostensionem et veritatem.* Hoc autem alibi sacerdotalem exponens, stolam rationalem iudicii appellavit. Secundum rationale enim Christi, id est doctrinam et prædicationem iudicii futuri regitur. Ostensionem ergo, id est, manifestationem et cum ea veritatem habet, ut pote manifestante eo hominibus ignotam mysteriorum veritatem. Quatuor autem versuum ei rationali, id est, ex quatuor generalibus virtutibus, et ex duodecim lapidibus partilibus quodammodo et specialibus fieri præcepit. Quæ sunt autem hæc? Utique de quibus scribebat Paulus: *Oportet enim episcopum irreprehensibilem esse, sicut Dei dispensatorem (Tit. 1)*. Sed quomodo irreprehensibilis, id est, ab accusatione mundus, et a querela omni liber sit, his quæ postea sequuntur ostendit: *Non superbum, non iracundum, non vinolentum, non percussorem, non turpis lucri cupidum, sed hospitalem, benignum, castum, justum, sanctum, continentem, amplectentem eum qui secundum doctrinam est fidelem sermonem (Ibid.)*. Hæc enim unicuique quidem convenit assequi, maxime tamen sacerdoti, siquidem figuram gerit Christi, qui prædictos duodecim lapides super pectus proprium portavit. *Cydari quoque textit caput, sive, secundum Septuaginta, Et posuit, inquit, super caput ejus mitram.* Sed quia et mitræ sive cydari operationem non ignoramus, et Christi caput esse Patrem didicimus, audiamus quod sequitur: *Et super eam contra frontem posuit laminam auream consecratam in sanctificatione, sicut præceperat ei Dominus.* Sublevare nos legislator volens mitram sive cydarim super caput propter Patrem memoravit. Per laminam et sculpturam, seu formationem sanctificationis, incarnati Dei Verbi, qui et sacerdos noster factus est, dignitatem in principio quam simul cum Patre habet manifestum est quia exposuit; propter quod illam et super cydarim seu mitram et contra faciem mitræ

sive cydaris impositi. Dicit autem: *Ligabisque eam vitta hyacinthina*, sive, secundum Septuaginta, *Et superimpones super hyacintho retorto*. Hyacinthum retortum humanitatem Christi intelligens, pro eo quod inseparabiliter conjuncta est divinitati. *Et erit super thiarum imminens fronte pontificis*. Vel sicut Septuaginta, *et erit super mitram contra faciem mitræ*. *Erit super mitram*, quia Pater in Filio, et Filius in Patre: *Et ante faciem mitræ*. Qui enim videt Filium hic videre et Patrem dicitur. (*Ex Origene.*) Ergo omnis nunc sanctio evidenter in Unigeniti explanata est mysterium. Aliter, lavet te igitur Moyses, ipse te lavet, et ipse te induat, lex ergo est quæ te lavat, ipsa sordes tuas diluit, ipsa, si audias eam, peccatorum tuorum maculas absterget. Ipse est Moyses, hoc est lex, quæ sacerdotes constituit sacerdotem. Si et tu lotus fueris per Moysen et fueris ita mundus quomodo quem Moyses laverit, tantus ille ac talis possis etiam pervenire ad hæc indumenta quæ profert Moyses, et stolas istas quibus induit Aaron fratrem suum et filios ejus. Sed non solum indumentis opus est ad sacerdotes infulas, verum et cingulis: *Fecit enim, inquit, Deus, tunicas pell ceas, et induit Adam et mulierem ejus* (*Genes. 11*). Ille ergo tunice de pellibus erant, ex animalibus sumptæ. Talibus enim oportebat indui peccatorem. Pellicis, inquit, tunicis, quæ essent mortalitatis indicia quam pro peccato acceperat, et fragilitatis ejus quæ ex carnis corruptione veniebat indicium. Si vero jam lotus fueris ab his et purificatus per legem Dei, induet te Moyses indumento incorruptionis, ita ut nusquam appareat turpitudine tua, et ut absorbeatur mortale hoc a vita. Videamus ergo quali ordine pontifex constituitur. Convocavit, inquit, tunicis, Moyses synagogam, et dicit ad eos: Hoc est verbum quod præcepit Dominus. Licet ergo Dominus de constituendo pontifice præcepisset, et Dominus elegisset, tamen convocatur et synagoga. Requiritur enim in ordinando sacerdote, et presentia populi, ut sciant omnes et certi sint quia qui præstantior est ex omni populo, qui doctior, qui sanctior, qui omni virtute eminentior, ille deligitur ad sacerdotium. Lavit ergo eum, et induit; quali indumento? *Tunica*, inquit, *et præcinxit eum zona*. Et iterum: *Vestivit eum tunicam talarum*, vel ut alibi legimus, *interiorem*. Duabus video tunicis per Moysen indutum pontifex. Sed quid faciemus, quod Jesus sacerdotes suos, id est apostolos nostros prohibuit uti duabus tunicis? et dixeramus quod Moyses et Jesus, id est lex et Evangelia sibi invicem consouarent? Posset fortasse dicere alius, Quia quod præcepit Jesus duas tunicas non habendas, non est contrarium legi, sed perfectius lege; sicut et cum lex homicidium vetat, Jesus autem etiam iracundiam resecat; et cum lex prohibet adulterium, Jesus etiam concupiscentiam cordis abscondit: ego tamen non intra hujus intelligentiæ angustiam, pontificalia sacramenta concludo, amplius mihi aliquid ex ista

A forma videtur ostendi. Sciebat ergo pontifex ille quem tunc ordinabat Moyses, quia esset circumcisus, incircumcisus pontifex esse non poterat. Habebat ergo iste duas tunicas: unam ministerii carnalis, et aliam intelligentiæ spiritualis. Sciebat quia et sacrificia spiritalia offerri debent Deo, offerebat tamen nihilominus et carnalia: non enim poterat esse pontifex eorum qui tunc erant, nisi hostias immolaret. Ita ergo convenienter ille pontifex duabus indutus tunicis dicitur; apostoli vero qui dicturi erant: *quia si circumcidamini, Christus vobis nihil proderit* (*Gal. v*); et qui dicturi erant, *quia nemo vos judicet in cibo aut in potu, aut in parte diei festi, aut neomenia, aut sabbatorum, quæ sunt umbra futurorum* (*Coloss. 11*). Isti ergo, ut hujusmodi secundum litteram, legis observantiam penitus repudiarent, nec occuparent discipulos Judaicis fabulis, et imponerent eis jugum quod neque ipsi neque patres eorum portare potuerunt, merito duas tunicas habere prohibentur, sed sufficit eis una, et hæc interior, nam istam quæ foris est, et quæ deuper apparet, legis tunicam nolunt, unam namque Jesus et ipsam interiorem, habere permittit. Imponit tamen Moyses pontifici humeralem, qui est humerorum quidam ex circumductione vestis ornatus: humeri autem operum tenent ac laboris indicia. Vult ergo pontifex esse etiam in operibus ornatus, nec sufficit sola scientia: *Quia qui fecerit et docuerit, hic magnus vocabitur in regno caelorum. Et cinxit, inquit, eum secundum facturam humeralis*. Jam et superius dixerat quia *cinxit eum zona super tunicam*, et modo iterum *cingitur secundum facturam humeralis*. Quod est istud duplex cingulum, quo constrictus vult esse ex omni parte pontifex? Constrictus sit in verbo, constrictus in opere, expeditus ad omnia, nihil remissum, nihil habeat dissolutum, accinctus sit animi virtutibus, constrictus sit a corporalibus vitiis, nullum animæ lapsus, nullum corporis timeat: utroque cingulo semper utatur ut sit sanctus corpore et spiritu. *Et post hæc, inquit, imposuit super eum logium* (quod est rationale, et imposuit super logium), *manifestationem et veritatem, et imposuit mitram super caput ejus*. Sed videamus quid logium, quod est rationale, significet; non enim sufficit pontifici habere sapientiam, et scire omnium rationem, nisi possit etiam populo manifestare quæ novit. Ideo ergo imponitur rationali et manifestatio ut possit respondere omni poscenti se rationem de fide et veritate. Ponitur autem super illud et veritas; ut non illa astruat quæ proprio excogitare quivit ingenio, sed quæ veritas habet. Sed nondum sinivit, et alius adhuc addendus ornatus est. Necesse est ut accipiat etiam coronam, propterea accipit primo cydarim, quod est vel operimentum quoddam capitis, vel ornamentum, et post hæc superponitur ei mitra ante faciem, id est, a fronte pontificis, lamina aurea sanctificata, in qua sculptam dicitur vocabulum Dei. Verum iste capitis ornatus, ubi nomen Dei impositum dicitur, post illa omnia quibus inferiora corporis membra fuerant exornata,

superponitur : in quo mihi indicare videtur quod super omnia quæ vel de mundo, vel de cæteris creaturis sentiri aut intelligi possunt, eminentior tanquam auctoris omnium scientia Dei sit, et quia ipse caput est omnium ideo et ornatus iste super omnia capiti superponitur : nihil enim post hæc addicitur pontificis capiti. *Tulit et oleum unctionis quo linivit tabernaculum cum omni suppellectile sua. Cumque sanctificans aspersisset altare septem vicibus, unxit illud et omnia vasa ejus labrum quoque cum basi sua sanctificavit oleo.* (Ex *Hesychio.*) Ipse erat Filius Dei qui ungebat eos, ipse qui ungebatur, ungens verbo divinitatis, secundum quam ei omnia communia cum Patre et Spiritu sunt, a quo ungi dicitur. Nam David Patrem ungentem dixit cum ait : *Propterea unxit te Deus Deus tuus* (Psal. XLIV). Isaias autem unctionem Filii ad Spiritum retulit dicens : *Spiritus Domini super me, eo quod unxit me* (Isa. LXI). Quæ autem Pater et Spiritus hæc eadem et Filius facit : ergo ratione divinitatis ipse est semetipsum ungens, et ipse est qui ungitur dispensationis humanitate. Similiter offert et offertur : unde et Daniel oblatum illum quidem videt (Dan. VII), non vidit autem qui eum obtulit, quia ipse erat qui semetipsum offerebat. Ergo ut salvetur figurarum veritas, ungit quidem et offert Moyses, imaginem et ipse Christi gerens. Aspergit ergo Moyses altare, corpus Dominicum videlicet, septies, quia Domini unctio tota est Spiritus plenitudo, qui in septem operationibus designatur, quemadmodum Isaias dixit.

Unxit autem et omnia vasa ejus : tam apostolos quam eos qui eis in tantum similiter vivunt, ut domus Christi et vasa recte nominentur. Fundens super caput Aaron unxit eum, et consecravit sive sanctificavit. Et si Christi caput, secundum Pauli verbum, divinitas intelligitur, non frustra tamen nec extra ordinem in hoc mysterio sacerdotis ungi nunc caput legislator scripsit, ut cognoscamus quoniam quemadmodum caput a pedibus dividi non potest, sic neque Christi divinitas post unctionem ab humanitate dividitur ; sed sive ungi dicatur, sive generari, sive pati, sive surgere, sive assumi dicitur, hoc incarnatum Verbum non dividentes, et dicentes hominem quidem unctum, Deum autem non unctum, sed Deum eundem simul et hominem. Hoc enim et David sine aliqua dubietate approbat cum dicit : *Sedes tua, Deus, in sæculum sæculi, virga recta est, virga regni tui, dilexisti justitiam, et odisti iniquitatem, propterea unxit te Deus, Deus tuus* (Psal. XLIV). Cernis Deum dici qui unctus est ? Quia omnia carnis suæ manifestum est quod sibimetipsi qui incarnatus est vindicat. Quæ enim et ejus erat unctio, nisi omnino ipsa incarnatio ? Secundum hunc modum, caput intelligibilis sacerdotis ungebatur et ipse sanctificabatur.

*Filios quoque ejus oblatos vestivit tunicis lineis, et cinxit balteo, imposuitque mitras, ut jusserrat Dominus.* Tunicae filiis Aaron similes Aaron, et zonæ seu baltei similes, et cydaræ sive mitræ imponuntur. Ipsum enim induunt, ipso coguntur, ipsum portant

in capite, unde et Paulus dicit : *State præcincti lumbos vestros in veritate* (Ephes. VI), veritas autem Christus, et *induti lorica[m] justitiæ*, ipse autem etiam hoc qui factus est nobis a Deo sapientia et justitia ; sed et *galea nos salutis* Paulus indui præcepit, Christus enim salutare est. Sicut Simeon testificatus est : *Nunc dimittis servum tuum, Domine, secundum verbum tuum, in pace, quia viderunt oculi mei salutare tuum* (Luc. II). Quicumque enim Christum induunt, per eum et Patrem induunt. (Ex *Origene.*) Et ideo in his quæ lex divina describit, veluti in speculo inspicere se debet unusquisque sacerdotum, et gradus meriti sui inde colligere, si se videat in his omnibus quæ supra exposuimus positum pontificalibus ornamentis, si conscius sibi sit quod vel in scientia, vel in actibus, vel in doctrina, tantus ac talis sit, sciat se summum sacerdotium, non solum nomine sed et meritis obtinere, alioquin inferiorum sibi gradum positum noverit, etiam si primi nomen acceperit. Non nos sane debet præterire etiam hoc quod potest ab studioso lectore proferri, in quo et ego sæpe mecum ipse hæsitavi. In Exodo enim legens ubi de sacerdotalibus mandatur indumentis, invenio octo esse species quæ pontifici præparantur. Hic vero septem tantummodo numerantur. Requiro ergo quid sit quod omissum est. Octava species ibi ponitur campestre, sive, ut alibi legimus, *femoralia lineæ*, de quo hic inter cætera siluit indumenta. Quid ergo dicemus ? Oblivionem dabimus in verbis Spiritus sancti ut cum cætera omnia secundo enarraverit, una eum species superius dicta latuerit ? Non audeo hæc de sacris sentire sermonibus. Sed videamus ne forte quoniam in superioribus diximus, hoc genus indumenti judicium castitatis videri, quo vel femora operiri, vel constringi renes videntur ac lumbi, ne forte, inquam, non semper in illis qui tunc erant sacerdotibus has partes dicat esse constrictas. Aliquando enim et de posteritate generis et successu sobolis indulgetur. Sed ego in sacerdotibus Ecclesiæ hujusmodi intelligentiam non introduxerim, alio namque rem video currere sacramento. Possunt enim et in Ecclesia sacerdotes et doctores filios generare, sicut et ille qui dicebat : *Filioli mei quos iterum parturio, donec formetur Christus in vobis* (Gal. IV). Et iterum alibi dicit : *Tamen etsi multa millia pedagogorum habeatis in Christo, sed non multos præsentem.* Nam in Christo Jesu per Evangelium ego vos genui (I Cor. IV). Isti ergo doctores Ecclesiæ in hujusmodi generationibus procreandis, et aliquando constrictis femoralibus utuntur, et abstinent a generando, cum tales invenerint auditores in quibus sciant se fructum habere non posse. Denique et in Actibus apostolorum refertur de quibusdam quod *non potuimus*, inquit, *in Asia verbum Dei loqui* (Act. VI), hoc est, imposita habuisse femoralia et continuisse se ne filios generarent, quia scilicet tales erant auditores in quibus et semen periret, et non possit haberi successio : sic ergo Ecclesiæ sacerdotes, cum incapaces aures viderint aut cum simulatos inspexerint et hy-

poeritas auditores, imponant campestre, utantur femoralibus, ne pereat semen verbi Dei; quia et Dominus eadem mandat, et dicit: *Nolite mittere sanctum canibus, neque margaritas vestras ante porcos* (Matth. vii), ne forte conculcent eas pedibus, et conversi rumpant vos.

(IBID.) *Obtulit et vitulum pro peccato; cumque super caput ejus posuissent Aaron et filii ejus manus suas, immolavit eum, hauriens sanguinem, et tincto digito tetigit cornua altaris per gyrum; quo cœpiato et sanctificato, fudit reliquum sanguinem ad fundamenta ejus. Adipem quoque qui erat super vitalia, reticulumque jecoris, duosque renunculos cum arvinulis suis adolevit super altare, vitulum cum pelle, et carne et fimo cremans extra castra, sicut præceperat Dominus.* (Ex Hesychio.) Quæ prædictæ sanctionis sit virtus, et quomodo unumquodque ejus capitulum in Unigeniti sacrificium accipiatur, præcedens continet sermo; hæc autem nunc dicimus quæ sola de sanctione immutata sunt. Ibi enim Aaron imponere manus vitulo, hic autem et filios ejus; non frustra hoc custodiens, sed etiam unctos scripsit: quando autem et non unguimur et offerimur baptismati, socii Dominicæ efficimur passionis, cujus gerit imaginem baptismata; quod etiam docent hæc Pauli verba: *Qui-cunque enim in Christo baptizati sumus, in morte ipsius baptizati sumus: consepulti sumus ergo ei per baptismum in morte ejus; necessario filii Aaron sacrificio manus, cum sint ei communicantes, imponunt.*

*Obtulit et arietem in holocaustum, super cujus caput cum imposuissent Aaron et filii ejus manus suas, immolavit eum, et fudit sanguinem ejus per altaris circuitum: ipsumque arietem per frusta concidens, caput ejus, et artus, et adipem adolevit igni, lotis prius intestinis et pedibus, totumque simul arietem incendit super altare, eo quod esset holocaustum suavissimi odoris Domino, sicut præceperat Dominus.* (Ex eodem.) Propterea lex sacerdotem, in multis imaginem ferentem Domini, nunc vitulum pro peccatis immolare, et extra tabernaculum incendere præcepit: sic enim et Domini sacrificium ad abluionem naturæ nostræ peccatorum factum est. Nunc autem iterum ei sacrificium aliud in holocausto arietis præcepit fieri; crucifixus enim mundus et renuntians mundo conversatio, quæ est holocaustum, Christum habet primitias, doctoremque et exemplum; propter quod dixit, *Qui non accipit crucem et sequitur me, non est me dignus* (Matth. x), id est, qui sic non renuntiat mundo sicut a me ei traditum est, hoc est enim eum sequi, non est me dignus. Sed cujus rei gratia dividitur holocaustum, pedes autem ejus et intestina, sive secundum Septuaginta *venter*, lavantur? interpretatio holocaustomatis quæ in initio libri facta est sufficienter explevit. Quod autem immutat de sacrificio, hoc necessario dicitur, quia ibi quidem partes fieri oblationem [oblationum] dixit, corpus per hoc significans et animam debere offerri. In nobis autem hæc divisiones, ut pote quæ sibi invicem

sunt contrariæ, secundum quod Paulus ait, nominantur; in Christo autem non sunt divisiones, hominem quippe mundum a peccato sumens incarnatus est, qui non est divisus in operibus carnis, quibus adversatur spiritus, propter quod nec divisionum in eo sacrificio lex memoriam fecit. Pro eo autem quod vitulum quidem in peccato, arietem autem in holocaustum sacerdos offeret, hoc absolute lex significat, ut quia conversatio perfecta per holocaustomatis oblationem cognoscitur, aries necessario in sacrificium offeratur. Hic quippe ducatum præbere ovibus euntibus in pascua, et aggressum ingressumque a caulis et in caulas solet: sicut et Christus dux perfectæ conversationis est; a quo videlicet sumpsit exordium, atque ideo intrare per se et exire ovibus præcipiebat.

(IBID.) *Obtulit et arietem secundum in consecratione sacerdotum, posueruntque super caput ejus Aaron et filii ejus manus suas. Quem cum immolasset Moyses, sumens de sanguine, tetigit extremum auriculæ dextræ Aaron et pollicem manus ejus dextræ, similiter et pedis dextri. Obtulit et filios Aaron: cumque de sanguine arietis immolati tetigisset extremum auriculæ singulorum, dextræ, et pollices manus ac pedis dextri, reliquum fudit super altare per circuitum: adipem vero et caudam omnemque pinguedinem quæ operit intestina reticulumque jecoris, et duos renes cum adipibus suis, et armo dextro separavit. Tollens autem de canistro azymorum quod erat coram Domino panem absque fermento et collyridam conspersam oleo, lagenamque posuit super adipem, et armum dextrum, tradens simul omnia Aaron ac filiis ejus. Qui postquam laverunt ea coram Domino, rursus suscepta de manibus eorum adolevit super altare holocausti, eo quod consecrationis esset oblatio, in odorem suavitatis sacrificii Domini. Tulit et pectusculum, elevans illud coram Domino, de ariete consecrationis in partem suam, sicut præcepit ei Dominus.* (Ex eodem.) Aperte hæc sanctio eorum, quæ circa nos aguntur, mysteriorum exponit traditionem, et pascha mysticum quod Christus cum discipulis suis comedit, significat: quod docent ea quæ per partes in sacrificio peragi præcipiuntur. Cur autem aries secundus hic nunc aries nominatur? quia videlicet prius figuratam ovem cum apostolis cœnans Dominus, postea suum obtulit sacrificium, et secundo sicut ovem ipse semetipsum occidit, quod demonstrant sequentia. *Posueruntque Aaron et filii ejus manus suas super caput ejus. Quem eum immolasset Moyses, etc.* Necessary simul cum Aaron et filii ejus super caput arietis manus imponunt, quia communem cœnam festivitatis paschalis cum suis Christus discipulis celebravit; sed Moyses sacrificium hoc celebrat, quia magis ab aliis ipse Christi figuram gerit. Tunc autem maxime sacrificium suum Christus celebravit, unde et illud incipit. Vide enim sequentia:

*Quem cum immolasset Moyses, sumens de sanguine tetigit extremum auriculæ dextræ Aaron, et pollicem manus ejus dextræ, similiter et pedis dextri. Obtulit*

*lis et filios Aaron: conquecids sanguine arietis immo-*  
*lati reliquisset extremum: articulas singulorum dextræ,*  
*et pollicem manus ac pedis dextri, reliquum fudit su-*  
*per altare per circuitum. Quis sit sacrificii huius*  
*effectus, unctio aurium et manuum pedumque de-*  
*monstrat: pro obedientia quippe nostra, actioneque de-*  
*bona atque conversatione [Actio bona atque conver-*  
*satio] celebratur, unde et aures nostræ unguuntur;*  
*ut in obedientia Adam carentes, Unigeniti obedi-*  
*tiam consequamur. Postque hæc, extrema manuum*  
*unguntur et pedum, quia non solum manus, sed et*  
*pedes pro actione accipiuntur. Quod probatur ex eo*  
*quod David dicit: Pes meus stetit in via recta (Psal.*  
*xv); et rursus: Statuit supra petram pedes meos*  
*(Psal. xxxix). Quia autem actiones quasdam bonas,*  
*quasdam autem malas habemus, et figuram malorum*  
*sinistra gerit, recte dextra ungitur, confortantur*  
*enim ea quæ unguuntur, et destruuntur atque disper-*  
*duntur ea quæ non unguuntur. Quod aperte demon-*  
*strat disperdens Ægyptum angelus, quia ubi unctio*  
*immolati inveniebatur, non percutiebat: sed tamen*  
*primus, sacerdos sanguine, et post eum filii ejus se-*  
*cundum legem ungebantur, quia et ipse Dominus*  
*primus, in cœna mystica, intelligibilem accepit san-*  
*guinem, atque deinde calicem apostolis dedit. Sed*  
*ecce legislator hic, post unctionem Aaron et filiorum*  
*subdidit de sanguine; reliquum fudit super altare*  
*per circuitum, quod et Christum fecisse invenimus:*  
*bibens enim ipse et apostolis bibere dans, tunc in-*  
*telligibilem sanguinem super altare, videlicet suum*  
*corpus, effudit. Corpus autem Christi Ecclesia est et*  
*omnis plebs ejus, quod specialiter dicentem Marcum*  
*invenimus: Et sumens, gratias agens dedit eis, et*  
*biberunt ex eo omnes. Et dixit eis, Hic est sanguis*  
*meus Novi Testamenti qui pro multis effusus est*  
*(Marc. xiv). His conveniunt ea quæ sequuntur:*  
*Adipem autem et caudam, omnemque pinguedinem quæ*  
*eperit intestina, reticulumque jecoris, et duos renes*  
*cum adipibus suis, et armo dextro separavit; pro*  
*cauda Septuaginta lumbum, et pro intestinis ventri-*  
*culum, et pro reticulo jecoris, pinnam hepatis edi-*  
*derunt. Cujus autem hæc figuram gerant, in salutari*  
*sacrificio, seu pacificorum, per singula discussum*  
*est. Non frustra autem ea, nunc in ariete consum-*  
*mationis commemorat, sed quia Christi mysticum*  
*pascha et eorum perceptio ad salutem hominum*  
*provenit, quibus doctorem superædificare sequen-*  
*tia nostri mysterii præparat virtus. Tollens autem*  
*de canistro azymorum quod erat coram Domino,*  
*panem absque fermento et collyridam conspersam*  
*oleo, laganumque. Pro canistro azymorum, Sep-*  
*tuaginta canistrum consummationis ediderunt. Per*  
*canistrum autem consummationis linguam Domini*  
*intelligimus, sola quippe præcipuam perfectam-*  
*que doctrinam introduxit, propter quod dicebat: Non*  
*veni solvere legem, sed implere (Matth. v), utpote*  
*ipse implens quæ minus erant in lege. Bene autem*  
*eam et canistrum, propter contextum dictorum voca-*  
*vit, cum multa in parabolis dixerit, ita ut Judæi non*

*emania intelligerent, quamquam serculum quomod-*  
*modum et mensa totius doctrinæ erat. Quia ergo*  
*rationale erat mysterium, et ea quæ efficiuntur, ex*  
*ratione subsistunt, recte de canistro consummati-*  
*onis, id est, de lingua sua, panem mysticum propo-*  
*nit. Quomodo autem eum proponit panem, absque*  
*fermento et collyridam conspersam, oleo, id est,*  
*apostolicam doctrinam, legalemque et propheti-*  
*cam. Lex enim et prophetæ et apostoli ejus memoriam*  
*faciunt, lex quidem dicens: Hic est panis quem*  
*dedit vobis Dominus comedere (Exod. xvi); pro-*  
*phetæ autem: Panis et dabitur, et aquæ ejus fideles*  
*sunt, regem in decore suo videbunt (Isa. xxxiii).*  
*Apostoli autem uberius exponunt Christi myste-*  
*rium, unde nec laganum nec collyridam. Panes*  
*autem doctrinæ ut pote magis nutrientes dicuntur.*  
*Quos enim hic secundum Septuaginta de oleo panes*  
*appellaverunt, hos secundum hos ipsos: Septua-*  
*ginta collyridam in scenopegia canistrum consum-*  
*mationis exponens quod accipiebatur in unctione*  
*sacerdotis, legislator appellavit, per collyridam si-*  
*gnificans legis eloquium. Quantum autem colly-*  
*ridæ deteriores sint panibus ad nutrimentum, nulli*  
*est dubium unde apostolorum sermones, propheta-*  
*rum et legis præponunt sermonibus, quia majo-*  
*rem præceperunt gratiam, ita ut Paulus diceret:*  
*Possit Deus in Ecclesia primum apostolos, deinde*  
*prophetas (Ephes. iv). Deinde ipsi post evangelicam*  
*traditionem, introducunt Christi mysteria. Introdu-*  
*cunt autem legis prophetarumque utentes testimo-*  
*niis, propter quod eis collyridæ et laganum simul*  
*subjecta sunt et conjuncta. Sed quid his adjiciat*  
*intendamus.*

*Posuit super adipem et arum dextrum, tradens si-*  
*mul omnia Aaron ac filii ejus. Illud lex contestatur,*  
*quia omne desiderium omnemque actionem bonam*  
*offerri mysterio sit necesse, si tamen vis illud se-*  
*cundum Dei intentionem legisque suscipere. Sed et*  
*prædictum sequens ordinem ait: Tradens simul om-*  
*nia Aaron filiisque ejus. Prius siquidem Christus sua*  
*mysteria inchoavit, et tunc ea nobis qui facti su-*  
*mus filii ejus per lavacrum regenerationis tradidit.*  
*Et levaverunt ea coram Domino. Ipsum enim myste-*  
*rium quod nobis tradidit, hoc cum sua carne in*  
*cælos levavit; dicens autem: Levavit ea coram*  
*Domino, modum quo obtulerit eis qui post futuri*  
*erant exposuit.*

*Rursumque suscepta de manibus eorum adolevit*  
*super altare holocausti, eo quod consecrationis esset*  
*oblatio, in odorem suavitatis sacrificii Domini. Altare*  
*holocausti Christi corpus dicit. Sed et odor suavis-*  
*simus: de Christo enim aperte in Canticis Cantico-*  
*rum dicitur: Unguentam effusum est nomen tuum,*  
*propterea adolescentulæ dilexerunt te (Cant. 1). Sa-*  
*cificio Domini, id est, sacrificii et holocaustomatis,*  
*sicut mandavit Dominus; ipse enim mandavit: Quo-*  
*tiescunque hoc bibitis, mortem Domini in vobismetipsis*  
*annuntiate (I Cor. xi). Tulit et pectusculum, elevans il-*  
*lud coram Domino, de ariete consecrationis, seu se-*



quodam Septuaginta, *consummationis in partem suam*, sicut praeceperat et Dominus. Sicut in sacrificio pascuorum seu salutarium, pectusculam sic et hic offeritur, utque intelligibili Moysi, id est Christo pectusculam arietis consecrationis seu consummationis separatur, quia per pectusculam fides et confidentia figuratur, sicut pridem diximus. Cum autem ipsius sit sacrificium, necesse est ut et fides ipsi quae in eo est deputatur? *Assumensque unguentum et sanguinem qui erat in altari, aspersit super Aaron et vestimenta eius, et super filios eius ac vestes eorum.* Cumque sanctificasset eos in vestitu suo, quod Unigeniti sanguis et unctio Spiritus unius sint operationis atque virtutis, et minus recte oleum unctionis et sanguinem altaris, id est, Domini corporis legislator unxerit, audi Joannem dicentem: *Tria sunt quae testimonium praebent, et tres unum sunt, spiritus, aqua, et sanguis (I Joan. v).* Unum enim effectum sanctificationis habent. Multum autem recte vestem Aaron ab stolis filiorum Aaron lex separavit; nam etsi ad imitationem Domini vestem qui ab eo adoptati sumus habemus, verumtamen quantum pontificis differat vestis per anteriora didicimus. Si autem sanctificari intelligibilem Aaron aspersione sanguinis et olei cognovimus, non admiremur quod dictum est. Ipse enim Christus ad sanctificationem nostram aspersionem proprii sanguinis, videlicet passionem suam pro nobis obtulit, unde filios Aaron et tunicas seu stolas cum Aaron dixerit sanctificari, quia quaecumque in nobis contingunt, ad eum, ut caput scilicet totius corporis, necessario reducant. Ad probationem autem eorum quae dicta sunt, Domini sumamus verba: Cum enim crucifigendus pro nobis esset, haec sub orationis forma ad instruendam obedientiam Apostolorum dixit: *Sicut me misit Pater in mundum, et ego misi eos in mundum: et pro eis ego sanctifico meipsum: ut sint et ipsi sanctificati in veritate.* Ergo aperte sanctificationem sacrificium quod pro nobis obtulit, ex quo et nobis sanctificatio proficit appellavit.

#### CAPUT XI.

*De Aaron et filiis ne ante diem septimum unctionis suae exeant e tabernaculo.*

(CAP. VIII.) *Cumque sanctificasset eos in vestitu suo, praecepit eis dicens: Coquite carnes ante fores tabernaculi, et ibi comedite eas. Panes quoque consecrationis edite qui positi sunt in canistro, sicut praecepit mihi Dominus dicens: Aaron et filii eius comedent eos: quidquid autem reliquum fuerit de carne et de panibus, ignis consumet. De ostio quoque tabernaculi non exibitis septem diebus, usque ad diem quo complebitur tempus consecrationis vestrae. Septem enim diebus finitur consecratio, sicut et in praesentiarum factum est, ut ritus sacrificii compleretur, die ac nocte manebitis in tabernaculo, observantes custodias Domini, ne moriamini. Sic enim mihi praeceptum est. Feceruntque Aaron et filii eius cuncta quae praecepit Dominus per manum Moysi. (Ex Augustino.)* Quid est quod dicit Moyses ad Aaron et filios eius cum san-

ctificantur ad ineundum sacerdotium, *Ad ostium tabernaculi testimonii sedebitis septem dies, die ac nocte, ne moriamini?* Nunquidnam credibile est situ corporis uno loco sedere praecipit, per dies septem, die ac nocte, unde se omnino non commoverent? Nec tamen hic tanquam allegorice aliquid significatum quod non fieret intelligere cogendi sumus accipere, sed potius agnoscere locutionem Scripturarum, ubi sessionem pro habitatione et commoratione. Non enim quia dictum est de Semel, quod sederit in Hierusalem annos tres (III Reg. 11), ideo putandum est per totum illud tempus in sella sedisse et non surrexisse. Hinc et sedes dicuntur ubi habent commemorationem quorum sedes sunt, habitatio quippe hoc nomen accipit. (Ex Hesychio.) Praecipua nunc legislator providit discrevitque mysteria, et figuratim per ea quae nunc contemplatus est, tradidit intra Ecclesiam ea perfici, et nullatenus profanorum visibus et auribus publicari, nec cuilibet volenti profanandi ea esse facultatem. Unde quia tabernaculum testimonii Deo caelum esse, atrium autem tabernaculi hujus Ecclesiam, quia ipsa est ante caeli introitum collocata, ipse Hierusalem quippe caelestis tenet imaginem, sicut olim praediximus: intus in ea carnes sacrificii coqui praecipit. Ait enim: *Praecepit eis dicens: Coquite ante fores tabernaculi, et ibi comedite eas.* Quomodo ergo in his non admiranda sit sapientia Spiritus? Nullam quippe dubietatem hujusmodi intellectui dereliquit, propterea carnes cum panibus comedi praecipiens, ut nos intelligeremus illud ab eo mysterium dici: quod simul panis et caro est, sicut corpus Christi, panis vivi qui de caelo descendit, et hoc ideo ut illic absolute mystica caena deberet celebrari. Aaron autem et filii eius illud recte comedunt. Nisi enim Christus rogatus ore sacerdotum ipse venerit, et caenam sanctificaverit, et initiaverit ea quae aguntur, nullatenus sacrificium Dominicum fiunt. Sed hoc quod reliquum est de carnibus et panibus, in igne incendi praecipit. Quod nunc videmus etiam sensibilibiter in Ecclesia fieri, ignique tradi quaecumque remanere contigerit inconsumpta, non omnino ea quae una die vel duabus aut multis servata sunt. Sicut enim apparet, non hoc legislator praecipit, sed quod reliquum est incendi jubet; dies autem non commemoravit, ut quaecumque cujuscumque rei causa emergente remanserint inconsumpta, sive tempus in causa sit, sive quid aliud fuerit, ignis opus et consumptio fiat. Ergo ex hoc quod agitur sensibilibiter significatio cujusdam intelligibilis rei eis qui intendunt provenit, ut quando ad comestionem sacrificii deficiamus, et comedere illud integre non possumus, mente forsitan lassiscente sive deficiente, utrum ea quae videntur corpus oporteat intelligi Domini, in quo oculis nec angeli possunt prospicere, non relinqui, sed etiam tradi ea igni oportet spiritus, ut ea comedat quae nobis sunt ex infirmitate invisibilia.

Quomodo autem comedat? cum cogitaverimus virtuti Spiritus esse possibilia ea quae nobis impossibi-

lia videntur. Unde et subsequenter disputare legislator videtur: Dicit enim sic: *De ostio quoque tabernaculi non exibitis septem diebus.* Septem cur? quia quinquagesima dies septenario numero in semetipso multiplicato et uno ei adjecto perficitur: unde et Hebdomadarum eam festivitatem, apud Moysen dici, manifestant sequentia.

His similia et Lucas tradidit. Ait enim de Domino et discipulis: *Quibus et presentavit semetipsum post mortem suam in multis argumentis per dies quadraginta apparentibus eis et loquens de regno Dei, et convalescens praecepit eis ab Hierosolymis ne discederent, sed expectarent promissionem Patris (Act. 1).* Cernis quomodo consecrabat, sive perficiebat eos? *Apparens eis et docens de regno Dei, et convalescens, dicens autem ab Hierosolymis non discedere, non praecepit januam tabernaculi progredi vel egredi, id est, non permitit praedicare usque dum promissionem Spiritus, quae facta est, quinquagesima die acciperent.* Completis autem diebus, Petrus mox praedicationem incepit, quando et *addita sunt animae circiter tria millia (Act. 11).* Sic et ipsi per singula mandatum hoc custodierunt, et maxime in eis complentur quae in subsequenentibus dicuntur: *Observantes custodias Domini, ut non moriamini; sic enim mihi praecepit Dominus. Feceruntque Aaron et filii ejus cuncta quae locutus est Dominus per manum Moysi.* Si quaeritur cur Aaron filiis suis conjungat, invenietur causa omnino necessaria et ad rei considerationem opportuna. Non enim exire de janua tabernaculi testimonii, id est, non interim attrahere evangelicam praedicationem his quae sunt praedicta. Apparuit ergo cum apostolis, et Christus suam januam non egrediebatur, ipse siquidem erat qui et praedicandus erat, et qui in apostolis loquebatur, propterea cum filiis et ipse Aaron consecrari seu consummari dicebatur. Quis sit autem consecrans sive consummans, legislator nequaquam subdidit. Ait enim: *Septem diebus finitur consecratio, sive, secundum Septuaginta, consummavit manus vestras, sicut et fecit.* Manifestum est autem quod ipse erat qui filios consecrabat, sive perficiebat, qui et perfici in eis sive consecrari ut pote in membris propriis dicebatur.

## CAPUT XII.

*De fine consecrationis et hostiis pro se et populo.* D

(CAP. IX.) *Facto autem octavo die, vocavit Moyses Aaron et filios ejus, ac majores natu Israel, dixitque ad Aaron: Tolle vitulum pro peccato, et arietem in holocaustum, utrumque immaculatos, et offeres illos coram Domino, et ad filios Israel loqueris: Tollite hircum pro peccato, et vitulum atque agnum anniculum et sine macula, in holocaustum, bovem et arietem pro pacificis; et immolate eos coram Domino, in sacrificio singulorum, similam oleo conspersam offerentes, hodie enim Dominus apparebit vobis. (Ex Hesychio.)* Diem enim octavam Pentecosten appellat, quia Pentecoste dies incidit in hac qua Salvator surrexit, quae esse octava creditur, quia figuram

A gerit primitiarum futuri, sed et consummationis praesentis saeculi, qui in septem revolvitur diebus.

Oportebat enim ut in qua die surrexit Christus, in eadem et Spiritus adveniret. Tunc ergo vocari Aaron et filios ejus et majores natu Israel ait: Ecclesiam quodammodo per eorum qui dicti sunt aedificans vocationem. Tunc quippe prius convocatum est Ecclesiae spectaculum, in qua intelligibilis Aaron, id est, Christus sacerdos esse creditur; filii autem ejus qui sublimis sunt conversationis, et ideo sacerdotii ministri et cooperatores sunt; majores autem natu Israel, presbyterorum ordo est: ex his quippe corpus Ecclesiae componitur; sed Aaron quidem accepit sibi vitulum pro peccato et arietem in holocaustum, utrumque immaculatum, et obtulit coram Domino. Tunc enim Christus sacrificium suum innotescere coepit, ex quo Spiritus adveniens Parthos et Medos et Elamitas, et omnium gentium primitias ad apostolorum coenaculi superiora colligit (Act. 11). Accepit autem et ordo majorum natu Israel, quem presbyterorum esse diximus, ut pote ipse sortem et figuram doctorum gerens et ad docendos nos utilis est, vitamque perficere in Ecclesia convenientium potest. Quae autem sunt haec quae accepit? *Hircum pro peccato, pro poenitentia videlicet sacrificium, et vitulum et agnum anniculum in holocaustum, immaculatos: perfectam videlicet et consummatam vitam, sive conversationem, quae per hostias, id est, per holocausta significatur; et bovem et arietem pro pacificis.* Sed et ad sacrificium salutare mediocrem conversationem, quae tamen potest salvare eos qui offerunt, sicut supra diximus; coram Domino autem omnia praecepit fieri: oportet quippe omne virtutis opus ut pote vidente Deo peragi, et non corrumpi neque vitiari, cum permiscemus ei voluntatem nostram; sacrificium similiae conspersae oleo, theologiam, cum elemosyna. Hoc enim praedicta sacrificia subtiliter nobis olim discussa innotuerunt. Quid autem hic nunc subdidit? *Quia hodie Dominus apparebit vobis.* Hoc conclusio et probatio est, quia de Pentecoste praedicta omnia dicebantur; in ea enim in eis apparuit Dominus, Spiritus videlicet de quo Paulus dicebat: *Dominus autem spiritus est.* Quomodo autem apparuit in eis dixit Lucas: *Visae sunt eis dispartitae linguae sicut ignis et sederunt super singulos eorum (Act. 11).*

*Tulerunt ergo cuncta quae jussisset Moyses, ad ostium tabernaculi, ubi cum omnis staret multitudo.* Aperte hic Ecclesiam exposuit, ad ostium tabernaculi; vel, sicut Septuaginta, ante tabernaculum testimonii, videlicet caeli, si enim Ecclesia frequentia est angelorum primitivorum qui scripti sunt in caelis, ante tabernaculum testimonii, id est, ante faciem caeli. Sic enim et Aquila ante faciem interpretatus est: omnis quippe contrita anima et omnis peccator, omnis misericordiam necessariam habens, omnis ab errore se convertens, in hac Ecclesia congregatur; non solum eos qui de plateis et vicis sunt, sed et eos qui de viis et de sepibus vocari praeci-

piens, ut regalem cœnam ingredientibus implerent (Matth. xxii). Ait Moyses : *Iste est sermo quem præcepit Dominus, facite et apparebit vobis gloria ejus.* Gloriam esse Domini spiritum manifeste ostendit quod Paulus ad Corinthios scripsit : *Nos omnes revelata facie gloriam Domini speculantes in eandem imaginem transformamur, de gloria in gloriam, sicut a Domini Spiritu (I Cor. iii).* Ut ergo gloria Domini videretur, id est, ut adventus celebraretur Spiritus. *Iste est sermo, inquit, quem præcepit Dominus : sermo videlicet mysticus, de quo Dominus præceperat : Hoc facite in meam commemorationem.* Sermonem autem legislator ex consuetudine illud vocat, quia plus sermone subsistit hujus dispensatio mysterii, maxime Dominico verbo ea quæ apparent in aliud aliquid majus et intelligibile transferente. Unde cum manna imaginem panis vite qui descendit de cœlo præsentaret : *Hic est panis, ait, quem dedit vobis Dominus ad comedendum; hic est sermo quem constituit Dominus (Exod. xvi).* Quid ergo ex his quæ dicta sunt legislator significat, nisi quia sine dubio agentibus eis sanctum mysterium et Dominicam cœnam celebrantibus, advenit Spiritus. Quod et si non planius expositum habemus, multa quippe studio brevitate Scriptura divina prætermisit, quæ fas est ex aliis colligere. Erat enim dies qui appellatur Dominicus, in quo oportebat modis omnibus agere apostolos mystica et sacra. Nam et nos illorum sequentes traditionem, Dominicam diem divinis conventibus sequestramus. Invenimus autem et Christum similiter post resurrectionem a mortuis per mysticæ cœnæ et panis fractionem manifestatum. Quod aperte quidem Lucas, tamen etiam Joannes evangelista tradit.

Dixit ad Aaron : *Accede ad altare et immola pro peccato tuo, offeres holocaustum, et deprecare pro te et pro populo : Cumque mactaveris hostiam populi, ora pro eo, sicut præcepit Dominus.* Ubi nostra translatio planius habet, *pro te et pro populo, pro te ipso et pro domo tua* Septuaginta ediderunt. Qui autem sint domus intelligibilis sacerdotis, Paulo dicente, cognosce. Ait enim : *Christus autem ut filius in domo sua, quæ domus nos sumus, si fiduciam et gloriam spei usque ad finem firmum retineamus (Hebr. iii).* Ergo hi qui profecerunt et perfectiores sunt, domus ejus juste appellantur : pro quibus deprecatur et pro omni populo, ut pote qui nostra factus est propitiatio, sed et semetipso. Cur hoc, cum propitiatione non egeat, magis autem ipse præstet propitiationem, sed ut nostrum peccatum suscipiens, etiam pro semetipso deprecatur? Evidenter autem hoc hominis est et Dei, id est sicut hominis propitiationem susipientis, et sicut Dei sibimet præstantis. Alter enim homo sibimetipsi propitiationem præstare non potest. (Ex Augustino.) Notandum est sane cum pro populo offeruntur sacrificia, et pro peccato sacrificia jussa esse offerri, et holocaustum, et sacrificia salutaris; pro sacerdote autem oblatum fuisse pro peccato et holocaustum et consummationis, non

A autem salutaris : sed consummationis tunc oblatum est, quando sacerdotes sanctificati sunt, et sacerdotio fungerentur, et hæc obtulit Moyses pro Aaron et filiis ejus. Postea vero Aaron ipse, jam sanctificatus et sacerdotio fungens, offerre pro se jussus est vitulum pro peccato et arietem in holocaustum : non autem jussus est pro se offerre consummationis, quia tunc ideo oblatum est ut consummaretur sanctificatione, et sacerdotio fungi posset quo jamungebatur.

Statimque Aaron accedens ad altare immolavit vitulum pro peccato suo; ejus sanguinem obtulerunt ei filii sui, in quo tingens digitum tetigit cornua altaris, et fudit residuum ad basem ejus, adipemque ac renunculos et reticulum jecoris, quæ sunt pro peccato, adolevit super altare, sicut præceperat Dominus Moysi. Carnes vero et pellem ejus extra castra combussit igni; immolavit et holocausti viciniam, obtuleruntque ei filii sui sanguinem ejus, quem fudit super altaris circuitum. Ipsam etiam hostiam in frustra concisam cum capite et membris singulis, obtulerunt. Quæ omnia super altare cremavit igni, lotis prius aqua intestinis et pedibus (Levit. ix). (Ex Hesychio.) Et cujus rei gratia hæc etiam in hoc loco sacrificia peraguntur, superius diximus, non ergo necesse est iterum eorum virtutem per singula dicere quæ in hoc sacrificio peraguntur, cum olim ea per ordinem discussimus, et cujus comparisonem gerant nihil intermittentes ostenderimus; et quemadmodum in Domini sacrificio, quod cum unum sit, non tantum nobis peccatorum præstans remissionem, sed et vitam perfectam in philosophia et consummatam efficiens, necessario et in vitulum qui pro peccato est et in arietem hunc qui in holocaustum immolatur oportet reputari, unde et in persona sacerdotis utrumque perspicimus oblatum. Jam ergo et ad subsequenda veniamus.

Et pro peccato populi offerens, mactavit hircum, expiatoque altari, fecit holocaustum, addens in sacrificio libamenti quæ pariter offerantur. Et adolens ea super altare absque cæremoniis holocausti matutini, immolavit et bovem atque arietem hostias pacificas populi; obtuleruntque ei filii sui sanguinem, quem fudit super altare in circuitu; adipem autem bovis et caudam arietis, renunculoque cum adipibus suis, et reticulum jecoris posuerunt super pectora. Cumque cremati essent adipem super altare, pectora eorum et armos dextros separavit Aaron, elevans coram Domino, sicut præceperat ei Moyses (Ibid.). (Ex Hesychio.) Cujus figuram ea quæ dicta sunt habeant, et quemadmodum pro peccato hircus poenitentiae sacrificium significet, holocausta autem crucifixam conversationem, theologiam vero similia, salutare autem seu pacificorum sacrificium, vitam quæ nos salvare potest, etiam mediocriter sapientes, sacrificiorum discussio præcedens unctionem sacerdotis, ostendit : ergo qui hujus sanctionis nescit explanationem illic cum subtilitate perquirens, etiam hæc per singula sciet, illud autem nunc necessarie adimus,

quia sancti Spiritus in Pentecosten provenisse de-  
 censionem cum in unam congregati essent apostoli,  
 omniaque secundum legem Ecclesie agerent, signi-  
 ficari consideravit legislator, recte procedere sacer-  
 dotis sacrificia, ac deinde subinferri populi præce-  
 pit. Oportet enim Ecclesie doctrinam a sacrificio  
 Unigeniti inchoare, ut introducantur docentes quid  
 nobis passio Dominica profecerit, aut contulerit, at-  
 que ita subinferatur sermo penitentiae, quem om-  
 nes utique homines necessarium habemus, unde et  
 Dominus unam doctrinam prædicat, id est, peni-  
 tentiam, totumque perfectius subinferri conversa-  
 tiones atque theologiam illis permiscendas. Subdit  
 autem et quæ [Al., quod] corrigentes sive uncti sal-  
 vari possimus quamvis non sublimerter conversemur.  
 In his enim oportet Ecclesiam congregare et ma-  
 nifestationem Dei gloriæ suscipere. Hæc sine dubio  
 diebus Pentecostes maxime agebant discipuli Domini,  
 propter quod in unum tunc collecti erant, quod  
 manifestat Lucas dicens: *Et dum compleverentur dies  
 Pentecostes, erant omnes simul unanimiter (Act. 11).*  
 Quid autem erant collecti agere, nisi ea modis om-  
 nibus quæ dicta sunt? Nam et si palam non prædica-  
 bant et propterea intus erant in superioribus seden-  
 tes, necdum verbum disseminantes, sive palam lo-  
 quentes, quia de ostio tabernaculi testimonii non  
 erant jussi egredi, usquequæ de excelso induerentur  
 Spiritus virtutem, verumtamen in semetipsos  
 quia hæc agebant manifestum est, et quæcumque de-  
 cent Ecclesiam meditari non cessabant, ut ipsum  
 videlicet in semetipsis habentes Christum, qui est  
 Ecclesie caput: unde et Mathiam ad apostolatam  
 cum concionatus fuisset Petrus, et proposuisset di-  
 vine Scripturæ expositionem atque testimonia, sorte  
 separaverunt. Sive autem concionari, id est, popu-  
 lum exhortari, sive prophetas interpretari, et clericis  
 sociare, ecclesiasticæ dispensationis et ordinis fuit;  
 ergo manifestum est, quæ quæmodum in Ecclesia  
 collecti in illis diebus erant, quod et legislator modis  
 omnibus significari considerans, consequenter et  
 ea quæ subsequenter addidit: *Et tendens manum  
 contra populum benedixit ei: sicque completis  
 hostiis pro peccato et holocaustis et pacificis, descen-  
 dit (Levit. 11).*

(Ex Augustino). Ubi autem ista fecit, nisi super  
 altare, id est, ad altare stans, etque deserviens?  
 Inde ergo descendit ubi stabat: nimirum filius solus  
 quætionis adjuvari hoc testimonio videtur, ubi  
 quesieramus in Exodo, quomodo serviri potuerit ad  
 altare, quod erat altum cubitis tribus; gradum  
 quippe illic intelligere prohibebamur, quia id Deus  
 veterat, ne super altare pudenda virilia ministran-  
 tis revelarentur, quod atque fieret si pars altaris  
 gradus esset, id est, si compactus adhereret, deni-  
 que ibi hoc vetuit ubi de altari structili loquebatur.  
 Unum enim esset altare cum gradu, cujus pars esset  
 gradus, et ideo vetitum est. Hic vero ubi altaris  
 tanta fuerit altitudo, ut nisi sacerdos super aliquid  
 staret apte ministrare non posset, intelligendum

A est quidquid illud erat quod ad horam ministratio-  
 nis ponebatur, et auferbatur, non fuisse altaris  
 partem, et ideo non fuisse contra præceptum quo  
 gradum habere prohibitum est; hoc autem quæ-  
 cumque fuerit, tacuit Scriptura, et ideo quæstio  
 facta est. Sed nunc cum dicit Scriptura sacerdotem,  
 cum facisset sacrificia, descendisse, hoc est, cum  
 immolata imposuisset altari, utique manifestat ali-  
 ubi eum stetisse unde descenderet, et quia ibi ste-  
 terat, ideo tritum cubitorum altari ministrando de-  
 servire potuisse. (Ex Hesychio). Intende quia omnem  
 nobis evidenter figuram Ecclesie vult exposere.  
 Nam postquam dixit, Descendit postquam fecit pro  
 peccato, et holocaustis et pacificis, ostendit quia  
 completionem sacrificiorum, intellexit expositionem  
 B eorum, et propterea dixit, *descendit*: per descensio-  
 nem doctoralem sedem designans, de qua post ex-  
 positionem sacerdotes quibus figura intelligibilis  
 Aaron credita est, descendunt, et per orationem  
 manus ad coelum levant. Elevationem enim manuum,  
 orationem etiam Paulus intellexit. Dicit autem sic:  
*Voto viros orare in omni loco, levantes manus  
 (1 Tim. 11).* Tendens sive levans ergo manus, ben-  
 dixit illos: quia per elevationem manuum, per ora-  
 tionem videlicet, sacerdotes populo benedixit.  
 Sed unde benedictionem præstant, ostendunt se-  
 quentia. *Ingressi autem Moyses et Aaron tabernacu-  
 lum testimonii, et deinceps egressi, benedixerunt po-  
 pulo.* Quamobrem prius in tabernaculo testimonii  
 ingrediuntur, et postea benedictionem præstant, nisi  
 C et non ignoremus quia de intelligibili tabernaculo,  
 videlicet de celo benedictionem proferunt sacerdo-  
 tes, dicentes sicut et Paulus: *Benedictus Deus et  
 Pater Domini nostri Jesu Christi, qui benedixit nos  
 in omni benedictione spiritali in caelestibus in Chri-  
 sto (Ephes. 1).* Hoc enim nobis et ipse tradens Do-  
 minus, quinque panes, et rursus septem benedicens,  
 ad caelum respiciebat. Cur autem non solus Aaron,  
 sed et Moyses synagogam seu populum benedixit?  
 tibi et discamus quia non propria virtute sacer-  
 dos benedictionem, sed quia figuram ferunt Christi,  
 possunt propter eum qui in ipsis est prestare be-  
 nedictionis plenitudinem; unde et Moyses utpo-  
 tui cui imago est Domini credita, ad benedictionem  
 recte comprehenditur, sed et illud per ea quæ dicta  
 sunt, lex significat, quia non solum is qui sacerdo-  
 tium sortitus est, sed et omnis justus Christum ha-  
 bens in semetipso et figuram Domini sui, per bo-  
 nam conversationem, quemadmodum Moyses est  
 stans, idoneus est ad donandum benedictionem.

## CAPUT XIII.

*Apparet gloria Domini multitudini, et ignis egressus  
 a Domino absumit holocaustum.*

(IBID.) *Apparuit gloria Domini omni multitudini,  
 et ecce ignis, egressus a Domino, devoravit holocau-  
 stum et adipem qui erat super altare. (Ex Augustino.)*  
 Quæri potest utrum nutu et voluntate Domini factum  
 sit, an ab eo loco ignis exierit ubi erat arca testi-  
 monii. Non enim in loco aliquo ita est Dominus,

quasi alibi non sit, *Quod cum viderent turbes tendebant ad Dominum, ruentes in facies suas.* (Ex Hesycho.) Putas ne aliquam interpretationem presentia verba legislatoris opus habent? Ipsis namque verbis concordant his quæ sunt de adventu Spiritus in apostolicis Actibus scripta. *Apparuit enim,* inquit, *gloria Domini omni multitudini.* Quomodo, dicit forsitan quispiam? Utique talis, qualem Ezechiel super cherubin visam descripsit, aut qualem Michæas, vel Isaias: quorum unus quidem seraphim in circuitu, alter celestem exercitum vidit. Sed nequaquam. Fuit una quidem quæ omnibus et ubique spiritalibus apparuit gloria, sed differentes visiones ut pote incomprehensibilis præbebat videntibus. Præsens tamen similis illi erat, quia intelligibilis egressus est ignis a Domino die Pentecostes, propter quod ait: *Apparuit gloria Domini, et egressus est ignis a Domino.* Ergo in specie ignis apparuit, quemadmodum et Lucas exponit: *Et factus est de celo sonus spiritus vehementis, et implevit totam domum in qua erant sedentes, et visæ sunt illis divise lingue sicut ignis* (Act. II). Populi etiam omnis legislator memoriam facit. Quod et Lucas hoc modo exponit: *Et erant in Hierusalem habitantes Judæi viri religiosi de omnibus gentibus quæ sub celo sunt. Facta autem hac voce, convenit multitudo et mente confusa est.* Quia enim non solum convenit, sed expavit; et ipse hoc demonstrat dicens: *Obstupescerant enim et admirabantur;* sed et super faciem ceciderunt, et si non hoc sensibilibus, tamen intelligibilibus pertulerunt. Non enim intelligebant quod factum erat. Alter autem ad alterum dicebat: *Multo pleni sunt hi:* quod proprium erat in terram faciem mentis prosternentium. Quid autem egressus ignis fecit? *Devoravit omnia quæ erant super altare holocaustorum, et adipes quæ ex pacificis, et pro peccato oblata, altari superposita erant.* Tradit ergo nobis sermo, quia necesse sit prædicta sacrificia et eorum expositiones superponere intelligibili altari corporis Christi, ut ad illud festinet nostra imitatio, et tunc nutrimenta intelligibilis ignis, id est, spiritus fiunt, de quo dictum est: *Dominus Deus noster ignis consumens est* (Deut. IV). Unde et nunc pro devorare Symmachus consumere edidit.

## CAPUT XIV.

*De Nadab et Abiu ignem alienum offerentibus et occisis a Domino.*

(CAP. X.) Arreptisque Nadab et Abiu filii Aaron thuribulis, posuerunt ignem et incensum de super offerentes coram Domino, ignem alienum quod eis præceptum non erat. (Ex Augustino.) Postquam exeunte igne a Domino incensi mortui sunt filii Aaron, qui ausi sunt in batillis suis adhibito igne alieno incensum imponere Domino, quod ideo non licebat, quia ex illo igne qui divinitus in altare venerat, deinceps custodito omnia erant accendenda quæ in tabernaculo accendi oportebat. Mortuis ergo illis ait Moyses: *Hoc est quod dixit Dominus dicens: In eis qui mihi appropinquant sanctificabor, et in omni*

*synagoga glorificabor eos:* appropinquare Dominum volens intelligi, qui in tabernaculo sacerdotio fungebantur. Sanctificari autem in eis etiam vindicando sicut factum est, ntrum ut hinc scriberetur quam minus eis parcat, si illis non parcat. Quo sensu dictum est: *Si justus vix solus erit, peccator et impius ubi ponentur?* (I Petr. IV.) An potius secundum illud: *Cui plus donatur, plus ab eo exigitur* (Luc. XV)? Et illud: *Servus qui non cognovit voluntatem domini sui, et facit digna, plagis vapulavit paucis; servus autem qui cognovit voluntatem domini sui, et facit digna, plagis vapulavit multis* (Luc. XII). *Ex Hesycho.* Hic eos qui aliena docent, qui in ipsa Spiritum Dei blasphemant, quia inspiratam ab eo

*Deo inspirata utilis est* (II Tim. III), aliter interpretantur, necessarie ab intelligibili igne puniri exposuit, qui filii Aaron ut doctorum habentes habitum et spiritalia dicere fingentes dicuntur: unde et lingue eorum ignis appellatae sunt. Audivimus quippe quia in specie ignearum linguarum Spiritus advenit: thymiama autem thuribulis vel ignibus linguarum superimponunt legalia et Prophetarum dogmata, de quibus Ecclesia Christo in Cantibus Cantico-rum dicebat: *Odor unguentorum super omnia aromatu* (Cant. IV); sed ignem alienum offerunt. Neque enim secundum intentionem aut virtutem Spiritus interpretantur. His agneditur ignis a Domino, non absolute qualis prius, per illum enim sacrificia incendit Dominus, et gloria Domini distans est. Hic autem ignis poenalis est. Utriusque enim Ecclesia habet; hunc quidem ad illuminationem justorum et oblatorum perfectionem, illum autem ad poenam impiorum, quem his qui blasphemant sacerdotes inducunt ex subministrazione Spiritus qui in eis requiescit emmascendentes. Propter quod et Paulus Hymenæum et Alexandrum et alia scilicet docentes percutit: hi coram Domino moriuntur videntes ipso, et in hac eos morte condemnante, ne impudenter aut alia causam præbeant mortis. In quo et nimis admiratur legislator cur ex eo quod deberant vita frui, id est, coram Domino, sustinent mortem, quam male interpretantes divines Scripturas patiuntur in ea re, ex qua eos oportebat benedictionem promereri, maledictioni se subjicientes. Vide tamen

*qualia subdidit: Dixitque Moyses ad Aaron: Hæc est quod docuit est Dominus: Sanctificabor in his qui appropinquant mihi, et in conspectu omnis populi glorificabor. Quod audiente tacuit Aaron; sive ut septuaginta vertunt: Et occupatus est Aaron. Et ubi ostendit hoc Deum dixisse invenimus, quando videlicet Moyse dicebat: Descendens contestare populum, ne forte appropinquent ad Deum et cadat ex eis multitudo: et sacerdotes qui appropinquent Domino. Sed sanctificentur, ne forte recedat ab eis Dominus. Hæc ergo etiam verbis ab his quæ dicta sunt differunt, tamen intentionem ipsam immutabiliter habent. Præcepit enim populum non approximare Deo et cognoscere, non quomodo invidens eis visionem, sed ut*

Imperfectis et minus tantæ contemplationis capacibus parcens. Sacerdotes autem appropinquantes sanctificari jubet, ut digni ad videndum et contemplandum fierent Deum, quia veram scientiam a Deo nemo potest sine sanctificatione conquirere. Propter quod Paulus : *Pacem, inquit, sequimini cum omnibus et sanctimoniam, sine qua nemo videbit Deum.* Conspectum ejus, scientiam ejus dicens, id est, ejus contemplationem; unde sacerdotes sanctificari præcipiens, vide quomodo minatur in subsequentibus : *Ne forte recedat ab eis Dominus, id est, ne fugiat ab eis ea quæ Dei est scientia.* Perditio enim eis scientiæ discessio fit. Sed nunc ea quæ sicut ex persona Dei per Moysen dicta sunt verba aggrediamur : *Et sanctificabor in his qui appropinquant mihi.* Sanctificationem suam vocat, profanorum sive, maiorum emundationem quæ corpus nostrum habet. Corporis autem emundatio, sordium abjectio est. Hoc ergo ut bonus et pius in his qui approximant ei, secundum multitudinem videlicet scientiæ, vel secundum aliquod divinum ministerium operatur, ut per ipsos terreat, et in conspectu totius populi glorificetur, id est, laudetur et manifestetur. Utrumque enim glorificationis verbum manifestat, et quæ ex hoc laus Dei et manifestatio sit, David dicit : *Quia justus Dominus, justitiam dilexit, æquitatem vidit vultus ejus (Psalm. x).* In his tacuit Aaron; sive ut Septuaginta, *compunctus est Aaron* : Ecclesia videlicet, quia corpus intelligibilis Aaron, Ecclesia est; unde ipse dixit, *Saule, Saule, quid me persequeris? (Act. ix.)* Item discipulis de suscipientibus eos, dixit : *Qui vos suscipit, me suscipit. Vocavit autem Moyses Misael et Elsaphan filios Ozii patris Aaron, et ait ad eos : Ite, tollite fratres vestros de conspectu sanctuarii, et asportate extra castra; statimque pergentes, tulerunt eos sicut jacebant vestitos lineis tunicis, et ejecerunt foras, ut sibi fuerat imperatum.* Ab his qui eos ejecerunt, eos qui sublati sive ejecti sunt intellige. Qui autem fuerunt qui sustulerunt? Misael et Elsaphan, sive Misaddai, Helisaphan, quorum unus attrectatio Dei, id est, misaddai, helisaphan autem Dei mei specula interpretatur. Quicumque ergo scit attrectare Deum, insuper autem et speculari, et Christi quidem carnem contractari, speculari autem per oculos mentis divinitatem, sicut Thomas manu contractans carnem, et fide speculans divinitatem, dicebat : *Dominus meus, et Deus meus (Joan. xx)*, hic ignem alienæ doctrinæ auferre et ejicere illum cum tunicis a facie sanctorum potest. Quia personæ sanctorum sunt sacerdotes. Tunicæ autem sacerdotum conversatio et vita, quæ in sacerdotii induuntur habitu; ergo cum sacerdotio quod ei sorte obvenit, a portione sacerdotali expelluntur, non solum autem a sacerdotum, sed et populi, unde addidit, *extra tabernaculum.* Tabernaculum enim Dei Ecclesiæ populus est; filii autem patris Aaron sive fratris Aaron, hi qui hæc facere possunt rationabiliter nominantur. Si enim pater intelligibilis Aaron David est, et per eum idem om-

ne corpus prophetarum creditur. Prophetiæ quippe eum manifestum faciunt, atque quodammodo ignorantibus pariunt, frater autem germanus et ut ita dicatur. Igitur prophetiæ, Evangelium est. Omnia enim quæ in Evangeliiis acta sunt, a prophetis prædicta sunt. Filii fratris patris Aaron bene et nimis apte hi qui evangelicam conversationem didicerunt dicuntur, et hos qui alia docent arguere et repellere ut pote perfectam habentes scientiam, necessario sunt dispositi. De qua Joannes dicebat : *Omnis qui præcedit et non manet in doctrina Christi, Deum non habet; qui manet in doctrina, hic et Filium et Patrem habet : Si quis venit ad vos et hanc doctrinam non affert, nolite recipere eum in domum, nec ei dixeritis Ave (II Joan. v).* Ergo proprium est eorum qui edocti sunt evangelicam doctrinam eos qui adulterina et aliena prædicant, a facie sanctorum et tabernaculi expellere atque projicere.

## CAPUT XV.

*Moyses prohibet Aaron et filios capita nudare et vestes scindere ob mortem interfectorum*

(IBID.) *Locutus est Moyses ad Aaron, et ad Eleazar atque ad Ithamar filios ejus : Capita vestra nolite nudare, et vestimenta nolite scindere, ne forte moriamini, et super omnem cætum oriatur indignatio; fratres vestri et omnis domus filiorum Israel plangent incendium quod Dominus suscitavit. Vos autem non egridimini fores tabernaculi, alioquin peribitis : oleum quippe sanctæ unctionis est super vos. Qui fecerunt omnia juxta præceptum Moysi. (Ex Augustino.)* Quid est quod Aaron et reliquos filios ejus mortem duorum illorum lugere prohibens dicit : *Caput vestrum cydara non denudabitis.* Ubi certe ostendit cydaras tegmina capitum fuisse, nisi quod illud faciebant lugentes, quæ consuetudini ornatus essent contraria. Sicut enim in nostra consuetudine, quæ caput apertum magis habetur, operetur in luctu, sic quia illi operimento capitis ornabantur, nudandum erat lugentibus. Quod ideo prohibet ne lugerent eos in quorum pœna sanctificatus est Dominus, id est, commendatus est timor ejus. Nec ideo quia lugendi non erant, nam permittit alios lugere illos, sed quia illi lugere tunc non debebant, cum dies sanctificationis eorum agerentur. Nondum completis septem quibus eos præcepit de tabernaculo non abscedere, quantum possit videri, quia illo oleo fuerant sanctificati hoc dictum est, quod nunquam quemquam lugere deberent. Ita enim dicit : *Fratres autem vestri omnis domus Israel plorabunt incendium quo incensi sunt a Domino, et ab ostio tabernaculi testimonii non exibitis, ne moriamini : oleum enim unctionis quod est a Domino super vos est. (Ex Hesychio.)* Non ignoramus quin cydara significant sacerdotium, scilicet quia omnis viri caput Christus Deus, caput autem Christi Deus, necessarie cydaris significatio quodammodo est simul unigeniti humanitatis et divinitatis. Hoc enim et per cydaris compositionem superius demonstravimus. Ergo quæ oporteat custodire sacerdotes et doctores præcepit, id est, ut nec divi-

nitatem Christi nec humanitatem negent, nec contradicant, quia Deus ex Deo et verbum est ex Patre, hoc est enim cydarim non auferre a capite, videlicet non nudare intelligibili cydare sed nec dispensationem renuant aut blasphemant. Qui enim Christi dispensationem blasphemant, sacerdotalem rumpit stolam, quia omnes quidem homines qui in Christum crediderunt, multo magis autem sacerdotes, sunt qui Christum induerunt, siquidem *quicumque in Christo baptizati sumus, Christum induimus* (Gal. III). Hæc agentes sacerdotes nec morientur nec congregationi superinducunt iram. Præpositorum enim vitia offendiculum sunt subjectis. Et multo magis doctorum discipulis eorum iræ Dei fiunt occasio, propter quod et omnem domum Israel, omnem videlicet Ecclesiam plangere incendium quo incensi sunt a Deo vult, quia damnum Ecclesiæ unius membri et cujuslibet casus est, quanto magis doctorum et sacerdotum perditio. His ita se habentibus illud quæri oportet, quomodo cum per præcedentem sanctionem septem solos dies non egredi de tabernaculo testimonii præcepisset, his cæptis (hæc enim in octava die aguntur), rursus eis Moyses præcepit de ostio tabernaculi non egredi; non ergo contraria sibi sancit, sed manifestum est quod alium hic eis egressum ostii tabernaculi testimonii præcepit custodire, nam addidit, *ut non moriamini*; atqui hæc non scripsit in superioribus; ergo additamento comminationis aliud quidpiam se sanxisse significavit. Quia enim ut igne alienæ doctrinæ offerentes quidem sacerdotes perierunt, aliis non exire januam scientiæ, videlicet Christi traditionis ejus per ea quæ dicta sunt præcepit, id est non transgredi eam quam ipse mandavit prædicationem, sed sequi Dominicum præceptum per omnia; sic enim unusquisque non morietur. Hoc sacerdotibus præcepit quibus ut magistris et prædicatoribus verbi ministerium ex dono Spiritus creditum est, de quo nunc legislator ait: *Oleum quippe sanctæ unctionis est super vos*. Hujus autem unctionis virtutem Joannes nobis Evangelista demonstrat dicens: *Et vos unctionem quam accepistis ab eo maneat in vobis, et non necesse habetis ut aliquis doceat vos, sed sicut unctio ejus docet vos de omnibus, et verum est, et non est mendacium* (Joan. II). Hæc Moyses per Spiritum præcepit, et Ecclesia custodit. Ergo consequenter legislator subdidit: *Qui fecerunt juxta præceptum Moysi*.

## CAPUT XVI.

Quod Aaron et filii ejus non bibent vinum cum ingrediuntur tabernaculum.

(IBID.) Dixit quoque Dominus ad Aaron: *Vinum et omne quod inebriare potest non bibetis, tu et filii tui, quando intratis in tabernaculum testimonii, ne moriamini: Quia præceptum est sempiternum in generationes vestras, et ut habeatis scientiam discernendi inter sanctum et profanum, et inter pollutum et mundum, doceatisque filios Israel omnia legitima mea, que locutus est Dominus ad eos per manum Moysi.* (Ex Hesychio.) Hanc usque nunc legem in Ecclesiis invenis custodiri. Neque enim omni modo a vino

A abstinere præcepit, sed quando ad tabernaculum testimonii, aut ad altare ascendimus, id est, quando quodcumque ministerium doctrinæ cælestis contingimus; ministerii enim altare figura est, tabernaculum autem testimonii significat cælestium rerum contrectationes. Unde et Timotheo Paulus scribebat: *Vino modico utere propter stomachum tuum et frequentes tuas infirmitates*. Qui autem modico utitur, hic tempore ministerii videlicet et doctrinæ ab omni vinolentia et ebrietate se abstinet. Similiter autem et sacerdotes hi qui student legem custodiunt, propter quod non solum Aaron, sed et filiis ejus, sublimiora videlicet adeptis, mandatum hoc tradit. Similia autem his et Paulus ad Ephesios scripsit: *Nolite inebriari vino, in quo est luxuria, sed magis impleamini spiritu* (Ephes. V); hebetem quippe ebrietas mentem reddit, et sobrietatem ejus in deterius vertit, ut non intelligantur quæ aguntur. Quæ testificatur Isaias sic dicens: *Væ qui consurgitis mane ad ebrietatem sectandum, et potandum usque ad vesperam ut vino æstuctis. Cythara et lyra: et tympanum, et tibia et vinum in convitiis vestris, et opus Domini non respicitis, nec opera manuum ejus consideratis* (Isa. V). Qui autem opera Domini non vident, quomodo dividere inter sancta et profana, aut munda et immunda, vel quomodo exhortari et illuminare populum de Scripturis possunt? Unde hoc mandatum sublimius ostendere cupiens, ipsum hoc ait locutum fuisse Dominum. Sed intende, quemadmodum locutum esse Dominum Moysi, non per linguam, sed per manum dicit. Aut omnino dignitatem legis ostendere voluit, qui exposuit quidem eam Deus, scripsit autem Moyses, excepit vero eam, Deo quæ disposita sunt jubente.

## CAPUT XVII.

Præceptum Domini, quid edere debeat de sacrificio Aaron et filii ejus, etc.

(IBID.) Locutusque est Moyses ad Aaron et ad Eleazar atque Ithamar, filios ejus qui residui erant. *Tolite sacrificium quod remansit de oblatione Domini, et comedite illud absque fermento juxta altare, quia sanctum sanctorum est. Comedetis autem in loco sancto quod datum est tibi et filiis tuis de oblationibus Domini, sicut præceptum est. Pectusculum quoque quod oblatum est et armum qui separatus est, edetis in loco mundissimo, tu et filii tui, ac filia tuæ tecum. Tibi enim ac liberis tuis reposita sunt de hostiis salutaribus filiorum Israel, eo quod armum et pectus et adipem qui cremantur in altari elevati sint coram Domino, et pertinent ad te et ad filios tuos lege perpetua sicut præcepit Dominus.* (Ex Hesychio.) Quia pectusculum confidentiam offerentium et fidem significat, et brachium promissæ ab eis convensationis actionem et correctionem, satis a nobis in his quæ de sacrificio pacificorum seu salutari per partes discussa sunt, demonstratum est; sed quamobrem Aaron et filiis ejus ea quæ dicta sunt deputavit, illic et eorum enim distractione legislator exposuit. Sacrificium enim quod remansit de oblatione sive ab

holocaustis Domini, hoc dixit, quod superest de simila. Aperte ergo Aquila edidit dicens: *Donum quod reliquum est de frumento*. Hujus interpretatio est etiam hoc quod legislator subdidit. Ait enim: *Et comedite absque fermento juxta altare*. Ubique doctrinam theologiæ hanc significat, sacrificium similia sine fermento esse quantum ad exteriorem doctrinam volens; similiter etiam ostendens quod partialis quædam apud nos est theologia: in cælis quippe ejus est plenitudo, propter quod hoc quod remansit, id est, hoc quod superest comedi præcepit, ut ostendat summam apud eum esse atque servari. Oportet autem eam comedi juxta altare, id est, Christi corpus. Ex eo enim nobis theologia omnis ministratur, sed quod remansit de simila Aaron erit et filiorum ejus. Quæ vero de sacrificiis pacificorum sive salutaribus sunt, Aaron et filiorum ejus; sive secundum Septuaginta, *et domui ejus*, omnes videlicet populi. Theologiam quippe studere non omnium est, sed sublimium et appropinquantium Domino, atque eorum qui sequuntur Christum. Consequi autem ea quæ ad pacifica seu salutem pertinent, totius plebis sunt. *Inter hæc hircum qui oblatum fuerat pro peccato cum quæreret Moyses, exustum reperit, iratusque contra Eleazar et Ithamar filios Aaron qui remanserant ait: Cur non comedistis hostiam pro peccato in loco sancto quæ sancta sanctorum est, et data vobis, ut portetis iniquitatem multitudinis, et oretis pro ea in conspectu Domini, præsertim cum de sanguine illius non sit illatum intra sancta, et comedere eam debueratis in sanctuario, sicut præceptum est mihi? (Ex Hesychio.)* Quia omne peccatum per poenitentiam deletur, et quia hi prædictum peccatum alterius doctrinæ et blasphemix commiserunt, salvati non sunt, causam legislator hujus quæ eis sine misericordia venit mortis exponit. Hinc introducit Moysen pro peccato hircum, poenitentix videlicet oblationem, quia *quærens exquisivit*, sicut Septuaginta edunt: quod est, valde quæsit, iratusque ait his qui relictæ erant filiis Aaron quod non comederint hoc quod pro peccato erat in loco sancto, id est, pro eo quod poenitentiam in Ecclesiam commissi peccati peragi, ut sacerdotes non fecerint: ipsis enim comedere quæ pro peccato sunt et orare oratione quæ est pro poenitentia congregationis, et acquirere præceptum est. Quare? Quia Christus eos in proprium locum Ecclesiis constituit. Ipse autem suæ oblationis sanguinem, quæ pro nostro sanguine oblata est in sanctum, intus videlicet in cælestem habitationem, conspectui Patris sui obtulit, et in loco sancto, quem dicimus Ecclesiam, comedi hoc sacrificium ad remissionem et propitiationem peccatorum præcepit, propter quod ait Moyses: *Quemadmodum præceptum est mihi*, id est, quemadmodum præcepi et mandavi: Christi enim gerere personam etiam Moysem diximus. Inquiri autem non ignorans; nam quomodo in præcedentibus causam addidit: cum dixisset enim, hircum pro peccato quærens exquisivit Moyses, illico subdidit, *et hic incensus erat, sive exustum*

*reperit*, ostendens, ut quia alterius doctrinæ peccatum, blasphemia est in sanctum Spiritum. Propter quod Stephanus doctores Judæorum ut prævaricantes legem et inobedientes, *subduræ cervicis et duri cordis* appellat. Ut autem male interpretantibus legem et prophetas dicebat: *Vos semper sancto Spiritui restitistis (Act. vi)*, necessario eis ab intelligibili igne videlicet Spiritus pro poenitentia oblatio ablata est; et propterea pro peccato hircus exustus dicitur, quia scientes et voluntarie peccantes, etsi se dicunt poenitere, non poenitent pure. Blasphemio enim cor eorum obcæcatum est: propter quod et Paulus dicebat: *Voluntarie enim peccantibus nobis post susceptam cognitionem veritatis, jam non pro peccato relinquitur hostia (Hebr. x)*. Nam sicut vera poenitentia a clementissimo iudice veniam promereri potest, ita simulatio poenitentix non placat, sed irritat Deum, quia *Spiritus sanctus disciplinæ effugiet fictum*: de quo prædictus Apostolus ait: *Existimas hoc, o homo, quia tu effugies iudicium Dei? An divitias bonitatis ejus et patientiæ, et longanimitatis contemnitis, ignorans quoniam benignitas Dei ad poenitentiam te adducet; secundum duritiam autem tuam et impoenitens cor, thesaurizas tibi iram in die iræ et revelationis justitiae Dei, qui reddet unicuique secundum opera ejus (Rom. ii)*. Hoc enim sancti Patres irremissibile peccatum et blasphemiam in Spiritum sanctum esse dixerunt, quando quis in erroribus et sceleribus usque ad finem vitæ perseveraverit, nec vult dum tempus habet converti ad Domini misericordiam deprecandam, de salute sua magis desperans quam de Redemptoris omnium potentia confidens, cujus finis perpetuus erit interitus. Respondit Aaron: *Oblata est hodie victima pro peccato in holocausto coram Domino; mihi autem accidit quod vides, quomodo potui comedere eam? aut quomodo placere Domino in cæremoniis mente lugubri? Quod cum audisset Moyses, recepit satisfactionem. (Ex Hesychio.)* Hodie quod tempus oporteat intelligi, aperte nobis Paulus tradidit, cum dixisset enim David: *Hodie si vocem ejus audieritis, nolite obdurare corda vestra sicut in exacerbatione (Psal. xciv)*. Et interpretans ipse quia de præsentem quidem tempore usurpative, proprie vero de tempore quod post adventum Domini est, oportebat intelligi quod dictum est, vide quid subdidit: *Quoniam ergo superest quosdam introire in eam, et hi quibus prioribus annunciatum est, non introierunt propter incredulitatem: iterum terminat diem quamdam hodie, in David dicendo post tantum temporis sicut supra dictum est dicens: Hodie si vocem ejus audieritis, nolite obdurare corda vestra*. Si enim eis Jesus requiem præstitisset, nunquam de alio loqueretur post hanc diem; ergo his quæ prædicata sunt ostenditur, quia aperte tempus post adventum Salvatoris significat, in quo intelligibilis sabbati hominibus requies prædicta est. Hoc ergo Aaron ex persona dicere Ecclesiæ, ut figuram gerens, non solum Christi sed Ecclesiæ videtur, ut quia hodie obtulerunt quæ pro peccato suo sunt, et



holocausta sua, id est, quia post adventum Salvatoris deputati sunt ministrare et offerre pro pœnitentia, et philosophicam vitam exponere, alia docentes deprehensi sunt et talia in eis Ecclesiæ acciderunt, ut sacerdotum et magistrorum lugeret et ex blasphemia accedentem mortem, recte comedere hodie pro peccato non potuit, nec orationem adepta est pœnitentia, quia Domino videlicet Christo displicebat. Tractemus ergo ipsum locum. *Immolatus erat hircus pro peccato, et oblatus in holocaustum. Quæsit eum postea Moyses et combustus erat. Et iratus est Moyses ad filios Aaron Eleazar et Ithamar, qui superfuert, dicens: Quare non manducastis quod pro peccato oblatum est in loco sancto? Quoniam quidem sancta sanctorum sunt, hoc vobis manducare oportuit, ut auferatis peccatum synagogæ, et intus manducandum esse, sicut mihi præceptum est. Ait: Cum ergo iratum eum vidisset Aaron, placide respondit ei: Si hodie obtulerint pro peccato suo holocausta sua contra Dominum, et acciderunt mihi talia, manducabo quod pro peccato hodie obtulerunt, nunquid placebit Domino? Et audivit Moyses, et placuit illi. Quid ista significant consideremus. Nihil peccare solius est Dei, emendare sapientis est et corrigere erratum, et pœnitentiam gerere peccati: id tamen est difficile in hac vita hominum. Quid enim tam rarum quam ut invenias virum qui seipsum coarguat et factum condemnet suum? Rara itaque confessio de peccato, rara pœnitentia, rara in hominibus verbi ejus assertio. Repugnat enim natura, repugnat verecundia: natura, quia omnes sub peccato, et qui carnem gerit culpæ obnoxius est, ergo repugnat natura carnis et illecebra sæculi; innocentia integritatique repugnat etiam verecundia, quia erubescit unusquisque propriam culpam fateri, dum præsentia magis quam futura cogitat. Studebat autem Moyses peccati vacuum reperire animam, ut exuvias erroris deponeret, et munda culpæ sine ullo sui pudore discederet; sed non invenit, quia cito impetus irrationabilis prævenit, et flamma quædam celerrimi motus animam depascitur, atque exurit ejus innocentiam. Præponderant enim futuris præsentia, et violenta moderatis, et plura paucioribus, et jucunda seriis, et asperis mollia, et tristibus læta, et illecebrosa rigidioribus, et præpropere tardioribus. Velox enim est iniquitas quæ ad nocendum occasiones suggerit. *Quia veloces pedes ejus ad effundendum sanguinem.* Lenta autem virtus omnis et diuturna cunctatrix antejudicat, et adorienda incipit: ita mens boni speculatrix consiliorum suorum est, priusque examinat quid decorum atque honestum. Iniquitas vero opere cogitationi avertit. Pigra igitur et verecunda est pœnitentia, quia premitur et revocatur præsentium pudore. Solis enim intendit futuris, quorum spes sera, tardior fructus, et ideo petitio ipsa tardior. Inter hæc spei et virtutis molimina, præcurrit impudentia, et specie præsentium pœnitentia excluditur, et tanquam exurit affectus ejus, et hujusmodi aboletur invitus;*

A querit eam lex et non invenit. Ambusta est enim fervore et fumo iniquitatis, et indignatio quædam legis movetur. Dicit Moyses devorandam fuisse pœnitentiam in Sacerdotum sanctorum. Sacerdotes quasi seniores increpat. Respondit Aaron providum debere esse judicium sacerdotale, nec facile male sanæ conscientia committendum id muneri, ne fiat error deterior priore. Vase enim fetido, vel oleum vel vinum facile corrumpitur ac deterioratur. Quomodo autem poterat, ubi ignis alienus erat, peccatum exuri, et hoc sub conspectu Domini, cui et occulta sunt cognita? Nunquid potest placere Domino si quis cum adhuc versetur in iniquitatibus, et injustitiam corde inclusam teneat, dicat se agere pœnitentiam? Simile est ac si quis æger sanum se simulet, magis ægrotabit, quia nihil ei prodesse potest simulatio sanitatis, cum verbo adumbretur, non ullo fulciatur subsidio virtutis. Ignis itaque alienus est libido, ignis alienus est omne injustæ incendium cupiditatis, ignis est omnis ardor avaritiæ. Hoc igni nemo mandatur, sed exurit.

Nam ubi iste ignis alienus est, si quis in conspectu se offerat Domini, ignis eum cœlestis absumit, sicut Abi et Nadab, quos exussit ignis cœlestis, pariter cum his quæ pro peccato sacris fuerant oblata altaribus. Qui ergo vult mundare peccatum suum, ignem a se removeat alienum, illi soli igni se offerat, qui culpam non hominem exurit. Qui sit iste ignis, audi dicentem: *Quia Jesus baptizat in Spiritu sancto et igne (Joan. 1).* Hic est ignis qui siccat vitæ emorosa per duodecim annos sanguinem profluentem; hic est qui peccatum Zachæi abstulit dicentis: *quod dimidium donorum suorum daret pauperibus, et si cui quidquam abstulit, redderet quadruplum (Luc. xix).* Hic est ignis qui abstersit culpam latronis. Ignis enim consumens est, qui dixit ei, *Hodie metum eris in paradiso (Luc. xxii).* Illos itaque sanavit in quibus simplicem et puram reperit confessionem, nihil malignum, nihil fraudulentum. Denique Judas ad remedium pervenire non potuit cum diceret: *Peccavi, quod tradiderim sanguinem justum (Matth. xxvii),* quia alienum ignem volubat in pectore suo, qui eum inflammavit ad laqueum. Indignus enim remedio fuit, quia non intimo mentis conversus ingemuit et sedulo gessit pœnitentiam. Tantæ enim pietatis est Dominus Jesus, ut et ipsi donaret veniam, si Christi expectasset misericordiam. Hanc ergo culpam sacerdotes non auferunt, neque peccatum ejus qui in dolo se offert et adhuc in studio delinquendi est. Non enim possunt epulari in eo, quod plenum fraudis et serpentis interius cicatricis est. Cibus enim sacerdotis est in peccatorum remissione. Unde ait Princeps sacerdotum: *Meus cibus est ut faciam voluntatem Patris mei, qui in cœlis est.* Quæ est voluntas Dei, nisi ea: Cum conversus ingemueris, tunc salvus eris. In illo ergo subdolo cibus nullus est; denique nec ipse epulandi suavitatem capere potest, in quo non sincera et pura conscientia est. Amaritudo enim fraudis epulandi suavita-

tem obducit, nec permittit mala conscientia ut reficiat et pascat obnoxium animum poenitentia. Ideo ergo talis affectus, talis petitio, talis poenitentia non est usui aut voluptati sacerdotibus, meritoque hircus ille qui pro peccato oblatas est in holocaustum,

A quia non fuit sincera hostia, exustus est, quia in ejus sacrificio ignis alienus repertus est. Non est itaque complacitum et acceptum sacrificium Deo, non est acceptum, nisi quod fuerit in divitiis sinceritatis et veritatis probatum.

## LIBER TERTIUS.

### CAPUT PRIMUM.

*De animalibus quæ comedi debent, et quæ munda seu immunda sint.*

(LEVIT. XI.) Locutus est Dominus ad Moysen et Aaron dicens: Dicite filiis Israel: *Hæc sunt animalia quæ comedere debetis de cunctis animantibus terræ: Omne quod habet divisam unguam et ruminat in pecoribus comedetis: quidquid autem ruminat quidem, et habet unguam sed non dividit eam, sicut camelus et cætera, non comedetis illud et inter immunda reputabitis. Cyrogrillus qui ruminat, unguamque non dividit, immundus est. Lepus quoque, nam et ipse ruminat, sed unguam non dividit. Et sus, qui cum unguam dividat, non ruminat. Horum carnibus non vescemini, non cadavera contingetis, quia immunda sunt vobis.* (Ex Hesychio.) Hæc de quibus nunc sermo est et ipsa divina eloquia maximam videntur habere contrarietatem. Qui enim ad Noe dixit: *Omne quod movetur et vivit, erit vobis in cibum, et quasi olera virentia tradidi vobis omnia,* quomodo nunc quædam comedi de his quæ prius concessa sunt prohibuit? quomodo etiam quando faciebat bestias terræ secundum genus suum, et pecora, et reptilia, dictum est: *Et vidit Deus quod essent bona* (Gen. 1); et rursus, *viditque Deus cuncta quæ fecit et ecce bona valde.* Nullatenus autem bonum maxime et valde hoc quod immundum est esse potest, nunc autem tanquam oblitus quam de eis protulerat sententiam, quædam quidem animalium munda, quædam dixit immunda. Ergo quædam erunt bona, quædam non bona. Sed non est ita, nam et si ad modicum castigare Judæorum gastrimargiam volebat, tamen vera legis consideratio manifesta est et spiritalis præceptorum expositio, qualesque oportet esse legi studium dantes docendi intentionem legislator habet. Si enim *non in solo pane vivit homo, sed in omni verbo quod procedit de ore Dei* (Matth. 1v), sicut panis nutrimentum corporis, sic et lex Dei nutrimentum est animæ, ut pote rationalis rationali virtus et substantia. Et sicut in superioribus ex his quæ immolantur, figurat eos qui offerunt, per ovem significans simplicem, per vitulum mandatorum operatorem, per hædum vero poenitentem; sic etiam nunc significat per animalia eos qui eis vescuntur; ait enim sic:

*Locutus est Dominus ad Moysen et Aaron dicens: Dicite filiis Israel: Hæc sunt animalia quæ comedere debetis de cunctis animantibus terræ.* Communis est lex: mandatum hoc ad omnes pertinet, totius-

que populi est justificatio; loqui enim filiis Israel, omni videlicet populo, præcepit. Quid autem præcepit loqui? *Hæc sunt animalia quæ comedere debetis de cunctis animantibus terræ.* Nequaquam autem de animantibus terræ diceret, nisi intentionem haberet ab animalibus cælestibus distinguendi. Ibi enim leonis esse vultum, et vituli, et aquilæ, sicut et hominis, dum Ezechiel (Cap. 1) animalia cherubin tradit, edocuit; ergo in cælestibus animalibus custodia aut alia circumspectione non egemus ut cognoscamus quæ sint munda, omnia enim similiter munda et sancta sunt, sicut sancto Deo, et ea quæ in circuitu ejus sunt significat astantia. Terræ vero animalia non omnia sunt munda, non propter naturam, sed propter nostrum excessum, et quia per iniquitatem naturam depravavimus. Sed quemadmodum munditiam eorum cognoscamus vel immunditiam, ex his quæ sequuntur intuendum est: *Omne quod habet divisam unguam et ruminat in pecoribus, comedetis.* Animalium maxima virtus in unguibus esse creditur, quæ etiam cognationem habent cum dentibus, unguium siquidem est ea discernere quæ apta esui per dentes fiunt. (Ex Hesychio.) Primum enim sciendum est, quidquid a Deo institutum est mundum esse, et in ipsa institutionis auctoritate purgatum. Quid ergo est? in animalibus igitur mores pinguntur humani, et actus, et voluntates, ex quibus ipsi fiunt mundi vel immundi. Hæc itaque munda esse dicit: *Omne, inquit, quod habet divisam unguam et ruminat in pecoribus, comedetis.* Quod cum diceret, non pecora sed mores hominum discernerebat. Denique hi homines mundi sunt qui ruminant, qui in ore semper portant quasi cibum præcepta divina, hi et unguam findunt, quia duo Testamenta, Legis et Evangeliorum, credentes, se firmo gressu innocentia justitiaque statuunt. Item Judæi ruminant quidem verba Legis, sed unguam non findunt, hoc est, quod nec duo Testamenta recipiunt, nec in Patrem et Filium fidei suæ gressum statuunt, propterea immundi habentur. Hæretici quoque, licet unguam findant, in Patrem et Filium credentes, et duo Testamenta recipientes, sed quia doctrinam veritatis in ore non ruminant, nihilominus et ipsi immundi sunt. *Quidquid, ait, ruminat et habet unguam, sed non dividit eam, sicut camelus, etc., non comedetis illud, sed inter immunda reputabitis.* Camelus est Judæus tumens per superbiam, quales Scribæ sunt et Pharisei, ad quos dicebat Dominus: *Liquantes culicem, camelum autem glutientes* (Matth.

xxiii). Ergo Scribæ et Pharisei ruminantes comedunt, quia in legis litteræ gloriantur meditatione, et in cultu sabbati, purificationisque et sacrificiorum, aliorumque similibus; unguam autem non dividunt, ea quæ ab eis comeduntur, neque discernunt ab spiritu litteram, et propterea eorum scientia immunda est. Tales sunt et qui leporem comedunt, et qui chirogrillum; ruminant enim et ipsa, sed unguam non dividunt. In populari autem multitudine Judæorum utrumque accipitur, debilia quippe esse animalia hæc dicuntur, testante David et Salomone utrorumque animalium debilitates. Salomon quidem cum ait: *Lepusculus plebs invalida posuit in petra cubile sibi (Prov. xxx)*; David vero: *Petra refugium erinacis sive chirogrillis (Psal. ciii)*; quorum unum est velox et timidum cum infirmitate, id est, B Lepus; aliud autem debile quidem, sed rapax et bestiale atque mortiferum dicunt, id est, chirogrillus: quod omni quidem plebeio, maxime autem Judæorum inest populo. De quibus dixit David: *Veloces pedes eorum ad effundendum sanguinem (Psal. xiii)*. Quantum autem timidi et infirmi filii Judæorum sint, vox divina ostendit cum dicit: *Væ cordibus trepidis et manibus remissis*. Quanta autem injustitia et feritas apud eos erat, audi Isaiam dicentem: *Quomodo facta est meretrix civitas fidelis, plena iudicii? Justitia habitavit in ea, nunc autem homicidæ (Isa. i)*. Post hos suem dicit esse immundum, quia dāvidit unguam et non ruminat. Qui ergo sint qui emulcentur ac propterea illum comedere dicuntur. Petrum expositorem et magistrum suscipe: eum quippe qui habet scientiam divinorum, sed non illa bene utitur, actionibusque incongruis eam polluit, vitæque immundæ semetipsum tradidit, suem etiam ipse appellavit dicens: *Melius fuisset eis non cognoscere viam justitiæ, quam, cognita ea, retro reverti a tradito sibi sancto mandato: contigit enim illis res veri proverbii: Canis reversus ad suum vomitum, et sus lota in volutabro cæni (II Petr. ii)*. Sed quod his quæ dicta sunt addidit: *Horum carnibus non vescemini, nec cadavera contingetis, quia immunda sunt vobis*; hoc est, nec cameli, nec leporis, nec chirogrilli, nec suis, quæ inter immunda iudicavit.

Nam camelus Scribarum et Phariseorum, ut diximus, personam gestat, qui per superbiam multitiæ vitio notabiles sunt, quæ contraria est sapientiæ: stultorum quippe est proprium superbire. Lepus, ut timidus, fortitudini contrarius est; chirogrillus, ut rapax, justitiæ: sus, ut vita sordida vivens et immunda, castitati contraria est. (Ex Hesychio.) Horum nec carnes comedamus, id est, nec quam videntur habere virtutem sequamur; in hypocrisis enim illam et non in veritate sectantur, multo magis autem morticina eorum tangenda non sunt, nec malis eorum communicandum est actionibus. Ipsa enim huiusmodi procul dubio morticina sunt viri. *Hæc sunt quæ gignuntur in aquis, et vesci licitum est: omne quod habet pinnulas et squamas,*

*tam in mari quam in fluminibus, et stagnis, comedetis; quidquid autem pinnulas et squamas non habet eorum quæ in aquis moventur et vivunt, abominabile vobis et exsecrandum erit, carnes eorum non comedetis, et morticina vitabitis, cuncta quæ non habent pinnulas et squamas in aquis, polluta erunt.* Ex eo quod non aperte divina Scriptura genera piscium exposuit a quibus abstineri vult, superfluum est hæc in præsentem quærere, nusquam enim piscium in ea inveniemus vocabula. Semetipsam ergo in hoc etiam imitatur loco (Raban.). Verumtamen illud nunc notari oportet quia quemadmodum in spontaneis sacrificiis, quæ et dona legislator appellavit, aliquando quidem operatores legis, aliquando autem simplices, aliquando vero contemplatores, per oblationum significavit modos, aliquando eos qui salvantur ex gentibus, quibus et sacrificia de similia ut simplicibus deputavit; quod ostendit ex eo quod dicit: *Si anima obtulerit donum Domino*, non addens, *Si anima de populo terræ*, quemadmodum in aliorum sacrificiorum enuntiationibus solet: sicut ergo in illis, sic et hic per ciborum abstinentiam quales debent esse qui legem meditantur ostendere cupiens, per ruminare siquidem et unguam dividere Judæum significavit, qui debet legis implere mandata, et ab spiritu litteram dividere et legem spiritualiter intelligere. Per hæc autem quæ nunc dicta sunt ostendit de gentibus se loqui, unde et existimo non expressis nominibus piscium memoriam factam, quia nec nomina suorum scribi super terram cupit C Ecclesia. Unde et de illa David ait: *Scribantur hæc in generatione altera (Psal. ci)*, videlicet futura in cælis, ibi enim filiorum ejus scripta sunt nomina. *Hæc sunt quæ gignuntur in aquis, et vesci licitum est.* Intelliguntur per hæc hi qui ex gentibus salvati sunt, ut pote regenerationem habentes in aqua baptismatis. De quibus et Isaias dicebat: *Ecce gentes quasi stellæ situlæ (Isai. xl)*, sive, ut Septuaginta, *sicut aquæ multæ, gentes multæ*. Unde et eis conveniunt quæ sequuntur: *Omne quod habet pinnulas et squamas, tam in mari quam in fluminibus et stagnis, comedetis.* Eadem etiam his qui ex gentibus sunt de meditatione legis aliis præcepit verbis: vult enim eos habere in meditatione legis pinnulas, vitamque sublimem atque cælestem, sed expositionem legis huic similem, propter quod non pinnulam habere, sed pinnulas eos vult. Quia autem ignorantia divinæ Scripturæ gentes obtinuerat, non enim susceperant legem neque prophetas, nec alia in eis erat scientia divina subtilior, ne ergo hoc morbo permanenti et perpetuo laborarent, squamas eos habere vult, quæ facile auferrentur. Quia autem squamæ temporalem et qua facile carcatur ignorantiam significant, demonstrant ea quæ de Paulo scripta sunt in apostolorum Actibus (cap. ix); cum enim zelo Judaico Ecclesiam persequeretur, ignoraretque eum quem persequeretur, facile caruit zelo propter ignorantiam; postquam cognovit quem persequeretur, vocatus a Christo, et postquam ei ab Anania evangelizatum est, squamæ

eciderunt ab oculis ejus, et mox vidit. Ergo in modum squamarum superjacebant instantes ei temporales ignorantiae. Unde nimis consequenter legislator subdidit: *Quidquid autem pinnulas aut squamas non habet eorum quæ in aquis moventur et vivunt, abominabile vobis et execrandum erit.* Sicut enim quædam piscium genera testam pro pelle habentia, quorum squama auferri non potest, tales sunt qui nec squamas ignorantie verbo Dei deponere, nec cultum spiritus suscipere patiuntur; hi etsi in mari inveniantur baptismatis, etsi in fluminibus penitentiae, abominabiles sunt in omnibus quæ moventur et vivunt in aquis. Et cum vitam sortiti sint in baptisate, vocationem tamen regenerationemque corruperunt, dum pinnulas et squamas non habent, sublimem videlicet vitam cognitionemque divinatorum, quæ cælestis est, sed cor cæcum in ignorantia detinent, et propterea in his qui squamas habent non annumerantur. Intende autem quanta subtilitate sermonum, ut videlicet maxima per eos mysteria et admirabilia significans, legislator utatur. Pinnulis enim squamas conjunxit; quia quemadmodum piscibus quibus sunt squamæ, his sunt omnimodo et pinnulae, sic quibus ignorantia temporalis est, et quæ propterea cito careri possit, his et cognitio sublimis et vita cælestis addicitur. Horum ergo qui non sunt tales, nec carnes comedere, sed nec morticina tangere, nec aliquam communionem omnino cum eis habere oportet. Quod testatur Paulus dicens: *Si is qui frater nominatur, est fornicator aut avarus, aut idolis serviens, aut maledicus, aut ebriosus, aut rapax, cum hujusmodi nec cibum sumere (I Cor. v).* Adulter aut avarus, aut ebriosus, aut detractor, non habet pinnulas, vitam videlicet habens sordidam et immundam; idolorum autem cultor in his qui squamas habent non computatur, duram quippe et in morem testæ, atque insanabilem habere videtur divinatorum ignorantiam; alias nequaquam postquam Deo conjunctus est ultra servisset idolis. (Ex Gregorio.) Præterea notandum est quod pisces qui pinnulas et squamas habent, dare saltus etiam super aquas solent. Quid ergo pinnatis piscibus nisi electæ animæ figurantur, quia profecto solæ in cælestis Ecclesiæ corpus transeunt; quæ modo virtutum pinnulis fultæ, saltus dare per cæleste desiderium sciunt, ut supernam contemplationem appetant, quamvis in seipsis iterum ex mortali carne relabantur. Soll ergo in electorum corpore quasi cibus electus transeunt, qui in eo quod in imis deserviunt, aliquando superna conscendere mentis saltibus sciunt, ne semper in profundis curarum lateant, et nulla eos amoris summi quasi liberi acris aura contingat. Qui ergo rebus temporalibus occupantur, tunc bene exteriora disponunt, cum sollicitè ad interiora refugiant, cum nequaquam foras perturbationum strepitus diligunt, sed apud semetipsos intus in tranquillitatis sinu requiescunt.

*Hæc sunt quæ de avibus comedere non debetis, et vitanda sunt vobis: Aquilam, et gryphem, et halicæ-*

*tum, et milvum ac vulturem juxta genus suum, et omne corvini generis in similitudinem suam: struthionem et noctuam, et larum et accipitrem juxta genus suum: bubonem, et mergulum, et ibin, cygnum et onocrotalum et porphyriorem, herodionem et charadrium juxta genus suum, upupam quoque et vesperilionem. (Ex Hesychio.)* Nec eorum qui ad contemplationem vacant vitam, in hoc legislator indiscussam reliquit; sed quemadmodum in oblatione sacrificiorum proprium eis legis capitulum deputavit, ita et in inquisitione ciborum fines eis proprios dedit, quos producens et terribiliores faciens, non sicut de pecoribus et de piscibus, etiam de his sancit. Ibi enim ait: *Hæc sunt animalia quæ comedere debetis, de cunctis animantibus terræ; et rursus: Hæc sunt quæ gignuntur in aquis, et vesci licitum est; hic autem: Hæc sunt, inquit, quæ de avibus comedere non debetis, et vitanda sunt vobis.* Vere abominatione dignum est et valde inter illicita atque nimis evitanda connumerandum, contemplationi vacantem quempiam, sponte tales habere maculas quales per denumeratas aves legislator significat; ait enim *aquilam, et gryphem, et halicætum, et milvum ac vulturem juxta genus suum.* Rapaces et cibum alienum male sectantes, quæstibusque injustis gaudentes, per prædicta significat; quia enim quidam inveniuntur in ecclesiis inter eos qui putantur contemplationi operam dare, qui non quemadmodum debent ad hoc vacant, sed frustra inflantur, audi Paulum dicentem: *Si quis alta docet et non acquiescit sanis sermonibus Domini nostri Jesu Christi, et ei quæ secundum pietatem est doctrinæ, superbus est, nihil sciens, sed languens circa questiones et pugnas verborum, ex quibus exoriuntur invidia, contentiones, blasphemias, suspiciones malæ, confictationes hominum mente corruptorum, et qui a veritate privati sunt, existimantium quæstum esse pietatem (I Tim. vi).* Hos ergo significant ea, quæ nunc denumerata sunt, animalia victum ex rapina conquirentia: quædam autem ex his alias aves invadunt, et ex venationibus earum nutriuntur; alia vero in domos ingredientia diripiunt quæ repererint, ne quidem gerentium se obsoniis parcentia; quibus sunt similes quidam qui *penetrant domos, et captivas ducunt mulierculas oneratas peccatis (II Tim. iii);* quas Paulus arguit. Vultur rixis et bellis gaudet, propter cadavera præliorum, in tantum ut etiam sequatur exercitum. Non ergo oportet aliorum casibus pasci atque nutriri eum qui contemplationi dat operam. Corvini ergo generis animalia sunt affectuâ expertia, quod manifestum est ex eo quod emissus a Noe ex prima cum corvus avolatione transgressus est, cui similis Judas circa suum magistrum fuit et Dominum. Struthio avis quidem est, sed volare non potest, totamque vitam suam circa terram occupat, quales sunt quidam Deo militantes et sæculi negotiis se implicantes. Noctuam vero, pro qua Septuaginta *glaucum* dixerunt, hanc asserunt in nocte acuti esse visus, sole autem apparente minus utilitate oculorum frui; tales sunt qui Legis gloriantur contemplatione

et scientia, lucem evangelicæ conversationis capere non valentes. Larus animal est in utroque vivens, id est aqua et terra; qui sicut avis quidem volat, ut aquaticum autem natat: cui non male comparantur hi qui simul circumcisionem venerantur et baptismum, ad quos Paulus dicit: *Si circumcidimini, Christus vobis nihil prodest (Galat. v)*. Accipiter inter rapaces aves est; habet autem quiddam aliud, propter quod a legislatore positus est; mansuescit quippe et cooperatur ad rapacitatem; quem imitantur hi qui mansueti quidem videntur esse et sensu tranquillii, sunt autem cum potentibus et avaris atque rapacibus. Nycticorax animal est quod in nocte tantummodo rapit atque operatur, sicut sunt gentes intelligibiles noctis operibus, quæ sunt: fornicatio, immunditia, impudicitia, idolorum cultus, et his similia (*Ibid.*). Ibis et porphyrio, et quem Septuaginta nominant pelicanum, et cygnus, et herodius, et charadrius, longi esse colli, trahereque cibum ex altitudine terræ atque aquarum dicuntur: quæ animalia imitari, nec de inferioribus evellere cibum, sed de cælestibus. Ille siquidem contemplationi vacat, qui ad superiora mente contendit, et non solum intelligibilem, sed et sensibilem cibum a Deo expectat: unde ait Dominus: *Notite solliciti esse animæ vestræ quid manducetis, neque corpori quid induamini. Scit enim Pater vester cælestis quia omnibus his necesse habetis (Matth. vi)*. Upupa lugubre animal amansque lutuum est: sæculi autem tristitia mortem operatur, propter quod oportet eum qui diligit Deum semper gaudere, sine intermissione orare, in omnibus gratias agere, quia gaudium fructus est spiritus. Vespertilioes circa terram volant, ita ut pennis pro pedibus utantur quando ambulant, quod indignum est in eis qui contemplationi dant operam; quorum enim est volatus circa terram, horum etiam contemplatio procul dubio in terrenis occupatur. Non ergo incredulus sis nec dubites, quod etiam hæc quæ nunc dinumerata sunt animalia ad ostensionem figuramque eorum a quibus abstinere debent contemplationi vacantes posuit legislator. Sed, inquires, Quomodo horum animalium non cibis sed imitatio prohibetur; cur pelicano et nycticoraci David propheta semetipsum comparaverit, dicens: *Similis factus sum pelicano in solitudine, factus sum sicut nycticorax in domicilio (Psal. ci)*; per aquilam autem Moyses ipsum significet Deum dicentem ad Israel, *Quomodo portaverim vos super alas aquilarum (Exod. xix)*? nam et prophetæ leonem Christum appellant; leonem autem e diverso Petrus esse diabolum dicit: nec tamen secundum hoc leo Christus secundum quod diabolus dicitur, absit a nobis, absit ista impietas; sed quia simul regium, nec non rapax atque immite est animal, cumque dignitatem laudabilem, vituperabilem tamen operationem gerat, quod quidem laudabile habet, hoc in Christi regno accipitur, quod autem vituperabile in diabolo, id est, rapacitas, immansuetudo. Quod et in aquila considerantes, sine aliqua dubietate reperimus: propter altitudinem

A enim volatus ejus, figuram ejus in Deum Moyses sumpsit; quia vero rapax, a cibo ejus abstinendum dixit. Propheta autem David, lugens hominem in peccato constitutum, nycticoraci hunc sicut in nocte viventem comparavit; per pelicanum autem, ut pote per animal amans solitudinem, figuravit eum qui forsitan amicis desolatus est aut cognatis, aliorumque similibus societate destitutus. (*Ex Augustino.*) Sed ut hæc cuncta breviter replicentur de exemplo animalium, vitam damnat informem et criminibus tortuosam.

(*Ex Hesychio.*) Cum autem in cibum suum prohibet, reprehendit utique cœnosam, et luteam, et gaudentem vitiorum sordibus vitam; ut cum leporem accusat, deformatos utique in feminis viros damnat. B Quis autem mustellam cibum faciat? sed furtum reprehendit; quis lacertam? sed odit vitæ incertam varietatem; quis postremo stellationem vesci possit? ut hæc lex magnopere prohiberet, sed maculas mentium exsecratur; quis accipitrem, aut milvum, aut aquilam? sed odit raptorem, violento scelere viventes; quis vulturem? sed exsecratur prædam de aliena morte quærentes. Sic et cum corvum prohibet, voluntates negras; passerem quoque dum interdicit, intemperantiam coarguit; quando noctuam, odit lucifugas varietates; quando casandrium [charandrium], genus aulam nimis diligens, linguæ intemperantiam; quando cygnum prohibet, cervicis altæ superbiam denotat; quando vespertilionem, quærentes tenebras noctis, similiter et errores.

C *Omne de volucris quod graditur super quatuor pedes, abominabile erit vobis. Quidquid autem ambulat quidem super quatuor pedes, sed habet longiora retro crura, per quæ salit super terram, comedere debetis: ut est bruchus in genere suo, attacus atque ophiomachus, ac locusta, singula juxta genus suum.* Ab omni mundos ecce peccato atque actione sordida eos qui contemplativam vitam pollicentur oportet; propterea quicumque quidem volatilibus similes sunt supernorum, videlicet assequi contemplationem promittentes quæ ducit ad cælos; sed reptilibus comparantur, quia pascuntur terram, et concupiscentiis operam dant, etiamsi in quatuor ambulant pedes, id est, etsi evangelicam simulant prædicationem, quæ dicit: *Non veni vocare justos, sed peccatores in penitentiam (Matth. ix)*; et: *Non habent necesse sani medicum, sed qui male habent (Ibid.)*; a quo latro salvatus est, et adultera justificata. Et qui plus debebant, plus diligere ignoscentem dicuntur: sed tamen quia non secundum veritatem socialem amplectuntur vitam, abutuntur autem compassione prædicationis pro suis voluptatibus, immundi sunt atque abominabiles, ut pote qui in tali conversatione et in tanta scientia turpem quamdam ingrediuntur et immundam vitam. Quibus autem sunt crura excelsiora pedum, ut per ea exsiliunt a terra, inter munda propterea ponuntur, quia cum sint in carne, non secundum carnem militant, sed a sordidis exsiliunt actionibus, et sæcularibus hominibus, ut do-

ceant eos atque instruunt, permiscerentur; ita ut et cum adulteris aliquando et cum publicanis habitent, et tamen immundis eorum non commisceantur actionibus: resiliunt enim ab eis et avolant, et cum societatem peccati ipsorum refugiant, peccatoribus tamen, ut eos a peccatorum sordibus liberent atque rorent, plerumque cohabitantes; sicut Dominus: *Qui peccatum non fecit, nec in ore ejus dolus fuit* (I Petr. II), cum peccatoribus comedeat et bibebat, doctrina eos institutioneque justificans, et ad sui provocans æmulationem, nihil eorum ipse imitans, nec ab eis inquinatus; propter quod dixerunt Caustica canticorum: *Ecce iste venit saliens in montibus, transiciens super colles* (Cant. II).

Oportet ergo nos habere crura sublimiora pedibus, non qualia Judæorum pedes habent, qui in utrisque vestigiis suis, in lege videlicet et prophetis, claudicant, sed qualia habent ea quæ dicuntur cherubin. De quibus dictum est: *Et crura eorum crura recta, et pinnati pedes eorum* (Ezech. I). Recte et indeclinabiliter in evangelicis pedibus, de quibus dictum est: *Calceati pedes in præparatione Evangelii pacis* (Ephes. VI); hic quamvis super terram ambulet, quamvis cum peccatoribus, dispensationis cujusdam gratia juvenisque, conversetur, illud implens apostolicum: *Si quis vos vocat infidelium ad cenam, et vultis ire, omne quod vobis appositum fuerit comedite, nihil interrogantes propter conscientiam* (I Cor. X), tamen volatile permanet et mundus est, sciens a terra emicare atque exillire, et non adhærere sæcularibus actionibus. Bene autem talium animalium etiam vocabula protulit legislator, bruchum et locustum, attacum atque ophiomacum nominans. Cujus autem operationis sint sive virtutis, Nahum propheta satis explanat, ait enim: *Bruchus expansus est et avolavit; custodes tui quasi locustæ locustarum, quæ considunt in sepibus in die frigoris* (Nahum, III): vel sicut Septuaginta: *Emicavit sicut atteleus commixtus tibi, sicut locusta quæ transcendit macerium in die frigoris*. Ex quibus cernis quia et si peccatoribus commisceamur, et si in die gelu sive pruinae, id est, abundantiae peccati: *Cum enim, inquit, abundaverit peccatum, refrigescet charitas multorum*, transiliamus maceriam, spinosam videlicet peccatorum coacervationem, non similes effecti eis, sed subjicientes eos nobis, ut fiant doctrinæ obediētes, aperte salvamus et salvabimur. Unde ait Paulus: *Factus sum Judæus sicut Judæus; his qui sub lege sunt, quasi sub lege essem, cum ipse sub lege non essem; his qui sine lege sunt, quasi sine lege essem, cum ipse sine lege Dei non essem, sed sub legem esse Christi: omnibus omnia factus sum, ut omnes lucrifacerem* (I Cor. IX). Sed tamen in morem bruchi impetum facere et evolare necesse habemus, ut sicut locusta sive attacus esse qui pro hujusmodi attacum dicunt, exillire possimus et emicare: sic enim apte conveniet, quod in eodem propheta sequitur: *Sol ortus et elevatus est, et non est inventus locus ejus: quoniam orto justitiæ sole qui illuminat abscondita,*

emicant atque exsiliunt hi qui cum peccatoribus conversantur ad solatium justitiæ, et non jam locus illorum ille esse cognoscitur, cujus habitum pridem demonstrabant, cum quodammodo venerarentur quos et erat necesse salvari. Ophiomaci autem ab appellatione manifestatur et virtus, quem imitari bonum est, et intelligibilibus repugnare serpentibus: *reminiscentes quod non sit nobis colluctatio adversus carnem et sanguinem, sed adversus principes et potestates, adversus mundi rectores tenebrarum harum, contra spiritalia nequitiæ in cælestibus* (Ephes. VI): hi sunt quippe intelligibiles serpentes et venenati dracones.

*Quidquid ex volucris quatuor tantum habet pedes execrabile erit vobis, et quicumque morticina eorum tetigerit polluitur, et immundus erit usque ad vesperum; et si necesse fuerit, ut portet quidpiam horum mortuum, lavabit vestimenta sua, et immundus erit usque ad solis occasum. Omne animal quod habet quidem unguam, sed non dividit eam, nec ruminat, immundum erit, et quidquid tetigerit, illud contaminabitur.* (Ex Hesychio.) Quod reptilia volatiliū quæ in quatuor ambulant pedes, eos qui abutuntur evangelicam vitam, et vitam sectantur sordidam et immundam significant. Dividere autem unguam, sicut hic Septuaginta dicunt, sed non ruminare, id est legem quemadmodum oportet meditari, et litteram dividere ab spiritu, sed non ea quæ in ea scripta sunt operari, neque ita conversari in præcedentibus ostendimus; unde necessarie eorum morticina, id est, actiones in quibus peccati morte intereunt, fugere præcepit, et nullo modo participari talibus, nec contingere ea; non solum autem tangentes, sed et portantes aut accipientes quidpiam ex eis pollui-mur. Portat autem peccata, qui dicit malum bonum, et amarum dulce, et tenebras lucem: quod Isaïæ prophetæ reprehenditur voce, quia per hoc exercens alium ad iniquitatem, et invitans ad malum, a quo prohibere debuerat, super semetipsum quodammodo suscipit jugum (Isa. V). Non autem oportet quempiam peccatum alterius in semetipsum transferre. Ob hoc enim et David ait: *Et ab alienis parce servo tuo* (Psal. XVIII). Si enim alienorum participes efficiamur peccatorum, immundi usque ad vesperam permanemus, id est, usque dum agamus pœnitentiam, hanc enim vesperam David ait: *Ad vesperam demorabitur fletus, et ad matutinum lætitia*. Propterea lavari quoque vestimenta legislator præcepit, aperte demonstrans quod immundus usque dum actiones nostras lacrymis diluamus.

## CAPUT II.

### De immunditiis morticinæ animalis.

(IBID.) *Quod ambulat super manus ex cunctis animantibus quæ incedunt quadrupedia, immundum erit; qui tetigerit morticina eorum pollutus usque ad vesperam; et qui portaverit hujusmodi cadaverem, lavabit vestimenta sua, et immundus erit usque ad vesperam: quia omnia hæc immunda sunt vobis.* (Ex

*Haychio.*) Nullum lex peccatum præterit tacite, sed quæcumque actiones per evangelicum Testamentum prohibita sunt, textus has prius ænigmatibus ut utriusque sanctionis consonantiam discens, confitearis Deum qui in eis locutus est, timensque recedas ab omnibus quæ prohibuerunt. In quatuor ergo incedit qui ad evangelicam conversationem migrat; ambulat autem in manibus, qui quæstus eam causa lurique turpis adipiscitur, manus cito imponens, ut ex ea quidpiam capiat commodi, hic omnibus recte connumeratur atque comparatur bestiis. Sive enim adulterum dicas, sive avarum, sive homicidam, sive detractorem, sive blasphemum, in his omnibus est, ut pote omnium peccatis communicans per injustam manus impositionem. Hujus morticina sunt hi quibus manus imposuit. In ipsis enim patitur peccati mortem. Qui ergo tangit ea et qui levaverit ex eis, recte polluitur; qui quidem tangit ea, id est, qui conversatur dicit, quia nullatenus competentem dignitatem arripuerunt, quam cauponantes, olim omnimodo per hanc justificati sunt, sed post hæc in antiquis iniquitatibus permanent. Sed et qui portaverit ex eis, veluti portans falsum testimonium, perhibendo, et dicendo dignum qui indignus est, immundus erit usque ad vesperam, quam superius diximus pœnitentiam: lavans autem vestimenta mundabitur.

*Hoc quoque inter polluta reputabitur de his quæ moventur in terra: Mustela et mus, et crocodilus, singula juxta genus suum; migale et cameleon, et stellio ac lacerta, et talpa, omnia hæc immunda sunt; qui tetigerit morticina eorum, immundus erit usque ad vesperam.* (Ex eodem.) Nec nunc Dei creaturam legislator accusans immunda haberi hæc præcepit animalia; nam quomodo ea alio divinæ Scripturæ loco reperies esse laudata. Salomon quippe in Proverbiis dicit: *Quatuor sunt minima terræ et hæc sunt sapientiora sapientibus* (Prov. xxx). Inter quæ leporem, sive, secundum Septuaginta, *erinacium*, et stellionem computavit: quorum unum superius cum camelo et lepore ut immundum lex accusavit; stellionis autem nunc mentionem fecit. Non ergo natura eorum immunda est, sed nec omnis actio; nam quomodo poterant ista laudari? Sed quædam circa ipsa sunt actiones aptæ irrationabilibus animalibus, et quæ nullum judicium exigunt, quæ nec nobis aptæ sunt, nec propriæ nostræ sunt, atque propterea quando a nobis continguntur, immundos nos faciunt. Per terram vero repere non est hominum, quibus concessum est ut recti incedant cœlumque respiciant: quia super terram repere est sordida opera terrenaque gerere, quæ per differentiam animalium, quæ nunc denumerata sunt legislator significavit. Mustela enim animal est dolosum et valde furti vacans. Mus propter ventris ingluviem multa quotidie pericula sustinet. Crocodilus dari corii et malitiosus est, lutoque pascitur. Migale animal est compositum, non natura sed vitæ conditione ad deridendum aptum, id est, ut dolos faciat, ea rapiat, ventrem-

que repleat: propter quod compositum nomen accepit ex utroque animali, ex quo hæc habet vitia. Cameleon in malo miserescit, et præ infirmitate mansuetum esse se fingit, cum sit immanissimum animal. Stellio, id est, ascalobotis, nimis quidem parvulus vel miserimus, venenosus tamen est. Lacerta in sepulcris habitat. Talpa cæcum est animal, quod de terra generatur; dicunt enim eam de terra simul et pluvia creari corrupto luto, cum prius pluviam suscipit. Hæc ergo immunda sunt, de omnibus quæ repunt super terram; non quia alia non sunt immunda, sed quia hæc maxime sunt, propter quod pollutionem majorem habent, sive malitiam. *Omnis qui tetigerit morticina eorum, immundus erit usque ad vesperam.* Bone ergo probat intentionem legislatoris ipsa littera. Si enim immunda natura essent, ea quæ nunc dicta sunt animalia, oportebat immundum esse, et qui ea viventia tangeret. Nunc autem qui tetigerit morticina eorum, ipse solus immundus est. Morticina eorum sunt prædictæ actiones, id est, dolus, furtum, duplicitas sive ironia, et circa alia occupatio, nec non circa terrena festinatio, ex qua mentis cæcantur oculi. Quia ergo in his animæ contingit mors, morticina recte nominantur; et qui ea tangit, id est, qui in eis polluitur, sicut et Paulus ait: *Bonum est homini mulierem non tangere* (I Corinth. vii), procul dubio immundus est. Nihil enim sic hominem polluit, ut peccatum, usque dum vespera veniente, de qua David dicebat: *Ad vesperum demorabitur fletus* (Psal. xxix). Ait autem de pœnitentia, intelligibili purificatione ut diluamus.

*Et super quod ceciderit quidquam de morticinis eorum polluetur, tam vas ligneum et vestimentum, quam pellis et cilicia, et in quocumque fit opus, tingentur aqua, et polluta erunt usque ad vesperam, et sic postea mundabuntur. Vas autem fictile, in quo horum quidquam intro ceciderit polluetur, et idcirco frangendum est.* (Ex eodem.) Admirabili divisione etiam nunc utitur legislator: quia enim aliquando ex negligentia, aliquando peccamus ex opere malorumque studio, sicut illi de quibus Salomon in Proverbiis dicebat: *Cui vix? Cujus patri vix? Cui iræ? Cui rixæ? Cui sine causa vulnera? Cui suffusio oculorum? Nonne his qui student vino, et vacant calicibus epotandis* (Prov. xxiii)? Recte hos inter eos qui tangunt morticina posuit, qui venientem animæ negligentiam et ob stuporem defectumque virtutum delinquant: quemadmodum David surgens meridie de stratu suo, et ambulans in solario, et Uriæ uxorem lavantem se videns, captus a muliere est, quæ nimis erat pulcherrima; qui adulterium simul, homicidiumque commisit (II Reg. xi). In hos cadere morticina dicuntur; neque enim ipsi ad peccatum festinaverunt, sed inciderunt in eis, et quodammodo super se cadens peccatum suscipiunt; quia autem omnino susceperunt et non restiterunt, propterea recte immundi sunt. *Tam vas ligneum et vestimentum, quam pellis et cilicia;* id est, sive vitam levem quamdam et mediocrem habeat. Ta-

ad enim sunt vasa lignea, aut tangendum Al. A  
 legem dicitur summum sicut est vestimentum,  
 sive patientem, quam pellis significat, sive eam,  
 que est patientia. Nudo enim cunctum sive sacrum  
 videretur. Omnino autem vas est in quo opus possit  
 fieri. Sic enim intelligis, in quocunque in  
 vasa posita erant usque ad vesperam, id est, usque  
 tempus peractum.

Corinthios. Vas autem terre, qui totus terrenus  
 est, necesse est secum conspersus. In hunc si in-  
 ciderit morticinum, peccatum quod ad mortem est,  
 inersisque eum penetrat, domineurque ei: sicut  
 David dicebat: *Et incidit de maledictionem sicut ve-  
 simentum, et thesauri sicut aqua in interiora eius*  
 (Paul. civi), qui non solum ingredit maledictionem,  
 sed et consistit in eo in quo ingressa est dicit,  
 necessario illud conterri precepit. Neque enim eius  
 immunditia sicut aliorum facile purgari potest, la-  
 bore quippe multo et contritione, et quodammodo  
 reformatione contrite et humiliate mentis eget,  
 sicut ait David, si mundari vult. Unde et beatus  
 Paulus etiam qui cum uxore Patris fornicatus est  
 in tantum contrivit, ut *Satanæ eum traderet in ip-  
 sivitatem carnis, quatenus in tali contritione salvaret spi-  
 ritum* (I Corinth. vi).

Omnis cibus quem comeditis et iusa fuerit super  
 eum aqua, immundus erit, et omne liquens quod bibitur  
 de universo vase immundum erit. (Ex eodem.) Cibum  
 esse et potum in omni vase, bonis actiones intelli-  
 gimus; propterea enim dixit, *Cibus quem comeditis,*  
 et *liquens quod bibitur*, quia malarum actionum et  
 cibus et potus prohibetur, id est, earum communi-  
 catio. Si ergo in aliqua bonarum actionum quæ in  
 omni vase sunt, id est, in omni homine, sive  
 principe, sive plebeo, sive sapiente, sive impe-  
 rito, tantum quodlibet eorum quæ dicta sunt inci-  
 det in morticinorum, necessario immundus erit.  
 Nam et si non ab initio mala quadam intentione  
 actionem bonam coeperit, sicut hi faciunt qui pro-  
 pter negotiationem vel lucrum pietatem fingunt,  
 postea autem inciderit actioni ejus superbia, do-  
 lus aut hypocrisis, vel simile quidpiam quod mor-  
 ticinum ut pote mortem quodammodo participantem  
 inferens dicitur, erit et hic immundus. Bonam si-  
 quidem actionem mala subingrediens intentio pol-  
 lut.

Quia autem addidit legi quæ est de cibo, *Si iusa  
 fuerit super eam aqua*, ostendit eas quæ sunt post  
 baptismum actiones, quæ sint; et sermo ei de fidei  
 et baptizato est; de infideli autem actione nullam  
 mentionem facit. Quod probat beatus Paulus, di-  
 cens: *Scripti vobis in Epistola: Non commisceri  
 fornicariis. Non utique fornicariis hujus mundi,  
 aut avaris, aut rapacibus, aut idolis servien-  
 tibus: alioquin debueratis de hoc mundo exisse.*  
*Nunc autem scripsi vobis: Si is qui frater nomi-  
 natur, est fornicator, aut immundus, aut avarus,  
 aut idolis serviens, aut maledicus, aut ebriosus, aut*

rapax, cum hujusmodi nec cibum sumere: quod  
 enim mihi de his qui foris sunt iudicare (I Corinth.  
 v). In tantum nullus ei sermo est de actione sive  
 conversatione eorum qui foris sunt.

CAPUT III

Fontes et cisternæ a morticinis munda sunt, non  
 vasa ferrea.

(Ibid.) Et quidquid de morticinis istiusmodi ca-  
 derit super illud, immundum erit, sive cibum, sive chy-  
 tropodes destruentur, et immundi erunt. Fontes vero  
 et cisternæ et omnis aquarum congregatio munda erit.  
 Qui morticina eorum tetigerit, polluetur. (Ex Hesychio.)  
 Si autem cibani et chytropodes nocentur, quomodo  
 non magis aquarum collectiones in quibus contingit  
 animalia hæc incidentia computrescere? Sed putas:  
 Quid cibani vel chytropodes significant? Magistros  
 videlicet in quibus cibi sacræ doctrinæ coquantur,  
 operationis Spiritus igne supposito. Non est autem  
 mirum cibanos eos per metaphoram et chytropodas  
 appellari, quia in multis scimus divinam Scripturam  
 talibus usam nominibus. Nam David *Moab*, id est  
 gentem, *lebelem* appellavit. Ait enim: *Moab olla spe-  
 meæ* (Psal. lxx), propter baptismatis aquas quæ in ea  
 calefiunt. Sed et Ezechiel *lebetem* Jerusalem ap-  
 pellant, sed plenum carnibus, sive, ut Septuaginta  
 veneno, viros in ea male docentes, et viuentes signi-  
 ficans.

Secundum hanc ergo rationem cibani et chytro-  
 podes quibus coquantur cibi videlicet *populi doctrinæ*  
 dici possunt. His ergo si inciderit morticinum, id est,  
 si peccanti [Al., peccati] mortificantis actio su-  
 pervenerit, immundi sunt et destruuntur, quis qui  
 docent non furari furantur, et qui prædicant non me-  
 chari mœchantur. Doctrina autem siquidem bona  
 est, non est immunda, nec divina propter hoc ab-  
 ominantur eloquia, quod ex eis quidam forsitan im-  
 mundi prædicatores effecti sunt, et propterea fontes,  
 videlicet opulentas doctrinas, et cisternas sive lacus,  
 linguas loquentes mediocria et doctrinam mutuatam  
 habentes, sed et collectiones aquarum, eos qui in-  
 dique hujusmodi verborum affluentiam congregant  
 esse munda.

Bene autem lex subdidit, *Qui morticina eorum  
 tetigerit polluetur*, ubi Septuaginta edunt, *Qui res  
 tetigerit omnem immunditiam anima morticinorum  
 ipsorum immundus erit*. Et animam addiderunt, ne  
 forte putares de rebus sensibilibus aut bestiis  
 dici: nam eorum qui tangit morticina, non animæ  
 sed corporis immunditiam tangit.

Ergo de doctoribus intelligendum est, qui im-  
 mundi facti sunt immunda quadam et mala actione.  
 Horum enim doctrinis quando fuerint secundum  
 legem Dei intendere, operibus autem eorum nudo  
 modo communicare, nec tractare ea, vel omnino  
 contingere debemus, reminiscentes verborum Do-  
 mini, quæ ad confirmationem presentium dixit ad  
 populum sive discipulos: *Super cathedram Moysi  
 sederunt scribe et Pharisei; omnia quæcunque di-*



cunt vobis facile, et custodite: secundum autem opera eorum nolite facere (Matth. xxiii).

Si ceciderit super semenem non polluit eam: si autem quispiam aqua semenem perluerit, et postea a morticinis tacta fuerit, illi polluetur. (Ex eodem.)

Nihil indiscussum relinquit legislator, sed omnia in subsequenti discutit, perfectionem legis spiritalem probare desiderans, nisi imperfecta eis videbatur, quando solam intuebantur litteram.

Differentiam igitur hic infidelium qui necdum baptizati sunt exponit, et semen utroque appellat, ut pote qui susceperunt regni prædicationem, de quibus Dominus parabolam seminis proponens dicebat: Bonum semen, filii sunt regni (Matth. xiii); sed sementem, quæ necdum seminata est, unde Septuaginta ediderunt: semen sativum, quod seminabit, id est, quod necdum seminatum est, seminandum autem est; eos qui necdum baptizati sunt, baptizandi autem sunt, recte appellavit. Super hos si quid prædictorum morticinorum cadat, quia necdum cautelam mysteriorum acceperunt, nec integram Dei cognitionem acquisiverunt, quæ illos possit removeri a supervenientibus ex negligentia peccatis, mundi esse dicuntur, propter prædictam causam venia digni: super quos vero fusa fuerit aqua, videlicet baptismatis, hi necessario immundi sunt, si unum ex his quæ morticina sunt super eos inciderit. Oportuerat quippe tantæ participatione doni, ad eorum pertinere custodiam. Terret igitur Dei Spiritus eos qui olim perceperunt baptismum, ut non ex negligentia peccantes immundi fiant.

Si mortuum fuerit animal quod licet vobis comedere, qui cadaver ejus tetigerit, immundus erit usque ad vesperam, et qui comederit ex eo quidpiam atque portaverit, lavabit vestimenta sua, et immundus erit usque ad vesperam. (Ex eodem.) Quemadmodum peccatores permanentes in peccatis abominandi sunt, ita justis omni studio concurrendum est, scientibus nobis quod ex eis sanctificamur. Si autem mortui fuerint gravi peccati morte, non debemus tangere illorum vitam, nec eorum conversationis esse participes, scientes quod si quis tetigerit, immundus erit usquequo etiam ipse poeniteat. Sed et qui comederit de morticinis eorum, id est, qui eos defenderit quasi advocatus peccatorum ipsorum vel auxiliator, et propterea illorum in se peccata suscipiens, necesse habet lavare vestimenta sua, videlicet actiones, quia et ipse usque ad vesperam, id est, usque dum poeniteat, immundus erit.

#### CAPUT IV.

##### De animalibus reptilibus.

(Ibid.) Omne quod reptat super terram abominabile erit, nec assumetur in cibum. Quidquid super pectus quadrupes graditur, et multos habet pedes, sive super humum trahitur, non comedetis, quia abominabile est: nolite contaminare animas vestras, nec tangatis quidquam eorum, ne immundi sitis. (Ex Hesychio.) Jam et hæc superius legislator exposuit, nunc autem ideo repetit, ut frequenti meditatione ad custodiendam

A legem moveat auditorem. Quamobrem, et a nobis recapitulanda sunt, quia et quiddam novum addidit præsentī sanctioni, necessariam eis adiciens actionem meditationis. Quæ reptant ergo super terram, sunt qui terrena sapiunt, et qui lutulentis passantur actionibus. Super pectus sive super ventrem similiter gradiuntur, gastrimargie operam dantes, in quatuor gradiuntur super terram, qui prædicationem evangelicorum librorum, pro eo quod salus in eis peccatorum prædicatur, abutuntur in luxuriosam vitam, non intelligentes quia peccatores non ut immanet peccatores, sed ut cessent a peccatis, provocat prædicatio; sed eis qui in quatuor ambulant, addidit, et multos habet pedes, ostendens quod licet si non solum ex evangelicis libris, sed ex aliis Scripturis, atque ex varia sicut ipsis videtur doctrina hoc confirmare cupiunt, erunt et sic immundi. Et, ut breviter dicatur, Omne quod reptat super terram, id est, qui terrena sapiunt, declinare nos oportet et refugere, scientes quia eorum communicatio polluit, et similiter immundus est agens, agentique concurrentes.

Ego enim super Dominus Deus vester: sancti estote quoniam et ego sanctus sum; ne polluat animas vestras in omni reptile quod movetur super terram. Ego Dominus, qui eduxi vos de terra Egypti, ut essem vobis Deus: sancti eritis, quia ego sanctus sum. (Ex eodem.) Omnino prohibet esse nos socios eorum, qui terrena sapiunt, nec si potentes quidam sint, nec si justitiam aut sapientiam fingant, nisi forte sacerdotio vel aliqua qualibet amittantur dignitate. Unde breviter omnium repentium quæ super terram moventur, mentionem fecit, non simpliciter hoc quod est repere respuens, sed super terram repere. Nam humiliari quidem bonum est; ut autem ad terrenam declinetur sapientiam, non est bonum; nec utilis est animabus talis humilitas, a qua liberare volens, Ego sum, inquit, Dominus Deus vester: id est, ad cuius imaginem facti estis, ut cœlestia sapiatis. Unde ait: Ne polluat animas vestras. Primum quidem quia donatum est animæ esse ad imaginem Dei, et maximam in ea esse sanctificationem vult, ut pote quæ principatum super opine animal tenet.

Deinde ostendit pollutionem quam odio habet non esse de mortuis corporibus aut cibis, immundis corporibus, sicut quidam putant factis, sed eam quæ animabus ex actionibus malis evenit. Dicens autem non oportere in cunctis reptilibus quæ moventur super terram animas nostras pollui, omnino competenter addidit: Ego Dominus, qui eduxi vos de terra Egypti, ut essem vobis in Deum, per Egyptum, Egypti demonstrans mala et omnia opera tenebrarum: Egyptus enim contenebratio interpretatur, quibus si quis vere carere voluerit, et cum qui vere est Deus habere suum Deum, non solum idololatriam cavere debet, sed si vere ei adherere desiderat, quia ille sanctus est, ipse quoque sanctimoniam studeat, sine qua nemo videbit Deum.

Ista est lex animantium et volucrum et omnis animæ viventis, quæ movetur in aqua et reptat in terra, ut

*differetia noveritis mundi et immundi, et sciatis quid comedere aut quid respirare debeat. (Ex eodem.)* Ergo non cibi nos mundos reddunt, nec polluunt, sed nos eos, siquidem nos vivificamus ea quæ comeduntur. Et quemadmodum omnis cibus bonus et nihil rejiciendum est, quod cum gratiarum actione percipitur; sanctificatur enim per verbum Dei, sicut ait Paulus, et orationem (I Timoth. iv), sic ea quæ comeduntur, ea videlicet quæ nutriunt animam, id est, bonas actiones, nos vivificamus, si bene eis utamur; sin autem male, non vivificamus, sed mortificamus: qui enim ex iniquitate facit eleemosynam, mortificat ejus virtutem sive potentiam; et qui a cibis abstinent, per linguam vero fratribus detrahunt, de quibus David dicit: *Qui devorant plebem meam sicut escam panis (Psal. xii)*, mortificant hi abstinentiam.

## CAPUT V.

*De mulieribus quandiu post partum immundæ sint.*

(CAP. XII.) *Locutus est Dominus ad Moysen dicens: Loquere filiis Israel et dices ad eos: Mulier si suscepto semine pepererit masculum, immunda erit septem diebus, juxta dies separationis menstruæ, et die octavo circumcidetur infantulus; ipsa vero triginta tribus diebus manebit in sanguine purificationis suæ, omne sanctum non tanget, et nec ingredietur sanctuarium, donec impleantur dies purgationis ejus: sin autem feminam pepererit, immunda erit duobus hebdomadibus, juxta ritum fluxus menstrui, et sexaginta et sex diebus manebit in sanguine purificationis suæ. (Ex Hesychio.)* Per litteram igitur, semen suscipiens est mulier, quæ viri concepit ex semine. Hanc septem diebus esse immundam dicit. Et hoc quamobrem? Videlicet quia sator immundus est, ut pote hæres Adam, qui per transgressionem immundus factus est, atque ita Evæ mixtus, omne genus humanum fecit immundum. Aperte autem hoc in sacra Scriptura legitur, quod postquam exiit de paradiso, mulierem suam Adam cognovit, atque ita deduci cœpit humanum genus. Septem autem dies ideo mulierem esse præcepit immundam, quia Adam, per cujus semen suscepit immunditiam cum genere, vitam quoque nostram polluit; vel septem dierum numerus significat, per quem tempora revolvuntur, propter quod etiam ejus requies, septima dies est, id est, intelligibile speratur sabbatum. Quomodo autem nostram polluit vitam? Inducens ei maledictionem et transferens ad miseriam eam quam sortiti fueramus ab initio beatitudinem. Quod manifestum est ex his quæ Deus ad Adam dicit: *Maledicta terra in operibus tuis, spinas et tribulos germinabit tibi (Gen. iii)*. Propterea et nunc legislator, secundum dies separationis menstruæ, vel, sicut Septuaginta, secundum dies purgationis menstruæ, immunda erit. Quid autem hoc sit, alii interpretes planius ediderunt: Symmachus quidem dicens: *Secundum dies separationis afflictionis; Aquila, separationis miseriæ; Theodotion, separationis doloris ejus.*

Miseria autem et afflictio et dolor tunc esse cœpit, postquam separatus a paradiso Adam, nostram sor-

titus est vitam, qui in sudore vultus comedere panem condemnati sumus. Huic sensui planiorem et indubitabilem addidit probationem, cum dicit: *Et die octavo circumcidetur infantulus.* Dies enim octavus quoniam septimæ diei, qui imago est præsentis vitæ, succedit, figuram gerit futuri sæculi, in quo carnem præputii circumcidimus, omnia opera carnis deponentes. Tunc quippe non solum non peccaturi, sed nec comesturi, aut hibituri, aut nupturi sumus: *erimus autem* procul dubio, sicut ait Dominus, *ex corruptilibus, incorruptibiles, sicut angeli, et mundi modis omnibus ex immundis efficitur. Seminatur igitur, ait Paulus, in corruptione, surget in incorruptionem; seminatur corpus animale, surget corpus spiritale (I Cor. xv).*

**B** Ergo hic est modus propter quem infantem octavo die jubet circumcidi; incircumcisum autem perire de populo suo ostendit, quia ante circumcisionem abominabilem habet carnem et immundam, propter causas videlicet quas superius diximus: mundatur autem per circumcisionem, quæ imaginem gerit resurrectionis mortuorum.

Illud autem nimis quærendum est, quamobrem puerum circumcidi lex præcipiens, ipsius quidem immunditiam tacet, matrem autem immundam esse dicit, usque ad diem in quo infans circumciditur: octava quippe præcepit die circumcidi; septem autem diebus ait matrem esse immundam. Aut forte, quia inobedientiæ causa Eva seducta exstitit, transgressio autem suæ inobedientiæ immunditiam nobis sordemque contraxit; ideo hoc, quod est amplius, legislator in muliere convertit. Sed et quærendum est cur hujus rei gratia in sanguine purificationis suæ manere mulierem præcepit, non sanguine sordido, sed in sanguine mundo, id est, purificationis ejus, sicut in his quæ sequuntur ostenditur: *Hæc omne sanctum non tanget, et in sanctuario non ingredietur, usque dum impleantur dies purificationis ejus.* Si ergo in sanguine mundo triginta tres dies, sed et omne sanctum non tangit, et in sanctuario non ingredietur, unde hujusmodi causam, nisi ex dierum perscrutatione reperiemus? Triginta quippe et tres dies ideo tradidit, ut adjecti septem, cuncti quadraginta fiant. (Ex Augustino.) Quid est quod ait de muliere quæ peperit, omne sanctum non tanget, et in sanctuarium non introibit. Quod sanctuarium vult intelligi, cum legatur in tabernaculum non nisi sacerdotes solere ingredi, et usque ad velum interius secundos, ultra velum autem ipsum, ubi erat arca, non nisi unum summum sacerdotem? An et ante tabernaculum, ubi erat altare sacrificiorum, sanctuarium dici potuit? Nam sæpe appellatur locus sanctus, etiam ipsam atrium, cum dicitur: *In loco sancto edent ea.* Illuc fortassis solebant intrare mulieres quando offerbant dona sua, quæ imponerentur altari.

(Ex Hesychio.) Aliud ergo per hoc legislator significat. Quia ergo in diebus quadraginta masculus dicitur infans formari, duo hæc per ea quæ dicta sunt

probantur, id est, quia ipsa quidem substantia generis humani munda est, sicut a Deo creata.

Omnia enim quæ fecit Deus, bona valde, et multo magis homo; propter quod ait, in sanguine mundo, sive purificationis mulierem sedero. Quia autem per successionem Adæ transgredientis læsus est, necessarieque semen suscepit, et concepit, omne sanctum non tangit, et in sanctuario non ingreditur, usque dum compleantur dies purificationis ejus, id est, usque dum compleantur dies quadraginta, in quibus puer formatur: ipsa quippe imago Dei, mundatio est naturæ nostræ, quamvis fuerit sordidata. Ergo nequaquam ingredi in sanctuarium, nec omne sanctum tangere præcepti fueramus, nisi imago Dei semel nostro donata generi, sanctorum nobis præstitisset ingressum, propter quam salvandam, ipse quoque incarnatus est Dominus, suam imaginem salvare volens; sed in quadraginta diebus ad cælum eam sustulit, secundum quod eam hominem plasmans in vulva donat; et tunc ad verum sanctuarium natura nostra ingreditur.

Aperte autem hæc probantur per ea quæ de genere femineo sanciantur. Quia enim octogesima die formari in utero femine dicuntur, tantumdem numerum ad impletionem dierum purificationis earum quæ semen suscipiunt præcepit, ait enim sic: *Si feminam pepererit, immunda erit duobus hebdomadibus, juxta ritum fluxus menstrui.* Et cum oporteret quatuordecim dicere, non sic dicit, sed duabus hebdomadibus, juxta ritum fluxus menstrui; propter quod ad illud nos transmittit sensum, id est, ut in septem quidem diebus esse humanam vitam, fluxus autem menstruus afflictionem ejus et dolorem et miseriam intelligamus.

Dixit autem *duabus hebdomadibus.* Recte, quia duplo genus muliebre mulctatum est. Habet enim et cum Adam maledictionem: in sudore vultus sui manducans panem suum; habet etiam ipsam terram, spinas et tribulos germinantem, quæ cum ex terra orta sit in terra revertitur; habet etiam poenam specialem: *In tristitia paries filios, et ad virum tuum conversio tua, et ipse tui dominabitur.* Et propterea, *Duobus, inquit, hebdomadibus immunda erit, juxta ritum fluxus menstrui: sexaginta autem et sex diebus in sanguine mundo,* id est, purificationis, *sedebit, sancta non tangens, usque dum compleantur dies octuaginta.* Quatuor enim et decem super sexaginta sex addita, octuaginta faciunt, in quibus femina in utero formatur. Ergo sine aliqua dubitatione legislator ostendit, quia immundum facto maledicto nostrum genus nequaquam intraret in sanctis, nisi per imaginem Dei, quam semel sortitum est, et propterea suscipientes semen mulieres diebus formationis parientorum parvulorum desanctis velantur. Quod si dicis: Quomobrem non magis in utero habentes diebus formationis de sanctis matres prohibentur? Frustra hæc interrogas. Incertam est enim ei quæ gravida utrum marem seu feminam paritura est, et unde manifestam esse poterat quot diebus oportebat eam

A de sanctis prohibere; ergo manifestata est causa, pro qua hæc legislator in illis disposuit: *Cumque expleti fuerint dies purgationis ejus, pro filio sive pro filia, deferet agnum anniculum in holocaustum; et pullum columbæ, sive turturem pro peccato, ad ostium tabernaculi testimonii, et tradet sacerdoti, qui offeret illa coram Domino, et rogabit pro ea, et sic mundabitur a profluvio sanguinis sui: ista est lex parientis masculum aut feminam. Quod si non invenerit manus ejus, nec poterit offerre agnum, sumet duos turtures, aut duos pullos columbæ, unum in holocaustum, et alterum pro peccato, orabitque pro ea sacerdos, et sic mundabitur.* (Ex Hesychio.) Totam hic intentionem suam legislator aperuit, quia pollutionem non motus naturales faciunt, sed peccatum, de quo David dicebat: *Ecce enim in iniquitatibus conceptus sum, et in delictis peperit me mater mea (Psal. I.);* non suæ matris peccatum aliquod accusans, sed matrem naturam appellat, immunditiam peccati Adam et Evæ in omne genus nostrum descendisse significans: et propterea quando completi fuerint dies purificationis secundum prædictum modum, sacrificium pro peccato jubet offerri. Qui et agnum anniculum in holocaustum tunc immolari præcepit, evidenter illud ostendit et approbat consideranti quia Dei imago perfectionem generi nostro tribuit, nam formationem quidem dies ostendunt, mundationis perfectionem autem sacrificium holocausti. Sed hic propterea interim legislatoris sapientiam obstupesce, quia evenire poterat ut studentes legem dicerent: Quali deprecatione pariens infantem opus habebat, quæ ipsa non peccavit; non enim ex fornicatione, sed de nuptiis generavit? Interpretari necessitatem hujus deprecationis volens, addidit: *Et mundabit eam a profluvio sanguinis sui;* profluvium sanguinis inobedientiam dicens; unde immunditia et poena ejus in totum genus humanum fluxit, quam et nos deponamus, sacrificia pro nobis, quæ dicta sunt, offerentes: *Duos turtures aut duos pullos columbarum,* Legis meditationem, contemplationemque, et scientiam sive cognitionem. Horum enim habere figuram prædicta animalia demonstratum est; quia autem negligentia legis immunditiam hominibus introduxit, meditatio et scientia, per quam manifeste correctio provenit, mundare liberareque nos ab illata pridem poena poterit in Christo Jesu Domino nostro. Ergo Dominus nostræ per omnia memor salutis non solum homo fieri cum Deus esset, sed etiam cum dives esset, pauper fieri dignatus est pro nobis, ut nos sua paupertate simul et humanitate, divitiarum et divinitatis suæ donaret esse participes. Sed libet paulisper intueri cur hæc maxime volucres in hostiam Domini juberentur offerri; nam et Abraham patriarcha tanto ante legem tempore, has in holocaustum Domini legitur obtulisse, et in plerisque legis cæremoniis, qui mundandus esset, per has jubebatur mundari. Columba ergo simplicitatem, turtur indicat castitatem: quia et columba simplicitatis, et castitatis turtur amator est, ita ut si conjugem casu perdi-

derit, non alium ultra querere curet. Unde et in laudibus Ecclesie loquitur Dominus: *Pulchre sunt genae tue sicut turturis*; et iterum: *Ecce tu pulchra es, amica mea, ecce tu pulchra es, oculi tui columbarum* (Cant. v). Genas quippe ut turturis habet anima que ab omni impudicitie peste castam se custodit et immunem; oculos habet columbarum, que nulli nocere desiderans, etiam inimicos simplici amore conuertitur. Sed et utraque avis memorata, quia gemitum pro cantu edere solet, sanctorum in hoc seculo tristitiam designat, de qua Dominus memoratur dicens: *Amen amen dico vobis, quia plorabitis et febilitis vos, mundus autem gaudebit; vos autem contristabimini, sed tristitia vestra vertetur in gaudium* (Joan. xvi); et rursus: *Beati lugentes, quoniam ipsi consolabuntur* (Matth. v). Merito ergo turtur et columba Domino offeruntur in hostiam, quia nimirum simplex et pudica fidelium conversatio gratum est illi sacrificium iustitie; quia qui laborat in gemitu suo, qui lacrymis suis stratum suum singulas per noctes abluit, acceptissimam prorsus Deo victimam mactat. Cum vero utraque avis ita propter consuetudinem gemendi presentes sanctorum luctus et desideria superna designet, hoc tamen differunt quod

turtur solivagus, columba autem gregarius consuevit, et ob id ista secretas orationum lacrymas, illa publicos Ecclesie conventus insinuat. Bene uero tem puer Jesus primo circumciditur; ac sic inuicem positis diebus Hierosolymam cum hostia deferunt, quia et ipse iam iuuenis prius omnem carnis corruptionem moriendo ac resurgendo calcavit, ac deinde interpositis diebus cum ipsa carne iam immortalis, quam pro hostia salute hostiam Deo offerat, ad gaudia superna civitatis ascendit. Et unusquisque nostrum prius aqua baptismi a peccatis omnibus, quasi vera circumcisioe purgatur, ac sic proficiente gratia nove lucis, ad altare sanctum salutari hostia Domini corporis et sanguinis consecrandis ingreditur, nam et ipsa singulariter simplex et casta nostri Salvatoris humanitas, que obfata est Patri pro nobis, non incongrue per immolationem columbe, sive tartaris, potest figuratiter exprimi. Sed et omnis in fine mundi Ecclesia primo communi resurrectione cunctam terrene labem mortalitatis et corruptionis exuet, ac deinceps in regnum celestis Hierusalem bonorum victoris operum Domino commendata transfertur.

### LIBER QUARTUS.

#### CAPUT PRIMUM.

*De diversis coloribus abortis in carne hominis et de plaga leprae.*

(LEVIT. XIII.) *Locutus est Dominus ad Moysen et Aaron dicens: Homo in cujus carne et cute ortus fuerit diversus color sive pustula, aut quasi lucens quippiam, id est, plaga leprae, adducetur ad Aaron sacerdotem vel ad unum quemlibet filiorum ejus. Qui cum viderit lepram in cute, et pits in album mutatos colorem, ipsamque speciem leprae humillorem cute et carne reliqua, plaga leprae est. Ad arbitrium ejus separabitur. Sin autem lucens fuerit candor in cute, nec humillior carne reliqua, et pits coloris pristini, recludet eum sacerdos septem diebus et considerabit die septimo: et si quidem lepra ultra non creverit, nec transierit in cute priores terminos, rursus includet eum septem diebus alius, et die septimo contemplabitur: si obscurior fuerit lepra et non creverit in cute, mundabit eum, quia scabies est: lavabitque homo vestimenta sua, et mundus erit. Quod si postquam a sacerdote visus est, reddidit mandatis, iterum lepra creverit, adducetur ad eum, et immunditie condemnabitur. Plaga leprae si fuerit in homine adducetur ad sacerdotem, et videbit eum. Cuiusque color albus in cute fuerit, et capillarum mutari aspectum, ipsa quoque caro viva apparuerit, lepra vetustissima iudicabitur atque infortia cuti. Contaminabit itaque eum sacerdos et non recludet, quia perspicuus immunditia est. Sin autem effloruerit discurrens lepra in cute, et peruerit omnem cutem a capite usque ad pedes,*

*quidquid sub aspectu oculorum cadit, considerabit eum sacerdos et teneri lepra mundissima iudicabit, eo quod omnis in candorem versa sit, et taliter homo mundus erit. Quando vero caro vivens in eo apparuerit, tunc sacerdotis iudicio polluetur, et inter immundos reputabitur; caro enim viva si lepra aspergatur, immunda est. Quod si rursum versa fuerit in alborem, et totum hominem operuerit, considerabit eum sacerdos, et immundum esse decernerit. (Ex Hesychio.) Ostendit sermo ex parte quidem leprosum, Iudaeum populum, ut pote in parte transgressorem legis, propter quod eum sacerdos ut immundum expellit; toto autem corpore leprosum, gentilem, qui totam transgreditur legem, verumtamen mundum eum sacerdos iudicat, ut qui videlicet legis iugo subjectus non fuit. Oportet autem, ut tamen arbitror, prius littere decurrere expositionem, sic enim spiritalem intellectum ultra sanctissimam legentem reperiemus, desolante circa causas et usque ad finem sensum suum exerece non valente littera, sicut in presenti cognoscimus. Sed prima quis est qui legem ferat, et ad quem profertur attendamus: *Locutus est Dominus ad Moysen et Aaron.* Quando loquitur Deus, duplex est fidelis auditus, sicut David propheta ait: *Semel locutus est Deus, duo haec audivi* (Psal. 121), litteram videlicet et spiritum. Ergo spiritus, ut sublimiori, Moysi; littera autem, ut subjecto, Aaron loquitur: quia enim sublimis erat Moyses, et propterea dignus spiritu, subditas autem Aaron et opus auditu populi agentis*

litem, ipse deo dicens de Aaron ad Moysen, dicitur. *Item loquatur ad populum, et ipse, etc. (Exod. iv). Ego, quod erat legis, excelsus, hoc ad Moysen dicitur, ipse quippe habebat auctoritatem ad Deum pertinens, id est, eo quia sunt spiritus; quod autem erat subiectum, et humiliter, hoc ad Aaron, inse enim erat Moysi, et ad populum legem secundum litteram accipiendam, quia et primam nos exponere permittitur; hęc ergo species, aut nimis, aut modesta obscura est, et modo quodam obumbrata, et interim occulta sub pelle, ut quod videlicet, offeruntur passioni; quamobrem et nimia indiget liberatione. Alia autem species, eius est, quæ nimis clara est, et valde perspicua, ita ut simplex, sit, eius et aperta cognitio. Ex his primam, speciem LXX B secundum quos, pene, totus, hic, sensus, secundum litteram, exponitur, cicatricem, significationis, recte appellaverunt, id est, cicatricem passionem significentem. In duas autem partes, hanc, id est, in nimis dubitabilem et, in nimis dubitabilem, diviserunt, ex quibus una, telugi, aliam autem, appellaverunt angasma: telugi quidem, quæ licet de longe videatur; angasma autem aut nimis obscurum est, parvumque habet passionis insinuationem, et hanc dubitabilem, ut proximi disceptatione egeat, quatenus et lucore passionis hi qui iudicant, sicut hi qui lapides inspiciunt pretiosos, egeant. In hac frequenter jubet sacerdotem considerare, et non credere obviensibus, sive occurrentibus, animæ probationis aspectibus. Sed et si, considerata, cicatrix, modum appareat, humilior pelle, neque in loco pilis commutata a passione, alba, facta, fuerit, septem tamen dies, separabiliter, ad aliam considerationem; et rursus alia, septem dies; forsitan, anima effluvescente, per tempus passionis, manifestatio morbus, additur; permanente autem, obscura, cicatrix, et nulla, facta, in pelle, permutatione, in significatione, dixit, non autem, lepram, manifestam. Cum, quæ, significatione, non, subdidit, quatuordecim, enim, his, qui, secundum, spiritum, accipiunt, legem, et, qui, quod, minus, est, vel magis, debet, revelare, aliqua, addere, pressat, contemplativis, interpretationibus, spiritibus, verumtamen, non, malum, esse, nimis, significationem, manifestaverunt. Nam, quomodo, manifestus, erat, sacerdos, id est, habentem, mundum, denuntiaturus, qui, nequaquam, huius, egeat, si, ex, toto, fuerit, liber, propter, quod, eam, obscuram, appollant, nec, prorsus, inter, mendam, post, factum, non, solum, factum, eisdem, in, hominibus, facta, significatione, sed, eorum, etiam, sic, habent, incidens, significatione, in, pelle, id est, ut, officio, facit, et, plusquam, prius, tator, in, pelle, pedecessit, etiam, amantibus, fuerit, pilus, hęc, in, pilis, coherens, reprehendit, polluit, cum, sacerdos, de, pelle, et, de, passionem, iudicans, ipsius, quidem, cognitione, dubitabili, ut, pelle, obscura, existente, in, triplicem, albam, autem, existente, et, simpliciter, in, tatem, pilam, pelle, et, pellat, hęc, sacerdos, et, in, quodam, ejus, præcipit, omnes, dicit, post, cicatrix, esse, et, et, coloris, habent, in-*

ventem, id est, sub passione lepra non constitutam; cuius autem rei causa? quia lepra, inquit, inveterata est. Admirandum autem est hoc, nimiamque impertiam vel magis reprehensionem legali ingerens littere. Unde enim debuit sanabilis arbitrari passio, id est, ex vivo corpore vivaque carne, illic illam magis desperat, lepramque inveteratam dicit esse, id est, non sanabilem, sed diuturnam, et quasi passionis senescentem loco. De hac re rursus hoc quod sequitur invenies obscurius: quia eum qui toto leprosus est corpore, et a pedibus usque ad caput operatus morbo, munda teneri lepra, hoc de eo iudicante sacerdote, vult; sin autem in eo visum fuerit aliquando corpus vivens, revocat sacerdos iudicium suum et polluit eum: si remutatus fuerit in album, et tota B pellis ad passionem lepræ translata fuerit, mundat eum sacerdos, cui iudicare præceptum est. Si autem et hæc recte dicta sint, quamvis hoc nemo dicat, quam tamen satisfactionem ad aliam hanc reprehensionem reperimus, quia leprosus non voluntarie passionis, sed quam invitus sustinet, ponas solvit, et qui debeat a lege mereri misericordiam, punitur; cumque dignus esset auxilio, propter infirmitatem hoc caret, subiciturque noxæ, qui si potuisset resistere, nunquam ei prevaluisset infirmitas, quique reprehendit naturam, cuius esset arbitratus accedente molestia: et non intentionis aut voluntatis suæ: quid enim ageret ut in hoc non incidere morbo? Sed ait quispiam: Peccati vindictam vel penam, esse, hanc passionem, et primam quidem, Marium, deinde, Oziam, proponit, quorum illa quidem fratri detraxit, ille autem, dum esset rex, incensum, inferre, presumpsit in sanctis, solis quippe, hoc sacerdotibus licebat. Atque, ideo non differente, deo, penam, eorum, leprosi, effecti, sunt. Ergo, oportebat, et, hoc, aperte, lex, diceret, ad excusandum, legislatorem, contra, eos, qui, eum, putant, injuste, de leprosis, scire, et, non, solum, hoc, de leprosis, sed, et, de, his, qui, vulneratos, habent, oculos, seu auditus, aut, reliquos, sensus, aliisque, infirmis, et paralicis, existimantur; quod manifestum est, ex eo, quod, discipuli, eorum, a auctoritate, videntur, Romæ, interrogantes, eum, dicebant: Rabbi, quis, peccavit, his, qui, parentes, ejus, ut, cæcus, nascere, (Matth. 22). Tu, quæ, mihi, non, relidas, Christi, responsionem, videntur, quidem, sed, quomodo, multa, habent, de passionibus, quæ, nobis, omnium, quærentis, sed, et, ipse, Dominus, Dimittantur, tibi, peccata, (Matth. 23), velans, erigere, paraliticum, dixit: Significat, ergo, deo, edibiles, etiam, hoc, de, tabernacula, expelli, oportebat, et, iniustitiam, levis, putaretur, si, alii, simul, iniustitiam, paterentur. Si, autem, dicitur, quia, quomodo, in, his, passionibus, peccata, puniuntur, non, est, eum, qui, fluxam, saniem, patitur, a tabernaculo, expelli, et, eam, quæ, fluxam, patitur, sanguinis: vera, quidem, dicitur, sed, non, hoc, tam, satisfactio, est, quæ, rursus, alia, scriptoris, accusatio, qui, necesse, tales, nature, condemnat, quæ, defensione, debuerat, aut, non, factorem, in, naturalibus, accusationibus, in-

juriaret. Quamobrem necessaria nobis est contemplatio legis, et utilis spiritalis interpretatio, mentisque oculum oportet oculo carnis præponere, ut hoc quidem ad intelligentiam eorum quæ sanciantur, illo vero utamur ad legendum. *Locutus est Dominus ad Moysen et Aaron dicens: Homo in cujus carne et cute ortus fuerit diversus color, sive pustula, aut quasi lucens quippiam, id est, plaga lepræ, adducetur ad Aaron sacerdotem, vel ad unum quemlibet filiorum ejus: qui cum viderit lepram in cute, et pilos in albam mutatos colorem, ipsamque speciem lepræ humiliorem in cute, et carne reliqua, plaga lepræ est, et ad arbitrium ejus separabitur.* (Ex Hesychio.) Simpliciter seu generaliter hominem divina Scriptura appellat eum, qui Dei imaginem et nostræ conservet naturæ dignitatem. Propter quod audi sapientem: *Magnus est homo, pretiosus vir misericors,* in Proverbiis dicentem, hominem vero aliquem peccatorem, quasi male formatum nomisma describit, pellis autem seu cutis nomine, nunc uniuscujusque caro, nunc autem ejus designatur cognatio, propter quod in libro Job ex persona diaboli despicientis ea quæ viro illi fortissimo evenerunt, tunc quando cum alia substantia filios filiasque ejus, domum super eos sepulturæ vice congerens, disperdidit, dicitur: *Pellem pro pelle, et cuncta quæ habet homo dabit pro anima sua* (Job 11). id est, pellem quidem cognationis per filios perdidit, sed tamen sufficit ei quod pellis carnis ei salva est, minimeque corrumpitur propter quod subdidit, alioquin mitte manum tuam et tange os ejus et carnem, et tunc videbis quod in faciem benedicat tibi. Quod autem nostra editio habet: *Homo in cujus carne et cute ortus fuerit diversus color, sive pustula, aut quasi lucens quippiam, id est, plaga lepræ,* Septuaginta transtulerunt: *Homo si cui factum fuerit in pellicula corporis ejus cicatrix significationis apparens; cicatrix autem significationis peccatum significat, ex his quæ apparent manifestans quod occultum est et latens animæ vitium. Lepram autem intelligimus legis transgressionem, quia quemadmodum leprosus dum totus sit sanus, ex parte aliqua leprosus factus, nihil juvatur ex salute minime facti leprosi corporis, sed removetur a tabernaculo ut immundus, sic et qui legis præcepta ex aliqua transgreditur parte, nihil ex custodia mandati juvatur alterius: Qui enim totam legem custodit, peccat autem in uno, factus est omnium reus* (Jacob. 11). Hic ad Aaron sacerdotem adducetur, aut ad unum quemlibet filiorum ejus, filii autem sacerdotis sunt cognati ejus, secundum spiritum, a quo et sacerdotii habent dignitatem; sunt autem hi in quibus perfecta est plenaque philosophia, ut et discernere possint sublimia et animæ dijudicare motus absconditos. Sed quomodo judicant? vident lepram in cute, et pilum ejus si in albam mutatus fuerit, ad ipsam speciem lepræ humiliorem cute et carne reliqua: per pilos autem significat cogitationes quibus ornatur anima, mensque contegitur, cum easdem ipsa pariat cogitationes sibi: nam et caput capillos ge-

nerat et ornatur ex eis ac tegitur, propterea *et capilli capitis nostri numerati* (Matth. x) dicuntur, cogitationes videlicet mentis. Caput enim ipsa quia principale est animæ dicitur. Cur autem numerati sunt? procul dubio diciturus est quia per eas utique judex judicaturus est hominem, id est, accusantibus eis vel excusantibus, sicut ait Paulus, in tempore quo nostra judicabuntur occulta (Rom. 11). Propterea intelligimus in Nazaræi capite ferrum non ingredi, dum aliis sine culpa inferatur, quia quibus sunt superflui capilli, non solum nihil nocet sed et lucrum est tonderi; quibus autem non sunt superflui, damnus est propter naturalis decoris spoliationem capillorum depositio: sic quibuscunque superflue cogitationes importunæ sunt, bene ab eis commutatione consiliorum vel obvenientium omnino phantasiarum more tonsuræ carent. In Nazaræo autem non sunt, totus enim sanctus est, propter quod ferrum in capite ejus non ascendit, cum bono utatur consilio et capillos cogitationum necessarios et non superfluos habeat, ex quibus non incidit cum non tractet deteriora neque commutet. Si ergo pilum in albo hic de quo nunc est sermo commutaverit, cogitationem convertens in impudentem conditionem manifestamque peccati, ipsaque species lepræ humilior fuerit carne et cute reliqua, hanc enim considerat, et si viderit apparuisse nimiam infirmitatem atque defecisse naturalem virtutem, quod est species lepræ humilior cute aut carne reliqua, separat et immundum eum recte sacerdos judicat utpote languentem quidem ex intentione sua et voluntate.

*Si autem lucens fuerit candor in cute nec humilior carne reliqua, et pilus coloris pristini, recludit eum sacerdos septem diebus, et videbi tibi considerabit die septima; et siquidem lepra ultra non creverit nec transierit in cute priores terminos, rursus includet eum septem diebus aliis, et die septimo contemplabitur; si obscurior fuerit lepra et non creverit in cute, mundabit eum, quis scabies est; lavabitque homo vestimenta sua et mundus erit. Quod si postquam a sacerdote visus est redditus munditiæ, iterum lepra creverit, adducetur ad eum, et immunditiæ condemnabitur.* (Ex Hesychio.) Licet manifestum sit, quod in suspicionem venerit peccatum, mens tamen quæ deliquit, quæ procul dubio per aspectum significatur, secundum traditionem Septuaginta, humilior carne reliqua non fuerit, id est, semetipsa neque ad habitudinem quam sortita est infirmior, nec per eveniens peccatum immutaverit cor, dilectrixque peccatorum fuerit effecta: hoc est enim nec candorem humiliorem videri carne reliqua, et pilos esse coloris pristini, sed obscuriorem aspectum, sicut Septuaginta edunt, habeat, quem esse mentem diximus; adhuc quippe propter semel commissum delictum obscura ac dubia est, tamen hunc removeri non præcepit, sed ut peccantem quidem septem dies et alios totidem removeret a tabernaculo sacerdos, probationis simul emendationisque gratia. Munditiæ vero restituit post hoc, si inspiciens his obscuriorem invenerit maculam

nec crescentem in cute : si enim crevisset peccatum augmentatum transisset in carne reliqua, diffusumque carni immundum eum qui in deterius proficit ostenderet ; quia autem non crevit, sed permansit, similiter aspectus sive species obscurior. Quid enim iniquitate obscurius est ? De qua caligant oculi ut neque Deum, neque hoc quod expedit perspicue intendere permittamur ; vel si aspectum obscuriorem dubiam quibusdam incertamque dixeris peccati suspicionem, id est, utrum sit an non, necessariam habet et hæc sacerdotem utpote qui novit quomodo munditiæ restituat. Ille autem simplicior eam denuntiat brevemque, aqua diluens vestimenta, baptismatis videlicet sive pœnitentiæ. Est enim efficax aqua pœnitentiæ lacryma, quam nemo peccat, gratiæ reliquias appellando baptismatis. Quod ergo ita se habet : Septuaginta passionis significationem propterea ediderunt, quia quæ sunt occulta ex parte prodidit et latere omnimodo non permisit, sed instituit sacerdotem medici vicem in hoc habentem, quod medicamentum debeat adhibere siquidem et adhibuit. Tu autem cognoscens quia significationem appellet tale peccatum, non abscondas malum a vero sacerdote, licet dubium tectumque sit aliis, sed ostende ac prode ; diebus enim quibusdam te separans sacerdos a sanctorum tabernaculo, rursus suscipiet, rursus quo oportet modo vestimenta prius carnis, sicut ait legislator, diluents, sed vide et veniam percipiens custodi ne polluas, postquam semel laverit tunicam carnis, nam si etiam post hæc significatio passionis inciderit in pellicula, vel secunda nostram editionem, creverit et rursus a meliori parte ad peccatum reciderit commutatusque fuerit, videbit sacerdos et illico vergentem ad deteriora reperiens, immunditiæ condemnabit, subsequuntur Septuaginta et dicunt quia lepra est : aperte enim huius qui talis est, anima ad profanas declinans volutates leprosa fit. Propterea et Paulus, qui in Corinthio fornicatus est (I Cor. v), quia significatio passio fuit, manifesta enim erat nec occultabatur, a sanctorum removit tabernaculo, et tradi Satanæ in interitum carnis præcepit : qui cum inspexisset secundo passionem et vidisset quia non crevit, sed et eum qui passus fuerat per lacrymas pœnitentiæ vestem carnis abluisse, e vestigio suscipi iussit. Quod autem septem diebus a tabernaculo non semel sed bis sacerdos susceptum separat, quærere et scire studiosos oportet, secundo siquidem hoc fieri in lege propter hoc præceptum est ut ostenderet non negligenter sed studiose eum debere inspicere, et duplici probatione transacta, districtum in eo fieri iudicium. Manifestum quippe erat sacerdoti peccatum, sed eum animum passioni consentientem suspicabatur, non tamen manifeste sciebat, necessario illum iterum inspiciebat : est quippe invisibilis et ad inspectionem difficilis. Hinc Dominus non semel Petri animum post negationem, sed secundo ac tertio quemadmodum se haberet interrogat (Joan. xxi), non ut Ignorans, hoc enim in responsionibus suis

A ipse Petrus manifeste probat, quæ aperte ipse ad scientem, nihilque ignorantem refert, sed quia dispositionem perscrutabatur animi, dicebat quippe : *Simon Joanna, amas me ? docere nos voluit. quomodo perscrutaremur et quomodo iudicaremus per frequentem videlicet inquisitionem : septem autem dies non frustra posuit, sed ut necessarium presentis intentioni numerum honoravit ; in ipso quippe omne vinculum omnisque obligatio ex lege cessabat. Septenarius ergo numerus totius habere presentis vite creditur plenitudinem, quæ in se septem diebus rotæ volvitur modo, quo completo recte omne peccatum, omneque vinculum sæculi cessat, atque omne servitium : quamobrem septima in divinis Scripturis requies nominatur, quemadmodum et B Paulus de Moysæ ait : Dixit enim in quodam loco de die septima sic, *Et cessavit Deus ab omnibus operibus suis ; et paulo post subdidit : Qui autem intravit in requiem ejus, et ipse requievit ab operibus suis, sicut et a suis Deus (Heb. iv) : sed et Ecclesiastes ait : Da partem septem, nec non et octo (Eccl. xi), providentiam haberi presentis sæculi præcipiens et futuri. Plaga lepræ si fuerit in homine, adducetur ad sacerdotem et videbit eum ; cumque color albus in cute fuerit, et capillorum mutaverit aspectum, ipsa quoque caro viva apparebit, lepra vetustissima judicabitur, atque inolita cuti : contaminabit itaque eum sacerdos et non recludet, quia perspicue immunditia est. (Ex Hesychio.)* De quibus enim superius plane atque sufficienter exposuit, de his hæc rursus videtur legislator ajicere, sed non ita est : nam et si verbis est proximum, multum tamen diversam atque differentem habet intentionem ; hic siquidem non de quolibet simpliciter peccato, sed de manifesta transgressione legalis dicit litteræ, propter quod plagam lepræ passionem ipsam appellavit. Non ignoramus autem quia lepram dixerimus legis esse prævaricationem, quia nocet etiam cum partialis sit, sicut lepra, licet parvam partem comprehendat corporis. Quam autem legem existimant propriam, non eam quæ est de invidia et adulterio, rapacitate et avaritia, et de honorandis parentibus, nam similis lex erat et gentibus ; sed eam quæ de sacrificiis et purificationibus sanciebat, non tangas, non gustes, non contrectes eam quæ circumcidi carnem jubebat. Hæc enim erant ejus propria, cum gentibus communionem non habentia. Si ergo plaga huius lepræ in homine orta fuerit, et videns eum sacerdos, album colorem in cute perspexerit, prævaricationem manifestam, apertamque litteræ, illeque voluntate atque ex iudicio egerit, hoc enim esse capillorum aspectum in album mutari, id est, aperte animum in aliqua prævaricatione transferri, superius diximus ; habet autem ipsa species vivam carnem, ut qui videlicet et si in aliquo transgreditur, in aliis tamen legem defendit, quam frustra sanam carnem appellaret, nisi et beatus Paulus sic illam appellasse videretur ; ait enim : *Justitiis carnis usque ad tempus correctionis impositis (Hebr. ix) ; lepra vetustissima**

judicabitur, consenescit enim peccato et non corrumpitur, quia pugnam in se continuam et rixam habet, dum in aliquibus legem despicit, in aliquibus defendit, propter quod eum contaminat sacerdos, et non recludit, vel sicut Septuaginta, et separat, quia perspicue immunditia est. Quomodo enim non abominabilis et immundus est, qui legem inhonorat, quam ipse sibi necessariam esse ex parte custodiendo confirmat? *Sin autem effluerit discurrens lepra in cute et operuerit omnem cutem, a capite usque ad pedes, quidquid sub aspectu oculorum cadit, considerabit eum sacerdos, et teneri lepra mundissima judicabit, eo quod omnis in candorem versa sit, et idcirco homo mundus erit. Quando vero caro vivens in eo apparuerit, tunc sacerdotis iudicio polluetur, et inter immundos reputabitur, caro enim viva, si lepra aspergatur, immunda est. Quod si rursus versa fuerit in alborem et totum hominem operuerit, considerabit eum sacerdos, et immundum esse decernet.* (Ex Hesychio.) Leporam in cute didicimus legalis esse litterae praevaricationem: bene autem dixit, in cute, quia sabbati, circumcisionis vel purificationum, quae per legem sancuntur, transgressio non avertit animae lesionem, coercet quippe legis littera exteriorem hominem. Si ergo eadem lepra legat omnem cutem a capite usque ad pedes, et quidquid sub aspectu oculorum sacerdotis cadit mundum eum decernit: si enim quispiam a tota legis littera recedat custodia, et neque circumcisionem, neque ciborum differentiam, neque sabbatorum, custodiam, neque pollutionum, aut sacrificiorum, aut aliquorum aliorum talium exerceat opera, sed ab omnibus legalibus elementis recedat, atque a capite usque ad pedes, a primo videlicet usque ad ultimum horum mandatorum, ad meliora cucurrerit, atque perfectiora, feceritque hoc in conspectu sacerdotis, id est, Christi, ut iuxta videns transgressionem imperfectorum, suscipiat, teneri eum lepra mundissima judicabit, eo quod omnia in candorem versa sit, ad claritatem videlicet, hic semetipsum Evangelica conversationis transiit, sicut populus ex gentibus, ad quos dictum est, *Luceat lux vestra coram hominibus* (Matth. v) et rursus, *Sicut in diea nocte ambulamus* (Rom. xiii), propter quod sicut lucis non noctis, neque tenebrarum nominantur. Quod si caro viva in eo apparuerit, id est, Judaicam mandatum, quia vivencia non propter accipientes, sed propter dantes illa putantur eloquia, magis autem et propter accipientes, si secundum illam modum quae data sunt custodiantur, necesse est ut qui non haec operantur, neque illa a quibus recessu polluantur seculi, utriusque probationem profertur, vivencia quidem, quia dicuntur legalia Iudaeorum mandata, audiamus Stephanum de Moyse Iudaeo dicentem: *Hic est qui factus in Ecclesia in ieremo cum angelo qui loquebatur ei in monte Sina cum patribus nostris, qui suscepit verba vivencia dare nobis.* Ecce verba vivencia appellavit justificationes legis. Quid autem

et qui dem obdierunt quatuor ad faciem apparuit littera. Sed non obedire dixit, non obedire vult, non in cogitationi, sed in sola littera legem dantis, et multitudine quae putatur immunditia, secundum legem mundus efficitur, ita et plebs de gentibus in multitudine et perfectione legalis litterae praevaricationis munda per ipsam legem efficitur, quae quae litteram, sed spiritalem mandata dantis intelligentiam, *Caro et quis in qua mensuratur, et apparetur, et in loco ulcers sigat, apparuerit, alba nivo submersa adducetur homo ad sacerdotem, qui cum viderit locum leprae humilior, carna relinqua, et pilos peros in candorem, contaminabit eum, plaga enim leprae vitula est in ulcera, Quod si pilus, colaris est, prius, et caecitrix subobscura, et vicina caro non est, humilior, et realudet eum septem diebus, et si quidem creverit, et judicabit eum lepra.*

CARD. II.

Quomodo lepraosus recludendus, sit vero tempore et apparetur, non sacerdotem, (Hes.) *Sin autem steterit in loco, et ulcers, et cicatrix, et homo mundus erit.* (Ex Hierarchia.) Beata est continua legis meditatio atque conversatio, haecque semper in manibus thesaurum, ex quo cognitionis Dei procedunt, divitiae. Quamobrem nos quoque cum omni studio ea quae nunc sunt in littera latentia perquiramus. Ulcus natum, et sanatum per penitentiam curatum peccatum est, quid enim sic vulnerat animam, et complect maculis, quomodo peccatum? unde et David dicebat: *Comptuerunt et deterioraverunt cicatrices meae a facie, insipientia mea.* (Psal. xxxvii). Quid autem, rursus, curat animae vulnus? quo oportet modo, peracta penitentia. Locus huius vulneris est, actio et consilium, circa quod peccatum, gestum est, veluti David, Iocys et ceteris fuit, desiderium corporis, propter hanc enim et in Bersabea adulterium, et in Urjama homicidii crimen admisit, sed quamobrem cum dixisset, ulcus album, hoc ipsum, tamen dixit, album seu rufum fieri? quia album quidem dixit, quod sit ex vulnere legalis transgressionis, alba legem vocans, non enim erat, calefacta sole iustitiae, et propterea rubra non erat, ergo, rubrum quod ex Evangelica, venit praevaricatione, evidentias, appellatur, utramque tamen in Christum est, in quo ab Ecclesia, in Canticis, canticorum dicitur, *Sanctus meus, albus et rubicundus* (Cantic. v), ipsius enim est, dicitur, in Evangelio. Sed quae est, inquit, legis transgressio ad ipsum pertinens, inique, Christum et usque mysterium? id est, idololatria, omnis sanguinis, et sacrificii, etiam, nam haec et si legalia sunt precepta, Ecclesiam tamen ea custodire apostoli praeceperunt, quod ostendit, Iacobus, dicens: *Visum est, sancto Spiritui, et nobis, nihil amplius imponere vobis oneribus, exceptis his, abstinere ab idololatriis, et sanguine, et suffocato, et fornicatione* (Act. xv). Evangelica est, autem, quae nos, secundum legem, servat, quodcumque dixerit, facti in suo status vestri, eius iudicio, et quae in dicitur, iudicem, ad corruptis communi, immo



in locis suis, et poenitentia carnis peccato, in loco ubi, in regione videlicet peccati, vitium album aut rubrum videatur, secunda quaedam praedicti peccati Evangelici sive legans apud peccantem reperta fuerit, necessario ad iudicium hoc sacerdotis venit, qui si viderit locum leprae humiliorem carne reliqua, id est, humiliorem factam a semetipsa mentem manifesteque animi mutatum ad mansum, hoc enim est pilos in candorem verit, contaminabit eum sacerdos, semet enim in habitudine peccati factus est, et animae mala depastio per illeus incubat, unde lepram et vulnus et florentem eam passionem legislator appellavit. Quod si pilus coloris est pristini et cicutrix subobscura, id est, poenitentis visus, et sic diebus septem recludi praecipit, pro eo quod omnino in tali suspitione venerit, tempus definire suspicioni voluit, et siquidem creverit et mala gloriatio multiplicata fuerit, ad peccatum eam leprae. Dicit autem lepram animae immunditiam, quae crevit sive effloruit, posterioribus actionibus multiplicata, sin autem non est multiplicata, sed steterit in loco suo, nihil enim amplius in hoc peccasse invenitur nisi solum hoc peccatum quod omnes cognoverunt, de quo et egit poenitentiam, mundum illum sacerdos iudicat. Cicatrix enim vulneris quia passus, non autem quia adhuc patitur ostendit.

CAPUT III.

De plaga leprae exusta, sive cicatrice, etc.

(Hm.) Caro et cutis quam ignis exusserit, et sanata, albam sive rufam habuerit cicatricem, considerabit eum sacerdos, et ecce versa est in alborem, et locus ejus reliqua carne humilior contaminabit eum, quia plaga leprae in cicatrice orta est. Quod si pilorum color non fuerit immutatus, nec humilior, plaga carnis reliqua, et ipsa lepra species fuerit subobscura, recludit eum septem diebus et die septimo contemplantur; si creverit in cute lepra contaminabit eam, si autem in loco suo sanctor steterit, non satis clarus, plaga combustionis est, et idcirco mundabitur, quia cicatrix est combustura. (Ex Hieronimo.) Quibusdam legislator de eisdem videtur loqui, sed non ita est, cum secundum aliquid eadem dicit, secundum autem aliquid differit, cum passionem quippe proponit literam, eandem tamen passionis subleferit iudicationem. Superius autem de aliquo ulcere observatum locutus est, quod ex ariditate corporis generatur et proficit, haec enim solet Scriptura sacer bloera appellare, quae vero sunt de ferro aut lapidibus, aut alia aliqua percussione, plagas vocat et vulnera, propter quod de Lazarus inquit, quid carnis veniens, tingebat oleo pedes eius. (Matth. xvi) praecipit quippe quibus fame morboque corrupta erant illa vulnera. De eo autem qui descendit ab Hierusalem in Jericho, et in latrones incidit, plagas, inquit, impudentes et recesserunt. (Lucas) ; deinde post peccata, plagas scias sicut vulnera alligare Samaritanum prescribit manifestam ergo differen-

tiam dicitis et vulneris aut plage, ipse per Scripturas Spiritus divinus ostendit. Quid ergo vere ulcus est, neglecta carnis nostrae nisi corporis voluptas et ebrietas et gastrimargia. Ille enim luxuriantem corpore et in semetipso exsistente proveniunt. Ignis autem major invidia, ignis latens et consumens patulam habentem se. Propter quod et Isais dixit : Zelus apprehendit populum mercedem, et alius ignis adversarios consumit (isa. xxvi). Zelum imperitorum dixit invidiam, zelantur enim non ut imitentur virtutes, sed ut illas impediunt, operantemque perimant. Si ergo combustio alicui homini videlicet peccatori ex invidia contigerit, et sanatus fuerit poenitentia, scrutatur cicatricem, ne forte post poenitentiam in passionem recidat, et si reversum invenerit, contaminabit eum, immundum recte iudicans.

Terra enim saepe venientem super se bibens imbrem, et proferens herbam opportunam illis a quibus colitur, benedictionem accipiet a Deo, proferens vero spinas ac tribulos reproba est et maledictioni proxima, cujus finis in combustionem, sicut Paulus ait (Hebr. vi). Si autem non inventa fuerit redisse ad iniquitatem suam invidia, nec ex operatione posteriori diffusum priori peccato latus ulcus habuerit, mundum illum sacerdos iudicat, utpote qui semel per poenitentiam est mundatus : discernit autem et pilum intendens, si mutavit in album, et si humilior est a cute loens, quae omnia plenissime in superioribus interpretati sumus, ideo enim his brevitas adhibenda est, ut ad futura curramus. Sequitur : Vt sicut mulier in cuius capite est barba germinaverit lepra, videbit eum sacerdos, et si quidem humilior fuerit locus carnis reliqua, et capillus flabius, sicutque sub albori contaminabit eos, quia lepra capitis ac barbae est. Sin autem viderit et locum maritum, quidem est cinis cheni, et capillum nigram, recludit eum septem diebus, et die septima intubitur; si non creverit maritima et capillus sui coloris est, et locus plage carnis reliqua equalis, radetur homo abaque maculae loco, et includetur septem diebus vitis, et die septimo vitis fuerit vitis, plaga in loco suo, nec humilior carne reliqua, mundabit eum, locique vestimentis mundus erit. (Ex Hieronimo.) Non de quibuslibet hinc, sed necessarii hoc mandatum deridit, ideo enim de solis actionibus est, sed et de futuris divinis dogmatibus pertinebat. Quando ergo errare cuiquam in divinitate contigit, maculam leprae in habita et in capite habet. Hinc sacerdos inspicit, et si viderit humiliorem locum carne reliqua, hoc invidiosam praesumptionem ex blasphemia factam, quomodo autem hoc, si id est, si pilus flavus, solitasque sub albori fuerit, id est, et si non nimis, ad modicum tamen, animam ad blasphemiam intendit, non enim subtile esse pilum et neque efflorere, sed flavescere ostendit; contaminabit eum sacerdos. Quare? quia lepra capitis ac barbae est, vel, sicut Septuaginta edunt, vitis est, vulneratus enim a diabolo et colliculus, ad tantam pervenit impietatem. Quia enim

sæpe contingit quempiam, et contra voluntatem suam loqui impia. Si viderit locum maculæ æqualem vicinæ carni, et capillum nigrum, ut non exuberet hoc quod ex diabolica operatione animæ est vulnus inflictum, id est, impietas dogmatum, recludet eos septem diebus sacerdos, non pro pœna tantum, quantum districtæ probationis causa: tempus enim in omnibus quidem, districtius tamen in his quorum lingua circa Divinitatem vacat. Intuendum est deinde quomodo post reclusionem iudicat: admiranda est districtio quam contra eos qui impie in dogmatibus agunt servat. Si non creverit macula, videlicet impietas, et capillus sui coloris est, id est, nec capillus flavus in ea est, cum non possit cogitatio propter negationem cognosci, utrum sponte aut invitus impie egerit, tunc jubet radi hominem absque loco maculæ; aperte ergo alia radi præcepit verba et castigari, si forsitan eis comprehendi possit utrum per subreptionem, sicut evenire frequenter solet, an malevole de Deo impia sit locutus. Vulnus autem antiquum non præcepit radi, quia verbum in quo delinquitur, quando semel qui peccavit negaverit, dijudicari jam non oportet. Quis enim reum iudicet peccati eum, qui quod confessus est lingua, voluntate se protulisse negat? Quando autem de eo sic iudicans non comprehenderit crevisse maculam, nec dilatam in eo viderit impietatem, quoniam blasphemans omnino polluit stolam baptismatis, recte eum præcepit penitentiam lavare vestimenta, et tunc mundus erit, quia omnis impietas per mundam penitentiam mundatur. Verumtamen hic si prædicto mundatus modo, impia rursus locutus fuerit, non inspiciet sacerdos de pilo flavo, non quaeritur, inquit, quo animo impia locutus sit, sed quia in ea de quibus penituit recidit, immundum eum recte esse iudicat, si non capillus niger fuerit, id est, si non lugens apparuerit impietatem; lugens vero non solum habitu, sed et animo et cogitationibus, nigrum namque manere lugentium est proprium. Quoniam autem interiorem hominem oportet lugere pro peccatis quem cogitationes contingunt [contegunt], recte ejus penitentiam per pilum nigrum significavit; sed sufficienter de his quæ in Deo committuntur impietatibus, tam ex voluntate quam ex ignorantia locutus, ad alia vulnera moderatiora sermonem vertit.

*Vir et mulier, in cujus cute candor apparuerit, intuebitur eos sacerdos: si deprehenderit subobscurum alborem lucere in cute, sciat non esse lepram, sed maculam coloris candidi, et hominem mundum. (Ex Hesychio.)* Cum maxima districtione superius in divinis dogmatibus, et eorum prævaricationibus usus fuisset, nunc quia de illis loqui supplevit, recte suæ austeritatem deposuit districtionis. Et de his quæ sunt secundum legem Judaicam dogmatibus loquitur, et quæ in ea sunt culpas, subobscurum alborem et lucentem esse dixit. Quemadmodum ergo cicatricem albam esse diximus transgressio-

nem legalis litteræ, sic et ejus ignorantiam subobscurum alborem et lucentem intelligamus dici; ignorantiam autem non omnium quæ dicit, nec eorum quæ communia cum lege naturali, vel evangelicis præceptis sunt possidet. Neque enim ignorare, Non occidas, non mæchaberis, non furtum facies, cuilibet ignoscitur, sed quorundam partialium, parvorumque mandatorum ignorantia, veluti quando oportet mundari menstruatam, quando offerri propariente masculum, quando etiam pro ea quæ feminam peperit; propter quod eam subobscurum alborem, utpote parvas cicatrices partialium præceptorum ignorantiam habentem appellavit. Qui ergo talis est, necesse non habet mundari, neque enim ad justificationem Judæorum, sed ut aggravaretur eorum jugum tradita sunt. Propter quod et Deus per Prophetam dicebat: *Dedi eis præcepta non bona, et judicia in quibus non vivent (Ezech. xx).*

#### CAPUT IV.

*De viro, de cujus capite capilli defluunt.*

(Ibid.) *Vir de cujus capite capilli fluunt calvus ac mundus est, et si a fronte ceciderint pili, recalvaster et mundus est: si autem in calvitio, sive in recalvitio albus vel rufus color fuerit exortus, et hoc sacerdos viderit, inquinabit eum haud dubie lepræ, quæ orta est in calvitio.* Reminiscendum est quia capillos pro cogitationibus intelleximus. (Ex Hesychio.) Ornare quippe caput, ac tegere constituti sunt, sicut cogitationes mentem, non autem inordinatas cogitationes deducamus ad medium, quia et capillorum incompositio fœditatem pro ornatu præbet, insuper quemadmodum capillorum quidam decidunt, alii autem renascuntur nulloque tempore nasci cessant, sic et his quæ sunt in nobis cogitationibus decidentibus, aliæ renascuntur. Ergo hic calvum appellat simplicem hominem, non eum qui omnino insipiens est aut irrationalis: quis enim est homo qui non capillos, licet paucos, in capite habeat? Hunc ergo describit qui cogitationes paucas per simplicitatem gerit, eumque mundum recte esse præcepit: quemadmodum enim mundum aestimat eum qui ex toto simplex est, sic et illum qui ex parte est. Maxime autem hunc qui ex simplicitate est, nam hoc intelligendum est in capillis fluentibus, hoc est rarescentibus, in fronte, quem et calvistrum appellavit. Hic autem priore deterior est, nam melius quidem est virtutes abscondere, si tamen aliquis gloriam earum prodat, tolerabilis passio est et vicina veniæ, propter quod erit mundus: quia enim secundum faciem divina Scriptura prodi virtutes et coram hominibus, per eas dicit ornari: Attende Paulum dicentem: *Ea quæ secundum faciem sunt videte: si quis videtur sibi Christi se esse, hoc cogitet iterum apud semetipsum, quia sicut ipse Christi est, ita et nos (II Cor. x).* Hoc autem, si nullo peccatum ex simplicitate simplicis committatur, si autem facta fuerit in calvaria ejus aut in recalvitio macula alba aut rufa, lepra est. Quare? quia nemo sic est simplex ut nesciat quia non debeat

manum in ignem mittere, neque in præcipitii altitudine semetipsum dare, neque abuti gladio in locis vitalibus; si autem hæc scit quomodo non amplius norit quod occidere malum sit, quod detrudere pessimum, quod idolothita comedere impium, atque mulierem alienam concupiscere sit iniquum? Si ergo eum sacerdos maculam habentem albam aut rufam in calvitio, aut in recalvitio ejus, id est, in ea quæ est ex toto vel ex parte simplicitate, evangelicam vel legalem eum normam peccantem prævaricatum fuisse reperit, condemnabit, sive contaminabit eum. Quare? quia haud dubie lepra orta est in calvitio, vel, sicut Septuaginta, quia in capite ejus macula ejus ait, id est, quia in validis et necessariis peccavit, in quibus nemo peccans veniam meretur. Naturalis enim lex ad quam necessaria legis tendunt, et multo magis evangelica præcepta, nec ab animabus quidem sunt aliena simplicibus. Sequitur: *Quicumque ergo maculatus fuerit lepra et separatus ad arbitrium sacerdotis, habebit vestimenta dissuta, caput nudum, os veste contactum, contaminatum, ac sordidum se clamabit omni tempore quo leprosus est, et immundus solus habitabit extra castra.* (Ex Hesychio.) Ea quæ ad faciem est interpretatio litteræ omnino multis videtur esse ridicula, quid enim prodest vestimenta dissuere, aut caput habere nudatum, os contactum? Nec ille enim qui corpore leprosus odorem spirat putoris, ut recte os suum hujus rei operiat gratia, sed quia leprosum legislator intellexit eum qui secundum prædicta peccata immundus est, necessario ejus dissolvi vestimenta præcepit, ut per hoc cognosci possit quia dissolutas habeat virtutes, atque vires animæ, quæ eam ab æstu atque gelu peccati poterant custodire. Habere autem eum et caput nudatum præcepit, ut pote salutis galeam non habentem quam Paulus inter intelligibilia arma sumi præcepit: os etiam non frustra operiri præcepit (*Ephes. vi*). Sed quia cum mali odoris peccatum sit et omnem pravam emittat exhalationem, multo magis tamen eam quæ per linguam est possidet, simul etiam et a doctorali dignitate hunc qui talis est prohibet, quomodo enim culpæ casum coerceat, qui est ipse culpabilis; quomodo qui furatur, præcipiat non furari? qui mœchatur, jubeat non mœchari? Unde et David dicebat: *Peccatori autem dixit Deus, Quare tu enarras justitias meas, et assumis testamentum meum per os tuum: tu vero odisti disciplinam, et projecisti sermones meos post te* (*Psal. xlix*). Et quidem semper, hoc est, et omni tempore quo leprosus est, id est, omnibus diebus quibus in eo fuerit macula. Quid ergo per hæc significat? quia etsi semel peccaverit, etiamsi non addiderit ad peccandum, immundus tamen usque dum pœniteat dicitur, quia sine pœnitentia lepra peccati pœnitens non mundatur, ideoque macula intelligibilis lepræ in ipso manet. Præterea verus leprosus, id est, peccator solus ac separatus

A habitat, tam ut confundatur quam ut nullus societatis ejus contagio noceatur. Unde Dominus Petro de eo quod peccaverat, et Ecclesiæ ut converteretur atque emendaretur detractabat obedire, *sit tibi*, inquit, *sicut ethnicus et publicanus* (*Matth. xviii*). Habitat extra castra: legis quippe mandata evangelicis nimis sunt secundum spiritum consonantia. Unde Joannes separans ab intelligibili tabernaculo intelligibilem leprosum in catholica Epistola scribit: *Quicumque venit ad vos, et hanc doctrinam non affert, non recipia. is eum in domum, et ave ei ne dixeritis* (*II Joan. 10*). Et ut hæc omnia facilius memoria comprehendi possint, breviter ea recapitulanda esse censemus, quibusdam tantum locis, juxta quod in aliis sanctorum prædicatorum dictis reperiebamus, sensu mutatis, ad idem tamen sacramentum per omnia respicientibus. Lepra doctrina est falsa. Proinde leprosi non absurde intelliguntur hæretici, qui unitatem veræ fidei non habentes, varias doctrinas profitentur erroris, veraque falsis admiscunt, sicut et lepra veris falsisque locis humana corpora variando commaculat. Hujus scilicet lepræ invenimus legislatorem sex species in homine posuisse: prima capitis et barbæ, secunda calvitii et recalvitionis, tertia carnis et cutis, quarta cutis corporis, et cicatricis albæ cum rubore, quinta ulceris et cicatricis, sexta ustionis. In capite lepram portat, qui in divinitate Patris, vel in ipso capite, quod est Christus, peccat: *Caput enim viri Christus est* (*I Cor. xi*). Hanc lepram Judæi habent, et Valentiniani, Marcionistæ, Fabiani, Manichæi, Ariani, Sabelliani, Macedoniani, Anthropomorphitæ, Priscilliani, Donatistæ, Nestoriani, Eutychiani, quique omnes in calvaria lepram gerunt, qui de apostolis et sanctis Christi perverse aliquid sentiunt, atque eos falsum quodlibet prædicasse confingunt: sicut enim barba ornamentum est viri, ita Christi apostoli et doctores, ornamentum est corporis Christi. In corpore lepram habent, qui Ecclesiæ detrahunt, sicut Carpocratiani, qui negant carnis resurrectionem; sicut Novatiani, qui nuptias damnant, et peccantibus pœnitentiam negant; sicut Eraclitæ, qui inter alios errores, regnum cælorum parvulos habere non credunt; sicut Ariani <sup>a</sup> qui velant pro defunctis offerre sacrificium. In carne et cute gerunt lepram, qui carnalia vel exteriora suadere conantur, ut Coriutini, qui resurrectionem futuram in carnis voluptate existimant, vel sicut Ariani qui dicunt in fide manentibus, quamvis carnaliter vivant, non posse computari peccata. In cicatrice sanati ulceris lepram portat, qui post cognitionem et medicinam Dei et manifestationem fidei quam in Christo suscepit, rursus in ipsa cicatrice ostendit aliquod indicium erroris prioris aut perlidiam dogmatis veteris. In carne viva gestat lepram, qui de anima, quæ vita est carnis, aliquod falsum existimat, sicut Luciferiani, qui dicunt animam de carnis substantia propagatam; sicut Ara-

<sup>a</sup> Sic erat in ms., in impresso autem Isidoro, *Eritiani*; sed legendum puto *Aeriani*, quorum hæc fuit hæresis.

Biēp, q̄p̄i estimatōe ḡidat cam corp̄a imōm̄ putant  
 H̄i c̄c̄r̄iōe uſionis lepram habent Manſoſi h̄oſe  
 q̄eſ q̄t̄ iſtū abſtinētie crum̄u corp̄a ſua ex  
 brunt, ſuſper̄ infidelitatem, not̄ manditiā iude, ſed  
 lepraſi ḡignitū. De ſcribaſ eam̄, p̄dicat̄ Ap̄t  
 oc̄oſp̄: *Diſcedunt, inquit, quidam, a fide attendentes  
 ſp̄itūſ, erroris et deſp̄it̄s dem̄n̄iōſum, in h̄yſp̄  
 or̄iſi loquentium mendacium, et cantariatam habentium  
 am̄m, roſociantiam, p̄ſiſtentium, quib̄e, abſtinere a  
 cibo, quon̄ d̄oſ areant̄ ad percipiendum. (I. Tem. 17.)*  
 Sed adhuc adiecit, colores leprarum, iſt̄ eſt, pallidam,  
 rubentem, albam, lividam, nigram, floſeſcentem,  
 Itaque, dūm pallidam lepram, dicit, imbecillam et  
 fragilem, fidem animę denotat. Iſque perſito colore  
 iſtegra ſanitat̄s, erroris, infirmitate languēſcit; cum  
 autem rubicundam lepram oſtendit, homicidii cruore  
 mentem infectam denotat et inurit: cum vero albam,  
 illos h̄ereticos, qui ſe mundos appellant, ſive reli  
 quos, qui de falſo merito, gloriāntur, ſicut Pelagius  
 et Novatus. Cum autem nigram vel lividam lepram  
 commemorat, invidię et livoris notas exſecratur.  
 Cum vero nigram inſinuat, ſacrificiorum ſumo et  
 uſto idololatricę, denigratam conſciētiā deteſta  
 tur. Cum autem floſeſcentem, toto corpore et co  
 perientem, omnem pelliculam corporis a capite us  
 que ad pedes dicit, avaritię crimen oſtendit, quia  
 nunc ſordidum et iucundum putatur hominem felicem  
 eſſe, in hoc mundo, et divitem videri in ſeculo,  
 hæc, enim, peſtis avaritię, omne genus hominum  
 quaſi totum, corpore crebro, erroris iſtius contagio  
 commaculat. Cum autem lepram quę habet rubo  
 rem cum pallore permixtum, cum hominem denotat,  
 qui cum ſit imbecillis, animo et mendax, facile in  
 ſurore præſumpit, et lexitat̄, innotum cito, perierat;  
 pallor, enim, uſentientem linguam ſignificat, rubor  
 iracundiam, manifeſtat. Eſt itaque lepra peccati quę  
 ſacrificiorum oblationibus emundatur, id eſt, corde  
 conſc̄ito et humiliato. *Sacrificium enim, Deo ſpiritus  
 combuſtus, eſt (Pſal. 141).* Eſt et idololatricę quę  
 aqua, diluitur, baptiſmū. Eſt et h̄ereticorum, quę  
 ſeptem dierum purgatione, extra caſtra habetur, id  
 eſt, per ſep̄tiformis, ſpiritus agnitionem purificetur.  
 Eſt, quę, niſi ſacerdotis, auferatur per doctrinam.  
 Genus autem leprę quod mundari, omnino non poſt,  
 eorum eſt, qui in ſpiritu ſancto peccant, nec dicunt  
 penitentia poſſo, conſequi veniam; de his ait, Veritas  
 eſt. *Qui peccaverit, in ſpiritu ſancto, non remitte  
 tur ei, neque in hac ſeculo, neque in futuro.* Quod  
 vero jubetur leproſis, ut exeant de caſtris, et ſedeant  
 foris donec mundetur lepra eorum, intelligitur h̄ereticos  
 projici debere ab Eccleſia, donec proprio er  
 rore purgentur, et ſic reſp̄iciantur ad Dominum. Ejuſ  
 modi, vero, diſſutis tunicis, capite deoperto, et ore  
 obſolato ſedere jubetur, lepra munditię exſpe  
 ctans: diſſutis tunicis, id eſt, omnibus ſecretis ma  
 niſeſtatis; capite deoperto, ut a cupidis ejus facinus  
 videatur; ore clauſo, ne ulterius impia doceat vel lo  
 quatur.

**CAPUT V.**  
*De lepra vestium, staminis atque subtegm̄inis.*  
 (Iam.) *Vestis lanea, qui liſſa quę lepram habuerit  
 in stamine atque subtegm̄ine, aut certe pellic, vel arid  
 quid ex pelle conſectum eſt, si alba aut rufa macula  
 fuerit, infecta, lepra, remanebit, ostenditurque, facer  
 dotis, qui consideratam recludet septem diebus, et die  
 tertio, rufum aspiciat, si crevisse deprehenderit,  
 lepra perseverans eſt: pallium judicabit vestimentum,  
 et omne in quo fuerit inventa, et idcirco comburetur  
 flammis. Quod si eam viderit non crevisse, præcipiet,  
 et lavabit id in quo lepra eſt, recludensque illud se  
 ptem diebus aliis, et cum viderit faciem quidem pri  
 stinam non reversam, nec tamen crevisse lepram, im  
 mundum judicabit, et igne comburet, eo quod infusa  
 sit in superficie vestimenti, vel per totum lepra. Si  
 autem obscurior fuerit locus leprę, postquam vestis  
 extoluta, abrumpet eum, et a solido dividet. Quod si ul  
 tra apparuerit in his locis quę prius immaculata erant,  
 lepra valatilis et vaga debet igne comburi. Si cessave  
 rit, lavabit ea quę pura sunt secundo, et munda erunt.  
 Ista est lex leprę vestimenti lanei et linei, staminis,  
 atque subtegm̄inis, omniaque suppellectilis pellicę quomodo  
 mundari debeant vel contaminari. (Ex Hesychio.)*  
 Indecorum quidam forsitan ac nimis abjectum legis  
 latorem estimant, quia de stamine atque subtegm̄ine,  
 quę trama vulgo nuncupatur, loquitur, relinqueas  
 quęcumque animas audientium legem possunt ad  
 meliora componere. Quid enim, inquit, sordi  
 datum stamen, quid subtegm̄en sive trama leprosa  
 facta, quid pellicium vas maculam habens nostrę  
 oberit vitę? Unde non nos oportet ad solam inten  
 dere litteram, sed ad fructum spiritus, qui quemad  
 modum sub folio, ita sub littera legalis vineę custo  
 ditur: tantam enim curam nostri legislator gerit,  
 ut non solum de illa cautos faciat lepra quę ex his,  
 quę jam dicta sunt, peccatis evenit, sed et de hac  
 quę frequenter circa virtutes evenire, dum malę eſt  
 aliquis utitur, solet. Alia igitur vestimenta animę,  
 alia vestimenta sunt corporis, quę nec sordidata nec  
 exspoliata contristant. Quomodo enim pertinet ad  
 hæc quod Joseph Ægyptiis vestimentis spoliandis  
 erat, vel quomodo pilis cameli Baptista Joannes ill  
 dueretur? Sed ea quę sunt animę oportet esse  
 clariora. De quibus Salomon dicebat: *Omni tem  
 pore sint vestimenta tua candida (Eccl. ix).* David  
 etiam: *Omnis gloria ejus filia regis ab intus, in ſim  
 briis aureis circumdata varietate (Pſal. xlii).* Glo  
 riam intus animę decorem asserens in ſimbriis au  
 reis, quę videlicet sint virtutes. Sed horum ves  
 timentorum quędam sunt lanea, quędam sunt linea:  
 lanea pretiosa et magna multumque animam cal  
 facientia; linea vero villa parumque calefacientia.  
 Lanea vestis animę est virginitas, linea castitas con  
 jugalis; lanea, a quęstu vel a possidendo continentia,  
 linea habitatum largitas rerum; lanea, eremi philo  
 sophia, linea, in civitate honestas sive modestia; la  
 neum, usque ad mortem pro veritate certare; lineum,  
 falsa non loqui. Unde et Salomon Ecclesiām dupli

cibus vestitam per significationem asserens dicebat : *Quae enim laudat et inflat, et operata est coram hominibus, non est propter Deum.* Et rursus : *Stragulam vestem fecit sibi, hyssus et purpura inamentum vestis.* Sed quia stantibus atque subtegminibus, ex quibus con-  
 texantur vestes, legislator mentionem facit, ipsorum nihil similitudinem exhibentium : non enim solummodo virtutes, sed ea ex quibus constant persequari desiderat. Duo ergo haec veram nobis procurant virtutem : intentio nostra et divinus nutus sive gratia, et subtegmen quidem inruit nostram intentionem, stamen autem Dei nutum. Et peior : quia stamen est in vestimento firmius, quomodo et Dei nutus vel gratia indisruptibilis in nobis atque incommutabilis persistat, sustinens subtegmen nostrae intentionis, ut perficiatur bonae actionis vestimentum. Pelles ex quibus conficit quid potest, tentationes pro plebata seu fide, et pro virtute tribulationes dicit pelles. Quare? Quia quemadmodum mortua pellis est de qua fieri potest vas, verumtamen de ea uter forsitan, aut cadus, aut stratum, aut pellis tabernaculi, aut aliquid aliud sit utile; sic et tribulationes et tentationes mortificant in saeculo hominem. Humiliant enim eum et valde in nihil redactum ostendunt, vas tamen ex eis bonum et utile fit patientia atque probatio, quae omnimodo a Domino corona subsequitur. Quia enim pelles tribulationes et tentationes appellari non sit incongruum, audi Job dicentem de suis tribulationibus et tentationibus : *Pelli mea, consumptis carnibus, adhesit os meum : et derelicta sunt tantummodo labia circa dentes meos. Miseremini mei, miseremini mei, saltem vos amici mei, quia manus Domini tetigit me (Job. xix).* Prohibet ergo [superbiam] nec in virtute perfecta, quod est vestimentum, vel si magna est, vel si mediceris. Hanc enim lancorem et lineorum differentiam diximus, maculam inveniri albam aut rufam, vel, sicut Septuaginta, viridantem aut flammiscentem. Dicit autem viridantem superbiam, flammantem cynodoxiam : haec enim fuit angelorum prevaricatio, quia ubique Christus virtutes a vana gloria liberas esse praecipit, et neque jejunare, neque misereri ad placendum hominibus jubet; perdere quippe mercedem suam eos qui ita faciunt affirmavit. Qui enim ab hominibus laudari volunt, quomodo jam laudari a Domino expectabunt? Viridas autem superbia intelligitur, quia ad modicum floret, velut virentia, ita ut diceret David : *Vidi impium superelevatum et superexaltatum super cedros Libani : et transivi et ecce non erat (Psal. xxxvi).* Et rursus de eisdem : *Sicut fenum ita decident, et sicut olera herbarum cito cadent (Ibid.).* Ergo aperte probatum est quia superbiam seu vanam gloriam prohibet adherere virtuti. Sed nec in stamine, sive in subtegmine vult lepram quae dicta est venire, id est, ut nec ipsi cum superbia vel vana gloria virtutes intendamus, nec a Deo lalem gratiam nobis concurrere depremur, sed nec tentationes cum aliquo ex his nos legislator sustinere desiderat, qui si tale quippiam for-

mas ut hominibus provenire contingit. Insuper qd; a sacerdotibus, les aspectu virtutum iniquis intentionem virtutis, nec contentationum patientiam repellere, nec et delemere immundam et suspitione superbia, vel vana gloria praecipit; meditari sicut manda: suscipere; sed separare eos septem diebus ad tempore discernere passionem. Et siquidem creverit, immunda sunt praedicta omnia in quibus vult evenire, quia terra perseverans est, propter quod et Damnis jubet nam comburi. Ergo staminem gehennae significat, et futuri temporis memoriam facit; neque enim dixit, in igne conterentur; sed, in igne conterentur. Si autem post reclusionem eam viderit non crevisse, praecipiet, et lavabunt in quo lepra est, id est, diluere ea illum per poenitentiam praecipit. Deinde post dissolutionem recludere illud septem dies rursus jubet, et sic cognoscere utrum invenit maculam superbiae, vel vanae gloriae permanentem: quamvis non creverit, tamen incommutata ob hoc est, quia ad poenitentiam non migrat, immundum est, et igne comburetur: corroborata est enim passio, et propterea virtutem homo nec corrigere malum vult, nec intendere, si enim obscurius fuerit locus lepra, id est, ineerta lepra et dubia, postquam vestis est tota per poenitentiam, abscidere passionem a vestimento virtutis, ceterorumque quae praedicta sunt praecipit. Quomodo autem superbiam abrupit? Valde videlicet se humilians, similiter et vanam gloriam omnibus a se removens modis, id est, ut nec honoribus, ex quibus superbiae passio nutritur, nec laudibus, quibus vana crescit gloria, delectetur vel gaudeat; sicut conversetur, ut ne quidem in suspitione unius horum incidat, et tunc mundus esse poterit. Sin autem ultra apparuerit in his locis quae prius maculata fuerant, id est, in vestimento vel in subtegmine, vel in stamine, vel in pelle, id est, in virtute, aut ipsis tentationibus adhuc eandem sustineat passionem, pro qua abusus est vel poenitent, atque in ea permanet, immunda huiusmodi reputatur, et ignis eum gehennae suscipit, quia lepra volatica et vaga est, quia hoc quod semel macula dilutum fuerat, id est, postquam semel a suspitione mundatus est, rursus lavari vult, ut tunc mundus nominetur. Unde aperissime illud ubi intelligere legislator inruit, quando de eodem peccato frequentibus vult lacrymis poeniteri, frequens enim commemoratio, nec ipsum vultus permittit prostrare nec aliud. (MAURUS.) Item alio modo: Lepra in veste linea significare potest perversitatem morum in mente amare. Unde et per quemdam colorem iustitiae plus quam oportet savunt in peccantibus, ad desperationem plus quam ad sanitatem provocantes, contra Apostolum qui ait, *Onera vestra invicem portate (Galat. vi).* Lepra autem in veste linea illos significat qui pro adulatione delinquentes corrigere volunt, sed male facientibus consentiunt: aut certe qui moliter vivunt, et viriliter agere non student. Lepra autem in stamine potest significare animae vitia, quia sicut stamen opus textrinum sustentat, ita et anima

corpus stare et vigere facit. Lepra autem in subtegmine peccata sunt quæ per corpus committuntur : in corpore etenim anima subsistit, veluti stamen in subtegmine. Pellis vero vita est exterior, et conversatio hominum carnalis; unde post peccatum Adam et uxori illius tunicas pelliceas Dominus fecisse dicitur. Lepra autem in pelle, malum exemplum est in conversatione hujus vitæ per quod indocti in errorem inducuntur. (Ex *Hesychio*.) Quia ergo et de eventibus in virtutes maculis legislator purificationes præcepit, jam per quæ leprosum mundet agnosce. Hoc enim intendens invenies quia legislatori de lepra illa coræ fuit quæ ex delictis in animabus nostris infligitur.

#### CAPUT VI.

*De oblationibus offerendis pro emundatione, et purgatione leprosi.*

(CAP. XIV.) Locutusque est Dominus ad Moysen dicens : Hic est ritus leprosi quando mundandus est : Adducetur ad sacerdotem, qui egressus e castris, cum invenerit lepram esse mundatam, præcipiet ei qui purificatur ut offerat pro se duos passeris vivos, quos vesci licitum est, et lignum cedrinum, vermiculumque et hyssopum. Et unum e passeribus immolari jubebit in vase fictili super aquas viventes : alium autem vivum cum ligno cedrino, et cocco, et hyssopo tinget in sanguine passeris immolati, quo asperget illum qui mundandus est, septies, ut jure purgetur, et dimittet passerem vivum, ut in agrum avolet. Cunque laverit homo vestimenta sua, radet omnes pilos corporis, et lavabitur aqua, purificatusque ingreditur castra, ita duntaxat ut maneat extra tabernaculum suum septem diebus. Et die septima radat capillos capitis, barbamque et supercilia, ac totius corporis pilos, et lotis rursum vestibus et corpore, etc. (Ex *Hesychio*.) Quia non nos oportet arbitrari negligenter quippiam legislatorem dicere, illud te oportet notare præ omnibus, quia nunc quando de mundationibus sancit, solo Moysi, non etiam Aaron, sicut superius, alloquitur; quia Moyses præcipue imaginem Christi secundum multos qui dicti sunt gerit modos, soli autem Christo communis lepræ competit emundatio, propter quod nec de lepra unius modi quæ sit in vulnere, verbi gratia, aut inustione, aut aliter loquitur; sed ait : *Hic est ritus leprosi*. Per hoc omnem speciem lepræ complecti volens, quia et Christus omne genus peccatorum mundavit; ergo et nimis simillimæ est mysterio ejus præsens materia, quod ex eo discimus, quia leprosum non ire ad sacerdotem, sed ad eum ire sacerdotem præcepit, sicque adduci eum qui mundandus est, quemadmodum et Christus ad nos venit, et eos qui ab eo mundari atque ablui necessarium habebant, et extra castra ad intendum eum qui mundandus erat egredi sacerdotem præcepit, sicut nos Christus extra castra per passionem crucis, dispensationisque quæ tunc peracta est visitavit. Non prius autem hoc egit quam videret, quia macula lepræ ab eo sanaretur, id est, antequam nos caruisse vidisset errore. Quan-

do ergo in eum non solum ex plebe Judaica crediderunt, sed et pagani ascendentes eum videre cupiebant, nuntiantibus hoc discipulis dixit : *Venit hora ut glorificetur Filius hominis* (Joan. xii), quando vidit quod præparatum esset humanum genus ad liberationem salutemque per crucem, hoc enim et gloriam suam appellavit, tunc quid suscepit? Videlicet duos passeris vivos, quos vesci licitum est. Habuit enim hæc Christus, divinitatem scilicet et humanitatem, quia munda Christi etiam humanitas et vivens est. Munda quidem, ut pote, quæ proprium peccatum non habuit; viva autem, ut quæ genita non est ex viri immunditia; et ideo non fuit maledictioni mortis obnoxia. *Sumet, inquit, et lignum cedrinum*, id est, crucem : cedro autem ideo significatur, quia cedrus in lignis fortis est. Nam et arca de lignis cedrinis facta fuisse asseritur, quia lignorum impubilitium in constructione ejus Moyses mentionem fecit. *Sumet et vermiculum*, quod Septuaginta edunt *coccinum torum*, videlicet passionem : dicitur enim propter tincturam sanguinem coccinum; unde chlamydem coccineam cum ducetur ad passionem, eum milites induerunt. Tortum autem esse quare dixerunt? Propter passibilitatem impassibilitatemque connexam, propter quod in eum passio secundum quemdam est modum; hyssopum autem boni odoris gratia spiritus cooperatrix emundationis nostræ est. Unde David : *Asperges me, inquit, hyssopo et mundabor* (Psal. l).

De passeribus ergo quos diximus esse Christum, hunc præcepit immolari vel occidi, id est, id quod erat passibile et quod poterat occidi, et occidi : in vase fictili super aquas viventes, in nobis enim, id est, pro nobis. Siquidem sumus vas fictile de luto videlicet facti, unigenitus secundum carnem occiditur super aquas vivas, id est, baptismatis : mors ejus quippe nostrum figurat baptismum, quod ostendit Paulus dicens : *Quicumque in Christo baptizati sumus, in morte ejus baptizati sumus* (Rom. vi). In hoc enim vivens passer, et lignum cedrinum, et coccinum tortum, et hyssopus tingitur : omnia enim hæc comprehenduntur in virtute baptismatis, quod diximus Dominicæ esse passionis figuram significationemque, sed vivens passer quem in Unigeniti necessario divinitatem accipimus, in sanguine etiam hic occisi passeris, et aqua tingitur, id est, in gratia baptismatis, quia non in hominis passione, sed Dei et hominis baptizamur. Deinde post hæc, vivens passer in agrum ut avolet dimittitur; ergo impassibilis divinitas et inseparabilis erat a carne, quæ passa est, unde et separabilis in sanguine baptizamur, ut impassibilis viva in agrum avolet. Ad altitudinem videlicet contemplationis emittitur, quo illum dimittente, nostro videlicet intellectu, sub hujus enim contemplatione tenetur, solummodo sponte detenta cum a nullo alio detineri possit. Insuper is qui mundatus est vestimenta lavat, videlicet actiones et si quas virtutes habuit, quia et has peccato polluit.

Lavat autem poenitentia et radit pilum, id est,

omnem cogitationem deponit, quia omnes eas habebat immundas; et lavatus aqua poenitentiae aut baptismatis, tunc necessarie mundabitur, nam et si mundum eum superius nominavit, ait enim: *Cum vivus fuerit esse mundatus, efferet duos passeret, sed eum qui aptus erat ad mundationem dicebat. Nam quomodo is qui jam mundus est adhuc necesse habet mundari? Tunc et in castra ingreditur ut conventui nostro intersit, atque intelligibilium contractuum socius, et alterius commisionis quae cum fidelibus habetur, acquiratur fructus, a qua quia prohibeantur hi qui necdum mundati sunt peccatores, audi Apostolum dicentem: Si is qui frater nominatur, aut adulter est, aut avarus, aut detractor, aut ebriosus, aut rapax, cum hujusmodi nec cibum sumere (I Cor. v). Verumtamen septem dies extra tabernaculum suum manet, adhuc sanctorum communione propter subtiliorem custodiam, et paulatim ad meliora provectum separatus. Tabernaculum enim uniuscujusque nostrum mysteriorum adeptio est, tabernaculum a gelu tegens nos et ab aestu, tabernaculum in quo coenat cum Deo, sicut cum patre filii, aut cum sponso sponsa, vel si aliquid aliud dicitur quod magis ad proximitatem cognationis pertinet: Et die septima rades capillos capitis, barbamque et supercilia, ac totius corporis pilos. Sed hic non solum caput, sed et barbam, et supercilia, et omnem simpliciter pilum qui in omni corpore est, ac per hoc et occultarum partium radi praecipit. Nullam ergo ei cogitationem veterem remanere vult: non solum illas quae ornatum homini utpote rationali, et multa de diversis disceptanti praebent, illas enim per caput, propter ornatum et multitudinem significat; sed nec has quae hominem contemplativum constituunt, de sublimibus et diviniorebus rebus cogitantem, hoc enim superciliis designatur, quae in alioribus sunt sita et circa contemplativorum manentia sensuum organa, sed nec illas quae discretionale continent, per barbam recte significantur: quia barbam maxime inter virile genus et muliebre dividat. Haec autem, non quomodo carere eum cogitatione cupiens praecipit, sed novum totum, et quasi modo genitum fieri volens, et exspoliare veterem hominem, ut capiat novum: quomodo enim ei qui antiquum rasis pilum, alius novus et recens nascitur, sic et huic veteribus carenti cogitationibus, aliae novae ad meliora pullulant. Lavare etiam rursus vestimenta sua, id est, actiones mundas efflicere, et lavabit iterum corpus aqua, secundo utique illud lavant, nobis autem non est secundum baptismum: Unus enim Dominus, una fides, unum baptismum (Ephes. iv). Et quomodo secundo lavabitur, nisi absolute per lacrymas? Hoc enim non semel nec bis, sed tertio et frequenter licet peragi, quia et David dicebat: *Facta sunt mihi lacrymae meae panes die ac nocte. Sequitur:**

*Assumet duos agnos immaculatos, et ovem anniculam absque macula, et tres decimas simile in sacrificio, quae conspersa sit oleo, et seorsim olei sextarium;*

PATROL. CVIII.

*A cumque sacerdos purificans hominem statuerit eum, et haec omnia coram Domino in ostio tabernaculi testimonii, tollet agnum et offeret illum pro delicto, oleique sextarium. Et oblati ante Dominum omnibus, immolabit agnum, ubi immolari solet hostia pro peccato, et holocaustum, id est, in loco sancto. Sicut enim pro peccato, ita et pro delicto ad sacerdotem pertinet hostia, Sancta sanctorum est, assumensque sacerdos de sanguine hostiae quae immolata est pro delicto, ponet super extremum auriculae dextrae ejus qui mandatur, et super pollices manus dextrae et pedis; et de olei sextario mittet in manum suam sinistram, tingetque digitum dextrum in eo, et asperget septies contra Dominum. Quod autem reliquum est olei, in laeva manu fundet super extremum auriculae dextrae ejus qui mandatur, et super pollices manus ac pedis dextrae; et super sanguinem qui fusus est pro delicto, et super caput ejus; rogabitque pro eo coram Domino, et faciet sacrificium pro peccato, tunc immolabit holocaustum, et ponet illud in altari cum libamentis suis, et homo rite mundabitur. (Ex Hesychio.)* Postquam enim prima die qua egreditur sacerdos extra castra, immolari ad emundationem leprosi praecipit, ecce rursus nunc octava die alia pro eo sacrificia fieri jubentur. Octava enim dies eadem quam prima vim gerit, quia omne praesens tempus in hebdomadibus conciditur post quas octava est, aequam ut diximus virtutem primae gerens, vel omnino ipsam renovans. Est autem haec in qua Salvator surrexit; in qua in castra ingrediemur. Post dies enim septem, eum qui mundatus est leprosus, die videlicet octava in castris ingredi praecipit, sed castra qualia? Utique illa quae Jacob patriarcha vidit, quando angelis sibi occurrentibus locum *castra Dei* appellavit. Ad haec mundatus leprosus utpote olim justificatus tempore resurrectionis venit, in cujus figuram, octavam diem, sicut diximus, legislator accepit. Quae autem in eadem octava die agi praecipita sunt, imaginem ejus qui secundum nos est mysterii gerunt. Praecipit siquidem duos agnos immaculatos anniculos summi, et ovem anniculam immaculatam unam: quorum quidem unum pro peccato, alium autem in holocaustum praecipit immolari, omnia autem haec figuram gerunt sacrificii Salvatoris. Ipse enim propter peccata nostra, et delicta in hostiam, ipse in holocaustum fuit. Ex utroque autem genere propterea sacrificium offerri praecipit, ut ostenderet quia Christus pro nobis occisus, simul masculum feminamque salvavit: non frustra autem anniculum in utroque praecipit, sed perfectum per hoc sacrificium figuravit: perfecta enim in praedictis animalibus sunt annicula animalia, ita ut ad filios generandos sint idonea, sed quia eum qui mandatur, super sacrificium Unigeniti, etiam fidem totius Trinitatis signari oportet, tres decimas similiae, id est, Trinitatem Patris, et Filii, et Spiritus sancti, habentem in unaquaque persona perfectionem: perfectus quippe est denarius numerus, propter quod et Dominus dicebat: *Simile est regnum caelorum mulieri quae*

accipiens fermentum abscondit in farinae sata tria, usque dum perfermentaretur totum (Math. XIII). Sumi autem hæc conspersa oleo in sacrificium jubet, sacrificium autem dicit Unigeniti, quod in oleo conspersum est, quia ob compassionem nostram gestum est. Sed quomodo dicimus in eo tres offerri similiae decimas? Aut quia etsi Unigeniti passione, tamen totius Trinitatis, hoc quod ex illo sacrificio actum est mysterium fuit. In nomine enim Patris, atque ipsius unigeniti Filii, et sancti Spiritus, etiam baptisma agitur, in quo in morte Christi baptizatur, et totum ipsum mysterium in eo sanctificatur. Præcepit autem et sextarium olei sumi, quia fide intelligitur et agitur unumquodque eorum quæ prædicta sunt, quæ juste sextarius nominatur, quia quemadmodum sextarius mensura est, vel si cotylam, secundum Septuaginta dicamus, idem <sup>a</sup> mensura uniuscujusque minus et plus non capit. Sequitur: *Quod enim plus est effunditur*. Minus autem propterea non suscipit, quia hoc quod minuitur nequaquam jam sextarius vel cotyla poterit appellari, sic et fides ad mentionis nostræ mensuram datur, quæ non cepit amplius aut minus quam unicuique a Deo est dispertita cognitio. Quod ergo minus est, aut amplius, ad infidelitatem tendit. Illis ergo acceptis, ad ostium tabernaculi testimonii, ad ingressum videlicet scientiæ Dei qui mundatus est adducitur: *Sacerdos autem sumens agnum unum pro delicto immolat*. Atqui si de corporali passione esset hæc sanctio, sicut quibusdam videtur, quid erat necesse agnum pro peccato immolari? Sed quia adumbrat propter infirmitatem Judæorum mysteria, atque spiritalem intellectum abscondit in littera, sic etiam dat quasdam occasiones contemplationis, per litteram et verba quæ significant intellectum spiritus. Unde et nunc cum agnum unum pro peccato præcepisset immolari, qualem non dicit, quia ipse est procul dubio, quem pro delicto illius immolari jussit, cujus aures a lepra detinebantur. Propter quid ergo sic facit? nisi forte ut auditum muniat, et cautum reddat, quia ipse a dracone seductus peccatum introduxit: per manum autem actiones significat, per pedem vero omnes nostros motus et vias comprehendere et prævenire voluit, his enim custoditis, per sanguinem intelligibilis agni, et fidem quæ in eum est, quæ nobis per misericordiam et compassionem ejus donata est, intelligibilis lepra nequaquam poterit hominem penetrare, quanquam et oleum sextarii seu cotylæ quam esse fidem diximus, in manu mittere sacerdotem vult, ut sacerdotis fides, per quam et nos producimur in operibus ostendatur, nec enim aliter vim suam exerit, nisi manu assumpta fuerit, id est actione confirmata, et signata operibus. Mittit autem oleum in sinistra manu, et intingit digitum dextrum in oleo, sicut Paulus ait: *Per arma justitiæ a dextris et sinistris conversatus, per gloriam et ignobilitatem, per infamiam et bonam famam* (II Cor. VI), et quæ his similia sunt. Tunc

<sup>a</sup> Id est, in impresso erat eadem.

aspergit septies contra Dominum, præsumit enim talis sacerdos apud Deum, quando mundare eos qui necessitatem patiuntur, et dimittere eis peccata poterit, propter quod septies aspergit, quia numerus iste remissionis peccatorum esse demonstratus est. Sed postquam fudit super extrema dextrarum auricularum, et super pellices manus ac pedis dextri, secundum quod supra diximus, reliquum olei in capite fundit ejus qui vocatus est ut mundaretur. Per caput sanctificationem omni præstans corpori, christumque Domini eum qui mundatus est per hanc unctionem efficiens. Tunc, inquit, pro peccato sacrificium offertur, qualiter autem hoc fiat, non dicit, ex his enim quæ de delictis dicta sunt, possunt etiam ea quæ pro peccato sunt conjici, vicina enim sunt et communia, utpote in communi materia. Post hoc immolat holocaustum, et ponit illud in altari; ergo prius nos Christi sacrificium a delictis et peccatis munaat, et tunc nostrum conficitur holocaustum. Quando enim intelligibili emundatione spiritus, totum nostrum corpus et animam sanctificantes, spirituales facti fuerimus, tunc digni ad ascensionem altaris efficiamur, tunc plenissimam accipimus mundationem, postquam jam aliam necessariam non habemus.

#### CAPUT VII.

*Quid offerre debeat pauper pro emundatione sua.*

(IBID.) *Quod si pauper est, et non potest manus ejus invenire quæ dicta sunt, sumet agnum pro delicto ad oblationem, ut roget pro eo sacerdos, decimamque partem similiae conspersæ oleo in sacrificium, et olei sextarium, duosque turtures sive duos pullos columbarum: quorum sit unus pro peccato, et alter in holocaustum. Offeretque ea die octavo purificationis sue sacerdoti ad ostium tabernaculi testimonii coram Domino; qui suscipiens agnum pro delicto et sextarium olei, levabit simul, immolatoque agno, de sanguine ejus ponet super extremum auriculæ dextræ ejus, qui emundatur, et super pollices manus ejus ac pedis dextri, olei vero partem mittit in manum suam sinistram, in quo intingens digitum dextræ manus, asperget septies contra Dominum, tangetque extremum dextræ auriculæ illius qui mundatur, et pollices manus ac pedis dextri in loco sanguinis qui effusus est pro delicto. Reliquam autem partem olei quæ est in sinistra manu, mittet super caput purificati, ut placet pro eo Dominum. Et turturem sive pullum columbæ offeret unum pro delicto, et alterum in holocaustum cum libamenti suis. Hoc est sacrificium leprosi qui habere non potest omnia in emundatione sui. (Ex Hesychio.)* Admirabili erga eos qui legem accipiunt legislator condescensione utitur. Ecce enim veniam paupertati dat, et moderata pauperi sacrificia esse præcepit, ne forte obstupescat, dum majora ei quam virtus est præcipiuntur. Sed quia nec eorum quæ dicta sunt quidpiam facile in quæstu pauperum invenimus, qui enim non habet panem, unde agnum? qui autem pecunia eget, unde emat columbam vel



turturum? manifestum est quod aliquam contemplationem intendat, et ad occulta spiritus deducat eum, qui vult ingredi ad thesauros absconditos scientiæ. Cum liceret enim ei coarctare sacrificiorum numerum propter paupertatem offerentis, hoc omittens, vilia quædam ei et non magni pretii exquirat, quod facit tam paupertati ignoscens, quam etiam lucro sacrificiorum nolens eum fraudari, secundum litteram; nobis autem ex alio dat intelligere, quia lepra malitiam significat, deinde hujus emundatio est pœnitentiæ, hæc autem opera necessaria habet, quæ virtutibus et actionis studio valeant delere peccata. Propter quod Joannes Baptista populo Judæorum dicebat: *Facite fructum dignum pœnitentiæ*. Consideravit enim sic subtilis legislator eos, qui non omnia possint quæ pertinent ad districtam rationem pœnitentiæ exhibere, opus habet enim pœnitentiæ orationem intentam, eleemosynam, vigiliis, saccum, jejunium, postremo etiam illa quæ David dicit: *factæ sunt mihi lacrymæ meæ panes die ac nocte*. Et: *Lavabo per singulas noctes lectum meum, lacrymis meis stratum meum rigabo*. Sed et *cinerem sicut panem manducabam, et potum meum cum fletu temperabam* (Psal. vi). Sunt etenim qui hæc omnia forsitan propter senectutem, aut propter nimiam corporis infirmitatem, vel aliam necessitatem agere non possunt, sicut in alio negotio præsentis libri interpretati sumus. Ignoscit his, quia volunt quidem; non invenit autem manus eorum, non possunt enim; et ut pote veniam dans alteram eis viam pœnitentiæ, alia genera sacrificiorum exquirat, et ante omnia quidem agnum dicit: oportet enim unumquemque pœnitentiæ agentem ad benignitatem ante omnia migrare, et hanc studere, quia hæc etiam cuilibet facilis ad adipiscendum est, qui a malis abstinerit. Decimam partem similæ conspersæ oleo, id est, Christi theologiam assequi, qui oleo seu misericordia nostræ contemperari passus est carni. Et sextarium, seu, secundum Septuaginta, cotylam olei unam, hanc autem esse manifestissime fidem in anterioribus demonstravimus. Sed quid offerri cum his legislator præcepit? Duos turtures vel duos pullos columbarum: hæc autem facile reperiuntur a quolibet, id est, continuam legis meditationem, quæ non solum ex lectione, ne forte et hanc dicas esse quibusdam difficilem, sed et ex contemplatione quæ est in animo et mente conficitur, quæ utraq; pro sacco et jejunio, et lacrymis, et ciperi cibo sunt atque similibus. Si enim illa ad humiliandam carnem et refrenandam animam a terrenis operibus agimus, facit autem hæc etiam legis meditatio, et continuum horum studium, districtaque divinorum mandatorum atque beneficiorum contemplatio et persecutio, necessario hæc sacrificia pro illis introduxit; quæ etiam David exponit, dicens: *Beatus vir qui non abiit in consilio impiorum, et in via peccatorum non stetit, et in cathedra pœnitentiæ non sedit* (Psal. 1). Quod manifestat agni sacrificium,

A omni carentis malitia, atque propterea innocentiam significantis; *sed in lege Domini fuit voluntas ejus, illius videlicet qui mundam habet scientiam per contemplationem innocentium cogitationum, quales quosdam Paulus dicit: Legem non habentes, et opera legis scripta in cordibus suis* (II Cor. iii), per disciplinatas castasque cogitationes demonstrantes, qualis quodammodo est turturis oblatio. *Tanget, inquit, extremum dextræ auriculæ illius qui mundatur, et pollices manus ac pedis dextri in loco sanguinis, qui effusus est pro delicto. Reliquam autem partem olei, quæ est in sinistra manu, mitet super caput purificati, ut placet pro eo Dominum, et cætera.* (Ex Origene.) Vides quomodo ultimæ et summæ purificationis est aurem purificari, ut purus et mundus servetur auditus; et manum dextram, ut munda sint opera nostra, nec aliquid immundum his admisceatur et sordidum; sed et pedes purificandi sunt, ut ad opus bonum tantummodo dirigantur, nec ultra lapsus juventutis incurrant. Septies autem respergit sacerdos contra Dominum ex oleo: post omnia etenim quæ pro purificato celebrata sunt, postquam conversus et reconciliatus est Deo, post immolatas hostias, ordinis erat ut et virtutem super eum septemplericem sancti Spiritus invitaret, secundum eum qui dixerat: *Redde mihi lætitiæ salutis tui, et spiritu principali confirma me*. Vel certe quoniam peccatorum corda Dominus in Evangelio testatur a septem dæmonibus obsideri, competenter septies ante Dominum sacerdos in purificatione respergit, ut expulsio septem spirituum malignorum de purificati corde septies excusso digito oleo declaretur. Sic ergo conversis a peccato purificatio quidem per illa omnia datur quæ superius diximus. Donum autem gratiæ Spiritus per olei imaginem designatur, ut non solum purgationem consequi possit is qui convertitur a peccato, sed et Spiritu sancto repleri: quo et recipere priorem stolam et annulum possit, et per omnia reconciliatus Patri in locum Filii reparari.

#### CAPUT VIII,

##### *De lepra domorum sive parietum, et recapitulatio de omni lepra.*

(IBID.) *Locutusque et Dominus ad Moysen et Aaron dicens: Cum ingressi fueritis terram Chanaan, quam ego dabo vobis in possessionem, si fuerit plaga lepræ in ædibus, ibit cujus est domus nuntians sacerdoti, et dicet: Quasi plaga lepræ videtur mihi esse in domo mea. At ille præcipiet ut offerant universa de domo prius quam ingrediat eam, et videat utrum leprosa sit, ne immunda fiant omnia quæ in domo sunt. Intrabitque postea ut consideret domum lepram. Et cum viderit in parietibus illius quasi vallisculas pallore sive rubore defarmes, et humiliores superficie, reliqua, egredietur ostium domus, et statim claudet eam septem diebus. Reversusque die septimo considerabit eam, si invenerit crevissam lepram, jubebit erui lapides in quibus lepra est, et projici eos extra civitatem, in loco immundo; domum autem ipsam*

vadi intrinsecos, per circumitum, et aspergi pulverem  
 mensuræ extra urbem in loco immundo, lapidesque  
 alios reponi pro his qui ablati fuerint, et luto alio li-  
 miri domum. Sin autem postquam eruti sunt lapides  
 et pulvis elatus, et alia terra lita, ingressus sacerdos  
 videtur reversam lepram, et parietes aspersos maculis,  
 lepra est perseverans, et immunda domus, quam statim  
 destruent, et lapides ejus ac ligna atque univsum  
 pulverem projicient extra oppidum, in loco immundo.  
 Qui intraverit domum quando clausa est, immundus  
 erit usque ad vesperam; et qui dormierit in ea et co-  
 mederit quidpiam, lavabit vestimenta sua, et cætera.  
 (Ex Hesychio.) Cum ingressi, inquit, fueritis, Moy-  
 ses et Aaron, in terram Chananæorum. Quænam  
 est hæc? Quam ego dabo vobis in possessionem. Quia  
 enim septem numero gentes, id est, Chananæi,  
 Pherezæi, Gergesæi, Amorrhæi, Jebusæi, Cethæi,  
 et Aradæi, terram promissam Abrahæ possidebant,  
 imaginem autem gerebant hæ septem iniquorum  
 spirituum, de quibus Dominus in Evangelis dicit:  
 Dum spiritus immundus exierit ab homine, assumit  
 alios septem spiritus nequiores se, et habitant in ho-  
 mine, cujus novissima sunt deteriora prioribus  
 (Matth. xii); hi autem spiritus veram terram ipsius  
 Abrahæ, id est, gentium hæreditatem possidebant.  
 Ipsi enim dictum est: Quia patrem multarum gen-  
 tium posui te. Quando Moyses et Aaron (lex videlicet  
 et prophetæ, horum enim hi figuram gerunt; quia  
 Aaron Moysi os, qui figuram legis gerit, propheta  
 esse dictus est) ingressi fuerint inter gentes, tunc  
 per eos Deus tyrannidem obtinentes in gentibus,  
 qui sunt intelligibiles Chananæos, prædictos expellit  
 spiritus. Possessionem autem legis et prophetarum,  
 et hæc prædicantium ipse esse concedit gentes, qui  
 eas proprio acquisivit sanguine; tam per ablutionem  
 regenerationis, quam renovationem sancti Spiritus,  
 quem effudit abunde super nos, liberans nos ab his  
 quibus dudum serviebamus: ut et hi qui ex genti-  
 bus sunt possent Isaïæ canticum dicere: Domine  
 Deus noster, possederunt nos domini absque te; tantum  
 in te recordabamur nominis tui (Isa. xvi). Quæcun-  
 que autem ejus possessio est, etiam servorum et  
 ministrorum ejus procul dubio est. Ergo quando  
 prophetæ et lex in gentium hæreditatem ingressi  
 fuerint, ministrantes evangelicæ prædicationi, et  
 ea quæ nunc de intelligibilibus domibus dicta sunt  
 apparere potuerint, ibi est domus nuntians  
 sacerdoti, et dicit: Quasi plaga lepræ videtur mihi  
 esse in domo mea. Quæ enim sunt domesticæ Eccle-  
 siæ, et propterea ait: Ibi est domus, audiamus  
 Paulum dicentem: Salutate Priscillam et Aquilam  
 et domesticam eorum Ecclesiam (I Cor. xvi).  
 Qui ergo huic præest, si sentit lepram intelligibilem,  
 id est, si malæ et impiæ doctrinæ sensum quempiam  
 comprehenderit, timens ne hoc quod studuit ad  
 justitiam fiat ei ad judicium, vadet ad sacerdotem qui  
 discernere possit. Ipse enim non absolute sacerdos  
 est, quod manifestum est ex his quæ rursus Paulus  
 ad Colossenses scripsit: Salutate Nympham et do-

mesticam ejus Ecclesiam (Coloss. iv). Quia multi pro-  
 pter zelum et pietatem ecclesias et domesticas con-  
 stituentes, in eis doctores divinarum, ministrasque,  
 nec non et communionem atque exultationem eorum  
 convenientes suscipiebant. Is ergo qui hujusmodi  
 est, ibi ad eum qui veri sacerdotii figuram gerit,  
 quales fuerunt Petrus vel Paulus, vel Timotheus,  
 cæterique qui eorum doctrinam virtutesque custo-  
 dierunt, irreprehensibiles permanentes: oportet  
 enim episcopum irreprehensibilem esse, ut propterea  
 possit aliena judicare peccata. Et dicit: Quasi plaga  
 lepræ videtur mihi esse in domo, id est, sensus im-  
 piæ doctrinæ in mea domestica apparet Ecclesia. At  
 ille præcipiet ut auferant universa de domo, ut Se-  
 ptuaginta edunt, et præcipiet sacerdos detegere do-  
 mum, et non florebit in omnem domum; id est,  
 præcipiet recedere omnem populum qui in ea colli-  
 gebatur: hic est tectus domus sive instructura, se-  
 cundum quod frequenter ostendimus. Descedere au-  
 tem eos præcepit, id est, opere ostendere quod alieni  
 sint a malo quod apparuit in Ecclesia, et non com-  
 municent poenæ quæ est impiis ingerenda. Propter  
 quod et Moyses quando Dathan et Abiron ad pu-  
 niendum atque disperdendum deducturus erat, re-  
 cedere reliquam multitudinem, ut non participes  
 efficerentur poenæ, præcepit (Num. xvi). Hoc est  
 enim quod ait: Ne immunda fiant omnia quæ in domo  
 sunt, intrabitque postea sacerdos ut consideret domus  
 lepram. Et cum viderit in parietibus illius quasi val-  
 lículas pallore sive rubore deformes, (Ex Hesychio.) Et  
 cætera. Parietes domus recte dicuntur hi qui eam  
 continent, id est, ordines divina dicentium atque  
 docentium: ex his quippe vere consistit Ecclesia,  
 et non sicut quidam putant ex lignis atque lapidi-  
 bus. Unde et Moyses quando colligere jubebatur  
 Ecclesiam, non ligna et lapides cæteraque similia,  
 sed plebem, seniores Levitasque convocabat. Se-  
 cundum quam rationem etiam Jacobus et Cephas,  
 et Joannes columnæ Ecclesiæ dicebantur. Ergo recte  
 parietes, ministri sacrorum doctoresque, ut pote  
 ipsi stabilitatem Ecclesiæ fulcientes, ut plebem quo-  
 dammodo intra semetipsos colligentes. Pallens au-  
 tem, seu, ut Septuaginta, viridans, et rubicunda  
 macula qualis quæve sit, satis interpretatio præce-  
 dentis sanctionis ostendit; esse enim illam vanam  
 gloriam atque superbiam demonstravit. Ex quibus  
 maxime parietes Ecclesiæ corpusque sacra mini-  
 strantium doctorum, qui ad malas ac nefarias im-  
 piæque doctrinas prorumpunt. Si ergo aspectum  
 parietem valliculas seu fossas habentem, id est, si  
 humiliora sacra ministrantium vel magistrorum opi-  
 nionem vallescentemque quodammodo ex compre-  
 hensio peccato perspexerit, egredietur ostium domus,  
 et statim claudet eam septem diebus. Ecclesiæ mode-  
 ratam ingerens increpationem, quæ poenitentiam per-  
 cipit veniam et absolvitur: septenarius enim nu-  
 merus peccati veniam significat. Reversusque die  
 septima considerabit eam; si invenerit crevisse lepram,  
 jubebit erui lapides in quibus lepra est, et projiciet

ros extra civitatem, in loco immundo, et hoc quia diffusa maculam non invenit, nec exuberantem impietatem, id est, his quidem qui peccaverunt, ut pote poenitentibus, ignoscit, et ut ex infirmitate peccantibus; dogmata autem et syngammata in quibus est intelligibilia lepra, videlicet impietatis macula, hæc non solum extra domum, sed extra civitatem recte projiciunt, non solum de una ea ecclesia, sed et de universali ejicientes; universalis enim Ecclesia Jerusalem est civitas Dei vivi, quæ continet Ecclesiam primitivorum conscriptam in cælis; quamobrem etiam in locum immundum projiciunt, inter hæreticorum videlicet conventicula. Hic est enim locus immundus, quia omnia recipit dogmata impietatis. Et quid post hæc? Domum autem ipsam radi intrinsecus per circuitum, et spargi pulverem rasuræ, extra urbem in loco immundo. Radunt domum, qui libros ecclesiasticos intelligere atque discernere subtiliter student, ut ipsi omnem malitiam diligenter perscrutantes, insidentesque doctores in pravis libris rasorio dijudicationis excutientes, nullas in ea impietatis sinant remanere reliquias: sed quæ abraserint, hæc in prædictum immundum locum, sicut immunda et in immundis inventa, recte deportent, lapidesque alios reponi pro his qui ablati fuerant, et luto alio liniri domum. Quod lapides oporteat intelligi dogmata exponentium divinam legem et syngammata, de quibus, quando sanæ doctrinæ sunt, non incongrue dicitur: Lapidem sancti voluntur super terram; et rursus: Quicumque ædificaverit super fundamentum hoc aurum, argentum, lapides pretiosos (I Cor. ii); pulverem vero eam, quæ partialis est, interpretationem atque doctrinam, ipse Moyses legislator significat; quando enim Deuteronomium filiis Israel edebat, hæc ad eos dicebat: Et erit quacunquē die transgressi fueritis Jordanis terram, quam Dominus Deus tuus dabit; statues lapides grandes et linies eos pulvere, et scribes super lapidem omnes sermones legis hujus. Lapidem ergo eradi, et pulverem alium inferri dicens, purgata ab omni malo dogmata, atque doctrinam pro malis illis inferri, et Ecclesiam liniri sine ulla præcepti dubietate. Hoc enim nobis consideratio legis evidenter ostendit. An non et <sup>soluti</sup> lepram dogmatum in doctoribus Antiochiæ cernens, Jacobo, ut pote sacerdoti magno, nuntiavit (Act. x†), qui erasis pravorum doctorum notis dogmatibus, auferens lapides in loco eorum, rectissimas Hierosolymitanæ Ecclesiæ litteras, et pulverem suum, videlicet doctrinam, addens, unxit Ecclesiam, curavitque quod acciderat. Sin autem postquam eruti sunt lapides, et pulvis elatus, et alia terra lita, ingressus sacerdos viderit reversam lepram, et parietes aspersos maculis, lepra est perseverans, et immunda domus. Si enim electis malis dogmatibus, et aliis sanæ doctrinæ introductis, ipsa rursus impietatis doctrina inveniatur aspersa, id est, diffusa sive exuberans, tunc sacerdos non ex longinquo auditus, sed ex inspectione sua cognoscit quod permanens est im-

pietatis passio et immunda. Talium ministrorum doctorumque Ecclesiæ, in qua fuerit aspersa seu diffusa impietas, rectissime decernitur, quæ ostendunt sequentia. Ait enim: Quam statim destruent, et lapides ejus ac ligna atque universum pulverem projicient extra oppidum, in locum immundum. Id est, non solum jam contemnunt dogmata; sed et ipsos in quibus inventa fuerint, et hos ex quorum locutione impia Ecclesia constiterat, omnemque ipsam destruunt Ecclesiam: Odit enim, inquit, congregationem malignorum, et cum impiis non sedebam (Psal. xxv), sicut David dicebat. Ergo et extra eam quæ in cælis est constituta, viva videlicet ac vera excluditur civitate, et cum immundis reputatur hæreticis. Qui intraverit in domo ista quando clausa est, id est, quæ mulctæ seu pœnæ subjecta est, qui ingressus fuerit, quolibet ei communicans conventiculo, immundus erit, usque dum poeniteat, et multo magis qui in ea dormit; hic si quidem non aliter suscipitur, nisi lacrymis laverit intelligibilis stolam: dormire autem in ea intelligimus quiescentem in verbis ejus, et non consuetudinibus alicujus causa in ejus consiliis divertentem. Sed et qui comederit in ea, cibum scilicet mysticum, quia illius mysteria percipere præsumit Ecclesiæ, quam destruxit sacerdos reperiens impie agentem, et doctrinas malas, id est, ligna, fenum, stipulam habentem. Unde non solum lapides ejus, neque enim erant pretiosi, sed et ligna, ut pote conjuncta feno ac stipulæ, projecit. Sequitur:

Quod si introierit sacerdos, et viderit lepram non crevisse in domum, postquam denuo linita est, purificabit eam, reddita sanitate. Et in purificatione ejus sumit duos passeris, lignumque cedrinum et vermiculum atque hyssopum: et immolato uno passere in vase fictili super aquas vivas, tollet lignum cedrinum, et hyssopum, et coccum, et passerem vivum, et intinget omnia in sanguine passeris immolati, atque in aquis viventibus, et asperget domum septies, purificabitque eam tam in sanguine passeris, quam in aquis viventibus, et in passere vivo, lignoque cedrino et hyssopo atque vermiculo. Cumque dimiserit passerem volare in agrum libere, orabit pro domo, et jure mundabitur. Cujus imaginem hæc sacrificia, de quibus loquitur legislator, gerant, per anteriora subtiliter exposuimus, quando ea et in unoquoque leproso accipi præcepit. Hoc autem necessarie dicitur, quia manifeste apparet quod legislator illam magis in Ecclesia docentium iniquitatem, quæ est in dogmate, reprehendat: quæ in dispensationem ejus qui pro nobis est incarnatus committitur, et propterea in domum mundandam hæc accipere sacrificia præcepit, quæ mysterium ejus carnis passionisque figurant, ut pote quæ sufficienter per has, quæ de his sunt, theologias possit sanare peccantium linguas, omniaque eorum mundare peccata. Sequitur: *Ista est omnis lex lepræ et percussuræ, lepræ vestium et domorum, cicatricis et erumpentium papulæ, et in varias species coloribus*

*immutatis, ut possit sciri quo tempore mundum quid vel immundum sit. (Ex Hesychio.)* Ista est omnis lex lepræ. Quia latius sanctionem lepræ exposuit, necessarium iudicavit ejus reiterare capitula. Et prius quidem complexive genus, post hæc autem species per partes exponit; cum enim dixit, *ista est omnis lex lepræ*, complexive genus ostendit; species autem generis sunt apertissima quæ in subsequentibus addidit, præponens recte *percussuræ*, quod non est qualecunque peccatum, omnium quippe esse hoc deterius diximus. Est autem dogmatum impietas quæ contingit quibusdam de populo, de quibus et legislator dicebat: *Vir aut mulier in quo fuerit plaga lepræ*. Si autem tantomodo sacerdotum memoriam fecisset, mulierem minime nominasset. Post hæc lepram quæ est in virtutibus posuit, hæc sunt enim animæ vestimenta. Postea quæ sunt in Ecclesiarum doctoribus ac sacerdotibus: hi enim domus et pa-

rietes terræ possessionis ostensi sunt, deinde *cicatricis et erumpentium papularum* memoriam facit, lepram veram describens eam quæ est in peccatis, sive dubiis, sive probatis. Omnibus autem his subdidit, *ut possit sciri quo tempore mundum quid vel immundum sit*, ostendens quia tunc delinquens immundus est, quando sciens peccaverit, quando autem ignorans, veniam propter ignorantiam meretur: sicut et cæcus offendens, ita ut Dominus de Judæis diceret: *Si cæci essetis, non haberetis peccatum; nunc autem dicitis quia videmus, peccatum vestrum manet (Joan. ix)*. Sed nos oculis scientiæ ad ea quæ expediunt utamur, ut per ipsos evitemus peccata conquiramusque munditiam; sciamus diem in qua mundabimur, scientesque occurramus; et totam legem lepræ custodiamus; mundi enim hoc modo in Dominicis tabernaculis habitabimus.

## LIBER QUINTUS.

### CAPUT PRIMUM.

*De viro qui fluxum seminis patitur, et mundatione ipsius.*

(LEVIT. xv.) *Locutusque est Dominus ad Moysen et Aaron, dicens: Loquimini filiis Israel, et aicetis eis: Vir qui patitur fluxum seminis immundus erit, et tunc iudicabitur huic vitio subjacere, cum per momenta singula adhæserit carni illius, atque concreverit sædus humor. Vir qui patitur fluxum seminis immundus erit, Septuaginta autem sic edunt: Viro, viro cui factum fuerit, et cætera. (Ex Hesychio.)* Quoties enim duplicat hoc unde mandatum datur, intentionem legis cupit ostendere, et quantam sollicitudinem habeat legislator ut nihil ejus penitus prætereat. Sicut quando dicit: *Homo, homo de filiis Israel, et de advenis, et qui conjuncti sunt eis, qui fecerit holocaustum, aut sacrificium, et ad ostium testimonii tabernaculi non adduxerit ad faciendum hoc Domino, exterminabitur homo ille de populo ejus.* Et his alia similia, de quorum conservatione maximam legislator curam gessit: Illic autem secundum prædictam meditationem non dixit, *homo, homo*, sed *viro, viro*, duplicans quidem quemadmodum et ibi personam; propter fortitudinem vero sic appellavit perceptorem legis, quo vocabulo mos est diviniæ Scripturæ significare eum qui perfectior est. Quod ostendit Salomon, dicens: *Virum autem fidelem quis inveniet (Prov. xx)?* Sed et Paulus: *Donec occurramus omnes in virum perfectum in mensuram ætatis plenitudinis Christi (Ephes. iv).* (Ex Gregorio.) *Vir, inquit, qui patitur fluxum seminis. Quid est sermo, nisi semen, qui dum ordinate mittitur, audientis mens, quasi concipientis uterus, ad boni operis prolem fecundatur; si vero importune defluat, emittentem polluens, generandi virtutem perdit, in mente quippe audientium semen secururæ cogitationis est, auditæ qualitas locutionis; quia dum per aurem sermo concipitur, cogitatio in mente generatur. Nam*

si sermo semen non esset, de prædicante Paulo nequam diceretur: *Quid sibi vult seminiverbium dicere (Act. xvii)?* De quo et Lucas dicit: *Ipsæ enim erat dux verbi.* Semen ergo, usui propaginis dicatum, incompetenter fluens, cætera membra coinquinat, cum sermo per quem in audientium sensibus nasci scientia debuit, si inordinate prodeat, etiam quæ recte senserit fœdat. Qui ergo fluxum seminis sustinet, immundus asseritur, quia multiloquio subditus ex eo se inquinat, quod si ordinate promeret proleum rectæ cogitationis edere in audientium corde potuisset; dumque incautus per loquacitatem defluit, non ad usum generis, sed ad immunditiam semen fundit. Unde Paulus quoque cum discipulum de instantia prædicationis admoneret dicens: *Testificor coram Deo et Christo Jesu, qui iudicaturus est vivos ac mortuos, et adventum ejus, et regnum ejus, prædica verbum, insta opportune, importune (II Tim. iv)*, dicturus importune, præmisit opportune, quia scilicet apud auditoris mentem, ipsa sua vilitate se destruit, si habere importunitas opportunitatem nescit. Quod autem dicit: *Tunc iudicabitur huic vitio subjacere, cum per momenta singula adhæserit carni illius, atque concreverit sædus humor.* Tunc quoque probabitur immunditiæ fluxus seminis, hoc est, nocivæ doctrinæ subjacere, cum frequentius pravitali sensus atque superfluxæ verborum effusioni operam dederit, quo magis per arrogantiam temporalem gloriam quærat, quam in cœlesti regno perpetuæ mercedis fructum percipere appetat.

*Omne stratum in quo dormierit, immundum erit, et ubicunque sederit. Si quis hominum tetigerit lectulum ejus, lavabit vestimenta sua, et ipse lotus aqua immundus erit usque ad vesperam. (Ex Hesychio.)* Quoniam multæ aliena docentium species sunt, quidam enim, sicut dixit Paulus, per invidiam, quidam autem per contentionem, quidam vero per ignorantiam, quidam ex temerario multiloquio, de quo dixit

ille Sapiens : *In multiloquio non effugies peccatum* (Prov. x), quidam autem ex eo quod delectantur in quadam corruptione concupiscentiarum doctorem convertunt sermonem : recte legislator cum horum quosdam in sanctione lepræ, alios vero in ciborum differentia significasset, nunc rursus aliud genus eorum qui ex impudicitia et ex libidine alia docent, per hoc mandatum quod est in fluxum seminis patientem exposuit. Sunt ergo quidam qui secundum proprias passiones sermonem doctrinæ temperant, et aliis quod ipsi diligunt commendare satagunt : verbi gratia, cum sit amator adulteri, respuit quod est de castitate mandatum ; vel si comessor et ebriosus, jejuniorum legem. Hic ergo quia magistri censetur nomine, et non sana docet, sed corrumpit doctrinam quam profert, non potest Deo filios procreare, unde et profluvium seminis pati dicitur. Et bene dicitur : *Omne stratum in quo dormierit, immundum erit*. Stratum autem magistri, quia proprium est stratus ut in eo requiescat possessor ejus, modis omnibus ille per hoc discipulus intelligitur, in quo propter nimiam obedientiam magister ipse et ejus spiritus requiescit ; quod manifestat Paulus ex his quæ ad Corinthios scripsit, laudans eos quod obedientes semetipsos Tito præbuerunt : *Abundantius autem gavisi sumus in gaudio Titæ, quia requievit spiritus ejus in omnibus vobis* (II Cor. vii). Hi ergo qui impudica docent, et filiorum procreationi contradicunt, legitimasque respuunt nuptias, ut per hoc fornicationem introducant, propter hoc et fluxum patientes seminis dicuntur, ut pote genitale semen et nuptiarum legem corrumpentes, de quibus Paulus dicebat : *Quia in novissimis temporibus recident quidam a fide intendentes spiritibus erroris et doctrinis dæmoniorum, in hypocrisin, cauteriam habentes conscientiam, prohibentes habere et abstinere a cibis quos Deus creavit ad percipiendum* (I Tim. iv). Stratum quidem et vas secundum prædictum modum sunt quicumque in tantum immundi sunt, ut nec mundationem eorum præciperet legislator : scit enim eos ita morbo affectos, ut pœnitentiam agere nullatenus possint. Non enim ex ignorantia in tali doctrina, sed prava habitudine infecti, in impudicis corrupti seu dissoluti sunt verbis, unde etiam in tantum libenter ei adhæserunt. *Si autem quis tetigerit lectulum ejus*, id est, si particeps fuerit sumpseritque de doctrina ejus, et non insiderit dogmatibus ejus qui prava docet ac sordida, iniquorum verborum ejus discipulus existens, seu discipulorum illius, ipsi siquidem sunt ejus vasa et stratum, qui audiunt eum, ipse quoque immundus est : lavat tamen vestimenta sua per pœnitentiam, sicut sæpe diximus : *Et ipse lotus aqua lacrymarum vel baptismi, immundus erit usque ad vesperam*, usque dum tempus compleat pœnitentiæ. Hujus enim figuram vespera in multis gerit, et maxime quia in consummatione sæculorum, id est, occasu præsentis sæculi, Christus nobis prædicavit pœnitentiam. Sequitur :

*Qui tetigerit carnem ejus, lavabit vestimenta sua, et ipse lotus aqua, immundus erit usque ad vesperam. Si salivam hujusmodi homo jecerit super eum qui mundus est, lavabit vestimenta sua, et lotus aqua, immundus erit usque ad vesperam.* (Ex Hesychio.) Eum videlicet qui sit particeps doctrinæ profana docentis, immundum esse usque dum semetipsum diluat per pœnitentiam eam quam legislator præcepit ; sive ultro quispiam particeps efficiatur præ doctrinæ, hoc est enim carnem tangere fluxum seminis patientis : sive docens ex opere injiciat quodammodo semetipsum, introducatque sermonem doctrinæ suæ, hoc est enim salivam projicere. Propter quod Aquila, *si super expuerit* ; Symmachus, *si expuerit*, ediderunt. *Sagma super quod sederit, immundum erit usque ad vesperam*. Sicut stratum in quo is qui fluxum seminis patitur requiescit, et vas in quo sedet nimis, valde eis adhærentes discipulos, omnemque eorum quodammodo doctrinam excipientes diximus, qui etiam sunt duri cordis ut fictilia et lignea, ac lapidea vasa, quæ difficile mutari vel molliri possunt : sic etiam in sagma hic, sive, ut Septuaginta ediderunt, *in sagma asini*, negligentiorum quidem discipulum, sed tamen molliorem habentem cor ad commutandum se, mollia enim sagmata, asini legislator intellexit, sed is quia bonis magistris excuti, vel dilui, atque respuere malum discipulatum potest, quia talia sunt quæ Septuaginta *episagmata* appellant, id est, straturæ : et ipse videlicet immundus erit, usque dum ad pœnitentiam se verterit. *Et omnis qui tetigerit quidquid sub eo erit, immundus erit usque ad vesperam, et qui portaverit horum aliquid, lavabit vestimenta sua, et ipse lotus aqua immundus erit usque ad vesperam.* (Ex eodem.) Generaliter sanxit non licere tangi fructum laborum eorum, qui subjecti sunt effecti profana docentibus, qui subdiderunt semetipsos quodammodo verbis, atque incongruis doctrinis substernentes se : quicumque autem hæc tetigerit, aut quicumque portaverit horum aliquid, id est, qui in semetipsum hoc quod dictum est peccatum susceperit, sive imposuerit, nihilominus ipsi secundum prædictum modum habet necessariam pœnitentiam. Omnis qui tetigerit, qui talis est, non lotis ante manibus, lavabit vestimenta sua, et lotus aqua immundus erit usque ad vesperam. Necessario præsentibus verbis usus est legislator, ne omnino nobis desperatio fieret de conjunctione docentis prava, sed illam tantum quæ est, usque dum respiciat ad pœnitentiam. Atque ideo sunt immundi, quoscunque fluxum seminis patiens tetigerit, id est, quibus commistus fuerit. Non lotis autem manibus aqua, necdum videlicet suam vitam per pœnitentiam abluit ; lavare siquidem manus, sordis cujusdam et macule depositionem manifestat. Propter quod David dicebat : *Lavabo inter innocentes manus meas, et circumibo altare tuum, Domine* (Psal. xxv). *Et vas fictile quodcumque tetigerit is qui fluxum seminis patitur, confringetur, vas autem ligneum lavabitur aqua et mundum erit.* (Ex eodem.) In sup-

foribus hujus legis in qua dixit, fluxum seminis patientem, quoslibet homines tangere, dicimus eos quibus ipse se prava docens immiscuit, et sumpsit ad quamdam societatem sui; hoc enim est aperte tangere. Unde et Paulus propter societatem mulierem cavendam: *Bonum est, inquit, homini mulierem non tangere; propter fornicationis vitium unusquisque suam uxorem habeat, et unaquæque suum virum (I Cor. vii)*. Hi ergo vasa ejus effecti sunt, doctrinam qui ab eo licet parvata susceperunt, neque enim supersedit eis, id est, non totam in ipsos suam doctrinam exinanivit, tetigit tamen partem quamdam tradens; permanentes igitur fictiles, id est, fragiles et terreni, ad lutum suum et ad corruptionem luti intendentes, quia corrumpuntur etiam a paucitate verborum, necessario conteruntur; si autem lignei, quia lignea vasa luteis ac fictilibus vasis fortiora sunt diutiusque subsistunt, aqua lavati mundantur: neque enim insedit in eis, nec omnem ejus, sicut diximus, malam doctrinam susceperunt; quamobrem nec sic infirmantur, ut per poenitentiam sanari non possint. Ergo intentio est legislatoris ostendere qui poenitentiam agant, vel qui non, quia poenitentiam agentibus salus offertur.

Si sanatus fuerit qui hujuscemodi sustinet passionem, numerabit septem dies post emundationem sui; et lotis vestibus ac toto corpore in aquis viventibus erit mundus. (Ex eodem.) Mundatio est ejus qui fluxum seminis patitur, eandem corruptionem seminis nequaquam ulterius sustinere. Si ergo sordida pravaque ac nefaria quispiam docens cessaverit, ut pote qui cessavit a tali impudicitia, mundus recte dicitur: pro sordidis autem sermonibus quos effudit, prius necesse habet septem dies dinumerare ad omnimodam emundationem, quæ perficitur per adventum Christi ministrationemque Spiritus sancti, cujus septiplex donum nobis Isaias exposuit, cum ait: *Spiritus sapientiae et intellectus, spiritus consilii et fortitudinis, spiritus scientiae et pietatis, et spiritus timoris Domini (Isa. xi)*. Quibus omnibus egent qui perfectam mundationem sibi procurari volunt, a malitia quæ est in locutione, sive in operibus. Sed et aqua viva lavant vestimenta et corpus: quæ sit vero vis vestimentorum et corporis, satis est in superioribus demonstratum. Aqua autem viva lavant, illa videlicet, de qua Christus dicebat: *Qui credit in me, sicut dicit Scriptura, flumina de ventre ejus fluent aquæ vivæ (Joan. vii)*. Et rursus: *Quicumque bibit ex aqua quam ego do ei, fiet in eo fons aquæ salientis in vitam æternam (Joan. iv)*. Ergo mundatio prava docentis per bonam legitimamque doctrinam provenit: hæc est enim viva aqua, quia vitam ad se accedenti præstat. Sequitur:

Die autem octavo sumet duos turtures aut duos pullos columbarum, et veniet in conspectu Domini, ad ostium tabernaculi testimonii, dabitque eos sacerdoti, qui faciet unum pro peccato, et alterum in holocaustum. Rogabitque pro eo coram Domino, ut emundetur a fluxu seminis sui. (Ex Hesychio.) Qui septem dies

numeravit sibi, id est, operationes Spiritus, hic octava die, id est, in gratia videlicet Christi, quæ octava die resurrectionis exiit seu clavit, sacrificium offerre jussus est. Quod est autem hoc sacrificium? id est duos turtures, aut duos pullos columbarum, dignum doctoribus sacrificium. Ex alitibus enim sunt hæc animalia; et quidem turtur quasi meditatorum est animal; columba propter generandi frequentiam, et propter simplicitatem sancti Spiritus designat imaginem: oportet enim doctorem meditationi spiritali operam dare, propter quod ut sacerdotem et magistrum sibi metipsi sumere hoc sacrificium præcepit. Quod in alio sacrificio nisi rursus sacerdotis alicujus fuerit ac magistri, dixisse nullatenus invenitur. Ipsamque deferre hostiam ad ostium tabernaculi testimonii, ad apostolorum videlicet doctrinas, ad velum tabernaculi testimonii, id est, habitationem Christi et conversationem, superius in sacrificiis ostendimus, ut ad apostolicam intentionem in futuro suam perficiat linguam. Sicut autem qui peccavit, et sacerdotii habitum in se infirmavit, atque inefficax reddidit, dare sacerdoti, ac sacerdoti ministerium alio cedere jussus est, sic accipiens sacerdos duos turtures, aut duos pullos columbarum, quid facit? unum facit pro peccato, et unum in holocaustum, ut hoc quidem sacrificii ad abluitionem ejus et eorum quæ peccavit in doctrina contradicente legi proficiat. Illud autem ad sapienter conversandum in futuro, hujus enim est signum holocaustum, et sic deprecabitur sacerdos pro eo coram Domino, ut emundetur a fluxu seminis sui: nec enim aliter quispiam mundationem coram Domino facere potest, id est, secundum voluntatem et legem Dei, nisi de his qui peccavit poenitens, et per sacrificia orationum satisfaciens, posteaque recte vivendo, ac perfecte sapiendo. Sequitur:

Vir de quo egreditur semen coitus, lavabit aqua omne corpus suum, et immundus erit usque ad vesperam, vestem et pellem quam habuerit lavabit aqua, et immunda erit usque ad vesperam. Mulier cum qua coierit, lavabitur aqua, et immunda erit usque ad vesperam. (Ex Hesychio.) Necessariam habere regenerationem baptismatis humanum genus, ipse Dominus ostendit, dicens: *Nisi quis regeneratus fuerit ex aqua et Spiritu, non intrabit in regnum caelorum (Joan. iii)*. Cujus rei gratia, quia sordis in nobis ex Adam inobedientia est transfusa, David in iniquitatibus se natum, et in peccatis asseruit esse conceptum (Psal. l), non matrem suam accusans, sed peccatum inveniens, quod decurrit ex genere. Et nunc legislator eum de quo semen egreditur coitus, id est, eum qui pro filiis procreandis semen effudit, sed et mulierem quæ suscepit, lavare corpus præcepit, ob hoc quia semen suscepit per quod hoc templum nostrum totum, id est, integer homo describitur ex anima et corpore. Quia autem sordidus effectus per inobedientiam Adam, sordidum esse etiam semen suum fecit, necessarie et corpus sordidum est, ex quo semen tale procedit. Immundi autem usque ad

vesperam esse non fr̄atra dicantur, quia in finem sæculorum Christus veniens ostendit aquam quæ genus nostrum mundaretur: et quia permansimus usque tunc immundi, probatur ex eo quod et hi qui nequam peccaverunt, id est, in aetate infirma constituti, signaculum baptismi necessarium habent, ne forte morte superveniente sordidi transeant, sordem quæ ex Adam descendit in semetipsos habentes, et propterea non valentes in regnum colorum intrare. Vestem autem et pellem quam habent cum coeunt, videlicet immunda esse et lavari debere, duarum rerum præcipit gratia: nam extendit legem atque manifestat quantum corpus humanum propter unam inobedientiam sordidum sit effectum, ut etiam insensibilia ex eis polluantur, deinde per hæc manifestas facit mulieres quæ libidinis causa viris ad quemdam temporalem commiscetur usum, qualem solent vestimenta præbere hominibus, sicut et abusio pellium, quæ inveteratæ projici solent. Nam et illarum consuetudo veterascente amicitia respuitur, atque in morem vestimentorum seu pellium commutatur: neque enim semper cum eis vivunt cum quibus inordinate concumbunt. Quod ad sanctificationem et castitatem Judæorum genus legislator trahens, nimis enim quidam eorum luxuriæ serviebant, hæc contra eos qui qualitercunque effundunt semen, et eos qui hæc tangunt dicit, mundationem eis præcipiens, ut saltem coacti casti efficerentur, et luxuriosis abstinere commiscionibus, fastidio laboris frequentium purificationum. Hanc enim intentionem secundum litteram et in subsequentibus lex habet, licet aliquid aliud secundum spiritum signet: sicut et ipse expositurus sum, quia nec ipsum qui hic est spiritalem intellectum prætereo. Quemadmodum ergo illum qui fluxum seminis patitur, eum qui corrumpit doctrinam intelleximus, sic de quo semen coitus egrederetur, eum qui ad Judæos pertinentem doctrinam docet intelligimus: nam sicut effluent naturale et sanum semen, propter sordem tamen Adam, immundus est, sic et eorum sana propter legem quæ putatur doctrina, sub culpa est et reprehensibilis, quia litteram docet quæ maledictionem infert discipulis suis. Neque enim possibile est, quempiam per illam perfecte corrigi: unde Mosaicæ maledictioni discipulos suos subdit, ipsosque Judæos qui in mulierum coeuntium accipiuntur figura, utpote qui semper adherent, et conrequeantur doctoribus institutionum suarum, hoc autem ipsum, et in eos qui in præputio sunt, operantur, quando doctrinæ eorum semen suscipiunt, quos vestimentum et pellem esse dicimus: utpote temporaliter et transitorie doctrinas eorum, non autem ut et ipsi procreent aliquam legalem justitiam suscipiunt, nam quomodo possibile est hoc in præputio permanentibus? sed ut per sermones eorum, et ipsi maledicto legis polui accipiantur.

#### CAPUT II.

*De muliere quæ fluxum eminis patitur non in tempore menstruali, et mundatione ipsius.*

(*IND.*) *Mulier quæ redeunte mense patitur fluxum*

*sanguinis septem diebus separabitur: omnis qui tetigerit eam, immundus erit usque ad vesperam, et in quo dormierit vel sederit, diebus separationis suæ polluitur. Quis tetigerit lectulum ejus lavabit vestimenta sua, et ipse lotus aqua, pollutus erit usque ad vesperam. Omne vas super quod illa sederit quisquis attigerit, lavabit vestimenta sua, et lotus aqua, pollutus erit usque ad vesperam. (Ex Hesychio.)* Intentio legislatoris est a muliebri libidine abducere hominem, simulque cum viris et mulieres prohibere a turpis commiscionis causa. Non enim hoc pro filiorum procreatione agi maxime ea quæ nunc dicuntur affirmant. Invenit eum modum quo per varia temporum ac plurima intervalla ab ingressu muliebri separet viros, nam mensibus singulis fluxum sanguinis patiuntur, septem autem diebus immundas eas esse, eosque etiam qui simplici tactu eas contingunt, immundos esse usque ad vesperam præcipit. Qui vero cum eis dormiunt, non una die immundos sed septem dies esse dicit: ergo sub dierum multorum continentia, tam mulieres a viris, quam viri a mulieribus necessitate cohibentur, et his quidem sensibilis Judæus, et secundum carnem Israelita juvari per litteram poterat. Hoc est autem verissimum juvamen spiritualis considerationis, quod est intus inclusum: fluxus enim sanguinis animæ cujus personam ut pote effeminatam, et fortitudinem pietatis prodentem, in mulierem nunc legislator insinuavit, idololatria est, hujus, secundum quod Septuaginta edunt, *fluxus in corpore ejus*. Corruptio enim seu perditio est humani generis idololatrici sanguinis effusio, propter quod non dixit, *de corpore nostro*; neque enim a nobis est idololatria adinventæ, sed a dæmonibus, in corpore videlicet generi nostro inflicta est, et corruptio humanæ est affecta naturæ. Sed et tempora denuntians in quibus idololatria obtinuit. Denique Paulus dicebat: *Et quidem tempore ignorantie despiciens Deus, nunc annuntiat omnes ubique pœnitentiam agere*. Quod dixit, *septem diebus separabitur*; quod alii, *erit in purgatione sua*; alii vero interpretes, *in separatione iniquitatis suæ*; alii autem, *miseriæ*, ediderunt, ut per septenarium dierum numerum tempora significaret spiritus, quæ usque ad completionem temporum sunt, in qua completionem, evangelica provenit prædicatio. In his enim separati a Deo per idololatriam homines in separatione iniquitatis et miseræ necessario erant, usque dum Deo per evangelicam conversationem conjungeremur, quæ in octava die accipitur, quia signum et principium et arrha quodammodo sæculi est futuri; propter quod et octava die Salvatoris processit resurrectio. Non solum autem idolis serviens anima, sed et is qui eam tangit, id est, qui particeps ejus efficitur, et multo magis hic qui in quo dormit, vel in quo sedet, ut pote qui doctrinæ ejus et traditionis sit particeps; vel qui coierit cum ea, immundus erit, et mundatione opus habet, nec aliter mundatur, nisi lavatus aqua. Quid sit autem aqua, in præcedentibus diximus. In tantum autem oportet

ab omni idololatriæ malitia abstinere, et nec eos qui idolis serviunt, nec hos quibus illi quasi organis, vel quasi lectis aut vasis utuntur contingere, id est, in nullo cum eis communionem habere. Sequitur :

*Mulier quæ patitur multis diebus fluxum sanguinis, non in tempore menstruali, vel quæ post menstruum sanguinem fluere non cessat, quandiu huic subjacet passioni, immunda erit, quasi sit in tempore menstruo. Omne stratum in quo dormierit, et vas in quo sederit, pollutum erit; quicumque tetigerit ea, lavabit vestimenta sua, et ipse lotus aqua immundus erit usque ad vesperum. (Ex Hesychio.)* Quantum vindicet spiritus Dei legis contemplationem et lectionem litteræ, his quæ per partes sanciantur, ostendit. Quia enim fluxum seminis patientem intelligi, in lege obscena et corruptentia docentem, olim diximus, et de quo coitus semper egreditur, Judaica utente doctrina. Restabant autem hi qui paganorum doctrinam docent; ecce etiam ipsos nunc opportune subinfert: esse ergo fluxum sanguinis, idolorum seductionem et errorem diximus, ut pote genere dæmoniorum sanguine gaudente, et non solum pecorum aliorumque animalium irrationabilium, sed etiam hominum sacrificia præcipiente, ita ut in multis locis apud eos talia celebrarentur mysteria: veluti Dionysii et Dianæ aliorumque dæmonum in tantum fluxus sanguinis apud eos inoleverat. Attende autem tunc quibus verbis legislator usus est: *Mulier quæ patitur multis diebus fluxum sanguinis, non in tempore menstruali.* Quod Septuaginta sic ediderunt: *Mulier si fluat profuvium sanguinis dies complures, non dixit: si fluat sanguinem, quod est, idolis servire, sive immolare; sed si fluxerit fluxum sanguinis, id est, si fluat maculam et errorem idololatriæ, facit autem hoc non in tempore menstruali, id est, non in temporibus in quibus idolorum servitus obtinebat, hæc enim esse menstrualia tempora, in illis verbis in quibus de ea loquebamur ostensum est, sed et postquam cœpit scientia, et per evangelicam doctrinam lumen pietatis illuxit. Ipse tamen immunda fluat, et docet quædam errori idolorum proxima, immundus est; sicut illi illorum temporum in quibus furor idolorum obtinebat, illa docentes quæcunque ad illorum pertinebant errorem. Erant enim tunc etiam immundi, sed et nunc multo magis, tam quia jam nudata est immunditia eorum, et error convictus, quam quia noluerunt oculos suos præbere luci veræ intelligentiæ. Hujus enim mulieris imaginem gerere intelligimus eam quæ in evangeliiis fluxum patitur sanguinis (Matth. ix), quæ omnem quidem substantiam sive vitam suam in medicis expendit, id est, in eis qui apud eos erant philosophis: non tamen sanata est per eos ab ægritudine erroris sui: *Quia dicentes se esse sapientes, stulti facti sunt (Rom. 1).* Cum enim viderentur simulacrorum cultu et furore alienati, terram tamen metiebantur, aerem et cælum, quorum scire solius Dei est exordia terminosque. Hæc ergo fimbriam Do-*

mini retro tangens, liberata est a fluxu. Dicimus autem fimbriam ejus, fidem ejus, nam cujus rei gratia fimbriam facere vestibus Moyses præciperet? Quia enim divinitas debet intelligi in anterioribus; retro humanitatem intelligimus. Hanc gentes quæ in fluxu constitutæ erant sanguinis idolorum, proposito tetigisse dicimus; quod si non solum eos qui ad effundendum idololatriæ sanguinem vacant; sed etiam eos qui docent ea quæ ad doctrinam pertinent paganorum, fluxum sanguinis exposuimus, non est admirabile: mos quippe est etiam apud exteriores affluens eloquium largissimeque se ac facile ad doctrinam effundens, fluxum vel rhetoricam appellare. Sequitur :

*Si steterit sanguis et fluere cessaverit, numerabit septem dies purificationis suæ, et octavo die offeret pro se sacerdoti duos turtures vel duos pullos columbarum, ad ostium tabernaculi testimonii, qui unum faciet pro peccato, alterum in holocaustum, rogabitque pro ea coram Domino, et pro fluxu immunditiæ ejus; docebitis ergo filios Israel, ut caveant immunditiam, et non moriantur in sordibus suis cum polluerint tabernaculum meum, quod est inter eos. (Ex Hesychio.)* Quæ virtus hujus sacrificii sit et qualis in his qui fluxum seminis patiuntur, in quantum necesse erat diximus. Similia enim et illic lex præcepit: Sicut enim ibi semetipsum sumere turtures aut columbas in sacrificium fluxum seminis patientem legislator præcepit, quia magistri locum tenebat atque personam, sic et nunc hanc quæ fuit fluxum sanguinis; figurare enim eam diximus docentes quæ ad errorem idololatriæ pertinent. Quamobrem eloquentiam docens, et eloquentiæ participans, sibi metipsi sumere quæ ad purificationem proficiunt potest. Quæ ergo ad interpretationem desunt, hæc in subsequentibus per ordinem dicemus. *Docebitis, inquit, filios Israel, ut caveant immunditiam, et non moriantur in sordibus suis cum polluerint tabernaculum meum quod est inter eos.*

*(Ex Hesychio.)* Quamvis omne peccatum immunditia sit animæ, maxime tamen idololatriæ, et quæ ad eam pertinent. Hæc cavere et in his timoratos filios Israel legislator esse desiderat, ut non crudelissima impietatis moriantur morte: polluunt enim impii tabernaculum Dei, quod in ipsis est, atqui corpus est quo fluxu sanguinis aut seminis inquinatur. Sed quia impietatem sermo innuit, quæ hominem totum polluere consuevit, propterea *cautos, sive ut Septuaginta, timoratos, inquit, facietis filios Israel, ab immunditia sua: quod neque de leprosis, neque de his qui tetigerunt morticina sancivit, sed et tabernaculi Dei quod in nobis est mentionem fecit, tabernaculum enim Dei est omnis auster homo, in quo Deus habitare creditur: primum quidem per imaginem quam nobis donavit, deinde per primitias quas a nobis sumpsit: Verbum enim caro factum est (Joan. 1), quod per illam munitionem [munitionem] etiam in reliquis habitare hominibus dicitur, quod*



probat Joannes dicens : *Verbum caro factum est, et habitavit in nobis.*

*Ista est lex ejus qui patitur fluxum seminis, et qui polluitur coitu, et quæ menstruis temporibus separatur, vel quæ jugi fluit sanguine, et hominis qui dormierit cum ea. (Ex Hesychio.)* Hæc sibi met legislator connectere consuevit, ut ei qui meditationi legis studium præbet, manifestet, quomodo oporteat hæc intelligi, et quæ cum quibus cognitionem secundum similitudinem intellectus habeant. Quia ergo esse fluxum seminis patiens, doctor [doctorum] corrumpens semen, et turpia atque corrumpentia admonens, est probatus, et de quo egreditur semen coitus ut polluitur, is qui Judaica præcepta docet, in quibus ipse ut mala bona docens, et legis intentionem transgrediens polluitur, dum ea quæ ad litteram pertinent, extra tempus profert, et modo quodam mundi, sicut immundis utitur, de quibus dictum est : *Omnia munda mundis, coinquinatis autem et infidelibus nihil mundum : sed polluta sunt eorum mens et conscientia (Tit. 1),* sanguinis autem fluxum patientes in menstruis suis, hi esse demonstrati sunt, qui ea quæ ad impietatem tendunt, illo docent tempore, in quo genus hominum errori idolorum detentum in menstruis suis, id est in separatione malitiæ, a malo enim separati non erant, ut ostenderet quia eadem de his qui prava docent lex loquitur, de solo fluxu seminis patiente masculo dicit, feminæ autem fluxum seminis patientis memoriam secundum litteram penitus non fecit, sed per mulierem quæ fluit fluxum sanguinis, eum qui effundit doctrinam idololatriæ intellexit, et propterea nunc eam fluxum seminis patientem appellavit, ut nos disceremus quia eum qui corrumpit bonam doctrinam, turpiter eam et male proferens, talem qualis est is qui impietatem docet lex reputet. Utrorumque enim verba corruptione plena sunt.

### CAPUT III.

*Ne Aaron et filii ejus omni tempore ingrediantur sanctuarium, et quid ante ingressum sit offerendum.*

(CAP. XVI.) *Locutus est Dominus ad Moysen dicens : post mortem duorum filiorum Aaron, quando offerentes ignem alienum interfecti sunt. Ecce et nunc Dei spiritus unum corpus legis facit, et ad unum redigit invicem sibi coherentia. (Ex Hesychio.)* Et cum dudum manifestasset ea quæ ad doctrinam, quæ contra legem est, pertinent, modosque ejus multiplices quosdam atque differentes exposuisset : una nunc eam redarguit lege, et commune quodammodo contra eam subdidit præceptum, et causam morbi ipsius manifestam fecit, id est, unde contingit, et unde supervenit. Audisti enim quando filiorum Aaron, eorum qui divino igne consumpti sunt, quærebamus mortem, quia cum verbum illic legis traditionis et historiæ faceremus, ignem alienum, alienam a Deo doctrinam diximus ; et propterea a divino igne, igne videlicet Spiritus, eos qui ignem illum offerebant esse consumptos : quia divino igni aperte contradicunt, et contra Spiritum agunt, hi qui ea quæ mala

et iniqua sunt docent : *Et præcepit ei dicens : Loquere ad Aaron fratrem tuum, ne omni tempore ingrediatur sanctuarium, quod est intra velum coram propitiatorio, quo legitur arca, ut non moriatur, quia in nube apparebo super oraculum. (Ex Hesychio.)* Quantum parcat Deus salutem nostram ex multis quæ in lege dicta sunt considerari et disci potest, de quibus nihil negligentes, oculos mentis per singula intendamus. Recte maximam diligentiam legislator exhibet, ut non solum in verbis turpibus, aut in fabulis Judaicis, aut in aliquo idololatriæ phantasmate, doctores non excedant ; sed nec occasione theologiæ in impietatem cadant, quod mos est hæreticis pati. Substantiam enim discutientes Dei, tam Patris ad Filium quam Filii ad Spiritum sanctum differentiam introducunt, et alia similia quæ nostram excedunt scientiam, absconditaque sunt nobis, sicut nimis alta, atque similia, non ex divinis dogmatibus, sed ex suis cogitationibus exquirere volentes, a moderationis ecclesiasticæ excisi sunt corpore. Hoc ergo ne patiamur, lex præsentibus nos præmonet verbis. Ait enim sic : *Et dixit Dominus ad Moysen : Loquere ad Aaron fratrem tuum, id est, ut sacerdotes sibi invicem hæc præciperent, et unusquisque doctorum talia proximo sanciret, qualia nunc Deus loqui ad Aaron Moysen præcepit ; quæ sunt autem hæc ? Non omni tempore ingrediatur sanctuarium, quod est intra velum coram propitiatorio qua legitur arca.* Commune omnibus mandatum, et communem hic proposuit legem, primum quidem sacerdotibus aptam, deinde omni qui vult discutere divina mysteria. Quamobrem secundum LXX impersonaliter præcepit dicens : *Non ingrediantur omni tempore in sanctum interius velaminis, qui, non addidit, omnes prohibere ab hoc manifeste cupiens ; quia enim velamen corpus Salvatoris intelligitur. Sicut Paulus evidenter ait : Habentes autem confidentiam in introitu sanctorum, quam initiavit nobis viam novam, et viventem per velamen, id est per carnem suam (Hebr. x).* Ipse est enim verum et intelligibile propitiatorium, ut pote, quia ipse nobis peccatorum propitiationem præstat. Ait etenim idem Paulus : *Omnes peccaverunt, et egent gloria Dei, justificati gratis per gratiam ejus, per liberationem, quæ est in Christo Jesu, quem proposuit Deus propitiationem per sanguinem ipsius (Rom. iii).*

D Aperte ergo doctores vetuit, et sacerdotes prohibuit, et quoscunque de Deo loqui fas est, exquirere substantiam Dei, et discutere Christi divinitatem, ingredi interiora velaminis intelligibilis ; velamen enim Christus habet carnem, tegumentum divinitatis suæ, quemadmodum et hoc quod erat sensibile velamen, tegumentum sanctis sanctorum fuit. Non solum autem velamen, sed et testimonii arcam, carnem Domini appellavit, multis illam necessario appellans nominibus, quia multæ ex ea erant operationes, ad quam arcam omni tempore non præcipit doctores ingredi, ut curiose utique non inquirent, quemadmodum *Verbum caro factum est (Joan. i),* quomodo *qui in forma Dei erat, in forma servi factus est, quo-*

modo exinanivit semelipsum (*Phil. ii*), et in coelis mansit. Horum enim fides salutem, periculum affert inquisitio. Hoc ergo qui credit, et non quærit, non morietur, quia *in nube*, inquit, *apparebo super oraculum*, sive propitiatorium. Nube rursus Dominicam carnem et evangelicum appellat verbum; eadem enim multis vocat nominibus, nec est lautologia, sed operationis rerum quæ significantur apta imponit, et distribuit nomina. Aliquando enim velamen carnem dicit, tegumentum hanc esse divinitatis Christi significans; aliquando autem arcam hominem videlicet, quem ipse Dominus exponens Judæis, dixit: *Solvite templum hoc, et in tribus diebus excitabo illud* (*Joan. ii*). Quod Judæis ignorantibus et dicentibus: *Quadringenta et sex annis ædificatum est templum hoc, et in tribus diebus excitabis illud?* evangelista explanavit, dicens: *Ille autem dicebat de templo corporis sui*. Aliquando vero nubem, quia nubis corpus quidem est, sed mundum et subsistentiam ex Spiritu sancto habentem; ex spiritibus enim, id est ventis, nubes subsistunt. Propter quod ejus subtilitatem, et levitatem, atque munditiam Isaias ostendens dicebat: *Ecce Dominus ascendit super nubem levem, et ingreditur Ægyptum, et commovebuntur simulacra Ægypti* (*Isa. v*). Nubem similiter non incongrue evangelicum appellamus verbum, quia mos est divinæ Scripturæ sancti Spiritus doctrinam nubem appellare, unde et vineam Judæorum sicut infructuosam auferens, dicebat: *Mandabo nubibus ne pluant super eam imbrem* (*Isa. v*). In hac ergo nube Deus tam in Dominica carne quam in evangelica prædicatione insinuat; et nihil amplius quæramus nos qui aliquid de Deo scrutari volumus, sed quantum nobis evangelicus sermo tradit, quanta ex Dominica carne percipimus. Sequitur: *Vitulum offeret pro peccato, et arietem in holocaustum. Tunica linea vestietur, et feminalibus lineis verecunda celabit. Accingitur zona linea, cydarim lineam imponent capiti: hæc enim vestimenta sunt sancta, quibus cunctis cum lotus fuerit induetur.* (*Ex eodem*.) Admirabili ordine etiam nunc legislator ad ea quæ juvare possunt et utilia esse legentibus legem, et qui thesaurum reconditum in ea perscrutantur utitur. Cum enim dixisset non licere omni hora, id est non continue, id est, sine intermissione ingredi in Sancta sanctorum, ne forte sine metu et circumspeditione ad ea quæ divina sunt præsumamus aut accedamus, nec majorem perscrutationem omnino prohibuit, sed quando nos hoc, aut quomodo, jubet uti? quando nosmetipsos perfecimus, sive consummaverimus, quemadmodum nunc tradidit, id est, non ingrediatur Aaron in sancta, nisi hæc fecerit. Hic ostendit quia non solum non frequenter, sed nec omnino non ingredi in sublimiorem divinam contemplationem præcepit, quam et appellavit sanctuarium, ut pote quæ de Deo est, qui Sanctus sanctorum est, et eum qui bene ea utitur sanctificat, sed qui utique Aaron est, id est altam conversationem habens; et qui in tantum proventus est, ascendens ad Dei sanctificationem, ut, sicut divina arca, respondere pos-

sit. Hoc enim Aaron interpretatur, hic ingrediens vitulum offeret pro peccato, videlicet in sacrificio ingreditur Christi: qui quia non solum pro peccatis nostris immolatus est, sed et vitam nobis præstat perfectam, tam in peccatorum nobis absolutionem quam virtutum perfectionem; Dei sacrificium conquirat, et apponit. Addit legislator: *Et arietem in holocaustum*, LXX autem ediderunt, *de vitulo ex bobus*: quia Christus ex bobus illis operatoribus justitiae secundum carnem factus est; verbi gratia Abraham, Isaac, Jacob, David. Nam boves lex eos qui justitiam operantur novit, quia enim aries ex genere ovium est, verumtamen est præcipuus, et gregis dux, recte significat Christum, qui est ex massa nostra, sed præcipuus et excellens nos, et dux generis humani atque rex est. In hoc, id est in Christo, vult nos ingredi in sancta; initium enim de Deo loquendi Christus est et ejus passio, quæ si non acta fuisset, et tam paganorum nos errore, quam ab umbra legis et caligine liberasset, nos de Patris divinitate loqui minime potuissemus: *Nemo enim scit Patrem nisi Filius: et cui voluerit Filius revelare* (*Luc. x*). Sed quisquis de Deo locuturus est et intueri Deum, in quantum possibile est hominibus, vult, necesse est ut omnibus virtutibus armetur. Attende et hoc quem admodum approbavit; virtutes enim quatuor generales sunt, justitia, castitas, fortitudo, sapientia. Propterea, inquit, *tunica linea induetur*, id est, justitiam, unde scriptum est: *Sacerdotes tui induantur justitiam* (*Psal. cxxxii*). Induetur et feminalibus lineis, hoc est, castitate, vestietur zona, per zonam enim fortitudo intelligitur. Unde ad Job Dominus dicit: *Accinge sicut vir lumbos suos* (*Job. xxxviii*). Per cydarim quoque, quæ indumentum capitis est, intelligitur modis omnibus sapientia; nam in capite sapientie esse organum non ignoramus, quod et cerebrum dicitur, unde et omni est honorabilius corpore. Sed et hæc omnia linea esse propterea præcepit, ut ostenderet virtutum facilitatem et celerem acquisitionem vel habillem gratamque adipiscenti esse, sicut et ea quæ linea sunt corpori. Quia etiam cum sublimis sit conversatio earum, potest esse in terris, quarum singula in linum proveniunt, quod altum quidem calammum habet, sed multum a terra ascendit, facileque congrui potest etiam a pauperibus, et ei qui hoc induetur acceptum gratumque est, sicut supra diximus; æstuantem etiam refrigerat, sed et in gelu sovet; quod est virtutis proprium, quæ refrigerat quidem in æstu concupiscentiarum, in frigore autem tentationum calefacit, atque ad zelum erigit, et non permittit sentiri persecutores. Sed ut non etiam salutis perdas capitulum, quod est baptisma, nec æstimes tibi sufficere virtutes sine dono baptismatis, addidit: *Hæc enim sunt vestimenta sancta, quibus cunctis cum lotus fuerit induetur.* (*Ex eodem*.) Lavatur omne corpus per aquam baptismatis, quia totum nostrum lavat, et renovat hominem. Ergo baptizari oportet prius, et ex aqua generari ac Spiritu, ac sic prædictis virtutibus indui, atque per eas Christum;

hoc enim et ipse contextus legalium signat verborum. Postquam enim dixit legislator, ne omni tempore ingrediatur sanctuarium, nisi hæc ante fecerit, *Vitulum offeret pro peccato*, subdidit, et *arietem in holocaustum, tunica linea vestiatur*, et reliqua. Non solum Christum intelligibilem arietem, et verum holocaustum, virtutum videlicet perfectionem (*Ipsum enim virum perfectum, et mensuram ætatis* Paulus appellavit) suscipere nos et indui volens, propter quod et baptismatis gratiam introduxit, quia per ipsam maxime induimur. Quando autem hæc adepti fuerimus, in Sancta sanctorum ingrediemur, non substantiam perscrutantes Dei, vel discutientes, hoc enim prohibitum est, sed ad ea quæ sunt de dispensatione Christi, sacrificioque ejus pro nobis, et bonis quæ per ea fruimur, sapientiæ dogmatibus studium dantes. Hoc enim manifestum faciunt maxime quæ sequuntur.

*Suscipietque ab universa multitudine filiorum Israel duos hircos pro peccato, et unum arietem in holocaustum. Cumque obtulerit vitulum, et oraverit pro se et pro domo sua, etc.* Multa hic intentio dicentis, simul et audientis est necessaria, ut non recedant ab eo quod rectum est, quia maxima sunt mysteria ea quæ nunc exponit lex, et quidam in ipsis offendunt, ignorantes eorum virtutem dicatorum, sed hæc quidem in quibus offendunt subtilius in subsequentibus dicentur. Quia autem ad ipsum Christum ea de quibus locutus est legislator in præsentibus evidentem referuntur, manifestant species sacrificiorum et effectus, sed et hi a quibus sacrificia accipiuntur. A synagoga enim vel universa multitudine filiorum Israel accipi sacrificia præcepit: quia Christus, qui pro nobis immolatus est, ex filiis Israel secundum carnem fuit. Ita ut Paulus diceret: *Ex quibus Christus secundum carnem, qui est Deus benedictus in sæcula, Amen* (Rom. ix). Deinde sacrificiorum alia quidem pro peccatis, alia autem in holocaustum jubet offerri, figurans, sicut oportebat Christi sacrificii virtutem, qui pro nostris peccatis offertur; audi quippe Paulum dicentem: *Christus enim semel oblatus ad multorum exhaurienda peccata, novissime sine peccato apparebit expectantibus se* (Hebr. ix). Quia autem ad holocaustum, et ad perfectionem videlicet et profectum vite atque virtutum Unigeniti sacrificium factum est, quomodo dubitari licet, aperte Paulo dicente: *Ergo fratres et vos mortificati estis legi per corpus Christi, ut sitis alterius, qui ex mortuis resurrexit, ut fructificemur Deo* (Rom. vii). Hædum, qui Græce chimarus [*χίμαρος*] dicitur, recte immolari ab eo qui penitentiam agit ostendimus, ut pote in tempestate et fluctu constituti, usque dum penitentia ejus suscipiatur sacrificium; aries autem, ab eo pote ducatum regi præbens, deputatus recte in holocaustum, id est, in virtute et perfectione vite accipitur. Quorum est enim, nisi præpositorum, docere perfecta? His ita se habentibus omnimodo dicit: Cur si hircos pro peccato lex præcepit offerri, nunc etiam vitulum offerri præcepit? Una autem ratione, brevique solvi

atque explanari potest, quia non unius generis, sed tam peccatorum quam justorum est Unigeniti sacrificium; et propterea hirci pro genere quodammodo peccatorum offerri præcipiuntur; vitulus autem pro justis, quia bos, cum sit ad operandum factum animal, in persona justi secundum legem accipitur. Unde et in vitulo ait: *Orabit pro se et pro domo sua*, domum Dei justum appellans; *habitat enim in eis et inambulat*, ipse est eorum Deus, et illi ejus populus. *Deprecabitur et pro eo*, id est, pro domo propriae carnis. Nam et si peccatum non fecit, nec dolus inventus est in ore ejus (I Pet. ii), verumtamen Adam indutus est, qui propitiationem propter maledictum, quod semel humano super inductum est generi, opus haberet. Audi ergo Paulum ad Hebræos de Christo talia scribentem; *Qui non habet quoddam necessitatem, quemadmodum sacerdotes primum pro suis delictis hostias offerre, deinde pro populi, hoc enim fecit semel se offerendo.*

## CAPUT IV.

*De duobus hircis quorum unus in sortem Dei pertinet, alter in emissarium dimittitur.*

(IBID.) *Cumque obtulerit vitulum et oraverit pro se et pro domo sua, duos hircos faciet stare coram Domino in ostio tabernaculi testimonii, mittetque super utrumque sortes, unam Domino, et aliam capro emissario. Cujus sors exierit Domino, offeret illum pro peccato; cujus autem in caprum emissarium, statuet eum unum coram Domino, ut fundat preces super eo, et mittat illum in solitudinem. His rite celebratis, offeret vitulum rogans pro se, et pro domo sua.* (Ex Augustino.)

De duobus hircis, uno immolando, et alio in desertum dimittendo, quem apompeum vocant, solet esse disceptatio; et a quibusdam hic immolendus in bono accipitur, ille autem dimittendus in malo. Non tamen iste sensus ideo confirmandus est, quia homo in cujus manu in eremum hircus dimittitur, cum redierit, lavare jussus est vestimenta sua, et corpus suum aqua, et sic ingredi in castra, tanquam et hoc sit indicium, cur in malo sit ille hircus accipiendus, a cujus contagione homo abluendus est; sic enim dicit abluendum, et qui alterius hirci, qui in loco acceperit, carnes extra castra combusserit, quia et de illo et de vitulo fieri jubet. De quorum immolatorum sanguine sit aspersio, et sunt pro peccatis, ac per hoc non negligenter istorum duorum hircorum distinctio in allegorica significatione tractanda est. (Ex Hesychio). Solent cæci in lumine offendere, et infideles in lege Dei scandalizari; quod Petrus sciens tam de Pauli vasis electionis Epistolis, quam de omni divina Scriptura dixit: *In quibus sunt quedam difficulta intellectu, quæ indocti et instabiles depravant, sicut et cæteras Scripturas, ad suam ipsorum perditionem.* Hoc et nunc patiuntur, qui ad suam voluntatem, et non ad veram intentionem intelligunt legem Dei, et noxium animæ ac pestilentem idolorum cultum constitutere, ab his quæ dicta sunt a legislatore inauiter cogitant. Nam dicunt: Super duos hircos lex sortem mitti præcepit, unum Domino, alterum autem ad emissionem separari præcepit; emissarium autem

appellant diabolum, ut ex hoc occasionem præbeant ad colendum malignum, in tantum aures obstrudentes [*Al.*, obstruentes; *in impresso est*, obturantes], et in tantum mente cæci. Quomodo enim habet rationem, aut credibile est, quod Deus ipse sacrificium diabolo offerri præcipiat, qui per ipsum Moysen, et fratrem, et filium, et filiam, et civitatem integram quæ ad idola convertitur, disperdi præcepit, et clamat: *Non erunt tibi dii alii absque me (Exod. xx)*? Si autem in alicujus maligni personam emissarium accepisset, nequaquam de eo, cum eo qui Dei erat, sors mitteretur, quia nec cum quolibet malo quemlibet bonum sortem habere in divinis Scripturis invenies, sed quoties sors mittebatur æquales cum æqualibus mittebant sortes, sicut et tribus Israel dividebant. Nam et quando pro Juda ad apostolatam alium eligere necesse habebant, super duos viros æquales virtutibus et doctrina, Mathiam videlicet et Joseph justum, sortes miserunt, ita ut Petrus concionando diceret: *Tu, Domine, qui corda nosti omnium, ostende quem elegeris ex his duobus accipere locum ministerii hujus et apostolatus (Act. 1)*. Non solum autem antequam sors mitteretur in duos hircos coram Domino consisti præcepit, sed et illum in quo sors emissionis venit. Postquam eadem sors super eum ceciderit, et manifestum fuerit, statui coram Domino præcepit, effundique super eo preces. Quomodo ergo qui ante faciem Dei statutus est, eique quodammodo consecratus, ipse rursus diabolo mittitur? vel quomodo propitiationem peccatorum hoc quod iniquo transmittitur sacrificium peragit? Si enim ejus intentio est etiam justos peccatores efficere, quomodo peccatoribus propitiationem poterat profligare? Quomodo autem is ipse peccator de quo ait David: *Constitu peccatorem adversus eum, et diabolus stet a dextris ejus (Psal. cviii)*, propitiationem potest conquirere peccatorum? Solius quippe hoc Dei est, ad quem David dicebat: *Et propitiare peccato meo, copiosum est enim (Psal. xxiv)*. His ergo ita se habentibus, et undique incongruo hoc ostenso intellectu, non ignoremus nos, quia de Christi sacrificio procul dubio maxime hæc legislator dixerit. Unde æstimo mali intellectus zizaniam disseminare inimici veritatis volunt, gloriæ mysterii invidentes, clarumque ejus testimonium ex lege considerantes, quia enim Deus et homo erat, qui pro nobis incarnatus est Christus Jesus impassibilem divinitatem custodiens, solam passionibus humanitatem præbuit. Effectus autem passionis ejus, id est nostra propitiatio, non solum passæ carnis, sed multo magis impassibilis divinitatis fuit. Quod testatur Paulus dicens: *Qui cum esset splendor gloriæ et figura substantiæ ejus, portansque omnia verba virtutis suæ (Hebr. 1)*. Demonstrans autem quod hæc omnia de Unigeniti divinitate dicantur, subdidit: *Purgationem peccatorum faciens, sedet ad dexteram majestatis in excelsis, ipsi Deo verbo etiam ea quæ propriæ ejus erant carni conjungens. Si ergo hæc apte dicta sunt, propterea duo sumuntur hirci et statuuntur coram*

A Domino in ostio tabernaculi testimonii, ut ad imaginem Christi hæc in eis agerentur; ipse est enim ostium verum, quod ad ostium tabernaculi testimonium, quod est in caelis, ducit. *Et mittit Aaron super utrumque hircum sortem: unum quidem, ut virtute et significatione sortium dividi, dispensationi divinitati Christi et humanitati intelligamus, dividi vero tam quæ huic quam illi sunt propria, ut hæc quidem patiat, illa autem confortet patientem, et per passiones quæ in ea operabantur tam contraria nobis moderarentur passiones quam suam manifestaret impassibilitatem. Deinde sortem unam ait Domino, et aliam capro emissario, non alii nisi Christo, sicut superius diximus: Offeret Aaron caprum in quo venerit ei sors Domino, et offeret eum pro peccato. Intelligibilis enim Aaron is, qui sacerdotio nostro præest, de quo Paulus dicit: Sicut Aaron, sic et Christus (Hebr. v), non semetipsum glorificavit, ut sacerdos fieret. Hic suam carnem offeret Patri, et in ipsa offeret pro peccato, de quo Paulus Hebræis scripsit: Hic unam pro peccato offerens hostiam in perpetuum sedet ad dexteram Dei (Hebr. x). Caprum vero super quem venerit emissionis sors, statuet vivum ante Dominum, ut fundat preces super eo; quia enim sortem emissarii diximus, figurate referri ad Christi divinitatem, statuet hanc vivam, impassibilem custodiens, ut per eam deprecetur: Nemo enim potest dimittere peccata, nisi solus Deus (Luc. v). Dimittit autem eum in solitudine; desertam enim a malo dicit, et solitariam sive inviam, quæ ab intelligibilibus hostibus ambulari non potest, in qua Deus habitat et apparet. Quod manifestat David dicens: Deus, Deus meus, ad te de luce vigilo. Sitivit in te anima mea, quam multipliciter et caro mea; in deserto, et in invito et in inaquoso, sic in sancto apparui tibi, ut viderem virtutem tuam et gloriam tuam. Ergo desertum et invium sanctum est et Sancti sanctorum habitaculum, ubi in caelos divinitas tempore passionis abiisse dicitur, non de loco ad locum migrans, sed cohibens propriam virtutem ex humanitate, ut daret spatium passioni; in loco autem digno sibi, in sinu Patris videlicet manens, ad quæ nullus accedit, nisi ipse et sanctus Spiritus, et quia ipse in Patre est et Spiritus sanctus, sicut Evangelicis didicimus litteris. Ergo abire, cohiberi intellige; sic enim Deus abire, qui ubique præsens est, cum suam cohibet operationem dicitur. Portat etiam iniquitates nostras, quia ignis proprium est fenum consumere, et divinitatis peccatum perimere: unde et ignis consumens Deus dicitur.*

*Et offeret Aaron vitulum pro peccato, rogans pro se et pro domo sua, immolabit eum, assumptoque thuribulo quod de prunis altaris impleveris, et hauriens manu compositum thymiama in incensum, ultra velum, intrabit in sancta, ut positus super ignem aromaticis, nebula eorum et vapor operiat oraculum, quod est super testimonium, et non moriatur. (Ex Hesi- chio.) Immotat ergo intelligibilis Aaron vitulum, id est propriam carnem, cujus hostia quando in Ju-*

dicæ plebis liberationem accipitur, sacrificium vituli necessarie assumitur; habebat enim ipse legalem justificationem maxime, ut aperte prædicaret: *Non veni solvere legem, sed implere* (Matth. v). Paulus autem dicebat: *Misit Deus Filium suum factum ex matre, factum sub lege, ut eos qui sub lege erant redimeret* (Gal. iv). Hæc autem vitules propter jugum mandatorum apto intelligitur. *Regens pro se, videlicet pro humanitate.* Hujus enim in semetipso figuram gerebat, sed et pro domo sua, proprie enim qui sub lege vivebat populum, qui domus ipsius propter cognitionem fuit, venit liberare. Propter quod Cleophas dicebat: *Nos autem speramus quia ipse esset redempturus Israel. Immolabitque eum; ipse enim propriam carnem immolavit, ipse sui sacrificii pontifex in Sion factus est, quando sanguinis Novi Testamenti dabit calicem. Assumptoque thuribulo quod de prunis altaris impleverit.* Thuribulum linguam Dominicam hic dicit; in ipsa enim erat Spiritus. Sumit ergo plenum thuribulum carbonibus, quia sacrificio suo doctoralia verba, quæ erant divina et cœlestia, protinus addidit, de quibus David dicebat: *Carbones succensi sunt ab eo* (Psal. xvii, 9). Hos Joannes in cœna acta, postquam Judas est egressus scripsit, in quibus, quomodo quidem Pater in ipso, quomodo autem ipse cum sit in Patre, mittat donum Spiritus; quomodo Pater est agricola, ipse vitis, apostoli viro palmites; quomodo princeps mundi hujus judicetur, aliæque exponit miracula, quæ sunt carbones ignis, ut potè calefacientia nos ad pietatem, cum sint generaliter spiritalia (Joan. xv). Sed et ab altari, quod secundam LXX est ante Dominum, hoc autem esse sedes cherubin, in ipsis præcæmiis libri hujus ostendimus; illic enim carbones intelligibilis ignis constitutos esse Ezechiel propheta demonstravit; Dominum quippe ipsum qui erat indutus podere, et accinctos habebat lumbos, proponit dicentem: *Ingrederi in medium rotarum subter cherubin, et imple manus tuas de medio cherubin* (Ezech. x). Quia enim altare intelligibile in quo carbones ignis sunt, sedem cherubin oporteat intelligi, audi Isaiam dicentem: *Et venit ad me unus de seraphin, et in manu ejus calculus quem forcipe tulerat de altari, et tetigit os meum* (Isa. vi). Quod ergo in cœlo est altare aliud nisi cherubin sedis? sicut enim tam pontifex quam rex idem et sedem habet et altare. Hoc ergo Paulus Hebræis significans ait: *Non enim habemus pontificem qui non potest compati infirmitatibus nostris, tentatum autem per omnia pro similitudine absque peccato. Adeamus cum confidentia ad thronum gloriæ ejus* (Hebr. iv). Hoc ergo intelligibile dicebat altare, quod manifestant quæ sequuntur; ait enim: *Ut accipiamus misericordiam et gratiam, inveniamus in auxilio oportuno.* Horum autem utrumque ab altari sine aliqua dubietate percipimus. Sed quid in his quæ sequuntur legislator subdidit? *Et hauriens manu thymiama incensum ultra*

*velum intrabit in sancta; vel, sicut LXX: Et implebit manus suas thymiamate compositionis subtilis, et offeret interius in interiora velaminis.* Dicit autem orationem, de qua dixit David: *Dirigatur oratio mea sicut incensum in conspectu tuo.* Hæc ergo quando sæcularia oramus, crassa quodammodo et non subtilis est; quando autem spiritalia petimus, id est scientiam divinam, regnum cœlorum, remissionem peccatorum, subtilis quædam est, ut potè spiritualis et intelligibilis, quam intelligibilis sacerdos pro nobis offeret. Manifestum autem est, ex eo quod pro discipulis Christus orans, sanctificationem eis et unitatem secum, libertatemque in mundo, et alia talia deposcebat. *Intrabit in sancta, sive secundum LXX, et offeret in interiora velaminis, carnis videlicet suæ.* Offeret autem cui? Patri videlicet, quia hæc quidem manifesta aspectu omnium proferebatur, ipsa autem erat invisibilis. *Ut positus super ignem aromatibus, nebula eorum et vapor operiat oraculum quod est super testimonium, et non moriatur.* Dupliciter hic quod dicit intellige, quia enim Aaron ipsius Christi figuram gerit propter sacerdotii dignitatem, figuram etiam gerit corporis sacerdotum. Superimponit quidem Christus super ignem aromata, id est orationem super doctrinam; et operit vaporem nebula eorum, id est orationis virtus; oraculum quod est super testimonium, id est carnem suam, ex qua propitiatio nobis conquisita est peccatorum, quæ in salutari est videlicet passione; hoc autem esse testimonium, paulo superius ostendimus. *Et non morietur, corruptionis videlicet morte.* Neque enim caro ejus vidit corruptionem, quia vaporem aromatatum, virtute utique orationis illius operiebatur quam David ait Christum Patrem deprecantem: *Quia non derelinques animam meam in infernum, nec dabis sanctum tuum videre corruptionem.* Ponit autem et unusquisque sacerdos, de Christo loquens, in igne aromata spiritalis doctrinæ, orationem; et orationis virtus operit oraculum, quod est super testimonium; non permittit enim eum quærere de passionibus Dominicæ carnis ea, quæ super virtutem quærentis sunt. *Et non morietur ea, quæ definita est immoderatis inquisitoribus, qui ea quærunt quæ hominibus non licet quærere, morte.* *Tollet quoque de sanguine vituli et asperget digito suo septies, contra propitiatorium ad orientem; sive, ut LXX, asperget digito suo super propitiatorium ad orientem.* Ante faciem propitiatorii asperget septies digito suo. Sacrificium unigeniti esse quidem ejus carnis, per virtutem autem rursus divinitatis ejus, et per beneplacitum Patris ad remissionem peccatorum nostrorum et ereptionem, simulque ad domum submirationis Spiritus peragi, aperte ex his quæ nunc dicit legislator, manifestatur; digitus enim significat virtutem divinitatis, unde David dixit: *Quoniam videbo cœlos opera digitorum tuorum, lunam et stellas quas tu fundasti* (Ps. viii). Utrumque autem ad divinitatis accipimus vir-

\* Sedem. In impresso post cherubim est distinctio, et sequitur: *Sed is duabus distinctionibus.*

tentem, ipseque sanguis vituli super propitiatorium ad orientem aspergitur, ad propitiationem enim nostram simulque illuminationem, passio salutaris perfecta est, unde ipsa passio dicitur propitiatorium, sicut frequenter ostendimus; dicitur autem et oriens; ait enim de eo Zacharias propheta: *Ecce vir oriens nomen ejus, et subter eo oriatur*. Ait autem et Zacharias sacerdos pater Joannis: *In quibus visitavit nos Oriens ex alto, illuminare his qui in tenebris sedent et in umbra mortis* (Luc. 1). Sed et contra propitiatorium, id est in conspectu Patris, asperget, inquit, septies, ut tam remissionem peccatorum, quam Spiritus sancti donum de Dominico sanguine hominum susciperet, utrumque enim septenarius numerus significat, quia videlicet sunt septem dona Spiritus, et idem numerus etiam peccatorum significat remissionem. Nam Petro Christum interrogante: *Si peccaverit in me frater meus, quoties dimittam ei, usque septies?* Christus ait: *Non dico septies, sed usque septuagies septies*, multiplicans numerum septenarium.

## CAPUT V.

*De expiatione sanctuarii per sanguinem hirci atque vituli.*

(IBID.) *Cumque mactaverit hircum pro peccato populi, inferet sanguinem ejus intra velum, sicut præceptum est, de sanguine vituli, ut aspergat e regione oraculi, et expiet sanctuarium ab immunditiis filiorum Israel, et a prævaricationibus eorum, cunctisque peccatis.* (Ex Hesychio.) Quia enim Christus de Judæis secundum carnem qui sub jugo legis vivebant, ortus est, recte vituli sacrificium nominatur; quia autem secundum quod incarnatus erat de communi massa hominum factus est, propterea rursus igitur hircus appellatur: asperum enim hoc animal, pilorum indumentum gerit, asperum autem ut pote peccato refertum omne viventium genus, quia nihil est peccato asperius: unde hoc approbare aperte legiskator volens: *Cumque mactaverit, inquit, hircum pro peccato populi*. Totum hic intelligens humanum genus, quod quondam non populus, nunc populus ex quo de nobis primitias Jesus suscepit. Ergo ut demonstraret de Judæis quidem principaliter Christum propter Abraham cognationem esse, sed tamen omnis nostræ naturæ quæ in peccato est primitias portare, propter quod et Adam appellatus est, vitulum simul et hircum lex ad figuram sacrificii ejus assumpsit. Cum autem unum sit sacrificium, sive vitulus sive hircus nominetur, effectusque unus in utrumque sit, peccatorum enim ex eo profligatur absolutio, necessario communia sunt ea quæ in hircu aguntur et vitulo; cernis enim quia etiam hircum occidens ante Dominum videlicet Patrem, et sanguinem inferens in interiora velaminis, id est ad Patrem. *Et expiet sanctuarium ab immunditiis filiorum Israel et a prævaricationibus eorum cunctisque peccatis*. videtur quidem de tabernaculo dicere; dicit autem non de eo qui sensui subjacet: quid enim expiationis seu propitiationis ligna egerent? quidve pelles, vel reliqua ex quibus tabernaculum Judeorum quod sensui subiacebat confectum erat? sed generalitatem, sive

totam dicit hominum speciem; sancta enim fuit ab initio massa nostra, ita ut Dei in ea habitaret Spiritus: quod demonstratur ex eo quod auferens illud irascens minatus est Deus, quando hi qui ex se habebant descendebant, cum essent justi et filii Dei appellarentur, concupiscentes eam, quæ filie hominum dicebantur, unius generis cum malis et iniquis affectis sunt; dixit enim sic: *Videntes filii Dei filias hominum quod essent pulcherræ, acceperunt sibi uxores ex omnibus quas elegerunt. Et dixit Dominus Deus: Non permanebit Spiritus meus in homine in æternam, qui caro sunt* (Gen. vi). Ergo si habitabat Spiritus Dei in hominibus antequam omnes sequi passionem carnis inciperent, sancta recte erat hominum massa; nam nec primitias ex ea sanctus sanctorum assumeret. Quia autem sordidata est, expiavit eam ab immunditiis filiorum Israel, secundum rationem pro sensibili Israel Jesus immolatus, id est sacrificium, et pro omni humano genere, ad expiationem immunditiarum naturarum obtulit, quarum immunditiarum? id est a prævaricationibus eorum, inquit cunctisque peccatis; animæ quippe immunditia, non mortui pollutio, non porcinus cibus, non quidpiam aliud simile, sed nocere proximo est, et peccare in Deum vel mandata Dei. *Juxta hunc ritum faciet tabernaculo testimonii, quod fixum est inter eos in medio sortium habitationis eorum; nullus hominum sit in tabernaculo quando pontifex ingreditur in sanctuarium, ut roget pro se et pro domo sua, et pro universo cætu Israel.* (Ex eodem.) Quod lex superius appellavit sancta, ecce nunc tabernaculum testimonii appellat, quod fixum est inter eos in medio sortium habitationis eorum; eadem quippe ratione et sancta esse, et testimonii appellari tabernaculum massa nostra potest. Si enim tabernaculum testimonii celum dixerimus, recte sancta nominatur, cælestis noster homo, de quo ait Paulus: *Sicut portavimus imaginem terreni, portemus et imaginem celestis* (I Cor. xv). Rursus: *Si terrestris domus nostra hujus habitationis dissolvatur, habemus ædificationem, quæ ex Deo est, domus non manu factam, æternam in cælis* (II Cor. v). Quando enim Christus ingreditur in sanctum, id est quando incarnabatur cælestem hominem, atque ex nobis primitias sumebat, non erat in intelligibili tabernaculo testimonii, nec gentilis, nec circumciscus, nec levita, nec sacerdos: *Qui omnes declinaverunt, simul inutiles facti sunt* (Pe. 1.11). Nemo cælestem conversationem tunc sequeretur, nec dignam cælesti homini sapientiam usque dum in sancto propriæ carnis rogaret per crucem, et egressus est ex ea lege communis mortis, emittens spiritum, et carnem quidem relinquens sepulchro, quod ejus evidenter exitus nominatur. *Nullus hominum, inquit, sit in tabernaculo quando pontifex ingreditur in sanctuarium, ut roget*. Non autem hoc exprimit quod omnis homo de tabernaculo, secundum tempus sacrificii, quod nunc dictum est, excluderetur, sed significat omne hominum genus terrenum tunc sapere et in peccatis esse, ac propterea in in-

intelligibili tabernaculo testimonii recte non inveniri. *Cum autem extiterit ad altare, quod coram Domino est, erit pro se, et sumptum sanguinem vituli atque hirci, fundat super cornua ejus per gyrum, aspergetque digito septies: expiet et sanctificet illud ab immunditiis filiorum Israel.* (Ex eodem.) Post enim nostrum egredium ad altare, quod est coram Domino, dicitur autem eum, qui est thymiama, quod esse sedem cherubin ostendimus, eum carne ascendens et nostram in eo captivitatem sublevavit simul nos suscitans et sedere faciens in dextera in caelestibus. *Et sumptum sanguinem effundat super cornua ejus per gyrum, aspergetque digito septies, expiet et sanctificet illud ab immunditiis filiorum Israel,* quia propria passione non solum cornua ejus qui est in caelo altaris, virtutes scilicet præcipuas, et generales, sapientiam, fortitudinem, justitiam, castitatem, sanctificavit, quæ cornua, cherubin recte sunt; figuras enim eorum caeleste hoc animal in personis quæ habet hominis et leonis, et vituli et aquilæ gerit, sapientiæ quidem in persona hominis, fortitudinis autem in persona leonis, justitiæ in persona vituli, castitatis in persona aquilæ. De quibus plenius in propheta Ezechiele interpretatione olim exposuimus. *Expriet et sanctificet illud ab immunditiis filiorum Israel.* Christi enim sacrificio expiantur et caelestia, ita ut Paulus diceret, differentiam legalium sacrificiorum et unigeniti ostendere volens. Necesse est ergo exemplaria caelestium his mundari, ipsa autem gratia expiationis opus habebant caelestia, legislator ostendit dicens: *Expriet et sanctificet illud ab immunditiis filiorum Israel.* Quantum quidem ad caelorum virtutes, non necesse erat quolibet expiatio, quia in sanctificatione continua conversantur, sed quia frequens ad caelos nostrorum peccatorum ascendit fumus, de quo dixit David: *Ascendit fumus in ira ejus, et ignis a facie ejus exardescit* (Ps. xvii), ita ut Deus ad Jonam diceret: *Vade ad Ninivem civitatem magnam, et prædica in ea prædicationem, quam ego loquor ad te, quia malitia ejus ascendit coram me* (Jon. i). Et rursus ad Abraham de Sodomis: *Descendam et videbo utrum clamorem qui venit ad me opere compleverint, an non* (Gen. xviii). Recte de nostris immunditiis sanctificat, et expiat super nos caelos [Al., choras], ut auferat ex eis circumstantem abominabilem odorem et gloriationem falsam, quam contra eos deposuimus. Propterea non simpliciter asperget, sed septies, ut intelligas quia venia nostrorum peccatorum (hanc enim septenarius numerus figurat), loca caelestia mundantur abominabili odore et gloriatione quam deposuimus: hujus enim rei causa prius inimicitia a solis contra ea quæ sunt in caelestibus exorta est. Sequitur: *Postquam emundaverit sanctuarium et tabernaculum et altare, vel sicut LXX, et definit exorans sanctum et tabernaculum testimonii et altarium, et pro sacerdotibus purgabit.* (Ex eodem.) Secundum quorum editionem recte lex præcipue memoriam sacerdotum fecit, ut in omnibus figura sacrificii

unigeniti salvaretur, quia enim a Christo sacerdotium chorus apostolorum sortitus est, qui et pars erant humani generis, pro quo Dominus semetipsum obtulit, sed tamen speciale quodammodo unguentum, et præcipuum sacrificium Domini appellavit, quod demonstrat Dominus ad Patrem dicens: *Pro eis ego sanctifico meipsum, ut sint et ipsi sanctificati in veritate.* Et rursus ad eos: *Majorem hac dilectionem nemo habet quam ut animam suam ponat quis pro amicis suis, vos amici mei estis, si feceritis quæ ego præcipio vobis.* Respice autem et legalis figuræ ordinem, quomodo ad ipsam deducit veritatem. Secundum LXX enim ait: *Definiet exorans sanctum et tabernaculum testimonii et altare,* id est, finiet et terminabit deprecationem, quæ acta est per crucem per omni genere hominum, et eam quæ in altari-intelligibilis fuit, postquam assumptus fuerit in caelo, et sederit in dextera Patris de sacerdotibus suis, mittit emundationem per intelligibilem ignem, et per linguas igneas Spiritus, propter quod eis dicebat: *Vos autem baptizabimini Spiritu sancto non post multos hos dies.*

## CAPUT VI.

## De emissionem hirci, et pompa.

(IBID.) *Tunc offeret hircum viventem, et posita utraque manu super caput ejus, confiteatur omnes iniquitates filiorum Israel et universa delicta atque peccata eorum; quæ increpans capite ejus, emittit eum per hominem paratum in deserto. Cumque portaverit hircus portans omnes iniquitates eorum, in terram solitariam, et demissus fuerit in deserto, etc.* (Ex Hesychio.) Eadem etiam nunc iterare propter eos qui in luce offendunt, opus habemus. Probat enim quia nulli iniquo vel maligno, sed ipsi Deo efficiuntur, etiam ea quæ nunc in hoc hirci vivo sanctuntur. Primum quidem, quia utramque manum capiti hirci sacerdos imponit: Manuum enim impositio in sacrificio ministrabat benedictionem, aut peccatorum remissionem, aut sancti Spiritus adventum, aut expiationem intelligibilem. Quomodo ergo in hunc in quo sors inimici et ejus qui contra Deum militat, sicut aiunt hi, qui illius partis sunt, hæc quæ dicta sunt sacerdos acturus erat? vel quomodo in ipso filiorum Israel iniquitates et injustitias et peccata redemit? confiteri quippe inimicus peccata non sinit, sed imo suggerit ut occulemus animæ vulnera, ut non inveniamus medicum qui medicamentum possit imponere, salutemque præstare, propterea mox ut increpatus est David a Nathan: *Peccavi Domino, exclamavit, et illico Propheta subdidit: Et Dominus transtulit peccatum tuum, non morieris* (II Reg. xii). Verumtamen quia blasphemare fecisti inimicos Domini, etc. Unde et per hominem paratum emitti legislator hircum in solitudinem dixit. *Præparatum autem, id est, accedentem, sive aduentem, et nec dignitatem hujus dicit: utrum levita, an sacerdos, aut quispiam de populo esset, qui hoc ageret.* Ergo cum omnibus Christum præsentem esse significat hircus. Quemadmodum enim per carnem in primo imolabatur, sic nunc vivens propter divinitatem di-

citur. Sed quia unus et impassibilis et passibilis est, A  
 necessario et viventi manus sacerdos imponit ut  
 manus impositione ostendatur; quia vivens est ver-  
 bum Dei, impassibile, immortale, hoc pro nobis  
 carnem suscipiens sacrificium suscepit; recte ergo  
 in ipso iniquitates et injustitias et peccata sacerdos  
 pronuntiavit. Hic est de quo Isaias propheta dicebat:  
*Domine, quis credidit auditui nostro, et brachium Do-*  
*mini cui revelatum est (Isa. LIII). Brachium Domini*  
 Filium appellans Patri consubstantiali. De quo et  
 ea quæ sequuntur subdidit: *Languores nostros ipse*  
*tulit, et dolores nostros ipse portavit; ipse autem*  
*vulneratus est propter iniquitates nostras, attritus est*  
*propter scelera nostra, disciplina pacis nostræ super*  
*eam, et livore ejus sanati sumus; sic aperte super se*  
 peccata nostra et injustitias et iniquitates portavit. Et  
 propterea secundum LXX ait: *Imponet eas super cap-*  
*ut hædi vivi.* Hujus enim figura est, quod et ex spi-  
 nis coronam imponi capiti suo Christus permisit,  
 quia in spinis peccata solent accipi. Propter quod et  
 Adam spinas germinare terra præcipitur, si quidem  
 et ipse ex inobedientia peccata germinavit. Sed et  
 Salomon ait: *Spinæ nascuntur in manu temulenti*  
*(Prov. xxvi),* peccati plenas esse actiones ejus si-  
 gnificans; sic ergo legis accipiens verba, non ignora-  
 bis intentionem ejus atque virtutem: sed et invenies  
 paratum hominem per cujus manum hircus vivens in  
 eremum mittitur; Christus enim ipse omnia sui sa-  
 crificii factus est et sacerdos et sacrificium, et cul-  
 trum et altare; ipse est et præparatus homo, paratus  
 pro nobis ad passionem, ita ut ipse per Isaiam dicat: C  
*Ego autem non contradicam, retrorsum non abii, cor-*  
*pus meum dedi percutientibus, et genas meas vellenti-*  
*bus, faciem meam non averti ab increpantibus et*  
*conspuentibus in me (Isai. L).* Ad quem et David di-  
 cit incarnationis ejus mysterium significans, per  
 quod nostram regnum adeptus est: *Dominus regna-*  
*vit, decorem induit, induit Dominus fortitudinem et*  
*præcintit se virtutem. Etenim firmavit orbem terræ,*  
*qui non commovebitur: parata sedes tua ex tunc (Psal.*  
*xcn).* Christus ergo intelligibilis Aaron semetipsum  
 etiam nunc per hædam vivum immolans: ipse per  
 hominem paratum, sive in manu hominis parati, id  
 est, per propriam virtutem; ipse enim cum sit et  
 homo paratus, ostensus est. Et emittit hircum viven-  
 tem in solitudinem, sive in terram inviam et deser-  
 tam, viam suam et immortalem et impassibilem  
 divinitatem, ad invia nobis loca et ab omni malitia  
 deserta, secundum quod Joannes ait: *Videns Jesus,*  
*quia omnia dedit ei Pater in manus, et quia a Deo*  
*exivit, et ad Deum vadit. Expiabit enim sacerdos qui*  
*unctus fuerit, et cujus initiate manus, ut sacerdotio*  
*fungatur pro patre suo; sive ut LXX: Deprecabitur,*  
 inquit, *sacerdos quemcumque unxerit, et quicumque*  
*consummatus fuerit, manus suas consecrare ad pa-*  
*træ suæ: ut Christum sine aliqua dubietate osten-*  
 deret; quia enim Christus patres secundum carnem  
 Judeorum sacerdotum principes habebat, filii enim  
 et ipsi Abraham, sicut et Christus fuit, ostendit lex,

ut quia Judæorum sacerdotes non poterant, sicut  
 ait Paulus (*Hebr. ix*), accedentes, perfectos facere:  
 impossibile enim eras sanguine taurosum et hircor-  
 um auferre peccata; recte ipse Christus in sacer-  
 dotium unctus, et manus per crucem consummans  
 expiat nos, de quo in alio loco recte lex dicit: *Sa-*  
*cerdos quem unxerint et consummaverint, manus sa-*  
*cerdotium ministrare post patrem suum.* Primum  
 enim hæc Pater unxit, secundum quod ait David:  
*Propterea unxit te Deus, Deus tuus (Psal. xlii):*  
 Unxit autem dicens: *Tu es sacerdos in æternum se-*  
*cundum ordinem Melchisedech (Psal. ciii).* Et postea  
 ab hominibus qui ministraverunt passioni et sacri-  
 ficio unctus est. Crucis enim sacrificium et agnum  
 et sacerdotem et liberatorem nostrum ostendit, pro-  
 pter quod ad ejus plenam demonstrationem et  
 subtiliorem figure manifestationem, semel, inquit,  
 in anno faceret hoc, quod semel factum est, unigeniti  
 sacrificium ostendere cupiens, in quo dictum est:  
*Christus semel oblatus ad multum exhaustivanda pec-*  
*cata, secundo sine peccato apparuit expectantibus se*  
*in salutem (Hebr. ix).* Adamantius enim in homeliis  
 super Leviticam de his duobus hircis aliter interpre-  
 tatus est. Dicit enim illum hircum qui immolatus  
 est Domino typum tenere illorum qui salvantur, et  
 ad sortem Domini pertinent, sicut pauper ille Laza-  
 rus, qui in statu Abraham ab angelis translatus est  
 (*Luc. xvi*). Eam vero hircum qui in eremum dimis-  
 sus est, reprobus significare, vel populum Judaicum,  
 qui pro suis peccatis a conspectu Domini abjici me-  
 rentur, sicut ille dives purpuratus, post mortem in  
 inferno sepultus est. Hominem quidem paratum per  
 quem hircus sponte in eremum ductus est, Do-  
 minum Salvatorem vel sanctos angelos ejus, unde  
 recipit quisque operis sui mercedem condignam, vult  
 intelligi. Hinc et beatus Ambrosius in epistola sua  
 ad Symplicianum ait: Sicut enim duo sunt in agro,  
 et unus eorum assumitur, alius derelinquitur, ita  
 sunt duo hirci, unus qui ad sacrificium est utilis,  
 alius qui in desertum dimittitur: hoc nulli usui, ne-  
 que edendus, neque epulandas, a sacerdotum filiis.  
 Sicut enim ex his quæ alimentorum sunt, quod bo-  
 num est editur, quod inerte aut maturo projicitur,  
 ita et bona opera epulatoria dicimus, quæ sint esui.  
 Non placebit ergo Domino si manducet sacerdos  
 sacrificium in quo fraus sit oblationis, non scilicet  
 confessionis sinceritas: et ideo hircus iste in deser-  
 tum dimittendus est; ubi erraverunt patres nostri,  
 erraverunt in eo, et non potuerunt ad resurrectionis  
 terram pervenire, sed interit a terra memoria eo-  
 rum. Dentque sunt epulatoria opera. Audi: Et erunt  
 sabbata terræ vobis escæ. Epulatoria enim et refe-  
 ctoria requies in Deo, quæ facit animi tranquillita-  
 tem, unde etiam et nos in sermone requiescimus.  
 Sed nos diversorum auctororum sensus ponentes,  
 quem potissimum eligat lectoris judicio derelin-  
 quimus.

## CAPUT VII.

*De hostiis non immolandis nisi ad ostium tabernaculi.*  
 (CAP. XVII.) *Et locutus est Dominus ad Moysen di-*



*causis: Loqueret Aaron et filiis ejus, et cunctis filiis Israel, et dices ad eos: Iste est sermo quem mandavit Dominus dicens: Homo quilibet de domo Israel, si occiderit bovem vel caprum in castris vel extra castra, et non obtulerit ad ostium tabernaculi oblationem Domino, sanguinis reus erit: Sic peribit de medio populi sui. Ideo offerre debent sacerdoti filii Israel hostias suas quas occidunt in agro, ut sanctificentur Domino ante ostium tabernaculi testimonio; et immolent eas hostias pacificas Domino, sicutque sacerdos sanguinem super altare Domini, et ad ostium tabernaculi testimonio, et addidit adspem in odorem suavitatis Domino, et nequaquam ultra immolabant hostias suas demonibus cum quibus fornicati sunt. Legitimum scripturam esse ista, et postera eorum. (Ex Henghio.)* Præsertim sanctio demonstrat quæ non simpliciter ad Moysen, sed Aaron et filios ejus et ad omnes filios Israel præcepit. Sed aperte manifestans, quia hæc legis præceptio, non magnum, non perfectiorum quempiam, non imperfectum ignorare vult, quod expedit eis scire, id est, quia temporalis est litteræ lex, ut tempore exipito, non jam circa ipsam frustra et supervacue nosmetipsos occupemus. Quis autem est temporum finis? Omnimoda loci ipsius perditio, in quo sacrificia offerri præcepit, conminando, præcipiens eum qui intra castra, sive foris, extra tamen tabernaculum testimonii sacrificium Dei expientem, interire de populo, ut quando tabernaculum testimonii et templum, quod ad ejus imaginem factum est, dispersitum fuerit, cognoscatur quia finem habent omnia quæ tibi fieri lex præcepit, etiam illa Deo non placeant? Neque enim desperdidisset locum, in quo peragi omnimodo secundum legem debuisset quod dicitur etiam sic; justas enim actiones, id est, non occidere, non adulterari, non furari, non falsum testimonium dicere, patrem et matrem honorare, diligere proximos, servos liberos facere, jejunare frequenter vel orare, non circumscribit loco, quia semper sunt utilis, et cum evangelica conversatione communia. Hæc autem quæ secundum semetipsa sunt supervacua, sed causæ ejusmodi sunt exquisita gratia, tenebant loco, ut cognoscant quia temporalia sunt, omnia enim quæ loco servant, servire etiam ordinata sunt tempori. Deputata sunt igitur loco sacrificia, emundationes mortuorum, et mensuris fluxum patientiam, et leprosozum, et menstruataram, quia et hæc per sacrificia effectum habent; similiter Azyma, et figuratim Pascha, Scenopégta, Penteosten, nec non Neomeniæ et Sabbata; oportebat enim omnimodo sacrificia etiam in istis offerri: quia autem hæc mysteriorum Domino implendorum figuras habebant, in superioribus sufficienter ostendimus. Ergo quicumque et nunc figuras peragere destructi conantur loci, sanguinem effundunt, id est, communem conversationem polluant, in communi peccant, sicut et hi qui sanguinem fundunt, similiterque sanguinem ejus qui ab eis in errorem mittitur, fundunt, perditionis enim ei causa efficiuntur. *Et nequaquam ultra immolabant hostias suas demonibus, cum quibus fornicati*

*sunt: sive ut LXXI: Et non immolabant ultra sacrificia sua: sive ut LXXII: Sic eodem.)* Cum enim Deus potestatem suam ostendit: Non facies tibi idola, nec omnem similitudinem eorum que in caelo sunt caelum, et in terra terrarum, et quocumque in aquis subter terram, vitulum fecerunt confusione, et vitulo sacrificium obtulerunt, causa gastrungias, sanctorum sacrificia volentes, paschagogus eorum lex; Deus eos offere sacrificia præcepit, ut in hæc occupati, ab omni idolatriæ sacrificio semetipsos abstineant, et hæc sancti, que lex eos prohibens ab idolorum sacrificiis, simul docere etiam figuras mysteriorum fatalium potuissent. Bene autem servare idola fornicationem appellavit, aperte nos docens quia nostras animas Deus sibi ad salutem dependit, et ideo fornicatio dicitur ab illo discessio. Insuper terret eos qui in carne fornicantur, et docet quæ est fornicationis peccatum, ut idolorum cultum fornicationem, et ad demones confugiam fornicationem nominaret, et ad ipsos dicens: *Homo de filiis Israel, et de adventu qui peregrinantur apud vos, qui obtulerit holocaustum sibi victimam, et ad ostium tabernaculi testimonii non adduxerit eam, ut offeratur Domino, interibit de populo suo. (Ex eodem.)* Et si eadem dicere legislator videtur, verumtamen populum, cui ad eo lex impositur eam reddi, eadem quippe frequenter dicens, ostendit hoc mandatum necessarium esse, nimisquæ utile; verumtamen nec frustra ad ipsam rursus dicit, sed supra quidem occidentem solummodo, ut aliquod faceret sacrificium, non tamen omnimodo et reliqua sacrificii facientem poenæ subjecti, ait enim: *Qui occiderit bovem aut ovem, sive in castris vel extra castra, et non obtulerit ad ostium tabernaculi oblationem Domino. Ibi prohibitus intelligitur ab eo quod tentavit, hic autem non ita; sed qui obtulerit holocaustum sive victimam, et ad ostium tabernaculi testimonii non adduxerit eam, ut offeratur Domino, consummatum sive perfectum sacrificium dicens, intantum ut holocaustum fieret, eandem tamen et in hoc poenam præcepit. Qui enim initium fecit hoc attractandi et prohibitus est, nihil differet ab eo qui complevit. Sed et utriusque poena perditio de populo est, ita ut non possit ultra hic in populo degere, neque de circumcissione gloriari neque de genere Abraham semetipsum ornare, aut Israelita dici, sed inter præputium habentes et alienigenas constituantur: hoc est desperdi quempiam de populo suo. Sed etiam illud præ omnibus notari oportet, quod non solum eos qui ex filiis Israel sunt, hæc præcepit custodire, sed cum ipsos et proselytos, sive advenas qui peregrinantur inter eos, id est, gentiles; hi enim non eis conjuncti sunt, sed apud eos sunt, quia apud eos quidem sumus, ut pote legem eorum et prophetas, et promissam eis hæreditatem habentes, adhæremus autem non ipsis sed Deo. Præterea secundum LXX homo homo dicit, cum liceret simpliciter dicere hominem; duplicat tamen, ut ostendat tam eum qui in circumcissione quam qui in præputio adhæret Deo, hoc debere custodire mandatum. Se-*

cundum vero litteram illud quod dicit, *quicumque occiderit bovem, aut ovem, aut capram, sive in castris, sive extra castra, et non obtulerit ad ostium tabernaculi oblationem Domino, etc.* (Ex Augustino.) Non de his dicit quæ occiduntur ad usum vescendi vel si quid aliud, sed de sacrificiis. Prohibuit enim privata sacrificia, ne sibi quisque quodammodo sacerdos esse audeat, sed illuc offerat, ubi per sacerdotem offeruntur Deo; ita enim nec vanis sacrificabunt, nam et hoc in ea consuetudine cavendum præmonuit. Cum ergo non liceret offerri sacrificia nisi in tabernaculo, cui templum postea successit: unde et rex Israel Jeroboam vitulos facere ausus est, quibus populus sacrificaret, ne hujus legis necessitate educentur ab eo qui sub regno ejus erant, dum pergunt Hierusalē, ut in templo Dei offerrent sacrificia sua, in quo facto, a Domino condemnatus est? Merito quaeritur quomodo licite sacrificaverit Elias extra templum Dei, quando et ignem de cælo impetravit, et prophetas dæmoniorum convicit? Quod mihi non videtur alia ratione defendi, quam illa qua defenditur et Abrahæ factum, quod filium Deo jussus voluit immolare. Cum enim jubet ille qui legem constituit aliquid fieri quod in lege prohibuit, jussio ipsa pro lege habetur, quoniam auctor est legis. Non enim deesse possent miracula alia præter sacrificium, quibus superarentur et convincerentur prophetæ lucorum, sed spiritus Dei qui fuerat in Elia, quidquid in hac re fecit, contra legem esse non potest, quia dator est legis.

## CAPUT VIII.

## De sanguine non comedendo.

(1110.) *Homo quilibet de domo Israel et de advenis qui peregrinantur inter eos, si comederit sanguinem, obfirmabo faciem meam contra animam illius, et disperdam eam de populo suo, quia anima carnis in sanguine est, et ego dedi illam vobis ut super altare in eo expietis pro animabus vestris, et sanguis pro animæ piaculo sit. Idcirco dixi filiis Israel: Omnis anima ex vobis non comedit sanguinem, nec ex advenis qui peregrinantur inter vos.* (Ex Hesychio.) Septuaginta etiam incedunt, *Homo, homo, quod quomodo oporteat intelligi superius diximus.* Ergo oportet mandati hujus etiam litteram custodire et nullatenus comedere sanguinem: hoc enim et apostolos invenies præcepisse, quando de quibusdam Judaicis observationibus contentione in Antiochensi Ecclesia facta ad eos relata est quæstio, qui legem posuerunt, solventes quæstionem hanc et definites: *Visum est ergo Spiritui sancto, et nobis, nihil amplius imponere vobis oneris quam hæc necessaria, ut abstineatis vos ab immolatis simulacrorum et sanguine, et suffocato, et fornicatione* (Act. xv). [Ex Augustino.] Vitale aliquid est in sanguine, quia per ipsum maxime in hac carue vivitur, qui in omnibus venis per corporis cuncta diffunditur. Ipsam vitam corporis vocavit animam, non vitam quæ migrat ex corpore, sed quæ morte finitur; qua locutione dicimus istam vitam temporalem esse, non æternam; mortalem, non immortalem, cum sit im-

mortalis animæ natura, quæ ablata est ab angelis in sinu Abrahæ, et cui dicitur, *Hodie tecum eris in paradiso, et quæ in tormentis ardebat inferni.* Secundum istam ergo significationem qua perhibetur anima etiam hæc temporalis vita, dixit apostolus Paulus: *Non enim facio animam meam pretiosam mihi* (Act. xx); ubi se ostendere voluit et mori paratum pro Evangelio: nam secundum significationem qua anima dicitur illâ quæ migrat ex corpore, magis eam pretiosam faciebat, cui tantum meritum conquirebat. (Ex Hesychio.) Præterea sanguinem quidem proprie homicidium, omnem autem sanguinem omne fraternum odium intelligamus: *Quia qui odit fratrem suum homicida est* sicut Joannes scripsit (I Joan. iii). Dicimus ergo omnem sanguinem injustitiam dolosorum, *virum enim sanguinum et delosum abominabitur Dominus* (Psal. v); et quicumque proximorum nocent vite per insidias quaslibet, ita ut homicidio sanguinis comparetur. Et propterea ab omni sanguine abstineri oportet, scientes quia super animas quæ talem sanguinem comedunt, de quibus dicebat David: *Qui devorant plebem meam sicut escam panis* (Psal. xiii), faciem suam obfirmat Deus, videlicet Christum: ipse est enim imago Patris, quia qui vidit Filium, videt et Patrem: ipse etiam judex est, et necessario ad comminandum his qui malorum sunt operatores, *disperdam*, ponitur; quod demonstrat David dicens: *Vultus autem Domini super facientes mala, ut perdat de terra memoriam eorum* (Psal. xxxiii). Hic animam sanguinem comedentem perdit de populo ejus, de communi videlicet hominum genere. Quod autem dicit, *quia anima omnis carnis in sanguine est, et ego dedi illum vobis ut super altare in eo expietis pro animabus vestris*, mysticum Christi sanguinem significans: sanguis enim ipsius pro animæ piaculo erit. Sanguis super altare ad expiationem animarum nostrarum, pro anima expians, hic est utique quem effudit pro nobis Crucifixus, et expiationem sive propitiationem generi humano præstitit, primitias offerens. Propter quod recte dicit: *Et sanguis pro animæ piaculo sit.* Anima enim ejus primum quidem, quæ ab eo plasmata, deinde quia nostræ eam consubstantialem animæ cum incarnaretur accepit, ut ipse pro nobis redderet, quam nos debebamus, mortem. Quia ergo Christus sanguinem suum ad expiationem animarum nostrarum dedit, et ab omni nos homicidio omnique alia iniquitate, quæ homicidio proxima est, docet ut abstineamus: communis enim lex est, et contra omnes extenditur: *Homo quicumque de filiis Israel et de advenis qui peregrinantur apud vos, si venatione atque aucupio ceperit seram vel avem quibus vesci licitum est, fundat sanguinem ejus, et operiet illud terra. Anima enim omnis carnis in sanguine est: unde dixi filiis Israel: Sanguinem universæ carnis non comedetis, quia anima carnis in sanguine est, et quicumque comederit illud interibit: Multum cura est Deo ut alterutrum nobis minime noceamus.* (Ex Hesychio.) Propterea percutienti maxillam, cedi, et non cum eo

judicio contendere, similiterque et de eo qui auferet A nobis pallium Jesus præcepit, ut ne quidem ex contentione ad nocendum proximo provocemur, sed imo ut eum qui injuste contra nos agit per nostram patientiam corrigamus. Nihil enim amplius quam injustitia et avaritia et alternum coarctat vitam nostram; ad hoc intendens legislator, sanguinis mandatum non frustra recapitulavit. Sed quia quidam quidem fraudibus quibusdam et machinationibus, variisque dolis nocere popularibus, quasi ignorantes solent perimere, etiam hujusmodi molimina perspexit; nam vide quid præcipiat: Si venatione atque aucupio ceperit feram vel avem quibus vesci licitum est, fundat sanguinem ejus et operiat illud terra. Quod venatio maxime injustitia, injustitiam autem non quamlibet, sed eam quæ ad sanguinem tendit, vitamque ipsam B quodammodo per dolum fraudemque injustitiam patientis nocet, in divina Scriptura accipi solet, de quo audi David dicentem: *Captabunt in animam justi, et sanguinem innocentem condemnabunt* (Psal. xciii). Et rursus: *Anima nostra sicut passer erepta est de laqueo venantium* (Psal. cxxiii). Si quis ergo venationem ceperit, id est, peccantem viderit eum qui venatione ex infirmitate vel ex simplicitate expositus est, hunc enim dicimus esse qui capitur, propter quod dixit: *feram aut avem quibus vesci licitum est*. Per feram, de vulgo quempiam, carnalem tamen et passionibus incubantem, significans, expertemque commistionem causarum; per avem autem eum qui a terrenis semetipsum removet rebus; hujus modi enim homines a violentis et avaris in causis C sæcularibus consumuntur, illa videlicet incongrua malignaque comessatione de qua Paulus prohibebat dicens: *Si autem ad invicem comeditis, videte ne ab invicem consumamini* (Gal. v). Aut, ut qui prius erant justi, inter ea quibus vesci licitum est, id est inter munda, recte nominantur; verumtamen si quis peccantis, velut inferius jacentis et pœnitentia sepulti, effundit quidem sanguinem, id est, peccatum quod peccavit, effundit autem illud ad orationem accedens et confessionem, quemadmodum ait et David: *Effundam in conspectu ejus orationem meam* (Psal. cxli), operiat illud terra: peccata enim consentium terra operit, ut pote inferius remanentia et pœnitentia mortificata, et quorum prohibitus est clamor ad coelos ascendere, quemadmodum Sodomorum ascende- D bat, nec enim volebant pœnitentiam agere. Secundum hanc igitur intentionem, legislator ea quæ dicta sunt ponens addidit: *Anima enim omnis carnis in sanguine est*; deinde adjicit: *Unde dixi filiis Israel, id est, dico, De sanguine universæ carnis non comedetis*, quia anima carnis in sanguine est, contestans ab omni iniquitate abstineri. Contestans autem non exponere ea quæ contra voluntatem commissa sunt fratrum peccata, sed tradere terræ ejus qui captus est, id est, visus, sanguinem cooperientes illud venia et compassione. Sanguinem enim comedens et animam qui diffamat proximi peccatum, recte patatur, quia animæ mors peccatum est.

## CAPUT IX.

*Non comedendum de morticino aut a bestia capto.*

(IBID.) *Anima quæ comederit morticinum aut captum a bestia, tam de indigenis quam de advenis, lavabit vestes suas, et semetipsum, equa, et contaminatus erit usque ad vesperum, et hoc ordine mundas fiet. Quod si non laverit vestimenta sua, nec corpus, pertabit iniquitatem suam.* (Ex eodem.) Morticinum esse peccatorem, ut pote qui crudelem peccati sustinet mortem, a bestiis autem captum non tantum simpliciter sed valde peccatorem, in tantum ut maligni in eo operentur dæmones, sicut fuit Judas, qui diabolo ingredienti in corde suo Christum tradidit, olim diximus, cum pollutionum sacrificia legislator exponeret, sed illic quidem eum qui tetigit morticina aut a bestiis capta, id est, qui communicavit sive particeps fuit cum his qui prædicti sunt; dicit hic autem eum qui comedit, videlicet qui totum illius peccatum suum proprium fecit, suamque malignam intentionem explevit, ex malo quod ille commisit: sicut fuerunt Annas et Cayphas, qui non simpliciter Judæ particeps sunt prodicionis effecti, ipsi enim ementes, prodicionis ei dederunt pecuniam, et olim esurientes, vel desiderantes mortem Domini, ad pascendam nutriendamve suam intentionem, et ad satisfaciendum desiderio per Judam prævaluerunt. Hujusmodi comedere morticina et a bestiis capta dicuntur, qui necesse habent lavare vestimenta sua et corpus; lavat autem vestem suam et corpus, qui mundat semetipsum totum, id est, interiorem C exterioremque suum hominem, quia intra vestimenta corpus est, sicut intra exteriorem hominem homo interior, quomodo autem lavat? Aut per baptismum, aut per abundantiam lacrymarum, imitantium aquas baptismatis; qui autem hoc non facit, portabit iniquitatem suam, retributionem videlicet injustitiæ: sic enim divinam Scripturam in peccatis pœnas restituere invenies comminantem. Unde Ezechiel Deum induxit dicentem: *Non parces oculus meus super te, et non miserebitur, sed vias tuas ponam super te, et abominationes tuæ in medio tui erunt.*

## CAPUT X.

*De observandis præceptis et judiciis Domini.*

(CAP. XVIII.) *Et dixit Dominus ad Moysen: Loquere filiis Israel, et dices ad eos: Ego Dominus Deus vester: juxta consuetudinem terræ Ægypti in qua habitastis non facietis; juxta morem regionis Chanaan, ad quam ego introducturus sum vos, non agelis, neque in legitimis eorum ambulabitis. Facietis judicia mea, et præcepta mea servabitis, et ambulabitis in eis. Ego Dominus Deus vester. Custodite leges meas atque judicia, quæ faciens homo, vivet in eis.* (Ex Hesychio.) Præcipiens ergo ea quæ nunc dicta sunt: *Ego sum Dominus Deus vester*, inquit, ut creatorem et Dominum discentes eum qui mandavit, summo studio ea quæ præcepta sunt ab eo custodiamus: sic ergo sanctionis totius intentionem explanavit. Quæ est autem hæc? ut ab omni iniquitate abstineamus, et

quæ virtutis sunt agamus, juxta consuetudinem terræ Ægypti, et juxta morem terræ Chanaan nihil facere, sic ab omni iniquitate abstinere præcepit. Septuaginta autem pro consuetudine studia interpretati sunt, quia malignas adventiones et fabulas solet divina Scriptura appellare, malorum studia, ut pote Ezechiel dicente, post iniquitates quas Deus in templo seniores Israel agere ostendit: *Et dixit ad me Dominus: Vides, fili hominis? Et rursus: Conversus videbis studia majora horum.* Non solum ergo a fornicatione, et avaritia, et a superbia, sed et a divinationum et auguriorum abjectionibus et veneficiis præcepit abstinere, sed et a magiis et similibus aliis, ita ut Moyses in Deuteronomio diceret: *Quando ingressus fueris terram quam Dominus Deus tuus dederit tibi, cave ne imitari velis abominationes illarum gentium, nec inveniatur in te qui sciscitetur et observet somnia atque auguria, nec sit maleficus, nec incantator, nec pythonas consulat, nec divinos, et quærat a mortuis veritatem, omnia enim hæc abominatur Dominus, omnis qui hæc facit: pro abominationibus enim his Dominus disperdet eos ex te.* Ab his ergo abstinere prius oportet, et sic nobis dicit: *Facietis judicia mea, et præcepta mea servabitis, et ambulabitis in eis,* id est, movemini et conversamini in eis, et nullo tempore vacetis ab eorum correctione. Deinde rursus subdidit: *Ego Dominus Deus vester, custodite leges meas atque judicia, quæ faciens homo vivet in eis.* Sed quæri pertractarique dignum est cui in uno loco legis bis dixit fieri judicia sua, et præcepta sua custodiri? vel cur dicat his: *Ego Dominus Deus?* Ergo quia duo sunt Testamenta, Vetus et Novum, unde et ipse per Jeremiam dixit: *Dabo vobis testamentum novum, non secundum testamentum quod dedi patribus vestris, in die qua apprehendi manum eorum ut educerem illos de terra Ægypti (Jer. xxxi), recte secundo judiciorum præceptorumve memoriam facit, ut etiam illa ostenderet quæ erat postea sanciturus, de quibus nunc addidit: Quæ faciens homo vivet in eis; in ipsis enim vera vita credentibus in Christum perficitur, de qua in Evangelio Dominus dicebat: Hæc est voluntas Patris mei ut omnis qui videt Filium et credit in eum, habeat vitam æternam (Joan. vi).* Valde ergo rationabiliter secundo dicit: *Ego Dominus Deus vester,* contestans quia ipse Dominus et priora iudicia sive præcepta et posteriora sancivit; *quæ qui fecerit, vivet in eis,* non in prioribus iudiciis et præceptis. Vide quid addidit: *Ego Dominus.*

#### CAPUT XI.

*Non licere ad proximam sanguinis accedere, ut revelet turpitudinem ejus*

(IBID.) *Omnis homo ad proximam sanguinis sui non accedet, ut revelet turpitudinem ejus. Ego Dominus. Turpitudinem patris tui et turpitudinem matris tuæ, non discooperies: mater tua est, non revelabis turpitudinem ejus. Turpitudinem uxoris patris tui non discooperies, turpitudinem enim patris tui est. Turpitudinem sororis tuæ ex patre sive ex matre, quæ domi vel*

*foris genita est, non revelabis. Turpitudinem filie filii tui vel nepotis ex filia non revelabis, quia turpitudinem tuam est. Turpitudinem filie uxoris patris tui quam peperit patri tuo et est soror tua non revelabis. Turpitudinem sororis patris tui non discooperies, quia caro est patris tui. Turpitudinem sororis matris tuæ non revelabis, eo quod caro sit matris tuæ. Turpitudinem patris tui non revelabis, nec accedes ad uxorem ejus quæ tibi affinitate conjungitur. Turpitudinem matris tuæ non revelabis, quia uxor filii tui est, nec discooperies ignominiam ejus. Turpitudinem uxoris fratris tui non revelabis, quia turpitudinem fratris tui est. Turpitudinem uxoris tuæ et filie ejus non revelabis. Filiam filii ejus, et filiam filie ejus non sumes ut reveles ignominiam ejus, quia caro illius sunt, et talis coitus incestus est. Sororem uxoris tuæ in pellicatum illius non accipies, nec revelabis turpitudinem adhuc illa vivente. (Ex Augustino).* Sed diligentius hæc secundum historiam intuenda sunt: *Turpitudinem patris tui et turpitudinem matris tuæ non revelabis.* Turpitudinem eorum cum matre concumbere, ibi est enim turpitudinem patris et matris, nam postea prohibet et novercæ ubi dicit: *Turpitudinem uxoris patris tui non revelabis, turpitudinem enim patris tui est;* ubi exposuit quomodo in matre utriusque turpitudinem est patris et matris, in novercæ enim tantum patris. Turpitudinem sororis tuæ ex patre tuo aut ex matre tua quæ domi est nata, vel quæ foris nata est, non revelabis turpitudinem earum; quæ domi nata est intelligitur ex patre, quæ foris nata est intelligitur ex matre, si forte de priore viro eam mater susceperat, et cum illa in domum venerat quando patri ejus nupsit. Quem monet Scriptura ne revelet turpitudinem sororis suæ, hic videtur non prohibuisse, et quasi prætermisisse concubitum cum sorore de utraque parente nata; non enim dicit: *Turpitudinem non revelabis sororis tuæ ex patre et ex matre, sed, ex patre aut ex matre;* verum quis non videat etiam illud esse prohibitum multo maxime. Si enim non licet sororis turpitudinem revelare ex quolibet parente nata, quanto magis ex utroque? Quid est autem quod, interposita prohibitione concubitus etiam cum suis neptibus, sive de filio, sive de filia, sequitur et dicit: *Turpitudinem filie uxoris patris tui non revelabis?* Si enim lucusque dixisset, intelligeremus etiam cum filia novercæ prohibitum fuisse concubitum, quam ex priore viro noverca peperisset, nec hujus qui prohibetur soror esset, vel ex patre vel ex matre; cum vero addidit: *ex eodem patre soror tua est, non revelabis turpitudinem ejus,* manifestat de sorore factam esse istam prohibitionem, cum fuerit ex patre et ex noverca, de qua jam superius dixerat: an ideo iterum hoc apertius voluit prohibere, quia superius subobscurum fuit, sæpe enim hoc facit Scriptura. *Turpitudinem fratris patris tui non revelabis, et ad uxorem ejus non introibis,* exposuit quid dixerit, *turpitudinem fratris patris tui, id est, patris tui non revelabis, hoc est enim ad uxorem ejus non introibis.* In uxore quippe patris tui voluit

intelligi turpitudinem patris, sicut in uxore patris A turpitudinem patris. *Turpitudinem uxoris fratris tui non revelabis, turpitudinem fratris tui est: quæritur quum hoc vivo fratre an mortuo sit prohibitum, et non parva quæstio est: si enim dixerimus de vivi fratris uxore locutam Scripturam, uno generali præcepto, quo prohibetur homo ad uxorem accedere alienam, etiam hoc utique continetur. Quid est ergo quod tam diligenter has personas, quas appellat domesticas, propriis prohibitionibus distinguit a cæteris? Non enim et quod prohibet de uxore patris, hoc est de noverca, vivo patre accipiendum esse, et non potius mortuo; nam vivo patre quis non videat multo maxime prohibitum, si cujuslibet hominis uxor aliena prohibita est maculari adulterio? De his personis ergo videtur loqui, quæ possent non habentes viros B in matrimonium convenire, nisi lege prohiberentur, sicut fertur esse consuetudo Persarum. Sed rursus si fratre mortuo intellexerimus prohibitum esse ducere fratris uxorem, occurrit illud quod excitandi seminis causa, si ille sine filiis defunctus esset, jubet Scriptura esse faciendum, ac per hoc collata ista prohibitione cum illa jussione, ne invicem adversentur intelligenda est exceptio: id est, non licere cuiquam defuncti fratris ducere uxorem, si defunctus posteros dereliquit, aut etiam illud esse prohibitum ne liceret ducere fratris uxorem etiam, quæ a fratre vivo per repudium recessisset. Tunc enim sicut Dominus dicit (*Marc. x*): Ad duritiam Judæorum Moyses permiserat dare libellum repudii, et per hanc dimissionem potuit putari, quod licite quisquam C sibi uxorem copularet fratris, ubi adulterium non timeret, quoniam repudio discessisset. *Turpitudinem mulieris et filiae ejus non revelabis*, id est, ne putet quisquam licere sibi ducere filiam uxoris suæ. Simul enim mulieris et filiae ejus non licet revelare turpitudinem ejus, id est, ambabus misceri et matri et filiae. *Filiam filii ejus et filiam filiae ejus non accipies*, etiam neptam uxoris de filio vel de filia duci prohibuit uxorem. *Super sororem ejus non accipies in zelum*: hic non prohibuit superducere, quod licebat antiquis propter abundantiam propagationis, sed sororem sorori noluit superduci. Quod videtur fecisse Jacob, sive quia nondum fuerat lege prohibitum, sive quia suppositæ alterius fraude deceptus est, ad illam magis de placito veniebat, quam posterius accepit, sed injustum erat priorem dimitti, ne faceret eam inchoari. Hoc autem, quod ait in zelum, utrum ideo positum est, ne sit zelus inter sorores, quod inter illas quæ sorores non essent contemnendum fuit? an ideo potius ne propter hoc fiat, id est, ne hoc animo fiat ut in zelum sororis soror superducatur? (*Ex Hesychio*.) Illud opportune intuendum est quod dicens: *Omnis homo ad proximam sanguinis sui non accedet, ut revelet turpitudinem ejus*, addidit: *Ego Dominus*. Et quid opus erat hoc addi, cum semel, et hoc initio præsentis sanctionis, dixerit, *Ego Dominus Deus vester*, sed aperte illud ostendit quia is quæ hæc sancit, ipse est qui nobis et carne*

conjectus est, nostræque cognationis effectus est particeps. Unde injustum est ut magnitudinem cognationis ejus injuriemus. Cum autem hæc illa se habeant, intelligendum est sanciri spiritualiter. Non vult enim nos revelare quælibet peccata a cognatis amicisve nobis credita fuerint, nec prodere turpes actiones illorum, ne forte patiamur quod Cham, qui patris nuditatem videns non cooperuit, sed fratribus egrediens patefecit (*Gen. ix*). In patre ergo et matre et sorore, et quoscunque alios cognatos enumeravit, cum carnalibus et illos oportet accipi, de quibus Paulus dicit: *Seniorem ne increpaveris, sed obsecra ut patrem, juvenes ut fratres, anus ut matres, juvenulas ut sorores* (*I Tim. v*). Deinde cunctam nobis qui fideles sumus cum omnibus qui ejusdem sunt B fidei conquirere cupiens cognationem, sic rursus dicit: *Multi unum corpus sumus in Christo, singuli autem alterius membra* (*Rom. xii*). Unde et impium revelare cujuslibet prædictorum turpitudinem appellavit, quia spiritualis cognationis prævaricatione ad Deum tendit, postquam cum eo habemus cognationem vinculi spiritualis. Verumtamen nec hoc præterire oportet eum qui diligenter meditatur legis eloquia, quia secundum Septuaginta decem graduum cognationis numerum in præsentem posuit legislator, cujus numeri omnia mandata sunt legis, ostendens quia quisquis turpitudinem revelat carnalium spiritualiumve cognatorum, totius legis invenitur esse transgressor. Quare? Quia alienum est a charitate, quod agit, quæ est legis plenitudo. Hoc enim quod ait Paulus: *Non adulterabis, non occides, non furtum facies, non concupisces, et si quod est aliud mandatum, in hoc verbo restauratur. Diliges proximum tuum, sicut teipsum. Dilectio proximi malum non operatur; plenitudo legis est dilectio* (*Rom. xiii*). Planior autem sit intellectus, si ipsam perscrutemur litteram: *Omnis homo ad proximam sanguinis sui non accedet, ut revelet turpitudinem ejus; ut non accedamus ad cognatos in lege cognitionis præsumentes, et per hoc eos tentantes, ac deinde actiones eorum turpes cognoscentes prodamus eos. Unde et quis opportune subdidit: Ego Dominus, id est, manifestans hominum peccata, sed quæcunque confessi fuerint et orando exposuerint, tegens et dissipans, ita ut ne quidem vestigium eorum reperiat. D Sororem uxoris tuæ in pelliculam ejus non accipies, nec revelabis turpitudinem adhuc illa vivente.* (*Ex Hesychio*.) Recte hæc præcipiuntur, quia in pace vocavit nos Dominus Deus. Qui enim cum omnibus nos pacem habere vult, etiam per Paulum dicens: *Si possibile est, quod ex vobis est cum omnibus hominibus pacem habetote* (*Rom. xii*). Multo magis pacatos nos vult esse cum proximis, quod subvertit, si simul quis uxori sororique ejus jungatur, ut sorores quippe simul habitent, et ut inter simul habitantes excitetur zelus, unde contentio rixaque generatur. Post hoc lex præcepit, non oportere in Judaica conversatione ecclesiasticam accipere, nec simul pascha, quod in figura est, cum eo, quod est intelligibile

celebrare; nec festivitatem azymorum celebrantes, Christi panis cenam sumere, quæ sunt vera azyma, nec circumcisionem simul prædicare et baptismum. Memoramini autem illius qui dixit: *Ecces ego Paulus dico vobis: Si circumcidamini, Christus vobis nihil prodest* (Gal. v). Sed et si forte quis Judaica conversatione usus est, negligendo eam mortificet, id est, intutiorum atque inefficacem reddat, et tunc si quæ est Ecclesiæ miscetur, quæ soror quidem illius, quia eandem legem habet, eosdemque prophetas, sed amula est: non quod ipsa zeletur, sed quod hæc illius zelum patiat, quia divitiæ ejus ad nos per ipsam devolutæ sunt, in tantum ut Paulus de his qui ex circumcisione sunt, ad Galatas qui ex gentibus erant, diceret: *Emulantur vos non bene, sed excludere vos volunt* (Galat. iv). Quia autem non Ecclesia Synagogam zelatur, sed ipsa a Synagoga zelum patitur, manifestum est ex eo quod non secunda uxor primam, sed prima æmulatur secundam: sicut ex desiderio viri subingrediente solet, unde et Lia zelabatur Rachel.

*Ad mulierem quæ patitur menstruam non accedes, nec reveles feditatem ejus.* Id est, ad menstruatam mulierem non accedes: segregabatur enim secundum legem propter immunditiam. Hoc cum superius satis sufficienter prohibuisset, quid sibi vult, quod etiam hæc hoc eisdem præceptis voluit adungere? An forte ne in superioribus quoniam dictum est, ne figurate accipiendum putaretur, etiam hic positum est, ubi talia prohibita sunt quæ etiam tempore Novi Testamenti, remota umbrarum veterum observatione, sine dubio custodienda sunt: quod videtur etiam per prophetam Ezechielem significasse, qui inter illa peccata quæ non figurate sed manifeste iniquitates sunt, etiam commemorat, ad mulierem menstruatam si quis accedat, et inter justitiæ merita si non accedat. Quæ in re non natura damnatur, sed concipiendæ proli noxium perhibetur. *Cum uxore proximi tui non coibis, nec seminis commistione non maculaberis.* Ecce ubi rursus prohibet adulterium quod cum aliena uxore committitur; quod etiam in Decalogo prohibetur. Unde apparet illa ita prohibita, ut etiam mortuis viris suis, non ducant uxores, quæ rursus prohibet turpitudinem revelari.

#### CAPUT XII.

*Prohibet omnem immunditiam contra naturam.*

(LEVI. XVIII.) *De semine tuo non dabis, ut consecretur idolo Moloch, vel secundum Septuaginta: Præsto esse principi, nec pollues nomen Dei tui: Ego Dominus. Cum masculo non dormies coitu femineo, quia abominatio est, cum omni pecore non coibis, nec maculaberis cum eo; mulier non succumbet jumento, nec miscetur ei, quia scelus est.* (Ex Hesychio.) Bene hæc interpretationes stylo conjunctæ sunt: præsens enim legislatoris intentio est a libidinibus et a nefariis commistionibus, et a fornicatione tam sensibili quam intelligibili cohibere eum qui accipit legem, et propterea non eum præcepit ei quæ in mensuris constituta est propter pollutionem con-

cupitus contra legem misceri, sed nec uxorî proximi. Adulterium enim ista commistio non conjugium est: unde etiam dixisset: *Cum uxore proximi tui non coibis*, addidit nomen, nec seminis commistione maculaberis, hoc explanans, quia jam non est hoc conjugium; neque enim polluerat eum qui commiscebatur: quia *honorabile est conjugium et thorus immaculatus* (Hebr. xiii): sed cum sensibili fornicatione, et ab intelligibili nos removere maximo studio nititur, propter quod subdidit: *De semine tuo non dabis servire Moloch*; sive ut Septuaginta, *principi*. Cui autem principi nostra translatio et reliqui Interpretes ostenderunt. Ipsi enim Moloch pro eo, quod est principi, consone ediderunt; idolum autem hoc fuisse, etiam Stephanus concionans, maxime autem Amos ante eum, prophetans demonstravit; ait enim: *Et portastis tabernaculum Moloch vestro, et imaginem idolorum vestrorum sidus Dei vestri, quæ fecistis vobis* (Amos v). Semen autem non solum cognatos, sed omnem nostram actionem et doctrinam intelligamus, ut nec actionem nostram demus ad serviendum idolis: quia *radix omnium malorum cupiditas* (II Tim. vi), quæ est idolorum servitus; sed talia doceamus quæ non ad erroris idolorum impietatem pertinent. Sic enim intelliges non oportere ad mulierem quæ in mensuris constituta est ingredi ad revelandam turpitudinem ejus, ut non in errore paganorum nos miscamus: hujus enim figuram gerere eam quæ in mensuris constituta est, superius ostendimus, cum de menstruatæ et fluxum sanguinis patientibus mulieribus interpretandi necessitate sermo habitus est. Sed nec revelemus feditatem ejus, ut non dicamus neque deducamus ad medium actiones eorum malas, non quasi eis parcentes, sed propter eos qui audiunt quia nocet audientibus. Propter quod dicit Paulus: *Quæ enim in occulto ab eis fiunt, turpe est dicere* (Ephes. v). Sed uxorem proximi refugiamus ut non polluamur in ea, gentilis videlicet et idololatæ, qui proximus noster propter naturam et propter cognationem dicitur. Propter quod et Dominus inquisitus a scriba: *Et quis est proximus meus?* (Luc. x) eam qui descenderat ab Hierusalem in Jericho, et in latrones inciderat, videlicet dæmones, et neque a sacerdote, neque a levita sanatus est, sed a Samaritano, proximum dixit. Cum hujusmodi ergo muliere non concumbis, ut tali seminis commistione maculeris: ut non paganorum sapientiæ, intantum communicemus, neque intantum in ea incumbamus, ut aliquam pollutionem ex ea in dogmate conquiramus; nec polluamus nomen Dei nostri, quod communiter in omnia quæ dicta sunt intelligamus: quia polluit nomen Dei, non solum fornicationis turpitudine et aliis quibus actionibus idolorum utens, sed et si quis ex paganorum errore et ea quæ appellatur apud eos philosophia, subintroducitur in divina Ecclesiæ dogmata; quod quidam patientes in sortem hæreticorum lapsi sunt, et facti sunt extra Ecclesiam; ut potius polluentes nomen Dei, id est, injuriantes et quodammodo coinquinantes, quia non oportet ea quæ sunt

mortuorum super vitam inducere, sed custodiendum est Pauli mandatum scriptum a Spiritu, *Quæ participatio justitiæ ad iniquitatem? Aut quæ societas Christi ad Bethel? (II Corinth. vi.)*. Hoc enim et ipse quodammodo legislator significans in his quæ dicta sunt, cum subdidit: *Ego Dominus, quæ gloriam habeo omnibus incommunicabilem*, quanto magis demonibus, qui corruptores sunt animarum, et idolis earum. Ipsi autem verbis sanctionem terribiliorem facit, ex eo quod mediam eam sicut certis his de quibus nunc loquitur posuit: precedentibus quippe his quæ modo discussa sunt, rursus proponit quia non debet cum masculo virili coita concumbi, sed nec cum peccore coiri necessario in hoc utroque mandans tanquam utrumque contra naturam est, sed insuper quia jumentorum est, et ut vir viro, fædo coitu miscetur, quod fugiendum atque adversandum est. Sed et Paulus hæc demonstravit, ad poenam ea docens et iram Dei et perditionem committentium peragi. Sed et reliqui Interpretes pro abominabili, *Symmachus ineffabile*, *Aquila infectum* ediderunt, hoc quidem actione, illud autem etiam verbo vel narratione, non esse portabile, nec legitimum dicentes. Nos autem præter hæc masculum qui virilia agit intelligamus hominum, de quo David dicebat: *Beatus vir qui non abiit in consilio impiorum (Psal. 1)*. Et rursus: *Fiat manus tua super virum dexteræ tuæ (Psal. lxxix)*. Hunc effeminari non oportet, nec dissolvi ejus, quam habet in virtute perseverantiam. Hoc enim opportune cum viro, muliebri coitu misceri intelligitur; sed quemadmodum alium effeminatum fieri non oportuit, ita nec nos nefariis voluptatibus acquiescere, quæ recte quadrupedia, ut pote in terram intendentia, et actiones quæ virum doceant non habentes, dicta sunt: in terram namque intendant quadrupedia et manuum carent usu, quæ in actiones dignas hominibus accipiantur, quia proprie hominum est manibus laborare. Non ergo oportet cum his coire, ex quibus quis polluitur: qui enim moratur in delectationibus, sive voluptatibus, ita et concubat in eis, hic et semen offendero dicitur, propter hoc quia polluitur ab eis, sive quia delectatur in eis, et frequenti usu seminat eas quodammodo aut ab eis seminat semine aliquo, quod inimicus dormientibus nobis et negligentibus, in mundum seminavit, polluens valde, ita ut et a sacro tabernaculo debeat hic qui talis est, ut polluens expelli, alienusque esse a Dominica area, qui per malam semen factus est zizania. Legem autem non vir solus, sed et mulier necessario custodit, illa utique quam Salomon laudat: *Mulier bona benedicitur, timorem autem Dei laudat*.

### CAPUT XXI.

*Populus Dei non sequatur contaminationes et errores gentium.*

(LIII.) *Ne polluamini in omnibus his quibus contaminatae sunt gentes, quas ego ejicium ante conspectum vestrum, a quibus polluta est terra; superius ego scelera visitabo ut evomat habitatores suos. Custodite*

*legitima usque ad iudicia. (Ec. Hecychio.)* Non parvo modo pollui in predictis peccatis, indignatio est, pena, quæ in eis definita est demonstrat. In nullo enim eorum oportet pollui. Nam qui in uno pollutus fuerit, in omnibus polluitur, quia ea, quæ sibi ad invicem conjuncta sunt, lex ostendere cupiens, in unum omnia collegit, quæ intantum sunt gravia, ut gentes etiam integras perderent, et terram polluerent, pollutusque respici facerent, et eos qui in capitalia commiserunt evomeret atque remeret, non quia poterat expellere a se vel evomere, vel sicut Theodotion edit, *respuere eos, sed eosdem nocentes, quasi ingemiscit naturaliter in transgressionibus suis, quemadmodum Paulus dicit: Quia ipsa etiam creatura ingemiscit et parturit usque adhuc (Rom. viii)*.

Deus autem tam gentium ejus vindicat, quam legem suam et creaturam, ut pote propriam quæ demonstrat ex his quæ nunc dixit, *cujus ego scelera visitabo*; et hæc quidem nos docet per litteram lex. His autem conjuncta sunt et non contraria, si per spiritalem intellectum gentes in his omnibus pollutas demones intellexerimus, gentes siquidem hi propter multitudinem diuntur. Cum enim nimis sint iniqui et omni latantur malitia, maxime tamen fornicatione, et nefaria fornicatione, ac multo magis idololatria, gaudent, quia in his corpus et anima maculatur, et totus homo qui et terra appellatur per hoc polluitur: sed visitat Deus terram, videlicet hominum genus, et scelus. Sive ut Septuaginta: *Injustitiam ejus in eam*, id est, quæ est ab ipsa et in semetipsa committitur. Ab ea quidem quia abominabiles sunt peccantes, et si a demonibus ad hoc prætrahuntur. In semetipsa autem, quia accipientes occasionem illi ex nostra negligentia, contumeliam ingerant nostræ naturæ. Sequitur:

*Et non faciet ex omnibus abominationibus istis tam indigena, quam colonus qui peregrinantur apud eos: Omnes enim execrationes istas fecerunt accolæ terre, qui fuerunt ante vos et polluerunt eam. Cavete ergo ne et vos similiter evomat, cum paria feceritis, sicut evomit gentem, quæ fuit ante vos. Omnis anima quæ fecerit de abominationibus istis quippiam, peribit de medio populi sui. (Ec. Hecychio.)* Tam incolam, id est, eum qui a patribus in lege nutritus est, et ab infantia doctus est litteras, quam proselytum, et qui adjunctus est nobis, id est eum qui deforis nobis adjectus est, qui interioris summa, recedere ab abominationibus oportet, et nullatenus hæc facere, quæ colebant antiquiores qui terram nostram polluerunt. Hi enim antiquiores quidem nobis sunt in conditione, quia invisibiles sunt creature: Polluerunt autem hominum genus, inobedientiam ei Adam et alia post illam mala suggerentes, veluti mendacium, homicidium et quæcumque his similia sunt; ita ut Dominus de diabolo diceret: *Ille ab initio mendax et homicida est (Joan. viii)*. Suggesterunt autem eis qui mentem lubricam et vergentem ad malum habebant; nam: nec Abel, nec Seth, nec Enoch, nec Noe, nec alii justis suggerere potuerunt, vel magis suggesterunt, sed non obtinuerunt, sed

irrisi sunt ab eis et recesserunt : neque enim inimici cogitationes ignorantis iusti, sicut ait Apostolus : *Non enim ignoramus cogitationes ejus*. Scientes autem eas ab eis se custodiunt, sed illos quidem intelligibilis nostra terra, visitata a Deo per Salvatoris adventum evomuit, ergo et eos quoque intelligibilis terra abhorret et emovet illos. Non enim jam in hominum portique, sed in dæmonum ordinabuntur, perdentur enim eorum animæ. Hoc autem in gehenna fit, ubi maxime locus et sors dæmonum est. Quod manifestat Christus dicens : *Discedite a me, maledicti, in ignem æternum, qui paratus est diabolo et angelis ejus* (Matth. xxv).

*Custodite mandata mea : Nolite facere quæ fecerunt hi qui fuerunt ante vos, et ne polluamini in eis : Ego Dominus Deus vester.* (Ex Hesychio.) Vere in duobus, vel tribus testibus stabit omne verbum. Hoc enim legislator confirmare volens de eisdem, ecce tertio præcepit : *Et custodite, inquit, mandata mea ; nolite facere quæ fecerunt hi qui fuerunt ante vos ; ut ostendat quia non hominis cujuslibet, sed ipsius Dei sunt*

*A mandata : qui quomodo debeant custodiri non verbo tantum, sed et opere incarnatus per suam conversationem ostendit, ut non faciamus autem omnia quæ fecerunt hi qui fuerunt ante nos. Sed vide quibus præsentem sanctionem confirmavit verbis : Ne polluamini in eis, quia ego sum Dominus Deus vester ; omnes nos a pollutione mundare volens, quia imagine ejus circumdati sumus, et polluta quidem ea a qualibet earum quæ vetitæ sunt malarum et nefariarum actione necessario irascitur, munda autem conservata intantum placet, ut etiam inhabitet in nobis ; quod manifestat Paulus utrumque, ait enim sic : Nescitis quoniam templum Dei estis, et spiritus Dei habitat in vobis ? Quicumque ergo templum Dei violaverit, disperdet illum Deus. Templum enim Dei sanctum est, quod estis vos* (I Cor. iii). Consummatam ergo sanctificationem custodientes, totam in nobis habemus inhabitantem Trinitatis plenitudinem, si tamen templum Dei sumus, videlicet Patris, Christi autem corpus et membra, et Spiritus sanctus in nobis habitat, in Christo Jesu Domino nostro.

## LIBER SEXTUS.

### CAPUT PRIMUM.

*De custodia præceptorum et observatione sabbati.*

(LEVIT. xix.) *Locutus est Dominus ad Moysen dicens : Loquere ad omnem cætum filiorum Israel, et dices ad eos : Sancti estote, quia et ego sanctus sum, Dominus Deus vester : unusquisque patrem et matrem suam timeat ; sabbata mea custodite ; ego Dominus Deus vester. Nolite converti ad idola, nec deos confatiles facietis vobis ; ego Dominus.* (Ex Hesychio.)

Recte sanctificationem præposuit, quia omnis virtutis est ad fundamentum, quam quia sectari modis omnibus oportet, legislator ostendens, convenienter ait : *Sancti estote, quia sanctus ego sum Dominus Deus vester*, id est, si vobis placet placere Deo aut adesse vobis eum, vel magis esse cum eo vultis, Dei enim præsentia et conjunctio omnes a vobis insidias læsionemque removet, sanctificationem consequimini. Sanctus autem conjungi profanis non patitur, propterea Paulus dicebat : *Nescitis quia templum Dei estis, et spiritus Dei habitat in vobis ? Quicumque autem templum Dei violaverit, disperdet illum Deus. Templum enim Dei sanctum est, quod estis vos* (I Cor. iii). Superædificans autem mandata super hoc fundamentum, extra quod nempe potest ponere aliud : *Unusquisque*, ait, *patrem et matrem suam timeat* : per sanctificationem quidem puram mentem erga Creatorem mandans, per honorem autem patris et matris impedi naturæ benignitatem, quæ parentibus honorem, sed et timorem debere a filiis, sicut Dominus dedit. Deinde legis mandata recapitulare volens, id est, non occides, non furaberis, non adulterabis, non perjurabis, non assumes nomen Domini Dei tui in vanum, non concupisces uxorem proximi

tui, et ut breviter continentiam a malo præciperet, *Sabbata mea custodite* rationabiliter subdidit, quia verum sabbatum est, nullum corruptionis opes operari. Nam et omne opus servile in sabbato non fieri Moyses præcepit, aperte ab operibus carnis, quæ sunt fornicatio, immanedita, et similia his, cavere præcipiens eum, qui sabbatum celebrare vult secundum legem spiritus. Sed nec causam sabbati ignorare oportet, sic etenim virtutem legis quæ de eo est, sciemus. Quando ergo sabbati mandatum Dominus dedit, nusquam prius invenies apud divinam Scripturam sabbatorum nomen, ut manifestum sit quia sabbatum omne vacationem carnalium et saecularium rerum præcepit : unde omne opus lex prohibens quæ faciunt ad omnem animam et subditæ, per hoc aperte ostendens : quia a corporalibus non vacare desiderat, et quæ ad javamen sunt anime et provecum pertinentia operari. Verum enim sabbatum est, nihil materiale, nihil ad terram hominem deprimens, et ad corruptionem carnalem trahens, agere. Cum hoc autem quid aliud nunc Deus præcepit, *nolite converti ad idola, nec deos confatiles facietis vobis : Ego Dominus*. Non converti autem ad idola est, non condescendere his, quæ idolorum lex multa profanaque exigit. Sed nec confatiles deos facietis vobis : non solum in animalium formis, sed nec in pecuniarum thesauris, nec in auri aut argenti massis ; hæc enim deos suos faciunt hi qui ea faciunt et congregant, intantum sub earum dominio constituti, ut timeant ex eis vel quantumcumque contingere. Quid autem hæc necesse habemus, qui pro omnibus possidemus divitiis eum qui dicit : *Ego Dominus*, id est, qui volatilia nutrio, qui lilia agri ve-



stilo, qui ex nihilo feci, factaque nutrivi, atque hæc omnia rursus ad indigentiam redigere valeo.

*Si immolaveritis hostiam pacificorum Domino, ut sit acceptabilis, eo die quo fuerit immolata, comedetis eam, et die altero. Quidquid autem residuum fuerit, in diem tertium, igne comburetis. Si quis post biduum comederit ex ea profanus erit, et impietatis reus portabit iniquitatem suam, quia sanctum Domini polluit, et peribit anima illa de populo suo. (Ex Hesychio.)* Omnia quidem, ut ita dicam, Moyses legis capitula, bis terque populo præcepit: frequenti traditione memoriam eorum auditoribus profligans, multo magis tamen mandata quæ necessariora sunt, sicut et præsens mandatum, propter quod et illud proponens, pridem cum de sacrificiis præciperet, cum et nos plene de hoc in primo libro hujus Leviticæ interpretationis discussimus: ecce nunc rursus recapitulavit, ut et nos breviter recapitulemus quæ tunc permulta diximus. Sacrificium enim salutare immolari præcipiens, ipsum recte innuit, in quo ea quæ pertinent ad salutem operamur: huic autem, ut sit placabilis, oportet immolari: hæc utique omnimodo assequentes, quæ acceptabilia Deo sunt. De quo dixit Paulus, cum quomodo oporteret assequi remotam et quietam vitam in omni pietate et pudicitia Timotheo scribens, ostendit: *Hoc bonum et acceptum coram Salvatore nostro Deo, qui omnes homines vult salvos fieri, et ad agnitionem veritatis venire (I Tim. II).* Comedere autem de sacrificio eo die quo immolatum est, et alio, est, ut in præsentia vita quæcunque ad salutem pertineant operemur: hodie autem et crastinum in præsentis sæculo, divina Scriptura solet accipere. De qua re testem Jacobum producamus scribentem, *Ecce nunc qui dicitis, hodie aut crastino ibimus in illam civitatem, etc. (Jacob. IV).* Dies autem tertia quia in ipsa a mortuis Dominus noster resurrexit, figuram futuri sæculi et mortuorum resurrectionis gerit, in quo jam non licet operari, sed qui nunc operati sunt illic ad retributionem veniunt. Qui ergo sic hic vivit, tanquam illic quædam præsentium operaturus sit, et propterea comedere tertia die sacrificium pacificorum, sive salutare dicitur, opus attrahat a legislatore prohibitum, virtutem imperfectam relinquens, velut illic operaturus sit, et hujus sacrificium rectissime acceptum non est, nec vita correcta est, sed qui talem sibimetipsi operatur virtutem, iniquitatem suam portabit, prius quidem imperfecte operans, deinde ut ingerens calumniam divinæ legi, et dogma disseminans impium atque alienum. *Hujus anima peribit de populo suo; in populo autem qui salvetur non ordinabitur, quia reliquit imperfectam vitam, quæ eum salvare poterat si eam consummasset.*

#### CAPUT II.

*De pauperum et peregrinorum cura tempore messis et vindemiæ.*

(Ibid.) *Cum messueris segetes terræ tuæ, non tondebis usque ad solum, super faciem terræ, nec remanentes vicas colliges; neque in vinea tua racemos et grana*

*decidentia congregabis, sed pauperibus et peregrinis carpenda dimittes: Ego Dominus Deus vester. (Ex Hesychio.)* Vult legislator ut nos invicem diligamus, amatoresque pauperum nos esse desiderat, semperque eleemosynæ studere, nunc quidem dantes egentibus, nunc autem non exigentes quæ nobis debent, sed et concedentes eis colligere quascunque reliquias omnium bonorum quæ a Deo sunt donata nobis repererint, et imitari eum, qui donavit non tantum misericordem, sed et qui multæ miserationis est atque dicitur; et propterea metentes aut omnino vindemiantes, iterare eodem tempore ipsam messuram vindemiamque non præcepit, sed nec ex toto metere, aut vindemiare sancivit, sed relinquere quasdam omnimode pauperi, et proselyto de messione et vindemia reliquias, et Deo qui fructus ipsos oriri facit, operatoriis gratiarum actionibus compensare. Mystice ergo per ea quæ nunc dicta sunt, legislator doctoribus Judæorum præcepit nequaquam totius legis interpretationem eos attrahere, sed cedere quædam pauperi et proselyto, doctoribus videlicet gentium: Pauperes etenim hi sunt, quia spiritu pauperes esse præcepti sunt, et ad eos dicebatur: *Beati pauperes spiritu, quia ipsorum est regnum cælorum (Matth. V);* proselyti autem ut nunc semetipsos cognationi Abrahæ subinferentes, et ad Deum accedentes, modo per fidem. Ergo hoc quod legitur: *Non occides, non adulterabis, doceant et Judæorum doctores, quæcunque autem necessariam habent contemplationem et interpretationem, veluti ea quæ sunt de mundationibus, de sacrificiis et alia similia, doctoribus Ecclesiæ cedant. Et quæ decidunt de messura eorum, id est, quæcunque cernunt eos transgredientia, quæ videlicet ignorant. Hos ergo racemos sibimet colligere Judæi et in suis divitiis thesaurizare non possunt, quia eorum vitam minime sunt zelati, pauperi autem eos et proselyto relinquunt. Nobiscum enim sunt prophetæ, et quotquot justi apud populum Judaicum fuerunt, intantum ut memoriæ eorum a nobis annis singulis honorentur, quod apud illos non fit, ut experimento cognoscatur veridicum divinum eloquium.*

#### CAPUT III.

*Ponuntur mandata, et exigitur justum de proximo iudicium.*

(Ibid.) *Non facietis furtum, non mentiemini, nec decipiet unusquisque proximum suum, non perjurabis in nomine meo. Non pollues nomen Dei tui: ego Dominus. (Ex Augustino.)* Illud de furto positum est in Decalogo: Quod autem dicit, neque mentiemini, neque calumniam faciet unusquisque proximo, mirum si non eo præcepto continetur quod ibi positum est, *Neque falsum testimonium dices adversus proximum tuum, quoniam neque calumnia sine mendacibus fieri potest, quod falsi testimonii generalitate concluditur. Sed utrum hæc aliqua compensatione admittenda sint, magna quæstio est, sicut de mendacibus pene omnibus videtur, quod ubi nemo læditur, pro salute mentendum est. Utrum ergo ita et de furto?*

An furtum fieri potest ubi nullus læditur? quin imo fieri potest etiam, quando ei cui fit consulitur, tanquam si quisque hominum volenti se occidere gladium furetur. Nam calumnia, nescio utrum cuiquam ad ejus utilitatem fieri possit, nisi forte quod ad majus gaudium fiebat, quo post ea fruerentur, quod Joseph de scypho calumniabatur fratribus suis, quibus etiam explorationis falsum crimen intenderat; quanquam si definitionibus ista determinare tentemus, fortasse furtum non est, nisi quando alieno occulte ablato proximus læditur, et calumnia non est, nisi quando falsi criminis objectione proximus læditur: mendacium autem non possumus dicere, tunc tantummodo esse quando proximus læditur. Cum enim falsum ab sciente dicitur, procul dubio mendacium est sive illo quisquam, sive nemo lædatur. Proinde magna quæstio de mendacio, utrum possit aliquando justum esse mendacium, facile solveretur fortasse si sola præcepta intueremur non exempla. Nam quid isto præcepto absolutius, non mentiemini? Sic enim dictum est quomodo non facies tibi idolum, quod factum non potest aliquando justum esse, et quomodo dictum est non mœchaberis. Quis autem dicat aliquando mœchiam justam esse posse? et non furaberis secundum definitionem illam furti, justum esse furtum nunquam potest; et non occides, quoniam cum homo juste occiditur, lex eum occidit non tu. Nunquid ita dici potest, cum homo juste mentitur, lex mentitur? sed exempla faciunt difficillimam quæstionem. Mentitæ sunt obstetrices Ægyptiæ, et bona illis Deus retribuit; mentita est Raab pro exploratoribus terræ, et ideo liberata est. An ex quo dictum est in lege, non mentiemini, ex illo intelligendum est, nec in tali causa licere mendacium, in quali causa legitur Raab esse mentita? Sed magis credibile est, quia injustum erat mendacium, ideo prohibitum? non quia prohibitum, ideo factum injustum? fortassis ergo sicut de obstetricibus diximus, non hoc in eis remuneratum, quod mentitæ sunt, sed quod infantes Hebræos liberaverunt, ut propter hanc misericordiam illud peccatum veniale, sit factum, non tamen existimetur non fuisse peccatum: sic etiam de Raab intelligendum est remuneratam in illa liberatione exploratorum, ut propter eandem explorationem venia sit data mendacio, ubi autem venia datur, manifestum est esse peccatum. Sed illud cavendum est, ne ita quisque existimet etiam cæteris peccatis si propter liberationes hominum fiant, ita venia posse concedi: multa enim mala intolerabilia et nimium detestanda istum consequuntur errorem. (Ex Hesychio.) Fines nobis bonæ conversationis legislator ostendit, simulque et peccata quam ad se invicem habeant cognationem tradit. Quæ enim nos parva putamus, maxima sunt, siquidem in mendacio, singulis ut ita dicam diebus solemus delinquere, vel loco, vel studio, similiterque jurisjurandi prævaricatione. Hæc autem intantum sunt prava, ut ea furto conjungeret, et recte, quia furtum operatur plerumque mendacium, propter

A quod Zacharias propheta falcem quam contemplatus est, longitudinis cubitorum viginti, et latitudinis cubitorum decem, contra fures eam et contra perjuros exactam demonstravit: ait enim: *Ingredietur in domum furis et perjuri (Zach. iii)*. Sed et omnibus peccatis cooperatur mendacium.

Devitemus autem et mendacium, in quo quidam sub specie veritatis delinquunt, calumniam facientes proximo magis mente quam lingua, quemadmodum hi qui dixerunt de Domino: *Illic dixit, Possum solvere templum hoc, et in tribus diebus ædificare illud (Joan. ii)*; locutus fuerat quidem hæc Dominus quando Judæi ad eum dixerunt: *Quod signum ostendis nobis quia hæc facis?* ipse autem ad eos: *Solrite templum hoc, et in tribus diebus ædificabo illud*, sed non secundum illam dicens hoc intentionem secundum quam hi qui contra eum testimonium dabant dixerunt, dicebat enim de templo corporis sui, illi autem hæc sicut de templo dicta Judæorum asseverabant: unde eos et falsos testes Spiritus appellavit. Pro perjuro autem Septuaginta edunt: *Non levabitis nomen meum in injustum*. Jusjurandum vero in injusto est, non solum quod prævaricatur, sed etiam quod injuste custoditur, veluti quale illud fuit quod Herodes filiæ Herodiadis jurans, Joannis Baptistæ caput abscidit (*Matth. xiv*); oportebat enim hoc eum jusjurandum non præbere; postquam tamen juravit, non custodire, quia talia sacramenta nec initium sumere Deus vult, sed nec sumentia ad finem pervenire. Unde dicens, *non levabitis nomen meum in injusto*, addidit, *et non profanabitis nomen Domini Dei vestri*. Quod Hieronymi translatio edita: *Non pollues nomen Dei tui*. Quomodo autem quis illud profanat dico, id est, malefaciendo, quia jusjurandum transgredi non potest, nam Deus per quem juravit intantum bona vult. Qui etsi promiserit de quibusdam terribilia, illi autem pœnituerint, non tardat mutare sententiam, suumque sermonem refragare, ut quiddam nobis pietatis impendat, propter quod addidit: *Ego Dominus*, qualis de quo ait Jonæ propheta, quando Ninivitæ jejunaverunt et oraverunt, *et pœnituit Deum de malitia, quam locutus est, ut faceret eis, et non fecit (Jonæ. iii)*. Multa autem et alia hujusmodi prophetæ dixerunt. Sequitur:

D *Non facies calumniam proximo tuo, nec vi opprimes eum. Non morabitur opus mercenarii apud te usque mane. Non maledices surdo, nec coram cæco pones offendiculum, sed timebis Deum tuum, quia ego sum Dominus. (Ex Augustino.)* Omnia enim quæ prohibentur committi in proximum, ad hoc unum referenda sunt quod dictum est: *Non nocebis proximo*; nam quod sequitur, *Non rapies, nisi ad hoc referatur ne rapiendo noceatur*, aliquando evenit ut non rapiendo quisque noceat. Nam gladius insanientis rapiendus est, et si non fecerit quis ut oportuerit, magis nocuerit. (Ex Hesychio.) Vides quemadmodum paulatim lex ejus qui legem accepit colat mentem, et ea quæ videntur parvula peccata conjungit

magnis, ut timore definitæ in majoribus peccatis poenæ et a minoribus abstinemus. Sicut enim eis sociantur mandato, ita et in poena sociantur. Quia qui legem totam servaverit, peccaverit autem in uno, factus est omnium reus (Jacob. II). Sed nec frustra calumniæ vim conjunxit; quæ enim differentia est apud eum qui rebus suis caret, sive vi, sive armis, forsitan aut potentia qualibet, vel per circumventionem judiciorum, aut fraude, vel quolibet alio simili modo his careat; sed et qui die tota operatus est ut acciperet mercedes, ex quibus cum filiis et uxore et parentibus expectantibus easdem mercedes viveret, et non accepit, sed dilatus est, nonne calumniam et vim patitur, non solum in cibo; sed et per hæc etiam in vita? vita enim in cibo quotidiano ducitur; ergo et si crastino recipiat, quia præterito die, in quo laborem sustinuit, permansit jejunos, vim pertulit et calumniam passus est. Et quod aliis substantia est, hoc sunt mercedes laborantibus. Ergo recte vis etiam horum privatio dicitur. Sed et qui maledicit surdo, multum nocet; et qui ponit coram cæcis offendiculum, in quo pedibus offendant. Is quidem qui surdus est, dum maledicitur nocetur, non solum quia de eo detrahitur, sed quia emendare, aut hæc cavere in quibus de eo detrahitur non potest; sed nec cæcus ab offendiculo qui ei ponitur, custodire se potest: evenit autem, et huic et illi, ex utroque mors; cæco quidem dum conteritur per offendiculum; surdo autem maledicto, quasi de principe detraxisset, aut aliud quidpiam fecisset, quod ei periculum ingereret, semetipsum minime corrigenti. Et hoc quod videtur esse parvum, quod a multis sæpe ludentibus delinquitur, transit ad mortem; unde nimis opportune David, beatum dixit eum qui in cathedra pestilentiæ, id est deridentium, non sedit (Psal. I). Nos autem ad eadem rursus exsequenda pergamus. Non enim solum pecuniarum calumniam et vim lex prohibuit, sed et omnem aliam, et multo magis eam quæ est in spiritualibus, ut non gloriam arripiamus alterius, nec quod alterius labore collectum est, in nobismetipsis attrahamus; propter quod et Paulus dicebat: Non enim in aliena regula in his quæ parata sunt gloriari (II Cor. X); et rursus donatum sibi dicit evangelizare, non ubi nominatus est Christus, ne super alterius fundamentum edificaret (Rom. XV). Alteram autem alterius interpretatio est: nolebat enim prædicare, ubi alter prædicavit, ut non mercedes abriperet alienas. De his enim mercedibus ait legislator: Non morabitur opus mercenarii apud te usque mane. Non jam prædicantibus, sed ante discitentibus mandans non negligere, nec otiosum apud se sinere doctorale verbum; mercenarius enim Dei est, qui prædicat verbum ejus. Merces autem ejus est retributio prædicationis, vera et existente hujus rei teste Paulo, qui dicit: Quæ est ergo merces mea, ut Evangelium prædicans sine sumptu ponam Evangelium Christi? (I Cor. XII.) Septuaginta autem edunt: Non dormiet merces mercenarii tui apud te usque mane; quia enim dormire

A negligentes dicuntur demonstrat Dominus, discipulis mandatum dans: *Vigilate, quia nescitis qua hora Dominus vester venturus sit*; sed et quando dormientibus hominibus, videlicet negligentibus, seminare dicebat inimicum zizania. Mane autem futurum sæculum est, quia nocti præsentis vitæ succedit, et lux inextinguibilis in eo habitat. Non ergo oportet otiosum esse apud nos doctorum verbum, per omne hoc tempus cui futuri temporis mane succedit, quia et in hoc avaritia et injustitia in doctoribus exercentur, mercedem perdentibus quæ eis ex propectu discipulorum deberetur. Per surdum autem et cæcum, eos qui inobedienciæ et ignorantæ morbo detinentur lex innuit, ad quos Isaias dixit: *Surdi, audite, et cæci, intuemini ad videndum (Isa. XLII)*. Hi non maledicendi sunt, sed admonendi, si tamen eos converti volumus. Unde Paulus eum qui docet in mansuetudine docere eos qui contradicunt doctoribus Ecclesiæ præcepit; sed nec offendiculum eis falsa dicentes aut agentes debemus effici. Hoc enim ipse Paulus prohibens atque corrigens scripsit: *Si quis viderit eum qui habet scientiam in idolio recubentem, nonne conscientia ejus, cum sit infirma, edificabitur ad manducandum idolothita (I Cor. VIII)*. Sic legis tam littera quam spiritu juvari possumus. Sequitur:

*Non facies quod iniquum est, nec injuste iudicabis, nec consideres personam pauperis. Nec honores vultum potentis. Juste iudica proximo tuo: Non eris criminator et susurro in popullis. Non stabis contra sanguinem proximi tui. Ego Dominus. (Ex Hesychio.)*

C Non quamlibet justitiam, sed summam et perfectam studeri lex, maxime in præsentibus, constituit, recto itinere ordineque procedens, ut prius videatur pauperibus legem constituere, deinde potentibus, ac deinde principatus et potestates habentibus; ut et per hoc ostenderet personam non deberi accipi. Non furtum enim nec calumniam facere, nec jurare in injusto, etsi divitibus vel potentibus aliquando contingit, verumtamen propria pauperum quodammodo sunt peccata: per paupertatem enim furari et calumniari et transgredi sacramenta compelli videntur, ita ut Sapiens ille in Proverbiis diceret: *Divitias et paupertatem ne dederis mihi, ne forte satiatas illicitiarum ad negandum, aut egestate compulsus, furer et perjurem nomen Dei mei (Prov. XXX)*. Vi autem opprimere et mercedibus privare, et irridere surdum aut cæcum, quia quædam eorum sunt potentia, quædam vero prodigæ quodammodo vitæ et deliciarum contumeliam generantium peccata, præcipue personis divitum et potentum, lex sanciri dicitur. Personam autem accipere in iudicio, hi qui magistratum præsidem vel iudicum tribunalibus, quos judicantes nec quidem pauperum personas oportet accipere. Nemo enim Deo misericordior est, qui misericors et miserator super omnes appellatur: Verumtamen iudici tempore nequaquam jam ita appellari vult, sed iustus, teste David, qui dicit: *Deus iudex iustus fortis et longanimis (Psal. VII)*. Nec quidem potentis oportet admirari personam in iudicio, quia Deo nullus est

potentior; ipsius autem est iudicium. Ipse enim, nobis iudicantibus, causantis personam suscipit; cuius rei testis est idem Moyses, in Deuteronomio ita dicens: *Non respicies personam in iudicio, secundum parvum et maiorem iudicabis. Non distinguas personam hominis, quia iudicium Dei est (Deut. 1, 16)*. Ergo si vis personæ danare potentis, personæ Dei dona: donas autem, si ad partem te justitiæ contuleris, illic enim habet personam, quia *justus Dominus, justitiam dilexit, æquitatem vidit vultus ejus (Psal. x)*. Quamobrem etiam nunc iuste iudicari proximo præcepit. Oportet enim nos nosse quia in quo iudicio iudicaverimus, in eodem iudicabimur. His addidit: *Non eris, inquit, criminator et susurro in populis; vel, sicut Septuaginta edunt, Non ambulabis in dolo in gente tua: non stabis contra sanguinem proximi tui. (Ex Hesychio.)* Dolo sanguinem conjunxit, videlicet homicidium, sicut et David psallit: *Virum sanguinum et dolosum abominabitur Dominus (Psal. vii)*; et iterum: *Viri sanguinum et dolosi non dimidiabunt dies suos (Psal. lvi)*. Gladius enim occultus est dolus, ensis exacutus et latens, ita ut David rursus diceret, *Sicut novacula acuta fecisti dolam (Psal. li)*; sed nos ab eo velociter recedamus, expavescentes illum pro peccati vicinia, cui meruit esse conjunctus; nec contra sanguinem proximi stemus, sed omnes insidias et collegium quod pro qualibet iniquitate sit, fugiamus: quia quidam singulariter infirmi, et per semetipsos nocere non valentes, misceri solent multitudini, et necesse est ut quando plures simul conveniunt, malitia valentior invenitur. Hic enim commodat manum, alter linguam, alius his quæ aguntur consensum præbet, alter inruit, et ita malitiæ consummatur insania. Sequitur:

*Ne oderis fratrem tuum in corde tuo, sed publice argue eum, ne habeas super illo peccatum. Non quæres ultionem, nec memor eris injuriarum civium tuorum. Diliges amicum tuum sicut teipsum. Ego Dominus, leges meas custodite. (Ex eodem.)* Ne oderis fratrem tuum, addidit, in corde tuo, quia frequenter in personis peccantium personam odio eos habentium indui compellimur. Unde Paulus Thessalonicensibus præcipiebat: *Si quis non obedit verbo nostro per epistolam, hunc nolite, et non commisceamini cum illo ut confundatur. Hoc autem dum fit, odii præbet præsumptionem; quorum enim aliorum, nisi odientiam et adversantiam est non commisceri? Sed hanc aversionem non præcepit in corde fieri, ait enim: Non commisceamini ei ut confundatur, et erubescens omnimodo emendetur (II Thess. iii)*. Qui autem emendabat eum cui non commiscebatur, nullatenus eum odisse in corde suo poterat. Quod confirmans etiam hoc addidit, *Et nolite quasi inimicum existimare illum, sed corripite ut fratrem*. Omnem autem justitiam explens, et per singulas species vitæ quodammodo legem ponens, confirmationem mandatis quam oportet apponit, quam si custodierimus nemo nostris nocere divitiis, nemo nostrum thesaurum

A furari poterit. Est autem confirmatio hæc: *Et diliges amicum, sive, ut Septuaginta, proximum tuum sicut teipsum: habens in modico totam legem, et per unum tibi hoc mandatum omnia custodire facile est. Caritas enim, ait Paulus, proximo malum non operatur. Plenitudo ergo legis caritas est (I Cor. xiii)*. Sed et omnem vitam nostram esse in bonis facit; si enim diligo proximum sicut meipsum, et forsitan filios non habuero, aut divitias, aut decorem, aut mundi gloriam, aut potentiam, video autem proximum habentem, gaudeo, et nihilominus, tanquam ego hæc habeam, lætor ego: in illo enim et ego habeo. Idipsum autem et in spiritualibus, in quibus maxime eam, quæ ad proximos pertinet, dilectionem custodire debemus, et non invidere operantibus justitiam, nec morderi quando alii secundum Christum glorificantur, quando in verbo doctrinæ locupletantur, quando abundant divinis donis; sed fruitandus est Christus, qui in tantum nos dilexit, ut apostolis majora signa facere quam ipse fecit concederet. Unde et nunc dicens, *Diliges amicum tuum, sive proximum sicut teipsum*, addidit: *Ego Dominus, leges meas custodite*. Quantum vero nos Deus dilexerit, ipso dicente cognosce: Ait enim: *Majorem hæc charitatem nemo habet, quam ut animam suam quis ponat pro amicis suis (Joan. xv)*.

(Ex Augustino.) Quæri autem potest quid sit quod cum supra dixisset: *Non odio habeatis fratrem tuum in animo tuo; arguendo argue proximum tuum, et non accipies propter ipsum peccatum*, consequenter adjunxit, et non vindicetur manus tua, utrum pro eo quod est non punitur? Animo enim bono facies cum disciplinam peccati proximo imponis, ne accipias peccatum ejus negligendo. Ad hoc enim pertinet quod ante posuit: *Non odio habeatis proximum tuum in animo tuo*. Videri enim potest ei qui arguitur quod oderis eum, cum non sit in animo tuo; an non vindicetur manus tua hoc potius admonet, ne quæras vindicari manum tuam, nec ulciscendi libidini rapiaris: nara quid est aliud vindicari velle, nisi lætari vel consolari de alieno malo? Et ideo dictum est, *Non irasceris filiis populi tui*; sic enim recte ira definita est, quod sit ulciscendi libido. Quidam vero codices habent, *Et non vindicabitur manus tua*, id est, ne arguendo vindicare te velis, sed potius consolare illi quem arguis.

#### CAPUT IV.

*Ne jumenta alterius generis simul vocent, ne eper diverso semine seratur, etc.*

(IBID.) *Jumenta tua non facies commisceri cum alterius generis animalibus: Agrum, sive, ut Septuaginta, vineam tuam non seres diverso semine. Vestem quæ ex duobus texta est non indueris. (Ex Hesychio.)* Hæc quodammodo ad litteram videntur esse ridicula. Unde nec ita ea custodiri a prophetis et spiritualibus invenimus, quemadmodum Judæorum filii infirme imperfecteque viventes, qui lac amant et solidum cibum non capiunt. Nam intende quid ad Sadech sacerdotem et Nathan prophetam et ad Hannyan

Verid dicebat: *Posuisti filium meum Salomonem in mulam meam* (III Reg. 1); dicens enim *meam*, ostendit quia et ipse in mulam sedebat. Si autem iumenta commisceri alterius generis animantibus, id est, asinum equo commisceri lex vetuit, et abominabile hoc erat, oportebat et ea quæ fiebant, et ea quæ nascebantur ex eis procul dubio abominari. Sed et si vestimentum ex duobus fieri non vult, quomodo Sapiens ille de forti muliere hæc in Proverbis dicit: *Invenit tanam et linum et operata est utilia manibus suis* (Prov. xxxi); et rursus: *Ex bysso et purpura vestimenta ejus* (Ibid.). Nec enim utilia sunt vestimenta. Bonum autem indumentum ejus, sive utile dixit esse vestimentum, unum quidem de lana et lino. Aliud autem rursus ex bysso et purpura consuevit intelligamus. Sed quid hæc sit Paulus aperte Corinthiis scribit: *Non potestis calicem Domini bibere et calicem demoniorum. Non potestis mensæ Dei participare et mensæ demoniorum*; et rursus: *Qui in lege justificamini, a gratia excidistis*. Neque enim Judæis seductionibus, nec errori gentilium oportet fideles commisceri. Jumenta ergo, id est, populares homines, non permittimus alterius generis animantibus, id est, non sectari circumcisionem et baptismum, alterius enim jugi est circumcisio gravis et importabilis. De quo dixit Petrus: *Quid tentatis Deum, superimponere jugum in cervicibus discipulorum, quod nec patres nostri, nec nos portare potuimus?* (Act. xv.) Alterius est autem baptismum Christi et levis jugi, quod nobis Christus imposuit, dicens: *Tollite jugum meum*, etc. Et rursus: *Jugum meum suave est, et onus meum leve*. Sed nec vineam sive agrum eroditum nobis vario serere debemus sententiæ, ut non contraria divinis doctrinis Ecclesiam doceamus; quemadmodum prava sapientes hæretici Christo nuptias per suam præsentiam benedicente atque dicente, Non ea quæ ingrediuntur nocent homini, prohibentes habere, et præcipientes abstinere a cibis quæ Deus creavit eis (I Tim. iv), sibimet impietatis præparant mortem. In quibus necessario secundum Septuaginta subdidit, *Ego sum Dominus Deus vester*, ab omni nos hujusmodi continentes esse malitia cupiens; et qui per Evangelium dixit ad eos qui male legem et ad suam voluntatem accipiunt: *Nolite judicare secundum faciem, sed justum judicium judicate* (Joan. vii). Vestimentum autem abominabile ex duobus contactum induitur, qui dicit se Christum adagare et adorat demones, qui Solis justitiam se asserens militem, etiam visibilem hunc et qui ad ministerium creaturæ datus est, solem placet, vel reliqua sidera aut aliquid hujusmodi, sicut Manichæi et alii multi hæretici faciunt. Non vult enim nos cum simus Dei, diabolicis immisceri negotiis, neque simul orationibus et incantationibus vacare, nec phylacteriis Ecclesiæ Dei sanctorumque virorum vel e diverso pravorum veneficorum simul haberi, et ea quæ sunt demonum circumducere sancto Spiritui, in quo, ait Paulus, signati sumus (Ephes. i). Recedit enim, ut pote perpeusus contumeliam, et

obtinere immundus spiritus, et patietur hujusmodi quod Saul pertulit.

## CAPUT V.

*Quid faciendum sit ei qui dormierit cum muliere ancilla, etc.*

(Ibid.) *Homo si dormierit cum muliere coitu seminis, quæ sit ancilla etiam nubilis et tamen pretio non redempta, nec libertate donata: vapulabunt ambo et non morientur, quia non fuit libera. Pro delicto autem suo offeret Domino od ostium tabernaculi testimonium arietem; orabitque pro eo sacerdos et pro delicto ejus coram Domino, et reprobabitur ei, dimitteturque peccatum.* (Ex Hésychio.) Quantum inter libertatem et servitatem intersit, ostendere per ea quæ nunc dicta sunt legislator intendit. Nam in ea quæ libera est desponsata, adulterium esse delictum ejus qui cum ea fornicatus est asserit, inortisque pœnæ eum subjacere sancivit. In ancilla autem nubili, quod Septuaginta ediderunt, *custodita homini*, id est, desponsata, absolvens a pœnâ, sacrificium jubet offerre eum qui in eam peccavit, ex hac sensibili servitute intelligibilem volens ostendere. Neque enim præceptum in ancillas quaslibet, quanto magis desponsatas, delictum fornicationis admitti, sed ancillam desponsatam sive custoditam homini, Judæorum dicit Synagogam, quæ legi custodita est, nec despondi Christo priusquam moreretur, legis littera poterat. Unde et Paulus dicebat: *Ergo, fratres, et vos mortui estis legi per corpus Christi, ut sitis alterius qui ex mortuis resurrexit* (Rom. vii). Ipse autem ancillam esse Judæorum Synagogam hæc dicens docuit, quia Abraham duos filios habuit, unum ex ancilla et unum de libera (Galat. iv). Deinde quam voluit ancillam intelligi, exponens subdidit: *Quæ sunt per allegoriam dicta. Hæc enim sunt duo Testamenta, unum quidem ex monte Sina, in servitute generans, quæ est Agar. Sina autem mons est in Arabia conjunctus ei quæ nunc est Hierusalem quæ servit* (Ibid.). Cum hac ergo si quis dormierit coitu seminis, id est, qui hujus particeps effectus fuerit doctrinæ: in tantum ut conjungatur ei et coeat cum ea, per legis videlicet conversationem. Quasi unum reperiuntur hi qui sibi conjugali consortio sociantur. Semen autem in doctrinali verbo accipi debere multipliciter in hoc Levitico libro pridem demonstravimus. Quicumque ergo hæc antequam per adventum Christi liberaretur fœderat, recte non moriebatur. Nam etsi secundum litteram et non secundum spiritum legem accipiebant, quemadmodum Judæorum docet Synagoga, unde et ancilla iuste nominatur, quia legislatoris intentionem ignorabat; servus autem, sicut dicit Christus, nescit voluntatem domini sui, et propterea delinquere dicebatur, remissionemque necessariam habebat, quia Dominicum præceptum non secundum Dominicam studebat voluntatem. Verumtamen quia non adhuc erat liberata, et propterea occulta erat legis contemplatio, unde et tempus videbatur habere conversatio litteræ, nec morti subici dicuntur, et visitationem eis promisit. Nam quod nostra translatio habet *Vapulabunt ambo;*

Septuaginta dicunt, *Visitatio erit eis et non morientur*. Visitacionem autem eis promisit, id est, a legis servitute libertatem. Mos enim est divinæ Scripturæ, libertatem visitacionem appellare. Nam et liberationem servitutis Ægypti, visitacionem invenimus Deum nominantem, quando ad Moysen dicebat : *Convoca seniores filiorum Israel, et dices ad eos : Dominus Deus patrum vestrorum apparuit mihi, Deus Abraham, et Deus Isaac, et Deus Jacob, dicens : Visitans visitavi vos (Exod. iii)*. Sed quia primi Judæi hanc salutem et liberationem, ut pote etiam alios seducen- tes, habebant necessariam, cum his qui dormit, id est, qui miscetur, ut seminis eorum et doctrinæ particeps efficiatur, huic per sacrificium præstatur remissio, sed per Christi : hoc enim sacrificium significans, arietem pro peccato præcepit offerri, et per ejus oblationem sacerdotem deprecari. Quis est autem hic qui primo omnium mundo deprecatus est, et quis aries qui pro peccato offertur, et cur ante ostium tabernaculi testimonii ad sacrificium deducatur, sed et qui proprie debet intelligi peccatum delicti ? Ea quæ de sacrificiis olim sancita sunt et exposita perscrutans, invenies Christum in eis velut in imagine figuratum, qui per crucem immolatus cum aliis omnibus peccatis, etiam hoc ignovit quod Judæorum commisit populus, et is qui erat ei mixtus ex gentibus, qui etiam dormire cum eis dicitur, legem non secundum intentionem legislatoris accipiendo. Hæc autem non importune in hoc loco, sed imo nimis opportuno tempore, quo jumenta non oporteret alterius generis jumentis conjungi, id est, non liceret eos qui sub jugo facti sunt Christi Judaicum jugum suscipere significavi. Confirmans enim hoc, præsentia subdidit, per quæ ostendit quia et ante adventum Christi quicumque exterorum illis commiscebatur, opus habebat intelligibilis arietis sacrificio ad propitiationem suam, conferens illud mente et describens apud semetipsum per figuras veritatem. Sic enim non solum non condemnari ex obviente sibi virtute Judaicæ litteræ, sed etiam liberari ab ea, et a morte infidelitatis, spiritualiter legem accipiens, et sacrificia ejus ad Christum referens, poterat.

## CAPUT VI.

*De auferendis præputiis arborum in terra Chanaan.*

(*Ibid.*) *Quando ingressi fueritis terram et plantaveritis in ea ligna pomifera, auferetis præputia eorum; poma quæ germinant immunda erunt vobis, nec edetis ex eis. Quarto anno omnis fructus eorum sanctificabitur laudabilis Domino, quinto autem anno comedetis fructus, congregantes poma quæ proferunt. Ego Dominus Deus vester. (Ex Hesychio.)* Permanet in intentione etiam nunc legislator, quam habuit prius aliis verbis præcedentibus similia sanciens, ostendens quidem nec habere fructum bonum Judæorum populum ante Domini præsentiam potuisse. Cur enim triennio fructum ejus omnis ligni non esse esibilem dicebat, sed nec ullo modo mundum, sed et mundationem quarto anno necessariam habentem ? Et quæ erat hæc mundatio ? non aspersio, non sacri-

ficiam, non aliud quidpiam hujusmodi, quale alio loco lex ad litteram præcepit. Ergo vacat necessario ad contemplationem spiritus eum qui non solum meditari legem, sed et aliquod ex ea percipere commodum cupit. Terram ergo Deus dat, quam ipsum dare decet, id est, divinam Scripturam quæ virtutum fructus ferat, quæ habet illam vitam, et colit sive operatur, quam David colere et operari promittit. Ubi enim Deo placere magis homo quam in mandatis et operibus bonis potest ? Ait enim : *Placebo Domino in regione vivorum (Psal. cxiv)*. De quibus ipse dicit : *Qui vero expectant Dominum hæreditate possidebunt terram (Psal. xxxvi)*. Possidebunt enim plenam Dei spiritu Scripturam, et quæ ex ea sunt bona, quæ Deum exspectans, mandatorum quæ in ea continentur retributionem promittit. Hanc terram ingredi quidem filii Judæorum præcepti sunt, et acciperent priores.

Primi enim sacras susceperunt litteras, propter quod et lignum, quod edi potest, id est, mandata quæ diximus, plantare jussi sunt, hi quidem eas meditantur, hi autem et prædicantes. Quia enim plantationi lignorum meditatio legis et prædicatio, propter eum profectum qui per partes provenit, assimilatur, audi David dicentem : *Et in lege ejus meditabitur die ac nocte, et erit tanquam lignum quod plantatum est secus decursus aquarum (Psal. i)*. Paulus autem de prædicatione quam prædicavit Corinthiis scripsit : *Ego plantavi, Apollo rigavit, sed Deus incrementum dedit (I Cor. iii)*. Sed mandata quidem bona nimis erant, propter quod et lignum edibile appellatur.

Illi autem modo quo debebant non operabantur, secundum litteram legē utentes. Erat ergo eorum fructus, operatio videlicet legis, triennio immundus. Dicit autem triennium a tempore legis usque ad David tempus, et a David usque ad transmigrationem Babylonis, et a transmigratione Babylonis usque ad adventum Domini. Sic enim et Matthæus distinxit. Quia ergo quarto hoc anno omnem fructum ipsius legis sanctum et laudabilem Domino commendavit, non tamen vel tunc esibile illud esse Judæis dixerat, illud sine aliqua dubitatione probavit, quia totus legis fructus in adventu Domini est. Hujus enim tempus secundum ordinem temporum superius nominatorum annus recte nominabitur quartus sanctus laudabilis Deo, quia Christus eum fructiferum faciebat, quemadmodum oportet etiam nos fructificare docens. Recte ergo sanctus erat, ut pote a Sancto sanctorum perfectus ; sed et laudabilis : omnia enim quæ Christus operatur, bonæ famæ sunt atque gloriosa, ita ut etiam ab ingratis Judæis glorificentur. Cum enim paralyticum portantem super humeros grabatum vidissent, *glorificabant Deum, qui talem potestatem dedisset hominibus (Matth. ix)*. Unde non simpliciter sed laudabilem Domino fructum hunc lex appellavit. Necdum autem erat populo edibilis, necdum enim hic secundum spiritum Christi conversationem adeptus fuerat, sed in anno quinto, in apostolica videlicet generatione. Illinc enim ipse Judæo-

rum populus, id est, hi qui ex eis crediderunt, et gentes omnes esibilem legis fructum, operationem videlicet, habuerunt. (Ex Gregorio.) Secundum tropologiam vero, ligna pomifera sunt opera virtutibus fecunda. Præputia itaque lignorum auferimus, cam de ipsa inchoationis infirmitate suspecti, primordia nostrorum operum non approbamus. Poma autem quæ germinant immunda ducimus, nostrisque esibus non aptamus, quia cum primordia boni laudantur operis, dignum est ut hoc animum non pascat operantis, ne dum accepta laus suaviter carpitur, fructus operis intempestive comedatur. Qui ergo inchoatæ virtutis ab humano ore laudem receperit, quasi plantati ligni ante tempus pomum comedit. Hinc per Psalmistam Veritas dicit: *Vanum est vobis ante lucem surgere, surgite postquam sederitis (Psal. cxxvi)*. Ante lucem quippe surgere, est priusquam claritas æternæ retributionis appareat, in præsentis vitæ nocte gaudere: sedendum ergo prius est, ut post recte surgamus, quia quisquis nunc sese sponte non humiliat, nequaquam hunc sequens gloria exultat.

## CAPUT VII.

*De variis cæremoniis, comedendi, tondendi, augurandi, etc.*

(Ibid.) *Non comedetis cum sanguine. Non augurabimini, nec observabitis somnia. Neque in rotundum tondetis comam, nec radetis barbam. Et super mortuo non incidetis carnem vestram, neque figuras aliquas et stigmata facietis vobis: Ego Dominus. (Ex Hesi- chio.)* Ab omni fermento malitiæ mundum esse fidelem vult, et propterea nunc quidem prohibet a veritate legis litteræ, et Judaicam doctrinam demonstrat inutilem. Nunc autem rursus ad errorem gentili-um sermonem vertit. Neque enim omnia quæ nunc vetita sunt studentur, quippe cum non solum sint ridicula, sed etiam et noxia studentibus ea, quod maxime ostendit Ecclesiastes; ait enim: *Qui observat ventum, non seminat; et qui considerat nubem, nunquam metet (Eccli. xi)*. Augurium ergo non solum vox avis cujuslibet aut volatus appellatur, qui vel prohibet a quadam actione, vel etiam studiosius imminet accelerandam, sed et signis uti loquentium, prætereun- tium, obviantium, et quorundam in itinere obvientium offendiculorum, taliumque aliorum est. Ab avibus enim augurium, sed et aliorum signorum observatio dicitur. Aruspicium autem est, transeuntes considerare aves, et propter has in desertam ab hominibus viam egredi, ut avium volatum aut voces quales sint perscrutentur, et ex eis cognoscant quæ futura sunt. Quod accusare est Deum, quia ea quæ homini, quem secundum suam imaginem omnium animalium principem constituit, abscondita, hæc in irrationabilibus avibus credidit, et ab eis quidpiam discit quæ nec ab spiritalibus viris, sed nec a Deo qui illis revelat potest discere, sicut hi qui in prædicto errore seducti sunt arbitrantur. Insuper nec comam in rotundum aspectu capitis, sicut et Symmachus edidit, quemadmodum etiam hi facere consueverunt qui barbaricas

student comas: propter quod hoc Septuaginta *sisyn*, forsitan propter magnitudinem concursorum capillorum, appellaverunt. Non oportet autem hoc fieri, sed contentos esse naturalibus ornamentis, et nihil exquirere, nisi forsitan Creatorem aliquid indignasse ad perficiendam animal accusamus. Sed nec cincinnos nutrire in honore dæmonum capillis aliis fertiores, et hoc vorere, student enim hoc pagani caput puerorum offerre dæmonibus: unde de hoc maxime oportet putari legislatorem præcipere. Sed nec barbam radere, vel, secundum Septuaginta, *corrumpere faciem barbæ*. Nec incisuras in corpore sibi facere eos qui fient supra mortuos, etiam hoc enim pagani consueverunt. Sic enim affligi supra mortuos oportet, ut nec faciem lædat, nec corpus corrumpat. A quibus nos Paulus prohibens ait: *Nolo vos ignorare, fratres, ut non contristemini sicut et cæteri qui spem non habent (I Thess. iv)*.

Nam quodlibet eorum quæ prædicta sunt agere non est spem habere resurrectionis mortuorum, quia tanquam illis corruptis semetipsos dissipant atque corrumpunt. Prohibet etiam stigmata fieri in corpore, undique decoris legislator curam gerens, et non cedens abuti carne in quolibet horum, quæ quidem ipsis nocent, totumque animal foedum reddunt. Comedere enim super montes, quod Septuaginta in initio præsentis legis posuerunt, pro eo quod nostra editio habet, *non comedetis cum sanguine*, propter eos qui idolorum festivitatis consueti sunt prohibuit. Hoc enim et Oseas accusans populum Judæorum dixit: *Spiritus fornicationum decepit eos et fornicati sunt a Deo suo: super vertices montium incensum adolebant, et super colles sacrificabant (Ose. iv)*. Sed videamus præter hæc quæ nos jubet cavere, secundum spiritalem contemplationem, non comedere super montes, id est, cogitationibus superbis non pasci, de quibus Isaias ait: *Omnis mons et collis humiliabitur (Isa. xl)*; non augurari, non aruspiciari, ut non intendentes dæmones, secundum eorum voluntatem vivamus, neque cor nostrum volucris tradamus, quæ rapiunt semen pietatis a nobis, sicut Dominus in parabolis evangelicis dixit. Comam non tondeamus, vel sicut Septuaginta, *sisyn de capillis capitis non faciamus*; capilli enim nostri pro cogitationibus accipiuntur, propter quod dixit Dominus: *Vestri autem et capilli capitis omnes numerati sunt (Math. x)*; ipsi enim, ut pote iudici et corda scrutanti, numeratæ sunt omnes nostræ cogitationes. Non oportet ergo eas agitare quempiam vel concutere, sed nec offerre diabolo, quod faciunt quidam et de sensibilibus capillis crinem offerentes, sicut superius diximus. Insuper non oportet, sicut diximus, barbam radere, vel secundum Septuaginta, *corrumpere faciem barbæ*, quia perfectionis nostræ signum barba est, virtutes autem designant veram nostram perfectionem, quas incongruum est corrumpere, operantes non vere, sed sub falso et ficto habitu. Nec incisio-nes facere super anima bonum est, in corpore sunt enim delectationes quæ ad nocendam animam inci-

dunt corpus et corrumpunt. Sed et stigmata, id est, male doctrine dogmata, quia inherant et infiguntur animæ per quædam blandimenta vel syllogismos, vel per quemlibet alium modum docentium intelligamus. Præcepit ergo nobis lex et ab his abstinere, quia impressa vel immersa sicut solent stigmata, difficulter abolerentur.

## CAPUT VIII.

*Ubi vetat prostitui filiam, et præcipit sanctuarium Dei metuendum.*

(IBID.) *Ne prostituas filiam tuam ne contaminetur terra et impleatur piaculo. (Ex Hesychio.)* Si enim patres, quos oportet filios emendare, ad fornicationem eos hortantur provocantes aut viventes turpiter, ut ipsi ad imitationem parentum ad malum illicitantur piaculo, vel secundum Septuaginta fornicatione, terra completur, et ad omnem speciem impietatis proficit, quia eos qui eruditores esse debuerunt, ad malum pueri pædagogos habent. Sed nec animam nostram, quæ nobis filia unigenita est, ita ut David diceret, *Libera a leonibus animam meam, et de manu canis unicum meam (Psal. xxxi, xxxiv)*, prostituamus, a Deo illam discessionem docentes, ne fornicante anima fornicetur et corpus. Hoc enim terra ut pote, quod de terra ortum est et in terram revertetur, appellatur. *Et impleatur piaculo*, vel sicut Septuaginta *adulterio*: ebrio quippe sessore equus defertur in præceps, et a Deo recedente anima, omnis iniquitas dominatur in corpore.

*Sabbata mea custodite, et sanctuarium meum metuite:*

*Ego Dominus. (Ex Hesychio.)* Sicut uno existentes speciali sabbato, septima videlicet die, omne aliud legitimum otium sabbatum appellatur, sic cum generalis sit abstinentia a malo. Hoc enim revera studet legis fit sabbatum, et per singula quæque recedere nobis a malo præcepit. Hoc enim fulciens addidit: *Sanctuarium meum metuite*, vel sicut Septuaginta *sancta mea timebitis*; quia quemadmodum eos qui quo debent modo accedunt ad ea sanctificant, sic hi qui inique præsumunt in eis, et non prius semetipsos sordē malitiæ purgant, atque sic ad munda accedunt, corrumpunt sive disperdunt, sicut Nadab et Abi, et filios Heli; unde et Paulus de his qui incircumspecte mystica percipiunt, subdidit: *Propterea multi in vobis infirmi, et imbecilles, et dormiunt multi (I Cor. ii)*, unde et nunc legislator addidit: *Ego Dominus*, id est, sanctus et in sanctis habitans, et necessario exigens sanctorum vindictam.

## CAPUT IX.

*De non sequendis magis et ariolis, nec adeundis veneficis.*

(IBID.) *Nec declinetis ad magos, nec ab ariolis aliquid sciscitemini, ut polluamini per eos. (Septuaginta autem edunt:)* *Non sequamini ventriloquos et veneficis non adjungemini, ut polluamini in eis: Ego sum Dominus Deus vester. (Ex Hesychio.)* Maxima diabolici erroris et fraudis species, ventriloquorum est exquisitio. Unde et Paulus puellam inveniētem spiritum habentem phitonis, quamvis dæmonium magna de ipso et Sylla prædicaret et diceret: *Hi homines*

*servi Dei excelsi sunt, qui annuntiant vobis viam veritatis (Act. xvi)*, mahum tamen spiritum increpans effugavit. Pessimum est etiam et veneficis adhærere, quia dæmonum inimicorum nobis et pestilentiam nomina dicunt: qui etsi ad breve tempus ut in errorem mittant, videntur operari aliquid, quod ad corporalem sanitatem vile et parvum, quale etiam imperiti medici operari possunt: veruntamen nec hoc ut boni, neque ut bene volentes hominibus operantur, sed in servitutem illos redigere, et a Deo separare cupientes. Sed nec ventriloquos, id est, falsos prophetas sequamur, qui nomina Dei aliena a Deo docent et prophetant, qui ventriloqui juste dicuntur, quasi de intelligibili ventre sui cordis fabulas quasdam, id est, falsas doctrinas et prophetias proferentes. Sequitur:

*Coram cano capite consurge, et honora personam senis, et time Dominum Deum tuum: Ego sum Dominus. (Ex Hesychio.)* Bonum est quidem et eum, qui jam ad canitiem pervenit, honorare. Habet enim tempus aliquid amplius procul dubio ad prudentiam, sed et honorem quem provectoribus impendimus, nos quoque a minoribus merebimur, atque ex hoc ordo bonus vitam nostram in honestate custodians nobis profligatur. Canum autem vere senem, id est, eum qui sapientia profectus est, intelliget, de quo ait Moyses: *Interroga patrem tuum et annuntiabit tibi, seniores tuos et dicent tibi (Deut. xxxii)*. Sed et Paulus: *Presbyteri duplici honore digni habeantur, maxime qui laborant in verbo et doctrina. Sequitur:*

## CAPUT X.

*De cura advenarum, de mensura, statera, regula et pondere justo.*

(IBID.) *Si habitaverit advena in terra vestra et moratus fuerit inter vos, ne exprobreis ei, sed sit inter vos quasi indigena, et diligetis eum quasi vosmetipsos: fuistis enim et vos advenæ in terra Egypti: Ego Dominus Deus vester. (Ex Hesychio.)* Terram nobis a Deo datam, esse culturam virtutum, bonamque ejus doctrinam, superius diximus. Si quis autem ad hanc accesserit advena, videlicet volens converti ad nostram fidem, et terræ illius civis conscribi, de qua Paulus ait: *Accepistis ad Sion montem et civitatem Dei viventis Hierusalem cælestem, et multorum militum angelorum frequentiam et Ecclesiam primitivorum qui conscripti sunt in cælis (Hebr. xii)*, non alligamus eum, id est, non aggravemus contra eum jugum, ut modo genito et noviter credenti graviora mandata imponamus, ut non sicut Pharisæi et scribæ peccemus, quos accusans Dominus dicebat:

*Alligant onera gravia et importabilia, et imponunt ea super humeros hominum, ipsi autem digito suo non volunt ea movere (Matth. xxiii)*. Non ergo eum, qui credit ad fidem hoc facientes et quædam legalia ab eo exigentes, alligamus eum. Sit autem nobis sicut indigena qui nutritus est in fide, et crevit in pietate. Unde et Petrus hoc evidenter sanciens, ad eos, qui volebant circumcidere de gentibus credentes, dicebat: *Quid tentatis Dominum, imponere jugum super cervices discipulorum, quod nec patres nostri nec nos potui-*



mus portare? Sed per gratiam Jesu Christi credimus salvari sicut et illi (Act. xv). In hoc ergo unumquemque advenam, sive ut Septuaginta dicunt, proselytam, sicut nosmetipsos diligamus, ut illa præcipiamus eis tantum, per quæ nosmetipsos, si ea egerimus, salvari credimus.

*Nolite facere iniquum aliquid in judicio, in regula, in pondere, in mensura, statera justa et æqua sint pondera: justus modius, æquusque sextarius: Ego Dominus Deus vester, qui eduxi vos de terra Ægypti. Custodite omnia præcepta mea et universa judicia et facite ea. Ego Dominus.* (Ex Hesychio.) Similis est etiam hæc sanctio præcedentibus, quando post lucrum litteræ ejus, etiam spiritum perscrutati fuimus. Non ergo fieri oportere injustum in judicio in præcedentibus præcepit. Nunc autem nec in mensuris injuste agere, nec in pondere, nec in stateris præcepit, ne forte his ipsis quæ quasi termini sunt justitiæ ad injustitiam utamur. Pro terminis enim justitiæ vendentibus et ementibus, aut alio quolibet modo contrahentibus mensuræ dantur, et pondera, quemadmodum leges judicantibus: unde de non faciundo injustum judicium, et de non immutandis stateris et ponderibus, sed et de sextario modiove habendo justo, id est, de omni mensura vini aut olei, additur ab omni utique injustitia, quæ erga proximum geritur, tam in majoribus quam in minoribus præcepit abstinendum. Quia quod injustum est, ubique abominabile est. Placet autem Deo semper quod justum est. Præterea quod diviti possessio agri et domus est, hoc et pauperi mensura vini et tritici, et panis pondus est, et alia ex quibus vitam quotidianam ducit. Sed nec injustum in judicio mentis faciamus, nec mensuras et stateras ejus, quæ naturaliter nobis insita est justitiæ corrumpamus, aliter nostra, et aliter proximi peccata judicantes. Ait enim Dominus: *In quo judicio judicaveritis, judicabimini, et in qua mensura mensi fueritis, remittetur vobis* (Math. vii). Quod ipse interpretans, quemadmodum deberet intelligi subdidit: *Quid autem videtis festucam in oculo fratris tui, trabem autem quæ in oculo tuo est non vides?*

Sed nec in ponderibus et stateris et mensuris divinis noceamus, sed justas stateras et mensuras et pondera, id est, leges Scripturæ divinæ custodiamus. Nullatenus eis stateram aut pondus super imponentes proprium, et neque hoc quod Pharisei patiamur. De quibus Dominus in Evangelii dicebat: *Quare transgredimini mandata Dei propter traditiones vestras* (Matth. xv). Illa enim ad memoriam nostram quia hæc locutus est, lex revocans subdidit: *Ego Dominus Deus vester, qui eduxi vos de terra Ægypti: custodite omnia præcepta mea, et universa judicia et facite ea.* Evangelica mandata demonstrans quæ ex auctoritate Dominus præcepit.

#### CAPUT XI.

*Idolo Moloch non immolandum. Magis non adhaerendum. Parentibus non maledicendum.*

(Cap. xx.) *Locutus est Dominus ad Moysen dicens:*

*Hæc loquere filiis Israel: Homo de filiis Israel et de advenis qui habitant in Israel. Si quis dederit de semine suo idolo Moloch, morte moriatur. Populus terræ lapidabit eum, et ego ponam faciem meam contra illum, succidamque eum de medio populi sui: eo quod dederit de semine suo Moloch, et contaminaverit sanctuarium meum, et polluerit nomen sanctum meum. Quod si negligens populus terræ, et quasi parvipendens imperium meum dimiserit hominem qui dedit de semine suo Moloch, nec voluerit illum occidere, ponam faciem meam super hominem illum et cognationem ejus, succidamque ipsum, et omnes qui consenserunt ei ut fornicaretur cum Moloch, de medio populi sui.* (Ex Hesychio.) Cujus rei gratia de iisdem bis et ter aliquando lex præcepit, frequenter in præcedentibus diximus, quia **B** propter memoriam legentium hoc faciat. Unde eandem recapitulans mandata, nova quædam eis inserit, ut non superflua videatur legum repetitio, et inquisitione novorum etiam anterioribus studiosius intendamus. Hujus rei gratia actiones quasdam in præteritis prohibens, pœnam earum tacuit, ut quæ sit hæc vel qualis quærentes, ea quæ inferius sancit, scrutemur. In his enim pœnas inseruit, quas tunc prætermisit. Olim ergo prohibens de semine suo Moloch, sive secundum Septuaginta principi, dari. Erat autem hoc idoli cujusdam vel dæmonis nomen. Secundum quod Stephanus Amos introduxit dicentem: *Et recepistis tabernaculum Moloch, et sidus Dei vestri Rempham, figuras quas fecistis ut adoretis eas* (Amos v). Est autem Moloch vel Melchom, ut **C** sæpe etiam legitur idolum Ammonitarum, quod interpretatur rex vester, et sidus Dei vestri Rempham, id est, facturi vestræ, vobis pro Deo suscepistis. Significat autem luciferum, cujus cultui Sarracenorum gens, ob honorem Veneris erat mancipata. Nunc ergo idipsum rursus contestans contra peccantem, judices, ultoresque non solum principes populi, sed et totam Synagogam et populum facit. *Populus enim, inquit, terræ lapidabit eum.* Nec his contentus addidit: *Et ego ponam faciem meam contra illum, succidamque eum de medio populi sui,* per hoc omnes erigens et provocans contra eum qui talia commisit. Sed et terrorem indicens, si neglexerint, et non cum studio præceptam pœnam suis in eum exercuerint manibus, utpote in tantum irato Deo, ut ipse aperte prædictam sententiam contra eum ferret. Cur autem? Quia de semine suo dedit Moloch, ut contaminaret sanctuarium meum, ac pollueret nomen sanctum meum. Quicumque enim filium, aut cognatum, aut discipulum, aut amicum, aut quemcunque de suo nomine vel cognatione, aut doctrina, principi sæculi hujus qui nunc operatur in filiis diffidentiae dederit, vovens eum et consecrans dæmonibus, hic quidem ad sacra dæmonum, alter autem mista virili muliebrique vita. Utrumque enim erat pagani consuetudo, et his qui in errore illorum labebantur. De quibus Deus per Amos dicit: *Quia isti cum fornicariis corrumpentur, et cum*

effeminatis sacrificabant. Polluit Dei sancta, quo modo? quia polluit nomen sanctum ejus.

Contaminat ergo et polluit nomen ejus, qui ei dedit imaginem, et per hanc ipsum qui sanctificavit, qui et spiritum vitæ ei ex sua gratia insufflavit: quia spiritu malo et adverso Deo corrumpitur, et Dominicam imaginem in dæmonum servitutem redigit, regalemque margaritam a porcis permittit pollui; idem est et quisquis de cognatione et de doctrina sua avaritiæ offert, et ad avaritiam operibus aut verbis consuefacit eum qui quocunque modo discipulus ejus vel cognatus est, servum eum dæmonum devotum idolis sive consecratum, militemque maligni principis hujus sæculi efficiens. *Radix enim omnium malorum avaritia, quæ est idolorum servitus (II Tim. vi; Gal. v)*. Dicimus autem hoc ipsum et contra eos qui adulterium docent; suggerentes nefarias actiones, suadentes turpitudinem, polluentes sancta Dei, id est, signatorum Deo corpora, quorum caro templum Dei et Spiritus sancti est habitaculum. Propterea eos qui sic mala et abominabilia operibus aut verbis docent, non unius præcepit, sed omnium puniri manibus ut pote omnium inimicus et adversarius, et omnium gloriæ, sicut prædictum est, nocens. *Quod si negligens populus terræ et quasi parvipendens imperium meum, dimiserit hominem qui dederit de semine suo Moloch, nec voluerit illum occidere, id est, si hi qui nutriti sunt in scientia neglexerint eum qui talia docet. Hæc est enim vera et recta terra, de qua ait David: Spiritus tuus bonus deducet me in terra recta (Psal. cxlii)*, quia malum est maxime tale peccatum non exsequi et impunitum dimitti. Quid est quod sequitur, et super cognationem ejus, eos videlicet qui student similia, qui cognati sunt propter similitudinem actionis et doctrinæ. *At ergo: Succidamque ipsum et omnes qui consenserunt ei, ut fornicarentur cum Moloch, de medio populi sui.*

Malum est enim permittere aut consentire etiam eos qui foris sunt fornicari a Deo et adhærere intelligibili principi: multo magis autem de medio populi sui, hoc est enim totum gregem lupis cedere, et omnes oves feris tradere. Si quidem de medio populi inimicis rapere permittimus, aut si manum porrigimus rapienti. Qui enim consentit et tacet accusare eum quem arguere necesse est, vel admonere, vel increpare, hic non effugiet divinum iudicium. Ponit autem faciem suam super eum Deus, illam de qua David dicebat: *Vultus autem Domini super facientes mala, ut disperdat de terra memoriam eorum (Psal. xxxiii)*. Non solum ergo qui talia faciunt, sed et qui consentiunt facientibus. Sequitur:

*Anima quæ declinaverit ad magos et ad ariolos et fornicata fuerit cum eis, ponam faciem meam contra eam, et interficiam illam de medio populi sui. Sanctificamini et estote sancti, quia ego Dominus Deus vester; custodite præcepta mea et facite ea: ego Dominus qui sanctifico vos.* Non quaecunque peccatum esse declinare ad magos, sive, ut Septuaginta, ventri-

quos vel veneficos prædiximus. In utroque enim a Deo receditur, sive sensibiles phitonicos et veneficos, sive intelligibiles dicas, id est, eos qui in nomine Dei falsa prophetant, deceptores et adulatores, qui veneficis sermonibus, auditus multorum corrumpunt, et a veritate quidem auditus avértant, ad fabulas autem et errorem convertantur (II Tim. iv). Et propterea ponere faciem suam iudex, et disperdere eos de populo suo comminatus est. Addidit autem: *Sanctificamini, et estote sancti*: ostendens quia quotquot illos secuti sunt, polluti sunt et abominabiles atque immundi, utpote quia abominabilibus verbis et pravis dogmatibus consenserunt, insuper addidit: *Custodite præcepta mea et facite ea*: Manifestans et per hoc quod prævaricationem illi præceptorum Dei doceant, sive legem doceant, sive divina se interpretari mandata fingant, et propterea eos et sequaces eorum aversatur. Sed et brevem conclusionem verbis addidit dicens: *Ego Dominus, qui sanctifico vos, id est, cur cum his qui alia contra meam legem aut meam doctrinam dicunt, corrumpimini? Ego enim sum Dominus qui sanctifico vos.* Sequitur:

*Qui maledixerit patri suo et matri, morte moriatur; patri matrique qui maledixerit, sanguis ejus sit super eum, sive (ut Septuaginta) reus est*: ut hoc nomen ad ipsum Deum referatur. *Isaias enim dixit: Nunquid non Deus unus fecit vos? nunquid pater omnium vestrum (Isa. lxxv)*? Et rursus: *Domine, pater noster es tu, nos vero lutum, et tu fctor noster, et opera manuum tuarum omnes nos. (Ex Hesycho.)* Recte ergo quicumque patri detrahit, sed et matri, morte mulctatus est. Ingratus est enim naturæ, benefactores blasphematur per quos a Deo esse percipientes, et per quos mediantes generati sumus. Et injuriat Creatoris organa, ut labores, quos patiuntur in nostra generatione taceamus. Nam quia maximam pœnam contra hunc qui hujusmodi est, id est, mortem præcepit. Ostendens quia valde recte et rationabiliter talem se pœnæ scripsisse sententiam subdidit: *Patri matrique qui maledixerit, sanguis ejus erit super eum*, vel sicut Septuaginta, *reus est*; ad satisfaciendum de pœnæ magnitudine, mentionem et recapitulationem faciens peccati. Si ergo hæc in eo qui sensibiles maledicit patres, multo magis qui blasphematur Christum. Ipse enim nos spiritualiter regeneravit; igitur qui ejus mysterium et gratiam injuriat baptismatis, non obediens voci Dominicæ. *Si quis non fuerit regeneratus ex aqua et spiritu, non intrabit in regnum cælorum*, hic morte morietur pessima, alienatus a regno cælorum, et æternæ vitæ detrimentum sustinens. Qui et propterea reus est, quia prædicante Domino, et prædicante nihil dædum nec grave, neque quod temporis et materiæ aut artis disciplinæ egeret, sed tantummodo mundi cordis et fidei, iste sponte hoc Domini aversatus est.

#### CAPUT XII.

*Prohibetur adulterium et fornicatio, addita pœna prævaricantibus.*

(Ibid.) *Si mœchatus fuerit quis cum uxore alterius,*

et adulterium perpetraverit cum conjugē proximi sui, morte moriatur et mœchus et adultera, hoc est, qui adulteraverit et quæ adulterata est. (Ex Augustino.)

Hic aliquid distare voluit inter quemlibet virum et proximum, quamvis multis locis proximum pro omni homine ponit. Sed quæ est ista locutio, ut cum jam dixisset de viro, hoc idem repetierit de proximo, cum sit consequens, ut multo magis ab uxore proximi abstinendum est, si ab uxore cujuslibet viri abstinendum est? Nam si prius de proximo dixisset, ne putaretur uxorem licere adulterare, non proximi addendum fuit de quolibet viro. Nunc vero si quod minus est non licet, quanto minus licet quod majus malum est? Nam si non licet adulterare uxorem cujuslibet viri, quanto magis proximi? An forte ista repetitio tanquam exponit quid prius dictum sit ut ideo intelligat homo quantum malum sit adulterare uxorem viri, quia si hoc fecerit, uxorem proximi adulterat.

(Ex Hesychio.) Proximus est enim omnis homo hominis. Quantum ergo sensibile adulterium malum, tantum est intelligibile deterius: nam illi carni, hi autem spiritui contumeliam faciunt, et hi homini, illi autem ipsi Deo. De quibus Oseas dicit: *Omnes adulterantes quasi clibanus succensus a coquente (Osee vii)*, in corde suo a iulterium intelligibile accusans. Ab omni enim populo Judæorum hoc committebatur, corruptente legem legisque dogmata. Quicumque ergo illius viri, de quo ait Paulus: *Despondi vos uni viro virginem castam exhibere Christo (II Cor. xi)*, mœchatur mulierem, videlicet Ecclesiam, de qua idem ait: *Viri, diligite mulieres vestras, sicut et Christus dilexit Ecclesiam (Ephes. v)*. Mœchatur autem verbis turpibus disseminans non eam doctrinam propriam et non Christi, sicut ait Paulus: *Turpis luci gratia. Morte moriatur et mœchus et adultera*, id est, qui alienum superseminat verbum, et Ecclesia quæ in se talia patitur seminari. Hanc enim sicut diximus uxorem intelligamus: Primum quidem veri conjugis videlicet Christi, deinde et conjugem ejus, cui a Christo credita est Ecclesia, sacerdotis aut forte doctoris. Quotquot enim æmulando Christum, et ad suum odium verbum corruptunt, circa fidem naufragantes.

Sicut Hymenæus et Alexander, quos tradidit Paulus Satanae, ut discerent non blasphemare (I Tim. i); horum adulterium in personam Christi reputatur: quicumque autem æmulatione hominum qui regendas Ecclesias sunt sortiti, tale quippiam faciunt, ut eorum doctrinam subruant quod Paulus Alexandrum fecisse dixit ærarium.

Ait enim: *Alexander ærarius multa mala mihi ostendit, reddat ei Dominus secundum opera sua, quem et tu deritit. Multum enim restitit verbis nostris (II Tim. iv)*. Horum adulterium in proximum reputatur, cum sacerdotem videlicet sive conductorem propter cuius æmulationem ad tale iustitiam progreditur. Sed et hujus mors est poena, quam et si non specialiter contra Christum, tamen contra ho-

minem contendens, corrumpit Christi opus, gremque dispergit, propter quod socius ejus efficitur pœnæ, quicumque ab eo corrumpi se patitur.

Qui dormierit cum noverca sua, et revelaverit ignominiam patris sui, morte moriantur ambo: sanguis eorum sit super eos. Si quis dormierit cum nuru sua, uterque moriatur, quia scelus operati sunt; sanguis eorum sit super eos (Ibidem). [Ex Hesychio.] Dicta sunt hæc in hoc Levitici libro a legislatore superius, sed illic quidem, non revelabis turpitudinem patris tui et matris, nec non sororis et nurus et reliquorum per ordinem dixit, quando et nos hæc exponentes, non solum turpis cognatorum et nefariæ commisionis aversionem legem præcipere, sed et de non revelandis quæ cognovimus, neque quæ diffamandis carnalium spiritaliumve cognatorum peccatis, dicta esse exposuimus.

His autem Deus, Si dormierit addidit, illum procul dubio deducens ad medium, qui eandem actionem pravam quam proximum egisse cognovit, nihilominus agit, nec peccati societatem erubescens, etiam sic existit proditor in quo et mortis pœnam legislator recte definiit. Bene autem novercæ nurrum conjunxit, quia hoc quidem in patre a filio delinquitur, illud autem in filium a patre. Similis autem impietas est filium patris, aut patrem filii denudare sive diffamare peccatum, cum et ipsi in similibus deliquerunt. Ad quos Paulus dicebat: *Propter quod inexcusabilis es, o homo omnis qui iudicas: in quo enim alium iudicas, te ipsum condemnas. Eadem enim agis quæ iudicas (Rom. ii)*.

Qui dormierit cum masculo coitu femineo, uterque operatus est nefas, morte moriantur: sit sanguis eorum super eos. (Ex Hesychio.) Quia injuria naturæ est hoc peccatum ostendit, tam novitas ejus quam facinus: ergo non frustra pœnam in illo mortis lex decernit. Nos autem hujusmodi et auditum aversamur. Caveamus autem et eum qui fortis est animo, atque ideo appellatur masculus. Vir enim ubique in divina Scriptura perfectus virtutibus nominatur, unde et Paulus ait: *Donec occurramus omnes in virum perfectum, in mensuram ætatis plenitudinis Christi (Ephes. iv)*. Caveamus ergo verbis incongruis effeminare vel actionibus et dissolvere hujus animæ virtutem, dum cum eo videlicet et nos dissolvamur, utriusque enim sicut cernis, pœna mors est. Sequitur:

Qui supra uxorem filiam duxerit matrem ejus, scelus operatus est, vivus ardebit cum eis, nec permanebit tantum nefas in medio vestri. (Ex Hesychio.) Nihil recte sic sævam pœnam huic minatus est delicto: eos enim qui ex matre geniti sunt, ab his qui a filia geniti sunt, cum unus sit pater, incertum est utrum fratres an avunculos oporteat appellari: nam cum pater unus sit, fratres eos cogit æstimari. Ex duabus autem parentibus cum una sit mater, alia filia, avunculos hos qui de matre sunt geniti, ab his qui nati sunt de filia compellit necessitas appellari. Et

hoc quidem valde secundum litteram custoditur, et A  
cavetur hujusmodi incesta commistio generisque  
confusio. Quia autem omnis peccati mater concu-  
piscencia est, oportet et hoc prævaricari, ut si qua  
nobis peccati concupiscencia sit, usque ad hanc res-  
istamus, et non ei conjungamus actionem. Qui au-  
tem conjungit, in igne incenditur, non solum autem  
ipse, sed et desiderium peccati, insuper et actio ipsa.  
Quo igitur? De quo dixit Christus: *Ignem veni mittere  
in terram et volo ut accendatur* (Luc. xii), id est, ad-  
ministrationem spiritus, qui ipsos peccatores de me-  
dio auferet, eorumque peccata. *Si enim spiritu, ait  
Paulus, acta carnis mortificetis, vivetis.*

*Qui cum jumento et pecore coierit morte moriatur,  
pecus quoque occidetur; et mulier quæ succubuerit  
jumento simul interficietur cum eo, sanguis eorum  
super eos.* Quæritur quomodo sit reum pecus cum  
sit irrationale nec ullo modo legis capax! An quem-  
admodum transferuntur verba modo locutionis quæ  
Græce appellatur metaphora, ab animali ad inani-  
male sicut dicitur, improbus ventus, vel iratum  
mare, ita et hic translatum est, a rationali ad irra-  
tionale. Nam pecora inde credendum est jussa inter-  
fici, quia tali flagitio contaminata, indignam refric-  
cant facti memoriam.

(Ex Hesychio.) Nimia contra populum Judæorum  
legislator utitur restrictione, quia intantum iniqui  
atque libidini dediti erant, ut ad exteras etiam concu-  
piscencias aberrarent, et propterea cum quadru-  
pedibus viri mulierisque commistionis mentionem  
faciens, mortis esse hujusmodi poenam demonstra-  
vit. Tu autem forsitan superfluum esse fidelibus  
hanc legem judicabis. Neque enim, inquis, egent  
hujusmodi jure censi. Non autem est superflua,  
sed nimis ejus nos juvare spiritualis potest contem-  
platio: Si quadrupedia voluptates pravas et deorsum  
terram contuentes intelligamus, ut pote omni  
humana carentes actione et propterea appellatas  
quadrupedia, quia quadrupedia manus sicut homines  
non habent, atque ideo maxima nostra cognatione  
carent. Quicumque ergo vir aut mulier ad alienigenas  
voluptates intantum incumbit, ut ne quidem  
per desidiam ab eis capiatur, sed imo valde eis co-  
hæreat et cum eis coeat, ut commistionem cum eis  
diuturnam et perseverantem habeat, reus est is  
qui talis est mortis. Illic est enim nefariorum libi-  
dinum finis, qui operantibus eas punitis recte ipsæ  
etiam mori dicuntur. Neque enim per se subsisten-  
tes, quia nulla est peccati substantia in peccatoribus  
operantibus, quibus tamen perditis, et ipsi simul per-  
eunt. Sequitur:

*Qui acceperit sororem suam filiam patris sui, vel  
filiam matris suæ, et viderit turpitudinem ejus, illa-  
que conspexerit fratris ignominiam, nefariam rem  
operati sunt: occidentur in conspectu populi, eo quod  
turpitudinem suam mutuo revelaverint, et portabunt  
iniquitatem suam.* (Ex Augustino.) Quid ait in hoc  
loco viderit nisi concumbendo cognoverit sicut in  
lege dicitur: *Cognovit uxorem suam, pro eo quod*

est, mistus est ei. Et quid ait: *Peccatum suum  
accipient, cum de poena eorum loqueretur, nisi quia  
et ipsam poenam peccati, peccatum voluit appellari.*  
(Ex Hesychio.) Tolerabile esse hoc a multis putaba-  
tur, sororibus filiae patris vel filiae matris misceri,  
quia et Abraham de Sara dicebat: *Soror mea est*  
(Gen. xi), ex patre et non ex matre, quod quidem  
non omnimodo sic est sicut habere putatur historia.  
Nam eos qui ex Thare patre Abraham geniti sunt,  
Moyses narrans nusquam Saræ mentionem fecit.  
Quod si et sorori suæ Abraham nupsit, ante tamen  
quam cognosceret Deum? Malum est ergo sororibus  
conjugii societate misceri, unde illud lex prohibuit.  
Cum ergo hæc sic se habeant, nullatenus a præ-  
dicta contemplatione recedamus. Turpitudinem au-  
tem sororis ex patre aut ex matre, revera illum in-  
telligere videre et accipere qui turpem actionem a  
patre aut matre, id est, in qua pater aut mater deli-  
quit, non solum videt, sed et accipit per similem et  
parem actionem, et nefarius est, hic non solum  
perscrutans quæ non oportuit, sed et superædificans  
et jungens se perpetratæ a parentibus pravitati,  
quæ soror ejus, quasi pravi pravitatis appellatur. Sed  
ut quid diffamavit eam et disseminavit? Latentia  
enim plurimos parentum peccata diffamant filii  
quando agunt similia: unde hunc qui talis est dis-  
perdi in conspectu populi, vel sicut Septuaginta:  
*in conspectu filiorum generis sui, id est, videntibus  
similia cogitantibus præcepit.* Hi enim filii generis  
ejus recte dicuntur. Cur autem in conspectu horum  
ut unius poena et cæteri pudicitiam discant. Inter-  
empto autem peccatore et peccatum simul interit,  
quemadmodum semel in præcedentibus diximus. Se-  
quitur autem:

*Qui coierit cum muliere in fluxu menstruo, et revelave-  
rit turpitudinem ejus, ipsaque aperuerit fontem sangui-  
nis sui, interficientur ambo de medio populi sui.* (Ex  
Hesychio.) A menstruata abstinere legislator non fru-  
stra præcepit, sed hominem suadens ad pudicitiam  
castitatis, quæ eum diligentiam habere, ex qua sac-  
cificatio provenit volens, et non in modum porcorum  
continue mulieribus misceri, et ad communem cor-  
ruptionem vacare, sed ex coacta abstinence nsum  
facere ad continentiam. Sed quemadmodum disperdi  
eos de populo suo præcepit, cum purgationem ei  
qui dormivit cum menstruata superius iudicasset?  
Dixit enim: *Si coierit cum ea vir tempore sanguinis  
menstrualis, immundus erit septem diebus.* Deinde  
post hæc purgationum sacrificia narrans subdidit:  
*Ista est lex ei, qui fluxum seminis patitur, et qui  
polluitur, et quæ sanguinis fluxum patitur, in men-  
struis suis, et in fluxu seminis patiente in fluxu suo  
masculo et femine et viro si dormierit cum menstruata,  
sic purgari, et hunc sicut et alios non puniri vult,  
ergo contemplerur menstruata gentium sapientiam,  
longe enim a Deo, sed et de volatu avium et  
cursu siderum et mensuris cæli dicens atque do-  
cens. Cum hac ergo pessimum est dormire, id est,  
delectari in ea et diu coire, sed et revelare et pa-*

lam proferre turpitudinem ejus, tradendo eas quæ apud eam sunt eletas et errores quos habet et frontem totius erroris exponentem : quia his publicatis revelat et ipsa fluxum sanguinis sui, id est, ea quæ sunt de sacrificiis idolorum subintroducens, propter quod non simpliciter dixit, *interficiuntur*, sed addidit : *de medio populi sui*, vel secundum Septuaginta *ex genere suo*; quia qui sapientiam tradit gentilibus, quæ prævaricatur Creatorem nostrum, et scientiam ejus, et pietatem, non est justum jam ut nominetur homo, sed et imaginem Dei semetipsum ignorando, Creatorem priyavit, et ideo interficitur de medio populo, sive de genere suo, ut non jam sapientia nominetur, sed careat quod habuit falso nomine atque ficto, teste Paulo qui ait : *Sapientia hujus mundi stultitia est apud Deum (I Cor. v).*

*Turpitudinem materis et amita tuæ non discoperies, qui hoc fecerit, ignominiam carnis suæ nudavit; portabunt ambo iniquitatem suam. (Ex Hesychio.)* Nec sororibus præcepit eorum qui nos genuerunt commisceri, tam propter generationes, ut non confundantur, quam ut competentem reverentiam parentibus conservemus, propter eos et a sororibus eorum abstinentes, quod similiter et secundum spiritum intelligis, ut non solum velentur parentum peccata silentio et tradantur oblivioni, sed et eorum qui eis sociati sunt, unde et eorum fratres esse dicuntur. Sileamus autem illorum peccata, quia nudatis illis latere nec parentes possunt, unde ait : *Ignominiam carnis suæ nudavit.* Qui autem hoc faciunt, cui pœnæ submituntur? *portabunt ambo*, inquit, *iniquitatem suam*, Septuaginta autem addunt, *sine filiis morientur*, quia non invicem sua pondera portant, sed diffamant atque disseminant cognatorum, tam secundum carnem quam secundum spiritum peccata, sine virtutibus morientur : quod est pessima sterilitas, filii etenim nos tempore judicii non juvant, virtutes autem juvant, quarum causa videlicet coronamur; quarum sterilitate animam ægrotare miserrimum est. Ornari autem hujusmodi filiorum generatione beatitudinis est : et hoc est cum Isaiã dicere : *A facie tua, Domine, concepimus et quasi parturivimus et peperimus spiritum salutis [justitiam], non fecimus in terram (Isa. xvi)*, et hæc intelligis et quæ subsequuntur.

Qui coierit cum uxore patris vel avunculi sui, et revelaverit ignominiam cognationis suæ, portabunt ambo peccatum eorum, absque liberis moriuntur. Secundum aliam editionem ita legitur : *Quicumque dormierit cum cognata sua, turpitudinem cognationis suæ revelabit, sine filiis morientur. (Ex Augustino.)* Queritur quomodo sit intelligenda ista cognatio, cum ex longo gradu liceat utique accipere uxorem, semperque licuerit? Sed intelligendum est, ex his gradibus quos prohibuit non licere, et secundum ipsos dictum : *Quicumque dormierit cum cognata tua*, ubi et aliqua non commemorata, intelligenda dimisit, sicut sororem de utroque parente, sicut uxorem fratris matris, id est, avunculi. Nam de

uxore patris primum prohibuit, quamvis hæc non cognatio, sed affinitas perhibetur. Sed quid est, *sine filiis morientur*, cum filii ex hujusmodi conjunctionibus et ante nati sunt, et hodieque nascantur? An hoc intelligendum est lege Dei constitutum, uti quicumque ex eis nati fuerint, non deputentur filii, id est, nullo parentibus jure succedant. Sequitur :

*Qui duxerit uxorem fratris sui, rem facit illicitam, turpitudinem fratris sui revelabit, absque filiis erunt. (Ex Hesychio.)* Ostendit ergo legislator, quia maxime filiorum causa a creatore, societate præcepit naturam conjungi, ea quippe quæ nunc tanquam abominabilia incongruaque prohibuit. Est enim revera incongruum, et jumentorum vitæ proximum, uxoribus fratrum et cognatorum, vicinorum videlicet, commisceri. Et hæc in alia parte legis, id est, in libro Deuteronomii, non solum præcepit, sed etiam compulit dicens : *Quando habitaverint fratres simul, et unus ex eis absque liberis mortuus fuerit, uxor defuncti non nubet alteri, sed accipiet eum frater ejus, et suscitabit semen fratris sui, et his similia.* Cum autem frater non fuerit, avunculum aut cum qui aliter est ex patris cognatione, ducere mulierem defuncti sine filiis, præcepit, quemadmodum et Booz Ruth secundum legem cognationis accepit. Sic libidinis quidem causa fugit cognatorum commistionem societatemque prohibet; quando autem rursus oportet a tribulationibus sublevare vel casibus, præcipit et vult nuptias, non in pollutione corruptionis, sed ad successionem generis, conjungi. Propter quod et eum qui sic miscetur sine filiis mori præcepit. Ait enim : *Absque filiis erunt*, quia filiorum procreationem legem male utendo confudit. Quid ergo est mori sine filiis? Hoc enim in hac lege quærere maxime necessarium est : utrum filios eorum qui uxoribus fratrum avunculorumque nupserunt, interini præceperit; et quomodo ait : *Non morientur patres pro filiis, nec filii pro patribus?* sed nullatenus eos mori præcepit; sine filiis autem illos mori dixit, secundum Septuaginta duntaxat interpretum editionem, ut non reputetur eis filiorum successio, nec filiis suam relinquunt hæreditatem. Hoc autem ostendit etiam Symmachus, edens planius, sed et Theodotion, qui pro eo quod dictum est, *sine filiis morientur, sine filiis erunt* uterque ediderunt. Unde et spiritalem interpretationem et resolutionem similem habet superioribus. *Custodite leges meas atque judicia et facite ea : ne et vos evomat terra quam intraturi estis et inhabitaturi. (Ex Hesychio.)* Non nobis sufficit partem quamdam conservare legis, nec unum aliudve mandatum ad correctionem vitæ peragere, sed omnia præcepta et judicia custodire necesse habemus, quæcumque a Deo jussus legislator scripsit. Hæc enim dicit præcepta, vel de quibus ipse dubitans inquirebat Deum, et illo didicit judicante, sicut in filio Israelitidis mulieris, qui locutus est blasphemiam. Leges enim quæ ita prolatae sunt, judicia nominat. Per hæc autem totam hanc

legem breviter significavit, de qua nihil oportet transgredi, ut non ejiciatur, id est, proficiatur praevaricator. Hoc est enim emovere. Quod et Symmachus, similiter Theodotion abficere edidit. Evoni autem unde? De terra videlicet, in qua nos Deus introduci promittit. Quae sit autem haec ex subsequentibus discere.

## CAPUT XIII.

*De possidenda terra et cavenda omni immunditia in ea.*

(Ibid.) *Notite ambulare in legitimis nationum quas ego expulsurus sum ante vos. Omnia enim haec fecerunt, et abominatus sum eos. Vobis autem loquor, possidete terram eorum quam dabo vobis in hereditatem, terram fluentem lacte et melle: ego Dominus Deus vester, qui separavi vos a ceteris populis.* (Ex eodem.) Non solum ad Judaeos haec dicta sunt, quia ab omnibus gentibus propter circumcisionem et legem Moysis separatos se esse credunt, sed ad omnes qui accedunt servire Deo. Hoc enim ambulare maxime in gentium legitima non licet. Gentium autem sive nationum quarum, *quas ego expulsurus sum*, ait, *vos*; quod ceteri inter pretium ediderunt, *Quas efficio ego facie vestra*, Septuaginta autem, *a vobis*, id est, *daemonia*: haec enim a facie fidelium expulsi, dominantia eis prius, cum in impietate persistenterent, et nec unus uni, sed multi uni dominantur. Quod probat Maria Magdalene de qua *septem efficit daemonia*; et qui viaticus erat catenis, dicit enim ei: *Legio nomen est mihi, quia multi sumus* (Matth. ix). Haec ergo quae lex prohibuit ab illis commissa sunt, aut ipsis per se agentibus, aut in hominibus operantibus, propter quod eos Deus abominatus est, et nos in hereditatem illorum introduxit, in terram fluentem lac et mel: non dixit, habentem, ut de hac sensibili terra accipias quod dictum est, sed *fluentem*. Quae est autem terra quae lac et mel fluat? Delicias igitur dicit futuri saeculi, et bona quae nobis Deus post resurrectionem mortuorum donat; quae lac et mel appellavit, quia eis nihil est suavis in his quibus nunc utimur cibis neque dulcius, sed et sine labore eorum cibus est, nullius operationis vel preparationis egens: sic enim bona futuri saeculi sine labore erunt et aliquo dolore, nullius studii, nullius apparatus, nullius operationis, egentia. Et quis nobis haec dat? aperte sequentia verba legislatoris ostendunt, *ego Dominus Deus vester, qui separavi vos a ceteris populis*: hoc autem Christus fecit; ipse enim in Evangeliiis ab omnibus gentibus non solum intelligibilibus, sed sensibilibus, distinguit eos qui in eum credunt; ait enim: *Ne cogitatis dicentes, Quid comedimus aut quid bibimus, aut quid vestiemur: haec enim omnia gentes inquirunt* (Matth. vi). Ergo aperte nos separatos esse a gentibus vult sublimiorem sectando conversationem. *Separate ergo vos jumentum mundum ab immundo; avem mundam ab immunda. Ne polluatis animas vestras in pecore et in avibus, et cunctis quae moventur in terra, et quae vobis ostendi esse polluta. Eratis*

*sancti mihi: quia sanctus sum ego Dominus, et separavi vos a ceteris populis ut essetis mei.* (Ex eodem.) Jumenta sive pecora quia populares homines intelligat lex, volatilia autem contemplatores qui ad sublimitatem vacant scientiae, aperte a nobis et cum quibus oportebat Scripturarum probationibus ostensum est, cum de sacrificiis et cibis quadrupedum volatiliumque diceremus. Quia ergo omnis popularis mundus propter simplicitatem a pluribus judicatur, similiterque et qui ad scientiam divinam semetipsos tradere atque occupare videntur, quod non ita se habet. Oportet enim popularem prudentem esse in bono, in malo autem, sicut ait Paulus, simplicem. Illic enim qui talis est, mundus est; qui autem talis non est, immundus est. Sed et qui contemplandis divinis vacat, necessarium habet mundum cor, mundamque conscientiam, et fidem non fictam. Qui autem haec non habent, in vaniloquia convertuntur, non intelligentes neque de quibus loquuntur, neque de quibus affirmant, sicut ad Timotheum scriptum est. Necessario ergo et horum illorumque mundos separari praecipit atque immundos, ut ab his abstineamus, illis commisceamus. Sed multam sapientiam suam etiam nunc legislator ostendit, de quadrupedibus quidem et volatilibus ita distinguens, in reptilibus autem terrae non ita. Cuncta enim quae moventur in terra immunda sunt, qui terrena videlicet sapit, cujus venter est, qui veneno pascitur constitutarum in pulvere voluptatum; de ipsis siquidem sicut cernis distincte narrat dicens: *Et cunctis quae moventur in terra, et quae vobis ostendi esse polluta.* Ergo omnes qui terrenis pascuntur actionibus, etsi fidelium singant habitum, ut immundi separati sunt, et inter immunda distincti sunt, a quorum nos omnimodo malis abstinere desiderat, propter quod addidit: *Eratis sancti mihi, quia sanctus sum Dominus; qui forma vobis conversationis effectus sum, qui tantum aversatus sum terrena, ut nec haberem quo reclinarem caput; qui etiam meis discipulis mandavi: Non possideatis aurum neque argentum, neque aes in zonis vestris, non peram in via, nec duas tunicas, neque calciamenta, neque virgam* (Matth. x). In tantum ergo eorum quae in terram repunt, nihil nos sapere aut agere studet.

## CAPUT XIV.

*De pythonica et pena sorum.*

(Ibid.) *Vir sive mulier in quibus pythonica vel divinationis fuerit spiritus, morte moriantur, vel lapidibus obruantur eos: sanguis eorum sit super illos.* (Ex eodem.) Hoc ipsum pythonicum esse vel divinum, sive, ut Septuaginta, *incantatorem*, nimiae iniquitatis est: qui enim talis est, et ipse corruptus est, et alios procul dubio in sua iniquitate corrumpit; unde praecipit lapidibus eum obrui: quia nec sensibile quid agimus, sed fabulas de corde veluti superfluos et vanos sermones, vel quaedam quasi incantantia blandimenta incongruis doctrinarum sermonibus studeamus, ut popularium sive simplicium seducamus

auditus, ad nutriendos ventres nostros, atque explere nostras voluptates alias talibus exquisitionibus cupientes. Aperte enim intelligibiles pythoicos et prāvōs ificantatores Romanis scribens Paulus vā electionis expressit. Rogamus autem vos, fratres, ut observetis eos qui dissensiones inter vos et offendicula prāter doctrinam quam vos didicistis faciunt, et declināte ab eis. Qui autem sunt hi in subsequentibus explanavit: *Hi enim Domino nostro Christo non serviunt, sed suo ventri, et per dulces sermones et benedictiones seducunt corda innocentium.*

#### CAPUT XV.

*Quomodo sacerdotes se habere debeant in morte civium et ducendis uxoribus.*

(CAP. XXI.) Dixitque Dominus ad Moysen: *Loquere ad sacerdotes filios Aaron, et dices ad eos: Ne contaminetur sacerdos in mortibus civium suorum, nisi tantum in consanguineis aut propinquis, id est, super patre, ac matre, et filio, et filia, fratre quoque et sorore virgine, quæ non est nupta viro: sed nec in principe populi sui contaminabitur.* Septuaginta autem, non polluetur ex subito in populo suo ad profanationem suam. (Ex Hesychio.) Littera quidem a mortuorum pollutionibus fugere sacerdotes præcepit, sed non hæc est legis intentio, neque de hoc legislator loqui proposuit, sed aliquid majus intellexit, et quod nimis de sacerdotibus necessario diceretur: quia enim ipsos inspicere quando negligunt populi peccata, dicitur secundum quod in Osea scriptum est: *Peccata populi mei comedent, et ad iniquitatem eorum sublevabant animas eorum (Ose. iv).* Non quidem omnia quæcunque populus peccat, ipsis oportet imputari, sed intendenda est illa ab Ezechiele propheta dicta divisio: *Fili hominis, speculatorem dedi te domui Israel, et audes de ore meo verbum et annuntiabis eis ex me: si dicente me ad impium, Morte morieris, non annuntiaueris ei, neque locutus fueris, ut avertatur a via sua impia et vivat, ipse impius in iniquitate sua morietur, sanguinem autem ejus de manu tua requiram. Si autem tu annuntiaueris impio, et ille non fuerit conversus ab impietate sua, et via sua impia, ipse quidem in iniquitate sua morietur, tu autem animam tuam salvasti (Ezech. iii).* Hoc autem apertius, sed et subtilius, in præsentī legislator exposuit: *In animabus, inquit, non contaminetur inter cives suos, in quibus, in peccantibus videlicet, quæ pollutione complentur, et aliis quidem secundum quosdam modos pollutionis auctores fiunt, maxime tamen sacerdotibus et doctoribus quando eos neglexerunt. Veruntamen in his, ait, non contaminetur in mortibus civium suorum, id est, quando nihil inventi fuerint quod eis expediebat omisisse: sed ipsi quidem quod ad se pertinet fecisse, et Dei legem prædicasse, illi autem nolentes obedire mortem sibi met conduxerunt inobedientia: non ergo in his hi qui præsumunt polluuntur, sed in propinquo et proximo suo, in patre et in matre, in filiis et filiabus, in fratre et sorore virgine, quæ non est nupta viro.*

A. Oportet enim sacerdotem diligentiam adhibere et populo ut non peccet, sed præcipue domui suæ et cognatis; propter quod Paulus ait: *Hæc præcipe ut irreprehensibiles sint. Si quis septem suorum, et maxima domesticorum, curam non habet, fidem negat, et est infideli deterior (I Tim. v).* Et rursus: *Si autem quis suæ domui præesse nescit, quomodo Ecclesie Dei curam habebit? (I Tim. iii.)* In filio, et filia, et fratre, et sorore virgine, videlicet peccantibus, necessario sacerdos polluitur, ut pote, qui debet quotidie, sed et omni hora, ea quæ ad salutem pertinent eos instituire, et vigilare circa eos ut non peccent talia quæ morte sunt digna. Hoc autem ipsum et in matre, et in patre intelligendum est. Filium quippe doctorem patris matrisque sacerdotalis dignitas facit: dicens quidem sororem quæ non est nupta viro, ostendit per hanc quia si cognati sacerdotis semetipsos separaverint, et domus quodammodo alia semetipsos separantes facti fuerint, nullam patiuntur in peccantibus his pollutionem; quando autem eis adherent, propinquitatis et cognationis legem custodientibus, contaminationis eorum recte participes efficiuntur, quia nec ignorare eorum peccata, ut pote cohabitantium, possunt, quod eis et contaminationis causam parit. Unde ergo dicens quod in his contaminarentur, subsequenter addidit, secundum Septuaginta, *non polluetur*, subito in populo suo ad profanationem ejus. Quid per hoc aliud ostendit? nisi quia polluitur quidem et in populo peccante sacerdos, sed non subito. Quæ autem accedunt in extraneis culpis, hæc non illico sacerdotem contaminant, sed quando ipsi quidem permanserint in peccatis, sacerdotes autem eos curare neglexerint. Non frustra autem addidit, *profanationem*, sed illud per hoc verbum innueas quia quando sacerdos polluitur, secundum prædictam causam, populi peccatis, negligens videlicet et non agens quæ modis omnibus sacerdotem oportebat, profanus, id est, nudus sacerdotii dignitate, invenitur unus et ipse de multis: profani enim hi qui non sunt sanctificati dicuntur, et multum recte, quia ea quæ sunt sacerdotis non egerunt. Sequitur:

(Ex eodem.) *Non radent caput nec barbam, neque in carnibus suis facient incisuras.* Vinci a sacerdotibus etiam tristitiam quæ de morte solet accidere, lex recte præcipit, ut pote qui et ipsi spem vite future habent et populum doceat. Sed extra hæc non solum in propriis peccatis vigilare eos, et mentes habere sanas, sed etiam in alienis, in his quæ munda dicta sunt evidentem præcepit. Quomodo autem, disce: caput et barba sapientie est et perfectionis nostre signum; propter quod caput nostrum appellatur Christus, in quo sapere debemus maxima quæque atque perfecta, teste Paulo, qui dicit: *Donec occurramus omnes in virum perfectum, et mensuram ætatis plenitudinis Christi (Ephes. iv).* Recte autem et barba significat perfectionem sapientie, quia in his qui ad juvenilem venerunt ætatem, et intelligere jam quæ sunt utilia valentibus barba nascitur.

Quomodo ergo mortuus peccatores non solum Dominus, sed et Paulus appellat, cum dicit: *Et cum essemus mortui peccatis nostris, convivificavit nos in Christo.* (Ephes. II). Non oportet sacerdotes maxime caput aut barbam radi super mortuum, id est, super peccatorem. Neque enim oportet cogitationes, quæ sicut capilli ornatus sunt capitis, et ipsa ornata sunt nostræ sapientiæ, quando tamen sunt ordinatæ atque sobriæ, sacerdotem corrumpere alio peccante, sed conservare integros, ut possit exhortari, obsecrare, arguere, increpare, secundum quod Paulus ad Timotheum scripsit: *Argue, increpa, obsecra, in omni patientia et doctrina* (II Tim. II). Quomodo autem hoc fiat, subdidit: *Tu autem vigila, in omnibus labora, opus fac evangelistæ* (Ibid.). Ergo sacerdos qui non exhortatur et arguit peccantem, non vigilat: qui autem non vigilat, radere caput et barbam secundum virtutem prædictorum recte dicitur. Sed neque facere in carne sua concisiones super mortuo sacerdotem decet, id est, non scandalizari in peccatore, nec offendere peccante aliquo, neque carnalem ex hoc sumere sapientiam ad incitationem similis iniquitatis; incisura enim sapientia carnis est, quod de Judæis, qui carnaliter vivunt et sapiunt terrena, ait Paulus. *Videte canes, videte malos operarios, videte concisionem.*

*Sancti erunt Deo suo, et non pollutent nomen ejus, incensum enim Domini et panes Dei sui offerunt, et ideo sancti erunt.* Quomodo pollutant sacerdotes nomen Dei, Malachias propheta exposuit: *Vos sacerdotes, qui pollutis nomen meum, et dixistis: In quo pollutimus te? Offeritis super altare memum pollutum* (Malach. I); et his similia addens subdidit: *Si offeratis cæcum ad immolandum, nomen malum est; et si offeratis claudum et languidum, nomen malum est?* (Ibid.) Et rursus: *Magnum est nomen meum in gentibus, dicit Dominus. Vos autem pollutistis illud, in eo quod dicitis: Mensa Domini deserta est* (Ibid.). Ergo in peccato sacrificiorum, nomen Dei pollutunt sacerdotes. Sequitur porro:

*Scortum et vile prostibulum non docet uxorem, nec eam, quæ repudiata est a marito, quia consecratus est Deo suo, et panes propositionis offeret. Sit ergo sanctus, quia et ego sanctus sum Dominus qui sanctifico vos.* (Ex Hesychio.) Si ergo a Deo datam nobis sanctificationem nos sacerdotes custodiamus, sanctificamus per nostram sanctificationem eum qui sanctus secundum naturam est. Et [In] nobis duntaxat, qui in conformibus et participibus ejus gloriæ voluit sanctificari, hac transformatione usus est, quasi figurate et typice loquens; verumtamen eos qui sanctificentur ab eo, scortum et vile prostibulum docere non vult: aperte contra Judæorum Synagogam intendens, quæ quia meretrix est, audi Dominum in Isaia dicentem: *Quomodo facta est meretrix civitas fidelis Sion, plena judicii? Justitia habitavit in ea, nunc autem homicida* (Isa. I). Sed et in Osea: *Et auferam fornicationem ejus in medio ejus, et adulterium ejus de medio uberum ejus* (Ose.

II), Insuper et David prædicat profanationem ejus; ait enim Deo: *Profanasti in terra sanctitatem ejus, destruxisti omnes materias ejus* (Psal. LXXXVIII). Sanctificatio autem Judæorum Synagoga eorum erat procul dubio. In ipsa enim erat et sacrificium tabernaculi, in qua eorum consummabantur legitima. Ipsa est et repudiata a Deo tanquam a viro suo, qui ei per electionem vir factus fuerat, sed quia postea eam culpabilem reperit, propterea repudiavit. Quia autem omnino ejecta est, vocem audi quam Oseas protulit: *Judicate matrem vestram, judicate, quis ipsa non uxor mea, et ego non vir ejus* (Ose. II). Audi autem et quam Isaïas propheta tradidit: *Sic dicit Dominus: Quis est hic libellus repudii matris vestre quo dimisi eam?* (Isa. L.) Ubi autem est repudium et missio, manifestum est quia uxor erat, de qua hæc dicebat. Non vult ergo eam uxorem sacerdotem ducere, ut non aliqua eorum quæ ad eam pertinent legitimorum prædicet, nec utatur eis quibus illa secundum litteram utebatur; id est, ut neque sacrificia irrationalium et purificationes sensibiles, hi quibus intelligibilia credita sunt, agant.

*Sacerdotis filia si deprehensa fuerit in stupro, et violaverit nomen patris sui, flammis exuretur.* Grave est quidem etiam cujuslibet viri fornicari filiam, maxime tamen sacerdotis, quia secundum quod dixit Paulus: *Oportet sacerdotem filios habere subditos, cum omni castitate.* Ita ut non dicatur de eo quod sequitur: *Si quis autem suæ domni præesse nescit, quomodo Ecclesiæ Dei curam habebit?* Propterea Judæorum Synagoga non solum uxor, sed et filia Dei appellata in prophetis invenitur. Sed utrumque ipsa depravans, indigna donis apparuit, et propterea aliena facta est, ita ut Deus per Isaïam diceret: *Relinquetur filia Sion sicut umbraculum in vinea: et sicut tugurium in cucumerario, et sicut civitas quæ vastatur* (Isa. I). Ipsa profanata et adulterata est. De hæc invenies Deum per prophetiam in Osea dicentem: *Filiis ejus non miserebor, quia filii fornicationis sunt, quia fornicata est mater eorum* (Ose. II). Nam et igne exusta est, quod manifestat templum et civitas hæc Hierusalem antiqua, adhuc ostendens incendii reliquias. Ergo vera et irrefragabilis est spiritalis legis contemplatio. Neque enim solum succensa est, sed secundum quod ait lex: *funditus exusta est.*

#### CAPUT XVI.

*De eminentia pontificis ne pollutur, et ut virginem ducat uxorem, etc.*

(IBID.). *Pontifex, id est, sacerdos maximus inter fratres suos, super cujus caput fustum est unctionis oleum, et cujus manus in sacerdotio consecratæ sunt, vestitusque est sanctis vestibus, caput suum non discooperiet, vestimenta sua non scindet, et ad omnem mortuum non ingredietur omnino: super patre quoque suo aut matre non contaminabitur. Nec egredietur de sanctis, ne pollutat sanctuarium Domini, quia oleum sanctæ unctionis Dei sui super eum est: ego Dominus.* (Ex Augustino.) Intelligitur ea quæ supra



dixit in lectu facere eum prohibitum, id est, caput nudare cydari, et vestimenta scindere. Vestimenta enim scindere lugentibus erat antiquorum, sicut de Job scriptum est, cum ei filii ejus ruina nuntiarentur oppressi (Job. 1). Nudare autem caput cydari, propterea lugentis esse potuit, quia detractio est ornamenti. Quod vero ait, secundum Septuaginta, *Super omnem animam mortuam non introibit*, quomodo dicat animam mortuam, corpus mortuum, difficile est intelligere; ea tamen scripturarum est usitata locutio, quæ nobis inusitatissima est. Nomen ergo rectricis suæ etiam corpus accipit anima destitutum, quoniam reddendum illi est in resurrectione: sicut ædificium quod appellatur ecclesia, etiam cum inde Ecclesia exierit, qui homines sunt, nihilominus ecclesia dicitur. Sed cum corpus non accipiat animæ nomen in homine vivente, quomodo tunc vocetur anima cum carnerit anima, mirum est. Porro si animam mortuam intellexerimus a corpore separatam, ut ipsam separationem mortem dixisse videatur, id est, ut anima mortua sit, dirempta a corpore, non natura sua perditæ: non enim et cum dicimur mortui peccato, natura dicimur interiisse, sed quod jam peccato non utimur, ut sic intelligatur anima mortua, id est, corpore mortua, quod eo uti desierit, eum in sua natura vivat. Quomodo potest quisquam intrare super animam mortuam, quod sacerdos iste prohibetur, cum quisquis intrat, super mortuam corpus intret, non super animam, quæ discessit a corpore? An ipsam vitam temporalem animæ vocabulo appellavit: quæ nique mortua est in defuncto corpore, anima illa migrante quæ mori non potest, non quod ipsa vita anima fuerit, sed quod per animæ præsentiam subsistebat, nomen ejus acceperit, sicut distinximus cum de sanguine loqueremur, quod dictum sit: *Anima omnis carnis sanguis ejus est*; est enim et ipse sanguis mortuus in corpore mortui: non autem cum abscedente anima abscessit. Venit ergo Scriptura summum sacerdotem etiam super patris vel matris funus intrare, quod secundum non prohibuit. Sequitur enim:

*Super Patrem suum et matrem suam non inquinabitur.* Ordo est autem verborum, super patrem suum non inquinabitur, nec super matrem suam. *Et de sanctis non exibit*, eo procul dubio tempore quo suorum funera celebrantur, sicut et septem diebus quibus sanctificabatur de sanctis est exire prohibitus. Non autem semper: sane si uxores ducere vel filios gignere non vetabantur summi tunc sacerdotes, magna oritur quæstio, cum lex etiam conjugali concubitu immundum hominem dicat usque ad vesperam, etiam cum abluerit corpus suum aqua, et jubeatur summus sacerdos propter incensum continuationis bis in die quotidie intrare ultra velum ubi erat altare incensi, nec quemquam immundum ad sancta fas esset accedere, quomodo id quotidie summus sacerdos implebat, si filios procreabat? Nam si ægritudo illi accidisset, quis loco ejus fungeretur? Si quis inquirat, responderi potest quod

A gratia Dei non ægrotabat. Nunquid sic etiam de filiorum procreatione responderi potest? Unde sit consequens ut aut continens esset aut diebus aliquibus intermitteretur incensum; aut si illud intermittere non posset, quod non nisi per summum sacerdotem necesse esset imponi, non fieret immundus coitus conjugali, merito præcipuæ sanctificationis suæ. Aut si etiam ad ipsum pertinet quod de omnibus filiis Israel in consequentibus dicit, ut nullus eorum accedat ad sancta, si cui aliquid acciderit immunditia, illud pro peccato restat accipere quod nonnullis diebus non imponebatur incensum. Quod autem super funus patris sui summus sacerdos prohibetur intrare, quæri potest quomodo jam esse poterat summus sacerdos nondum mortuo patre suo, cum eos patribus succedere jubeat? Ideo necesse erat, nondum sepulto summo sacerdote, continuo substitui sacerdotem, propter continuationis incensum, quod per summum sacerdotem quotidie oportebat imponi. Quamquam illa quæstio de ægritudine summi sacerdotis manet, sive moriturum necesse erat diebus aliquibus ægrotare, nisi forte et hoc ita solvatur ut dicatur non solere summos sacerdotes nisi subito mori, non procedente ægritudine, sicut de ipso Aaron Scriptura testatur. Advertendum est quibus dicit: *Ego Dominus, qui sanctifico eum*, loquens de sacerdote, cum hoc etiam Moysi dixerit, *et sanctificabis eum*. Quomodo ergo et Moyses sanctificat et Dominus. Non enim Moyses pro Domino, sed Moyses visibilibus sacramentis per ministerium suum, Dominus autem invisibilibus gratia per spiritum suum, ubi est totus fructus, etiam visibilibus sacramentorum; nam sive ista sanctificatione invisibilis gratia visibilia sacramenta non prosunt. Merito autem quæritur utrum etiam ista invisibilis sanctificatio sine visibilibus sacramentis, quibus visibiliter homo sanctificatur, pariter nihil prosit: quod utique absurdum est. Tolerabilis enim quisque dixerit, sine illis istam non esse, quam si defuerit, non prodesse, cum ista sit omnis utilitas illorum. Sed etiam hoc quod sine illis ista esse non possit, quomodo recte dicatur intuendum est: nihil quippe profuit Simonis Magi visibilis baptismus, cui sanctificatio invisibilis defuit. Sed quibus ista invisibilis quoniam adfuit, profuit, etiam et visibilia sacramenta perciperant similiter baptizati. Nec tamen Moyses, qui visibiliter sacerdotes sanctificabat, ubi fuerit ipse ipse sacrificiis vel oleo sanctificatus ostenditur; invisibiliter vero sanctificatum negare quis audeat, cujus tanta gratia præeminebat. Hoc et de Joanne Baptista dici potest. Prius enim baptizatus quam baptizatus apparuit, unde eum sanctificatum nequaquam negare possunt; id tamen in eo factum visibiliter non invenimus antequam et ministerium baptizandi veniret. Hoc et de latrone illo cui se cum crucifixo Dominus ait: *Hodie mecum eris in paradiso* (Luc. xxiii). Neque enim sine sanctificatione invisibilis tanta felicitate donatus est. Proinde colligitur invisibilem sanctificationem quibusdam adfuisse etque profuisse

sine visibilibus sacramentis, quæ pro temporum diversitate mutata sunt, ut alia tunc fuerint, et alia modo sint; visibilem vero sanctificationem, quæ ferret per visibilia sacramenta, sine ista invisibili posse adesse, non posse prodesse. Nec tamen ideo sacramentum visibile contempnendum est, nam contemptor ejus invisibiliter sanctificari nullo modo potest.

Hinc est quod Cornelius, et qui cum eo erant, cum jam invisibiliter infuso sancto Spiritu sanctificati apparerent, baptizati sunt tamen (Act. x), nec superflua iudicata est visibilis sanctificatio, quam invisibilis jam præcesserat. (Ex Hesychio.) Quis est sacerdos magnus inter fratres suos, nisi utique ille de quo dixit David: *Magnus Dominus et magna virtus ejus, et sapientiæ ejus non est numerus* (Psal. cXLVI). Quis enim virtutem ejus considerare, quis numerare sapientiam aut comprehendere potest? quia cum Deus sit propter dispensationem actorum pro nobis mysteriorum, etiam sacerdos effectus est. Recte ergo hic magnus sacerdos, ut pote qui semetipsum pro nobis hostiam et oblationem obtulit, appellatur; propter quod et servos fratres suos dicere passus est, id est sanctos, qui semper ejus faciunt voluntatem. Ait enim: *Quicumque fecerit voluntatem Patris mei, ille meus et frater, et soror, et mater est* (Math. XII). Super hujus caput oleum unctionis effusum est, de quo dixit: *Sedes tua, Deus, in sæculum sæculi, virga recta est virga regni tui; dilexisti justitiam et odisti iniquitatem, propterea unxit te Deus, Deus tuus, oleo lætitiæ præ participibus tuis* (Psal. XLIV); concordantia huic legi dicens, non solum quia unctionis uterque memoriam facit, sed quia sicut David excellere semetipsum in ipsa unctione suis participibus protestatur. Quod enim dixit: *præ participibus*, super participes tuos sine aliqua dubietate intelligitur; sic eum etiam legislator maximum dixit inter fratres suos, id est, superiorem. Quod autem maxime in præsentem oportet intueri historia, cum secundum Septuaginta editionem addere debuisset, cui effusum est super caput oleum unctionis, non sic ait, sed maximus de fratribus ejus, qui effudit super caput ejus. Quia enim Christi caro est quæ suscepit unctionem in semetipsum communicatæ sive unitæ divinitatis, ex hac autem carne fratres ejus et cognati effecti sumus, recte ait: *Pontifex, id est, maximus sacerdos inter fratres suos, super cujus caput effusum est unctionis oleum*, ut aperte inveniatur hoc quod intelligendum est, *maximus inter fratres, id est, carnis suæ*. Ipsa est enim quæ suscepit unctionis oleum, hujus sacerdotis, et consecratas fuisse manns, sive, ut Septuaginta, *consummatas*, per crucis confixionem manifestum est. Tunc enim quemadmodum hi qui secundum legem sunt sacerdotes, in sanguinem vituli et arietis consummabant sive consecrabant manus suas, sic et ipse proprio sanguine suas manus consecravit sive consummavit, de quo ait Paulus: *Et qui cum esset Filius, didicit ex his quæ passus est obedientiam, et consummatus*

*factus est omnibus obtemperantibus sibi, cæca salutis æternæ appellatus a Deo pontifex juxta ordinem Melchisedech* (Hebr. 7). Et rursus: *Decebat enim eum propter quæ omnia et per quæ omnia, quia multos filios in gloriam adduxerat, auctorem salutis earum per passionem consummare* (Ibid.).

Hic et vestimentis illis indutus est quæ David in psalmis cantabat: *Dominus regnavit, decorem induit, induit Dominus fortitudinem et præcinxit se virtutem* (Psal. XCII). Hic caput suum non discooperiet, nec vestimenta sua conscindet: *Caput suum non discooperuit*, quia a Patre suo, qui ejus caput appellatur, nec passiones carnis sustinens separatur; sed *nec vestimenta conscindit*, id est, carnis. Ex quo enim *Verbum factum est*, inest totus suæ carni, et nunquam ab ea nec a crucifixæ, nec a sepultæ, nec aliud quodlibet passa, quæ ad naturam nostram pertinet, se abscidit. Quod si vis audire de excelsioribus indumentis ejus, accipe verba prophetica: *Amictus, inquit, lumine sicut vestimento: abyssus sicut amictum vestimentum ejus* (Psal. CIII). [Ex Adamantio.] Hic est mei magni pontificis habitus, quo judicatur profunda scientiæ et sapientiæ luce vestitus, quæ vere sancta sunt indumenta. *Non, inquit, auferet de capite suo cydarim*. Et prius jam diximus cydarim genus esse operimenti quod capiti superpositum pontifici præstat ornatum. Hic ergo magnus pontifex meus, nunquam deponit sacri capitis ornatum. Quid sit autem caput Christi, ab Apostolo discite, qui dicit: *Caput autem Christi Deus* (Ephes. v). Merito igitur istum capitis sui, qui Deus est, nunquam deponit ornatum, quia semper est Pater in Filio, sicut Filius semper in Patre. *Et vestimenta sua non dirumpet*. Vere hic est qui vestimenta sua non dirumpit, sed semper ea munda, semper integra, semper casta servavit. Sequitur:

(Ibid.). *Et ad omnem mortuum non ingreditur omnino: super patre quoque suo et matre non contaminabitur*. Septuaginta autem dicunt: *Super omnem animam mortuam non ingreditur*. (Ex Hesychio.) Quomodo autem anima moritur cum sit condita immortalis, audi prophetam dicentem: *Anima quæ peccaverit ipsa morietur*, impietatis utique morte. Hæc est enim animæ mors quam maxime gentes passæ sunt quæ nec legem Dei, nec aliam ejus scientiam habuerunt. *Super animam ergo mortuam*, vel *omnem mortuum non ingreditur*, quia etsi omnium peccata portavit, verumtamen impollutus permanet, et nec gentium peccatis polluitur. De his enim, secundum LXX, omni animæ mortuæ ut pote contra omnes effusa impietate et idololatria dicitur. *Et nec super patre et matre*, super populum videlicet Judæorum, ex quibus est secundum carnem, et propterea appellatur ejus pater et mater, contaminabitur; *nec de sanctis egreditur*; et si peccatoribus condescendere elegit, permanet tamen sanctus et in sanctis requiescit, et a sanctis, qui in cælo sunt, angelis circumdatur.

(Ex Adamantio.) Omnis ergo homo in patre et

matre pollutus est, solus vero Jesus Deus meus in hac generatione mundus ingressus est, et in matre non est pollutus. Ingressus est enim corpus incontaminatum, ipse enim erat qui et dudum per Salomonem dixerat: *Magis autem cum essem bonus, tenni ad corpus incoquinatum* (Sap. viii). Non est ergo contaminatus in matre, sed ne in patre quidem. Nihil enim Joseph in generatione ejus præter mysterium præstitit et affectum, unde et pro fidei ministerio patris ei vocabulum Scriptura concessit. Sic enim Maria ipsa dicit in Evangelio: *Ecce ego et pater tuus dolentes quærebamus te* (Luc. ii). Sic ergo solus est hic sacerdos magnus, qui neque in patre pollutus sit, neque in matre. Videamus autem si adhuc possumus aliquid sublimius et pro dignitate tanti pontificis invenire. Pater omnium verus dicitur Deus, matrem autem Apostolus Jerusalem dicit esse cœlestem. Omnes ergo qui peccant contaminantur in Patre, a quo creati sunt; sive enim egimus aliquid impium, sive locuti sumus, sive cogitavimus contra Deum, cum non credidimus Deo, contaminati sumus in Patre; sed atque utinam tunc solum per incredulitatem factum sit, cessatum vero sit postquam credidimus!

Sic ergo etiam in matre contaminamur, si credentes Deo vel Ecclesiam lædimus, vel libertatem matris cœlestis indigna peccati servitute fœdamus. Solus vero Dominus noster Jesus Christus, qui peccatum nescit, neque in patre, neque in matre contaminatus est. *Et de sanctis non exhibit. Sed nec pollutet sanctuarium Domini, quia oleum sanctæ unctionis Dei sui super eo est.* (Ex Hesychio.) Ergo et si videris eum cum publicanis et cum meretricibus conversantem, et dicentem peccatoribus: *Non veni vocare justos, sed peccatores in penitentiam* (Matth. ix), tamen in nullo horum contaminabitur, actionis eorum enim male particeps non efficitur. Unde non pollutet sanctuarium Dei, id est, Spiritum sanctum. De ipso enim ait: *Quia oleum sanctæ unctionis Dei sui super eo est*: concordans et ipse de Christo Isaïæ verbis: *Spiritus Domini super me, propter quod unxit me* (Isa. lx). Spiritus autem pollutio, id est, injuria et contristatio est, omnis peccati pollutio; propter quod et Paulus a peccatis abstinendam docens, dicebat: *Nolite contristare Spiritum sanctum Dei, in quo signati estis in die redemptionis*. Sic de maximo sacerdote et præcedentia intelligis, sed et subsequente. Nec enim incompatientem quemdam et immansuetum eum qui primus est sacerdos, legislator vult, ut ad nullum mortuum accedat, aut suadere nobis vult: quia tanta sanctificatio qua pontifex indui dicitur, de mortuorum visione pollueretur.

*Ego Dominus: Virginem ducet uxorem; viduam et repudiatam et sordidam atque meretricem non ducet, sed puellam de populo suo, ne commisceat stirpem generis sui, vulgo gentis suæ, quia ego Dominus, qui sanctifico eum.* (Ex Hesychio.) Seipsum esse legislatorem et impletozem hujus sanctionis maxime ostendens.

A Ego Deus necessario addidit. Qualls autem, subquentibus edocuit verbis, *Virginem ducet uxorem de populo suo*, sive, ut Septuaginta, *de genere suo*: quia genus Christi propter carnem, omne hominum genus est, cuilibet certum est. Hic ex hac, uxorem virginem, id est, Ecclesiam in eum credentium duxit. De qua Paulus dicebat: *Despondi vos uni viro virginem castam exhibere Christo* (II Cor. xi). *Viduam et repudiatam et sordidam atque meretricem non ducet.* Judæorum Synagogam viduam in prophetis appellatam novimus; ad quam dixit: *Tondere et gaude super filios tuos teneros* (Mich. i); *dilata viduitatem tuam sicut aquila.* Sed et de populo Judæorum, sive proditore Juda, communis enim eorum est indignitas, dicit, *fiant filii ejus orphani, et uxor ejus vidua* (Psalm. cviii). Ipsam autem repudiatam et viduam, secundum ea quæ ante paululum dicta sunt intelligimus. Repudiata est enim a Dei societate cum idolis fornicans, propter quod eam in conjugio accipere non patitur, ut intelligas quia eam conversationem quæ in umbris et figuris est prohibuit, et in nullo ei communicare vult hos qui ei expectant per vitam bonam fidemque coherere. Unde cum semel dixisset: *Puellam virginem de populo, sive genere accipiet*, non contentus fuit, sed subdidit, *viduam et meretricem et repudiatam non accipiet.* Secundum Septuaginta autem, *virginem de genere suo accipiet*; ut primum illud quidem de omni intelligas Ecclesiæ corpore, hoc autem secundum, de anima omni. Quemadmodum enim societas fidelium, sic et anima uniuscujusque sponsa Dei et Ecclesia est.

(Ex Adamantio.) Si quis nostrum peccaverit, abjectus est, etiam si non abiciatur ab episcopo, sive quod liceat, sive quod interdum ad gratiam judicetur, ejectus est, tamen ipsa conscientia peccati, nec prodest hominis gratia, cum Christus hujusmodi animam tanquam abjectam non recipiat in conjugium. Igitur neque viduam, sicut supra diximus accipiet, neque ejectam, neque pollutam. Polluta dicitur, quæ etiam si non ex integro complevit peccatum, tamen hoc ipso quod cogitavit, quod voluit, optavit, etiam si non admisit, polluta est, et a magno pontifice non eligitur, valde enim puram, valde mundam, et sinceram requirit animam, quam sibi jungat: *Quia qui se junxerit Domino, unus spiritus est* (I Cor. vi). Unde etiam ostenditur hæc, quod sint differentie peccatorum. Qui peccaverit peccatum ad mortem, abjectus sit. Qui autem non peccat ad mortem, sed inferius aliquid, pollutus sit, Sponsa autem Christi neque abjecta, neque polluta potest esse, sed virgo incontaminata, incorrupta et munda. *Sed et meretricem non accipiet.* Quæ est enim anima meretrix? quæ ad se recipit amatores, de quibus dicit Propheta: *Meretricata es, post amatores tuos.* Qui sunt isti amatores, qui intrant ad animam meretricem, nisi contrariæ potestates et demones, qui desiderium capiunt pulchritudinis ejus? Pulchra namque a Deo creata est anima et

satis decora. Audi quomodo ipse Deus dicit : *Facia- A*  
*mus hominem ad imaginem et similitudinem nostram*  
*(Galat. 1)*, vide cujus decoris, cujus pulchritudinis  
 est anima. Imaginem habet et similitudinem Dei.  
 Hanc pulchritudinem contrariæ potestates cum  
 aspiciunt, id est, diabolus et angeli ejus, concu-  
 piscunt speciem ipsius. Et quia non possunt sponsi  
 ejus fieri, meretricari cupiunt cum ea. Si ergo  
 susceperis, o homo, in cubili animæ tuæ adulterum  
 diabolum, meretricata est anima tua cum diabolo ;  
 si receperis angelos ejus, si spiritus diversos, qui  
 peccare te suadeant, meretricata est cum eis anima  
 tua. Si spiritus iræ, seu invidiæ, si superbiæ, si im-  
 pudicitæ ingressus fuerit ad animam tuam, et re-  
 ceperis eum, consenseris ei loquenti in corde tuo,  
 delectatusque fueris his quæ tibi secundum suam B  
 mentem suggerit, meretricatus es cum eo. Mere-  
 tricem ergo non accipiet sacerdos magnus, et non  
 contaminabit semen suum in populo suo. Quod sit  
 istud semen quod contaminari non vult, in Evange-  
 liis scriptum est, *Quia, qui seminat, verbum seminat.*  
 Non vult ergo contaminari verbum Dei ab his qui  
 seminant. Qui sunt autem qui seminant? Qui ver-  
 bum Dei in Ecclesia proferunt. Ex isto semine verbi  
 Dei quod seminatur, Christus nascitur in corde au-  
 ditorem. Hoc enim et Apostolus dicit, *Donec for-*  
*metur Christus in vobis (Galat. 1v)*. Concepit ergo  
 anima ex hoc semine verbi et conceptum format in  
 se verbum, donec pariat spiritum timoris Dei. Sic  
 enim per Prophetam dicunt animæ sanctorum : *A*  
*timore tuo, Domine, concepimus in utero et parturivi-*  
*mus et peperimus spiritum salutis tuæ, fecimus super*  
*terram.* Iste est sanctarum animarum partus, iste  
 conceptus, ista sunt sancta conjugia, quæ conve-  
 niunt et apta sunt magno pontifici.

(*Ex Hesychio.*) Cur autem desponsatam sibi non  
 vult participem fieri Judaicæ conversationis, ipse  
 subiinfert : *Ne commisceat stirpem generis sui vulgo*  
*gentis suæ.* Septuaginta autem, et non profanabit  
 semen ejus in populo suo. Ergo profanatio fidelium  
 est. Hi enim sunt semen et plebs, nostri sacerdotis  
 Judaicis moribus sociari. Et propterea Paulus dice-  
 bat : *Evacuati estis a Christo, qui in legē justificamini,*  
*a gratiā excidistis.* His subdit : *Ego Dominus, qui*  
*sanctifico eum,* id est, propterea opus non habet legis  
 figuras, nec sacrificia, nec purificationes, quoniam  
 ego Dominus, pro omnibus illis et sacrificium ef-  
 ficior et purificatio. Et quodcumque dixeris pertinere  
 ad illam sanctificationem. Qui autem quando viduæ  
 et meretricis et repudiatae mentionem fecit, has,  
 inquit, non accipiet : dicitur hoc et de hæreticorum  
 conventiculis legislatorem dixisse. Viduæ sunt  
 enim Dei scientia, propter quod et a piorum com-  
 munionem expulsi sunt, sed et fornicantur in incon-  
 gruis et nefariis dogmatibus. Ergo recte viduam præ-  
 posuit, secundam repudiatae, tertiam meretricem  
 subdidit. Harum nullam sibi Dominus ad societatem  
 ducet, ut non polluant fidelium semen, quia cor-  
 rumpunt mores bonos colloquia mala.

## CAPUT XVII.

*Homo de semine Aaron habens maculam non offeret*  
*panes Deo. Item ut sacerdos caveat ab his quæ*  
*consecrata sunt filiorum Israel.*

(*IBID.*) *Locutusque est Dominus ad Moysen dicens :*  
*Loquere ad Aaron : Homo de semine tuo, per fami-*  
*lias, qui habuerit maculam, non offeret panes Domino*  
*suo, nec accedet ad ministerium ejus : Si cæcus*  
*fuërit, si claudus, sive parvo, vel grandi, vel torto*  
*naso ; si fracto pede, vel manu, si gibbus, si lippus,*  
*si albuginem habens in oculo ; si jugem scabiem, si*  
*impetiginem in corpore, vel herniosus : omnis qui*  
*habuerit maculam de semine Aaron sacerdotis, non*  
*accedet offerre hostias Domino, nec panes Deo suo.*  
*Vescetur tamen panibus qui offeruntur in sanctuario,*  
*ita duntaxat ut intra velum non ingrediatur, nec*  
*accedat ad altare, quia maculam habet, et contami-*  
*nare non debet sanctuarium meum : Ego Dominus,*  
*qui sanctifico vos.* Si secundum litteram hanc sanc-  
 tionem accipere volumus, quomodo legislatoris esse  
 justa videbitur intentio, neque enim voluntate sua  
 maculæ hominibus eveniunt? Quomodo ergo non in-  
 congruum est in his quæ sponte non fiunt, sacer-  
 dotem ab officio repelli? Quid autem? Et si quis hoc  
 ipsum legis cognoscens præceptum, sacerdotis in-  
 videns, membrum ejus, manum vel pedem aut oca-  
 lum, aut aliquid aliud attrivit? Aut si pugnas  
 contra alienigenas et pro sanctis Dei, armatus  
 (præesse enim bellis sacerdotes in Deuteron. Moyses  
 præcepit) vulnus accepit, ex quo, quælibet ei ex  
 prædictis maculis eveniret, putasne dignus erat  
 propter hoc de sacerdotio removeri? In tantum enim  
 non sunt corporum maculæ abominabiles Deo, ut  
 Dominus illuminat cæcos (*Psal. cxlv*), David dice-  
 ret; sic pulchritudinem non elegit, nec robustum  
 corpus, nec quod videtur bene positum, ut ad Sa-  
 muelem diceret de majori filio Jesse, quia speciem  
 Deo placere putaverat : *Non respicias ad rultum*  
*ejus, neque ad altitudinem stature ejus, quoniam ab-*  
*jeci eum (I Reg. xvi)*; atqui rex non sacerdos erat  
 qui ungebatur. Regi autem necessaria erat species,  
 et magnitudo corporis, sed quid his addidit? *Nec*  
*juxta intuitum hominis judico : Homo videt ea quæ*  
*patent, Deus autem intuetur cor.* Cor enim scrutatur  
 D si maculam habeat, et eos qui immaculati sunt ani-  
 mo, hos electos judicat. Eos autem qui maculam in  
 anima habent reprobat. Si enim malum est claudi-  
 care pedibus, aut oculos infirmos habere, et a Deo  
 separant, quomodo Isaac, quomodo Jacob caligare  
 permisit et salutem perdere visionis? Etenim Isaac  
 non cognovit Jacob Esau fingentem personam. De  
 Jacob autem dictum est : *Oculi Israel caligaverant*  
*pro nimia senectute, et clare videre non poterat.*

(*Ex Gregorio.*) Per maculas ergo corporum vitia  
 describit animorum, unde considerandum valde  
 est quia cum causam populi electus præsul suscipit,  
 quasi ad ægrum medicus accedit. Cujus si adhuc  
 in opere passiones vivunt, qua præsumptione per-

cussum mederi properat, qui in faciem vulnus portat? Ille ergo, ille modis omnibus debet ad exemplum vivendi pertrahi, qui carnis cunctis passionibus moriens, jam spiritualiter vivit qui prospera mundi post posuit, qui nulla adversa pertimescit, qui sola interna desiderat. Cujus intentione bene congruens, nec omnino per imbecillitatem corpus, nec valde per contumeliam repugnat, qui ad aliena cupienda non ducitur, sed propria largitur; qui per pietatis viscera citius ad ignoscendum flectitur, sed nunquam plusquam deceat ignoscens, ab arce rectitudinis inclinatur; qui nulla illicita perpetrata, sed perpetrata ab aliis ut propria deplorat; qui ex affectu cordis alienæ infirmitati compatitur: sicque in bonis proximi, sicut in suis profectibus lætatur; qui ita se imitabilem cæteris in cunctis, quæ agit

*Loquere ad Aaron: Homo de semine tuo per familias, qui habuerit maculam, non offeret panes Deo suo, nec accedet ad ministerium ejus. Ubi et repente subjungitur: Si cæcus fuerit, si claudus, si vel parvo et grandi, vel torto naso, si fracto pede, si manu, si gibbus, si lippus, si albuginem habens in oculo, si jugem scabiem, si impetiginem in corpore, vel ponderosus. Cæcus est qui supernæ lumen contemplationis ignorat, qui præsentis vitæ tenebris pressus, dum venturam lucem nequaquam diligendo conspiciat, quo gressum operis porrigat nescit. Hinc et per prophetantem Annam dicitur: Pedes sanctorum suorum servabit, et impii in tenebris conticescent (I Reg. 11). Claudus vero est, quidem quo pergere debeat aspiciat, sed per infirmitatem mentis vitæ viam perfecte non valet tenere quam vidit, quia ad virtutis statum defluxa consuetudo non erigitur, cum quo desiderio innititur, illuc gressus operis efficaciter non sequuntur. Hinc etenim Paulus dicit: Remissas manus et dissoluta genua erigite, et gressus rectos facite pedibus vestris, ut non claudicans erret, magis autem sanetur (Isa. LV). Parvo autem naso est, qui ad tenendam mensuram discretionis idoneus non est, Naso quippe odores fetoresque discernimus. Recte ergo per nasum discretio exprimitur, per quam virtutes eligimus, delicta reprobamus. Unde et in laude sponsæ dicitur: Nasus tuus sicut turris quæ est in Libano (Cant. VII); quia nimirum sancta Ecclesia, quæ ex causis singulis temptamenta prodeant per discretionem conspiciat, et ventura vitiorum bella ex alta consideratione deprehendit. Sed sunt nonnulli qui dum æstimare se hebetes nolunt, sæpe se in quibusdam inquisitionibus plusquam necesse est exercentes, ex nimia subtilitate falluntur. Unde hic quoque subditur: Vel grandi et torto naso. Nasus*

etenim grandis et tortus est discretionis subtilitas immoderata, quæ dum plusquam decet excreverit, actionis suæ rectitudinem ipsa confundit. Fracto autem pede vel manu est, qui viam Dei pergere omnimodo non valet, atque a bonis actibus funditus exsors vacat, quateus hæc non ut claudus saltem cum infirmitatem teneat, sed ab his omnimodo alienus existat. Gibbus vero est quem terrenæ sollicitudinis pondus deprimit, ne unquam ad superna respiciat, sed solis his, quæ in infirmis calcantur intendat, qui et si aliquando aliquid ex bono patriæ cælestis audierit, ad hoc nimirum perversæ consuetudinis mole prægravatus cordis faciem non attollit, quia cogitationis statum erigere non valet, quem terrenæ usus sollicitudinis curvum tenet. Ex horum

quippe specie Psalmista dicit: *Incurvatus sum et humiliatus sum usquequaque (Psal. cxviii)*. Quorum culpam quoque semetipsam Veritas reprobans ait: *Semen autem quod in spinis cecidit, hi sunt qui audierunt, et a sollicitudinibus et divitiis et voluptatibus vitæ euntes, suffocantur et non referunt fructum (Matth. xiii)*. Lippus vero est cujus quidem ingenium ad cognitionem veritatis emicat, sed tamen hoc carnalia opera obscurant. In lippis quippe oculis pupillæ sanæ sunt, sed humore defluente infirmitas palpebra grossescunt, quorum quia infusione crebro atteritur, etiam acies pupillæ vitatur. Et sunt nonnulli quorum sensum carnalis vitæ operatio sauciat, qui videre recta subtiliter per ingenium poterant, sed usu pravo per actum caligant. Lippus itaque est, cujus sensum natura excavit, sed conversationis pravitas confundit. Cui bene per Angelum dicitur: *Collyrio inunge oculos tuos ut videas (Apoc. 111)*. Collyrio quippe oculos ut videamus inungimus, cum ad cognoscendam veri luminis claritatem, intellectus nostri aciem medicamine bonæ operationis adjuvamus. Albuginem vero habet in oculo, qui veritatis lucem videre non sinitur, quia arrogantia sapientiæ seu justitiæ cæcatur. Pupilla namque oculi nigra videt, albuginem tolerans nil videt, quia videlicet sensus humanæ cogitationis si stultum se, peccatorumque intelligit, cognitionem intimæ claritatis apprehendit.

Si autem candorem sibi justitiæ seu sapientiæ tribuit, a luce se supernæ cognitionis excludit, et eo claritatem veri luminis nequaquam penetrat, quo se apud se per arrogantiam exultat, sicut de quibusdam dicitur: *Dicentes enim se esse sapientes, stulti facti sunt (Rom. 1)*. Jugem vero habet scabiem, cui carnis petulantia sine cessatione dominatur in monte. In scabie etenim fervor viscerum ad cutem trahitur, per quam recte luxuria designatur. Quia si cordis temptatio usque ad operationem prosilit, nimirum fervor intimus usque ad cutis scabiem prorumpit, et foras jam corpus sauciat, quia dum in cogitatione voluptas non reprimatur, etiam in actione dominatur. Quasi enim cutis pruriginem Paulus curabat abstergere cum dicebat: *Temptatio vos non*

*apprehendat nisi humana* (I Cor. x). Ac si aperte diceret, Humanum quidem est in corde temptationem perpeti, dæmonicum vero est certamine temptationis et in operatione superari.

Impetiginem quoque habet in corpore quisquis avaritia vastatur in mente; quæ si in parvis non compefcitur, nimirum sine mensura dilatatur. Impetigo quippe sine dolore corpus occupat, et absque occupati tædio excrescens, membrorum decorem fœdat; quia et avaritia capti animum, dum quasi delectat, exulcerat, dum adipiscenda quæque cogitationi objicit, ad inimicitias accendit, et dolorem in vulnere non facit, quia æstuanti animo ex culpa abundantiam promittit. Sed decor membrorum per impetiginem perditur, quia aliarum quoque virtutum pulchritudo per hanc depravatur, et quasi totum corpus exasperat, quia per universa vitia animum supplantat, Paulo attestante, qui ait: *Radix omnium malorum est cupiditas* (I Tim. vi). Ponderosus vero est qui turpitudinem non exercet in opere, sed tamen ab hac cogitatione continua sine moderamine gravatur in mente, qui nequaquam quidem usque ad opus nefarium rapitur, sed ejus animus voluptati luxuriæ sive ullo repugnationis obstaculo delectatur. Vitium quippe est ponderis, cum humor viscerum ad vires labitur, quæ profecto cum molestia dedecoris intumescunt. Ponderosus ergo est qui totis cogitationibus ad lasciviam defluens, pondus turpitudinis gestat in corde, et quamvis prava non exercent opera, ab his tamen non evellitur mentis intuitu, nec ad usum boni operis in aperto valet assurgere, quia gravat hunc in abditis pondus turpe. (*Ex Hesychio.*) Quisquis ergo quolibet horum vitiorum subjicitur, panes Domino offerre prohibetur, ne profecto diluere aliena delicta non valeat is quem adhuc propria devastant, quia immaculatum esse conversatione et animo sacerdotem oportet, quem sicut Moyses duodecim maculis mundum esse præcepit: tot enim eas invenies secundum Septuaginta dinumeratas. Sic et Paulus, duodecim conservare eum qui sacerdotium sortiturus est, præcepit, dicens: *Oportet episcopum irreprehensibilem esse, sicut Dei dispensatorem* (I Tim. vi). Quis autem irreprehensibilis, nisi impolutus. Deinde unde colligatur irreprehensibilem eum esse a qualibus maculis aut passionibus carendo, in subsequendo ostendit: *Non superbum, non iracundum, non vinolentum, non percussorem, non turpis lucri cupidum: sed hospitalem, benignum, castum, justum, sanctum, continentem, amplectentem eum qui secundum doctrinam est fidelem sermonem.* Duodecim ergo et ipse custodire sacerdotem vult. Et quamobrem ei tanta superimponit, in præcedentibus dixit: *Oportet enim episcopum irreprehensibilem esse, sicut Dei dispensatorem.* Qui autem dispensat quæ Dei sunt, opus habet eos quorum dispensator est virtutibus præcedere. Nam quomodo illis dispensare, quomodo disponere poterit? Quia autem legislator comedere de sanctis præcepit unam quam-

libet prædictarum macularum habentem, intra velum tamen et ad altare, corpus videlicet Christi, id est, ministrare sic et hoc forsitan in Ecclesiis juvenies custodiri. Si quis enim approbatus fuerit sacerdotem maculam habuisse aliquando animæ, et ab ea cessavit, sanctis quidem communicare non prohibetur; ministrare autem hunc qui talis est non licet, nec ad velum accedere, et ad altare, id est, ad corpus Domini ut ejus ministerium peragat. Hoc etenim velum et altare Paulus Hebræis scribens, docuit: *Habemus altare, de quo comedere non habent potestatem hi qui tabernaculo serviunt, videlicet Dominici corporis.* Hoc enim Judæis, propter incredulitatem et servitatem litteræ uti non licet.

Hoc ipsum autem, et velum dici ab ipso disce: *Habentes ergo confidentiam in introitum sanctorum per velamen, id est, carnem ejus.* Ad hoc solum, qui maculam habet animæ non ingreditur. Quamobrem? *Quia maculam habet, et non debet contaminare sanctuarium meum.* Contaminatio enim sanctorum atque injuria est, tales ad ministerium offerri, in quibus offendit populus, et qui cognoscunt eorum maculas scandalizantur. Propter quod et Paulus, *testimonium bonum habere ab eis qui foris sunt* (Coloss. iv), sacerdotem vult. Lex autem confirmavit ea quæ dicta sunt ex eo quod dixit: *Ego Dominus, qui sanctifico vos. Ego, quis? qui præcipio et mando. Perfecti estote, quemadmodum et Pater vester cælestis perfectus est.* In quo enim macula licet una prædictarum est, hic non est perfectus.

*Locutus est ergo Moyses ad Aaron et ad filios ejus, et ad omnem Israel, cuncta quæ sibi fuerant imperata* (Cap. xxi). Quæ sunt hæc quæ locutus est? Ea videlicet quæ prædicta sunt, quæ Deus quidem ad Moysen locutus est. Moyses autem Aaron et filiis ejus et populo, sicut ostendunt ea quæ nunc lecta sunt tradidit, non frustra hæc lege distinguente. Sed ut Moyses dignitatem commendaret et ostenderet aperte, quia aliis quidem pauca, ipsi vero omnia Deus loqueretur, propter ejus justitiam et imaginem quam gerebat Christi: similiter et nos docens habere mentem ad quæcunque majores et perfectione dixerint, scientes quia continue ipsi superna operatione fruuntur.

*Locutus quoque est Dominus ad Moysen, dicens: Loquere ad Aaron et filios ejus, ut caveant ab his quæ consecrata sunt filiorum Israel, et non contaminent nomen sanctificatorum mihi, quæ ipsi offerunt; ego Dominus. Dic ad eos et ad posteros eorum: Omnis homo qui accesserit de stirpe vestra ad ea quæ consecrata sunt, et quæ obtulerunt filii Israel Domino, in quo est immunditia, peribit coram Domino: Ego sum Dominus* (cap. xxii). [*Ex Augustino.*] Ablata est omnis dubitatio neminem sacerdotum, vel summorum, vel secundorum, debuisse accedere ad sancta, si immunditia ejus in ipso esset. Erat ergo consequens continentia sacerdotis, ne propter filiorum procreationem aliquibus diebus non imponeretur continuationis incensum, quod a solis summis sacer-

deus his in die solebat imponi, mane et vespere : A quandoquidem post coitum conjugalem etiam toto corpore immundus erat usque ad vesperam, a quo id necesse erat imponi. Quod autem ait, *quæ sanctificavit filii Israel*, intelligendum est, offerendo sacerdotibus offerendum per eos Domino. Et notandum sanctificationis genus, quod fit voto et devotione offerentis. Sed utrum sicut isto modo sanctificantur ea quæ offeruntur ab hominibus, ita et ipsi homines eodem modo seipsos sanctificare dicantur, cum in aliqua re seipsos vovent. (Ex Hesychio). Observandum est in Scripturis, non qualiscunque dignitas sacerdotii. Huic enim sorte datum est ut mediator sit inter Deum et homines, et per hanc genus nostrum creatori reconciliatur. In lingua sacerdotum nexus et absolutio nostrorum peccatorum consistit. Ostendit autem Malachias quantæ dignitatis sit sacerdos, et quæ ab eo oporteat expectari : *Quia labia, inquit, sacerdotis custodiunt scientiam, et legem exquirunt ex ore ejus, quia angelus Domini exercituum est (Malach. II).* Propterea cum his quæ ante sancta sunt de sacerdotibus etiam hæc præcepit : *Caveant ab his quæ consecrata sunt florum Israel, et non contaminent nomen sanctificatorum mihi, quæ ipsi offerunt.* Si autem isti abominabiliter et inordinate, et extra omnem religiositatem populi oblationibus, et his quæ quocunque modo sanctificata offeruntur, contaminant nomen sanctificatorum ; sive secundum Septuaginta *nomen sanctum Dei.* Primum quidem ipsum, ut qui eos tales elegerit blasphemare faciet. Deinde et populum offendere in sanctis cogunt, et putare quod superfluum sit Dei ministerium et justitia et iudicium. Quantum vero Deus, si sacerdos, sive filii ejus, id est, discipuli peccaverint in sancta, irascatur, ostendunt ea quæ Heli et filiis ejus contigerunt ; propterea subdidit : *Ego Dominus : Dices ad eos : Ego Dominus, qui irascor videlicet et vindico. Quid autem dixit ? Dices ad eos, et ad posteros eorum : Omnis qui accesserit de stirpe vestra ad ea quæ consecrata sunt, quæ obtulerunt filii Israel Domino, in quo est immunditia, peribit coram Domino. Ego sum Dominus.* Primum quidem seminis sacerdotalis memoriam faciens, aperte illud significavit, quia non solum sacerdotem, sed omnem sanctorum ministrum etiamsi sortem in eis ultimam habeat, et novissimam, præsentem jubeat sanctionem custodire. Dicens autem de stirpe vestra, ostendit quod semper custodire hoc oporteat præceptum, ut qui immunditiam in semetipso habet animæ. Sic enim Septuaginta edunt : *Non solum ministerio et mystico officio se abstineat, sed nec tangat ea quæ oblata sunt, neque de eis sumat. Mundus enim ad munda debet accedere. Si quis autem non sic accedit, peribit coram Domino, semperque hunc Deus aversatur, et ab omni repellit participatione, et communione spiritus ? Hoc autem aversatio proprie hic intelligitur ; quod Septuaginta dicunt perire coram Domino. Teste David, qui ait : Non avertas faciem tuam a me : et Spiritum sanctum tuum, ne auferas a me (Psal.*

L). In his autem vera anima perditio sive exterminatio est, id est, illa de qua Dominus in Evangelii dicebat : *Timete eum, qui potest et animam et corpus perdere in gehennam.* Ergo non frustra subdidit *Ego Dominus* : sed ostendens, quia qui hæc dicit, ipse est qui solus animam perdere potest.

## CAPUT XVIII.

*Leprosus aut patiens fluxum seminis de stirpe Aaron non vescetur de sanctificatis.*

(CAP. XVIII.) *Homo de semine Aaron, qui fuerit leprosus, aut patiens fluxum seminis, non vescetur de his quæ sanctificata sunt mihi, donec sanetur. Qui tetigerit immundum super mortuo, et ex quo egreditur semen quasi coitus, et qui tangit reptile, et quodlibet immundum cujus tactus est sordidus, immundus erit usque ad vesperum, et non vescetur de his quæ sanctificata sunt ; sed cum laverit carnem suam aqua et occubuerit sol, tunc mundatus vescetur de sanctificatis, quia cibus illius est. Morticinum et captum a bestia, non comedent nec polluentur in eis : ego Dominus.* (Ex Hesychio.) Comedere sancta pollutos usque dum mudentur non vult, sed nec omnino eos per abstinentiam prohibere, propterea eum qui uno quolibet horum pollutus est hic enumeravit immundum esse usque ad vesperum dicens : *Non vescetur de his quæ sanctificata sunt, sed cum laverit carnem suam aqua, et occubuerit sol.* Vesperum et occasum solis pœnitentiam ; aquam vero qua in eam lavat, lacrymam dicens, de qua David dixit : *Lavabo per singulas noctes lectum meum, lacrymis meis stratum meum rigabo (Psal. VI).* Idem autem vesperam sic nobis pœnitentiæ et gaudium ex ea significavit, dicens : *Ad vesperum demorabitur fetus, et ad matutinum lætitia (Psal. XXXIX).* Quando ergo lacrymis quis pœnitentiæ ablutus fuerit, tunc sancta comedit, quia panis ejus est ille, de quo Dominus in Evangelii dicebat : *Et panis quem ego dabo caro mea est (Joan. VI).* Quod et nunc panis memoriam faciens, et quos oporteat de eo comedere distinguens addidit : *Morticinum et captum a bestia non comedent, nec polluentur in eis ; ego sum Dominus : ut hoc quod dictum est, ego Dominus, audiens intelligas hunc dicentem : Ego sum panis, qui de cælo descendi.* Per morticinorum autem et a bestia captorum prohibitionem non oportere mensæ Domini participari et mensæ demoniorum præcepit. In his enim sunt vere morticina et a bestiis capta. Quod autem frequenter de hac sanctione diximus, dici et nunc necessarium est ; prodest enim audientibus, id est, quia leprosos et seminis fluxum patientes, non sensibiles legislator abominatur, neque voluntarie, sed inviti hanc passionem sustinent, sed eos qui animam leprosam, aut fluxum seminis patientem habent, propterea dicens, *leprosus et fluxum seminis patiens, non vescetur donec sanetur, quomodo oporteret hoc intelligi interpretans addidit : Qui tetigerit immundum super mortuum, sive secundum Septuaginta, omnem immunditiam animæ.* Immunditia au-

tem animæ peccata sunt, quarum quedam leprose sunt, quedam fluxum seminis patientes, sicut a nobis in his quæ de leprosis dicta sunt, et seminis fluxum patientibus approbatum est. Et rursus dicens: *Et ex quo egreditur semen quasi coitus, et qui tangit reptile; et quodlibet immundum, cuius tactus est sordidus*, ut tibi etiam hujus manifestaret intellectum, illud autem intelligere tibi, maxime mandati hujus legis utile est atque juvans, quod non solum sacerdotes, sed omnes ministrantes non presumere sine metu sanctorum perceptionem vult, intuerique traditam a lege distinctionem, quæ poenitentes quidem præcepit ad sancta accedere, ante autem poenitentiam prohibet. Qui autem ex semine sunt Aaron sacerdotes, quoniam Christum esse nostrum sacerdotem didicisti, et hujus figuram Aaron gerere, illos intelliges sine aliqua dubietate, qui baptismatis adoptionem habent, et semen cognatique ejus, et omne quod dixeris ad conjunctionem ejus recte appellantur. Unde et *genus electum et regule sacerdotium, et gens sancta* propter cognitionem ejus appellantur. Ad quos ergo et quæ sequuntur dicit: *Custodient præcepta mea, ut non subjaceant peccato, et moriantur in sanctuario cum polluerint illud; ego Dominus, qui sanctifico illos*. Ergo præcepta Domini, id est lex, custodiam strictam et obedientiam intransgressibilem necessariam habentia, sicut perficientibus ea et sanctificationis et justificationis et salutis causa efficiuntur, sic peccati et mortis transredientibus, quod in omni quidem est lege et in omni mandato, multo magis tamen in sanctorum perceptione. Quisquis enim ad ea extra quam oportet accesserit, iudicium sibi sumit et mortem. Nam et Paulus de talibus Corinthiis scribebat: *Qui enim manducat et bibit indigne, iudicium sibi manducat et bibit, non dijudicans corpus Domini; propterea inter vos multi infirmi et imbecilles, et dormiunt multi* (I Cor. xi), id est, moriuntur. Secundum hoc igitur verbum legislator sancivit: *Custodient præcepta mea, ut non subjaceant peccato et moriantur per ea*. Et quæ est causa quæ infert mortem? *Cum polluerit illud*, Injuria enim sanctuarii et pollutio est, sordidum quæpiam ad munda accedere. *Ego sum Dominus, qui sanctifico illos*, id est, qui peccatores mundatos duntaxat, in sanctorum communionem recipio, aversor autem quando polluti et iniqui permanent. *Omnis alienigena non comedit de sanctificatis; inquilinus sacerdotis, et mercenarius non vescitur eis*. Necessarium hoc mandatum est, ne forte adjacere omnibus fidelibus et impiis mensam spiritalem putemus; nec quia vitæ panis mysterium Dominicum dicitur, propterea oportere percipere illum etiam eos qui adhuc a fide alieni sunt arbitremur. Alienigenæ ergo sunt omnes qui Dei legem non suscipiunt, nec evangelicæ participes efficiuntur gratiæ. Nihil enim in proximum affinitati Dei, neque cognatum scientiæ ejus, de eo intelligere possunt: unde et alienigenæ, sicut qui a dæmonibus seducuntur et cognitionem eorum amplectuntur. Hi enim a nobis et a Deo

A alieni recte appellantur. De quibus David psallebat: *Eripe me et libera me de manu filiorum alienorum* (Psal. cxliii). Inquilinus autem sacerdotis est, qui non pure in ejus aulam ingreditur, neque reverentiam dignam ei præbet aut diligentiam. Quemadmodum enim inquilinus solummodo pro sua agit utilitate, et per singulos dies expectat migrare, non autem pertinet ei, si jura domus quidam diripiant aut subtrahant: sic sunt hi qui in divina aula propter suas utilitates, gloriæ forsitan aut quæstus pecuniarum, aut alterius hujusmodi ministrant causa, non autem diligentiam exhibent, ne quis eorum corrumpat ordinem, ne quis male divinis aulis et iniquis utatur. Hoc ipsum et mercenariorum dicimus, de quo Dominus: *Mercenarius et qui non est pastor, cujus non sunt oves propriæ, videt lupum venientem, et dimittit oves, et fugit, et lupus rapit oves et dispergit. Mercenarius autem fugit, quia mercenarius est, et non pertinet ad eum de ovibus* (Joan. x). Hos recte a sanctorum prohibet perceptione; neque enim sunt digni participari eis, quæ vel desidiose, vel propter aliquod commodum agunt. *Quem autem sacerdos emerit, et qui vernaculus domus ejus fuerit, hic comedit ex eis*. Qui alienigenas, impios videlicet et infideles a participatione divinatorum prohibuit, ostendit quia in his si mutantur ab errore, et ad Christum accedant, permittit quæ sancta sunt. Nemo enim alienigena per naturam est, sed voluntate quidam sibi asciverunt alienationem a Deo. Quotquot ergo ex his intelligibilis sacerdos possidet emptios, id est, quotquot emit per evangelicam doctrinam et gratiam: hæc est enim Domini conquestio, et verum argentum est, *Argentum igne examinatum terræ purgatum*. Redemit autem eos qui volunt ei servire. Alij autem nulli: sicut Petrus dixit: *Prelio empti estis, nolite fieri servi hominum; sed et vernaculi ejus*, id est, qui in fide ejus nutriti et intelligibili domo Christi, videlicet Ecclesiæ, educati sunt, per parentum fidem. Hi de panibus ejus mysticis et vivificantibus comedent. Sequitur: *Si filia sacerdotis cuilibet ex populo nupta fuerit, de his quæ sanctificata sunt et de primitiis non vescetur; si autem vidua vel repudiata absque liberis reversa fuerit ad domum patris sui, sicut puella consueperat, aletur cibo patris sui. Omnis alienigena comedendi ex eis non habet potestatem*. Quod autem nostra translatio habet, *Si filia sacerdotis cuilibet ex populo nupta fuerit homini alienigenæ, non nobis sufficit in fide nutriti Christi, sed et permanere, et crescere in ea, et nulli alienigenarum, id est, alterius a Deo dogmatis, aut alterius legis vel actionis commisceri; nec quia de patribus sumus fidelibus, ideo jam in sanctis præsumamus, nisi et ipsi fideles persistamus; propterea filia intelligibilis sacerdotis, id est, anima omnis regenerata ab eo per baptismum. Si vero alienigenæ conjuncta fuerit, quæ ad alienigenas, verbi gratia, Judæos, paganos, aut hæreticos pertinet agens, et societatem eorum amplectens, primitias sanctificatorum, id est, corpore mystico non vescet-*



pur. Sicut vero filia sacerdotis effecta per eam quæ dicta est regenerationem, alienigenæ conjuncta fuerit, hæreticum quid agens vel Judaicum vel gentile, et vidua facta fuerit vel repudiata, relinquens errorem funditus et quodammodo sepeliens illum, et ab iniqua semetipsam absolvens commistione, reversa fuerit in domum suam paternam, id est, Ecclesiam, et secundum juventutem suam, in qua fervebat cum sacris dogmatibus fidei nutriebatur, juvenescens virtutibus et virago ab illis appellata, de quibus Dei Spiritus ad Christum in Canticis dicebat: *Unguentum effusum est nomen tuum, propterea adolescentulæ dilexerunt te (Cant. 1)*, de panibus patris sui, id est, Christi comedat, si enim matrem Ecclesiam unusquisque nostrum, et patrem Christum habet. Omnis alienigena comedendi ex eis non habet potestatem, id est, qui aliena Christo et legibus ejus et gloriæ agit. Ejus enim lex est: *Non dabitis sanctum canibus, neque mittatis margaritas vestras ante porcos (Math. vii)*. Sequitur:

*Qui comederit de sanctificatis per ignorantiam, addit quintam partem cum eo, quod comedit, et dabit sacerdoti in sanctuarium, nec contaminabunt sanctificata filiorum Israel, quæ offerunt Domino, ne forte sustineant iniquitatem delicti sui, cum sanctificata comederint: Ego Dominus, qui sanctifico eos.* Sancta sanctorum sunt proprie Christi mysteria, quia ipsius est corpus, de quo Gabriel ad Virginem dicebat: *Spiritus sanctus superveniet in te, et virtus Altissimi obumbrabit tibi, ideo quod nascetur ex te sanctum, vocabitur Filius Dei (Luc. 1)*. Sed et Isaias: *Sanctus Dominus, et in altis habitat [Al., Sanctum nomen ejus in excelso] (Isa. lvi)*, in sinu videlicet Patris. Ab hoc enim non solum alienigenas et inquilinos et mercenarios sacrificio prohibuit, sed nec per ignorantiam percipere præcipit.

Per ignorantiam autem percipit, qui virtutem ejus et dignitatem ignorat, qui nescit quia corpus hoc et sanguis est secundum veritatem; sed mysteria quidem percipit, nescit autem mysteriorum virtutem. Ad quem Salomon dicit, vel magis Spiritus qui in eo est: *Quando sederis, ut comedas cum principe, diligenter attende, quæ posita sunt ante te (Prov. xxiii)*. Aperte et ipse compellens et cogens eum, qui ignorat, addere quintam partem; hæc enim quinta addita intelligere nos intelligibiliter divina et mystica facit. Quid sit autem quinta, ipsa te verba legislatoris docere possunt; ait enim: *Addit quintam partem cum eo quod comedit.* Et quomodo ejus quod jam comedit et consumpsit addere quis quintam potest: neque enim aliud aut aliunde, sed de ipso et cum eo; vel sicut Septuaginta, *super ipsum jubet addi quintam.* Ergo quintam ejus super ipsum sermo est, qui prolatus est ab ipso Christo super Dominicum mysterium; ipse enim liberat nos ab ignorantia, removetque nos additos carnale quidpiam et terrenum de sanctis arbitrari, sed divine ea et spiritaliter accipi sancit, quod quinta proprie dominatur, quia qui in nobis est divinus Spiritus, et

sermo quem tradidit, quinque qui in nobis sunt componit sensus. Et non solum nostrum gustum producit ad mysterium, sed et auditum et visum et tactum et odoratum; ita ut nihil in eis minoris rationis, et infirmæ menti proximum, de his videlicet, quæ valde superna sunt, suspicemur. Quicumque ergo sanctificata per ignorantiam comederit, ignorans eorum virtutem sicut diximus, addit quintam ejus super eo vel cum eo, et dabit sacerdoti in sanctuarium: sanctificationem enim mystici sacrificii, et a sensibilibus ad intelligibilia translationem sive commutationem ei, qui verus est sacerdos, videlicet Christo, oportet dari, id est, ipsi de eis miraculum cedere et imputare, quia per ejus virtutem et prolatum ab eo verbum, quæ videntur tam sanctificata sunt, quam cunctum carnis excedunt sensum.

Recte ergo addidit: *Nec contaminabunt sanctificata filiorum Israel, quæ offerunt Domino, ne forte sustineant iniquitatem delicti sui, cum sanctificata comederint.* Qui enim Christo suorum ministeriorum sanctificationem imputant, et addentes sibi metipsis quintam quæ prolata est, videlicet verbum ejus, quod nostros producit sensus ad sublimiora, non contaminant Sancta sanctorum, ut pote qualia oportet de eis intelligentes, sed nec inducunt super se, iniquitatem delicti in comedendo Sancta sanctorum; nec enim ut ad communem cibum, sed sicut ad mysticum et terribile et cœleste accedunt: ad quem, qui temere accedunt, non simpliciter peccant, iniquitatem delicti sui portare dicuntur. Delictum autem proprie a legislatore dicitur peccatum, quod in Deum committitur, et ea, quæ ad hoc pertinent in sacrificiis, quæ pro delictis offeruntur, pridem ostendimus. Unde et nunc, cum dixisset: *Ne forte sustineant iniquitatem delicti sui,* recte subdidit: *Ego Dominus, qui sanctifico eos;* hoc ostendens, quia delictum, id est, impietas in Deum, incompetens sanctorum perceptio appellatur, tendit enim ad Deum sanctificantem.

#### CAPUT XIX.

*Hostiæ quæ offeruntur Domino, ut acceptabiles sint immaculatæ erunt.*

(IBID.) *Locutus est Dominus ad Moysen, dicens: Loquere ad Aaron et ad filios ejus, et ad omnes filios Israel, dicesque ad eos: Homo de domo Israel et de advenis qui habitant apud vos, qui obtulerit oblationem suam, vel vota solvens, vel sponte offerens, quidquid illud obtulerit in holocaustum Domini ut offeratur per vos, masculus immaculatus erit ex bobus, et ex ovibus, et ex capris. Si maculam habuerit non offeretis, neque erit acceptabile. Homo qui obtulerit victimam pacificorum Domino vel vota solvens, vel sponte offerens, tam de bobus quam de ovibus immaculatum offeret: ut acceptabile sit, omnis macula non erit in eo. (Ex Hesychio.)* Non solum sacerdotes a pollutione mundos esse, sed et oblationes quæ a populo offeruntur præcipit: ut te cognoscas, qui es fidelis Deo, et qui oblatio ei per holocaustum intelligibilis sacrificii factus es, quia omni pollutione mundam esse com-

versationem tuam oportet, et impollutam, quemadmodum sacerdotes, studeas, quia et Christus, quæ ut agerent apostoli præcepit, hæc omnia eos tradere discentibus præcepit gentibus. Ait enim: *Euntes docete omnes gentes, baptizantes eos in nomine Patris et Filii et Spiritus sancti, docentes eos custodire quæcunque mandavi vobis* (Matth. xxviii). Sive ergo, qui secundum confessionem, sive secundum omnem conditionem suam, holocaustum Deo promisit, vitam videlicet perfectam, hoc est verum holocaustum, a pollutione munda debet esse ejus oblatio, neque enim aliter suscipietur. Offeret autem per confessionem, sicut Septuaginta dicunt, qui in quacunque necessitate constitutus, et ex ea compunctus conversationem quamdam Deo per votum pollicetur.

Secundum supradictorum autem editionem electionem invenimus dictam, ubi nos sponte dicimus. Utramque enim hanc oblationem, sive eam quæ ex necessitate, sive eam quæ sponte fit, proponit Psalmista dicens: *Reddam tibi vota mea, quæ distinxerunt labia mea. Et quæ locutum est os meum in tribulatione mea.* Et rursus: *Voluntaria oris mei beneplacita fac, Domine* (Psal. xcvi). Horum primum quidem prædictum votum sive confessionem, sine aliqua dubietate intelligimus, electionem autem sive spontaneam oblationem, hoc quod secundo loco dictum est. Oportet autem sive operator mandati sit, qui offert holocaustum (hic est enim ex armentis offerens), sive simplex (quia hic est ex ovibus), sive ex pecoribus (hic est enim de capris), masculum esse quod offeret, id est, cum mente virili et forti et stabili, et cum valenti fide atque inconcussa offerri, ut offerens talis sit qualis ille quem Salomon in Proverbiis dicebat: *Virum fidelem labor est invenire* (Prov. xx). Idem est, et si sacrificium pacificorum offeret quis, id est, non illam quæ perfecta est in philosophia vitam, veluti ea quæ est in non possidendo, vel in virginitate, de quibus Dominus dicebat: *Non omnes capiunt verbum hoc* (Matth. xix): sed mediocrem quæ nobis procurat omnimodo salutem, et si non assequitur ea quæ ad prophetarum et apostolorum mensuram tendunt: *Stella enim a stella differt in claritate*, secundum quod Paulus dicebat (I Cor. xv), sed et hic masculum necesse est offerat immaculatum. Hæc et filii Israel, et advenæ videlicet, et qui nunc ad fidem venerunt, adjectique sunt nobis ex errore exteriori, similiter custodiant. Ex quo enim aliquis vitam promiserit Deo perfectam et consummatam, non jam prætereundum, quod tempus multum in errore fuerit poterit, quia nec tempore virtus eget ut discatur, mox enim ut eam affectaverimus, et quemadmodum utamur discimus; verumtamen et ovem sensibilem si offeras Deo, aut bovem, aut capram, aut aliquid hujusmodi, ut verbi gratia, sacerdotibus primitiæ dentur, aut ut pauperes ex eo pascantur, aut sanctis aliquod ministerium fiat, aut divini templi constructio, vel aliquod aliud opus quod ad ipsum pertinet Deum: et propterea

A holocaustum dicitur, pollutione careat etiam hæc oblatio. Sed quæ sit hæc pollutio, lex tacuit, nobis dans intelligere veram pollutionem et cavere; est autem hæc, ex rapina et injustitia, aliave avaritia offerre, abominabile est enim apud Deum, et non acceptum ei. Sequitur ergo:

*Si cæcum fuerit, si fractum, si cicatricem habens, si papulas aut scabiem vel impetiginem, non offeretis ea Domino, neque adolebitis ex eis super altare Domini. Bovem et ovem, aure et cauda amputatis, voluntarie offerre potest; votum autem ex his solvi non potest. Omne animal quod vel contritis, vel tonsis, vel sectis ablatisque testiculis est, non offeretis Domino, et in terra vestra hoc omnino non facietis. De manu alienigenæ non offeretis panes Domino Deo vestro, et quidquid aliud dare voluerint, quia corrupta et maculata sunt omnia, non suscipietis ea.* (Ex eodem.) Aliud hic videtur legislator innuere multa consideratione dignum. De his enim quæ offeruntur altario nunc ei sermo est. Sunt autem qui mysticum et sanctorum officium sortiuntur. Per sanctionem ergo anteriorem mundam esse a pollutione populi oblationem præcipiens, quod necessario in uniuscujusque conversatione intellectum est, nunc dinumerat quos non oporteat altario offerre. Et primum dicit ex eis, cæcum. Qui enim ignorantiam habet Dei, quomodo ministrabit Deo? Nec ipse dignitatem sciens ejus ad ministerium vocatur, nec aliis valens exponere: unde et negligens circa eos erit, nesciens divinorum quibus ministrat virtutem? Quales erant quidam Judæorum, de quibus Deus apud Isaiam dicebat: *Videte, quoniam omnes nescierunt, universi canes muti non valentes latrare* (Isa. lvi). *Confractum vel contritum*, secundo loco posuit. Cujus enim manus aut pedes, actiones videlicet et ad Deum itinera contracta contritave sunt, nec hic quidem altari ministrare dignus est, cui convenit illud, quod Psalmista ait: *Contritio et infelicitas in visis eorum* (Psal. xliii). Sed nec qui linguam incisam, secundum Septuaginta, habet, id est, si quis per sordidam vitam fiduciam docendi perdidit. Cui ait David: *Peccatori autem dixit Deus: Quare tu enarras justitias meas* (Psal. xlviii). *Papulas habens vel scabiem* detractor intelligitur, quia pessimus ejus morbus, et asperrimum est ejus vulnus. Nullo enim medicamine facile potest mitigari. *Impetiginem habens*, fornicator est; maculat enim suum corpus, propter quod Paulus dicebat: *Qui autem fornicatur, in corpus suum peccat* (I Cor. vi).

Nullum ergo horum deputari ad ministerium altaris, spiritus legislatoris vult, et propterea ait: *Non offeretis ea Domino, nec adolebitis ex eis super altare Domini.* Sive secundum Septuaginta: *Non offerent hæc Domino, et non dabitur de eis super altare Domino.* Sacrificium autem pacificorum non addit, quemadmodum superius, ut omnimodo intelligas de his qui mysteriis ministrant dici. Hi etiam holocaustum esse opus habent, vitam perfectam et consummatam agentes. Quid autem his ad-

didit: *Bovem et ovem, aure et cauda amputatis, A* voluntarie offerre potest, votum autem ex his solvi non potest. Omne animal, quod vel contritis, vel tonsis, vel sectis ablatisque testiculis est, non offeretis Domino. Disciplina ergo multa, et quæ decebat legislatorem ad hujus distinctionem sermonis usus est, quam et in superioribus custodiri oportet. Aures autem amputatam habet, qui inobediendiæ morbo languet, qui detractionibus gaudet, qui delectatur turpibus auditibus, qui bonos sermones aversatur. Caudam amputatam habet, qui de novissimis non cogitat, quia cauda est extrema pars corporis. Sunt ergo proprie caudam amputatam habentes, qui ea quæ sunt novissima, abjecta ac vilia et minima pendunt; qui nihil sibi in futuris sæculis thesaurizant, qui futuris non provident, qui dicunt: *Manducemus et bibamus, cras enim moriemur (Isa. xxi).* Contritis testiculis est qui paulatim crescente malitia conterit suam in virtutibus prolem, et signa per quæ vir possit agnosci, qui et recte reprobatur, quia sibimetipsi in talibus nocuit. Tonsis testiculis est, qui illatis sibi tentationibus tribulationibusque cessit, animæque suæ fortitudinem perdidit [ *Al.*, prodidit ]. Non enim oportet hoc perpeti, nec omnino cedere imminenti hosti atque affligenti. Sectis ablatisque testiculis est, qui una actione prava nimisque impia, et stante sicut cultrum et auferente, quemadmodum nimis effera et direptrix manus, semetipsum abscidens, et auferens a conjunctione Dei, quæ est in virtutibus, secundum quod diximus, privatus prole, et si quis virilis cognitionis quorundam ipse se subiecit. Alter est siquidem qui paulatim conteritur, et alter qui subito semetipsum atque una mala actione prole virtutum privat; quemadmodum Simon pecuniis emere donum Dei existimans, et effectus a sorte ejus alienus. Sed unam harum macularum quispiam vel nunc dictarum vel quæ pridem dinumeravimus habens, haud mandatorum est operator: et propterea vitulus, ut simplex et ovis ex hoc appellatur, secundum quod Septuaginta edunt, pro eo quod nostra translatio habet *voluntarie offerre potest*. Occides ea tibi metipsi, ut non omnimodo illos aversemur, nec in parte inimici deputemus, sed doceamus eos et exhortemur: *Nunquid qui cadit non adjiciet ut resurgat? (Psal. xl.)* aut qui aversus est, non revertetur? Occidi autem dicuntur mortificari peccato, per admonitionem ut justitiæ vivant. Hæc autem occisiones nobis fiunt. Nobis enim illis licet commisceri, sed pro voto non offeramus ea Deo, id est, ad ministerium ejus mysticum non eos ordinemus. Ergo quamlibet prædictarum macularum habentes, si pœnitentiam egerint super ea, et occisi fuerint, mortificatione peccati, suscipiamus quidem eos, et ut membrum communis corporis habeamus, quia *Christus venit in hunc mundum peccatores salvos facere (I Tim. 1)*. Altario autem offerri eos non licet. Hac, ut puto, distinctione et Paulus scribens ad Corinthios usus:

est: *Scripsi vobis in epistola: Non commisceri fornicariis: non utique fornicariis mundi hujus, aut avaris, aut rapacibus, aut idolis servientibus, debueratis enim ex hoc mundo exisse. Nunc autem scripsi vobis in epistola: Non commisceri. Si quis frater nominatur aut fornicator est, aut idolis serviens, aut avarus, aut detractor, aut ebriosus, aut rapax, cum hujusmodi nec cibum sumere (I Cor. v).* Fratres nominans illic eos qui altario ministrant, quia maxime eos qui doctrinæ sortiti sunt dignitatem, et quibus præesse populis creditum est.

Hi enim si quid tale habuerint, modis omnibus oportet societatem eorum aversari, quia super populum abundare virtutibus hi qui præsumunt necesse habent, et ipsi maxime esse sine macula. Nam quomodo alios emundare a pollutionibus possunt? De quibus etiam hæc legislator præcepit.

*Et in terra vestra hoc omnino non faciat, et de manu alienigenæ non offeratis panes Domino Deo vestro, et quidquid aliud dare voluerint quia corrupta et maculata sunt omnia non suscipiat ea.* Nec nos ergo in terra nostra quibusdam talium macularum studium demus. Est autem terra nostra bona conversatio, quæ præcepta est per divinas Scripturas, quam a Deo colere percepimus. Sed nec alienigenæ, videlicet qui doctus est et adjectus est deforis talia dona offerente medii simus, quia corruptio in eis est, nos autem Deo incorrupto servimus; maculam habent, nos autem in Ecclesia ministramus, cui dictum est ab Sponso: *Tota pulchra es, proxima mea, et macula non est in te (Cant. iv)*. Et de qua Paulus dicebat: *Ut exhiberet sibi gloriosam Ecclesiam non habentem maculam aut rugam, aut aliquid hujusmodi (Ephes. v)*. Propter quod nihil maculam habena a vobis offertur.

#### CAPUT XX.

*Bos, ovis et capra septem a partu diebus cum matre sint; offerri possunt die octavo, hostiæ pro gratiarum actione eodem die comedi debent, etc.*

(*ISTD.*) *Locutusque est Dominus ad Moysen, dicens: Bos, ovis et capra cum genita fuerint, septem diebus erunt sub ubere matris suæ; die autem octavo et deinceps offerri poterit Domino. Sive ille bos, sive illa ovis non immolabuntur, una die, cum fœtibus suis. Mater omnis animalis utique natura est, sub hac omnè genus hominum peccatorum et justorum septem diebus est, ab octavo autem jam non. Nam etsi operator quis sit mandatorum vel simplex vel peccator, aut ex peccatore, septem diebus, id est, per omne præsens sæculum, oportet eum sustinere quæcunque natura desiderat; quemadmodum et de Salvatore dicere præsumpsit Paulus, ostendens quia ex nostra natura secundum carnem factus absque peccato, omnia passus est quæ erant naturæ. Quia autem pueri communicaverunt sanguini et carni similiter, et ille participavit iisdem. Sed quando vitam præsentem egressi fuerimus, et in die bona mortuorum resurrectionis constituti fuerimus, ex tunc et deinceps omne videlicet sæculum futurum non jam sub matre quæ dicta*

est cōmissis, neque enim his naturalibus necessitatibus subfacebimus : Octava autem die offerri poterit. Quod Septuaginta sic edunt : *Donu autem et hostias Domino*, id est, perfecta et integra hī qui in hac vita præparaverunt oblationem suam. Sciendū est autem, quod quoniam mutabilis est nostra vita, mutationesque multas et voluntates suscipit, octava die oblatio accepta in sæculo scilicet futuro sit, propter quod dixit Salomon : *Ante mortem ne laudes quemquam hominem (Eccli. xi)*. Cum autem hæc ita se habeant, matrem rursus Ecclesiam et gratiam quæ in ea est intelligamus. De qua Salomon in Proverbiis dicit : *Audi, fili, disciplinam patris tui, et ne dimiseris legem matris tuæ*. Quando ergo aliquis gratia Evangelii generatus fuerit, secundum quod ait Paulus : *In Christo enim Jesu per Evangelium ego vos genui (I Cor. v)*, sub intelligibili matre Ecclesia vel gratia septem dies, totam videlicet præsentem vitam, quæ in septem diebus volvitur, erit legibus ejus et sanctionibus obediens, sic enim octava die in tempore resurrectionis, donum erit et hostia Domino, quia hujusmodi non solum animas, sed et corpora sacrificium sanctum placitumque suscipit. Tu autem, propter hæc et quod sequitur discere. *Sive ille ovis, sive illa ovis, non immolabuntur una die cum festibus suis*. Hic nominibus ipsis aliud rursus ostendit. Non oportet enim eos, qui Pascha evangelicum celebrant, quod nobis Ecclesia tradidit, legale Pascha peragere. Quod bovem et ovem legislator dicens signavit : quia hæc præcepit Moyses in die paschali, quod traditum est Judæis immolare, ait enim : *Et immolabis Pascha Domino Deo tuo, oves et boves*, sicut Deuteronomiū liber ostendere potest. Fœtus autem horum, sive paschalis hœtus, sive Veteris Testamenti, et ejus quæ in figuris est traditionis, Dominicæ Paschæ per figuram significationem habet; sed illud præcedebat in typo, istud sequebatur in veritate : propter quod et Christus primum celebravit figuratum Pascha, post cœnam autem intelligibile tradit, et angustante eam tempore, pro die horam immutavit, vel magis etiam dicitur. Si enim ad vesperam quartæ decimæ diei, cœnam Judaicæ paschalis festivitatis celebratur. Post hæc autem Christus propriam tradidit cœnam. Post vesperam ergo quartæ decimæ diei tradidit. Quod autem post vesperum est tempus, alterius diei initium omnimodo est. Oportebat enim hoc fieri ad ostensionem temporis, quia quando vetus finem sumpsit, tunc novum incipit. Aut forte vetus illos lex significat, de quibus et Isaias dicebat : *Puer natus est nobis, Filius datus est nobis (Isa. ix)* : in Christo enim hæc, et quæ sequuntur, dicta sunt. Hic ergo fœtus sive secundum Septuaginta *Alitis*, non eadem die, in qua vitulus et ovis Judaicæ festivitatis occidebatur. Quartadecima enim die Pascha celebratur, in crastinum Jesum crucifixerunt. Sequitur :

*Si immolaveritis hostiam pro gratiarum actione Domino, ut possit esse placabilis, eodem die comedetis eam, non remanebit quidquam in mane alterius diei : ego Dominus. Custodite mandata mea, et facite ea :*

*A ego Dominus. Ne polluat is nomen sanctum meum, ut sanctificet in medio filiorum Israel : ego Dominus, qui sanctifico vos, et eduxi de terra Ægypti, ut estem vobis in Deum : ego Dominus. (Ex Hesychio.)* Sicut satisfactionem non habet, si quis inchoante Novo Testamento veteribus serviât, et evangelica prædicatione currente, secundum litteram vivat, injuria est enim ejus, qui utraque sanxit, si non temporibus ab eo distinctis obediamus : sic sine ulla venia est putare quempiam vel omnino cogitare, quia in futuro tempore operandum aliquid eorum quæ nunc nobis ad operandum præcepta sunt, conservatur : *Si immolaveritis, inquit, hostiam pro gratiarum actione Domino, evangelicam ei conversationem promittentes. Hæc est enim gratiarum actionis hostia Domino, quia quæcunque ad laudem ejus et gloriam pertinent, peragit. Quod demonstrat Dominus apostolus, dicens : Luceat lux vestra coram hominibus, ut rideant bona vestra opera, et glorificent Patrem vestrum, qui in cælis est (Matth. v)*. Immolatur Domino, ut possit esse placabilis; quod Septuaginta ediderunt, *acceptum vobis immolabit is*, id est, ad suscipiendum digne prædictam conversationem agimus, perficientes eam et non imminutam reliquentes, propter quod et subdidit : *Eodem die comedet is ea, non remanebit quidquam in mane alterius diei*. In tempore enim hoc, in quo hoc prædictum est sacrificium, permittitur comedere illud, id est, operari et complere debemus. Nihil autem de eis in mane relinquere, ut aliquid remaneat reliquiarum nostræ conversationis incorrectum neque inconsumptum aliquid de virtutibus et inoperatum in futuro sæculo custodiamus, quando jam non est licitum operari. Qui recte *mane* dicitur, id est, quia nox præsens vita, propterea quæ in ea nunc est nebula nominatur. *Ego Dominus : custodite mandata mea, et facite ea. Ego Dominus*, qui hic quidem legem constituo, ibi autem judico : qui intelligibilia talenta meis servis in præsentis sæculo ad operandum dedi, in futurum autem rationes cum eis pono et talentorum operationem exigo. *Ego Dominus : ne polluat is nomen meum sanctum*. Pollutio enim est creatoris et blasphemia, si in eodem nos ordine vel actu, quo nunc sumus resuscitet. Quid enim commutat mundum hunc, si in ejusdem doloribus et laboribus erimus? *Ut sanctificet in medio filiorum Israel*. Non dixit sanctificor, sed *sanctificet* : futurum ostendens tempus, in quo in medio verorum filiorum Israel sanctificatur; Ægypti enim exitum non frustra memoratus est, illud demonstrans, quia quemadmodum, qui egressi sunt de Ægypto, non jam ea quæ Ægypti sunt agebant; sic et quando nos Deus eduxit de præsentis vita, non jam agere ea quæ in ea sunt possumus : est enim Ægyptus intelligibilis, præsens mundus, quia Ægyptus contenebratio interpretatur. Tenebris enim et secundum quod diximus nebula, sive caligine præsentia sunt repleta, in tantum ut Joannes de Domino diceret : *Lux in tenebris lucet, et tenebræ eam non comprehenderunt (Joan. i)*. Prop-

ter quod nōs Dominus Deus, videlicet ex intelligibili Agypto hęc educit, ut sit hoster Dēus : non quia nunc non est, sed quia nō omnes eum confitemur, neque cognoscimus : tunc autem confitebitur, tunc omnes subiciemus, tunc erit Deus omnia in omnibus.

## CAPUT XXI.

In quo præceptum de observandis feriis, et oblationibus in illis offerendis.

(CAP. XXI.) Locutus est Dominus ad Moysen, dicens : Loquere filiis Israel, et dices ad eos : Hęc sunt ferie Domini, quas vocabitis sanctas. Sex diebus facietis opus; dies septimus, quia sabbati requies est, vocabitur sanctus. Omne opus non facietis in eo: sabbatam Domini est, in cunctis habitationibus vestris. Si subtiliter attendas hęc quę dicta sunt in presentibus legislatoris verbis, invenies eum non solum contemplationi legis, sed et in littera ipsa intentionem interponentem spiritus. Dicens enim: Hęc sunt ferie Domini, quas vocabitis sanctas, hęc sunt festivitates meę; mox subdidit: Sex diebus facietis opus. Oportet quidem hoc tacere, dicere autem quę sequuntur: Dies septimus quia sabbati requies est, vocabitur sanctus. Sed feriis connectens, sex diebus facietis opus, ostendit quia prima feria sive festivitas apud legem operari est, operari autem bona. Propterea enim ait: Sex diebus facietis opus, quia omnia bona valde, quęcumque Deus in sex diebus constituit.

Secunda autem festivitas præcedentibus his operibus, septimę diei requies est, quam festivitatem nemo celebrare, qui non operatus est bona opera et digna Deo, poterit. Nam nec frustra: Deus quippe erat qui loquebatur, qui frustra non loquitur. Prius ait: Sex diebus facietis opus, et post hoc: Dies septimus, qui sabbati requies, est vocabitur sanctus. Sed ad ostensionem, ut si quis ad imitationem Dei bona agit, et consequitur, hoc enim est in sex diebus operari, hic intelligibili requiescit sabbato, de quo Paulus dicebat: Timeamus, ne forte relicta pollicitatione firmoerandi in requiem ipsius videatur ex vobis aliquis decedere (Hebr. iv). Qui enim ingressus est in requiem estis, etiam ipse requievit ab operibus suis, sicut et a suis Deus.

Adjiciens autem minus subsequenter, in cunctis habitationibus vestris, ut et per hoc significaret de secundo futuro se loquit. Præsens enim mundus peregrinatio est, habitatio autem est quę sequitur. Nemo enim nostrum de illis mansionibus seu habitationibus migrat, quas semel sortiti fuerimus. Sequitur:

Hęc sunt ergo ferie Domini sanctę, quas celebrare debetis temporibus suis. Mense primo quartadecima die mensis ad vespem Phase Domini est, et quinta decima die mensis hujus solemnitas Azymorum Domini est. Septem diebus azyma comedetis, dies primus erit vobis celeberrimus, sanctusque. Omne opus servile non facietis in eo, sed offeretis sacrificium in igne Domino, septem diebus: dies autem septimus erit celeberrimus et sanctior, nullumque servile fiet in eo.

Ago nunc, si licet, Judęos interrogemus cujus rei gratia non quartadecima die festivitatem agere jussit, in quo Pascha imaginarium fiebat, sed memoriam quidem facit ejus. Festivitatem tamen prima azymorum, quę erat post illam, fieri defluivit, manifestum est autem ex his quia scire eum is qui legem accipit, quid intersit inter figuram et veritatem desiderat, et quia figuras scire quidem, quoniam deducunt ad veritatem: dignum est festivitatem agere tunc, quando veritas quę in figuris continetur, advenit. Memoriam siquidem facit quartadecimę, quia figuram habebat. Festivitatem autem agere quintadecima præcepit, quia in ipsa verum est Pascha, de quo Paulus dicebat: Pascha nostrum immolatus est Christus (I Cor. v). Sed ipsos jam sermones discutiamus: Hęc sunt ferie Domini sanctę, quas celebrare debetis temporibus suis. Quare non dixit ferie Domino, sed ferie Domini; aut forsitan illud auditorem legis contestans, quia non simpliciter festivitatem has, de quibus est sermo, celebrari Deo lex præcepit, sed quia ejus sunt proprię. Quia quemadmodum festivitatem imperatoris sunt, in quibus victorias et trophęa contra hostes erexit, Salvavit gentes, civitates acquisivit: sic et Christi, in quibus nostrum genus salvavit, et nostram captivitatem acquisivit, et hereditatem ex gentibus sibi metipsum, regale sacerdotium, gentem sanctam, populum acquisitionis constituit (I Petr. II). Dicens, temporibus suis, non dixit sic de festivitatibus eorum: non illis, qui serviunt figurę, sed fidelibus, et suscipientibus festivitatem, has competere festivitatem ostendens: quarum una est, de qua hęc dicit: Mense primo quartadecima die mensis ad vespem, Phase Domini est. Primum mensem, tempus Dominicę passionis recte dicimus, in quo conveniunt maxime et hęc ad Moysen verba a Deo dicta: Mensis hic vobis principium mensium, primus erit vobis in mensibus anni (Exod. XII).

Initium enim et ingressus novę vitę et nunc a nobis inchoatę conversationis est, vespertina tempora, in quibus Dominus advenit, dicit, Joannes docuit: Dixit enim, Filioli, novissima hora est. Ad vespem Pascha dominicę factum est: qui passus non mox tempora finivit, sed reliquit novissimę horę et vespertinę reliquias, in quibus oporteat prædicationem currere, et in quo omnem terram penetret salutare verbum. Sed et ad vespem sive medio vespertinorum Pascha proprium præveniens, crucem suam Christus celebravit; die enim imaginarię festivitatis paschalis, quę erat quartadecima, post cęnam supersensibile verum Pascha, quod ad ejus mysterium pertinebat discipulis tradidit. Ergo et nox erat jam quando panem Judas de cęna illa accipiens ad Domini traditionem exhibat. Sequenti autem die, quę fuit quintadecima, Pascha crucis implebat; propter quod in quintadecima die mensis hujus festivitatem hanc agere legislator præcepit, et ipsam celebritatem, solemnitatem azymorum Domini prædicavit. Si enim celebrare ejus Pascha proprio

et vere volumus, azymi ab omni malitia esse debemus, et multo magis a Judaico errore et vetustate; unde et postquam Paulus dixit: *Pascha nostrum immolatus est Christus*, subdidit: *Ergo epulemur, non in fermento veteri, neque in fermento malitiæ et nequitiae, sed in azymis sinceritatis et veritatis* (I Cor. v). Et non ad tempus, sed omni nostra vita a fermento malitiæ mundi esse debemus, et propterea ait: *Septem diebus comedetis azyma*: per septenarium numerum de omni nobis vita præcipiens. *Et dies primus erit vobis celeberrimus, et sanctus; omne opus servile non facietis in eo*. Illud enim omnimodo servile esse opus, spiritus innuit, de quo ait Dominus: *Amen, amen dico vobis, qui facit peccatum, servus est peccati* (Joan. 1). Si enim verum celebramus Pascha, peccati servitium fugiamus, quia Christus, qui pro nobis passus est, a peccato nos et servitute ejus liberavit. Non quia prima die omne opus servile non fieri præcepit, aliis autem diebus ideo opera agi servilia præcepit; vide enim quid subdidit: *Sed offeretis sacrificium in igne Domino*, sive ut Septuaginta: *Offeretis holocaustomata Domino septem diebus*: dies autem septimus erit celebrior et sanctior, nullumque opus servile facietis in eo.

Holocaustomata ergo septem diebus offerri præcipiens, abstineri etiam ab omnibus operibus servilibus in eis præcepit. Quomodo enim quis holocaustum Deo offerat, diabolo dignus, aut servilia agens? Deinde non solum primam, sed et septimam propterea nominavit, ut in prima et septima, totam comprehenderet vitam humanam: illa enim initium, ista autem finem habet, in qua omnia comprehenduntur. Sequitur:

*Locutusque est Dominus ad Moysen, dicens: Loquere filiis Israel, et dices ad eos: Cum ingressi fueritis in terram quam ego dabo vobis, et messueritis segetes terræ vestræ, feretis manipulos spicarum primitias messis vestræ ad sacerdotem, qui levabit fasciculum coram Domino, ut acceptabilis sit pro vobis; altero die sabbato sanctificabit illum atque in eodem die quo manipulus consecratur cædetur agnus immaculatus anniculus in holocaustum Domino. Et libamenta offerentur cum eo, duæ decimæ similæ consperse oleo in incensum Domino, odoremque suavissimum: liba quoque vini quarta pars hin, panem et polentam et pultes, non comedetis ex segete usque ad diem quo offeratis ex ea Deo vestro, præceptum est sempiternum in generationibus cunctisque habitaculis vestris. Numerabitis ergo ab altero die sabbati in quo manipulum obtulistis primitiarum, septem hebdomadas plenas, usque ad alteram diem expletionis hebdomadæ septimæ, id est, quinquaginta dies, et sic offeretis sacrificium novum Domino ex omnibus habitaculis vestris, panes primitiarum duos de duabus decimis similæ fermentatæ quos coquetis in primitias Domini, offeretisque cum panibus septem agnos immaculatos anniculos, et vitulum de armento unum, et arietes duos. Et erunt in holocaustum cum libamentis suis in odorem suavissimum Domino. Facietis et hir-*

*cum pro peccato, duosque agnos anniculos hostias pacificorum. Cuique eleverit ea sacerdos cum panibus primitiarum coram Domino, cedent in usum ejus. Et vocabitis hunc diem celeberrimum atque sanctissimum: Omne opus servile non facietis in eo. Legitimum sempiternum erit in cunctis habitaculis et generationibus vestris. Quidam autem Judæorum inveniuntur Pentecosten festivitatem celebrare, a prima enim azymorum, non autem a die in qua manipulus primitiarum, in crastinam, secunda videlicet die, computantes, celebrari sibi Pentecosten prædicant. Propter quod eis Dominus improperans quod etiam secundum litteram non implerent legem, dicebat: *Et nemo ex vobis facit legem*. Ecclesia autem facit, sicut nunc ostenditur, *Locutusque est Dominus ad Moysen dicens: Loquere filiis Israel, et dices ad eos: Cum ingressi fueritis terram, et cætera.**

Terram a Deo datam evangelicam doctrinam et conversationem frequenter docuimus: ipsa enim terra dicitur propter fructus virtutum quæ ex ea oriuntur, ab ipso autem data est; neque enim mediatore ad hanc usus est, sed proprio eam annuntiavit ore. Quando ergo ingressi sunt et messuerunt segetes ejus, hi qui susceperunt salutare verbum: illi enim sunt et messores intelligibilis segetis, ad quos Dominus dicebat: *Messis quidem multa, operarii autem pauci. Rogate ergo Dominum messis ut mittat operarios in messem suam* (Luc. x). Quibus etiam verbi mysterium credidit, tunc enim messis sic matura erat, ut Dominus diceret: *Levate oculos vestros et videte regiones, quia albæ sunt ad metendum olim.*

Manipulum autem primitiarum, intelligibilis sacerdos Christus corpus proprium offerebat: quia enim capitulum sive summa messis verbi videlicet Salvatoris, et divinæ prædicationis, mortuorum erat resurrectio, verus manipulus et veræ primitiæ nostræ messis tunc intelligibilis sacerdos Christus corpus proprium a mortuis suscitavit. De quo Paulus dicebat: *Nunc autem Christus resurrexit a mortuis primitiæ dormientium* (I Cor. xvi). Sed quando hoc factum est? *Altero die primæ offeret illud, sacerdos*. Esse autem primam diem dominicæ passionis ea quæ ante hoc diximus ostenderunt, in qua Dominus suam hostiam non sine ratione dispensavit. Sed quia prima azymorum hæc et prima paschalis festivitatis dicebatur, altera autem dies passionis, resurrectio fuit. Primum enim manipulum primitiarum sacerdotem ostendit offerentem, post hoc autem ait: *Atque in eodem die quo manipulus consecratur, cædetur agnus immaculatus anniculus in holocaustum Domino*; volens nos in die qua celebramus Domini resurrectionem, et manipuli intelligibilem oblationem celebramus, non oblivisci Dominici sacrificii, ex quo nobis est oblatio manipuli: sed cædere agnum immaculatum anniculum in holocaustum Domino, intelligibilem agnum Domini traditionem immolantes mystice et offerentes. Ipsius autem ut

sacrificium cadentis memoriam fecit, neque enim aliter, sed per ejus mediationem et virtutem a sensibili ad intelligibilia transferuntur, ea quæ in illo sacrificio peragunt. Et quod hoc est sacrificium: *Dux decimæ similæ conspersa oleo.* Oportet enim scire perfectam humanitatem et perfectam divinitatem contemplari, id est, in unum convenire, in oleo, id est, per eam, quam circa nos habet, compassionem: sed enim sacrificium odor suavitatis Domino invenitur, sapientibus nobis de eo quod digna sunt.

In quibus autem sacrificium et per quos agitur, quomodo celebratur intelligibilis agni oblatio, quod sequitur, ostendit: neque enim in sanguine, nec per irrationabilia animalia, sacrificium a nobis Deus suscipit, secundum quod sequentia demonstrant. Ait enim: *Liba quoque vini quarta pars hin, panem et polentam;* quia dubium futurum erat forsitan a quibus mysterium sacrificii, quod per Christum est, quod superius diximus celebratur. Habes ecce intelligibilis Melchisedech oblationem, quæ in pane et vino perficitur, in qua quarta pars hin, in libris vini offertur; ut per quartam evangelicam traditionem, quæ in libris quatuor est, per libationem vero, Dominicum sermonem significaret, cum ait: *Hic est sanguis meus qui pro vobis effundetur (Marc. xiv; Matth. xxvi; I Cor. xi)*, sine imminutione enim significare, legislatori visum est, Christi mysterium, propter quod et subdidit: *Et polentam et pulvis non comedetis ex segete usque ad diem quo offeratis ex ea Deo vestro. Præceptum est sempiternum in generationibus, curaticisque habitaculis vestris.* Oblatio enim præsentium donorum quam esse mysterium Unigeniti ostendimus, reconciliavit nos Deo, et cibum nobis novæ polentæ et pulvis præstitit. Hæc autem legislator dicens, et resurrectionis describens secundum modum quem oportebat gratiam, de Pentecoste quam nos celebramus sermonem connectit dicens: *Numerabitis ergo ab altero die sabbati, in quo obtulistis manipulum primitiarum, septem hebdomadæ plenæ, usque ad alteram diem expletionis hebdomadæ septimæ, id est, quinquaginta dies, et sic offeretis sacrificium novum Domino.* Quia hujus Pentecostes neque tempus, neque numerus a populo Judæorum custoditur, sufficienter in superioribus ostensum est. A nobis autem cum contemplatione et ad litteram custoditur. Planius enim legislator intentionem suam demonstrare volens, ab altero die sabbati numerari præcepit, quinquaginta dies, Dominicum diem procul dubio volens intelligi. Hic enim est altera dies sabbati: in hac enim resurrectio facta est, qua hebdomades numerantur septem usque ad alteram diem expletionis hebdomadæ. Dominica rursus die Pentecostes celebramus festivitatem, in qua sancti Spiritus adventum meruimus, non frustra eo septem hebdomadarum adventum custodientes, sed ut nos cognosceremus, quia nihil vetus, nihil sæculare præcepit Deus agere, nihilque corruptioni veteri proximum qui eum curiunt per-

cipere. Et novum, sacrificium Domino tunc offerri jussit: adveniens enim spiritus, totam nostram vitam renovavit, quando confirmavit Christi traditionem, et stabilivit conversationem quam in illis perfecit. Ait enim: *De nico accipiet, et annuntiabit vobis (Joan. xvi).* Propter quod non in alia hebdomadis die advenit, sed in qua resurrectio facta est, et manipulus intelligibilis oblatio est, ut et hoc probaret, quia nova conversatio, quæ nos renovavit, liberando a corruptione vetustatis, resurrectione Christi et sancti Spiritus adventu correctæ est. Manifestat autem oblatio ipsam speciem hostiæ quam præcepit fieri: *Et sic offeretis sacrificium novum Domino, ex omnibus habitationibus vestris; panes primitiarum duos ex duabus decimis similæ fermentatæ, quos coquetis in primitias Domini, et offeretis cum panibus septem agnos immaculatos anniculos, et vitulum de armento unum, et arietes duos.* Novum sacrificium dicens, legis sacrificia, ut vetera, exclusit: evangelica autem pro illis introduxit. Deinde addens, *de habitationibus vestris,* Ecclesiam significavit, eique offerri quæ dicta sunt aptavit. Neque enim dixit, ex omnibus habitaculis, sed ex omnibus habitaculis vestris, ut absolute ostenderet aliquod habitaculum præcipuum, de quo ait David: *Beati qui habitant in domo tua (Psal. lxxxiii);* et rursus: *Unam petii a Domino, hanc requiram, ut inhabitem in domo Domini omnibus diebus vitæ meæ. Et panes quidem primitiarum duos, id est, legem et Evangelium: panes enim sunt cibum animarum fidelium continententes.*

Sunt autem et primitiarum, sive ut Septuaginta, separati: quoniam omni quidem sapientia sunt præcipui, ab ea autem, quæ exterior est separati videlicet et sejuncti. Sunt ergo ex duabus decimis similæ fermentatæ, ex doctrina, quæ perfectam Dei divinitatem et perfectam humanitatem tradit. Nec aliter coqui, nisi per talem doctrinam possunt, sed primitiarum sunt Domino. Primus enim Dominus cum legem perfecit, et Evangelium, et post hoc docuit: *Audistis quia dictum est antiquis, non occides; ego autem dico vobis, omnis qui irascitur fratri suo sine causa, reus erit iudicio (Matth. v);* conjunxit enim hic legem Evangelio, propter quod ejus primitiæ dicuntur. Quod et Lucas confirmans, primitias veras nobis ostendens, scripsit: *Primum quidem sermonem feci de omnibus his, o Theophile, quæ cepit Jesus facere et docere (Act. i).*

Offerre autem cum eis septem agnos immaculatos anniculos præcepit, dona significans quæ sunt spiritus de quibus Salomon in Proverbiis dicebat: *Sapientia ædificavit sibi domum, erexit columnas septem (Prov. ix).* Planius autem Isaias tradidit: *Et requiescit super eum spiritus Domini (Isa. xi).* Nec tacuit quæ, vel cujus numeri essent dona, subintulit enim: *Spiritus sapientiæ et intellectus, spiritus consilii et fortitudinis, spiritus scientiæ et pietatis, et implebit eum spiritus timoris Domini.* Agnos autem hæc appellat dona, ad ostensionem, quia Spiritus

*sanctus unum est cum Christo. De quo dictum est : A num erit in cunctis habitaculis et generationibus vestris. Ecce agnus Dei, ecce qui tollit peccata mundi. Unde nemo potest dicere, Christus Jesus, nisi in Spiritu sancto (I Cor. xii). Ergo non extra rationem, cum septem agnis vitulum ex armento, præsens continet oblatio, sed evidenter significat illum ex armento Abraham, Isaac, et Jacob et David secundum carnem factum : huic arietes duos immaculatos conjunxit, excellentia mandata et virtutes, quas sequi alias velut oves oportet. In his enim, ut pote intelligibilem inimicum ventilantibus munimen et indemnitate habent. Quæ sunt autem hæc? Si vis perfectus esse, vade, vende omnia quæ habes et da pauperibus, et veni, sequere me (Matth. xix).*

Maximum quippe mandatum est vendere quæ habet et dare pauperibus; maximum etiam sequi Christum, ut cum despectu quippiam possidendi, etiam omnia agere secundum voluntatem Domini studeamus : hoc est enim eum sequi. Hæc ergo mandata ut pote propter immaculatam vitam et perfectam constituta, arietes appellantur, quia arietes omni gregi excellentiores sunt. Horum sacrificia et libatio, scientiæ videlicet et correctio, odor suavitatis est Domino illi, de quo Paulus dicebat : *Deo autem gratias qui semper nos triumphat in Christo Jesu, et odorem scientiæ suæ manifestat per nos, quia Christi bonus odor sumus (II Cor. ii). Verumtamen non usque ad hæc oblationem Pentecostes constituit : dicit autem et reliqua, quia maxime spiritui, cujus prædicta festivitas est, perfectio competit. Quid ergo ait? facietis et hircum pro peccato; poenitentiae introducens sermonem. Duosque agnos anniculos, hostias pacificorum; illa Pauli mandata significans : *Pacem sequemini cum omnibus et sanctimoniam, sine quibus nemo videt Deum (Hebr. xii) : quæ quia per Apostolicam linguam expressa erant, offerri ea præcepit cum panibus primitiarum quos esse Christi doctrinam diximus. In sequentibus autem rursus addit : Cumque eleverit ea sacerdos cum panibus primitiarum coram Domino, secundum Septuaginta autem sic : Et separabit ea sacerdos separatione cum panibus primitiarum ante Dominum, cum duobus agnis, significans cui Domino; cedentque in usus ejus, id est, sacerdoti offerenti ea, videlicet Christi. Ipse enim noster sacerdos, ipse noster etiam Dominus est, ipsius sicut panes primitiarum, sic et agni mandatorum prædictorum sunt. Ipse enim erat qui in Paulo loquebatur : ipse omnia quæ dicta sunt obtulit; pacem enim de qua Paulus mandat, primus Dominus discipulis annuntiavit, et sanctimoniam sicut Sanctus sanctorum super omnès custodivit.**

Nam ipse erat de quo Gabriel Virgini dixit : *Propterea et quod nascetur ex te sanctum, vocabitur Filius Dei. Verumtamen, si vis dei de quo sermo est comprehendere excellentiam, confirmationem eorum quæ de eo dicta sunt respice : Et vocabitis hunc diem celeberrimum atque sanctissimum : omne opus servile non facietis in eo; legitimum sempiter-*

*num erit in cunctis habitaculis et generationibus vestris.*

Quid ergo in ea est, quod in his excellat? Ecce enim et alios dies sanctos appellat, sed et de hoc primum inquit : *Et appellabitis hunc diem celeberrimum; et post hoc : Atque sanctissimum, ut in eo cognosceres, quid et cum aliis commune, et quid in se proprium haberet : in ipso enim gentium vocationem non prædicari solum, sed et operari cepit, quando Parthi, et Medi, et Elamitæ, et qui habitant Mesopotamiam, Judæam et Pamphiliam, omnesque reliquæ gentes quas Lucas dinumeravit, eundem apostolos linguis suis magnalia Dei loquentes (Act. ii), prædicantesque cœperunt. Nullum ergo opus servile in illo die faciamus, id est, quod ad servitutem pertinet : sed legitimum sempiternum in cunctis habitaculis et generationibus nostris servemus, nihil servile operandum in tempore, quo ad nos venit Spiritus : Quia ubi spiritus Domini, ibi libertas, sicut Paulus scribit (II Cor. iii). Sequitur :*

*Postquam autem messueritis segetem terræ vestræ, non secabitis eam usque ad solum, nec remanentes spicas colligetis, sed pauperibus et peregrinis dimittetis eas : Ego Dominus Deus vester. Quia pietate plena sunt quæ nunc lege præcipiuntur apertum est, propter quod ea custodiri et secundum litteram oportet, sed majus eorum lucrum contemplatio possidet. Tu autem hoc in eis nota, quia cum similia his superius præcepisset, non tamen eadem sancivit. Hoc autem verborum ipsa immutatio demonstrat. Ibi etenim ait : Non complebitis messonem vestram. Hic autem : Non secabitis eam usque ad solum, ut differentiam ipsam ex permutatione verborum intelligamus. Terram fidelium esse prædictam a lege Dei conversationem, frequenter ostendimus. Hujus messio post resurrectionem Salvatoris a mortuis et adventum sancti Spiritus floruit. Et non quidem omnem scientiam quam habituri sumus, quando ad ipsum Deum venerimus, tradit verbum prædicationis. Sunt autem quæ relinquit, ut pote quæ nunc nobis relevari non possunt, et propterea legem hæc in prædictis festivitatibus interposuit, et ait : Postquam messueritis segetem terræ vestræ, non secabitis eam usque ad solum. In eo quod dicit, non secabitis eam usque ad solum, ea significavit quæ nobis ad plenam scientiam et perfectam desunt, propter quod et subdidit : Nec remanentes spicas colligetis, ut non contendamus, neque frustra contemur ea quæ nostram fugiunt scientiam.*

Et propterea quæ de messura cadere dicuntur, colligere nec possumus, sed relinquamus ea Christo : quem significans, legislator addidit : *Pauperibus et peregrinis dimittes eas. Sive secundum Septuaginta, pateri et proselyto relinques ea. Et quis est hic? Audi quod sequitur : Ego Dominus Deus vester. Pauper autem et hic dicitur, quia propter nos pauper factus est cum dives esset, ut illius paupertate nos divites essemus. Sed et advena, quia et si in propria venit,*



sui tamen eum non receperunt (Joan. 1). Huic ergo eas relinques, solus autem scit quæ nobis remanent, propter quod nec colligere possumus, quæ ut ipse colligat, separata sunt, teste Paulo, qui dicit: *O altitudo divitiarum sapientiæ et scientiæ Dei, quam incomprehensibilia sunt iudicia ejus, et ininvestigabiles viæ ejus.* Sequitur:

*Locutusque est Dominus ad Moysen dicens: Loquere filiis Israel: Mense septimo prima die mensis erit vobis sabbatum memoriale, clangentibus tubis, et vocabitur sanctum. Omne opus servile non facietis in eo, et offeretis holocaustum Domino.* Septenarium numerum evidentem gerere et indubitabilem consummationis figuram, sive uniuscujusque nostram, sive generalem, multa quidem et alia ostendunt, illud autem maxime, quia Deus in die septima cessavit ab operibus suis, dans nobis et ipsa requiem nostram conjicere, de qua Paulus ait: *Qui enim ingressus est in illam requiem, requievit ipse ab omnibus operibus suis, quemadmodum et a suis Deus.* Sed initium consummationis temporum Domini est adventus, propter quod illud novissimam horam Joannes Evangelista appellavit, ait enim: *Filioli, novissima hora est.* Sed et Jacobus: *Ecce judex ante januam stat.* Hoc tempus, primam septimi mensis, sicut principium consummationis recte lex appellavit. Est autem nobis requies, quia nos operibus malis carere fecit, et a jugo gravi liberavit. *Venite enim, inquit, omnes qui laboratis et onerati estis, et ego vos reficiam (Math. xi).* Et rursus: *Discite a me quia mitis sum et humilis corde, et invenietis requiem animabus vestris.*

Hoc et memoriale tubarum est: prædicat animæ Salvatoris resurrectionem, quæ memoriale est communis mortuorum resurrectionis, quæ in voce tubarum magnarum et terribilium efficietur in jussu Domini in voce archangeli, in tuba Dei, sicut Paulus docuit. Hoc tempus vocabitur sanctum Domino, quia vocationem quæ in sanctificatione est possidet, ex qua adoptio quæ ad eum pertinet vocatis efficitur. *Omne opus servile non facietis in eo, et offeretis holocaustum Domino.*

Non est enim jam tempus opera servilia agere, quia sufficit præteritum tempus ad voluntatem gentium, in quo gesta sunt opera servilia, et debemus quemadmodum exhibuimus membra nostra arma iniquitatis, ad iniquitatem, ita exhibere membra nostra arma justitiæ in sanctificationem: hoc est enim verum holocaustum. Sequitur etiam:

*Locutus quoque est Dominus ad Moysen dicens: Decimo die mensis hujus septimi, dies expiationum erit celeberrimus, et vocabitur sanctus, affligetisque animas vestras in eo, et offeretis holocaustum Domino. Omne opus non facietis in tempore diei hujus, quia dies propitiationis est, ut propitietur vobis Dominus Deus vester. Omnis anima quæ afflicta non fuerit in die hoc peribit de populis suis; et quæ operis quippiam fecerit, delebo eam de populo suo, nihil ergo operis facietis in eo; legitimum sempiternum erit*

*vobis in cunctis generationibus et habitationibus vestris, sabbatumque requietionis est, affligetisque animas vestras. Die nono mensis, a vespere usque ad vesperum, celebrabitis sabbata vestra.* Ostendere propitiationem nobis, a peccatis videlicet liberationem in humilitate et afflictione animæ acquiri, legislator desiderat. Hanc autem agere a vespera debemus, id est, ex ipsa pœnitentia sic incipientes, quia et Christus initium suæ prædicationis pœnitentiam fecit; sed pœnitentiæ vitam bonam superædificare, perfectamque, et virtutibus consummatam necesse habemus, et propterea subdidit: *Et offeretis holocaustum Domino: omne opus non facietis in tempore diei hujus.* In holocaustum quidem consummatam vitam et perfecte inhærentem Deo, in non faciendo autem omne opus terrenorum operum abstinentiam ostendit.

Ergo et nimis consequenter addidit: *Quia dies propitiationis est, ut propitietur vobis Dominus Deus vester,* utraque hæc ostendens, quia et hoc est tempus ad propitiationem nobis a Deo donatum, in quo peccata nostra veniens Dominus diluit, et quia in quo hæc expectamus tempore, nihil debemus terrenorum agere. Deinde legem protrahens, et Christo advocationem præbens, qui dixit: *Discite a me quia mitis sum et humilis corde, et invenietis requiem animabus vestris (Math. xi),* ait: *Omnis anima quæ afflicta non fuerit in die hoc peribit de populis suis,* neque enim sequitur Christum qui hæc sancivit, et in tantum semetipsum humiliavit, ut Paulus de eo diceret: *Humiliavit semetipsum factus obediens usque ad mortem, mortem autem crucis (Philip. ii),* sed et qui operis quippiam fecerit, delebo eum de populo suo.

*Nihil ergo operis facietis in eo, legitimum sempiternum erit vobis in cunctis generationibus et habitationibus vestris.* Sic hoc dixit, tanquam si populo Judæorum præceptum sit; sic autem se non habet, omnibus enim lex communis est, quia et ad omnes Dominus dicebat: *Operamini non cibum qui perit; nihil volens nos operari terrenum.* Bene ergo et sapienter custodiam vocationis perducere ad majorem contemplationem volens, addidit: *Sabbatum requietionis est,* vel sicut Septuaginta: *Sabbata sabbatorum erunt vobis,* ut per hoc intelligibile intelligamus sabbatum, quod Judæorum excedebat infirmitatem, quemadmodum et Sancta sanctorum, propter quod eis nec sabbata erant, sed et Cantorum cantica: non intelligunt enim eorum quæ ibi scripta sunt virtutem. Et omne quod secundum legem Anagogen recipit, hoc excedere Judæorum mensuras intelligamus. Jam autem vide quibus sermonibus usus est: *Et affligetisque animas vestras, die nono mensis a vespere usque ad vesperum celebrabitis sabbata vestra.*

Recapitulat enim humilitatis verbum, quia frequenter illud Christus docuit, quasi coronam autem illam et basim virtutem, atque subsistentiam apostolis constituit. Inquisitus enim, *quis major est in regno cælorum,* respondit, *quicumque humiliaverit se,*

et reliqua. Quod autem dixit : *A vespero usque ad vesperum*, aperte volentis est semper superfluum et vanorum vacationem studeri, unde et Dominus nec causam dicere concedit : præcepit enim neque de tunica, neque de veste litigari, sed nec cogitari quid comedatur, aut quid bibatur, aut quid vestiatur; verum ipse docens et sabbatorum annuntians sabbatum, in quo omne opus cessat, et sola quæ Dei sunt ostenduntur, sola corriguntur quæ utilia sunt atque expediunt animæ. Sequitur :

*Et locutus est Dominus ad Moysen dicens : Loquere filiis Israel : A quintodecimo die mensis hujus septimi, erunt serię tabernaculorum septem diebus Domino; dies primus vocabitur celeberrimus atque sanctissimus. Omne opus servile non facietis, et septem diebus offeretis holocausta Domino. Dies quoque octavus erit celeberrimus atque sanctissimus et offeretis holocaustum Domino : Est enim cœtus atque collectæ : omne opus servile non facietis in eo. Hic superare sapientiam sæculi et transitorium ejus nosse, et temporale, non solum ait legislatorem significare, sed et oportere oculum habere ad sæculum futurum.*

Hoc ergo et per numerum et per tabernacula, sine aliqua dubitatione, invenies figuratum. Quintadecima siquidem die inchoari festivitatem præcepit. Ex septem autem et octo hic est numerus compositus, quorum unus quidem præsens sæculum, alter autem figurat futurum. Unde et festivitatem septem diebus consummari præcipiens, alios rursus dies celeberrimos atque sanctissimos commemoravit, et nec denumeravit eam cum septem; sed posuit sequentem et semotam ab aliis, sicut futurum sæculum sequitur quidem præsens, aliud autem quam hoc est. Septem ergo diebus festivitatem tabernaculorum appellavit : quicumque enim, ut tabernaculo, præsentem mundo utitur, hic festivitatem in eo habere et lætari propter futuri expectationem potest. Et quicumque scit, quia si terrena domus habitationis hujus dissolvatur, ædificatio non manu facta eum in cœlis suscipit. Primam autem septem dierum celeberrimam atque sanctissimam appellavit : qui enim scit præsentibus tanquam tabernaculo uti, prima dies, id est, initium et principium a sanctificatione vocationis incipit. Propterea et nimis consequenter ait : *Omne opus servile non facietis*, quia nulli in sæculo serviunt qui tanquam tabernaculum et transitoria ea quæ in eo sunt intendunt.

Sed et septem diebus holocausta offerri præcepit, ostendens oportere per omne tempus perfectam conversationem sequi; quando ergo sic præsentem vitam percurrimus, tunc celeberrimum atque sanctissimum octavam diem, sæculum videlicet futurum habemus, vocante nos in præparata sanctis bona eo qui nos et in hac conversatione vocavit. Nam Septuaginta sic ediderunt : *Dies octavus vocalis, sanctus erit. Tunc ergo offerimus holocaustum Domino, quæ hic præparaverimus : Est enim cœtus atque collectæ, vel sicut Septuaginta, egressus est, quia hinc exitus, illic*

habitatio est, sicut Paulus ait : *Cupio dissolvi et esse cum Christo (Phil. 1)*. Omne opus servile non faciemus, quia *sicut angeli Dei tempore illo erimus*. Sed et hoc nota quomodo eadem de primo et octavo dicit, quia unum quodammodo utraq; virtutes sunt : resurrectionis quippe dies, quæ est substantia futuri sæculi, initiumque ejus et basis.

Primus quidem sicut principium in Christo conversationis et exordium futurorum est, octavus autem, ut qui præsentem succedit sæculo, quem septimus numerus figurare dicitur.

*Hæ sunt serię Domini, quas vocabitis celeberrimas atque sanctissimas, offeretisque in eis oblationes Domino, holocausta et libamenta, juxta ritum uniuscujusque diei, exceptisque sabbatis Domini donisque vestris, et quæ offeretis ex voto, vel quæ sponte tribuetis Domino.* Vido illas Apostolicas voces : *Semper gaudete, sine intermissione orate, in omnibus gratias agite.* Consona videntur esse hæc præsentibus Mosaicæ sanctionis verbis. Ecce enim festivitates quasdam præcipuas legislator exponens, quas et celeberrimas atque sanctas nominavit, permiscuit eis quotidiana libamina et sacrificia : *Hæ sunt enim, inquit, serię Domini quas vocabitis celeberrimas atque sanctissimas.* Et cum oporteret hanc aut illam dicere, non sic dixit, sed subdidit : *Offeretisque in eis oblationes Domino holocausta et libamenta juxta ritum uniuscujusque diei.* Et ipse nos gaudere et festivitatem agere et sine intermissione orare vult : hoc est enim quotidiana libatio, et sacrificium sive holocaustum, quæ tunc offerre possumus, quando corpora nostra hostiam vivam Deo exhibuerimus, et membra nostra quæ sunt super terram mortificaverimus, paratique fuerimus ire ad Deum, cum Paulo dicentes : *Ego enim jam delibor, et tempus resolutionis meæ instat.* Nam propter hoc addidit : *Exceptisque sabbatis Domini, donisque vestris, et quæ offertis ex voto, vel quæ sponte tribuetis Domino,* aperte illud tradens, quia super declinationem malorum (hoc enim est sabbatum), et super alias justitias quas Deo secundum tempus promittimus : aliquando enim ei jejunium, aliquando possessionum oblationem, vel in periculis venientibus nobis vel voluntarie promittimus.

*A quinto decimo ergo die mensis septimi quando congregaveritis omnes fructus terræ vestræ, celebrabitis serias Domini septem diebus. Die primo et die octavo erit sabbatum, id est, requies. Sumetisque vobis die primo fructus arboris pulcherrimæ, spatulasque palmaram, et ramos ligni densarum frondium, et salices de torrente, et lætabimini coram Domino Deo vestro, celebrabitisque solemnitatem ejus septem diebus per annum. Legitimum sempiternum erit in generationibus vestris, mense septimo festa celebrabitis, et habitabitis in umbraculis septem diebus. Omnis qui ex genere est Israel manebit in tabernaculis, ut discant posteri vestri quod in tabernaculis habitare fecerim filios Israel cum educerem eos de terra Ægypti, ego Dominus Deus vester. Locutusque est Moyses super solemnitatibus Domini, ad filios Israel.*

A quintodecimo ergo die mensis septimi. Esse mensis septimum completionem sive plenitudinem temporum diximus : quintodecimum autem ut pote ex septem et octo constans, evangelicam prædicationem quæ ex præsentī vita et futura consistit significat, hanc componens, illam præparans, quando congregaverimus omnes fructus terræ, ab operibus videlicet terrenis cessantes, festa celebremus septem dies, id est, totam nostram demus vitam in divina festivitate celebranda. Die autem primo requies, et octavo die requies. Non jam septimo cum numero septem dierum festivitatem agi proposuisset, sed octavo. Primum quidem, quia his qui secundum litteram legem tenent, festivitatem celebrare non licet : novo enim segregatus est populo, qui scit legem secundum spiritum accipere, et octavum honorare, quem diximus significare mortuorum resurrectionem. Secundo, quia unam virtutem habent et primus et octavus, qui enim octavus ipse et primus, quia ipse est principium futuri sæculi, deinde primus dies, qui est initium factæ prædicationis in fine sæculorum, requiem continet : requiescere enim nos facit, cum nos a peccatorum laboribus liberat, per donum baptismatis. Hic autem legislator cum festivitatem prædicasset, septem dierum, primum ejus diem requiem appellavit. Tacet autem sequentes dies, ut per hoc significet oportere virtutibus operam dare. Deinde ad octavam diem transferat requiem, ostendens quia fidelis et servientis legi Dei vera requies futuri sæculi est : quid ergo nos in tota vita operari, et unde inchoare operationem oportet.

*Sumetisque vobis die primo, fructus arboris pulcherrimæ, spatulasque palmarum, et ramos ligni densarum frondium, et salices de torrente, et lætabimini coram Domino Deo vestro, celebrabitisque solemnitatem ejus septem diebus.* Quod oporteat per omnem vitam virtutibus operam dare, quas in fructibus et ramis prædictorum lignorum significavit, ipse numerus septem dierum absque ulla dubietate confirmat. Quia vero ex ipsa inchoare debemus vocatione, ex qua prædicta est Christi intelligibilis requies, quæ prima est festivitatis dies, manifestum est, quem diem quidem superius appellavit requiei : nunc autem in eo, fructus arboris pulcherrimæ sumere præcepit, illos videlicet quos in primo psalmo David cantavit : *Et erit sicut lignum quod plantatum est secus decursus aquarum, quod fructum suum dabit in tempore suo* (Psal. 1). Sumere autem et palmarum spatulas, id est, juvenescentia justitiæ genimina : *Justus enim sicut palma florebit*, ut David dixit (Psal. xci) : sed quia de palma nihil est, quemadmodum nec de eis qui juste vivunt, quod respui possit : sume et ramos ligni densarum frondium. Omnes quidem virtutum fructus, maxime autem misericordiam : oportet enim eam esse continuam et permanentem, quod Ecclesiastes commendans : *Oleum, inquit, de capite tuo non deficiat* (Eccle. ix). Et in Proverbiis : *Non dicas, vade et revertere et crastina dabo tibi, cum statim possis*

*dare.* Sume et salices ; et secundum Septuaginta, at non ramos, id est, continentia castique conjugii ; salix enim continentiam signat, quia fructum non facit, sicut nec continentes qui sunt veri eunuchi, qui castraverunt se propter requiem cælorum, fructum quemlibet sensibilem faciunt ; ad quos Deus per Isaiam prophetam dicit : *Non dicat eunuchus, quia lignum aridum ego sum, quia dabo eis in domo mea, et in muris locum, et nomen melius quam a filiis et filiabus, nomen sempiternum dabo eis* (Isa. lvi).

Dicimus autem salicem gerere etiam orationis, necnon poenitentia figuram : sic ergo et illud quod a David dictum est, intelligamus : *Super flumina Babylonis illic sedimus et flevimus dum recordamur tui, Sion. In salicibus in medio ejus suspendimus organa nostra* (Psal. cxxxvi). Orationis enim et poenitentia lacrymæ. De quibus ait Isaias : *Sicut salices super præterfluentes aquas* (Isa. xlv). Sed hæc de torrente sumere, de præsentī videlicet vita, torrens enim propter transitum, sive decursum, simul autem et propter hiemem quam habet diversarum tentationum atque tribulationum recte nominatur : ita ut David de Christo diceret, qui et ipse de mundo et de ejus tribulationibus, ut pote similis nobis effectus gustavit : *De torrente in via bibet, propterea exaltavit caput* (Psal. cix) : exaltavit enim in cruce pendens, crucifigitur autem, quia ex nostro torrente bibere semel elegit.

Qui ergo hæc agit, septem diebus, totum videlicet C tempus, lætari potest : sed lætari ante Dominum, non impiorum et peccatorum gaudio : *Non est enim gaudere [pax] impiis dicit Dominus* (Isa. xlviii), quippe qui in voluptatibus et corruptionibus festivitatem habent : sed in Domino lætari. Quid est autem coram Domino lætari ? id est, in eo credere et pro eo pati. *Celebrabitisque festivitatem ejus septem diebus per annum, legitimum sempiternum erit in generationibus vestris.* Mense septimo festa celebrabit, et habitabit in umbraculis septem diebus, ut toto præsentī sæculo, quemadmodum tabernaculo utamur. Sic enim id Ezechias appellavit dicens : *Quiavit generatio mea, ablata et convoluta est a me, quasi tabernaculum pastorum.* Non enim transitum vel decursum ejus ignoramus, divitias congregantes vel domos magnas ædificantes. Sed quemadmodum Paulus ait intendamus : *Quia tempus breve est, ut ementes sicut non ementes simus, et possidentes quasi non possidentes, et utentes mundo hoc ut non utentes, præterit enim figura hujus mundi.*

*Omnis qui ex genere est Israel, manebit in tabernaculis, ut discant posteri vestri, quod in tabernaculis habitare fecerim filios Israel cum educerem eos de terra Egypti. Ego Dominus Deus vester.* Vides quia figuræ hæc populo Judeorum, et imagines majorum mysteriorum data sunt ? Et propterea habitare in tabernaculis, et tabernaculorum festivitatem celebrare jussi sunt, ut non obliviscerentur liberationis Egyptiæ, sed hoc quidem secundum litteram. Spi-

rialiter autem, ut reminiscamur, quia de intelligibili Ægypto liberati sumus, id est, ab intelligibilis Pharaonis servitute, quæ est secundum corruptionem laterum presentis sæculi, quæ si quis plene carere vult, in tabernaculis habitet, Deum sum imitans dicentem: *Vulpes foveas habent, et volucres cæli nidum: Filius autem hominis non habet ubi caput suum reclinet* (Matth. viii; Luc. ix). Manebit autem omnis qui ex genere Israel est, sive secundum Septuaginta, *indigena*, id est, vere nobilis, verus Israelita, Ahrabæ hæres, qui patriam et genus et domos paternas reliquit, et in tabernaculis cum Isaac Jacob cohæredibus promissionis habitat.

A Quia autem non septem tantum diebus habitare in tabernaculis verum Israelitam legislator vult, sed per hunc numerum omnem vitam significat, filii Jonadab, filii Rechab, et ea quæ de eis scripta sunt per Jeremiæ prophetiam docent. Habet enim sic: *Et obedivimus voci Jonadab filii Rechab patris nostri in omnibus, quæ præcepit nobis, ita ut non biberimus vinum cunctis diebus nostris, nos et mulieres nostræ, filii et filię nostræ, et non ædificavimus domos ad habitandum et vineam et agrum et sementem non habuimus, sed habitavimus in tabernaculis et obedientes fecimus juxta omnia quæ præcepit nobis Jonadab pater noster* (Jerem. xxxv).

## LIBER SEPTIMUS.

### CAPUT PRIMUM.

*De oleo offerendo ad concinnandas lucernas in tabernaculo Domini.*

(CAP. XXIV.) *Locutus est Dominus ad Moysen dicens: Præcipe filiis Israel, ut offerant tibi oleum de olivis purissimum ac lucidum ad concinnandas lucernas jugiter extra velum testimonii in tabernaculum fœderis, ponetque eas Aaron vespere usque in mane coram Domino, cultu rituque perpetuo, in generationibus nostris: Super candelabro mundissimo ponentur semper in conspectu Domini.* Candelabrum dicimus esse Evangelicam conversationem in qua Christus lucernæ modo splendere virtutes fecit. Nemo enim, inquit, *accendens lucernam ponet eam sub modium, sed super candelabrum, ut luceat omnibus qui in domo sunt* (Matth. v). His lucernis oleum additur eleemosyna, quia et jejunium et virginitas et oratio et justitia et omnis actio bona, per misericordiam dilectionis pauperum irrigantur, et custodiuntur inextinguibiles: quod manifestant lampades quinque sanctorum virginum, quæ quia dilectionis pauperum munus habuissent oleum, a sponso exclusæ sunt (Matth. xxv). Sed oportet oleum esse olivarum purissimum, ut non ex injustitia neque ex rapacitate dilectioni pauperum serviamus, neque ad ostentationem; de olivis autem est, si ex bonis laboribus et ex justitiæ pecuniis vel possessione perficiatur, hæ enim olive umbrosæ et fructuosæ recte appellantur: lucidissimum autem, ut non pro gloria humana eleemosynas faciamus. Oportet ergo lucernam hanc semper accendi extra velum videlicet corporis Christi, hoc enim esse intelligibile velum per multa præcedentia demonstratum est: *In tabernaculo autem fœderis sive ut Septuaginta, testimonii, id est, in celo, in quo habitare Deum manifestum est, utramque ergo a legatore dictum est: si cuiquam quocumque facimus pauperibus, hæc tanquam sibi facta in, qui propter nos factus est, pauper, impunit, recte ante corpus Dominicum lucernæ eleemosynæ incendantur; sed tamen et in celo, ibi enim suos thesauros, misericordes præmittunt. Propter quod succendat eam Aaron, sive secundum Septua-*

B ginta, et filii ejus: Christus enim qui est verus sacerdos, pauperum compassionem cepit, imitantur autem eum, quicumque ejus lucrari adoptionem volunt. *Ponetque eas Aaron*, vel sicut Septuaginta, *incendent eas Aaron et filii ejus a vespere usque mane*, id est, sine cessatione, quia et Salomon dicebat: *Oleum de capite tuo non deficiat* (Eccle. ix), ut oportet eleemosynæ lucernam incendere continue ostendens. Et hoc ipsum coram Domino, sicut ipse Dominus dixit: *Te autem faciente eleemosynam, nesciat sinistra tua quid faciat dextera tua, ut eleemosyna tua sit in abscondito, et pater tuus qui videt in abscondito reddet tibi* (Matth. vi).

Hanc legem habeamus cultu, rituque perpetuo, in generationibus nostris. Super candelabro mundissimo, id est, Evangelicam conversationem, secundum quod jam diximus. Ab omni enim hæc ironia et hypocrisi munda est, ut pote lucernas eleemosynæ ante Dominum, et non ante homines incendens. *Usque mane autem incendamus, in presenti videlicet sæculo, quando enim mane illuxerit futuri sæculi, jam non est tempus orationis, et eleemosynæ, quod aperte significans Salomon ait: Ne dicas amico tuo, vade et revertere, et crastino dabo tibi, cum statim possis dare, nescis enim quid superventura pariat dies* (Prov. xxvii): id est, festina, et non differas, ne forte deducaris ad loca in quibus operari tempus non habes, sed rationes illic necesse sit reddi, de his quæ hic operati fuerimus. Præterea nobis solvere tempus est legislatoris intellectum: candelabrum mundum quidem, quia *peccatum non habuit, nec dolus inventus est in ore ejus, candelabrum autem, quia ipse est lux vera, quæ illuminat omnem hominem venientem in hunc mundum* (Joan. i). Super hoc incenditur lucerna Spiritus sanctus: igneus enim est substantia et operatione, unde in specie ignearum linguarum super discipulos descendit. Huic purissimum oleum offerre, id est, vitam mundam, debemus, scientes quod non omnium est incendere illum, sed solius intelligibilis Aaron et filiorum ejus: Christus enim ipse plenus erat Spiritu dicens: *Spiritus Domini super me, propter quod unxit*

me (Isa. lx), super quem in specie columbae de caelo descendebat; sed et: *Ignem veni mittere super terram; et volo ut accendatur* (Luc. xii). Cum hujus laternae ignem significaret, dicebat, nam et ipse filius suis tradidit, quando inflans apostolis dicebat: *Accipite: Spiritum sanctum, et caetera* (Joan. xx). Sed lucerna ista aliter non incenditur nisi per vitam mundam et per conversationem lucidissimam sive claram, qui autem talis non est, spiritus in eo extinguitur: neque enim sine causa Paulus contestabatur: *Spiritum nolite extinguere* (I Thes. v), in nobis esse incendere ejus operationem, et extinguere, aut stultos ea quibus incendatur, aut negligentes evidenter ostendens.

## CAPUT II.

*De simila exhibenda, ad faciendas panes propositionis.*

(Isa. x). *Accipies quoque similes et coques ex ea duodecim panes, qui singuli habebunt duas decimas, quorum senos altrinsecus super mensam purissimam coram Domino staves, et pones super eos thus lucidissimum, ut sit panis in monumentum oblationis Domini. Per singula sabbata mutabuntur coram Domino, suscepti a filiis Israel federe sempiterna, fruntque Aaron et filiorum ejus, ut comedant eos in loco sancto, quia Sancta sanctorum est, de sacrificio Domini jure perpetua, Memento mysticae mensae, de qua nulli sumere praecipitum est, excepto intelligibili Aaron, id est, Christo: ipse enim eam primus initiavit, sed et filiis ejus, qui ab eo facti sunt christi et induti sunt eo, quam tamen comedere in loco sancto jussi sunt, Est, vero et Sanctum sanctorum, ut sanctificationem habeant praecipuam, et indisputabilem. Illi panes fient ex duabus decimis: Dei enim et hominis sunt ejusdem, in utroque perfecti. Romantur, senj altrinsecus, mystica mensa, ponitur quidem hic, ponetur etiam in futuro saeculo. Sex autem panes, positio una, quia perfectus quidem numerus, sicut et mysterium ipsum perfectum, et perfectos facit eos qui hoc fruuntur, in sex autem diebus haec visibilis facta est creatura, sextaque die homo productus est, propter quem Christus mysticam praeparavit mensam. Verumtamen et omnes simul recte duodecim panes sunt, quia primi Dominicam, coeaverunt apostoli, qui erant duodecim numero. (Ex Adamantio.) Possumus vero et aliter dicere: Omnis sermo Dei panis est, sed est differentia in panibus: est enim aliquis sermo qui ad communem proferri possit, auditum, et edocere plebem de operibus misericordiae ac totius beneficentiae, et iste est panis qui communis videbitur. Est vero alius qui secreta contineat, et de fide Dei vel rerum scientia, disserat; iste panis mundus est, et ex simila confectus; iste in conspectu Domini semper ponendus est, et super mensam mundam proponendus; iste solis sacerdotibus sequestratus est, et filiis Aaron aeterno munere condonatus. Verum ne putes haec nos propriis sensibus excogitata narrare, et non divinis observasse voluminibus, proferam tibi de Scripturis quomodo, apud diversos*

A viros panis diversitas pro merito uniuscujusque servata est. Refertur in Genesi (Capp. xvii, xix) quod Abraham patriarcha angelos suscepit hospitio, similiter autem et Lot; sed Abraham, qui meritis praecellebat, panes ex simila apposuisse describitur, quos et euerikas [εὐρηκας], id est, occulta sacre conditio, nominavit: Lot vero, eo quod non habuit similes, ex farina panes hospitibus apposuit, non quod ita pauper esset ut non habuerit similes, qui in divitiis non inferior patre scribitur, sed utriusque meritorum differentia per haec designatur iudicia, quod is quidem cui erant a Domino mysteria revelanda, et ad quem dicebatur: *Num celabo a puero meo Abraham quod facturus sum?* qui imbuendus erat et edocendus de occultis et secretis.

B Dei, ille panes ex simila scribitur habuisse; ille vero ad quem nihil sacramenti deferabatur, sed ratio praesentis salutis et vitae, panes communes ex sola farina scribitur habuisse confectos. Et tu ergo, si habes scientiam secretorum, si de fide Dei, de mysterio Christi, de sancti Spiritus unitate potes scienter cauteque disserere, panes ex simila offeres Domino; si vero communibus uteris ad populum monitis, et moralem seis tantummodo locum tractare qui ad omnes pertinet, communem te obtulisse noveris panem. Sed videamus jam quomodo sit confectio in istis panibus propositionis qui ante Dominum poni semper jubentur. *De duabus*, inquit, *decimis sit panis unus*; duas quidem decimas dixit, sed cujus mensurae sint istae decimae non comprehendit, cum utique consequens fuisset, si de quantitate simila volebat agnoscere, ipsam cujus duas decimas sumi jubebat, nominare mensuram. Quae ergo ista res est, cujus mensura et modus nec comprehendere potuit, nec nominari? Decimus, numerus ubique perfectus invenitur, totius enim numeri ex ipso ratio et origo consurgit. Competenter igitur auctor et origo omnium Deus sub hoc numero videtur ostendi. Jam, si in Ecclesia de solo Patre loquar, et ipsius solius laudes proferam, unius decimae panem feci; aut si de Christo solo fecero sermonem, et ipsius enumeravero passionem, et resurrectionem praedicavero, unius decimae obtuli panem. Si vero dixerero quia, Pater semper, cum Filio ejus, et ipse facit opera sua, vel etiam si, dixerero quia, Pater in Filio est, et Filius in Patre, et qui videt Filium, videt et Patrem, et quia, Pater et Filius unum sunt, ex duabus decimis simila mandae obtuli unum panem, *panem verum qui vitam dat aeternam* (Joan. vi). Haeretici non faciunt, de duabus decimis unum panem, negant enim creatorem Deum Patrem Christum esse, neque Vetus et Novum Testamentum unum faciunt panem, et unum Patrem in utroque. Instruendo profitentur; nos autem in Legem et Evangelium unum atque eundem inesse sanctum Spiritum dicimus, et isto quoque modo ex duabus decimis unum panem propositionis offerimus. Qui ergo separat Christum a creatore Deo Patre suo, haeretici et Judaei, qui solum Patrem, recipiunt, et Verbum, sa-

pientiam ejus Christum non recipiunt, non faciunt **A** quia immolatur Deo, sed quia et multas, sicut dicunt medici, sanat oculorum ægritudines. Sal autem apostolorum doctrinam significat, ad quos dicitur: *Vos estis sal terræ (Math. v)*. Recte autem in multis locis mysticæ mensæ ipsi apostoli et doctrina eorum ponuntur, quia quemadmodum ipsis Dominus, sic ipsi nobis divinæ cœnæ communionem tradiderunt. Duodecim ergo panes in mensa tabernaculi, duodecim sunt apostoli, et omnes doctrinæ illorum sequaces in Ecclesia, qui quoniam usque ad consummationem sæculi populum Dei alimoniis verbi reficere non desinunt, panes duodecim propositionis nunquam de mensa Domini recedunt. Et bene iidem panes, non de qualibet farina, sed de simila fieri jubentur, quia nimirum quicumque aliis verbum vitæ ministrant, primo ipsos necesse est virtutum frugibus operam dare, quatenus ea quæ prædicando admovent, etiam faciendo commendent. Bene etiam iidem panes seni altrinsecus super mensam statui præcipiuntur, propter concordiam scilicet caritatis et societatis; nam et Dominus binos ad prædicandum discipulos misisse perhibetur, figuratiter insinuans quia sancti doctores nunquam ab invicem vel in assertione veritatis, vel in affectu dilectionis discrepant. Et thus lucidissimum super panes ponitur, in monumentum oblationis Domini, quando piæ sanctorum actioni ac doctrinæ oratio pure superadditur, quo per hæc utraque rite sociata, semper memoria sacræ oblationis in conspectu summi arbitri appareat. Bene autem per singula sabbata panes **C** *omnem* Domino mutari mandantur: panes namque per sex dies operando in mensa Domini fuerant positi; sabbato novis mutantur, cum doctores quique sanctæ Ecclesiæ, completo tempore sui sancti laboris, æterna in celis quiete remunerantur, et alios post se in idem opus laborandi in verbo sub ejusdem spe retributionis reliquunt. Coquebantur autem panes ante sabbatum, ut Josephus scribit, duo et duo divisim ante sabbatum, et sabbato mane oblatis super sacram mensam ponebantur seni, ad alterutros conversi, duabus pateris aureis superpositis thure plenis, quæ permanebant ad aliud sabbatum, et tunc pro illis alii deportabantur; illi vero sacerdotibus exhibebantur, et thure incenso in igne sacro in quo omnia holocausta fiebant, aliud thus super alios panes adjiciebatur. Imponebantur ergo panes sabbato in mensa Domini, ea utique intentione ponentium, ut transacto sabbato ibidem per septem operandi dies manerent, his quoque transmissis, altero superveniente sabbato, in refectionem summi sacerdotis et filiorum ejus consummarentur: quia nimirum in primordio nobis Deo devotæ conversationis accipienda requies, et vita æterna promittitur, ea tamen conditione, ut per labores et opera bonæ vitæ temporalis ad eam pertingere debeamus. (*Ex Hesychio.*) Solumque Aaron et filios ejus hujus cibi esse participes præcepit, comedere non ubique, sed in loco sancto; sit autem nobis locus sanctus, prius quidem aula Dei, deinde nostra corpora, quando sunt a pollutionibus munda,

ita ut et nobis convenient hæc Pauli verba, *templum A enim Dei sanctum est, quod estis vos*. Insuper elevans ejus gloriam et mysterii dignitatem efferens in sublime, addidit : *Sanctum sanctorum est, de sacrificio Domini jure perpetuo*. Ergo sancta est quidem oratio, sancta divinæ Scripturæ lectio et interpretationis ejus auditio ; sancta sunt, ut breviter dicam, omnia quæ in Ecclesiis Dei secundum legem ejus dicuntur et aguntur. *Sancta autem sanctorum de sacrificio Domini*, de omnibus videlicet quæ offeruntur et aguntur ad ejus gloriam, mensa est quam de sacrificio suo Christus proponit.

## CAPUT III.

*De blasphemo quomodo ex Domini præcepto morti adjudicatus sit.*

(IBID.) *Ecce autem egressus filius mulieris Israelitidis, quem pepererat de viro Ægyptio inter filios Israel, jurgatus est in castris cum viro Israelita. Cumque blasphemasset nomen Domini, et maledixisset ei, adductus est ad Moysen. (Vocabatur autem mater ejus Salamith, filia Dabri de tribu Dan.) Miseruntque eum in carcerem, donec nossent quid juberet Dominus. Qui locutus est ad Moysen dicens : Educ blasphemum extra castra, et ponant omnes qui audierunt manus suas super caput ejus, et lapidet eum omnis populus. (Ex Adamantio.)* Duos ergo Scriptura proposuit litigantes, unum ex integro Israelitam, qui litigavit quidem, sed non peccavit ; istum vero cujus peccatum designat, maxima ex parte istum esse Ægyptio genere indicat adversum quem litigat Israelita : et forte competenter et rationabiliter litigat. Nam et in Exodo Israelita superat, et Ægyptius eadit. Igitur et ego hodie si veritatem defendam, si pugnem pro ecclesiastica fide adversum eum qui ex parte quidem credit Christo, et recipit Scripturas, sed non integre sensum earum, nec fideliter recipit, litigo adversum eundem qui ex matre quidem Israelita est, ex patre vero Ægyptius. Si qui ergo et fidei credulitate et professione nominis Christianus est et catholicus, iste ex utraque parte Israelita est : qui vero professione quidem Christianus est, intellectu autem fidei hæreticus et perversus est, iste matrem quidem Israelitidem, patrem vero Ægyptium habet. Quomodo ergo hoc accidit? Cum Scripturas quis legit, et litteram quidem sequitur, intellectum vero repudiat spiritalem, hic matrem quidem Israelitidem habet, id est litteram, sensum vero quia spiritalem non sequitur, sed carnalem, iste est ei Ægyptius pater, et ideo adversum catholicum litigat eum qui ex utraque parte Israelita est, quia et secundum litteram Israelita est, et secundum spiritum Israelita non est, sicque secundum litteram quidem Israelita est, secundum spiritum vero Ægyptius. Quid ergo est utrisque litigantibus necessarium? Ille qui carnalem sequitur sensum, tanquam de Ægypto genus ducens, nomen nominat et maledicit : nominat enim nomen Dei, et cum maledicto nominat, negat enim eum creatorem esse

A mundi, negat esse patrem Christi. Nos vero qui ex utroque genere Israelitæ sumus, et litteram et spiritum in Scripturis sanctis defendimus, et litigamus adversum eos qui ex media parte Israelitæ videntur, et dicimus quia neque secundum litteram maledici oportet, neque secundum spiritalem intelligentiam blasphemari, maledicus enim non solum in Deum, sed etiam in proximum, apostoli Pauli sententia a regno Dei excluditur. Vide enim quomodo dicit Apostolus : *Nolite errare, neque fornicarii, neque adulteri, neque molles, neque masculorum concubitores, neque fures, neque avari, neque maledici, regnum Dei possidebunt (I Cor. vi)*. Videte inter quæ crimina, inter adulteros, inter masculorum concubitores, inter avaros, quos alibi dicit, *idolis servientes*, etiam maledicos posuit, et a regno Dei cum illis pariter exclusit. Videant ergo si qui os suum quotidiana pene consuetudine hoc vitio insuescunt, quid eis periculi immineat ; putantes aut leve et facile hoc esse peccatum, non facile cavent : sed considerent Apostolum, quomodo maledicum a regno Dei excludit, et Deus per Moysen, quomodo maledicum puniri jubet. Unde et ego valde admiratus sum quod in hoc loco quem habemus in manibus Scriptura non aperte designavit quia iste qui ex Ægypto genus ducit maledixerit Deum, sed tantum posuit quia nominans maledixerit, et reliquit in medio, vel de Deo, vel de homine suspicandum. Unde mihi videtur idcirco noluisse aperte de Deo pronuntiare, ne de hominibus videretur dedisse licentiam, et ideo vel de Deo, vel de homine siluisse, ut de utroque caveretur. Verum quoniam sententiam Apostoli proposuimus qua dicit maledicos a regno Dei excludendos, aliquid exposcit iste sermo solatii, ne omnimodis desperationem videamur indicere his qui quotidiana pene maledicendi consuetudine rapiuntur, et ori suo adhibere custodiam vel ostium negligunt. Promissionis futuræ non unus est modus, neque simplex species, sed sicut docuit ipse Dominus in Evangelio cum beatos dicit pauperes spiritu, et ipsorum affirmat esse regnum cælorum, et iterum beatos dicit mites, nec tamen eis cælorum regna, sed terræ hæreditatem promittit ; dicit beatos et pacificos, sed ne ipsis quidem regnum cælorum dedit, filios tamen eos Dei esse pronuntiat, et cum diversis diversa repromittat, omnes beatos dicit qui ad promissa perveniunt, non tamen omnibus cælorum regna concessit. Potest ergo fieri ut aliquis in cæteris forte operibus et actibus emendatus sit et perfectus, subripiatur ei tamen in oris vitio lapsuque sermonis ; huic, etiamsi secundum Apostoli sententiam negantur regna cælorum non tamen alterius beatitudinis absciaditur locus : verumtamen eo magis si qui in cæteris perfectus est, laborare etiam in hoc debet, ne ei subripiens prævæ consuetudinis vitium, cælorum regna, quod est omnium beatitudinum culmen, eripiat, quamvis Dominus dixerit : *In domo Patris mei mansiones multe sunt (Joan. xiv)*. Possumus adhuc addere etiam illud quod natura peccati similibus

est materiae quae igni consumitur, quam aedificari Paulus apostolus a peccatoribus dicit, qui supra fundamentum Christi aedificant ligna, fenum, stipulam (I Cor. iii). In quo manifeste ostendit esse quaedam peccata, ita levia, ut stipulae comparentur, cui utique ignis illatus diu non potest immorari; alia vero feno esse similia, quae et ipsa non difficulter ignis assumat, verum aliquanta tardius tanquam in stipulis immoretur; alia vero esse quae lignis conferantur, in quibus pro qualitate criminum diutinum et grande pabulum ignis inveniat. Ita ergo unumquodque peccatum pro qualitate vel quantitate sui poenarum justa persolvit. Verumtamen, quid opus est fidelibus et his qui cognoverunt Deum de poenarum qualitatibus cogitare? Quid opus est ligna, quid fenum, quid vel ipsam stipulam fundamento Christi supraponere? Cur non aurum magis vel argentum, vel pretiosos lapides, pretioso supraponimus fundamento, ubi cum ignis accesserit, nihil inveniat quod absumat? Nam si accesserit ad stipulam, ex stipula favillas reddet et cineres; si vero accesserit ad aurum, aurum purius reddet. Haec nobis dicta sint pro his qui negligunt oris maledici consuetudinem resecare, qui etiamsi non ex corde maledicant, etiamsi non voto et animo iniquo proferant maledicta, tamen immunditiam labiorum secundum Isaiae (Isai. vi) verbum et inquinamenta oris incurrunt. Iste tamen, qui licet matre Israelitide, Aegypto tamen proventus est patre, exiit, et nominans nomen maledixit, de quo ego puto quod nisi exiisset, non litigasset adversum verum Israelitam, neque nominans maledixisset. Exiit enim a veritate, exiit a timore Dei, a fide, a charitate, sicut superior diximus. Quomodo si per haec quis exeat de castris Ecclesiae, etiamsi per episcopi vocem minime abjiciatur, sicut e contrario interdum fit ut aliquis non recto iudicio eorum qui praesunt Ecclesiae depellatur et foras mittatur, sed si ipse non ante exiit, hoc est, si non ita egit ut mereretur exire, nihil laeditur in eo, quod non recto iudicio ab hominibus videtur expulsus, et ita fit ut interdum ille qui foras mittitur, intus sit, et ille foris sit qui intus retineri videtur.

(Ex Hesychio.) Non oportet ergo Israelitae mulierem, et sapientiam spiritualis Scripturae, exteriori sapientiae coire, ita ut et subiciatur, et eum qui ex eis nascitur, videlicet eum qui ex utraque docetur, non solum filium Israelitidis, sed et filium Aegypti esse, cum sapiat videlicet quae Aegyptii sunt, et exteriori sapientiae se conjungat, et ea quae illinc sunt dogmata obtinere velit. Si autem aliquando hoc fiet, et quispiam talis fuerit inter filios intelligibilis fidelis Israel et in castris, quod est Ecclesia (quam Jacob in figura per somnium videns dicebat: *Castra Dei sunt haec* [Gen. xxxii]); et qui est ex Israelitide et Israelite rixentur, qui magnus est et mundus, et qui a sapientia Dei totum dedit et qui dicit sicut Paulus: *Sapientiam loquimur inter perfectos, sapientiam autem non hujus mundi, nec princi-*

*pam seculi hujus qui dormiuntur* (I Cor. ii); rixentur autem de verbis aut dogmatibus contudentes, et blasphemaverit filius mulieris Israelitidis nomen, (ita enim hoc quando is qui sapientia exteriori laevus est, mentionem facit Christi; vide etiam quia nimis subtilitatem sequens legislator ait: *Cumque blasphemasset nomen*; quod autem tacet, necdum enim quando hoc sanciebatur erat notum, quia necdum natus erat is qui ex Virgine et Spiritu sancto incarnatus est, de quo dixit Gabriel: *Et vocabis nomen ejus Jesum, ipse enim salvum faciet populum suum a peccatis eorum* [Luc. i]; Paulus autem quantum ad hoc nomen ostendens ait: *Et dedit ei Deus nomen super omne nomen, ut in nomine Jesu Christi omne genu flectatur caelestium, terrestrium, et inferentium* (Philip. ii); quando ergo is qui in sapientia confidit et intendit exteriori, quae dicit parvum magnum et maximum et gradus, quod impossibile est, exquirat in Divinitate, blasphemaverit nomen Christi (blasphemavit autem Filium qui eum patri dicit minorem), extra castra necessario expellitur, et ab Ecclesia educitur. *Qui autem audierunt ponent manus suas super caput ejus, ostendentes per caput quia caput viri Christus, caput Christi Deus est, quia qui Filium blasphemavit, et Patrem in illo blasphemavit. Et lapidabit eum populus universus, qui occidunt, et disperdunt eum qui blasphemavit: sed et haec verba hujus sanctionis oportane nota, quomodo adduxerunt eum ad Moysen. Ipse autem non ex auctoritate agit, nec profert contra eum sententiam, sed misit eum in carcerem ut iudicaret per praecceptum Domini; nam Mosaica lex odio quidem habet etiam ipsa filium blasphemantis, quod manifestum est ex eo quod frequenter Trinitatis insinuat mysterium, non quidem aperte, nec sic plane de ea loquitur sicut Evangelium; et propterea eum ad iudicium mandatorum Domini reservavit. Quorum autem? Illorum videlicet qui dicunt: *Qui non credit in Filium, jam judicatus est* (Joan. iii). Et rursus: *Si non credideritis quia ego sum, moriemini in peccatis vestris* (Joan. viii); multaque alia talia in evangelicis praecceptis dicta. Sequitur porro:*

*Et ad filios Israel loqueris: Homo qui maleaverit Deo suo, portabit peccatum suum; et qui blasphemaverit nomen Domini, morte moriatur. Lapidibus opprimet eum omnis multitudo, sive ille civis, sive peregrinus fuerit. Qui blasphemaverit nomen Domini morte moriatur.* Novum hic et quod conturbet aures multorum, secundum editionem vero LXX sic praecipit: *Homo homo quicumque maledixerit Deo, peccatum accipiet: qui autem nominat nomen Domini, morte moriatur.* Et blasphemando Deum nominare nomen Domini gravius est, nam ille quidem peccatum accipit solummodo, ille autem et poenam mortis sustinet. Quae enim differentia est inter Dominum et Deum? non hic iste ipse est qui dixit: *Audi, Israel, Deus, Deus tuus, Dominus unus est*; et rursus: *Diliges Dominum Deum tuum ex toto corde tuo? Quomodo ergo qui quidem maledicit Deo peccatum ac-*



eligit, qui autem hominaverit nomen Domini mortis morietur? Aut cujus rei gratia omnino poenae submititur, qui nominat nomen Domini? Invenies enim Isaiam exultantem in hoc et dicentem: *Domine, extra te affum rescinis; nomen tuum nominans.* Quod ergo nomen Domini quis nominans, sub maledicto et sub poena mortis efficitur? Siquidem aliquod latens nomen, et quod nos ignoramus legislator nunc dicit, quod in Scriptura sacra non est manifestatum, quomodo quispiam hoc nominet quod non didicit, nec ad medium proferre potest? Vide autem quid nobis Deus per Moysen manifestaverit: *Cumque descendisset Dominus per nubem, stetit cum eo Moyses invocans nomen Domini, quo transeunte eorum eo ait, Dominator Domine Deus misericors et clemens (Exod. xxxiv).* Non autem hoc nobis manifestaret si nos hoc non nominare voluisset. Sed aliud nunc per praesentia legislator demonstrat: illam enim blasphemiam quam sciendo quis committit, hanc sub poenam maximam esse et non venialem vult; et hoc dicit aperte quod in Evangeliiis Dominus ait: *Omne peccatum et blasphemia dimittetur hominibus, qui autem dixerit contra Spiritum sanctum non dimittetur ei, neque in hoc saeculo, neque in futuro (Matth. xii).* Blasphemiam Spiritus eam quae in scientia Dei committitur blasphemiam appellans, quia scientia donum est specialiter Spiritus, ita ut Paulus diceret: *Huic datur quidem per Spiritum sermo sapientiae, alii sermo scientiae (I Cor. xxi).* Quamobrem et nunc intelligis maledicere quidem Deum qui non sciendo blasphematur. Unde nec blasphemare eum Symmachus, sicut filium mulieris Israelitidis, scripsit, sed *destrahere*; dixit enim, *homo qui detraxerit Deo suo.* Et per hoc maxime ostenditur quia per nimiam ignorantiam ea de Deo quae de homine habet, in quibus locum habet detractio, dicere; verumtamen et sic peccatum accipit, quia dum deberet scientiam habere, non habet. Nominare autem nomen Domini in maledicendo ait eum qui in scientia blasphematur; hi autem proprie Dominum nominant qui ejus scientiam acquisierunt per Spiritum: *Nemo enim potest dicere, Dominus Jesus, quemadmodum Paulus ait, nisi in Spiritu sancto (I Cor. xii).* Quia ergo scientes blasphemant, recte sunt sine venia, sive a patribus scientiam habent, et appellantur propter hoc cives, sive modo eam didicerunt, et propterea sunt peregrini. Cum nominant ergo nomen Domini, recte morientur, id est, cum nominant et blasphemant. Vides enim quia et ille Israeliticæ mulieris filius, quia nominavit nomen et blasphemavit, poenam sibi superinduxit? Sed et in hac sanctione hoc quod videtur dubium, Aquila planius edidit; ait enim: *Vir, quando blasphemaverit Deum suum, et acceperit iniquitatem sibi, et denominans nomen Domini, morte morietur.* Non dixit *nominans*, sed *denominans*, ut hunc de quo nunc sermo est, simul blasphemare et nominare ostenderet. Ergo eum qui blasphematur et nominat nomen Domini, videlicet Spiritum (ait enim Paulus: *Dominus enim spiritus est [II Cor. iii]*), hunc mori

et occidit legislator præcepit: est autem is qui sciendo blasphematur, sicut semel diximus.

#### CAPUT IV.

*De lege talionis peccantis aut interfectis proximum.*

(Lev.) *Qui percusserit et occiderit hominem, mortis morietur. Qui percusserit animal, reddet vicarium, id est, animam pro anima. Qui irrogaverit maculam oculis civium suorum; sicut fecit, fiat et: fracturam pro fractura, oculum pro oculo, dentem pro dente restituet, qualem infuderit maculam, talem sustinere cogatur. Qui percusserit jumentum, reddet affrad. Qui percusserit hominem, punietur. Aequum judicium sit inter vos, sive peregrinus, sive civis peccaverit, quia ego sum Dominus Deus vester. Qui percusserit et occiderit hominem; sive secundum LXX, qui percusserit animam hominis morte morietur. Et quis hominis percussit animam, nisi qui eum inficit ad iumentum, qui cum ad blasphemos trahit sermones, in quibus meretur pessimam peccati mortem, quæ vera est mors animæ? Propter quod morte mori, hunc qui talis est præcepit. Hic tamen animam dicens hominis, animale maxime hominem dicit, id est, eum qui non potest intelligere quæ sunt Spiritus. De quo ait Paulus: *Animalis autem homo non percipit ea quæ sunt Spiritus (I Cor. ii).* Stultitia enim est illi, et non potest intelligere quia spiritaliter exanimatur, quem qui percusserit, morte morietur. Sed et si percusserit animal, videlicet eum qui pecoris modo vivit, de quo ait David: *Homo cum in honore esset non intellexit, comparatus est jumentis insipientibus similis factus est illis (Psal. xlviii), reddet vicarium, id est, animam pro anima. Nec enim quia peccatorem aut popularem, et non habentem discretionem subtilem de Deo, errare fecit, venia omnino dignus est, si autem non sic percusserit ut perfecte eum ad impietatem perduceret, et ex toto eum errare faceret a Deo, omnino autem quædam ei dixerit aut egerit, et maculam peccati irrogaverit, secundum hoc et poenam sustinebit. Ait enim: *Qui irrogaverit maculam oculis civium suorum; sicut fecit, fiat ei: fracturam pro fractura, sive ut LXX, contritionem pro contritione, oculum pro oculo, dentem pro dente.* Sive enim virtutem quam habuit civis sive proximus, illæ mala docens, aut suadens, aut scandalizans, aut detrahens, aut calumnians contrivit, sive oculum ejus, videlicet scientiam, unum quodlibet prædictorum agens, cæcavit, aut dentem, virtutem verborum excusserit (dentes enim pro verbis Scriptura accipere solet, quod ostendit David dicens: *Filii hominum, dentes eorum arma et sagitte, et lingua eorum machera acuta [Psal. lvi]*; de Christo Jacob patriarcha in benedictionibus dicebat: *Pulchriores sunt oculi ejus vino, et dentes lacte candidiores [Gen. xlix]*, clari enim et aperti evangelici Christi sermones sunt super hæc legale); necessario ergo eorum que dicta sunt aliquid nocens similem et ipso metinet maculam, in judicio videlicet futuro, si enim alterius virtutem nocuit, aut contrivit, ipsius conteretur, si scientiam obscuravit, ejus scientia**

pro nullo habebitur, si vero doctoralibus nocuit, et ejus sermones infructuosos ei atque inutiles iudex efficiet. Propter quod et Paulus dixit: *Qui autem conturbat vos, portabit iudicium quicumque est ille* (Galat. v); sive parvus, sive magnus, sive scientiam habens plurimam; sive parvam, sive nunc didicerit, sive prius, sive civis fide, sive peregrinus. Cum autem hæc ita se habeant, necessaria erat Judæis et litteræ sanctio, quia non capiebant audire: *Si quis te percusserit in dexteram maxillam tuam, præbe illi et alteram* (Matth. v). Sed cum essent malevoli, unusquisque hoc proximum exacturus erat, et non ipse agere. Recte ergo eis oculum pro oculo, dentem pro dente dare dicebatur, ut metu alternæ pœnæ a violentiis et homicidiis abstinerent. Sequitur:

*Locutusque est Moyses ad filios Israel: et eduxerunt eum qui blasphemaverat extra castra, ac lapidibus oppresserunt, feceruntque filii Israel sicut præceperat Dominus Moysi.* Audivimus nunc quemadmodum de castris eduxit eum qui blasphemavit, lapidibusque eum opprimi præcepit; propterea indignationi et opus addidit, et legem tibi etiam experimento ipso confirmatam ostendit, ut et tu blasphemare Deum timeres, et fugeres illud timens peccati magnitudinem, quod non solum principes, sed omnem multitudinem vindicare præcipit. Communis enim debet esse omnibus contra blasphemos pugna, quia communi nostro benefactori, communi nostræ vitæ, ex quo omnes et esse et bene esse habemus, detrahente tentant, ejus quidem gloriæ nihil nocentes, nos autem ab eo separare et expellere volentes.

#### CAPUT V.

*De requie anni septimi post ingressum in terram sanctam.*

(CAP. XXV.) *Locutusque est Dominus ad Moysen in monte Sinai, dicens: Loquere filiis Israel, et dices ad eos: Quando ingressi fueritis terram quam ego dabo vobis, sabbatizes sabbatum Domino. Sex annis seres agrum tuum, et sex annis putabis vineam tuam, colligæque fructus ejus: septimo autem anno sabbatum erit terræ, requietionis Domini: agrum non seres, et vineam non putabis. Quæ sponte gignit humus non metes, et uvæ primitiarum tuarum non colliges quasi vindemiam: annus enim requietionis est terræ; sed erunt vobis in cibum, tibi et servo tuo, ancillæ et mercenario tuo, et advenæ qui peregrinantur apud te: jumentis tuis et pecoribus omnia quæ nascuntur præbunt cibum.* Terram quam et Deo nobis dare placet, et nobis expedit accipere, ex qua veram vitam conquirere possumus, id est conversationem bonam, quæ est secundum ejus legem atque mandata quæ nobis dedit. De qua ait David: *Doce me facere voluntatem tuam, quia tu es Deus meus; Spiritus tuus sanctus deducet me in terra recta* (Psal. cxli). Hanc si intraverimus, sex annis serere nostrum agrum, et putare vineam, et colligere fructus qui in ea nascuntur possumus, id est, usque dum in hac vita et in creatura hæc visibili sumus, quam sex dierum numerus recte significat, quia in sex diebus constituta sunt quæ viden-

tur omnia. Septimo autem anno sabbatum et requies erit terræ; quando enim intelligibile nostrum venerit sabbatum, id est, presentis sæculi requies, de qua ait Paulus: *Ergo relinquitur sabbatismus populo Dei* (Hebr. iv), quem signat dies septima, quia septima die requievit Deus ab omnibus operibus suis, videlicet visibilibus, propterea tunc operationis non est tempus: et ideo nec agrum legis tunc serere, nec evangelicam vineam putare possumus. Ager enim a nobis lex recte intelligitur, quia senior filius, qui junioris populi amulus est, qui imaginem populi Judæorum gerit, de agro, videlicet operatione legis, reverti dicitur; vinea autem evangelica sine aliqua dubietate prædicatio est, Christus enim ei occasionem et materiam dedit, qui dixit: *Ego sum vitis, vos autem palmites, et Pater meus agricola est* (Joan. xv).

Nec ergo colere legalia aut evangelica mandata post exitum de hac vita aut transitum poterimus; sed nec ea quæ sponte nascuntur metere, id est, nec quæcunque naturalis lex ad operationem hominibus suggerit, hæc est enim quæ sponte gignitur, quia extra meditationem librorum et omnem doctoralem auditum suggerit et exhortatur quæ sunt utilia, et cogitationes nobis adjuvantes animam præstat. Sed nec uvæ primitiarum, sive ut Septuaginta, *uvam sanctificationis vindemiare tunc necesse habemus.* Et quæ sit sanctificationis uva sciunt qui imbuti sunt Christi mysteriis. *Sed erunt vobis in cibum, tibi et servo tuo, ancillæ et mercenario tuo, et advenæ qui peregrinatur apud te, jumentis tuis et pecoribus tuis.*

Quæcunque enim nunc operati fuerimus, horum ibi fructum percipimus, et illud psalmi nobis aptabitur: *Beati omnes qui timent Dominum: labores manuum tuarum quia manducabis, beatus es, et bene tibi erit* (Psal. cxxvii). Beatitudinem enim describit futuri sæculi, in qua beatum est eum quidem quemdam cibum invenire: *Beatus enim, ille ait, qui comederit panem in regno cælorum* (Luc. xiv). Multo magis autem beatum est, et servos habere, et ancillas et mercenarios, et advenas, jumenta et pecora, sive secundum Septuaginta, *et bestias.* Species enim hæc discipulatum præbentium nobis in sancta Dei conversatione sunt diversæ, servi quidem et ancillæ quotquot nobis ad discipulatum semetipsos subdiderint, vel a nobis empti fuerint de exteriori servitio; mercenarii autem nostri, qui a nobis invitati sunt, non tamen tantam subjecti ut et servi et ancillæ nominentur: advenæ, siveut LXX, *inquilini*, adjacentes nobis, neque enim dixerunt inquilinos, sed inquilino adjacenti ad te, quotquot in vita ista per philosophiam quasi inquilini sunt, non tamen exterioribus adjacent, sed nobis, qui in terram bonam ingressi sumus, et possidemus eam, et quæ ad eam pertinent. Sed et si quem idiotam sive popularem juvabimus, hi enim sunt jumenta. Insuper et si quem infidelium vel impiorum, qui recte pecora, vel sicut LXX, *bestiæ* nominantur mansuetæ, facientes relinquere silvas, et ad terram venire nostram fecerimus. Secundum editionem vero LXX, ubi legitur: *Cum introieritis in terram, quam*

ego dabo vobis, et requieverit terra quam ego dabo vobis sabbata Domini : sex annis seminabis agrum tuum, et sex annis putabis vineam tuam, et congregabis fructum ejus. Anno autem septimo sabbati requies erit terre sabbata Domino. (Ex Augustino.) Quæritur quomodo intelligendum sit, cum introieritis in terram quam dabo vobis, et requieverit terra, sex annos seminabis agrum tuum, et cætera, quasi tunc fieri præceptum sit quando terra requieverit, cum propterea terra requiescat, quoniam hoc fit. Requiem enim terræ septimo atque anno vult intelligi, quo jussit nihil in ea quemquam operari per agriculturam. Sed nimirum longum hyperbaton facit obscuritatem huic sensui : videtur ergo hic esse ordo verborum : Cum introieritis in terram quam ego dabo vobis, et requieverit terra quam ego dabo vobis, sabbata Domini, quæ ab se surgunt, agrum tuum non metes, et uvam sanctificationis tuæ non vindemiabis : annus requiescendi erit terræ. Et erunt sabbata terræ esca tibi, et puero tuo, et puella tuæ, et mercenario tuo, et inquilino qui applictus est ad te, et pecoribus tuis et bestijs quæ sunt in terra tua, omne quod nascetur ex eo in escam. Interposuit autem exponendo quomodo terra requiescat, et ait : Sex annis seminabis agrum tuum, et sex annis putabis vitem tuam, et congregabis fructum ejus. Anno autem septimo sabbata, requies erit terræ, sabbata Domini. Agrum tuum non seminabis, et vitem tuam non putabis. Et per hoc quod ait, non putabis, omnem culturam eo anno prohibitam debemus accipere. Neque enim si putanda non est, aranda est, aut adminiculis suspendenda, vel quolibet aliud, quod ad culturam ejus pertineat, adhibendum ; sed quomodo solet a parte totum intelligi, ita per putationem omnis cultura significata est ; et per agrum atque vineam, cum et illum seminari, et hanc putari prohibuit, omnis agri genus intelligendum est. Neque enim in ofiveto vel quolibet alterius generis agro aliquid operandum est, de quibus tacuit. Quod vero ait, et erunt sabbata terræ esca tibi, et puero tuo, et puella tuæ, et cætera, satis aperuit, nec Dominum agri prohibitam vesci eis, quæ non adhibita cultura illo anno sponte nascantur, sed fructus redigere prohibitum. Sic ergo permissus est aliquid inde in escam sumere, quomodo transiens, ut hoc solum caperet quod statim vescendo consumeret, non quod in usus reponeret.

#### CAPUT VI.

De observatione Jubilæi et legitimis ejus.

(IBID.) Numerabis quoque tibi septem hebdomadas annorum, id est, septem septies, quæ simul faciunt annos quadraginta novem : et clanges buccina mense septimo decima die mensis propitiationis tempore in universa terra vestra. Sanctificabique annum quinquagesimum, et vocabis remissionem curatis habitatoribus terræ tuæ : ipse est enim jubilæus, Revertetur homo ad possessionem suam, et unusquisque rediet ad fontem pristinum, quia jubilæus est, et quinquagesimus annus. Non cretis neque metetis sponte in

agro nascentia, et primitias vindemiæ non colligetis ob sanctificationem jubilæi, sed statim oblata comedetis. Anno jubilæi redient omnes ad possessiones suas. Hic interrogandi sunt Judæi : Si septimam, sicut ipsi dicunt, diem legislator honorans, vacare in ipsa agri operibus aliisque talibus præcepit, cujus gratia et quinquagesimo anno cessare ab operibus præcepit? Si enim hebdomadæ hebdomadarum ad novem et quadraginta numerari annos colliguntur, non oportebat quinquagesimum vacare, nisi forsitan aliquid significaret, et mysteria lex exponeret, quæ necdum tempus erat aperte propter auditorum infirmitatem aperiri. Quæ sint autem hæc, audi : Duplex quædam inferitur a Deo omnium visibilium consummatio, una quidem uniuscujusque nostrum, alia autem communis humani generis, ipsorumque horum quæ hanc quæ nunc est conversationem constituunt. Sed nec quando omnes, et hoc nimis scienter legem datus Deus nobis iannit his et superioribus verbis : in superioribus quidem, uniuscujusque finem insinuans, his autem consummationem totius generis humani mundique visibilis. Numerabis ergo tibi septem hebdomadas annorum, sive, ut Septuaginta, septem ergo numerabis tibi requies annorum ; sabbata autem pro requiebus reliqui interpretum ediderunt. Et quid hoc est? Septem enim ait hebdomadas annorum septies, et sunt septem hebdomades annorum quadraginta novem anni ; quia enim in hebdomade dierum totum sæculum humanum dividitur, quando hic ipse in semetipso multiplicatus fuerit, et tota sæculi completa fuerit volubilitas, cujus tempus Creator desinivit, diu semetipsum volvens ad finem pervenit. Et propterea ille finis temporis hebdomadarum recte appellatur, qui quadragesimus nonus annus est. Sed oportet etiam sequentem quinquagesimum, sicut ait hic legislator, succedere, in quo mortuorum fit resurrectio ; post enim finem resurrectio sequitur, quæ quomodo et quemadmodum proveniat dicit quidem Paulus, similiter autem et legislator presentibus subdidit verbis, ait enim : Et clangetis buccina mense septimo in universa terra vestra, illam tubam significans de qua Paulus scribit Thessalonicensibus : Quia ipse Dominus in jussu, in voce archangeli, in tuba Dei descendet de celo, et mortui qui in Christo sunt resurgent incorrupti (I Thess. iv) ; oportet enim mortuorum resurrectionem suscitantem eos præcedere tubam. Unde in quadagesimo et nono anno, in quo communem diximus consummationem fieri, tuba cani præcipit. In mense autem septimo, decima mensis propitiationis tempore clanges buccina in universa terra vestra, recte præcipit, per propitiationem manifestans, quia propter bonitatem erga nos, et clementiam erga omne genus humanum, communis resurrectionis dispensat mysterium, misericordiam impendens Adam, qui per inobedientiam in terram reverti jussus est. Si enim non misericors propitiativusve fuisset, non eum a corruptione terrena liberaasset. Dixit autem, omnem terram, quia totius erit humani generis resurrectio ; per septimum au-

tem mensem et decimam diem, eum qui hæc egit, videlicet Christum, intelligens, mense enim septimo ætatis mundi venit, cujus mensem primum dicimus eum qui fuit in paradiso; secundum, usque ad diluuium; tertium, usque ad Abraham; quartum, usque ad tempus quo descensum est in Ægypto; quintum, usque ad captivitatem in Babyloniam; sextum, usque ad adventum Christi; septimum, ipsum Domini adventum. Nam etsi non omnes hæc differentiam quamdam inter se ætates habent, tamen temporum signa sicut menses habent; sed decimam diem propter imperfectionem addit, perfectus quippe numerus est decimus: propitiationem nostram per crucem atque passionem Christus peregit, unde et ovem quam Moyses præcipit immolari, perfectam esse et decima die separari præcepit, hujus gerentem imaginem de quo nobis nunc sermo est. Quid autem his addidit?

*Sanctificabisque annum quinquagesimum, et vocabis remissionem cunctis habitatoribus terræ tuæ. Septuaginta autem addunt, annus remissionis erit vobis significatio hæc, et sanctificabitur, id est, in sanctimonia hunc exspectate, et sancta de eo cogitate, sed et sanctimoniam in eo corrigite, reminiscetes illum qui dixit, Pacem sequimini cum omnibus et sanctimoniam, sine qua nullus videbit Deum. Sed et omnibus qui sunt in terra remissionem annuntiemus prolatæ contra nos propter Adam sententiæ, significatio hæc est; signum est enim mortuorum resurrectio Christi victoriæ, per quam vicit inimicum, omnia subjiciens sibi, et destruens mortem, quemadmodum Paulus ait: Oportebat enim eum regnare donec ponat inimicos sub pedibus suis, novissima autem inimica destruetur mors (I Cor. xv). Sed significatio hæc per evangelicam prædicationem efficitur, Christus enim adveniens eam significavit atque prædicavit: tunc revertetur homo ad possessionem suam, et unusquisque redibit ad familiam priyatam. Vel, sicut LXX, ad patriam suam; possessio enim nostra est et indemptio [adepto] futuri sæculi, quia illam non ad tempus, sed in perpetuum possidemus, et nec nunc quidem hujus, nunc autem illius, sed semper ejusdem est firma, et quæ non possit auferri possessio, de qua Dominus dicebat: Thesaurizate vobis thesauros in celo, ubi nec tinea nec ærgo corrumpunt, nec fures effodiunt et furantur (Matth. vi). Sed ad familiam priyatam redimus, vel sicut Septuaginta, ad patriam nostram ambulabimus; manifesta est enim quædam amantium hospitalitatem patria, sive familia, cui Abraham præest; manifesta castorum, cui Joseph princeps est; manifesta zelatorum, cui Elias primatum tenet: quarum hæreditatem percipimus, quando horum quæ hic sunt remissio et significatio, contra mortem victoria peracta fuerit, in quinquagesimo anno, qui post hebdomadem hebdomadarum, id est, post communem finem veniet, sicut semel ostensum est; tunc non possunt seminari, neque meti sponte in agro nascentia; nec primitias vindemiæ colligi; neque enim tempus est in quo nobis per operationem conquiramus aliquam sanctimoniam, quam in*

hac vita non acquisivimus in sæculo futuro, sed frui his quæ hic operati fuerimus. Sequitur:

*Quando vendes quidpiam civi tuo, vel emes ab eo, ne contristes fratrem tuum, sed juxta numerum annorum jubilæi emes ab eo, et juxta supputationem frugum vendet tibi. Quanto plus anni remanserint post jubilæum, tanto crescit pretium; et quanto minus numeraveris temporis, tanto minoris et emptio constabit, tempus enim frugum vendet tibi. Nolite affigere contribules vestros, sed timeat unusquisque Deum suum, quia ego Dominus Deus vester. Esse aliquam venditionem, cujus sine argento contractus provenit, aperte nos Isaias docuit, cum ait: Omnes sitiientes venite ad aquas, et qui non habetis argentum prope- rate, emite et comedite (Isa. lv). Propter quod sic dicebat Petrus condemnans Simonem: Pecunia tua tecum sit in perditionem, quia donum Dei estimasti pecunia possideri. Bonum et vere beatum est, quod spiritale est, non tamen cujus possessionem fas sit pecunia adipisci. Talem et nunc venditionem et possessionem spiritalem lex proponit. Ait enim: Quando vendes quidpiam civi tuo, vel emes ab eo, id est, aliquam doctrinam; aut dederis, aut acceperis, id est, aut docueris, aut edoctus fueris: hæc est enim bona possessio quæ ad possessionem futuri transmittit sæculi. Bene autem conjunxit: Quando vendes quidpiam civi tuo, vel emes ab eo; alterutrum enim caritativitæ, alterutrum possessio, discipuli atque doctoris, quod demonstrat Paulus Corinthiis scribens: Quia gloria vestra sumus, sicut et vos nostra in die Christi Jesu (II Cor. i). Ne contristet ergo homo fratrem, id est, ut non super virtutem discipulis ingeramus, sed quæ eis sunt possibilis, id est, virginitatem et cui possibilis est, illi videlicet de quo ait Paulus: Qui statuit in corde suo firmus, non habens necessitatem, potestatem autem habet suæ voluntatis, et hoc indicavit in corde suo custodire virginem suam (I Cor. vii); conjugium ei qui non capit virginitatis verbum; idem enim dixit: Et qui tradit nupti virginem suam benefacit, et qui non tradit melius facit; et rursus: Si quis autem turpem se videri existimat super virgine sua, quod sit superadulta, et ita oportet fieri; quod vult faciat, non peccat si nubat: Et rursus: Melius est nubere quam uri. Idem est de omni virtute eam quæ secundum possibilitatem est, nos ipse Deus exigit, et in alterutris ministrare vult; nam Phariseos reprehendebat ut pote gravia aliis præcipientes, ait enim: Alligant onera gravia et importabilia, imponunt ea in humeros hominum (Matth. xxiii): Nimis ergo consequenter legislator addidit, sed juxta numerum annorum jubilæi, emes ab eo; vel, sicut LXX, secundum numerum annorum post significationem possidebitis a proximo: significationem, secundum quod jam dictum est, adventum Dominicum intelligens, et quæ ad eum pertinens annuntiata est evangelica prædicatione, quæ nobis futuram contra mortem victoriam, requiemque futuri sæculi significavit. Ex quo ergo significatio hæc fit nemo durum potest jugum, nec vitis grave gerit;*

sed secundum numerum annorum, id est, secundum suam virtutem, quia anni hominis aetatem ostendunt, ex qua manifestus sit quis, quid possit secundum corpus; quod magis explanans subdidit, *iuxta supputationem frugum vendet tibi*, secundum quod habet virtutem operari et fructificare, reddat magistro fructum discipulus. Quanto plus anni remanserint post jubileum, tanto crescit pretium. Et quanto minus numeraveris tempus, tantam minoris et emptio constabit. *Tempus enim frugum vendet tibi.* Si potest multa operari, multum fructum exiges; si autem paucis, parvum: nam hic quidem trigessimum, alter autem sexagesimum, alter vero centesimum fructum ferre exigitur. Nec negligenter hoc a legislatore, sed ex opere studetur, nam ait iterum: *Nolite affigere contribules vestros, sed timeat unusquisque Deum suum, quia ego Dominus Deus vester.* *Non affiget homo contribulem*, id est, non ei grave onus imponat; et supra virtutem ejus: *sed timeat unusquisque Deum suum*, qui dicit, *tollite jugum meum, quia suave est; et onus meum, quia leve est* (Matth. xi). *Ego Dominus Deus vester*, id est, qui de virginitate apostolorum præcepi et dicit: *Non omnes capiunt verbum hoc, sed qui potest capere capiat* (Matth. xix). Sic unumquemque inde exigit secundum virtutem suam. Et hoc quidem lucrum est contemplationis spiritus. Habet autem et litera non parvam instructionem: compati enim proximo, et in contrariis sensibilibus; et nullatenus gravem quempiam neque onerosum vult esse; nec de pauperum necessitatibus negotiari, nec studere se festinare possessiones eorum sibi conquirere, domum domui conjungere, agrum agro appondere; sed tribuere opus habentibus; et quæ paulatim dederunt de fructibus recipere, qui de agris colliguntur, ipsi enim debitam donare, et neque hoc quod mutuum datum est recipere, perfectæ hoc vitæ est, quam non omnes capiunt; qui autem capiunt, beati sunt: Sequitur:

*Facite præcepta mea, et judicia mea custodite; et impleatis ea, ut habitare possitis in terra absque ullo paupere; et gignat vobis humus fructus suos quibus vescamini usque ad saturitatem, nullius impetum formidantes.* Nullatenus enim nos vacare licet, infirmi stitimus à legis operatione, sed operari prociù dubio etiam secundum virtutem vult, virtutem enim nostram conscientia nostra convincit, sicut ait Paulus: *Cogitationum invicem detrahentium vel excusantium* (Rom. ii). Omnes ergo justitias Dei, omnia ejus iudicia prius custodiamus, et postea faciamus; custodiamus non corruptentes intentionem eorum, sed districte custodientes et immutabiliter, veluti si quis elemosynam operari velit, non proximo nocens operetur, neque si pauper est, ipse rapiat divitum pecunias, ut præbeat pauperibus; Deus enim elemosynam ex justitia offerri vult. Hoc autem et in unoquoque mandato dicimus, ut prius ejus intentionem et finem custodiamus et sic in eorum operationem proficiamus; tunc enim in terra intelligibili confidenter habitabimus, in divinâ videlicet lege

spiritualis Scripturæ et bonæ conversationis, quam nobis Deus possidere et colere præcipit, quando ejus intentionem non facimus transgredi; tunc gignit fructus suos quibus vescamur usque ad saturitatem; et nullius impetum formidamus; qui enim contudit intentionem legis et qui operatur, hic ejus colligit fructus, et comedit eos ad saturitatem, et sine formidine in ea inhabitat, quia legislatoris intentionem non transgreditur; nec comestus sibi est contra legem in lege Dei convertari. Sequitur:

*Quod si dixeritis: Quid comedemus anno septimo, si non devertimus neque colligerimus fruges nostras? Dabo benedictionem vobis anno sexto, et faciet fructus trium annorum; seretisque anno octavo, et comedetis veteres fruges usque ad novimum annum, donec nova nascantur, edetis vetera.* Valde dignum est, ut prius juvemur, id est, de utilitate literæ hoc intendendum est, atque hujusmodi lucrum sectandum; duorum enim annorum vacationem terræ præcipiens non vult destitescere, neque conturbare eos qui legem percipiebant; quid comedant, aut unde comedant, sed ait: *Dabo benedictionem meam vobis.* Quam vero? *quia non in solo pane vivit homo, sed in omni verbo quod procedit de ore Dei* (Matth. iv). Quomodo ergo Christi mandatum quidam tanquam impossibile et laboriosum accusant quod dixit: *Non cogitatis in crastino.* Ecce enim etiam lex similia præcipit, et de integris tribus annis jubet non cogitare eos qui virtutem legislatoris intendunt. Præterea per tres annos uniuscujusque nostrum consummationem et communem retributionem quæ est post resurrectionem necessario intelligimus. In unoquoque enim horum comedimus quæcumque hic operati fuerimus. Propter quod ait: *Quod si dixeritis: Quid comedemus anno septimo?* id est, uniuscujusque nostrum consummationem; manifestum est enim quia et in communi, in qua resurrectio fit, et in retributionem eundem cibum habebimus. Audi quod tibi de his Deus responsum per legem dat: *Dabo benedictionem meam vobis anno sexto, et faciet fructus trium annorum.* Benedictio Patris Filius est, ipse enim imaledictum illatum Adæ disperdidit, propter quod et in eo oportere nos benedici David psalmista et propheta docuit: *Benedictio Domini super vos, benediximus vobis in nomine Domini* (Psal. cxviii). Nomen Domini Filium dicens evidenter, quia quemadmodum nomen manifestat unumquemque, etiam qui non videtur, sic et Christus apparens cognosci fecit Patrem in semetipso, quamvis invisibilem. Hic in sexto anno venit tanquam in perfectione, hanc enim senarius numerus significat, quod ut in novissimo tempore rursus reformatio proveniret: in cujus dierum numero homo formatus est: quamobrem quemadmodum formationis sexta dies, sic sextus annus reformationis recte appellatur. Quod autem illic sextus dies, sextus autem hic annus dicitur, hoc ideo fit quia multa inter formationem nostram et reformationem temporum decurrerunt spatia. Ergo non frustra sexti anni legislator mentionem fecit:

in hoc enim Christus veniens, dedit nobis acquirere fructus, quibus in propria nostrorum uniuscujusque consummatione, et in communi resurrectione atque retributione nutrirī possimus, præstans generi humano abundanter fructificare virtutes, et tantum ut hi qui circa horam undecimam conducti sunt ad operandum, cum illis qui mane conducti fuerint, denarii acciperent mercedem. Sequitur :

*Terra quoque non vendatur in perpetuum, quia mea est, et vos advenæ et coloni mei estis; unde cuncta regia possessionis vestræ sub redemptionis conditione vendatur.* (Ex Augustino.) *Et terra non venundabitur in profanationem, alii codices habent, in confirmationem, quam mendositatem in alterutris prius in Græco accessisse arbitror, propter verbi similem sonum; βεβήλωσις enim profanatio dicitur; βεβαλωσις autem confirmatio. Sed ille sensus apertus est, et terra non venundabitur in profanationem, id est, ne quis auderet terram quam accepit a Deo vendere profanis, qui ea utantur ad impietatem cultumque deorum alienorum atque falsorum. Illud autem subobscurum est, non venundabitur terra in confirmationem, quod puto non intelligendam, nisi ne ita venditio confirmetur, ut eam non recipiat venditor tempore remissionis, sicut præceptum est. Quod vero sequitur, utriusque sensui potest congruere, sive legatur: *Et terra non venundabitur in profanationem, sive in confirmationem.* Secutus quippe adjunxit, *Mea enim est terra, propter quod proselyti et incolæ vos estis ante me, et per omnem terram possessionis vestræ mercedem dabitis terræ, alii autem codices habent, redemptionem dabitis terræ.* Sensus ergo hic est: *Non venundabitur terra in profanationem, id est, illis qui ea utantur in injuriam Creatoris; aut in confirmationem, id est, ut eam emptor perpetuo possideat, nec certo secundum Dei præceptum intervallo annorum restituat venditori. Mea enim est, inquit, terra, unde secundum meum præceptum ea uti debeatis.* Atque ut ostenderet suam esse non ipsorum, quid ipsi in ea essent, consequenter adjunxit dicens: *Propter quod proselyti et incolæ vos estis ante me, hoc est, quamvis proselyti, id est, advenæ sint vobis, quæ ex alienigenis adjunguntur genti vestræ, ut incolæ, id est, non in terra propria manentes; tamen etiam vos omnes ante me advenæ estis et incolæ.* Hoc Deus dicit, sive Israëlitis, quod allarum gentium terram quas expulit, eis dederit; sive omni homini, quoniam ante Deum qui semper manet, et sicut scriptum est, cælum et terram implet, utique præsentia sua, omnis homo advena est nascendo, et incola vivendo, quoniam compellitur migrare moriendo. *Si attenuatus frater tuus vendiderit possesiunculam suam, et voluerit propinquus ejus, potest redimere quod ille vendiderat, sin autem non habuerit proximum, et ipse pretium ad redimendum potuerit invenire, computabuntur fructus ex eo tempore quod vendidit, et quod reliquum est, reddet tempori; sicque recipiet possessionem suam,**

*A* quod si non invenerit manus ejus ut reddat pretium, habebit emptor quod emerat usque ad annum jubileum: in ipso autem omnis venditio redit ad Dominum et possessorem pristinum. (Ibr.) [Ex Hesi-chio.] Uniuscujusque ergo hominis possessio, bona conversatio est, quam sortiti sumus a Deo, de qua Paulus dicebat, unusquisque in qua vocatione vocatus est, fratres, in eadem maneat (I Cor. vii), apud Deum, hic enim virginitatem, ille autem castum conjugium, alter vitam justitiæ, alius autem silentium remotionemque causarum, hic sacerdotium, ille pauperum patrocinium, alter alia, unusquisque secundum propriam virtutem possidet, sed quando per desidiam cogitationes nostræ infirmatæ fuerint, tunc ex parte de propria cadimus possessione.

*B* Si attenuatus frater tuus, sive secundum Septuaginta, si ad paupertatem pervenerit frater tuus, qui est tecum, fratrem nostrum et qui nobiscum est, intellexit confidelem, in cujus cogitatione quando venerit peccatum in paupertatem labitur, et pauper vere est, qui divitias perdidit spirituales, factus qualis ille de quo David dixit: cum eum qui in cogitationibus peccatorum constitutus erat exponeret hominem: *Egens sum ego, et in laboribus a juventute mea, exaltatus autem humiliatus sum et confusus* (Psal. LXXXVII). Quando ergo hic qui talis est, partem propriæ bonæque possessionis, quæ ei sorte obvenerat vendiderit, cogitationem peccati suscipiens, vendit enim hic adversario suam mentem, quemadmodum Deus Judæis dicebat: *Ecce peccatis vestris venundati estis* (Isa. xxx), veniet affinis et propinquus ejus, secundum spiritum cognatus et confidelis, et legem cognationis operibus ostendens, et liberabit venditionem fratris sui, illud implens quod Paulus scribebat: *Fratres, si comprehensus fuerit homo in aliquo delicto, vos qui spirituales estis hujusmodi instruite in spiritu mansuetudinis, considerans seipsum, ne et tu tenteris; alter alterius onera portate, et sic adimplebitis legem Christi* (Galat. vi). Si enim invicem onera nostra exhortationibus, commotionibus, opportunisque consiliis portaverimus, liberare fratrem a paupertate possumus et redimere, quam ipse ex negligentia possessionem cum deberet vendidit, et modo quodam sit communis possessio, si autem alicui non fuerit proximus vel propinquus, forsitan enim non ostendit opportuno tempore erga alium compassionem, ipse semetipsum salvare debet, et propriam substantiam redimere, et propterea ait: *Sin autem non habuerit proximum, et ipse pretium ad redimendum potuerit invenire, computabuntur fructus ex eo tempore quo vendidit, et quod reliquum est, reddet emptori, sicque recipiet possessionem suam.* Quis ergo nostrum idoneus est, aut potest ex desidia aut pravitate mentem venditam liberare, ut non ex toto pereat abalienante, nisi vita bona et actio repellens quæcumque inventi fuerimus in mente peccantes? Oportet ergo cogitare quantum tempus prædictas mentes ei qui solet eas cogitationibus malis emere, et in ser-

vintem redigere vendiderimus, et si verbi gratia, desiderium nostrum avaritiæ cogitatus invasit, nos recuperemus mentem nostram, ut eas etiam quæ de justo sunt pecunias, et possessiones despiciamus, si gastrimurgiæ captivatem suggestit, nos intentionem jejuniæ districti, et omnium ciborum continentiam recuperemus, sic enim possessionem nostram recipere majori inimico quem devicerimus possumus. Si autem hoc factum non fuerit, quid eveniat, disce, et si non invenerit manus ejus ut reddat pretium : oportet enim sicut diximus, quando non præveniens quis propinquus spiritualis commoverit, quando malas cogitationes sine læsione repellimus, subsequi cogitationem et actionem ex qua liberari possumus, quæcunque reperti fuerimus male alienasse : *Habebit emptor, quod emerat usque ad annum jubilæum ; in ipso enim omnis venditio redit ad dominum et ad possessorem pristinum.* Si ergo neque per fraternam doctrinam, neque per aliquam virtutem, nostras cogitationes emendaverimus, et recuperimus quod de nostra possessione alienatum est, dominabitur ejus qui eam per negligentiam nostram possedit, usque ad opus enim peccatum perducitur, et non aliter intelligibilem nostram possessionem recipimus, nisi in tempore jubilæi ; sive ut Septuaginta, remissionis, qui perfectus est annus, qui omnes in se horas habet, et omnium modorum circuitum ; peractum peccatum, et per multum tempus manens, non aliter fas est corrigi, et liberare mentem in qua dominatus est is, qui male nostra acquisivit, nisi per perfectam pœnitentiam, in qua jejunium, et oratio et cilicium, et eleemosyna et lacrymæ peraguntur ; per hæc enim remissio nobis plena conquiritur.

*Qui vendiderit domum intra urbis muros, habebit licentiam redimendi, donec unus impleatur annus. Si non redemerit, et anni circulus fuerit evolutus, emptor possidebit eam, et posteri ejus in perpetuum, et redemi non poterit, etiam in jubilæo : sin autem in villa fuerit domus quæ muros non habet, agrorum jure vendetur ; si ante redempta non fuerit, in jubilæo revertatur ad dominum. Aedes Levitarum quæ in urbibus sunt, semper possunt redimi ; si redemptæ non fuerint, in jubilæo revertentur ad dominos, quia domus urbium Levitarum pro possessionibus sunt inter filios Israel : suburbana autem eorum non veneunt, quia possessio sempiterna est.* Si ad unum hoc intentionem legislator habuisset, ut possessiones non caderent ab aliis ad alios, erat quippe etiam hoc utile, quia de sufficientia, secundum quod diximus lex curam gerit, cujus putas rei gratia, quando non fuerint intra annum, sicut ait, redemptæ, propriæ esse conquirentium jussæ sunt, sed nec hoc simpliciter, sed imo subtilem quamdam custodiens divisionem, quæcunque enim intra muros sunt munitarum civitatum, intra annum redimi solummodo liceret, quæcunque autem in non muratis, licentiam haberi liberandi eas semper permisit, levitarum autem domos, sive in muratis, sive in non muratis

A sint, semper redimi præceptum, agros autem vendere omnes prohibuit. Hæc autem distinctio, tam infructuosa est ad faciem litteræ quam ostendit, quia lex fuit quidem quando habuit jvamen de littera, non tamen semper, nec de omni, propter quod et contemplatio spiritualis necessaria est, utilitas autem hinc intendenti perpetua, et de omni mandato legis provenit. Jam nunc ergo præsentis sanctionis discutiamus virtutem, in præcedentibus uniuscujusdam possessionem, proponens ait enim : *Si attenuatus frater tuus vendiderit possessionem suam, specialem uniuscujusque conversationem procul dubio exposuit, hic autem non jam de conversatione speciali, sed totius Synagogæ vel Ecclesiæ loquitur, in quibus Judæorum quidem Synagoga in eo quod manet usque nunc apud conquirentem inimicum et adversarium serviens, Ecclesiæ autem gentium quodammodo libertatem accipiunt, sed et Judæorum collegiorum, quomodo quædam per quosdam intelligibiles levitas, id est, apostolos salventur, nimis secundum quod Deum decet exponit dicens : Qui vendiderit domum intra urbis muros, habebit licentiam redimendi, donec unus impleatur annus.* Hæc de Judæorum Synagoga intelligamus, quæ inhabitabatur quidem : propterea enim eam Deus per Moysen, et ut habitaretur constituit, licet ipsa hæc non custodierit ab his, in quibus inhabitanda erat. Propter quod et Dominus Judæis dicebat : *Domus mea, domus orationis vocabitur, vos autem fecistis eam speluncam latronum (Matth. XXI).* Erat autem in civitate murata in Hierusalem, habebat enim murum legem : hanc vendidit quispiam non tamen, dicit venditorem, neque propinquum, neque proximum, sicut supra appellavit ; neque enim unus erat hanc vendens, sed totus Judæorum populus male vivens qui neque frater, neque cognatus dignus erat appellari. Unde eum etiam populum Sodomorum et Gomorrhæ Deus per Isaïæ prophetiam appellavit : *Audite, inquit, verbum Domini, principes Sodomorum ; auribus percipite legem Dei nostri populus Gomorrhæ (Isai. I).* Alibi autem ad eos rursum propheta dicebat : *Cui debitori vendidi vos ? ecce venditi estis in iniquitatibus vestris (Isai. XXX).* Sed licebat eis hanc venditionem redimere in anno, in quo Christus omni generi humano maxime populo Judæorum redemptionem peccatorum prædicavit, quem annum, nunc quidem legislator innuit : aperte enim Isaïas exhibuit : *Spiritus Domini super me, eo quod unxit Dominus me, ad annuntiandum mansuetis misit me, ut mederer contritos corde, ut prædicarem captivis indulgentiam, et clausis aperitionem, ut prædicarem annum placabilem Domini, et diem ultionis Deo nostro. Si autem redempta non fuerit usque dum impleatur annus, confirmabitur domus quæ est in civitate quæ habet muros viri emptoris, posterorumque ejus in perpetuum, et redimi non poterit, etiam in jubilæo (Isai. LXI).* Dominatus est enim Judæorum Synagogæ, qui emit eam inimicus, et posteris ejus in perpetuum ; omni videli-

get presentis tempore, hoc enim appellatur: per ejus posteros vel generationes, quod Septuaginta edunt, quia presentis temporis potestatem habet contra eos qui conjunguntur ei, et redimi non poterit etiam in jubileo, sive ut Septuaginta, in remissione. Quia remissione? nisi utique illa quam eis Dominus crucifixus dixit: *Pater, dimitte illis, quia nesciunt quid faciunt*. Sed peccatum renovaverunt post datam remissionem malitiosi effecti, et præterito non sufficiente peccato, addiderunt alia deteriora quæ circa sepulcrum, et post resurrectionem, et post in cælos ascensionem, contra ipsum Christum, et contra chorum apostolorum præsumperunt.

*Sin autem in villa fuerit domus quæ muros non habet, agrorum jure vendetur, si ante redempta non fuerit, in jubileo revertetur ad dominum.* Domus ergo quæ in villa sunt, quod Ecclesiæ gentium debeant intelligi, Isaias nobis propheta demonstrat dicens: *Lauda, sterilitas quæ non parit, decanta laudem et hincire quæ non pariebas, quoniam multi filii desertæ magis quam ejus quæ habet virum, dicit Dominus (Isai. LIV)*. Ergo quæ in villa, sive ut Septuaginta in aulis sunt domus, gentium Ecclesiæ intelliguntur. Quod adhuc planius in posterioribus ejusdem prophetiæ ostenditur: *Fige non parcas, extende funes tuos et paxillos tuos conforta, adhuc ad dextram et sinistram extende, et semen tuum gentes hereditabit, et ciuitates desertas inhabitabit*. Ecce desertas ciuitates sine muro, videlicet eas quæ sunt gentium appellavit: neque enim habebant legis murum, et desertæ erant errore idololatriæ, quorum domus in villis, quas Septuaginta in aulis dixerunt, quas et esse Ecclesias diximus, agrorum jure vendentur; vel secundum Septuaginta *ad agrum terræ æstimabuntur*. Cujus agri? Illius utique quem Dominus dicit: *Simile est regnum cælorum thesauri abscondito in agro, quem qui invenit homo abscondit, et præ gaudio illius vadit, et vendit omnia quæ habuit, et emit agrum illum (Matth. XIII)*. Dicit autem agrum evangelium, in quo thesaurus, Christus est mysterium. Hujus ergo agri jure vendentur, vel ad hunc agrum æstimabuntur, quia ei sunt proxime, non legi, quamobrem semper redimi possunt, vel secundum Septuaginta liberatæ per omnia erunt. Ex quo enim Dominus venit, usque ad secundum adventum ejus, per partes gentes redimuntur, et per remissionem evadunt, quam ipse omni generi humano per crucem procuravit, crux enim est vera remissio.

*Ædes levitarum quæ in urbibus sunt, semper possunt redimi, si redemptæ non fuerint, in jubileo revertentur ad dominos, quia domus urbium levitarum pro possessionibus sunt inter filios Israel.* Non frustra Levitas quispiam dicat appellari apostolos, sed quia de Levitis dictum est: *In terra eorum nihil possidebis, nec habebis partem inter eos, ego pars et hereditas tua in medio filiorum Israel*, hoc autem in apostolis proprie impletum est, qui dicebant confidenter ad Dominum: *Ecce nos reliquimus omnia, et secuti sumus te; quid putus erit nobis?*

(*Matth. IX*). Horum ergo ædes quæ in urbibus sunt, sive secundum Septuaginta domus civitatum eorum possessiones quotquot eos secuta sunt, fide et conversatione, Judaica collegia recte intelliguntur, quia prius propter eos ire ut ad oves quæ fuerant perditæ domus Israel a Christo jussi sunt. Ergo ad sortem eorum pertinebant illi atque possessionem, semperque poterant redimi; et hoc historia Actuum apostolorum demonstravit, multa enim Judæorum per apostolos ab errore dicit liberata collegia. Non solis autem licuit apostolis hanc peragere redemptionem, sed et discipulis eorum: sed tamen hanc secundum illorum oportebat effici doctrinam, et illis imputaretur qui exordium facto præbuerunt, qui posuerunt dogmata. *Si redemptæ non fuerint, in jubileo revertentur ad dominos.* Quare autem hoc dictum sit, sequitur: *Quia domus urbium levitarum pro possessionibus sunt inter filios Israel, id est, propter apostolorum cognationem: intelligibilium enim levitarum apostolorum possessio in medio filiorum Israel erat, sicut cognovimus, quia Petrus et Joannes sortem apostolatus in prædicatione eorum qui ex circumcissione erant perceperunt. Sed et alio modo, apostolis possessio in medio filiorum Israel erat, circumcissionem enim habebant et ipsi, et secundum legem Israel semper vixerant, propter quod et eorum erant ipsæ domus civitatum, ab ipsis enim erant liberatæ, et quicunque salvati sunt, per eos salvati sunt. Et cum indigni essent, propter blasphemiam quam commiserunt in crucem, et quam rursus post resurrectionem præsumperunt, honore tamen apostolorum qui et ante crucem crediderunt, et in cruce, vel etiam post crucem permanserunt, in fide suscepti sunt. Et quia hoc verum est, discite ab Isaiâ dicente: *Nisi Dominus exercituum reliquisset nobis semen, quasi Sodomæ facti essemus, et quasi Gomorrhæ similes fuissetis (Isai. I)*. Si enim non relictum esset apostolorum semen, nihil prohiberet in modum Gomorrhæ et Sodomæ omnem plebem Judaicam perire, sed apostolorum causa non omnes perierunt, quorum virtutes et possessiones quales erant, in paucis his considera verbis: *Suburbana autem eorum non venent, quia possessio sempiterna est.* Quorum? Apostolorum videlicet: hi enim esse Levitæ dicti sunt; horum suburbana sive agri non venduntur, id est, conversationes et virtutes et doctrinæ, hæc enim agrorum vice colebant, ita ut Paulus de eis diceret: *Quis plantavit vineam, et de fructu ejus non edet? (I Cor. IX)*. Et rursus: *Dignus est operarius mercede sua (I Tim. V)*. Et rursus: *Nunquid de bobus cura est Deo? An de nobis utique dicit, quia debet in spe qui arat arare, et qui seminat in spe fructus percipiendi (I Cor. IX)?* Et rursus: *Si nos vobis spiritalia seminavimus, magnum est, si vestris carnalibus metamus? (Ibidem)*. Hæc ergo doctrinæ separatæ erant civitatibus eorum, quæ et per ipsos consistebant, et per ipsos salvabantur, et vendi non poterant, quia ad ipsos dicebatur: *Gratis acceptis, gra-**



tis date. Unde et Simonem emere volentem domum A sicut supra exposuimus lapsus acciderit, semper est  
 Spiritus, ejus portione sive sorte privavit. (*Ex Ada-*  
*nant.*) Secundum tropologiam vero, hæc referam-  
 us ad nos, quibus lex Christi si eam sequamur  
 nec possessiones in terra, nec in uribus domus  
 habere permittit, et quid dico domus? nec plures  
 tunicas, nec multam concedit possidere pecuniam :  
*Habentes enim, inquit, victum et vestitum, his con-*  
*tenti sumus (I Tim. vi).* Quomodo ergo nos datas  
 de domibus sive intra civitatem muratam positas,  
 sive in vicis quibus muri non sunt observabimus  
 leges? Invenimus in aliis Scripturæ locis, quod  
 sermo divinus majore quodam sacramento nomi-  
 nat domum, ut cum dicit de Jacob, et quasi pro  
 laude ejus ponit : *Erat enim, inquit, Jacob homo*  
*simplex habitans domum (Gen. xxv).* Et iterum in  
 venio de obstetricibus Hebræorum scriptum : *Et*  
*quæ, inquit, timebant Deum obstetrices fecerunt sibi*  
*domos (Gen. i).* Videmus ergo quod obstetricibus  
 quidem faciendorum domorum causa fuerit timor  
 Dei : Jacob vero simplicitas et innocentia causam  
 dederit, ut habitaret domum; denique Esau, quia  
 malus fuit, non est scriptum de eo quia habitave-  
 rit domum, nec de alio aliquo scriptum est, quia  
 ædificaverit sibi domum, qui non habuerit timorem  
 Dei; quæ est ergo ista domus? et quale ædificium  
 est? Paulus apostolus exponit apertius cum dicit :  
*Domum habemus non manufactam æternam in cælis*  
*(II Cor. v).* Hæc est ergo domus quam ædificare nemo  
 potest, nisi timeat Deum; hæc est domus quam ex-  
 struere, vel habitare nemo potest, nisi in simplicitate  
 mentis et puritate cordis. Sed quomodo accedere solet,  
 ut etiam qui bene ædificaverit, et domum tibi cele-  
 stem bene agendo, et bene vivendo ac rectè credendo  
 construxerit, incurrat alicujus peccati debitum et hanc  
 a crudelissimo feneratori venundari cogatur, ac labo-  
 res suos transfundere in alium, pietas et clementia  
 legislatoris occurrit, ut intra certum tempus redimi  
 possit : *Si tamen invenerit, inquit, manus tua pre-*  
*tium quod restituas.* Quale pretium? Pœnitentiæ  
 sine dubio lacrymis congregatum, et manibus, id  
 est, labore boni operis inventum. Annus autem iste  
 intelligi potest, quem venit vocare Dominus annus  
 acceptum, quo dimittat contractos in remissionem,  
 et salutem delicta sua consentibus præbeat (*Isa.*  
*Lxi).* Quod autem dicit domum in civitate muratam,  
 recte ut ego arbitror, domus quæ in cælis est dicitur,  
 in civitate murata intelligitur, murus est enim  
 hujuscemodi domibus, ipsum cæli firmamentum;  
 sed talem domum rari quique habere possunt, illi  
 fortassis qui super terram ambulantes, conversatio-  
 nem habent in cælis; et de quibus dicit Apostolus,  
*Dei ædificatio estis (I Cor. iii).* Cæteri autem in vicis  
 habent domos, quibus non est murus : est tamen eis  
 adjacens ager fecundus, illis fortassis qui sibi habi-  
 tæculum præparant in terra viventium, et in illa  
 terra quam mansuetis Dominus promittit dicens :  
*Beati miles, quoniam ipsi hæreditatem possidebunt*  
*terram (Matth. v).* Ista ergo domos, si forte aliquis

rum nunquam eadit, nunquam auferitur, nunquam ab eorum jure separatur. Quomodo enim separari a sacerdotibus domus potest, quæ ædificata est supra fundamentum apostolorum et prophetarum, in qua est ipse angularis lapis Jesus Christus? (*Ephes.* II.) Quod autem possit aliquando domus ista distrabi, hoc est, hujusmodi ædificatio incidere in peccatum, audi apostolum Paulum, quo modo et alibi dicit: *Ut sapiens architectus fundamentum, inquit, posui, alius superædificat; unusquisque autem videat quomodo superædificet: fundamentum enim aliud nemo potest ponere præter id quod positum est, qui est Christus Jesus. Si quis autem supra fundamentum hoc ædificat aurum, argentum, lapides preciosos, lignum, fenum, stipulam (I Cor. III).* Vides ergo quia potest supra fundamentum Christi ædificari ligna, fenum, stipulam, hoc est opera peccati, quæ qui ædificat, sine dubio vendidit domum suam emptori pessimo diabolo, a quo unusquisque peccantium peccati pretium consequitur, satisfactionem desiderii sui, hoc si forte incurrerit aliquis, quod absit, cito redimat, cito reparat dum tempus est reparandi, dum penitentiae locus est, deprecantes in commune, ne æternæ domus habitatione fraudemur, sed digni habeamur recipi in æterna tabernacula.

## CAPUT VII.

*De usuris non accipiendis.*

(*Ibid.*) *Si attenuatus fuerit frater tuus, et infirmus manu, et susceperis eum quasi advenam et peregrinum, et vixerit tecum, ne accipias usuras ab eo, nec amplius quam dedisti; time Deum tuum, ut vivere possit frater tuus apud te, pecuniam tuam non dabis ei ad usuram, et frugum super abundantiam non exiges: ego Dominus Deus vester qui eduxi vos de terra Ægypti, ut darem vobis terram Chanaan, et essem vester Deus. (Ex Hesychio.)* In præsentī lege duo sunt quæ mirari legislatoris oporteat, id est, sapientia et pietas: sapientia quidem, quia quæ sunt sublimia per ea quæ videntur humilia exponit; pietas autem quæ est in custodia litteræ et contemplationis spiritalis. Littera si quidem pauperis exigit subventionem, et neque claudi erga eum viscera petenti mutuum, nec negotiari de paupertate ejus superabundantiam exigendo, et usuram percipiendo, et lucrum de pietate captando. Spiritus autem anagoge demonstrat quomodo oporteat uti eis qui illa paupertate pauperes facti sunt, de qua David clamabat: *Cito non anticipet misericordia tua, quia pauperes facti sumus nimis (Psal. LXXVIII).* Sic ergo secundum ordinem his quæ dicta sunt intendimus: *Si attenuatus fuerit frater tuus et infirmus manu, et susceperis eum quasi advenam et peregrinum, et vixerit tecum, fratrem uniuscujusque hic æqualem dignitate et conversatione dicit: hic si in operatione virtutum infirmatus fuerit, hoc est enim infirmari manu, propter quod Aquila si excederit, inquit, frater tuus et culpaverit manus ejus tecum, auxiliari ei, secundum LXX interpretum sensum nos tanquam proselyto et inquilino vult. Proselytus autem noster sive advena est, qui nunc*

ad fidem venit; inquilinus autem noster, qui necesse propriam domum habet, sed nostra admonitione et diligenti instructione eget ut protegatur, et non quemadmodum sine domo huc et illuc erret; sic ergo auxiliamur infirmo fratri ut vivat nobiscum, et nullatenus moriatur, a conversatione Dei alienus effectus, vivens nobiscum, id est, per nos et per nostram doctrinam, quemadmodum quibusdam cibis bonis confortatus. Oportet autem ei sicut infirmo condescendere, et mederi quæ secundum virtutem ejus suat. Propterea subdidit, *ne accipias usuras ab eo, nec amplius quam dedisti, ne forte cum infirmus factus sit, et a priori regula imminutus, abundantius ab eo virtutum operationem exigamus, sed provocemus eum manumque ejus ut infirmi sustentemus, caputque eum tantummodo legis et divinatorum mandatorum, id est, ut non peccet exigentes; ergo nimis necessarie addidit, time Deum tuum, et, ego Dominus Deus vester. Cujus jugum suave est, qui hominem modis omnibus quidem non peccare exigit, virtutes autem exigit secundum possibilitatem. Propter quod de virginitate sanciens, non omnes capiunt, inquit. Sed et de non possidendo docens: Si vis, inquit, perfectus esse (Matth. XIX); in mandato prædixit: Si ergo frater tuus vivit apud te, pecuniam tuam non dabis ad usuram, et frugum superabundantiam non exiges. Sed Paulum imitare dicentem: Factus sum infirmus infirmus (I Cor. IX). Nihil eos ad virtutis rationem exigas plus a priorē virtute. Si autem dicas forsitan eos posse, sed infirmos se fingere, hoc jam non est tuum, sed illius est qui scit quid vere possidens, qui dixit ad illum, qui talentum abscondit: Oportebat te dare pecuniam meam nummulariis, et ego veniens cum usuris utique exegissem eam (Luc. XIX). Et non est condemnatus quia usuram non accepit, sed quia pecuniam non dedit; sibimetipsi enim paterfamilias exactionem reservavit usuræ. Vide ergo quam conclusionem mandato addidit: *Ego Dominus Deus vester, qui eduxi vos de terra Ægypti, ut darem vobis terram Chanaan, et essem vester Deus.* Et quid in præsentī loco hoc commemorare legislator eguit? Sed modis omnibus illud demonstrare volens, quia quemadmodum populum de terra Ægypti, et de populo peccatori eduxit, et in terram Chanaan alterius populi rursus peccatoris introduxit, sed illinc quidem eos eduxit, ut non sub Ægyptiorum si adhuc terram habitarent dominia tenerentur, in terram autem Chanaanorum introduxit, quia expulsis gentibus non erant jam in eorum servitio redigendi, sed et terra emundata carebat malis habitatoribus, sic nos Deus sub dominatione quidem redigi peccatorum non patitur, sed neque eorum societatem, usque dum sunt peccatores amplecti. Quando autem eorum terra emundata fuerit, præcipit cum eis esse, et simul habitare, et dare eis nostram pecuniam*

## CAPUT VIII.

*Quoties tractari debeat is qui ex filiis Israel serviet alteri.*

(*Ibid.*) *Si paupertate compulsus vendiderit se tibi*

frater tuus, non eum opprimes servitute famulorum, sed quasi mercenarius et colonus erit; usque ad annum jubileum operabitur apud te, et postea egredietur cum liberis suis, et revertetur ad cognationem suam, et ad possessionem patrum suorum, mei enim servi sunt, et ego eduxi eos de terra Ægypti. Non veniant conditione servorum; ne affligas eum per potentiam, sed metuito Deum tuum. Multa littera ipsa pietate plena est; sed multo magis spiritualis intellectus. Quantum enim libertas animæ melior est a libertate corporis, tantum spiritualis contemplatio his qui ejus possunt fructus percipere clariora donat quam littera, quia littera quidem nullatenus nos his quæ fratribus eveniunt abuti vult, id est, confidelibus; sed vel si quis eorum nobis venditus fuerit, a qualibet humilitatis necessitate, nullatenus ab eo servitium servi exigamus. Quem enim semel fratrem per adoptionem Christi habuimus, quomodo deinceps servum suum habebimus? Unde et Paulus scribens de Onesimo ad Philemonem dicebat: *Propterea recessit ad horam, ut æternum reciperes, non jam ut servum, sed pro servo fratrem charissimum, maxime mihi, quanto magis autem tibi et in carne et in Domino.* Et rursus: *Qui autem fideles habent dominos, non despiciant quia fratres sunt (I Tim. vi).* Insuper autem et Spiritus præcepit etiam aliud quando aliquem fratrum et æqualem nobis vocatione et conversatione venditum, humiliatum tamen in virtutibus, id est, infirmatum deprehenderit, et hunc converteremus correptionibus exhortantes, nullatenus eo abuti; sed ut modeste et humiliter ad eum accedamus. Propter quod et in verbis ipsis intende: *Si paupertate compulsus vendiderit se tibi frater tuus, non eum opprimes servitute famulorum, sed quasi mercenarius et colonus erit.* Quia paupertas animæ est infirmitas consequendarum virtutum. Si ergo tibi fideli et colenti Deum, humiliatus frater venditus fuerit, redemptionem et pretium animæ ejus, tuam doctrinam et exhortationem suscipiens, et quemadmodum suum dominum existimans, non serviat tibi servitute servi, sed subdetur quidem, verumtamen libertate illa de qua ait Paulus: *Libertate qua liberavit nos Christus (Galat. v).* Invenies autem alibi eundem rursus scribentem: *Pretio empti estis, nolite fieri servi hominum (I Cor. ix).* Propter quod ait legislator: *Quasi mercenarius et colonus erit, vel sicut LXX, inquitinus,* quia horum uterque subjectus est quidem huic cujus domum habitat, et in agro operatur, propter paupertatem, nec domum propriam, nec agrum habens, non tamen propter hoc aufertur libertatis dignitas: quemadmodum et eum, qui per nos a peccato conversus est, oportet, si ante peccatum frater noster secundum æqualitatem gratiæ honoremque conversationis fuit, nam et si propriam nunc domum justitiæ, aut agrum proprium virtutis non habet, cum aliquando habuisset, unde non dixit mercenarius aut colonus, vel inquilinus erit, sed quasi mercenarius et colonus vel inquilinus eris tibi. In nostris enim habitare opus ha-

bet et operari, id est, ad nostras exhortationes regulasque vitæ, et exempla, quæ a nobis susceperit; spes tamen est eum ad suam recurrere dignitatem, quando integram et perfectam egerit pœnitentiam. Hoc enim manifestans legislator subdidit: *Usque ad annum jubileum operabitur apud te.* Quia post perfectam pœnitentiam, sicut integre mundatus et propterea perfectus operari et apud se potest, et postea egredietur, sicut aiunt Septuaginta, *in remissione, cum liberis suis;* non solus enim ipse liber efficitur, sed et quæ ab eò genitæ fuerant virtutes antequam sub venditionem peccati redigeretur. Propterea et revertetur ad cognationem suam, et ad possessionem patrum suorum, recipiens conversationis sortem, et partem gratiæ, quæ ab initio sorte perceperat a Deo, qui proprie noster pater est, de quo ait Paulus: *Quia autem estis filii, misit Dominus Spiritum Filii sui in cordibus vestris clamantem; Abba Pater (Galat. iv).* Cur autem hæc sanciens Deus tanta pietate utatur, ipse legis demonstravit verbis: *Mei enim servi sunt, et ego eduxi eos de terra Ægypti.* Ut ergo qui semel ejus facti sunt servi, et per eum intelligibili servitute Ægypti caruerunt, hanc eos perdere dignitatem non vult, nec quia ad modicam quis lapsus est, propterea eum in perpetuum perdere antiquam dignitatem desiderat, ideoque ait: *Non veniant conditione servorum.* Similia dicens Paulo: *Pretio empti estis: nolite fieri servi hominum (I Cor. ix).* Sed et hoc addidit: *Ne affligas eum per potentiam, sed metuito Deum tuum.* Oportet enim moderari nos jugum convertentium, et timere Deum nostrum, qui dixit: *In quo judicio judicaveritis judicabimini, et in qua mensura mensi fueritis, remetietur vobis (Marc. iv).*

## CAPUT IX.

*Servi et ancillæ de aliis nationibus sint, non ex filiis Israel.*

(Ibid.) *Servus et ancilla sint vobis de nationibus quæ in circuitu vestro sunt, et de advenis qui peregrinantur apud vos, vel qui ex his nati fuerint, in terra vestra, habebitis famulos, et hæreditario jure transmittetis ad posteros ac possidebitis in æternum; fratres autem vestros filios Israel ne opprimatis per potentiam.* Gentes quæ in circuitu nostro sunt quæ necdum crediderunt, spem tamen fidei et salutis habent, quia ipsis missum Evangelium est: sicut Paulus in Antiochia ad Judæos dicebat: *Ecce convertimur ad gentes, sic enim præcepit nobis Dominus (Act. xiii),* de his nobis servi et ancillæ conquirantur, id est qui per verbum docentur; unde et eos qui docuerunt dominos appellant, quod demonstrat in Philippis, custos carceris, qui ad Paulum et Syllam dicebat: *Domini, quid me oportet facere ut salvus sim? (Act. xvi.)* Sed et de advenis, sive ut Septuaginta, *filii inquilinorum qui peregrinantur apud nos,* conquiramus. Dicit autem inquilinos hic Judæos qui habitant quidem in lumine nostro, non tamen ei volunt oculos mentis accommodare, abscondentes ejus lucernam sub modio. Propter quod non simpliciter inquilinos

Septuaginta ediderunt, sed filiorum iniquissimorum A qui sunt in vobis, quod a Theodotione et Symmacho planius scriptum est: A filiis iniquissimorum qui habitant in vobis. De quibus dixit David: *Inhabitabunt et abscondent* (Psal. lv). Cum enim sunt in nobis qui legem ipsam et prophetas, quos et nos habemus, habent, inhabitant tamen non eadem sapientes de lege et prophetis quæ nos. Suam enim justitiam constituere querentes, justitiæ Dei non sunt subjecti. Sed hoc abscondent, et recte inhabitant, sicut qui semetipsos a libera et fiduciali habitatione excludentes; unde Dominus quia inhabitant propter infidelitatem innuens dicebat: *Servus non manet in domo in æternum* (Joan. viii), quod est inhabitantium proprium; sed ait legislator, secundum Septuaginta, et de cognatis ipsorum quicumque fuerint in terra vestra, erunt vobis in possessione. Cognati enim Judæorum propter infidelitatem hæretici sunt, quia non plene sicut et illi sentiunt, et eadem quidem nobis prædicant mysteria, non tamen in eisdem rectis et perfectis et integris in Deum dogmatibus. Unde sunt quidem in terra nostra, sed inquilini: *Hos habebitis*, inquit, *in famulos et hæreditario jure transmittetis ad posteros, ac possidebitis in æternum*. Quoscunque enim ex gentibus et infidelibus aut ex Judæis, aut ex hæreticis lucrati fuimus, et Deo obtulerimus, servosque et ancillas acquisiverimus, impendentes pro eis doctrinæ pecuniam, hi in nostra perpetua possessione sunt; sed et filii nostris, id est, discipulis, dividere eos, id est, tradere eorum discipulatum possumus. Quod manifestat Paulus, cujus filii quidem erant, sicut discipuli Titus et Timotheus; nam Timotheo dilectissimo filio in fide, et Tito dilectissimo filio secundum communem fidem, ad eos scribens præscribebat; deinde huic Ephesios, huic Cretenses distribuit. Nam illi quidem scribebat: *Sicut rogavi te ut remaneres Ephesi, cum irem in Macedoniam, ut annuntiares quibusdam ne aliter docerent* (I Tim. i). Tito autem: *Hujus rei gratia reliqui te Cretæ, ut ea quæ desunt corrigas, et constituas per civitates presbyteros quos ego tibi constitui* (Tit. i). Sed et quid restet inter illos quos de foris lucrati fuimus, et æquales nostros fratres qui forsitan humiliati corriguntur, scire etiam nunc nos legislator volens, hæc ad communem orationem prædictorum scripsit: *Fratres autem vestros filios Israel non affligetis per potentiam, non quia alios quos lucrati fuimus, exterius in servitutem redigere, aut contere laboribus præcepit; nusquam enim hoc in sanctione hac dixisse videtur, sed quia non æquali potestate in illis et istis uti possumus; aliud est enim infidelis ad fidem perductus, aliud fidelis lapsus, et a nobis admonitus.*

## CAPUT X.

*De redemptione ejus, qui se vendiderit advenæ aut peregrini.*

(Ibid.) *Si invaluerit apud vos manus advenæ atque peregrini, et attenuatus frater tuus vendiderit se ei,*

*aut cuiquam de stirpe ejus, post venditionem potest redimi qui voluerit ex fratribus suis, emet eum et patrus et patruelis, et consanguineus et affinis. Quia lex pertinere sibi secundum litteram de libertate indigenarum Israelitarum ostendit; propterea eum qui in eis deterius propter paupertatem aut aliquam aliam necessitatem egit proselytis vel inquilinis qui de his quidem foris sunt geniti adhererunt, servire non patitur; sed redimi eum ab aliquo suorum cognatorum præcipit. Vide quomodo hoc custodiri et secundum anagogen spirituales oportet. Ait enim: *Si invaluerit apud vos manus advenæ atque peregrini, sive ut LXX, inquilini, et attenuatus frater tuus vendiderit se ei aut cuiquam de stirpe ejus*, id est, si hic qui ad fidem ex gentibus aut ex Judæis, aut omnino hæreticis noviter nostræ fidei conjunctus, clarus est virtutibus, ita ut potens sit in arguendo et exhortando peccantes; hujus enim proprie manus invalescit, sive ut LXX invenit, quia per suam actionem invenire, et aliorum conversationem et exhortationem potest; deinde et frater tuus, qui olim eruditus est in verbo, sed et qui æqualis tibi est secundum sortem conversationis, hoc est enim frater attenuatus, id est, non inveniens exhortantem, et consilium dantem, advenæ sive peregrino vel inquilino se vendiderit, id est, ei qui noviter ex gentibus, aut de Judæis, aut secundum quod diximus hæreticis credenti, vendatur autem ei illo verbum doctorale propter conversationem ejus impendente: quia incongruum est eum qui olim in clara scientia et conversatione notus fuit, sub eo qui noviter ad fidem venit agere, non est enim parva res discipulatus, sed multi temporis vitæ etiam non modicus decursus, ad perfectionem necessarius recte redimitur. *Qui voluerit ex fratribus suis, emet eum*, id est, quispiam eum similis honoris, similisque scientiæ et conversationis per suam doctrinam redimat, et faciat non opus habere admoneri ab eis quos ipse debuit admonere, ut pote qui in scientia profecit eos qui adhuc modo geniti sunt. Patrus ergo et patruelis et consanguineus et affinis redimat eum; patres nostri sunt secundum spiritum, qui nos genuerunt per Christi doctrinam. Propter quod et Paulus Corinthiis scribebat: *Nam et si multos pædagogos habetis in Christo, sed non multos patres, in Christo enim Jesu per Evangelium ego vos genui* (I Cor. iv). Quotquot ergo fratres horum, id est sacerdotes, sicut et ipsi sunt, et doctores, aut et filii fratrum, aut discipuli quidem illorum, in eandem autem quam ille scientiam et doctrinam proveci, sunt enim, fratres patris dicuntur recte, qui enim consanguinei et affines sunt ejus qui egit consilio et exhortatione, id est, ut qui ejusdem dignitatis et conversationis fuerunt, hi rursus redimunt, Pauli memores vocis: *Si quis autem suorum, et maxime domesticorum carnem non habet, fidem negavit, et est infideli deterior* (I Tim. v). Et quia oportet ad omnes quidem bonum ostendere; maxime autem ad domesticos fidei (Gal. vi). Hi enim nobis consanguinei per carnem Christi*

sunt, quia de carne ejus et de ossibus ejus sumus. **A** Sequitur :

*Si autem et ipse potuerit, redimet se, supputatis duntaxat annis a tempore venditionis suae usque ad annum jubilarum; et pecunia qua venditus fuerat juxta annorum numerum et rationem mercenarii supputata. Si plus fuerint anni qui remanent usque ad jubilarum, secundum hos reddet et pretium; si pauci, ponet rationem cum eo juxta annorum numerum, et reddet emptori, quod reliquum est, annorum quibus ante servivit, mercedibus imputatis; non affliget eum violenter in conspectu tuo. Quod si per hanc redimi non potuerit, anno jubilaro egredietur cum liberis suis; mei enim sunt servi filii Israel, quos eduxi de terra Aegypti: ego Dominus Deus vester.* Tantum de libertate nostra, et honestate, et gloriatione in bonis, et confidentia sancti Spiritus agit, ut unumquemque nostrum sub servitute peccati constitutum virtutibus præcipiat redimi, et correctionibus, si, verbi gratia, cilicium et cinerem, et lacrymas, et eam quæ in his est confessionem lucrari volumus; et quæcunque cum his annum continent jubilei sive remissionis, ad hujusmodi enim probationem præsentia exposuit. Sin autem et ipse potuerit redimere se, supputatis duntaxat annis a tempore venditionis suae usque ad annum jubilei. Si enim pauper factus est per peccatum qui prius dives fuit in virtutibus et correctionibus, recte se semetipsum liberavit, dum sufficiat ad exhortationem propriam, verumtamen nec hic integrum de se confidat, ut qui semel aut infirmatus est, exhortatione et consilio egens, computat apud semetipsum, id est, secum tractat et disceptatur. Computabit autem ab anno quo semetipsum vendidit ei, usque ad annum jubilei sive remissionis, a quo videlicet peccans eguit consilio et doctrina, usque dum integram et omnimodam peragit pœnitentiam, in qua remissionem accipiens, æqualis ei fiat, qui penitus non peccavit. Quid autem tractabit? Quibus virtutibus et correctionibus eam quæ per studiosam pœnitentiam est remissionem apprehendere et præcedere possit. Sicut enim qui pecuniam reddit redemptori annum remissionis expectare opus non habebat, erat autem quinquagesimus, qui jubileus dicebatur: sic qui peccatum ad delendum illud, æquales sive pares virtutes exquirat, præcedit pœnitentiam actionibus bonis se redimens: quod demonstrat Zachæus, qui cum plurimorum plurima sustulisset, non eguit sacco et cinere, et lacrymis et oratione. Hic enim nobis est annus remissionis, sic omnia habens quæ nobis fructificent remissionem. Non indignit autem, quia peccata quidem erant pecuniaria; ipse autem ea quæ abrepta fuerant promissit reddere in quadruplum, limidium autem suorum distribuere pauperibus. Propter quod Christus ad eum: *Hodie salus domui huic facta est (Luc. xix)*, suscipiens pecunias redemptionis ejus dixit. *Si autem plus fuerint anni qui remanent usque ad jubilarum, secundum hos reddet et pretium; si pauci, ponet rationem cum eo juxta annorum numerum, et*

*reddet emptori quod reliquum est annorum quibus servivit, mercedibus imputatis.* Primum ergo secundum hæc reddit pretium, id est secundum ea quæ peccavit qui semetipsum redimere vult, ut forsitan ex gula peccavit, per jejunium corrigat; sin autem ex verbositate, studeat taciturnitatem, si ex incautela oculorum in mulieris concupiscentiam cecidit, agat non videre mulieres, neque omnino eis obvium fieri. Deinde si vult celerem sibi redemptionem parare, intendat pecuniis conquisitionis suæ, verbo videlicet et doctrinæ, quod cum intelligere proprium peccatum, et subdi admonenti fecit, et si viderit multum minus esse ad annum remissionis, et ad correctionem videlicet definite ei pœnitentiæ, magis operetur virtutes, et la boriosam læratur pœnitentiam. Si autem hoc rursus parum operatus fuerit, si non per virtutes, per lacrymas autem et suspiria et similia alia remedia peccato necesse habet. *Et non affliges eum in labore in conspectu tuo.* Quid autem hoc est? Ut eum qui per virtutem peccatum respuit, non ei superimponas districtæ pœnitentiæ pondus; semel enim semetipsum bonis operibus redemit. Ergo nimis recte subdidit quæ sequuntur: *Quod si per hanc redimi non potuerit, anno jubilaro egredietur cum liberis suis.* Qui autem æqualibus peccato virtutibus semetipsum non redemit, in anno jubilei sive remissionis id est, in perfecta et districta pœnitentiâ, quemadmodum frequenter diximus, et ipsum redimi præcepit. Sed et bona opera, quæ prius quam peccasset egit, filii uniuscujusque nostrum sunt. Si autem vis cognoscere quæ sit perfecta pœnitentiâ, Nimivitas intende, qui prædicaverunt jejunium, et induti sunt sacco a majore usque ad minorem, et exclamaverunt ad Deum intente, et cum toto animo; et averterunt se unusquisque a via sua mala, et ab injustitiâ quæ in manibus eorum erat (Jon. iii). Sic enim Deus eorum pœnitentiam suscepit, ut propheta subderet, *misertus est Deus super malitia quam locutus fuerat ut faceret eis et non fecit.* Et quæ est causa quæ pœnitentiam delere peccata faciat, et facit mundam pœnitentiâ profligari redemptionem, ita ut nec opus habeat alium jam admonentem, neque sub jugo alterius agere doctrinæ? *Mei sunt enim servi filii Israel, quos eduxi de terra Aegypti.* Quomodo autem eos eduxit? Suspirantes videlicet, sicut liber nobis Exodi demonstravit, ipse et nunc unumquemque in pœnitentiâ suspirantem liberat, et ab intelligibili Aegypto redimit.

#### CAPUT XI.

*Ubi prohibet Deus idola facere, vel titulos erigere.*

(CAP. XXVI.) *Ego Dominus Deus vester, qui illa egi et hæc præcepi, non facietis vobis idolum, et sculptile; nec titulos erigietis, nec insignem lapidem ponetis in terra vestra: ut adoretis eum. Ego enim sum Dominus Deus vester, custodite sabbata mea, et pavete sanctuarium meum: ego Dominus.* Non solum nobis quomodo peccantes libertatem habeamus, sed nec aliorum doctrinâ aut exhortatione egeamus, lex mandat, ut propheticum illud in nobis impleretur verbum;

*Et non docebit unusquisque proximum suum, et unusquisque fratrem suum dicens: Cognosce Dominum, quia omnes scient me, a minore usque ad majorem eorum; quia propitius ero iniquitatibus eorum, et peccatorum illorum jam non recordabor amplius (Jerem. xxxi).* Quomodo enim? Hoc erit si non solum ab aperto idolorum cultu quem prohibet legis litera, sed et ab occulto abstinemus: de qua Paulus dicebat: *Radix omnium malorum avaritia, quæ est idolorum servitus (Ephes. v);* quemadmodum nobis etiam nunc legis spiritus abstinentiam mandat. Et non faciemus nobis idolum et sculptile; sive, ut Septuaginta manufactiles domos ædificantes et agros aliquos possidentes, nec sculptile in eis figurantes, nostram quodammodo atterentes amore eorum mentem. Nec titulos nobis sive statuam in his erigamus, volentes per eam memoriam nostram extendere in futuras generationes; sed nec lapidem insignem erigamus: auri, verbi gratia, aut argenti cumulum, aut lapidum qui videntur esse pretiosi: lapides enim et hi de terra æquales aliis lapidibus sunt; et sic avarorum visus in his quemadmodum paganorum in idolis seducuntur, propter quod et insignis lapis dictus est. Nos autem nihil tale patiamur, nec insignes nobis lapides efficiantur divitiæ ut secundum intentionem earum vivamus, secundum intellectum Septuaginta interpretum; et non quæcunque præceperint faciamus, et desideriis earum serviamus, adoremusque eas et colamus, in conservando eas. Custodiamus autem et sabbata ab omni alio malo, et abstinentiæ vocationique studentes, et agentes ut operibus præsentis mundi careamus, atque ab eis quiescamus; hoc enim intelligibile et verum sabbatum est, quod non populi est ingrati, sed ipsius Dei, quemadmodum in Isaia dicebat: *Beatus vir qui fecit hoc: et filius hominis qui apprehendit istud, custodiens sabbatum ne polluat illud (Isa. lvi).* Si non distinguere ab illis volebat, de quibus in initio prophetiæ dicebat: *Neomenias et sabbatum et festivitates altas non feram (Isa. i).* Quod autem Dei est sabbatum, aut quomodo illud non profanare quis potest, subinfert: *Quiescite agere perverse, etc.* Ergo a malis abstinere sabbati est impletio; sed et sanctuarium est, paveamus, sanctimoniam studentes, id est castitatem et pudicitiam; hæc est namque vitæ perfectæ et consummatæ capitulum sive summa: propter quod etiam hoc novissimum posuit, tunc dicit ad nos Deus: *Ego Dominus Deus vester, qui sum quidem sanctus, sed et in sanctis requiesco, interimens et disperdens omnes qui tabernaculum meum polluerint et templum meum pollutionibus voluptatum violaverint.*

## CAPUT XII.

*Prædicuntur bona custodientibus præcepta Domini, et mala violantibus.*

(IBID.) *Si in præceptis meis ambulaveritis, et mandata mea custodieritis et feceritis ea, dabo vobis pluviam in temporibus suis, et terra gignet fructum suum, et pomis arbores replebuntur. Et apprehendet messium*

*tritura vindemiam; et vindemia occupabit sementem, et comedetis panem vestrum in saturitate, et absque pavore habitabitis in terra vestra; dabo pacem in finibus vestris, dormietis et non erit qui exterreat; auferam malas bestias, et gladius non transibit terminos vestros. Persequimini inimicos vestros, et corruent coram vobis, persequentur quinque de vestris centum alienos; et centum ex vobis decem millia, cadent inimici vestri in conspectu vestro gladio; respiciam vos et crescere faciam; multiplicabimini et firmabo pactum meum vobiscum. Comedetis vetustissima veterum, et vetera novis supervenientibus projicietis. Ponam tabernaculum meum in medio vestri, et non abiciet vos anima mea, ambulabo inter vos, et ero vester Deus, vosque eritis populus meus. Ego Dominus Deus vester, qui eduxi vos de terra Ægyptiorum ne serviretis eis, et qui confregi catenas cervicum vestrarum ut incederetis erecti. Quia autem a Judæis invenimus omnimodo hæc secundum litteram impleta. Multi enim Dei prophetæ custodientes ejus mandata, et in præceptis ejus ambulantes, in multa fuerunt afflictione constituti, nec panem suum cum satietate, sed cum egestate comederunt: quemadmodum Ezechiel cui ab ipso hoc Deo præceptum est. Sed et Paulus eos qui in lege et prophetis justificati sunt, exponens dicebat: *Circumierunt in melotis, et in pellibus caprinis, humiliati, afflicti, quibus dignus non erat mundus (Hebr. xi).* Illud autem magis intendere in his quæ dicta sunt oportet, quia custodientibus Dei mandata triginta benedictiones in præsentem lex posuit. Sic enim eas numero invenies unamquamque benedictionem ab alia per conjunctionem in LXX editione discernens; quia tot annorum existens Dominus, de quo ait Paulus: *Ut occurramus omnes in ritum perfectum in mensuram ætatis plenitudinis Christi (Ephes. iv).* Venit ad baptismum, quatenus donationis perfectionem per ætatem quam agens baptizatus est, nuntiaret et ostenderet, et sic perfectus secundum tempus factus, prædicare evangelium cœpit in quo omnis est vitæ et donationis plenitudo, et conversationis retributionisque quæ hic significavit. Ait enim: *Et dabo vobis pluviam in temporibus suis.* Dicit autem verbum Dei, ut pote descendentem de cœlo gratiæ, de quo Moyses sic dixit: *Attende cælum et loquar, et audias terra verba ex ore meo, expectetur sicut pluvia eloquium meum (Deut. xxxii).* Hoc non qualecunque bonum est in tempore suo percipere, sed manifesta est Dei bonitatis ostensio, quemadmodum non accipere aversationis est; propter quod Deus irascens populo Judæorum, per Isaiam prophetam minatus est, dicens: *Et relinquam vineam meam, et non putabitur, nec fodietur, et ascendent in eam sicut in agro inculto spinæ, et nubibus mandabo ne pluant super eam pluviam (Isa. v).* Quid enim nobis ex accipienda pluvia in tempore proficit, et terra gignet fructum suum, id est corpus nostrum, hujus enim boni fructus sunt castitas, sobrietas, abstinentia. *Et pomis arbores replebuntur; sive, ut LXX, ligna campi dabunt fructum suum, ligna autem campi**

sunt animæ motus, ut pote qui sunt motibus Intelligibilis nostræ terræ, videlicet carnis, sublimiores; horum enim fructus veritas, justitia, mansuetudo, compassio et his similia. (Ex Origene.) Habemus intra nosmetipsos et ligna camporum, quæ fructum suum producunt. Quæ sunt ista ligna camporum, dicit fortassis auditor: quid iterum hic seminiverbius ait? Quid undique verba conquirat, ut explanatione lectionis effugiat? Quomodo intra nos ligna esse docebit, et arbores? Si non temere obrectes, jam nunc audies: Quia non potest arbor bona malum fructum facere, neque arbor mala bonum fructum facere (Matth. vii). Habemus ergo arbores intra nos sive bonas sive malas, et quæ bonæ sunt fructus malos afferre non possunt, sicut quæ malæ sunt, fructus non afferre bonos. Vis tibi et arborum ipsarum, quæ intra nos sunt, vocabula et appellationes expediam? Non est ficus nec malus, nec vitis, sed una arbor justitia vocatur, alia prudentia, alia fortitudo, alia temperantia nominatur. Et si vis majorem adhuc arborum multitudinem, discis quibus fortassis digne putabitur, consitus etiam paradisi Dei est. Ergo alia arbor pietas est, et alia arbor sapientiæ est, et alia disciplinæ est, et alia scientiæ boni et mali: super omnia vero est et arbor vitæ, adhibeam testem sapientissimum Salomonem, dicentem de sapientiæ: Lignum vitæ est, inquit, omnibus qui amplectuntur eam (Prov. iii). Si ergo sapientiæ lignum vitæ est, sine dubio et aliud lignum est prudentiæ, et aliud justitiæ. Neque enim consequenter diceretur ex omnibus virtutibus, solam sapientiæ meruisse quæ lignum vitæ dicatur, cæteras autem virtutes nequaquam similis sortis suscepisse vocabula. Ligna ergo campi dabunt fructum suum: Apprehendet messium tritura vindemiam, et vindemia occupabit sementem. (Ex Hesychio.) Quia enim tritura terræ colligit fructus, vindemia arborum recte fructus corporis, aut fructus animæ comprehendere sive occupare, quia hoc quidem maxime benedictionis est, uno eodemque tempore stabile et secundum corpus atque animam in virtutibus possidere. Comprenderet autem sive occupabit vindemia sementem. Congregans enim anima virtutes suas, mox alias desiderat usque dum illas attigerit divitias, ad quas Paulus festinavit, et propterea dicebat: Fratres, ego me non arbitror comprehensisse: unum autem quæ quidem retro sunt oblitus, in his autem quæ in priora sunt, extentus, secundum intentionem sequor ad palmam supernæ vocationis Christi (Phil. iii). Propter quod et bonum sequitur semen plenum salutaribus actionibus, ut bene conveniat quod sequitur: Et comedetis panem vestrum in saturitate. Si enim panis noster virtus est, de qua Dominus dicebat: Operamini non cibum qui perit, sed qui permanet in vitam æternam (Joan. vi). Hic illud ad satietatem comedet, id est, operatur, qui in perpetuo ejus appetitum habet. Et absque pavore habitabit in terra vestra, dabo pacem in finibus vestris; vel secundum Septuaginta, et bellum non transibit per

A terram vestram: Quod nostrâ translatio paulo post dicit: Gladius non transibit terminos vestros, et dabo pacem in terra vestra. Si enim corpus stabile fuerit et anima fructificet, securi in terra nostra habitabimus: Quia caro non concupiscet adversus spiritum (Gal. v). Unde nec bellum per terram transibit, neque enim habebit tempus in resurrectione concupiscentiarum, de quibus ait Jacobus: Unde bella et lites in vobis? Nonne hæc ex concupiscentiis vestris, quæ militant in membris vestris; quibus destructis, pax in terra nostra, lege Dei refrenata, profligatur. Et dormietis, inquit. In retributionis autem specie etiam hoc Scriptura sacra posuit; dormitio enim ut pote requies mors sanctorum dicitur: iniquorum autem non est ita. Cui testis est Ecclesiastes: Saturitas autem divitis non sinit dormire eum (Ecc. v).

B Propter quod nunc consequenter addidit: Et non erit, qui exterreat. Qui enim sic vixit, quemadmodum in superioribus dictum est, non habebit qui eum terreat tempore mortis, quæ nobis dormitio est, propter spem mortuorum resurrectionis. Non habebit autem qui exterreat, nihil sibi conscius, de quo terreatur. Auferam malas bestias, videlicet dæmones. Bestiæ enim sunt ex simili malitia, primum sicut latentes, deinde ut venenum importabile et mortiferum habentes. Persequimini inimicos vestros. Non possunt enim ante faciem eorum, qui secundum legem vivunt stare. Et corruent coram vobis. Qua morte? quæ est utique per jejunium et orationem. Hoc enim modo nostri intelligibiles inimici dæmones C interimuntur, ut nequaquam ultra contra nos possint reviviscere. Unde et Dominus apostolis inquirentibus, cur mutuum et surdum dæmonium, ejicere minime potuissent, respondit: Hoc genus non ejicitur nisi per jejunium et orationem. Persequentur quinque de vobis centum alienos (Matth. xvii), sive, ut Septuaginta, expellent quinquaginta. Centum quinquaginta dicimus spiritalem hominem, quia die Pentecostes Spiritus de cælo descendit. Ergo spiritualis ille qualem Paulus dicebat: Spiritalis autem judicat omnia et ipse a nemine judicatur (I Cor. ii), id est, qui scientiam perfectam habet ad subtilem eorum quæ agenda sunt discretionem, hic quamvis validum dæmonem, verbi gratia, qui est ex eis supra centum, et qui Legio appelletur propter multitudinem obedientium ei malorum spirituum et cooperantium, valet superare atque vincere. Et centum e vobis decem millia. Qui enim non solum scientiam habet subtilem, sed et vitam perfectam atque consummatam, hic duplex quodammodo spiritualis est, et propterea centenario numero honorandus est, sicut duplicem fructum ferens in spiritu atque perfectum: de quo, majorem Christus non dicit, sed frequenter bonam terram insinuans dicebat: Affer fructum trigesimum, et sexagesimum et centesimum (Matth. xiii). Hic ergo millia hostium subicere, omnes videlicet contrarias virtutes, ut pote qui virtutum habet perfectionem, potest. Quomodo autem subijcit? In verbo utique Dei. Ait enim: Et cadent inimici vestri in con-

spectu vestro gladio. Ilum dicens quem Paulus sic scribens exposuit : cum enim prius dixisset, inimicorum millia, id est, non est nobis colluctatio adversus carnem et sanguinem, sed adversus principes et potestates, adversum mundi rectores tenebrarum harum, adversus spiritualia nequitiae in caelestibus, subinfert : Propterea accipite armaturam Dei, quam sigillatim dinumerans ait : Et gladium spiritus, quod est verbum Dei. Respiciam vos : Quid est enim melius quam respici a Deo, cujus respectus salus est? Aversatio mors est. Et crescere faciam, et multiplicabimini : Auget nos quidem, cum parva bona quaerimus, maxima facit apparere ; multiplicat autem, pauca crescere faciens in multis. An non augens nostras virtutes et magnificans dicebat : *Quandiu fecistis uni de minimis his, mihi fecistis ?* (Matth. xxv.) Et multiplicans rursus, Paulum scribere faciebat : *Non enim occides, non adulterabis, non concupisces, et si quod est aliud mandatum, hoc verbo instauratur : Diliges proximum tuum sicut teipsum* (Rom. xiii), multa mandata efficiens hoc unum mandatum, ut nos assequentes illud divites efficiamur. Nimis ergo opportuna sunt quae sequuntur : *Firmabo pactum meum vobiscum*. Ejus quidem pactum sunt praedicta, per retributiones autem illud firmat. Quod manifestant quae sequuntur. *Comeditis vetustissima veterum ;* sive, ut Septuaginta, id est, quae vobis per legem et prophetas promissa sunt, et vetera veterum, quae per Patriarchas in eorum benedictionibus promisit. *Et vetera novis supervenientibus projicietis*. Quae sunt nova? Evangelica videlicet. Nam cum maxima sint ea quae per patriarchas, legem et prophetas pollicita sunt, tamen per Evangelium promissa majora sunt : propter quod horum comparatione illa a nobis superflua judicantur. Ecce enim capitulum, quod totam benedictionem confirmat, infert, id est, quae per evangelicam acta sunt et impleta gratiam : *Ponam tabernaculum meum in medio vestri, vel, sicut Septuaginta : Constituam testamentum meum vobiscum, quod est hoc, in quo nova promisit, cujus sic propheta Jeremias memoriam facit : Et constituam vobis testamentum novum, non secundum testamentum quod disposui patribus vestris* (Jerem. xxxi). His enim conjuncta sunt et quae sequuntur maxime : *Et non abominabitur anima mea vos.* (Ex Augustino.) Animam suam Deus voluntatem suam dicit ; non enim est animal habens corpus et animam ; neque substantia ejus ejusmodi est, cujusmodi creatura ejus, quae anima dicitur, quam ipse fecit, sicut per se jam ipse testatur dicens : *Et omnem flatum ego feci* : quod eum de anima hominis dicere, consequentia manifestant. Sicut ergo cum dicit oculos suos et labia sua, et caetera vocabula membrorum corporalium, non utique accipimus eum, forma corporis esse definitum, sed illa omnia membrorum nomina non intelligimus nisi effectum operationum atque virtutum, ita ut cum dicit, *Anima mea*, voluntatem ejus debemus accipere. Perfecte quippe simplex illa natura, quae Deus dicitur, non constat ex corpore et spiritu, nec

A ipso spiritu mutabilis est, sicut anima, sed spiritus est Deus, et semper ei idem esse, apud quem non est commutatio (Jacob. 1). Hinc autem acceperunt Apollinaristae occasionem, qui dicunt animam non habuisse mediatorem Dei et hominum, hominem Christum Jesum, sed tantum verbum et carnem fuisse, eum diceret : *Tristis est anima mea usque ad mortem, sed ipso ejus actu qui nobis per evangelicam declaratur historiam sic apparent humanae animae officia, ut hinc dubitare dementis sit. Ambulabo inter vos et ero vester Deus, vosque eritis populus meus.* (Ex Nestorio.) Aperte autem etiam haec a propheta praedicta, sicut LXX editio continet, scripta sunt : *Hic Deus noster, non reputabitur alius ad eum : post haec in terra visus est, et cum hominibus conversatus est* (Baruch. iii) : quod non egisset, si nos aversaretur. Non ergo nos abominatus est, sed et inambulare in nobis per carnem voluit, et fieri noster Deus, cum esset et prius, sed ignotus, quia nos errori conjuncti eramus. Ex quo autem nos proprio emit sanguine, Deus noster factus est, et non suam, plebem suam fecit. Et quis est qui haec fecit? *Ego Dominus Deus vester, qui eduxi vos de terra Aegypti ne serviretis eis.*

Quod si vis cognoscere haec, Exodi verba, sel et Evangelii, per ordinem discute. Dixit autem Dominus ad Moysen : *Vidi afflictionem populi mei in Aegypto, et clamorem ejus audivi, propter duritiam eorum qui praesunt operibus ; et sciens dolorem ejus, descendi liberare eos de manibus Aegyptiorum, et educere de terra illa in terram bonam et spaciosam, quae fuit lac et mel* (Exod. iii). Et quis sit qui introducit in promissionis terram? ipse Deus, qui haec Moysi dixit ostendit : *Ecce ego mitto angelum meum, qui praecedat te, et custodiat te in via, et introducat ad locum quem paravi*. Angelum filium appellans, quia voluntatem patris nobis annuntiavit : De quo ait Isaias : *Puer natus est nobis, filius datus est nobis, cujus principatus super humeros ejus, et appellabitur magni consilii angelus, admirabilis, consiliarius, Deus fortis, etc.* (Isa. ix.)

### CAPUT XIII.

In quo multiplices plagae transgredientiam mandata Dei praedicantur.

(Ibid.) *Quod si non audieritis me, nec feceritis mandata mea ; si spreveritis leges meas et judicia mea contempseritis, ut non faciatis ea quae a me constituta sunt, et ad irritum perducatis pactum meum, ego quoque haec faciam vobis, visitabo vos velociter in egestate et ardore qui conficiat oculos vestros et consumat animas ; frustra seretis sementem, quae ab hostibus devorabitur. Ponam faciem meam contra vos et corructis coram hostibus vestris, et subjiciemini his qui oderunt vos ; fugietis nemine persequente.* Quae bona eos qui obediunt Dei mandatis exspectant, sufficienter lex superius dixit ; quae autem evenire transgredientibus comminata est, ea quae nunc sanciantur ostendunt : quorum quando ad litteram singula discutimus, invenimus populum Judaeorum horum passum, quaedam secundum litteram, omnia autem secundum



spiritum. Quod si non audieritis me nec feceritis mandata mea; si spreveritis leges meas et judicia mea contempseritis, ut non facialis ea, quæ a me constituta sunt, et ad irritum perducatis pactum meum. Qui non audiunt mandata Dei, et qui judicia contempnunt? Nisi qui traditionem seniorum intendentes, et legislatoris intentionem transgredientes, ad hoc quod eis videbatur legem exponebant, qui dicebant, sicut ait Dominus: *Quicumque dixerit patri aut matri: Dominum quodcumque ex me tibi proderit; et non honorificabit patrem suum et matrem suam (Matth. xv)*, id est, quicumque dixerit parentibus: *Vota sunt Deo ea quæ habeo; ipsi enim ea, minus et oblationem obtuli, eos qui genuerant honorare non cogitur. Qui sunt qui non ejus omnia faciunt mandata? Nisi qui anethum et acyminum decimant et mentham, retin-*

**B** *quunt autem judicium et misericordiam et fidem (Matth. xxiii).* Cum Deus eis per prophetam dicat: *Indicabo tibi, o homo, quid Dominus querat a te, atque facere judicium, et diligere misericordiam et sollicitus ambulare cum Deo tuo (Mich. vi).* Propter quod Dominus ad eos, ut pote non omnia implentes legis præcepta, sed quæ ejus sunt gravia relinquentes, et quæ minima agentes, dicebat: *Hæc oportebat facere, et illa non omittere.* Sed et mandata Dei illi proprie transgrediuntur, et eis maxime inobedientes sunt, qui exteriorem faciem eorum, non autem intentionem Dei conservant. Planius ergo Aquila et Theodotion et Symmachus edidisse inveniuntur. Nam ille quidem ait: *Si constituta mea reprobaveritis: illi autem: Si subtilitates meas renueritis.* Dogmata Dei et subtilitatem, quæ in spiritalem mandatorum intellectum erat, transgrediuntur, quia Novo Testamento concordat, infirmare evangelicam gratiam per hoc volentes: quod eos arguens ait: *Et ad irritum perducatis pactum meum.* Quid autem per hoc minatus est? Nimis enim similis pœna est prævaricationi eorum: *Ego quoque hæc faciam vobis. Quomodo? Visitabo vos velociter in egestate.* Nimis enim agentes eos Dominus per verbum suum fecit, intantum ut ad invicem dicerent: *Durus est hic sermo, quis potest eum audire? (Joan. vi.)* Sicut ergo sponte legis intellectum transgrediebantur, ut evangelicum testamentum irritum deducerent, qui illinc habebat exordium, sic eis et ipse obscura verba dicebat, et difficile suorum dogmatum faciebat comprehensionem.

Sed jam quæ sequantur agnosce: *Ardore qui conficiat oculos vestros; sive, secundum Septuaginta, Scabiem autem et morbum regium calentem oculos vestros et anima vestra distabescente.* Scabies autem morbus est corporis, sed manifestus in superficie carnis, et corio ejus decurrens. Morbus autem regius, id est, hecitaria, fit quidem ex accensione; manifestus autem etiam hic est in superficie carnis, et pellis decurrens, et multo magis oculis insidens: latere autem horum morborum neutrum potest. Tales erant animarum Judaicarum morbi manifesti et mali, et nequaquam ultra latentes. Anulantes enim Domini verbis et miraculis, non jam morbos suos abscon-

dere poterant, sed clamabant palam atque prædicabant: *Quid faciemus, quia hic homo multa signa facit? Si dimittimus eum sic, venient Romani, et tollent nostram et locum et gentem (Joan. xi).* Ergo non quia legi aut prophetis contraria docebat, nam nimis eis consona docuit, sed sui auctoris causa, sui que causa negotii, sermonibus ejus non obediebant. Hoc ergo percussi morbo, oculos suos conficiebant et animas consumebant, non solum exardecentes furere, et invidia corrupti, sed ut semel infirmati mente, et cogitationes non nimis sanas ad discretionem factorum dictorumque habentes in Dominicis verbis, et miraculis, interiores suos oculos conficiebant, et animam consumebant, ita ut ad eum clamarent: *Usquequo animam nostram tollis? Si tu es Christus, dic nobis palam (Joan. x).* Quod utique, quia animæ infidelitatis consumptioni subjacentes erant.

Sed et Joannes hæc de eis dicit: Propterea non poterant credere, quia rursus dixit Isaias: *Excæca cor populi hujus, et aures ejus aggravæ, nequando oculis suis videant, et auribus audiant, et corde intelligant (Isa. vi).* Cernis quia quemadmodum fecerunt ipsi, sic et Christus fecit eis; quia enim ejus irritum facere pactum sive testamentum studuerunt, recte eorum oculos et cor excæcavit, et ardorem sive heceteriam conficientem oculos eorum et animas consumentem eis dedit. Sed quid his addidit? *Frustra seretis sementem, quæ ab hostibus devorabitur; frustra enim illis prophetarum et legis profecerunt semina, et doctorales illinc seminant sermones non habentes terram fertilem ad intelligibilem dogmatum fructum.* Unde nec cibo eorum fruuntur, sed devorant ea adversarii eorum, qui in Christo credunt, quos ipsi sibi per infidelitatem et invidiam contrarios fecerunt. *Et ponam faciem meam contra vos, secundum prophetiam illam vocem: Vultus autem Domini super facientes mala, ut perdat de terra memoriam eorum, et corruetis coram hostibus vestris (Psal. xxxiii).* Gentiles enim, quos inimicos sibi judicant, coram eis cadunt, in salute eorum offendentes. Unde Symmachus pro cadere *offendetis*, ait, *ante inimicos vestros.* Quid autem aliud addidit? *Persequentur vos odio habentes vos, et fugietis nullo persequente.* Hic quodammodo contrarium esse videtur, quod dicitur. Si enim ab hostibus persecutionem patiuntur, quomodo nullo persequente fugiunt? Sed *persequuntur vos*, non ad expellendum legislator accepit, sed quod currendo imminerent ad salutem eorum festinantes. Unde, *Persequentur vos, in servitutum redigent vos*, Symmachus: *Erudiunt in vobis*, Theodotion edidit. Talem autem nobis et Paulus persecutionem demonstrat: *Sequor autem si comprehendam, in quo et comprehensus sum (Phil. in).* Gentes ergo et si cum David de Judæis dicunt: *Nonne qui te oderant, Deus, oderam illos? (Psal. cxxxviii.)* Verumtamen eorum instat saluti, festinatque et orat: *Scit enim quia assumptio earum, sicut ait Paulus, vita est ex mortuis, et plenitudo ea-*

rum salus mundi (Rom. xi). Hi autem fugiunt nullo persequente. Non enim quemadmodum illi nostræ salutem invident, sic et nos illorum: unde eos nec persequimur, nec cum nos aversantur, aversamur, sed implemus quod Isaias propheta dixit: *Dicite odientibus vobis: fratres nostri; et abominantibus, ut nomen Domini glorificetur, et videatur in exultatione eorum et illi erubescant* (Isa. LXVI). Sequitur:

(Ibid.) *Sin autem nec sic obedieritis mihi, addam correptiones vestras septuplum propter peccata vestra, et conteram duritiam superbiæ vestræ, daboque cælum vobis desuper sicut ferrum, et terram æneam. Consumetur incassum labor vester; non proferet terra germen, nec arbores poma præbebunt. Si ambulaveritis ex adverso mihi, nec volueritis audire me, addam plagas vestras usque septuplum propter peccata vestra, immittamque in vos malas bestias agri, quæ consumant et vos et pecora vestra. et ad paucitatem cuncta redigant, desertæque fiant viæ vestræ. Quod si nec sic volueritis recipere disciplinam, sed ambulaveritis ex adverso mihi, ego quoque contra vos adversus incedam, et percussam vos septies propter peccata vestra, inducamque super vos gladium ultorem fœderis mei. Cumque confugeritis ad urbes, mittam pestilentiam in medio vestri, et trademini hostium manibus. Postquam confregero baculum panis vestri, ita ut decem mulieres in clibano coquant panes, et reddant eos ad pondus, et comedetis et non saturabimini. Talibus distinctionibus non frustra legislator usus est. Nam nunc quidem ait: *Sin autem nec sic obedieritis mihi; deinde quasdam correptiones denumerans, subinfert: Si ambulaveritis ex adverso mihi; et rursus, alias plagas exponens addidit: Quod si nec sic volueritis recipere disciplinam, sed ambulaveritis ex adverso mihi. Sed ideo, ut diximus, his distinctionibus usus est, quia frequenter Christus suscipere populum Judæorum voluit, isti autem non obediebant, ita ut ad eos clamaret: Jerusalem, Jerusalem, quæ occidis prophetas et lapidas eos qui ad te missi sunt, quotiens volui congregare filios tuos, sicut gallina congregat pullos suos sub alas, et noluerit. Illud ergo maxime in his quæ dicta sunt attendamus: quia cum septem correptiones comminatus fuerit, sic eas subdidit: Contritionem enim duritiæ superbiæ, et dationem cæli ferri et terræ æneæ, et incassum eorum consumi laborem, et terram non proferre germen, nec arbores poma præbere minatus est. Hæc autem sex sunt non septem: Hoc idem autem invenies et reliquas correptiones percurrens. Ergo per hoc manifestum est quia septenarius numerus totius præsentis vitæ figura et signum est, quæ per septenarium numerum voluitur. Et quia septem ex eis correptiones sive vindictas vel plagas inferre, omnimodam poenam et integram vindictam ut pote non venialia nec poenitentia digna peccantibus minatus est, ita ut finem in eis illud acciperet propheticum eloquium: *Quid cogitatis contra Dominum? consummationem ipse faciet. Non consurget duplex tribulatio, quia sicut vinæ et intecem complectentur, sic convivium***

*eorum pariter potantium consumerentur. Quasi stipula ariditate plena ex te exiit, cogitans contra Dominum malitiam, mente pertractans prævaricationem* (Nahum. i). A quo autem cogitatio contra Dominum egressa est mala cogitans, et contraria præceptis ejus, nisi a populo Judæorum? de quo Isaias dicebat: *Væ illis, quia consilium cogitant malum contra semetipsos dicentes: Circumveniemus justum, quia inutilis est nobis; fructus ergo laborum suorum manducabunt* (Isa. III). [Al., *Væ animæ eorum, quoniam reddita est eis mala. Dicite justo, quoniam bona, quoniam fructum adinventionum suarum comedet.*] Intende autem ordinem, quo, utitur legislator ad comminationem: *Sin autem nec sic obedieritis mihi, addam correptiones vestras septuplum, propter peccata vestra; Septuaginta autem ediderunt: Si usque ad hæc non audieritis me, usque ad hoc ad quod præcedentia ostenderunt, ubi egestatem ardoremque dixit: quæ quomodo oporteat accipi, in præcedentibus exposuimus. Si ergo usque ad hoc inobedientes fuerint, ut neque ex his quæ dicta sunt emendantur, septies illos dixit carripi, id est, perfectam correptionem in peccatis eorum evenire. Quibus rursus non dicit, ut eorum peccata hoc ipsum, quod non emendati sunt ex prædictis intelligamus. Et quod addidit: *Et conteram duritiam superbiæ vestræ, non voluerunt enim Christi libertatem suscipere, dicentes: Semen Abraham sumus, et nulli servivimus: usquam* (Joan. VIII). Hanc eorum duritiam superbiæ contrivit, servire eos gentibus faciens. *Dabo cælum vobis desuper sicut ferrum; nullam enim ex eo visitationem penitus sunt adepti. Et terram æneam; terra enim divinæ Scripturæ quam possident, infructuosa eis est, cum non ab eis intelligitur que oportet modo: ergo ænea propterea est. Ad cuius rei ostensionem addidit: *Consumetur incassum labor vester. Labor enim quem in divinis Scripturis ostendunt, incumbentes traditioni litteræ, incassum consumitur, qui plene non possunt legem secundum litteram uti, ablato loco, in quo littera ornamet divinum cultum legis conclusit.***

Nimis ergo convenit, quod sequitur: *Non dabit terra germen suum, nec arbores poma præbebunt.* Neque enim exterior eorum homo, qui appellatur terra, fructificat, quia in gastrimargia vivunt, et de eis dictum est: *Quorum Deus venter, gloria in confusione eorum* (Phil. III). Sed nec mentes, quæ sunt agri ligna, sicut insertæ quidem corpori, sed tantum eo excelsiores fructus Deo præbent, quod germinare nos in pietate vult. *Si ambulaveritis ex adverso mihi.* Neque enim recto corde ad Deum incedunt; convertunt enim ejus viam, legis et prophetarum sensus subvertentes, ut suam inobedientiam per hoc atque prævaricationem colerent. Propter quod infert: *Nec volueritis audire me, addam vobis plagas vestras usque ad septuplum propter peccata vestra.* Non jam correptiones, sed plagas, validiorem nunc poenam præcedenti et æqualem eorum iniquitatibus exponens, quam hanc: *Immittamque in vobis malas*

busus agri, quæ consumunt vos, et pecora vestra et ad paucitatem carnela redigant, desertæque fiant viæ vestre. Quia enim semetipsos a Deo via repulerunt, recte super eos bestias agri demones immittuntur, dominari eis permisi, qui eos et consumunt.

Quidquid enim videntur iustitiæ agere, Deus sibi non imputat, quod demonstrat Paulus dicens: *Iustitiam suam querentes constituere, iustitiæ Dei non sunt subjecti (Rom. x)*. Et rursus: *Israel autem sectando legem iustitiæ, in legem iustitiæ non pervenit (Rom. ix)*. Necesse est ergo ut eum comedant demones, qui eorum pecora, id est, pecoribus similes homines, pravum videlicet populum atque imperitum consumunt, siquidem nullus est in illis intellectus, nihil Dei servitio dignum cogitare consueverunt, sed sicut fumenta in modum freni, stultis præpositorum suorum traditionibus ducuntur. Propter quod sunt dæmonum cibi et ad paucitatem rediguntur, tam multitudine quam dignitate; desertæque eorum sunt viæ, quippe quæ nec aquam habent vitas, nec susceptionem sive hospitalitatem intelligibilem, nec producentes se, vel quasi ad manum deducentes aut custodientes. *Quod si nec sic volueritis recipere disciplinam, sed ambulaveritis ex adverso mihi, ego quoque contra vos adversus incedam. Adversa pœna utar, quemadmodum adversa est legi vestra prævaricatio. Cum enim meditari eam videamini, intentionem ejus non servatis. Sic et ego adversam vobis superinducam pœnam, non vos corripiens illis quibus flagellabam prius, quando mortiferos serpentes, et incendium, et terræ hiatus et similia super vos inducebam, sed alias. Quæ sunt autem hæc? sequentia legentes sciemus. Et percussiam vos septies propter peccata vestra. Prius corripiam, deinde percussiam; procedens enim pœna ut pote contra inobedientes fortior efficitur. Inducamque super vos gladium, ultorem fœderis mei. Gladius spiritus, quia verbum Dei sit, frequenter diximus. Hoc verbum in linguis Ecclesie magistrorum vindicat iudicium fœderis sive Testamenti evangelici: convulsit enim eos qui Novum transgrediuntur, nec Vetus custodire posse. Et vindicatur Evangelium cum inimici legis ostenduntur, quia Evangelii gratiam transgrediuntur. Sed et legislatoris sapientiam obtupescit, quomodo opportune subdit: *Cumque fugeritis ad urbes, mittam pestilentiam in medio vestri. Intelligibiles civitates prophetæ sunt; manifestum est autem. Et quibus Deus Jeremiæ dicebat: Ego quippe dedi te hodie, in civitatem munitam (Jerem. 1)*. Quemadmodum ergo in civitates muratas qui fugit, si amicus est, salvatur; si autem inimicus, facilius perimitur in earum ambitu circumdatus: sic ad propheticos libros et in eorum testimonia amici fidei confugientes, munitionem salutemque inveniunt: inimici autem et infideles cito captivi pereunt. Propter quod quando ad prophetas Judæi fugiunt, declinantes eum qui est in doctis viris spiritalem gladium, pestilentiam ait se mittere in medio eorum; illic enim moriuntur etiam nullo arguente, non valentes*

cunctis de Christo prophetiis sic aperte repugnare. *Et trademini hostium manibus, videlicet intelligibilium. Postquam confregero baculum panis vestri. Rarescit enim apud eos doctoralis panis, maxime salutaris. Quomodo autem? Audi quæ sequuntur: Ita ut decem mulieres in uno clibano coquant panes, et reddant eos ad pondus, et comedetis et non saturabimini? Nihil habent Judæi quod doctrinam vires habere nutriendi faciat, exceptis decem præceptis, quia veram prophetarum expositionem, ut pote concordantem Salvatoris nostri dispensationi, fugiunt, reliqua autem legis nolunt intelligibiliter accipere, nec spiritualiter suscipere, sed secundum litteram solum, quod stare non potest. Primum quia locus destructus est in quo erant sacrificia, et mundationes, et oblationes, et reliqua quæ pertinent ad servitum litteræ. Deinde multa in eis erant non tam studio quam risu digna ad custodiendum atque operandum. Nec contrarium est sabbati mandatum, quia etsi decem mandatis insertum est, non tamen ex eis est. Si ergo mandatum speciale ponamus: *Ego sum Dominus Deus tuus, qui eduxi te de terra Ægypti, de domo servitutis*, perfectum mandatorum decem numerum inveniemus. Dehinc aperte requiem intelligibilem significat, in qua nullum opus hujusmodi licet nos agere. Hæc ergo sola panem operantur populo Judæorum in clibano uno, legali videlicet; et reddunt eos ad pondus supradictos panes, id est, ad sensibilem restrictionem. Neque enim dilatant doctrinam sicut Evangelium, neque adulterii doctrinam ostendunt ad custodiam, ne quidem respiciendi mulierem, nec homicidii, et ne quidem irascendum: unde nec satiantur Judæorum panibus, qui ex eis sunt nutriti, arctam quamdam doctrinam, nihilque habentem ubertatis, spiritualisque largiatis sumentes.*

(*IBID.*) *Sin autem nec per hæc audieritis me, sed ambulaveritis contra me, et ego incedam adversum vos, in furore meo contrario, et corripiam vos septem plagis propter peccata vestra, ita ut comedatis carnes filiorum vestrorum et filiarum vestrarum. Destruam excelsa vestra, et simulacra confringam. Cadetis inter ruinas idolorum vestrorum et abominabitur vos anima mea intantum, ut urbes vestras redigam in solitudinem, et deserta faciam sanctorum vestra. Nec recipiam odorem ultra suavissimum, disperdamque terram vestram, et stupebunt super eam inimici vestri, cum habitatores illius fuerint; vos autem dispergam inter gentes, et evaginabo post vos gladium, cuiusque terra vestra deserta et civitates destructæ. Tunc placebunt terræ sabbata sua cunctis diebus solitudinis suæ, quando fueritis in terra hostili, sabbatizabit et requiescet in sabbatis solitudinis suæ, eo quod non requieverit in sabbatis vestris, quando habitabatis in ea. Et qui de vobis remanserint, dabo pavorem in cordibus eorum in regionibus hostium. Terrebunt eos sonitus folii volantis, et ita fugiant, quasi gladium. Cadent nullo sequente, et corruent singuli super fratres suos quasi bella fugientes. Nemo vestrum inimicis*

*audabit resistere: peribitis inter gentes, et hostilis vos terra consumet. Quod si et de his aliqui remanserint, tabescent in iniquitatibus suis, in terra inimicorum suorum, et propter peccata patrum suorum, et sua effigentur, donec confiteantur iniquitates suas, et majorum suorum, quibus prevaricati sunt in me, et ambulaverunt ex adverso mihi. Ambulabo igitur et ego contra eos et inducam illos in terram hostilem, donec erubescat incurvata mens eorum. Tunc orabunt pro impietatibus suis: et recordabor fœderis mei, quod pepigi cum Jacob, et Isaac, et Abraham. Terræ quoque memor ero; quæ cum relicta fuerit ab eis, complacabit sibi in sabbatis suis, patiens solitudinem propter illos. Ipsi vero rogabunt pro peccatis suis, eo quod abjecerunt iudicia mea, et leges meas despexerunt. Attamen cum essent in terra hostili, non penitus abjeci eos, neque sic desepi ut consummarentur, et irritum facerem pactum meum cum eis. Ego enim sum Dominus Deus eorum, et recordabor fœderis mei pristini, quando eduxi eos de terra Egypti, in conspectu gentium, ut essem Deus eorum; ego Dominus Deus. Quia non solum legislator Moyses, sed etiam et propheta erat, ipse demonstravit de Christo, specialiter prophetans his verbis: *Prophetam vobis suscitabit Dominus, de fratribus vestris, sicut me (Deut. xviii)*. Bene autem sibi Christi similitudinem custodivit, quia præter alia in quibus similitudinem ejus gerebat, quemadmodum Dominus de fine mundi dixit, ita et hic ea quæ futura erant populo Judæorum in præsentem lege conscripsit: multas siquidem fuerunt captivitates experti, multaque flagella pertulerunt; sed ea quæ nunc per partes dicit, ad illam captivitatem pertinent, quæ propter iniquitatem in Christo commissam a Romanis depopulantibus eis contigit. Cognoscis autem, si subtilitas nosse vis ea, quæ eis evenerunt ex Josephi Historia, in qua eos et filios comedisse, et reliqua præsentium comminationum sustinuisse descripsit. Quorum plurima etiam nunc nostris ad cernendum adjacent visibus: deserta eorum terra, civitates depredate, ab hostibus desolata provincia ipsique peregrinantes apud inimicos suos gentiles cum metu continuo. Verumtamen quemadmodum non solum hæc secundum litteram perpassi sint, sed ad ipsam considerationem spiritus. Dupliciter enim peccantes in legis transgressione et legislatoris blasphemia, duplices et poenas recte patiuntur, quod hæc modo discis. Ambulaverant enim Christo ex adverso, subvertentes miracula ejus, et de doctrina ejus detrahentes; et cum per invidiam insidiarentur tanquam contra Deum agentem divini amaris abotorum fallaciter asserabant, sed et ipsa in ira tibi consensarius effectus, hæc modo eis usus est, quia enim iudicium fiat et poena commissæ in eo iniquitatis captivitas quam sustinuerunt, quam non tamen propter hoc Romanos inferre fecit. Necdum enim ejus vindicabant gloriam, sed quomodo qui eorum imperio resistebant, cum pridem collatores eorum fuissent, tributisque eorum, et legibus atque magistratibus obediens, sed furorem ex adverso*

A exercens adversus eos Deus superinduxit contra eos iram, ut vindicaretur per Romanum imperium, tanquam ipsius prædicatores existissent. Et corripuit eos septem plagis, secundum peccata eorum, multiplicans eorum poenam; et non uno modo vindicavit, quia nec ipsi uno peccaverunt modo, sed et carnes filiorum suorum et filiarum suarum comedunt, id est, discipulos suos quos quasi in filiis sibi assumunt ad eandem doctrinam verbis callidis, animamque corrumpentibus comedentes. Sed et excelsa eorum ad desertum perduxit, et simulacra confregit; excelsa quippe eorum principes et doctores, quos intendentes, sicut in sublimi constitutos, vel sicut Septuaginta, *statuas*, vitam suam componere debuerunt. Sed quia nihil habebant sanum neque forte, sed infirma omnia et corruptibilia virtutis schemata, et imitationis, quæ tempore corrumpuntur atque putrescunt, unde et apud Septuaginta, lignea manufacta dicebantur, desolavit ea, arguens eorum vanam hypocrisis. Cum ipsis autem et populares qui in eis intendebant; posuitque cadavera eorum inter ruinas idolorum ipsorum, id est, membra populorum et actiones coacervans super actiones idolorum ipsorum Phariseorum atque Scribarum, quibus sicut idolis utebantur, relinquentes Deum, et filiorum seductionibus intendentes. Propterea ait: *Abominabitur vos anima mea*. Quæ anima? quam pro nobis posuit, ut nos de servitute redimeret peccatorum mortis. Hæc ergo Judæos abominabitur, atque in perpetuum eos aversatur, quia ejus opus quantum ad eos pertinuit ad irritum perdaxerunt, concessum per eam donum renuentes. Propter quod urbes eorum redexit in solitudinem, fecitque deserta sanctorum. Nullum enim inveniunt de prophetis fructum, neque aliquam studere sanctimoniam valent, nec recipit odorem suavissimum, neque enim suscipit eorum orationem, disperdiditque terram eorum, omne Vetus Testamentum, non quæ ipsum ex toto desolavit, sed illis desolatam et invitam fecit, habitare autem in ea fecit gentes. Propter quod ait: *Stupescunt super eam inimici vestri cum habitatores illius fuerint*. Gentes siquidem inimici sunt Judæorum, quia illi elegerunt inimicitias habere cum Deo, et cum illis, quos Paulus *inimicos crucis Christi (Phil. iii)* vocat. Habitant autem in Judæorum terra, in Veteri Testamento, et habitantes stupescunt eum, qui in lege et prophetis talia locutus est, qui vilæ illie fundavit exordia. Insuper ait: *Vos autem dispergam in gentes*: non solum sensibili hac dispersione, sed et intelligibili. Quæ sit autem hæc, discis: *Et evaginabo post vos gladium, eritque terra deserta et civitates diruta*. Dei enim verbum quod est spiritus gladius ubique in gentibus decurrens, et omnem terram circumdans, consumit Judæorum filios, et disperdit eos de sanctis Dei, ostendens quod nullam cum eis communionem habeant, unde deserta terra et civitates expulsis eis de habitatione sua inveniuntur.

*Tunc placebant terræ sabbata sua cunctis diebus sabbatizabit et requiescit in sabbatis solitudinis suæ, eo quod non requieverit in sabbatis vestris quando habitabitis in ea.* Terram esse intelligibilem Scripturam Dei et conversationem quæ in eis est sæpe ostendimus, sed Judæorum quidem Vetus Testamentum, gentium autem quæ inimicæ sunt Judæis, novum. Quia ergo sabbatum vacationem significat, Judæis maxime hoc nunc legislator innuit: quia nihil nunc inveniendes ex lege et prophetis quod ipsi facere volunt, sed destructa eorum pene omni superficie litteræ, propter quod facti sunt in terra inimicorum suorum, id est, in evangelico Testamento; facti sunt autem, et si non sponte, tamen ex necessitate, ipsum enim et nolentibus sacrificia et purificationes azymorum et tabernaculorum festivitates et reliqua cessare fecit, difficultatem patientes in meditationem ejus discedunt, et hanc vacationem pro sabbato suscepit, et ab eis sacra Scriptura, nimisque etiam super priorum sabbatorum vacationem placebit. Sed cur? *Quia non est speciosa laus in ore peccatoris (Eccli. xv).* Sed ait: *Et qui de vobis remanserint, dabo pavorem in cordibus eorum in regionibus hostium: terrebit eos sonitus folii volantis.* Quotquot enim ex eis relictii sunt adhuc studentes Scripturam sacram, pavent in terra inimicorum suorum: in Novo Testamento sicut diximus. Timent enim ex fatuitate et corde cæcato commixtionem ejus, et completer: *Illic trepidaverunt timore ubi non erat timor (Psal. xlii).* Propter quod et admirans legislator ait: *Terrebit eos sonitus folii volantis, folium, legis litteram appellans.* Hujus enim sonitus eos persequitur, et timorem nostrum eis indicit: quia, verbi gratia, audiunt custodiendum diem sabbati, vident autem nos nihil de eodem mandato despicabile sapere, neque terrenum neque a cultura terræ, sed a mala actione vacationem ducentes, offendunt in nobis et commisceri nobis fugiunt. Folium autem recte legis littera accipitur: quia quemadmodum arborum fructus foliis tegitur, sic sub legis littera spiritus absconditur. Propter quod nos de quibus dictum est: *Si vindemiatores ingressi fuissent in te, saltim reliquissent racemum tibi (Abd. iii);* nudamus folium litteræ, ut fructum spiritus inveniamus; hi autem qui hoc ignorant sicut inimicos nos habent, et fugiunt nos, sicut qui fugit gladium: *Et cadent nullo persequente.* Neque enim nos eos persequimur, sed ex sui cordis durtia persecutionem patiuntur. Nam vide quid subdidit: *Et corruent singuli super fratres suos, quasi bella fugientes.* Quando enim cum eis loquimur, et legis prophetarumque contra eos testimonia de Christo et evangelicis mysteriis proferimus, coarctati hi quidem hoc; illi autem illud dicunt, et unusquisque super fratrem ruit; infirma enim omnes dicunt, et consistere propter hoc in alternis non valent verbis, et conturbantur quasi bella fugientes nullo persequente, nos autem non persequimur eos, nec ut noceamus, sed ut juvemus, atque ut lucremur eos discipulamur cum eis. Quid ergo hinc

A patiuntur? *Nemo vestrum inimicis audebit resistere, peribitis inter gentes, et hostibus vos terra consumet.* Consumit enim eos evangelicum Testamentum, totius eorum conterens erroris substantiam, unde nec resistere inimicis suis, qui salvari volunt eos per fidem, possunt. Sed et pereunt inter gentes, in lapide angulari offendentes, et nec legis quidem litteram respicere volentes, ut pote qui in eam non habent fiduciam. Quod et si de his aliqui remanserint, tabescent in iniquitatibus suis, in terra inimicorum suorum. Quicumque enim ex eis qui conversi sunt, remanent permanentes in legis studio, et hi propter peccata sua quæ in terra inimicorum suorum, id est, in evangelico Testamento secundum quod diximus, propter transgressionem ejus pereunt; hæc sunt enim molis omnibus peccata quæ in eo committuntur: *Et propter peccata sua et propter peccata patrum suorum quia prævaricati sunt et desperaverunt me.* Ea enim quæ nunc eis evenerunt, patrum peccatis ascribunt; propter quod et tabescent in eis, pro eis consistentes, quia prævaricati sunt Deum in temporibus anterioribus, non bona hoc mente, sed mala facientes, ut poenam quæ super eos venit propter iniquitatem quam in Christo commiserunt molliant: nam infert: *Et ambulaverunt ex adverso mihi: ambulabo et ego contra eos, et inducam illos in terram hostilem.* Quemadmodum enim illi repant Deum circumvenire ex adverso ei ambulantes, et alia pro aliis interpretationibus legis et prophetarum, quæ confirmant Christi mysterium dicentes, quod est adversantiam propriam, sic et ipse ambulabit cum eis adversus, et inducet eos in terram hostilem, id est, in Evangelio quod gentibus dedit, ex quo duobus modis pereunt: primum, quia Jadicam Justitiam destruit; deinde quia apud gentes est, quibus æmuli sunt, et contentioso adversus eas animo salvari non volunt, ita ut Deus per Moysen diceret: *Ad annihilationem vos adducam in non gentem (Deut. xxxi),* Paulus autem: *Secundum Evangelium quidem inimici propter vos (Rom. x):* Et rursus: *Sicut enim vos cum inimici essatis, reconciliati estis Deo (Rom. xi; Rom. v),* sic et hi nunc non crediderunt in vestra misericordia: *Tunc erubescet incircumcisia mens eorum, et tunc orabunt pro iniquitatibus suis; sive ut LXX: Et peccata sua placita habebunt, id est, poenas quas patiuntur pro peccatis.* Sic enim quod dictum est in Osea intelligimus: *Peccata populi mei comedent (Ose. iv).* Quid autem hoc sit, in subsequentibus manifestavit: *Et ad iniquitatem eorum sublevarunt animas eorum.* Ergo peccata populi comedere, est pro eis poenas sustinere; dignaque se pati peccatis suis dicent, et si quædam peccata sua confitentur, quædam tegunt, quæ in Christum commiserunt. *Et recordabor fœderis quod pepigi cum Jacob, et Isaac, et Abraham.* Cujus rei gratia, non secundum ordinem temporis et generis, Abraham cœpit, sed Jacob; vel sicut LXX non dicunt testamentum Jacob, et Isaac et Abraham, sed testamenti Jacob, et testamenti Isaac, et testamenti Abraham: tria quodammodo testamenta inve-

nes, ut legem videlicet et prophetas commendaret et Evangelium, quorum quia antiquior lex est, secundo vero loco prophetæ, novissimum Evangelium ostendere voluerunt, quia Evangelium etsi novissimum gratia, sed a Deo præponitur atque ideo prius ejus memoriam facit; primum Jacob, qui novissimus est, tempore et ordine mentionem fecit, ut cognationem autem inter se habentia similiter conjunxit, et in his in quibus legis prophetarumque mentionem facit, in his se et Evangelii dicit mentionem facere. Nimis autem hoc, ea quæ sequuntur confirmant: *Terræ quoque memor ero, quæ cum relicta fuerit ab eis; sive, ut LXX, relinquitur ab eis.* Ergo quia benedictio maxima terræ est a Deo in memoriam haberi diligens intelligentem terram Deus, id est, suas Scripturas et memoriam eorum, et non oblivione relinqui illas a Judæis fecit, quia malitiose interpretantes non bene meditabantur, injuriabant eas, primum quidem dicentes et non facientes; deinde despicabiliter interpretantes, et quod in eis erat optimum spiritalem intelligentiam tegentes. Unde et consequenter addidit: *Complacebit sibi in sabbatis suis*, id est, dum desolata ab eis remanet. Gaudet enim Dei lex Judæorum fruens desolationem, quam ipsi sibimet intulerunt, propter quod et solitudinem illam pati propter eos dixit: *Ipsi vero rogabunt pro peccatis suis, eo quod abjecerint judicia mea et leges meas desperaverint.* Duplicia, inquit, bona expulsa Judæorum plebe, de Scripturis sacris provenerunt, nec ipsæ enim injuriantis, propter quod et gaudent non legi ab eis. Neque enim ita legunt sicut prius cum sint dispersi, omnique carentes præsumptione, sed etiam ipsi peccatorum suorum et prævaricationis divinæ legis conscii sibi effecti sunt. Admirandum est etiam quod ad totius sanctionis conclusionem fastigiumque addidit, et intelligendum quia aperte qui in Moyse, ipse etiam in Paulo et in omnibus apostolis locutus est.

*Attamen cum essent in terra hostili, non permissus abjeci eos neque desepzi, ut consumerentur, et irritum faceret pactum meum cum eis. Ego enim sum Dominus Deus eorum, et recordabor fœderis mei pristini, quando eduxi eos de terra Ægypti, in conspectu gentium, ut essem Deus eorum; ego Dominus.* Hæc si vis per singula cognoscere, Paulum lege, quomodo eos non despexit Deus in terra hostili, id est, in evangelico Testamento, nec consumpsit eos ut irritum faceret pactum suum pristinum. Neque enim ad irritum illud deduxit ex toto, sed et salutis spem reliquit, non omnibus autem, sed reliquiis, sicut Paulus ait proferens Isaiaë prophetaë testimonium: *Si fuerit numerus filiorum Israel sicut arena maris, reliquiae salvæ fient (Rom. ix).* Dico ergo: Nunquid repulit Deus plebem suam? Absit; recordabitur etiam fœderis sui pristini, quando filios Israel de terra Ægypti eduxit. Et in quo recordabitur? *Ut caset eorum Deus in conspectu gentium.* Ad quorum manifestam demonstrationem sufficiant tibi hæc apostolicæ verba sapientiæ: *Non enim volo vos ignorare myste-*

*rium, fratres, hoc, ut non sitis apud vosmetipsos sapientes, quia cæcitas ex parte contigit in Israel, donec plenitudo gentium introiret, et sic omnis Israel salvus feret (Rom. xi).* Bene ergo ad totius verbi conclusionem Dominus dixit: *Ego Dominus Deus*, qui omnium hominum salutem volo; atque etiam ideo Judæorum licet post tot iniquitates salvaturus reliquias. Sequitur:

*Hæc sunt præcepta atque judicia et leges, quas dedit Dominus inter se et filios Israel, in monte Sina, per manum Moysi.* Non otiose intendas quæ dicta sunt, conclusionem enim verbis suis legislator adjecit, ex qua usque ad certum tempus firmam velit esse legis litteram, sine aliqua dubitatione manifestavit. *Judicia ergo, secundum quod semel diximus, proprie dixit, quæ, Deo judicante de quibusdam capitulis quæ ignorantes interrogaverunt, dicta sunt; præcepta autem, quæ non hoc modo, sed a semetipso legislator nullo interrogante sancivit.* Deinde succincte totius sanctionis dispensationem compleri volens, subdidit: *Et leges, quas dedit Dominus inter se, et inter filios Israel.* Propter quod et reliqui interpretes, exceptis Septuaginta, leges, ediderunt: differentiam legis hoc verbo demonstrare cupientes. Quid autem est, quod dixit *inter*? Nisi quia procul dubio usque dum ipse veniat, de quo ait Isaia: *Ipse veniet et salvabit nos.* Tunc aperientur oculi cæcorum, et aures surdorum audient (Isa. xxxv), et quæcumque in illa propheta continentur. Tunc nequaquam ultra secundum superficiem litteræ, sed quemadmodum ipse exposuerit, oportet legem custodiri, ad evangelicam gratiam translatam et ad perfectiorem conversationem.

#### CAPUT XIV.

*Qualiter vir sive mulier votum quod fecit observare debeat.*

(CAP. XXVII.) *Locutusque est Dominus ad Moysen dicens: Loquere filiis Israel, et dices ad eos: Homo qui votum fecerit, et sponderit Deo animam suam, sub æstimatione dabit pretium: si fuerit masculus, a vicesimo usque sexagesimum annum, dabit quinquaginta siclos argenti ad mensuram sanctuarii; si mulier, triginta. Quinto autem anno usque ad vicesimum, masculus dabit viginti siclos; femina decem. Ab uno mense usque ad annum quintum pro masculo dabuntur quinque sicli, pro femina tres. Sexagenarius et ultra masculus dabit quindecim siclos, femina decem. Si pauper fuerit et æstimationem reddere non valuerit, stabit coram sacerdote, et quantum ille æstimaverit et viderit eum posse reddere, tantum dabit.* Plena sunt hæc etiam legislatoris verba prudentiæ, maxime opportuna, conservata tempori. Quæ enim oporteat agi, quæ minime, in superioribus præcipiens, nunc etiam dignitatem ea peragentium ex toto vel ex parte, per hæc quæ dicuntur exponit, et quid sit perfecta vita, quid autem adhuc in propectu constituta, quid initium cognitionis Dei habens, quid vero quæ virtutum opera clara, perfecta que percurrat, sed et infirmatus, non tamen recedens ab ea, differentes ætates describens exposuit: Dicit autem sic:

*Homo qui votum fecerit et sponderit Deo animam suam*, id est, quicumque promiserit animam suam Deo, omnemque ei suam vitam offerre voluerit, erit pretium masculi a vicesimo anno usque ad sexagesimum annum, quinquaginta siclis argenti, ad mensuram sanctuarii. Si quis ergo a vicesimo anno est, id est, pubes, fortis, validus, sufficiens omnes virtutes operari, et subjicere intelligibiles inimicos, omnibus actionibus et operibus. A viginti enim annis et supra, vide quid de hac ætate dicebat: *Omnis masculus a viginti annis et supra*. Omnes qui ambulant in virtute sua, fortitudinis enim maxime his qui illud agunt tempus, in prædictis testimonium præbuit verbis, ita ut pote hac ætate et currere valentem et arma portare, multumque habentem in agendo fervorem caloremque, hujus pretium, id est, conversatio et vita et retributio quam pro semetipso Deo offert et promittit, quinquaginta sicli, sive drachmæ sunt. Quinquagenarius enim numerus spiritalem figurat vitam, quia in quinquagesimo die sancti Spiritus adventus factus est, sed et in anno quinquagesimo liberatio fit omnis debiti, et terræ restituitur, multaque in eo alia bona Judæis per legem disposita sunt. A viginti annis autem usque ad sexaginta annos. Intra hæc enim tempora ætas et intellectum perfectum et fortitudinem et filiorum procreationem habet, ut ex sensibilibus nos intelligibilia cogitemus. Ergo qui intellectum maturum et perfectum habet et fortitudinem, ut quæ intellexit agat, hic filios comparare alios Deo per suam conversationem, vel doctrinam impendens, potest. Hujus pretium animæ quinquaginta didrachmæ perfectus fructus est, et perfectionis corona, quæ et martyrium habebit, et rerum despectum et omnem illam perfectionem quam Dominus dicebat: *Eritis perfecti, sicut Pater vester cælestis perfectus est (Matth. v)*. Hoc autem quando masculus fuerit, id est, quando semper fortis; hoc enim hic masculum dicit, Feminæ autem erit æstimatio triginta sicli, sive didrachmæ, ut sint drachmæ sexaginta, fructum videlicet sexagenarium, magnum quidem et ipsum, sed centenario minorem, propter quod et feminæ introduxit personam, quæ minor est a virili. Ergo et mulieres quando ad mensuram summam pervenerint, protractæque fuerint ad perfectionem, fortes possunt appellari, ut pote quæ suam transgressæ sunt infirmitatem, intentionemque fortitudinis resumentes. Propter quod et spiritus Dei in Proverbiis dicebat: *Mulierem fortem quis inveniet? (Prov. xxxi)* cui rerum despectus deest. Alia autem agit perfecte, quæ de omnium rerum continentia lex corrigere jubet ei qui secundum eam vivit: Hujus æstimatio est triginta sicli, sive didrachmæ, id est, sexagenarius fructus; quem et Paulus figurans dicebat: *Vidua eligatur non minor sexaginta annorum (I Timoth. v)*: per ætatem numerumque annorum manifestare volens quas virtutes et actiones exhibere debeat vidua, quæ a Deo eligitur, quæ in divinis scribitur libris, et quæ potest in numero Hierusalem cælestis degere. Propter quod et subdidit, insinuans

A quod non tantum ei de ætate aut annis, quantum de virtutibus quæ per hæc significantur, cura erat: *Unius viri uxor, si filios educavit, si hospitio recepit, si sanctorum pedes lavit; si tribulationem patientibus subministravit, si omne opus bonum subsecuta est*. Sed hæc quidem perfectus et per omnia consummatus homo. Vide autem et eum cui hoc deest; sed tamen ad illud provehi desiderat: *A quinto autem anno usque ad vicesimum masculus, dabit viginti siclos, sive ut Septuaginta didrachmas*. Hic eum qui necdum quidem est perfectus, sensatum tamen hominem dicit, et qui proficere cœpit. Sensus enim per numerum quinque annorum innuit, quia tot sunt numero; proventus autem qui ad juventutem tendit et ad perfectionem, a quinque annis et usque ad vicesimum annum est. Viginti enim annorum inter fortes etiam pugnare valentes numeratus est a lege, sicut Numerorum liber ostendit.

Hujus ergo pretium erit viginti didrachmæ, id est, drachmæ quadraginta, oboli quadringenti. Jejuniarum autem atque orationis proventus quadraginta drachmarum numerus significat, quia tot diebus jejunasse et Moysen et Eliam, et ipsum Dominum didicimus, quando a diabolo tentabatur. Quadringentorum autem numerus quid significat aut quam demonstrat conversationem, ostendit, quod dictum est in libro Regum, quando reditus navis, quæ mittebatur a Salomone ad Sophiram, dicebat: *Ait enim secundum Septuaginta: Et venit ad Sophira: Sophir [Al., Ophir] autem interpretatur bonum: Et accepit inde auri quadringenta et viginti talenta, et adduxit regi Salomoni (III Reg. ix)*. Quid ergo? Sic bonum est; sic per jejuniarum et orationem exerceri et provehi ad illam vitam, ad quam Moyses et Elias superædificantes jejuniarum atque orationi, etiam alias virtutes proventus sunt; sed et Dominus insinuare semetipsum per prædicationem et signa generi humano incipiens, jejuniarum et orationem suæ conversationis principium fecit. Quicumque ergo sensatus quidem est, et proficere incipit; non tamen nimis sed medie, ut præsumptione conversationis jejuniarum non possit ornari, hujus pretium decem didrachmarum, id est, viginti drachmarum et obolorum ducentorum est. In custodia enim decem mandatorum, quæ duplicatur secundum litteram et spiritum, conversatio hujus est, inter quas jejuniarum non est præceptum: sublimior enim est ad eam pertinens conversatio, quæ legislatores et prophetas et omnes qui profecerunt decet. Et necdum quidem conversatio ejus habet perfectionem. Opus enim habet mansuetudinem, perfectamque charitatem, quæ est in zelo Christi, perducit tamen ad perfectionem. Ab uno ergo mense usque ad annum quintum, pro masculo dabuntur quinque sicli, sive quinque didrachmæ: pro femina tres, unius mensis intelliges eum qui nunc est genitus in fide. Ad quem Petrus dicebat: *Sicut modo genitii infantes rationabiles sine dolo luc concupiscite, ut crescatis in eam salutem, si tamen gustastis, quia dulcis est Dominus (I Petr. ii)*. Hujus pretium usque

ad quinquennem ætatem, id est, conversatio et vita, quinque didrachmarum argenti, id est, decem drachmæ; oboli autem centum. Conversatio ergo modo geniti quinque didrachmæ sunt, ut ministeriis duplices sensus habeat, id est, ut quæ sensibilibus audit, hæc intelligibilibus suscipiat: sic etiam videns, et gustans, et odorans, et tangens; perducit enim hoc eum ad perfectionem. Propter quod et centum obolorum pretium habet. Numerus autem, sicut dictum est, perfectus est.

Ergo procul dubio eum qui nunc mysteriorum particeps effectus est, necdumque ad agendum processit, sed in fide interim probatur, sicut adhuc infantem, et necdum tempus ad ostensionem virtutum habentem demonstrat. Si autem minor is, qui talis est, fuerit, ita ut conveniat in eo feminae persona, minor autem est, et simplicior et non valde discretus, hujus pretium est tres didrachmæ, fides Patris et Filii et Spiritus sancti, ut non hanc transgrediat, sed corde credat, sicut ait Paulus, ore autem confiteatur. Sic enim ei hæc tria non solum contenti lingua, sed et fide credenti fiunt duæ drachmæ, sit autem et hæc talis fides ad perfectionem mediocrem; tres enim didrachmæ, sex sunt drachmæ; sex autem drachmæ sexaginta sunt oboli. Hic autem talis numerus mediocrem perfectionem gerit; propterea et populus Israel sexcentorum millium, quod sunt sexaginta myriades, numerum habent.

Sensibilis enim Israel habebat quidem et mediocriter perfectos, qui in lege constituti Evangelicam conversationem aliquatenus agebant. Sunt autem quibus mediocre legis et prophetarum erat studium, propter quod et similia myriades erant. Sed nec mille millia, nec myriades myriades, et semper in eis esset perfectio: hæc enim angelorum, et secundum Evangelicam vitam conversantium est. Angeli enim et ipsi quando profecerint efficiantur. Sexagenarius autem et ultra masculus, dabit quindecim siclos sive didrachmæ; femina autem decem. Et quis est hic qui maximam conversationem per virginitatem, verbi gratia, vel non possidendo virtutibus, que aliis promittit, et post hæc infirmatus est; cognovisti enim, quia eum qui viginti annis usque ad sexaginta annorum est, omnibus legislator præposuit.

Deinde nunc post omnes eum qui sexaginta annis et supra est, ait, per hoc quod dixit: super animæ senectutem et infirmitatem ejus, qui maximam conversationem proposuerat, procul dubio designat. Qui ergo per virginitatis vel despectu possidendi conversationem promittit et proponit, deinde infirmatur complere propositum, audit a Paulo: *Si quis autem turpem se existimat super virginem suam, eo quod fuerit super adulta (I Cor. vii)*. Ostendit quoddam infirmatum et ad senectutem deductum propositum, et sic oportet fieri, quod vult, faciat, non peccat si nubat. Et rursus: *Si nupseris, non peccasti; et si nupserit, virgo non peccavit; tribulationem autem carnis habebunt hujusmodi. Ego autem vobis parco, hoc autem*

*dico, fratres, tempus breve est: reliquum est, et ei qui habent uxores, tanquam non habentes sint: et qui lugent, sicut non lugentes: et qui gaudent, quasi non gaudentes; et qui emunt, tanquam non possidentes; et qui utuntur hoc mundo, tanquam non utantur. Preterit enim figura hujus mundi, volo autem vos sine sollicitudine esse (Ibid.).*

Propterea et quindecim didrachmæ erit pretium ejus, quæ sunt drachmæ triginta. Tres enim vite fructificationes de bona terra Christi proposuit. Per centenarium virginitatis, et non possidendi, per sexagenarium continentiae, per tricenarium casti conjugii vitam designans. Si autem infirmior hujusmodi est, forsitan enim in fornicationem hic, qui talis est, decidit: unde et femina dicitur, nec sic respiciendus est, sed habet pretium decem didrachmas: custodiam enim mandatorum Dei, quam viginti esse drachmas et obolos ducentos ostendimus, offert Deo et in hoc conversationem habet per custodiam mandatorum justificatus. Si autem dicas quomodo Dominus annorum erat triginta, dum solus esset vere perfectus, cum nos in centenario numero dicamus perfectionem esse, post hunc autem in sexaginta, tertio autem in triginta? Disce, quia solus quidem fuit vere perfectus; verumtamen sic omnium doctor et primitiæ massæ totius effectus, ex omnibus temperatam conversationem figurat et proponit. Sive enim virginitatem velis, ipse ex virgine virgo est, et virginitatem docuit; sive nuptias et nubere præcepit, et nubentes benedixit; sive abstinenceam, etiam hoc docuit. Similiter et fidei cursus, sive perfectorum simplicium est. Quia ergo in presenti differentias innuit, et quodammodo vitam distinguat hominum, et hujus quidem esse pretium quinquaginta didrachmas, ait: hujus triginta, hujus viginti, hujus decem, hujus quinque, hujus tres, hujus quindecim, hujus decem; colligentur autem hæc parum. Quid de centum quinquaginta minus habentia? Hæc autem in quinque divisa faciunt prope tricenarium numerum. Vide quemadmodum nec legislator ignoravit temperamentum, quod Christus in nostra vita et conversatione fecit; nec evangelista numerum temperamentum habentem ignoravit. Propter quod eum non plenorum triginta annorum venisse ait ad baptismum. Ait enim: *Et ipse Jesus erat incipiens quasi annorum triginta (Luc. iii)*. Et cur hoc? Quia et qui nimis perfectam, et qui mediocriter perfectam, et qui minorem vitam studet, non perfecte pervenit ad mensuram; nimis enim habet omnimodo, quia Dei solius est perfectio; sed minus habet tantum in quantum veniam in hoc, quod minus est, dat. Unde et centum quinquaginta septem minus sunt; hic enim quadraginta tres prædictus numerus colligitur: per septenarium autem numerum manifeste venia significatur.

Si autem pauper fuerit et æstimationem reddere non valuerit, stabit coram sacerdote, et quantum ille æstimaverit, et viderit eum posse reddere, tantum dabit: Nunc dicit de eo qui multum peccavit.



Et propterea Aquila pro paupere, si *excesserit*, A  
 edidit. Hic ergo, si offerri Deo vult, coram sacer-  
 dote stabit, ut quantum viderit enim posse, æstimet  
 eum reddere, regulam ei vitæ imponens, quæ est se-  
 cundum virtutem mensuramque philosophiæ, indi-  
 cens quam eum probaverit posse portare; verbi gra-  
 tia, si locuples est, ut distribuatur pecunias; si sanus  
 est, ut jejuniis et orationibus aliisque operibus bonis  
 vacet; si autem locuples est et sanus, quæcunque  
 divitiæ et salus ei suggerunt agere jubetur. Si autem  
 neutrum, in oratione flere; et ut breviter dicamus,  
 quodcunque eum viderit pro corpus, aut per sub-  
 stantiam, aut per aliam valetudinem, aut facultates  
 posse peragere. *Animal autem, quod immolari potest*  
*Domino, si quis voverit, sanctum erit, et mutari non*  
*potest, id est, nec melius malo, nec pejus bono. Quod* B  
*si mutaverit, et ipsum quod mutatus est, et illud, pro*  
*quo mutatum est, consecratum erit Domino. Quia ipsas*  
*quæ ex nobismetipsis offeruntur oblationes, quos-*  
*dam habere gradus, et differentias legislator expo-*  
*suit. Ecce enim etiam eorum qui quolibet modo sic*  
*nobis efficiuntur, ut etiam pecora nostra nominen-*  
*tur, propter hoc quod nimis subjecti sunt, aut quia*  
*non eis ad nostrum ministerium, quemadmodum pec-*  
*coribus utimur. Quando sancta sit oblatio, per hæc*  
*quæ dicta sunt exponit. Præcepit autem ut non nos*  
*pœniteat de his quæ offerimus Deo. Ergo siquidem*  
*de his obtulerimus pecoribus, quæ mos est offerri*  
*Deo. Mos autem est ut ei immaculata et munda offe-*  
*rantur; munus nostrum illico sanctificatur, et jam*  
*non est fas, ut nos de eo pœniteat: veluti, si filium* C  
*vel discipulum, vel servum aut alium, qui sub manu*  
*nostra est, Deo obtulerimus, neque mutare malum*  
*ad melius, aut bonum ad malum. Malum autem hic*  
*dicit, quidquid non prævum est modis omnibus et*  
*mundum est; si autem immundum est, non est de*  
*illis quæ mos est offerri Deo. Esse autem de his quæ*  
*immolari possunt Domino, hanc oblationem legisla-*  
*tor dixit, sed malum hic dicit, quod est deterius. Sic*  
*enim manifeste et Symmachus tradidit: Non reddit*  
*melius pro deteriori, aut deterius pro meliori: ut non*  
*hunc filium aut servum offerentes Domini servitio et*  
*ministerio, recipere eum in nostrum ministerium et*  
*utilitates velimus, promittentes offerre meliorem for-*  
*sitan vel deteriorem. Neque enim licet, propter quod* D  
*et Anna de Samuel dicebat: Si respiciens respexeris*  
*ad humilitatem ancillæ tuæ et memineris mei, et dede-*  
*ris ancillæ tuæ sexum virilem, dabo eum in conspectu*  
*tuo datum, usque ad diem mortis ejus (I Reg. 1). Quod*  
*si mutaverit ad ipsum, quod mutatum, et illum pro*  
*quo mutatum est, consecratum erit Domino. Ut et*  
 hunc quem antea obtulimus, et eum quem postea  
 cum prima oblatione sanctificemus, et utrosque Deo  
 concedamus; hoc enim non nos permittit in his quæ  
 offerimus pœnitentiam agere, sed et percuit inimi-  
 cum qui nobis pœnitere suggestit, dum videt dupli-  
 catam nostram oblationem, quam ille per pœnitenti-  
 am intercipere voluit.

## CAPUT XV.

*De eo qui voverit animal immundum, sive domum*  
*suam, seu agrum, et quid faciendum sit.*

(IBID.) *Animal immundum, quod immolari Domino*  
*non potest, si quis voverit, adducetur ante sacerdotem,*  
*qui dijudicans utrum bonum an malum sit, statuet pre-*  
*tium. Quod si dare voluerit is qui offert, addit supra*  
*æstimationem quintam partem. Inquirendus est Ju-*  
*dæus, quomodo hoc mandatum stare juxta litteram*  
 possit? Si enim offerri non licet, nec donum erit ac-  
 ceptabile, quomodo utrumque legislator tanquam sibi  
 repugnans atque resistens scripsit? Sed aliquid evan-  
 gelicæ proximum largitati modis omnibus innuit et  
 condescensionem, quam gratia novit. Sic ergo ea quæ  
 dicta sunt intelligamus. Non licebat Deo offerri de pec-  
 coribus quæ non simul et unguam findebant et rumi-  
 nabant. Hæc enim lex habebat immunda. Cujus autem  
 erat ænigma, id est, unguam non findere? Non distin-  
 guere legis litteram et spiritum scientis; non autem  
 ruminare ejus qui non continue meditationis legis  
 habebat studium, et qui lingua solum, non etiam  
 corde eam ad meditationem revocat. Si ergo aliquis  
 filium talem vel servum, vel discipulum Deo offerat,  
 qui autem ad meditandas sacras Scripturas, aut ad  
 divisionem contemplationis non ex inaltitia, sed ex  
 infirmitate minor sit, necdum est quidem munus  
 Deo; neque enim quasi oblitus sit ejus legislator me-  
 moriam facit. Adducit autem eum ante sacerdotem,  
 et statuit pretium ejus sacerdos, dijudicans utrum  
 bonum an malum sit: ut imperfecto enim condes-  
 cendens, moderatum ei jugum imponit, id est, eam  
 quæ mediam inter bonum malumque conversatiopem  
 est, aut a malo declinatio, et proventus ad meliora.  
 Hoc enim forsitan proprie dicimus esse inter deter-  
 rius et melius, quod pro eo quod dictum est, utrum  
 bonum an malum; edidit Symmachus: *statuit pre-*  
*tium sacerdos, si quomodo proficiens donum esse eo-*  
*rum quæ Deo offeruntur possit. Quod si dare volue-*  
*rit is qui offert, addet super æstimationem quintam*  
*partem. Et quid hoc est? In quinque numero sen-*  
 sus sunt: horum nobis quinta pars mens est. Ab ipsa  
 enim gubernantur, sive enim hac non valde habentes  
 se juvant. Horum ergo quinque virgines, quæ ad nu-  
 ptias non susceptæ sunt, figuram gerunt. Quinque  
 enim non habuerunt sapientiam, unde absolute et fa-  
 tuæ nominatæ sunt (Matth. xxv). Ergo si quis vult  
 redimere eum, qui propter prædictas causas immun-  
 dis comparatur pecoribus, acuere hunc opus habet  
 et facere intelligentem. Sic enim semetipsum guber-  
 nare, et non necesse habere alterius pædagogus po-  
 tuerit. Sequitur:

*Homo si voverit domum suam et sanctificaverit Do-*  
*mino, considerabit eam sacerdos utrum bona an mala*  
*sit, et juxta pretium quod ab eo fuerit constitutum ve-*  
*nundetur. Si autem ille qui voverat, voluerit redimere*  
*eam, dabit quintam partem æstimationis supra, et habe-*  
*bit domum. Quod si agrum possessionis suæ voverit et*  
*consecraverit Domino, juxta mensuram sementis æsti-*  
*mabitur pretium. Si triginta modis hordei seritur*

*terre, quinquaginta siclis vendet argenti. Si statim ab anno incipientis jubilei voverit agrum, quanto valere potest, tanto aestimabitur. Si post aliquantum temporis, supputabit sacerdos pecuniam, juxta annorum qui reliqui sunt numerum, usque ad jubileum et detrahetur ex pretio. Quod si voluerit redimere agrum ille qui voverat, addet quintam partem aestimatæ pecuniæ, et possidebit eum.*

Non qualiscunque hic paritur [quæritur] quæstio. Paulo post enim ad finem legislator sic dicit: *Omne quod Domino consecratur, sive homo erit sive anima, sive ager, non vendetur nec redimi poterit*; quomodo ergo ibi quidem redimi oblata prohibuit, hic autem domum et agrum postquam sanctificata sunt, præcipit redimi: aut forsitan omnimodo aliam hic intentionem, aliam illic offerentis novit: ibi quidem, ut nequaquam ultra tractet quod obtulit, sed ut penitus illud consecraret Deo; propter quod non ait quemadmodum hic: Si consecraverit domum suam aut agrum possessionis suæ, sed *omne quod Domino consecratur*, eorum enim quæ offerebantur Deo nihil licebat in usum humanum ultra reverti. Sed nec sacerdos illis uti poterat. Demonstrat autem hoc ea, quæ est Amalecitarum, historia. Præceptum est enim Saul ut anathema essent omnia Amalec spolia, et quod concessit populo quædam de gregibus et armentis accipere, maledictum grande iramque sustinuit, et nullatenus ei ad satisfactionem suffecit, cum irasceret Samuel et inquireret *quæ est vox gregis hujus in auribus meis et vox armentorum, quam ego audio (I Reg. xv)*; ipseque responderet alia ad prophetam verba; et quæ erant? *De Amalec adduxi ea quæ acquisivit populus, meliora gregis et boum, ut immolentur Domino Deo tuo, reliqua occidimus*. Ergo aliud est sanctificare Deo, licet enim ei qui sanctificavit, hoc modo utique nunc nobis legislator ostendit; aliud est anathema quid facere. Hujus enim usus prohibitus est. Similis autem huic et intellectus suscipi debet contemplationis, sed de anathemate quidem dicemus, quando ad illam partem sanctionis pervenerimus. Nunc autem quid sit domum sanctificare, quid agrum doceamus, nunc suggerente spiritus, hoc primo loco dicentes, quia aliud est sanctificare Deo, aliud sanctum esse; aliud offerri ei aliquid, aliud non opus habere oblatione: sed esse Dei et offerentis non egere. Quod enim sanctificatur et offertur, eo quo offertur sanctificari incipit. Ergo prius non erat sanctum. Quod autem incipit sanctificari, hoc opus habet et pro-  
 D  
 vectum et per partes augmentum. Quod autem olim sanctum est, et olim est Dei, hoc nihil minus habet, sed est perfectum, nec ullo additamento egens: propterea bonum quidem est et doctrinis aliorum ad sanctificationem uti; melius tamen in tantum proficere, ut quis et semetipsum, et eos qui ejus sunt, ad sanctificationem perducatur, quod non omnis viri est, sed solius sensati. Et hæc sunt quæ in hoc loco significare legislator intentionem habet. Sanctificat ergo domum Deo qui familiam

suam et cognationem et intelligibilem domum in sanctimoniam conversari vult, ut Ecclesia sit et appelletur; quemadmodum multi fidelium domos suas propter sanctificationem ecclesias habebant, sicut Paulo scribente ad Romanos audivimus: *Salutate Priscam et Aquilam adjutores meos in Christo Jesu; qui pro mea anima cervices suas posuerunt: quibus non ego solus gratias ago, sed et omnes Ecclesie gentium et domestica eorum Ecclesia (Rom. xvi)*.

Quicumque ergo hanc habet intentionem, ipse sitem per se non est idoneus ad opus perducere: ea quæ intendit, hujus domum sacerdos utrum bona an mala sit considerabit, et sicut aestimaverit, sic erit. Quare utrum bona an mala, ut quia domus est ex multis personis et differentibus constat, in quibus multi condescensione egent, non valentes agere aut sapere quæ perfecta sunt, nihil eis injungat grave, sed unuscujusque pensans virtutem, a malo eos declinare et ad virtutes eos proficere jubeat. *Sic autem ille qui voverat voluerit redimere eam, dabit quintam partem aestimationis supra et habebit domum*; id est, si domus Dominus, qui eam sanctificare vult, cum non fuisset sancta prius, nec poterat Ecclesia appellari; nam et sanctificata utique esset, quod nunc se ita non habet, sed exordium capit sanctificationis: si ergo hic redimi domum suam vult illud absolute mundans ejus quod eam sanctificationem egere sacerdotis exhortationem necessariam habere faciebat; redimit autem eam per doctrinam et vitæ formulam, liberans eos et diluens quicquid eis obviabat ad sanctimoniam, quid faciet? *Dabit, sive, secundum Septuaginta, adjiciet quintam partem aestimationis supra*; sacerdotis enim doctrinæ, cui domum ab initio suam obtulit ut eam aestimaret, id est, definitionem imponeret ad quam deberet stare sive conversari, ipse afficiet hoc quod est intellectus; hoc enim est quinta, id est, ut quæ dicuntur suscipiat et superædificet sacerdotis sermonibus; frequentior enim commemoratio sensatos et intelligentes homines facit. *Et sic habebit domum*; non perdens sanctificari Deo, nec in damnum ei convertitur; sed habebit eam, quia ei sanctificatio propriæ domus ascribitur, non solum ut offerenti, sed et ut docenti: sicque suæ domui bene præpositus et recuperans eam sibi sacerdos quodammodo invenitur. Quia Paulus eum qui scit præesse san domui, ad episcopatus electionem atque dignitatem sublimavit (*I Tim. iii*). Propter quod Aquila, pro eo quod dictum est: qui eam sanctificavit, redimit: *Si sanctificans ad finem fecerit*, eddit. Quid autem ex hoc discimus? Quia si domus sibi principatum et gubernationem, qui sanctificavit, vindicat, et hanc ipse acquirere vult. ad finem autem facere secundum legem est, aliis sicut cognatum præponi, hæc faciat quæ in præsentī legislator jussit. His autem ita se habentibus, quod proprie argentum divinatorum eloquiorum doctoralis exhortatio sit, audi David dicentem: *Eloquia Domini eloquia casta, argentum igne examinatum probatum terræ purga-*

lum septuplum (Psal. xi); et Jeremiam: *Frustra A* conflavit conflator, scoria ejus non est consumpta (Jer. vi). De Judæis dicit, quia nihil eis verba exhortantium proderant. Sed et Paulum audi dicentem: *Si quis superædificat super fundamentum hoc aurum, argentum, lapides pretiosos (I Cor. iii). Quod si agrum possessionis suæ voverit et consecraverit Domino, juxta mensuram sementis æstimabitur pretium.* Agrum Scripturam esse divinam nemo dubitat. Cujus vitis proprie Christus, et agricola Pater est: in quo absconditus thesaurus, id est, salutaris prædicationis; quem qui invenerit operator agri, vendet omnia quæ habet, quemadmodum Dominus in Evangeliiis ait (Matth. xiii), ut emat agrum illum. In hoc agro diversa est uniuscujusque possessio, id est, modus, quem sibi ex ea ad sapiendum obtinere poterit.

Si ergo consecraverit Domino hanc homo, cum non prius sancta fuerit, sed nunc incipiat consecrari, gubernatorem conversationis suæ, cum ipse non sit idoneus semetipsum gubernare, sacerdotem eligat: Consecrari enim hic ea quæ deputata sunt sacerdoti legislator appellavit. *Juxta mensuram sementis æstimabitur pretium*, ut quantum seminatus est, videlicet eductus. Doctrinæ enim verbum in semine accipere Scriptura divina solet: tantum ei sacerdos indicat, et quantum fuerit eruditus de doctrina bona, legitima et spiritali, et non quam homines seductores pagani, verbi gratia, vel Judæi, sive hæretici, docent; propter quod postquam dixit: *Juxta mensuram sementis*, addidit: *Si triginta modis hordei C* seritur terra, quinquaginta siclis venundatur argenti; sive ut Septuaginta, quinquaginta didrachmas argenti. In quibus Vetus et Novum Testamentum intellige. Et per modum sive chorum hordei, Vetus Testamentum ostendit, quia hujus seminis pinguior cibus est; per quinquaginta autem didrachmas, tam quod spiritale est quam quod perfectum simul innuit; perfecta enim doctrina etiam spiritalis est. Sed quando hæc regula sive definitio integre ei indicanda, quando minuenda sit per condescensionem, per sequentia discite: *Si autem statim ab anno incipientis jubilæi voverit agrum, quanto valere poterit, tanto æstimabitur. Sin autem post aliquantum temporis, supputabit sacerdos pecuniam juxta annorum qui reliqui sunt numerum, usque ad jubilæum et detrahetur ex pretio. D* Duorum hic annorum remissionis sive jubilæi memoriam facit, baptismum aperte insinuans et poenitentiam. Uterque enim annus remissionis est, quia perfectam remissionem, unus quidem per donum gratiæ, alter propter eos qui vacant in oratione et jejuniis aliisque operibus quæ perficiunt poenitentiam, possidet. Si ergo simul quis gratiæ viam, quam elegit gubernari per sacerdotem et productur vult, hoc eum sacerdos exigat, quod cum docetur ex perfecta et spiritali doctrina præceptum nullo modo ei condescendens, neque enim habet necesse, ut pote qui per donum renovatus est, sed in doctrina quam accepit plene eum permanere facit.

Si autem deest illi de dono quod percipit, deceditque ab eo in conversatione, hoc est enim aliquantum temporis jubilæi sive remissionis consecrare agrum, recte ei reputabit sacerdos argentum in annos reliquos usque ad annum remissionis sive jubilæi, ut reliquum ei tempus definiat ad poenitentiam? *Et detrahetur ex pretio*: quod enim minus fecit, et detrimentum pertulit, et deterius conversatus est, hoc dono minuitur et infirmior effectus est, et propterea abjectior, et non jam talis est qualis cum acciperet donum fuit: verumtamen et hic volens redimere agrum suum poterit, id est, semetipsum gubernare et docere, *adjiciens quintam partem argenti ad pretium suum*; addens doctrinæ sacerdotis proprium intellectum, ut intelligens eruditusque sui gubernator doctorque efficiatur.

Sic enim intelligibilis ager, quem consecravit offerens sacerdoti, ab eo possidebitur; et non ab alio conversatio et virtus, quam studet sive ex toto, sive ex parte: sed ipsi qui agit reputabitur. Divisioni enim legislatoris intende, quemadmodum sanctificare sive consecrare domum vel agrum volentem consecrationem prius facere vult, sicque ei præcipit redimere, quæ sanctificata sunt, *Et tunc, inquit, possidebit eum*, hoc procul dubio mandans, quia oportet quidem nos per sacerdotem doctrinam, et regulam, et leges, nostram conversationem gubernare, quando eam prius sanctificamus; sed oportet et proficere, et illorum doctrinæ nostrum adjicere intellectum. Propter quod Paulus ad Timotheum scribebat: *Intellige quæ dico: dabit enim tibi Dominus in omnibus intellectum (II Tim. ii)*. Et tunc possidebimus proprie quæ egerimus sanctificationis proxima; sin autem hanc divisionem non fuerimus intuiti, vide quid patiemur. Sequitur enim:

*Si autem noluerit redimere, sed alteri cuilibet fuerit venundatus, ultra eum, qui voverat, redimere non poterit, quia cum jubilæi venerit dies, sanctificatus erit Domino, et possessio consecrata ad jus pertinet sacerdotum.* Ecce damnum ejus qui semper ab alio opus habet gubernari, et non proficit, nec juvatur ex aliorum doctrina, sed suus semper ipse dux est ad agenda utilia, per præsentia aperte legislator ostendit. Qui enim consecravit agrum et postea redemit, ille est qui suam conversationem alii gubernare permisit, posteaque adjutus est et conquisivit intellectum, ut jam esset, sicut ait propheta, *docibilis Dei*, et disponere apud semetipsum possit in futuro quæ expediunt, hic agrum suum sibi recipiens conquisivit. Qui autem nihil proficit ex alterius gubernatione, nec acquisivit intellectum, sed semper opus habens ab alio doceri et talis existere quales fuerunt quidam Judæorum, quibus Deus per prophetam vocem exprobrans talia dicebat: *Quia electi sunt ex utero, edocti ab infantia usque ad senectutem (Ose xi)*; et rursus: *Ephraim sicut columba insensata non habens cor (Ibid.)*; quia si malos doctores invenerit, mala modis omnibus operatur: ut

qui non habet discretionem, quærere non potest A  
mercedem virtutis quam egerit. Et propterea pro-  
prium agrum dicitur non redimere, sed veniente  
jubileo, id est, tempore remissionis transeunte, in  
quo remissio locum habet, est autem præsens vita,  
vide quale quantumque sit quod patietur: *Possessio  
sanctificata erit Domino*; conversatio enim, quam  
semel consecutus est, etiamsi alter erat qui guber-  
nabat, sancta erit Domino. Sed quemadmodum et  
possessio consecrata ad jus pertinet sacerdotum:  
possessio enim ejus et lucrum ei qui continue guber-  
navit reputabitur.

*Si ager emptus est, et non de possessione malo-  
rum sanctificatus fuerit Domino, supputabit sacerdos  
juxta annorum numerum usque ad jubileum pretium:  
et dabit ille qui votum voverat Domino. In jubileo B  
autem revertetur ad priorem dominum qui vendiderat  
eum, et habuerat in sortem possessionis suæ. Omnis  
æstimatio siclo sanctuarii ponderabitur. Siclus viginti  
obolos habet. Primogenita quæ ad Deum pertinent,  
nemo sanctificare poterit et vovere: sive bos, sive  
ovis fuerit, Domini sunt. Maximam justitiam legis  
littera et spiritus ostendit: littera siquidem agrum  
possidentis alienum, ut sanctificent Deo et offerant  
sacerdotibus, ut eorum sit creditus ager non vetuit,  
quia non specialiter suam obtulit; sicut enim  
emptus ejus tunc erat, sic autem qui de vendentis  
fuerat possessione recte alienus est. Præcipit ergo  
computare sacerdotem agri pretium usque ad jubi-  
leum, et sic pro eo dare pretium; in jubileo autem  
reverti ac reddi priori Domino, id est, ei qui propter C  
paupertatem rem propriam vendidit, et ad certum  
eam tempus alienavit.*

Ab hoc ergo et ad spiritalem intelligentiam transit:  
*Si ager emptus, et non possessione majorum sanctifi-  
catus fuerit Domino, supputabit sacerdos juxta anno-  
rum numerum usque ad jubileum.* Agrum qui possi-  
det, quem emit, et non est suæ possessionis is qui  
intelligibilem paupertatem patientem exhortari va-  
let, arguereque eum, atque movere ad poenitentiam.  
Intelligibilem enim terram, quam ille possidebat, de  
qua David psallebat: *Spiritus tuus bonus deducet  
me in terram rectam (Psal. xiv)*, ipse possidet, non  
permittens eam ex toto corrumpi, sed lucrans fratris  
virtutem vel vitam, de qua ille per negligentiam  
cecidit.

Si igitur ea sanctificaverit Domino, id est, obtu-  
lerit sacerdoti: audisti enim quia in præsentis sau-  
ctificari Deo dicit ea quæ sacerdotibus sorte obve-  
nerunt. Offerri autem, quomodo? id est, oportet  
cum qui culpavit emendari, et sanctam ejus efficere  
conversacionem. *Supputabit sacerdos juxta anno-  
rum numerum usque ad jubileum pretium, et dabit  
ille qui votum voverat Domino.* Recte sacerdos simul  
cum eo qui movit fratrem ad poenitentiam, quia ille  
quidem districte ejus actionem et conversacionem,  
ut pote quia ipse eum correxerat, hic autem ut sacer-  
dos novit veram atque perfectam redemptionem,  
supputavit, sive probavit, qualem ei oporteat poeni-

tentiam indicere. Supputant autem usque ad jubilei  
pretium, id est, ex his quæ de poenitentia in divina  
dicta sunt Scriptura. Ipsa enim æstimatio est anni  
jubilei sive remissionis. *Et dabit ille qui votum vo-  
verat Domino*; sive, secundum Septuaginta, *et red-  
det pretium in die illa sanctum Domino*; in tempore  
enim, in quo secundum hanc rationem ea quæ sunt  
de poenitentia definiuntur, sive indicuntur ei, cum  
necessaria est definitio ejus sancta Domino inveni-  
tur. Bene autem dixit, *dabit*, vel sicut Septuaginta,  
*reddet*, non reddent: nam etsi communi consilio  
sacerdotis et ejus qui movit peccatorem ad poeniten-  
tiam, de ea definitio constituitur quæ æstimatur;  
verumtamen ille eum offert qui fratrem culpantem  
compungi fecit. Huic enim et obediet. Sed et ipse  
obligatur in emendatione ejus qui poenitentiam agit,  
ut pote qui semel ejus correctionis fecit exordium.  
Qui autem non illico cum definitur poenitentia peni-  
tus mundatur, sed quando eam perfecte egerit, pro-  
pterea ait: *In jubileo autem revertitur ad priorem  
dominum, qui vendiderat eum.* Ergo definitio quidem  
poenitentiae in illa die sancta mox fiet, in qua a  
sacerdote et exhortatione ejus, qui poenitentiam  
acturus erat per divinam Scripturam, quomodo eam  
debeat agere æstimatur.

Tunc autem poenitens possessionem suam, agrum-  
que et conversacionem recipiet, quando ad annum  
pervenerit jubilei sive remissionis. *Omnis æstimatio  
siclo sanctuarii ponderabitur. Siclus, sive didrachma,  
viginti obolos habet*; ut omnis æstimatio sive definitio  
sanctis fiat ponderibus, id est, his quæ sunt de  
sacra Scriptura: exteriora enim pondera veluti philo-  
sophorum, in quibus etiam ipsi vitas conversaciones-  
que pensant, non sunt sancta, quia scientiam imperfec-  
tam possident. Sed nec hæreticorum pondera sancta  
sunt: cauteriata est enim eorum conscientia; sed  
sancta sunt ea quæ sunt in divina Scriptura, in quibus  
viginti oboli sunt. Siclum sive didrachma, id  
est, decem mandata, secundum litteram et secundum  
spiritum intellectum, sicut evangelica gratia  
insinuat, et qui in ea dicit: *Non arbitremini, qui  
veni solvere legem, aut prophetas; non veni solvere,  
sed implere (Matth. v)*. Ergo quicumque aut legem  
irritam facit, aut Evangelium tenuit, hic non habet  
didrachma, nec hujus doctrinam ut sanctificantem  
D recipimus: hæreticos autem et Judæos, quorum alii  
quidem gratiam, alii legem negant, æqualiter  
respuimus. *Primogenita quæ ad Deum pertinent  
nemo sanctificare potest et vovere, sive bos, sive ovis  
fuerit, Domini sunt.* Pecora eos qui nobis obediens  
sunt, filios et servos, et discipulos in præcedentibus  
diximus: Horum primogenitum, id est, qui nobis  
sic parens et obediens fuerit, ut et aliis obedientiae et  
parendi ducatum præbeat. Et propterea hic quidem  
primogenitum dicitur; alibi autem de eo legislator  
dicit: *Omne masculinum adaperiens vulvam sanctum  
Domino vocabitur (Exod. xxxiv)*. Adaperit enim  
vulvam generandorum filiorum, qui obedire secun-  
dum Deum et cum pia subjectione incipit. Qualis

verbi gratia erat Paulo Timotheus, et propterea de eo ad Corinthios scripsit: *Qui est filius meus dilectus in Domino, ipse vos commonesfaciat vias meas, quæ sunt in Christo Jesu.* Hunc qui talis est nemo sanctificet, non quia indignus est sanctificatione, sed ut qui non egeat sanctificari: est enim olim sanctus. Didicisti enim quomodo et superius dicebamus, quia aliud est sanctum esse aliquid Deo, aliud autem initium sanctificationis sumere? Illud enim melius ac superius est, ut pote quod olim perfectum est et melioratione non eget. Quia ergo filius, qui tantum honorat patrem et matrem ut aliis fiat talis honoris exemplum; honorans autem propter pietatem, id est, propter obedienciam legis, et sciens quia Deo hunc offert honorem qui honorari patrem præcepit: primum horum mandatum, quod est in promissione; secundum, quod Paulus dixit, implevit.

Servi autem qui Domino pure subduntur propter mandatum, de quibus dicit: *Servi, obedite dominis carnalibus cum timore et tremore in simplicitate cordis sicut Domino, non ad oculum servientes, sicut hominibus placentes, sed sicut servi Christi* (Ephes. vi), obedienciam Deo ostendunt: hoc autem idem faciet et discipulus, sic magistro [obediens] ad honorem Dei, qui per Paulum sancivit: *Obedite præpositis vestris et subjacete eis: ipsi enim percipiant pro animabus vestris: obedite et subjecti estote* (Hebr. xiii). Ad Deum referre ea quæ sunt hujus obedienciam et subjectionis evidenter unusquisque horum dicitur: et sive per bonam simplicitatem placens est Deo, sive per studiosam mandatorum operationem, et qui debeat bos propter hoc aut ovis nominari Domini, uterque est.

*Quod si immundum est animal, redimet qui obtulerit juxta æstimationem, et addet quintam partem pretii: si redimere noluerit, vendetur alteri.* Quia immundus omnis peccator est, manifestum est: *Immundus enim est, inquit Salomon, ante conspectum Domini omnis iniquus; iniquus enim est, quia tam meditari quam discernere legem, cum ruminat et unguam findit, legislator jussit: quicumque unum ex his minus habet, id est, quicumque obediens quidem est, et vehementer subditus patri, aut domino, aut magistro, non tamen legis sicut oportet meditari aut distinguere novit, primogenitus quidem in pecoribus est sicut obedienciam dux, immundus autem est, quia non habet hoc quod habere mundum legislator jussit.* Si ergo eum pater, aut dominus, aut magister vult redimere, secundum æstimationem ejus redimetur, et addet quintam partem pretii. Addet quintam, cum intellectu ei doctrinam offerens, in sapientiam eum gubernans, et non insipienter regens; insensati enim patris, et domini, et magistri est obedienciam, quæ ad se pertinet, et docere filium, vel discipulum, vel servum, et non disponere ejus vitam, ut secundum legis scientiam operetur, permittitque eum indoctum esse in lege et imperitum. Addat igitur subjectioni

et doctrinæ intellectum. Ipse enim solus in præsentibus minus est, propter quod dixit: *Addet quintam partem pretii, quia pretiam habet obediencia.* Unde non ait: *Æstimavit eum sacerdos sicut supra dixit, sed sicut olim, pretium habentem.* Si autem non redemerit quis filium, aut servum, aut discipulum [quem] possidet; ipsius enim eum redimere est, et per prudentem admonitionem sensatum efficere, secundum modum qui dictus est, alienatur ab hujus possessione.

## CAPUT XVI.

*Quæ consecrantur Domino non possunt redimi, sed permanere debent in illius possessione.*

(Ibid.) *Omne quod Domino consecratur sive homo erit, sive animal, sive ager, non vendetur, nec redimi poterit. Quidquid semel fuerit consecratum, sancta sanctorum erit Deo; Et omnis consecratio, quæ offertur ab homine, non redimetur, sed morte morietur.* Quæ differentia est inter anathematizatum et sanctificare secundum litteram per ea quæ superius discussa sunt ostendimus, ubi hoc quod anathematizatum est nullo modo in usum humanum, nullius, ne quidem sacerdotis, fas esse reveri, diximus, secundum Amalecitarum historiam. Non solam autem hoc, sed quia quæcunque jure belli ac de inimicis cum quibus non oportebat amicitiam jungere, spolia sumebant post victoriam et deprædationem, hæc faciebant anathema, et non a semetipsis, sed Deo præcipiente: quæcunque enim prophetæ præcipiant, manifestum est quia Dei præcepta sunt. Ergo et nos quodcunque intelligibilibus inimicis, id est demonibus, pugnantes, cum quibus nobis non licet amicitias jungere, contra quos inimicitias et incommutabiles habemus. Propter quod Dominus dicebat: *Non veni mittere pacem in terram, sed gladium, propter quod dividet hominem adversus patrem, et filiam adversus matrem* (Matth. x), et scindit compassionem generis, ut deorsum relinquentes carnis compassionem, facilius incorporeos perimamus inimicos, sive hominem, sive pecus, sive agrum pro spolio ex bello quod contra eos habemus, atque victoriam conquiverimus, consecrare [quidem Deo hæc debemus, sic autem consecrare, ut nihil in eis habeamus nostræ voluntatis. Sed sive suæ potestatis quispiam est, hoc enim est vere homo, quid dicimus autem eum qui nullatenus nobis subjectus est, sed æqualis nobis est secundum conversationem, sive eum qui nobis subjectus est, et propterea pecus nominatur, intelligibiles hostes vincentes acquisiverimus; sive de agro possessionis, id est, ex qua sortiti sumus, conversationem in spoliis et trophæis sumpserimus, contra inimicos intelligibiles pugnantes, nec venundare hæc possumus, nec redimere opus habemus, quia omne consecratum sanctum sanctorum est Domino. Quomodo autem audi: non potest aliquis expoliare inimicum antequam eum perfecte subjiciat, sicut Dominus Judeis dixit: *Quomodo potest aliquis ingredi in domum fortis et vasa*

*ejus diripere, si non prius alligaverit fortem, et tunc vasa ejus diripiat (Luc. xi).*

Tunc autem plene intelligibilem hostem subdimus, id est diabolus, ligareque eum et deprædari et consecrare Deo spolia ejus possumus, quando ejus omnes vicerimus machinas, omne contriverimus caput, omnemque speciem peccati declinaverimus, cuncta mundi desideria vicerimus, cunctasque virtutes assecuti fuerimus : tunc enim eum ligatum habemus et prædicari possumus. Sic autem diripientes et eum prædicta victoria devincentes, quodcunque diripuerimus, Deo recte offerimus. Sanctam autem sanctorum perfectum consummatamque habemus, nec nostra exhortatione nec aliorum egens, quod nec additamentum aliquod, nec provecum opus habet. Quomodo enim? Quia omne peccatum evasit, omnem autem virtutem operatum et alienatum est mundo mundoque crucifixum. Nimis ergo consequenter addidit : *Et omnis consecratio quæ offertur ab homine non redimetur, sed morte morietur.* Qua morte? Qua Paulus dicebat : *Vivo autem jam non ego, vivit autem in me Christus.* Et rursus : *Sic et vos æstimate vos mortuos quidem peccato, viventes autem Deo in Christo Jesu,* talis ergo, sicut qui usque ad culmen virtutis proficit, et mensuras contigit, id perfectionis est ; mortuus enim sæculo est, et a præsentibus alienus, et olim a mundi migravit sapientia ; recte sanctus sanctorum Domino est, qui sanctum sanctorum imitatus est secundum possibilitatem suam.

#### CAPUT XVII.

*De decimis terræ ex frugibus et pomis quomodo possint redimi.*

(IBID.) *Omnes decimæ terræ, sive de frugibus, sive de pomis arborum, Domini sunt, et illi sanctificantur. Si quis autem voluerit redimere decimas suas, addet quintam partem earum. Omnium decimarum bovis et ovis capræque quæ sub pastoris virga transeunt, quidquid decimum venerit, sanctificabitur Domino. Non eligetur : nec bonum nec malum, nec altero commutabitur : si quis mutaverit, et quod mutatum est, et pro quo mutatum est, sanctificabitur Domino et non redimetur.* Quæris forsitan cujus rei gratia fructum quidem terræ redimi decimam præcipit, bovum autem et ovium non præcipit? Quod Judæus dicere non potest, quia soli servit litteræ, in qua maxime multa quæstionem recipientia legislator interponit, ut angustati ad spiritum currant, et sciant quia littera tunc est bona quando illa usi fuerint velut instrumento et ministra spiritus.

Differentiam ergo discipulorum legis hic proponit, et quemadmodum in primogenitis mundis et immundis, quidam cum obedientia, et bonam legis meditationem et scientiam acquisiverunt, quidam autem sunt qui solam obedientiam habent; sic et hic quidam operantes mandata sapientiam terrenam habent, et propterea redemptione necessario egent; quidam nec redimi opus habent, sed nec mutari

debet, sicut perfecti semper et consummati : fruges ergo in præsentem lex messonem quæ est de semine dicit; similiter et poma arborum secundum tempus suum.

De his autem decima pars Deo secundum legem debetur, utrumque autem hoc ad legis fructificationem accipi oportet; siquidem Dominus bonam terram fructum afferentem triginta et sexaginta et centum, eos qui suscipiunt verbum et faciunt eum, in parabola seminum evangelicorum exponens dixit; David autem nunc clamat : *Justus ut palma florebit (Psal. xci)*; et rursus : *Ego autem sicut oliva fructifera in domo Domini (Psal. li)*; nunc autem breviter describens justum : *Et erit, ait, sicut lignum quod plantatum est secus decursus aquarum, quod fructum suum dabit in tempore suo (Psal. i).* Hujus ergo decima sancta est. Sancta enim horum actio est et studium est : quia qui legis mandata operans, spem in præsentem retributiones ponit, terra sapit, quales erant quidam Judæorum, ad quos ut pote terræ hærentibus, Dominus dicebat : *Vos deorsum estis, ego desursum sum.* Sed et Paulus de eis dixit : *Qui terrena sapiunt, nostra autem conversatio in cælis est (Philip. iii).* Hoc autem nunc innuit; neque enim simpliciter dixit : *Omnis decimæ terræ, sed et omnes decimæ terræ prædixit, et tunc subdidit, sive de frugibus, ut prædicaret aperte eum qui intentionem expectatione terrenorum bonorum legis mandata operatur, et si sancta ejus decima, id est, mandati operatio est, verumtamen non grande juvamen eorum est ex tali operatione circa retributionem quam non oportet a Deo expectari ab eis qui terrenis inhiant. Unde si vult quivis sibi ipsi decimam hanc acquirere, addat quintam, id est, intelligentiam, ut quæ sursum sunt sapiat, et ea quæ sursum sunt quærat (Coloss. iii), quemadmodum Paulus scribebat. Qui enim legis sic mandata operatur, non perdit lucrum ejus, quia decima ejus efficitur. Ergo ejus qui terrena sapit decima sancta quidem est, sed non ei, quia non intelligibiliter mandatum operatur, nec scit quod lucrum in ea expectet, aut quam retributionem in ea speret. Bovis autem et ovis, et quæcunque sub numero sunt et sub virgam transeunt; dicit enim eos qui sub virga numerantur crucis, quibus ut numerentur fides Dei et amicitia donat; quisquis enim fidelis est Deo, hic ejus et amicus invenitur. Quod demonstrat Abraham, de quo dictum est : *Credidit Abraham Deo et reputatum est ei ad justitiam, et amicus Dei appellatus est (Rom. iv).* Qui enim amici Dei numero digni habentur, licet sint immensæ multitudinis, et non solum si numerum, sed etiam si mensuram excesserint, audi David dicentem : *Mihi autem nimis honorificati sunt amici tui, Deus, nimis confortatus est principatus eorum, dinumerabo eos et super arenam multiplicabuntur (Psal. cxxxviii)*; hi terrenam non habent sapientiam, nec in his quæ agunt corruptibilem retributionem quærunt, propter quod non speciale quippiam illorum, sed quodcunque egerint, manda-*

tum sanctum Deo est. Sed nec eligetur inter bonum et malum, id est, inter deterius et melius: non est enim eorum facilis discretio, quia etsi alteram superent, quemadmodum stella stellam in gloriam differentes, sed omnes in caelo sunt, ut revera sequentes caelestia, et a solo eo qui idoneus est discernere sanctos cognoscuntur; secundum hanc rationem oportet intelligi, non eligetur nec bonum nec malum, nec altero commutabitur. Cum enim nullus de eis sit qui respui possit, quem quo commutabis, aut quid magis eligas, nostrae non est iudicare virtutis. His ergo superaedificans addidit quae sequuntur: *Si quis mutaverit, et quod mutatum est, et pro quo mutatum est, sanctificabitur Domino et non redimetur*; quia enim omnium cursus divinus et sublimis, et supernae conversationi proximus est, frustra conaris hunc respui: aliam autem pro eo introducere, et consecrare Deo quasi meliorem, non est tuum; nec tuum est hoc discernere, neque hunc illo inter sanctos appellare deteriore, quod etiam ex historiae facti cognosce: Paulus aliquando et Barnabas inter semetipsos contenderunt. Barnabas enim dicebat debere assumi Marcum; Paulus autem dicebat eum, qui semel recessit a Pamphylia, et qui non concurrat eis in opere, non debere assumi. *Facta est autem inter eos talis contentio [dissensio], ita ut discederent abinvicem. Et Barnabas assumpto Marco navigaret Cyprum; Paulus autem eligens Silam, traditus est gratiae Dei (Act. xv).* Vides quomodo mutavit melius, sicut aestimavit, deteriore. Ipsum autem, quod mutatum est, et pro quo mutatum est, factum est sanctum; Silam enim sicut aptiorem Marco ad ministerium praedicationis elegit, non tamen expulsus est Marcus; Barnabas quippe, eum assumens, abiit Cyprum, et cum eo praedicabat et in tantum erat magnus, ut et evangelista unus de quatuor fieret.

Ergo Paulus retractans et cognoscens quia nullus sanctorum respuendus est, nec potest aliquis eorum qui perfecte profecerunt hunc dicere deteriore, nec illum meliorem, ipse rursus Marcum assumpsit, et ad Timotheum scribebat: *Assumens Marcum deduc*

*A* *tecum; est enim mihi utilis in ministerio (II Tim. 17).* Non ergo intendatis quis inter hos bonus aut malus, sed nec commutes alterum altero, et non redimetur. Cai enim nihil minus est, qua redemptione eget? Praeter alia quae in praesenti dicta sunt, ostendere legislator vult quia hi qui a nobis docentur, quando fiunt perfecti, nihil jam nostro magisterio egent, et propterea immaundorum primogenita redimi ait, maundorum autem nequaquam, sed nec ea quae Deo consecrata sunt, nec haec de quibus nunc sermo est, perfecta enim demonstrata sunt, ut pote quae intentionem divinam caelestemque gerunt. Quem enim finem libri hujus praeeperit esse spiritus, hunc in sequentibus intuere.

*B* *Haec sunt praecepta quae mandavit Dominus Moysi ad filios Israel in monte Sinai. Et cujus rei gratia non ipsis filiis Israel, sed Moysi ad filios Israel? Quia populus erat infirmior, tantam legis sanctionem capere non valens, in qua, sicut in speculis, claras formas suorum mysteriorum Deus ostendit. Tu ergo si non vis de vulgo esse, sed qualis Moyses fuit, praebere temetipsum obedientem, mundosque habentem omnes animae sensus, et dic Deo: Revela oculos meos, et considerabo mirabilia ae lege tua (Psal. cxviii); relinque materiam carnis, et spiritus divitias sequere; dic cum David: Quam dulcis faucibus meis eloquia tua, Domine, super mel et favum ori meo (Ibid.), ut et tibi quemadmodum et Moysi mandet suamque tibi credat sapientiam: Melior est enim negotiatio ejus argento et auro primo, fructus ejus pretiosior est cunctis opibus, et omnia quae desiderantur, huic non valent comparari: longitudo dierum in dextera ejus; in sinistra ejus divitiae et gloria: viae ejus, viae pulchrae, omnes semitae illius pacificae (Prov. iii). Lignum vitae est his qui apprehenderit eam, et qui tenuerit eam beatus: fili mi, audi doctrinam patris tui, id est Dei, et non discedas a lege matris tuae, id est sapientiae: coronam enim gratiarum dabit capiti tuo, id est Christum, et torques aurea sit circa collum tuum (Prov. 1), id est Spiritus sanctus, cui est gloria in saecula saeculorum. Amen.*

# BEATI RABANI MAURI

ARBATIS FULDENSIS ET MOGUNTINI ARCHIEPISCOPI

## ENARRATIONUM IN LIBRUM NUMERORUM

LIBRI QUATUOR. (ANNO 534.)

### PRÆFATIO

AD FRECULPHUM LEXOVIENSEM EPISCOPUM.

Numerorum librum multiplicibus mysteriorum A obscuritatibus involutum, sanctorum Patrum sententia produnt: quia ibi numerus filiorum Israel mystice describitur, et singularum tribuum castrametatura circa tabernaculum testimonii ad formam sanctæ Ecclesiæ refertur. Ubi Levitarum in ministerio Dei distributio atque oblatio principum, secundum convenientiam divinorum sacramentorum præfiguratur. Novissime quoque post plurima diversarum rerum atque effectuum explicita mysteria, omnium mansionum ab Ægypto usque ad terram repromissionis, in quibus Israelitæ transeundo castrametati sunt, catalogus enumeratur; ut nobis demonstraret qualiter de Ægypto spiritali egressi, per mare Rubrum atque eremum vastissimam præseatis sæculi debeamus ad repromissam in caelis patriam properare. Sed quia hæc tibi, sancte frater Freculphe, nostro labore postulasti spiritali interpretatione exponi, post primam excusationem qua me a tanto onere apud te absolvere volui, ne forte inobedientiæ nota inurerer, studui præceptis tuis parere, et sanctorum Patrum sententias ad hoc opus undique colligere. Ubi quoque miræ elucidatum eorum sententias, id prætermissum non pro eorum ignorantia, sed forte pro occupatione aliqua reperi, celestis gratia confidens quæ aperit os mutorum, et linguas infantium facit esse disertas, tentavi pleaque juxta eorum sensus vestigia inserere, non tamen latenter, ne forte pro fraude furti arguerer: sed manifeste ea agnominis mei prænotatione de-

pinxi, sicut et in aliis opusculis nostris jam me fecisse recordor, ut sciret lector qua accuritate Patrum dicta legere posset, quantaque cautela nostrum rimari deberet. Si autem aliqua eorum quæ posui lectorem offenderint, quasi non rite prolata, magis infirmitati atque imperitiæ meæ deputet, quam presumptioni seu malitiæ, eamque diligenter examinans, si sanæ fidei viderit concordare, non temere pro villitate locutionis ea reprehendat. Si autem alicubi me errasse in sensu deprehenderit, veniam apud clementissimum iudicem charitatis instinctu admonitus, mihi impetrare festinet, quem nihil infirmitatis humanæ latet; qui etiam nostras infirmitates in se suscipere, et ægrotationes portare, sanguinemque suum pretiosissimum pro redemptione peccatorum nostrorum effundere dignatus est: ut qui non nostris meritis potuimus, per ipsius gratiam salvemur. Te autem, venerande Pater, sicut correctorem in necessariis, ita defensorem habere volo in reprehensionibus superfluis. Deprecor ergo ut fragilitatem meam apud Altithronum orationibus adjuves: quatenus me in hac præsentis vita scuto fidelis suæ munitum aliquid semper sui servitii explere faciat, et post egressam animæ de corpore, in sua præsentia jubeat vitam percipere æternam. Deus omnipotens, auctor et reparator salutis nostræ, longo tempore ad multorum proventum te conservet incolumem, atque in fine, sanctorum cœtui insertum, æternæ gloriæ faciat esse consortem.

INCIPIUNT

## ENARRATIONES IN NUMEROS.

### LIBER PRIMUS.

#### CAPUT PRIMUM.

*Sermo Domini ad Moysen de numerandis duodecim tribubus et principibus singularum tribuum, quid spiritaliter significant.*

(CAP. I.) *Locutusque est Dominus ad Moysen in deserto Sinai in tabernaculo fœderis Domini, prima die mensis secundi. anno altero egressionis eorum ex*

*Ægypto dicens. Juxta finem Exodi, ubi de erectione tabernaculi narratur, ita scriptum est: Igitur mensis primo anni secundi, in prima die mensis, collatum est tabernaculum, erexitque illud Moyses, et reliqua. Et nunc in capite Numerorum ita positum est: Locutusque est Dominus ad Moysen in deserto Sinai, in tabernaculo fœderis, primo die mensis secundi,*



anno altero egressionis eorum ex Ægypto. Ubi notandum quod in duodecima mansione, id est, in solitudine Sinai, ubi Moyses ascendit ad Dominum, descenditque Dominus in montem Sinai, dans legem populo suo, ibi fabricatur tabernaculum, ibi præcipitur varietas hostiarum, vasorum diversitas, indumenta pontificis, sacerdotum ac Levitarum cæremoniæ: ibique enumeratio populorum Levitarumque, et per singulas tribus populi distributio: oblationes quoque principum, et reliqua sacramenta in hac mansione scripta sunt. Sed in eodem anno, licet non eodem mense quo erectum est tabernaculum, numerus filiorum Israel descriptus est. Quid autem significat annus secundus, vel mensis secundus anni secundi, nisi tempus Novi Testamenti, quod post adventum Christi, passionem et resurrectionem ejus, usque ad finem mundi pertinet? Post collatum enim per gratiam Christi baptismum, in quo spiritali Ægypto, submerso vero Pharaone, egressi sumus, reliquum tempus necesse est ut in novitate vitæ ambulemus, ad terram repromissionis tendentes in deserto Sinai. Sinai quippe interpretatur rubus, quo significatur Ecclesia, in qua nobis apostoli prædicant, et spiritale prælium contra nequias spirituales nobis gerendum est. Ibi loquitur Dominus ad Moysen, qui legem instituit ad instructionem credentium, hoc est, spiritualium Israelitarum. *Tollite summam universæ congregationis filiorum Israel per cognationes et domos suas et nomina singulorum, quidquid est sexus masculini, a vigesimo anno et supra annuum virorum sortium ex Israel, et numerabitis eos per stirmas suas, et Aaron: eruntque principes tribuum vobiscum ac domorum in cognationibus suis.* Divinis numeris non omnes digni sunt, sed certis quibusdam prærogativis designantur hi qui intra numerum Dei debeant comprehendi. Hujus rei evidens indicium continet liber hic, qui inscribitur Numerorum, in quo refertur quod ex præcepto Domini neque mulieres deducantur ad numerum, femininæ sine dubio infirmitatis obstaculo; neque servorum quisquam, ut puta vita moribusque degeneres; sed ne Ægyptiorum quidem ullus ex his qui erant admisti numeratur, profecto, ut alienigenæ et barbari, sed soli numerantur Israelitæ. Et isti non omnes, sed a viginti annis et supra. Et nec sola ætatis habetur observatio, sed queritur si et optum bellis robur ostendat. Designatur etenim per verbum Dei ut numeretur omnis qui procedit in virtute. Non ergo sola ætas, sed virtus in Israelita requiritur. Puerilis ætas non numeratur, nec apta divinis calculis dicitur, nisi forte primogeniti sint, aut sacerdotali vel Levitica stirpe descendant: isti soli in pueris adducuntur in numerum. Feminarum vero nulla prorsus adducitur. Sed quid videtur? Possunt hæc vacua esse mysteriis? sed hoc solum procurasse creditur Spiritus sanctus, qui hæc scribenda dictavit, ut sciremus qui tunc in illo populo numerati sunt, et qui sine numero manserint. Et

quis dabitur ex hoc profectus his qui sacris voluminibus gestiunt erudiri? Quid enim prodest ista didicisse, aut quid animæ confertur ad salutem, si sciat quod pars aliqua populi numerata est in deserto, pars vero innumerata derelicta est? Si vero sequentes Pauli sententiam (*Rom. vii legem spiritalem esse* credamus, et spiritaliter quæ continet audiamus, ingens profectus animæ in his quæ scripta sunt apparebit. Debet enim præseus lectio quod si transcendero puerilis ætatis insipientiam, si desiero parvulus esse sensibus, et vir effectus deposuero quæ sunt parvuli; si, inquam, effectus fuero juvenis, et talis juvenis qui vincam malignum, aptus videbor his de quibus scriptum est: Omnes qui procedent in virtute Israel, et dignus divinis numeris computabor. Donec autem inest alicui vestrum vel pueris et lubricis sensus, vel femineæ et resoluta segnitie, vel Ægyptios gerimus et barbaros mores, haberi apud Deum in sancto et consecrato numero non mereamur. Innumeri autem apud Salomonem dicuntur esse qui pereunt, numerati autem omnes qui salvantur. Et vis tibi ostendam quia sanctorum numerus habetur apud Deum? Audi quomodo de astris quidem cælestibus dicit David: *Qui numerat multitudinem stellarum, et omnibus eis nomina vocat* (*Psal. cxlvi*). Salvator vero non solum discipulos suos electos sub numero statuit, verum et capillos capitis eorum dicit esse numeratos. Ait enim: *Vestri autem capilli capitis numerati sunt* (*Matth. x*). In quo utique non illos dicebat capillos esse numeratos, qui vel ferro attonderi et projici solent, vel temporis ætate defluere ac perire, sed illi capitis capilli apud Deum numerati sunt, qui in Nazaræis erant, quibus inerat virtus Spiritus sancti ad prosternendos alienigenas. Virtutes ergo animi et multitudinem sensuum, qui de principali mentis, tanquam de capite apostolorum, producebantur, capillos capitis appellavit. Sed in hæc per excessum quemdam devenimus; nunc ad propositum revertamur. Et locutus est, inquit, Dominus ad Moysen in deserto Sinai. Illa scilicet omnia quæ superius compendiosa narratione comprehendimus, ubi præcipitur numerari a viginti annis et supra, omnis qui procedit in virtute Israel. Si quis ergo procedit in virtute, ipse numeratur: et non in qualicumque virtute, id est, non Ægyptiorum virtute, neque in Assyriorum, neque in Græcorum, sed in virtute Israel, ipse numeratur apud Deum. Est enim virtus animi, quam Græcorum philosophi docent. Sed hæc non pertinet ad numerum Dei. Non enim pro Deo, sed pro gloria exercetur humana. Est et Assyriorum virtus vel Chaldaeorum, quæ astrologiæ studiis prædicatur. Sed non est ista virtus Israelitica, et ideo non pertinet ad Deum. Est et Ægyptiorum virtus in ea quam dicunt secreta sapientia, sed hæc non adjungitur ad calculum Domini. Sola autem apud Deum virtus Israelitica numeratur, hoc est, illa virtus quæ a Deo docetur, quæ per Scripturas divinas dicitur, quæ per fidem evangelicam et apostolicam

traditur. Et ideo dicit ut illi soli numerentur qui progrediuntur in virtute Israel. Sed illud consideremus quid est quod non statim ut egressus est populus de Ægypto numeratur, adhuc enim persequebatur Pharaon, sed nec cum mare quidem transiens, venisset in desertum, dicitur numerari. Nondum enim tentati, nondum enim fuerant ab hoste impugnat. Configunt enim adversus Amalec et vincunt, sed nec tunc quidem numerantur: non enim sufficit ad perfectionem tendenti una victoria. Manna accipiunt cibum, et aquæ poculum de petra sequenti hauriunt, sed neque tunc numerantur: nondum enim in his ea quæ numeris apta dicuntur, adoleverant. Tabernaculum testimonii construitur, sed nec ibi quidem numerandi populi tempus advenit. Lex per Moysen datur, sacrificiorum mos traditur, purificationum ritus docetur, sanctificationum leges et sacramenta conduntur. Describe hæc, auditor, in corde tuo dupliciter et tripliciter. Vide quanta tibi transeunda sunt, quanta toleranda, quot perfectionibus, quot tentationibus, quot præliis pugnandum est tibi et vincendum, ut possis ad divinum numerum pertinere: ut computo aliquo habearis apud Deum, ut inter sanctas tribus annumerari dignus habearis, ut visitari possis, et per Dei sacerdotes Aaron et Moysen numerorum censibus scribi. Suscipienda est tibi primo lex Dei et lex Spiritus sancti, offerenda sacrificia, explendæ purificationes, peragenda cuncta quæ lex spiritus docet, ut possis aliquando ad Israeliticum numerum pertinere. Ergo adhuc amplius aliquid intueor in hoc Numerorum libro mysterii. Ratio enim trium et distinctio ordinum, societas familiarum atque ordinatio cuncta castrorum, ingentium mihi sacramentorum prodit indicia, apostolo nobis Paulo spiritualis intelligentiæ semina respargente. Et age jam, quid omnis hæc numerorum ratio, quid ordinum diversitas intelligentiæ mysticæ contineat, videamus. Expectatio certa est nobis resurrectionis mortuorum, cum hi qui vivunt qui reliqui sunt, non præveniant in adventu Christi eos qui dormierunt (I Thess. iv), sed simul cum illis juncti, rapiuntur in nubibus obviam Christo in aera: scilicet hujus loci corruptelam et mortis habitacula deserentes, sive aliqui etiam ad paradysum, aut aliqua quælibet ex multis mansionibus quæ apud Patrem sunt (Joan. xiv), transferendi loca. Diversitas autem translationis et gloriæ ex meritis sine dubio et actibus uniuscujusque præstabitur, et erit unusquisque in eo ordine quem sibi meritorum gesta contulerint, sicut et idem Paulus protestatur dicens de resurgentibus: *Unusquisque in suo ordine* (I Cor. xv). Tunc autem accedit in resurrectione unusquisque, ut in tribu Ruben spiritualibus indiciis ascribatur; ob hoc profecto quod aliquid in moribus, aut actibus, aut vita, ipsi Ruben simile et consanguineum habuit. Alius autem in tribu Simeon, fortassis pro obedientia; alius in tribu Levi, credo qui bene præfuit sacerdotio, vel qui bene ministrans, gradum sibi bonum acquisivit; alius autem in tribu Juda, non du-

bito quod is qui religiosos spiritus gessit, et bene rexit populum qui intra se est, scilicet mentis et cogitationum cordis. Sed et singulis quibusque tribubus unusquisque sociabitur pro his quæ ad unamquamque earum vel in actibus cognata vel in moribus habuit. Erunt ergo hujusmodi quidem ordines in resurrectione mortuorum, sicut designat Apostolus. Quorum ordinum typus in hoc libro et figura præformari mihi videtur. Hæc a nobis generaliter indicata sunt, volentibus totius sacri hujus voluminis continentiam mysticam breviter comprehendere, ut ex his intelligentiæ spiritualis occasione suscepta, unusquisque et in reliquis similem, aut etiam si cæi amplius Deus revelat, superiorem et excelsiorem persequatur indaginem. Sed ne videamur ipsas significationes trium ac nomina principum intacta præterire, quia nec minima mysteriis intelligentia in eis latet, et in pluribus locis istius libri hæc eadem repetuntur, interpretatis eorum nominibus, quid mystice significant, speciali descriptione breviter adnotare curavimus. *De tribu*, inquit, *Ruben erat Elisur filius Sedeur*. Ecce lex et sacerdotium spiritali censu annumerant primatum Ecclesiæ et officia singulorum, quia juxta id quod in lege Domini continetur, per sacerdotum verorum ministerium omnis ordo ecclesiasticus disponi debet. Nam Ruben, qui primogenitus Israelis est, qui interpretatur videns filios, vel videns in medio, typum potest habere primitivæ Ecclesiæ, quæ fuit in Jerusalem; quam ipse Salvator in tempore incarnationis suæ in apostolis suis primum fundavit; ipsum enim significare potest Elisur, id est, pater meus fortis, quia ille merito fortis appellatur de quo Propheta ait: *Rex gloriæ Dominus fortis, Dominus potens in prælio* (Psal. xxiii). Iste ergo Ruben sub tali principe constitutus videt filios, cum credentium numerum ad se confluere largiter conspicit. Unde in Actibus apostolorum (Cap. ii) una die prædicante Petro circiter tria millia baptizata commemorantur. Et paulo post in eodem libro, ita scriptum est: *Multitudinis autem credentium erat cor unum et anima una* (Act. iv). Et item: *Magis autem, inquit, augebatur credentium in Domino multitudo virorum ac mulierum* (Act. v). Potest et generaliter princeps tribus Ruben eos significare qui in medio fratrum conversantes, subditorum sibi curam gerunt; et sermone simul atque exemplo bene incedentes, cupiunt habere plures imitatores, quos in filiorum loco ad militiam Dei mittant. In hac igitur tribu, id est, spiritali Ruben, Elisur, qui interpretatur, ut diximus, pater meus fortis, sive pater meus coangusti, et est filius Sedeur, qui interpretatur absconditus, principatum tenet: quia is qui auctoritate magisterii bene utitur, ac paterna disciplina subjectis rite præest, et hoc non ad laudem humanam forinsecus quærendam, sed in abscondito cordis ad gloriam Dei totum intrinsecus agit, recte princeps trium ac domorum in cognationibus suis esse describitur; quia tum conjugatorum quam etiam celibum, tam virorum quam etiam mulierum,

in utroque sexu et omni ætate curam gerens, secundum voluntatem Dei regiminis ordinem rite servare novit. In tribu quoque Simeon princeps erat Gamaliel filius Surisaddai. Et quid in Simeone, qui interpretatur exauditio, nisi devotio Ecclesiæ de gentibus exprimitur, de qua Dominus per prophetam dixit: *Populus quem non cognovi servivit mihi, in auditu auris obediuit mihi?* (Psal. xvii.) In hac ergo dominatur Gamaliel, id est, pax mea Deus, cum Redemptor noster, qui secundum Apostolum *est pax nostra et fecit utraque unum* (Ephes. ii), et juxta Isaia vaticinium, *multiplicabitur ejus imperium, et pacis non erit finis* (Isa. ix), signa potentia suæ per fidelium voces et opera in ea quotidie demonstrat. Item in Simeone generaliter omnis obedientium ordo signatur. Horum ergo princeps est Gamaliel, qui Latine resonat retribuens mihi Deus, vel, ut supra posuimus, *pax mea Deus*: filiusque est Surisaddai, id est, continentis ab re, cum ille qui justam retributionem Dei erga omnes cogitat, corde pacifico tranquillam vitam agens, quam humilitas vera et timor Dei generant, in cœtu fidelium omni veneratione dignus apparet; quia, juxta Veritatis vocem, *Omnis qui se exaltat, humiliabitur; et qui se humiliat, exaltabitur* (Luc. xiv). Tales ergo omnem intentionem suam ad Deo placendam convertunt, ejusque magisterio secundum id quod in Scripturis sacris continetur, parere se fiducialiter committunt, dicentes cum Propheta: *Ad te levavi oculos meos, qui habitas in cœlis. Ecce sicut oculi servorum in manibus dominorum suorum, et sicut oculi ancilla in manibus dominae suæ, ita oculi nostri ad Dominum Deum nostrum, donec misereatur nostri* (Psal. cxxii). In tribu Juda princeps erat Naason filius Aminadab. Judas ergo, de quo reges oriebantur et interpretatur confessio sive laudatio, populum ecclesiasticum significat; cujus populi caput est leo de tribu Juda, radix David, ipse scilicet Dominus Christus. Et bene ille populus confessio sive laudatio nuncupatur, quia vera confessio sacræ fidei fuit laudatio, id est, recta prædicatio non nisi in Ecclesia catholica est. Naason ergo, qui interpretatur serpentinus vel augurium, et est filius Aminadab, populi videlicet spontanei, merito ipse Salvator intelligitur, de patriarchis, Deo utique devotis famælis, progenitus, qui per mortem destruxit eum qui habet mortis imperium, id est, diabolus. Nam in serpente, unde primum mortis causa, hoc est peccatum, in protoplastos parentes nostros processit, mors ipsa figurata est. Denique mors Christi et sanctæ crucis mysterium ad salutem credentium præparata sunt. Unde et ipse Dominus in Evangelio ait: *Sicut Moyses exaltavit serpentem in deserto, ita exaltari oportet filium hominis, ut omnis qui credit in ipsum non pereat, sed habeat vitam æternam* (Joan. iii). Possunt et Judæ nomine censeri omnes qui recte invocant Domini nomen, nec in verbo dissentiant a norma fidei catholicæ. Horum merito Naason princeps est, id est, ille qui non solum aliis prædicando documentum præbet, sed

etiam virulenta vitiorum jacula, corpus suum castigando, in semetipsos interficere satagit, secundum illud apostolicum: *Custigo, inquit, corpus meum et in servitum subigo: ne forte aliis prædicans, ipse reprobus inveniar* (I Cor. ix). In tribu Issachar Nathanael filius Suar princeps fuit. Issachar merces, Nathanael Deus meus, ut domus Dei, et Suar pusillus interpretatur. Ergo qui reminiscuntur pretio sanguinis Christi se redemptos, et in bonis actibus pie se exercent, ut mercedem in supernis accipiant, eorum princeps est Nathanael filius Suar: quia Dominus Christus, qui per incarnationis dispensationem pusillus inter homines apparuit, princeps electorum omnium esse demonstratur, quando ipse in via dux, et in perventione vita beatissima et merces felicissima suorum est. Item Issachar non incongrue monachorum protest exprimere personam: qui omnibus mundi negotiis penitus spretis, dono Dei regente, hoc est Spiritu sancto protegente, mercedem cœlestem districta vita ac coarctatione voluptatum quærunt; et pompas mundi spernendo, ea quæ humilia atque despecta coram hominibus sunt eligentes, Deo sibi interius placere cupiunt. In tribu quoque Zabulon princeps erat Eliab filius Helom. Zabulon, qui interpretatur habitaculum fortitudinis, principem habet Eliab, qui interpretatur Deus meus pater, et est filius Helom, id est, quercus: quia Ecclesia sancta, quæ habitaculum fortitudinis recte dici potest, hoc est invicta perdurans, ab hæreticis et schismaticis filios suos potenter defendit ac protegit, principem habet super se Deum; qui Pater est fidelium, et sempiterna potestate omnia disponit atque ordinat et regit. Aliter Zabulon patientium figuram exprimere potest, qui ad omnia quæ sibi irrogantur adversa, munimine virtutum circumdati, invicti perseverant. Quorum princeps est solus Deus, quia sine ejus dono nihil possunt agere, sed omnia per ejus gratiam sperant se superare posse, dicentes cum Apostolo: *Quis nos separabit a charitate Dei? tribulatio? an angustia? an persecutio? an fames? an nuditas? an periculum? an gladius* (Rom. viii); et idem: *Certus non enim quia neque mors, neque vita, neque angeli, neque principatus, neque fortitudo, neque instantia, neque futura, neque altitudo, neque profundum, neque creatura alia poterit nos separare a charitate Dei quæ est in Christo Jesu* (Ibid.). *Filiorum autem Joseph de Ephraim, princeps erat Elisama, filius Ammiud.* Joseph interpretatur augmentum, Ephraim frugifer sive crescens, Elisama Deus meus audiens, et Amiud, populus meus inclutus. Quid significat Joseph, ex quo duæ tribus ortæ sunt, nisi Redemptorem nostrum, qui duorum populorum pater est: quia angularis lapis factus duos parietes e diverso venientes in semetipso conjunxit; ubi Ephraim minor ætate primogenito Manasse, patris judicio, antefertur, quia populus gentilis, qui post resurrectionem Christi et ascensionem ejus in cœlos, ad fidem confluit, fidei ubertate multiplicatus, populo Judaico præfertur. Unde Dominus in Evangelio, laudans centurionis fidem, ait:

*Amen dico vobis, non inveni tantam fidem in Israel (Matth. viii); et item: Multi, inquit, venient ab oriente et occidente, et recumbent cum Abraham et Isaac et Jacob in regno caelorum. Filii autem regni ejicientur in tenebras exteriores: ibi erit fletus et stridor dentium (Ibid.).* Habet quoque tribus Ephraim principem Elisama. Quem melius Elisama intelligere possumus quam Salvatorem nostrum, de quo dixit Apostolus: *Factus est, inquit, obediens Patri usque ad mortem, mortem autem crucis? (Phil. ii)* Et ipse Dominus de se in Evangelio ita ait: *Qui misit me, verax est: et ego quae audivi ab eo, haec loquor in mundo (Joan. viii)*. Ipse videlicet est filius Ammiud, id est, pupuli inclyti: quia de patriarcharum, prophetarum et regum stirpe descendens, venit in mundum ut redimeret genus humanum. Item in principe stirpis Ephraim accipere possumus eos qui intente audiunt et meditantur verbum Dei, et hoc non frivole sed fructuose agere student ut sint, secundum Jacobi sententiam, *factores verbi, et non auditores tantum (Jac. i)*. Quia, attestante Veritate, qui corde bono et optimo audientes verbum retinent, fructum afferunt in patientia: et aliud quidem facit centesimum, aliud sexagesimum, aliud autem tricesimum (Matth. iii). Porro Gamaliel filius Phadassur; hoc est redemptionis validae, dominatur in tribu Manasse, qui interpretatur oblitus sive obliviosus: cum Redemptor hostes, quem ad convocandam populum Judaicum Pater misit in mundum, in regno suo gentem obliviosam invenit; unde Dominus ipse per Osee prophetam ait: *Conticuit populus meus, eo quod non habuerit scientiam. Quia tu repulisti scientiam, repellam te ne sacerdotio fungaris mihi: et quia oblitus es legis Dei tui, obliviscar fitorum tuorum (Ose, iv)*. Et item: *Oblitus est, inquit, Israel factoris sui et edificavit delubra (Ose, vii)*. Et edificavit Judas urbes multas. Sed non omnes illi perierunt, non enim repulit Deus plebem suam quam praecivit (Rom. xi), sed reliquae secundum electionem gratiae salvae factae sunt. Et quando plenitudo gentium, secundum Apostolum, subintraverit, tunc omnis Israel salvus fiet. Nec non et alio modo Manassen cum principe sortis suae possumus accipere illos qui ob desiderium vitae aeternae laborantes, et in bonis operibus desudantes, non magni pendunt si qua fecerunt virtutum opera, sed majora adhuc agere desiderant, secundum Apostolum *illa quae retro sunt obliviscentes (Phil. iii)*, in anteriora se extendunt, si quomodo pervenire possint ad supernae vocationis bravium, ut accipiant coronam vitae quam retribuet Deus justis judex omnibus diligentibus se in veritate. *De stirpe Benjamin Abidan filius Gedeonis princeps fuit in ipsa tribu. Benjamin filius dexteræ, Abidan pater meus judex, et Gedeon tentatio iniquitatis, vel tentatio humilitatis mæ, interpretatur. Itaque in nomine Benjamin terrestris figuratur Jerusalem, quæ est in tribu Benjamin ejusdem: cujus populus, secundum prophetiam, Racheli benoni, id est, filius doloris fuit, quia gravi dolore matrem affecto effundendo*

*A sanguinem prophetarum: insuper etiam in necem Christi conspirans, impie conclamando ac impre-cando dixit: Sanguis ejus super nos, et super filios nostros (Matth. xxvii)*. Sed sicut incredulus filius doloris fuit, ita et in credentibus, secundum patris prophetiam, merito filius dexteræ nuncupatur. Nec aliquid prohibet in Benjamin figura gentilem populum intelligere, qui primum filius doloris erat in persequendo Christianos, ac post in Christum credendo, filius dexteræ. Hujus ergo populi apostolus et predicator Paulus fuit, quem in significatione Benjamin doctores sancti saepe ponunt. Filius itaque dexteræ ideo iste populus vocari potest, sive quia in electorum numero ad dexteram judicis in extremo examine staturus est, sive quia dextera, id est, beata opera, facere studet. Hujus ergo populi Abidan filius Gedeonis princeps est, quia Salvator noster, quem humilem ad se venientem Judaica perfidia sprexit, vel antiquus hostis inique tentare praesumpsit, caput credentium est, et judex in fine venturus vivorum et mortuorum, ut reddat unicuique secundum opera sua, justis videlicet premia et peccatoribus debitam poenam. Item Benjamin, id est, filius dexteræ, eos possumus accipere qui virtutum studio fortiter contra hostes dimicant et tentationum stimulos viriliter premunt, nec aliquid semicorum et molle seu voluptuosum in se dominari permittunt; sed zelo Dei armati, contra spirituales nequicias et contra mundi illecebras prellari semper parati sunt. *In tribu Dan principatum tenuit Abiezer filius Amisaddai. Dan judicium vel judicans interpretatur, sicut Abiezer frater meus adjutor, et Amisaddai populus meus sufficiens Latine resonat. Quid obstat quod non in persona gentilis accipiamus, qui, de frigore infidelitatis recedentes, ad gratiam Christi confugerunt? Unde et Dan in sequentibus, in aquilonari plaga juxta ipsam tabernaculum primus castra metatus osee describitur. Abiezer ergo tribus Dan princeps est, et ipse filius est Amisaddai, cum Ecclesiae de gentibus apostoli Christi, quasi fratres gentium, quia de plebe priorum generati sunt, sufficientes in verbo et bonis operibus magistri constituentur; qui eos fraterna dilectione instruunt, ad societatem gratiae spiritalis provocare student. Aliter, in Dan accipiuntur illi qui justo judicio cuncta agunt, et discretionem in omnibus rebus servare contendunt: illi enim populum sufficientem dicunt quia discrete vivunt. Ipsi et fratrem adiutorem in principatum suum constituunt: quia secundum sectorum praedicatorum doctrinam, et secundum canonicæ auctoritatis magisterium, omnia facere disponunt; et quicquid boni agunt, non sibi sed Deo applicant, dicentes cum Propheta: *Non nobis, Domine, non nobis, sed nomini tuo da gloriam super misericordiam et veritatem tuam (Psal. cxliii)*; et cum Apostolo: *Non sumus sufficientes, inquit, cogitare aliquid ex nobis quasi a nobis, sed sufficientia nostra ex Deo est: qui et idoneos nos fecit ministros Novi Testamenti, non littera sed spiritu (I Cor. xiii)*.*

Tribui Aser præfuit princeps Phegiel filius Ochran. Aser, qui beatus Latine dicitur vel divitias habens, electorum numerum virtutibus locupletem significat. In his principatum Phegiel tenet, id est, occurso Domini, filius Ochran, qui interpretatur turbavit eos: cum mediator Dei et hominum, qui humano generi periclitanti et sub peccatorum onere corruenti propitiis succurrit, hostesque qui eis nocebant, hoc est malignos spiritus repellendo, turbavit. Unde in Evangelio homini in latrones incidenti, Samaritanus subvenire describitur: *qui appropians, alligavit vulnera ejus, infundens oleum et vinum: et imponens in jumentum suum, duxit in stabulum, et curam illius egit (Luc. x).* Item in Aser eos possumus accipere qui cum consilio cuncta agunt, et non rebus caducis, sed virtutibus divites esse cupiunt: qui censum istius mundi parvipendunt, imo substantiam suam cunctam pauperibus tribuunt, *ut condant thesaurum suum in celo, ubi nec ærugo nec tinea demolitur, neque fures effodiunt, nec furantur (Matth. vi);* illam Domini sententiam sedulo cogitantes, qua in Evangelio dicitur: *Cum facis convivium aut cœnam, noli vocare fratres tuos neque amicos neque vicinos divites, sed voca pauperes, debiles, cæcos et claudos, et beatus eris, quia non habeant retribuere tibi: retribuetur enim tibi in resurrectione justorum (Luc. xiv).* Tribus ergo Gad princeps erat Eliasaph filius Ducl. Gad ergo accinctus interpretatur, et Eliasaph Dei mei protectio vel ascensio, Ducl quoque agnoscens Deum. Et quem melius Gad per figuram exprimere potest, quam fidelium populum? qui semper justitia mentis lumbos tenet, et fidei scuto ac armis spiritualibus instructus ad bellandum, contra spirituales nequitias semper paratus est; cui aciei prævidet Christus Salvator noster, ortus de stirpe sanctorum Patrum, qui veraciter Deum agnoscebant ac mandatis ejus obediebant. Ipse milites suos ad prælium dirigit, eosque potentie suæ virtute, ne coram hoste corruant, clementer protegit. Possumus et sanctos doctores in Gad nomine intelligere, qui in prociectu belli constituti, hostibus resistere semper parati sunt. Et merito ipsi inter eos excellunt, qui Eliasaph, id est, ascensionis nomine notantur: quia cum corda sua elevant ad Deum indeque petunt auxilium, in infimis obrui ab hostibus nequaquam possunt. De quibus per Salomonem dicitur: *Gallus succinctus lumbos et aries, non est rex qui resistat ei (Prov. xxx).* Gallum dicit prædicatores sanctos, inter hujus noctis tenebras verum mane nuntiantes: qui succincti lumbis sunt, qui a membris suis luxurie fluxa restringunt; hos ipsos et aries loco hoc significat, id est, primum intra Ecclesiam ordinem sacerdotum, de quibus scriptum est: *Afferte Domino filios arietum (Psal. xx),* qui per exempla sua gradientem populum, quasi subsequente ovium gregem, trahunt. Quibus spiritaliter recteque viventibus nullus rex sufficit omnino resistere, quia licet quilibet persecutor obviet, intentionem eorum tamen non valet præpedire. Tribus quoque Nephthalim principem sortis suæ tenuit Ahiram filium Enon. Nephtha-

lim quoque conversus sive dilatatus interpretatur, et significat populum Ecclesie, qui, ab errore conversus, per ter mundi terminos fidei abundantia dilatatus est. Cui per Isaiam dicitur: *Dilatata locum tentorii tui, et longos fac funiculos tuos, et reliqua. (Is. liv.)* Ahiram, id est, fratris mei amicus, filius utique Enon, hoc est, fortis tristitia, huic plebi prælatas est, quia Christus Filius Dei, qui fraternæ plebi, hoc est populo Judaico, amicus fuit, quando illi legem deus sui notitiam tribuit, ipse modo gentilitati per penitentiam veræ tristitiam consentiens, ad fidem suam illam convertit, quatenus in suo exercitu annumerati, ipsius ducatu atque regimine fruerentur in prælio. Item in Nephthalim quoque virorum sanctorum intelligi possunt, qui charitate fraterna dilatati, vim dilectionis non solum ad amicos, sed etiam ad inimicos extendunt. Horum princeps est Ahiram, hoc est ipse Dominus: qui eos sui amoris ducatu regit ac protegit, quos non inter servos, sed inter amicos ascribere dignatus est, dicens eis cum apostolis: *Jam non dicam vos servos, sed amicos, quia omnia quæcunque audivi a Patre meo, nota feci vobis (Joan. xv).* Hi nobilissimi principes multitudinis per tribus et cognationes suas, et capita exercitus Israel. Isti etiam sunt principes multitudinis fidelium, qui, virtutibus præclari et doctrina eximii, merito in Ecclesia eminentes et prælati ostenduntur.

Quos tulerunt Moyses et Aaron cum omni vulgi multitudine, et congregaverunt primo die mensis secundi, recensentes eos per cognationes et domos ac familias, et capita, et nomina singulorum, a vigesimo anno et supra, sicut præceperat Dominus Moysi: numeratique sunt in deserto Sinai. (Ex Augustino.) Merito quaeritur quid sibi velit quod per omnes tribus, ubi computantur filii Israel in ætate militari, dicitur eos recensitos per cognationes et domos ac familias, et capita et nomina singulorum, quasi aliud sit per cognationes, aliud per domos, aliud per familias, aliud per capita, aliud per nomina singulorum; cum potius videantur aliis verbis eadem significare nomina. Intentionem autem moyet, quia tam diligenter per omnes tribus eadem describuntur, ut non frustra fieri quivis etiam videat, etsi non intelligat. Nimirum ergo numerus ipse aliquid insinuat sacramenti, ut hoc idem quinquies varie repetatur. Nam iste numerus, sicut in ipsis quinque libris Moysi, id est quinarius, in Veteri Testamento maxime commendatur. Illa vero quæ deinceps quatuor connectuntur, id est, masculina, a viginti annis et supra, omnis qui procedit in virtute, recognitio eorum (sicut in Septuaginta interpretibus habetur) habent necessariam differentiam. Cum enim ageretur de numero universæ multitudinis ad unam tribum pertinentis, discernendus erat sexus; ideo positum, omnia masculina. Et ne parvuli etiam computentur, adjunctum est, a viginti annis et supra. Rursus ne imbellis senectutis ætas annumeraretur, additum est, omnis qui procedit in virtute. Et omnia concluduntur verbo hujus operis quo fiebat, ut dicatur, recognitio eorum. Reco-

gnitio enim fiebat in hæc hominum millia cum computarentur. Quinque igitur illa, id est, cognationes, domus ac familiæ et capita et nomina singulorum; et ista deinde quatuor, sexus, ætas, virtus, recognitio, fortasse in ipso numero aliquid significant. Si enim horum duorum numerorum, id est, quinary et quaternary alter multiplicetur ex altero, id est, ut quinque quaterni, aut quater quini ducantur, viginti sunt. Quo numero etiam adolescentium ætas illa signatur, qui numerus commemoratur, et quando intratur in terram repromissionis, et dicitur illa ætas viginti annorum, quæ non declinaverit in dexteram aut sinistram. Ubi mihi videntur significari sancti fideles ex utroque Testamento fidem veram tenentes. Nam Vetus Testamentum quinque libris Moysi maxime excellit, et Novum quatuor Evangeliiis.

### CAPUT II.

*De non numerandis Levitis cum filiis Israel: sed super tabernaculum testimonii constituendis.*

(IBID.) *Locutusque est Dominus ad Moysen dicens: Tribum Levi noli numerare, neque ponas summam eorum cum filiis Israel; sed constitues eos super tabernaculum testimonii, et super cuncta vasa ejus, et quidquid ad cæremonias pertinet. Ipsi portabunt tabernaculum et omnia utensilia ejus: et erunt ei in ministerio, ac per gyrum tabernaculi metabuntur. Cum proficiscendum fuerit, disponent Levitæ tabernaculum; cum castra metanda, erigent. Quid in tribu Levi nisi sacerdotalis ordo exprimitur, qui constitutus est super tabernaculum testimonii, ut sanctæ Ecclesiæ, in qua testamenta divina rite condita sunt, condignam curam gerat: quatenus omnia vasa ejus, hoc est quique fideles et sancti viri qui vasa Deo electa sunt, apta ad ministerium spirituale, absque errore et sordibus vitiorum, illæsa permaneant? Hic ordo quidquid ad cæremonias legis Dei pertinet procurare debet, quia ipsi commendatum est ut populo Dei insinuet qualiter secundum legem Dei incedentes, honeste et secundum ordinem in Ecclesia Dei conversentur. Ipsi portabunt tabernaculum et omnia utensilia ejus, quia per compassionem infirmorum mores tolerando, et solatiis opportunis adjuvando, sanctam Ecclesiam quasi humeris laboris et patientiæ portant. Hi quoque per gyrum tabernaculi metabuntur, quia ne aliqua pars insidiantibus hostibus ad invadendum pateat, cura pastoralis undique provident. Ipsi deponunt tabernaculum cum proficiscendum est, et cum castra metanda, erigunt, cum ipsi sermone simul et exemplo disponunt qualiter quisque humilitate prostratus, in profectu virtutum gradiatur, et qualiter spe erectus in statu rectæ fidei et constantia bonorum firmiter consistat. Et bene Levitæ cum cæteris tribubus numerari non permittuntur, quia specialis debet esse sacerdotum doctrina et conversatio, neque cum plebeia multitudine permista. Unde et Paulus præcepit episcopum esse irreprehensibilem, et diaconos nullum crimen habere (I Tim. III). Timotheo quoque scribit ut exemplum*

<sup>a</sup> Apud S. Aug., *distensaendo*:

*sit fidelibus, in verbo, in conversatione, in charitate, in fide et castitate (I Tim. IV). Non enim decet ut qui superior est cæteris gradu, inferior sit honorum operum gestu. (Ex Augustino.) Quod ait de tabernaculo distringendo <sup>a</sup>, levando, erigendo, Quisquis extraneorum accesserit, occidetur, sive ut in LXX habetur, et alienigena qui accesserit, moriatur; hic alienigena intelligendus est etiam ex illis filiis Israel qui non de illa tribu fuerant quam tabernaculo servire præcepit, id est, qui non fuerit de tribu Levi. Mirum hoc quomodo abusive alienigena dicitur, quod magis alterius generis hominem significat, id est, ἀλλογενής, et non magis ἀλλόφυλος, quod significat alterius tribus hominem quo nomine magis utitur Scriptura in aliarum gentium hominibus, ut allophyli appellantur, quasi aliarum tribuum homines. Mystice autem quisquis indignus ad sacrum ministerium accesserit, reatu præsumptionis constringitur, nec evadet superbiæ vindictam, si non curat propriam agnoscere mensuram. Nec quis sibi debet usurpare illicitum honorem, nec appetere per fastum gradum celsiorem, sed qui vocatus est a Domino tanquam Aaron (Hel. V), et quos electio divina præscivit ac prædestinavit. Unde Ozias rex, qui sacerdotii dignitatem contra legem appetebat, lepra percussus in fronte (II Par. XXVI), confusus inde abscesserat.*

### CAPUT III.

*De castris filiorum Israel per gyrum tabernaculi fœderis, quid spiritaliter in Ecclesia significet faciendum.*

(CAP. II.) *Locutusque est Dominus ad Moysen et Aaron dicens: Singuli per turmas suas signa atque vexilla et domos cognationum suarum, castra metabuntur filii Israel per gyrum tabernaculi fœderis. Sive juxta aliam editionem, Homo secundum ordinem suum, et secundum signa sua, secundum domos familiarum castra collocent filii Israel ex adverso in circuitu tabernaculi testimonii. Moyses dicit: Homo secundum ordinem suum, et secundum signa sua, et secundum domos familiarum suarum incedat in castris; et Paulus dicit: Omnia honeste et secundum ordinem fiant (I Cor. XIV). Et non tibi videtur unus esse Spiritus Dei qui et in Moysen loquitur et in Paulo? Secundum ordinem Moyses incedi mandat in castris, secundum ordinem in Ecclesia cuncta geri præcipit Paulus. Et Moyses quidem, qui legi ministrabat, in castris custodiri ordinem jubet; Paulus vero, tanquam Evangelii minister, non solum in actibus, sed et in ipso habitu ordinatum vult esse Christianum. Et ideo dicit: Mulieres similiter in habitu ordinato (Tit. II). Inde ergo arbitror quod non solum in officiis et habitu servari ordinem volunt, sed dant intelligi, quod sit aliquis etiam in anima ordo de quo dicatur quod unusquisque incedere debeat secundum ordinem suum. Qui ordo præcipue quidem ex operum fructibus indicatur, nihilominus autem ex magnificentia sensuum. Nam sæpe accidit ut is qui humilem sensum gerit et abjectum et qui terrona sapit,*

excelsum sacerdotii gradum, vel cathedram doctoris obsideat; et ille qui spiritualis est, et a terrena conversatione tam liber, ut possit examinare omnia, et ipse a nemine judicari, vel inferioris ministerii ordinem teneat, vel etiam in plebeia multitudine relinquantur. Sed hoc est et legis et Evangelii statuta contemnere, et nihil secundum ordinem gerere. Sed unusquisque nostrum si de cibo et potu sollicitus sit, et omnem curam in rebus sæcularibus gerat, unam vero aut duas horas ex integro die etiam Deo deputet, et ad orationem in ecclesiam veniat, vel in transitu verbum Dei audiat, iste non complet mandatum Dei quod dicitur ut homo secundum ordinem suum incedat, vel quod dicitur ut omnia secundum ordinem fiant. Ordo enim est statutus a Christo, *querere primum regnum Dei et iustitiam ejus* (Matth. vi), et credere quod secundo loco hæc nobis apponantur a Deo. Agnoscat unusquisque igitur ordinem suum, et quid dignum sit eo ordine quem suscepit intelligat, et ita liberet actus suos; ita etiam sermonem, incensum quoque ipsum et habitum moderetur ut cum ordinis sui professione conveniat, ne audiat dici ad se a Deo, *Quia propter vos nomen meum blasphematur in gentibus* (Isa. l.ii). Quid autem est quod dicit, et secundum signa, videamus. Ego puto signa esse ea quibus uniuscujusque proprietates designantur. Verbi gratia, omnes quidem homines similes sumus, sed est propria quædam uniuscujusque distinctio, vel in ipso vultu, vel in statura, vel in positione, vel in habitu per quem, verbi gratia, Paulus, quia Paulus sit designetur, Petrus quia Petrus sit, et non sit Paulus. Interdum autem etiam non videntibus uniuscujusque signi diversitas datur, ut ex voce et loquela agnoscat illum esse, vel illum qui loquitur, et secundum sæ proprietatis signum unusquisque etiam sine corporali visione cognoscitur. Hoc modo arbitrator esse etiam in animis signa diversa; et alterius quidem animi motus livor est, mitis, placidus, tranquillius, æqualis; alterius turbidus, elatus, asperior, incitator, petulantior; alius circumspectus, cautus, providus, sollicitus, impiger; alius desidiosus, negligens, incautus. Et in his alius plus, alius minus. Et audeo pronuntiare, quia fortassis quanta speciei vultus inest diversitas hominibus, tanta et in animis invenitur esse differentia: sicut sapientissimum Salomonem meminimus quodam loco dicentem: *Sicut diversi sunt vultus vultibus, ita et diversa sunt corda hominum* (Prov. vii). Sed unusquisque ut ait Moyses secundum signa sua incedat, id est, ne is cujus humilia et despecta sunt signa, elatior incedat et altior quam animorum suorum signa deposcunt. Potest autem fieri, ut æmulatione bonorum operum ab inferioribus signis ad meliora, et ad magnificentiora veniamus. Si enim recte a nobis intellectum est, hæc omnia quæ in lege scripta sunt formas esse futurorum bonorum, et illius sæculi quod ex resurrectione speramus, certum utique est, quod si in præsentem vitam habuerimus studium meliorum, et secundum Apostoli sententiam *posteriora obliuiscimus, ad ea*

**A** quæ in ante sunt extendamus (Philipp. iii), in resurrectione mortuorum, ubi sicut stella ab stella differt in gloria, ita et uniuscujusque merita refulgebunt, poterimus utique ab inferioribus ad meliora signa et fulgentiora transferri, et splendidioribus sideribus adæquari; atque in tantum potest in hac vita humana natura proficere, ut in resurrectione mortuorum, non solum stellarum gloriæ, sed et solis splendore valeat exæquari, secundum quod scriptum est: *Quia iusti fulgebunt sicut sol in regno Dei* (Matth. xiiii). Hinc ergo est quod inferioribus dicitur, secundum signa sua per domos familiarum suarum. Quod dicit per domos familiarum suarum, in Græco idem sermo positus est, quem et ibi Apostolus dicit, ubi ait: *Hujus rei gratia curvo genua mea ad Patrem Domini nostri Jesu Christi, ex quo omnis paternitas in cælo, et in terra nominatur* (Ephes. iii). Quas ergo paternitates hic Paulus dicit, ibi familias posuit Latinus interpres. Sed unus atque idem sermo habetur in Græco. Istæ sunt ergo paternitates vel familiarum, quas Paulus quidem jam ostendit in cælis, Moyses autem sub figuris adhuc legalibus describit in terris, secundum quas incedere nos monet, ut possimus cœlestibus paternitatibus sociari. Sunt autem, ut Paulus superius pronuntiavit, sive familiarum istæ dicendæ sunt, sive paternitates in cælo, ex quibus forte est, et illa quam in alio loco nominat idem Paulus, *ecclesia primitivorum ascripta in cælis* (Hebr. xii), cui nos eveniet sociari, si secundum ordinem incedamus, et omnia secundum ordinem geramus; si nihil inordinatum, nihil inquietum, nihil inhonestum inveniatur in nobis; tunc et sicut firmamentum resplendebimus, et sicut stellæ et sol refulgebimus in regno Dei per Christum.

**C** *Ad orientem Judas figet tentoria per turmas exercitus sui, eritque princeps filiorum ejus Naason filius Aminadab, et omnes de stirpe ejus summa pugnantium septuaginta quatuor millia sexcenti.* Circa tabernaculum omnes filii Israel castra metabantur terni per singulas plagas, ut non superfuisset, aut non deesset aliquis de illis. Judas ergo et Isachar et Zabulon ab oriente stgebant tabernacula; Ruben autem et Simeon, et Gad ad meridiem; Ephraim, et Benjamin, et Manasse ad occidentem; Dan, et Aser, et Nephthalim ad aquilonem. Quid autem significat tabernaculam in hoc loco, nisi Ecclesiam tam Veteris quam Novi Testamenti? Duodecim principes autem erga tabernaculum castra metantes, patriarchas sive apostolos significant, quorum precibus et doctrina munitur Ecclesia. Sed et illud quod consociatione quadam tribuum et connexionem castrorum, positio et metationis ordo scribitur, pertinet sine dubio ad aliquem in resurrectione mortuorum statum. Quod tres ad orientem collocatæ dicuntur tribus, et tres ad occidentem, tres etiam ad mare, et tres ultimæ ad aquilonem, qui durus dicitur ventus. Sed et quod tribus Juda, quæ regalis est, ad orientem statuitur, ex qua ortus est Dominus noster, non puto otiosum. Sed quod Isachar huic jungitur et Zabulon, et quod

in quatuor partes trinus iste numerus ordinatur. Quæ quavis dispositionum suarum diversas habeant qualitates, omnes tamen intra trinitatis numerum continentur: et quod per totas has quatuor partes in numerum unum colligitur eadem trinitas, semper pro eo sine dubio quod sub uno nomine Patris et Filii et Spiritus sancti censentur omnes qui ex quatuor orbis partibus venientes, invocant nomen Domini, *recumbentes cum Abraham, Isaac et Jacob in regno Dei (Math. viii)*. Dicamus adhuc aliquid quod adjuvet lectorem, quatenus ex breviter annotatis, majora conicere valeat. Quatuor ergo plagæ mundi in quarum denominatione castrorum metatio filiorum Israel circa tabernaculum describitur, secundum mysterium convocationem et dispositionem sanctæ Ecclesiæ significat. Per orientem ergo ubi introitus in tabernaculum patebat significat initium conversionis et confessionis fidei catholice atque baptismatis perceptionem primitivamque Ecclesiam, quæ in Jerusalem post Domini adventum primum ab apostolis fundata est. Et merito huic plagæ tribus Juda cum tribu Isachar et Zabulon deputatur: quia confessores Christi in habitaculum fortitudinis ubi pro mercede laborant æternæ, per illum introitum habent qui dixit: *Ego sum ostium: per me si quis introierit salvabitur (Joan. x)*. Et item: *Ego sum lux mundi: qui sequitur me non ambulat in tenebris, sed habebit lumen vite (Joan. viii)*. De quo et Zacharias ait: *Visitavit nos oriens ex alto, illuminare his qui in tenebris et umbra mortis sedent (Luc. i)*. Plaga vero australis, juxta quam latus meridiano tabernaculi tendebatur, antiquam illam Dei plebem designat, quæ lucem scientiæ legalis jam dudum accipiens, amore sui conditoris fervere solebat, ubi Ruben et Simeon et Gad castra metati sunt. Et merito, quia sancti patres qui intuitum mentis ad voluntatem Dei videndam bene exacuerunt, obedientiæ studium rite impendebant accingentes se armis justitiæ, quatenus hosti nefando qui, secundum Petri vocem, *tanquam leo rugiens circumquærens quem devoret (I Petr. v)*, nec non et dæmonio meridiano semper armati resisterent. Porro plaga aquilonis secundum quam positum erat alterum latus tabernaculi, eamque tenebris ac frigore infidelitatis usque ad tempus Dominicæ incarnationis torpere non destiterat, gentium multitudinem figurat, ubi Dan et Aser et Nephthalim castra metari non absurde jussi sunt: quia spernentibus Judæis verbum Domini, justo judicio Dei per multitudinem fidelium ex gentibus dilatatus Ecclesiæ populus æternam beatitudinem sperare et querere non desistit. Occidentalis ergo plaga quæ utrumque parietem tabernaculi recipiens, in se jungendo consummat, ad impletionem totius sanctæ universalis Ecclesiæ, quæ cum fine hujus mundi perficitur designat, quando et persecutionem Antichristi crescentes in bonis meritis probantur electi; et hora illa appropinquat, quando in oblivionem mortis perpetuæ impiis traditis, justis ad dexteram Dei in æter-

num cum Domino regnaturi collocabuntur. Unde et bene juxta hæc plagam Ephraim, Benjamin et Manasses castra ponere præcepto Dei decreti sunt. Levitæ quoque idcirco proximi tabernaculo fuerant, cæteræque tribus ex quatuor plagis circa eos undique consistebant, quatenus illi quorum officium erat tabernaculi curam gerere, sine terrore, divino officio vacarent, cum a fratribus suis forissecus contra hostium impetum munirentur. Ita et in moderno tempore justum est, ut popularis ordo ecclesiasticum de his quæ exterius sunt procuret, quatenus ministri Dei, verbo et divino officio sine impedimento vacare possint. Ascende ergo mane, o auditor, si potes, et a terrenis sensibus intuitum mentis et perspicua cordis eleva; obliviscere paulisper terrena; supra nubes et super ipsam cælum mentis gressu incede; ibi require tabernaculum Dei, ibi præcursor pro nobis introivit Jesus, et assistit nunc vultui Dei interpellans pro nobis., ibi inquam, require quater nos istos ordines stationesque castrorum; ibi Israelitica agmina et excubias cerne sanctorum; et ibi illa quæ nunc quærimus, primitivorum sacramenta rimare. Sed ego non audeo illuc solus ascendere; non audeo me in hos tam secretos mysteriorum recessus sine auctoritate magni alicujus doctoris immergere. Non possum illuc ascendere, nisi præcedat me Paulus, et ipse mihi viam novi hujus et ardui itineris ostendat. Ipse ergo apostolorum maximus qui sciret multas esse non solum in terris, sed in cælis Ecclesias, ex quibus et septem quasdam homines enumerat (*Apoc. iii*), et ipse tamen Paulus ostendere volens, esse quamdam præterea primitivorum Ecclesiam, ad Hebræos dicit scribens: *Non enim accessistis ad ardentem et tractabilem ignem; sed accessistis ad montem Sion, et civitatem Dei viventis Jerusalem cælestem, et multitudinem angelorum collaudantium, et ecclesiam primitivorum ascriptam in cælis (Hebr. xix)*. Igitur Moyses per quatuor castra populum Dei divinum divisit in terris; et Apostolus quatuor ordines sanctorum describit in cælis: ad quorum singulos unum quomque nostrum dicit accedere. Non enim omnes ad omnes accedunt, sed alii accedunt quidem ad montem Sion. Horum autem paulo meliores, accedunt ad civitatem Dei viventis Jerusalem cælestem. Qui autem ex his eminentiores sunt, accedunt ad multitudinem angelorum collaudantium. Qui autem super omnes istos sunt sanctos, accedunt ad ecclesiam primitivorum ascriptam in cælis. Quia ergo in his intellexisti qui sit ordo primitivorum, et quod sit nominis istius sacramentum, præpara te et enitere quantum vales, si forte actibus, vita, moribus, fide, institutisque proficias, ut possis accedere ad ecclesiam primitivorum quæ ascripta est in cælis. Quod si tantum non vales, sed es paulo inferior, accede ad multitudinem angelorum collaudantium. Quod si nec ad istam potes accedere, ad civitatem Dei viventis Jerusalem cælestem propera contendere. Si vero nec ad hoc aptus es, solum ad montem contende Sion, ut in monte salveris. Tantum est ne in



terra recedens, nec in vallibus manens, ne in demorsis et humilibus perseveres (Gen. xix). *Levabitur autem tabernaculum testimonii per officia Levitarum et turmas eorum. Quomodo erigetur ita et deponetur.* Tabernaculi vero erectio et depositio Ecclesie situm significat, quæ in credentibus quotidie erigitur, et in negantibus deponitur. In electis per sacerdotum officia sacris ordinibus sublimatur, atque in peccantibus similiter sacerdotum iudicio per excommunicationem humiliatur.

(CAP. III.) *Hæc sunt generationes Aaron et Moysi, in die qua locutus est Dominus ad Moysen in monte Sinai, et hæc nomina filiorum Aaron. Primogenitus, Nadab; deinde Abiu et Eleazar et Ithamar. Hæc sunt nomina filiorum Aaron sacerdotum qui uncti sunt, et quorum replete et consecrate sunt manus, ut sacerdotio fungerentur. Mortui sunt autem Nadab et Abiu cum offerrent ignem alienum in conspectu Domini in deserto Sinai absque libris; functique sunt sacerdotio Eleazar et Ithamar coram Aaron patre suo. Quatuor filii Aaron cum patre simul in sacerdotium electi sunt; sed duobus in statu suo permanentibus, cæteri divino exusti sunt igne, eo quod altari Dei ignem alienam imponebant. Quo facto, ni fallor, intimatur, quod fiet multi ex quatuor orbis partibus collecti, et in divino ministerio sublimati, præstatum in Ecclesia habere videantur, illi tamen solummodo rite in ministerio suo persistent, qui sana doctrina duorum testamentorum Spiritus sancti igne examinata, prædicationem conficiunt; et propter dilectionem Dei et proximi zelo Dei accensi, in proximorum salute quidquid possunt, elaborare student. Cæterum qui alienas doctrinas et magisterio humanæ institutionis confectas inducunt, sæcularique cupiditate accensi, id quod divinum est indigne exsequuntur, igne ultionis iuste a Domino in eos directo consumuntur*

#### CAPUT IV.

*De filiis Aaron et ministerio eorum; similiter et de Levitis atque obsequio eorum.*

(CAP. III.) *Locutusque est Dominus ad Moysen dicens: Applica tribum Levi, et fac stare in conspectu Aaron sacerdotis ut ministrent ei, et excubent et observent quidquid ad cultum pertinet multitudinis coram tabernaculo testimonii, et custodiant vasa tabernaculi servientes in ministerio ejus. Dabisque dono Levitas Aaron, et filii ejus quibus traditi sunt a filiis Israel. Aaron autem et filios ejus constitues super cultum sacerdotis. Septuaginta: Et locutus est Dominus ad Moysen dicens: Accipe tribum Levi, et statues eos in conspectu Aaron sacerdotis et ministrabunt ei; et custodient custodias filiorum Israel ante tabernaculum testimonii. (Ex Augustino.)* Quas *φωλαξ*; Græcus dixit, has nostri interpretes alii custodias, alii excubias interpretati sunt. Sed mirum nisi vigiliæ melius dicuntur, quæ solent ternarum horarum observationes habere. Unde scriptum est: *Quarta autem vigilia noctis venit ad eos ambulans super mare (Matth. xiv)*, hoc est, post nonam horam noctis, post tres videlicet vigiliis. Et multis locis

Scripturarum, nostri vigiliis interpretati sunt, quas Græci *φωλαξ* vocant: ubi nulla debitatio est spatia nocturni temporis significare: quod potest et hic accipiendum. Quomodo Levitæ jubentur observare custodias Aaron et custodias filiorum Israel, id est *φωλαξ*, nisi fortasse dictum est, ne putarent ab observandis vigiliis quæ proprie in castris observari solent, propter honorem quo serviebant tabernaculo, immunes esse debere, cum et ipsos oporteret propter opera tabernaculi non minus vicissim observare vigiliis, quæ observarentur in aliis circumquaque castris filiorum Israel. *Externus autem qui ad ministrandum accesserit, morietur.* Quærendum quomodo dixit in Levitico: *Qui tetigerit tabernaculum sanctificabitur; cum hic dicat: Alienigena qui tetigerit morietur, volens eos intelligi qui non essent de tribu Levi.* An forte hic, *tetigerit*, ad obsequium dixerit servitatis, quod a solis Levitis deberi tabernaculo præcepit? hinc enim loquebatur.

#### CAPUT V.

*De Levitis quomodo pro primogenitis filiorum Israel, Dominus eos tulit ad ministerium tabernaculi sui.*

(Ibid.) *Locutusque est Dominus ad Moysen dicens: Ego tuli Levitas a filiis Israel, pro omni primogenito qui aperit vulvam in filiis Israel; eruntque Levitæ mei. Meum est enim omne primogenitum. Ex quo percussi primogenita in terra Ægypti, sanctificavi mihi quidquid primum nascitur in Israel. Ab homine usque ad pecus mei sunt; ego Dominus. (Ex Augustino.)* Quid est quod Levitas pro primogenitis filiorum Israel sibi Deus deputat, ita ut numeratis primogenitis, populi qui plures inventi sunt quam erat numerus Levitarum, argento redimerentur, sicut in consequentibus hujus libri Scriptura testatur, quinque siclis pro uno datis, quod pro pecoribus non est factum cum et pecora Levitarum pro primogenitis pecorum Israel sibi esse voluerit? Quomodo deinceps primogenita eorum vel pecorum eorum pertinebant ad Deum, ubi jussit primogenita vel humana mutari ovibus? Quomodo non deinceps pro istis primogenitis computabuntur filii Levitarum? Manebat enim in posteris eadem tribus, quæ posset pro primogenitis posterioribus computari: nisi quia illud justum fuit, ut qui nascerentur de illis qui jam ad portionem Domini pertinebant, dati pro primogenitis qui de Ægypto exierunt, jam Deus proprios haberet tanquam suos de suis, nec possent pro illis juste computari, qui deinceps primogeniti Deo debebantur. De universo quippe populo et universis pecoribus populi, data est portio Deo pro primogenitis: et hæc portio erat Levitæ et pecora eorum, Jam si quid genuissent Dei erat, non poterat hoc tanquam a populo dari, quod alienum erat. Ac per hoc debita deinceps primogenita Deo reddi oportebat; nec pro his computari posteros Levitarum vel pecorum eorum. *Et erunt, inquit, Levitæ mei: meum enim est omne primogenitum. Ex die qua percussi omne primogenitum in terra Ægypti, mihi sanctificavi omne primitivum.* Notum est quod historia continueat,

quomodo percussa sint primogenita Ægyptiorum, cum populus Israel duceretur de Ægypto. Hoc est ergo quod in hoc loco indicatur: quia non prius sanctificati sunt primogeniti Israel, quam percuterentur Ægyptiorum primogeniti. Et quasi causam sanctificationis, horam in interitu et nece ponit illorum. Unde et hic intelligendum est esse quosdam primogenitos in Ægyptiis etiam, id est, in contrariis potestatibus quasi electos in malitia, et primos inter dæmones: qui nisi percussi fuerint et extincti, sanctificationem percipere Israëlitarum primogeniti omnino non possunt. Quis ergo est qui primogenitos Ægyptiorum, id est, principatus et potestates dæmonum percussit? Nonne Dominus meus Jesus Christus, qui est primogenitus omnis creaturæ, qui principatus et potestates adversas traduxit, triumphans eos in cruce? Quos utique nisi ille percussisset, sanctificatio ad uos primitivalis venire nullatenus potuisset. Ut autem nobis primitivorum benedictiones donaret, efficitur prius ipse primogenitus ex mortuis, ut sit in hominibus ipse primatum tenens (Coloss. 1); et nos credentes resurrectionis suæ assumeret pro primitivis, et in primitivorum ordinem collocaret, si tamen benedictionum gratiam usque ad finem firmam retineamus, adjuti misericordia ipsius Domini nostri Jesu Christi. Sed et quod ait, pro primitivo quod aperit vulvam, continuo dignus sanctificatione primitivatus habendus est, quia et in Psalmis legitur, quod alienati sunt peccatores a vulva, erraverunt a ventre, locuti sunt falsa (Psal. LVII). Quod utique secundum litteram nullo modo potest. Quando enim quis errare potuit a via Dei, statim ut de ventre matris exiit? Aut quomodo potuit falsa loqui, qui nuper editus est puer, vel qualemcunque proferre sermonem? Cum ergo impossibile sit vel errare aliquem a ventre, vel loqui falsa, necessarium erit, et ventrem et vulvam talem requiri, cui convenire possit dictum hoc, quod alienati sunt peccatores a vulva, erraverunt ab utero, locuti sunt falsa; et illa etiam vulva, quam adaperit omnis primitivus qui sanctificatur. Adaperuit aliquando Deus vulvam Liæ quæ erat clausa, et peperit patriarchas; similiter et Rachel ut pareret etiam ipsa, cujus visus erat perspicax et decorus aspectus. Sed in multis aliis Scripturæ locis invenies adaperiri vulvas. Quarum si singulas per loca consideres, invenies modo ut errent peccatores a vulva, et alii adaperientes vulvam sanctificentur in ordinem.

*Locutusque est Dominus ad Moysen in deserto Sinai dicens: Numerata filios primitivorum Levi per domos patrum suorum et familias, omne masculinum ab uno anno et supra. Numeravit autem Moyses ut præceperat Dominus, et inventi sunt filii Levi per nomina sua, Gerson, et Caath, et Merari. Filii Gerson, Lobni et Semei. Filii Caath Amiram, et Gessaar, Ebron et Oziel. Filii Merari, Mooli et Musi, etc. Ecce Moysse jussa Dei numerante tribum Levi ab uno mense et supra, per familias singulas filiorum Levi ordo numerationis distributus est, et quomodo con-*

venienter ad tabernaculi servitium et onera portanda, per gyrum tabernaculi castra metanda aptarentur, dispositum est. Nec etiam hoc sine grandi mysterio fieri credendum est. Sed nos pauca de multis pro parvitate sensus nostri breviter attingentes majora perfectioribus relinquemus exponenda. Diximus ergo Levitas ecclesiasticum ordinem significare: quod bene ipsum nomen sua interpretatione manifestat. Interpretatur enim Levi *additus* sive *assumptus*. Assumptus ergo sive additus doctorum ordo recte vocari potest, quia per gratiam supernam de mundo elatus ad divinum officium implendum, coetui sanctorum angelorum additus atque unitus est. Unde Salvator in Evangelio apostolis ait: *Ego vos elegi de mundo, ut ealis et fructum afferatis, et fructus vester maneat* (Joan. xv). Et alibi de resurrectione vera et sanctorum gloria disserens, tentantibus Judæis respondit: *In resurrectione enim neque nubent neque nubentur, sed sunt sicut angeli Dei in celo*. Tres ergo filii Levi eosdem sanctos prædicatores designant, sanctæ Trinitatis confessione insignes, atque fide, spe et charitate valde admirabiles. Nec huic expositioni, eorum hominum interpretatio aliquo modo repugnat, sed valde concordat. Interpretatur enim Gerson *advena*; et Caath *patientia* vel *molare dentes*; Merari *amara* sive *amaritudo*. Quicumque enim ministerio divino rite mancipatur, advenam se et peregrinum in hoc mundo esse agnoscit; et patientiæ operam dans, verbum divinum dente discretionis molere atque comminuere secundum auditorum qualitatem non detractat. Insuper et sibi amarescere sæculum ostendens, alios a mundi voluptatibus avertere, atque revocare non cessat. Hi ergo ab uno mense ætatis in numerum mittuntur, quia valde decens est ut initium conversationis sanctorum doctorum Deo dicetur, ne post multa scelera vituperabiles effecti, alia nomen Dei blasphemantes occasionem tribuant, si ad opus hoc sacrum indigni eligantur. Unde et Paulus præcepit *episcopum irreprehensibilem esse, unius uxoris virum, castum, sobrium, prudentem, pudicum, ornatum, hospitalem, doctorem, non violentum, non percussorem, sed modestum, non litigiosum, non cupidum, suæ domui præpositum, filios habentem subditos cum omni castitate* (I Timoth. III). Præterea quod de castrametatione filiorum Levi commemoratum est, ordo decentissimus in hoc loco ostenditur, id est, ut qui primi erant in ordine, orientalem plagam observarent, ut Moyses et Aaron cum filiis suis habentes custodiam sanctuarii in medio filiorum Israel; deinde Caathitæ, unde Moyses et Aaron orti fuerant, meridianam plagam obtinebant sub cura Eleari sacerdotis, qui major fuit in filiis Aaron. Post hos Gersonitæ ad occidentalem plagam castrametati sunt, similiter sub cura Eleazari sacerdotis positi. Novissime autem Meraritæ ad septentrionalem plagam castrametabantur, sub custodia et dispositione Ithamar filii Aaron junioris. Hoc nimirum secundum mortalitatem insinuat salva allegoria, quod ministri Ecclesiæ ordines suos honeste

in quibus positi sunt servent, nec majora appetant quam suus locus exposcet. Mystice autem plaga orientalis ortum fidei significat, ubi Moyses qui interpretatur *de aqua sumptus*, et Aaron, hoc est, *mons fortitudinis*, cum filiis suis castrametari jubentur: quia hi qui in Ecclesia præsulatum tenent rite, et quibus claves regni cœlestis commissæ sunt, dignum est ut introitum et ordinem ipsi bene noverint, et aliis hoc incessanter prædicent. Quia oportet unumquemque in luce fidei per portam confessionis catholicæ, et aquam baptismatis ingredi, ut sit de aqua sumptus filius adoptionis, et per robur constantiæ filios bonorum operum gignens, fidei introitum per quem in Ecclesiam ingressus est, custodiat, ne otiosus et inutilis factus, inde abjiciatur. Meridiana vero plaga juxta quam Caathitæ sub Eleazaro sacerdote castrametantur, significat post lucem scientiæ perceptam, quemque patientiæ verbum et solatium proximis suis discrete debere impendere, et hoc sub Eleazaro, id est, sub *adjutorio Dei*. Quia, juxta Psalmistæ sententiam, *Nisi Dominus ædificaverit domum, in vanum laboraverunt qui ædificant eam. Nisi Dominus custodierit civitatem, in vanum laborant qui custodiunt eam* (Psal. cxvi). Porro Gersonitæ qui similiter sub Eleazari cura constituti, occidentali plaga ubi sol diem claudere, et astra solent cuncta occidere, castra locaverunt, illud nimirum per figuram exprimunt, quod ministri et custodes veri tabernaculi, mundi concupiscentiam fugere, et carnalia desideria per Dei adjutorium in se mortificare debent; sicque diem ultimum ac finem præsentis laboris exspectare, quamvis mundo mortui et Deo viventes, cum Paulo apostolo dicere possint: *Mihi autem absit gloriari, nisi in cruce Domini nostri Jesu Christi, per quem mihi mundus crucifixus est, et ego mundo* (Galat. vii). Extremi quoque Meraritæ sub Ithamar filio Aaron, qui interpretatur *ubi amarus*, sive *ubi palma*, plagam aquilonarem sortiti sunt, ubi glaciali horrore hiems perpetua durat: quod per tyram omnes admonet, Ecclesiæ scilicet præules simul et ministros, quatenus securitate nociva non torpeant, quia licet per januam fidei jam in Ecclesiam intraverint, jam lucem scientiæ perceperint, jam carnis desideria in se crucifixerint, nondum tamen ad perfectam suavitatem, id est, ad æternam beatitudinem pervenerunt, sed adhuc amarum aliquid restat: cum illo utique qui ad aquilonem solum suum erigit decertandum est, cujus durtitiam emoliri non est facile, imo impossibile. Unde Dominus sub typo Leviathan ad Job loquitur dicens: *Cor ejus indurabitur quasi lapis, et stringetur quasi malleatoris incus* (Job xli). Quando enim iste inimicus superabitur, et de eo perfecte triumphatur, tunc exultandum, tuncque gaudendum, tunc beate vivendum, quando discrimen vitæ jam non erit ultimum.

Omnes Levitæ quos numeraverunt Moyses et Aaron, juxta præceptum Domini per familias suas in genere masculino, a mense uno et supra, fuerunt viginti duo millia. Et ait Dominus ad Moysen: *Numeramini*

*genitos sexus masculini de filiis Israel, a mense uno et supra, et habebis summam eorum. Tollesque Levitas mihi pro omni primogenito filiorum Israel: ego Dominus; et pecora eorum pro universis primogenitis pecorum filiorum Israel. Recensuit Moyses, sicut præceperat Dominus, primogenitos filiorum Israel, et fuerunt masculini per nomina sua, a mense uno et supra, viginti duo millia ducenti septuaginta tres. Numerantur etiam Levitæ seorsum; non enim fuerant recensiti cum filiis Israel: et habetur eorum segregatus quidem ac præcipuus præ cæteris numerus quo referuntur omnes simul viginti duo millia reperti, ita ut neque amplius aliquid neque minus hoc numero inventum sit. Post hæc præcepit Dominus numerari etiam primogenitos filiorum Israel, eodem ordine quo Levitæ fuerant numerati, id est, ab uno mense et supra. Et inveniuntur primogeniti filiorum Israel viginti duo millia ducenti septuaginta tres. Putasne per hæc solam numerari historiam docere nos voluit Moyses, et nullum in his diversitatibus numerorum conclusit solito sibi more mysterium? Nihil ne videtur inesse rationis, quod ducenti septuaginta tres tantum abundare dicuntur in primogenitis filiorum Israel? et in Levitis ad viginti duo neque abundare quisquam, neque deesse perscribitur? Viginti duo quidem numerus, in Scripturis divinis si quis observaret, quod principalibus quibusdam causis ascriptus sit, frequenter inveniet. Nam viginti duo primo apud Hebræos elementa tradunt esse litterarum. Viginti duo rursus a protoplasto Adam usque ad Jacob, ex cujus semine initium duodecim tribus sumunt, patres fuisse numerantur. Sed alia multa in Scripturis si quis diligentius exsequatur, sub hoc numero consecrata reperiet. Propter hoc ergo (et Levitæ, id est, qui deserviunt Deo, et primogeniti filiorum Israel admirabili hoc sacratoque numero attuluntur. Qui autem in filiis Israel adduntur, ducenti septuaginta tres neque otiosum mihi videtur, neque absolutionis viam facilem cerno, nisi Dominus velamen illud impositum in Moysæ his litteris adaperire nobis dignetur et auferre. Igitur humani generis in carne generatio, sicut asserunt qui in talibus periti sunt, novem quidem mensibus continetur in vulva; sed non prius moveri fertur ad partum, quam etiam decimi mensis triduum transeat; et ita invenitur, quod numerus iste, id est, ducenti septuaginta tres dies illos indicent, qui ex novem mensibus et triduo mensis decimi colliguntur, et sunt simul ducenti septuaginta tres dies isti quibus humano generi in hunc mundum præbetur ingressus. Et ita in viginti quidem et duobus numeris, omnium simul creaturarum rationibus mysticis summa colligitur. In his vero quæ ex abundantanti in primogenitis inveniuntur Israel, etiam mysterium humanæ generationis exponitur. Quia ergo Levitæ ecclesiasticum ordinem significant qui deservit in sanctis, et legem Domini meditatur et docet, apte juxta numerum viginti duo attulatur, quia, ut supra dictum est, Hebræarum litterarum numerus in viginti duobus ele-*

mentis comprehensus est; nec non et series Veteris Testamenti eodem numero librorum secundum quosdam conclusus est. Ut ministri Domini hac conscriptione commoti, secundum id quod in lege Domini continetur vivant, operentur et doceant; nec ullo modo præsumant eam excedendo transgredi, sed sub ejus magisterio omnia fiant. Quod autem summa primogenitorum de filiis Israel hunc numerum excedens, ducentis septuaginta tribus jubetur quinque siclis per singula capita redimi, hoc, ni fallor, figuratiter docet, ut quisquis initium conversationis suæ seu voluntatis sive operationis Deo consecrare vult, quinque sensus corporis diligenter custodiat, ne forte per lasciviam in errorem aut in mundana desideria defluat, sed magis juxta siclum sanctuarii qui mensus est obolis viginti, hoc est secundum decem mandatorum doctrinam, quæ in duobus præceptis charitatis consistit laborans, omnia opera sua in domum summi sacerdotis, et filiorum ejus redigere satagit.

#### CAPUT VI.

*De servitio filiorum Caath in ministerio Domini.*

(CAP. IV.) *Locutusque est Dominus ad Moysen dicens: Tolle summam filiorum Caath de medio Levitarum, per domos et familias suas, a trigesimo anno et supra, usque ad quinquagesimum annum, omnium qui ingrediuntur, ut stent et ministrent in tabernaculo fœderis. Hic est cultus filiorum Caath: Tabernaculum fœderis, et Sanctum sanctorum ingredientur Aaron et filii ejus, quando movenda sunt castra, et deponent velum quod pendet ante fores, involventque eo arcam testimonii et operient rursus velamine hyacinthinarum pellium: extendentque pallium desuper totum hyacinthinum, et inducent vectes, etc. (Ex Isidoro.) Numerati sunt jam filii Levi ab uno mense et supra: nunc numerantur filii Levi a tricesimo anno sive secundum LXX a vicesimo quinto anno, sed non ut in cæteris, sed usque ad quinquagesimum annum, et sit iste præcipue numerus et electus. Dicitur enim his: Omnis enim, inquit, qui procedit ad ministrandum ad opera tabernaculi testimonii. Isti sunt qui numerantur meliore quodam et præcipuo numero. Sicut enim in filiis Israel dicebatur: Omnis qui procedit ad prælium in filiis Israel; ita et hic dicitur: Omnis qui procedit ad ministerium, ut faciat opera in tabernaculo testimonii. Post hæc dicitur quæ sint opera filiorum Caath, in medio filiorum Levi secundum plebes suas in tabernaculo testimonii. Introibit, inquit, Aaron et filii ejus cum elevata fuerint castra, et deponent velum quo teguntur sancta, et operient ex ipso velo arcam testamenti. Et post hæc septem quedam species enumerantur, quæ præcipiuntur operiri. Primo in loco, ut omnium pretiosior arca ipsa testamenti operiatur velo quo prius velabatur, sed et pelle desuper hyacinthina tegatur; additur etiam aliud velamen desuper hyacinthinum. Secundo in loco mensa operitur, tertio candelabrum, quarto altare aureum, quinto vasa ministerii, sexto operimentum altaris cum quibusdam velamentis apponitur, septimo loco operitur et la-*

*brum, et nihil horum omnium nudam relinquitur aut revelatum. Denique additur etiam præceptum hujusmodi. Nolite, inquit, exterminare de tribu sua plebem Caath. Quos scilicet exterminandos se esse scirent, si forte ad hæc manus suas movenda mitterent, nisi unumquodque eorum prius a sacerdotibus fuisset obiectum. Nunc ergo redeamus ad istud tabernaculum Ecclesiæ Dei viventis, et videamus quomodo hæc singula observari oporteat in Ecclesia Dei a sacerdotibus Christi. Si quis vero sacerdos est, cui vasa sacra, id est, mysteriorum sapientiæ secreta commissa sunt, discat ex his et observet quomodo hæc oporteat intra velamen conscientie custodire, nec facile proferre ad publicum; aut si res possit proferre, et inferioribus, id est, imperitioribus tradere, ne nuda proferat, ne aperta ostendat, et penitus patientia, alioqui homicidium facit, et exterminat plebem. Et exterminatur enim omnis qui secreta et ineffabilia sacramenta contigerit, nondum meritis et scientia in sacerdotii ordinem gradumque translatus. Solis enim filiis Aaron, sacerdotibus scilicet, ipsam arcam testamenti et mensam et candelabrum, et si quid est eorum quæ supra comprehendimus, nuda et revelata videre concessum est. Alii autem operata hæc videant, imo potius velata hæc in humeris suis portent. Et filii quidem Caath licet ipsi non sint sacerdotes, sunt tamen proximi-sacerdotibus, in humeris ergo suis possunt ista portare. Alii vero sarcinas suas et ministeria, nec in humeris sed in plaustris ponunt.*

*Locutusque est Dominus ad Moysen et Aaron dicens: Nolite perdere populum Caath de medio Levitarum, sed hoc facite eis ut vivant, et non moriantur si tetigerint Sancta sanctorum. Aaron et filii ejus intrabunt, ipsique disponent opera singulorum, et dividunt quid portare quis debeat. Alii nulla curiositate videant quæ sunt in sanctuario prius quam involvantur, alioqui morientur. Primo intelligamus ea quæ secundum litteram referuntur; et ita, præstante Domino, ab intellectu littere ascendamus ad intelligentiam spiritus. Intellige ergo prius ipsam collocationem tabernaculi testimonii, intellige et Sancta sanctorum, quæ interjecto a sanctis velamine dirimuntur, quæ inspicere non licet ab ullo hominum nisi a sacerdotibus solis. Post hæc intellige, quomodo ubi ventum fuerit, ut castra moveant filii Israel, solvitur tabernaculum, et Aaron et filii ejus sacerdotes intra Sancta sanctorum operiunt singula quæque operimentis ac velaminibus suis, et obiecta ea relinquentes, in eodem quo fuerant loco introducunt filios Caath, qui ad istud officium deputati sunt, et faciunt elevare humeris suis omnia illa quæ manus sacerdotalis obtexerat. Et propter hoc dicitur a Domino: Ne exterminetis de tribu sua plebem Caath, quasi in eo exterminandi essent, si Sancta sanctorum nuda et patientia contigissent: quæ non solum non contingere, sed nec intueri quidem fas erat non velata. Si intellexistis quid historiae ordo contineat, ascende nunc ad*

splendorem mysterii, et legis spiritalis lumen, si purus tibi est mentis oculus, contuere. Si quis dignus est ex his qui Deo ministrant, divina capere et videre mysteria, ad quæ contuenda cæteri minus capaces sunt, hic Aaron vel filius Aaron esse intelligatur, qui ingredi potest ad ea quæ adire aliis fas non est. Si quis ergo talis est, huic solum revelata patet arca testamenti: hic videt urnam habentem manna, hic considerat et intelligit propitiatorium, hic intuetur et cherubim utrumque, et mensam sanctam, et candelabrum luminis et altare incensi. Iste hæc considerat, et intelligit spiritaliter, id est, qui verbo Dei et sapientiæ mysteriis operam dat, et Deo soli in sanctis vacat. Sciat sane cui hæc revelantur, et spiritaliter inspiciendo credantur, nec sibi tantum esse aperire hæc, et pandere quibus non licet pandi, sed operire debet singula, et aperta cæteris minus capacibus tradere portanda humeris et cervicibus imponenda. Cum enim ex verbis mysticis eruditi et perfecti quique doctores opera populis injungunt, et plebs agit quidem et implet quæ mandantur, non tamen eorum quæ geruntur intelligit rationem, quid aliud geritur, nisi opera et velata Sancta sanctorum super humeros portantur? Et ut manifestius quæ dicuntur advertas, exemplis te ex divinis voluminibus adhibitis informabimus. Moyses intelligebat sine dubio quæ esset vera circumcisio, intelligebat quod esset verum pascha; sciebat quæ essent veræ neomeniæ, et quæ vera sabbata. Et cum hæc omnia intellexisset in spiritu, verbis tamen et per rerum corporalium species adumbrationesque velabat. Et cum sciret verum pascha immolandum esse Christum, corporale immolari mandat pascha. Cumque sciret diem festum agere debere in azymis sinceritatis et veritatis, tamen de farinæ azymis præcipiebat. Hæc ergo et hujusmodi erant Sancta sanctorum. Quæ cum Moyses portanda cæteris traderet, id est, rebus et operibus implenda, cooperta tamen ea et velata communi sermonum tradebat eloquio. Humeri autem quod operum indicium teneant, in multis Scripturæ locis sæpe ostendimus. Sed in ecclesiasticis observationibus sunt nonnulla hujusmodi, quæ omnibus quidem facere necesse est, nec tamen omnibus eorum patet intellectus. Nam quod verbi gratia genua flectimus orantes, et quod ex omnibus cœli plagis ad solam orientis plagam conversi orationem fundimus, non facillè cuiquam puto ratione compertum. Sed et eucharistiæ sive percipiendæ, sive eorum ritu quæ geritur explicandæ, vel eorum quæ geruntur in baptismo verborum gestorumque, et ordinum atque interrogationum, quis facile explicet rationem? Et tamen omnia hæc opera licet et velata portamus super humeros nostros, cum ita implemus ea et exsequimur, ut a magno pontifice atque ejus filiis tradita et commendata suscepimus. Cuncta ergo hæc et horum similia cum gerimus, nec tamen eorum assequimur rationem, levamus humeris nostris et portamus adoperta et oblecta divina mysteria nisi si quis sit inter nos Aaron aut

A filius Aaron, quibus ista conceditur nuda et revelata perspicere, ut sciant sibi velanda hæc et operienda, ubi cæteris dari ea, et in opus proferri ratio poposcerit. Post hæc dicitur de Levitis, quia tolluntur a tricesimo anno et supra, usque ad quinquagesimum annum, omnes qui ingrediuntur ad ministerium tabernaculi fœderis, sive secundum editionem LXX, tolluntur Levitæ a vicesimo quinto anno et supra, usque ad quinquagesimum annum, omnes qui procedunt ad opus operum, et ad opera quæ portantur tabernaculi testimonii. Observa in his distinctionem sermonum Scripturæ divinæ. Ubi de operibus filiorum Israel loquitur, non dixit opera operum, sed sola opera. Ubi vero de officiis Levitarum, non sola opera, sed opera operum. Sicut enim sunt quædam sancta, sunt autem et alia sancta sanctorum, ita sunt quædam opera, et alia opera operum. Unde videtur mihi quia Moyses ubi sensit esse quædam opera visibilia quidem, sed quibus inesset interior alia mystica et occulta intelligentia, hæc non solum opera, sed opera operum dixerit. Quæ vero communia et præsentis solum temporis opera intellexit, hæc solum opera nominaverit. Sunt ergo quædam opera operum, quæ ego puto esse hæc omnia, de quibus vel in præsentī lectione, vel in Exodo, et in cæteris locis sub oculis præcipitur mysteriis; et pro parte in præsentī, pro parte vero explendis in futurum: quæ tamen, ut diximus, opera operum non cuiuslibet, sed levitis solis tradenda mandantur; et inter Levitas ipsos non prius ad hæc opera quisquam vocatur, nisi vicesimo demum et quinto anno vitæ suæ, usque ad quinquagesimum. Sed non caret sacramento, ne ipse quidem viginti quinque et quinquaginta numerus annorum. Nam in vicesimo quinto numero quinque sensuum perfectio declaratur, ita ut quinquies quinto numerentur. Quod utique indicat eum vocari ad opera operum in ministerio peragenda, qui ex omni parte multiplicatis et purificatis sensibus, invenitur esse perfectus. Si autem voluerimus legere tricesimum numerum, ut sub eo ingrediuntur Levitæ ad ministerium tabernaculi, sciamus hoc non sine sacro esse mysterio. Tricesimus enim numerus quo denarius numerus ter constat esse multiplicatus, integritatem filiei significat cum perfectione honorum operum, sive quibus nullus aptus est ad ministerium divinum. Sed et innumeris Scripturæ sanctæ locis tricenus numerus, Christi et Ecclesiæ sacramentis aptatus invenitur. Nam et Joseph qui in figuram resurrectionis Novique Testamenti octoginta annis Ægyptos a fame defendit, tricenus ablutis ergastuli sordibus, regni gubernacula suscepit; et David eadem ætate regnum quod septuagenarius, hoc est, perpetua quiete dignus completeret, inchoavit, et Ezechiel triginta annorum, apertis sibi cœlis prophetiæ dona promeruit. Et quia per fidem et adversa longanimitè ferri, et sublimiter debent præmia sperari, et arca vel templi altitudo, et tabernaculi longitudo triginta cubitis mensuratur. Quinquagesimus autem nume-

rus quod repromissionis indulgentiæ teneat sacramentum, in multis Scripturarum locis sæpe et abundantior ostendimus. Nam et *quingagesimus annus est, in quo et possessionum et servitutis et debiti fit remissio*; et quingagesimas dies post Pascha, festus traditur in lege (*Levit. xxv*). Sed Dominus in Evangelio eam parabolam repromissionis doceret et indulgentiæ, debitores quos introducit, unum in quinquaginta, et aliam quingentis denariis fuisse dicit obnoxium. Quinquaginta autem et quingenti, cognatus est numerus. Decade enim quinquaginta faciunt quingentes. Sed alia parte numerus iste sacratus est. Septem enim septimanis si addatur unius numeri perfectio, quinquaginta faciunt dies. Similiter et septuaginta septimanis, si addatur unius decadis consummatio, faciunt quingentos. Quod si abundantius adhuc sacramenta quinquaginta et quingentorum numeri placet colligi, habemus et in hoc ipso qui in manibus est Numerorum libro, ubi de hostium spoliis quidam quidem offerunt in domo Dei, quingagesimam portionem qui non processerunt ad bellum, quidam vero quingentesimum. Et utique non inaniter etiam hic quingagesimus numerus habetur. Sed et in Genesi ubi Dominus tractabat de indulgentia Sodomorum, si forte possent ad veniam pertinere, huiusmodi mysteriorum conscius patriarcha Abraham, a quingagesimo numero incipit pro indulgentia Sodomorum Domino supplicare et dicit: *Si inventi fuerint quinquaginta in civitate, non salvabis propter quinquaginta civitatem?* (*Gen. xix.*) Sed ad propositum revertamur. Oportet ergo operari Levitas in sanctis usque ad quinquaginta annos, inferiores quidem opera, meliores quidem opera operum; horum autem superiores spiritualibus officiis deservire, et introire in Sancta sanctorum, ibique operire quæ operienda sunt, et tradere filiis Caath portanda humeris et manibus evehenda, sed et reliquis univiciue secundum ea quæ jam superius sæpe disserta sunt. Verum ne nimia hæc operimentorum velorumque cautela desperationem quamdam et moestitiam generet auditoribus, pauca aliqua quæ et pandere nobis tutum sit, et vobis sit fas aspicere quandoquidem ut prius diximus, genus regale et sacerdotium, gens sancta, et populus in acquisitionem dicti sumus, aperire tentabimus. Intelligamus ergo tabernaculum testimonii omnes sanctos, qui sub testamento Dei censentur; et in hoc tabernaculo esse quosdam celsiores meritis et gratia superiores, et ex his aliquos quidem candelabrum dici, ipsos forte apostolos qui illuminant accedentes ad Deum. Sed et si qui alii sunt qui in hoc tabernaculo Dei, omnibus ingredientibus scientiæ et doctrinæ lumen ostendunt, omnes isti candelabrum mysticum nominentur. Alii sunt mensa sacra qui cum habent panes Dei, reficiunt ac pascunt animas esurientes justitiam. Alii sunt altare incensi, quicumque orationibus et jejuniis die ac nocte vacant in templo orantes Dei, non solum pro semetipsis, sed et pro universo populo. Hi vero quibus arcana mysteria credidit Deus, et oc-

A cultorum providentiæ suæ secreta judiciorum commisit, arca testamenti Dei appellantur. Porro qui cum omni fiducia per hostias precum supplicationumque victimas Deum hominibus repropitiant, et pro delictis populi interveniunt, propitiatorum nominentur. At qui meruerunt multitudinem scientiæ, et abundantes divitias in agnitione Dei, cherubin intelligi possunt. Cherubin quoque in lingua nostra *multitudo scientiæ* interpretatur. Sed hos omnes qui per hæc singula quæ supra enumerata sunt designantur, portari necesse est, et portari in humeris. Unde fortassis, ut ego opinor, angeli qui ordinati sunt propter eos qui hæreditatem capiunt salutis, ipsi sunt qui singulos eorum quos supra diximus, portant. Cum enim solutum fuerit tabernaculum hoc, et cœperimus ingredi ad illa sancta, et pergere ad locum repromissionis, hi qui vere sancti sunt, et in Sanctis sanctorum habentur, angelis sine dubio subvectantibus incedunt, et usquequo requiescat tabernaculum deportantur in humeris, extolluntur in manibus. Quod prospiciens in spiritu propheta dicebat: *Quoniam angelis suis mandavit de te, ut in manibus tollant te, ne forte offendas ad lapidem pedem tuum* (*Psal. xc*). Quod dictum quidem putavit diabolus de Salvatore accipiendum; sed excæcatus malitia, non intellexit eloquia mystica. Neque enim Salvator noster angelis indigebat, ut non offenderet ad lapidem pedem suum. Calumniatur diabolus Scripturam divinam, qui hæc de Salvatore dicta protulerit, non de illo, sed de omnibus sanctis hæc dicitur: Quia angelis suis mandavit Deus populo, ut non offendat ad lapidem pedem suum. Sed et omnia quæ in hoc psalmo scripta sunt, iustis quibusque magis quam Salvatore conveniunt. Liberat enim Deus a ruina, et dæmonio meridiano non Salvatorem (*Absit a nobis ita intelligere*), sed omnem justum. Iusti enim sunt qui indigent adjutorio angelorum Dei, ut non a dæmonibus subruantur, et ne corda eorum sagitta volante in tenebris tenebrentur. Per ipsos angelos sub eodem mysterio Paulus portandos esse quosdam confirmat in nubibus cum dicit: *Sed et nos qui vivimus, qui relinquimur, simul cum illis rapiemur in nubibus obviam Christo in aera* (*I Thess. iv*). Rapiuntur ergo ab angelis hi qui penitus purgati et leves effecti sunt a delictis. Portantur vero hi qui aliquibus adhuc reliquiis prægravantur. Portantur ergo et a quibusdam columnæ tabernaculi, et atria cæteraque quæ a Scriptura referuntur; portantur autem non ab Israelitis, sed a Levitis, secundum hunc sensum quem in transcurso videbimus breviter contigisse, relinquentes sensibus auditorum. Et si quis de his majore desiderio flagaverit, accendat sibi lumen scientiæ, et majora horum oculo perspicaciorē concijiat.

#### CAPUT VII.

*De ejiciendo leproso e castris.*

(CAP. V.) *Locutusque est Dominus ad Moysen dicens: Præcipe filiis Israel, ut ejiciant de castris*

omnem leprosum, et qui semine fluit, pollutusque est super mortuo, tam masculum quam feminam ejicite de castris, ne contaminent ea cum habitaverint vobiscum. Feceruntque filii Israel ita, et ejecerunt eos extra castra, sicut locutus erat Dominus Moysi. Leprosi qui eji de castris jubentur, hæretici sunt, qui variis rerum maculis polluti sunt, nec uniformem doctrinam vel fidei volunt habere colorem; qui scientiam veræ fidei non habentes, varias doctrinas profitentur erroris. Non enim vel abscondunt imperitiam suam, sed pro summa peritia proferunt in lucem, et jactantiam sermonis ostendunt. Nulla porro falsa doctrina est, quæ non aliqua vera intermisceat. Vera ergo falsis inordinatè permista, in una disputatione vel narratione hominis, tanquam in unius corporis colore apparentia, significant lepram, tanquam veris falsisque colorum locis humana corpora variantem atque maculantem. Eum autem qui semine fluit, fetidum libidinis cogitationibus, et luxu carnalium desideriorum æstuantem, debemus intelligere. Pollutumque super mortuo, illum qui mortuorum in peccatis et impietate exempla sequitur, et vitiorum sordibus coinquinatur. Isti omnes ergo infructuosi cogitatu, immundi sermone et morbidi contactu, a castris Ecclesiæ separari debent, ne contagione morum suorum, vitam polluant innocentium, quoadusque ipsi a criminibus suis se abluant.

#### CAPUT VIII.

*De peccatis negligentiam sacerdotum expiandis.*

(IBID.) *Locutusque est Dominus ad Moysen dicens : Loquere ad filios Israel : Vir sive mulier, cum fecerint ex omnibus peccatis quæ solent hominibus accidere, et per negligentiam transgressi fuerint mandatum Domini atque deliquerint, confitebuntur peccatum suum, et reddent ipsum caput, quintamque partem desuper ei in quem peccaverint. Sin autem non fuerit qui recipiat, dabunt Domino et erunt sacerdotis, excepto ariete qui offertur pro expiatione, ut sit placabilis hostia. LXX : Vir aut mulier, quicumque fecerit ab omnibus peccatis humanis, et despiciens despexerit et deliquerit, anima illa annuntiabit peccatum quod peccavit, et restituet delictum, et quintam ejus adjiciet super illud, et reddet ei cui deliquit. Si autem non fuerit homini proximus, ita ut reddat ei delictum ad ipsum delictum quod reddit Domino sacerdotis erit, excepto ariete expiationis per quem exoravit in illo pro eo. Hic ea peccata intelligenda sunt, quorum in his rebus perpetratio est, quæ pecunia restitui possit. Non enim aliter diceret quomodo restituenda sunt, nisi damni pecuniarii fuissent. Jubentur enim restitui caput et quinta, id est, totum illud quidquid est, et quinta ejus pars, excepto ariete qui fuerat offerendus in sacrificium ad expiandum delictum. Jubet autem illud quod restituitur sacerdotis esse, id est, ipsum caput et quintam, si non est proximus ei in quem commissum est. Ubique utique intelligitur tunc Domino reddendum quod sit sacerdotis, si homo ipse non supersit qui damnatum passus est, nec proximus ejus quem puto hæredem intelligi*

PATROL. CVIII.

voluisse, sed de ipso homine nihil dixit Scriptura. Verumtamen cum dicit, si non ei fuerit proximus, sub hac brevitate insinuat tunc queri proximum ejus, si ipse non fuerit; si autem nec proximus erit, Domino restituetur, ne impunitum remaneat quod amissum est. Quod tamen non cedat in sacrificium, sed sit sacerdotis, sic sane verba Scripturæ distinguenda sunt. Si autem non fuerit homini proximus, ita ut reddat illi delictum ad ipsum, locutionis est enim quod addidit, ad ipsum. Aut forte ad ipsum dixit, quod ad ipsum pertineat, id est, ipse possideat. Deinde sequitur : *Delictum quod redditur Domino, sacerdotis erit.* Delictum autem dicit cum redditur ea res, quæ per delictum oblata est. Jæri autem potest quomodo in Exodo dicitur : Si quis furatus fuerit vitulum aut ovem, restituere debet quinque vitulos vel quatuor oves si occiderit aut vendiderit; si autem quod abstulerit salvum apud eum reperitur, duplum esse restituendum : cum hic restitui jubeat caput et quintam : quod longe est etiam a duplo, quanto magis a quadruplo vel quinquies tanto, nisi forte quia hic ait : *Vir aut mulier, quicumque fecerit ab omnibus peccatis humanis, peccata ignorantiam voluit intelligi humana peccata.* Fieri enim potest, ut parum attendendo, per negligentiam trajiciat homo rem alienam in rem suam. Quod ideo peccatum est, quia si diligenter attendetur, non admitteretur. Et hæc voluit capite et quinta restitui, non sicut furta mutari. Nam si furta et fraudes hic intellexerimus, quæ non per ignorantiam negligentiam, sed furandi et fraudandi animo committuntur, et ideo dicta humana quia in homines fiunt, ille, ni fallor, erit exitus quæstionis hujus, ut ideo qui fecit non reddat nisi duplum, quia non comprehenditur vel convincitur, sed ignorantibus a quo factum sit vel utrum factum sit, ipse annuntiat delictum suum. Cum enim dixisset Scriptura : *Vir aut mulier, quicumque fecerit ab omnibus peccatis humanis, et despiciens despexerit et deliquerit*, id est, contemnendo ista commiserit, adjunxit et ait : *Anima illa annuntiabit peccatum quod peccavit, et restituet delictum, caput et quintam ejus.* Forte ergo propterea tantum, quia ipse annuntiavit : et ideo non eo damno plectendus fuit quo furem comprehensum vel convictum plecti oporteret. Mystice autem hoc capitulum nos admonet, ut si aliquid per negligentiam incaute commiserimus, per confessionem et pœnitentiam studemus illud emendare. Et forte si est proximus adversus quem deliquimus in inferendo illi aliquid damnatum, pœnitentiam coram illo agamus, et damnatum restituamus. Si autem non superest ille quem læsimus, Domino pro hoc per confessionem et condignæ pœnitentiæ fructus, et eleemosynarum opera satis agere curemus. Per quintam autem partem quam superaddere ad summam jussit, docet nos ut per sensum corporis per quem peccavimus malum aliquid ingerendo per illum item bona agere satagamus. Arietis autem oblatio significat Christi passionem, in qua maxime

confidere debemus, quia nihil proficit conatus noster, nisi ejus gratia nos adjuverit. Ipse est et sacerdos qui nos Patri per oblationem carnis suæ reconciliat. Et ideo omne nostræ devotionis munus illi est offerendum, quatenus, per ejus pietatem, integram veniam consequi mereamur.

Omnes quoque primitiæ quas offerunt filii Israel, ad sacerdotem pertinent, et quidquid offertur a singulis et traditur manibus sacerdotis, ipsius erit. Omnes, inquit, primitiæ quas offerunt filii Israel, hoc est primitias bonæ voluntatis verborum atque operum, quas deferunt filii Ecclesiæ, qui sunt veri Israelitæ, quia mentis intuitu ad Deum sedulo aspiciunt, ad sacerdotem pertinent, ipsum videlicet sacerdotem, qui semetipsum obtulit Patri pro nobis. Et quidquid in sanctuario offertur a singulis, et traditur manibus sacerdotis, ipsius erit sacerdotis, videlicet Domini nostri Jesu Christi, quia ad ejus gratiam pertinet quidquid in sanctuario Domini, hoc est in Ecclesia sancta, Domino offertur a singulis, vel quidquid communiter oblatum fuerit ab omnibus.

#### CAPUT IX.

##### De lege zelotypiæ.

(IBID.) *Locutusque est Dominus ad Moysen dicens : Loquere filiis Israel et dices ad eos : Vir cujus uxor erraverit, maritumque contemnens dormierit cum altero viro, et hoc maritus comprehendere non quiverit, sed latet adulterium, et testibus argui non potest, quia non est inventa in stupro, si spiritus zelotypiæ concitaverit virum contra uxorem suam, quæ vel polluta est vel falsa suspitione appetitur, ad sacerdotem adducet eam, et offeret oblationem pro illa, decimam partem sati farinæ hordeaceæ. Non infundet super eam oleum, nec imponet thus, quia sacrificium zelotypiæ est, et oblatio investigans adulterium. Offeret eam sacerdos, et statuet coram Domino; assumetque aquam sanctam in vase fictili, et pauxillum terræ de pavimento tabernaculi mittet in eam. Cumque steterit mulier in conspectu Domini, discooperiet caput ejus, et ponet super manus ejus sacrificium recordationis et oblationem zelotypiæ. Ipse autem tenebit aquas amarissimas, in quas cum execratione maledicta congressit, adjurabit eam et dicet : Si non dormierit vir alienus tecum, et si non polluta es deserto mariti thoro, non te nocebunt aquæ istæ amarissimæ in quas mateaicta congressi. Sin autem declinasti a viro tuo atque polluta es, et concubuisti cum altero, bis maledictionibus subjacebis. Det te Dominus in maledictionem exemplumque cunctorum in populo suo. Putrescere faciat femur tuum, et tumescens uterus tuus tistrumpatur. Ingredientur aquæ maledictæ in ventrem tuum, et utero tumescente putrescat femur. Et respondebit mulier : Amen, amen. Scribetque sacerdos in libello ista maledicta, et delebit ea aquis amarissimis in quas maledicta congressit, et dabit ei bibere. Quas cum exhausserit, tollet sacerdos de manu ejus sacrificium zelotypiæ, et elevabit illud coram Domino, imponetque super altare, ita duntaxat ut prius pugillum sacrificii tollat de eo quod offertur, et incendat super*

*altare, et sic potum det mulieri aquas amarissimas. Quas cum biberit, si polluta est et contempto viro adulterii rea, pertransibunt eam aquæ maledictionis, et inflato ventre computrescet femur; eritque mulier in maledictionem et in exemplum omni populo. Quod si polluta non fuerit, erit innoxia et faciet liberos. Ista est lex zelotypiæ. Si declinaverit mulier a viro suo, et si polluta fuerit, maritusque zelotypiæ spiritu concitatus, adduxerit eam in conspectu Domini, et fecerit ei sacerdos juxta omnia quæ scripta sunt, maritus absque culpa erit, et illa recipiet iniquitatem suam. Verba quæ scripta sunt dicit mulieri a sacerdote dicenda, quando ad suspitionem adulterii eam maritus adducit. Det eam Dominus in maledictionem, et in execrumentum. Græcus habet ἐνόπιον, quo verbo videtur significari juramentum per execrationem, velut si quisquam dicat : Sic non mihi illud et illud contingat; vel certe ita juret : Illud et illud mihi contingat, si fecero vel non fecero. Ita hic dictum est : Det te Dominus in maledictionem et in execrumentum; tanquam diceretur, ut de te jurent quæ per execrationem jurabuntur : Sic non eis contingat, aut hoc eis contingat, nisi illud fecerint. Vir iste cujus uxor erraverat contemnens maritum, pastorem atque doctorem significat Ecclesiæ. Uxor quoque ejus, subditus est quisque, qui magistri verbo in omnibus obedire debuit, sicut bona uxor legitimo obtemperat viro. Sed si per contemptum hæc uxor ab hujusmodi errans discesserit a viro, et adulterum querit conjugium, id est, hæreticæ se immiscuerit doctrinæ, et hoc crimen licet non manifeste appareat, tamen in suspitionem venit magistro zelotypiæ accenso, adducet eam ad sacerdotem, ipsum videlicet sacerdotem cui per Prophetam dicitur : Tu es sacerdos in æternum, secundum ordinem Melchisedech (Psal. cix); ejus judicio cuncta reservans, ne forte rem incertam ante tempus contra Apostoli præceptum judicet qui dixit : Nolite ante tempus judicare, quoadusque veniat Dominus, qui illuminabit abscondita tenebrarum, et manifestabit consilia cordium (I Cor. iv). Et offeret oblationem pro illa decimam partem sati farinæ hordeaceæ. Farina ergo hordeacea scientiam veteris legis significat. Quæ bene hordeo assimilatur, quia sicut hordeum magno labore a paleis purgatum ad farinam perducitur, ita littera legis contrita mola discretionis, farinam sensus spiritualis emittit. Et recte decima pars sati offerri jubetur; nam lex ipsa decem præceptis constat, cujus decima pars quodlibet mandatum est, contra quod prava uxor egisse deprehenditur. Offeritur ergo hæc mulier per virum sacerdoti cum oblatione decimæ partis, cum Christi judicio secundum legem divinitus datam damnanda aut liberanda reservatur. Non fundet super hanc oblationem oleum neque thus ponet, quia sacrificium zelotypiæ est. Igitur non decet oleo adulationis vel thure superflue laudationis peccantem personam maceri, sive oleo indiscretæ misericordiæ atque thure orationis inordinatæ cor impenitens liniri, sed magis*



zelo justitiæ secundum præcepta Domini vitium instanter atque ordinate persequi. Offeret eam, inquit, sacerdos, et statuet coram Domino assumetque aquam sanctam in vase fictili, et pauxillum terræ de pavimento tabernaculi mittet in eadem, etc. Statuet sacerdos offerens mulierem coram Domino, quia divino judicio dijudicando anima peccatrix decernitur. Aqua sancta in vase fictili, divina est sapientia in vili littera legis comprehensa. Cui miscet sacerdos pauxillum terræ de pavimento tabernaculi, cum Christi decreto commemoratio patriarcharum, prophetarum atque apostolorum, intronmissa in ea reperitur. Hanc ergo aquam Scriptura dicit amarissimam propter peccati vindictam quæ in ea manifestata est taliter commistam, atque divino opere contestatam, bibit mulier, ut manifestetur illius contemptus, sive hic ad ejus, sive aliorum correptionem, sive in futuro ad ejus damnationem, quia secundum Veritatis vocem: *Nihil est occultum quod non sciatur* (Matth. x). Et item: *Sermo*, inquit, *quem locutus sum vobis, ille vos judicabit in novissimo die* (Joan. xii). Sumet itaque sacerdos pugillum sacrificii, et incendit illud super altare, cum sanctæ Trinitatis confessio in legis invenitur sacrificio, quæ in ara fidei digne Deo offertur. Quod ergo scribet sacerdos in libello maledicta quæ adversus peccantem protulit, et delebit ea aquis amarissimis in quas maledicta congescit, significat quod pœna quæ peccantibus futura est, in Scriptura sacra explanata invenitur. Ac deinde quicumque Scripturam sacram corde pio et credulo hauserit, suppliciaque peccatorum quæ in ea narrantur pertimescit, atque se a peccatis custodire studuerit, aqua fit illi salubris. Qui autem contemnendo minas Dei, Scripturas sacras inutiliter audit, inflato ventre computrescit femur ejus, atque in maledictionem et exemplum erit omni populo: quia cum justo Dei judicio punietur contemptrix anima, in opprobrium illi omnes ejus actus et desideria provenient.

## CAPUT X.

*De ritu Nazaræi et oblatione ejus.*

(CAP. VI.) *Locutus est Dominus ad Moysen dicens: Loquere ad filios Israel, et dices ad eos: Vir sive mulier cum fecerint votum ut sanctificentur, et se voluerint Domino consecrare, a vino et omni quod inebriari potest abstinerebunt. Acetum ex vino et ex qualibet alia potione, et quidquid de uva exprimitur non bibent. Uvas recentes siccasque non comedent cunctis diebus quibus ex voto Domino consecrantur. Quidquid ex vinea esse potest, ab uva passa usque ad acinum non comedent. Omni tempore separationis suæ, novacula non transibit per caput ejus, usque ad completum diem quo Domino consecratur: sanctus erit crescente cæsaria capitis ejus. Quid ergo Nazaræorum nomine nisi abstinentium continentiamque vita signatur? His in vino luxuria prohibetur, in sicera omnis voluptas terrena. Sicera enim ex diverso conficitur genere: sic voluptas ex diversa vitiorum oritur passione. Illi enim vinum bibunt, et siceram bibunt, qui ad decipiendos ho-*

mines, umbras quasdam et imagines simulant habere virtutum. Una passa illi vescuntur, qui propter humanos oculos abstinentiæ pallore inficiuntur, ut gloriam captent ab hominibus. Acetum autem hibent, qui post vitæ sanetitatem in vetustatem præteritorum vitiorum labuntur, et corruptione veteris nequitie delectantur. Præcepit itaque Deus, ut eos qui sanctitatis indicent titulum, cunctis his careant vitiis, nullamque hujusmodi perturbationem appetant. In hoc autem quod addidit. *Novacula non transibit super caput ejus usque ad completum diem quo Domino consecratur*, admonet ipsos continentes, ne dolum aut malitiam in mente teneant, ne forte polluatür cæsaries capitis eorum, id est, omnis cogitatus mentis eorum; sed usque ad finem scilicet præsentis vitæ, innocentiam teneant; quia aliter Deo votum sanctitatis acceptabile non fecerint, nisi custodiam mentis diligenter habuerint, et in hoc usque ad finem perseverare studuerint, quia secundum Veritatis sententiam: *Qui perseveraverit usque ad finem, hic salvus erit* (Matth. xii). *Omni tempore consecrationis suæ super mortuum non ingreditur, nec super patris quidem, et matris et fratris sororisque funere contaminabitur, quia consecratio Dei sui super caput ejus est. Omnibus diebus separationis suæ sanctus erit Domino.* Cur ergo Nazaræum super mortuum ingredi prohibet, nisi quia illum non vult qui continentiam suam Deo vovit, mortuorum in peccatis exempla imitari, nec iniquitatis eorum viam ingredi? ne forte perdat laborem suum, et omnes actus illius reprobentur, in quibus se aliquid acceptabile Domino antea egisse Domino confidebat: quia non qui cepit bonum, sed qui perseverat in bono, coronabitur. Unde et a patris, sive a matris, seu fratris sororisque sanere retrahitur, quia omnis carnis affectus amputari debet, ubi Deo soli placere contenditur. Nec ulla affinitas proximorum quæ ad peccatum nos trahit, nobiscum sociari permittitur; sed juxta illud Evangelii: *Si dextera, inquit, manus tua vel pes scandalizat te, abscide eam et projice abs te. Expedit tibi, ut pereat unum membrorum tuorum, quam totum corpus tuum eat in gehennam* (Matth. v). Omnis persona, omnis dignitas, omnis consanguinitas, post Christi amorem ponenda est, nec aliquid debet federari, quod nos non patitur cum Christo uniri. *Quia consecratio, inquit, Dei super caput ejus est, id est, Spiritus sancti gratia in corde ejus diffusa est. Inde et Paulus dicit: Nolite contristare Spiritum sanctum, in quo signati estis in die redemptionis* (Ephes. iv). Omnis dies separationis sive sanctus erit Domino. Oportet ergo omnino ut hoc fiat ejus voti, hoc studii, hoc laboris, ut omne tempus quo Domino consecrari per continentiam sive abstinentiam optat, sine contaminatione peccati atque delicti, usque in finem perseverare contendat. Sequitur:

*Sim autem mortuus fuerit subito quispiam coram eo, polluetur caput consecrationis ejus. Quod radet illico, et in eadem die purgationis suæ, et rursus septimo die iterum radet. In octavo autem die offeret*

duos turtures, vel duos pullos columbæ sacerdoti in introitu fœderis testimonii; facietque sacerdos unum pro peccato, et alterum in holocaustum; et deprecabitur pro eo, quia peccavit super mortuo, sanctificabitque caput ejus in die illo, et consecrabit Domino dies separationis illius, offerens agnum anniculum pro peccato, ita tamen ut dies priores irrti fiant, quoniam polluta est sanctificatio ejus. Quid in subitanea morte ejuspiam, quam coram Nazaræo legislator veretur accidere, et quam ostendit Nazaræi consecrationem contaminare, nisi peccati mortis commissum significat? Ob ejus intuitum, si seipse continens ad peccati delectationem sive consensum cadere perpexerit, necesse est ut sciat conscientiam suam esse pollutam, et ob hoc caput illico radendum, hoc est mentem purgandam a pravis cogitationibus, et delectatione noxia intelligat in eadem scilicet die purgationis suæ, et rursus septima; in ipso utique tempore compunctionis, quo cognoscit se deliquisse, a reatu festinet semetipsum mundare, et per omne tempus vitæ similem ruinam sibi evenire pertimescat. In octavo autem die offeret duos turtures vel duos pullos columbæ sacerdoti in introitu fœderis testimonii. Octavus dies resurrectionis tempus significat; duo turtures castitatem pulli columbæ simplicitatem. Quisquis ergo optat se ad resurrectionem beatorum pertinere, ad immortalitatem futuram sanctorum pertingere, offerat sacerdos nostris, qui semetipsum obtulit pro nobis, castitatem tam corporis quam etiam cordis, et simplicitatem animæ in fide catholica, per quem se intrare in Ecclesiam meminit, ut per tanti pontificis opitulationem a peccati contagione expiatur. Facietque sacerdos unum pro peccato, et alterum in holocaustum, cum eum faciet timore gehennæ pro peccatis suis gemere, nec non et pro desiderio vitæ æternæ intentius suspirare. Deprecari enim sacerdos noster pro nobis dicitur, sive quia ipse advocatus noster est apud Patrem secundum humanitatem, sive quia per Spiritum sui gratiam facit nos nobismetipsis salubriter postulare. Unde et Paulus dicit: *Ipse enim Spiritus postulat pro nobis gemitibus inenarrabilibus* (Rom. viii). Non quod Spiritus ipse gemit, qui natura impassibilis, sed quod nos per inspirationem suam gemere facit pro delictis nostris. Sanctificabitque iste sacerdos caput Nazaræi in die illo, et consecrabit Domino dies separationis ejus, cum mentem continentis erutam a carnali desiderio, continentiam spiritalem irrehensibiliter exhibere donaverit, offerendo agnum anniculum pro peccato, hoc est innocentem vitam pro criminosa, simplicitatem Christianam pro versutia diabolica, ita tamen ut nihil sibi præsumat de pristina conversatione sive de actibus justitiæ præteritis applaudere, sed magis ut in sola gratia celestis auctoris innitatur, cujus dono percipere debet veniam peccatorum suorum, et assoqui gratiam sempiternam. Unde hic scriptum est: *Dies priores irrti sunt, quoniam polluta est sanctificatio ejus*. Quia sicut per prophetam

dicitur: *In quocunque die conversus fuerit iustus a justitia sua et fecerit iniquitatem, omnes justitiæ ejus tradentur oblivioni* (Ezech. iiii). *Ista est lex consecrationis: cum dies quos ex voto decreverat complebatur, adducet eum ad ostium tabernaculi fœderis, et offeret oblationem ejus Domino*. Postquam autem legislator Nazaræum instruxit, quomodo se mundare deberet si ejus consecratio super mortuo polluta fuisset, addidit etiam rationem quomodo, post completum votum, se cum oblatione gratias reddidurus Domino debeat præsentare, mystice innuens continentis vitam cum oblatione bonorum operum atque munditia cordis in fine bono Domino esse placituram. Offeret, inquit, agnum anniculum immaculatum in holocaustum, et ovem anniculum immaculatam pro peccato, et arietem immaculatam hostiam pacificam. Agnum anniculum immaculatum Domino in holocaustum offert, qui totam spem suam in illius agni immaculatione ponit, quem Joannes digito demonstrans, dixit: *Ecce agnus Dei, ecce qui tollit peccata mundi* (Joan. i). Ipsum ergo in holocaustum offert, cum pro ejus amore carnis desideria mortificando, totam vitam spiritali ardore veræ charitatis concrematam Domino consecrat. Ipse ovem immaculatam pro peccato offert, cum ejus mortem innocentem pro absolutione peccatorum, et redemptione humani generis consecrat, fideliter credit. Ipse arietem immaculatam hostiam pacificam offert, cum ipsum esse confidit, qui per dispensationem incarnationis suæ pacificavit cœlestia et terrestria, evacuans omnem principatum et potestatem, quem exaltavit Deus Pater, et donavit illi nomen quod est super omne nomen, ut in nomine Domini Jesus omne genu flectatur, cœlestium, terrestrium et infernorum, et omnis lingua confiteatur quia Dominus Jesus Christus in gloria est Dei Patris (Philip. i). Tropologica autem agnum offert immaculatum in holocaustum, qui simplicitatem cordis cum devotione charitatis Deo exhibet. Ovem offert qui innocentiam in opere ad exemplum aliis præbet. Arietem quoque hostiam pacificam offert, cum semetipsum bene regere, et in via mandatorum Dei ducere contendit, carnemque rebellem spiritus imperio subjicere, atque coadunare decernat. Dehinc subditur:

*Canistrum quoque panum azymorum qui conspersi sint oleo, et lagana absque fermento uncta oleo, ac libamina singulorum quæ offert sacerdos coram Domino, et faciet tam pro peccato, quam in holocaustum*. Canistrum ubi panes appositi offeruntur, significat Scripturam sanctam ubi reflectio est spiritualis alimonie, evangelica doctrina conspersa atque copulata oleo lætitiæ, gratia videlicet Spiritus sancti. Ibi et lagana uncta oleo, lex vetus eodem Spiritu dicata, levigata ac temperata in utilitatem audientium. Hæc absque fermento malitiæ videlicet et nequitie cum libaminibus singulorum, quoniam gratia spiritalis, et in lege et in Evangelio, omnibus rite intelligentibus patet. Hæc ergo sacerdos offert coram Domino, quando meritum uniuscujusque et la-

horem quem in Dei servitio habuit, meditationemque et observationem divinæ legis humani generis Redemptor in conspectu divinitatis remunerando representat, cum eum per ingressum vitæ, pacto boni operis certamine, donis spiritualibus ditatum, ad contemplationem Dei Patris perducit.

*Arietem vero immolabit hostiam pacificam Domino, offerens simul canistrum azymorum et libamenta quæ ei more debentur.* Quando eum dignum remuneratione perpetuæ quietis ostendit, pro principatu et dicitu quo semetipsum bene regere, et in semita recta mandatorum Dei ducere consuevit, vitam suam scilicet ordinando secundum Scripturarum sacrarum doctrinam, et gratiam spiritualium charismatum.

*Tunc radet Nazareus ante ostium tabernaculi sceleris cæsariem consecrationis suæ; tolletque capillos ejus, et ponet super ignem, qui est superpositus sacrificio pacificorum.* Quid est quod Nazaræi capillos nutriunt, nisi quod per vitam magnæ continentiæ, præsumptionum cogitationes crescant? Sed quid est quod, devotione completa, caput Nazaræus radere, capillosque in igne sacrificii ponere jubetur, nisi quod tunc ad perfectionis summam pertingimus, cum sic exteriorem vitam vincimus, ut etiam cogitationes superfluas a mente rescemus: quas nimirum sacrificii igne concremare, est flamma eas divini amoris incendere, ut totum cor in Dei amore ardeat, et cogitationes superfluas concremans, quasi Nazaræi capillos, devotionis perfectio consumat.

*Et armum coctum arietis, tortamque absque fermento anam de canistro, et laganum azymum unum tradet in manibus Nazaræi postquam rasum fuerit caput ejus; susceptaque rursum ab eo, elevabit in conspectu Domini, et sanctificata sacerdotis erunt, sicut pectusculum quod separari jussum est et femur, etc.* Armum ergo coctum arietis tradet sacerdos in manu Nazaræi, cum fortitudinem boni operis, igne tribulationis excoctum atque probatum, mundi Salvator sanctum suum Deo placabiliter offerre tribuerit. Tradet et laganum azymum, cum legis scientiam per donum Spiritus sancti opere consummare donaverit. Postquam enim, inquit, rasum fuerit caput ejus, suscepta rursum ab eo elevabit in conspectu Domini. Raso quidem capite Nazaræi suscipit oblationem, et elevabit illam in conspectu Domini, quia cum eum spoliaverit carnis corruptione, et curarum sæcularium gravedine liberaverit, oblationes virtutum quas continens ipse operatus est, Redemptor noster conspectui Divinitatis præsentare dignabitur, suoque dono faciet eum remunerari perpetua mercede in regno cœlesti. Unde et additur: *Et sanctificata sacerdotis erunt sicut pectusculum quod separari jussum est et femur; quia ad Christi gloriam pertinebit, quicquid conservis suis aut certe sapiebat, aut rite desiderabat, aut in bono opere consummaverat, Paulo attestante, qui ait: Deus enim qui operatur in nobis et velle et perficere pro bona voluntate (Philip. II).* Unde et Jacobus

ait: *Omne datum optimum, et omne donum perfectum, desursum est, descendens a Patre luminum, apud quem non est transmutatio, nec vicissitudinis obumbratio (Jacob. I).* Videmus ergo quid de Nazaræo post oblationem perfectam Scriptura dicat. *Post hæc, inquit, potest bibere Nazaræus vinum.* Post hæc ergo, id est, post rectam intentionem, post rationabilem promissionem, post boni operis perfectionem, et post totius laboris finem, ac justæ mercedis retributionem, potest bibere Nazaræus vinum, hoc est spirituale haurire plene donum. Quia quanto liberius, tanto felicius, et quanto capacius, tanto uberius munus supernæ gratiæ percipit, secundum Apostolum dicentem: *Nunc videmus per speculum in ænigmate, tunc autem (scilicet ad faciem) Nunc cognoscimus ex parte, tunc autem cognoscemus sicut et cogniti sumus (I Cor. XIII).*

#### CAPUT XI.

*Ubi Dominus jubet quomodo benedicatur filii Israel.*

(IBID.) *Locutusque est Dominus ad Moysen dicens:*

*Loquere Aaron et filiis ejus: Sic benedicatis filiis Israel et dicetis eis: Benedicat tibi Dominus et custodiat te. Ostendat Dominus faciem suam tibi et misereatur tui; convertat Dominus vultum suum ad te et det tibi pacem.* Quid ergo in Moyse nisi lex, et quid in Aaron et filiis ejus, nisi sacerdotium ecclesiasticum exprimitur? Instruit ergo Dominus per legem, et docet per ordinem magistrorum sacerdotum,

quorum officii est ut populum Dei sermone prædicationis ædificent, atque assiduitate orationis ac benedictionis confirmet, qualiter ecclesiasticum conventum benedicant, et orationis modum super eos firmet. *Sic benedicetis, inquit, filiis Israel, et dicetis eis: Benedicat te Dominus et custodiat te.* In eo quod dicit, *benedicat te Dominus*, optat spiritualium charismatum dona cœlitus super eos effundi. Et in eo quod subjungit, *Et custodiat te*, omnino docet postulandum ab eo, quod ut benedictionibus ejus percipimus, sua gratia in nobis conservetur, quia ipsa

Veritas ait: *Sine me nihil potestis facere (Joan. XV).* De quo et per Psalmistam ait: *Nisi Dominus custodierit civitatem, in vanum vigilant qui custodiunt eam (Psal. CXXVI).* Et item: *Custodit, inquit, Dominus omnes diligentes se, et omnes peccatores disperdet (Psal. CXLIV).* Sequitur alius modus benedictionis

ita: *Ostendat Dominus faciem suam tibi, et misereatur tui.* In ostensione vultus Dei propitiatio ejus, et salutis veræ concessio significatur. Unde et propheta Dominum precatur dicens: *Ostende nobis faciem tuam, et salvi erimus (Psal. LXXIX).* Et item: *Ostende nobis, Domine, misericordiam tuam, et salutare tuum da nobis (Psal. LXXXIV).* Deinde tertium modum benedictionis taliter protulit dicens: *Convertat Dominus vultum suum ad te, et det tibi pacem.*

In conversione vultus Dei, misericordiæ ejus proventus, sicut in aversione vultus, indignatio ejus exprimitur. Unde et propheta ad Dominum dicit: *Respice in me et misere mei (Psal. LXXXV).* Et iterum: *Quare, ait, avertis faciem tuam, oblivisceris*

*inopiam nostram et tribulationem nostram (Psal. XLIII)? Convertere Dominus faciem suam exoratur, quia quem merito peccatorum nostrorum auxilium suum a nobis avocare coegimus, neeesee est ut ab ejus clementia iterum postulamus, quod per immensam pietatem suam ad nos vultum suum denuo convertere dignetur, quatenus ab omnibus inimicis eruens, tribuat nobis perpetuam pacem. Nota quod in hac benedictione tripliciter formata, nomen Domini tertio inditum sit, ut intelligas sanctam Trinitatem esse æqualem, per quem et in quo omnia honesta, bona et salubria expetenda, impetranda et fruenda sint, quia ex ipso, et per ipsum, et in ipso sunt omnia: ipsi gloria in sæcula sæculorum. Quod autem subditur: *Invocabunt nomen meum super filios Israel, et ego benedicam eis*, ad eundem pertinet sensum, quia sacerdotum est nomen Domini invocare: Domini autem ipsum ad quod invocatur, perficere. Et ideo non debet hoc sibi per fastum superbiæ humana præsumptio usurpare, quod solius est sanctæ Trinitatis cui vult per gratiam suam conferre.*

#### CAPUT XII.

*De oblatione principum Israel: hoc est sex plaustris tectis, cum duodecim bubus ad servitium tabernaculi.*

(CAP. VII.) *Factum est autem in die qua completum Moyses tabernaculum et erectum illud; sanctificavitque et unxit cum omnibus vasis suis, altare similiter et vasa ejus.* Moyses quidem in diversis locis Scripturæ sacræ variam et non eandem significationem habet: quia aliquando typum populi Judaici tenet, ut est illud quod in Exodo jussus est caudam serpentis tenere; significat enim Judæos juxta finem mundi ad fidem Christi venturos. Aliquando Christi personam figuratim exprimit: quale est illud, quod populum per mare Rubrum de Ægypto eduxit, designans Christum electos suos de spiritali Ægypto per aquam baptismatis educere, et de hostibus sævissimis liberare; nec non et istud quod hoc loco commemorat Moysen tabernaculum complese, et erigere atque ungere cum omnibus vasis suis, altare similiter et vasa ejus. Tabernaculum ergo Domini est Ecclesia præsens, quam Christus complevit et erexit, cum eam sanguine suo redimens, perfectam sibi devotione reddidit, et in fide ac spe ad futuram gloriam appetendam erexit. Hanc quoque unxit oleo lætitiæ, et sanctificavit gratia Spiritus sancti, cum omnibus vasis ejus, electis videlicet, qui ad diversa ministeria intra Ecclesiam ordinati sunt. Altare similiter vel generaliter Ecclesiam significat, vel perfectos quosque, in quibus aromata virtutum atque sanctarum orationum odorantur; vel quod præcipuum est, humanitatem Christi designat, in qua grata munera redemptionis nostræ Deo Patri exhibuit, quia ipse sacerdos et hostia; et hoc quod semetipsum pro nobis Patri obtulit, ipse et altare, quia in sua potestate mortem tenens, propria voluntate illam suscipiendo, passionis sacramentum perfecit. Unde et ipse dicit: *Nemo tollit a me ani-*

*am meam, sed ego pono eam, et iterum sumo eam.* Et ad Pilatum: *Non haberes in me, inquit, potestatem adversum me nham, nisi datum tibi fuisset de super (Joan. XIX).*

*Obtuleruntque principes Israel et capita familiarum, quæ erant per singulas tribus præfecti eorum, qui numerati fuerant, munera coram Domino.* Principes ergo Israel et capita familiarum sunt patriarchæ, prophetæ et apostoli, qui partim doctrinis, partim exhortamentis, partim bonis exemplis atque virtutum operibus Deo munera grata dederunt, et ad instructionem sanctæ Ecclesiæ gratulanti animo, quidquid potuerunt contulerunt. Sive juxta tropologiam principes dici possunt, qui apostolica doctrina instructi, tam sensibus corporis quam etiam animæ affectibus rite principari atque dominari sciunt. Quorum virtutes Deo gratissimæ esse creduntur, quia ex unitatis et concordie radice prolata probantur, ipsa Veritate attestante, quæ ait: *Quia si consenserent duo ex vobis super terram, de omni re quamcunque petierint, fiet illis a Patre meo, qui est in cælis (Matth. XVIII).*

*Sex plaustra tecta cum duodecim bubus. Unum plaustrum obtulere duo duces, et unum bovem singuli; obtuleruntque in conspectu tabernaculi. Sex, inquit, plaustra tecta cum duodecim bubus.* Tecta plaustra autem historialiter dicit, vel cooperta tabulis, ut intus reciperent onera, vel etiam aliquibus pannis strata, ut dignius tabernaculi armamenta susciperent. Mystice autem plaustra quæ filii Israel Levitis ad subvectionem tabernaculi obtulerunt, significant temporalis vitæ solatia, quæ devoti discipuli veritatis, Levitis, hoc est sanctis prædicatoribus pro verbi recompensatione conferunt, quatenus sumptu corporali ab eis accepto, facilius ac sine impedimento terrenarum rerum, lucrandis animabus atque officio possint vacare divino. Unde et Dominus ordinavit his qui Evangelium annuntiant, de Evangelio vivere. Et Paulus Corinthiis scribens ait: *Si seminavimus vobis spiritualia, magnum est, si carnalia vestra metamus? (I Cor. IX.)* Et ad Galatas: *Communicez, inquit, is qui catechizatur verbo, ei qui se catechizat in omnibus bonis (Galat. VI).* Quæ plaustra senario numero bene comprehensa sunt, ut perfecta fidelium devotio qui de facultatibus suis prædicatoribus Christi deserviunt, insinuetur. Et hæc bene recta esse leguntur, quasi de pleno ornata, et misericordie affectu splendidissima, atque ob hoc Deo acceptabilia esse probantur. Duodecim autem boves apte ad ipsa plaustra deputati sunt, ut demonstretur quod hi qui in obsequio sanctorum pie laborant, sub jugo apostolicæ doctrinæ constituti, omnia honeste et secundum ordinem debeant agere. Sive boves, ipsos doctores possumus accipere, qui in agro Dei digne operantur, de quibus Scriptura jubet: *Non alligabis os bovi trituranti (Deut. XXV).* Quam sententiam legis, Apostolus doctoribus Ecclesiæ prolatam interpretatur dicens: *Nunquid de bovis cura est Deo? An magis propter nos hoc dicit?*

Utique propter nos hæc scripta sunt, quoniam debet arare in spe qui arat, et qui triturat, in spe fructus percipiendi (I Cor. ix). Hi ergo qui apostolicam normam in prædicatione et conversatione conservant, merito beneficiis subditorum pascuntur. Quod autem scriptum est, unum plaustrum obtulisse duos duces, et unum bovem singulos, ostendit tunc acceptum officium esse charitatis, si tam ex animo quam etiam ex corpore exhibeatur, quia, Apostolo teste, *Hilarem datorem diligit Deus* (II Cor. ix). Singuli autem boves ideo oblati sunt a singulis ducibus, ut ostendant unitatem fidei et simplicitatem bonæ intentionis cum pio labore in doctoribus maxime Domino placere. Sunt tamen aliqui in doctoribus, qui sumptum corporalem ab auditoribus suis non requirant, sed propriis manibus laborantes, victum sibi præparant, quatenus sui laboris propriam mercedem a Deo accipiant. Unde Paulus Corinthiis ait: *Nam si evangelizavero, non est mihi gloria: necessitas mihi incumbit. Væ enim mihi est si non evangelizavero. Si enim volens hoc ago, mercedem habeo: si autem invitus, dispensatio mihi credita est. Quæ est ergo merces mea? ut Evangelium prædicans, sine sumptu ponam Evangelium, ut non abutar potestate mea in Evangelio* (I Cor. ix). Neque silentium arbitrator quod duodenarius numerus unumquemque hominem, et plenitudinem temporis orbisque situm complecti videtur. Nam homo ex septem partibus constans, tribus in anima, et quatuor in corpore qualitatibus consistit. Sive autem quatuor partes, sive tres per quatuor multiplices, duodenarium numerum hominem totum circumplecti non latebit. Mundus quoque duodecim ventis terminatur. Sed et anni duodecim mensibus, sicut et dies horis circumvolvuntur. Ex quibus omnibus colligimus, omnem hominem in omni loco et tempore ad tabernaculum Dei cum digna virtute properare debere.

*Itaque cum suscepisset Moyses plaustra et boves, tradidit eos Levitis. Duo plaustra et quatuor boves dedit filiis Gerson, juxta id quod habebant necessarium; quatuor alia plaustra, et octo boves dedit filiis Merari, secundum officia et cultum suum sub manu Itamar filii Aaron sacerdotis. Filii autem Caath non dedit plaustra et boves, quia in sanctuario servant, et onera propriis portant humeris. Superius autem scriptum est quod filii Caath portare deberent propriis humeris tabernaculum fœderis, Sanctam sanctorum, arcam, altare, mensam et candelabrum, et omnia vasa eorum involuta palliis. Gersonitarum autem officia esse, ut portent cortinas tabernaculi et tectum fœderis, operimentum aliud, et super omnia velamen hyacinthinum, tentoriumque quod pendet in introitu fœderis tabernaculi, cortinas atrii et velum in introitu quod est ante tabernaculum, omnia quæ ad altare æneum pertinent, funiculos et vasa ministerii. Meraritarum quoque quod portarent tabulas tabernaculi et vectes ejus, columnas et vasa eorum, columnas quoque atrii per circuitum cum basibus et paxillis et funibus suis.*

Intnere ergo nunc, hujusmodi divisio efficitur in officii ministerii divini, et quomodo illa quidem quæ sancta sunt non imponuntur portanda ab animalibus mutis, sed rationabiles esse debent homines, et in humeris suis portare vasa, quibus ministratur intra Sancta sanctorum. Ea vero quæ graviora sunt et duriora, non tam rationabilibus quam mutis portanda animalibus imponuntur. Sed et in ipsis est aliqua differentia. Nam illi qui duriora et graviora observant ministeria, plura habent animalia. Quatuor enim plaustra dantur filiis Merari; filiis autem Gerson qui erant prope filios Caath, duo tantum plaustra sufficiunt. Ex quibus ostenditur, quod operibus quidem durioribus, et ut ita dicam crassioribus, plures sunt qui velut animales inserviunt: ad ea vero quæ rationabilibus procurantur, pauci qui minus instructi aut eruditi videntur, accedunt. Nam illa quæ mystica sunt et in secretis recondita, et solis sacerdotibus patent, non solum nullus animalis homo accedit, sed ne ipsi quidem qui habere aliquid exercitii et eruditionis videntur, nondum tamen mente et vita ad sacerdotalem gratiam conscenderunt.

### CAPUT XIII.

*De oblatione ducum populi Israelitici, et dedicatione altaris Domini.*

(IBID.) *Igitur obtulerunt duces in dedicationem altaris, die qua unctum est, oblationem suam ante altare. Dedicatio altaris, consecratio est Ecclesiæ. Dies autem ille quo unctum est altare, tempus est incarnationis Dominicæ, quando post resurrectionem et ascensionem Domini, per Spiritus sancti effusionem universis cœtus in cœnaculo Sion sanctificatus est credentium. Bene ergo dictum est quod duces oblationem suam obtulerint in dedicationem altaris, quia unusquisque fidelium prout sibi clementia divina posse concesserit, oblationem rectæ fidei, sanctæ doctrinæ et honorum operum, ad profectum et honorem sanctæ Ecclesiæ offerre debet. Sequitur:*

*Dixit Dominus ad Moysen: Singuli duces, per singulos dies offerent munera in dedicationem altaris. Quid est ergo quod singulos duces jussit per singulos dies offerre munera, nisi quod nobis spiritualiter innuit, quod duces nostri, id est, prædicatores nostri sancti, ac ductores itineris recti, licet eadem species spiritualium munerum sive per doctrinam fidei catholicæ, sive per exempla bonorum operum deferant, tamen pro opportunitate loci aut temporis distribuunt, et non pariter eas proferunt, prout ille ordinaverit utile et salubre esse, in cuius manu loca, tempora, res et effectus universi consistunt? Videamus nunc quæ munera illi duces obtulerunt secundum præceptum legis datoris.*

*Primo die obtulit oblationem suam Naaßen filius Ammadab de tribu Juda. Fueruntque in ea, acetabulum argenteum appendens centum triginta siclos. Phiala argentea habens septuaginta siclos juxta pondus sanctuarii: utrumque plenum simila conspersa*

*oleo in sacrificium : mortariolum ex decem siclis aureis plenum incenso ; bovem et arietem et agnum anniculum in holocaustum hircumque pro peccato ; et in sacrificium pacificorum, boves duos, arietes quinque, hircos quinque, agnos anniculos quinque. Hæc oblatio est Naason filii Aminadab.* Varia hæc vasa quæ ad offerenda libamina sunt facta, \* varie divini pro dispari capacitate audientium. Non enim una eademque omnibus potest convenire doctrina ; sed aliter sapientes, aliter insipientes ; aliter divites, aliter pauperes ; aliter sani, aliter infirmi docendi sunt. Aliter tunc rudis populus Judæorum sub legis umbra manens erudiendus fuit, et aliter nunc Christianus populus in veritate Evangelii, legis mysteria explanata conspiciens, in virum perfectum est nutriendus. Denique acetabula quæ angustum os desuper habent, angustiam literæ legalis et obscuritatem locutionis propheticæ, per mysterium expriment. Phialæ vero quæ ex vitro primitiis factæ sunt (nam Græci *ὕδρον* vitrum nominant, et sunt in summo ore latiores) luciditatem ac perspicuitatem evangelici sensus, in quo mysteria omnia legis et prophetarum explanata sunt, et planam locutionem doctrinæ apostolicæ, in qua ea quæ prius in ænigmate latebant, in lucem prolata et exposita sunt insinuant. Et bone acetabula centum triginta siclorum argenti, propter decalogum legis et ætatem legislatoris, quæ cennum viginti annorum erat, fuisse describuntur. Phialæ quoque septuaginta siclorum, ubi denarius numerus multiplicatus est septies, ostendens impletionem mandatorum, non nisi per gratiam Spiritus sancti, qui in Novo Testamento manifestus datus est, posse perfici. Aptæ hæc vasa plena similia conspersa oleo in sacrificium fieri jubentur, quia spiritalis scientia in lege et in Evangelio inesse omnibus recte credentibus et rite intelligentibus patet : quæ Spiritus sancti gratia dispensante, ad hominum salutem conscripta atque prolata est. Unde sacrificium rite fit : quia nihil tam acceptabile est Deo, quam meditatio divinæ legis, cum executione honorum operum. Mortariolum autem aureum, habens pondus decem siclos plenum incenso similiter offerri jubetur. Et quid in mortariolo aureo nisi cor electorum plenum divina sapientia, et aromata in se continens virtutum significatur ? Nec incongrue dici posse reor numero singulari cor electorum, cum in Actibus apostolorum de unitate sanctorum ita scriptum est : *Multitudinis autem credentium erat cor unum et anima una* (Act. iv). Quod bene decem siclorum pondere plenum incenso esse describitur, quia cum adimplerentur decem mandatorum, bonum odorem suavitatis, doctrinæ atque orationis sacræ proferre novit, quatenus denarium æternæ beatitudinis, in fine percipere mereamur. Post vasa vero hæc quæ superius memoravit, diversa animalia offerre jubet, hoc est bovem de armento, et arietem et agnum anniculum in holocaustum, hircumque pro peccato : quæ quidem diversitas, personas præcedentiam patrum, qui

A nobis ad exemplum dati sunt, insinuant ; quia alii doctoris officio functi, alii in ducatum et regimen subditorum ordinati et rationabiliter prælati, alii simplicitate et mansuetudine modestæ conversationis gratissimi, alii in poenitentia quam pro peccatis fortiter et condigne egerunt, acceptissimi. Horum enim omnium ad instructionem nostram in Scripturis sacris plura exempla divina Providentiâ nobis posuit, quatenus eorum doctrinam in sententiis, atque exempla in actibus quæ nobiliter inter suos conversantes ad imitandum proferebant, considerarem, nostramque vitam semper in meliora reformare certarem. Unde secundum leges tropologiæ offert quidem bovem, qui utilitatem in Ecclesia Dei erga salutem proximorum impendit. Offert arietem qui non solum vitam suam regere rite, sed et alios in viam justitiæ dirigere festinat. Offert et agnum anniculum, cum sanctam simplicitatem et veram innocentiam exhibet. Et hæc omnia in holocaustum, quia pro solius Dei amore, et æternæ vitæ desiderio cuncta facere satagit. Sed inter hæc hircum pro peccato offerre non obliviscitur, quia de præteritis peccatis poenitentiam agere, et pro excessibus humanæ vitæ orare non desinit. Offert præterea, sicut superius mandatum est, in pacificorum sacrificium boves duos, ipse qui duo præcepta charitatis cum bonis operibus implet : Dei videlicet amorem ostendendo in custodia mandatorum illius ; et proximi in consulendo necessitatibus illius : in quibus duobus præceptis tota lex pendet et prophetæ. Offert arietes quinque, hircos quinque, agnos anniculos quinque, cum quinque sensibus corporis in via veritatis fortiter ducit, a peccatis compescit, atque bonæ simplicitatis indicia in eis ostendit. Hæc ergo munera omnis doctor catholicus, omnis magister ecclesiasticus, omnis homo Christianus, conditori suo sine dubio exhibere debet, quia nullas divini muneris adeo exspers est, quod divinæ honorificentæ nihil debeat : cujus munere hoc ipsum habet quod est, et quodcumque bonum in se est. Quia, secundum Pauli sententiam, *in ipso vivimus, movemur et sumus, quoniam ex ipso et per ipsum et in ipso sunt omnia* (Act. xvii). Nec vacat mysterio quod post enumeratos duces cum oblationibus eorum quas per singulos dies juxta constitutum sibi ordinem Deo offerant, novissime simul computat quot vasa singularum specierum, et quanto pondere omnia simul fuerint, hoc est argentea seorsum ; et quot animalia uniuscujusque generis essent, quæ offerri præcepta sunt, tam in holocaustum quam etiam in pacificorum hostias. Nam ita scriptum est :

*Hæc in dedicatione altaris oblata sunt a principibus Israel in die qua consecratum est. Acetabula argentea, duodecim phialæ, argenteæ duodecim, mortariola aurea duodecim : ita ut centum et triginta argenti siclos haberet unum acetabulum ; et septuaginta siclos una phiala, id est, in commune vasorum omnium ex argento sicli duo millia quadringenti pondere sanctuarum.*

*Mortariola aurea duodecim plena incenso, denos siclos appendentia pondere sanctuarii, id est, simul auri sicli centum viginti. Boves de armento in holocaustum duodecim, arietes duodecim, agni anniculi duodecim, et libamenta eorum hirci duodecim pro peccato. In hostia pacificorum boves quatuor et viginti, arietes sexaginta, agni anniculi sexaginta. Quid ergo in vasis argenteis quæ simul omnia duo millia et quadringentos siclos pondere sanctuarii habebant, nisi perfectam doctrinam eloquiorum Dei, quæ in duobus Testamentis consistit, accipere debemus? Cui si rite obiederimus, jam quadriga virtutum, hoc est prudentia, justitia, fortitudine ac temperantia, ad æternam beatitudinem nos perducit, quod numeri isti veraciter nobis innuunt. Nam millenarius numerus duplicatus ostendit gemina Testamenta ad æternam beatitudinem veniendi nobis viam demonstrare. Quadringentarius vero hoc insinuat, quod cum perfectione bonorum operum, in quadriga virtutum illuc pervenire debeamus, quia nisi bonis operibus curratur, minime pervenitur illuc. Mortariola quidem aurea duodecim, quorum singula denos siclos appendebant, et simul omnia auri centum viginti siclos descripta sunt, quid significant, nisi corda electorum legis scientiam ita in omnibus observare, quomodo apostolica doctrina eam servandam docet? Duodecies enim deni centum viginti faciunt. Quo numero et primitiva in Hierusalem Ecclesia, Spiritum paraclitum in die Pentecostes accepit. Unde bene subditur, siclum pondere sanctuarii esse debere. Sanctuarium enim Domini, Ecclesia est catholica, cujus regulam fidei et intellectus si secuti fuerimus, omnia quæ in lege et prophetis scripta sunt, salubria nobis esse credenda sunt. Cæterum quidquid extra Ecclesiæ unitatem sentitur, intelligitur atque servatur, non salutem animæ, sed damnationem pariet certissimam. Boves vero et arietes, et agni anniculi oblati in holocaustum, quia duodenario numero comprehensi sunt, hoc illos credo significare, quod sive doctoris quis in Ecclesia officium gerat, sive alicujus principatus honorem habeat, seu etiam simplicem vitam eligat, omnia secundum doctrinam apostolicam atque propheticam agere debere. Similiter hirci duodecim pro peccato oblati figuratè instruunt poenitentiam agentes, ut studeant eam secundum regulam fidei perficere. Nec non in pacificorum hostias oblati boves viginti quatuor, arietes sexaginta, hirci sexaginta, agni anniculi sexaginta, nihil aliud insinuare arbitror, nisi spiritalem scientiam in perfectione bonorum operum. Vicensarius enim et quaternarius numerus, quia tot horis diei cursus peragitur, significat lucem scientiæ et fidei rectæ omni Christiano esse necessariam. Sexagenarius vero, quia sexies in eo denarius constat multiplicatus, perfectionem mandatorum demonstrat. Et ideo necesse est ut prælati simul et subditi, justi atque poenitentes, omnia secundum magisterium ecclesiasticum faciant, quatenus oblatio eorum in conspectu Domini pacificorum ritum atque ordinem*

A teneat, ut magis Dei gratiam quam offensam mereatur.

Cumque ingrederetur Moyses tabernaculum fœderis ut consuleret oraculum, audiebat vocem loquentis ad se de propitiatorio, quod erat super arcam testamenti, inter duos cherubin, unde et loquebatur ei. Ingressus Moyses in tabernaculum fœderis ut consuleret oraculum Domini, mysticè prædicatores atque doctores populi Dei instruit, qualiter erga curam verbi spiritus talis agant: scilicet ut intrent tabernaculum fœderis, hoc est Scripturam sacram sedulo meditentur, indeque audiant quid loquatur eis Dominus Deus. De propitiatorio ergo, sive ut in Exodo legitur, supra propitiatorium loquitur Dominus ad Moysen cuncta quæ per illum Dominus mandat filiis Israel: quia per gratiam propitiationis divinæ factum est quod hominibus post culpam prævaricationis apparere, et eis viam veritatis post errorem demonstrare dignatus est. De medio cherubin loquitur, quia per angelicam visionem, et non in sua substantia Deus apparuit. Et locutus est Moysi, attestante Apostolo: *Quia lex propter transgressiones posita est, donec veniret semen cui promiserat, ordinata per angelos in manu mediatoris (Galat. iii)*. Item de medio duorum cherubin loquitur Dominus, quia per verba utriusque Testamenti, consona voce ad fidem veritatis nos erudit. Vel certe de medio loquitur cherubin, quia per Unigenitum suum, qui in medio duorum Testamentorum in carne apparuit, humano generi Deus Pater voluntatem suam manifestare dignatus est.

#### CAPUT XIV.

*De candelabro et lucernis ejus.*

(CAP. VIII.) *Locutusque est Dominus ad Moysen dicens: Loquere Aaron et dices ad eum: Cum posuerint septem lucernas, candelabrum in australi parte erigatur. Hoc igitur præcipe ut lucernæ contra boream et regione respiciant, et ad mensam propositionum, contra eam partem quam candelabrum respicit, lucere debeant. Mensa et candelabrum tabernaculi temporalia Dei beneficia designant, quibus in præsentia reficiamur et illuminamur, ut his interim confortati et adjuti, crescente gratia meritorum, ad panem angelorum in cœlis manducandum, et ad videndum veram mundi læcem intrare valeamus. Quæ sunt ambo extra velum: quoniam in hac solummodo vita, vel Scripturis sanctis ac doctoribus vel cæteris redemptionis nostræ sacramentis opus habemus; in futuro autem sæculo, ibi annuntiabit nobis Dominus palam de Patre, id est, palam Patrem ostendet nobis. Diximus autem alibi, quia latus tabernaculi meridianum antiquam Dei plebem significaret, quæ prior fervorem divinæ lectionis accepit; pars vero septentrionalis ejusdem tabernaculi congregatam de gentibus Ecclesiam, quæ diutius in tenebris et umbra mortis remanserat, indicaret. Unde recta distinctione, etiam candelabrum, quod in parte australi collocatur, potest gratiam quæ priori populo data est insinuare. Mensa vero quæ in parte aquilonis stabat, ea quæ nobis donata sunt Dei beneficia designare.*

Recte candelabrum contra mensam positum esse dicitur, quia nimirum Scriptura legis et prophetarum, per omnia ad gratiam Evangelii respicit, huic videlicet testimonium perhibens : et per hanc sensu spiritali revelandam esse significans. *Fecitque Aaron et imposuit lucernas super candelabrum, ut præceperat Dominus Moysi.* Lucernæ septem, septem sunt dona Spiritus sancti, quæ et in Domino redemptore nostro cuncta semper manserunt, et in membris ejus : hoc est omnibus electis, pro ejus voluntate distributa sunt. Ponuntur ergo lucernæ septem super candelabrum, quia super redemptorem nostrum primogenitum de radice Jesse, *requievit spiritus sapientiæ et intellectus, spiritus consilii et fortitudinis, spiritus scientiæ et pietatis, et replevit eum spiritus timoris Domini (Isa. xi).* Et sicut item ipse per eundem loquitur prophetam : *Spiritus Domini super me, eo quod unxit me Dominus (Isa. lxi).* Quod autem dicitur ut luceant ex adverso, hoc est quod Propheta subsequenter adjecit : *Ad annuntiandum manusculis misit me, ut mederer contritis corde, et prædicarem captivis indulgentiam, et clausis apertionem, ut prædicarem annum placibilem Domini, et diem ultionis Deo nostro (Ibid.).*

*Hæc autem erat factura candelabri. Ex auro ductili tam medius stipes quam cuncta quæ ex utroque calamorum lateri nascebantur, juxta exemplum quod ostendit Dominus Moysi, ita operatus est candelabrum.* Diximus ipsum candelabrum, id est, stipitem candelabri medium de quo calami procedebant, Dominum salvatorem designare, de cujus gratia justique quidquid boni habent acceperunt. Unde ipse in Evangelio cum dixisset discipulis suis : *Ego sum vitis, vos palmites, continuo subjunxit : Sicut palmes non ponit ferre fructum a semetipso nisi manserit in vite, sic nec vos nisi in me manseritis (Joan. xv).* Omne enim opus candelabri, hoc est et stipes medius, et calami ex ipso procedentes, cum omni suo ornatu de auro sunt, quia et Dominus ipse specialiter immunis a peccato, atque operibus justitiæ, per omnia præclarus in mundo apparuit, et eandem innocentiam atque justitiam, membra ejus in hac interim vita quantum valent, imitantur : in futuro autem veraciter ipsi adhærendo perficiunt. Et apte idem aurum ductile fuit. Ductile autem feriendo producit, quia et Redemptor noster, qui ex conceptione et natiuitate perfectus Deus et homo exstitit, passionum dolores portavit, at sic in resurrectionis gloriam pervenit. *Et omnes qui volunt pie vivere in illo, persecutionem patiuntur (I Tim. iii).* Qui et ipsi quasi metallum feriendo dilatatam, per passionis contumelias ad immortalitatis gratiam perficiunt.

#### CAPUT XV.

##### *De purificatione Levitarum.*

(IBID.) *Locutus est Dominus ad Moysen dicens : Tolle Levitas de medio filiorum Israel, et purificabis eos secundum hunc ritum. Aspergantur aqua lustrationis, et radant omnes pilos carnis suæ. Igitur Dominus per Moysen dans præceptum Levitis, instruit*

ordinem ecclesiasticum, quomodo rite ad sacerdotii ordinem accedere possit. Ostendit enim quomodo purificari debeant, antequam ad divinum ministerium accedant. Primum eos jubet aspergi aqua lustrationis, quam possumus intelligere, sive baptismi sacramentum, seu etiam lacrymarum effusionem, per quas maculæ peccatorum rite abluuntur. Deinde ut radant omnes pilos carnis suæ. Pili carnis sunt quæ libet superflua humanæ corruptionis. Pili carnis, sunt vitæ veteris cogitationes, quas sic a mente incidimus, ut de amissione eorum nullo dolore fatigemur. Levita namque *assumptus* vocatur. Oportet ergo omnes Levitas pilos carnis suæ radere, quia is qui in obsequiis divinis assumitur, debet ante Dei oculos a cunctis carnis cogitationibus mundus apparere. Non illicitas cogitationes mens proferat, et pulchram animæ speciem, quasi pilis fructificantibus deformem reddat. Sed quantalibet ut diximus quampiam virtus sanctæ conversationis exerit, adhuc ei de vetustate nascitur quod toleratur : unde et ipsi Levitarum pili radi præcepti sunt, non evelli. Rasis etenim pilis in carne radices remanent, et crescunt iterum ut rescindantur : quia magno quidem studio superflue cogitationes amputandæ sunt, sed tamen nequaquam funditus amputari possunt. Semper enim caro superflua generat, quæ semper spiritus ferro sollicitudinis rescindat. Sed hæc in nobis tunc subtilius conspicimus, cum speculationis alta penetramus.

*Cumque laverint vestimenta sua et mundati fuerint, tollant bovem de armentis et libamentum ejus, simillam oleo conspersam.* Vestimenta lavare est opera mundare, atque totam conversationem in conspectu Divinitatis puram servare, nec non et coram oculis hominum irreprehensibilem exhibere. Bovem etiam de armentis offerre jubet purificatis, et libamentum ejus, simillam oleo conspersam. Quid in hoc bove, nisi Dominicum corpus, de armentis patriarcharum et prophetarum progenitum debemus accipere, cujus libamenta, id est, passionis sacramenta, spiritali scientia tractata, atque intellecta fidelibus, saluberrima et Deo gratissima esse credenda sunt? Ita tamen si talibus se mysteriis Levita, spiritalis minister utique Domini, intus forisque mundum et condignum percipiendis præberit. Sequitur : *Bovem autem alterum de armento, tu accipies pro peccato.* Bos autem alter qui pro peccatis oblati est, idem est mediator Dei et hominum, cujus immolatione nostra peccata deleta sunt. Nec incongruum alicui videri debet, quod utroque bove Dominicam incarnationem significari diximus, quia licet passio Christi una eademque sit, duplicem tamen in nobis operationem gessit, quia a peccatis nos expiavit, et sanctificationem nobis tribuit. Unde et Petrus in Epistola sua dicit : *Christus semel pro peccatis nostris mortuus est, justus pro injustis, ut nos offerret Deo. Mortificatos quidem carne, vivificatos autem spiritu. Propter quod succincti lumbos mentis vestræ, sobrii perfecte operate, in eam quæ offertur vobis gratiam, in reve-*



lationem Jesu Christi, quasi filii obedientiæ; non configurati prioribus ignorantæ vestris desideriis, sed secundum eum qui vocavit vos sanctum, et ipsi sancti in omni conversatione estote (I Petr. 1). Hinc et Paulus apostolus ad Corinthios scribens, enumeratis capitalibus criminibus quibus polluitur humana vita, subjunxit dicens: *Et hæc quidem fuistis, sed abluti estis, sed sanctificati estis, in nomine Domini nostri Jesu Christi, et spiritu Dei nostri (I Cor. vi)*. Possunt quidem per hos duos boves, quorum unus pro peccato offerendus erat, alter in holocaustum, sicut in sequentibus demonstrabitur, duæ actionum species exprimi. Quarum una, ea quæ male gessimus, per pœnitentiæ lamentum abluere studemus, altera bonorum operum fructibus et virtutum studiis, gratiam conditoris et cœlestis præmii beatitudinem promereri satagimus.

## CAPUT XVI.

*De levitis pro primogenitis filiorum Israel, in ministeriis Domini suscipiendis.*

(IBID.) *Et applicabit Levitas coram tabernaculo fœderis, convocata omni multitudine filiorum Israel.* Applicantur Levitæ coram tabernaculo fœderis, cum ministri Domini electi ad officium altaris, ad apostolicam doctrinam per quam in verum tabernaculum Domini intratur, perducuntur. Sic enim coram tabernaculo fœderis digne applicantur si juxta sermonem et exempla sanctorum Patrum, conversationis initium incipiunt, et in eo usque ad fidem perseverare contendunt. Et hoc etiam sub testificatione multorum faciendum est. Ideo subjunxit, *Convocata omni multitudine filiorum Israel*: quia multis debet innotescere electio ministrorum Dei, et examinatio et probatio digna in eis exerceatur, quatenus nemo sit qui eorum vitam juste reprehendere possit. Unde et Paulus jubet eos testimonium habere bonum ab his qui foris sunt, ut non in opprobrium incidant et laqueum diaboli.

*Cumque Levitæ fuerint coram Domino, ponent filii Israel manus suas super eos, et offeret Aaron manus in conspectu Domini pro filiis Israel, ut servant in ministerio ejus.* Ponere manus suas super Levitas præcipiuntur filii Israel, et sic eos offerre Aaron munus in conspectu Domini, quia assensus bonorum subjectorum, per affectum veræ charitatis magistros quos eligunt, officio opportuni solatii prosequi debet. Ponunt ergo manus suas, cum assensum devotionis suæ in electionem eorum attribuunt, et ad imperium eorum bonis operibus instare contendunt, ut ministerium Domini per officiales oblatos condigne impleatur.

*Levitæ quoque ponent manus suas super capita boum, et quibus unum facies pro peccato, et alterum in holocaustum Domini ut depreceris pro eis.* Levitæ ponent manus suas super capita boum, cum ministri propriis laboribus initia operum suorum Domino consecrare festinant, ut sive pœnitentia pro excessibus humanæ vitæ agenda sit, sive virtutum

A studiis opera impendenda, non enerviter, sed efficaciter illa perficere decertent.

*Statues quoque Levitas in conspectu Aaron et filiorum ejus, et consecrabis oblatos Domino, ac separabis de medio filiorum Israel, ut sint mei: et postea ingredientur tabernaculum fœderis, ut serviant mihi.* Nota quod Levitæ separari jubentur de medio filiorum Israel ut sint Domini, et postea ingrediantur in tabernaculum fœderis ad serviendum Deo. Non enim debet minister Domini contentus \* popularis disciplinæ, sed sive in moribus, sive in doctrina, separatam et spectabilem oportet eum fieri, sicque officio Domini mancipari.

*Sicque purificabis et consecrabis eos in oblationem Domini, quoniam dono donati sunt mihi a filiis Israel, pro primogenitis quæ aperiant omnem vulvam in Israel, accepi eos. Mea sunt enim omnia primogenita filiorum Israel, tam ex hominibus quam ex jumentis. Ex die quo percussi omne primogenitum in terra Ægypti, sanctificavi eos mihi.* Non est incognitum, quod primogenita Ægyptiorum, vitiorum sunt primordia quibus humana vita corrumpitur. Omnis enim anima cum ad supplementum ætatis advenerit, et velut naturalis in ea quædam lex cœperit sua jura defendere, primos sine dubio motus secundum desiderium carnis producit: quos ex concupiscentiæ vel iræ fomite vis incentiva commoverit. Unde quasi præcipuum, et quod non sit commune cum cæteris hominibus, de solo Christo dicit propheta: *Butyrum et mel manducabit (Isa. vii)*; prius quam faciat aut proferat maligna, eliget bonum. Quoniam prius quam sciat puer bonum aut malum, resistet malitiæ, ut eligat quod bonum est. Alibi autem Propheta tanquam de semetipso loquitur dicens: *Delicta juventutis meæ et ignorantias meas ne memineris (Psal. xxiv)*. Quia ergo primi isti animæ motus, secundum carnem prolati, in peccatum ruunt, merito immortalis loco Ægyptiorum primitiva ponantur: quæ eatenus exstinguantur, si reliquæ vitæ conversatio emendatorem dirigat cursum. Exstinctis vero vitiiis, quæ primogenita sunt diaboli, vel operibus carnis nocivis, quibus contaminatur natura, boni mores sustinendi sunt, ut spiritali conversatione, Dei cultor, non dæmonum servitor, veraciter appareat. Sed adhuc qui vult esse minister Domini, perfectioribus moribus debet indui, quam plebs multitudo possit habere: ideo pro primogenitis Ægyptiorum, primogenita Israelitarum Domino offerri jubentur. Et item pro primogenitis filiorum Israel, Levitæ in servitium divinum assumi præcipiantur, ut commutatione spiritali, pro peccatrice vita, justa vita, et pro justa, sancta ac perfecta exhibeatur, quatenus in sanctuario Domini dignæ Christi altaribus et mysteriis divinis verus Levita possit aptari.

*Et tuli Levitas pro cunctis primogenitis filiorum Israel, ut serviant mihi pro filiis Israel in tabernaculo fœderis et orent pro eis, ne sit in populo plaga si ausi fuerint accedere ad sanctuarium, et cætera.*

Videant episcopi, sacerdotes, ministri Domini atque omnis clerus, quam necessarium sit illis ut sui officii jura diligenter custodiant, ne terrenis lucris ac sæculi voluptatibus cum vulgo imperitorum se tradant: quia proprium illorum ordinis atque officii est, ut deseruiant in tabernaculo fœderis Domini, et orent pro populis, ne sit plaga in eis disperdens. Alioqui si ipsi negligenter vitam suam duxerint, ac pro Dei servitio sæculi lucris ac cupiditatibus deseruiant, semetipsos in perditionem præcipitent, et populum non salvent, dicetur de eis illud propheticum: *Non est mihi voluntas in vobis, dicit Dominus exercituum: et manus non suscipiam de manibus vestris (Malach. 1).* Et alibi: *Cleri autem eorum non proderunt eis.*

## CAPUT XVII.

*De ordine Levitarum quando ministri sint, et quando custodes vasorum fiant.*

(*IBID.*) *Locutus est Dominus ad Moysen dicens: Hæc est lex Levitarum. A viginti quinque annis et supra ingredientur ut ministrent in tabernaculo fœderis. Cumque quinquagesimum annum ætatis impleverint, servire cessabunt, eruntque ministri fratrum suorum in tabernaculo fœderis, ut custodiant que sibi fuerint commendata: opera autem ipsa non faciant. Sive secundum Septuaginta: A quinto et vicesimo anno et supra, introibunt ministrare in ministerium, in operibus, in tabernaculo testimonii; et a quinquagenario recedant ab administratione, et non operabuntur ultra; et ministrabunt fratres eorum in tabernaculo testimonii custodire custodias: opera autem non operabuntur. Hunc sensum obscurum facit ὀπίσθερον: quod ita confusum est, ut tanquam de*

ipso fratre sit dictum, *custodire custodias*, cum effectum sit de illo qui recedit ab operibus, et remanebit in tabernaculo testimonii custodire custodias; opera autem non operabitur, sed operabitur, frater ejus, id est, qui nondum pervenit ad ætatem quinquagenariam; a viginti quinque annis incipiens operari. Ergo ita distinguendum est, ut a quinquagenario recedat ab administratione, et non operabitur ultra; et ministrabit frater ejus. Deinde redit ad illum quinquagenarium, de quo loquebatur, et de illo explicat cætera dicens: *In tabernaculo testimonii custodire custodias: opere autem non operabitur.* Quod enim ait, *custodire custodias*, solet enim usitate etiam in Latinis locutionibus, infinitum verbum poni pro finito. Mystice autem quid per annum quintum aut vicesimum, in quos flos juventutis oboritur, nisi contra unum quodque vitiorum bella signatur? Et quid per quinquagenarium, in quo Jubilæi requies continetur, nisi interna quies, edomato bello mentis, exprimitur? Quid vero per vasa tabernaculi, nisi fidelium animæ figurantur? Levitæ ergo ab anno vigesimo et quinto tabernaculo serviunt, et a quinquagenario custodes vasorum fiunt, ut videlicet qui adhuc impugnantium vitiorum certamina tolerant, aliorum curam suscipere non præsumant. Electi enim cum adhuc in tentatione sunt, subesse eos ac sortire necesse est, ut obsequiis laboribusque fatigentur. Cum vero tentationum bella subegerint, quod apud se jam de intima tranquillitate securi sunt, animarum custodiam sortiuntur. Mentis quippe ætate tranquilla, dum calor recesserit tentationis, custodes vasorum sunt, quia doctores animarum fiunt.

## LIBER SECUNDUS.

## CAPUT PRIMUM.

*De tempore Paschæ.*

(*CAP. IX.*) *Locutus est Dominus ad Moysen in deserto Sinai, in anno secundo postquam egressi sunt de terra Ægypti, mense primo dicens: Faciant filii Israel Pascha in tempore suo, quartadecima die mensis hujus ad vesperam, juxta omnes ceremonias et justificationes ejus. Præcepitque Moyses filiis Israel, ut facerent Pascha. Qui fecerunt tempore suo quartadecima die mensis ad vesperam in monte Sinai; juxta omnia que mandaverat Dominus Moysi, fecerunt filii Israel. Cum in Veteri Testamento tribus argumentorum indicis paschale tempus sit observari præceptum, videlicet ut post æquinoctium, ut mense primo aut tertia ejus septimana, id est, a vespera quartæ decimæ lunæ, quod est initium quintæ decimæ usque in vesperam; id est, terminum vicesimæ primæ celebratur quarta in ejusdem observatione, regula est nobis a tempore Dominicæ resurrectionis imposita, ut cum, æquinoctio transceso, lunam primi mensis quartam decimam vespere ortum facere viderimus, non statim*

ad faciendum Pascha prosilliamus, sed Dominicum diem quo ipse Pascha, id est, transitum de morte ad vitam, de corruptione ad incorruptionem, de poena ad gloriam resurgendo facere dignatus est, facere expectantes, in ipso tandem congrua Paschæ solemnia celebremus. Quod si quis objecerit, non æquinoctii memoriam, sed tantum primi mensis et tertiæ septimæ posuisse legiferum, sciat quia et si æquinoctium nominatum non exprimit, in hoc tamen ipso, quod a plenilunio primi mensis Pascha faciendum præcepit, æquinoctii transcendens plenaria ratione depromit: quoniam absque ulla dubietate constat eam cum primo transitu æquinoctio plenum suum globum offenderit, primi mensis existere lunam. Quoties ergo diem Dominicum mox adventante luna quinta decima habemus, nil nostrum tempus paschale a legali dissonat, quamvis aliis sacramentorum generibus, ejusdem Paschæ solemnia colimus. Quoties vero secundo, vel tertio, vel quarto, vel quinto, vel sexto, vel septimo abhinc die, idem Dominicus occurrerit, nec sic quidem legem aut prophetas solvimus. Nam sicut

tota paschalem observantia caeremoniarum, ita etiam A tempus quo agi preceptum est totum, mysteria sacra redolet. In primis namque equinoctium transgredi in Dominicae paschae celebratione juxta legis decreta curamus, ut videlicet solemnitas in qua mediator Dei et hominum, destructa potestate tenebrarum, mundo lucis iter aperuit, etiam temporis ordine foras, quid intus habeat, ostendat. Et quae nobis aeternae beatitudinis lumen promittit, tunc maxime celebratur, cum solis lumen annuo proficiens incremento, primam sumit de noctis umbra victoriam. Deinde mensem primum anni, qui et novorum vocatur, in quo Pascha celebremus, attendimus. Ipse autem est mensis, in quo mundus hinc formatus, et homo est primus in paradisi sede locatus, quia per hujus mysteria solemnitatis, primam nobis stolam recepturos, primum supernae beatitudinis regnum, a quo in longinquam regionem discessimus, nos reperturos esse speramus. De cujus gloria regni beatus Petrus apostolus: *Caelos autem novos, inquit, et terram novam, et promissa ipsius expectamus, in quibus justitia habitat (II Petr. III)*. Sed et Joannes in Apocalypsi sua: *Et dixit qui sedebat in throno: Ecce, nova facio omnia (Apoc. XII)*. Deinde etiam tertiam mensis ejusdem septimanam in Pascha observamus, quod resurrectionis Dominicae gaudiis optissime congruit, quia et eadem sacrosancta ejus resurrectio tertia die facta est, et tertio tempore saeculi, id est, cum gratiae coelestis advento, tota ejus in carne dispensatio, quae per resurrectionis consummata est gloriam, mundo apparuit. Prima namque saeculi tempora lege naturali per partes, media lege naturali vel prophetis, extrema chrismate spiritali per seipsum veniens illustrare dignatus est. Sed et ipsa tunc lunae conversio, pulcherrimum nobis sacramenti coelestis spectaculum praebet. Namque luna quae rotundi facta schematis, a solis lumen, ut supra diximus, accipit, ideoque semper ex dimidio orbe quem ad solem habet lucida est; ex altero autem dimidio semper obscura, a primo usque ad quintam decimam lucis incrementum ad terras, defectum vero habet ad caelos, a quindicesimo aut usque ad novissimum incrementum ejusdem suae lucis a terrenis aversa, paulatim ad coelestia revertitur. Quae nimirum ejus conversio, recte paschalis gaudii mysteria signat, quibus omnem mentis nostrae gloriam, a vitiis avertere delictis, caducisque favoribus, atque solum coelestis gratiae lumen suspendere, docemur contemplando. Vel si utramque ejus conversionem in bonum delectat interpretari, possumus intelligere, quod crescens ad oculos humanos lumen lunae, virtutum gratiam quibus apparens in carne Dominus mundo illuxit, insinuet: de quibus dicitur: *Et Jesus proficiebat sapientia et aetate et gratia, apud Deum et homines (Luc. II)*. Recrescens vero ad caelos, resurrectionis ascensionisque illius gloriam designat: quae in se quidem ipsa mox perfecta provenit, sed in animo fidelium, quibusdam lucis suae

perfectibus, usque ad finem saeculi crescere non desinit. Resurgens enim Dominus a mortuis, primo singulis ac binis, ac deinde pluribus, modo septem, modo undecim, modo duodecim, modo plus quam quingentis fratribus simul, ad ultimum discipulis omnibus apparuit, quibus videntibus ascensus in caelum, praecipit eos suae dispensationis esse testes in Hierusalem, et in omni Judaea et Samaria, usque ad ultimum terrae (I Cor. XV). Et bene luna cum nostros crescit ad oculos, paulatim a sole recedit; cum vero ad caelos paribus \* at cum spatibus rediit. Hoc est enim quod ipse dixit: *Exivi a Patre, et veni in mundum; iterum relinquo mundum, et vado ad Patrem (Joan. X)*; et quod de illo Psalmus: *A summo caelo egressio ejus, et occursum ejus usque ad austrum ejus (Psal. XVIII)*. Quia ergo luna eo suae lucis incremento, quod exiens a sole, ad nostros evolvit obtutus, Domini salvatoris in carne usque ad tempora passionis, doctrinam virtutesque significat, eo autem quod ad solem rediens, paulatim ad invisibilem nobis caeli faciem recolligit, resurrectionis illius, ac posterioris gloriae miracula demonstrat, merito a quindicesima paschalis voti gaudiis apta praedicatur. His quidem paschalis temporis a legis observatione sumptis iudiciis, haeredes Novi Testamenti etiam diem Dominicam, quam Scriptura unam sive primam sabbati (Matth. XXVIII) cognominat, amectimus nec immerito: quae et conditione primitivae lucis excellens, et triumpho Dominicae resurrectionis insignis, et nostrae quoque nobis resurrectione manet semper exoptabilis. Septem quoque dies lunae, id est, a quinta decima usque ad vicesimam primam, per quos ea Dominica naturali ordine discurret, universitatem Ecclesiae, quae per totum mundum paschalibus est redempta mysteriis, aperte denuntiat. Nam et septenario saepe numero universitatem designare Scriptura consuevit. Unde et quod ait Propheta: *Septies in die laudem dixi tibi (Psal. CXVIII)*, nil melius intelligitur quam quod alibi ait: *Semper laus ejus in ore meo (Psal. XXXII)*. Et specialiter totam catholicam Ecclesiae professionem eo figurari Joannes testatur, qui ad septem Asiae scribens ecclesias, universalis per orbem Ecclesiae mysteria patefecit (Apoc. I). Unde et per omnia quae singulis septem scribit hortamenta, hunc versiculum intexere curavit: *Qui habet aures audiendi, audiat quid Spiritus dicat ecclesiae (Apoc. II)*. Quod uni callidus dixerat, hoc omnibus se dixisse probans ecclesiam. Nec minus etiam moralena nobis commendant paschalia tempora sensum. In nomine quidem est paschae, ut de vitiis ad virtutes transitam quotidie faciamus spiritalem; in mense autem novorum in quo adulti fructus, adventu suo pronuntiant veterum cessationem: *Ut erentes veterem hominem cum actibus suis, renovemus spiritum mentis nostrae, et induamus novum hominem, qui secundum Deum creatus est, in justitia et sanctitate veritatis (Coloss. III)*; ut et vegetata diversarum veritale virtutum

earumque foliis veluti amœnæ arboris adumbratione velati, tanquam lætæ atque fructiferæ segetes pululemus in plenilunio; ut perfectum splendorem fidei assensus gerentes, a peccati tenebris segregemur. In reversa eadem luce lunari ad cœlos, quod a quintadecima luna fieri incipit, ut quanto magni sumus humiliemur in omnibus dicentes cum Apostolo singuli: *Gratia autem Dei sum id quod sum.* Quæ profecto gratia muneris superni, quia tertio tempore sæculi manifestius effusa est, pulcherrima figurarum consequentia, lunæ hebdomadæ lumen ipsius, quod eatenus ad terras creverat, ad cœlestia jam crescere inchoat. Pulchre hanc in Pascha observare præcipimur, ut gratiæ quam accepimus nunquam oblitum, per singulos gradus spiritalis transitus largitori illius obediendo, vicem perpendere meminerimus. Vel certe in crescente ad homines luna, vitæ nobis activæ, in reversa vero ad cœlos, speculativæ typus ostenditur. Vel in hac nobis conversione, dilectio proximi, in illa, nostri signatur victoris. Adhuc conversus lucis ejus profectus, ut bona foras operemur admonet; porro illuc, ut eadem bona opera solo supernæ mercedis intuitu geramus; huc, *ut luceat lux nostra coram hominibus, ut videant bona nostra opera*; illuc, *ut glorificent Patrem nostrum qui in cœlis est (Matth. v.)*. In una sabbati quæ Novi Testamenti propria solemnitas est instruimur, ut spe futuræ nostræ in Christo resurrectionis, patienter in præsentem, omnia adversa pro Christo et ipsam mortis toleremus injuriam, audientes ab Apostolo: *Quia si Spiritus ejus qui suscitavit Jesum a mortuis fuerit in nobis, vivificabit et mortalia corpora nostra, per inhabitantem Spiritum ejus in nobis (Rom. viii.)*. Cujus Spiritus, qui est septiformis gratia, potest eodem septem dierum lunarum numero, qui præfata una sabbati, id est, die Dominica circumfertur, intimata non inconvenienter intelligi. Verum de mysterio temporis Paschæ, si quis plenius scire vult, legat beati Aurelii Augustini ad Januarium epistolam de ratione paschali.

## CAPUT II.

*De his qui non poterunt Pascha in tempore suo quo eis præceptum sit celebrare.*

(IBID.) *Ecce autem quidam immundi super anima hominis, qui non poterant facere phase, in die illo, accedentes ad Moysen et Aaron dixerunt eis: Immundi sumus super anima hominis. Quare fraudamur ut non valeamus offerre oblationem Domino in tempore suo, inter filios Israel? Quibus respondit Moyses: State ut consulam quid præcipiat Dominus de vobis. Locutus est Dominus ad Moysen dicens: Loquere filiis Israel: Homo qui fuerit immundus super anima, sive in via procul in gente vestra, faciat phase Domino mense secundo, quartadecima die mensis ad vespertum, cum azymis et lactucis agrestibus comedent illud. Non relinquent ex eo quidquam usque mane, et os ejus non confringent, omnem ri-*

*tum phase observabunt, et cætera.* Cum phase tempore quidam qui immundi erant facti super anima hominis, id est, super mortuo, quærerent quomodo pascha facerent, quoniam oportebat eos ab immunditiis septem diebus purificari secundum legem, consuluit Dominum Moyses, et responsum accepit, cuiusque tale aliquid accidisset, vel tam in longinquo itinere constitutus esset, ut non posset occurrere, alio mense eum facere debere pascha, propter diem mensis quartumdecimum, ubi lunæ numerus observabatur. Sed si quæratur quid facerent si forte talis immunditia etiam ad secundum mensem occurreret, arbitror id quod dictum est, de secundo mense, tanquam regulariter retinendum fuisse, ut tertio mense observarent, aut certe pascha non egisse tali necessitate, ad culpam non pertinere. Sed quid sibi velit secundum mysterium, quod hi qui longius habitant, vel immundi in anima fuerint, in secundo mense pascha jussi sunt facere? Quod nimirum in typum intelligitur populi gentium, qui cum omnibus dæmonibus fornicati, immundi videbantur in anima, salubri vero confessione mundati, ad secundam nativitatem, quasi in secundo mense transire præcipiuntur. Duo si quidem interposita sunt pro quibus pascha primum facere quilibet non poterat, hoc est si immundus super anima, sive in via procul fuerit. Immundus est in anima qui diabolica illusionem, per idolorum culturam, et peccatorum enormitatem, polluitur. In via est procul, qui verbum salutis audiens, deserere idola, et Dei fidem percipere eligit; sed tamen nondum ad baptismi sacramentum, in qua intratur in Ecclesiam, Jerusalem videlicet urbem pacis, ubi templum Dei et sancta sanctorum sunt, pervenit. In domo enim una comedi carnes agni jubentur, quia extra sanctam Ecclesiam veri agni carnes, corpus videlicet Dominicum, edere non licet. Gentilis ergo populus, quia primum pascha secundum legem agere non potuit, in secundo mense, id est, tempore gratiæ, jam purgatus ab omni immunditia peccatorum, domique restitutus, ubi phase Domino rite facere licet, juxta vesperam mundi cum azymis et lactucis agrestibus agnum comedant; quibus præceptum est ut non relinquant ex eo quidquam usque mane, et os ejus non confringant, sed omnem ritum phase diligenter observent. Panes ergo sine fermento comedit, qui recta sine corruptione vanæ gloriæ exercet, qui mandata misericordiæ sine admistione peccati exhibet, ne perverse desipiat. Lactuæ vero agrestes valde amaræ sunt. Carnes vero agni cum lactucis agrestibus sunt edendæ, ut cum corpus Redemptoris accipimus, nos pro peccatis nostris in fletibus affligamus, quatenus ipsa amaritudo poenitentiae abstergat a mentis stomacho perversæ amoris vitæ. *Non remanebit ex eo quidquam usque mane*, quia ejus dicta magna sunt sollicitudine discutienda, quatenus priusquam dies resurrectionis appareat, in hac præsentis vitæ vocatione omnia mandata illius intelligendo et ope-

rando penetrentur. Sed quia valde difficile est ut agni omne eloquium possit intelligi, ut omne ejus mysterium penetrari, recte subjungitur: Si quid autem remanserit, igne comburetis. Quod ex agno remanet igni comburimus, quando hoc quod de mysterio incarnationis ejus intelligere non possumus, potestati Spiritus sancti humiliter reservamus, ut, non superbe quis audeat vel contemnere, vel denunciare quod non intelligit, sed hoc igni tradat, cum Spiritui sancto reservat. Prohibentur qui pascha faciunt ossa frangere. Non franguntur in cruce ossa Domini, attestante evangelista, qui ait: *Oss non comminuetis ei* (Joan. xix). Omnem ritum Paschæ observabunt Christiani, quia quicquid in lege historialiter præceptum est facere in celebratione paschæ, totum in Ecclesia Christi spiritualiter observatur.

*Si quis autem et mundus est et in itinere non fuit, et tamen non facit phase, exterminabitur anima illa de populis suis, quia sacrificium Domino non obtulit tempore suo; peccatum suum ipse portabit.* Hic eos qui sub lege veteri fuerant comminando instruit, ut paschæ tempus legitimum servare non negligerent, quatenus interitum vitæ non incurrerent, si præceptum Domini observare non procurarent; imo et eos qui sub gratia Christi sunt positi admonet, quatenus phase spirituale tempore suo agere non negligant. De quo videlicet tempore: Paulus apostolus dicit. *Ecce nunc tempus acceptabile, ecce nunc dies salutis* (II Cor. vi). Quia quisquis redemptionem humani generis, quæ in veri agni immolatione perpetrata est, fide digna celebrare non curat, suamque vitam in meliora non studuerit convertere tempore mortalitatis istius, atque a vitiis ad virtutes transire non festinat, ad resurrectionis utique gloriam, quæ in sine veracibus Christi cultoribus tribuetur, non pertinebit, sed a consortio omnium sanctorum anima exterminabitur, nec ei in cætu lætissimo sanctorum ullam communionem habere licebit. Quod autem sequitur: *Peregrinus quoque et advena si fuerit apud vos, phase faciat Domino juxta cæremonias et justificationes ejus: præceptum idem erit apud vos, tam advenæ quam indigenæ*, ostendit nullam distantiam esse personarum apud Dominum; sed quisquis, sive Judæus, sive gentilis, sive masculus, sive femina, sive servus, sive liber, ad fidem catholicam conversus, et baptismate Christi ablutus Ecclesiæ unitatem perceperit, resurrectionis Christi mysteriis, rite illi communicare licebit.

### CAPUT III.

#### Quomodo proficisci debeant filii Israel.

(IBID.) *Igitur die qua erectum est tabernaculum, operuit illud nubes. A vespera autem super tentorium erat quasi species ignis usque mane, sic fiebat jugiter. Per diem operiebat illud nubes, et per noctem quasi species ignis. Cumque ablata fuisset nubes quæ tabernaculum protegebat, tunc proficiscebantur filii Israel; et in loco ubi steterat nubes, ibi castra metabantur. Ad imperium Domini proficiscebantur, et ad imperium*

*illius figebant tabernacula. Cunctis diebus quibus stabat nubes super tabernaculum, manebant in eodem loco. Et si evenisset ut multo tempore maneret super illud, erant filii Israel in excubiis Domini, et non proficiscebantur quotquot diebus fuisset nubes super tabernaculum. Ad imperium Domini erigebant tentoria, et ad imperium illius deponebant. Si fuisset nubes a vespere usque mane, et statim diluculo reliquisset tabernaculum, proficiscebantur. Et si post diem et noctem recessisset, dissipabant tabernacula. Si vero duobus aut uno mense vel longiori tempore fuisset super tabernaculum, manebant filii Israel in eodem loco, et non proficiscebantur. Statim autem ut recessisset, movebant castra. Per verbum Domini figebant tentoria, et per verbum illius proficiscebantur: erantque in excubiis Domini juxta imperium ejus per manum Moysi. In Septuaginta quoque interpretibus hoc capitulum ita continetur: *Et die qua constitutum est tabernaculum, textit nubes tabernaculum domum testimonii, et vespere erat super tabernaculum, velut species ignis nocte. Et cum ascendisset nubes a tabernaculo, et postea promovebant filii Israel. In loco ubique steterat nubes, ibi castra collocabant filii Israel. Per præceptum Domini collocabant castra filii Israel, et per præceptum Domini promovebant. Omnes dies in quibus obumbrabat nubes super tabernaculum, in castris erant filii Israel; et quando protraxerat nubes super tabernaculum dies plures, et custodient filii Israel custodias Domini, et non promovebunt. Et erit cum texerit nubes dies numero super tabernaculum, per vocem Domini in castris erunt, et per præceptum Domini promovebunt. Et erit cum fuerit nubes a vespera usque mane, et ascenderit nubes mane, et promovebunt die vel nocte. Et si ascenderit nubes promovebunt; vel die mense diei abundante nube obumbrante super illud, in castris erunt filii Israel, et non promovebunt, quoniam per præceptum Domini promovebunt. Custodiam Domini custodierunt per præceptum Domini in manu Moysi. Totus hic locus diligenter exponendus est, quoniam inusitatis generibus locutionum obscuratus est. Et die, inquit, qua statutum est tabernaculum, textit nubes tabernaculum domum testimonii. Idem tabernaculum appellavit domum testimonii. Et vespere erat super tabernaculum velut species ignis usque mane: ita fiebat semper. Deinde diligenter exprimit quid fiebat semper. Nubes, inquit, tegebat illud die, et species ignis nocte. Et cum ascendisset nubes a tabernaculo, et postea promovebunt filii Israel. Ista sententia obscura non est, nisi propter illam locutionem ubi additur, et. Ordo enim verborum integer sequitur, etiam si desit ipsa conjunctio, et sic dicatur: *Et cum ascendisset nubes a tabernaculo, postea promovebunt filii Israel. Quamvis et ipsum quod dictum est postea, si deesset, plena posset esse sententia. Deinde sequitur dicens: Et in loco ubi steterat nubes, ibi castra collocabant filii Israel. Hoc autem totum quod faciebant ad præceptum Domini referens, ita complectitur. Per præceptum Domini, inquit, castra collocabant filii Israel, et***

per præceptum Domini *promovebunt*. Præceptum Domini appellat signum ipsum, quod fiebat in nube, sive cum staret obumbrans tabernaculum ut castra consistentent, sive cum ascendisset atque ultra moveretur, ut eam elevatis castris sequerentur. Mutavit sane in hac sententia narrantis modum, et tanquam prædicens atque prænuntians, verba futuri temporis habere cœpit. Neque enim ait, per præceptum Domini castra collocabant filii Israel, sed collocabunt. Nec ait, per præceptum Domini promovebant, sed *promovebunt*. Et hunc modum etiam in consequentibus servat, qui modus in Scripturis est inusitatissimus. Nam verbis præteriti temporis sæpe futura prædicta esse novimus, sicut est: *Foderunt manus meas et pedes meos (Psal. xxi)*. *Sicut ovis ad immolandum ductus est (Isai. liii)*, et innumerabilia talia. Ut autem narrator rerum gestarum verbis utatur temporis futuri, sicut hoc loco, difficillime in Scripturis inveniri potest. Ergo posteaquam dixit de die et nocte, quo signo promoveret populus vel maneret, ne putarentur per noctem ambulare, et per diem solere confidere, atque hoc diebus omnibus solere, securus adjunxit atque ait: *Omnes dies in quibus obumbrat super tabernaculum nubes, in castris erunt filii Israel. Et quando protraxerit nubes super tabernaculum dies plures*. Deinde admonens non hoc ex illorum necessitate fieri, sed ex Dei voluntate, et custodient, inquit, *filii Israel custodiam quam præcepit Deus, et non promovebunt*. Et tanquam diceretur: Quando ergo *promovebunt*? *Et erit*, inquit, *cum texerit nubes dies numero super tabernaculum*, id est, certo numero, qui numerus utique Deo placet, per vocem Domini in castris erunt, et per præceptum Domini *promovebunt*, hanc videtur dicere vocem Domini, signum quod dat de statione et motu nubis; quia et vox loquentis procul dubio signum est voluntatis. Quod ergo ait, *et per præceptum Domini*, hoc idem signum puto intelligendum, quamquam posset vox et præceptum Domini illud etiam accipi, quod locutus est, ut solet ad Moysen, et præcepit hoc fieri. Neque enim scirent illi promovendum esse nube promovente, et standum esse nube stante, nisi eis hoc ante præciperetur. In his autem quæ dicta sunt nondum apparuit, utrum per diem tantum ambularetur, an etiam per noctem, secundum signum quod nubes motu suo dabat. Fortassis enim quamvis plures dies in castris manerent, nube non promovente, potuit tamen putari nubem non solere ascendere de castris, et signum itineris dare nisi per diem. Sequitur ergo et dicit: *Et erit cum fuerit nubes a vespera usque mane, et ascendet nubes mane, et promovebunt die*. Hic illa copulativa conjunctio, more Scripturæ posita est. Nam, ea detracta, plenus est sensus hoc modo: *Et erit cum fuerit nubes a vespera usque mane, et ascenderit nubes mane, promovebunt die*. Deinde quia et nocte si nubes ascenderet *promovebant*, atque iter nocturnum si illud signum acciperent agebant, ad-

A junxit et ait: *Vel nocte, et si ascenderit nubes, promovebunt*. Sed locutio est inusitatio. Non enim tantum positum est ei, sed eo more positum est, quo non solet. Unde mihi videtur præposteratus ordo verborum, sicut sæpe et in Latinis locutionibus fieri solet, quod genus antistrophe dicitur. Proinde, si ita dicatur, *vel et nocte si ascenderit nubes, promovebunt*, aut certe ita, *si et nocte ascenderit nubes, promovebunt*, planissimus sensus est. Adhuc autem occurrebat cogitanti ut scire vellet, utrum quomodo cogitum est solere illos ad nubis signum diebus et noctibus ambulare, vel diebus et noctibus in castris esse, ita etiam solerent per dies tantum manere, etiam quorum noctibus ambularent. Quod arbitror Scripturam in consequentibus intumescere cum dicit: *Die vel mense diei ambulante, nube obumbrante super illud, in castris erunt filii Israel, et non promovebunt*. Quia enim dixerat: *Vel nocte et si ascenderit nubes, promovebunt*, tanquam restabat ut diceret: *Die autem si non ascenderit, non promovebunt*, quando quasi promovere debere videbantur. Sed quia hoc etiam diebus plurimis fieri poterat, ut noctibus ambularent, promovente nube et ea manente diebus non ambularent, ideo posuit *diei vel mense diei*. Non dixit *mense*, ne ibi et noctes ejusdem mensis acciperentur; sed *mense diei*, id est, mense ex ea parte qua dies illi fuit, non ex ea qua nox. *Die ergo vel mense diei, abundante, nube obumbrante*, id est, abundante in obumbrando, vel abundantius obumbrante super illud, *illud scilicet tabernaculum, in castris erunt filii Israel, et non promovebunt*. Postremo repetiit divina auctoritate factum, cui resisti utique non debeat, adjungens quoniam per præceptum Domini *promovebunt*. *Custodiam Domini custodierunt, per præceptum Domini in manu Moysi*; rediit ad verbum præteriti temporis, ut diceret, custodierunt. Quod vero in fine posuit, in manu Moysi, usitatissima in Scripturis locutio est, quia per Moysen hæc Deus præcipiebat. Secundum allegoriam vero nubes, quæ tabernaculum operuit, et populum per eremum duxit, sua positione indicium dans, quando esset filiis Israel transeundum, et quando castra metandum, incarnationem Christi significat, cujus clementia tabernaculum Ecclesiæ protexit, cujus bonitas statum ejus disponit, et cujus prudentia in via præsentis sæculi transitum ipsius direxit. Idem est et columna, quia rectus est et firmus, et fulciens infirmitatem nostram, et per noctem lucens, per diem non lucens, *ut qui non vident videant, et qui vident cæci fiant (Joan. ix)*. Potest et sic non incongrue accipi, quod Christi sacramentum tanquam in die manifestatum est in carne velut in nube; in judicio vero tanquam in errore nocturno, quia tunc erit magna tribulatio sæculi tanquam ignis, et lucebit justis, et ardebit injustis. Juxta tropologiam autem in igne terrores, in nube autem visionis lene blandimentum ostenditur. Dies vero justi vita, et nox accipitur vita peccatoris. Unde et conversis pec-

toribus Paulus dicit : *Fuistis aliquando tenebræ, A nunc autem lux in Domino (Ephes. v).* ardentius excitantur. *Movebunt, inquit, castra primi, qui sunt ad orientalem plagam.* Quinam sunt illi qui ad orientalem plagam castra movent, nisi hi quibus lux fidei primum fulsit? Ordinatis ergo Evangelii prædicatoribus, primum Salvator præcepit: *In viam gentium ne abieritis, et in civitates Samaritanorum ne intraveritis, sed potius ite ad oves, quæ perierunt domus Israel (Matth. x)*: quibus et ipsa Veritas præsentialiter inter eos conversans, Evangelium prædicabat, sed passione Redemptoris nostri ac resurrectione perpetrata, idem Redemptor apparens discipulis ait: *Datu est mihi omnis potestas in caelo et in terra. Eantes ergo, docete omnes gentes, baptizantes eos in nomine Patris et Filii et Spiritus sancti (Matth. xxviii).* Tribus ergo Juda

In die ergo columna per nubem monstrata est, et in nocte per ignem, quia omnipotens Deus, et blaudus justis, et terribilis apparebit injustis. Justos in iudicio veniens per lenitatis mansuetudinem demulcet; illos vero per justitiam districtiois terret. Rursum de hac columna ignis et nubis subtili investigatione discussum, intelligi et aliter potest. Quid est ergo quod columna nubis, quæ in eremo populum præbat splendore ignis, non in die, sed in nocte radiabat, nisi quia Redemptor noster suæ conversationis exemplo, ducatum sequentibus se præstans, de justitia sua confidentibus nulla luce claruit, peccatorum suorum tenebras agnoscentibus igne sui amoris infulsit?

#### CAPUT IV.

##### De modo tubarum.

(CAP. X.) *Locutusque est Dominus ad Moysen, dicens: Fac tibi duas tubas argenteas ductiles, quibus convocare possis multitudinem, quando movenda sunt castra. Cumque increpaveris tubis, congregabitur ad te omnis turba ad ostium tabernaculi sederis. Si semel clangueris, veniant ad te omnes principes et capita multitudinis Israel. Sin autem proluxior atque concisus clangor increpaverit, movebunt castra primi, qui sunt ad orientalem plagam.* Per duas enim tubas exercitus ducitur, quia per duo Testamenta sive per duo præcepta charitatis, ad prociuctum fidei populus evocatur. Quæ idcirco argenteæ fieri præcipiuntur, ut prædicatorum eloquia nitore refulgeant, et auditorum mentem nulla sui obsecritate confundant. Idcirco autem ductiles, quia necesse est, ut hi, qui venturam vitam prædicant, tribulationum præsentium tursionibus crescant. Quod autem subditur, *Si semel clangueris, veniant ad te principes et capita multitudinis Israel,* semel tubis clangere, est vim verbi doctrinæ secundum unitatem fidei et concordiam sensus catholici proferre. Ad quem sonitum principes et capita multitudinis convenire debent, quia valde eondens est, ut illi qui præsent cæteris, una fide unaque dilectione convenientes, de salute sua ac sibi subditorum pacifice disputent, aliisque pacis et concordie bonum ad exemplum præbeant, ne forte si aliter cecinerint, merito eos reprehendat apostolica auctoritas; quæ ad Corinthios scribens, ait: *Cum enim sit inter vos zelus et contentio, nonne carnales estis, et secundum hominem ambulatis? (I Cor. i.)* Et item: *Convenientibus, inquit, vobis in ecclesiam, audio inter vos schismata esse, et ex parte credo (I Cor. xi).* Sed magis illud sequantur, quod idem Apostolus iisdem Corinthiis ait: *Obsecro autem vos per nomen Domini nostri Jesu Christi, ut idipsum dicatis omnes, et non sint in vobis schismata. Siis autem perfecti in eodem sensu et in eadem scientia (I Cor. i).* Bene autem dicitur, *Cam concisus clangor increpaverit, movebuntur castra:* quia nimirum cum subtilius ac minutius prædicatoris sermo tractatur, auditorum mentes contra tentationum certamina

ardentius excitantur. *Movebunt, inquit, castra primi, qui sunt ad orientalem plagam.* Quinam sunt illi qui ad orientalem plagam castra movent, nisi hi quibus lux fidei primum fulsit? Ordinatis ergo Evangelii prædicatoribus, primum Salvator præcepit: *In viam gentium ne abieritis, et in civitates Samaritanorum ne intraveritis, sed potius ite ad oves, quæ perierunt domus Israel (Matth. x)*: quibus et ipsa Veritas præsentialiter inter eos conversans, Evangelium prædicabat, sed passione Redemptoris nostri ac resurrectione perpetrata, idem Redemptor apparens discipulis ait: *Datu est mihi omnis potestas in caelo et in terra. Eantes ergo, docete omnes gentes, baptizantes eos in nomine Patris et Filii et Spiritus sancti (Matth. xxviii).* Tribus ergo Juda cum cæteris, qui secum ad orientem habitabant, primam castra movebat; deinde cæteræ tribus secundum ordinem suum: quia primum in Judæa oportuit Ecclesiam primitivam construi, deinde ex eunetis per orbem nationibus gentes ad fidem convocari. Quando autem congregandus est populus, simplici tubarum clangore et non concise ululabunt. In convocatione populi simplex tubarum clangor, et non concisus esse jubetur, quia qui multitudini verbum fidei prædicat, simplici et aperta locutione debet uti, quatenus ea quæ dicuntur multi intelligant, et multi inde ædificentur, ne forte si obscuræ locutioni doctor operam dederit, et ignota verba interposuerit, auditor sine fructu ædificationis, vacuus inde recedat. Hinc et doctor gentium quibusdam de linguarum diversitate gloriantibus ait: *Fratres, si venero ad vos linguis loquens, quid vobis prodero, nisi vobis loquar, aut in revelatione, aut in scientia, aut in prophetia, aut in doctrina? Tamen, quæ sine anima sunt vocem dantia, sive tibia, sive cithara, nisi distinctionem sonitus dederint, quomodo scietur id quod canitur, aut citharizatur? Etenim si incertam vocem det tuba, quis parabit se ad bellum? Ita et vos per linguam, nisi manifestum sermonem dederitis, quomodo scietur id quod dicitur? Et item: Quid ergo, inquit, est fratres? Cum convenitis, unusquisque vestrum psalmum habet, doctrinam habet, apocalypsin habet, linguam habet, interpretationem habet, omnia ad ædificationem fiant (I Cor. xiv).* Quamvis enim in bonis doctoribus tanta docendi cura sit vel esse debeat, ut verbum, quis nimis obscurum sit vel ambiguum, Latinum esse non possit, vulgi tamen sic more dicatur, ut ambiguitas obscuritasque vitetur: non sic dicatur, ut a doctis, sed potius ut ab indoctis dici solet. Quid enim prodest locutionis integritas, quam non sequitur intellectus audientis, cum loquendi omnino nulla sit causa, sed quod loquitur non intelligunt, propter quos ut intelligant loquimur? Qui ergo docet, vitabit omnia verba quæ non docent. Et si pro his aliqua, quæ intelliguntur integra potest dicere, id magis eliget. Si autem non potest, sive quia non sunt, sive in præsentia non occurrunt, utetur etiam verbis minus integris, dum tamen res ipsa doceatur atque discatur integre.

Et hoc quidem non solum in colloctionibus sive  
sunt cum alijs uno, sive cum pluribus, verum  
etiam multo magis in populis, quando verbe promit-  
ter, ut intelligatur instandum est. Est autem opi-  
ana modis dicendi, quo fit, ut qui audit verum au-  
dit, et quod audit, intelligat: honorumque (inge-  
riorum insignis est indoles, in verbis verum estiam,  
non verba. Quid enim prodest clavis auris, si aper-  
rire quod volumus non potest? Aut quid obest li-  
gnea, si hoc potest, quando nihil quascimus nisi ut  
pateat quod clausum est? Sequitur:

*Filii autem Aaræ sacerdotia clangent tubis, et ipse  
hæc legitimum sempiternum in generationibus vestris.*  
Filii quidem Aaræ clangent tubis, cum doctores  
sancti prædicant verbum Dei, et viam justitiæ ad-  
duntur suis, vel studia demonstrant, quatenus in  
semita mandatorum Dei grævias bonorum operum  
ambulant, et iter impiorum devitari continent. Et  
nota, quod non alii quilibet, sed filii Aaræ jubentur  
tubis clangere, quia proprio officium est sacer-  
dotum, Evangelium Christi populo predicare, qui-  
bus per prophetam dicitur: *Clama, ne cesses: quasi  
tuba exalta vocem tuam (Isa. lviii).* Et iterum: *Exalta,  
inquit, in fortitudine vocem tuam, qui annuntia-  
bas Sion: exalta, noli timere, etc. (Isa. xl).*

Si exieritis ad bellum de terra vestra contra hostes,  
qui dimicant adversum vos clangentia ululantibus tubis,  
et erit recordatio vestri coram Domino Deo vestro.  
Ululantibus tubis clangitur, quando coram populo  
ad penitentiam et compunctionem lacrymarum exul-  
tandam sermo deflectitur, et corda auditorum ad  
Domini misericordiam implorandam provocantur.  
Ut eruamini, ait, de manibus inimicorum vestrorum.  
Quia necesse est, ut ab omni potestate contra hostes  
et contra nequitas spirituales auxiliam petatur, quatenus  
sua gratia eos protegat, qui non habent nisi  
de sua pietate fiduciam. Si quando habebitis opus  
et dies festos et kalendas, annis iudis super holocaustis  
et pacificis victimis, ut alia verba in recordationem  
Dei vestri: ego Dominus Deus vester. Considerandum  
nobis est, quod legislator in adversis et in  
prosperis, tubis clangere mandat, quia penes nullum  
tempus est, quod non habile sit et opportunus, ad  
sermonem profereendum divinum. Modo enim lectio-  
bus tempus est, uti, modo cantui dæservire divino, modo  
orandi, modo docendi, modo exhortandi, modo in-  
crepandi oportunitas se confert, quia secundum  
qualitatem auditorum, sermo semper conformari  
debet doctorum. Hinc quoque per Psalmistam dicitur:  
*Bonum est confiteri Domino, et psallere nomini  
tuo, Altissima. Ad annuntiandum mane misericordiam  
tuam, et veritatem tuam per noctem.* Et iterum inquit:  
*Benedicam Dominum in omni tempore, semper laus  
ejus in ore meo (Psalm. xxxiii).* Hinc et Paulus ad discipulum  
scribens, ait: *Prædica verbum, in omni  
patientia et doctrina (II Tim. iv).* Et alibi: *Sine in-  
termissione, ait, orate: in omnibus gratias agite. Hæc  
est enim voluntas Dei in Christo Jesu in omnibus vo-*

bis. Anno secundo, mense secundo, vigesimo die men-  
sis, elevata est nubes de tabernaculo sudsoris: profec-  
tisque sunt filii Israel per terminus suas, de deserto  
Sinai, et recubuit nubes in solitudine Pharan, etc.  
(I Thes. v). Duodecima mansione vocavit filii Is-  
rael in desertum Sinai, quadragesimo septimo die,  
ex quo de Ægypto transierunt, protulit Scriptura  
Eandi ac dicens: *Menus tertiæ egressions filiorum  
Israel de Ægypto, in die hæc transierunt in solitudinem  
Sinai. Profectisque simul de Raphidim, venerunt  
in desertum Sinai, et castra metati sunt in deserto:  
extinguens Israel tibi: vespere montis: et Moyses ascen-  
dit ad Dominum. Vocavitque eum Dominus de monte,  
dicens, et reliqua (Exod. xix).* Et rursum: *Vnde, fa-  
quit Dominus, ad populum, et sanctifica vos hodie et  
cras: et lavent vestimenta sua, sicutque parati in diem  
tertium, quia tertio die descendet Dominus, vidente  
universo populo super montem Sinai (Ibid.), quod et  
factum est. Lavaveruntque vestimenta sua, et ab axo-  
rum solis separati sunt, dieque tertio descendit Do-  
minus in montem. Quo sermone, et fulgore, tonitruo,  
caligine, voce tubæ, mortaliæ corda terrentibus,  
Moyses loquebatur, et Dominus respondebat ei.  
Supputemus numerum, et inveniemus quinquage-  
simo die egressions Israel de Ægypto, in vertice  
montis Sinai legem datam. Unde et Pentecostes ce-  
lebratur solemnitas, et postea Evangelii sacramen-  
tum, sancti Spiritus descensione completur. Longum  
est, si respicere velim, quid in lege præceptum sit,  
quomodo fabricatum tabernaculum, quæ varietas  
hostiarum, quæ vasorum diversitas, quæ indumenta  
pontificis, quæ sacerdotum ac Levitarum ceremo-  
niæ, quæ egerint, quomodo populus numeratus sit,  
hæc tantum dicam, quod media pars Exod., et totus  
Leviticus liber, et Numerorum præcepta non mo-  
desta, et per singulas tribus populi distributio, et  
ceteris principum, in hac mansione descriptæ sunt,  
multorumque voluminum disputatio huic loco suffi-  
cere vix possit.*

Interpretatur autem Sinai rubi, non unus ut su-  
per in solitudine Sin, sed plures: ut ibi principium  
est, hic perfectio. Ibi solitarii numerus, hic multi-  
plex. Aliud est enim unum, et aliud omnes gratias  
possidere. Namque Israel post familiarem cum Deo  
sermonem, postquam juxta montem Sinai commora-  
tus est anno uno et diebus quatuor, mira disposi-  
tione castrorum egressus est in solitudine Pharan,  
quo interpretatur onager aut feritas, ibique succum-  
bit mæne bestia fastidens cælestem panem, et Ægy-  
ptiorum carnes desiderans: quando multos subitum  
vorabat incendium, et intercedente Moyse, unum  
vires finitima consumpsit. Tunc accipiunt coturni-  
ces, et usque ad nauseam ac vomitum devorant.  
Elegantur Septuaginta presbyteri, vadunt ad ostium  
tabernaculi, duo remanent, Eldad et Medad, non  
imperi negligentes, sed humilitate submissi, dum  
se honore arbitrantur indignos. Unde et absentes  
prophetant. Saturatoque populo cum adhuc esca esset  
in ore ipsorum, ira Dei ascendit super eos, et occidit



pingues eorum, et electos Israel præpeditit, ne ad malum velociter current (Psal. LXXVII). Unde et appellatus est locus, Sepulcra concupiscentiæ, sive ut in Septuaginta legimus, memoriæ desiderii.

Ex quibus omnibus nos docemur, qui sapientiam dimisimus sæcularem, et Ægyptias ollas contempsimus, non debere murmurare contra cœlestem Scripturarum panem, nec virulentias Ægyptiorum, qui sunt magnarum carniū, sed simplicem mannae cibum querere. Alioqui si eas rursus voluerimus appetere, vorabimus usque ad nauseam, et statim Domini igne torquebimur, desideriumque nostrum vertetur in tumulos, ut simus *sepulcra dealbata, quæ foris parent hominibus speciosa, intus autem plena sunt ossibus mortuorum et omni spurcitia* (Matth. XXIII).

## CAPUT V.

De Hobab filio Raguel Madianita cognato Moysi, et protectione filiorum Israel a monte Sinai.

(IBID.) Et dixit Moyses Hobab filio Raguel Madianitæ cognato suo : Proficiscimur ad locum quem Dominus daturus est nobis ; veni nobiscum, ut beneficiamus tibi, quia Dominus bona promisit Israeli. Cui ille respondit : Non vadam tecum, sed revertar in terram meam, in qua natus sum. Et ille : Noli, inquit, nos relinquere : tu enim nosti in quibus locis per desertum castra ponere debeamus, et eris ductor noster. Cumque nobiscum veneris, quidquid optimum fuerit ex opibus quas nobis traditurus est Dominus, dabimus tibi. Plerumque persuadere elatis utilia melius possumus, si profectum eorum nobis potius quam illis profuturum dicamus, si eorum meliorationem nobis magis quam sibi impendi postulamus. Facile enim ad bonum elatio flectitur, si ejus inflexio prodesse et aliis credatur. Unde et Moyses, qui regente se Deo, deserti duce aerea columna, pergebat, cum Hobab cognatum suum ex gentilitatis conversatione vellet educere, et omnipotentis Dei dominio subjugare, ait : Proficiscimur ad locum quem Dominus daturus est nobis : veni nobiscum, ut beneficiamus tibi, quia Dominus bona promisit Israeli. Cui cum respondisset ille, Non vadam tecum, sed revertar in terram meam, in qua natus sum, illico adjunxit : Noli nos relinquere : tu enim nosti in quibus locis per desertum castra ponere debeamus, et eris ductor noster. Neque enim Moysi mentem ignorantia itineris angustabat, quam et ad prophetiæ scientiam cognitio divinitatis expanderat, quam columna exterius præibat, quam de cunctis interius per conversationem Dei sedula locutio familiaris instruebat ; sed videlicet vir providus, elatæ auditori colloquens, solatium petiit ut daret, requirebat in via, ut dux ei fieri potuisset ad vitam. Egit itaque ut superbus auditor voci ad meliora suadenti eo magis fieret devotus quo fateretur necessariis ; et unde se exhortatorem suo præcedere crederet, inde se sub verbis exhortantis inclinaret. Profecti sunt ergo de monte Domini viam trium dierum, arcaque fœderis Domini præcedebat eos per dies tres providens castrorum lo-

cum. Nubes quoque Domini super eos erat per diem cum incederent. Quod autem dicitur de arca fœderis Domini præcedere filios Israel per dies tres providens castrorum locum, quid significat, nisi incarnationem Domini electis ab initio mundi iter præsentis vite dirigere, atque ducatum ad terram sanctam veraciter præbere ? quæ prius sub figura patres Veteris Testamenti ducebat, et nunc in veritate viam justitiæ nobis demonstrat. Via ergo trium dierum sanctæ Trinitatis est fides, tribus temporibus, hoc est, ante legem, in lege, et sub gratia, callem veritatis atque justitiæ exsecutoribus suis fideliter demonstrans. Quod autem dicit nubem super eos esse per diem cum incederent, significat protectionem divinam per Spiritus sancti gratiam ab initio electos defendere, atque ad futuram quietem servare. Cumque elevaretur arca Dei, dicebat Moyses : Surge, Domine, dissipentur inimici tui, et fugiant a facie tua qui oderunt te. Cum autem deponeretur dicebat : Revertere, Domine, ad multitudinem exercitus Israel. Instruit ergo legislator secundum tropologiam suo exemplo duces plebis Dei atque rectores, ut non segnes neque negligentes in cura pastoralis atque negotio sibi commisso fiant, sed instar actionis suæ, gregem sibi commissum principi pastorem in initio cujuslibet rei simul et in consummatione fideliter commendent, quatenus sua opitulatione proprias oves protegens, fugiat inimicos, depellat hostes, atque inter suos habitans, populum suum in æternum conservare dignetur.

## CAPUT VI.

Ubi murmurat populus et igne percussus comburitur ; et de esu carnis, unde murmuravit promiscuum vulgus cum filiis Israel.

(CAP. XI.) Interea ortum est murmur populi quasi dolentium præ labore contra Dominum. Quod cum audisset Dominus, iratus est. Et accensus in eo ignis Domini, devoravit extremam partem castrorum. Cumque clamasset populus ad Moysen, oravit Moyses ad Dominum et absorptus est ignis. Vocavitque nomen loci illius, Incensio, eo quod succensus fuisset contra eos ignis Domini. Quid est quod murmurantem populum ignis a Domino accensus devorat, nisi quod ignis justæ ultionis in futuro excruciat illos qui lingua inflammata a gehenna ad murmurandum atque detrahendum faciles proruunt ? Unde per Sapientiam dicitur : Susurro et bilinguis, maledictus est (Eccli. XXVIII). Et item : Beatus qui tectus est a lingua nequam. Mors illius mors nequam est, et utilis potius infernus quam illa. Qui relinquunt Deum, incident in illam : exardebit in illis et non exstinguetur (Ibid.) Bene autem subditur quod ipse ignis devoret extremam partem castrorum. Extrema pars castrorum finis præsentium est actionum, ubi cujuscunque qualis fuerit terminus, a Domino judicatur. Unde scriptum est : Dominus judicabit extrema terræ. Qui autem usque ad mortem incorrectus perseverat in malitia concepta, tam in anima quam etiam in corpore urendus erit perpetua pœna ; nec erit aliquid

inexquisitum, quando totum, quod cogitatum per opus vel etiam verbum iniquum gessit, inferni carcere puniatur. Hinc est quod in Evangelio, pertinaci ipsa Veritas dicit: *Esto consentiens adversario tuo, ne forte adversarius tradat te judici, et iudex tradat te ministro, et in carcerem mittaris. Amen dico tibi, non exies inde, donec reddas novissimum quadrantem (Matth. v). Vulgus quippe promiscuum, quod ascenderit cum eis, flagrabat desiderio carniū sedens et flens, junctis sibi pariter filiis Israel, et ait: Quis dabit nobis ad vescendum carnes? Recordamur piscium, quos comedebamus in Ægypto gratis. In mentem nobis veniunt cucumeres, pepones, porrique et cæpe et allia. Anima nostra arida est, nihil aliud respiciunt oculi nostri, nisi man, etc. Duræ carnalium mentes per amorem sæculi quasi quædam mollia ac delectabilia ferre paratæ sunt, dum in hac vita rerum culmina apprehendere conantur. Cessationem Dominus a mundi laboribus imperat, sanctæ quietis dulcedinem persuadet, et tamen vesana iniquorum mens plus se assequi aspera carnaliter quam tenere blanda spiritaliter gaudet; plus acerbitate fatigationis quam quietis dulcedine pascitur: quod aperte in semetipso nobis Israeliticus populus ostendit, qui dum refectionem mannae desuper acceperit, ab Ægypto ollas carniū, pepones, porros cæpasque concupivit. Quid enim signatur in manna nisi esca gratiæ, suave sapiens, ad refectionem interioris vitæ bene vacantibus desuper data? Et quid per ollas carniū nisi carnalia opera, vix tribulationum laboribus quasi ignibus excoquenda? Quid per pepones, nisi terrenæ dulcedines? Quid per porros ac cæpas exprimitur, quæ plerumque, qui comedunt, lacrymas emittunt, nisi difficultas præsentis vitæ, quæ a dilectoribus suis et non sine luctu agitur, et tamen cum lacrymis amatur? Manna igitur deserentes, cum peponibus ac carniū porros cæpasque quæsierunt, quia videlicet perversæ mentes dulcia per gratiam quietis dona despiciunt, et pro carniū voluptatibus laboriosa hujus vitæ itinera, etiam lacrymis plena, concupiscunt. Contemnunt habere ubi spiritaliter gaudeant, et desiderantes appetunt, ubi carnaliter gemant. *Et dixit Dominus ad Moysen: Congrega mihi septuaginta viros de senioribus Israel, quos tu nosti quod senes ac magistri sint populi Israel, et duces eos ad ostium tabernaculi fœderis, faciesque ibi stare tecum. Et descendam et loquar tibi, et auferam de spiritu tuo, tradamque eis, ut sustentent tecum onus populi et non tu solus graveris, etc.* Sicut plerumque juvenes dici solent, qui nulla consilii gravitate deprimuntur, ita senes non eos Scriptura sacra vocare consuevit, qui sola quantitate temporum, sed morum grandævitate maturi sunt. Unde per quemdam sapientem dicitur: *Senectus venerabilis non diuturna neque numero annorum computata. Cani sunt autem sensus hominis, et ætas senectutis vita immaculata (Sap. iv).* Hinc ergo est quod ad Moysen dicit: *Congrega mihi septuaginta viros de senioribus Israel, quos tu nosti quod senes populi sunt.* In qui-*

bus quid aliud quam senectus cordis requiritur, cum tales jubentur eligi, qui senes sunt? Si enim senectus in eis corporis quæreretur, a tantis sciri poterant a quantis videri. Dum vero dicitur, *quos tu nosti quod senes populi sint*, profecto liquet quia senectus mentis, non corporis, eligenda nuntiatur. Mystice autem descendente in nube carniū Christo, diffusa est per orbem [vel fidem] Spiritus sancti gratia super populos et septuaginta gentium linguis electos; evenitque super omnes donum illud virtutis cælestis, quod quondam fuit in Moysæ atque prophetis. *Et ait Moyses: Sexcenta millia peditum hujus populi sunt, et tu dicis, Dabo eis esum carniū mensæ integro. Nunquid ovium et boum multitudo cædetur, ut possit sufficere ad cibum? vel omnes pisces maris in unum congregabuntur, ut eos satient? Cui respondit: Nunquid manus Domini invalida est? Jam nunc videbis utrum meus sermo opere compleatur. Septuaginta: Et dixit Moyses: Sexcenta millia peditum, in quibus sum in ipsis, et tu dixisti, Carnes dabo eis, et edent mense dierum. Nunquid oves et boves occidentur illis, et sufficiunt illis? Aut omnis piscis congregabitur eis et sufficit eis? Quæri solet utrum hoc Moyses diffidendo dixisset, et nasceretur quæstio cur hoc ei non exprobraverit Dominus, sicut exprobravit quod ad petram unde aqua fluxit videtur de potestate Domini dubitasse. Si autem dixerimus hoc eum dixisse quærendo modum quo fieret, ipsa Domini responsio ubi ad eum dixit: Nunquid manus Domini non sufficit? quasi redarguentis videtur quod ille ista non credidisset. Sed melius arbitror intelligi Dominum ita respondisse tanquam modum futuri facti, quem ille requirebat, dicere noluerit, sed potius opere ipso suam potentiam demonstrare. Poterat enim et Mariæ dicenti: *Quomodo fiet istud quoniam virum non cognosco (Luc. 11)*, a calumniantibus objici quod minus crediderit, cum illa modum quæsiverit, non de virtute Domini dubitaverit. Quod autem responsum est illi: *Spiritus sanctus superveniet in te, et virtus Aliissimi obumbrabit tibi (Ibid.)*, poterat respondere et sic, quomodo hic. Nunquid Spiritui sancto impossibile est, qui superveniet in te? ac si idem sensus conservaretur. Porro autem talia quædam dicens Zacharias, incredulitatis arguitur, et vocis oppressæ poena plectitur. Quare? nisi quia Dominus non de verbis, sed de cordibus judicat? Alioqui et ad illam petram unde aqua profluxit, poterant excusari verba Moysi, nisi in eum clara esset divina sententia, quod diffidendo talia dixerit. Nam ita se ea verba habent: *Audite me, increduli: Nunquid enim de petra ista educimus vobis aquam? (Exod. xvii.)* Deinde sequitur: *Et elevata Moyses manu sua, percussit petram bis et exiit aqua multa, et bibit synagoga et pecora eorum (Ibid.)*. Utique ad hoc congregavit populum, ad hoc illam virgam, in qua tanta miracula fecerat, sumpsit, eaque petram percussit, atque inde solitæ virtutis est consecutus effectus. Verba ergo illa quibus ait: *Nunquid ex hac petra educimus vobis aquam?* possent*

sic accipi tanquam diceretur : Nempe ex hac petra secundum vestram incredulitatem aqua educi non potest, ut denique percutiendo ostenderetur fieri divinitus potuisse quod illi infidelitate non crederent, maxime quia non dixerat : *Audite me, increduli*. Ita quidem intelligi possent hæc verba, nisi Deus, qui cordis inspector est, quo animo dicta fuerint indicaret. Sequitur enim Scriptura, et dicit : *Et dixit Dominus ad Moysen et Aaron : Quoniam non credidistis mihi sanctificare me in conspectu filiorum Israel, propter hoc non inducetis vos Synagogam hanc in terram quam dedi eis*. Ac per hoc intelligitur illa verba ita dixisse Moysen, tanquam ad incertum percussisset ; ut si non sequeretur effectus, hoc prædixisse putaretur, cum ait : *Nunquid ex hac petra educimus vobis aquam?* Quod in animo ejus lateret omnino nisi Dei sententia proderetur. E contrario itaque isto loco debemus intelligere verba Moysi de promissis carnibus, quærentis potius quomodo fieret, quam diffidentis fuisse quando sententia Domini non secuta est quæ vindicaret, sed potius quæ diceret.

#### CAPUT VII.

##### *De septuaginta senioribus electis ad magisterium populi.*

(Ibid.) *Venit ergo Moyses, et narravit populo verba Domini, congregans septuaginta viros de senioribus Israel, quos stare fecit circa tabernaculum. Descenditque Dominus per nubem, et locutus est ad eum, auferens de Spiritu qui erat in Moysen, et dans septuaginta viris. Cumque requievisset in eis Spiritus, prophetaverunt, nec ultra cessaverunt. Et exiit, inquit, Moyses ad populum, et locutus est verba Domini. Donec verba Dei audit Moyses et ab ipso docetur, intus est et in interioribus consistit, atque in secretis habetur. Ubi vero turbis loquitur et populo ministrat, ei qui intus non potest stare, exire dicitur foras. Quid ergo formæ et talis continet sermo, nisi quod omnis doctor et magister Ecclesiæ, si de profundioribus mysteriis aliquid moveat, si arcanum quid reconditum de Dei sapientia proferat inter perfectos, donec in profundis sensibus versatur, intus esse et in interioribus consistere dicendus est. Cum vero ergo loquitur ad turbas, et ea profert quæ sufficiunt his qui foris sunt, et quæ potest vulgus audire, foras dicitur, et loqui ad populum verba Domini. Hoc video et Paulum fecisse et intus quidem fuisse cum diceret : *Sapientiam autem loquimur inter perfectos : sapientiam autem non hujus mundi, quæ destruetur, sed loquimur Dei sapientiam in mysterio absconditam, quam nemo principum hujus mundi cognovit (I Cor. II)*. Vides quomodo intus est et interna atque arcana divinæ sapientiæ penetrat Paulus, cum hæc loquitur? Cum autem procedit ad populum, audi quid loquitur : *Omnis sermo malus non procedat de ore vestro. Qui jurabatur, jam non furetur (Ephes. IV)*. Et : *Unusquisque vir uxorem habeat, et unaquæque mulier virum suum habeat (I Cor. VII)*. Hæc et si qua hujus-*

A modi sunt Paulus, secundum Moysi formam foras exiens, ad populum loquitur. Sed videamus et aliud capitulum, in quo refertur quod septuaginta elegerit viros Moyses ex senioribus Israel, et habuerit eos ante tabernaculum testimonii et de Spiritu Moysi accipiens Deus, dederit septuaginta senioribus. Et dum requievisset, inquit, super eos Spiritus, prophetaverunt omnes. Quod dixit quia assumens de Spiritu Moysi, dedit septuaginta senioribus, spiritum non ita intelligas quasi materialem aliquam corporeamque substantiam auferens Deus a Moysen, in septuaginta secuerit portiones et ita unicuique seniorum exiguam particulam dederit. Impium est ita intelligere naturam Spiritus sancti. Sed hoc modo figuram mysticæ hujus sermonis adverte : quasi Moyses et Spiritus qui erat in Moysen clarissimi cujusdam luminis fuerit luterna, ex qua septuaginta alias lucernas accendit Deus ; ad quas ita principalis illius luminis splendor advenerit, ut origo ipsius luminis nihil damni ex commercio derivationis acceperit. Et hoc modo pie intelligitur quod scriptum est, quia abstulit Dominus de Spiritu Moysi, et dedit septuaginta senioribus. Sed videamus quid est quod in consequentibus. Et requievit, inquit, super eos Spiritus, et prophetaverunt omnes. Requiescere Spiritum non in quibuscunque hominibus legimus, sed in beatis et sanctis. Requiescit enim Spiritus Dei in his qui mundi sunt corde, et in his qui mortificant animas suas a peccato. Sicut e contrario ille qui habitat in corpore subdito peccatis, etiamsi habitabit aliquando in eo, non enim potest Spiritus sanctus consortium habere peccati et societatem spiritus mali. Certum est enim peccati tempore adesse in corde uniuscujusque spiritum malum, et agere partes suas. Cui utique cum locus datur, et recipitur a nobis per cogitationes malas, et per concupiscentias pessimas contristatus, et ut ita dicam coangustatus, fugatur de nobis Spiritus sanctus. Propter quod et Apostolus, sciens hæc ita accidere, monebat dicens : *Nolite contristare Spiritum sanctum, in quo signati estis in die redemptionis (Ephes. IV)*. Igitur peccantes contristans Spiritum sanctum ; juste vero agentes et sancte, requiem ei paramus in nobis. Unde et quod nunc ait de septuaginta presbyteris, quia requievit in eis Spiritus, laudem vitæ eorum et virtutes exposuit.

D Denique quia pro puritate cordis eorum et sinceritate mentis, atque intelligentiæ capacitate requievit Spiritus sanctus, continuo et operatur in eis ; nec otium patitur, ubi operandi materia digna suppeditat. Ait enim Scriptura : *Et requievit in eis Spiritus et prophetaverunt*. In omnibus ergo qui prophetaverunt requievit Spiritus sanctus, nec tamen in aliquo ipsorum ita requievit, sicut in Salvatore. Propter quod et scriptum est de eo : *Quia exiit virga de radice Jesse, et flos de radice ejus ascendit, et requievit super eum Spiritus Dei, spiritus sapientiæ et intellectus, spiritus consilii et fortitudinis, spiritus scientiæ et pietatis, et replevit eum spiritus timoris Domini. (Isa. XI)*. Sed fortasse aliquis dicit : Nihil amplius

ostendisti de Christo scriptum quam reliquis hominibus. Sicut enim de cæteris scriptum est, quia requievit super eos Spiritus, ita de Salvatore dictum est, *requievit super eum Spiritus Domini*. Sed vide quia supra nullum alium Spiritus Dei requievisse septemplici virtute describitur. Per quod sine dubio ipsa illa divini Spiritus substantia; quæ quia uno nomine non poterat dici, diversis vocabulis explanatur, requiescere super virgam, quæ de stirpe Jesse procederet, prophetatur. Habeo et aliud testimonium, quo docere possim in Domino salvatore, in eo Spiritum sanctum eximio quodam genere, et longe aliter requievisse quam fertur in cæteris. Dicit Joannes Baptistæ de eo : *Qui misit me baptizare in aqua, ille mihi dixit : Super quem videris Spiritum Dei descendentem et manentem in eo, ipse est* (Joan. 1). Si dixisset *Spiritum descendentem*, et non addidisset, *et manentem in eo*, nihil præcipuum a cæteris habere videretur. Nunc autem addidit *et manentem in eo*, ut esset hoc signi in Salvatore, quod in nullo alio possit ostendi. Denuo enim scriptum est quia manserit in eo Spiritus sanctus. Et ne quis putet me in hoc derogare prophetis, sciunt ipsi, quia non ipsis derogo, præferens eis Dominum meum Jesum Christum. Recolunt enim singuli dicta sua, et inveniunt, quod de nullo alio dictum est, *quia peccatum non fecit, nec inventus est dolus in ore ejus* (Isa. LIII). Quia enim solus est qui peccatum non fecit, idcirco in ipso solo mansit, et permansit Spiritus sanctus. Si enim ipse est de quo singulare aliquid et eximium dicitur, hoc quod supra diximus, quia peccatum non fecit, constat reliquos omnes fuisse sub peccato. Si omnes, necessario et prophetas. Et quomodo convenit, ut tempore peccati mansisse in eis dicamus Spiritum sanctum? Aut si tibi incredibile videatur prophetas postquam acceperant Spiritum sanctum, potuisse peccare, adhuc ad ipsum Moysen quem habemus in manibus revertamur, qui utique maximus est, et eximius prophetarum. Ipse describit et testimonium dat de semetipso, quia peccaverit in eo quod dixit : *Audite me, increduli : Nunquid de petra ista producimus vobis aquam?* (Exod. xvii.) In his enim diotis non sanctificavit Dominum in aqua contradictionis, id est, non est confusus in virtute Dei, et dixit : Quia potens est Deus de petra ista vel hac educere vobis aquam; sed quasi ex diffidentie cujusdam fragilitate respondit dicens : Nunquid poterimus vobis de petra hac educere aquam? Quia ergo peccatum ei in his verbis reputatur a Domino, certum est quod hæc cum loqueretur, non de Spiritu sancto locutus sit, sed de spiritu peccati. Quod si Scripturæ testimonio tantus propheta Moyses ostenditur aliquando habuisse Spiritum Dei, aliquando vero non habuisse, peccati scilicet tempore, certum est quia et de reliquis prophetis similis forma tenenda sit. Quid autem de David dicam, qui Spiritu sancto tanquam possit auferri, orat ne auferatur et dicit : *Ne projicias me a facie tua, et spiritum tuum ne auferas a me* (Psal. 1).

A In sequentibus vero tanquam pro culpa ablatum a se munus reposit et dicit : *Redde mihi lætitiæ salutaris tui : et spiritu principali confirma me* (Ibid.). Quid vero etiam de Salomone commemorem, quem nemo utique dicit, aut sine Spiritu sancto judicasse judicia; vel templum Domus constraxisse; aut rursus in sancto Spiritu demonibus templa fecisse, aut impiis mulieribus flexisse latera sua. Etiam ille propheta, qui in tertio regnorum libro in Bethel mittebatur a Domino, in Spiritu utique Dei verba locutus est; non tamen in Spiritu Dei prævaricatus esse præceptum Domini credendus est, quo jussus fuerat non manducare panem in Bethel : propter quod et a leone perimitur (III Reg. xiii). Sed longum est ire per singulos. Ego autem licet non usquequaque pronuntiem, puto tamen quod in nonnullis etiam communibus hominum gestis, quæ quamvis peccato non careant, non tamen digna videantur, quibus interesse Spiritum sanctum dixerimus : ut verbi gratia, connubia legitima carent quidem peccato, ne tamen tempori illi, quo conjugales actus geruntur, præsentia Spiritus sancti dabitur, etiam si propheta esse videatur, qui officio generationis obsequitur. Sed alia plura sunt, in quibus sola sibi sufficit vis humana, et neque res indiget, neque decet adesse præsentiam sancti Spiritus. Sed in hæc per excessum quendam incurrimus, dum ostendere volumus, super solum Dominum et Salvatorem meum Jesum, mansisse Spiritum Dei; in cæteris autem omnibus sanctis, sicut et in Septuaginta senioribus, a quibus verbi gratia hujus processit exordium, requievisse Spiritum Dei tantum, et operatum esse interpretatur ea quæ expediebant his per quos operabatur, et ut utile erat his quibus ministrabant.

C *Remanserant in castris autem duo viri, quorum unus vocabatur Eldad, et alter Medad, super quos requievit Spiritus. Nam et ipsi descripti fuerant et non egressi sunt ad tabernaculum.* Non ob contemptum præcepti Domini, sed magis ob devotionem humilitatis, in castris hi duo viri remanserant, quasi indignos semetipsos judicantes ad perceptionem tanti muneris. Et ideo inspector cordium dignos eos judicavit gratia Spiritus sui : quorum tota intentio humilitatis virtute adornata fuit.

D *Cumque prophetarent in castris, cucurrit puer et nuntiavit Moysi dicens : Eldad et Medad prophetant in castris. Statim Josue, filius Nun, minister Moysi et electus de pluribus, ait : Domine mi, Moyses, prohibe eos. At ille : Quid, inquit, æmularis pro me? Quis tribuat, ut omnis populus prophetet, et det eis Dominus Spiritum suum? Pia pastorum mens, quia non propriam gloriam, sed auctoris querit; ab omnibus vult adjuvari quod agit. Fidellis namque præcator optat si fieri valeat, ut veritatem, quam solus loqui non sufficit, ora cunctorum sonent. Unde cum Josue duobus in castris remanentibus atque prophetantibus vellet obsistere, ei per Moysen dicitur : *Quid æmularis pro me? Quis tribuat, ut omnis populus prophetet, et det eis Dominus Spiritum suum?**

Prophetare quippe omnes volunt, qui bonum quod A  
habuit alijs non invidit.

## CAPUT VIII.

De eam carnium coturnicum.

(Isid.) *Reverensque est Moyses et majores natus Israel in castra. Ventus autem egrediens a Domino, acceptans trans mare coturnicos detulit et demisit in castra, timere quantum uno die confici potest, ex omni parte castrorum per circuitum, volabantque in aera duobus cubitis altitudine super terram. Surgens ergo populus, tota die illa, et nocte, et die altero, coturnicum congregavit multitudinem. Qui parum, decem coros. Et siccaverunt eas per gyrum castrorum. Adhuc carnes erant in ore eorum, nec defecerat hujusmodi cibus: et ecce furor Domini concitatus in populum, percussit eum plaga magnanimis. Vocatus B  
que est ille locus, Sepulchra concupiscentiae. Ibi enim sepelierant populum, qui carnes desideraverat. Carnalis ergo populus Judæorum caelestem cibum spernens, voluptatem carnalium desiderabat; sed divina providentia ita iudicium temperavit; ut puniret voluptuosorum concupiscentiam, nec tamen denegaret fragilibus competentem alimoniam. Quin in ipsa concessione, aliquid spiritualiter eis inueneret. Cum enim illi peterent carnes sibi impartiri, non ferarum, non quadrupedum nec terrestrium animalium eis esum tribuit, sed volucrium, quatenus ex ipsa perceptione alimentum, discerent superna magis desiderare quam terrena, spiritalia potius quam corporalia. Avium ergo natura ex aquis primum processit, sed in aera habitationem sibi acquirit. Unde C  
et qui volucrium esum percipiunt, ab imis ad superna cor levare admonentur, ut licet in terrenis corporibus degant, tamen animo semper ad celestia appetant, secundum illud Apostoli, quod dicit: In carne autem ambulantes, non secundum carnem militantes. Nostra autem conversatio in caelis est (II Cor. XII).*

*Egressi autem de sepulchris concupiscentiae, venerunt in aseoth, et manserunt ibi. Quartadecima mansio in solitudine Pharan, quae in atrium vertitur. In hac Aaron et Maria propter Aethiopsam contra Moysen murmurant. Et hoc, prudens lector, attende quod post consummatam in duodecimo numero virtutem, quia superbit Israel, et in sepulchris concupiscentiae carnes Aegyptias desideravit, rursus jacit aliud fundamentum et atria: id est, ad vestibula virtutis ingreditur, ostendens nobis et eos qui stant posse cadere, et qui ceciderunt, posse resurgere. Positus est enim Jesus in ruinam et resurrectionem multorum (Luc. II). Et ipse loquitur per Prophetam: Nunquid qui cadet non resurget?*

## CAPUT IX.

De murmuratione Aaron et Mariae contra Moysen propter Aethiopsam uxorem ejus.

(Cap. XII.) *Locutaque est Maria et Aaron contra Moysen propter uxorem ejus Aethiopsam, et dixerunt: Num, per solum Moysen locutus est Dominus? Nonne et nobis similiter locutus est? Quod cum au-*

*dixisset Dominus, iratus est. Erat enim Moyses vir miscuitus, super omnes homines, qui habitabunt in terra, etc. (Ex Augustinus.) Queri vellet utrum ipsa sit Sita Judaea, an alteram dixerit [Al., supradictis]? Sed ipsam Saisae, credibile est. De Madianitis quoque oras, qui reperuntur in Paralipomenon Aethiopes dicit, quando contra eos pugnavit Josaphat. Nam in his locis dicitur eos persecutus populus Israel, ubi Madianite habitant, qui nunc Saraceni appellantur. Sed nunc eos Aethiopes nemo fere appellat, sicut solent locorum et gentium nomina plerumque vetustate mutari. Allegorice autem Mariam dicimus formam habuisse plebis prioris: Moysen, id est legem Domini transisse ad connubium Aethiopsae hujus, quae ex gentibus congregata est. Hanc ergo Moyses, id est, lex spiritalis accepit uxorem, et pro hoc facto Maria, quae Synagoga est, indignatur et detrahit una cum Aaron, cum sacerdotibus scilicet et Pharisaeis. Derogat usque in hodiernum diem Moysi nobiscum posito plebs illa; et turpis ei videtur, quia circumcisionem carnis non docet apud nos, ne observationem sabbati, nec neomeniae, nec sacrificia sanguinis, sed circumcisionem cordis et precandi otium, diesque festos in azymis sinceritatis et veritatis, et sacrificia laudis, et non jam pecudum, sed vitiorum caedi victimas monet. Judicat ergo de his Deus, et nuptias Aethiopsae confirmat. Et Moysen quidem libenter cum ea habitare sinit et requiescere: Mariam vero ejicit extra castra, et porro facit a tabernaculo testimonii, cum non ejicitur etiam Aaron; insuper autem et lepra afficitur Maria. Aspice nunc ad illam plebem, et vide quanta in illa est lepra peccati, quanta intelligentiae caligo, quanta observantiae foeditas, quanta turpitudinis conspectus. Verumtamen haec lepra non perpetuo permanet, sed ubi septimana compleri coeperit mundi, revocabitur ad castra. In fine enim mundi cum plenitudo gentium introierit, tunc etiam omnis Israel salvabitur (Rom. XII); et tunc est, cum cessabit lepra de facie Mariae. Recipiet enim decus fidei, et splendorem Christi agnitionis accipiet, et restituetur vultus ejus, cum fiet uterque unus grex, et unus pastor, in quo vere dicendum est: O altitudo divitiarum sapientiae et scientiae Dei (Galat. III); quia ita conclusit omnes sub peccato, ut omnium misereatur, in Christo Jesu Domino nostro, sicut Apostolus dicit: Haec omnia in figura contigerunt illis: scripta sunt autem propter commotionem nostram (I Cor. X). Quaero quid commotionis accipiamus ex eo quod lectum est nobis, quia detraxerunt Aaron et Maria de Moysen, et propter hoc correpti sunt. Maria vero etiam lepra prosa efficitur. Tanta autem fuit cura correptionis hujus, ut dum Maria septimanae tempus exeret in lepra, populus Dei non ageret iter ad terram reprobationis, nec tabernaculum testimonii moveretur. Primo interim moneor, et utiliter ac necessarie moneor ex hoc facto, ne detraham fratri, ne male loquar de proximo meo, ne aperiam os meum ad*

derogandum non solum sanctis, sed quibuslibet proximis meis, videns quanta ex hac indignatio fuerit Dei, quanta vindicta processerit. Denique, adversum peccatum istud simili indignatione etiam in psalmis Domini commoveri videmus et dicere : *Sedens adversus fratrem tuum detrahebas, et adversus filium matris tuæ ponebas scandalum (Psal. XLIX)*. Similiter autem et in alio psalmo ex persona justi, scietis hoc Deo quam maxime displicere, quod dicitur : *Detrahentem occulte adversus proximum suum persequerbar (Psal. cx)*. Ex his igitur omnibus divinæ Scripturæ sermonibus velut gladiis quibusdam utrinque acutis, obtrectandi fratribus, et derogandi sanctis vitium reseceamus. Lepra enim consequitur derogantes et æcologos (ἀεκόλογος?) Post hæc autem a moralibus ad intelligentiam mysticam transeamus. Quamvis et in superioribus pauca jam dicta sunt, tamen quæ defuisse videntur addemus. Videamus ergo, quis est qui derogat Moysi, quis de eo male loquitur : non solus Judæus, sed et hæretici, qui non recipiunt legem et prophetas, ipsi detrahunt de Moyse. Denique solent ei etiam crimen impingere dicentes, quia homicida fuit Moyses : interfecit enim Ægyptium, et alia multa vel in ipsum, vel in prophetas blasphemio ore concinnant. Isti ergo qui detrahunt Moysi, habent lepram in anima sua, et sunt in homine interiore leprosi : et ideo habentur extra castra Ecclesiæ Dei. Sive ergo hæretici sunt qui derogant Moysi, sive de Ecclesia sint qui detrahunt fratribus, et male loquuntur de fratribus suis, omnibus qui hoc vitio aguntur, dubitandum non est quin leprosi sint in anima sua. Et Maria quidem interveniente Aaron pontifice septima die curatur : nos vero si obtrectationis vitio inciderimus in animæ lepram, usque ad finem septimanæ mundi, id est, usque ad resurrectionis tempus leprosi in anima permanebimus et immundi, nisi dum poenitendi tempus est corrigamus, et conversi ad Dominum Jesum ac supplicantes ei, per poenitentiam purgemur ab immunditia lepræ nostræ. Ego autem puto, quod non solus ille populus prior, neque soli hæretici, de quibus supra memoravimus detrahant de Moyse, sed et omnis, qui scripta ejus male intelligit, et qui spiritalem legem carnaliter suscipit, Moysi derogat quia de verbis sanctis carnaliter homines docet. Audistis quid sibi iudicii obtrectatores et maleloqui, et quid damnationis acquirant. Audite nunc, et quantum benefici conferant his quibus obtrectant. Nunquam invenies tantas laudes Deum dixisse de Moyse famulo suo, quantas nunc dici quidem videamus, quando ab hominibus ei derogatum est. Audi ergo in sequentibus quid dicat, et quibus Moysen laudibus efferat Spiritus sanctus.

*Et descendit, inquit, Dominus in columna nubis, et stetit ad ostium tabernaculi testimonii. Et vocati sunt Aaron et Maria, et steterunt ambo, et dixit ad eos : Audite verba mea : Si fuerit quis vestrum propheta Domini, in visionibus ei agnoscar, et in somnis loquar ei : non sicut famulo meo Moysi, qui in tota*

*domo mea fidelis est. Ore ad os loquar ad eum, in specie et non in ænigmate et gloria Deum videt. Et quare non timuistis detrahere famulo meo Moysi? Et ira furoris Domini facta est super illos et discesserunt : et nubes recessit a tabernaculo. Et ecce Maria facta est leprosa sicut nix. Videtis quid sibi poenæ contulerint obtrectatores; quid vero illi cui obtrectaverant quæsierint laudis. Sibi turpitudinem, illi splendorem; sibi lepram, illi gloriam; sibi opprobrium, illi magnificentiam quæsierunt. Verumtamen Moyses priusquam acceperat Æthiopissam, non est scriptum, quia in specie locutus est Deus ei, et non in ænigmate. Sed ubi accepit Æthiopissam, tunc dicit de eo Deus, quia ore ad os loquar ad eum, in specie, et non in ænigmate.*

**B** *Modo enim cum Moyses venit ad nos, et conjunctus est huic Æthiopissæ nostræ, lex Dei jam non in figuris et in imaginibus sicut prius, sed in ipsa specie veritatis agnoscitur. Et quæ prius in ænigmate designabantur, nunc in specie et veritate complentur. Et ideo ille, qui species figurarum et ænigmatum disserebat, dicit : Scimus autem, quoniam patres nostri omnes sub nube fuerunt, et omnes in Moyse baptizati sunt, in nube et in mari; et omnes eandem escam et potum spiritalem biberunt. Bibebant autem de spiritali sequente petra. Petra vero erat Christus (I Cor. x).* Vides quomodo ænigmata legis Paulus absolvit, et species ænigmatum docet et dicit, quia petra in ænigmate erat apud Moysen, antequam jungeretur huic nostræ Æthiopissæ : nunc in specie petra Christus est. Nunc enim os ad os loquitur per legem, Deus antea in ænigmate fuit baptismum in nube et in mari; nunc autem in specie regeneratio est in aqua et Spiritu sancto. Tunc erat in ænigmate manna cibus; nunc autem in specie caro Verbi Dei verus est cibus sicut ipse dicit : *Quia caro mea vere est cibus, et sanguis meus vere est potus (Joan. ix)*. Sic ergo jam nunc Moyses apud nos positus, et huic Æthiopissæ conjunctus, vel ipse ad nos, vel ad ipsum Dominus non loquitur in ænigmate, sed in specie. Hic autem additur : *Et gloriam, inquit, Domini vidit.* Quando vidit Moyses gloriam Domini? Ego tunc dico, quando transformatus est Dominus in monte, et aderat ibi Moyses cum Elia, et colloquebantur ei. Et ideo recte in consequentibus adjungit, et quare non timuistis detrahere famulo meo Moysi? Quod evidenter utique ad eos dictum dirigitur, qui Evangelia quidem suscipere videntur, derogant autem Moysi. Et merito arguuntur, quia cum discant per Evangelium quod Moyses una cum Elia vidit gloriam Domini, legi et prophetis ausi sunt derogare. Et ideo nos non detrahimus Moysi, nec derogemus legi, sed *simus non solum auditores legis, sed factores*, ut cum ipso Moyse conglorificari mereamur. Ego autem puto quod et illi materiam præstant ad derogandum Moysi, qui verbi causa cum legitur liber Levitici, vel lectio Numerorum, non ostendunt quomodo hæc quæ in ænigmate scripta sunt, intelligi per speciem debeant; id est, qui non

spiritaliter ea quæ in lege leguntur exponunt. Necessario enim qui audiunt ritum sacrificiorum, vel sabbatorum, vel similibus in Ecclesia recitari, offendantur, et dicant : Quid hoc necesse est in Ecclesia regi? Quid nobis prosunt præcepta Judaica, et spreti populi observantiæ? Hæc Judæorum sunt, et Judæi de his viderint. Ne ergo hujusmodi offendicula auditoribus accedant, danda opera est ad scientiam legis; et secundum hoc quod spiritalis est lex, intelligenda et explananda sunt quæ leguntur, ne doctorum causa, imo desidia et negligentia, ab imperitis et indoctis derogetur Moysi. Sed et convertamur ad Dominum ut auferat a nobis velamen litteræ, et non nobis deformis vultus Moysi, sed gloriosus et decorus appareat, ita ut non solum obtretemus, sed pro magnitudine sensuum, laudem ei et gloriam conferamus. Et ira furoris Domini facta est super illos, et discesserunt; et nubes recessit a tabernaculo. *Et ecce Maria facta est leprosa sicut nix.* Ira furoris Domini efficitur super eos qui male loquuntur et detrahunt. Verumtamen quod dicit *nubes recessit a tabernaculo, et ecce Maria facta est leprosa sicut nix*, considerandum diligentius est, quod prius recedit nubes, et ita lepra repletur: ut ostendatur quia etiam si est in aliquo gratia Spiritus sancti et obtrectat ac detrahit, recedit ab eo post obtrectationem; et sic lepra repletur anima ejus. Nam et populus ille prior habuit in se gratiam Dei; sed postquam in verum Moysen Dominum nostrum Jesum Christum extenderunt linguas blasphemiarum suarum, discessit ab illis nubes, et transivit ad nos in montem excelsum, cum Salvator noster transformatus est, et nubes refulgens obumbravit discipulos ejus; et venit vox de nube dicens: *Hic est Filius meus dilectus, in quo mihi bene complacuit* (Matth. xvii). Post hoc ergo Maria facta est leprosa sicut nix. Donec aderat nubes, Maria non erat leprosa, sed cum discessit. Donec enim visitatio Dei erat in populo illo, non erat leprosus. Ubi vero discessit, ignominia vultus sui contexit eum. Sed nos timeamus ne forte effugemus a nobis hanc nubem male loquendo, male agendo, male cogitando, et tunc apparebit in nobis lepra peccati.

*Et respexit Aaron ad Mariam, et ecce erat leprosa. Et dixit Aaron ad Moysen: Precor, Domine, ne contuleris in nos peccatum, quoniam ignoravimus quod peccavimus: ne fiat simile morti, et ut aborsus ejectus de vulva matris. Et comedit dimidium carnis ejus.* Vult in hoc ostendere, quia populus ille formatus in vulva quidem fuerit suæ matris synagogæ, non tamen pervenire potuerit ad effectum et integrum partum; sicut enim aborsus imperfectus et incompositus est partus, ita et ille populus aliquanto quidem tempore intra vulvam matris, hoc est, intra synagogæ institutionem positus est; sed peccatis intercedentibus formari ad integrum, vivificarique non potuit. Et ideo abjecti sunt velut aborsus imperfectus et immaturus, peccato scilicet consumente dimidium, ut ait, *carnis ejus.* Et tamen interdum et

aborsus bonus. Bonus autem aborsus dicitur, cum aliis comparatur: sicut Ecclesiastes ait: *Et dixi: Bonus est aborsus, magis quam ille. Qui ille? qui in vanitate, inquit, incedit, et in tenebris ambulat* (Eccles. vi). Non ergo absolute bonum dicit aborsum, sed bonum magis quam vita quæ in vanitatibus ducitur, et in tenebris ignorantie. *Et proclamavit Moyses ad Dominum dicens: Deus, precor te, sana eam.* Et quem oportebat orare pro sanitate populi illius nisi Moysen? Orat Moyses pro illis, et forte hoc orat, quando cum Domino Jesu Christo colloquebatur, cum in monte transformatus est, petens ab eo, ut cum plenitudo gentium introisset, tunc omnis Israel salvus feret (Rom. xi).

*Et dixit Dominus ad Moysen: Si pater ejus spuisset in faciem ejus, non erubesceret septem diebus? Separetur septem diebus extra castra, et post hæc introibit.* Quid est, si pater ejus spuisset in faciem ejus, erubesceret septem diebus? Mariam synagogæ loco posuimus. Expuit pater ejus in faciem. Signum repudii est in faciem conspuere. Denique in lege scriptum est; ubi jubetur, *ut relicta proximi, proximo nubat. Si voluerit proximus repudiare conjugium, ut decalceatus in faciem conspuatur* (Deut. xxv): et hoc datum est velut signum repudii. Hinc ergo Maria, id est, populus ille cum repudiatur a Deo, conspuere in faciem dicitur. Habemus et in alio loco significantiam sputi, cum dicit Isaias: *Omnes gentes sicut guttæ situlæ, et sicut sputum reputatæ sunt* (Isa. xl). Ostenditur in hoc loco, quod etiam populus ille sicut gentes cæteræ quæ in sputum reputantur, abjectus est. Et revera si consideres honorem illum priorem, cum pontificalis apud eos ordo florebat, cum insignia sacerdotum, cum Levitica ministeria, cum majestas templi, cum prophetalis splendor, et cum cælestibus super terram consortiis utebantur, qui honor fuit ille, quæ gloria? Et rursus si nunc aspicias, quanto de decore horrescant, sine templo, sine altari, sine sacrificio, sine prophetia, et sine sacerdotio, sine ulla cælesti visitatione dispersi per omnem terram, profuge viventes, quis non evidenter agnoscat, quomodo conspuunt pater ejus in faciem ejus, et perfudit vultus eorum ignominia? Septem ergo diebus separatur extra castra. Diximus jam in superioribus quod septem dies isti septimanam mundi hujus designent. In septimana enim dierum, creaturæ totius visibilis productæ videntur esse substantiæ. Tunc enim quæ non erant, facta sunt. In septimana vero totius mundi, secreta quadam et Deo cognita dispensatione, quæ tunc producta sunt explicantur. Interim in hac septimana qua sequestrata est Maria, non moventur castra filiorum Israel, sed stant uno in loco conclusi, et nullus est eis omnino profectus, donec mundetur Maria a lepra sua.

#### CAPUT X.

*De duodecim exploratoribus missis a Moysen in terram Chanaan, et de his quæ inde gesta sunt.*

(CAP. XIII.) *Profectus est populus de Aseroth, fixi*

tentorijs in deserto Pharan. Ibi locutus est Dominus ad Moysen dicens : Mille viros, qui considerent terram Chanaan, quam daturus sum filiis Israel, singulos de singulis tribubus ex principibus. Aseroth interpretatur domus perfecta. Proficiscitur igitur populus, posteaquam Maria purgata est, a domibus perfectis, et venit in Pharan, quod interpretatur os visibile. Potest intelligi, quod Verbum caro factum est, et invisibilis visibilis effectus est; et hoc significari, posteaquam finis et perfectio omnium quæ erga illum populum gerenda fuerunt, venit; et tunc transit et venit ad eum, quem Verbum carnem factum ante non credidit. Notandum autem, quod Pharan non speciale nomen est mansionis alicujus, sed solitudinis quæ plures continebat in se mansiones, sicut in consequentibus istius libri, ubi catalogus mansionum integer est, demonstratur. Ibi enim narratur, quod profecti filii Israel de Aseroth, castra metati sunt in Rehtma; deinde Remuom Phares; et deinde in Lebna; et sic omnes per ordinem usque ad Asiongaber : id est, usque ad tricesimam secundam mansionem, sub Pharan solitudinis nomine mansiones comprehensæ sunt. Ab hac itaque mansionem, hoc est, Rehtma, quæ fuit in ordine quinta-decima, usque ad tricesimam secundam, istiusmodi continentur historiæ. Duodecim exploratores mittuntur ad terram sanctam, botrus refertur in ligno, et Christi breviter passio demonstratur. Murmurat populus Judæorum, gigantum impetum reformidans. Pugnat contra Amalech, et Chananaeum nolente Deo, et vincitur. Intelligit quæ debeat in terra sancta exercere sacrificia. Dathan et Abiron et filii Chore consurgunt contra Moysen et Aaron, et terræ voragine glutinuntur. Inter mortuos et viventes pontifex medius, thuribulo armatus ingreditur, et currens ira Dei, sacerdotis voce prohibetur. Virga Aaron et florem profert et folia, et in æternam memoriam virens siccitas consecratur. Nec dum templum etiam æditui, nec dum sacerdotes et Levitæ obtulerunt sacrificia, et partes eorum mysticus sermo describit. Vitula rufa in holocausta concrematur; et cinis ejus piacularis aspersio est. Quorum omnium figuræ proprias flagitant solutiones : quæ in suis locis dicentur.

Misti ergo eos Moyses ad considerandam terram Chanaan, et dixit ad eos : Ascendite per meridianam plagam; cumque veneritis ad montes, considerate terram qualis sit, et populum qui habitator est ejus, utrum fortis an infirmus, pauci numero an plures; ipsa terra bona an mala; urbes quales, muratæ an absque muris; humus pinguis an sterilis; nemorosa an absque arboribus. Confortamini et afferte nobis de fructibus terræ. (Ex Augustino.) Exposuisse intelligitur secundum quid dixerit : Si potens aut infirmus, hoc est, si pauci sunt aut multi. Nam quæritur quomodo possent de monte prospicientes sentire humanarum virium fortitudinem. Potest et alius sensus esse multo congruentior veritati. Quod ait, ascendens in montem, in ipsam terram dixit quam explorare volebant. Non

enim possent facile exploratores intelligi, ubi equam peregrinantes omnia perquirebant. Nam si de montis vertice eos putaverimus conspexisse terram et explorare, quomodo possent acquirere omnia, quæ Moyses exquirenda præcepit? Quomodo intrare civitates, quas eos Scriptura dixit intrasse? Quomodo de alia valle botrum tollere propter quem et loco nomen est inditum, et vallis Botri diceretur? In ipso monte explorabatur terra, quia ipse erat terra quæ exploraretur; et ibi erat quidem depressior locus, de qua valle botrus ablatus est.

Cumque ascendissent, exploraverunt terram a deserto Sin, usque Roboh intrantibus Emath. Ascenderuntque ad meridiem, et venerunt in Ebron, ubi erant Ahiman et Sesai et Tholmai, filii Enach. Nam Ebron septem annis ante Theban urbem Ægypti condita est. Pergentes usque ad torrentem Botri, absciderunt palmitem cum uva sua, quem portaverunt in vœcte duo viri. De malis quoque granatis, et deficiis loci illius tulerunt, qui appellatus est Nahal escol *נַחַל עֶסְקוֹל*, id est, torrens botri eo quod botrum inde portassent filii Israel. Duodecim exploratores mitti ad explorandam terram uberem, qui tenerant populum ne crederent posse accipere a Domino terram repromissam, Scribarum et Pharisæorum prætulerunt indicium. Sicut enim illi per Moysen missi sunt, ut soli fecunditatem sollicita consideratione tractarent, ita et isti per legem et prophetas jussi sunt, ut per vestigationem Scripturarum, Dominicum specularerent adventum, in quo erat terra, id est, terra sancta, in qua regnum Dei et ubertatem fructuum spiritualium et vitam æternam consequi possent. Sed sicut illi desperatione terruerunt populum, ne de Dei promissione confideret, ita et isti Scribæ et Pharisæi suaserunt populo Judæorum, ne crederent Christum, ad Ægyptum sæculi hujus redire cupientes, repudiantes manna fidei, quærentes oles peccatorum nigras, et capras blasphemiarum putidas, et pepones vitiorum ac libidinum corruptione marcescentes. Ille autem botrus uvæ quem in ligno de terra repromissionis duo advexere vectores, botrus pendens a ligno, utique Christus ex ligno crucis promissans gentibus de terra genitricis Mariæ, secundum carnem terræ stirpis visceribus effusus. Duo bajuli qui sub onere botri illius incedebant, populus uterque est : cujus prior Judæicus, cæcus et adæsus, ignarus pendens gratiæ, et pressus onere suspensi, cui subicitur judicanti. De quibus dicitur : *Obocuretur oculi eorum ne videant, et dorsum illorum comper incurva* (Psal. LXVIII). Qui vero posterior veniebat, populi gentium gerebat figuram : qui credens et Christum ante oculos habens, semper eam partem videt, et quasi servus Dominum, et discipulus magistrum sequitur, sicut ipse Dominus in Evangelio ait : *Si quis vult post me venire, tollat crucem suam et sequatur me* (Math. XVI). Hic autem est botrus quem analus granata sociata, inauomeris granis secuta est, nostra ecclesie sociata mater, habens intra se per granorum numerum, multitudinem populorum, per subeom



angelis Christi signaculo coruscantem. Habentem A quæm intus distincta grana, sicut Apostolus ait, *discia charismata et dona Spiritus sancti gratia distributa* (I Cor. xii). Quibus omnibus indignos se increduli iudicantes, terram carnis Christi fluentem lacte et melle, accipere non meruerunt, quam per fidem servi ejus, id est, Christiani populi consecuti sunt. De cuius doctrina quotidie dicit Ecclesia: *Quam dulcia faucibus meis eloquia tua, super mel et favum ori meo* (Psal. cxviii). Ficum autem quem cum botro de terra repromissionis attulerunt, imaginem legis attulisse evangelicis edocemur exemplis: sicut et botrum constat figuram Salvatoris ostendere, quemadmodum in Canticis canticorum Ecclesia dicit de Christo: *Frater meus ut botrus cypri* (Cant. i). Quia nec Christus sine lege, nec lex sine Christo esse poterit. Reversique exploratores terræ, post quadraginta dies venerunt ad Moysen et Aaron, et ad omnem filiorum Israel exercitum in desertum Pharan quod est in Cades. Solitudo Pharan decem et octo continet mansiones, in quarum ultima reversi exploratores ad Moysen, renuntiaverunt quæ in terra repromissionis conspexerant, reportantes inde botrum in vecte, simul cum malgranatis et ficis loci illius. Inde et in sequentibus scriptum est: *Profecti de Asiongaber, castrametati sunt in deserto Sin, hoc est, Cades. Cades autem, non ut plerique æstimant sancta dicitur, sed mutata sive translata. In hac mansione moritur Maria et sepelitur; et propter aquas contradictionis, Moysès et Aaron offendunt Dominum, et prohibentur transire Jordanem.*

#### CAPUT XI.

*De murmure populi et vindicta ob hoc in eos prolata.*

(Lxx.) *Locutique eis et omni multitudini, ostenderunt fructus terræ, et narraverunt dicentes: Venimus in terram ad quam misisti nos, quæ revera fluit lacte et melle, ut ex his fructibus cognosci potest. Sed cultores fortissimos habet, et urbes grandes nimis atque muratas. Scirpem Enach vidimus ibi, et reliqua. De exploratoribus terræ narratur, qui missi renuntiarent, quod terra quidem sit bona et admirabilis, habitent autem in ea filii gigantum. Jesus tamen non desperat, sed confirmat populi fidem cum Caleph, qui est de tribu Juda, et dicunt. Si diligit nos Deus, introducet nos in terram hanc. Quæ ergo est terra ista secundum spiritalem intellectum, quæ terra quidem sancta est et terra bona, sed impius habitator? Qui sunt ergo isti hostes, qui habitant in terra sanctorum, et quomodo ejiciendi sunt, ut illis ejectis, sancti succedant in locum eorum? Redeamus ad Evangelia, redeamus ad Apostolum. Evangelia sanctis promittunt regna cælorum. Apostolus dicit: *Nostra autem conversatio in cælis est* (Philipp. iii). In cælis ergo locus hæreditatis, qui promittitur sanctis; et quid putamus, quod in his locis quæ tibi promittuntur nullus non habitator sit, quem tu debeas inde pugnando depellere? Et quomodo ergo dicit Dominus: *A diebus Joannis Baptistæ regnum cælorum vñ patitur, et vñ facientes diripiunt illud?**

(Matth. xii.) Nisi enim esset quibus vis fieret, nisi essent qui inde pelli et excludi deberent, nunquam diceretur per vim diripiendum esse regnum cælorum. Et nisi essent cum quibus nobis certamen esset et præteritum, nunquam diceret Apostolus: *Non est nobis colluctatio adversus carnem et sanguinem, sed adversus principatus et potestates, adversum mundi hujus rectores tenebrarum harum, adversum spiritalia nequitiæ in cælestibus.* De quibus etiam illud Dei dictum, per prophetam intelligendum videtur, ubi ait: *Et inebriatus est gladius meus in cælo* (Isa. xxxiv). Necessè est enim spirituales nequitiæ, quæ in cælestibus esse dicuntur, qui sunt veri Chananæi, vindicte te, et expelli de cælestibus locis, ut tu pro illis habites ibi. Scio tamen gigantes eos esse. Gigas dicitur omnis, qui adversum Deum resistit. Quicumque ergo adversatur Deo et contrarius est veritati, quod illi principaliter faciunt, merito gigas appellatur. Tibi ergo præstat, ut ejicias gigantes, et intres in regnum eorum. An non de quodam ex ipsis scriptum est: *Qui accipiet a gigante spolia?* De quo etiam dicit Dominus in Evangelio: *Nemo potest introire in domum fortis, et diripere vasa ejus, nisi prius alligaverit fortem* (Marc. iii). Nunc ergo in quantum in comparisonem humanæ et dæmoniæ naturæ, nos locustæ sumus, et illi gigantes; et præcipue si dubia sit fides nostra et si nos perterreat infidelitas, illi vere gigantes erunt, et nos locustæ sumus. Si vero sequamur Jesum, et credimus verbis ejus ac fide ejus repleamur, tanquam nihil erunt respectu nostri. Audi enim quomodo nos hortatur et dicit: *Si amat nos Dominus, introducet nos Deus in terram hanc, quæ bona est, et fructus ejus mirabilis. Typus est figura, quæ præcessit in patribus, completur in nobis. Ejecerunt illi gentes, et consecutæ sunt hæreditatem eorum; consecuti sunt omnem terram Judææ et Jerusalem, et civitatem et montem Sion. Hæc in illis impleta sunt. Ad te autem quid dicitur: Non enim, inquit, accessistis ad ea, quæ visibilia sunt, sed ad invisibilia. Accessistis enim, inquit, ad montem Dei viventis, et ad civitatem Jerusalem, et ad multitudinem angelorum* (Hebr. xii). Sed et alibi idem Apostolus dicit: *Jerusalem autem, quæ sursum est libera est, quæ est mater omnium nostrorum* (Gal. iv). Si quis verbis Apostoli dicentis Jerusalem esse cælestem non accommodat fidem, potest et hæc verba nostra recusare. Si vero verbis Pauli fides adhibenda est, et Jerusalem cælestem esse credimus, ad typum terrenæ hujus. Et quæ scripta videntur de hac terræna ad illam cælestem rectius spiritali intelligentia conferemus. Accessimus ergo sicut Paulus dicit ad cælestem Jerusalem, sine dubio ad cælestera Judæam. Et sicut illi de terrestri Judæa ejecerunt Chananæos et Evæos et reliquas gentes, ita et nos, qui accessimus ad montem Dei, et ad regna cælestia, necesse est ut expellamus de eis contrarias potestates, et spiritalia nequitiæ in cælestibus. Et sicut illi ejecerunt Jebusæum de Jerusalem, et quæ prius Jebus vocitata fuerat, postmodum Jerusalem appellata est,

ita et nos oportet expellere Jebusæum de Jerusalem, et sic hæreditatem ejus consequi. Sed illi quidem faciebant hæc armis visibilibus, nos autem invisibilibus. Illi vincebant corporalibus præliis, nos autem spiritali certamine speramus. Quod si vis audire, Paulus, qui non solum magister gentium, sed et militiæ hujus magister est, quomodo pugnaverit prior, audi quid ipse describat, sicut etiam supra memoravimus: *Non est, inquit, nobis colluctatio adversus carnem et sanguinem, sed adversus principatus et potestates, adversus rectores mundi hujus tenebrarum, adversum spiritalia nequitiæ in cælestibus (Ephes. vi).* Propterea et hanc pugnam spiritalem atque invisibilem pugnaturis, spiritalia arma et invisibilia tela componit et dicit: *Induite vos lorica[m] charitatis et galeam salutis, assumentes scutum fidei, in quo positis omnia tela maligni ignita extinguere. Sed et gladium spiritus, inquit, assumite, quod est verbum Dei (Ibid.).* Cum ergo talibus te armaveris telis, sequens Jesum ducem, non verearis gigantes illos. Videbis enim quomodo eos tibi subjiciet Jesus. Et sicut Patres calcaverunt cervices gentium, ita et tu calcabis super cervices hominum. Ipse enim dicit his qui eum fideliter sequuntur: *Ecce enim dedi vobis potestatem calcandi super serpentes et scorpiones, et super omnem virtutem inimici (Luc. x).* Vult enim Jesus semper res mirabiles facere; vult de locustis gigantes vincere; et de his qui in terris sunt cælestes superare nequitiis. Et fortasse hoc erat, quod dicebat in Evangeliiis: *Quia qui credit in eum, non solum faciet illa, quæ ipse facit, sed majora, inquit, horum faciet (Joan. xiv).* Vere enim majus mihi videtur, si homo in carne positus, fragilis et caducus, fide tantum Christi et verbo ejus armatus, super gigantes dæmonum legis, quamvis ipse sit qui vincit in nobis, plus tamen dicit esse, quod per nos vincit quam quod per se vincit. Tantum est ut nos armis istis semper simus armati, et conversatio nostra semper in cælis sit, vel omnis motus noster, omnis actus, omnis cogitatio, omnis sermo cælestis sit. Quanto enim nos illuc ardentius ascendimus, tanto illi præcipites inde descendunt. Et quanto nos augemur, tanto illi inferiores efficiunt. (CAP. XIV.) *Cumque clamaret omnis multitudo, et lapidibus vellet eos opprimere, apparuit gloria Domini super tectum sæderis, cunctis videntibus Israel. Et dixit dominus ad Moysen: Usquequo detrahet mihi populus iste? Quousque non credent mihi in omnibus signis, quæ feci coram eis? Feriam igitur eos pestilentia atque consumam; te autem faciam principem super gentem magnam, et fortiolem quam hæc est, et rel. Duodecim missi sunt inspectatores ex filiis Israel, ad considerandam terram, quæ eis fuerat repromissa. Hi quoque post quadraginta dies regressi, diversa renuntiant. Nam ex his in desperationem mittunt populum, ita ut velint abjecto Moysæ, eligere alium ducem, et reverti in Ægyptum; alii vero duo bona nuntiant, et cohortantur populum permanere in fide dicentes: Si diligit nos Deus, introducet nos in terram hanc. Sed populus infidelitatis desperatione præ-*

A cepit agitur, et ad lapidandos eos, qui bona nuntiant, prosiluit: Majestas Domini vero protegit eos in nubibus, et dixit Dominus ad Moysen: *Feriam eos morte et interimam eos, et faciam te et domum patris tui in nationem magnam, et multo magis, quam hæc est.* Fit ergo tanta hæc comminatio a Domino, non ut passibilis et iracundiæ vitio subjacens ostenditur divina natura, sed ut per hæc et Moysi charitas quam erga populum habebat, et Dei bonitas, quæ supra omnem mentem est innotescerent. Scribitur enim irasci Deus et comminari interitum populo, quo deceatur homo tantum sibi esse apud Deum loci tantumque fiducia, ut etiam si sit aliqua in Deo indignatio, obsecrationibus mitigetur humanis, tantumque de eo impetrare posse hominem, ut et propria instituta convertat. B. Bonitas enim quæ subsequitur iracundiam, et Moysi fiduciam ostendit apud Deum, et alienam ab iracundiæ vitio divinam docet esse naturam: simul et mysterium in sæculi futuris explendum continet sermo, per quem promittit Deus quod alium hoc abjecto resuscitet. Ait enim: *Percutiam eos morte et perdam eos, et faciam te et domum patris tui in nationem magnam, multo magis quam hæc est.* Comminatio enim hæc, non est iracundia, sed prophetia. Assumenda namque erat alia natio, id est, populus iste nationum, sed non per Moysen. Excusavit se namque Moyses. Sciebat namque quia gens illa magna, quæ repromittitur, non per Moysen vocanda erat, sed per Jesum Christum, et non Mosaicus, sed Christianus erat populus appellandus. Idcirco igitur pluribus C exhortatur Moyses pro populo illo; Dominus vero correptionis modum librata moderatione, dispensat et dicit:

*Quia viri quidem, qui exierunt de Ægypto, et tentaverunt me atque increduli permanserunt, cadent in deserto hoc: Et non videbunt, inquit, terram, quam juravi patribus eorum; sed filii eorum, qui sunt mecum hic, quicumque ignorant bonum vel malum.* Sit fortassis aliquid etiam secreti mysterii in verbis Domini dicentis: *Filii ipsorum, qui sunt mecum hic.* Ubi mecum hic? Aut quomodo mecum? Qui habet aures audiat. Nos interim dicimus, quia patres nostri fuerunt populus ille prior; nos autem filii ipsorum pro illis surreximus et erecti sumus, qui nesciebamus bonum vel malum. Ex gentibus enim sumus, quia neque bona, quæ ex Deo veniunt noveramus, neque mala, quæ ex peccato generantur. Si tamen succedentes in locum eorum, qui abjecti sunt, tanti lapsus timeamus exemplum, audientes commonitionem Pauli dicentis: *Vide autem severitatem et bonitatem Dei. In eos autem qui ceciderunt, severitatem; in te quidem bonitatem, si tamen permanseris in bonitate. Alioqui et tu excideris, et illi si non permanserint in incredulitate, inserentur (Rom. xi).* Addidit autem post hæc Dominus et dicit: *Filii vestri erunt incolæ quadraginta annis in deserto.* Et quid haberet mysterii numerus iste, declarat dicens: *Secundum, inquit, numerum dierum quibus considerastis terram quadraginta diebus, pro die per annum*

recipietis peccata vestra quadraginta annis. Timeo ergo mysterii hujus secreta discutere. Video enim quod peccatorum in hoc ratio comprehenditur, et poenarum. Si enim unicuique peccatorum annus ascribitur ad poenas pro unius diei peccato, et secundum rationem dierum quibus peccatur, annorum totidem numerus in suppliciis consumendus est, vereor ne forte nobis qui quotidie peccamus, et nullum forte vitæ nostræ diem absque peccato transegimus, ne ipsa forte sæcula sæculorum sufficere possint ad poenas luendas. In eo enim quod populus illo quadraginta dierum delicto, quadraginta annis cruciatur in deserto, nec Terram Sanctam introire permittitur, similitudo quædam futuri iudicii videtur ostendi, ubi peccatorum ratio discutienda est, nisi erit aliqua fortasse etiam bonorum operum compensatio, vel etiam eorum, quæ in vita sua unusquisque mala recipit, ut Abraham de Lazaro docuit (*Luc. xvi*). Sed hæc nullus est nosse ad integrum, nisi illius cui omne iudicium tradit Pater. Quod dies peccati in annum poena reputatur, non solum in hoc libro, in quo nihil omnino est quod dubitari possit, ostenditur, sed et in libello Pastoris, si cui tamen scriptura recipienda videtur, similia designantur. Sed fortasse aliquis neget bonitati Dei convenire, ut pro unius diei peccato, annum suppliciorum rependat. Sed fortasse aliquis dicit etiam: Si diem pro die reddat, quamvis justum, non tamen clemens videtur aut benignum. Audi ergo adhæc, si forte possimus difficultatem rei exemplis lucidioribus explanare. Si vulnus corpori infligatur, aut nervorum junctura resolvatur, sub unius horæ spatio hujus mundi vulnera solent corporibus accidere, et postmodum, cruciatibus ac doloribus exactis, multo vix tempore sanari. Quanti enim timores in loco, quanta tormenta generantur. Jam vero si accidat ut in eodem vulnere vel in eadem fractura, iterum et sæpius quis vulneretur, frequentiusque frangatur, quantis hoc poenis curari, quantis potest cruciatibus medicari, quanto autem tempore, si tamen potuerit, ad sanitatem perducitur. Et vix aliquando ita curabitur, ut vel debilitatem corporis, vel sceditatem cicatricis effugiat. Transi nunc ab exemplo corporis ad animæ vulnera. Anima quoties peccat, toties vulneratur. Et ne dubites peccatis eam velut telis et gladiis vulnerari, audi Apostolum monentem: *Assumite scutum fidei, in quo possitis omnia jacula maligni ignea extinguere* (*Ephes. vi*). Vides ergo peccata maligni esse jacula quæ in animam diriguntur. Patitur autem anima non solum vulnera jaculorum, sed et fracturas pedum, cum laquei parantur pedibus ejus, et supplantantur gressus ejus. Hæc ergo et hujusmodi vulnera, quanto tempore putas posse curari? O si possimus per unumquodque peccatum videre quomodo homo noster interior vulneratur, quomodo sermo malus vulnus infligit. Non legistis dicunt, quia vulneraverant gladii, sed non ita ut lingua? Vulneratur ergo et per linguam anima; vulneratur et per cogitationes et concupiscentias malas; frangitur autem et conteritur, per opera

peccati. Quæ si omnia videre possimus, et vulneratæ animæ sentire cicatrices, certum est, quod usque ad mortem resisteremus adversum peccatum. Si nunc sicut hi qui vel dæmone repleti, vel mente alienati sunt, non sentiunt si vulnerantur, quia naturalibus sensibus carent, ita et nos vel cupiditatibus sæculi amentes effecti vel inebriati, sentire non possumus quanta vulnera, quantas contritiones animæ peccando conquirimus. Et ideo consequentissima ratio est, poenæ, id est, curæ ac medicationis tempus extendi; et per unumquodque vulnus pro qualitate plagæ, medendi quoque spatia propagari. Sic ergo et Dei æquitas ac benignitas etiam in ipsis animæ suppliciis evidens fiat, ut hæc audiens, qui peccavit respiscat, et ultra non peccet. Conversio enim in præsentī vita et poenitentia fructuosa gesta celerem conferet hujusmodi vulneribus medicinam, quia poenitentia non solum vulnus præteritum sanat, sed et ultra animam peccato non sinit vulnerari. Imo et illud adjiciam verbi causa: Si peccator sum, nunquid eadem erit mihi poena si semel peccavi, quæ et si secundo et tertio, et si frequentius peccem? Non ita erit, sed pro modo, et numero, et mensura peccati, etiam poenæ quantitas metienda est. Deus enim dabit nobis panem lacrymarum, et potabit nos in lacrymis, sed in mensura. Mensura autem hæc erit, quam sibi in hac vita unusquisque vel majus, vel amplius peccando quæsierit. Sed et calix in manu Domini, vini meri plenus misto dicitur esse. Miscetur ergo sine dubio unicuique et fiet iudicium ejus, non solum de malis quæ gessit, sed etiam ex bonis; et tamen cum utraque misceantur, fex ejus quam ego puto malorum partem dici, non ad integrum exinanietur, sed hæc, ut diximus, in manu Dei sunt. Nostrum est autem ad emendationem citius festinare, ad poenitentiam sine dissimulatione converti, lugere præterita, cavere futura, invocare auxilium Dei. Statim enim ut conversus in genueris, salvus eris. Invenies enim advocatum, qui pro te interpellat Patrem, Dominum Jesum multo præstantiorem quam fuit Moyses; qui tamen oravit pro illo populo et exauditus est. Et fortasse propterea Moyses scribitur intervenisse pro peccatis populi prioris et impetrasse veniam, ut multo magis nos confidamus, quod advocatus noster Jesus indubitatum nobis veniam præstabit a Patre, si tamen convertamur ad eum, et non recedat retro cor nostrum, sicut Joannes in Epistola sua dicit: *Hæc autem dico, filioli, ut non peccetis* (*Joan. ii*). Quo si peccaverit aliquis vestrum, habemus advocatum apud Patrem justum, qui interpellat pro peccatis nostris.

*Locutusque est Moyses universa verba hæc ad omnes filios Israel, et luxit populus nimis. Et ecce mane primo surgentes, ascenderunt verticem montis atque dixerunt: Parati sumus ascendere ad locum, de quo Dominus locutus est, quia peccavimus. Quibus Moyses: Cur, inquit, transgredimini verbum Domini, quod vobis non cedet in prosperum? Nolite ascendere. Non enim Dominus est vobiscum, ne corruatis coram inimicis vestris. Amalechites et Chananeus ante vos sunt:*

quorum gladio corruetis, eo quod nolueritis acquiescere Domino. At illi contenebrati ascenderunt verticem montis. Arca autem testamenti Domini et Moyses, non recesserunt de castris. Descenditque Amalechites et Chananæus, qui habitant in monte, et percutiens eos atque concidens, persecutus est usque ad Horma. O mira protervitas humanæ mentis, et horrenda stultitia per malitiam excecata cordis. Mandat Deus promissionibus credere, et de sua patientia confidere, sicque terram possidendam intrare. Huic humana stultitia renuit credere, et jussis spernit obtemperare salubribus. E contrario denuntiat Deus eis propter peccata eorum et perfidiam, possessionem terræ sibi ante repromissæ, suumque auxilium eis denegat conferre. At illi contenebrati, contra voluntatem Dei eam volunt invadere. Quorum imitatores, utinam nostris temporibus non haberemus. Sunt enim pro dolor! non pauci moderno tempore, qui licet veteres de sua protervia redarguant, et incredulitatem eorum reprehendant, nihilominus ipsi in moribus ipsorum sequaces existant: qui nec bonis promissis per divinam legem adipiscendis instant, nec prohibitis malis peccando se implicare non cessant. Sed sicut nec illis, ita nec istis hæc pertinacia cedit in prosperum. Nam spirituales Amalechitæ et Chananæi, qui habitant in montibus superbiæ, percutiunt eos atque concidunt, persequentes usque Horma. Amalechitæ enim populus *lingens sanguinem*, et Chananæi *negotiantes* sive *motus*. Horma *anathema* interpretatur. Cælestes ergo nequitie, quæ interitum nostrum desiderant, et terrenis cupiditatibus nos implicare volunt, si perseveraverimus in peccatis, et in montibus superbiæ ascendere non desistimus, concideant nos ignitis jaculis, atque ad anathema perpetuum perducent. Unde non secundum Pelagianitas de nostra sine gratia Dei præsumere debemus potentia, sed humiliter infirmitatem nostram considerantes, id quod Domini ore decernitur, obediendum et sequendum per omnia nobis humiliter credamus. Sicque nobis hostes cuncti inferiores existuant, et ad cælestis patriæ gaudia, quæ nobis promissa sunt, pervenire per Domini misericordiam prævaleamus.

## CAPUT XII.

*De ritu sacrificiorum per singulas species.*

(CAP. XV.) *Locutus est Dominus ad Moysen dicens: Loquere ad filios Israel et dices ad eos: Cum ingressi fueritis terram habitationis vestræ, quam ego dabo vobis, et feceritis oblationem Domino in holocaustum aut victimam pacificam, vota solventes vel sponte offerentes munera, aut in solemnitatibus vestris adolentes odorem suavitatis Domino, de bobus sive de ovibus, offeret quicumque immolaverit victimam, sacrificium similæ decimam partem ephi conspersam oleo: quod mensuram habet quartam partem hin, et vinum ad liba fundenda ejusdem mensuræ dabit in holocaustum sive in victimam. Per agnos singulos et arietes erit sacrificium similæ duarum decimarum, quæ conspersa fit oleo tertiæ partis hin; et*

*A vinum ad libamentum tertiæ partis ejusdem mensuræ, offeret in odorem suavitatis Domino. Quando vero de bobus feceris holocaustum aut hostiam ut impleas votum, vel pacificas victimas, dabis per singulos boves similæ tres decimas conspersæ oleo, quod habebit medium mensuræ hin, et ad liba fundenda vinum ejusdem mensuræ, in oblationem suavisissimi odoris Domino. Sic facietis per singulos boves et arietes, et agnos et hædos, et rel. Josephus in Antiquitatum suarum tertio, hujus loci meminens refert. Lex autem præcepit in privatis publicisque sacrificiis etiam farinam mundissimam adjici, in agno quidem assari unam mensuram, in ariete vero duorum, in tauro trium. Et hoc sanctificant super altare oleo mistum. Nam et oleum offertur ab immolantibus, in bove quidem hin medietatem, in ariete autem hujus mensuræ tertiam partem et quartam in agno. Hin autem mensura Hebræorum antiqua choas Atticas duas capit, secundum quam mensuram oleum offerebat. Est autem ut in libro Ruth legitur, ephi mensura trium modiorum. Hin autem ut illi volent qui de ponderibus ac mensuris scripserunt, sextarii mensuram tenet. Qui ita ideo nominatus est, eo quod sexta pars est congi. Quid ergo hoc vult quod jubetur ingressuris terram repromissionis, per singulas species animalium, quæ offerri licebant, sacrificium adhiberi, nisi quod spiritaliter nos docet, qui in terram Ecclesiæ per Domini gratiam intravimus, ut per singulas species bonorum operum, scientiam spiritalem in meditatione divinæ legis adhibeamus.*

*C Mensura ergo ephi, quæ tres habet alias mensuras, significat sanctæ Trinitatis fidem. Cujus decimam jubetur offerre, id est, credulitatem incarnationis Christi, quæ in lege nobis plenissime commendatur, sive observantiam ipsius decalogi. Jubemur simul offerre oleum, hoc est charitatem et misericordiam. Jubemur et vinum ad libamentum, id est, gratiam spiritalem, sive communicationem passionis Christi. Et hæc juxta participationem mensuræ hin, hæc est, secundum distributionem perfectæ devotionis. Senarius autem, qui perfectus est numerus, perfectionem cujusque rei significat. Quid est ergo aliud in agni oblatione decimam partem ephi offerre, similæ conspersæ oleo juxta quartam partem hin, et vinum ejusdem mensuræ ad liba fundenda, nisi simplicitatem morum, simul eam scientia legis divinæ et prudentia evaangelicæ exhibere? Quia non decet simplicitatem sine prudentia, nec prudentiam sine simplicitate quæquam habere, qui desiderat oblationem suam Deo acceptabilem facere. Unde Salvator in Evangelio discipulis præcepit dicens: *Estote prudentes sicut serpentes et simplices sicut columbæ.* Omnis enim stultitia sicut et versutia Deo abominabilis est, et ideo omni modo ab anima pellenda est catholica, in qua solummodo semper vigere debet simplicitas Christiana. Item in oblatione arietis duas decimas similæ jubet offerre, simul olei atque vini tertiam partem hin. Et quia aries rectorum ordinem significat, apte cum duabus decimis aries offertur,*

cum quilibet hanc decalogum legis intellectus et operatione tenens, officio rectoris delegatur. In qua oblatione oleum et vinum tertie partis hinc simul exhibetur, quando charitas, misericordia et gratia spiritualis doctrinæ, ab ea erga subditorum curam diligenter impenditur. Item in oblatione tres decimæ similæ offerri præcipiuntur, simul et medium mensuræ hinc in oleo sive vitæ. Et quid in bonis nomine nisi sanctorum prædicatorum ordo designatur, qui agrum Dominicum colunt, et vomere evangelico exstirpantes spinas vitiorum, multiplicant segetem virtutum? Qui cum tribus decimis similæ offeruntur, quia decalogum legis, scientia, opere et doctrina rite tenentes, fidei sanctæ Trinitatis veri assertores esse præbentur. Hi ergo charitatem præcipuam debent habere, et in necessitatibus proximi per misericordiam consulendo, aliis bonum exemplum præbere. Nec non et ipsi studendum est, ut in gratia divina quantum mortalibus possibile est proficiant, et ad vitæ perfectiorem ac sanctitatem perveniant, juxta illud Dominicum præceptum: *Sancti estote, quia ego sanctus sum, Dominus Deus vester (Levit. XIX)*. Hæc tamen quod in hac vita sibi deest, in cælesti beatitudine per Domini gratiam in se perficiendam debent sperare.

## CAPUT XIII.

*De primitiis Domino dandis.*

(*Levit.*) *Locutus est Dominus ad Moysen dicens: Loquere filiis Israel et dices ad eos: Cum veneritis in terram, quam dabo vobis, et comederitis de panibus regionis illius, separabitis primitias Domino de cibis vestris. Sicut de arvis primitias separabitis, ita et de pulmentis dabitis primitias Domino. Quid est quod primitias de cibis Israelitis Domino jubentur offerre, hoc est, ut sicut de arvis primitias separabunt, ita etiam de pulmentis primitias Domino tribuant? Terram igitur quam ingredientibus Domino oblationes sive primitias debent offerre, præsentem Ecclesiam significare superius diximus. Ergo quisquis Ecclesiam per fidem et baptismum intraverit, necesse est ut terram carnis suæ, hoc est, corporalem vitam diligenter in Dei timore exerceat, quantum frugem virtutum in ea exerescere faciat, unde sibi refectio eterna præparetur. Jubemur ergo non solum de arvis, sed et de pulmentis primitias Domino consecrare. Quid est de arvis primitias separare, nisi de prædicationis officio, laboris primordia Domino consecrare? Et quid de pulmentis primitias est offerre, nisi de domesticis disciplinis quas in semetipso seclerter quisque exercere debet, inobedientiam bonæ voluntatis Domino dedicare? Sive in semetipso aliqua virtutum studia operam det, sive de aliorum salute docendo, hortando, atque bonis exemplis provocando plium laborem impendat, necesse est ut hoc non sibi aliquis, sed gratiæ deputet divini, ut ei consecratur omnis boni initium, a quo deest spirari totius perfectionis supplementum.*

## CAPUT XIV.

*De peccatis ignorantis.*

(*Levit.*) *Quod si per ignorantiam præterieris quid-*

*A quam horum, quæ locutus est Dominus ad Moysen, et mandavit per eum ad vos, a die qua cepit jubere et ultra, oblitusque fuerit multitudo facere offeret vitulum de armento holocaustum in odorem suavisimum ejus de liba ut cæremonia postulanti, hircumque pro peccato; et rogabit sacerdos pro omni multitudine filiorum Israel, et dimittetur eis, quoniam non sponte peccaverunt, et rel. (Ex Augustino.) Merito quæritur quæ sint ipsa peccata nolentium, utrum a nescientibus committantur, an etiam possit recte dici peccatum esse nolentis, quod facere compellitur. Nam et hoc contra voluntatem facere dici solet. Sed utique vult propter quod facit, eum vult vivere, si quisquam, nisi fecerit, mortem minetur. Vult ergo facere, quia vult vivere, et ideo non per seipsum appetendo ut falsum juret, sed ut falsum jurando vivat. Quod si ita est, utrum possint dici ista peccata nolentium, qualia hic dicuntur expianda. Nam si diligenter consideretur, forte ipsum peccare nemo velit, sed propter aliud fit, quod vult, qui peccat. Omnes quippe homines, qui scientes faciunt quod non licet, id vellent licere. Usque adeo ipsum peccatum nemo appetit propter hoc ipsum, sed propter illud quod ex eo consequitur. Hæc si ita se habent, non sunt peccata nolentium nisi nescientium, quæ discernantur a peccatis volentium.*

Mystice autem offerunt filii Israel vitulum de armento in holocaustum, cum fideles populi pleni fide corpus Dominicum pro salute generis humani in ara crucis immolatum in odorem suavitatis, Domino credent et confitentur. Offerunt sacrificium ejus ac liba ut cæremonia postulanti, cum in sacramento panem et vinum in commemorationem passionis ejus super altare deferunt, ac de eo participant, corpus et sanguinem ejus veraciter se percipisse confidunt. Offerunt hircum pro peccato, cum ipsam humanitatem ejus non peccatricem, sed in similitudinem carnis peccati, hoc est, nostræ mortalitatis consortem carni suscepisse, ac pro peccatis nostris dissolvendis obtulisse credimus. Rogatque ipse sacerdos, qui advocatus noster est apud Patrem pro peccatis populi sui et dimittetur ei, quoniam secundum Pauli sententiam: *In diebus carnis suæ preces supplicationesque ad eum, qui potest illam a morte salvum facere, cum clamore valido et lacrymis offerens, exauditus est pro sua reverentia (Hebr. v)*. Præterea et incensum jubentur offerre pro se et pro peccato atque errore suo. Incensum ergo offerunt pro peccatis suis, qui orationem cum jejniis et elemosinis Deo offerunt, in quibus placatas veniam erroris digne postulantis tribuit. Sequitur:

*Quod si anima nesciens peccaverit, offeret capram anniculam pro peccato suo, et deprecabitur pro ea sacerdos, quod inscia peccaverit coram Domino; implebitque ei veniam, et dimittetur illi, etc.* Capram ergo anniculam offert, qui penitentiam pro peccato non tepide, sed fervide gerit, et perfecte a peccato eodem, atque studiosissimo recessit proposito, de cætero cavens, quotidieque commissorum veniam

postulans, ingemiscens dicit cum Propheta : *Delicta juvenutis meæ, et ignorantius meas ne memineris, Domine : secundum magnam misericordiam tuam, memor esto mei, Domine.* Adjuvabitque eum ad impetrandam veniam intercessio pontificis summi, qui non per sanguinem hircorum et vitulorum, sed per sanguinem proprium introivit semel in sancta, æterna redemptione inventa.

## CAPUT XV.

*De peccatis per superbiam factis.*

(IBID.) Anima vero, quæ per superbiam aliquid commiserit, sive civis sit ille, sive peregrinus quoniam adversus Dominum rebellis fuit, peribit de populo suo, et reliqua. (Ex Augustino.) Quæ sint peccata quæ fiunt in manu superbiz, id est, superbia committuntur, Scriptura ipsa in consequentibus satis exposuit ubi ait : *Quoniam verbum contempsit.* Aliud est ergo præcepta contemnere, aliud quidem magni pendere, sed aut ignarum contra facere, aut victum vel invitum. Quæ duo fortasse pertineant ad illa peccata, quæ a nolentibus fiunt : de quibus superius quemadmodum Deo propitiato expiarentur admonuit, ac deinde subiecit peccata superbiz, cum quisque superbiendo, id est, præceptum contemnendo peperam facit : quod genus peccati non dixit ullo genere sacrificii purgare oportere tanquam insanabile iudicans ; illa duntaxat curatione, quæ per sacrificia gerebantur, qualia facienda in hac Scriptura præcipiuntur. Quæ si per ipsa attendantur, nulli peccato possunt moderi ; si autem res ipsæ quorum sacramenta sunt inquirantur, in eis inveniri poterit purgatio peccatorum. Quod ergo scriptum est : *Peccator cum venerit in profundum malorum, contemnit* (Prov. xviii), iste significatus est, quem Scriptura hoc loco dicit in manu superbiz delinquere. Hoc igitur sine pœna ejus qui committit non potest aboleri, atque ideo non potest esse impunitum ; et cum penitendo sanatur : ipsa enim afflictio penitentis, pœna peccati est ; quamvis medicinalis et salubris. Merito quippe magnum iudicatur peccatum, cum superbia præceptum contemnit. Sed e contrario ut sanari possit, cor contritum et humiliatum Deus non spernit. Verumtamen quia sine pœna non sit, ideo talia hinc dicta sunt : *Deum, inquit, hic exacerbat, quia Deus superbis resistit.* Et exterminabitur anima illa de populo suo, quoniam talis omnino in numero eorum qui ad Deum pertinent, non est. Quoniam verbum Domini contempsit, et mandata ejus dispersit, contritione conteretur anima illa. Quare autem contritione conteretur, consequenter adjungit dicens : *Peccatum ejus in illo, ac per hoc si tali peccato debitam contritionem ipse sibi adhibeat penitendo, cor contritum, ut dictum est, Deus non spernit.*

## CAPUT XVI.

*De homine colligente ligna in die sabbati ; et de fimbriis faciendis per angulos palliorum cum vittis hyacinthinis.*

(IBID.) Factum est autem cum essent filii Israel in solitudine, et invenissent hominem colligentem ligna

in die sabbati, obtulerunt eum Moysi et Aaron et universæ multitudini. Qui recluserunt eum in carcerem, nescientes quid super eo facere deberent. Dixitque Dominus ad Moysen : *Morte moriatur homo iste ; obruat eum omnis turba lapidibus extra castra.* Cumque eum educissent foras, obruerunt lapidibus et mortuus est, sicut præceperat Dominus. Quid autem insinuat, quod tam atrociter jussu Dei fuerit idem ab omni populo trucidatus, quod facile ab infidelibus promittitur ? Intelligent ergo quia hæc omnia in typo acciderunt illis : scripta sunt enim ad correctionem nostram. Ille enim pristinus carnalisque homo qui diem sabbati violare ausus est dum ligna colligeret, propter quod est et punitus, formam significabat ejus qui hodie in Christo signatus, invenitur agere carnale opus, id est, contrahere ligna, lenum, stipulam, ad escam ignis æterni convenientem. Quæ dum colligit in suam perniciem, si fuerit deprehensus, pellitur ab omnibus et statim occiditur : dum iudicatur ab spiritalibus. Sic ergo omnibus quæcunque illis Judæis per legem acciderunt, formaliter intelligenda sunt.

*Dixit quoque Dominus ad Moysen : Loquere filiis Israel et dices ad eos, ut faciant sibi fimbrias per angulos palliorum, ponentes in eis vittas hyacinthinis. Quas cum viderint, recordabuntur omnium mandatorum Domini, ne sequantur cogitationes suas, et oculos suos per res varias fornicantes ; sed magis præceptorum Domini memores, faciant ea, sintque sancti Domino Deo suo. Ego Dominus Deus vester, qui eduxi vos de terra Ægypti ut essem Deus vester.* Secundum historiam ergo mandavit Dominus per Moysen filiis Israel, in quatuor angulis palliorum hyacinthinis fimbrias facere, ad Israeliticum populum dignoscendum, ut quomodo in corporibus circumcisio signum Judaicæ gentis daret, ita et vestis haberet aliquam differentiam ; et ut commonerentur, quia habitu a cæteris gentibus Dei præcepto differebant, distarent et religione, quatenus unum Deum colerent spretis cunctis idolis nationum, ejusque mandata studiosissime conservare niterentur. Allegorice autem nos instruit, ut intelligamus, quia mandata quæ videntur esse minima in habitu legis, si propter cælestem vitam, quod vitta hyacinthina significat, colorem aeris exprimens, serventur, multum proficiant. Qui enim spernit minima, paulatim defluit. Ideoque necesse est, ut secundum Apostoli documentum, *sive manducemus, sive bibamus, sive aliud quid agamus, omnia in gloriam Dei faciamus.*

## CAPUT XVII.

*De seditione Chore, Dathan et Abiron contra Moysen, et pœna eorum.*

(CAP. XVI.) Ecce autem Chore filius Isaar, fii Caath, filii Levi, et Dathan, et Abiram, filii Eliab, Hon quoque filius Pholech, de filiis Ruben, surrexerunt contra Moysen, aliique filiorum Israel ducenti quinquaginta viri, proceres synagogæ, et qui tempore concilii, per nomina vocabantur. Cumque stetissent adversus Moysen et Aaron, dixerunt : *Sufficiat vobis,*

quia omnis multitudo sanctorum est, et in ipsis est A Dominus. Cur elevamini super populum Domini? Quod cum audisset Moyses, procidit pronus in faciem. Locutusque est ad Chore et ad omnem multitudinem. Mane, inquit, notum faciet Dominus, qui ad se pertineant, et sanctos applicabit sibi; et quos elegerit, appropinquabunt ei, et reliq. (Ex Isidoro.) Per excidium Chore, Dathan et Abiron, qui sibi contra Moysen et Aaron sacerdotem sacrificandi licentiam vendicantes, poenas pro suis conatibus expenderunt, significantur hi qui hæreses et schismata facere conantur, et multos secum trahendo decipiunt, contemnentes sacerdotes Christi, et se a clero ejus plebiscque societate segregantes, constituere audent Ecclesias et aliud altare prececmque aliam, illicitis vocibus faciunt Dominicæ hostiæ veritatem, per falsa sacrificia profanantes. Hi qui contra ordinem Dei nituntur, ob temeritatis audaciam terræ compagibus ruptis, profundi hiatu merguntur; nec tantum hi qui duces eorum sunt, sed et illi qui consentiendo participes eorundem effecti sunt, in ignem æterni judicii præparata ultione peribunt.

Locutus est Dominus ad Moysen et Aaron dicens : Separamini de medio congregationis hujus, ut eos repente disperdam, et cætera. (Ex Augustino.) Notandum est tunc jubere Dominum fieri separationem corporalem, cum jam vindicta imminet malis. Sic Noe cum domo sua separatur a cæteris diluvio periturus; sic Loth cum suis separatur a Sodomis igne coelitus consumendis; sic ipse populus ab Ægyptiis, marinis fluctibus obruendus; sic isti nunc a synagoga Chore, Abiron et Dathan, qui se primitiis per seditionem abrumpere voluerunt: cum quibus tamen sancti antea viventes conversantesque, et cum cæteris quos reprobat Deus, secundum verba quæ in eos increpans dicit, contaminari tamen ab eis minime poterunt; nec separari se jussi sunt, quando vindictam Dominus sive differebat, sive talem adhibebat, qua innocentes periclitari vel lædi non possent: sicut serpentium morsibus, sicut strage mortium, qua Deus quem volebat, sicut volebat, alio percutiebat intacto; non sicut aqua diluvii, aut ignea pluvia, aut aqua maris aut hiatu terræ, quæ permistos pariter assumeret: non quia et ibi Deus suos conservare non posset; sed quid opus erat tentatione miraculi ubi separatio fieri poterat, ut vel aqua vel D ignis, vel hiatus terræ, quos invenisset, auferret? Sic et in fine a zizaniis separabuntur frumenta, et malos cremantibus flammis, justii fulgebunt sicut sol in regno Patris eorum.

Confestim igitur ut cessavit loqui, disrupta est terra sub pedibus eorum; et aperiens os suum, devoravit illos, cum tabernaculis suis, et universa substantia; ascenderuntque vivi in infernum aperti humo, et perierunt de medio multitudinis. Notandum secundum locum terrenum dictos esse inferos, hoc est, in inferioribus terræ partibus. Varie quippe in Scripturis, et sub intellectu multiplici, sicut rerum de quibus agitur sensus exigit, nomen po-

PATROL. CVIII.

nitur inferorum, et maxime in mortuis hoc accipi solet. Sed quoniam ipsos viventes dictum est ad inferos descendisse, et ipsa narratione quid factum fuerit satis apparet, manifestum est, ut dixi, inferiores partes terræ inferorum vocabulo nuncupatas, in comparatione hujus superioris terræ, in cuius facie vivitur, sicut in comparatione cœli superioris, ubi sanctorum demoratio est angelorum, peccantes angelos in hujus aeris detrusos caligine, Scriptura dicit, tanquam carceribus inferi puniendos reservari. Si enim Deus, inquit, angelis peccantibus non pepercit, sed carceribus caliginis inferi retrudens, tradidit in iudicio puniendos reservari (I Pet. III), cum apostolus Paulus principem potestatis aeris, dicat diabolum, qui operatur in filiis diffi-

B dentis.

#### CAPUT XVIII.

De thuribus seditiosorum ab incendio sublatis per Eleazar sacerdotem.

(IBID.) Locutusque est Dominus ad Moysen dicens : Præcipe Eleazaro filio Aaron sacerdoti, ut tollat thuribula, quæ jacent in incendio, et ignem huc illucque disvergat, quoniam sanctificata sunt in mortibus peccatorum; producatque ea in laminas et affigat altari, eo quod oblatum sit in eis incensum Domino; et sanctificata sunt, ut cernant ea pro signo et monumento filii Israel. Quæritur hoc loco, cur non ad Moysen et Aaron sicut in superioribus, Dominus locutus sit, sed ad Moysen et Eleazarum filium Aaron. Hæc mihi causa interim occurrit, quoniam quæstio erat C de progenie sacerdotum, id est, de quo genere esse deberent: unde illi ex alio genere quia sibi usurpare sacerdotium ausi sunt, tam horrendo et mirabili supplicio perierunt, non ad Aaron, qui jam summus sacerdos erat, sed ad Eleazar voluit loqui Deus, qui ei succedere debebat, et secundo jam sacerdotioungebatur, ut eo modo sortem generis commendaret, quæ in successionibus sacerdotum esse deberet. Sed notandum, novo modo dicta sanctificata pœna eorum, a quibus hoc peccatum fuerat perpetratum, quia per eos exemplum datum est cæteris quomodo timerent. Circumpositionem autem altari cur ex eis fieri voluit, addidit dicens, quoniam oblata sunt ante Deum et sanctificata, facta sunt in signum filiis Israel. Non ergo in eis reprobari voluit, quod a talibus oblata sunt, sed hoc potius cogitari et attendi ante quem oblata sunt, id est, quia ante Dominum, ut plus in eis valeret nomen Domini, ante quem oblata sunt, quam pessimum meritum eorum a quibus oblata sunt. Hoc autem jam et in Exodo commemoraverat Scriptura, quando altare fabricatum esse dicit. Unde intelligitur genera rerum gestarum distributa esse per libros, non temporum ordo contextus. Mystice autem Chore figuram tenet eorum qui contra ecclesiasticam fidem et doctrinam veritatis insurgunt. Scriptum ergo de Chore et de cœtu ejus, quod in batillis æreis incensum obtulerit ignis alieni. Jubetur a Deo ignis quidem alienus dispergi et effundi.

*Batilla vero, inquit, quia sanctificata sunt, facito eas laminas ductiles, et circumda ex eis altare, quia oblata sunt coram Domino, et sanctificata sunt.* Hoc ergo mihi per hanc figuram videtur ostendi, quod batilla ista quæ Scriptura nominat ærea, figuram teneant Scripturæ divinæ: cui Scripturæ hæretici ignem alienum imponentes, hoc est, sensum et intelligentiam a Domino alienam et veritati contrariam introducentes, incensum Domino non suave, sed execrabile offerunt. Et ideo forma ecclesiarum sacerdotibus datur, ut si quando tale aliquid fuerit exortum, ea quidem, quæ a veritate aliena sunt, ab Ecclesia Dei penitus abstrudantur; si qua autem etiam in ipsis hæreticorum verbis ex Scripturæ divinæ sensibus inveniuntur inserta, ne pariter cum illis, quæ veritati et fidei sunt contraria, respuantur. Sanctificatæ sunt enim, quæ de divina Scriptura proferuntur et Domino oblata. Potest autem et alio modo adhuc intelligi, quod de batillis præcipitur peccatorum, ut jungantur et socientur altari. Et primo hoc ipsum, quod ærea dicuntur, non otiosum videbitur. Ubi enim vera fides est, et integra verbi prædicatio, aut argentea dicuntur, aut aurea. Ut fulgur auri declaret fidei puritatem, et argentum igni probatum, eloquia examinata significet. Ista vero quæ ærea dicuntur, in sono tantum vocis consistunt, non in virtute spiritus, et sunt ut Apostolus ait, *aramentum sonans aut cymbalum tinniens (I Cor. xiii)*. Ista ergo batilla ærea, id est, hæreticorum voces, si adhibeamus ad altare Dei, ubi divinus ignis est, ubi vera fidei prædicatio, melius ipsa veritas ex falsorum comparatione fulgebit. Si enim verbi gratia proferentur dicta Marcionis, aut Basilidis, aut alterius cujuslibet hæretici, et hæc sermonibus veritatis ac Scripturarum divinarum testimoniis, velut divini altaris igne confutemur, nonne evidenter eorum comparatione apparebit impietas? Nam si doctrina ecclesiastica simplex esset, ut nullus extrinsecus hæreticorum dogmatum assertionibus cingeretur, non poterat tam clara et tam examinata videri fides nostra. Sed idcirco doctrinam catholicam contradicentium obsidet impugnatione, ut fides nostra non otio torpescat, sed exercitiis elimetur. Propter hoc denique et Apostolus dicebat: *Oportet autem et hæreses esse, ut probati quique, manifesti fiant in vobis (I Cor. xi)*. Hoc est dicere: Oportet hæreticorum batillis altare circumdari, ut certa et manifesta omnibus fiat fidelium atque infidelium differentia. Cum enim fides ecclesiastica velut aurum cœperit fulgere, et prædicatio ejus ut argentum igne probatum intuentibus resplenduerit, tunc majore cum turpitudine et decore, hæreticorum voces obscuri aeris vilitate sordent.

#### CAPUT XIX.

*De murmure populi contra Moysen et Aaron, et incendio ob hoc in eos immissio.*

(*IBID.*) *Loquente Domino ad Moysen, murmuravit omnis multitudo filiorum Israel, sequenti die contra Moysen et Aaron dicentes: Vos interfecistis populum*

*A Domini. Cumque oriretur seditio et tumultus increset, Moyses et Aaron suggerunt ad tabernaculum fœderis. Quod postquam ingressi sunt, operuit nubes tabernaculum, et apparuit gloria Domini, etc.* Non legimus antea quia obtexerit nubes tabernaculum testimonii, et apparuerit majestas Domini, et receperit intra nubes Moysen et Aaron, nisi nunc cum insurrexerit in eos populus, et lapidare eos voluit. Discamus ex hoc quanta sit utilitas in persecutionibus Christianis, quantum gratiæ conferatur, quomodo propugnator eis fiat Deus, quomodo abundanter Spiritus sanctus effundatur. Tunc enim maxime gratia Domini adest, cum hominum sævitia concitatur. Et tunc pacem habemus apud Deum, cum ab hominibus propter justitiam bella perpetimur. Ubi enim abundaverit peccatum, superabundavit et gratia. *Adoperuit ergo nubes tabernaculum, et irruit synagoga super Moysen et Aaron, et apparuit gloria Domini.* Quamvis magni sint vitæ merito Moyses et Aaron, quamvis animi virtutibus polleant, apparere tamen eis gloria Dei non potuisset nisi in persecutionibus, in tribulationibus, in periculis atque in ipsa morte jam positis. Et tu ergo non putes tibi dormienti et otioso, apparere posse gloriam Domini. An non Paulus apostolus in his gratiam Domini consequi meruit? Nonne super omnes cæteros enumerat se, *in tribulationibus, in necessitatibus, in carceribus fuisse, naufragia perulise, pericula maris, pericula fluminum, pericula latronum, pericula a falsis fratribus (II Cor. xi)*? Quæ quanto magis abundant, tanto amplius, qui patienter tulerint, conferunt gloriam Dei.

*Et locutus est Dominus ad Moysen et Aaron dicens: Discedite de medio synagogæ hujus, et interimam illos de semel; et ceciderunt in faciem suam. In Sodomis quidem quando minimum decem requirebantur, per quos vix si forte salvari possent hi, qui habitabant Pentapolim Sodomorum, nunc autem etiam duo, si tamen inveniantur tales qualis fuit Moyses et Aaron, sufficere ponit, ut gens Israelitarum tota salvetur. Quid ergo dicemus amplius esse in his duobus. Quæ tanta virtus, quod meritum, quo sexcenta millia et eo amplius liberentur ab interitu vastatoris? Ego arbitror quod in Moyse lex significetur, quæ docet homines scientiam et amorem Dei, in Aaron supplicandi Deo, et obsecrandi eum forma consistat. Si ergo accidat aliquando indignari nobis, vel universo populo Domini, ut sententia ultionis procedat a Deo, redeat autem lex Dei in cor nostrum, commoens nos et docens converti ad pœnitentiam, satisfacere pro delictis, supplicare pro culpis, cessabit continuo iracundia, indignatio conquiescet. Propitiabitur Dominus, quasi Moysen et Aaron intercedentibus pro nobis et pro universo populo supplicantibus. Si vero aliquando oriatur indignatio Dei, et veniat pro peccatis sæva correctio, indurentur autem corda nostra, nec convertamur ad Dominum, neque humiliemur in conspectu ejus, ut in confessione supplicantium motus ejus et iracundiam mi-*



tigemus, sed contra dicamus, Non est cura Deo de vita mortalium, nec pertinent hæc ad Deum; reliquit nos olim, nec ad notitiam ejus ista perveniunt: si talia cogitemus in cordibus nostris, et hæc de ore nostro procedant, certum est non esse in nobis Moysen et Aaron, legis scientiam, et fructus-pœnitentiæ, per quos interitum imminenti exitii possumus evadere. Hoc puto accidisse etiam populo illi, qui fuit ante nos, quando omnes declinaverunt, simul inutiles facti sunt, et non fuit qui faceret bonitatem, non fuit usque ad unum. Si enim fuisset, nunquam utique dereliquisset eos Dominus. Sed et nos timeamus, ne forte simile aliquid inveniat in nobis. Timeo enim illam sententiam, in qua Dominus et Salvator noster, qui cuncta prænoscit, dubitans dicit: *Putas veniens filius hominis, inveniet fidem super terram* (Luc. xviii)?

*Cumque jacerent in terrâ, dixit Dominus ad Moysen et Aaron: Tolle thurbulum, et hausto igne de altari, mitte incensum desuper pergens cito ad populum ut roges pro eis. Jam enim egressa est ira a Domino, et plaga desavit. Quod cum fecisset Aaron et cucurrisset ad populum, et ad mediam multitudinem, quam vastabat incendium, obtulit thymiama. Et stans inter mortuos et viventes, pro populo deprecatus est, et plaga cessavit. Fuerunt autem qui percussi sunt quatuordecim millia hominum et septingenti, absque his qui perierant in seditione Chore. Jubentur ergo Moyses et Aaron exire de medio synagoga, ut interimatur synagoga de semel. Sed videamus isti quid faciunt. Sancti sunt, perfecti sunt, et plus magis Evangelii discipuli, quam legis; et ideo diligunt etiam inimicos suos, atque orant pro persecutoribus suis. Illis venientibus ut interficerent eos, isti precipiunt in faciem suam super terram.*

*Et ait Moyses ad Aaron: Assume batillum, et impone super illud ignem ab altari, et infice illi incensum, et offer velociter in castra, et exora pro ipsis. Exiit enim ira in conspectu Domini, et jam cepit vastare populum. Verum quoniam in hos pervenimus locos, volo de bonitate Dei admonere discipulos Christi, ne quis forte vestrum ab hæreticis conturbetur, si quando certamen inciderit, illis dicentibus, quoniam Deus legis non est bonus sed justus; et Moysi lex non bonitatem continet, sed justitiam. Videant ergo qui Deum pariter criminantur et legem, quomodo Moyses ipse et Aaron priores fecerunt hoc, quod postmodum Evangelium docuit. Ecce diligit Moyses inimicos; et orat pro persecutoribus suis: quod utique Christus in Evangeliiis fieri docet. Audi enim quomodo cadentes in faciem super terram, orant pro illis, qui ad interficiendos eos insurrexerunt. Sic ergo et invenitur Evangelii virtus in lege, et fundamento legis subnixa intelliguntur Evangelia. Nec Vetus Testamentum nomino ego legem, si eam spiritaliter intelligam. Illis tantummodo lex Vetus efficitur Testamentum, qui eam carnaliter intelligere volunt. Et necessario illis velus effecta est et sensit, quia vires suas non potest obtinere.*

Nobis autem, qui eam spiritaliter et evangelico sensu intelligimus et exponimus, semper nova est, et utrumque nobis Novum Testamentum est, non temporis ætate, sed intelligentiæ novitate. An non et apostolus Joannes in Epistola sua eadem sentit cum dicit: *Filioli, mandatum novum do vobis, ut invicem diligatis* (I Joan. ii)? cum utique sciret olim datum esse mandatum dilectionis in lege; sed quoniam charitas nunquam cadit, nec mandatum charitatis aliquando veterascit, hoc quod nunquam veterascit, semper novum esse pronuntiat. Semper enim observantes et custodientes se, charitatis mandatum novos reddit in spiritu. Peccatori autem et charitatis fœdera non servant, etiam Evangelia veterascunt. Nec potest et novum esse testamentum, qui non deponit veterem hominem, et induit novum ac secundum Deum creatum, ut offerat incensum in castris, et exoret pro populo. Jam enim, inquit, vastari cepit populus. In spiritu videbat Moyses, quæ gerebantur. Vidit virtutem exisse ad castra, et vastare ac perire peccatores; et propter hoc hortatur pontificem assumere batillum, ignem de altari imponere, atque incenso super injecto, exire et stare inter medium mortuorum et vivorum, ne ultra procedat vastatio, vel certe, ut verius habet se Scripturæ sermo, confRACTIO. Sed primo si videtur, historiæ ipsius imaginem describamus, ut cum rei gestæ species appaerit, tunc denum etiam, si quid est in loco mysticum requiramus. Intellige ergo populum Israel in castris per ordinem tribuum familiarumque dispositum; virtutem vero quamdam a Deo missam non sparsim, sed ex prima aliqua parte cœpisse populum morte vastare, et procedentem per ordinem, mortis stragem considera. Post hæc pontificem indutum esse pontificali, procedere, et portantem batillum atque ignem, cum incenso tendere ad eum locum quo per angelum vastantem mors illata pervenerat, et stantem in eo loco in quo mors finem dederat primis, et erat vicina postrennis. Intuere stantem pontificem, et objectione quadam sui, viventes a mortuis dirimentem, virtutem propitiationis ejus, et incensi mysterium erubuisse angelum vastatorem; et in hoc mortem quidem finitam, vitam vero reparatam. Si intellexisti historiæ ordinem, et oculis ut ita dicam cernere potuisti stantem pontificem medium inter vivos et mortuos, ascende nunc ad verbi hujus celsiora fastigia, et vide quomodo verus pontifex Jesus Christus, assumpto batillo carnis humanæ, et superposito igni altaris, anima sine dubio illa magnifica cum qua natus est in carne, et adjecto etiam incenso, qui est spiritus immaculatus, medius inter vivos stetit, et mortem non fecit grassari ultra, sed sicut Apostolus dicit: *Destruxit eum qui habebat mortis imperium, id est, diabolum, ut qui credit in eum jam non moriatur, sed vivat in æternum* (Hebr. ii). Hoc fuit ergo mysterium, quod postea futurum, jam tunc ille qui populum vastabat, expavit. Agnoscebat enim figuram batilli, et ignis, et incensi, et qualis offerenda esset Deo hostia ab eo

quī medius mortuorum vivorumque constiterat, praevidebat. Et illos quidem tunc imago praefigurata salvavit; ad nos autem salutis veritas ipsa pervenit. Neque enim indumenta pontificis purpura ac lana byssoque contexta erubisset angelus ille vastator; sed iste quæ futura erant indumenta magni pontificis intellexit, et his cessit quibus utique universa creatura inferior erat. Puto autem, quod non solum primo adventu Domini et Salvatoris nostri forma ista completa sit, sed eadem fortassis servabitur et in secundo. Veniet enim filius hominis; et cum venerit iterum, sine dubio inveniet quosdam quidem mortuos, quosdam autem viventes. Quod possumus quidem et sic intelligere: quia nonnulli adhuc in hoc vitæ statu quo nunc sumus inveniantur, cum multi jam præcesserunt mortui. Potest autem et aliter accipi, ut mortuos corpora intelligamus, viventes autem animas. Quidam autem ex his, qui hunc locum ante interpretati sunt, memini quod mortuos dixerint eos qui nimietate scelerum in peccatis suis mortui intelliguntur, viventes autem eos qui in operibus vitæ permanserint. Verumtamen utrolibet modo, stabit etiam in futuro magnus hic pontifex et Salvator noster medius vivorum. Sed et tunc forte medius vivorum et mortuorum stare dicendus est, cum statuet oves quidem a dextris suis, hædos autem ad sinistros, et dicet his qui a dextris sunt: *Venite, benedicti Patris mei, percipite regnum mundi*, etc. (*Matth. xxv*). His autem qui a sinistris sunt, dicet: *Ite in ignem æternum, operarii iniquitatis, quem præparavit Pater meus diabolo et angelis ejus, quoniam non novi vos*. Et sunt utique mortui qui in ignem mittuntur æternum, sunt autem vivi illi qui mittuntur ad regnum.

#### CAPUT XX.

*De virgis duodecim tribuum jussu Domini ad tabernaculum allatis, inter quas sola Aaron virga fronderat.*

(CAP. XVII.) *Locutus est Dominus ad Moysen dicens: Loquere ad filios Israel, et accipe ab eis virgas singulas per cognationes suas, a cunctis principibus tribuum virgas singulas, et uniuscujusque nomen superscribes virgæ suæ. Nomen autem Aaron erit in tribu Levi, et una virga cunctas eorum familias continebit. Ponesque eas in tabernaculo fæderis coram testimonio, ubi loquar ad te. Quem ex his elegero, germinabit virga ejus: et cohibebo a me querimonias filiorum Israel quibus contra vos murmurant, etc.* Duodecim virgæ juxta duodecim in tabernaculo poni præceptæ sunt, et ecce virga Levi viruit, et quid virtutis, id est, numero, Aaron habuerit, ostendit. Quo videlicet signo quid innuitur, nisi quod omnes qui usque ad finem mundi jacemus in morte, quasi virgæ reliquæ in ariditate remanemus? Sed cunctis virgis in ariditate remanentibus virga Levi ad florem rediit, quia corpus Domini veri, scilicet sacerdotis nostri, in mortis ariditate positum, in florem resurrectionis erupit. Quo flore Aaron recte sacerdos esse cognoscitur, quia hac resurrectionis gloria, Redem-

A ptor noster, qui de tribu Juda ac Levi ortus est, intercessor pro nobis esse monstratur. Ecce ergo jam virga Aaron post ariditatem floret, sed virgæ duodecim tribuum in ariditate remanent, quia jam quidem corpus Domini post mortem vivit, sed nostra adhuc corpora usque in finem mundi a resurrectionis gloria differuntur. Igitur, sicut diximus, virga Aaron, quæ post siccitatem floruit, caro insinuat Christum, quæ postquam de Jesse radice succisa est, vivacius mortificata reviviscit. Itaque virga post ariditatem virescens, Christus est post mortem resurgens. Ipsum enim virgam, ipsum florem intelligimus, ut in virga regnantis potentia, et in flore pulchritudo ejus monstretur. Unde et in Canticis canticorum dicit idem: *Ego sum flos campi et lilium convallium* (*Cant. ii*). Alii virgam hanc, quæ sine humore florem protulit, Mariam virginem putant, quæ sine coitu edidit Verbum Dei, de qua scriptum est: *Exiit virga de radice Jesse, et flos de radice ejus ascendet* (*Isa. xi*), scilicet Christus, qui futuræ typum passionis præferens, candido fidei lumine, et passionis sanguine purpurabat flos virginum, corona martyrum, gratia continentium. Item tropologice, omnes quoque principes tribus et populi habent virgam. Non enim potest quis regere populum nisi habeat virgam. Unde et Paulus apostolus, quia princeps erat populi idcirco dicebat: *Quid vultis? In virga veniam ad vos, aut in charitate spirituque mansuetudinis* (*I Cor. xi*)? Omnes ergo principes tribuum, habeant necesse est virgas suas, sed unus solus est sicut Scriptura refert, pontifex Aaron, cujus virga germinavit. Verum quoniam, ut sæpe vidimus, verus pontifex Christus est, ipse solus cujus virga non solum germinavit, sed et floruit, et omnis credulitatis hos credentium populorum attulit fructus. Quis autem est iste fructus quem attulit? *Nucis*, inquit. Qui fructus quidem primo indumento amarus est, sequenti munitur ac tegitur, tertio sumentem pascit ac nutrit. Talis ergo est in auditorio Christi, doctrina legis et prophetarum. Primo literæ facies satis amara est, quæ circumcisionem carnis præcipit, quæ de sacrificiis mandat, et cætera, quæ per occidentem litteram designantur: hæc omnia tanquam amarum nucis corticem, projice. Secundo in loco ad munimenta testæ pervenies: in quo vel moralis doctrina vel ratio continentia designatur, quæ necessaria sunt ad custodiam eorum quæ servantur intrinsecus, frangenda tamen quandoque, et sine dubio dissolvenda sunt. Ut si verbi causa dicamus, abstinentia ciborum, et castigatio corporis, donec sumus in corpore isto corruptibili et passibili, sine dubio necessaria est. Cum autem confractum fuerit ac resolutum, et resurrectionis tempore incorruptibile ex corruptibili redditum, atque ex animali spiritali, non jam labore afflictionis, nec abstinentiæ castigatione, sed qualitate sui, nulla jam corpori corruptela dominabitur. Sic ergo et nunc necessaria abstinentiæ ratio videtur, et postmodum non querenda. Tertio autem loco reconditum in his in

veniens, et secretum mysteriorum sapientiae et scientiae Dei sensum, quo nutriantur et pascantur animae sanctorum, non solum in presenti vita, sed etiam in futura. Iste enim est pontificalis fructus, de quo promittitur his qui esuriunt et sitiunt justitiam, quia saturabuntur. Hoc igitur modo, in omnibus Scripturis, triplicis hujus sacramenti ratio percurrit. Sic et sapientia monet, ut describamus ea nobis in corde tripliciter, ad respondendum, inquit, verbum veritatis his qui proproserint nobis. *Sic tres puteos fodit Isaac patriarcha (Gen. xxvi), quorum ille solus tertius ab eo latitudo vel amplitudo nominatur. Qui autem sacramentum sacerdotale, et virga nucis, idcirco arbitror etiam Jeremiam, qui erat unus ex sacerdotibus Anathoth (Jerem. 1), vidisse virgam nucem, et prophetasse de ea illa quae scripta sunt; vel de virga nucis, vel de lebetes sive olla succensa, quasi ostenderet per haec in virga nucis vitam esse, et in lebetes succenso esse mortem. Vita enim et mors ponitur ante faciem nostram. Et est vita quidem Christus in sacramento nucis, mors autem diabolus in figura lebetis succensi. Si ergo peccaveris, portionem tuam pones cum lebetes succenso. Si autem juste egeris, efficitur portio tua in virga nucis cum magno pontifice. Sed in Canticis canticorum sponsa descendere dicitur in ortum nucis, ubi etiam pariter cum nucibus sacerdotalium quodammodo magnam pomorum copiam perscribitur invenisse.*

*Fueruntque virgae duodecim absque virga Aaron. Quas cum posuisset Moyses coram Domino in tabernaculo testimonii, sequenti die regressus, invenit germinasse virgam Aaron in domo Levi, et turgentibus gemmis eruperant flores. Qui solius dilatatis, in amygdalas deformati sunt. Ecce germinavit virga Aaron in domo Levi. Est hoc unum illud sine dubio, quod fuerat repromissum; sed adduntur alia et dicuntur: *Et produxit frontes, et protulit flores, et germinavit nucas.* Cum ergo de solo germine fuisset promissum, vide quanta largitur Deus, ut non solum germen produxerit, sed et frondes; et non solum frondes, sed et flores; et non solum flores, sed et fructus. Quid igitur est quod ex his colligere et contemplari debeamus? Primo omnium, resurrectionis ex mortuis sacramentum. Virga igitur arida germinat cum corpus extinctum coeperit reviviscere. Quae sunt autem quatuor ista quae surgenti corpori praestabuntur? Ut seminatum in corruptione resurgat in incorruptione; et seminatum in infirmitate resurgat in virtute; et seminatum in ignominia resurgat in gloria; et seminatum corpus animale surgat corpus spiritale. Ista sunt quatuor quae virga arida corporis nostri in resurrectione germinabit. Sed et illud secundo in loco dicimus, quia sicut in his promissionem suam Deus in quadruplum dedit, et multo plura et pretiosiora largitus est quam promisit, multo magis in omnibus Scripturae locis, ubi aliqua Dei promissio continetur, si quis tamen ad eam pervenire mereatur, in futuro multipliciter pra-*

A parabitur; et sic vere complebitur illud quod Apostolus dicit: *Quia oculus non vidit, nec auris audivit, quae preparavit Deus diligentibus se.* Possumus adhuc etiam sic intelligere, eorum quae in virga germinaverant differentias. Omnis qui in Christo credit, primo moritur, et post haec renascitur, et est etiam haec figura, quod virga arida postmodum germinabit. Est ergo primum germen, prima hominis in Christo confessio. Secundo frondescit, ut renatus donum gratiae Christi Dei sanctificatione suscipiat: ut inde afferat flores, ubi proficere coeperit, et bonorum suavitate decorari, ac flagrantiam misericordiae et benignitatis effundere, ad ultimum quoque praebat vitam. Cum enim ad perfectum venerit, et protulerit ex se verbum fidei, verbum scientiae Dei, et alios lucrifecerit, hoc est attulisse fructus, quibus alii nutriantur. Sic ergo quique singuli credentium de virga Aaron, qui est Christus, germinantur, quorum quatuor istae differentiae in aliis Scripturae locis, velut aetates quatuor designantur: quas Joannes apostolus in Epistola sua distinctione mystica comprehendit. Ait enim: *Scripti vobis, pueri, et scripti vobis, adolescentes, et scripti vobis, juvenes, et scripti vobis, patres (I Joan. 1).* In quibus utique non corporalis aetatis, sed animae profectuum differentias ponit, ut etiam in hoc sacerdotalis virgae germina observemus designari. Habentur ergo haec omnia non tam in virga Aaron, quam in ea virga quae exiit de radice Jesse; et flos de radice ejus ascendit, super quem requiescit Spiritus Domini. In quo nec hoc solum videtur otiosum, quod exire dicitur virga, et flos ascendere. Quamvis enim unum sit Christus per substantiam, singulis tamen diversus efficitur, prout intelligit is in quo operatur. Qui autem signior est et negligentior pro disciplina, fit ei Christus virga, et in virga non ascendere, sed exire dicitur. Exeundum namque est ei, qui iners et segnus est, de eo statu in quo non recte consistit; et transeundum ad alium statum, tanquam virga compulso, id est, veritate doctrinae rigidioris admonito. Qui vero justus est, quia justus ut palma florebit, in hoc ascendere dicitur Christus. Sic ergo qui verberibus indiget, exit ad eum virga; qui autem proficit ad justitiam, ascendit ei in flore: ascendit usquequo afferat fructus Spiritus, qui sunt, charitas, gaudium, pax, sapientia, et reliquae virtutes. Nam de virga Aaron quomodo res gesta sit, ut et flores germinans electionem sacerdotii ejus divinitus indicaret, in hoc libro Scriptura narravit; et tamen de ipsa virga in Exodo dicitur, ut in sanctis sanctorum cum manna in arca poneretur, quando praecipitur de tabernaculo fabricando, vel utique longe ante praecipitum est, quam ipsum tabernaculum fabricatum perfectumque consisteret. Stetit autem primo mense secundi anni, ex quo de Aegypto egressi sunt, et liber iste incipit a secundo mense ejusdem anni secundi, primo die mensis. Unde clarum est, ista per recapitulationem, si librorum ordinem consideremus, id est, praeteritorum recordationem, commemorari, quae putant qui

minus diligenter intendunt, eodem facta ordine quo A  
narrantur.

### CAPUT XXI.

*De sacerdotio Aaron atque ministerio Levitarum.*

(CAP. XVIII.) Dixitque Dominus ad Aaron : Tu et filii tui et domus patris tui tecum portabunt iniquitatem sanctuarii, et tu et filii tui simul sustinebitis peccata sacerdotii vestri, et rel. Hæc sunt peccata, quæ appellantur sacrificia pro peccatis. Proinde peccata sanctorum dicta sunt, non quæ sancti committunt, sed ab eo quod sunt sancta, dictum est sanctorum, quia in sanctis offeruntur, et peccata dicuntur sacrificia pro peccatis : ideo appellata sunt peccata sanctorum, et peccata sacerdotii vestri, id est eadem ipsa quæ offeruntur pro peccatis. Sicut etiam in Levitico declarat, et pertinere debere dicit ad sacerdotem. Aliter : Qui meliores sunt, inferiorum semper culpas et peccata suscipiunt. Sic enim et Apostolus dicit : Vos, qui fortiores estis, imbecillitates infirmorum sustinete (Rom. xv). Israelita si peccet, id est, laicus, ipse suum non potest auferre peccatum, sed requirit Levitam, indiget sacerdote; imo potius, et adhuc horum aliquid eminentius querit : pontifice opus est, ut peccatorum remissionem possit accipere. Sacerdos autem si delinquat aut pontifex, ipse suum potest purgare peccatum, si tamen non peccet in Deum. Requirendum est quomodo et sancti dicantur aliqui, et de peccatis eorum scribatur. Non enim putant quidam, statim ut qui sanctus esse cœperit, peccare jam non potest, et continuo sine peccato putandus est. Si enim sanctus non peccaret, non utique scriptum esset : *Sumetis peccata sanctorum*. Si sanctus sine peccato esset, non diceret Dominus per Ezechielem prophetam ad angelos quos mittebat peccatores punire, *Et a sanctis meis incipietis* (Ezech. viii). Apostolus ad Corinthios scribens dicit : *Paulus vocatus apostolus Jesu Christi*. Et post pauca : *Ecclesie Dei, quæ est Corinthi, sanctificatis in Christo Jesu, vocatis sanctis* (I Cor. i). Istos ergo quos sanctificatos et sanctos appellat, audi quanta in eis peccata reprehendat. Ait enim in sequentibus : *Cum enim sint inter vos emulaciones et contentiones, nonne carnales estis, et secundum hominem ambulatis* (I Cor. iii)? Et iterum : *Tanquam autem non venturo me ad vos, inflati sunt quidam* (I Cor. iv). Et paulo post : *Omnino auditur in vobis fornicatio qualis nec inter gentes* (I Cor. v). In consequentibus vero : *Et vos, inquit, inflati estis, et non potius luctum habuistis* (Ibid.). In quo utique nullum reliquit immunem, dum alii fornicationis, alii inflationis et superbiæ crimen ascribit. Longum porro est nec presenti proferamus, quibus probetur quod hi qui sancti dicuntur, non continue etiam sine peccato esse intelligantur. Sed et nunc quantum locus inquirat dicimus. Sancti dicuntur idemque peccatores illi, qui devoverunt se quidem Deo, et sequestraverunt a vulgi conversatione vitam suam, ad hoc ut Domino serviant. Hujusmodi ergo secundum hoc quod se

cæteris actibus circumcisis Domino mancipavit, sanctus dicitur. Potest autem fieri, ut et in hoc ipso quo Domino deservit, non ita omnia gerat ut geri competit, sed delinquat in nonnullis et peccet. Sicut enim is qui sequestrat se et segregat ab omnibus actibus, ut disciplinam verbi gratia medicinæ aut philosophiæ consequatur, non utique continuo ut se hujusmodi tradiderit disciplinis, ita perfectus erit ut non inveniatur in aliquo peccare; imo potius plurima delinquendo, vix ad perfectionem aliquando perveniet; et statim tamen ut se ad hujusmodi scholas tradidit, certum est eum vel inter medicos, vel inter philosophos numerari : ita de sanctis accipiendum est, quod statim quidem ut mancipat se quis studiis sanctitatis, secundum hoc quod proposuit sanctus appelletur; secundum hoc vero quod necesse est eum in multis delinquere, donec usu et disciplina ac diligentia abscindatur ab eo consuetudo peccandi, etiam peccator, ut supra diximus, appellabitur. Ego autem et amplius addo, quod nisi sanctum propositum aliquis habeat, et sanctitatis studium gerat, cum peccaverit, nescit peccati pœnitentiam gerere, nescit delicti remedium querere. Qui non sunt sancti, in peccatis suis moriuntur. Qui sancti sunt, pro peccatis pœnitentiam gerunt, vulnera sua sentiunt, intelligunt lapsus, requirunt sacerdotem, sanitatem deprecant, purificationem per pontificem quarunt. Idcirco ergo caute et significanter sermo legis designat quia pontifices et sacerdotes, non quorumcumque, sed sanctorum tantummodo sumant peccata. Sanctus enim est qui peccatum suum per pontificem curat. Sed redeamus ad pontificem nostrum, pontificem magnum, qui penetrauit cœlos Jesum Dominum nostrum, et videamus quomodo ipse cum filiis suis, apostolis scilicet et martyribus, sumit peccata sanctorum. Et quidem quod Dominus noster Jesus Christus venit ut tolleret peccatum mundi, et morte sua peccata deleverit, nullus qui Christum credit ignorat. Quomodo autem et filii ejus auferant peccata sanctorum, id est apostoli et martyres, si poterimus, ex divinis Scripturis probare tentabimus. Audi primo Paulum dicentem : *Libenter, inquit, expendam et expendam pro animabus vestris*. Et in alio loco. *Ego non jam immolor, inquit, et tempus egres-sionis sive resolutionis meæ instat*. Pro his ergo, quibus scribebat expendisse se et immolari dicit Apostolus; hostia autem immolatur, ut eorum pro quibus jugulatur, peccata purgentur. De martyribus autem scribit Joannes in Apocalypsi : *Quia animæ eorum, qui jugulati sunt propter nomen Domini Jesu assistant altari* (Apoc. vi). Qui autem assistit altari, ostenditur fungi sacerdotis officio. Sacerdotis officium est, pro populi supplicare peccatis. Unde ego vereor, ne forte ex quo martyres non fiunt, et hostiæ sanctorum non offeruntur pro peccatis nostris, peccatorum nostrorum remissio non fiat. Et inde vereor, ne permanentibus in nobis peccatis nostris, accidat nobis illud quod de semetipsis dicunt Judæi : quia non habentes altare, neque templum, neque sacer-

dotium, et ob hoc nec hostias offerentes, peccata, A  
 inquirunt, nostra manent in nobis, et ideo venia nulla  
 subsequitur. Scit tamen Dominus, qui sunt ejus, et  
 in quibus non speratur, habet ille thesauros suos.  
 Non enim sicut homo videt, ita et Deus. Ego non  
 dubito et in hoc conventu esse aliquos ipsi soli co-  
 gnitos, qui jam apud eum martyres sint, testimonio  
 conscientiae parati, si quis exposcat, effundere san-  
 guinem suum pro nomine Domini nostri Jesu Christi.  
 Non dubito esse aliquos, qui tulerint crucem suam,  
 et sequantur eum. Hæc licet per excessum quem-  
 dam, necessario tamen videntur dicta, ut intellige-  
 remus quomodo per pontificem et filios pontificis  
 fiat in sanctis remissio peccatorum. Sequitur loquens  
 Dominus ad Aaron dicens: *Tu et filii tui ministrabi-  
 tis in tabernaculo testimonii, excubabuntque Levitæ  
 ad præcepta tua, et ad cuncta opera tabernaculi,  
 ita duntaxat, ut vasa sanctuarii non tangant, et ad  
 altare non accedant, ne et illi moriantur, et vos  
 pereatis simul. Sint autem tecum, et excubent in  
 custodiis tabernaculi, et in omnibus cæremoniis ejus,  
 alienigena non misceatur vobis. Excubate in custodia  
 sanctuarii, et in ministerio altaris, ne oriatur indi-  
 gnatio super filios Israel, etc.* Ecce mandat Dominus  
 Aaron sacerdoti et filiis ejus, ut ipsi ministrent in  
 tabernaculo testimonii, et sacra vasa prævideant,  
 et omnia quæ ad cultum altaris pertinent, et intra  
 velum sunt. Cæteri autem Levitæ ad præcepta Aaron  
 et filiorum ejus excubent in custodiis tabernaculi,  
 et in omnibus cæremoniis ejus; verumtamen ad al-  
 tare non accedant, et sacra vasa non contingant.  
 Quid in Aaron et filiis ejus, nisi perfectiores quos-  
 que in Ecclesia, et sanctos doctores sive præsules  
 ecclesiarum Dei accipere debemus? Quorum officii  
 est, ut sacramenta divina manibus contrectent, et  
 vasa sancta, hoc est, sanctæ Scripturæ mystica  
 verba investigando ventilent, atque ad intellectam  
 perducere festinent, eaque quæ ardua sunt actu,  
 ipsi opere complere decertent. Cætera autem turba  
 fidelium opus habet ut diligenter vigili animo ea  
 meditetur quæ faciliora sunt, et quæ intellectu ipsi  
 capere possunt, illaque custodiat diligenter, quæ a  
 magistris sibi servare jubentur, quia non eadem  
 capacitas est sensus perfectorum jam in scientia et  
 rudium adhuc in fide, nec par est strenuitas inge-  
 niosorum et hebetum. Unde et Paulus quibusdam  
 minus capacibus suæ doctrinæ ait: *Lac dedi vobis  
 potum, non escam: nondum enim poteratis; sed nec  
 adhuc quidem potestis (I Cor. III).* Item alio in loco  
 de perfectioribus quibusdam ait: *Loquimur sapien-  
 tiam inter perfectos, quam nemo principum hujus  
 sæculi cognovit (I Cor. II).* Hoc est enim quod in  
 Evangelio fragmenta quæ superaverunt turbæ a Do-  
 mino pastæ apostoli collegerunt, et duodecim co-  
 phinos impleverunt. Hinc et ipsa Veritas de virtuti-  
 bus eminentioribus disputans, ait: *Qui potest capere  
 capiat. Et ad legisperitum: Si vis, inquit, perfectus  
 esse, vade et vende omnia quæ habes, et da pauperi-  
 bus, et habebis thesaurum in celo: et veni sequere*

*me (Math. XIX).* Ideoque observare diligentias, et  
 intendere his quæ scripta sunt, convenit eos præ-  
 cipue qui in ordine sacerdotali gloriantur, ut sciant  
 quidem quod eis lex divina præcepit, observandum.  
 Tu, inquit, et filii tui mecum in conspectu taberna-  
 culi testimonii observate custodias vestrae, et alta-  
 ris, et tabernaculi. Mandata quippe certa sunt et  
 evidentiâ ut observare debeamus custodias taberna-  
 culi et sacerdotii. Qui sanè sit qui observet et faciat  
 ea quæ sacerdotibus mandata sunt, et qui sit qui  
 utatur quidem ordine et honore sacerdotii, non ob-  
 servet autem mandata sacerdotibus decreta, ille  
 solus nosse potest qui scrutatur corda et renes.  
 Mandantur autem observare non solum ea quæ foris  
 sunt, sed et ea, inquit, curent sacerdotes præcipue  
 quæ intra velamen sunt; velut si diceret: Cura sit  
 sacerdotibus evidentiâ ac manifesta mandata divinæ  
 legis implere, ac ministeria ejus abscondita et velata  
 omni perspicacia intueri. Si vero ad hominem velis  
 inferre tabernaculum testimonii, quoniam quidem  
 corpus hominis tabernaculum Paulus appellat dicens:  
*Qui enim sumus in tabernaculo hoc, gemimus aggra-  
 vati, in qua volumus exspoliari, sed supervestiri  
 (I Cor. V);* si ergo ad hominem tabernaculum refera-  
 mus interiora velaminis, ubi inaccessibleia conte-  
 guntur, principale cordis dicimus, quod solum potest  
 recipere mysteria veritatis, et capax esse arcanorum  
 Dei. Altaria vero duo, id est, interius et exterius,  
 quoniam altare orationis indicium est, illud pote  
 significare, quod dicit Apostolus: *Orabo spiritu, orabo  
 et mente (I Cor. XIV).*

Cum enim in corde oravero, ad altare interius  
 ingredior. Et hoc puto esse etiam quod Dominus in  
 Evangeliiis dicit: *Tu autem cum oras, intra in cubi-  
 culum tuum, et claude ostium tuum, et ora patrem  
 tuum in abscondito (Math. VI).* Qui ergo ita orat ut  
 dixi, ingreditur ad altare incensi, quod est interlus.  
 Cum autem quis clara voce et verbis cum sono pro-  
 latis, quasi ut ædificet audientes, orationem fundit  
 ad Deum, hic Spiritu sancto orat, et offerre videtur  
 hostiam in altari quod foris est ad holocaustomata  
 populi constitutum. Oportet ergo sacerdotes ea cu-  
 rare præcipue et custodire quæ intra velamen inter-  
 ius conteguntur, ne quid ibi pollutum, ne quid in-  
 veniatur immundum: hoc est, interiore hominem  
 et cordis secreta curare, ut ibi immaculata perman-  
 eant cherubin et propitiatorium. Cherubin scientia  
 intelligenda est veritatis. Interpretatio cherubin,  
*multitudinem*, id est, perfectionem scientiæ indicat.  
 Et quæ est alia perfecta scientia, nisi agnovisse Pa-  
 trem, et Filium, et Spiritum sanctum? Hæc ergo  
 curanda sunt a sacerdotibus, ut incontaminata et  
 illæsa serventur. Sed et urna habens cœlestem cibum  
 mannae, thesaurus utique verbi divini, et arca aurea  
 in qua sunt tabulae testamenti, opinor, non aliud  
 quam mens nostra esse declaratur, in qua legem Dei  
 debemus habere descriptam. Hæc autem mens au-  
 rea debet esse, hoc est, pura et pretiosa, in qua  
*legem Dei scriptam semper habeamus, sicut apostolus*

Paulus ait: *Scriptam non atramento, sed spiritu Dei vivi, non in tabulis lapideis, sed in tabulis cordis carnalibus (II Cor. III).* Hoc est enim quod de quibusdam dicitur, qui ostendunt opus legis scriptum in cordibus suis. Quis autem scripsit in cordibus eorum, nisi Deus digito suo? Legem utique naturalem quam Deus humano generi, et in cunctorum mentibus scripsit. *Si quis externus, inquit, accesserit, occidetur.* Secundum historiam, externos quidem, sive, ut superius ait, alienigenas eos appellat, qui non sunt de tribu Levi, et quibus non est commendatum servitium Dei in tabernaculo agere. Non enim licebat quemlibet de alia tribu præsto esse altari, sive in ministerio operari. Unde Ozias rex, qui erat de tribu Juda sicut in libro Paralipomenon legitur, *cum tentaret super altare thymiamatis adolere incensum more sacerdotum, filiorum videlicet Aaron, lepra a Domino in fronte percussus est, atque per sacerdotes de templo rursus expulsus, habitavit in domo separata, usque ad diem mortis suæ (II Paral. XVI).*

## CAPUT XXII.

*Ubi omnes oblationes filiorum Israel atque primitias sacerdotibus atque Levitis concedit.*

(Ibid.) *Locutus est Dominus ad Aaron dicens: Ecce dedi tibi custodiam primitiarum mearum. Omnia quæ sanctificantur a filiis Israel, tibi tradidi et filiis tuis, pro officio sacerdotali, legitima sempiterna, etc.* Primitias omnium frugum, omniumque pecorum sacerdotibus lex mandat offerri, ita ut omnis qui possidet agrum, vel vineam, vel olivetum, vel hortum etiam, et si quid est quod exercetur in terris, sed et si quis pecunia cujuscunque nutriat, offerat ex his Deo omne quod primum est, id est, ad sacerdotes deferat. Deo enim offerri dicit, quod sacerdotibus datur. Et hoc est quod docemur ex lege: quia nemo licite nec legitime utatur fructibus quos terra producit, nec animantibus quæ pecudum protulit partus, nisi ex singulis quibusque Deo primitiæ, id est, sacerdotibus offerantur. Hanc ergo legem observari etiam secundum litteram, sicut et alia nonnulla, necessario puto. Sunt enim aliquanta legis mandata, quæ etiam Novi Testamenti discipuli necessaria observatione custodiunt. Et si videtur, prius de his ipsis, quæ in lege quidem scripta, sed tanquam in Evangelii observanda sint, sermo moveatur. Et cum hæc patuerint, tunc jam quid in his etiam spiritaliter sentiri debeat, requiremus. Sunt enim qui ita dicant, quia si aliquid omnino observandum est secundum litteram, sed spiritaliter debent universa discerni. Nos autem utriusque assertionis insolentiam temperantes, qualis regula in hujusmodi legis sermonibus observanda sit, ex auctoritate divinarum Scripturarum proferre tentabimus. Scriptum est enim in octavo decimo psalmo: *Lex Domini irreprehensibilis, convertens animas: testimonium Domini fidele, sapientiam præstans parvulis. Præceptum Domini lucidum illuminans oculos. Timor Domini sanctus permanens in sæculum sæculi: justitiæ Domini rectæ letificantes corda, judicia vera justificata in semetipsa; desiderabilia*

*A super aurum et lapidem pretiosum nimis et dulciora super mel et favum (Psal. CXVIII).* Ni ergo essent singula ista a semetipsa diversa, nunquam utique proprias unicuique Scriptura divina differentias indidisset, ut aliud de lege Domini diceret, aliud de mandato, aliud de justificationibus, aliud de judiciis. Est ergo ut in his ostendimus, aliud lex, aliud præceptum, aliud testimonium, aliud justificatio, aliud iudicium. Sed et in ipsa lege, evidentior horum differentia designatur ubi dicitur: *Hæc est lex, et mandata, et justificationes, et præcepta, et testimonia, et judicia, quæ præcepit Dominus Moysi.* Cum ergo hæc ita se habere, his a se invicem differre distinctionibus legis ipsius testimoniis approbentur, diligentius debemus intendere his quæ recitantur ex lege. Quia sicubi scribitur, verbi gratia hoc esse mandatum, non continuo mandatum, lex accipienda est. Vel sicubi scriptum est: *Istæ sunt justificationes*, ut lex aut mandatum putandæ sunt. Similiter autem et sicubi scriptum est, *testimonia aut judicia, non confusa in unum ex cæteris, sed diversum ab aliis, unumquodque sentiendum est.* Si ergo scriptum esse legimus, *quia lex umbram habet futurorum bonorum (Hebr. X)*, continuo etiam mandatum, vel justitiæ, vel divitiæ, de quibus hoc non est scriptum, umbra esse credendæ sunt futurorum bonorum. Denique ut exempli gratia unum ponamus ex multis, non est scriptum, *Hoc est mandatum paschæ, sed, Hæc est lex paschæ (Exod. XII).* Et quia lex umbra est futurorum bonorum, lex sine dubio paschæ umbra est futurorum bonorum. Cum ergo venio ad locum illum, qui scriptus est de pascha, in ove illa carnali debeo intelligere umbram futuri honi, et hoc sentire, quod *pascha nostrum immolatus est Christus.* Simili modo invenies etiam de azymis et de cæteris festorum dierum observantiis scriptum. Quia ergo hæc omnia sub legis titulo scribuntur in lege necessario, quia lex per præsentem umbram futura bona designat, requirere debeo quæ sint azyma futurorum bonorum: et invenio mihi dicentem Apostolum, *ut diem festum agamus, non in fermento veteri neque fermento maliitæ, sed in azymis sinceritatis et veritatis (I Cor. V).* Sed et de circumcissione scriptum est: *Hæc est lex circumcissionis (Gen. XVII).* Quia ergo circumcisio sub legis titulo censetur, lex autem umbra est, quæro quid circumcissionis umbra futurorum contineat bonorum, ne forte dicat mihi in umbra circumcissionis posito Paulus, *quia si circumcidamini, Christus vobis nihil proderit, etenim non quæ in manifesto in carne est circumcisio, illa circumcisio est; neque qui in manifesto in carne Judæus est, sed qui in occulto Judæus est; et circumcisio cordis in spiritu non litteræ, cujus laus non ab hominibus, sed ex Deo est (Gal. V).* Hæc ergo singula quæ nequaquam penitus secundum litteram observanda dicit, invenies omnia fere apud Moysen sub legis titulo designari. Jam vero in eo ubi dicit, *Non occides, non adulterium facies, non furaberis, et reli. (Exod. XX)*, hujusmodi non invenimus, quoniam legis in his titulum præmi-

serit, sed magis hæc mandata videntur; et ideo non A  
 exinanitur apud discipulos in Evangelio scriptura  
 ista, sed impletur, quia, ut dixi, non mandatum,  
 sed habere dicitur umbram futurorum bonorum. Et  
 ideo hæc nobis secundum litteram custodienda sunt.  
 Item alibi: *Iuste, inquit, sectare quod justum est*  
 (*Deut. xvi*). Quid opus est in his allegoriam quæ-  
 rere, cum ædificet etiam littera? Ostendimus ergo esse  
 quædam quæ omnino non sunt servanda secundum  
 litteram legis, et etiam quædam quæ per allegoriam  
 penitus immutari non debent, sed omnimodo ita ut  
 Scripturæ de his continent observandæ sunt. Nunc  
 autem requiro si sunt aliqua, quæ et secundum lit-  
 teram quidem stare possint, necessario tamen in eis  
 etiam allegoria requirenda sit. Et vide si possumus  
 hæc apostolica et evangelica auctoritate munire. B  
 Scriptum est enim in lege: *Propter hoc relinquet*  
*homo patrem et matrem, et adhærebit uxori suæ, et*  
*erunt ambo in carne una* (*Gen. ii*). Hæc quod allego-  
 rica mysteria contineant, Paulus cum in Epistola sua  
 hoc ipsum posuisset exemplum, pronuntiat dicens:  
*Mysterium hoc magnum est, ego autem dico in Christo*  
*et in Ecclesia* (*Ephes. v*). Quod autem oporteat hoc  
 etiam secundum litteram custodiri, ipse Dominus et  
 Salvator docet dicens: *Scriptum est: Propter hoc*  
*relinquet homo patrem et matrem, et adhærebit uxori*  
*suæ, et erunt ambo in carne una. Quod Deus con-*  
*junxit, homo non separet* (*Matth. xix*). Et respondit  
 utique observanda esse hæc etiam secundum litteram  
 cum dicit: Quod Deus conjunxit, homo non separet.  
 Sed in aliis Epistolis ubi dicit, *quia Abraham duos*  
*filios habuit, unum de ancilla, et unum de libera*  
*(Gal. iv)*, quis dubitat hæc secundum litteram stare  
 debere? Certum est enim, quia et Isaac de Sara, et  
 Ismael de Agar, filii fuerunt Abraham. Addit tamen  
 his Apostolus et dicit: *Hæc sunt autem allegorica,*  
 quæ in duo testamenta convertit. Et Saræ quidem  
 sobolem, tanquam in libertate gignentis, novi testa-  
 menti liberos dicit. Agar autem tanquam in servi-  
 tute generantis, terrenæ Jerusalem filios nominavit.  
 Ostendimus ut opinor auctoritate Scripturæ divinæ,  
 ex his quæ in lege scripta sunt, aliqua penitus re-  
 fugienda esse et cavenda, ne secundum litteram ab  
 Evangelii discipulis observentur; quædam vero om-  
 nimodis ut scripta sunt obtinenda. Alia autem ha-  
 bere quidem et veritatem secundum litteram sui D  
 recipere tamen utiliter ex necessario etiam allego-  
 ricum sensum. Erit ergo jam sapientis scribæ et  
 edocti de regno Dei, qui sciat de thesauris suis pro-  
 ferre nova et vetera, scire quomodo in unoquoque  
 loco Scripturæ, aut abiciat penitus occidentem lit-  
 teram et spiritum vivificantem requirat, aut confir-  
 met omnimodis, et utilem aut necessariam probet  
 litteræ doctrinam, aut manente historia, opportune  
 et decenter introducat etiam mysticam sensum:  
 sicut et in hoc sermone, quem habemus in manibus  
 arbitror convenire. Decet enim et utile est, etiam  
 sacerdotibus Evangelii offerri primitias. Ita enim et  
 Dominus disposuit, ut qui Evangelium annuntiant,

de Evangelio vivant; et qui altari serviunt, de altari  
 participent. Et sicut hoc decens et dignum est, sic e  
 contrario et indecens et indignum est, imo et im-  
 pium, ut is qui Deum colit et ingreditur Ecclesiam  
 Dei, qui scit sacerdotes et magistros assistere altari  
 Dei, et aut verbo Dei aut Ecclesiæ deservire, de fructi-  
 bus terræ quos dedit Deus, solem suum producendo,  
 et pluvias suas ministrando, non offerat primitias  
 sacerdotibus; non mihi videtur hujusmodi anima  
 habere memoriam Dei, nec cogitare, nec credere,  
 quia Deus dederit fructus quos cepit, quos ita re-  
 condit quasi alienos a Deo. Si enim a Deo sibi datos  
 crederet, sciret utique numerando sacerdotes, ho-  
 norare Deum de datis et muneribus suis. Et adhuc,  
 ut amplius hæc observanda etiam secundum litteram  
 ipsius Domini vocibus doceantur, addemus ad hæc.  
 Dominus dicit in Evangeliiis: *Væ vobis Scribæ et*  
*Pharisæi hypocritæ, qui decimatis, hoc est, qui deci-*  
*mas datis mentæ, et anethi et cinnamomi, et præteritis*  
*quæ majora sunt legis. Hypocritæ, hæc oportuit fieri,*  
*et illa non omitti* (*Matth. xxiii*). Vide ergo diligentius  
 quomodo sermo Domini vult fieri quidem omnino-  
 dis quæ majora sunt legis, non tamen omitti et  
 ea quæ secundum litteram designantur.

*Primitias autem quas voverunt et obtulerunt filii*  
*Israel, tibi dedit et filii ac filiabus tuis, jure perpetuo.*  
*Qui mundus est in domo tua, vescetur eis. Om-*  
*nem medullam olei et vini ac frumenti, quidquid pri-*  
*miliarum offerunt Domino, tibi dedi. Universas frugum*  
*primitias, quas gignit humus, et Domino deportantur,*  
*cedent in usus tuos, et rel.* Illud sane necessario com-  
 monendum est, quod lex dupliciter dicitur. Nam ge-  
 neraliter omnia ista, hoc est, mandatum, justifica-  
 tiones, præcepta, testimonia, judicia, lex appellan-  
 tur. Specialiter autem pars aliqua ex his quæ in lege  
 sunt scripta lex dicitur: ut sunt ista, de quibus supe-  
 rius disseruimus. Generalis autem lex significatur  
 verbi gratia, ut cum de Salvatore dicitur, quia *non*  
*venit solvere legem, sed adimplere* (*Matth. v*). Et item  
 alibi: *Plenitudo legis est dilectio* (*Rom. xiiii*), in quo  
 utique omnia simul, quæ scripta sunt in lege, legem  
 nominavit. Hæc diximus asserentes mandatum de  
 primitiis frugum vel pecorum debere etiam secun-  
 dum litteram stare. Nunc autem videamus quomodo  
 et allegoricum, id est, spiritualem recipiat intelle-  
 ctum. Requiramus ergo, sicubi in Scripturis, præter  
 de quibus supradictum est, invenimus primitias no-  
 minari. Nec enim dixit: Omnes primitiæ olei et vini  
 et frumenti, horum omnium primitiæ, quæ oblatæ  
 fuerint Deo, tibi dedica. Requiro ergo nunc præter  
 hæc ubi primitiæ nominentur. Si enim omnes primi-  
 tiæ ad pontificem pertinent, necessario nobis et pon-  
 tificex requirendus est, ad quem pertinere debeant  
 etiam illæ primitiæ, quas in aliis Scripturæ locis in-  
 ditas invenimus. Et primo quidem omnium, de ipso  
 Domino Christo legimus scriptum, *quia sit primitiæ*  
*mortuorum* (*I Cor. xv*). Est ergo et ipse in aliqua  
 parte primitiæ. Et iterum invenimus de quibusdam  
 dici ab Apostolo, quia *sunt primitiæ Asiæ; et alii pri-*

*mitiæ Achaiæ* (I Cor. xvi). Unde consequens est, per singulas ecclesias aliquos credentium, quos tamen apostolicus spiritus probaverit, primitias nominari. Ex quibus esse arbitror etiam Cornelium illum, qui Cæsariensis ecclesiæ cum his quibuscum Spiritum sanctum meruit accipere primitiæ merito dicitur (Act. x). Et non solum hujus ecclesiæ, sed fortassis et omnium gentium primitiæ Cornelius appellandus est. Primus enim credidit ex gentibus, et primus Spiritu sancto repletus est : et ideo recte primitiæ gentium appellabitur. Sed requiras fortasse, quis istas primitias offerat Deo, aut quis est pontifex, cujus hæc rationibus cedant. Ego arbitror, quod secundum Domini verbum, ager dicatur, hic mundus. Ager autem terræ non solum, sed corda intelligantur humana : quem agrum angeli Dei susceperunt excolendum (Matth. xiii). Culturæ ergo suæ fructus ipsi quidem possident et habent, eos videlicet qui sub procuratoribus agunt et actoribus, et nondum usque ad summam perfectionis venerunt. Si quorum vero corda diligenter exculta, et ad perfectum perducta sunt, hos tanquam electos et præcipuos cæteris, primitias offerunt pontifici magno. Possumus ergo dicere quia forte in futuro cum omnes fructus congregabuntur ad aream, erunt quidam portio pontificis Christi, erunt et alii portio Levitarum, sicut jam supra diximus, vel angelis, vel cælestibus virtutibus sequestrata. Puto autem quod erunt quidam portio hominum eorum duntaxat, qui in hac vita prudentes ac fideles dispensatores verbi Dei fuerunt. Hoc enim arbitror in Evangeliiis designari a Domino, ubi ait ad eum cui crediderat quinque minas, et fecerat ex eis decem : *Esto potestatem habens super decem civitates* (Luc. xix). Cui crediderat unum et sacerat ex ea quinque : *Esto potestatem habens supra quinque civitates*. Quæ enim hic potestas civitatum intelligenda est, nisi gubernatio animarum ?

*Omnes primitias sanctuarii, quas offerunt filii Israel Domino, tibi dedi et filiis ac filiabus tuis jure perpetuo.* Ab omnibus ergo fructibus sanctificationis sancto sunt offerendæ primitiæ spirituali pontifici. Ex quibus spirituales primitias referimus, audi quos fructus enumeret Apostolus : *Fructus, inquit, spiritus, charitas, gaudium, pax, patientia, etc.* (Galat. v). Quas igitur primitias ex charitatis fructu, qui primus est fructus spiritus, offeram vero pontifici ? Illas ergo puto esse primitias charitatis, ut diligam Dominum Deum meum ex toto corde meo, et ex tota anima mea, et ex tota mente mea. Istæ sunt primitiæ. Quid autem est quod ex isto charitatis fructu secundo loco habere debeamus ? Ut diligam proximum meum sicut meipsum. Illæ ergo primitiæ charitatis Deo offeruntur per pontificem. Hæc vero quæ secundo in loco sunt, meis usibus relinquuntur. Puto adhuc esse aliquid ex hoc fructu, quod tertio loco habendum sit, ut diligam etiam inimicos meos. Unde etiam sic potest similiter de cæteris fructibus spiritus, similes invenire primitias. Gaudium secundo loco fructus spiritus de-

scribitur. Si ergo in Domino gaudeam, et spe gaudeam, et si gaudeam pro nomine Domini, passus injuriam, in his omnibus aliisque horum similibus, Deo primitias gaudii, et per pontificem verum obtuli. Sed et si rapinam honorum meorum cum gaudio sustineam, et si tribulationes, si paupertatem, si qualemcunque contumeliam gaudens tolerem, est mihi et iste secundo in loco ex fructibus spiritus, fructus gaudii. Nam si gaudeam de rebus sæculi, de honoribus, de divitiis, falsa sunt ista gaudia ex vanitatibus vanitatum. Si vero in malis gaudeam, et exsultem de aliorum ruinis, ista jam non solum vana, sed diabolica gaudia, imo nec gaudia nominanda sunt. *Non est enim gaudere impius, dicit Dominus* (Isa. lvi). Sequitur.

*Pactum salis est sempiternum coram Domino, tibi et filiis tuis.* Pactum salis nominat oblationum universitatem, quæ ad ministerium vel ad jus pertinebat sacerdotum. Unde est illud quod in Levitico scriptum est : *Quidquid obtuleris sacrificii, sale condies : nec auferas sal fœderis Dei tui, de sacrificio tuo. In omni oblatione offeres sal* (Levit. ii). Figurative autem ostendit sapientiam rito competere sacerdotibus ac prædicatoribus legis divinæ. Non enim vult nos Deus nimis exteriori uti sapientia, sed apostolica, de qua Paulus dicit : *Sapientiam loquimur inter perfectos. Sapientiam autem non mundi hujus, neque principum mundi hujus, qui destruantur, sed loquimur Dei sapientiam in mysterio absconditam, quam prædestinavit Deus ante sæcula ad gratiam nostram* (I Cor. ii). Et unde certum est hoc, quod sal apostolica scientia posuerit. Plane hoc nobis Dominus ostendit, dicens apostolis : *Vos estis sal terræ : si autem sal evanuerit, ad nihilum valebit ultra, nisi ut mittatur foras, et concalcetur ab hominibus* (Matth. v). Propterea autem sal apostolicam sapientiam appellavit, quia sicut omnis cibus ad nutriendum aptus, omnimodo sale conditur, ita et omnis sermo utilis ad videndum, apostolicæ omnimodo necessarium habet sapientiæ condimentum. Ergo Aaron et filii ejus, pactum salis est sempiternum, quia non solum primo Ecclesiæ gradui, quem teneat episcopi, necessaria est sapientia, sed etiam cæteris minoribus gradibus, presbyteris scilicet, diaconibus, atque omni ordini ecclesiastico. Et hoc coram Domino : quia puram et sine omni succo veritatis atque malitiæ cælestis, amanda et discenda atque docenda est sapientia. Sapientia enim hujus sæculi inimica est Deo : quæ semper jactantiam et contentiones superfluas amat. Unde et Jacobus apostolus in Epistola sua, quam ad dispersos scripsit, rixas et contentiones prohibens ait : *Quoniam si zelum amarum habetis, et contentiones in cordibus vestris sunt, nolite gloriari, et mendaces esse adversum veritatem. Non est ista sapientia desursum descendens a Patre luminum, sed terrena, animalia, diabolica. Ubi enim zelus et contentio, ibi inconstantia et omne opus pravum. Quæ autem de sursum est sapientia, primum quidem pudica est, deinde pacifica, modesta, suavis, boni*



consentiens, plena misericordia et fructibus bonis judicans sine simulatione. Fructus autem justitiæ, in pace seminatur, facientibus pacem (Jac. III).

## CAPUT XXIII.

De decimis dandis in usum Levitarum.

(1810.) Dixitque Dominus ad Aaron: In terra eorum nihil possidebitis nec habebitis partem inter eos. Ego pars et hæreditas tua in medio filiorum Israel. Filiis autem Levi dedi omnes decimas Israelis in possessionem, pro ministerio quo servivit mihi in tabernaculo fœderis, ut non accedant ultra filii Israel ad tabernaculum, nec committant peccatum mortiferum, solis filiis Levi in tabernaculo servientibus et portantibus peccata populi. Legitimum sempiternum erit in generationibus vestris. Nihil aliud possidebunt, decimarum oblatione contenti, quas in usus eorum et necessaria separavi. Et in Veteri et in Novo Testamento ministris altaris et servitoribus templi Domini, mandatum est de oblationum largitate et decimarum dato nutrimentum habere, nec terrenis possessionibus concessum est eis adipiscendis ullo modo inhiare. Unde Dominus in Evangelio apostolis et prædicatoribus Evangelii præcepit, dicens: Euntes autem prædicate, dicentes, quia appropinquabit regnum cælorum. Infirmos curate, mortuos suscite, leprosos mundate, demones ejcite. Gratis accepistis, gratis date. Nolite possidere aurum, neque argentum, neque pecuniam in zonis vestris, non peram in via, neque duas tunicas, neque calciamenta, neque virgam. Dignus est enim operarius cibo suo (Matth. x). Hinc et Paulus Corinthiis loquens: Nescitis, inquit, quoniam qui in sacrario operantur, quæ de sacrario sunt, edunt? Qui altari deservimus, cum altari participant (I Cor. ix). Ita et Dominus ordinavit his qui Evangelium annuntiant de Evangelio vivere. Hinc et ad Timotheum scribens, ait: Nemo militans Deo, implicat se negotiis secularibus, ut ei placeat cui se probavit. Nam et qui certat in agone, non coronatur nisi legitime certaverit. Laborantem enim agricolam oportet primum de fructibus terræ percipere (II Tim. II). Nec enim conveniens est ut ille, quem oportet semper astare officio divino, pro acquirendo occupetur terreno lucro. Si quis autem quæsierit quid mystice decimæ significant, sciat observantiam legis in eis accipere posse, sive integritatem fidei catholicæ, seu perfectionem bonorum operum, quæ maxime his convenit habere, qui speciale Deo servitium secundum electionem, qua electi sunt ad ministerium divinum, exhibere debent. In denario enim numero creaturæ et Creatoris cognitio comprehenditur, quia septenarius numerus ad æternam respicit naturam, tribus videlicet vim animæ ostendentibus. Unde et in Deuteronomio scriptum est: Diliges Dominum Deum tuum, ex toto corde tuo, et ex tota anima tua, et ex fortitudine tua (Deut. vi). Corpus autem ex quatuor notissimis constat elementis. Hinc enim septenarium, si ternario numero fidem et confessionem sanctæ Trinitatis exprimentem adjunxeris, denarium rite complebis.

A Locutus est Dominus ad Moysen, dicens: Præcipe Levitis atque denuntia: Cum acceperitis a filiis Israel decimas, quas dedi vobis, primitias eorum offerte Domino, id est, decimam partem decimæ, ut reputetur vobis in oblationem primitivorum. Tam de arcibus quam de torcularibus, et universis quorum accipitis primitias, offerte Domino, et date ea Aaron sacerdoti, et rel. Hoc in expositione allegorica ita arbitrari posse constare, si quis vel egentibus distribuat, vel faciat aliquid boni operis, pro mandato munus obtulit Deo. Sed hujus muneris offert primitias, si non solum cibos verbi gratia, vel pecuniam largiatur, sed et affectum miserendi habeat et compatiendi. Hoc enim est quod requirit ab homine Deus, ut mens ipsa piis et misericordibus repleatur et formetur affectibus, et ab omnibus immolationibus eorum. Immolatio spiritualis est illa quam legitimus: Immola Deo sacrificium laudis, et redde Altissimo vota tua (Psalm. XLIX). Laudare enim Deum et vota orationis offerre, immolare est Deo. Sed hujusmodi immolationis primitiæ, ita per pontificem offerentur, si non solum verbis et voce, sed et mente oremus et corde. Secundum quod et Paulus monet: Orabo spiritu, orabo et mente (I Cor. XIV). Psalmum dicam spiritu, psalmum dicam et mente. Assistunt enim et nunc angeli Dei, cultores et agricolæ cordis nostri, et requirunt si est in aliquo nostrum hujuscemodi mens tam sollicita, quæ verbum Dei tanquam solum divinum tota aviditate susceperit, si fructum statim ut ad orationem surgemus, ostenderit, id est, si collectis et congregatis intra se sensibus, ariet Deum, si non evagetur mente et cogitationibus evolet, ita ut corpore quidem in oratione curvetur, sensibus autem per diversa discurrat. Si quis, inquam, in tantam et directam obsecrationem suam, et ipsis conspectibus atque ineffabili illi lumini se intellexerit assistentem, ibique orationes et obsecrationes postulationesque et gratiarum actiones suas profuderit, nulla extrinsecus phantasie sollicitus imagine, is se noverit per angelum, qui assistit altari, obtulisse immolationis suæ primitias pontifici magno et vero, Christo Jesu Domino nostro.

## CAPUT XXIV.

De vacca rufa et cæremoniis ejus, atque munditiis ex cineribus ejus factis.

D (CAP. XIX.) Locutusque est Dominus ad Moysen, dicens: Ista est religio victimæ, quam constituit Dominus. Præcipe filiis Israel, ut adducant ad te vaccam rufam ætatis integræ, in qua nulla sit macula, nec portaverit jugum; tradesque eam Eleazaro sacerdoti, qui eductam extra castra immolabit in conspectu omnium; et tingens digitum in sanguine ejus, asperget contra fores tabernaculi septem vicibus, comburetque eam cunctis videntibus. Tam carnis et pelle ejus quam sanguine et fimo flammæ traditæ. Lignum quoque cedrinum et hyssopum coecumque bis tinctum, sacerdos mittet in flammam, quæ vaccam vorat, et tunc demum lotis vestibus et corpore suo, ingreditur castra: immaculatusque erit neque ad vesperam. Sed

et ille qui combusserit eam, lavabit vestimenta sua et corpus, et immundus erit usque ad vesperam. Colliget autem mundus vir cineres vaccae, et effundet eos extra castra, in loco purissimo, ut sint multitudini filiorum Israel in custodiam et in aquam aspersionis, quia pro peccato vacca combusta est. Solet per masculinum sexum fortitudo, per femininum vero infirmitas designari. Quid ergo per vaccam, nisi assumpta ad sacrificium infirmitas incarnationis Dominicæ figuratur? De quo scriptum est, quia et si mortuus est ex infirmitate, sed vivit ex virtute Dei (II Cor. xii). Bene autem vacca hæc, etiam rufa dicitur, quia videlicet ejus humanitas rubra per cruorem passionis fuit. Unde et in Canticis canticorum ab sponsa describitur dicente: *Dilectus meus candidus et rubicundus* (Cant. v). Candidus videlicet ex divinitate, rubicundus ex sanguine. Candidus per justitiam vitæ, rubicundus ex cruore passionis. *Ætatis integræ, in qua nulla sit macula.* Ætas humanitatis Dei integra est, omnis ejus operatio perfecta. In qua videlicet humanitate macula non fuit, quia et veraciter de eo scriptum est: *Qui peccatum non fecit, nec dolus inventus est in ore ejus* (Isa. xxxv). Bene autem subditur, nec portaverit jugum. Scriptum quippe est: *Omnis qui peccat, servus est peccati* (Joan. viii). Quia ergo Dominus nulli peccato succubuit, jugum minime portavit. Sequitur: *Tradesque eam Eleazaro sacerdoti, qui eductam extra castra immolabit in conspectu Domini.* Quid est quod hæc vacca ad immolandum sacerdoti traditur, nisi quod incarnatus Dominus, qui pro redemptione nostra sacrificium semetipsum fecit, in iudicio populi manibus datur; qui etiam extra castra in conspectu Domini immolatus est, quia videlicet extra portam passus est? Unde et per Paulum apostolum dicitur: *Jesus ut sanctificaret per suum sanguinem populum, extra portam passus est* (Hebr. xii). Exeamus igitur ad eum extra castra, impropriam ejus portantes. Non enim hic habemus manentem civitatem, sed futuram inquiremus. Idcirco enim extra portam passus est, ut a conversatione nos vitæ præsentis, quasi a civitate foras educeret, et a terrena inhabitazione corde nos evellere persuaderet. Bene autem dicitur, quia immolabit eam in conspectu Domini. Redemptor enim noster in conspectu hominum quasi extinctus est, sed in conspectu Patris immolatur, quia quod ante oculos hominum pœna, hoc ante oculos Patris sacrificium fuit. *Et intingat digitum in sanguine.* Quid per digitum nisi discretio nostræ operationis accipitur? In sanguine ergo vaccae digitum intingere, est in passionis incarnationis Dominicæ nostra opera consecrare, ut passionem ejus quam cognoscimus imitemur, sicut scriptum est: *Christus pro nobis passus est, relinquens vobis exemplum, ut sequamini vestigia ejus.* Eleazar itaque sacerdos, et immolat, et in sanguine ejus digitum intingit: quia videlicet plebs Judæa ex reproborum parte humilitatem Domini usque ad passionem persecuta est; ex electorum vero parte operationem humilitatis ejus imitata. Et

asperget contra fores tabernaculi. Quid ergo hoc loco tabernaculum, nisi tota simul Synagoga accipitur? Qui ergo tinxerit in sanguinem ejus digitum, eandem sanguinem contra fores tabernaculi aspergat, id est, quisquis passionis ejus vias imitatur, Synagogæ non credenti et contradicenti, per exemplum bona, per prædicationem rectam, signum bene vivendi præbeat. Contra fores enim tabernaculi vacca sanguinem aspergere, est resistenti plebi Judicæ per prædicationem rectam, per sancta opera, passionis ejus exempla monstrare. Bene autem dicitur: ut digitus in ejus sanguine septem vicibus intingatur et aspergatur. In septenario enim numero perfectio accipitur. Unde et septem diebus universum tempus impletur, et Spiritus sanctus septiformis vocatur. Septem ergo vicibus in sanguine ejus digitum intingere, est perfecta operatione mysterium passionis ejus imitari. Et septem vicibus contra synagogam aspergere, est perfecta prædicationis sacramenta incarnationis ac passionis ejus, infidelibus denunciare. Comburitque eam cunctis videntibus extra castra, tam pelle et carnibus ejus, quam sanguine et fimo flammæ traditis. Quid per carnem et pellem, quid per sanguinem et fimum vaccae, nisi carnalia sacrificia in Testamento Veteri habita, quæ infirmitatem denuntiabant Domini, designantur? Quæ omnia postmodum spiritaliter a Patribus intellecta, juxta exteriorius ministerium stercora sunt vocata. Unde Paulus cum de sacrificiis carnalibus loqueretur, dicit: *Propter quæ omnia detrimentum feci, et arbitror, ut stercora* (Philip. iii). Quæ flammæ traduntur, quia quamvis carnaliter primum sint exhibita, postmodum per Spiritum sanctum intelligentiæ igne consumpta sunt. Possumus tamen in eadem vacca, id est, in ipsa infirmitate incarnationis Dominicæ, carnem, pellem, sanguinem, fimum, singula quæque opera accipere. Quid enim per carnem et pellem, nisi exteriora ejus opera designantur? Quid per sanguinem, nisi subtilitas internaque virtus, exteriora acta vivificans? Quid per fimum, nisi lassitudo, sitis, esuries, timor mortis, et quæque ex humanitate suscepta pati voluit, designantur? Quod enim ex defectu nostræ mortalitatis habuit, quasi fimum in eo abjiciendum fuit. Quæ tamen omnia quæ ex infirmitate suscepit, quia pro nostra redemptione exhibuit, igne concremanda sunt, id est, juxta virtutem sancti Spiritus intelligenda, ut quæque ab eo corporaliter gesta sunt, per incorporationem divinitatis ejus spiritum disposita sentiantur. Unde et bene subjungitur: *Lignum quoque cedrinum et hyssopum, coccumque bis tinctum sacerdos mittet in flammam, quæ vaccam vorat.* Cedrus quippe, et altum et impatriabile lignum est. Hyssopus vero herba valde humilis est, quæ tamen inflationem amovet pulmonis. Quid enim per cedrum, nisi alta et perseverans contemplatio? Quid in hyssopo, nisi mansueti cordis humilitas designatur? Quia qui jam alta contemplatione ad superna attollitur, necesse est ut per humilitatis compassionem inferioribus

condescendat, et non se ex eo quod habet erigat, sed quidquid habet his etiam qui illud non habent prædicando libenter impendat. Quid vero in cocco bis tincto, nisi charitatis virtus exprimitur? Quæ coccus bis tinctus dicitur, quia charitas per flammam sancti amoris accensa, duobus exhiberi præceptis jubetur, id est Dei et dilectione proximi. Bis tinctus ergo coccus est charitas duplici præcepto formata, ut sic diligatur Deus, ne deseratur proximus, sic diligatur proximus, ne contemnatur Deus. In hac ergo flamma, quæ vaccam vorat, cedrum, hyssopum, his tinctum coccum sacerdos mittit. Omnes enim, qui in Christo credimus, sacerdotes sumus. Unde scriptum est : *Vos autem genus electum, regale sacerdotium* (I Pet. II). Sed quidquid per contemplationis alta sentimus, quidquid per mansuetudinem humilitatis, quidquid per ignem charitatis exhibemus, in spiritu passionis Dominicæ tingere debemus, ut omne quod in nobis est, illum imitetur a quo est. Nam si extra imitationem passionis ejus aliquid agimus, non tam virtutem, quam vitium agimus. Mittatur ergo in flammam, quæ vaccam vorat cedrus, id est perseverantia atque altitudo contemplationis nostræ, comburatur igne passionis Dominicæ. Mittatur in flammam, quæ vaccam vorat hyssopus, id est humilitas cordis nostri veritatem mansuetudinis, ex admistione Dominicæ passionis trahat. Mittatur in flammam, quæ vaccam vorat bis tinctus coccus, id est charitas, quæ nos ad amandum Deum et proximum excitet, assidue nos contemplari passionem Dominicam compellat, ut in ipsa discat opera recta quæ faciat. Potest tamen etiam aliter intelligi, ut per cedrum significetur spes, quæ alta appetit; per hyssopum vero, quæ etiam calore suo stomachi immunditiam purgat, significatur fides, quæ in imis adversa æquanimitèr tolerat, ut quod ex antea actis peccatis contractum fuerat, mundet. Per coccum quoque, ut dictum est, exprimitur charitas. Unusquisque nostrum igitur in flammâ, quæ vaccam vorat, cedrum, hyssopum, coccum bis tinctum mittat, id est, in sacrificium passionis Dominicæ spem, fidem, charitatem exhibeat, ne passionem Redemptoris sui sine causa audiat si non ad hæc etiam opera necessario subjungat. De quibus tribus Paulus apostolus dicit : *Nunc autem manet fides, spes, charitas; major autem his est charitas* (I Cor. XIII). Unde et hic coccus extrema ponitur, quia videlicet fide, spe completa, cum ad æternam patriam venimus, sola in nobis charitas ad ultimum multiplicabitur. Potest iste sacerdos vel is qui vaccæ carnes, pellem, sanguinem, fimum comburit, ordinem Judaici sacerdotii cum supposita plebe in nece Domini consentientis signare. Unde et adhuc apte subjungitur. Et tunc demum lotis vestibus et corpore suo, revertetur in castra, commaculatusque erit usque ad vesperam. Quid enim per vesperam, nisi finem mundi accipimus? Et sacerdos iste, vel qui vaccam igni tradit, id est Judaicus populus, immundus est usque ad vesperam, quia usque ad finem mundi infidelis remanet. Sed

lotis vestibus suis et corpore suo, ad vesperum castra ingreditur, quia fine mundi veniente, mundatis infidelitatis suæ operibus, etiam Judaicus populus ad cognitionem conditoris sui revertitur, sicut scriptum est : *Si fuerit numerus filiorum Israel tanquam arena maris, reliquæ salvæ fiunt* (Rom. IX). Et sicut rursum scriptum est : *Donec plenitudo gentium introierit, et sic omnis Israel salvus fiet* (Rom. XI). Ad vesperam igitur lotis vestibus sacerdos intra castra redit, qui ante vesperam commaculatus est, quia infidelis populus Judaicus usque ad finem mundi, extra mandata vitæ, velut extra castra est positus, pravis operibus commaculatus. Sed quod cum aqua baptismatis et poenitentia lavatur, tunc ad cognitionem fidei ad vesperum, id est in fine mundi quasi in castra revertitur, potest intelligi, quod iste sacerdos in lotis sit vestibus, et usque ad vesperum immundus, quia idem Judaicus populus ex eorum parte, qui crediderunt, jam vestes lavit, sed ex eorum parte, qui necdum crediderunt, adhuc immundus usque ad vesperum permanet. Lavat ergo vestimenta et corpus, qui credendo exteriora opera et interiora, mentem a pravis actionibus mundat. Et plene tunc ad castra revertitur, cum ad fidem perfecte revocatur. Sed quia Judæa in infidelitate et reproborum parte perdurante, ad fidem gentilis ingreditur, et mysteria divinæ incarnationis intelligit, recte illic subjungitur : *Colliget autem cineres vaccæ vir mundus*, id est, gentilis populus jam fide mundatus. Unde et scriptum est : *Fide mundans corda eorum* (Act. XV). Vaccæ cineres colligit, qui subtilissima sacramenta divinæ incarnationis agnoscit. Et vaccæ, quam sacerdos combussit, cineres vir mundus colligit, quia infirmitatis Domini, quam Judaicus populus in morte mactavit, subtilissima mysteria populus gentilis intelligit.

Bene autem sequitur : *Et effundet in loco purissimo extra castra*, quia idem gentilis populus, qui secreta ac mysteria divinæ incarnationis agnoscit, bona quæ accepit prædicare non cessat, ut quod ipse didicerit, aliis etiam nescientibus innotescat. Sed quia secreta ac mysteria incarnationis Dominicæ pravis ac pollutis manibus non sunt tradenda, bene dicitur, *effundet in loco purissimo extra castra*. Extra castra quippe fuerat omnis gentilitas, quia extra legem, extra sacrificium, extra synagogam. Sed tamen ad fidem veniens cor mundavit, et in ea cineres vaccæ funduntur, quia mundo cordi gentilitatis mysterium Dominicæ incarnationis creditur. Multi itaque ex gentilitate conversi, prædicatores sunt facti, et eidem gentilitati venienti ad fidem Redemptoris mysteria tradiderunt. Vir ergo mundus in loco purissimo vaccæ cineres fundit, dum quilibet doctor ex gentilitate assumptus, munda per humilitatem corda gentilium requirit, et mysteria eis Redemptoris nostri tradere non desistit. Quod cum agitur, fides gentilium multiplicatur, divina virtus agnoscitur, disciplina præceptorum tenetur. Unde et recte subjungitur : *Ut sint multitudini filiorum Israel in cu-*

*stodiam.* Israel namque interpretatur *videns Deum*: Et non immerito conversa gentilitas *Israel* dicitur, quæ jam fide Deum contemplatur. Isti ergo cineres multitudini filiorum Israel in custodiam fiunt, quia subtilia sacramenta mundis gentilium cordibus tradita in mentis munitione vertuntur. Bene autem subditur, *et in aquam asperstonis.* Propter operationem namque in custodia nostra sunt cineres, propter baptismum vero in aqua asperstonis, cineribus ejus utimur, ut dum consideratis ejus operibus nostra acta sub disciplina redigimus, vaccæ cineres in custodia nostra servemus: qui dum secreta atque subtilia operationis illius per imitationem attendimus, per hæc nobis et munditiam et perseverantiam providemus. Apte autem subjungitur, quia pro peccato combusta est vacca. Tunc enim nostram custodiam provide custodimus, cum Redemptorem nostrum pro nostris iniquitatibus passum sollicitè consideramus. Perpendimus namque quid retribuatur bonis, qui voluit mori pro malis. Perpendimus, quid ad justitiam fidei adducti esse gratiæ debeamus, qui et in iniquitatibus positi, intercessionem mortis ejus accipimus. In custodia ergo cineres fiunt, quia pro peccato combusta est vacca, dum passionis ejus mysteria sollicitè contemplantes, quæ operari debeamus agnoscimus, qui Redemptorem nostrum etiam pro iniquis nobis mortuum non ignoramus. Item moraliter vaccam mactamus, cum carnem a lascivia voluptatis extingimus. Quam cum hyssopo lignoque cedrino ac cocco offerimus, quia cum maceratione carnis, sacrificium fidei, spei et charitatis adolemus. Quisquis ergo semetipsum Deo sacrificium obtulit, si perfecta desideret, curet necesse est ut non solum ad operationis se latitudinem, verum etiam ad culmina contemplationis extendat. Sed inter hæc magnopere sciendum est, quia valde inter se diversæ sunt conspersiones animarum. Nonnulli namque hominum ita sunt otiosæ mentis, ut si eos labor occupationis excipiat, in ipsa operis occupatione succumbant. Et nonnulli ita inquieti sunt, ut si vacationem laboris habuerint gravius laborent, quia tanto detentiores cordis tumultus tolerant, quanto eis licentius a cogitatione vacant. Unde necesse est ut nec quieta mens ad exercitationem se immoderati operis dilatet, nec inquieta ad studium contemplationis angustet. Sæpe enim qui contemplari Deum quieti poterant, occupationibus pressi ceciderunt; et sæpe qui occupati bene humanis usibus viverent, gladio suæ quietis extincti sunt. Hinc namque est, quod nonnulli inquieti spiritus, dum plus exquirunt contemplando quam capiunt, usque ad perversa dogmata erumpunt. Et dum veritatis discipuli esse humiliter negligunt, magistri errorum fiunt.

*Habebunt hoc filii Israel et advenæ qui habitant inter eos sanctum jure perpetuo. Et erit, inquit, filiis Israel et proselytis, qui apponuntur, legitimum æternum.* Quid aliud ostendit, nisi baptismum Christi, quem significabat aqua asperstonis, et Judæis et

gentibus profuturum, id est, filiis Israel et proselytis, tanquam naturalibus ramis, et inserto pinguedine radicis oleastro. Quem autem non faciat intentum, quod post ablutionem de singulis quibusque dicitur, *et immundus erit usque ad vesperam.* Neque hic tantum, sed in omnibus talibus mundationibus hoc dicitur. Ubi nescio utrum aliquid aliud possit intelligi, nisi quod omnis homo post remissionem plenissimam peccatorum, permansendo in hac vita contrahit aliquid unde sit immundus, usque ad ejusdem vitæ finem, ubi dies iste quodammodo clauditur, quod significat vespera. Deinde incipit Scriptura dicere et exsequitur, quemadmodum immundi facti homines aqua illa asperstonis purificentur.

*Qui tetigerit cadaver hominis, et propter hoc septem diebus fuerit immundus, aspergetur ex hac aqua die tertio et septimo: et sic mundabitur. Si die tertio aspersus non fuerit, septimo non poterit mundari. Omnis qui tetigerit humanæ animæ morticinium, et aspersus hac commitione non fuerit, polluit tabernaculum Domini, et peribit ex Israel, quia aqua expiationis non est aspersus. Immundus erit, et manebit spurcitia super eum, etc.* Qui tetigerit, inquit, mortuum, omnis anima hominis immunda erit septem diebus. Hic purificabitur die tertio et die septimo, et immundus erit. Et hic nihil aliud intelligendum video, nisi contactum mortui esse hominis iniquitatem. Septem vero dierum Immunditiam propter animam et corpus dictum puto: animam in ternario, corpus in quaternario. Secundum hoc, dictum arbitror per prophetam: In tribus et quatuor non adversabor. Adjungit autem et dicit: *Si autem non purificatus fuerit die tertio et die septimo, non erit mundus. Omnis qui tetigerit ab omni anima hominis et mortuus fuerit, et non fuerit purificatus die quarto et in die septimo, id est ante mortuus fuerit tacto mortuo, quam fuerit purificatus, tabernaculum Domini polluit, exterminabitur anima illa ex Israel.* Notandum est quod difficillime reperitur in his libris aliquid evidentius de vita animæ post mortem fuisse conscriptum. *Purificabitur die septimo, et lavabit vestimenta sua, et lavabitur aqua, et immundus erit usque ad vesperam.* Alia est aqua asperstonis, et alia utique illa qua lavat vestimenta sua. *Et lavabitur aqua,* quam puto spiritalem intelligendam per significationem, non per proprietatem. Nam sine dubio visibilis erat, sicut ille omnes umbræ futurorum. Proinde qui sacramento baptismi recte abluitur, quod illa asperstonis aqua figurabat, mundatur, et spiritaliter, id est invisibiliter in carne et in anima, ut sit mundus et corpore et spiritu. *Vas quod non habuerit operculum vel ligaturam desuper, immundum erit.* Tegmen operculi vel ligatura est censura disciplinæ, quia quisquis non premitur, quasi vas immundum pollutumque reprobat. Quasi enim vas sine operculo vel ligatura polluitur, qui per studia ostentationis patens, nullo velamine taciturnitatis operitur.

*Si quis in agro tetigerit cadaver occisi hominis aut per se mortui, sive os illius vel sepulcrum, immundus*

erit septem diebus. Secundum aliam editionem ita legitur : *Omnis qui tetigerit super faciem campi vulneratum aut mortuum, aut os hominis aut monumentum.* Quæri potest quare dictum sit, vulneratum aut mortuum. Si enim aliud voluit intelligi vulneratum aut mortuum, cavendum est ne putetur immundus esse etiam qui tetigerit vulneratum vivum : quod utique absurdum est. Sed quia possunt et mortui esse vulnerati, ipsos mortuos intelligitur decessisse, ut vulneratum mortuum intelligamus, id est vulnere peremptum, aut mortuum sine vulnere. *Tollentque de cineribus combustionis atque peccati, et mittent aquas vivas super eos in vas. In quibus cum homo mundus tinxerit hyssopum, asperget eo omne tentorium, et cunctam supellectilem, et homines hujuscemodi contagione pollutos, atque hoc modo mundus lustrabit immundum tertio et septimo die : expiatusque die septimo, lavabit se et vestimenta sua, et immundus erit usque ad vesperam, etc.* Quod vero hyssopo dixit aquam aspersionis aspergi, quæ herba supra diximus fidem significari, quid aliud occurrit, nisi quod scriptum est, *fide mundans corda eorum? Non enim prodest baptismus si desit fides* (Act. xv). A viro autem mundo dixit hoc fieri ubi significantur ministri portantes personam Domini sui, qui vere vir mundus est. Nam de his ministris in consequentibus dicit : *Et qui circumasperget aquam aspersionis, lavabit vestimenta sua, id est, observabit et corpus; et qui tetigerit aquam aspersionis, immundus erit usque ad vesperam : et omne quodcumque tetigerit ille immundus, immundum erit : et anima, quæ tetigerit, immunda erit usque ad vesperam.*

## CAPUT XXV.

*De seditione Israelitarum ad aquam contradictionis.*

(CAP. XX.) *Veneruntque filii Israel, et omnis multitudo in deserto Sin, mense primo; et mansit populus in Cades. Mortuaque est ibi Maria, et sepulta in eodem loco. Cumque indigeret aqua populus, coierunt adversum Moysen et Aaron, et versi in seditionem dixerunt : Utinam perissemus inter fratres nostros coram Domino ! Cur eduxistis ecclesiam Domini in solitudinem, ut et nos et jumenta nostra moriamur ? Quare fecistis nos ascendere de Ægypto, et adduxistis in locum istum pessimum, qui seri non potest, qui nec ficum gignit, nec vineas, nec mala granata ? Insuper et aquam non habet ad bibendum. Ingressus Moyses et Aaron dimissa multitudo tabernaculum sæleris, corruerunt proni in terram, et apparuit gloria Domini super eos, etc.* Tricesima tertia mansio est in deserto Sin : hæc est Cades. Sin autem interpretatur sancta : tropus per antiphrasim, sicut lucus, cum minime luceat : et bellum, quod tamen sit horridum. In hac mansionem moritur Maria et sepelitur. Videtur in Maria prophetia mortua; in Moysen et Aaron, quod legi et sacerdotio Judæorum finis impositus sit : quod nec ipsi ad terram repromissionis transire valeant, nec credentem populum de solitudine hujus sæculi educere, nisi solus Jesus, id est, Salvator, verus Dei Filius. In hac etiam mansionem

propter aquas contradictionis Moyses offendit Dominum, et prohibetur transire Jordanem. Perturbatus enim murmure populi, dubitanter petram percussit virga, quasi illud non posset Deus facere, ut aqua de petra proflueret, quod ante jam fecerat. Quid ergo hic fides Moysi insinuat, quod in aquam de petra ejiciendam titubaverit? Hanc prophetiam fuisse de Christo recte intelligimus. Dum enim Moyses in Scripturis sanctis aliam atque aliam pro re allua significanda personam gerat, hunc tamen populi Judæorum sub lege positi personam gerebat, eumque interim prophetica pronuntiatione figurabat. Nam sicut Moyses, petram virga percussit, de Dei virtute dubitavit, ita ille populus qui sub lege per Moysen data tenebatur, Christum ligno crucis affigens, eum virtutem Dei esse non credidit. Sed sicut percussa petra manavit aquam stidentibus, sic plaga Dominicæ passionis, effecta est vita credentibus. Habemus enim de hac re præclarissimam vocem apostolicam, cum inde loqueretur dicens : *Petra autem erat Christus* (I Cor. x). Hanc ergo carnalem de Christi divinitate desperationem, in ipsius Christi altitudine Deus mori jubet, cum mortem carnis Moysi in monte imperat fieri. Sicut enim petra Christus, ita et mons Christus. Petra humilis fortitudo, mons eminens magnitudo : quia sicut Apostolus ait, petra autem erat Christus, ita ipse Dominus : *Non potest civitas abscondi super montem constituta, se scilicet montem, fideles autem suos in sui nominis gloria fundatos, asserens civitatem.* Prudentia enim carnis vivit, cum tanquam petra percussa, Christi humilitas in cruce contemnitur. Christus crucifixus Judæis scandalum est, gentibus autem stultitia, et prudentia carnis moritur, cum tanquam montis eminentia, Christus excelsus agnoscitur. Ipsi enim vocatis Judæis et Græcis, Christus Dei virtus et Dei sapientia est.

*Cumque elevasset Moyses manum, percussit virga bis silicem, egressæ sunt aquæ largissimæ, ita ut populus biberet et jumenta.* (Ex Augustino.) Significata est ergo de Christo profluens gratia spiritalis, quia interior sitis irrigaretur. Sed quod virga petra percussit, crux Christi figuratur. Ligno enim accedente ad petram, gratia manavit. Et quod hic percussit, evidentius significat crucem. Duò quippe ligna sunt crux.

*Dixit Dominus ad Moysen et Aaron : Quia non credidistis mihi, ut sanctificaretis me coram filiis Israel, non introducetis hos populos in terram, quam eis dedi. Hæc est aqua contradictionis, ubi jurgati sunt filii Israel contra Dominum, et sanctificatus est in eis.* Quod de aqua illa, quæ de petra profluxit dictum est, hæc est aqua contradictionis, ubi jurgati sunt filii Israel contra Dominum, sive juxta id, quod in aliis exemplaribus habetur, maledixerunt filii Israel ante Dominum, et sanctificatus est in ipsis, prius maledixerunt, quando locuti sunt contra beneficium Domini, quo educti erant de Ægypto; et postea sanctificatus est in ipsis, cum illo miraculo aquæ

profluentis, ejus sanctitas declarata est. An forte A ut illis sit aqua contradictionis, istis sanctificationis. duo genera hominum demonstravit, et contradicentium gratiæ Dei, et percipientium gratiam Christi, Nam et de ipso Domino in Evangelio legitur: *Et in signum cui contradicetur (Luc. 11).*

## LIBER TERTIUS.

### CAPUT PRIMUM.

*De transitu filiorum Israel a Cades in montem Hor, et pugna eorum atque victoria in Chananæos.*

(CAP. XX) Misit interea nuntios Moyses de Cades ad regem Edom, qui dicerent: *Hæc mandat frater tuus Israel. Nosti omnem laborem qui apprehendit nos, quomodo descenderunt patres nostri in Ægyptum, et habitaverimus ibi multo tempore, afflixerintque nos Ægypti et patres nostros, et quomodo clamaverimus ad Dominum et exaudierit nos, miseritque angelum, qui eduxerit nos de Ægypto. Ecce in urbe Cades, quæ est in extremis finibus tuis positi, obsecramus, ut nobis transire liceat per terram tuam. Non ibimus per agros, nec per vineas. Non bibemus aquas de puteis tuis, gradiamur via publica, donec transeamus terminos tuos, et rel. Quod inter mandata Moyses ad regem Edom dicit inter cætera, neque bibemus aquam de lacu, intelligendum est gratis, id est, quia non gratis bibemus. Quod postea manifestat dicens: *Si in autem de aqua tua bibemus ego et pecora mea, dabo pretium tibi. Non declinabimus in dexteram neque in sinistram.* Pluraliter dictum est in ea, quæ dextera sunt, vel quæ sinistra sunt.*

Cumque castra movissent de Cades, venerunt in montem Hor, qui est in finibus terræ Edom. Ubi Dominus locutus est ad Moysen: *Pergat, inquit, Aaron ad populum suum. Non enim intrabit terram, quam dedi filiis Israel, eo quod incredulus fuerit ori meo ad aquas contradictionis, etc.* Trigesima quarta mansio est in monte Hor, in extremis finibus Edom, in quo ascendit Aaron juxta præceptum Domini, et mortuus est anno quadragesimo egressionis ex Ægypto. Eo scilicet anno, quo novus populus repromissionis terram intraturus est. Et quanquam in monte sacerdotium Eleazaro filio dereliquerit, lexque eos qui eam impleverint perducat ad summum, tamen ipsa sublimitas non est trans fluenta Jordanis, sed in extremis terrenorum operum finibus. Et plangit eum populus triginta diebus. Aaron plangitur, Jesus non plangitur. In lege descensus ad inferos, in Evangelio ad paradysum transmigratio.

(CAP. XXI.) Quod cum audisset Chananæus rex Arad, qui habitabat ad meridiem, venisse Israel per exploratorum viam, pugnavit contra illum, et victor existens, duxit ex eo prædam. At Israel voto se Domino obligans ait: *Si tradideris populum istum in manu mea, delebo urbem ejus. Exaudivitque Dominus preces Israel, et tradidit Chananæum. Quem ille interfecit subversis urbibus ejus, et vocavit nomen loci illius Horma, id est, anathema. (Ex Augustino.) Sive ut in aliis exemplaribus legitur: *Et vovit Israel**

votum Domino, et dixit: *Si mihi tradideris populum istum subjectum, id est, si mihi eum tradendum subjeceris, anathemabo illum et civitates ejus.* Hic videntur, quomodo dicatur anathema quod vovetur, et tamen pro maledicto ponitur, sicut et de isto populo dicitur. Unde illud est: *Si quis vobis evangelizaverit præter quod accepistis, anathema sit (Galat. 1).* Hinc vulgo doctum est, ut devotare dicatur. Nam devotare quemquam nemo dicit fere, nisi maledicens. Et anathemavit eum et civitates ejus, et vocatum est nomen loci Hlius anathema. Hinc duorum est anathema, ut detestabile aliquid et abominabile videatur. Ut enim nihil inde victor in usus suos auferret, sed totum in poenam luendam voveret, hoc erat anathemare, quod vulgo dicitur devotare. Origo autem hujus verbi est in Græca lingua ab his rebus quæ votæ et persolutæ, hoc est, promissæ et redditæ, sursum ponebantur in templis, ἀπὸ τοῦ ἀναδιδόαι, hoc est, sursum ponere, vel figendo vel suspendendo.

Audivit quoque Chananæus, quod venisset Israel in locum exploratorum. Ubi quondam offendisse populum noverunt, ineunt prælium, et captivum ducunt Israel. Rursumque in eodem loco pugnatur ex voto, victor vincitur, victi superant. Per quod intelligimus, ut cum nos Dei auxilio destitutos, hostes invaserint, duxerintque captivos, non desperemus salutem, sed iterum armemur ad prælium. Potest fieri, ut vincamus ubi victi sumus, et in eodem loco triumphemus, in quo fuimus captivi.

### CAPUT II.

*De profectione eorum a monte Hor et tædio itineris, populique murmure; quare ignitis serpentibus puniuntur, signoque serpentis ænei erecto sanantur.*

(IBID.) Profecti sunt autem filii Israel de monte Hor, per viam quæ ducit ad mare Rubrum, ut circumirent terram Edom. Et tædere cepit populum itineris ac laboris. Locutusque contra Dominum et Moysen ait: *Cur eduxisti nos de Ægypto, ut moreremur in solitudine? Deest panis, non sunt aquæ. Anima nostra jam nauseat super cibo isto levissimo. Quamobrem misit Dominus in populum ignitos serpentes. Ad quorum plagas et mortes plurimorum, venerunt ad Moysen atque dixerunt: Peccavimus, quia locuti sumus contra Dominum et te. Ora ut tollat a nobis serpentes. Oravit Moyses pro populo, et locutus est Dominus ad eum: *Fac serpentem æneum, et pone eum pro signo. Qui percussus aspexerit eum, vivet. Fecit ergo Moyses serpentem æneum, et posuit eum pro signo. Quem cum percussi aspicerent sanabantur.* Trigesima quinta mansio est in Selmona. Trigesima sexta mansio est in Phinon. Hæc duæ mansiones in ordine historiarum*

non inveniuntur. In his mortuo Aaron, murmurant A  
Israelitici populi contra Dominum et Moysen, et  
manna fastidiunt, a serpentibus vulnerantur. Sed  
quid illud significat, quod morsus mortiferi serpen-  
tium, exaltato et respecto aëreo serpente, sanaban-  
tur, nisi quod nunc in typo Salvatoris, qui ferum  
antiquumque serpentem in patibulo triumphavit,  
diaboli venena superantur, ita ut qui vere expresse-  
que imaginem Filii Dei passionemque ejus conspexerit,  
conservetur? Hoc enim significant et verba ipsius  
Domini dicentis : *Sicut exaltavit Moyses in eremo  
serpentem, sic oportet exaltari Filium hominis, ut  
omnis, qui credit in eum, non pereat, sea habeat  
vitam æternam (Joan. III).* Quid vero æneus serpens?  
ipse qui ligno suspensus est. Æs quippe metallis B  
cæteris esse durabilis solet. Et apte æneus serpens  
ligno suspensus est, ut Dominus in serpente mortuus,  
et in aëre significaretur æternus, videlicet ut  
et indicaretur mortuus per humilitatem, et tamen  
esset quasi æternus [Al., æneus] per divinitatem.  
Pulchre autem prima mansio Selmona interpreta-  
tur ima vincula, quia nimirum ibi imago expressa  
est Salvatoris per serpentem æneum, qui ligno pen-  
dedit. Pulchre etiam et secunda Phinon, inter-  
pretatur os, quia posteaquam passionem Filii Dei  
cognoscimus, quod credimus corde, ore pronuntiamus,  
legentes illud apostoli Pauli : *Corde creditur  
ad justitiam, ore autem confessio fit ad salutem  
(Rom. X).*

*Profectique filii Israel, castra metati sunt in Oboth.*  
Trigesima septima mansio est in Oboth : quæ vertitur C  
in magos sive Pythones. Unde demonstratur, quia  
post imaginem Dei, quæ in cordis ratione monstra-  
tur, et confessionem fidei, quæ ore profertur, con-  
surgunt serpentes, et artes maleficæ ad bella nos  
provocant. Sed nos custodia circumdantes cor  
nostrum, obduramus aures nostras, ne audiamus  
voces incantantium, et sirenarum carmina negli-  
gamus.

*Unde egressi fixere tentoria in Jeabarim, in solitu-  
dine, quæ respicit Moab, contra orientalem plagam.*  
Trigesima octava mansio est in Jeabarim in fini-  
bus Moab, quæ significat acervos lapidum transeun-  
tium, id est sanctos per istud sæculum ad alias man-  
siones transire festinantes. Sunt sancti lapides, qui  
volvuntur super terram, leves, politi, et rotunditate D  
sua rotarum cursibus similes. Sunt et alii, quos  
propterea jubet tolli de via, ne ambulantium in eos  
offendant pedes. Qui sunt isti ambulantes? Utique  
viatores et prætereuntes, qui per istud sæculum ad  
alias mansiones transire festinant. Quod autem di-  
citur in finibus Moab, et supradictum est, in solitu-  
dine, quæ respicit Moab contra solis ortum, ostendit  
juxta litteram, quod hucusque in finibus terræ Idu-  
mæorum fuerint, et nunc veniant ad terminos Moab,  
de alia provincia ad aliam transeuntes. Non enim  
semper uni virtuti danda est opera, sed sicut scri-  
ptum est, *Ibunt de virtute in virtutem (Psal. LXXXIII),*  
de alia transeundum est ad aliam, quia hærent sibi,

PATROL. CVIII.

et ita inter se nexæ sunt, ut qui una caruerit, om-  
nibus careat. Et tamen transire de alia ad aliam,  
eorum est proprie, qui solis justitiæ ortum consi-  
derant.

*Et inde moventes castra, venerunt ad torrentem Za-  
red, et reliqua.* Trigesima nona mansio in Dibongad  
fuit, sicut in sequentibus, ubi series mansionum de-  
scripta est, manifestabitur. Interpretatur enim Di-  
bongad, *fortiter intellecta tentatio.* Sed pro hac hic  
in ordine historiæ, aliter scriptum reperitur. Post-  
quam enim castra metati sunt in Jeabarim in finibus  
Moab contra ortum solis, legitur : *Inde profecti sunt,  
et diverterunt ad torrentem Zared; et de hoc loco  
proficiscentes, castra metati sunt trans Arnon, quæ  
est in solitudine finium Amorrhæi, eo quod Arnon in  
terminis sit Moabitarum et Amorrhæorum. Et post-  
hæc venerunt ad puteum, ubi cecinit Israel carmen  
hoc : Ascende puteus, quem foderunt principes, et  
aperuerunt duces populorum in datore legum, et in  
baculo ejus. Et de solitudine ejus, in Mathana; et de  
Mathana ad torrentem Dei. Et de torrentibus ad ex-  
celsa, et de excelsis ad vallem, quæ est in regione  
Moab, in vertice Phasga, qui prospicit contra deser-  
tum.* Hæc loca in finibus Amorrhæorum quidam in-  
terpretantes, putant non mansiones esse, sed trans-  
itus, nec præjudicare debere catalogo mansionum  
extra ordinariam expositionem. Alii autem spiri-  
tibus spiritualia comparantes, nolunt regiones signi-  
ficari, sed per locorum nomina, virtutum profectus  
esse : quod post magos et congregationem lapidum,  
frequenter veniamus ad torrentem Zared, quod in-  
terpretatur, *aliena descensio,* et in descensione po-  
siti, transeamus ad Arnon, quod *maledictionem* so-  
nat : quæ est posita in finibus Amorrhæorum, qui  
vel *amari hostes* sunt, vel *multa loquuntur inflati.*  
Sin autem transierimus terminos Moab, qui de in-  
cestu generatus est, et recessit a vero patre, statim  
occurrit nobis puteus, quem nemo de plebe fodit,  
nullus ignobilis, sed principes et duces, qui jura-  
dant populis, et canentes carmen in aqua putei, et  
in Dei muneribus gratulantes, prophetam quo transi-  
turi sint, ad quæ loca perventuri, quod scilicet de  
deserto veniant in Mathana quod interpretatur *do-  
num,* et de Mathana ad Nahaliel, quod dicitur *tor-  
rentes Dei,* et de Nahaliel, qui interpretatur *excelsa*  
sive *adventans mors,* quando conformes efficimur mor-  
tis Christi. Et de Bamoth occurrit nobis vallis hu-  
militatis : quæ tamen in vertice posita est montis  
Phasga, qui interpretatur *dolatus,* quod nihil ha-  
beat informe et rude, sed artificis sit politus manu :  
qui mons respiciat solitudinem, quæ Hebraice dicitur  
lesimon, *לשמון.* Quando enim fuerimus in vir-  
tutum culmine constituti, tunc totius mundi ruinas,  
et omnium peccatorum respicimus vasitatem. Pene  
obliti sumus corrente oratione dictare, quare Dibon-  
gad interpretatur *intellecta fortiter tentatio.* Post  
Dibongad geritur bellum contra Seon regem Amor-  
rhæorum, et Og regem Basah, et dicimus, quod cum  
venerimus ad summum, et de fonte principum regnum

que biberimus, ascendentes ad montem Phasga, non debeamus elevari in superbiam, sed propositam nobis e contrario sollicitudinem noverimus. Ante contritionem enim elevatur cor viri, et ante gloriam humiliatur. Quod autem interpositum in historia: Unde dicitur in libro Bellorum Domini: Sicut fecit in mari Rubro, sic faciat in torrentibus Arnon. Scopuli torrentium inclinati sunt, ut requiescerent in Arnon, et recumberent in finibus Moabitarum. In quo libro hoc scriptum sit non commemoravit, neque ullus est in his quos divinæ Scripturæ canonicos appellamus, in quo hoc scriptum reperitur. De talibus occasiones reperiunt, qui libros apocryphos incautorum auribus et curiosorum conantur inserere, ad persuadendas fabulosas impietates. Sed hic dictum est, scriptum in libro: non dictum est in cuius prophetæ vel patriarchæ sancti libro. Neque negandum est fuisse jam libros, sive Chaldæorum, unde egressus est Abraham, sive Ægyptiorum, ubi didicerat Moyses omnem illorum sapientiam, sive cujusque gentis alterius, in quorum librorum aliquo potuit esse hoc scriptum. Qui tamen non ideo sit assumendus in cas Scripturas, quibus divina commendatur auctoritas, sicut nec propheta ille Cretensis, cujus mentionem facit apostolus Paulus: Nec Græcorum scriptores: nec philosophi, nec poetæ (Tit. 1), quos idem ipse apostolus, magnum sane aliquid et veraciter promptum apud Athenienses loquens, dixisse confirmat. In illo enim vivimus, movemur et sumus (Act. xvii). Licet enim divinæ auctoritati inde voluerit, quod verum invenerit testimonium sumere, sed non ideo omnia, quæ ibi scripta sunt, accipienda confirmat. Cur autem hoc, isto commemoratum sit loco, non evidenter apparet, nisi forte, ut fines illic inter duas gentes constituerentur, bello actum est, quod bellum ejusdem loci homines, propter magnitudinem, bellum Domini esse dixerunt, ut scriberetur in aliquo eorum libro, Bellum Domini.

### CAPUT III.

*Ubi Dominus aquam de puteo dedit filiis Israel: et cantico, quod est super eum dictum.*

(CAP. XXI.) *Ex eo loco apparuit puteus, super quo locutus est Dominus ad Moysen: Congrega populum, et dabo ei aquam.* Hic est, inquit, puteus, quem dixit Dominus ad Moysen: Congrega populum, et dabo eis aquam bibere. Ita hoc commemoratum est, quasi alicubi superius hoc ad Moysen dixisse Dominus legatur. Sed quia nusquam reperitur, hic intelligendum est, et illic bibisse populum qui de siccitate conquerebatur. Quid est enim quod magnopere præcepit Deus Moysi populum congregare, ut det eis aquam bibere de puteo? Quasi vero non etiam sponte populus bibendi gratia conveniret ad puteum. Quid ergo tanti ore prophetæ præcipitur, ut proprio studio et labore congreget populum ad hauriendam putei aquam? Unde vilitas litteræ ad pretiositatem nos spiritualis remittit intelligentiæ. Et ideo conveniens puto, etiam de aliis Scripturæ locis puteorum con-

gregare mysteria, ut ex comparatione plurimorum, si quid præsens sermo obscuritatis continet cluceat. Ait ergo Spiritus Dei per Salomonem in Proverbiis: Bibe aquam de tuis vasis, et de puteorum tuorum fonte: et non superfundantur tibi aquæ extra tuum fontem (Prov. v), quamvis in aliis exemplaribus legerimus, et effundantur tibi aquæ extra tuum fontem. Aquæ tuæ sint tibi soli, et nemo alienus participet ex eis. Habet ergo, ut his signatur, unusquisque nostrum in semetipso puteum; imo et aliquid amplius dicimus: unusquisque nostrum in semetipso non puteum unum, sed puteos multos, et non unum vas, sed vasa multa. Non enim dixit: Bibe aquas de tuo vase, sed de tuis vasis; et non dixit, de putei tui fonte, sed de puteorum tuorum fonte. Legimus habuisse et patriarchas puteos. Habuit Abraham, habuit Isaac puteos, habuit autem et Jacob. Et ab istis puteis sumpto initio, percurrere omnem Scripturam puteos requirens, et pervenire usque ad Evangelium, et invenies ibi puteum supra quem Salvator sedebat requiescens post itineris laborem; tunc cum veniente muliere Samaritana, et volente haurire aquam de puteo, quæ esset in Scripturis putei vel puteorum virtus exponitur, et comparatio fit aquarum, ubi et divina mysterii panduntur arcana (Joan. iv). Dicitur enim: Si quis bibat ex his aquis, quas continebat puteus ille terrenus, sitiet rursus. Qui autem ex illis biberit, quas dat Jesus, fiet in eo fons aquæ salientis in vitam æternam. Igitur secundum ea, quæ in Proverbiis scripta proposuimus, ubi putei simul cum fonte nominantur, accipiendum est verbum Dei. Puteus quidem, si profundi aliquid mysteriis tegit: fons autem, si ad populos abundat et effluit. Sed non otio [Al., otiose] requirendum quomodo possumus pluralem numerum de puteis exponere, et singulari de fonte: quia in Proverbiis dicit Sapia: Bibe aquas de puteorum tuorum fonte (Prov. v). Videamus ergo quorum puteorum unum dixerit fontem. Ego puto quod scientia ingeniti Patris, unus possit intelligi puteus: sed et unigeniti Filii ejus agnitio, alius puteus debeat intelligi. Alius enim a Patre Filius, et non idem Filius qui et Pater, sicut et ipse in Evangelio dicit. Alius est quidem et testimonium dicit Pater. Et rursus, tertium puto videri posse puteum, cognitionem Spiritus sancti. Alius est enim, et ipse a Patre et Filio, sicut de ipso nihilominus in Evangelio dicitur: Mittet vobis Pater alium paracletum Spiritum veritatis (Joan. xiv). Est ergo hæc trium distinctio personarum, in Patre, et Filio, et Spiritu sancto, quæ ad pluralem puteorum numerum revocatur. Sed horum puteorum unus fons, una substantia est, et natura Trinitatis. Et hoc modo non otiosa invenietur Scripturæ sanctæ distinctio quæ dicit de puteorum fonte. Tunc cecinit Israel canticum istud: Ascendat puteus, concinebant, puteus quem foderunt principes et paraverunt duces multitudinis in datore legis et in baculis ejus. Sunt ergo putei multi, quos diximus esse intra animam. Sunt et alii pluri, qui in singulis quibusque Scripturarum ser-



monibus intelliguntur et sensibus. Est tamen eminentior cæteris iste puteus et eximius, de quo et in præsentî loco Scriptura dicit, quia foderant eum non quicunque communes homines, sed principes, et adhuc hortum sublimiores, quos reges appellavit. Propter quod et canitur Deo apud hunc eundem puteum. Ad istum ergo puteum, ut Moyses, id est, lex nos congreget, non frustra videtur dictum. Potest enim fieri ut aliquis ad istum puteum venire videatur: sed nisi per Moysen congregetur, non est acceptus Deo. Marcion venisse sibi videtur ad istum puteum, et Basilides et Valentinus; sed quia non venerunt per Moysen, non receperunt legem et prophetas, non possunt laudare Dominum Deum de fontibus Israel. Non ergo veniunt, qui hujusmodi sunt, ad puteum quem foderant principes et excederunt reges. Sed vultis ostendam vobis de Scripturis ad quos isti putei veniunt? Est ergo vallis quædam falsa, in qua valle sunt putei bituminis. Omnes ergo hæreses et omne peccatum in valle est, et in valle falsa. Peccatum enim et iniquitas non ascendit sursum, sed semper ad ima et inferna descendit. Est ergo in valle positus et salsus atque amarus, omnis hæreticus sensus, et omnis actus peccati. Quid enim dulce, quid suave potest habere peccatum. Sed amplius aliquid habet. Si enim veneris ad hæreticam sententiam, si veneris ad amaritudinem peccati, venisti ad puteos bituminis. Bitumen, esca et nutrimentum ignis. Si ergo et tum gustaveris aquam de istis puteis, si sumperis hæreticum sensum, si peccati amaritudinem cœperis, fomenta in te ignis et gehennæ incendia preparabit. Et propterea ad eos qui nolunt de illo puteo aquam bibere, quem principes fodunt et reges, sed ex istis, qui in valle peccati sunt, et ignis materias alunt, dicitur: *Incedite in lamina ignis vestri, et flamma quam vobis accendistis* (Isa. l.). Quid ergo canitur apud hunc puteum? Inquit ei, inquit, puteum. Foderant istum principes, exciderunt eum reges. Possunt quidem principes et reges idem videri. Si verò distingui necesse est, principes prophetas intelligamus, ipsi enim sensum et prophetiam de Christo defossam et demersam, in profundo litteræ collocarunt. Istos ergo reges, qui tam profunda possunt, et tam abscondita putei perscrutari, merito apostolos dixerimus, ex quibus aliquis dicebat: *Nobis autem revelavit Deus per Spiritum sanctum*. Spiritus enim omnia scrutatur, etiam alta Dei (I Cor. ii). Quia ergo per spiritum possunt perscrutari etiam ipsi alta Dei, et alta ac profunda putei penetrare mysteria, idcirco reges esse dicuntur, qui puteum istum etiam in petra exciderunt, ac dura et difficilla scientiæ secreta penetraverunt. Quod autem reges dici possint etiam apostoli, puto ex eo facile probari posse, quod de omnibus credentibus dicitur: *Vos autem genus regale, sacerdotium magnum, gens sancta* (I Petr. ii). Si ergo illos dicant reges, qui per verbum ipsorum crediderunt, quantum magis ipsi reges habendi sunt, qui faciunt reges? Apostoli enim præcipue reges sunt gentium, qui gentes

ad obedientiam fidei congregarunt, et Christi scientiam omnibus patefecerunt, in quo sunt thesauri scientiæ et scientiæ absconditi. Et omnis Scriptura legis et prophetarum, evangelica quoque atque apostolica scripta simul omnia unus est puteus; quem non possunt fodere neque excidere, nisi inveniantur reges et principes. Vere enim reges et vere principes habendi sunt, qui possunt auferre terram de puteo hoc, et amovere super faciem litteræ, et de inferiore petra, ubi Christus est, spirituales sensus velut aquam vivam proferre. Hoc ergo decet eos solos facere, qui vel reges sunt vel principes. Reges et ex eo dicto, quod peccati regnum de corpore suo expulerint, et justitiæ regnum paraverint in membris suis.

*Desolitudine, in Mathana: de Mathana, Nahaliel. De Nahaliel in Bamoth, quæ vallis est in regione Moab in vertice Phascha: quod respicit contra desertum. Post hæc et a puteo, inquit, profecti sunt in Mathana; et Mathana in Nahaliel; et de Nahaliel in Bamoth; et a Bamoth, quæ est in campo Moab, in nemus a vertice montis cæsi, qui respicit ad faciem deserti. Nomina hæc quæ videntur locorum esse vocabula, et significantias suas in lingua propria designant, rerum magis mysticarum consequentiam quam vocabulorum appellationem videntur ostendere. Profecti enim, inquit, a puteo, veniunt in Mathana. Interpretatur autem Mathana munera ipsorum. Vides ergo, quia si quis de puteo hoc biberit quem foderunt reges et principes, statim proficit ad hoc, ut habeat munera quæ offert Deo. Quid autem est, quod homo offert Deo? Hoc ipsum quod in lege scriptum est: *Munera mea data mea*. Et his ergo quæ dedit Deus, offerant nihilominus homines Deo. Quid dedit Deus homini? Agnitionem sui. Quid homo offert Deo? Fidem suam et effectum, hoc quod expetit ab homine Deus. A Mathana autem venimus in Nahaliel, quod interpretatur ex Deo. Quid est ex Deo? Postea quam obtulerimus nos, quæ ex nobis sunt, venimus ad hoc ut consequamur ea quæ ex Deo sunt. Cum enim fidem nostram et affectum obtulerimus ei, tunc et ipse largitur nobis diversa dona Spiritus sancti de quibus dicit Apostolus: *Omnia autem ex Deo sunt* (I Cor. iii). Et a Nahaliel venimus in Bamoth, quod interpretatur adventus mortis. Cujus mortis hic intelligimus adventum, nisi illius, qui Christo commoritur, ut et convivamus ei, quæ debemus mortificare membra nostra, quæ sunt super terram? Et iterum: *Consepulti sumus enim illi per baptismum in mortem* (Coloss. ii). Si quis ergo salutis hujus vitæ ordinem tenet, per hæc quæ memoravimus ita agere debet, et venire post multa ad hunc locum, quem diximus significare mortis adventum. Et ex Bamoth, inquit, in nemus, quod est in campo Moab, a vertice montis cæsi, qui respicit ad desertum. Si hoc itineris incedamus, quæ non tam locorum vocabulis, quam animæ profectibus euntur ratio explanationis asseruit, post omnia ista venimus ad nemus, sive ut in*

aliis exemplariis habetur, in Janam, quod interpretatur *ascensus*, sive *veritas*. *Veritas ergo*, vel ad illud famosissimum divini paradisi *paradisus*, ad amoenas delicias habitationis antiquorum, vel certe ad verticem perfectionis et beatitudinis summum, ita ut possis etiam ipse dicere, quia resuscitavit nos cum ipso, et sedere fecit in caelestibus in Christo. Vides quousque pervenitur a puteo. Vides quibus mansionibus, imo quibus profectibus iter animæ paratur ad cælum. Quæ si diligenter insipias, ipse apud te motus ipsum quotidianos profectus tuos discutens, quibus in locis et quam proximam a regno colorum habebatis, advertes, ut ille, de quo dixit Dominus, *quis non longe es a regno Dei* (Math. xii).

CAPUT IV.

*De eo quod populus Israel contra regem Seon Amorrhæorum pneliasit, et viatoris percolit terram ejus.*

(Ibid.) *Misit autem Israel nuntios ad Seon regem Amorrhæorum, dicens: Obsecra, ut mihi tranare liceat per terram tuam, Non declinabimus in agrum et vineas, non bibemus aquas de puteis tuis. Via regia quæ dicitur, donec transierimus terminos tuos. Qui contere noluit ut transiret Israel per fines suos. Quin potius exercitum congregato, egressus est, obsidiam in desertum, et venit in Iasa, pugnatumque contra eum: et quæ pergressus est, in ore gladii.* Historia quædam manibus fecta est, sed deprecemur Dominum, ut aliquid dignum possimus in interioribus sensibus pervidere.

Seon duplicem habet interpretationem, sive *arbor infructuosa*, sive *elatus*. Misit igitur Israel legatos ad Seon: misit ad arborem infructuosam, misit ad elatum et superbum. Hic autem Seon rex est Amorrhæorum, qui et ipsi interpretantur in *amaritudinem adjucentes* vel *loquentes*. Misit ergo ad Seon regem Amorrhæorum Moyses verbis pacificis, dicens: *Transibimus per terram tuam. Si secundum spiritalem intelligentiam dixerimus Seon regem figuram tenere diaboli, quia ipse est elatus et infructuosus, puto quod non habeas mirari quod eum dixerim regem, cum audis ipsam etiam Dominum et Salvatorem nostrum, in Evangelio de eo dicentem: Ecce nunc venit princeps hujus mundi, et in me non invenit quidquam* (Joan. xiv). Et iterum: *Ecce nunc princeps hujus mundi mittetur foras* (Psal. lxxi). Si ergo totius mundi princeps esse in Evangelio dicitur, non debet absurdum videri, si Seon regi Amorrhæorum, vel etiam aliis quibuslibet gentium regibus, comparatur. Princeps autem dicitur mundi, non quia creaverit mundum, sed quia multi sunt in hoc mundo peccatores. Peccati autem, quia ipse princeps est, ideo etiam mundi princeps appellatus est. In his videlicet qui nondum relinquentes mundum, convertuntur ad Patrem. Secundum hoc enim etiam illud dicitur: *Quia omnis homo in maligno positus est*. Quid enim predest. nobis dicere, quia princeps vester Christus est, si rebus et operibus arguamur quia diabolus principatum tenet in vobis, aut non palam est, sub quo principe agat impudicus, injustus? Num-

A quid non potest hujusmodi homo dicere, quia sub Christo positus hæc ago, etiam si sub Christi nomine caneri videatur? In quo Christus principatum gerit, nulla tibi immunditia, nulla iniquitas admittitur. Nec habere aliquem locum potest injusta cupiditas. Secundum hunc itaque modum recte et Christus virtutum princeps, et diabolus malitiæ, et totius iniquitatis dicitur. Misit itaque legatos Israel ad regem Amorrhæorum, regem in amaritudinem provocantem, regem infructuosum, regem superbum. Quomodo superbus, quomodo elatus docebitur diabolus? Ipse est, qui dixit: *Virtute mea faciam, et sapientia intellectus mei auferam fines gentium, et fortitudinem eorum deprædabor. Et commovebo civitates, quæ inhabitantur, et universum orbem terræ capiam manu mea*

*quasi nidum* (Isa. x). Et iterum dicit elatus hic et superbus: *Ascendam in cælum, supra sidera cæli ponam thronum meum, sedebo in monte excelso, supra montes altos, qui sunt ad aquilonem; ascendam supra nubes: ero similis Altissimo* (Isa. xiv). Adhuc requiris, si ipse sit elatus et superbus? Imo potius et ipse superbus et elatus; et ille quasi unigenitus ejus, de quo scriptum est: *Quia extolletur super omne quod dicitur Deus, aut quod colitur* (I Thess. ii): ita ut in templo Dei sedent, ostendens se tanquam sit Deus. Omnis ergo qui elatus est et superbus, vel filius elatus hujus, vel discipulus et imitator. Et propterea dicit Apostolus de quodam: *ne forte elatus incidat in iudicium diaboli* (I Timot. iii). Ostendens per hoc quia omnis elatus simili, ut diabolus iudicio condemnabitur.

Nos ergo sumus qui transire volumus per hunc mundum, ut pervenire possimus ad terram sanctam quæ repromissa est sanctis; et mittimus verbis pacificis ad Seon, promittentes non nos habituros in terra ejus, nec moraturos cum eo, sed transituros tantummodo, et incessuros via regali, nec declinaturos usquam, neque in agrum, neque in vineam: sed nec de lacu bibituros aquas. Videamus ergo quando vos ista promissimus, quando hæc verba diabolo denuntiavimus? Recordetur unusquisque fidelium, cum primum venit ad aquas baptismi, cum signacula fidei prima suscepit, et ad fontem salutaris accessit, quibus tibi tunc usus sit verbis; et quod renuntiaverit diabolo, non se usurum pompis ejus, neque operibus ejus, neque ullis omnino servitiis ejus ac voluntatibus pariturum. Et hoc est quod in his legis sermonibus adumbratur, quia non declinet Israel neque in agrum ejus, neque in vineam ejus, sed neque aquam de lacu ejus pollicetur se esse potaturum. Non enim ultra disciplinæ diabolice, non astrologiæ, non magiæ, non ullius omnino doctrinæ, quæ contra Dei pietatem aliquid doceat, poculum surret. Fidelis enim habet suos fontes, et bibit de fontibus salutaribus. Non bibit aquam de lacu Seon, nec relinquens fontem aquæ vivæ, congregat sibi lacus contractos, sed via regali incessurum se profitetur. Quæ est via regalis? Illa sine dubio, quæ dicit: *Ego sum via, veritas, et vita* (Joan. xiv). Et merito regalis. Ipse est enim, de quo Propheta ait:

ENARRATIONES IN LIBRUM NUMERORUM. LIB. III.

**721** *Deus iudicium. Iam regi de. (Psalm.)* Via regalis ergo incedendum est, nec declinandum. nequam filio que in agrum eius, neque in vineam eius: id est, neque ad opera neque ad sensus diaboli obedi- nare ultra mens fidelium debet. Quomodo vobiscum ergo lines Amorrhæorum cum pace transire si amor- ræi, infidelium qui sunt in hoc mundo, passi accipi- possent. Sed isti interpretantur, ut supra diximus de- quentes, vel amaritudinem adducant. Et quomodo- quidem in amaritudinem adducant Deum infideles et increduli, expositione non indigent. Quod autem ait loquentes, ad illam partem trahi potest, quia in- fideles quippe et sub principe diabolo agentes, loqui- norunt tantummodo, sed loquuntur inania. Verbi- causa, ut poeta eorum, ut astrologi, ut mathematici etiam philosophorum, qui inania loquuntur et vana. **B** Fidelium autem regnum, quod a Deo est, non in ser- mone est, sed in virtute. Volamus ergo nos pacifice transire per mundum, sed hoc ipsum magis incitat principem mundi, quod dicimus nos nolle permanere cum ipso nec morari, nec aliquid eius velle continere. Inde magis exacerbat, inde extollit et irascitur, et commovet nobis persecuciones, peritiam suscitatis, cruciatus intentat. Et ideo dicitur *Congregavit iniquus Seon populum suum, et cum eo confingere ad- versum Israel.* Quis est, omnis populus Seon, quem concitat contra Israel? Sed quid fecit Israel? **Venit,** inquit, in Jaso, quod interpretatur, *mandati adimpletio.* Si ergo veniamus et nos ad loquum istam, id est, ad expletionem mandatorum, etiam si cum omni exercitu venerit adversum nos Seon, iste elatus, et **C** superbus diabolus, et confligat adversum nos, si om- nes suos contra nos demones concitat, superamus eum, si Dei mandata complemus. Complevere enim man- data, hoc est diabolum et omnem eius exercitum super- rare. Et tunc complebitur in nobis Apostoli oratio, qui ait: *Deus autem conteret Satanam subter pedas vestros, velociter (Rom. xvi).* Et illud quod Dominus ait: *Ecce do vobis potestatem calcandi super serpentes et scorpiones, et super omnem virtutem inimicam, et nihil vobis nocerebit (Luc. x).* Nihil enim nocere nobis poterunt iste omnia, si veniamus in Jaso: id est, si mandata et præcepta Domini nostri Jesu Christi servemus.

**722** *almo potere* debeat. Sed jam ut Deus sua promissa compleret, adjuvit Israelitas, quibus Amorrhæorum terra dicitur oportebat. Nam Edom cum similiter eis transitum denegaret, non pugnaverunt cum ipsa gente Israelitæ, id est, filii Jacob cum filiis Esau, duorum germanorum atque geminorum duorum, quæ terram illam Israelitis non promiserat, sed declinaverunt ab eis. Et dominati sunt, inquit, filii Israel in omni terra ejus. Omnis quidem regio hæc terræ, terra est Seon, sed Christus in Ecclesia ejus dominatur in omni terra Seon. Et dominati sunt ab Arnon usque Jaboc. Arnon et Jaboc civitates erant regionis Seon, sed initium erat regni ejus Arnon, et finis Jaboc. Et ideo dicitur quia do- minati sunt, ab Arnon usque Jaboc. Interpretatur autem *meledictiones eorum.* Initium ergo regni Seon, hujus elati et infractuosi maledictiones sunt: lines vero est Jaboc, quod interpretatur *luctamen.* Necessè est enim ut omnis qui vult exire de regno diaboli et fines ejus evadere, luctamen inveniat, et certamina ei a thalibis ejus et satellitibus suscitantur. Sed *prædictus fuerit et viderit, jam non erit Jacob civitas Seon, sed erit civitas Israel (Gen. xxiii).* Hoc est nimirum quod legitur et de patriarcha Jacob, qui tum volisset ad locam quendam, luctamen et preparatus est, et tibi tota nocte luctatus, cum ob- tinuisset et irruisset ad Deum, vocitatum est no- men ejus Israel. **E** *Et accepit, inquit, Israel omnes civitates istas, et habitavit Israel in omnibus civitatibus Amorrhæorum.* Hic Israel, qui in Christo Israel est, qui non in carne Israel, nec in manifesto Judæus est, ipse habitat in omnibus civitatibus Amorrhæorum, cum in omni orbe terrarum Christi Ecclesiæ propagantur. Sed et unusquisque nostrum prius civitas fuit regionis Seon, regis elati: Regnabat enim in nobis stultitia, super- bia, impietas, et omnia quæ sunt ex parte diaboli. Sed ubi expugnatur et devictus est fortis, et vasa ejus direpta sunt, effectus unius civitates Israel, et hæreditas sanctorum. Si tamen penitus excessa est in nobis potestas illa, quæ prius dominabatur in nobis, et excisa est arbor infractuosa, et defectus est rex elatus, et sumus sen eo rege, qui dicitur: *Discede a me, quia mitis sum et humilis corde (Matth. xi).* Et post hæc sigillatim jam civitates superbi et infractuosi regis enumerat, et dicit: *In Hesebon et in om- nibus finitimis ejus.* Quid est hoc quod præcipuum urbem de regno Seon nominavit Hesebon? Hesebon in- terpretatur *cogitationes.* Merito ergo pars maxima regni diaboli, et potestas ejus plurima, in cogitationibus regnat. Sic enim dixit et Dominus: *Quia de corde præcedunt cogitationes male, homicidia, adulteria, furta, falsa testimonia, blasphemias: et tota vana, quæ inquinant hominem (Matth. v).* Et ideo necessario incenditur ista civitas et igni exurit. Quo igni? illo profecto quo dicit Salvator: *Ignem veni mittere in terram, et quam volo, ut accendatur (Luc. xii).* Post pauca autem refertur de civitate.

*Idcirco dicitur in proverbio: Venite in Hesebon, ut*

*ædificetur et construat civitas Seon. Ignis egressus est de Hesebon, flamma de oppido Seon, et devoravit Ar Moabitarum, et habitatores excelsorum Arnon. Propter hoc, inquit, dicent ænigmatistæ: Venite in Hesebon, ut ædificetur et construat civitas Seon, quoniam ignis processit de Hesebon, et flamma de civitate Seon, et devoravit Ar Moabitarum.* Seon, ut diximus, erat rex, cujus erat civitas Hesebon. Sic ergo intelligendus est ordo verborum, quia dicunt isti ænigmatistæ: *Venite, ut ædificetur et construat Hesebon, quæ fuit civitas Seon.* Sed requiramus nunc qui sunt isti ænigmatistæ. Ænigma dicitur sermo figuratus. Ænigmatistæ ergo dicuntur, qui figuratim loquuntur. Et quis est alius, qui in figuris locutus sit, nisi lex et propheta? Audi enim, quomodo David dicit: *Aperiam in parabola os meum, loquar propositiones ab initio (Psal. XLVIII).* Sed et Isaias, quia ænigmata sint quæ scripsit, hoc modo declarat. *Erunt, inquit, verba libri, sicut verba libri signati: quem si dederint in manus hominis nescientis litteras et dixerint ei, Lege, dicet, Non novi litteras. Si autem dederint scienti litteras, dicet, Non possum legere, signatus est enim (Isa. XXIX).* Signatus autem dicitur liber, eo quod figuris perplexus est, et ænigmatibus involutus. Dicunt ergo isti ænigmatistæ: *Venite in Hesebon, ut ædificetur.* Cecidit prima illa Hesebon, imo subversa est et incensa, reædificanda est alia. Sed quomodo hoc fiat, assumpto ostendamus exemplo. Sed videamus gentilem in dedecore vitæ positum, ac religionis errore, non dubites de eo dicere, quod sit hæc Hesebon civitas in regno regis Seon. Regnat enim in cogitationibus ejus, rex infructuosus et elatus. Ad hunc, si accedat Israel, hoc est, Ecclesiæ filius, et adhibeat jacula verbi Dei, et dstringat contra eum gladium spiritus, et destruat in eo omnes munitiones gentilium dogmatum, et elationes argumentorum ejus, igne veritatis exurat, dicit de hoc, quia subversa est Hesebon civitas Seon. Sed non continuo desertus et destitutus relinquitur iste in quo subversa sunt gentillum dogmata. Non enim disciplina est filiis Israel destructas relinquere, quas destruxerunt civitates, sed cum subruerint et everterint in homine malas cogitationes et impios sensus, reædificant rursus in corde ejus, quam destruxerant bonas cogitationes, pios sensus, doctrinam veritatis inserent, religionis ritum tradent, ordinem vivendi docebunt, honestatem morum, observantiam statim monstrabunt, et tunc vere dicent isti ænigmatistæ ad semetipsos invicem: *Venite et ædificemus Hesebon, quæ fuit civitas Seon.* Et ipsi enim, hoc est Ecclesiæ filii, quia figuras legis et ænigmata spiritualiter intelligunt, ænigmatistæ appellantur. Hoc est, quod et Jeremias figurato nihilominus sermone designat, ubi ad eum dicitur a Domino: *Ecce dedi verba mea in ore tuo, ecce constitui te hodie super gentes et regna, eradicare et subvertere, et reædificare et replantare (Jerem. I).* Quid eradicat et quid subvertit? Civitatem Hesebon, quæ erat regis Seon.

Quid eradicat in ea? Cogitationes impias et impuras. Quid reædificat in ea, et quid replantat? Cogitationes pias et castas. Ut efficiatur Hesebon civitas Seon, non Amorrhæorum, sed filiorum Israel. Moab, qui interpretatur de patre sive aqua paterna, de incesto et ebrietate conceptus, et quodammodo absente, imo nesciente patre videtur esse generatus, sæcularem sapientiam significat, quæ auctorem sui sensum habet. Et quia ex Dei conditione generatur, videtur quidem de patre nasci, quod interpretatur Moab. Sed quia adulter est, et adversarius populi Dei de incesto ac spelunca ac nocte generatur. Unde secundum Isaïæ prophetiam, in nocte perit, in errore, scilicet sempiterno. At quoque urbs Moabitarum, quæ interpretatur antidicus, id est, adversarius, hoc ostendit, quod hæc sapientia, quæ adversaria Dei est, ecclesiastico sermone contra se pugnantem, veritatis igne consumitur, a quo et habitatores excelsorum Arnon devorantur. Arnon enim, ut supra dictum est, maledictio sive illuminatio eorum interpretatur, quia omnes qui confidunt in fastu eloquentiæ et sapientiæ humanæ, quæ filiis tenebrarum lucida esse videtur, corruunt, præcipitantur et consumuntur.

*Væ tibi, Moab; peristi, popule Chamos. Dedit filios ejus in fugam, et filias in captivitatem regi Amorrhæorum Seon. Jugum ipsorum disperit ab Hesebon usque Dibon. Lassī pervenerunt in Nofe usque Medaba.* Chamos interpretatur congregans, vel quasi attrectatio. Dibon abundanter intelligens tentationem sive fluxus eorum. Nofe sufflans vel spirans. Et Medaba, de saltu. Væ quidem illis est, qui in spiritali Moab confidentes, congregant sibi thesauros sapientiæ, quæ inimica est Deo, et se erigunt per superbiam contra potentiam Dei. Quorum tamen non prævalebit audacia, sed in figuram vertetur, et tradetur in captivitatem regi spiritalium Amorrhæorum. *Jugum ipsorum enim disperiet ab Hesebon usque Dibon,* id est, a radice cogitationis usque ad profunditatem intellectus defluet scientia illorum. Lassique sufflantes vanitatem verborum, ac spirantes fetidum odorem sensus putridi, in saltum infertilem perveniunt, ubi non sunt arbores fructuosæ, sed in quo habitent bestię: contra quas Propheta Dominum deprecatur dicens: *Ne tradas, Domine, bestiis animas confectum tibi (Psal. LXXIII).*

*Habitavit autem Israel in terra Amorrhæi; misitque Moyses, qui explorarent Jazer, cujus ceperunt viculos, et possederunt habitatores.* Misit, inquit, Moyses nuntios, qui explorarent Jazer, cujus ceperunt viculos, et possederunt habitatores. Qui sunt illi nuntii, quos Moyses, id est lex misit, nisi prædicatores sancti? ut videlicet explorarent Jazer, quæ interpretatur fortitudo eorum, hoc est ad fortissima quæque dogmata hæreticorum et dialectica arte constructa, in quibus robur sui mundus videtur habere erroris. Hæc enim cum prædicatores sancti investigantes, vana ac fragilia esse conspexerunt, ceperunt viculos, hoc est conventus populorum, et posse-

derunt habitatores eorum, cum eos, quos ab errore liberaverant, ad catholicam fidem convertabant; et sermone recto ac bonis exemplis, in viam veritatis ad implendum præcepta Domini dirigebant, quatenus de eorum correctione ac profectu, mansionem celestis patriæ acquirerent.

## CAPUT V.

*De pugna Israelitarum contra Og regem Basan.*

(Ibid.) *Verteruptque se et ascenderunt per viam Basan, et occurrit eis Og rex Basan, cum omni populo suo pugnaturus in Edrai. Dixitque Dominus ad Moysen: Ne timeas eum, quia in manu tua tradidi eum, et omnem populum ac terram ejus. Fasiesque illi sicut fecisti Seon regi Amorrhæorum, habitatori Hesebon. Percusserunt igitur et hunc cum filiis suis, universumque populum ejus, usque ad interfectionem, et possederunt terram ejus.* Postea enim quam obtinuerunt filii Israel civitates Amorrhæorum, ascenderunt etiam viam, quæ ducit in Basan, ubi erat Og rex Basan. Sed ad hunc neque legatos mittere dignantur, neque petere ab eo, ut per terram ejus transeant; sed continuo configunt cum eo et superant, tam ipsum quam populum ejus. Videamus ergo, quæ est Basan. Basan interpretatur *turpido*. Merito ergo nec legati mittuntur ad istam gentem, nec transitus per terram ejus poscitur. Nullus enim nobis transitus debet esse, nullus accessus ad turpitudinem, sed ab initio statim expugnanda, et omnimodis cavenda est. Og autem, qui rex esse dicitur Basan, *interclusio* interpretatur. Potest hic figuram habere omnium carnalium et materialium rerum, quarum amore et desiderio detenta anima excluditur, et separatur a Deo. Adversus hos ergo ita præcipitur bellum gerendum, ut non relinquatur ex eo vivens. Nullum enim a filiis Israel oportet relinqui in regno turpitudinis et dedecoris viventem, sed docet Israeliticam virtutem excidere et resecare turpia, et pia quæcumque in animo reedificare, atque honesta ac religiosa plantare. De regno Seon non est scriptum. Et nullus vivus relinquatur, nec de regno Moab. Fortè enim ex illis opus habebat aliquod, et nonnullis eorum pro vite hujus agonibus et exercitiis indigemus. Alioquin debuissimus ex hoc mundo exisse. De Basan tamen, hoc est de turpitudine, nullò penitus indigemus, nihil ex eo relinquamus. Excidenda omnia, omnia subvertenda sunt opera turpitudinis. In nullo enim potest honestum esse, quod turpe est.

## CAPUT VI.

*De Balaam rege Moabitarum, et Balaam ariolo, et ariola ejus.*

(CAP. XXII.) *Profectique castra metati sunt in campis Moab, ubi trans Jordanem Jericho sita est. Videns autem Balaac filius Saphor omnia quæ fecerat Israel Amorrhæo, et quod pertinuisissent eum Moabitæ et impetum ejus ferre non possent, dixit ad majores natu Moab: Ita delatibit hic populus omnes, qui in nostris finibus commorantur, quemodo solet vos herbas usque ad radices carpere. Ipse enim erat eo*

*A tempore rex in Moab. Misit ergo nuntios ad Balaam filium Beor, qui habitabat super flumen terræ filiorum Ammon, ut vocarent eum et dicerent: Ecce egressus est populus de Ægypto, qui operuit superficiem terræ, sedens contra me. Veni igitur et maledicere populo huic, qui fortior me est, si quomodo possem percutere eum, et eicere de terra mea, etc.* Primo ergo omnium fatendum est, in quibusdam locis plus posse valere verba quam corpora, quia quod exercitus multarum gentium nequit efficere, nec scuto et armis potest obtineri, hoc verbis efficitur. Et non dico sanctis verbis vel Dei verbis, sed verbis quibusdam, quæ inter homines habentur. Verbi gratia, erant in Ægypto incantatores et magi. Quis potest hominum fortitudine corporis virgam mutare in serpentem, quod ab illis factum refertur? Aut quis potest viribus corporis aquam in sanguinem vertere? Fecerunt tamen hoc Ægyptiorum incantatores et magi. Fecerat enim hæc prius Moyses. Sed quia sciebat rex Ægypti, quod possent hæc arte quadam fieri verborum, quæ habentur inter homines, putavit et Moysen non hæc Dei virtute, sed magica arte fecisse, et quod humana arte fœgerit, id Dei factum virtute simulare. Convocat continuo Ægyptiorum incantatores et magos, inter eum qui virtute Dei operabatur, et eos qui dæmones invocabant, facit esse certamen. Deus autem nostro dolere facit, et iterum restituit; contraria autem virtus male quidem facere aliquid potest, sed restituere in integrum non potest. Hæc autem omnia præmisimus, ut opera Balaam vel verba ejus, possimus advertere. Sunt et magorum nonnullæ differentiæ. Alii enim plus, alii minus valent. Hic enim Balaam famosissimus erat in arte magica, et in carminibus noxiis præpotens. Non enim habebat ad maledicendum. Dæmones enim ad maledicendum invitantur, non ad benedicendum. Scriptum est ergo: *Et dixit Moab ad seniores Madian: Nunc obtinget synagoga hæc omnes, qui in circuitu nostro sunt, sicut obtinget vitulus herbam campi.* Ob hoc sine dubio, quia vitulus ore abrumpit herbam de campo, lingua tanquam falce, quæcumque invenit secat. Ita et populus hic quasi vitulus, ore et labiis pugnat, et arma habet in verbis ac precibus. Hæc igitur sciens mittit ad Balaam, ut et ipse deferat verba contraria, et precibus preces. Nec mireris, si est in magica arte tale aliquid. Esse enim hanc artem designat etiam Scriptura, sed uti ea prohibet. Nam et dæmones Scriptura designat, seci coll eos et exhortari vetat. Recte ergo magica arte uti prohibet, qui magorum ministri sunt angeli re fugi et spiritus maligni, et dæmonia immunda. Nullus enim sanctorum spirituum obtemperat mago. Non poterat invocare magus Michaellem, non poterat invocare Raphael neque Gabriel. Multo magis magus non potest invocare omnipotentem Deum, nec filium ejus Jesum Christum Dominum nostrum, nec Spiritum sanctum ejus. Nos soli accipimus potestatem invocandi Deum Patrem, nos soli habemus po-

testatem invocandi unigenitum ejus Jesum Christum. Ergo demones, artis quadam et compositione verborum, in amicitias, ut ita dicam, cesserant Balaam, quorum amicitiiis fretus, magnos apud homines videbatur. Ob hoc ergo mittit ad eum rex et ait: *Veni nunc et maledic miki populum hunc, quis fortior hic est, quam non: si forte possimus percutere aliquos ex eis, et ejicere eos a terra.* Videtur mihi rex hic non ex integro confidere in Balaam divino ingenti; credo de virtutibus quas in populo Dei factæ sunt auditiæ perterritus, et ideo dicit, si forte vel eorumque prævalerent maledictiones Balaam, ut aliquos ex ipsis possit percutere, cæteros vero fugare perterritos, et propria terra depellere. Addidit præterea, *Quia scio, inquit, quod quos maledixeris, maledicti erunt: et quos benedixeris, benedicti erunt.* Ego non credo quia sciret rex quod quibuscunque benedixisset Balaam, benedicti essent. Sed videtur mihi, exulandi gratia, hæc dicere, ut artem ejus extollens et extollens, promptiorem sibi eam reddat ad facinus. Ars enim magica cæcit benedicere, quia nec demones sciunt benefacere. Noscit benedicere Isaac et Jacob; et omnes sancti: impiiurum nullus scit benedicere. Sed tandem veniunt legati ad Balaam.

*Venerunt enim, inquit, seniores Moab et seniores Madian, habentes divinationis pretium in manibus,* sive, secundum aliam editionem, *divinacula in manibus eorum.* In illis divinationis artibus, quas curiositas humana composuit, sunt quedam quæ Scriptura quidem divinacula nominavit. Gentilis autem consuetudo, vel tripodas vel cœntinas, vel alii hujusmodi vocabulis appellat. Quæ quasi ad hoc ipsum consecrata, moveri ab eis et contractari solent. Scriptura divina sane Ephod quoddam vernaculo sermone nominant in prophetis, quod instrumentum tradunt esse prophetantium. Igitur Balaam divinaculis acceptis, cum solerent demones ad se venire, fugatos quidam demones videt, sed adesse Deum; et ideo dicit, interrogare se Deum, quia consuetos sibi parere nusquam demones videt. Venit ergo ipse ad Balaam, non quod dignus esset ad quem veniret Deus, sed ut fugarentur illi qui ei ad maledicendum et male faciendum adesse consueverant. Jam hinc enim providebat Deus populo suo. Adest ergo, et dicit Deus ad eum: *Quid homines isti veniunt ad te? Et dixit Balaam ad Deum: Balac filius Sephor rex Moab, misit eos ad me, dicens: Ecce populus exivit de Aegypto et cooperuit faciem terræ, et hic sedit juxta me. Veni ergo nunc et maledic eum, si forte poterimus percutere eum et ejicere.* Et dicit Dominus ad Balaam: *Non eas cum eis, neque maledicas populum. Est enim benedictus. Altior hic exoritur quæstio; et nescio utrum conveniat rem tam profundi mysterii deindare, et proferre ad turbas, et eas turbas, quæ ad auditorium verbi Dei, non nisi paucis diebus adveniunt, continuo discedant, nec in meditatione verbi diutius incommorantur. Tamen pro his qui studiosi sunt et si-*

Atque audire, possuntque capere spiritalem sensum: pauci aliqui dicimus et multis. Potest ergo obijci tale aliquid ac dici. *Invocet demones Balaam; maledicant populo: invocari demones faciant quod possunt: nunquid non potest Deus defendere a demonibus populum, vimque eorum in malefaciendo destruere?* Quid ergo opus erat, ut ipse veniret ad Balaam, et consuetos demones prohiberet accedere, ne vel tentarent aut conarentur lædere velle populum Dei? Ad hæc ergo, licet non omnia quæ possunt occurrere proferenda sunt, tamen dicimus ex parte, quia non vult Deus demonem genus ante tempus damare. Sciunt enim et ipsi demones, quia tempus eorum præsens hoc sæculum continet. Propterea denique et Dominum rogabant, ut non torqueret eos ante tempus, neque in abyssum mitteret. Et ob hoc neque diabolum removit a principatu sæculi hujus, quia adhuc opus est opera ejus ad exercitia certaminum et victoriam beatorum. Si enim demonibus auferatur libertas arbitrii, nullus ultra impugnabit athletas Christi. Nullo autem oppugnante, nec certamen aliquod erit; et sublato certamine, nullum erit pramium, nulla victoria. Idcirco igitur tali via vitatur Deus, ut et populus adhuc rudis, et qui super abstracti cœperat a cultu demonum, demonibus non tradatur; et invocanti mago responsa deferantur, et genus demonum non nudetur arbitrii potestate. Et ideo prævenit Deus adire Balaam, atque invocare demones ad maledicendum prohibet, si tamen a cupiditate cessasset. Sed quia perisistit in desiderio pecuniæ indulgens, Deus arbitrii libertate rursus ire permittit; verbum tamen suum injicit in os ejus, prohibens maledictionem fieri per demones, ut benedictionibus locum daret, et pro maledictis proferre faciat Balaam benedictiones ac prophetas, quæ possint edificare non solum Israel, sed et reliquas gentes. Si enim prophetiæ ejus a Moyse sacris inserta sunt voluminibus, quanto magis descriptæ sunt ab his qui habitabant tunc Mesopotamiam, apud quos magnificus habebatur Balaam, quosque artis ejus constat fuisse discipulos? Ex illa denique fertur magorum genus et institutio in partibus Orientis vigere: qui descripta habentes apud se omnia quæ prophetaverat Balaam, etiam habuerunt hoc scriptam, quod *orientur stella ex Jacob et exsurget homo de Israel* (Num. xxv). Hæc scripta habebant magi apud semetipsos; et ideo quando natus est Jesus, agnovērunt stellam, et intellexerant adimpleri prophetiam magis ipsi quam populus Israel, qui sanctorum prophetarum audire verba contempsit.

*Reversique principes dixerunt ad Balac: Noluit Balaam venire nobiscum. Rursum ille multo plures et nobiliores, quam ante miserat, misit. Qui cum venissent ad Balaam dixerunt: Sic dicit Balac filius Sephor: Ne cuncteris venire ad me: paratus sum honorare te, et quidquid volueris dare. Veni et maledic populo isti. Respondit Balaam: Si dederit mihi Balac plenum domini suam argenti et auri, non po-*

laro immutare: *batlum: Domini: Dei: mei, ut: vel plus: A: vel minus loquar, etc.* Balaam hic: ut: superius diximus, divinus erat, demonum scilicet ministerio et arte magica, non nunquam futura prænoicens. Rogatus a Balac rege ad maledicendum populum Israhel. Legati veniant, stant attonitæ gentes, et anxie expectantes, quid respondeat Balaam, de quo persussum habebant, quod dignus divinis eloquiis haberetur. Vide quomodo nunc sapientia Dei vas istud ad contumeliam præparatum, proficere facit ad utilitatem non solum gentis unius, sed pene totius mundi. Et huic cui solebant videri dæmones, videtur Deus prohibens mali operis iter. Obstupescit Balaam, et miratur prohibentis auctoritatem. Non enim solebat dæmonibus displicere, sed interim remittit legatos, dicens non se posse facere, nisi verbum, quod Deus dederit in ore ejus. Redeunt rursus legati, iterum requirit, iterum molestus est, iterum cupit audire. Non enim facile cupidus, facile mercedibus caret. Quid ergo audit secundo a Deo? *Si vocare te, inquit, venerunt homines isti, surge et vade cum eis.* In quo voluntati quidem cupiditatis ejus cedit Deus, ut compleatur illud quod scriptum est: *Dimisi eos in desideria cordis eorum: ibunt in voluptatibus suis (Psal. lxxx).* Sed tamen consilium divinæ dispensationis expletur. Dicitur enim ad eum: *Verbum quod dedit in ore tuo, hoc loqueris.* Si dignus fuisset Balaam, verbum suum Deus non in ore ejus, sed in corde posuisset. Hunc autem quoniam in corde ejus desiderium mercedis erat, et cupiditas pecuniæ, verbum Dei non in corde, sed in ore ejus ponitur. C Agebatur enim mira et magna dispensatio, ut quoniam prophetarum verbum, qui intra aulam continebantur Israeliticam, ad gentes pervenire non poterant, per Balaam, cui fides ab universis gentibus habebatur, innotescerent etiam nationibus secreta de Christo mysteria, et thesaurum magnam proferret ad gentes, non tam corde et sensu quam ore et sermone portatum. Sed ne per singula immoremur (non enim tempus est cuncta dissolvi), *ascensa asina sua, Balaam ibat per viam. Occurrit ei angelus.* Ille sine dubio qui aderat filiis Israel, aperit os asinæ, ut arguatur per eam Balaam et muti pecudis vocibus confutetur is qui divinus videbatur et sapiens. Verum post hæc conveniens jam videtur aliqua etiam de allegoria contingere. Balaam hic, qui interpretatur *populus vanus*, videtur mihi habere personam Scribarum et Phariseorum Judaici populi. Balac vero, qui *exclusio* vel *devoratio* interpretatur, et ipse personam habere intelligendus est unius alicujus spiritualium mundi hujus contrariæ potestatis, quo excludere et devorare cupiat Israel, non eum qui secundum carnem est, sed eum qui secundum spiritum. Volens ergo potestas illa contraria delere, et penitus extinguere spiritalem Israel, non aliis utitur ministris, nisi pontificibus et Scribis ac Phariseis. Ipsos invitat, ipsis mercedes promittit et præmia. Illi vero sicut iste Balaam facit, simulant se cuncta ad Deum referre, et zelo Dei agere. Dicunt:

*enim, scrutare Scripturas, et vide quæ propheta de Galilea non surgit (Joan. v).* Et iterum dicunt: *Nec legem habemus, et secundum legem debet mori, quia Filium Dei se fecit (Joan. xix).* Per quæ singula videntur quidem Scribæ et Pharisei zelum Dei habere, sed simulatam. Asina vero, cui sedebat Balaam, quomodo Scriptura dicit: *Homines et jumenta salvos facies, Dominus (Psal. xxxv),* et pars credentium potest intelligi: quæ sive pro stultitia, sive pro innocentia, animalibus comparatur. Sic enim et Apostolus dicit: *Videte autem vocationem vestram, fratres, quia non multi inter vos sapientes, non multi nobiles: sed quæ stulti sunt mundi, elegit Deus, et confundat sapientes (I Cor. i).* Isti ergo tales, sicut evangelica, quæ in parabolis agebant, gesta designant, ab istis pessimis Dominis Scribis ac Phariseis subjecti quodammodo tenebantur et vinciti, sed a Domino solvantur, non quidem per ipsum Dominum, sed per discipulos. Dicit enim ipse ad discipulos: *Itis in vicam qui est contra vos, et invenietis asinam alligatam, et pedum ejus. Solvite et adducite (Matth. xxii).* Sicut ergo in Evangelio non ipse Dominus, sed discipuli solvunt asinam, ita et hic, non a Deo ipso, sed ab angelo ipso aperitur os asinæ. Et sicut in Evangelio, qui non vident argunt videntes, ita et hic qui muti erant argunt loquentes. Et hoc est quod dicebat Dominus: *Pater, gratias ago tibi, quoniam abscondisti hæc a sapientibus, et revelasti ea parvulis (Matth. x).* Scribæ igitur et Pharisei erant qui sedebant super asinam hanc, et tenebant eam vincitam. Ipsi ergo irascitur et angelus; et plerumque quodam futurorum prospectu, illos quidem percutisset, asinam autem servasset; quæ vidit et revertita est eum, qui veit ad vineam, et stat inter vineas; compressit tamen pedes sedentis super se in maceriam, et ideo non potest ambulare ille ejus sensor antiquus, nec venire ad eam, qui dicit: *Venite ad me, omnes qui laboratis et onerati estis, etc. (Matth. xi).* Asina tamen venit: adtracta a discipulis; et tunc sedebat Balaam mercedis cupidus, nunc ei sedet Deus. Nec mireris, si eum quem diximus scribarum et doctorum populi formam tenere, videas prophetantem de Christo. Hoc enim fecisse legitur et Caipham, qui dixit: *Expedi vobis ut unus homo pereat pro omni populo (Joan. xi).* Sed hoc, inquit, quia erat pontifex anni illius, prophetavit dicens. Prophetavit ergo et Balaam de Christo. Et ideo nemo extollatur etiam si prophetet, etiam si præscientiam mereatur, sed redeat ad Apostoli dictum, quo ad ista respiciens ait: *Sive prophetiæ abolentur, sive lingue cessabunt, sive scientiæ destruentur. Et quid est ergo quod manet? Fides, inquit, et spes, et charitas. Major autem horum est charitas. Et sola, inquit, charitas est quæ nunquam cadit; ideo super prophetiam, super scientiam, super fidem, super ipsum etiam martyriam, ut Paulus docet, charitas habenda est, et charitas excolenda est; et quia Deus charitas est (I Cor. xiii); et Christus filius charitatis est, qui nobis perfectionem charitatis donare*

dignetur. Nec illud silendum arbitror, quod asina hæc ariosth Batram, typum gentilitatis tenet, quam quondam ipse Balaam, id est, seductori idololatricæ, quasi brutum animal et nulla ratione retinens, quo voluit errore, substravit. Sed ista angelum Dei quem homo non potuit, et vidit et detulit et locuta est, ut agnosceremus posterioribus sub adventu magni angeli Dei, gentilem illam plebem mutam duritiæ stoliditatis, quem natura solutis Deo linguis locuturam, ita ut quæ erat subjecta perfidiæ, in vocem fidel et confessionis erumperet. Licet et caro nostra animal sit, plerumque enim caro per molestiam tacta, flagello suo menti Deum indicat, quem mens ipsa carni presidens non videbat: ita ut anxietate spiritus proficere in hoc mundo cupientis, velut iter tendentis impediatur, donec ei invisibilem, qui sibi obviat innotescat. Unde et bene per Petrum dicitur: *Correptionem habuit suæ vesaniæ, subjugale, mutum: quod in hominis voce loquens, prohibuit prophetæ insipientiam* (II Petr. II). Insanus quippe homo a subjugali muto corripitur, quando elata mens, humilitatis bonum quod tenere debeat, ab afflicta carne memoratur. Sed hujus correptionis donum ideo Balaam non obtinuit, quia ad maledicendum pergens, vocem non mentem mutavit.

#### CAPUT VII.

*De adventu Balaam ad Balac et prophetia ejus.*

(CAP. XXIII.) Dixit itaque Balaam ad Balac: *Sto juxta holocaustum tuum, donec vadam, si forte occurrat mihi Dominus; et quodcumque imperaverit, loquar tibi. Cumque abesset velociter, occurrit illi Deus locutusque ad eum Balaam: Septem, inquit, aras erexit, et imposui vitulum et arietem desuper. Dominus autem percussit verbum in ore ejus et ait: Revertere ad Balac, et hæc loqueris. Reversus invenit stantem Balac juxta holocaustum suum, et omnes principes Moabitarum. Assumptaque parabola sua dixit: De Aran adduxit me Balac rex Moabitarum, de montibus Orientis. De Aran sive ut alia editio habet, ex Mesopotamia, inquit, vocavit me Balac rex Moab, et ex montibus Orientis. Mesopotamiam dicit terram, quæ inter flumina Babylonis jacet, de quibus scribitur: *Super flumina Babylonis, illic sedimus et flevimus, cum recordaremur tui, Sion* (Psal. cxxxvi). Si quis ergo inter ista flumina fuerit Babylonis, si quis rheumatibus libidinis mandatur, et luxuriæ testibus circumspolvitur, iste non dicitur stare, sed sedere. Et ideo, qui ibi comprehensi sunt, dicebant: *Super flumina Babylonis, ibi sedimus cum recordaremur tui, Sion*. Sed nec flere quidem ante possunt, nisi recordati fuerint Sion. Bonorum namque recordatio, malorum causas lamentabiles facit. Nisi enim quis recordetur Sion, nisi legem Dei et Scripturarum montes aspiciat, mala sua flere non incipit. Ex istis igitur fluminibus vocatur Balaam, et ab istis Orientis montibus invitatur. Montes isti, sancti non sunt montes, et non sunt illi de quibus scriptum est: *Fundamenta ejus in montibus sanctis* (Psal. lxxxvi). Et iterum:*

*A Jerusalem, quæ ædificatur ut civitas, cujus participatio ejus in idipsum. Montes in circuitu ejus; et Dominus in circuitu populi sui* (Psal. cxxi). Non sunt ergo tales Mesopotamiæ montes, sed illi de quibus dicitur: *Montes tenebrosi*. Et iterum de quibus dicitur: *Ecce ego ad te, mons corrupte*. Isti sunt montes, in quibus est omnis altitudo extollens se adversus scientiam Dei. Ab istis ergo montibus accersitur et Balaam hic. Quales autem sunt isti montes, talem habent et Orientem. Habet enim et ortum luminis sui ille, qui convertit se sicut angelum lucis. Habet illam lucem de qua scriptum est: *Lux impiorum extinguetur*, et sicut ista lux impiorum, et illa quæ convertit se sicut in angelum lucis, contraria est illi luci, quæ dicebat: *Ego sum lux mundi* (Joan. viii), ita et iste Oriens, contrarius est illi Orienti, de quo scriptum est in Jeremia: *Ecce vir, Oriens nomen ejus*. Ex illius ergo non istius Orientis finibus veniebat Balaam, illuminatus sine dubio ab illo Lucifer, de quo dicitur: *Quomodo cecidit de cælo Lucifer, qui mane oriebatur* (Isa. xix). Sed videamus quid dicit ille Balac rex Moab, qui accersivit eum e medio fluminum de montibus Orientis.

*Veni, inquit, et maledic Jacob, propterea et detestare Israel. Quomodo maledicam cui non maledixit Deus? Qua ratione detester quem Dominus non detestatur? De summis silicibus video eum, et de collibus considerabo illum. Populus habitavit solus, et inter gentes non reputabitur. Quis dinumerare possit pulverem Jacob, et nosse numerum stirpis Israel?* Ampliore vi et majore intentione maledictionem in Israel quam in Jacob Balaam videtur exponere. Donec enim quis tantum Jacob est, hoc est, in actionibus solum et operibus positus inferioribus, maledictionibus impugnatur. Ubi tamen profecerit, et interiori hominem ad videndum Deum, revelato mentis oculo exacuere et provocare jam cœperit, tunc non solum maledictis ab inimico, sed detestationibus super maledictis, hoc est, vehementioribus maledictorum jaculis impugnatur. Sed tunc quidem os Balaam maledictione et amaritudine plenum erat, et sub lingua ejus labor et dolor, sed et in insidiis cum diris (Psal. ix). Exspectabat enim mercedes a divite rege, et in occultis interficere innocentes. Sed Deus, qui facit semper mirabilia solus, ex inimicis operatur salutem. Injecit verbum in os ejus, quamvis nondum cor ejus capere posset verbum Dei. Adhuc enim erit in corde ejus merces cupiditatis, propter quod etiam post verbum Domini, quod habuit in ore ejus, dicebat ad Balac: *Veni et do tibi consilium*. Et docebat eum quomodo mitteret scandalum in conspectu filiorum Israel, ut manducarent idolis immolata, et ut fornicarentur. Propter quod et cecidit populus, et plaga magna facta est in eo, donec Phinees perempto Israelita qui fornicabatur cum Madianitide, sedavit furorem Domini.

*Et post hæc, inquit, produxit Phinees exercitum contra Madianitas; et interfecerunt duodecim milia viros: et Balaam filium Beor in gladio. Sed hæc aut*



tempus per excessum quendam introduximus, ut A  
ostenderemus, quia Balaam non in corde, sed in ore  
tantummodo habuit verbum Dei. Interim, quæ pro-  
fert, quæ loquitur, ex verbo Dei loquitur, et ideo  
quæ dicit, verbum Dei est. Ait ergo: *Quid maledi-  
cam, quem non maledixit Dominus?* Et cætera. Quid  
ergo dicimus? Jacob quidem non maledicit Dominus,  
nec Israel, sed alicui putas alii maledicit. Legimus  
scriptum, quia dicit Dominus ad serpentem: *Maledi-  
ctus tu in omnibus bestiis terræ* (Gen. iii). Et iterum ad  
Adam: *Maledicta terra in operibus tuis* (Ibid.). Sed  
et ad Cain: *Et nunc maledictus tu a terræ, quæ aper-  
ruit os suum, ut reciperet sanguinem fratris tui de  
manibus tuis* (Gen. ix). Et, *Maledictus omnis, qui fa-  
cit sculptile aut fusile* (Deuter. xxvii). Verum ne pu-  
tes hæc in veteribus tantummodo litteris contineri, B  
etiam in Evangelis similia invenies scripta. Scriptum  
est enim quia dicturus sit Dominus his qui a sinistris  
erunt: *Discedite a me, maledicti, in ignem æternum*  
(Matth. xxv). Sed et cum dicit: *Væ vobis, Scribæ et Pha-  
risæi hypocritæ* (Matth. xxiii). Et, *Væ vobis divitibus*  
(Luc. vi), et singula hujusmodi. Quid aliud, nisi ma-  
ledictis eos videtur urgere? Sed quid diximus, quod  
mandatum per Apostolum datur ubi dicit: *Benedi-  
cite et nolite maledicare?* Quod ergo ab hominibus  
vult fieri, hoc ipse facit, qui exemplum vitæ omni-  
bus ponit? Non ita est. Deus enim quibus maledicit,  
meritum designat ejus cui maledicitur, et senten-  
tiam promittit, utpote quem non fallat nec peccati  
qualitas, neque peccantis effectus. Homo autem quia  
hæc non potest ferre vel facere, (neque enim propo-  
situm mentemque alterius videre alius aut ignoscere  
potest), idcirco etiam si judicantis vel sententiam  
promittentis intuitu proferat maledictum, non potest  
esse justa maledicendi causa, ubi ignoratur peccan-  
tis effectus; maxime cum humanum vitium tunc  
sciat maledicta proferre cum forte conviciis aut in-  
juriis provocatur. Quod vitium reserare Apostolus  
volens, ne maledictis maledicta, et conviciis convi-  
cia provocamus, mandatum necessarium ponit, *ut  
benedicamus et non maledicamus* (Rom. xii): quo  
conviciandi vitium reseratur, non quo judicandi ve-  
ritas, quæ homines lætet, et pronuntiandi auctoritas  
perimatur. Et tamen quid causæ sit, quod non ma-  
ledicat Dominus Jacob neque Israel, ab ipso nihilo-  
minus Balaam, imo a verbo quod posuit Deus in ore  
ejus, diligentius audiamus.

*De summis siliibus videbo eum, et de collibus con-  
siderabo illum.* Sive, juxta aliam editionem, *Quoniam  
de verticibus, inquit, montium intuebor eum, et a col-  
libus intelligam eum.* Quia, inquit, in expelsis monti-  
bus et altis collibus positus est Israel, hoc est in  
edificata vita et ardua, ad quam contuendam et intelli-  
gendam non facile quis idoneus fiat, nisi ascendat  
ad eminentem et excelsam scientiam, idcirco, in-  
quit, non si maledicit Deus. Est enim vita ejus alta  
et præcelsa, non humilis et dejecta. Quod tamen  
mihi non videtur, quia de illo Israel, qui secundum  
carnem Israel est, dixerit; sed de illo cujus super

terram ambulantis coaversatio in caelis est. Aut si  
etiã ad illum populum dicta hæc referenda sunt,  
cum distinctione dicit, ut intuear et intelligam, ut  
futurum tempus significet illud sine dubio, quando  
omnis Israel ad fidem Christi veniens salvabitur, ab  
his sine dubio, qui excelsam et celestem vitam con-  
surgentes cum Christo, exercuerunt super terras.  
Sed et quod dixit: *De Jacob quidem videbo, de Israel  
autem intelligam*, etiam hoc aptissima distinctione  
auscipiendum est, ut aliud ad actus visibiles, aliud  
ad invisibilem fidem atque intelligibilem scientiam  
conferatur. Aut si ad futurum sæculum convertimur,  
id est, ad resurrectionis tempus, *Jacob videbo*,  
potest de corporibus dictum intelligi, *Israel autem in-  
telligam*, spiritus et animas significare resurgentium.

*Ecce, inquit, populus solus habitabit, et in nationi-  
bus non reputabitur.* Potest quippe et secundum lit-  
teram stare. Solus enim populus Jacob non est per-  
mixtus cæteris hominibus, nec inter cæteras gentes  
reputatus est. Habuit enim certa quæque privilegia  
in observationibus suis et in legitimis, ex quibus se-  
questratus a cæteris gentibus haberetur, sicut etiam  
tribus Levi non est permixta inter cæteras tribus,  
nec annumeratur inter eas. Hæc quidem in illo  
populo fuerunt secundum formam futurorum bono-  
rum. Verus autem Jacob et spiritalis Israel, vere  
solus habitavit in gentibus. Si enim accessimus ad  
Sion montem, et civitatem Dei viventis Jerusalem  
coelestem, et venimus ad spiritalem Judæam, quæ  
est portio Dei, et in terris positi ibi habemus con-  
versationem, vere non reputamur inter cæteras gen-  
tes, nec reliquarum nationum faeces cum nostris fini-  
bus admiscetur, etiamsi restituatur Sodomia in  
antiquum, et Aegyptus in statum suum redeat; et si  
quid tale in prophetis scriptum, verumtamen illi Jac-  
ob et spiritali Israel, cum ad Ecclesiam primitivo-  
rum ascenderint, nullus exequabitur, nullus adiri-  
scibitur, etiam si istæ gentes secundum dicta pro-  
phetica fuerint restituta. Nisi enim insortus fuerit  
ramus oleastri, et socius fuerit factus radicis phi-  
guedinis olivæ, quomodo potest sociari et conjungi  
ad Jacob vel Israel, cum sine ista radice nec Jacob  
quisquam possit appellari, nec Israel. Neque ergo  
ex Jacob vel Israel si quis peccat, Jacob dicit vel  
Israel potest; neque ex gentibus si quis ingressus  
fuerit Ecclesiam Domini, inter gentes ultra repu-  
tabitur.

*Quis investigabit semen Jacob et quis dinumerabit  
plebes Israel?* Simile est illi hoc quod scriptum est,  
quia eduxit Deus Abraham fores et ait illi: *Respice  
ad caelum, et dinumera stellas si potes dinumerare.* Et  
ait: *Ita erit semen tuum. Et credidit Abraham Deo,  
et reputatum est illi ad justitiam* (Gen. xiiii). Sed  
Abraham quidem et alii quilibet hominum, aut etiam  
angelorum, factissis autem et superiorum virtutum,  
non poterat numerare stellas, nec semen Abraham,  
de quo scriptum est: *Sic erit semen tuum.* Deus au-  
tem de quo scriptum est: *Qui numerat multitudinem  
stellarum, et omnibus eis nomina vocat* (Psal. cxliii).

Et qui dixit: *Ego stellis omnibus mandavi*, potest investigare semen Jacob, et dinumerare plebes Israel. Ipse enim solus scit, quis vere Jacob, et quis vere sit Israel. Non enim ad eum qui in manifesto Judæus est respicit, neque ad eam quæ in manifesto in carne est circumcisio; sed videt illum qui in occulto Judæus est, et qui circumcisus est corde non et carne.

Ipse ergo solus est qui dinumerare potest et investigare; et ipse, secundum ineffabilem et incomprehensibilem sapientiam suam, ad illam cœlestem formam quam ipse solus scire potest, posuit etiam istos numeros quos habemus in manibus. In quibus præcepte ut secundum cognationes suas, secundum domos familiarum suarum, ex nomine omnis masculus per capita sua numeretur, a viginti annis et supra, omnis qui egreditur in virtute Israel. Et colligitur eorum quidam sacratus numerus, de quo jam superius pro ut donavit Dominus, diximus. Sed iste numerus tunc demum sacratus est et placidus Deo, cum ipso præcipiente numeratur. Si autem contra præceptum Domini voluit aliquis numerare, licet ille de Deo sit, licet magnus propheta, contra legem agit, et arguitur per prophetam, et patitur illa quæ in si libro Reg. legimus scripta: *Solus ergo ipse, quæ numero multitudinem stellarum, et qui in mensura omnia, et numero et pondere produxit* (Sap. 11), investigat semen Jacob, et dinumerat plebes Israel. Posthæc quasi de semetipso quædam prophetare videtur. cum dicit: *Moriatur anima mea morte justorum; et fiat novissima mea horum similia*. Sed hoc quantum ad personam spectat Balaam, illius et illius Israel, nec factum est, nec fieri potuit. Non enim inter ipsos, sed ab ipsis mortuus est. Magis ergo, ut diximus, ipsorum personæ conveniet, qui licet in præcedenti loco vel sæculo vanus populus habebatur, qui sine gratia Spiritus sancti in fine tamen sæculi cum plenitudo gentium introierit, et omnis ista prophetia quæ de Israel dicitur, in spiritali Israel fuerit completa, tunc anima ejus moriatur cum animabus justorum. Suscipiet enim in se fidem Christi, ita ut ipsi dicant: *Quicumque in Christo baptizati sumus, concupuit enim cum illo per baptismum in morte* (Rom. 6). Et iterum: *Sicut comorimur, ita et congruabimus* (II Tim. 2). Et sic complebitur intelligibili Balaam, ut moriatur anima ejus inter animas justorum. Quod autem dicit: *Et fiant novissima meorum similia*, sive ut alia editio habet, *ut fiat semen meum sicut semen justorum*, posset quidem et de illo Balaam intelligi, sed hoc quod magi illi, qui de Oriente venientes, primi adoraverunt Jesum, de semine ejus esse videantur, sive per successionem generis, sive per disciplinæ traditionem. Evidenter enim constat illos agnovisse stellam, quam prædixerat Balaam orituram in Israel, et sic venisse et adorasse regem, qui natus est in Israel. Conveniet tamen et populi personæ, secundum ea quæ prædiximus, ut non tam ipsi quam semen eorum efficiatur sicut semen justorum, eorum scilicet qui credentes ex gen-

tibus in Christo justificati sunt. Unde manifestum est, quia sicut Apostolus dicit: *Neque circumcisio aliquid est neque præputium, sed fides quæ per caritatem operatur* (Gal. 6). Et ideo nemo aut in circumcisionis antiquitate se jactet, aut in præputii novitate gloriatur, sed, ut Apostolus dicit, *Probat unusquisque opus suum, et tunc in semetipso tantam gloriam habebit* (Ibid.). Sic denique et Propheta dicit: *Ecce homo et opus ejus*. Et merces in conspectu Domini esse dicitur, ut reddat unicuique secundum opera sua. Sed et secundum leges tropologice, hæc sententia utiliter intelligi valet. Sunt namque nonnulli intra sanctam Ecclesiam, qui prolixas ad Dominum preces habent, sed vitam deprecantium non habent. Nam promissa cœlestia positionibus sequuntur, operibus fugiunt. Hi nonnunquam lacrymas in oratione percipiunt: sed cum post orationis cessatum eorum mentem superbia pulsaverit, illico in frustrationis intumescunt. Cum instigat avaritia, mox per incendia avidæ cogitationis exarsuant. Cum luxuria tentaverit, in illicitis protinus desideria ambulat. Cum ira suaserit, mox mansuetudinem mentis flamma insanie cremat. Ut ergo diximus, et fletus in prece percipiunt, et tamen expletis precibus compunctiorum suggestionem pulsantur, nequaquam per æterni regni desiderio se flevisse meminerunt. Quod aperte Balaam de se innotuit, qui justorum tabernacula conspiciens, ait: *Moriatur anima mea morte justorum, et fiant novissima mea horum similia*. Sed cum compunctionis tempus abscessit, contra eorum vitam quibus se similem fieri etiam moriendo poposcerat, consilium præbuit. Et cum occasionem de avaritia reperit, illico oblitus quid sibi de innocentia optavit. Unde sollicite considerandum est, quia utiuntur que plerumque mali inutiliter compunguntur ad justitiam, sicut plerumque boni innoxie tentantur ad culpam. Fit quippe mira, exigentibus meritis, dispositionis internæ mensura, ut et illi dum bonum aliquid agunt, quod tamen non perficiunt, superbia inter ipsa quæ etiam plenissime perpetrant mala confidunt; et isti dum de malo tentantur, cui nequam quam consentiunt, quod per infirmitatem titubant, ad eo gressus cordis ad justitiam per humilitatem verius figunt. Balaam quippe justorum tabernacula respiciens, ait: *Moriatur anima mea morte justorum*. Paulus vero ait: *Video aliam in membris meis, repugnantem legi mentis meæ, et captivum me ducentem in lege peccati, quæ est in membris meis* (Rom. 7). Qui profecto idcirco tentatur, ut in bono robustus ex ipsa infirmitatis suæ cogitatione solidetur. Quid ergo est quod ille compungitur, et tamen justitiam non appropinquat; iste tentatur, et tamen cum culpa non inquinat, nisi hoc quod aperte ostenditur, quia nec malos bona imperfecta adjuvant, nec bonos mala inconsummata condemnant? Virtutis namque pondus oratio non habet, quam nequaquam perseverantia continui amoris tenet. Quo contra bene de Anna fiente perhibetur: *Vultusque ejus non sunt amplius in diversa mutati* (I Reg. 1). Quia videlicet mens ejus

nequaquam post præcepta inepta lætitia lasciviendo potest, quod orationis sœc tempore per gemitum rigore exquirit.

*Dixitque Balaam ad Balaam: Quid est hoc quod agis? Urincedentes inimicis meis vocavi te, et tu e contra benedixisti eis? Cui illa respondit: Num aliud possum loqui nisi quod iusserit Dominus? Dixitque Balaam: Veni mox in alteram locum, unde partem Ierusalem videas, et totum videre non possis: inde maledicito es: Cumque duxisset eum in locum sublimem super verticem montis Phasga, edificavit Balaam septem aras, et imposuit supra septem vitulis atque arietibus, et ait ad Balaam: Sta hic juxta holocaustum tuum, etc. Igitur Balaam rex veluti attonitus et percussus ex his quæ contra spem dici videbat, ad Balaam benedictiones enim pro maledictionibus audiebat, ultra non ferens interrupit verba ejus et ait: Quid fecisti mihi? Ad maledicendum inimicos meos vocavi te, et ecce benedixisti benedictionem. Non tulit rex amarus benedictionem dulcedinis, sed maledictionem querit, maledicta deposcit. Etenim ex cogitatione illius ad quem dixit Dominus: *Maledictus tu ab omnibus habitis terre (Gen. iii)*. Sed ad hæc respondit ei ille, cui verbum Deus in ore posuerat. Nonne quæcumque, inquit, injecerit Deus in os meum, hæc observabo loqui? Ad hæc Balaam putans quia perterritus esset populi Israelitici Balaam multitudine, et Ideo non scisset ausus proferre maledicta, immutationem sibi loci reddidit profuturam, et ait ad eum: *Veni adhuc mecum in locum altum, de quo non videas eum totum: sed partem aliquam ejus videas, omnes autem non videas, et maledic mihi eum inde.* Deinde, qui Israeliticam gratiam loci objectione crederet posse celari, et qui nesciret quia non volens abscondi civitas super montem posita (Matth. v).*

*Et desumpsit eum, inquit, in speculam agri, in vertice montis casti; et construxit ibi septem aras, et imposuit vitulum et arietem super aram. Et dixit Balaam ad Balaam: Sta ad sacrificium: ego vero pergane personari Deum: Et occurrit Deus ipsi Balaam, et injecit in os ejus verbum et dixit, sine dubio Deus. Constatere ad Balaam et hæc loqueris. Al ille, hoc est, Balaam, stabat juxta holocaustum suum, et omnes principes Moab cum ipso: Et dixit ei Balaam: Quid locutus est Dominus? Res quidem profani sacrificii gerebatur, et divinatio arte magica quærebatur. Votus tamen Deus ibi abundare gratiam, ubi superabundavit peccatum, adesse dignatur nec refugit ab his quæ non secundum gentilium gerebantur errorem. Adest autem non sacrificiis, sed in occursum venienti, et ibi dat verbum suum, atque ibi mysteria futura prænuñtiavit, ubi maxime fides et admiratio gentilium pendet, ut qui nostris nolunt credere prophetis, credant divinis et vatibus suis.*

*At ille assumpta parabola sua ait: Sta, Balaam, et exaudi, filii Sefhor. Non est Deus quasi homo ut mentatur, nec ut filius hominis ut muletur. Dixit ergo et non faciet, locutus est et non implebit? Ad benedictionem adductus sum, benedictionem prohi-*

*bere non valeo. Non est idolum in Jacob, nec videtur simulacrum in Israel. Dominus Deus est cum eo, et clangor victoriae regis in illo. Deus eduxit eum de Ægypto: cuius fortitudo similis est rhinocerontis. Non est augurium in Jacob, nec divinatio in Israel. Temporibus suis dicetur Jacob et Israel, quid operatus sit Deus. Ecce populus ut læna consurget, et quasi leo orietur. Non accubabit donec deporet prædam, et occisorum sanguinem bibat. Alia, editio, etc. habet: Et assumens, inquit, parabolam suam dicit: Per parabolam ergo dicit Balaam: Surge, Balaam, et audi: auribus percipe, filii testis Sefhor. Non sicut homo Deus frustratur, neque sicut filius hominis terretur. Ipse cum dixerit, nonne faciet? Loquatur et non permanebit? Ecce ad benedicens assumptus sum: benedicam et non revertam eum. Non erit dolus in Jacob, nec videtur dolor in Israel. Dominus Deus*

*suis cum ipso, præclara principum cum ipso sunt Deus, qui eduxit eum de Ægypto, sicut gloria unicornis ei. Non enim erit auguratio in Jacob, neque divinatio in Israel. In tempore dicetur Jacob et Israel quid perficiet Deus. Ecce populus sicut catulus leonis exsurget, et quasi leo exsultabit. Non dormiet donec comedat prædam, et sanguinem vulneratorum bibet.*

Hæc est continentia secundæ prophetiæ in verbis Balaam. Videamus ergo primo hoc ipsum quod ait, *Exsurge, Balaam, et audi.* Si enim in superioribus nondixisset, quia staret juxta holocaustum suum, non videretur magno opere requirendum, cum dixerit, *Exsurge, Balaam.* Nunc autem cum hortetur exurgere

eum quem nuper dixerat stare, non est otiose prætereundus sermo propheticus. Quod ergo in superioribus, quia staret ad holocaustum suum, designat eum non recte stare. Stabat enim in idololatria positus, et stabat quasi inimicus Dei: quod magis est non stare, sed cadere. Quasi ergo qui de illo statum cadere docuerat, imo et qui ceciderit, ita nunc in intellectu prophético exurgere jubet eum, quippe qui per eum quod stare in idololatria visus fuerit, cecidisset. Exsurgat, qui talis est: exsurgat animo, exsurgeto fide, et efficiatur testis fidei. Si vero permanet infidelis, ut sit testis condemnationis suæ. Sed quid est quod ei annuntiat audiamus. *Non sicut homo, inquit, Deus frustratur, neque sicut filius hominis terretur ipse.* Non habeas, inquit, hanc opinionem de Deo, ut putes eum esse sicut hominem, qui in his quæ loquitur frustrari possit. Homines enim multis occasionibus et vitis impediuntur ne verum, si quod loquuntur. Aut enim irati loquuntur, et iracessante frustra locuti sunt, aut metu aut cupiditate aut jactantiæ gratia, aliisque horum similibus. Et utique frustra erit et vanum omne quidquid vitio dominante locuti sunt. Deus autem in quo nulla est passio, nulla fragilitas, omne quod dixerit proferens testis, quia quidquid ratione profertur, carere non potest ratione. Non est ergo Deus sicut homo, qui frustra loquatur, neque sicut filius hominis terretur, vel, ut in aliis exemplaribus adhuc legimus,

neque sicut filius hominis terret. In hominibus interdum sententiam mutat et terret. Deus autem qui supra omnia est, a quo terredi potest, ut sententiam mittit? Si vero secundum hoc accipiamus, quod in aliis exemplaribus diximus lectum, hoc est neque filius hominis terret, illud videbitur dici, quod homines quidem pro jactantia interdum terrores faciunt et minas etiam his, quibus nonnunquam nocere non possint. Deus autem non ita terret homines, quasi qui punire non possit, sed et si terret, ratione terret. Terret enim ut corripiat hominem in auditoris tribulatione, et verbo comminationis deterritas, ostendat se, qui male agit, ne perveniat ad eum ipsa vindicta male gestorum suorum. Non ergo ita Deus terret ut homo: homo enim, ut diximus, pro jactantia, Deus vero pro emendatione conterret. Post hæc ait: *Ipse cum dixerit non faciet? Loquetur et non permanebit?* Sic legendus est locus, quasi interrogantis affectu dicat. *Ipse*, hoc est, Deus. Quod dicit nonne et faciet? Et quæ locutus fuerit non permanebit ex eis? Cum utique homines non faciant quæ dicunt vitio humanæ fragilitatis, et his non permaneant quæ loquuntur. Mutabilis enim est homo, immutabilis vero Deus. Sed potest aliquis occurrere et dicere: Quomodo ergo non permansit Deus in his quæ locutus est de Ninive, ut post triduum subverteretur (Jon. iii), neque in his, quæ locutus est de Daniel, ubi tribus diebus promissa fuerat mors, ut vastaret populum, et intra unam diem usque ad horam prandii cessavit? Et videbitur fortassis, quia hæc quæ per interrogationem dicuntur, non penitus pro definite accipienda sint, sed talis quædam figura verbi sit, quæ medium aliquid videatur ostendere, non tam definite et irrevocabilis sententiæ declaret effectum: quo temperantius aliquid dictum videatur in eo quod scriptum est: *Ipse cum dixerit nonne faciet?* quasi scriptum esset: *Ipse cum dixerit, omnimodis faciet.* Sed in ipsius verbis prophetis, non tam sermones Dei, quam ipsorum prophetarum accipienda sunt, quæ juxta merita singulorum protulerunt, sed Dei miseratione, ne super eos venirent suspensæ solt. Item per Jeremiam Dominus dicit: *In finem loquar*, hoc est, ex definito loquar, *super gentem et super regnum: auferam eos et disperdam. Et si consortiar gens illa a matris eius, penitendo de omnibus malis, quæ cogitavi facere eis. Et in finem loquar super gentem et regnum, ut reedificem eos et replantem; et si fecerit mala in conspectu meo, ut non audiam vocem meam, penitebit me de omnibus bonis, quæ locutus sueram ut facerem eis (Jerem. xviii).* Quomodo ergo possumus his quæ absolute per Jeremiam dicta sunt præferre illa quæ suspensive per Balaam dicuntur, nisi quia negligentibus et contemptoribus illa confirmanda: hæc vero perfectioribus secretis advertenda sunt. Sed post hæc Balaam: *Ecce, inquit, ad benedicendum assumptus sum: benedicam et non avertam eum.* Ad benedicendum Balaam assumptus est Balac, sed a Deo, qui injectit verbum in os ejus quo populum benediceret. Et

hanc benedictionem non avertit, nec enim potest etiam si vellet, verbum Dei humana lingua convertere. Post hæc ait: *Non est idolum in Jacob, nec videtur simulacrum in Israel.* Hæc ergo secundum historiam quomodo stare possant, cum ipsi carnales Israelitæ, et filii Jacob patriarchæ, sæpius arguantur per prophetas pro idololatria quam gesserant? Sed mellus de futuro populo, hoc est, veris et spiritalibus Israelitis intelligendum est, quod ibi non sit cultura idolorum, sed unitus Dei omnipotentis, Patris, et Filii, et Spiritus sancti servitus, religio et cultus perpetuus. Quod autem alla editio habet: *Non erit, inquit, labor in Jacob, neque videbitur dolor Israel,* aperte in istis sermonibus futura vitæ denuntiat statum. Quis enim est, qui hanc vitam sine labore et dolore transeat? Nec si Petrus sit aliquis, aut si Paulus sit, quomodo non in labore et dolore est, cum virgine carditur, semel lapidatus, in naufragium fecit, in profundo maris die ac nocte (I Cor. xii), aliaque innumera perpetuit, quæ de laboribus ac doloribus suis scribit; sed ibi istud complebitur, ubi dictum est, *Aufugiet dolor, et tristitia, et gemitus.* Quod tamen non ad omnes, sed ad eos tantum qui meritis Jacob et Israel fuerint referat: ut fuit et ille Lazarus, qui præsentem quidem vitam in labore et dolore transegit. Ibi autem dicitur ad divitem: *Memento, fili, quia tu recepisti bona in vita tua, et Lazarus similiter mala. Nunc autem hic requiescit: tu vero cruceris (Luc. xvi).* Ille ergo est Israel et Jacob, in quem non venit labor et dolor. Cives enim ille erat quidem, et ipse secundum carnem Israel. Dicitur enim ei, *quia fratres tui habent legem et prophetas audiant illos (Ibid.).* Sed quia non erat secundum spiritum Israel, ideo venit super illum labor et dolor. Sequitur: *Dominus Deus ejus cum eo est, et clangor victoriae regis in illo.* Hoc de prædicatione Evangelii in populo Christiano dicit, ubi aperta voce annuntiat quomodo rex Christus per crucis tropæum de diabolo triumphavit, ac regnum sibi acquisivit perpetuum. Unde ipse postquam resurrexit a mortuis, discipulis suis apparuit et ait: *Data est mihi omnis potestas in celo et in terra, etc. (Matth. xiii).* Hinc et Paulus: *Christus, inquit, factus est obediens pro nobis Patri usque ad mortem, mortem autem crucis. Propter quod Deus illum exaltavit, et donavit illi nomen, quod est super omne nomen, ut in nomine Jesu omne genua flectant, cælestium, terrestrium, et infernorum: et omnis lingua confiteatur, quia Dominus Jesus Christus, in gloria est Dei Patris (Philipp. ii).* Quod autem juxta aliam editionem legitur: *Dominus Deus cum ipso, præclara principum cum ipso sunt, nunquam enim Israel suum deserit Deus.* Quorum autem principum præclara cum ipso Israel sint, videamus. Præclara principum, potestas est principatus et regnum. Verum quoniam sunt et aliqui principes qui de principatu suo vel pellendi, vel jam forte depulsi sunt, et in locum ac principatum eorum introducendi hi qui vere Israelitæ sunt, præclara illa omnia quæ habet

runt in cœlis, illi principes qui non servaverunt suum principatum, sed dereliquerunt aeterna domicilia, Israel iste et Jacob, qui colluctatus est et vicit, accipiet, et sic cum ipso erunt præclara principum. *Deus eduxit eum de Ægypto: cujus fortitudo est similis rhinocerotis.* Vel juxta aliam editionem, *sicut gloria unicornis ejus.* Eductus est ille quidem Israel de Ægypto ista terræna: hic autem spiritalis Israel de Ægypto sæculi, et de potestate tenebrarum, et est fortitudo vel gloria ejus tanquam unicornis. Unicornis quidem fertur esse animal eo habitu formatum, quo nominis ipsius designatur indicium: quod animal frequenter in Scripturis divinis positum legimus, sed præcipue apud Job Dei vocibus potentia ejus et virtus exponitur: in quibus ut in quamplurimis Christus intelligitur designari. Et in divinis Scripturis cornu pro regno positum sæpe reperimus: sicut et propheta dicit: *Quatuor autem cornua, quatuor regna sunt (Dan. vi).* Sub nomine utique unicornis, in Christo hoc videtur ostendi, quia omne quod est unum, ejus cornu est; hoc est, unum regnum ejus. Omnia enim Pater subjecit pedibus ejus, usque quo et novissimus inimicus destruitur mors, et tanquam unicornis, unum omnium regnum teneat Christus: quia sicut scriptum est, *regni ejus non erit finis (Isa. ix).* Erit ergo ei, inquit, hoc est, Israeli illi spiritali gloria, sicut est gloria unicornis. Sic enim et ipse in Evangelio Dominus dicit: *Pater, da eis, ut sicut et ego et tu unum sumus, ita et isti in nobis unum sint (Joan. xviii).* Et ideo similis gloria dabitur Israeli, sicut est gloria unicornis. Maxime cum transformabit corpus humilitatis nostræ, conforme corpori gloriæ suæ, non erit auguratio in Jacob, neque divinatio in Israel. In tempore dicitur ad Jacob et Israel quid perficiat Deus. Igitur quoniam visum est etiam diligentius de singulis quibusque discutere, non absurdum si etiam quid sit auguratio vel divinatio, quam quidem placuit Scripturæ commemorare, de his ne quis forte ignoranter in hæc incidat, requiramus. Videtur ergo mihi futurorum præscientia quantum ad ipsam rem spectat, medium quiddam esse, id est, neque proprie bonum, neque proprie malum: quandoquidem potest interdum etiam a parte diaboli ad hominum notitiam, futurorum venire præscientia. Sine dubio autem cum tempus et opportunitas poscit, et voluntas Dei fuerit, datur etiam a Deo et propheta, hominibus præscientia. Et ideo diximus, quia neque proprie bonum dici potest quod aliquando a malo venit, neque proprie malum quod aliquando a Deo descendit. Nam et in libro Regum sacerdotes et divini allophylosum de remittenda arca Dei, ob plagam quæ eis propterea evenerat, divinando consilium dederunt, ut adhibitis vaccis plaustro novo, in terram Juda dirigerentur. Est ergo tali quædam in ministerio præscientia operatio dæmonum, quæ artibus quibusdam ab his qui se dæmonibus mancipaverunt colligitur, nunc per eas quas sortes nominant, nunc per ea quæ auguria appellant, nunc

etiam ex contemplatione librarum, quæ extispicium vocant, aliisque horum similibus præstigiis comprehendendi, videtur intelligi. Quæ artes in tantum ad decipendum genus humanum profecerunt, ut etiam justissime Ezechiæ filius Manasses hoc errore deceptus, ædificaverit ut Scriptura dicit, *altare omni exercitui cæli, in utraque domo Domini (IV Reg. xxi).* Hunc autem arbitror exercitum cæli, quem Paulus, *spiritalis nequitias in cælestibus positas* scribit (*Ephes. vi*). Nisi ergo multum in his artibus deceptionis esset et erroris, non putò tanti viri filium, in lege Domini educatum, in illas impietates potuisse currere, quæ in quarto regnorum libro de eo scriptæ referantur. Hæc enim omnia, religio nostra divina et cælestis, abjurat. In Levitico quidem aperta lege designat dicens: *Non divinabitis neque augurabimini.* Et post pauca: *Non sequamini, inquit, ventriloquos: nec adjungamini ad incantatores, ut contaminemini ab eis. Ego Dominus Deus vester (Lev. xix).* Non vult Deus auditores nos fieri et discipulos dæmonum. Neque vult, ut si quid volumus discere, discamus a dæmonibus. Melius est enim ignorare quam a dæmonibus discere. Et melius est a prophetis discere, quam a divinis inquirere. Divinatio enim, ut quidam putant, divinitus datur, sed magis ut mihi videtur per antiphrasim, id est, ex contrario, nomen accepit, quasi quæ per homines dæmone repletos fiat. Sed gentilium ritus divinum credit omne quod qualicumque spiritu profertur. Nos tamen nihil ab his discere Deus jubet, ne efficiamur consortes ipsorum, et incurramus in ea quæ Isaias dicit: *Et humiliantur in terram verba tua: et sermones tui sub terram demergentur; et erit vox tua sicut loquentis de terra, et ad solum vox tua infirmabitur (Isa. xxix).* Propter hoc et Deus noster Jesus non dignatur a dæmonibus accipere testimonium, sed ait: *Obmutesca et exi ab eo (Luc. iv).* Quem apostolus suus Paulus imitatur. Dolens, inquit, convertit se, et ait spiritui pythonis: *Præcipio tibi in nomine Jesu Christi, discede ab ea (Act. x).* Propter hoc ergo non erit, inquit, *auguratio in Jacob, neque divinatio in Israel.* Sed quid his additur? *In tempore, inquit, dicitur Jacob et Israeli, quid perficiet Deus.* Quid est, in tempore dicitur? Cum oportet et cum expedit, hoc est, in tempore. Si ergo expedit prænoscere nos futura, dicitur a Deo per prophetas Dei per Spiritum sanctum. Si vero non dicuntur, neque denuntiantur, scito quoniam non nobis expedit ventura prænoscere. Quod si idcirco non dicuntur nobis, quia scire nobis ea non expedit qui diversis artibus et dæmonum invocantibus gestiunt futura prænoscere, nihil aliud faciunt, nisi ea cupiunt discere, quæ sibi scire non expedit. Jacob autem in his dici intelligendus est omnis cui luctamen est adversus principatus et potestates, et adversum mundi hujus rectores; et Israellem intelligi omnem qui per fidei puritatem et munditiam mentis, videt Deum. Sed potest aliquis dicere: Si a solo Deo debeamus discere de futuris, et neque divinum, neque augu-

reum, neque aliud quodcunque horum recipere, nec iste ipse quidem Balaam recipiendus a nobis est. Unus est enim ex his quos recipi prohibet divina sententia. Sed adverte diligentius, et memento quod in superioribus legimus, ubi dicitur de eo quia *injecit Dominus verbum suum in os ejus*. Non ergo hæc nunc ad Balaam, sed a verbo Dei, quod in ore ejus positum est, dicimus. Nisi enim verba Domini essent, non ea utique revelasset famulo suo Moysi, qui procul positus, cum ab eo regi Balac dicerentur, certum est quod nisi a Deo sibi revelata Moyses scire non potuit. Post hæc, *Ecce*, inquit, *populus sicut læna vel catulus leonis exsurget, et sicut leo exsultabit*. In his mihi videtur confidentiam populi describere credentis in Christo, et libertatem quam habet in fide, et exultationem quam gerit in spe. Comparatur catulo leonis dum tendit ad perfectionem lætus et velox. Leoni vero confertur, cum jam obtinet quæ perfecta sunt. Sicut enim leo et læna vel catulus leonis nullum animal, nullam bestiam timent, sed sunt eis cuncta subjecta, ita et perfecto Christiano, qui tollit crucem suam, et sequitur Christum: qui potest dicere: *Mihi mundus crucifixus est et ego mundo* (Gal. vi), cuncta subjecta sunt, cuncta calcantur. Despicit enim et contemnit omnia quæ in hoc mundo sunt, et imitatur eum qui *leo de tribu Juda et catulus leonis dicitur*. Quia sicut ipse lux est mundi, et discipulis suis dedit ut et ipsi essent lux mundi, ita et cum ipse sit leo et catulus leonis, etiam credentibus in se, nomen leonis et catuli leonis ascribit. Vide autem quia evidenter non de illo qui tunc præerat populo, sed de hoc qui futurus erat ista dicuntur. Ait enim: *Ecce populus sicut catulus leonis exsurget, et sicut leo exsultabit*. Exsurrecturum dicit populum, utique qui futurus erat. Nam si de eo diceret quem videbat, dixisset sine dubio: *Ecce populus sicut catulus leonis exsurrexit*. Sed certum est, quia de illo populo dicat, de quo et in aliis scriptum est: *Et annuntiabunt cæli justitiam ejus populo qui nascetur, quem fecit Dominus* (Psal. xxi). Est ergo populus hic catulus leonis, cum adhuc, *tanquam nuper geniti infantes, rationabile et sine dolo lac concupiunt*. Leo autem exsultans, cum vir effectus, quæ parvuli erant deposuit. Non dormiet donec comedat prædam, et sanguinem vulneratorum bibat. In his verbis, quis ita erit historice narrationis contentiosus assertor, imo quis ita brutus invenietur, qui non horrescens sonum litteræ, ad allegoriæ dulcedinem ipsa necessitate confugiat? Quomodo enim iste populus tam laudabilis, tam magnificus, de quo tanta præconia sermo dinumerat, in hoc veniet, ut sanguinem vulneratorum bibat, cum tam validis præceptis, cibus sanguinis interdicatur, adeo ut etiam nos qui ex gentibus vocati sumus, necessario videamur abstinere, sicut ab his quæ idolis immolantur, ita et a sanguine? Discant ergo a nobis, quis est iste populus, qui in usu habent sanguinem bibere. Hæc erant quæ in Evangelio audientes hi qui ex Judæis Dominum seque-

bantur, scandalizati sunt et dixerunt: *Quis potest manducare carnes, et sanguinem bibere* (Joan. vi)? Sed populus Christianus, populus fidelis audit hæc, et amplectitur et sequitur eum qui dicit: *Nisi manducaveritis carnem meam, et biberitis sanguinem meum, non habebitis vitam in vobis ipsis. Quia caro mea vere est cibus, et sanguis meus vere est potus* (Ibid.). Et utique qui hæc dicebat, vulneratus est pro hominibus; *Ipsæ enim vulneratus est pro peccatis nostris* (Isa. lxi), sicut Isaias dicit. Bibere autem dicimus sanguinem Christi, non solum sacramentorum ritu, sed cum sermones ejus recipimus, in quibus vita consistit, sicut et ipse dicit: *Verba, quæ ego locutus sum, spiritus et vita sunt* (Joan. vi). Est ergo ipse vulneratus, cujus nos sanguinem bibimus, id est, doctrinæ ejus verba suscipimus. Sed et illi nihilominus vulnerati sunt, qui nobis verbum ejus prædicarunt. Et ipsorum enim, apostolorum ejus verba cum legimus, et vitam ex eis consequimur, vulneratorum sanguinem bibimus. *Non ergo, inquit, dormiet, donec comedat prædam*. Iste enim populus, qui catulo leonis vel leoni comparatur, non quiescet nec dormiet, donec rapiat prædam, id est, donec diripiat regnum cælorum: *quia a diebus Joannis regnum cælorum vim patitur, et vim facientes diripiunt illud* (Matth. xi). Ut autem evidentius cognoscas, hæc de nostro populo qui in sacramentis Christi confederatus est scribi, audi quomodo et in aliis Moyses similia pronuntiat dicens: *Butyrum boum ac lac ovium, cum adipe agnorum et arietum, filiorum taurorum et hircorum, cum adipe renum frumenti, et sanguinem uva bibent vinum* (Deut. xxxii). Et hic ergo sanguis qui nominatur uva illius, uva est, quæ nascitur ex illa vite de qua Salvator dicit: *Ego sum vitis vera, discipuli vero palmites. Pater autem agricola est* (Joan. xv), qui purgat eos, ut fructum plurimum afferant. Tu ergo es verus populus Israel, qui scis sanguinem bibere, et nosti carnem verbi Dei comedere, et sanguinem verbi bibere; et uva sanguinem illius, quæ est ex vera vite, et ex illis palmitibus, quos Pater purgat, haurire. Quorum palmitum fructus, vulneratorum sanguis merito dicetur: quem ex verbis eorum et doctrina bibimus, si tamen simos ut catuli exsurgentes.

*Dixit itaque Balac ad Balaam: Nec maledicas. Et ille: Nonne, ait, dixi tibi, quod quidquid mihi Deus imperaret, hoc facerem? Et ait Balac ad eum: Veni et ducam te ad alium locum, si forte placeat Deo, ut inde maledicas eis. Cum eduxisset eum super verticem montis Phogor, qui respicit solitudinem, dixit ei Balaam: Edifica mihi septem aras, et para totidem vitulos, ejusdemque numeri arietes. Fecit Balac ut Balaam dixerat, imposuitque vitulos et arietes per singulas aras. Infelix iste Balac, putans quod Balaam divino, ad maledicendum loci opportunitas magis defuerit quam voluntas, utilius esse ratus si mutaret locum. Veni, inquit, et educam te in alium locum, si placet Deo, et maledices eum inde. Et assumpsit Balaam in verticem montis Phogor, qui te-*

dit in desertum. Eos quidem quos Deus vocat, imponit eos in verticem montis Sina. Hic autem Balac, qui Deo contrarius est, imponit Balaam in verticem montis Phogor. Phogor autem interpretatur *delectatio*. In verticem autem delectationis et libidinis imponit homines iste Balac. Amator ergo est voluptatis magis quam Dei. Et idcirco imponit eos in summitatem et verticem voluptatis, ut excludat eos Deus. *Excludens enim et devoratio* interpretatur Balac. Ideo denique ad eremum tendit Phogor, id est, ad ea quæ erema sunt, et deserta Deo negotia.

Et dixit Balaam ad Balac: *Construe mihi septem aras, et fac mihi septem vitulos, et septem arietes. Et fecit Balac sicut dixit Balaam. Et obtulit vitulum et arietem super aram.* Aperta quidem Apostoli sententia est dicentis: *Quæ enim sanctificant gentes, dæmoniis et non Deo sacrificant* (I Cor. x). Sed et Propheta similiter dicit: *Sacrificaverunt dæmoniis, et non Deo.* Tamen quoniam et lex Dei de sacrificiis præcipit et ritum sacrificandi tradit filii Israel, requiratur fortassis cur hæc cum dæmoniis dicata videantur, etiam Deo jubeantur offerri. Et erit quidem simplex et cita responsio: ut quemadmodum in aliis ostendimus, quod libellum repudiî dari non Dei voluntatis fuit, qui quod conjunxerat noluit separari, sed Moyses hæc proprie ad duritiam cordis Judæorum scripsit (*Deut. xxiv*), ita etiam de hoc videri posse, quia Deus sicut per alium prophetam dicit, *non manducat carnes taurorum, nec hircorum sanguinem potat* (*Psal. xlix*); et idem ut alibi scriptum est, *quia non mandavi tibi de sacrificiis et victimis, in die qua eduxi te de terra Ægypti*; sed Moyses hæc ad duritiam cordis eorum pro consuetudine pessima qua imbuti fuerant in Ægypto, mandaverit eis, ut qui abstinere se non possunt ab immolando, Deo saltem et non dæmoniis immolarent. Videndum tamen est, ne forte sit aliqua sacrificandi Deo occultior ac secretior ratio, ne forte, inquam, sacrificia quæ Deo offerunt, ad distinctionem fiant eorum sacrificiorum quæ dæmonibus immolantur, ut quia per illa vulnerantur animæ, per ista sanentur, sicut hi confirmant qui medicinæ peritiam gerunt. Serpentum namque venena depelli nihilominus sectis ex serpentibus perhibent. Ita ergo et sacrificiorum dæmoniorum virus per sacrificia Deo oblata depellitur, sicut et mors Jesu mortem peccati credentibus non sinit dominari. Et quidem donec tempus patiebatur, sacrificia sacrificiis opponebantur. Ubi vero venit perfecta hostia et agnus immaculatus qui totius mundi tolleretur peccatum, sacrificia illa, quæ sigillatim offerebantur Deo, jam superflua visa sunt, cum una hostia omnis dæmonum cultura depulsa sit. Verum Balaam iste sive secundum illam figuram qua diximus eum personam tenere doctorum ac Pharisæorum plebis incredulæ, instaurat adhuc hostias et præparari sacrificia jubet. In his enim spem gerunt hi quorum cor non respuit fidem Christi. Sed quid sequitur?

A (CAP. XXIV.) *Cumque vidisset Balaam quod placeret Domino ut benediceret Israeli, nequaquam abiit ut ante perrexerat, ut augurium quæreret, sed dirigens contra desertum vultum suum, et levans oculos suos, vidit Israel in tentoriis commorantem per tribus suas, Et irruente in se spiritum Dei, assumpta parabola sua, ait.* Requiritur fortasse unde vidit Balaam quia bonum est in conspectu Domini benedicere Israel, et putabitur ex sacrificiis intellexisse quæ immolaverat. Ubi enim vidit nullum adesse dæmonium, nullam contrariam potestatem victimis suis assistere audentem, exclusos esse omnes malitiæ ministros, quibus uti ad maledicendum solebat, potuit ex his intellexisse quia bonum esset in conspectu Dei benedicere Israel. Ego tamen magis illud intelligo, quod populus ille qui natus est, et illi doctores, qui Christo non credentes in vanitate populum detinent, aliquando visuri sunt, id est, in novissimis diebus, cum plenitudo gentium introierit, et omnis Israel venire cœperit ad fidem Christi, illi, inquam, qui nunc oculos habentes non vident, tunc videbunt. Elevabunt enim oculos suos de altiori et spiritali sensu, et videbunt et intelligent, quia bonum est in conspectu Domini, benedicere spiritalem Israel. Videbit enim eum dispositum per tribus, et per domos, et per familias, et unumquemque in suo ordine, resurrectionis gloriæ adepturum. Et assumpta parabola sua intelliget quæ in parabolis scripta sunt: quæ nunc propter velamen quod positum est super cor eorum neque vident, neque intelligunt. Denique non abiit, inquit, ex more in occursum auspiciis. Non enim more sibi solito, stultis et inanibus sensibus rapietur, in animalibus mutis et pecudibus Dei considerans, sicut hi qui ex istis talibus auspicia colligunt, sed agnoscet etiam ipse, quia neque de bubus cura est Deo, similiter neque de ovibus, neque de avibus, aliisque animalibus, sed quia de his scripta sunt, propter homines intelliget scripta. Si quem autem movet hoc, quod secundum Septuaginta interpretum editionem legitur: *Factus est super illum spiritus Dei*, id est, super Balaam, sciendum quod hoc non ita accipiendum est, tanquam factura sit spiritus Dei cum legitur, *factus est spiritus Dei*; sed *factus est super eum*, id est, factum est et super illum esset: quomodo: *Qui post me venit, ante me factus est* (*Joan. 1*), id est, factum est ut ante me esset, ut præponeretur mihi, quia prior me erat, inquit. Sicut, *Dominus factus est adjutor meus* (*Psal. cxvii*). Non enim Dominus factura est, sed factum est ut me adjuvaret. Et: *Factus est Dominus refugium pauperum* (*Psal. ix*), id est, factum est ut ad eum refugerent pauperes. Et, *Facta est super me manus Domini* (*Ezech. iiii*), id est, factum est ut super me esset, et multa talia in Scripturis reperiantur. Sed videamus jam quæ sint quæ in tertia prophetia Balaam loquatur.

*Assumpta, inquit, parabola ait: Dixitque Balaam filius Beor: Dixit homo cujus obturatus est oculus, dixit auditor sermonum Dei, qui visionem omnipo-*

*lensis intuitus est, qui cadit et sic aperiuntur oculi ejus.* Quid est quod de Balaam scriptum est, quod homo dixerit cujus obturatus est oculus, dixit auditor sermonum Dei, visionem omnipotentis intuens? Quomodo obturato oculo visionem vidit? non quod historialiter in somnis, quando oculi corporei jam clausi fuerint, per visionem quæ dicenda erant angelico ministerio cognovit. Secundum allegoriam vero demonstratur aliquo modo habere oculos mentis apertos, aliquo modo clausos. Apertos quidem ad mysteria agnoscenda in futuro, clausos vero ad corrigendum errorem suum. Habuit quippe intuitum cordis revelatum, ad perspicendum prophetiæ sacramentum, sed ad colendum atque venerandum ipsum prophetiæ auctorem non habuit. *Cujus omnes, inquit, typum tenent, qui aliud scientia, aliud moribus agunt; aliud ore, aliud factis ostendunt.* De qualibus Apostolus ait: *Qui cum Deum cognovissent, non sicut Deum glorificaverunt, aut gratias egerunt; sed evanuerunt a cogitationibus suis, dicentes se esse sapientes, stulti facti sunt, etc. (Rom. 1).* Et alibi scriptum est: *Confitentur se nosse Deum quidem, factis autem negant (Tit. 1).* Unde Balaam vanus populus, sive præcipitans eos interpretatur, et Beor impellens: quia omnes qui veræ religioni qua Deus unus in fide, quæ per justitiam operatur, veraciter cõlitur atque honoratur, contrarie agunt, merito vanus populus nuncupantur, et filii Beor esse dicuntur, hoc est, impellentis diaboli, videlicet qui semper impellit et provocat ad peccatum. Sequitur: *Qui cadit et sic aperiuntur oculi ejus.* Nam sæpe quidam æterna judicia mirantur, prædicamentum cœlestis patriæ cum audiunt diligunt, mira opera internæ dispositionis obstupescunt: sed tamen amando et videndo, ad hæc eadem opera assurgere negligunt. Jacentes ergo Dei miracula considerant, qui ejus potentiam sciendo pensant, sed vivendo non amant. Per contemplationem quidem in considerationem oculos tendunt, sed tamen per intentionem sese a terra non erigunt. Potest hæc sententia juxta tropologiam et aliter intelligi. *Dixit homo, inquit, cujus obturatus est oculus, dixit auditor sermonum Dei, qui visionem Omnipotentis intuitus est, qui cadit et sic aperiuntur oculi ejus.* Nescit impius mala quæ facit, nisi cum pro eisdem malis puniri jam cœperit. Consilium enim Balaam contra Israelitas præbuit; sed post, in pœna vidit, quid prius ex culpa commiserit. Electi autem quia ne peccare debeant provident, eis videlicet oculi ante casum patent. Iniquus vero post casum oculos aperit quoniam post culpam jam in pœna sua conspicit, quia malum debuit vitare quod fecit. Notandum autem, quod hic locus aliter juxta LXX legitur: *Benedixit, inquit, Balaam, filius Beor. Dixit homo vere videns; dixit audiens verba fortis, qui visum Dei vidit in somnis, revelati oculi ejus.* Mirum profecto est, quomodo tantæ laudis genus habeat Balaam, qui accepta parabola sua de semetipso pronuntiet hæc. Quomodo enim homo vere videns Balaam sit

qui divinationi et auguriis operam dederit, qui etiam magiæ studuerit sicut supra ostendimus, valde mirum est, nisi forte pro eo quod supra dictum est, quia spiritus Dei factus fuerit in ipso, et quia verbum Dei positum sit in ore ejus, hæc de eo putentur tam magna conscripta esse præconia. Nec Moyses enim, nec alius quis prophetarum facile invenietur tantis laudibus elatus. Unde magis mihi videretur hæc illi populo convenire eo tempore quo, jam conversus ad Dominum, deposuit velamen quod erat super cor suum. Dominus autem spiritus est. Idcirco denique dicit, *revelati oculi ejus*: quasi qui nunc clausi fuerint, et nunc per spiritum Dei, qui super eum factus est, ablato velamine revelentur. Nunc ergo est quando vere videt et vere audit verba fortis, et visum Dei videt in somnis, id est, ea quæ in somnis Danieli prophetæ tempora designata sunt, videbit impleta, et visiones illas quæ in somnis ad illum delatæ sunt videt, hoc est, intelliget, agnoscet, et oculis revelatis efficitur similis, qui dicebant: *Non autem omnes revelata facie gloriam Domini speculabimur, eadem imaginem Domini spiritu (II Cor. v).* Verum si quis hæc etiam secundum historiam velit dicta suscipere, quia in eo quo vidit Balaam quia bonum est in conspectu Domini benedicere Israel, ostenduntur revelati oculi ejus, et factus esse homo vere videns. Quæ vera enim vidit hoc est, quæ futura erant de Israel vel Jacob. Audisse quoque eum verba fortis dicit in eo, cum venit ad eum Deus, et dixit ei in somnis. Verbum quod dem in ore tuo, hæc observa ut loquaris: et hoc erit visum Dei quod vidit in somnis. Et per hæc revelatos esse oculos ejus asserit, quia potuit videre quæ vidit. Hæc quidem de his quæ in præfatione sua Balaam in semetipsum visus est prophetare. Jam nunc videamus quæ sunt quæ in consequentibus dicit.

*Quam pulchra tabernacula tua, Jacob, et tentoria tua, Israel! Ut valles nemorosæ: ut horti juxta fluvios irrigui; et tabernacula, quæ fixit Dominus, quasi cedri, propter aquas.* Non puto quo domicilia eorum terrena concludet. Neque enim tale aliquid fuisse apud eos propter cæteras gentes memoratur. Sed videamus, ne forte quoniam populus per tribus erat divisus, et unaquæque tribus per plebes, et iterum plebes per cognationes partiebantur, et cognationes per domos familiarum, per numerum nominum, et per capita numerabantur, hoc est, omnis, qui erat a viginti annis et supra, masculus, qui procedere poterat ad bellum, hæc tabernacula Balaam in spiritu contuens magnificet et extollat. Sed non in his solius litteræ contuenda sententia est; quoniam quidem, quæ loquitur Balaam, assumpta parabola sua loquitur: in parabolis ergo et nos, quod dicitur audiamus. Si enim consideres divisiones illas, et ordines populorum, qui in resurrectione habebantur in populo veri Israelis, quando unusquisque resurget in suo ordine, si potes, intueri tribus illas, et plebes, et cognationes, in quibus non tam carnis



et sanguinis est cognatio, quam mentis et animi: tunc intelliges quam pulchra sunt tabernacula Jacob et tentoria Israel. Quod si secundum aliam editionem legere volueris ita: *Quam bonæ sunt domus tuæ, Jacob, tabernacula tua, Israel; ut nemora umbrantia, ut paradisi super flumina*; et differentiam domorum ac tabernaculorum ejus requiras, et Jacob atque Israel diversitatem etiam de hoc talis quædam habenda distinctio est. Domus res est fundata ac stabilis, et certis terminis septa. Tabernacula vero sunt habitacula quædam eorum, qui semper in via sunt, et semper ambulant, nec itineris sui terminum reperiunt. Igitur Jacob habendus est in eorum personis, qui in actibus et opere perfecti sunt: Israel vero illi intelligendi sunt qui studia erga sapientiam gerunt. Quia ergo operum gestorum, quæ exercitu certo sine clauduntur (neque enim sine fine est operum perfectio) ubi adimpleverit quis omnia quæ facere debuit, et ad perfectionis finem operum venerit, perfectio ipsa operum, bona domus ejus esse dicitur. Eorum vero qui sapientiæ et scientiæ operam amant, quoniam finis nullus est (quis enim terminus sapientiæ Dei erit? ubi quanto amplius quis accesserit, tanto profundiora inveniet; et quanto quis scrutatus fuerit, tanto ea ineffabilia et incomprehensibilia deprehendit. Incomprehensibilis enim et inestimabilis est Dei sapientia): idcirco eorum qui iter sapientiæ incedunt, non domos laudant; non enim pervenerunt ad fidem, sed tabernacula mirantur, in quibus semper ambulant, et semper proficiunt: et quanto magis proficiunt, tanto eis proficiendi via augetur, et in immensum ponitur. Et ideo istos profectus eorum per spiritum contuens, tabernacula ea nominat Israel. Et vere si quis scientiæ aliquos profectus, et experimenti aliquid in talibus sumpsit, scit profecto quod ubi ad aliquam ventum fuerit theoriam, et agnitionem mysteriorum spiritualium, ibi anima quasi in quodam tabernaculo demoratur. Cum vero ex his quæ reperit, alia rursus rimatur, et ad alios proficit intellectus, inde quasi elevato tabernaculo tendit ad superiora; et ibi collocat, et in imis sedem, sensuum stabilitate confixam; et inde iterum ex ipsis alios invenit spirituales sensus, quos priorum siue dubio sensuum consequentia patefecerit. Et ita semper ad priora extendens, tabernaculis quibusdam videtur incedere. Nunquam enim est quando anima scientiæ igniculo succensa, otiosi possit et quiescere, sed semper a bonis ad meliora, et iterum ad superiora a melioribus provocatur. Hoc ergo sapientiæ Dei iter grate satis, et cum multo decore præscripsit dicens.

*Ut nemora umbrantia, et ut paradisi super flumina, et sicut tabernacula, quæ fixit Dominus; sicut cedri juxta aquas.* Qui enim incedunt hanc viam, per nemora umbrantia incedunt. Nemora enim sunt eis umbrantia, et ut paradisi omnis justorum cœtus, et sanctorum prophetarumque chorus. Sub umbra enim sensuum quos apud illos scriptos inveniant, refrigerantur animæ ipsorum; et in doctrinis eorum,

A quasi incedentes per opaca nemorum, delectantur, et sicut paradisi super flumina, similes et cognatos illi paradiso, in qua lignum vitæ est. Flumina vero possumus vel Scripturas evangelicas atque apostolicas accipere, vel etiam angelorum et cœlestium virtutum erga hujusmodi animas adjutoria. Rigantur enim ab illis et mandantur, atque ad omnem scientiam et agnitionem rerum cœlestium nutriuntur. Quamvis et Salvator noster fluvius sit qui lætificat civitatem Dei, et Spiritus sanctus non solum ipse fluvius sit, sed et his quibus datus fuerit, flumina de ventre eorum procedant, et Deus Pater dicat: *Me dereliquerunt fontem aquæ vivæ, ex quo scilicet fonte, flumina ista procedunt.* His ergo mandata fluminibus tabernacula Israel, sunt sicut illa, quæ fixit Dominus. Sed intentum fortassis movere poterunt auditorem, quod duas quasdam species tabernaculorum præsens sermo commemorat. Ait enim: *Quam bonæ domus tuæ, Jacob! Tabernacula tua, Israel; ut nemora umbrantia, et ut paradisi super flumina.* Et rursum tabernacula tabernaculis comparat et dicit: *Et sicut tabernacula, quæ fixit Dominus.* Potest ergo et alia post alias quas supra protulimus recipi expositio, ut dicamus domus Jacob esse legem, et tabernacula Israel, prophetas. Non enim ipsum Jacob sed domos ejus laudat; nec ipsum Israel, sed tabernacula ejus; et tunc ea laudat, cum revelati sunt oculi ejus. Quoad enim velamen positum est super lectionem legis et prophetarum, non videntur bona tabernacula nec laudabilis domus. Ubi autem ablatum fuerit velamen, et intelligi cœperit lex quia spiritalis est et prophetiæ, tunc bonæ et mirabiles domus Jacob; et tunc admiranda erunt tabernacula Jacob, cum, amota littera quæ occidit, vivificantem ex eis percipere spiritum cœperis. Potest adhuc et alio modo intelligi, ut et populi credentis et profecto hujus, qui a Christo ex gentibus congregatus est, corpora simul laudari videantur et animæ. Et Jacob quidem domus de corporibus dicatur, sicut et in libello quodam legitur quia Jacob domus sit Israel, hoc est, corpus ejus Jacob dicatur, et anima Israel. Similiter ergo et perfectorum quorumque corpora laudabiles dicantur esse domus Jacob. Est enim corpus laudabile cum continentia et castitate, nonnunquam autem cum martyrio decoratur. Tabernacula vero ad animas perfectas referri possunt, quibus et nomen videndo Deum convenit Israelis. Ista enim tabernacula sunt, inquit, *sicut nemora umbrantia, et sicut paradisi super flumina, et sicut tabernacula quæ fixit Dominus.* Alia ergo tabernacula ostendit esse quæ fixit Dominus, quibus sunt similia tabernacula Israel. Extra hunc modum me progredi convenit, ut videam quæ sint tabernacula quæ fixit Dominus. Illa nimirum sunt quæ ostendit Moysi, cum tabernaculum construeret in deserto, dicens ad eum: *Vide, inquit, ut facies omnia secundum typum, qui ostensus tibi in monte est (Exod. xxv).* Ad imitationem ergo istorum tabernaculorum quæ fixit Dominus, Israel debet facere tabernacula, et unusquis-

que nostrum expedire et fabricare tabernaculum A  
 sum. Unde videtur non fortuitum contigisse, ut Pe-  
 trus quidem et Andreas et filii Zebedæi, ante piscato-  
 res invenirentur, Paulus vero ante faber taberna-  
 culorum. Et quia illi vocati ab arte capiendorum  
 piscium putantur, et sunt piscatores hominum, di-  
 cente Domino : *Venite post me, faciam vos piscatores  
 hominum* (Matth. iv), non dubium quin et Paulus,  
 quia et ipse per Dominum meum Jesum Christum  
 vocatus apostolus est, simili arte sua et transforma-  
 tione mutatus sit, ut sicut illi ex piscatoribus piscium  
 piscatores hominum facti sunt, ita et iste a faciendis  
 tabernaculis terrenis ad cœlestia tabernacula con-  
 struenda translatus sit. Construit enim cœlestia ta-  
 bernacula, docens unumquemque viam salutis, et  
 beataram in cœlestibus mansionum iter ostendens. B  
 Facit tabernacula Paulus, et cum ad Jerusalem in  
 circuitu, usque ad Illyricum replet Evangelium Dei  
 ecclesias construendo. Et hoc modo facit et ipse  
 tabernacula ad similitudinem tabernaculorum cœle-  
 stium, quæ ostendit Deus in monte Moysi. Sed  
 unusquisque nostrum, si quis tamen exiit de  
 Ægypto, et habitat in deserto, in tabernaculo debet  
 habitare, et diem festum in tabernaculis debet agere.  
 Sicut enim commemoratio fit egressionis ex Ægypto  
 per pascha et azyma, ita et commemorationis in de-  
 serto fit memoria per tabernacula. In tabernaculis  
 enim habitaverunt patres nostri in deserto. Unde  
 autem fieri oportet ista tabernacula, nisi ex verbis  
 legis et prophetarum, ex sermonibus psalmodum et  
 omnium quæ continentur in lege? Cum enim ex his C  
 quæ scripta sunt proficit anima, et semper ea qui-  
 dem quæ retro sunt obliviscens, in ea quæ ante sunt  
 se extendit, et de loco inferiore progrediens, crescit  
 et proficit ad superiora, et augmento virtutum, et  
 ex ipsa immutatione profectuum in tabernaculis me-  
 rito dicitur habitare. Vide autem si non sunt ta-  
 bernacula quæ fixit Dominus, etiam illa quæ Salva-  
 tor commemorat in Evangelio dicens : *Facite vobis  
 amicos de mammona iniquitatis : ut cum defeceritis,  
 recipiant vos in æterna tabernacula* (Luc. xvi). Fixa  
 autem dicuntur a Deo, quasi quæ non circumferun-  
 tur omni vento doctrinæ. Sunt autem adhuc taber-  
 nacula ista, et sicut cedri juxta aquas. Cedros hic  
 non alias dicit, in quibus culpabilis notatur elatio,  
 sed cedros Dei quæ suspiciunt vitis illius quæ ex D  
 Ægypto translata est palmites, et in quibus requie-  
 scit fructus ille cujus umbra operuit montes. Si in-  
 tellexisti quantam requiem habeat iter sapientiæ,  
 quantum gratiæ, quantumque dulcedinis, noli dissi-  
 mulare, noli negligere; sed aggredere, nec eremi so-  
 litudinem perhorrescas. Habitanti enim tibi in lu-  
 jusmodi tabernaculis occurret et manna cœleste, et  
 angelorum panem manducabis. Incipe tantum, nec  
 te prætereat solitudo deserti. Cito in consortium  
 tuum etiam angeli venient, quia crescente gratia me-  
 ritorum, ascendis manducare panem angelorum, et  
 videre Deum deorum, quos sub specie cedrorum ar-  
 bitror indicatos.

*Fluat aqua de siveola ejus, et semen illius erit in  
 aquas multas.* Ostendit secundum historiam, quod  
 de gente Israel larga excrescet multitudo populorum.  
 Aquæ enim, inquit, multitudo populi est. Secundum  
 allegoriam vero significat abundantem gratiam  
 evangelicæ doctrinæ : quæ de primitiva in Jerusa-  
 lem Ecclesia per apostolorum ministerium in totum  
 orbem terrarum largiter infusa est. Ipsi enim apo-  
 stoli de genere Abraham exorti, et benedictione  
 Christi qui est verum semen Abraham repleti, suis  
 prædicationibus totum mundum repleverunt. Unde  
 scriptum est : *In omnem terram exiit sonus eorum,  
 et in fines orbis terræ verba eorum* (Psal. xviii). Hinc  
 et per Isaiam dicitur : *Omnes, qui viderunt eos, co-  
 gnoscent illos, quia isti sunt semen cui benedixit Do-  
 minus.*

*Tolletur propter Agag rex ejus, et auferetur re-  
 gnum illius.* Hæc sententia demonstrat primum re-  
 gem Judæorum, hoc est, Saul propter Agag regem  
 Amalecitarum perdidisse regnum, eo quod parceret  
 illi contra præceptum Domini. Alia autem editio hunc  
 locum longe aliter habet. Prophetiam enim tenet de  
 Christo et de regno ejus. Sed videamus quomodo scri-  
 ptum sit. *Exiit, inquit, homo de semine ejus, et do-  
 minabitur gentibus multis. Et exaltabitur Gog et re-  
 gnum ejus, et crescet regnum ejus.* Christus ergo est,  
 qui exiit de semine Israel secundam carnem. Qui quo-  
 modo gentibus dominetur expositione non indiget,  
 maxime qui legat dictum ei a Patre : *Postula a me,  
 et dabo tibi gentes hæreditatem tuam, et possessionem  
 tuam terminos terræ* (Psal. ii). Quid est autem quod C  
 ait : *exaltabitur Gog regnum ejus? Gog super tecta*  
 interpretatur. Et in isto loco non pro gentis alicujus  
 nomine, ut putatur, positum est, sed ut in aliis non-  
 nullis ipse sermo Hebræus non interpretatus relictus  
 est, et ob hoc quasi de gente aliqua dictum videtur.  
 Est ergo sermonis consequentia talis. *Et exaltabi-  
 tur super tecta regnum ejus, et crescet regnum ejus.*  
 Exaltari autem super tecta, de perfectione creden-  
 tium dicitur; crescere autem, ad multitudines refer-  
 tur. In his ergo qui perfecti sunt super tecta exal-  
 tatur regnum Christi, id est, super eos etiam qui in  
 supernis sunt, et in superioribus habitant. Sicut  
 enim fortassis aliqui etiam in cœlestibus, a quibus D  
 plus proficiant et altius exalcentur hi qui in regno  
 Christi sunt, et ideo credo etiam ipse Salvator dice-  
 bat : *Qui in tecto est, non descendat tollere aliquid de  
 domo* (Matth. xxiv), monens ut hi qui ad excelsam  
 perfectionem venerunt, non iterum ad mundi hujus  
 qui nunc domus appellatur, humilia et abjecta de-  
 scendant. Sed et aliud, quod ait, *quod audistis,  
 prædicare super tecta* (Matth. i), ad hoc nihilominus  
 respicit. Sic ergo exaltabitur super Gog regnum  
 ejus, et crescet regnum ejus. Crescit enim dum  
 multiplicantur Ecclesiæ, et fidelium numerus auge-  
 tur; et in tantum crescit regnum Christi, usquequo  
 ponat Pater inimicos ejus sub pedibus ejus. Sed et  
 novissimum inimicum destruat mortem. Post hæc  
 scriptum est adhuc de Christo. *Deus eduxit eum de*

*Ægypto, cujus fortitudo similis est rhinocerotis.* Quod in eo completum videtur, ubi post mortem Herodis, revocatur ab Ægypto, et designat Evangelium dicens: *Ex Ægypto vocavi filium meum* (Matth. 11; Oso. xi). Qui sermo quibusdam ex hoc loco assumptus videtur, et Evangelii insertus. Aliis autem videtur esse prophetia. Potest tamen et secundum allegoriam intelligi, quia posteaquam venit ad Ægyptum mundi hujus, deduxit eum Pater et assumpsit ad semetipsum, ut viam faceret his, qui de Ægypto mundi hujus ascensuri erant ad Deum. *Et gloria unicornis ejus.* Omnia enim dæmoniorum regna dejiciens Christus, unicum suum regnum tanquam veri unicornis fundavit in gloria. Cornu enim sæpe pro regno docuimus nominari. *Devorabunt gentes hostes illius, ossaque eorum confringent, et perforabunt sagittis.* Hostes autem Domini Christi, impios Judæos appellat, de quibus ipsa Veritas in parabola evangelica de homine nobili, *qui abiit in regionem longinquam accipere regnum sibi et reverti*, narrans commemorat, cum subinfert dicens: *Cives autem ejus oderant illum: et miserunt legationem post illum dicentes: Nolumus hunc regnare super nos* (Luc. xix). Contra has enim gentes congregati sunt cum Romanis imperatoribus Vespasiano et Tito, ut interficerent eos, roburque imperii eorum confringentes, comminuerent, atque instrumentis bellicis Jerusalem metropolim eorum superatam funditus everterent gentemque delerent, in ultionem innocentis effusi sanguinis Domini. Mystice autem gentes, eosdem hostes devorabunt, cum prædicatores sancti ex gentibus electi, plurimos eorum prædicatione sua ad fidem catholicam convertunt, eosque per baptismum et salubrem confessionem in corpus Christi transferunt. Ossa eorum confringunt, cum pertinaciam eorum et superbiam piis admonitionibus emolliunt. Et perforabunt sagittis, cum testimoniis divinæ legis corda eorum penetrant, atque ad compunctionem poenitentiae de peccatis suis provocant. Hinc et secundum aliam editionem iste locus ita legitur: *Edet, inquit, gentes inimicorum suorum, et crassitudinem eorum emedallabit.* Gentes utique illas quas inimici sui possidebant, ipse edet destructa virtute inimici, et crassitudines eorum emedallabit, cum omnem eis sensum crassum et carnalem extennat, et convertit ad intelligentiam spiritalem. Quod autem crassitudo culpabitur, in Scripturis habeatur, indicio erit illud, quod scriptum est: *Incrassatum est cor populi ejus* (Isa. vi). Et alibi: *Satiatus est et incrassatus est, et recalitravit dilectus* (Deut. xxxii). Edet ergo gentes, et cibum habet eos qui credunt in eum: sicut et ipse dicit in Evangelio: *Meus est cibus ut faciam voluntatem Patris mei, qui misit me* (Joan. iv). Cujus utique voluntas hæc erat, ut gentes converterentur ad fidem. Quod si ut superius docuimus, crassitudo culpabilis habetur, e contrario subtilitas laudabilis est habenda, quia et Spiritus sapientiæ, qui intelligibilis et sanctus et unigenitus et multiplex dicitur, similiter et subtilis esse perhibetur. *Et jaculis suis sagittabit inimicum.* Ja-

cula ejus verba ejus sunt, ut superius diximus, quibus vel diabolum vicit, vel omnes inimicos ejus; et contradicentes sibi etiam nunc superat et configit. Omnis enim qui peccat, inimicus ejus est dum peccat. Si autem audiat verba Dei, et agnoscat peccata sua, configatur ex eis et compungatur, atque ad poenitentiam convertatur, veritatis sermone tenebratus, etiam ipse dicitur jaculis ejus esse confixus.

*Accubans dormit ut leo, et quasi læena, quam suscitare nullus audebit.* Vel ut alia editio habet: *Recumbens requievit ut leo, et ut catulus leonis; quis excitavit eum?* Requievit ut leo, cum in cruce positus, principatus et potestates exiit, et triumphavit eas in ligno crucis. Ut catulus autem leonis, cum resurgeret a somno mortis. Quod autem leoni simulque læenæ sive catulo leonis comparatur, potest adhuc intelligi, ut in leone illi qui perfecti sunt, in læenâ quoque, hoc est in inferiore sexu, hi qui infirmiores sunt intellectu, atque illi qui insipientes sunt et rudes, in catulo leonis exprimentur. Quod vero ait, *quam suscitare nullus audebit*, significat nullum, neque angelum, neque hominem, carnem Christi a mortuis resuscitare prævalere, quam sola majestas divina a mortuis revocavit. Unde in Evangelio Dominus ait: *Nemo tollit a me animam meam; sed ego pono eam, et iterum sumo eam* (Joan. x). Sin autem secundum aliam editionem legerimus, *quis suscitavit eum?* Idcirco quia nunc a Patre dicitur suscitatus, et etiam ipse templum corporis sui post triduum suscitare se dicit, merito in hoc quasi percunctantis designatur affectus.

*Qui benedixerit tibi erit ipse benedictus, et qui maledixerit, in maledictione reputabitur.* Certum est quod benedicentes Christo, benedicti sunt: et in communionem paternæ benedictionis assumpti. Qui autem maledicunt, maledicti sunt. Si enim ad populum istum respicias, qui maledicit Christo, etiam lacrymabiliter invenitur esse maledictus. Quid enim evenire possit aliud his qui maledicunt sapientiæ, qui maledicunt veritati, qui maledicunt vitæ, nisi ut ab his omnibus bonis extorres et exsules jaceantur? Hæc enim omnia Christus est. Et qui maledicit Christo, tanquam his omnibus maledicens, perpetua damnatione vel maledictione damnatus est. Ego tamen puto, quod non solum ille maledicat Christo, qui sermonem adversum eum maledictam profert, sed et ille qui sub nomine Christiano male agit et turpiter conversatur, vel inhonestis, vel verbis, vel actionibus suis, facit nomen ejus blasphemari inter gentes. Sic, e contrario, non ille qui sermonibus solis Dominum benedicit, ipse benedicere putandus est, sed qui actibus et vita et moribus suis facit ab omnibus nomen Domini benedicti. Et in istis complebitur quod tertia prophetia Balaam designat, quia benedicentes Christo benedicentur, et maledicentes ei, maledicti erunt. Propter quod omnimodis caveamus, ne per opera et actus nostros Christi nomen blasphemetur, sed magis id agamus, vel benedictionibus ejus participes esse mereamur.

*Iratuque Balaam contra Balac, complexis manibus ait : Ad maledicendum inimicis meis vocavi te : quibus, e contrario, tertio benedixisti. Revertere ad locum tuum. Deceveram quidem magnifice honorare te, sed Dominus privavit te honore disposito. Ostenditur in his, quia et Balac intelligeret non jam dæmonum ministerio decipi Balaam, sed Dei virtute ad meliora transferri : et ideo dicit, Dominus privavit te honore. Sed hæc quæ plana sunt transcurrentes, ad sequentia veniamus. Respondit Balaam ad Balac : Nuntiis tuis quos misisti ad me dixi : Si dederit mihi Balac plenam domum suam argenti et auri, non potero præterire sermonem Dei mei, ut vel boni quid vel mali proferam ex corde meo : sed quidquid Dominus dixerit, hoc loquar.* Sciens Balaam quod non sibi per ministros solitos responsa deferrentur, sed ab eo qui haberet omnium potestatem, recte videtur protestatus, non posse verbum Domini transgredi, et facere illud pusillum et magnum apud semetipsum. Non enim ille loquebatur ei, qui posset sacrificiis et muneribus permutari; sed ille erat, apud quem non est commutatio, nec commutationis umbra. Et inde non potest sacerdos mutari mercede, ubi Deus muneribus non movetur. Discessurus tamen Balaam, incipit iterum prophetare et dicit : *Verumtamen pergens ad populum meum, dabo consilium, quid populus tuus faciat huic populo extremo tempore. Quod juxta aliam editionem ita legitur : Veni, consilium do tibi, quid faciat populus hic populo tuo, in novissimis diebus?* Sumpta igitur parabola, rursus ait. Sed priusquam ad explanationem eorum quæ prophete sunt veniamus, velim requirere quis iste sensus est, vel quis ordo verborum, quod ait : *Veni et consilium do tibi.* Et consilii quidem nihil dare videtur, sed ait : *Quod facturus sit populus hic populo tuo in novissimis diebus;* et esset utique conæquentia, ut videretur Balaam prophetare de his quæ populus Israel facturus esset populo Balac, vel cæteris gentibus; et quod in virtute faciet, ita ut non derelinquat ex urbibus Moab ullum qui salvus fiat. Sed et prophetia nihilominus quam de Christo conjungit in consequentibus et dicit : *Orietur stella ex Jacob, et exurgens homo de Israel, et vastabit omnes principes Moab, convenienter posita videtur, si scriptum esset : Veni et prophete tibi.* Nunc autem quid dicemus ad hoc quod scriptum est : *Veni, consilium do tibi, quid faciat populus hic populo tuo?* Requiramus ergo, quomodo intelligi debeat, quod scriptum est, *consilium tibi do.* De quo sæpe apud meipsum requirens, nullum puto exitum invenire sententiæ. Sed hoc quod ait, *consilium tibi do,* communi et usitato more dictum putemus. Sed illud magis vidi esse conveniens, quod ait, *consilium tibi do,* ut ita dixisse intelligatur : Consilium divinum, quod in novissimis diebus implendum est, nunc mihi revelatum, aperio tibi et manifesto, ut scias quid populus hic faciet populo tuo. Et hoc modo stare mihi visum est posse quod ait : *Consilium tibi do, quid facturus est populus hic populo tuo, hoc*

est consilium Dei enuntio tibi et manifesto. Requærenti sane mihi, sicubi forte in Scripturis divinis sub hoc sermone simile aliquid dictum possit occurrere, visum est etiam illud similiter advertendum quod Apostolus ait : *Quis enim cognovit sensum Domini, aut quis consiliarius ejus fuit?* (Rom. 11.) Hic enim quis, non pro nullo, sed pro raro vel eximio habetur. Quomodo enim cognovit sensum Domini unigenitus suus, quid dicit : *Nemo novit Patrem nisi Filius, et cui voluerit Filius revelari?* (Luc. 1.) Quid est ergo aliud scire Patrem, nisi scire consilium ejus et sensum? Sed et Spiritus sanctus, qui scrutatur etiam alta Dei, quid nisi sensum ejus agnoscat? Agnoscit ergo et Filius et Spiritus sanctus sensum Domini, et hi quibus voluerit Filius revelare. Quod si agnoscit Filius sensum Dei, est ergo et consiliarius ejus, non ita accipiendum est, quasi ignoranti ei quid agat, consilium det Filius, et Spiritus sanctus. Simili ergo modo et Balaam, quia consilii, quod ei revelaverat Deus, participem faciebat et gnarum Balac, ait : *Veni, consilium tibi do.*

*Dixit Balaam filius Beor : Dixit homo cujus obturatus est oculus; dixit auditor sermonum Dei : Qui novit doctrinam Altissimi, et visionem Omnipotentis videt; qui cadens apertos habet oculos. Videbo eum, sed non modo; intuebor illum, sed non prope.* Quomodo dignum erit tantum istud intelligi de Balaam ut sciat scientiam Excelsi, qui etiam Balac regem docuerit, quomodo scandalum mitteret coram filiis Israel, ut manducarent immolata et fornicarentur. Vix enim de sanctis prophetis aut apostolis inveniet aliquis dictum, quia scientiam sciant Excelsi : quamvis Paulus dixerit, *audisse se verba inenarrabilia, quæ non licet homini loqui* (II Cor. 12); tamen non est professus habere scientiam Excelsi. Propter quod diligentius intendamus, si forte dignum aliquid Deus nobis super hoc sermone revelare dignetur. In libro qui apud nos quidem inter Salomonis volumina haberi solet, et Ecclesiasticus dici, apud Græcos vero Sapientia Jesu filii Sirach appellatur, scriptum est : *Omnis sapientia a Deo est* (Eccles. 1). Quod fortasse possumus ita intelligere, quasi a Deo sit et illa sapientia mundi hujus, quæ destruenda dicitur, et principum mundi hujus; et si qua alia est, per quam falsa scientia commendatur : nisi in ipso libello in consequentibus diceretur; non est enim sapientia malitiæ disciplina. Per quod utique docet, quia omnis disciplina quæ falsi aliquid asserit, etiam si vehemens videatur, et veri similis, et quæ subverti difficile possit, tamen nequaquam hujusmodi scientiæ ad sapientiæ titulum debeat applicari. Quid ergo est quod ait : *Omnis sapientia a Deo est?* (Eccl. 1.) Illud mihi sensisse videtur, quia omnis peritia, quæ vel erga artem aliquam usui humano necessaria habetur, vel cujuslibet rei scientia, sapientia dicatur a Domino data. Denique apud Job scriptum est : *Quis dedit mulieribus texendi scientiam, et varietates disciplinarum?* Sed et in Exodo : *Locutus est, inquit, Dominus ad Moysem dicens :*

*Eco vocavi nominatim Bezeel filium Huri filii Or* ex tribu Juda, et replevi eum Spiritu divino, sapientia et intellectus et disciplina, ut in omni opere intelligat et sit architectus, ad operandum argentum et aurum et aes, et lapides repletionis, et omnia opera fabrilis, et in ligno, ut operetur secundum omnium opera, ad quæ ego dedi eum. Sed et Eliab filium Achisamaach ex tribu Dan. Et dedi in cor omni prudenti intellectum, ut faciant omnia quæ constitui tibi (Exod. xxxi). Relegamus ea quæ in Daniele scripta sunt, de ipso Daniele et tribus amicis ejus, quos Nabuchodonosor rex tribus annis erudiendos tradidit, volens eos in sua, id est patria Babyloniorum sapientia scientissimos fieri. Ibi ergo scriptum est: *Dedit, inquit, Deus eis intellectum et prudentiam in omni arte grammatica; et, Daniel intellexit in omni visione et somnis* (Dan. 1). Et post pauca: *Et steterunt in conspectu regis, et in omni verbo sapientia et scientia, in qua quæsitit ab eis rex, invenit eos decuplo super omnes incantatores et magos, quæ erant in omni regione.* Ex his ergo omnibus potest intelligi, quomodo et Balaam dixerit de semetipso: Qui scit scientiam Excelsi, scilicet ut intelligatur, quod origo totius scientiæ, ab ipso acceperit exordium; vitio autem humanæ malitiæ aspirantibus et subripiantibus etiam dæmonibus, in perniciem versa sunt quæ pro utilitate concessa sunt. Hæc de eo, quod dixit, *Scientiam scientiam Excelsi*, a nobis pro viribus discussa sint. Videamus ergo quid est, quod in consequentibus dicit: *Videbo illum, sed non modo, intuebor illum, sed non prope.* Hoc ad Salvatoris, Domini videlicet Christi pertinere adventum creditur: de quo et in consequentibus dicit: *Orietur stella ex Jacob, et consurgit homo de Israel.* Videndum eum dicit esse sed non modo: hoc est, non eo tempore, quo ista loquebatur: *In novissimis enim diebus ubi venit plenitudo temporum, misit Deus Filium suum.* Sed si secundum alia exemplaria legere voluerimus ita: *Ostendam ei et non modo; beatifico et non appropinquat:* non ad hunc Balaam, per quem hæc dicuntur, sed ad illos quorum personam haberi in hoc diximus, referetur. Illi enim doctores legis et scribæ, ostendunt Christum in lege et prophetis prophetatum, sed non modo, hoc est, non in eo tempore quo venit, sed cum plenitudo gentium introierit, et omnis Israel salvari incipiet, tunc eum ostendent, et tunc beatificabunt, quem modo blasphemant. Sed hoc tempus in quo hæc futura sunt, non appropinquat: longe enim est, et in ipso sæculi sine sperandum. Et ideo ait: *Ostendam illi, sed non modo.* Illi, hoc est populo qui tunc salvabitur. Post hæc: *Orietur, inquit, stella ex Jacob, et consurgit virga de Israel, et percutiet duces Moab, vastabitque omnes filios Seth; et erit Idumæa possessio ejus. Hæreditas Seir cedet inimicis suis.* De his in superioribus diximus, quia evidenter de stella quæ magis in Oriente apparuit, proficitur: quæ duce venerunt ad Judeam, requirentes eum qui natus est regem Israel; et repertum oblati muneribus adoraverunt. Sed movet me quod ipsa stella

posteaquam dictum est in Evangelio, quia processerit magos usque ad Bethlehæm, et veniens steterit supra ubi erat puer (Matth. 2), ultra non sit dictum, quia vel discesserit inde vel evanuerit, aut assumpta sit, aut aliquid omnino de hoc narratio evangelica designaverit, sed hoc tantum dixerit, quia venit et stetit supra ubi erat puer. Ne forte ergo sicut tempore baptismi, cum baptizatus Jesus ascendit de Jordane, aperti sunt ei cæli, et vidit Joannes Spiritum Dei descendentem, quasi columbam, et manentem super eum; et audivit vocem de cælo dicentem: *Hic est Filius meus dilectus, in quo bene complacui* (Matth. 3): ita et stella hæc, quæ venit supra ubi erat puer et stetit, in Christo similiter remansit: sicut et Spiritus sanctus in specie columbæ venisse dicitur et mansisse in eo; et sicut venisse Spiritum Dei et mansisse in eo ita accipimus, quod nunquam ab eo recesserit Spiritus Dei: ita et stellam, quæ venit et stetit super eum, accipiendum puto, quod sic steterit super eum, ut nunquam inde mota sit, et ideo deitatis ejus indicium illam stellam fuisse opinor. Unde et ordo prophetiæ hæc eadem consequenter ostendit, cum de deitate quidem ejus dicit: *Orietur stella ex Jacob*, de humana vero natura, *et exurgit homo de Israel.* ut in utroque, et secundum deitatem, et secundum humanitatem, Christus prophetatus evidenter appareat. *Et vastabit principes Moab.* Moab quidem gens est, cujus principes non alios esse quam spirituales nequitas et principatus illos adversum quos nobis luctamen est intelligimus. Hos ergo iste homo ex Israel vastabit, cum exuet principatus et potestates, et affiget illos cruci suæ. Neque enim poterat salvare Moabitas, et ad Dei agnitionem perducere, nisi principes illos, qui in eis dominationem impietatis tenebant, devastasset. *Et prædabitur omnes filios Seth.* Seth filius est Adam, de quo Eva dixit cum natus esset: *Suscitavit enim mihi Deus semen aliud, pro Abel quem occidit Cain* (Gen. 4). Iste est ergo Seth, ex quo omne humanum in hoc mundo ducitur genus. Nam de Cain, qui nati fuerant, diluvio perierunt. Filii ergo sunt Seth omnes homines qui in hoc mundo sunt. Et cum dicitur, *deprædabit omnes filios Seth*, prædam sic accipe, sicut in superioribus interpretati, suscipit omnes filios Seth, victis adversariis dæmonibus, eos qui sub ipsorum dominatione tenebantur, Christus quasi prædam victoriæ suæ ducit, et spolia salutis reportat: sicut et in aliis de eo scriptum est, *quia ascendens in altum, captivam duxit captivitatem* (Psal. 137). Captivitatem scilicet illam humani generis, quam diabolus ad perditionem ceperat, iste rursus captivam duxit, et a morte revocavit ad vitam. Utinam ergo a me captivum habeat semper Jesus, et me ducat in prædam suam, et ego teneam ejus vinculis alligatus, ut et ego dici merear *vinctus Christi Jesu*, sicut Paulus de semetipso gloriatur: *Et erit Edom hæreditas, et erit hæreditas Esau inimicis ejus* (Ephes. 2). Edom idem est qui et Esau. Hic secundum historiam quidem inimicus est Israel, sed in adventu, inquit, Christi etiam ipse hæreditas ejus

erit : hoc est recipitur ad fidem, nec excludetur ab hæreditate Christi. Si vero spiritualiter advertamus, Edom caro intelligitur, quæ adversatur spiritui, et est ejus inimica. In adventu ergo Christi, cum subjecta fuerit caro spiritui per resurrectionis spem, etiam ipsa ad hæreditatem veniet. Non enim sola anima, sed et caro, quæ aliquando fuerat inimica, per obedientiam spiritus consors futuræ hæreditatis existet. Israel vero fortiter aget, hoc est quod dicit quia tunc Edom vel Esau, hoc est carnis natura, in hæreditatis societatem vocabitur, cum Israel anima videlicet facta fuerit in virtute, et decenter fuerit repleta virtutibus. Si enim anima non veniat ad virtutes, sed in ignavia perseveret, nec caro ad hæreditatem veniet, sed ad iudicium illius, qui potest animam et corpus perdere in gehennam (Matth. v).

De Jacob erit qui dominetur et perdet reliquas civitates. Dominus videlicet Christus, qui de semine Jacob secundum carnem natus, in mundum venit : cui secundum sancti Evangelii attestacionem, data est omnis potestas in cælo et in terra (Matth. ult.) ; ut in nomine Jesu omne genu flectatur, cælestium, terrestrium atque infernorum, et omnis lingua confiteatur, quia Dominus Jesus Christus in gloria est Dei Patris (Philip. ii) : ipse associata sibi civitate Dei, hoc est Ecclesia catholica, perdet reliquas civitates, conventicula sine dubio hæreticorum, ac munimenta philosophicorum dogmatum, qui contrarie sentiunt atque agunt fidei catholicæ. Sed neque silendum arbitror, quod in quibusdam exemplaribus hic locus ita legitur : *Exsurget, inquit, Jacob, et perdet liberatum de civitate*. Nec in hoc solum, sed in omni pene prophetico stylo quæ dicuntur, involuto satis et obscuro sermone dicuntur. Non enim sanctos sprexit, qui de his scribi voluit, ut palam hæc et pedibus, ut ita dicam, imperitorum conculcanda ponerentur ; sed ita providit, ut cum publice habere videantur, sermonum tamen obscuritate condita in arcanis, et in secretis oblecta serventur. Et nunc ergo quod ait, *perdet liberatum de civitate*, nisi ad consuetudinem propheticam respicias de qua dicitur : *Omnis prophetia non potest propria absolute constare* (II Petr. i), valde difficilis videbitur intellectus. Videamus tamen, si forte hoc modo poterit explanari. Civitatem hunc mundum intelligamus, sicut et in Evangeliiis dicitur de luxurioso filio, qui dilapidavit substantiam patris, quia accessit, inquit, ad quemdam primarium civitatis in regione illa, a quo receptus in agrum mittitur porcos pascere (Luc. xv). Et hæc ergo civitas cujus ille primarius erat, mundus hic intelligitur. Igitur de hac civitate liberatum, hoc est quem liberat Christus, de hoc mundo perdet eum. Dicit enim ei : *Quia qui perdit animam suam propter me, salvam faciet eam* (Matth. xvi). Salutari ergo perditione perdet Jesus, cum quem de hujus mundi civitate liberavit. Et nos itaque, qui ad salutem venire volumus, et de hoc mundo liberari, debemus animas nostras perditione utili et necessaria perdere. Perdit enim animam secundum Christum,

qui desideria ejus refrenat, qui cupiditates ejus resecat, qui luxuriam ejus resolutionemque castigat, et in nullo prorsus facit voluntatem suam, sed voluntatem Dei, et per hæc perire dicitur anima. Perit namque vita ejus prior, et incipit novam vitam, quæ in Christo est, ducere. Simile autem huic dicto etiam illud est : *Si commoriamur et convivemus* (II Tim. ii). Et illud : *Si autem mortui estis ab elementis mundi, quomodo velut viventes in hoc mundo decernitis?* (Col. ii.) Necessaria ergo in his declarantur, quia perdit animam suam in hoc mundo, qui cum Christo moritur ; et qui sic eam perdidit, inveniet eam, ibi sine dubio ubi dicit Apostolus : *quia vita vestra abscondita est cum Christo in Deo* (Col. iii).

Cumque vidisset Amalec, assumens parabolam ait : *Principium gentium Amalec, cujus extrema perdentur*. Primitiva necessarium mihi videtur requirere in Scripturis divinis, quibus in locis vel quo in tempore, nomen Amalec scriptum sit, quo vel ex genere gens ista descendat. Facilius enim quod quaeritur agnoscitur, si ex pluribus locis, quæ de eadem scripta sunt, proferantur. Igitur in Genesis lectione, ubi quinque reges convenerunt ut expugnarent quatuor reges qui regnabant in Sodomis, post aliquanta ita refertur : *Et venerunt ad fontem Masphat, ipsa est Cades ; et percusserunt omnem regionem Amalecitarum, et Amorrhæorum, qui habitabant in Asasonthamar* (Gen. xiv). In his primo locis Amalec memini nominatum. Sed requiratur fortassis, utrum duæ gentes ejusdem nominis habeantur : quoniam quidem et in catalogo filiorum Esau, et dumcum qui ex ejus genere descenderant, refertur Amalec. Ita enim scriptum est : *Hæc sunt autem generationes Esau patris Edom, in monte Seir. Et hæc nomina filiorum ejus : Eliphaz filius Adæ uxoris Esau ; Raguel quoque filius Basemath uxoris ejus. Fueruntque filii Eliphaz : Theman, Omar, Zepho et Gathan, et Genes. Erat autem Thamna concubina Eliphaz filii Esau, quæ peperit ei Amalec*. Et post pauca : *Hi duces filiorum Esau, filii Eliphaz primogeniti Esau. Dux Theman, dux Omar, dux Sephu, dux Cenez, dux Chore, dux Gathan, dux Amalec* (Gen. xxxvi). Hic ergo Amalec, filius fuit Eliphaz primogeniti filii Esau, natus ex concubina nomine Thamna. Sed redeamus ad primam de Amalech commemorationem, ubi qui reversi sunt et venerunt ad fontem iudicii, qui vocatur Cades, interficient omnes principes Amalec. Cades interpretatur *ablin-gens populum*. Igitur hi qui revertuntur ad sanctum et convertunt se ad sanctificationem, interficiunt et perimunt Amalec, illum scilicet qui ablingit populum, vel declinat populum. Quis autem alius est qui declinat populum a Deo, nisi virtus contraria et spiritalis nequitia? Horum ergo principes, qui sunt? Illi sine dubio principatus, adversus quos sanctis est collectatio. Adversum principatus enim et potestates, et mundi hujus rectores, sint eis agones : quos tamen superare non poterunt, nisi convertantur ad sanctimoniam. Ipsa sanctimonia tamen, quæ est

Cades, fons est iudicii. Omnis enim qui se ad sanctimoniam convertit, habet semper ante oculos suos fontem iudicii. Prospicit enim iudicii diem, et purificato corde tam malorum pœnas, quam piorum beatitudines contuetur. Et hæc faciens omnes Amalecitarum principes prosternit et dejicit. Si qui autem non se converterint ad Cades, id est, ad sanctimoniam fontemque iudicii, neque futurum iudicii cogitant diem, isti subjecti sunt principibus Amalec. Nunc autem videamus et istum Amalec, filium Eliphaz primogeniti Esau, quem peperit ei Thamnas concubina sua : cujus pater est Eliphaz, qui interpretatur *Deus me dispersit*. Mater autem Thamnas, quæ et ipsa primo quidem est *deneger*, deinde interpretatur *defectio commota*. Et necessario utique, qui ab his talibus gignitur, hostis est Israel, vel declinans populum. Primus enim ipse Hæbræos egressos ex Ægypto, bello aggressus est in Raphidim, tunc cum Moyses ait ad Jesum : *Elige tibi viros et exi, et conflige cum Amalec crastino; et ecce ego sto in vertice collis, et virga Dei in manu mea erit. Et fecit Jesus sicut dixit ei Moyses, et confixit cum Amalec. Moyses autem et Aaron, et Hur, ascenderunt in verticem collis. Et factum est ut cum levaret manus Moyses, inualesceret Israel. Cum autem deponeret manus suas, inualescebat Amalech (Exod. xvii)*. Et post pauca iterum scriptum est, *quia fugaverit Jesus Amalec, et populum ejus gladio dejecerit, tunc cum Dominus dixerit ad Moysen: Conscribere hæc ad memoriam in libro; et da in auribus Jesu, quia delens delebo memoriam Amalec de sub cælo. Et edificavit Moyses altare: et nominavit nomen ejus, Dominus refugium meum, et ait: Quia in manu occulta, hoc est, invisibili, Dominus expugnabat Amalec, a generatione in generationem. Sed in Deuteronomio ita scriptum est: Memento quanta fecerit tibi Amalec in via, et excidit caudam tuam, omnes qui laborant post te. Tu autem esuriebas et laborabas, et non timuit Deum (Deut. xxv)*. Observa ergo et hic quomodo Amalec obstitit Israeli in via, sed tamen non potuit caput ejus abscindere, nisi caudam tantum, id est, in eos potuit obtinere, qui retro positi erant, qui ultimi sequebantur; nec ea quæ retro erant obliviscuntur, extendebant se ad ea quæ inante sunt. Et ideo puto, quia Dominus præcipiebat in Evangeliiis dicens : *Nemo mittens manum suam ad aratrum, et retro respiciens, aptus est regno Dei (Luc. ix)*. Et merito. Si enim retro quis intuens fuerit, in cauda abscindet eum Amalec. Quod ait, *initium gentium Amalec*, certum est, quia nullo pacto ad illum qui tunc erat in carne Amalec, referri possit. Neque enim primus erat antiquitatis origine, sed ad invisibilem Amalech melius referetur, qui declinando populos a Deo, et faciendo gentiles, ex Dei cultoribus Amalec nominatur. Et inde recte initium gentium dicitur, quasi talis quædam virtus contraria quæ prima initium dederit, ut homines gentiles fierent, mutando gloriam incorruptibilis Dei in similitudinem imaginis corruptibilis hominis et volucrum, et quadru-

A pedum, et serpentium, serviendo creaturæ potius quam creatori. Sicut enim in populo Dei scriptum est, initium Christus, sic, e contrario, in populo qui declinat a Deo et gentilis efficitur, initium est Amalec : cujus extrema perdentur, hoc est finis ejus erit mors, non ista quidem corporea, sed illa spiritualis quæ perpetua est. Sive, ut alia editio habet, *semen eorum peribit*. Semen eorum est persuasio et doctrina, qua docuerunt homines declinare a Deo. Istud ergo semen malum, et doctrina pessima, non ipsi in quibus seminatum est, peribant. Ipsi enim cum conversi ingemuerint, salvi erunt. Et vide, si non talis expositio, etiam illis convenienter obsistat, qui Deum legis velut duritiæ et crudelitatis accusant; qui non solum gentem Amalec, sed et semen ejus pronuntiet periturum, cum gens quidem ad spirituales nequitias referatur, semen vero ejus, doctrina supersitionum gentilium, et cultus idolorum, atque omnis secta, quæ a Deo populum declinare suadeat, exponatur. Commemorat autem prophetia post Amalec, Cinæum dicens : *Vidit quoque Cinæum, et assumpta parabola ait: Robustum quidem est tabernaculum tuum, sed si in petra posueris nidum tuum, et fueris electus de stirpe Ceni, quandiu poteris permanere?* Cinæus possessor interpretatur. Et qui sunt qui præsentia possident, nisi hi qui ingenio sapientiæ sæcularis callent? Qui in hoc veraciter robustum sibi habitaculum construunt, si per humilitatem parvuli apud semetipsos facti sunt, in Christi sublimitate nutriantur; si semetipsos infirmos sentiant, et excelsa humilitate cogniti, Redemptori fovendam mentis fiduciam ponant. Summa non appetant, sed omne quod præterit, cordis volatu transcendant. Videamus sanctum virum, qualiter in petra ponat nidum suum. Ait enim : *Nostra conversatio in cælis est. Et rursum: Qui cum resuscitavit nos, et considerare fecit in cælestibus, in petra ponit nidum quia profecto in supernis figit consilium (Phil. iii)*. Non vult mentem in fluxa dejicere : non vult per abjectionem conversationis humanæ in infimis habitare. Tunc Paulus fortasse in carcere tenebatur, cum se sedere cum Christo in cælestibus testatur. Sed ibi erat, ubi ardentem jam mentem fixerat; non illic ubi illum necessario pigra adhuc caro retinebat. *Et si fueris, inquit, electus de stirpe Ceni, quandiu poteris permanere?* Ceni nidus meus, sive possessio interpretatur. At hi qui fuerint de stirpe Ceni electi, hoc est de sapientium numero, veritatis fuerint veri investigatores inventi, diu possunt permanere, quia vita longævi vivent perpetua. Unde per prophetam dicitur : *Quærite Dominum, et vivet anima vestra (Psal. lxxviii)*. Et alibi per ipsam sapientiam dicitur : *Qui elucidant me, vitam æternam habebunt (Eccl. xxiv)*. Alia autem editio sic habet : *Si posueris in petra nidum tuum, et fuerit tibi Beor nidus astutiæ, Assyrii captivum te ducent. Videtur mihi quod Cinæum non valde culpabiliter nominet. Ipse est enim cui in superioribus dicebat Saul: Discede de medio Amalec, et non percutiam*

*te, quia tu fecisti misericordiam in Israel, cum ascenderet de Ægypto.* De hoc ergo et nunc dicitur, quia valida sit habitatio ejus, si ponat nidum suum in petra. Petra Christus est. Si ergo ponat nidum suum in petra, valida est habitatio ejus, si tamen non fiat ei Beor, nidus astutiæ. Beor pater est Balaam, qui potest accipi in persona hæreticorum: ut hoc dici videatur, quod salvus possit esse Cinæus, si ponat in petra nidum suum, hoc est in Christo collocet spem suam, et non cum hæreticorum circumdet et circumscribat astutia. Nam si hoc fuerit, nihil ei proderit, quod in petra, qui est Christus, collocatus videatur. Ab Assyriis enim captivabitur, malignis scilicet virtutibus quæ eos captivos ducunt, et in potestatem accipiunt, quos hæreticus erroribus involverit. Videtur sane, secundum hæc expositionem quam de Cinæo edidimus, et conjunctio interturbare sensum. Sed sciendum est quod vernaculum est Hebrææ linguæ et conjunctione frequenter uti, ita ut interdum abundet et in necessariis, ut in nostra apparere lingua videatur inserta. Quod utique cum venia accipiendum est. Habet enim unaquæque lingua aliquid proprietatis, quod apud alias linguas vitiosum videatur. Et hic ergo et conjunctio quasi abundans habenda est et superflua. Caveat ergo Cinæus, qui interpretatur *possidens*, caveat, inquam, etiam si possideat et promereatur istam gratiam, ut in Ecclesia Christi sit, ne forte astutia Beor circumveniat eum, et declinet ad dogmata prava et perversa, et ab hoc tradatur Assyriis. Qui enim blasphemant in Ecclesia positi, traduntur Satanæ: sicut Phigelus et Hermogenes, de quibus Paulus dicit: *Quos tradidi, inquit, Satanæ, ut discant non blasphemare* (1 Tim. II). Propterea ergo Assyriis traditur, quia declinaverit in hæreticam blasphemiam, quia Assyrii interpretantur *dirigentes*. Et ob hoc traduntur eis, qui traduntur non ut pereant, neque ut penitus intereant, sed ut dirigantur et corrigantur, et sicut Paulus ipse dicit, *ut discant non blasphemare*. Post hæc vero Balaam prophetiæ suæ sermonem in his concludit dicens:

*Assumptaque parabola sua, iterum locutus est: Heu! quis victurus est, quando ista faciet Deus? Venient in trieribus de Italia, superabunt Assyrios, vastabunt Hebræos, ad extremum autem ipsi peribunt.* Quod per singula per parabolam loqui dicitur Balaam, legenti incutit pudorem, ne quid in his quæ dicuntur, non quasi in parabola, sed secundum litteram dictum putet. Ait ergo: O quis vivet cum fecerit hæc Deus? Hic vitam non hanc communem, sed illam nominat quæ secunda est. Et hoc est quod dicit, quia dum hæc omnia fiunt, cum oriatur astrum ex Jacob, et surrexit homo de Israel, et deleverit Amalec, et semen ejus perdidit, hoc est, cum advenerit Christus, et idolorum cultum destruxerit, atque omnium dæmonum subjecerit potestatem, quis erit ille tam beatus, tam felix, qui hæc videat, hoc est, qui sentiat et intelligat et credat, quia hæc ista fecerit Deus? Venient in trieribus de Italia, su-

A perabunt Assyrios, vastabunt Hebræos, ad extremum etiam ipsi peribunt. Hoc quantum ad litteram pertinet, prædicere videtur more prophetico, quod juxta tempus incarnationis Domini, Romanorum duces, de Italia cum exercitu progredientes, Assyriorum regnum atque Hebræorum, nec non omnium Orientalium populorum superantes, in suum dominium conversuri sunt; qui et ipsi postea ipsum regnum juxta prophetiam Danielis perdent: quia secundum visionem statux, pars quædam pedum ferrea fuit, pars vero quædam fictilis. Secundum allegoriam autem, significat Dominicum adventum in fine temporum, quod occidentalis pars urbis figurat, omnia regna mundi, gladio spiritus, hoc est, verbo Evangelii edomare, et a carnali sensu avertendo, ad spiritalem intelligentiam convertere. Alia autem editio hunc locum sic habet: *Eribunt de manibus Citiurum, et affligent Assyrios.* Citiurum interpretantur *plaga finis*. Hi ergo qui conversi ad Dominum et a Christo eruditi, plagam quæ in fine sæculi impiis veniet effugiunt, ipsi affligent Assyrios: hoc est, hi qui in agone pietatis positi conterent Satanam sub pedibus, ipsi affligent Assyrios, dæmonum scilicet gentem. Calcabunt namque super serpentes et scorpiones, et super omnem virtutem inimici; et affligent Hebræos, et ipsi pariter peribunt. Hebræi *transcuntes* interpretantur. Iste ergo ipse populus etiam Hebræus dicitur, quia transit de Ægypto ad terram repromissionis, de tenebris ad lucem, de morte ad vitam. Sed quoniam hæc, ut diximus, non sine agone, non sine magno certamine poterit obtinere, quasi in agone potius, nunc affligit, nunc affligitur; et nunc cædit adversarium, nunc ipse ab adversario verberatur. Affligent ergo ipsi etiam Assyrii Hebræos, hoc est, populum Dei, sicut affliguntur ab eis. Sed ipsi, id est, Assyrii, cum hæc fecerint, et cum vires suas omnes erga Hebræos affligendos effuderint, statim etiam peribunt ipsi. Quod ergo ait: *Et affligent Hebræos, et ipsi pariter peribunt*, non ita accipiendum est, quasi pariter cum Hebræis peribunt et Assyrii; sed pariter, id est, statim ut hæc fecerint, ut Hebræos afflixerint, etiam ipsi peribunt. Pariter enim Græcus sermo pro *statim* ponit. Hic ergo erit finis omnium ut et Assur, cui credebantur hi qui delinquebant ex populo Dei, vel in interitum carnis, et spiritus salvus fiat, vel ut discerent non blasphemare. Peribit enim ipse ab eo, qui potestatem habet perdere in gehennam. Dicitur enim eis a justo iudice: *Ite in ignem æternum, quem præparavit Deus diabolo et angelis ejus* (Matth. xxv). Ibi ergo peribit Assur. Et quidem prout aliquando et una ovis ex centum ovibus, sed hanc ovem pastor bonus relictis nonaginta novem ovibus in montibus, descendens ad vallem, hanc nostram vallem lacrymarum, et requirens invenit, atque impositam humeris suis reportavit, et illi numero, qui in superioribus salvus manebat, adjunxit. Iste autem Assur, qui in fine omnium dicitur periturus, nescio aliquando aut quæri possit, aut inveniri. Perit ergo non errore,



sed iudicio; nec lapsu motus, sed perseverantia A  
perduratus.

*Surrexitque Balaam, et reversus est in locum suum. Et Balac via qua venerat rediit.* Postquam Balaam prophetiam suam finierat, reverti dicitur in locum suum, et Balac via qua venerat redire; nec aliquid hoc in loco de ejus consilio dato ad decipiendum Israel narrat, sed tantummodo dicit, quod applicuisset Israel in Sethim, et pollutus sit populus fornicans in filiis Moab, quæ vocaverunt eos ad sacrificia idolorum suorum; et manducavit populus de sacrificiis eorum, et adoraverunt idola eorum. Et consecratus est Beelphegor, et iratus est Dominus furore contra Israel. In his ostenditur illud quod sæpe memoravimus: quia Balaam posteaquam Dei virtute constrictus, non est permissus maledicere Israel, volens tamen placere regi Balac, ait ad eum sicut scriptum est: *Veni, consilium do tibi*; et quid consilii dederit, ibi non aperuit. In posterioribus tamen istius libri Numerorum scriptum refertur, sed plenius in revelatione Joannis: *Habes, inquit, ibi tenentes doctrinam Balaam, qui docuit Balac, ut mitteret scandalum in conspectu filiorum Israel, ut manducarent idolis immolata, et fornicarentur* (Apoc. 11). Ex hoc ergo apparet, quod nequitia usus sit Balaam, et consilium dederit regi talia quædam dicens ad eum: Populus hic non propriis viribus, sed Deum colendo vincit, et pudicitiam conservando. Si vis cum vincere, primo eorum pudicitiam dejice, et sponte vincuntur. Sed adversum hæc non virtute militum, sed mulierum decore pugnandum est; nec armorum rigore, sed mollitie feminarum. Procul ergo hinc, procul amove armorum manum, et electam congrega speciosa puellarum. Ludentes pedibus erant, manibusque plaudentes. Forma vincit armatos, ferrum pulchritudo captivat. Vincuntur a specie, qui non vincuntur ad prælium. Verum ubi senserint eos mulieres Moabitæ vel Madianitæ manus dedisse libidini, et peccato inclinasse cervices, non prius semetipsas cupientibus præbeant, quam de sacrificiis idolorum acquieverint degustare, ut cogente libidinae, consiliis obtemperent feminarum, et consecrentur prius Beelphegor, quod est idolum turpitudinis. Hæc fuerunt consilia Balaam. Quibus acceptis, Balac rex parat continuo exercitum, non armis, non viribus, sed femineo nitore compositum. Non furore bellico, sed libidinis flamma succensum. Hæc ergo sunt quæ nos historiae textus edocuit. Verum quoniam Joannes in revelatione sua, ea quæ in lege secundum historiam scripta sunt, adducit ad mysteria divina, et sacramenta quædam in his edocet contineri, necessarium etiam videtur, secundum quod ille sensit, nos quoque ab illo datam expositionis regulam sequi, et primo memorare ea quæ ad gloriam Ecclesiæ cujusdam scribens dicit: *Habes ibi quosdam, qui tenent doctrinam Balaam: qui docuit Balac mittere scandalum in conspectu filiorum Israel, ut manducarent idolis immolata, et forni-*

*carerent* (Apoc. 11). Ergo temporibus Joannis apostoli erant quidam in Ecclesia illa ad quam scribebat, docentes doctrinam Balaam. Putas-ne ita accipiendum est, quod fuerint in illis diebus, qui dicerent se docere ea quæ Balaam docuit, et qui profiterentur se dogmatum et traditionum illius esse doctores? An illud potius debemus advertere, quod si qui faciat opus quod fecit Balaam, is doctrinam Balaam docere videatur? Sicut et doctrina Jezabel in eadem Revelatione memoratur, non quo aliquis ex disciplinis Jezabel doceat quæ illa tradiderit, sed quod si quis verbi causa aut prophetas Dei persequatur ut illa facit, aut idolis aliquos decipiat, vel falsis circumscriptionibus perimat innocentes, iste dicitur Jezabel tenere doctrinam. Sic ergo et si quis malis consiliis scandala generet populo Dei, et offensionem divinam atque iracundiam cœlestem provocet plebi vel idolorum sacrificiis communicando, vel stupris ac libidini serviendo, hic doctrinam Balaam tenere dicendus est. Est ergo execrabilis etiam corporis fornicatio. Quid enim ita execrabile quam templum Dei violare, ac tollere membra Christi, et facere membra meretricis? Multo tamen magis execrabilis est generalis illa fornicatio, in qua omne genus peccati pariter continetur. Generalis autem fornicatio dicitur, cum anima, quæ in consortium verbi Dei adscita est, et matrimonio ejus quodam modo sociata, ab ullo alio alieno, scilicet adversario illius viri qui eam sibi despondit, in fide corrumpitur et violatur. Est ergo sponsus et vir animæ mundæ et pudicæ, verbum Dei, qui est Christus Dominus. Sicut et Apostolus dicit vel scribit: *Volo autem vos omnes uni viro virginem castam exhibere Christo. Timeo autem, ne forte sicut serpens seduxit Evam astutia sua, ita corrumpantur sensus vestri a simplicitate, quæ est in Christo Jesu* (II Cor. 11). Donec igitur anima adhæret sponso suo, et audit verbum ejus, et ipsum complectitur, sine dubio ab ipso suscipit semen verbum Dei. Et sicut ille dixit: De timore tuo, Domine, in ventre concepimus et parturivimus, et per spiritum salutis tuæ fecimus super terras. Si ergo sic de Christo concepit anima, facit filios pro quibus dicatur de ea, quia salva erit per filiorum generationem, si permanserit in fide et charitate cum sobrietate. Inde nascetur generosa progenies; inde pudicitia oriatur; inde justitia; inde mansuetudo et charitas, atque omnium virtutum proles veneranda succedet. Quod si infelix anima divini verbi dereliquerit sancta connubia, et in adulterinos se complexus diaboli, aliorumque dæmonum illecebris decepta tradiderit, generabit sine dubio etiam inde filios, sed illos de quibus scriptum est: *Filii autem adulterorum imperfecti erunt, et iniquo concubitu semen exterminabitur* (Sap. 11). Omnia ergo peccata, filii sunt adulterii, et filii fornicationis. Unde ostenditur quod per singula quæque quæ gerimus, parit anima nostra et generat filios, sensus scilicet et opera quæ gerit. Et siquidem secundum legem est quod geris, et secundum verbum Dei spiritum parit salutis, et propterea salvabitur per filiorum

generationem. Veruntamen applicuit Israel in Sethim, sicut Scriptura narrat.

#### CAPUT VIII.

*De eo quod fornicatus est populus cum filiabus Moabitarum.*

(CAP. XXV.) *Morabatur autem, inquit, eo tempore Israel in Sethim, et fornicatus est populus cum filiabus Moab, quæ vocaverunt eos ad sacrificia sua. At illi comederunt et adoraverunt deos earum. Initiatusque est Israel Beelphegor.* In interpretatione Hebraicorum nominum, Sethim invenimus in lingua nostra responsionem vel refutationem dici. Applicuit ergo Israel ad responsionem vel refutationem. Non bene applicuit. Vide denique quid incurrerit. In hac mansione positus, fornicatus est cum mulieribus Madianitarum, et refutatus est a Deo: quia non solum fornicatus, sed et idolis gentium consecratus est; et comedit ex his quæ fuerant idolis immolata: quæ utique execrabilia sunt apud Deum. Quis enim consensus templo Dei cum idolis? Verum ergo etiam de his, quæ apostolus Paulus ad Corinthios scribit, dicens: *Si quis autem te viderit scientiam habentem in idolo recumbere, nonne conscientia ejus, cum sit infirma, edificatur ad manducandum immolata (I Cor. viii)?* valde miratus sum. Videtur enim non tam rem ipsam gravem pronuntiare, quam illius offensam, qui hæc videns simili provocatur exemplo, cum non simili scientia muniatur: ita ut ostendat eum, qui habet scientiam et recumbit in idolo, non tam sui quam alterius damni effici reum. Sed vide ne forte non hoc solum fiebat apud Corinthios, ut in idolo recumberent, et immolata idolis manducarent, sed forte quoniam studiosi et Græcarum litterarum homines erant et amatores philosophiæ, desiderio adhuc studiosi veterum tenebantur, et philosophorum dogmata quasi idolis immolata edebant. Quæ tamen delere fortasse non poterant eos qui plenam scientiam veritatis acceperant. Hi autem qui in Christo minus eruditionis habebant, si immutarentur eos legentes trahit, et illis adhuc studiis operam dantes, vulnerari poterant, et diversorum dogmatum variis erroribus implicari. Si sic ergo fiebat, ut deleretur alius, unde et is qui habebat plenam scientiam veritatis, lædi non poterat? Sed quoniam charitas non quærit quod sibi utile est, sed quod multis, observari oportet, talem verbi capere cibum, qui non solum nos edificet et delectet, sed et qui videntes non offendant. Est ergo non solum in cibis idolis immolatum, sed et in verbis. Et ego puto, quia sicut omnis sermo, qui pietatem et justitiam et veritatem docet, Deo consecratus est, et Deo immolatus est, ita et oratio sermo qui ad impudicitiam vel injustitiam vel impietatem respicit, idolis immolatus est, et qui eum respicit, quasi idolis immolatus manducet. Manducavit ergo populus de sacrificiis eorum, et adoraverunt idola eorum. Non solum manducaverunt, sed adoraverunt. Vide ordinem mali. Servos Domini prima concupiscentia decipit; inde ventus ingluvies; postremo eos captivavit impietas. Impietati autem merces exsolvitur fornicatio.

Sed isti adoraverunt idola, et consecrati sunt Beelphegor. Beelphegor idoli nomen est, quod apud Madianitas præcipue a mulieribus colebatur. In hujus ergo idoli mysteriis consecratus est Israel. Interpretationem nominis ipsius cum requireremus attentius, inter Hebræa nomina hoc tantum invenimus scriptum, quia Beelphegor species sit turpitudinis; noluit tamen declarare, quæ vel qualis species, vel cujus esset turpitudinis: honestati credo consulens, qui interpretatus est, uti ne auditam pollueret audientium. Igitur cum multæ sint turpitudinum species, una etiam ex pluribus turpitudinis species, Beelphegor appellatur. Unde sciendum est quod omnis qui aliquid turpe committit, et in aliquam speciem turpitudinis declinat, Beelphegor Madianitarum demonio consecratur. Sed et per singula peccata quæ committimus, maxime si jam non subreptione aliqua, sed et studio affectuque peccamus, illi sine dubio Domino, cui peccatum illud quod admisimus inoperari curæ est, consecramus.

*Et iratus Dominus Israel, ait ad Moysen: Tolle cunctos principes populi, et suspende eos contra solem in patibulis, ut avertatur furor meus ab Israel.* Iratus Dominus de fornicationibus Israel et carnalibus et spiritalibus (nam et filii Moab se impudice miscuerant, et idolis fuerant consecrati), hoc ad Moysen dixit, ut ostentaret Domino duces populi contra solem. In quo verbo intelligitur eos jussus esse crucifigi, ut hoc sit: Ostenta eos Domino contra solem, id est, palam in conspicuo lucis hujus. Nam Græcus ait, *παράδειγματισον*: quod dici possit exempla, quia paradigma exemplum dicitur. Nam præter LXX interpretes, Aquila perhibetur dixisse *confige*, vel potius *sursum confige*, quod est *ἀνάκεινον*. Symmachus autem verbo evidentiore, *suspende*.

*Dixitque Moyses ad iudices Israel: Occidat unusquisque proximos suos, qui initiati sunt Beelphegor.* Mirum est sane quod Scriptura narrare destiterit utrum hoc fuerit ex præcepto Domini impletum, quod contemni potuisset non video, aut si contemptum est, impune contemni. Si autem est et tacitum, cur ex eo quod Phinees, filius Eleazar, transiit adulteros, placatum fuisse Dominum Scriptura testatur, placamque cessasse, quasi crucifixis ducibus, sicut præceperat Dominus, adhuc indignatio perseverans, alio modo placanda videretur, cum procul dubio falsum esse non posset, quod pronuntiaverat et promiserat Dominus dicens: *Accipe duces populi, et ostenta eos Domino contra solem, et avertetur ira animationis Domini ab Israel?* Si ergo factum erat, quis dubitet iram Domini aversam fuisse ab Israel? Quid itaque opus erat, ut adhuc Phinees ad placandum Deum, sic in adulteros vindicaret eique testimonium Scriptura perhiberet, quod eo modo placaverit Dominum, nisi forte intelligamus, cum illud de ducibus populi Moyses quod præceperat implere disponderet, eum voluisse etiam secundum legem talia punire flagitia et sacrilegam audaciam, ut juberet quemque interficere proximum suum dils alienis nefarie con-

secratum, atque interea etiam illud Phinees faceret, ac sic ira Domini jam placata, non opus fuisse duces populi crucifigi. Hæc sane severitas illi tempori congrua, quantum malum sit fornicationis et idololatriæ prudentium fidei satis evidenter ostendit. Vides quæ sit conditio principum populi. Non solum pro suis propriis arguuntur delictis, sed populi peccatis coguntur reddere rationem, ne ipsorum sit culpa quod populus deliquit; ne forte non docuerint, neque solliciti fuerint arguere eos qui initium culpæ dederint, uti ne contagio dispergeretur in plures. Hæc enim omnia facere principibus imminet et doctoribus. Si enim illis hæc non agentibus, nec sollicitudinem gerentibus circa plebem, peccaverit populus, ipsi ostentantur, et ipsi ad iudicium producuntur. Arguit enim eos Moyses, id est, lex Dei, velut negligentes et desides, et in ipso convertetur iracundia Dei, et cessabit a populo. Hæc si cogitarent homines, nunquam cuperent neque ambirent ad populi principatum. Sufficit enim mihi, si pro meis propriis arguat delictis. Sufficit enim mihi pro memetipso peccatis meis reddere rationem. Quid mihi necesse est, etiam pro populi peccatis ostentari ante solem, ante quem nihil potest abscondi, nihil obscurari?

## CAPUT IX.

*De vindicta quam fecit Phinees filius Eleazari filii Aaron sacerdotis in scortatore Israelita, et muliere Madianitide.*

(IBID.) *Ecce unus de filiis Israel intravit coram fratribus suis ad scortum Madiantiam, vidente Moyse, et omni turba filiorum Israel, qui stebant ante fores tabernaculi. Quod cum vidisset Phinees filius Eleazari, filii Aaron sacerdotis, surrexit de medio multitudinis, et arrepto pugione, egressus est post virum Israelitem in lupanar, et perfodit ambos simul, virum scilicet et mulierem in locis genitalibus. Cessavitque plaga a filiis Israel. Hæc ædificaverunt priorem populum. Tibi autem, qui a Christo redemptus es, et cui de manibus gladius corporalis ablatus est, et datus est gladius spiritus, arripe hunc gladium. Et si videris Israeliticum sensum cum Madianitis scortantem meretricibus, id est, cum diabolicis se cogitationibus volutantem, nolo parcas, nolo dissimules, sed statim percute, statim perime; ipsam quoque vulvam, id est, secreta naturæ discussions et penetrans, illum ipsum peccandi fomitem deseca, ne ultra concipiat, ne ultra generet, et maledicta peccatorum soboles Israelitica castra contamine. Hoc enim si facias, continuo sedabis iracundiam Domini. Prævenis enim diem iudicii, qui dies prædicatur esse furoris; et exterminato fomite peccati a te, qui nunc vulva Madianitidis mulieris appellatur, securus venies ad iudicii diem. Sequitur: *Et occisi sunt viginti quatuor millia hominum. Merito sub numero vicenario et quaternario millia hominum occisorum annumerantur: quia qui lumen veritatis et justitiæ derelinquentes, in cæcitatem idololatriæ ac fornicationis se immergunt, solis æterni lumine privati, perpetuæ mortis tenebras sentiant. Horis ergo viginti quatuor sol**

mondanus totum orbem undique illustrat, ac noctis tenebras suo ambitu fugat. Qui enim lumine fidei, quod per apostolos atque prophetas prædicatum est, mentis suæ oculos illuminat, peccatorum tenebras devitare certat. E contrario vero, qui lumen rectæ fidei habere non corat, ac per callem justitiæ ambulare detrectatur, quando justis æterna luce fruuntur, iste cum peccatoribus atque diabolo inferni cruciatibus punietur.

*Dixitque Dominus ad Moysen: Phinees filius Eleazari filii Aaron sacerdotis, avertit iram meam a filiis Israel, quia zelo meo commotus est contra eos, ut non ipse delearem filios Israel in zelo meo. Idcirco loquere ad eum: Ecce do ei pactum fœderis mei, et erit tam ipsi quam semini illius pactum sacerdotii sempiternum, quia zelatus est pro Deo suo, et expiavit scelus filiorum Israel. Bene quoque Phinees filio Eleazari sacerdotis, propter zelum quem exercuit in fornicationibus pactum sempiterni sacerdotii repromittitur, quia quisquis zelo Dei compunctus carnis suæ stimulos comprimere satagit, vel eos qui sibi subjecti sunt, ne per lasciviam et libidinem a veritatis tramite deviant, digne corripit atque coercet, sempiterni sacerdotii dignitatem in Ecclesia Dei habebit. Ad illum sacerdotem rite pertinens, de quo scriptum est: *Tu es sacerdos in æternum secundum ordinem Melchisedech (Psal. cxix)*, cum ipso regnum sempiternum in luce superna perpetualiter possidebit. Interpretatur autem Phinees *ore parcens*, vel *ore requievit*, vel *oris augurium*. Et Eleazar Deus meus adiutor, sive Dei adiutorium. Aaron mons fortitudinis, sive mons fortis. Quæ nomina non incongrue eundem sensum quem proposuimus, exprimunt. Nam qui ore prava loqui parcat, et mysteria cœlestia verbo rite auditoribus suis exponit, per Dei adiutorium pium laborem explens, ad montem fortitudinis, de quo per prophetam scriptum est: *Erit mons domus Domini in vertice montium, et elevabitur super omnes colles (Isa. n)*, bonis actibus ascendens, feliciter perveniet. *Erat autem nomen viri Israelita qui occisus est cum Madianitide Zambri, filius Saul, dux de cognatione et tribu Simeonis. Porro mulier Madianites, quæ pariter interfecta est, vocabatur Cozbi, filia Sur principis nobilissimi Madianitarum. Iste scortator Israelita, qui fornicatus est cum muliere Madianitide, typum tenet eorum qui Ecclesie societate sive per errorem, sive per prava opera se sequestrantes, blasphemiam inter infideles per suam nequitiam magis excitant quam per bona opera ad glorificandum Deum eos provocant. Qualibus dixit Apostolus: *Per vos nomen Dei blasphematur inter gentes (Rom. II)*. Quod et nomina eorum sufficienter ostendunt. Nam Zambri interpretatur *psalmus* vel *canticum*. *Saul tentationem respiciens*. Simeon, *audivit tristitiam*, vel *nomen tabernaculi*. Cozbi quoque *catix immensus*, sive *immola mihi*. Sur, *murus* vel *angustia*, et Madiam, *contradictio* vel *responsio*. Quem ergo iste Zambri melius exprimit, quam libidinosum et fornicatorem corporalem, sive etiam spiritalem, qui non can-**

ticum laudis, sed psalmum improprietatis sive irrisionis, A  
inter inimicos Christi excitat? De quibus propheta  
dixit: *Tota die sum psalmus eorum* (Threno. III). Et  
alibi: *In me psallebant, qui bibebant vinum* (Psal.  
LXVIII). Hic ergo ad tentationem respiciens, id est  
tentationi consentiens, sub nomine habitaculi, id est,  
sub nomine ecclesiastici, ingerit tristitiam ex casu  
suo simul cohabitantibus secum quibusque fidelibus,  
quia calicis immensi amore repletus, hoc est gulæ  
illecebris deserviens, semetipsum immolavit diabolo,  
cum membra sua tradidit libidini. Hic contradictionis  
responsum ab adversariis Dei suo pravo opere  
efficiens, muris æterni carceris, atque angustiarum per-  
petua damnatione semetipsum immerget, ubi crucia-  
bitur die ac nocte: *Nec inde exiet, donec solvat no-  
vissimum quadrantem* (Matth. 7).

## CAPUT X.

*De secunda dinumeratione Israelitarum, quæ facta  
est per Moysen et Eleazarum filium Aaron sa-  
cerdotis.*

(CAP. XXVI.) *Postquam noxiorum sanguis effusus  
est, dixit Dominus ad Moysen et Eleazarum filium  
Aaron sacerdotem: Numerate omnem summam filio-  
rum Israel, a viginti annis et supra, et per domos et  
cognationes suas, cunctos, qui possunt ad bella pro-  
cedere. Igitur per præceptum Domini primo nume-  
ratus est populus. Sed quoniam illi, qui primo fue-  
rant adsciti, ceciderunt propter perseverantiam deli-  
ctorum, secundus nunc populus, qui in lapsorum  
locum rediviva generatione successit, vocatur ad  
numerum, et quod de illis prioribus dictum non  
fuerat, de his dicitur. Postea enim quam per tribus  
et plebes domosque ac familias collectus est nume-  
rus, dicit Dominus ad Moysen: *His distribuetur  
terra in sortem, et exiguis exiguam dabis hæredita-  
tem.* Si de prioribus dictum fuisset et quia his dis-  
tribuetur terra in sorte, falsum utique fuisset,  
quia ceciderunt illi in deserto propter delicta sua.  
Quod ergo primis non est dictum, postremis dicitur,  
quibus et cuncta quæ promittuntur, impleta  
sunt. Hæc autem nolo putes solius historiarum textu  
concludi: mysteria sunt, quæ per legis imaginem  
conscribuntur. Reprobatur enim prior populus, qui  
est in circumcissione, et introducit secundus, qui  
congregatur ex gentibus: et ipse est qui hæredita-  
tem consequitur paternam. Et a quo consequitur?  
Non a Moyse, sed ab Jesu. Nam Moyses etiamsi dat  
aliquibus hæreditatem, non dat intra Jordanem, sed  
extra Jordanem. Dat terram non fluentem lac et  
mel, sed pecoribus aptam. Et muta animalia atque  
irrationabiles pecudes, melius quam rationabiles  
homines nutriuntur. Jesus vero meus, secundo po-  
pulo terram quam dat, terra est lacte et melle  
fluens; favus imo mellis, sed præ omni terra. Et  
Moyses quidem hæreditatem non dat in clero, nec  
sorte distribuit, nec potest per plebes et domos ac  
familias et nomina, merita singulorum divina sorte  
pensare. Hoc solus facit Jesus, cui omne iudicium  
Pater tradidit. Ipse scit quomodo populum suum*

non solum per tribus ac familias et domos, verum  
et per nomina, unumquemque digna et competenti  
mansione dispenset. Sunt tamen aliqui in istis qui  
conditionem sortis supereminet, et omnino nec  
adducuntur ad sortem. Omnes Levitæ, id est, qui  
intente et indesinenter permanent in ministerio  
Dei, et pervigiles in servitio ejus excubias gerunt,  
sortem inter cæteros non accipiunt. Sed nec omnino  
in terra est sors eorum, sed ipse Dominus sors eis,  
et hæreditas esse memoratur. Per hos illi mihi vi-  
dentur indicari, qui nullis corpore naturæ obsta-  
culis hebetati, sed omnium visibilium gloriam su-  
pergressi, in sola sibi sapientia Dei et verbo ejus,  
vivendi usum exercitiumque posuerunt, qui corpo-  
reum nihil requirunt, nihil rationis alienum. Con-  
cupierunt enim sapientiam, concupierunt secreta-  
rum Dei agnitionem: *et ubi est cor eorum, ibi est et  
thesaurus eorum* (Matth. VI). Isti ergo hæreditatem  
non habent in terris, sed supergrediuntur cœli  
summa fastigia, et ibi semper in Domino, semper  
in verbo ejus, semper in sapientia et in voluntate  
scientiæ ejus deliciantur? Hic eis cibus, hoc erit  
poculum; istæ divitiæ, hoc erit signum. Tales ergo  
erunt, et in his erunt illi, quibus hæreditas ipse  
Dominus erit. Qui autem inferiores sunt, nec ad  
istum profectuum verticem pervenerunt, hæredita-  
tem terræ accipient, licet sublimiores alicujus et  
potentiores: terra enim viventium repromittitur quæ  
utique idcirco terra viventium dicitur quod nesciat  
mortem. Et isti quidem magni et isti beati: sed  
beatiore illi, qui jam non per speculum et in æni-  
gmate, neque in substantiis corporalibus, sed facie  
ad faciem Deum videbunt, sapientiæ illuminatione  
radiati, et miræ divinitatis capaces per puritatem  
cordis effecti, portionemque suam non in creatura,  
sed in creatore habentes, qui est super omnia Deus  
benedictus in sæcula.

*Locutus est Dominus ad Moysen dicens: Istis divi-  
detur terra juxta numerum vocabulorum in posses-  
siones suas. Pluribus majorem partem dabis, et  
paucioribus minorem. Singulis, sicut nunc recensiti  
sunt, tradetur possessio, ita duntaxat ut sors terram  
tribus dividat et familiis. Quidquid sorte conige-  
rit, hoc vel plures accipient vel pauciores. Hoc est,  
quod docet, ut si qua tribus numerosior habetur in  
populis, majora terræ spatia sortiatur. Si qua au-  
tem minor hominum numero censetur, brevior pos-  
sessione contenta sit. Sed quoniam terræ hujus di-  
visionem hæreditatemque terrenam speciem dicimus  
tenere et imaginem futurorum bonorum, ac formam  
cælestis illius, quæ a fidelibus et sanctis operatur,  
ostendere requiro in illa hæreditate quæ speranda  
est, qui sunt plures, et qui sunt pauci, et invenio  
ibi beatos pauciores haberi quam plures. Nam qui  
per viam latam et spatiosam, quæ ducit ad perdi-  
tionem, iter egerint, multi dicuntur; qui vero per  
arctam et angustam viam perrexerint, quæ ducit ad  
vitam, pauci appellantur. Et iterum in aliis dicitur:  
*Quam pauci sunt, qui salvantur* (Matth. XIX)! Et*

item in alijs : *Ubi multiplicatur iniquitas, refrigescit charitas multorum (Matth. xxiv)*, non paucorum. Sed in arca quæ a Noe constructa est, ubi mensuræ cœlitus dantur in inferioribus trecentorum cubitorum ponitur longitudo, et quinquaginta latitudo. Ubi vero textus ejus ad altiora consurgit, in angustum cogitur, et paucorum cubitorum conclusione colligitur, ita ut summitas ejus in unius cubiti spatium consummatur. Propterea quod in inferioribus quidem ubi lata et spatiosa habebantur loca, vel bestię vel pecudes erant locatę; in superioribus vero aves; in summis autem, quę angustiora et arctiora erant, ibi homo rationalis collocatur. Ipse vero vertex in unum colligitur cubitam. Omnia enim ad monadem rediguntur. Quę tamen Trinitatis sacramentum in numero trecentorum cubitorum designat. Et huic sacramento proximus ponitur homo, ut pote rationalis et Dei capax. Sed et inde, quę sit differentia inter paucos et multos, colligamus iudicia. Pone omnem humani generis numerum et ex universis gentibus elige fideles. Sine dubio pauciores sunt, quam sunt universi. Tum deinde ex fidelium numero elige meliores. Certum est quod multo inferior numerus remanebit. Et item ex ipsis quos elegeris, elige rursus perfectiores. Profecto reperies, quanto amplius eligendo processeris, tanto exiguos et paucissimos invenies, usquequo ultimo venias ad unum aliquem qui confidenter dicat : *quia amplius quam omnes illi laboravi (I Cor. xv)*. Hi ergo qui in hoc mundo plures sunt, plus terrę et plus corporeę hereditatis accipient. Pauci autem exiguum aliquid de terra consequentur, quia plus in Domino habent. Alii autem nihil omnino terrę accipient, si qui digni fuerint sacerdotes esse et ministerio Dei. Horum enim ex integro ipse Dominus hereditas erit. Et quis ita beatus est, ut inter paucos exiguum terrę accipiat, vel inter electos sacerdotes et ministros solum Deum capere hereditatis sorte mereatur? Licet enim ipsi propter jumenta sua accipiunt aliquid terrę, sed illius terrę, quę urbibus contigua est, et adhæret civitatibus. Potest tamen adhuc et alio modo intelligi sermo iste, qui dicit, *ut pluribus multiplicetur hereditas*. Unus enim justus, secundum hoc quod acceptus est a Deo, pro pluribus habetur. Denique et scriptum est : *Per unum sapientem habitabitur civitas : tribus autem iniquorum desolabuntur*. Et unus justus pro toto mundo reputatur; iniqui autem etiam, si multi sunt, exigui et pro nihilo ducuntur apud Dominum. Est ergo et multitudo laudabilis, sicut vidimus etiam ad Abraham dictum, cum eduxisset eum Dominus foras, et dixit ad eum : *Respice ad cœlum ; si potes dinumerare stellas, ita erit semen tuum*. In quo et hoc intueri, quomodo justus intus est, et in interioribus semper consistit, quia intus in abscondito orat Patrem; et omnis gloria filię Regis, id est, animę regalis, intrinsecus est. Sed tamen Deus educit eum foras, cum res postulat, et rursus visibilium ratio deposcit. Potest ergo et hoc modo multis istis qui sunt sicut stellę cœli, multitu-

dine multiplicari hereditas, et exiguis illis, videlicet, qui etiam si numero multi sunt, vitę tamen suę indignitate et vilitate exigui habentur, exigua hereditas poni. *Per sortem, inquit, erit hereditatis distributio*. Hoc quidem præcipitur. Sed cum venio ad Scripturas, video ipsum Moysen, cui mandatur sorte non uti in divisione hereditatis Ruben, Gad, et dimidię tribus Manasse. Sed et Jesus Nave extra sortem dat hereditatem tribui Judę, et Caleb extra sortem dat in tribu Ephraim, et dimidię tribui Manasse. In cæteris sors mittitur. Et prima sors Benjamin procedit, et inde jam tribuum reliquarum. Unde puto quod et illa regni cœlorum beata hereditate erunt aliqui, qui non venient ad sortem, neque cum cæteris quamvis sint sancti numerantur; sed erit egregia quędam et eximia eorum hereditas, sicut fuit Caleb et tribus Juda, et Jesu ipsius filii Nave. Sicut fit enim, verbi causa, cum post prælium victoribus provincię partiuntur et spolia, et egregii quique et eximii bellatores non cum cæteris militibus in divisione spoliolum ducuntur ad sortem, sed optima quęque et præcipue eis virtutum merito decernuntur, cæteri vero utuntur sorte solo jure victorię, ita mihi videtur Dominus meus Jesus Christus facturus. Quosdam enim, quos scit abundantius quam cæteros laborasse, et quorum gesta magnifica sublimesque virtutes ipse cognoscit, illis præcipuos quoque eximios atque, ut ita audeam dicere similes sibi honores decernit et glorias. An non tibi videtur simile aliquid suę beatitudinis charissimis suis conferre discipulis, eum dicit? *Pater, volo ut ubi sum ego, et isti sint mecum (Joan. xvii)*; et cum iterum dicit : *Quia sedebitis et vos super duodecim thronos, judicantes duodecim tribus Israel (Matth. xix)*. Et iterum : *Sicut tu in me, Pater, et ego in te, ut et isti in nobis unum sint (Joan. 1)*. Hęc omnia non sorte decernuntur, sed electionis prærogativa donantur ab eo qui corda et mentes hominum videt solus. Qui nos quoque, etiam si non inter eximios et electos, atque illos, qui supra sortem sunt, in sortem sanctorum tamen dignetur adducere.

## CAPUT XI.

(CAP. XXVII.) *Accesserunt autem filię Salphaad, filii Heber, filii Galaad, filii Mashir, filii Manasse, qui fuit filius Joseph, quarum sunt nomina : Macha et Noa, et Eglā, et Melchta, et Thersa. Steteruntque coram Moyse et Eleazaro sacerdote, et cunctis principibus populi, ad ostium tabernaculi atque dixerunt : Pater noster mortuus est in deserto, nec fuit in seditione quę concitata est contra Dominum sub Chore, sed in peccato suo mortuus est. Hic non habuit mares filios. Cur tollitur nomen ejus de familia sua, quia non habuit filium? Date nobis possessionem inter cognatos patris nostri. Retulitque Moyses causam eorum ad judicium Domini. Qui dixit ad eum : Justam rem postulavit filię Salphaad. Da eis possessionem inter cognatos patris sui, et ei in hereditate succedant. Hęc secundum historiam quid vigoris habeant, omnibus palam est qui sciunt leges*

istas non solum apud filios Israel custodiri, sed omnes homines, qui tamen legibus vivunt. Unde apparet quod libertas filiarum Salphaad, non solum ipsis hæreditatem contulit, sed et perpetua vivendi jura secundo dedit. Vides quanta sit etiam historiæ ipsius utilitas in lege Dei. Quis potest leges istas aliquando dissolvere, quibus universus utitur mundus? Sed tamen quæramus nos quomodo etiam spiritualiter ædificemur. Potest enim fieri ut neque filiæ mihi sint secundum carnem, neque aliquid ruris, cujus capi possit hæreditas; quid ergo? Nihil apud eum qui hujusmodi est lex ista operabitur, et erit alicui otiosum quod divina voce sancitum est? Requæramus ergo etiam apud spiritalem legem, quæ sint istæ filiæ quinque, quarum etiam, si pater mortuus fuerit pro aliquo peccato, ipsæ hæreditatem ex verbo Dei capiant. In superioribus cum de spiritualibus filiis tractarem, virtutes animi et sensus mentis filios docuimus. Consequens sine dubio et conveniens videtur, etiam filias opera quæ corporis ministerio explentur accipere. Ideo denique et quinque eis numerus ascribitur: quinque enim corporei sensus sunt, quibus omne opus expletur in corpore. Istæ ergo quinque filiæ, id est, operum perfectio, etiam si patre orbentur et remaneant orphanæ, non tamen abjiciuntur ab hæreditate, neque excluduntur a regno, sed in medio plebis Dei portionem hæreditatis accipiunt. At enim videamus, quis est pater earum, qui mortuus eis dicitur. Salphaad, inquit. Salphaad autem interpretatur *umbra in ore ejus*. Pater operum intellectus est. Sæpe ergo accidit, quod non pauci inter fratres nostros sunt, in quibus intellectus altior et profundior nullus est, sed est in eis sensus mortuus. Tamen si genuerit filias, id est, opera ministerii, opera obsequiorum, opera mandatorum Dei, hæreditatem terræ cum plebe Dei consequitur. Non poterit quidem inter eos numerari, quorum portio Dominus non est, quorum hæreditas Deus est. Non potest in ministrorum et sacerdotum numero suscipi; in plebeio tamen ordine hæreditatem terræ repositionis accipiet. *Multi enim sunt vocati, pauci vero electi (Matth. xx)*. Ostenditur tamen et causa ex ipsius nominis interpretatione, quia iste Salphaad non potuerit filios generare, sed filias. Interpretatur enim, ut diximus, *umbra in ore ejus*. Vides quoniam si quis umbram legis habet in ore, et non ipsam imaginem rerum, hic quia nihil spiritale, nihil profundum intellectu sentire potest, sed sola umbra legis in ore ejus est, sensus vivos et spiritales non potest regenerare, regenerare tamen potest opera et actus quæ sunt simplicioris vitæ ministeria. Et ideo ostendit in his clementia Dei, quia innocentes quique, etiam si sensu deficiant, habent tamen opera bona, non excluduntur ab hæreditate sanctorum.

*Homo cum mortuus fuerit absque filio, ad filiam ejus transibit hæreditas. Si filiam non habuerit, habebit successores fratres suos. Quod si et fratres non habuerit, dabitur hæreditatem fratribus patris ejus*

*A Sin autem nec patruos habuerit, dabitur hæreditas his qui ei proximi sunt. Eritque hoc filiis Israel sanctum lege perpetua, sicut præcepit Dominus Moysi.* Ponitur lex de successione: ut primo filius, deinde filia secundo in loco succedat, tertio frater, quarto patris frater. Quintus vero gradus certum aliquem non designat; sed quisquis illi propinquior fuerit ex omni familia, ut ipse succedat. In his tam integer et perfectus est historiæ sensus, ut nihil requirere videatur extrinsecus. Tamen si qui bene in spiritualibus legibus eruditus est, et pleniore scientiæ lumine radiatus, ille potest intelligere diversos istos successionum gradus. Et quomodo primus sit consequentiæ cœlestis hæreditatis, gradus doctrinæ et scientiæ merito, qui est masculus filius; operum **B** prærogativa, quæ est filia; tertius compassionis alicujus et imitationis: propter quod et frater nominatur. Sunt enim nonnulli, qui sponte quidem sua et proprio intellectu nihil agunt; positi tamen inter fratres, ex imitatione cæterorum ea videntur agere quæ et illi agunt qui intellectu proprio moventur. Datur ergo etiam istis hæreditas, sub titulo fraterni nominis. Gradus vero quartus, quem fratrem patris nominat, potest fortassis intelligi ille ordo hominum, qui audita a patribus et veterum narratione suscepta, conantur implere, et non tam propriis sensibus moti, nec ex præsentis doctrinæ commotionibus excitati, quam veterum vel traditione, vel consuetudine sola instituti, boni tamen aliquid gerunt. Ultimus vero gradus scribit ille, qui **C** quolibet pacto his proximus fuerit, quasi diceret: Sive occasione, sive veritate doctrinæ, si qui aliquid boni fecerint, non peribit boni operis merces, sed largiente Domino, locum hæreditatis accipiet. Hæc quidem a nobis audacter fortassis præsumpta, et in medium prolata videantur; non tamen erit absurdum, si spiritualibus spiritualia præponentes, secretioris eos intelligentiæ æmulatores cupidisque reddamus.

## CAPUT XII.

*Ubi Moyses in montem ascendere jubetur, et prædicatur ei quod non in terram repositionis ingredietur; Jesusque pro eo dux populi constituitur.*

(*IBID.*) *Dixit quoque Dominus ad Moysen: Ascende in montem istum Abarim, et contemplantur inde terram, quam daturus sum filiis Israel. Cumque videris eam, ibis et tu ad populum tuum, sicut iovit frater tuus Aaron, quia offendisti me in deserto Sin, in contradictione multitudinis, nec sanctificare me voluistis coram eis super aquas. Hæ sunt aquæ contradictionis, in Cedes deserti Sin.* Vide ergo primo omnium quomodo perfectus, qui et beatus est, non in valle nec in aliqua terræ planitie, aut in colle aliquo, sed in monte, id est, in alto et arduo defungitur loco. Vitæ namque ejus consummatio et perfectio habetur in excelso. Sed in oculis suis contuenter jubetur omnem terram repositionis, et diligenter ex eminenti ratione cuncta perspicere. Oportebat enim summam perfectionis consecuturo nihil incognitum remanere, sed

cunctorum quæ videntur et audiuntur habere notitiam. Ob hoc credo, ut omnium qui in carne positus corporali cœpit aspectu, in spiritu effectus, et nulla mente ad auditoria et discipulatum sapientiæ properans, velociter eorum rationes assequatur et causas. Nam quid videbitur utilitatis, ut discessuro de sæculo, et finem vitæ hujus protinus accepturo, ostendantur terræ loca, quorum nec laborem perpessus esset, nec gratiam suscepturus? Perterret sane me sermo qui sequitur, et ad dicendum timidum reddit ac trepidum, quod de magno illo Moyse famulo et amico Dei, cui facie ad faciem locutus est Deus, per quem signa et virtutes mirificæ perpetratæ sunt, tam gravia, tam periculosa referuntur. Quid enim dicit ei Deus? *Et apponeris, inquit, ad populum tuum et tu, sicut et positus est Aaron frater tuus in monte Hor.* Et quasi causam mortis exponens dicit: *Propter quod transgressi estis verbum meum in deserto Sin, cum restitit Synagoga ne me sanctificaret. Non me sanctificastis in aqua coram eis.* Ergo et in culpa est etiam Moyses, etiam ipse transgressionis crimen incurrit, etiam ipse factus est sub peccato. Idcirco credo, cum fiducia dicebat Apostolus: *Quia regnavit mors ab Adam usque ad Moysen. Accessit enim usque ad Moysen, et nec ipsi pepercit (Rom. v).* Et ideo opinor dicebat, quia peccatum introivit in hunc mundum, et per peccatum mors, in quo omnes peccaverunt (Rom. vii). Et iterum: *Conclusit Deus omnes sub peccato, ut omnibus misereatur. Sed gratias Deo nostro Jesu Christo, qui nos liberavit de corpore mortis hujus, ut ubi abundavit peccatum, superabundaret et gratia (Rom. ii).* Nam Moyses quomodo aliquem liberare potuisset a peccatis, cum etiam ipsi dicatur: *Qui transgressi estis verbum meum in deserto Sin, et non me sanctificastis in aqua coram filiis Israel?* Ut manifestum sit omnibus, quod ille debeat solus requiri qui solus peccatum non fecit, nec inventus est dolus in ore ejus. Tamen illud oportet considerari mysterium, quia nec sacerdotium, quod institutum est, cujus personam gerebat Aaron, nec ipsa lex, cujus personam gerebat Moyses, introducunt populum Dei in terram hæreditatis æternæ, sed Jesus, in quo typus erat Domini Jesu Christi, id est, gratia per fidem. Et Aaron quidem ante defunctus est quam Israel in aliquam partem terræ repromissionis intraret. Moyse adhuc vivente, capta est terra Amorrhæorum atque possessa; sed Jordanem cum eis non est transire permissus. Ex aliqua enim parte, lex observatur in fide Christiana. Ibi enim sunt etiam præcepta quæ hodieque observare Christiani jubemur. Sacerdotium vero illud et sacrificia nullam partem tenent hodie fidei Christianæ, nisi quod in umbris futurorum acta atque transacta sunt. Cum vero ambobus fratribus, id est, Aaron et Moysi dicitur, ut apponantur ad populum suum, manifestum est non esse in illos iram Dei, quæ separat a pace sanctæ societatis æternæ. Unde manifestatur non solum officia, sed etiam mortes eorum signa fuisse futurorum, non supplicia indignationis

PATROL. CVIII.

A. Dei. Sed interim videamus *Moyse magnificentiã.* Recessurus de sæculo orat Deum, ut provideat judicem populo dicens: *Provideat Deus spirituum omnium carnis hominem, qui sit super multitudinem hanc, et possit exire et intrare per eos, et educere illas vel introducere, ne sit populus Domini sicut oves absque pastore.* Quid agis, o Moyses? Nunquid filii tibi non sunt, Gerson et Eleazar? Aut si aliquid de ipsis dubitas, non sunt filii fratris magni et egregii viri? Quomodo non oras Deum pro ipsis, ut eos constituat populo duces? Sed discant ecclesiarum principes, successores sibi non eos qui consanguinitate generis juncti sunt, nec qui carnis propinquitate sociantur testamento signare, neque hæreditarium tradere principatum, sed referre ad judicium Dei; et non eligere illum quem humanus commendat affectus, sed Dei judicio totum de successoris electione permittere. Nunquid non poterat Moyses eligere principem populo, et vero judicio eligere, et recta justaque sententia, ad quem dixerat Deus: *Elige presbyteros populo, quos tu ipse scis presbyteros esse? (Num. ii.)* et elegit tales, in quibus continuo dicitur, spiritus requiescere et prophetare omnes. Quis ergo ita potuit eligere principem populi, ut Moyses poterat? Sed hoc non facit. Non elegit. Non audeat. Cur non audeat? Ne posteris præsumptionis relinquat exemplum. Sed ausculta quod dicit: *Provideat, inquit, Dominus Deus hominem super synagogam hanc, qui egrediatur ante faciem eorum, et qui ingrediatur, et qui producat eos, et qui reducat.* Si ergo tantus ille ac talis Moyses non permittit judicio suo de eligendo principe populi, de constituendo successore, quis erit qui audeat vel ex plebe quæ sæpe clamoribus ad gratiam aut ad prælium fortasse excitata moveri solet, vel ex ipsis etiam sacerdotibus quis erit qui se ad hoc idoneum judicet, nisi si cui oranti et petenti a Domino reveletur? Sicut et Dominus dicit ad Moysen: *Tolle Josue filium Nun, virum in quo est spiritus Dei, et pone manum tuam super eum. Qui stabit coram Eleazaro sacerdote et omni multitudine; et dabis ei præcepta cunctis videntibus, et partem gloriæ tuæ, ut audiat eum omnis synagoga filiorum Israel. Pro hoc, si quid agendum erit, Eleazar sacerdos consulat Dominum. Ad verbum ejus egredietur ipse, et omnes filii Israel cum eo, et cætera multitudo.* Audis evidenter ordinationem principis populi tam manifeste descriptam, ut pene expositione non egeat. Nulla hic populi acclamatio, nulla consanguinitatis ratio, nulla propinquitatis habita contemplatio est. Propinquis agrorum et prædiorum relinquatur hæreditas. Gubernatio populi illi tradatur quem Deus elegit, homini scilicet tali, qui habet, sicut scriptum audistis, in semetipso spiritum Dei, et præcepta Dei in conspectu ejus sunt, et qui Moysi valde notus et familiaris sit, id est, in quo sit claritas Dei et scientia, ut possint eum audire filii Israel. Quod autem dicit: *Dabis ei partem gloriæ tuæ,* non sic accipiendum est, ac si diceret, facies eum socium gloriæ tuæ. Non autem res hu-

iusmodi, quasi partiliter divisæ minuuntur, sed totæ A et in mari (I Cor. x), ita et de Jesu dicitur, quia omnes sunt omnibus, totæ singulis qui eam habent societatem. Pro hoc, inquit, si quid agendum erit, Eleazar sacerdos consulat Dominum. Ad verbum ejus egredietur et ingredietur, etc. Hæc sententia moraliter nos instruit, ut quisquis accipiat potestatem in populo Dei, secundum magisterium divinæ legis, quæ in sacerdotis officio maxime nobis commendatur, cuncta agat et cuncta disponat, ac totam vitam suam sibi commissorum secundum ejus doctrinam ordinet atque regat. Unde quoque per Malachiam prophetam dicitur: *Labia sacerdotis custodiunt scientiam, et legem exquirunt de ore ejus, quia angelus Domini exercituum est (Malach. ii)*. Verum quoniam mysteriis cuncta referta sunt, non possumus quæ pretiosiora sunt omittere, etiam si hæc quæ secundum litteram B mandantur, necessaria videantur et utilia. Consideremus ergo quæ sit Moysi mors. Finis sine dubio legis. Sed legis illius quæ secundum litteram dicitur. Quis autem finis ejus? Est sacrificiorum scilicet interruptio, cæterorumque quæ simili observantia mandantur in lege. Hæc ergo ubi finem accipiunt, Jesus suscipit principatum. Finis enim legis, ad justitiam omni credenti. Et sicut de prioribus dictum est, quia omnes in Moysæ baptizati sunt, in nube

In Jesu baptizati sunt, in Spiritu sancto et aqua. Jesus namque est, qui transit aquas Jordanis; et in ipsis quodammodo jam tunc populum baptizat. Et ipse est qui terram hæreditatis, terram sanctam, partitur universis, non priori populo, sed secundo. Prior enim populus propter prævaricationem suam cecidit in deserto. De temporibus Jesu dicitur, quia terra quievit a bellis; quod de Moysi tempore dici non potuit, sed de Jesu hoc dicitur meo Domino, non illo Nave. Atque utinam etiam mea terra cesset a bellis, et cessare possit! Si ergo Jesu principi meo fideliter militarem, si etiam paream Domino meo Jesu, nunquam caro mea insurget adversum spiritum meum, nec impugnabitur terra mea ab adversariis gentibus diversis scilicet concupiscentiis stimolata. Oremus omnes ut Jesus regnet super nos, et cesset terra nostra a bellis, cesset ab impugnationibus carnalium desideriorum. Et cum ista cesserint, tunc unusquisque requiescet sub vite sua, et sub ficu sua, et sub oliva sua. Sub velamento enim Patris et Filii et Spiritus sancti requiescet anima, quæ pacem in se recuperaverit carnis et spiritus, Amen.

## LIBER QUARTUS.

### CAPUT PRIMUM.

De singulis speciebus sacrificiorum quæ offerebantur Domino in variis festiuitatibus, hoc est, sabbato Kalendarum, mensis primi, et mensis primitivorum, et mensis septimi.

(CAP. XXVIII.) Dixit quoque Dominus ad Moysen: *Præcipe filiis Israel, et dices ad eos: Oblationem meam, et panes et incensum odoris suavissimi, offerte per tempora sua. Hæc sunt sacrificia quæ offerre debetis. Agnos anniculos immaculatos duos quotidie in holocaustum sempiternum. Unum offeretis mane, et alterum ad vesperum. Decimam partem ephi similæ, quæ conspersa sit oleo purissimo, et habeat quartam partem hin. Holocaustum fuge est quod obtulistis in monte Sinai, in odorem suavissimum incensi Domini, singulos agnos in sanctuario Domino; alterumque agnum similiter offeretis ad vesperam, juxta omnem ritum sacrificii matutini et libamentorum ejus, oblationem suavissimi odoris Domini. Quia ergo festorum leges habemus in manibus, et inde nunc sermo est, requiramus diligentius qui sit ordo festiuitatum, ut ex ipsis ordinibus et sacrificiorum rita colligere possimus, qualiter unusquisque ex suis actibus et conversationibus sanctis, Deo festiuitatem possit parare. Prima ergo est festiuitas Dei, quæ appellatur indesinens. De his enim mandatur, quæ indesinenter et sine ulla prorsus interruptione matutinis et vespertinis sacrificiis offeruntur. Mandans igitur festiuitatem, non primo statim venit ad festiuitatem Paschæ, neque ad Azymorum, neque*

ad Scenopogiæ, aliasque, de quibus præcipitur; sed C hanc primam posuit, in qua sacrificium indesinens jubetur offerri, quæ scilicet agnoscat quisque vult esse perfectus et sanctus, quod non aliquando quidem agenda est Deo, aliquando non agenda festiuitas, sed semper et indesinenter justus agere debet diem festum. Sacrificium namque quod indesinenter et in matutinis et in vespertinis mandatur offerri, hoc indicat, ut in lege ac prophetis, qui matutinum tempus ostendunt, et in evangelica doctrina quæ vespertinum, id est, in vespera mundi Salvatoris ostendit adventum, indesinenter intentione persisteret. Has ergo tales festiuitates Dominus dicit: *Et observabitis dies festos meos*. Dies ergo festus Domini est, si ei sacrificium indesinenter offeramus, si sine intermissione oremus, ita ut ascendat oratio nostra sicut in conspectu ejus mane, et elevatio manuum nostrarum fiat ei sacrificium vespertinum. Est igitur prima solemnitas jugis sacrificii indesinentis, quæ a cultoribus Evangelii eo modo, quo supra exposuimus, debet expleri. Sed quoniam sicut propheticus sermo perdocuit, dies festi peccatorum convertuntur in luctum, et cantica eorum in planctum, certum est quia qui peccat et agit dies peccati, agere non potest diem festum; et ideo illis diebus quibus peccat, offerre non potest sacrificium Deo indesinens, sed ille offerre potest, qui indesinenter custodit justitiam, et conservat semetipsum a peccato. Qua die autem interruptit et peccaverit, certum est, quod in illa die non offert sacrificium indesinens Deo. Quod ap-



sem duos agnos immaculatos jubet quotidie offerri in holocaustum, unum mane et alterum vespere, significat quod innocentiam operis non solum, sed cordis tam in istis conversationis nostre, quam etiam in fine Deo per ignem charitatis atque fervorem spiritus sancti exhibere debemus : *quia qui perseveraverit usque in finem, hic salvus erit (Matth. xxiv)*. Simulque decima pars ephi similis conspersa oleo purissimo cum agni oblatione offerri precipitur, et in libamine vini quarta pars mensure hinc, quia ipsa innocentia tunc grata et acceptabilis erit Deo, si secundum scientiam divinæ legis atque evangelicæ doctrinæ gratia temperata honeste adhibetur, monstransque hæc Scriptura et dicens : *Innocens manibus et mundo corde, qui non accepit in vano animam suam : nec juravit in dolo proximo suo (Psal. xxiii)*. Quæ autem est mensura ephi sive hinc, in superioribus jam dictum est.

*Die autem sabbati offeretis duos agnos anniculos immaculatos, et duas decimas similis oleo consperse in sacrificio ; et liba quæ rite funduntur per singula sabbata in holocaustum sempiternum.* Quæ est autem festivitas sabbati, nisi illa de qua Apostolus dicit : *Relinquitur ergo sabbatumus (Hebr. iv)*, hoc est, sabbati observatio populo Dei? Relinquentes ergo Judaicas sabbati observationes, qualis esse debeat Christiano sabbati observatio, videamus. Die sabbati nihil ex mundi actibus oportet operari. Si ergo desinas ab omnibus secularibus operibus, et nihil mundanum geras, sed spiritualibus operibus vaces, ad ecclesiam venias, lectionibus divinis et tractatibus aurem præbeas, de celestibus cogites, de futura spe sollicitudinem geras, venturam judicium præ oculis habeas, non respicias ad præsentia et visibilia, sed ad invisibilia et futura : hæc est observatio sabbati Christiano. Sed hæc Judæi observare debent. Demique etiam apud ipsos, si faber, si structor, et si qui hujusmodi officium fuerit, oriatur in die sabbati; lector autem divinæ legis et doctor non desinit ab opere suo, et tamen sabbatum non contaminat. Sic enim dicit ad eos : *Aut non legistis, quia sacerdotes in templo sabbatum violant, et sine crimine sunt (Matth. xii)*? Qui ergo cessat ab operibus sæculi et spiritualibus actibus vacat, iste est qui sacrificium sabbati et diem festum agit sabbatorum, neque onera portat in via. Onus enim est omne peccatum. Quemadmodum dicit et Propheta : *Sicut onus grave gravatum sunt super me (Psal. xxxi)*. Neque enim ignem accendit. Illum scilicet ignem de quo dicitur : *Ite in humine ignis vestri, et in flamma quam accenditis. In sabbato unusquisque sedeat in loco suo, et non exeat inde. Quis ergo est locus ejus animæ spiritualis? Justitia locus ejus, veritas, sapientia, sanctificatio, et omnia quæ Christus est, locus animæ est. Ex quo loco eam non oportet exire, ut vera sabbata custodiat, et diem festum in sacrificiis exigat sabbatorum. Sic et Dominus dicebat : Qui manet in me, et ego in eo (Joan. vi)*. Quod autem diximus vera sabbata, si alius repetamus quæ sint vera

sabbata, ultra hunc mandatum est vera sabbati observatio. Quod enim scriptum est in Genesi, quia requiescit Deus die sabbati ab operibus suis (Gen. ii), non videmus vel tunc factum esse in die septimâ, vel etiam nunc fieri. Semper enim Deum videmus operari, et nec sabbatum est, in quo non Deus operetur, in quo non producat solera suam super bonos et malos, et pluit super justos et injustos; non quo non producat in montibus fœvum, et herbam servituti hominum; in quo non percutiat et sanet; deducat ad infernum, et reducat; in quo non occidat et vivere faciat. Unde et Dominus in Evangelii, cum Judæi præscriberent sibi de operatione et curatione sabbati, respondit eis : *Pater meus usque modo operatur, et ego operor (Joan. v)*. Ostendens per hæc in nihil hujus sæculi sabbato requiescere Deum a dispensationibus mundi, et a provisionibus generis humani. Nam creaturas quidem fecit ex initio, et substantias protulit quantas sibi sciebat, ut pote rerum conditor, ad perfectionem mundi posse sufficere. Sed usque ad consummationem sæculi, ab earum provisione et dispensatione non cessat. Et erit ergo verum sabbatum in quo requiescet Deus ab omnibus operibus suis, sæculum venturum, tunc cum aufugiet dolor, et tristitia, et gemitus, et erit omnia et in omnibus Deus. In quo sabbato concedat etiam nobis Deus diem festum agere secum, cum angelis sanctis festa celebrare, offerentes sacrificium laudis, et reddentes Altissimo vota nostra. Tunc fortassis et sacrificium nostrum indesinens, de quo supra exposuimus, melius offeretur. Tunc enim melius indesinenter assistere poterit Deus, et sacrificium laudis per pontificem magnum, qui est sacerdos in æternum secundum ordinem Melchisedech (Psal. cix). Sabbati ergo oblatio, duo sunt agni anniculi immaculati, et due decimæ similis oleo consperse in sacrificio, et liba quæ rite funduntur per singula sabbata. Quæ nobis nihil aliud iuguant, quam *ut sobrie et juste et pie vivamus in hoc sæculo, expectantes beatam spem, et adventum gloriæ magni Dei et Salvatoris nostri Jesu Christi*. Ac quidquid divinæ gratiæ poseamus, paternæ quietis adeptione instanter laboremus. Duos agnos anniculos Domino offert, qui simplicitatem mentis atque innocentiam operis, in conspectu divinitatis exhibet. Duas decimas similis oleo consperse in sacrificio simul cum libaminibus domat, qui spiritali gratia repletur, scientiam duorum testamentorum Spiritu sancto docente, simul verbis, exemplis, auditoribus suis commendat. Et hæc omnia, ut diximus, non pro temporali læri questu, sed pro æternæ vitæ adeptione expandere satagunt. Tertia festivitas ponitur mensuris dies, in qua offertur et hostia, sicut scriptum est :

*In Kalendis autem, id est, in mensibus exordis, offeretis holocaustum Domino, vitulos de armento duos, arietem unum, agnos anniculos septem immaculatos, et tres decimas similis consperse oleo per singulos arietes; et decimam decimam similis oleo in sacrificio per agnos singulos, holocaustum evasissimi odoris atque*

*incensi Domino, etc.* Neomenia autem dicitur nova luna. Est ergo et ista festivitas, cum luna innovatur. Nova autem dicitur, cum soli proxima fuerit effecta, et valde ei conjuncta, ita ut sub claritate ejus lateat. Sed mirum fortasse videatur, imo superfluum lex divina mandare. Quid enim religionis conducit lætæ novæ, id est, cum conjungitur soli et adhæret ei, observare festivitatem? Hæc si secundum litteram considerentur, non tam religiosa quam superstitiosa videbuntur. Sed sciebat apostolus Paulus quia non his loquitur lex, neque illum ritum, qui a Judæis observari videtur, Spiritus sanctus præcipit, et ideo ad eos qui fidem Dei susceperant dicebat: *Nemo ergo vos judicet, aut in cibo, aut in potu, aut parte diei festi, aut neomenia, aut sabbato: quæ sunt umbra futurorum (Coloss. 11)*. Si ergo umbra futurorum est sabbatum, de quo pro viribus supra explicavimus, et neomenia umbra futurorum est, certum est quia et cæteræ festivitates similiter umbræ sunt futurorum. Sed nunc de neomenia videamus. Diximus quod neomeniæ festivitas appellatur, cum luna innovari cœperit, et soli proxima fieri, penitusque conjuncta. Sol justitiæ Christus est. Huic si luna, id est, Ecclesia sua, quæ lumine repletur ipsius, juncta fuerit, et penitus adhæserit, ita ut secundum verbum Apostoli, qui se jungit Deo, unus cum eo spiritus fiat, tunc festivitatem neomeniæ agit. Tunc enim nova efficitur, cum abjecerit veterem hominem, et induta fuerit novum, qui secundum Deum creatus est: ita merito innovationis solemnitate, quæ est neomeniæ festivitas, gerit. Tunc denique est, quando neque videri neque comprehendi humanis aspectibus potest. Anima enim cum totam se sociaverit Domino, et in splendorem lucis ejus tota concesserit, nihilque omnino terrenum cogitat, nihil mundanum requirit, nec hominibus placere studet, sed totam se sapientiæ luminis, totam calori sancti Spiritus inaccessaverit, subtilis et spiritalis effecta, quomodo cerni ab hominibus, aut humanis potest aspectibus apprehendi? Animalis namque homo intelligere, discernere non potest spiritalem; et ideo dignissime diem festum agit, et hostiam neomeniæ Domino, ut pote per ipsum innovata, jugulabit. Si autem secundum tropologiam regulam quis scire voluerit quid significant hæc tales oblationes quæ offeruntur Domino in holocaustum, hoc est, duorum vitulorum, arietis unius, agnorum anniculorum septem, et cæterarum specierum quæ simul jubebantur offerri, potest secundum sensum orthodoxorum in duobus vitulis accipere boni operis jucunditatem, per animam sive per corpus, magisterium duorum Testamentorum, in duobus præceptis charitatis decenter Deo oblatam. In ariete vero uno, regimen disciplinæ secundum unitatem fidei, non enerviter, sed fortiter atque nobiliter exhibitum. In agnis quoque anniculis septem immaculatis, simplicitatem atque mansuetudinem morum pro futura in cælis requie per gratiam septiformis Spiritus, tam sibi ad salutem quam aliis ad exemplum rite a

fidelibus ostensam. Offert ergo quisque fidelis Deo tres decimas similæ oleo conspersæ in sacrificio per singulos vitulos, cum scientiam spiritalium in sanctæ Trinitatis fide, oleo lætitiæ illuminatus, pariter cum bono opere exhibet. Offert duas decimas similæ oleo conspersæ per singulos arietes, cum studet decalogum legis sobrio intellectu in duobus præceptis charitatis, ad suam proximorumque utilitatem vertere, ac per eum totam vitam suam in suavem odorem Domino dedicare. Offert quoque decimam decimæ similæ ex oleo in sacrificium per agnos singulos, cum simplicitatem morum suorum secundum Scripturarum sanctarum regulam, gratia Spiritus sancti in se operante, instituire satagit et ornare. Bene ergo in holocaustum hæc omnia Domino jobentur offerri, quia ea sola intentione omnia debemus agere, non ut laudem humanam, vel retributionem præsentem quæramus, sed ut omnium bonorum datori Deo, per omnia placeamus, æternæque vitæ retributionem ab ipso remuneratore justissimo in futuro percipere mereamur.

*Mense autem primo, quartadecima die mensis, Phase Domini erit, et quintadecima die solemnitas; septem diebus vescentur asynis: quarum dies primus venerabilis et sancta. Omne opus servile non facietis in ea; offeretisque in incensum holocaustum Domino, vitulos de armento duos, arietem unum, agnos anniculos immaculatos septem, et sacrificia singulorum ex simila que conspersa sit oleo: tres decimas per singulos vitulos, et duas decimas per arietem, et decimam decimæ per agnos singulos, id est, septem agnos; et hircum pro peccato unum, ut expiet pro vobis, præter holocaustum matutinum quod semper offeretis. Ita facietis per singulos dies septem dierum, in fomitem ignis, et in odorem suavissimum Domino, qui surget de holocausto et victimis singulorum. Dies quoque septimus celeberrimus et sanctus erit vobis. Omne opus servile non facietis in eo.* Quarto in hoc loco ponitur inter festivitates Dei Paschæ solemnitas, in qua festivitate agnus occiditur. Si videtur, agnum verum, agnum Dei, agnum qui tollit peccata mundi, et dicito quia pascha nostrum immolatus est Christus. Judæi carnali sensu comedant carnes agni: nos autem comedamus carnem verbi Dei. Ipse enim dixit: *Nisi comederitis carnes meas, non habebitis vitam in vobis ipsis (Joan. vi)*. Hoc quod modo loquimur carnes sunt verbi Dei, si tanta non quasi infirmis olera, aut quasi pueris lactis alimentiam præferamus. Si perfecta loquimur, si robusti, si fortia, si carnes nobis verbi Dei apponimus comedentes. Ubi enim mysticus sermo, ubi dogmaticus et Trinitatis fide repletus profertur ac solidus, ubi futuri sæculi amoto velamine litteræ, legis spiritalis sacramenta panduntur, ubi spes animæ avulsa de terris jactatur in cælos, et in illis collocatur, *que oculus non vidit, nec auris audivit, nec in cor hominis ascendit (I Cor. 11)*, hæc omnia carnes sunt verba Dei. Qui potest perfecto intellectu vesci et corde purificato, ille veræ festivitatis Paschæ immolat se-

crificium, et diem festum agit cum Deo et cum angelis eius. Post hanc imo continuata huic festivitas sequitur azymorum, quam merito celebrabis, si extermines omne fermentum malitiæ et nequitie ab anima tua, et azyma sinceritatis veritatisque custodias. Neque enim putandum est omnipotentem Deum, leges hominibus pro fermento scribere, et propterea jubere exterminari animam de populo, si qua forte parum aliquid fermenti hujus ex farina conspersi in domo sua habuisse deprehenduntur, eamque curam magnopere fuisse divinæ majestati, qua fermenti hujus causa in tantum se dicat offendi, ut animam quam ipse ad imaginem et similitudinem suam fecit, exterminari pro hoc jubeat et everti. Non mihi videtur hæc divinis legibus divina esse intelligentia, sed illud majus est quod horrescit, et merito horrescit Deus, si malitiae, si iræ, si nequitie spirita infirmetur anima, et intumescat ad flagitia. Hæc non vult animam esse Deus, et tale fermentum si abjecerimus de domo animæ nostræ, merito exterminabimur. Sed ne contentas, etiam si parvam videris intra te fermentari malitiam, quia modicum fermentum totam massam corrumpit (I Cor. v). Et ideo neque de parvo peccato negligas, quoniam ex uno peccato generatur et aliud. Sicut enim ex justitia generatur justitia, ex castitate castitas. Si quis enim primo tenuiter castus esse cœperit, excepto castitatis fermento, quotidie castior efficitur, ita et qui semel intra se licet parum malitiæ repositus fermentum, quotidie semetipso nequior efficitur ac deterior. Et ideo si vis agere azymorum festivitatem cum Deo, ne parum quidem malitiæ fermentum intra te residere patiaris.

*Dies primitivorum etiam, quando offeretis novas fruges Domino, expletis hebdomadibus, venerabilis et sancta erit. Omne opus servile non facietis in eo, offeretisque holocaustum in odorem suavisimum Domino, vitulos de armento duos, arietem unum, agnos immaculatos septem, atque in sacrificiis eorum simile oleo conspersæ tres decimas per singulos vitulos; per arietes, duas; per agnos decimam decimæ, qui simul erant agni septem. Hircum quoque qui mactatur pro expiatione, præter holocaustum sempiternum et liba ejus: immaculata offeretis omnia cum libationibus suis.* Post hanc sequitur sexta festivitas, quæ dicitur Novorum, id est, primitiæ de novis offeruntur. Ubi enim seminatus fuerit ager diligenter exultas, atque ad maturitatem pervenerit seges, tunc in fructuum perfectione festivitas Domini geritur. Si ergo et tu vis Novorum diem festum agere cum Deo, vide quomodo semines, aut ubi semines, ut possis tales metere fructus, ex quibus letari facias Deum, et agere diem festum. Quod aliter implere non poteris, nisi audias Apostolum dicentem: *Qui seminat in spiritu, de spiritu metet vitam æternam (II Cor. ix).* Si sic semines et sic metas, denique diem festum vere agis Novorum. Propterea et propheta admonet dicens: *Innovate in vobis novalia, et nolite seminare super spinas (Jerem. iv).* Qui ergo cor suum et in-

teriore[m] hominem renovat de die in diem, iste sibi innovat novalia, et non seminat super spinas; sed super terram bonam, quæ reddat ei fructum trigesimum, aut sexagesimum, aut centesimum. Iste ergo est qui in spiritu seminat, et colligit fructus spiritus. Fructus autem spiritus primum omnium est gaudium. Et merito diem festum novorum fructuum agit, qui gaudium metit. Præcipue qui simul metat et pacem, patientiam et bonitatem, et mansuetudinem, aliosque horum similes fructus colligat, dignissime novorum fructuum festivitatem Domino agens.

(CAP. XXIX.) *Mensis etiam septimi prima dies venerabilis et sancta erit vobis. Omne opus servile non facietis in ea, quia dies clangoris est et tubarum; offeretisque holocaustum in odorem suavisimum Domino, vitulum de armento unum, arietem unum, agnos anniculos immaculatos septem. Et in sacrificiis eorum similæ oleo conspersæ tres decimas per singulos vitulos. Duas decimas per arietem, unam decimam per agnum: qui simul sunt agni septem. Et hircum pro peccato qui offertur in expiatione populi, præter holocaustum Kalendarum cum sacrificiis suis, et holocaustum sempiternum cum libationibus solitis, iisdem cæremontiis offeretis in odorem suavisimum, incensum Domino.* Tunc deinde sequitur festivitas Septimarum. Sicut enim inter dies septem, quique dies observatur sabbatum, et est festivitas, ita et inter menses, septimus quique mensis, sabbatum mensium. Agitur ergo in eo festivitas quæ dicitur Sabbata Sabbatorum; et fit in die prima mensis memoria tubarum, nisi qui potest Scripturas propheticas et evangelicas et apostolicas, quæ velut cœlesti quadam personant tuba, mandare memoria, et in thesaurum cordis sui recondere. Qui ergo hæc facit, et in lege Domini meditatatur die ac nocte, iste festivitatem gerit memoriæ. Sed et si quis potest gratias illas Spiritus sancti promereri, quibus inspirati sunt prophetae, et psallens dicere: *Canite in initio mensis tuba, in die insigni solemnitate ejus (Psal. lxxx),* et qui scit in psalmis jubilar[e] ei, digne Deo agit solemnitate[m] Tubarum.

*Decima quoque dies mensis hujus septimi erit vobis sancta atque venerabilis: et affrigetis animas vestras. Omne opus servile non facietis in ea, offeretisque holocaustum Domino in odorem suavisimum, vitulum de armento unum, arietem unum, agnos anniculos septem. Et in sacrificiis eorum similæ oleo conspersæ tres decimas per vitulos singulos; duas decimas per arietem, decimam decimæ per agnos singulos: qui sunt simul septem agni. Et hircum pro peccato absque his quæ offerri pro delicto solent, in expiationem et holocaustum sempiternum, in sacrificiis et libaminibus eorum.* Est adhuc et alia festivitas, cum affligunt animas suas, et humiliant se Deo, festa celebrantes. O mira festivitas! Dies festus vocatur afflictio animæ. Hic enim dies est, inquit, propitiationis, decima die mensis septimi. Vides ergo si vis diem festum agere, si vis ut lætetur Deus super te, allige animam tuam et humiliata eam. Non est

permittas explorare desideria tua, nec concedas ei lascivijs evagari, sed, in quantum potest fieri, afflige et humiliam eam. Denique et Paschæ festivitas et Asymorum, panem afflictionis habere dicitur. Non potest quis agere diem festum, nisi afflictionis panem manducaverit, et manducaverit pascha sum amaritudine. Manducabitis enim, inquit, azyma cum amaritudine. Videas ergo quales sunt festivitates Dei? Non recipiunt dulcedinem corporalem, nihil remissum, nihil voluptuosum aut luxuriosum volunt, sed afflictionem animæ, et amaritudinem humilitatemque deposcunt. Quia qui se humiliat, exaltabitur apud Deum (Luc. xiv). Hoc ergo depositi et propitiatoris dies. Cum enim afflicta fuerit anima, et humiliata in conspectu Domini, tunc ei propitiatur Deus; et tunc ad eam venit ille, quem proposuit Deus propitiatorum per fidem in sanguine suo, Jesus Christus Dominus et Redemptor ejus.

Quintadecima vero die mensis septimi quæ vobis erit sancta atque venerabilis, omne opus servile non facietis in ea; sed celebrabitis solemnitatem Domino septem diebus, offeretisque in odorem suavissimum Domino, vitulos de armenta tredecim, arietes duos, agnos immaculatos, anniculos quatuordecim; et in libamentis eorum similæ oleo conspersæ tres decimas per singulos vitulos, qui sunt simul vituli tredecim; et duas decimas arietii uno, id est, simul arietibus duobus, et decimam decimæ agnis singulis: qui sunt simul agni quatuordecim; et hircum pro peccato, absque holocausto sempiterno, et sacrificio et libamine ejus, et cætera. Jam vero ultimus dies festus Dei qui sit, quo Deus lætatur in homine, videamus: Scenopægia, inquit, lætatur ergo super te, eum viderit in hoc mundo in tabernaculis habitantem; cum te viderit non habere fixum et fundatum animum ac propositum super terras, nec desiderantem quæ terrena sunt, nec umbram vite hujus quasi possessionem propriam et perpetuam deputantem, sed velut in transitu positum, et ad veram illam patriam unde egressus es paradisi festinantem ac discedentem: *Incola ego sum, et peregrinus sicut omnes patres mei* (Psal. cxvii). In tabernaculis enim habitaverunt et patres, et Abraham in casulis, id est, in tabernaculis habitavit, cum Isaac et Jacob cohortibus repromissionis ejusdem. Cum ergo incola fueris et peregrinus in terris, et non est mens tua fixa et radicata in desideriis terrenorum, sed paratus es ut cito transeas ad terram fluentem lac et mel, et hæreditatem capias futurorum; si te, inquam, positum in his videat Deus, lætatur in te, et diem festumaget super te. Hæc quidem in præsentem. In futuro si vis considerare, quomodo dies festi agantur, erige si potes paululum sensus tuos a terra, et obliviscere paulisper quæ habentur in facie. Describe vero tibi quomodo cælum et terra transeant, et quam sit omnis habitatus mundi hic: cælum vero novum et terra nova fundetur. Amove etiam de conspectibus tuis solis hujus lucem, et da illi mundo qui venturus est, solis hujus septuplum lumen, imo

A potius secundum Scripturam multitudine, ipsam ei de Dominum lucem. Pone astantes angelos glorie, pone virtutes, sedes, dominationes, atque omne nomen clarissimum celestiumque virtutum, non solum quod in præsentem ætate nominatur, sed quod etiam in futuro. Item hos omnes considera, et conjice quomodo agi possint dies festi Domini, quæ tibi festivitates, quæ gaudia, quæ lætitiæ magnitudo. Nam de his quæ supra diximus spiritualibus festivitatibus, etiam si magnæ sunt et veræ, præcipue cum spiritualiter geruntur in anima, tamen ex parte sunt, non ex integro. Sicut enim dixit Apostolus, *quæ ex parte scimus, et ex parte prophetamus* (I Cor. xiii), in consequens est, ut ex parte diem festum geramus. Ut autem scias hæc ita esse, redeamus ad ipsam Pauli sermonem, qui de diebus festis et de neomeniis posuit. Et vide quomodo observantem dixit: *Nemo ergo, ait, judicet in cibo, aut in potu, aut in parte diei festi*. Ex parte enim, et non ex integro, diem festum in hoc mundo celebramus. Interpellamur etiam si volumus ab onere carnis, peccatis et concupiscentiis ejus, curisque et sollicitudinibus toreremur. *Corpus enim corruptibile, ut ait sapientissimus, aggravat animam, et deprimit sensum multa cogitantem* (Sap. ix). Ex parte enim in hoc mundo sancti agunt diem festum, quia ex parte sciunt, et ex parte prophetant. Cum autem venerint quæ perfecta sunt, destruentur ista quæ ex parte sunt. Sicut enim perfectæ scientiæ cedit iactantia quæ ex parte est, ita et perfectæ festivitatis cedit iactantia quæ ex parte est festivitas. Neque enim quod perfectum est capere mundus iste potest, ubi, ut diximus, necessitas corporis, nunc cibum, nunc potum, nunc somnum suggerit; nunc etiam quantumcumque necessario vite præsentis sollicitudinem movet. Quæ omnia interruptant sine dubio continuationem festivitatis Dei. Cum autem venerit illud quod dictum est de his qui restituentur in sancta, si et nos ex his esse mereamur, qui restituenti sunt, qui neque esurient, neque sitient, neque dormitabunt, neque laborabunt, sed erunt pervigiles sicut angelorum vite. Pervigiles dicentur, quia in illum ordinem restitui merebuntur; tunc erit vera et incorrupta festivitas, cujus festivitatis princeps, et sponsus, et dominus, erit Jesus Christus Salvator noster. Paulus quoque apostolus sciens esse quædam prima imbuendi initia, tunc deinde per tempus etiam ad perfectionem venire, scribens quibusdam dicebat: *Etenim cum deberetis jam magistri esse propter tempus, rursus indigetis ut docemini quæ sint elementa exordii sermonum Dei, et factis quibus lacte opus sit non cibo forti. Omnis enim qui lacte alitur, cæperit sermonis justitiæ: parvulus enim est. Perfectorum vero est cibus solidus, qui pro possibilitate sumendi, exercitatus habens sensus, ad discretionem boni et mali* (Hebr. v). Et iterum in aliis litteram legis omnemque hujusmodi scripturam elementa mundi esse commemorat. Et nunc ergo quæ pertinuerunt ad illos qui primis imbuantur elementis, modesta nobis primo videantur audita. Vo-

leni enim auditorum unicuique discere, his quæ ad salutem pertinent, de sacrificiis arietum, et hircorum, vitulorumque quæ recitantur, nihil sibi utilitatis conferre hujusmodi litteras indicat, quantum ad ipsum spectat auditum. Si vero quis inveniatur, qui possit velamen quod est positum in lectione Veteris Testamenti removere, atque in die requirere, quæ sint vera sacrificia quæ purificent populum in diebus festis, tunc videbit quam mira et magnifica sunt, quæ per hæc indicantur: quæ superflua ignorantibus atque superstitiosa dicuntur. Sed hæc quidem Paulus, etsi qui ei similes sunt plenius ab ipsa sapientia et verbo Dei, perfectiusque cognoverint. Nos autem quantum ex ipsorum litteris colligere possumus, in quibus nobis velut per umbram et imaginem indicia quædam dederunt ad ædificationem communem, discutere summam de sacrificiorum ritu aliqua tentabimus. In Pascha festivitate agnus scribitur esse qui purificat populum, in aliis vitulus, in aliis hircus aut aries, vel capra, vel vitula, sicut ex his quæ recitata sunt, didicistis. Unus ergo ex his animalibus, quæ ad purificandum populum sumuntur, est agnus: qui agnus, ipse esse dicitur Dominus et Salvator noster. Sic enim intellexit Joannes, qui est major omnium prophetarum, et signavit de ipso dicens: *Ecce Agnus Dei, ecce qui tollit peccatum mundi* (Joan. 1). Quod si agnus qui ad purificandum populum datus est, ad personam Domini et Salvatoris nostri referatur, consequens videtur quod etiam cætera animalia, quæ his eisdem purificationis aliquid humano generi conferant. Vide ergo ne forte sicut Dominus et Salvator noster quasi agnus ad occisionem ductus, et in sacrificium altaris oblatus, peccatorum remissionem universo præstitit mundo, ita fortassis et cæterorum sanctorum ac justorum sanguis qui effusus est a sanguine Abel justii, usque ad sanguinem Zachariæ prophetæ, qui interfectus est inter ædem et altare (Matth. xxiii), alterius quidem sanguis sicut vitule, alterius sicut hirci aut capræ, aut alicujus horum fusus est ad expiandum pro parte aliqua populum. Sive ergo hæc ad justorum prophetarumque personas, qui in hoc mundo jugulati sunt, vel eorum qui dicunt, *Propter te morte afficimur tota die, aestimati sumus sicut oves occisionis* (Psal. xliiii), referenda videantur, sive etiam ad superiores virtutes, quibus procuratio humani generis data est, quis facile audeat affirmare? Neque enim hæc animalia per speciem, sed per figuram referri ad illam, vel illam personam putanda sunt. Nam ipse Dominus Jesus Christus, non ideo agnus dicitur, quasi qui mutatus sit et conversus in speciem agni. Dicitur tamen agnus, quia voluntas ejus et bonitas qua Deum repropitiavit hominibus, et peccatorum indulgentiam dedit, talis existit humano generi, quasi agni hostia immaculata et innocens, qua placari hominibus divina creduntur. Sic ergo fortassis et si quis est angelorum coelestiumque virtutum, aut si qui justorum hominum hic pro repropitiacione divina velut aries, aut vitulus, aut hircus, oblatus esse sacrificium

A ob purificationem populo impetrandam, acceptus potest. Aut non videtur, ut aries aut hircus, holocaustum se obtulisse Paulum pro populo Israel, cum dicebat: *Optabam autem ego ipse anathema esse a Christo pro fratribus meis, qui sunt cognati secundum carnem* (Rom. ix). Vis autem scire, quia se hostiam etiam Paulus offerat jugulandam? Audi eam et in aliis dicentem: *Jam enim ego immolor, et tempus resolutionis, vel ut in Græcis codicibus legimus, reversionis instat* (II Tim. iv). Si ergo figuraliter potest videri, quod alius pro festivitate Novorum, alius pro festivitate sabbati, alius pro festivitate Tabernaculorum, quasi hircus aut vitulus, aut aries offeratur, ad reconciliandum hominibus Deum. Donec enim sunt peccata, necesse est requiri et hostias pro peccatis. Nam pone, verbi gratia, non fuisse peccatum. Si non fuisset peccatum, non necesse fuisset Filium Dei agnum fieri, nec opus fuerat eum in carne positum jugulari; sed mansisset hoc quod in principio erat Deus Verbum. Verum quoniam introivit peccatum in hunc mundum, peccati autem necessitas propitiationem requirit, et propitiatio non fit nisi per hostiam, necessarium fuit provideri hostias pro peccato. Et quoniam peccati ipsius diversæ et variæ qualitates fuerunt, diversorum animalium mandantur hostiæ, procul dubio quæ convenirent varietatibus peccatorum. Sic ergo efficitur quidem alius sanctorum atque angelorum, ut diximus, sive hominum vitulus qui in illa festivitate interveniat pro populi delictis: alius autem aries in illa festivitate, quorum intercessione fiat purificatio pro peccatis. Quod si purificari potuerint a peccatis homines, et esse puriores, minuuntur et hostiæ. Si enim pro peccatis sunt hostiæ, et pro multitudine peccatorum multiplicatæ sunt, sine dubio et pro exiguitate minuuntur. Hujus autem rei in præsentibus locis Scripturæ habemus indicia, id est in ultima festivitate Scenopagiæ, eum per octo dies hostiæ jubentur offerri. Et prima quidem die quasi adhuc in abundantia peccatorum, quatuordecim vituli jubentur offerri. Secunda autem die imminutis ut pote peccatis, minuuntur et hostiæ, et quatuordecim vituli offeruntur; tertia die, duodecim, et post hæc undecim. Et ita quasi purificationibus deficiente per dies multitudine peccatorum, minuuntur consequentes etiam numeri hostiarum. Sic ergo etiam pro dispensatione totius mundi, rationem purificationis intellige. Indiget enim purificatio non solum quæ in terra sunt, sed et quæ in cælis. Imminet namque et cælis perditio. Sic enim dicit Propheta: *Cæli peribunt, et omnes ut vestimentum veterascent; et sicut amictum involves eos et mutabuntur* (Psal. ci). Intuere igitur mundi, id est, cælestium, ac terrestrium, et infernorum purificationem. Vide quantis indigent ista omnia hostiis, quantos requirant vitulos, quantos arietes, quantos hircos. Sed in his omnibus unus est agnus, qui totius mundi potuit auferre peccatum. Et ideo cessaverunt cæteræ hostiæ, quia talis fuit hæc hostia, ut una sola sufficeret pro totius mundi salute. Cæteri enim

precibus peccata, hic solus potestate dimisit. Dicebat enim: *Fili, remissa sunt tibi peccata (Matth. ix)*. Sic ergo imbutur mundus, primo per diversas hostias remissionem perquirere peccatorum, donec veniat ad hostiam perfectam, ad hostiam consummatam, agnam anniculum, perfectum, qui tollit peccatum mundi totius, per quem festiuitates agat spiritales, non ad satietatem carnis, sed profectu spiritus, sacrificiis spiritalibus purificatione mentis oblati. Decet enim Deo immolari victimam cordis et hostiam contribulati spiritus, non carnis et sanguinis jugulari. Quia et si agnovimus Christum aliquando secundum carnem, sed nunc jam non novimus. Et ideo in spiritu diem festum agamus, et spiritalia festa jugulemus. Hæc pro viribus nobis, pro diversitate sacrificiorum discussa sint: quorum ad liquidum intelligentiam scit ille, cui nuda et revelata sunt omnia, nec est ulla creatura in conspectu ejus invisibilis.

### CAPUT II.

#### De voto viri complendo.

(CAP. XXX.) *Narravitque Moyses filiis Israel omnia quæ ei Dominus imperaverat; et locutus est ad principes tribuum filiorum Israel: iste est sermo quem præcepit Dominus. Si quis virorum votum Domino voverit, aut se constrinxerit juramento, non faciet irritum verbum Dei, sed omne quod promisit implebit. Mulier si quidpiam voverit, et se constrinxerit juramento, quæ est in domo patris sui, et in ætate adhuc puellari, si cognoverit pater votum quod pollicita est, et juramentum quo obligavit animam suam, et tacuerit, voti rea erit. Quidquid pollicita est et juravit, etiam opere complebit. Si autem statim ut audiverit contradixerit pater, et vota et juramenta ejus irrita sunt, nec obnoxia tenebitur sponcioni, etc. Feminam sub patre antequam nubat, et sub viro nuptam, noluit lex ita vovere aliquid Deo adversus animam suam, id est, in aliquarum rerum licitarum atque concessarum abstinentia, ut in eisdem votis non feminæ valeat auctoritas, sed virilis. Ita ut si adhuc innuptæ concesserat pater vota persolvere, si antequam persolverit nupsit, et viro ejus hoc cognitum non placuerit, non persolvat, et sit omnino sine peccato, quia mundavit Dominus, sicut dicit, id est, mundam judicavit. Neque hoc contra Deum fieri putandum est, cum ipse Deus hoc præceperit, hoc voluerit. Vidua autem et repudiata quidquid voverint, reddent. Sequitur autem de viduis vel a viro abjectis, id est, non sub potestate viri constitutis, aut patris, et earum vota ad persolvendum libera esse dicit hoc modo: *Et votum, inquit, viduæ et expulsæ, quicumque voverit adversus animam suam, manebunt ei.**

### CAPUT III.

#### De voto feminæ.

(Ibid.) *Uxor in domo viri cum se voto constrinxerit et juramento, si audiverit vir et tacuerit, et non contradixerit sponcioni, reddat quodcumque promiserat. Sin autem contradixerit exemplo, non tenebitur promissionis rea, quia maritus contradixerit, et Dominus ei propitius erit. Si voverit, et juramento se constrin-*

*axerit, ut per jejunium vel cæterarum rerum abstinentiam affligat animam suam, in arbitrio viri erit, ut faciat sive non faciat. Quod si audiens vir tacuerit, et in alteram diem distulerit sententiam, quidquid voverat atque promiserat, reddet: quia statim ut audivit, tacuit. Sin autem contradixerit postquam resciruit, portabit ipse iniquitatem ejus.* Manifestum est ita voluisse legem feminam esse sub viro, ut nulla vota ejus quæ abstinentiæ causa voverit, reddantur ab ea, nisi auctor fuerit vir permittendo. Nam cum ad peccatum ejusdem viri pertinere voluerit, si prius permiserit, et postea prohibuerit, etiam hic tamen non dixit ut faciat mulier quod voverat, quia permissa prius a viro fuerat. Viri dixit esse peccatum, quia abnuvit quod prius concesserat: non tamen mulieri vel ex hoc permissum dedit, ut cum prius et vir concesserat, postea si prohibuerit, condemnetur. Utrum autem ista etiam ad votum continentiæ et concubitus abstinentiam pertineat, merito quæritur, ne forte ea tantum intelligenda sint adversus animam voveri, quæ sunt in cibis et potibus. Quod videtur et illud significare, ubi Dominus ait: *Nonne anima plus est quam esca (Matth. vi)?* Et cum de jejunio præcipitur, ita præcipitur: *Affligetis animas vestras (Levit. xvi)*. Nescio autem utrum alicubi legi possit adversus animam dici votum quod de abstinentia concubitus fuerit, maxime quia cum hic lex auctori tatem viro tribuat, non mulieri, quæ viro subdita est: ut tunc persolvenda sint vota mulieris, si vir approbaverit; sin autem renuerit, non debeantur. Apostolus tamen cum de concubitu conjugatorum loqueretur, non ibi majorem auctoritatem viro quam feminæ dedit: *Sed uxori, inquit, vir debitum reddat, similiter et uxor viro. Uxor non habet potestatem corporis sui, sed vir; similiter autem et vir non habet potestatem corporis sui, sed mulier (I Cor. vii)*. Quando ergo in hac re parem utriusque esse voluit potestatem, puto quod nobis intelligendum insinuet istam de concumbendo vel non concumbendo regulam non pertinere ad ea vota ubi non habent parem vir et mulier potestatem, sed vir major est ac prope ejus solius est. Non enim ait lex virum non debere reddere vota sua, si uxor prohibuerit; sed uxorem, si vir prohibuerit. Unde non mihi videtur in hujusmodi votis et definitionibus atque obligationibus, quæ adversus animam fiant, etiam ista debere accipi quæ inter se vir et uxor de concumbendo vel de abstinentia concumbendi placita habuerint.

*Istæ sunt leges quæ constituit Dominus Moysi inter virum et uxorem: inter patrem et filiam quæ in ætate adhuc puellari est, vel quæ manet in parentis domo. Quia et istæ leges sive justificationes, ut quædam exemplaria habent, dicuntur; et meminimus in illis justificationibus quæ in Exodo sub hoc nomine aliæ commemorantur, sicut de aure servi perforanda, et si quid ejusmodi est, non absurde etiam hic aliquid figurate dudum intelligitur: ut quomodo sunt multe abstinentiæ ceremoniarum irracionales, et aliquando etiam inimicæ veritati, hoc fortasse*

hic intelligi voluit tunc ratas esse cum rationabiles fuerint; hoc est cum eas approbaverit ratio, quæ ad vicem viri debet regere omnem animalem motionem quæ fit non tantum in appetendo, verum etiam in abstinendo. Ut si mente et ratione decernitur, tunc fiat; si autem improbatur consilio rationis, non fiat. Quod si ratio quod prius recte faciendum esse decrevit post improbet; si peccatum, consilii: sic tamen ut non nisi rationi motio illa consentiat. Secundum mysticum autem sensum vota nemo potest offerre, nisi qui habet aliquid in semetipso et in substantia sua quod offerat Deo. Non sufficit iste exterior homo legem Dei suscipere, nec vota solus offerre. Non enim potest aliquid dignum Deo habere. Sed ille interior est homo, qui magis habet in se quod offerat Deo. In illo namque est habitaculum virtutum; in illo omnis intellectus scientiæ; in illo est imaginis innovatio: qui cum speciem suam, quæ ex initio a Deo facta est, recuperavit, et virtutum pulchritudinem prioris formæ repererit, tunc jam potest vota offerre Deo; et tunc jam non solum homo, sed homo dicetur. Nam qui interiorum hominem non excolit, qui illius curam non gerit, qui virtutibus eum non instruit, moribus non ornat, divinis institutionibus non exercet, sapientiam Dei non quærit, scientiæ Scripturarum operam non impendit, hic non potest homo homo dici, sed homo tamen, homo animalis. Scio diversa vota in Scripturis referri: *Anna quidem vovit Deo fructum ventris sui, et Samuelem consecravit in templo (I Reg. 1).* Alius quodcumque sibi post victoriam redeunti occurrisset, vovit Deo: et occurrente filia, vota lacrymanda persolvit (*Judic. 11*). Alii vitulos aut arietes, aut domos, aut alia hujusmodi ratione carentia vota offerunt Deo. *Ille vero qui appellatur Nazaræus, semetipsum devovit Deo (Num. vi)*. Hoc est enim votum Nazaræi, quod est super omne votum. Nam si filium offerat vel filiam, aut pecus aut prædium, hoc totum extra nos est. Semetipsum offerre Deo, et non alieno labore, sed proprio placere, hoc est perfectius et eminentius omnibus votis. Quod qui facit, imitator est Christi. Ille enim dedit homini terram, mare et omnia quæ in eis sunt ad obsequium; dedit et cælum; solem quoque et lunam et stellas hominum ministerio concessit; pluvias, ventos et omne quod in mundo est, hominibus largitus est. Sed post hæc omnia semetipsum dedit. *Sic enim dilexit Deus mundum, ut Filium suum unigenitum daret pro mundi hujus vita (Joan. 111)*. Quid ergo magnum facit homo semetipsum offerens Deo, cum ipse se prior obtulit Deus? Si ergo *tollas crucem tuam et sequaris Christum (Math. xvi)*, si dicas: *Vivo autem jam non ego, vivit vero Christus in me (Gal. 11)*, si desideret et sitiat anima nostra redire et esse cum Christo, sicut et Apostolus dicebat, et præsentis sæculi non delectetur illecebris, et si omnem legem, quæ Nazaræis data est, spiritaliter impleat, tunc semetipsum, id est, animam suam obtulit Deo. Sed orandus nobis est Deus, ut intellectum dare dignetur, si di-

gnum est: quo hæc ut decet, de Dei verbis intelligi possimus advertere. Omnes qui sub lege Dei vivimus et in Ecclesia ejus habemus, aliqui sub patribus, aliqui sub viris agimur. Et siquidem parvulo est anima, et initia habet in eruditionibus divinis, hæc sub patre agere credenda est. Si vero jam adultior facta est ut viri, ita potens sit ad concipiendum semen verbi Dei, et spiritalis doctrinæ capere secreta, hæc sub viro posita dicitur. Sic enim et dicebat Paulus de Corinthiis: *Volo autem vos uni viro virginem castam exhibere Christo (I Cor. 11)*. Qui vero perfectiores sunt et eminentiores, hoc de illis non dicitur, quod sub viro sint. Sed audi quomodo de semetipso siquæ similibus pronuntiet et Paulus: *Donec occurramus, inquit, omnes in virum perfectum, in mensuram ætatis pleniudinis Christi (Ephes. 1v)*. Hinc ergo animæ, quæ in virum perfectum occurrit, nemo dominatur in votis, sed habet potestatem suorum libertatemque votorum. Si autem adhuc feminei generis fuerit anima, cui vel vir, vel pater dominetur in votis, non semper in ipsa est culpa, sed interdum redit ad viros vel ad parentes.

#### CAPUT IV.

*De vindicta in Madianitas et Balaam ariolum.*

(CAP. xxxi.) *Locutus est Dominus ad Moysen, dicens: Ulciscere prius filios Israel de Madianitis, et sic colligeris ad populum tuum.* Igitur scandala quæ acciderant Israelitis, quoniam tergiversatione Madianitarum acciderant (ipsi enim subornaverant mulieres, quæ eos deceperant ut peccarent coram Domino), illi quidem pro peccato suo pertulerunt vindictam, mediocrius tamen et parcius; hi vero qui eis fuerant causa peccandi, multo vehementiori subjacent ultioni. Unde edocemur, quia longe sit gravius causam præbere peccati, quam ipsum unumquemque peccare. Sic et Dominus designat cum dicit, *quia melius fuerat hominem non nasci, aut molam asinariam ligari circa collum ejus, et præcipitari in profundum maris, quam ut scandalizet unum de pusillis istis (Math. xviii)*. Simul advertendum est quoniam quidem nomen scandali a nonnullis incompetenter præsumitur; illud scandalum dico, ubi recto itinere ambulandi deceptio aliqua struitur ad peccatum, et subjicitur causa peccandi: sicut et Madianitæ ambulantiibus in lege Domini Israelitis, et custodientibus castitatem, subornaverunt mulieres quæ eos deciperent ad peccandum. Causam ergo præbere peccati, hoc est scandalizare. Verumtamen datur vindicta, sed multo gravior in eos qui scandalizaverunt, qui causam peccati præbuerunt, quam in eos qui peccaverunt. Simul et illud observa quod subjicit. *Novissime autem, inquit, et tu apponaris ad populum tuum.* Si quando Samaritis nobiscum sermo est, quoniam quidem resurrectionem mortuorum negant, nec recipiunt futuri sæculi fidem, perfigamus eos ex his verbis, quibus Dominus dicit ad Moysen quia apponatur ad populum suum? Nemo enim ponitur ad eos qui non sunt. Unde constat esse aliquem populum, cui Moyses post vitæ hujus exitum

dicatur applicandus. Quia ergo prophetis non er-  
dunt Samaritæ, ex quibus resurrectionis mortuorum  
fides latius approbatur, ex his saltem Moysi libris  
quos recipiunt et quorum auctoritatem confitentur,  
convincendi sunt et curandi, si tamen oportet et  
Babyloniam curari. Est ergo locus hic resurre-  
ctionem mortuorum evidenter ostendens. Designat  
enim esse et populum, cui post obitum suum  
Moyses adjungendus est, et ad quos pro suis meritis  
transferendus.

*Statimque Moyses : Armate, inquit, ex vobis viros  
ad pugnam, qui possint ultionem Domini expetere de  
Madianitis. Mille viri de singulis tribubus eligan-  
tur ex Israel, qui mittantur ad bellum. Dederuntque  
millenos de cunctis tribubus, id est, duodecim millia  
expeditorum ad pugnam. Quos misit Moyses cum Phi-  
nees filio Eleazari sacerdotis. Vasa quoque sancta et  
tubas ad clangendum tradidit ei. Cumque pugnassent  
contra Madianitas atque vicissent, omnes mares occi-  
derunt, et reges eorum, Evim, Raon, et Sur, et Ur, et  
Rebe, quinque principes gentis. Filii Israel dudum sex-  
centa millia fuerunt armatorum, qui processerant ad-  
versus Madian, et omnes victi sunt, quoniam pecca-  
tum in eis erat. Nunc ergo victores Madianitæ, qui  
sexcenta millia fugaverant, vincuntur a duodecim mil-  
libus, ut scias, quia nec in multitudine nec in numero  
militum vincit Israel, sed justitia est et pietas in eis  
quæ vincit. Propterea denique et in benedictionibus  
eorum dicitur, quia si servaverit legem Domini,  
unus persequatur mille, et duo in fugam vertant  
decem millia. Vides ergo quia multo plus valet unus  
sanctus orando, quam peccatores innumeri præ-  
liando. Oratio sancti penetrat cælum : quomodo non  
et hostem vincat et in terris? Et ideo omnimodis  
studendum est quærere primo et custodire justitiam  
Dei. Quam si obtuleris et observaveris, omnes tibi  
hostes ipsa subjiciet. Si fueris indutus, sicut Aposto-  
lus dicit, lorica justitiæ, et accinctus veritate, si ga-  
leam salutis acceperis, et gladium spiritus, et ante  
omnia scutum fidei, in quo possis omnia jacula ma-  
ligni ignita extinguere (Ephes. vi). Talibus enim  
instructus armis universa diaboli castra omnemque  
ejus fugabis exercitum; et cum fiducia cantabis : Si  
consistant adversum me castra, non timebit cor meum ;  
si insurgat adversum me prælium, in hoc ego sperabo  
(Psal. xxvi).*

*Balaam quoque filium Beor interfecerunt gladio.*  
Potest videri quæstio quomodo, quando Israelitæ  
Madianitas debellaverunt, interfectum dicat Scri-  
ptura Balaam, qui fuerat conductus ad maledicend-  
um populum Israel, cum superius quando benedicere  
coactus est, ita eandem coactionem Scriptura con-  
cluserit cum ait : *Et surgens Balaam, abiit in locum  
suum. Balac abiit in semetipsum.* Si ergo redierat ad  
locum suum Balaam, quomodo interfectus est, cum  
de tam longinquo, id est, de Mesopotamia venerit?  
Quamquam etiam possit in locum suum redisse intel-  
ligi, quod ab ipso loco ubi sacrificia faciebat,  
in eum locum reversus est, unde illuc exierat, id

est, ubi tanquam peregrinus habebat hospitium.  
Non enim dictum est in domum suam aut in patriam  
suam, sed in locum suum. Habet autem et quisque  
peregrinus locum suum, ubi ad tempus habitat. De  
ipso autem Balac qui eum condexerat, non dictum  
est ad locum suum, sed ad semetipsum, id est, ubi  
dominans habitabat. Posset ergo dici ad locum suum,  
et dominans et peregrinus : ad seipsum autem, non  
video quomodo posset dici peregrinus, cum ad ho-  
spitium venisset suum.

*Ceperunt autem mulieres eorum et parvulos, omnia-  
que pecora, et cunctam suppellectilem, et quidquid habere  
potuerant depopulati sunt. Tam urbes, quam viculos et  
castella, flamma consumpsit, etc. Congregiuntur ergo  
duodecim millia adversus Madianitas, et interficiunt,*  
inquit, omnem masculum eorum, et reges eorum, et  
Balaam filium Beor interfecerunt gladio, cum re-  
liquis vulneratis eorum. Quod in superioribus quæ-  
rebamus, quomodo probari de Scripturis possit, Bala-  
am consilio subornatas esse mulieres Madianita-  
rum, quæ deciperent filios Israel ad fornicationem,  
præsens hic Scripturæ locus evidenter ostendit, di-  
cens eum peremptum esse gladio, velut auctorem  
scandali quod immissum est filiis Israel. Dicitur æ-  
tem de eo in consequentibus adhuc evidenter hoc  
modo : *Et ait ad eos Moyses : Cur vivam servaveritis  
omnem feminam? Ipsæ enim sunt quæ filios Israel  
secundum verbum Balaam apostatare fecerunt. Inter-  
ficiuntur et reges Madianitarum atque illi qui prius  
a mulieribus victi sunt, nunc expiatione habita, et  
gesta pœnitentia, etiam reges vincunt.* Ex hoc intel-  
ligamus quantum valet conversio ad Deum, quan-  
tum prosit emendatio peccatorum. Omne masculi-  
num, omnes reges Madianitarum vincuntur et peri-  
muntur ab his, qui per repetitionem Domini et per  
gestorum pœnitentiam correcti sunt et emendati.  
Quinque enim reges Madianitarum refertur ab  
Israelitis superati. Sed et nomina eorum curæ fuit  
Scripturæ divinæ memorari. *Evim, inquit, et Raon,  
et Sur, et Ur, et Roboc.* Isti sunt qui regnant apud  
Madianitas, quos superare et penitus debet extin-  
guere omnis qui militat Deo. *Evim quoque belluinus  
vel ferinus interpretatur.* Et quomodo poteris pla-  
cære ei qui te probavit, si non absceideris a te et  
penitus peremeris belluinos et ferinos mores? Quo-  
modo poteris ad mansuetorum beatitudinem per-  
venire, nisi prius interficias Evim, et morti trades  
totius iracundiæ feritatem? Ego puto quod nomina  
hæc divina Scriptura non pro historia narraverit,  
sed pro causis et rebus aptaverit. Nam putas fuerit  
aliquis ita stultus, qui filio suo nomen *belluini* im-  
poneret? Sed hoc arbitror magis quod institutioni  
animarum prospexerit sermo divinus, volens nobis  
ostendere, quod adversus hujusmodi vitia militare  
debeamus, et habitaculis ea carnis nostræ depellere,  
istos reges fugare de regno corporis. Non ergo re-  
gnet peccatum in vestro mortali corpore. Vis autem  
videre quomodo non solum apud sanctos nomina  
pro rebus aptantur, sed etiam apud gentiles et barba-



us? De sanctis quidem notum est, cum Abram Abraham vocatus sit, et Sarai Sara, et Jacob Israel. Docemus autem quod mos iste habeatur etiam apud barbaros. Nomen unum ex filiis Israel, a parentibus suis Joseph nomen acceperat? Cum autem transivisset in Ægyptum, et stetit ante Pharaonem, commutavit nomen ejus, et cognominavit eum *φαραωμρανιχ*, quod lingua sua Pharao de secretorum vel somniorum revelatione composuit. Et non solum Joseph huic apud Pharaonem ex re nomen aptatur, sed et Daniel in Babylonia Balthasar nominatur, et Amanias atque Azarias et Misahel, Sidrac, Misac, Abdenago vocitantur. Vides ergo, quia tam Israeliticorum quam etiam barbarorum nomina hominum, non fortuito, sed pro rebus et causis aptantur in lege. Igitur Madianitarum regem Moyses appellavit, prout ipse censuit appellandum, Belkaina, inquit, feritas est, quæ regnat in Madianitis. Et non ipsa solum, sed et alius est apud ipsos rex nomine Raou, quod est in nostra lingua *inanitas*. Regnat ergo inanitas in Madianitarum gente. Est enim revera multa inanitas et vanitas in hoc mundo, imo *vanitas vanitatum, et omnia vanitas* (Eccl. 1), quam Dei miles superare debet et vincere. Vincit autem inanitatem, qui nihil inaniter, nihil superflue, et quod ad rem non pertinet gerit, qui meminit præcepti illius Dominici quo ait, *quia etiam de verbo otioso reddent rationem homines in die judicii* (Math. xii). In hac autem vita homines, totum pene otiosum, totum inane est quod loquantur, quod agunt. Inanis enim dicitur omnis actus, et omnis sermo in quo non est extrinsecus pro Deo, vel pro mandato Dei. Est et alius rex Maffan Ur, et hic interpretatur *irritatio*. Vides quales sunt qui regnant apud Madianitas: quibus omnibus adversari oportet, et imo quos perire convenit ab his qui Deum sequuntur, et interfici. Non enim tam regum quam vitiorum nomina quæ regnant in hominibus, referuntur in lege; et non tam gentium bella quam concupiscentiarum carnalium quæ militant adversus animam describuntur. Denique hi qui in vitiiis regnant, quinque reges esse dicuntur: ut evidentissime doceamur quia omne vitium, quod regnat in corpore, ex quinque sensibus pendet. Isti ergo quinque sensus perimendi sunt de regno Madianitarum, ut ultra vitia non regnent per eos, sed justitia, nec ad scandalum videant quæ vident, sed ad ædificationem.

#### CAPUT V.

*Ubi Moyses indignatur propter Madianitas.*

(*lib.*) *Egressi sunt autem Moyses et Eleazar sacerdos, et omnes principes Synagogæ in occursum eorum castra castra. Fratusque Moyses principibus exercitus, tribuntis et centurionibus, qui venerant de bello, ait: Cur feminas reservastis? Nonne istæ sunt quæ deceperunt filios Israel ad suggestionem Balaam, et prævaricari vos fecerunt in Domino super peccato Phogor, unde et percussus est populus? Ergo cunctos interficite, quidquid generis masculini, etiam parvulos et mulieres, quæ noverunt viros in coitu, ju-*

*gulate. Puellas autem et omnes feminas virgines reservate vobis, et manete extra castra septem diebus.* Hoc consilium malignum, ut eis ad illecebram feminæ supponerentur, per quas non solum corporaliter, sed etiam spiritaliter in adorando idolo fornicarentur, quando dederit Balaam, Scriptura non dixit, et tamen apparet factum esse, cum hic commemoratur. Sic ergo potuit et redire ipse Balaam, qui jam ierat in locum suum, ut locum suum, vel ejus intelligamus peregrinationis officium, quamvis hoc Scriptura tacuerit. Mystice autem feminam in prædam de bello revertens servat, qui forinsecus actus pravo cohibens, et per zelum bonum destruens, delectationem carnalem in abscondito pectoris sui adhuc intus celat. Sed a Moysse, hoc est, a lege, pro hoc iste merito redarguitur, quia quisquis delectationem carnalem in secreto mentis equiter visitat, consequens est ut in propatulo facile in culpam pravæ actionis cadat. Jubentur ergo omne masculinum, etiam et parvuli et mulieres, quæ noverant viros in coitu, jugulari, quia appetitam turpem et delectationem carnis, quæ concepit iniquitatem et peperit peccatum, penitus præcipitur interficere ac funditus in nobis extinguere. Puellas autem et feminas virgines, hoc est, eam partem delectationis, quæ non proclivis est ad peccatum, sed magis exarscit ad petendum bonum, illam servare debemus, quatenus ea semper desideremus quæ nobis a conditore nostro per Scripturas sacras cognoscimus jussa.

#### CAPUT VI.

*De divisionibus prædæ Madianitarum.*

(*lib.*) *Eleazar quoque sacerdos, ad viros exercitus qui pugnaverant, sic locutus est: Hoc est præceptum legis, quod mandavit Dominus Moysi. Aurum, et argentum, et æs, et ferrum, et stannum, et plumbum, et omne quod potest transire per flammam, igne purgabitur: quidquid autem flammam non potest sustinere, aqua expiationis sanctificabitur. Et lavabitis vestimenta vestra die septimo, et purificati, postea castra intrabitis.* Igitur ex præceptis Domini filii Israel adversum Madianitas bella confecta sunt, spolia ex ipsis copiosa referuntur auri atque argenti, cæterorumque mobilium pondus immensum, jumentorum captivorumque numerus plurimus. Verum quoniam cuncta hæc apud Israelitas immunda dicuntur, purificatio singulis quibusque competens adhibetur. Et ea quidem quæ ex metallis constant, ignis purificat; quæ vero fragiliora sunt et ignem non ferunt, aqua purificari jubentur. Fiant ergo ex omnibus spoliis æquales duæ partes; et una sit eorum qui ad bellum processerant [et una eorum] qui in castris resederunt. Jubentur etiam ex his offerre in dona Dei, illi quidem qui processerant ad bellum, unum caput ex quingentis; illi vero qui in castris manserant, unum ex quinquaginta: atque omnium simul in unum collectus numerus refertur. Hæc est historia continentiarum. Sed videamus quid in his sensus indicet spiritalis in populo Dei. Sunt quidam, sicut Apostolus dicit, *qui militant Deo,*

illi sine dubio, qui se non obligant negotiis secularibus (1<sup>a</sup> Tim. 11). Et illi sunt qui procedunt ad bellum, et pugnare adversus gentes inimicas et adversum spirituales nequitas pro reliquo populo, et pro his qui infirmiores sunt, sive per aetatem, sive per sexum, sive per propositam. Pugnare autem isti orationibus et jejuniis, justitia et pietate, mansuetudine et castitate, cunctisque continentiae virtutibus, tanquam armis bellicis communiti. Et cum regressi fuerint ad castra victores, fruuntur laboribus eorum etiam imbelles et hi qui ad pugnam vel non vocantur, vel extra non possunt. Sciendum tamen est quod omnia quae sumuntur ex istis gentibus inveniunda sunt, et omne fortasse quicquid ex hoc saeculo assumitur, vel praelio capitur, inveniendum est et purificatione indiget. Et quaedam ex ipsis per ignem transitura sunt: aliis autem sufficit aquae purificatio. Assumuntur autem etiam ex praelio homines et jumenta, cum captivatur omnis intellectus ad obediendum Christo. Nisi enim pugnaverimus in verbo Dei, non poterimus captivare intellectum eorum qui diversa a Christo sentiunt, et perducere eos ad obedientiam Christi. Pauci sunt qui pugnare possint et praelia ista conficere. De sexcentis millibus et amplius armatorum quae videntur militare Deo, sola duodecim millia eliguntur, caeteri relinquuntur in castris. Intuere nunc mihi populum Dei qui est in Ecclesia, quanti sunt ex his qui possint resistere his qui contradicunt, qui sciunt verbi bella tractare. Beati sunt qui pro omni populo pugnare possunt, et defendere Dei plebem, et copiosa de hostibus spolia reportare. Tamen et reliqua pars populi quae videtur imbecillis cum quiete resideat in castris, si in silentio agat et non recedat a Moyse, sed permaneat in lege Dei, partem spoliis etiam ipsa percipiet. Fiet enim aequa portio, non per numerum quidem: sed quantum datur omni populo reliquo, tantum et illis duodecim millibus, quibus vincuntibus capta sunt spolia. Quis haec audies non invitetur ad militiam Dei? Quis non animum pugnare pro Ecclesia, et resistere adversum veritatis inimicos? Eos videlicet qui vel dogmata Ecclesiae impugnare, vel voluptati et luxuriae operam dare homines docent. Qui vero hos expugnat, et vel in se vel in proximis suis vitia perimit, hic accipiet spolia multa, quinquagesimae multiplicata quam caeteri. In tantum autem numerum quantitas videtur augeri, cum sexcentis millibus duodecim millia conferuntur. (Offerre tamen pars utraque jubetur Deo: et illi qui vicerunt, unam ex quingentis; qui autem domi resederunt, unam ex quinquaginta. Unde et sequitur: Dixitque Dominus ad Moysen: Tollite summam eorum quae capta sunt, ab homine usque ad pecus, tu et Eleazar sacerdos, et principes vulgi: dividesque ex aequo praedam inter eos qui pugnaverunt et egressi sunt ad bellum, et inter omnem reliquam multitudinem. Et separabis partem Domino ab his qui pugnaverunt et fuerunt in bello, unam animam de quingentis, tam ex hominibus quam ex bobus et asinis

et ovibus, et dabis eam Eleazaro sacerdoti, quia primitiae Domini sunt. Ex media quoque parte filiorum Israel accipies quinquagesimum caput hominum, et bobum, et asinorum, et ovium, cunctorumque animantium, et dabis eam Levitis qui excubant in custodiis tabernaculi Domini. Feceruntque Moyses et Eleazar sicut praeceperat Deus, etc. Quinquagesimum autem et quingentesimum numerum sanctum esse Scriptura testatur. Unde et Salvator dicebat in Evangeliiis: Homini cuidam feneratori erant duo debitorum. Unus ex ipsis debebat denarios quingentos, alius quinquaginta. Non habentibus illis unde solverent, utrique donavit (Luc. vii). Sed et septem septimanarum monade, id est una, addita, quinquagesimae faciunt diem, quae Pentecostes festivitas appellatur. Similiter et septuaginta septimanarum, addita unius decadis perfectione, quingentorum numerum reddunt. Sed quanto plures sunt septuaginta septimanarum quam septem, tanto praestantior et perfectior numerus quingentorum quam quinquaginta. Inde denique et in parabola Evangelii quam supra exposuimus, Salvator noster pronuntiat, quis plus diligat, ille cui quingenti quos debebat denarii donati sunt, quam ille cui quinquaginta. Denique in praesenti lectione Eleazar sacerdos non scribitur ad omnem populum locutus, sed ad eos tantum qui de praelio redeunt. Ait enim: Et dixit Eleazar sacerdos ad viros virtutis qui revertebantur de praelio. Vides ergo quomodo ad viros virtutis loquitur sermo Domini: viri enim virtutis sunt qui ad bella procedunt. Si quis vero pugnare non vult nec militare, si quis non vult habere certamen studiorum divinarum et abstinentiae, hic non vult implere quod Apostolus dixit: Qui autem in agone contendit, ab omnibus continens est (1<sup>a</sup> Cor. ix). Qui autem non contendit in agone, ab omnibus non est continens, neque exerceri vult in verbo Dei, et in lege Domini meditari die ac nocte. Hic etiam si vir dicatur, vir tamen virtutis non potest appellari. Tempus igitur belli nobis est in hoc mundo: pugna adversum Madianitas, sive adversum vitia carnis nostrae, sive adversum contrarias potestates. Spectat nos angelorum chorus, et virtutum caelestium pia erga nos pendet expectatio, quando vel quomodo de hoc praelio redeamus, quid unusquisque nostrum manubiarum reportet, et intuentur curiosius ac sollicitius perscrutantur quis nostrum hic auri amplius ferat, quis etiam argenti illuc pondus exhibeat, quisve lapides deferat pretiosos. Requiritur etiam si quis aes deferat, aut ferrum aut plumbum; sed et vas ligneum si forte aliquis deferat aut fictile, aut aliud hujusmodi magnae domus usibus necessarium. In magna enim domo non sunt tantummodo vasa aurea et argentea, sed et lignea et fictilia. Requiritur ergo diligenter, cum abierimus illuc, quid unusquisque nostrum deferat; et sic secundum ea quae detulerit, secundum quod labor eius per contemplationem exvitarum probatur, etiam mansionis ei meritum deputabitur. Probantur tunc omnia haec, quae per ignem, per

ignem; et quæ per aquam, per aquam. Uniuscujusque enim opus quale sit ignis probabit. Propterea ergo ait: *Hæc est justificatio legis quam constituit Dominus Moysi. Aurum, et argentum, et aramentum, et ferrum, et plumbum, et stannum, omnis res quæ transit per ignem, transducite per ignem et mundabitur. Sed in aqua purificationis purificabuntur omnia. Quæcumque non transeunt per ignem, transibunt per aquam. Et lavabitis vestimenta vestra die septima, et mundi eritis, et post hæc introibitis in castra.* Vides quomodo purificatione indiget omnis qui exierit de prælio vitæ hujus. Quod si ita est, ut aliquid audeam dicere secundum Scripturæ auctoritatem, omnis qui exit de hac vita non potest esse mundus. Considera enim diligenter quid indicet historiæ textus. Exierunt isti pugnare pro filiis Israel, interfecerunt Madianitas. Interficientes autem eos, quantum ad historiæ ordinem spectat et litteram legis, placuerunt Deo, voluntatem namque Dei impleverunt; tamen hoc ipso quod interfecerint adversarios, immundi dicuntur effecti; et propterea dicitur ad eos: *Et lavabitis vestimenta vestra die septima, et mundi eritis, et post hæc introibitis in castra.* Ergo hi qui pugnant, pro eo ipso quod contingerant hostes immundos, et quod congressi sunt contra eos et habuerint cum eis certamen, polluti sunt. Et ego ergo etiam cogitationes immundas et malas quas cordi modo suggerit, vel repellere venientes vel ingressas necare intra me, ne ad effectum perveniant, operam dabo. Qui vero, etsi calcare potuero caput draconis, hoc ipso tamen pollui me et inquinari necesse est, quo eum et qui pollutus et inquinatus est, calcare contendi. Et ero quidem beatus, quia calcare eum potui; immundus tamen sum et pollutus, qui pollutum contigi, et ob hoc purificatione egeo. Idcirco et nimirum Scriptura dicit, quia nemo mundus a sorde. Omnes ergo purificatione indigemus, imo purificationibus. Multæ enim et diversæ nos manent purificationes. Sed mystica hæc sunt et ineffabilia. Quis enim nobis enarrare poterit quæ sunt purificationes quæ parantur Paulo vel Petro, vel aliis horum similibus, qui tantum pugnaverunt, tot gentes deleverunt, tanta spolia, tot hostes prostraverunt, tot triumphos cæperunt: qui cruentis manibus de cæde hostium redeunt: quorum pes tinctus est in sanguine, et manus suas laverunt in sanguine peccatorum? Interfecerunt quippe in matutinis omnes peccatores terræ, et imaginem eorum exterminaverunt de civitate Domini. Vicerunt quippe et peremerunt diversas dæmonum gentes. Nisi enim vicissent eas, non potuissent capere ex eis captivos, omnem hunc credentium numerum, et perducere eos ad obedientiam Christi et subdere eos jugo ejus suavi, et imponere eis onus ejus leve. Quis ergo ita beatus est, qui succedat eis in his præliis, et interficiat omnes Madianitas, et justificetur ex sanguine eorum? Sanguinem enim dæmonum fundere dicitur, qui eripit eos quibus illi dominantur. Lavabitur autem ab hoc sanguine et purifica-

bitur in regno Dei, ut purificatus et mundus effectus possit ingredi sanctam civitatem Dei, aperiente sibi ostium Jesu Christo Domino nostro, imo qui est et ostium civitatis ipsius Dei. Sequitur: *Cumque accessissent principes exercitus ad Moysen, et tribuni centurionesque dixerunt: Nos servi tui recensimus numerum pugnatorum quos habuimus sub manu nostra, et ne unus quidem defuit. Ob hanc causam offerimus in donariis Domini singuli quod in præda auri potuimus invenire, periscelides et armillas, annulos et dextralia, ac muremulas, ut deprecemur pro nobis Dominum. Susceperuntque Moyses et Eleazar sacerdos omne aurum in diversis speciebus pondo sedecim millia septingentos quinquaginta siclos, a tribunis et centurionibus. Unusquisque enim quod in præda rapuerat, suum erat. Et susceptum intulerunt in tabernaculum testimonii, etc.* Alia autem editio sic habet: *Accesserunt ad Moysen omnes qui constituti erant principes per tribus in exercitu, tribuni et centuriones, et dixerunt ad Moysen: Nos pueri collegimus summam virorum bellatorum nostrorum, et non dissensit ex nobis quisquam. Et obtulimus manus Domino, unusquisque vir quodcumque invenit, vas aureum, torquem aut phialam auream, aut annulum, aut dextrale, aut catenulam, ad propitiandum pro nobis coram Domino.* Est ergo diversitas multa in eo ordine, qui bellatores appellantur. Sed et inter ipsos imbelles est nihilominus aliqua differentia. Nec enim ipsi æqualiter et uno ordine omnes appellantur imbelles. Quidam enim ita imbelles sunt ut nunquam possint fieri bellatores, id est, senilis ætas, et omnis femineus sexus, et conditio servilis. Puerilis vero ætas ita imbellis est, ut spem gerat aliquando fieri bellatrix. Scilicet cum occurrerit in virum perfectum, in mensuram ætatis, tunc non solum bellatores ex pueris fieri, sed et in summam bellatorum venire se sperant et esse electi, et in duodecim milibus numerari, vel etiam his preferri et esse principes electorum. Considera nunc præsentis sæculi statum, et vide omnia bellis repleta, omnemque humanam vitam invisibilibus præliis et impugnationibus dæmonum perurgeti; in populo vero Dei esse quosdam ita robustos, fide armatos et virtutibus, ut adversum hujusmodi homines quotidie bella conficiant, et semper in procinctu positos non solum semetipsos, sed et cæteros qui vel per sexum, vel per ætatem, vel per servitutis conditionem pugnare non possunt, ab hostium tueantur insidiis, verbo doctrinæ eos exemploque vitæ et commitionum sedulitate munientes, si tamen non desit eis fides; sive enim bellatores, sive imbelles, impossibile est salvari sine fide; inter ipsos tamen bellatores esse duntaxat qui militant Deo. Considera alios ita esse expeditos, ut nullis se implicant omnino sæcularibus negotiis, ut placere possint ei qui se probavit, sed in lege Dei meditari die ac nocte. Isti ergo qui hujusmodi sunt, summa bellatorum appellantur. Isti sunt qui auri plurimum pugnando ceperunt, et omne aurum atque ornamentum, sive capitis, sive bra-

chiorum, sive digitorum, id est, quicquid intellectus, quicquid in operibus habent, Deo offerunt. Sciunt enim quia munere ejus data sunt, et ideo non dissentit in eis nec unus. Nec enim possent munera offerre Deo positi in dissensione. Istos puto esse secundum Evangelium, qui præceptum illud diligenter observant, quod mandat Dominus et Salvator: *Si offers munus tuum ad altare, et rememoratus fueris quia frater tuus habet aliquid adversum te, relinque ibi munus tuum ante altare, et vade prius reconciliari fratri tuo: et tunc veniens offeres munus tuum* (Matth. v). Quod scilicet levant manus suas ad Deum sine ira et dissensione, omne vas aureum aut auream torquem, aut anulum, aut dextrale, aut catenulam. Torques ornamentum sapientiæ. In Proverbiis enim de sapientia dicitur quod *qui acquisierit eam, torquem auream ponat circa collum suum* (Prov. i). Phiala et annulus ornamenta sunt manuum, in quibus operum signantur indicia. Similiter et dextrale. Catenulæ vero verbi et doctrinæ connexiones declarant. Ad propitiandum, inquit, Deum pro nobis. Si dicamus propter aurum Deum propitium fieri hominibus, vide quam absurdum, imo quam impium judicetur. Hoc enim etiam in viro bono turpe ducitur si accepto auro ab inferioribus placetur, quanto ergo magis hoc de Deo sentire non convenit? Unde puto expositionis hujus ecclesiasticæ magis constare rationem, quæ per auri species indicare solet animi virtutes et honorum operum gesta, quæ sola offerri Deo ab hominibus dignum est, et pro quibus solis propitium fieri Deum hominibus decet. *Et accepit, inquit, Moyses et Eleazar sacerdos aurum, ab omnibus tribunis et centurionibus; et intulit illud in tabernaculum testimonii, memoriale filii Israel coram Domino.* Vides quia quæ dicuntur non ad conspectum visibilem, sed ad mentis memoriam referuntur. Beatus est enim ille qui recordatur se boni aliquid operis egisse coram Domino, et obtulisse munera bene placita Domino: animi virtutes et ornamenta pietatis. Post hæc sequitur historia de hæreditate Ruben et Gad et dimidiæ tribus Manassæ: de qua proponimus aliqua disserere, et animos auditorum ad contemplationem spiritualis intelligentiæ suscitare. Omnia quæ dicuntur non solum ex ipso qui dicitur sermone pensanda sunt, sed et persona dicentis magnopere dicenda [pensanda] est. Sequitur:

## CAPUT VII.

*Ubi pars populi, hoc est, tribus Ruben et tribus Gad, et dimidia tribus Manassæ, hæreditatem Domini postulabant sibi dari ultra Jordanem.*

(CAP. XXXII.) *Filii autem Ruben et Gad habebant pecora multa, et erat illis in jumentis infinita substantia. Cumque vidissent Jazer et Galaad aptas alendis animalibus terras, venerunt ad Moysen et Eleazarum sacerdotem, et principes multitudinis, atque dixerunt: Ataroth et Didon et Jazer, et Nemra, et Hesebon, et Eleale, et Saban, et Nebo, et Beon, terra quam percussit Deus in conspectu filiorum Israel, regiones*

*suberrimæ sunt ad pastum animalium: et nos serri tui habemus jumenta plurima: precamurque, si invenimus gratiam coram te, ut des nobis famulis tuis eam in possessionem, nec facias nos transire Jordanem. Quibus respondit Moyses: Nunquid fratres vestri ibunt ad pugnam, et vos hic sedebitis? Cur subvertitis mentes filiorum Israel, ne transire audeant in locum quem eis daturus est Dominus? Nonne ita egerunt patres vestri, quando misi de Cadesbarne ad explorandam terram? etc.* Sicut traditio majorum tenet, Spiritus sanctus narrat hæc. Unde enim poterat Moyses vel quæ ad originem mundi gesta sunt, vel quæ in finem ejus erant gerenda, narrare, nisi per inspirationem Spiritus Dei? Unde potuisse prophetare de Christo, nisi loquente in eo Spiritu sancto? Sic enim et ipse Christus et testimonium reddit et dicit: *Si crederetis Moysi, crederetis utique et mihi; de me enim ille dixit. Si autem illius literis non creditis, quomodo meis verbis crederetis?* (Joan. v.) Constat ergo ea per Spiritum sanctum dicta, et ideo conveniens videtur hæc secundum dignitatem loquentis intelligi. Sed et illud in loco commemorare aptissimum duco quod Abraham cum audisset illum divitem positum in tormentis rogare se ut dimitteretur, et veniens moneret fratres suos pie vivere ne in locum illum descenderent tormentorum, respondit ei: *Quia habent Moysen et prophetas, audiant illos* (Luc. xv). Non utique homines aliquos dicebat in corpore positos Moysen et prophetas, sed hæc quæ per Moysen Spiritu Dei dictante conscripta sunt, Moysen ea nominavit. Dicit aliquis: Cum hæc ita scripta sunt, si Abraham me ad Moysi dicta transmittit, ut legens ea possim locum evadere illum tormentorum, quid me juvabit ad effugiendam gehennam si legam quomodo filii Ruben, et filii Gad, et dimidia tribus Manassæ, hæreditatem capiunt a Moyse trans Jordanem, quia erant illis pecora multa præ cæteris tribubus? et quia dicit ad eos Moyses: *Videte ne exacerbetis Deum, sicut et illi decem qui missi sunt cum Jesu et Caleb explorare terram et dicebant, quia terra talis et talis est, et non possumus eam capere, et quia ad hæc responderunt filii Ruben, et cæteri cum ipsis: Da nobis terram hæc et hæreditatem ejus, et non queremus jam ultra Jordanem hæreditatis terram cum fratribus nostris, sed hic relinqueamus jumentam nostram, et sarcinas nostras, et mulieres et infantes nostros; viri autem nostri ibunt pariter et transibunt Jordanem; et qui post hæc Moyses commendat eos Jesu Nave et Eleazaro sacerdoti filio Aaron, sub ea tamen conditione ut transeant cum filiis Israel, et pugnent cum eis adversum hostes qui erant trans Jordanem, donec liberaretur ab eis terra, et tunc accipiant terram quam poposcerunt, regis Seon et regis Og, atque ipsis solis per Moysen detur hæreditas extra Jordanem, cæteris autem omnibus per Jesum intra Jordanem.* Dicit ergo aliquis: *Quid ista prosunt ad hoc quod dicit Abraham, Habent Moysen et prophetas, audiant illos? quo scilicet et hæc legentes, in*

locum illum non deveniant tormentorum : hæc autem diximus excitantes animos auditorum, ut vigilantius his quæ leguntur vel dicuntur intendant, et in Moyſi litteris, remoto litteræ velamine, ita intelligant quæ scripta sunt ut in singulis quibus ea dicuntur inveniant. Quæ si intelligantur et observentur, possint auditores, non ad illum locum tormenti deduci quo dives ille qui audire hæc quæ in secreto scripta contempsit, abductus est, sed et in sinu eant Abraham, ubi Lazarus requiescit. Nos autem eximus ex corde Verbum Dei, qui est unigenitus ejus, et qui revelat Patrem quibus vult, ut et nobis hæc revelare dignetur. Sunt enim in his repromissionum mysteria quæ repromisit diligentibus se. Exeundi de Ægypto figuram duobus modis accipi, et a prioribus nostris et a nobis sæpe dictum est. Nam et cum quis de errorum tenebris ad agnitionis lumen adducitur, et de terrena conversatione ad spiritalia instituta convertitur, de Ægypto videtur exisse et venisse ad solitudinem, ad illum videlicet vitæ statum in quo per silentium et quietem exerceatur divinis legibus, et eloquiis celestibus imbuatur : per quæ instituta et directus, cum Jordanem transierit, præperet usque ad terram repromissionis, id est, per gratiam baptismi, usque ad evangelicam instituta perveniat. Sed et illam figuram esse diximus exeundi de Ægypto, cum relinquit anima mundi hujus tenebras ac naturæ corporeæ excitationem, et transfertur ad aliud sæculum, quod vel sinus Abraham, ut in Lazaro, vel paradus, ut in latrone qui de cruce credidit, indicatur; vel etiam si qua Deus novit esse alia loca, vel alias mansiones, per quæ transiens anima Deo credeas, et perveniens usque ad flumen illud quod lætificat civitatem Dei, intra ipsam sortem promissæ patribus hæreditatis accipiat. Igitur cum duplici, ut memoravimus, modo egressus designetur ex Ægypto, et transitur ad desertum, atque inde egressus ad sanctæ terræ hæreditatem, videamus nunc quid sibi velit Ruben et Gad, et dimidia tribus Manasse hæreditas, quæ per Moysen traditur, et extra Jordanem decernitur. In duodecim tribubus filiorum Israel, oculis quibusdam et mysticis rationibus, totius humani generis figura complectitur, vel omnium certe hominum qui ad agnitionem Dei venerunt. Horum vero pars aliqua extra Jordanem et hæreditatem consequitur per Moysen; pars vero transit Jordanem, et hæreditatem suscipit in terra repromissionis per Jesum. Et illi quidem quibus extra Jordanem hæreditas decernitur, primitivi sunt; licet minus nobiles, licet non inculpati, primitivi tamen sunt. Ruben namque est primogenitus Jacob; licet contaminaverit thorum patris, primogenitus tamen est. Manasse quoque, cujus dimidia tribus extra Jordanem consequitur, et ipse licet de Ægyptia natus est, primogenitus tamen est. Omnes tamen isti primogeniti sunt, et ideo priorem populum designant, qui non per Jesum Dominum nostrum, sed per Moysen extra Jordanem sortem hæreditatis accipiunt. Considera autem diligentius etiam causam

qua et priores, et extra Jordanem et sequestrati a cæteris, consequuntur hæreditatem. Jumenta quoque et pecora multa sunt nobis. Hæc ergo causa qua prior populus ad hæreditatem terræ illius quæ lacte fluit, quæ molle abundat, quæ sapor mellis est præ omni terra, non potuit pervenire, nec Verbum carnem potuit agnoscere, quia multa jumenta habebat et pecora multa. *Animalis enim non potuit percipere quæ sunt spiritus Dei, nec spiritualiter judicare, quia homo cum in honore esset non intellexit, sed computatus est jumentis insipientibus, similitis factus est his* (Psal. XLVIII); pro quibus hæreditatem suam extra Jordanis fluentia percepit, et a terra se sancta fecit alienum. Ille ergo populus accepit hæreditatem per Moysen; accepit terram duorum regum tantummodo. Non enim amplius potuit Moysen interficere nisi duos reges, quorum terram divideret populis, multa animalia multaque pecora habentibus. Illis vero qui Jordanem transeunt Jocus dividit terram: quamvis habeant etiam ipsi animalia, habeant pecora, non tamen tanta quæ eos excludant ne Jordanem transeant. Sed cum ipsis et mulieribus, et cum infantibus suis contendunt transire Jordanem, et ad patrum pervenire promissa. Illi autem præter pecora, et jumenta, et mulieres suas, et infantes, non poterunt transire Jordanem, nec ad fidem Christi, quæ est terra repromissionis, intrare. Increpat tamen eos Moysen, et dicit ad filios Ruben et filios Gad: *Fratres vestri pergunt ad prælium, et vos sedebitis hic? Et quare pervertitis corda filiorum Israel, ut non transeant in terram quam Dominus dat eis? Et cum increpasset eos hujusmodi verbis, accesserunt, inquit, ad eum filii Ruben, et filii Gad, et dicebant: Ovis ovibus fabricamus hic et peccoribus et civitatibus jumentis nostris [et stabula jumentis, et civitates parvulis nostris]; et nos armati prima turma incedimus ante filios Israel, usquequo perducamus eos in locum suum. Et hæc promittentes, mitigaverunt Moysen, ita ut ipse eos commendaret Jesu et Eleazaro. Ita enim scriptum est: *Et adhibuit eos Moysen ad Eleazarum sacerdotem, et Jesum fratrem Nave, et principes familiarum tribuum, et ait ad eos Moysen: Si transierint filii Ruben et filii Gad vobiscum Jordanem omnes armati ad prælium coram Domino, et obtinueritis terram in conspectu vestro, dabitis eis terram Galaad in possessionem.* Terræ nomen in Scripturis divinis positum diversis significationibus invenimus. Et primo quidem terra hæc in qua habitamus non ex initio terra vocata est, sed arida. Et post hæc quæ prius dicta fuerat arida, terræ nomen accepit. Sic et cælum istud visibile non ab initio cælum dictum est, sed prius firmamentum post etiam cæli vocabulo nuncupatum est. In principio tamen creaturæ cælum et terram fecisse dicitur Deus, et postea arida, et postea firmamentum. Omnes enim nos donec infructuosi sumus, et nullam pudicitie fructum, nullum justitiæ, nullum pietatis afferimus, aridi sumus. Si autem nosmetipsos cæperimus excolere, et ad virtutum frugem desideres animos suscitare,*

terra efficiatur ex arida, quæ verbi Dei suscepta semina læta fruge multiplicet. Est ergo quædam in regno Dei terra, quæ mansuetis promittitur, et terra quæ ventium nominatur, et terra in excelsis posita, de qua ad justum Propheta dicit: Exaltavi te ut hæredites terram. Istius ergo hæreditatem terræ, posteaquam de mundi hujus Ægypto exierit, Deo credens anima consequetur. Et alibi quidem hi qui sub lege vixerunt, alibi autem qui per Jesu Christi fidem et gratiam dispensati sunt. Verumtamen hi qui videntur primi et per Moysen dispensati, non prius consequuntur hæreditatem sibi decretam, nisi et ipsi transeant cum his quos Jesus dispensat, et pugnat cum eis contra inimicos, et collocent eos in sedibus suis, ita et ipsi consequuntur hæreditatem quam Moyses duce meruerunt. Sed hæc nisi ex Scripturis divinis approbantur, fabulæ videbuntur. Paulus ergo horum producatur idoneus testis, qui in Epistola ad Hebræos, ubi describit illos omnes Patres et patriarchas ac prophetas qui per fidem placuerunt Deo, post enumerationem eorum, in ultima conclusione sic dicit de eis: Et hi omnes, testimonio fidei accepto, non perceperunt re-promissiones, Deo pro nobis aliquid providente, uti ne sine nobis consummarentur. Quasi sic diceret: Istæ novem semis tribus propterea non acceperunt re-promissionem terræ illius quæ eis extra Jordanem per Moysen decreta est, Deo pro nobis melius aliquid providente, ut ne sine nobis consummarentur. Propterea ergo transeant nobiscum armati ad prælium, et juvent nos ad belligerandum ad expugnandos inimicos. Sed illi transeunt qui armati sunt, qui viri fortes sunt et potentes, cæteri vero omnes, ignava manus et imbellis, remanent extra Jordanem. Si qui autem in ipsis viri fortes sunt, relictis animalibus et pecoribus, et omnibus impedimentis, pugnent adversum hostem nobiscum, usquequo vincantur inimici nostri, usquequo hæreditatem terræ bonæ, terræ mellis lactisque capiamus. Quis enim dubitat quod sancti quique patrum et orationibus nos juvent, et gestorum suorum confirmant atque hortentur exemplis? Sed et voluminibus suis per ea quæ nobis ad memoriam scripta reliquerunt, docentes nos et instruentes quomodo adversum inimicas potestates dimicandum sit, et quomodo agonum toleranda certamina. Pugnant enim pro nobis, et ipsi incedunt primi ante nos armati. Ipsos enim nos habentes ad exemplum, et eorum videntes per spiritum fortia facta, armamur ad prælium spiritale, et adversum spiritalia nequitie in cœlestibus dimicamus. Sic denique qui sub Jesu Nave militant, triginta et amplius reges perimunt, et terras eorum sorte hæreditatis accipiunt. Depulsis namque spiritalibus nequitiiis de cœlestibus, hæreditatem regni cœlestis Jesu Domino nostro dividente percipiunt. Potest et tertius adhuc expositionis videri modus, ut in filiis Israel, id est, in populo Ecclesiæ, intelligantur quidam esse spiritalia, et intra Jordanem percipere hæreditatem terræ, fluentis lac et mel, sapientiæ scilicet et scien-

tiæ dulcedinem capientes: quorum flumine civitas Dei, quod repletum aquis diviniæ intelligentiæ, circumdatur et rigatur. Alii autem sunt carnales, qui jumentis et pecudibus, id est, crassis et solidis sensibus abundantes, sicut erant illi de quibus dicebat Apostolus: *Ita insensati estis, ut cum ceperitis spiritum, nunc carne consummemini?* et, *o Galatæ, quis fascinauit vos veritati non obedire?* (Gal. 111.) Sed unusquisque nostrum nisi se armaverit, et abjectis brutis et belluinis sensibus, ad spiritalem intelligentiam properaverit, remanebit extra Jordanem, nec poterit per sapientiæ flumen incedere quod lætificat civitatem Dei, id est, animam Dei capacem: non assequetur eloquiorum Domini interiora, quæ sunt dulciora super mel et favum; sed illam tantummodo consequetur terram in qua duo reges occisi sunt, ubi dicitur ei: *Nihil aliud judicavi meipsum inter vos scire, nisi Christum Jesum, et hunc crucifixum* (I Cor. 11). Qui autem potuerit transire Jordanem, et ad interiora penetrare, ubi Jesum Christum Dominum nostrum sequens, interficiet triginta et eo amplius reges, illos fortasse de quibus dicitur: *Quia astiterunt reges terræ, et principes congregati sunt in unum, adversus Dominum et adversus Christum ejus* (Psal. n). Depulsisque his regibus et prostratis, agnoscat secretiora mysteria, usquequo etiam ad illum veniat locum ubi sedes est Dei, et Jerusalem civitas Dei viventis: non ista quæ servit cum illis suis in terra, sed illa quæ libera est et mater omnium nostrum.

## CAPUT VIII.

*De quadraginta duabus mansionibus filiorum Israel.*  
(CAP. XXXIII.) *Hæ sunt mansiones filiorum Israel, qui egressi sunt de Ægypto per turmas suas in manu Moysi et Aaron: quas descripsit Moyses juxta castrorum loca, quæ Domini jussione mutabantur.* Legimus Paulum apostolum, cum commemorationem veteris historiæ quæ in libris legis et prophetarum comprehensa est, fecisset, dixisse: *Hæc autem omnia in figura contingebant illis: scripta sunt enim ad commonitionem nostram, in quos fines sæculorum devenerunt. Nolo vos ignorare, fratres, quoniam patres nostri omnes sub nube fuerunt, et omnes per mare transierunt, et omnes in Moyse baptizati sunt, in nube et in mari: et omnes eandem escam spiritalem manducaverunt, et omnes eundem potum spiritalem biberunt. Biberunt enim de spiritali consequente eos petra: petra autem erat Christus* (I Cor. x). Si ergo pars historiæ itineris ex Ægypto spiritaliter accipitur, et cætera quæ ab Apostolo pro angustia temporis prætermittuntur, ejusdem intelligentiæ convincuntur. Et in psalmo: *Revela oculos meos, et considerabo mirabilia de lege tua* (Psal. cxviii). Paulus quoque *lex spiritalis* est. Et ipse Dominus: *Si crederetis Moysi, et mihi crederetis. De me enim ille scripsit* (Joan. v). Et Evangelium secundum Lucam: *Tunc incipiens a Moyse et omnibus prophetis, interpretabatur illis in cunctis Scripturis quæ de ipso dictæ erant* (Luc. ult.). Igitur Judæi, parvuli et qui soli-

dam cibum glutire nequeunt, sed adhuc lacte nutriuntur infantæ, legant Pharaonem carneum ac mare Rubrum, per quod ad Iudiam navigatur, et manna coriandro simile, et omnia quæ scripta sunt, audiant corporaliter: lepram domorum et lepram pellis et staminis, taurum homicidam, jumentum adulterii reum, et Hebræi propter uxorem et liberos servire cupientis, auream subula perforatam. Nos autem derelinquentes Capharnaum, agrum quondam pulcherrimum, et cum Jesu egredientes in desertum, pascimur panibus ejus: si insipientes sumus et jumentorum similes, hordeaceis; si rationale animal, triticeis et ex grano frumenti commolitis, quod in terram cadens et mortuum multum fructum attulit. Novem plagis percussa est Ægyptus: fractus Pharaon ut dimitteret populum Dei; ad extremum primogenita perdidit, ut primogenita Israelis Domino sacrentur. Qui prius tenere cupiebant, instanter expellunt. Exterminator transiit, et terram Gessen pastorem et pluviis irrigatam non audent attingere. Erant enim postes eorum agni cruore signati, et opere loquebantur: *Signatum est super nos lumen vultus tui, Domine (Psal. iv)*. Unde et appellatur ipsa solemnitas Phase, quam nos transitum possumus appellare, eo quod de pecoribus ad meliora pergentes, tenebrosam Ægyptum relinquamus. *Hæc sunt, inquit, castra filiorum Israel, qui egressi sunt de terra Ægypti per turmas suas, in manu Moysi et Aaron.* Quas Græci *διαμονίς* vocant, nos propter linguæ proprietatem, significantius, mansiones, sive quando de exercitu dicitur, castra transtulimus. Fit autem catalogus mansionum a prima usque ad ultimam, et numerantur simul quadraginta duæ. De quibus Matthæus loquitur: *Ab Abraham usque ad David generationes quatuordecim (Matth. i)*, id est, simul generationes quadraginta duæ. Per has currit verus Hebræus, qui de terra transire festinat ad cælum, et Ægypto sæculi derelicta, terram repromissionis ingreditur. Nec mirum si in illo numeri sacramento perveniamus ad regna cælorum, sub quo Dominus atque Salvator a primo patriarcha pervenit ad Virginem, quasi ad Jordanem, qui pleno gurgite fluens, Spiritus sancti gratiis redundabat. Quod autem in manu Moysi et Aaron egressos scribit, intellige legem et sacerdotium: opera et cultum Dei, quorum alterum altero indiget. Nihil enim prodest exercere virtutes, nisi noveris Creatorem; nec Dei veneratio proficit ad salutem, nisi præcepta conditoris impleveris. His duabus mansionibus, quasi duobus seraphim, in confessionem sanctæ Trinitatis erumpimus dicentes: *Sanctus, sanctus, sanctus, Dominus Deus sabaoth*. Has mansiones Moyses scripsisse dicitur juxta castrorum loca, quæ Domini [jussu] mutabant. Audisti quid scripsit Moyses per verbum Domini. Et quid voluit Dominus hæc scribi? Ut prodesset utique nobis aliquid scriptura hæc mansionum quas fecerunt filii Israel. Denique dupliciter jubemur exire secundum spiritalem intelligentiam de Ægypto. Vel cum relinquentes gentilem vitam, ad agni-

tionem divinæ legis accedimus, vel cum anima de corporis hujus habitatione discedit. Ad utrumque ergo istæ mansiones quas nunc per verbum Domini Moyses describit aspiciunt. Nam de illis quidem mansionibus quod anima corpore exuta, imo corpore suo rursus induta, bibitura est, Dominus promuntiavit in Evangelio dicens: *Multæ mansiones sunt apud Patrem: alioquin dicerem vobis: Vado et præparabo vobis mansionem (Joan. xiv)*. Sunt ergo multæ illæ mansiones quæ ad Patrem decunt: in quibus singulis quid causæ, quid utilitatis animæ commoratio, quidve eruditionis aut illuminationis accipiat, scit ille solus futuri sæculi Pater, qui ait de semetipso, quia *ego sum ostium (Joan. x)*. *Nemo venit ad Patrem nisi per me (Joan. xiv)*. Qui fortassis in his singulis mansionibus unicuique animæ ostium fiet, ut per ipsum intret, et per ipsum exeat, et inveniet pascua. Et iterum intret ad aliam, et inde ad aliam mansionem, usquequo ad ipsum perveniat Patrem. Si vero ad secundam, de qua superius memoravimus, expositionem redeamus, et animæ in hac vita positæ per hæc intelligamus profectus, quæ conversa de gentili vita, non tam Moysen quam legem Dei, nec Aaron quam sacerdotem qui permanet in æternum sequitur, antequam ad perfectum veniat, in eremo habitat, ubi scilicet et exerceatur in præceptis Domini, et ubi fides ejus per tentationes probetur. Ubi cum vicerit unam tentationem, et fides ejus in ea fuerit probata, inde venit ad aliam, et quasi de una mansionem ad alteram transit. Et ibi cum obtinuerit quæ acciderint et fidei terit, pergat ad aliam. Et ita per singula tentamenta vitæ ac fidei profectus mansiones habere dicitur, in quibus per singula virtutum quærentur augmenta, et impletur in illis illud quod scriptum est: *Ibunt de virtute in virtutem (Psal. lxxxiii)*; usquequo perveniat ad ultimum, imo ad summum gradum virtutum, et transeat flumen Dei ac promissa suscipiatur hæreditas. *Profecti igitur de Ramesse mense primo, quinta decima die mensis primi, altera die post Phase, filii Israel in manu excelsa, videntibus cunctis Ægyptiis, et sepelientibus primogenitos quos percusserat Dominus (nam et in diis eorum exercuerat ultionem), castrametati sunt in Soccoth.* Ramesse a quibusdam interpretatur commotio turbulenta, aut amaritudo commotioque tinæ. Nos autem verius existimamus exprimi tonitruum gaudii. Ad hanc urbem, quæ in extremis Ægypti finibus erat, populus congregatus est, qui in desertum ire cupiebat, eo quod tumultum sæculi derelinquens, movebatur a vitis pristinis, et ab exedente se prius peccatorum, ut omnem amaritudinem vertens in dulcedinem, Dei vocem in Sina monte desuper tonantis audiret. Quod autem verba divina et eloquia Scripturarum in istius sæculi et mundi rota tonitruis appellantur, Psalmista declarat dicens: *Vox tonitruis in rota (Psal. lxxvi)*. Et Dei Patris vocem in baptismo audientes, tonitruum putaverunt. Cumque commoti fuerimus ad evangelicam tubam, et excitati

tonitru gaudio, eximus in mense primo, quando hiems præterit et abit, quando veris exordium est, quando terra parturit, quando cuncta renovantur. Et eximus quinta decima die mensis primi, in crastinum Paschæ, pleno mensis lumine, post esum agni immaculati, et calceatos pedes habentes de Apostolo, et accinctos pudicitia lumbos (Ephes. vi), et baculos in manibus præparatos. Quamvis enim in Ægypto quartadecima die mensis Pascha facientes comederimus agnum, tamen tunc nobis lux plena completur, quando in manu excelsa Ramesse dimittimus, quæ excelsa dicitur, vel quod Ægyptum percusserit, vel quod protexerit Israel videntibus Ægyptiis: qui admirantur nos egredi de sæculo, et torquentur invidia; et postea tenere cupientes in persecutionibus suffocantur, quando et Ægyptii sepeliunt primogenitos suos; et patres mortui terrenis operibus opprimunt mortuos filios. Mihi videntur Ægyptiorum primogenita dogmata esse philosophorum, quibus deceptos homines atque irrelitos tenebant. Quæ cum Israel vivus effugerit, circumdant mortuis suis, ne exeuntium lætentur exemplum. Porro quod sequitur, In diis eorum fecit judicia, sive ut Septuaginta traustulerunt, ultiones, illud Hebræi autumant quod nocte qua egressus est populus, omnia in Ægypto templa destructa sunt, sive motu terræ, sive tactu fulminum. Spiritualiter autem dicimus quod egredientibus nobis ex Ægypto errorum idola corruant, et omnis perversarum doctrinarum cultura quatiatur. Alii quærendum putant quomodo Deus vindictam faciat in demones, cum utique vindictæ dies et iudicii nondum venerit. Sed hanc ego puto in demones fieri vindictam, cum is qui ab illis deceptus fuerat ut idola coleret, per verbum Domini conversus, Deum colit, et ex ipso opere conversionis, vindicta in eum qui deceperat datur. Similiter et si is qui dæmonibus deceptus fuerat ad fornicandum convertatur ad pudicitiam, diligat castitatem, errasse se desinat, pœnitentiæ ipsius lacrymis uritur et incenditur dæmon, et sic vindicta datur in deceptionis auctorem. Similiter etiam si quis de superbia ad humilitatem, de luxuria ad parcimoniam redeat, et per hæc singula dæmones qui se in hæc deceperant flagellat et cruciat. Quantis eos putatis agi tormentis, si quem videant secundum verbum Domini vendere omnia sua quæ possidet, et dare pauperibus, et tollere crucem suam et sequi Christum? (Luc. xviii.) Super omnia vero eis est tormentorum genera, et super omnes pœnas, si quem videant verbo Dei operam dare, scientiam divinæ legis et mysteria Scripturarum intentis studiis perquirentem: in hoc eorum omnibus \* flammis est, in his toto uruntur incendio, quoniam quidem ignorantie tenebris humanas obscuraverant mentes, et per hæc obtinuerant ut Deus quidem ignoraretur, ad ipsos vero divini cultus studia transferrentur. Quæ putas in illos vindicta datur, quæ infertur eis flamma pœnarum, cum vident hæc lumine veritatis aperiri, et fraudis suæ nebulas per agnitionem legis divinæ nudari? Possi-

dent cunctos qui ignorantia vivunt, et non solum illos qui in ignorantia adhuc sunt, sed ingerunt se sæpe his etiam qui agoaverunt Deum, et rursus in eos opera ignorantie conantur operari. Neque enim sine ipsis consummatur omne peccatum. Nam cum adulterium quis admittit, non est utique sine dæmone. Vel cum ipsa \* immorata rapitur, vel cum diripit aliena, et qui sedens adversus proximum suum detrahit, et adversus filium matris suæ ponit scandalum, non est sine dæmone. Et ideo agendum nobis est ne forte Ægyptiorum primogenita, vel deos eorum, quos Dominus percussit et extinxit, ne nos suscitemus in nobis, si eis locum dederimus operandi in nobis ea quæ odit Deus. Si autem ab his omnibus contineamus nos eo modo quo superius diximus, dabit vindictam Dominus in omnibus diis Ægyptiorum, pœnasque ex nostra emendatione et conversione suscipiunt. Proficiscentes, inquit, filii Israel de Ramesse, castrametati sunt in Socoth. Secunda mansio. In hac coquunt panes azymos, et primum tendunt tabernacula, unde ex re locus nomen accepit. Socoth quippe interpretatur in lingua nostra tabernacula sive tentoria. Et ab hoc septimo mense quinta decima die mensis solemnitas Tabernaculorum est. Cum ergo exierimus ex Ægypto, primum tabernaculum figimus, sciendum nobis ad ulteriora progrediendum. Tunc enim non comedimus de fermento Ægypti, de fermento malitiæ et nequitiae, sed vescimur azymis sinceritatis et veritatis (I Cor. v); Domini præcepta opere consummantes: Cavete a fermento Pharisæorum (Luc. xii). In hac nobis præcipitur mansio ut semper memores simus egressionis ex Ægypto, ut celebremus transitum, id est, phase Domini; ut primogenita nostri uteri cunctarumque virtutum pro primogenitis Ægypti quæ percussa sunt Domino consecremus. Et profecti de Socoth, castrametati sunt in Etham, quæ est in extremo solitudinis. Tertia mansio offertur post tabernacula, in qua primum videtur Dominus nocte in columna nubis, ut præcedat populum et dux sit itineris. Etham nobis consonat fortitudo sive perfectio, de qua et David canit: Tu dirupisti fluvios Etham (Psal. lxxiii), id est, fortis. Grandis est fortitudo Ægyptum dimittere, et in extrema solitudine commorari. Ex quo intelligimus locum Socoth adhuc juxta Ægypti fuisse regiones. In eo enim quod dicitur, qui est in extremis finibus solitudinis, ostenditur inter confinia esse eremi et Ægypti. Notandum autem quod alia editio pro Etham Buthan habet. Buthan ergo convallis appellatur. Diximus enim virtutum in his esse profectum. Virtus autem non nisi exercitu et labore conquiritur. Nec tantum in prosperis quantum in adversis probatur. Venitur ergo ad convallē. In convallibus autem et inferioribus locis certamen habetur adversum diabolū et contrarias potestates. In convallibus ergo agon gerendus est, et in convallibus pugnandum est. Denique et Abraham in valle Salinarum pugnavit adversum barbaros reges, et ibi victoriam consecutus est. Descendit vero viator hæc



noster ad eos qui in profundis et in imis, non ut ibi demoretur, sed ut ibi victoriam consequatur. Præparemus nobis fortitudinem, assumamus perfectum robur, ut inter errorum tenebras et confusionem noctis scientiæ Christi lumen appareat: dies quoque noster nubem habeat protegentem, ut his ducibus ad sanctam terram pervenire valeamus. *Profectique de Etham venerunt contra Phihahiroth, quæ respicit Beel-sephon, et castrametati sunt contra Magdalum.* Quarta mansio Phihahiroth, quæ interpretatur *es nobilitum*. Quæ scribitur per litteram beth, ב. Quidam male hiroth villas putant: errorque manifestus est, quod pro supradicto elemento & litteram legant. Beel-sephon in linguam nostram vertitur *Dominus aquilonis*, aut *ascensus speculæ*, aut *habens arcana*. Porro Magdal *magnitudo* vel *turris*. Assumpta igitur fortitudine, nobilitamur in Domino, et Beel-sephon idoli arcana contemnimus, illiusque magnificentiam et turritam superbiam declinamus. Non enim est ab austro unde Dominus venit, et a meridie in qua spon-sus recumbit in floribus; sed possessor aquilonis, venti frigidissimi, a quo exardescunt mala super terram. Qui eum sit frigidissimus, nomine dexter vocatur, falso sibi assumens vocabulum virtutis ac dexteræ, cum totus sit in sinistra. Et *profecti de Phihahiroth, transierunt per mediam mare in deserto: et ambulaverunt viam trium dierum in solitudinem Etham, et castrametati sunt in Mara.* Quinta mansio Mara, quæ interpretatur *amaritudo*. Non poterant ad Rubri maris gurgites pervenire, et Pharaonem cum suo exercitu videre perentem, nisi postquam habuerant in ore nobilitates, et in Domini confessione virtutes. Post predicationem Evangelii, post tabernacula transmigrantium, post assumptam fortitudinem, post confessionis nobilitatem, pericula rursus occurrunt. Unde discimus cavendas semper insidias, et invocandam misericordiam Dei, ut insequentem Pharaonem possimus effugere, et nobis in spiritali baptismo suffocetur. Egressis de mari Rubro occurrit eremus Sur, quæ et solitudo Etham dicitur. In qua tribus diebus ingredientes, non habuerunt aquam; et perveniunt ad Maran, quæ ex amaritudine nomen accepit. Habebat fons aquarum, et dulcedinem non habebat. Murmurat populus videns aquas, et potare non sustinens. Intellige Maran, aquas occidentis litteræ. Quibus si immittatur confessio crucis, et passionis Dominicæ sacramenta jungantur, omne quod impotabile et triste videbatur ac rigidum, vertetur in dulcedinem. Unde et scriptum est: *Constituit Deus populo legem et judicia, et tentavit eum. Ubi enim magnitudo gratiæ, ibi magnitudo discriminis.* Nec terrearis si post victoriam venias ad amaritudinem, quia veram pascha facientes, azyrna cum amaritudinibus comedunt, et tentatio probationem, probatio vero spes, spes perit salutem. Apud medicos quoque quædam acidotas noxios humores temperans ex amaritudine nominatur, quæ dulcis ostenditur restituens sanitatem. Sic e contrario, voluptas atque luxuria amaritudine

A temperetur, dicitur Scriptura: *Quæ ad tempus pingues facit fauces tuas, novissime vero amari-selle invenies.* *Profectique de Mara venerunt in Elim, ubi erant duodecim fontes aquarum, et palmæ septuaginta, ibique castrametati sunt.* Vides post amaritudines, post asperitates tentationum, quæ te amœna suscipiunt loca? Non venisses ad palmas, nisi tentationum amaritudines pertulisses. Neo venisses ad dulcedinem fontium, nisi quæ tristitia fuerant et aspera superasses. Non quo jam finis sit in terris his et perfectio cunctorum, sed dispensator animarum Deus in ipso itinere interserit laboribus etiam quædam refrigeria, quibus refota anima promptior redeat ad reliquos labores. Elim tamen interpretatur *arietes*. Arietes duces sunt gregum. Qui sunt duces gregis Christi nisi Apostoli, qui sunt et duodecim fontes? Verum quoniam non solum duodecim elegit Dominus et Salvator noster, sed et alios septuaginta, ideo non solum duodecim fontes, sed et septuaginta arbores scribuntur esse palmarum. Et ipsi enim apostoli nominantur. Sic et ipse Paulus dicit, cum de resurrectione Salvatoris exponeret: *Visus est illis, inquit, undecim: deinde apparuit et omnibus apostolis (1 Cor. xv).* In quo ostendit esse et alios apostolos exceptis illis duodecim. Hæc amœnitas post amaritudinem, hæc te requies post laborem, hæc te gratia post tentationem suscipiet. Sed et inde egressi, fixere tentoria super mare Rubrum: *Profecti de Elim, castrametati sunt ad mare Rubrum.* Mare Rubrum quod Hebræe dicitur *jam suph* יַם סוּף septima mansio est: et quæritur quomodo post transmigrationem maris Rubri et fontis Mara et Elim rursus ad mare Rubrum venerint, nisi forte in itinere pergentibus sinus quidam maris occurrit, juxta quem castrametati sunt. Aliud est enim transire mare, aliud in proximo figere tabernacula. Ex quibus monemur etiam post evangelicam disciplinam et cibos dulcissimos triumphorum, apparere nobis interdum mare, et præterita discrimina poni ob oculos. Quanquam multæ differentiæ sit transire mare, et mare procul aspiciere. Verbum *jam suph*, apud Hebræos, ex mari et rubro compositum est. *Suph* autem et rubrum et scirpus vocatur. Unde possumus suspicari quod venerint ad paludem quamdam et lacum qui carecto et juncis plenus fuerit. Quod autem omnes congregationes aquarum Scriptura sancta mare vocet, nulla dubitatio est. Hæc mansio in Exodo non habetur, sed scriptum est pro ea quod de mari Rubro venerint ad desertum Sin, quæ est inter Elim et Sinai, quinta decima die mensis secundi egressionis eorum ex Ægypto, id est, trigesima prima postquam egressi sunt de Ramesse. *Et profecti de mari Rubro, castrametati sunt in deserto Sin.* Octava mansio, licet, juxta ordinem Exodi, septima sit. Sed sciendum quod omnis usque ad montem Sinai eremus Sin vocetur, et ex tota provincia etiam locus unius mansionis nomen accepit. Sic et Moab tam urbis quam provinciæ nomen est. In hac solitudine quinque mansiones sunt. Jam *Suph*, de qua supra diximus, ere-

nos Sin, et Daphca, et Alus, et Raphidim, de quibus loquemur in consequentibus. Sin autem interpretatur rubus vel odium. Quorum utrumque facit ad mysticos intellectus. Quo postquam venerimus ad eum locum de quo nobis sit Dominus locuturus, grande odium mereamur inimici. Tunc videbimus ardere rubrum et non comburi; inflammari Ecclesiam persecutionibus, et eam, loquente in illa Domino, non perire. Et nota quod in octava mansione, in qua torcularia nostra sunt (unde et octavus psalmus hoc titulo prænotatur) desertum capimus rubi, quia plures filii desertæ magis quam ejus quæ habet virum. *Et profecti de deserto Sin castrametati sunt in Daphca.* Nona mansio. Hoc nomen apud Hebræos, *σρούμα*, id est, pulsatio dicitur. Juxta quod ait Dominus: *Pulsate et aperietur vobis.* In libro autem Hebraicorum nominum *adhæsiorem remissionemque* transtulimus. Quod lectorem turbare non debet, nec putet nos distantia scribere. Ibi enim juxta id quod vulgo habetur edidimus, si medium scribatur verbum per beth  $\beth$  litteram. Hic autem in Hebraico volumine scriptum reperi per phe  $\phi$ , quod elementum magis pulsationem quam glutinum sonat. Sensusque est manifestus. Post responsa Domini, post octavum numerum, resurrectionis Christi incipimus sacramenta pulsare. *Profectique de Daphca, castrametati sunt in Alus.* Decima mansio in Exodo non habetur. Crediturque in Sin eremo contineri, eodem narrante libro: *Profecta est omnis multitudo filiorum Israel de eremo Sin, per mansiones suas, juxta os Domini, et venerunt Raphidim (Exod. xiii).* Ex quo perspicuum est plures mansiones unius regionis vocabulo demonstrari. Interpretaturque Alus *fermentum*: quod tollens mulier, commiscuit farinæ satis tribus, donec fermentaretur totum (Matth. xiii). In hac solitudine murmurat populus propter famem, et conversus respicit in nube procul gloriam Dei, accepitque vespere coturnicem, et mane alterius diei, manna. Et nota in mansione decima fermentum poni: et post esum carni manna tribui implerique Scripturam, Panem angelorum manducavit homo. *Profecti de Alus, castrametati sunt in Raphidim, et non erat aqua ibi populo.* Undecima mansio est. Quam violenter interpretatam in libro Hebraicorum nominum reperi, *vidit os sufficiens eis*, aut certe, *vitium oris fortium*; meliusque transfertur, *dissolutio fortium*, vel *sanitas fortium*, sive, juxta proprietatem linguæ Syræ, *remissio manuum*. Hæc et in Exodo legitur post profectionem de eremo Sin. Quæritur in ea populus ob ardorem sitis, fons de petra Horeb erumpit et profluit; tentationis quoque, id est *masa*  $\text{מַסָּא}$  sortitus est nomen. Moyses ascendit in montem, Jesus contra Amalec militat. Ad crucis signum superatur inimicus; remissis orantibus, hostis victor insequitur. Sedet Moyses super lapidem de Zacharia, qui septem habebat oculos, et in Samuelis volumine appellatur Abenhaazer, id est, lapis adjutorii; et utramque manum ejus, Aaron et Ur, id est, *montanus lucidusque* sustentant. Devicto adversario supervenit Jetro:

A adducit Sephoram et utrosque filios; dat consilium septuaginta seniorum; et in typum Ecclesiæ de gentibus congregatæ, legis imminutio Evangelio suggerente completur. Pulchre autem *dissolutio ac sanitas fortium* Raphidim dicitur, vel propter dissipatum Amalec, vel propter sanitatem Israel. Si autem remissionem manuum juxta Syros Raphidim dicitur, dicemus propter offensam populi, quia contra Dominum murmurant, isti loco nomen positum. Hæc tangimus potius quam exponimus, breviter indicasse contenti quod post fermentum Alus et Massam ecclesiæ, soleant multiplicia dæmonum adversum nos tentamenta consurgere. *Et profecti de Raphidim, castra posuerunt in solitudine Sinai.* Hæc duodecima est: statim tibi veniat in mente apostolorum numerus. Una de pluribus, sed major omnibus; non separatur in ordine, sed præcellit in merito. Ad hanc quadragesima septima die perveniunt, Scriptura dicente: *Mense tertio egressionis filiorum Israel de Ægypto, in die hac transierunt in solitudinem Sinai,* etc. De quo supra in secundo libro. plenius expositum est. *Et profecti de solitudine Sinai, castrametati sunt in sepulcris concupiscentiæ.* Tertia decima mansio, cujus nomen cum interpretatione editum est, apud Hebræos appellatur, *Cibaroth bataate.* Est autem sensus ille de Evangelio quod Jesus baptizatus statim a spiritu ductus est in desertum, et tentabatur a diabolo (Matth. iv). Itaque et Israel post familiarem cum Domino sermonem, postquam juxta montem Sinai commoratus est anno uno et diebus quatuor, mira dispositione castrorum egressus est in solitudinem Pharan, quæ interpretatur *onager* aut *feritas*. Ibi que succumbit malæ bestiæ fastidias cœlestem panem, et Ægyptiorum carnes desiderans, quando multos subitum voravit incendium, et intercedente Moyse, humum vorax flamma consumpsit. *Et profecti de sepulcris concupiscentiæ, castrametati sunt in Hæseroth.* Quarta decima mansio est in solitudine Pharan, quæ in atria vertitur. In hac Aaron et Maria propter Æthiopiassam contra Moysen murmurant, et in typum zeli adversus Ecclesiam de gentibus congregatam, populus Judæorum lepræ sorde perfunditur, nec redit ad tabernaculum ut pristinam recipiat sanitatem donec statutum plenitudinis gentium tempus impleat. *Et profecti de Hæseroth, castrametati sunt in Rethma.* Pro quo supra in hoc eodem libro legimus: Postquam profectus est populus de Aseroth, castrametati sunt in solitudine Pharan. Hæc est autem quinta decima mansio. Et notandum quod reliquis mansiones decem et novem, quarum nunc breviter catalogus describitur, a Rethma usque ad Asiongaber, id est, usque ad tricesimam secundam mansionem, sub Pharan solitudinis nomine contineatur. In quibus universa quæ scripta sunt diversis temporibus gestantur. Hoc est de duodecim exploratoribus missis ad terram sanctam, et botri ab ea relatione in ligno, de murmuratione populi Judæorum gigantium impetum reformidantis, et per ejus pugnam contra

Amalec a quo superatur, de Dathan et Abiron et filiis Core, et vindicta in eos prolata, de virga Aaron germinante, et vitula rufa in holocaustum concremata et cinere aspersionis : quæ omnia supra in libro exposita sunt. Rethma transfertur sonitus vel juniperus, quanquam plerique *ἄρνυθος* apud Græcos aliud genus arboris significare contendunt. Juniperum autem et primus graduum psalmus juxta Hebraicam veritatem sonat, ubi scriptum est : *Quid detur tibi aut quid apponatur tibi ad linguam dolosam (Psal. cxix) ?* Et Propheta respondet : *Sagittæ potentis acutæ, cum carbonibus juniperorum (Ibid.)*. Pro quo apud nos legitur, *desolatoriis*. Fertur autem lignum hoc ignem multo tempore conservare, ut pruna si ex ejus cinere operta fuerit, usque ad annum perveniat. Ex quo discimus post sepulcra concupiscentiæ et vestibula transire nos ad lignum quod multo tempore calorem tenet, ut sinus ferventes spiritu, et claro sonitu Evangelium in altum exaltata voce Domini prædicemus. *Profectique de Rethma, castrametati sunt in Remmom Phares*. Sexta decima mansio, quæ interpretatur Græco sermone *ῥοιᾶς ἀποκοπή*, Latine *malis punici divisio*, quod aliis malum granatum vocant. Cujus arboris fructus in Scripturis dupliciter accipitur : aut in Ecclesiæ gremio, quæ omnem turbam credentium suo cortice tegit, aut in varietate consonantiarum virtutum, juxta illud quod scriptum est : *Multitudinis autem credentium erat cor unum et anima una (Act. iv)*. Sicque diversi sunt singuli gradus, ut omnes eadem compage teneantur. *Unde egressi venerunt in Lebna*. Septima decima mansio, quam in lateres possumus vertere. Licet quidam Lebna transferentes, male *candorem* interpretati sunt. Legimus *Ægyptios lateres* in Exodo, quos populus faciens ingemuit. Legimus in Malachia, pro quibus Idumæa destructis, *lapides politos* reponere nititur : et *laterem* in Ezechiel, in quo obsessæ Jerusalem pictura describitur. Ex quibus discimus in itinere istius vitæ, et de alio in aliud transitu nunc nos crescere, nunc decrescere, et post ordinem ecclesiasticum sæpe ad laterum opera transigrare. *Et de Lebna castrametati sunt in Ressa*. Octava decima mansio in frenos vertitur. Si enim post profectum rersum ad luti opera descendimus, infrenandi sumus, et rursus vagi atque præcipites Scripturarum retinaculis dirigendi. Hoc verbum, quantum memoria suggerit, nusquam in Scripturis sanctis apud Hebræos invenisse me novi, absque libro apocrypho qui a Græcis *Μαργαριτες* appellatur. Ibi in ædificatione turris pro stadio ponitur, in quo exercentur pugiles et athletæ, et cursorum velocitas comprobatur. Dicit et Psalmista : *In freno maxillas eorum constringe, qui non approximant ad te (Psal. xxxi)*. Et Apostolus : *Nescitis quoniam qui in stadio currunt, omnes quidem currunt, sed unus accipit bravium ? Sic currite ut comprehendatis (I Cor. ix)*. *Et profecti de Ressa, castrametati sunt in Ceelatha*. Nona decima mansio interpretatur *Ecclesia*. Vagi carrentium gressus

frenis ad Ecclesiam retrahuntur, et fores quas ante reliquerant, rursus intrare festinant. *Unde profecti, castrametati sunt in monte Sapher*. Vicesima mansio interpretatur *pulchritudo*, et in monte decoris est constituta. De qua et quarti decimi psalmi principium sonat : *Domine, quis habitabit in tabernaculo tuo, aut quis requiescet in monte sancto tuo (Psal. xiv) ?* Vide quid prosint frena : a vitulis nos retrahunt, introducunt ad virtutum choros, et in Christo monte pulcherrimo, habitare faciunt. *Iste, juxta Daniel, lapis excisus de monte sine manibus, crevit in montem magnum, et implevit omnem terram (Dan. ii) : Iste, juxta Ezechiel, vulneravit principem Tyri*. Ad istum in Isaia et Michæa populi confluant dicentes : *Venite, ascendamus in montem Domini, et ad domum Dei Jacob : et annuntiabit nobis vias suas, et ambulabimus in semitis ejus (Isa. ii)*. *Et egressi de monte Sapher venerunt in Arada*. Vicesima prima mansio vertitur in *miraculum*. Quam pulcher ordo profectuum, quam egregia textura credentium. Post opus lateris infrenamur, post frenos in Ecclesiam introducimur, post habitationem Ecclesiæ ad Christum in montem ascendimus : in quo positi, stupemus atque miramur ut noster in laudibus ejus sermo superetur, invenientium in eo quæ nec oculus vidit, nec auris audivit, nec in cor hominis ascenderunt (II Cor. ii). *Inde proficiscentes, castrametati sunt in Maceloth*. Vicesima secunda mansio in cætus vertitur. In hac enim consistit multitudo credentium, Ecclesia primitivorum, virtutum omnium consonantia. Tunc vere possumus dicere : *Ecce quam bonum et quam jucundum habitare fratres in unum (Psal. cxxxii)*. Et Dominus facit unius moris in domo. *Profectique de Maceloth, castrametati sunt in Thahath*. Vicesima tertia mansio potest et subter intelligi. Sed melius *pavorem* interpretabimur. Venisti ad Ecclesiam, ascendisti ad montem pulcherrimum, stupore et miraculo Christi magnitudinem confiteris. Vides ibi multos virtutis tuæ socios, noli altum sapere sed time. Dominus enim superbis resistit, humilibus autem dat gratiam. Et qui se exaltat, videat ne cadat. Potentes potenter tormenta patientur. Timor virtutum custos, et securitas ad lapsum facilis. Unde et in quodam psalmo, postquam Propheta dixerat : *Dominus regit me, et nihil mihi deerit, in loco pascuæ ibi me collocavit, jungit timorem qui custos beatitudinis est et infert : Virga tua et baculus tuus, ipsa me consolata sunt*. Est et sensus : Dum tormenta formido, servavi gratiam quam acceperam, *De Thahath castrametati sunt in Thare*. Vicesima quarta mansio : quam nonnulli vertunt in *malitiam* vel in *pasturam*. Nec errarent, si per ainy litteram scriberetur. Nunc vero cum aspiratio duplex in extrema sit syllaba, erroris causa manifesta est. Hoc eodem vocabulo et eisdem litteris scriptam invenio *patrem Abraham*, qui in supradicto apocrypho Geneseos volumine, abactis corvis qui hominum frumenta vastabant, abactoris vel depulsoris sortitus est nomen. Itaque et nos imitemur

Thare, et volucres cœli quæ juxta viam statum triticum devorare festinant, sollicitus prohibeamus. Nam et Abraham patriarcha, in typo Iarochis, hostiarum divisit membra sacrificii, quæ a volucris non sinit devorari. Et contemptorem oculum effodiunt corvi de convallibus. Verusque Moyses ducit Æthiopiassam, et Elias a corvis pascitur. Si habueris pavorem, sollicitus eris; si sollicitus fueris, leonia caules ovium tuarum introire non poterit. Quod vel ad præpositos ecclesiarum, vel ad custodiam refertur animæ tuæ, ad quam diabolus per diversa vitiorum foramina ingredi nititur. *Unde egressi fixere tentoria in Methea.* Vicesima quinta mansio vertitur in *dulcedinem*. Ascendisti in excelsum, admiratus es virtutum choros, timuisti ruinam, abegisti insidiatores, dulcis te profluvius fructus insequitur laboris: et in morem litterarum, radicum amaritudinem pomorum suavitas compensabit, et dices: *Quam dulcia faucibus meis eloquia tua super mel ori meo.* Sponsumque tibi audies concinentem: Mel distillant labia tua, soror mea sponsa. Quid enim suavius disciplina, quid eruditione melius, quid dulcius Domino? *Gustate et videte quoniam suavis est Dominus.* Unde et Samson, qui abegerat a fructibus suis aves, et vulpes quæ exterminant vineas colligaverat, leonemque interfecerat rugientem, favum invenit in ore mortui. *Et de Methea castrametati sunt in Hesmona.* Vicesima sexta mansio in lingua nostra *festinationem* sonat. Juxta illud quod in psalmo scribitur: *Veniunt legati ex Ægypto (Psal. LXVII).* Pro *legati* in Hebræo *festinantes* legimus: ut postquam dulces fructus laboris messuerimus, non simus quiete contenti et otio; et rursum ad ulteriora properantes, obliviscamur præteritorum et in futura nos extendamus. *Et profecti de Hesmona, venerunt in Moseroth.* Vicesima septima mansio *vincula* sive *disciplinas* sonat: ut festino gradu pergamus ad magistros, et eorum limina teramus, et præcepta virtutum ac mysteria Scripturarum vincula putemus æterna. Juxta illud quod in Isaia dicitur. Et Sabaim viri sublimes ad te transibunt et tui erunt. Post hæc ambulabunt vincimanicis. *Et Paulus vinculus Jesu Christi.* Duplicia sunt in Scripturis vincula quæ dirupit Samson, et vicit inimicos. Et de meretricis legimus, Vinculum in manibus ejus. Et ex persona Domini dicentis: *Dirumpamus vincula eorum, et projiciamus a nobis jugum ipsorum (Psal. II).* Et alibi: *Laqueus contritus est, et nos liberati sumus (Psal. CXXVIII).* Christi autem vincula voluntaria sunt, et vertuntur in amplexus. Quicumque fuerit colligatus, dicet: *Sinistra ejus sub capite meo, et dextera ejus complectetur me (Cant. II).* *Et de Moseroth castrametati sunt in Benejaacan.* Vicesima octava mansio est Benejaacan, quæ interpretatione transfertur in *filios necessitatis* seu *stridoris*. Si ab uno incipias numero, et paulatim addens ad septimum usque pervenias, vicesimus octavus numerus efficitur. Qui sint isti filii necessitatis psalmus ipse nos doceat: *Afferte Domino, filii*

*A* Dei, afferte Domino filios arietum. Quæ est tanta necessitas quæ nolentibus imponatur? Cum divinis Scripturis fueris eruditus, et leges earum ac testimonia scientiæ veritatis, contendens cum adversariis, ligabis eos, et vincetos ducet in captivitatem; et de hostibus quondam atque captivis liberos Dei facies, ut repente dicas cum Sion: Ego sterilis et non pariens, transmigrata et captiva, et istos quin enutrivit? Ego destituta et sola, et isti ubi erant? Porro quod vertimus *filios stridoris*, ad illum sensum refer quod timore supplicii et ejus loci ubi est stridor dentium deserentes diaboli vincula, Christo Domino credentium turbæ colla submittant. *Egressique de Benejaacan, venerunt in montem Gadgad.* Vicesima nona mansio interpretatur *nuntius* sive *expeditio* et *accinctio*; vel certe, quod nos verius arbitramur, *narratoris*, id est, *concisio*. Haud aliter possumus magistri discipulorum atque credentium eos facere filios necessitatis, nisi præceptorum eorum interfecerimus, crudeliter simus in occisione eorum. Non parcat manus nostra armum aut extremam auriculæ de ore leonum extrahere. Maledictus qui facit opus Dei negligenter, et prohibet gladium suum a sanguine. Unde et David: *In matutino, inquit, interficiebam omnes peccatores terre (Psal. CXVII).* De nuntio autem et accinctioe hæc breviter possumus dicere quod filie necessitatis grades ad virtutum stimulos suggeramus, cum eis nuntiaverimus præmia futurorum, et accinctos inire bella docuerimus. Horum trium quidquid magister fecerit, in monte consistit. *Et profecti de monte Gadgad, castrametati sunt in Setebatha.* Trigesima mansio *bonitas* interpretatur: ut cum pervenerimus ad perfectum virum in sacerdotalem gradum, et in ætatem plenitudinis Christi, in qua et Ezechiel erat juxta fluvium Chobar, possumus cum David in tricesimo psalmo canere: *Domine, in te speravi, non confundar in æternum.* Pastor enim bonus ponit animam suam pro ovibus suis. *Et profecti de Setebatha, castrametati sunt in Ebrona.* Trigesima mansio interpretatur *transitus* sive *transitio*. Ad hanc venit verus Hebræus atque transitor qui dicere potest: *Transiens videbo visionem hanc magnam.* De quo et Psalmista ait: *Et non dixerunt qui præteribant, Benedictio Domini super vos (Psal. CXXVIII).* Præterit enim figura hujus mundi. Et propterea sancti cupiunt ad meliora transire, nec præsentis statu contenti, ingemiscunt quotidie. *Hæc recordatus sum, et effudi in me animam meam: quoniam transibo in locum tabernaculi admirabilis, usque ad domum Dei (Psal. XLI).* *Et egressi de Ebrona, castrametati sunt in Asiongaber.* Trigesima secunda mansio est in Asiongaber, quæ transfertur in *ligno viri*. Possunt hæc ligna viri, saltuum et omnium arborum genera, multitudinem gentium figurare. Huc usque solitudo Pharan decem et octo continet mansiones, quæ descriptæ in catalogo, in superiori itinere non ponuntur. *Inde profecti venerunt ad desertum Sin, hæc est Cadoo.* Quæritur cur octava

mansio nunc tricesima tertia esse dicatur. Sed sciendum quod prior per samech ס litteram scribitur, interpretaturque rubus sive odium. Hæc autem per sade ש, et vertitur in *mandatum*. Illudque quod jungitur, *Cades*, non ut plerique existimant *sancta* dicitur, sed *marata* sive *translata*. Legimus in Genesi (Cap. xxviii) juxta Hebraicam veritatem, ubi Judas meretricem patans Thamar, dona transmittit, et sequester numerum interrogat, *ubi est cadesa*, hoc est scortum, cujus habitus a cæteris feminis immutatus est. In multis quoque locis hoc idem reperimus. Sim autem sancta interpretatur, κατ' ἀντίφρασιν est intelligendum, quomodo Parcæ dicuntur ab eo quod minime parcant : et bellum, quod nequaquam bellum sit ; et lucus, quod minime luceat. In hac etiam mansione moritur Maria et sepelitur : et propter aquas contradictionis Moyses et Aaron offendant Deum, et prohibentur transire Jordanem. Missisque nuntiis ad Edom, transitus petitur nec impetratur. Quis timeret post tantos profectus murmur populi, et offensam magistrorum, et viæ transitus denegatos ? Et nota quod post mortem prophetissæ et aquas contradictionis Idumæum carneum atque terrenum transire non possint, et cum multis precibus et conatu viam non impetrent, sed egrediantur Edom adversus eos in multo populo et in manu forti. Interpretatio quoque nominis morti et offensæ, et negatio transitui convellit. Ubi enim mandatum, ibi peccatum ; ubi peccatum, ibi offensa ; ubi offensa, ibi mors. Hæc est mansio de qua Psalmista canit : *Commovet Dominus desertum Cades.*

*Egressique de Cades, castrametati sunt in monte Hor, in extremis finibus terræ Edom. Ascenditque Aaron sacerdos montem Hor jubente Domino, et ibi mortuus est anno quadragesimo egressionis filiorum Israël ex Ægypto, mense quinto, prima die mensis, cum esset annorum centum viginti trium. Audivitque Chananæus rex Arad, qui habitabat ad meridiem, in terram Chanaan venisse filios Israël. Tricesima quarta mansio est, quam plerique interpretantur lumen ; nec errarent, si per Aleph א litteram scriberetur. Alii pellem ; et ipsi verum dicerent, si esset Ain י positum. Nonnulli foramen ; quod posset accipi, si Beth ב, haberet elementum. Cum autem legatur per, He ה magis mons intelligitur et legi potest : Ascendit Aaron sacerdos in montis montem, id est, in verticem montis. Ex quo etiam advertimus non in montem simpliciter, sed in monte montis pontificem mortuum, ut dignus locus meritis illius demonstraretur. Moritur autem eo anno quo novus populus re-promissionis intraturus erat, in extremis finibus terræ Idumæorum ; et plangit eum populus triginta diebus. Aaron plangitur, Jesus non plangitur. In lege descensus ad infēros : et in Evangelio ad paradisum transmigrationis. Audit quoque Chananæus quod venisset Israel et in locum exploratorum ubi quondam offendisse populum noverat, infert prælium, et captivum ducit Israel rursusque in eodem loco pugnat ex voto. Victor vincitur, victi superant. Appellaturque*

A nomen Horma, id est, anathema. Eadem dicere mihi non est pigrum, legentibus necessarium, quod semper humanus status in hujus sæculi via fluctuet, et alius in valle, alius in campo, alius moriatur in monte : nec in monte simpliciter, sed in montis monte, id est, in excelso vertice. Cumque nos Dei auxilio destitutos hostis invaserit, duxeritque captivos, non speremus salutem, sed iterum armemur ad prælium. Potest fieri ut vincamus ubi victi sumus ; et in eodem loco triumphemus, in quo fuimus ante captivi.

B *Et profecti de monte Hor, castrametati sunt in Selmona. Unde egressi venerunt in Phinon.* Hæc duæ mansiones, tricesima quinta et tricesima sexta, in ordine historię non inveniuntur, sed scriptum est pro eis : *Egressi sunt de monte Hor, per viam maris Rubri, et circumierunt terram Edom. Ex quo ostenditur in finibus atque circuitu terræ Edom eas positas. Nec secundum morem legitur, Profecti de monte Hor, castra metati sunt in Selmona, sive in Phinon, sed post ambitum terræ Idumæorum, venit ad extremum et ait : Profecti filii Israël, castrametati sunt in Oboth. Nec dixit profecti sunt de illo in illum locum, quia duas mansiones silentio prætermiserat. Quas in supputatione tacuerat, reddit in summa. Prima mansio Selmona, interpretatur *imaguncula*. Secunda Phinon diminutive os ab ore, non ab osse, intellige. In his Aaron mortuo, murmurant contra Dominum et Moysen ; manna festidiunt ; a serpentibus vulnerantur ; et in typum Salvatoris, qui verum antiquumque serpentem in patibulo triumphavit, diaboli venena superantur. Unde et *imaguncula*, vera expressaque imago Dei Filii, passionem ejus intuens, conservatur, et quod corde credit, ore pronuntiat, legens illud Apostoli : *Corde creditur ad justitiam ; ore autem confessio fit ad salutem (Rom. x).**

C *Profectique de Phinon, castrametati sunt in Oboth.* Tricesima septima mansio est in Oboth, quæ vertitur in *magos* sive in *pythones*, significans spirituales serpentes et artes maleficas ad bella nos provocare : quas per divinam protectionem in custodia cordis superare debemus. *Et de Oboth venerunt in Jeabarin, que est in finibus Moabitum.* Tricesima octava mansio, *acervos lapidum transeuntium* sonat. Sunt sancti lapides qui volvuntur super terram, leves, politi, et rotunditate sua rotarum cursibus similes. Sunt et alii quos propheta tollit de via, ne ambulantium in eo offendant pedes. Qui sunt isti ambulantes ? Utique viatores et prætereuntes qui per istud sæculum ad alias mansiones transire festinant. Quod autem dicitur, *in finibus Moab contra solis ortum*, ostendit juxta litteram, quod hucusque in finibus terræ Idumæorum fuerint ; et nunc veniant ad terminos Moab, de alia provincia ad aliam transeuntes, sicut in superioribus jam dictum est. Non enim semper uni virtuti danda est opera ; sed sicut scriptum est : *Ibunt de virtute in virtutem (Psal. lxxxiii)*, de alia transeundum est ad aliam : quia hærent sibi, et ita inter se nexæ sunt, ut qui una ca-

ruerit, omnibus careat. Et tamen transire de alia ad aliam eorum est proprie qui solis justitiæ ortum considerant. *Profectique de Jeabarim, fixere tentoria in Dibongad.* Trigesima nonâ mansio, interpretatur fortiter intellecta tentatio. Pro hac in ordine historiæ aliter scriptum reperi. Postquam enim castrametati sunt in Jeabarim, in finibus Moab contra ortum solis, legitur: *Inde profecti sunt, et diverterunt ad torrentem Zareth. Et de hoc loco proficiscentes, castrametati sunt trans Arnon, quæ est in solitudine finium Amorrhæi, eo quod Arnon in terminis sit Moabitarum et Amorrhæorum, etc.* Post Dibongad, geritur bellum contra Seon regem Amorrhæorum, et Og regem Basan; et discimus quod cum venerimus ad summum, et de fonte principum regumque hiberimus, ascendentes ad montem Phasga, non debeamus elevari in superbiam, sed propositam nobis e contrario solitudinem noverimus. Ante contritionem elevatur cor viri, et ante gloriam humiliatur.

*Unde egressi, castrametati sunt in Almon Deblathaiema.* Quadragesima mansio vertitur in contemptum plagarum, sive opprobriorum. Et per hanc discimus omnia dulcia et illecebras voluptatum in sæculo contemnendas, nec inebriari nos debere vino mundi, in quo est luxuria. Mel non offertur in sacrificiis Dei: et cætera quæ dulcia continent, non lucent in tabernaculo; sed oleum purissimum, quod de olivæ profertur amaritudine. Mel enim distillat de labiis mulieris meretricis. De quo puto juxta mysticos intellectus gustasse Jonathan, et sorte deprehensum vix populi precibus liberatum. Quod autem opprobria contemnenda sint, et si falsa objiciantur, beatitudinem pareant, Salvator plenissime docet. *Et egressi de Almon Deblathaiema, venerunt ad montes Abarim, contra Nabo.* Quadragesima prima mansio vertitur in montes transeuntium, et est contra montis faciem Nabo, ubi moritur et sepelitur Moyses, terra repositionis ante conspecta. Nabo interpretatur conclusio, in qua finitur lex, et non invenitur ejus memoria. Porro gratia evangelii absque ullo tenditur loco. *In omnem terram exivit sonus ejus, et in fines orbis terræ verba illius (Psal. viii).* Simulque considera quod habitatio transeuntium in montibus sita sit, et adhuc profectu indigeat. Post montes enim plurimos, ad campestria Moab et Jordanis fluenta descendimus, qui interpretatur descensio. Nihil enim, ut crebro diximus, tam periculosum est quam gloriæ cupiditas et jactantia, et animus conscientia virtutum tumens.

*Profectique de montibus Abarim, transierunt ad campestria Moab super Jordanem contra Jericho.* Ibi castrametati sunt de Bethiesimoth, usque ad Bethsittim, in planioribus locis Moabitarum. In quadragesima secunda quæ extrema mansio est, cursim quæ gesta sint narremus. Residens in ea populus, a divino Balaam quem mercede conduxerat Balac filius Sefhor, Dei benedicatur jussione et maledictio mutatur in laudes. Audit voces Domini, et profano ore resonat: Orietur stella ex Jacob, et consurget homo

A de Israel, et percutiet principes Moab, et vastabit filios Seth, et erit Edom hæreditas ejus. Fornicatur cum filiabus Madian, et Phinees filius Eleazar, zelus zelum Domini, Zambrî et scortum Madianitarum pugnione transigit. Unde et accepit præmium in æternam memoriam; armem victimæ. Numeratur rursus populus, numerantur et Levitæ, ut interfectis pessimis, novus Dei populus censeatur. Interpellant quinque filie Salphaad, et judicio Domini hæreditatem accipiunt inter fratres suos, nec femineus a possessione Dei sexus excluditur. Jesus Moysi in monte succedit, et discit a lege quæ spiritaliter offerre debeat in ecclesia: primum quidem per singulos dies; deinde quid sabbato, quid in Kalendis, quid in Pascha, quid in Pentecoste, quid in Neomehia mensis septimi, quid in jejuniis ejusdem mensis die decimo, quid in Scenopogia quando signatur tabernacula, quinto decimo die mensis suprafacti. Uxoribus et filiarum vota, absque auctoritate patrum et virorum causa, memorentur; bellum contra Madianitas, et mors divini Balaam et prædæ divisio, et oblatio ex ea in tabernaculo Dei. Primus Ruben et Gad, et dimidia tribus Manassæ, contra Jordanem in eremo possessionem accipiunt. Plurima enim habebant jumenta, et necdum ad id venerant ut possent habitare cum templo. Docetur populus ut in terra sancta idola destruat, et nullus de priori habitatione servetur. Describitur olim cupita provincia, et duarum semis tribuum hæreditas separatur. Numerantur tribuum principes qui terram sanctam debeant introire. Quadragesima duas urbes cum suburbanis suis usque ad mille passus per circuitum Levitæ accipiunt, tot numero quot et iste sunt mansiones. Et adduntur fugitivorum sex aliæ civitates, tres intra Jordanem, et tres trans Jordanem, ut sint simul quadragesima octo. Qui fugitivorum suscipi, qui interfici debeant, et usque ad mortem pontificis magni reservari. Succedit Deuteronomium secunda lex, mediatorium Evangelii; ibique breviter discimus quæ inter Pharan, Tophel et Laban, et Hase-roth, et loca aurea abjecto Juda infelicissimo, undecim diebus via de Horeb per viam montis Seon usque ad Cadesbarne, Moyses populo sit locutus, et extremum canat canticum, in quo apertissime synagoga projicitur, et Ecclesia Domino copulatur. *Impinguatus est et incrassatus ac dilatatus, et recalcitravit dilectus; et oblitus est Dei salvatoris sui (Deut. xxxii).* Et iterum: *Generatio pessima est, filii inerediti: ipsi ad æmulationem me provocaverunt in eo qui non erit Deus; irritaverunt me in scupitibus suis. Et ego celare faciam eos nationes, et contra gentem stultam irritabo illos.* Benedicuntur illi Israel, et rursus in Simone Judas miserandus excluditur. Ascendit Moyses ad montem Nabo in vertice Phasga, qui est contra Jericho, et ostendit ei Dominus omnem terram Galaad, usque ad Dan et Nephtalim et Ephraim, et Manasses, et universam terram Juda, usque ad mare magnum contra austrum; et regionem campestem Jericho, cunctam civitatem palmarum usque

Segor. Quis potest tanta nosse mysteria? Quis in extremis legis et hujus vite finibus constitutus intelligit semper sibi esse pugnandum, et tunc plenam victoriam dari, si fuerit in campestribus? Si in Abel Sethim, quod interpretatur *luctus spinarum*, fleat antiqua peccata, et spinas quæ suffocaverunt sementem verbi Dei, et de quibus Propheta dicit: *Versatus sum in miseria, dum configitur spina mihi* (Psal. xxxi). Nec silendum arbitror, quod quidam quærendum putant, mansiones quadraginta duæ filiorum Israel in solitudine, quæ hic in ultima libri Numerorum parte computantur, quot vel quibus sint annis aptandæ, longissimi illius itineris quo ab Ægypto usque ad terram repromissionis ille populus agebatur. Sed his satis responsum esse æstimo in epistola Bedæ presbyteri, quam ad Accan antistitem super hac re conscripsit: quam profecto ex maxima parte, in hoc nostro opusculo pro hac quæstione solvenda ponendam esse censuimus. Castra videlicet vel mansiones easdem, trium tantummodo congrue annorum. Primi videlicet et secundi, et quadagesimi egressionis ex Ægypto: quorum primus continet annus mansiones certa distinctione duodecim. Prima Ramesse quinta decima die primi mensis ingressam, ultimam solitudinem Sinai prima die tertii mensis additam, et per undecim menses continuos construendi tabernaculi, et docendæ legis gratia minime relictam. Quarum videlicet quindecim mansionum, novem solummodo liber Exodi nominatim exprimens, cæteras tres sub deserti Sin quod esse dicitur inter Elim et Sinai, vocabulo indiscrete præterit. Secundus annus complectitur mansiones viginti et unam. Quibus in ordine historiæ cunctis indifferenter sub solitudinis Pharan nomine comprehensis, prima solum secunda et ultima, hoc est, sepulcra concupiscentiæ, Haseroth et Cades, suo distinguuntur ex nomine. Sed in catalogo mansionum pariter omnes quot numero fuerint, vel quo nomine dictæ, diligenter ostenditur. Quarum prima mansio, hoc est, Sepulcra Concupiscentiæ, secundo mense ejusdem secundi anni, vicesimo secundo die mensis introita. Anno enim secundo, ut Scriptura dicit, mense secundo, vicesimo die mensis, moverunt castra de deserto Sinai; et recubuit, inquit, nubes in solitudine Pharan; profectique sunt de monte Domini, viam trium dierum, donec venirent ad locum mansionis, quæ merito populi carnes Ægyptias desiderantis, Sepulcrorum Concupiscentiæ, nomen accepit. Ultima autem horum mansio, id est, Cades, quo die vel mense ejusdem anni sit ingressa, non dicitur; sed tamen quia, et ipsa in solitudine Pharan sita, quia eodem anno fuerit addita, non tacetur. Scriptum est enim: *Et populus non est motus de illo loco, donec revocata Maria, profectus est de Haseroth fixis tentoriis in deserto Pharan, ubi locutus est Dominus ad Moysen, dicens: Mitte viros qui considerent terram Chanaan* (Num. xii). Quod ne proxima post Haseroth mansionem jussum factumque putetur, sed potius intelligatur in ultima earum, quæ sub

A Pharan solitudinis nomine continetur impletum, videamus quod infra scriptum est. Reversique exploratores terræ post quadraginta dies, omni regione circuita, venerunt ad Moysen et Aaron, et ad omnem cœtum filiorum Israel, in desertum Pharan, quod est in Cades. Sed in Deuteronomio Moyses ipse loquitur populo capite primo: *Cumque venissetis in Cadesbarne, dixi vobis: Venistis ad montem Amorrhæi, quem Dominus Deus noster daturus est nobis. Vide terram quam Dominus Deus tuus dabit tibi: ascende et posside eam. Et accessistis ad me omnes, atque dixistis: Mitte viros qui considerent terram*, etc. Quod autem eandem mansionem secundo anno egressi de Ægypto adierint, a qua tamen peccato murmurationis retro converti, ac multo tempore post desertum vagi errare, et passim cadere meruerint, testatur Moyses in istis consequentibus dicens: *Seditis 7ergo in Cadesbarne multo tempore. Profectique inde, venimus in solitudinem, quæ ducit ad mare Rubrum, sicut mihi dixerat Dominus et circumvimus montem Seir multo tempore* (Deut. i). Et infra: *Tempore autem quo ambulavimus de Cadesbarne, usque ad transitum torrentis Zareth, triginta octo annorum fuit, donec consumeretur omnis generatio hominum bellatorum de castris, sicut juraverat Dominus* (Deut. ii). Zareth autem nomen est mansionis, de illis dico quadraginta duabus, sed nomen torrentis ad quem, sicut in Numerorum volumine legitur, transgressa vicesima octava mansione nomine Jeabarim, venerunt. Quem relinquentes, inquit, castrametati sunt in Arnon, quæ est in deserto, et prominet in finibus Amorrhæi. Quod quadagesimo anno gestum fuisse, non latet. Qui videlicet annus quadagesimus idem et ultimus, longissimæ per desertum viæ mansiones continet numero decem. Quorum prima est magno laborare repetita, eadem ipsa Cades deserti Sin: quam ante triginta octo annos ut dictum est, culpa prævaricationis exigente, post se reversi reliquerant. De qua ita scriptum est: *Veneruntque filii Israel, et omnis multitudo de deserto Sin, mense primo; et mansit populus in Cades. Mortuaque est ibi Maria, et sepulta est in eodem loco. Cumque indigeret aqua populus, coierunt adversum Moysen et Aaron, et cætera usque ad id quod scriptum est: Hæc est aqua contradictionis, ubi jurgati sunt filii Israel contra Dominum, et sanctificatus est in eis* (Num. xx). Notandumque quod eadem Cades et in deserto Pharan esse et in deserto Sin Scriptura sitam referat. Unde conjiciatur consueto more locorum, pariter deserti Pharan, ubi Cades est, specialiter Sin appellari. Sin autem non ipsa est Cades quam mox transgresso mari Rubro, inter Elim et Sinai pertransiere, sed alia prorsus aliisque apud Hebræos scripta elementis. Secunda vero ejusdem quadagesimi anni mansio est mons Hor, in quo occubuit Aaron prima die mensis quinti. Ultima campestris Moab super Jordanem contra Jericho, ubi Deuteronomium meditantes manserunt, usque dum post mortem Moysi, Josue duce, prima die decimi mensis, sicca

fluvii Jordanis profunda transierunt. Fiunt ergo omnes mansiones primi anni, duodecim. Secundi, viginti una. Ultimi, et ipsi vicesima prima, quæ est Cades; et aliæ novem, id est, simul omnes quadraginta duæ. Ibi diligentius intuemum, quare legislator, tanta solertia trium annorum conscripto catalogo, reliquas maluerit præterire silentio, ita ut tanto tempore, nullo potius sæculorum spatio distincta mansionum loca, sub textu continuæ narrationis, quasi mox sibi invicem succedentia connectat. *Egressisque de Ebronæ, castrametati sunt in Asiongaber. Inde profecti venerunt in desertum Sin, hoc est Cades. Egressisque de Cades, castrametati sunt in monte Hor* (Num. III). Cum superiora sollicitius inquisita, doceant eos secundo suæ profectionis anno, de Asiongaber venisse in Cades, et post longos triginta et octo annorum anfractus, de repetita tandem eadem Cades, venisse in montem Hor, nequaquam hoc frustra, sed magni mysterii gratia taliter actum conscriptum intellige. Ubi, salvo subtiliore tractatu, moraliter puto sentiendum quod quia mansionum contextus earumdem qui de servitute Ægyptia liberatos ad terram repromissionis provehit, sicut beatus Hieronymus libro super eis dictato enucleatius exponit: Altipetax est spiritalium ascensio virtutum: quibus Ecclesiæ Christi, quibus unaquæque anima fidelis, spe libertatis assumpta, a convalle lacrymarum ad dispositum sibi locum, hoc est ad videndum Deum deorum in Sion festinat, satagit ascendere, donec salvo nostri boni operis incessu, proficimus de virtute in virtutem, quasi quædam castra mansionesque Deo duce rectissimas, Dei conspectu dignissimas, per desertum mundi sitientes agamus. At quoties victi quibuslibet diripientibus, accepto varietatis calle deviamus. Non enim statim ad aliores virtutum gradus ascendere possumus, sed interim ab infimis miseræ mentis defectibus paulatim superiora debemus pœnitendõ repetere; donec, dignis pœnitentiæ fructibus actis, perveniamus reduces ad ipsum de quo lapsi fuimus modum culmenque gratiæ spiritalis: ac sic intermissum ad tempus incipiamus iter agere virtutum, exuti veterem hominem cum actibus ejus, et induti novum qui secundum Deum creatus est in justitia et sanctitate et veritate. Quod mors et funeratio patrum peccantium in deserto, ibidemque natæ et adultæ significat juventutis alacritas: quæ fluvio mortis devicto, digna sit regnum supernæ promissionis intrare. Ita enim sit ut, renovata nostræ bonæ conversationis juventute sicut aquilæ, tanta jam ac talia, malignis spiritibus occurrentes, valeamus firmare castra supernorum profectuum, quæ non solum divino respectui grata, sed etiam spiritalium Patrum sint scriptis ac laude dignissima.

## CAPUT IX.

*Præceptum Domini ad Moysen de idolis confringendis.*

(IBID.) *Locutus est Dominus ad Moysen dicens: Præcipe filiis Israel, et dices ad eos: Quando transieritis Jordanem intrantes terram Chanaan, disper-*

*dite cunctos habitatores regionis illius. Vitulos et statuas comminuite, atque excelsa vastate, mandantes terram et habitantes in ea: ego enim dedi vobis eam in possessionem, quam dividetis vobis sorte. Pluribus dabitis latiore, et paucis angustiore. Singulis ut sors ceciderit, ita hæreditas tribuetur. Per tribus et familias possessio dividetur. Quid est quod Dominus jubet Israelitis ut quando transierint Jordanem, intrantes terram Chanaan, disperdant cunctos habitatores regionis illius, et confringant vitulos atque omnia excelsa vastent, mundantes terram habitationis suæ, nisi ut post baptismi perceptionem studeamus omnigena vitiorum agmibus de carne nostra extirpare, mundantes terram cordis nostri quatenus, munere virtutum ditati, salubriter in ea conversemur? Jordanem ergo transiit, qui crimina carparum unda baptismatis abluit. Terram Chanaan; hoc est terram repromissionis, adit, qui sibi possessionem virtutum acquirit, ut, deposito veteri homine cum actibus suis, qui corrumpitur secundum desideria erroris, induat novum, eum qui renovatur in agnitione Dei, secundum imaginem ejus qui creavit eum. Iste disperdit cunctos habitatores regionis illius, cum malignos spiritus eam suggestionibus suis ac phantasmate vitiorum, timore Christi compactus, de mente sua conterere satagit. De quo per Psalmistam dicitur: *Beatus qui tenet et affidet parvulos suos ad petram* (Psalm. cxxxv). Hic excelsa vastat, cum superbiam carnis suæ edomare festinat: sicque mundam terram habitationis suæ jure hæditario possidet, quando carnem suam a squalore peccatorum purgatam et a pugnis vitiorum quietam detinet. Quod autem jubet pluribus latiore possessionem dari, et paucis angustiore, singulis ut sors ceciderit, significat quod hi qui copiam habent virtutum, latitudinem sperare debent præmiorum. Qui autem paucitate virtutum contenti sunt, et contenti esse debent secundum suum meritum qualitate retributionum. Unde Paulus Corinthios ad elemosynarum largitatem provocans ait: *Qui parce seminat, parce et metet. Et qui seminat in benedictione, de benedictione metet vitam æternam* (II Cor. ix). Sequitur: (IBID.) *Sin autem nolueritis interficere habitatores terræ qui remanserunt, erunt vobis quasi clavi in oculis, et lanceæ in laceribus: et adversabuntur vobis in terra habitationis vestræ, et quidquid illis facere cogitaveram, faciam vobis. Ac si diceret: Quicunque hostes spirituales de cordibus suis expellere non eraverit, et a sinitibus actuum atque cogitationum suarum arcere non contenderit, clavis continentiæ suæ compungitur, nec quietem in conversatione sua ullo modo habere poterit, quin potius a justo retributore non solatium amictorum, sed hostium sententiæ merebitur interitum.**

## CAPUT X.

*De distributionibus terræ repromissionis Israel per sortem faciendis.*

(CAP. XXXIV.) *Locutusque est Dominus ad Moysen dicens: Præcipe filiis Israel et dices ad eos: Cum*



ingressi fuerit terram Chanaan, et in possessionem  
 vobis sorte ceciderit, his finibus terminabitur. Scri-  
 ptum est ubi in libro Numerorum, in quo omnis  
 terra repromissionis per quatuor plagas brevi ser-  
 mone dividitur. Pars meridiana incipiet a solidudine  
 Sin, quæ est iuxta Edom: et habebit terminos contra  
 orientem mare salissimum. Qui circuibunt australem  
 plagam per ascensum Scorpionis, ita ut transeant in  
 Senna, et perveniant in meridiem, usque ad Cades-  
 burne. Unde egredientur confinia ad villam nomine  
 Adar, et tendent usque ad Asemona. Ibi quoque per  
 gyrum terminus ab Asemona usque ad torrentem  
 Ægypti, et maris magni litore finietur. Pro quo in  
 ultima visione Ezechielis dicitur: *Plaga autem*  
*australis, id est meridiana, a Thamar usque ad aquas*  
*Musthor (Ezech. ult.), id est, contradictionis. Cades*  
 quoque et torrens usque ad mare magnum, quod  
 significat latissimam latitudinem Sin, quod iuxta  
 Edom, et in mari Rubro terminum circuire, et per  
 ascensum Scorpionis et per Senna et Cadesbarne,  
 et atrium sive villam Adar et Asemona pervenire  
 usque ad torrentem Ægypti, qui iuxta urbem Rhi-  
 nocoruram mari insluit. Hic vero terminus plagæ  
 australis incipit a Thamar, quæ urbs in solidudine  
 est, quam et Salomon miris operibus extruxit, et  
 hodie Palmyra nuncupatur, Hebræicoque sermone  
 Thamar dicitur, quæ in lingua nostra palmam sonat,  
 usque ad aquas contradictionis Cades, quam in des-  
 erto esse non dubium est; et torrens ingrediens  
 mare magnum, hoc quod Ægypti Palæstinæque  
 præterdit littoribus. Sequitur in libro Numerorum:  
*Plaga autem occidentalis a mari magno incipiet, et*  
*ipso sine claudetur, hoc est, a mari usque ad mare.*  
 A torrente videlicet Rhinocoruræ, qui in mari insluit,  
 usque ad eum locum ubi est Emath urbs Syriæ,  
 cujus in hac plagâ et nomen ponit Ezechiel, et plaga,  
 inquit, maris, mare magnum a confinio per dire-  
 ctum, donec venias Emath, quæ nunc Epiphaniæ no-  
 minatur, ab Antiocho crudelissimo tyrannorum,  
 nomine commutata. Nam cognomen habuit Epi-  
 phanes. Porro ad septentrionalem, inquit, partem, a  
 mari magno termini incipient, pervenientes usque ad  
 montem altissimum, a quo venies in Emath usque ad  
 terminos Sedata. Ibuntque confinia usque ad Ze-  
 phrona et villam Enan. Hi erunt termini in parte  
 aquilonis. Dicunt Hebræi septentrionalem plagam  
 incipere a mari magno, quod Palæstinæ, Phœnicis  
 et Syriæ quæ appellatur *zodn*, Ciliciæque præterdit  
 littoribus, et per Ægyptum tendit ad Libyam. Quod  
 autem dicunt, et pervenientes terminos usque ad  
 montem altissimum, id Hebræi autamant vel  
 Anianum montem significare, vel Taurum, quod  
 nobis videtur verius. Ibuntque inquit, confinia usque  
 ad Zephrona, quamobrem hodie Zipheum oppidum  
 Ciliciæ vocant. Quod autem sequitur, et villa  
 Enan, pro quo in Hebræo scriptum est, Aserenan,  
 quod interpretatur atrium fontis, terminus est Da-  
 masci. Et ab Aquilonè usque ad aquilonem plaga  
 septentrionalis. *Inde metabuntur, inquit, fines contra*

A orientalem plagam de villa Enan usque ad Sepha-  
 ma, et de Sephama descendunt termini in Rebla  
 contra fontem Daphnim: Inde pervenient contra  
 orientem ad mare Cenereth, et tendent usque ad Jor-  
 danem; et ad ultimum salissimum claudentur mari.  
 A fine igitur septentrionalis plagæ, hoc est, atrio  
 Enan, tendunt fines usque ad Sephama, quam Hebræi  
 Apamilam nominant. Et de Sephama descendunt  
 termini in Rebla, quæ nunc Syriæ vocatur Antio-  
 chia. Et ut scias Reblam hanc significare urbem  
 quæ nunc in Syria Coele nobilissima est, sequitur,  
 contra fontem quem perspicuum est significare Daph-  
 nim, de quo fonte supradicta urbs aquis abundan-  
 tissimis fruitur. Inde, inquit, perveniunt termini  
 contra orientem ad mare Cenereth, id est, ad sta-  
 gnium Tiberiadis. Mare autem dicitur cum habeat  
 dulces aquas, juxta idiomata Scripturarum, quæ  
 congregationes aquarum appellant maria. Et ten-  
 dent, inquit, usque ad Jordanem, et ad ultimum clau-  
 dentur mari Mortuo; vel, ut alii putant, lingua maris  
 Rubri, in cujus litore Achila posita est. *Præcepit-  
 que Moyses filiis Israel dicens: Hæc erit terra quam*  
*possidebitis sorte, et quam jussit dari Dominus no-  
 vem tribubus, et dimidiæ tribui. Tribus enim filiorum*  
*Rubén, per familias suas, et tribus filiorum Gad*  
*juxta cognationum numerum, medianque tribus Ma-  
 nasse; id est, duæ semis tribus, acceperunt partem*  
*suum trans Jordanem contra Jericho, ad occidenta-  
 lem plagam.* In priori enim divisione terrarum trans  
 Jordanem per Moysen duabus tribubus Ruben et  
 Gad, et dimidiæ tribui Manasse terra divisa est;  
 intra Jordanem autem, [inter] filium Nun Josue, et  
 Eleazarum filium Aaron. Judas possedit ab austro, et  
 Ephraim et Manasse tribus dimidia ab aquilone.  
 Postea vero de Silo missis exploratoribus per sin-  
 gulas tribus, et descriptione terræ allata ad Josue  
 et Eleazar, Benjamin juxta Judam ab austro, et juxta  
 Ephraim et dimidiam tribum Manasse accepit pos-  
 sessionem. Secunda tribus Simeon accepit heredi-  
 tatem in tribu Juda; ut impleretur quod scriptum  
 est de Lévi et Simeon. *Dividam eos in Jacob, et*  
*dispersam eos in Israel (Gen. xlix).* Tertia Zabulon  
 Galilæam accepit, in qua est mons Thabor. Quarta  
 Issachar, ubi est Jezrael usque ad Jordanem. Quinta  
 Aser, usque ad montem Carielum, qui imminet  
 mari magno, Tyrumque et Sidonem. Sexta Neph-  
 thalim, in Galilæa, usque ad Jordanem, ubi est Ti-  
 berias, quæ olim appellabatur Cenereth. Septima  
 Dan, usque ad Joppen, ubi sunt turres Achiloan; et  
 Emmaus, et Sebeli quæ nunc appellatur Nicopolis,  
 licet postea legerimus quod ceperint sibi, transcen-  
 sis aliis tribubus, urbem Lesam in tribu Dan, quæ  
 hodie appellatur Paneas. Hæc locutio quam habemus  
 in manibus, umbram habet futurorum bonorum.  
 Consequens videtur et necessarium, omnia quæ  
 quasi de rebus terrenis describuntur in lege, um-  
 bras esse bonorum celestium; omnisque hæreditas  
 terræ illius, quæ in Judæa terra sancta et terra bona  
 appellatur, imago sit bonorum celestium, quorum

hæc diximus quæ in terris bona memorantur umbram atque imaginem tenere. Nemo dubitat quod in terra Judæa omnis locus, omnis mons, omnis civitas et vicus, certis quibusque vocabulis designetur: nec est ullus omnino sine nomine locus, sed propriis singula quæque appellationibus designata: verbi gratia, quibus aut Chananæi in suis locis, ut Pherezæi nihilominus in suis, Amorrhæique aut Evzæi, vel etiam Hebræi nominarentur. Ita ergo secundum sententiam Pauli, qui umbram et exemplar cælestium dicit esse terrena, fortasse in cælestibus regionibus erunt locorum differentiarum nomine. Describitur ergo verbum Dei in lege divina terræ Judææ et hæc referri debent ad imaginem cælestium. In cælestibus autem evidenter esse Jerusalem civitas, ab Apostolo pronuntiatur, et mons Sion. Consequens igitur est ut sicut aliæ civitates circa Jerusalem terrenam sitæ, et vici, et diversæ quæque regiones, ita et illa cælestis Jerusalem, secundum imaginem terrenorum, habeat circa se et alias civitates et vicos, diversasque regiones, in quibus populus Dei et verus Israel per Jesum verum, cujus ille Jesus Nave ferebat imaginem, collocandus est, quando et hæreditatem sortis distributione, id est meritorum contemplatione, est capturus. Si ergo nunc Dominus dicit in distributione terræ, verbi gratia, terminos tribus illius esse istos, et alterius alios, ne forte quoniam diversa erant merita eorum qui hæreditatem consecuti sunt regni cælorum. Idcirco in his tribus observantes, dirimi jubetur ista distinctio terminorum, ut sciamus esse has meritorum differentias in unoquoque observandas. Verbi gratia, qui ita negligenter vixerit, ut pro fide quidem sua mereatur haberi inter filios Israel, pro negligentia vero vitæ gestorum desidia, in tribu Ruben aut Gad, aut dimidia tribu Manasse debeat reputari, et non intra Jordanem, sed extra eum sortem hæreditatis accipere. Alius vero qui se emendatione vitæ et conversione propositi talem reddiderit, ut secundum quas solus Deus novit rationes, aut in tribu Juda, aut in tribu Benjamin, in qua ipsa Jerusalem et templum Dei atque altare consistit, debeat reputari, et alius in alia, atque alius in alia. Et hoc modo hæc quæ nunc in libro Numerorum scripta referuntur, adumbratio quædam sint futuræ sortis in cælestibus, eorum duntaxat qui per Jesum Dominum ac Salvatorem nostrum hæreditatem, ut diximus, capiant regni cælorum. Ibi, credo, diligenter observabuntur etiam ista, quæ hic adumbrantur, privilegia sacerdotum, quibus vicina quæque urbibus loca et ipsis mœnibus juncta, segregari mandantur a filiis Israel. Videtur quibusdam quod singulorum quorumque siderum positio, et cætus, civitas dici vel haberi possit in cælo. Quod ego quidem definire non audeo. Video enim omnem creaturam in spe quidem propter eum qui subjecit esse subjectam, expectare, et tamen libertatem in redemptionem filiorum Israel sine dubio et præclarior aliquid ac sublimius operari. Si ergo, ut diximus, umbram

habet lex futurorum honorum, et exemplari et umbræ deserviant, cælestium qui in lege deserviant, et nunc per speculum et in ænigmate, tunc autem facie ad faciem, qui tamen merebuntur, conversationem habebunt in cælestibus. Si ergo per consequentiam rerum et promissionum federe transferri nos de terris oportet ad cælum, puto quod in ipsis cælestibus locis Jesus noster Dominus, non absque meritorum sorte unumquemque in illa vel in illa cælestis parte et habitatione constituat. Sed sicut multa est differentia in terris, verbi gratia, habitare in locis fecundis et copiosis ac bonis omnibus abundantibus, ubi et aeris temperies et eruditio hominum ac liberalia instituta non desunt; et longe aliud est habitare aut in locis infecundis et rerum penuria squallidis, aut aestu torridis, aut frigore geluque torpentibus, vel certe ubi nullæ leges, sed immanis et fera barbaries, ubi bella semper et nunquam requies. Et hæc non sine occulta quadam Dei dispensatione, et judicii ejus justitia unicuique decernantur: et ita in illis locis erit aliquid tale, et in nullo prorsus inanis habeatur in terris umbra cælestium. Erit ergo, ut diximus, et ibi aliqua civitas refugii, et erit alia in deserto, sicut Bosor in hæreditate Ruben. Ruben civitas esse in deserto dicitur. Sed et alia nihilominus consequenda vel capienda est. Quia si Deus cum disperderet filios Adam, statuit fines gentium « secundum numerum angelorum Dei, » vel, ut in aliis exemplaribus legimus, « secundum numerum filiorum Israel in initio mundi, » et ita dispersi sunt filii illius Adam, sicut vel illorum merita, vel ipsius Adæ contemplatio postulabat, quid dicemus futuram cum novissimi Adam, qui non in animam viventem, sed in spiritum vivificantem factus est, coeperit filios dispergere divina dignatio, non in initio, sed in fine mundi; et non ut illos qui in Adam omnes mortui sunt, sed ut eos qui in Christo omnes vivificati sunt, sine dubio erit quædam divisio et distributio talis, quæ non solum pro meritis quæ dispensantur, sed et pro novissimi Adam, in quo omnes vivificandi dicantur, contemplatione pensanda sit. Sed quis nostrum talis est, ut ab hujusmodi distributione ad illam cælestis hæreditatis sortem venire mereatur? Quis ita beatus erit, cujus sors Jerusalem veniet, ut sit ibi ubi templum Dei est, imo et ipse sit Dei templum? Quis ita beatus est, ut ibi dies festos agat ubi altare divinum perpetuis ignibus adoletur? Quis ita beatus est qui sacrificium suum et incensum suavitate supra illum ignem ponat de quo dicebat Salvator, *Ignem veni mittere*? (Luc. x.) Quis ita beatus est, qui ibi semper agat Pascha, in loco quem elegit Dominus suus; ibi Pentecostes diem gerat, et festivitatem repropitiationis, et tabernaculorum solennitatem, non jam per umbram, sed ipsam speciem rerumque veritatem? Quis nostrum dignus habebitur cum beate sortis electione, cum dividere Deus coeperit filios novissimi Adam, cui dicat: *Eris super quinque civitates potestatem habens* (Luc. xix);

nec cui dicat: *Eris super decem civitates potestatem habens* (Luc. xix); nec cui dicat: *Intra in gaudium domini tui* (Ibid.); sed cui dicat: *Sedete et vos mecum super duodecim thronos, judicantes duodecim tribus Israel* (Luc. xxii), et de quibus dicat: *Pater, volo ut ubi sum ego, et isti sint mecum* (Joan. xvii); et etiam istos esse reges ut ubi ego sum rex regum; volo et istos habere dominationem, ut et ego sum Dominus dominantium? Beati qui ad hanc perveniunt beatitudinem summam. Beati qui ad iata conscenderint fastigia meritorum: et benedictus Deus noster qui hæc promisit diligentibus se. Hi sunt vere ipsis sacris numeris numerati apud Deum, imo ipsi sunt quorum etiam capilli capitis numerati sunt per Jesum Christum Dominum nostrum.

#### CAPUT XI.

##### *De urbibus refugii.*

(CAP. xxxv.) *Ait Dominus ad Moysen: Loquere filiis Israel, et dices ad eos: Quando transgressi fueritis Jordanem in terram Chanaan, decernite quæ urbes esse debeant in præsidia fugitivorum, qui nolentes sanguinem fuderint. In quibus cum fuerit profugus, cognatus occisi eum non poterit occidere, donec stet in conspectu multitudinis, et causa ejus judicetur. De ipsis autem urbibus quæ ad fugitivorum subsidia preparantur, tres erunt trans Jordanem, et tres in terra Chanaan, tam filiis Israel, quam advenis et peregrinis, ut confugiat ad eas qui nolem sanguinem fuderit. Hoc quomodo factum sit liber qui dicitur Jesu Nave manifestat (Cap. xx), cum commemorat Josue, Domino jubente, sex civitates refugii decernere homicidis qui homicidium non sponte fecerunt, hoc est: Gades in Galilæa montis Nephthalim, Sichem in monte Ephraim, et Cariatarbo, ipsa est Hebron, in monte Juda. Et trans Jordanem contra occidentalem plagam Jericho, urbem Bosor, quæ sita est in campetri solitudine, de tribu Ruben: et Ramoth in Galaad de tribu Gad, et Gaulon in Baran, de tribu Manasse. Hæ civitates constitutæ sunt cunctis filiis Israel, et advenis qui habitabant inter eos ut fugeret ad eas qui animam nescius percussisset, et non moreretur in manu proximi effusam sanguinem vindicare cupientis donec staret ante populum exposituras causam suam. Ecce habes sex refugii civitates. Quas, si placet, ingredi; ac si forte præ conscientia peccatorum illas quæ sunt in terra repromissionis, hoc est in Ecclesia, intrare non audeas, est Bosor circa Jordanem in solitudine, quæ interpretatur angustia, id est, cellula monasterii parva vel medica: et optime tibi conveniet, quod de sorte Ruben est, et ipse est qui thorum patris sui maculavit illicita. Est et Ramoth de sorte Gad, quæ interpretatur excelsa mors, vel visio mortis. Vere enim excelsa mors poenitentia esse dicenda est, cum mortificatis membris deducatur homo ad excelsa cælorum unde fuerat ante delapsus. Sive juxta istam humilem mortem quæ generaliter omni carni imminet, illa ad comparisonem ejus rationabiliter excelsa nominatur, quia multum nobilior est per poenitentiam*

mori, quam communi hac morte dissolvi. Si autem visionem mortis sentire velimus, ita potest intelligi quia cum sumus in poenitentia constituti, et ante oculos nobis ponimus inferni tormenta, videmus ipsam speciem mortis, de qua poenitentia beneficio liberemur; donec memineris te in ancillæ filii civitate agere poenitentiam, quia omnis qui peccat servus est peccati; et formam servi accipiens, humiliter te ipsum usque ad mortem. Est Gaulon in finibus Manasse, quæ interpretatur volutatio, ut tu memineris tibi in cilicio et cinere esse volutandum. Et hoc in finibus Manasse, qui interpretatur oblivio, ut obliviscaris ea quæ ante gessisti, et in priora te extendas. Hic ergo inhabita, ut per angustias mortis et volutationis, iram persecutoris evadas et spem salutis invenias. Tunc deinde in his si aliquid utiliter egeris, etiam ad Cades in terra repromissionis quæ est in Galilæa, poteris pervenire, quæ interpretatur sancta. Ut tu cum in tribulatione corruptiones abjeceris, etiam ad sanctam Ecclesiam tribuatur accessus ut in Nephthalim sorte, qui dicitur vitis remissa, de sacramento Dominici sanguinis participare merearis. Sed nec Hebron tibi aditus clauditur, quæ interpretatur conjunctio sive conjugium. Revertetur enim anima tua ad virum suum, id est ad spiritum Dei, a quo pro tempore peccaminum fuerat viduata. Sic qui etiam sextam civitatem Sichem, quam Joseph noster in hæreditatem consequitur, propter quod ibi sepultus est, valebit intrare, quæ interpretatur humerus sive labor, ut ostendas te per laborem poenitentia ab errore tuo Christi humeri reportatum, et adjunctum nonaginta novem ovibus effectumque centesimum, quia ipsa Sichem ab alienigenis centum agnis scribitur comparata.

#### CAPUT XII.

##### *De judicio interfectorum.*

(Ibid.) *Si per odium quis hominem impulerit, vel jecerit quidpiam in eum per insidias; aut cum esset inimicus manu percussit, et ille mortuus fuerit, percussor homicidii reus erit. Cognatus occisi, statim ut invenerit eum, jugulabit. Quod si fortuito et absque odio et inimicitia quidquam horum fecerit, et hoc audiens populo fuerit comprobatum, atque inter percussorem et propinquum sanguinis quæstio ventilata, liberabitur innocens de ultoris manu, et reducet per sententiam in urbem ad quam confugerat, manebitque ibi, donec sacerdos magnus, qui oleo sancto unctus est, moriatur. Secundum historiam sensus manifestus est, ubi damnat malitiam et incuria consulit, quia aliud est per meditationem pravam et industriam quemlibet interficere, et aliud fortuito casu, proximo periculum inferre. Tropologice vero, insinuat quod si quis per invidiam aut odium mucrone malitiae aliquem percusserit, et in morte animæ reducerit, æternæ morti ipse obnoxius erit. Unde ipsa Veritas ait: *Si quis scandalizaverit unum de pusillis istis qui in me credunt, expedit ei ut mola asinaria suspendatur collo ejus, et demergatur in profundum* (Matth. xviii). Et Joannes ait: *Qui odit fratrem**

suam, homicida est. Et scitis quia omnis homicida non habet vitam æternam in se manentem (I Joan. III). Hic talis secundum Exodi textum ab altari Domini evelli iubetur, quia indignus sacramentis Dominicis a participatione sacri altaris merito removetur, nec revocari ad veniam per condignam poenitentiam ullo modo meretur. Qui autem non voto malitiæ, sed per incuriam aut ignorantiam læserit aliquem, habet urbes refugii, Ecclesiam scilicet catholicam, ubi se angustia cocretans poenitentiæ, per omne tempus presentis vitæ bonis operibus studium impendens maneat. Et si spem suam in morte pontificis summi, Redemptoris videlicet sui, posuerit, hic sine dubio in æternam salvabitur. Si interfector extra fines urbium quæ exsulibus deputatæ sunt inventus fuerit, et percussus ab ea qui ultor est sanguinis, absque noxa erit qui eum occiderit. Debuerat enim profugus usque ad mortem pontificis in urbe residere. Postquam autem ille obierit, homicida revertetur in terram suam. Homicida ergo qui extra fines urbium quæ exsulibus deputatæ sunt fuerit inventus, absque culpa interficitur, cum peccator impœnitens, atque ob hoc a sanctorum societate atque ab Ecclesiæ unitate recedens, merito suæ perversitatis punietur. Ultor sanguinis qui eum occiderit innoxius est, quia sententia superni iudicis (hic enim per susceptionem carnis noster proximus est) irreprensibilis erit, cum eum percussit qui de salute sua sollicitus esse neglexit. Debuerat enim profugus usque ad mortem pontificis in urbe residere, hoc est, poenitens in fide catholica manendo, non aliter debuit nisi in mediatoris Dei et hominum morte sui sceleris veniam sperare. Postquam autem ille obierit, homicida revertetur in terram suam: cum peccator post poenitentiam digne peractam meretur paradisi percipere patriam. Quid est enim quod homicida post mortem summi pontificis ad absolutionem redit, nisi quod humanum genus, quod peccando sibi metipsum mortem intulit, post mortem veri sacerdotis, videlicet Redemptoris nostri Christi, absolutionem reatus accepit. Ne polluatis terram habitationis vestre, quo insontiam cruore maculatur: nec aliter expiari potest, nisi per ejus sanguinem qui alterius sanguinem fuderit: atque ita mundabitur vestra possessio, me commemorante vobiscum. Polluit enim terram habitationis suæ, qui cruenta atque nefaria opera agit, per quæ proximos scandalizare atque spiritualiter interficere non pertimescit. Sed nisi ejus sanguis effundatur, qui alterius sanguinem fudit, terra possessionis polluta permanebit, quia nisi per confessionem peccatorum atque condignam poenitentiam carnis desideria mactentur, terra corporis ejus nullo modo mundabitur; nec creator omnium in ejus anima habitare poterit, ubi squalorem sordidæ conversationis dominari conspexerit. Sequitur: Ego enim sum Dominus qui habito inter filios Israel. Hoc est, inter viros fideles Deum corde influentes, et inter sanctos suis præceptis in omnibus obedientes. De quo ita scriptum est: Dicit enim Deus, quoniam in-

habito in illis, et inter eos ambulabo: et ero illorum Deus, et ipsi erunt mihi populus. Propter quod exiit de medio eorum, et separavimini, dicit Dominus: et immundum ne tetigeritis, et ego recipiam vos; et ero vobis in patrem, et vos eritis mihi in filios et filias, dicit Dominus omnipotens (Isa. LXIV).

## CAPUT XIII.

De filiabus Salphaad, et proximis suis natis.

(CAP. XXXVI.) Accesserunt autem et principes familiarum Galaad, filii Machir, filii Manasse, de stirpe filiorum Joseph, locisque sunt Moysi coram principibus Israel atque dixerunt: Tibi domino nostro precepit Dominus ut terram sorte divideres filiis Israel, et ut filiabus Salphaad fratris nostri dares possessionem debitam patri. Quæ si alterius tribus homines uxores acceperint, sequetur possessio sua, et translata ad aliam tribum, de nostra hereditate minuetur. Atque ita fiet ut cum jubilaris, id est, quinquagesimus annus remissionis advenerit, confundatur sortium distributio: et aliorum possessio ad alios transeat. Quid est quod principes familiarum Galaad filii Machir filii Manasse filii Joseph, pro filiabus Salphaad ad Moysen locuti sunt, quatenus previderet eis, ne sola possessionis eorum ad alteram tribum transferretur, si alterius tribus hominibus nubere, nisi quod previdere debent cogitationes piæ ne possessio honorum meritorum in alienorum transeat dominium, sed legitimo heredi perpetuo permaneat: et ob hoc consultum Moysi, hoc est legis, ad eundem patant, ut inde ediscant qualiter sui jura perpetui possessores fiant; quod interpretatione sua exprimunt nomina. Interpretatur enim Galaad acervus testimonii; Machir, vendens; Manasses, oblitus; Joseph, auctus, et Salphaad, umbra formidinis. Loquuntur ergo principes familiarum Galaad filii Machir filii Manasse de stirpe filiarum Joseph, pro filiabus Salphaad, quando cogitatione atque tractatus piæ mentis, secundum sacrarum Scripturarum testimonia disposita, decantant pro anima fidei, quæ laborem presentis vitæ pro futura mercede vendit; et obliviscens ea quæ retro sunt, in anteriora se extendit, quatenus per augmentum bonorum operum præmia æterna consequatur. Prædictum est enim in superioribus quod quinque filie Salphaad, hoc est, umbra formidinis, opera significarent exteriora, quæ quinque sensibus utiliter explentur. Et necesse est ut qui non in umbra presentis vitæ bonis operibus student, per Dei timorem ea conservare satagent, ne laborem expensum perdant. Verentur ergo principes Galaad ne possessio sua in alienam tribum transferatur. Sic necesse est ut unusquisque fidelis consulte provideat qualiter opera quæ agit sibi ad salutem conservata proveniant, ne forte si prava intentione gerantur, ab alienis possessoribus, hoc est, a malignis spiritibus, invadantur. Prava ergo intentio est operantis, cum ea opera quæ pro inobitu æternæ retributionis agere debuit, pro appetitu terrenarum rerum inutiliter expendit. Quæ necesse est ut a se ablata attentus possessor teneat, cum malignus eo spi-

rius propter negligentem operarium ad suam partem trahere festinat. Unde ipsa Veritas in Evangelio discipulis suis ait : *Attendite ne justitiam vestram faciatis coram hominibus, ut videamini ab eis (Matth. vi)*. Alioquin mercedem non habebitis apud Patrem vestrum qui in cælis est. Respondit Moyses filiis Israel, et Domino præcipiente ait : *Recte tribus filiorum Joseph locuta est. Et hæc lex super filium Salphaad a Domino promulgata est : Nubant quibus volunt, tantum ut suæ tribus hominibus, ne commisceatur possessio filiorum Israel de tribu in tribum. Omnes enim viri ducunt uxores de tribu et cognatione sua, et sanctorum feminæ maritos de eadem tribu accipiant, ut hæreditas permaneat in familiis, nec sibi misceantur tribus, sed ita maneant ut a Domino separatæ sunt.* His similia ad Corinthios scripsit Paulus apostolus, cum de nuptiis disputaret : *Mulier, inquit, alligata est legi, quanto tempore vir ejus vivit. Cum autem dormierit vir ejus, liberata est a lege viri. Cui vult nubat, tantum in Domino (I Cor. vii)*. Præcepit ergo Moyses ut filia Salphaad nubant quibus volunt, tantum ut suæ tribus hominibus, ne commisceatur possessio filiorum Israel de tribu in tribum. Sic et Apostolus mandat ut mulier nubat cui voluerit, tantum in Domino, hoc est viro catholico, ne possessionem bonorum operum ac rectæ vitæ perdat, si pagano aut hæretico se junxerit. Secundum tropologiam vero, mulier, hoc est pura intentioni, per bonam actionem cui voluerit, licet se conjungere labori, tantum ut pietatem et religionem Christianam in omnibus conservet, ne operam sui, pro quo æternæ hæreditatis sperare debuit possessionem, detrimentum patitur, si alieno, hoc est, errori, se conjunxerit. Feceruntque filia Salphaad ut sibi fuerat imperatum. Et nupsit Maala, et Thersa, et Hegla et Melcha, et Noa, filiis patris sui, de familia Manasse, qui fuit filius Joseph : et possessio quæ illis fuerat attributa,

A mansit in tribu et familia patris earum. Harum mulierum, hoc est, filiarum Salphaad, nomina non incongrue ad sensum prædictum transferri possunt. Interpretatur enim Maala infirmitas Thersa, complacens; Eglâ, solemnitas ista vel vitulus, Melcha, rex ejus, et Noa, motus. Qui enim humilitatis virtutem ante omnia intra semetipsum habere studet, et in infirmitatibus suis juxta Apostolorum sibi complacet, solemnitatem agit, ac grata munera exhibet Deo; et rex atque rector suæ conversationis cautus existens, progressu virtutum movetur. Juxta illud Psalmistæ : *Ambulabunt de virtute in virtutem, videbitur Deus deorum in Sion (Psal. LXXXIII)*. Nupsit ergo filia Salphaad filiis patris sui de familia Manasse, qui fuit filius Joseph, cum quilibet de eorum numero qui crediderunt ex Judeis doctore ex gentibus credenti se junxerit, ut ejus magisterio conjunctus, filios gignere, hoc est, opera pietatis exhibere, possit. Nomine enim patris quodammodo censerî possunt doctores ex gentibus electi, quia fratres sunt prædicatorum sanctorum qui fuerunt in Judæa constituti. Neq̄ debet esse schisma, in spiritali cognatione, ubi una est credulitas, fidei professione. Ait enim Salvator discipulis Matthæi vigesimo tertio : *Patrem nolite vocare super terram. Unus est enim Pater vester qui in cælis est. Omnes autem vos fratres estis.* Et alibi : *Habeo, inquit, alias oves quæ non sunt ex hoc ovili : et illas oportet adducere, et vocem meam audient, et fiet unum ovile et unus pastor (Joan. x)*. Sicque possessio in eadem tribu legitime servatur, cum omnis pia actio pro amore Christi in Ecclesia catholica in servitium Dei agiliter exhibetur : cujus laboris finis est merces perpetua, quam suis fidelibus largiri dignetur Pater omnipotens, per Dominum nostrum Jesum Christum. Amen.

## BEATI RABANI MAURI

FULDENSIS ABBATIS ET MOGUNTINI ARCHIEPISCOPI

### ENARRATIONIS SUPER DEUTERONOMIUM

LIBRI QUATUOR. (ANNO 834.)

#### PREFATIO

AD FRECVLPUM LEXOVIENSEM EPISCOPUM.

Pio Patri FRECVLPHO, RABANUS exiguus in Domino salutem.

Decursis igitur, tuis parando præceptis, prioribus libris legis, novissime ad Deuteronomium Moysi considerandum perveni, quatenus inde aliqua tuæ

sanctæ voluntati consentiens, sacramenta spiritaliter rimarer atque in unum volumen majorum dicta colligerem. Sed quia in hunc librum cujuspiam explanationem proprie non inveni, necesse habui ut perfectis anteriorum librorum expositionibus, inde

ad hujus libri enodandas quæstiones assumerem A facultatem. Hæc autem quæ noviter a legislatore inserta reperi, divina gratia largiente, pro modulo nostri ingenioli, quantumcunque explanare curavi. Deuteronomium quoque, ut beatus Hieronymus in quadam epistola sua ad amicum ait, secunda est lex, et evangelicæ legis præfiguratio; sicque ea habet quæ priora sunt, ut tamen nova sint omnia. Quapropter hæc res operosa indiget solutione: scilicet quod ita historialiter ordinentur vetera, ut spiritaliter omnia demonstrentur nova, et legis per figuram patefecit littera quæ sacer Evangelii textus in se continet sacramenta. Unde, sancte frater, tuo de hoc maxime indigemus adjutorio: quatenus apud omnipotentem Patrem precibus assiduis impetres ut quod nos jubes inertes ad tuam et ad tuorum utilitatem facere, ejus opitulatione nobis conferatur, qui dat omnibus affluenter, et non improperat; qui- que in Evangelio fidelibus suis promisit dicens: « Petite, et dabitur vobis; quærite, et invenietis; pulsate, et aperietur vobis. Omnis enim qui petit accipit, et qui quærit invenit, et pulsanti aperietur. » Idcirco autem postulationes imploro tuas, quia meritis sacris illas Deo acceptissimas credo. Cæterum autem nos pro hoc ipso precibus licet non condignis, tamen humillimis insistimus, postulantes ut supernus arbiter qui in altis habitat, et humilia

respicit in cælo et in terra, suscitaturque de pulvere egenum, et de stercore erigit pauperem, aliquam particulam donorum suorum muneris sui largitate nobis concedere dignetur, ut ejus servitium in Ecclesia sancta sua ad ipsius laudem et nostram salutem explere possimus. Ecce habes Pentateuchum Moysi, ut petisti, cum mysteriis suis spiritali calamo aliquantum explicatum: quibus quinque verbis, loqui se Apostolus in ecclesia gloriatur (*I Car. xiv*). Esto pius scrutator legis, et devotus exsecutor præceptorum Altissimi: ut sicut in ordine consors, ita et cooperator sis sanctorum apostolorum. Memor esto doctoris gentium et hortationis qua discipulum instruens ait: « Præcipe hæc et doce. Nemo adolescentiam tuam contemnat, sed exemplum esto fidelium in verbo, in conversatione, in charitate, in fide, in castitate. Dum venio attende lectioni et hortationi doctrinæ. Noli negligere gratiam quæ in te est, quanta est tibi per prophetiam cum impositione manuum presbyteri. Hæc meditare, in istis esto, ut profectus tuus manifestus sit omnibus. Attende tibi et doctrinæ, insta in illis. Hoc enim faciens, et te ipsum salvum facies, et eos qui te audiunt. » Hæc te facere et perficere ad tuam et ad multorum salutem concedat Altissimus. Vale, sancte Pater, Maurique tui in sacris orationibus semper memor esto.

#### INCIPIIT

## ENARRATIO SUPER DEUTERONOMIUM.

### LIBER PRIMUS.

#### CAPUT PRIMUM.

*Verba Moysi quæ locutus est ad Israel trans Jordanem in solitudine campestri, post interfectionem Seon et Og, regum Amorrhæorum.*

(CAP. 1.) « Hæc sunt verba quæ locutus est Moyses ad omnem Israel trans Jordanem, in solitudine campestri, contra mare Rubrum, inter Pharan et Tophel, et Laban et Haseeroth, ubi auri est plurimum, undecim diebus de Horeb per viam montis Seir, usque ad Cadesbarne, quadragesimo anno, undecimo mense, primo die mensis. » Principium ergo istius libri quodammodo titulus videtur esse atque index totius operis, quia personam indicat factoris et opus factum, simulque locum et tempus quo hoc factum sit comprehendit. Unde non solum ipsum nomen libri, sed etiam principium Novi Testamenti gratia demonstrat. Nam Deuteronomium, quod secunda lex Latine interpretatur, significat Evangelium, quod post conditionem Veteris Testamenti eadem sacramenta secundum spiritalem intellectum omnia mystice exponit atque explanat. Liber ergo Deuteronomii repetitio est præcedentium

C quatuor librorum legis; nam dum in se proprias illi continent causas, iste tamen replicat omnia. Habet autem et ipse proprie innumerabilia sacramenta, e quibus ea quæ divina gratia secundum præcedentium Patrum dicta nos posse concesserit, pro exercitio lectoris explanare disposuimus. « Hæc sunt verba, inquit, quæ locutus est Moyses ad omnem Israel. » Hic quidam querendum æstimant, cum Moyses conditor istius libri dignoscitur, quomodo de se quasi de altero referat: dicit enim ipsum Moysen locutum esse verba hæc. Sed sciendum est quod moris est scriptorum sacre historiarum de semetipsis quasi de altero referre. Unde in libro Numerorum idem Moyses ita scripsit: Erat enim Moyses vir mitissimus super omnes homines qui morabantur in terra. Sic et in libro Job ipse Job in principio operis sui dicit, « Vir erat in terra Hus nomine Job. Et erat vir ille simplex ac rectus et timens Deum, et recedens a malo. » (*Job. 1.*) Hinc et Joannes in Evangelio suo de se ait: « Hic est discipulus qui testimonium perhibet de his et scripsit hæc, et scimus quia verum est testimonium ejus. » (*Joan. ult.*) Sed

hæc cum se ita habeant, videamus quid significet Moyses, qui ad omnem Israel trans Jordanem in solitudine campestri contra mare Rubrum, in locis qui consequenter notati sunt, locutus est. Moysen enim typum legis veteris habere omnibus manifestum est, qui trans Jordanem in solitudine campestri populum docuit. Jordanis enim, pro eo quod Salvator in illo baptizatus est, typum tenet baptismatis. Et Moyses trans Jordanem Israel docuit, quia ante constitutionem baptismatis et Novi Testamenti gratiam lex priorem populum de mandatis Dei instruit et hoc in solitudine campestri, hoc est, in sterilitate carnalis plebis, quæ spiritalem virtutum fructum gignere nesciebat. Contra videlicet mare Rubrum, quia dura mens reproborum ablutionem peccatorum in sanguine Christi fieri nullo modo credidit. « Inter Pharan et Tophel et Laban et Haseroth. » Hæc quatuor loca per nominis interpretationem mysteria divina significant. Pharan autem interpretatur auctus. Tophel insulitas. Laban dealbatio, et Haseroth atria. Ipse ergo populus cui lex divina exposita est, auctus fuit tam in multitudine hominum, quam etiam in collatione legis et prophetarum, quæ eis divina clementia impendit. Sed insulsus fuit, quia salem spiritualis sapientiæ non amavit. Dealbatus quoque in caeremoniis legis et vanis munditiis, quæ se ex præcepto legis habere credebat. Sed et atria merito, id est, populus dici potest, quia per Scripturas divinas ad introitum fidei paratus fuit. Unde plurimorum in Salvatoris nostri adventu a lege docti, et ex prophetarum oraculis instructi, eo facilius ad credulitatem ejusdem mediatoris Dei et hominum pervenire potuerunt, quoniam eum ante prædictum sacris litteris agnoverant. Unde Philippus in Evangelio ad Nathanael ait : « Quem scripsit Moyses in lege, et prophetæ, invenimus Jesum filium Joseph a Nazareth. Et dixit ei Nathanael : A Nazareth potest aliquid boni esse ? Dicit ei Philippus : Veni et vide (Joan. 1). » Quod autem dicitur ibi auri esse plurimum ubi legis repetitio facta est, significat multiplicia mysteria et thesaurum spiritalem sapientiæ divinæ inesse libris legis et prophetarum, quod pie quærentibus et rite intelligentibus liquido patet. Sed hoc quod undecim diebus lex ipsa per Moysen explanata est, quid significat, nisi Judaicæ plebis lapsus per transgressionem mandatorum Decalogi, a monte videlicet Horeb, per viam montis Seir, usque Cadesbarne : quia lex ab Horeb, hoc est a monte Dei, incipiebat, per Seir, id est, pilosum et sordidum omnibus vitiis populum Judæorum, transiens ad Cades usque barne pervenit. Cades enim barne, commutatus vel electus vel notabilis interpretatur, significans legis veteris carnalem usum in spiritalem observantiam per Evangelium esse nobiliter commutatum. « Omnia enim, ut ait Apostolus, in figura continebant illis. Scripta sunt autem ad correctionem nostram, in quos fines sæculorum devenerunt (1 Cor. x). » Et Salvator in Evangelio ait : « Non veni solvere legem, sed adimplere; Iota enim unum,

PATROL. CVIII.

A aut unus apex, non præteribit a lege donec omnia fiant (Matth. v). » Quid autem per figuram innuunt quadraginta anni, quibus laboriose peractis, filii Israel ad repromissionis terram transierunt ? Dicemus quippe per hos quadraginta annos totum sæculum tempus significatum, in quo vivit Ecclesia sub laboribus tentationibusque periculosis, sperando quod non videt per patientiam, quousque ad promissam æternæ felicitatis perveniat patriam. Ideo et Dominus quadraginta diebus jejunavit, et quadraginta noctibus tentatus est in eremo. Corpus enim ejus, quod est Ecclesia, necesse est tentationes laboresque patiat in hoc sæculo, quousque adveniat illud tempus ubi post tentationes suscipiat consolationes. « Undecimo, inquit, mense, prima die mensis locutus est Moyses ad filios Israel omnia quæ præceperat ei Dominus ut diceret eis. » Quid autem significat undecimus numerus, jam supradictum est. Sed hoc considerandum, quid innuat mystice quod dicit ejusdem mensis undecimi prima die locutam fuisse Moysen contra Israel. Sicut enim in undecimo mense expressa est legis transgressio, sic et in prima die mensis pervigil ad docendum demonstrata est legislatoris intentio : quia ex quo inobediens populus accipiendo transgredi præcepta non timuit, statim per lucem prædicationis et correctionis voluntatem Domini illi insinuare studuit, et eos corrigere atque ad mœfiora provocare verbis atque exemplis nullo modo cessavit. « Postquam percussit Seon regem Amorrhæorum, qui habitavit in Hesebon, et Og regem Basan, qui mansit in Astaroth, et in Edrai trans Jordanem in terra Moab. » Notandum quoque quod, interfectis duobus regibus Amorrhæorum, Seon videlicet rege qui habitavit in Hesebon, et Og rege Basan, lex recapitulatur et populus instruitur. Quare motis scandalis universis, atque superatis vitiorum turbis, competenter doctrinæ insistitur, et fidei lumen digne desiderantibus aperitur. In his regibus licet et res gesta agnoscat, tamen per conditiones virtutesque nominum spiritualis significatio est subjecta. Seon namque interpretatur germen inutile, vel tentatio oculorum, per quam figuratur diabolus, qui transfiguratur se velut angelum lucis et per hæresim vel schisma veri mentitur, ut fallat incautos. Hunc Amorrhæi, id est amaricantes, habent regem. Nisi enim quædam simulatio veritatis præcedat, non sunt hæredes amaricantes, non schismata exacerbantium in Ecclesia. Iste ergo rex occiditur in unoquoque homine quando quisque damnat simulationem, et diligit veritatem. Og vero rex interpretatur conclusio. Basan confusio. Id enim agit diabolus semper, ut concludat viam ad Dominum, opponendo idola sua, ne credatur in Christum. Conclusio enim præcedit ut rex, confusio sequitur tanquam plebs. Quia quos modo conclusit, ne credant in Christum, quando apparuerit Christus omnes confundentur. Habitasse dicitur autem Seon in Hesebon, quia diabolus, radix omnium vitiorum, cogitationibus se intermiscet humanis, et mente cingit sollicitudinibus superfluis,

27

ne verba proferat veritatis, et opera exerceat pietatis. Interpretatur autem Hesebon cogitatio vel cingulum mœroris. Sic quoque et Og regem Basan manere in Haseroth, et in Edrai Scriptura commemorat. Et quid Haseroth interpretatur, nisi vestibula? sive Achia et Edrai, hoc est, mundatio malorum significant, nisi infidelitatem cum pravis operibus? Inde enim certat diabolus, ut omnes quorum ipse est rex nunquam fidei januam intrent, sed foris manentes in infidelitate, operibus semper insistant iniquis. « Cœpitque Moyses explanare legem, et dicere : »

## CAPUT II.

*Commemoratio sermonum Dei, quibus Israel jubet ire in terram Chanaan, et de prælatione septuaginta seniorum in populo.*

(Ibid.) « Dominus Deus noster locutus est ad nos in Oreb, dicens : Sufficit vobis quod in hoc monte mansistis. Revertimini et venite ad montem Amorrhæorum, et ad cætera, quæ ei proxima sunt campostria atque montana et humiliora loca contra meridiem et juxta litus maris, terram Chananeorum et Libani usque ad flumen magnum Euphraten, etc. » In libro ergo Numerorum de profectioe filiorum Israel de deserto Sinai narrat, sed præceptum Domini ad Moysen narrat de eodem transitu. Quin potius narrat de nube quæ tabernaculum tegebat, ac quando proficiscendum fuit, recedebat de tabernaculo; et præcedens eos, donec venirent ad locum castrorum ubi figenda erant tabernacula, ibi supra stetit. Sic enim scriptum est : « Anno secundo, mense secundo, vigesimo die mensis, elevata est nubes de tabernaculo fœderis. Profectique sunt filii Israel per turmas suas, de deserto Sinai, et recubuit nubes in solitudine Pharaa. » Sed manifestum est omnem transitum illum præcepto divino dispositum esse, licet ibi non commemoretur, ubi de eodem transitu narrat. Præens quoque liber Moysenarrante per omnia ita factum esse manifestat. Nec non liber Numerorum alio loco idem demonstrat, ubi ita scriptum est : « Ad imperium quidem Domini erigebant tentoria et ad imperium illius deponabant (Num. ix). » « Dixique vobis in illo tempore : Non possum solus sustinere vos, quid Dominus Deus vester multiplicavit vos, et estis hodie sicut stellæ cæli plurimi. Dominus Deus patrum vestrorum addat ad hunc numerum multa millia, et benedicat vobis sicut locutus est. Non valeo solus vestra negotia sustinere, et pondus ac jurgia. Date ex vobis sapientes et gnaros, et quorum conversatio sit probata in vestris tribubus, ut ponam eos vobis principes, et reliqua. » De hac enim subdivisione potestatum in Exodo antequam ad montem Sinai pervenirent Israelitæ scriptum est, et quod Jethro sacerdos Madian cognatus Moysi ipsi hoc in consilium dederit narratur. Unde quæri potest quomodo sibi convenient, tam modo quam etiam tempore. Quod sic solvi posse reor : ut hoc quod hic scriptum est dixisse Moysen in illo tempore ad populum, « Non possum solus sustinere vos, » non illud tempus exprimat quo de Choreb profici-

cebantur, sed totum tempus quo profecti de Ægypto in solitudine morabantur; et Moysen non ex sua inventione, sed cognati sui consilio accepto, populo persuaserit quæ hic asserit illis persuasisse. Unde considerari oportet, quam sit observandum, quod ait Scriptura : « Fili, ne in multis sint actus tui, satis et hic apparet (Eccli. xi). » Deinde verba Jethro dantis consilium Moysi, consideranda sunt. Dicit enim : « Nunc itaque audi me, et consilium dabo tibi, et Deus erit tecum (Exod. xviii). » Ubi mihi videtur significari nimis intentum humanis actibus animum, Deo quodammodo vacuari, quod sit tanto plenius, quanto in superna atque æterna liberius extenditur.

## CAPUT III.

*De duodecim exploratoribus missis ad terram Chanaan, et de indignatione Domini contra Israel.*

(Ibid.) « Et accessistis ad me omnes atque distis : Mittamus viros qui considerent terram, et renuntient per quod iter debeamus ascendere, et ad quas civitates pergere. Cumque mihi sermo placuisset, misi ex vobis duodecim viros, singulos de tribubus singulis. » In libro quoque Numerorum scriptum est quod Dominus ad Moysen dixerit ut mitterent viros qui considerarent terram Chanaan. Sed licet diversa videantur inter se esse quod hic in Deuteronomio, et illud quod in libro Numerorum super hac re scriptum legitur, sensus tamen facilis est ut intelligamus populum ad Moysen primum esse locutum de exploratoribus mittendis, et sic Moyses ad Domini consilium causam referens, præceptum ab eo acceperit, quatenus mitteret viros qui explorarent terram Chanaan. « Qui cum perrexissent et ascendissent in montana, venerunt usque ad vallem Botri. Et considerata terra, sumentes de fructibus ejus, ut ostenderent ubertatem, attulerunt ad nos atque dixerunt : Bona est terra quam Dominus Deus noster daturus est nobis. Et nolulistis ascendere, sed increduli ad sermonem Domini Dei nostri, murmurastis in tabernaculis vestris atque dixistis : Odit nos Dominus; et idcirco eduxit nos de terra Ægypti, ut traderet nos in manus Amorrhæi, atque deleteret, et reliqua. » Duodecim missi sunt inspectatores ex filiis Israel, ad considerandam terram quæ eis fuerat repromissa. Hique, post quadraginta dies reversi, diversa renuntiant. Nam decem ex his in desperationem mittunt populum, ita ut velint abjecto Moysen eligere alium ducem, et reverti in Ægyptum. Alii vero duo bona nuntiant, et cohortantur populum permanere in fide dicentes : « Si diligit nos Deus, introducet ad terram hanc (Deut. xviii). » Sed populus infidelitatis desperatione præceps agitur, et ad lapidandos eos qui bona nuntiant prosilit. Majestas vero Domini protegit eos in nubibus, et dixit Dominus ad Moysen : « Feriam eos morte et interimam eos; et faciam te et domum patris tui in gentem magnam et multam, magis quam hæc est (Num. xiv). » Fit hæc tanta comminatio a Domino,



non ut passibilis et iracundiæ vitio subjacens ostendatur divina natura, sed ut per hæc et Moysi charitas quam erga populum habebat, et Dei bonitas, quæ superat omnem mentem, innotesceret. Mystice autem duodecim exploratores missi ad explorandam terram uberem, qui terruerunt populum, ne crederet posse accipere a Domino terram repromissam, Scribarum et Pharisæorum prætulere indicium. Sicut enim illi per Moysen missi sunt, ut soli fecunditatem sollicita consideratione tractarent, ita et isti per legem et prophetas missi sunt, ut per Scripturarum investigationem Dominicum specularentur adventum. In quo erat terra, id est, caro sancta, in qua regnum Dei et ubertatem fructuum spirituum, et vitam æternam consequi possent. Sed sicut illi desperatione terruerunt populum ne de Dei promissione considerent, ita et isti scribæ et Pharisæi suaserunt populo Judæorum ne crederent Christum, ad Ægyptum sæculi hujus redire cupientes, repudiantes manna fidei, quærentes ollas peccatorum nigras, et cepas blasphemiarum putridas, et pepones, vitiorum ac libidinum corruptione marcescentes. Ille autem botrus uvæ, quem in ligno de terra repromissionis duo advexere vectores, botrus pendens e ligno, utique Christus ex ligno crucis promissus gentibus de terra genitricis Mariæ, terrenæ stirpis secundum carnem visceribus effusus. Duo bajuli qui sub onere botri illius incedebant, populus est uterque cujus prior Judaicus cæcus et aversus, ignarus pendentis gratiæ, et pressus onere suspensi, cui subjicitur judicanti: de quibus dicitur: « Obscurentur oculi eorum ne videant, et dorsum eorum semper incurva (Psal. LXXVIII). » Qui vero posterior veniebat, populi gentium gerebat figuram, qui credens et Christum ante oculos habens, semper eum portans videt; et quasi servus dominum et discipulus magistrum sequitur, sicut ipse Dominus in Evangelio ait: « Si quis vult post me venire, tollat crucem suam, et sequatur me (Matth. XVIII). » Hic est autem botrus qui effusus in salutem nostram vinum sanguinis sui crucis contritione perfudit, atque expressum passionis suæ calicem Ecclesiæ propinavit. Hic est botrus quem malogranata socia humeris secuta est gratia. Nam scilicet Ecclesia mater habens intra se per granorum numerum multitudinem populorum, ruborem sanguinis Christi signaculo habentem etiam intus distincta grana, sicut Apostolus ait, diversa charismata, et dona spiritus gratia distributa. Quibus omnibus indignos se increduli judicantes, terram carnis Christi fluentem lacte et melle accipere non meruerunt, quam per fidem servi ejus, id est Christiani populi consecuti sunt, de cujus doctrina quotidie dicit Ecclesia: « Quam dulcia faucibus meis eloquia tua super mel et favum ori meo! » Ficum autem, quem cum botro de terra repromissionis attulerunt, imaginem legis attulisse, evangelicis edocemur exemplis. Sicut et botrum constat figuram Salvatoris ostendere, quemadmodum

A In Canticis canticorum Ecclesia de Christo dicit: « Frater meus ut botrus cyprici (Cant. I). » Quia nec Christus sine lege, nec lex sine Christo esse poterit. « Nec miranda indignatio in populum, cum mihi quoque iratus Dominus propter vos dixerit: Nec tu ingredieris illuc, sed Josue filius Nun minister tuus ipse intrabit pro te. Hunc exhortare et roborare: et ipse terram sorte dividet Israel, etc. » Quæri potest quomodo Moyses dicat ad Israel propter eos iratum sibi Dominum dixisse: « Nec tu ingredieris illuc, » hoc est, in terram repromissionis, cum in libro Numerorum ita legatur: « Dixitque Dominus ad Moysen et Aaron: Quia non credidistis mihi, ut sanctificaretis me coram filiis Israel, non introducetis hos populos in terram, quam dabo eis (Num. XXVII). » Sed sequens sententia quodammodo videtur hanc absolvere quæstionem. « Hæc, inquit, est aqua contradictionis, ubi jurgati sunt filii Israel contra Dominum, et sanctificatus est in eis. » Jurgium enim atque rebellio populi causa fuit iræ Domini atque vindictæ, tam in populum quam etiam in Moysen et Aaron prolata. Videtur mihi in Maria prophetia mortua; in Moysen et Aaron legi et sacerdotio Judæorum finis impositus, quia nec ipsi ad terram repromissionis ascendere volebant, nec credentem populum de solitudine hujus sæculi educere, nisi solus Jesus, id est Salvator noster Dei filius. In trigesima autem et tertia mansione propter aquas contradictionis Moyses offendit Dominum, prohibetur transire Jordanem. Perturbatus enim murmure populi, dubitanter petram virga percussit, quasi illud non posset Deus facere ut aqua de petra profueret, quod ante jam fecerat. Quid ergo hic fides Moysi insinuat, quæ aquam de petra ejiciendam titubaverat, nisi ut hanc etiam prophetiam fuisse de Christo recte intelligamus? Dum enim Moyses in Scripturis sacris aliam atque aliam pro re aliqua significanda personam gerat, nunc tamen populi Judæorum sub lege positi personam gerebat, eumque prophetica pronuntiatione figurabat. Nam sicut Moyses petram virga percussit, de Dei virtute dubitavit, ita ille populus qui sub lege per Moysen data tenebatur, Christum ligno crucis affligens, cum virtutem Dei esse non credidit; sed sicut percussa petra manavit aquam sitientibus, sic plaga Dominicæ passionis effecta est vita credentibus. Habemus enim de hac re præclarissimam et fidelissimam vocem apostolicam, cum inde loqueretur dicens: « Petra autem erat Christus (I Cor. X). » Hanc ergo carnem de Christi nativitate desperationem in ipsius Christi altitudine Deus mori jubet, eam mortem carnis Moysi, in monte imperat fieri. Sicut enim petra Christus, ita et mons Christus. Petra humilis fortitudo, mons eminentis magnitudo: quia sicut Apostolus ait, « Petra autem erat Christus, » ita ipse Dominus: « Non potest, inquit, civitas abscondi semper montem posita (Matth. V), » se scilicet montem appellans, fideles autem suos in sui nominis gloria fundatos, asserens civitatem. Pruden-

tia enim carnis vivit, cum tanquam petra percussa, Christi humilitas in cruce contemnitur. Christus crucifixus Judæis scandalum est, gentibus autem stultitia. Et prudentia carnis moritur, cum tanquam montis eminentia Christus excelsus agnoscitur. Ipsi enim vocatis Judæis et Græcis, Christus Dei virtus, et Dei sapientia est.

## CAPUT IV.

*De hoc, quod prohibiti sunt pugnare Israelitæ contra Moabitas et Idumæos.*

(Ibid.) « Cumque instructi armis pergeretis in montem, ait mihi Dominus : Dic ad eos : Nolite ascendere, neque pugnetis. Non enim sum vobiscum, ne cadatis coram inimicis vestris. Locutus sum et audistis : sed adversantes imperio Domini, et tumentes superbia, ascendistis in montem. Itaque Amorrhæus egressus, qui habitabat in montibus et obviam veniens, persecutus est vos, sicut solent apes persequi : et cecidistis de Seir usque Horma, etc. » Hæc sententia humana percussit superbiam, quæ de suis viribus præsumit, et non in Dei confidit potentia. Amorrhæi ergo, qui interpretantur, ut superius diximus, amaricantes, hostes sunt spiritales, qui habitant in montibus superbiæ, et præsumptuos necant. De Seir usque Horma, hoc est, quia squalore vitiorum sordibus non metuit pollui, hunc necesse est pro pristinis meritis, gehennæ ignibus tradi. Cælestes enim nequitie quæ interitum nostrum desiderant, et terrenis cupiditatibus nos implicare volunt, si perseveraverimus in peccatis et in montibus superbiæ ascendere non desistimus, concedunt nos ignitis jaculis, atque anathema perpetuum perducent. Unde non, secundum Pelagianistas, de nostra sine gratia Dei præsumere debemus potentia, sed infirmitatem nostram considerantes, id quod Domini ore decernitur, obediendum et sequendum per omnia nobis humiliter credamus, sicque nobis hostes cuncti inferiores existunt, et ad cælestis patriæ gaudia, quæ nobis promissa sunt, pervenire per Domini misericordiam prævalebimus. (CAP. II.) « Dixitque Dominus ad me : Non pugnes contra Moabitas, nec in eas adversus eos prælium : non enim dabo tibi quidquam de terra eorum, quia filiis Loth tradidi Ar in possessionem. Emim in primis fuerunt habitatores ejus, populus magnus et validus, et tam excelsus, ut de Enacim stirpe quasi gigantes crederentur, et essent similes filiorum Enacim. Denique Moabitæ appellant eos Emim. » Ar metropolis est Moabitarum super ripam Arnon posita, possessa olim agente veterrima Emim, et postea reventa a filiis Loth, id est a Moabitis, cum accolæ subvertissent ; et ostenditur usque hodie in vertice montis ipsius. Sed et torrens per abrupta descendens, in mare Mortuum fluit. Interpretatur autem Ar, suscitavit et Emim terribiles, significantque hostes spiritales, qui semper lites et contentiones suscitant, et tela nequitie contra Dei servos parant. Nec non et Enacim, qui de stirpe Enak procreati

sunt, et gigantibus proceritate cœquabantur, similiter significant spirituales nequitias, sicut nomen eorum testatur. Nam monile in collo sublimi interpretatur. Hostes enim spiritales superbiæ fastu elati, omnem paraturam malitiæ suæ propriæ virtuti ascribunt. Et ideo facile superantur ab his qui non in sua, sed in Dei virtute confidunt, qui cum Psalmista dicere possunt : « Fortitudo mea et laus mea Dominus, et factus est mihi in salutem (Psal. cxvii). » In Seir autem prius habitaverunt Horim ; quibus expulsis atque deletis, habitaverunt filii Esau, sicut fecit Israel in terra possessionis suæ, quam dedit ei Deus. Seir mons est in terra Edom, in quo habitavit Esau in regione Gebabena, quæ ex eo quod Esau pilosus esset et hispidus, Seir, hoc est pilosi, nomen accepit ; in quibus locis ante habitavit Chorræus, quem interfecit Chodorlaomor. Meminit montis Seir et Isaias in visione Idumææ. Chorræi enim isti et gentes cæteræ, quas superaverunt illi qui de patriarcharum semine descenderunt, mystice significant malignos spiritus, vel vitia diversa quæ illi rite superare possunt, qui sanctorum Patrum vestigiis, doctrinis atque exemplis insistent, et malitiam spiritalem sub rege Christo veraciter agunt : de quibus dicit Apostolus : « Non est nobis collectatio adversus carnem et sanguinem, sed adversus principes et potestates, adversus mundi rectores tenebrarum harum, contra spiritualia nequitie in cælestibus (Ephes. vi). »

## CAPUT V.

*Commemoratio itineris de Cadesbarne usque ad transitum Zared, hoc est triginta octo annorum.*

(Ibid.) « Surgentes ergo ut transiremus torrentem Zared, venimus ad eum. Tempus autem quo ambulavimus de Cadesbarne usque ad transitum torrentis Zared triginta octo annorum fuit ; donec consumeretur omnis generatio hominum bellatorum de castris, sicut juraverat Dominus : cujus manus fuit adversus eos, ut interirent de medio castrorum. » Cadesbarne est locus in deserto qui conjungitur civitati Petræ in Arabia, ubi occubuit Maria et Moyses, ubi, rupem percussa, aquam sitienti populo dedit. Monstratur ibidem usque in præsentem diem sepulcrum Mariæ. Sed et principes Amalec ibi a Chodorlaomor cæsi sunt. Quod autem secundo anno egressionis filiorum Israel de Ægypto idem populus in desertum Pharan, quod est Cades, venerit, ubi reversis exploratoribus, et de fructibus terræ Chanaan secum renuntiantibus quæque viderunt, murmuraverunt contra Moysen et Aaron, et ob hoc longi itineris confecti tædio, mortalitateque percussi interierunt, iste locus Scripturæ manifestum indicium dabit. Ubi notandum quod castra scilicet vel mansiones quadraginta duæ, per quas filii Israel de Ægypto migrantes usque Jordanem habuere, triam tantummodo congruere curriculis annorum videntur, primi videlicet, secundi et quadragesimi egressionis ex Ægypto. Primus continet annus mansiones certa distinctione duodecim. Primam Ramesse

decima quinta primi mensis ingressam, ultimam A solitudinem Sinai prima die tertii mensis addita et per undecim menses continuos construendi tabernaculi, et docendæ legis gratia minime relictam : quarum videlicet duodecim mansionum, novem solummodo liber Exodi nominatim exprimens, cæteras tres sub deserto Sin, quod esse dicitur inter Elim et Sinai, vocabulo indiscrete præterit. Secundus annus complectitur mansiones viginti et unam, quibus in ordine historiæ cunctis indifferenter sub solitudinis Pharan nomine comprehensis, prima solum et secunda et ultima, hoc est sepulcra concupiscentiæ, Hase-roth et Cades, suo distinguuntur ex nomine; sed in catalogo mansionum pariter omnes quot numero fuerint, vel quo nomine, diligenter ostenditur. Quarum prima mansio, hoc est sepulcra concupiscentiæ, secundo mense ejusdem secundi anni vice-simo secundo die mensis introita. « Anno enim secundo, ut Scriptura dicit, mense secundo, vice-simo die mensis, moverunt castra de deserto Sinai : et recubuit, inquit, nubes in solitudine Pharan. Profectique sunt de monte Domini, viam trium dierum, donec venirent ad locum mansionis, quæ populi carnes Ægyptias desiderantis, sepulcrorum concupiscentiæ nomen accepit ( Num. x ). » Ultima autem harum mansio, id est Cades quoto die vel mense ejusdem anni sit ingressa, non dicitur; sed tamen quia et ipsa in solitudine Pharan sita, quia eodem anno addita fuerit, non tacetur. Scriptum est enim : « Et populus non est motus de loco illo, donec revocata est Maria. Profectusque est de Hase-roth, fixis tentoriis in deserto Pharan, ubi locutus est Dominus dicens : Mitte viros qui considerent terram Chanaan ( Num. xii ). » Quod ne proxima post Hase-roth mansione jussum factumque putetur, sed potius intelligatur in ultima, quæ sub Pharan solitudinis nomine continetur impletum, videamus quod infra scriptum est. Reversique exploratores terræ post quadraginta dies omnem regionem circuitam, venerunt ad Moysen et Aaron, et ad omnem cœtum filiorum Israel in desertum Pharan, quod est in Cades. Sed in Deuteronomio Moyses ipse loquitur populo : « Cumque venissetis in Cadesbarne, dixi vobis : Venistis ad montem Amorrhæi, quem Dominus Deus vester daturus est vobis. Vide terram quam Dominus Deus tuus dabit tibi, ascende et posside eam. Et accessistis ad me omnes atque dixistis : Mitte viros qui considerent terram, etc. » Quod autem eandem mansionem secundo anno egressionis de Ægypto adierint, a qua tamen peccato murmurationis retro reverti, ac multo tempore per desertum vagi errare et passim cadere meruerunt, testatur Moyses in consequentibus dicens ( Ibid. ) : « Sedistis in Cadesbarne multo tempore. Profectique inde, venimus in solitudinem quæ ducit ad mare Rubrum, sicut mihi dixerat Dominus. Et circuivimus montem Seir longo tempore. » Et infra : « Tempus autem quo ambulavimus de Cadesbarne usque ad torrentem Zared triginta octo annorum

fuit, donec consumeretur omnis generatio hominum bellatorum de castris, sicut juraverat Dominus. » Zared autem nomen non est mansionis, de illis dico quadraginta duabus, sed nomen torrentis, ad quem, sicut in Numerorum volumine legitur, transgressa vicesima octava mansione nomine Jeabarim venerunt. Quem relinquentes, inquit, castrametati sunt contra Arnon quæ est in deserto, et prominet in flibus Amorrhæi : quod quadagesimo anno gestum fuisse non latet. Qui videlicet annus quadagesimus, id est, et ultimus, longissimæ per desertum viæ mansiones continet Numerorum. Quarum prima mansio magno est labore repetita, eadem ipsa Cades deserti Sin, quam ante triginta octo annos, ut dictum est, culpa prævaricationis exigente, post se reversi reliquerant; de qua ita scriptum est : « Veneruntque filii Israel et omnis multitudo in desertum Sin mense primo : et mansit populus in Cades, mortuaque est ibi Maria, et sepulta in eodem loco. Cumque indigeret populus aqua, coierunt adversum Moysen et Aaron, etc. » usque ad id, quod scriptum est : « Hæc est aqua contradictionis, ubi jurgati sunt filii Israel contra Dominum, et sanctificatus est in eis ( Num. xx ). » Notandumque quod eandem Cades et in deserto Pharan esse, et in deserto Sin Scriptura sitam refert : unde conjectio datur, in consueto more locorum partem semi Pharan, ubi Cades est, specialiter Sin appellatam; Sin autem, non ipsa est Cades quam mox transgresso mari Rubro inter Elim et Sinai pertransiere, sed alia prorsus aliusque apud Hebræos scripta elementis. Secunda vero ejusdem quadagesimi anni mota est in monte Hor, in quo occubuit Aaron prima die quinti mensis, ultra campestria Moab, super Jordanem contra Jericho, ubi Deuteronomium meditantibus manserunt, usque ad mortem Moysi, Josue duce, prima die mensis decimi, sicca fluvii Jordanis profunda transierunt. Fiunt ergo omnes mansiones primi anni duodecim; secundi, viginti et una; ultimi, et ipsa vicesima prima, quæ est Cades; et aliæ novem, id est, simul omnes, quadraginta duæ.

## CAPUT VI.

*Recapitulatio, quomodo Moyses miserit nuntios ad Seon regem Esæbon, et Og regem Basan.*

( Ibid. ) « Misi ergo nuntios de solitudine Cadesbarne, ad Seon regem Esæbon, verbis publicis dicens : Transibimus per terram tuam, publica gradiemur via. Non declinabimus neque ad dexteram, neque ad sinistram. Alimenta pretio vende nobis, ut vescamur. Aquam pecunia tribue, et sic bibemus. Tantum est ut nobis concedas transitum, sicut fecerunt filii Esau, qui habitant in Seir, et Moabitæ qui morantur in Ar, et reliqua » Diximus ergo superius quod Sehon significaret diabolum, qui est germen inutile, vel arbor infructuosa, sive elatus. Israel ergo, qui per ejus terram transire volebat, significat plebem Christianam, quæ per viam mundi vult transire. Transire volumus per huic mundum, ut pervenire possimus ad terram sanctam.

quæ repromissa est sanotis; et mittimus verbis pacificis ad Sehon, promittentes non nos abituros in terram ejus, nec moraturos cum eo, sed transituros tantummodo, et incessuros via regali; nec declinaturos usquam, neque in agrum, neque in vineam, sed de lacu bibituros aquam. Videamus ergo quando nos promissimus ista, quando hæc verba diabolo demuntiavimus. Recordetur unusquisque fidelium, cum primum venit ad aquas baptismi, cum signacula fidei prima suscepit, et ad fontem salutaris accessit, quibus ibi tunc usus sit verbis et quid denuntiaverit diabolo: non se usurum pompis ejus, nec operibus ejus, neque ullis omnino servitiis ejus, nec voluntatibus pariturum. Et hoc est quod in his legis sermonibus adumbratur, quia non declinet Israel neque in agrum ejus, neque in vineam ejus; sed neque de lacu ejus aquam pollicetur se esse potaturum. Non enim ultra studium disciplinæ diabolicæ, non astrologiæ, non magiæ, non ullias omnino doctrinæ quæ contra Dei pietatem aliquid doceat, populum sumet. Fidelis enim habet suos fontes, et bibit de fontibus Israel, bibit de fontibus salutaribus. Non bibit aquam de lacu Sehon, nec relinquit fontem aquæ vivæ, congregat sibi lacus contractos. Sed et via regali incessurum se proficitur. Quæ est via regalis? Illa sine dubio quæ dicit: « Ego sum via, veritas et vita (Joan. xiv). » Et merito regalis; ipse enim est de quo Propheta ait: « Deus, judicium tuum regi da (Psal. lxxi). » Via regali ergo incedendum est, nec declinandum usquam, neque in agrum ejus, neque in vineam ejus, id est, neque ad opera, neque ad sensus diabolicos declinare ultra mens fidelium debet. Quomodo ergo volumus fines Amorrhæorum cum pace transire? Amorrhæi, infidelium qui sunt in hoc mundo pars accipi potest. Sed ipsi interpretantur, ut supra diximus, loquentes, vel in amaritudinem adentes. Et quomodo in amaritudinem quidem adducant Deum infideles et increduli, expositione non indigent. Quod autem ait loquentes, ad illam partem trahi potest, quia infideles quique et sub principe diabolo agentes, loqui norant tantummodo, sed loquuntur inania. Verbi causa, ut poetæ eorum, ut astrologi, ut nonnulli etiam philosophorum, qui inania loquuntur et vana. Fidelium autem regnum, quod a Deo est, non in sermone est, sed in virtute. Volumus ergo nos pacifice transire per mundum: sed hoc ipsum magis incitat principem mundi quod dicimus nos velle permanere cum illo nec morari, nec aliquid ejus velle extinguere. Inde magis exacerbatur, inde extollitur et irascitur, et commovet nobis persecutiones, pericula suscitatur, cruciatus intentat. Et ideo dicit: « Congregavit iniquus Sehon populum suum, et exiit colligere adversum Israel. » Quis est omnipis populus Sehon, quem concitat contra Israel? Principes ac iudices mundi, cunctique nequitie ministri, qui impugnant semper et persequuntur populum Dei. Sed quid facit Israel? « Venit, inquit, in Jasa, » quod interpretatur mandati adimpletio. Si ergo veniamus et nos ad locum istum, id

est, ad impletionem mandatorum, etiam cum omni exercitu adversum nos venit Sehon iste elatus, et superbus diabolus, et configit adversum nos, et omnes viros contra nos concitat demones, superamus eum, si Dei mandata completemus. Complere enim mandata, hoc est diabolum et omnes ejus exercitus superare, et tunc complebitur in nobis Apostoli oratio, qui ait: « Deus autem conteret Satanam sub pedibus vestris velociter (Rom. xvi). » Et aliud, quod Dominus ait: « Ecce do vobis potestatem calcandi super serpentes et scorpiones, et super omnem virtutem inimici, et nihil vobis nocebit (Luc. x). » Nihil enim nocere poterunt ista omnia, si veniamus in Jasa, id est, si mandata et præcepta Domini Dei nostri Jesu Christi servemus. « Noluitque Sehon rex Mesebon dare nobis transitum, quia induraverat dominus Deus tuus spiritum ejus, et obfirmaverat cor illius, ut traderetur in manus tuas, sicut nunc videtur, etc. » Hæc dicens Moyses, dum populum alloquitur, tale aliquid commemorat quale dicebatur in Exodo: « Ego induravi cor Pharaonis. » Et quod in psalmis legitur: « Convertit cor eorum, ut odissent populum ejus. » Nec tacetur hic causa iradationis hujus, cum dicitur: « Ut traderetur in manus tuas, » sicut in hac die, id est, ut vinceretur a te, quod non fieret nisi resisteret: non autem resisteret nisi corde obdurato. Cujus rei iustitiam si quaerimus, inscrutabilia sunt iudicia Dei. Iniquitas autem non est apud eum. Sane notandum est confortatum cor post dici et in male. « Percussimusque eum cum filiis et cum omni populo suo, cunctasque urbes in tempore illo cepimus, interfecimusque habitatoribus eorum, viris ac mulieribus ac parvulis. Non reliquimus in eis quidquam absque jumento, quæ in partes venere prædantium, et spoliis urbium quæ cepimus. Ab Aroer, quæ est super ripam torrentis Arnon, oppidum quod in valle situm est usque Galaad, non fuit vicus aque civitas quæ nostras effugeret manus, etc. » Hic est Israel qui in Christo Israel est, qui non in carne Israel nec in manifesto Judæus est, ipse habitat in omnibus civitatibus Amorrhæorum, cum in omni parte terrarum Christi Ecclesie propagentur. Sed et nunquamque nostrum prius civitas fuit regis Sehon, regis elati. Regnabat enim in nobis stultitia, superbia, impietas, et omnia quæ sunt ex parte diaboli; sed tibi expugnat et devictus est fortis, et vasa ejus direpta sunt, effocati sunt civitates Israel, et hæreditas amorrhæorum, si tamen penitus excisa est in nobis potestas illa quæ prius dominabatur nobis, et excisa est arbor infructuosa, et dejectus est rex elatus, et sumus sub eo rege qui dicit: « Discite a me quia mitis sum et humilis corde (Matth. x). » Sed et ipsa nomina locorum huic sensui cum interpretationibus suis favent. Aroer ergo interpretatur sublevans. Arnon acervus iustitiam, et Galaad acervus testimonii. Ab Aroer ergo, quæ super ripam torrentis Arnon, oppidum quod in valle situm est usque Galaad, non fuit vicus et civitas quæ Israelitarum effugeret manus: quia omnis persona,

cujuslibet sit dignitatis, fastu superbiæ vel pompa **A** confidens mundana, cum persecutoribus Christianorum, qui variis eos tribulationibus angustant, usque ad hæreticorum conciliabula, qui testimoniis sanctarum scripturarum secundum suum sensum depravatis contra Ecclesiam belligerant, catholicæ veritati a doctis sanctis resistere nullo modo prævalent; sed in victoriam cedentes manus, cum omnibus habitaculis suis atque munitionibus in dominium spiritalis rediguntur Israelis

## CAPUT VII.

*Quod nulla urbe aut oppidum in regno Og effugerit quod non vastatum sit; eorumque terra data sit Ruben et Gad et dimidia tribui Manasse.*

(CAP. VII.) « Itaque conversi, ascendimus per iter **B** Basan. Egressusque est Og rex Basan in occursum nobis cum populo suo, ad bellandum in Edrai. « Dixitque Dominus ad me: Ne timeas eum, quia in manu tua traditus est, cum omni populo ac terra sua. Faciesque sicut fecisti Sehon regi Amorrhæorum, qui habitavit in Hesebon. Tradidit ergo Dominus Deus noster in manibus nostris etiam Og regem Basan et universum populum ejus: percussimusque eos ad interuicium, vastantes cunctas civitates illius uno tempore. » Postea enim quam obtinuerunt filii Israel civitates Amorrhæorum, ascenderunt etiam viam que ducit in Basan, ubi erat Og rex Basan. Sed ad hunc neque legatos mittere dignantur, neque potere ab eo ut per terram ejus transcant, sed continuo confligunt cum eo, et **C** superant tam ipsum quam populum ejus. Videamus ergo quæ est Basan. Basan interpretatur turpitudine. Merito ergo legati mittuntur ad istam gentem, nec transitus per terram ejus poscitur. Nullus enim nobis transitus debet esse, nullus accessus ad turpitudinem, sed ab initio statim expugnanda et omnimoda cavenda est. Og autem, qui rex dicitur Basan, interclusio interpretatur. Potest hic figuram habere omnium carnalium et materialium rerum, quarum amore et desiderio detenta anima excluditur et separatur a Deo. Adversus hos ergo ita præcipitur bellum gerendum, ut non relinquatur ex eo vivens. Notum enim a filiis Israel oportet relinqui in turpitudinis regno, et Deo viventem; sed decet Israëliticam virtutem excidere et resecare turpia, et pia quæque in animo reedificare atque honesta ac religiosa plantare. De regno Sehon non est scriptum ut nullus vivus relinquatur, nec de regno Moab. Forte enim ex illis opus habemus aliquibus, et nonnullis eorum pro vitæ hujus agonibus et exercitiis indigemus. Alioquin debuissimus de hoc mundo exisse. De Basan enim, hoc est, de turpitudine, nullo penitus indigemus; nihil ex eo relinquamus, excidenda omnia, subvertenda sunt opera fortitudinis, in nullo enim potest honestum esse quod turpe est. Quod autem subjungitur: « Non fuit autem oppidum quod nos effugeret, sexaginta urbes vastantes, omnem regionem Argob regni Og in Basan, etc. » Superio-

rem sensum confirmat. Sexagenarius enim numerus, sicut et senarius, perfectionem cuiuslibet regis significat. Et bene sexaginta urbes vastatas esse refert in regno Og regis Basan, hoc est, diaboli turpitudinis amatore, quia perfecte omnem delectationem vitiorum faciendam esse significat. Argob quoque maleflecta sublimitas interpretatur, per quam terrena superbia, quæ in filiis iræ dominatur, exprimitur.

Destructis ergo civitatibus cunctis, viros ac mulieres et parvulos pariter describit interfectos. Jumenta autem et spolia urbium direpta indicant nobis, munitione diaboli superata, quidquid rebelle ac lascivum in carne nostra sentimus, simul cum parvulis cogitationibus, zelo Dei conterendum; quidquid autem ad servitium Dei in simplicitate puri sensus sive inornata verborum invenire possumus virtutum, sui reservandum. « Terramque possidemus in tempore illo ab Aroer, quæ est super ripam torrentis Arnon, usque ad mediam partem montis Galaad: et civitates illius dedi Ruben et Galaad. Reliquam autem partem Galaad, et omnem Basan regni Og tradidi dimidiæ tribui Manasse, » etc. Hæc omnia plenius in libro Numerorum explicata sunt. Sed quia hic, hoc est in Deuteronomio, recapitulata sunt, quid mystice significant ostendemus. Sunt multi in Ecclesia qui parvuli esse despicunt, etiam humilitatis immunes apud se esse minime desistunt. Hos plerumque videas honoribus extolli, voluptatibus perfrui, rerum multiplicitate dilatari. Hi sæpe nihil præcipue nisi præesæ carnis appetunt, a multis timeri gratulantur, recte vivere negligunt, et rectæ vitæ famam habere concupiscunt, adulationes querunt, favoribus intumescunt: et quia rebus sibi copiose præsentibus prompti sunt, ventura gaudia non requirunt. Cumque eos multiplex actio occupat, etiam a semetipsis alienos demonstrat. Et tamen si qua fidei tentatio exurgat, quia in ea saltem specie tenus continentur, hanc verbis, hanc clamoribus defendunt, et celestem patriam vindicant, nec tamen amant. Quos bene apud Moysen filii Ruben et Gad et dimidia tribus Manasse expriment, qui multa pecora et jumenta possidentes, dum extra Jordanem ea quæ viderunt campestria concupiscunt, in repromissionis terra **D** hæreditatem habere noluerunt, dicentes: « Terra quam percussit Dominus in conspectu filiorum Israel, regionis uberrima est ad pastum animalium. Et nos servi tui habemus jumenta plurima; precamurque, si invenimus gratiam coram te, ut des nobis famulis tuis eam in possessionem, nec facias nos transire Jordanem. » Qui igitur jumenta plurima possident, Jordanem transire refugiant: quia quos multa mundi implicamenta occupant, habitationem cordis patriæ non requirunt: sed ipsa eos, quam specie tenus tenuerint, fides increpat, ne otii delectatione torpescant atque exemplo suo alios a laboris tolerantia et studio longanimitatis frangant, « Nunquid fratres vestri ibunt ad pugnam, et vos

hic residebitis? Cur subvertitis mentes filiorum Israel? Sed quia erubescunt non defendere quod confitentur, pro eadem fide quam professi sunt ad certamen properant, eamque non sibi, sed proximis vindicant. Unde et ad Moysen dicunt: Caudas ovium fabricavimus, et stabula jumentorum, parvulis nostris urbes munitas. Nos autem ipsi armati et accincti pergemus ad prælium filiorum Israel. Qui mox fortes pro aliis veniunt et repromissionis terram ab hostibus liberant et relinquunt, atque ad pascenda armenta extra Jordanem pergunt, quia contra fidem baptismatis tota mente omnique desiderio rebus perituris inserviunt. Qui tamen, ut diximus, cum fidei tentatio oritur, defensionum armis accinguntur, hostes fidei trucidando superant, et hæreditatem terræ repromissionis, id est, fructum fidei non amant; sicque pro illa pugnant, ut tamen sua pignora extra illam deponant. Quia enim parvulos foris habent, effectum in ejus habitatione non habent. Unde ad campestria redeunt, quia ab altis cacuminibus montium, quasi a spe cælestium delabuntur, et extra repromissionis terram bruta animalia nutrant: quia ad pascendos vanis desideriis irrationabiles animi motus elaborant, quia æternæ lucis quanta sit claritas non noscunt, quia transituris occupationibus obæccantur, et dum terrenis rebus superant, cælestis sibi luminis aditum claudunt. Quod et aliter intelligi potest. Ruben namque primogenitus Jacob est. Licet contaminaverit thorum patris, primogenitus tamen est. Manasses quoque, cujus dimidia tribus extra Jordanem consequitur, et ipse licet de Ægyptia natus est, primogenitus tamen est. Omnes ergo isti primogeniti sunt, et ideo priorum populorum designant, qui non per Dominum nostrum Jesum Christum, sed per Moysen extra Jordanem sortem hæreditatis accipiunt. Considera autem diligentius etiam causam qua et prior est et extra Jordanem, et sequestratim a cæteris, consequitur hæreditatem. Jumenta, inquit, et pecora multa sunt nobis. Hæc ergo causa est qua prior populus ad hæreditatem terræ illius quæ lacte fluit, quæ melle abundat, quæ favus mellis est præ omni terra, non potuit pervenire, nec Verbum carnem potuit agnoscere, quia multa jumenta habebat et multa pecora. Animalis enim non potuit percipere quæ sunt spiritus Dei, nec spiritualiter dijudicare; quia homo cum in honore esset, non intellexit, sed comparatus est jumentis insipientibus, et similis factus est his. Pro quibus hæreditatem suam extra Jordanis fluentia percepit, et a terra se sancta fecit alienum. Ille ergo populus accepit hæreditatem per Moysen, accepit terram duorum regum tantummodo. Non enim amplius potuit Moyses interficere nisi tres reges, quorum terram divideret populis multa animalia multaque pecora habentibus. Illis vero qui Jordanem transeunt Jesus dividit terram, quamvis habeant etiam ipsi animalia, habeant pecora, non tamen tanta quæ eos excludant ne Jordanem transcant. Sed cum ipsis et mulieribus et cum infanti-

bus suis, contendunt transire Jordanem et ad patrum pervenire promissa,

## CAPUT VIII.

*Exhortatio Moysi ad Israel ut custodiant præcepta atque judicia Domini.*

(CAP. IV.) Et nunc, Israel, audi præcepta et judicia quæ ego doceo te; ut faciens ea, vivas, et ingrediens possideas terram quam Dominus Deus patrum vestrorum daturus est vobis. Non addetis ad verbum quod vobis loquor, neque auferetis ex eo. Custodite mandata Domini Dei vestri, quæ ego præcipio vobis, etc. Docet normam æquitatis, et omnem hæresim hac sententia percudit: quia addere quid aliunde ad rectam doctrinam, ex inventionibus pravis vetat, et de his quæ secundum veritatem rectæ fidei prolata sunt avertere aliquid prohibet. Via enim regia incedendum est: nec licet sive ad dexteram sive ad sinistram alicui declinare, quia non habebit insontem Dominus, qui deserit viam rectam, et declinat in semitas pravas. Recte enim sunt viæ Domini, et justii ambulant in eis. Tale quid et in Apocalypsi Joannis legimus, Beatus, inquit, qui custodit verba prophetiæ hujus libri (Apoc. 1.) Et paulo post: Contestor, ait, ego omni audienti verba prophetiæ hujus libri, si quis appoverit ad hæc, apponet super illum Deus plagas scriptas in libro isto. Et si quis diminuerit de verbis prophetiæ hujus libri, auferet Deus partem ejus de libro vitæ, et de civitate sancta, et de his quæ scripta sunt in libro isto. Hæc est enim vera sapientia et intellectus coram populis, ut audientes universa præcepta hæc, dicant: En populus sapiens et intelligens, gens magna, nec est alia natio tam grandis, quæ habeat deos appropinquantes sibi, sicut Dominus Deus noster adest cunctis obsecrationibus nostris, etc. Grandem dicit nationem, dignitate donorum, non multitudine populorum. Nec enim gens Judæorum numero vincebat alias gentes, aut potentia excelebat: sed prærogativa patrum divina dignatio eos exaltabat, sicut idem Moyses in subsequentibus testatur dicens: Non quia cunctas gentes numero vincebatis, vobis junctus est Dominus et elegit vos, cum omnibus sitis populis pauciores, sed quia dilexit vos Dominus, et custodivit jumentum quod juraverat patribus vestris.

## CAPUT IX.

*De eo quod prohibuerit sauram, simulacrorum omnium animalium atque jumentorum quæ sunt super terram.*

(Ibid.) Custodite ergo sollicite animas vestras. Nunquid vidistis aliquam similitudinem in die qua locutus est Dominus vobis in Horeb de medio ignis? ne forte decepti, faciatis vobis sculptam similitudinem, aut imaginem masculi aut feminæ. (Ex Augustino.) Quid intersit inter similitudinem et imaginem quæri solet. Sed hic non video quid interesse voluerit, nisi aut duobus istis vocabulis unam rem significaverit, aut similitudinem dixerit si, verbi gratia, fiat statua vel simulacrum habens effigiem

humanam, non tamen alicujus hominis exprimantur **A** **h**incamenta, sicut pictores vel statuarii faciunt, influentes eos quæ pingunt vel fingunt. Hanc enim imaginem dici nemo dubitaverit, secundum distinctionem qua omnis imago etiam similitudo est, non omnis similitudo etiam imago. Unde si gemini inter se similes sunt, similitudo dici potest alterius cujuslibet in altero, non imago. Si autem patri filius similis sit, etiam imago recte dicitur, ut sit pater totius unde illa imago expressa videatur: quarum alie sunt ejusdem substantiæ, sicut filius, alie non ejusdem, sicut pictura. Unde illud quod in Genesi scriptum est: « Fecit Deus hominem ad imaginem suam (*Gen. 1*), » manifestum est ita dictum, ut non ejusdem substantiæ sit imago quæ facta est. Si enim ejusdem esset, non facta, sed genita diceretur. Sed **B** quod non addidit, et similitudinem, cum superius dictum esset, « Faciamus hominem ad imaginem et similitudinem nostram, » quibusdam visum est similitudinem aliquid amplius esse quam imaginem, quod homini reformando per Christi gratiam postea reservaretur. Miror autem si non propterea postea imaginem solam voluit commemorare, quia ubi imago, et similitudo est. Unde et hic Moyses similitudinem et imaginem fieri vetat, secundum eam formam vel fortasse eam rationem quam diximus. In decalogo autem generaliter dicitur nullam fieri debere similitudinem, nec imago commemoratur. Cum enim nulla similitudo sit, procul dubio nec imago sit, quoniam si imago, utique et similitudo. Non autem si sit similitudo, continuo sit et imago; tamen si nulla similitudo, sequitur ut nulla imago. Denique ubi prohibuit similitudinem et imaginem, hominis intelligi voluit, ubi et similitudo fieri potest, non hujus aut illius, sed cujuslibet hominis; et imago, id est, hujus proprie vel illius hominis. Cum vero de pecoribus diceretur atque irrationabilibus animalibus, solam similitudinem dixit. Quis enim reperiri potest qui sibi unum constituat canem, vel quid ejusmodi, quem intuens ejus imaginem aut pingat aut fingat? Quod de hominibus usitatissimum est. « Similitudinem omnium jumentorum quæ sunt super terram, vel avium sub cælo volantium, atque reptilium quæ moventur in terra, sive piscium qui sub terra morantur in aquis. » Quid est autem quod ait, « similitudinem omnis piscis quicumque sunt in aquis sub terra? » An et aquam propter tractabilem corpulentiam terram intelligi voluit? et secundum hoc quod in eo scriptum est, « fecit Deus cælum et terram, » aquas debemus accipere. Assidue Scriptura quippe his duabus partibus commemoratis, universum mundum vult intelligi, secundum illud: « Auxilium meum a Domino, qui fecit cælum et terram (*Psal. cxx*), » et innumerabilia ejusmodi. An ideo dictum est « sub terra, » quod terra nisi superior aquis esset, habitari utique ab hominibus et animalia terrena habere non posset? « Ne forte oculis elevatis ad cælum, videas solem et lunam, et omnia astrâ cæli; et errore deceptus, adores ea et colas, quæ

« creavit Dominus Deus tuus in ministerium cunctis gentibus quæ sub cælo sunt, quia distribuit Dominus Deus tuus ea omnibus gentibus quæ sub cælo sunt. » Non ita dictum est tanquam Deus præceperit ea coli a gentibus, a solo autem populo suo non coli. Sed aut ita dictum est tanquam præciserit gentes culturam exhibituras his cælestibus, et tamen hoc præsciens creaverit ea; cum vero populum suum esse præciserit qui ista non coleret, aut « distribuit » dictum est, ut intelligatur usus, qui commendatur in Genesi, « ut sint in signis et in temporibus et in diebus et in annis. » Quem usum in eis communem habet populus Dei cum omnibus gentibus, non autem cultum quem habent alie gentes. « Cave ne aliquando obliviscaris pacti Domini Dei nostri quod pepigit tecum, et facias tibi sculptam similitudinem illorum quæ fieri Dominus prohibuit: quia Dominus Deus tuus ignis consumens est, Deus æmulator, etc. » Hic certe generaliter loquens, similitudinem posuit, imaginem tacuit, quoniam si nulla sit similitudo profecto nec imago: quia ubi imago, continuo similitudo, quamvis non ubi similitudo, continuo imago. « Novissimo autem tempore reverteris ad Dominum Deum tuum, et audies vocem ejus, quia misericors Deus et Dominus tuus, etc. » Hic conversionem Israeliticæ gentis ad fidem Christi prænuntiat, quando secundum apostoli Pauli sententiam, « postquam plenitudo gentium subintraverit, tunc omnis Israel salvus erit (*Rom. xi*). »

**C** « Interroga de diebus antiquis, qui fuerunt ante te, ex die qua creavit Deus hominem super terram, a summo cæli usque ad summum ejus, si facta est aliquando hujusmodi res, aut unquam cognitum est, ut audiret populus vocem Domini loquentis de medio ignis, sicut tu audisti et vidisti, etc. » Querendum quomodo dictum sit, « interroga dies priores, qui fuerint priores te, ex die qua creavit Deus hominem super terram, a summo cæli usque ad summum ejus, subauditur enim, interroga. Videtur enim significare totum orbem terrarum. Sed cur a summo cæli usque ad summum cæli dicat, non a summo terræ usque ad summum terræ, non est facile dignoscere. Talis enim quædam locutio est in Evangelio cum Dominus ait quod congregabuntur electi ejus a summis cælorum usque ad terminos eorum. » Nisi forte hic, nec in hominibus nec in angelis auditum esse vult intelligi, quod in hoc populo factum singulare commendat. Hoc enim sequitur: « Si factum est secundum verbum magnum hoc, si auditum est tale quid; si audivit gens vocem Domini viventis, loquentis e medio ignis, quemadmodum audisti tu et vidisti. » Quod si ita est ut nec in hominibus nec in angelis, hoc dicat auditum; quid est ergo illud in Evangelio, « a summis cælorum usque ad terminos eorum, » cum sine dubio Dominus ait hoc cum de novissima electorum suorum congregatione loqueretur. (*Cap. v.*) « Vocavitque Moses omnem Israel, et dixit ad eum: Audi, Is-

« rael, cæremoniæ atque iudicia quæ ego loquor in auribus vestris hodie. Discite ea et ore complete. Dominus Deus noster pepigit nobiscum fœdus in Horeb. Non cum patribus nostris inivit pactum, sed nobiscum, qui in præsentiarum sumus et vivimus. Facie ad faciem locutus est nobis de monte in medio ignis. » Quid est quod ait, Dominus Deus noster disposuit ad nos testamentum in Horeb? Non cum patribus nostris disposuit Dominus testamentum hoc, sed ad vos : vos hic omnes, qui viventes hodie estis. Facie ad faciem locutus est Dominus ad vos in monte e medio ignis. An quia illi qui non ingrediuntur terram repromissionis (mortui enim sunt omnes) non pertinent ad hoc testamentum, quorum tunc recognitio facta est, cum a viginti annis ætatis et supra numerarentur, usque ad quinquaginta annos habiles ad bellum? Quomodo ergo illis locutus est Dominus, qui hodie vivunt? An quia ex viginti annis et infra potuerunt multi tunc esse, qui hoc bene meminissent, alieni ab illa pœna quam Deus illis constituit qui tunc numerati sunt, non intrare in terram repromissionis? Et hos utique appellat, qui quamvis viginti anuorum et supra non essent, quando Deus in monte loquebatur, ut numerari tunc possent, potuerunt tamen esse decem et novem, et infra usque ad puerilem ætatem, quæ posset illa quæ facta sunt, et videre et audire, et memoria retinere. Sed quid est quod ait, « Facie ad faciem locutus est ad vos, » quos paulo ante maxime admonere curavit quod nullam similitudinem viderint, sed solam vocem de medio ignis audierint? An propter rerum evidentiã, et quodammodo præsentiam manifestatã divinitatis, de qua dubitare nemo posset, his verbis usus est? Quod si ita est, quid prohibet de ipso Moyse hoc intelligi, in eo quod de illo dictum est, quod facie ad faciem locutus sit cum eo Dominus, ut nec ipse aliquid oculis viderit præter ignem? An aliquid amplius vidisse intelligitur, quia scriptum est eum intrasse in nebulam vel nimbum ubi erat Deus? Sed et si aliquid amplius vidit quam illi, non eum tamen mortalibus oculis vidisse Dei substantiam ex illis ejus verbis intelligi potest, quibus ait Deo : « Si inveni gratiam ante te, ostende mihi metipsum, ut videam te. » Neque enim arbitrandum est hunc populum, cui Moyses loquebatur, sic tunc vidisse Deum facie ad faciem quando in monte loquebatur e medio ignis, quemadmodum Apostolus dicit, in fine nos esse visuros, ubi ait : « Videmus nunc per speculum in ænigmate, tunc autem facie ad faciem. » Quid autem hoc et quantum esset, consequenter aperuit dicens : « Nunc scio ex parte, tunc autem cognoscam sicut et cognitus sum (I. Cor. xiii). » Quod etiam ipsum caute accipiendum est, ne tantam putetur habiturus homo cognitionem Dei quantam nunc habet hominis Deus; sed pro suo modo ita perfectam, ut ei nihil expectetur addendum : ut quam perfecte nunc Deus novit hominem, sed tamen sicut Deus hominem, ita nunc perfecte noverit homo Deum, sed

tamen sicut homo Deum. Neque enim, quia dictum est, « Estote perfecti, sicut Pater vester cœlestis perfectus est, » ideo æqualitatem Patris, quam Verbum habet unigenitum, sperare debemus; quamvis non defuerint qui et hoc futurum putaverint, nisi forte quid dicant parum intelligimus.

## CAPUT X.

*De eo quod se dicit Moyses sequestram et iudicem inter Dominum et Israel in monte Sinai.*

« Ego sequester et medius fui inter Dominum et vos in tempore illo, ut annuntiarem vobis verba ejus. Timuistis enim ignem, et non ascendistis in montem. » Quid est quod ait, « et ego sequester, et medius fui inter vos et Dominum, sive, ut alia editio habet : » Et ego stabam inter Dominum et inter vos in tempore illo, annuntiare vobis verba Domini dicens? Tanquam in loco esset Dominus, hoc est in monte unde illi voces audiebant. Quod sic accipiendum est, ut nec ex hoc suspicemur Dei substantiam in ullo aliquo esse corporali loco, qui est ubique totus, nec per locorum intervalla propinquat aut recedit; sed demonstrationes ejus in ea creatura, quæ non est quod ipse est, non aliter humanis sensibus exhibentur. Unde Dominus volens auferre hujusmodi suspicionem mentibus nostris, quibus putatur Deus loco aliquo contineri. « Veniet, inquit, hora quando neque in monte hoc, neque in Jerusalem adorabitis Patrem. Vos adoratis quod nescitis, nos adoramus quod scimus, quia salus ex Judæis est. Sed venit hora et nunc est quando veri adoratores adorabunt Patrem in spiritu et veritate. Nam et Pater tales quærit qui adorant eum. Spiritus est Deus, et eos qui adorant eum in spiritu et veritate oportet adorare (Joan. xli). » Medium se dicit Moyses, non inter substantiam et populum intervallo aliquo loci, sed quia per eum placuit populo audire cætera verba Dei, posteaquam vehementer territus est, audiens de medio ignis vocem Dei dicentis decalogum legis.

Sed merito quaeritur quomodo accipiantur hæc verba Deuteronomii, dicente Moyse : « Et ego stabam inter Dominum et vos in tempore illo, annuntiare verba Domini, quoniam timuistis a facie ignis Domini, et non ascendistis in montem, dicens : Ego sum Dominus Deus tuus, » etc. Quæ etiam verba Dei sunt quæ decalogus continet. Quid ergo vult quod addidit, « dicens? » Si enim putaverimus hyperbaton, ut ordo verborum sit : « Et ego stabam inter Dominum et vos in tempore illo, annuntiare vobis verba Domini dicens : Ego sum Dominus Deus tuus, » non erit verum. Non enim hæc verba per Moysen populus, sed de medio ignis audivit; quod cum sustinere non posset auditu decalogo, postulavit ut per Moysen cætera audiret. Restat ergo ut quod positum est, « dicens, » pro eo positum intelligamus, ac si esset, ut diceret; ut iste sit sensus : « Et ego stabam inter Dominum et vos in tempore illo, annuntiare vobis verba Domini dicens : Quoniam timuistis a facie ignis, et non ascendistis in montem, cum diceret : Ego sum Dominus Deus tuus, » ut subædiatur, cum



diceret, utique Dominus. Cum enim hæc verba diceret Dominus, quæ consequenter ex decalogo cuncta commemorat, tunc timuit populus a facie ignis, et non ascendit in montem, et rogavit ut per Moysen potius verba Domini audiret : quæ verba Moyses commemorat in Deuteronomio dicta sibi a populo, cum audire jam nolent vocem Dei, sed per eum peterent sibi dici quæ dicebat Deus, id est, « Ecce ostendit Dominus Deus noster nobis gloriam suam; et vocem ejus audivimus e medio ignis, » etc. Non eadem prorsus leguntur in Exodo, ubi primum narrata sunt quæ modo repetuntur, ut intelligamus, quod aliquoties jam commemoravi, non esse in mendacio deputandum, si aliis quibuslibet verbis eadem voluntas manifestatur, propter evangelistarum etiam verba, quæ ab imperitis et calumniosis tanquam repugnantia reprehenduntur. Neque enim erat magnum Moysi attendere quæ in Exodo scripserat, et eisdem omnino verbis illa repetere, nisi pertineret ad sanctos doctores nostros hoc ipsum insinuare discipulis, ut nihil aliud in verbis loquentium quærant, nisi voluntatem, propter quam eandem verba instituta sunt. Et ait : (Ibid.) « Ego sum Dominus Deus tuus, qui eduxi te de terra Ægypti, de domo servitutis. Non habebis Deos alienos in conspectu meo. Non facies tibi sculptile, nec similitudinem omnium quæ in celo sunt desuper, et quæ in terra deorsum, et et quæ versantur in aquis sub terra. Non adorabis deos alienos : Ego enim sum Dominus Deus tuus, Deus zelulator, reddens iniquitatem patrum super filios, in tertiam et quartam generationem, his qui oderunt me : et faciens misericordiam in multa millia diligentibus me et custodientibus præcepta mea. » Sunt qui hoc quod scriptum est in lege, « Reddens iniquitatem patrum super filios in tertiam et quartam generationem, » ita edisserant, ut ad animam humanam sententiam vertant : patrum, in nobis levem sensuum punctam et incentiva vitiorum esse dicentes; filium vero, si cogitatio peccatorum conceperit; nepotem, si quod cogitaveris atque conceperis, opere perpetraveris; pro nepotem autem esse quartam generationem, si non solum feceris quod malum est et scelestum, sed intus sceleribus glorioris, secundum illud quod scriptum est : « Impius cum in profundum malorum venerit, contemnit (Prov. xviii). » Et signanter addidit, « his qui oderunt me, » hoc est, illis qui hæreditario utique malo et impietate Deum oderunt, poena peccati servabitur. Aliter enim iniquum atque perversum est peccata patrum filiis ac nepotibus imputari non peccantibus, maxime cum per Ezechielem Dominus dicat : « Anima quæ peccaverit, ipsa morietur. Pater non portabit iniquitatem filii. Justitia justi super eum erit, et impietas impii super eum erit (Ezech. xviii). » Potest et aliter hæc sententia intelligi qua dicit : « Reddens iniquitatem patrum super filios in tertiam et quartam generationem, » ut non sit signum truculentiae, sed misericordiae, poenam differre. Quando enim scriptum est, « Dominus Deus misera-

A tor et misericors, patiens et multæ miserationis, et inferitur : « Reddens iniquitatem patrum super filios et filias, » hoc indicat quod tantæ misericordiae sit, ut non statim puniat, sed sententiam differat puniendi. Si autem vindicta peccantium differtur in tertiam et quartam generationem, quid agitur cum justis et sanctis viris ? Illud utique quod subjungitur : « Servat justitiam et misericordiam in multa millia his qui diligunt illum, et custodiunt præcepta ejus. »

## CAPUT XI.

De decem mandatis legis in monte Sinai datis, in duabus tabulis conscriptis.

(Ibid.) « Non usurpabis nomen Domini Dei tui frustra, quia non erit impunitus qui super re vana nomen ejus assumpsit. Observa diem sabbati ut sanctifices eum, sicut præcepit Dominus Deus tuus. Sex diebus operaberis, et facies omnia opera tua; septimus dies est sabbati, id est requies Domini Dei tui. Non facies in eo quidquam operis, tu et filius tuus, et filia, servus et ancilla, et bos, et asinus, et omne jumentum tuum, et peregrinus qui est intra portas tuas, ut requiescat servus tuus, et ancilla tua, sicut et tu. Memento quod et ipse servieris in Ægypto, et eduxerit te inde Dominus Deus tuus, in manu forti et brachio extenso. Idcirco præcepit tibi ut observares diem sabbati. Honora patrem tuum, et matrem tuam, sicut præcepit tibi Dominus Deus tuus, ut longo vivas tempore, et bene sit tibi in terra quam Dominus Deus tuus daturus est tibi. Non occides. Non moechaberis. Ferturque non facies. Non loqueris contra proximum tuum falsum testimonium. Non concupisces uxorem proximi tui, non domum, non agrum, non servum, non ancillam, non bovem, non asinum, et universa quæ illius sunt. » Primum decalogi mandatum ad Deum Patrem pertinet, dum dicit in sequentibus : « Audi, Israel, Dominus Deus tuus, Deus unus est; » utique ut hæc audiens, unum Deum Patrem cetas, et in multos fides deos fornicationem tuam non effundas. Secundum præceptum pertinet ad Filium, dum dicit : « Non assumes nomen Domini Dei tui in vanum. Id est, ne assumes creaturam esse Filium Dei, quoniam omnis creatura vanitati subjecta est, sed credas eum æqualem esse Patri : Deum deorum, Verbum apud Deum, per quem omnia facta sunt. Tertium mandatum de sabbato ad Spiritum sanctum pertinet, cujus domo requies æterna promittitur nobis. Nam quia Spiritus sanctus dicitur, propterea et septimum diem sanctificavit Deus. In aliis enim diebus operum, non est nominata sanctificatio, nisi in sabbato, ubi dicitur, « requievit Deus. » Proinde igitur hoc mandatum pertinet ad Spiritum sanctum, tam propter nomen sanctificationis, quam propter æternam requiem, ad domum sancti Spiritus pertinentem. Dicitur enim tibi : « Memento ut diem sabbati sanctifices. Sex diebus operaberis, et facies opera tua; septimus autem dies sabbatum est Domini Dei tui, non facies omne opus. » In sex dierum opere, sex mil-

rum annorum operatio continetur. In septimo vero requies beati illius regni tempus ostenditur, quod carnaliter Judaei celebrantes peccant. Et ut hoc non nos ad fidem fallentes mendacii aptemus, clamat Dominus per prophetam, dicens: « Neomenias et sabbata vestra odivit anima mea. » Quomodo ergo sanctificata erunt sabbata illa quae odivit Deus? Illud ergo sabbatum sanctificatum est, ubi post bona hujus vitae opera, requies nobis aeterna promittitur. Ideoque quicquid agimus, si propter futuri saeculi requiem facimus, veraciter observamus sabbatum. Post haec, tria praecepta. Septenarius enim praecedit numerus mandatorum ad dilectionem pertinentis proximi, et incipit ab honore parentum, quod tamen in ordine quartum est: « Honora patrem tuum et matrem tuam. » A parentibus enim suis aperit homo oculos, et haec vita ab eorum dilectione sumit exordium. Inde hoc mandatum primum est in septem, sicut et Dominus in Evangelio ait: « Honora patrem tuum et matrem tuam, quod est mandatum primum (Matth. xv). » Sed quomodo primum, quia quartum? nisi quia, ut dictum est, in septenario numero, qui pertinet ad dilectionem proximi, primum est in altera tabula. Nam ideo duae tabulae legis datae sunt. Jabetur ergo in hoc praecepto filiis honorare parentes, neque contumeliosos illis existere, sed officio pietatis debitam reverentiam praestare. Nam qui parentibus honorem deferre non novit, quibus parcere potest qui suos odit? Quintum: « Non moechaberis, » id est, ne quisquam praeter matrimonii foedera aliis feminis miscetur, ad implendam libidinem. Nam specialiter adulterium facit, qui, praeter suam, ad alteram accedit. Sextum: « Non occides. » Non enim solum opere perpetrans homicidium facit, sed etiam qui et incurrit in eorrientem et audum, qui mori possit nisi indumentum cibumque porrigendo subveniat, et idem homicida tenebitur. Septimum: « Non furtum facies, » quod est rapacitatis. Octavum: « Non falsum testimonium dices, » quod est crimen mendacii et falsitatis. Nonum: « Non concupisces uxorem proximi tui. » In hoc praecepto vetat intentionem adulterinae cogitationis. Nam aliud est facere tale aliquid praeter uxorem: aliud appetere alienam uxorem. Ideo duo praecepta sunt. Non moechaberis. Non concupisces uxorem proximi tui. Decimum: « Non concupisces rem proximi tui; » in quo praecepto damnat ambitionem saeculi, et refrenat concupiscentiam rerum. Itaque horum primum prohibet subreptionem, secundam errorem, tertium interficit saeculi amorem, quartum impietatem, quintum alludit fornicationem, sextum crudelitatem, septimum rapacitatem, octavum perimit falsitatem, nonum adulterii cogitationem, decimum mundi cupiditatem. Et notandum quia sicut decem plagis percutiuntur Aegyptii, sic decem praeceptis conscribuntur tabulae, quibus reguntur populi Dei, et daemones occiduntur.

« Haec verba locutus est Dominus ad omnem multitudinem vestram in monte in medio ignis et nu-

« bis et caliginis voce magna, nihil addens amplius; et scripsit ea tabulis duabus lapideis, quas tradidit mihi Deus, etc. » Cur ego in duabus tabulis scripta est lex, nisi aut propter duo Testamenta significanda, aut propter duo ista praecepta dilectionis Dei et proximi, in quibus tota lex pendet et prophetae? Haec enim in singulis tabulis explicata sunt. In una enim tria praecepta ad Dei pertinentia charitatem, in alia vero, septem pertinentia ad proximi societatem. Sed cur lapideae eadem tabulae fuerunt, nisi ad significandam eorum lapideam Judaeorum? Per lapidis enim insensibilitatem duram eorum mentis signat soliditatem, de qua propheta dicit: « Auferam a vobis cor lapideum, et dabo vobis cor carneum (Ezech. xi). » Unde et Apostolus ait: « Non in tabulis lapideis, sed in tabulis cordis carnis (II Cor. iii). » Neque enim hoc tabulae carnales volunt, ut carnaliter sapiamus; sed quia in comparatione lapidis, qui sine sensu est, caro sentit, idcirco per lapidis duritiam cor non intelligens, et per carnis sensibilitatem significatam est cor intelligens.

« Quid est omnis caro ut audiat vocem Dei viventis, qui de medio ignis loquitur, sicut nos audimus, ut possit vivere? Tu magis accede, et audi cuncta quae dixerit Dominus Deus noster tibi: loquerisque ad nos, et nos audientes faciemus ea. » Quod cum audisset Dominus, ait ad me: Audi vocem verborum populi hujus, quae locuti sunt tibi: « Bene omnia sunt tibi locuti. Quis det talem eos habere mentem, ut timeant me, et custodiant universa mandata mea in omni tempore, ut bene sit eis et illis eorum, usque in sempiternum, et relictua. » Quid est quod ait Moyses dictum sibi esse a Domino de populo Hebraeo: « Quis det esse sic cor eorum, ut timeant me, et custodiant mandata mea? » An hic clam vult intelligi gratia sua concessi hoc beneficium, ut sit in hominibus ex fide iustitia Dei, non quasi propria velat ex lege? Hoc enim per prophetam significat dicens: « Auferam eis cor lapideum, et dabo eis cor carneum (Ezech. xi); » quod propter sensum dictum est, quem caro habet, et lapis non habet, verbo utique translati. Hoc et ipsium alibi dicit: « Ecce dies venient, dicit Dominus, et consummabo super domum Israel, et super domum Juda testamentum novum: non secundum testamentum, quod disposui ad patres eorum, in die qua apprehendi manum eorum; ut educerem eos de terra Aegypti, quoniam hoc est testamentum, quod disposui ad eos, post dies illos: dans leges meas in cor eorum, et in mente eorum superscribam eas, et iniquitatum eorum et peccatorum eorum non memor ero amplius (Jerem. xxxi). » Hoc enim discrevit Novum Testamentum a Veteri, quod Veteri data est lex in tabulis lapideis, in Novo autem in cordibus, quod fit per gratiam. Unde et Apostolus ait: « Non in tabulis lapideis, sed in tabulis cordis carnalibus. » Et alio loco: « Idoneos nos, inquit, fecit ministros Novi Testamenti, non littera, sed spiritu (II Cor. iii). » « Audi, Israel, Dominus Deus noster Deus unus est.

« Diliges Dominum Deum tuum ex toto corde tuo, et ex tota anima tua, et ex tota fortitudine tua. » Animæ rationali quæ memoria constat, intellectu et amore, sanctæ Trinitatis fides commendatur in eo quod dicit : « Diliges Dominum Deum tuum ex toto corde tuo, et ex tota anima tua, et ex tota virtute tua. » Sed hæc perfectio charitatis in specie decoris est Dei ubi conditorem nostrum videbimus sicuti est. Nunc ipsius cursus rectitudine et perfectione tendamus : castigando corpus nostrum et servituti subijciendo, et eleemosynis dandis, et dimittendis quæ in nobis sunt commissa peccatis, hilariter et ex corde et orationibus indesinenter instando, et hæc faciendo in doctrina sana, qua ædificatur fides recta, spes firma, charitas pura. Hæc est nunc et spei. Nam res ipsa non quæ credatur et speretur, sed quæ videatur teneaturque, succedit; charitas autem, quæ in his tribus major est, non auferatur, sed augeatur et impleatur : contemplata quod credebat, et quod sperabat adeptæ : in qua plenitudine charitatis, præceptum illud implebitur : « Diliges Dominum Deum tuum ex toto corde tuo, et ex tota anima tua, et ex tota mente tua. » Nam cum est adhuc aliquid carnalis concupiscentiæ quod vel continendo frenetur, non omni modo ex tota anima diligitur Deus. Non enim caro sine anima concupiscit, quamvis caro concupiscere dicatur, quia carnaliter concupiscit anima. Tunc erit justus sicut illo omnino peccato, quia nulla lex erit in membris ejus repugnans legi mentis ejus; sed prorsus tota corde, tota anima, tota mente diligit Deum, quod est primum summumque præceptum. Cur ergo non præciperetur homini ista perfectio, quamvis enim in hac vita non habeat? Non enim recte curritur, si quo currendam est, nesciatur. Quomodo autem sciretur, si nullis præceptis ostenderetur. Sic curramus ergo, ut comprehendamus. Omnes enim qui recte current, comprehendunt; non sicut in agone theatro, omnes quidem currunt, sed unus accipit palmam. Curramus corpus castigando et eleemosynis in bonis dandis, malisque ignoscendis hilariter et ex corde faciendo, et currentium vires ut adjuventur orando; et sic audiamus præcepta perfectionis, ne currere negligamus ad plenitudinem charitatis.

## CAPUT XII.

*De diligendo Deo ex tota anima, et ex tota fortitudine, et de alligandis mandatis Dei in cordibus hominum et prædicandis eis soboli suæ, in omnes generationes.*

(CAP. VI.) « Diliges, inquit, Dominum Deum tuum, ex toto corde tuo, et ex tota anima tua, et ex tota mente tua; et diliges proximum tuum sicut te ipsum. » In his duobus præceptis tota lex pendet et prophætæ. Finis itaque præcepti est dilectio. Et ea geminata, id est Dei et proximi : quod facis, si te totum intelligas, id est anima et corpus ejus, et proximum tuum, id est animam et corpus : homo enim ex anima constat et corpore. Nullum rerum diligendarum genus in his duobus præter-

missum est. Cum enim præcurrat dilectio Dei, ejus dilectionis modus præscriptus appareat, ita ut cætera in illum confluant. De dilectione tua nihil dictum videtur; sed cum dictum est : « Diliges proximum tuum tanquam te ipsum, » simul et tui abs te dilectio non prætermissa est. Ille autem juste et sancte vivit, qui rerum integer æstimator est. Ipse autem qui ordinatam habet dilectionem, ne aut diligit quod non est diligendum, aut non diligit quod est diligendum, aut amplius diligit quod minus diligendum est, aut æque diligit quod vel minus vel amplius diligendum est. Omnis peccator in quantum peccator non est diligendus. Et omnis homo in quantum homo est diligendus est propter Deum : Deus vero propter seipsum. Et si Deus omni homine diligendus est amplius, amplius quisque diligere debet eum quam seipsum. Item amplius alius homo diligendus est quam corpus nostrum, quia propter Deum omnia ista diligenda sunt. Et potest nobis cum aliis homo Deo perfrui, quod non potest corpus, quia corpus per animam vivit, qua fruimur Deo. Omnes autem æque diligendi sunt. Sed cum omnibus prodesse non possis, his potissimum consulendum est qui pro locorum et temporum, vel quarumlibet rerum oportunitatibus, constrictius tibi quasi quadam sorte junguntur. Eruntque verba hæc, quæ ego præcipio tibi, in corde tuo hodie, et narrabis ea filiis tuis, et meditaberis sedens in domo tua, et ambulans in itinere, dormiens atque conurgens; et ligabis ea quasi signum in manu tua, eruntque et movebuntur inter oculos tuos, scribesque ea in limine et ostiis domus tuæ, etc. Istius ergo loci talis est sensus. Præcepta mea sint in manu tua, ut opere compleantur, sint ante oculos tuos ut die ac nocte mediteris in eis. Hæc Pharisei male interpretantes, ut Evangelium testis est, scribebant in membranis decalogum Moysi, id est decem verba legis, et complicantes ea et ligantes ea in fronte, et quasi coronam capiti facientes, ut semper ante oculos moveantur. Quod usque hodie Babylonii faciunt, et qui hoc habuerit, quasi religiosus in populi judicatur. Quia ergo Dominus disputationem contra Phariseos habens, dixerat ad discipulos suos : « Omnia opera sua faciunt, ut videantur ab hominibus, » quod generaliter accusaverat, nunc in partes dividit. Puta scioli decalogi, phylacteria vocabant : quod quicumque habuissent ea, quasi ad custodiam et nutrimentum sui habuerint, Phariseis non intelligentibus, quod hæc in corde portanda sint, non in corpore. Alioquin et armaria et arcæ habent libros, et Dei notitiam non habent.

« Dominum Deum tuum timebis, et ipsi servies, » ac per nomen illius jurabis, et reliqua. Quod ait de Domino, « Et in nomine ejus jurabis, » non ita præceptum accipiendum est, quasi jurare Jusserit, sed in alterius alicujus Dei nomine jurare prohibuit. Melius autem fit, si secundum Evangelium non juraveris. Non quia mala est juratio vera, sed ne in perjurium incidatur facilitate jurandi. Qui enim jurat,

non solum verum, sed etiam falsum potest jurare. Qui autem omnino non jurat, a perjurio longe ambulat.

## CAPUT XIII.

*De opprimendis septem gentibus Chananæorum de terra repromissionis, ac paulatim comminuendis.*

(CAP. VII.) Cum introduxerit te Dominus Deus tuus in terram quam possessurus ingredieris, et deleverit gentes multas coram te, Ethæum, et Gergæum, et Amorrhæum, Chananæum, et Pherezæum, et Evæum, et Jebusæum, septem gentes multo majoris numeri quam tu es, et robustiores te, tradiditque eas Dominus Deus tuus tibi, percuties eas usque ad interuicium. Non inibis cum eis fœdus, nec misereberis earum. Septem istæ gentes septem sunt principalia vitia, quæ per gratiam Dei unusquisque spiritualis miles exsuperans, exterminare penitus admonetur. Quod vero majoris numeri esse dicuntur, hæc ratio est quia plura sunt vitia quam virtutes. Et ideo quidem in catalogo dinumerantur septem nationes: in expugnatione vero earum, sine numeri ascriptione ponuntur. Ita enim dicitur: « Et deleverit gentes multas coram te. » Numerosior est enim quam Israel carnalium passionum populus, qui de hoc septenario fomite vitiorum ac radice procedit. De gastrimargia namque nascuntur comessationes, ebrietates. De fornicatione, turpiloquia, scurrilitas, ludicra atque stultiloquia. De philargyria, mendacia, fraudatio, facta, perjuria, turpis lucri appetitus, falsa testimonia, violentiæ, inuauitas ac rapacitas. De ira, homicidia, clamor et indignatio. De tristitia, rancor, pusillanimitas, amaritudo, desperatio. De acedia, otiositas, somnolentia, importunitas, inquietudo, prævaricatio, instabilitas mentis et corporis, verborum et curiositas. De cenodoxia, contentiones, hæreses, jactantia ac præsumptio novitatum. De superbia, contemptus, invidia, inobedientia, blasphemia, murmuratio, detractio, aliaque quam plerima similia. Quæ cum sint multo majoris numeri quam virtutes, devictis tamen illis septem principalibus vitiis, ex quorum natura ista procedunt, omnes protinus conquiescunt, ac pariter perpetua cum his intentione delentur. Quod autem hæ pestes etiam robustiores sunt, manifeste naturæ ipsius impugnatione sentimus. Fortius enim militat in membris nostris oblectatio carnalium passionum quam studia virtutum: quæ nisi summa contritione cordis et corporis non acquiruntur. Quod vero istarum perniciosarum gentium regiones salubriter possidere præcipimur, ita intelligitur. Habet enim unumquodcunque vitium in corde nostro stationem propriam. Sed si cum Israelis populo, id est virtutibus contra se dimicantibus fuerint vitia superata, locum quem sibi in corde nostro concupiscentiæ vel fornicationis spiritus retentabat, deinceps castitas obtinebit. Quem furor ceperat, patientia vindicabit. Quem tristitia mortem operans occupaverat, salutaris ex pleno gaudio lætitia possidebit. Quem acedia vastabat, incipit excolere fortitudo. Quem superbia

vastabat, incipit excolere humilitas. Et ita singulis vitiis expulsis, eorum loca, id est animæ, vident Deum. Hæc vero quod cum Abraham de visis Deum loqueretur, non septem gentes legitur dinumerasse, sed decem quarum terra semini ejus danda promittitur. Qui numerus adjecta idololatria gentium, blasphemia Judæorum, errore hæreticorum, evidentissime adimpletur. Quibus ante notitiam Dei, et gratiam baptismi, vel impia gentilium, vel blasphemia Judæorum multitudo subjecta est, donec intellectuali Ægypto commemoratur. Si autem abrenuntians quis, egressus ex inde, per Dei gratiam ad ærenam pervenerit spiritalem, de impugnatione trium gentium liberatus, contra septem tantum, quæ per Moysen dinumerantur, bella suscipiet.

« Noli timere, sed recordare quæ fecerit Dominus Deus Pharaoni, et cunctis Ægyptiis plagas maximas, quas viderunt oculi tui, et signa atque potentia, manumque robustam et brachium extensum, ut educeret te Dominus Deus tuus. Sic faciet cunctis populis quos metuis. Insuper et crabrones mittet Dominus Deus tuus in eos, donec deleat omnes atque disperdat. » Non legitur alicubi in historia Veteris Testamenti, quod crabrones vel vespas miserit Dominus ante filios Israel in hostes eorum, sed per hæc animalia, quæ aculeis pugnant, designat timoris compunctiones eorum in hostes, quo terrebantur atque fugabantur.

« Deus magnus atque terribilis, ipse consumet nationes has in conspectu tuo paulatim atque per partes. Non poteris eas delere pariter, ne forte multiplicentur contra te bestię terræ; dabitque eas Dominus Deus tuus in conspectu tuo, et interficiet illos donec penitus deleantur. » Deus, inquit, magnus et terribilis. Magnum Deum et terribilem dicit. Magnus est, quia omnipotens est in suis liberando, et terribilis in adversarios juste judicando. Ipse consumet nationes has, quia veraciter victoria ascribit illi soli, quando hostes superantur universi. Quodve dicit de gentibus non delendis pariter, ne forte bestię multiplicarentur contra illos, cavendum esse nobis ostendit, ne forte expulsis peccatis a carne nostra, et repente superans accedant contra nos bestię spirituales, hoc est jactantia aut superbia, vel certe vana gloria, quæ subrosperint, majori labore extirpabuntur, quia carnalia vitia. Loth enim in monte positus, concubitu nefario pollutus erat, qui in Sodomis habitans, continuit se ut non peccaret. At per hoc quodcunque vitium expulimus, statim in loco illius plantetur virtus, ne forte expulsus spiritus, iterum revertens, inveniatur domum nostram vacantem. Sciendum tamen quod plerumque omnipotentis Dei dispensatione contingit, ut quibus majora dona præstat, quædam minora non tribuat, ut semper eorum animus habeat unde seipsum reprehendat, quatenus dum appetant perfecti esse et non possunt, et laborant in hoc quod non acceperant, nec tamen elaborando prævalent, ut in his quæ accepta habent se minime extollant,

sed dicant quia a semetipsis majora bona non habent, qui in semetipsis vitia parva atque extrema vincere non possunt. Hinc enim est quod perducto Dominus ad terram re-promissionis Israel, cunctos fortes atque præponentes adversarios ejus extinguens, Philistæos autem atque Chananeos diutius reservavit, ut, sicut scriptum est, in eo experiretur Israel. Quia nonnunquam, ut dictum est, eis etiam quibus magna tribuit, parva quædam reprehensibilia relinquit, ut semper habcant contra quos bellum gerant, et devictis magnis hostibus mentem non erigant, quando eos adhuc adversarii minimi fatigant. Quid itaque est, nisi ut miro modo una eadem mens et virtute polleat, et ex infirmitate lassescat. Quatenus ex parte constructa, et ex parte conspiciat se non esse constructam, ut per bonum quod querit et habere non valeat, illud servet humiliter quod habet. Sed quid mirum quod de homine dicimus, quando illa superna regio in civibus suis ex parte damna pertulit, et ex parte consistit fortiter, ut electi angelorum spiritus, dum alios per superbiam cecidisse conspicerent, ipsi tanto robustius quanto humiliter starent? Illi ergo regionis profecerant etiam detrimento, quæ ad æternitatis statum ex parte destructionis est solidius constructa. Sic ergo in unaquaque anima agitur in humilitatis custodia, aliquando, ut ad lucra maxima ex minimo damno servetur.

(CAP. VIII.) « Omne mandatum quod ego præcipio tibi hodie, cave diligenter ut facias, ut possitis vivere et multiplicemini, ingressique possideatis terram pro qua juravit Dominus patribus vestris; et recordaberis cuncti itineris per quod adduxit te Dominus Deus tuus quadraginta annis per desertum, ut affligeret te atque tentaret, et nota fierent quæ in animo tuo versabantur, utrum custodires mandata illius, an non. » Hic apertius dictum est, quod alibi genere locutionis obscurum est, ubi legitur: « Tentat vos Dominus Deus vester, ut sciat si diligatis eum. » Intelligitur enim positum esse, ut sciat pro eo quod est, ut sciri faciat, quomodo dilucide dictum est, ut tentaret te et cognita faceret quæ in corde tuo sunt. Non enim ait, Ut et cognosceret. Quod quidem si dixisset, intelligendum erat, cognita faceret.

#### CAPUT XIV.

*De cibo manna dato Israelitis, et ducatu eorum in solitudine.*

(Ibid.) « Affixit te penuria, et dedit tibi manna cibum, quem ignorabas tu et patres tui: ut ostenderet tibi quod non in solo pane vivit homo, sed in omni verbo quod procedit de ore Domini. Vestimentum tuum quo operiebaris, nequaquam vetustate defecit: et pes tuus non est subtritus, etc. » Hic jam nobis spiritualis commendatur cibus, unde animæ in æternum victuræ satiantur. Manna enim de cælo datum significat carnem Christi. « Ego sum, inquit, panis vitæ, qui de cælo descendit (Joan. vi). Et Verbum caro factum est, et habitavit in nobis (Joan. i). Qui manducat, inquit

A ipsa Veritas, carnem meam, et bibit sanguinem meum, habet vitam æternam (Joan. vi). » Hanc ergo non habet, qui istum panem non manducat, nec istum sanguinem bibit. Nam temporalem vitam sine ulla utcumque homines in hoc seculo, qui non sunt, per fidem in corpore ejus habere possunt, æternam autem nunquam, quæ sanctis promittitur. Aliter: Illud quod dicit: « Non in solo pane vivit homo, sed in omni verbo quod procedit de ore Dei (Matth. iv), » significat geminam naturæ nostræ substantiam. Homo enim ex corpore et anima constat; unde hoc quod ex terra est, terreno alitur cibo: anima non vivit nisi verbo Dei. Spiritum enim hominis vivificat Spiritus Dei qui in eo habitat; si tamen ipse est homo in corpore Christi, et in fide vivit Filii Dei. Et ideo dicit vestimentum vetustate non defecere, quia novi hominis conversatio in novitate vitæ debet emanare, cujus pes non erit subtritus, quando gressus honorum operum servatur illæsus, quia Scriptura teste: « Novit Dominus viam justorum, et iter impiorum peribit (Psal. i). »

« Observa et cave, ne aliquando obliviscaris Domini Dei tui, et negligas mandata ejus atque judicia, et cæremonias quas ego præcipio tibi hodie, etc. » Inter mandata et judicia atque cæremonias, quædam hanc distantiam esse voluerunt, ut mandata nominentur decem verba legis quæ in duabus tabulis lapideis scripta fuerant; judicia vero, quæ post datam legem propter observantiam justitiæ Dominus per Moysen diversis temporibus populo Judaico, loquendo ac præcipiendo constituit, quæ in libro Exodi justificationes appellantur. Cæremoniæ autem circumcisio, ac varia festa legis, divinique ritus sacrificiorum. Unde beatus Pater Ambrosius, in expositione Epistolæ Pauli apostoli ad Romanos, ita dicit: « Triplex quidem lex est, ita ut prima pars de sacramento divinitatis sit Dei, secunda autem quæ congruit legi naturali, quæ interdicit peccatum. Tertia vero legis factorum, id est sabbata, neomeniæ, etc. »

« Qui eduxit te de terra Ægypti, de domo servitutis et dactor tuus fuit in solitudine magna atque terribili, in qua erat serpens flatus adurens, et scorpio ac dipsas, et nollæ omnino aquæ, etc. » Dipsas genus aspidis est, quæ Latine situla dicitur, quia quem momorderit, siti perit. Hujus serpentis tanta exiguitas esse fertur, ut cum calcatur, non videatur, cujus venenum ante exstinguit quam sentiat, ut citius præventa morte nec tristitiam inducat morituro. Significant autem hi varii serpentes diversas schismaticorum hæreses, quæ diversæ quidem inter se sunt, sed omnes mortiferæ, et quemcumque invadunt, exstinguunt.

(CAP. IX.) « Scito igitur, quod non propter justitias tuas Dominus Deus tuus dederit tibi terram hanc optimam possessionem, cum durissimæ cervicis sis populus. Memento et ne obliviscaris, quomodo ad iracundiam provocaris Dominum Deum tuum in solitudine; ex eo die quo egressus es ex Ægypto, usque ad locum istum, semper ad-

« versus Dominum contendisti, et reliqua : Certe isti sunt qui propterea non meruerunt perire in deserto, quia nescierunt dexteram aut sinistram. Ecce jam dura cervice appellantur. Unde illud videndum est in sacramento esse dictum, quod non istorum merita commendata sunt. Nam ne quis existimet subito istos vituperabiles factos qui merito fuissent ante laudati, paulo post dicitur : « Memor esto et ne obli- viscaris, quod exacerbasti Dominum Deum tuum in deserto ; ex qua die existi de terra Ægypti, donec venisti in hunc locum, incredulus perseverabas in his quæ ad Dominum pertinent. » Quod si quidam eorum tales erant, quidam vero fideles et boni, sic non utique illis datur terra promissionis, qui nesciunt dexteram aut sinistram, ut hoc sic intelligamus, quando offenderint Dominum. Nam et Patres eorum qui mortui sunt, nec in eandem terram intrare per- missi sunt, tales inveniuntur fuisse, ut inessent quidam etiam boni : propter quod Apostolus, non omnes, sed quosdam eorum dicit offendisse, in qui- bus eorum peccata commemorat : « Similes quippe estis parentibus vestris. » Ita evidentiùs docet, ut ista scriptura Deuteronomii quod consequenter ad- jungit et dicit : « Et in Choreb exacerbastis Domi- num. » Ubi certe illi exacerbaverant, qui propterea de malo merito suo non sunt in terram promissio- nis introducti.

## CAPUT XV.

*Commemoratio quomodo Moyses, quadraginta diebus jejunans in monte Sinai, adeptus est tabulas legis.*

(*IBID.*) « Deditque mihi Dominus duas tabulas la- pideas scriptas digito Dei, et continentés omnia verba quæ vobis in monte locutus est de medio ignis, quando concio populi congregata est. Cum- que transissent quadraginta dies et totidem no- ctes, dedit mihi Dominus duas tabulas legis fœde- ris, dixitque mihi : Surge et descende hinc cito, quia populus quem eduxisti de Ægypto, deserue- runt viam velociter quam demonstrasti eis, fece- runtque sibi vitulum conflatilem, et reliqua. » Com- memorat ergo hic Moyses quomodo tabulas legis scriptas decem mandatis a Domino acceperit, et inde narrat quomodo ob peccatum populi eas con- triverit, et qualiter iterum jejunans atque orans impetraverit alias tabulas conscriptas. Sed hic na- scitur non contemnenda quæstio. Scriptum est enim sic : (CAP. X.) « In tempore illo dixit Dominus ad me : Dola tibi duas tabulas lapideas sicut priores fuerunt, et ascende in montem ad me ; faciesque arcam ligneam, et scribam in tabulis verba quæ fuerunt in his quas ante confregisti, ponesque eas in arca. Feci igitur arcam de lignis Sethim. Cum- que dolassem duas tabulas lapideas instar prio- rum, ascendi in montem habens eas in manibus, scripsitque in tabulis juxta id quod prius scripse- rat, verba decem, quæ locutus est Dominus ad vos in monte de medio ignis, quando populus congregatus est ; et dedit mihi eas, etc. » Nec im-

merito quæritur quomodo in Deuteronomio hæc di- cantur Moyses recolente ac repetente quæ gesta sunt, cum in Exodo ubi primum hæc dicta narra- tur, ita scriptum sit : « Et dixit Dominus ad Moysen : « Scribe tibi verba hæc. Etenim in verbis his, po- sui tibi testamentum et Israel. Et erat ibi Moyses in conspectu Domini quadraginta diebus, et qua- draginta noctibus. Panem non manducavit et aquam non bibit, et scripsit in tabulis verba testamenti decem (Exod. xxxiv.) » Cum ergo in Exodo ipse Moyses decem legis verba in tabulis, eadem verba scripsisse recollitur ; denique illud quod in Exodo cum transeunter tractaremus, et quid nobis in ea differentia visum fuerit litteris mandaremus cur priores tabulæ quæ contritæ sunt digito Dei scriptæ referantur, secundam tamen in arca tabernaculoque mansuram, ipse Moyses scripsisse dicatur. Itaque per hanc differentiam duo Testamenta significata esse ut diximus : ut in Veteri Testamento lex com- mendaretur tanquam opus Dei, ubi homo nihil fe- cerit, eo quod lex timore non posset impleri : quoniam cum vere sit opus legis, per charitatem justitiæ fit, non timore : quæ charitas gratia est Testamenti Novi. Ideo in secundis tabulis homo legitur scripsisse verba Dei, quia homo potest facere opus legis per charitatem justitiæ, quod non potest per timorem poenæ. Nunc ergo cum legitur in Deuteronomio de secundis tabulis, ita dictum est : « Et excidi duas ta- bulas lapideas sicut priores, et ascendi in montem, et et duæ tabulæ in manibus meis, et scripsit in ta- bulis secundum priorem scripturam, decem verba. » Non enim ait, *et scripsi*, sed *scripsit* : hoc est, Deus, sicut paulo ante dixerat, verba Dei sibi dicta : Excide tibi duas tabulas quemadmodum priores, et ascende ad me in montem, et facies tibi arcam ligneam, et scribam in tabulis verba quæ erant in tabulis prio- ribus. Discutienda nascitur quæstio, quod utrasque tabulas, id est, priores et secundas, Deus hic legitur scripsisse, non homo. Sed si ipso quoque in Exodo verba Dei legantur, ubi jubet easdem tabulas secun- das excidi a Moysen, nihil aliud invenitur, quam ip- sum Deum se easdem promississe scripturam. Nam ita scriptum est Exodi xxxiv : « Et dixit Dominus ad Moysen : Excide duas tabulas tibi sicut et priores, et ascende in montem ; et scribam in tabulis verba, quæ erant in tabulis prioribus quas contrivisti. » Ex- cepto itaque libro Deuteronomii, quæstionem utique etiam istam solus liber Exodi continet, quoniam dixerit Dominus : « Et scribam in tabulis verba quæ erant in tabulis prioribus, » cum paulo post legitur. « Scribe tibi verba hæc. Etenim in verbis his, posui tibi testamentum et Israel. Et erat ibi Moyses in conspectu Domini, quadraginta diebus, et quadra- ginta noctibus. Panem non manducavit, et aquam non bibit. Et scripsit in tabulis verba testamenti decem. » Si enim superius, quod dictum est, « Scribe tibi verba hæc. Etenim in verbis his posui tibi testa- mentum et Israel, » ad superiora pertinet, quod Dominus ista præcipiebat, ut non in duabus tabulis

lapideis scriberentur, sed in illo libro legis, ubi multa conscripta sunt. Certe illud quod sequitur, « Et erat ibi Moyses in conspectu Domini quadraginta diebus, et quadraginta noctibus. Panem non manducavit, et aquam non bibit. Et scripsit in tabulis verba testamenti decem, » satis manifeste dicit eundem Moysen in tabulis hæc decem verba scripsisse, non Deum : nisi forte violenter quidem, sed certa necessitate compellimur, ubi dictum est, « Et scripsit in tabulis verba testamenti decem, » non Moysen subaudire, sed Deum. Supra enim positum est : « Et erat ibi Moyses in conspectu Domini, » ut a Domino in cujus conspectu erat Moyses, « quadraginta diebus, et quadraginta noctibus panem non manducans et aquam non bibens, » scripta intelligantur hæc decem verba in tabulis, sicut ante promiserat. Quod si ita quidem est, illa differentia duorum testamentorum, quæ nobis visa est in his verbis, commendari potest, quando priores et secundas tabulas scripsit non homo, sed Deus. Verumtamen illa certe distantia non habet dubitationem, quod priores tabulas et Dominus fecit, et Dominus scripsit. Non enim tunc dictum est ad Moysen : « Excide tibi duas tabulas, » sed ita potius dicitur : « Et conversus Moyses, descendit de monte, et duæ tabulæ testimonii in manibus ejus. » Tabulæ opus Dei erant et scriptura Dei est culpa in tabulis. Jam enim superius dixerat easdem tabulas scriptas digito Dei sic loquens : « Et dedit Moysi, statim ut cessavit loqui ad eum in monte Sina, duas lapideas tabulas testimonii scriptas digito Dei. » Ubi ergo et tabulæ opus Dei erant, et scriptura earum digito Dei facta. Secundas tabulas ipse Moyses jubetur excidere, ut ipsæ certe opere humano intelligantur excisæ, quamvis eas Deus ipse scripserat sicut promisit cum juberet excidi. Porro autem, si diligentius attendamus, ideo utrumque dictum esse in secundis tabulis, quia et Deus facit per gratiam suam opus legis in homine; et homo per fidem suscipiens gratiam Dei, pertineus ad testamentum novum, cooperatur est adjuvantis Dei. Ideo autem in primis solum opus Dei commemoratur, quia infideles non cooperantur adjutorio gratiæ; sed ignorantes Dei justitiam, et suam volentes constituere, justitiæ Dei non sunt subjecti. Unde illis lex ad condemnationem valet : quod significat contritio tabularum. Profecto non cogimur violento intellectu subaudire, quod Deus scripserit, ubi Scriptura dicit : « Et erat ibi Moyses in conspectu Domini quadraginta diebus et quadraginta noctibus. Panem non manducavit, et aquam non bibit. Et scripsit in tabulis verba testamenti, » ibi valde sonat scripsisse Moysen. Sed ideo superius Deus se promisit scripturum, et in Deuteronomio non solum ita promississe, verum etiam ipse scripsisse narratur, ut significetur, quod ait Apostolus : « Deus est enim qui operatur est in vobis et velle et operari pro bona voluntate » (*Phil. II*), hoc est, in eis qui ex fide gratiam suscipiunt, et non suam justitiam volunt extruere, sed justitiæ Dei subjecti esse,

PATROL. CVIII.

A ut ipsi sint in Christo justitia Dei. Nam et illic Apostolus utrumque dicit, et Deum operari, et ipsos. Nam si ipsi non operabantur, quomodo eis dicebat : « Cum timore et tremore vestram ipsorum salutem operamini? » Operatur ergo ille, cooperantur nos. Non enim offert, sed adjuvat bonæ voluntatis arbitrium.

#### CAPUT XVI.

*Transitus filiorum Israel ex Beroth in Musra, ubi Aaron mortuus est et sepultus.*

(CAP. X.) « Filii autem Israel castra moverunt ex Beroth filiorum Jacan in Musra, ubi mortuus est Aaron ac sepultus. Pro quo sacerdotio sumtus est filius ejus Eleazar. Inde venerunt in Gadgad. De quo loco profecti, castra metati sunt in Jethabatha terra aquarum atque torrentium, et reliqua. » Quæri potest quomodo dicatur in Deuteronomio Aaron in Musra mortuus atque sepultus, cum in Oronte in Numerorum libro, describatur esse defunctus (*Num. xxxiii*). Sed forsitan idem locus duo nomina habuit. Beroth enim filiorum Jachim in deserto est locus, sicut Musra quo obiit Aaron, ut in libris locorum legitur, usque hodie in decimo lapide urbis Petræ in montis vertice. Cui non dissimilia sentit Josephus, in Antiquitatum libro quarto ita scribens (*cap. 3*) : Duxit, inquit, Moyses populum per desertum et per Arabiam, venitque ad locum quem Arabes metropolim suam putant, primo quidem Archim nominatum, quæ nunc Petra vocatur. Hic itaque cum esset excelsus mons, ascendens in eum Aaron, Moysæ manifestante quia moriturus erat vidente cuncto exercitu (erat enim e diverso locus, ubi erat populus constitutus), exutus pontificali stola, tradens eam Eleazaro filio, ad quam propter ætatem pontificatus advenit, mortuus est populo eum vidente, ipso quidem anno quo soror videbatur esse defuncta, cum vixisset annis tribus et viginti et centum, etc. Defunctus est autem secunda luna, initio mensis, qui apud Athenienses quidem *Ἐκτροπέλαιον*, apud Macedones autem Lochos, apud Hebræos vero Sedebath, apud Romanos, nuncupatur Augustus. Cumque luctus super eum populi triginta diebus fuisset expletus, post hæc cessavit. Sumens igitur Moyses exinde exercitum, venit ad fluvium Arnon, qui de montibus Arabiæ descendens, et per totum desertum fluens, in stagnum Asphaltiten erumpit, dividens Moabitida et Ammonitida. Hæc autem terra est fructifera, et hominum multitudinem ibi nascentium alere copiosa.

« Quamobrem non habuit partem Levi, neque possessionem cum fratribus suis : quia ipse Dominus possessio ejus est, sicut promisit Dominus « Deus tuus, etc. » Nisi per hanc tribum universum regale sacerdotium, quod ad novum pertinet testamentum, nullo modo visus esset dicere homo qui ex eadem tribu non erat, *Pars mea Dominus*. Et in alio Psalmo : *Dominus pars hereditatis meæ* (*Psal. xv*).

## LIBER SECUNDUS.

## CAPUT PRIMUM.

*Præceptum de circumcidendis præputiis cordis, et commendatione pupillorum ac viduarum, atque peregrinorum.*

(IBID.) « Circumcidite igitur præputium cordis vestri, et cervicem vestram ne induretis amplius, quia Dominus Deus vester, ipse est Dominus dominorum, et Dominus dominantium. » Hic tam per legislatorem, tam spiritalis circumcisio quam veritas Evangelii nobis commendata, exprimitur: hoc est, custodia mentis et abstinencia rerum illicitarum. Quid ergo præputii per hanc circumcisionem significatur, nisi aperte dicere: Postquam luxuriam a carne extinguistis, etiam superfluas cogitationes amputate? Nemo satie cum circumcisionem prædicare audierit, unus solum membri audierit continentiam Imperari, quasi vel a fornicatione tutum, vel licito matrimonio temperanter utentem, vel virginitate gloriosum existere, absque aliarum virtutum allectione sufficiat, et non omnium potius quos corde vel corpore gestamus sensuum castigationem præcipi. Nam et Moyses, mundissima Dei verba suscipiens, incircumcisum se labiis querebatur. Et Stephanus Judæis non credentibus: « Incircumcisi, inquit, cordibus et auribus, vos semper Spiritui sancto restitistis. » (Act. vii.) Ille itaque vera circumcisio mundatus est, qui obturat aures suas ne audiat sanguinem, et claudit oculos suos ne videat malum; qui custodit vias suas ne delinquat in lingua sua, et attendit sibi ne gravetur cor ejus in crapula et ebrietate. Qui donec superest halitus in eo, et spiritus Dei in naribus ejus, non loquetur labiis iniquitatem; qui lavat inter innocentes manus suas, et ab omni via mala prohibuit pedes suos; qui super omnia castigat corpus suum, et servituti subjicit, omnique custodia servat cor suum, quoniam ex ipso vita procedit. Sed et ipsa bona actio sua quæ in abscondito est, circumcisio non minus indiget, ut cum jejuno, oro, eleemosynam facio, gloriam intrinsecus quaeram. Nam si in angulis platearum sto, faciem demolior, tuba ante me cano, ut videar et lauder ab hominibus, foris quidem circumcisus appareo; sed immundus in corde permanens, poenas insuper simulatae æquitatis incurro. In exemplum videlicet Sichemitarum, qui cum patriarcharum circumcisionem viderentur imitari, quia non ob Domini testamentam, sed ob causam fecere luxuriæ, non modo acquisiere mercedes, verum tertia die quando gravis vulnerum dolor est, inter suæ civitatis perire ruinas. Tales namque oblii propheticae admonitionis. Circumcidimini Domino, et auferte præputia cordium vestrorum, ubi tempus resurrectionis ingruerit, evacuatis quibus confidebant virtutibus, sed in mortem mittentur æternam. Quapropter et Apostolus absconditam corde circumci-

sionem sedulo commendat, cuius laus non ex hominibus, sed ex Deo est.

« Deus magnus et potens, terribilis, qui non accipit personam nec munera. Facit iudicium pupillo et viduæ, amat peregrinum, et dat ei victum et vestitum. Et vos ergo amate peregrinos, quia et ipsi fuistis advenæ in terra Ægypti, et reliqua. » Duo sunt præcepta charitatis, Dei videlicet et proximi. Per amorem proximi amor Dei gignitur. Et per amorem Dei amor proximi gignitur. Nam qui amorem Dei negligit, profecto diligere proximum negligit. Et tunc plenius in ejus dilectione proficimus, si in ejusdem dilectionis gremio, prius proximi charitate lactamur. Quia amor Dei amorem proximi generat. Dicturus per legem Dominus: « Diliges proximum, » præmisit dicens: « Diliges Dominum Deum tuum; » ut videlicet in terra pectoris nostri, prius amoris sui radicem figeret, quatenus per ramos postmodum dilectio fraterna germinaret. Et rursus, quia amor Dei et proximi amore caleseat, testatur Joannes, qui increpat dicens: « Qui non diligit fratrem suum, quem videt, Deum, quem non videt, quomodo potest diligere? » (I Joan. iii.) Quæ tamen divina dilectio per timorem nascitur, sed in affectu crescendo permutatur. Sæpe vero omnipotens Deus ut quantum quisque a charitate ejus ac proximi longe sit, vel in ea quantum profecerit innotescat, miro ordine cuncta dispensans, alios flagellis deprimit, alios successibus fulcit. Et cum quosdam temporaliter deserit, in quorundam cordibus quod malum lateat, ostendit. Nam plerumque ipsi vos miseros insequuntur, qui felices sine comparatione coluerunt. Cum enim quis positus in prosperitate diligitur, incertum valde est utrum prosperitas an persona diligitur. Amissio autem felicitatis interrogat vim dilectionis. Unde bene quidam sapiens dixit: Non agnoscitur in bonis amicus, et non agnoscitur in malis inimicus. Non prosperitas quippe amicum indicat, nec adversitas inimicum celat. Quia et ille sæpe prosperitatis nostræ reverentia tegitur; et iste ex confidentia charitatis aperitur.

## CAPUT II.

*Quod terra promissionis non est sicut terra Ægypti, plana atque irrigua, sed montosa ac aspera, de celo expectans pluviam.*

(CAP. xi.) « Terra ad quam ingredieris possidentiam, non est sicut terra Ægypti de qua existi: ubi jacto semine, et in hortorum more aquam ducunt irriguam; sed montosa est et campestris, de celo expectans pluviam, quam Dominus Deus tuus semper invisit, et oculi ejus in ea sunt a principio æni usque ad finem ejus. » Quid ergo terra Ægypti significat, nisi præsentis vite prosperitatem, quæ in imo jacet, cum superna nullo modo appetit? Hic



ergo in hortorum mōrē aquam dūctē irriguam, quia carnales quique, qui præsentem felicitatem habere ante omnia appetunt, in hoc laborant, in hoc tanto nisu certantes student, ut copiam rerum in hoc mundo cum deliciis possideant. Sed spiritalis Israelita, qui per ducatum Moysi egressus est de Ægypto, hoc est, per magisterium legis, didicit deserere cupiditatem terrenarum voluptatum, ac per dispensationem Jesu Christi, terram repromissionis, æternæ videlicet vitæ beatitudinem, habiturum se credit, montosam et campestem regionem ingreditur, sanctam videlicet Ecclesiam, ubi altitudo virtutum, et munditia honorum existit. Quæ terra de cælo semper pluviam exspectat, quia desursum gratiam desiderat habere divinam; quam Dominus Deus semper invisit, quia cælesti illam munere replet. Et oculi illius sunt in ea a principio anni usque ad finem ejus, quia propitiatio ejus ab initio bonæ voluntatis usque ad perfectionem boni operis usum vitæ semper dirigit. Unde Psalmista ait: « Oculi Domini super justos, et aures ejus in preces eorum (Psal. xxxiiii). » Tale enim donum percipere cum ingenti desiderio, idem propheta postulat dicens: « Misericordia ejus præveniet me (Psal. lvi). » Et item: « Misericordia, inquit, ejus subsequatur me, omnibus diebus vitæ meæ, ut inhabitem in domo Domini, in longitudine dierum (Psal. xxxi). » Et item: « Unam petii, ait, a Domino, hanc requiram: ut inhabitem in domo Domini, in longitudine dierum (Psal. xxvi). » Hinc et Apostolus ait: « Deus enim qui operatur in nobis, et velle et perficere pro bona voluntate (Phil. ii). »

« Si ergo obedieritis mandatis meis, quæ ego hodie præcipio vobis, ut diligatis Dominum Deum vestrum, et et serviatis ei in toto corde vestro, et in tota anima vestra, dabit pluviam terræ vestræ temporaneam et serotinam, ut colligatis frumentum, et vinum, et oleum. » Quid hoc loco per pluviam, nisi verba sacræ prædicationis accipimus? sicut de sanctis doctoribus ab offensa Judæa prædicatione suspensis, scriptum est: Mandabo nubibus ne pluant super eam imbrem temporaneam, quia potu sanctæ prædicationis irrigamur, cum vera humilitate ariditatem nostri cordis agnoscimus. Unde recte per Psalmistam Deo dicitur: « Anima mea, sicut terra sine aqua, tibi (Isa. lv). » His doctrinæ fluentis infundi Propheta admonet dicens: « Sitientes, venite ad aquas. » Qui dum extrema in parte sæculi verba sanctæ prædicationis accipimus, quasi pluvia serotina irrigamur. Qui nimirum serotinæ prædicationis ad nos pervenit ex ejus sacrificio, qui per Psalmistam ait: « Elevatio manuum mearum, sacrificium vespertinum. » Quia enim Redemptor noster juxta mundi finem vim persequentium pertulit, semetipsum pro nobis sacrificium dedit. Populo ergo repromissionis terram intraturo, pluvia temporanea et serotina promittitur, quod nos factum spiritaliter jam videmus. Temporaneam quippe pluviam dedit, quia electis suis priore tempore legis intellectum contulit. Serotinam quoque pluviam tribuit, quia prædicari diebus

A ultimis incarnationis suæ mysterium facit. « Quando sederis in domo tua, et ambulaveris in via, et accuberis atque surrexeris, scribes ea super postes et januas in domo tua, ut multiplicentur dies tui et filiorum tuorum, in terra quam juravit Dominus patribus tuis, etc. » Quid est quod præcepit Moyses commendans verba Domini, et ait: « Scribetis super limina domorum vestrarum » cum hoc secundum proprietatem nemo fecisse Israelitarum commemoratur vel legatur? Quia nec quisquam potest, nisi forte dividat ea per multas partes domus suæ? An hyperbolica commendatio est, sicut multa dicuntur?

## CAPUT III.

*De eo quod prohibet holocausta in omni loco Domino offerri, primitias, decimasque comedi, sed tantummodo in loco quem elegerit Dominus.*

(CAP. xii.) « Cave ne offeras holocausta in omni loco quem videris, sed in eo quem elegerit Dominus. In una tribuum tuarum offeres hostias, et facies quæcunque præcipio tibi, et reliqua. » Quid autem est quod lex Israelitas vetat in omni loco holocausta offerre, sed in eo quem elegerit Dominus? nisi ut per hoc amputet occasionem idolis sacrificandi. Ideo enim eis præcepit in templo et in altare Domini hostias offerre, ut ubi religio integra existeret, ibi et cultus congruus exhiberetur. Mystice autem innuit nobis nullum sacrificium, nullum munus Deo acceptabile fore extra Ecclesiam catholicam, quia ipse est locus quem elegit Dominus, ut ponat nomen suum ibi, et habitet in eo. Unde et sequitur: « Non poteris comedere in oppidis decimam frumenti et vini et olei tui, primogenita armentorum et pecorum, et omnia quæ voveris, et primitias manuum tuarum; sed coram Domino Deo tuo comedes ea, in loco quem elegerit Dominus Deus tuus, et tu et filius tuus, et filia tua, servus et famula, et atque Levites qui manet in urbibus tuis; et lætaberis, et reficieris coram Domino Deo tuo in cunctis ad quæ extenderis manum tuam. » Secundum tropologiam contradicit nobis sacra Scriptura, ne comedamus in oppidis nostris decimam frumenti et vini et olei, quia valde indignum est ut dona quæ ex divina largitate percepta, Domino Deo universorum offerimus, ea nostris viribus vel benevolentiae ascribamus. Offert ergo decimam frumenti vel vini, vel olei in oppidis suis, qui vel bonam voluntatem, vel gratiam spiritalem, vel virtutum opem suis meritis, vel propriæ virtuti deputat, et inde graviter Deum offendit, cum suam non Dei laudem quærit. Ille ergo in loco Deo electo vota sua rite et ordinate exsolvit, qui quod in se boni agnoscit, hoc divinæ pietati non suæ virtuti tribuit. Affectus enim veræ humilitatis atque innocentie, absque dubio locus est quem elegerit Dominus. Et qui in eo bonis operibus studet, nimirum Deo per gratum munus exhibet. Inde lex jubet filium ac filiam, servum ac famulam, atque Levitam, coram Domino lætari atque reficere, quia generaliter hoc præceptum omnibus

constitutum est, ut humilitatis et mansuetudinis virtutem coram Deo, hoc est in sinceritate et puritate mentis, ac sine simulatione conservent, atque in eo, quæ bona possint, agant. Homo enim videt in facie, Deus autem intuetur cor. Illeque vere lætatur, qui spiritali atque superno gaudio reficitur. Unde et doctor gentium nos hortatur, dicens: « Gaudete in Domino semper, iterum dico, gaudete. Modestia vestra nota sit omnibus hominibus (Philip. iv.) » Et iterum: « Qui gloriatur, inquit, in Domino glorioretur (I Cor. i.) » Humilitas autem quam necessaria nobis sit, Scriptura demonstrat, dicens: « Quanto magnus es, humilia te in omnibus (Eccles. iii.) » Et Apostolus: « Gratia, inquit, Dei sum id quod sum, et gratia ejus in me vacua non fuit, sed gratia ejus semper in me manet (I Corin. i.) » Hinc Petrus ait: « Humiliamini, inquit, sub potenti manu Dei, ut vos exaltet in tempore visitationis, omnem sollicitudinem vestram projicientes in eum, quoniam ipsi cura est de vobis. » Hinc et ipsa Veritas discipulos admonet dicens: « Discite a me, quia mitis sum et humilis corde, et invenietis requiem animabus vestris (Matth. xi.) » Et item: « Omnis qui se exaltaverit, humiliabitur; et qui se humiliaverit, exaltabitur. Cave ne derelinquas Levitam, omni tempore quo versaris in terra, et reliqua (Luc. xiv.) » Hac quidem sententia lex Domini verbi ministros nobis commendat, quatenus procuremus ejus solatia debita, quia sicut Levitæ in Veteri Testamento decimis, atque primitiis, atque donariis quæ Domino populus offerebat, congrue nutriebantur, sic decet, ut in Novo Testamento boni subditi his qui sibi in Domino præsumt omni devotione deserviant: sicut et Apostolus Thessalonicensibus scribens ait: « Rogamus autem vos, fratres, ut moveritis eos qui laborant inter vos et præsumt vobis in Domino; et monet vos, ut habeatis illos abundantius in charitate propter opus illorum. Pacem habete cum eis (I Thess. v.) » Et alibi: « Communicet, inquit, is qui catechizatur verbo, ei qui se catechizat in omnibus bonis (Gal. vi.) » Unde et Dominus ordinavit his qui Evangelium nuntiant, de verbo et Evangelio vivere.

## CAPUT IV.

*Commendatio Levitarum et interdictio esus sanguinis.*

(Imb.) « Et si volueris carnibus vesci quas desiderat anima vestra, occides de armentis et pecoribus quæ habueris sicut præcepit tibi; et comedes in oppidis tuis ut tibi placet, sicut comeditur caprea et cervus, ita vesceris eis; et mundus et immundus in commune vescentur. Hoc solum cave, ne sanguinem comedas. » Ego oportet mandati hujus etiam litteraturam custodire, et nullatenus comedere sanguinem. Hoc enim et Apostolos invenies præcipisse, quando de quibusdam Judaicis observationibus contentione in Antiochensi Ecclesia facta, ad eos relata est quæstio, qui legem posuerunt, solventes quæstionem hanc et definientes: « Visum est ergo Spiritui sancto et nobis, nihil amplius imponere vobis oneris quam hæc necessaria: ut abstineatis ab

immolatis simulacrorum, et sanguine, et suffocato et fornicatione (Act. xv.) » Præterea sanguinem quidem, proprie homicidium, omnem sanguinem, omne fratrum odium intelligamus: quia qui odit fratrem suum, homicida est, sicut Joannes scripsit. Dicimus ergo omnem sanguinem, iniustitiam dolosorum. « Virum enim sanguinum et dolosum abominabitur Dominus, » et quæcunque proximorum nocet vitæ per insidias quaslibet, ita ut homicidio sanguis comparetur, et propterea ab omni sanguine abstinere oportet, scientes quia super animas, quæ talem sanguinem comedunt, de quibus dicebat David, « Qui devorant plebem meam sicut escam panis (Psal. xiii), » faciem suam obfirmat Deus, videlicet Christus. « Ipse est enim imago Dei Patris, » quia qui vidit Filium vidit et Patrem. Ipse etiam iudex est. « Sanguis enim eorum pro anima est; et ideo non debes animam comedere cum carnibus, sed super terram fundes quasi aquam: ut sit tibi bene et filiis post te, cum feceris quod placet in conspectu Domini. » Ergo ideo sanguis dicitur anima esse carnis, quia vitale aliquid est in sanguine, quia per ipsum maxime in hac carne vivitur, cum in omnes venas per corporis cuncta diffunditur. Ipsam videlicet vitam corporis, vocavit animam, non vitam quæ migrat ex corpore, sed quæ morte finitur. Cum ergo Domini præcepto constet carnem brutorum animalium ad esum hominibus esse concessum, sanguis vero edulium interdictum, salva veritate historia, secundum mysticum sensum nobis innuitur, ut quando carnales homines a pristina conversatione interemptos, ad unitatem fidei et bonorum operum nobis consentimus, nullo modo prioris vitæ errores in usum nostrum convertamus, sed super terram illos effundamus, id est, per confessionem prolatos, terrenæ fragilitati deputantes, quasi indignos viris spiritalibus abjiciamus. Unde et Apostolus ait ad Ephesios scribens: « Hoc igitur dico et testificor in Domino, ut jam non ambuletis sicut gentes ambulat in vanitate sensus sui, tenebris obscuratum habentes intellectum; alienati a vita Dei per ignorantiam quæ est in illis, propter cæcitatem cordis ipsorum, qui desperantes semetipsos tradiderunt impudicitiae, in operationem immunditiæ omnis et avaritiæ. Vos autem non ita didicistis Christum, si tamen illum audistis, et in ipso edocti estis, sicut est veritas in Jesu: deponere vos secundum pristinam conversationem, veterem hominem, qui corrumpitur secundum desideria erroris. Renovamini autem spiritu mentis vestræ, et induite novum hominem, qui secundum Deum creatus est in iustitia et sanctitate veritatis. »

## CAPUT V.

*De probandis prophetis: ne facile credendum his qui vana prophetant, aut falsa somniant; et de non incidenda carne, nec calvitio faciendo super mortuos.*

(CAP. XIII.) « Si surrexerit in medio tui prophetes, aut qui somnium vidisse se dicat, et prædixerit signum atque portentum, et evenerit, quod locutus

est, et dixeris tibi: Eamus et sequamur deos alios quos ignoras, et serviamus eis: non audias verba prophetæ illius aut somniiatoris, quia vos tentat Dominus vester, et ut palam faciat, utrum diligatis eum annon in toto corde vestro, et in tota anima vestra. Dominum Deum vestrum sequimini, et ipsum timeate, Mandata illius custodite, et audite vocem ejus. Ipsi servietis, et ipsi adhaerebitis, etc. In editione autem LXX ita habetur: Si autem surrexerit in te propheta seu somniiator somnians, et dederit tibi signum vel prodigium, quod locutus est dicens: Eamus et serviamus diis alienis, quos nescitis; non audietis verba prophetæ illius, et somniantis somnium illud quod tentat vos Dominus Deus vester vos scire, an diligatis Dominum Deum vestrum, ex toto corde vestro, et ex tota anima vestra. Hoc quidem interpretes Latini non ita posuerunt, scire an diligatis, quamvis eadem sententia videatur. Verum illud quod dictum est, scire, facilius ad illos refertur, ut sic accipiamus: Tentat vos scire, ac si diceretur: Tentando vos facit scire. Ubi sane etiam voluit illa quæ a divinantis non secundum Deum dicuntur, si acciderint quæ dicunt, non accipienda sicut fiunt, quæ præcipiuntur ab eis, quæ coluntur ab eis; nec præter suam potestatem Deus ostendit esse, quod ita ista contingunt, sed quasi quæreretur cur ea permetteret fieri, causam tentationis exposuit, ad cognoscendam eorum dilectionem, utrum eam habeant erga Deum suum, ad cognoscendam vero ab ipsis potius quam ab illo, qui scit omnia antequam fiant. Per totum enim istud capitulum, legislator contra idololatrias agit, et maxime contra hæreticos, præcipiens unicuique fidelium ut caveat a deceptionibus gentilium, atque seductionibus hæreticorum observet, et ut se separet a talibus, memor Dominici præcepti quo ait: Si oculus tuus scandalizat te, erue eum et projice abs te. Et si manus tua vel pes tuus scandalizat te, abscide eum et projice abs te. Expedi enim tibi ut pereat unum membrorum tuorum, quam totum corpus tuum eat in gehennam (Matth. v.) Unde prædicat poenam eis quæ superveniet incorrectis et impenitentibus; quomodo eos gladius extremæ ultionis interficiat, consumatque ignis perpetuus omnem suppellectilem eorum, hoc est, studia et opera eorum. Civitas enim illa, quæ errore rebellis contra Dominum et aversa esse describitur, urbs est diaboli: Babylon videlicet magna, cum qua reges terræ fornicati sunt, et de cujus fornicatione biberunt omnes gentes; in qua est habitatio dæmonum, et custodia omnis spiritus immundi, et custodia omnis volucris immundæ et odibilis. Ad quam civitatem pertinent omnes reprobi; cujus subversio per Joannem in Apocalypsi ita scribitur: Væ, væ, civitas illa magna Babylon, civitas illa fortis: quoniam una hora venit iudicium tuum, et negotiatores terræ flebunt et lugebunt super illam, quoniam merces illorum nemo emet amplius, merces auri et argenti, et lapidis pretiosi, et margaritæ, et byssi, et purpuræ,

et serici, et coccini, et omne lignum thynum, et omnia vasa eboris, et omnia vasa ex lapide pretioso, et æramento, et ferro, et marmore, et cynamomum, et animum, et odoramentum, et unguenti, et thuris, et vini, et olei, et similia, et tritici, et jumentorum et ovium, et equorum, et rhedarum, et mancipiorum, et animarum, et hominum. Et poma desiderii animæ tuæ discesserunt a te: et omnia pingua et clara perierunt a te (Apoc. xviii.) Cunctas mundi pompas, et ea quæ vel sensibus corporis suavia, vel externis sunt usibus commoda, deficere lugent. Species enim metallorum ad visum, odoramenta ad olfactum, unguenta ad tactum: vinum, triticum et oleum, ad gustum pertinent. Jumentorum porro et mancipiorum vocabulo cætera humanitatis auxilia perire quærentur, duplici genere, ut dixi: quod deficiunt ista mundo moriente, vel quod miseri superstites eorum interitum, qui mundi gaudia morte reliquerant, quasi suæ civitatis ruinas deplorent. Filii estote Domini Dei vestri. Non vos incidetis, nec facietis calvitium super mortuo, quoniam populus sanctus es Domino Deo tuo. Carnem incidere et calvitium super mortuo, indicia fuerunt luctus: in quo luctu nonnullæ gentes habent consuetudinem secare corpora sua. Hoc Deus his quos in filiorum nomine censuit, facere prohibuit. Sic enim affligi super mortuos oportet, ut nec in faciem cadat, nec corpus corrumpat, a quibus nos Paulus prohibens ait: Nolo vos ignorare, fratres, ut non contristemini, sicut et cæteri, qui spem non habent (I. Thess. iv.) Nam quodlibet eorum, quæ prædicta sunt agere, non est spem habere resurrectionis mortuorum, quia tanquam illis corruptis, semetipsos dissipant atque corrumpunt. Spiritualiter enim capilli capitis omnes numerati sunt. Ipsi enim iudici ut patet et corda scrutanti, numerata sunt omnes cogitationes nostræ. Non oportet ergo eas agitare quempiam vel concutere, sed nec offerte diabolo, quod faciunt quidam, et de sensibus, id est, capillis crinem offerentes, sicut superius diximus.

## CAPUT VI.

De mundis et immundis animalibus, et quæ vesci vel non vesci licitum est.

(CAP. XIV.) Non comedatis quæ immunda sunt. Hoc est, animal quod comedere debetis. Bovem et ovem, et capram, cervum et capream, bubalum, et tragelaphum, pygargum, orygen, camelopardalim. Omne animal, quod in duas partes unguam dividit et ruminat, comedetis, etc. Primum enim sciendum est quidquid a Deo institutum est mundum esse, et in ipsa institutionis auctoritate purgatum. Quid ergo est? In animalibus igitur mores pinguntur humani, et actus et voluntates, ex quibus ipsi fiunt mundi vel immundi. Hæc itaque munda esse dicit. Omne, inquit, quod habet divisam unguam, et ruminat in pecoribus, comedetis. Quod cum diceret, non pecora, sed mores hominum discernebat. Denique hi homines mundi sunt qui ruminant, qui in ore semper portant quasi cibum præcepta divina.

Hi et unguam findunt, quia duo Testamenta legis et Evangeliorum credentes, se firmo gressu innocentiae, justitiaeque statuunt. Item Judaei ruminant quidem verba legis, sed unguam non findunt, hoc est, quod nec duo Testamenta legis recipiunt, nec in Patrem et Filium fidei suae gressum statuunt, propterea immundi habentur. Haeretici quoque licet unguam findunt in Patrem et Filium credentes, et duo Testamenta recipientes, sed quia doctrinam veritatis in ore non ruminant, nihilominus immundi sunt. « De his autem quae ruminant et unguam non findunt, haec comedere non debetis: camelum, leporem, chœrogyllum. Quae quia ruminant et non dividunt unguam, immunda erunt vobis. Sus quoque, quoniam dividit unguam et non ruminat, immunda erit. Carnibus eorum non vescemini, et cadavera non tangetis. » (*Ex Hesychio.*) Camelus est Judaeus tumens per superbiam: quales Scribae sunt et Pharisei, ad quos dicebat Dominus: « Liquantes culicem, camelum glutientes (*Matth. xxiii.*) » Ergo Scribae et Pharisei ruminantem comedunt, quia in legis litterae gloriantur meditatione, et in cultu sabbati purificationisque, et sacrificiorum, aliorumque similium. Ungulam autem non dividunt ea quae ab eis comeduntur, neque discernunt a spiritali littera: et propterea eorum scientia immunda est. Tales sunt et qui leporem comedunt, et qui chœrogyllum. Ruminant enim et ipsa, sed unguam non dividunt. In populari autem multitudine Judaeorum, utrumque accipitur. Debilia quippe esse animalia haec dicuntur, testante David et Salomone utrorumque animalium debilitate. Sed Salomon quidem cum ait: « Lepusculus plebs invalida posuit in petra cubile sibi (*Prov. xxx.*) » David vero: « Petra refugium erinacis sive chœrogyllis. » Quorum unum est velox et timidum cum infirmitate, id est lepus; aliud autem debile quidem sed rapax, atque bestiale, atque mortiferum dicitur, id est chœrogyllus. Quod omni quidem plebeio, maxime autem Judaeorum est in populo. De quibus dixit David: « Veloces pedes eorum, ad effundendum sanguinem (*Psal. xiii.*) » Timidi autem quantum et infirmi filii Judaeorum sint, vox divina ostendit cum dicit: « Vae cordibus trepidis, et manibus remissis. » Injustitia autem quanta et feritas apud eos erat, audi Isaiam dicentem: Quomodo facta est meretrix civitas fidelis plena iudicii? Justitia autem habitavit in ea: nunc autem homicidae (*Isa. i.*) » Post hos suum dicit esse immundam, quia dividit unguam et non ruminat. Qui ergo sint qui æmulentur, ac propterea illum comedere dicuntur. Petrum expositorem et magistrum suscipe: eum quippe qui habet scientiam divinarum, sed non illa bene utitur, actionibus incongruis eam polluit, vitaeque immundae semetipsum tradidit, suam etiam ipse appellavit dicens: « Melius fuisset eis non cognoscere viam justitiae quam, cognita ea, retro reverti a tradito sibi sancto mandato (*II Petr. ii.*) » Contigit enim illis res veri Proverbi: « Canis reversus ad vomitum suum, et

sus lota in volutabro cœni. » Sed quod hic quae dicta sunt addidit. Horum carnibus non vescemini, nec cadavera contingetis, quia immunda sunt vobis, nec camelum, nec leporem, nec chœrogyllum, nec suam inter munda iudicavit. Nam camelus Scribarum et Phariseorum, ut diximus, personam gerat, qui per superbiam stultitiae vitio notabiles sunt quae contraria est sapientiae. Stultorum quippe est proprium superbire. Lepus ut timidus, fortitudini contrarius est; chœrogyllus ut rapax justitiae; sus, vita sordida vivens et immunda, castitati contraria est. Horum carnes nec comedamus, id est, nec quam videntur habere virtutem, sequamur. In hypocrisi enim illam et non in veritate sectantur; multo magis autem morticina eorum tangenda non sunt, nec malis eorum communicandum est actionibus. Ipsa enim huiusmodi procul dubio morticina vera sunt. « Haec comedetis ex omnibus quae morantur in aquis; quae habent pennulas et squamas comedite; quae absque pennulis et squamis sunt, ne comedatis, quia immunda sunt. » Intelliguntur per haec hi qui in gentibus salvati sunt, ut pote regenerationem habentes in aqua baptismatis. De quibus et Isaias dicit: « Ecce gentes quasi stilla stillae (*Isa. xl.*) » sive, ut Septuaginta, « sicut aquae multae, gentes multae. » Unde et eis conveniunt quae sequuntur: Omne quod habet pennulas aut squamas, tam in mari quam in fluminibus et stagnis, comedetis. Eadem etiam his quae ex gentibus sunt de meditatione legis alius praecipit praedicari verbis. Vult enim eos habere in meditatione legis pennulas vitamque subtilem atque caelestem, sed expositionem legis huius similem. Propter quod non pennulam habet, sed pennulas eos vult habere. Quia autem ignorantia divinae Scripturae gentes obtinuerat (non enim susceperant legem neque prophetas, nec alia in eis scientia divina subtilior), ne ergo hoc morbo permanenti et perpetuo laborarent, squamas eos habere vult, quae facile auferuntur. Quia autem squamæ temporalem, et quia facile careatur ignorantiam significant, demonstrans ea quae de Paulo scripta sunt in apostolorum Actibus. Cum enim zelo iudaico Ecclesiam persequeretur, facile caruit zelo propter ignorantiam, postquam cognovit quem persequeretur vocatus a Christo, et postquam ei ab Anania evangelizatum est: « Nam squamæ ceciderunt ab oculis ejus, et mox vidit. » Ergo in modum squamarum superjacebant instantes et temporales ignorantiae. Unde etiam consequenter legislator subdidit:

« Quidquid autem pennulas aut squamas non habet eorum quae in aquis moventur et vivunt, abominabile vobis erit et execrandum. » Sunt enim quaedam piscium genera, testam pro pelle habentia, quorum squama auferri non potest. Tales sunt qui nec squamas ignorantiae verbo Dei deponere, nec culmen spiritus suscipere patiuntur. Hi et si in mari inveniuntur baptismatis, et si in fluminibus poenitentiae abominabiles sunt, in omnibus quae

moventur in aquis et vivunt. Et cum vitam sortiti sunt in baptisate, vocationem tamen generationemque corruerunt, dum pennulas et squamas non habent, sublimem videlicet vitam, cognitionemque divinorum, quæ cœlestis, sed cor cæcum in ignorantia detinent, et propterea in his quæ squamas habent, non adnumerantur. Intende autem quanta sublimitate sermonum, ut videlicet maxima per eos mysteria et admirabilia significans legislator, utatur. Pennulas enim et squamas conjunxit, quia quemadmodum piscibus quibus sunt squamæ, his sunt omnimodo et pennulæ, sic quibus temporalis est squama. Et quapropter cito ea careri possit. His et cognitio sublimis, et vita cœlestis adjicitur. Horum, qui non sunt tales, nec carnes comedere, sed nec morticina tangere, nec aliquam conjunctionem omnino cum eis habere oportet. Quod testatur Paulus, dicens: « Si is qui frater nominatur, est fornicator, aut avarus, aut idolis serviens, aut maledicus, aut ebriosus, aut rapax, cum hujusmodi nec cibum sumite (I Cor. v). » Adulter, aut avarus, aut ebriosus, aut detractor, non habet pennulas, aut vitam videlicet habens sordidam et immundam. Idolorum autem cultor, qui squamas non habet, non computatur. Duram quippe et in morem testæ atque insanabilem habens videtur divinorum ignorantiam. Alias nequaquam postquam Deo conjunctus est, ultra serviret idolis. Præterea notandum est, quod pisces, qui pennulas squamarum habent, dare saltus etiam super aquas solent. Quid ergo pennatis piscibus, nisi electæ animæ significantur, quæ profecto solæ in cœlestis Ecclesiæ corpus transeunt? Quæ modo virtutum pennulis fultæ, saltus dare per cœlestis desiderium sciunt, ut supernam contemplationem appetant, quamvis in se ipsis iterum ex mortali carne relabantur. Soli ergo in electorum corpore quasi cibus electus transeunt, qui in eo quod in imis deseruiunt, aliquando ad superna conscendere saltibus mentis sciunt ne semper in profundis curarum lateant, et nulla eas amoris summi, quasi liberi aeris aura contingat. Qui ergo rebus temporalibus occupantur, tunc bene exteriora disponunt, cum sollicitè ad inferiora refugiant, cum nequaquam seras perturbationum strepitus diligunt, se apud semetipsos intus tranquillitatis in sinu requiescunt.

« Omnes aves mundas comedite, immundas ne comedatis. Aquilam scilicet et gryphem, et halietum, ixionem et vulturem, ac milvum, juxta genus suum, et omne corvini generis. Struthionem, et noctuam, et larum, atque accipitrem juxta genus suum; herodium, et cygnum, et ibidem, ac mergulium, porphyriionem, et nycticeoracum, onocrotalum, et charadrium, singula in genere suo. Ipuam quoque et vespertilionem, et omne quod reptat et pennulas habet, immundum erit, nec comedetur. » Nec eorum qui ad contemplativam vacant vitam, in hoc legislator indiscussam reliquit; sed quemadmodum in oblatione sacrificiorum proprium sibi legis capitulum deputat, ita et in inquisi-

tionem ciborum, fines eis proprios dedit. Quos perdicens et terribiliores faciens, non sicut de pecoribus et piscibus, etiam de his sciunt. Ibi enim ait: « Hæc sunt animalia quæ comedere debetis de cunctis animantibus terræ; » et rursus: « Hæc sunt quæ gignuntur in aquis, et vesci licitum est. Hoc autem sunt, quæ de avibus comedere non debetis, et vitanda vobis. » Vere abominatione dignum est, et valde inter illicita atque nimis evitanda connumerandum, contemplationi vacantem quempiam, sponte tales habere maculas, quales per dinumeratas aves legislator significat. Ait enim: Aquilam et gryphem, halietum, et milvum juxta genus suum. Rapaces et cibum alienum male sectantes, quæstibus injustis gaudentes, per prædicta significat. Quia enim quidam in Ecclesia inter eos qui putantur contemplationi operam dare, qui non quemadmodum debent ad hoc vacant, sed frustra inflantur, audi Paulum dicentem: « Si quis alia docet, et non acquiescit sanis sermonibus Domini nostri Jesu Christi, et ei quæ secundum pietatem est doctrinæ, superbus est, nihil sciens, sed languens circa quæstiones et pugnas verborum, ex quibus oriuntur invidia, contentiones, blasphemias, suspiciones malæ, confliciones hominum mente corruptorum, et qui a veritate privati sunt, existimantium quæstum esse pietatem (I Tim. vi). » Hos igitur significant ea quæ nunc dinumerata sunt animalia, victum ex rapina conquirentia. Quædam autem ex his alias aves invadunt, et ex venationibus earum nutriuntur. Alia vero in domos ingredientia, diripiunt quæ repererunt, ne quidem gerentium obsoniis parcentia: quibus sunt similes quidam qui penetrant domos, et captivas ducunt mulierculas oneratas peccatis; quos Paulus arguit. Vultur rixis et bellis gaudet propter cadavera præliorum, intantum ut etiam sequatur exercitum. Non ergo oportet aliorum casibus pasci atque nutriri eum qui contemplationi dat operam. Corvini generis ergo animalia sunt affectionis expertia: quod manifestum est ex eo quod emissus a Noe, ex prima eum, corvus avolatione transgressus est. Cui similis Judas circa suum magistrum et Dominum fuit, Struthio quædam est avis, sed volare non potest, totamque vitam suam circa terram occupat: quales Deo militantes et sæculi se negotiis implicantes. Noctuam vero LXX glaucum dixerunt. Hanc asserunt in nocte acuti esse visus, sole autem apparente, minus utilitate oculorum frui. Tales sunt qui legis gloriantur contemplatione et scientia, lucem evangelicæ conversationis capere non valentes. Larus animal est in utroque vivens, id est, aqua et terra. Qui sicut avis volans quidem, ut aquatile autem patat. Cui non male comparantur hi qui simul circumcisionem venerantur et baptisma. Ad quos Paulus dicit: « Si circumcidimini, Christus vobis nihil prodest (Galat. v). » Accipiter, inter rapaces aves est, habet autem quiddam aliud propter quod a legislatore positus est. Mansuescit quippe et cooperatur ad rapacitatem;

quem imitantur hi qui mansueti quidem videntur esse, et sensu tranquilli: sunt autem cum potentibus et avaris atque rapacibus. Nycticorax animal est quod in nocte tantummodo reptat atque operatur, sicut sunt gentes, intelligibiles noctis operibus, quæ sunt fornicatio, immunditia, spurcitia, idolorum cultus, et his similia. Ibis et porphyrio, quem LXX nominant pellicanum, cygnus et charadrius, longi esse colli, trahereque cibum ex altitudine terræ atque aquarum, dicuntur. Quæ animalia imitari non debemus, nec de inferioribus evellere cibum, sed de celestibus. Ille siquidem contemplationi vacat, qui ad superiora mente contendit, et non solum intelligibilem cibum a Domino expectat. Unde ait Dominus: « Nolite solliciti esse animæ vestræ quid manducetis, neque corpori quid induamini. Scit enim Pater vester celestis, quia his omnibus indigetis (Matth. vi). » Upupa lugubre animal est amans quod luctuosum est. Sæculi autem tristitia mortem operatur. Propter quod oportet eum qui diligit Dominum, semper gaudere, sine intermissione orare, in omnibus gratias agere, quia gaudium fructus est spiritus. Vespertiones circa terram volant, ita ut pennis pro pedibus utantur quando ambulant: quod tamen indignum est in eis qui contemplationi dant operam. Quorum enim est volatus circa terram, horum etiam procal dubio mens terrenis occupatur. Non incredibilis ergo sis nec dubites, quod etiam hæc, quæ nunc dinumerata sunt animalia, ad ostensionem, figuram eorum a quibus abstinere debent contemplationi vacantes, posuit legislator. Sed inquires: Quomodo horum animalium non cibus, sed imitatio prohibetur, cum scriptum sit: « Similis factus sum pellicano solitudinis; factus sum sicut nycticorax in domicilio? (Psal. ci.) » Per aquilam autem Moyses ipsum significat Dominum dicentem ad Israel: Quomodo portaverim vos super alam aquilarum. Nam et propheta leonem Christum appellant. Leonem autem e diverso esse Petrus apostolus dicit diabolum. Nee tamen secundum hoc leo Christus, secundum quod diabolus dicitur. Absit a nobis, absit ista impietas. Sed quia simul regnum nec non rapax atque inmitte animal est. Cumque dignitatem laudabilem, vituperabilem tantum operationem gerat, quod quidem laudabile habet, hoc in Christo accipitur; quod autem vituperabile habet in diabolo, rapacitas, immansuetudo: quod et in aquila considerantes, sine aliqua dubietate reperimus. Propter altitudinem enim volatus ejus in Dominum, Moyses sumpsit. Propheta autem David ingens hominem in peccato constitutum, nycticoraci hunc sicut in nocte viventem comparavit. Per pellicanum autem ut pote per animal amans solitudinem, figuravit eum qui forsitan amicis desolatus est, ac cognatis aliorumque similibus societate destitutus.

« Et omne quod reptat et pennulas habet, immundum erit, nec comedetur. » Ab omni mundos esse peccato atque actione sordida eos qui contemplati-

vam vitam pollicentur præcepit; et propterea quicumque quidem volatilibus similes sunt, superiorum videlicet assequi contemplationem promittentes, quæ ducit ad celestem, sed reptilibus comparantur terræ, et concupiscentis operam dant, etiam si in quatuor pedes ambulant, id est si evangelicam simulat, quæ dicit: « Non veni vocare justos, sed peccatores ad poenitentiam; » et, « Non habent necesse sani medicum, sed qui male habent (Luc. v): » a quo latro salvatus et adultera justificata est; qui plus debebant, plus diligere innocentem dicuntur, sed tamen, quia non secundum veritatem, socialem amplectuntur vitam, abutuntur autem compassione prædicationis, pro suis voluptatibus immundi sunt atque abominales, ut pote qui in tali conversatione et in tanta scientia, turpem quandam ingrediuntur, et vitam immundam.

« Omne quod mundum est, comedite; quidquid morticinum est, ne vescamini ex eo. Peregrino, qui intra portas tuas est, da ut comedat, aut vende, quia tu populus sanctus Domini Dei tui es. » Omne mundum comedere præcepit, quia actionibus bonis et moribus honestis uti concedit. Morticinum edi vero prohibet, quia a mortuorum operibus abstinere nos jubet. Quin potius peregrino dari consentit, quia a pagano et hæretico, qui a Christiana religione alieni et extores sunt, quasi immundis et immanada proficit, cum a sorde eos peccatorum abstinere nolle, conspicit. Unde dicit Apostolus. « Omnia munda mundis: conquinatis autem et infidelibus, nihil mundum (Tit. i). » Hinc Salvator in Evangelio ejectos demones ab hominibus permisit ire in porcos. Et discipulo pro sepultura patris petenti respondit: « Sine mortuos sepelire mortuos suos: tu autem vade et annuntia regnum Dei (Matth. viii). »

#### CAPUT VII.

*De non coquendo hædo in lacte matris: et de decimis dandis, nec tonderi oportere primogenita ovium.*

(Ibid.) « Non coques hædam in lacte matris suæ. » Hædus hic sub peccatoris figura inducitur. Proinde peccans non est coquendus in lacte matris, id est, non est purgandus mediocribus tenerrimisque disciplinis Ecclesiæ, sed austerioribus præceptis ejus sunt excoquenda peccata, eujus magna sunt crimina: ut qui per lasciviam blandimenta se perdidit, fortiori disciplina se redimat.

« Decimam partem separabis a cunctis frugibus suis, quæ nascuntur per annos singulos in conspectu Domini Dei tui, in loco quem elegerit, ut in eo nomen illius invocetur; decimam frumenti, vini et olei; primogenita de armentis et de ovibus tuis: ut discas timere Dominum Deum tuum in omni tempore. Cum autem longior fuerit via et locus quem elegerit Dominus Deus tuus, tibi que benedixerit, ne potueris ad eum euncta hæc portare, vendas omnia, et in pretium redigens, portabisque manu tua, et proficisceris ad locum quem elegerit Dominus Deus tuus, et emes ex eadem pecunia quidquid tibi placuerit, etc. » Quid est

quod vendere jubet his qui longius positi erant a loco, in quo tabernaculum vel templum Dei fuerat constitutum, decimam frumenti, vini et olei, primogenita quoque boum et ovium, nisi quod instruat eos, qui in incolatu hujus mundi conversantur, et longe sunt a perfectione sanctorum, nec possunt ascendere cultum virtutum, neque vacare divinæ contemplationi, ut bona, quæ per divinam gratiam possint, devote ac humiliter agant, quatenus ex rebus terrenis atque caducis, mereantur sibi præmia æterna, et thesauros cœlestes. Unde Dominus dicit in Evangelio: « Thesaurizate vobis thesauros in cœlo, ubi nec ærugo, nec linea demolitur, et ubi fures non effodiunt nec furantur (*Matth. vi.*) » Et alibi: « Facite vobis, ait, amicos de mammona iniquitatis, ut cum defeceritis, recipiant vos in æterna tabernacula (*Luc. xvi.*) » Ibi enim epulandum est, ibi lætandum cum amicis, hoc est cum sanctis et electis et angelis, ubi cœpta non cessant gaudia, sed in beatitudine permanent perpetua. « Anno tertio separabis aliam decimam ex omnibus quæ nascuntur tibi eo tempore, et repones intra januas tuas; venietque Levites qui aliam non habet partem nec possessionem tecum, et peregrinus, et pupillus, ac vidua, qui intra portas tuas sunt, et comedent et saturabuntur, ut benedicat tibi Dominus Deus tuus, in cunctis operibus manuum tuarum, quæ feceris. » In LXX autem editione, ita habetur: « Post tres annos produces omnem decimam fructuum tuorum. In illo anno pones illud in civitatibus tuis. Et veniet Levita, quia pars ejus non est tecum neque sors, et adveniet pupillus et vidua quæ est in civitatibus tuis: et manducabunt et saturabuntur, ut benedicat te Dominus Deus tuus omnibus operibus tuis quæcumque feceris. » Ex ista decima non dixit ut ipse manducet cum suis, ac per hos Levitis et pupillis, et advenis, et viduis jussit eam impendi, sed obscure positum est, quia non est distincta ista decima ab ea quam voluit cum Levitis in eo loco manducari, quem Dominus elegisset in templo suo. Sed in ea interpretatione, quæ est ex Hebræo, apertius hoc distinctum reperimus. Ait enim: « Anno tertio separabis aliam decimam, ex omnibus quæ nascuntur tibi eo tempore, et repones intra januas tuas; venietque Levites, qui non habet aliam partem nec possessionem tecum, et peregrinus et pupillus et vidua, qui intra portas tuas sunt: et comedent et saturabuntur, ut benedicat tibi Dominus Deus tuus in cunctis operibus manuum tuarum, quæ feceris. » Primo ipsum hoc plenius est quod ait, « Anno tertio. » Intelligitur enim uno anno interposito. In Septuaginta autem quod post tres annos dixit, incertum est utrum eos medios esse voluerit, ut quototquot anno fieret. Deinde cum ait: « Et separabis aliam decimam, » satis ostendit extra illam esse, quam voluit eum ipsum qui offert manducare cum suis et Levitis in eo loco quem elegit Dominus. Et hanc enim aliam decimam intra januas suas eum ponere

præcepit, non ad eum locum referre ubi Dominus se voluit invocari. « Et veniet, inquit, Levites, qui non habet partes nec possessionem tecum, et peregrinus, et pupillus, et vidua, quæ intra portas tuas est, et comedet. » Hinc certe manifeste verum est, nec istam decimam Domini fieri voluisse communem ei qui offert et his quibus impendenda est, sed illis solis erogari eam jussit qui nihil aliud haberent in quibus præcipue Levitem posuit.

## CAPUT VIII.

*De remissione anni septimi, et de servo cui auris subula perforatur.*

(CAP. xv.) « Septimo anno facies remissionem, quæ hæc ordine celebrabitur: Cui debetur aliquid ab amico, vel proximo ac fratre suo, repetere non poterit, quia annus remissionis est Domini. » In hoc namque capitulo, pietas atque dilectio nobis maxime commendatur, ubi jubemur, per septimi anni remissionem, misericordiam et charitatem ostendere in proximis nostris pauperibus, quare futuram remunerationem sperare debemus a Domino. Unde et Apostolus nos hortatur dicens: « Bonum autem facientes, non deficiamus. Tempore enim suo non deficientes, metemus. Ergo dum tempus habemus, operemur bonum ad omnes, maxime ad domesticos fidei (*Gal. vi.*) » Hinc ad discipulum scribens ait: « Exerce teipsum ad pietatem. Nam corporalis exercitatio ad modicum utilis est; pietas autem ad omnia utilis est, promissionem habens vitæ, quæ nunc est, et futuræ (*I Tim. iv.*) » Hinc quoque ipsa Veritas in Evangelio ait: « Dimitte et dimittetur vobis; date et dabitur vobis. Mensura quæ mensi fueritis, remetietur vobis (*Luc. vi.*) » A peregrino et advena exiget: a propinquo repetendi non habebis potestatem, etc. Peregrinum et advenam appellat eum qui extra Ecclesiam est et extra religionem Christianam. Cui est et propinquus, qui noster frater est, et intra Ecclesiam constitutus nobiscum unum Dominum colit. Inter peregrinum ergo et civem ideo distantiam facit, ut intelligamus eum nobis propinquiorem esse in unitate fidei qui nobiscum manet quam illum qui alienus cultu et ritu est a Christo. Et licet erga omnes homines justitiam observare debemus, erga proximos tamen affectum mitiorem habere debemus; profecto quia membra nostra sunt et in unitate corporis nostri et Christi nobiscum consistunt. Unde eos ut nosmetipsos diligere debemus. Ideo subjungitur: « Et omnino indigens et mendicus non erit inter vos, ut benedicat tibi Dominus in terra, quam traditurus est tibi in possessionem. » Proximis ergo nostris quantum possibile est, in necessitatibus ut nobismetipsis consulere debemus, quia exhibitio operis, probatio est dilectionis. Unde Joannes ait: « Qui habuerit substantiam mundi hujus, et viderit fratrem suum necesse habere, et clausit viscera sua ab eo, quomodo charitas manet in eo? Filioli mei, non diligamus verbo neque lingua: sed opere et veritate (*I Joan. iii.*) »

« Cave ne forte tibi subrepat impia cogitatio, et dicas in corde tuo : Appropinquat septimus annus remissionis; et avertas oculos a paupere fratre tuo, nolens ei quod postulat mutuum commodare, ne clamet contra te ad Dominum, et fiat tibi in peccatum. Sed dabis ei, nec ages quippiam callide in ejus necessitatibus sublevandis, etc. » LXX : « Attende tibi ipsi, ne fiat verbum occultum in corde tuo iniquitas dicens : Appropriat annus septimus, annus remissionis, et malignetur oculus tuus in fratrem tuum egenum, et non tribuas ei. Et exclamabit adversum te ad Dominum, et erit in te peccatum magnum. » Magnifice occultum verbum hoc dixit, quod nemo audet hoc dicere, qui poterit cogitare, ideo non esse mutuum dandum indigenti, quoniam appropinquat annus remissionis, cum Deus propter misericordiam utrumque præceperit, et commodari cum quisque indiget, et remitti anno remissionis. Quomodo ergo misericorditer remissurus est illo anno quo remittendum est, si crudeliter cogitat illo tempore dandum non esse, quo dandum est? « Cum ergo venditus fuerit frater tuus Hebræus aut Hebræa, et sex annis servierit tibi, in septimo anno dimittes eum liberum. » Hos emptos non eo anno remitti voluit, quem septimum quemque observari oportebat ab omnibus; sed anno septimo emptionis ejus, quocumque anno illorum septimus iste annus occurreret. « Sin autem dixerit : Nolo egredi, en quod diligit te et domum tuam, et bene sibi apud te esse sentiat, assumes subulam, et perforabis aurem ejus in janua domus tuæ, et serviet tibi usque in sempiternum, etc. » Quæ de servo Hebræo præcipiuntur, ut sex annis serviat, et dimittatur liber gratis, ne servi Christiani hoc flagitent a dominis suis, apostolica auctoritas jubet servos dominis suis esse subditos, ne nomen Dei et doctrina blasphemetur. Illud enim ex hoc satis constat in mysterio præceptum, quia et pertundi subula ejus aurem ad postem præcepit Deus, qui libertatem illam recusaret. Præcipitur enim ut Hebræus puer, si forte in servitute devenit, sex annis deserviat, septimo anno vero liber limitatur. Quod si egredi a servitute noluerit propter uxorem et filios, perforabitur auricula ejus, et erit servus in sæculum. Hoc de præsentis sæculo non dicitur, sed de futuro : quia in sex ætatibus hujus sæculi servientes, septimo die æterno sabbato liberamur, si tamen noluerimus esse liberi dum adhuc in sæculo servimus peccato. Si autem noluerimus, perforabitur nobis auricula in testimonium inobedientiæ, et cum uxore et filiis nostris quos prætulimus libertati, id est, cum carne et operibus ejus, jugiter peccati servi erimus in æternum. Sed et aliter hoc intelligi potest. (Ex Gregorio.) Nempe sciendum est quia cum activa vel contemplativa vita ex Dei sint gratia, una nobis in necessitate est, altera in voluntate. Quis enim cognoscens Dominum, non ejus regnum ingreditur, nisi prius operetur bene? Sine contemplativa ergo vita intrare non pos-

sunt si negligunt bona operari quæ possunt. Illa ergo in necessitate, hæc in voluntate est, unde ad Moysen dicitur : « Si emeris servum Hebræum, sex annis serviet tibi : septimo anno egredietur liber gratis, » et reliqua quæ sequuntur. Hebræus transiens interpretatur. Et servus Hebræus emitur, quando unusquisque, qui jam ab hoc sæculo mente transiit, servitio omnipotentis Dei subditur. Ille etenim Deo vero servire appetit, qui ab hoc sæculo mente transire didicerit. Sic « Moyses transivit, ut videret visum (Exod. iii). » Sic David cum « videret impium exaltatum super cedros Libani, transivit et non erat (Psal. xxxvi); » quia iniquorum potentiam esse magnum aliquid fortasse credimus, nisi ad permanens sæculum mente transeamus. Servus vero Hebræus emptus sex annis servire præcipitur, ita ut in septimo liber exeat gratis. Quid enim per senarium numerum, nisi activæ vitæ perfectio designatur? Quid per septenarium, nisi contemplativa vita exprimitur? Sex annis servit, et septimo egreditur liber, qui per activam quam perfecte exhibuerit, ad contemplativæ vitæ libertatem transit. Et notandum quod gratis liber egreditur, quia hi postquam omnia fecerint, dicunt se inutiles servos. Eis procul dubio sicut ipsa activa vita fuit ex munere, ita erit ex gratia etiam contemplativa. « Cum quali veste intraverit, cum tali exeat, » Quia omnino necesse est, ut unusquisque nostrum in hoc quod incipit perseveret, atque usque ad finem operis in ea qua inchoavit intentione perduret : ille quippe qui ad contemplativam vitam transit, qui in activa vita intentionis suæ vestem non mutaverit. Et sunt nonnulli qui priusquam omnipotentis Dei servitio socientur, jam bona operari diligunt. Sunt vero alii qui bona opera, postquam ad servitium omnipotentis Dei venerint, discunt. Qui ergo operationem bonam, et priusquam ad Dei servitium veniret habere studuit. Hebræus servus cum uxore emptus est. Et plerumque is qui talis est, potest ad contemplativam vitam transire, et tamen activam vitam non deserere. Unde et illic subditur : « Si habens uxorem, et uxor egredietur simul. » Cum eo enim et uxor ad libertatem egreditur, quando is qui ad contemplationem pervenerit, etiam foris actionem boni operis qua prodesse possit aliis, non relinquit. « Si autem dederit dominus illi uxorem, et pepererit filios et filias, mulier et liberi ejus erunt domini sui : ipse vero exibit cum restituta suo. » Servo empto dat dominus uxorem, cum prædicator quisque quem jure omnipotentis Deo mancipaverit, bonæ actioni conjungit. Nam et prædicatores domini vocantur, sicut Elisæo propheta de prædicatore suo dicitur : « Scis quod dominus tuus tollatur a te? Uxor vero emptitii servi filios et filias pariet, quando ei bona fortas vel tenores fructus generat. Sed mulier quæ a domino data est, eidem domino cum filiis remanet; ipse vero servus exit cum vestitu suo, quia bona actio vel ejuadenti bonæ actionis fructus, prædicatoris mercedi reputantur. Ipse vero in desiderii sui intentione perdurans, per se-



pernam gratiam ad contemplationem liber egreditur. A

« Quod si dixerit servus : Diligo dominum meum  
 et uxorem ac liberos, non egrediar liber. » Servus dominum suum diligit, quando prædicatoris verba sollicita mente custodit. Uxorem quoque amans et liberos liber egredi recusat, quando activam vitam ejusque fructus diligens, transire ad contemplativam non vult, quia bona se opera habere in ministerii sui servitute considerans, ad libertatis quietem reuult transire. « Sed offerat eum dominus diis, et applicetur ad ostium et postes; et perforat ejus aurem subula, ut sit et servus in sæculum. » Dominus enim qui in activa disposuit vitam perdurare, a domino diis offertur, quando a prædicatoris suo antiquorum Patrum dictis imbuitur, qui nobis in via omnipotentis Dei sacerdotes fuerunt; B atque ad ostium tabernaculi ducitur, ut de ingressu æterni tabernaculi aliquid audiat, et tremendi iudicii diem subtiliter agnoscat, ne per bona opera quæ facit, placere hominibus appetat, sicque auris ejus subula perforatur, dum mens illius timoris Dei subtilitate percutitur, et verbi acumine transfixa per omne quod agit, noverit ingressum regni semper attendere, et quasi ab ostio et poste tabernaculi perforatam aurem portare. Qui erit servus in sæculum, ut esse post sæculum liber possit. In sæculum enim servus est, qui per activam vitam hominibus servire disposuit, ut post præsens sæculum ad libertatem veram valeat pervenire, de qua per Paulum dicitur. « Quia et ipsa creatura liberabitur a servitute corruptionis, in libertatem gloriæ filiorum Dei (Rom. viii), » Tunc enim vera in nobis libertas erit, cum ad gloriam filiorum Dei adoptio nostra pervenerit. Nunc ergo non solum activa in servitute est, sed etiam contemplatio qua super nos rapimur, libertatem mentis non obtinet, sed imitatur; quia illa quies intima in ænigmate videtur.

#### CAPUT IX.

*De primogenitis sacrificandis Domino : nec operari debere in primogenito bovis.*

(IBID.) « De primogenitis quæ nascuntur in armentis et ovibus tuis, quidquid sexus est masculi, sanctificabis Domino Deo tuo. » Primogenita sanctificare Domino jubemur, cum primordia bonæ voluntatis ac bonorum operum Deo omnium bonorum datorum applicare præcipimur non nobis, quia quidquid in nobis est boni, ejus nobis hoc donum non nostrum contulit studium; unde per Jacobum dicitur : « Omne datum optimum, et omne donum perfectum, desursum est descendens a patre luminum (Jacob. i); » hinc et Paulus ait : « Deus enim qui operatur in nobis et velle et perficere pro bona voluntate (Philipp. ii). » Si quid autem leve est in nostra cogitatione aut maculam habet in conversatione atque sermone, vel claudum fuit in progressu operationis, vel cæcum in ignorantia mentis, aut aliqua parte deforme vel debile, non hoc immolare Deo, id est non illi imputare, sed nostræ debemus

infirmiati : quia proprium est hominis corruptibilis et fragilis peccare; unde scriptum est : « Non est homo super terram, qui faciat bonum, et non peccet. » \* De domo autem diem, quod possimus nos a peccatis coercere. Quærendum est utrum quod Græci dicunt *πρωτότοκος*, nec Latine dici nisi *primogenita* potuerunt, in his tantum intelligenda sunt, quæ nascuntur ex matribus. Ipsa enim proprie pariuntur potius quam gignuntur. Parere quippe est *τελετερον*, quod est femina : unde *πρωτότοκον* dicitur. Gignere autem est *γενεν*, unde dicitur proprie Latine *primogenitus*. Ex feminis autem dabantur primitiva, id est, quæ prima pariebantur. Namque gignebantur prima a viris, si forte ex viduis, quæ jam pepererant, gignerentur. Non enim aliter essent quæ aperirent vulvam : quod proprie voluit esse lex eorum, quæ primo nata Domino debebantur. Si ergo in his verbis distinctio, non frustra Dominus non dicitur a patre, *μονότοκος*, sed *μονογενής*, id est, unigenitus, quod unicus, a mortuis autem primogenitus quidem Latine dicitur : quia non potuit Latinum verbum ita componi secundum loquendi consuetudinem; Græcè *πρωτότοκος* dicitur, non *πρωτογενής* : tanquam pater genuerit sibi æqualem, creatura vero pepererit. Nam quod dicitur primogenitus omnis creaturæ, quæ ibi *πρωτότοκος* Græcè legitur, potest ita intelligi secundum novam creaturam, de qua dicit Apostolus : « Si qua igitur nova creatura in Christo, ex qua ille primitivus est, quia primitivus ita resurrexit, ut jam non moriatur, nec mors ei ultra dominetur (II Cor. v). » Quod novæ creaturæ, quæ in illo est futurum in sine promittitur, sed ista distinctio non temere affirmanda, sed in Scripturis diligentius perscrutanda est. Movet enim quomodo dici potuit in Proverbiis, « Primogenite, tibi dico, fili, » id est, ex cujus persona dictum intelligatur. Si enim Dei Patris persona ad Christum dicitur, cui sententiæ utrum sequentia consonent, vix asserere eundem dici primogenitum quem unigenitum, quia etiam nos filii Dei sumus. Unigenitum vero, quoniam solus ille de substantia Patris, et Patri cœqualis atque cœternus est. Mirum est autem utrum parere et gignere evidentissimis documentis sacra Scriptura distinguat. « Non operaberis in primogenito bovis, et non tondebis primogenita ovium. » Quid per exhibitionis hujus exemplum nisi vitam bene inchoantium Moyses humanis occupationibus exercere prohibuit. In primogenito ergo bovis arare, est bonæ conversationis primordia in exercitio publicæ actionis ostendere. Ovium quoque primogenita tondere, est ab occultationis suæ tegmine humanis oculis inchoantia bona nostra denudare. In primogenito bovis operari prohibemur, atque a primogenitis ovium detondendis compeſcimur, quia et si quid bonum atque robustum incepimus exercere, hoc in apertum citius non debemus proferre, et cum vita nostra simplex quidem atque innocuum inchoare dignum est, ut secreti sui velamina relinquat, ne hoc humanis oculis quasi

\* *Locus corruptus.*

subdacto vellere ostendat. Ad sola ergo divina sacrificia boum primogenita oviumque proficiant, ut quicquid forte simplex innoceumque incipimus, hoc ad honorem intimi iudicis in ara cordis immolamus. Quod ab illo procul dubio tanto libentius accipitur, quanto ab hominibus occultatum, nulla laudis appetitione maculatur. Sæpe enim novæ conversationis primordia adhuc ex carnali sunt vita commista, et idcirco immolescere citius non debent, ne cum laudantur bona quæ placent, deceptus laude sua animus, deprehendere in eis nequeat mala quæ non placent. Primogenitum bovis accipimus in infirma ætate primi nostri temporis, bonam operationem, in qua tamen arandum non est, quia cum prima sunt adolescentiæ vel juventutis nostræ tempora, nobis adhuc a prædicatione cessandum est, ut vomer lingue nostræ prosciendere non audeat terram cordis alieni. Quoadque enim infirmi sumus, continere nosmetipsos intra nos debemus, ne dum tenera bona citius ostendimus, amittamus: quia et arbusta plantata, si prius in terra radicata non fuerint, manu tecta citius arescant. At si semel radicem fixerint, manus tangit, nec tamen officii. Ventus impellunt, nec tamen impellentes cadunt, et constructi parietes, si tamen impellantur, eruantur, nisi a suo prius fuerint humore siccati. Mens itaque lingue, quousque ab humore pravitalis suæ perfecte non fuerit exsiccata, alienæ lingue manu tangi non debet, ne prius quam plene percipiat, perdat soliditatem suam, ne impulsa ruat, ne volut arbustum sine radicibus, plus quam tolerare valet, flatibus concutiat et arescat. Ad exemplum ergo non sunt ostendenda, nisi quæ firma sunt. Prius etenim convalescere debet mens, atque ad utilitatem proximorum postmodum demonstrari, cum jam nec per laudem elevata corruat, nec per vituperationem percussa contabescat. Nam et si Timotheo dicitur: « Præcipe hæc et doce. Nemo adolescentiam tuam contemnat (1 Tim. iv), » sciendum, quia adolescentia ejus jam in annis, non in moribus fuit, quamvis in sacro eloquio nonnunquam adolescentia, juvenus vocatur. Unde scriptum est: « Lætare, juvenis, in adolescentia tua (Eccl. xi). »

## CAPUT X.

*Præceptum de faciendo Phase Domino, in mense novarum frugum.*

(CAP. XVI.) « Observa mensem novarum frugum, et verni primum temporis, ut facias phase Domino deo tuo; quoniam in isto mense eduxit te Dominus deus tuus ex Ægypto nocte, immolabisque phase Domino deo tuo de ovibus et bubus in loco quem elegerit Dominus deus tuus, ut inhabitet nomen ejus ibi. » Mensem novarum frugum appellat primum mensem Hebræorum, qui apud eos appellatur Nisan, נִסָּן, apud Græcos ἑκατοστής, et apud Latinos Aprilis. Ideo autem mensis novarum frugum dicitur, quia in eo manipuli spicarum, hoc est, primitiæ mensis, a messore per sacerdotem Domino offerebantur: sicut in Levitico legitur Dominum præcepisse filiis Israel: « Cum, inquit, ingressi fueritis terram quam

A ego dabo vobis, et messueritis segetem, feretis manipulos spicarum, primitias messis vestræ ad sacerdotem. Qui elevabit fasciculum coram Domino, ut acceptabile sit pro vobis (Levit. xxiii). » Ideo quoque facere phase, hoc est, pascha a Domino jubentur, ut redemptionem eorum de Ægypto festivitate congrua celebrent: sic et nos per hoc exemplum instruimur, ut qui per gratiam Dei de spiritali Ægypto liberati sumus, novum hominem induiti, deinceps in novitate vitæ ambulemus, consecrantes Deo primitias honorum operum, ac religiosæ vitæ gratum munus illi semper exhibentes, simulque semper memores, unde appellata sit illa solemnitas phase, quod nos transitum possumus vocare; scilicet ut de pejoribus ad meliora pergentes, tenebrosam Ægyptum derelinquamus, et ad terram repromissionis feliciter pervenire contendamus. Quod sibi hoc vult quod addidit, boves, cum immolationem phase vel paschæ, de ove tantummodo commendaverit, quam jussit accipi ex ovibus, ex hædis vel capris? Quod mystice accipitur propter Christum, cujus ex justis et peccatoribus, est origo carnalis. Non enim ait ex ovibus aut capris, licet proprie non possint intelligi oves ex capris, sed ne forte Judæi subaudiendum putarent caprum, si dictum esset, aut ex capris.

Dictum est autem « ex ovibus et capris. » Quid ergo hic sibi volunt, boves? An propter alia sacrificia, quæ ipsis diebus azymorum sunt immolanda? « Non apparebit fermentum in omnibus terminis tuis, septem diebus. » Hoc et a nobis modis omnibus, si fieri potest, elaborandum est, ut exeuntes a sæculi hujus illecebris, non ambulemus in fermento veteris malitiæ et nequitiae, sed in azymis sinceritatis et veritatis, quod est nova conversatio hominis, relicto pristino homine cum sociis suis. Et illis quidem septem diebus mundus peragitur, istis qui semper in suo ordine revolvuntur, et quotidie nobis agnus occiditur, et pascha quotidie celebratur, si fermentum malitiæ et nequitiae non habemus, si innovati nihil ex corruptionis veteris malitia delectemur. Nam quid est aliud fermentum nisi corruptio naturæ, quod et ipsum prius a naturali dulcedine recedens, adulterino rancore corruptum est? « Et non remanebit de carnibus ejus, quod immolatum est vespere, in die primo usque ad mane. » Quia dicta majestatis divinæ atque mysteria magna sunt sollicitudine discutienda, quatenus prius quam dies resurrectionis appareat, in hac præsentis vitæ vocatione, omnia mandata illius discutiendo et intelligendo, et operando penetremus. Sed quia valde est difficile, ut omne agni eloquium possit intelligi, et omne ejus mysterium penetrari, recte in Exodo legitur: « Sed si quid remanserit, igni comburetis (Exod. xii). » Quod ex agno remanet, igni comburemus, quando hoc de mysterio, quod incarnationis ejus intelligere non possumus et penetrare, potestate Spiritus sancti humiliter reservamus, ut non superbe quis audeat vel contemnere vel denunciare quod non intelligit. Sed hæc igni cum tradat, Spiritui sancto reservat.

« Non poteris immolare phase in qualibet urbium tuarum, sed in urbe quam Dominus Deus tuus elegerit, ut inhabitet nomen ejus ibi. Immolabis autem phase vespere ad solis occasum, quando egressus de Ægypto es; et coques et comedes in loco quem elegerit Dominus Deus tuus: manequē surgens, vades in tabernacula tua. » In una domo agnus paschalis edi jubetur, et in uno loco immolari phase similiter præcipitur, hoc est, in una Ecclesia catholica. Extra illam autem nemo recte pascha facere potest. Et ideo vetat legislator in qualibet urbium pascha facere, quia omnes congregationes, quæ extra Ecclesiam sunt, hoc est Judæorum, hæreticorum, atque gentilium, omni modo detestandæ sunt. Vespere ergo, hoc est in novissima ætate sæculi, quando verus Sol in passione occubuit, et quando Ægyptiaca captivitas per Redemptorem nostrum destructa est, pascha legitimum et Deo gratissimum factum esse, ejusque sanctionem omnes fideles tempore præsentis vitæ fideliter debent observare: « quia pascha nostrum, Paulo testante, immolatus est Christus (I Cor. v). » Et ideo debemus non in fermento veteri neque in fermento malitiæ et nequitiae, sed in azymis sinceritatis et veritatis illud tempore mortalitatis nostræ condigne celebrare. Quod autem dicit, « mane surgens vades in tabernacula tua, » demonstrat post peractum divinum servitium, in labore præsentis vitæ, mane resurrectionis futuræ, in tabernacula æterna nobis migrandum esse, et ibi quiescendum esse ab omni opere solummodo, ubi letandum est de percepta retributione. Unde sequitur: « Sex diebus comedes azyma, et in die septima, quia collecta est Domini Dei tui, non facies opus. » Septenarius ergo numerus propter sabbatum significat futuram requiem, ubi jam nec tempus, nec locus, nec ratio est operandi, sed in laudibus et contemplatione conditoris, dignis quibusque perpetualiter vacandi.

#### CAPUT XI.

*De Pentecostes celebratione ejusque caeremoniis.*

(Ibid.) « Septem hebdomadas numerabis tibi ab ea die qua falcem in segetem miseris, et celebrabis diem festum hebdomadarum Domino Deo tuo, oblationem spontaneam manus tuæ, quam offeres juxta benedictionem Domini Dei tui, etc. » Querendum quomodo præcepit observari, quod ait: Septem septimanas dinumerabis tibimetipsi inchoare falcem injicere in segetem. Incipies numerare septem septimanas; et facies diem festum septimanarum Domino Deo tuo, offeresque ut valet manus tua quæcunque tibi Dominus dederit, secundum quod benedicet te Dominus Deus tuus, et epulaberis in conspectu Domini Dei tui. Si enim ab universo populo hæc pentecoste visa est observari, nunquid omnes uno die credendum est falces jussos mittere in messem? Si autem sibi quisque observat istam quinquagesimam, dinumerans ab illo die quo falcem mittit, non una est universo populo. Illa vero una est, quæ computatur ab immolatione paschæ usque in diem

data legis in Sina. Sed hujus pentecostes, neque tempus neque numerus a populo Judæorum custoditur, a nobis autem cum contemplatione et ad litteram custoditur. Planius enim legislator intentionem suam demonstrare volens, ab altero die sabbati in Levitico numerari præcepit quinquaginta dies, Dominicum diem procul dubio volens intelligi. Hoc enim altera dies sabbati. In hæc enim resurrectio facta est, quæ hebdomades numerantur septem, usque ad alterum diem expletionis hebdomade. Dominica rursus die Pentecostes celebrans festivitatem, in qua sancti Spiritus adventum meruimus: non frustra eos septem hebdomadarum adventum custodientes, sed ut nos cognoscereamus quia vetus lex nihil sæculare, nihil Deus agere præcepit corruptioni veteri proximum his qui eum capiunt percipere, sed novum sacrificium Domino tunc offerri jussit. Adveniens namque Spiritus totam nostram vitam renovavit, quando confirmavit Christi traditionem, et stabilivit conversationem, quam in illis perfecit. Ait enim: « De meo accipiet, ut annuntiet vobis. » Propter quod non in alia hebdomada die venit, sed qua resurrectio facta est. Et manipulus intelligibilis oblatus est, ut et hoc probaret, quia nova conversatio quæ nos reformavit liberando a corruptione vetustatis, resurrectione Christi et sancti Spiritus adventu correctæ est. Manifestat autem oblatio etiam ipsa speciem hostiæ, quam præcepit fieri, sicut aperte scriptum reperimus. « Et sic, inquit, offeretis sacrificium novum Domino, ex omnibus habitationibus vestris. Panes primitiarum duos ex duabus decimis similæ fermentatæ, quas coquetis in primitiis Domino, et sic offeretis cum panibus septem agnos immaculatos, anniculos, et vitulam de armento unam, et arietes duos. » Novum sacrificium dicens, legis sacrificia et vetera exclusit, evangelicam autem pro illis introduxit; deinde addens, « de habitationibus vestris, » Ecclesiam significavit, et quæ offerri, quæ dicta sunt optavit. Neque enim dixit, ex omnibus habitaculis, sed « ex habitaculis vestris omnibus, » ut absolute aliquod habitaculum præcipuum ostenderet, de quo ait David: « Beati qui habitant in domo tua (Psal. LXXXIII). » Et rursus: « Unam petii a Domino, hanc requiram, ut inhabitem in domo Domini omnibus diebus vitæ meæ (Psal. xxvi). » Et panes quidem primitiarum duos, id est, legem et Evangelium. Panes enim sunt cibum animarum fidelium continentes. Sunt autem et primitiarum, sive, ut Septuaginta, separati: quoniam omnia quidem sapientia sunt præputi: ab ea autem quæ exterior est, separati et conjuncti. Sunt ergo ex duabus decimis similæ fermentatæ, ex doctrina quæ perfectam Dei divinitatem et perfectam humanitatem tradit. Nec aliter coqui, nisi per talem doctrinam possunt, sed primitiarum sunt Domino. Primum enim Dominus legem perfecit, et Evangelium post hoc docuit. « Audite, quia dictum est antiquis: Non occides. Ego autem dico vobis: Omnis qui irascitur fratri suo sine causa, erit reus judicio (Math. v). »

Coniunxit enim hic legem Evangelio, propter quod ejus primitiæ dicuntur. Quod et Lucas affirmans, primitias veras nobis ostendens, scripsit: « Primum quidem sermonem feci de omnibus, o Theophile, quæ cepit Jesus facere et docere (Act. 1). » Offerre autem eis septem agnos anniculos, immaculatos præcepit, dona significans quæ sunt Spiritus. De quibus Salomon in Proverbiis dicebat: « Sapientia ædificavit sibi domum, erexit columnas (Prov. ix). » Planius autem Isaias tradidit: « Et requiescit super eum spiritus Domini. » Nec tacuit, quæ vel cujus numeri essent dona. Subintulit enim, « Spiritus sapientiæ et intellectus, spiritus consilii et fortitudinis, spiritus scientiæ et veritatis, et implevit eum spiritus Domini. » Agnos autem, hæc appellat dona, ad ostensionem, quia Spiritus sanctus unum est cum Christo, le quo dictum est: « Ecce Agnus Dei, ecce qui tollit eccata mundi. Unde nemo potest dicere Christus esus, nisi in Spiritu sancto (Joan. 1). » Ergo non extra rationem cum septem agnis, vitulum ex armento præsens continet oblatio, sed evidenter significat illum ex armento, Abraham, Isaac, et Jacob, et David secundum carnem factum. Huic arietes duos immaculatos coniunxit, excellentia mandata et virtutes, quas velut alias oves, oportet in his, ut pote intelligibilem inimicum ventilantibus, munimen et indemnitate habere. Quæ sunt autem hæc? « Si vis perfectus esse, vade, vende omnia quæ habes, et da pauperibus, et veni, sequere me (Math. x). » Maximum quippe mandatum vendere quæ habet, et dare pauperibus. Maximum etiam sequi Christum, ut cum despectu quippe possidendi, etiam omnia agere secundum voluntatem Domini studeamus, hoc enim sequi. Hæc ergo mandata et propter immaculatam vitam et perfectam conscientiam, arietes appellantur. Quia arietes omni grege excellentiores sunt, horum sacrificia et libatio, scientia videlicet et correctio, odor suavitatis Domino illi, de qua Paulus dicebat: « Deo autem gratias, qui semper triumphat nos in Christo Jesu, et odorem scientiæ manifestat per nos, quia Christi bonus odor sumus (II Cor. 11). »

## CAPUT XII.

*De observatione mensis septimi, et de solemnitate tabernaculorum; et quod tribus vicibus per annum omne masculinum in conspectu Domini præsentandum est.*

(Ibid.) « Solemnitatem quoque tabernaculorum celebrabis per septem dies, quando collegeris de area tua et torculari fruges tuas; et epulaberis in festivitate tua, tu et filius tuus et filia, et servus tuus et ancilla, Levites quoque et advena, et pupillus ac vidua, qui intra portas tuas sunt. Septem diebus Domino Deo tuo festa celebrabis, in loco quem elegerit Dominus, etc. » Septem ergo diebus festivitatem tabernaculorum appellavit. Quicumque enim, ut tabernaculo præsentem mundo utitur, hic festivitatem in eo habere et lætari, propter futuri expectationem potest. Et quicumque scit quia si terrena domus habitationis hujus dissolvatur, ædificatio non manufacta eam in cælis suscipit, hic superare

sapientiam sæculi poterit, et transitorium ejus nomen et temporale. Intelligendum quoque est non solum hoc legislatorem significare, sed et oportere oculum habere ad sæculum futurum. Hoc ergo et per numerum, et per tabernacula sine aliqua dubitatione invenies figuratum. Quintadecima siquidem die, sicut in Levitico scriptum est, inchoari festivitatem præcipitur. Ex septem autem et octo, hic est numerus compositus, quorum unus quidem præsens sæculum, alter autem figurat futurum. Unde et festivitatem septem diebus consummari præcipiens, alios rursus dies celeberrimos atque sanctissimos commemoravit, et nec eam cum septem posuit sed sequentem, et semotam aliis sicut futurum sæculum. Sequitur quidem præsens, sed aliud hoc est. Post finitam ergo mensem omnium fructum, solemnitatem tabernaculorum præcepit agendam, et epulandum cum filiis et filiabus, cum servis et ancillis, cum Levitis et advenis, pupillis ac viduis, quia post finitum bonorum operum actum, et post virtutum plurimorum collectum, lætandum tunc cum amicis et gaudendum esse designat. Tunc vere quisque exultabit de percepta retributione, qui hic reminiscatur se largum fuisse in munere. Tunc vere solemnitas agitur tabernaculorum, cum non mutabilium, sed æternarum possessio conceditur mansionum. De quibus Salvator in Evangelio ait: « In domo Patris mei multæ mansiones sunt (Joan. xiv). » Et iterum: « Facite, inquit, vobis amicos de mammona iniquitatis, ut, cum defeceritis, recipiant vos in æterna tabernacula (Joan. xvi). » « Tribus vicibus per annum apparebit omne masculinum tuum in conspectu Domini Dei tui, in loco quem elegerit. In solemnitate azymorum, et in solemnitate hebdomadarum, et in solemnitate tabernaculorum. » Quid est quod, feminis tacitis, de masculis lex mandat in conspectu Domini præsentandis, nisi quia Creator noster, quidquid molle, quidquid fragile et infirmum in nostra conversatione reprobans, fortia virtutum opera a nobis exquirat? Nam si in fide Patris et Filii et Spiritus sancti, pro æternæ mercedis adeptu, tempore vitæ præsentis bonis operibus studium impendamus, masculinum nostrum sine dubio ante conspectum Domini digne constituimus. « Non apparebis ante Dominum vacuus; sed offeret unusquisque secundum quod habuerit, juxta benedictionem Domini Dei sui, quam dederit ei. » In conspectu Domini vacuus apparet, qui nihil secum de fructu sui laboris portat. Alius namque adipiscendis honoribus exsudat; alius multiplicandis facultatibus æstat; alius promerendis anhelat divitiis. Sed quia cuncta hæc quisquis moriens deserit, ante Dominum vacuus apparet, quia secum ante iudicem nihil talit. Hinc ergo per legem salubriter admonetur dicentem: « Non apparebis in conspectu Domini vacuus. » Qui enim promerendæ vitæ mercedem bene agendo non providit, in conspectu Domini vacuus apparet. Hinc per Psalmistam dicitur justis: « Venientes autem venient in exultatione, portantes manipulos

tuos (Psal. cxiv.) » Ad examen quippe iudicii portantes manipulos veniunt, qui in semetipsis recta opera quibus mereantur vitam, ostendunt.

### CAPUT XIII.

*De constituendis magistris atque iudicibus in portis, et non accipiendis personis atque muneribus, et iustis iudiciis faciendis.*

(IBID.) « Iudices et magistris constitui in omnibus portis tuis, quas Dominus Deus tuus dedit tibi per singulas tribus tuas. » Ut adventantes undique, statim in introitu civitatis iudices et magistris paratos inveniant, a quibus iusta iudicia accipiant. Mystice autem Ecclesiarum principes admonet, ut in portis, hoc est, apostolorum et in prophetarum dictis consistent, iudiciaque iusta secundum divinæ legis instituta singulis quibusque impendant, veritatem observent, avaritiam caveant, ne forte, si per mendacium aut cupiditatem ipsi a vero devierint, abominabiles coram oculis Dei fiant. Unde sequitur: « Non accipies personam nec munera, quis munera excæcant oculos sapientum, et mutant verba iustorum. » Non hoc dicit quod veraciter sapientes et iusti per munerum cupiditatem subvertantur, sed quod illi, qui videntur sibi esse sapientes et iusti, sæpius corruant. Ad quos propheta loquens ait: « Væ, qui sapientes estis in oculis vestris, et coram vobismetipsis prudentes (Isa. v.) » Hinc per sapientiam dicitur: « Sunt viæ quæ videntur ab hominibus iustæ: novissima autem eorum deducunt usque ad profundum inferni (Prov. iv.) » Hinc Salvator in Evangelio talibus loquitur dicens: « Væ vobis, qui justificatis vos coram hominibus: Deus autem novit corda vestra (Luc. xvi.) » Nam qui vere sunt sapientes et iusti, nunquam præponunt res caducas veritati atque iustitiæ, sed in omni tempore student in æquitate permanere. « Juste quod iustum est persequeris, ut vivas et possideas terram, quam Dominus Deus tuus daturus est tibi. » Injuste quod iustum est exsequitur, qui ad defensionem iustitiæ non virtutis æmulatione, sed amore præmii temporalis excitatur. Injuste quod iustum est exsequitur, qui ipsam, quam præterdit iustitiam, vendere minime veretur. Juste ergo iustum exsequi, est in assertione iustitiæ eandem ipsam iustitiam quærere.

### CAPUT XIV.

*De non plantando luo juxta altare Domini, nec stultis constituendis, nec maculosis animantibus immolandis.*

(IBID.) « Non plantabis lucum et omnem arborem juxta altare Domini Dei tui; nec facias sibi atque constitui statuam, quæ odit Dominus Deus tuus. » Per hæc Duo Testamenta amputat occasionem idololatriæ, quam gentes solebant agere, in lucis et delubris simulacra sibi constituentes, et idola adorantes. Mystice autem juxta altare fidei prohibet omnem infructuositatem otiosi sermonis, seu pravorum operum, et obscuritatem ignorantie statueri; nec fictionem aliquam falsitatis atque erroris permittit veritati fidei catholice associare. Interdicitur ne ne-

mus plantetur in templo. Nemus frondentes arbores et infructuosæ sunt, sola delectatione visus plantatæ. Tales sunt et gentiles, qui rationem suam verborum decore componunt, ut non convertant a viis, sed delectent, atque istiusmodi seductione persuadeant. Nos autem secundum præceptum Dei juxta altare nemus non plantamus, sed circa Dominicam fidem nihil infructuosus verbis, nihil audientie secularis illecebrarum componimus, sed sola puritate veritatis scientiam prædicationis tenemus. Hoc nemus in prædicatione sapientie plantare vitabat Apostolus, cum dicebat: « Et loquimur non in doctis sapientie humanæ verbis, sed in doctrina spiritus et virtute. Non immolabis Domino Deo tuo bovem et ovem, in quo est macula, aut quidpiam vitii: quia abominatio est Domino Deo tuo (I Cor. i.) » Omnem maculam intellige omne peccatum, quod ubicunque fuerit inventum, deformitatem parit. Et ideo oblatio Domini, sive in quolibet fortiter operanti, quem significat bos, sive in simplicitate ambulanti, quem designat ovis, bonum est, ut sine peccati contagio fiat, quia omne peccatum contrarium est veritati, et ejus societas non placebit iustitiæ.

### CAPUT XV.

*De apostatis qui, Deum relinquentes, servierunt diis alienis; et duobus vel tribus testibus in causa singularum adhibendis semper.*

(IBID.) « Cum reperti fuerint apud te intra unam portarum tuarum, quas Dominus Deus tuus dabit tibi, vir aut mulier qui faciant malum in conspectu Domini Dei tui, et transgrediantur pactum illius, ut vadant et serviant diis alienis, et adorent eos, et lunam et omnem militiam cæli, quæ non præcepti, etc. » Tota lex Domini errorem et idololatriam maxime detestatur, et ubique eam evertit: quia maximum scelus est divinum honorem impendere creaturæ, quod faciunt gentiles, sive etiam mali catholici, qui licet credulitate ab unitate Ecclesie non recedant, tamen vitis variis dediti, magis inveniuntur per cupiditatem terrenam servire diabolo quam per honorum operum abundantiam militare Deo. Hos enim lapidibus obrui præcipit, quia stricta sententia damnandos esse prævidit: « In ore duorum vel trium testium, peribit, qui interficitur. » Quid est quod in ore duorum vel trium testium perire dicitur, qui noxius est, nisi quia attestationem legis et prophetarum atque evangeliorum esse convincitur, qui divinæ culturæ indevotus esse reperitur. Unde Salvator in Evangelio ait: « Sermo quem locutus sum vobis, ipse iudicabit eum in novissimo die. »

### CAPUT XVI.

*Quod iudicia difficilia ad sacerdotes referenda sint, et quod inobedientes morte multandi sint.*

(CAP. xvii.) « Si difficile et ambiguum apud te iudicium esse perspexeris inter sanguinem et sanguinem, causam et causam, lepram et non lepram, et iudicium intra portas tuas videris verba variari, surge et ascende ad locum quem elegerit

« Dominus Deus tuus; veniesque ad sacerdotes Levi-  
 « vitici generis, et ad iudicem qui fuerit illo in tem-  
 « pore; quæresque ab eis qui indicabunt tibi iudi-  
 « cii veritatem; et facies quodcumque dixerit, qui  
 « præsumt loco quem elegerit Dominus, et docue-  
 « runt te juxta legem ejus, etc. » Hac sententia legi-  
 « slator ritum docet ecclesiastici ministerii, ut sacer-  
 « dotes et præsules Ecclesiarum Dei, judicia ec-  
 « clesiastica secundum potestatem sibi datam a Deo  
 « reverenter agant justeque discernant causas et actus  
 « singulorum. Hoc maxime commendat, ut ipsa judi-  
 « cia non secundum sua libera quisque, sed secundum  
 « legis Domini agere studeat decreta; nec ob gratiam  
 « sive injuriam cujuslibet suscipiendo personam mu-  
 « tet sententiam, sed in omnibus rebus legis Domini  
 « observet justitiam. Et quia necesse est ut subditi  
 « quoque magistrorum consentiant disciplinæ, inobe-  
 « dientibus ac superbientibus mox quæ eos obsequatur  
 « pœna, demonstrat dicens: « Qui autem superbierit  
 « nolens obedire sacerdotis imperio, qui eo tempore  
 « ministrat Domino Deo tuo, decreto judicis morie-  
 « tur ille: et auferes malum de medio tui, et reliqua. »  
 « Morietur, inquit, homo, qui obedire noluerit sacer-  
 « dotis imperio: ipsius videlicet sacerdotis imperio,  
 « qui secundum ordinem Melchisedech sacerdos factus  
 « in æternum, pastores, hoc est, vicarios suos consti-  
 « tuit regere Ecclesiam quam acquisivit sanguine  
 « suo, ut pro ipso legatione functi Evangelium in toto  
 « orbe prædicarent. Qui quantæ auctoritatis sint ipse  
 « demonstrat dicens: « Qui vos audit, me audit; et  
 « qui vos spernit, me spernit. Qui autem me spernit,  
 « spernit eum qui me misit (Luc. x). » Dignum est  
 « ergo, ut suæ damnationis accipiat sententiam, qui  
 « non metuit contemnere Divinitatis potentiam.

#### CAPUT XVII.

*De constituendo rege super Israelitas a propriis et non ab externis, et jure regis legitimo.*

(Ibid.) « Cum ingressus fueris terram quam Do-  
 « minus Deus tuus dabit tibi, et possederis eam, ha-  
 « bitaverisque in illa, et dixeris: Constituam super  
 « me regem, sicut habent omnes per circuitum na-  
 « tiones, eum constitues, quem Dominus Deus tuus  
 « elegerit de numero fratrum tuorum. Non poteris  
 « alterius gentis hominem regem facere qui non  
 « sit frater tuus. » Quæri potest cur displicuerit po-  
 « pulus Deo, quando regem desideravit, cum hic in-  
 « veniatur esse permissus. Sed magis hic intelligen-  
 « dum est merito, non fuisse secundum voluntatem  
 « Dei, quia fieri hoc non præcepit, sed desiderantibus  
 « permisit; verumtamen præcepit, ne fieret alienus,  
 « sed frater, id est, ex eodem populo indigena, non  
 « alienigena. Quod non poteris, intelligendum est: non  
 « debebis. « Cumque fuerit constitutus, non multipli-  
 « cabit sibi equos, nec reducet populum in Ægyptum  
 « equitatus numero sublevatus, præsertim cum præ-  
 « ceperit vobis, ut nequaquam amplius per eandem  
 « viam revertamini. Non habebit uxores plurimas,  
 « quæ illiciant animum ejus, neque argenti et auri  
 « immensa pondera, etc. » De rege cum loqueretur

A ait: Non multiplicabit sibi uxores, ut non discedat  
 « cor ejus; et argentum et aurum non multiplicabit  
 « sibi valde. Unde quæritur utrum David contra hoc  
 « præceptum non fecerit, non enim unam habuit uxo-  
 « rem. Nam de Salomone manifestum est quod trans-  
 « gressus fuerit hoc præceptum, et in feminis, et in  
 « auro, et in argento. Sed hinc potius intelligitur per-  
 « missum fuisse regibus, ut plures haberent quam unam.  
 « Multiplicare enim prohibiti sunt; quæ prohibitio non  
 « habet transgressionem, si paucæ fuerint, sicut Da-  
 « vid fuerunt, non autem multæ sicut Salomon:  
 « quamvis cum addidit, « ut non discedat cor ejus, »  
 « hoc magis videtur præcepisse, ne multiplicando per-  
 « veniat ad alienigenas feminas, per quas factum est  
 « in Salomone, ut discederet cor ejus a Deo. Multipli-  
 « catio tamen generaliter ita prohibita est, ut etiam  
 « si ex Hebræis solis eas multiplicasset, contra hoc  
 « præceptum fecisse merito argui posset. Quod autem  
 « utique Deuteronomium ei scribi jubet, et legi om-  
 « nibus diebus, ostendit eum non superbiendo sua se-  
 « qui debere libita, sed humiliter divina servare præ-  
 « cepta.

#### CAPUT XVIII.

*De sacerdotibus et Levitis, quod non debeant habere possessiones ac sortes suas inter cæteras tribus, sed dilatationibus Domini sustentari.*

(CAP. XVIII.) « Non habebunt sacerdotes et Levitæ  
 « omnes, qui de eadem tribu sunt, partem et hære-  
 « ditatem cum reliquo Israel, quia sacrificia Domini  
 « et oblationes ejus comedent, et nihil aliud acci-  
 « pient de possessione fratrum suorum. Dominus  
 « enim ipse est hæreditas eorum, sicut locutus est  
 « illis. » Et in Veteri et in Novo Testamento ministris  
 « altaris et servitoribus templi Domini mandatum est,  
 « de oblationum largitate et decimarum dato nutri-  
 « mentum habere, nec terrenis possessionibus conces-  
 « sum est eis adipiscendis, ullo modo inhiare. Unde  
 « Dominus in Evangelio apostolis et prædicatoribus  
 « Evangelii præcepit, dicens: « Euntes autem prædi-  
 « cate dicentes, quia appropinquavit regnum cœlorum.  
 « Infirmos curate, mortuos suscite, leprosos munda-  
 « te, dæmones ejicite: gratis accepistis, gratis date.  
 « Nolite possidere aurum et argentum, neque pecu-  
 « niam in zonis vestris, non peram in via, neque duas  
 « tunicas, neque calceamenta, neque virgam. Dignus  
 « est enim operarius mercede sua, vel cibo suo (Matth.  
 « x). » Hinc Paulus Corinthiis loquens: « Nescitis,  
 « inquit, quoniam qui in sacrario operantur, quæ de  
 « sacrario sunt edunt? et qui altari deserviunt, cum  
 « altari participantur? Ita et Dominus ordinavit his  
 « qui Evangelium annuntiant, de Evangelio vivere. »  
 « Hinc et ad Timotheum scribens ait: « Nemo mili-  
 « tans Deo, implicet se negotiis sæcularibus, ut ei pla-  
 « ceat cui se probavit. Nam et qui certat in agone,  
 « non coronatur, nisi legitime certaverit. Laborantem  
 « enim agricolam oportet primum de fructibus acci-  
 « pere (II Tim. II). » Nec conveniens enim est, ut ille  
 « quam oportet semper astare divino, quod acquirendo  
 « occupetur terreno lucro. Dominus enim ipse est

hereditas, qui sibi devote et instanter deserviunt, nec aliquid illi deesse potest, qui omnia possidentem possidet. « Hoc erit iudicium sacerdotum a populo et ab his qui offerunt victimas, sive bovem, sive ovem immolaverint, dabunt sacerdoti armum et ventriculum, primitias frumenti, vini et olei, et lanarum partem ex ovium tonsione. » Scriptum est in Levitico, dicente Domino : « Pectusculum elevationis, et armum separationis tui a filiis Israel de hostiis pacificis, et dedi Aaron sacerdoti ac filiis eius lege perpetua, ab omni populo Israel. » Per pectusculum autem fidem designans, et confidentiam quam offerri Domino vult ab eo qui desiderat salvari, quia sine fide impossibile est placere Deo. Armus quoque dexter de pacificorum hostiis, cedit in primitiis sacerdotis. Armus dexter actiones bonæ sunt. Ergo et fidem et actiones offerre oportet eum qui salvari vult. Sed pectusculum filiis Aaron deputavit, qui sublimes vita sunt; armus autem dextrum sacerdoti, qui imaginem tenet Christi : propter quod solus sacerdos hoc sacrificium perficere potest, offerri apte legislator ostendit; quia quidem credere et proponere bona, nostrum est ex Dei dono, sed incipere opera aut perficere, et ad finem perducere ea quæ sunt cœpta, hoc divinæ est gratiæ : propter quod dixit Paulus apostolus : « Non volentis neque currentis, sed miserentis est Dei (Rom. ix). » Dei enim solius est dirigere actiones, propter quod et brachium ipse Dei nominatur. Primitias frumenti, vini et olei, et lanarum partem ex ovium tonsione, jubemus sacerdotibus dare, quia sive in corporalibus solatiis, sive in spiritualibus rerum emolumentis, humiliter ac devote spiritualibus solatiis doctoribus nostris semper communicare debemus : hoc ipsum etiam exhortante apostolo Paulo atque dicente : « Communicet is qui catechizatur verbo ei qui se catechizat in omnibus bonis (Gal. vi). » « Si exierit Levites de una urbium tuarum ex omni Israel in qua habitat, et voluerit venire desiderans locum quem elegerit Dominus, ministrabit in nomine Domini Dei sui, sicut omnes fratres eius. Levitæ stabunt eo tempore coram Domino. Partem ciborum eandem accipiet quam et cæteri, excepto eo quod in urbe sua ex patria ei successione debetur. Si autem supervenerit Levites ex civitatibus tuarum una, ex omnibus filiis Israel, ubi ipse incolit, secundum quod cupit anima eius, in locum quem elegerit Dominus, etc. » Id est, si desideraverit ire ad locum ubi Dominus invocatur, et ministrare nomen Domini Dei sui, sicut omnes fratres eius, Levitæ qui astant coram Domino, partem partitam edent, præter venditionem quæ est secundum familiam. Quam dicat venditionem obscurum est, nisi forte, quia decimationes et primogenita præcepit vendi ab eis qui in longinquo habitarent, ne multa cogèrentur portare ad locum invocationis Domini, vel pecora ducere, ut illic ab eis denuo emerentur ex eodem pretio; et jussert ibi partem habere Levitam, qui maneret in ea civitate, unde illæ deci-

PATROL. CVIII.

ationes et primogenita debebantur. Et ideo dixit secundum familiam hoc deberi Levitæ, quoniam ex successione qua succedit parentibus suis, hoc circa eum servari oportet quod parentibus exhibitum est.

## CAPUT XIX.

*De malitiis cunctis prohibendis, et ac propheta, qui ad similitudinem Moysi in gente Judæorum suscitandus erat.*

(Ibid.) « Quando ingressus fueris terram quam Dominus Deus tuus dabit tibi, cave ne imitari velis abominatones gentium illarum nec inveniatur in te qui lustret filium suum, aut filiam suam ducat per ignem, et ariolos sciscitetur, et observet somnia atque auguria. Ne sit maleficus, nec incantator, nec pythones quis consulat neque divinationes, ut quærat a mortuis veritatem, etc. » Quoniam portentorum inspectores prohibet esse in populo Dei, quærendum est quomodo ista portentosa, quæ inspicit prohibentur, discernantur ab eis quæ divinitus ita dantur ut quid significant dici debeat sicut omnia miracula quæ in Scripturis reperiuntur significantia, quod pertineat ad regulam fidei. Sicut dicimus, quod significaverit vellus in area compluta siccum, vel in sicca area complutum, ut virga Aaron quæ floruit et nuces attulit, et cætera hujusmodi. Sicut autem discernuntur divinationes, quas consequenter prohibet a prædicationibus vel annuntiationibus prophetarum, sic illæ inspectiones prodigiorum a significationibus divinorum miraculorum discernendæ sunt. « Prophetam autem de gente tua et de fratribus tuis sicut me suscitabit tibi Dominus Deus tuus. Ipsum audies, ut petisti a Domino Deo tuo in Oreb, quando concio congregata est atque dixisti : Ultra non audiam vocem Domini Dei mei, et ignem hunc maximum amplius non videbo, ne moriar. Et ait mihi Dominus : Bene omnia sunt facti. Prophetam suscitabo eis de medio fratrum suorum similem tui, et ponam verba mea in ore ejus. Loqueturque ad eos omnia quæ præcepero illi. Qui autem verba ejus quæ loquetur in nomine meo audire noluerit, ego ultor existam, etc. » Licet quidam secundum historiam in hac sententia accipere velint prophetas omnes sanctos qui spiritu Dei repleti prophetaverunt in filiis Israel, quos ita Moyses ut se audiendos dixit esse, quia eodem spiritu, quo ipse plenus legem descripsit, hoc etiam illi prophetias suas ore veridico protulerunt, tamen nullum melius quam ipsum Dominum prophetarum, hoc est, Jesum Christum hic denotatum intelligere possumus, quem etiam libri Veteris Testamenti verum prophetam et evangelium prophetæ nomine nuncupat. Unde turbæ ab ipso satiata, videntes signum quod fecerat, intra se dicebant : « Quia hic est vere propheta, qui venturus est in mundum (Joan. vi). » Et alibi quando suscitavit filium viduæ idem mediator Dei et hominum, « Accepit autem omnes timor, et magnificabant Deum dicentes : Quia propheta magnus surrexit in nobis, et quia Deus visitavit plebem suam (Luc.

29

vii). » Hunc ergo prophetam suscitavit Dominus Israelitis de medio fratrum suorum, hoc est, de semine David similem Moysi, quia non venit Jesus solvere legem, sed adimplere; et posuit verba in ore ejus, cujus verba, quæ loquetur in nomine Domini, qui audire noluerit, ipse Dominus ultor existit, cum perpetua poena illum cruciandum mancipaverit.

## CAPUT XX.

*De urbibus refugii decernendis his qui non sponte homicidium faciunt.*

(CAP. XIX.) « Cum disperdiderit Dominus Deus tuus gentes quarum tibi traditurus est terram et possederis eam, habitaverisque cum ea in urbibus ejus et in ædibus, tres civitates separabis tibi in medio terræ, quam Dominus Deus tuus dabit tibi in possessionem, sternens diligenter viam, et in tres partes æqualiter totam terræ tuæ provinciam divides, ut habeat e vicino qui propter homicidium profugus est, quo possit evadere, et reliqua. » Tres civitates refugii ultra Jordanem Moyses constituit homicidis, his qui non sponte homicidium commiserunt, et tres alias contra Jordanem in terra re-promissionis jubet Josue eisdem decerni: mystice insinuans quod ante perceptionem baptismatis, omnis qui vult a peccatis salvari et ab hostibus spiritualibus liberari, sanctæ Trinitatis fidem debet sincera mente confiteri, et post ablutionem sacri fontis, in fide, et spe, et charitate utiliter operari; sicque religiose in hoc mundo conversans, qui senario numero conditus pollet, post perfectionem bonorum operum, requiem æternam exspectet, in quiete felici sanctarum animarum. Quod autem dicit sterner oportere diligenter viam, et in tres æqualiter partes totam terræ provinciam dividi, quatenus salvandus facilis hostes possit evadere, demonstrat prædicatores plebium, omni diligentia, verbo, exemplis, consulere debere salutem ægrotantium, et æqualiter in tota terra Ecclesiæ sanctæ eandem fidem omnibus insinuare, quatenus viam veritatis ac portam credulitatis sibi patere singuli agnoscant. Et si intrare noluerint, se merito damnandos esse præsciant. « Hæc erit lex homicidæ fugientis, cujus vita servanda est: qui percusserit proximum suum nesciens, et qui nudiustertius et heri nullum contra eum habuisse odium comprobatur, sed abisse simpliciter cum eo in silvam ad ligna cædenda, et in succisione lignorum securis fugerit manum, ferrumque lapsum de manubrio amicum ejus percusserit et occiderit, hic ad unam supradictarum urbium confugiet et vivet: ne forte proximus ejus cujus est effusus sanguis, dolore stimulatus persequatur, et apprehendat eum si longior via fuerit, et percussit animam ejus qui non est reus mortis: quia nullum contra eum qui occisus est odium prius habuisse monstratur. » Ad silvam cum amico imus, quoties cum quolibet proximo ad intuenda delicta nostra convertimur, et simplicitate ligna succidimus, cum delinquentium vitia pia in-

attentione resecamus. Sed securis fugit manum, cum sese increpatio plus quam necesse est in asperitate protrahit; ferrumque de manubrio prosiliit, cum de correptione sermo durior excedit, et amicum percussit occidit, quia auditorem suum prolata contumelia ab spiritu dilectionis interficit. Corrupti namque mens repente ad odium proruit, sed hanc immoderata increpatio plus quam debuit, addicit. Sed hic qui incaute lignum percussit et proximum exstinguit, ad tres necesse est urbes fugiat, ut munimine earum defensus, vivat, quia si ad poenitentiam lamenta conversus in unitate sacramenti, sub spe, fide et charitate absconditur, reus perpetrati homicidii non tenetur, eumque exstincti proximus cum invenerit, non occidit, quia cum districtus iudex venerit, qui sese nobis per naturæ nostræ consortium junxit, ab eo procul dubio vindictam de culpæ reatu non expetit, quem ejus venia, spes, fides, charitas, abscondit. Ejus ergo culpa dimittitur, quæ nequaquam malitiæ studio perpetratur. « Cum autem distaverit Dominus Deus tuus terminos tuos sicut juravit patribus tuis, et dederit tibi cunctam terram quam eis pollicitus est, si tamen custodieris mandata ejus, et feceris quæ hodie præcipio tibi, diligas Dominum Deum tuum, et ambulaveris in viis ejus omni tempore, addes tibi tres alias civitates, et supradictarum trium urbium numerum duplicabis, ut non effundatur sanguis innocuus in medio terræ, quam Dominus Deus tuus dabit tibi possidendam, nec sis sanguinis reus, etc. » Hoc quomodo factum sit, liber qui dicitur Jesu Nave, manifestat, cum commemorat Josue Domino jubente sex civitates refugii decernere homicidis, qui homicidium non sponte fecerunt, hoc est, Cades in Galilæa montis Nephtholim, et Sichem in monte Ephraim, et Cariatharbe: ipsa est Hebron in monte Juda; trans Jordanem contra occidentalem plagam Jericho, urbem Bosor, quæ sita est in regione campestri, in solitudine de tribu Ruben, et Ramoth in Galaad de tribu Gad, et Gaulon in Basan, de tribu Manasse. Hæ civitates constitutæ sunt cunctis filiis Israel, et advenis qui habitant inter eos ut fugeret ad eas qui animam nescius percussisset, et non moreretur in manu proximi, effusum sanguinem vindicare cupientis, donec staret ante populum expositurus causam suam. Mystice autem, si quis per invidiam aut odium mucrone malitiæ aliquem percusserit, et in mortem animæ seduxerit, æternæ mortis ipse obnoxius erit. Unde ipsa Veritas ait: « Si quis scandalizaverit unum de pusillis istis qui in me credunt, expedit ei ut mola asinaria addatur collo ejus, et demergatur in profundum (Matth. xviii). » Et Joannes ait: « Qui odit fratrem suum, homicida est. Et scitis quia omnis homicida non habet vitam æternam in se manentem (I Joan. iii). » Hic talis ab altari Domini evelli jubetur, quia indignus sacramentis Dominicis, a participatione sacri altaris merito removetur, nec revocari ad veniam nisi per condignam poenitentiam ullo modo



meretur. Qui autem non voto castitiae, sed per incuriam aut ignorantiam aliquem læserit, habet urbes refugii, Ecclesiam videlicet catholicam, ubi se angustia poenitentiae coarctans, per omne tempus presentis vite bonis operibus studium impendens maneat; et si spem suam in morte pontificis summi, Redemptoris videlicet sui, posuerit, hic sine dubio in aeternum salvabitur.

## CAPUT XXI.

*De testibus falsis non recipiendis, sed si inventi fuerint, rite puniendis.*

(*law.*) « Non stabit testis unus contra aliquem, quidquam illud peccati et facinoris fuerit; sed in ore duorum aut trium testium stabit omne verbum. » Licet et historialiter hæc sit divina servanda sententia, tamen et cum contra quoslibet impios vel hæreticos agimus, necesse nobis est Scripturas sanctas in testimonium vocare. Sensus culpe nostri et attestatio sine his testibus non habent fidem. Unde magis convenit ad probationem, ut eam affirmem verbum intellectus mei, adhibeo duos testes, Novum et Vetus Testamentum. Adhibeo etiam tres, Evangelium, Prophetam et Apostolum: sic stabit omne verbum. « Cumque diligentissime perscrutantes, invenerint falsum testem dixisse contra fratrem suum mendaciam, reddent ei sicut fratri suo facere cogitavit; et auferes malum de medio tui, ut audientes timorem cæteri habeant, et nequaquam talia audeant facere. Non misereberis ejus, sed animam pro anima, oculum pro oculo, dentem pro dente, manum pro manu, pedem pro pede exiges. » De hoc et in Levitico scriptum est: « Qui occiderit et percusserit hominem, morte moriatur. Qui percusserit animal, reddet vicarium, id est, animam pro anima. Qui irrogaverit maculam cuilibet civium suorum, sicut fecit fiat ei: fracturam pro fractura, oculum pro oculo, dentem pro dente restituet. Qualem infixit maculam, talem sustinere cogatur. Qui percusserit sive occiderit hominem, sive, secundum Septuaginta, qui percusserit animam hominis, morte moriatur (*Levit. xxiv.*) » Et quis hominis animam percutit, nisi qui eum illicitat ad impietatem, qui eum ad blasphemos trahit sermones, in quibus meretur pessima peccati morte mori, quæ vera est mors animæ? Propter quod morte mori hunc, qui talis est, præcipit. Hic tamen animam dicens hominis, animalemaxime hominem dicit, id est, eum qui non potest intelligere quæ sunt spiritus. De quo ait apostolus Paulus: « Animalis autem homo non percipit ea quæ sunt spiritus. Stultitia enim illi est, et non potest intelligere, quia spiritaliter examinatur (*I Cor. ii.*) » Quem qui percusserit, morte moriatur. Sed et si percusserit animal, videlicet eum qui modo pecoris vivit. De quo ait David: « Homo cum in honore esset, non intellexit: comparatus est jumentis insipientibus; et similis factus est illis (*Psal. xlviii.*) » Reddet vicarium, id est, animam pro anima. Nec enim quia peccatorem aut popula-

rem, et non habentem discretionem subtilem de Deo, errare fecit, quasi venia omnino dignus est. Si autem percussit, non sic ut perfecte eum ad impietatem deduceret, et ex toto eum errare faceret a Deo, omnino autem quædam ea dixerit aut egerit, et maculam peccati irrogavit, secundum hoc et poenam sustinebit. Ait enim: « Qui irrogaverit maculam cuilibet civium suorum, sicut fecit, ei fiat. Fracturam pro fractura: sive, ut Septuaginta, contritionem pro contritione, oculum pro oculo, dentem pro dente. » Sive enim virtutem quam habuit, cujus sive proximus ille mala docens aut suadens, aut scandalizans, aut detrahens aut calumnians contrivit, sive oculum ejus videlicet scientiarum, unum quodlibet prædictorum agens cæcavit; aut dentem, verborum virtutem. Dentes enim pro verbis Scriptura accipere solet, quod ostendit David dicens: « Filii hominum, dentes eorum arma et sagitta, et lingua eorum gladius acutus (*Psal. lvi.*) » vel machæra acuta. De Christo autem Jacob patriarcha in benedictionibus dicebat: « Pulchriores sunt oculi ejus vino, et dentes lacte candidiores (*Gen. xlvii.*) » Clari enim et aperti evangelici Christi sermones sunt, super lac legales. Necessarie ergo eorum quæ dicta sunt aliquid nocens, similem et ipse sustinet maculam, in judicio videlicet futuro. Si enim alterius virtuti nocuit aut contrivit, ipsius conteretur. Scientiam obscuravit, ejus scientia pro nullo habetur. Si verbis doctoralibus nocuit, et ejus sermones infructuosos et atque inutiles judex efficiet.

## CAPUT XXII.

*De ordinando jure belli; et de formidolosis, et cæteris inhabilibus personis ad bellandum, remissis.*

(*CAP. xx.*) « Audi, Israel: « Vos hodie contra inimicos vestros poenam committitis: non pertimescat cor vestrum, nolite metuerè, nolite cedere, nec formidetis eos, quia Dominus Deus vester in medio vestrum est, et pro vobis contra inimicos vestros dimicabit, ut eruat vos de periculo. » In Septuaginta quoque hæc sententia ita legitur: « Quoniam Dominus Deus vester qui præcedet vobiscum, simul debellabit vobiscum inimicos vestros, et salvos faciet vos. » Ecce quemadmodum et in spiritalibus conflictibus sperandum est et petendum est ad adjutorium Dei, non ut nos nihil faciamus, sed ut adjuvi coopereremur. Sic enim ait: « Debellabit vobiscum, » ut etiam ipsos acturos quid agendum esset, ostenderet. « Duces quoque per singulas turmas audiente exercitu proclamabunt: Quis est homo qui edificavit domum novam, et non dedicavit illam? Vadat et revertatur in domum suam, ne forte moriatur in bello, et alius homo ejus fungatur officio. Quis homo qui desponsavit uxorem, et non accepit eam? Vadat et revertatur in domum suam, ne forte moriatur in bello, et alius homo accipiat eam, » etc. Possunt movere ista, quasi meliore conditione moriantur in bello, qui jam dedicaverunt ædificia sua, jamque epulati sunt

de novellis, duxerunt sponsas suas, quam qui nondum. Sed quoniam his rebus tenetur humanus affectus et magni aestimantur hæc ab hominibus, intelligendum est ad hoc ista dici in bellum procedentibus, ut quisquis animo his tenetur, appareat cum revertitur, ne propter hoc minus fortiter agat, dum timet ne ante moriatur quam domum dedicaverit; aut de novella sua biberit, aut sponsam duxerit. Nam utique, quantum ad feminam pertinet, melius alteri nubit intacta quam vidua. Sed, ut dixi, hæc instituta sunt propter virorum animos explorandos. « Quis est homo formidolosus et corde pavido? Vadat et revertatur in domum suam: ne pavere corda fratrum suorum faciat, sicut et ipse timore perterritus est. » Quibus verbis edocet non posse quemquam professionem contemplationis vel spiritualis militiæ arripere exercitum, qui adhuc nudari terrenis operibus pertimescit: ne rursus infirmitate mentis revertatur, suoque exemplo alios ab evangelica perfectione revocet et infideli terrore infirmet. Jubentur itaque tales ut, discedentes a pugna, revertantur in domum suam, quia non possunt duplici corde bella Domini præliari. « Vir duplex animo inconstans est in omnibus viis suis (Jac. 1). » Tales quippe oportet ut ne initium quidem renuntiationis arripiant, quibus melius est in activa vita consistant quam tepide contemplationem exsequentes, majori discrimini semetipsos involvant. « Melius est enim non vovete, quam vovete et non reddere (Eccl. v). » Similiter et ille a tali militia prohibetur, qui uxorem duxerit, qui plantaverit vineam, velut propagines filiorum. Non enim potest servire divinæ militiæ servus uxoris: nec potest assequi studium contemplationis, qui adhuc in delectatione figitur carnis. « Nemo, inquit Apostolus, militans Deo, implicet se negotiis sæcularibus, ut ei placeat cui se probavit. »

## CAPUT XXIII.

*De offerenda pace primum hostibus: et si fœdus inire noluerint, funditus evertendis; et de pomiferis arboribus non excidendis.*

(Ibid.) « Si quando accesseris ad expugnandam civitatem, offeres ei primum pacem. Si receperit et aperuerit tibi portas, cunctus populus qui in ea est salvabitur, et serviet tibi sub tributo. Si autem fœdus inire noluerint et cœperint contra te bellum, oppugnabis eam. Cumque tradiderit Dominus Deus illam in manu tua, percuties omne quod in ea masculini generis est in ore gladii, absque mulieribus, et infantibus, et jumentis, et cæteris quæ in civitate sunt. Omnem prædam exercitui divides, et comedes de spoliis hostium tuorum quæ Dominus Deus tuus dederit tibi. » Civitas ergo quam expugnaturi Israelitæ accedunt, significat, juxta allegoriam, conventicula hæreticorum; vel, generaliter, mundum, qui idololatriæ deditus, obsistit religioni Christianæ: sive etiam, secundum tropologiam, exteriorem hominem nostrum, qui corrumpitur secundum desideria erroris

et adversatur spiritui. Quando autem catholicus quis, qui est utique verus Jerosolymita, hujusmodi susceperit bellum, primum pacem jubetur offerre, hoc est, Christum ad credendum prædicare. « Ipse est enim, juxta Pauli vocem, pax nostra, qui fecit utraque unum (Ephes. ii). » Qui autem receperit verbum Filii Dei, et aperuerit illi portas interioris cordis, ut accipiat in se hospitem Christum, salvabitur cum totis sensibus animi et affectibus illius: et per devotionem rectam solvendo censum honorum actuum, salutem animæ suæ conquirat perpetuam. Hinc Salvator in Evangelio apostolis ait: « In quamcunque civitatem aut castellum intraveritis, interrogate quis in ea dignus sit: et ibi manete, donec exeatis. Intrantes autem domum, salutate eam dicentes: Pax huic domui. Et siquidem non fuerit domus digna, pax vestra ad vos revertetur (Math. x). » Qui autem fœdus pacis inire noluerit, sed cœperit e contrario præliari, oppugnari debet, quia nulli vitio, nulli errori nullique nequitiæ consentiendum est: nec fœdus cum eis ineundum, sed magis omnem vigorem eorum, quod significat masculinum genus, in ore gladii spiritualis, quod est verbum Dei, decet esse mulctandum. Si qui verò cedant increpationibus, ac de pravis actibus suis poenitentiam agunt (hoc enim persona mulierum et infantium atque jumentorum notatur), in prædam salutiferam militum Christi feliciter perveniunt, atque in possessionem sanctæ Ecclesiæ salubriter rediguntur. Quod autem subjungit: « De his civitatibus quæ dabuntur tibi, nullum omnino permittit vivere, sed interficis in ore gladii: Hethæum videlicet et Amorrhæum, et Chananæum, Pherezæum, Hethæum et Jebuseum, sicut præcepit tibi Dominus Deus tuus: ne forte doceant vos facere cunctas abominaciones, quas ipsi operati sunt in diis suis, » significat nulli vitio in nostra conversatione esse parcendum, sed magis zelo divino resistendum, ne forte si hostibus spiritualibus parcamus, ipsi coram oculis ejus in voluptatibus nostris corrupti, et abominabiles facti, viles appareamus; et ob hoc ab ipso deserti, in gaudium veniamus inimicis nostris, ut exsultantes de ruina nostra, dicant in cordibus suis: « Euge, euge animæ nostræ, absorbuimus eam (Psal. xxxiv). » « Quando obsederis civitatem aliquam multo tempore, et in munitionibus circumdederis ut expugnes eam, non succides arbores de quibus vesci potest; nec securibus per circuitum debes vastare regionem: quoniam lignum est et non homo, nec potest contra te bellantium agere numerum. Si qua autem ligna non sunt pomifera, sed agrestia, et inter cæteros apta usui, succide et exstue machinas, donec capias civitatem quæ contra te dimicat. » Quid est quod prohibet arbores pomiferas succidi, de quibus vesci potest, agrestia autem præcidi ad machinas construendas, vel ad varios usus, nisi quod illis personis aliquo modo in discretione judicandi partem

dam est, quæ habiles sunt ad scientiæ germina et ad virtutum fructus proferendos, ne forte per incautam judicii nimiam ledantur, ita ut futuri germinis usus penitus ab eis abscindatur. Unde Apostolus admonens nos instruit dicens: « Fratres, si occupatus fuerit homo in aliquo delicto, vos, qui spirituales estis, instruite hujusmodi in spiritu lenitatis: considerans teipsum, ne et tu teneris. Alter alterius onera portate: et sic adimplebitis legem Christi (Gal. vi.). » Qui autem agrestes habet sensus et mores inordinatos atque incompósitos, ita ut nulli usui virtutum convenient, ab hac intentione prava et studio nefando evelli debent, atque in meliorem usum converti. Unde idem Apostolus quosdam peccantes jubet tradi Satanæ in interitum carnis, ut spiritus salvus sit in die Domini, nec cum hujusmodi cibum sumere, neque in aliquo communicare, ut confosi poenitentiam agant.

## CAPUT XXIV.

*De cadavere hominis occisi invento.*

(CAP. XXI.) « Quando fuerit inventum in terra quam Dominus Deus tuus daturus est tibi, hominis cadaver occisi, et ignoratur cædis reus, egredientur majores natu et iudices tui, et metiantur a loco cadaveris, singularum per circuitum spatia civitatum, et quam viciniorum cæteris esse prospexerint, seniores civitatis ejus tollent vitulam de armento quæ non traxit jugum nec terram excidit vomere, et ducent eam ad vallem saxosam atque asperam, quæ nunquam arata est, nec sementem recepit: et cædent in ea cervicem vitulæ: accedentque sacerdotes filii Levi, quos elegerit Dominus Deus tuus ut ministrent ei, et benedicant in nomine ejus, et ad verbum eorum, omne negotium, et quidquid immundum est vel mundum, judicetur. Et venient omnes majores natu civitatis illius ad interfectum, lavabuntque manus suas super vitulam quæ in valle percussa est, et dicent: Manus nostræ non effoderunt hunc sanguinem, nec oculi viderunt. Propitius esto populo tuo Israel quem redemisti, Domine, et non reputes sanguinem innocentem in medio populi tui Israel, et auferet ab eis reatus sanguinis, » et cætera. Hoc capitulum, si secundum litteram inspiciatur, vilem habet sensum; si autem secundum spiritalem intellectum, magnum habet sacramentum: « Quando, inquit, inventum fuerit in terra quam Dominus Deus tuus daturus est tibi hominis cadaver occisi, et ignoratur cædis reus. » Notandum vero quod alii hunc hominem occisum, Adam primum hominem intelligere voluerunt. Sed mihi videtur congruentius competere hanc figuram ad Adam secundum, hoc est, Redemptorem nostrum, qui a populo Judæorum in terra possessionis tuæ mortis sententiam accepit, et salutarem universo mundo pertulit crucem. Cujus cædis reus ignoratur, diabolus videlicet, qui proditoris ejus auctor est. Qui non ideo ignorari dicitur quod nesciatur, cum manifeste

Deest aliquid.

Evangelium dicat, « quod ante diem festum paschæ sciens Jesus quia venit hora ejus ut transeat ex hoc mundo ad Patrem, cum dilexisset suos qui erant in mundo, in finem dilexit eos. Et cæna facta, cum diabolus jam misisset in cor, ut traderet eum Judas Simonis Iscariotæ (Joan. xiii.), » et cætera; sed quod natura invisibilis hominum conspectibus non appareat, majores natu et iudices egredi jubentur, ut metiantur a loco cadaveris singularum per circuitum spatia civitatum, quatenus explorent quæ de illis . . . sit occisio cadaveri. Unde apostoli et doctores sancti, qui in iudicium nomine et majorum natu designantur, sacrarum Scripturarum attestazione perceperunt quod nulla gens, nulla natio sic prompta ac sic prona fuit unquam ad cædem innocentium conficiendam quam gens Judæorum, quæ non solum prophetarum, sed et ipsius Domini sanguinem maculatis manibus fudisse dignoscitur. Unde ad complendum mysterium sumi mandatur vitula de armento, quæ non traxit jugum nec terram vomere scidit. Vitula quippe hæc significat carnem Redemptoris nostri, de armento patriarcharum et prophetarum progenitam, quæ nunquam traxit jugum peccati, nec de virili coitu ullo modo edita est, sed de virgineis visceribus fecundante Spiritu sancto, sine ullo peccati contagio, ad Redemptorem humani generis vitæ salutaris in mundum processit. Hæc quoque per seniores civitatis, hoc est per apostolos et apostolicos viros, pro expiatione nostrorum peccatorum crucifixa prædicatur. « Et ducent, inquit, in vallem eam asperam atque saxosam, quæ nunquam arata est, nec sementem recepit, et cædent in ea cervicem vitulæ. » Quæ est ergo vallis ista aspera atque saxosa, nisi Jerusalem terrestris, quam Isaias propheta vallem visionis nuncupavit? Sed hæc vallis aspera atque saxosa esse legitur: quia dura et indomita semper erat, ac spinetis vitiorum asperrima; « quæ nunquam arata est, » quia nunquam doctrinis sanctis perfecte cessit, nec recepit sementem Evangelii, sed pro frugibus spinas, et pro uvis gignebat labruscas. Unde Salvator in Evangelio ad ipsam ait: « Jerusalem, Jerusalem, quæ occidis prophetas, et lapidas eos qui ad te missi sunt, quoties volui congregare filios tuos, quemadmodum gallina congregat pullos suos sub alas, et noluit! » et cætera (Luc. xiii.). Ibi enim cædebant cervicem vitulæ, quia ibi crucifixerunt carnem Salvatoris. Sequitur: « Accedentque sacerdotes filii Levi quos elegerit Dominus Deus tuus ut ministrent ei, et benedicant in nomine ejus, et ad verbum eorum omne negotium, et quidquid mundum vel immundum est judicetur: et venient majores natu civitatis illius ad interfectum, lavabuntque manus suas super vitulam quæ percussa est in valle, et dicent: Manus nostræ non effoderunt hunc sanguinem, nec oculi viderunt. Propitius esto populo tuo Israel quem redemisti, Domine, et non reputes sanguinem innocentem in medio populi tui Israel. » Qui sunt

ergo sacerdotes isti ac majores nati, quibus tale negotium et tale ministerium injungitur, nisi sancti apostoli et prædicatorum Evangelii, quibus omnem ordinem ecclesiasticum regere Dominus ipse commendat? Hi ergo super carnes vitulae manus lavant, cum in passione Christi sua munda demonstrant esse opera. Quia licet ejusdem passionis sacramenta in oblatione quotidie imitentur mystica, tamen ab omni fraude et dolo Judaeorum corda et opera retinent mundissima; ipsi secundum suum ministerium pacem semper optant atque deposcunt populo Christiano, quatenus eis non vindicta pro scelere, sed pro fide salutis dono conferatur divino, qui parati sunt omni tempore Christi obedire Evangelio.

## CAPUT XXV.

*De captiva muliere pulchra.*

(*Ibid.*) « Si egressus fueris ad pugnam contra inimicos tuos, et tradiderit eos Dominus Deus tuus in manu tua, captivosque duxeris, et videris in numero captivorum mulierem pulchram, et amaveris eam, voluerisque habere uxorem, intro duces eam in domum tuam. Quæ radet cæsariem, et circumcidet unguis, et deponet vestem in qua capta est, sedensque in domo tua flebit patrem et matrem suam uno mense; et postea intrabis ad eam, dormiesque cum illa, et erit uxor tua, » et cætera. Dicant Judæi quomodo apud eos ista servantur; quid causæ, quid rationis est decalvari mulierem et ungulas eidem abscindi? Verbi causa, ponamus quod ita invenerit eam is qui dicitur invenisse, ut neque capillos, neque ungulas habeat, quid habuit quod secundum legem demere juberetur? Nobis vero quibus militia spiritualis est, et arma non carnalia sed potentia Deo, si decoram mulierem, id est, animam, quæ a Deo pulchra creata est, in gentili conversatione invenerimus, et sociare voluerimus eam corpori Christi, deposito idololatriæ cultu, induitur lugubribus poenitentiae indumentis; deplorabitque patrem et matrem, hoc est, omnem memoriam mundi ejusque carnales illecebras. Deinde novacula verbi Dei et doctrina, omne peccatum infidelitatis ejus, quod mortuum et inane est, abscinditur (hoc enim sunt capilli capitis et ungulae mulieris), atque demum salutaris lavaçero mundata et purificata conjungitur sanctis Dei, scilicet cum jam nihil in capite mortuum, nihil in manibus ex illis quæ per infidelitatem mortis dicuntur, habuerit, ut neque sensibus neque actibus immundum aliquid aut mortuum gerat. Quod vero post triginta dies jubet eam duci uxorem, ternario namque ac denario numero fides opusque significatur. Per fidem ergo Trinitatis atque opus legis recte sociatur quæcumque anima vero Israelitæ, corpori scilicet Christi, adhærens illi sine macula sinceritatis fidei et actuum puritate. Alii putaverunt hanc mulierem decoratam specie rationabilem aliquam disciplinam significare, quæ sapienter dicta invenitur apud gentiles. Hanc igitur a nobis repertam, oportet de ea primum auferre et rescare omnem superstitionis ejus immunditiam, et

sic eam in studio veritatis accipere. Nihil enim mundum habent discipline gentilium, quia nulla apud infideles sapientia est quæ immunditia aliqua vel superstitio non sit admista.

## CAPUT XXVI.

*De duabus uxoribus, una dilecta, et altera odiosa.*

(*Ibid.*) « Si habuerit homo uxores duas, unam dilectam et alteram odiosam, generitque ex ea liberos, et fuerit filius odiosæ primogenitus: voluerisque substantiam inter filios suos dividere, non poterit filium dilectæ facere primogenitum, et præferre filio odiosæ, sed filium odiosæ agnoscat primogenitum, dabitque ei de his quæ habuerit, eadem duplicia: iste est enim principium liberorum ejus, et huic debentur primogenita. » Interdum Scriptura cum allegoriam dicit, alia ad speciem Synagoga, alia ad Ecclesiam refert, alia ad animam, alia ad verbi mysterium, alia ad diversas species et qualitates animarum quæ discernit, quæ judicat spiritu. Unde sequenti capitulo legis, non duas animas, sed diversas qualitates unius animæ comprehensas arbitreris. Est enim amabilis species animæ, quæ concupiscit voluptaria, quæ laborem fugit, compunctiones declinat, iudicium Dei negligit. Ideo amabilis, quia dulcis et suavis ad tempus videtur; quæ mentem non afficiat, sed oblectet. At illa altera tristior, quæ zelo Dei conficiatur: sicut uxor severa scortari comparem suam nolit, non patitur, non sinat, nihil indulgeat corpori; nihil voluptati et delectationi relaxet, abdicet oculos dederis, dura laborum sequatur, gravia periculorum. Si igitur pepererint et ambæ, non poterit, inquit, primitivum filium amabilis in hereditatis institutione præponere primitivo filio odibilis, cum seiat odibilis filium primitivum esse. In quo non tam prælationem simpliciter significari puto, quasi inter primitivos duos, quam expressionem solum odibilis filium primitivi habere prærogativam. Primitivus enim primogenitus est: sancti autem primogeniti sunt, « quia omnis masculus aperiens vulvam, sanctus Domino vocabitur (*Luc. II*). » Non tamen omnis sanctus primogenitus. Denique habes in Numeris: « Ecce tui Levitas pro primogenitis omnibus, de medio filiorum Israel, qui aperiant vulvam a filiis Israel. Mihi enim in quo die percussi omne primogenitum Egypti, sanctificavi omne primogenitum Israel. » Ergo pro primogenitis Levitas quasi sanctos. Sanctos enim primogenitos esse cognoscimus ex Epistola ad Hebræos scripta, in qua habemus: « Sed appropinquasti monti Sion, et civitati Jerusalem, et sanctorum millibus angelorum Ecclesiæ primitivorum (*Hebr. XII*). » Ergo sicut primogeniti Ecclesiæ sancti, sic et Levitæ, quoniam ipsi quoque primogeniti. Non enim nascendi ordinis sancti, sed sanctificationis manere. Levi enim tertius filius fuit Liæ, non primus utique. Qui autem sanctificatur, ipse aperit vulvam. Quam vulvam? Audi dicentem: « Erraverunt peccatores ab utero (*Psal. LVII*). » Quia intellexisti primogenitum qui aperit vulvam, intellige uterum bonæ matris, a quo non

errant sancti sed peccatores. Levitæ autem auferuntur de medio Israel, quia nihil habent commune cum populo, cujus primogenita secularia distraherentur. Primogeniti enim sæculi alterius matris sunt, a cujus utero segregatus est Paulus, cum ad gratiam vocaretur Dei; et ideo de medio populi segregatus verbum recepit, quod est medium in corde nostro. Unde illud dictum est: « Medius autem vestrum stat quem vos non videtis (Joan. 1). » Non otiosus itaque nobis a lege in legem excusus fuit: ut primogenitum non esse amabilis illius, id est, remissioris et voluptariæ, filium doceremus, quamvis præfati capituli verba hoc expriment, dicente Scriptura: « Non poteris filium amabilis primitivum ponere, cum scias filium odibilis primitivum esse. » Ille est vere primitivus qui sanctæ matris sanctus est pater; sicut illa vera mater a cujus utero non erant veri filii, sed peccatores. Ergo ille non veræ matris filius, non primitivus verus, sed quasi primitivus jvatur sumptu ne egeat; non ut dives sit, honoratur. Hic autem dupla ex omnibus accepit, ut abundet: sicut etiam in Genesi habes patriarchas a fratre suo Joseph gemina singula stola donatos munere, cum remitterentur ad patrem ut significarent fratrem repertum Joseph, quem defunctum esse crederat pater. Primogenitus itaque hæreditatis accepit prærogativam, dicente Scriptura: « Hic est initium filiorum, et huic debentur primogenita. » A primogenito igitur Dei Filio, primogeniti sancti; et ab illo initio, quia ipse est initium et finis, initium sanctus nuncupatur. Initium filius, cui debetur primitiarum prærogativa, secundum illud ad Abraham dictum: « Ejice ancillam et filium ejus: non enim hæres erit filius ancillæ cum filio meo Isaac (Gen. xxr). » Quod magis ad hæreditatem virtutum quam pecuniæ spectare divino oraculo docemur, dicente Domino: « Omnia quæcumque dixerit tibi Sara, audi vocem ejus, quoniam in Isaac vocabitur tibi semen (Ibid.). » Quæ erat illa in Isaac nisi hæreditas sanctitatis, quæ nobilitaret patrem? Et filium quidem ancillæ super nationes fecit, quasi simplicia conferens patrimonio. Filio autem Saræ dupla dedit, cum non solum temporalia, sed etiam superna et perpetua collata sunt. Item, secundum allegoriam, homo hic qui duas uxores habere dicitur, figurare potest Dominum Christum, qui duas plebes, hoc est, Judæorum ac gentilium, sibi conjugii nomine copulavit. Sed odiosa potest dici Synagoga Judæorum, quæ secundum legislatoris attestationem, semper contentiose agebat contra Dominum, et cum Stephanus in Actibus apostolorum improbat dicens: « Duri cervice, et incircumcisis cordibus et auribus: vos semper Spiritui sancto resististis; sicut patres vestri, ita et vos (Act. vii). » Dilecta autem Ecclesia est de gentibus. Sed non potest hic homo filium dilectæ facere primogenitum et præferre filio odiosæ, quia non vult Dominus Christus Ecclesiæ de gentibus præferre primitivæ ecclesiæ suæ quæ fuit in Jerusalem, ex qua fuerunt apostoli et primi doctores nostri. Sed agnoscat filium

A odiosæ primogenitum, dabitque ei de his quæ habuerit cuncta duplicia: quia primo illi dedit populo legem et prophetas, et notitiam nominis sui; et de eo idem Salvator natus, tempore incarnationis suæ, præcipue Evangelium ibi prædicavit: iste enim est primogenitus liberorum ejus, et huic debentur primogenita. Qui autem plenius hæc nosse desiderat, legat Epistolam beati Pauli apostoli ad Romanos, et tunc cognoscat per omnia vera esse quæ dicuntur.

## CAPUT XXVII.

*De filio contumace atque protervo; de homine adjudicato morti, in patibulo suspendendo, sed tamen in eadem die sepeliendo.*

« (Ibid.) Si genuerit homo filium contumacem et B protervum, qui non audiat patris aut matris imperium, et coercitus obedire contempserit, apprehendent eum, et ducent ad seniores civitatis illius, et ad portam judicii, dicentque ad eos: Filius noster iste protervus et contumax est, monita nostra audire contemnit, comessionibus vacat et luxuriæ atque conviviis: lapidibus obruet eum C de medio vestri, ut universus Israel audiens, percontescat. » Quod obedientia semper Deo placuerit, atque contumacia et protervitas semper displicent, testantur libri Veteris Testamenti et Novi, unde scriptum est: « Melior est obedientia quam victima (Eccl. iv), » et auscultare magis quam offerre adipem arietum, quoniam quasi peccatum hariolandi est repugnare, et quasi scelus idololatriæ D nocte acquiescere. Inobedientem ergo filium et vitiosum vetus lex obrui lapidibus jubet ut moriatur. Sed et Evangelium non parcat incorrectis, imo duris increpationibus atque castigationibus, quod significant lapides, per magistros arguere mandat delinquentes: quia nullo modo parcat vitiis, sed favet virtutibus: « Quando peccaverit homo quod morte plectendum est, et adjudicatus morti appensus fuerit in patibulo, non permanebit cadaver ejus in ligno; et nequaquam contaminabis terram tuam quam Dominus Deus tuus dederit tibi in possessionem. » Hic homo unusquisque baptizatus potest intelligi, qui quando peccaverit, adjudicandus est morti, hoc est reatus, pro quo morte tormentorum plectendus est. Suspendus enim erit in patibulo, cujus scelus per vindictam manifestatur in populo. Unde Apostolus peccantes coram omnibus jubet arguere, ut et ceteri metum habeant. Quod autem dicit, « Non permanebit cadaver ejus in ligno, sed sepelietur in eadem die, » significat quod non est de die in diem differenda pœnitentia peccatorum, sed post peccatum mox agenda, ut ante finem vite præsentis per confessionem ac pœnitentiam atque bona opera studeat abscondere coram oculis Dei delictum suum: quia maledictus a Deo est qui pendet in ligno, hoc est, in peccato qui perseverat. Ligni enim nomine peccatum potest intelligi, quia in ligno protoplastus noster primum peccavit. « Et nequaquam, inquit, con-

taminabis terram tuam. » Ergo quia terra carnis nostræ fœdatur, sordibus peccatorum, omnimodis studere debemus, ut eam mundemus per pœnitentiam et effusionem lacrymarum, ne fœditas ejus alijs scandalum, et nobis pariat in fine cruciatum. Sed oritur hic difficillima quæstio in eo quod dicit, « Maledictus a Deo omnis qui pendet in ligno. » Quia quidam hæretici ad calumniam passionis Christi hanc sententiam transferre voluerint, non intelligentes quod mors hominis ex pœna peccati est, unde et ipsa peccatum dicitur : non quia peccat homo dum moritur, sed quia ex peccato factum est quod moriatur. Sicut alio modo dicitur lingua proprie caro quæ intra dentes sub palato movetur ; et alio modo dicitur lingua, quod per linguam sit ; secundum quem modum dicitur lingua Græca, alia Latina. Et manus alio modo dicitur ipsum proprie corporis membrum quod movendum est ad operandum, et alio modo manus dicitur scriptura quæ sit per manum. Dicimus enim, Probata est manus ejus, Habeo enim manum tuam, Recipe manum tuam : manus utique proprie membrum est hominis. Non autem opinor illam scripturam esse hominis, et tamen dicitur manus, eo quod manifesta sit. Sic et peccatum, non tantum opus ipsum malum quod pœna dignum est, sed etiam ipsa mors, quæ peccato facta est, peccatum appellata est. Illud itaque peccatum, quo reus esset mortis, non commisit Christus ; illud autem alterum, id est, mortem quæ peccato inflictæ est humanæ naturæ, suscepit pro nobis. Hoc suspendit in ligno, hoc maledictum est per Moysen : ubi mors damnata est ne regnaret, et maledicta est ut periret. Quapropter per Christi tale peccatum damnatum est nostrum peccatum, ut nos liberaremur, ne regnante peccato nos, damnati remaneremus. Quid ergo miratur Faustus maledictum esse peccatum, maledictam esse mortem, maledictam esse mortalitatem carnis sine peccato Christi, ex peccato tamen hominis in Christo factam ? Ex Adam quippe corpus assumpsit, quia ex Adam virgo Maria quæ peperit Christum. Dixerat autem Deus in paradiso : « Qua die tetigeritis, morte moriemini (Gen. ii). » Hoc est maledictum quod pependit in ligno. Ille negat Christum maledictum, qui negat et mortuum. Qui autem confitetur mortuum, et negare non potest mortem de peccato esse, et ob hoc etiam ipsum peccatum vocari, audiat Apostolum dicentem : « Quoniam, Jesus homo noster simul cum illo crucifixus est (Gal. ii), » et intelligat quem maledictum esse Moyses dixerit. Ideoque secutus Apostolus ait de Christo : *Factus pro nobis maledictus (Ibid.)* ; sicut non timuit dicere « pro omnibus mortuus est, » quod est maledictus, quia mors ipsa ex maledicto est, et maledictum est omne peccatum, sive ipsum quod sit, ut sequatur supplicium, sive ipsum supplicium, quod alio modo vocatur peccatum, quod sit ex peccato. Suscepit autem Christus sine reatu supplicium nostrum, ut inde solveret beatum nostrum, ut fieret supplicium nostrum. Ex

ingenio meo ista dixerim, si non Apostolus toties hoc inculcat, ut et dormientes excitet, et calumniantes suffocet. « Misit Deus, inquit, Filium suum in similitudinem carnis peccati, ut de peccato damnaret peccatum in carne (Rom. viii). » Non ergo erat, illa caro peccati, quia non de traduce mortalitatis in Mariam per masculum venerat. Sed tamen quia de peccato est mors, illa caro, quamvis ex virgine, mortalis tamen fuit : eo ipso quo mortalis erat similitudinem carnis peccati habebat. Hoc appellat etiam peccatum consequenter dicens : « Ut de peccato damnaret peccatum in carne. » Item in alio loco : « Eum, inquit, qui non noverat peccatum, peccatum pro nobis fecit, ut nos essemus justitia Dei in ipso (II Cor. v). » Cur ergo timeret Moyses dicere « maledictum, » quod Paulus « peccatum » non timuit dicere ? Plane hoc propheta et prævidere debuit et prædicere, paratus ab hæreticis cum Apostolo reprehendi. Quisquis enim reprehenderit prophetam dixisse « maledictum, » cogetur reprehendere Apostolum dixisse « peccatum : » nam utique maledictum comes est peccati. Nec ideo major invidia est quod addiderit « Deo, » ut diceret : « Maledictus Deo omnis qui pependerit in ligno. » Nisi enim Deus odisset peccatum et mortem nostram, non ad eam suscipiendam atque delendam Filium suum mitteret. Quid ergo mirum si maledictum est Deo quod odit Deus ? Tanto enim libentius nobis donat immortalitatem, quæ futura est Christo veniente, quanto misericordius odit mortem nostram, quæ in ligno pependit Christo moriente. Quod autem additum est, « omnis, » ut videretur « maledictus omnis qui in ligno pependit, » non sane Moyses minus prævidet etiam justos in cruce futuros, sed bene prævidet hæreticos veram mortem Domini negaturos, et ideo volentes ab hoc maledicto Christum sejungere, ut a mortis etiam veritate sejungerent. Si enim illa vera mors non erat, nullum maledictum Christo crucifixo pependit in ligno, quia nec crucifixus est vere. Sed contra longe futuros hæreticos, quam de longe clamat Moyses : « Sine causa tergiversamini, » quibus displicet veritas mortis Christi, « Maledictus omnis qui pependit in ligno. » Non ille aut ille, sed omnis omnino ! Etiamne et Filius Dei ? Etiam prorsus. Nam hoc est quod non vultis : inde satagitis, inde seducitis. Displicet enim vobis maledictus pro nobis, quia displicet mortuus pro nobis. Tunc enim extra maledictum illius Adam, si extra illius mortem. Cum vero ex homine et pro homine mortem suscepit, ex illo et pro illo etiam maledictum quod mortem comitatur, suscipere non dedignatus est etiam ille, prorsus etiam ille Filius Dei, semper vivus in sua justitia, mortuus autem propter delicta nostra in carne suscepta ex pœna nostra. Sic et semper benedictus in sua justitia, maledictus autem propter delicta nostra, in morte suscepta ex pœna nostra. Ac per hoc additum est, « omnis, » ne Christus ad veram mortem non pertinere diceretur, si a maledicto quod morti conjunctum est, insipienti honorificentia

separaretur. Qui autem ex veritate evangelica fidelis est, intelligat tamen non esse contumeliam Christi ex ore Moysi, cum eum dixit maledictum, non ex divinitate majestatis suæ, sed ex conditione pœnæ nostræ, ex qua in ligno suspensus est; quia non est laus Christi ex ore Manichæorum, cum eum negant carnem habuisse mortalem, in qua veram mortem pateretur: quia ex illo prophético maledicto laus intelligitur humilitatis, ex isto hæretico quasi honore crimen objicitur falsitatis. Si ergo negas maledictum, negas mortuum: si negas mortuum, non jam contra Moysen, sed contra Apostolum dimicas. Si autem confiteris mortuum, confitere suscepisse pœnam peccati nostri sine peccato nostro. Jam vero ubi audis pœnam peccati, aut ex benedictione venientem, aut ex maledictione: si ex benedictione venit pœna peccati, opta esse semper in pœna peccati; si autem optas inde liberari, crede per divinæ sententiæ justitiam ex maledictione venisse. Confiteri ergo maledictum suscepisse pro nobis, quem confiteris mortuum esse pro nobis; nec aliud significare voluisse Moysen cum diceret: *Maledictus omnis qui in ligno pependerit*, nisi, Mortalis omnis et moriens omnis qui in ligno pependerit. Poterat enim dicere: Maledictus omnis mortalis, aut, Maledictus omnis moriens: sed hoc est quod asserit propheta, quia sciebat Christi mortem in cruce pensuram, et futuros hæreticos qui dicerent: Pependit quidem in ligno, sed specie quadam, non ut vere moreretur. Clamando ergo, « Maledictus, » nihil aliud clamavit, nisi quia vere mortuus est, sciens mortem hominis peccatoris, quam sine peccato ipse suscepit, de illo maledicto venientem quo dictum est: « Si tetigeritis, morte moriemini (*Gen. III*). » Ad hoc serpens ille pertinet in ligno suspensus, quo significatur non falsam mortem Christum finxisse, sed illam veram in ligno passionis suæ suspendisse, in qua serpens ille male suadendo hominem dejecit. Quam veram mortem nolunt isti conspiciere, et ideo non sanantur a veneno serpentis, sicut in eremo quicumque illum attenderent sanabantur. Itaque fatemur ab imperitis dici aliud esse affigi ligno, aliud in ligno pendere. Si enim quidam putant solvendam esse istam quæstionem, ut Judam dicant a Moyse maledictum qui laqueo se suspendit, quasi primo noverint utrum ex ligno an ex lapide ille se suspendiderit.

#### CAPUT XXVIII.

*De non præteriendo bove atque ove errante, sed fratri suo reducendo; similiter de asino et vestimento.*

(CAP. XXII.) « Non videbis bovem fratris tui, aut ovem errantem et præteribis, sed reduces fratri tuo, etiam si non est propinquus frater tuus, nec nosti eum: duces in domum tuam, et erunt apud te, quandiu quærat ea frater tuus et recipiat. » Hæc sententia, secundum litteram, æquitatem atque benignitatem, docet ut unusquisque commodum quod sibi ab alio impendi oportet, alteri impendere non denegat, secundum illam sententiam Salvatoris qua

præcepit dicens: « Omnia quæ vultis ut faciant vobis homines, hæc eadem et vos facite illis (*Matth. VII*). » Secundum allegoriam vero mysterium venerandum ostendit. Frater enim noster secundum naturæ susceptionem Christus est, qui in Evangelio, post resurrectionem suam, per mulieres mandavit discipulis suis dicens: « Ite, nuntiate fratribus meis ut eant in Galilæam; ibi me videbunt (*Matth. XXVIII*). » Hujus autem fratris bos aut ovis errat, cum quis de legis jugo ad fidem convocatus, vel simplex quilibet catholicus per hæreticos in errorem inducitur. Sed hæc animalia jubemur in domum nostram introducere, hoc est in sollicitudinem atque curam nostram suscipere, et in domo Ecclesiæ per unitatem fidei et pacis nobiscum servare, donec prædictus frater noster ad judicium veniens, eum repetiverit, a quo recedendo aberravit prius. Quod autem sequitur: « Similiter de asino, et de omni vestimento, et de omni re fratris tui quæ perierit, et si inveneris eam, non negligas quasi alienam. Si videris asinum fratris tui aut bovem cecidisse in via, non despicias, sed sublevabis cum eo. » Asinus hic gentilem hominem significat, cujus villitatem atque immunditiam non debemus despiciere, sed, quantum possumus, ad fidem eum ac religionem communem potius provocare. Vestimentum autem exteriora opera sunt, quæ si viderimus in aliquo a rectitudinis tramite deviare, in viam justitiæ dirigere debemus. Hoc enim ante omnia nobis cavendum est ne quoslibet fratres nostros errantes aut delinquentes per fastum superbiæ despiciamus, sed eorum casui mente pia magis condoleamus, atque per Dei gratiam melius eos, quantum valemus, restaurare certemus. Denique si videris quemlibet ex Judæis, sive ex gentibus, indoctum lege seu hebetem sensu, repentino casu in via præsentis vitæ in peccatum corruiere, per compassionem illi atque misericordiam subvenire debemus, quamvis gratiam Christi per pœnitentiam ac studium bonum iterum adipisci mereamur. Hinc enim instruit nos apostolus Paulus dicens: « Fratres, si præoccupatus fuerit homo in aliquo delicto, vos, qui spiritales estis, instruite hujusmodi in spiritu lenitatis, considerans teipsum, ne et tu tenteris. Alter alterius onera portate, et sic adimplebitis legem Christi (*Gal. VI*). »

#### CAPUT XXIX.

*Quod mulieres non debent veste virili uti, nec viri veste feminea.*

(IBID.) « Non induetur mulier veste virili, nec vir utetur veste feminea: abominabilis enim apud Dominum est qui facit hæc. » Alia editio hæc habet sic: « Non erunt vasa viri super mulierem. » Vasa bellica vult intelligi, id est, arma. Nam quidam etiam hoc interpretati sunt. Mystice autem quod dicit, « non induatur mulier veste virili, » ostendit illud quod Apostolus ait: « Non permitto mulieri docere in Ecclesia (*I Cor. XIV*). » Neque enim sacerdotium neque doctrina feminis in Ecclesia conceditur. Sed nec vir indui debet veste femi-

nea. Qui enim vir est et principatum gerit Ecclesiae, non debet aliquid femineum vel molle in sua doctriua habere. Moraliter autem docet quod unumquemque sexum induit natura indumentis ad usus diversos diversis : utriusque sexui diversus color, motus, incessus, vires diversae. « Docere autem, inquit, mulieri non permitto, neque dominari in virum. » Quam deforme autem virum facere opera muliebria! Ergo et pariant, ergo parturiant, qui crispant comam sicut et feminae: et tamen illae velantur, isti belligerantur. Verum habebant excusationem qui patrios sequuntur usus, sed tamen barbaros, ut Persae, ut Gothi, ut Armenii. Major quidem est natura quam patria. Quid de aliis dicimus, qui hoc ad luxuriam derivandum putant, ut calamistratos et torquatos habeant in ministerio, ipsi proluxa barba, illos remissa coma? Merito illic non servatur castimonia, ubi non tenetur sexus distinctio; in quo evidentia naturae magisteria sunt dicente Apostolo: « Dedecet mulierem non velatam orare Deum: anae ipsa natura hoc docet vos, quod vir quidem si comam habeat, ignominia est illi? mulier vero si capillos habeat, gloria est illi, quoniam quidem pro velamine sunt (I Cor. 11). »

### CAPUT XXX.

*De pullis et ovis, et ovis, in nido inventis.*

(Ibid.) « Si ambulans per viam, in arbore vel in terra nidum avis inveneris, et matrem pullis vel ovis desuper incubantem, non tenebis eam cum filiis, sed abire patieris, captos tenens filios, ut bene sit tibi, et longo vivas tempore. » Per viam cum quando per praesentem vitam pergimus, et nidus avis in arbore vel in terra est, quando verba historiae aut in contemplativa sunt, aut in activa vita: nam praecipua activae, avis nidus in terra est: praecipua contemplativae, nidus in arbore. Mater vero pullis vel ovis incubat, quando ipsa historia intellectum spiritalem fovet: et quaedam plano eloquio quasi pullos profert, quaedam vero ita insinuans, ut ex eis adhuc legentis animum ad altiora perducat, quasi adhuc sub se ova continet ex quibus pullos producat. Ova enim idcirco pariuntur ut ex eis pulli debeant duci, Et sunt quaedam contemplativae vite quae per quasdam modo imagines videntur, ut postmodum sicut sunt ipsa sua virtute et natura videantur. Nam Paulus ait: « Videmus nunc per speculum in aenigmate, tunc autem facie ad faciem (I Cor. 13). » Et caecus cum per impositionem manuum Redemptoris jam lumen recipere coepisset, requisitus est quid videret et dixit: « Video homines velut arbores ambulantes (Matth. xviii). » Homo quippe natura rationalis est, arbor autem nec sensibilis nec vivens. Et quid iste illuminatus caecus significat, nisi genus humanum? cui cum Dominus contemplationis oculos aperit, prius quaedam in aenigmate conspicit, ut postmodum illa vera et rationabilia coelestium agmina sicut sunt possit aspiciere. Unde et illic subdi-

tur: « Deinde posuit iterum manus super oculos ejus, et coepit videre: et restitutus est, ita ut videret clare omnia. » Prius itaque per speculum vidit ex similitudine, ut postmodum videret clare ex perfectione. Ad contemplativam ergo vitam in his verbis mater ovis incubat, quia sacra historia hoc incipiendo in aenigmate insinuat per quod aliquid fortius postmodum demonstrans, pullos viventes producat. Paulus quoque apostolus, cum quosdam incontinentes vivere cognovisset, admonuit dicens: « Propter fornicationem itaque unusquisque suam uxorem habeat, et unaquaeque suum virum habeat (I Cor. vii). » Et cum uxor habenda non sit, nisi liberorum procreandorum gratia, ne quis in fornicationis culpa laboretur, concessit conjugibus aliquid, unde adhuc surgere ad meliora potuissent. Qui ergo concessit unde animus conjugum usque ad legalem copiam perducere potuisset, quasi mater avis in terra, id est, historia, in activa vita posuit ova. Ipsi quoque praedicatorum sancti plus volunt Deum diligere quam timere; sed si timorem non insinuant, ad amorem minime perducunt. Unde prius terribilia et postmodum dulcia loqui solent, sicut per Psalmistam dicitur: « Virtutem terribilium tuorum dicent, et magnitudinem tuam narrabunt (Psal. cxliv). » Ac deinde subjungitur: « Memoriam abundantiae suavitatis tuae eructabunt, et justitia tua exultabunt (Ibid.). » Quando ergo ideo terrent ut ad amorem provocent, ova ponunt. « Perfecta ergo charitas foras mittit timorem (I Joan. iv). » Et tunc pulli vivere incipiunt, quando jam formidini non succumbunt. Ipsa quoque lex ova posuit cum dicit: « Oculum pro oculo, dentem pro dente (Levit. xxiv). » Sed pullos produxit postmodum, cum dicit: « Nec quaeras ultionem, nec memor eris injuriae civium tuorum. » Sed notandum quod de hac matre pullos dicitur: « Non tenebis eam cum filiis, sed abire patieris, captos tenens filios, quia scilicet in quibusdam locis praetermittenda est historia, ut soli hujus matris pulli, id est, spiritualis intelligentiae nobis sensus in esum veniat; nec nos mater, sed spiritualis intellectus sensibus satiet. Cum enim legimus aurum et argentum Aegyptiorum ab Hierosolymitico populo petitione deceptorum subreptum, et rursum cum legimus carnalia sacrificia omnipotenti Deo subjecta, quid in hoc verborum nido, nisi mater dimittenda est, et filii tenendi? Nos enim cum a quibusdam secularibus vigilantiam ingenii in defensione veritatis trahimus, et eorum eloquium in usum rectitudinis vertimus, quid aliud quam ab Aegyptiis aurum et argentum tollimus, ut ex eo et nos divites effici, et illi valeant pauperes ostendi? sicut scriptum est: « In captivitate redigentes omnem intellectum, in obsequium Christi (II Cor. x). » Et cum nostra corpora abstinentia domamus, quid aliud quam carnalia sacrificia omnipotenti Deo exhibemus? Sicut rursum per Paulum dicitur: « Ut exhibeatis corpora vestra hostiam viventem (Rom. xii). » Matrem igitur dimittentes, pullos edimus, cum hi-



storiarum exempla dimittimus, sed ex ea allegiarum A vivit qui per spiritalem intelligentiam eternitatis sensus in mente retinemus, Quia longo tempore ille annos approbendit.

## LIBER TERTIUS.

### CAPUT PRIMUM.

*De ædificatione domus novæ, ut murus per circuitum tecti ponatur, ne effundatur sanguis labente aliquo et in præceps ruente.*

(IBID.) «Cum ædificaveris domum tuam, facies murum tecti per circuitum, ne effundatur sanguis in domo tua, et sis reus labente alio et in præceps ruente.» Hujusmodi autem fabricæ in templi ædificatione mentio facta est, ubi ita scriptum est: «Et ædificavit tabulatum super omnem domum quinque cubitis altitudinis (III Reg. vi.)» Luriculas significans quæ in supremo domus tecto per circuitum erant factæ, ne quis ad altiora perveniens, repente laboretur ad ima. Mystice autem insinuat in omni tempore nostro munimine rectæ fidei ac protectione divina nos erigere, et quantum ex nobis est, custodiam humilitatis docet habere: ne si aliquas virtutum species in ædificio conversationis nostræ, vel in prædicationem aliorum congregare videmur, per incuriam atque desidiam nostram dispareant; quia, ut quidam sapiens dixit, Quasi in ventum pulverem portat, qui sine humilitate virtutes congregat. Quisquis ergo fidei munimentum in doctrina sua vel in exemplis ponere neglexerit, omnium qui inde periclitantur sanguine, hoc est, vita reus est, quia eos quos servare potuit per suam negligentiam perdidit.

### CAPUT II.

*De non serenda vinea altero semine, nec in bove et asino simul arando.*

(IBID.) «Non seres vineam tuam altero semine, ne et sementis quam seravisti, et quæ nascuntur ex vinea, pariter sanctificentur.» Vineam hic doctrinam possumus intelligere, sive plebem doctoribus commissam, ubi vinum gratiæ spiritualis gigni debet. Sed illic alterum semen serere prohibet, quia hæresim interponere omnino non consentit. Semen enim bonum est verbum Dei, Semen autem nequam, error quem inimicus homo seminavit in agro Dominico, sicut in Evangelio legitur (Matth. xi). Sed cavendum est omni modo ne aliquid intermixtum in doctrina sua inveniatur erroris, ne forte corrumpatur vitio nostro id quod ex dono nobis collatum est divino. «Non arabis in bove simul et asino.» In bovis nomine populus ex circumcissione, positus sub iugo legis, accipitur; in asino autem, populus gentium pertinens ad Evangelium. In bove quippe simul et asino arat, qui sic recipit Evangelium ut Judaicarum superstitionum, quæ in umbra et imagine præcesserant, caeremonias non derelinquat. Item, nonnunquam in bove bene operantium vita, in asino stultorum vecordia figuratur. Quid est ergo, «Non arabis in bove simul et asino?» Ac si diceret:

Fatum sapienti in prædicatione non socius, ne per eum qui rem implere non valet, et illi qui prævalet obsistas. Bovem quippe et asinum, si necesse sit, unusquisque sine detrimento operis jungit: sapientem vero et stultum, non ut unus præcipiat et alter obtemperet, sed ut pariter æquali potestate annuntient verbum Dei, sine scandalo quisque comites facit.

### CAPUT III.

*De non induendo vestimento ex lana linoque contexto; et de funiculis in fimbriis per quatuor angulos pallii faciendis*

(IBID.) «Non indueris vestimento, quod ex lana linoque contextum est.» Per lanam quippe simplicitas, per linum vero subtilitas designatur. Et nimirum vestis quæ ex lino lanaque conficitur, lnum interius celat, in superficie lanam demonstrat. Vestem ergo ex lana linoque contextam induit, qui sub locutione innocentie intus subtilitatem celat malitie. Hoc secundum moralem sensum. Cæterum, juxta allegoriam, lincis vestibus misceri lanam vel purpuram, et lineam lanaque veste indui, est inordinante vivere, et diversi generis professiones velle miscere: ut vel sancta mulieralis habeat ornamenta nuptiarum; aut ea quæ se non continens nupsit, speciem virginis gerat: omni modo hoc peccatum est. Et si quid inconvenienter ex diverso genere vel regione in vita cujusque contextitur. Verum illud tunc figurabatur in vestibus, quod nunc declaratur in meribus. «Funiculos in fimbriis facies, per quatuor angulos pallii tui quo operieris.» Jussorat quoque Moyses ut in quatuor angulis palliorum hyacinthinæ fimbrias facerent ad Israel populum dignoscendum; ut quomodo in corporibus circumcissio gentis Judæam signum daret, ita et vestis aliquam haberet differentiam. Sed et in Evangelio arguuntur superstitiosi magistri, quod captantes auram popularem, atque ex mulierculis sectantes lucra, faciebant grandes fimbrias, et acutissimas in eis spinas ligabant: ut velles ambulantes et sedentes, interdum pungerentur, et quasi hac commotione, retraherentur ad officia Dei et ministeria servitatis ejus.

### CAPUT IV.

*De eo qui vituperat uxorem suam obijciendo ei nomen pessimum fornicationis ante nuptias captas.*

(IBID.) Si duxerit vir uxorem, et postea offio habuerit, quasi eritque occasiones quibus dimittat eam, obijciens ei nomen pessimum, et dixerit: «Uxorem hanc accepi, et ingressus ad eam, non inveni virginem; tollent eam pater et mater ejus, et fereat secum signa virginitalis ejus ad seniores urbis qui in porta sunt, et dicet pater: Filiam meam dedi huic uxorem. Quam quia odit, impo-

nit ei nomen pessimum, ut dicat : Non inveni virginem familiam tuam, et ecce hæc sunt signa virginitatis filiae meae. Expandent vestimentam coram senioribus civitatis, apprehendentque senes ab his illius virum, et verberabunt eum, condemnantes insuper centum siclos argenti, quos dabit puella, quoniam diffamavit nomen pessimum super virginem Israel; habebitque eam uxorem, et non poterit dimittere omni tempore vite suae. Quod si verum est quod obijcit, et non est inventa in puella virginitas, ejicient eam extra fores domus patris sui, et lapidibus obruent viri civitatis eius, et morietur, quoniam fecit nefas in Israel, ut fornicaretur in domo patris sui, et auferes malum de medio tui. » Satis hinc apparet quemadmodum subditas feminas visis et pene famulas lex voluerit esse uxores : quod dicens adversus uxorem viri testimonium nade lapidaretur illa si hoc verum esse demonstraretur, ipse tamen non vicissim lapidatur si hoc falsum esse constiterit, sed tantummodo castigatur et damnificatur, cuique perpetuo fubetur adhaerere qua carere voluerat. In aliis autem causis quum qui testimonio falso cuiquam nocuerit, si proharetur, jussit occidi, et eadem poena plecti jubet, qua fuerat, si verum esset, iste plectendus. Secundum allegoriam autem hæc sensum in hoc loco tenere possumus, ut si quis doctor accipiat plebem sub eam ac regimine suo, et postea propter avaritiam atque ambitionem majoris principatus, seu qualibet illicita occasione, ecclesiam sibi commissam deserere voluerit, illique nomen pessimum sive hæresis, seu inobedientiae falso imposuerit, quod illam non invenit in ea virginitate qua Apostolus despondisse se dixit Corinthiorum ecclesiam, « uni viro virginem castam exhibere Christo (II Cor. xi), » pater puellae vestimentam coram senioribus civitatis ad probamentum virginitatis filiae suae expandit, cum ex collatione divinatorum Testamentorum, opera et fides plebis; apud magistros Ecclesiae difjudicatur. Deus enim pater universorum est, cujus indicio occulta manifestantur. Et cum repererit ex judicio divinatorum librorum doctorem illum invidia aut avaritia magis corruptum quam verum dixisse de subjectorum moribus ac fide, Ecclesiae auctoritate corripitur, atque redarguatur ab omnibus; centumque siclos argenti puella, hoc est, perfectionem doctrinae atque sollicitudinis impendere plebi susceptae cogatur. Nec unquam dimittere poterit, quia secundum canonicam sanctionem non licet ei de sua ecclesia ad aliam sine synodali auctoritate convolare. Si autem plebs illa stuprata seu vitiis corrupta inventa fuerit, ne postea per emendationem corrigere voluerit, extra fores domus Patris summi, hoc est, extra limina Ecclesiae sanctae episcoporum sententia pulsa, lapidibus duri anathematis obruatur, quia fidem catholicam corrumpere non timuit, nec postea poenitentiam de concepta nequitia agere, nec se corrigere voluit.

## CAPUT V.

*De adultero, sive adultera; et de eo qui alterius sponsam rapuerit.*

(Isr.) Si dormierit vir cum uxore alterius, uterque morietur, id est, adulter et adultera; et auferes malum de Israel. » Hac sententia quantum ad historiam pertinet, legislator persequitur Israel adulterium. Mystice autem insinuat, quod non licet Judæo sive hæretico corrumpere Ecclesiam Christi, quæ sponsa et uxor esse intelligitur, quia fides et dilectionis jure sibi associata est. Si autem adulterium hujusmodi perpetratum sit, corruptor et corrupta simul, sive per poenitentiam mori debent peccato, seu per vindictam impoenitentes, æterno deputabuntur tormento. « Si puellam virginem desponderit vir, et invenerit eam aliquis in civitate, et concubaverit cum ea, educes utramque ad portam illius, et lapidibus obruetur: puella, quia non clamavit cum esset in civitate; vir, quia humiliavit uxorem proximi sui: et auferes malum de medio tui. Si autem in agro repererit vir puellam quæ desponsata est, et apprehendens concubaverit cum illa, ipse morietur solus. Puella nihil patietur, nec est rea mortis, quoniam sicut latro contra fratrem suum consurgit et occidit animam, ita et puella perpressa est. Sola erat in agro, clamavit, et nullus affuit qui liberaret eam. » In isto enim capite et in sequentibus duobus, similiter corporalem fornicationem lex damnat, sicut et in duobus prioribus fecit. Secundum mysterium autem spiritualis hic fornicatio demonstrari valet. Puella ergo ista, vel plebs significat ecclesiasticam, vel animam Christianam divino verbo maritatum. Quam si quis Judæus, vel hæreticus, sive schismaticus, seu paganus, invenerit in civitate Ecclesiae catholicae constitutam, et ibidem errore maculaverit, ipsaque ei consensum erroris præbuerit, nec eum aliis manifestaverit, quatenus pro erratu suo corripiatur, ambo rei sunt mortis. Si autem Christiana effecta est illa persona nec in societatem sanctorum suscepta, sed tantum foris Ecclesiam per catechismum vera imbuta fide, et ibidem a quolibet erroneo fuerit corrupta, ac per falsitatem seducta, seductor ille per anathema puniri debet, illa autem ad fidem inceptam revocari, ac per gratiam baptismatis ab hostibus liberari.

## CAPUT VI.

*De eo qui cum puella nondum desponsata concubaverit.*

(Isr.) Si invenerit vir puellam virginem quæ non habet sponsum, et apprehendens concubaverit cum ea, et res ad judicium devenerit, dabit qui dormivit cum ea patri puellæ quinquaginta siclos argenti, et habebit eam uxorem, quia humiliavit eam; non poterit eam dimittere cunctis diebus vite suae. » Si autem invenerit aliquis puellam virginem, quæ sponsata non est, et vim faciens ei dormierit cum ea, dabit patri quinquaginta didrachma argenti, et ipsius erit uxor, quia humiliavit eam; non poterit dimittere per omne tempus. Merito quaeritur utrum ista poena sit ut non possit eam

dimittere per omne tempus, quam inordinate atque illicite violavit. Si enim ob hoc intelligere voluerimus eam non posse, id est, non debere dimitti per omne tempus, quia uxor effecta est, occurreret illud quod permisit Moyses, dare libellum repudii et dimittere (*Deut. xxiv*). In his autem quæ illicite vitiant, noluit licere, ne ad ludibrium fecisse videatur, ut potius finxisset quod eam uxorem duxerit, quam vere placitoque duxisse. Hoc et de illa jussum est, cui fuerit vir calumniatus, de virginalibus non inventis. « Non accipiet homo uxorem patris sui, nec revelabit operimentum ejus. » Pater noster secundum conditionem qua nos creavit Christus est; uxor est ejus Ecclesia. Non licet homini dignitatem sponsi istius transferre in se, nec violare sponsam ejus. Violat enim, si amorem quem ipse sponso servare debuit, commutat in se, quando ex dono percepto virtutis sive prædicationis propriam laudem quærit, non Dei. Hoc enim studere debet unusquisque doctor ut totum amorem plebis sibi commissæ convertat in Deum, ejusque gloriam et honorem quærat, cujus dono percepit id quod aliis largitur dicens Domino cum propheta: « Non nobis, Domine, non nobis, sed nomini tuo da gloriam, super misericordiam tuam et veritatem tuam (*Psal. cxiii*). »

## CAPUT VII.

*De eunuchis atque mazeribus; et de Ammonitis atque Moabitibus, decretum legis.*

« (*Cap. xxiii*.) Non intrabit eunuchus attritis vel amputatis testiculis et absciso veretro ecclesiam Domini. » Quod autem dicitur, non intrabit eunuchus attritis et amputatis testiculis et absciso veretro ecclesiam Domini, ostendit quod omnes qui molli-ter vivunt, nec exercent opus virile, non possunt permanere in congregatione sanctorum, nec digni habentur in introitu regni cælorum: maxime cum ipsa Veritas in Evangelio ait: « Regnum cælorum vim patitur, et violenti diripiunt illud (*Matth. xi*). » « Non ingredietur mazer, hoc est, de scorto natus, in ecclesiam Domini usque ad decimam generationem. » Quis est qui de scorto natus est, nisi qui degener sensu et moribus est, vel quem hæreticorum pravitas in susceptione sacramentorum degenerem fecit, sive qui gentilitati seu judaismi ritu commaculatus est? Is enim tunc recipiendus est intra Ecclesiam, cum per fidei integritatem decalogum legis secundum sancti Evangelii institutionem spiritualiter observaverit, et carnalem conversationem Spiritu sancto rite abdicaverit. Unde Salvator de sua salute quærenti respondit dicens: « Si vis ad vitam ingredi, serva mandata (*Matth. xix*). » Et item: « Ego sum, inquit, ostium. Per me si quis introierit, salvabitur, et pascua inveniet (*Jaan. x*). » « Ammonites et Moabites, etiam per decimam generationem non intrabunt ecclesiam Domini in æternum, quia noluerant vobis occurrere cum pane et aqua in via, quando egressi estis de Ægypto, et quia conduxerunt contra te Balaam filium Beor de Mesopotamia Syriæ, ut malediceret

tibi, et noluit Dominus Deus tuus audire Balaam, virtutemque maledictionem ejus in benedictionem tuam, eo quod diligeret te. Ne facias cum eis pacem, nec quæras eis bona, cunctis diebus vitæ tuæ in sempiternum. » Alia editio sic habet: « Non intrabit Ammonites et Moabites in ecclesiam Domini, usque in sempiternum. » Quæstio est quomodo intraverit Ruth, quæ Moabitis fuit, de qua etiam caro Domini originem accepit (vel duxit, nisi forte istam mystice prophetaverit intraturam cum ait, « usque ad decimam generationem. » Computantur enim generationes ex Abraham et Loth, qui genuit Moabitas ex filiabus: et inveniuntur cum ipso Abraham compleri decem generationes, usque ad Salmon, qui genuit Booz, qui maritus secundus fuit Ruth. Sunt enim istæ: Abraham, Isaac, Jacob, Judas, Phares, Esrom, Aram, Aminadab, Naason, Salmon. Salmon quippe genuit Booz, qui viduam duxit Ruth: ac per hoc videtur post decimam generationem genus fecisse in ecclesia Domini, pariens filios, ipse Booz. Sed cur additum sit, et usque in æternum, merito adhuc quæritur. An quia deinceps nulla anima de Ammonitis et Moabitis intrabit in illam ecclesiam populi Hebræorum, postea quam ista generatione decima prophetia completa est? An potius ita dictum est, « et usque ad decimam generationem, » ut omnino semper intelligi voluerit per denarium numerum quamdam universitatem, ut hoc exposuerit quodammodo addendo et dicendo, « et usque in æternum? » Quod si ita est, Ruth contra præceptum vetitum videtur admissa? An Ammonitas prohibuit admitti, non Ammonitidas, id est, viros, inde, non feminas, maxime quia cum evertissent Israelitæ ipsi gentes, omnes viros occidere jussi sunt, feminas autem non nisi eas quæ noverant concubitum viri, quoniam ipsæ in fornicationem seduxerant populum; virgines autem salvas esse voluerunt, non eis imputantes culpam, quia everti illa gens meruit? quam etiam hic commemoravit, velut quærentur cur Moabitas et Ammonitas admitti noluerint in Ecclesiam Domini, subjunxit: « Eo quod non obviaverint vobis cum panibus et aqua in via cum exiretis de Ægypto, et quia conduxerunt adversum te Balaam filium Beor de Mesopotamia, ut malediceret te. » Has culpas ne tunc quando illa gens debellata est, feminis imputaverunt, quas salvas conservare valuerunt. Quod vero Ammonites et Moabites non permittuntur in æternum intrare in Ecclesiam, significat hæreticos ab Ecclesia semper esse repellendos. « Hæreticum enim, inquit, hominem, post unam et alteram correptionem, devota (*Tit. iii*). »

## CAPUT VIII.

*De non abominanda Idumæo neque Ægyptio.*

« (*Iain.*) Non abominaberis Idumæum, quia frater tuus est, nec Ægyptium, quia advena fuisti in terra ejus. Qui nati fuerint ex eis, tertia generatione intrabunt Ecclesiam Domini. » Per Ægyptium et Idumæum significatur præsens vita, cui quamvis renuntiantes Ægyptiam terram, id est,

pristinam conversationem, et mundi concupiscentiam declinemus, tamen dum hujus mundi necessitatibus subdimur, quasi Ægyptiam nationem nequaquam exstinguimus, licet ab ipsa quadam discretione separeremur: non de superfluis cogitantes, sed sumus, secundum Apostolum, victa quotidiano indumentoque contenti (1 Tim. vi). Quod autem dicitur, « Qui autem nati fuerint ex illis, tertia generatione intrabunt in Ecclesiam Domini, » significat, quod tunc secularis quisque potest sanctus Dei conjungi, cum perfecte crediderit in Patrem et Filium et Spiritum sanctum, vel cum spe et charitate sit ornatus. « Quando egressus fueris adversus hostes tuos in pugnam, custodies te ab omni re mala. » Hac sententia legislator instruit maxime spirituales milites Christi, quatenus se observent ab omni peccato et vitio, quibus contra spirituales semper hostes est dimicandum. Unde et Paulus apostolus hujusmodi verba ad auditores suos protulit dicens: « Omnis qui in agone contendit, ab omnibus se abstinet. Et illi quidem ut corruptibilem coronam accipiant, nos autem incorruptam, etc. »

#### CAPUT IX.

*De eo qui nocturno pollutus fuerit somnio, et de digestionem ciborum.*

« (IBID.) Si fuerit inter vos homo qui nocturno pollutus sit somnio, egredietur extra castra, et non revertetur, priusquam ad vesperam lavetur aqua, et post solis occasum, regredietur in castra. » Multa lex ponit in sacramentis et umbris futurorum. Quædam ergo in semine materialis informitas, quæ formata corpus hominis redditura est, in significatione posita est vitæ informis et ineruditæ. A qua informitate, quoniam oportet hominem doctrinæ forma et eruditione mundari, in hujus rei signum, illa purificatio præcepta est post seminis emissionem. Neque enim et in somnis peccatum sit, et tamen etiam ibi præcepta est purificatio. Aut et si hoc peccatum quisquam putat, non arbitrans accidere nisi ex aliquo hujusmodi desiderio, quod procul dubio falsum est, nunquid et solita mensium peccata sunt feminarum? A quibus tamen easdem legis vetustas præcepit expiari, non nisi propter ipsam materialem informitatem, quæ, foetu concepto, tanquam in ædificationem corporis additur, ac per hoc cum fluit informiter, significari per illam lex voluit animum sine disciplinæ forma indecenter fluidum ac dissolutum, quem formari oportere significat, cum talem fluxum corporis jubet purificare. Postremo, nunquid et mori peccatum est? Aut mortuum sepelire, non etiam bonum opus humanitatis est? Et tamen purificatio exinde mandata est, quia et mortuum corpus vita deserente non peccatum est, sed peccatum significat animæ desertæ a justitia. Quid hoc loco per nocturnum somnium, nisi tentatio occulta signatur? Per quam tenebrosa cogitatione turpe aliquid corde concipitur, quod tamen corporis opere non expletur. Sed somnio nocturno pollutus, egredi præcipitur, quia videlicet dignum est ut qui immunda

cogitatione polluitur, indignum se cunctorum fidelium societatibus arbitretur, culpæ suæ meritum ante oculos ponat, ex bonorum se æstimatione despiciat. Pollutum ergo extra castra exire est turpi impugnatione laborantem, sese ex continentium comparatione despiciere, quia ad vesperam lotus aqua, cum defectum suum despiciens, ad lamenta pœnitentiæ convertitur uti fletibus deleat omne peccatum quod animo occulta inquinatio accusat. Sed post occasum solis ad castra redeat, quia, defervescente tentationis ardore, necesse est ut iterum fiduciam erga societatem sumat bonorum. Postea quippe occumbente sole ad castra revertitur, qui post lamenta pœnitentiæ, frigescentem flammam cogitationis illicitæ, ad fidelium merita præsumenda reparatur: ut etiam se a cæteris longe esse non æstimet, qui mundum se per obitum intimi ardoris gaudet. « Habebis locum extra castra, ad quem egrediaris ad requisita naturæ, ge- reus paxillum in balteo. Cumque sederis, fodies per circuitum, et egesta humo operies quo rele- valus es. Dominus enim Deus tuus ambulat in medio castrorum ut eruat te et tradat tibi inimicos tuos, ut sint castra tua sancta, et nihil in eis appareat foeditatis, ne derelinquat te. » Naturæ corruptibilis pondere gravatæ, a mentis nostræ utero, quædam cogitationum superflua quasi ventris gravamina erumpunt. Sed portare sub balteo paxillum debemus, ut videficet apprehendendos nosmet ipsos semper accincti, acutum circa nos stimulum compunctionis habeamus, qui incessanter terram mentis nostræ, pœnitentiæ dolore confodiat, et hoc a nobis fetidum erumpat et abscondat. Ventris quippe egestio fossa humo per paxillum tegitur, cum mentis nostræ superfluitas, subtili redargutione discussa, ante Dei oculos per compunctionis suæ stimulum celatur.

#### CAPUT X.

*De non tradendo servo fugitivo domino suo.*

(IBID.) « Non tradas servum domino suo qui ad te confugerit. Habitabit tecum in loco qui ei placuerit, et in una urbium tuarum requiescet, ne contristes eum. » Non tradas puerum domino tuo, qui appositus est tibi a domino suo. Non quod dominus ejus eum apposuerit, id est, commendaverit. Potius enim depositum diceret; sed appositum dixit a domino suo, id est, huic adjunctum cum ab illo accessisset. Non ergo suscipi, sed reddi potius prohibet fugitivos. Hoc quid sit dubitari potest, nisi intelligamus genti et populo ista dici; non uni homini. Ex alia itaque gente refugientem ad istam gentem, cui loquebatur, hominem a domino suo, id est, a rege suo, reddi prohibuit. Quod etiam alienigena servavit Amam rex Geth, quando ad eum refugit David a facie domini sui, hoc est, regis Saul. Apertissime autem hoc explorat cum dicit de ipso: « Refuga in vobis habitabit, in omni loco ubi placuerit ei. » Mystice autem hoc mandat cœtui prædicator, ut eum qui a servitute diabolica, hoc est, ab infidelitate seu a pondere peccatorum ad pœnitentiam

tiam ac fidem Christi confugerit, nunquam Domino priori qui eum inhiante repeteret voluerit, tradat respicendo scilicet atque in desperationem illum mittendo, sed magis eum colloquet sub munimine fidei catholice, ac sub tutela sancte Ecclesie, ut ibi veraciter requiescat, nec ultra ad servitium pristinum redeat.

### CAPUT XI.

*Quod non meretrix neque scortator de filiis Israel esse debet, nec mercedem prostibuli, nec pretium canis oportet in domum Domini offerri.*

(Ibid.) « Non erit meretrix ex Israel, et non erit fornicans a filiis Israel. » Ecce ubi manifeste prohibuit fornicari, et viros et feminas etiam cum alienis conjugibus peccatum esse demonstrans, misceri conjugibus non suis, quando et meretrices esse, et ad meretrices accedere prohibet, quarum publicæ est venalis turpitudine. In decalogo moysi nomine non videtur hoc aperte prohibuisse, quoniam meretrix non nisi adulterium intelligi solet. Unde quid nobis videretur, ibi tractabamus. Spiritualiter autem innuit, quod nullo modo liceat animæ Christianæ erroribus hæreticorum se commiscere; nec eum qui filius adoptivus est Dei Patris, impudicitiae atque libidini se tradere, neque cum diabolo foedus nefandum inire; unde et doctor gentium ait: « Fugite fornicationem: non enim vocavit nos Deus in immunditia, sed in sanctificatione. Nolite jugum ducere cum infidelibus. Quæ enim participatio justitiæ cum iniquitate? Qui autem consensus templo Dei cum idolis? Aut quæ societas luci ad tenebras? Quæ autem conventio Christi ad Belial? Aut quæ pars fidei cum infideli? Qui autem consensus templo Dei cum idolis? Vos enim estis templum Dei vivi, sicut dicit Deus: Quod inhabitabo cum illis, et ambulabo inter eos, et ero illorum Deus, et ipsi erunt mihi populus. Propter quod exite de medio eorum, et separamini, dicit Dominus: et immundum ne tetigeritis, et ego recipiam vos, et ero vobis in patrem, et vos eritis mihi in filios et filias, dicit Dominus omnipotens (II Cor. vi). »

« Non offeres mercedem prostibuli, nec pretium canis in domum Domini Dei tui, quicquid illud est quod voverint: quia abominatio est utrumque apud Dominum Deum tuum. » Non offeres mercedem meretricis, neque communicationem canis in domum Domini Dei tui ad omne votum: quoniam abominatio Domino Deo tuo est, et hoc non unum horum, sed utrumque. De cane quippe vetat fieri commutationem primogenitorum, quam jubet fieri de aliis immundis animalibus, id est, equis et asinis; et si quid eorum est quæ adjuvant hominem: et Latine a juvando jumenta dicuntur. De cane autem noluit, utrum et de porco? Et quare noluerit requirendum est, et si de omnibus talibus noluit, quare solum canem isto loco exceptum fecerit? De mercede autem meretricis ut dicebat, videtur ea esse causa, quia superius prohibuit esse meretricem de filiis Israel, aut nequaquam filiorum Israel uti meretricis; et ne subrepat cogitationi expiari posse

A hoc peccatum, si aliquid inde offerretur in templum, dicendum fuit quod sit abominatio Domino. Moraliter autem ostenditur quod sicut merces prostibuli abominatio est Domino, sic et donum rapacitatis. Canes enim rapaces significant. Non enim placere Deo potest oblatio quæ offertur ex rapina; unde per Sapientiam dicitur: « Dona iniquorum non probat Altissimus, nec respicit in oblationibus iniquorum, nec in multitudine sacrificiorum eorum propitiabitur peccatis. Qui offert sacrificium ex substantia pauperum, quasi qui victimam filium in conspectu patris sui (Ecol. xxxiv). »

### CAPUT XII.

*Usuram vetat et vas de vicinis proximi offerri; similiter et falce segetem proximi meti prohibet.*

(Ibid.) « Non foverabis fratri tuo ad usuram pecuniam, nec fruges, nec quamlibet aliam rem, sed alieno. Fratri autem tuo absque usura id quod indiget, commodabis, ut benedicat tibi Dominus Deus tuus in omni tempore, in terra ad quam ingredieris possidendam. » Benignitatem atque justitiam hac sententia legislator docet, quia usuras per fraudem atque avaritiam nos colligere prohibuit, et indigenti charitatem impendere jubet. Frater autem noster unusquisque catholicus est, cui secundum spiritalem sensum, frugem verbi, gratis impendere debemus, quatenus nobiscum utatur cilio celesti. Alienus infidelis quilibet est atque seculus, cui ad usuram pecuniam damus, quando pro expense prædicationis verbo, penitentiam peccatorum, et insuper fidem cum operibus bonis ab eo postulamus. Duobus modis in Scripturis sacris pecunia probatur intelligi. Una est ista metallica, quæ ad usuram dari omnino prohibetur, quoniam vitium cupiditatis est exigere velle quod te nescias commoedare. Hanc pecuniam quidem habuit Dominus Jesus Christus, quam Judæ tradidit pauperibus erogandam, quam non dedit ad usuram, quando illam indigentibus ad informandos nos pia largitate concessit. Altera vero est quam ad usuram dari, Evangelio dicente, suademur, id est, prædicationes sanctissimas et instituta divina. Ait enim: « Sciebas me hominem durum et austum. Nonne oportuerat te committere pecuniam meam numulariis, et ego veniens exegissem utique cum usuris quod meum est? » Sic enim istud æquivocum verbum pro locorum qualitate suscipitur. « Ingressus vineam proximi tui, comede uvam quantum tibi placuerit; foras autem ne offeras tecum. » Vineam hoc loco vel Scripturas sacras, ubi gratia spiritalis reperitur, vel Ecclesiam catholicam, quam in parabola Evangelii expressam vineam nomine legimus, accipere possumus. Proximus autem noster cujus ipsa vinea est, Redemptor humani generis est. Quisquis hanc vineam ingreditur, uvæ ei comedere, hoc est incarnationem Christi credere, et sacramentis ejus in ea participare licet. Foras autem, hoc est extra Ecclesiam, hanc gratiam nullo modo offerri licebit, quia in una domo carnes agni edi jubentur. « Si intraveris segetem amici tui, franges spicas et

« manu conteres, falce autem non metes. » Quid est enim segetem amici intrare, nisi legem Christi, qui verus amicus noster est, pie meditari? Ubi frangere spicas et manu conterere, hoc est litteram legis in opportunis locis ad spiritalem sensum redigere, nobis conceditur; falce autem metere, hoc est omnes Scripturas in malum sensum vertere, penitus interdicitur. Sunt ergo quædam loca in Testamentis divinis, quæ historialiter fidem imbuunt; quædam vero quæ moraliter ad sanctam conversationem instituunt; quædam etiam quæ non secundum historiam, sed secundum allegoriam veneranda mysteria ostendunt: at ideo ubique diligenti lectori summa discretionem opus est, ut in prædicta segete Domini, per cautelam pastum sibi salutem querat, ne tamen per temeritatem in iudicium læsæ messis incidat.

## CAPUT XIII.

*De dimittenda uxore odiosa cum libello repudii.*

(CAP. XXIV.) « Si acceperit homo uxorem et habuerit eam, et non invenerit gratiam ante oculos ejus propter aliquam fœditatem, scribet libellum repudii, et dabit in manu ejus, et dimittet eam de domo sua. Cumque egressa alterum maritum duxerit, et ille quoque oderit eam, dederitque ei libellum repudii et dimiserit de domo sua, vel certe mortuus fuerit, non poterit prior maritus recipere eam in uxorem, quia polluta est, et abominabilis facta est coram Domino, etc. » Istum locum plenius Salvator exponit, quod Moyses libellum repudii dari jusserit, propter duritiam cordis meritorum, non discidium concedens, homicidium (Matth. xix). Multo enim melius licet lugubrem evenire discordiam quam per odium sanguinem fundi. Multæ erant in veteri lege causæ uxores dimittendi. Dominus autem in Evangelio solam causam fornicationis exceptit: cæteras vero molestias universas, si quæ forte extiterint, jubet pro fide conjugali, et pro castitate, fortiter sustinere. Et mœchum dicit etiam virum qui eam duxerat quæ soluta est viro: cui rei apostolus Paulus terminum ostendit, quia tandiu observandum dicit, quandiu vir ejus vivit, illo autem mortuo, dat nubendi licentiam (I Cor. vii). Hanc etiam regulam ipse tenuit, et in ea non solum consilium, sicut et in nonnullis monitis, sed præceptum Domini jubentis ostendit cum dicit: « Eis autem quæ nupta sunt præcipio, non ego sed Dominus, mulierem a viro non discedere (Ibid.). » « Quod si discesserit, manere in nuptam, aut viro suo reconciliari. Et vir uxorem ne dimittat. » Credo simili forma, ut si dimiserit, non ducat aliam, aut reconcilietur uxori. Fieri enim potest ut dimitteret uxorem causa fornicationis, quam Dominus exceptam esse voluit. Jam vero si nec illi jubere concederetur, vivo viro a quo recesserit, neque huic aliam ducere viva uxore quam dimisit, multo minus fas est illicita cum quibuslibet stupra committere. Beatiora sane conjugia judicanda sunt, quæ sive filiis procreandis, sive etiam ista terrena prole

<sup>a</sup> Locus corruptus.

contempta, continentiam inter se pari consensu servare poterunt: quia neque contra illud præceptum fit, quo Dominus dimitti conjugem vetat. Non enim dimittit qui cum ea non carnaliter, sed spiritualiter vivit, et illud servatur, quod per Apostolum dicitur: « Reliquum est, ut qui habent uxores, quasi non habentes sint (Ibid.). » Mystice autem homo hic Christum demonstrat, qui accepit uxorem, cum associare sibi voluit synagogam, quam etiam dudum desponsabat, quando ei legem dedit in justitia, et iudicio, et misericordia, sicut in Moysse scriptum est. Sed illa non invenit gratiam ante oculos ejus propter incredulitatem suam et fœditatem idololatriæ. Unde ei scripsit libellum repudii, condendo videlicet Evangelium, ubi manifestissime declaratur, quod ipsa indigna fuit spiritualis hujus consortii, cum Christum persequendo, tradidit ad crucem, et magis elegit sibi dari Barabban latronem, quam Dominum Salvatorem. Datus est libellus repudii in manus Ilii, cum potestas illi data est Redemptorem crucifigi: unde juste meruit abjici, et dimissa est a domo sua, cum a sancta ejecta est Ecclesia. Hinc quoque in Evangelio ipse Dominus præferens illis fidem centurionis, ait: « Multi venient ab oriente et occidente, et recumbent cum Abraham, et Isaac et Jacob in regno cœlorum: filii autem regni hujus eicientur in tenebras exteriores, ubi erit fletus et stridor dentium (Matth. viii). » Quod autem sequitur: « Cumque egressa, alterum maritum duxerit, et ille propter fœditatem suam oderit eam, dederitque ei libellum repudii, quia dimiserit de domo sua, non poterit prior maritus recipere eam, quia polluta est et abominabilis facta, » significat quod, licet apostoli post passionem et resurrectionem Christi synagogam ad pœnitentiam et ad fidem catholicam suis prædicationibus provocaverint, eamque vellent spiritualibus nuptiis copulari, tamen indigna fuit prioris mariti consortio, quia polluta errore, et in voluptatibus suis abominabilis facta, in fœditate pristina permansit. Unde legitur quia apostoli Christi Paulus et Barnabas in Antiochia, excusso pulvere pedum in Judæos, dixerunt: « Vobis oportebat primum loqui verbum Dei, sed quoniam repellitis illud, et indignos vos judicatis vitæ æternæ, ecce convertimur ad gentes (Act. xiii). » Tropologice autem homo uxorem accipit, cum actionis terrenæ suscipit curam, cujus cum fœditatem cognoverit, dat libellum repudii, et dimittit eam de domo sua, quia sæpe ipsa terrena actio, quæ prius quam haberetur fortiter amabatur, cum habita fuerit, cujus sit fœditatis agnoscitur, cum esse polluta per peccata videtur. Dimittat ergo vir eam de domo sua, ut amorem ejus abjiciat a mente sua. Quæ egressa alterum virum accipiat, quia terrenam actionem quam tu deseris, alius concupiscit. Sed fortasse et ipsi in odium quandoque ventura est, ut eam utiliter dimittat. Bene autem dicitur, « Dimiserit eam, vel certe mortuus fuerit, » quia unusquisque terrenam curam aut dimittit

tit, aut moritur, id est, aut non ei ex animo succumbet, aut per eam funditus in animæ vita succumbet. Sive ergo eam sequens maritus dimiserit, sive mortuus fuerit, maritus prior non poterit eam in uxorem recipere, quia polluta est. Ut videlicet is qui semel curam terrenam atque præsentis vitæ intentionem reliquerit, ad eam ultra nullo modo redeat, quoniam ipse suo iudicio jam eam polluit, qui eam prius ideo deseruit, quia pollutam esse cognovit. Unde recte subjungitur : « Ne peccare facias terram tuam quam Dominus Deus tuus tibi tradiderit possidendam. » Polluet enim terram suam, qui carnalibus desideriis et concupiscentiis hujus mundi coinquinat corpus suum; ideo necessarium valde est, ut ambitionem vitæ præsentis edomare fortiter festinet, ne forte ipsa valeat dominari. Et cum terrena actio semel fuerit repulsa, non est iterum repetenda, ne post tergum respiciat, qui super aratrum manum posuisse videbatur (*Luc. ix.*)

## CAPUT XIV.

*De eo qui nuper nupsit, quod nulla necessitas publice ei injungenda est.*

(*IBID.*) « Cum acceperit homo nuper uxorem, non procedet ad bellum, nec ei quidpiam necessitatis injungatur publice, sed vacabit absque culpa domni suæ, ut uno anno lætetur cum uxore sua. » Quid autem per hanc sententiam nobis innuitur, nisi ut quicumque carnalibus desideriis se obligant, ad regimen Ecclesiæ atque spiritalem intelligentiam se inhabilem esse cognoscant? Unde Paulus apostolus discipulo præcepit dicens : « Nemini cito manum imposueris » (*I Tim. v.*) Et item : « Nemo, inquit, militans Deo, implicet se negotiis sæcularibus, ut ei placeat, cui se probavit » (*II Tim. ii.*) « Non accipies loco pignoris inferiorem et superiorem molam, quia animam suam apposuit tibi » Accipere namque aliquando dicimus auferre. Unde et aves illæ quæ ad rapiendum sunt avidæ, accipitres vocantur; unde et Paulus apostolus dicit : « Sustinetis enim si quis devorat, si quis accipit » (*II Cor. xi.*) Ac si diceret, « si quis rapit. » Pignus vero debitoris est confessio peccatoris. A debitore enim pignus accipitur, cum a peccatore jam peccati confessio tenetur. Superior autem et inferior est mola, spes et timor. Spes quippe ad alta subvehit, timor autem cor inferius premit. Sed mola inferior et superior ita sibi necessario junguntur, ut una sine altera inutiliter non habeatur. In peccatoris itaque pectore incessanter debet spes et formido conjungi, quia incassum misericordiam sperat, si non etiam timet justitiam; incassum justitiam metuit, si non etiam in misericordia confidit. Loco autem pignoris mola superior aut inferior tolli prohibetur, quia qui prædicat peccatori, tanta dispensatione componere prædicationem debet, ut nec derelicta spe timorem subtrahat, nec subtracta, in solo eum timore derelinquat. Tollit enim superiorem molam, si flenti peccatum dicat non habendam veniam de commissis. Tollit inferiorem, si peccantem deceptione palpet ac dicat : Age

PATROL. CVIII.

A malum in quantum potes absque metu : nam Deus pius est, et ad indulgendum paratus. Sed utiliter tunc mola utraque habetur, si et spes sit cum emendante formidine, et formido fuerit cum spe.

## CAPUT XV.

*De eo qui sollicitans fratrem suum vendiderit, et cautela lepræ.*

(*IBID.*) « Si deprehensus fuerit homo sollicitans fratrem suum de filiis Israel, et vendito eo acceperit pretium, interficietur : et auferes malum de medio tui. » Assidue hoc dicit Scriptura, cum jubet occidi malos : qua locutione usus est etiam Apostolus cum diceret : « Quid enim mihi de his qui foris sunt, judicare? Nonne de his qui intus sunt, vos judicatis? Auferite malum ex vobis ipsis » (*I Cor. v.*) Nam Græcus habet τὸν πονηρὸν : quod etiam hic scriptum est. Hoc autem potius malignum solet interpretari quam malum. Nec ait, τὸ πονηρὸν, id est, malignum. Ex quo apparet eum voluisse intelligi, qui aliquid tale commisit, ut excommunicatione dignus sit. Hoc enim nunc agit in Ecclesia excommunicatio, quod agebat tunc interfectio. Quamvis aliter illud apostolicum possit intelligi ut unusquisque malum vel malignum, ex seipso sit jussus auferre. Quis sensus acceptabilior esset, si hoc malum vel hoc malignum, non autem hunc malignum in Græco inveniretur? Nunc vero credibilius de homine dictum quam de vitio. Quanquam possit eleganter intelligi etiam homo auferre a se malum hominem, quemadmodum dictum est. « Exuite vos veterem hominem » (*Ephes. iv.*) Quod exponens ait : « Qui furabatur, jam non furetur. »

« Observa diligenter ne incurras plagam lepræ, sed facias quæcumque docent te sacerdotes Levitici generis, juxta quod præcepi eis, imple sollicitate. » Hic apparet omnem sacerdotem Levitam fuisse, quamvis non omnis Levites sacerdos fuerit. Typice autem docet nos Scriptura, quatenus cauti simus, ne per lepram erroris maculemur, neque hæreticorum astutia seducamur. « Sermo enim eorum, juxta Pauli vocem, ut cancer serpit » (*II Tim. ii.*) : et si permittitur, totam conversationem nostram contaminat, atque animum in infernum præcipitat.

## CAPUT XVI.

*De non repetendo pignore, et de non neganda mercede indigentis et pauperis.*

(*IBID.*) « Cum repetes a proximo tuo rem aliquam quam debet tibi, non ingredieris in domum ejus ut pignus auferas, sed stabis foris, et ille proferet tibi quod habuerit. Si autem pauper est, non pernoctabit apud te pignus, sed statim reddes ei ante solis occasum, ut dormiens in vestimento suo, benedicat tibi, et habeas justitiam coram Domino deo tuo. » Non immerito videtur ad opus misericordiæ pertinere, ut non intret pignerator in domum, ne fiat perturbatio debitori, sed ex hoc etiam ipsum debitorem admonet pignus foras proferre creditori. Quod vero jubet egenti pignus eodem die restitui, ut in eo dormiat, qui non habet ubi dormiat,

merito movet ut requiratur, cur non potius creditori præceperit ut non auferat pignus quod eodem die oportet restitui. Quod si ad compellendum debitorem fieri voluerit, quomodo se urgeat ad reddendum, cum sciat pignus eodem die se receptorum? An forte hoc fieri voluerit propter memoriam, ne obliviscatur reddere, et tunc non reddat, si vere non habuerit? maxime quia creditoris sui misericordia vincitur, cui esse non debet ingratus si pignus recepit in quo dormiat; simul et creditor, cum ille non reddiderit, debet eum credere non habere, qui hac eget misericordia, ut pignus ei propterea restituatur, quod aliud non habet ubi dormiat.

« Non negabis mercedem indigentis, et pauperis et fratris tui, sive advena, qui tecum moratur in terra, et intra portas tuas est, sed eadem die reddes et pretium laboris sui ante solis occasum, quia pauper est, et ex eo sustentat animam suam, et ne clamet contra te ad Dominum, et reputet tibi in peccatum. » Secundum historiam lex commendat nobis misericordiae affectum, et æquitatis operis erga indigentes et pauperes. Juxta allegoriam vero instruit plebem, qualiter erga prædicatores suos debeant esse solliciti. Ipsi enim sunt pauperes spiritu, quibus Dominus in Evangelio præcepit, « ut neque sacculum, neque peram, neque calceamenta portarent in via, neque duas tunicas haberent, sed neque in zonis æs » (Luc. x). Unde autem sperare deberent necessaria, subjunxit dicens: « Dignus est operarius mercede sua. » Hinc et Paulus ait: « Laborantem agricolam oportet de fructibus percipere » (I Tim. ii). Unde et Dominus ordinavit, « his qui Evangelium annuntiant, de Evangelio vivere. » Et item: « Si seminavimus vobis, inquit, spiritualia, magnum est si vestra metamus carnalia? » (I Cor. ix.) Ante solis ergo occasum pretium laboris sui a subjectis, ipsis doctoribus reddendum est, quia in præsentī vita eis necessaria præberi oportet, salva mercede futura, quam in æterna vita a largitore omnium honorum accepturi sunt.

#### CAPUT XVII

*De non occidendis patribus pro filiis, nec filiis pro patribus; et non pervertendis judiciis advenæ et pupilli.*

(Ibid.) « Non occidentur patres pro filiis, nec filii pro patribus, sed unusquisque in suo peccato morietur. » Ecce non solum prophetæ hoc dixerunt, verum etiam lex dicit sua culpa quemque interimendum; non autem patris sui aut filii sui. Quid est ergo quod Deus dicitur reddens peccata patrum in filios, in tertiam et quartam generationem? An de filiis nondum natis intelligitur, propter originale peccatum, quod etiam ex Adam traxit genus humanum? Hic autem jam natis facta distinctio, ut unusquisque in suo peccato proximo moriatur. Non enim trahit aliquid ex patre, qui jam natus erat, quando pater ejus peccavit. Sed cum ibi dicit: His qui oderunt me, manifestum est etiam illam conditionem mutari posse, si filii parentum suorum facta non

A fuerint imitati. Nam et illud ex Adam temporaliter redditur, quia omnes propter hoc moriuntur, non autem in æternum eis qui fuerint per gratiam spiritalem regenerati, in eaque permanserint usque in finem. Quamvis et illud merito queri possit, si redduntur peccata patrum in filios his qui oderunt Deum, cur in tertiam et quartam generationem vel prætermissa prima et secunda, vel non etiam in cæteras permanente impietate et imitatione malorum parentum? An per hunc numerum, quoniam septenarius numerus intelligitur, universitatem significare voluit? Et ideo non ipsum potius septenarium posuit, ut diceret, « in septimam generationem. » Ac sic omnis intelligeretur, quia causam perfectionis hujus numeri hoc modo potius intimavit. Ideo namque perhibetur perfectus, quia ex his duobus constat: ternario scilicet primo impari toto, et quaternario primo pari toto. Unde et illud esse propheticum existimo, quod assidue repetitur: « In tribus et quatuor impietatibus non aversabor. » Per quod voluit impietates universas, potius quam tres vel quatuor intelligi.

« Non pervertes iudicium advenæ vel pupilli, nec auferes pignoris loco vestimentum viduæ. » Non declinabis iudicium advenæ, et orphani, et viduæ, et non pignorabis vestimentum eorum? Quæ enim causa est, ut trium istorum iudicium declinare vetuerit, pignus autem auferri vestimentum solius viduæ, non et illorum, nisi quia iudicia omnium faciendâ propterea commendavit, quia non habent a quibus defendantur: sive advena, quia in terra aliena est; sive orphanus, id est, pupillus, quia parentibus caret; sive vidua, quia maritum non habet? Pignus vero cum prohibet vestimentum auferre viduæ, puto quod satis diligenter admonet eas vere dicendas esse viduas, quæ etiam pauperes sunt. Id enim et Apostolus evidenter ostendit, ubi ait: « Si qua autem vidua filios et nepotes habet, discat primum domum suam pie tractare, et mutuam vicem parentibus reddere, hoc est enim acceptum coram Domino. Quæ autem vere vidua est et desolata, sperabit in Dominum: et persistet in orationibus nocte et die » (I Tim. v). Hanc veram viduam dixit, quæ non habet a quibus sustentetur: quia non solum a viro, sed etiam a posteris atque omni ope destituta est. Divitem quippe, non diceret desolatam. Pauperi itaque non est auferendum pignus vestimentum. Porro si occurrerit animo, quid si multa habeat vestimenta non necessaria, sed superflua, quomodo intelligitur vere vidua? Hoc est non solum non desolata, verum etiam quia in deliciis agit, quam subiecit dicens: « Quæ autem in deliciis agit, vivens mortua est » (Ibid.). Et hanc quippe opposuit, tanquam e contrario vere viduæ, tanquam talis non sit vidua. Quæcumque autem divites alias reptas et periri voluerunt, continentia in eis laudatur, non desolatio commendatur. Hæ quippe tantum maritis viduæ sunt, non alijs rebus.



## CAPUT XVIII.

*De manipulo in messe relinquendo, et de reliquiis olivarum atque arboribus.*

(IBID.) « Quando messueris segetem in agro tuo, et oblitus manipulum reliqueris, non reverteris ut tollas eum, sed advenam et pupillum et viduam auferre patieris, ut benedicat tibi Dominus Deus in omni opere manuum tuarum. Si fruges colliges olivarum, quidquid remanserit in arboribus, non reverteris ut colligas, etc. » Quod admonet ut in messe oblitum manipulum nemo colligat, et olivam vel uvam relictam nemo repetat, diligentius neglecta colligere, et dictis egentibus dimittenda, occurrat forsitan cogitationi quid si hæc quæ ab agrorum dominis dimittuntur, non egentibus sed improbi colligunt? Sed considerandum primo illum misericordiam facere, qui hoc animo dimittit, ut egentes habeant quod dimittitur. Deinde cum hæc populo dimittuntur, simul admonentur hi qui non indigent ista non querere. Quod si quæsierint, quid aliud quam res alienas, et, quod est gravius, pauperum invadere judicandi sunt? Utrique ergo commemorantur his præceptis, et quorum agri sunt, ut misericorditer ea relinquunt; et qui indigentes non sunt, ut inde se abstineant, quando utrumque dicitur, et a quibus dimittenda sint, et quibus dimittenda sunt.

## CAPUT XIX.

*De corripendis peccantibus per flagella: et ut bovi trituranti in arca fruges non ligetur os.*

(CAP. XXV.) « Si fuerit causa inter aliquos, et interpellaverint iudices: quem justum esse speraverint, illi justitiæ palmam dabunt; quem impium, condemnabunt impietatis. Sin autem eum qui peccavit dignum viderint plagis, prosternent, et coram se facient verberari. Pro mensura peccati erit et plagarum modus: ita duntaxat, ut quadragenarium numerum non excedant, ne fœde lateratus, ante oculos tuos jaceat frater tuus. » Si fuerit altercatio inter homines, et ascenderit ad iudicium, et judicaverint et justificaverint justum, iudices intelligendi sunt judicare, non illi qui dicti sunt altercationem habere. Deinde sequitur: Et reprehenderit impium. Et erit si dignus fuerit plagis qui impie egit, constitues eum in conspectu iudicum, et flagellabunt eum secundum impietatem ejus ante se, numero quadraginta flagellabunt eum, et non apponent. Si autem apposuerint flagellare eum per has plagas plures, deturbabitur frater tuus coram te valde. Advertendum est cum ea peccata plagis emendanda præceperit, quæ non digna sunt mortis supplicio vindicari, et hoc tam paucis plagis, eum tamen qui cæditur, appellavit impium vel impie agentem: ut noverimus, non sicut plurimum loquuntur, locutas esse Scripturas: quas incuriosius legimus, cum putamus adulterium non esse impietatem, quia in hominem videntur peccasse, qui hoc fecerint, cum illud peccatum morte plecti lex jubeat; et his peccatis graviores diximus esse impietates, cum sint

A earum quædam, quæ per flagella plagis quadraginta puniuntur. Est itaque levis impietas, quæ verbere digna est; et gravior, quæ morte digna est. Ita etiam illa peccata quæ non in Deum, sed in hominem videntur admitti, sunt morte digna quædam, sunt alla correptione seu verbere, seu venia [pœna] faciliore. Ita enim locutos esse Septuaginta interpretes constant, ut etiam illius qui plagis dignus est, impietatem vocaverint. Quod autem pro mensura peccati, quadraginta flagellis delinquentes argui jussit, jara prædictum quod per quadragenarium numerum figura significetur hujus temporis, in quo Ecclesia per quatuor mundi partes diffusa, sub decalogo legis vivit. Quadragenario ergo numero delinquentes cædimur, si in hoc tempore pœnitentiæ verberibus flagellamur. Debet ergo quisque peccator temporalibus flagellis atteri, quatenus in iudicio purgatus valeat inveniri. Beatus homo qui corripitur a Domino. Nulla enim in æternum animi adversio affligere potuit, quos hic pœnitentiæ disciplina percussit. Si enim pro peccatis cædimur, illic sine peccato invenimur. « Non ligabis os bovis terentis in area fruges tuas. » Non alligabis os bovis triturantis, dictum est quod in bovis nomine vita uniuscujusque operantis exprimitur. Dicit quodam in loco apostolus Paulus reprehendens et dolens quod nemo illi communicaverit in ratione dati et accepti, quod ipse alio in loco aperte exposuit, dicens: « Si nos vobis spiritualia seminavimus, magnum est ut vestra carnalia metamus? (I Cor. ix.) Hoc significat, quod non alligabis os bovi trituranti. Unde et idem apostolus dicit alio loco: « Dignus est operarius mercede sua » (I Tim. v). Vult ergo Scriptura doctoribus præstare carnalia, a quibus spiritualia consequuntur. Quia prædicatores occupantur in doctrina, necessaria sibi providere non possunt.

## CAPUT XX.

*De eo qui sine liberis moritur, ut frater defuncti accipiat ejus uxorem, et suscite seminem fratri suo.*

(IBID.) « Quando habitaverint fratres simul, et unus ex eis absque liberis mortuus fuerit, uxor defuncti non nubet alteri, sed accipiet eam frater ejus, et suscitabit semen fratris sui, et primogenitum ex ea filium, nomine illius appellabit, ut non deleatur nomen ejus ex Israel. Sin autem noluerit accipere uxorem fratris sui, quæ ei lege debetur, perget mulier ad portam civitatis, et interpellabit majores natu, dicetque: Non vult frater viri mei suscitare semen fratris sui in Israel, nec me in conjugem sumere. Statimque accersiri eum facient, et interrogabunt. Si responderit, Nolo eam uxorem accipere, accedet mulier ad eum coram senioribus, et tollet calceamentum de pede ejus, spuetque in faciem ejus et dicet: Sic fiet homini, qui non adificat domum fratris sui, et vocabitur nomen illius in Israel, Domus discalceati. » Si autem habitaverint fratres in unum, et mortuus fuerit unus ex eis, semen autem non fuerit ei, uxor defuncti foris non approprianti, frater viri ejus intrabit ad eam, et ac-

cipiet sibi uxorem eam, et cohabitabit ei, et erit, infans quicumque natus fuerit constituetur ex defuncti nomine, et non delebitur nomen ejus ex Israel, et nomen defuncti. Videtur hoc præcepisse lex de fratris uxore ducenda non ob aliud, nisi ut semen suscitaret fratris qui sine liberis defunctus est. Quod autem ait, « Constituetur ex defuncti nomine, et non delebitur nomen ejus ex Israel, » id est, defuncti nomen ex hoc videtur dictum, ut ille qui nascitur, hoc nomine appelleretur quo appellabatur defunctus, cui quodam modo propagatur. Unde nobis visum est magis secundum adoptionis morem solvere in Evangelio quæstionem de duobus patribus Joseph, quorum unum commemorat Matthæus, eum scilicet qui genuit Joseph; alterum Lucas, eum cujus erat filius Joseph: quoniam nullus eorum Joseph nomen accepit. Nisi forte hoc dictum est: « Constituetur ex defuncti nomine, » non ut ejus nomen accipiat, sed ut ex ejus nomine, id est, tanquam filius, non ejus cuius semine genitus est, sed illius defuncti, cui est semen suscitatum hæres constituatur. Quod enim additum est, « Et non delebitur nomen ejus ex Israel, » potest ita intelligi, non quod nomen ejus puer consequenter accipiat, sed quod illesine posteritate mortuus esse videbitur, et ideo permanet nomen ejus, hoc est memoria. Neque enim etiam si ipse filium genuisset, nomen ei suum fuerat impositurus, ut nomen ejus non deleberetur ex Israel; sed ex hoc utique non deleberetur, quia non sine liberis ex hac vita emigraret; et hoc jubetur ex ejus uxore frater ejus implere quod ille non potuit. Nam etsi frater non fuisset, et propinquus ducebat uxorem ejus qui sine filiis mortuus esset, ad suscitandum semen fratri suo; sicut Booz fecit ducendo Ruth, ut semen suscitaret propinquo suo, ejus fuerat illa uxor, nec de illo pepererat; et tamen qui de illa natus est, ex nomine quidem defuncti constitutus est, quia filius ejus dictus est, atque ita factum est, ut nomen defuncti non deleberetur ex Israel, nec tamen ejus nomine appellatus est. Quæ cum ita sint, abundantius duobus modis solvi potest evangelica quæstio, ut unus eorum quos diversos commemorant Matthæus et Lucas, ita fuerit propinquus alteri ad ducendam ejus uxorem, ut alios etiam sursum versus parentes atque majores iste, alios ille habere potuerit. Nam si fratrum filii fuissent, unum habuissent avum: quod non ita est. Nam secundum Matthæum Matthan est avus Joseph; secundum Lucam vero, non Mathan, sed Mathat. Quod si quispiam putat esse tantam similitudinem nominis, ut ab scriptoribus in una littera erratum ait, ut feret tam parva et pene nulla diversitas, quid de istorum patribus dicitur est? Nam secundum Lucam Mathat fuit filius Levi; secundum Matthæum autem, Mathan ex Eleazar genitus invenitur: atque ita inde sursum versus diversi sunt patres et avi; et deinde majores usque ad Zorobabel, qui fere est vicesimus sursum versus a Joseph apud Lucam, apud Matthæum vero undecimus. Qui propterea idem ipse esse creditur, quia pater ejus apud utrumque

evangelistam Sabathiel invenitur: quamvis fieri potuit, ut alius fuerit eodem nomine, habens ejusdem nominis patrem, cujus et ille habuit. Nam et inde sursum versus diversi sunt. Alium quippe habet Zorobabel avum apud Lucam, qui est Noori; alium apud Matthæum, qui est Jechonias; atque inde superius nusquam est consonantia, quousque veniatur ad David, apud Matthæum per Salomonem, apud Lucam per Nathan. Difficillimum autem videtur non fuisse aliquem propinquorem qui deceret uxorem fratris sui, quam eum qui ex David esset consanguineus tam longinquo gradu, non aliqua infra propinquitate conjunctus; cum sit apud Lucam pene quadragessimus a Joseph, apud Matthæum autem ferme vicesimus septimus. Aut si propinqui ad uxores defunctorum ducendas etiam illi quærebantur, qui ex feminarum sanguine propinquabant, fieri potuit ut esset aliquis ita propinquus, qui Joseph genuit de uxore propinqui sui, qui sine liberis decessit, ac sic ei esset alter ex natura pater, alter ex lege; in quorum patribus et avis, et deinde majoribus ideo propinquitas nulla apparet, quod non maribus, sed ex feminis propinquarent. Verumtamen si ita esset, nec David aliquando unus pater occurreret. Aut si quisquam potuisse contendit, ubi ponimus quod consuetudo Scripturæ non est feminas in genealogia pro maribus ponere, sicut eas nullas nullus evangelista interposuit? Ubi enim commemorantur matres, non ponuntur nisi cum patribus. Ac per hoc aut ita propinquior defuit ad uxorem defuncti sibi copulandam, ut origo cognationis repeteretur a David; aut adoptio fecit alterum patrem, quem posset habere Joseph. (Ex Gregorio.) Typice autem frater defunctus est ille, qui post resurrectionis apprensus gloriam, dixit: « Ite, nuntiate fratribus meis » (Matth. xxviii). Qui quasi sine filiis abiit, qui adhuc electorum suorum numerum non implevit. Hujus scilicet uxorem superstes frater sortiri præcipitur, quia dignum est profecto ut cura sanctæ Ecclesiæ ei, qui hanc bene regere prævalet, imponatur. Cui nolenti in faciem mulier exspuit, quia quisquis ex muneribus quæ percipit aliis prodesse non curat, bonis quoque ejus sancta Ecclesia exprobrans ei, quasi in faciem salivam mittit vel jactat. Cui ex uno pede calceamentum tollitur ut Discalceati domus vocetur. Scriptum quippe est: « Calceati pedes in præparatione Evangelii pacis » (Ephes. vi). Si ergo ut nostram, sic curam proximi gerimus, utrumque pedem per calceamentum munimus. Qui vero suam cogitans utilitatem, proximorum negligit, quasi unius pedis calceamentum, cum dedecore amittit.

## CAPUT XXI.

De duobus jurgantibus et uxore procaci; et quod non oportet habere in sacculo diversa pondera.

(Ibid.) « Si habuerint inter se jurgium viri, et unus contra alterum rixari cœperit, volensque uxor alterius cruce virum suum de manu fortioris, miserit manum et apprehenderit verenda

« ejus, abscindes manum illius, nec flecteris super illam misericordia. » Quid per istos duos viros irantes, nisi dissensio inter catholicum et hæreticum exprimitur? Ibi enim necessaria est contentio, ubi dispar duorum fit intentio. Alter enim importunus sectator est erroris, alter studiosus defensor veritatis. Nec oportet ullo modo veritatem succedere, sed resistere fortiter errori, secundum illud Sapientiae: « Responde, inquit, stulto juxta stultitiam suam, ne sibi sapiens videatur » (Prov. xxvi). Unde et Paulus gloriatur se hujuscemodi hominibus nec ad horam cedere. Uxor autem illa quæ impudenti manu defendendo virum suum, alterius qui fortior est apprehenderit verenda, nulla, ni fallor, aptius intelligi potest quam subjectorum persona quæ subjugata est hæreticis. Hæc vero, si per aliquam ignominiam falsam, aut per actionem turpem volnerit catholici maculare conversationem, sive diffamare doctrinam, omni modo tale machinamentum abscindendum est, nec ulla miseretur misericordia, quæ tantum abominando sprevit justitiam.

« Non habebis in sacculo diversa pondera, majus et minus; nec erit in domo tua modius major et minor. Ponderas habebis justum et verum, et modius æqualis et verus erit tibi, ut multo vivas tempore super terram, quam Dominus Deus tuus dederit tibi. Abominabitur enim Dominus eum qui facit hæc, et adversatur omnem justitiam. » Hoc etenim idem legislator etiam in Levitico interdicit. Salomone quoque parem desuper sententiam proferebat: « Ponderus magnum et pasillum, et mensuræ duplices, immunda sunt utraque ante Dominum. Et qui facit eam, in adventionibus suis compediatur » (Prov. xx). Proinde non solum illo corporali, sed etiam spiritali modo studendum est nobis, ut nec diversa pondera in cordibus nostris, nec in domo conscientiae nostræ mensuras duplices habeamus, id est, nec ipsi ea quæ distinctionis regulam molliunt, remissione indulgentia præsumentes; eos quibus verbum Domini prædicamus, districtioribus præceptis et gravioribus, quam ipsi perferre possumus, ponderibus obruamus. Quod cum facimus, quid nisi diverso pondere atque mensura præceptorum mercedem Domini frugemque, vel appendimus vel metimur? Si enim aliter ea nobis, aliter nostris fratribus dispensemus, recte increpamur a Domino, eo quod stateras diversas vel mensuras duplices habeamus secundum illam sententiam Salomonis, qua dicitur: « Abominatio est Domino pondus duplex; et statera dolosa non est bona in conspectu ejus » (Prov. xxi).

## CAPUT XXII.

*De delendo Amalech sub cælo.*

(IBID.) « Memento quæ fecerit tibi Amalech in via, quando egrediebaris de Ægypto, quomodo occurrerit tibi, et extremos agminis tui, qui lassii resederant, ceciderit, quando tu eras fame et labore confectus, et non timueris Deum. Cum ergo Dominus Deus tuus dederit tibi requiem, et subjece-

rit cunctas per circuitum nationes in terra, quam tibi pollicitus est, delebis nomen ejus sub cælo: cave ne obliviscaris. » In Amalech ergo nomine, qui lingens sanguinem interpretatur, spiritualium nequitiarum exprimitur figura: quæ nobis per baptismum egredientibus, de spiritali Ægypto, aversantur: et quoscumque viderint in itinere virtutum lassari per peccatum, potius student subvertere. Hos ergo populos omnibus modis, cum Dominus dederit facultatem, debemus subvertere; et quantum possibile est, de sede animæ nostræ suggestiones eorum ejicere atque delere, ne forte si aliquas reliquias eorum juxta exemplum Saul in nostra mente reservaverimus, causa inobediendiæ pariter cum eis subvertamur.

## CAPUT XXIII.

*De primitiis frugum offerendis, et de decimis dandis Levitis.*

(CAP. xxvi.) « Cum intraveris terram quam Dominus Deus tuus tibi daturus est possidendam, et obtinueris eam atque habitaveris in illa, tolles de cunctis frugibus tuis primitias, et pones in cartallo; pergesque ad locum, quem Dominus Deus tuus elegerit, ut ibi invocetur nomen ejus; accedesque ad sacerdotem, qui fuerit in diebus illis, et dices ad eum: Profiteor hodie coram Domino Deo tuo, quod ingressus sum in terram pro qua juravit patribus nostris, ut daret eam nobis: Suscipiensque sacerdos cartallum de manu tua, ponet ante altare Domini Dei tui. Et loqueris in conspectu Domini Dei tui: Syrus persequebatur patrem meum, qui descendit in Ægyptum, et ibi peregrinatus est in paucissimo numero. Crevitque in gentem magnam et robustam, et infinita multitudinis, affligeruntque nos Ægyptii et persecuti sunt, imponentes onera gravissima. Et clamavimus ad Dominum Deum patrum nostrorum: Qui exaudivit nos, et respexit nos et humilitatem nostram et laborem atque angustiam, et eduxit nos de Ægypto in manu forti et brachio extenso, et in ingenti pavore, in signis atque portentis; et introduxit ad istum locum, et tradidit nobis terram lacte et melle manantem. Et ideo nunc offero primitias frugum terræ, quam Dominus dedit mihi. Et dimittes eas in conspectu Domini Dei tui adorato Domino Deo tuo; et epulaberis in omnibus bonis quæ Dominus Deus tuus dederit tibi et domui tuæ, tu et Levites et advena, qui tecum est. » Per hæc verba, quibus instruebantur Israelitæ, quomodo in terra possessionis suæ primitias in cartallo offerrent Domino per gratiarum actionem, eo quod erepti sunt de Ægypto, instituimur et nos, ut intrantes per spiritali Jordanem, hoc est, per baptismum et fidem sanctæ Trinitatis in terram Ecclesiæ; ponamusque in cartallo conversationis nostræ primitias bonorum omnium, et deferamus Deo in altare fidei catholicæ: quatenus ea ibi suscipiat sacerdos noster, ille utique qui secundum ordinem Melchisedech a Deo factus est nobis pontifex. Ibi que confiteamur Domino dicamusque ei,

quod Syrus spiritalis, qui interpretatur sublimis vel humectans, persequeretur patrem nostrum, protoplastum videlicet parentem nostrum, ita ut deciperet eum per superbiam et gulam; et transgressorem faciens, privaret possessione paradisi. Unde incola factus est in Ægypto istius mundi, ubi peregrinatus est in paucissimo numero, quia multis Idololatriam sequentibus pauci permanserunt fideles. Sed postquam per legis conditionem plures excreverunt, qui scientiam et credulitatem unius Dei percipere, affligerunt eos Ægyptii spirituales, maligni scilicet spiritus, qui imponentes onera gravissima peccatorum, oppresserunt genus humanum. Sed Deus omnipotens, conditor et creator noster, respexit humilitatem nostram, et laborem, atque angustiam, misitque unigenitum Filium suum, qui manus Dei et brachium dicitur, ut eriperet nos de potestate tenebrarum, et transferret in locum pacis, quatenus filii lucis efficeremur; tradiditque nobis terram lacte et melle manantem, Ecclesiam videlicet presentem, ubi et lac est innocentis et facilis doctrinæ, unde nutriantur sensu parvuli, et mel suave atque multiplicis scientiæ unde satientur intellectu perfecti. Qui ergo huiusmodi dona Deo offert, convivium spirituale in domo Dei cum Levitis veris et advenis potest facere, quia cum ministris Dei et fratribus suis, atque cum omnibus qui se rite intelligunt in hoc mundo advenas esse et peregrinos, dapibus virtutum et scientiæ spiritualis feliciter reficietur atque implebitur.

« Quando compleveris decimam cunctarum frugum tuarum, anno decimarum tertio, dabis Levitæ et advenæ, et pupillo ac viduæ, ut comedant infra portas tuas, et saturantur. Loquerisque in conspectu Domini Dei tui : Attuli quod sanctificatum est de domo mea, et dedi illud Levitæ et advenæ et pupillo ac viduæ, sicut iussisti mihi. Non præterivi mandata tua, nec sum oblitus imperii tui. Nec comedi ex eis in luctu meo, nec separavi ea in qualibet immunditia, nec expendi ex eis quidquam in re funebri. » Quid est quod inter illa quod jubet dicere hominem, qui in dandis decimis, et quæcunque dare vel impendere iussum est, omnia mandata complevit, etiam hoc cum laude et commendatione sua dicere jubetur, « Non dedi ex eis mortuo? » An per hoc prohibet parentalia, quæ observare gentes solent?

#### CAPUT XXIV.

*De lapidibus erigentibus in monte Ebal et calce levigandis; et de ædificando altari ex saxis informibus et politis; holocaustoque super illud offerendo.*

(CAP. XXVII.) « Præcepit autem Moyses et seniores Israel populo, dicentes : Custodite omne mandatum quod præcepi vobis. Cumque transieritis Jordanem in terram, quam Dominus Deus tuus dabit tibi, eriges ingentes lapides, et calce levigabis eos, ut possis in eis scribere omnia verba legis hujus Jordane transmissio, ut introeas in terram, quam Dominus Deus tuus dabit tibi,

et terram lacte et melle manantem sicut juravit patribus tuis. Quando ergo transieris Jordanem, erige lapides quos ego hodie præcipio tibi in monte Ebal, et levigabis calce, et ædificabis ibi altare Domino Deo tuo de lapidibus quos ferrum non tetigit, et de saxis informibus et impolitis; et offeres super eo holocaustum Domino Deo tuo, et immolabis hostias pacificas, comedasque ibi et epulaberis coram Domino Deo tuo; et scribes super lapides omnia verba legis hujus, plane et lucide, etc. » Hoc quomodo factum fuerit, in libro Jesu Nave plenius enarratur. Superatis igitur hostibus, ædificavit Jesus altare Deo excelso ex lapidibus integris, in quibus non erat injectum ferrum sicut præceperat Moyses, et immolavit sacrificium, et scripsit in lapidibus Deuteronomium legis Moysi. Videamus itaque, qui sint isti lapides, ex quibus ædificatur altare. Omnes ergo qui in Christum Jesum credunt, lapides dicuntur vivi. De quibus ait Apostolus : « Vos estis lapides vivi ædificati, domus spiritalis » (1 Petr. ii), His non est injectum ferrum, quia incorrupti et immaculati carne et spiritu sunt, et jacula maligni ignita non receperunt. Illi unum altare faciunt, unitate fidei vel concordia charitatis. In his quoque Deuteronomium, id est, secundam Evangelii legem, Jesus Dominus noster rescripsit. Audiamus itaque eum dicentem : « Dictum est antiquis : Non mœchaberis. Ego autem dico vobis, si quis viderit mulierem ad concupiscendam eam, jam mœchatus est eam in corde suo » (Math. v). Hanc igitur Jesus legem notat in cordibus credentium; hanc scripsit in eorum mentibus qui altaribus constructione digni sunt.

#### CAPUT XXV.

*De his qui stabunt ad benedicendum super montem Garizim; necnon et de illis qui super montem Ebal stabunt ad maledicendum, et maledictionibus sive benedictionibus ibi recitatis.*

(Ibid.) « Præcepitque Moyses populo in die illo, dicens : Hi stabunt ad benedicendum Domino super montem Garizim Jordane transmissio : Simeon, Levi, Judas, Isachar, Joseph et Benjamin. Et e regione istius stabunt ad maledicendum in monte Hebal : Ruben, Gad et Aser, Zabulon et Dan, et Nephtalim. Et pronuntiabunt Levitæ ad omnes viros Israel excelsa voce, etc. » Hoc ergo ita factum est temporibus Josue. Steteruntque sicut præceperat Moyses in Deuteronomio, sex tribus in monte Garizim, ut benedicerent populum, et ipsæ tribus, quæ nobiliores sunt, id est, Simeon, Levi, Judas, Isachar, Joseph, Benjamin. Filii vero ignobiliores sex, steterunt e regione in monte Ebal, ut maledicerent : inter quos et Ruben, qui maculaverat thorum parentis, et Zabulon ultimus filiiæ Lia, et ancillarum filii. Et hæc quidem veteris historiæ referunt gesta. Sed inspiciendum quid in narratione mysticæ intelligentiæ referatur. Qui sunt ergo isti qui incedunt juxta montem Garizim, et qui sunt qui incedunt juxta montem Ebal? Illi itaque, qui in hoc

loco juxta montem Garizim incedunt ad benedicendam, eos figuratiter indicant, qui non metu pœnæ, sed celestis promissionis amore succensi, veniunt ad salutem. Illi verb dimidit, qui juxta montem Ebal incedunt, in quo maledictiones prolatae sunt, illos indicant, qui non amore benedictionum vel promissionum, sed futurorum suppliciorum timore complent quæ in lege scripta sunt, ut perveniant ad salutem.

Omnes autem circa arcam incedunt, qui ab Ecclesiæ sint non recedunt. Sed nobiliores esse illos novimus qui, boni ipsius desiderio, æternæ benedictionis amore, quod bonum est agunt, quam illos qui pro malis bonum sectantur. Solut ergo Jesus potest ex omnibus populis hujusmodi mentes animosque congregare, et alios quidem statuere in montem Garizim ad benedicendum; alios vero in montem Ebal statuere ad maledictionem: non ut maledictiones accipiant, sed ut, metuentes, præscriptas maledictiones et pœnas peccatoribus constitutas incurrere caveant, ac semetipsos timoris supplicio corrigant, « Et pronuntiabunt, inquit, Levitæ, dicentque ad omnes viros Israel, excelsa voce. » Quid est quod Levitis præcepit ut ad viros Israel loquantur excelsa voce, nisi quia ostendere vult sacerdotibus Christi quod non segniter, sed instanter debent Dei verbum populis prædicare? Ut sciant, si præterierint Dei mandata, quæ eis immineant pericula; si autem obdierint præceptis Dei, quæ eos sequantur beneficia: cum in præsentī vita solatium, et in futura præmium promittitur æternum. Maledictiones ergo, sive benedictiones quas liber Deuteronomii continet, et historialiter intelligi possunt ad eos pertinere, qui terrenam felicitatem amabant, vel qui terrena damna sibi evenire metuebant. Sed multo magis est Christianis cavendum, ne propter inobedientiam spiritualium rerum et virtutum potius patiantur penuriam quam terrenarum indigentiam rerum. Quia sæpius legimus perfectos viros præsentium rerum indigentiam pati, sed tamen virtutum copia repleri; sicut apostolus Paulus sibi et cooperatoribus suis sæpissime evenire testatur dicens; « Usque ad hanc horam esurimus, et sitiimus, et nudi sumus, et colaphis cædimur, et instabiles sumus, et laboramus, operantes manibus nostris: maledicimur, et benedicimus, persecutionem patimur, et sustinemus; blasphemamur, et obsecramus: tanquam purgamenta hujus mundi facti sumus omnium peripsema » (I Cor. iv). Et item: « Libenter, inquit, igitur gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus meis, in contumeliis, in necessitatibus, in angustiis pro Christo. Cum enim infirmior, tunc potens sum (II Cor. xii). » Peccantibus autem maledictiones hujusmodi indicatæ sunt: « Maledictus homo » qui facit sculptile et conflatile abominationem « Domini: opus manuum artificum, ponetque in abscondito illud. Et respondebit omnis populus, Amen. » Hoc enim capitulo non solum idololatria quæ in simulacris fit contradicitur, sed omnis error

A hæreticorum (ipsi sunt artifices vanitatis atque superstitiosorum dogmatum qui cœmina et incantationes agunt) abdicatur. Quicumque enim errorem pro veritate in occulto seu in manifesto sequitur, profecto idolorum cultor designatur, tam de ordine prælatorum, quam etiam subditorum. Quia omnes pariter et bona laudare et mala detestari oportet. « Maledictus qui non honorat patrem suum, » et reliqua. Convenit ergo unicuique patrem suum terrenum et matrem venerari. Sed multo magis universorum Patrem Deum et matrem Ecclesiam omni veneratione ac religiositate ab universis decet coli atque honorari: ubi et magistrorum spiritualium reverentia pariter comprehenditur, quia Dominus discipulis suis ait: « Qui vos honorat, me honorat; et qui vos spernit, me spernit. » Maledictus, qui transfert terminos proximi sui. » Hoc testimonio vetat avaritiam, hæresimque detestatur. Transfert ergo terminos proximi sui, qui non contentus erit orthodoxorum fide atque doctrina, sed superstitiones ac sectas superbiendo noviter introducit. Qui enim hæc agit, procul dubio æterna maledictione reus erit. Unde sequitur: « Maledictus qui facit errare cæcum in via. » Cæcum in itinere facit errare qui simplicem atque imprudentem per doctrinam falsam in itinere Scripturarum facit a veritatis tramite deviare. Hoc ergo quam perniciosum sit Apostolus ostendit dicens: « Si quis non amat Dominum Jesum Christum, sit anathema maranatha » (I Cor. v). Et alias: « Quicumque, ait, hanc regulam secuti fuerint, pax super illos et misericordia, et super Israel Dei » (Gal. vi). « Maledictus, qui pervertit iudicium advenæ, pupilli et viduæ. » Injustum iudicium nemini secundum historiam facere licet, sed nec secundum allegoriam advenam spiritalem, pupillum atque viduam, injuste opprimere decet: pupillum utique, de quo in psalmo est scriptum: « Tibi, Domine, derelictus esse pauper: orphanus tu eris adjutor » (Psal. ix). Viduam autem, de qua idem Propheta ex persona Domini ait: « Viduam ejus benedicens benedicam » (Psal. cxxxii). « Maledictus qui dormit cum uxore patris sui, et » revelat operimentum ejus. » Manifestum est enim quod omnis incestus abominatio est apud Deum. Sed tamen hæc sententia legislator, secundum allegoriam, hæreticos atque schismaticos percutit, qui sponsam Christi, qui universorum pater est quia omnium creator, aliquo modo per errorem corruerint. Secundum vero tropologiam, hoc prohibet ne quis actionem patris sui pravam, quam ille male gessit, iste nequiter imitando diffamet; nec ignominiam spargat super nomen patris, si iterum in facto unde ille reprehensus est merito. « Maledictus » qui dormit cum omni jumento. » Juxta historiam maxima stultitia est cum brutis animalibus mœchari; imo ignominia est gentilium stultitiam sequi. Cum ergo vir aut mulier ad alienigenas voluptates in tantum incumbit, ut nec quidem per desidiam ab eis capiatur, sed imo valde eis cohæreat et cum eis

coeat, ita ut commixtionem cum eis diurnam et perseverantem habeat, reus est mortis. « Maledictus « qui dormit cum sorore sua, filia patris sui sive « matris suæ. » Sororem suam spiritualiter maculat, qui alterius animam per errorum doctrinam vel prava exempla commaculat. Pater enim noster unus est Deus, et mater sancta Ecclesia. Nos autem fratres sive sorores sumus. « Maledictus qui dormit cum socru sua. » Typice autem socrus fœde actionis nostræ mala est concupiscentia, quia omnis peccati mater concupiscentia est. Oportet hoc diligenter attendi : ut si qua nobis peccati concupiscentia sit, ei resistamus et non jungamur ei actione ; quia ut in Levitico de hoc scelere sancitum est, igne vivus debet comburi qui hoc perpetraverit, quia reus est gehennæ ignis si non pœnitentiæ igne se ab hac macula diluerit. « Maledictus qui clam « percusserit proximum suum. Et dicet omnis populus, Amen. » In aperto et in occulto occidere hominem peccatum est. Unde mirum cur eum tantum maledictum scripserit, qui clam percusserit proximum, nisi forte dicamus eum clam percutere proximum, qui eum in corde suo oderit. Dicit enim Joannes apostolus : « Qui odit fratrem suum, homicida est. Et scitis quoniam omnis homicida non habet vitam æternam in se manentem » (I Joan. iii). Hinc et in Levitico scriptum est : « Ne oderis fratrem tuum in corde tuo : sed publice argue eum, ne habeas super illo peccatum (Levit. xix). Maledictus qui accipit munera ut percutiat animam sanguinis innocentis. Quicumque reminiscitur Judæi factum, qui propter pecuniam prodidit magistrum, quam perniciosum sit intelligere potest avaritiæ malum. « Maledictus qui non permanet in sermonibus legis hujus, nec eos opere perficit. Hæc sententia gravior eo cæteris esse videtur, quo generaliter et ea quæ præmissa sunt, et illa quæ nondum prolata sunt, omnia simul comprehendit. Quis est enim qui in universis sermonibus legis sine transgressione permanere possit, cum Paulus dicat? Quicumque ex operibus sunt legis sub maledicto sunt, quoniam in lege nemo justificabitur apud Deum (Gal. iii). Nec hujus maledictionis damnum ullus evadere potuit : etiam nec ipse legislator, nisi per gratiam Domini nostri Jesu Christi inde liberaretur. Unde prædictus apostolus ait : « Christus nos redemit de maledicto legis, factus pro nobis maledictum, quia scriptum est : « Maledictus omnis qui pendet in ligno. » Ut in gentibus benedictio Abrahæ fieret in Christo Jesu. Hinc Petrus ait : « Christus semel pro peccatis nostris mortuus est, justus pro injustis : ut nos offerret Deo, mortificatos quidem carne, vivificatos autem spiritu (I Petr. iii).

(CAP. XXVIII.) « Sin autem audieris vocem Domini « Dei tui, ut facias atque custodias omnia mandata « ejus, quæ ego hodie præcipio tibi, faciet te Dominus unum excelsoiorem cunctis gentibus quæ versantur « in terra : venientque super te universæ benedictiones istæ, et apprehendent te, si tamen præ-

cepta ejus audieris. » Sicut in obedientibus prædixit maledictiones et poenas futuras, sic et obedientibus deinceps promittit benedictiones et præmia. « Benedictus tu in civitate, et benedictus in agro. » Juxta historiam facilis est intellectus, ubi Judæis pro obedientia intus forisque præstant prospera, et fructuum atque animalium spondet abundantiam. Secundum allegoriam autem, populo Christiano propria devotione non tam felicitatem æternam quam beatitudinem promittit perpetuam. Benedictus erit in civitate qui in Ecclesia sancta vacat divinæ contemplationi, Benedictus in agro, qui boni operis laborat exercitio. Per has duas species conversationis unusquisque fidelis gratus erit Deo. « Benedictus fructus ventris tui, et fructus terræ tuæ. » Per fructus ventris internas ostendit cogitationes mentis et consilia : per fructum terræ, corporis forinsecas utiles actiones. His enim duabus vitæ speciebus, hoc est, contemplativæ et activæ, sancta nobiliter in hoc conversatur mundo Ecclesia, et inde in futuro possessuram se sperat cum Christo celestia regna. « Benedictus fructus jumentorum tuorum, greges armentorum tuorum, et caulæ ovium tuarum. » Per species animalium ordines demonstrat subditorum, quia alii sunt in Ecclesia qui a doctoribus instructi, bonis suis solatia præbent, cum spiritualia ab eis accipientes, corporalia eis ministrant alimenta. Alii laborare possunt, secundum quod eis jussum fuerat. Alii autem simplicitate sua tantum contenti, per innocentiam vitæ student placere Deo. Unusquisque enim proprium habet ex Deo domum, alius sic, alius vero sic. Qui autem donum perceptum juxta possibilitatem suam secundum mandata Dei multiplicare studuerit, placebit Deo, et probatus est hominibus. « Benedicta horrea tua, et benedictæ reliquie tuæ. » In horreis significatur custodia virtutum ; in reliquiis, bonæ voluntatis intentio. Secundum id enim quod quisque pro possibilitate sua laborat, conservabitur sibi præmium et bona voluntas ; licet aliquando non habeat effectum, tamen justum non perdet præmium, quia diligentibus Deum omnia cooperantur in bonum, et in terra pax erit hominibus bonæ voluntatis. « Benedictus eris ingrediens et egrediens. » Hoc est, quod Salvator in Evangelio ait : « Ego sum ostium. Per me, si quis introierit, salvabitur, et pascua inveniet (Joan. x). » Quia hic ad fidem ingrediens sapientiæ cibum et pascua accipiet virtutum, et egrediens de præsentia vita, certam mercedem accipiet bonorum actuum. Ingreditur et ille per illud ostium, qui aliquid per fidem catholicam interius juxta voluntatem Dei meditatur et tractat. Egreditur, quando secundum ipsam fidem, etiam foris coram hominibus ad laudem Dei aliqua bene operando, ad exemplum præparat.

« Dabit Dominus inimicos tuos, qui consurgunt « adversum te, corruentes in conspectu tuo. Per « unam viam venient ad te, et per septem fugient a « te. » Qui enim custodit mandata Dei, malignorum spirituum aciem perturbat, virtutem dissipat. Et quæ

adamat ad necedum venerant, territi, per diversa fugere tentant. « Emitteret Dominus benedictionem super cellaria tua, et super omnia opera manuum tuarum : benedicetque tibi in terra quam acciperis. » Cellaria benedicet, cum in cordis secreta gratiam Spiritus sui infundit. Benedicet opera manuum, cum studiis bonis facultatem tribuit virtutum. Benedicet in terra, et suscitabit Dominus sibi populum, quando sanctos suos in terra Ecclesie abundare faciet gratia caelestium donorum. Unde et sequitur : « Si custodieris mandata Domini Dei tui, et ambulaveris in viis ejus, videbunt omnes terrarum populi quod nomen Domini invocatum sit super te, et timebunt te, et abundare te faciet Dominus omnibus bonis. » Timent hostes populum Ecclesie, cum maligni spiritus, quando nomen Christi in electis Dei intus in fide et foris in operibus coruscare conspiciunt, verendo fugiunt : nec eis resistere nequitia sua poterunt. Unde scriptum est : « Resistite diabolo, et fugiet a vobis » (*Jacob. iv*). Et Petrus in Epistola sua ait : « Sobrii estote et vigilate, quia adversarius vester diabolus, tanquam leo rugiens, circuit, quaerens quem devoret. Cui resistite fortes in fide : scientes eandem passionem ei, quae in mundo est, vestrae fraternitati fieri » (*I Petr. v*). Abundare faciet Dominus sanctos suos omnibus bonis, quando hic bonis auget meritum, et in futuro caelestibus remunerabit praemiis. « Aperiet Dominus thesaurum suum optimum, caelum : ut tribuat pluviam terrae tuae in tempore suo. » Caelum hic prophetas, vel apostolos, sive praedicatorum verbi Dei, possumus intelligere, de quibus scriptum est : « Coeli enarrant gloriam Dei, et opera manuum ejus annuntiat firmamentum. » Quos tunc Dominus aperit ut tribuat pluviam, quando eos per donum Spiritus sancti concedit doctrinam proferre divinam, ut carnalium corda, hoc imbre irrigata, germen bonorum operum possint proferre. « Fenerabis gentibus multis et ipse a nullo fenus accipies. » Fenerabit Ecclesia gentibus multis, quando charismata divinationibus expendit singulis. Nec fenus ab ulla illarum accipit, quia non praesentem, sed futuram remunerationem inquirat. Excellit omnibus enim dono Dei, et caput est totius orbis, non cauda; et semper supra, nec unquam subter : quia licet pressuras et persecutiones malorum in mundo patiat, tamen fortior est adversariis, ac fide et virtute eminent universis. Sequitur :

« Constituet te Dominus in caput et non in caudam : et eris semper supra et non subter, si audieris mandata Domini Dei tui, quae ego praecipio tibi hodie, et custodieris et feceris, ac non declinaveris ab eis, nec ad dexteram nec ad sinistram : nec secutus fueris deos alienos, nec colueris eos. Non praeteribis ab omnibus verbis quae ego mando tibi hodie dextra aut sinistra, ire post deos alienos, servire illis. Quod si audire nolueris vocem Domini Dei tui et custodias et facias omnia mandata ejus et ceremonias quas ego praecipio

tibi hodie, venient super te omnes maledictiones istae, » etc. Cum dextera in laude ponatur, non ibi ea reprehenduntur quae dextra sunt, sed ille qui declinat in ea, id est, qui sibi arrogat quae Dei sunt. Ideo dicitur in Proverbiis : « Ne declines in dexteram aut sinistram. Vias enim quae a dextris sunt novit Dominus. Perversae autem sunt quae a sinistris sunt » (*Prov. iv*). Ergo bonae sunt dextrae quas novit Dominus. « Novit » ergo « Dominus vias justorum, et iter impiorum peribit, » sicut in psalmo legitur (*Psal. i*). Cur ergo dictum sit, « ne declines in dexteram, » consequenter ostendit addendo : « Ipse enim rectos faciet cursus tuos. » Absit autem ut dexteram quas novit Dominus negemus esse rectas : sed, ut dixi, declinare in eas, est non illius gratiae, sed sibi tribuere velle quod rectum est. Denique, ut dixi, adjungit et dicit : « Ipse enim rectos faciet cursus tuos, et omnia itinera tua in pace producet. »

Quapropter quod isto loco Deuteronomii dictum est, « Non praeteribis ab omnibus verbis quae ego mando tibi hodie, dextra aut sinistra, ire post deos alienos, servire illis, » non ideo dictum est quia dii possint etiam in dextris accipi : sed aut terrena loca significata sunt, quia in dextra aut in sinistra habebant gentes alios deos colentes, aut hoc de diis aliis separatim pronuntiandum est, ut duo sint sensus : unus videlicet : Non praeteribis ab omnibus verbis quae ego tibi mando, dextra aut sinistra, secundum scilicet illum intellectum quem supra exposui, alius autem sit sensus : ire post deos alios, servire illis, ut et hic subaudiatur. Non praeteribis ab omnibus verbis quae ego mando tibi hodie. Quem totum sensum si dicere velimus, superiora verba, quae utique sensui sunt communia, repetituri sumus; ut quomodo illic dicitur. Non praeteribis ab omnibus quae ego mando tibi hodie dextra aut sinistra, sic et istic repetatur : Non praeteribis ab omnibus quae ego mando tibi hodie, ire post deos alienos, servire illis. Praetereundo enim a verbis quae mandata sunt, etiam hoc fit ut eatur post deos alios : non enim hoc solum mandatum est. Aut solum hoc praeterire Deus non vult quod mandavit ne post deos alienos eatur, sed omnia quae mandavit. Hoc tamen ita praecipue, ut post generalitatem praeccepti, quo admonuit non esse praetereundum ab omnibus verbis mandatorum suorum, etiam hoc seorsum commendare voluerit. Potest hoc quod ait, « dextera aut sinistra, » etiam sic intelligi. Haec eorum causa quae propter felicitatem appetuntur, nec eorum quae propter infelicitatem fugiuntur, ire mandaverunt post deos alienos, id est, nec pro his quae amantur, nec contra ea quae odio habentur, a diis aliis auxilium poscendum esse; aut certe illo modo ut concilientur quo prosint, vel placentur ne noceant. Nam et de quibusdam scriptum est in psalmo : « Quorum os locutum est vanitatem, et dextera eorum dextera iniquitatis » (*Psal. cxliii*). Ideo quia his rebus opinantur fieri hominem beatum, quas et boni et mali possunt habere, et ideo dextera

est iniquitatis, quia iniqui sunt qui eam dexteram A  
 pulant, Non enim est vera dextera, sed dextera eorum  
 quorum os locutum est vanitatem. Beatum dixerunt  
 populum cui hæc sunt. Cum potius, sicut mox  
 adjungit et dicit, beatus sit populus cujus Dominus  
 Deus ipsius, hæc est vera dextera æquitatis, non iniquitatis.  
 Non est ergo eundem post deos alienos. Neque in dextera,  
 ut existimet homo ex ipsis se fieri beatum. Neque in sinistra,  
 ut existimando ipsis adversantibus se fieri miserum,  
 ad hoc eos colat ut avertat. Aut certe si dexteram intelligimus æterna,  
 sinistram vero, temporalia bona; nec propter illa nec propter  
 ista eos colendos sancta Scriptura hoc loco admonuisse creditur.

« Quod si audire nolueris vocem Domini Dei tui, B  
 et custodias et facias omnia mandata ejus et ce-  
 remonias quas ego præcipio tibi hodie, venient super te omnes  
 maledictiones istæ, et apprehendent te. Maledictus eris in civitate,  
 et in agro, » etc. Sicut his qui custodierint mandata Dei  
 promisit benedictiones et beatitudinem perpetuam, sic et  
 contrario per easdem species quas ante in benedictionibus  
 enumeravit, illis qui servare divina præcepta noluerunt  
 maledictiones et ignem prænuntiat perpetuum: quia sicut  
 boni perceptio beatificat accipientes, sic et privatio ipsius  
 condemnat peccatores. « Mittet Dominus super te famem et  
 esuriam et in crepationem in omnia opera tua quæ facies,  
 donec coctæ fuerint et perdat velociter, propter adinventiones  
 tuas pessimas in quibus reliquisti me. » Famem dicit non  
 panis neque sitim aquæ, sed audiendi verbum Domini;  
 et sterilitatem virtutum, quam impii merito suæ  
 perversitatis patiuntur, quia digni non sunt ad percipiendum  
 gratiam divinam. Unde scriptum est dicente Domino: «  
 Mandabo nubibus meis ne pluant super eos imbrem » (Isa. v).  
 Verum merito suæ perversitatis pestilentiam, hoc est  
 turbationem virtutum et malignorum spirituum tolerant  
 tempestatem, quoadusque de terra Ecclesie in novissimo  
 per angelorum ministeria evellentur, et inferni carceribus  
 puniendi tradentur. Hactenus enim sagena Domini trahit  
 bonos pisces et malos, donec perveniat ad litus, et tunc  
 colliguntur boni in vasa, mali autem mittentur foras.  
 « Percutiet te Dominus egestate, febre et frigore, et ardore  
 et aestu, et aere corruptio, ac rubigine: et persequetur  
 te nec pereas. » Percutiet Dominus peccatores febre,  
 quando eos justo judicio deserit frigus infidelitatis  
 et ardorem carnalium desideriorum pati, Aerem corruptum  
 dabit, cum vitam pollutam ducere reprobos permittit.  
 Ex aere enim bene vita carnalis exprimitur, quia ex  
 aeris spiramine humanum corpus vivificatur. Quod autem  
 subjungitur, « et sequetur te donec pereas, » non est  
 ita sentiendum quasi Deus aliquem persequendo interire  
 faciat, qui neminem tentat (ipse autem tentator  
 malorum est), qui omnes homines salvos vult fieri  
 et ad agnitionem veritatis venire; sed ejus facere  
 aliquando permittere intelligendum est, quia nihil in  
 rebus fit nisi jubente

aut permittente Domino, nec est aliquid in terra sine  
 causa. Quis porro tam impie desipiat ut dicat Deum  
 malas voluntates hominum, quas voluerit, in bonum  
 non posse convertere? Sed cum facit, per misericordiam  
 facit; cum autem non facit, per judicium non facit.  
 Quia cujus vult miseretur, et quem vult obdurat.  
 « Cælum quod super te est, æneum; et terra quam calcas,  
 erit ferrea. » Elementa quibus universi fructus nutriuntur,  
 comparat durissimis metallis, quia peccata hominum  
 faciunt ut rerum ordo permutetur, et quæ ad solatium  
 condita sunt humano generi, ad correptionem eorum  
 vertantur. Unde scriptum est: « Pugnat pro eo orbis  
 terrarum contra insensatos » (Sup. v). Juxta allegoriam  
 autem cælum erit æneum pravaricatoribus legis Dei,  
 cum nullam a sanctis doctoribus merentur invenire  
 clementiam, sed durissimam sentient disciplinam,  
 quoniam ipsi non cor carneum nec mollem animum,  
 sed cor lapideum et ferream mentem habere voluerunt.  
 Unde lex vetus duro Judæorum populo in lapide  
 conscripta dabatur, ut ex collato munere manifestaretur  
 quales fuerint ejus acceptores. « Det Dominus  
 imbrem terræ tuæ pulverem: et de cælo descendet  
 super te cinis, donec conteraris. » Ergo sicut pulvis  
 et cinis non sunt frugifera, ita doctrina quæ tibi  
 impenditur non excitabit in te germina virtutum,  
 sed æternum incorrecto prænuntiabit interitum.  
 Per pulverem enim possumus designatam sentire bonorum  
 operum sterilitatem, et per cinerem ignis æterni  
 combustionem, quia palæa peccatorum comburuntur  
 igne inextinguibili infernorum. « Tradet te Dominus  
 corruentem ante hostes tuos. Per unam egredieris  
 viam contra eos, et per septem fugies; et dispergeris  
 per omnia regna terræ. » Sicut Judæi propter  
 cæcitatem cordis sui non meruerunt a Domino ab inimicis  
 suis defendi, sed in totam mundi latitudinem ab hostibus  
 dispergi, ita omnes inimici qui per penitentiam ad  
 Dominum nolunt reverti, certum est quod a potestate  
 malignorum spirituum non merentur eripi, sed in  
 diversas pœnas pariter cum illis demergi. Unde  
 scriptum est: « Ecce inimici tui, Domine, peribunt,  
 et dispergentur omnes qui operantur iniquitatem »  
 (Psal. xci). « Sitque cadaver tuum in escas volatilibus  
 cœli et bestiis terræ, et non sit qui abigat, » In  
 cadavere futura pœna post mortem insinuat. Tunc  
 enim bestie terræ et volatilia cœli, quæ non alia  
 quam aeris potestates intelligimus, diversis pœnis  
 eos lacérant qui mandata Dei contempserunt. Et non  
 est qui abigat, quia nullus est qui inde eos eruat,  
 cum Dominus eos spernat. Unde Psalmista ad  
 Dominum ait: « Non est qui mor sit tui in morte.  
 In inferno autem quis confitebitur tibi? » (Psal. vi).  
 « Percutiet te Dominus ulcere Ægypti, et partem  
 corporis per quam stercorea digeruntur, scabie quoque  
 et prurigine, ita ut curari nequeas, etc. » Ulcera  
 Ægypti vulnera fuerunt et vesicæ turgentes. Philisthim  
 autem dolorem patiebantur in posterioribus, quando  
 comptre scebant animæ eorum. Quæ digne plagæ  
 infidelibus et



contemploribus ingeruntur cum retributio condigna meritis eorum impenditur. Aliter, in ulceribus dolosa hujus sæculi et purulenta malitia; in vesicis, tumens et inflata superbia; in scabie et prurigine, fervor iræ ac furoris insaniam exprimitur. Hæc ergo ex inimici factione peccatoribus merito in præsentia vita infliguntur. Cæterum post finem vite, quæ significant posteriora, scelerum suorum scelerum æternis cruciatibus sustinebunt. « Percutiat te Dominus amentia et cæcitate, ut palpes in meridie sicut palpare solet cæcus in tenebris, et non dirigas vias tuas. » Amentia percussi sunt Judæi, quando Filium Dei, qui in virtute Spiritus sancti signa et miracula faciebat, in Beelzebub principe dæmoniorum eiecisse dæmonia calumniabantur. Palpabant in meridie sicut cæcus in tenebris, quando sexta hora diei Salvatorem mundi reum esse vociferabant, et crucifigi postulabant. Unde eis tenebræ, quas illi intus in animo habebant, per obscuritatem luminarium forinsecus in ipsa hora passionis Domini demonstrabantur. Sed cæci cordibus non dirigebant vias suas, quia nec pœnitentiam agere de peccatis suis nec veritati credere volebant. Ideo omni tempore calumniam sustinebunt, et oppressi violentiis non habebunt liberatorem. Similiter et omnes hæretici et schismatici percutiuntur amentia, et palpant in meridie velut cæci quando clarescente Evangelio in toto orbe terrarum, ipsi errorum tenebris involuti, animam suam in hoc ostendunt quod catholicæ fidei in dogmatibus suis concordare nolunt. Idcirco omni tempore calumniam sustinebunt, quia in vacuum laborant. Ecclesia enim Christi contemnit malignas suggestiones, nec portæ inferi prævalebunt adversus eam (Matth. xvi), « Uxorem accipias, et alius dormiat cum ea. Domum ædifices, et non habitet in ea. Plantas vineam, et non vindemias eam. Bos tuus immoletur coram te, et non comedas ex eo, » etc. Propter prævaricationem quæ prævaricati sunt Israëlitarum in mandatis Dei, terram pœssessionis suæ reliquebant, et animalium suorum damnâ sentiebant. Sic et avari quique et facinoribus irretiti, licet in præsentia multum laborent, tantum perdunt laborem, quia in fine eorum simul cum eis destruentur opera illorum. In uxore enim potest accipi plebs, hæreticorum perfidia sociata, quam diabolus fornicatione spiritali corrumpit quando eam in errorem seducit. Sic et in animalium nomine subjecta persona designatur, quæ nunc ab hæreticis evelluntur quando ipsi et vita et doctrina pariter privabuntur. Possunt et hæc ad Judæorum populum transferri: quia ea quæ ille sibi scribendo atque docendo figuraliter præparaverat, omnia nunc in usum spiritaliter convertuntur Ecclesiæ. « Filii tui et filia tuæ tradentur alteri populo videntibus oculis tuis et deficientibus a conspectu eorum tota die: et non sit fortitudo in manu tua. » In filiorum et filiarum nomine discipulos designat, quos sive Judæi sive hæretici nutrierant. Traduntur alteri populo, cum populo mancipantur Christiano, ut ibi discant veritatem quam

A antea per magistros priores nullo modo discere potuerunt. Hoc quippe videntes Judæi atque hæretici, deficient oculis, quia intentionem suam, quam in dogmatis sui commendatione exercent, nequaquam ad effectum perducere valent. « Fructus terræ tuæ et omnes labores tuos comedat populus quem ignoras, » etc. Quidquid prior populus in libris vel in ceremoniis laborat legis, totum Ecclesiæ populo ad instructionem spiritalem collatum est. Ipseque fruetur abundantia, dum illi deficient vanitate; et implebitur illud quod per Isaiam prophetam Dominus ait: « Ecce servi mei comedent, et vos esurietis; ecce servi mei bibent, et vos sitietis; ecce servi mei lætabuntur, et vos confundemini; ecce servi mei laudabunt præ exultatione cordis, et vos clamabitis præ dolore cordis, et præ contritione ululabitis: et dimittetis nomen vestrum in juramentum electis meis, et interficiet te Dominus; et servos suos vocabit nomine alio, in quo qui benedictus est super terram benedicetur in Domino. » « Percutiat te Dominus minus ulcere pessimo in genibus et suris: sanari que non possis, a planta pedis usque ad verticem tuum. » In genibus et in suris vel robor tollendum, vel stabilitatem loci significat. Igitur quia Judæi vel hæretici ab initio voluntatis suæ usque ad perfectionem operis malitiam suam exercuerunt, merito dicitur de eis quod a planta pedis usque ad verticem sunt percussi. Unde et Isaias talibus comminans ait: « Væ genti peccatrici, populo gravi iniquitate, semini nequam, filiis sceleratis. Dereliquerunt Dominum, blasphemaverunt sanctum Israel, abalienati sunt retrorsum. Super quo percussam vos ultra, addentes prævaricationem? omne caput languidum, et omne cor mœrens. A planta pedis usque ad verticem, non est in eo sanitas, » etc. (Isa. i). Per metaphoram docet quod a principibus usque ad extremam plebem, a doctoribus usque ad imperitum vulgus, in nullo sit sanitas, sed omnes in impietate pari ardore consentiant. Ergo hoc quod dicit, « non est in eo sanitas, » ad extremam refert captivitatem, quando post Titum et Vespasianum, et ultimam eversionem Jerusalem sub Ælio Adriano, usque ad præsens tempus, nullum remedium est, impleturque quod scriptum est: « Omnes declinaverunt, simul inutiles facti sunt: non est qui faciat bonum, non est usque ad unum » (Psal. xlii). Quodque inferitur, « non est in eo sanitas, » vel in populo intellige, vel in corpore, vel in capite.

« Ducet te Dominus, et regem quem constitueris super te, in gentes quas ignoras tu et patres tui: servies ibi diis alienis, ligno et lapidi, et eris perditus in proverbium et fabulam omnibus populis ad quos te introduxerit Dominus. » Duxit Dominus gentem antiquam Israelitarum propter peccata sua in captivitatem cum rege suo, sicut factum est in Osce rege Samaritæ, quem Salmanassar rex Assyriorum duxit cum decem tribubus in captivitatem. Similiter et gentem Judæorum Nabuchodonosor rex Babiloniæ introduxit in Chaldeam, cum Joachim et

Sedecia regibus Judæ. Sed et nunc in tempore Novi Testamenti quicumque aberrant a fide hæretici, vel mali catholici spernunt præcepta Dei et obedire nolunt Evangelio Christi, per malignos spiritus variis vitiis captivantur : et ad extremum, si non se correxerint, in barathrum inferni demergentur. Nec est distantia inter dominum et servum, militem et regem, magistrum et discipulum; sed justum iudicium Dei unicuique secundum propria reddet merita. Unde scriptum est : « Disperdet Dominus ab Israel virum qui fecerit hoc, magistrum et discipulum ejus » (*Maluch. 11*). « Commonere autem vos volo, scientes semel omnia, quoniam Jesus populum de terra Ægypti salvans, eos secundo qui non crediderunt perdidit. Angelos vero, qui non servaverunt suum principatum, sed dereliquerunt suum domicilium, in iudicium Dei magni vinculis æternis sub caligine reservavi » (*Jud. v*). « Sementem multam jacies in terram et modicum congregabis, quia locustæ omnia devorabunt. Vineam plantabis et fodias eam, et non bibes vinum, nec colliges ex ea quidpiam, quoniam vastabitur vermibus. Olivæ habebis in omnibus terminis tuis, et non ungeris oleo, quia defluent et peribunt, etc. » Nota, lector, quod sementem devorant locustæ, vineam devastant vermes, olivæ defluunt et pereunt : et cautus esto ne forte gratiam, quam divino munere percepisti, locustæ et vermes spirituales exedant, devastent atque a te auferant, et quæ tibi in augmentum salutis tuæ collata sunt, propter incuriam tuam ad detrimentum perveniant. Dicit enim Psalmista : « Dedisti lætitiā in corde meo : a tempore frumenti, vini et olei » (*Psal. 119*). « Panis hominis cor confirmat; vinum lætificat cor hominis, faciem oleum exhilarat » (*Psal. 133*). Et, beatus qui vigilat et custodit vestimenta sua, ne nudus ambulet.

« Advena qui tecum versatur in terra, ascendet super te, eritque sublimior. Tu autem descendes, et eris interior. Ipse fenerabit tibi, et tu non fenerabis ei. Ipse erit in caput, et tu eris in caudam. Et venient super te omnes maledictiones istæ, et persequentes apprehendent te donec intereas, quia non audisti vocem Domini Dei tui, nec servasti mandata ejus et ceremonias quas præcepit tibi Dominus. » Manifeste hoc capitulo describitur Israelitarum abjectio et gentium electio : quia secundum Veritatis vocem, qua ad ipsos Judæos ait : « Auferetur a vobis regnum Dei, et dabitur genti facienti fructum ejus; sic erunt primi novissimi, et novissimi primi » (*Math. 21*); et secundum Annæ prophetiam : « Sterilis peperit plurimos : et quæ multos habebat filios, infirmata est, eo quod non audivit vocem Domini Dei sui, et mandata ejus non servavit » (*Math. 23*); ruinam populi illius Dominus prævidens, miserando ac sæpius monendo eos convertere voluit, primum per legem, secundo per prophetas, tertio per sacerdotes ac doctores, novissime per Filium suum unigenitum et per apostolos

ejus. Unde legitur, quod « cum appropinquaret Jesus Jerusalem, videns civitatem, flevit super illam et dixit : Quia si cognovisses et tu, et quidem in hac die tua, quæ ad pacem tibi, nunc autem abscondita sunt ab oculis tuis. Quia venient dies in te, et circumdabunt te undique, et ad terram prosternent te, et filios tuos qui in te sunt : et non relinquent in te lapidem super lapidem, eo quod non cognoveris tempus visitationis tuæ » (*Luc. 19*). Creator quippe omnium per incarnationis suæ mysterium hanc visitare dignatus est, sed ipsa timoris illius et amoris recordata non est. Unde etiam per prophetam in increpatione cordis humani aves cœli in testimonium deducuntur : « Milvus, inquit, in cœlo cognovit tempus suum : turtur, et hirundo, et ciconia, custodierunt tempus adventus sui. Populus autem meus non cognovit iudicium Domini » (*Ser. 7*). Inde gentibus frequenter ad deprædandum dati, novissime autem Romanis principibus ad subversionem perpetuam sunt traditi, veneruntque eis omnia genera maledictionum quæ in libro legis conscripta sunt. Similiter et his qui gratiam ingræte Dei accipiunt certa est damnatio. Quia, secundum Pauli vocem, irritam quis faciens legem Moysi sine ulla miseratione duobus aut tribus testibus moritur, quanto magis putatis deteriora mereri supplicia qui Filium Dei conculcaverit, et sanguinem testamenti pollutum duxerit in quo sanctificatus est, et spirituali gratiæ contumeliam fecerit. Scimus enim, qui dixit : « Mibi vindicta, ego reddam » (*Psal. 134*). Et iterum : « Quia iudicabit Dominus populum suum. Horrendum quoque est incidere in manum Dei viventis. » Et ideo bonum est præcavere, ne peccantem et impenitentem æterna perditio subsequatur. « Dabit enim tibi Dominus cor pavidum, et deficientes oculos, et animam mœrore consumptam. » Propter perfidiam suam datum est Judæis cor pavidum; unde scriptum est : « Illic trepidaverunt timore ubi non erat timor » (*Psal. 111*). Dicebant autem sacerdotes eorum ad eos : « Videtis quia nihil proficimus. Ecce mundus totus post ipsum abiit. Si dimittimus eum sic, omnes credent in eum. Et venient Romani, et tollent nostrum locum et gentem » (*Joan. 11*). Hæc eis evenit quod verebantur, sed inde unde non arbitrabantur. Illi æstimabant de fide Christi venire sibi damnum, cum hoc magis de perfidia sua et de persecutione in Christum et apostolos ejus, illis evenit. « Et erit vita tua quasi pendens ante te, timebis nocte et die, et non credes vitæ tuæ. » Quasi vero quidquam sit pejus inter maledicta quæ Judæis pro merito superbiæ et impietatis acciderant quam videre vitam suam, id est, Filium Dei pendentem, et non credere vitæ suæ. Maledicta enim cum ex prophætia dicuntur, non sunt de malo voto imprecantis, sed ex præscio spiritu prænuntiantis. Nam illa quæ malo voto sunt, prohibentur cum dicitur : « Benedixit et nolite maledicere. » Hæc autem sæpe inveniuntur in sermone sanctorum, sicut apostolus Paulus ait : « Alexander, inquit, ærarius multa mala mihi oc-

tendit: reddat illi Dominus secundum opera sua (II Tim. iv). Nam illud tanquam stomachatus et indignatus etiam male optasse videtur Apostolus: « Utinam et abscondantur qui vos conturbant » (Gal. v). Quod utique si consideres personam scribentis, magis eam elegantissimo ambiguo bene optasse intelliges. Sunt enim spadones qui se ipsos abscondunt propter regnum caelorum. Quod in his quoque verbis Faustus rapuisset, si pium palatum ad escas Dominicas attulisset. Sic enim sonuit fortasse Judæis quod dictum est: « Videbis vitam tuam pendentem, et non credes vitæ tuæ, » ut inter minas vel dolos hostium suorum vitam suam videntes ex incerto pendere, victores se esse non crederent. Sed filius Evangelii cum audit, « Ille enim de me scripsit, » in hac ipsa ambiguitate scientiæ videt quid prophetiæ portis projiciant, quid hominibus innuant; statimque occurrit illi vita hominum Christus pendens, eique non credentes Judæi ob hoc ipsum quia pendentem vident. Et alius quidem aliquis cito diceret inter cætera maledicta illa quæ lectione ad aliquid de Christo intelligendum non pertinent, hoc solum ibi esse de Christo quod scriptum est: « Videbis vitam tuam pendentem, et non credes vitæ tuæ. » Neque enim fieri posset, ut inter diversa maledicta quæ impio populo prophetiæ imputabant, hoc quoque poneretur. Sed ego, et qui mecum aliquanto attentius cogitant Evangelicam illam Dominicamque sententiam, quia non ait: « Ille enim et de me scripsit, » ut alia quæ ad Christum non pertinent scripsisse crederetur, sed ait: « De me enim ille scripsit, » ut omnem Scripturæ intentionem non nisi ad intelligendum Christi gratiam perscrutando consuleremus, etiam cætera in ista lectione maledicta propter Christum prædicta cognoscimus.

### CAPUT XXVI.

*Commemoratio quomodo eduxit Dominus filios Israel per desertum quadraginta annis, nec sunt vestimenta eorum attrita neque calceamenta vetustate consumpta.*

(CAP. XXIX.) « Hæc sunt verba foederis quod præcepit Dominus Moysi ut feriret cum filiis Israel in terra Moab, præter testamentum quod testatus est in Horeb. » Septuaginta: « Hæc verba testamenti quod mandavit Dominus Moysi statuere filiis Israel in terra Moab, præter testamentum quod testatus est eis in Horeb. » Ostendit unde appellatus sit liber Deuteronomii quasi secunda lex; ubi magis illius fit repetitio quam aliquid aliud: pauca enim sunt quæ ibi non sint in eo quod primum datum est. Nec tamen hæc appellantur duo Testamenta, quamvis ita hæc verba sonare videantur. Utrumque enim unum est Testamentum, quod in Ecclesia dicitur Vetus. Nam si propter hæc verba duo Testamenta dicenda essent, jam non duo, sed plura essent, excepto Novo. Multis enim locis Scriptura dicit Testamentum: sicut illud quod factum est ad Abraham de circumcisione, vel illud superius ad Noe.

« Vos vidistis universa quæ fecit Dominus coram

« vobis in terra Ægypti Pharaoni et omnibus servis ejus: universæque terræ illius tentationes magnas, quas viderunt oculi tui, signa illa portentaque ingentia. » Septuaginta: « Et vos vidistis omnia quæcunque fecit Dominus Deus vester in terra Ægypti coram vobis, Pharaoni et omnibus servis ejus, universæque terræ illius, tentationes magnas quas viderunt oculi tui; signa et prodigia illa magna, et manum validam: et non dedit Dominus vobis cor scire, et oculos videre, et audire aures usque in diem istam. » Quomodo ergo ait superius: « Vos vidistis tentationes magnas quas viderunt oculi tui, » si non dedit eis Dominus oculos videre, et aures audire, nisi quia viderunt corpore, et corde non viderunt? quia oculi dicuntur et cordis; propterea inde cœpit: « Et non dedit Dominus Deus vobis cor scire. » Ad hoc pertinent duo quæ sequuntur, « et oculos videre, et aures audire, » id est, intelligere et obtemperare. Quod vero dicit, « et non dedit vobis Dominus Deus, » nullo modo increpans et arguens hoc diceret, nisi ad eorum culpam quoque pertinere vellet intelligi, ne quisquam se ex hoc excusabilem putet. Simul enim ostendit et sine adjutorio Domini Dei eos intelligere et obedire non posse oculis cordis et auribus cordis; et tamen si adjutorium Domini desit, non ideo esse excusabile hominis vitium, quoniam judicia Dei, quamvis occulta, tamen justa sunt.

« Adduxi vos quadraginta annis per desertum. Non sunt attrita vestimenta vestra, nec calceamenta pedum vestrorum vetustate consumpta sunt. Pannem non comedistis, vinum et siceram non bibistis; ut sciretis quia ego sum Dominus Deus vester, » etc. Hinc apparet tantum vini in suis impedimentis potuisse portare Israëlitas, quando exierunt de Ægypto, quod possent cito consumere. Nam si omnino nihil secum tulissent, unde esset illud quod dictum est: « Sedit populus manducare et bibere, et surrexerunt ludere? » Non enim hoc de aqua diceretur, cum et ipsius Moysi manifestissima verba sint, non fuisse illam vocem principium belli, sed principium vini (Exod. xxxii).

(IBID.) « Vos enim nostis ut habitaverimus in terra Ægypti, et quomodo transierimus per medium nationum, quas transeuntes, vidistis abominationes et sordes idolorum, lignum et lapidem, argentum et aurum, quæ colebant. Ne forte sit inter vos vir aut mulier, familia aut tribus cujus cor aversum est hodie a Domino Deo vestro, ut vadat et serviat diis illarum gentium, et sit inter vos radix germinans fel et amaritudinem. Cumque audiverit verba juramenti hujus, benedicat sibi in corde suo dicens: Pax erit mihi, et ambulabo in pravitate cordis mei. Et assumat ebria sipientem, et Dominus non ignoscat ei. » Septuaginta: « Nunquid aliquis est inter vos vir aut mulier, vel familia vel tribus, cujus mens declinavit a Domino Deo vestro, ire servire diis illarum gentium? neque est in eo radix sursum germinans in felle et amaritu-

«dine? Et erit, cum audierit verba maledictionis  
 «hujus, et opinabitur in corde ejus dicens : Sancta  
 «mihi fiant, quoniam in errore cordis mei incedo,  
 «ut non simul perdat peccator eum qui sine peccato  
 «est; nolet Deus propitiari ei, sed tunc incendetur  
 «ira Domini et zelus ejus in homine illo, et adhæ-  
 «rebant in eo maledicta omnia Testamenti hujus,  
 «quæ scripta sunt in libro legis hujus. » Ita dictum  
 est : « Nunquid in vobis est? » ut tanquam requiren-  
 tem intelligamus, ne forte sit. Si quis esset autem,  
 terruit eum vehementer, ne quisquam forte diceret  
 in corde suo, audiens illa maledicta : « Sancta mihi  
 sunt, » id est, maledicta sancta mihi sint : « quon-  
 «iam in errore cordis mei incedo, » id est, absit  
 ut mihi eveniant, non mihi sint hæc mala, sed san-  
 cta, id est, propitia et innoxia, « quoniam in errore  
 cordis mei incedo, » eundo scilicet post deos gen-  
 tium, et eis tanquam impune serviendo. Non, in-  
 quit, erit sic. « Non perdat simul peccator eum qui  
 sine peccato est. » Tanquam diceret : Cavete ne cui  
 vestrum talia persuadeat, qui talia cogitat. « Nolet  
 Deus propitiari ei, » sive talia cogitant, sive illi cui  
 talia fuerint persuasa, sicut ipse opinatus est dicendo :  
 « Sancta mihi sint, » et quasi hoc modo avertendo  
 a se vim illius maledicti. « Sed tunc accendetur ira  
 Domini, et zelus ejus in homine illo, » quando puta-  
 bit eam a se avertere ista in corde suo dicendo :  
 « Et adhærebunt in eo omnia maledicta testamenti  
 hujus, quæ scripta sunt in libro legis hujus. » Non  
 possunt quidem omnia evenire uni homini : non enim  
 etiam toties mori potest, quot genera mortis hic  
 dicta sunt; sed « omnia » dixit pro quibuslibet, ut  
 non sit immunis ab omnibus, cui evenerint aliqua  
 eorum quibus pereat. Quod autem ait, « Ut non si-  
 mul perdat peccator eum qui sine peccato est; »  
 quod Græcus habet ἀναμάρτητον, non sic accipiendum  
 est tanquam ab omni prorsus peccato mundum et  
 immunem hoc dixerit ἀναμάρτητον, hoc est, sine  
 peccato; sed eum qui sine isto peccato esset de quo  
 loquebatur, sicut dicit Dominus in Evangelio : « Si  
 non venissem, et locutus non fuisset eis, peccatum  
 non haberent » (Joan. xv); non utique omne, sed  
 hoc peccatum quo non crediderunt in eum. Dicit  
 etiam Deus ad Abimelech de Sara uxore Abraham :  
 « Scio quia mundo corde fecisti hoc » (Gen. xx).  
 Non utique mundum cor illius ita voluit intelligi, ut  
 similis ei esset de quibus dictum est : « Beati mundo  
 corde, quoniam ipsi Deum videbunt » (Matth. v);  
 sed ab illo peccato de quo agebatur, mundum cor  
 habebat, quoniam ad ipsum quantum pertinebat,  
 non concupiverat conjugem alienam. Quod autem  
 ait, « Assumat ebria sumentem, et Dominus non igno-  
 scat ei, » idem est quod alia editio habet, « Non per-  
 dat peccator eum qui sine peccato est. » Ac si dice-  
 ret : Cavendum est, ne ille qui ebrius est malitia at-  
 que idololatria seducat eum in errorem, qui habet  
 votum discendi atque sciendi veritatem; quia hujus-  
 modi delictum non facilem habet veniam : in qua  
 maxime sententia percipiuntur hæretici qui, pleni

dolo atque fallacia, seducunt et seducuntur; quorum  
 finis etiam certum habet interitum.

(CAP. xxx.) « Reducet Dominus Deus captivitatem  
 « tuam ac miserebitur tui : et rursus congregabit te  
 « de cunctis populis, in quos te ante dispersit. Si ad  
 « cardines cœli fueris dissipatus, inde te retrahet  
 « Dominus Deus tuus, et assumet atque introducet  
 « in terram quam possederunt patres tui, et obtine-  
 « bis eam. Et benedicens tibi, majoris numeri esse  
 « faciet te quam fuerunt patres tui. Circumcidet  
 « Dominus Deus tuus cor tuum et cor seminis tui,  
 « ut diligas Dominum Deum tuum, in toto corde  
 « tuo, et in tota anima tua, ut possis vivere. » Sep-  
 tuaginta : « Et circumpurgabit Dominus cor tuum,  
 « et cor seminis tui, diligere Dominum Deum tuum  
 « ex toto corde tuo, et ex tota anima tua, ut vivas  
 « tu. » Evidens pollicitatio gratiæ. Promittit enim  
 Dominus se esse facturum quod solet juvare [Al.,  
 jubere] ut fiat.

## CAPUT XXVII.

Quod mandatum Domini non sit procul positum,  
 sed juxta.

(IBID.) « Mandatum quod ego præcipio tibi hodie  
 « non supra te est neque procul positum, nec in cœlo  
 « situm, ut possis dicere : Quis nostrum ad cœlum  
 « valet conscendere, ut deferat illud ad nos et audia-  
 « mus, atque opere compleamus? Neque trans mare  
 « positum, ut causeris et dicas : Quis ex nobis trans-  
 « fretare poterit mare, et illud ad nos usque de-  
 « ferre, ut possimus audire et facere quod præce-  
 « ptum est? sed juxta te est sermo valde in ore tuo,  
 « et in corde tuo, ut facias illum, » et reliqua. Se-  
 ptuaginta : « Quia mandatum hoc quod ego mando  
 « tibi hodie non est supra modum, neque longe abs-  
 « te est : non in cœlo est, dicens, id est, ut dicas,  
 « Quis ascendet nobis in cœlum, et accipiet illud  
 « nobis, et audientes illud faciemus? Neque trans  
 « mare est, dicens, id est, ut dicas : Quis transfreta-  
 « bit nobis trans mare, et accipiet illud nobis, et  
 « audientes illud faciemus? Prope est verbum hoc  
 « valde in ore tuo, et in manibus tuis facere illud. »  
 Hoc est verbum fidei, dicit Apostolus, quod ad Novum  
 pertinet Testamentum. Sed quæri potest cur ea su-  
 perius mandata dixerit, quæ scripta sunt in libro le-  
 gis hujus, nisi quia his omnibus spiritualia signifi-  
 cantur, ad Novum Testamentum pertinentia, si bene  
 intelligantur. Item quæri potest cur hoc quod hic  
 positum est, « Neque trans mare est, ut dicas : Quis  
 transfretabit nobis trans mare, et accipiet nobis il-  
 lud? » Apostolus dixerit, « Aut quis descendet in  
 abyssum? » atque id exponens adjunxerit, « Hoc est  
 Christum a mortuis reducere; » nisi quia mare ap-  
 pellavit totam in hoc sæculo vitam, quæ morte trans-  
 itur, ut quodammodo mare finiatur, et mors ipsa  
 trans mare appelletur, velut trans istam vitam, quæ  
 maris vocabulo significatur. Deinde quod hic addi-  
 tum est, « et in manibus tuis, » non ait Apostolus,  
 nisi « in ore tuo et in corde tuo. » Et hoc asserit ad  
 finem exsecutus est dicens : « Corde creditur ad ja-

stiliam, ore autem confessio fit ad salutem » (Rom. x). Merito quod ex Hebræo translatum est, quantum a nobis inspicere potuit, non habet « in manibus tuis ». Nec frustra tamen hoc a Septuaginta interpretibus additum existimo, nisi quia intelligi voluerunt etiam ipsas manus, quibus significantur opera, in corde accipi debere, ubi est fides quæ per dilectionem operatur. Nam si forinsecus ea quæ Deus jubet, manibus fiant, et in corde non fiant, nemo est tam insulsus qui præcepta arbitretur impleri. Porro si charitas, quæ plenitudo legis est, habitat in corde, etiamsi manibus corporis quicquam non possit operari, pax illi est, utique cum hominibus bonæ voluntatis.

### CAPUT XXVIII.

*De eo quod Moyses prædixit Josue ducatum Israelis; et quod ipse Moyses scripsit legem et tradidit sacerdotibus filiis Levi custodiendam.*

(CAP. XXXI.) « Vocavitque Moyses Josue, et dixit ei coram omni Israel: Confortare et esto robustus. Tu enim introduces populum istum in terram quam daturum se patribus eorum juravit Dominus: et tu eam sorte divides: et Dominus, qui ductor vester est, ipse erit tecum, et non dimittet te, nec derelinquet, » etc. Ergo verba Moysi ad Josue exprimunt testificationem legis de Domino nostro Jesu Christo: quia hoc manifeste lex et propheta testantur, quod Redemptor noster terram futuræ patriæ singulis secundum propria distribuatur merita, et omnia promissa Dei impleturus ipse sit. Unde Psalmista de ipsa terra testatur, dicens: « Credo videre bona Domini in terra viventium. Expecta Dominum, viriliter age, et confortetur cor tuum, et sustine Dominum » (Psal. xxvi). Ipse enim introducet populum Dei in terram quam daturum se patribus eorum juravit Dominus: quia procul dubio omnes qui ad cælestis regni gaudia perventuri sunt, per illius ducatum illuc pervenient. Ait enim ipsa Veritas: « Nemo venit ad Patrem, nisi per me » (Joan. xiv). « Nemo ascendit in cælum, nisi qui de cælo descendit, Filius hominis, qui est in cælo » (Joan. iii). « Qui enim unitur Christo per fidem, illam scilicet quæ per dilectionem operatur, simul cum capite gaudebit se regnaturum perpetuum. Quod autem dicitur: « Ipse erit tecum, et non dimittet te, neque derelinquet te, » manifeste designat unitatem Patris et Filii. Hinc quoque ipse Dominus in Evangelio ait: « Qui me misit, mecum est: et non reliquit me solum, quia ego, quæ placita sunt illi, facio semper » (Joan. viii). Et item: « Pater, inquit, in me ma-

nens, ipse facit opera » (Joan. xiv). Pater quoque nunquam deserit Filium, quia nunquam separatus est a Filio, cum quo et Spiritu sancto unus et solus est semper Deus.

« Scripsit itaque Moyses legem hanc, et tradidit eam sacerdotibus filiis Levi, qui portabant arcam fœderis Domini, et cunctis senioribus Israel, præcepitque eis dicens: Post septem annos anno remissionis in solemnitate tabernaculorum, convenientibus cunctis ex Israel ut appareant in conspectu Domini Dei sui, in loco quem elegerit Dominus, leges verba legis hujus coram Israel, audientibus eis, et in unum omni populo congregato, » etc. Moyses sacerdotibus legem dedit, ut ostenderet Christi sacerdotibus legis divinæ sanctionem maxime

B ipsis commendatam esse ad insinuandum populo quia in gradu suo non terrestris dignitas, sed cælestis militiæ jus illis confertur. « Post septem, inquit, annos, anno remissionis in solemnitate tabernaculorum, leges verba legis hujus coram omni Israel. » Quid per septem annos, nisi præsens vita, quæ per septenarium dierum numerum currit, designatur? sive per septem annos tempus veteris legis propter sabbatum exprimitur. Post ergo septem annos, in anno remissionis, lex in conventu populi legi præcipitur, quia post completum veteris observantiæ modum jam successit spiritualis ritus Novi Testamenti. « Postquam enim venit plenitudo temporis, misit Deus Filium suum, factum ex muliere, factum sub lege, ut eos qui sub lege erant redimeret, et ad optionem filiorum Dei reciperemus » (Gal. iv). Et quid in anno remissionis nisi annus gratiæ, quem Salvator ipse, legens in synagoga ex Isaia propheta, annum Domini acceptum et diem retributionis esse manifestavit, insinuat? Sic et solemnitas tabernaculorum non alia esse quam status præsentis Ecclesiæ, ubi in tabernaculis incolatus nostri, sub umbraculo fructiferarum arborum, hoc est, sanctorum virorum, doctrinis et exemplis elegimus, et protectionis divinæ subsidio maxime indigemus. Tunc enim legenda lex est in loco quem elegit Dominus, quia tunc præcipue doctrinæ insistendum est in Ecclesia Christi. Ipse quoque locus est quem elegit Dominus, ut habitat nomen ejus ibi. Quando autem pervenerimus in terram possessionis nostræ, jam non in tabernaculis, sed in civitate superni regis, hoc est, Jerusalem cælesti, semper et in æternum manebimus gaudentes, atque illud Psalmistæ dicentes: « Sicut audivimus ita et vidimus in civitate Dei nostri, Deus fundavit eam in æternum. »

## LIBER QUARTUS.

### CAPUT PRIMUM.

*Quod scripsit Moyses verba legis in volumine atque complevit, præcepitque Levitis, ut illud poneret in arca fœderis Domini, ut ibi esset contra eos in testimonium.*

(LIB. I.) « Postquam ergo scripsit Moyses verba le-

gis hujus in volumine atque complevit, præcepit Levitis, qui portabant arcam fœderis Domini, dicens: Tollite librum istum, et ponite eum in lacere arcæ fœderis Domini Dei vestri, ut ait ibi contra te in testimonium, » etc. Moyses Deutero-

nomium scribens, Levitis commendavit ut ponerent illud in latere arcæ Domini, quatenus fieret ibi in testimonium. Spiritualiter ostendit quod Evangelium Christi, cujus Deuteronomium typus est, per sacerdotum fidelium, hoc est, verorum Levitarum ministerium, in memoria recondendum sit Ecclesiæ, quæ veraciter est arca Domini, quia ibi thesauri cœlestes reconduntur. Ibi ergo duæ tabulæ testamenti, hoc est, libri legis Evangelii reservantur. Ibi est urna quæ continet manna, quia ibi incarnatio Christi, continens cibum vitæ æternæ, custoditur. Ibi virga Aaron quæ fronderat, quia ibi Christi sacerdotium perpetualiter manens locatur. « Ut sit ibi, inquit, contra te in testimonium. » Verba legis Dei reservantibus, ea fiunt ad salutem et ad remedium animarum suarum, contemptoribus autem et incredulis erunt in testimonium pertinaciæ suæ et in opprobrium inobedientiæ. Unde Salvator in Evangelio ait : « Beati qui audiunt verbum Dei, et custodiunt illud » (Matth. vii). » Et item : Omnis ergo qui audit verba mea hæc et facit ea, assimilabitur viro sapienti, qui ædificavit domum suam supra petram, et descendit pluvia, et venerunt flumina, et flaverunt venti, et irruerunt in domum illam, et non cecidit. Fundata enim erat supra petram. Et omnis qui audit verba mea hæc et non facit ea, similis erit viro stulto qui ædificavit domum super arenam, et descendit pluvia, et venerunt flumina, et flaverunt venti, et irruerunt in domum illam et cecidit : et fuit ruina ejus magna. » Et iterum : « Amen, amen dico vobis, quia qui verbum meum audit, et credit ei qui me misit, habet vitam æternam ; et in judicium non veniet, sed transiet a morte in vitam. » E contrario autem incredulis et contemptoribus ait : « Nolite putare quia accusaturus ego sim vos apud Patrem. Est qui accusat vos Moyses, in quo vos speratis. Si enim crederetis Moysi, crederetis forsitan et mihi. De me enim ille scripsit. Si autem illius literis non creditis, quomodo meis verbis credetis ? » Et alibi : « Ego, inquit, non judico quemquam, sed est qui judicat. Sermo quem locutus sum vobis, ipse judicabit eum in novissimo die » (Joan. xii).

« Locutus est ergo Moyses audiente universo cœtu Israel, verba carminis hujus, et ad finem usque complevit. » Carmen istud quod Moyses in testimonium Israel decantavit, non simplicem tantummodo historiam sonat, sed spiritali intelligentia plenissimum est. Partim enim secundum historiam, Israelitarum pro beneficiis opulentissime sibi a Domino collatis, exprobrat perfidiam. Partim per allegoriam, de mysteriis cœlestibus sanctam instruit Ecclesiam. Partim autem ad honestatem morum unumquemque fidelium provocat per tropologiam. Unde sobrium lectorem decet, ut in historia servet Scripturæ veritatem ; in allegoria vero consideret mysteriorum cœlestium rationem ; et in tropologia, bonarum disciplinarum ediscat utilitatem : quatenus tripartita hac distinctione edoctus ad illam cœlestem theoriam, hoc est, ad inspectionem secretarum re-

rum, et ad contemplationis divinæ provehatur sublimitatem. Nec non et illud diligenter inspiciendum est, quod dicitur loqui Moyses verba carminis et ad finem usque complesse, si forte hoc admoneat, ut qui ore Deum laudare studeat, operibus non contradicat. Non est enim pulchra datio in ore peccatoris. Ideo ipse Dominus in Evangelio ait : « Qui solverit unum de his mandatis meis minimis, minimus vocabitur in regno cœlorum. Qui autem fecerit et docuerit, hic magnus vocabitur in regno cœlorum » (Matth. v). Principium autem hujus carminis tale est.

## CAPUT II.

*Canticum Moysi præsagium futurorum et Christi mysteriis plenissimum.*

(CAP. XXXII.) « Audite, cœli, quæ loquar ; audiat terra verba oris mei. » Juxta primordium Isaie prophetæ, ita scriptum est : « Audi, cœlum, et auribus percipe, terra, quia Dominus locutus est (Isaie i). Supra ergo in eodem libro quis propheta, cujus filius, quid contra Judam et Jerusalem, sive per Judam et Jerusalem, et quo tempore viderit, titulo demonstratum est. Nunc cœlum et terram ad audiendum provocat : in cœlo supernas significans angelicasque virtutes ; in terra mortalium genus, *ἄνθρωπος* ab his quæ continent, ea quæ continentur ostendens. Nam quia per Moysen testes vocaverat Dominus cœlum et terram, dans populo Israel legem suam et dixerat : « Attende, cœlum, et loquar, audiat terra verba oris mei, » post prævaricationem populi, eosdem rursus in testimonium vocat, ut cuncta elementa cognoscant, juste Deum in ultionem mandatorum suorum ad iracundiam concitatum. Pro cœlo Hebraicum *שמים* cœlos sonat plurali numero, maxime cum audire, dixerit, id est, *שמעו*, quod plurali effertur numero, non singulari. Sed quidam volunt pluraliter quidem dici cœlos, sed singulariter intelligi, juxta illud quod singulas civitates Thebas et Athenas vocamus. Estque Hebraici characteris idioma, ut omnia quæ in syllaba *im* finiuntur, in masculina sint et pluralia, ut *cherubim* et *seraphim*. Et quæ in *oth*, feminina pluralia, ut *sabaoth*. Et notandum quod cœlis dicitur per Isaïam, « Audite, terræ, auribus percipe. » Ea enim quæ excelsa sunt, majorem habent intelligentiam ; quæ humiliora, terrenis sensibus involvuntur. Unde Salvator in Evangelio ait : « Qui habet aures audiendi, audiat » (Matth. xi). Si quis igitur est cœlum et habet municipatum in cœlestibus, audiat mystice quæ dicuntur. Si quis terrenus, simplicem sequatur historiam. Quidam cœlum et terram, quasi animantia ad audiendum provocare putant, juxta illud quod de terra in alio loco dicitur : « Qui respicit terram, et facit eam tremere ; qui tangit montes et fumigant » (Psal. ciii) : cum hoc potestatis Dei sit, non intelligentiæ terrenæ.

« Concresecat in pluviam doctrina mea, fluat ut ros eloquium meum : quasi imber super herbam, et quasi stillæ super gramina : quia nomen Domini

« invocabo. » Eloquium legis Dei comparat pluviae attritæ ac rori, quia germina spiritalium fructuum a fidelium cordibus expetit. Ipsa enim sunt ager et vinea Domini, unde ille fructum sibi amabilem, hoc est honorum operum expetit. Huic similem comparisonem, et Isaïæ prophetæ invenimus. « Quomodo, inquit, descendit imber et nix de cœlo, et illuc ultra non revertitur, sed inebriat terram et infundit eam, et germinare eam facit, et dat semen serenti, et panem comedenti, sic erit verbum meum, quod egredietur de ore meo. Non revertetur ad me vacuum, sed faciet quæcunque volui, et prosperabitur in his, ad quæ misi illud (Isa. lv). » Verum quia Moyses doctrinam suam in pluviam concrecere dixit, ut patenter quæ hæc pluvia esset demonstraret, subjunxit dicens: « Quia nomen Domini invocabo. » Nomen ergo Domini invocare est Evangelium Christi prædicare: quod qui audit et facit boni operis fructum, cœlos sine dubio possidebit. « Date magnificentiam Deo nostro: Dei enim perfecta sunt opera, et omnes viæ ejus judicia. » Magnificare Dominum est majestatem Salvatoris corde credulo, ore pio, simul cum bonis actibus prædicare. Unde Maria mater Domini in Cantico ait: « Magnificat anima mea Dominum: et exsultavit spiritus meus in Deo salutari meo (Luc. 1). » Dei, inquit, perfecta sunt opera. Quæ ergo illa sunt opera? audi Moysen in Geneseos libro dicentem: « Igitur perfecti sunt cœli et terra, et omnis ornatus eorum. Complevitque Deus die septimo opus suum, quod fecerat; et requievit die septimo ab universo opere suo, quod patrarat (Gen. 1). » Opus ergo Dei redemptio est humani generis: quam quando perfectit spiritale sabbatum, in sepulcro requiescens nobis ostendit. Omnes viæ ejus judicia, quia omnia mandata ejus vera. Unde Psalmista ait: « Lex Domini irreprehensibilis, convertens animas, testimonium Domini fidele, sapientiam præstans parvulis (Psal. xviii). » Et item: « Judicia, inquit, Dei vera, justificata in semetipsa. Desiderabilia super aurum et lapidem pretiosum multum, et dulciora super mel et favum. Nam et servus tuus custodit ea, in custodiendis illis retributio multa. » Et alibi: « In labiis, inquit, meis, pronuntiavi omnia judicia oris tui. Deus fidelis et absque ulla iniquitate justus et rectus. » Fidelis, quia quod promisit procul dubio implevit. Absque ulla iniquitate, quia æquitas summa, iniquitatis consortia nullo modo recepit. Justus, quia peccantibus non pœnitentibus pro malis suis retribuet pœnam. Rectus, quia digne operantibus et bene pœnitentibus, vitam perpetuam. « Peccaverunt ei, non filii ejus in sordibus. » Quomodo non filii Dei, nisi quia non ex fide? « Quotquot autem receperunt eum, dedit eis potestatem filios Dei fieri, his qui credunt in nomine ejus (Joan. 1). » Unde Dominus Judæis fidem ejus recipere nolentibus, et doctrinam ejus spernentibus, ait: « Vos ex patre diabolo estis, et desideria patris vestri vultis facere. Ille homicida fuit ab initio et laus (Joan. viii). » Et Stephanus ad eosdem

A Judæos ait: « Patres vestri quem prophetarum non sunt persecuti? et occiderunt eos qui prænuntiabant de adventu justii hujus. Cujus vos nunc proditores et homicidæ fuistis, qui accepistis legem in dispositione angelorum, et non custodistis (Act. vii). » Qui ergo incorrigibiliter peccat, se filium Dei non esse probat. Illa autem editio quam Septuaginta interpretes ediderunt, ita habet: « Peccaverunt non ei filii vituperabiles, » quod est in Græco, *τίνα μωμάτα*. Quidam interpretati sunt hoc, id est, filii vituperabiles; quidam filii commaculati; quidam filii vitiosi. Unde non magna quæstio, imo nulla est. Sed illud merito ad quærendum movet, si generaliter dictum est, « peccaverunt non ei, » quoniam qui peccat, non Deo peccat, id est, non Deo nocet, sed sibi, quomodo intelligendum sit quod in Psalmo legitur. « Tibi soli peccavi (Psal. 1). » Et in Jeremia: « Tibi peccavimus, patientia Israel, Domine. » Et iterum in Psalmo: « Sana animam meam, quia peccavi tibi (Psal. xl). » Et utrum hoc sit peccare Deo, quod peccare in Deum. Unde Heli sacerdos, « si in Deum peccaverit, quis orabit pro eo? (1 Reg. 11). » Dicam ergo interim, quid in præsentia mihi videatur. Intelligunt fortasse aliquid melius qui melius hæc sapiunt; aut etiam nos alio tempore, quando adjuverit Dominus. Peccare in Deum, est in his, quæ ad Deum pertinent. Nam hoc quod commemoravi, nihil aliud indicat. Sic enim peccabant filii Heli, quibus hæc Pater eorum dixit. Sic enim existimandum est, peccari etiam in homines qui pertinent ad Deum. C Nam hoc Deus legitur dixisse ad Abimelech de Sara: « Propterea peperci tibi ne peccares in me (Gen. xx). » Peccare autem Domino, vel potius peccasse Domino, nisi forte alicubi scriptum occurrat, quod huic sensui resistat, hi mihi videantur non immerito dici, qui pœnitentiam piam peccati sui non agunt, ut glorificetur ignoscens Dominus. Causam quippe reddens David cui dixerit: « Tibi soli peccavi, et malum coram te feci, » subjecit et ait: « Ut justificeris in sermonibus tuis, et vincas cum judicaris (Psal. 1). » Sive cum dicit Deus: « Judicate inter me et vineam meam (Isa. v). » Sive de Domino Jesu Christo intelligatur, qui solus verissime dicere potuit: « Venit enim princeps mundi hujus, et in me non habet quidquam (Joan. xiv). » Id est, quidquam peccati quod morte sit dignum. « Sed ut cognoscat mundus, quia diligo patrem; et sicut mandatum dedit mihi Pater, sic facio. Surgite, eamus hinc. » Tanquam diceret: Etiam si levissima peccata mortis supplicio persequatur, princeps mundi in me non habet quidquam. Sed surgite, eamus hinc, id est ut patiar. Quia in eo quod patior, voluntatem impleo Patris mei, non pœnam solvo peccati mei. Et quod Jeremias ait: « Tibi peccavimus, patientia Israel, Domine (Jerem. xiv): » utique suppliciter dicitur in pœnitentia cum spe salutis ex venia, et quod dictum est: « Sana animam meam quoniam peccavi tibi (Psal. xl); » hoc idem agit, ut Deus ignoscendo glorificetur. Quia magna est ejus misericor-

dia, ut redeant ad eum qui dicit se nolle mortem peccatoris, tantum ut revertatur et vivat. Hinc et ipse David non solum in Psalmo, verum etiam cum Dominus argueret eum per prophetam, non sine spe propitiationis Domini respondit: « Peccavi Domino (II Reg. xii). » Medico enim vulneratus videtur quodammodo, qui ut sanetur, subdit se manibus medici, ut in eo opus medicinæ impleatur. In hoc autem cantico providebat propheta futuros quosdam, qui sic erant peccaturi Domino, offendendo magnis iniquitatibus suis, ut nec penitentiam agere vellent, et ad Dominum redire, ut sanarentur. De quibus etiam dicitur: « Quoniam caro sunt, et spiritus ambulans et non revertens (Psal. lxxvii). » Potest etiam sic intelligi, peccaverunt non ei secundum id quod non nocuerunt peccato suo, sed sibi. « Generatio prava atque perversa, hæcne reddis Domino? Simili elogio eorum perfidiam Salvator in Evangelio denotavit, qui tentantibus et signum a se querentibus respondit dicens: « Generatio prava atque perversa signum querit, et signum non dabitur ei, nisi signum Jonæ prophete (Matth. xii). » Sic et Joannes Baptista turbis Judæorum ad se vententibus, ait: « Genimina viperarum, quis ostendit vobis fugere a ventura ira? Facite ergo fructus dignos penitentiae: et ne velitis dicere, Patrem habemus Abraham. Potest enim Deus de lapidibus istis suscitare filios Abraham (Matth. iii). » Generatio quippe Judæorum prava atque perversa semper fuit, quæ ingrata beneficiis Dei existit; e contrario semper transgressionem varias, idolorum sordes atque irritationes rependebat. « Popule stulte et insipiens, nunquid non ipse est pater tuus, qui possedit et fecit et creavit te? » Pater universorum et conditor secundum naturæ potentiam Deus est unus, « quia ab ipso et per ipsum et in ipso sunt omnia. » Creavit ergo Deus hominem quando materiam unde formari posset, condidit. Fecit quando illum ad imaginem et similitudinem suam formavit. Possedit, quando expulsis erroribus per fidem et gratiam suam vindicavit. Populus ergo stultus et insipiens fuit Judæorum gens, quæ nec creatorem suum et factorem quem lex manifestissime sibi ostendit, digno cultu venerabatur; nec ejus beneficii memor, quo illum in Ægypto per miracula atque prodigia de manu inimicorum eruens, specialiter possedit, dans illi de cælo manna, et ducatum in mari Rubro atque in deserto per angelicum ministerium præbens, idola sibi fabricavit; atque illis divinum honorem contulit, et sacrificia stultissime impendit dicens: « Hi sunt dii tui, Israel, qui eduxerunt te de terra Ægypti. Memento dierum antiquorum, cogita generationes singulas. Interroga patrem tuum, et annuntiabit tibi; majores tuos, et dicent tibi (Exod. xxxii). » In memoriam eis reducit facta antiqua, jubens eos interrogare patres et ab eis discere qualiter divina sunt ope liberati, atque sæpius ab inimicis protecti, quatenus vel hoc modo ad penitentiam peccatorum provocarentur, et ab omni errore se exuendo, ad veritatem appropinquare ocius meditarentur: Patres

hic non quilibet hebetes et stulti, sed doctores legis et prædicatores Evangelii intelligendi sunt; quorum doctrinis et exemplis potest homo ad intelligentiam divinam proficere. Unde Apostolus ad Corinthios scribens ait: « Nam si decem millia pædagogorum habeatis in Christo, sed non multos patres. Nam in Christo Jesu per Evangelium, ipse vos genui (I Cor. iv). » Et ad Hebræos: « Patres quidem carnis nostræ eruditores habuimus, et reverebamur eos: non multo magis obtemperabimus Patri spirituum et vivemus? Et illi quidem in tempore paucorum dierum secundum voluntatem suam erudiebant nos: hic autem ad id quod utile est, in recipiendo sanctificationem ejus (Hebr. xii). »

Quando dividebat Altissimus gentes, quando separabat filios Adam: Constituit terminos populorum juxta numerum filiorum Israel: Pars autem Domini, populus ejus; Jacob funiculus hereditatis ejus. Historiæ ordinationem dat de humani generis distributione: quia cum multitudo hominum tanta sit, ut eorum numerositas humana computatione comprehendi non possit, solos filios Israel de tanta multitudinis in suam hereditatem Dominus elegit, ut momen suum et potentiam suam notam faceret, et voluntatis suæ secreta per legis judicia et prophetarum scripta manifestaret: sicut superius in presenti libro manifestavit dicens: « Te elegit Dominus Deus tuus, ut sis ei populus peculiaris, de cunctis populis qui sunt super terram (Deut. vii). » Non quia cunctas gentes numero vincebatis, vobis junctus est Dominus et elegit vos, cum omnibus ceteris populis pauciores, sed quia dilexit vos Dominus, et custodivit juramentum quod juravit patribus vestris, et eduxit vos in manu forti, et redemit vos de manu Pharaonis regis Ægypti, et scies quia Dominus Deus tuus, ipse est Deus tuus, fortis et fidelis, custodiens pactum et misericordiam diligentibus se, et his, qui custodiunt præceptum ejus, in mille generationes; et reddens odientibus se, statim ut disperdat eos, et ultra non differat, protinus eis resistens quod merentur. Custodi ergo præcepta et ceremonias atque judicia, quæ ego mando tibi hodie ut facias. Secundum aliam autem editionem ubi legitur: « Statuit ei terminos gentium secundum numerum angelorum Dei. » Et in Danielis visione, ubi angelus de principe Persarum sibi resistente narravit, videtur aliud nobis insinuare (Dan. viii). Angelorum enim ministeria super gentes singulas et super homines singulas ordinata eroduntur, quatenus sub eorum regimine atque defensione humana natura juxta dispositionem omnipotentis Dei subiciatur, atque ab inimicis tentatur. Unde Dominus de parvulis in Evangelio non scandalizandis docens, mox subiunxit dicens: « Angeli eorum in cælis, semper vident faciem Patris mei, qui in cælis est (Matth. xviii). » Quia enim superna illa civitas ex angelis et hominibus constat, ad quam tantum credimus hominum genus consecrari, quatenus illic contigit, electos angelos remansisse, sicut scriptum est: « Statuit terminos gen-



lium, secundum numerum angelorum Dei. Debenus et nos aliquid ex illis distinctionibus supernorum civium ad usum nostrae conversationis trahere, nosque ipsos ad incrementa virtutum bonis studiis inflammare. Quia enim illic ascensura tanta creditur multitudo hominum, quanta multitudo remansit angelorum, superest, ut ipsi quoque homines, qui ad caelestem patriam redeunt, ex eis agminibus aliquid illuc revertentes imitentur. Distinctae namque conversationes hominum singulorum agminum ordinibus congruunt, et in eorum sortem per conversationis deputantur similitudinem. Pars autem Domini spiritualis Jacob, et funiculus hereditatis ejus. Israel vultus, Ecclesia videlicet catholica, de qua per Psalmistam dicitur: « Funes ceciderunt mihi in præclaris: etenim hereditas mea præclara est mihi (Psal. xv). » Per funes Scriptura sacra aliquando dimensionum sortes, aliquando peccata, aliquando autem fidem designare consuevit. Nam propter hereditarias dimensionum sortes, dicitur: « Funes ceciderunt mihi in præclaris: etenim hereditas mea præclara est mihi. » Funes quippe in præclaris cadant dum per humilitatem vite, sortes nos patriæ melioris excipiunt. Rursum quia fune peccata signantur, per prophetam dicitur: « Væ, qui trahitis vanitates in funiculis iniquitatis (Isa. v). » Iniquitas namque in fâniculis vanitatis trahitur, dum per augmentum culpa protelatur. Unde per Psalmistam dicitur: « Funes peccatorum circumplexi sunt me. » Quia enim sanis addendo torquetur ut crescat, non immerito peccatum fune figuratur, quod perverso corde sæpe dum defenditur, multiplicatur. Rursum fune fides exprimitur, Salomone attestante, qui ait: « Funiculus triplex difficile rumpitur (Ecc. iv). » Quia videlicet fides, quæ de cognitione Trinitatis ab ore prædicantium textitur, fortis in electis permanens, in solo reproborum corde dissipatur. « Invenit eum in terra deserta, in loco horroris et vastæ solitudinis. Circumdaxit eum et docuit, et custodivit quasi pupillam oculi sui. » Invenit Dominus Israel in loco horroris et vastæ solitudinis, et in monte Sina legem dans, pactum cum eo iniit, manna de celo illis tribuit, et aquam de petra produxit, coturnicum carnes dedit et in eadem eremo, quadraginta annis eos circumducendo, præcepta docuit sua. Sed illud querit merito, quomodo dicit eos protexisse sicut pupillam oculi sui, cum plurimi eorum prostrati sunt in solitudine? Nisi forte dicamus eos tandem protectos ac custoditos esse quandiu mandata servaverunt Dei. Cum autem ea transgressi sunt statim plagis percussit, atque ab inimicis devastati sunt. Mystice autem Dominus Israel in terra deserta invenit, cum Ecclesiam de mundi errore tulit, ubi horror idololatriæ, et nulla mentio Dei fuit. Circumducit ergo Ecclesiam Dominus, cum in universis mundi partibus eam dilatando, in viam mandatorum suorum dirigit, et per Spiritum sanctum voluntatem suam ei indicans, ubique eam plena custodia, quod per pupillam oculi designatur,

A contra hæreticos atque persecutores servat. Sequitur alia comparatio. « Sicut aquila, provocans ad volandum pullos suos, et si per eos volitans, expandit alas suas, et assumpsit eos, atque portavit in humeris suis. » Narrant physici quod aquila, quæ ab acumine est oculorum dicta, tam acuti intuitus sit, ut cum super maria immobili penna feratur, nec ab humanis obtutibus videatur, de tanta sublimitate pisciculos natate in aqua videat, et tormenti instar descendens raptam prædam, pennis ad litus pertrahat. Nam et contra radium solis, fertur obtutum suum flectere. Unde et pullos suos ungue suspensos radiis solis objicit, et quos viderit immobilem tenere aciem, ut dignos genere conservat. Si quos vero obtutum inlectere videt, quasi degeneres abjicit. Dicitur et aquilæ pullos suos, cum vident in nidis plumescere, alis percutere, et ad volandum eos de nido provocare. Nidificant autem in petris et arboribus in quarum nido lapis ætites invenitur, quem aliqui vocaverunt gagatem: qui ad multa remedia utilis est, nihil igne deperdens. Narrant autem inde naturæ inquisitores, quod aquilæ non tam obeant senio quam fame, in tantum superiore crescente rostro, ut aduncitas aperiri non queat. Sed cum inde viderit sibi periculum imminere, obtundit rostrum in petra durissima, donec iterum in pristinum usum revertatur: et inde mystico sermone in Psalmo scriptum est dicente propheta ad animam fidelem: « Renovabitur sicut aquilæ juvenus tua (Psal. cii). » Per aquilæ similitudinem secundum litteram ostenditur, quod Dominus populum suum provocando ad terram Chanaan bellis possidendam, juvit; et adjuvando, ab inimicis protexit. Secundum mysticum vero sensum, aquila hæc Dominum Salvatorem significat, qui aquilæ similitudinem in eo tenet, quod prædam ab hoste maligno morte sua eripuit, et post resurrectionem suam carnem, quam pro humani generis redemptione suscepit, ad alta celorum prorexit: nos dictis atque exemplis exhortans, quatenus illuc sequamur fide tendamusque devotione, ubi ipse ascendit in corpore. Unde et in Evangelio ait: « Ubi fuerit corpus, illuc congregabuntur et aquilæ (Luc. xvii). » Alia etiam exempla, quæ de aquila diximus, possunt similiter ad ipsum et ad filios ejus, figuraliter transferri. Nam sicut aquila acuti intuitus est, ita ut super maria immobili penna sublata, nec humanis apparens aspectibus pisciculos de tanta sublimitate natantes videns in pelago, prædando rapit et ad litus pertrahit; sic Redemptor noster super omnes cælos exaltatus, et ab humanis aspectibus corporaliter sublatus, in pelago tamen istius mundi, majestatis suæ intuitu videt quos per prædam salutariferam eruat, atque ad litus æternæ beatitudinis, amoris sui fune attrahat. Unde et ipse in Evangelio ait: « Et ego si exaltatus fuero a terra, omnia ad me ipsum traham (Joan. xii). » Pullos suos, hoc est, filios per gratiam baptismatis sibi renatos, radiis solis æterni per contemplationem objicit, et quos viderit constantem intuendo habere aciem mentis,

seu digno suo genere perpetualiter servat. Si quos vero ad iua et carnalia desideria obtutum mentis reflectere conspicit, hos quasi degeneres abjicit. In petris autem et arboribus hæc aquila nidificat, quia quos firmos fide et fructificantes virtutis aspicit, in eis spiritalis germinis fecunditatem parit, ibique gemma illa atque margarita pretiosissima nascitur, quam sacer Evangelii textus narrat, negotiatorem spiritalem omnibus pecuniis suis venditis, sibi met comparare (*Matth. xv*). Quod autem aliqua superfluum rostrum in petra tundit, atque ita ad priorem modum reducit, significat quod sancti viri quidquid in conversatione sua superfluum ac sibi noxium conspiciunt, allidendo ad petram Christum, confringunt, atque semet per gratiam Dei et per studium bonum renovantes, ad pristinum officium habiles reddunt. Dominus solus dux fuit ejus, et non erat cum eo Deus alienus. Manifestum est quod unus et solus Deus, Israel de Ægypto liberavit, et non idola falsa, quæ coluerunt Ægyptii. Sic et in ereptione nostra de spiritali Ægypto, non alius est quam idem Deus, qui olim Israelitas eripuit: Pater videlicet et Filius et Spiritus sanctus, unus et trinus, magnus et omnipotens Deus, qui per incarnationem Domini nostri Jesu Christi, salutis nostræ effectus mysterium. Unde agnoscant hæretici quam miserabiliter a vera fide errant deviantes, cum se per schisma ab Ecclesia catholica sequestrant, qui quot erroribus, tot idolis obnoxii sunt. « Constituit eum super excelsam terram, ut comedat fructus agrorum. » Excelsam terram Palæstinam vocat: quia ad comparationem terræ Ægypti, quæ plana et irrigua est, montosa et aspera videtur. Aliter, excelsa terra, Ecclesia sancta, quæ virtutibus et scientia sublimis est valde. Ibi fideles quique constituti, comedunt fructus agrorum spiritalium, quia ibi germinat bonum semen verbum Dei, aliud tricesimum, aliud sexagesimum, aliud centesimum fructum: ut unusquisque pro capacitate sua, cibum sufficientem sibi inveniat. « Ut sugeret mel de petra, oleumque de saxo durissimo. » Alta autem editio sic habet: « Suxerunt mel de petra, et oleum de firma petra. » Sed nusquam tale aliquid juxta historiam legitur, si tota Testamenti series Veteris recenseatur. Nusquam de petra mel, nusquam oleum populus ille suxit. Sed quia juxta Pauli vocem, petra erat Christus, mel de petra suxerunt, qui ejusdem Redemptoris nostri facta et miracula viderunt. Oleum vero de firma petra suxerunt, qui effusione sancti Spiritus post resurrectionem ejus ungi meruerunt. Quasi ergo in firma petra mel dedit, quando adhuc mortalis Dominus miraculorum suorum dulcedinem discipulis ostendit. Sed firma petra oleum fudit, quia post resurrectionem suam factus jam impassibilis, per afflationem Spiritus, donum sanctæ unctionis emanavit. De hoc oleo per prophetam dicitur: « Computrescet jugum a facie olei (*Isa. x*). » Sub jugo quippe tenebamur dæmoniacæ dominationis; sed uncti sumus oleo Spiritus sancti, et quia nos gratia libertatis unxit,

A dominationis jugum putruit. « Butyrum de armento, et lac de ovibus cum adipe agnorum et arietum, et filiorum Basan, et hircos cum medulla tritici, et sanguinem uvæ. » Hæc licet juxta historiam fertilitatem terræ Chanaan insinuent, tamen altiori sensu gratiæ demonstrat abundantiam, quam sancta Ecclesia munere largitoris sui accepit. Butyrum de armento tulerunt, qui plenitudinem fidei de exemplis patriarcharum didicerunt. Lac de ovibus ceperunt, qui simplicitatem mentis sive facultatem doctrinæ, de innocenti vita patrum, ad ædificationem sui sumserunt, et hæc cum adipe agnorum et arietum, hoc est, cum pinguedine apostolorum charitatis, et eorum quos ipsi ad fidem imbuerant, ad refectorem mentis suæ perceperunt. Arietum enim nomine apostoli et apostolicæ dignitatis viri designantur: quia ipsi duces sunt gregis Dei. Unde dicitur in Psalmo: « Afferte Domino, filii Dei, afferte Domino filios arietum (*Psal. xxviii*). » Quod autem subjungitur, « filiorum Basan, » ad eundem pertinet sensum: quia Basan pinguedo interpretatur; filii enim pinguedinis sunt, qui disciplinis Novi Testamenti sunt instituti, ubi scientiæ multitudo et virtutum magnitudo consistit. Nec sufficiebant hæc dona, nisi adderentur et hirci. Hirci enim figuram poenitentium habent, quia pro peccato in lege offerbantur. Non enim satis est dona virtutum habere fidelibus; nisi poenitentiam habeant pro suis excessibus. Unde ille qui rex simul et propheta fuit, et cui de incarnatione Christi promissum est, quod ex ejus semine nasceretur, pro suis delictis Dominum deprecatur dicens: « Amplius lava me, Domine, ab injusitiis meis, et a delicto meo munda me. Quoniam iniquitatem meam ego cognosco, et delictum meum contra me est semper (*Psal. i*); » et ut hæc omnia beneficia quæ prædicta sunt, eminentiore dono accumularentur, addidit, « medullam tritici et sanguinem uvæ. » Quid enim per medullam tritici, nisi corpus Christi? Et quid per sanguinem uvæ, nisi calix Novi Testamenti, in sanguine Christi figuratur? Plurimis enim donis ex pietate Dei ecclesiastico populo concessis, hoc inter omnia excellit, quod corporis et sanguinis sui sacramenta, in panis et vini confectione, ad salutem æternam illi ministravit. Sequitur: « Biberent meracissimum. » Quia universa dona Dei sine facie alicujus nequitie seu improprii credentibus et digno de eis sentientibus, conferuntur. Sed sicut carnales quondam Israelitæ donis Dei abusi sunt, et ex beneficiis largissimis pejores facti, ad idolatriam prolapsi sunt, ita præh dolor! non pauci populi ingrati beneficiis Dei, ad vitia relabuntur; et hoc quod sibi ad salutem collatum est, in perditionem suam convertunt. Unde subjungitur: « Incrassatus est et recalcitravit dilectus. Incrassatus, impingnatus, et dilatatus. Dereliquit Dominum factorem suum, et recessit a Deo salutari suo. Provocaverunt eum in diis alienis, et in abominationibus suis ad iracundiam concitaverunt. Immolaverunt dæmonis et non Deo, diis quos ignorabant. Novi recentisque

« venerunt, quos non colerunt patres eorum. » **Hec** veteres Israelitæ historialiter fecerunt, sicut in eorum libris sufficienter expressum est. Sed et nunc spirituales Israelitæ, quando dona Dei in scientia et virtutibus, sibi ad divinum obsequium concessa, ad hæresim sive hypocritarum convertunt, idola et non Deo servire probantur, dæmoniis, utique cultum exhibendo et non Deo; quod Patres nostri, hoc est, patriarchæ, et prophætæ, et apostoli, atque evangelistæ, nequaquam fecerunt. Inde evenit istis idololatriæ, quod clementissimum Dominum malis suis irritantes, quem propitium habere possent, severum atque destructum perpensuri sunt: « Deum, qui te genuit et dereliquisti, et oblitus es Domini creatoris tui. » Genuit Dominus quodammodo Israelitas, per legem et circumcisionem, genuit et Israeliticum populum per baptismi gratiam et sanctificationem Spiritus sancti. Sed qui oblitus non timet, iuste sibi iratum Dominum per vindictam sentiet. Unde subjungitur: « Vidit Dominus et ad iracundiam concitatus est: quia provocaverunt eum filii sui et filiæ. Et ait: « Abscondam faciem meam ab eis, et considerabo novissima eorum. » Nihil gravius est in pœnis quam præsentia et visione Dei privari. Unde psalmista Dominum deprecatur dicens: « Ne projicias me a facie tua (Psal. 1). » Et item: *Ne avertas, inquit, faciem tuam a me.* Hinc et Job ad Dominum loquitur dicens: « A facie tua non abscondar (Job. xiii). » Quia ergo filii et filiæ, hoc est, utriusque sexus homines irritantes eum pro malis suis, quæ faciunt, ejus misericordiam non merentur, sed ab illo deserti, in novissimis eorum probabitur, quando pœnas sustinent, quod Deum habent iratum, hoc est enim considerare novissima eorum, manifestari tormenta illorum.

**F.** « Generatio enim perversa est et infideles filii. Ipsi provocaverunt me in eo, qui non est populus, et in gente stulta irritabo illos. » Quia ergo Israelitæ declinatis Deo idola colerunt, deserentes verum et unum Deum, deservierunt vanitati, gentibus, qui populi Dei nomine necdum eo tempore vocari meruerunt, in directionem traditi sunt. Similiter ecclesiastici, qui deserta veritate ad errorem declinaverunt, si pro malis suis non poenituerint, malignis spiritibus, qui superbiendo perdiderunt angelicam dignitatem, ad poeniendum, inferni carceribus tradentur. Bene ergo dæmones gens stultæ dei possent, quia odium justitiæ, et amant iniquitatem. « Ignis succensus est in furore meo, et ardebit usque ad inferni novissima. » De his quæ damnant flagella et non liberant, scriptum est: « Percussisti eos, et non doluerunt: attrivisti eos, et non reuerunt accipere disciplinam (Jerem. v). » His flagella ab hac vita lachoant, et in æterna percussione perdurant. Hinc enim per Moysen dicitur: « Ignis exarsit ab ira mea, et ardebit usque ad inferos deorsum. » Quantum ad præsentem etenim percussione spectat, recte dicitur: « Ignis exarsit ab ira mea. » Quantum vero ad æternam damnationem,

**A** apte hoc subditur. « Et ardebit usque ad inferos deorsum. » Licet a quibusdam solet dici illud quod scriptum est: « Non vindicabit Deus his in idipsum (Nahum. 1), qui tamen hoc, quod ad prophetam dicitur de iniquis, non attendunt. Et, « duplici contritione contere eos, » et id quod alias scriptum est: « Jeans populum de terra salvans Ægypti, secundo eos qui non crederunt perdidit. Quibus tamen si consensum præbeamus, quamlibet culpam his ferre non posso hoc peccato percussis, atque in peccato suo morientibus, debet æstuari, quia eorum percussio hic cœpta, illic finitur: ut in incorrectis unum flagellum sit, quod temporaliter incipit, sed in æternis suppliciis consumatur, quatenus eis qui omnino corrigi renunt, jam præsentium flagellorum percussio, sequentium sit initium tormentorum. Sequitur: « Comedit terram, et nascentiæ ejus. » Terram comedit et nascentia ejus, cum carnem peccatricem propter opera libidinis, flamma æternæ ultionis comburit. Nascentia enim carnis, propriæ opera sunt concupiscentiæ carnalis, quæ sunt fornicationes, immunditiæ, impudicitia, luxuria, idolorum servitus, veneficia, inimicitia, contentiones, simulationes, ira, rixæ, dissensiones, sectæ, invidia, homicidia, ebrietates, commensationes, et his similia. Quæ qui agunt, ut Paulus testatur, regnum Dei non consequentur (Gal. v). » « Et montium fundamenta comburet. » Cum superborum iniqua consilia quibus se impune posse peccare credebant, æternis cruciatibus consument. « Congregabo super eos mala. » Quando non solum mala opera, sed et cogitationes atque prava pro quibus puniantur in memoriam adducet verba. Sagittas suas in eis complebit, quando iram indignationis suæ per varia tormenta ostendit: « Consumuntur fame. » Hoc est, nec cibi, nec potus, sed perpetua honorum operum sterilitate, et devorabunt eos aves morum amarissimo: » maligni videlicet spiritus peccata præterita impropertantes, ore lacerant savissimo. « Dentes bestiarum immittam in eos, cum furore trahentium super terram atque serpentium. » Bestiæ atque serpentes, maligni spiritus sunt. Qui bestiæ dicuntur propter ferocitatem, serpentes propter calliditatem. Trahunt bestiæ atque serpentes reprobos dentibus super terram cum furore, quando hoc quod prius blandiendo carnalibus persuaserant ut seducerent, postmodum furibundo animo a peccatoribus expectant, ut crucient. « Foris vastabit eos gladius, et intus pavor. » Foris vastabit impios gladius, et intus pavor, quando in extrema ultione, undique corpus, ignis æterni torquet exustio, et intus mentem angustæ opprimit magnitudo. Unde scriptum est: « Vermis eorum non morietur, et ignis non exstinguetur. Juvenem simul ac virginem, lactentem cum homine sene (Isa. lxxvi). » Enumeratis universis ætatibus, ostendit nulli ætati in exerta ultione esse parcendum, quos idem idololatriæ fœdaverat cultus. Allegorice autem in juvene, lascivum et libidinosum; in virgine, a bonis operibus sterilem; in

lactente, hebetem; in senē pigrum et inutilem ostendit. Hos ergo omnes juxta vindictam Dei in extrema ultione consumet, quos nunc admonitio et correptio a peccatis non cohibet. « Et dixit: Ubiā sunt? Cessare factam ex hominibus memoriā eorum. » Interrogatio Dei non est ignorantia, sed correptio. Hujus sententię expletionem facile dignoscere potest, qui Judæos videt a terra repromissionis ejectos et per totum orbem dispersos. Generaliter autem omnibus peccatoribus, et impœnitentibus, hoc futuram inminet, quod de sanctorum terra tollentur, et memoria eorum in cœtu electorum non numeretur. Unde per Psalmistam in quinquagesimo primo psalmo, capiti omnium iniquorum, simul cum toto corpore pena prædicitur futura, cum supputatis singulis speciebus vitiorum subinfertur: « Propter ea destruet te Deus in finem; evellet te, et emigrabit te de tabernaculo tuo, et radicem tuam de terra viventium. »

« Sed propter iram inimicorum distuli, ne forte « superbirent hostes eorum et dicerent: Manus nostra excelsa, et non Deus fecit hæc omnia. » Ideo enim Dominus sæpe priorem populum tolerando sustinuit, ne gentes eis confines, nomen et potentiam ejus blasphemarent. Unde et Moyses ad Dominum pro peccato Israel indignantem, et eos disperdere volentem ait: « Ne, quæso, Domine, dicant Aegyptii: Callide eduxit eos, ut interficeret in montibus, et deleret e terra. Requiescat ira tua, et esto placabilis super nequitiam populi tui. Recordare Abraham, Isaac et Israel, servorum tuorum, quibus jurasti per te ipsum dicens: Multiplicabo semen vestrum sicut stellas cœli; et universam terram hanc de qua locutus sum dabo semini vestro, et possidebitis eam semper. Placatusque est Dominus ne faceret malum, quod locutus fuerat ad universum populum suum (Exod. xxxii). » Similiter et nos quando peccaverimus, propter magnam potentiam suam et longanimitatem sustinet, volens perire quemquam; sed omnes salvos fieri, et ad agnitionem veritatis pervenire. Juxta illud Apostoli, quod ad Romanos scribens ait: « Existimas autem, o homo, qui judicas eos qui talia agunt, et facis ea, quia tu effugies judicium Dei? An divitias bonitatis ejus et patientiæ et longanimitatis contemnitis, ignorans quoniam benignitas Dei ad pœnitentiam te adducit? Secundum duritiam autem tuam et impœnitens cor, thesaurizas tibi iram in die iræ et revelationis justi judicii Dei, et cætera (Rom. ii). Ac ne forte maligni spiritus gloriatur in perditione nostra de fortitudine sua, quasi victoriam viribus suis percepissent, cum hoc semper certent, ut sententiam Altissimi pervertant, qui homines decrevit locum perditorum spirituum in cœlis possidere. « Gens Judæorum absque consilio est et sine prudentia: utinam saperent ac novissima providerent. » Gens Judæorum nec non et impiorum sine consilio salutis est, quia in futurum sibi providere nesciunt, quatenus imminet pro peccatis suis evadant vindictam, et infernalium pœ-

narum æternum effugiant cruciatum. « Quomodo « persequabatur unus mille, et duo fugarent decem « nulla. Nonne ideo, quia Deus suos vendidit eos, « et Dominus conclusit illos? » Quicumque magnitudinem Dei veraciter agnoscit, interitum suum non ex infirmitate potentie ipsius, ex permissione justi judicii ejus evenire manifeste probabit: quia nullo modo fieri posset, quod unus persequeretur mille, et duo fugarent decem nulla, nisi Dominus eos tradidisset, et exosos projiciendo in manus inimicorum concluderet. « Non est enim Deus noster ut Deus eorum: et inimici nostri sunt iudices. » Dominus enim Deus noster verax et justus est, idola autem gentium, falsa et inutilia. Quod etiam non solum nostri, verum etiam nostrorum approbant adversarii. Unde si pius legitur, quod hostibus Judæi traditi pro infidelitate atque injustitia sua merito ab eis arguerentur, sicut Jeremias in Lamentationibus suis dicit: « Viderunt eam hostes, et deriserunt sabbata ejus (Thre. i). » Hinc enim nobis summopere cavendum est, ne hostes nostris malis nostris provocati, in blasphemiam contra Deum erumpant, cum viderint nos superatos, et ad nihilum propter peccata nostra redactos, hoc virtuti suæ asserant, quod non sua potentia, sed judicio Domini redactam est. « De vinea enim Sodomorum, vinea eorum, et de suburbanis Gomorrhæ. Uvæ eorum uva fellis, et betros amarissimus. » Sæpe in Scripturis sacris Syagoga vel Jerusalem Sodomæ et Gomorrhæ comparatur, quia sicut male illæ abusæ sunt donis Dei, sic et istæ beneficiis semper exstiterunt ingrati. Unde Isaias de illis ait: « Nisi Dominus exercituum reliquisset nobis semen, quasi Sodoma fuissetis: et quasi Gomorrhæ similes fuissetis. Audite verbum Domini principes Sodomorum, auribus percipite legem Domini nostri populus Gomorrhæ, etc. (Isa: i). » Vinam enim Domini, sicut in eodem propheta scriptum est, domus Israel fuit: quæ tunc in fellia amaritudinis conversa est, quando mortem Christi meditabatur. Unde et ipsi in cruce pendenti, acetum felle mixtum, arundine porrexerunt, ut in eo demonstraretur scientia legis, quam ipsi rectam acceperunt, fellie palitix suæ habere corruptam, cum datorem legis ad se venientem recipere noluerunt, insuper irritaverunt et affligerunt. Aliter, hæc sententia et hæreticorum nequitia percutitur, qui licet gratiæ spiritualis a sanctis prædicatoribus purum dogma primitivum acceperint, ipsi tamen erroribus suis illud maculare non pertimescebant, et ideo doctrinæ eorum tota in fellis et absinthii amaritudinem conversa est. « Fel draconum vinum eorum, et venenum aspidum insanabile. » Aperte Judæorum perfidia et hæreticorum versutia draconum felli et aspidum venena comparantur, quia sicut serpentes amaritudinem et venenum in se occultant, quatenus incautos improvise lædant, sic et Judæi et hæretici malitiam suam dolere et fraudibus velant, quatenus imprudentes, facilius extinguant. Bene ergo dicitur venenum aspidum insanabile, quia hæreticorum error, quacunque in-

vaserit, nisi se inde liberaverit, sine dubio in æternum perimit. « Nonne hæc condita sunt apud me, et signata in thesauris meis? » Moris est humani generis, ut præterita cito obliviscantur, et quæ aliquando grandia videbantur, spatio temporis labente, simul ipsa in recordatione deficiant. Sed non ita est apud Deum, ubi præteritum et futurum non est, sed præsens semper adest. Quæ enim nobis prætereunt ibi reservantur, nec oblivioni tradentur. Inde necesse est, ut peccata, quæ dudum commisimus, instanti penitentia delere coram oculis Dei studeamus: ne forte in futuro quando tempus vindictæ erit, reputet nobis debita nostra et dicat. « Hæc fecisti et tacui. Existimasti inique quod essem tibi similis; arguam te et statuam illa contra faciem tuam. Mea est ultio et ego retribuam eis in tempore, ut labatur pes eorum. » Certa sunt apud Dominum, et tempus et modus vindictæ. Sed quia multæ miserationes ejus sunt, « præoccupemus faciem ejus in confessione, et in psalmis jubilemus ei. Humiliemus in jejunio animas nostras; » vigilemus et oremus, « quoniam quis scit, si convertatur et ignoscat Deus, et relinquat post se benedictionem? Juxta est dies perditionis, et adesse festinant tempora. » Juxta est unicuique dies ultionis, quia certus est, nec diuturnum esse potest quod aliquando finitur. Quidquid enim temporale ut est hominis ætas, vel mundi cursus, ad æternitatem comparatur, parvum fit in ejus comparatione. Ideo dicitur, « et adesse festinant tempora, » quia cito finiuntur temporalia. Secundum historiam autem, Israelitarum vindicta appropriavit; quia ex quo rebellare coeperant, nunquam perfecte destiterunt, donec regni locum et vitæ prosperitatem, pariter perdidissent. Nam postquam propheta occiderunt, et Salvatorem crucifixerant, seditionibus antiquis nova superadjicientes, Romanos rebellando in se provocaverunt, qui urbe destructa, temple succensso, populo fame et gladio necato, reliquias eorum per totum orbem disperserunt, ubi incertis sedibus vagando, spe futurorum incerti. « Judicabit Dominus populum suum, et in servis suis miserabitur. » Judicabit ergo Dominus populum suum, quando electos suos a reprobis secerit. Nam judicare aliquando pro discernere, aliquando vero pro damnare accipitur. Unde in psalmo Propheta ad Dominum dixit: « Judica me, Deus, et discerne causam meam de gente non sancta, ab homine iniquo et doloso eripe (Psal. xlii). » Hic judicare pro discretionis penitit. Alibi autem Propheta ad Dominum clamans ait: « Judica, Domine, nocentes me, expugna impugnantes me (Psal. xxxiv). » Sed hic judicium pro damnatione positum est. Judicabit Dominus sanctos suos, quando eos in die judicii segregans a peccatoribus collocabit in dextera sua. Hostem autem eorum et persecutores a sinistris statuet, ut damnationem certam cum diabolo et angelis ejus, in inferno recipiant, et ibunt hi in supplicium æternum, justi autem in vitam æternam. Tunc perfectum erit, quod in predicto versu subsequitur: « Et in

A servis suis miserabitur. » Quia in cælesti beatitudine fidelibus suis misericordiam præstabit æternam. Potest et iste versus ad Judæorum conversationem ultimam referri, quando miserante Deo populum suum, post plenitudinem gentium subintrantem ad fidem, omnis Israel per gratiam divinam ad eandem fidem conversus, salvus fiet.

« Vidabit quod infirmata sit manus, et classi quæ defecerunt: residuque consumpti sunt. Et dicit: Ubi sunt dii eorum, in quibus habebat fiduciam? Ex quorum victimis comedeant adipem, et bibebant vinum libaminum. Sargant et optulentur vobis, et in necessitatibus vos protegant. » Vidabit, inquit, quod infirmata sit manus, cum videri fecerit quod opera malorum, quæ fecerunt in idololatria vel cæteris transgressionibus, infirma fuerint, quando ad nihilum redacta, nihil eis, qui ea fecerant, profuerint. Et clausi quoque defecerunt. Hoc est, sive Judæi ad captivitatem ab inimicis ducti, ibidem consumpti sunt, vel omnes impii in potestatem dæmonum traditi, ultra non prævalebunt. Residuque consumpti sunt, quia ab hac vita exeuntes, non habebunt ulterius potestatem atque facultatem aliquid faciendi. Idcirco in Ecclesiaste scriptum est: « Quodcumque potest manus tua facere, instanter operare, quia nec opus, nec ratio, nec sapientia, nec scientia, erunt apud inferos, quo tu properas (Eccles. ix). » Quod autem subjungitur, « ubi sunt dii eorum in quibus habebant fiduciam, » et reliqua, significat, quod idololatræ nullum adiutorium in die necessitatis habeant ab idolis, quibus antea cultum exhibuerant. Sed nec mundi amatores, qui per avaritiam, quæ est idolorum servitus, pecunias in mundo congregabant, qui deliciis atque luxuriæ deserviebant, quorum Deus venter erat, et gloria in confusione eorum qui terrena sapiebant, nihil secum conferunt de universo labore suo, quando pro peccatis suis ad tartarum a malignis spiritibus pertrahuntur.

« Videte quod ego sim solus, et non sit alius Deus præter me. » Hæc admonitio generaliter ad omnes homines pertinet, ut relicta falsitate idolorum, atque deceptione hæreticorum, nec non et omnium iniquitatum sordibus, ad unum et solum Deum Patrem et Spiritum sanctum, per fidem catholicam cotendum convertantur, eumque ex toto corde, tota anima, totaque virtute diligant, et mandata ejus atque judicia diligenter conservent, quatenus regni cælestis hæredes effici mereantur. « Ego occidam et ego vivere faciam; percutiam et ego sanabo, et non est, qui de manu mea possit eruere. » Duobus modis omnipotens Deus vulnerat, quos reducere ad salutem curat. Aliquando enim carnem percutit, et mentis duritia in suo pavore tabescit. Vulnerando ergo ad salutem revocat, cum electos suos affligit extoritur et interius vivificat. Recte per Moysen loquitur: « Ego occidam et vivere faciam; percutiam et ego sanabo. » Occidit enim ut vivificet, percutit ut sanet: quia idcirco foras admonet, ut intus vul-

nera non infligat. Quia mentis nostræ duritiam suo desiderio percutit, sed percutiendo sanat, quia terroris sui jaculo transfixos ad sensum nos rectitudinis revocat. Corda enim malesana sunt cum nullo Dei amore satiantur; cum peregrinationis suæ ærumnam non sentiunt; cum erga infirmitatem proximi sui nec quolibet minimo affectu languescant, sed vulnerantur; cum amoris sui spiculis mentes Deus insensibiles percutit, moxque has sensibiles per amorem charitatis reddit. « Levabo ad cœlum manum meam: dicam, Vivo ego in æternum. » Alia autem editio sic habet: « Quia tollam in cœlum manum meam, et jurabo per dexteram meam, et dicam: Vivo ego in æternum. » In cœlum manum levare sive attollere, est potentiam æternitatis suæ super omnia excellentem ostendere. Jurare per dexteram, est per Filium, qui dextera Dei nominatur, promissa ipsius in conspectu hominum confirmare, et æternitatem suam credentibus sibi per Evangelium revelare: quia potestas ejus potestas est æterna, et regnum ejus quod non corrumpetur. « Si exacuero ut fulgur gladium meum, et arripuerit iudicium manus mea, reddam ultionem hostibus meis, et qui oderunt me retribuam. » Exacuere ut fulgur gladium Dei est repentinam vindictam in hostibus exercere. Et arripere iudicium manus divinæ, est per justam retributionem singulis secundum propria merita reddere, sicut scriptum est: « Filius enim hominis est in gloria Patris sui cum angelis suis; et tunc reddet unicuique secundum opera ejus (Marc. vii). » Et Apostolus: « Omnes, inquit, stabimus ante tribunal Christi, ut recipiat unusquisque propria corporis prout gessit, sive bonum sive malum (Rom. xiv). » Inebriabo sagittas meas sanguine, et gladius meus doverabit carnes. Sagitta enim hominem dum non attendit, percutit; et dum illa non prævidetur, subito interimit. Sagittæ Domini sunt celeres vindictæ: quæ licet modo occultæ sunt coram oculis iniquorum, subito tamen manifestabuntur in damnatione perditorum, et Dei gladius carnes comedit, quia in extremo iudicio ejus sententia eos, qui carnaliter sapiunt, occidit.

« De cruore occisorum, et de captivitate nudati inimicorum capitibus. » Ad hoc quod dicit, de cruore inimicorum, subauditur illud quod præmissum est, « Inebriabo sagittas meas sanguine. » Inebriat Dominus sagittas suas in cruore occisorum quando ultionem exercet in turba inimicorum. Tuncque nudabuntur consilia iniquarum mentium, quibus se impune peccare confidebant. Possunt et capita iniquorum magistri accipi errantium, in quos ultio novissima redundat, quia qui fuerunt causa peccatorum, sentient damna in retributione poenarum. Unde in Apocalypsi scriptum est: « Et exiit sanguis de lacu, usque ad frenos equorum (Apoc. xiv). » Hoc est, processit ultio tormentorum, usque ad rectores populorum. Usque enim ad diabolum et ejus angelos, novissimo certamine exiet ultio sanguinis sanctorum effusi, sicut scriptum est: In

sanguine peccasti, et sanguis te persequetur. « Laudate, gentes, populum ejus, quia sanguinem servorum suorum ulciscetur, et vindictam retribuet in hostes eorum. » Laudabunt omnes gentes populum Dei, quando viderint gloriosam apparere in conspectu conditoris sui Ecclesiam Dei, et persecutores ejus pro effuso sanguine a se martyrum, et malis omnibus quæ in hac vita gesserunt, per malignorum spirituum ministerium recludi, in gehennam ignis æterni. Tunc enim et boni bonum quod vident laudabunt, quia præmium placet quod habent; et impij in poenis constituti, dicent intra se penitentiam agentes: « Hi sunt quos aliquando habuimus in derisum, et in similitudinem improperii. Nos insensati vitam illorum æstimabamus insaniam, et finem illorum sine honore. Quomodo ergo computati sunt inter filios Dei et inter sanctos sors illorum est? Et propitius erit Dominus terræ populi sui (Sap. v). » Quando Ecclesiam sanctam, quam hactenus regebat in adversis, perpetualiter collocabit in prosperis, in regno videlicet cœlesti, ubi sine fine gaudebit, et laudes Domino simul cum sanctis angelis in æternum cantabit.

« Locutusque est Dominus ad Moysen in eadem die dicens: Ascende in montem istum Abarim, (id est transitum), in montem Nebo, qui est in terra Moab contra Jericho; et vide terram Chanaan, quam ego tradam filiis Israel obediendam, et morere in monte. Quem conscendens, jure-  
ris populis tuis, sicut mortuus est Aaron frater tuus in monte Hor, et appositus populis suis: quia prævaricati estis contra me in medio filiorum Israel, et ad aquas contradictionis, et cætera. » Abarim mons est, in quo mortuus est Moyses, et interpretatur transitus; et Nebo interpretatur inclusio. Dicitur autem et mons esse Nebo in terra Moab contra Jericho supra Jordanem, in supercilio Phasga, ostenditurque ascendentibus de Libya de urbe: antiquumque habens vocabulum juxta montem Phogor, nomen pristinum reficiantem, a quo circa eam regio, usque nunc appellatur Phasga. Moyses ergo in Abarim et in monte Nebo contra Jericho contra Jordanem moritur, quia sex et circumcisio usque ad Christi adventum et baptismi sacramentum processit, ibique conclusa est, quia finis legis est Christus, ad justitiam omni credenti. Vidit Moyses terram repromissionis, sed non ingressus est in eam, quia prævidit in spiritum, et in lege prædixit Christi gratiam futuram, sed non usque ad illam in corpore expectavit, ut videret eam præsentem, quod apostolis Christi concessum est; et ideo ipsi beati ipsius veritatis voce esse testantur, quia quod multi justis et prophetis videre et audire voluerant, hoc ipsis præsentialiter cernere gloriosissime concessum est (Math. xxi).

### CAPUT III.

*De benedictionibus Moysi super singulas tribus.*

(CAP. XXXIII.) « Hæc est benedictio qua benedixit Moyses, homo Dei, filiis Israel ante mortem suam,

« et ait. » Bene et rationabiliter ordo iste dispositionis sibi convenit, qua Moyses finiens Deuteronomium suum, novissimam partem illius benedictione conclusit: præfigurans quod Christus post completionem evangelii sui, et passione atque resurrectione illius perpetrata, novissime quando ascensus erat in cælum, elevatis manibus suis in discipulos suos benedixit eis: « Et factum est dum benediceret illis, recessit ab eis, et ferebatur in cælum (Luc. xxiv). » Nam benedictio ista, qua filii Israel in Deuteronomio, quod est secunda lex, benedicuntur, manifeste ad gratiam pertinet Novi Testamenti in quo et prisæ legis mysteria reserantur, et veri Israelitæ, benedictionem, quæ per Moysen hominem Dei prophetata est, consequuntur per hominem Dominum Jesum Christum. Unde ait Apostolus: « Benedictus Deus et pater Domini nostri Jesu Christi, qui benedixit nos in omni benedictione spirituali, in cœlestibus in Christo (II Cor. i). » Et bene imminente Moysi morte, filii Israel spirituali benedictione ditantur, quia dum legis umbra, quæ terrestria pollicebatur, destruitur, donorum cœlestium veritas aperitur. Prævidet itaque Moyses spiritu prophetico nostri Salvatoris adventum, et futuram gratiam Novi Testamenti quæ præteritam narrans, ex voce primitivæ Ecclesiæ lætabundus prosequitur dicens: « Dominus in Sina venit et de Seir ortus est nobis. » Per nomina locorum demonstrat effectus rerum. Sina interpretatur amphora mea, vel mensura mea, sive mandatum. Seir pilosus, sive hispidus. Pharan ferocitas eorum, sive frugifer. Sina igitur figuram tenet Veteris Testamenti, quod certam mensuram mandatorum juxta decalogi decretum tenens, jubere novit, sed juvare non novit, sed sectatores suos per spiritum dilectionis liberat, sed per timorem poenæ servili conditione subditos ligat. Unde et doctor gentium scribendo ad Galatas, per duas uxores et per duos filios Abraham, duorum testamentorum ac duorum populorum per allegoriam expressit figuram dicens: « Scriptum est quoniam Abraham duos filios habuit: unum de ancilla, et unum de libera. Sed qui de ancilla, secundum carnem natus est; qui autem de libera, per repositionem: quæ sunt per allegoriam dicta (Galat. iv). Hæc enim sunt duo Testamenta. Unum quidem a monte Sina in servitutem generans, quæ est Agar (Sina autem mons est in Arabia qui conjunctus est ei, quæ nunc est Jerusalem), et servit cum filiis suis, etc. Dominus ergo Jesus Christus de Sina venit, quia ex lectione legis et prophetarum, credentibus innouit. Inde enim venit, cum eum ibi qui intelligit invenit. « Unde et ipse incipiens a Moysè et omnibus prophetis, interpretabatur discipulis ad quorum cor per fidem venire cupiebat, in omnibus Scripturis, quæ de ipso erant (Luc. xxiv.). » De Seir etiam ortus: quia ex Judaico malitiæ et incredulitatis suæ spinetis asperrimo, secundum carnem genitus, novæ lucis exortu, mentes credentium illuminavit, tanquam verus sol justitiæ, de quo Dominus per prophetam dicit: « Vobis autem timentibus nomen meum,

A orietur sol justitiæ, et sanitas in pennis ejus (Malac. iv). » Et de quo per Balaam dicitur: « Orietur stella ex Jacob, et consurget homo de Israel (Num. xxiv). » Bene autem de Seir qui aliis nominibus, Edom sive Esau dicitur, Judæorum populus designatur, quia carnalium oblectamenta sectatus, qui per lentis edulium primatus sui gloriam perdidit, et promissæ sibi benedictionis gratiam, fide populi junioris supplantatus, amisit. De monte Pharan Dominus Christus apparuit, quia quo magis contra eum ferocitas populi infidelis sæviit, eo eminentius ac largius divinitatis ejus notitia excrevit. Tradendo quippe eum ad mortem, et crucem ejus violentis vocibus flagitando, nomen ejus delere voluit. Sed unde humiliter inter passionum contumelias latuit, inde excellentius per virtutem resurrectionis effulsit, et ipsos etiam ferocissimos interfectores suos edomita incredulitatis duritia, fidei suæ jugo subegit, quorum una die tria millia, et inde quinque millia, et deinceps innumera crediderunt. Et quem prius quasi Samaritanum et dæmonia habentem aversati fuerant, ei postmodum inseparabili fidei et charitatis glutino adheserunt. De quibus hic dicitur: « Et cum eo sanctorum millia. » Sequitur: « In dextera ejus ignea lex. » Dextera autem Dei appellantur electi. In dextera ergo Dei lex ignea est, quia electi mandata cœlestia nequaquam frigido corde audiunt; sed ad hæc amoris intimi facibus inardescunt. Sermo ad aurem ducitur, et mens sibi met irata, ex interna dulcedine flamma concrematur. Aliter: Dextera Domini nostri Jesu Christi evangelica prædicatio est, per quam non temporalis felicitas, quæ in leva designari solet, sicut in lege, sed æterna beatitudo promittitur. De qua sponsa loquitur in Cantico canticorum: « Et dextera illius amplexabitur me (Cant. ii). » In hæc vero dextera, lex ignea est, dilectio videlicet per donum Spiritus sancti, in electorum cordibus diffusa. De qua Apostolus ait: « Plenitudo ergo legis est dilectio (Rom. xiii): » Hæc namque in Evangelio singulariter commendatur, dicente Domino: « Mandatum novum do vobis, ut diligatis invicem sicut dilexi vos. In hoc cognoscent omnes, quia mei estis discipuli, si dilectionem habueritis ad invicem (Joan. xiii). » Quæ per Spiritum sanctum in igne apparentem, decima post ascensionem die, in apostolos effusa, omnem legis plenitudinem tanquam digito Dei in eorum mente descripsit, cunctosque electos fervente Spiritu, lucentes operatione facit. Verum quia hæc lex non uni populo ut lex Moysi, sed universis per Christum gentibus promulgata est, mox adjungitur: « Diligit populos. » Legem igitur charitatis, quam nos servare jussit, primus ipse implevit, diligendo videlicet populos utrosque, circumcisionis et præputii; et veniens evangelizando pacem nobis qui longe eramus, et pacem his qui prope, quoniam per ipsum habemus accessum ambo in uno Spiritu ad Patrem. Hanc autem dilectionem commendat misericordissima ejus passio, quam pro totius mundi salute suscepit, de qua ipse ait: « Majorem hac dilectionem nemo habet,

quam ut animam suam quis ponat pro amicis suis (Joan. xv). » Ad hujus nos charitatis imitationem, quando ad perfectam scilicet legis observantiam, apostolus accendit dicens : « Estote imitatores Dei, sicut filii charissimi, et ambulate in dilectione, sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis. Omnes sancti in manu illius sunt (Eph. v). » Non est personarum acceptio apud Deum, sed in omni gente, quæ timet Deum et operatur justitiam, acceptus est illi. « Omnes sancti in manu illius sunt. » Quia, quicumque justificati sunt in nomine Domini nostri Jesu Christi, et in Spiritu Dei nostri, et audiunt jubentem Dominum : « Sancti estote, quia et ego sanctus sum, » ab omni malo ipsius potentia proteguntur. De quibus ipse sub figura omnium loquitur in Evangelio : « Et ego vitam æternam do eis, et non peribunt in æternum, et non rapiet eas quisquam in æternum de manu mea (Joan. x). » Ex omnium itaque concordatissima multitudine sanctorum unum Christi gloriosissimum efficitur regnum. Cui per Isaiam dicitur : « Et erit corona gloriæ in manu Domini, et diadema regni in manu Dei tui. Et qui appropinquant pedibus ejus, accipient doctrinam illius (Isa. LXII). » Pedes Domini Jesu Christi, sancti apostoli et evangelistæ sunt, quorum doctrina in universo orbe discurrit de quibus scriptum est : « Quam pulchri super montes pedes evangelizantium pacem, evangelizantium bona (Rom. x). » Quicumque ergo his pedibus fidei, pietatis et obedientiæ devotione reverenter appropinquant, non contristentur, quod ipsum Christum docentem in carne non viderunt; non metuant, ne forte ab hominibus quasi homines decipiantur. Per eorum namque os loquitur Christus, et per pedes doctrina capitis auditur. Unde ipse ait : « Qui vos audit, me audit (Luc. x). » Et Paulus clamat : « An experimentum queritis ejus, qui in me loquitur Christus? » (II Cor. XIII.) Ab illo igitur omnes doceantur, etiam per ora sanctorum prædicationem, cujus manu Ecclesia regitur omnium electorum. Vel certe, qui appropinquant pedibus ejus accipient doctrinam illius, quia illis præ cæteris scientiæ Christi arcana revelantur, qui spiritali desiderio flagrant, in evangelicis atque apostolicis scriptis die noctaque meditantur. Verum, quia hæc de lege evangelica dicta sunt, sequuntur hi, ex quorum voce Moyses loquitur, de lege Mosaica, et dicunt : « Legem præcepit nobis Moyses, hæreditatem multitudinis Jacob. » Hæc enim fuit tota legis utilitas, ut juberet juste vivere, injustitiam declinare, et hæreditatem semini Abrahamæ repromissam, fideliter expectare; sed jubendo non etiam adjuvando, nequam a peccatis justificavit; sed peccatores etiam prævaricatores fecit. Unde Apostolus ait : « Ubi autem non est lex, nec prævaricatio; » et iterum : « Lex autem subintravit, ut abundaret delictum (Rom. iv). » Videlicet ut agnoscentibus hominibus infirmitatem suam, et ob hoc mediatoris auxilium ardentius desiderantibus, veniente Christo superabun-

A daret gratiam, per quam multitudo illa Jacob, de qua scriptum est : « Multitudinis autem credentium erat cor unum et anima una, in semine Abrahamæ, quod est Christus (Act. iv), » hæreditatem regni cælestis acciperet. Quæ quoniam de maledicto legis redempta, benedictionem gratiæ consecuta est, pulchre sub Jacob nomine designatur, cui de Christo manifeste promittitur. « Erit apud rectissimum, congregatis principibus populi, cum tribubus Israel. » Jacob namque postquam ab angelo cui prævaluit benedictus est, continuo Israelis nomen accepit : quod proprie juxta Hebræos, rectus Dei dicitur. Vir autem videns Deum, non in elementis, sed in sono vocis est. Sic ergo et Judaicus populus ad fidem Christi conversus, et ab eo post resurrectionem benedictus, cui in passione prævaluisse jussum est, novam nominis accepit dignitatem, ut ob justitiæ perfectionem Israel, id est, rectissimus appelletur : cui etiam per Isaiam Deus loquitur : « Audi, Jacob, serve meus, et rectissime quem elegi (Isa. XLIV). » Apud hunc itaque rectissimum rex Christus, qui in Psalmo loquitur : « Ego autem constitutus sum rex ab eo super Sion montem sanctum ejus, » futurus esse promittitur, habitans videlicet per fidem in corde ejus, eumque sibi regnum inclytum efficiens, sicut per Moysen ante promiserat. « Vos autem, inquit, eritis mihi regnum sacerdotale, et gens sancta (Exod. XII). » Et Michæas prædixerat : « Et veniet potestas prima regnum filiae Sion (Mich. iv). » Cujus regni cæcæ plenitudo ostenditur verbis subsequantibus, cum infertur : « Congregatis videlicet in unitatem fidei principibus populi, » id est, sanctis apostolis, de quibus scriptum est : « Constitues eos principes super omnem terram (Psal. XLIII), » cum tribubus Israel, ex quibus omnibus innumera multitudo in Christum Dominum credit. Unde et Jacob duodecim tribubus, suæ erant in dispersione, scribit Epistolam. Pulchroque principes populi prima, et deinde tribus congregandæ prophetantur, quia videlicet primi apostoli ad fidem vocati sunt, et postea per eos universæ tribus collectæ. Quod ut supra diximus, ex parte in primo Salvatoris adventu impletum est. Perfecte autem implebitur, cum juxta apostolum, « subintrante gentium plenitudine, omnis Israel salvus fiet (Rom. xi). » Verum quia pater Augustinus de hac eadem benedictione in libro questionum Docteronemii, unde multa supra posuimus, aliqua protulit, hæc in hoc loco ponenda esse censuimus. Et quia Septuaginta interpretum editionem secutus est, ita incipit. « Hæc est benedictio qua benedixit Moyses homo Dei filius Israel, priusquam defungeretur. Et dixit : Dominus ex Sina venit, et illuxit ex Seir nobis; festinavit ex monte Pharan cum multis milibus Cades. Ad dexteram ejus angeli cum eo, et peperit populo suo; et omnes sanctificasti sub manus tuas, et hi sub te sunt; et accipit de verbis ipsius legem, quam mandavit nobis Moyses hæreditatem congregationibus Jacob; et erit in dilecto princeps congregatis principibus



« populorum, simul tribus Israel. » Non negligenda est ista propheta. Apparet quippe ista benedictio ad novum populum pertinere, quem Dominus Christus sanctificavit, ex ejus persona ista dicuntur a Moyse, non ex persona ipsius Moysi, quod in sequentibus evidenter apparet. Nam si propterea dictum est, « Dominus ex Sina venit, » quia in monte Sina lex data est, quid sibi vult, quod sequitur : « Et alluxit ex Seir nobis, » cum Seir mons Idumæ sit, ubi regnavit Esau? Deinde Moyses filios Israel benedicit his verbis, sicut Scriptura prædixit, quomodo idem dicit. « Et accepit de verbis ipsius legem, quam mandavit nobis Moyses. » Nimirum ergo propheta est, ut diximus, populum novum Christi gratia sanctificatum prænuntians, ideo sub nomine filiorum Israel, quia semen est Abraham, hoc est, filii sunt promissionis, et interpretatio ejus est, videns Deum. Dominus ergo, quia ex Sina venit, Christus intelligendus est, quoniam Sina interpretatur tentatio. Venit ergo ex tentatione passionis, crucis, mortis. « Et alluxit ex Seir. » Seir interpretatur pilosus, quod significat peccatorem. Sic enim natus est Esau odio habitus. Sed quoniam, qui sedebant in tenebris et in umbra mortis, lux orta est eis, ideo alluxit ex Seir. Simul etiam non absurde intelligitur esse prædictum ex gentibus, quæ significatur per nomen Seir, quia mones est pertinens ad Esau, venturam gratiam Christi populo Israel. Unde dicit Apostolus : « Ita et hi nunc non crediderant in vestra misericordia, ut et ipsi misericordiam consequantur. » Ipsi ergo dicunt, « Alluxit ex Seir nobis, et festinavit ex monte Pharan, » id est, ex monte fructifero : id enim interpretatur Pharan, quod significat Ecclesia. Cum multis millibus Cades. Et mutata interpretatur Cades et sanctitudo. Mutata sunt ergo multa millia et sanctificata per gratiam, cum quibus venit Christus ad Israelitas postea colligendos. Sequitur et dicit : « Ad dexteram ejus angeli cum eo : » hoc non indiget expositione. « Et pepercit, inquit, populo suo, » donans remissionem peccatorum. Inde ad ipsum convertit sermonem, et ait « Et omnes sanctificati sub manus tuas, et hi sub te sunt. » Non utique superbientes et suam justitiam volentes constituere, agnoscentes gratiam, et justitiæ Dei subjiuntur. « Et accepit, inquit, de verbis ejus » : accepit legem quam mandavit, inquit, nobis Moyses, hoc est populus ejus. De verbis ejus accepit legem, quia de doctrina ejus intellexerunt legem meam, ipsam quam mandavit nobis Moyses. Ipse quoque ait in Evangelio : « Si crederetis Moysi, crederetis et mihi; de me enim ille scripsit (Joan. v) » Non enim accepit legem ille populus, quam non intellexit; sed tunc accepit, quando intellexit, de verbis ejus, carnis velamine veteri. Conversus ad Dominum, hanc dicit hereditatem congregationis Jacob, quæ intelligenda est non terrena, sed cœlestis; non temporalis, sed æterna. « Et erit, inquit, in dilecto princeps. » Ipse utique in dilecto populo erit princeps Dominus Jesus, congregatis principibus populorum, id est,

gentium simul cum tribus Israel, ut impleatur quod supra dictum est : « Lætamini, gentes, simul cum populo ejus. » Quia cæcitas ex parte in Israel facta est, donec plenitudo gentium intraret, et sic omnis Israel salvus fieret : « Vivat Ruben et non moriatur, et sit parvus in numero. » Præcedenti sermone salutem primitivæ Ecclesiæ, quæ ex Judæis electa est, specialiter prophetaverat; nunc singulis tribus proprias benedictiones tribuens, veros Israelitas ex utroque populo designat : et nunc de Christo, nunc de apostolis, nunc de primitiva Ecclesia ex Judæis, nunc generaliter de cuncta simul Ecclesia vaticinatur. Quod autem populus electorum ex duodecim spiritualibus constet tribubus, Joannes dilectus Domini in mystica Apocalypsi describit : « Vivat, inquit, Ruben, et non moriatur. » Ruben interpretatur visionis filius, dicente matre : « Vidit Deus humilitatem meam. » Et est primogenitus patriarchæ Jacob. Significat itaque electum populum ex Judæis, cui divina miseratio contulit ut qui Deum negando et crucifigendo æternæ morti seipsum addixerat, compunctus ad prædicationem sanctorum apostolorum, erroris sui poenitentiam ageret : et credens in Christum ex fide viveret, qui ipsa jam infidelitate mortuus erat. Unde et visionis filius recte dicitur, quia respectu misericordiæ divinæ salvatur. De qua Psalmista exorat : « Vide humilitatem et laborem meum, et dimitte omnia peccata mea (Psal. xlii). Et ad Ezechiam Dominus loquitur : « Audivi orationem tuam, vidi lacrymas tuas. » Hic autem populus, quantum ad comparisonem infidelium gentis sæ, exstitit parvus numero, tantum fide maximus et gloriosus fuit. Quod Propheta non maledicentis voto, sed futuram populi illius cæcitatem prævidens, cum sententia divini iudicii prædicat : « Hæc est Judæ benedictio. Audi, Domine, vocem Judæ, et ad populum suum introduce eum. » Per Judam, qui interpretatur confessio, universalis Ecclesia designatur, in qua veræ fidei et laudis Dei confessio est. Confessio enim hic pro laude et gratiarum actione accipitur, dicente matre : « Modo confitebor Domino. » Illa ergo est vera Christi sponsa quæ de cunctis virtutibus quibus adornatur in omnibus, non se extollit, sed sponso suo laudes et gratias agit. Pro hac Propheta exorat ut vox fidei et sancti desiderii ejus a Domino exaudiat; de qua alibi eadem loquitur : « Voce mea ad Dominum clamavi et exaudivit me de monte sancto suo (Psal. iii). » Et ut ad apostolum suum, id est ad patriarchas, et prophetas, et apostolos, per quos in Christo genita est, introducat in regnum cœlestis, impleto hoc quod in Evangelio prædictum est : « Quoniam multi ab Oriente et ab Occidente venient, et recumbent cum Abraham, Isaac et Jacob in regno cœlorum (Matth. viii). » De hac introductione fidei servo dicitur : « Intra in gaudium Domini tui. »

« Manus ejus pugnant pro eo, et adiutor illius contra adversarios ejus erit. » Supra ad Dominum precem fuderat, nunc ipsi Judæ Domini auxilium

pollicetur. Non ergo præsumat Judas de viribus suis, ne ipsa elatione cadat coram inimicis suis, sicut de superbis scriptum est : « Expulsi sunt, nec potuerunt stare (*Psal. xxxv*) ; » sed in illius semper virtute confidat qui ait : « Confidite, ego vici mundum (*Joan. xvi*). » Hujus enim manus pro eo in crucis pabulo contra spirituales nequitias pugnauerunt ut per mortem destrueret eum qui habebat mortis imperium ; et contra omnes adversarios et persecutores ei adiutor existat, ut adepta de hostibus victoria, exsultat et dicat : « Et super excelsa terra dedecet me victor in psalmis canentem (*Abac. ix*) : » Et aliter : « Domino, ut scuto bonæ voluntatis tuæ coronasti nos (*Psal. v*). » Ipse enim vivit in nobis, et pro victoria sua nos in misericordia et miserationibus coronat. « Levi quoque ait : Perfectio tua et doctrina tua vito sancto tua. » Choro apostolorum, et universorum martyrum exercitus, omnique ordini perfectorum ista dicuntur, qui perfectionem charitatis morientes pro Domino impleverunt, et abrenuntiantes omnibus calmen doctrinæ evangelicæ assecuti sunt, tanquam veri Levitæ non habentes partem in terra, sed cum Propheta dicentes : « Dominus pars hereditatis meæ (*Psal. xv*) ; » et item : « Portio mea, Domine, dixi custodire legem tuam (*Psal. cxviii*). » Hanc vero admirabilem perfectionem Levi ab illo didicit et accepit qui in Evangelio ait : « Si quis vult post me venire, abneget semetipsum et tollat crucem suam, et sequatur me (*Luc. ix*). » Et iterum : « Qui perdidit animam suam propter me, in vitam æternam inveniet eam (*Joan. xii*). » Ipse est enim vir sanctus qui hæc universa fecit et docuit, sicut Evangelista de illo ait : « Quæ cepit Jesus facere et docere. » Unde et vir sanctus ipsius Levi dicitur, ut pote singulari et divinæ sanctitati ex nimio amore adheserit, imitans illum usque ad sanguinem pro veritate certando. Unde et de passione ejus mox subditur : « Quem probasti in tentatione, et judicasti ad aquas contradictionis. » Quod videlicet per apostropham ad Patrem dicitur. « Tentatus est enim iste vir sanctus, ut Apostolus ait, per omnia secundum similitudinem excepto peccato (*Hebr. iv*). » Sed maximam tentationem et tunc diabolus intulit, cum in ejus necem Judæorum animas tanta obstinatione excitavit, ut omnes una voce dicerent : « Sanguis ejus super nos et super filios nostros (*Matth. xxvii*). » Consummata quippe omni tentatione quam post jejunium quadraginta dierum protulit, sicut evangelista scribit, « discessit ab eo diabolus ad tempus (*Luc. iv*). » Instante autem passione, Christus Dominus et illius imminetentem tentationem, et suam probatissimam dilectionem atque obedientiam exponens, ait : « Venit enim princeps hujus mundi, et in me non habet quidquam. Sed ut cognoscat mundus quia diligo Patrem, et sicut mandatum dedit mihi Pater, sic facio. Surgite, eamus hinc (*Joan. xiv*). » Et surrexit ad passionem, in qua contradicentium turbas populorum, quasi aquarum inundantium impetum, toleravit ; et

A arbitrio Dei Patris, qui Filio suo non pepercit, sed pro nobis omnibus tradidit illum, morti adjudicatus, passionem crucis excepit. Unde et iudici suo ipse dicebat : « Non haberes potestatem adversum me ullam, nisi tibi data esset desuper (*Joan. xix*). » Et nota quod qui probatur et iudicatur vir sit, quia Dominus majestatis hæc omnia in vera humilitate sustinuit, sed divinitate impassibilis mansit. Sequitur adhuc de perfectione Levi spiritualis : « Qui dicitur patri suo et matri suæ, et Nescio vos ; et fratres eius suis, Ignoro illos, et nescierunt filios suos : « hi custodierunt eloquium tuum, et pactum tuum servaverunt. Judicia tua, o Jacob, et legem tuam, o Israel. » Hæc enim omnia sancti apostoli et martyres et perfecti quique impleverunt, qui nulli cedentes affectui, patres et matres, fratres et filios, propositum suum impedire cupientes quia animo ab eis disjunxerant, quasi alienos et extraneos despexerunt : atque ideo præ cunctis fidelibus specialis virtutis privilegio, eloquium et pactum Christi servasse et iudicia legemque veri Jacob et Israel contempsisse, laudantur. Populus quippe electissimus Jacob et Israel appellatur, quia et in hoc sæculo supplicatorum vitiorum et in futuro Dei visionis particeps. Cujus iudicia et lex specialiter præcepta Christi et doctrina Evangelii est. Ille scire Deum familiaris appetit, qui præ amore pietatis ejus nescire se desiderat quos carnaliter scivit. Gravi etenim damno scientia divina minuetur, si cum carnis notitia partitur. Extra cognatos ergo quisque ac proximos debet fieri, si vult parenti omnium verius jungi : quatenus eosdem quos propter Deum utiliter negligit, tanto solidius diligit, quanto in eis affectum subilem copulæ carnalis ignorat. Debemus quidem et temporaliter his quibus viciniam jungimus plus ceteris prodesse, quia et flamma admotis rebus incendium porrigit, sed hoc ipsum prius ab noscitur incendit. Debemus copulam terrene cognationis agnoscere, sed tamen hanc, cum eursum mentis præpedit, ignorare : quatenus fidelis animus in divino studio accensus, nec ea quæ sibi sunt in infamis conjuncta despiciat, et hæc apud semetipsum recte ordinans, summo cum amore transcendat. Solerti ergo cura studendum est ne carnis gratia subrepat, atque a recto itinere cordis gressum, deflectat, ne dorum superni amoris impediatur et surgentem mentem superimposito pondere deorsum premat. Sic enim quisque propinquorum debet necessitatibus compati ut tamen per compassionem non sinat vim sui intentionis impedire, ut affectus quidem mentis vitiosa repleat, sed tamen a spiritali proposito non avertat. Neque enim sancti viri ad impendenda necessaria propinquos carnis non diligunt, sed amore spirituum ipsam in se dilectionem vincunt, quatenus sic eam discretionis moderamine temperant ut per hæc in parvo saltem ac minimo a recto itinere non declinent. Quos bene nobis per significationem vacca innuunt, quæ sub area Domini ad montana tendentes, affectu simul et rigido sensu gradiuntur. Quorum

dum vitulos clausissent domi, ut scriptum est, pergentes et mugientes, dantes quidem ab intimis mugitibus, sed tamen accepto itinere non deflectentes gressus. « Penent thymiana in furore tuo, et holocaustum super altare tuum. » Sicut Aaron historialiter in libro Numerorum fecisse legitur, quando propter seditionem factam in populo propter Core, Dathan et Abiron, currens ad mediam multitudinem quam jam vastabat incendium, obtulit thymiana; et stans inter mortuos ac viventes, pro populo deprecatus est, et plaga cessavit. Aliter, per sanctorum orationes, quod est incensum suavissimum Domino, vindicta juste imminens populo peccanti mitigatur. Quæ enim purius talium mens omni terrenæ cupiditatis contactu defæcata est et solis cœlestis desiderii ignita, eo efficacius eorum oratio iram Dei mitigat: quæ more thymianatis in conspectu Dei flagrat, et instar mundissimi holocausti, ab ara pii cordis flamma sanctæ devotionis in cœlum subvolat. Hoc autem præcipue sanctis apostolis et martyribus congruit, quorum orationibus sæpe propitiatur Deus peccatis populi sui; quique semetipsos super altare Dei, id est, pro fide Christi, totos holocaustum Domino obtulerant. Unde et de ipsis Scriptura dicit: « Tanquam aurum in fornace probavit illos, et sicut holocausti hostiam accepit illos (Sap. xvii). » Intud est altare Dei sub quo animas interfectarum propter verbum Dei et testimonium Jesu, Joannes clamantes in Apocalypsi vidit (Cap. vi), de quibus subditur: « Benedic, Domine, fortitudini ejus: et opera manuum illius suscipe. » Fortitudini quippe sanctorum martyrum benedicatur, cum eorum invicta patientia cœlesti gloria remuneratur. Quod verbis aliis repetisse videtur addendo, « et opera manuum illius suscipe. » Dantur eis nunc singula stolæ albae, sicut in Apocalypsi legimus, beata scilicet animarum habitia, et in judicio futuro, receptis immortalibus ac præclaris ex resurrectione corporibus fulgebant, ut Scriptura dicit, « et tanquam scintille in arundine discurrent (Sap. iii). » Exurentes videlicet vacuos mente et infructuosos opere adversarios suos, de quorum poena mox sequitur: « Percute dorsa inimicorum ejus, et qui oderunt eum, non consurgant. » Videbantur enim sibi impune tot sanctorum martyrum sanguinem fundere; sed eis quasi per dorsum poena, quam prævidere non noverant, parabatur, damnatio videlicet sempiterna, in quam ruentes ultra surgere non valerent. Tali percussione feriuntur, de quibus Salomon ait: « Et virga in dorso imprudentium. » Quæ tunc percussorum oculis præsentabitur cum juxta librum Sapientiae, in inferno positi, et sanctorum martyrum, quos hic exosos habuerant, gloriam contuentes, sera atque infructuosa poenitudinæ dicturi sunt: Hi sunt quos habuimus aliquando in derisum et similitudinem impropertii; nos, insensati, vitam illorum putabamus insaniam, et finem illorum sine honore: quomodo computati sunt inter filios Dei, et inter sanctos sors illorum est? et cætera. « Et Benja-

min ait: Amantissimus Domini habitabit confidenter in eo. » Legitur enim in Genesios libro dixisse Judam ad Joseph in Ægypto de Benjamin: Pater tenere diligit eum. Igitur si intravero ad servum tuum patrem nostrum, et ille defuerit, cum anima illius ex hujus anima pendeat, videritque eum non esse nobiscum, morietur. Videtur quidem secundum historiam tangere quod Benjamin a patriarcha simul et propheta spiritu Dei plano, videlicet patre suo Jacob, amaretur; et quod per dispensationem Dei locus ille, in quo cultus ejus maxime futurus erat, tribui ejusdem decerneretur, hoc est Jerusalem, ubi templum et altare Dei construebatur. Atque ideo subjungitur: « Quasi in thalamo tota die morabitur. » Quia Jerusalem fuit eo tempore locus quem elegit Dominus ut esset nomen ejus ibi. Allegorice autem Dominus noster Jesus Christus ipse amantissimus est Dei Patris, de quo dixit: « Hic est Filius meus dilectus, in quo mihi bene complacui (Matth. iii). » Hic in virtute Patris mansit, quia in dextera virtutis sedet, et regnat in excelsis. Sed et de humanitate ejus intelligi potest, quia in ea divinitas habitat confidenter, quam sibi conjunxit in unitate personæ. Quod autem dicit, « in thalamo morabitur, et inter humeros filias requiescet, » significat quod in utero virginis cœlestis sponse conjuncta est Ecclesia, quæ in fortitudine potentie Christi et in operibus ejus maximam fiduciam ac requiem mentis habet. Aliter: per Benjamin, qui ex filio doloris in filium dexteræ versus est, beatus Paulus designatur, qui de persecutore in apostolum repente mutatus, vas electionis Christo effectus est. Ipse enim se ex hac tribu fuisse testatur, de qua hic spiritu prophetali nasciturus esse prænotatur. Dignum quippe fuit ut quemadmodum Joannis Baptistæ præcursoria, imo angelica dignitas ante prædicta est, ita et magistri gentium in fide et veritate universo mundo pro futura gratia inter magna Ecclesie mysteria prophetaretur, quia Domino insigni amore dilectus, subito ex persecutore prædicator effectus est: Evangelium per revelationem Christi didicit; ad cœlum usque tertium raptus est: in paradiso arcana verba, quæ nequaquam hominibus loqui licet, audivit. In cujus mente tanta fidei confidentia Christus habitavit, ut ipse inter innumera pericula coram gentibus et regibus et filiis Israel constanter eum prædicans, clamet: « Mihi vivere Christus est, et mori lucrum (Phil. i). » Et iterum: « In omni fiducia sicut semper, ita et nunc glorificatur Christus in corpore meo, sive per vitam, sive per mortem (Ibid.). » De cujus adhuc omni virtutum flore, speciosissima et dilectissima Christo anima, dicitur: « Quasi in thalamo tota die morabitur. » Vel ipsius scilicet spirituali connubio mira semper oblectatione perfruens, eamque divinorum sensuum prole fecundans, et nullius vitii inquietudine secretum placidissimi pectoris derelinquens. Vel certe in eo quasi in pulcherrimo thalamo residens, et virgineas credentium mentes, imo diversorum populorum Eccle-

σίας tanquam sponsus speciosus formæ præ filiis hominum per prædicationem ejus suis jungens amplexibus. De quibus Psalmista canit : « Adducentur regi virgines post eam, proxime ejus afferentur tibi (Psal. XLIV). » Et quarum uni ipse loquebatur : « Despondi enim vos uni viro, virginem castam exhibere Christo (II Cor. XI). » Cujus gloriosissimi labores quibus in doctrina evangelica desudavit, quantum Christo accepti essent, verbis sequentibus declaratur, dum de ipso adhuc subditur : « Et inter humeros illius requiescet. » Per humeros quippe, quibus onera bajulamur, robustissima ejus patientia designatur, per quam tanto libentius Christus in illo requievit, quanto ipse inter durissimos etiam labores se pro Christo pati omnia gloriabatur. Tanto ab illo arcius complecti meruit, quanto a complexu ejus nullus hunc labor, nulla tribulatio separabat. Qui enumerans diversa pericula aiebat : « Sed in his omnibus superamus propter eum qui dilexit nos (I Cor. VII) ; » ac si diceret : Idcirco cuncta adversantia pro Christo vincimus, quia mens nostra a dilectionis ejus brachio non recedit.

« Joseph quoque ait : De benedictione Domini terra ejus, de pomis cœli, et rore atque abysso subjacente. De pomis fructuum solis ac lunæ, de vertice antiquorum montium, de pomis collium æternorum, et de frugibus terræ, et de plenitudine ejus. Benedictio illius qui apparuit in rubo, veniat super caput Joseph, et super verticem Nazaræi, inter fratres suos. Quasi primogeniti tauri pulchritudo ejus : cornua rhinocerotis, cornua illius. In ipsa ventillabit gentes usque ad terminos terræ, » etc. Secundum historiam, in benedictione terræ Joseph significat fertilitatem terræ, quam duæ tribus ex Joseph genitæ, hoc est, Ephraim et Manasses, habuere : sive in ubertate frugum atque pomorum, sive in pastu pecorum. Quod autem comparat cornua Joseph cornibus rhinocerotis, significat futuram quod tribus Ephraim principatum habitura sit inter decem tribus quæ separatæ sunt a domo David temporibus Roboam filii Salomonis, et regnaverunt in Samaria. Spiritualiter autem, terra Joseph, qui interpretatur auctus, Ecclesia est Domini Jesu Christi, de qua Psalmista canit : « Benedixisti, Domine, terram tuam (Psal. LXXXIV). » Quæ in fide ejus stabili firmitate fundata, non propria virtute, sed benedictione Domini virtutum divitiis adimpletur, dicente Paulo : « Benedictus Deus et Pater Domini nostri Jesu Christi qui benedixit nos in omni benedictione spiritali in cœlestibus in Christo. » Hæc in Evangelio accepta semente verbi Dei, centesimum in virginibus, sexagesimum in continentibus, trigesimum in castitate conjugii fructum offerre monstratur. Joseph enim Christum significat, qui a Judæis quasi fratribus suis abjectus, in tota Ægypto hujus sæculi princeps factus est, et universum genus humanum ab æterna famis penuria, evangelici frumenti erogatione liberavit. Nomenque illud, quod Joseph fuerat immutatum in se probavit

A veraciter adimpletum, ut ab omnibus agnoscat quia hic est vere Salvator mundi. « De pomis cœli et rore atque abysso subjacente. » Cœlum propter unitatem fidei atque doctrinæ, de qua dicit Apostolus : « Sive enim ego, sive illi, hoc est sancti apostoli et evangelistæ, sic prædicamus, et sic credidistis. De quibus alibi pluraliter dicitur : « Cœli enarrant gloriam Dei, et opera manuum ejus annuntiant firmamentum (Psal. XV). » in ipsis enim sublimi vita et contemplatione fulgentibus, tanquam in cœlo suo habitans Deus, tonat terrores, pluit consolationes, coruscant miraculis. Et de hoc cœlo scriptum est : « Cœlum cœli Domino (Psal. CXXII) ; » quia non humano magisterio, sed solo Dei spiritu, charitatis supernæ sapientiæ illustratur. Cujus penna sunt odoriferi ac suavissimi virtutum fructus, quibus copiosissime terra sanctæ Ecclesiæ, dum eorum contemplatione proficit, locupletatur. De quibus pomis et fructibus, eis a Domino dictum est : « Non vos me elegistis, sed ego elegi vos, et posui vos, ut cœli et fructum afferatis, et fructus vester maneat (Joan. XV). » Ros vero ex hoc cœlo descendens, cœlestis est prædicationis miræ subtilitatis et gratiæ, qua credentium corda, ne tentationum aestu arescant, sed inmarcescibili virtutum viriditate polleant, medullitus irrorantur. De hoc rore mystice in benedictione Jacob dicitur : « Det tibi Deus de rore cœli, et de pinguedine terræ abundantiam frumenti, vini et olei (Gen. XXVII). » Sed terra Joseph nostri in pinguiori fertilitate viget, cum internæ gratiæ nobis datæ, quasi de abysso subjacente, humorem vitalem trahit, et fonte vitæ inde ascendente, sicut paradisi Domini irrigatur, dicente Scriptura : « Fons ascendebat e terra irrigans universam superficiem terræ (Gen. II). » De hac abysso sæper Salvatore in Ecclesiastico dicitur : « A mari enim abundavit sensus ejus, et cogitatus illius de abysso magna (Eccl. XXIV). » Frustra enim quemlibet exterius sermo doctoris irrorat, nisi interius adsit irrigans gratia conditoris. Unde adhuc subditur : « De pomis fructuum solis ac lunæ. » Sol etenim justitiæ Dominus Jesus Christus est, qui in Evangelio de seipso ait : « Tunc justi fulgebunt sicut sol in regno Patris eorum (Marc. XII). » Quod exponens Joannes, ait : « Scintillam quoniam cum apparuerit, similes ei erunt, quoniam videbitis eum, sicuti est (I Joan. III). » Hujus igitur solis fructus dona sunt spiritualium charismatum, quos enumerans Apostolus ait : « Fructus autem Spiritus, charitas est, gaudium, pax, longanimitas, benignitas, bonitas, mansuetudo, fides, modestia, patientia, castitas (Gal. V). Fructibus autem solis sui luna declaratur, cum per subadministrationem Spiritus Jesu Christi, sancta Ecclesia donorum spiritualium deditur. Unde ait Apostolus : « Unicuique autem rostrum data est gratia secundum mensuram donationis Christi (Ephes. IV), » id est, ita sunt fructus solis ac lunæ : illius dando, hujus accipiendo. Semper ergo luna solem suum plena devotione respiciat, ne si ab illo per superbiam avertatur, ejus radiis ibi-

strari non mereatur. De hac luna in Cantico canticorum dicitur : « Quæ est ista, quæ progreditur sicut aurora consurgens, pulebra ut luna, etc. (*Cant. vi.*) » « De vertice montium antiquorum, de pomis æternorum collium. » Montes, antiqui sunt patriarchæ; sunt et prophetæ vita celsi, et ad contemplanda Dei mysteria sublimiter erecti. Colles æterni, cæteri justi Veteris Testamenti, tanquam pii et humiles filii, in eorum fide, immobili firmitate fundati. De his montibus et collibus Isaïas excellentiam Domini contemplatus ait : « Erit in novissimis diebus præparatus mons domus Domini in vertice montium, et elevabitur super colles (*Isa. ii.*) » Quorum pomis terra Joseph benedicatur, cum Ecclesia Christi doctrina prophetiæ, et exemplo virtutis eorum in fide Christi, promptiori pietate fructificat. Et intuendum quia supra in pomis et rore cæli doctrina evangelica, hic in virtute antiquorum montium, et pomis æternorum collium, doctrina legalis et prophetia designatur, et utrisque terra Joseph locupletatur, quia sancta Ecclesia utriusque Testamenti paginis instruitur, et novorum et veterum patrum virtutibus, ad sanctæ conversationis studia informatur. Unde eidem sponso in Cantico canticorum dicitur : « Omnia poma, dilecte mi, nova et vetera servavi tibi (*Cant. vii.*) » Et ipse in Evangelio : « Omnis scriba doctus in regno cælorum, similis est homini patrifamilias, qui profert de thesauro suo nova et vetera (*Matth. xiii.*) » Merito itaque Manichæi et Judæi, dum illi vetus recipiunt, isti vetus non recipiunt testamentum, in terra hac opulentissima hæreditatem accipere nequiverunt; de cujus opulentia adhuc subditur : « Et de frugibus terræ et de plenitudine ejus. » In quibus verbis satis ostenditur, quod hæc terra, cui tanta rerum copia promittitur, non in illa possessionis sorte, quam in terra Chanaan filii Joseph acceperunt, carnaliter cogitari, sed in universo orbe spiritaliter intelligi debeat. Profecto ergo ipsa est Ecclesia Christi, in toto mundo multiplici justitiæ fruge fecunda, et spiritualium charismatum largitate a Joseph suo repleta, qui in Evangelio legitur, « plenus gratiæ et veritatis : et de cujus plenitudine nos omnes accepimus (*Joan. i.*) » Unde et sequitur : « Benedictio illius, qui apparuit in rubo, veniat super verticem Nazaræi inter fratres suos. » Totus enim Joseph, hoc est caput et corpus ejus, benedictione repletus est. Unde ait Apostolus : « Qui est caput corporis Ecclesiæ (*Col. i.*) » et iterum : « Multi enim unum corpus sumus in Christo : singuli autem alter alterius membra (*Rom. xii.*) » Sed totius benedictionis plenitudo tribuitur capiti ut ab ipso in totum corpus et in membra singula juxta mensuram donationis ejus descendat. Unde sub specie Aaron sacerdotis, de ipso in Psalmo canitur : « Sicut unguentum in capite, quod descendit in oram vestimenti ejus, etc. (*Psal. cxxxii.*) » Qui incomparabilis gratiæ prærogativa cunctis fratribus, id est fidelibus, supereminens septiformis Spiritus gratia, quasi ve-

rus Samson ex utero genitricis Nazaræus, id est Deo consecratus, velut septem intactis crinibus, insignis effulget. Quod autem benedictio illius qui apparet in rubo, Moysi ait : « Ego sum Deus Abraham, et Deus Jacob, et Deus Isaac (*Exod. iii.*) » in caput Joseph ventura prædicitur illud profecto ostendit, quod promissio Dei ad eosdem patriarchas facta, in Christo esset explenda : videlicet ut in semine ipsorum demonstraretur, id est, ut in eo benedicerentur omnes gentes terræ de cujus futura passione et mox sequente resurrectionis gloria, subinfertur : « Quasi primogenita tauri pulchritudo ejus. » Ipse est enim taurus et vitulus saginatus quem velut ex electis bobus patriarcharum stirpe secundum carnem progenitum, filio pœnitenti pater clementissimus immolavit. Sed die tertia a mortuis resuscitatus, discipulis suis gloriosus apparuit; de quo Joannes in Apocalypsi loquitur : « Primogenitus mortuorum, et princeps regum terræ (*Apoc. i.*) » Et Paulus dicit : « Nunc autem Christus surrexit a mortuis, primitiæ dormientium (*I Cor. xviii.*) » Præmissa vero resurrectionis gloria, confestim de virtute passionis adjungit : « Cornua rhinocerotis cornua illius. Crucis quippe cornua significantur : de quibus et Habacuc dicit : « Cornua in manibus ejus; ibi abscondita est fortitudo ejus (*Habac. iii.*) » Quod exponens Apostolus ait : « Si enim cognovissent, nunquam Dominum gloriæ crucifixissent (*I Cor. ii.*) » Quamvis ergo per infirmitatem carnis, velut aries, illudentium spinis ac sentibus coronatus, his cornibus hæserit, ipsius tamen passionis incomparabili fortitudine unicornis existit, victor scilicet mortis, et per mortem destruens eum, qui habebat mortis imperium. Unde et Paulus dicit : « Et quod infirmum est Dei, fortius est hominibus (*I Cor. i.*) » Et iterum : « Delens quod adversum nos erat chirographum decreti, quod erat contrarium nobis; et ipsum tulit de medio, affigens illud cruci, hians principatus et potestates, traduxit palam, triumphans eos in semetipso (*Col. ii.*) » Sequitur ergo adhuc de victoriosissimæ crucis cornibus. In ipsis ventilabit gentes, usque ad terminos terræ. Nam per prædicationem crucis, universum orbem, et omnes mundi terminos, fidei suæ subjecit occulto judicio, discernens paleas a frumento, incredulos a credentibus, dum passionis ejus præconium, aliis damnatio, aliis salus est dicente Apostolo : « Christi bonus odor sumus Domine; et in his qui salvi fiunt, et in his qui pereunt : aliis quidem odor vitæ, in vitam; aliis vero odor mortis, in mortem (*I Cor. ii.*) » Et iterum : « Verbum enim crucis, percipientibus quidem stultitia est : his autem, qui salvantur, id est nobis virtus Domini est (*I Cor. i.*) » Et alibi : « Nos autem prædicamus Christum crucifixum, Judæis quidem scandalum, gentibus autem stultitiam. Ipsi autem vocatis Judæis atque Græcis, Christum Dei virtutem et Dei sapientiam (*Ibid.*) »

# BEATI RABANI MAURI

ABBATIS FULDENSIS ET MOGUNTINI ARCHIEPISCOPI

## IN LIBRUM JOSUE LIBRI TRES.

(ANNO 834.)

(Apud Marten., Ampl. Collect., tom. IX, pag. 686 ex ms. Cisterciensi.)

### OBSERVATIO PRÆVIA.

In librum Jesu Nave scripsisse Rabanum libros quatuor, ait Rudolfus presbyter, ejus discipulus, in ipsius Rabani Vita, cap. 9. Duos tantum Trithemius, Rabani ejusdem Vitæ libro III, cap. 3. Tres habet vetustus ac bonæ notæ codex noster, solidum opus complexos. Hos autem libros conscripsit Rabanus, adhuc abbas Fuldensis, ad Fridericum, quem episcopum fuisse Trajectensem (nempe Ultrajectinum apud Frisones) testatur idem Rabanus in præfationibus ad libros Judicum et Ruth. Interim Fridericus episcopus pro Christi fide martyrium subiit, relatus postmodum in sanctorum canonem ad diem mensis Julii 18. Porro eosdem libros suos in Josue, post aliquot annos a cæde Friderici obtulit Rabanus Lo-

athario imperatori, ut hic imperator testatur in epistola ad Rabanum, hujus Expositioni in Ezechielem adjuncta. Inter alia præclara, quæ plurima huic operi inspersit, discas, lector, commorationem ejus nonnullam in Orientis partibus, cujus nec Rudolfus, nec Trithemius meminere. Sic enim habet in illa verba capituli XI, versu 8: « *Usque ad Sidonem magnam. Ego quidem cum in locis Sidonis aliquoties demoratus sim, nunquam comperi duas esse Sidonas, unam magnam, et aliam parvam, quantum ad terrenum pertinet locum.* » Atque hæc Rabani peregrinatio referenda videtur in juveniles ejus annos, cum necdum esset Fuldæ magister, fortasse nec monachus, nedum abbas Fuldensis aut archiepiscopus Moguntinus.

### EPISTOLA DEDICATORIA.

AD FRIDURICHUM EPISCOPUM TRAJECTENSEM.

Domino beatissimo veræque charitatis officio plurimum venerando, Friduricho episcopo, Rabanus vilissimus servorum Dei famulus in Christo salutem.

Studium tuum ac diligentiam in sacrarum Scripturarum meditatione, plures qui sanctitatem tuam noverunt, laudant, et merito, quia assiduus es in lectione et frequens in doctrina, prout ratio ordinis tui postulat; quem lucem mundi cum apostolis Salvator nuncupat, ac de vero lumine illustratam lucernam super candelabrum posuit, ut luceas omnibus qui in domo Dei sunt. Unde plurimi fratrum venerationem tuam colunt, atque colendo diligunt: nobisque inde valde amabilis es quod non tantum præsentibus, sed etiam absentibus fraterno provocas amore, ac salubri incitamento exhortatione, ut legis Dei commune tecum exerceamus negotium. Nec absurdum est quod facis, licet nos ad hoc officium impares atque indigni simus, cum ibi quæris sacræ legis confirmationem, unde accepisti Christianæ religionis exordium. Sanctissimus ergo antistes et beatissimus Christi martyr Bonifacius gentem Frensonum, cui tua dilectio præest, non solum verbo, sed etiam sanguinis sui effusione ad fidem Christi convertit. Unde rationabiliter agis quod ab illo ministerii tui patrocinium quæris a quo ordinis tui ac sedis primam accepisti functionem. Ideo quoque

memoratus martyr per famulum suum dignanter impendit quod ab illo quærebatur solatium. Porro quia lectionis divinæ a nobis petisti solamen, direximus tibi codicem, quem ex sanctorum Patrum dictis in historiam Jesu Nave sensu allegorico prolatis collegeram. In quo opere, in aliquantibus locis, pro parvitate sensus nostri, ubi necesse fuit, divina concedente gratia, aliqua inserueram; petens ut fratrum qui tecum sunt utilitatibus illum accommodes, ut discant ex typo Jesu historici, mysterium veri Jesu, Domini videlicet Salvatoris, qui sanguine suo nos redemit, ac de infirmitate qua peccatis nostris exigentibus gravabamur, salvavit. Ante annos ergo aliquot, tractatum in Evangelio Matthæi, quem rogante bonæ memoriæ Haistulfo archiepiscopo confeceram, tibi ad rescribendum accommodavi. Sed quia illum necdum recipere potui, remunerationis vice præsens opus transmisi, ut saltem hoc beneficio admonitus, remittas fenus quod acceperas. Lege diligenter Jesum Nave, qui non solum nomine, verum etiam gestis Jesum Christum typice præfiguravit. Transiit Jordanem, hostium regna subvertit, divisit terram victori populo, et per singulas urbes, viculos, montes atque confinia, Ecclesiæ coelestisque Jerusalem spiritalia regna descripsit. Sicque cognoscis ipsius libri textum evangelicæ lectioni concordare,

qua Domini Salvatoris ostendit adventum, prædicationem, passionem, triumphum atque victoriam, qua mortem vincendo, cœlestium, terrestrium atque infernorum acquisivit sibi dominationem: qui ascendens in cœlum, sedensque ad dexteram Patris, iudex est venturus vivorum atque mortuorum, et secundum Judæ apostoli attestationem non solum homines, sed et angelos judicaturus est; qui in Epistola sua ita scripsit, dicens: « Commonere autem vos volo, scientes semel omnia, quoniam Jesus populum de terra Ægypti salvans, secundo eos qui non crediderunt perdidit; angelos vero qui non servaverunt suum principatum, sed dereliquerunt suum domicilium, in iudicium diei magni vinculis æternis sub caligine reservavit (*Jud. 5*). » De cujus diei certitudine primus apostolorum Petrus nos in sua Epistola instruit, dicens: « Unum vero hoc non lateat vos, charissimi, quia unus dies apud Deum sicut mille anni, et mille anni sicut dies unus. Non tardat Dominus promissis, sed patienter agit propter vos, nolens aliquem perire, sed omnes ad pœnitentiam reverti. Adveniet autem dies Domini ut fur, in quo cœli magno impetu transient, elementa vero calore solventur. Cum hæc igitur dissolvenda sint omnia, quales oportet vos esse in

sanctis conversationibus et pietatibus, expectantes et properantes in adventum diei Domini, per quam cœli ardentes solventur, et elementa ignis ardore tabescent. Novos vero cœlos, et novam terram, et promissa ipsius expectamus, in quibus justitia habitat. Propter quod, charissimi, hæc expectantes, satagite immaculati et inviolati ei inveniri in pace, et Domini nostri longanimitatem salutem arbitremini (*II Petr. III, 8*). » Hujus ergo sacratissimi adventus diem, sancte Pater, ante oculos semper habe, tuosque lætum in occursum superni Judicis præpara cum lampadibus nonorum operum lucentibus, quatenus ejus gratiam inveniens, cum his qui a dextris ejus stabunt audire merearis: « Venite, benedicti Patris mei, percipite regnum quod vobis paratum est ab origine mundi (*Matth. XXV, 34*); » quod nos promissum lætum audire, donumque illud simul percipere ipse concedat qui nos a potestate tenebrarum erere et in regnum suum convocare dignatus est Jesus Christus Dominus noster. Bene valere te cupimus, sancte Pater, nostrique memorem in sacris orationibus fieri. Divinitas Domini nostri Jesu Christi vitam tuam conservet in ævum.

### INCIPIUNT

## COMMENTARIA IN JESU NAVE.

### LIBER PRIMUS.

#### CAPUT PRIMUM.

*Sermo Domini ad Josue de ducatus sui ministerio.*

(CAP. I.) « Et factum est post mortem Moysi servi Domini, ut loqueretur Dominus ad Josue filium Nub, ministrum Moysi, et diceret, » etc. Donavit Deus nomen quod est super omne nomen Domino et Salvatori nostro Jesu Christo. Est autem nomen quod est super omne nomen, Jesus. Et quia est istud nomen super omne nomen Jesus, idcirco « in nomine Jesu omne genua flectitur, cœlestium, terrestrium et infernorum. » Et quia est hoc nomen super omne nomen, idcirco in multis generationibus a nullo cognominatum est. Scripsit Moyses librum *Genesis*, in quo legimus Abraham et eos qui ex eo generati sunt, in quibus sunt isti quamplurimi, sed nullus ex ipsis Jesus meruit nominari. Neque Abel dictus est Jesus, neque ille qui cœpit invocare nomen Domini Dei, neque ille qui placuit Deo et translatus est, cujus unquam non est inventa mors: neque ille qui in generatione sua solus justus inventus est apud Deum Noe. Sed nec ipse quidem qui repromissiones acceperat testamenti Abraham, nec ille qui de eo natus est Isaac; sed nec supplanator Jacob, nec quisquam ex filiis ejus. Moyses fidelis erat in omni domo sua, necdum tamen vocatus Jesus. Sed Jesum nomen primum invenio in *Exodo*; et volo intueri quando primum nomen Jesu

C cognominatur. « Venit, inquit, Amalec, et expugnavat Israel: et dixit Moyses ad Jesum in Raphidim (*Exod. XVII*). » Hæc est prima appellatio nominis Jesu. « Elige, inquit, tibi viros potentes ex omnibus filiis Israel, et egredere, et conflige cum Amalec crastino » (*Ibid. v. 9*). Moyses confitetur non posse se exercitum ducere, confitetur se non posse obtinere, quamvis eum de terra Ægypti eduxerit; et ideo, inquit, vocavit Jesum, et dixit, « elige tibi viros fortes, inquit, et egredere. » Vides cui cesserit bellum agere adversus Amalec. In hoc primo nomen discimus Jesu, ubi eum videmus ducentem exercitum. Non cui Moyses injunxerat principatum, sed cui successerit in primatum. Non potest Moyses eligere viros potentes. « Tu, inquit, elige tibi viros potentes ex omnibus filiis Israel. » Hic ergo ubi primum disco nomen Jesu, ibi continuo etiam mysterii video sacramentum: ducit enim exercitum Jesus. « Et factum est cum extolleret Moyses manus suas, invalescebat Israel; cum autem dejiceret manus suas, invalescebat Amalec (*Exod. XVIII*). » Tunc ergo invalescit Jesus magis, et tunc vincit, quando Moyses erigit manus suas. Victus est autem populus ille ab Amalec, quando non erigebat manus suas Moyses, sed erant demissæ deorsum. Illi sunt enim quibus dicitur: « Si crederetis Moysi, crederetis utique et mihi, et ecce me vultis occidere,

qui legem non facitis (Joan. v.) » Hic est Jesus cui per Moysen dicitur : « Propetam vobis suscitabit Dominus Deus vester : tanquam me, ipsam audietis. Omnis anima quæ non audierit prophetam illum , exterminabitur de plebe, etc. Et ecce me vultis occidere, qui legem non facitis (Deut. xviii.) » In isto loco dimissa est lex, dimissæ sunt manus Moysi, invaluit incredulitas Judæorum, vincit Amalec, hoc est diabolus, qui vicit Judæos, quando Christum crucifixerunt, et non crediderunt cum signa viderunt, quia dictum erat de illis in lege. « Videbitis vitam vestram pendentem in ligno, et non credetis ei (Deut. xxviii.) » Cessante namque apud illos lege et operibus legis, qui dum suam justitiam quaerunt statuere, justitia Dei non sunt subjecti; demissæ sunt manus Moysi, invaluit incredulitas, vincitur populus. Sed et Nadab, et Abiud, et Eleazar et Ithamar relinquuntur in castris, ut judicet et ipse populum cum eis. Jesus vero non derelinquitur, sed sequitur Moysen in montem. Ubi adjectio est verbi mirabilis : « Non veni legem solvere, sed adimplere (Matth. v.) » Jesus secutus Moysen, cum legem adimplevit in eo quod dicitur quia assistebat Moysi. Quomodo assistebat? Non ut secundus, non ut inferior, sed ut adjutor et protegens. Sed et illud quale est, quod cum primum nominatus est Jesus, non est indicatum nomen patris ejus, neque in secundo, neque in tertio; cum vero pater ejus nominatur Nave, tunc ipse non Jesus, sed Auses dictus est? (Num. xiii.) Inter eos enim qui exploratores missi sunt, nomen ejus Auses scribitur. Sed fortassis mihi videtur pro exploratoris officio non Jesus, sed Auses dictus est, et Nave filius nominatur. Cum vero redit opere expleto, et perterritis omnibus, solus sublevat lapsos desperationemque populi solus erigit, tunc a Moyse Jesus nominatur, nec Nave filius dicitur, sed ille ad quem dicit Moyses : « Educ exercitum et confige cum Amalec. » Illud enim iactuens, magnitudinem ejus pervideamus. Quod cum transfigurationem vultus Moysi omnis filiorum Israel hebetaret aspectus, nec aliquis posset intueri faciem vultus ejus, Jesus non solum faciem contactur, verum etiam in interioribus tabernaculi mysteriorum conscius perseverat. Quo igitur nutu hæc cuncta perspicimus? Nempe eo quod liber hic non tam gesta filii Nave indicet quam Domini Jesu vobis sacramenta depingat. Ipse enim qui post mortem Moysis suscepit imperium, ipse est qui ducet exercitum et configet adversus Amalec. Et quod ibi adumbrabatur in monte manibus extensis, affligit cruci suæ, triumphans principatus et potestates in semetipso. Defunctus est Moyses, cessavit enim lex, quoniam « lex et propheta usque ad Joannem (Matth. xi, 13.) » Vis autem de Scripturis proferam documenta quod lex Moyses appellatur? Audi quid dicit in Evangelio : « Habent Moysen et prophetas, audiant illos (Luc. xvi.) » Moysen utique legem nominans. Defunctus est ergo Moyses famulus

A Dei, defuncta enim est lex, et legalia præcepta jam cessant. Si ergo consideres Jerusalem subversam, altare destructum, nusquam sacrificia, nusquam nec hostias nec libamina, nusquam sacerdotes, nusquam pontifices, nusquam ministeria Levitarum. Cum hæc omnia vides cessare, dicito quia Moyses famulus Dei defunctus est. Si videris neminem ter in anno venire ad conspectum Domini, nec offerre munera in templo, nec jugulare hostias, pascha nec azyma edere, nec offerre primitias, nec primogenita conservare : cum hæc omnia non vides celebrari, dicito quia Moyses famulus Domini defunctus est. Cum vero videris introire gentes ad fidem, ecclesias instrui, altaria non cruore pecudum reperi, sed pretioso sanguine Christi conservari; cum videris sacerdotes et levitas non sanguinem taurorum et hircorum, sed verbum Dei per sancti Spiritus gratiam ministrantes, tunc dicito quia Jesus post Moysen susceptus et obtinuit principatum: sed non ille Jesus filius Nave, Jesus Filius Dei. Cum videris quia pascha nostrum immolatus est Christus, et azyma edimus sinceritatis et veritatis; cum videris fractus justitiæ terræ bonæ in Ecclesia trigesimos, sexagesimos, et centesimos, justas conjuges, viduas, virgines et martyres; cum videris multiplicari semen Israel in his qui non in sanguinibus, neque ex voluntate viri, neque ex voluntate carnis, sed ex Deo nati sunt; et cum videris filios Dei qui dispersi erant, congregari in unum cum sua voluntate, baptizari populum Dei, non otium gerentem a conversatione peccati: cum hæc omnia vides, dicito quia Moyses famulus Dei defunctus est, et Jesus Filius Dei obtinet principatum. Sed videamus quid Dominus dixerit ad Jesum: « Moyses servus meus mortuus est. Surge, et transi Jordanem istum, tu et omnis populus tecum, in terram quam ego dabo filiis Israel. Omnem locum quem calcaverit vestigium pedis vestri, vobis tradam, sicut locutus sum Moysi, a deserto et Libano usque ad flumen magnum Euphratem. » Requiris fortasse quomodo minister Moysi fuerit etiam Dominus noster Jesus Christus Filius Dei. Quia cum venisset « plenitudo temporum, misit Deus Filium suum, factum ex muliere, factum sub lege (Gal. iv.) » Per hoc quod factus est sub lege, minister Moysi factus est. Dixit autem Deus ut transeant in terram, non quam dedit Moyses, sed quam, inquit, ego do vobis. Vides ergo quia, Moyse mortuo, Deus dat terram repromissionis populo Israel per Jesum. Quam terram? Nam sine dubio de qua dicit Dominus. « Beati mansueti, quia ipsi hæreditate possidebunt terram (Matth. v.) » Omnem, inquit, locum quemcumque ascenderit vestigiis pedum vestrorum, vobis dabo eum. Quæ sunt loca quæ ascendimus vestigiis pedum nostrorum, nisi legis litteram humi postlam et deorsum jacentem? Nusquam ergo ascendit qui legis litteram sequitur. Si a littera vero poteris ascendere ad spiritum, et ab historia ad intellectum conscendere celsiorem,



tunc vere ascendisti locum editum et excelsum, A quem a Deo in hæreditate percipies. Si ergo in his quæ in Scripturis typicis legis intelligas formas esse celestium, et mente ac sensu quæ sursum sunt quæras, ubi Christus est in dextera Dei sedens; tunc et illum locum in hæreditate percipies, dicente Domino Salvatore, quia « ubi ego sum, ibi erit et minister meus (Joan XII). » Si ergo usque ad Christum sedentem in dextera Dei perveneris, fide, puritate, vita, virtute, et illis vestigiis pedum tuorum quæ lavit Jesus illum locum inaccessis, dabit eum tibi Deus: tu non solum efficeris hæres Dei, sed et cohæres Christi. « Sicut fui cum Moysse, ero et tecum: non dimittam, nec derelinquam te: confortare et esto robustus: tu enim sorte divides populo hinc terram, pro qua juravi patribus tuis, ut traderem eam illis. Confortare igitur et esto robustus valde, ut custodias et facias omnem legem, quam præcepit tibi Moyses servus meus. Ne declines ab ea ad dexteram vel ad sinistram, ut intelligas cuncta quæ agis, » etc. (Ex Augustino.) Dominus dicit ad Jesum Nave: « Et sicut eram cum Moysse, ita ero et tecum. Non solum autem hoc testimonio, sed etiam in Deuteronomio (Cap. xxxiv) multis documentis probatur Moyses ita defunctus, ut Dei famulus et Deo placens. Quamvis in eo illa vindicta completa sit, ne terram repromissionis intraret. Ex qua datur intelligi Dominum etiam bonis servis suis in aliquo succedentem, et temporaliter vindicare, et tamen in eorum habere numero quæ sunt in domo ejus vasa in honorem, utilia Domino, quibus daturus est promissa sanctorum.

## CAPUT II.

*Præceptum Josue ad filios Israel de præparandis cibariis in itinere, et responso populi ad eum.*

(Ibid.) « Præcepitque Josue principibus populi, dicens: Transite per medium castrorum, et impetrate populo, ac dicite: Præparate vobis cibaria, quoniam post diem tertium transibitis Jordanem, et intrabitis ad possidendam terram quam Dominus Deus vester daturus est vobis. » (Ex Augustino.) Quæstio est quomodo posteaquam locutus est Dominus ad Jesum Nave, exhortans et confirmans eum, seque promittens cum illo futurum, mandaverit idem Jesus populo per scribas ut præpararet cibaria, quod post tres dies Jordanem fuerant transitori, cum inveniantur post multo plures dies transisse Jordanem. Cum enim hæc populo mandasset, misit exploratores in Jericho, quoniam Jordane trajecto, ipsa proxima civitas occurrebat. Illi autem divertebant ad Raab mulierem fornicariam, et ab illa occultati, atque a rege quæsiiti et minime inventi, eadem dimittente illos per fenestram et momento ut triduo laterent in montanis, quatuor dies videntur esse consumpti. Inde posteaquam ventia-verunt quæ circa illos gesta fuerint, promovit Jesus cum universo populo de loco ubi erat ditaculo. Qui cum venisset ad Jordanem, divertit et mansit. Tunc rursus populus admonetur ut per triduum se

præpararet transire Jordanem, arca Domini præcedente. Hinc ergo intelligitur humanam fuisse dispositionem, quam fecit populo nuntiari, ut cibaria præpararent, tanquam post tres dies memoratum fluvium transitori. Potuit enim hoc sicut homo sperare fieri posse, si exploratores celeriter revertissent: quibus tardantibus intelligitur (quamvis Scriptura tacuerit) ex divina dispositione cætera impleta, ut jam inciperet apud populum glorificari Jesus, et ostendi quod cum illo Dominus esset sicut fuerat cum Moysse. Nam et hoc illi dicitur fluvium transituro, sicut scriptum est; et dixit Dominus ad Jesum: « In die isto incipiam exaltare te coram omnibus filiis Israel, ut sciant quoniam sicut eram cum Moysse, ero et tecum. » Nec incredibile debet videri, etiam illos cum quibus Deus loquebatur, aliquid ex humana dispositione agere voluisse, in qua sibi Deum tamen viderent esse rectorem, eorumque ex illius a quo regebantur providentia consilia fuisse mutata. Nam et Moyses ipse, utique tanquam homo, putaverat esse faciendum, ut causas populi sic audiret quemadmodum et sibi et illis onus intolerabile subeundo prodesse non posset, ejusque dispositio divinitus et hoc ipsum socero ejus suggerente et monente, atque hanc admonitionem Deo approbante mutata est. (Ibid.) « Rubenitis quoque et Gaditis, et dimidiæ tribui Manasse ait: « Mementote sermonis quem præcepit vobis Moyses famulus Domini, dicens: Dominus Deus vester dedit vobis requiem et omnem terram. Uxores vestræ ac filii et jumenta manebunt in terra quam tradidit vobis Moyses trans Jordanem. Vos autem transite armati ante fratres vestros, omnes fortes manu, et pugnate pro eis, donec det requiem Dominus fratribus vestris, sicut et vobis dedit: et possideant ipsi quoque terram quam Dominus Deus vester daturus est eis: et sic revertimini in terram possessionis vestræ, et habitabitis in ea quam dedit vobis Moyses famulus Domini trans Jordanem, contra solis ortum, » et reliqua. (Ex Adamantio.) Consideremus ergo quam formam teneant istæ duæ senis tribus quæ per Moysen terram hæreditatis accipiunt; et quam formam teneant reliquæ novem senis tribus quæ per Jesum repromissionem terræ sanctæ suscipiunt. Et primo omnium puto quod impossibile fuerit fortuito accidisse ut hi qui per Moysen accipiunt portionem, primogeniti essent. Ruben namque primogenitus est ex Lia, Gad primogenitus est ex Zelfa, et Manasses primogenitus est ex Ascemez filia Egypti Petefræ sacerdotis Heliopoteos, quam accepit Joseph. Nunquam ergo mihi persuadéo ut fortuito acciderit primogenitos esse omnes quibus per Moysen discernebatur hæreditas; sed magis hæc arbitrator quod jam in his tunc adumbrabatur forma populorum: unus quidem, qui primogenitus per naturæ ordinem videretur; alterius, qui per fidei gratiam benedictionem hæreditatis acciperet. Nec prius illis qui per Moysen accipiunt hæreditatem, id est,

qui per legem placuerunt Deo, requies non datur, A tum crederent, sed etiam prædicarent, non tamen etiam videre et adipisci ea quæ crediderant potuerunt, sicut et Dominus discipulis suis dixit de his : « Quia multi justis et prophetis cupierunt videre quæ vos videtis, et non viderunt; et audire quæ vos auditis, et non audierunt (*Luc. x.*) » Non enim erat fides eorum integra, pro eo quod nondum in Christo fuerat dispensatio carnis impleta. Et quod nunc nos jam factum credimus et impletum, illi tantummodo futurum credebant. Propterea ergo tribus illæ neque duæ sunt, neque extra fidem sunt Trinitatis; neque tres integræ et perfectæ, ne beatæ Trinitatis in illis jam sacramentum videretur impletum, sed contingerent quidem tertium numerum. Et sicut dixit Dominus, cupierant videre quæ vidimus, et audire quæ audivimus; sed minime potuerunt, quia nondum Filius hominis fuerat exaltatus, nec temporum jam venerat plenitudo. Hic me etiam aliquid amplius permovet. Ego puto quod fortasse nec in adventu Jesu et incarnatione ejus id quod perfectum est et integrum diximus. Sed nec si ad crucem ducatur, et consummetur in omnibus, nec si a mortuis resurrexerit, cuncta nobis per semetipsum quæ perfecta sunt pandit. Aliud adhuc opus habemus, quod nobis aperiat et revelet universa. Audi ipsum Dominum dicentem : « Multa adhuc habeo quæ vobis loquar, dixit, sed non potestis illa modo audire. Veniet autem Spiritus veritatis qui a Patre procedit, et de meo accipiet, et ille vobis indicabit omnia (*Joan. xvi.*) » Vides quia non solum apud Moysen iste tertius numerus non demonstratur impletus, sed adhuc et Jesus dicit discipulis suis : « Nondum potestis audire, nisi ille Paracletus veniat, Spiritus veritatis; » quia per ipsum et in ipso adimpletur perfectio Trinitatis. Nam quod novem et semis tribus sunt quæ sub Jesu duce aguntur, et non integræ decem, qui numerus in omnibus consummatus dicitur et perfectus; eadem sine dubio ratio invenitur, ut hoc quod a Domino nostro Jesu reservari dicitur, Spiritui sancto semiplenum videatur ac medium. Quamvis enim per Dominum et Salvatorem penitentia prædicetur, et conversio a malis ad bona, et detur omnibus credentibus remissio peccatorum, et omnia quæ ad perfectionem de eodem videntur tendere compleantur : tamen perfectio et summa cunctorum bonorum in hoc consistit, si post hæc omnia sancti Spiritus quis gratiam mereatur accipere. Alioquin nihil in eo perfectum putabitur, cui Spiritus sanctus deest, per quem mysterium beatæ Trinitatis impletur. Vis ut adhuc tibi evidentius probem, apud priorem populum, illum quem Moyses in duabus et semis tribubus adumbrabat, non fuisse omnia integra et perfecta? Declarat etiam illa historia quæ in hoc libro Jesu Nave scripta est : quia altare quidem verum erat in illa terra quam Jesus dispensabat; isti tamen qui erant trans Jordanem, id est. Ruben et Gad, et dimidia tribus Manasse, fecerunt sibi altare, sed non verum altare, sed quod typum haberet et formam veri altaris, quod erat apud Je-

ni per legem placuerunt Deo, requies non datur, A tum crederent, sed etiam prædicarent, non tamen etiam videre et adipisci ea quæ crediderant potuerunt, sicut et Dominus discipulis suis dixit de his : « Quia multi justis et prophetis cupierunt videre quæ vos videtis, et non viderunt; et audire quæ vos auditis, et non audierunt (*Luc. x.*) » Non enim erat fides eorum integra, pro eo quod nondum in Christo fuerat dispensatio carnis impleta. Et quod nunc nos jam factum credimus et impletum, illi tantummodo futurum credebant. Propterea ergo tribus illæ neque duæ sunt, neque extra fidem sunt Trinitatis; neque tres integræ et perfectæ, ne beatæ Trinitatis in illis jam sacramentum videretur impletum, sed contingerent quidem tertium numerum. Et sicut dixit Dominus, cupierant videre quæ vidimus, et audire quæ audivimus; sed minime potuerunt, quia nondum Filius hominis fuerat exaltatus, nec temporum jam venerat plenitudo. Hic me etiam aliquid amplius permovet. Ego puto quod fortasse nec in adventu Jesu et incarnatione ejus id quod perfectum est et integrum diximus. Sed nec si ad crucem ducatur, et consummetur in omnibus, nec si a mortuis resurrexerit, cuncta nobis per semetipsum quæ perfecta sunt pandit. Aliud adhuc opus habemus, quod nobis aperiat et revelet universa. Audi ipsum Dominum dicentem : « Multa adhuc habeo quæ vobis loquar, dixit, sed non potestis illa modo audire. Veniet autem Spiritus veritatis qui a Patre procedit, et de meo accipiet, et ille vobis indicabit omnia (*Joan. xvi.*) » Vides quia non solum apud Moysen iste tertius numerus non demonstratur impletus, sed adhuc et Jesus dicit discipulis suis : « Nondum potestis audire, nisi ille Paracletus veniat, Spiritus veritatis; » quia per ipsum et in ipso adimpletur perfectio Trinitatis. Nam quod novem et semis tribus sunt quæ sub Jesu duce aguntur, et non integræ decem, qui numerus in omnibus consummatus dicitur et perfectus; eadem sine dubio ratio invenitur, ut hoc quod a Domino nostro Jesu reservari dicitur, Spiritui sancto semiplenum videatur ac medium. Quamvis enim per Dominum et Salvatorem penitentia prædicetur, et conversio a malis ad bona, et detur omnibus credentibus remissio peccatorum, et omnia quæ ad perfectionem de eodem videntur tendere compleantur : tamen perfectio et summa cunctorum bonorum in hoc consistit, si post hæc omnia sancti Spiritus quis gratiam mereatur accipere. Alioquin nihil in eo perfectum putabitur, cui Spiritus sanctus deest, per quem mysterium beatæ Trinitatis impletur. Vis ut adhuc tibi evidentius probem, apud priorem populum, illum quem Moyses in duabus et semis tribubus adumbrabat, non fuisse omnia integra et perfecta? Declarat etiam illa historia quæ in hoc libro Jesu Nave scripta est : quia altare quidem verum erat in illa terra quam Jesus dispensabat; isti tamen qui erant trans Jordanem, id est. Ruben et Gad, et dimidia tribus Manasse, fecerunt sibi altare, sed non verum altare, sed quod typum haberet et formam veri altaris, quod erat apud Je-

sum. Nihil ergo mireris si non integram scientiam A Trinitatis acceperant illi qui nec verum nec integrum altare construxerant. Ideo denique nec multi hostes, neque plures reges contrariarum virtutum ab illis dicuntur esse dejecti. « Seon, inquit, tantummodo regem Amorrhæorum, et Og regem Basan, et Amalecitas devicerint trans Jordanem. » Jesus vero ubi ducit exercitum, tunc quinque reges cadunt simul, qui confugerunt in speluncas : et non solum cadunt, sed et suspenduntur in ligno. Nunc viginti et novem pariter jugulantur, et immensæ multitudines adversi exercitus prosternuntur, et exterminantur omnes qui sanctam terram in immunditiis possident, qui terram fluentem lac et mel in amaritudine malitiæ detinent. « Sicut obedivimus in cunctis Moysi, ita obediamus et tibi ; tantum sit Dominus Deus tecum, » sicut fuit cum Moysæ. Qui contradixerit ori tuo, et non obedierit cunctis sermonibus quos præceperit ei, moriatur, » etc. Condemnant ergo Rubenitæ atque Gadditæ, nec non et dimidia tribus Manasse, populum Judæorum pro inobedientia, dicentes : « Sicut obedivimus in cunctis Moysi, ita obediemus et tibi, » cum similia legislatoris præcepto sponsione sua proferunt testimonia. Ait enim Moyses : « Prophetam vobis suscitabit Dominus de fratribus vestris. Tanquam meipsum audietis ; quicumque autem non audierit prophetam illum, exterminabitur anima ejus de populis suis (Deut. xviii). » Sed veniente Domino Salvatore, atque Evangelium prædicante, non devoti atque obedientes, sed ingrati atque contrarii semper illi existebant, maledicentes cæco nato per eum illuminato, atque dicentes : « Tu discipulus ejus sis ; nos autem discipuli Moysi sumus (Joan. ix). » Et Pilato dicente : « Regem vestrum crucifigam ? » responderunt : « Non habemus regem nisi Cæsarem (Joan. xix). » Et ideo eis venerunt quæ parentes sui eis imprecabantur, ut morte morerentur : cum non solum in anima æternam damnationem, sed etiam corporis sui detrimenta sentiebant, usquequaque, fame necati, pestilentia percussi, gladio occisi, ac captivitate crudelissima per totum orbem dispersi.

### CAPUT III.

*De exploratoribus missis ex Sethim ad urbem Jericho, et per mulierem meretricem salvatis.*

« Misit ergo Josue filius Nun de Sethim duos viros exploratores abscondite, et dixit eis : Ite et considerate terram urbemque Jericho ; et pergentes ingressi sunt domum mulieris meretricis nomine Raab, et quieverunt apud illam, » et reliqua. Iste Jesus mittit duos exploratores ad Jericho urbem, qui suscipiantur a meretrice Raab. Jesus ille dux populi a semetipso Dominum Christum et vocabulo ostendit et facto. Jericho autem civitas mundus est, ad quem Dominus Jesus Christus ad perscrutandos mores hominum duo Testamenta direxit. Nam in eo ut credentium fidem aut rebellium pervicaciam plenius comprobaret, ante adventum judicii sui quasi explo-

ratores duos, Legem et Evangelium destinavit. Raab vero tyrum tenet Ecclesiæ, quæ de extraneis atque alienis gentibus congregata est ; quæ antea vivens in desideriiis carnis, fornicabatur in idolis. De talibus ait Dominus, « quod præcedent vos in regno cœlorum (Matth. xxi). » Hæc igitur testamenta Domini sola suscipit, et ea fideliter conservat. Inimicis omnino non tradit ipsa : potius periclitari optans, dummodo illæsa ac salva servaretur. Hæc casurum mundum sicut illa civitatem firmiter credit ; hæc pro se ac suorum omnium salutare pactum cum testamentis Domini fecit, hæc in domo sua coccum, id est, signum sanguinis posuit : extra hanc si quis fuerit inventus, ruinam sæculi atque incendium mundi nulla ratione vitabit. (Ex Adamantio.) Mittuntur exploratores ab Jesu in Jericho, et suscipiuntur a meretrice Raab. Exploratores isti qui mittuntur ante faciem Jesu possunt et angeli Dei putari, sicut scriptum est : « Ecce mitto angelum meum ante faciem tuam, qui præparat vias tuas ante te (Matth. xi) : » quod per alios quidem invisibiliter, in Joanne vero visibiliter comprobatur, de quo et hoc scriptum est. Denique de Joannis baptismo dicitur a Domino, quia « et Scribæ et Pharisei non crediderunt ei, meretrices autem et publicani credentes baptizati sunt (Matth. xxi). » Sic ergo etiam in hoc completur quod meretrix Jesu exploratores susceperit, per quos de interitu totius inimicæ gentis refertur erepta. Sed videamus tandem quæ sit ista meretrix. Raab dicitur. Raab vero interpretatur latitudo. Quæ est ergo latitudo hæc, nisi Ecclesia Christi, quæ ex peccatoribus velut ex meretrice collecta est. Et dicit : « Augustus mihi est locus, fac mihi locum ubi habitem. Hos autem mihi quis enutrivit ? » (Isa. xlix.) Et iterum ad quam dicitur : « Dilata palos tuos et extende tentoria tua (Isa. liv). » Ista ergo est latitudo quæ suscipit exploratores Jesu. Scio me aliquando in quadam ecclesia disputantem de duabus meretricibus de quibus scriptum est in tertio libro Regum (III Reg. iii), quæ ad judicium venerant Salomonis : quarum una vivum habebat infantem, discussisse diligentius et dixisse quia illa meretrix hæc esset cui Salomon (non ille, sed hic qui pacem venit facere eorum qui in cœlis sunt, et quæ in terris) reddi vivum jussit infantem, illa vero alia quæ mortuam habebat infantem, vel illius esset prioris populi Synagogæ, vel eorum qui in hæresim declinaverunt. Et alia meretrix quam Osee propheta jubetur accipere (Ose. i), in figura sine dubio hujus quæ ex gentibus consecrata est. Talis ergo et hæc mulier meretrix esse dicitur, quæ exploratores Jesu suscipit : sed hæc susceptos in superioribus collocat, atque in editis et excelsis fidei constituit sacramentis. Nemo enim qui ab Jesu mittitur, invenitur deorsum et humi jacens, sed in superioribus permanens et excelsis. Sed ista meretrix quæ eos suscipit, ex meretrice efficitur jam propheta ; dicit enim : « Scio quod Dominus Deus vester tradidit vobis terram hanc. » Vides quomodo illa aliquando erat meretrix, et impia et immunda : nunc

Spiritu sancto repleta est; et de præteritis quidem constat, de præsentibus vero credidit, prophetat autem et prænuntiat de futuris. Sic ergo Raab, quæ fatitudo interpretatur, dilatatur et proficit, usque in omnem terram exeat sonus ejus. Sed et Japhet simili modo dilatatio interpretatur. Sed videamus quid egit cum exploratoribus ista sapiens meretrix. Consilium eis dat mysticum et cœleste, nihil habens terrenum. « Per montana, » inquit, « abite. » Nolite per valles incedere, humilia et defecta refugite: quæ excelsa sunt et sublimia prædicate. Ipsa autem accepit signum coccineum, quod sanguinis formam gerebat. Sciebat enim quia in nullis esset salus, nisi in sanguine Christi. Datur etiam hoc mandatum huic quæ quondam fuerat meretrix: Omnes, inquit, qui in domo tua fuerint inventi, salvabuntur; qui autem exierit de domo tua, impunes sumus nos ab hoc juramento tuo. Si quis ergo salvari vult, veniat in hanc domum hujus, quæ quondam meretrix fuit. Etiam si de illo populo vult aliquis salvari, ad hanc veniat domum, in qua Christi sanguis in signo redemptionis est. Nam super illos qui dixerunt: « Sanguis ejus super nos et super filios nostros (Matth. xxvii), » Christi sanguis in condemnatione est: positus enim fuerat Jesus in ruinam et in resurrectionem multorum; et ideo contradicentibus signo ejus efficitur sanguis ejus ad pœnam, credentibus vero ad salutem. Nemo ergo sibi persuadeat, nemo semetipsum decipiat. Extra hanc domum, id est extra Ecclesiam, nemo salvabitur. Si quis foras exierit, mortis suæ ipse reus sit, hoc est per sanguinis signum, quia hæc est purificatio quæ per sanguinem constat. Quod autem in fenestra dependet hoc signum, arbitrator illud indicari quia fenestra est quæ illuminat domum et per quam illuminatur aspectus noster, sed tantum quantum oculis et usui nostro sufficiat luminis capiamus. Quia ergo incarnatio Salvatoris non nobis verum ingerit et integrum deitatis aspectum, sed tanquam per fenestram fecit nos per incarnationem suam lumen deitatis aspicere: idcirco mihi videtur signum salutis per fenestram datum, quo signo salutem consequantur omnes qui in domo ejus, quæ aliquando erat meretrix, fuerint inventi, in aqua et Spiritu sancto, in sanguine Domini et Salvatoris nostri Jesu Christi.

#### CAPUT IV.

*De transitu filiorum Israel per Jordanis alveum, et aquis divisis ad introitum arcæ Domini.*

(CAP. III.) « Igitur Josue de nocte consurgens movit castra: egredientesque de Sethim venerunt ad Jordanem, ipse et omnes filii Israel, et morati sunt ibi per tres dies. » Omnis ergo locus suscipit justum, et omnis creatura exhibet ei debitum famulatum. Peccatoribus quidem omnis creatura hostis est: terra eos impugnat, aer ipse impugnat, cœlum eos impugnat. Justis vero, etiam quæ inaccessibilia videntur, plana efficiuntur et proclivia. Mare Rubrum justus tanquam per aridam transit, Ægyptius

verò, si pertransire voluerit, submergitur, nec fiet ei murus dextra lævaque. Et ne forte offendaris quod hæc quæ in prioribus gesta sunt, in te vero qui nunc auditor horum es, nihil tale geratur, omnia complentur in te secundum mysticam rationem. Etenim tu, qui, nuper idololatriæ tenebris derelictus, cupis ad audientiam divinæ legis accedere, nunc primum Ægyptum derelinquis, cum catechumenorum aggregatus es numero, et præceptis ecclesiasticis parere cœpisti. Unde tibi, secundum morem Israelitarum, ante ingressum Jordanis triduo morandum est, ut discas sanctæ Trinitatis fidem, qualiter in nomine Patris, et Filii, et Spiritus sancti baptizatus, remissionem percipias omnium peccatorum: et quomodo tibi deinceps vivendum est, ut in novitate vitæ ambulans, cœlestis regni merearis introitum.

(IBID.) « Quibus evoluit transierunt præcones per medium castrorum, et clamare cœperunt: Quando videritis arcam fœderis Domini Dei vestri, et sacerdotes stirpis Leviticæ portantes eam, vos quoque consurgite, et sequimini præcedentes. » Digressus mare Rubrum, et in desertis stationibus positus, ad audiendam legem Dei, et intuendum Moysi vultum per gloriam Dei revelatum, quotidie vacas. Si vero etiam ad baptismi mysticum veneris fontem, et consistente sacerdotali et Levitico ordine, initiatus fueris et venerandis illis magnificisque sacramentis (norunt illi quos nosse fas est), tunc cum sacerdotum ministeriis, Jordane digresso, terram repositionis intrabis: in qua te post Moysen suscipit Jesus, et ipsa tibi efficitur novi itineris dux. Sequitur:

(IBID.) « Sitque inter vos et arcam spatium cubitorum duorum millium, ut procul videre possitis, et nosse per quam viam ingrediamini; quia prius non ambulastis per eam: et cavete ne appropinquetis ad arcam, et cætera. (Ex Augustino.) Longe jussum est arcam præcedere, ut posset a populo videri. Tam grande quippe agmen, si post eam proximum pergeret, non eam videret præire, nec nosset qua sequeretur. Ex hoc facto intelligendum est quod columna illa nubis, quæ solebat movendis castris signum dare et iter ostendere, jam recesserat, nec apparebat eis. Hinc factum est ut etiam triduum illud ex humana dispositione predicaretur. Nunc ergo, duce Jesu, arcam Domini sequuntur, nube subtracta, tanquam velamine ablato. Vide denique quid dicitur de eis: Populus, inquit, ab arca testamenti duo millia cubita, sacerdotes vero et levitæ proximi, et satis proximi; ita ut in humeris eorum arca Domini et legislatio divina portetur. Beati qui mereantur proximi esse Deo. Sed memento quod scriptum est: « Qui approximaverint mihi, approximant igni (Isa. lxy). » Si aurum aut argentum fueris, et igni approximaveris, multo per ignem splendidior et rutilantior refulges. Si vero super fundamentum tante fidei positum, conscius tibi es superædificasse te ligna, fenum, stipulam (I Cor. iii); cum tali ædificatione si igni appropinquaveris, consumeris. Beati

igitur qui proximi sunt, ut ignis eos illuminet et non adurat. Salvabitur tamen et Israel, sed longe positus salvabitur; et iter agit, non sua virtute, sed adminiculis et providentia sacerdotum.

(Ibid.) « Dixitque Dominus ad Josue: Hodie incipiam te exaltare coram omni populo Israel; ut sciant quod sicut fui cum Moysse, ita et tecum sim, » et reliqua. Quanta ante gesta sunt! Mare Rubrum transitum est pedibus, manna de cœlo data est, fontes in eremo disrupti sunt, lex per Moysen data est, signa et prodigia multa in eremo gesta sunt, et nusquam dicitur exaltatus esse Jesus. Ubi vero Jordanis transitur, ibi dicitur ad Jesum: In hac die incipio te exaltare in conspectu populi. Neque enim ante mysterium baptismi exaltatur Jesus, sed exaltationis ejus in conspectu populi inde sumit exordium. Si enim omnes qui baptizantur in Christo Jesu, in morte ipsius baptizantur; mors autem Jesu in crucis exaltatione completur, merito unicuique fidelium tunc primum Jesus exaltatur, cum ad mysterium baptismi pervenitur, quia scriptum est « quod exaltavit illum Deus, et donavit illi nomen quod est super omne nomen, ut in nomine Jesu omne genu flectatur, cœlestium, terrestrium et infernorum (Phil. II). »

(Ibid.) « Dixitque Josue ad filios Israel: Ecce arca fœderis Domini omnis terræ, antecedit vos per Jordanem: parate duodecim viros de tribubus Israel, singulos per singulas tribus; et cum posuerint vestigia pedum suorum sacerdotes qui portant arcam Domini universæ terræ in aquis Jordanis, aquæ quæ inferiores sunt, decurrent atque deficiant; quæ autem desuper veniunt, in una mole consistent. » Per sacerdotes deducitur populus, et iter agit ad terram repromissionis. Magister sacerdotum tantus ac talis est populus, qui in illo ordine mereatur ascribi. Si enim sit aliquis talis, ut quiescant ei fluentia Jordanis, et ipsa elementa verentur: pars aquarum fluminum retrorsum resillet, et post tergum frenabitur: pars vero in mare salsum rapido lapsu defluet. Quod tamen nec ipsum absque mysterii ratione arbitror scriptum, quod pars aquarum Jordanis demergatur in mare, atque in amaritudine profluat, pars vero in dulcedine perseveret. Si omnes qui baptizantur acceptam cœlestis gratiæ dulcedinem custodirent, et nullus in peccatorum amaritudinem verteretur, non utique esset scriptum quia pars fluminis salis maris gurgitibus fuisset immersa. Et ideo illa mihi videtur in his verbis baptizatorum varietas designari, quam ipsi nos (quod cum dolore commemoro) sæpe videamus accidere, ut hi qui sanctum baptismum consequuntur, cum seipsos rursus ad negotia sæcularia et illecebras libidinum tradunt, et cum avaritiæ salsum poculum bibunt, in ea aquarum parte formantur quæ in mare profluit, atque in salsis fluctibus daperit; pars vero illa quæ cum stabilitate permanet, et dulcedinem suam servat, designat eos qui acceptum Dei munus indeclinabiliter tenent. Et recte una pars est eorum

qui salvantur, quia et panis unus est qui de cœlo descendit, et dat huic mundo vitam; et fides una est, unum baptismum, et unus spiritus quo omnes potantur in baptismo, et unus Deus Pater omnium.

(Ibid.) « Igitur egressus est populus de tabernaculis suis, ut transiret Jordanem: et sacerdotes qui portabant arcam fœderis pergebant ante eum, » etc. Interea sacerdotalis ordo et leviticus, qui iter ostendebat populo Dei qui exiit de terra Ægypti, ipsi enim sunt qui docent populum exire de Ægypto; de erroribus scilicet mundi transire per eremum vastam, id est, tentationum genera diversa transcurrere: et neque noceri a serpentibus, qui sunt morsus demonum et malarum suggestionum venena vitare. Quod si forte aliquis percussus fuerit in eremo a serpente, ut ostendat ei æreum serpentem in cruce suspensum, quem qui viderit, id est, qui crediderit in eum cujus figuram ille serpens monstrabat, diabolica per hoc venena diffugiet: sacerdotalis et leviticus ordo est qui assistit arce testamenti Domini, in qua lex Domini portatur, sine dubio ut ipsi illuminent populum de mandatis Dei, sicut Propheta dicit: « Lucerna pedibus meis verbum tuum, Domine, et lumen semitis meis (Psal. cxviii); » hoc lumen per sacerdotes accenditur et Levitas. Quod si forte aliquis ex hoc ordine accensam lucernam posuerit sub modio, et non super candelabrum, ut luceat omnibus qui in domo sunt, videat quid sibi agendum sit, cum Dominus lucis cœperit reddere rationem pro his qui nihil illuminationis a sacerdotibus capientes, in tenebris ambulant et peccatorum obscuritate cæcantur.

(Ibid.) « Jordanis autem ripas alvei sui tempore messis impleverat. » (Ex Augustino.) Jordanis autem plenus erat per totam crepidinem suam, sicut in diebus messis tritici. Hoc incredibile videtur regionibus nostris: ibi autem (sicut perhibent qui noverrunt) initio veris est messis tritici. Tunc autem ille fluvius repletur amplius quam per hiemem.

(Cap. IV.) « Sacerdotes autem qui portabant arcam, stabant in Jordani medio, donec omnia complerentur quæ Josue ut loqueretur ad populum præceperat Dominus, et dixerat ei Moyses. Festinavitque populus et transiit. Cumque transissent omnes, transiit et arca Domini. Sacerdotes quoque pergebant ante populum. » (Ex Adamantio.) De his quidem qui mare Rubrum transierunt et Apostolus dixit, « quia omnes in Moysse baptizati sunt, et in nube, et in mari (I Cor. x). » De his vero qui Jordanem transierunt, possumus etiam et nos simili modo pronuntiare, omnes in Jesu baptizati sunt in Jordane; ita ut ea quæ in Jordane gesta referuntur, formam teneant sacramenti quod per baptismum celebratur. Illud vero quod scriptum est: « Et festinavit populus, et transiit Jordanem; et arca testamenti Domini, » non mihi otiose additum videtur a Spiritu sancto quod dixit, « quia festinavit populus transire. » Unde et ego arbitror

quia nobis quoque venientibus ad baptismum salutare, et suscipientibus sacramenta verbi Dei, non otiose nec segniter res gerenda est, sed festinandum est et perurgendum usquequo omnia transeamus. Transire enim omnia, implere est omnia quæ mandantur. Festinemus ergo transire, hoc est, adimplere primum quod scriptum est, « Beati pauperes spiritu (Matth. v); » ut deposita omni arrogantia, et Christi humilitate suscepta, pervenire ad promissam beatitudinem mereamur; sed cum hoc impleverimus, non nobis standum est, neque cessandum, sed transeunda sunt et cætera quæ sequuntur, ut esuriamus et sitiāmus justitiā. Transeundum nobis est et quod sequitur, ut in hoc mundo luceamus: cito etiam reliqua transeunda sunt, ut mansueti efficiamur, et ut pacifici maneamus, et per hoc possimus filii Dei esse. Festinandum quoque, ut persecutionum pondus virtutis patientiæ transeamus. Cumque hæc singula quæ ad virtutis gloriam spectant, non segniter, nec remisse, sed cum omni instantia et celeritate conquirimus, hoc mihi videtur esse cum festinatione transire Jordanem. Cum vero transierimus et obtinere potuerimus quæ obtinere debemus, rursus nobis diligentis et cautelæ cura succedit; ne forte negligentius incedentes, improvise aliquo lapsu effundamus gressus nostri. Sicut et Propheta dicit: « Paulo minus effusi sunt gressus mei (Psal. LXXII). »

## CAPUT V.

*De filiis Ruben et Gad, et dimidia tribu Manasse, et duodecim lapidibus quos de Jordani abeo translatos posuit Josue in Galgalis.*

(IBID.) « Filii quoque Ruben et Gad, et dimidia tribus Manasse, armati præcedebant filios Israel, sicut eis præceperat Moyses. Et quadraginta pugnatorum millia, per turmas et cuneos incedebant per plana atque campestria urbis Jericho. » Nec remissior nobis sollicitudo in conservandis debet esse, quam inquirendis virtutibus. Aut non hæc tibi designari videntur in eo cum dicitur quia quadraginta millia virorum accincti et expediti transierunt ad pugnam in conspectu Domini ad expugnandam Jericho civitatem? Requiritur qui isti sunt quos Scriptura dicit accinctos vel expeditos. Ego ex memetipso præsumere aliquid et pronuntiare non audeo. Apostoli magis litteris doceamur in talibus. Qui sunt isti accincti Paulo exponente discamus. Audi ipse quid dicit: « Estote ergo accincti lumbos vestros in veritate (Ephes. vi). » Vides ergo quia Paulus accinctus novit eos qui præcincti sunt cingulo veritatis. Igitur etiam nostrum esse cingulum veritatis debet, si tamen servaverimus militiæ hujus et cinguli sacramentum. Si enim veritas est cingulum nostrum quo Christi militia cingimur, si quando falsum loquimur et mendacium de ore nostro procedit, discingimur a militia Christi, et balteo charitatis exsolvimur. Simus ergo in veritate cincti, ne simus in falsitate discincti; sed nos imitemur potius istos quadragesies mille viros accinctos, præ-

adentes in conspectu Domini, et semper signis in veritate succincti. Vis igitur discere quæ nos pugna post baptismum, quæ bella suscipiant, noli a me, sed ab ipso rursus discere Apostolo. Ipse te docet, dicens: « Non enim nobis est pugna adversus carnem et sanguinem, sed adversus principes et potestates, adversus mundi hujus rectores tenebrarum harum, adversus spiritualia nequitiæ in cælestibus (Ephes. vi). » Formæ sunt et figuræ quæ scripta sunt. Ita enim dicit Apostolus: « Hæc enim omnia in figura contingebant illis: scripta sunt autem ad correptionem nostram, in quos fines sæculorum devenerunt (I Cor. x). » Si ergo propter nos scripta sunt, age, quid cessas? Exeamus ad bellum, ut exougetur a nobis civitas prima hujus mundi, et malitiæ, et peccati superba mœnia destruantur. Circumspicis fortasse quo tibi itinere progrediendum sit, qui campus certaminis expetendus (novum tibi fortasse videbitur, quod dicturus sum, sed tamen verum est), præter temetipsum et extrinsecus requiras? Prælium intra te est; quod gesturus es, intrinsecus est. Mala illa edificatio quæ subruenda est, hostis tuus de tuo corde procedit. Non mea vox ista, sed Christi est. Audivimus ipsum dicentem: « De corde enim procedunt cogitationes malæ, homicidia, adulteria, fornicationes, furta, falsa testimonia, blasphemias, avaritia, nequitia, doli (Matth. xv). » Vides quantus et qualis exercitus hostium tuorum adversum te de tuo corde procedit? Isti nobis prima strage confodiendi sunt, isti prima acie prosternendi sunt. Horum si subruerimus mœnia, ipsos quoque ad internecionem cadere poterimus; ita ut non relinquamus qui renuntiet vel respiret. Si jam nullus ex his prorsus in nostris cogitationibus redivivus eruperit, tunc nobis per Jesum dabitur illa requies, ut unusquisque requiescat sub vite sua, et sub ficu sua, cum jam non sit qui exterreat filios Israel. Verumtamen transeunt Jordanem quadraginta millia virorum armatorum, accincti in conspectu Domini ad bellum; et tunc dicit Scriptura: « In die illo magnificavit Dominus Josue coram omni Israel, ut timeret eum sicut et timuerant Moysen, dum adhuc viveret, » et reliqua. Fuerat quidem ista exsultatio filio Nave, ut dux populi illius apud eos quos regebat esset magnificus. Noster vero Jesus, Dominus meus, dux et rector populi hujus, quomodo exaltatur in conspectu omnis generis filiorum Israel videamus: ego arbitror quod ipse semper apud Patrem exaltatus est et excelsus, sed hoc opus est ut in conspectu nostro exaltet illum Deus Pater. Exaltatur autem in conspectu meo, cum mihi sublimitas et celsitudo divinitatis ejus aperitur. Quando ergo mihi excelsa ejus divinitatis revelata sunt? Tunc profecto cum Jordanem transirem, variis sacramentis futura arma tenerem ad prælia. « Et timuerunt, » inquit, « Jesum sicut timuerant Moysen. » Omnis qui sub lege est, timet Moysen; cum vero ad Evangelium ex lege transierit, mutata observantia mutatur et timor, sicut Apostolus dicit: « Ego autem per

legem, legi mortuus sum, ut Deo vivam, et cum Christo crucifixus sum cruci: vivo autem jam non ego, vivit vero in me Christus (*Gal. II*). »

(*IBID.*) « Duodecim quoque lapides, quos de Jordanis alveo sumpserant, posuit Josue in Galgalis, » etc. Transientes itaque filii Israel Jordanem, sustulerunt de medio fluminis duodecim lapides, quos pro testimonio posuerunt in loco secundæ circumcisionis, ad significandum nobis ut dum de lavacro consurgimus, apostolicæ vitæ exempla firmissima nobiscum gestare debeamus: quorum semper testimonium ad imitamenta virtutum contueamur.

(*IBID.*) « Alios quoque duodecim lapides posuit Josue in medio Jordanis alveo, ubi steterunt sacerdotes qui portabant arcam fœderis Domini, et sunt ibi usque in præsentem diem. » Isti enim duodecim lapides qui positi sunt in medio Jordanis alveo, similiter significant apostolicum ordinem, sicut et illi qui de Jordane translati sunt, et in Galgalis constituti: quia necesse est ut quisquis gratiam baptismi suscipere desideraverit, hanc secundum apostolicam traditionem percipiat, et sic exspoliatus veterem hominem, novoque indutus, per omne tempus vitæ suæ in castris Ecclesiæ manens, apostolicæ doctrinæ normam fide et opere servare contendat.

#### CAPUT VI.

*De secunda circumcisione filiorum Israel, quæ fuit cultris lapideis facta in Galgalis, et quod fecerunt Phase in quarto decimo die mensis ad vesperum in campestribus Jericho, ubi comederunt de frugibus terræ, die altera azymos panes, quia defecerat eis manna.*

(*CAP. V.*) « Eodem tempore ait Dominus ad Josue: « Fac tibi cultros lapideos, et circumcide secundo filios Israel. Fecit quod jusserat Dominus, et circumcidit filios Israel in colle præputiorum. Hæc autem causa est secundæ circumcisionis. Omnis populus qui egressus est ex Ægypto generis masculini, universi bellatores viri, mortui sunt in deserto per longissimos viæ circuitus, qui omnes circumcisi erant. Populus autem qui natus est in deserto per quadraginta annos itineris latissimæ solitudinis, incircumcisus fuit, » et reliqua. In hoc præcepto quæritur cur dixerit, iterum: non enim unus homo bis circumcidendus erat; sed quia populus unus in quibusdam circumcisis, in quibusdam non circumcisis, ideo dictum est, iterum, ut circumcisis iterum circumcideretur, non homo sed populus. Nam et sequentia id etiam ostendunt. Manifestum est ergo non omnes fuisse, sed quosdam. Quidam enim de Ægypto exeuntium filii in illo populo incircumcisi erant, quos potuit circumcidere Jesus: illorum scilicet filios qui genuerunt in deserto, et contempserunt eos circumcidere, quod inobedientes erant legi Dei. Nulla itaque causa est cur hi qui putant rebaptizandos eos qui habent Christiani baptismi sacramentum, hoc testimonio legis adjuvari se putent, quia nullus bis numero unus homo est circumcisis; sed populus qui jam fuerat in quibusdam circumcisis, in quibusdam vero

adhuc incircumcisus erat. Et si aliquo modo id fieri posset, ut bis circumcidi hominem Deus juberet, nunquid posset dicere ideo fuisse præceptum quia illi ab Ægyptiis fuerant circumcisi, aut ab aliquibus hæreticis ab Israelitarum societate segregatis? Cum vero etiam satis appareat quare sit a Deo dictum, nullum hic possunt homines erroris sui patrociniū reperire. (*Ex Isidoro.*) Percuncentur inde Judæi quomodo potest quis secundo circumcidi circumcissione carnali; semel enim circumcisis, ultra non habet quod secundo possit auferre. A nobis autem, quibus lex spiritalis est convenienter ista solvuntur. Dicimus enim circumcissionem primam fuisse per legem in Ægypto: sed si a lege transeat quis per baptismum Jordanis ad Evangelium, tunc accipit secundam circumcissionem spiritalem per petram, qui est Christus, sique tali circumcissione purgatus, caret Ægypti opprobrio, id est, illecebra corporaliū vitiorum. Nomen autem loci Galgala, quod interpretatur revelatio, ostendit dum in præputio infidelitatis ambulaverit quisque per hujus vitæ desertum, oculos ei esse cæcatos. Videamus tamen quale sit hoc ipsum quod dicit, quia hodie abstulit opprobrium a filiis Israel. Omnes homines, etiamsi per Moysen eruditi sint, habent tamen opprobrium peccatorum. Quis erit similis etiam secundum legis observantiam factorum? Audi denique ipsum dicentem: « Secundum justitiam quæ in lege est, conversatus sine querela (*Phil. II*); » ipse tamen pronuntiat, et dicit: « Fumus enim et nos aliquando insipientes, increduli, errantes, et servientes desideriis et voluptatibus variis, in malitia et invidia agentes, odibiles, odientes invicem (*Tit. II*). » Non tibi videntur hæc opprobria esse Ægypti? Sed ex quo venit Christus, et dedit nobis secundam circumcissionem per baptismum regenerationis, et purgavit animas nostras, abjicimus hæc omnia, et pro his assumimus conscientiam bonæ astipulationem in Deum. Tunc per secundam circumcissionem ablata a nobis sunt opprobria Ægypti, et purgata sunt vitia peccatorum. Nemo ergo, si integre conversus est, si ex corde penitus fideliter Jordanis fluentia digressus est, si secunda per Evangelium circumcissione purgatus est, præteritorum metuat opprobria delictorum. Audis quia hodie abstuli a te opprobrium Ægypti. Hoc in Evangelio significat Dominus, cum dicit: « Remissa sunt tibi peccata tua, sed jam noli peccare, ne quid tibi deterius accidat (*Joan. V*). » Si enim post remissionem peccatorum ultra non peccas, vere ablatum est a te opprobrium Ægypti; si vero iterum peccaveris, iterum in te vetera revolvuntur: eo magis quia multo majoris criminis est Filium Dei conculcare, et sanguinem testamenti polluere, quam legem Moysi negligere; multo enim majoris opprobrii est, qui post Evangelium, quam ille qui sub lege positus, fornicatur, quia iste tollens membra Christi, facit ea membra meretricis. Vides ergo quam graviora et cumulatiora in te opprobria, si neglexeris, revolvuntur. Denique jam te nemo reum arguet, sed sacrilego

etamine condemnat, quia dicitur : « An nescitis quia corpora vestra templum Dei est? si quis autem templum Dei violaverit, disperdet illum Deus (I Cor. iii). »

(Ibid.) « Postquam autem omnes circumcisi sunt, manserunt in eodem castrorum loco, donec sanarentur, » et reliqua. Non enim sufficit nobis circumcisi, sed post circumcisionem sanari, id est, usquequo etiam cicatricem ipsum circumcisionis vulnus obducit. Quando enim cicatrix in vulnere circumcisionis obducitur? Ego arbitror quod circumcisi per Jesum, hoc est vitii carere, malas consuetudines et pessima instituta deponere, fœdos et inconditos mores, et quidquid ab honestatis et pietatis regula redundat, abscidere. Sed cum hoc in initiis facimus, ipsa novitatis quodammodo difficultate constringimur, et quasi eam labore quodam et dolore animi, veteres consuetudines culpasque novella institutione mutamus. Et ideo, ut dixi, quædam difficultas est in initiis exuere quæ amputare possumus, prima et secunda suscipere. Hoc ergo mihi videtur tempus esse quod velut in dolore circumcisionis nostræ dicimur residere, usquequo obducta cicatrice sanemur. Obducimus autem cicatricem, cum jam nova instituta absque difficultate complemus, et in usum nobis vertitur quod prius quasi insolitum difficile videbatur. Et tunc vere jam sanati inducimur, cum vitii carentes, virtutem novo usu vertimus in naturam.

(Ibid.) « Manseruntque filii Israel in Galgalis, et fecerant pascha quarta decima die mensis ad vespereum in campestribus Jericho, et comederunt de frugibus terræ die altero, azymos panes, et polentam ejusdem anni. Defecitque manna postquam comederunt de frugibus terræ: nec usi sunt ultra illo cibo filii Israel, sed comederunt de frugibus præsentis anni terræ Chanaan. » Et fecerunt filii Israel pascha decima quarta die mensis. Non enim ante circumcisionem carnes agni comedere debent, id est, antequam sanentur; sed posteaquam sanati sunt, dicitur quia fecerunt pascha filii Israel decima quarta die mensis. Vides ergo quia nemo immundus facit pascha, nemo incircumcisi, sed qui mandus fuerit et circumcisi, sicut Apostolus interpretatur dicens : « Etenim pascha nostrum immolatus est Christus. Itaque diem festum celebremus, non in fermento veteri, neque in fermento malitiæ et nequitiae, sed in azymis sinceritatis et veritatis (I Cor. v). » Sed tunc quidem quando exiit populus de terra Ægypti, portavit conspersum : cum panes non haberent, pluit eisdem manna; cum autem venerunt ad terram sanctam, et fructus ceperunt provincie palmarum, defecit eis manna, et tunc edere ceperunt de frugibus terræ. Itaque tres partes ciborum generaliter describuntur. Unum quo vescimur exeuntes de terra Ægypti, sed hoc ad parvum tempus sufficit. Post hoc succedit manna. Tertio vero jam de terra sancta capimus fructus. In quibus differentiis, ut mex parvitas intellectus assequitur, illud arbitror indicari, quod primus cibus est quem de Ægypto exeuntes nobiscum portavimus, id est, parva eruditio sæcula-

ria, aut etiam si quis forte attigerit aliquid liberalium litterarum, quæ exiguum in eremo aliquid juvare nos potest. In eremo vero positi, id est in hac in qua nunc sumus vita, tum et manna vescimur, per hoc quod divina legis instructionibus erudimur. Qui vero meruit in terram repromissionis intrare, id est, ea quæ a Salvatore promissa sunt consequi, ille edet fructus de regione palmarum. Vere fructum palmarum inveniet, qui devicto hoste ad promissa pervenerit. Certum namque est quod quantacunque illa sunt quæ nunc in lege Dei et divinis litteris intelligere possumus aut sentire, multo sublimiora et exceliora erunt illa quæ cessante ænigmate, facie ad faciem sancti quique merebuntur; quia quæ oculus non vidit, nec auris audivit, nec in cor hominis ascendit, hæc sunt quæ præparavit Deus his qui diligunt eum (I Cor. ii).

#### CAPUT VII.

*Ubi princeps exercitus Domini apparuit Josue, quem ipse adoravit; et sermo Josue ad populum de expugnatione urbis Jericho.*

(Ibid.) « Cum autem esset Josue in agro urbis Jericho, levavit oculos, et vidit virum stantem contra se, et evaginatum tenentem gladium, perrexitque ad eum, et ait : Noster es, an adversarium? » Qui respondit : Nequaquam; sed sum princeps exercitus Domini, et nunc venio. Cecidit Josue pronus in terram, et adorans ait : Quid Dominus meus loquitur ad servum suum? Solve, inquit, calcamentum tuum de pedibus tuis; socius enim in quo stas sanctus est. Fecitque Josue ut sibi fuerat imperatum. » Respicens oculis vidit principem militiae Domini, tanquam qui prius non respexerat, sed tunc cum principem militiae Domini visurus esset. Quem tamen Josue cum vidisset, non eum velut communem hominem vidit, sed intellexit virtutem esse : nondum tamen intellexit ex divinis virtutibus, an ex contrariis una sit quæ videtur, et ideo interrogat et perquirat, dicens : « Noster es, an adversarium? » At ille ait : « Ego sum princeps militiae virtutis Domini : nunc adveni. » Et cum hoc audisset Josue, adoravit et dixit : Domine, quid præcipis servo tuo? Quid est quod per hoc nos edocet Josue? Illud est sine dubio quod dicit apostolus : « Nolite omni spiritui credere, sed probate spiritus si ex Deo sint (I Joan. iv). » Cognovit ergo Josue non solum quia ex Deo est, sed quia Deus est; non enim adorasset, nisi cognovisset Deum. Quis alius est princeps militiae virtutis Domini, nisi Dominus noster Jesus Christus? Omnis namque cæli militia, sive angeli, sive archangeli, sive virtutes, sive dominationes, sive principatus, sive potestates, omnia hæc quæ per ipsum facta sunt, sub ipso principe militant qui est principum princeps, qui largitur principibus principatus. Ipse est enim qui dicit in Evangelio : « Esto tu potestatem habens super decem civitates (Luc. xix). » Hic est qui accepto regno regressus est. Sed interim videamus quæ præsens lectio ingerit. In Jericho est Josue, adhuc hostes obtinent civitatem, et nondum ceperat eam Josue. Jam



tamen dicitur ad Jesum : « Solve calceamentum tuum de pedibus tuis, locus enim in quo stas terra sancta est. » Et quomodo Jericho terra sancta est, quæ ab hostibus retinetur? Sed ne forte hoc sit quod indicatur, quia quocumque venerit princeps militiæ virtutis Domini, illic locus erit sanctus; ego etiam aliquid amplius audeo et dico quia etiam et Moyses ubi stabat, per semetipsum non erat locus sanctus, sed quia Domini cum Moyse presentia sanctificaverat locum. Et ideo dicitur ad eum : « Solve corrigiam calceamenti tui, locus enim in quo stas terra sancta est. » Unde et nos si vita et meritis accedamus ad Dominum, et digni efficiamur ut assistat nobis Deus, dicitur etiam ad nos ut solvamus a pedibus animæ nostræ, si quid in eis vinculi mortalis annexum est. Isti sunt enim pedes, quos lavit Jesus, quos nisi laverit non habebimus partem cum eo. Quod si ergo ab anima nostra et sensibus omne vinculum curæ mortalitatis absolvamus, continuo libenter etiam nobis aderit et assistet Deus. Quæ autem sunt in consequentibus videamus.

(CAP. VI.) « Jericho autem clausa erat atque munita a timore filiorum Israel, et nullus egredi audebat aut ingredi. Dixitque Dominus ad Josue : « Ecce dedi in manu tua Jericho, et regem ejus, et omnesque fortes viros. Circuite urbem cuncti bellatores semel per diem. Sic facietis sex diebus; septimo autem die sacerdotes tollant septem buccinas, quarum usus est in jubilæo, et præcedant arcam fœderis Domini. Septiesque circuitis civitatem, et sacerdotes clangent buccinis. Cumque insonuerit vox tubæ longior atque concisior, et in auribus vestris increpaverit, conclamabit omnis populus vociferatione maxima, et muri funditus corruent civitatis, ingredienturque singuli per locum contra quem steterint, » etc. (Ex Isidoro.) Circumdatur Jericho, expugnaturque, adversus quam gladius non conducitur, aries non dirigitur, nec tela vibrantur : tubæ solummodo sacerdotales septem diebus continuis adhibentur, sicque circumacta arca muri Jericho subruuntur. Jericho autem per interpretationem luna dicitur; luna vero mundi hujus speciem tenet, quia sicut luna mensuris completionibus deficit, ita hic mundus ad completionem temporum currens, quotidianis defectibus cadit. In arca vero Ecclesia figuratur, in tubis autem æreis prædicatores fortes accipiuntur. Hanc ergo urbem Jericho diebus septem ferentes arcam Israelitæ æneis tubis clangentibus circumveant, et muri ejus per arcæ præsentiam, atque ærearum tubarum sonitu cadunt; quia in hoc tempore quod septem dierum vicissitudine volvitur, dum fertur arca, id est, dum orbem terrarum circumiens movetur Ecclesia. Veniens vero Dominus noster Jesus Christus, cujus ille prior filius Nave designabat adventum, mittit sacerdotes apostolos suos, portantes tubas ductiles, prædicationis magnificam cœlestemque doctrinam. Sacerdotali tuba primus in Evangelio Matthæus increpuit: Maron quoque, Lucas et Joannes, suis singuli tubis

sacerdotalibus cecinerunt; Petrus etiam duabus Epistolaram suarum personat tubis: Jacobus quoque et Judas. Addidit nihilominus Joannes et tuba canere per ecclesias suas, et Lucas apostolorum gesta describens. Novissimus autem ille veniens, qui dixit : « Peto autem nos Deus apostolos novissimos ostendit (I Cor. iv), » et in quatuordecim Epistolaram suarum fulminans tubis, muros Jericho et omnes idololatriæ machinas et philosophorum dogmata usque ad fundamenta dejecit. Movet me sane etiam illud quod historia refert, quia non solum sacerdotes tubis cecinerunt ut caderent muri Jericho, sed et audita voce tubæ dicitur universus populus ululasse ululatu magno, vel sicut in aliis exemplaribus habetur, júbilasse júbilo magno. Et quamvis iste sermo improprie translatus videatur; ἀλαλαγή, enim in Græco scribitur, quod neque júbilum, neque ululatum proprie significat, sed illam magis ostendit vocem, qua belli tempore exercitus clamorem consonum tollens, unanimiter se cohortari ad bellum solet, tamen hic sermo in Scripturis jubilatio magis quam ululatio consuevit inscribi, ut ibi : « Jubilate Deo omnis terra (Psal. lxxv); » Et iterum : « Beatus populus qui scit jubilationem (Psal. lxxxvii). » Quod etiam permovet dictum, quid istud tantum sit operis, quod beatum populum faciat. Non dixit, quia beatus populus qui scit mysteria, et qui scit cœli ac terræ et siderum rationem; sed « beatus, » inquit, « populus qui scit jubilationem. » In alius timor Dei beatus facit; sic enim dicit : « Beatus vir qui timet Dominum (Psal. cxl). » Alibi etiam pures sunt beati, sicut pauperes spiritu, vel mansueti, vel pacifici, vel mundi corde (Matth. v). Hic beatitudo profusa est, et tanta hic nescio quæ causa beatitudinis indicatur, ut universum populum faciat beatum, qui tamen scierit jubilationem. Unde mihi videtur jubilatio ista indicare quendam concordiam et unitatis affectum. Qui si incidat in duos vel in tres Christi discipulos, omnia quæcumque petierint in nomine Salvatoris præstat eis Pater cœlestis. Si vero tanta fuerit beatitudo, ut universus populus concors et unanimes maneat, ut eadem dicant omnes, et in eodem sensu, et in eadem sententia permanentes, isto tali populo vocem unanimiter elevante, fiet illud quod scriptum est in Actibus apostolorum (Cap. v), quia terræmotus factus est ubi tunc unanimes orabant apostoli, cum mulieribus et Maria matre Jesu. Et terræmotu facto destruentur et cadent omnia quæ terrena sunt, et subvertetur mundus. Audi denique Dominum et Salvatorem nostrum, adhuc ipsum suos milites cohortantem, quomodo dicit : « Confidite, ego vici mundum (Joan. xvi). » Illo ergo duce jam nobis victus est mundus, et muri ejus collapsi sunt, quibus homines sæculi nitentur. Sed et unusquisque nostrum debet in semetipso ista complere. Habes in te Jesum ducem per fidem, fac tibi tubas ductiles, si sacerdos es; gens enim regalis effecta es, et sacerdotium

sanctum de te dictum est : fac tibi tubas ductiles ex Scripturis, inde duc sensus, inde sermones ; propterea enim tubæ ductiles appellantur. In ipsis cane, et si in talibus cecineris tubis, id est, in psalmis, hymnis et canticis spiritualibus, et septies arcam testamenti circumtuleris, id est, legis Mosiacæ præcepta ab evangelicis non separaveris tubis ; sed etiam jubilationis ex temetipso exigas consensum, id est, si cogitationum et sensuum tuorum populus qui intra te est concordem semper et consonam proferat vocem, et non aliquando verum dicas, aliquando personæ potestatis adulantis mendacio maculeris : si non te aliquando blandum remissio faciat, aliquando iracundia truculentum ; si non arrogans apud modicos, et apud superbos humilis inveniris : denique si non pugna intra te B geritur, dum concupiscit caro adversus spiritum, et spiritus adversus carnem. (Ex Isidoro.) Si hæc intra te jam consonant et concordant, vocem jubilationis cito emittis, quoniam destructus et dejectus est mundus, qui fuit ante tibi rebellis : et ad prædicantium voces, quasi ad tubarum sonitum muri Jericho, id est, elati mundi ac superba infidelitatis obstacula corruunt, donec in fine temporum mors novissima inimica destruat. Et ex impiorum perditione unica domus Raab, tanquam unica Ecclesia liberatur, munda a turbine fornicationis, per fenestram confessionis, in sanguine remissionis. Ista enim meretrix in Jericho tanquam in mortali hoc sæculo moratur, quæ ut salvari possit, per fenestram domus suæ, tanquam per os corporis sui, C coccum mittit, quod est sanguinis Christi signum pro remissione peccatorum confiteri ad salutem. Qui inventi sunt in domo illius, salvati sunt ab interitu urbis, et quicunque intra Ecclesiam reperiuntur, ipsi tantum salvantur ; extra hanc autem domum, id est, extra Ecclesiam, nemo salvatur.

(Ibid.) « Dixitque Josue ad omnem Israel : Vociferamini ; tradet enim vobis Dominus civitatem. « Sitque civitas hæc anathema, et omnia quæ in eis sunt, Domino. Sola Raab meretrix vivat cum universis qui cum ea in domo sunt ; abscondit enim nuntios quos direximus. Vos autem cavete ne de his quæ præcepta sunt quidpiam contigatis, et sitis prævaricationis rei, et omnia contra Israel sub peccato sint atque turbentur, » et reliqua. Tale est quod indicatur in his verbis : Videte ne quid in vobis secularia habeatis, ne seculares nequitiæ, ne tergiversationem de sæculo vobiscum ad ecclesiam deferatis, sed anathema vobis sit omnis conversatio secularis. Nolite divinis mundana miscere, nolite negotia secularia Ecclesiæ servitiis inserere. Hoc est quod Joannes Epistolæ suæ personat tuba, dicens : « Nolite diligere mundum, neque ea quæ in mundo sunt (I Joan. II). » Et Paulus similiter : « Nolite, » inquit, « conformari huic sæculo (Rom. XII) ; » qui enim hoc faciunt, accipiunt de anathemate. Sed et illi qui (verbi causa) cum Christiani sint, solemnitates gen-

tilium celebrant, anathema in Ecclesiam introducunt ; qui astrorum cursibus vitas hominum et gesta perquirunt, qui volatus avium, et cætera hujusmodi quæ in sæculo prius observabantur inquirunt, de Jericho anathema deferunt in Ecclesiam, et polluunt castra Domini, et vinci faciunt populum Dei. Sed et multa alia peccata sunt, per quæ anathema de Jericho introducitur in Ecclesiam per quæ populus Dei vincitur et prosternitur ab inimicis. Aut non Apostolus hæc eadem præcipit, cum dicit : « Modicum fermentum totam massam corrumpit ? » (I Cor. v.)

## CAPUT VIII.

*De eo quod Raab meretricem et domum ac familiam ejus Josue fecit vivere et habitare in medio filiorum Israel, et de maledicto prolato contra urbem Jericho*

(Ibid.) « Raab vero meretricem, et domum patris ejus, atque omnia quæ habebat, fecit Josue vivere, et habitaverunt in medio Israel usque in præsentem diem, eo quod absconderit nuntios quos miserat, ut exploraret Jericho. » Velim requirere a Judæis et ab his qui Christiani quidem dicuntur, sed in Scripturis adhuc sensum Judaicum servant, quomodo exponant Raab meretricem adjectam esse domui Israel usque in hodiernum diem. Quomodo Raab usque in hodiernum diem adjecta esse dicitur ? Hoc enim Scripturæ sanctæ moris est, dicere de his quæ usque in finem vite vel sæculi permanent. Verbi causa, ut ait : « Hic pater est Moabitarum usque in hodiernum diem (Gen. XIX), » quod significat, usque in consummationem sæculi. Et iterum in Evangelio dicitur : « Quia diffamatus est hic sermo apud Judæos usque in hodiernum diem (Matth. XXVIII), » id est, usquequo sæculum stat. Raab vero mulier quomodo adjecta esse dicitur domui Israel usque in hodiernum diem ? Nunquid non matri successio posteritatis ascribitur, ut videatur in sobolis reparatione servari ? an magis intelligendum est quod vere Israeli juncta est ac sociata usque in hodiernum diem ? Et si vis manifestius videre quomodo Raab jungitur Israeli, intuere quomodo ramus oleastri inseritur in radicem bonæ olivæ ; et intelliges quomodo hi qui inserti sunt fide, Abraham et Isaac et Jacob, recte appositi dicuntur et adjecti ad Israel usque in hodiernum diem : quia in illorum radice nos rami oleastri ex gentibus assumpti, qui aliquando meretricabamur, lignum et lapidem pro Deo colentes, appositi sumus usque in hodiernum diem, et facti sumus per fidem Christiani.

(Ibid.) « In tempore illo imprecatus est Josue dicens : Maledictus vir ille coram Domino qui suscitaverit et ædificaverit civitatem Jericho. In primogenito suo fundamenta illius jaciatur, et in novissimo liberorum ponatur portas ejus. » Hanc imprecationem impletam esse temporibus regum manifestum est, cum in libro primo Malachim de temporibus regni Achab ita scriptum est : « In die

bus ejus ædificavit Ahiel de Bethel Jericho : in Abiram primogenito suo fundavit eam, et in Segub novissimo suo posuit portas ejus (*III Reg. xvi.*) Patet sensus, quia cum præfatæ conditor urbis fundamenta illius ponere inciperet, primogenitus ejus, qui vocabatur Abiram, mortuus est : et cum urbe ædificata portas munire tentaret, novissimum filiorum cognomento Segub amisit : quod ita futurum Josue, cum eam destructam anathemati traderet, imprecaundo prædixit, « Maledictus, » inquit, « vir coram Domino, qui suscitaverit et ædificaverit civitatem Jericho. In primogenito suo fundamenta illius jaciatur, et in novissimo liberorum ponatur portas ejus. » Quia vero Ahiel vivens Deo, Bethel interpretatur domus Domini, Ahiel de Bethel destructa a Josue atque anathematizata Jericho mœnia restaurat, cum quis eorum qui in Ecclesia habitum religionis assumpserant, ad agenda scelera, quæ ei Dominus Jesus in die baptismatis donaverat, redit : quasque ipse anathematizaverat diaboli pompas, luxuriose vivendo repetit, cum errorum dogmata, vel gentilium fabulas veritati ecclesiasticæ, qua imbutus est, quasi de Bethel egrediens, ruinas Jericho resuscitat. Meritoque talis coram Domino maledictus, et primum filiorum in fundatione nefariæ civitatis, et novissimum in portarum positione amittit ; quia et fundamenta fidei a quibus bona ædificia inchoare, et claustra bonæ actionis quibus perfici debuerat, perdit.

## CAPUT IX.

*De eo quod Acham filius Charmi usurpavit sibi de anathemate urbis Jericho, et vindicta in eum prolata.*

(CAP. VII.) « Fuit ergo Dominus cum Josue, et nomen ejus in omni terra vulgatum est : filii autem Israel prævaricati sunt mandatum, et usurpaverunt de anathemate. Nam Acham filius Charmi, filii Zabdi, filii Zare, de tribu Juda, tulit aliquid de anathemate. Iratusque Dominus contra filios Israel, » etc. (*Ex Augustino.*) In eo quod factum est ut Acham de tribu Juda furaretur de anathemate civitatis Jericho contra præceptum Domini, et propter ejus peccatum tria millia quæ missa fuerant in Hai dederunt terga hostibus, et occisi sunt ex eis triginta sex viri, et populo graviter terrore, Jesus cum senioribus se prostravit ad Dominum, eique responsum est ideo factum esse quod peccaverat populus ; minatus est etiam Deus non se cum eis futurum, nisi abstulerint anathema de seipsis ; et quod ostensus est qui defecerat, nec solus occisus, sed cum omnibus suis : quæri solet quomodo juste pro alterius peccatis in alios vindicetur ; maxime quia in lege Dominus dixit (*Ezech. xviii*), nec patres pro filiorum, nec filios pro patrum peccatis esse puniendos. An illud judicantibus hominibus est præceptum, ne quemquam pro altero puniant ; Dei autem judicia non sint ejusmodi, qui alto et invisibili consilio suo novit quatenus extendat etiam temporalem hominum

pœnam salubremque terrorem ? Non enim aliquid dirum, (quantum attinet ad universi mundi administrationem) contingit mortalibus, cum moriuntur quandoque morituri ; et tamen apud eos qui talia metuunt, disciplina sancitur, ut non se solum quisque curet in populo, sed invicem sibi adhibeant diligentiam, et tanquam unius corporis et hominis unius alia pro aliis sint membra sollicita. Nec tamen credendum est etiam penis quæ post mortem irrogantur, alium pro alio posse damnari : sed in his tantum rebus hanc irrogari pœnam, quæ finem fuerant habituræ, etiamsi non eo modo finirentur. Simul etiam ostenditur quanta connexa sit in populo societate ipsa universitas, ut non in se ipsi singuli sed tanquam partes in toto æstimentur.

**B** Per unius igitur peccatum mortemque paucorum admonitus est populus universus, tanquam in corpore universo quærere quod commissum est. Simul etiam significatum est quantum mali fieret, si universa illa congregatio peccasset, quando nec unus quidem ita potuit judicari ut ab eo possent cæteri esse securi. At vero si Acham ab aliquo inventus atque comprehensus, et illius criminis reus ad iudicium Jesu fuisset adductus, nequaquam putandum est, hominem judicem, vel pro illo et cum illo quemquam alium qui societate facti ejus milime teneretur, fuisse puniturum. Neque enim et mandatum legis licebat excedere, quod datum est hominibus, ne iudicio suo quod in hominem homini jussum sive permissum est, alterum pro alterius peccato arbitretur esse plectendum. Longe autem secretiore justitia judicat Deus, qui potens est etiam post mortem (quod homo non potest) vel liberare vel perdere. Visibiles igitur afflictiones hominum, sive mortes, quoniam his quibus ingeruntur et obesse et prodesse possunt, novit Dominus in occulto providentiæ suæ, quemadmodum juste quibusque dispenset, etiam cum aliorum peccata in aliis videtur ulcisci. Pœnas vero invisibiles, quæ non nisi nocent et prodesse non possunt, ita nullus Deo iudice pro alienis peccatis luit, sicut homine iudice luere nullus nisi pro sua culpa istas visibiles debet. Hoc enim præcepit homini iudici Deus in his quæ ad humanum iudicium pertinent vindicanda, quod in suo iudicio facit ipse, quo potestatis non aspirat humana.

(*Ibid.*) « Tollens itaque Josue Acham filium Zare, argentumque, et pallium, et auream regulam, filiosque ejus et filias, boves et asinos, et oves, ipsumque tabernaculum, et cunctam suppellectilem, et omnis Israel cum eo, duxerunt eos ad vallem Achor, ubi dixit Josue : Quia turbasti nos, exturbet te Dominus in die hac : lapidavitque eum omnis Israel, et cuncta quæ illius erant igne consumpta sunt. Congregaverunt quoque super eum acervum magnum lapidum qui permanet usque in præsentem diem : et aversus est furor Domini ab eis : vocatumque est nomen loci illius vallis Achor usque hodie. » (*Ex Augu-*

atq. Merito queritur, cum Dominus propter istum A  
qui de anathemate furtum faceret, præceperit eum  
qui fuisset ostensus cremari, cur eum ostensum  
Jesus lapidari potius a populo fecerit. An ita cum  
mori oportuit quemadmodum Jesus, qui propter  
Dominum sequebatur, verba jubentis intelligere  
potuit? Unde magis querendum est cur lapidationem  
ignem appellaverit Dominus, quam credendum  
Jesus aliud fecisse quam jussorat Dominus. Nam  
neque ad intelligendum verba Domini quisquam po-  
tuit esse sapientior, neque ad faciendum quisquam  
obediensior. Proinde ignis nomine poenam potuisse  
significari, Scriptura testis est in Deuteronomio,  
ubi dicitur ad filios Israel: « Et eduxi vos de  
ferrea forrea ex Ægypto (Deut. iv); » ubi utique  
duram tribulationem intelligi voluit. Dux autem  
causæ occurrunt (non ut ambæ sint, sed ut al-  
tera ex eis) cur non ille cum suis omnibus evidenti  
igne crematus sit. Si enim peccatum ejus Dominus  
tale esse judicavit quod supplicio illo expiatum non  
posset in æternum, propter ipsam expiationem et  
purgationem congruenter illa poena ignis nomen  
accepit. Neque ad hunc intellectum quisquam ten-  
dere admonetur, si cum proprie visibilis ignis ex-  
reret, sed in eo quisque remanere quod aperte vi-  
debat impletum, nec aliquid ultra quæreret. Nunc  
vero cum propter Dei verba, et factum suum, quo  
peccavisti illa verba non possent, rectissime di-  
citur etiam lapidationem ignem fuisse, eleganter  
agnoscere illa poena hominem, ne in posteriorem pec-  
cato illo interiret, fuisse purgatam. Quod signifi-  
cant etiam vasa in libro Numerorum, quæ jubentur  
ignis purgari (Num. xxxi). Si autem tale fuit illud  
peccatum, propter quod cum etiam post istam vi-  
tam gehenna susciperet, ideo Jesus voluit eum lapi-  
dari, ut quod a Domino dictum est igni cremabitur:  
ut illud admoneret intelligi, quod Dominus faceret,  
non quod ab ipsis esset faciendum. Si enim dixisset  
Dominus: Igni eum cremabitis et omnia ejus,  
huic sensui locus nullus esset? Cum vero ita posi-  
tum est ut magis videntur Deus quod ei futurum  
esset prædixisse, quam quod ei ab hominibus debe-  
ret fieri præcepisse, melius non potuit facere Jesus  
qui divina verba sicut tantus propheta intellexit,  
qui etiam hoc ipsum propheticè fecit, quam ut il-  
lum lapidibus potius quam flammis interimeret; ne  
in illis ignibus verba Domini viderentur impleta,  
quæ ob aliud dicta volebat intelligi. Nec movere  
debet quod non ipsum tantum, sed etiam omnia quæ  
sunt ejus, Deus cremanda igni prædixerit. Sic  
enim ait: Igni cremabitur et omnia quæcumque sunt  
ei: omnia enim quæcumque sunt ei, opera ejus pos-  
sunt intelligi, quæ cum illo dixit esse condecoranda;  
nam sicut dicit Apostolus de quibusdam operibus  
igne consumptis, « ipse autem salvus erit (I Cor.  
ii). » Si hujus peccatum ita intelligendum est ut  
etiam æterno igne puniatur, filios ejus et filias cum  
poenibus et omnibus quæ habebat, populus qui-  
dem cum eum puniret, simul lapidibus obruit: non

tamen hoc judicio humano, sed prophetico spiritu  
fecit Jesus; sive ita intelligens: omnia quæ sunt  
ei, » ut nec filios censeret exceptos, lapidationis  
etiam poenam pro igne ingerens; sive opera ejus  
quæ post mortem Deus in illo fecerat crematurus,  
non solum per cætera quæ illi erant, verum etiam  
per filios ejus significans. Nec ideo sane credendum  
est eos pro peccato patris, a quæ innocentes erant,  
etiam post mortem supplicio inferni ignis incensos.  
Mors quippe ista, quæ omnes manet, quamvis de  
primo peccato veniat; tamen quia ita nati sumus  
ut necessario moriendum sit, accelerata quibusdam  
est utilis. Unde legitur de quodam: « Raptus est  
per malitia mutaret intellectum ejus (Sap. iv, 11). »  
Quo ergo judicio Dei vel misericordia fuerit irrogata,  
sive filios ejus, sive filias triginta sex viris, cum om-  
nes ab ejus peccato alieni fuerint, latet apud eum  
apud quem non est iniquitas. Verum illud in prom-  
pta est quod et populum terribiliter oportebat que-  
rere quod admissum est, et tanto vehementius si-  
mulerunt exacerbatum ejus imitari, quanto magis  
humana exhorret infirmitas, et in tam magnum  
tamque justum populi odium dari, et eis quos ad  
spem propagandi generis se relictorum putabat  
peccato suo secum consumptis suis posteris emori.  
Sed et illud non otiose transcurrendum est, quod  
cum peccante ira super omnino populum venit. (Ex  
Adamentis.) Hoc quomodo accidit? Quando sacer-  
dotes qui populo præsent erga delinquentes benigni  
volunt videri, et verentes peccantium linguas, ne  
forte male de his loquantur, sacerdotalis severitatis  
immemores, nolunt quod scriptum est complere:  
« Peccantem coram omnibus argue, ut et ceteri  
metum habeant (I Tim. v); » et iterum: « Auferite  
malum de vobis ipsis (I Cor. v); » nec zelo Dei  
succensi imitantur Apostolum dicentem: « Tradidi  
hujusmodi hominem Satanæ in interitum carnis,  
ut spiritus salvus fiat (Ibid.). » Neque illud evange-  
licum implere student, ut si viderint etiam post  
correctionem duobus vel tribus arbitraris contemere,  
et si post Ecclesie correptionem non fuerit emen-  
datus, de Ecclesia expulsum velut gentilem habeant  
ac publicanum (Matth. xviii); et dum parcunt uni,  
universæ Ecclesie moliantur interitum. Sed videa-  
mus ne forte interioris intelligentiæ sit tanta et  
tam gravis acerbitas ista peccati. (Ex Isidoro.)  
Multa est in verbis et multa est in philosophorum  
et rhetorum sermonibus pulchritudo, qui omnes  
de civitate sunt Jericho, id est, hujus mundi homi-  
nes. Be anathemate ergo ejus fraudans, in taber-  
naculo suo abscondit, qui sæculares mores in se-  
cretis ecclesie inserit; qui sub cultu Dei manens,  
solemnitates sæculi vel spectacula diligit; qui sor-  
tilogos, aruspices et augures inquirat; vel qui cæte-  
ros ritus persuadet qui prius in Jericho, id est, in  
hoc sæculo, habebantur. Iste ergo, quia post huius  
indumentum, conversationis secularis cultum in-  
ducit, quasi pallium de anathemate tollit. Sed et

ille de anathemate Jericho fraudat, qui in ecclesiam hæreticorum infert dogmata, et superstitiosa sæcularium litterarum studia. Hæc enim est regula aurea, luculento sermone aptata : hæc fraudati sunt Arius, Marcion et Basilides ; furati suat enim isti regulas aureas de Jericho, et philosophorum sectam non rectam in Ecclesiam conati sunt introducere et maculare omnem Ecclesiam Domini, ita ut alii multi perderentur per eos : ideoque abjecti pro anathemate, quasi acervo lapidum, ita multitudine peccatorum suorum oppressi atque exstincti sunt : quorum auctor ac preceptor ex Ahi, hoc est, diabolus, qui per illorum impietatem fidelium quosdam evicerant, rursus separatus evincitur, atque a populo Dei suspensus ligno, crucis virtute necatur.

## CAPUT X.

*De expugnatione urbis Ahi et interfectione regis ipsius.*

(CAP. VIII.) « Dixit autem Dominus ad Josue : « Ne timeas, neque formides ; tolle tecum omnem multitudinem pugnantium, et consurgens ascende in oppidum Ahi. Ecce tradidi in manu tua regem ejus, et populum, urbemque, et terram : faciesque urbi Ahi, et regi ejus, sicut fecisti Jericho et regi illius : prædam vero et omnia animantia diripietis vobis. Pone insidias urbi post eam. Surrexitque Josue, et omnis exercitus bellatorum cum eo, ut ascenderent in Ahi, et electa triginta millia virorum fortium misit nocte, præcepitque eis dicens : Ponite insidias post civitatem, nec longius recedatis, et eritis omnes parati. Ego autem et reliqua multitudo quæ mecum est, accedemus ex adverso contra urbem, » etc. (*Ex Augustino.*) Quod Deus jubet loquens ad Jesum ut constituat sibi retrorsum insidias, id est, insidiantes bellatores ad insidiandum hostibus, hinc admonemur non injuste fieri ab his qui justum bellum gerunt, ut nihil homo justus præcipue cogitare debeat in his rebus, nisi ut justum bellum suscipiat, cui bellare fas est : non enim omnibus fas est. Cum autem justum bellum susceperit, utram aperta pugna, etram insidiis vincat, nihil ad justitiam interest. Justa autem bella definiri solent quæ ulciscuntur injurias : si qua gens vel civitas, quæ bello petenda est, vel vindicare neglexerit quod a suis improbe factum est, vel reddere quod per injurias ablatum est. Sed etiam hoc genus belli sine dubitatione justum est quod Deus imperat, apud quem non est iniquitas, et novit quid cuique fieri debeat. In quo bello ductor exercitus, vel ipse populus, non tam auctor belli quam minister judicandus est. Jesus mittens ad Ahi debellandam triginta millia bellatorum, ait illis : « Vos insidiabimini post civitatem, et non longe eritis a civitate, et eritis omnes parati : et ego, et omnis populus qui mecum est, accedemus ad civitatem : et erit cum exterint qui commorantur in Ahi in obviam nobis, sicut et antea, fugientis a facie illorum. Et cum exierint post nos, abdecemus illos de civitate, et dicent : Fugiant isti

a facie nostra sicut antea. Vos autem exsurgitis ex insidiis, et ibitis in civitatem. Secundum verbum istud facietis : ecce, præcipio vobis. Querendum est utrum omnis voluntas fallendi pro mendacio deputanda sit ; et si ita est, utrum possit justum esse mendacium quo ille fallitur qui dignus est falli : et si nec hoc quidem mendacium justum reperitur, restat ut secundum aliquam significationem hoc quod de insidiis factum est ad veritatem referatur. Jubetur a Deo dux populi Jesus in duas partes dividere populum, ut pars simul et fugam, pars autem subsistat in insidiis, quibus decipiatur Ahi. Quibus ita dispositis, rex Ahi videns Jesum et filios Israel errantem, concitatur adversus eos in prælium : illis vero simulantibus fugam, isti acrius insectantur, et velut spolia ducturi de hostibus, omnes simul procedunt, ita ut, ut Scriptura dicit, relinquerent vacuum civitatem. Sed posteaquam in constitutam progressi sunt locum, conversus Jesus signum dedit ut exurgerent qui in insidiis erant, et dorsa hostium cæderent : et ita illi movissimi et isti primi medios hostes conclusos interimunt universos : et hoc modo victis his qui habitabant Ahi, regem eorum suspenderunt in ligno. His auditis, verisimile est auditores dicere : Quid mihi hæc ? quid mihi confert si cognoscam quod devicti sunt qui habitabant Ahi ? quia si non similia, aut etiam potentiora bella, vel gesta sint vel gerantur, hæc fuit cura Spiritus sancti ut, refectis tot tantarum nobilium excidiis urbium, prælium civitatis Ahi inscriptum sacris voluminibus mandaretur. Primo propter peccata victi sumus, et hi qui habitabant Ahi quamplurimos ex nobis interfecerunt. Ahi interpretatur chaos, chaos autem locum vel habitaculum esse novimus contrariorum virtutum, quarum rex et principes diabolus est. Adversum hunc veniens Jesus, in duas partes dividit populum, et alios quidem in primis statuit, alios in posterioribus, qui ex insperato post tergum veniant inimicorum. Et vides num prima pars est populi illa de qua dicit : « Non veni nisi ad oves perditas domus Israel (*Matth. xv.*), » et de qua dicit Apostolus : « Gratia autem et pax omni homini operanti bonum, Judæo primum et Græco (*Rom. II*), » id est, gentili. Prior ergo iste populus qui in primis statuitur, et quasi fugiens cum Jesu ; posterior vero populus, qui ex gentibus congregatur, quinque ex insperato venientes (quis enim speraret gentes salvari ?) acrius post tergum adversarios cædunt. Et sic utique populus mediam turbam dæmonum sternit et vincit. Sed fortasse dicis mihi : Quomodo ergo quasi fugiens ponitur populus prior, et velut consequentes fugeret ? Etenim versi sunt qui sequuntur Jesum a legalibus oneribus et præceptis, ab observatione sabbati, a circumcissione carnis, a jugulatione hostiarum. Sed iterum non fugit, quia secutus est Jesum, perfectionem et plenitudinem legis. Post omnia autem is etiam rex Ahi in ligno gemino dicitur esse suspensus. Hoc in loco mysterium tegitur quamplurimos latens, sed orantibus nobis tentabimus hæc omnia, non nostris opinionibus, sed

Scripturæ diviſæ testimoniis aperire. In superiori-  
 bus diximus regem Ahi diabolo posse conferri, hic  
 quomodo gemino ligno crucifixus est, operæ præ-  
 stium est noscere. Crux Domini nostri Jesu Christi  
 gemina fuit. Mirus tibi sermo fortasse et novus vi-  
 detur. Quod dico crux gemina fuit, hoc est, gemina  
 ratione constat et duplici; quia visibiliter quidem  
 Filius Dei in carne crucifixus est; invisibiliter vero  
 in hac cruce diabolus cum principatibus et potesta-  
 tibus affixus est cruci. Non tibi hoc videtur verum,  
 si tibi horum testem produxero apostolum Paulum?  
 Audi ergo de his quid ipse pronuntiat: « Et quod  
 erat, inquit, contrarium nobis, tulit illum e medio,  
 affigens cruci suæ, exuens principatus et potestates  
 traduxit libere, triumphans eos in ligno crucis (Col.  
 u). » Licet et in aliis exemplaribus habeatur, « trium-  
 phans eos in semetipso. » Sed apud Græcos habe-  
 tur, in ligno. In ligno ergo duplex ratio est Dominicæ  
 crucis: una illa quam dicit apostolus Petrus, quod  
 Christus crucifixus reliquit nobis exemplum. Et hæc  
 secunda crux illa tropæum de diabolo fuit, in quo  
 crucifixus est et triumphatus. Ideo denique aposto-  
 lus Paulus dicebat: « Mihi autem absit gloriari, nisi  
 in cruce Domini nostri Jesu Christi, per quem mihi  
 mundus crucifixus est, et ego mundo (Gal. vi). »  
 Vides quia et hic Apostolus duplicem crucis prodidit  
 rationem. Duo enim sibi contraria dicit esse cruci-  
 fixa: sanctum et peccatorem, mundum et illam for-  
 mam sine dubio quam superius diximus Christi et  
 diaboli. Nos enim crucifigimur mundo tunc, cum veni-  
 ens princeps mundi hujus in nobis non invenit  
 quidquam; et nobis crucifigitur mundus, cum pec-  
 cati concupiscentiam non recipimus. Sed si quis  
 forte est attentior auditor, potest dicere: Forma  
 quidem rerum videtur esse conveniens, sed adhuc  
 illud me movet quod diabolus et exercitus suus, quan-  
 tum ad historiæ ostenditur figuram, interemptus est.  
 Et quomodo videmus adhuc diabolum et contrarias  
 potestates in tantum valere adversus servos Dei, ut  
 etiam apostolus Petrus cum ingenti cautela præmo-  
 neat et dicat observandum esse, « quia adversarius  
 noster diabolus, sicut leo rugiens, circuit quærens  
 quem devoret (I Petr. v). » Videamus ergo si et hic  
 dignum aliquid sancti Spiritus eloquiis possumus  
 invenire. Adventus Christi, unus quidem in humili-  
 tate compertus est, alius vero speratur in gloria; et  
 hic primus adventus in carne, mystico quodam ser-  
 mone, in Scripturis sanctis umbra ejus appellatur,  
 sicut et Jeremias propheta dicit: « Spiritus vultus  
 nostri Christus Dominus, cui nos diximus; in um-  
 bra ejus vivemus in gentibus (Thren. iv). » Sed et  
 Gabriel, cum evangelizaret Mariæ de nativitate ejus,  
 dicit: « Virtus Altissimi obumbrabit tibi (Luc. i); »  
 propter quod intelligimus primo hoc adventu ejus  
 adumbrari, quorum adimpletio et perfectio in se-  
 cundo consummetur adventu. Unde Apostolus dicit,  
 « quia resuscitavit nos cum ipso, simulque sedere  
 fecit in cælestibus (Eph. ii). » Et utique nondum vi-  
 demus credentes aut resuscitados esse jam, aut in

cælestibus considerare. Sed umbrata sunt quidem hæc  
 nunc per fidem, quia mente et spe a terrenis et mor-  
 tuis operibus elevamur, et cor nostrum erigimus ad  
 cælestia a terra. Implebitur tamen hoc in secundo  
 adventu ejus, ut ea quæ nunc fide et spe præsumi-  
 mus, tunc etiam rerum effectu corporaliter teneamus.  
 Ita ergo de diabolo intelligendum est, quod vic-  
 tus est quidem et crucifixus est, sed his qui cruci-  
 fixi sunt cum Christo; omnibus autem erudentibus,  
 et universis populis tunc erit crucifixus. Tunc com-  
 plebitur illud quod dicit Apostolus; « quia sicut in  
 Adam omnes moriuntur, ita et in Christo omnes vi-  
 vificabuntur (I Cor. xv). » Est ergo et in hoc etiam  
 latens figuræ mysterium; nam et dividetur populus  
 in duas partes: erunt et alii primi, et alii postremi;  
 qui cum ad Jesum unum conspiraverint, jam tunc  
 ultra omnino non erit diabolus, quia jam non erit  
 mors. Vis tibi etiam hæc divinis testimoniis compro-  
 bebimus? Audi Apostolum dicentem: « Hoc enim vo-  
 bis dicimus in verbo Domini, quia nos qui vivimus,  
 qui residui sumus, in adventu Domini non præve-  
 niemus eos qui dormierunt: quoniam ipse Dominus  
 in jussu, et in voce archangeli, et in tuba Dei de-  
 scendet de cælo: et mortui qui in Christo sunt, re-  
 surgent primi; deinde nos qui vivimus, qui relin-  
 quimur, simul rapiemur cum illis in nubibus ob-  
 viam Christo in aera: et sic semper cum Domino  
 erimus (I Thess. iv). » De diabolo autem ait: « No-  
 vissimus inimicus destruetur mors (I Cor. xv); » qui  
 tunc vere vincitur, cum mortale hoc absorbeatur a  
 vita.

(CAP. VIII.) « Igitur omnibus interfectis qui Israe-  
 lem ad deserta tendentem fuerant persecuti, et in  
 eodem loco gladio corruentibus, reversi filii Israhel  
 percusserunt civitatem, » et reliqua. Quid putas  
 esse quod Jesus fugiens designabat? Videamus ne  
 forte sit aliquid quod fugiendo vincamus: et est  
 aliqua perfecta virtus in fuga. Paulus nos apostolus  
 docet, dicens: « Fugite fornicationem (I Cor. vi); »  
 vides ergo quemdam spiritum fornicationis quem  
 fugere debemus, quicumque caste et pie in Christo et  
 pudice volumus permanere. Ista fuga beatitudinem  
 confert. Et non solum fornicationis spiritus fugiendus  
 est, sed simili modo, sicut dictum est, « fugite for-  
 nicationem, » audiamus quid dicit ad nos. Fugite  
 iram, fugite avaritiam, fugite invidiam et livorem,  
 fugite detractiones et mala colloquia (Col. iii; I Pet.  
 ii; Eph. v); quæ tamen nescio quis evadat. Iste ta-  
 lis erat exercitus Ahi, quem Jesus fugiendum doce-  
 bat milites suos: et de his fortasse mandat discipulis  
 suis, dicens: « Si vos persequantur in una civitate,  
 fugite in aliam (Math. x). » Quod si in aliam per-  
 sequuntur, fugiamus in tertiam. Vult ergo nos fu-  
 gere ab hujusmodi hostibus, vult nos longe effici ab  
 hujusmodi malis.

(IBID.) « Josue vero non contraxit manum, quam  
 in sublime porrexerat, tenens clypeum, donec in-  
 terficerent omnes habitatores Ahi, » et cætera.  
 Hæc cum legunt Judæi, crudeles efficiuntur, et hu-

manum sanguinem sitientes, putantes quia et sancti A hoc modo quo supra exposuimus, intellige bella justorum, quia hæc bella ab eis adversum peccatum geruntur. Quomodo manebunt justus, si vel parvum aliquid peccati in semetipsis servaverint? Et ideo dicitur de eis quia non dereliquerunt nec unum qui salvus fieret et qui effugeret.

(IBID.) « Præcepitque Josue, deposueruntque cadaver ejus de cruce, projeceruntque in ipso introitu civitatis, congesto super eum magno acervo lapidum, qui permanet usque in præsentem diem, » et reliqua. Quid significat quod cadaver regis Ahi, per præceptum Josue de cruce depositum, projicitur in introitu civitatis, nisi quod diabolo damnato per passionem Christi, statim ei in ingressu fidei et baptismatis perceptione, a quibusque creditibus, secundum Salvatoris nostri mandatum, renuntiatur, et ejus cultui penitus contradicitur? « Congesto super eum magno acervo lapidum, » hoc est, multitudine durarum sententiarum, quibus ejus perfidia seu nequitia improbatum atque damnatum? Quæ congeries permanet usque in præsentem diem, quia damnationis suæ opprobrium ipsi diabolo et angelis ejus perseverat in perpetuum: quia sicut illorum correctio nunquam erit, ita damnationis poena nunquam cessabit.

(IBID.) « Tunc ædificavit Josue altare Domino Deo Israel in monte Ebal, sicut præceperat Moyses filius Domini filiis Israel, » et reliqua. Videamus quid in his omnibus indicatur, et quid præsens lectio nobis ædificationis acquirit. Omnes qui in Jesum Christum credimus, lapides vivi esse dicimur, quod Scriptura prænuntiat dicens: « Vos autem estis lapides vivi ædificati domus spiritualis, hostias acceptabiles offerentes Deo per Jesum Christum (I Petr. II). » Sicut autem in istis terrenis lapidibus observari novimus, et hi quidem lapides qui validiores sint et potentiores primi in fundamenta ejiciuntur, ut ipsis credi et superponi possit totius ædificii domus; alii vero qui sequentes sunt, id est paulo illis inferiores, proximi illis qui in fundamento sunt, ordinantur; qui vero plus inferiores sunt, paulo superius a fundamento; tum deinde in corpore lapidum, qui infirmiores sunt, in superioribus et prope ipsa jam tecti fastigia collocantur: ita nunc etiam intellige de lapidibus vivis aliquos esse in fundamentis hujus spiritualis ædificii. Qui autem sunt isti qui in fundamentis collocantur? Apostoli et prophetae. Sic enim dicit Paulus hæc ipse docens: « Ædificati, inquit, super fundamentum apostolorum et prophetarum, in ipso angulari lapide Jesu Christo Domino nostro (Eph. II). » Ut autem te promptiorem, o auditor horum, præparares ad hujus ædificii constructionem, ut lapis aliquis inventiaris vicinior fundamento, disce quia et ipse Christus hujus quod nunc descripsimus ædificii fundamentum est. Sic enim dicit Apostolus: « Fundamentum enim aliud nemo potest ponere, præter id quod positum est, quod est Christus Jesus (I Cor. III). » Beati ergo qui super istud nobile fundamentum ædificantes, religiosa et

sancta construxerint opera. Sed in hoc ædificio ec-  
clesiæ esse oportet altare; unde ego arbitror quod  
quicumque ex vobis lapidibus vivis apti sunt, in hoc  
et prompti, ut orationibus vacent, ut diu noctuque  
obsecrationes offerant Deo, et supplicationum victi-  
mas immolent, ipsi sunt ex quibus ædificat Jesus  
altare. Sed intuere quid laudis ipsis lapidibus altaris  
ascribitur? Sicut dixit, inquit, legislator Moyses :  
Ædificate altare ex lapidibus integris, quibus ferrum  
non est injectum. Quid putas sunt isti integri lapi-  
des? Novit uniuscujusque conscientia quis sit inte-  
ger, et quis sit incorruptus, immaculatus in carne et  
spiritu. Jacula maligni ignita concupiscentiæ non  
recipit, sed scuto ea fidei restrinxit et repulit. Vel  
quis est ille qui ferrum pugni, ferrum belli, ferrum  
litium nunquam recepit; sed semper pacificus fuit,  
semper quietus et mitis, et Christi humilitate funda-  
tus? Isti ergo sunt lapides vivi, ex quibus Dominus

noster altare construxit lapidibus integris, quibus  
ferrum non est injectum, ut offerat super eos holo-  
causta et sacrificium salutis. Ego puto quod isti tales  
lapides integri et incontaminati sancti apostoli esse  
possint, omnes simul unum altare facientes propter  
unanimitatem atque concordiam. Sic enim referun-  
tur omnes, simul unanimiter orantes et aperientes os  
suum, dixisse : « Tu, Domine, qui corda omnium  
nostri (Act. 1). » Isti ergo qui poterunt unanimes una  
voce atque spiritu orare, ipsi fortasse digni sunt qui  
debeant simul omnes unum altare construere, super  
quod Jesus sacrificium offerat Patri. Tamen et nos  
tentemus dare operam, ut eadem dicamus omnes,  
unanimes, unum sentientes, nihil per contentionem,  
neque per inanem gloriam gerentes; sed in uno  
sensu atque in eadem sententia permanentes; si  
forte possimus etiam nos apti effici lapides ad al-  
tare : non enim deserit nos Dominus Deus noster.

## LIBER SECUNDUS.

### CAPUT PRIMUM.

*De eo quod Josue Deuteronomium legis Moysi scripsit super lapides coram filiis Israel, et legem benedictionis atque maledictionis coram omni populo recitavit.*

(Ibid). « Et scripsit Josue super lapides Deute-  
nomium legis Moysi, quod ille digesserat coram  
filiis Israel. » Scripsit, inquit, Jesus super lapides  
altaris Deuteronomium legis Moysi, et scripsit in  
conspectu filiorum Israel. Quomodo scripsit et quo-  
modo potuit tunc filius Nave super lapides altaris  
legem totam describere? Ergo prout voluit typum  
adumbravit. Nos interim videamus quomodo noster  
Jesus in lapidibus vivis et integris scripserit Deute-  
ronomium, quod secundæ legis latio dicitur. Si ergo  
vis videre quomodo, prima lege infirmata, secundam  
legem scribat Jesus, audi cum in ecclesiis dicentem :  
« Dictum est antiquis : Non occides; ego autem dico  
vobis quia omnis qui irascitur fratri suo, homicida  
est (Matth. v). » Et iterum : « Dictum est antiquis,  
Non mœchaberis; ego autem dico vobis quia qui viderit  
mulierem ad concupiscendum eam, jam mœchatus  
est eam in corde suo (Ibid., v. xxvii). Dictum est  
antiquis, Non perjurabis; ego autem dico vobis,  
Nolite jurare omnino (Ibid., v. xxxiii). » Vides Deu-  
teronomium quod scripsit Jesus in lapidibus vivis et  
integris, in tabulis cordis carnalibus, non atramento,  
sed spiritu Dei vivi. Si autem vis evidentius noscere  
in quibus cordibus Jesus scripserit legem, et in quibus  
non scripserit, etiam hoc tibi ex Scripturarum auctoritate  
patefaciam, ut consolationem capias tu qui ex gentibus  
vocatus es, nec verearis eorum jactantiam, qui legem  
Moysi et tabulis et chartulis inscriptam se accepisse  
gloriantur. In quorum cordibus Dominus Jesus inscripserit  
legem, Paulus dicit : « Cum enim gentes quæ legem non

habent, naturaliter ea quæ legis sunt, faciunt,  
hujusmodi legem non habentes, ipsi sibi sunt lex,  
qui ostendunt opus legis scriptum in cordibus suis,  
testimonium reddente eis conscientia (Rom. ii). »  
Si ergo videas gentes ad Jesum venire, et credere  
ei, et opus legis implere quod illi qui legem acceperant  
implere non possunt, non dubites de eis dicere quia  
Jesus in istis lapidibus integris Deuteronomium scripsit.  
Movet me sane quod addidit in consequentibus  
Scriptura : « Et scripsit, inquit, Jesus super lapides  
Deuteronomium coram filiis Israel. » Quomodo potuerit  
tam magnum librum, vel assistentibus et permanentibus  
filiis Israel, describere, ita ut non discederent usquequo  
scriptura tot versuum finiretur? Vel etiam, quomodo  
potuerunt lapides altaris ferre tam magni libri continen-  
tiam? Dicant mihi assertores litteræ Judæi, qui spiritum  
legis ignorant, quomodo hoc in Scriptura historiæ veteris  
demonstratur : sed apud illos usque in hodiernum  
diem cum legitur Moyses, velamen est positum super  
cor eorum : nobis vero conversis ad Dominum Jesum,  
auferetur velamen, quia « ubi Spiritus Domini, ibi  
libertas » intelligentiæ nostræ. Ergo Dominus Jesus  
non indiget multo tempore ut Deuteronomium scribat,  
at secundo legem in cordibus credentium figat, atque  
in eorum mentibus, qui ad altaris constructionem  
digni sunt, intelligentiæ spiritu signet. Statim namque  
ut quis crediderit Jesu Christo, lex Evangelii in ejus  
corde scripta est, et in conspectu filiorum Israel  
descripta. Aderant enim tunc, cum tibi fidei sacramentum  
tradebatur, celestes virtutes, ministeria angelorum,  
Ecclesia primitivorum. Si enim recte intelligamus  
Israelem dicentem Deum videntem, rectissimo hoc de  
ministris angelis dicitur, secundum Domini sententiam,  
dicentis de infantibus (quod et tu fuisi infans in ba-



ptismo), « quia angeli eorum semper vident faciem A Patris mei, qui in caelis est (*Math. cxviii*). » Coram istis igitur filiis Israel qui aderant in illo tempore, cum tibi fidei sacramenta tradebatur, videntibus faciem Dei, Jesus in corde tuo Deuteronomium scripsit.

(*Ibid.*) « Omnis autem populus, et majores natu, « duces ac iudices stabant ex utraque parte in « conspectu sacerdotum qui portabant arcam foederis Domini : ut advena, ita et indigena. Media eorum pars juxta montem Garizim, et media juxta montem Ebal, sicut præceperat Moyses « famulus Domini. Et primum quidem benedixit « populo Israel, » etc. Circa hanc arcam testamenti, omnis qui vere Israel est incedit, non enim longe ab ea. Levitæ vero et sacerdotes etiam in humeris suis eam portant. Etenim quicunque sacerdotali religione et sanctitate vivunt, non solum hi qui sedere videntur in consessu sacerdotali, sed hi magis qui sacerdotaliter agunt, quorum pars est Dominus, nec ulla eis portio habetur in terris, ipsi sunt vere sacerdotes et Levitæ Domini, qui in humeris suis legem Dei portant, agendo videlicet et implendo opera ea quæ scribuntur in lege. Et proselytus, inquit, et indigena simul aderant; dimidii juxta montem Garizim, et dimidii juxta montem Ebal. Quomodo etiam ista explicabimus? Et adjutorio Dei opus est ut possimus verbis nostris verba divina disserere et explanare. Qui sunt dimidii qui incedebant juxta montem Garizim, et qui sunt dimidii qui et ipsi, licet salventur, tamen non poterunt juxta montem Garizim incedere, sed incedunt juxta montem Ebal? Mons Garizim benedictiones habet, mons autem Ebal maledictiones quæ peccatoribus imminet. Statuerunt enim, sicut scriptum est in Deuteronomio (*Cap. xxvii*), sex tribus ad benedicendum in monte Garizim : et ipsæ sex tribus quæ nobiliores sunt et eximiae, id est, Simeon, Levi, Judas, Isachar, Joseph, Benjamin. Alias vero sex ignobiliores, ad maledicendum; in quibus et Ruben qui ascendit super cubile patris sui, et torum maculavit paternum, et Zabulon, qui est ultimus filius Liæ. Hæc quidem veterum historiæ referunt gesta. Sed quomodo nos hanc historiæ narrationem ad mysticam intelligentiam referamus, ut ostendamus qui sunt isti qui incedunt juxta montem Garizim, et qui sunt qui incedunt juxta montem Ebal? Ego video duas esse species eorum qui præmissionum celestium cupiditate succensi, summo studio diligentique nituntur, ne saltem minima eos beatitudo prætereat : habentes desiderium, non solum benedictionis capiende, et effici in parte sortis sanctorum, sed etiam assistere in conspectu Dei, et semper esse eum Dominum. Alii vero sunt qui et ipsi tendunt ad salutem, et non tam amore benedictionum et præmissionum desiderii inflammantur, quam hoc magis habentes in prospectu et dicentes : Sufficit mihi non ire in ignem æternum; sufficit mihi non expelli in tenebras exteriores. Cum ergo in singulis quibusque fidelium talis sit propositi varietas,

hoc mihi designari videtur in hoc loco quod dimidii illi qui juxta montem Garizim incedunt, illum qui ad benedictiones electus est, istos figuraliter indicare qui, non metu pœnæ, sed benedictionum et præmissionum desiderio, veniunt ad salutem. Illi vero dimidii qui juxta montem Ebal incedunt, in quo maledictiones prolatae sunt, istos alios indicant qui malorum metu et suppliciorum timore complentes quæ in lege sunt scripta, perveniunt ad salutem. Hic etiam Dei solius est nosse, ex omnibus filiis Israel quis est, qui boni ipsius desiderio succensus facit quod bonum est : qui vero metu gehennæ, et æterni ignis terrore tendit ad bonum, et studet ac festinat implere quæ scripta sunt : certum est enim nobiliores esse illos qui boni ipsius desiderio et benedictionum amore quod bonum est agunt, quam illos qui pro mali metu bonum sectantur. Solus ergo Jesus qui potest ex omni populo hujusmodi mentes animosque discernere, hos in monte Garizim ad benedictiones, alios vero statuere in montem Ebal, non ut maledictiones accipiant, sed ut intuentes præscriptas maledictiones et pœnas peccatorum constitutas, incurrere caveant eas.

(*Ibid.*) « Post hæc legit omnia verba benedictionis « et maledictionis, et cuncta quæ scripta erant in legis volumine. Nihil ex his quæ Moyses jusserat « reliquit intactum, sed universa replicavit coram « omni multitudine Israel, mulieribus et parvulis, « ac advenis qui inter eos morabantur. » Facilis quidem est historiæ explanatio, quomodo filius Nave legerit omnia verba legis quæ scripsit Moyses coram omni ecclesia filiorum Israel : noster vero Dominus Jesus quomodo hoc populo suo faciat, ostendere non mihi videtur otiosum, Ego quidem arbitror quod si quando legitur nobis Moyses, et per gratiam Domini velamen litteræ removetur, et incipimus intelligere quia lex spiritalis est; et quia, verbi causa, lex dicit : « Non infrenabis os bovi trituranti (*Deut. xxv, I Cor. ix*), » non de bobus hæc, sed de apostolis dixerit. Et rursus cum in lege dicitur quia « Abraham duos filios habuit, unum de ancilla, et unum de libera (*Gal. ix*), » ego in his intelligo duo esse Testamenta et duos populos. Istam nobis legem quæ sic intelligitur, quam spiritalem nominat Paulus, Jesus Dominus legit, et ipse est qui hæc in auribus totius populi recitat, præcipiens nobis ne sequamur occidentem litteram, sed teneamus spiritum vivificantem. Legit ergo nobis Jesus legem, cum nobis legis revelat arcana. Non enim nos, qui de Ecclesia sumus catholica, speramus legem Moysi, sed suscipimus eam, si tamen eam nobis Jesus legerit : sic enim recte poterimus intelligere legem, si eam nobis Jesus legat, ut ipso legente nos sensum ejus intelligentia capiamus. Sed tamen dicendum est, quod scriptum docemur, quia sermo hic arguit nos, quod non omnes qui audimus legem, Ecclesia sumus filiorum Israel, si non continuo : si est aliqua differentia inter auditores legis et Ecclesiam filiorum Israel, auditor excluditur a salute. Attendite ergo

diligentius verbis Scripturæ dicentis : « Non erat ullum verbum ex omnibus quæ mandavit Moyses quod non legerit Jesus in auribus totius Ecclesiæ filiorum Israel ; » et intendite mulieribus et infantibus et proselytis. Novit Dominus Jesus esse alias aures præter istas carnales quæ ad audientiam legis requirit ; unde et in Evangelio posteaquam de singulis quæ oportebat edocuit, addit et dicit : « Qui habet aures audiendi audiat (*Matth. xi*) ; » quod utique si de auribus dixisset carnalibus, superfluum videretur. Nemo enim non habens aures ad verba ejus audienda convenerat. Sed quoniam sciebat, in auribus interioris hominis, id est, intellectu cordis, recipi debere quæ dicta sunt (quia nihil prodest audire sermonem, si non retineatur et servetur in corde), idcirco aures ab auditoribus exposebat. Dicimus quidem viris fortibus fortem tradere cibum, illis videlicet de quibus Apostolus dicit : « Perfectorum autem est cibum solidus, ex quibus ipse sibi præparat Ecclesiam non habentem maculam aut rugam aut aliquid horum (*Hebr. v*). » Eos vero quos in mulierum, vel infantium, vel proselytorum appellatione secernit, intelligamus hos esse aliquos qui adhuc lacte indigent, aut etiam velut infirmi, ut sunt mulieres, oleribus vescuntur. Si vero simul omnis accipiat Ecclesia, viri quidem intelliguntur esse illi qui in omnibus perfectionem norunt, et armati incedere adversum astutias diaboli ; mulieres vero illi qui nondum ex semetipsis ea quæ utilia sunt gerunt, sed imitando meliores et eorum exempla sectando, ex quibus et caput habere dicuntur. Infantes vero erunt qui, nuper fide suscepta, lacte Evangelii nutriuntur ; proselyti autem catechumeni videbuntur, et hi qui jam sociari se fidelibus student. De quibus singulis similia etiam Joannes sentiens, in Epistola sua scripsit (*Ep. I, cap. ii*), et singulis quibusque ætatibus propria quæque gesta discernit. Verumtamen Jesum vobis recitantem legem, et revelantem cordibus vestris intelligentiam spiritalem audite, neque proselyti, id est catechumeni, diutius maneatis ; sed festinate ad percipiendam gratiam Dei, ut et vos in Ecclesia filiorum Israel adnumeremini. Et vos infantes « nolite pueri effici sensibus, sed malitia parvuli » estote. Sensibus quoque, ait, estote perfecti. Sed videamus quid post hæc scriptum est.

## CAPUT II.

*De gentium conventu adversum Josue ut dimicarent contra eum, et de dolo Gabaonitarum quo fallebant Josue et principes Israel.*

CAP. IX.) « Quibus auditis, cuncti reges trans Jordanem qui versabantur in montanis et in campis, in maritimis ac littore maris magni ; hi quoque qui habitabant juxta Libanum, Hethæus et Amorrhæus, et Chananæus, Pherezæus, et Jebusæus, congregati sunt pariter, ut pugnarent contra Josue et Israel uno animo eademque sententia. » Simul historia rerum gestarum manifesta explanatione non indiget, quod evidenter expletum est ; et

ex his tamen quæ gesta sunt visibilibus, nostri Domini Jesu Salvatoris bella ac triumphos quos gerit contemplemur, quamvis etiam in ipso hæc visibiliter cernamus expleta. Convenerunt enim reges terræ, senatus populusque et principes Romani, ut expugnarent nomen Jesu et Israel simul. Decreverunt enim legibus suis ut non sint Christiani. Omnis civitas, omnis ordo Christianorum nomen impugnat. Sed sicut tunc omnes illi reges convenientes contra Jesum nihil facere potuerunt, ita nunc reges vel principes, vel potestates istæ contrariæ, ut non Christianorum genus latius ac profusius propagetur. Scriptum namque est, quia « quanto magis eos humiliabant, tanto plures fiebant, et invalescebant valde (*Exod. i*). » Confidimus autem quia non solum non nos poterunt obtinere invisibiles inimici nostri, verum etiam velociter, Jesu Christo Domino nostro vincente, conteretur Satanas sub pedibus servorum ejus ; illo etenim duce nos vincimus milites sui, ita ut nos dicamus (sicut in Esdra scriptum est) « Quia a te, Domine, est victoria, et ego tuus : benedictus es Deus veritatis (*III Esdræ. iv*). »

(*IBID.*) « At hi qui habitabant in Gabaon, audientes cuncta quæ fecerat Josue Jericho et Ahi, et callide cogitantes, tulerunt sibi cibaria, saccos veteres asinis impositos, et utres vinarios scissos atque consutos, calceamenta quoque perantiqua, quæ ad indicium vetustatis pictaciis consuta erant, induti veteribus vestimentis ; panes quoque quos portabant ob viaticum, duri erant et in frusta comminuti : perrexeruntque ad Josue, qui tunc morabatur in castris Galgala, et dixerunt ei, atque omni simul Israeli : De terra longinqua venimus, pacem vobiscum facere cupientes, » etc. (*Ex Augustino.*) Quod Gabaonitæ venerunt ad Jesum cum veteris panibus et saccis, ut putarentur (sicut fixerant) de terra venisse longinqua, quo eis parceretur. Constitutum enim erat a Domino ne aliqui terras illas inhabitanti parcerent, quo ingrediebantur. Nonnulli codices et Græci et Latini habent : « Et accipientes saccos veteres super humeros suos. » Alii vero, qui veraciores videntur, non habent « super humeros, » sed « super asinos suos. » Similitudo enim verbi in Græca lingua mendositate facilem fecit, et ideo Latina quoque exemplaria variata sunt : *Asinos* quippe et *ovinos* non multum ab invicem dissonant, quorum prius humerorum nomen est, posterius asinarum. Ideo est autem de asinis credibilis, quoniam se a sua gente longinqua missos esse dixerunt : unde apparet eos fuisse legatos, et inde magis in asinis quam in humeris necessaria portare potuisse, quia nec multi esse poterant, et non solum saccos, sed etiam utres portasse Scriptura commemorat. (*Ex Adamantio.*) Multæ ergo eorum qui ad salutem veniunt differentiæ designantur ; unde et nunc Gabaonitas hos, quorum historia recitata est, arbitror portiunculam quamdam esse eorum qui salvandi sunt ; ita tamen ut non absque alienius notæ iniectione salventur. Vides namque quomodo ligni cæcores, vel

aque gestatores fieri condemnantur, ab obsequium A populi, et altaris Dei ministerium, quoniam quidem cum dolo et calfiditate accesserunt ad filios Israel, pannis et calcementis veteribus induti, et cibum vetusti panis ferentes. Isti ergo veniunt ad Jesum cum omnibus vetustatibus suis et orant ab eo hoc tantum ut salventur. In quorum figura tale mihi videtur aliquid ostendi. Sunt quidam in Ecclesia credentes quidem et habentes fidem in Deum, et acquiescentes omnibus divinis præceptis, quique etiam erga servos Dei religiosi sunt, et servire eis cupiunt, sed ad ornatum Ecclesiæ vel ministerium satis prompti et apti non sunt, in actibus suis et conversatione propria obsceni satis et intus involuti, nec omnino deponentes veterem hominem cum actibus suis : et sicut isti pannis et calcementis veteribus obiecti, præter hoc quod in Deum credunt, et erga servos Dei vel Ecclesiæ cultum videntur esse devoti, nihil adhibentes emendationis vel innovationis in moribus. Istis ergo Jesus Dominus noster salutem concedit quidem : sed quodammodo salus ipsa eorum notam non evadit infamiae. Similis quoque etiam in libello qui appellatur Pastoris, de his figura describitur, ait enim : « Quæ est arbor quæ ulmus appellatur, quæ fructum non affert ; portat tamen vitem, quæ affert plurimum fructum, ex eo quod adminiculo est viti, quæ ejus viribus nitens, vel ferre vel servare plurimum fructum ; » etiam ulmus, quæ infructuosa est, necessaria videtur et utilis ex hoc ipso quod fructuosæ deserviat viti. Tale aliquid etiam intellige in Gabaonitis, qui non deposuerunt quidem veterem hominem cum actibus suis, ministrant tamen sanctis, et servant, et aliquid utilitatis impendunt : et tali quodam ordine ab Jesu salutem cum juramenti interpositione suscipiant. Ego volebam in Gabaonitarum ordine salutem consequi, nec in ligni cæsoribus vel aquæ gestatoribus numerari, sed intra Israelitas cuperem hæreditatem terræ repromissionis accipere. Observandum sane est quod solent hæretici legentes hunc locum calumniam facere, hî qui Vetus Testamentum non recipiunt, et dicunt : Vide quomodo nihil humilitatis habuit Jesus filius Nave, ut hominibus qui ad se supplices venerant salutem concedens, notam eis infamiae et jugum servitutis infligeret. Hæc si audit anima minus instructa in Scripturis divinis, infirmari continuo et periclitari potest, ut refugiat catholicam fidem. Non enim intelligunt eorum subreptiones. Jesus enim secundum mensuram fidei ipsorum competens erga eos judicium tenuit. Porro autem Raab meretrix, quæ fide integra cum omni domo sua exploratores Israeliticos plenissima devotione suscepit, et ex integro in consortium populi societatemque suscepta est ; et scriptum est de ea quia « apposita est ad filios Israel usque in hodiernum diem. » Isti vero quia non tam Israeliticæ gentis consortia dilexerunt, quam suæ perditionis metu perterriti cum calliditate et fraude accesserunt ad Jesum, quomodo potuerunt libertatem vite et regni consortium dolis servilibus pro-

mereri ? Denique vis nosse quam digna erga eos ab Jesu propter ignobilitatem mentis eorum conditio dispensata est, ipsi dicunt in sequentibus : « Quia audivimus quanta fecit Dominus vobis per mare Rubrum, et in deserto. » Et cum dicerent, et scire et audisse se divinis mirabilibus faterentur, nihil tamen fide digne, nihil tantarum virtutum admiratione gesserunt ; et ideo videns angustum eorum exiguumque propositum in fide, moderationem erga eos justissimam servat, ut salutem mererentur, qui parvum licet fidei detulerunt, nec tamen summam regni vel libertatis acciperent, pro eo quod fides eorum nullo operum nobilitaretur accessu. Quoniam fidem sine operibus mortuam haberi pronuntiat Jacobus (Jac. II). Verumtamen sciendum est quantum figurarum ex hujusmodi adumbrationibus edocemur, quod si qui tales sunt in nobis quorum fides hoc tantummodo habet ut ad ecclesiam veniat, seque inclinent, officia exhibeant, servos Dei honorent, ad ornatum quoque altaris vel ecclesiæ aliquid conferant ; non tamen habent studium ut etiam mores suos excolant, actus emendent, vitia deponant, castitatem colant, iracundiam mitigent, avaritiam reprimant, rapacitatem refrenent, maliloquia et stultiloquia vel scurrilitates, et obrectationum venena ex ore suo amittant ; sciant sibi, quia tales sunt qui emendare se nolunt, si in his usque ad senectutem ultimam pervenerint, partem sortemque ab Jesu Domino cum Gabaonitis esse tribuendam. (Ex Isidoro.) Tales igitur tantummodo quasi quoddam salutis signum intra ecclesiam temporaliter perferunt ; inter Israelitas autem, id est, inter sanctos Dei, regnum æternum et libertatem minime consequuntur.

(IBID.) « Et non percusserunt eos, eo quod jurassent eis principes multitudinis in nomine Domini Dei Israel. Murmuravit itaque omne vulgus contra principes ; qui responderunt eis : Juravimus illis in nomine Domini Dei Israel, et idcirco non possumus eos contingere, » etc. (Ex Augustino.) Quæri potest quomodo jurationem servandam esse crediderunt Hebræi Gabaonitis, quibus ita juraverant tanquam de longinqua terra venientibus, sicut illi mentiti fuerant. Sciebant enim se debellandos si cognitum esset Hebræis in ea terra eos habitare, quam promissam fuerant, interfectis habitantibus, retenturi. Mententibus ergo quod de longinqua terra ad eos venissent, juraverunt eis Israelitæ. Postquam vero cognoverunt ibi eos habitare, ubi omnes quos invenerant secundum Dei præceptum debellare oportebat, noluerunt tamen frangere jurationem : et licet eos mentitos esse didicissent, parcere maluerunt causa jurationis, cum possent utique dicere se tanquam illis jurasse quos eos esse crediderant, id est, de longinquo venientes ; cum vero aliud cognoverunt, præceptum circa eos Domini implendum erat, ut sicuti cæteri, expugnarentur. Deus autem hoc approbavit, nec parentibus succensuit, quamvis eum non interrogassent quinam illi essent, et ideo eos illi fallere valuisent. Unde non importune utique credendi sunt, et

si fallere homines pro sua salute voluerunt, non tamen fallaciter Deum timuisse in populo ejus; propterea nec succensuit Dominus jurantibus aut parentibus, adeo ut postea Gabaonitas ipsos, tanquam populi sui homines, de domo Saul vindicaverit, sicut Regnorum ostendit historia. Et quoniam juratio sic servata est, quamvis in hominibus qui mentiti sunt, ut ad clementiam sententia flecteretur, non displicuit Deo. Nam si e contrario jurassent aliquos se interfekturos, quos Gabaonitas in terra promissionis esse putavissent, et postea didicissent eos esse ab illa terra extraneos, et de longinquo ad se venisse, nullo modo arbitrandum est quod eos essent debellaturi causa jurationis implendæ; cum propter ipsam parcendi clementiam sanctus David etiam post verba quibus se Nabal interfekturum esse juraverat, utique sciens quem fuerat interfekturus, parere maluit, nec in re dnriore implere juramentum: magis Deo placere existimans, si quod ira perturbatus ad nocendum juraverat, non fecisset, quam si perfecisset.

## CAPUT III.

*De quinque regibus Amorrhæorum, qui congregati sunt ut pugnarent contra Gabaon, et de præliis Josue contra eos.*

(CAP. X.) « Misit ergo Adonisedec rex Jerusalem ad Ocham regem Hebron, et ad Pharam regem Hierimoth, ad Japhia quoque regem Lachis, et ad Dabir regem Eglon, dicens: Ascendite ad me, et fertè præsidium, ut expugnemus Gabaon, quare transfugerit ad Josue et ad filios Israel. Congregati igitur ascenderant quinque reges Amorrhæorum, rex Jerusalem, rex Hebron, rex Hierimoth, rex Lachis, rex Eglon, simul cum exercitibus suis, et castrametati sunt circa Gabaon appugnantes eam, » etc. Omnes illi qui prius amici erant, post amicitias et familiaritatem filiorum Israel, inimici sunt Gabaonitis, qui a filiis Israel fœdus pacis acceperant. Jobuseus rex Jerusalem, invitatis secum quatuor aliis regibus, Gabaonitas aggreditur expugnare. Sed Gabaonite videntes quinque reges adversum se in prælium conspirasse, nequaquam propriis viribus copiisque confidunt, sed mittunt ad Jesum auxilia postulantes. At ille divino permissu adest Gabaonitis latens auxilium. Ita vero jam mirabilia cœlitus ostenduntur. Dominus desuper saxa grandinis pluit, et quinque qui adversus Jesum pugnant exercitum vastat. Tunc videns Jesus divinam secum dexteram præliantem, et prosperis successibus cuncta procedere, novam quamdam et miram orationem extollit ad cœlum, dicens: Stet sol super Gabaon, et luna super valem Elon, donec expugnem populum istam. Et stetit sol et luna in loco suo, donec pervinceret Dominus inimicos eorum. Et stetit sol in medio, et non est progressus ad occasum in fine unius diei. Non fuit dies talis ante hoc, nec ita exaudivit Deus hominem, quia Dominus pugnavit pro Israel. Et fugerunt illi quinque reges, absconderuntque se in spelunca Mageddam. Hæc secundum histo-

riam quidem gesta, miracula divinæ virtutis universis sæculis prædicant, nec interpretatione extrinsecus indigent, in quibus gestorum lumen coruscat. Quid tamen in his spiritatis intellectus contineatur requiramus. Cum se anima humana Verbo Dei sociaverit, non debet dubitare statim se inimicos habituram, et eos quos ante habuerat amicos in adversarios esse vertendos: idque non solum pati se ab hominibus speret, verum etiam de contrariis virtutibus et spiritalibus nequitiis id sibi imminere pro certo sciat. Et ita sit ut qui amicitias expetit Jesu, multorum sibi sciat inimicitias tolerandas. Audiat apostolum Paulum hæc eadem confirmantem, cum dicit: « Omnes qui pie volunt vivere in Christo, persecutionem patiuntur (II Tim. III). » Sed et Salomon similia dicit: « Fili, inquit, accedens ad servitutem Dei, præpara animam tuam ad tentationem (Ecdi. II). » Oppugnantur ergo etiam nunc Gabaonite ejusdemque modi sunt, propter amicitias Jesu; et licet sint ligni cæsores, et aquæ gestatores, id est, licet sint ultimi meriti in Ecclesia, tamen in hoc ipso quia ad Jesum pertinent, impugnari a quinque regibus dicuntur. Sed tamen Gabaonite non derelinquuntur et spernuntur ab Jesu, et a ducibus, et a presulibus Israelitarum, sed infirmitati eorum auxilium ferunt. An non tibi videtur hoc agere in nobis, et hoc præcipere illud Apostoli mandatum: « Consolamini pusillanimes, sustinete infirmos, patientes estote ad omnes (I Thess. V); » et iterum: « Vos potentiores, imbecillitates infirmorum sustinete (Ibid.). »

(Ibid.) « Ascenditque Josue de Galgalis, et omnis exercitus bellatorum cum eo, viri fortissimi. Dixitque Dominus ad Josue: Ne timeas eos, in manus enim tuas tradidi illos, nullus tibi ex eis resistere poterit, » etc. (Ex Augustino.) Cum obsessi Gabaonite a regibus Amorrhæorum, misissent ad Jesum ut sibi subveniretur, ita Scriptura sequitur, et dicit: Ascendit Jesus a Galgalis ipse, et omnis populus bellatorum cum illo, omnis potens in fortitudine: et dixit Dominus ad Jesum: Noli timere illos, in manus enim tuas tradidi eos: non subsistet ex illis quisquam coram vobis. Ubi neque consultus est Dominus utrum eundem ad eos esset, sed ultro suis recte subvenire volentibus futuram victoriam prænuntiavit. Sic ergo posset, quamvis non consultus, de ipsis Gabaonitis admonere, qui essent, cum se longinquos esse mentirentur, nisi ei placuisset illa juratio quæ subjectis parcere cogeret. Crediderant enim Deo, quem audierant suo populo promississe quod illas gentes subverteret, eorumque terram obtineret, et hanc eorum fidem non eos prodendo remuneravit quodammodo.

(Ibid.) Cumque fugerent filios Israel, et essent in descensu Bethoron, Dominus misit super eos lapides magnos de cœlo usque Azeca; et mortui sunt multo plures lapidibus grandinis, quam quos gladio percusserant filii Israel. » Lapides sunt grandinis duræ vindictæ, quæ cœlitus mittuntur super hostes populi Dei; vel divinæ comminationes, quæ

in Scripturis sacris contra improbos leguntur prolata; ubi gehenna ignis et poena eis prædicatur perpetua. (Ex *Adamantio*.) Hoc ergo modo Jesus cum ducibus et virtutibus suis adest his qui pro nomine suo contrariis virtutibus oppugnantur: et non solum auxilium præstat in bello, verum et produxit tempus diei, et spatia lucis protelans, adventum discutit noctis; unde sequitur:

(*Isr.*) « Tunc locutus est Josue Domino in die qua tradidit Amorrhæum in conspectu filiorum Israel, et dixitque coram eis: Sol, contra Gabaon ne movearis, et luna, contra vallem Abialon. Steteruntque sol et luna. Nonne scriptum est hoc in libro justorum? Stetit itaque sol in medio cœli, et non festinavit occumbere spatio unius diei. Non fuit ante et postea tam longa dies, obediente Domino voci hominis, et pugnante pro Israel. Reversusque est Josue cum omni Israel in castra Galgalæ. » (Ex *eodem*.) Volumus ergo, si possumus, ostendere quomodo Dominus noster Jesus protelaverit lucem, et majorem fecerit diem, vel pro salute hominum, vel pro interitu contrariarum virtutum. Ex quo advenit Salvator, finis erat mundi; jam denique ipse dicebat: « Poenitentiam agite, appropinquavit regnum cœlorum (*Matth. iii.*) » Et tenuit et repressit diem consummationis, et adesce prohibuit. Videns enim Deus Pater salutem gentium pro ipsum solum posse constare, dicit ad eum: « Pete a me, et dabo tibi gentes hæreditatem tuam, et possessionem tuam terminos terræ (*Psal. ii.*) » Donec ergo paterna pollicitatio compleatur Ecclesiæ, et diversis nationibus crescat, atque introeat tota gentium multitudo, tunc demum omnis Israel salvetur: dies producit, et differtur occasus; nec unquam sol occubuit, sed semper oritur, dum credentium cordibus sol justitiæ lumen veritatis infundit. Cum vero repleta fuerit mensura credentium, et deterior jam ac decolor ætas ultimæ generationis advenerit, cum increscente iniquitate refrigescet charitas multorum, et perpatci remanserint in quibus fides inveniat, tunc jam breviabuntur dies. Idem igitur atque ipse Dominus novit et extendere diem cum salutis est tempus, et breviare diem, et producit nobis spatium lucis, sicut in die honeste ambulemus et opera lucis operemur. Sed et illud videamus quid sit quinque reges fugisse, et hos in speluncam confugisse. Sæpe diximus duplicem esse Christianorum pugnam: perfectis quidem et talibus qualis erat Paulus apostolus qui dicit: « Non erat eis pugna adversus carnem et sanguinem, sed adversus principatus et potestates, adversus mundi hujus rectores tenebrarum, et spiritalia nequitiae in cœlestibus (*Eph. vi.*) » Inferioribus vero et nondum perfectis, pugna adhuc adversus carnem et sanguinem geritur, his qui adhuc carnalibus vitiis et fragilitatibus impugnantur, quod etiam in hoc loco indicari puto. Etenim Gabaonitis hædictum esse a quinque regibus diximus bellum, quorum figuram dixi esse in his qui imperfecti sunt. Isti ergo a quinque regibus impugnantur. Quinque

A autem reges quinque sensus corporeos indicant: visum, auditum, gustum, tactum, odoratum; per aliquem etenim horum unumquemque necesse est decidere in peccatum. Quinque sensus quinque illis regibus comparantur, qui Gabaonitas, id est, carnales homines, impugnant.

(*Isr.*) « Fugerunt enim quinque reges, et se absconderunt in spelunca urbis Maceda. Nuntiatumque est Josue quod inventi essent quinque reges latentes in spelunca Maceda. Qui præcepit sociis, et ait: Volvite saxa ingentia ad os speluncæ, et ponite viros industrios qui clausos custodiant, et cætera. Quod autem dicuntur in spelunca loco confugisse, potest hoc fortasse indicari, quia spelunca locus est in profundum terræ defossus. Igitur etiam isti quos supra exposuimus sensus, cum se terrenis actibus in corpore positi demerserint, et nihil ad opus Dei, sed totum ad ministerium corporis egerint, in speluncas confugisse dicuntur. Sciendam tamen est quod ista ipsa regna, quorum nunc reges vincuntur ab Jesu et confugiunt ad speluncas, postmodum in sortem veniunt sanctorum, et pars Domini appellatur, sicut regnum Jerusalem, vel Achis, vel Ebron. In quo hoc arbitror indicari quod etiam isti quinque sensus quos supra exposuimus, in corpore positi, cum per Jesum fuerint devicti, ita ut infidelitas ab eis et incredulitas depellatur, et commoriantur peccato, in eo quod desinunt a ministerio, peccatis ipsis postmodum ministris utitur anima ad operandam justitiam Dei. Ita fit ut Jerusalem, in qua prius rex æquam regnabat et pessimus, postmodum in ea regnet David potens manu, et pacificus Salomon. Assident etenim ipsis etiam, quos supra diximus, corporalibus sensibus, hominum malignæ virtutes, quæ eos ad malas concupiscentias et fœda ministeria animæ præbendo sollicitent: quas malignas virtutes si fides Christi superaverit, et in ligno crucis ejus fuerint suspensi, ut de ipsis triumphet in ligno; et in ligno crucis suæ interemptis his, regnoque depositis, tunc efficitur anima in parte Dei, tunc Jerusalem regnum Dei efficitur, et templum in ea Domino constructur. An non hoc de semetipso sentiebat ille qui dicebat, « quia eramus et nos aliquando insensati, increduli, errantes, et servientes desideris et voluptatibus variis? » (*Tit. iii.*) » Non enim aliud est hoc quod Jerusalem aliquando sub rege fuisse Adonibezeth scribitur, vel aliæ civitates sub aliis; sed interim Jesus interfecit inimicos, non crudelitatem docens per hoc, sicut hæretici putant, sed futura in his quæ gerunt sacramenta designans: ut cum interimeret Jesus eos reges qui regnum peccati tenent in nobis, possimus illud implere quod dixit Apostolus: « Sicut exhibuimus membra nostra servire iniquitati ad iniquitatem, ita nunc exhibeamus membra nostra servire justitiæ ad justificationem (*Rom. vi.*) » Quid ergo est quod ab eis hoc loco velut credule culpatur? Hoc, inquit, scriptum est: Ponite pedes vestros super collum eorum, et interficite eos, namque hoc non

crudelitas, sed humanitas et benignitas invenitur. Utinam enim tu talis esses qui poneres pedes tuos super serpentes et scorpiones, et super omnem virtutem inimici, et conculcares leonem et draconem, et basiliscum regulum qui aliquando regnavit in te, et nutrit in te regnum peccati : ut, illis omnibus interemptis qui in te regnabant opere peccati, solus in te regnet Jesus Dominus noster.

## CAPUT IV.

*De pugna Josue contra urbem Macedam, et contra Lemnem, et contra Asedoth, quas percussit in ore gladii.*

(Isr.) « Eodem die Macedan quoque cepit Josue, et percussit in ore gladii, regemque illius interfecit, et omnes habitatores ejus. Non dimisit in ea saltem parvas reliquias, » etc. Bella quæ per Jesum geruntur, et regum atque hostium strages, celestium rerum umbræ typusque esse dicenda sunt, eorum duntaxat bellorum quando noster Dominus Jesus cum suo exercitu et magistratibus, id est, credentium populis atque eorum ducibus, contra diabolum et ejus angelos præliatur. Ipse enim est qui in Paulo et in Ephesiis pugnabat adversus principatus et potestates, et rectores tenebrarum harum, adversus spiritualia nequitie in celestibus (*Eph. vi*). Et vide, ingræte hæretice, quomodo ex integro veteribus nova concordant. Promissum est veteribus regnum terræ sanctæ, terræ fluentis lac et mel, quæ terra tunc a peccatoribus et pessimis incolis ac regibus tenebatur. Venit in istam terram Jesus cum exercitu Domini et Israeliticis ducibus, expugnat omnes, interimit et obtinet, et ob victoriæ meritum accipit eorum regna quos vicit. Tibi per Evangelia non promittuntur regna cælorum. Sed hæc regna non sunt vacua et inania : habent habitatores suos peccatores et nequam spiritus, refugas angelos ; ibi habitant illi adversus quos te apostolica tuba personans Paulus cohortatur ad prælium ; et sicut ibi dicebat Jesus quia bellum vobis erit adversus Amorrhæos et Pherezæos, et Hevæos, et Jebuseos, similiter hoc etiam tibi Paulus denuntiat, dicens : Non erit vobis pugna adversus carnem et sanguinem, id est, non sic pugnabimus sicut pugnaverunt antiqui, nec in terris nobis adversus homines habenda sunt prælia, sed adversus principatus, adversus potestates, adversus hujus mundi rectores tenebrarum harum (*Eph. vi*). Jam utique intelligis in quibus locis hujusmodi sunt tibi movenda certamina ; aut si non tibi sufficit intellectus, nisi etiam loca ipsa manifesta tibi voce signentur, audi in consequentibus ; adversus spiritualia nequitie, inquit, in celestibus. Audisti qui sint qui tibi bello de celestibus expellendi sunt, ut tu possis loca illa et regna cælorum hæreditatis sorte suscipere. Sed et Dominus in Evangelio nonne evidenter hoc designat, cum dicit : A diebus Joannis regnum cælorum vim patitur, et vim facientes diripiunt illud (Isr.). « Transivit cum omni Israel de Maceda in Lebna, et pugnabat contra eam, quam tradidit Dominus cum rege suo in manu

Israel : percusseruntque urbem in ore gladii, et omnes habitatores ejus, et non dimiserunt in ea ullas reliquias : feceruntque regi Lebna sicut fecerunt regi Jericho. De Lebna transivit cum omni Israel in Lachis, et exercitu per gyrum disposito oppugnabat eam, » etc. Utinam digni essemus quibus Dominus Jesus sapientia sua aulam panderet, et introduceret nos intra thesauros sapientie et scientie suæ, et eas de quibus nunc pedetentim conamur, tanquam per speculum et in ænigmate, aliqua ex parte contueri et inspicere figuras, plenius nobis reserare, et perfectius dignaretur aperire. Videres quomodo nobis claresceret, cujus potissimum ex spiritualibus hostibus his qui nunc impugnant Israel, spiritalem figuram tenuit ipse princeps de Maceda, et ille de Lachis, et ille de Lebna, aut cujus intra memetipsum vitii vel erroris quibus anima implicatur, formam tenent singuli quique horum quos Jesu duce interfecit populus Dei : hi videlicet qui audiunt mandata ejus, et præceptum custodiunt, quibus ipse tribuit facultatem calcandi super serpentes et scorpiones, et super omnem potestatem inimici. Oremus ergo ut et nostri pedes tales sint, tam speciosi, tam validi, qui possint calcare cervices inimicorum, qui possint ita calcare caput serpentis, ut calcasem nostrum mordere non possit. Qui enim pugnat sub Jesu duce adversus contrarias potestates, debet etiam illud promereri quod de prioribus bellatoribus scribitur : « Et reversus est, inquit, universus populus ad Jesum incolumis, et non mutavit quisque de filiis Israel in lingua sua. » Vides ergo quia qui sub Jesu militant incolumes debent redire de prælio, nec unquam debent ex jaculis maligni ignis vulnus accipere, non in corde pollui, non in cogitatione maculari, non per iram, non per cupiditatem, non per aliam quamlibet occasionem locum demoniacis vulneribus dare. Quod autem addidit quia nullus mutavit in lingua sua, hoc mihi videtur ostendi quia de victoria se nemo jactavit, nemo virtuti suæ, quia superavit, ascribit : sed scientes quia Jesus est qui victoriam tribuit, ipsi in lingua non morantur. Quod bene intelligens apostolus Paulus dicebat : Non ego autem, sed gratia Dei quæ in me est (*I Cor. xv*). Puta autem quia ad hoc respiciat illud Domini mandatum quo ait (*Luc. xvii*) : Cum autem feceritis hæc omnia, dicite quia servi inutiles sumus, quod debemus facere fecimus ; et in hoc enim simili modo rerum prospere gestarum prohibere videtur jactantiam. Sed Marcion, ac Valentinus, et Basilides, ceterique cum ipsis, dum hæc nolunt, sicut sancto Spiritu dignum est, intelligere, declinaverunt a fide, et inseruerunt se impietatibus multis, alium Dominum legis, et alium mundi creatorem ac judicem proferentes ; velut per hæc quæ scripta sunt crudeliam quod calcare hostium cervices jubentur, atque in ligno suspendere reges terræ illius quam violenter invadunt. Atque utinam Dominus meus Jesus Filius Dei istud concedat, et jubeat, pedibus meis conculcare spiritum fornicationis, et calcare super cervi-

ces spiritus iracundiæ et furoris, calcare avaritiæ A  
 dæmonium, calcare jactantiam, contere pedibus  
 superbiæ spiritum : et cum hæc fecero, 'operis gesti  
 summam non mihi sed cruci ejus appendere ! sequens  
 Paulum dicentem, quia per ipsum mihi mundus cru-  
 tifixus est (*Gal. vi*) ; et ea quæ superius memoravi-  
 mus, quod ait, Non ego autem, sed gratia Dei, quæ  
 in me est (*I Cor. xv*) ; quod si ita facere meruero,  
 beatus ero. Et dicitur etiam mihi quod dicebat an-  
 tiquis Jesus (*Deut. xxxi*) : Viriliter agite, et confort-  
 amini a facie eorum, quia Dominus Deus tradidit  
 vobis omnes inimicos vestros in manus. (LXX.) « Per-  
 cussit itaque Josue omnem terram montanam, et  
 meridianam, atque campestram, et Asedoth cum  
 regibus suis. Non dimisit in eis ulla reliquia, sed  
 omne quod spirare poterat interfecit, sicut præce-  
 perat ei Dominus Deus Israel, » et reliqua. Domi-  
 nus meus Jesus Christus, bellator adversus virtutes  
 contrarias ; et ejecit eas de civitatibus quas posside-  
 bant, id est, de animabus nostris ; et interfecit reges  
 qui regnabant in animabus nostris, ne ultra regnet  
 in nobis peccatum : ut posteaquam interemerit re-  
 gem peccati de civitate animæ nostræ, fiat anima  
 nostra civitas Dei, et regnet in ea Deus, et dicatur  
 ad nos quia regnum Dei intra vos est (*Luc. xvii*).  
 Est ergo opus summæ misericordiæ hoc quod hære-  
 tici crudelitatis accusant, quod Dominus Jesus adum-  
 bratum prius a filio Nave per singulas quasque civi-  
 tates, nunc in veritate per singulas quasque animas  
 credentium complet ; ut quæ possidebantur a malis  
 et pessimis regibus, secundum principem aeris mundi  
 hujus spiritus, qui nunc operatur in filiis diffidentiae,  
 expulsis his et peremptis, facere eas dignetur habi-  
 taculum Dei et Spiritus sancti templum, ut membra  
 quæ servierant sub rege iniquo iniquitati ad immun-  
 ditiam, nunc serviant justitiæ ad sanctificationem.  
 Sic ergo intellige quod interfecit regem Jericho, et  
 regem Abi, et regem Lebna, et regem Lachis, et re-  
 gem Hebron, ut isti omnes qui ante sub regibus pes-  
 simis peccati legem colebant, nunc sub Dei legibus  
 agant. Sed et de ipsis interpretationibus nominum  
 si curiosius ac diligentius perscrutemur, inveniatur  
 significantia nominum nunc ad mali regni, nunc etiam  
 ad boni intelligentiam posse conferri. Ut puta Lebna  
 candor interpretatur : candor autem diverse intelli-  
 gitur, est enim candor lepræ, et est candor lucis.  
 Possibile ergo est etiam nominis hujus interpretatio-  
 nem utriusque stratus differentias indicare, ut can-  
 dorem quidem lepræ habuerit Lebna sub regibus malis ;  
 quo destructo atque subverso, ad Israeliticum  
 regnum pervenit Lebna, et candorem lucis accipit,  
 qui candor in Scripturis et laudabilis et culpabilis  
 ponitur. Et iterum Lachis interpretatur iter. Iter  
 autem et laudabile et culpabile in Scripturis habe-  
 tur, quod difficile non est probare, sicut dixit in  
 psalmo : « Et iter impiorum peribit (*Psal. ii*). » Et  
 alibi e contrario : « Iter rectum facite pedibus ve-  
 stris (*Isa. lvi, 14*). » Potest ergo intelligi etiam  
 quod hic iter impiorum fuerit primo civitas Lachis :

quo destructo atque subverso, postmodum Israelitis  
 regnantibus ad iter perducta sit rectum. Similiter  
 autem et Hebron, quam interpretari dicitur conjun-  
 ctionem vel conjugium. Conjunctio vero animæ no-  
 stræ fuit primo cum malo viro, et marito pessimo  
 diabolo : quo destructo et extincto, liberata est  
 anima a lege prioris et pessimi viri, et conjuncta est  
 viro bono et legitimo, illi de quo dicit apostolus Pau-  
 lus : « Statui autem vos uni viro virginem castam  
 exhibere Christo (*II Cor. i*). » Sic etiam nominum  
 ipsorum intelligentia ad genuinum hunc uniuscujus-  
 que civitatis consonat statum. Ego puto quod sic  
 melius est intelligi bella Israelitica, et quod sic præ-  
 liari Jesus putetur, et destruere urbes ac regna sub-  
 vertere. Sic enim et illud dictum religiosius et cle-  
 mentius apparebit, quod dicitur ita subvertisse et  
 vastasse singulas quasque urbes, ut nihil in eis re-  
 linqueretur quod spiraret, neque qui salvus fieret,  
 neque qui effugeret. Utinam enim Dominus de ani-  
 mabus credentibus sibi, et quas suo vindicat regno,  
 et de mea ipsius anima ita ejiciat et exstinguat om-  
 nia priora mala, ut nullus in me malitiæ sensus ul-  
 tra respiret, nullus concupiscentiæ alicujus malæ in  
 me salvetur affectus, nullus supersit qui effugiat  
 sermo malus de ore meo. Sic enim potero, Jesu duce,  
 purgatus ab omnibus prioribus malis, effici in  
 civitatibus filiorum Israel, de quibus scriptum est :  
 « Ædificabuntur civitates Judæ, et habitabunt in  
 eis (*Psal. lxxviii*). » Etenim nunc uniuscujusque no-  
 strum animam Jesus destruit et ædificat. Et sicut  
 dicebamus tunc cum super Jeremiam dissereremus,  
 qui acceperat verba in os suum, quibus subverteret,  
 ædificaret, evelleret, et plantaret : ita etiam nunc in  
 his quæ habemus in manibus intelligendum puto,  
 non secundum hæreticos vel secundum Judæos, sed  
 sicut ibi ad Jeremiam dictum est : « Ecce constitui  
 te hodie super gentes et regna, eradicare, et sub-  
 vertere, et perditum dare, et post hæc ædificare, et  
 plantare (*Jer. i*) ; » ita et de his quæ per Jesum scri-  
 buntur gesta credendum est, imo potius de his quæ  
 per nostrum Dominum Jesum etiam nunc geruntur  
 in nobis. Primum namque opus verbi Dei est eradi-  
 care præcedentia mala, spinas ac tribulos vitiorum.  
 Dum enim istæ malæ radices occupatam detinent  
 terram, non potest semina bona et sancta suscipere.  
 D  
 Necessarium ergo et primum hoc opus verbi Dei est  
 plantas eradicare peccati, et omnem plantam quam  
 non plantavit Pater cælestis, evellere ignique consu-  
 mere. Secundi jam operis est plantare. Quid est  
 quod plantat Deus ? Moyses dicit, quia « plantavit  
 Deus paradysum (*Gen. ii*). » Sed et nunc plantat  
 Deus, et quotidie plantat in animabus credentium. In  
 anima enim de qua excidit iram, mansuetudinem  
 plantat ; et de qua excidit superbiam, plantat humi-  
 litatem ; de qua eradicat lasciviam, pudicitiam plan-  
 tat ; de qua exstirpat ignorantiam, inserit scientiam.  
 Non tibi videtur talis debere esse plantatio quam  
 plantat Deus, magis quam insensibilium terrenorum-  
 que lignorum ! Est item in primis opus verbi Dei

destruere ædificia diaboli quæ in anima construxit humana. Ille etenim turres superbiz in unoquoque nostrum et muros elationis extruxit; hæc sermo Dei subvertit et subruit; ut merito secundum Apostolum effici mereamur Dei cultura, Dei ædificatio super fundamentum apostolorum et prophetarum positi, ipso summo angulari lapide Jesu Christo, ex quo junctura ædificii crescat in templam Dei in Spiritu sancto, et ita demum effici mereamur in hæreditate terræ sanctæ in parte Israelitica, extinctis omnibus et peremptis hostibus nostris; ita ut non relinquatur ex eis qui respiret in nobis, sed solus respiret in nobis spiritus Christi per opera et sermones, et scientiam spiritalem, secundum doctrinam Jesu Christi Domini nostri.

## CAPUT V.

*De Jabin rege Asor et cæteris regibus qui convenerunt in unum ut pugnarent contra Israel, quos percussit Josue in ore gladii, et subnervavit equos eorum, currusque combussit igni.*

(CAP. XI.) « Quæ cum audisset Jabin rex Asor, misit ad Jobad regem Madon, et ad regem Simeron, et ad regem Asaph, ad reges quoque aquilonis qui habitabant in montanis, et in planitie contra meridiem Cineroth. In campestribus quoque, et in regionibus Dor juxta mare; Chananæumque ab oriente et occidente, et Amorrhæum, atque Hethæum, ac Pherezeum, et Jebuzæum in montanis; Hevæum quoque qui habitabat ad radices Hermon in terra Maspha. Egressique omnes cum turmis suis, populus multus nimis, sicut arena quæ est in litore maris: equi quoque et currus immensæ multitudinis. Conveneruntque omnes reges isti in unum ad aquas Merom, ut pugnarent contra Israel. Dixitque Dominus ad Josue: Ne timeas eos: cras enim hac eadem hora ego tradam istos omnes vulnerandos in conspectu Israel. Equos eorum subnervabis, et currus igne combures, » etc. « Alia autem editio hunc locum ita habet: « Ut autem audivit, » inquit, « Jabin rex Assur, misit ad Jobac regem Amorrhæorum, et ad regem Simeron et ad regem Bazæ, et ad reges qui erant circa Sidonem magnam, et per montana; et in Arabia quæ est contra Cenereth, et ad campos, et in Fanendor, et ad Chananæos qui erant in maritimis ab oriente, et ad Amorrhæos qui erant in maritimis, et ad Cethæos, et Pherezeos, et ad Jebuzæos qui erant in maritimis, in montanis, et ad Hevæos qui erant sub deserto Mosoma. Et exierunt ipsi et reges eorum cum ipsis, sicut est arena maris in multitudine, et equi et quadrigæ multæ nimis. Et convenerunt omnes reges isti, et coierunt in unum ad aquam maram pugnare contra Israel. Dixit autem Dominus ad Jesum: Non verearis faciem illorum, quia crastina die ad hanc horam ego tradam eos sauciatos ante faciem Israel. Equos eorum subnervabis, et currus eorum igni exures. Et venit Jesus et omnis populus bellatorum cum eo super ipsos ad aquam maram, et subito irruit super eos

« in monte: et tradidit eos Dominus in manus Israel, et cadentes eos persecuti sunt usque ad Sidonem magnam, et usque in Massesoth ad aquam maram, et usque ad campos Masse contra orientem; et trucidaverunt eos, usquequo non supereset ex eis qui evaderet. Et fecit eis Jesus sicut præceperat ei Dominus. Equos eorum subnervavit, et currus eorum exussit igni. Et conversus est Jesus in ipso tempore, et occupavit Assur, et regem ejus interfecit gladio. » Vides quanta adversus Jesum et Israeliticum populum contrariarum virtutum et pessimorum dæmonum concitentur bella. Isti omnes dæmones ante adventum Domini et Salvatoris nostri, quieti et securi humanas animas possidentes, in earum membris mentibusque regnabant.

**B** Sed ubi in terris apparuit gratia et misericordia Salvatoris nostri Dei, docens nos ut pie et sancte in hoc mundo, et segregati ab omni peccati contagione, vivamus; et libertatem suam atque imaginem Dei, in qua ex initio creata est, anima unaquæque recipiat: ista de causa ab illis iniquis veteribus possessoribus earum, pugnae exoriuntur et prælia. Et si opprimantur primi, multo plures exsurgent postmodum, atque in unum coeunt et conspirant in malum, qui semper dissident a bono. Et si secundo victi fuerint, iterum tertio aliæ virtutes nequiores exsurgunt; et si fortassis quanto magis augetur populus Dei, et multo plus crescit et multiplicatur, tanto illi plures ad oppugnandum conspirant. Sed tentemus, prout Deus dederit, discutere singulos quosque adversi exercitus reges, et pro significantiis nominum uniuscujusque etiam opus quod gerit malitia contemplari. Primus omnium, qui et auctor belli hujus nominatus est, congregans cæteros et ad conjurationem scelesteris invitans, Jabin nominatur, qui erat rex Assur: ipse est enim qui etiam dicitur cæteros convocasse. Jabin autem interpretatur sensus sive prudentia. Quis est autem iste sensus sive prudentia, nisi ille quem dixit Isaias propheta sensum magnum? ait enim: « Et inducam super te sensum magnum principem Assyriorum, qui dixit: Mea virtute faciam, et sapientia sensus mei auferam fines gentium, et virtutem eorum deprædabor (Isa. x). » Iste ergo est qui ibi quidem dicitur sensus magnus, rex Assyriorum. Hic autem Jabin sensus et prudentia. Etenim serpens fuisse in paradiso scribitur prudentior omnium bestiarum quæ erant super terram. Sed et villicus iniquitatis prudenter fecisse dicitur illa quæ fecit (Luc. xvi). Hic igitur Jabin rex est Assur. Interpretatur Assur aula: est ergo omnis terra aula hujus regis, qui totius terræ velut aulae unius obtinet principatum, qui est diabolus. Vis autem videre quoniam aula ipsius est terra? In Evangeliiis scriptum est (Luc. xi), quia fortis in aula sua securus dormit, usquequo veniat fortior, qui et ipsam alliget et quæ possedit auferat. Est ergo rex aulae princeps hujus mundi. Iste mittit ad Jobac; ipse est enim qui mittit ad omnes gentes et invitat ad præliam, mittit ad regem Marom. Jobac autem interpretatur inimicitia,



Marom autem amaritudines. Mittit ergo diabolus ad A aliam virtutem inimicam, ex angelis sine dubio re-fugis, quæ virtus amaritudinum rex est : quo auctore scilicet et operam dante omnes in hoc mundo amaritudines et asperitates quæ miseris mortalibus infliguntur eveniunt. Sunt enim diversa genera peccati : neque enim amarius aliquid potest esse peccato, etiamsi quædam dulcia videantur in primis, sicut Salomon scribit; sed « in novissimis, inquit, amarius felle quod dulce in initiis videbatur, et acutius acie gladii (Prov. v). » Justitiæ vero natura contraria est. In initiis videtur felle amarior, in novissimis vero melle dulcior invenitur, cum virtutis fructus attulerit. Misit ergo diabolus ad Jobac inimicum amaritudinis regem. Mittit etiam ad regem Simeron, qui interpretatur exauditio : sed duplex videtur esse B exauditio; aliquando quidem in bonam partem, cum exaudit hominem Deus, secundum quod et Simeon unus ex patriarchis nomen accepit, quandoquidem exaudierat Deus precem matris ejus; dicitur autem e contrario exauditio, quando quis exaudit præceptum diaboli. Solet enim dicere diabolus : « Si procidens adoraveris me, tibi dabo hæc omnia (Matth. iv). » Sed tu si Jesum sequeris, dicis ei : Dominum Deum meum adorabo, et illi soli serviam (Ibid., x). Audiunt autem illum qui sunt ex parte ipsius, sicut et nunc fecit iste Simeron, illum audiens venit ad pugnam contra Jesum. Mittit autem ad regem Zife. Zife autem interpretatur quomodo fluit? velut admirantis sermone, quia eo revera mirandum est quomodo fluunt omnia quæ sunt hujus mundi carnalia, et quomodo fluxa sunt et caduca quæ apud infideles homines permanentia deputantur et perpetua. Qui autem rerum considerat rationem, et vitæ hujus quæ putantur bona contuetur quomodo semper mutantur et transeant, iste dicit, Quomodo fluit! Vocat autem contra filios Israel diabolus, etiam eos qui circa Sidonem magnum sunt \*. Ego quidem cum in locis Sidonis aliquoties demoratus sim, nunquam comperi duas esse Sidonas, unum magnam, et aliam parvam, quantum ad terrenum pertinet locum. Sed si ad interpretationem nominis redeant, quod signi- C ficat venatricem vel venatores, video quod adversariorum virtutum, in quibus multæ sunt differentiæ, quidam sint venatores in parvis, et quidam venatores in magnis; id est quod alii per parva peccata animas, alii per magna decipiunt : verbi gratia, cum in voluptatibus sæculi et carnis deliciis anima decipitur, in parvo capta dicenda est; cum vero providentiam negat, aut dæmones quasi Dominum colit, hæc in magno putanda est esse decepta. Et ideo nunc mittit ad Sidonem magnam, qui quasi ad venationem convenient contra filios Israel. Mittit et ad montana. Montana intelligenda sunt omnis sensus qui extollit et erigit adversus scientiam Dei. Mittit et in Arabiam. Interpretatur autem Arabia insidiæ. Invitat ergo virtutes insidiatrices, quæ humanas animas non

vi et ex apertis impugnationibus, sed improvisis insidiis callidisque decipiant, forte quales sunt et illi de quibus Propheta dicit : « Insidiatur in occulto sicut leo in cubili suo; insidiatur ut rapiat pauperem (Psal. x). » Sed si quis talis est qualis Paulus, confidenter dicit : « Non enim ignoramus astutias ejus (I Cor. ii). » Mittit et in Cenereth. Cenereth autem quasi lucernæ dicuntur; non lucernæ, sed quasi lucernæ. Aliud est lucerna, aliud quasi lucerna. Joannes lucerna erat ardens, quia erat angelus lucis. Quasi lucerna autem est ille qui transfigurat se in angelum lucis. Et si vis adhuc evidentius noscere differentias lucernarum et quasi lucernarum quæ in Cenereth sunt, audi Salvatorem dicentem ad discipulos suos : « Sint lumbi vestri præcincti, et lucernæ vestræ ardentes (Luc. xii). » Sunt ergo eorum qui in Ecclesia fidem catholicam docent, et plebem Dei verbo veritatis illuminant, lucernæ ardentes; hi vero qui hæretica dogmata ex Scripturæ sanctæ testimoniis falsis assertionibus docent, pro eo quod Scripturas legunt, videntur accendere lucernas, sed quia falsis assertionibus utuntur, non sunt lucernæ, sed quasi lucernæ. Misit etiam ad campos : necesse enim erat ut in societatem suam vocaret etiam eos qui in campis sunt et humilia sapiunt ac terreni. Misit et in Fenendor, qui interpretatur conversio, et conversio duplex intelligitur. Est enim conversio qua quis ad Dominum convertitur, vel a Deo est conversus ad bona; est autem et alia conversio, qua rex Jabin, id est diabolus, ad se animas convertit, sicut et de Simeron supra exposuimus : qualis putanda est et illa conversio quæ Galatis acciderat, de qua dicebat Apostolus : « Currebatis bene, quis vos impedivit (Gal. v), » hoc est, convertit a cursu bono et itinere recto? Mittit et ad eos qui erant in maritimis locis, ad vicinos fluctuum Chamaæos, qui interpretantur velut commoti, id est, qui semper in motibus et fluctibus permoverent cuncta. Et ad maritimos Amorrhæos. Amorrhæi interpretantur amarescentes, qui sunt similes illis de quibus superius disseruimus. Talis igitur est catalogus totius militiæ invisibilium hostium qui congregantur per regem Jabin ut expugnent nos qui sequimur Jesum ducem et Salvatorem nostrum. Sed quid dicit Dominus? « Ne verearis, inquit, a facie eorum, quia crastino in hac hora tradam eos in manus tuas. » Video quod hodie non possumus omnes illos opprimere, nec cunctos interficere; sed crastino perimentur, id est, post consummationem hujus sæculi. Tunc etenim omnis virtus contraria destruetur, et tunc penitus vincatur, cum videris his qui a sinistris sunt dici : « Ite in ignem æternum, quem præparavit Deus diabolo et angelis ejus (Matth. xxv). » Tunc enim et nos, si vicerimus, et obtinere poterimus sequentes Jesum ducem, percipiemus regnum quod præparavit Pater sanctis suis, et his qui mandata ejus et justitias impleverint.

\* Notanda hæc peregrinationis mentio, de qua nihil alias.

(*ISA.*) « Itaque percussit eos omnes Josue, ita ut nullas ex eis dimitteret reliquias. Fecit sicut præcepit ei Dominus : equos eorum subnervavit, currusque combussit igni; reversusque statim cepit Asor, et regem ejus percussit gladio. » Mandatum dicitur a Deo datum ad Jesum ut posteaquam expugnasset omnes hostes superius memoratos, nulli parceret, sed equos eorum subnervaret. Unde velut mandatum Domini implens Jesus, fecit sicut præcepit ei Dominus. In quo primo omnium dicimus ad eos qui volunt secundum litteram tantum hæc intelligi, quia si quidem superfuisset aliquis ex hostibus, consequens videbatur equos subnervari, ne uteretur eis qui se convertit ad fugam. Nunc vero eam dicatur nullus relictus esse qui spiraret in hostibus, cur etiam equi subnervari jubentur, qui utique usui et ministerio poterant esse victoribus? Vis autem scire quia solent Israelitæ hujus rei et utilitatis habere curam, et devictis hostibus, ad suos usus reservare jumenta; in Numeris legimus scriptum : « Qui cum ex præcepto Dei processissent pugnare adversus Madianitas, devictis hostibus, aliquot millia asinorum de præda hostium reservarent, suis usibus profuturos (*Num.* xxxi); nec omnino refertur ibi quia interfecerint asinos, hostibus separatis. Nos ergo Scripturam sanctam sibi metipsi conferentes, et spiritualibus spiritalia comparantes, requiramus quid sit quod de asinis quidem non est scriptum quia subnervati sunt, nec Madianitarum spolia et animalia interempta dicuntur, sed profuisse Israeliticis usibus. De istis autem qui non habebant asinos, sed equos, præcipit ipse Dominus et dicit : Equos eorum subnervatis, quod et Jesus, sicut a Domino mandabatur, explevit. Petamus hæc accidisse fortuita, ut equi hostiles interimerentur, et asini servarentur? et in præceptis Dei fortuita aliqua arbitramur incidere? An dignius videtur ut putemus magis in his Scripturam mysticum aliquid indicare? Denique et filii Israel nunquam equis usi fuisse referuntur; et lex nihil de equis, sed de asinis mandat, ut pote animalibus quæ ad humanos labores juvandos et onera eorum portanda videntur existere: equi vero magis ad hominum perditionem; hoc enim est quod per eos in præliis geritur, lascivi motus animal et superbæ cervicis accipitur. Sunt ergo asini frequenter in Scriptura et in typo gentium positi, sicut et Salvator ostendit super asinum sedens, nunquam autem equo sedens refertur. Sed et cum discipulos mittit ad solvendam asinam et pullum asinæ, dicens eis : « Si quis vos interrogaverit, dicitis quia Dominus opus ea habet (*Matth.* xxi); » et sedens super eam ingreditur Jerusalem, et nunquam equum sedens ingressus esse dicitur. Sed et propheta de ipso ita pronuntiaverat, quod sedens asino veniret ad Jerusalem, dicens : « Ecce rex tuus mansuetus, sedens super subjugale (*Zach.* ix). » Et pullum asinæ novellum, et exterminabit currus Ephrem, et equum ex Jerusalem. Vides ergo quia secundum prophetæ sententiam, qui super asinum sedet exterminavit

currus Ephrem et equum ex Jerusalem : et ideo videntur mihi asini quidem, ut diximus, figuram servare eorum qui ex gentibus credunt, super quos sedisse scribitur Dominus. Equi vero qui exterminantur, et currus, figuram tenere horum qui, in cælestibus positi, per lasciviam et superbiam deciderunt, quando vel ad filias hominum concupiscendas semetipsos incentores præbuerunt, et secuti sunt illum qui dixit : « Ponam super nubem sedem meam, et ero similis Altissimo (*Isa.* xiv). » Inde fortassis est quod et Propheta dicit : « Falsus est equus ad salutem (*Psal.* xxxii). » Et iterum dicit de his qui in dæmonibus confidebant : « Hi in curribus et hi in equis, nos autem in nomine Domini Dei nostri invocabimus (*Psal.* xix). » Neque enim currus et equus Deo contulisset quantum ad invocandum expectat; sed utique hoc ostendit quia sicut nos invocamus Deum verum, ita et illi invocant currus et equos, id est, dæmones, quos invocabant gentes illæ quæ adversum Israel bellum gerabant.

(*IBID.*) « Asor enim antiquitus inter omnia regna hæc principatum tenebat. Percussitque omnes animas quæ ibi morabantur. Non dimisit in eis ullas reliquias, sed usque ad internecionem uniceversa vastavit. ipsamque urbem combussit incendio, et omnes per circuitum civitates, regesque earum cepit, et cætera. » Jabin vero rex fuit Assur, Assur autem aula interpretatur, sicut supra jam ostensum est. Hæc est autem Assur quæ omnium horum regnorum obtinere dicitur principatum : qui intelligitur princeps hujus mundi, regnans in aula, id est super terram, vel, quod magis est, in vitis carnis; sed et omnium illorum regum, quorum vim secundum nominum suorum interpretationem jam ante exposuimus, et qui ab Jesu dicuntur interfecti. Quorum nos (si recte sub Jesu duce militamus) debemus in nobismetipsis abscidere vitia, et accepto spirituali gladio, subnervare omnem equitatum istam pessimorum vitiorum; sed et currus debemus incidere, id est, omnem a nobis arrogantiam et elationis spiritum reseccare, et ultra non in equis, neque in armis, sed in nomine Domini nostri Dei invocemus. Quomodo autem in nobismetipsis complebitur et hoc quod dicitur : « Non dimittatur ullus qui respiret? » Videndum est qui sit qui ne respirare quidem per præceptum Domini jubetur. Verbi causa, si ira ascenderit in cor meum, potest fieri ut opera quidem iracundiæ non impleam, vel metu deterritus, vel etiam futuri judicii timore cohibitus; sed non, inquit, hoc sufficit : agendum tibi potius est quatenus ne ipsa quidem commotio iracundiæ locum habeat intra te; si enim effervescent animus et conturbatur, etiamsi non compleverit opus, ipsa tamen perturbatio indecens est ei qui sub Jesu militat duce. Similiter et de concupiscentiæ vitio, et de tristitiæ cæterisque omnium sentiendum est; de quibus cunctis ita agendum est discipulo Jesu, et nihil horum omnino in ejus corde respiret; ne forte

si parvi cujuslibet vitii aut consuetudo aut cogitatio relinquatur in corde, processu temporis convescat, et paulatim vires latitando conquirat, atque ad ultimum revocet nos ad vomitum nostrum, et flant huminis, cui hoc acciderit, novissima pejora prioribus.

(LXX.) « Omnemque prædam istarum urbium ac jumenta diviserunt sibi filii Israel, cunctis hominibus interfectis. » (Ex Augustino.) Propter hoc nullo modo putanda est ista crudelitas, quod nullum vivum in civitatibus sibi traditis dimittebat Jesus, quia Dominus hoc jusserat. Qui autem existimabant hinc Deum ipsum fuisse crudelem, et propter hoc Veteris Testamenti verum Deum fuisse auctorem nolunt credere, tam perverse de operibus Dei quam de peccatis hominum judicant, nescientes quid quisque pati dignus sit, et magnum putantes malum cum casura dejiciuntur, mortalesque moriuntur. (Ex Adamantio.) « Beatus qui tenebit, et allidet parvulos tuos ad petram (Psal. cxxxvi). » Babylonis scilicet parvulos, qui nulli alii intelliguntur nisi cogitationes malæ, quæ cor nostrum confundunt et conturbant: hoc enim interpretatur Babylon. Quæ cogitationes cum parvulæ sunt et initia habent, tenendæ sunt et allidendæ ad petram, quæ est Christus, et ipso jubente jugulandæ, ut nihil in nobis resideat quod respiret.

(IBID.) « Sicut præceperat Dominus Moysi servo suo, ita præcepit Moyses Josue, et ille universa complevit: non præterit de universis mandatis, ne unum quidem verbum, quod jusserat Dominus Moysi, » et cætera. Hic Moyses sermo ipse legis appellatur, sicut et in Evangelio dicit: « Habent Moysen et prophetas, audiant illos (Luc. xvi). » Lex ergo præcepit nobis interficere omnes reges peccati qui nos provocant ad peccatum, sicut fecit Jesus, et non est transgressus quidquam ex omnibus quæ constituit ei Moyses. Diximus quidem, secundum priorem expositionis ordinem, quia quæcunque lex Dei, quæ nunc Moyses appellatur, constituit, implet Jesus in nobis; et ipse est qui interimit in nobis vitia, et nequissima peccati regna subvertit. Potest tamen etiam de ipso Domino et Salvatore nostro dici, quia omnia quæ præcepit Moyses in lege, fecit Jesus, et non est transgressus quidquam. Quoniam quidem dicit Apostolus, « quia cum venisset plenitudo temporum, misit Deus Filium suum factum ex muliere, factum sub lege (Gal. iv). » Si ergo factus est sub lege, cum lege etiam omnia quæ lex mandabat implevit, ut nos redimeret a maledicto legis. Sed et ipse de se dicit: « Non veni solvere legem, sed adimplere (Matth. v). »

#### CAPUT VI.

De eo quod Josue omnes reges Chanaan et civitates eorum pugnando cepit, absque Hevæum qui habitabat in Gabaon.

(IBID.) « Multo tempore pugnavit Josue contra reges istos. Non fuit civitas quæ se traderet filiis Israel, præter Hevæum qui habitabat in Gabaon; et omnes bellando cepit. » Septuaginta: « Et non

erat civitas quæ non erat tradita filiis Israel. » (Ex Augustino.) Quæritur quomodo hoc verum sit, cum nec temporibus postea judicum, nec temporibus regum, omnes omnino illarum septem gentium civitates capere potuerint Hebræi. Sed aut sic intelligendum est quod ad nullam civitatem bellando accessit Jesus quam non cepit; aut certe nulla non capta est, sed earum quæ in regionibus supra commemoratis fuerunt. Enumerate autem omnes regiones in quibus fuerunt civitates de quibus facta est ista conclusio: *Et omnes cepit in bello.* (Ex Adamantio.) Non dixit quia accepit Jesus aliquos in bello, et aliquos non accepit; sed omnes accepit, id est omnes cepit, et omnes peremit. Omnes etenim species peccati expurgavit Dominus Jesus, omnesque destruxit. Cuncti namque eramus insensati, increduli, errantes, servientes desideriiis variis, in malitia et invidia agentes, odibiles et odientes invicem, et omne illud quodcumque est peccati genus quod invenitur in hominibus antequam credant. Bene ergo dicit quia omnes occidit Jesus qui exierunt ad bellum, nulla enim species peccati capta est qua non sit superior Jesus, qui est Verbum et sapientia Dei. Omnia enim superat et vincit. An non ita credimus quia omne genus peccati cum ad salutare lavacrum venimus auferatur? Hoc enim et Apostolus designat, qui eum universæ peccatorum genera dinumerasset, addit post omnia, et dicit: « Et hæc quidem aliquando fuistis, sed abluti estis, sed sanctificati estis in nomine Domini nostri Jesu Christi (I Cor. vi). » Hoc ergo modo omnes cepisse in prælio dicitur, et omnes peremisse.

(IBID.) « Domini enim sententia fuerat ut indurarentur corda eorum, et pugnarent contra Israel, et caderent, et non mererentur ullam clementiam, et ac perirent, sicut præceperat Dominus Moysi. » (Ex Augustino.) Secundum Septuaginta vero ita legitur: « Quia per Dominum factum est confortari cor eorum, ut obviam irent ad bellum ad Israel, et exterminarentur, ita ut non daretur eis misericordia, sed ut exterminarentur, sicut dixit Dominus ad Moysen. » Ita dictum est hoc per Dominum factum confortari cor eorum, hoc est, obdurari cor eorum, sicut de Pharaone: quod divino altoque judicio juste fieri minime dubitandum est, cum deserit Deus et possidet inimicus. Quod sic accipiendum est quemadmodum et ibi. Sed hic aliud movet, quomodo dictum sit, ad hoc eis confortatum esse cor, ut exurgerent in bellum adversus Israel, et ob hoc eis non præberet misericordiam, quasi præbenda esset si non bellarent; cum Deus præceperit nulli eorum esse parcendum: et ob hoc Gabaonitis pepercerint, quia se de longinqua terra venisse fingentes, eorum jurationem tenuerant. Sed quoniam quibusdam ultro præbuerunt Israelitæ misericordiam, quamvis contra Dei mandatum, ad hoc dictum esse intelligendum est, istos ita bellasse ut non eis parceretur, nec ab eis ipsis Israelitæ, neglecto Dei mandato, ad misericordiam flecterentur. Quod qui-

dera duce Jesu, qui omnia diligenter divina præcepta servabat, non est credendum fieri potuisse. Verumtamen nec ipse istos tam cito delevisset, nisi conspirantissime contrairant, atque ita fieri posset ut eis ab illo minime debellatis, qui Dei præcepta implere curabat, remansissent ad illud tempus quando eis possent parcere post mortem Jesu, qui non tanta cura Dei mandata faciebant. Nam et adhuc eodem vivente, quibusdam illi pepercerunt, tantummodo eos ditioni suæ subjungentes, quosdam vero nec vincere potuerunt. Verum hæc non illo duce facta sunt, sed cum jam senex vacaret a bello, tantummodo eis terras dividens; ut ipsi jam illo non bellante, divisas sibi terras partim jam hoste vacuas tenerent, partim pugnando caperent. Et quod vincere aliquos minime potuerunt, providentiæ divinæ fuisse, opportune Scripturarum certis apparebit loels. (*Ex Adamantio.*) Mystice autem per Dominum factum est ut invalesceret cor eorum, et occurrerent in prælium contra Israel ut exterminarentur. Dum enim non veniunt inimicæ virtutes quæ peccata operantur in nobis, nec provocant nos ad peccandum, nec lacessunt ad dimicandum, interfici non possunt nec exterminari. Ideo ergo dicitur Deus permittere, imo et incitare propemodum, adversarias virtutes exire adversus nos in prælium, ut et nos victoriam capiamus, et illæ interitum consequantur. Unde mihi videtur esse infinitus quidam numerus contrariarum virtutum, pro eo quod per singulos pene homines sunt spiritus aliqui diversa in his peccatorum genera molentes; verbi causa, est aliquis fornicationis spiritus, est et iræ spiritus, alius est avaritiæ, alius vero superbiæ: et si evenerit esse aliquem hominem qui his omnibus malis agitur, aut omnes hos spiritus, vel etiam plures in se habere inimicos putandus est: unde et per singulos plures esse credendi sunt spiritus, quia non singula singuli habent homines vitia, vel peccata committunt, sed plura ab unoquoque videntur admitti. Et iterum non est putandum quod unus fornicationis spiritus seducat eum qui (verbi causa) in Britannis fornicatur, et illum qui in India, vel in aliis locis; neque unum esse iræ spiritum qui diversis in locis diversos homines agitet: sed puto magis principem quidem fornicationis unum esse, innumeros vero esse qui in hoc ei officio parent, et per singulos quosque homines diversi spiritus sub eo principe militantes, ad hujuscemodi eos peccata sollicitent. Similiter et iracundiæ spiritum principem esse unum arbitror, innumeros vero esse sub ipso agentes, qui per singulos quosque homines hujuscemodi vitii peccata succendant. Similiter et avaritiæ unum esse principem, sicut et superbiæ et cæterorum malorum. Et ideo non unus principatus esse dicitur in contrariis virtutibus ab Apostolo sed plures, adversum quos sibi pugnam esse et nobis omnibus scribit (*Eph. vi*); et esse tamen omnium horum principem velut eminentiorem quemdam in nequitia et in scelere celsiorem, qui totum mundum quem isti ad peccata singuli quique per peccatorum

A species pro parte sollicitent, solus velut omnium principum dux, et totius nefandæ militiæ magister exagitet. Cujus figuram cum de Jabin discuteremus, pro parvo intelligentiæ nostræ captu, in superioribus patefecimus. Beatus ergo est qui indesinenter spiritalem machæram tenens, non aufert eam a cervicibus horum hostium de quibus superius memoravimus. Sicut et Jeremias propheta dicit: « Maledictus homo qui facit opera Dei negligenter (*Jer. xviii*), » et aufert machæram suam a sanguine inimicorum. Hoc si secundum litteram intelligamus, necesse erit nos indesinenter sanguinem fundere: quod Judæi putantes, qui ex integro caro sunt et sanguis, crudeles et implacabiles fiunt, dicentes maledictionem impositam esse his qui a sanguine effundendo cessaverint: et ideo pedes eorum veloces sunt ad effundendum sanguinem. Sed illis hujuscemodi intelligentia, quia caro et sanguis sunt, videatur; mihi autem præstet Deus nunquam negligenter opera Domini agere, nec auferre spiritalem gladium verbi Dei a sanguine contrariarum virtutum, et mortificare eas in unoquoque auditorum. Interficiuntur autem in nobis et ipsa daemonum genera, si his auditis eorum opera non agamus. Dicitur autem in sequentibus quia accepit Jesus omnem terram, sicut mandavit Dominus Moysi.

## CAPUT VII.

*De eo quod Josue cepit omnem terram, sicut locutus est Dominus ad Moysen, et tradidit eam in possessionem filii Israel secundum partes et tribus, quievitque terra a præliis.*

(*Ibid.*) « Cepit ergo Josue omnem terram sicut locutus est Dominus ad Moysen, et tradidit eam in possessionem filii Israel secundum partes et tribus suas, quievitque terra a præliis suis. » Ille Jesus filius Nave non video quod ceperit terram. Quantum enim terræ cepit qui Judæam tenuit solam? Noster autem Dominus Jesus, ipse cepit vere omnem terram in eo quod ex omni terra atque ex omnibus nationibus ad eum concurrat credentium multitudo. Additur etiam post hæc, posteaquam omnem terram cepit Jesus, et « requievit, » inquit, « terra a præliis. » Hoc quomodo vere videbitur dici de filio Nave, quia cessavit terra a bellis, quæ nunquam vere temporibus ejus cessavit a bellis? Sed hoc completur in solo Domino meo. Si enim consideres te, qui venisti ad Jesum, et per gratiam baptismi missionem consecutus es peccatorum, etiam in te non pugnat caro adversus spiritum, et spiritus adversus carnem, cessavit terra tua a bellis. Si Christum Jesum in corpore tuo circumferas, ita et cessantibus in te omnibus præliis efficietis pacificus, et filius Dei vocaberis. Sed hoc fiet posteaquam bella transieris, et adversarios viceris; tunc tibi dabitur requies, ut requiescas sub vite tua, quæ est Christus, et Spiritus sanctus, ut ita gratias referas Domino Patri omnipotenti in ipso Christo Jesu Domino nostro.

## CAPUT VIII.

*Numerus civitatum quas expugnabat Josue, et tradidit filiis Israel in possessionem.†*

(CAP. XII.) « Hi sunt reges terræ quos percussit Josue, et filii Israel trans Jordanem ad occidentalem plagam, a Balgaath in campo Libani, usque ad montem cujus pars ascendit in Seir : tradiditque eam Josue in possessionem tribubus Israel : singulis partes suas, tam in montanis, quam in planis atque campestribus. In Asedoth, et solitudine, et meridie, Hethæus fuit, et Amorrhæus, Chananæus, et Pheræus, Hevæus, et Jebusæus, et reliqua. Pugna Josue atque victoria ejus in alienigenis significat pugnam ac victoriam Domini nostri Jesu Christi, quam per sua membra, ipse capit Ecclesie, quotidie facit ac perficit. Septem ergo gentes quas filii Israel pugnando vicerant significant spirituales nequitias, contra quos populus Dei incessanter confligit; sicut earum nominibus bene expressum intelligi potest : interpretatur enim Hethæus formidans sive stupens, Gergesæus colonum ejiciens, Amorrhæus amarus, Chananæus negotiator aut quasi movens vel erubescens, Pheræus separans sive disseminans, Hevæus ferus sive pessimus vel lapides colligans, Jebusæus calcatus. Et quid in Hethæo nisi metus et stupor diaboli, qui terrere semper studens servos Christi exprimitur? Agit enim malignus ut præsentium rerum damna et persecutionum molestiæ militibus [Christi] terrori fiant; quatenus ad luxum mundi et cupiditatem rerum præsentium facilius eos provocet atque seducat. Et quis in Gergesæo, nisi ille qui? colonum paradisi per fraudem ejecit, ostenditur? Quis vero in Amorrhæo, nisi ille qui totus amarus est et indignatione plenissimus, designatur? Quid autem in Chananæo, nisi negotiator iniquissimus, qui per avaritiam lites et jurgia movet, innuitur? Et quis per Pheræum, nisi ille qui per zelum malum separat a Deo, et ducit ad infernum, atque inter unanimes disseminat discordiam, insinuat? In Hevæo quoque nullus melius quam ille qui ferus, durus et pessimus ubique est, figuratur. Jebusæus quoque nomine suo proterviam diaboli significat, qui per superbiam propriam se exultat, sed per humilitatem servorum Christi contemnitur, calcatur, atque opprimitur. Hujuscemodi ergo nequitias quandiu in hoc mundo peregrinatur sancta Ecclesia, semper contrarias habet, sed spe victoriæ contra eas pugnare nunquam cessat. Unde Israel sub Josue trans Jordanem dimicans ad occidentalem plagam, a Baalgath in campo Libani usque ad montem cujus pars ascendit in Seir, eos percutere describitur : quia plebs fidelium ubi congregatas contra se hostium turmas agnoverit, in planis et arduis, in prosperis et in adversis, ad victoriæ palmam venire semper satagit; Baalgath enim congregatio eorum interpretatur. Possidentque tribus Israel singulæ partes suas, tam in montanis quam in planis atque campestribus, et Aseroth, et solitudine, cum sancti viri animas suas possidere

A per patientiam student, atque per arma justitiæ a dextris et sinistris, per gloriam et ignobilitatem, per infamiam et bonam famam, in eodem æquitatis statu permanere gaudent. Sed his breviter tactis, quid numerus civitatum quas filii Israel sub Josue præliando ceperint, typice designet, videamus. Triginta etenim ac duarum civitatum reges simul cum eo pugnando ceciderunt. Et quid per tricenarium numerum nisi sanctæ Trinitatis fides, cum observantia decalogi mandatorum designat? Et quid per binarium, nisi duo testamenta et duo præcepta charitatis, in quibus tota lex pendet et prophetæ, demonstrantur? Belligerare ergo milites Christi sub ipso vero rege aliter non norunt, nisi per fidei virtutem et observantiam mandatorum Dei, sicque laboris sui præmium percipere fideliter appetunt : quod in eodem numero adhuc designatum accipi potest; nam tricenarius et binarius numerus quater octonarium tenet, et possessio autem vera non nisi octo beatitudinibus constat, quia adipiscitur ibi regnum cælorum. Sed ad hoc nemo perveniet, nisi secundum magisterium quatuor Evangeliorum per quadragram virtutum illuc ascendere festinet. Civitates ergo quarum reges ibi superati esse leguntur triginta duæ fuerunt : Jericho quæ interpretatur luna, Abi oculus vel fons, Jerusalem visio pacis, Ebron participatio tristitiæ sive fortitudinis, Jerimoth timens mortem, vel altitudinem mortis, Lachis iter, vel sibi met vir, Eglon vitulus mæroris vel festivitatis eorum. Gazer præcisio vel divisio, Dahir loquens aut rursum timens, Gader maceria et sepes, Erma anathema ejus, Areth resurrectio descensionis, Lempna candor sive lateres, Odollam testimonium eorum, Maceda exustio sive orientalis, Bethel domus Dei, Dafna malum ab arbore non a malitia, Afer folia sive humus, Afeeth continuit vel continentia, Sarou princeps tristitiæ, Madon contradictio sive habitatio, Asor sagitta luminis, Semeron custos ejus vel nomen vidit, Achsaf medicamentum, Thauach respondens sive humilitas, Magedda pomorum ejus sive coenaculum ejus, Ledes sanctitudo, Jachaneæ possedit populum, Ermeli damnatio vel contendens, Dor generatio, Galgal vota vel revelatio, Thersa complacitio. Sed si ista nomina secundum suam interpretationem ad spiritalem intellectum vertimus, vitiorum ibi sine dubio destructionem et virtutum proventum inveniemus. Oportet ergo militem Christi primum cognoscere fragilitatem et mutabilitatem suam, quod significat Jericho, quæ interpretatur luna : deinde oculos mentis extollere ut contempletur cœlestia, atque futura attendens, ad fontem vitæ æternæ, quem qui biberit non sitiet in æternum, quatenus pertingat ad visionem pacis, quod significat Jerusalem. Deinde considerare eum oportet mala quæ gessit, et habere inde tristitiam salutarem, exercereque opera virtutum, sicut in Ebron nomine expressum est. Hincque timens mortem futuram atque altitudinem mortis perpetuæ, quod Hierimoth sonat, per Lachis intellectu assumat virtu-

com, et pergat iter justitiæ, quod ducit ad vitam æternam. Inter hæc quoque compunctioni cordis operam det, dum cognoscit se in peregrinatione istius vitæ constitutum, et ad festivitatem futuræ patriæ per Dei gratiam percipiendam toto nisu anhelet, quæ in Eglon vocabulo designata est. Per Gazer ergo significationem, præcidat carnis dilectionem, ac dissipet hostium malignam suggestionem. Loquatur recta, quod Abir suo vocabulo notat, timeatque futuram discussionem superni judicis, quia omne verbum otiosum quod locuti fuerint homines super terram, reddent rationem de eo in die judicii; muniatque se fidei muro, sicut Gazer docet; et abdicet diabolo atque operibus ejus anathemate perpetuo, quod Erma admonet. Sicque post descensum vitiorum, consurgat in arcem virtutum, hoc enim Areth sua nuncupatione hortatur; et per Lemnæ et Odollæ nomina, testimonis Scripturarum institutus, candorem lucis intendat æternæ. Per Maceda quoque ortum lucis veræ induatur, et exurat hostium machinamenta atque consilia, ut in Bethel nostra, quod est sancta Dei Ecclesia, perpetuo manere possit; ibique, secundum Afer interpretationem, in carne sua laboret ut secundum Dafus intellectum fructus percipiat vitæ sempiternæ. Habeat continentiam, confundat principem tristitiæ, hoc est, diabolum; contradicat ejus suasionibus, divino illustratus lumine. Hæc quoque quatuor nomina civita-

tum, hoc est, Afech, Saron, Madon et Asor, suis interpretationibus omnia ita docent. Omni diligentia custodiat cor suum, quod Semeron innuit; et in Achsaph nomine discat quærere medicamentum sacrarum Scripturarum: atque per Thanah admonitus, ubique servet humilitatem; agnoscatque nomine Mageddo fructum virtutum, et norit contemplationis appetere sublimitatem: sicque ad sanctitatem veraciter perveniet, quod designat Tedes, et plurimum adesse et prodesse poterit, ut Lakauæ sua appellatione demonstrat. Contemnit mortem quia damnavit vitla, sicut Ermeli siguraliter ostendit: et in Dor nuncupatione generationis divinæ particeps existens, quia pacifici filii Dei vocabuntur. Per Galgal rotam præsentis vitæ superna revelatione transcurrens, in Thersa nomine in fine jam cognoscit se complacere Altissimo, cum transfertur de incolata lætius mundi ad regnum cœlestis et ad visionem Dei perpetuam, juxta illud Psalmistæ quod ait: « Placebo coram Domino in lumine viventium (Psal. LV). Et iterum. « Placebo Domino in regione vivorum (Psal. cxiv). » Hæc ergo breviter adnotavi, non exposui; ut sciat lector quæ sublimitas est sapientiæ divinæ in Scripturis sacris, et quod omnia quæ ibi reperiuntur ad ædificationem suam rite transferre potest, qui sanæ fidei oculo eam inspicere, diligenter meditari non neglexerit.

## LIBER TERTIUS.

### CAPUT PRIMUM.

*De senectute Josue et sermone Domini ad illum.*

« Josue vero senex provecæque ætatis erat. » Presbyteri vel seniores non eo nomine appellantur quod longævam duxerint vitam; sed pro maturitate sensus et gravitate venerandæ vitæ hac appellatione decorantur, maxime cum additur ad presbyterum sermo iste qui sequitur: « Plenus dierum. » Si enim ævi prolixitate appellandus qui presbyter vel senior videtur, quem magis alium oportebat hoc nomine censer, quam primum Adam, vel certe Mathusalem, aut Noe, qui utique pluribus quam cæteri annis in hoc mundo vixisse declarantur. Sed nunc videmus quod quidem ex illis nullus refertur a Scriptura presbyter vel senior appellari; sed is qui longe brevioris temporis vitam duxit, primus in Scripturis sanctis Abraham presbyter vel senior appellatur (Gen. xxiv). Dictum est etiam ad Moysen a Domino: Elige tibi ab omni populo presbyteros, quos tu ipse nosti, qui probi sunt (Exod. iii). Sed observa etiam tu, o auditor, in omni Scriptura, sicubi invenire potes appellationem hanc, « senior et plenus dierum, » positam super aliquem peccatorem. Nunc ergo sancti Spiritus vox est, pronuntiantis Jesum præbyterum vel seniore provecum in diebus: ita enim dixerat, inquit, Jesus presbyter vel senior, provecus dierum: quod utique de

C peccatore dici non poterat, quia peccator non est provecus dierum. Non enim se extendit in ea quæ inante sunt, obliviscens ea quæ retro sunt, sed semper retro convertitur, et ad vomitum suum reddit, et ideo non est aptus regno cœlorum. Qui autem semper ad priora extenditur, iste provecus est in diebus suis.

« Et dixit Dominus ad eum: Senuisti et longævus es, et terra latissima derelicta est, quæ necdum est sorte divisa, » et cætera. Nescio ergo si in hoc loco illud potest videri; quia hoc dicebat Dominus ad Jesum pro ætate ejus senili, omnes videbant, omnes noverant. Et quæ sunt tam magna ista divina responsa, quæ homines disserunt, ut dicant homini seni, quia senex es, quod omnes videbant et omnes noverant. Sed mihi videtur magnum aliquod testimonium a Domino per hoc dari Nave filio, cum ei dicitur, « quia provecus dierum es. » Et quantum quidem proloqui nobis vel aperire divinis mysteriis fas est, ego arbitrator quod sicut sol iste diem facit mundo huic, ita et Sol justitiæ facit aliquos dies spirituales, qui fulgore veritatis et lampade sapientiæ illustrentur. Si quis ergo in præceptis Dei vitam hanc præsentem, quæ sicut Jacob dicebat, « paucorum et malorum dierum est (Gen. XLVII), » transegerit, et immaculatum se ab hoc mundo custodierit, atque omnes adversarios

et hostes suos subegerit, spiritalis ab istis paucis A et malis diebus provehitur, et promovetur ad illos dies æternos et bonos æterni solis luce signatos. Talis ergo quodam ordine intelligendus est et Jesus ex divinis responsis proventus dierum pronuntiari. Verum quoniam institutum quæ de Jesu dicuntur, etiam ad Dominum Salvatorem nostrum referri, quis ita presbyter et senior, proventus dierum intelligitur, sicut ipse qui est principium, primogenitus omnis creaturæ? Et ideo fortasse ipse solus vere et integer presbyter dicitur, ante quem nemo est. Igitur etsi sunt qui dicuntur in Scripturis presbyteri, vel seniores, vel pontifices, tamen Dominus Jesus in pontificibus pontificum princeps; et sicut in pastoribus princeps pastorum est, ita et in presbyteris vel senioribus princeps presbyterorum putandus est, et in episcopis princeps episcoporum. Et omne quodcumque honorabile nomen est, primum in hoc et principem esse credentium et Salvatorem, quia ipse est omnium caput. Audi autem ad hæc responsum divinum quod dicit: « Tu proventus es in diebus, et terra relicta est multa valde. » In superioribus dicebantur, sicut observavimus, quia cessavit terra ab illis, et quia omnem terram Jesus cepit; et hic modo scriptum est quia terra relicta est multa valde? Putasne contraria sibi contineant? hocne leviter suspicandum est? Sed redeamus ad intelligentiam spiritalem, et in ea nihil invenis esse contrarium. Intuere Domini et Salvatoris nostri primum quidem adventum, cum venit seminarè semen suum in orbem terræ, quomodo cepit omnem terram C solo seminis jactu, et quomodo adversarias potestates ex ea et angelos refugas qui gentilium mentes obsederant effugavit, et interim seminavit verbum atque Ecclesias propagavit: hæc est prima ejus totius terræ possessio. Sequere autem, o auditor, per subtiles lineas verbi, et ostendam tibi quomodo etiam secundo cepit terram hanc, quæ nunc dicitur ab Jesu multa esse derelicta terra. Audi de ea dicentem Paulum: « Oportet eum regnare donec ponat omnes inimicos suos scabellum pedum suorum (Heb. x). » Hæc ergo est terra quæ nunc multa dicitur esse derelicta, donec omnes subdantur pedibus ejus, et per hæc in hæreditate capiat universos. Et hæc est, inquit, terra quæ derelicta est, « Omnes fines Phillisthiim, » et alia quamplurima D quæ sequuntur. Multa adhuc supersunt, quantum ad nostra tempora spectat, quæ videmus nondum pedibus Jesu subjecta esse, quæ necesse est utique omnia obtinere. Neque enim finis esse poterit rerum, nisi prius fuerint cuncta subjecta. Sic enim et propheta dicit (Zach. ix), quia omnes gentes servientur a finibus fluminum usque ad fines orbis terræ in conspectu ejus. Procedunt Æthiopes de trans ripas fluminum: Æthiopes offerent sacrificia; unde constat quod in secundo adventu hanc terram multam, quæ superest, obtinebit Jesus. Sed beati sunt illi qui primo ejus adventu obtenti sunt; ipsi enim vere in gratia erunt, qui multis adversariis

PATROL. CVIII.

resistentibus, et multis hostibus impugnantibus, bello et armis hæreditatem terræ repromissionis accipiunt. Cum vero ex necessitate quis fuerit subjectus, tunc quando etiam novissimum inimicum destrui necesse est mortem, non erit jam in gratia his qui subjiciuntur.

(CAP. XIII.) « Ad meridiem vero sunt Hevæi, omnis « terra Chanaan, et Maara Sidoniorum, usque Afeca « et terminos Amorrhæi, ejusque confinia. Libani « quoque regio contra orientem a Baalgath sub « monte Hermon, donec ingrediaris Emath. Omnium « qui habitant in monte, a Libano usque ad aquas « Miserephod, universique Sidonii. Ego sum qui « delebo eos a facie filiorum Israel. Veniat ergo in « partem hæreditatis Israel, sicut præcepi tibi. » Cum enumeraverit plurimas gentes, de Sidoniis solls dixit: « Et omnes Sidonios ego exterminabo a facie filiorum Israel. » Nominati sunt et Chananeæ, nominati sunt et hi qui sunt ex finibus Accaron et a sinistris partibus fluminum, et alæ quamplurimæ gentes; et de solis Sidoniis dixit Dominus quod eos eversurus sit. Sidonii autem dicuntur, sicut jam diximus, venatores. Qui intelliguntur isti mali venatores quos Dominus exterminat, nisi illæ virtutes contrariæ de quibus dicit propheta, quia « paraverunt laqueos sub pedibus meis (Psal. lvi), » quibus scilicet venentur et decipiant animas peccantium? Istos ergo exterminat Dominus. Cum isti tales interierint venatores, cum jam nemo fuerit qui laqueos tendat et retia ut decipiat animas in peccato, tunc requiescet unusquisque sub vite sua et sub ficu sua.

## CAPUT II.

*De divisione terræ per singulas tribus Israel, et quod tribui Levi non dedit possessionem; sed sacrificia et victimæ Domini Dei Israel ipsa est hæreditas eorum.*

(IBID.) « Et nunc divide terram in possessionem « novem tribubus, et dimidiæ tribui Manasse, quia « Ruben et Gad possederunt terram quam tradidit « eis Moyses famulus Domini, trans Jordanem ad « orientalem plagam, » et cætera. Lectum est quia Moyses dederit hæreditatem quibusdam; post hæc vero legitur quia et Jesus secundum præceptum Domini distribuit hæreditatem. Primus ergo Moyses distribuit hæreditatem, secundus autem Jesus. Nunc Moysis legem intellige. Hi ergo qui secundum legem vixerunt, primi acceperunt hæreditatem, sed ex terra repromissionis. Tunc deinde cum accepissent terram hæreditatis: non enim possident, neque dividunt, sed exspectant, usquequo eis per Jesum distribuatur in sortem. Nonne hoc evidenter est quod Apostolus dicit, ad Hebræos scribens de prioribus patribus, quos dicit fide placuisse Deo, et addidit dicens: « Hi autem omnes testimonium habentes per fidem, nondum consecuti sunt repromissiones, Deo pro nobis aliquid melius providente, ut in ea sine nobis perfecti efficerentur? » (Hebr. xi.) Habent igitur repromissionem suam, et requieverunt,

36

et digni iudicati sunt per Moysen capere hæreditatem; verumtamen adhuc et ipsi pugnant, in certamine sunt pro his qui sub Jesu militant. Sed et requiris qui sunt qui pugnent, et quæ est pugna ista quam illi gerunt? Ego sic arbitror, quod omnes illi, qui dormierunt ante nos. patres pugnent nobiscum et adjuvent nos orationibus suis. Ista namque etiam quemdam de senioribus magistris audiivi dicentem in eo loco in quo scriptum est in Numeris (Cap. iv) quia ablinget synagoga illa hanc synagogam sicut ablingit vitulus herbarum viridem de campo; dicebat enim: Quare hujusmodi similitudo sumpta est, nisi quia hoc intelligendum est in loco quod Synagoga Domini, quæ nos præcessit, in sanctis oret, et in lingua consumet adversarias synagogas, id est, orationibus et precibus adversarios nostros absumet? Non ergo in armis pugnandum est nobis adversus hostes nostros invisibiles, sed orationibus et verbis Domini, meditationibus et operibus ac sensibus rectis: sic enim armabantur et patres, fide et operibus vincentes; sic umbræ et exemplaria deserviunt cœlestium hi qui legem suscipiunt, quæ est illius veræ legis umbra; ita et exemplar et umbra consequenter sunt divisionis cœlestis hi qui in Judæa hæreditatem dividunt terræ. Erat ergo in cœlis veritas, umbra vero et exemplar veritatis in terris; et donec umbra hæc constabat in terris, erat Jerusalem terrestris, erat templum, erat altare, et erat visibilis cultus, erant pontifices et sacerdotes, constabant etiam civitates et vici Judæ, et omnia hæc quæ nunc in libro hoc descripta esse recitantur. Cum vero in adventu Salvatoris Dei nostri de cœlis descendens, veritas de terra orta est, et justitia de cœlo prospexit, umbræ et exemplaria ceciderunt; cecidit enim Jerusalem, cecidit templum, altare sublatum est, ut neque in monte Garizim, neque in Jerusalem sit locus ubi oportet adorare; sed veri adoratores qui adorant Patrem, in spiritu et veritate adorant. Sic ergo præsentate veritate typus et umbra cessavit; et cum adesset templum illud, quod per Spiritum Dei et virtutem Altissimi in utero Virginis fabricatum est, dirutum est templum ex lapidibus fabricatum: aderat pontifex futurorum bonorum, cessaverunt pontifices taurorum et hircorum; venit Agnus Dei qui tollit peccata mundi, destitit agnus ex pecudibus assumptus, et nequidquam atque inaniter tot sæculis jugulatus. Refertur autem prima et secunda hæreditatis facta divisio: prima quidem per Moysen; secunda vero, quæ et potentior est, per Jesum facta describitur: et Moyses trans Jordanem tribui Ruben, et tribui Gad, et dimidiæ tribui Manasse, possessionem decernit; cæteri vero omnes per Jesum suscipiunt hæreditatem. Diximus jam prius quomodo per legem placuerunt Deo, præcedentes tempore eos qui per fidem Jesu ad promissa perveniunt, nondum ea quæ perfecta sunt consequuntur: expectantes eos qui posteriores, diverso quidem tempore, sed una fide placebunt, sicut Apostolus dixit: Utinam sine nobis perfectionem consequerentur (I Cor. iv).

(IBID.) « Tribui autem Levi non dedit possessio-  
nem; sed sacrificia et victimæ Domini Dei Israel  
« ipsa est ejus hæreditas, sicut locutus est Ipsi, » etc.  
Levitis neque Moyses dedit hæreditatem neque Jesus.  
Quare quid aliud sentiendum est, nisi quod sunt in  
Ecclesia Domini quidam qui virtute animi et meritorum gratia cæteros homines præcedunt, quibus ipse Dominus esse hæreditas dicitur. Et si fas est audire in talibus, et arcani reconditi aliquid aperire, videamus ne forte illud sit quod sacerdotum et Levitarum figuram latenter ostendit, quia in omni populo, eorum dico qui salvantur, major sine dubio pars est et longe numerosior eorum qui simpliciter credentes, in timore Dei per opera bona, per honestos mores et actus probabiles Domino placent; pauci vero sunt et valde rari qui sapientiæ operam dantes, et mentem suam puram mundamque servantes, atque in omnibus præclaris virtutibus suas animas excolentes, cæteris simplicioribus per doctrinæ gratiam illuminant iter quo gradiuntur et veniunt ad salutem. Hi fortassis sub Levitarum et sacerdotum nomine designantur, quorum hæreditas ipse Dominus est, qui est sapientia, quam præ cæteris omnibus dilexisse perhibentur. Invenio tamen aliquam differentiam in his quæ Moyses distribuit et in his quæ Jesus. Moyses namque duabus et semis tribubus terram distribuens ultra Jordanem, non dedit Levitis habitaculi portionem quæ eos contingebat. Jesus autem dedit non solum his tribubus quas ipse dispensat, verum etiam illis quæ a Moysæ trans Jordanem fuerant collocata. Habitacula etenim Levitis in singulis tribubus decernuntur, ut et permulto magnificentius mysterium nosceremus. Iste enim ordo Leviticus et sacerdotalis, qui Dei sapientiæ et scientiæ operam impendit, non potuit a Moysæ sortem habitationis accipere, quia non erat Moyses veritatis, sed umbræ exemplaris minister. Jesus vero Dominus noster, qui erat sapientia Dei, ipse habitacula sapientibus præbet. Non enim potuit dicere Moyses, « Vade, vende omnia quæ habes, et da pauperibus, et habebis thesaurum in cœlis; et veni, sequere me (Matth. xix). » Hoc est enim partem dare Levitis. Nec potuit dicere Moyses, quia « qui non renuntiaverit omnibus quæ possidet, non potest meus esse discipulus (Luc. xiv). » Non enim potuit dicere Moyses: « Omnis enim qui non oderit patrem vel matrem, et fratres et sorores et filios, et insuper etiam animam suam, non potest esse meus discipulus (Ibid. v. 26). » Hoc Moyses facere non potuit, idcirco habitacula sacerdotum vel Levitarum dispensare non potuit. Beatus ergo est qui se exhibet talem, et in istis omnibus quæ præcipit Jesus invenitur esse perfectus, ut ab Jesu sortem cœlestis mansionis accipiat in futuro; de quo ipse Dominus ait: « Pater, vole ut ubi ego sum, et isti sint tecum (Joan. xvii). » Et « Sicut ego in te, et tu in me unum sumus, et isti in nobis unum sint (Ibid. v. 21). » Quod si audiens perfectorum et eminentiorum hæreditatem Dominum dici, ignoras et



ambigis quid illud sit quod sub hoc nomine designatur, audi quia Dominus sapientia est. Cui ergo dicitur hereditas esse Dominus, iste hereditatem sapientie capit. Dominus justitia dicitur. Cui ergo Dominus hereditas est, iste hereditatem justitie consequitur. Dominus pax est, Dominus redemptio est, Dominus salus est, et in Domino sunt thesauri sapientie et scientie absconditi: hæc omnia in hereditatem percipiet cujus hereditas Dominus fuerit. Verumtamen et isti quibus sapientia Dei, et verbum Dei, et veritas et justitia esse hereditas dicitur, habitationem interim cum illis accipiunt quorum hereditas habetur in terris, ut ex ipsorum consortio hi qui per semetipsos nondum valent participes efficiantur sapientie et scientie Dei, et veritas ejus ac verbi; et ita etiam ad minimos quosque dispensatio divina pertendit, ut qui principaliter non possunt divinæ gratiæ capaces existere, illuminari ex sanctorum consortio mereantur, et compleatur illud quod Apostolus dicit ad Corinthios de sanctis Ierosolymitis, « ut nostra quidem abundantia fiat ad illorum inopiam (II Cor. viii), » ut et illorum abundantia fiat ad vestram inopiam. Ita ergo et nunc cohabitare jubentur Levitæ et sacerdotes, qui non habent terram, ut percipiat ab Israelita sacerdos et Levita terrena quæ non habent, et rursus Israelita percipiat a sacerdote et Levita cœlestia et divina quæ non habet. Lex enim Dei sacerdotibus commissa est et Levitis, ut huic soli operam tribuant, et verbo Dei absque ulla sollicitudine vacent. Sed iterum ut vacare possint, laicorum uti ministeriis debent: si enim laicus ea quæ necessaria sunt non præberit sacerdotibus et Levitis, occupati illi in talibus, id est, in corporalibus curis, minus legi Dei vacabunt. Illis autem non vacantibus neque operam dantibus legi Dei, tu periclitabis; obscurabitur enim lux scientiæ quæ in illis est, te non ministrante oleum lucernæ, et culpa tua illud eveniet quod dixit Dominus, quia « cæcus cæco ducatum præbens, ambo in foveam cadent (Matth. xv). » Sed et illud complebitur quod Dominus dixit: « Si enim lux quæ est in te tenebræ sunt, tenebræ ipsæ quantæ sunt? » (Matth. vi.) Ut ergo lux scientiæ in sacerdotibus fulgeat, lucerna eorum sit semper accensa: tu imple officium, tu comple mandatum Dei erga obsequia sacerdotum. Quod si forte susceptis a te quæ necessaria sunt, et sic non sequare avaritiam, sed benedictionem merueris, illi neglexerint eruditioni operam dare, et verbo Dei vacare, et in lege Dei meditari die ac nocte, ipsi videbunt quomodo pro animabus vestris reddant Domino rationem.

## CAPUT III.

*De eo quod novem tribus et dimidia acceperunt sortes suas per Eleazarum sacerdotem et Josue filium Nun, duabus tribubus et dimidia partes suas accipientibus per Moysen ultra Jordanem.*

(CAP. XIV.) « Hoc est quod possederunt filii Israel in terra Chanaan, quam dederunt eis Eleazar sacerdos, et Josue filius Nun, et principes familia-

rum, per tribus Israel sorte omnia dividentes, sicut præceperat Dominus in manu Moysi novem tribubus, et dimidiæ tribui. Duabus enim tribubus et dimidiæ dederat Moyses trans Jordanem possessionem: absque Levitis, qui nihil acceperunt inter fratres suos, sed in eorum successerant locum, » etc. Discamus ex lege quam necessarie scripta sit terræ divisio, quæ primo tempore per Moysen, secundo per Jesum facta est: non ut utraque servemus, sed ut rationem utriusque dicentes, illam solam teneamus quæ ab Jesu nobis Domino nostro traditur. Igitur illam terram quæ trans Jordanem Moyses distribuit, hanc his quæ est in terra sancta et terra bona distribuit Jesus princeps tribuum Israel. Vides ergo quia cum ab eo ceperit vera illa hereditas terræ sanctæ, id est, a Salvatore distribui, assumuntur etiam principes veri et spiritales Israel. Quos autem potamus esse principes tribuum nostrarum, vel Ecclesiæ principes, nisi sanctos apostolos, ad quos dicit Salvator, « quia sedebitis et vos super duodecim thronos, iudicantes duodecim tribus Israel (Matth. xix). » Assumitur tamen ad divisionem etiam sacerdos, qui est arcans et mysticus sermo Dei: sic enim dicit, quia « cum venerit Jesus, et Eleazar simul ad dividendam terram. » Et videamus quis est qui primus accepit hereditatem ab Jesu. « Caleb, » inquit, « filius Jephone. » Hic enim petit et accepit primus cæteris, quibusdam rationibus et verbis quæ descripta sunt: quæ verba etiam nos possunt instruere ad salutem. Et primus omnium Caleb interpretari dicitur, quasi cor. Quis ergo quasi cor, nisi is qui in omnibus intellectui operam tribuit? Quia non aliud aliquid membrum corporis Ecclesiæ esse dicitur, nisi illud quod est nobis præclarior eor, id est, qui omnia cum ratione et providentiâ gerit, et ita cuncta dispensat, quasi non sit aliud nisi cor. Interpretatur autem et Jephone pater ejus conversio. Hic ergo Caleb filius est conversionis. Qui nisi is qui ad Dominum conversus talent ex se fructum proferet, et cor filium generavit. Est ergo omnis qui divinis sensibus vacat, et prudenter cuncta ac rationabiliter agit, Caleb. Hic primo quidem eruditus a Moysen, secundo vero a Jesu cui assistebat, dicens: « Tu nosti verbum quod locutus est Dominus ad Moysen hominem Dei; » tu scis verbum quod locutus est. Quis enim altus potest nosse verbum quod locutus est Dominus ad Moysen, nisi solus Jesus? Nemo sic intellexit legem sicut docuit Jesus: ipse enim omnia docuit et aperuit, ipse revelavit Paulo, « quia lex spiritalis est (Rom. vii). »

## CAPUT IV.

*De locutione Caleb ad Josue pro terra Ebron, quam Jebi postulavit dari.*

(Ibid.) « Locutusque est ad eum Caleb filius Jephone, Cenezæus: Nosti quod locutus sit Dominus ad Moysen hominem Dei, de me et de in Cadesbarne. » Quadraginta annorum erant quando me misit « Moyses famulus Domini de Cadesbarne, ut consi-

derarem terram, nuntiavi que ei quod verum vi-  
 debatur mihi. Fratres autem mei qui ascende-  
 rant mecum, dissolverunt cor populi : et nihilo-  
 minus ego secutus sum Dominum Deum meum.  
 Juravitque Moyses in die illo, dicens : Terram  
 quam calcavit pes tuus, erit possessio tua, et fi-  
 liorum tuorum in perpetuum, et reliqua. De  
 me, inquit, et de te locutus est Moyses : de te qui-  
 dem, hoc est quod dixit Dominus quia « si crede-  
 retis Moysi, crederetis utique et mihi, de me enim  
 ille scripsit (*Joan. v*) ; » de me vero quid dixit, hoc  
 est de Caleb, qui cor est? Certum est quia de corde  
 scripsit Moyses, qui omnia prudenter sapienterque  
 conscripsit. Ait ergo : Hodie valeo sicut valebam.  
 Tunc sanctus quippe similiter valet in presentibus,  
 et in præteritis, et in novissimis, et in veteribus, et  
 in Evangeliiis, et in lege. Hoc est ergo quod dicit  
 valere se hodie sub Jesu sicut tunc sub Moyse, quia  
 in utriusque Testamenti mysteriis cor vigilans valet.  
 Sed videamus etiam petitionem ejus quam poscit  
 ab Jesu Caleb filius Jeffone : « Peto te, » inquit,  
 « montem hunc, » sicut dicit Dominus : In die illa.  
 Nihil humile vel dejectum sanctus requirit, nihil  
 quod in demersis convallibus jacet, sed montem  
 quærit excelsum, et montem in quo civitates magnæ  
 et munitæ. Et ex hoc hæc poscebat, quia noverat  
 belligerare, sicut scriptum est : « Civitates munitas  
 occupabit sapiens, et destruet munitionem in qua  
 confidebant impii (*Prov. xxi*). » Putas cum hæc diceret  
 Salomon hoc nos volebat docere quia sapiens caperet  
 civitates et munitiones destrueret ex lapidibus con-  
 structis? An illud potius indicat quod civitates et  
 muri sunt impiorum dogmata, et syllogismi philo-  
 sophorum, quibus astruunt impia quæque et divinæ  
 legis contraria quæ apud paganos vel barbaros ob-  
 servantur? Sed illa his deputanda sunt, et civitates  
 munitas esse atque in montibus collocatas, quæ hæ-  
 retici assertionibus velut in altis montibus collo-  
 cant. Ista ergo civitates sapiens quisque verbum  
 veritatis prædicans destruit, et urbes mendaces veri-  
 tatis ariete subvertit; sicut et Paulus dicebat, « cogi-  
 tationes destruentes, et omnem altitudinem quæ  
 extollit se adversum scientiam Dei (*II Cor. x*), » ita  
 etiam nunc sapientissimus hic Caleb assistit ante  
 Jesum, et promittit se valere ad bellum, et promp-  
 tum esse ad prælium. Et ideo deposcit permitti sibi  
 vel dispensari facultatem, ut congregiatur cum dia-  
 lecticis sæculi, cum his qui pro veris falsa confir-  
 mant; ut eos confutet, et superet, et subvertat om-  
 nia quæ illi falsis assertionibus construxerunt. Ideo  
 demique videns alacritatem ejus Jesus, benedixit,  
 inquit, eum, scilicet quod talia deposcat et audiat.  
 Sed et tu si vis dare operam studiis, et legem pru-  
 denter meditari, et effici cor in lege Dei, potes istas  
 magnificas et munitas urbes, id est, assertiones  
 subvertere falsitatis, ut et tu merearis benedici ab  
 Jesu et accipere Hebron. Interpretatur autem He-  
 bron conjunctio vel conjugium : per quod potest for-  
 tasse illud ostendi quod spelunca duplex comparata

ab Abraham patriarcha ea est in qua conjugia pa-  
 trum et reliquæ eorum jacent, id est, Abraham cum  
 Sara, Isaac cum Rebecca, Jacob cum Lia. Meruit  
 ergo Caleb patrum reliquias in hæreditatem susci-  
 pere, sine dubio quia per sapientiam quæ in eo erat  
 qui vigeat, et sub Moyse et sub Jesu intellexerat  
 conjunctionis ipsius rationem, et prospexerat quid  
 esset causæ quod cum Abraham sola Sara jaceret,  
 ubi neque Agar, neque Cethura ei meruisset ad-  
 jungi : vel quid esset causæ quod cum Jacob sola  
 Lia jacere videretur, et neque Rachel quæ amplius  
 fuerat dilecta, neque aliqua ex concubinis, in sepul-  
 cro ei fuerat copulata. Ipse ergo in memoriis pa-  
 trum hæreditatem capit prudens et sapiens Caleb,  
 ipsi Jesus Enachitarum gentium metropolim tribuit  
 Hebron, et efficitur ei sors usque in hodiernum  
 diem. Nomen Hebron antea vocabatur Cariatharbe :  
 Adam maximus ibi in terra Enachim situs est, et  
 terra cessavit a præliis. Cariatharbe ergo civitas  
 quatuor interpretatur : et licet corrupte in Græcis  
 codicibus Arboe scribatur, tamen in Hebræis legi-  
 gitur Arbe, id est quatuor : ex eo quod ibi tres pa-  
 triarchæ, Abraham, Isaac et Jacob, sepulti sunt, et  
 Adam magnus, sicut in hoc libro, hoc est, in Jesu  
 Nave scriptum est; licet eum quidam conditum in  
 loco Calvariæ suspicentur. Hæc autem eadem Che-  
 bron olim metropolis Philistinorum, et habitacu-  
 lum gigantum, regnumque postea David in tribu  
 Juda civitas sacerdotalis et fugitivorum, distat ad  
 meridianam plagam ab Elia milliariibus circiter vi-  
 ginti duobus; et quercus Abraham, quæ et Mambre,  
 usque ad Constantii regis imperium monstrabatur,  
 et mausoleum ejus in presentiarum cernitur. Cum-  
 que a nostris ibidem ecclesia jam exstructa sit in  
 circuitu, a cunctis gentibus Terebinthi locus super-  
 stitiose colitur, eo quod sub ea Abraham angelos  
 quondam hospitio suscepit. Hæc ergo primum  
 Arbe, postea a Chebron, uno filiorum Caleb, sortita  
 vocabulum est. Lege Verba dierum.

## CAPUT V.

*De sorte filiorum Juda : et quod Caleb deleit ex  
 Hebron tres filios Zenach, Sesai, et Achiman et  
 Tholmai.*

(CAP. xv.) « Igitur sors filiorum Judæ per cogna-  
 tiones suas ista fuit : a termino Edom desertum  
 « Sin contra meridiem, et usque ad extremam par-  
 « tem australis plage, » etc. (*Ex Augustino*.) Con-  
 suetudo est Scripturæ quatuor adeo partes orbis  
 terræ, quas agrum et plagas nominant, appellare;  
 et in distributione finium tribus Judæ duæ tantum-  
 modo nominantur, et duæ reticentur. Hinc enim  
 scriptum est : Et facti sunt fines tribus filiorum Juda  
 secundum plebes eorum, a finibus Idumææ, a de-  
 serto Sina ad occidentem; et cum descripti essent  
 fines ad occidentem, tum deinde et ab oriente;  
 omne, inquit, mare salsum. Et alias duas partes  
 reticuit, id est, septentrionis vel meridiani. Vide  
 ergo, si non repleta sunt mysteriis, licet singula  
 vel sentire vel explicare nequeamus. Tamen prout

Domnus præbere dignatur, et nos capere valemus, A discutere singula quæque tentabimus. Facti sunt, inquit, fines Juda secundum plebes eorum, a finibus Idumææ, a deserto Sina, ad occidentem. Igitur fines Judæ proximi sunt finibus Idumææ. Idumæa vero, sicut jam diximus sæpe, interpretatur terrena. Post terrena ergo statim consequuntur fines Judæ, sed a deserto, inquit, Sina : interpretatur autem Sina, tentationes. Post tentationes ergo consequuntur fines hæreditatis Judæ. Occidens et oriens nominantur, et vicina loca ea quæ supra diximus imo confinia; sed et vallis Ægypti vicina occidentalibus partibus designatur, quæ est a deserto ad occidentem; ab oriente vero cinguntur fines mari salso. Post hoc a collibus, inquit, qui tenduntur ad occidentem; et inde ascenditur ab occidente usque Barne, et sic pertenditur ad occidentem Cades. Et hi sunt fines eorum ab Africo; et inde perrexit usque ad vallem Ægypti. Vides quomodo in occidentis partibus, et Africum, et Ægyptum nominat, et occasum? sine dubio, ut hæc omnia sciat unusquisque evadenda esse et transeunda, ut ita demum possit ad tribum regiam pervenire, de qua dicit Apostolus : Certum est quod de Juda ortus est Dominus noster Jesus Christus (*Hebr. vii*). A finibus est Idumææ desertum Sina. Paulo ante diximus de deserto Sina quod tentationes significat; et ideo necesse est nos transire eremum tentationum, ut sic possimus pervenire in hæreditatem filiorum Juda; sed ascendere nos oportet ad ascensum collium Acrabin, quod interpretatur scorpionis. Transeundi nobis sunt et calcandi scorpiones illi sine dubio, de quibus Salvator dicit : « Ecce dedi vobis potestatem calcandi super serpentes et scorpiones (*Luc. x*). » Qui ergo vult et desiderat ingredi hæreditatem tribus Juda, oportet eum ascendere in ascensiones istas, et calcare atque evadere scorpiones qui obsistunt : unde arbitror quod istud iter agendi sunt, quia Ezechielii prophetæ dicebat Dominus : « Fili hominis, in medio scorpionum tu ambulas (*Ezech. ii*). » Et sunt, inquit, fines usque ad Cades. Cades interpretatur sanctum vel sanctificatio. Fines ergo Judæ usque ad sanctificationem perveniunt. Sed videamus etiam quæ sunt fines ex partibus orientis, non quod nunc locorum catalogum facere velimus, sed ut D mysteriorum quæ per hæc significantur contueamur imagines. Dicitur ergo, ab oriente fines Judæ esse mare salsum; et post hoc in parte ejus nominatur fons solis, et civitas, et in hac eadem tribu esse etiam civitas litterarum. Oportet igitur omnem qui vult introire in partem filiorum Juda, transire prius mare salsum, et vitæ scilicet et mundi hujus turbines superare, et evadere omnia quæ in hoc mundo, pro incerto usu et lubrico, marinis fluctibus comparantur, ut possit ad Judæ terram pervenire et fontem solis accedere. Quis est autem fons solis, vel civitas solis? Illius sine dubio de quo scriptum est : « Vobis autem timentibus nomen meum oriatur sol justitiæ (*Malach. iv*). » Hujus ergo solis, si prius

evaseris mare salsum, fontem invenies in terra Judæ. Quem fontem? Illum profecto de quo dicebat Jesus : « Qui biberit de aqua quam ego dabo ei, fiet in eo fons aquæ salientis in vitam æternam (*Joan. iv*). » Hujus igitur solis cum talem qualem diximus invenieris fontem, invenies etiam civitatem ejus : Est enim, inquit, ibi et civitas solis. Dicitur esse in Ægypto civitas solis; sed ista civitas solis quæ in Ægypto est, hujus solis nomen accepit quem Pater cœlestis oriri jubet super bonos et malos; illa vero civitas quæ in Judæa est, sanctorum tantummodo efficitur, quia civitas Dei est : et fons ille, de quo superius diximus, fluvius effectus lætificat civitatem Dei. Sed et tu si ex omni parte munitus sis, et continentia muro circumdatus, si patientia et magnanimitatis turribus circumdatus es, etiam tu efficeris civitas Dei; si vero ad hæc omnia adjeceris tibi lumen scientiæ, sicut Isaias (« illuminate vobis lumen scientiæ »), et sol in te justitiæ radiaverit, efficeris etiam et tu civitas solis, vel civitatem solis sorte hæreditatis accipies : sed et si te tradideris legi Dei, ut in ipsa mediteris die ac nocte, et non recedat liber legis de manu tua, sicut dicitur ad Jesum; et si memor sis præcepti Salvatoris, in quo dicit : « Scrutamini Scripturas (*Joan. v*); » si ergo talibus studiis te mancipaveris, et eruditionem divinæ legis vel legendo vel audiendo obtinueris, tuæ portionis efficitur civitas litterarum. Et hæc quidem nos pro possibilitate sensus nostri, vel etiam pro auditu vestri capacitate, discussimus : summa vera scientia, et profundior horum intelligentia apud illos erit qui veram hæreditatem veri et unigeniti Filii Dei, quæ repromissa est his qui eum perfecte dilexerint, consequi merebuntur.

(*Isai.*) « Caleb vero filio Jeffone dedit partem in medio filiorum Juda, sicut præceperat ei Dominus, Chariath Arbe, patris Enach, ipsa est Ebron : « delevitque ex ea Caleb tres filios Enach, Sesai et Eman, et Tholmai de stirpe Enach; atque inde conscendens venit ad habitatores Dabir, quæ prius vocabatur Chariath Sepher, id est civitas litterarum. » Primo ergo discutiamus quare metropolim accepit Caleb, et illam quæ prima inter cæteras omnes in terra repromissionis metropolis nominatur. Et metropolis Enach interpretatur humilitas inanis, vel responsio inanis. Accepit ergo Caleb metropolim humilitatis inanis. Duas esse humilitates certum est, unam laudabilem, de qua dicit Salvator : « Discite a me quia mitis sum et humilis corde, et invenietis requiem animabus vestris (*Matth. xi*); » et de hæc humilitate dictum est, quia « omnis qui se humiliaverit, exaltabitur (*Luc. xiv*); » et iterum : « Humiliamini sub potentissima manu Domini (*I Petr. v*). » Est enim et alia humilitas culpabilis peccatorum, sicut illa quam de illicito concubitu dicit Scriptura quod de Amon scriptum est, quia humiliavit Thamar sororem suam (*II Reg. xiii*). Est ergo humilitas inanis. Cepit metropolim vel excidit Caleb, et interemit tres filios Enach, qui erant filii inanis

humilitatis. Illis interfectis ipse habuit civitatem, et fecit quæ in consequentibus scripta sunt. Qui autem sunt filii inanis humilitatis quos exterminavit Caleb? Primus Susi, qui interpretatur extra me, hoc est, extra sanctum : filius inanis humilitatis quem exterminavit. Caleb, imo extra Dominum est. Et alius Ahiman, qui interpretatur frater meus extra consilium, et frater sine consilio : omnes enim fratres qui de humilitate inani nascuntur, certum est quia extra consilium sunt. Tertius Tholmai, quod interpretatur præcipitium vel suspensio : quod designat nihil in eo stabilitatis, sed vaga omnia et in præceptis ruentia. Istos ergo tres filios Enach exterminavit et interfecit Caleb, et post istos ascendit etiam in Dabir. Nomen erat Dabir prius civitas litterarum. Dabir interpretatur loquela, sed nomen Dabir erat prius civitas litterarum. Ita civitatem litterarum intelligo omne Veteris Instrumenti testamentum, et hanc ipsam quam nunc disserere conamur Scripturam intelligamus esse civitatem litterarum; quæ postmodum efficitur Dabir, quod est loquela : hæc est enim quæ prius in litteris erat, et secundum litteram intelligebatur, modo in Ecclesiis, revelante Domino, loquela effecta est, loquentibus de ea et disserentibus primo apostolis, et remouentibus de ea spiritalem loquelam. Sed et singuli quoque doctores Ecclesiarum litteram legis, loquelam et disputationem suam illam evangelicam fecerunt. Qui sunt autem tres filii Enach quos Caleb, in cuius persona virtutem legis descriperamus, interimit? Inanis humilitas accipienda est illa, quam omnes sæculi poetæ vel philosophi divinitatem senserunt, quia et humilia et Deo indigna sunt quæ senserunt. Quid est tam humile inaniter quam ligna et lapides deos vel astruere vel putare. Hujus ergo inanis humilitatis primus filius est qui dicitur extra me, hoc est, primus sensus eorum et extra veritatem, et extra Dominum est. Secundus vero Ahiman, id est, frater sine consilio; certum est quia et iste frater sit illius erroris qui sine consilio agitur. Quid enim tam sine consilio quam relinquere Dominum, qui nos fecit esse, et sequi deos quos fecimus? Tertius erroris sensus est Tholmai, quod est præcipitium vel suspensio : novissima namque hujus erroris ostenduntur in præcipitium et profundum Inferni. Hos ergo gentilitatis sensus tanquam filios Enach vetusti erroris abscidit lex, quæ etiam secundum litteram Dominum verum et creatorem omnium prædicat.

## CAPUT VI.

*De eo quod dixit Caleb : Qui percusserit Cariath-Sepher et ceperit, dabo illi Axam filiam meam uxorem; et cepit eam Othoniel filius Cenez, frater Caleb junior. Et de eo quod postulavit Axa filia Caleb patrem suum ut daret sibi terram irriguam.*

(IBID.) « Dixitque Caleb : Qui percusserit Cariath-Sepher et ceperit eam, dabo illi Axam filiam meam uxorem. Cepitque eam Othoniel filius Cenez, frater Caleb junior : deditque ei Axam filiam suam uxorem. Qui cum pergerent simul, suasit

« vir ejus ut peteret a patre suo agrum. Suspiravitque ut sedebat in asino. Cui Caleb, Quid habes, inquit? At illa respondit : Da mihi benedictionem : terram australem et arentem dedisti mihi, junge et irriguam. Dedit itaque ei Caleb irriguam superius et inferius, » etc. Othoniel autem interpretatur responsio Dei. Responsio Dei dici potest is cui respondet Dominus, hoc est, cui revelat secreta et pandit arcana. Iste ergo est, qui potest accipere civitatem litterarum Veteris Instrumenti, et excidere litteram occidentem, frater Caleb junior. Ego autem sum frater Caleb de Ecclesia junior, qui excisa ac diruta legis littera, sensum in ea spiritalem requiro. Excido autem litteram, cum jam non secundum litteram azyma manduco, neque pascha cum Judæis observo, neque sabbatum secundum litteram curo. Promissum namque est mihi quia si excidero civitatem litterarum, accepturus sim filiam fratris mei majoris. Eram namque prius filius Cenez, qui interpretatur spreto. Quis enim erat ita spreto sicut nos gentes, alienati a conversatione Israel, spem non habentes, et sine Deo in hoc mundo eramus? Nam prior ille frater meus, cujus nunc filiam accipio, pro eo quod excidi civitatem litterarum, ille filius Jeffone fuit, qui interpretatur conversio. Dat mihi ergo filiam suam, scientiam sive intelligentiam mihi juniori fratri dat lex, secundum quod scriptum est : « Auferetur a vobis regnum Dei, et dabitur genti facienti fructum ejus (Math. xxi.) » Sciendum tamen est aliud esse legem, cui nunc personam dedimus Caleb, aliud litteram Veteris Testamenti, quam civitatem figuratiter diximus litterarum. Accepta ergo littera filia ejus, ego frater ejus junior abduco eam de domo patris sui : quæ cum veniret mecum sedens super asinum, illum sine dubio quem solverant discipuli Salvatoris, dicit ad patrem suum : Da mihi benedictionem, pater; et accepit Gonethlam inferiorem et Gonethlam superiorem : quod evidentius jam Apostolus dicit : « Pollicitationem habens vitæ quæ nunc est et future (I Tim. iv.) » Et Salvator promittit ut hi qui verbi sui perfectionem sequuntur, accipiant centuplum in hoc sæculo, et vitam æternam in futuro. Hoc est ergo accepisse in benedictione Gonethlam inferiorem et Gonethlam superiorem : quam benedictionem oremus ut et nos consequi mereamur. (Ex Gregorio.) Juxta tropologiam vero, Axa super asinum sedet, cum irrationabilibus carnis suæ motibus anima præsidet, quæ suspirans a patre terram irriguam petit, quia a creatore nostro cum magno gemitu quærenda est lacrymarum gratia. Sunt namque nonnulli qui jam in dono perceperunt libere pro justitia loqui, oppressos tueri, indigentibus possessa tribuere, ardorem fidei habere : sed adhuc gratiam lacrymarum non habent. Hi nimirum terram australem et arentem habent, sed et adhuc irrigua indigent : quia in bonis operibus positi, quibus magni atque ferventes sunt, oportet nimirum ut aut timore supplicii, aut amore regni cœlestis, mala

etiam quæ ante perpetraverunt deplorent. Et licet in multis speciebus compunctio dividatur, quando singulæ quæque a pœnitentibus culpæ planguntur; unde ex voce quoque pœnitentium Jeremias ait: « Divisiones aquarum deduxit oculus meus (*Thren. III*); » principaliter tamen compunctionum genera duo sunt: quia Deum sitiens anima, prius timore compungitur, post amore. Prius enim sese in lacrymis afficit, quia dum malorum suorum recollit, pro his perpeti supplicia æterna pertimescit. At vero cum longa mœroris anxietudine fuerit formido consumpta, quædam jam de præsumptione veniæ securitas nascitur, et in amore cœlestium gaudiorum animus inflammatur: et qui prius flebat ne duceretur ad supplicium, postmodum flere amarissime incipit quia differtur a regno. Contemplatur etenim mens qui sunt illi chori angelorum, quæ societas sanctorum spirituumque majestas internæ visionis Dei: et amplius plangit quia bonis perennis deest, quam prius cum mala æterna metuebat; sicque sit ut perfecta compunctio formidinis tradat animo compunctionem dilectionis: quod bene in hac sacra veracique historia figurata narratione describitur. Quia ergo, ut dixi, duo sunt compunctionis genera, deest el pater suus irriguum superius et irriguum inferius. Irriguum quippe superius accipit anima cum sese in lacrymis cœlestis regni desiderio affligit; irriguum vero inferius accipit, cum inferni supplicia flendo pertimescit. Et quidem prius inferius, ac post irriguum superius datur: sed quia compunctio amoris dignitate præeminet, necesse fuit ut prius irriguum superius, et post irriguum inferius commemorare debuisset.

## CAPUT VII.

*Quod Jebusæum habitatorem Jerusalem non potuerunt filii Juda delere, habitavitque cum eis; et quod non interfecerunt filii Ephraim Chananeum qui habitat in Gazer.*

(*1819.*) « Jebusæum autem habitatorem Jerusalem non potuerunt filii Juda debellare. Habitavitque Jebusæus cum filiis Juda in Jerusalem usque in præsentem diem, » et cætera. (*Ex Adamantio.*) Filii Juda volebant disperdere vel interimere Jebusæos de Jerusalem, et non potuerunt, propter quod habitaverunt Jebusæi cum filiis Juda in Jerusalem usque in hodiernum diem. Volumus, a littera incipientes, requirere ab his qui putant hæc secundum litteram stare posse, quid est hoc quod dicit, usque in hodiernum diem? Quod verbum Scriptura pro eo ponit ut æternitatem sæculi per hoc significet; sicut dicit: « Nolite recedere a Domino in hodiernum diem (*Jos. XXI*); » hoc est, donec sæculum stat. Ostendunt ergo mihi quomodo Jebusæi, donec sæculum stat, habitent cum filiis Juda in Jerusalem, quippe cum ne ipsi quidem filii Juda habitent Jerusalem. Ideo ergo nec istud verum esse poterit quod Jebusæi cum Judæis habitent in ea. Sed nos intelligamus hæc spiritualiter assumentes Evangelii parabolam, quæ dicit de zizaniis: « Strite utraque crescere; ne

A forte volentes eradicare zizania, eradicetis simul cum ipsis et triticum (*Matth. XIII*). » Sicut ergo in Evangelio permittuntur zizania simul cum tritico coalescere, eodem modo etiam qui hic in Jerusalem, id est, in Ecclesia sunt Jebusæi, isti qui ignobilem et degenerem vitam ducunt, qui fide et actibus et omni conversatione perversi sunt. Neque possibile est ita ut neque impius in ea, nec quisquam peccator residere videatur; sed sint in ea omnes sancti et beati, et in quibus nulla prorsus peccati macula deprehenditur. Sed sicut dicitur de zizaniis: « Ne forte eradicantes zizania, eradicetis simul cum eis et triticum, » ita etiam super his dici potest in quibus vel dubia vel occulta peccata sunt. Neque enim dicimus de his qui manifeste et evidenter criminosi sunt, et non de Ecclesia expelluntur. Audi ergo Scripturam dicentem quia non potuerunt filii Judæ disperdere Jebusæos, sed habitaverunt cum ipsis usque in hodiernum diem. Unde precor vos qui fideles estis, ut ita vitam vestram et conversationem servetis, ne in aliquo vel ipsi scandalum patiamini, vel aliis scandalum faciatis; sed sit vobis summi studii summaque cautela, ut ne quis in hanc sanctam conversationem vestram pollutus introeat, ne quis Jebusæus inhabitet vobiscum. Vides enim quia dicit Scriptura quod non potuerunt filii Judæ ejicere Jebusæos de Jerusalem. Jebusæi interpretantur conculcatio. Ergo quia non possumus ejicere omnes istos qui nos conculcant, eos statim quos possumus, quorum peccata manifesta sunt (ubi enim peccatum evidens non est, ejicere de Ecclesia neminem possumus): « ne forte eradicantes zizania, eradicemus simul etiam cum illis triticum. » Movet me tamen quod dixit, quia non potuerunt ejicere Jebusæos, id est eos qui interpretantur conculcatio; et ideo videamus qui sunt in Ecclesia conculcantes. Illi sine dubio, de quibus Dominus dicebat in Evangelio: « Nolite mittere sanctum canibus, neque margaritas vestras ante porcos, ne forte conculcent eas pedibus suis, et conversi dirumpant vos (*Matth. VII*). » Isti sunt ergo Jebusæi qui indignè audiunt verbum Dei; et cum audierint, neque ut infideles discedunt, neque permanent fideles; sed percepta mysteriorum notitia, et fidei nostræ secretioribus perscrutatis, conversi dirumpunt nos, et contradictionibus suis corda nostra dirumpunt, conculcantes verbi Domini margaritas, et ornamenta fidei maculantes. De istis ergo dicitur quia non potuerunt filii Judæ ejicere Jebusæum de Jerusalem usque in hodiernum diem.

(*CAP. XVI.*) « Et non interfecerunt filii Ephraim Chananeum qui habitabat in Gazer; et habitavit Chananeus in Ephraim usque in hodiernum diem. » Ephraim interpretatur fructificatio. Qui ergo fructificat et crescit in fide, non potest exterminare Chananeum semen pessimum, semen maledictum, semen semper mobile, semper incertum: hoc enim interpretatur Chananeus. Et certum est quia cum eo qui fructificat et crescit, semper habitat Chananeus;

nunquam enim tentatio, nunquam motus cessant ab eo. Sed tu si vere fructificas in Deo, et vides talem aliquem inquietum, turbidum, mobilem, scito quia Chananeus est; et non potes ejicere eum de Ecclesia, quia non potuerunt filii Ephraim disperdere Chananeum. Illud observa quod Apostolus monet dicens: « Subtrahite vos ab omni fratre inquiete ambulante (*II Thess. III*). » Sed quoniam Salomon (*Prov. XXI*) suadet hæc quæ legimus, describi in corde tripliciter, etiam aliud, præter illa quæ diximus, quod cordi meo occurrerit, ad aures vestras proferam: Et vos facite quod scriptum est, ut uno dicente, cæteri examinent (*I Cor. XIV*). Me ergo dicente quod sentio, vos discernite et examinate si rectum est, aut minus rectum. De Jerusalem frequenter diximus quia visio pacis interpretatur. Si ergo in corde nostro Jerusalem ædificata est, hoc est, visio pacis in corde nostro fundata est, et spiritum, qui est pax nostra, semper intueamur et servemus in corde; si quidem ita fixi et stabiles sumus in hac visione pacis, ut nunquam prorsus ulla cogitatio mala et alienius peccati consilium ascendat in corde nostro. Si hoc ita fieri posset, poteramus dicere quia in Jerusalem sanus, et nullus alius habitat nobiscum nisi illi qui sancti sunt. Nunc vero si ad grandem provectum veniamus, et summis nosmetipsos studiis excolamus, tamen non puto cuiquam tantum in corde puritatis evenire, ut nunquam adverse cogitationis contagione maculetur. Certum est habitare Jebusæos cum filiis Juda in Jerusalem: non tamen diximus hæc ut negligamus, quantum fieri potest, ejicere eos, sed satis agendum nobis et tentandum quotidie ejicere eos de Jerusalem. Sed, sicut scriptum est, non possumus simul omnes ejicere. Hoc idem autem in his qui fructificant sentiendum est, quia Ephraim filii nominati sunt, qui et ipsi Chananeos, vagas et lubricas cogitationes, semper debent ejicere de animalibus suis. Potest autem Deus Jebusæos et Chananeos a filiis Ephraim projicere. Ipsum ergo Dominum deprecemur, ut ejiciens a nobis malas cogitationes, bonas inserat et dignas in Jerusalem civitati celeste, in quibus nihil pollutum inveniatur aut sordidum quod nos in die judicii ex conscientie cogitationibus arguat, sed inveniatur in nobis puritas cordis.

(*Ita*.) « Habitavitque Chananeus in medio Ephraim usque in diem hanc tributarius, » et cætera. Secundum aliam autem editionem ita legitur: « Et non perdidit Ephraim Chananeum qui habitabat in Gazer: et habitabat Chananeus in Ephraim usque in diem istum: donec ascendit Pharaon rex Ægypti, et cepit civitatem, et incendit eam in igne: et Chananeos, et Pherezæos, et qui habitabant in Gazer, transpunit, et dedit eam Pharaon in dotem filie sue. » (*Ex Augustino*.) Quod de Pharaone dictum est, miror si prophetice dictum intelligere debeamus, cum hæc historia illis temporibus conscripta credatur, quibus erant gesta illa recentia. Quid autem magnum eligi potuit

quod prophetice diceretur, cum præterita narratur, taceanturque futura majora et maxime necessaria? Proinde potius existimandum est Septuaginta Interpretes, qui auctoritate prophetica ex ipsa mirabili consensione interpretati esse perhibentur, hæc addidisse; non tanquam futura pronuntiantes, sed quia tempore illo ipsi erant, quo facta esse meminere, et in libro Regnorum legerant, regum temporibus hoc factum esse (*III Reg. IX*). Quod ideo credibilius nobis visum est, quoniam inspeximus interpretationem quæ est ex Hebræo, et hoc ibi non invenimus: sicut nec illud quod dictum est de Jericho quod qui eam reparasset, incurreret maledictum quod dixerat Jesus. Sic enim scriptum est: « Et adjuravit Jesus in die illa: Maledictus homo qui resuscitabit et ædificabit civitatem illam. In primogenito suo fundabit eam, et in novissimo suo imponet portas ejus. » Hucusque invenitur in interpretatione ex Hebræo. Illud autem quod sequitur: « Et ita fecit Oza, qui ex Bethel in Abiron primogenito suo fundavit eam, et in Segub novissimo imposuit portas ejus (*III Reg. XVI*); » hoc illic non legitur. Unde apparet a Septuaginta interpositum, qui factum esse noverant. (*Ex Adamantio*.) Chananeus tertio dicti sunt esse in filiis Ephraim. Si enim diligentius observemus quomodo tertio dicantur esse Chananeus cum filiis Ephraim, et Domino præstante poterimus investigare ordinem dictionum quid ex hoc in primo, quid in secundo, quid in tertio factum refertur. Puto quod non erimus increduli, quia vere hæc, non ut sola nobis rerum gestarum narratio traderetur, scripta sunt, sed sacramentis divinis Deoque dignis repleta. Primo ergo dictum est quia non perdidit Ephraim Chananeum qui habitabat in Gazer, sed habitabat Chananeus in Ephraim usque in hodiernum diem, et factus erat sub tributo servus. Ascendit quoque rex Ægypti Pharaon, et accepit civitatem, et incendit eam igni, et Pherezæos qui habitabant in Gazer trucidavit, et dedit eam in dotem filie sue. Secundo: Et factum est, inquit, quoniam invaluerunt filii Israel, et fecerunt Chananeos subjectos, exterminatione autem non exterminaverunt eos. Tertio, quando contradixerunt viri de tribu Ephraim Jesu, volentes secundum numerositatem suam, quia plures erant, et validiorem etiam accipere sortem: et jubentur ascendere in saltum, et sibi ipsis ampliores locum facere. Ut possint latiora spatia occupare, jubentur exterminare Chananeum. Videamus ergo quid sibi videatur de Chananeis tripartita narratio. Primo Chananeus nobiscum quidem est, et sub tributo est; non est tamen obediens nobis, neque servus. Secundo etiam servus efficitur, et obediens, Chananeum hic carnem nostram accipiamus, vel eam quæ carnis sunt: hæc primo nobiscum est, hoc est animæ, adjuncta, sed non est ei obediens, nisi tantum quod tributa dispendit; et ministerium quidem exhibet agendi aliquid vel movendi; concupiscit tamen adversus spiritum, et non est obediens animæ, sed suis desideriis cedit.

Si vero jam aliquantum profecerimus, efficitur nobis caro servus, et obediens ac parens animæ nostræ profectus, cum sibi carnem et obedire et servire fecerit. Tertius vero est quod perfectum est; si enim jam veniamus ad perfectum, etiam exterminandus a nobis dicitur Chananæus, et morti tradendus. Quomodo autem in nostra carne completur, audi Apostolum dicentem: « Mortificate autem membra vestra quæ sunt super terram, fornicationem et immunditiam (Col. III), » et cætera quæ sequuntur. Et iterum dicit: « Qui autem Christi sunt, carnem suam crucifixerunt cum vitiis et concupiscentiis suis (Gal. V). » Sic ergo tertio, hoc est, cum ad perfectionem venimus, et membra nostra mortificamus ac mortem Christi in corpore nostro circumferimus, exterminamus a nobis Chananæos. Sed et illud non otiose prætereundum est quod dicitur Pharaeo natisse et accepisse Gazer civitatem, in qua Chananæus habitat cum Ephraim, et dedisse eam in dotem filix suæ. Gazer autem interpretatur constructio. Si ergo corpus et anima una atque eadem constructione habitent, id est, conjunctæ sibi invicem et sociæ, ita ut et anima carnaliter vivat, et non festinet anima velocius sibi obedientem et subditam facere carnem, verendum est ne forte veniat Pharaeo ex Ægypto, et captivam ducat infelicem animam, ita ut eam tradat filix suæ in dotem. Si enim consideres ihud quod dicit apostolus Paulus (Rom. VII, 23), exurgere aliam legem in membris nostris, et captivos ducere nos in legem peccati, invenies quomodo ille Pharaeo, qui est auctor et rex peccati, animam quæ carnaliter vivit in

A peccati, et purgare fructus justitiæ. Sed et Raphaim, inquit, expelle, vel potius expugna de te. Raphaim invenimus interpretatum resolutæ matres. Est et in anima nostra virtus quædam quæ parit sensum, et velut mater est eorum sensuum vel intellectuum qui procedunt ex nobis, secundum quod dicitur in sacramento de anima quasi de muliere: Salva erit autem per filiorum generationem, si permanserit in fide et veritate (I Tim. II). Ista ergo mater, hoc est, ista virtus, animæ illi in qua fortis et valida ac robusta generatio generat sensus validos et potentes, et qui superari a contradicente in te non possunt. In aliis autem virtus ista resoluta est et remissa, quæ indicatur ex sensibus, cum languidi quidam referuntur et inepti, et nihil in se fortitudinis continent. Hoc ergo significatur sub nomine Raphaim: et hujuscemodi de nobis matres remissas esse, quæ sensus ineruditos et inutiles pariunt. Et bene servavit spiritalis intelligentiæ proprietatem, nec est (dixit) exterminandum bellicum Chananæum. Sed quid respondit illi Jesus? Si populus multus es, et virtutem habes, non erit tibi sors una, quia saltus est tibi, et mundabis eum. Vides quia ad nostram spiritalem intelligentiam dicitur, ut et mundemus silvam quæ inutilis est, et excidentes inutiles atque infructuosas ex nobis arbores, faciamus ibi novalia, quæ semper innovemus, et ex quibus fructum capiamus tricesimum, et sexagesimum et centesimum. An non eadem nobis et Evangelii sermo denuntiat dicens: « Ecce securis ad radices arborum apposita est. Omnis ergo arbor quæ non facit fructum bonum, excidetur et in ignem mittetur? » (Matth. III.) Hæc prioribus nostris Nave filius præcepit Jesus de infructuosis arboribus excidendis; hæc nobis Dominus Jesus in Evangeliiis mandata describit. Et quomodo non verum est quod umbra præcessit, et veritas subjecta est? Hoc autem quod addidit dicens: « His si emundaveris, inquit, silvam, et erit tibi cum exterminaveris Chananæos. » Diximus jam superius quomodo nobiscum positus Chananæus primo tributa dependit, secundo obediens efficitur ac subjectus, tertio vero in membrorum nostrorum mortificatione etiam exterminari dicitur. Quæ si recte intelligimus, et donaverit nobis Dominus per gratiam suam hæc ita intelligere, sit aliquid operæ pretii hæc de secretis et absconditis in publicum produxisse, et venisse ad agnitionem nostram quæ servabatur oblecta, et conemur, secundum hæc quæ diximus, Chananæum qui nobiscum est, citius subjicere nobis et obedientem facere: quia si dimittimus eum et negligimus, veniet Pharaeo rex Ægypti, et incipiet locum nostram in dotem filix suæ dare, et captivos nos tradere legi peccati. Sed absit hoc ab Israelitica nobilitate, ut serviat filius Pharaonis Israelita; quem jam Deus eduxit de terra Ægypti, iterum serviat illi, qui in mari Rubro submersus est, Pharaoni. Observemus ergo, sicut et hic dicit Jesus, ut prævaleamus nos contra Chananæos; ne si forte super nos illi invaluerint, et obti-

## CAPUT VIII.

Sermones filiorum Joseph ad Josue, et responsio ejus ad eos.

(CAP. XVII.) « Locutique sunt filii Joseph ad Josue atque dixerunt: Quare dedisti mihi possessionem et sortis et funiculi unius, cum sim tantæ multitudinis, et benedixerit mihi Dominus. Ad quos Josue ait: Si populus multus es, ascende in silvam, et succide tibi spatia in terra Pherézæi et Raphaim, et quia angusta est tibi possessio montis Ephraim, » et reliqua. Filii vero Joseph quæstionem movent de hæreditate majore; sortem requirunt, dicentes ad Jesum: Quare nobis dedisti in hæreditate sortem et pedaturam unam? Ego autem populus multus, et Dominus me benedixit. Si ergo et nos populus multus sumus, et benedixit nos Dominus, audiamus ab Jesu: Populus multus, ascende in saltum, et munda tibi ipsi, et para tibi locum in terra, et purga Pherézæos et Raphaim. Neesse est nos ejicere Pherézæos. Invenimus autem Pherézæos interpretari fructificationem. Sed sicut sæpe jam diximus de aliis omnibus, et in hoc duplex est interpretatio. Est enim fructificatio bona et fructificatio mala, sicut in Evangeliiis designatur, « quia arbor bona bonos fructus facit (Matth. VII). » Oportet ergo nos expellere quidquid non bene fructificat, et abscidere fructus

nuerint nos, de Israelitis Chanaanæos faciant nos, sicut et ille effectus est quem superaverat carnis illocembra, cui dicitur a propheta Daniel: « Semen Chanaan et non Juda, species seduxit te (*Dan. xvi.*) » Non ergo eveniat nobis audire, « semen Chanaan, » quia maledictus Chanaan puer servus est fratribus suis.

## CAPUT IX.

*De eo quod Josue misit nuntios ad metiendam terram Chanaan et describendam eam juxta numerum uniuscujusque multitudinis: quam ipse divisit in septem partes, et tradidit filiis Israel in possessionem singulis secundum sortes suas.*

(CAP. XVIII.) « Congregatique sunt omnes filii Israel in Silo, ibique fixerunt tabernaculum testamenti, et fuit eis terra subjecta. Remanserunt autem filiorum Israel septem tribus, quæ necdum acceperant possessiones suas; ad quos Josue ait: « Usquequo marceitis in ignavia, et non intratis ad possidendam terram quam Dominus Deus patrum vestrorum dedit vobis? Eligite de singulis tribus ternos viros, ut mittam eos, et pergant, atque circumteant terram, et describam eam juxta numerum uniuscujusque multitudinis, referantque ad me quod descripserint. Dividite vobis terram in septem partes. Juda sit in terminis suis ab australi, et domus Joseph ab Aquilone: mediam inter eos terram in septem partes describite. Huc venietis ad me, ut coram Domino Deo vestro mittam vobis hic sortem, quia non est inter vos pars Levitarum: sed sacerdotium Domini est eorum hereditas. Gad autem, et Ruben, et dimidia tribus Manasse jam acceperunt possessiones suas trans Jordanem ad orientalem plagam, quas dedit eis Moyses famulus Domini, » et reliqua. In consuetudine quidem hominum, cum aliquid sorte dividitur, fortuito videtur sors illa ad illum, vel alia ad alium cadere. In Scriptura autem sacra non ita est: et aliquoties quærebam apud memetipsum si de re tanta ac tali patres sancti sortibus judicium commisissent. Quod si caset apud sanctos ita gestum, jam de aliis hominibus vel gentibus nihil mirum videres, si nihil haberetur exitium in his quæ a sanctis dicuntur sorte divisa. Sed vileamus si forte in Scripturis aliquid inveniamus esse positum quod nobis quid virtutis contineatur in sortibus manifestet. Incipiamus ergo a Leviticis, ubi scriptum est: « Et accipient, inquit, duas sortes, sors una Domino, et sors una apomompæ, » hoc est, transmissori: « et super quemcumque venerit sors apomompæ, accipient hircum illum, abducent in locum eremi vivum, et dimittent illum in dimissionem suam: alium vero hircum immolabunt Domino (*Levit. xvi.*) » et reliqua quæ ibi sunt, quæ utique sciunt qui legunt. Et iterum ibi Moyses divisit sorte tribui Ruben, et tribui Gad, et dimidia tribui Manasse quæ poposcerant filii Israel. Dedit autem ipse Jesus, secundum præceptum Domini, Caleb filio Jeffone, et tribui Juda sortem. Dedit autem Ephraim et illi quæ

A supererat tribui Manasse, et post hæc congregavit in ecclesia filios Israel et dixit: Mittam sortem, et proferam in conspectu Domini, si prius describentes terram, et tuleritis mihi descriptionem ejus. Et ita post hæc sortibus missis hæreditas populo Dei distribuitur; et agitur sors ista, non fortuito, sed secundum hoc quod prædestinatum est a Deo. Denique tribus Benjamin primam ibi accepit sortem ubi erat Jerusalem, post hæc tribus Simeon secunda, post hæc Issachar, deinde Zabulon, deinde Aser, post hæc etiam Nephtholim, deinde Dan; in quibus novissime veniunt tres illæ tribus quæ ex concubinis descenderant Jacob. Quæ ergo ratio sortium apud memetipsum requirebam, ut ex multis testimoniis Scripturarum quod latebat agnoscerem. Inveniebam sane in Scripturis etiam gentiles homines usos esse sortibus. Hinc cum navigaret Jonas, et tempestas urgeret; aiunt namque illi qui navigabant: « Mittamus sortem, et sciamus cujus causa hæc tanta malitia (*Jonæ i.*) » quasi sors tantum valeret ut prodere posset cujus causa periculum navigantibus immueret. Quamvis gentiles essent et alieni a cognitione Dei, non tamen hac opinione falluntur, sed quod verum erat prædixit eis sors super Jonam. Quærens ergo de his invenio et Salomonem in Proverbiis dicentem: « Contradictiones colibet sors, et inter potentes definit (*Prov. xviii.*) » veluti cessare ostendens contradictiones ubi mittitur sors. Sed cum hæc in Veteri Testamento non pauca referri de sortibus invenirem, converti me etiam ad Novum Testamentum, ut viderem si forte vel ibi contemnuntur sortes, aut num ibi quidem earum usus alibi dicitur; et invenio quod aliquando cum deesset numero apostolorum unus, et esset necessarium in locum Judæ alium subrogari, convenientes apostoli (qui utique multo sapientiores erant quam hi qui nunc episcopos, vel presbyteros, vel diaconos ordinant) et elegerunt duos, et statuerunt in medio, nec tamen de his sibi metipsis judicium permiserunt, ut illum facerent quem ipsi voluissent; « sed orantes, inquit, miserunt sortem, » ut ex illis duobus quos statuerant in conspectu Dei, id est, Joseph qui vocabatur Barnabas, qui cognominatus est Justus, et Mathiam. « Cecidit, inquit, sors super Mathiam, et annumeratus est cum Christi apostolis (*Act. i.*) » Præcedente namque ratione, non jam casu sed prudentia sors divinum judicium deferebat. Sed adhuc quærebam in Novo Testamento si sors in Christo vel in Ecclesia nominatur, vel in rebus mysticis quæ ad animam pertinere videantur. Invenio Paulum ad Ephesios scribentem, dicere de Christo: « In qua, inquit, sorte vocati sumus, prædestinati secundum propositum ejus qui omnia operatur secundum consilium voluntatis ejus, ut simus in laudem gloriæ ejus qui ante speravimus in Christo (*Eph. i.*); » sed ad Colossenses hæc scribentem: « Gratias agentes Deo Patri, qui idoneos nos fecit in partem sortis sanctorum in lumine (*Col. i.*) » Tam multis ex Scripturis sanctis de commemoratione sortium testimoniis congregatis, quo ex multorum loco



rum consideratione virtutem rei possimus diligentius apprehendere, mihi quidem ex his omnibus vel evidens adhuc sensus ad liquidum patere non potuit, vel etiam de re tanta enuntiandi et profereandi animi metus insedit. Illud autem, in quantum res patitur, contigisse sufficere, quod nobis ab apostolis sors ducta designat; quia ubi fide integra ac oratione premissa sors dicitur, ea quæ Dei voluntas continet in occulto sors hominibus declarat in manifesto. Secundum interiorum vero intellectum, sicut Paulus videtur indicare cum dicit: « In parte sortis sanctorum in lumine, et sorte vocatis in Christo, » videndum est ne forte non solum hominibus sed et in supernis virtutibus sors agitur; et præsideat aliqua virtus huic officio, quæ verbi causa Jesu filio Nave nunc sorte hæreditatem distribuendi, non aliquam gratiam, sed secundum hoc quod scit placere Deo, ducatum præbeat sortis, et illi quidem faciat eventus quæ prima sunt, quem scit apud Dominum primum locum tenere, ut hoc quod in oculis apud Deum habetur, sortis gubernatione etiam hominibus demonstretur: aliam vero facere secundi loci, et aliam tertii. Quod non solum in terris arbitror, verum etiam in cælestibus; et hujusmodi sorte quæ apud Dominum meritorum contemplatione distinguitur, etiam illo tempore habeatur; cum dividerit Excelsus gentes, et disseminaverit filios Adam (*Deut. xxxii*), et constituerit filios gentium secundum numerum angelorum Dei; et facta est portio Domini Jacob, funiculus hæreditatis ejus Israel. Vides ergo et hic partem et funiculum Domini Israel dicit esse sortem. Nunc ergo fortuito arbitrandum venisse sortem illi quidem angelo gentem illam suscipere, verbi gratia Ægyptiorum: alii autem angelo, Idumæorum, Moabitaram; et alii Indiam vel unamquamque nationem earum quæ sunt super terram. Sed et ibi etiam secundum numerum angelorum Dei dicantur sorte gentes istæ divise, tamen illa sors, sicut in hominibus diximus, quia Dei judicium quod in occulto est sors pandit in publico, ita etiam ibi fuisse credendum est, ut pro merito et virtute unusquisque angelus etiam et illam gentem in divisionem susciperet. Et quid dico de magnis et de generalibus rebus, cum ne per singulos quidem nostrum, absque hujusmodi sorte quæ Dei judicio dispensatur, evenire dicendum est? Verbi causa, ut alius quidem nostrum talem vel talem vitam novitate sortitur; vel certo illud quod erga homines geri ex Scripturis sanctis sæpe decimus, quod et boni angeli adsint hominibus, et contrarii; quod utique fortuito et absque judicio sit ille angelus illius animæ, verbi causa, et Petri custos fortuito sit, et alius Pauli, vel alius unius infantis de Ecclesia, de quorum angelis dicit Dominus « quia semper vident faciem Patris qui in cælis est (*Act. xii*); » de quibus utique dubitandum non est quod judicio Dei, qui vel illorum dignitate vel nostræ animæ aliquid perspicit, et qualitatem uniuscujusque nostrum et custodiam sortitur, sorte quadam mystica Christi dispensatione di-

A recta. Ego autem, in quantum ad opinionem meam spectat, puto audenter dicendum etiam de his virtutibus quæ mundi hujus ministeria susceperunt, quod non fortuito vel casu illa virtus vel illa terræ laboribus et germinationibus prosit, illa fortius fluvium fluentia sufficienter exhibeat, alia imbrum, alia ventorum, alia marinis, alia autem terrestribus animalibus singulis quibusque a terra gignentibus præsit: et esse in his singulis sacramenta ineffabilia divinæ dispensationis, ut ordini suo cuncta et competenti per unamquamquam virtutem dirimantur officio. Sic enim et Apostolus dicit: « Nonne omnes ministratorii sunt spiritus, in ministerium missi propter eos qui hæreditatem capiunt salutis? » (*Hebr. i.*) Ad horum igitur imitationem credendum est B etiam his Scripturarum auctoritate referre sortes, et duci per Jesum hæreditatem, et per unamquamque tribum divina dispensatione decerni; et per ineffabilem providentiam Dei a presentibus in his sortibus adumbrari, futuræ hæreditatis portio expleatur. Quoniam quidem lex umbram dicitur habere futurorum bonorum, et sicut dicit Apostolus de his qui ad Dominum Jesum Christum venerunt, quia « accessistis ad Sion montem, et civitatem Dei viventis Jerusalem cælestem (*Hebr. xii*). » Est aliqua in cælis civitas quæ dicitur Jerusalem et mons Sion. Non est utique hoc sine causa quod Benjamin in sorte sua accepit Jerusalem et montem Sion. Quia cælestis illius Jerusalem ratio sine dubio hoc exigebat, ut jam aliqua Benjamin dari deberet Jerusalem terrestris, quæ illius cælestis figuram servat ac formam. Similiter autem de Benjamin dicendum est quod certa aliqua ratione in Judæ sortem decernitur, vel Hebron, vel alia singule civitates singulis quibusque tribubus conscribuntur, nisi quia illa cælestia loca in quibus Jerusalem et Sion memoratur esse, sine dubio et cætera quæ his vel vicina vel conjuncta sunt loca, hoc in se causa et ratione continebant in cælis quod sorte distribuendo figurabatur in terris. Hinc ergo est quod dispensavit divina sapientia nomina quædam locorum scribi in Scripturis, quæ mysticæ quantam interpretationem contineant, per quæ indicatur vobis qui hæc certitis, quibusque rationibus, et non casu vel fortuito fieri dispensentur. Si enim est putandum quod fortuito acciderit, verbi causa, ut ille angelus Michael vocaretur, alius vero Raphael; et, ut ad humana descendam, sicut non fortuito, ut ille patriarcha Abraham vocaretur, et ille Isaac, et alius Israel; sed ne in feminis quidem casu accidit, sed certe divina ratione, ut illa Sara vocaretur ex Sarai, et ille Israel ex Jacob vel certe Abraham. Et ut certum est quod unusquisque angelorum vel hominum ex his quæ sibi injunguntur officiis et actibus etiam nomina sortiuntur, ita consequens est etiam loca quædam esse cælestia et civitates, sicut cælestis dicitur Jerusalem et Sion; esse etiam alias quarum typum et imaginem istæ quæ in terris sunt continent, quæ nunc in hæc Scriptura mystice nobis per

Jesum Nave filium designantur. De ipsis puto civitatibus dictum: «*Ædificabuntur civitates Judæ, et habitabunt ibi, et hæreditabunt eam (Psal. lxxviii).*» De ipsis etiam Dominus et Salvator dicit, «*quia multæ mansiones sunt apud Patrem meum (Joan. xiv);*» et de ipsis credendum est civitatibus servo illi qui bene negotiatus fuerit Dominum dicere: «*Habe potestatem supra decem civitates (Luc. xix),*» et alii supra quinque. Hæc de divisione sortium terræ Judæ proferre ad vos, in quantum fas fuit, ausi sumus Scriptura provocante, quæ Jerusalem dicit cælestem, et montem Sion, et similiter cætera quæ scripta sunt esse in cœlis, quæ nobis occasionem dederunt sentire de his omnibus quæ mysteria in his cœlestia describuntur.

(Ibid.) «*Et Amorrhæus permansit ut habitaret in Elon, et in Salumina: et gravata est manus Ephraim super eos: et facti sunt illis tributarii.*» (Ex Augustino.) Hoc jam contra Domini præceptum fiebat, et adhuc vivebat Jesus, sed dux eorum in illis præliis jam pro senectute non erat. Propter hoc dictum est, a Domino factum est ut confortaretur cor illorum, qui simul conspiraverunt ire in bellum contra Jesum, ne ista illis misericordia præberetur, etiam contra Dei præceptum, si remansissent non expugnati, et senescente Jesu, sive defuncto, relinquereatur expugnandi filii Israel qui eis contra præceptum Domini possent parcere, quod ille non faceret. (Ex Adamantio.) Amorrhæus interpretatur amarus vel amaritudo. Habitantes ergo in Elon, quæ interpretatur pax, pacifici permanent, et habitant amaritudines in arietantibus et pacificis. Arietantes sunt hi qui, in agone positi, expugnare diabolicas ædes et destruere conantur; pacifici vero, qui in carnalibus concupiscentiis superati pacem animæ egerint: in utrisque tamen perseverare contendit contraria virtus amaritudinis et persistere; in quo tale aliquo intelligere possumus, quia dicit, permansit Amorrhæus in ipsis. Verbi gratia, si inimica virtutis dæmonis ex amaritudine turba veniens obsideat alicujus corpus, perturbat et hebetat ruentes, adhibeantur autem multæ orationes aut multa jejunia, multæ exorcistarum bonæ manus impositiones. Sed adhibita sibi ex Dei nominis invocatione tormenta mavult pati quam discedere ab homine quem impudenter obsidet et nequitur: ita etiam hic intelligendum est in istis qui dicuntur Amorrhæi, qui permanent et persistent habitare in Elon et in Salumina. Et ut vere ostenderet Scriptura quia perferentes poenas et flagella persistent, dicit: Et gravis facta est manus Ephraim super Amorrhæos. Quibus autem gravis efficitur manus Ephraim super Amorrhæos, vel exorcistarum ut diximus, manus impositione imposita, gravari dicitur super immundos spiritus manus Ephraim vel boni actus, vel bona opera gravantia affligunt dæmonum genus, contrariasque virtutes. Quanto enim nos meliora gerimus, et quantum in optimis conversamur, tanto illis hæc molesta efficiuntur et gravia. Gratum vero illis est et accep-

tum, et voluntatem eorum quodammodo exhibet qui intra hebetudinem et flagitium vivit. Qui vero in bonis actibus manuum suarum gravaverit super eos, etiamsi penitus eos expellere non potuerit, certe tributarios eos facit et subjectos.

## CAPUT X.

*De eo quod dederunt filii Israel possessionem Josue filio Nun in medio sui, juxta præceptum Domini.*

(CAP. XIX.) «*Dederunt filii Israel possessionem Josue filio Nun in medio sui, juxta præceptum Domini, urbem quam postulavit Thamnath Saraa in monte Ephraim, et ædificavit civitatem, habitavit que in ea,*» et reliqua. (Ex Adamantio.) Quantam mansuetudinem et humilitatem beati Jesu, qui dignus erat ferre nomen Jesu Domini et Salvatoris nostri, declarat; ait enim: Dederunt enim, inquit, filii Israel sortem Jesu filio Nave in semetipsis præcepto Domini: dederunt civitatem quam petivit Thamnath Saraa, quæ est in monte Ephraim; et ædificavit civitatem, et habitavit in ea. Ipse est qui dedit hæreditatem omnibus filiis Juda, qui dedit Ephraim et dimidiæ tribui Manasse; ipse dedit magnifico illi Caleph filio Jephone hæreditatem; ipse misit ternos per singulas tribus, qui universam terram peragrarent atque describerent, et ostenderent sibi; ipse misit omnibus sortes, et se in novissimis reservavit. Quare putas voluit omnium esse novissimus? Sine dubio ut esset omnium primus. Et nec ipse sibi hæreditatis sortem præsumpsit, sed a populo accepit; et illi dat populus hæreditatem, a quo ipse acceperat; sic enim scriptum est: *Et dederunt filii Israel sortem Jesu filio Nave. Sed figuratiter contingebant illis quæ nobis proponuntur ad formam, ut et nos servemus præceptum illud quod et iste opere implevit, quod dicitur: «*Quanto magnus es, tanto humilia te magis apud Dominum, et invenies gratiam (Eccli. iii).*» Et iterum scriptum est: «*Si te ducem ordinaverint, ne extollaris, sed esto inter eos quasi unus ex ipsis (Eccli. xxxii).*» Vide ergo quomodo duxerat populum, ipse qui eos introduxerat in terram sanctam, in terram re-promissionis: ipse erat successor Moysi, et non ipse sumere permisit sortem terræ, sed expectat ut accipiat portiunculam. Dignus Jesus hoc nomine ædificat locum ipsum quem accepit, et construit eum, ut vere dignum faciat munere Dei et hæreditate divina. Sed quoniam ad Dominum et Salvatorem nostrum ea quæ de Jesu scribuntur referre consuevimus, fortassis etiam noster omnis hic populus dat aliquam portionem meo Domino Jesu, et velut locum quemdam habitationi ejus tribuit. Sed ne injuriosum videatur esse quod dicitur, requiramus quomodo ei damus nos servi habitationis locum. Ego si possum bonus fieri, dabo locum Filio Dei in me; et acceptum a me locum in anima mea Dominus Jesus ædificat, et facit in eo muros inexpugnabiles et turres excelsas, ut ædificet in me mansionem, si mererer, dignam se et Patre: et ita adornet animam meam, ut capaceam eam suæ sa-*

pietate et totius sanctitatis efficiat : in tantum ut **A** etiam faciat secum intrare, et in ea facere mansionem, et cenare etiam apud talem animam cibos quos iste domaverit. Videamus ergo quis est iste locus in quo cupit habitare Jesus : In monte, inquit, Ephraim, hoc est, in monte fructifero. Qui putas sunt in nobis montes fructiferi in quibus habitat Jesus? In illis profecto in quibus sunt fructus Spiritus sancti, « gaudium, pax, patientia, charitas (Gal. v), » et ceteri in quibus sunt montes fructiferi qui fructus Spiritus afferunt, et mente ac spe excelsi sunt. Et licet pauci esse tales possint, tamen si vel pauci fuerint, in ipsis habitans Dominus Jesus, qui est lux vera omnium, emittet radios suos lucis sue, etiam super reliquos omnes, quos nondum sub habitaculo principaliter induxit. Nunc ergo videamus **B** quæ sunt machære petrinæ quibus circumcidit Jesus filios Israel. Sed oreis pro nobis ut sermo noster vivens sit et efficax, et acutior super omnem machæram, præstabit et nobis Jesus Dominus ut verbum Dei quod loquimur ad vos circumcidat omnem immunditiam, resecat impuritatem, excidat vitia de actoribus, et amputet omne que vis mentis et efficacia naturalis obtegatur; et sic per verbum Dei, quod nunc machæra petrina dicitur, circumcidemini ab Jesu : et audietis quia hodie abstuli opprobrium **C** *Ægypti* a vobis. Quid prodest exisse de *Ægypto*, et nobiscum opprobria *Ægypti* circumferre? Quid enim prodest ambulare per eremum? hoc est, quid nos adjuvat in baptismo sæculo renuntiasse, et morum nostrorum pristinas sordes ac vitiorum carnalium immunditias obtinere? Oportet ergo post egressionem Rubri maris, id est, post gratiam baptismi, auferri etiam a nobis carnalia veteris consuetudinis vitia per Jesum Christum Dominum nostrum, ut ita demum *Ægyptiacis* carere possimus opprobriis. Ponuntur ergo illæ ipse machære et cultri lapidei, quibus secundo circumcidimur ab Jesu, in eodem loco quem petit Jesus et accipit; in loco quem possidet in anima justi, in ipso recondit et machæras. Sæpe ostendimus machæram verbi Dei dictum, quo verbo abscidantur et expurgentur peccata de anima audientium. Hæc ergo virtus verbi divini reconditur in eo loco cui datur sermo scientiæ et sermo sapientiæ, ut opportuno tempore anima illa quæ per **D** donum Spiritus sancti repleta est verbo sapientiæ et verbo scientiæ, proferat machæras in Ecclesia, et circumcidat secundo eos qui secunda indigent circumcissione. Quod autem dicit petrinæ machæras, hoc est, de saxo cultros, et nonferro artificis opere fabricatos, illico ostendit quod sermo Dei, qui circumcidere auditorum cordibus immunditias potest, non est ex arte grammatica vel rhetorica veniens, neque doctorum malleis edomitus, aut studiorum cultibus eliminatus, sed ex illa petra descendens quæ de monte sine manibus abscisa est, et orbem terræ complevit, et dona spiritalia credentibus tribuit.

## CAPUT XI.

*De urbibus fugitivorum, quæ constitutæ sunt ad defensionem eorum qui percusserint animam hominis nascentes et non sponte.*

(CAP. XX.) « Et locutus est Dominus ad Josue, dicens : Loquere filiis Israel, et dices : Separate urbes fugitivorum, de quibus locutus sum ad vos per manum Moysi, ut confugiat ad eas quicumque animam percusserit nescius : ut possit evadere iram proximi qui ultor est sanguinis, cum ad unam hanc ram confugerit civitatem. Stabitque ante portam civitatis, et loqueter senioribus urbis illius ea quæ se comprobent innocentem; sicque suscipient eum, et dabunt ei locum ad habitandum, » et reliqua. Urbes refugii nullam melius quam sanctam **B** Ecclesiam designare possum, ubi peccator per poenitentiam spem veniæ percipit, et ubi innocens salutis sue firmam custodiam invenit. Sed quia lex distantiam facit inter eum qui voluntarie hominem interfecit, et eum qui non sponte homicidium commisit, mystice demonstrat quia si quis per invidiam aut odium macrone malitiæ aliquem percusserit, et in mortem animæ seduxerit, æternæ morti ipse obnoxius erit. Unde ipsa Veritas ait : « Si quis scandalizaverit unum de pusillis istis qui in me credunt, expedit ei ut mola asinaria addatur collo ejus, et demergatur in profundum (Math. xviii). » Et Joannes ait : « Qui odit fratrem suum, homicida est; et scitis quia omnis homicida non habet vitam æternam in se manentem (I Joan. iii). » Hic talis ab altare Domini evelli jubetur, quia indignus sacramentis Dominiis a participatione sacri altaris merito removetur, nec revocari ad veniam nisi per condignam poenitentiam ullo modo meretur. Qui autem non voto malitiæ, sed per incuriam aut ignorantiam aliquem læserit, habet refugii Ecclesiam, videlicet catholicam, ubi se angustia poenitiæ coarctans, per omne tempus presentis vitæ bonis operibus studium impendens maneat. Et si spem suam in morte pontificis summi, redemptoris videlicet sui posuerit, hæc sine dubio in æternum salvabitur.

(IBID.) « Decrevimusque Cades in Galilæa montis Nephtholim, et Sichem in monte Ephraim, et Chariatharbe, ipsa est Hebron, in monte Juda; et trans Jordanem contra orientalem plagam Jericho, statuerunt Bosor, quæ sita est in campestri solitudine de tribu Ruben, et Ramoth in Galaad de tribu Gad, et Gaulon in Basan de tribu Manasse. Hæc civitates constitutæ sunt cunctis filiis Israel et advenis qui habitabant inter eos, ut fugeret ad eas qui animam nescius percussisset, et non moreretur in manu proximi, effusum sanguinem vindicare cupientis, donec stare ante populum expositurus causam suam. » (Ex Bachtario.) Ecce habes sex refugii civitates, quas, si placet, ingredi; ac si forte pro scientia peccatorum illas quæ sunt in terra repromissionis, hoc est in Ecclesia, intrare non audeas, est Bosor circa Jordanem in solitudine, quæ interpretatur angustia, id est, callula

monasterii parva vel modica : et optime tibi conveniet, quod de sorte Ruben est, et ipse qui thorum patris sui maculavit illicite. Est et Ramoth de sorte Gad, quæ interpretatur excelsa mors, vel visio mortis. Vere enim excelsa mors pœnitentia esse dicenda est, cum mortificatis membris deducatur homo ad excelsa coelorum, unda fuerat ante delapsus. Sive juxta istam humilem mortem, quæ generaliter omni carni imminet, illa ad comparationem ejus rationaliter excelsa nominatur, quia multo nobilius est per pœnitentiam mori quam communi hac morte dissolvi. Si autem visionem mortis sentire velimus, ita potest intelligi, quia cum sumus in pœnitentia constituti, et ante oculos nobis portus inferni tormenta, videmus ipsam speciem mortis, de qua pœnitentia beneficia liberomur. Donec memineris te in ancillæ filii civitate agere pœnitentiam; quia omnis qui peccat servus est peccati, et formam servi accipiens, humiles te ipsum usque ad mortem. Est Gailon in finibus Manasse, quæ interpretatur volutatio; ut tu memineris tibi in cilicio et cinere esse volutandum; et hoc in finibus Manasse, qui interpretatur oblitio, ut obliviscaris ea quæ ante gessisti, et in priora te extendas. Hic ergo inhabitata, ut per angustias mortis et volutationis, iram persecutoris evadas, et spem salutis invenias. Tum deinde in his si aliquid utiliter egeris, etiam ad Cades in terra repromissionis quæ est in Galilæa, poteris pervenire: quæ interpretatur sancta; ut tu cum in tribulatione opus corruptionis abjeceris, etiam ad sanctam tibi Ecclesiam tribuatur accessus: ut in Nephthalim sorte, qui dicitur vitis remissa, de sacramento Dominici sanguinis participare merearis. Sed nec Hebron tibi aditus clauditur, quæ interpretatur conjunctio, sive conjugium. Revertetur enim anima tua ad virum suum, id est, ad spiritum Dei, a quo pro tempore peccaminum fuerat viduata. Sicque etiam sextam civitatem Sichem, quam Joseph noster in hæreditatem consequitur (propter quod ibi sepultus est) valebis intrare: quæ interpretatur humerus, sive labor; ut ostendas te per laborem pœnitentiæ ab errore tuo Christi humeris reportatum, et adjunctum nonaginta novem ovibus effectum centesimum: quia ipsa Sichem ab alienigenis centum ignis scribitur comparata. Hæ ergo civitates Levitis date sunt, quia doctoribus sanctis commendata est Ecclesia. Et ideo senario numero comprehensæ, quia doctrinæ et morum perfectio bene convenit his qui magisterii locum tenent, ut habeant semper subjecti in præpositorum suorum conversatione atque doctrina unde proficere possint. Hinc ipse Dominus in Evangelio apostolis ait: « Vos estis lux mundi, et vos estis sal terræ. Estote perfecti sicut et Pater vester cœlestis perfectus est. Sic luceat lux vestra coram hominibus, ut videant opera vestra bona, et glorificent Patrem vestrum qui in cœlis est (Math. v.) » (Ex Isidoro.) Quod vero Levitæ non acceperunt hæreditatem terræ, utique quia Jesus Dominus noster ipse est hæreditas eorum, sicut

scriptum est: « Ego hæreditas eorum, et possessio eis non dabitur in Israel (Num. xviii.) » Ego enim sum possessio eorum, Clericorum enim hæreditas et possessio ob hoc se dici voluit Deus, quia ministri altaris ipsius effecti sunt et sors, propter quod et clerus sors interpretatur. Ergo Deum hæreditate merito possidet qui, ut absque ullo impedimento deservire Deo valeat, pauper esse spiritu contendit; ut congrue illud Psalmistæ dicere possit: « Dominus pars hæreditatis meæ et calicis mei (Psal. xv.) » Quod vero habitacula Levitis ab Jesu per omnes tribus decernuntur, significatur ut hi qui in Ecclesia Dei scientiæ operam dantes, doctrinæ gratiam administrant, rursus ab omnibus quibus dispensant divina, terrena subsidia quæ non habent recipiant, ut impleatur illud quod Apostolus præcepit, dicens: « Si nos vobis spiritalia seminamus, magnum est ut carnalia vestra metamus (I Cor. ix.) » Et merito isti in cunctis tribus divisi dicuntur, quia dispensatione cunctorum vivunt.

## CAPUT XII.

*De filiis Levi qui postulaverunt ab Eleazaro sacerdote et de Josue filio Nun urbes ad habitandum, et suburbana earum ad alenda jumenta.*

(CAP. XXI.) « Accesseruntque principes familiarum Levi ad Eleazar sacerdotem, et Josue filium Nun et duces cognationum per singulas tribus filiorum Israel: locutique sunt ad eos in Silo, terra Chanaan, atque dixerunt: Dominus præcepit per manum Moysi ut darentur nobis urbes ad habitandum, et suburbana earum ad alenda jumenta. Dederuntque filii Israel de possessionibus suis, juxta imperium Domini, civitates et suburbana earum, et reliqua. (Ex Augustino.) Omnes filii Israel acceperunt sortes suas in terra, Levitis autem hæreditas solus sufficit Deus. Verum quoniam accipiunt Levitæ primitias et decimas de fructibus a filiis Israel per præceptum Dei, oportebat eos etiam de terra, ut ita dicam, et de habitaculis (hoc est enim ab omnibus) decimas accepisse. Et ideo accedentes primarii viri qui erant de filiis Levi ad Eleazar sacerdotem, et ad Jesum filium Nave, et ad principes tribuum filiorum Israel, in Selon, in terra Chanaan dixerunt: « Dominus præcepit in manu Moysi dari nobis civitates ad habitandum, et suburbana earum animalibus nostris. » Oportebat ergo etiam de suburbanis et de civitatibus sortem fieri, ne forte indiscrete et fortuito inter Levitas celebrata divisio videretur. Sicut ergo distributio sortis quæ facta est in filiis Israel habuit rationem qua quis prima sorte dignus haberetur, qua et alius secunda; de qua ut potuimus jam ante tractavimus; sed et hi qui per Moysen ultra Jordanem, et ab Jesu in terra repromissionis accipiunt, ubi prima sors cecidit in Benjamin, et postmodum inter cæteros, in quibus fuit ultimus Dan; ita necesse est esse aliquam rationem etiam in ordine sacerdotalis et Leviticæ sortis, ut alii prima, alii secunda, alii vero tertia sors ducatur, per quas illa vel illa loca ui-

cuique decernuntur. Dicuntur autem filii esse Levi, A Gerson, et Caath, et Merari, et ostenditur primatum tenuisse in honore Caath, hoc est, qui filii Caath fuerunt ex Amram. Nam de eo Moyses, et Aaron, et Maria. Igitur de Caath pars quidem plebs effecta est sacerdotalis, quæ est Aaron et filii ejus. Moyses autem aut in sacerdotali ordine, aut si quid etiam amplius a sacerdotali esse potest, habendus est. Alia vero est ratio de filiis ejus. Cæterum autem ex filiis Caath secundum tenuerunt in tribu Levi, si qui sunt ex Issachar, et Hebron, et Odiel. Tum deinde post hoc accipiunt partem propter Caath, e filiis Gerson tertio loco, novissimus vero omnium Merari. Hæc est autem differentia primi ordinis, secundi, et tertii, vel quarti, quam primo omnium observavimus in numeris: postea enim quam ordinate fuerant duodecim tribus per quatuor orbis terræ partes circa arcam testamenti Domini excubias agere: et statuta sunt tres quidem tribus ab oriente, et tres quidem ab Africo, et meridiano, tres autem ad mare quod est ad occidentem, tres vero ad aquilonem, qui est septentrio: ubi etiam isti per quatuor orbis terræ partes eodem ordine deputantur, et ab oriente quidem, ubi erat tribus Juda, quæ erat inter cæteros prima; Aaron atque filii ejus collocantur: Caath vero et reliqui qui erant filii arcam testamenti Domini levare in humeros et tubis canere statuuntur; ita ut cum prima tuba cecinisset, moverent castra hi qui erant ab oriente; cum vero secunda cecinisset, hi qui erant a meridiano consurgerent; tertia ab occidente, quarta ab aquilone. Vides quantus ordo et quanta differentia in Scripturis et rerum consequentia describitur, quomodo nihil nisi cum moderatione et ordine geritur. Intuere diligentius, et in omni Scriptura hæc ita invenies ordinata. Sed si tibi difficile est per omnes libros vigilantem cordis oculum ducere, in hoc saltem loco diligentius quæ referuntur advertite. Prima, inquit, exit sors Caath, et facta est filiis Aaron sacerdotibus qui erant in Levitis. Cui prima sors debuit exire, qui oportebat primatum dari, nisi Aaron primo pontifici, primo in vitæ meritis, primo in honoribus et virtute? Certum est apud nos nunc saltem quod non sit sors ita fortuita, sed adsit virtus superna, gubernans eam secundum divinæ providentiæ judicium. Ubi ergo filiis Aaron prima habitacula sors hæc justa decernit? In tribu, inquit, Juda, et tribu Simeon, et in tribu Benjamin, per sortem civitates duodecim. Vides quomodo in electis viris, et in electis tribubus habitacula dispensantur. Quos autem oportuit secundam sortem suscipere? Filios, inquit, Caath qui reliqui erant post filios Aaron. Et quas tribus ipsi accipiunt? In tribu, inquit, Ephraim, et in tribu Dan, et in dimidia tribu Manasse, civitates decem per sortem. Qui sunt autem tertii filii Gerson, et in quibus tribus sortiuntur? In Issachar, et Aser, et Nephtholim, et in dimidia tribu Manasse, quæ est in Paraitide civitates duodecim. Qui sunt ultimi in Levitis? Filii, inquit, Merari isti novissimi, et in quibus

accipiunt tribus videamus. Ex tribu, inquit, Ruben trans Jordanem, et de tribu Zabulon, qui et ipse ultimus est inter filios Liæ, accipiunt sortem civitates duodecim. Sed dum ea quæ magis observanda sunt in locis contigimus, de quibus etiam si pandere profundiora non possumus, saltem summa quæque perstringere non pigebit, ut ex his unusquisque auditor occasionem capiat intelligentiæ altioris et mysticæ perquirendæ. Cum quatuor partes sint orbis terræ, Caath accipit sortem primus inter filios Levi a parte orientalis, cum illis tribubus quæ et ipse primatum omnium tenent. Vide ergo quomodo universa conveniunt. In quatuor orbis partibus certum est orientalem plagam nobiliorē videri. Et quæ nobilior omnium reliquarum Judæ tribus habeatur, et filii Aaron sacerdotes primam dicunt in primis e tribus orbis partibus sortem cum Gerson et Merari, qui erant primi inter filios Levi. Si ergo tres filii Levi accipiunt orientem; occidentem vero ubi erat Ruben et Simeon et Gad, sortitur secunda sorte Gad et tribus Simeonis. Merari vero primum sortitur Ruben, et iterum Merari tertium in numeris ab oriente accipit Zabulon, ut Justitia servetur in sorte quæ secundum Deum ducitur, et credentium mentes ad mysterium futuri sæculi dirigat contuenda. Post hæc eorum qui ad mare erant, id est Ephraim, et Benjamin, Manasse. Gad cum suscepisset secunda sorte tribum Benjamin, cæteri ex familia ejus sortiti sunt Ephraim. Post hæc eos qui erant ex dimidia tribu Manasse, qui fuit in terra Gerson; et iterum ipse Gerson sortitur aliam dimidiam tribum Manasse. Sed quia oportebat eos qui erant ab aquilone aliquid sacerdotalis gratiæ consequi, ne penitus nudati donis celestibus videantur, in his ergo quorum novissimus ordo erat in aquilone, id est, in Dan, Nephtholim, Aser, rursum Gad non quidem inter sacerdotes, sed inter cæteros primam accipit sortem in Dan; secundam vero Gerson in Aser, et tertii, id est Gerson, in Nephtholim. Quis potest ascendere hæc omnia et comprehendere? Quis meminisse saltem et observare ordinem mysteriorum valet? quod secundum litteram solam difficile textus narrationis explicari potest, et permistio vel locorum vel personarum quæ in historia continetur evolvi. Quid dicimus de his sacramentis quæ per hoc describuntur, et in quibus distributiones futuræ hæreditatis adumbrantur, et per quæ sanctæ terræ, quam mansueti hæreditate suscipient, divisio celebrabitur? Quis castrorum sedes diversas explicet? Quomodo hæc in resurrectione per singulos quosque sanctorum sacerdotali vel Levitico ordine habenda sit distributio, ut, quemadmodum dicit Apostolus, in resurrectione non confuse agantur omnia, sed veniat unusquisque in suo ordine? Imitum Christus, deinde hi qui sunt Christi, qui in adventu ejus operaverunt, cum tradiderit regnum Deo et Patri, et cum subjecerit ei omnem principatum et potestatem; ubi sine dubio tales distributiones et ordines ac tubarum significationes erunt. Quod autem, exceptis sex urbi-

bus fugitivorum, alias quadraginta duas urbes Levitæ accipient, indubitanter ipsa prædicatio sanctorum signatur. Ipsi enim possident doctrinam quæ constat legis Decalogo, et quadrifido Evangelii numero, quasi decies quaternas urbes habentes. Quibus etiam duæ adjiuntur, quia nimirum cuncta quæ prædicant morali ac mystico sensu annuntiant.

## CAPUT XIII.

*De eo quod omnis terra Chanaan data est a Domino Israel in possessionem; et possederunt illam cum pace.*

(Ibid.) « Deditque Dominus Israeli omnem terram quam traditurum se patribus eorum juraverat, et possederunt illam, atque habitaverunt in ea. Dataque est ab eo pax in omnes per circuitum nationes: nullusque eis hostium resistere ausus est, sed cuncti in eorum ditionem redacti sunt. Ne unum quidem verbum quod illis se præstaturum esse promiserat, irritum fuit, sed rebus expleta sunt omnia. » (Ex Augustino.) Merito quaeritur, cum Israel non solum usque ad diem mortis Jesu, verum etiam postea non eradica-verit gentes quæ terram re-promissionis tenebant, quamvis ex parte illis debellatis in eadem promissa hæreditate consistere; quomodo intelligendum sit quod dictum est: Et dedit Dominus Israel omnem terram quam juraverat dare patribus eorum, et hæreditaverunt eam, et habitaverunt in ea: et requiem dedit illis Dominus in circuitu, sicut juraverat patribus eorum; non restitit quisquam ante faciem illorum ab omnibus inimicis eorum: omnes inimicos eorum tradidit Dominus in manus eorum; non decidit ex omnibus verbis bonis quæ locutus est Dominus filiis Israel, omnia advenerunt. Diligenter ergo universa considerata sunt, et primum videndum quod gentium terra promissa sit Israelitis. Septem quidem gentes assidue videntur commemorari, sicut in Exodo legitur: « Et dixit Dominus ad Moysen: Vade, ascende hinc tu et populus tuus, quos eduxisti de terra Ægypti, in terram quam juravi Abraham, et Isaac, et Jacob, dicens: Semini vestro dabo eam, et simul mittam ante faciem tuam angelum meum: et ejiciet Amorrhæum, et Cethæum, et Pherezæum, et Gergezæum, et Hevæum, et Jebusæum, et Chananæum (Exod. xxxiii). » Harum ergo septem gentium terram videtur Deus patribus promississe. Scriptum est etiam in Deuteronomio multo expressius: « Si autem accesseris ad civitatem expugnare eam, et evocaveris eam cum pace, siquidem pacifica responderint tibi, et aperuerint tibi, omnis populus qui inventi fuerint in civitate, erunt tibi tributarii et obedientes. Si autem non obdierint tibi, et fecerint ad te bellum, circumsedebis eam, et tradet eam Dominus in manus tuas: et interficies omne masculinum ejus in nece gladii, præter mulieres. Et supellectilem, et omnia pecora, et omnia quæ fuerint in civitate, et omnia utensilia prædaberis tibi: et edes omnem prædationem inimicorum tuorum, quam Dominus Deus tuus dabit tibi. Sic facies

A omnibus civitatibus quæ longe sunt a te valde, quæ non sunt a civitatibus gentium istarum. Ecce autem ex civitatibus istis, quas Dominus Deus tuus dat tibi hæreditare terram eorum, non vivificabis omnem vivum, sed anathematizabis eos, Cethæum, Amorrhæum, et Chananæum, et Pherezæum, et Jebusæum, et Hevæum, et Gergezæum, quemadmodum mandavit tibi Dominus Deus tuus (Deut. xx). » Et hic istarum septem gentium terram promissam in hæreditate, quam debellatis usque interfectionem eisdem gentibus Israelitæ possiderent, manifestum est. Cæteras vero quæ longinquius extra istas gentes invenirentur, voluit fieri tributarias eorum, si non resisterent; si autem resisterent, etiam ipsas interfici et in perditionem dari, exceptis pecoribus et quæ in prædam possent venire. Item alio loco in Deuteronomio ita legitur: « Et erit cum induxerit te Dominus Deus tuus in terram in quam transibitis hæreditare eam, et abstulerit gentes magnas et multas a conspectu tuo; Cethæum et Gergezæum, et Amorrhæum, et Pherezæum, et Chananæum, et Hevæum, et Jebusæum, septem gentes magnas et multas, et fortiores vobis: et tradet eas Dominus Deus tuus in manus tuas, et percuties eos, et exterminio exterminabis eos. Non disposes ad eos testamentum, neque misereberis eorum, neque matrimonio jungamini cum eis. Filiam tuam non dabis filio ejus, et filiam ejus non sumes filio tuo, etc. (Deut. vii). » Proinde his atque aliis Scripturarum locis sæpe ostenditur harum septem gentium terras ita accepisse in hæreditatem filios Israel, ut non cum eis qui easdem terras tenebant, sed pro eis illic habitarent. Verumtamen in Genesi non istæ tantum septem gentes, sed undecim promittuntur semini Abraham. Sic enim legitur: « In die illa disposuit Dominus Deus testamentum ad Abraham, dicens: Semini tuo dabo terram hanc, a flumine Ægypti usque ad fluvium magnum Euphraten; Cenæos et Cenezæos, et Chelmonæos, et Cethæos, et Pherezæos, et Rafam, et Amorrhæos, et Chananæos, et Hevæos, et Gergezæos, et Jebusæos (Gen. xv). » Quæ ita solvitur questio, ut intelligamus hanc præcessisse prophetiam, quod in eo fines regum fuerat porrecturus et dilataturus Salomon, de quo ita scriptum est: « Et omne propositum Salomonis quod destinaverat ædificare in Jerusalem, et Libano, et in omni terra possessionis suæ; omnis populus qui derelictus est a Cethæo et Amorrhæo, et Pherezæo, et Hevæo, et Jebusæo, qui non erant ex Israel, id est, ex filiis eorum qui residui erant cum eis in terra, quos non consummaverant filii Israel. Et subjugavit eos Salomon in tributum usque in diem hanc (III Reg. ix). » Ecce residua populorum debellandorum atque omnino ex Dei præcepto perdendorum subjugavit Salomon in tributum, quos utique secundum præceptum Dei perdere debuit; sed tamen subjugati tanquam tributarii possessi sunt. Paulo post autem ita legitur: « Et erat dominans in omnibus regionibus, a flumine usque ad terram Philistiim, et usque ad fines Ægy-

pti (*III Reg. iv.*) » Ecce ubi impletum est quod in Genesi (*cap. xv*) Deus ad Abraham loquens promittensque prædixerat : « a flumine » quippe hic intelligitur, ab Euphrate ; magnum enim flumen in illis locis, etiam proprio nomine non addito, potest intelligi. Neque enim de Jordane hoc accipi potest, cum et citra Jordanem et ultra Jordanem jam terras Israelitæ obtinuerant, ante regnum Salomonis. Ergo a flumine Euphrate ex partibus orientis, usque ad fines Ægypti, quæ pars illis erat ab occidente, regnum Salomonis Scriptura Regnorum dixit fuisse porrectum. Tunc ergo amplius subjugatum est, quam septem illæ gentes tenebant ; ac per hoc tunc in servitutem redactæ sunt, non septem, sed undecim gentes. Quod enim in Regnorum libris scriptum est, « usque ad fines Ægypti, » « a flumine, » cum Scriptura ab oriente usque ad occidentem quantum porrectum esset regnum, vellet ostendere ; hoc idem in Genesi cum ab occidente usque ad orientem præfiniretur, dictum est : « A flumine Ægypti usque ad fluvium magnum Euphratem (*Gen. xv.*) » Flumen quippe Ægypti, qui finis est determinans regnum Israel ab Ægypto, non est Nilus, sed alius est non magnus fluvius, qui fluit per Rhinocoruram civitatem, unde jam ad orientem versus incipit terra promissionis. Sic ergo fuerat constitutum filiis Israel, ut septem gentium terras, exterminatis et perditis illis gentibus, ipsi inhabitarent ; aliis autem regnarent subditis atque tributariis, usque ad flumen Euphratem. Et quamvis in hoc Deo non obtemperassent, quia et ex illis quas exterminare deberent, obedientes aliquos fecerant, Deus tamen temporibus Salomonis fidem suæ promissionis implevit. Nunc itaque in libro Jesu Nave quod considerare suscepimus, quomodo erit verum : « Et dedit Deus Israel omnem terram quam juraverat dare patribus eorum, et hæreditaverunt eam ? » Quomodo adhuc vivente Jesu omnem terram dedit, cum etiam reliquias illarum septem gentium nondum superavissent ? Nam quod sequitur : « Et hæreditaverunt eam, » verum est ; quia ibi erant, ibique consederunt. Deinde quod adjungit : « Et requiem dedit Dominus illis in circuitu, sicut juraverat Dominus patribus eorum, » veram est ; quia vivo adhuc Jesu non eis quidem cedebant reliquias illarum gentium, sed nulla earum eos in terris ubi consederant bello lacescere audebat. Ideo dictum est et quod deinde adjungitur : Non restitit quisquam ante faciem illorum ab omnibus inimicis eorum. Quod vero sequitur : « Sed omnes inimicos eorum tradidit Dominus illis in manus eorum, » hos intelligi voluit inimicos qui obviam ire in bellum ausi sunt. Deinde quod dicit : « Non decidit ex omnibus verbis bonis quæ locutus est Dominus filiis Israel, omnia advenerunt ; » ita vult intelligi, quia cum jam illi contra præceptum Domini fecissent, quibusdam parendo ex illis septem gentibus, et eos obedientes faciendo, adhuc tamen inter eos salvi erant. Ideo cum dixisset : « Ex omnibus verbis, » addit « bonis, » quia nondum advenerant maledicta contemptoribus et transgressoribus

PATROL. CVIII.

A constituta. Restat ergo ut hoc quod ait : « Dedit Dominus Israel omnem terram quam juraverat dare patribus eorum, » secundum hoc intelligatur, quia etsi adhuc erant ex illis gentibus reliquias contendæ et exterminandæ, vel ex aliis usque ad flumen Euphratem, aut subjugandæ si non resisterent, aut perdendæ si resisterent, tamen in usum eorum relictae sunt in quibus exercerentur ; ne carnalibus affectibus et cupiditatibus infirmi, repentinam tanquam rerum temporalium prosperitatem modestè ac salubriter sustinere non possent, sed elati citius interirent, quod opportune alio loco demonstrabitur. Omnis ergo illis terra data est, quia et illa pars quæ nondum data fuerat in possessionem, jam data fuerat in quamdam exercitationis utilitatem. Quod ait : Non resistit quisquam ante faciem illorum ab omnibus inimicis eorum, quæri potest quomodo verum sit, cum de tribu Dan superius scriptum sit quod eos hostes eorum non permiserint descendere in vallem, et prævaluerint eis in montibus. Sed quod diximus cum duodecim filios Jacob Scriptura in Mesopotamia natos commemorasset, ubi non fuerat natus Benjamin ; hoc etiam hic intelligendum est, quia pro universo populo undecim tribus deputatæ sunt, ea regula quæ aliis Scripturarum locis nobis satis innotuit. Causa autem si quæritur cur hæc tribus in ea sorte quæ illi obvenit non obtinuerit sufficientes terras, et ab eis a quibus tenebantur afflicta sit, in Dei quidem secreto consilio esse credendum est. Verumtamen cum Jacob filios suos benediceret, talia dixit de isto Dan, ut de ipsa tribu existimetur exsurrecturus Antichristus (*Gen. xliix.*). Unde nunc plura dicere non suscipimus, cum etiam sic solvi possit hæc quæstio, quia non restitit quisquam ante faciem illorum ab omnibus inimicis eorum, cum simul sub unius ducis imperio bellum gererent, antequam singulis tribubus sua defendenda dividerentur loca.

## CAPUT XIV.

*De eo quod Rubenitas et Gadditas, et dimidiam tribum Manasse dimisit Josue in possessiones suas cum pace.*

(*Cap. xxii.*) « Eodem tempore vocavit Josue Rubenitas, et Gadditas, et dimidiam tribum Manasse, et dixitque ad eos : Fecistis omnia quæ vobis præcepit Moyses famulus Domini : mihi quoque in omnibus obedistis, nec reliquistis fratres vestros longo tempore usque in præsentem diem, custodientes imperium Domini Dei vestri. Quia igitur dedit Dominus Deus vester fratribus vestris quietem et pacem sicut pollicitus est, revertimini, et ite in tabernacula vestra, et in terram possessionis quam tradidit vobis Moyses famulus Domini, trans Jordanem, etc. » (*Ex Adamantio.*) Post hæc Jesus convocat filios Ruben, et filios Gad, et dimidiam tribum Manasse, qui secum militaverant ad hostes Israeliticos superandos, et dimittit eos ire in hæreditatem suam, datis his etiam quibusdam muneribus, sicut scriptum est. In quo videtur illud in-

dicare mysterium, quod cum plenitudo gentium introiret, et quæ repromissa sunt eis a Domino Jesu reciperent illi qui per Moysen eruditi et instructi fuerant, et qui nobis in certamine positus auxilia orationibus et precibus detulerant; et quia nondum repromissiones consecuti sunt, expectantes ut etiam nostra vocatio complectatur, sicut dicit Apostolus, nunc demum perfectionem quæ eis dilata fuerat consequantur, cum muneribus quæ accipiunt ab Jesu, ut unusquisque habitet in pace, omni bello atque omni impugnatione cessante. Post hæc lectum nobis est quia filii Ruben, et filii Gad, et dimidia tribus Manasse, qui erant trans Jordanem, ædificarent aram ingentem; filii vero Israel reliqui, ignorantibus quare hæc ara fuisset constructa, mittunt Phinees filium Eleazar, filii Aaron sacerdotis, cum decem viris de singulis tribubus electis, ut si forte tanquam discedentes a Deo hoc fecissent, velut apostatæ effecti, et contra mandatum Dei gerentes, expugnarentur a reliquis filiis Israel; sin aliter, ut noscerent causam. Illi vero satisfaciunt de ara et dicunt: Scimus quia altare verum est, Jesus apud vos habitat; nos autem fecimus altare hoc ad similitudinem illius altaris quod apud vos constructum est, ut apud nos figura et imago veri altaris habeatur, ne forte crastino, inquit, placeat vobis dicere quia Jordanis finitimus est inter nos et vos et ipse decernit, et idea non habetis portionem in altari nostro. Hæc illis responsa miserunt. Sed videamus quid facti hujus continet sacramentum. Prior populus circumcisionis in Ruben, qui fuerat primogenitus, designatur; sed et in Gad, qui et ipse primogenitus est ex Zelfa; et Manasse nihilominus primogenitus. Quod autem dica primogenitus, secundum tempus loquor. Hæc ergo dicuntur, ne inter nos et illos qui ante adventum Christi fuerant justis, divisio aliqua ac separatio videretur; sed ut ostenderetur, etiam si ante adventum Christi fuerant, fratres tamen nostros esse. Licet enim habuerint altare tunc ante adventum Salvatoris, sciebant tamen et sentiebant quia non esset illud altare verum, sed quia forma et figura futuri veri illius. Noverant hæc, quia veræ hostiæ et quæ possent auferre peccata, non illi altari offerebantur quod habebat primogenitus populus, sed in isto ubi Jesus erat. Hic cœlestes hostiæ, hic vera sacrificia consummantur. Fit ergo unus grex, et unus pastor, illi priores justis, et qui nunc sunt Christiani. Volo autem ad horum probationem memoriam facere etiam historiæ cujusdam, si tamen Dominus donare dignetur ut explanationem ipsius spiritalem invenire possimus. Cadebat aliquando populus in deserto et moriebatur (Num. xvi). Venit Aaron pontifex, et stetit in medio eorum qui moriebantur et eorum qui vivebant, ne ultra vastatio mortis proficeret etiam inter cæteros. Venit verus pontifex meus et Dominus, id est, inter eos qui ex Judæis suam præsentiam susceperunt, et inter eos qui non solum non susceperunt, sed semetipsos magis quam illum occiderunt,

A dicentes: « Sanguis illius super nos, et super filios nostros (Matth. xxvii); » unde et « omnis sanguis justus qui effusus est super terram, a sanguine Abel justis usque ad sanguinem Zachariæ, quem interfecerunt inter templum et altare (Matth. xxiii), » requireretur a generatione illa quæ dixit: « Sanguis ejus super nos et super filios nostros. » Sunt ergo isti pars populi, qui neque azyma, neque dies festos competenter agunt, sed conversi sunt dies festi eorum in luctum, et cantica eorum in lamentationem. Non potuerunt diem festum celebrare in loco quem elegit Dominus Deus. Et nos quidem non diximus ad illos, quia non erit vobis pars in hoc altari, vel in hæreditate Domini, sed ipsi sponte sua altare verum et cœlestem pontificem refutarunt, et eo usque infelicitates eis sunt, ut et imaginem perderent, et non susciperent veritatem. Et ideo dicitur ad eos: « Ecce relinquetur vobis domus vestra deserta (Matth. xxiii). » Translata est enim ad gentes gratia Spiritus sancti, translatae sunt ad gentes solemnitates, et pontifex, non imaginarius, sed verus, secundum ordinem Melchisedech electus; et necesse est eum veras hostias, id est, et spirituales offerre apud nos ubi ædificatur ecclesia et templum Dei a lapidibus vivis, quæ est Ecclesia Dei viventis, et ubi est verus Israel.

## CAPUT XV.

*Sermones Jesu ad populum, et commemoratio præceptorum Domini et beneficiorum ejus, quæ collata sunt eis abundantissime ab ipso.*

(CAP. XXIII.) « En ego hodie ingredior viam universam terræ, et toto corde et toto animo cognosco et vobis quod de omnibus verbis quæ Dominus præstatum se nobis esse pollicitus est, unum non præterierit incensam, » et reliqua. (Es Augustina.) Quod dicit Jesus de sua propinquante morte: Ego autem recurro viam, sicut et omnes qui sunt super terram, in ea interpretatione, quæ est ex Hebræo, invenimus, « ingredior viam. » Ita ergo accipiendum est quod Septuaginta dixerunt, « recurro, » sicut dictum est homini, » donec revertaris in terram unde sumptus es (Gen. iii); ut secundum corpus dictum intelligatur. Secundum autem animam vero si volumus ita accipere, quemadmodum in Ecclesiaste positum est, « Et spiritus revertetur ad Deum qui dedit eum (Eccle. xii); » non arbitror de omnibus posse dici, sed de his qui sic vixerint ut ad Dominum redire mereantur, tanquam ad auctorem a quo creati sunt. Neque enim hoc et de illis recte intelligi potest, de quibus dicitur: « Spiritus ambulans, et non revertens (Psal. lxxvii). » Iste autem vir sanctus Jesus Nave, si non addidisset, sicut et omnes qui sunt super terram, nulla esset quæstio: neque enim aliud de illo crederemus quam quod cum dignum esse legimus. Cum vero additum est, sicut et omnes qui sunt super terram, mirum si hoc quod Latinus interpres, « recurro, » posuit, non magis « percurro, » vel « excurro » dicendum est, si hoc potest dici quod Græcus habet ἀποτρέπω, omnes enim



percurrunt, vel excurrunt hujus vite viam, cum ad A  
 ejus finem pervenerint. Sed quia hoc verbum posi-  
 tum est ubi parentes Rebeccæ dicunt ad servum  
 Abraham: « Ecce Rebecca; accipiens, recurre: et  
 sit uxor domini tui: » ideo et hic ita hoc verbum  
 interpretatum est.

(CAP. XXIV.) « Hæc dicit Dominus Deus Israel:  
 « Trans fluvium habitaverunt patres vestri ab initio,  
 « Thare pater Abraham et Nachor; servieruntque  
 « diis alienis. Tuli ergo patrem vestrum Abraham  
 « de Mesopotamiæ finibus, et adduxi eum in terram  
 « Chanaan, » etc. Quod Septuaginta interpretes  
 habent: « Et assumpsi patrem vestrum Abraham  
 « de trans flumen, et deduxi eum in omnem ter-  
 « ram. » Interpretatio quæ est ex Hebræo, habet:  
 « Et induxi eum in terram Chanaan. » Mirum ergo  
 si Septuaginta pro « terra Chanaan, » omnem  
 terram ponere voluerunt; nisi intuentes prophetiam,  
 ut magis ex promissione Dei tanquam factum acci-  
 piatur, quod certissime futurum in Christo et in  
 Ecclesia prænuntiabatur: quod est verum semen  
 Abraham, non in filiis carnis, sed in filiis promi-  
 sionis

(Ibid.) « Transistis que Jordanem, et venistis ad  
 « Jericho, pugnaverunt que contra vos viri civitatis  
 « ejus, » et reliqua. Et bellaverunt adversus vos  
 qui habitabant Jericho: quæri potest quomodo id  
 verum sit, cum clausis portis se murorum ambitu  
 tantummodo tuerentur. Sed recte dictum est, quia  
 et claudere adversum hostem portas, ad bellum per-  
 tinet, non enim miserunt legatos qui poscerent pa-  
 cem. Unde si dictum esset: Pugnaverunt adversum  
 vos, falsum esset, neque enim bellum continuas  
 pugnas habet, sed aliquando crebras, aliquando  
 raras, aliquando nullas. Bellum est tamen quando  
 est quodammodo armata dissensio.

(Ibid.) « Misique ante vos crabrones, et ejeci eos  
 « de locis suis, duosque reges Amorrhæorum, non  
 « in gladio et arcu tuo: dedique vobis terram in  
 « qua non laborastis, et urbes quæ non ædificastis,  
 « ut habitaretis in eis, vineas et oliveta quæ non  
 « plantastis, » et reliqua. Quid est quod inter cætera  
 quæ Jesus Nave erga Israelitas Dominum fecisse  
 commemorat, dicit: Misit ante vos vespas et ejecit  
 eas a facie vestra; quod etiam in libro Sapientiæ  
 legitur (cap. XII), nec tamen uspiam factum esse in  
 his quæ gesta sunt inventur? An forte translato  
 verbo vespas intelligi voluit acerrimos timoris acu-  
 leos, quibus quodammodo volantibus rumoribus  
 pungebantur, ut fugerent, aut aereos spiritus occul-  
 tos, quod in psalmo dicit, « per angelos malignos  
 (Psal. LXXVII). » Nisi forte quis dicat, non omnia quæ  
 facta sunt esse conscripta; et hoc quoque visibiliter  
 factum, ut veras vespas velint intelligi.

(Ibid.) « Eligite hodie quod placet cui servire po-  
 « tissimum debeatis; utrum diis quibus servierunt  
 « patres vestri in Mesopotamia, au diis Amorrhæo-  
 « rum, in quorum terra habitatis. Ego autem et  
 « domus mea serviemus Domino. Responditque po-

pulus, et ait ad Josue: Absit a nobis ut relinqua-  
 « mus Dominum, et serviamus diis alienis. Dominus  
 « Deus noster ipse eduxit nos, et patres nostros de  
 « terra Ægypti, de domo servitutis, fecitque videnti-  
 « bus nobis signa ingentia, et custodivit nos in omni  
 « via per quam ambulavimus, et in cunctis populis  
 « per quos transivimus: et ejecit universas gentes,  
 « Amorrhæum habitatorem terræ quam nos intravi-  
 « mus. Serviemus igitur Domino, quia ipse est Deus  
 « noster. Dixitque Josue ad populum: Non poteritis  
 « servire Domino: Deus enim sanctus et fortis  
 « æmulator est, nec ignoscet sceleribus vestris atque  
 « peccatis. Si dimiseritis Dominum et servieritis  
 « diis alienis, convertet se, et alliget vos atque sub-  
 « vertet, etc. » Quid est quod dixit Jesus ad popu-  
 lum: Non poteritis servire Domino, quia Deus sanc-  
 ctus est? An quia illius sanctitati perfecta servitute  
 quodam modo contemperari humana fragilitati im-  
 possibile est? Quo audito, isti non solum ejus eligere  
 servitute, sed etiam de adjutorio ejus et misericor-  
 dia præsumere debuerunt; quam ille intellexit qui  
 dixit in psalmo; « Ne intres in iudicium cum servo  
 « tuo, quia non justificabitur in conspectu tuo omnis  
 « vivens (Psal. CXXII). » Isti autem de se potius  
 præsumere delegerunt, quod Deo possent sine ulla  
 offensione servire, ut jam tunc inciperent quod de  
 illis expressit Apostolus: « Ignorantes enim Dei  
 justitiam, et suam volentes constituere, justitiæ Dei  
 non sunt subjecti (Rom. x). » Ita eis jam lex sub-  
 intrabat, ut abundaret delictum, et postea super-  
 abundaret gratia per Dominum Christum, qui finis  
 est legis ad justitiam omni credenti. (Ibid.) « Testes,  
 « inquit, vos estis, quia ipsi vobis elegeritis Domi-  
 « num ut serviat ei. Responderuntque, Testes.  
 « Nunc ergo, ait, auferte deos alienos de medio ve-  
 « stri, et inclinate corda vestra ad Dominum Deum  
 « Israel, » et reliqua. Quid est quod ait idem Jesus  
 loquens ad populum, Et nunc circum auferte deos  
 alienos qui sunt in vobis, et dirigite corda vestra ad  
 Dominum Deum Israel? Non enim credendi sunt ad-  
 huc habuisse apud se aliqua gentium simulacra, cum  
 superius eorum obedientiam prædicaverit: aut vero  
 si haberent, post tantas legis comminationes, illa  
 eos prospera sequerentur, cum sic in eos vindicatum  
 sit, quod unus eorum de anathemate furtum fecerat.

Denique Jacob dixit hoc eis qui cum illo exierant de  
 Mesopotamia, ubi sic idola colebantur, ut et Rachel  
 paterna furaretur (Gen. xxxi). Sed post illam admo-  
 nitionem Jacob, dederunt quæ habebant: unde ap-  
 paruit hoc eis ita dictum esse, quia sciebat eos ha-  
 bere ille qui dixerat. Nunc vero post hanc admoni-  
 tionem Jesu Nave nullus tale aliquid protulit. Nec  
 tamen putandum est hoc illum inaniter præcepisse;  
 non enim ait: Et nunc auferte deos alienos si qui  
 sunt in vobis; sed omnino tanquam sciens esse,  
 « qui sunt, » inquit, « in vobis. » Proinde propheta  
 sanctus in cordibus eorum esse cernebat cogitatio-  
 nes de Deo, alienas a Deo, et ipsas admonebat au-  
 ferri. Quisquis enim talem cogitat Deum qualis non

est Deus, alienum Deum utique et falsum in cogitatione portat. Quis est autem qui sic cogitet Deum quemadmodum ille est? Ac per hoc relinquetur fidelibus quandiu peregrinatur a Domino, auferre a corde suo irruentia vana phantasmata, quæ se cogitantibus ingerunt, velut talis aut talis sit Deus, qualis utique non est, et dirigere cor ad illum fideliter; ut quemadmodum et quantum nobis expedire novit, ipse se insinuet per Spiritum suum, donec assumatur omne mendacium; unde dictum est: « Omnis homo mendax (Psal. cxv). » Et transacta non solum impia falsitate, verum etiam ipso speculo et ænigmate, facie ad faciem cognoscamus, sicut et cogniti sumus; quemadmodum Apostolus dicit: « Videmus nunc per speculum in ænigmate, tunc autem facie ad faciem; nunc scio ex parte, tunc autem cognoscam sicut et cognitus sum (I Cor. xiii.) »

## CAPUT XVI.

*De eo quod percussit Josue sædus coram Domino in Sichem, scripsitque omnia verba sæderis in volumine legis Dei et posuit super lapidem grandem et subter quercum quæ erat in sanctuario Domini.*

(IBID.) « Percussit igitur Josue in die illo sædus; et proposuit populo præcepta atque judicia in Sichem: scripsitque omnia verba hæc in volumine legis Dei: et tulit lapidem pergrandem, posuitque eum subter quercum quæ erat in sanctuario Dei, et dixit ad omnem populum: En lapis iste erit vobis in testimonium, quod audierit omnia verba Domini quæ locutus est vobis, ne forte postea negare velitis, et mentiri Domino Deo vestro. » Et disposuit Jesus testamentum ad populum in illo die, et dedit illi legem et iudicium in Silo, coram tabernaculo Domini Dei Israel; et scripsit verba hæc in libro legis Dei: et accepit lapidem magnum, et statuit illum Jesus sub terebintho ante Dominum. Et dixit Jesus ad populum: Ecce lapis iste erit vobis in testimonium, quia hic audivit omnia quæ dicta sunt a Domino, quæcunque locutus est ad vos hodie: et hic erit vobis in testimonium in novissimis diebus, cum mentiti fueritis Domino Deo vestro. Hæc verba qui non in superficie tantum audiunt, sed aliquanto altius perscrutantur, nequaquam tantum virum tam insipientem putare debent, ut verba Dei quæ locutus est populo, inanimem lapidem audisse crediderit: qui etiamsi ab artifice in hominis similitudinem effigiatus esset, inter illos utique deputaretur, de quibus in psalmo canitur: « Aures habent, et non audient (Psal. cxiii). » Neque enim idola gentium aurum et argentum sola non audiunt, et si lapidea sint, audiunt. Sed per hunc lapidem profecto illum significavit qui fuit lapis offensionis non credentibus Judæis, et petra scandali; qui cum reprobaretur ab ædificantibus, factus est in caput anguli; quem præfiguravit et illa petra quæ potum sitienti populo ligno percussa profudit; de qua dicit Apostolus: « Bibebant autem de spiritali consequente eos petra, petra autem erat Christus (I Cor. x). » Unde et cultellis petrinis populum circumcidit iste ductor egregius:

A qui cultri petrini cum illo etiam sepulti sunt, ut profundum mysterium demonstrarent posteris profuturum. Sic ergo et istum lapidem, quanquam visibiliter statutum, spiritaliter debemus accipere in testimonium futurum Judæis infidelibus, hoc est, mentientibus, de quibus dicit psalmus: « Inimici Domini mentiti sunt ei (Psal. lxxx). » Neque enim frustra cum jam Dei famulus Moyses, vel potius per eum Deus disposuisset ad populum testamentum quod in arca erat, quæ dicta est arca testamenti, et in libris legis tanta sacramentorum et præceptorum multiplicitate conscriptis, tamen etiam hic dictum est, « Disposuit Jesus ad populum testamentum in die illa. » Repetitio quippe testamenti Novum Testamentum significat, quod significat et Deuteronomium, quod interpretatur secunda lex, quod significant et prioribus contractis tabulæ renovatæ. Multis enim modis significandum quod uno modo implendum fuit. Jam vero quod sub terebintho statutus est lapis, hoc significat quod virga ad petram ut aqua proflueret, quia neque hic sine ligno statutus est lapis. Ideo autem subter, quia non fuisset in cruce exaltatus, nisi humilitate subjectus: vel quod illo tempore quod id faciebat Jesus Nave, adhuc obumbrandum mysterium fuit. Terebinthi lignum medicinale lacrymam exsudat, quæ arbor a Septuaginta interpretibus hoc loco posita est, quamvis secundum alios interpretes quercus legatur.

(IBID.) « Dimisitque populum singulos in possessionem suam. » Mirum est sane quod saltem in novissimis suis verbis, quibus populum allocutus est Josue homo Dei, nihil eos objurgavit, ex eo quod his gentibus pepercerunt quas Dominus usque ad internecionem cum anathemate perdendas esse præcepit. Sic enim est scriptum: « Et factum est, postquam invaluerunt filii Israel, et fecerunt Chananaeos obedientes, exterminio autem eos non exterminaverunt (Jos. xvii). » Nam primo eos id non potuisse Scriptura testata est; sed nunc posteaquam prævaluerunt, ita ut facerent obaudientes, quod non etiam exterminaverunt, utique contra præceptum Domini factum est, quod non est cuiquam factum cum Jesus exercitum duceret. Cur ergo non eos objurgavit allocutione novissima, quod in hoc Domini præcepta neglexerint? An forte quod prius dixit eos Scriptura non potuisse, utique antequam prævalerent, etiam cum prævaluissent timuisse credendi sunt, ne forte paratis obedire si parcere noluisent, acrius eos adversum se ex ipsa desperatione pugnare compellerent, et eos superare non possent. Hunc ergo eis humanum timorem Dominus noluit imputare, etsi apparet in eo quædam subdefectio fidei, quæ si fortis in eis esset, ea sequerentur quæ ipsum Jesum bel-lantem secuta sunt. Quia vero non in eis tanta fides fuit, etiam cum adversariis suis prævaluissent, pugnare cum eis usque ad internecionem eorum timore non ausi sunt. Quem timorem, ut dixi, non de malitia, neque de superbia, vel contemptu præcepti Domini, sed de animi infirmitate venientem, noluit

eis Dominus imputare, cum eis per Jesum novissima A loqueretur. Unde et Apostolus : « Alexander, inquit, ærarius multa mala mihi ostendit; reddet illi Dominus secundum opera ipsius (II Tim. iv). » De illis autem qui eum periclitantem, non malitia, sed timore deseruerant, ita locutus est : « In prima mea defensione nemo mihi adfuit, sed omnes me dereliquerunt. Non illis imputetur (Ibid.). »

## CAPUT XVII.

*De morte Josue et sepultura ejus, et de morte Eleazar et sepultura ejus; nec non et de ossibus Joseph translatis de Ægypto et sepultis in Sichem, in parte agri quem emerat Jacob a filiis Hemor patris Sichem centum novellis ovibus.*

(Ibid.) « Et post hæc mortuus est Josue filius Nun, servus Domini, centum et decem annorum : sepe- B lieruntque eum in finibus possessionis suæ, in Thannathsare, quæ sita est in monte Ephraim, a septentrionali parte montis Gaas. » In quibusdam vivit Jesus, in quibusdam vero defunctus est. In Paulo vivit Jesus, et in Petro et in illis omnibus qui merito possunt dicere : « Vivo autem, jam non ego, vivit vero Christus in me (Gal. ii). Mihi autem vivere Christus est, et mori lucrum (Phil. i). » In istis ergo talibus Jesus merito vivere dicitur. In quibus autem defunctus est Jesus? In illis sine dubio qui sæpe poenitendo, et iterum delinquendo, velut insultare morti Jesu dicuntur, de quibus scribens ad Hebræos dicit Apostolus : « Rursus crucifigentes sibimetipsis Filium Dei, et ostentui habentes (Hebr. vi). » Sed et ipse Dominus in Evangelii de hoc distinctionem pulcherrimam dedit, cum dicit : « Quicumque confessus me fuerit coram hominibus, et ego constitebor eum coram Patre meo, qui in cælis est. Qui autem negaverit me coram hominibus, et ego negabo eum coram Patre meo (Matth. x). » Vidistis quia confidentes in semetipso dixit confiteri, quasi ipse in eis vivat et operetur opera vitæ. In his autem qui negant, non tenuit eandem verbi similitudinem, ut diceret, quia qui negaverit in me, et ego negabo in eum; sed qui negaverit me coram hominibus, et ego negabo eum coram Patre meo, » ut ostenderet quia qui negat quidem se, extra ipsum est; qui autem confitetur, in ipso est. Quod autem mors Jesu post centum et decem annos esse commemoratur, ostendit quia per mortem Christi omnes qui mandata legis D rite servant ad beatitudinem post finem vitæ presentis venturi sunt perpetuam. Quod enim sepultura ejus in finibus possessionis suæ, in Thannathsare, in monte Ephraim, et in parte montis Gaas esse describitur, significat quod in Ecclesia catholica, quæ possessio Christi est, et ubi fructus virtutum gignitur, quotidie passionis Christi mentio numerose atque nobiliter celebratur. Thannath vero civitas Jesu in tribu Ephraim et in Gaas monte sita est, in cujus septentrionali plaga sepultus est Jesus filius Nave, et usque hodie juxta vicum Thannan sepulcrum ejus insigne monstratur. Interpretatur autem Thannathsare numerus operimenti novi. Et quotidie in Eccle-

sia, inter cætera divina sanctionis verba, a multitudine filiorum ministrorum Christi in sacramento missæ : Hic est calix Novi Testamenti in meo sanguine, qui pro vobis et pro multis effundetur in remissionem peccatorum. Hæc quotiescunque feceritis, in mei memoriam facietis.

(Ibid.) « Servivitque Israel Domino cunctis diebus Josue, et seniorum qui longo vixerunt tempore post Josue, et qui noverant omnia opera Domini quæ fecerat in Israel. » (Ex Adamantio.) Beatus is qui in diebus Jesu servit Domino, qui verbo et sapientia ejus illuminatur, qui præceptis ejus illustratur, qui ex doctrina ejus accipit lumen scientiæ. Secundo tamen loco et ille post hunc est beatus, qui in diebus seniorum qui fuerunt post Jesum servit Domino. Seniores qui vel cum Jesu vel post Jesum fuerunt, qui sunt alii nisi apostoli, qui et ipsi scriptis et præceptis suis illuminant corda nostra, et faciunt etiam ipsi dies quosdam in nobis ex illa luce quam ipsi ex vera luce participati sunt, venientes? Qui ergo illuminatur et instruitur ex apostolorum præceptis, et ad servitium Domini apostolicis regulis instruitur, iste est qui servire dicitur Domino in diebus seniorum qui fuerunt post Jesum.

(Ibid.) « Ossa quoque Joseph, quæ tulerant filii Israel de Ægypto, sepelierunt in Sichem, in parte agri quem emerat Jacob a filiis Hemor patris Sichem centum novellis ovibus, et fuit in possessione filiorum Joseph. » Notandum autem quod Josephus, historiographus Judæorum, de Joseph et fratribus ejus in Antiquitatum libro secundo ita meminit, dicens : Mortuus est autem et ipse, cum vixisset annos centum et decem, virtute mirabilis, et omnia ratione disponens, potestatemque suam humiliter agens. Quod utique hujusmodi felicitatis ei causa fuit apud Ægyptios, et aliunde scilicet venientes, et talem qualem dudum diximus, passo calumniam. Mortui sunt etiam ejus fratres feliciter in Ægypto convenientes, quorum corpora post vitam illorum reportantes eorum posteri, in Hebron sepelierunt. Ossa vero Joseph novissime, quando Hebræi egressi sunt ex Ægypto, in Chananæam reportaverunt. Sic enim eos conjuraverat Joseph. Mystice autem ossa Joseph significant mortem Redemptoris nostri, quem veri Israelitæ de Ægypto istius mundi, ubi crucifixus est secundum carnem, tollentes transferunt in Sichem, in partem agri quem emerat Jacob centum novellis ovibus; cum passionis ejus memoriam condunt in agro cordis sui; quatenus ad ejus exemplum discant ferre labores, et habere patientiam, operibusque bonis insistere; quod significat Sichem, qui interpretatur humerus. Hunc ergo agrum Jacob noster centum novellis ovibus in possessionem emit, quia pretio sanguinis sui possedit Ecclesiam, ubi novellas oves quæ ascenderunt de lavacro habet, ut fiat centum ovium pastor cum angelicas atque humanas in sua potestate retinet causas.

(Ibid.) « Eleazar quoque filius Aaron mortuus est,

« et sepelierunt eum in Gabaath Phinees filii ejus, » quæ data est ei in monte Ephraim. » Quod autem Josue mortuo Eleazari consequenter mors memoratur, significat quod post passionem Redemptoris nostri ac resurrectionem finem accepit vetus sacerdotium, et victimæ legales consummatæ sunt, cum necessario subsequeretur Novi Testamenti sacerdotium, ubi Agni immaculati caro et sanguis in sacris altaribus quotidie offertur, et fidelium ore in pastum animarum suarum salubriter percipitur; ut, umbra legis recedente, veritas pateat Evangelii, per ipsum Dominum nostrum Jesum Christum.

## BEATI RABANI MAURI

ABBATIS FULDENSIS ET ARCHIEPISCOPI MOGUNTINI

### COMMENTARIA IN LIBRUM JUDICUM ET RUTH.

(ANNO 834.)

#### EPISTOLA HUNBERTI EPISCOPI AD RABANUM.

Illustri viro meritoque insigni ac præstantissimo Patri, RABANO MAURO, HUNBERTUS, licet indignus, infula tamen sacerdotali præditus, immarcescibilem æternæ sospitatis in Christo Jesu salutem.

Legi litteras tuas, dulcissime frater, quas sancto bonæque memoriæ viro, Haistulfo archiepiscopo, scripsisti in fronte libri quem sudore proprio prudentissimoque ingenio composuisti, ad prædicandum in anni circulo populum Christianum: qui suaviter disputat de observantia Dominici diei et de festiuitatibus sanctorum, ac fide, spe et charitate, nec non de cæteris virtutum speciebus. Præterea legi et alios tres libros quos ad eundem venerabilem virum fecisti, quos placuit de Institutione clericorum nominari, quorum primus de ecclesiasticis ordinibus et quatuor charismatibus divinis narrat. Secundus continet de Officio canonicarum horarum, et de festiuitatibus variis, de jeuniis et orationibus. Tertius non ignobiliter instruit qualiter discenda atque disserenda Scriptura divinæ legis, et quid utilitatis conferat ecclesiasticis doctoribus philosophia humana. Quibus perlectis, in quantum nostri ingenio fuit capacitas, intellexi, illos de omnibus quæ necessaria sunt sanctæ Dei Ecclesiæ laudabili magnitudine et brevitate esse complexos. Certe in veritate dico vobis quia dici non potest in quanta hilaritate mentis gratulatus gratias egi Deo, qui tam utile vas istis in temporibus in sua sancta Ecclesia habere voluit, ex quo ille qui multum, et ille qui parvum potum quærit, haurire ac bibere possit; et ex illo die, fateor, multum desideravi vestræ familiaritatis participes fieri, ut saltem aliquando longe lateque jam olim dispersa meruissem vestra accipere scripta; ac propterea paucae direxi ad te litterulas, fraterna admonens charitate ne mentis acumen otio inertis torpere seu obdormire permittas, sed sedulo quotidieque sacras scrutando Scripturas, fretus Patrum auctoritate præcedentium, vigil atque indefessus utilisque in domo Domini semper existas; scriptum namque legimus: *Non potest civitas occultari supra montem posita; item alio in loco: Nemo accendit lucernam, et ponit eam sub modio, sed magis super candelabrum, ut luceat omnibus qui in domo sunt.* Auditum enim habeo, super Eptaticum vos fecisse sermonem, ac super Evangelium Matthæi Evangelia, nec non et super Regum, superna adjuvante gratia, pariterque veterum innitente auctoritate, multa utiliter scribendo dictasse: quapropter, causa familiaritatis, vestram obsecro fraternitatem ut mihi scribere mihi que tua dirigere studeas opuscula, quæ ex veterum ecclesiasticorum sententiis, quasi flores ex diversis pratis electi, domum Domini ornant et quemcumque se amantem decorant; denique, quia postulata mihi credo quod concedas, mitto membranas in quibus, opto, eos primum suscipiam libros quos super Eptaticum vestrum composuit ingenium. Non tamen propterea ista posco quasi desint nobis istius operis scriptores: habemus namque Origenem, Victorinum, Ambrosium, Hieronymum, Cassianum, Isidorum, Augustinum, Fulgentium, atque pontificem insignem, eloquentissimum Gregorium et cæteros Patres, quorum nomina non necesse tibi credimus enumerari. Qui in tantum tuæ sunt industriæ cogniti, ut veraciter illorum linguam vestrum dicere possim sermonem, cum quod illi mira pulchritudine ac nimia longitudine sermonis proferebant, tu eorum vestigia sagaciter prudenterque sequendo, commatice mellifluoque comprehendis sermone: brevi enim expositione succincta, ut ait Isidorus doctor egregius, non faciunt de prolixitate fastidium; prolixa ergo et occulta lædet oratio, brevis et aperta delectat. Ideo vestram deprecor solertiam ut perlectis istius epistolæ litterulis, et si vestram voluntas ita oportere iudicaverit, jubeatis illam, ob vestræ [nostræ] invicem dilectionis et societatis indicium, in fronte libelli ponere quem mihi rogavi a vobis rescribere, ut poscentis et præstantis pariter affectus pareat et effectus. Intercedentem pro nobis vestram beatitudi-

nem Deus Dei Filius, qui bonorum actor est omnium, A perpetuo conservet incolumem. Reliquias, dilectissime, quas flagitasti, per portitorem horum apicum transmissi; de reliquo scias me ex intimo mentis affectu promptum semperque paratum in omnibus quæ vestra præcipere decreverit voluntas; fraternitatem

tuam bene valere, dulcis amice, semper opto memorem nostri

Salve, sancte Pater, meritoque beatus in orbe,

Tu decus es nostrum, sancte Pater, merito.

Sit tibi certa Deus, tibi cassida Christus Iesus,

Qui te conservet semper ubique. Vale.

## PRÆFATIO

### AD HUNBERTUM EPISCOPUM DICTATA.

Domino dilectissimo, et cultu sincerissimæ chari- B tatis valde obsequendo, atque venerando Patri, Hunberto episcopo, Rabanus exiguus servorum Dei servus in Christo salutem.

Acceptis litteris sanctitatis tuæ, quas ad parvita- tem meam dirigere voluisti, valde gavisus sum, eo quod tuam solertem in eis agnoscebam industriam, et in studio divinarum litterarum florens ingenium: unde pro hoc supplex Domino gratias egi, quia et tibi dedit in legis suæ meditatione devotum habere exercitium, et populo suo inde salubre percipere documentum. Igitur quia paternitas tua a nostra exiguitate ad hoc aliquantulum dignata est quaerere so- latium, propter amorem Dei et vestram etiam in eo dilectionem humilem, in hoc opere profiteor me vobis esse velle servitorem, et boni studii, quantum C divina gratia annuerit, benevolum adiutorem; Dei tantum fiat voluntas in præstando effectum, qui dedit et voluntatem. De cætero, quia dignatus es mihi scribere quatenus nostrum opusculum super Eptaticum tibi dirigerem, feci quantum potui, et novissimam partem illius, hoc est, super Judicum et Ruth, quam ad manus in præsentem habui, tuo nomini consecratum modo direxi. Priorum vero librorum commentarios hoc est, Pentateuchi Moysi, quos petente sancto viro Freulfo, non sine labore edidi, jam sibi ad rescribendum transmissi, quos cum recepero, exemplar eorum tibi scriptum destinabo. Jesu Nave vero expositionem bonæ memoriæ Friduricho, Trajectensis Ecclesiæ episcopo, nuper transmissi; hoc similiter, ut mihi redditum fuerit, si Dei voluntas D est, tibi committere curabo; et non solum illa, sed et omnia quæ ad vestram utilitatem a nobis pervenire possunt libentissime impendere cogito; tu tantum nostram infirmitatem sacris orationibus et piis exhortationibus relevas, quia non solum propriæ ægritudinis molestia, verum etiam communis periculi, quod instanti tempore valide imminet, anxietate prægravatus sum; ac ideo vestra oratione atque omnipotentis Dei misericordia maxime indigeo, ne deficiam in tribulationibus, in necessitatibus, in periculis et in tentationibus diversis. Hoc ergo scias quia opus quod tibi transmittitur, non tantum ex majorum dictis quæ in eorum libris conscripta reperi, sed ex nostro labore, quantum divina gratia nos posse con-

cessit, editum constat: ita ut partim Patrum sententias, partim etiam et nostri sensus exiguitatem, ubi necessarium existimavi, proferat. Vestra ergo prudentia et eorum sapientiam atque eloquentiam laudare, et nostram inertiam ac rusticitatem sufferre novit, scitque illam Apostoli sententiam adimplere qua dicit, *Supportantes invicem in charitate (Ephes. iv)*; et item, *alter alterius, inquit, onera portate, et sic adimplebitis legem Christi (Gal. xi)*. In duobus ergo prioribus commentariorum libellis historia Judicum sensu mystico exposita continetur; et in tertio Ruth, quam aliqui auctorum libro Judicum associant, aliqui vero seorsum ponunt, non parva ex parte explanata invenitur. Hæc ergo relegens, si quid in eis congruus invenieris expositum, illi hoc tribuas a quo est omne bonum; quæ autem aliter invenieris, nostræ infirmitati et imperitiæ magis deputes quam malitiæ, et pro hoc apud omnipotentem Deum piis orationibus intervenire studeas, et ejus ope fiat indultam atque correctam, coram quo nostræ infirmitatis nullo modo latet imperfectum, sicut Psalmista testatur dicens: *Imperfectum meum viderunt oculi tui (Psal. cxxxviii)*. Bene ergo tibi convenit, reverendissime Pater, ut qui in Ecclesia Dei, Dei officio judicandi functus es, Judicum librum instantor legas, et eorum bona opera atque justa iudicia strenue imiteris, populumque Dei ab hostium clade armis spiritualibus defendas, et juxta doctoris gentium sententiam qua discipulum instruxit, sollicitus vigiles, pie labores, opus facias evangelistæ, ministerium tuum impleas: ut cum princeps pastorum et Rex regum, iudexque vivorum et mortuorum apparuerit, simul cum cæteris Ecclesiæ Dei sanctis præsulibus percipias immarecibilem gloriæ coronam, audiasque ab ipsa Veritate illud evangelicum testimonium, quo servum bene laborantem et fideliter pecuniam domini sui erogantem laudat dicens: *Euge, serve bone et fidelis, quia super pauca fuisti fidelis, supra multa te constituam, intra in gaudium Domini tui (Math. xxv)*. Cujus gaudii omnipotens Deus, trinitas et indivisa unitas, cum sanctis angelis et electis animabus in coelesti regno faciat te perpetuo esse participem. Beatitudinem tuam bene valere semper in Christo optamus, sancto Pater, memorem nostri.

## INCIPIUNT

## COMMENTARIA IN LIBRUM JUDICUM.

## LIBER PRIMUS.

## CAPUT PRIMUM.

*De eo quod filii Israel post mortem Josue consuluerunt Dominum quis eorum dux contra Chananæos fieri deberet. Et de interfectione Adonibezech regis, et oppugnatione Chananæorum ac urbis Hierusalem.*

(CAP. 1.) *Post mortem Josue, consuluerunt filii Israel Dominum, dicentes: Quis ascendet ante nos contra Chananæum, et erit dux belli? Dixitque Dominus, Judas ascendet; ecce tradidi terram in manus ejus. Et ait Judas Simeoni fratri suo: Ascende mecum in sorte mea, et pugna contra Chananæum, ut et ego pergam tecum in sorte tua. Et abiit cum eo Simeon, ascenditque Judas, et tradidit Dominus Chananæum ac Pheræum in manus eorum, et reliqua. In fine libri Jesu Nave brevis narratio porrexit historiam quousque filii Israel ad colendos deos alienos declinaverunt; in hoc autem libro ad ordinem redit, quomodo consequentia gesta fuerint post mortem Jesu Nave. Non ergo ab illo tempore incipit liber quo populus ad colenda simulacra defluxit, sed a prioribus interpositis temporibus quibus ea gesta sunt post quas ad illa pervenit.*

*Et factum est postquam defunctus est Jesus, interrogabant filii Israel Dominum, dicentes: Quis ascendet nobiscum ad Chananæum dux ad debellandum eum? Et dixit Dominus: Judas ascendet: ecce dedi terram in manus ipsius. Hic queritur utrum aliquis homo Judas vocabatur, an ipsa tribus, ita ut solet, sic appellavit? Sed illi qui interrogaverant Dominum post mortem Jesu Nave, decem requirebant; unde putatur unius expressum hominis nomen. Verum quia non solet duces nominare Scriptura, cum constituantur, nisi commemorata etiam origine parentum, et constat post Jesum duces habuisse populum Israel, quorum primus est Othoniel filius Zenez: rectius intelligitur nomine Judæ tribus Judam fuisse significatam; ab ipsa enim tribu vocat Dominus incipere conteri Chananæos. Et cum populus de duce interrogasset, ab hoc valuit responsio Domini, ut sciret Deum noluisse ab universo populo bellari adversus Chananæos. Dixit ergo: Judas ascendet. Et sequitur Scriptura narrans: Et dixit Judas ad Simeon fratrem suum: utique tribus ad tribum. Non enim adhuc vivebant illi filii Jacob qui dicti sunt Judas et Simeon, inter cæteros fratres suos propriis nominibus appellati. Sed dixit tribus Juda ad tribum Simeon: Ascende mecum in sorte mea, et bellemus in Chananæo, et ibi etiam ego tecum in sortem tuam. Manifestum est auxilium sibi tribus Juda alterius*

*A tribus postulasse, quod redderet, cum et illi in sua sorte habere inciperent necessarium.*

*Inveneruntque Adonibezech in Bezech, et pugnaverunt contra eum, ac percusserunt Chananæum et Pheræum. Fugit autem Adonibezech, quem secuti comprehenderunt, cæsis summitatibus manuum ejus ac pedum, etc. Quis autem iste Adonibezech, melius quam diabolus intelligi potest, hostis antiquus et inimicus omnis justitiæ, qui regnat in Bezech, hoc est, in fulgore vel in contemptu vano. Interpretatur autem Adonibezech, dominus fulminis. Et Apostolus de eodem antiquo hoste ita dicit: Ipse enim Satanas transfiguratur se in angelum lucis (II Cor. 11). Tota autem ejus potentia atque potestas vanitas est, quem filii Juda, hoc est, filii confessionis, ac filii Simeon, hoc est, filii exauditionis, debellant, cum fideles quique scuto fidei atque armis virtutum contra eum dimicant, comprehendentesque eum cædunt summitates manuum ac pedum, cum primordia malæ operationis atque vestigia pravi exempli abscondere viriliter contendunt, quatenus maligni fraudis efficaciam repentinæ deceptionis non inveniunt, cum vigor illi nocendi spiritali dimicatione aufertur.*

*Oppugnantes ergo filii Juda Hierusalem ceperunt eam, et percusserunt in ore gladii, tradentes cunctam incendio civitatem. Et postea descendentes pugnaverunt contra Chananæum, qui habitabat in montanis, et ad meridiem, et in campestribus. Pergensque Judas contra Chananæum, qui habitabat in Ebron, cujus nomen fuit antiquitas, Cariatharbe, percussit Sisai, et Abiman, et Tholmar, atque inde profectus adiit ad habitatores Dabir cujus nomen vetus erat Cariatsepher, id est, civitas litterarum. Hujus loci Josephus in libro Antiquitatum quinto, ita meminit dicens: Inter hæc obsederunt Hierosolymam, sed hanc quidem longo tempore capientes, omnes in ea habitantes interemerunt. Erat enim eis valde gravis desuper munitio murorum, et loci natura resistendi. Unde castrametati sunt in Ebron, et hanc capientes omnia interfecerunt. Relinquebatur autem genus adhuc gigantium, qui propter magnitudines atque formas in nullo aliis hominibus proximas ultra modum mirabiles. Hactenus eorum ossa monstrantur in nullo his de quibus fides habebatur æqualia. Quorum genus Levitis præcipue dederat munus, etiam cum duobus millibus cubitis terram quoque dono dederant manto Moyses; hic enim fuit unus exploratorum, quos misit Moyses in Chananæam.*

## CAPUT II.

*De eo quod Caleb spondit filiam suam uxorem viri qui percuserit Cariathsepher. Et quod Aza filia Caleb petiit patrem dare sibi terram irriguam.*

(IBID.) Dixitque Caleb : Qui percuserit Cariathsepher, et vastaverit eam, dabo ei Azam filiam meam uxorem. Jam hoc et in libro Jesu Nave commemoratum est, sed utrum Jesu vivente factum sit, et nunc per recapitulationem repetitum, an post ejus mortem posteaquam dictum est, *Judas ascendet, et cepit Judas debellare Chananæos*, in quo bello ista omnia gesta narrantur, merito quaeritur? Sed credibilis est post mortem Jesu factum, tunc autem per prolepsin, id est, per præoccupationem commemoratum, quemadmodum et alia. Nunc enim cum res gestæ adversus Chananæos tribui Judæ exponerentur, ita se narrationis ordo continet, inter cætera Judæ facta bellica, de quo post mortem Jesu dixerat Dominus, *Judas ascendet.*

*Et postea descenderunt filii Juda pugnare ad Chananæum, qui habitabat in montanis, et austrum, et campestem. Et abiit Judas ad Chananæum inhabitantem in Ebron, et exiit Ebron ex adverso : nomen autem erat Ebron, Cariatharbe, et percussit Sesi, et Abiman, et Chalmi filios Enach, et ascenderunt inde ad inhabitantes Dabyr. Nomen autem Dabyr, quod erat ante civitas litterarum. Et dixit Caleb : Quicumque percusserit civitatem litterarum, et acceperit eam, dabo ei filiam meam in uxorem.* Constat ergo ex hoc ordine gestarum rerum tam perspicue, post mortem Jesu hoc esse factum. Tunc vero cum civitates datæ ipsi Caleb commemorarentur, progressus est ex occasione narrator, quod postea factum est præoccupavit. Nec tamen frustra arbitror hoc de filia Caleb data in victoris præmium his numero Scripturam commemorare voluisse.

Alia nascitur quaestio de filia Caleb, quod in libro Jesu Nave sic de illa dicitur : *Et factum est, cum ingrederetur ipsa, et consilium habuit cum eo, dicens : Petam patrem meum agrum, et exclamavit de asino, etc., ubi agrum petiit a patre, atque concessus est.* Hic autem : *Et factum est, inquit, cum ingrederetur ipse, monuit eam Othoniel, ut peteret a patre suo agrum.* Sed in eo quod ibi dictum est, *cum ingrederetur ipsa*, et hic dicitur, *cum ingrederetur ipse*, nihil contrarium est : simul enim ingrediebantur viam. Quod vero ibi dictum est, *consilium habuit cum eo*, id est, cum viro suo, dicens : *Petam patrem meum agrum, et exclamavit de asino. et petiit* : in eo quod habuit consilium, ibi monita est ut peteret quorum alterum ibi dictum est, alterum hic : utrumque autem ita diceretur, *Et consilium habuit cum eo, dicens : Petam patrem meum agrum* : ille autem monuit eam, et exclamavit de asino. Porro autem quod ibi agrum refertur petiisse, nec nomen ipsius agri tacitum est ; hic vero cum agrum petere monita fuerit a viro suo, non agrum petiisse dicitur clamans de subjugali, quod ibi dictum de asino, sed redemptionem aquæ eo quod in terram austri fuisset tra-

A dita. Unde nunc subditur : *Quæ cum suscipisset eadens in asino, dixit ei Caleb : Quid habes? At illa respondit : Da mihi benedictionem, terram arenam dedisti mihi ; da et irriguam aquis? Dedit ergo ei Caleb irriguam superius et irriguam inferius.* Spiritualiter autem anima super asinam sedit, cum irrationabilibus carnis suæ motibus anima præsedit, quæ suspirans a patre terram irriguam petiit, quia a creatore nostro cum magno gemitu quaerenda lacrymarum gratia. Sunt namque nonnulli, qui jam in dono perciperunt libere pro justitia loqui, oppressos tueri, indigentibus possessa tribuere, ardorem fidei habere ; sed adhuc gratiam lacrymarum non habent. Hi nimirum terram australem et arenam habent, sed adhuc irrigua indigent, quia in bonis operibus positi, quibus magni atque ferventes sunt, oportet nimirum, ut aut timore supplicii, aut amore regni cælestis mala etiam, quæ ante perpetraverunt, deplorent. Et licet in multis speciebus compunctio dividatur, quando singulæ quæque a poenitentibus culpæ planguntur ; unde ex voce quoque poenitentium Jeremias ait : *Divisiones aquarum deduxit oculus meus* (Thr. III). Principaliter tamen compunctionum genera duo sunt, quia Deum sitiens anima prius timore compungitur, post amore ; prius enim sese in lacrymis afficit, quia dum malorum suorum recollit, pro his perpetrata supplicia æterna pertimescit. At vero cum longa moeroris anxietudine fuerit formido consumpta, quædam jam de præsumptione veræ securitatis nascitur, in amoreque cælestium gaudiorum animus inflammatur ; et qui prius flebat ne duceretur ad supplicium, postmodum flere amarissimum incipit, quia differtur a regno. Contemplatur etenim mens, qui sint illi angelorum chori, quæ societas sanctorum spirituum, quæ majestas internæ visionis Dei ; et amplius plangit, quia a bonis perenniibus deest, quam prius, cum mala æterna metuebat ; sicque fit, ut perfecta compunctio formidinis tradat animo compunctionem dilectionis, quod bene in hac sacra veracique historia figurata narratione describitur : Quia ergo, ut dixi, duo sunt compunctionis genera, dedit ei pater suus irriguam superius et irriguam inferius. Irriguam quippe superius accipit anima, cum sese lacrymis cælestis desiderio regni affigit ; irriguam vero inferius accipit, cum inferni supplicia fleando pertimescit, et quidem prius inferius ac post irriguam superius datur, sed quia compunctio amoris dignitate præeminet, necesse fuit ut prius irriguam superius, et post irriguam inferius commemorari debuisset.

## CAPUT III.

*Quod filii Cinæi cognati Moysi descenderunt de civitate Palmaram cum filiis Juda, et habitaverunt cum eis, et quod Judas montana possedit, nec potuit delere habitatores vallis.*

(IBID.) *Filii autem Cinæi cognati Moysi descenderunt de civitate Palmaram cum filiis Juda in desertum sortis ejus, quod est ad meridiem Arab, et habitaverunt cum eo. Hinc Josephus. c. Dederunt autem et*

filii Jothim Madianitæ, qui fuit gener Moseos, terram ad possidendum: nam patriam relinquentes secuti sunt eos, et fuerunt in deserto cum eis.

*Cepitque Judas Gazam cum finibus suis, et Ascalonem, atque Accaron cum terminis suis. Fuitque Dominus cum Juda, et montana possedit. Nec potuit delere habitatores vallis, quia falcatis curribus abundabant. Dederuntque Caleb Hebron, sicut dixerat Moyses, qui delevit ex eo tres filios Enach.* Quod in libro Jesu Nave, cum illum locum tractarem, ubi scriptum est: *Et dedit Dominus Israel omnem terram, cum multas ejus partes nondum possiderent, dixi ita posse intelligi omnem terram datam, quia ea quæ data non est in possessionem, data est in quamdam exercitationis utilitatem: hoc multo evidentius hic apparet, quandoquidem commemorantur civitates quas non hæreditavit Judas, et dicitur: *Erat Dominus cum Juda, et hæreditavit montem, quoniam non potuerunt hæreditare inhabitantes in valle.* Quis enim non intelligat, etiam hoc ipsum ad id pertinuisse quod erat Dominus cum Juda, ne totum repente obtinendo extolleretur? Quod enim adjungit quomodo *Bechab obtidit, et currus erant eis ferrei; quo scurrus timuerit, dictum est, non Dominus, qui erat in Juda, sed ipse Judas.* Cur autem timuerit, cum quo Dominus erat, si quæritur, hoc quod prudenter intelligendum est refringere Deum propitium etiam in cordibus suorum nimiam prosperitatis excessus, ut in usu eorum convertat inimicos, non solum quando vincuntur inimici, sed etiam quando metuuntur: Illud ad commendandum largitatem suam, illud ad eorum reprimeandam elationem. Nam utique inimicus sanctorum est angelus Satane, quem tamen sibi datum colaphizantem dicit Apostolus, ne maguitudine revelationum extolleretur (II Cor. XII).*

*Et dederunt, inquit, Caleb Ebron, sicut locutus est Moyses, et hæreditavit inde tres civitates filiorum Enach, et abstulit inde tres filios Enach.* Jam hoc dictum est in libro Jesu Nave, quoniam illo vivo factum est; sed hic recapitulando commemoratum est, cum de Juda, unde fuit Caleb Scriptura loqueretur.

#### CAPUT IV.

*Quod filii Benjamin non potuerunt delere Jebusæum in Hierusalem, nec Manasses, in urbis sortis suæ, delevit Chananeum, sed habitaverunt cum eis. Postquam autem confortatus est Israel, fecit eos tributarios, et delere noluit.*

(Ibid.) *Jebusæum autem habitatorem Hierusalem non deleverunt filii Benjamin, habitavitque Jebusæus cum filiis Benjamin in Hierusalem usque in præsentem diem.* Quæritur quomodo dictum sit, *Et Jebusæum habitantem Hierusalem non deleverunt: sive, non hæreditaverunt filii Benjamin; et habitavit Jebusæus cum filiis Benjamin in Hierusalem usque in hodiernum diem, cum superius legatur eadem civitas a Juda capta et incensa, interfectis in ea Jebusæis? Sed cognoscendum est istam civitatem communem habuisse duas tribus, Judam et Benjamin, sicut ostendit ipsa divisio terrarum, quæ facta est a Jesu*

*Nave.* Ipsa est enim Jebus, quæ Hierusalem. Ideo duæ istæ tribus remanserunt ad templum Domini, quando cæteræ, excepta Levi, quæ sacerdotalis fuit et terras in divisionem non accepit, separaverunt se a regno Juda cum Jeroboam. Intelligendum est ergo, a Juda quidem civitatem captam et incensam, interfectis qui illic reperti fuerant, sed non omnes Jebusæos extinctos; sive quia erant extra illam civitatem, sive quia fugere potuerunt: quos reliquos Jebusæos admissos esse a filiis Benjamin, quibuscum Juda erat civitas illa communis, ac in ea simul habitabant. Quod ergo dictum est, *Non hæreditaverunt Jebusæum filii Benjamin*, intelligendum quod tributarios eos facere potuerunt, sive voluerunt. Aut certe, *et habitavit Jebusæus*, dictum est, quia non sine illo tenuit terram, quam ab illo possidebat.

*Manasses quoque non delevit Bethsan, et Thanach cum viculis suis, et habitatores Dor et Jeblaam, et Mageddo cum viculis suis, cepitque Chananeus habitare cum eis. Et non hæreditavit Manasses Bethsan, quæ est Scytharum civitas; ipsa hodie perhibetur Scythopolis dici.* Potest autem movere, quomodo in illis partibus multum ab Scythia diversis potuerit esse Scytharum civitas? Sed similiter potest movere, quomodo tam longe a Macedonia Macedo Alexander ceciderit Alexandriam civitatem? Quod itaque fecit longe lateque bellando, ita etiam cum Scythæ aliquando bellando in longinqua progredierentur, istam coedere potuerunt. Nam legitur in historia gentium universam pene Asiam Scythas aliquando tenuisse, cum regi Ægyptiorum illi qui eis ultro bellum indixerat, irent obviam, quorum adventu territus suum in regnum recepit.

*Postquam autem confortatus est Israel, fecit eos tributarios, et delere noluit.* Jam tale aliquid dictum est in libro Jesu Nave pene ipsis verbis. Proinde aut hic per anacephalæosin dicitur, aut illic per prolepsin dictum est, id est, aut hic recapitulando, aut illic præoccupando. Quid enim Chananeus, gentilis videlicet populus, nisi vitium signat? Et in magnis virtutibus terram repromissionis ingredimur, quæ spe intima de æternitate roboramur. Sed dum inter aeta sublimia vitia quedam parva retinemus, quasi Chananeum habitare in terra nostra concedimus, qui tamen tributarius efficitur, quia hoc ipsum vitium, quod subigere non possumus, ad usum utilitatis nostræ humiliter retorquemus, ut eo de te mens et in summis vitiis sentiat, quo suis viribus etiam parva quæ appetit non expugnat; unde bene rursum scriptum est: *Hæ sunt gentes, quas Dominus dereliquit, ut erudiret in eis Israel.* Ad hoc namque quedam minima nostra vitia retinentur, ut oculus nostræ intentione sollicita in certamine semper exerceat, ut eo de victoria non superbiat, quo vivere in se hostes conspicit, a quibus adhuc vinei forundat. Israel ergo reservatis gentibus erudiret, quando in quibusdam minimis vitiis elatio virtutis nostræ comprimitur, et in parvis sibi resistentibus discit quod ex se majora non sperat.



*Arctabitque Amorrhæos filios Dan in monte, nec dedit eis locum, ut ad planiora descenderent.* Et contulavit Amorrhæos filios Dan in monte, quoniam non permisit eos descendere in vallem. Et hoc similiter, aut in libro Jesu Nave præoccupando commemoratum est, aut hic recapitulando.

## CAPUT V.

*Quod angelus Domini ascendit de Galgal ad locum flentium, et increpavit Israel pro peccatis suis atque negligentia.*

(CAP. II.) *Ascenditque angelus Domini de Galgatis ad locum flentium et ait : Eduxi vos de Ægypto, et introduxi in terram, pro qua juravi patribus vestris, et pollicitus sum, ut non facerem irritum pactum meum vobiscum in sempiternum ; ita duntaxat, ut non serivetis fœdus cum habitatoribus terræ hujus, et aras eorum subverteretis ; et nolistis audire vocem meam ; cur hoc fecistis ? Quamobrem nolui delere eos a facie vestra, ut habeatis hostes, et dii eorum sint vobis in ruinam.* Alia autem editio sic habet : *Et ascendit angelus Domini super Clauthmos montem.* Scriptor libri hoc nomine appellavit locum, quia postea scripsit ; nam quando angelus Domini super eum ascendit, nondum sic appellabatur. A ploratione quippe nomen accepit, quia Græce *Clauthmos* ploratio dicitur ; ibi enim populus flevit, cum audisset ab hoc angelo verba Domini vindicantis in eos, quod inobedientes fuissent, quia non exterminaverunt populos secundum præceptum ejus, quibus prævaluerunt, eligentes eos facere tributarios, quam interimere et perdere, quemadmodum jusserat Dominus. Quod sive contempto Dei mandato, sive timore fecerint, ne hostes adversum se acrius pugnare pro salute obtinenda, quam pro tributo non dando cogere, sine dubio peccaverunt, et spernendo quod divinitus imperatum est, et non præsumendo quod eos posset, qui imperaverat, adjuvare. Quod ideo per Jesum noluit eis dicere, si tamen eo adhuc vivente jam fieri præceperat, et non potius præoccupando commemoratum fuerat, quod illo mortuo fieri cœpit, quia hoc omnibus voluit exprobrare per angelum : nondum autem omnes id fecerant, vivente Jesu, etsi aliqui forte jam cœperant. Credibilis est tamen nihil tale fieri cœptam vivente Jesu Nave, tantumque terrarum sub illo tenuisse filios Israel, quantum eis ad considendum sufficeret, quamvis in sortibus suis haberent unde crescendo et convalescendo adhuc adversarios exterminarent. Proinde post mortem Jesu, posteaquam prævaluerunt ut hoc possent facere, maluerunt eos habere tributarios secundum voluntatem suam, quam interimere et perdere secundum voluntatem Dei ; propter hoc ad eos corripiendos angelus missus est. Quod vero commemoratum est in libro Jesu Nave, magis existimo præoccupando commemoratum, quod post ejus mortem, et futurum esse jam ipse noverat prophetico spiritu, et ab illo liber conscriptus est, qui appellatur Jesu Nave ; et si ab alio scriptus est, jam factum esse sciebat post mortem Jesu Nave quod in illo libro

A præoccupando commemoravit. Quid est quod angelus Domini inter cætera divinæ comminationis dicit, *Quamobrem nolui delere eos a facie vestra, ut habeatis hostes, et dii eorum sint vobis in ruinam ;* nisi ut intelligamus nonnulla etiam de ira Dei venire peccata ? Ut enim dii gentium, inter quas non a se exterminatas Israelitæ habitare voluerunt, essent in eis scandalum, id est, facerent eos scandalizare in Domino Deo suo, eoque offenso vivere, indignans hoc comminatus est Deus, quod certe manifestum est magna esse peccatum.

## CAPUT VI.

*Quod Josue populum dimisit in suas possessiones ire, servieruntque Domino, cunctis diebus ejus et seniorum qui longo post eum vixerunt tempore.*

(IBID.) *Dimisit ergo Josue populum, et abierunt filii Israel, unusquisque in possessionem suam, ut obtinerent eam.* Hoc per recapitulationem iterari nulla dubitatio est. Nam et mors ipsius Jesu Nave etiam in hoc libro commemoratur, ut tanquam ab exordio cuncta breviter insinuarentur, ex quo eis Dominus dedit terram, et quemadmodum sub ipsis iudicibus vixerunt, quæ jam perpassi sunt ; atque iterum reditur ad ipsorum iudicum ordinem, ab eo qui primus est constitutus.

*Servieruntque Domino cunctis diebus ejus, et seniorum qui longe post eum vixerunt tempore, et noverunt omnia opera Domini quæ fecerat cum Israel.* Servivit ergo populus Domino omnibus diebus Jesu, et omnibus diebus seniorum qui fuerant post Jesum. Beatus est qui in diebus Jesu servit Domino, qui verbo et sapientia ejus illuminatur, qui præceptis ejus illustratur, qui ex doctrina ejus accipit lumen scientiæ. Secundo tamen loco et ille post hunc est beatus, qui in diebus seniorum qui fuerant post Jesum, servit Domino. Seniores, vel qui cum Jesu vel post Jesum fuerunt, qui sunt alii, nisi apostoli, qui et ipsi scriptis et præceptis suis illuminant corda nostra, et faciunt etiam ipsi dies quosdam in nobis ex illa luce, quam ipsi ex vera luce participati sunt venientes. Qui ergo illuminatur et instruitur ex apostolorum præceptis, et ad servitium Domini apostolicis regulis instruitur vel instituitur, iste est qui servire dicitur Domino in diebus seniorum qui fuerunt post Jesum. Vis autem videre, quia sicut *Salvator erat lux vera, quæ illuminat omnem hominem venientem in hunc mundum* (Joan. I), ita et apostoli lux erant mundi. In Evangelio scriptum est, dicente Domino ad eos : *Vos estis lux mundi* (Math. V). Quod si etiam apostoli sunt lux mundi, sine dubio per præcepta et mandata sua illuminant nobis dies, in quibus Domino serviamus. Quod autem dixit : *Omnibus diebus seniorum qui longorum dierum fuerunt post Jesum, nec hoc mihi otiose dictum videtur, quod longævi vel longorum dierum dicuntur esse seniores, qui post Jesum fuerunt, et quidem Dei est solius nosse post Jesum, qui fuerit inter seniores, qui longiorem diem fecerit, id est, qui majorem*

ex se miserit lucem : utrum Paulus, an Petrus, Bartholomæus, an Joannes. Veruntamen longorum dierum dicuntur sancti. E contrario vero, quando scandalis mundus replebitur, quando incescente iniquitate refrigescet charitas multorum (*Math. xxiv*), et quando veniens Filius hominis difficile fidem inveniet super terram (*Luc. xviii*), tunc non dicuntur futuri longi dies, sed magis abbreviari dicuntur, sicut dixit Dominus : *Quia nisi abbreviati fuissent dies illi, non fieret salva ulla caro* (*Math. xxiv*). Mali ergo dies breviori dicuntur; longævi autem sunt et multi temporis, et grandis quodammodo spatii dies boni, in quibus Domino servimus. Vide tamen quia et hoc designavit in Evangelio, quod propter electos breviantur dies illi (*Ibid.*). Electis ergo breviantur dies mali, dies iniquitatis et scandali. Dies vero seniorum sanctorum longævi sunt et prelixi. Sed et illud quia dicentibus nobis occurrit, et utinam, Domino suggerente, occurreret, prætereundum non est, quod dixit, *quia servivis populus Domino omnibus diebus Jesu*. Non dixit unum diem fuisse Jesu, sed multi sunt dies Jesu. Quos ergo multos ponimus dies secundum hunc ordinem quem exposuimus? Ego sic arbitror quod unus dies ipsius est justitia, alius sanctificatio, alius prudentia, alius misericordia, et sic per singula virtutum bona dies forte supputat Jesu, in quibus Domino servitur, quia in his virtutibus animæ Dominus placatur. Sed et patientiam ipsius computato diem, et mansuetudinem, et pietatem, et bonitatem, et omne quod ad virtutem pertinet, ipsius dicito diem, et sic in omnibus diebus Jesu Domino servies, id est, in omnibus his virtutibus. Non enim vult Scripturæ sanctæ institutio, ut aliquas ex his virtutibus habeas in te, et alias negligas; sed ut omnibus his virtutibus adornatus, et in earum actibus positus servias Deo. Eodem autem modo quis etiam seniorum dies habet in se, et in diebus eorum servit Deo, implens illud, quod dicit apostolus Paulus : *Imitatores mei estote, sicut et ego Christi* (*I Cor. n*). In diebus, inquit, seniorum eorum, qui cognoverunt omnia opera Domini. Quis est qui cognoscit omnia opera Domini, nisi qui facit ea? Hoc modo etiam hic sentiendum est, quod dicit : *Qui cognoverunt omne opus Domini*. Et non solum inquit : *Qui cognoverunt opus Domini*, sed addidit : *Qui omne opus cognoverunt Domini*, id est, qui cognoverunt et justitiæ opus Domini, et sanctificationis opus, et patientiæ, et mansuetudinis, et pietatis, et omne quicquid ex mandatis Dei venit, opus Domini dicitur. Sed sicut est opus Domini, est sine dubio huic contrarium opus diaboli. Certum est enim quia sicut justitia opus Dei, ita et injustitia opus diaboli; et sicut mansuetudo opus Dei est, ita et ira vel furor opus sit diaboli. Cognovisse ergo dicuntur Domini illi, qui faciunt opus ejus. Sed et illud quomodo præterimus, quod addidit : *Qui cognoverunt opera Domini magna, quæ fecit in Israel*. Quid enim sunt aliqua Domini opera parva, ad quo-

rum distinctionem hæc magna dicuntur? Ego arbitror quod omne quidem Dei opus magnam est, sed pro capacitate eorum quibus operatur, si sibi invicem comparentur, vel magna opera Domini dicuntur esse, vel parva. Verbi causa, eduxit filios Israel de Ægypto in manu forti et brachio excelsæ, Ægypto prodigiis celestibus verberata, viam fecit in mari; manna in deserto populo dedit; de caelo locutus est ad Moysen, legem conscriptam in tabulis lapideis dedit. Nonne hæc magna sunt opera Dei? Sed si illud his compares, quod ita dilexit Deus hanc mundum, ut Filium suum unicum daret pro salute mundi (*Joan. iii*), invenies illa omnia parva esse ad hujus operis magnitudinem, quod opus etiam nos et cognoscere debemus et credere, et operari. Opera Domini non negligenter, sed fideliter et attente, ut inveniamur et nos in diebus Jesu Christi et in diebus seniorum sanctorum ejus apostolorum, cum quibus et societatem celestis hereditatis mereamur accipere, per ipsum Dominum nostrum Jesum Christum.

## CAPUT VII.

*Mortuus est autem Josue filius Nun, famulus Domini, centum decem annorum, omnisque generatio illa congregata est ad patres suos : feceruntque filii Israel malum in conspectu Domini, et servierunt Baalim, et dimiserunt Dominum Deum patrum suorum.*

(*Ibid.*) *Mortuus est autem Josue filius Nun, famulus Domini, centum decem annorum, et sepelierunt eum in finibus possessionis suæ, in Thamnachara, in monte Ephraim, a septentrionali plaga montis Gaas. Omnisque illa generatio congregata est ad patres suos. Et surrexerunt alii, qui non noverant Dominum, et opera quæ fecerat cum Israel. Verum quomodo institueramus hæc quæ de filio Nave leguntur, ad Dominum nostrum Jesum Christum referre videndam est, quomodo etiam de eo ipso dici conveniat, quia defunctus est Jesus. Ego arbitror secundum Scripturæ sacræ auctoritatem legens, quod in quibusdam vivit Jesus, in quibusdam vero defunctus est. In Paulo vivit Jesus, et in Petro et in illis omnibus qui merito possunt dicere : *Vivo enim jam non ego, vivit vero Christus in me* (*Gal. ii*). Et iterum dixit : *Mihi autem vivere Christus est, et mori lucrum* (*Phil. i*). In istis ergo talibus Jesus vivere merito dicitur. In quibus autem defunctus est Jesus? In illis, sine dubio, qui sæpe poenitendo, et iterum delinquendo, velut insultare morti Jesu dicuntur. De quibus scribens ad Hebræos dicit Apostolus : *Rursum crucifigentes sibi metipsis Filium Dei, et ostentui habentes* (*Hebr. vi*). Vides ergo quia in peccantibus non solum defungi dicitur Jesus, verum et crucifigi ab eis asseritur, et illud? Sed et tu ipse considera apud te. Si quando de avaritia cogitas, et cupis aliena diripere, nunquid potes dicere, quia vivit Christus in te? Aut si de stupro stipularis, si furore exagitaris, si livore succenderis, si invidia stimularis, si temulentia debaccharis, si superbia*

extollis, si crudelitate grassaris, nunquid potes in his omnibus dicere, quia Christus vivit in te? Si ergo peccantibus defungitur Christus pro eo quod nihil in eis justitia, nihil patientia, nihil veritas, et omnia illa quæ Christus est operatur, a sanctis vero quæcunque fiunt. Christus est, qui ea dicitur operari, sicut et Apostolus dicit: *Omnia possum in eo qui me confortat, Christo (Phil. iv)*; generatio alia, quæ non cognoscit Dominum Jesum (*Matth. xv*), ipsa est malarum cogitationum, et pessimaram cupiditatum, quæ procedunt ex corde, ista est generatio, quæ non cognoscit Dominum Jesum, neque opus magnum quod fecit in Israel. Vides quia peccatores eo usque veniunt, ut et opus illud magnum et præclarum quod fecit Dominus obliviscantur, quod crucifixus est pro peccatis nostris, et surrexit propter justificationem nostram (*Rom. iv*). Unde credo quod propter hanc oblivionem metuens apostolus Paulus dicebat discipulo suo Timotheo, quem præcipuum habebat: *Memor esto Christum Jesum resurrexisse a mortuis (II Tim. II)*; sciebat enim quia tam magni operis, quod resurrexit a mortuis, fieri possit oblivio, si generatio peccatrix oriatur in corde.

*Feceruntque filii Israel malum in conspectu Domini, et servierunt Baalim, ac dimiserunt Dominum Deum patrum suorum, qui eduxerat eos de terra Egypti, et secuti sunt deos alienos, deos quoque popularum qui habitabant in circuitu eorum; et adoraverunt eos, et ad iracundiam concitaverunt Dominum, dimittentes eum, et servientes Baal et Astaroth.* Hoc ostendit quia illi qui in tempore Salvatoris increduli exstiterunt et impii, genua curvaverunt Baalim, et adoraverunt simulacra. Hi vero qui credunt et implent opera fidei, non curvaverunt genua Baalim. Neque enim usquam refertur in historiis, vel in evangelicis et in aliis quibuslibet scripturis, quod aliquis tempore Salvatoris genua flexerit simulacris; sed de illis itaque hoc dicitur, qui peccatis suis astricti et velut compediti tenebantur. Unde constat quia et nos quotiescunque peccamus, et captivi dicimur in lege peccati, genua nostra curvamus Baalim. Sed non in hoc vocati sumus, nec ad hoc credidimus, ut iterum serviamus peccato, et iteram genua flectamus diabolo; sed ut flectamus genua in nomine Jesu, quia in nomine Jesu omne genua flectitur, celestium et terrestrium et infernorum (*Phil. II*); et ut flectamus genua ad Patrem Domini nostri Jesu Christi, ex quo omnis paternitas in caelis et in terra nominatur (*Ephes. III*). Sed et quid mihi prodest si genua corporis mei ad orationem veniens flectam Deo, et genua cordis mei flectam diabolo? Si enim non stetero firmus adversum astutias diaboli, flexi genua mea diabolo; et si non constanter stetero adversum iram, flexi genua mea iræ. Similiter et si non constanter adversum libidinem restitero, flexi libidini genua cordis mei, et in singulis quibusque quæ contraria sunt Deo, hoc facere videbor, nisi constanter et fortiter stetero, sicuti illi

A fecerunt qui coluerunt Baalim, et reliquerunt Deum patrum suorum, qui eduxit illos de terra Egypti. Non igitur putemus quod videamur simulacra non colere, propterea hæc non etiam ad nostrorum aliquos pertinere. Unusquisque quod præ cæteris colit, quod super omnia miratur et diligit, hoc ei Deus est. Denique hoc est quod ante omnia et super omnia per mandatum suum Deus deposcit ab homine: *Diliges, inquit, Dominum Deum tuum ex toto corde tua, et ex tota anima tua, et ex totis viribus tuis (Deut. VI)*, præoccupare quodammodo erga se cupiens totos humanæ mentis affectus, et sciens quia quod ex toto dilexerit quis, et ex tota anima, atque ex totis viribus, hoc ei Deus est. Notandum enim quod alia editio hunc locum sic habet: *Et servierunt Baal et Astartibus.* Solet dici Baal nomen esse apud gentes illarum partium Jovis, Astartæ autem Junonis, quod et lingua Pœnica putatur ostendere: nam Baal Pœnici videntur dicere Dominum, unde Baalsamem quasi Dominum caeli intelliguntur dicere; samem quippe apud eos caeli appellantur. Juno autem sine dubitatione ab illis Astaroth vocatur. Et quomodo istæ linguæ non multum inter se differunt, merito creditur hic de filiis Israel hoc dicere Scripturam, quod Baal servierunt et Astartibus, quia Jovi et Junonibus. Nec movere debet, quod non dixit Astarti, id est Junoni, sed tanquam multæ sint Junones, pluraliter hoc nomen posuit; ad simulacrorum enim multitudinem referri voluit intellectum, quomodo unumquodque Junonis simulacrum Juno vocabatur, ac per hoc tot Junones, quot simulacra intelligi voluit. Varietatis autem causa existimo Jovem singulariter, Junonem pluraliter commemorare voluisse. Nam eadem causa plurimorum simulacrorum etiam Joves pluraliter dici possent. Hoc autem, id est, nomine plurali Junones, in Græcis secundum Septuaginta reperimus, in Latinis autem singulariter erat; quorum in illo qui non habebat Septuaginta interpretationem, sed ex Hebræo erat; Astaroth legimus, nec Baal, sed Baalim. Quod si forte aliud in Hebræa et Syra lingua nomina ista significant, deos tamen alios fuisse constat, et falsos, quibus Israel servire non debuit. *Et adoraverunt, inquit, deos alienos deos gentium, qui in circuitu ipsorum erant, et ad iracundiam concitaverunt Dominum.* Vide quantum faciant peccata, ut peccantes illum in quo non solum iræ nullus affectus est, sed ne alius quidem passibilis motus, nos ad iracundiam provocare dicamur. Verum ille permanet immutabilis in sua natura, nec unquam iræ turbatur affectibus; ego autem per ea quæ delinquo, iram mihi ipse conscisco, sicut dixit Apostolus: *Hæc ipse doces, secundum duritiam autem tuam et cor impœnitens thesaurizas, inquit, tibi ipse iram in die iræ, et revelationis justi judicii Dei, qui reddit unicuique secundum opera sua (Rom. II)*. Irritaverunt ergo Dominum ad iracundiam, et dereliquerunt Deum, et coluerunt Baal et Astarthen, et iratus est furor Dominus in Israel et tradidit eos in ma-

nus diripientium. Quandiu quis Deo servit, non traditur in manus diripientium; cum autem dereliquerit Deum, et servire cœperit passionibus suis, tunc dicitur de eo, quia tradidit eum Deus in passiones ignominia. Et iterum: *Tradidit eos in reprobum sensum, ut faciant ea quæ non conveniunt. Quare? Quia repleti sunt, inquit, omni iniquitate, nequitia, fornicatione, avaritia, et cæteris omnibus quæ dicuntur (Rom. 1).* Sicut et hic modo, qui servierunt, inquit, et adoraverunt Baalim et Astarthen, tradidit illos Deus in manibus diripientium, et factus est in manibus inimicorum suorum. Hoc ergo modo intelligendum est Deum tradere quos tradit, non quia ipse tradat aliquem, sed ex eo quod derelinquit indignos, eos scilicet qui se non ita excolunt et a vitiis purgant, ut libenter in eis habitet Deus. Ipso refugiente atque averteente se ab anima, quæ in immunditia ac vitiis posita est, tradita dicitur ex eo quod Deo vacua invenitur, et invaditur a spiritu nequam. Et ideo nos summo studio vigilemus, et festinemus nos purgare a vitiis et concupiscentiis malis, ut Deum intra nos tenere possimus, et ut habitare dignetur in nobis, dum delectatur et actibus et sermonibus et cogitationibus nostris.

#### CAPUT VIII.

*Quod iratus Dominus contra Israel, tradidit eos in manus diripientium; sed, eis penitentibus, suscitavit iterum iudices qui liberarent eos de vastantium manibus.*

(IBID.) *Iratusque Dominus contra Israel, tradidit eos in manus diripientium, qui ceperunt eos et vendiderunt hostibus qui habitabant per gyrum; nec potuerunt resistere adversariis suis, sed quocumque pergere voluissent, manus Domini erat super eos, sicut locutus est, et juravit eis; et vehementer afflicti sunt. Suscitavitque Dominus iudices qui liberarent eos de vastantium manibus, sed nec illos audire voluerunt, fornicantes cum diis alienis, et adorantes eos, cito deseruerunt viam per quam ingressi fuerant patres eorum, et audientes mandata Domini, omnia fecere contraria, et cætera.* Alia autem editio sic habet: *Et vendidit eos in manum inimicorum suorum in circuitu. Quæri solet quare dixerit: Vendidit, tanquam aliquod pretium intelligatur datum? Sed et in Psalmo legitur: Vendidisti populum tuum sine pretio (Ps. XLIII).* Et apud prophetam: *Gratis venditi estis, et non cum argento redimemini (Isai. LII).* Quare ergo venditi, si gratis, et sine pretio, et non potius donati? An forte Scripturarum locutio est, ut venditus etiam qui donatur dici possit? Hic autem sensus est optimus in eo quod dictum est: *Gratis venditi estis; et: Vendidisti populum tuum sine pretio:* quia illi quibus tradidisti populum, impii fuerunt, non Deum colendo tradi sibi illum populum meruerunt, ut ipse cultus tanquam pretium videretur. Quod vero dictum est, *Neque cum argento redimemini;* non ait, *neque cum pretio,* sed *neque cum argento,* ut pretium redemptionis intelligatur: quale dicit apostolus Petrus: *Non enim ar-*

*gento et auro redempti estis, sed pretioso sanguine agni immaculati (I Petr. 1).* In argento enim propheta omnem pecuniam significavit, ubi ait: *Non cum argento redimemini;* quoniam pretio quidem, sanguine Christi, non tamen pretio pecuniario fuerant redimendi. In eo quod Dominus dicit: *Et ego non apponam auferre virum a facie ipsorum de gentibus quas reliquit filius Nave, et dimisit ad tentandum in eis Israel, si observabunt viam Domini, abire in eam, quemadmodum custodierunt patres eorum, an non. Et dimisit Dominus gentes has, ut non auferret illas tunc, et non tradidit illas in manus Jesu;* satis ostenditur causa quare non Jesus omnes illas gentes bellando deleverit; quia hoc si fieret, non esset in quibus isti probarentur. Potuerunt autem esse ad utilitatem ipsorum, si tentati in eis, non reprobi invenirentur; eisque talibus inventis quales eos esse debere præceperat Dominus, jam gentes illæ auferrentur a facie eorum, si ita viverent, nec bellis eos exerceri oporteret. Verba enim Domini huc usque accipienda sunt: *Propter quod tanta dereliquit gens hæc testamentum meum, quod mandari patribus eorum, et non obedierunt voci meæ; et ego non apponam auferre virum a facie ipsorum, id est adversarium.* Cætera vero verba scriptoris sunt, exponentis unde dixerit Dominus non se ablaturum virum de gentibus quas dereliquit Jesus filius Nave. Deinde subjungens qua causa dereliquerit: *Et dimisit, inquit, ad tentandum Israel, si observant viam Domini, abire in ea, quemadmodum custodierunt patres eorum, an non;* eos volens intelligi patres custodisse viam Domini, qui fuerant cum Jesu, id est eo tempore quo ille vivebat. Generationem quippe alteram superius retulit surrexisse post illos qui vixerant cum Jesu, et ab ipsis cœpisse transgressionem quæ offenderat Dominum, pro quibus tentandis, id est probandis, relicta fuerant gentes, nec exterminatae per Jesum. Deinde ne putaretur hoc Jesus consilio suo, tanquam humano, egisse, ut gentes illæ relinquerentur, subjungit Scriptura: *Et dimisit Dominus gentes has, ut non auferret illas celeriter; et non tradidit eas in manus Jesu.* Deinde sequitur: *Et hæc gentes quas reliquit Jesus, ut tentaret in eis Israel omnes qui nescierunt omnia bella Chanaan: verum propter generationes filiorum Israel, docere illos bellum.* Erat ergo ista causa in eorum tentationem, ut bellare discerent, id est, ut tanta pietate et obedientia legis Dei bellarent, quanta patres eorum qui Domino Deo etiam bellando placuerunt: non quia optabile aliquid est bellum, sed quia pietas laudabilis et in bello. Quod autem sequitur, *Verum qui ante illos erant, non scierunt illas;* quid nisi gentes vult intelligi, quas nescierunt bellando qui fuerunt ante istos, quorum tentationi, hoc est probationi relictae sunt? Deinde commemorans quæ sint, *quinque, inquit, satrapias alienigenarum:* quas in libris Regnorum manifestius exprimit. Satrapia autem dicuntur quasi parva regna, quibus satrapes præerant: quod nomen in illis partibus cujusdam honoris est, sive fuit. *Et omnem.*

inquit, *Chananæum, et Sidonium, et Evæum inhabitantem Libanum ante montem Hermon usque ad Caboemath* (pro quo Aquila interpretatus est, *introitus Emath*), et factum est, ut tentaretur in ipsis Israel: tanquam diceret: Hoc autem factum est, ut tentaretur in ipsis Israel: scire, si audient mandata Domini, non ut sciret Deus omnium cognitor, etiam futurorum, sed ut scirent ipsi, et sua conscientia vel gloriarentur, vel convincerentur, utrum audirent mandata Domini, quæ mandavit patribus eorum in manu Moysi. Quoniam ergo manifestati sibi sunt non se obedisse Deo in his gentibus quæ ad eorum tentationem, id est exercitationem atque probationem fuerant derelictæ, propterea dixit Deus vel illa in quibus aperte missus angelus et locutus expressus est, et paulo ante, ubi ait: *Propter quod tanta dereliquit gens hæc testamentum meum, quod mandavi patribus eorum, et obedierunt voci meæ; et ego non apponam auferre virum a facie ipsorum*. Dictum est autem in Deuteronomio ex persona Dei loquens de Istis gentibus adversariis: *Non ejiciam illos in anno uno, ne fiat terra deserta, et multiplicentur in te bestiarum feræ; paulatim etiam illos auferam, donec multiplicemini, et crescatis et hereditetis terram* (Deut. vii). Poterat hanc promissionem suam servare Dominus erga obedientes, ut exterminatio gentium illarum, crescentibus Israeliticis partibus, fieret, cum eorum multitudo terras, unde adversarii exterminarentur, desertas esse non desineret. Quod autem ait: *Ne multiplicentur inde bestiarum feræ; mirum si non bestiales quodammodo cupiditates et libidines intelligi voluit, quæ solent de repentino successu terrenæ felicitatis existere. Neque enim Deus homines exterminare poterat, et bestias non poterat, et perdere, vel pasci potius non permittere.*

## CAPUT IX.

*De eo quod iratus Dominus pro malefactis Israelitarum tradidit eos in manus Chusan Rasathaim regis Mesopotamiæ, servieruntque ei octo annis; sed verum cum clamaverunt ad Dominum, suscitavit eis salvatorem, et liberavit eos, per Othoniel videlicet, filium Genez, fratrem Caleb minorem.*

(CAP. III.) *Itaque filii Israel habitaverunt in medio Chananæi, et Ethæi, et Amorrhæi, et Pheræzi, et Evæi, et Jebusæi, et duxerunt uxores filias eorum, ipsique filias suas eorum filiis tradiderunt, et servierunt diis eorum, feceruntque malum in conspectu Domini, et oblii sunt Dei sui, servientes Baalim et Astharoth. Iratusque est Dominus contra Israel, et tradidit eos in manu Chusan Rasathaim regis Mesopotamiæ, servieruntque ei octo annis. Quando fecerunt filii Israel malignum in conspectu Dei, et oblii sunt Domini Dei sui, ac reliquentes eum servierunt Baalim et lucis gentilium, tunc thesaurizantes sibi ipsis iram traditi sunt justo Dei judicio in manus inimicorum, secundum hæc quæ præsens lectio declaravit. In manus, inquit, Chusan Rasathaim regis Mesopotamiæ. Interpretatur autem Chusan Rasathaim humiliatio eorum; traditi sunt ergo in manus ejus qui humiliat*

ret eos. Et quia ipsi in excelsis montium impie agebant in Altissimum, propterea ab ipso in humilitatem traduntur. Sed nolo putes quia erga antiquos solummodo erat hæc divina providentia, ut eos qui impie exaltabantur traderet humiliandos, et salubri medicinæ ratione, contraria contrariis curarentur. Nunc autem omnipotenti Deo erga Ecclesiam suam de hujusmodi salubritas providentiæ, est etiam nunc Chusan Rasathaim, rex Mesopotamiæ, cui traduntur humiliandæ et affligendæ animæ quæ, Christiana humilitate contempta, in superbiam se atque arrogantiam dederunt; odiosum satis est in conspectu Dei superbiam vitium; quia, sicut Scriptura dicit: *Initium discedendi a Deo superbia* (Eccl. x). Et iterum alibi Scriptura dicit: *Deus superbis resistit, humilibus autem dat gratiam* (I Petr. v). Si quis igitur, Christi humilitate despecta, qui propter nos, cum Deus esset, homo factus est, et humiliavit se usque ad mortem, extollitur et effertur ad potestates, atque ad dignitates sæculi prosilit, et artes quibus hæc assequi nititur, etiam si contra fidem et religionem sint, non refugit nec horrescit, dummodo quod cupit obtineat, inde evenit ut faciat malignum in conspectu Domini. Et posteaquam summas indeptus fuerit infulas potestatum, et ad ipsa superbiam fastigia summa conscenderit, inde dejectus traditur huic Chusan Rasathaim, uni scilicet ex aeris principibus, sicut et alii Pharaoni, et alii Chiram, ut humiliet eum, qui nimis fuerat exaltatus, ut affligat, ut conterat, donec resipiscat, et quaerat Dominum, qui, cum esset in superbia et elatione constitutus, ignorabat Dominum. Nunc ergo hi qui traduntur pro peccato in tribulatione positi, videamus quid faciunt? Illud tributo quod scriptum est: *Et clamaverunt ad Dominum, cum tribularentur; et de necessitatibus eorum liberavit eos, et eduxit eos de tenebris et umbra mortis, et vincula eorum dirupit* (Psal. cvi). Sed abjiciatur, quæso, ab omni hac sancta Ecclesia, et præcipue ab his qui ministrant in sanctis, odor iste deterrimus, ut possimus, sicut Paulus dicebat, *effiel bonus odor Christi* (II Cor. ii), ne forte irascatur Dominus, et ad iracundiam provocemus sanctam Israel, et tradat nos in manus Chusan Rasathaim, ut humilitatem, quam in scientia Christi docere debuimus, in correptionis nostræ tribulatione discamus. Sed vide benignum Dominum, misericordiam eum severitate miscentem, et ipsius poenæ modum justa et clementi liberatione pensantem. Non in perpetuum tradidit delinquentes; sed quanto, inquit, tempore servierunt Baalim, tanto servient etiam Chusan Rasathaim, hoc est octo annis. Disce hæc et tu, o auditor, quisquis ille es, qui tibi conscius es alicujus erroris, et quanto tempore errasse te nosti, quanto tempore deliquisti, tanto nihilominus tempore humilia teipsum in Deo, et satisfacto ei in confessione poenitentia. Non exspectes ut humiliet te Chusan Rasathaim, et invito necessitas extorqueat poenitentiam, sed ipse præveni tortoris istius manus; quia si te ipse emendaveris, si te ipse correxeris, pius est

Deus et misericors, qui vindictam temperet ab eo qui illam poenitendo prevenit (1 Cor. 11). Sed et illud consideremus, quia donec servirent Chusan Rasathaim hi qui traditi fuerant pro delictis, et non clamarent ad Dominum, nemo suscitatus est qui salvare eos posset. Cum vero clamaverunt ad Dominum, tunc suscitavit Dominus salvatorem Israel, et salvavit eos. Salvatorem autem dicit Othoniel, qui interpretatur *tempus mihi Dei*.

Et clamaverunt ad Dominum, qui suscitavit eis salvatorem, et liberavit eos, Othoniel videlicet, filium Cenez, fratrem Caleb minorem; fuitque in eo spiritus Domini, et judicavit Israel; egressus est ad pugnam, et tradidit Dominus in manus ejus Chusan Rasathaim, regem Syriæ, et oppressit eum; quievitque terra quadraginta annis. Per hunc Othoniel prior ille populus de servitute humilitatis ereptus est, et reddita est pax populo, quam superbia dudum et diversa plebis facinora fugaverat. Verum quoniam diximus spirituales quemdam posse intelligi Chusan Rasathaim regem, et unum de adversariis et aeris potestatibus principem, ita consequens mihi videtur, etiam Othonielem istum, qui ad liberandum populum suscitatus est, esse unum aliquem de militia cœlesti et archangelicis turmis, qui ad administrandum mittuntur eorum, qui hæreditatem capiunt salutis (Heb. 1), et sunt angeli salvatores, qui et in Othonielis et Aohit specie designantur; quia, sicut sæpe ostendimus, non solum a contrariis virtutibus impugnamur, sed et divinæ bonæque virtutes ad auxilium nostrum mittuntur a Domino. Videamus tamen quis fuerit iste Othoniel, cujus familiæ, cujus nobilitatis? Filius, inquit, Cenez, frater Caleb, illius laudabilis et admirandi viri Caleb, qui fuit comes et socius Jesu Nave, de quo, prout potuimus, in suis locis quæ visa sunt disseruimus. Quid ergo dicit Scriptura de isto Othoniel? posteaquam dixit, quia clamaverunt filii Israel ad Dominum, factus est, inquit, spiritus Domini super Othoniel, et judicavit Israel. Putas est in nobis aliquis, qui ita validum et ita justum clamorem emittat ad Deum, ut dignus sit exaudiri, et mereatur populus accipere judicem, et talem judicem quem spiritus Dei repleat, ut possit rectum tenere judicium? unde et liber ipse Judicum dicitur, et describuntur in eo judices qui judicaverunt populum. Sicut enim alii libri Regum dicuntur vel Regnorum, in quibus describitur unusquisque regum quomodo regnaverit et quid egerit, ita et in hoc libello gesta judicum referuntur, et describitur non solum si quid ab eis recte et utiliter gestum est, verum et si quid culpabiliter admissum est. Cur tamen utrumque descriptum sit si requiris, ut nunc Ecclesiæ principes vel judices pervidentes ea quæ ab his laudabiliter gesta sunt, priorum sequantur exempla; si qua vero in illis culpantur, ut isti caveant et declinent. Magna ergo laus primi hujus judicis Othoniel refertur, quod spiritus Dei factus est super eum, et per spiritum Dei judicabat Israel, quod ego de alio quodam dictum non valde memini. Sunt

ergo et hodie ecclesiarum omnium, quæ sunt sub cœlo, quam plurimi judices, quibus judicium non solum rerum gestarum datum est, sed et animarum. Verum nescio si quis sit talis Ecclesiæ judex, quem dignum faciat Deus spiritu suo replere, ut sicut Othoniel iste, testimonio Scripturæ decoratus est, ita etiam ipsi, de quibus hoc optamus, Dei testimonium mereantur. Ait ergo: *Et factus est spiritus Domini super eum, et judicavit Israel, et exiit ad bellum, et tradidit Dominus in manus ejus Chusan Rasathaim regem*. Quare hoc? Quia spiritus Domini erat in eo, et confortata est manus ejus super Chusan Rasathaim. Et post hæc dicit quia quievit terra sub eo judice quadraginta annis. Vides quam larga est divina clementia? Octo annis filii Israel servierunt pro multorum delictis; quadraginta annos pro unius justitia in pace perdurant. Quadraginta annos quievit terram promissionis a bellis sub Othoniele judice Scriptura testatur, quantum temporis primordia Romani imperii sub Numa Pompilio tantummodo rege pacata habere potuerunt. Sed quid dicitur post hæc? *Et defunctus est, inquit, Othoniel filius Cenez*. Rem video periculosam. Defunctus est Othoniel. Quare? Quia jam indignus erat populus, qui haberet judicem talem.

Denique in consequentibus dicit illo defuncto: *Et adjecerunt, inquit, filii Israel facere malum in conspectu Domini*.

#### CAPUT X.

De eo quod peccantem Israel tradidit Dominus in manu Eglon regis Moab, sed eos iterum misericorditer liberavit per Aod, filium Hierte, ambidextrum, qui interfecit Eglon.

(1810.) Et confortavit Dominus Eglon, regem Moab, adversum Israel. Considera quia pro eo quod indigni erant jam habere principem talem, propterea auferitur ab eis bonus judex; et quia fecerunt malignum in conspectu Domini, excitatur eis hostis pessimus, Eglon, rex Moab. Vides quia nostra peccata vires hostibus præbent; et quando nos facimus malignum in conspectu Domini, et delinquimus, tunc convertuntur a Domino adversarii nostri, tunc vires contrariis dantur. Hoc sive secundum litteram quæras, ita invenies, quia non invalescerent; sive in spiritibus consideres, similiter contrariæ virtutes non invalescerent adversum nos, nec ipse diabolus in nobis aliquid prævaleret, nisi ei vires ex nostris vitiis præberemus; valde infirmus esset adversum nos, nisi nos eum fortem in peccando faceremus, et nisi per peccata nostra locum introeundi et dominandi inveniret in nobis. Propterea denique et Apostolus præmonet dicens: *Nolite locum dare diabolo (Ephes. 1v)*. Sicut et hic modo legimus, quia posteaquam fecerunt filii Israel malignum in conspectu Domini, locum dederunt diabolo. Confortavit enim Dominus Eglon, regem Moab, et adjunxit ei omnes filios Amnon et Amalech. Non solum, inquit, ipse confortatus est ex peccatis filiorum Israel, sed et adjunguntur ei socii nequam et

filii Ammon et Amalech, qui cum ipso pariter impugnent Israel. *Et servierunt, inquit, filii Israel Eglon, regi Moab, quindecim annis.* Observa quia etiam mensuras pœnæ indicat Scriptura divina; ibi octo annis, et hic decem et quinque dicit. Certum est autem quod secundum peccati modum et conversationis nostræ moram, etiam castigationis tempora terminantur. Transierunt enim isti decem et quinque anni servitutis, et non refertur, quod clamaverint ad Dominum, vel conversi sint a malitia sua; sed post decem et quinque annos iterum dicitur, quia clamaverunt filii Israel ad Dominum, et suscitavit eis Dominus Deus salvatorem Aoth, filium Gera, filii Jemini, virum ambidextrum. Ecce qualis est iste qui suscitatur ad salvandum Israel! Nihil habet in se sinistrum, sed utramque manum dextram habet; hoc est enim quod dicitur ambidexter. Dignus vere populi princeps, et Ecclesiæ Judex, qui nihil agat sinistrum, cujus quod agit dextra, nesciat sinistra, in utraque parte est, in fide dexter est, in actibus dexter est, nihil habet de illis qui collocantur a sinistris, quibus dicitur: *Discedite a me, operarii iniquitatis, nescio vos (Matth. vii).* *Ite in ignem æternum, quem præparavit Deus diabolo et angelis ejus (Matth. xxv).* Quod scilicet in talibus et simili præsumere puto, quod secundum spiritalem intelligentiam, et sancti omnes ambidextri dicantur, et e contrario diabolus et principes ejus, si dici potest, ambisinistri dicuntur: totum enim quod agunt sinistrum est, totum perversum, totum igni æterno cum his qui a sinistris sunt deputatum. Sed videamus quid agit hic ambidexter judex. *Miseruntque filii Israel per eum munera Eglon regi Moab, qui fecit sibi gladium ancipitem habentem in medio capulum longitudinis palmæ manus, et accinctus est eo subter sagum in dextro femore, et cætera.* Vides quia dextrum est omne quod gerit Aoth hic ambidexter, et manibus dexter est, et pedibus dexter est. In femore enim dextro gladium portat, ut veniat ad regem Moab, et interficiat eum. Dixeramus in superioribus quod isti quos ad salutem populi et ad liberandum filios Israel suscitare dicitur Deus salvatores vel iudices, imaginem ferant aliquorum principum ex cœlesti militia et supernarum virtutum, quas ad subsidium Deus emittat eorum qui ad se toto corde clamaverint, et per conversionem pœnitentiæ divinam erga se clementiam flexerint. Sed hoc ne præsumptum apud auditores videatur a nobis, debemus ex Scripturarum id auctoritate firmare. Scriptum est in Exodo quia patres nostri filii Israel cum multo tempore in Ægyptiis et Pharaoni regi dirissimo in luti et lateris confectioe servissent, clamaverunt, inquit, ad Dominum, ita ut ipse Dominus diceret: *Clamor filiorum Israel ascendit ad me (Exod. xii);* et misso quidem Moyse visibiliter eduxit eos. Refert autem Scriptura quod angelus exterminator missus sit, qui vastaret quidem omnia primogenita Ægypti, Israelitarum vero neminem tangeret. Et sic declaratur virtutem fuisse cœlestem,

PATROL. CVIII.

quæ vastatis Ægyptiis et prostratis, filios Israel de jugo servitutis eduxit. Similiter quoque etiam illud refertur in historiis, quod sub rege Assyriorum Sennacherib angelus Domini mittitur, qui cæsis sub una nocte et prostratis centum octoginta quinque millibus hostium, et urbem de obsidione, et populum de imminente liberaret interitu (*IV Reg. xix*). Ita ergo etiam nunc eadem consequentia debemus advertere, quia si quando pro peccatis nostris in captivitatem tradimur, clamemus ad Dominum, clamemus autem non ore sed mente, ita ut dolor cordis fontem lacrymarum producat ex oculis sicut ille qui dicebat: *Lavabo per singulas noctes lectum, lacrymis stratum meum rigabo (Psal. vi).* Si ita convertimur a malis, ut ultra non contingamus mala; si ita desinimus a superbia, ut ultra nihil superbum, nihil arrogans sapiamus: mittit etiam nobis Dominus virtutem suam cœlestem, per quam liberemur a jugo servitutis diabolicæ, quæ virtus omnia pro nobis agat dextra et prospera, quæ faciat nos relinquere viam sinistram quæ ducit in perditionem, et revocet nos ad veram viam, illum qui dicit: *Ego sum via, veritas et vita (Joan. xiv)*, Christum Jesum Dominum nostrum. Quæri potest utrum mentitus fuerit Aoth judex, quando occidit Eglon regem Moab. Cum enim solus soli insidiaretur ut eum percuteret, hoc illi ait: *Verbum occultum mihi est ad te, rex;* ut ille a se omnes qui cum illo fuerant, removeret. Quod cum factum esset, iterum dixit Aoth: *Verbum Dei mihi ad te, rex.* Sed potest non esse mendacium, quandoquidem verbi nomine solet etiam factum appellare Scriptura, et revera ita erat. Quod autem dixit, *Verbum Dei*, intelligendum est hoc illi Deum ut faceret præcepisse, qui eum populo suo excitaverat salvatorem, sicut illis temporibus talia fieri divinitus oportebat. Item merito quæritur quomodo secundum LXX exilis valde rex Eglon fuerit, et concluderit adeps vulnus, quando percussus est. Sed intelligendum est ea locutione dictum, qua solet e contrario intelligi: sicut dicitur lucus, quod minime luceat, et abundare respondetur, quod non est, et benedixit regi pro maledixit, sicut scriptum est in libro Regnorum de Nabutte. Nam in ea interpretatione, quæ non secundum Septuaginta, sed ex Hebræo est, ita invenimus: *Erat autem Eglon crassus nimis.*

Aoth autem, clausis diligentissime ostiis cœnaculi, et obfirmatis sera, per posticam egressus est, servique regis ingressi viderunt clausas fores cœnaculi, et cætera. Quomodo pueri regis Eglon clavi aperuerint, quod Aoth clavi non clauserat, potest movere: aut si ille clavi clauserat, quomodo secum eam non auferret, ut isti nec clavi aperire possent? Proinde aut alia clavis allata est, aut tale clausuræ genus fuit, quod sine clavi possit claudi, nec sine clave aperiri (*III Reg. xiii*). Nam sunt quædam talia, sicut ea quæ veruclata dicuntur. Sed videamus qualiter Aoth, qui interpretatur *laus*, concluderit principatum suum. Historia nos edocuit ea quæ de

Eglon rege scripta sunt, quomodo sapientissimus hic Aoth, arte quadam et, ut ita dicam, callida, sed laudabili usus deceptione, interemerit Eglon tyrannum, qui interpretatur *rotatus* vel *orbitas*. Oportet ergo tales esse et nostri populi iudices, qualis fuit Aoth iste, qui interpretatur *laus*, ut omnes volubiles motus et orbitas mali itineris excidant et perimant Madianitarum regem; Madianitæ autem interpretantur *fluxus*, vel *effusio*. Hujus igitur fluxæ et dissolutæ gentis princeps vel dux, qui potest videri alius vel intelligi, nisi sermo illius philosophiæ, quæ summum bonum iudicat voluptatem, quem interficiat et perimat evangelicus sermo, qui gladio comparatur, et sermo propheticus, ipse in ventre eorum atque limis præcordiis ambidextri doctoris disputationibus concludatur, ut veritatis eos assertionem concludens exstinguat omnem pravi dogmatis et crassæ intelligentiæ sensum, qui se extollit et erigit adversum spiritalem scientiam Christi, ut hæc ita faciens, et in verbo Dei dimicans, unusquisque Ecclesiæ iudex fiat, etiam ipse laudabilis Aoth, de quo dicat Dominus: *Exge, serve bone et fidelis, quia super pauca fustis fidelis, supra multa te constituam* (Matth. xxv).

## CAPUT XI.

*De Samgar filio Anath qui percussit de Philistiim sexcentos viros vomere, et defendit Israel.*

(*IBID.*) *Humiliatusque est Moab in die illo, sub manu Israel, et quiescit terra octoginta annis.* Sub iudice Aoth octoginta annos pacem habuit Israel in terra repromissionis, duplicato scilicet tempore quod fuit memorabile Romanorum sub rege Pompilio. Post hunc fuit Samgar filius Anath, qui percussit de Philistiim sexcentos viros vomere, et ipse quoque defendit Israel. Septuaginta: *Et post eum surrexit Samgar, filius Anath, et percussit alienigenas in sexcentos viros præter vitulos boum, et salvavit Israel.* Quomodo post Aoth iste pro Israel pugnaverit, et diotus sit salvasse Israel, potest esse quæstio. Non enim rursus fuerant captivati vel iugo servitutis innexi. Sed intelligendum ita dictum, *servavit*, non quia nocuerit aliquid hostis, sed ne permitteretur nocere; quoniam credendum est bello cœpisse tentare, et hujus victoria fuisse depulsum. Sed quid sibi velit quod addidit, *præter vitulos boum*, obscurum est. An forte et boum stragem pugnando fecit, et ita dictum est eum occidisse sexcentos viros, præter illud quod fecit de bobus occisis. Sed quare vitulos nominavit? An Græcæ locutionis consuetudo est etiam vitulos eos appellare, qui grandes sunt? Nam ita loqui vulgo in Ægypto perhibentur, sicut apud nos pulli appellantur gallinæ cujuslibet ætatis. Non autem habet interpretatio ex Hebræo, *præter vitulos boum*, sicut ista quæ secundum Septuaginta est: sicut habet illa ex Hebræo, *vomere occisos sexcentos viros*, quod ista non habet. Videamus nunc quale sit etiam principium Samegach, qui interpretatur, *ibi advena*. Verum est enim quia omnes qui sunt homines Dei, advenæ sunt in hoc mundo et in-

colæ in terra, sicut et ille qui dicebat: *Quoniam incolam ego sum apud te in terra, et peregrinus, sicut omnes patres mei* (Psal. xxxviii; Psal. cxviii). Et hunc ergo Samegach sanctus Spiritus ibi incolam dicit, id est, hic; quod enim sancto Spiritu qui in cœlis est, id est, nobis hic est. Quid ergo dicitur de Samegach: *Percussit*, inquit, *Allophylos in sexcentis viris in stiva et pede aratri?* Aliud genus laudis in Samegach video. Iste in aratro pugnabat, Aoth pugnabat in gladio. Iste in aratro vincit, tamen et hic superat et prosternit Allophylos. Potest ergo fieri ut Ecclesiæ iudex non semper gladium proferat, id est, non semper auctoritate verbi et acumine correptionis utatur, sed aliquando etiam imitetur agricolam, et velut aratro sulcans animæ terram, ac sæpius eam elementi commotione rescindens, aptam eam suscipiendis seminibus parat. Interficiuntur ergo etiam sic Allophyli, cum non argumentis et acumine contra adversarios utimur, sed agresti et simplici commotione de animis auditorum vitia et peccata propellimus. Sed et ipse, o auditor, esto agricola animæ tuæ, utere hoc aratro quo utitur Samegach. Sed cum miseris manum tuam in aratrum, noli retro respicere, id est, posteaquam tuleris crucem tuam, et secutus fueris Christum; posteaquam sæculo renuntiasti, et his quæ in sæculo sunt, noli retro respicere, noli requirere ea quæ propter Christum duxeras ut stercora; quia si in isto aratro inanem semper habueris, ita ut confidenter dicas: *Mihi autem absit gloria, nisi in cruce Domini nostri Jesu Christi, per quem mihi mundus crucifixus est, et ego mundo* (Gal. vi). Hæc tibi dicenti: *Cadent a dextris tuis decem millia, et a sinistris tuis mille, ad te autem non approximabunt* (Psal. xc). Sed et hoc ipsum quod dixit, in *sexcentis Allophyliis percussisse Samegach*, non mihi videtur otiosum dictum. Quid enim opus erat designare etiam numerum, nisi forte evidentius in ipso numero ea de quibus superius diximus, indicavit? Namque senarius numerus, qui multiplicatus pervenit in sexcentos, mundi hujus figuram tenet, qui in sex diebus dicitur consummatus. Sexcentos ergo in aratro dicitur percussisse ille, cui per crucem Christi crucifixus est mundus.

*Addideruntque filii Israel facere malum in conspectu Domini post mortem Aoth, et tradidit illos Dominus in manu Jabin regis Chanaan, qui regnavit in Asor. Habuitque ducem exercitus sui, nomine Sisaram. Ipse autem habitabat in Arosath gentium. Clamaveruntque filii Israel ad Dominum; non gentes enim habebat salcatis currus, et per viginti annos vehementer oppræsserat eos.* Et adjecerunt, inquit, filii Israel facere malignum in conspectu Domini, et Aoth mortuus est. Servatur nimirum in his etiam illa observatio quam in superioribus designavimus, quia pro peccatis populi moritur bonus populi dux. Cum enim indigni fuerint effecti, et fecerint malignam in conspectu Domini, auferetur ab eis homo Dei. Sed dicit fortassis populus noster: *Quando Ecclesia Dei sine iudice est, etiam prior decesserit, alter adhibe-*



tur. Audacter fortassis aliquid dicemus; tamen quod scriptum est dicimus. Non semper princeps populi et Ecclesiae iudex per Dei arbitrium datur, sed prout merita nostra deprecantur, si mali sunt actus nostri et operamur malignum in conspectu Dei, dantur nobis principes secundum cor nostrum, et hoc tibi de Scripturis probabo. Audi namque, quid Dominus dicat: *Fecerunt sibi regem, et non per me; et principem, et non per consilium meum.* Et hoc dictum videtur de Saule illo, quem utique ipse Dominus elegerat, et regem fieri iusserat. Sed quoniam non secundum Dei voluntatem, sed secundum peccatorum populi meritum fuerat electus, negat eum cum sua voluntate vel consilio constitutum. Tale ergo aliquid intelligamus etiam in Ecclesiis fieri, quia pro meritis populi aut in verbo et opere potens a Deo tribuitur rector Ecclesiae, aut si malignum faciat populus in conspectu Domini, talis Ecclesiae iudex datur, sub quo famem et sitim populus patitur, non famem panis neque sitim aquae, sed famem audiendi verbum Domini (Rom. viii). Ita ergo nos agamus et ita oremus, ne unquam nos divina indignatione in verbi fame condemnet ac siti, ne unquam auferatur a nobis qui nos verbo et opere instruat, qui in moribus et honestate, qui patientiae ac mansuetudinis perfectum de se populis praestet exemplum. Nam si nos fecerimus malignum in conspectu Domini, id est, si male egerimus, si voluntatem nostram et non Dei faciamus, moritur et Aoth, auferetur et Samegach, et obscurabitur laus nostra et trademur in manus Jabin regis Chanaan. Jabin autem interpretatur *sensus* sive *prudencia*. Si ergo nos non probaverimus Deum habere in notitia, tradit nos Dominus in reprobum sensum, repletos, inquit, iniquitate, nequitia, fornicatione, avaritia, plenos invidia, homicidiis, contentione, dolo, susurratores, detractores, Deo odibiles, contumeliosos, superbos, elatos, parentibus non obediens, insipientes, incompositos, sine affectu, sine misericordia (Rom. i). Vides qui sunt et quales qui traduntur in reprobum sensum, qui traduntur Jabin principi Chanaanorum.

Et princeps, inquit, militiae Jabin erat Sisara, et ipse habitabat in Aroseth gentium, et erant ei non-genti currus ferrei. Et clamaverunt filii Israel ad Dominum. Etiam in hoc similiter illa quam superius designavimus observatio custoditur, quia nesciunt clamare ad Dominum filii Israel, nisi cum traditi fuerint in manus Jabin, vel cum afflicti per ejus militiae principem Sisaram, cui erant, inquit, non-genti currus ferrei, quibus scilicet affligeretur populus dardae cervicis. Sisara autem interpretatur *visio equi*. Iste est enim animalis, et non spiritalis, qui non videt, nisi ea quae animalis sunt, ipsa est ejus visio, ipse ei semper intuitus; et ideo semper animalis homo, et is qui secundum carnem est persequitur eum qui secundum spiritum est (Gal. iv), donec spiritalis intelligat et examinet omnia, et intelligat unde sibi sit auxilium deprecandum, et clamet ad Dominum, donec animae illi quae clamaverit ad Do-

minum suscitetur prophetia, quae est in figura Debborae, et secundum prophetiae gratiam et intelligentiam Ecclesiae populus gubernetur, vel jam sensus uniuscujusque mentis et animae regatur.

## CAPUT XII.

*De Debhora et Barach, qui percusserunt Jabin, regem Chanaanum, et Sisara ducem ejus.*

(CAP. IV.) Erat autem Debhora prophetes uxor Laphidoth, quae judicabat populum in illo tempore, et sedebat sub palma, quae nomine illius vocabatur inter Rama et Bethelin monte Ephraim. Ascendebantque ad eam filii Israel in omne iudicium. Quae misit et vocavit Barach filium Abinoe de Cades Nephthali, dixitque ad eum: *Præcepit tibi Dominus Deus Israel: Vade, descende et duc exercitum in montem Thabor; tollesque tecum decem millia pugnatorum de filiis Nephthali et de filiis Zabulon. Ego autem educam ad te in loco torrentis Cison, Sisaram principem exercitus Jabin, et currus ejus, atque omnem multitudinem, et tradam eos in manu tua. Dixitque ad eam Barach: Si venis mecum, vadam; si nolueris venire, non pergam. Quae dixit ad eum: Ibo quidem tecum, sed in hac vice tibi victoria non reputabitur, quia in manu mulieris tradetur Sisara. Quoniam quidem sententia est apostoli Pauli, quae dicit: *Omnis Scriptura divinitus inspirata utilis est ad docendum, ad increpandum ad doctorem, quae est in justitia* (II Tim. iii); quid habeat in sese ista Scriptura, quam sine dubio et ipsam inspiratam divinitus confitemur, quod nobis ad doctrinam cedat, quod ad increpationem, quod ad disciplinam, quod ad justitiam. Quid enim nobis ex hoc confertur, si legamus hoc quod recitatum est, id est quod Debhora, inquit, mulier prophetissa, uxor Laphidoth, ipsa judicabat Israel in illo tempore; et ipsa, inquit, Debhora sedebat sub palma inter medium Rama, et inter medium Bethel, in monte Ephraim, et ascendebant ad eam filii Israel, ut judicarentur. Tum deinde quid nobis eruditionis, aut doctrinae, aut justitiae ea conferunt quae sequuntur, vel de Barach, vel de Jael, vel etiam de Sisara duce militiae Jabin? Videamus ergo si forte per hæc dignum aliquid, sicut et ex Scripturis cæteris, de sacramentis secretioribus doceamur. Primo hoc ipsum quod cum plurimi iudices viri in Israel fuisse referantur, de nullo illorum dicitur, quia propheta fuerit, nisi de Debhora muliere. Præstat et in hoc consolationem non minimam mulierum sexui etiam prima ipsius litterae facies, et provocat eas, ut nequaquam pro infirmitate sexus desperent, etiam propheticae gratiae capaces se fieri posse; sed intelligant et credant quod meretur hanc gratiam puritas mentis, non diversitas sexus. Sed videamus quid etiam interioris intelligentiae respicit arcanum. Debhora *apis* interpretatur, sive *loquela*. Sed etiam in superioribus diximus quod Debhora in prophetia forma accipienda sit, quae est apis; certum namque est quod omnis prophetia suavis coelestis doctrinae favos et dulcia divini eloquii mella componat: unde et David canebat dicens: *Quam dulcia faucibus meis eloquia tua, super**

*mel et favum ori meo (Psal. cxviii)?* Et iterum alibi dicit: *Judicia Dei pretiosa esse super aurum et lapidem pretiosum nimis, et dulciora super mel et favum (Psal. xviii)*. Sed et illud consideremus, ubi residere dicitur prophetissa, et ubi locus ejus esse describitur: *Sub palma, inquit, inter medium Rama et inter medium Bethel*. Sub palma sedem habet prophetia, quia *justus, inquit David, sicut palma florebit (Psal. xci)*; per hoc quod suis institutionibus eruditum prophetia perducit ad palmam supernæ vocationis Dei in Christo Jesu Domino nostro. Inter medium autem Rama et inter medium Bethel sedere dicitur. Rama interpretatur *excelsa*, Bethel autem *domus Dei*. Videte in quibus locis residere dicitur prophetia: inter excelsa et domum Dei. Nihil enim humile, nihil dejectum, nihil vile, erga prophetiæ sedem reperiri potest: sicut et Salomon nihilominus sapientiæ sedem describens dicit de ea, quod vel in portis civitatum assistat, vel in murorum mœnibus habitet, vel in altis turribus libere agat (*Prov. viii, 9*). Hoc ergo modo prophetia, quæ nunc in Debbora describitur, inter domum Dei et inter excelsa dicitur habitare. Non enim nos docet quæ super terram sunt quærere, sed quæ in cœlis sunt et in excelsis, *ubi Christus est in dextera Dei sedens (Col. iii)*. Illuc nos prophetia hortatur ascendere, illuc discipulos suos molitur imponere. Hæc ergo est, primo omnium, inquit, misit et vocavit ad se Barach; Barach autem interpretatur *coruscatio*. Coruscatio vero est quæ habet quidem lucem, sed non permanentem, ad modicum enim temporis resplendet et desinit. Hic ergo Barach mihi videtur formam gerere populi prioris, qui primo omnium per prophetiam vocatus est, et invitatus ad audienda eloquia Dei, et divinæ legis munera capienda, qui refulsit quidem, et in legis splendore ad breve tempus coruscavit, sed non diu permansit, nec continuum lucis potuit obtinere fulgorem. Cum ergo dixisset Debbora ad Barach, id est, prophetia ad priorem populum: *Quia tibi præcepit Dominus Deus Israel, et tu ascende in montem Thabor, et accipe decem millia viros, et reliqua quæ scripta sunt*. Quid respondit Barach, ex persona populi ad prophetiam videamus. *Non, inquit, ascendam, nisi et tu ascenderis mecum*; quia nescio diem, in qua mittit Dominus angelum suum mecum. Vides ergo quomodo illis prioribus prophetia detulerit eloquia Dei; et illis dicit data esse præcepta ut ascendant in montem. Sed excusant et dicunt, non ascendam, nisi ascenderis mecum. Et de excusatione quidem verum est, sed de repromissione falsum est. Quod enim non ascenderint in montem Dei certum est; quod autem pollicentur se ascensuros esse cum prophetia, falsum est. Non enim secuti sunt prophetiam ut crederent ei, de quo omnis prophetia præscripta est, Christo. Propterea ergo dicit ad eum Debbora: *Ibo tecum; verumtamen scito, quia non erit primatus tuus in via hac quam incedis, sed in manu mulieris tradet Dominus Sisaram*. Evidenter ostendit quia non erit apud illum populum primatus, nec permanebit apud

A eum victoriæ palma; sed in manus mulieris, cui nomen Jael, traditur Sisara. Describitur autem quod cum secundum commonitionem Debboræ, id est, prophetiæ insequeretur Barach principem Allophylo- rum Sisaram, ipse quidem eum comprehendere non potuit, sed occurrit ei fugienti mulier alienigena Jael; quæ mulier prius cum eo amicitiarum fœdus habuerat, ad quam ille cum declinasset latendi gratia, aquam poposcit ut biberet, sed ab illa lacte potatus est. Et cum eum in lateribus collocasset ac pellibus operuisset, post hæc palum malleo adactum per ejus mala vel maxillas defixit, et tunc occurrens insectanti Barach mortuum jam et prostratum ostendit Sisaram. Quid ergo nobis sacramenti omnis iste historiæ textus ostendit? Jael, mulier ista alienigena, B de qua prophetia dixit quod in manu mulieris victoria fiet, figuram tenet Ecclesiæ, quæ ex alienigenis gentibus congregata est. Interpretatur autem Jael *ascensio*, quia revera non est alia ascensio, qua ascenditur ad cœlum, nisi per Ecclesiam multiformis sapientiæ Dei. Ipsa est ergo quæ, dum a corporalibus ad spiritalia et a terrenis ascendit ad cœlestia, interficit Sisaram, de quo jam superius diximus quod carnalium vitiorum, et animalis vel choici [*χολικός*] hominis tenet formam; quia Sisara, *visio equi*, interpretatur, de quo Scriptura dicit: *Notiæ fieri sicut equus et mulus, quibus non est intellectus (Psal. xxxi)*. Palo ergo eum interficit, id est, ligni crucis cum acuminæ et virtute prosternit. Et non sine causa maxillas ejus palo transverberasse describitur. Illud enim os quod de carnalibus loquebatur, et illa doctrina quæ carnis gloriam præferbat, quæ in deliciis et voluptatibus vivendum sapientibus sæculi persuadebat; et humanum genus luxuriæ adulatione deceperat, illud, inquam, os ligno crucis configitur et terobatur, quia illa via, quam philosophia latam et spatiosam prædicaverat voluptatis, hanc Christus arctam et angustam nobis viam salutis ostendit. Sic ergo Jael Ecclesia vitiorum principem Sisaram obtectum pellibus, id est, membrorum mortificatione sopitum, et æterno tradidit somno. Occurrit tamen Jael Ecclesia post hoc, et priori populo insectanti Sisaram. Insectabatur enim Israel legem justitiæ, sed in legem non pervenit. Occurrit ergo Ecclesia, etiam ipsi, et ostendit ei opus suum, ostendit ei victoriam consummatam, atque in societatem cum prostrati hostis iuvat. Verum est enim illud quod Apostolus in novissimo tempore dicit futuram, quia cum plenitudo gentium subintroierit, tunc omnis Israel salvus fiet (*Rom. xi*). Sit ergo primatus quidem in manu mulieris alienigenæ, non tamen excluditur a consortio gloriæ etiam Barach, qui prior quidem cœperat, sed novissimus pervenit ad finem. Imo dum ille pervenit, Jael alienigena prætereuntem quodammodo victoriam rapit. Eadem forma præcessit etiam in Esau et Jacob, fratribus (*Gen. xxvii*). Dum enim Esau sectatur agrestia, dum moratur in salsibus, præveniens Jacob, et mulieris nihilominus consilio matris compositos patri offerens cibos, benedictio-

nis primatus accepit. Sic et in Evangelio, pergente Domino ad filiam principis synagogæ suscitandam, præveniens mulier quæ fluxu sanguinis laborabat, fideli tactu prior consequitur sanitatem. Quod si etiam inde requirendum aliquid videtur a diligentibus auditoribus, quod lacte eum potasse dicitur, cum ille aquam poposcisset, videamus ne forte secundum mysticas vel allegoricas leges tale aliquid etiam de hoc possit ostendi. Lactis cibus esse dicitur in Scripturis sanctis prima hæc moralis institutio quæ incipientibus vel parvulis traditur; non enim initis statim discipulis de profundis et secretioribus tradendum est sacramentis, sed morum correctio, emendatio disciplinæ religiosæ conversationis et simplicis fidei prima eis elementa traduntur. Istud est Ecclesiæ lac, hæc incipientium parvulorum prima sunt elementa. Sed iste cibus his quidem qui bonum proficiendi propositum gerunt, vitam tribuit et salutem; his vero quibus contraria placent, quibus luxuria, libido, avaritia, et omnis impietas cordi est, hujusmodi doctrina necem et interitum præstat. Sic ergo fit ut ex his atque eisdem cibus quibus aluntur boni, suffocentur mali, et in quo piis vita est, ibi sit impiis mors. Denique ut exemplo res quam dicimus planior fiat, vinum sanos et commode degentes juvat, et, sicut Scriptura dicit, cor hominis sani duntaxat lætificat, febrientibus vero, si sumpserint, perniciem continuo et interitum parit, ita fit ut eadem res non eodem modo sumpta uni quidem vitam, alii autem conferat mortem. Sic ergo intelligendum est, et Sisaram, istum animaleminem, et vitiorum principem, per doctrinam Ecclesiæ quam non ex fide suscepit exstinctum. Sed et unaquæque anima satagat isto lacte evangelico atque apostolico sopire in semetipsa et exstinguere Sisaram. Si enim per hæc edoctus quis mortificaverit membra sua quæ sunt super terram, avaritiam, fornicationem, et cætera, quæ sanctus Apostolus enumerat (Col. iii), Sisaram in semetipso videbitur peremisse, ut hæc non solum in persona Ecclesiæ consummari, verum etiam unusquisque in sua anima ostendat impleri. Quia ergo, sicut diximus, coeptus est quidem Sisara insectari a populo priori, interemptus autem est a muliere hac, Ecclesia gentium, et in manu ejus data est palma victoriæ; in consummatione omnium, id est, in fine sæculi etiam canticum Domino cantabitur per Debboram, in quo primatus quidem dabitur Jael Ecclesiæ gentium, nec tamen de Barach laude silebitur, sed unum et primis et novissimis victoriæ præmium dabitur.

### CAPUT XIII.

*De cantico mystico quod cecinerunt Debbora et Barach, filius Abinoem, post victoriam Domino.*

(CAP. v.) *Cecineruntque Debbora et Barach filius Abinoem in die illa, dicentes: Qui sponte obtulistis de Israel animas vestras ad periculum, benedicite Dominum. Sisara cum exercitu suo et curribus ferreis quibus impugnat populum Dei, superatus est; quod ita futurum prophetia præcecinit per Debboram, et*

posteaquam in manu mulieris facta victoria est, canticum istud Debbora, velut victoriæ ipsius laudem, cecinisse perscribitur. Verum si meminimus eorum quæ in superioribus dicta sunt secundum mysticam formam, quæ est figura Debboræ, quæ etiam Barach, quid imaginis teneat Jael mulier, quæ adversarium populi Dei sola dejecit, quæ etiam imago sit Sisaræ ipsius qui a muliere alienigena ligni virtute prostratus est, intelligimus hæc omnia sacramenta esse, quæ in novissimis temporibus et in fine sæculi per Ecclesiam consummantur, et in cantico hoc, velut epinicia ejus, id est, victoriæ laudem esse descriptam: illius scilicet temporis, cum novissima inimica destruetur mors; tunc enim exsultabit Debbora, id est, illustrabitur gloria prophetiæ, quia quæ prædixit impleta sunt. Tunc Jael, id est, Ecclesia hostem communem omnium superabit, et posteaquam plenitudo gentium introierit, tunc et Barach, id est, reliquus Israel, salvus fiet, et in societatem victoriæ recipietur (Rom. xi). Tunc ergo, si digni fuerimus, etiam nos cantabimus canticum istud refertum mysticis et propheticis sacramentis. Sed videamus quid in principio cantici hujus spiritalis ista Debbora atque Barach dicant.

*Qui sponte, aiunt, obtulistis de Israel animas vestras ad periculum, benedicite Dominum.* Qui sunt ergo isti qui animas suas sponte ad periculum obtulerunt, nisi apostoli, prophetæ et martyres, nec non et cæteri justii, qui propter servitium Dei animas suas præparabant ad tentationem, et hujus mundi adversa æquo animo tolerabant. Omnes quidem sancti atque electi tunc animas suas sponte deferunt ad periculum, quando confessionem nominis Christi devota mente suscipiunt, et in vera religione fortiter persistere decernunt: hinc enim ad periculum animas suas tradunt, quo ei, contempto persecutore, coadunari per fidem non metuunt, quem mundum maximis odiis persequi intelligunt. Unde ipsa Veritas in Evangelio discipulis ait: *Si mundus vos odit, scitote quia me priorem vobis odio habuit (Joan. xv).* Et item: *Eritis, inquit, odio omnibus propter nomen meum (Luc. xxi).* Unde per Paulum dicitur: *Omnes, qui pie volunt vivere in Christo, persecutionem patiuntur (II Tim. iii).* Sed hi ad benedicendum Dominum exhortantur, quia cum hostes suos, novissima morte destructa, superabunt, æternam mercedem percipientes, laudes perpetuas in cælis cum sanctis angelis in æternum Domino decantabunt.

*Audite, reges, percipite auribus, principes.* Reges appellat eos qui convocantur ad audiendum verbum Dei. Exsulta, popule Dei, audiens tuæ nobilitatis insignia; tu vocaris ad audiendum verbum Dei, et non ut plebs, sed ut rex vocaris. Tibi enim dictum est: *Genus regale et sacerdotale, populus in acquisitionem (I Petr. ii).* Ideo quia vos reges estis, merito rex noster Christus Dominus Rex dicitur regum et Dominus dominantium. Sed sicut exaltastis de nobilitatis vestræ titulo, ita discere debetis quid agendo unusquisque vestrum fiat rex, quod vobis ita breviter

desiniam. Regem te esse omnium facit, si regnet A  
Christus in te : rex namque a regendo dictus est. Si  
ergo et in te animus regnat et corpus obtemperat,  
si concupiscentias carnis sub jugum imperii tui mit-  
tas, si vitiorum gentes sobrietatis tuæ frenis arctio-  
ribus premas, merito rex diceris, qui te recta regere  
noveris. Cam ergo talis fueris effectus, digne ut rex  
ad audienda divina verba vocaberis. Hoc vero quod  
subsequitur, magis corporeum quiddam indicat quod  
dicit : *Auribus percipite, omnes satrapæ*. Sicut enim  
inferior est rege satrapa, ita et auribus percipere  
inferius videtur esse quam audire : audire namque  
ad interiorum pertinet hominem, sicut et Dominus  
dicebat : *Qui habet aures audiendi, audiat* (Matth.  
xv) ; auribus vero percipere, ad exteriorem et cor- B  
poralem spectat auditum. Ideo ergo et hic illi qui au-  
dire debent, reges dicuntur ; qui vero auribus perci-  
pere, satrapes appellantur.

*Ego sum, ego sum, que Domino canam, psallam*  
*Domino Deo Israel*. Beati sunt qui possunt cantare  
canticum Domino. Ait ergo hic vox justi : *Ego Do-*  
*mino cantabo, et psallam Deo Israel*. Quis putas ita  
canoræ vocis est, et ita spiritus puri mentisque sin-  
ceræ, ut cantilena ejus divinum delectare possit au-  
ditum ? Ille profecto est qui nullum habet in se rau-  
cum peccati sonum, qui nihil offensionis in lingua,  
nihil crassitudinis in spiritu gerit. Ille potest recte  
dicere : *Ego Domino cantabo, psallam Deo Israel*.  
Cantat ergo Domino, qui eum devotione cordis et  
oris officio digne prædicat. Psallit vero, qui eum C  
bonis operibus laudat. Videamus itaque quomodo can-  
ticum ipsum inchoet.

*Domine, cum exires de Seir, et transires per regio-*  
*nes Edom, terra mota est, cælique ac nubes stillave-*  
*rent aquas, montes fluxerunt a facie Domini, et Si-*  
*nai a facie Domini Dei Israel*. Dominus ergo de Seir  
exiit, quia ex Judaico populo malitiæ et increduli-  
tatis spinetis asperrimo, secundum carnem editus  
est ; transiit per regiones Edom, quando ibidem per  
ætatis spatia juvenescens crevit, et Evangelium  
prædicando lumen fidei ubique sparsit ; tandem-  
que ad crucem veniens, per passionem et re-  
surrectionem suam mysterium redemptionis nostræ  
mirabiliter adimplevit. Nomine quoque Edom sive  
Esau, sicut et Seir, idem populus Judæorum desig-  
natur. Nam Seir pilosus vel hispidus, Esau, van- D  
us aut frustra, et Edom rubeus sive cerrenus inter-  
pretatur. Igitur quia carnalium desideriorum oble-  
tamenta et vanitatem mundi secutus est, quasi per  
lentis edullium primatus sui gloriam perdidit, et pro-  
missam sibi benedictionis gratiam fide populi Junio-  
ris supplantatus amisit. Migravit ergo Dominus per  
prædicatores suos a Judæorum populo duro et in-  
grato ad gentium salutem. Sed quid tunc factum sit  
audiamus. *Terra, inquit, mota est*, hoc est, carna-  
lium corda timore concussa sunt. *Cæli ac nubes stil-*  
*laverunt aquis*, cum apostoli atque prophetæ volun-  
tatem Dei sacris judicaverunt verbis. *Montes fluxe-*  
*runt a facie Domini*, quando superbia persecutorum

ac potentium hujus mundi destructa est. Et *Sinai a*  
*facie Domini Dei Israel*. Per Sinai vero, ubi Moyses  
legem a Domino accepit, Judaicus populus, cui ipsa  
lex data est, designatur. Sed sicut montes fluxerunt  
a facie Domini, sic et Sinai a facie Domini Dei  
Israel, quia nec Judæorum nec etiam gentilium fas-  
tus ac superbia presentie Domini nullo modo resistere  
valebat ; sed potentia virtutis summe superata ac  
prostrata est, ita ut ad poenitentiam peccatorum ac  
conversi, baptismatisque gratia abluti plurimi eorum  
de persecutoribus in evangelistas mutati sint, sicut  
Saulus sævissimus persecutor de Judæis in aposto-  
lum Paulum ; nec non et multi de gentilibus in præ-  
dicatores Evangelii transmutati sunt : sicut Diony-  
sius Areopagita, Trophimus, Ephesinus, Gaius,  
et Aristarchus, Macedones comites Pauli, et cæteri  
qui discipulatu apostolorum adhæserunt (Act. ix).

*In diebus Samgar filii Anath, in diebus Jael,*  
*quieverunt semitæ ; et qui ingrediebantur per eas am-*  
*bulaverunt per calles devios*. Diximus superius quod  
Samgar, qui interpretatur advena sive colonus, si-  
gnificaret prædicatorem divini verbi, qui Dominico  
aratro innitens per Evangelium colit corda audito-  
rum ; et Jael, mulier alienigena, quæ interpretatur  
ascensio, sive requies Dei, designaret Ecclesiam,  
in qua veraciter ad cælorum regnum ascenditur ;  
quia ibi cunctis rite credentibus perennis vitæ aditus  
aperitur, sibi et requies Dei est, ubi quotidie ejus  
voluntas adimpletur. Unde divina vox per propheta-  
tam ait : *Super quem requiescet spiritus meus, nisi*  
*super humilem et quietum, et tremementem sermones*  
*meos* (Isai. lxxvi). In diebus ergo horum quieverunt  
semitæ, quia per divinam gratiam pacis dona fide-  
libus fuere concessa ; et qui ingrediebantur per eas,  
ambulaverunt per calles devios, cum persecutores  
Christianorum et hæretici, qui non fidei devotione,  
sed astu malitiæ Ecclesiam ingredi tentaverunt, di-  
vino judicio dispersi sunt ; et quia pacis semitam  
incedere neglexerunt, per erroris anfractus devia-  
verunt, non quod justissima pietas Deitatis errare eos  
fecerit, sed justo judicio propter sua peccata in er-  
rorem illos cadere permiserit. Unde per Salomonem  
dicitur : *Qui ambulat simpliciter, salvus erit ; qui*  
*autem perversis ingreditur viis, concidet semel* (Prov.  
x). Et item : *Vir qui erraverit a via doctrinæ, in cætu*  
*gigantium commorabitur* (Prov. xxi). Hinc et Psalmi-  
sta : *Dominus, ait, dimisit eos secundum desideria*  
*cordis eorum, et ibant in voluntatibus suis* (Psal.  
lxxx). Et alibi scriptum est : *Væ peccatori terram*  
*ingredienti duabus viis* (Eccli. ii).

*Cessaverunt fortes in Israel, et quieverunt, donec*  
*surgeret Debbora mater in Israel*. Qui sunt isti fortes,  
qui cessaverunt in Israel, nisi prophetæ et justi viri  
qui in populo Dei tempore suo primatum gerentes,  
consiliis eos gubernabant, atque solatiis adjuvabant ;  
sed quieverunt, hoc est, dormitionem mortis acce-  
perunt, et ideo cessaverunt, quia morte intercedente  
permanere non potuerunt : ut paulatim veteris legis  
usu deficiente, jam ille adveniret, quem Debbora

ator, hoc est, vera propheta futuram præcinebat, ut benedictionem daret ipse, qui legem dedit, qui signaculum legis et prophetarum omnium fuit. Unde ipsa Veritas in Evangelio ait : *Lex et prophetæ usque ad Joannem* (Matth. 11). Hinc quoque Paulus ait : *Postquam venit plenitudo temporis, misit Deus Filium suum factum ex muliere, factum sub lege, ut eos, qui sub lege erant, redimeret* (Galat. iv). Et iterum : *Finis, inquit, legis Christus est ad justitiam omni credenti* (Rom. x).

*Nova bella elegit Dominus.* Quæ sunt ista nova bella, nisi contra peccata et vitia virtutum luctamina? Hæc quippe elegit Dominus, quia hæc probat. Unde Paulus ait : *Non est nobis colluctatio adversus carnem et sanguinem, sed adversus principatus et potestates, adversus mundi rectores tenebrarum harum contra spiritualia nequitie in cœlestibus* (Eph. vi). Et item : *Ego, inquit, sic curro, non quasi in incertum; sic pugno, non quasi aerem verberans : sed castigo corpus meum, et servituti subicio, ne forte cum aliis prædicaverim, ipse reprobus efficiar* (I Cor. ix). Nova itaque bella sunt, ubi malum contra malum non redditur, sed malum per bonum vincitur; ubi fidei acuto, lorica justitiæ, galea salutis, et gladio Spiritus miles Christi per patientiam contra hostes dimicat (Rom. xii, Ephes. vi), cujus militiæ rex Christus est, qui discipulis suis ait : *In patientia vestra possidebitis animas vestras* (Luc. xxi); quique servis suis triumphum atque victoriam tribuit. Unde sequitur : *Portas hostium ipse subvertit.* Quæ sunt ergo portæ hostium? nisi portæ mortis; portæ inferi, pravi videlicet homines et hæretici, per quos maligni spiritus contra servos Christi belligerant. Sed ipse has portas subvertet, quando eorum consilia, minas ac fraudes detegit, proterit, ac dissipat, et ea quæ videbantur superbis magna esse ac fortia, per humiles suos contemnit atque ad nihilum redigit. *Clypeus et hasta si apparuerint, in quadraginta millibus Israel.* Clypeum et hastam pro armis terrenis ponit, in quibus carnales ac sæculi istius homines confidunt. Sed hæc non necessaria sunt spiritualibus. Non enim habet locum in castris spiritualibus armatura terrena; ideo ibi non apparet, quia ibi non invenitur, ubi quadraginta millia Israelitarum contra hostes spirituales pugnant; quadragenarius enim numerus, ubi denarius quater multiplicatus constat, bene convenit militibus Christi, hoc est, veris Israeliticis, in quibus dolus non est, qui præcepta decalogi secundum Evangelicam doctrinam servantes, castra Ecclesiæ tinentur atque custodiunt, ac per omne tempus istius vitæ usque ad consummationem sæculi taliter agonizantes, cœlestis patriæ hæreditatem feliciter triumphando adipsæ desiderant. Ubi notandum, quod hujus agonis tempora Isaias propheta olim descripsit dicens : *De Sion exibit lex, et verbum Domini de Hierusalem, et judicabit gentes, et arguet populos multos, et conflabunt gladios suos in vomeres, et lanceas suas in falces; non levabit gens contra gentem gladium, neque exercebuntur ultra ad prælium domus*

*A Jacob; venite et ambulato in laqueo Domini* (Isa. 11). Quando, lucescente veritate, in Novo Testamento omnis duritia cordis nostri Christi vomere frangitur, et eradicantur spinæ vitiorum, ut sementis sermonis Dei crescat in fruges, et postea labores manuum nostrarum manducemus, quando venient in exultatione portantes manipulos suos.

*Cor meum diligit principes Israel.* Qui propria voluntate obtulistis vos discerni, benedicite Domino. Principes Israel sunt doctores sancti, quos se diligere dicit anima justæ, qui propria voluntate obtulerunt se discerni, cum voluntati sui magistri et Domini concordantes, inter persecutorum scandala ire non formidant. Unde Dominus discipulis suis ait : *Ecce ego mitto vos, sicut oves in medio luporum* (Matth. x). Et item : *Tradent, inquit, vos in consiliis, et in synagogis suis flagellabunt vos, et ante reges et præsides ducemini propter me in testimonium illis et gentibus* (Ibid.). Quorum unus his qui carnaliter sibi secundum tempus consulere volebant, ac per hos inter hostes eum ire prohibebant, respondit, dicens : *Ego enim non solum alligari, sed etiam mori in Hierusalem paratus sum propter nomen Domini Jesu* (Act. 11). Et in Actibus apostolorum legitur, quod ipsi apostoli ibant gaudentes a conspectu concilii, quoniam digni habiti sunt pro nomine Domini Jesu contumeliam pati (Act. v).

*Benedicite Domino, qui ascendistis super nitentes asinos, et sedetis in iudicio, et ambulatis in via, loquimini.* Alia autem editio sic habet : *Benedicite Dominum, qui ascendistis super jumenta, supra vehicula sedentes, et super asinos refulgentes.* Quid est ascendisse super jumentum? Denique corpus hoc meum jumentum est : ad jumentum enim animæ et ad ministerium datum est. Ego autem sum idem interior homo, qui ascendi super jumentum hoc, cui dicitur ut benedicam Dominum. Si ergo vere ascendisti supra corpus, et superior effectus es corporalibus desideriiis, et motus corporis tui freno mentis et interioris hominis moderamine gubernantur, de te dicitur : *Quia ascendisti super jumentum, ut benedicas Dominum.* Quid autem est quod sequitur : *Super vehicula, inquit, sedentes et super asinas refulgentes?* Quid sibi videntur asinæ esse refulgentes? dicit enim Scriptura quia oporteat benedicere Dominum eos qui sedent super vehicula et super asinas refulgentes. Mihi velut in locis ita difficilibus, tale aliquid videtur. Cum jumentum, hoc est, corpus meum sub jugo venerit verbi Dei, tunc vehiculum corporis mei resplendere incipit; et asina hæc, id est, caro mea tunc refulgere dicitur, cum castitatis ac pudicitie fuerit splendore decorata : et ita recte dicitur anima sedens super asinam resplendentem, Dominum benedicere, et in medio lætantium laudare eum. *Qui sedetis, ait, in iudicio, et ambulatis in via, loquimini.* Quid est sedere in iudicio nisi justitiam servare in iudicando et quidem ambulare in via? nisi secundum præcepta Dei bene operari in præsentī vita? Tales enim ad loquendum, hoc est, laudandum exhortan-

tur, quia ipsi qui corpus suum castigant et cohibent a peccatis, ac juste judicant proximos suos, incenduntque in via veritatis, recte credendo et bene operando, Dominum universorum rite et rationabiliter laudant. Qui enim peccatis deserviunt, digne Dominum laudare non possunt, unde per psalmistam dicitur: *Beati immaculati in via, qui ambulant in lege Domini. Beati qui scrutantur testimonia ejus, in toto corde exquirunt eum (Psal. cxviii)*. Non enim qui operantur iniquitatem in viis ejus ambulaverunt. Et alibi scriptum est: *Non est pulchra laudatio in ore peccatoris (Eccli. ii)*.

*Ubi collisi sunt currus, et hostium est suffocatus exercitus, ibi narrantur justitiæ Domini, et clementia in fortes Israel. Ubi, inquit, collisi sunt currus, hoc est, dæmonum contractus est potentatus; et hostium est suffocatus exercitus, malignorum spirituum videlicet compressus est tumultus. Ibi narrantur justitiæ Domini, et clementia in fortes Israel, quia ibi patefactæ sunt justitiæ Domini, ubi victoria de hostibus collata est famulis Christi; ibi et clementia in fortes Israel narratur, ubi fideles misericordia Dei adjuti esse manifestantur. Merito ergo tunc interitus hostium prædicatur, quando voluptas carnalis opprimitur, justitia in judicio servatur, et rectitudo fidei cum bonis operibus custoditur. Unde subjunguntur: *Tunc descendit populus Domini ad portas, et obtinuit principatum*. Per justitiam ergo populus Domini portas hostium capiet, et obtinet principatum, quia illud sacrificium Domino acceptabile est, quod in justitia offertur et æquitate. Propterea dicit: *Justi confortati sunt in Israel*. In aliis quidem gentibus qui corporis robore fortiores sunt, illi potentes dicuntur in prælio; in Israel vero qui justiores sunt, ipsi potentiores dicuntur in bellis; quia justitia, etiamsi viribus infirma sit, vincit; injustitia vero, etiamsi multos et validos propugnatores habeat, superatur. Sic igitur in hac gente nostra, id est, in populo Dei, aut per justitiam superamus, aut per injustitiam vincimur.*

*Surge, surge, Debhora, surge et conquire canticum*. Prophetia quando exurgit? Profecto in adventu Christi, quando implentur omnia quæ de ejus adventu scripta sunt, et non solum ipsa exurgit, sed et populos suscitatur ad credendum; hoc est enim loqui canticum, ut cunctis Christi gentibus prædicetur Evangelium. *Surge, Barach, et apprehende captivos tuos, fili Abinoem*. Prædictum est quod Barach, qui interpretatur *coruscatio*, significaret priorem populum, qui ad breve tempus in legis splendore coruscavit, sed non diu permansit, nec continuum potuit lucis obtinere fulgorem. Sed nunc ipse surgere exhortatur ad apprehendendum captivos suos, idemque filius Abinoe esse memoratur; Abinoe enim *patris responsio*, vel *patris mei decor*, interpretatur. Quid est ergo quod Barach ad comprehendendum captivos incitatur, nisi quod populus Judaicus per libros legis ac prophetarum ad fidem Christi converti admonetur? Hoc est enim apprehendere capti-

vos, ut qui nunc capti sunt ab errore et vitiis, inderuti, veritatis et justitiæ captivi fiant. Ille ergo de hostibus captivitatem rite capiet, qui cælestis Patris responsum et decorem rectæ fidei ac virtutum servaverit. Et nota quod prius surgere Debhora, et loqui canticum, deinde Barach surgere, et apprehendere captivos adhortantur; quia primum justo judicio Dei factum est, juxta Pauli vocem, ut plenitudo gentium vaticinio prophetarum credens, ad fidem Christi intraret, et sic omnis Israel salvus fieret (Rom. xi). Sic ergo et in hoc tempore reliquæ secundum electionem gratiæ salvæ factæ sunt; unde sequitur: *Salvæ factæ sunt reliquæ populi, Dominus in fortibus dimicavit*. Persistentibus ergo in fide Christi apostolis, et prædicatoribus Evangelii, minas atque pœnas persecutorum per patientiam vincebant, Domini virtus innotuit, et inde non pauci ex Judaico populo ad fidem Christi convenerunt. Nec non et quotidie aliqui ex illis convertuntur, sed perfectio conversionis eorum post plenitudinem gentium subintrantem in fine reservabitur.

*Ex Ephraim delevit eos in Amalec*. Per Ephraim igitur natu minorem, cui Jacob patriarcha benedecente, primogeniti collata est dignitas, fidelis ex nationibus populus designatur, in Christi gratia junior tempore, sed major fide, ad quem cuncta Israelitici populi gratia transivit. Hic ergo hostes delevit in Amalec, quia per zelum Dei et fidei fortitudinem, malignorum spirituum, qui humanam semper desiderant perniciem, pravam suggestionem a conspectu cordis sui delere student. *Et post eum ex Benjamin in populos tuos, o Amalech*. Per Benjamin, qui ex filio doloris in filium dexteræ versus est, Paulus apostolus designatur, qui de persecutore in apostolum vocatione Dei repente mutatus, vas electionis Christo effectus est (Act. ix): ipse enim se ex hac tribu fuisse testatur, sed hic ad populos Amalech delendus nutu divino destinatus est, quia per hunc in gentibus maxime et idololatria et delusio erroris diabolici destructa est.

*De Machir principes descenderunt et de Zabulon, qui exercitum ducebant ad bellandum, Machir, qui interpretatur restituet, sive venundavit, et est primogenitus Manasse primogeniti Joseph, significat populum priorem de quo principes, hoc est, apostoli et doctores primitivæ Ecclesiæ descenderunt, qui fidelissimi pecuniarum Domini trapezitæ existentes, naturalem legem et morum probitatem, quæ pene per oblivionem atque abusionem in hominibus obliteratæ sunt, per evangelicam prædicationem restituebant atque innovabant, et spiritualis militiæ duces effecti, hostes fortiter debellabant. Similiter et Zabulon, qui interpretatur habitaculum fortitudinis, et significat Ecclesiam de gentibus fortissimam ad omnem tolerantiam passionis, duces in prælio Domini de se dedit, quia prædicatores Evangelii et speculatores plebis Dei ex se misit, qui hostium castra fortiter contererent, et milites Christi illæsos custodirent.*

*Duces Isachar fuere cum Debhora, et Barach vestigia sunt secuti.* Isachar ergo, quem Jacob patriarcha asinum fortem appellavit (*Gen. XLIX*), et interpretatur *merces*, refertur ad populum gentium, quem Dominus sanguinis sui pretio est mercatus. Hic Isachar asinus fortis scribitur, quia prius gentilis populus, quasi brutum et luxuriosum animal erat, nullaque ratione subsistens, nunc vero fortis est, Redemptoris Dominio colla subjiciens, et jugum disciplinæ evangelicæ humiliter gerens. *Duces suos cum Debhora et Barach misit*, quia prophetarum dictis et patriarcharum exemplis institutus, duces nobiles et ad bellandum contra inimicos castraque Ecclesiæ defendendum idoneos ex se reddidit, qui per omnia priorum patrum vestigia servantes, nequaquam in erroris devia declinaverunt, sed mortem contemnentem, pro veritate usque ad finem vitæ certaverunt. Unde subsequitur : *Qui quasi in præceptis ac barathrum se discrimini dedit.* Nullo modo ergo mortem timere poterant, qui sanguinem pro Christo fundere desiderabant. *Diviso contra se Ruben, magnanimorum reperta contentio est.* Ruben qui primogenitus fuit Israelis, priorem populum significat, de quo Dominus per prophetam ait : *Ex Egypto vocavi primogenitum meum Israel (Ose. XI)*; sed diviso hoc Ruben, magnanimorum reperta contentio est, dum Judæi a societate bonorum ob perfidiam divisi, contra spiritales milites Christi bella, lites atque contentiones semper habere desiderabant. Inde est quod pontifices ac principes Judæorum contra apostolos, imo contra ipsum Dominum consilium inierunt in dolo, quomodo eos perderent, sicut legitur in Evangelio, quod principes sacerdotum et omne concilium quærerent falsum testimonium contra Jesum, ut eum morti traderent. (*Matth. xxvi*). Et in Actibus apostolorum scriptum est quod contra apostolos congregarentur principes et seniores et scribæ Judæorum in Hierusalem, et Annas princeps sacerdotum, et Caiphas et Joannes, et Alexander, et quotquot erant de genere sacerdotali (*Act. iv*). Magnanimorum ergo ibi reperta contentio est, ubi illi qui majores videbantur esse in populo Judæorum, cum cætera turba per superbiam adversus veritatem Evangelii et doctrinam apostolorum contendebant. Sequitur :

*Quare habitas inter duos terminos, ut audias sibilos gregum?* Arguit illos hac sententia qui variis superstitionibus dediti, nec legi nec Evangelio concordare volebant. Hos enim terminos hic intelligere debemus, unde alibi scriptum est : *Ne transgrediaris terminos patrum tuorum (Prov. xxii)*. Lex enim vetus suo tempore observanda erat, sed non solum Scribæ et Pharisæi suis traditionibus eam maculaverant, quin etiam cæterum vulgus plurimis transgressionibus eam polluerunt; nec tamen veniente Redemptore nostro, et lucescente per totum orbem terrarum Evangelio, se converti ab errore ad poenitentiam volebant, atque ad gratiam Christi confugere, magisque elegerunt sibilos gregum audire, hoc est,

A hæreticorum pestiferas sectas sequi, quam veritatem testamentorum Dei. Hos enim greges detestando sponsa in Cantico canticorum ad sponsum dicit : *Indica mihi quem diligit anima mea, ubi pascas, ubi cubes in meridie, ne vagari incipiam per greges sodalium tuorum (Cant. i)*. Greges ergo sodalium conventicula sunt hæreticorum, quæ inanem sibilum dant, cum mendacium pro veritate suis auditoribus commendare decertant, quos quisquis ab unitate fidelium divisus sequitur, mox per superbiam contentiones amare, et contra bonos odiis exsurgere invenitur. Unde item superior sententia repetitur : *Diviso contra se Ruben, magnanimorum reperta contentio est*; quia non solum Judæi, sed et omnes hæretici atque schismatici, qui primatum habere per superbiam ambiunt, contra Ecclesiam divisi, in contentione atque discordia semper perseverant; et non solum bonis adversi, sed et sibimetipsis ubique noxii reperiuntur. Hinc Salomon ait : *Inter superbos semper jurgia sunt; qui autem agunt cuncta consilio, reguntur sapientia (Prov. xiii)*.

*Galaad trans Jordanem quiescebat, et Dan vacabat navibus.* Quidam codices pro *Galaad*, *Gad* habent. Et quid per *Galaad*, qui *acervus testis* interpretatur, sive *Gad*, qui *accinctus* dicitur, nisi Israeliticus populus designatur qui bene acervus testis sive accinctus dicit potest, quia Vetus Testamentum in lege et prophetis conscriptum habens, inde se tutum atque undique munitum fore confidebat; sed hic trans Jordanem quiescebat, quia bona præsentis vitæ et rerum abundantiam diligens, sufficere sibi ad salutem credebat, et ideo trans Jordanem progredi volebat, quia baptismi gratiam respiciens, bona futuræ vitæ quærere nullo modo curabat. Dan ergo vacabat navibus. Et quia per Dan, qui *judicium* vel *judicans* interpretatur, hoc loco melius quam populus Ecclesiæ accipi potest. Qui recte *judicium* sive *judicans* nominatur, quia judiciaria potestas illi a Domino collata esse videtur. Unde apostolis ipsa Veritas in Evangelio ait : *Amen dico vobis, quod vos qui secuti estis me in regeneratione, cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israel (Matth. xix)*. Et in Apocalypsi viginti quatuor seniores sedentes in sedibus suis descripti sunt (*Apoc. iv*), ut sanctæ Ecclesiæ dignitas, quæ ex patriarchis et apostolis progenita est, per hanc sessionem in cœlesti regno exprimatur. Hæc ergo vacat navibus, quia in periculo præsentis vitæ constituta, mysterio Dominicæ crucis innitens, procellam persecutionum, per Dei misericordiam, superare contendit; nec non a terrenis negotiis vacans per prædicatores sanctos rete Evangelii in mare istius mundi mittit, ut homines ab undis turbulentis sæculi erutos ad portam quietis et ad libertatem futuræ patriæ perducatur.

*Aser habitabat in littore maris, et in portibus morabatur.* Aser, qui *beatitudo* interpretatur, nullum melius quam Redemptorem nostrum significare potest, in quo est nobis spes æternæ beatitudinis, sine quo

ad veram beatitudinem nemo perveniet, quia ipse ait : *Nemo venit ad Patrem, nisi per me* (Joan. xiv). Et iterum : *Ego sum, inquit, ostium; per me si quis introierit, salvabitur, et ingredietur, et egredietur et pascuam inveniet* (Joan. x). Et iterum : *Ego sum, ait, via, veritas et vita* (Joan. xiv). Aser ergo iste habitabat in litore maris, et in portubus morabatur, quia devicto mortis principe, simulque ipsa morte destructa, victor triumphans resurrexit in gloria, ascendensque in cœlum, sedet ad dexteram Dei Patris omnipotentis. Jam non moritur, mors illi ultra non dominabitur, sed in quiete æternæ beatitudinis manens iudicii expectat diem, donec omnes inimici ejus subjiciantur pedibus illius, quando unicuique certam remunerationem secundum propria reddet merita. Possunt etiam non incongrue in Aser significatione accipi sanctorum animæ, qui jam, transcens fluctibus sæculi, et superato persecutionum æstu in portu quietis æternæ consistunt, nec jam ad præsentis vitæ labores ultra redeunt, sed cum rege suo victores existentes, non laborandæ sed regnandæ nostram militiam quantum decet precibus juvant, nosque triumphare quandoque multum desiderant, ut æterno gaudio secum perpetualiter fruamur.

*Zabulon vero et Nephtalim obtulerunt animas suas morti in regione Romæ.* In Zabulon et Nephtalim apostoli et apostolici viri, qui ducatum in Ecclesia fideliter gerunt, designantur; ex ipsis enim tribus quæ in Galilæa possessionem acceperunt, ubi Dominus noster Jesus Christus maxime docuit, fuerunt primi apostoli qui sunt principes Ecclesiarum de quibus dicitur : *Principes Zabulon, et principes Nephtalim.* Hi ergo obtulerunt animas suas morti, pugnantes in regione Romæ, quæ interpretatur *videns aliquid vel excelsa*, quando pro fidelium salute et dilatione Ecclesiæ, quod Nephtalim sonat, vel pro cœlesti gloria, quam animo intendebant, usque ad mortem certare, nec ullis persecutionum molestiis ab hac intentione ac studio averti potuerunt; sed in agone Christiana perseverantes coronam gloriæ pro suis certaminibus in cœlesti regno consecuti sunt (Eph. vi).

*Venerunt reges, et pugnaverunt. Pugnaverunt reges Chanaan in Thanach juxta aquas Magedon, et tamen nihil tulere prædantes.* Reges Chanaan maligni sunt spiritus, principatus videlicet et potestates tenebrarum harum, qui persecutiones et bella in mundo Christi militibus excitant : quæ Chanaan, qui interpretatur *motus eorum*, significat. Pugnaverunt ergo reges isti in Thanach, hoc est, in humilitate, juxta aquas Magedon, quod nomen pomorum ejus sonat, cum per fictionem falsæ humilitatis decipere, et ad illecebras voluptatum ab abstinentia servos Christi retrahere satagent. Inde est quod serpens antiquus in paradiso protoplastis nostris blandiendo suggestit, et ad id quod voluit, illiciendo pertrahit, dicens ad mulierem : *Cur præcepit vobis Deus, ut non comederitis de omni ligno paradisi? Cui respondit mulier : De*

*fructu lignorum, quæ sunt in paradiso, vescimur; de fructu vero ligni quod est in medio paradisi, præcepit nobis Deus ne comederemus, et ne tangeremus illud, ne forte moriamur* (Gen. iii). Dixit autem serpens ad mulierem : *Nequaquam moriemini. Scit enim Deus quod in quocunque die comederitis ex eo, aperientur oculi vestri, et eritis sicut dii scientes bonum et malum.* Sed isti reges per potentiam veri regis, et Salvatoris nostri Jesu Christi oppressi nihil tulere prædantes, quia contra Ecclesiam pugnando, licet blandirentur, licet mortem minarentur, nihil proficiebant, nihil capiebant, quia *portæ inferi adversus eum non prævalerunt* (Matth. xvi). Insidiatur quippe serpens calcaneo ejus, sed ipsa conteret illius caput, cui potestas a rege suo data est calcandi super serpentes, super scorpiones et super omnem virtutem inimici (Gen. vi; Luc. x).

*De cæla dimicatum est contra eos. Stellæ manentes in ordine et cursu adversum Sisaram pugnaverunt.* De cælo, inquit, dimicatum est contra eos, quia divino nutu hoc bellum dispositum est, et cœlesti virtute hostes sunt universi prostrati. Nam stellæ, hoc est, sancti, de quibus per Prophetam scriptum est : *Qui numerat multitudinem stellarum, et omnibus eis nomina vocat* (Psal. cxlvi); et Apostolus : *Stella, ait, ab stella differt in claritate* (I Cor. xv), manentes in ordine et cursu suo, quia singuli ea vocatione qua illos Deus vocavit in illa permanentes, secundum id quod divina gratia eos posse concedit, utiliter laborant contra Sisaram spiritalem, hoc est, contra mundi principem, qui merito *gaudii exclusio* dici potest, quia veri gaudii semper extraneus et expers est, instanter pugnant, dum per omnia tempora præsentis vitæ intus forisque adversus eum belligare non cessant.

*Torrentis Cison traxit cadavera eorum, torrentis Cadumina, torrentis Cison.* Quid per torrentem, nisi repentina subversio demonstratur? Cison vero *impengerunt vel duritia eorum* interpretatur. Et quid hoc nomine nisi pravorum malitia designatur? In illam enim impingentes, ruinam mortis omnes impii et hostes plebis Dei sibi consciverunt perpetuæ. Unde in Proverbiis dictum est : *In insidiis suis capiuntur iniqui* (Prov. xi). Et item : *Excavavit, inquit, illos malitia eorum* (Sap. ii). Torrentis enim propter transitum decursum aquarum, simul autem propter hiemem, quam habet diversarum tentationum atque tribulationum, præsens vita recte nominatur, quæ traxit cadavera impiorum, quia morticina peccatorum propter scelera multa ad perditionem tradit perpetuam, in stagnum videlicet inferni, ubi cruciatum sentient tormentorum. Inde Cadumina, quæ interpretatur *resurrectio inutilis*, ibidem commemoratur, quia non ad quem in novissima die resurgent impii, sed ut cum diabolo et angelis ejus tradantur in ignem æternum.

*Conculca, anima mea, robustos; ungule equorum ceciderunt fugientibus impetu, et per præceptum ventibus fortissimis hostium.* Exhortatur semet cohort



sanctorum ut contemnat sævitiam persecutorum, A XI) qui licet corpus, hoc est, rem corruptibilem occidere possint, animam tamen sine fine manentem necare non possunt (Matth. x). Ungulæ, inquit, equorum ceciderunt fugientibus impetu. Quid enim designatur per unguam equi, nisi finis superbi? Cedit ergo ungula equi sub fugientium impetu, cum omnis superborum contumacia, quæ res caducas et fugitivas sequitur. In fine præsentis vitæ conteritur; ruentque fortissimi hostium in præceps, quando post factum iudicium disperient de civitate Domini omnes qui operantur iniquitatem, et demergentur in infernum omnes gentes quæ obliviscuntur Dominum.

Maledicite terræ Meroz, dixit angelus Domini; maledicite habitatoribus ejus, quia non venerunt ad auxilium Domini, in adiutorium fortissimorum ejus. Quid per terram Meroz, nisi vanitatem istius mundi, vel fluxum desideriorum carnalium intelligere possumus, quæ omnis prophetia sacra improbat ac detestatur? Meroz enim aqua execratorum interpretatur, et merito aqua execratorum mundana desideria nominantur, quia hæc testamenta divina velut inutilia, imo magis noxia famulis Dei, interdicendo execrantur. Hanc angelus Domini, hoc est, apostolicus cœtus, et omnis ordo sanctorum doctorum maledicere mandat, quia omnibus se sequentibus noxiam præbet, omnesque habitatores ejus ipsa maledictione comprehendit, quia amatores suos se sequentes ad væ perpetuum ducit. Ipsi ergo non venerunt ad auxilium Domini in adiutorium fortissimorum ejus, quando apostolis prædicantibus in toto orbe Evangelium credere volebant, nec verbum Dei recipere consentiebant. Et ideo in voluptatibus suis corrupti et abominabiles facti sunt; quia auctorem vitæ contemnendo, iniquitatem in cordibus suis moliti sunt. Potest et Judaicus populus terræ Meroz nomine non inconvenienter accipi, qui se sacramento constrinxit, quando legem accipiens dixit; Maledictus omnis qui non permanet in sermonibus legis hujus, nec eos opere perficit (Deut. xxvii). Hæc enim maledictione omnes constricti sunt, quos Christi gratia de maledicto legis non liberavit. Bene ergo habitatores terræ hujus angelus Domini maledicit, quia non venerunt ad auxilium in adiutorium fortissimorum ejus, cum prædicatoribus sancti Evangelii non solum non adju- D tores, sed adversarii ubique reperti sunt. Unde ipse mediator Dei et hominum, qui propter incarnationis mysterium magni consilii angelus nuncupatus est, in Evangelio legitur exprobrare civitatibus in quibus factæ sunt plurimæ virtutes ejus, quare non egissent poenitentiam, dicens illis: Væ tibi, Carozaim, vae tibi, Bethsaida: quia si in Tyro et Sidone factæ essent virtutes quæ factæ sunt in vobis, olim in cilicio et cinere poenitentiam egissent. Veruntamen dico vobis: Tyro et Sidoni remissius erit in die iudicii quam vobis (Matth. xi). Hinc item ad legisperitos ait: Væ vobis legisperitis, quia tulistis clavem scientiæ. Ipsi non introistis, et eos qui introibant prohibuistis (Luc.

xii). Hinc Paulus in Actibus apostolorum testificans Judæis Jesum esse Christum: *Contradicientibus autem illis et blasphemantibus, excutiens vestimenta, dixit ad eos: Sanguis vester sit super caput vestrum, mundus ego ex hoc ad gentes vadam* (Act. xviii).

*Benedicta inter mulieres Jael, uxor Aber Cinei, benedicatur in tabernaculo suo.* Diximus supra quod Jael, quæ interpretatur *ascensio*, sive *requies Dei*, significaret Ecclesiam ex gentibus congregatam, quæ ascensu virtutum in sublime extollitur, et in cujus mansuetudine atque devotione Spiritus Dei requiescere dignoscitur. Hæc inter mulieres benedicatur, quia ab omnibus sanctis animabus opportune laudatur, quæ etiam fuit uxor Aber Cinei, cum Christi regis et Domini nostri triumphatoris utique mortis sponsa nobilissima esse prædicatur; nam Aber certamen iniens, et Cineus possessio vel ærarius meus interpretatur. Et quis melius certamen iniens nominari potest, quam Redemptor noster qui confligit cum mundi principe, eumque morte sua superans possessor factus est cœli et terræ, de quo dixit Apostolus; *Christus factus est pro nobis obediens Patri usque ad mortem, mortem autem crucis: propter quod et Deus exaltavit illum, et donavit illi nomen quod est super omne nomen, ut in nomine Jesu omne genu flectatur cœlestium, et terrestrium, et infernorum, et omnis lingua confiteatur, quia Dominus Jesus Christus in gloria est Dei Patris* (Phil. ii). Benedicatur, inquit, Jael in tabernaculo suo, hoc est, in Ecclesia catholica, quæ est per universum orbem diffusa, ibi etiam fides gentium laudatur, prædicatur, atque ubique diffamatur.

*Aquam petenti lac dedit,* cum diabolo in membris suis luxuria et libidine atque avaritiâ æstuantem mortalitatis simplicitatem opposuit. *Et in phiala principium obtulit butyrum,* cum in doctrina apostolorum præcipuæ dilectionis ostenderit donum.

*Sinistram manum misit ad clavum, et dextram ad fabricorum malleos.* Quid per sinistram manum, nisi exterioris hominis actus, et quid per dexteram, nisi interioris studium exprimitur? Manum ergo sinistram misit Jael nostra ad clavum, cum ad similitudinem crucis Christi carnalia in se abstinendo mortificavit desideria; et dexteram ad fabricorum malleos, cum intentionem animi sui ad meditandum præparavit libros sanctorum apostolorum ac prophetarum. Ipsi sunt enim veri artifices, qui armaturam cœlestem in domo sanctæ Ecclesiæ fabricant, ac militibus Christi ad dimicandum contra hostes spirituales tradunt. Bene ergo dictum est, quod Jael ambabus manibus in clavo et malleis occupata, inimicum populi sui percusserit, quia prædicando legem Dei, ac bona exempla virtutum ostendendo, hostem sævissimum necavit.

*Percussitque Sisaram, quærens in capite vulneris locum, et tempus valide perforans.* Clavo ergo cum sive palo cum malleo interfecit, perforans tempus capitis: quia superbiam, quæ caput totius peccati est (Initium enim omnis peccati superbia [Eccli. x]), per

humilitatem passionis Christi in cordibus humanis interemit. *Inter pedes ejus ruit, defecit et mortuus est; ante pedes illiusolvebatur et jacebat exanimis et miserabilis.* Prædo nefandus inter pedes mulieris ruere ac jacere, et mortuus esse describitur, quia hostis antiquus sub pedibus Ecclesiæ superatus, prostratus atque contritus esse dignoscitur, cum per potestatem sibi a Christo collatam, omnem mortis dominationem vincendo damnat atque conculcat. Unde in Genesi Dominus de muliere ad serpentem ait: *Ipsa conteret caput tuum, et tu insidiaberis calcaneo ejus* (Gen. iii). Hinc et Salvator in Evangelio discipulis ait: *Ecce do vobis potestatem calcandi super serpentes et scorpiones, et super omnem virtutem inimici* (Luc. x). Jacet ergo exanimis ac miserabilis ipse vastator nefandissimus ante pedes mulieris, cum quotidie per fidem, spem ac patientiam fidelium mortificatur, et ad extremum absorbetur in victoria. *Nec jam ultra erit mors, neque luctus, neque clamor, quoniam priora transierunt* (Apoc. xxi).

*Per fenestram prospiciens ululabat mater ejus, et de cœnaculo loquebatur.* Quæ est enim mater hujus spiritalis Sisaræ, hoc est, omnium iniquorum, nisi impietas quæ mater atque inventrix est universæ iniquitatis. Unde in libro Jesu filii Sirach scriptum est: *Initium superbiæ hominis apostatare a Deo, quoniam ab eo qui fecit illum, recessit cor ejus* (Ecole. x). Dolet enim ac quodammodo ululat hæc mater in cordibus impiorum, cum deficere idololatriam per prædicationem Evangelii in toto orbe considerat, ac per fenestram atque cœnaculum fastus mundani prospiciens, taliter loquitur: *Cur moratur regredi currus ejus? quare tardaverunt pedes quadrigarum illius? Quid sunt quadrigæ et currus diaboli, nisi homines diversis erroribus atque vitiis dediti? Princeps enim mundi, qui regnat super universos filios superbiæ, velut potentiorum in malitia et regnum nequitiae tenens quadrigas agit. Non illi satis est uni equo ascendere, plurimos simul agitat, plurimos simul plagis tortis verberis cogit. Quoscumque videris in luxuria turpiores, in incredulitate sæviores, in avaritia tetriores, in impietate flagitiosiores, scito hoc de quadrigis esse Pharaonis, ipsis sedet, ipsos curru suo subjungit, in ipsis fertur et volitat, et per apertos scelerum campos effusis eos agit habenis.*

*Una sapientior cæteris uxoribus ejus hæc socru verba respondit: Forsitan nunc dividit spolia, et pulcherrima seminarum eligitur ei.* Diximus supra impietatem, quæ idololatriam primum invenit, matrem esse Sisaræ hujus spiritalis, quia membra ejus, hoc est, impios et peccatores in variis sceleribus nutrit ac fovet. Nunc vero qula uxor ejus hic commemoratur sapientior cæteris, hanc non inconvenienter mundanam sapientiam accipere possumus. Nam sicut de sapientia divina a Salomone dicente scriptum est: *Hanc amavi, et exquisivi eam a juventute mea, et quæsi vi sponsam assumere, et amator factus sum formæ illius* (Sap. viii): ita et gentilium solertia philosophiam mundanam præposuit opibus terrenis ac rebus uni-

versis. Hæc vero temporibus sæis impietati favebat, cum cultum demoniorum laudabat, ac ideo huic matri nequissimæ quasi blandiendo loquebatur, cum potentiam falsorum deorum ore nefando mandum regere attestabatur, omnium regum prælia atque victorias eorum virtuti ascribebat, præsentiumque rerum jucunditatem, quasi pulcherrimam, illorum honori convenire dicebat. Unde subsequitur dicens: *Vestes diversorum colorum Sisaræ traduntur ad prædam, et supellex varia ad ornanda colla congerit.* Vestes diversorum colorum possumus ornamenta intelligere idolorum, vel carmina poetarum, quæ ad honorem deorum suorum diversis metris gentiles condiderunt; et supellectilem variam, diversa officia falsorum sacerdotum, quæ idolis suis studiosissime impendebant. Sed hæc omnia sicut frivola fuerant in æstimatione, sic etiam turpia apparebant in actione. Unde Debbora spiritalis canticum suum finiendo, ita conclusit, dicens: *Sic pereant omnes inimici tui, Domine; qui autem diligunt te, sicut sol in ortu suo splendet, ita rutilent. Perient peccatores a facie Dei et justi exsultabunt in conspectu Dei, delectantes in lætitia.* Quod autem ait: *Qui diligunt te sicut sol in ortu suo splendet, ita rutilent,* vel tropico ex splendidissimo elemento gloriam maximam sanctorum in cœlis per comparisonem demonstrat; vel secundum mysterium similitudinem incorruptionis humanitatis Christi, qui *sol justitiæ* appellatur (Math. iv), sanctis in futura vita promittit; unde Joannes apostolus in Epistola sua ad credentes scribens ait: *Charissimi, nunc filii Dei sumus, et nondum apparuit quid erimus. Scimus quoniam cum apparuerit, similes ei erimus, quoniam videbimus eum, sicuti est* (I Joan. iii).

#### CAPUT XIV.

*Quod filii Israel traditi sunt propter peccata sua in manus Madian septem annis, et oppressi sunt valde.*

(CAP. vi.) Postquam canticum illud propheticum Debboræ et Barach expletum est, scriptor historie ad ordinem narrationis suæ redit, atque rei gestæ cupit ostendere veritatem, ita dicens: *Quiervique terra per quadraginta annos. Fecerunt autem filii Israel malum in conspectu Domini, qui tradidit eos in manu Madian septem annis, et oppressi sunt valde ab eis.* Quiescit terra, donec quiescit peccatum. Moveri autem dicitur terra, hoc est, hi qui habitant terram, cum animas hominum movere cœperint et perturbare peccata. Et ideo scriptum est hoc, quod nunc præsens lectio continet, *et quievit, inquit, terra quadraginta annis. Et fecerunt filii Israel malignum in conspectu Domini, et tradidit eos Dominus in manu Madian annis septem. Et invaluit manus Madian super Israel.* Dum esset ergo justitia in terra, id est, in his qui habitant terram, quævisse dicitur terra. Cum vero increvit iniquitas, et fecerunt malignum in conspectu Domini, tunc tradidit eos, inquit, Dominus in manus Madian annis septem. Nec dicuntur invaluisse Madianitæ super populum Domini, donec præcepta Domini populus custodivit. Cum vero ne-

gligere cœpit mandata divīna, robustior et validior adversum eum effecta est hostium manus. Et adversum illum quidem priorem populum corporales insurgentibus hostes, cum deliquisset; adversus nos autem qui Israel secundum Spiritum dicimus, spiritalis sine dubio hostis insurgit, cum mandata Dei negligimus, et cum Christi præcepta contemnimus, validior adversum nos efficitur dæmonum manus, et tradimur etiam nos inimicis, cum discedimus a gratia. Sed videamus quid accidit eis qui traditi sunt pro peccatis suis.

*Feceruntque sibi antra et speluncas in montibus, et munitissima ad repugnandum loca. Cumque sevisset Israel, ascendebat Madian, et Amalec et cæteri orientalium nationum, et apud eos figentes tentoria, sicut erant in herbis, cuncta vastabant, usque ad introitum Gazæ, etc.* Hæc quidem patiebatur ille, qui erat secundum carnem, Israel. Seminabat terram; sed quoniam pro peccatis suis traditus erat insurgentibus inimicis, pro frugibus mebat corruptionem. Nobis vero qui secundum Spiritum Israel nominamur, quid tale accidere potest consideremus. Est quando seminamus, et non possunt inimici corrumpere semina quæ seminamus, non possunt insidiari agriculturæ nostræ. Est autem quando seminamus, et corrumpuntur quæ seminamus. Paulus nos apostolus de hac seminandi docet differentia. Audi ergo ipse quid dicit: *Qui seminatur, inquit, in carne, de carne metet corruptionem; et qui seminatur in Spiritu, de Spiritu metet vitam æternam.* Isti sunt ergo quorum semina Madianitæ corrumpunt, qui in carne seminant; isti sunt, quorum fructus exterminantur et pereunt. Illa autem semina, quæ in spiritu seminantur, non possunt Madianitæ corrumpere. Non enim possunt adversariæ potestates ascendere ad spiritalia campos, et novalia Spiritus temerare eorum, qui non seminant super spinas, sed innovant sibi novalia. Sed et illud addendum est (volo enim et me ipsum vobiscum pariter commonere) de cautela seminum et spiritalium fructuum diligentia. Frequenter accidit, ut aliquis in opere spiritali multum desudans, fructus complurimos fecerit et repleverit horrea sua justitiæ frugibus, et multa bona opera reconderit in conscientia suæ conclavi; postea vero si negligat, et post laborem proclivus ad voluptates et luxurias vergat, omnia illa bonorum semina et fructus sancti operis, dominante libidine, corrumpuntur. Cum enim subintroierit peccatum, et captivaverit hominis sensum, ut jam non respiciat ad mandata Dei, nec arduam virtutis viam libenter ascendat, depereunt omnia quæ prius fuerant in horrea conscientia congregata. Propterea ergo Scripturæ sanctæ nobis servanda commonitio est, dicentis: *Omni custodia serva tuum cor (Prov. iv);* custodiendum est igitur cor ab omni peccato, et præcipue in tempore persecutionis. Si cui enim accidat, ut in aliquo quidem tempore congreget fructus justitiæ, conquirit opera virtutum, et omnibus se probatissimis excolat disciplinis; in persecutionis vero tempore neget

A fidem; iste omnia condita sua evacuavit, et ex omnibus facultatibus suis nudus repente et inanis effectus est, quia diu quæsitus, et multo vix labore collecto subito omnis effusus est labor; et sicut dicit propheta: *Omnes justitiæ ejus, quas fecit, non commemorabuntur (Ezech. xviii).*

*Ipsi enim universi greges eorum veniebant cum tabernaculis suis, et instar locustarum universa operiebant innumera multitudo hominum et camelorum, quidquid tetigerant devastantes.* Esto, convenerint adversum Israel Madianitæ, qui interpretantur *extra judicium.* Esto, isti convenerint adversum Israel, qui *extra judicium Dei sunt, et qui extra legem peccaverunt, et extra legem peribunt (Rom. ii).* Esto, convenerit et Amalec, qui et ipse interpretatur *populus ablingens.* Esto, et hæc natio terrena et ventri ac gulæ dedita impugnare venerit Israel, carnalis spirituales Israel. Quid est hoc, quod etiam filii Orientis his admiscuntur, et cum ipsis ad impugnandum Israel venire dicuntur? Diceres enim mihi, auditor, si scriptum esset quia filii Occidentis convenerunt cum ipsis, nihil quærerem; diceres enim mihi allegoricis legibus, quia filii Occidentis sunt filii tenebrarum, et ipsi junguntur illis gentibus, et quæ extra judicium Dei sunt, et quæ ventri deditæ, impugnant eos quibus Dominum videre contendunt. Nunc autem cum dicatur quia filii Orientis venerunt cum Madian et Amalec, quomodo hæc possunt competenter exponi? Videamus ergo si possimus in tam difficilibus locis Scripturæ dignum aliquem in his sensum divinis paginis invenire. Omnis qui super se nomen suscipit Christi, filius efficitur Orientis; sic enim scriptum est de Christo: *Ecce vir Oriens nomen est illi (Zach. vi).* Quisquis ergo Christi suscipit nomen, filius esse dicitur Orientis. Sed non semper qui Christi nomen accipiunt, etiam in Ecclesia permanent Christi. Si ergo videas hæreticos Christi quidem nomine censerī, impugnare autem Ecclesiam Dei, et arma conferre adversum fidem Christi, impugnare populum Domini, bella suscitare adversum catholicam fidem: nolo dubites dicere, quod isti sunt quidem filii Orientis, sed cum Madianitis et cum Amalech expugnare veniunt populum Dei, quia cum paganis et cum Judæis Ecclesiam Dei etiam hæretici persequuntur, et ipsos esse opinor qui designantur in filiis Orientis. *Omnis ergo, inquit, Madian et Amalech et filii Orientis convenerunt simul et ascenderunt, et supervenerunt eis, et castra posuerunt in valle Jezrael.* Isti qui impugnare volunt populum Dei, castra in vallibus collocant, in defectis et humilibus locis? *In valle, inquit, Jezrael.* Invenimus autem interpretari Jezrael *semen Dei.* Vides ubi collocant castra adversarii? Non sunt ausi ire illuc ubi videntur jam nati esse fructus spiritus, sed ubi adhuc semen Dei jacet, ubi nondum fructus ascendit. Qui enim exiit seminare verbum, seminatur super omnem locum. Sed audi ipsam Dominam dicentem, quid pati soleat semen Dei: *Aliud, inquit, cecidit secus viam, et venientes aves cæli diripiunt illud; quod ipse*

in posterioribus interpretans dixit: *Qui autem secus viam seminati sunt, hi sunt qui audiunt verbum Dei, et cum latitia accipiunt. Venit autem diabolus, et tollit de corde eorum, quod seminatum est (Luc. VIII).* Sic ergo et isti nunc veniunt ad semen Dei, et volunt illud tollere de corde eorum in quibus seminatum est, quia inveniunt eos in vallibus positos, et ima quaque sectantes. De illis sunt enim, qui humilliter et indigne et, ut ita dicam, Judaico intellectu sus-

cipiunt verbum Dei, et ideo possunt illud dæmones rapere de corde eorum. Qui autem ab humilitate literæ ad Spiritus excelsa conscendit, et intelligentiam refugiens carnalem, sectatur in altioribus quæ sunt Spiritus Dei; de isto nihil possunt rapere Madianitæ, neque Amelecitæ. Sed ne ipsi quidem Orientis filii deprædari eum poterunt in excelso intelligentiæ spiritualis vertice constitutum. Illi ergo castra in vallibus collocant.

## LIBER SECUNDUS.

### CAPUT PRIMUM.

*Quod Dominus, humiliato Israel et ad se clamante, misit prophetam qui commoneret eos de præteritis beneficiis Dei.*

(CAP. VI.) *Humiliatusque est Israel valde in conspectu Madian, et clamavit ad Dominum, postulans auxilium contra Madianitas. Qui misit ad eos virum prophetam, et locutus est: Hæc dicit Dominus Deus Israel: Ego vos feci conscendere de Ægypto, et eduxi de domo servitutis, et liberavi de manu Ægyptiorum et omnium inimicorum, qui affligebant vos; eiecique eos ad introitum vestrum, et tradidi vobis terram eorum, et dixi: Ego Dominus Deus vester, ne timeatis deos Amorrhæorum in quorum terra habitatis; et noluitis audire vocem meam, etc. Cur non dicatur nomen hujus prophetæ, quod valde Scripturis insitatum est; latens causa est, non tamen nullam esse arbitror. Sed quia post verba quibus exprobrauit inobedientiam populo, sequitur Scriptura dicens: Et venit angelus Domini, et sedit super quercum quæ erat in Ephra: non absurde intelligitur iste angelus significatus nomine viri, ut posteaquam hæc verba dixit, venerit ad quercum memoratam, et ibi sederit. Nomen enim virorum solere appellari angelos, notum est: quamvis eum qui esset angelus appellatum esse prophetam non facile nec evidenter occurrat. Eam sane qui propheta esset dictum angelum legimus. Sed si angelorum dicta prophetica nota sunt, id est, quibus futura prænuntiaverunt, cur non possit angelus prophetæ nomine nuncupari? Verumtamen, ut dixi, expressum et manifestum de hac re testimonium non occurrit. In Septuaginta vero ita legitur: Dominus tecum potens in fortitudine. Quod autem angelus Domini dicit, Dominus tecum potens in fortitudine, nominativus casus est, non vocativus, hoc est, Dominus tecum potens est, non, tu potens.*

### CAPUT II.

*De eo quod angelus Domini venit ad Gedeon in area virga frumentum cadentem, mandans ei ut liberet Israel de manibus hostium; de holocausto, quod ipse Gedeon Deo offerebat per ministerium angeli ad se missi.*

*Dixitque et Gedeon: Obsecro, domine mi, si Dominus nobiscum est, cur apprehenderunt nos hæc omnia? Ubi sunt mirabilia ejus, quæ narraverunt patres no-*

*stri, atque dixerunt: De Ægypto eduxit nos Dominus? Nunc autem dereliquit nos, et tradidit in manibus*

*Madian. Respexitque ad eum Dominus, et ait: Vade in hac fortitudine tua, et liberabis Israel de manu Madian, scito quod miserim te. Qui respondens ait: Obsecro, domine mi, in quo liberabo Israel? Ecce familia mea infima est in Manasse, et ego minimus in domo patris mei. Ubi respondit, secundum Septuaginta, Gedeon ad angelum: In me, domine, hoc est, in me intende, in quo salvabo Israel? Ecce mille viri humiliores in Manasse: intelligitur præpositas fuisse mille hominum, quos Græcæ chiliarchos appellat Scriptura, an quid aliud. Dixitque ei Dominus: Ego ero tecum, et percuties Madian, quasi unum virum. Et ille: Si inveni, inquit, gratiam coram te, da mihi signum quod tu sis qui loquaris ad me. Ne recedas*

*hinc, donec revertar ad te, portans sacrificium et offerens tibi. Qui respondit ei: Ego vrestolabor adventum tuum. Ingressus est itaque Gedeon, et coxit hædum, et de farinae modio azymos panes, carnesque ponens in canistro, et jus carniū mittens in ollam, tulit omnia sub quercum, et obtulit ei. Cui dixit angelus Domini: Tolle carnes et panes azymos, et ponas super petram illam, et jus desuper funde. Cumque fecisset ita, extendit angelus Domini summitatem virgæ, quam tenebat in manu, et tetigit carnes, et azymos panes, ascenditque ignis de petra, et carnes, azymosque panes consumpsit, etc. Animadvertendam est, secundum Septuaginta, quod Gedeon non ait angelo: Offeram tibi sacrificium, sed ait: Offeram sacrificium meam, et ponam in conspectu tuo. Unde intelligentiam est, non eum angelo, sed per angelum sacrificium offerre voluisse. Quod et ipse angelus evidenter ostendit, qui non ab eo sacrificium, tanquam sibi sumpsit, sed ait illi: Accipe carnes et panes azymos, et pone ad petram illam, et jus effunde. Et cum hoc fecisset Gedeon, extendit angelus Domini summitatem virgæ, quæ erat in manu ejus, et tetigit carnes, azymos, et accensus ignis de petra comedit carnes et azymos. Ita ollam ipse angelus in sacrificio quod obtulit Gedeon, officium ministrantis implevit. Ignem quippe homo minister ut homo sine miraculo subjecisset, quem mirabiliter ut angelus iste subjecit. Denique tunc cognovit Gedeon quod angelus Domini esset. Nam hoc Scriptura continuo subdidit: Et vidit Gedeon, quoniam angelus Domini est. Prius ergo tanquam cum homine lo-*

quebatur, quem tamen hominem Dei credidit, ut coram ipso sacrificium vellet offerre, velut adjuvandum ejus præsentia sanetitatis. Quæri potest quare Gedeon ausus fuerit sacrificium offerre Deo præter locum ubi jusserrat Deus. Præter tabernaculum quippe stum Deus prohibuerat sacrificari sibi; cui tabernaculo templum postea successit. Tempore autem quo fuit Gedeon, tabernaculum Dei erat in Silo; atque ideo illic tantum legitime posset sacrificari. Sed intelligendum est, quod illum angelum primo prophetam putaverat, et tanquam Deum in illo consuluerat de offerendo sacrificio: quod ille si prohibuisset, non utique fieret; sed quoniam approbavit, et ut fieret annuit, Dei auctoritatem Gedeon in faciendo secutus est. Ita quippe Deus legitima illa constituit, ut leges non sibi, sed hominibus daret. Unde quodcumque præter illa ipse præcepit, non a transgressoribus, sed potius a piis et obedientibus impletum intelligendum est, sicut Abraham de immolando filio (*Gen. xxii*). Nam et sic Elias extra tabernaculum Domini ad convincendos sacerdotes idolorum sacrificavit (*III Reg. xviii*); quod ex præcepto Domini fecisse intelligendum est, qui ei tanquam prophetæ revelatione atque inspiratione jussit ut faceret: quanquam tanta consuetudo præter tabernaculum sacrificandi crebruerat, ut etiam Salomon in excelsis sacrificasse inveniatur, nec ejus sacrificium fuisse reprobatum (*III Reg. iii*). Et tamen notantur reges, qui inter opera laudabilia sua non destruxerunt excelsa, ubi contra legem Dei populus sacrificare consueverat; et qui destruxit, majore prædicatione laudatur. Ita Deus consuetudinem populi sui, qua præter ejus tabernaculum, tamen non diis alienis offerebat, sed Domino Deo suo, sustinobat potius quam vetabat, etiam sic exaudiens offerentes. Hoc autem quod Gedeon fecit, quis non intelligat per angelum procuratum, ut propheticè fieret, in qua prophetia petra illa commendaretur? cui quidem petre non sacrificatum est, sed de illa ignis commemoratur exiisse, quo sacrificium consumeretur. Sive enim per aquam, quam percussa effudit in eremo, sive per ignem donum Spiritus sancti significatur, quod ditissime Dominus Christus effudit super nos. Nam et in Evangelio significatum est hoc donum per aquam, ubi ipse ait: *Si quis sitit, veniat et bibat. Qui credit in me, sicut dicit Scriptura, flumina de ventre ejus fluent aquæ vivæ* (*Joan. vii*). Ubi evangelista subjunxit: *Hoc autem dicebat de Spiritu, quem accepturi erant credentes in eum*. Significatum est et per ignem, ubi veniente illo super congregatos legitur: *Vivæ sunt illis lingue diviæ velut ignis, qui et insedit super unumquemque eorum* (*Act. ii*). Et ipse Dominus ait: *Ignem veni mittere super terram* (*Luc. xii*). Gedeon namque cum sub arbore quercu tritici messem virga cæderet, et a paleis frumenta excuteret, angelum vidit, accipiens ab eo oraculum, ut a potestate hostium in libertatem populum Dei reduceret. Iste Gedeon figuram nimirum Christi gestabat, qui sub umbra sacræ crucis, prædestinato incar-

A nationis futuræ mysterio, constitutus, rectitudine judicii, quasi per virgam, electionem sanctorum a vitiorum paleis sequestrabat. Hic ergo Gedeon cum audisset ab angelo quod, deficientibus populorum millibus, in uno viro Dominus plebem suam ab hostibus liberaret, protinus hædum coxit, cujus carnes secundum præceptum angeli simul cum azyrna super petram posuit, et jus carniū desuper effudit: quæ dum angelus virgæ cacumine contingit, statim de petra ignis erupit; atque ita sacrificium quod offerebatur absumptum est. Quo judicio declaratum videtur, quod petra illa typum habuerit corporis Christi, Paulo attestante: *Petra autem, inquit, erat Christus* (*I Cor. x*). Jam tunc igitur in mysterio declaratum est, quia Dominus Jesus in carne sua totius mundi peccata crucifixus aboleret, nec solum delicta factorum, sed etiam cupiditates purgaret animorum: caro enim hædi ad culpam facti refertur, jus ad illecebras cupiditatum, sicut scriptum est: *Quia concupivit populus cupiditatem pessimam et dixerunt: Quis nos cibabit carne* (*Num. xi*). Quod igitur extendit angelus virgam, et tetigit petram de qua ignis exivit, ostendit quod caro Domini Spiritu repleta divino, peccata omnia humanæ conditionis exureret. Unde et Dominus ait: *Ignem veni mittere in terram* (*Luc. xii*). Advertit igitur vir et doctus et præagus futurorum superna mysteria, et ideo secundum oracula occidit vitulum a patre suo idolis deputatum, et ipse septennem alium immolavit Deo, quo facto manifestissime revelavit per adventum Domini omnia gentilitatis abolenda esse sacrificia, solumque sacrificium Dominicæ passionis Deo pro redemptione nostra religione populi deferendum. Etenim vitulus ille erat in typo Christi, in quo septiformis spiritualium plenitudo virtutum, sicut Isaias dixit, inhabitabat (*Isa. xi*). Quid est frumentum virga cædere, nisi rectitudine judicii a vitiorum paleis virtutum gratias separare? Sed hæc agentibus angelus apparet, quia tanto magis Dominus interiora detestatur, quanto se studiosius homines ab exterioribus purgant, qui hædum præcipit, id est, omnem appetitum nostræ carnis immolare, carnesque super petram poni, et jus carniū desuper fundi. Quem altum signat petra, nisi eum de quo per Paulum dicitur: *Petra autem erat Christus* (*I Cor. x*)? Carnes ergo super petram ponimus, cum corpus nostrum in Christi imitatione eraciamus. Jus etiam carniū desuper fundit, qui in conversatione Christi ipsas etiam carnales a se cogitationes exinanivit: quasi enim res ex carne aliqua in petra funditur, quando mens a cogitationum carnalium fluxu evacuatur, quæ tamen mox angelus virga tangit, quia intentionem nostram nequaquam potestas divini adjutorii deserit. De petra autem ignis exit, et jus carnesque consumit, quia a redemptore spiritus tanta cor nostrum flamma compunctionis concremat, ut omne quod in eo est illicitum et operis et cogitationis exurat: perfecte enim et solerter invigilat, ut non solum perversa agere

renuat, sed omne etiam quod in se per cogitationes A turpiter liquatur, tergeat.

## CAPUT III.

*Quod spiritus Domini induit Gedeon, qui clangens buccina convocavit domum Abiezer ut se sequeretur, et de signo velleris quod idem Gedeon postulavit a Domino.*

(IBID.) Spiritus autem Domini induit Gedeon, qui clangens buccina convocavit domum Abiezer, ut se sequeretur. Misitque nuntios in universam Manassem, qui et ipse secutus est eum; et alios nuntios in Azer et Zabulon, et Nephtalim, qui occurrerunt ei. Vocavit, inquit, post se Abiezer, qui utique nusquam erat. Interpretatur autem Abiezer patris mei auxilium; non ergo hominem aliquem, sed patris summi Gedeon invocasse videtur auxilium. Mittit interea et auxilla convocari, conveniunt populi, et omnis ad Gedeon exercitus congregatur.

Dixitque Gedeon ad Dominum: Si salvum facies per manum meam Israel, sicut locutus es, ponam vellus hoc lanæ in area: si ros in solo vellere fuerit, et in omni terra siccitas, sciam quod per manum meam, sicut locutus es, liberabis Israel. Factumque est ita, ut de nocte consurgens, expresso vellere, concham rore repleverit. Dixitque rursus ad Dominum: Ne irascatur furor tuus contra me, si adhuc semel tentavero, signum quærens in vellere; oro ut solum vellus siccum sit, et omnis terra rore madens. Fecitque Dominus nocte illa ut postulaverat, et fuit siccitas in solo vellere, et ros in omni terra, etc. Prævidit ergo mysterium victoriæ Gedeon, et tamen, licet fortis et fidus, pleniora adhuc de Domino futuræ victoriæ documenta quærebat, ut una nocte lanæ vellus in area poneret, et esset super illud tantummodo ros, et super omnem terram siccitas; et rursus similiter poneret vellus, et super totam terram ros plueret, et siccitas esset in vellere. Quærit fortasse aliquis utrum quasi incredulus esse videatur, qui frequentibus jam fuerat indiciis informatus? Absit. Non enim ille ambiguus erat, sed nimirum futura mysteria prævidebat, quæ etiam providus diligentissime explorabat, ut amplius crederet mysterium, dum intellexisset oraculum. Quid ergo vellus complutum et area sicca? et postea compluta area, siccum vellere? nisi quod primo una gens Hebræorum habebat gratiæ mysterium, totus orbis vacuus erat; nunc autem in manifestatione Christi totus orbis hoc habet, illa vacua est. Area enim illa totum orbem terrarum significat. Denique quando totus orbis infructuoso cultu gentilis superstitionis arebat, tunc erat ros ille cœlestis visitationis in vellere. Postea vero quam oves perierant domus Israel, quæ sub figura velleris demonstrabantur, et oves illæ fontem aquæ vivæ negaverunt, ros fidei exaruit in pectoribus Judæorum, gratiamque suam imber ille divinus in corda gentium dirivavit. Inde est quod nunc fidei rore totus orbis humescit; Judæi vero prophetia et omnibus charismatibus carent. Nec mirum si perfidiæ subeunt siccitatem, quos Dominus prophetici

imbris ubertate privavit, dicens: Mandabo nubibus desuper, ne pluant super eam pluviam (Isa. v). Idcirco autem illam gentem velleris nomine significavit, vel quia spolianda esset auctoritate doctrinæ, sicut oves vellere, vel quod eandem pluviam, quam volebat sibi per præpositos prædicari, aliis, id est, in-circumcisus gentibus sciret revelari.

## CAPUT IV.

*Sermo Domini ad Gedeon, mandans ut a se dimitteret populi multitudinem, ubi eum viginti duo millia virorum dimiserunt, et tantum decem millia cum eo remanserunt.*

(CAP. VII.) Dixitque Dominus ad Gedeon: Multus tecum est populus, nec tradetur Madian in manus ejus, ne gloriatur contra me Israel, et dicat: Meis viribus liberatus sum. Loquere ad populum, et cunctis audientibus prædica: Qui formidolosus et timidus est, revertatur. Recesseruntque de monte Galaad, et reversi sunt ex populo viginti et duo millia virorum, et tantum decem millia remanserunt. Quid est quod formidolosi et timidi, postquam eis prædicatum est quod formidolosi a castris secederent, per numerum vicies, et his millenarium recessisse inventi sunt? nisi quod omnes, qui in unitate fidei, et dilectionis societate non permanent, merito a Christi militia, ubi spiritales trucidantur hostes, ut reprobi abjiciantur: binarius enim numerus, qui ab unitate primus dividitur, non semper bonam in Scripturis sacris, sed aliquando contrariam significationem habet. Nota, lector, quod in viginti duobus undenarius, qui transgressionem legis significat, his est comprehensus, et intelliges quod qui unitatis et dilectionis fœdera non servat, transgressor est legis. At contra qui constantes animo in bello reperti sunt, millenario numero per decem multiplicato notati inventi sunt. Denarius enim numerus in illa progressionem, quæ fit a decem usque ad centum, unus ac primus est; et ideo significare unitatem fidei ac societatem sanctæ dilectionis valet. Decem ergo præcepta sunt legis. Unde apparet quod quisquis legis fidelis exsecutor est, fidei et charitatis verissimus custos est. Nec illud sine mysterio esse videtur quod in monte Galaad viginti duo millia recedere a castris Gedeon perhibentur, ubi decem millia permanserunt; Galaad quippe aceruus testimonii interpretatur, ubi Judæorum formidolositatis, et gentium constantia probata est: quia cum illi litteram legis habentes præsentis vite bona amittere metuebant, et ob hoc ad fidem Christi convenire volebant, quasi degeneres ac reprobi abjecti sunt; isti vero spiritaliter legem et prophetas intelligentes, et ob hoc futura bona sperantes, constanti animo Christi gratiam appetebant, unde se salvari posse in æternum credebant.

## CAPUT V.

*De probatione populi ad aquas, ubi de decem millibus tantum ad bellandum trecenti permanserunt, quos cum tubis, lampadibus et lagenis armavit.*

(IBID.) Dixitque Dominus ad Gedeon: Adhuc populus multus est, duc eos ad aquas, et ibi probabo illos: et de quo dixero tibi, ut tecum vadat, ipse per-

gat; quem ire prohibuero, ipse revertatur. Cumque descendisset populus ad aquas, dixit Dominus ad Gedeon: Qui lingua lambuerint aquas, sicut solent canes lambere, separabis eos seorsum; qui autem curvatis genibus biberint, in altera parte erunt. Fuit itaque numerus eorum, qui manu ad os projiciente aquas lambuerant, trecenti viri. Omnis autem reliqua multitudo flexo poplite biberat, etc. Plerique Latini codices non habent, manu sua, sed tantummodo, lingua sua, quoniam sic intellexerunt quod supra dictum est, sicut canes. Græcus autem utrumque habet, manu sua, lingua sua, ut intelligatur quod manu aquam raptam in os projiciebant. Et hoc erat simile bibentibus canibus, qui non ore apposito, sicut boves, aquam ducunt quam bibunt, sed lingua in os rapiunt, sicut etiam isti fecisse intelliguntur, cum manu in os aquam projicerent, quam lingua exciperent. Nam et interpretatio ex Hebræo planius id habet his verbis: Fuit itaque numerus eorum qui manu in os projiciente aquam lambuerant, trecenti viri. Neque enim solent homines ita bibere, ut sine operè manus, lingua, sicut canes, aquam hauriant. Aut vero istis præceptum fuerat ut hoc facerent: sed cum ad bibendum descendissent ad aquas, multi genu flexo biberunt, quod facilius et minore labore fieret; pauci vero quia non flexo genu se incurvaverunt, et ut canes biberunt, sed aquam manu in os jactam. Quorum numerus, quia trecenti erant, signum insinuat crucis propter litteram T Græcam, in qua iste numerus significatur. Hinc etiam gentes magis in crucifixum credituras præfiguratum est, quod littera Græca est. Unde Græcorum nomine Apostolus omnes gentes significat, cum dicit: *Judæo primum, et Græco, et Judæis et Græcis* (Rom. 1); sæpe ita commemorans circumcisionem et præputium, quod in linguis gentium Græca ita excellat, ut per hanc omnes decenter significantur. Iste quippe numerus et in vernaculis Abrahamæ advertendus est, per quos fratrem ab hostibus liberavit, quando cum Melchisedech in magno mysterio benedixit (*Gen. xiv*). Quod enim exuberant illic decem et octo (nam trecenti decem et octo fuisse referuntur), videtur mihi significatum quo etiam tempore fieret, id est, tertio, quod futurum erat sub gratia. Nam primum est ante legem, secundum sub lege, tertium sub gratia. Singula vero tempora senario numero significata sunt propter perfectionem; nam ter seni decem et octo sunt. Unde et illa mulier decem et octo annos habebat in infirmitate, quam curvam Salvator cum invenisset erexit, a diaboli alligamento, et Evangelium indicat, solvit (*Luc. xiii*). Nam quod ita isti probati sunt, per quos vinceret Gedeon, ut similes in bibendo canibus dicerentur, significat quod contemptibilia et ignobilia eligit Dominus (*I Cor. i*); pro contemptu enim habetur canis. Unde dicit: *Non est bonum tollere panem filiorum et mittere canibus* (*Matth. xv*). Et David, ut se tanquam contemptibilem abjiceret, canem se appellavit loquens ad Saul (*I Reg. xxiv*). In omnibus pene veterum gestis my-

PATROL. CVIII.

steria designantur ingentia, sicut etiam in hoc loco fieri videmus: quia hi qui descendunt ad aquam, id est, qui ad baptismi gratiam conveniunt, non debent procidere in terram, nec flectere genua sua, et cedere tentationibus ventris, sed stare fortiter et constanter, sicut et Apostolus dicebat: *Remissas manus, et dissoluta genua erigite, et gressum rectum facite semitis vestris* (*Hebr. xii*). Venisti ad aquam baptismi; istud est certaminis et pugnae spiritalis initium. Hinc tibi adversum diabolum nascitur pugnae principium; si remissior fueris, si flecti facile potueris, quomodo pugnabis, quomodo stabis adversum astutias diaboli? Propterea et Apostolus clamat: *State ergo, et nolite iterum jugo servitutis hærrere* (*Galat. v*). Et iterum dicit: *State in Domino* (*Philip. iv*). Et tertio dicit: *Quomodo tunc vivimus, si vos statis in Domino* (*I Thess. iii*). Ille ergo probabilis, ille electus est, qui posteaquam ad aquas baptismi ventum est, flecti ad necessitates terrenas et corporeas nescit, qui vitiis non indulget, neque ob peccati sitim sternitur pronus. Sed et quod dicit eos manu vel lingua aquam lambere, non absque sacramenti quadam significantia hoc mihi videtur: innuit scilicet, quod et manu et lingua operari debent milites Christi, hoc est, opere et verbo; quia qui docet et facit, hic magnus vocabitur in regno caelorum. Quod autem etiam similitudinem canis lambentis Scriptura posuit, videtur mihi istud animal hoc in loco propterea nominatum, quod supra omnia cætera animalia amorem dicitur proprii domini servare, nec tempore nec injuriis obliterare in eo fertur affectus. Trecenti ergo soli, qui sacramenti hujus imaginem præformabant, isti electi, isti probati, isti ad victoriam consecrati: qui et ipso numeri sacramento obtinere adversarios possent. Trecenti etenim sunt, qui tertio centena multiplicant, et perfectæ Trinitatis numerum ferunt, sub quo numero omnis Christi censetur exercitus, in quo obtinemus, ut etiam nos mereamur ascribi. Cum trecentis Gedeon ad prælium perrexit, eosque non armis, sed tubis, lampadibus, lagenis armavit. Nam, sicut illic scriptum est, accensas lampades miserunt intra lagenas, et tubas in dextera, lagenas autem in sinistra tenuerunt, et ad hostes suos cominus venientes, ceciderunt tubis, lagenas confregerunt, lampades apparuerunt, et hinc tubarum sonitu, illinc lampadum coruscatione territi sunt hostes, et in fugam conversi. De hoc namque bello per prophetam dicitur: *Jugum oneris ejus, et sceptrum pastoris ejus superasti, sicut in die Madian*. Eripiens quippe gentilitatem Dominus superavit jugum oneris ejus, cum eam adventu suo ab illa dæmonicæ tyrannidis servitute liberavit. Superavit et sceptrum exactoris ejus, cum regnum ejusdem diaboli, qui pro pestifera perpetratione vitiorum consueverat debita tributa pœnarum exigere, de fidelium corde destruxit. Quid hoc est, quod tale bellum per prophetam ad medium adducitur et adventui Redemptoris nostri istius pugnae victoria comparatur? An indicare nobis propheta

37

studuit quod adventum Redemptoris nostri contra diabolum illa sub Gedeon duce pugnae victoria designavit? Talia illic nimirum acta sunt, quod quanto magis usum pugnandi transeunt, tanto amplius a prophetandi mysterio non recedunt. Quis enim unquam cum lagenis et lampadibus ad praelium venit? Quis contra arma veniens arma deseruit? Ridicula nobis haec profecto fuerant, si terribilia hostibus non fuissent. Sed victoria ipsa attestante didicimus ne parvi haec quae facta sunt pendamus. Gedeon itaque ad praelium veniens, Redemptoris nostri signat adventum, de quo scriptum est: *Tollite portas, principes, vestras, et elevamini, portae aeternales, et introibit rex gloriae. Quis est iste rex gloriae? Dominus fortis et potens, Dominus potens in praelio (Psal. xliii).* Hunc Redemptorem nostrum non solum opere, sed etiam nomine prophetavit; Gedeon quippe interpretatura *circumiens in utero*. Dominus enim noster per majestatis potentiam omnia circumplectitur, et tamen per dispensationis gratiam intra uterum virginis venit. Quid est *circumiens in utero*? nisi omnipotens Deus sua dispensatione nos redimens, divinitate cuncta complectens, et humanitatem intra uterum sumens, in quo utero et incarnatus esset, et clausus non esset; quia et intra uterum fuit per infirmitatis substantiam, et extra mundum per potentiam majestatis. Madian vero interpretatur *de judicio*. Ut enim hostes ejus repellendi destruendique essent, non de vitio repellentis, sed de judicio juste judicantis fuit; et ideo *de judicio* vocantur, quia alieni gratia Redemptoris justae damnationis meritum etiam in vocabulum nominis trahunt. Contra hostes Gedeon cum trecentis pergit ad bellum. Solet in centenario numero plenitudo perfectionis intelligi. Quid ergo interducto centenario numero designatur, nisi perfecta cognitio Trinitatis; cum his quippe Dominus noster adversarios fidei destruit, cum his ad praedicationis bella descendit, qui possunt divina cognoscere, qui sciunt de Trinitate, quae Deus est, perfecta sentire. Notandum vero est quod iste trecentorum numerus in T littera continetur, quae crucis speciem tenet, cui si super transversam lineam id quod in cruce eminet adderetur, non jam crucis species, sed ipsa crux esset. Quia ergo iste trecentorum numerus in T littera continetur, et per T litteram, sicut diximus, species crucis ostenditur, non immerito in his trecentis Gedeonem sequentibus illi designati sunt, quibus dictum est: *Qui vult post me venire, abneget semetipsum, et tollat crucem suam, et sequatur me (Matth. xvi).* Qui sequentes Deum tanto verius crucem tollunt, quanto acrius et se edomant et erga proximos suos charitatis compassione cruciantur. Unde et per Ezechiel certe in his trecentis, qui in T littera, sicut supra dictum est, continentur, hoc exprimit, quod ferrum hostium crucis ligno superetur (*Ezech. ix*). Ductique sunt ad fluvium ut aquas biberent; quique aquas flexis genibus hauserunt, a bellica intentione remoti sunt: aquis namque doctrina sapientiae, stante autem genu re-

cta operatio designatur. Qui ergo dum aquas bibunt, genu flexisse perhibentur, ab illorum certamine prohibiti recesserunt: quia cum illis Christus contra hostes fidei pergit ad praelium, qui cum doctrinae fluentia hauriunt, a rectitudine operum non inflectunt; omnes quippe tunc bibisse aquam, sed non omnes recto genu fecisse narrati sunt. Reprobati quae sunt qui genua, dum aquas biberent, inflexerunt, quia, attestante Apostolo, *non auditores legis justisunt apud Deum, sed factores legis justificabuntur (Rom. ii)*. Quia enim, ut diximus, dissolutio operum in ipsa genuum incurvatione signatur, recte rursus per Paulum dicitur: *Remissas manus, dissolutaque genua erigite, et gressus rectos facite pedibus vestris, (Hebr. xii)*. Hi igitur Christo duce ad bellum procedunt, qui hoc quod ore annuntiant, opere ostendunt, qui fluentia doctrinae spiritualiter hauriunt, nec tamen in pravis operibus carnaliter inflectuntur; quia sicut scriptum est: *Non est speciosa laus in ore peccatoris (Eccl. xv)*. Itum est ergo ad praelium cum tubis, cum lampadibus, cum lagenis. Atque iste, ut diximus, fuit ordo praeliandi? Cecinerunt tubis; intra lagenas autem sunt missae lampades; contractis vero lagenis lampades ostensae sunt, quarum coruscante luce hostes territi in fugam vertuntur. Designatur itaque in tubis clamor praedicationum, in lampadibus claritas miraculorum, in lagenis fragilitas corporum. Tales quippe secum dux noster ad praedicationis praelium duxit, qui despecta salute corporis hostes suos moriendo prosternerent, eorumque gladios non armis et gladiis, sed patientia superarent. Armati enim venerunt sub duce suo ad praelium martyres nostri, sed tubis, sed lagenis, sed lampadibus consonuerunt. Cecinerunt tubis, dum praedicant; confregerunt lagenas, dum solvenda in passione sua corpora hostilibus gladiis opponunt; resplenderunt lampadibus, dum post solutionem corporum miraculis coruscare conspiciuntur, lege veritatis facta, quod in pugna venirent crediderunt. Cecinerunt ergo tubis, ut lagenas frangerentur; lagenas fractae sunt, ut lampades apparerent; appruerunt lampades, ut hostes in fugam verterentur; id est, praedicaverunt martyres, donec eorum corpora in morte solverentur; corpora eorum in morte soluta sunt, ut miraculis coruscarent; coruscaverunt miraculis, ut hostes suos ex divina luce prosternerent, quatenus nequaquam Deo erecti resisterent, sed eum subditi formidarent. Et notandum quod steterunt hostes ante lagenas, fugerunt ante lampades, quia nimirum per persecutores sancti fidei praedicatoribus adhuc in corpore positus resisterunt; post solutionem vero corporum apparentibus miraculis in fugam versi sunt, quia pavore conterriti a persecutione fidei cessaverunt; praedicationem scilicet tubarum, fractis lagenis corporum, visis timerunt lampadibus miraculorum. Intuendum est etiam id quod illic scriptum est, quia in dextera tubas, lagenas autem in sinistra tenuerunt. Pro dextero enim habere dicimus quidquid pro magno pensamus;



pro sinistro vero quod pro nihilo ducimus. Bene ergo illic scriptum est quod in dextera tubas, et lagenas in sinistra tenuerunt: quia Christi martyres pro magno habent prædicationis gratiam, corporum vero utilitatem pro minimo. Quisquis enim plus facit utilitatem corporis quam gratiam prædicationis, in sinistra tubam, atque in dextera lagenam tenet. Si enim primo loco gratia prædicationis accenditur, et posteriore utilitas corporis, certum est quod dextris tubæ et lagenæ sinistris teneantur.

## CAPUT VI.

*Præceptum Domini ad Gedeon, ut in castra Madianitarum descenderet, ubi somnium quemdam narrare audiens, confortatus est, et per trecentos viros castra Madian fugavit.*

(IBID.) *Eadem nocte dixit Dominus ad eum: Surge, descende in castra, quia tradidi eos manui tuæ. Sin autem solus ire formidas descendat tecum Phara puer tuus. Cum audieris quid loquantur, tunc confortabuntur manus tuæ, et securtor ad hostium castra descendes. Descendit ergo ipse et Phara puer ejus in partem castrorum ubi erant armatorum vigiliæ. Septuaginta: Gedeon quoque ipse et Phara puer ejus in partem quinquaginta, qui erant in castris. Quod Latini quidam codices habent: In eam partem, in qua erant quinquageni custodes in castris; alii vero: In partem quinquagesimam in castra. Obscurum quippe dictum plures sententias interpretum fecit: si aut ea pars castrorum erat, quam servabant quinquaginta custodes, aut si quinquageni intelligendi sunt, circumquaque servasse in unam partem, isti descenderunt ubi erant quinquaginta.*

*Madian autem et Amalech, et omnes orientales populi fusi jacebant in valle, ut locustarum multitudo: camelis quoque innumerabiles erant, sicut arenæ, quæ jacet in littoribus maris. Qui de cælestibus loquitur, qui de spiritalibus disserit, qui mysteria regni cælorum revelat, ille buccina concinit. Ille de tuba loquitur, qui de magnis et maximis loquitur, qui scientiam Christi humanis auribus pandit. Sed cur et cornea dicitur buccina? Quia et de sancto dicitur: Cornu ejus exaltabitur in gloria (Psal. III). Unde et uniuscujusque buccina dicitur cornea, in eo quod multiplicem scientiam Christi, et crucis ejus, quæ in cornu designatur, disserit sacramenta. Cum hac ergo buccina militantes et cum hac pugnantes vincimus alienigenas, et hostes in fugam vertimus, etiamsi fuerit multitudo sicut locustæ: locustis enim comparata est dæmonum multitudo, quibus neque in cælo, neque in terris est sedes. Præcedat ergo et nos hoc bello operum lux scientiæ, virtus, divini verbi prædicationis; pugnemus et nos in hymnis et psalmis et canticis spiritalibus concinentes et clamantes ad Deum, ut ab ipso victoriam consequi mereamur.*

(IBID.) *Cumque venisset Gedeon, narrabat aliqui somnium proximo suo, et in hunc modum referebat quod viderat: Vidi somnium, et videbatur mihi quasi subcinericius panis ex hordeo volvi, et in Madian ca-*

*stra descendere; cumque pervenisset ad tabernaculum, percussit illud atque subvertit, et terræ funditus cœquavit, etc. Quod ille qui proximo suo somnium narravit, quod audivit Gedeon, ut de victoria futura confirmaretur, dixit se vidisse mensam panis hordeacei, volventem in castris, et percutientem tabernaculum Madian, et subvertentem: hoc intelligendum arbitror, quod de panibus, quia per contemptibilia mundi, quod significat mensa panis hordeacei, Salvator superbos fuerat confusus. Tenuerunt sinistris manibus lampades et dextris sonantes tubas, clamaveruntque: Gladius Domini et Gedeonis; stantes singuli in loco suo per circuitum castrorum hostilium, et reliqua. Quod exclamari jussit Gedeon a trecentis suis, Gladius Domini et Gedeonis, sive secundum Septuaginta, Gladius Domino et Gedeoni, id est, huic Gedeon: hoc significat, quod gladius id erat operaturus quod Domino placeret et Gedeon.*

## CAPUT VII.

*Quod Gedeon misit nuntios in omnem montem Ephraim, mandans ut descenderent in occursum Madian, et occuparent aquas.*

(IBID.) *Misitque Gedeon nuntios in omnem montem Ephraim, dicens: Descendite in occursum Madian, et occupate aquas usque ad Bethbera atque Jordanem. Clamavitque omnis Ephraim, et præoccupavit aquas usque Bethbera atque Jordanem. Apprehensoque duos viros Madian, Oreb et Zeb, interfecit Oreb in petra Oreb, Zeb vero in torculari Zeb, et persecuti sunt Madian, etc. Mittit namque Gedeon nuntios in montem Ephraim, cum Redemptor noster doctores suos in populum catholicum dirigit in locum fructiferum vel crescentem ubi fructificant virtutes et altitudo contemplationis excellit, mandans ut in occursum Madian pergant, et ad bellandum contra hostes Ecclesiæ se coadjungant, qui declinant iudicium veritatis, quod sonat Madian, et occupant aquas usque Bethbera atque Jordanem, aquas videlicet baptismatis, quia illic hostium suffocatur exercitus, nec ultra eis progredi licebit, ubi Christi regnum succedit; quod bene significant ipsa nomina locorum: Bethbera enim interpretatur domus humilis, vel domus vesperi; et Jordanis, descensio eorum. Ibi ergo humilitas ostenditur Ecclesiæ, ubi occidunt vitia et deponuntur peccata; ibique hostes repelluntur Ephraim, cum a credentibus renuntiat diabolus, et omnibus operibus atque pompis ejus; comprehendunturque illic Oreb et Zeb, principes Madian atque interficiuntur, cum ipsi triumphantur principatus atque potestates tenebrarum harum, et regnum diaboli dissipatur. Oreb enim corvus vel siccitas interpretatur, et Zeb lupus: quæ duo nomina convenienter exprimiunt aviditatem atque ferocitatem diaboli, qui, sicut Petrus apostolus testatur, velut leo rugiens circumit, querens quem devoret (I Petr. v). Occiditurque Oreb in petra Oreb, cum diabolus in sua nequitia atque duritia perit. Zeb vero in torculari Zeb, cum in ipsa pressura*

qua tribulatus ille et premit electos, superatus atque confusus dignus æterna damnatione apparebit.

## CAPUT VIII.

*De eo quod Gedeon, Zebee et Salmana, duces Madianas, comprehendit, et viros Sochoth sibi insultantes simul cum iis, adjunctis spinis ac tribulis, contrivit atque comminuit.*

(CAP. VIII.) Fugeruntque Zebee et Salmana, quos persequens Gedeon comprehendit, turbato omni exercitu eorum. Revertensque de bello ante solis ortum, apprehendit puerum de viris Sochoth, interrogavitque eum nomina principum et seniorum Sochoth, et descripsit septuaginta septem viros, venitque ad Sochoth et dixit eis: En Zebee et Salmana, super quibus exprobrastis mihi dicentes: Forsitan manus Zebee et Salmana in manibus tuis sunt, et idcirco postulas ut demus viris, qui lassi sunt et defecerunt, panes. Tulit ergo seniores civitatis, et spinas deserti ac tribulos, et contrivit cum eis, atque comminuit viros Sochoth. Turrem quoque Faniel subvertit, occisis habitatoribus civitatis, etc. Quid per Zebee et Salmana principes Madianitarum, quos persequens Gedeon comprehendit, nisi philosophi atque hæretici, membra diaboli, designantur? Zebee enim, qui interpretatur victima, bene potest exprimere philosophos ac theologos gentilium, qui libris suis et cultibus præbebant pastum dæmoniis. Salmana quoque, qui interpretatur umbra commotionis, significat hæreticos, qui semper in obscuro erroris conversantes, a veritatis lumine illustrari non merentur. Tales ergo Gedeon noster persequens comprehendit, turbato omni exercitu eorum, quando, turbis nationum per prædicationem Evangelii ab errore idololatriæ ac schismate hæreticorum ad fidem Christi conversis, soli illi erroris laqueo captivi notantur, qui cæteris causa erroris ac perfidiæ existitisse probantur, quos postmodum Gedeon gladio suo interfecit, quia in extremo examine gladio justæ ultionis iudex vivorum et mortuorum cum diabolo et angelis ejus in inferni eos tartarum tradit. Quod ergo viros Sochoth ac Faniel, qui sibi persequenti hostes suos verba subsannationis atque irrisionis dixerunt, idem Gedeon post victoriam cum spinis ac tribulis contrivit, turremque Faniel subvertit, occisis habitatoribus civitatis, significat quod Redemptor noster Judæos insultantes prædicationi evangelicæ ac religioni Christianæ post resurrectionem suam atque ascensionem ad cælos, cum actibus infructuosus ac spinis peccatorum gravatos, gladio justæ vindictæ comminuit atque contrivit, turremque Faniel, hoc est, ipsam urbem Hierusalem, occisis habitatoribus ejus, subvertit, quando per Vespasianum et Titum, Romanos principes, urbe destructa, temploque succenso, habitatores ejus partim fame necati, partim gladio occisi, partimque in captivitatem abducti sunt. Hoc ipsum etiam in illis pueris Bethel quadraginta duobus, qui Elisæum prophetam irriserunt, dicentes: Ascende, calve, ascende, calve (I Reg. II), similiter in figura præcessit. Quia sicut ibi duo ursi egredientes de

salto irrisores pueros devoraverunt; sic et hi Romani principes, hoc est duo imperatores prædicti, egredientes de saltu gentium, quadragesimo secundo anno ascensionis Christi ad cælos, ipsos insultatores Dominicæ passionis in Hierusalem, in Calvarie loco undique constrictos atque coarctatos interimentes deleverunt.

## CAPUT IX.

*Ubi Israelitæ postulantes dominari sibi Gedeon et filios ejus dederunt ei in aures aureas, quas tulerunt de præda Madianitarum, unde fecit Gedeon efod, et posuit illud in civitate sua Ephra, quod fuit domui ipsius in ruinam.*

(IBID.) Dixeruntque omnes viri Israel ad Gedeon: Dominare nostri tu, et filius tuus, et filius filii tui, quia liberasti nos de manu Madian. Quibus ille ait: Non dominabor vestri, nec dominabitur in vos filius meus, sed dominabitur Dominus. Dixitque ad eos: Unam petitionem postulo a vobis: Date mihi in aures ex præda vestra (inaures enim aureas Israelitæ habere consueverant). Qui responderunt: Libentissime dabimus. Expandentesque super terram pallium, projecerunt in eum in aures de præda. Et fuit pondus postulataram inaurium mille septingenti sicli, absque ornamentis, et monilibus, et veste purpurea, quibus Madian reges uti soliti erant, et præter torques aureas camelorum. Fecitque ex eo Gedeon efod, et posuit illud in civitate sua Ephra. Fornicatusque est omnis Israel in eo, et factum est Gedeoni et omni domui ejus in ruinam. Quæri solet quid sit efod vel efod, quod quidem si sacerdotale est indumentum, quod plerique dicunt, vel potius superindumentum, quod Ependyma Græce dicitur, vel Epomis, quod magis humerale interpretari Latine potest: merito movet, quomodo de tanto auro Gedeon id fecerit. Nam ita scriptum est: Et factum est pondus inaurium aurearum quas petierat, sicli mille septingenti auri, præter brachialia, et torques, et operimenta purpurea, quæ erant super reges Madian, præter torques quæ erant in cervicibus camelorum ipsorum. Et fecit illud Gedeon in efod, et statuit illud in civitate sua in Ephra, et fornicatus est omnis Israel post illud ibi; et factum est Gedeoni et domui ejus in scandalum. Quomodo ergo ista vestis de tanto auro fieri potuit? Nam et mater Samuelis fecit filio suo, sicut legimus (IV Reg. II), efudbar, quod nonnulli interpretati sunt efud lineam, quando eum dedit in templo nutriendum. Ubi evidentius apparet, hoc genus esse indumenti. An ideo dictum est, Statuit illud in civitate sua, ut hinc intelligeretur aureum fuisse factum? Non enim dictum est, posuit, sed statuit; quoniam ita erat solidum et validum, ut statui posset, hoc est, positum stare. Hoc ergo illicitum cum fecisset Gedeon, fornicatus est post illud omnis Israel, sequendo illud contra legem Dei. Ubi non frustra queritur, cum idolum non fuerit, id est, cujusquam dei falsi et alieni simulacrum, sed efud, id est, unum de sacramentis tabernaculi, quod ad vestem sacerdotalem pertineret, quomodo fornicationem Scriptura dicat populi ista sectantis atque venerantis? Ideo

scilicet quod præter tabernaculum Dei, ubi erant ista quæ ibi fieri jusserat Deus, extra simile aliquid fieri fas non erat. Ideo sequitur et dicit Scriptura : *Et factum est Gedeon, et domui ejus in scandalum*, id est, ut ab offenso Deo discederet, quia et hoc quoddam genus idoli quodam modo erat, quod extra Dei tabernaculum quodlibet manu factum pro Deo coleretur, cum illa ipsa quæ jussa sunt in tabernaculo fieri ad Dei potius cultum referrentur, quam pro Deo aliquid eorum, aut pro Dei simulacro colendum haberetur : quanquam per efud vel efod, ea locutione quæ significat a parte totum, omnia possunt intelligi quæ constituit Gedeon in sua civitate, veluti ad colendum Deum similia tabernaculo Dei ; et propterea per hoc, quia hoc est sacerdotalis honoris insigne, quod sæpe Scriptura commemorat, ut hoc sit peccatum Gedeon quod extra Dei tabernaculum fecerit aliquid simile, ubi coleretur Deus : non quod solido auro velut adorandum constituerit efud, sed quod ex auro ipso quod esset de præda fecerit ea quæ pertinerent ad ornamenta vel instrumenta sacrarii : quæ omnia per efud significata sunt propter excellentiam, ut dixi, vestis sacerdotalis. Nam et ipsum efud non quidem ex auro solo fieri præceptum est, si hoc est superhumeralis sacerdotalis vestis ; verumtamen etiam aliquid auri habet, nam ex auro, et hyacintho, et purpura, et coccino, et bysso ut fieret, divinitus imperatum est. Sed quia hoc ita posuerunt Septuaginta interpretes, ut, commemoratis omnibus quæ de spoliis acceperat Gedeon, inferrent, *Et fecit illud Gedeon in efud* : videtur ita dictum, tanquam ex toto illo quod commemoratum est, hoc factum esse credatur, cum possit etiam illic intelligi locutio quæ significat a toto partem, ut quod dictum est : *Fecit illud in efud*, intelligatur, *fecit inde efud* ; vel, *fecit ex eo efud*, non scilicet illud totum consumens in efud, sed ex illo quantum sufficiebat impendens. Nam in illa interpretatione quæ ex Hebræo est, sic legitur : *Fecitque ex eo Gedeon efod* : quod enim apud Septuaginta scriptum est *efud*, hoc in Hebræo perhibetur dici *efod*. Non autem omnes sacerdotes tali utebantur superhumerali, quod esset ex auro, et hyacintho, et purpura, et coccino, et bysso, sed solus summus sacerdos. Unde illud quod de Samuele commemoravimus, factum illi ab ejus matre, non erat utique tale, quoniam cum datus est enutriendus, non erat summus sacerdos, utique puer. Unde, ut dictum est, *efudbar* appellatur, vel potius *efodbach*, sicut asserunt qui Hebræam linguam noverunt, et interpretatur efud lineum. Sed Gedeon illud fecisse, quod erat præcipuum summi sacerdotis indumentum atque ornamentum, per quod et cætera significata sunt opera sacrarii, quod in sua civitate præter Dei tabernaculum constituerat, et propter hoc peccatum factum est illi et domui ejus in scandalum, ut sic interiret (quod post ea Scriptura narrat) tanta ejus numerositas filiorum.

## CAPUT X.

*Quod terra quieviit per quadraginta annos, quibus præfuit Gedeon, et quod ipse Gedeon septuaginta habuit filios de uxoribus suis, de concubina autem solum habuit Abimelech.*

(IBID.) *Humiliatus est autem Madian coram filiis Israel, nec potuerunt ultra elevare cervices ; sed quieviit terra per quadraginta annos, quibus præfuit Gedeon.* Non prætereunda oritur quæstio, quomodo quieverit terra quadraginta annos in diebus Gedeon, cum post victoriam qua liberavit Hebræos, ex auro spoliolum fecerit abominationem, et post illam fornicatus sit omnis Israel, et fuerit illi et domui ejus in scandalum. Quomodo ergo post hoc tantum nefas quod et Gedeon et populus admisit, requieviit terra quadraginta annos, cum hoc Scriptura soleat ostendere, cum a Domino Deo populus fornicaretur, tunc potius pacem illos perdere, non acquirere, et hostibus subjugari, non ab hostium infestatione muniri ? Sed intelligendum est, sicut solet Scriptura, per prolepsin, id est, per præoccupationem dixisse, quod fecerit efud contra legem Dei Gedeon ex illo auro quod fuerat hostibus devictis atque prostratis ablatum, quia uno loco dicere voluit et unde erat aurum, et quid de illo factum sit ; sed postea factum est in fine dierum Gedeon hoc peccatum, quando consecuta sunt etiam mala quæ deinde Scriptura contexuit, posteaquam commemoravit quotannis in diebus Gedeon terra conquirevit : quos annos recapitulando commemoravit, id est, ad ordinem quem prætervererat prius dicendo de illo scandalo quod novissime factum est.

*Abiit itaque Jerobaal filius Joas, et habitavit in domo sua. Habuitque septuaginta filios, qui egressi sunt de femore ejus, eo quod plures haberet uxores. Concubina autem illius, quam habebat in Sichem, genuit ei filium nomine Abimelech. Mortuusque est Gedeon filius Joas in senectute bona, et sepultus est in sepulcro Joas patris sui in Ephra, de familia Ezri, etc. Moritur Gedeon, et relinquit septuaginta filios, et unum, nomine Abimelech, natum ex concubina, qui conduxit sibi viros vagos, et abierunt post illum. Et intravit in domum patris sui, et occidit fratres suos, septuaginta viros, super lapidem unum. Et remansit Joathan junior, quoniam absconsus erat, etc.* Hoc factum si nihil propheticum indicaret, quid opus erat ut magnopere scriberetur utrum Gedeon septuaginta filios et multas uxores habuisset, sed et concubinam, de qua unum et malum filium suscepisset ; quod cum turpe factum sit, tunc etiam turpius esset, si hæc posteris ad exemplum in divinis libris scripta viderentur, nisi magnæ alicujus rei imaginem earum rerum gesta per typos et figuras ostenderent ? Gedeon igitur, ut superius dictum est, typum Domini protendebat. Plurimæ uxores ejus, multæ sunt nationes quæ per fidem Christo adhæserunt. Septuaginta vero filii ejus, septuaginta linguæ sunt in hoc mundo diffusæ, in quibus per fidem filios sibi Dominus generatus erat. Concubi-

nam hoc loco Synagogam vocat, quæ novissimis temporibus Antichristo est creditura, de quo Joannes apostolus in Apocalypsi ait : *Qui dicunt se Judæos esse, et non sunt, sed sunt synagoga Satanae* (Apoc. 11). De qua ultimis temporibus nequissimus filius, id est, Antichristus generandus est, eritque filius ancillæ, id est, Synagogæ peccatrici : *quia qui peccatum, inquit, facit, servus est peccati* (Joan. VIII). Hic, inquam, congregatis sibi Impiis, sicut Abimelech fecit, regnum improbe usurpabit ; interfectisque nobilibus filiis, id est, his qui ex diversis nationibus et linguis in Christo credentes, a Deo sunt generati, inducturus est persecutionem, ut omnes sanctos interficiat.

## CAPUT XI.

*Quod Abimelech omnes fratres suos interfecit, excepto solo Joathan, filio Jerobaal minimo, qui absconditus necem evasit solus, et de paradigmate ejusdem Joathæ ad viros Sichem preloato.*

(CAP. IX.) *Remansitque Joatham, filius Jerobaal minimus, et absconditus est. Congregati sunt autem omnes viri Sichem, et universæ familiæ urbis Mello ; abieruntque et constituerunt regem Abimelech juxta quercum quæ stabat in Sichem ; quod cum nuntiatum esset Joathan, ivit, et stetit in vertice montis Garizim, elevataque voce clamavit et dixit : Audite me, viri Sichem, ita audiat vos Deus. Ierunt ligna ut ungerent super se regem, dixeruntque olive : Impera nobis, etc. Sed super septuaginta, inquit, fuit junior filius ex nobili matrimonio, qui se absconderat. Hic, inquit, ascendit in verticem montis Garizim, et exclamavit voce magna ad populum, de sicomoro ponens eis parabolam. Hic ergo junior filius, qui fugit ut gladium inimici evaderet, figura est residui populi Israel, prædicante Elia extremis temporibus credituri, et Antichristi gladium evasuri. Ascendit, inquit, iste verticem montis Garizim. Sed cur montem ascendit ? Quia nec prophetare nec persecutionem Antichristi quisque evadere potest, nisi prius quis in montem benedictionis, id est, in sublimitatem fidei ac virtutum ascenderit : hic est enim mons Garizim, qui Moyse in benedictionem deputatur. Itaque cum ascendisset, elevata voce clamavit et dixit : Audite me, viri Sichem. Ierunt ligna, ut ungerent super se regem, dixeruntque olive : Impera nobis. Quæ respondit : Nunquid possum amittere pinguedinem meam, qua dii utuntur et homines, et venire, ut inter ligna promovear ? Dixeruntque ligna ad arborem ficum : Veni, et super nos regnum accipe. Quæ respondit eis : Nunquid possum deserere dulcedinem meam, fructusque suavissimos, et ire ut inter cætera ligna promovear ? Locuta sunt quoque ligna ad vitem : Veni, et impera nobis. Quæ respondit : Nunquid possum deserere vinum meum, quod lactificat Deum et homines, et inter cætera ligna promoveri ? Cum ergo repudiata fuissent ligna silvæ ab oliva, et ficu, et vite, venerunt ad rhamnum, ut eum sibi facerent regem. Sed prius videamus, cur oliva, ficus et vitis super ligna regnare*

*voluerint. Ligna quippe silvæ attritorum homines esse vanos et vagos eterno incendio præparatos. Hic ergo merito noluit, nec olea, nec ficus regnare, nec vitis, quia non merebantur. Olea enim gratiam Spiritus sancti et unctionem pacis significat. Ficus autem sacræ legis imaginem habet, sicut in Evangelio scriptum est : Quidam paterfamilias plantavit vineam et in vinea sua plantavit fructum (Luc XI).* Quis paterfamilias, nisi Deus, qui familiæ suæ, id est, omnium credentium pater est ? Plantavit ergo vineam, id est, populum, quia vineam ex Ægypto transtulit. Et utique populum, non vineam ex Ægypto transtulerat. In hac vinea plantavit ficum, hoc est, in populo suo posuit legem, quæ lex primitivum populum, velut ficus, grossos aridos et inutiles de-

*jecit in terram, et postea alios fructus generavit, id est, populum Christianorum, quem ad debitam evangelicæ disciplinæ maturitatem, et suavissimam pinguedinem Christi cum gloria et honore perduxit. Sed vitis, inquit, noluit regnare eis. Vitem autem Salvatoris nostri typum habere manifestum est, sicut in Evangelio ait : Ego sum vitis vera (Joan. xv). Igitur quia jam in reprobum sensum, sicut Apostolus dixit, futurus est populus illè, qui Antichristo est serviturus, quem ligna silvæ appellat ; et necesse est ut credat mendacio, id est, Antichristo, qui veritati Christo noluit credere (II Thess. 1). Ideo et a regno vitis, id est, Christi, et ab olea, id est, sancti Spiritus gratia, et a ficu, id est, divinæ legis dulcedine reprobatus, venit ad rhamnum. Rhamnus est genus rubi, quam vulgo senticem ursinam appellant, asperum nimis et spinosum, per quod merito typus Antichristi significatur, qui omni asperitate et esferitate humanum genus est vastaturus. Sed exiet, inquit, ignis de rhamno, id est, iniquitas de Antichristo, et omnes qui in eo confidunt cum ipso pariter devorabit. Videtur ergo Gedeon Christi imaginem habuisse ; septuaginta vero filii, septuaginta linguæ vel nationes, qui credentes per secundam regenerationem Filii Dei esse meruerunt. Abimelech vere filius ancillæ typum Antichristi portasse, qui, congregatis perditis nationibus, regnum sibi improbe usurpabit, omnesque sanctos vi et persecutione, omnique crudelitate trucidabit. Joatham vero junior figura sanctorum fuit. Sicut enim Joatham per fugam recessit, et reliqui interfecti sunt fratres : sic nemo evadere poterit persecutionem Antichristi, nisi qui per fugam recesserit, et in montem benedictionis ascenderit. Hic est mons quem sancti circumdabant, quem et sanctus Moyses in benedictionibus, sicut jam superius dictum est, in Deuteronomio posuit (Deut. 11). Quod enim, secundum Septuaginta, inducitur rhamnus, id est, quoddam spinarum genus, in similitudinem dicere omnibus lignis convenientibus eam ut regnaret super eas. Si in veritate ungitis me vos regnare super vos, venite, confidite in protectione mea. Et si non, exeat ignis de rhamno, et comedat cedros Libani. Obscurus sensus est, sed eum inventa distinctio ma-*

nifestat. Non enim ita legendum est, *Et si non exeat ignis de rhamno*; sed subdistinguendum: *Et si non, ac deinde inferendum, exeat ignis de rhamno*, id est: *Et si non confiditis in protectione mea*; aut, *Et si non in veritate unguis me regnare super vos, exeat ignis de rhamno, et comedat cedros Libani*. Committentis enim verba sunt quid facere possit, si noluerint eam regnare super se. Verum quia non ait: *Exibit ignis de rhamno, et manducabit cedros Libani*, sed ait, *Exeat et manducet*: obscurius factum est, quam si scilicet distinctio lateret. Vehementioris autem comminationis est et quodammodo presentioris efficacæ, si quis dicat: Si non vis facere quod volo, sæviat in te ira mea, id est, jam sæviat, ut quod eam teneo, quam si dicat sæviet, promissivo modo penam intentans futuram.

## CAPUT XII.

*Quod post mortem Gedeon aversi sunt filii Israel et fornicati sunt cum Baalim, misitque Dominus spiritum pessimum inter Abimelech et habitatores Sichem, qui ceperunt eum detestari et scelus interfectionis septuaginta filiorum Jeroboal.*

(IBID.) *Postquam autem mortuus est Gedeon, aversi sunt filii Israel, et fornicati sunt cum Baalim, percusseruntque cum Baal fœdus, ut eis esset in Deum. Nec recordati sunt Domini Dei sui, qui eruit eos de manibus omnium inimicorum suorum per circuitum, et cætera. Septuaginta: Et factum est, cum mortuus esset Gedeon, et aversi sunt filii Israel, et fornicati sunt post Baalim; et posuerunt ipsi sibi Baalberith testamentum, ut esset eis ipse in Deum. Et Baalim, et Baalberith idola intelligenda sunt. Major itaque transgressio et fornicatio commissa est a populo post mortem Gedeon, quam illo vivo propter efud: quoniam et illud, etsi illicite factum erat, tamen de sacramentis tabernaculi erat; ista vero post idola fornicatio non habet vel falsam paternæ religionis defensionem. Unde etiam illud efud non in fine temporis Gedeon, sed ante factum est, ita Deus patienter tulit, ut pax in terra perseveraret: quia licet factum erat quod prohibuerat, non tamen longe recessum erat ab illo, qui tale aliquid in tabernaculo suo atque in honorem suum fieri jusserat. Nunc vero graviora commissa et apertissimam post idola fornicationem populi esse noluit impunitam.*

*Misitque Dominus spiritum pessimum inter Abimelech et habitatores Sichem, qui ceperunt eum detestari, et scelus interfectionis septuaginta filiorum Hieroboal, et effusionem sanguinis eorum conferre in Abimelech fratrem suum, et inter cæteros Sichimorum principes qui eum adjuverunt, et cætera. Emisit Deus spiritum malignum inter Abimelech et inter viros Sichimorum.* Hoc verbum utrum Imperantem aut permittentem Deum significet, non facile defini potest. Quod enim hic positum est, *emisit*, Græcus habet *exapesteilen*, quod est etiam in Psalmis; ubi legitur: *Emitte lucem tuam (Psal. xlii)*; quanquam in quibusdam locis interpretes nostri, ubi est in

A Græco *exapesteilen*, *misit* interpretati sunt, non *emisit*. Potest ergo et sic intelligi, ut spiritum malum Deus tanquam ire inter eos volentem emisit, id est, potestatem dederit maligno spiritui ad eorum pacem perturbandam. Usque adeo autem etiam mitti a Domino malignum spiritum propter justitiam vindicandi non absurdum visum est, ut quidam id quod est *exapesteilen*, etiam immisit interpretati sint.

## CAPUT XIII.

*Quod Gaal filius Obed, quærens Sichimitas avertere ab Abimelech, ab eo interfectus est, qui viros turris Sichimorum, frondibus arborumque cæsis, per fumum et ignem necavit. Et de obitu ipsius Abimelech.*

(IBID.) *Ecce Gaal filius Obed venit in Sichimam cum fratribus suis, et oppugnat adversum te civitatem. Surge itaque nocte cum populo qui tecum est, et latita in agro, et primo mane oriente sole irruere super civitatem. Illo autem egrediente adversum te cum populo suo, fac ei quod potueris, et cætera.* Verba quæ misit per nuntios ad Abimelech Zebul princeps civitatis Sichimorum, etiam secundum Septuaginta, sic habent: *Et nunc surge nocte tu et populus tuus tecum, et insidiare in agro. Et erit mane simul ut oritur sol, maturabis et tendes super civitatem.* Quod Latini quidam habent *maturabis*, quidam vero, *manicabis*, Græcus habet quod dici posset non uno verbo, *diluculo surges*. Sed fortasse hinc sic dictum *maturabis*, a matutino tempore, quamvis etiam aliis temporibus dici soleat ad rem accelerandam. *Manicabis* autem Latinum verbum esse mihi non occurrit. Sed illud movet, quod cum dixisset, *simul ut oritur sol*, addidit, *diluculo surges*; cum ipsum diluculum, quod Græce dicitur *ordros*, tempus ante solem significet, quod jam usitatissime dicitur, cum albescere cœperit. Sic itaque intelligendum est, ut quod positum est *mane*, ipsum diluculum intelligatur. Additum est autem: *Simul ut oritur sol*, ut exprimeretur, non jam orto sole faciendum, sed ubi fulgor apparuerit solis orientis. Non enim aliunde albescit diluculum, nisi cum cœperit partem cœli, quam videmus ab oriente lux solis ad eam redeuntis attingere. Hinc est quod etiam in Evangelio unam atque eandem rem alius evangelista dicit diluculo factam, cum adhuc obscurum esset; alius oriente sole, quia et ipsa lux quantulacunque diluculi, sole utique fiebat oriente, id est, ad ortum veniente, et fulgorem suum de suæ præsentis propinquitate jactante. Quam lucem quidam idiotæ solis non esse putaverunt, sed esse illam quæ primitus condita est, antequam Deus quarto die conderet solem.

*At hi qui habitabant in turri Sichimorum, ingressi sunt fanum Dei sui Berith ubi fœdus cum eo pepigerant, et ex eo locus nomen acceperat, qui erat valde munkus.* Berith ergo interpretatur *pastum*; unde dicitur locum nomine pacti nuncupatum, quia Sichimitæ cum idolo, quo se protegi confidebant, pactum iniierant.

*Abimelech quoque audiens viros turris Sichimorum pariter conglobatos, ascendit in montem Selmon cum omni populo suo; et, arrepta securi, præcidit arboris ramum, impositumque ferens humero, dixit ad socios: Quod me videtis facere, cito facite. Igitur certatim ramos de arboribus præcidentes sequebantur ducem, qui circumdantes præsidio, succenderunt. Atque ita factum est, ut fumo et igne mille hominum necarentur, viri pariter ac mulieres habitatorum turris Sichem, etc.* Nota est historia quomodo Abimelech Sichimitas, dissensione ac seditione facta, superavit atque interemit. Sed magis juvat lectorem, si allegoriam facti sano fidei oculo intente prospexerit. Quem autem melius iste Abimelech seditiosorum rex quam Antichristum, omnium iniquorum caput ac principem, possumus intelligere, qui viros turris Sichimorum ramis præcisit de monte Selmon, per fumum et ignem exstinxit, cum superbos quosque mentis obscuritate obæcat ac igne cupiditatis enecat? Abimelech ergo, *frater meus rex* interpretatur; Sichimitæ *humeri*; et Selmon *consentiens*. Igitur Abimelech, degener et reprobus rex, Sichimitas in turre consistentes, per arborum suarum frondes succensos occidit, cum Antichristus eos qui in superbæ turrem arbitrii sui libertate potiti conscendunt, ramos arborum de monte Selmon, hoc est, hominum reproborum nequiter sibi consentientium actus securi nequitæ suæ ac doli amputans, oculos mentis fumo perfidiæ obæcat, ac igne furoris atque cupiditatis suffocat. Sed sicut Abimelech post confectam eadem condignam ultionem mortis recompensatione recepit, ita et ipse Antichristus post completam malitiam suam in cædibus sanctorum, æternæ damnationis mercedem, justo iudice retribuente, in fine percipiet; hoc enim consequenter scriptor historię narrando exprimit, cum ostendit Abimelech oppugnantem turrem oppidi Thebes, muliere fragmen molæ capiti ejus desuper injiciente, ac cerebrum comminente, occubuisse. Quid enim significat hæc mulier, nisi sanctam Ecclesiam, quæ per fragmen molæ, hoc est, per sententias sacræ Scripturæ caput Antichristi, quod est diabolus, conterit; ac cerebrum ejus comminuit, cum sensum malitiæ suæ subvertit, quando jam hominibus prædicando, ac bonorum operum exempla demonstrando, virus nequitæ suæ in eos effundere non permittit et ad extremum unita capiti suo devincens mortem, mortis auctorem in æternum damnat, quem Dominus utique Jesus interficiet spiritu oris sui, et destruet illustratione adventus sui (I Thess. II).

## CAPUT XIV.

*Quod post Abimelech surrexit Israel Thola, filius Phua, patris Abimelech, cui post viginti et tres annos successit Jair, Galaadites, qui judicavit Israel per viginti duos annos.*

(CAP. X.) *Post Abimelech surrexit dux in Israel Thola, filius Phua, patris Abimelech, vir de Isachar, qui habitavit in Sanir montis Ephraim, et judicavit Israel viginti tribus annis, mortuusque ac sepultus est*

*in Sanir. Septuaginta: Et surrexit post Abimelech, qui salvum faceret Israel, Thola, filius patris fratris ejus, vir Isachar. Filium patris ejus dixit filium fratris patris ejus, cum ordinatius et usitatius atque apertius diceretur, filium fratris patris ejus; filius enim erat patris ejus, sicut evidenti in ea interpretatione quæ ex Hebræo est, invenitur. Non ergo quod dictum est patris fratris, ab eo declinatum est in nominativo, pater fratris; sed ab eo quod est patris frater; hoc est enim patruus. Nam sive ponatur in nominativo, hic pater fratris, sive ponatur, hic patris frater genitivum facit, hujus patris fratris. Verum altera oritur quæstio; quomodo fuerit patruus Abimelech vir Isachar, id est, vir de tribu Isachar, cum Abimelech patrem habuerit Gedeon, qui Gedeon de tribu fuit Manasse? Quomodo ergo Phua et Gedeon fratres fuerunt, ut possit esse Phua patruus Abimelech, cujus patris filius Thola succederet secundum istam narrationem ipsi Abimelech? Potuerunt ergo Gedeon et Phua unam habere matrem, ex qua diversis patribus nascerentur, et fratres essent unius matris filii, non unius patris. Solebant enim nubere feminae de aliis tribubus in alias tribus: unde et Saal cum esset de tribu Benjamin, dedit filiam suam David homini de tribu Juda; et sacerdos Jude, utique homo de tribu Levi, duxit filiam Joram regis, hominis de tribu Juda. Hinc factam est, ut Elisabeth et Maria cognatas in Evangelio legimus (Luc. I), cum fuerit Elisabeth de filiabus Aaron: ex quo intelligitur de tribu Levi et filiabus Aaron aliquam nupsisse in tribum Judam, unde ita fieret inter ambas illa cognatio, ut Domini caro non solum de regia, verum etiam de sacerdotali stirpe propagaretur.*

*Hic successit Jair Galaadites, qui judicavit Israel per viginti et duos annos, habens triginta filios sedentes super triginta pullos asinarum, et principes triginta civitatum, quæ ex nomine ejus appellatæ sunt Avoth Jair, id est, oppida Jair usque in præsentem diem in terra Galaad. Mortuusque est Jair, ac sepultus in loco cui est vocabulum Camon. Quem autem Jair iste Galaadites melius designat, quam Redemptorem nostrum, qui dux et rex est populi Christiani? Quod bene ipsa demonstrant nomina. Jair enim interpretatur illuminans, et Galaad acervus testimonii. Illuminans bene dicitur Dominus noster, de quo scriptum est in Evangelio: Erat lux vera, quæ illuminat omnem hominem venientem in hunc mundum (Joan. I); et ad quem in Psalmis Propheta ait: Illuminas tu mirabiliter a montibus æternis (Psal. LXXV). Hic ergo ex Galaad est, quia ex Scripturis sacræ ejus notitia percipitur, quem qui ibi corde credulo quærit, sine dubio invenit. Hic judicavit Israel per viginti et duos annos; quia omnes qui in Veteri Testamento et in Novo fideles fuerunt, suo ejus mandatorum judicio vixerunt. Vicenarius enim numerus, qui bis denarium continet, perfectionem legis et Evangelii demonstrat, ubi duorum præceptorum insigne maximum ac validissimum est, hoc est, dilectionis Dei et proximi: In his enim duobus præce-*

ptis, ipsa Veritate attestante, *tota lex pendet et propheta* (Matth. xxi). Unde et idem Salvator in Evangelio discipulis suis ait : *Hoc est præceptum meum, ut diligatis invicem sicut dilexi vos* (Joan. xv). Habet ergo iste Jair triginta filios sedentes super triginta pullos asinarum : quia qui recte filii ejus nominantur et sunt, hi nimirum : in sanctæ Trinitatis fide mandatorum Dei custodiam habent, et lasciviam carnis suæ bene domare, et sibimet dominari student : unde et principes triginta civitatum esse merentur, quæ ex nomine ejus appellatæ sunt ; quia quicumque secundum sanctæ Trinitatis fidem scientiam legis Dei in custodia mandatorum ipsius pleniter percipit, iste idoneus est et aliis præponi : quia a luce filii lucis dicti sunt, sicut Christiani a Christo : unde Dominus apostolis suis ait : *Vos estis lux mundi. Sic luceat lux vestra coram hominibus, ut videant opera vestra bona, et glorificent Patrem vestrum, qui in cælis est* (Matth. v). Hic Jair mortuus et sepultus legitur in loco cui est vocabulum Camon. Camon enim interpretatur *resurrectio inutilis*. Et quæ melius resurrectio inutilis dici potest, quam Hierusalem terrestris ? Hæc enim resurrectionem Domini, quæ credentibus utilis et salubris est, sibi inutilem et perniciosam non credendo fecit ; ideo filii tenebrarum, non filii lucis, et filii perditionis magis quam filii resurrectionis dici meruerunt. Possunt et in Camon vocabulo hæretici vel mali catholici non inconvenienter accipi, qui merito *resurrectio inutilis* vocantur, quia nihil eis profuit per gratiam baptismi renasci, quibus iterum pristino errori ac veteris hominis acibus placuit involvi ; in his enim Jair noster quodammodo mortuus ac sepultus est ; quia gratiam fidei, ac lumen scientiæ, quæ ex dono Dei perceperunt, in semetipsis interfecerunt ac pravis moribus obruerunt.

#### CAPUT XV.

*Quod peccantem Israel Dominus tradidit in manus Philisthiim et filiorum Ammon, sed iterum eis ad penitentiam conversis defensorem misit. Jephthe votum Domino faciens adeptus est de hostibus victoriam.*

(Isid.) *Filii autem Israel, peccatis veteribus jungentes nova, fecerunt malum in conspectu Domini, et servaverunt idolis Baalim et Astaroth, et diis Siritæ, ac Sydonis, et Moab, et filiorum Ammon et Philisthiim, dimiseruntque Dominum, et non colabant eum. Contra quos iratus tradidit eos in manus Philisthiim, et filiorum Ammon, et cætera.* Adjecerant igitur filii Israel deservire Baalim et diis alienis, tradebanturque in manus filiorum Ammon. Tunc Jephthe Galaadites, fugiens a facie fratrum suorum, constituitur in principem ob pugnam filiorum Ammon, qui rediens post triumphum immolavit filiam, quæ sibi victori prima occurrerat : sic enim votum spondebat, ut quidquid sibi primum revertenti occurreret, Domino immolaret. Quia ergo in Jephthe prænuntiabatur, nisi Dominus Jesus Christus et Salvator noster, qui a facie fratrum suorum, id est, Judæorum abscedens, in gentibus principatum accepit, qui om-

nia humanæ salutis sacramenta, tanquam juratus explevit, et, quasi filiam, ita carnem propriam pro salute Israelis Domino obtulit ? Jurasse enim Patri occubuisse unigenitum legimus, Psalmo dicente : *Sicut juravit Domino, votum vovit Deo Jacob* (Psal. cxxx) : scilicet ut sacramentum religionis in carnis suæ passione pro salute generis humani expleret. Hæc ergo secundum gestorum historiam, ita per Christum acta sunt, ut videantur per religionem, qua juraverat, esse completa. Inter cætera vero quæ Jephthe mandat per nuntios regi filiorum Ammon, etiam hoc dicit : *Nonne quæcunque hæreditabit tibi Chamos Deus tuus, hæc hæreditabis ? Et omnia quæcunque hæreditabit Dominus Deus noster a facie vestra, hæc hæreditabimus ?* Quod quidam Latini sic interpretandum putaverunt, ut dicerent : *Nonne quæcunque dedit tibi hæreditatem Chamos Deus tuus, hæc possidebis ?* Ubi videri potest confirmasse Jephthe, Deum istum qui vocatur Chamos, potuisse aliquid dare in hæreditatem cultoribus suis. Quidam vero sic habent : *Nonne quæcunque possidebit Chamos Deus tuus, hæc possidebis ?* Et hoc ita sonat, quasi aliquid potuerit possidere. An forte secundum hoc dictum est, quod sub angelis constitutæ sunt gentes juxta canticum Moysi famuli Dei ? Nunquidnam ergo ille angelus, sub quo erant filii Ammon, Chamos appellatus est ? Quis hoc audeat affirmare, tum possit intelligi secundum ejus opinionem dictum, quia putabat Deum suum hoc possidere, vel in possessionem sibi dedisse ? Magis autem iste sensus elucet in his verbis, quæ Græcus habet : *Nonne quæcunque hæreditabit tibi Chamos Deus tuus, hæc hæreditabis ?* ut in eo quod positum est, tibi, intelligatur ita dictum, ac si diceretur : *Sicut videtur tibi. Tibi enim hæreditabit, qui hoc putas, non quod ille aliquid posset hæreditare.* Denique in eo quod sequitur : *Et omnia quæcunque hæreditabit Dominus Deus noster, non dixit, hæreditabit nobis, tanquam diceret, Sicut videtur nobis, sed, vere hæreditabit a facie vestra, quoniam ipsis abstulit, et his dedit : hæc, inquit, hæreditabimus.*

De filia autem Jephthe, quod eam pater in holocaustoma obtulit Deo, quoniam in bello voverat, si vicisset, eum se holocaustoma oblaturum qui sibi de domo exiens occurrisset ; quod cum vovisset, vielit ; et occurrente sibi filia, quod voverat reddidit, solet esse magna et ad dijudicandum difficillima quæstio : quibusdam quid sibi hoc velit nosse cupientibus et pie quærentibus ; quibusdam vero, qui Scripturis his sanctis imperita impietate adversantur, hoc maxime in crimen vocantibus quod legis et prophetarum Deus etiam humanis sacrificiis fuerit delectatus. Quorum calumniis sic primitus respondemus, ut Dominum legis et prophetarum, atque ut expressius dicam Deum Abraham, et Deum Isaac, et Deum Jacob, nec illa sacrificia delectaverint, ubi pecorum holocausta offerebantur ; sed quod significativa fuerint, et quædam umbræ futurorum, res ipsas nobis quæ his sacrificiis significabantur, commendare vo-

luisse. Fuisse autem etiam istam utilem causam cur illa mutarentur, nec modo jubentur, imo prohiberentur offerri, ne vere secundum carnalem affectum talibus Deum delectari putaremus.

Sed utrum etiam humanis sacrificiis significari futura oportuerit, merito quaeritur: non quod mortes hominum quandoque moriturorum in hac causa exhorrescere et formidare deberemus, si illi qui hæc de se fieri gratanter acciperent, in æterna remuneratione commendarentur Deo: sed si hoc verum esset, hoc genus sacrificiorum Deo non displiceret; displicere autem Deo, satis evidenter eadem Scriptura testatur. Nam cum omnia primogenita sibi dicari et sua esse voluerit atque præceperit, redimi tamen a se voluit primogenita hominum, ne immolandos Deo crederent filios suos, quos natos primitus suscepissent (*Exod. xiii*). Deinde hoc apertius ita loquitur, quod humana holocausta sic Deus improbet, ut prohibeat, detestans ea in aliis gentibus, et populo suo præcipiens ne audeat imitari: *Si autem, inquit, exterminaverit Dominus Deus tuus gentes, in quas tu intras hæreditare terram eorum a conspectu tuo, hæreditabis eos, et habitabis in terra eorum; attende tibi ipsi ne exquiras sequi eos, postquam exterminati fuerint a facie tua, ne exquiras deos eorum dicens: Quemadmodum faciunt gentes diis suis, faciam et ego. Non facies ita Domino Deo tuo; abominamenta enim quæ Dominus odit, fecerunt diis suis, quoniam et filios suos et filias suas comburant igni diis suis* (*Deut. xii*). Quid evidentius ostendi potest his sanctæ Scripturæ testimoniis, ut alia hujuscemodi omittam, quam Deum, a quo hæc Scriptura humano generi contributa est non solum non diligere, verum etiam odiasse talia sacrificia, in quibus homines immolantur? Illa plane diligit et coronat, cum quisque justus iniquitatem patiens usque ad mortem pro veritate decertat, vel ab inimicis quos pro justitia offendit, occiditur, retribuens eis bona pro malis, id est, pro odio dilectionem. Talem dicit Dominus sanguinem justum a sanguine Abel, usque ad sanguinem Zachariæ (*Matth. xxiii*). Præcipue autem quod sanguinem fudit ipse pro nobis, et sacrificium seipsum obtulit Deo; sic utique obtulit, ut ab inimicis pro justitia occideretur. Hunc imitata martyrum millia usque ad mortem pro veritate certarunt, et ab inimicis sequentibus immolata sunt; de quibus dicit Scriptura: *Tanquam aurum in fornace probavit illos, et sicut holocausta hostiam accepit illos* (*Sap. iii*). Unde et Apostolus dicit: *Ego enim jam immolor*. Sed non sic Jephte de filia fecit holocaustoma Domino; sed sicut præceptum fuerat pecora offerri, et prohibitum fuerat homines immolari. Magis hoc illi simile videtur quod fecit Abraham, quod Dominus specialiter fieri præcepit (*Gen. xxi*), non generali lege ut talia sibi sacrificia fierent aliquando mandavit, imo etiam fieri omnino prohibuit. Distat itaque hoc quod Jephte fecit a facto Abraham, quoniam ipse jussus obtulit filium, iste autem fecit quod et lege vetabatur, et nullo speciali

A jubebatur imperio. Deinde non solum in sua lege postea, verum etiam tunc Deus in ipso Abraham filio talibus sacrificiis quam non delectaretur, ostendit; cum patrem cujus fidem jubendo probaverat, a filii tamen interfectione prohibuit, et aristem, quo sacrificium licite secundum veterum congruam temporis consuetudinem compleretur, apposuit.

Si autem hoc quemquam movet, quomodo pie crediderit Abraham Deum sacrificiis talibus delectari, si hæc illicite offeruntur Deo; et ideo putat recte credidisse etiam Jephte quod tale sacrificium Deo esse posset acceptum: primo consideret aliud esse ultro movere, aliud jubenti obtemperare. Non enim si aliquid præter morem in domo a Domino institutum servo jubetur, atque id laudabili obedientia facit, ideo non est plectendus, si hoc facere sponte præsumperit. Deinde habebat quod crederet Abraham, ut propter divinum imperium non parceret filio, non credens Deum tales victimas liceat occipere, sed hoc eum propterea jussisse, ut resuscitaret occisum, et hinc aliquid, tanquam Deus sapiens, demonstraret. Nam hoc de illo etiam in Epistola legitur, quæ inscribitur ad Hebræos; et fides ejus, quia hoc de Deo crediderit quod posset filium ejus suscitare, laudatur (*Hebr. xi*). Iste vero et Deo non jubente, neque poscente, et contra legitimum ejus præceptum ultro sacrificium vovit humanum. Sic enim scriptum est: *Et vovit Jephte votum Domina, et dixit: Si traditione tradideris mihi filios Ammon in manu mea, et erit, quicumque exierit de januis domus meæ obviam mihi in revertendo me in pace a filiis Ammon, et erit, Domino offeram eum holocaustoma*. Non utique his verbis pecus aliquod vovit, quod secundum legem holocaustoma posset offerre. Neque enim est aut fuit consuetudinis, ut redeuntibus cum victoria de bello ducibus pecora occurrerent. Quantum autem attinet ad muta animalia, canes solent dominis blando famulatu alludentes currere in obviam; de quibus ille in suo voto cogitare non posset, ne in injuriam Dei aliquid non solum illicitum, verum etiam contemptibile, et secundum legem immundum vovisse videretur. Nec ait: *Quodcumque ierit de januis domus meæ in obviam mihi, offeram illud holocaustoma*; sed ait: *Quicumque exierit, offeram eum*: ubi procul dubio nihil aliud quam hominem cogitavit; non tamen fortasse unicam filiam, quanquam illam in tanta paterna gloria quis posset anteire, nisi forte uxor? Nam quod non dixit, *quæcumque*, sed, *quicumque exierit de januis domus meæ*, solet Scriptura masculinum genus pro quolibet sexu ponere, sicut de Abraham dictum est: *Surgens a mortuo* (*Gen. xxiii*); cum ejus uxor mortua fuisset.

Quia ergo de hoc voto atque facto nihil videtur Scriptura judicasse, sicut de Abraham, quando filium jussus obtulit, apertissime judicavit; sed tantummodo scriptum reliquisse legentibus judicandum, quemadmodum de facto Judæ, filii Jacob, quando ad nurum quidem suum nesciens intravit, verum quantum in ipso fuerat fornicatus est, quia meretricem



putavit (*Gen. xxxviii*), neque approbavit hoc Scriptura neque reprobavit, sed iustitia et Dei lege consultata estimandum pensandumque dimisit. Quia ergo de isto Jephthæ factio in neutram partem sententiam Scriptura Dei pronit, ut noster intellectus in iudicando exeroeretur, possemus jam dicere Deo displicuisse tale votum, et ad illam productum esse vindictam, ut patri potissimum filia unica occurreret. Quod si sperasset atque voluisset, non continuo, ut eam vidit, scidisset vestimenta sua, et dixisset: *Heu me! filia mea, impedisti me; in offendiculum facta es in oculis meis.*

Deinde sexaginta dierum tam longa dilatione data filia suæ, Dominus eum ab unicæ charissimæ natæ immolatione eum non prohibuerit, sicut prohibuit Abraham, donec persciendo quod voverat seipsum percuteret orbitate gravissima, Deum autem nequam hominis immolatione placaret, et ideo hujusmodi patri pœnam fuisse retributam ne impunitum talis voti relinqueretur exemplum, ut aut magnum aliquid se vovere Deo putarent homines, cum vicilmas humanas voverent, et, quod est horribilius, filiorum; aut non vera sed potius simulata eadem vota essent, cum velut exemplo Abrahæ sperarent qui vovissent, Deum prohibiturum talia vota compleri: possemus, inquam, hæc dicere, nisi ab ista sententia duo nos præcipue divinarum Scripturarum testimonia retardarent, ut hanc rem gestam et in libris tantæ auctoritatis memoriæ commendatam, diligentius quantum Dominus adjuvat, et cautius perscrutemur, ne in ullam partem iudicium temerarium proferamus. Unum, quod in Epistola ad Hebræos iste Jephthæ inter tales commemoratur, ut eum culpare vereamur, ubi sic scriptum est: *Et quid adhuc dicam? Deficit enim me tempus enarrandi de Gedeon, Barach, Samson, et Jephthæ, et David, et Samuel, et prophetis, qui per fidem vicerunt regna, operantes iustitiam, consecuti sunt promissiones (Hebr. xi).* Alterum, quod ubi de illo ista narratur, quod tale voverit et impleverit votum, præmisit Scriptura dicens: *Et factus est super Jephthæ spiritus Domini, et perrexit Galaad et Manasse, et transiit speculam Galaad, et de specula Galaad trans filios Ammon, et vovit Jephthæ votum Domino, etc., ad hoc ipsum votum pertinentia; ut omnia quæ deinceps facta sunt, tanquam opera spiritus Domini, qui super eum factus est, intelligenda videantur. Ista testimonia nos compellunt quærerere potius cur factum sit, quam facile improbare quod factum est.*

Sed primo illud quod ex Epistola quæ ad Hebræos est commemoravi, inter illos laudabiles viros qui ibidem recoluntur, non solum est Jephthæ, verum etiam Gedeon, de quo similiter Scriptura dicit: *Spiritus Domini confortavit Gedeon (Jud. vi); et tamen ejus factum, quod de illo auro prædæ operatus est efod, et fornicatus est post illud omnis Israel, et factum est domui Gedeon in scandalum (Jud. viii), non solum laudare non possumus, verum etiam quia Scriptura hinc apertissime iudicavit, reprobare mitilime dubi-*

*tamus. Næc tamen ex hoc ulla sit injuria spiritus Domini qui eum confortavit, ut hostes populi ejus tanta facilitate superaret. Cur ergo inter eos commemoratur, qui per fidem vicerunt regna, operantes iustitiam, nisi quia sancta Scriptura, quorum fidem atque iustitiam veraciter laudat, non hinc impeditur eorum etiam peccata, si qua novit, et oportere iudicat notare veraciter? Nam et in eo quod idem Gedeon signum petens, sicut ipse locutus est, tentavit in vellere (*Jud. vi*), nescio utrum non fuerit transgressus præceptum quo scriptum est: *Non tentabis Dominum Deum tuum (Deut. vi).* Verumtamen etiam in ejus tentatione Dominus quod prænuntiare volebat, ostendit; in compluto scilicet vellere, et area tota circumquaque sicca, figurare primum populum Israel, ubi erant sancti cum gratia cœlesti, tanquam pluvia spiritali. Et postea compluta area sicco vellere figurare Ecclesiam toto orbe diffusam, habentem non in vellere tanquam in velamine, sed in aperto cœlestem gratiam, illo priore populo velut ab ejusdem gratiæ rore alienato atque sicco. Nec tamen frustra inter fideles et operantes iustitiam propter bonam fidelemque vitam, in qua eum credendum est esse defunctum, tale in Epistola ad Hebræos meruit testimonium.*

Utrum autem quia posteaquam dictum est: *Factus est super Jephthæ spiritus Domini*, ea secuta sint, ut votum illud voveret, atque hostes vinceret, et quod voverat redderet, spiritui Domini omnia deputanda sint, ut perinde habeatur et hoc sacrificium, tanquam id Dominus sicut Abrahæ fieri jusserit, non facile dixerim; cum utique de Gedeon possit hæc afferri differentia, quia post peccatum quod fecit, quando fecit efod, post quod universus populus fornicatus est, nulla est ejus commemorata prosperitas; postea vero quam Jephthæ votum vovit, illa est insignis ejus victoria consecuta, propter quam adipsendam voverat, et qua adepta, quod voverat, solvit. Rursus enim considerandum est, quia Gedeon etsi non postea quam fecit efod, tamen postea quam tentavit Dominum, quod utique peccatum est, magna strage hostibus cæcis atque superatis, populo acquisivit salutem. Sic enim scriptum est: *Et dixit Gedeon ad Dominum: Non irascatur indignatio tua in me, et loquar adhuc semel, tentabo adhuc semel in vellere (Jud. vi).* Iram quippe Dei metuebat, quia voverat se tentando peccare, quod Deus in lege sua manifestissime prohibet. Hoc tamen peccatum ejus et mirabilis signi evidentia, et magna victoriæ prosperitas liberationisque populi consecuta est. Jam enim Deus statuerat afflicto populo subvenire, atque hujus ducis, quem ad hoc opus assumpserat, utebatur animo non solum fideli et pio, verum etiam subdeficiente et delinquente, et ad prænuntianda quæ volebat, et complenda quæ dixerat.

Non enim per istos tantum, qui etiamsi peccaverunt, inter justos tamen narrantur, sed etiam per ipsum Saulem omnimodo reprobatum multa Deus populo suo præstitit, in quem insilivit etiam Spiritus

Dei, et prophetavit; non cum iuste ageret, sed cum in virum sanctum David innocentemque sæviret (*I Reg. x*). Agit enim spiritus Domini et per bonos et per malos, et per scientes, et per nescientes, quod agendum novit et statuit; qui etiam per Caipham, acerrimum Domini persecutorem, nescientem quid dixerit, insignem protulit prophetiam, quod oporteret Christum pro gente (*Joan. xi*). Quis enim egit, nisi Spiritus Domini, curans prænuntiare ventura, ut iudici Gedeon tentare volenti Dominum, et non credenti quod ei fuerat per manus ejus de salute populi jam locutus, hoc potissimum de vellere prius compluto, postmodum sicco, et de area primum sicca, postea rigata, veniret in mentem? ut quod subdeficit a fide, infirmitati ejus delictoque deputetur; quod vero etiam tali ejus animo ad hoc quod generi humano significari oportebat, usus est Deus, ad ejus intelligatur misericordiam et mirabilem providentiam pertinere.

Si quis autem dicit omnia scientem fecisse et dixisse Gedeon ex revelatione prophetica, ut per eum signa talia monstrarentur; nec defecisse a fide; et quod ei jam promiserat Dominus credidisse; sed actione prophetica in vellere voluisse tentare, atque ita illius tentationem fuisse inculpabilem, sicut dolum Jacob (*Gen. xxvii*), et illud quod Domino ait: *Non irascatur indignatio tua in me*, non ideo dixisse quod iram ejus timeret, sed quod eum consideret non irasci, cum ea faceret quæ spiritu ejus dictante facienda esse tanquam propheta sentiret: dicat ut videtur, dummodo illud quod de facto et of Scriptura ipsa culpavit, quodlibet significet, non audeat excusare a peccato. Nam et illud quod trecenti viri ad signum crucis ipso numero pertinentes hydrias fictiles acceperunt, eisque ardentes faculas incluserunt, quibus hydriis fractis, repente lumina numerose micantia tantam hostium multitudinem terruerunt, tanquam ex suo arbitrio videtur fecisse Gedeon; non enim Scriptura dicit Dominum admonuisse ut hoc faceret, et tamen tam grande signum quia ejus animo atque consilio faciendum, nisi Dominus, inspiravit? Qui præfiguravit sanctos suos thesaurum evangelici luminis in vasis fictilibus habituros, sicut Apostolus dicit: *Habemus autem thesaurum istum in vasis fictilibus* (*II Cor. iv*): quibus in passione martyrii, tanquam vasculis fractis, major eorum gloriæ fulgor emicuit, quæ impios evangelicæ prædicationis inimicos inopinata illis Christi claritate superavit.

Seu ergo per scientes seu per nescientes præfigurationem prædicationemque futurorum spiritus Domini prophetis temporibus operatus est. Nec ideo peccata eorum dicendum est non fuisse peccata; quia et Deus, qui et malis nostris bene uti novit, etiam ipsius eorum peccatis usus est ad significanda, quæ voluit. Proinde si propterea peccatum non fuit, sive cujuslibet necis humanæ, sive etiam parricidiale sacrificium, vel vovere vel reddere, quia magnum aliquid et spiritale significavit, frustra Deus talia prohibuit, et se odisse testatus est; quoniam et illa quæ

flori fuisse, utique ad aliquam significationem rerum spiritualium magnarumque referuntur. Cur ergo illa prohiberet, quandoquidem propter eandem rerum earundem significationem poterant, propter quam et ista licite fiebant, nihilominus licite fieri, nisi quia nec tale aliquid significantia quale expedit credere, humana Deo sacrificia placuerunt, quando non quisque pro iniustitia ab inimicis, quia recte vivere voluit aut peccatum noverat, interimitur, sed homo ab homine tanquam electa hostia more pecoris immolatur?

Quid si, ait aliquis, quoniam pecorum victimæ jam eo ipso quo fuerant usitate, quamvis et ipse a recte intelligentibus ad significationem spiritualium referuntur; minus tamen faciebant intentos ad magnam sacramentum Christi et Ecclesie requirendum; propterea Deus re insigni et inopinata volens quasi dormientes hominum animos excitare, eo magis quo talia sibi sacrificia offerri veterat, curavit sibi ejusmodi aliquid offerendum, ut ipsa admiratio magnam gigneret quæstionem, et magna quæstio ad perscrutandum magnum mysterium studium pie mentis erigeret, pie vero scrutans mens hominis altitudinem prophetiæ, velut hamo pisces Dominum Christum de profundo Scripturarum levaret. Huic nos rationi et considerationi non obsistimus. Sed alia quæstio est de animo voventis, alia de providentia Dei, quælibetque animo ejus optime utentis. Quamobrem si spiritus Domini qui factus est super Jephthæ, ut hoc voveret omnino præcepit, quod quidem Scriptura non aperuit: tamen si hoc ille præcepit, cujus non licet jussa contemnere, non solum insipientia culpanda non est, verum etiam laudanda obedientia est. Hoc enim etiam si se homo ipse interimat, quod utique humana voluntate atque consilio facere nefas est, profecto intelligendum est obedienter fieri potius, quam scelestè, si divinitus jussum est; de qua quæstione satis in primo libro de Civitate Dei disputavimus. Si autem Jephthæ humanum secutus errorem, humanum sacrificium vovendum putavit, ejus quidem peccatum de unica filia jure punitum est, quod etiam ipse verbis suis satis videtur ostendere, ubi ait: *Heu me! filia, impedisti me, in offendiculum facta es in oculis meis*, discissis etiam vestimentis suis. Verumtamen etiam hic ejus error habet aliquam laudem fidei, qua Deum timuit, ut quod voverat redderet, nec divini in se iudicii sententiam declinavit, sive sperans Deum prohibiturum, sicut fecit Abrahæ, sive ejus voluntatem etiam non prohibentis intellectam facere potius quam contemnere statuens.

Quamquam et hic merito queri potest, utrum verius intelligant hoc Dominum nolle fieri, et in eo potius Deo, si non fieret, obediretur, quoniam hoc se nolle et in Abrahæ filio et in legitima prohibitione monstraverat. Verumtamen si propterea Jephthæ non faceret, sibi potius in unica filia pepercisse, quam Dei voluntatem secutus esse videretur. Magis ergo intellexit, in eo quod illi filia occurrit, nitorem Deum, justæque pœnæ se fideliter subdidit, timens sævio-

rem tanquam de tergiversatione, vindictam? Credebat enim etiam bonæ et virginis animam filix bene recipi, quod non seipsa voveret immolandam, sed voto et voluntati non resisteret patris, et Dei fuerat secuta iudicium. Mors enim sicut nec sibi a quoquam sponte, nec cuiquam sponte inferenda est, ita Deo jubente recusanda non est, cujus constitutione quocunque tempore obeunda est: nec quisquam qui eam perpeti detrectat, ut omnino evitetur, sed tanquam modo ut differatur, laborat.

Nunc jam quid Spiritus Domini, sive pernescientem Jephthe, sive per scientem, sive per ejus imprudentiam, sive per obedientiam, sive per offensionem, sive per fidem in hac re gesta præfiguraverit, quantum Deus adjuvat, requiramus, breviterque pandamus. Admo-  
net enim nos et urget, quodammodo iste sanctarum Scripturarum locus cogitare quemdam potentem virtute. Talis enim dicitur Jephthe, quod nomen interpretatur *aperiens*. Dominus autem Christus, sicut indicat Evangelium, discipulis suis *aperuit sensum, ut intelligerent Scripturas* (Luc. xxiv). Hunc Jephthe fratres ejus reprobaverunt, et de paterna domo expulerunt objicientes ei, quod esset filius fornicariæ, tanquam ipsi essent de uxore legitime nati (Jud. ii). Hoc etiam egerunt adversus Dominum principes sacerdotum et Scribæ et Pharisei, qui de legis observatione gloriari videbantur, tanquam ille solveret legem, et ideo veluti non esset legitimus filius. Et quanquam de sancta quidem Virgine corpus assumpserat, quod fidelibus natum est; tamen ejus mater, quantum ad gentem pertinet, etiam illa Judaica synagoga dici potest. Revolvat qui voluerit propheticos libros, et videat quoties et quanta verbi severitate atque indignatione Domini illa gens, velut impudica mulier, de suis fornicationibus arguatur. Unde est etiam illud in hoc libro frequentissimum, vel cum post ephod quod fecit Gedeon omnis Israel legitur fornicatus (Jud. ii): vel quod abierunt post deos gentium, quibus erant circumdati. Unde illis divina ira commota est, ut per annos decem et octo contererentur a filiis Ammon. Sed nunquid non ex eadem gente Israel etiam illi nati erant sacerdotes, et Scribæ, et Pharisei, quos in eis diximus fuisse præfiguratos, qui Jephthe, tanquam isti Dominum Christum, veluti non legitimum filium persecuti expulerunt? Sed in eo similitudo adumbrata est, quod isti, ut dixi, veluti legis observatores eum, qui contra præcepta legis facere videbatur, tanquam legitimi non legitimum, jure sibi visi sunt ejecisse. Secundum hoc enim plebs illa dicta est fornicari, quod legis præcepta non servans tanquam viro non exhibebat fidem.

Sic autem scriptum est de Jephthe: *Et creverunt filii uxoris, et ejecerunt Jephthe*. Verbum quod positum est, *creverunt*, significat in figura, *prævaluerunt*; quod in Judæis impletum est, qui prævaluerunt infirmitati Christi, quia ita voluit ut ab eis quæ oportebat passione perferret, sicut hoc idem significans Jacob prævaluit angelo cum quo, ut idipsum por-

A teaderet, luctabatur (Gen. xxxii). Dixerunt ergo ad Jephthe: *Non hæreditabis in domo patris nostri, quoniam filius mulieris fornicariæ tu*; tanquam dicerent quod Evangelium loquitur: *Non est iste homo a Deo, qui sic solvit sabbatum* (Luc. xvi). Se autem velut jactantes legitimos filios Domino dixerunt: *Nos ex fornicatione non sumus nati, unum patrem habemus Deum* (Joan. viii).

(CAP. XI.) *Et fugit Jephthe a facie fratrum suorum, et habitavit in terra Job*. Fugit, quoniam se, quantus esset, abscondit: fugit, quoniam eos sævientes latuit. *Si enim cognovissent, nunquam Dominum gloriæ crucifixissent* (I Cor. ii). Fugit, quoniam morientis infirmitatem viderunt, virtutem autem resurgentis non viderunt. Habitavit autem in terra bona, vel, ut expressius dicamus, optima; quod enim Græce *agathon*, hoc Latine optimum dicitur: id autem interpretatur *Tob*. Ubi nihil videtur intelligenda ejus a mortuis resurrectio. Nam quæ terra magis optima quam terrenum corpus excellentia immortalitatis ac incorruptionis indutum? Quod autem dicitur de Jephthe, quia posteaquam fugiens a facie fratrum suorum, habitavit in terra *Tob*, colligebantur ad eum viri latrones, et ambulabant cum ipso; quanquam et ante passionem objectum fuerit Domino, quod cum publicanis et peccatoribus manducaret, quando respondit non esse necessarium sanis medicum, sed ægrotis (Matth. ix), et inter iniquos deputatus est (Isa. liii), quando inter latrones crucifixus est, et unum ex eis de cruce in paradysum transtulit; tamen posteaquam resurrexit, et esse cœpit secundum id quod supra exposuimus, in terra *Tob*, collecti sunt ad illum scelerati homines propter remissionem peccatorum, qui cum illo ambulabant, quia secundum ejus præcepta vivebant, neque hoc fieri desinit usque nunc et deinceps, quousque ad eum confugiunt mali, ut justificet impios, qui ad eum convertuntur, et discant iniqui vias ejus.

Jam illud quod hi qui abjecerant Jephthe (erat enim Galaadites) conversi sunt ad eum, et quæsiverunt eum per quem liberarentur ab inimicis suis; quam clara præfiguratione significat, quod hi qui abjecerunt Christum, ad eum rursus conversi, in illo reperiant salutem; sive illi intelligantur, quos Petrus apostolus cum de ipso scelere arguisset, sicut in Actibus apostolorum legitur (Act. ii), et hortatus esset ut ad eum converterentur quem fuerant persecuti, *compuncti sunt corde*, et ab illo quem a se alienaverant, desiderarunt salutem. Quid est autem liberari ab inimicis, nisi a peccatis? Sic enim illis ait: *Agite penitentiam, et baptizetur unusquisque vestrum in nomine Domini Jesu Christi, et remittentur vobis peccata vestra* (Ibid.): sive illa potius significetur quæ in fine speratur vocatio gentis Israel. Magis quippe ipsa videtur apparere in eo, quod dicitur: *Et factum est post dies*; quod utique post tempus significat, et per hoc insinuat non illud intelligendum quod recenti passione Domini est, sed quod postea futurum est. Quo videtur etiam id per-

tinere, quod seniores Galaad venerunt ad Jephthæ, ut per ætatem senilem posteriora et novissima tempora accipienda sint. Interpretatur autem Galaad *abjiciens*, sive *revelatio*, quorum utrumque satis apte huc rei congruit, quia primo Dominum Christum abjecerunt, eisque postea revelabitur.

Quod vero contra filios Ammon dux quærebatur Jephthæ, quibus victis liberantur, qui eo duos adversus illos bellare cupiebant, quoniam interpretatur Ammon *filius populi mei*, sive *populus mæroris*, profecto aut illi significantur inimici, qui ex ipsa gente perseverantes in infidelitate prædicti sunt, aut omnino omnes gehennæ prædestinati, ubi erit eis stetus et stridor dentium, tanquam populo mæroris (*Math. viii et xiii*). Quamquam populus mæroris etiam diabolus et angeli ejus non inconvenienter intelliguntur, sive quia æternam miseriam eis quos decipiunt acquirunt, sive quia et ipsi æternæ miseriam deputati sunt.

Eleganter sane ad exprimendam multo evidentius prophetiam Jephthæ respondit senioribus Galaad: *Nonne vos odio habuistis me, et ejecistis me de domo patris mei, et dimisitistis me a vobis? Et quid est quod venistis, quando tribunati estis?* Talo aliquid figuratum est in Joseph, quem fratres vendentes abjecerunt (*Gen. xxxvii*), et cum fame tribularentur, ad ejus opem misericordiamque conversi sunt (*Gen. xlii*). His vero multo amplius elucet significatio futurorum, quod non ipsi prorsus fratres qui ejecerunt Jephthæ ad eum venerunt, sed Galaad seniores pro universo illo populo eidem supplicantes. Sicut eadem gens dicitur Israel, sive in eis qui tunc fuerunt, Christumque reprobaverunt, sive in eis qui ad ejus opem postea reversi sunt; populo enim dicitur inimico, sive in majoribus, sive in posteris suis longa odia trahenti atque servanti, tandemque converso in eis qui tunc conversari sunt, *Nonne vos habuistis odio me, et ejecistis me de domo patris mei?* Hoc enim eis visum est qui persecuti sunt, quod dejecerunt Christum de domo David, in qua regni ejus non erit finis (*Luc. i*).

*Et dixerunt seniores Galaad ad Jephthæ: Non sic modo venimus ad te.* Tanquam dicere Judæi conversi ad Christum: Tunc venimus ut persequeremur; modo venimus ut sequamur. Profitentur etiam adversus inimicos eum futurum sibi caput. Respondet ille, si eorum vicerit inimicos, quod erit eis in principem; quod Gedeon noluit, cum id Israelite voluissent; respondit quippe illis: *Princeps vester Dominus erit.* Rex enim nomine principis significatur, quod nondum habebat gens illa tempore Judicam. Cœperunt autem habere Saulem, et deinceps alios successores ejus, qui in libris Regum leguntur. Nam in Deuteronomio cum eis præcipitur qualem debeant habere regem, si hoc eis plaoverit, non ibi rex sed princeps appellatur (*Deut. xvii*). Sed quia iste Jephthæ illum figurabat qui verus est rex, quod etiam in titulo scriptum fuit, qui cruci ejus affixus, quem Pilatus delere vel emendare non ausus est; ideo crede-

dum est, esse dictum: *Ero vobis in principem*: illi autem dixerant: *Eris nobis in caput*: quoniam caput viri Christus (*I Cor. ii*); et ipso est caput corporis Ecclesiæ (*Eph. v*). Denique posteaquam eos liberavit Jephthæ ab omnibus inimiciis, non eis factus est rex, ut intelligeremus illud quod dictum est, ad prophetiam potius pertinuisse de Christo, quam ad ipsum proprie Jephthæ, de quo Scriptura narrationem ita concludit: *Et judicavit Jephthæ Israel sex annis, et mortuus est Jephthæ Galaadites, et sepultus est in civitate sua in Galaad.* Judicavit ergo Israel, sicut et cæteri iudices; non ibi regnavit, ut principes, sicut hi qui Regnorum voluminibus continentur.

Jam vero posteaquam eis idem Jephthæ dux constitutus est, misit nuntios ad hostes prius pacis verba portantes: illud ostenditur, quod ait Apostolus, in quo Christus loquebatur: *Si fieri potest, quod ex vobis est, cum omnibus hominibus pacem habentes* (*Rom. xii*). Verba porro ipsa quæ mandavit Jephthæ pertractare omnia nimis longum est festinantibus nobis. Videntur tamen mihi sic intelligenda, quantum attinet ad significationem futurorum, ut in eis advertatur doctrina Christi. Admonet nos quemadmodum sit ambulandum, hoc est, vivendum inter eos qui non secundum propositum vocati sunt: *Novit enim Dominus, qui sunt ejus* (*II Tim. ii*). Jam vero quod eum esset debellaturus inimicos, factus est super eum spiritus Domini, significatur Spiritus sanctus imperitus membris Christi. Quod autem *pertransit Galaad, et Manasse, et transit speculam Galaad, et ab specula Galaad transit ad filios Ammon*, proficientia significantur membra Christi ad victoriam de inimicis reportandam. Galaad quippe interpretatur *abjiciens*, et Manasse *necessitas transeundi*. Transeundi sunt ergo a proficientibus abicientes, id est, contemnentes; transeunda et necessitas, ne forte cum transierit contemnentes qui proficit, cedat terrentibus, Transeunda etiam specula Galaad, quoniam Galaad etiam *revelatio* interpretatur. Est autem specula altitudo ad prospiciendum vel ad despicendum, id est, desuper aspiciendum. Specula itaque Galaad congruenter mihi videtur significare superbiam revelationis, unde dicit Apostolus: *Et in magnitudine revelationum ne extollar* (*II Cor. xii*). Ergo et ipsa transeunda est, id est, non est in ea manendum, propter cadendi periculum. His pertransitis, facile superantur inimici, quod significat dicendo: *Et ab specula Galaad transit ad filios Ammon*, de quibus inimicis jam supra dictum est.

*Et vocit Jephthæ votum, et dixit: Si traditione tradideris mihi filios Ammon in manu mea, et erit quicumque exierit de januis domus meæ in obrimam mihi in revertendo me in pace a filiis Ammon, et erit Domino, et offeram eum holocaustoma.* Quemlibet in hoc loco cogitaverit, Jephthæ secundum cogitationem humanam, non videtur unicam filiam cogitasse; alioqui non diceret, cum illam cernat occurrisse: *Hæc mea filia mea, impedisti me, in offendiculum facta es in oculis meis.* Impedisti enim ita dictum est, tan-

quam ad hoc se impeditum judicaverit, ne illud quod cogitaverat impleverit. Sed quem potuit cogitare primitus occurrentem, qui filios alios non habebat? An conjugem cogitavit, et ut hoc fieret Deus noluit, et ut non relinqueret impunitum, ne quis deinceps id auderet; et ut magna providentia ex hoc quoque ipso quod accidit, sacramentum Ecclesiae figuraret. Ex utroque igitur prophetia coaptata est; ex eo quod vovens cogitavit, et ex eo quod nolenti contigit. Si enim conjugem cogitavit, conjux Christi Ecclesia est: *Propterea relinquet homo patrem et matrem, et adheret uxori suae, et erunt duo in carne una* (Gen. II). *Sacramentum hoc magnum est*, inquit Apostolus, *ego autem dico in Christo et in Ecclesia* (Eph. v). Sed quia hujus Jephthe conjux virgo esse non potuit, in eo quod filia potius occurrit, et inulta non remansit, prohibitum sacrificium vovens audacia, et virginitas Ecclesiae figurata est. Nec abhorret a vero, quod filiae nomine eadem significatur Ecclesia. Nam cujus alterius typum gerebat etiam illa muller, cui post tactam ambriam suam sanatae, ait Dominus: *Filia, fides tua te salvam fecit; vade in pace* (Matth. ix). Et certe unde nullus ambigit, discipulos suos ipse sponsi filios appellavit, se apertissime indicans sponsum: *Non possunt*, inquit, *jejunare filii sponsi, quando cum illis est sponsus. Veniet autem dies, cum auferetur ab eis sponsus, et tunc jejunabunt* (Ibid.). Holocaustoma ergo erit Ecclesia, quam virginem beatus Apostolus appellat (II Cor. II), quando in resurrectione mortuorum fiet in universa, quod scriptum est: *Absorpta est mors in victoria: tunc tradet regnum Deo et Patri* (I Cor. xv). Quod regnum ipsa Ecclesia est, rex ipse cujus figuram vovens ille gestabat. Sed quoniam tunc fiet, cum completa fuerit sexta aetas, ideo sexaginta dierum a virginitate dilatio postulata est. Ex omnibus quippe aetatibus Ecclesia congregatur. Quarum prima est ab Adam usque ad diluvium; secunda a diluvio, id est, a Noe usque ad Abraham; tertia ab Abraham usque ad David; quarta a David usque ad transmigrationem in Babyloniam; quinta ab hac transmigratione usque ad Virginis partum; sexta inde usque in hujus seculi finem. Per quas sex aetates tanquam per sexaginta dies flevit sancta virgo Ecclesia virginalia sua, quia licet virginalia, tamen fuerant peccata defenda; propter quae universa ipsa virgo toto orbe diffusa quotidie dicit: *Dimitte nobis debita nostra*. Eosdem autem sexaginta dies duos menses maluit appellare, quantum existimo, propter duos homines; unum per quem mors, alterum per quem resurrectio mortuorum; propter quos etiam duo testamenta dicuntur.

Quod vero factum est in praecepto in Israel ex diebus in dies conveniebant lamentari filiam Jephthe Galaaditen quatuor dies in anno, non puto significare aliquid post impletum holocaustoma, quod erit vitam aeternam; sed praeterita tempora Ecclesiae, in quibus erant beati lugentes. Quatriduo autem figurata est ejus universalitas propter quatuor partes or-

A bis, per quas longe lateque diffusa est. Ad historiam vero proprietatem, non arbitror hoc decrevisse Israelitas, nisi quia intelligebant in ea se iudicium Dei magis ad percipiendum patrem fuisse depromptum, ne tale vovere sacrificium deinceps ullus auderet? Nam quare luctus et lamentatio decerneretur, si votum illud laetitia fuit?

Si autem et illud quod populus Ephraem postea ab eodem Jephthe debellatus est, ad iudicium Dei quod erit in fine referendum est, sicut ipse Dominus dicit. *Eos qui noluerunt me regnare sibi, adducite et interfecite coram me* (Luc. xix); nec ibi quadraginta duo millia, quae ceciderunt vacanti numero commemorata sunt. Sicut enim illi duo menses propter sexaginta dies senarium numerum sex aetatem significant, ita et ibi sexies septenarius ductus hoc idem figurat, quantum ad sex aetates saeculi pertinet; sexies enim septem quadraginta duo sunt; nec frustra et ipse Jephthe sex annis populum judicavit.

#### CAPUT XVI.

*De Manue et uxore ejus sterili, quibus angelus Domini promisit filium Samson Nazaraeum Domini, et de holocausto quod idem Manue ab angelo admonitus offerebat Deo.*

(CAP. XIII.) *Erat autem vir quidam de Sarra, et de stirpe Dan, nomine Manue, habens uxorem sterilem. Cui apparuit angelus Domini, et dixit ad eam: Sterilis es, et absque liberis; sed concipies et paries filium. Cave ergo ne vinum bibas, ac siceram, nec immundum quidquam comedas; quia concipies et paries filium, cujus non tanget caput novacula; erit enim Nazaraeus Dei ab infantia sua, et ex matris utero, et ipse incipiet liberare Israel de manu Philistinorum. Quae est potest quomodo dixerit angelus ad matrem Samson, cum annuntiaret ei filium futurum, quia sterilis erat: Et nunc observa, et non bibas vinum et siceram, non manduces omne immundum. Quid est enim immundum, nisi forte dissolutio disciplinae, quae esse coeperat in Israel, et jam ad ea manducanda eos labefecerat, quae prohibuerat Deus in generibus animalium? Cur enim non credatur etiam hoc eos multo proclivius facere potuisse, qui etiam ad cultum idolorum transgrediebantur?*

*Quae cum venisset ad maritum suum, dixit ei: Vir Dei venit ad me, habens vultum angelicum, terribilis nimis. Quem cum interrogassem quis esset, et unde venisset, et quo nomine vocaretur, noluit mihi dicere. Quod mater Samson viro suo indicans quemadmodum illi angelus annuntiaverit filium futurum dixit: Et interrogabam eum unde esset, et nomen suum non annuntiavit mihi, quae est potest utrum verum dixerit, quoniam non legitur, cum ei angelus loqueretur? Sed intelligendum est hoc ibi Scripturam tacuisse, hic autem commemorasse quod ibi tacuerat. Illud etiam quod non ait: Interrogavi eum quid vocaretur, et nomen suum non annuntiavit mihi, sed ait: Interrogavi unde esset, videtur inconsequens quod addit: Et nomen suum non annuntiavit mihi; non enim nomen ejus interrogaverat, cum quaereret unde esset*

sed locum vel civitatem, cum hominem putaret. Nam et hominem Dei eum appellavit, specie tamen vel habitu angelo similem, hoc est, quia tam præclarum vidit, sicut ipsa narravit. Sed si ita distinguatur: *Et interrogabam eum unde esset et nomen suum, ut subaudiatur, interrogabam eum, et postea inferatur, non annuntiavit mihi, non habet questionem: ad utrumque enim referri potest quod ait, Non annuntiavit mihi, id est, unde esset, nec nomen suum. Sed hoc respondit: Ecce concipies et paries filium. Cave ne vinum bibas ac siceram, et ne aliqua vescaris immundo; eris enim puer Nazareus Dei ab infantia sua, et ex utero matris usque ad diem mortis suæ, et cætera. Item quod ait eadem mulier dictum sibi esse ab angelo, quoniam Nazareus Dei erit puer, a ventre usque ad diem mortis suæ, non legitur ab angelo dictum. Et quod legitur dictum: Ipse incipiet salvum facere Israel de manu Philistinum, non est a muliere commemoratum. Ita et aliquid non dixit quod audivit; et tamen nihil credenda est dixisse quod non audivit; sed Scripturam potius non omnia verba angeli posuisse, cum ipsum mulieri loquentem insereret narrationi. Ideo autem dictum est: A ventre usque ad diem mortis suæ, quia Nazaræi dicebantur in lege, ad tempus qui votum habebant, secundum ea quæ Scriptura per Moysen præceperat (Num. vi). Unde est hoc quod huic jussum est, ut ferrum non ascenderet in caput ejus, et vinum et siceram non biberet, hoc enim tota vita sua observavit Samson, quod illi qui vocati sunt Nazaræi certis diebus observabant votentes votumque reddentes.*

Dixitque Manue ad angelum Domini: *Obsecro te ut acquiescas precibus meis, et faciamus tibi hædum de capris. Cui respondit angelus Domini: Si me cogis, non comedam panes tuos. Sin autem vis holocaustum facere, offer illud Domino. Et nesciebat Manue quod angelus Dei esset, et cætera. Quod dicit Scriptura quoniam ignoravit Manue quod angelus Dei est, manifestum est etiam ejus uxorem hominem credidisse. Quod ergo ei dixit: Vis faciamus tibi nunc in conspectu tuo hædum caprarum? tanquam hominem invitavit, sed ita ut hoc cum illo epularetur, quod sacrificium fecisset. Nam facere hædum caprarum non solet dici, nisi cum sit sacrificium. Denique et ille ita respondit: Si vim feceris mihi, non manducabo de panibus tuis; ubi ostendit se fuisse ad epulas invitatum. Deinde addidit: Et si feceris holocaustum, Domino offeres illud. Utique ideo dixit, si feceris holocaustum, quia ille dixerat: Faciamus in conspectu tuo hædum caprarum. Non autem omne sacrificium holocaustum erat; nam de holocausto non manducabatur, quia totum incendebatur, et ideo vocabatur holocaustum. Sed angelus etiam non manducaturus, holocaustum fieri potius admonuit, non tam sibi, sed Domino propter hoc maxime, quia gens Israel illo tempore consueverat quibuslibet diis falsis sacrificare. Unde et tunc offenderat Deum, ut traderetur inimicis per quadraginta annos.*

Cumque ascenderet flamma altaris in cælum, angelus Domini in flamma pariter ascendit. Quod cum vidissent Manue et uxor ejus, promi ceciderunt in terram, et ultra non eis apparuit angelus Domini. Statimque intellexit Manue angelum Domini esse, et dixit ad uxorem suam: *Morte moriemur, quia vidimus Dominum, et reliqua. Quid sibi vult quod posteaquam manifestatus est Manue et uxori ejus angelus qui cum eis loquebatur, dixit idem Manue uxori suæ: Morte moriemur, quoniam Deum vidimus; ex illa scilicet legis sententia ubi scriptum est: Nemo potest faciem meam videre et vivere (Exod. xxxiii).* Opinabantur ergo ut homines Deum se vidisse tanto utique miraculo facto, quod in igne sacrificii stetit, qui cum illis prius quasi homo loquebatur. Sed Deum in angelo, an Deum ipsum angelum appellabant? Sic enim scriptum est: *Et sumpsit Manue hædum caprarum, et sacrificium obtulit super petra Domino mirabilia facienti, et Manue et uxor ejus expectabant. Et factum est, dum ascenderet flamma desuper altare ad cælum, et ascendit angelus Domini in flamma. Quod cum vidissent Manue et uxor illius ceciderunt super faciem super terram, et non apposuit ultra angelus Domini apparere ad Manue et ad uxorem ejus. Tunc cognovit Manue, quoniam angelus Domini est, et dixit Manue ad uxorem suam: Morte moriemur, quoniam Deum vidimus.* In his ergo verbis, quia non dixit: *Morte moriemur, quoniam angelum Domini vidimus, sed, Deum vidimus, oritur quæstio utrum in angelo intelligebant Dominum, an eundem angelum Deum vocabant. Illud enim tertium, quod Deum putaverant qui erat angelus, dici non potest, apertissime dicente Scriptura: Tunc cognovit Manue, quoniam angelus Domini est.* Sed unde metuebant mortem? non enim Scriptura in Exodo dixerat: *Nemo videbit faciem angeli, et vivet; sed, faciem meam dixit, cum Deus loqueretur.* An et in hoc ipso, quod in angeli præsentia Deum cognoverat Manue, ita perturbatus est ut timeret mortem. Quod autem illi uxor sua respondit: *Si vellet Dominus mortificare nos, non accepisset de manu nostra holocausta et sacrificium, nec illuminasset nobis omnia hæc, sed nec audita fecisset nobis hæc: utrum ipsum angelum crediderunt accepisse sacrificium, quia viderunt eum in altaris flamma stetisse? an per hoc intellexerunt accepisse Dominum, quia hoc fecit angelus, ut se ostenderet angelum? Quodlibet autem horum sit, jam tamen angelus dixerat: Si autem facis holocaustum, Domino offer illud, hoc est, non mihi sed Domino, Quod ergo stetit angelus in altaris flamma, magis significasse intelligendus est illum magni consilii Angelum in forma servi, hoc est, in homine quem suscepturus erat, non accepturum sacrificium, sed ipsum sacrificium futurum. Quid est quod ad visionem angeli vir sit timidus, et mulier audax? nisi quod nobis quoties cœlestia demonstrantur, spiritus quidem pavore se concutit; se tamen spes præsumit. Inde namque spes ad majora audenda se erigit, unde turbatur spi-*

ritas, qui ea quæ superna sunt prior vidit; quia cum altiora secretorum cœlestium sublevata mens conspicit, cuncta humanarum virium soliditas contremescit.

## CAPUT XVII.

*De ultione quam fecit Sampson in Philistæis, propter sponsam sibi ablatam.*

(CAPUT XV.) *Ascenderuntque Philistiim et combusserunt tam mulierem quam patrem ejus, quibus ait Sampson: Licet hoc feceritis, tamen adhuc ex vobis expetam ultionem, et tunc quiescam. Percussitque eos ingenti plaga ita ut stupentes suram femori imponderent. Et descendens habitavit in spelunca petra Etham.* Hoc in editione LXX interpretum legitur: *Percussit alienigenas Sampson tibiam super femur.* Quid est quod dictum est, quod percussit alienigenas Sampson tibiam super femur? Quis enim habet tibiam super femur cum tibia deorsum versus non sit, nisi a genu usque ad talum? Deinde si locum corporis significaret ubi eos vulneravit, nunquidnam omnes quos percussit, in uno corporis loco fuerat vulneraturus? Quod si esse credibile, possemus forsitan suspicari eum pugnasse tibia alicujus animalis, tanquam fuste, et ea illos super femur percussisse, sicut de illo scriptum est, quod maxilla asini mille occiderit. Sed neque illud, ut dixi, credibile est quod pugnans unum tantum locum observaverit ubi eos percuteret. Et non ait Scriptura, Percussit eos tibia super femur, sed tibiam super femur. Nimirum ergo iusitata locutio facit obscuritatem: ita enim dictum est ac si diceretur, Percussit eos valde mirabiliter, id est, ut admirando stupentes tibiam super femur ponerent, tibiam scilicet unius pedis super femur alterius, sicut solent sedere qui mirando stupent: tanquam si diceretur, Percussit eos manum ad maxillam, id est, tanta cæde, ut manum ad maxillam tristi admiratione ponerent. Hunc sensum ita se habere etiam interpretatio, quæ est ex Hebræo, satis edocet; nam ita legitur: *Percussit eos ingenti plaga, ita ut stupentes suram femori imponderent;* tale est enim ac si diceret, Tibiam femori imponderent; quoniam sura utique retrorsus cum tibia est.

## CAPUT XVIII.

*Quod tria millia virorum de Juda Sampson voluerunt tradere in manus Philistinorum, quibus ille traditus percussit ex Philistiim in mandibula asini mille viros.*

(Ibid.) *Descenderunt ergo tria millia virorum de Juda ad specum silicis Etham, dixeruntque ad Sampson: Nescis, quod Philistiim imperent nobis? Quare hoc facere voluisti? Quibus ille ait: Sicut fecerunt mihi feci eis. Ligare, inquit, te venimus, et tradere in manus Philistinorum. Respondit: Jurate mihi, quod me non occidatis, et reliqua. Septuaginta: Et ait Sampson viris Juda: Jurate mihi, ne interficiatis me vos, et tradite me eis, ne forte occurratis in me vos. Quid est, quod ait Sampson viris Juda: Jurate mihi, ne interficiatis me vos, et tradite me eis, ne forte occurratis in me vos? Quam locutionem ita nonnulli interpretati sunt, ne forte veniatis ad-*

PATROL. CVIII.

*versum me vos.* Sed hæc eum, ne ab his interficeretur dixisse, illud indicat quod in libro Regnorum scriptum est, jubente Salomone, ut homo occideretur, et dicente: *Vade, occurre illi (III Reg. n),* quod ideo non intelligitur, quia non est consuetudinis apud nos ita dici. Sic enim quod militares potestates dicunt: *Vade, allela illum,* et significat, *occide illum,* quis intelligat, nisi qui illius locutionis consuetudinem novit? Solet et vulgo apud nos dici, *compendiabit illi,* quod est, *occidet illum,* et hoc nemo intelligit nisi qui audire consuevit. Hæc est enim vis generalis omnium locutionum, ut quemadmodum ipsæ linguæ, non intelligantur, nisi audiendo vel legendo discantur. *Inventusque maxillam,* id est, mandibulam, *asini, qua jacebat, arripiens interfecit in ea mille viros, et ait: In maxilla asini, in mandibula pulli asinarum delevi eos, et percussi mille viros,* et reliqua. Quorum hic per maxillam asini, nisi prædicatorum Ecclesiæ personæ signantur? Redemptor enim noster simplicitatem atque patientiam prædicantium suæ manu virtutis tenens a vitis suis carnalibus interfecit; et, maxilla in terram projecta, postmodum aquas fudit, quia data morti prædicatorum corpora, magna populis monstrare miracula.

## CAPUT XIX

*Quod Sampson fores portæ urbis Gazæ cum postibus suis nocte tulit, atque in montem portavit; et quod concupivit in Gaza mulierem meretricem, a qua ipse per proditionem deceptus est.*

(CAPUT XVI.) *Abiit quoque in Gazam, et vidit ibi mulierem meretricem, ingressusque est ad eam. Quocum audissent Philistiim, et percubisset apud eos intrasse urbem Sampson, circumdederunt eum, impositis in porta civitatis custodibus, et ibi tota nocte cum silentio præstolantes ut facto mane exeuntem occiderent. Dormivit autem Sampson usque ad noctis medium. Et inde consurgens, apprehendit ambas portæ fores cum postibus suis et sera, impositasque humeris suis portavit ad verticem montis, qui respicit Hebron, et reliqua. Quem in hoc facto, nisi Redemptorem nostrum, Sampson ille significat? Quid Gaza civitas, nisi infernum, signat? Quid per Philistæos, nisi Judæorum perfidia, demonstratur? qui cum mortuum Dominum viderent, ejusque corpus in sepulcro jam positum, custodes illico deputaverunt et eum, qui auctor vitæ claruerat, in inferni claustris retentum, quasi Sampson in Gaza, se deprehendisse jactati sunt. Sampson vero nocte media non solum exiit, sed etiam portas civitatis tulit; quia Redemptor noster videlicet ante lucem resurgens, non solum liber de inferno exiit, sed ipsa etiam inferni claustra destruxit, portas tulit, et montis verticem subiit, quia surgendo claustra inferni abstulit, et ascendendo cœlorum regna penetravit. Sampson divina promissione generatur, spiritum comitantem habebat. Sic enim legimus quia benedixit eum Dominus, et coepit spiritus Domini comitari eum in castra; et ideo futurum prævidens sacramentum, ex alienigenis posebat uxorem, quod pater ejus ac mater ut scri-*

38

ptum est, ignorabant, quoniam a Domino est, meritoque fortior ceteris habebatur, quia cupi spiritus Domini dirigebat, quo duce solus nunc alienigenarum fugabat populos, nunc leonem, fortitudine insuperabilis, discerptum manibus dividebat. Utinam tam cautus ad servandam gratiam, quam fortis ad superandam bestiam! Et fortasse hoc non solum virtutis miraculum, sed etiam sapientiae mysterium, prophetiae oraculum fuit. Neque enim otiosum videtur, quod, cum contenderet ad mysterium nuptiarum, leo rugiens occurrit ei, quem manibus ille discerpsit; in cuius corpore consubio potiturus optato, congregationem apam reperit, et mel sustulit de ore ejus, quod patriedendum tribuit et patri. Habebat populus gentium mella, quia credidit, qui corpus feritatis erat ante, nunc Christi est. Nec ipsa vacat quaestio sacramentis, quam proposuit satellitibus suis, dicens; *De edenti exivit quæ, et de potente exiit dulce*. Denique eo usque mystica, ut tribus diebus ejus revelatio quæreretur, quæ non potuit, nisi per fidem Ecclesiae, die septima, completo legis tempore, post passionem Domini revelari. Sic enim habes, quia et apostoli ideo non intelligebant, quia Jesus nondum fuerat honorificatus. *Quid, inquit, dulcius melle? et quid fortius leone?* Ad quæ ille respondit: *Si non domuissetis vitulam meam, non invenissetis quaestionem meam*. O divinum mysterium! O evidens sacramentum! Evasimus interemptorem, potentem vicimus. Ibi nunc cibus vitæ est, ubi erat ante misera fames mortis, in salutem pericula, in suavitate amaritudo convertitur, gratia ex offensione processit, potentia ex infirmitate, vita de morte. Sunt tamen qui contrario putent fundari non potuisse conjugium, nisi occiso leone de tribu Juda: et ideo in corpore ejus, hoc est Ecclesia, apes repertas, quæ conduunt mella sapientiae, quia post Domini passionem magis apostoli crediderunt. Hunc igitur leonem Sampson quasi Judæus occiderit, sed in eo mel quasi in figura redimendæ hæreditatis invenerit, ut reliquæ salvæ fierent secundum electionem gratiæ (Rom. xi).

*Et cecidit, inquit, super eum spiritus Domini, et descendit in Ascalonem, et percussit inde triginta viros*. Neque enim poterat victoriam non tenere, qui sacramenta cernebat. Accipiunt itaque in scholis primum sapientiae conversationis insigne qui absolvent et reuuntiant quaestionem, rursus hic alio obruunt mysterio, quod uxor ejus aufertur. Et ideo vulpes incendunt manipulos alienigenarum; eos enim qui adversus divina sacramenta contendunt, decipere sua consuevit astutia. Unde iterum dicit in Canticis canticorum: *Prehendite nobis vulpes, pusillas exterminantes vineas, ut vineæ nostræ floreat* (Cant. ii). Bene pusillas vineas dixit, quia majores vineas exterminare non poterant, licet fortibus, et diabolus sit pusillus; ergo ille (ut compendium faciamus historiae, suo enim tempore totius lectionis digestio reservanda est) invictus quandiu habuit gratiam spiritalem, sicut Dei populus ille electus a Domino,

A ille Nazareus in lege. Invictus ergo Sampson, atque ita insuperabilis, ut in maxilla asini viros mille percuteret, ita plenus gratiæ cœlestis, ut etiam aquam in maxilla asini sitiens reperiret sive hoc admiraculum conferas, sive ad mysterium veritas, quod in populi foret humilitate gentilis et requies et triumphus, juxta quod scriptum est: *Qui te percussit in dexteram maxillam, præbe illi et alteram* (Matth. v). Per hanc enim injuriæ patientiam, quam erudiunt sacramenta baptismatis, de quibusdam stimulis iracundiæ triumphamus, ut morte obita resurrectionis requiem consequamur. Ille ergo Sampson, qui funes intextas nervis, qui novas restes, sicut mollia fila, dissolvit; ille Sampson, qui criminum suorum palo conscripta defixo vincula non sensit, quandiu habuit gratiam spiritalem; is, inquam, posteaquam spiritus Dei discessit ab eo, longe mutatus ab illo Sampson, qui rediit Allophytorum indutus exuvias, in mulieris genibus virtutis suæ degener colligatus et captus in justo crine tenditur. Tantumne ergo momentū crines habuere capitis, ut manentibus his, virtus invicta duraret: tunc autem capite fortitudo omnis viri subito solveretur? Non ita est, ut tantam vim corporaliū capillorum putem. Sunt quidam crines religionis et fidei, crines Nazareus in lege perfecti, in parcimonia et abstinentia consecrati, quibus illa in typo Ecclesia, quæ pedes Domini oleo perfuderat, verbi cœlestis vestigia detergebat, tunc eum et secundum carnem noverat Christum, juxta videlicet crines (de quibus dicitur: *Capillatura tua, ut greges caprarum*) (Cant. iv), ex illo capite pullulantes, de quo dictum est: *Caput enim viri Christus* (I Cor. xi). Et alibi: *Caput est aurum cefaz, crines ejus ac zeter nigri et boni*. Abietes navis Tharsis, quæ fluctibus supernatent, mundi tutum remigium salutis exhibeant. Unde in Evangelio Dominus noster visibilis captus et intelligibiles capillos quosdam esse significans ait: *Sed et capilli capitis vestri a Deo omnes numerati sunt* (Matth. x), spiritalium videlicet significans facta virtutum; neque enim de capillis nostris cura est Deo: quanquam et illud non absonum sit existimari, quia pro majestate divina eum latere nihil possit. Sed quid mihi prodest, si Deus omnipotens meos novit capillos? Illud mihi redundat et proficit, si honorum operum pervigil testis remunerationem gloriæ donet æternæ. Denique et ipse per Sampson non corporales, sed intelligibiles hos capillos declarans ait: *Et si tonsus fuero, discedet a me virtus mea*. Hoc de mysterio est. Nunc nos lectionis seriem consideremus. Supra habes, quia *benedixit eum Dominus, et cepit spiritus comitari cum eo*. Infra ait: *Et decidit super eum spiritus Domini*. Iterum ait: *Et si tonsus fuero, discedet a me virtus mea*. Posteaquam tonsus est, vide Scripturam quid dicat: *Dominus, inquit, discessit a me*. Vides ergo, quia ille, qui comitabatur, ipse discessit. Idem est ergo Dominus, qui spiritus Domini, hoc est, ipsum spiritum Dei, Dominum nuncupavit, sicut et Apostolus ait: *Dominus enim spiritus est; ubi*



*enim spiritus Domini, ibi libertas (II Cor. III).* Habes ergo Dominum. Dicit etiam Spiritum sanctum; non enim unus, sed unum sunt Spiritus sanctus et Filius. Hoc quoque loco virtutem dixit, et Spiritum significavit. Sicut enim Pater virtus, ita et Filius virtus, et Spiritus sanctus virtus est. De Filio legisti, Christum Dei virtutem esse atque sapientiam (I Cor. I). Legimus etiam quod virtus est Pater, sicut scriptum est: *Videbitis Filium hominis sedentem ad dexteram virtutis (Matth. xxvi).* Hic utique virtutem Patrem dixit, cujus ad dexteram Filius sedet sicut habet: *Dixit Dominus Domino meo: Sede ad dexteram meam (Psalm. cix).* Virtutem etiam Spiritum sanctum ipse Dominus nuncupavit, dicens: *Accipietis virtutem advententem in vos Spiritu sancto: ipse enim Spiritus virtus est (Act. I).*

*Sampson autem cum apprehendissent Philistinim, statim eruerunt oculos ejus, et duxerunt Gazam vincum catenis, et clausum in carcere molere fecerunt.* Secundum est quod aliquando prius oculus obtunditur, et postmodum captus animus per exteriora desideria vagatur, ut cæca mens, quo ducatur nesciat, et carnis suæ illecebris sese libenter subdat. Aliquando vero prius desideria carnis ebulliunt, et post longum usum illiciti operis oculus cordis claudunt. Nam sæpe mens recta cernit, nec tamen audenter contra perversa se erigit, et renitens vincitur, dum hoc ipsum, quod agit, dijudicans, carnis suæ delectatione superatur. Quia enim plerumque prius oculus contemplationis amittitur, et post per carnis desideria hujus mundi laboribus animus subjugatur, testatur Sampson ab Allophylis captus, qui postquam oculos perdidit, ad molam deputatus est, quia nimirum maligni spiritus postquam tentationum stimulis intus aciem contemplationis effodiunt, foris in circuitum laborum mittuntur.

#### CAPUT XX.

*Quod Sampson cæcus in convivium Philistinorum ad insultandum adductus, duas columnas domus concussit, et ruente tota fabrica secum plurimos hostium interfecit.*

(*IBID.*) *Et apprehendens ambas columnas quibus innitebatur domus, alteramque earum dextra, et alteram laeva tenens, ait: Moriatur anima mea cum Philistinim. Concussisque fortiter columnis, cecidit domus super omnes principes et cæteram multitudinem, quæ ibi erat, multosque plures interfecit moriens, quam antea vivus occiderat, et reliqua.* Cujus hoc loco per Sampson, nisi Redemptoris nostri, persona signatur? Sampson enim dum viveret, paucos occidit; everso vero templo, maximam adversariorum suorum multitudinem etiam ipse moriens stravit. Et, Dominæ nostro prædicante, pauci ex plebe Israelitica crediderunt; innumeri vero gentium populi viam vitæ illo moriente secuti sunt. Superbos namque, dum adhuc passibilis viveret, pertulit; a passibili vero vita mortuus, stravit. Hunc vero Sampson in semetipso dudum figuraliter expressit, qui paucos quidem dum viveret interemit; destructo autem templo, hostes

A innumeros, cum moreretur, occidit. Quia nimirum Dominus ab elatione superbiæ paucos cum viveret, plures vero, cum templum sui corporis solveretur, extinxit, atque electos ex gentibus, quos vivendo sustinuit, simul omnes moriendo prostravit. Et ut breviter simul omnia quæ de Sampson dicta sunt colligam, allegorice Sampson, quondam Domini Nazaræus, habet quidam in typum Christi gestum. Primum, quod ab angelo nativitas ejus annuntiatur. Deinceps, quoniam Nazaræus dicitur, et ipse liberat Israel de hostibus. Postremo, quod templum illorum subvertit, et perierunt multa millia hominum, qui illum illuserunt. Nativitas ista Sampson, quæ per angelum annuntiatur, similitudinem habet primum prophetarum, qui nativitatem Domini secundum carnem annuntiaverunt; deinceps etiam angeli, qui ad Mariam loquuntur, dicens: *Mariæ, invenisti gratiam ante conspectum Domini, et accepisti in utero, et paries filium, et vocabitur nomen ejus Emmanuel; hic enim salvum faciet populum a peccatis eorum (Luc. I).* Sampson autem interpretatur, *sol.* Sed quia et Redemptor noster *sol* appellatur, audi ipsam Dominum Jesum per prophetam eo nomine vocari: *Orietur vobis sol justitiæ, et sanitas in pensis ejus (Matth. IV).* Vere enim hic sol justitiæ est, qui omnium credentium mentes cœlesti lumine clarificat; hic vere Nazaræus et sanctus Dei, cujus in similitudinem ille Nazaræus est nuncupatus. Iste ergo cum tenderet ad mysterium nuptiarum, leo rugiens occurrit ei. Sed quis primum erat in Sampson, obvium leonem necans, cum petendæ uxoris causa ad alienigenas tenderet, nisi Christus, qui Ecclesiam vocaturus ex gentibus dicit: *Gaudete, quia ego vici mundum (Joan. XVI).* Quid sibi vult ex ore ejus leonis occisi favus extractus, nisi, quia, ut conspicimus, gentes ipsæ regni terreni, quæ adversus Christum ante fremuerant, nunc jam perempta feritate dulcedine evangelicæ prædicationis etiam monumenta præbent? Item quod in semetipso expressit, quod paucos quidem, dum viveret, interemit; destructo autem templo, hostes innumeros, cum moreretur, occidit: quia nimirum Dominus ab elatione infidelitatis paucos cum viveret, plures vero cum templum sui corporis solveretur, extinxit, atque elatos ex gentibus, quos vivendo sustinuit, simul omnes moriendo prostravit. Jam vero reliqua ejus, quod ei mulier subdola caput raserit, et Allophylis illudendum tradiderit, quod captivatus est, quod cæcatus est, quod ad molam deputatus est: in his non Christus, sed illi figurantur qui solo tantum in Ecclesia Christi nomine gloriantur, et malis actibus jugiter implicantur. Vir enim in nobis sensus rationalis intelligitur, caro autem quasi in typo mulieris accipitur. Si enim mulieri, id est, carni nostræ blandiente libidine vel reliquis malis operibus cesserimus, gratia spiritus, quæ Nazaræi crine significatur, nudati exspoliatur atque decipimur: ita enim superbis et peccatoribus, violata Christi gratia, sicut Sampson incisa coma, diabolus illudit. Sed quid est quod Sampson ille ab Allophylis captus,

posteaquam oculos perdidit, ad molam deputatus est, nisi quod maligni spiritus postquam tentationum stimulis intus aciem contemplationis effodiunt, foris hominem in circuitum laborum mittunt? sicut jam supra dictum est. Quod si aliquando idem homo agendo poenitentiam redeat, ille velut coma reducitur, id est, gratia reforescente reparatur ad virtutem; deinde, cupiditatis ac luxuriæ subversis columnis, victores hostes dejicit, et reparato certamine in finem fortissime de omnibus triumphabit.

## CAPUT XXI.

*De ultione stupri in Benjaminitis ab Israel confecta.*

(CAP. XX.) *Egressi sunt itaque omnes filii Israel et pariter congregati, quasi vir unus, de Dan usque Benabbee et terra Galaad ad Dominum in Maspha, omnesque anguli populorum, et cunctæ tribus Israel in Ecclesiam populi Dei, convenerunt quadraginta millia pedum pugnatorum, et reliqua. Quod tribum Benjamin in carnis scelere dejectam demum collectus omnis Israel ulcisci voluisset, prius ipse prostratus est, et tunc peccatricem tribum funditus exstinxit: significat quod is qui semetipsum prius non iudicat, quid in alio rectum iudicet, ignorat; et si novit fortasse per auditum, quod rectum iudicare debeat, recte tamen iudicare aliena merita non valet, cui*

A conscientia innocentiae propriae nullam iudicii regulam præbet. Hinc est quod cum tribus Benjamin in carnis scelere fuisset obruta, collectus omnis Israel ulcisci iniquitatem voluit, sed tamen semel et iterum in belli certamine ipse prostratus est. At consulto Domino si ad ulciscendum ire debuissent, iussum est quia juxta divinæ vocis imperium perrexit, et semel, et secundum perdidit, et tunc demum, peccatricem tribum valde feriens, pene funditus exstinxit. Quid est ergo, quod in ultionem sceleris inflammatur, et tamen prius ipse prosternitur, nisi quod prius ipsi purgandi sunt, per duos aliorum culpæ feriuntur, et ipsi jam mundi per ultionem veniant, qui aliorum vitia corrigere festinant? Unde et insidiantibus quibusdam et puniendam adulteram B deducentibus dicitur: *Qui sine peccato est vestrum, primus in illam lapidem mittat (Joan. 1)*; ad aliena quippe ibant peccata punienda, et sua reliquerant; revocentur itaque intus ad conscientiam, ut prius propria corrigant, et tunc aliena reprehendant: unde necesse est ut, cum contra nos ultio divini examinis cessat, nostra se conscientia ipsa reprehendat, atque ad lamenta poenitentiae ipsa se contra semetipsam erigat, nec contra bonos elata, et sibi humilis; sed contra se rigida sit, bonis vero omnibus submissa.

## INCIPIIT

## COMMENTARIUM IN LIBRUM RUTH.

## CAPUT PRIMUM.

*Transitus Elimelech et Noemi uxoris suæ cum duobus liberis de Bethleem Juda in terram Moab, ut peregrinarentur ibi.*

Scrutantibus ergo historiam Ruth, supplicandum nobis eum esse censemus, qui de ejus stirpe nasci voluit, et homo inter homines conversari, qui idem et Deus est, ut sua gratia nos illustrare dignetur, quatenus aliqua de ipsa historia sensu mystico ad laudem ejus et ad utilitatem sanctæ Ecclesiæ opportune nos proferre concedat: ut totum sit ipsius muneris, et quod alienigena populo Dei dignanter associata est, et quod elinguis bonitatem ac misericordiam Dei prædicare permissus est. Unde primum consideremus quid illud significet, quod in capite ipsius historiæ scriptum est:

(CAP. I.) *In diebus unius iudicis, quando iudices præcerant, facta est fames in terra. Quid enim significat fames ista in terra in diebus iudicis unius? nisi quod ob raritatem spiritalium doctorum et magistrorum populi Dei, quibus iudicandi auctoritas est delegata, fames non panis nec cibi, sed audiendi verbum Dei in terra nata erat synagogæ, quando lex ipsa per Judaicas traditiones corrupta est (Amos viii), ac psalmi atque prophetæ, nec non et historiæ divinæ non secundum suam proprietatem veraciter intellectæ, sed secundum carnalem sensum stulta*

C interpretatione confusa sunt. *Abiit itaque homo de Bethleem Juda, ut peregrinaretur in regione Moabide cum uxore sua et duobus liberis.* Hunc hominem quidam Decalogum legis intelligi voluerunt, uxorem autem ejus Synagogam, et duos filios, duos honores sive ordines dignitatum, qui temporibus Veteris Testamenti regiminis loco dominari videbantur, hoc est, regalis honor atque sacerdotalis. Isti quippe ordines non solum in gente Judæorum, sed et in cæteris nationibus fure potestatis excellabant, atque ideo duarum plebium, Israelitarum videlicet et proselytorum, quodammodo sibi copulam acquirebant, sicut temporibus David, et Salomonis atque aliorum regum factum est. Alii autem ipsum hominem ad Dominum Jesum Christum referunt, qui per virginem natus in Bethleem Juda, peregrinationem hujus mundi visitare voluit cum uxore sua, sancta videlicet Ecclesia, quam exhibuit sibi formosam, non habentem maculam aut rugam (Eph. v), et cum duobus liberis, quos intelligere possumus duos ordines, hoc est, prophetarum et apostolorum, qui bene liberi dicuntur, quia Redemptoris nostri sanguine a peccati jugo et vetusta servitute liberati esse noscuntur.

*Ipse vocabatur Elimelech, uxor autem ejus Noemi, et duo filii, alter Maalon, et alter Chelion, Ephrathei de Bethleem Juda. Elimelech quippe interpretatur,*

*Deus meus.* Et quis hoc nomine melius censi potest **A** nominatus quam Salvator noster? ad quem Psalmista ait: *Intende voci orationis meae, rex meus et Deus meus* (Psal. v). Et Apostolus: *Quorum patres, inquit, et ex quibus Christus secundum carnem, qui est super omnia Deus benedictus in saecula* (Rom. ix). Uxor autem ejus vocabatur Noemi, hoc est, *pulchra*, cui sponsus in Cantico canticorum ait: *Pulchra es, amica mea, suavis et decora sicut Hierusalem, terribilis ut castrorum acies ordinata.* Duo autem filii Elimelech erant Maalon et Chelion; quorum prior interpretatur *de fenestra*, sive *a principio*; alter autem, *consummatio*. Sed prior bene potest per typum prophetas exprimere; quia per ipsos, quasi de fenestra, primum fidei lumen in orbem processit, ac ipsi veri luminis, quod est Christus, primi praedicatorum fuere. Sequens vero qui interpretatur *consummatio*, demonstrat Apostolos, qui hoc quod prophetae per aenigma designaverunt, apertis vocibus explanaverunt, atque ad consummationem pleni intellectus perdixerunt; ad quos ipsa Veritas in Evangelio ait: *Beati oculi qui vident quae vos videtis, et aures quae audiunt quae vos auditis. Dico enim vobis quod multi prophetae et justi voluerunt videre quae vos videtis, et non viderunt; et audire quae audistis, et non audierunt* (Luc. x). Isti ergo merito Ephraethi et de Bethleem Juda exorti memorantur, quia pane caelesti satiati per praedicationem Evangelii fructus colligebant credentium populorum. Ephraethus ergo *frugifer*, et Bethleem *domus panis*, atque Juda *confessio* dicitur. Praecipit ergo Dominus discipulis suis in Evangelio, ut turbas ipsi reficerent, dicens eis: *Vos date illis manducare* (Luc. ix). Et item: *Euntes, inquit, praedicate Evangelium regni* (Marc. xvi). Et item: *Ego, ait, elegi vos de mundo, ut eatis, et fructum deferatis, et fructus vester maneat* (Joan. xv).

*Ingressisque regionem Moabitidem, morabantur ibi; et mortuus est Elimelech maritus Noemi.* Ordinati ergo ab ipso Domino doctoribus et ad salutem hominum destinatis, qui in Judaea primitus, secundum praecipitum Domini, oves quae perierant domus Israel, requirere certabant, subito passio intervenit Redemptoris, qui posteaquam resurrexerat a mortuis, cum carne quam assumpsit de homine pro hominibus, ascendit in caelum, et sedit in dextera Dei, remansitque sponsa ipsius, hoc est sancta Ecclesia in incolatu istius mundi, cum filiis suis sanctis utique doctoribus, qui acceperunt uxores Moabitides, quarum una vocabatur *Orpha*, et altera *Ruth*, cum apostoli et praedicatorum sancti duarum plebium sibi associabant consortium, quia alii ex ipsis directi sunt ad praedicandum in circumcisionem, alii vero ad gentes convocandas in societatem fidei. Unde apostolus Paulus ad Galatas scribens, ait: *Qui enim operatus est Petro in apostolatu circumcisionis, operatus est et mihi inter gentes. Et cum cognovissent gratiam, quae data est mihi, Petrus et Jacobus et Johannes, qui videbantur columnae esse, dexteram dederunt mihi et Barnabae societatis, ut nos in gentes, ipsi autem in*

*circumcisionem, et caetera* (Gal. ii). Quod bene ipsa nomina mulierum exprimunt; Orpha enim interpretatur *cervix ejus*. Ruth vero, *videns*, vel *festinans*, sive *deficiens*. Et quid per Orpham, nisi credentes ex Judaeis designantur? qui cervicis nomine rite nuncupantur; quia robur fidei, et fortitudinem bonae operationis post resurrectionem Domini ipsi primi acceperunt, unde et de primitiva in Hierusalem Ecclesia scriptum est: *Quia multitudinis credentium erat cor unum, et anima una, nec quisquam eorum quae possidebat aliquid suum esse dicebat, sed erant illis omnia communia* (Act. iv). Quid autem per Ruth, quae videntis vel festinantis vel deficientis nomine decoratur, nisi obedientia et crudelitas gentium monstratur? de qua Dominus per Psalmistam ait: *Populus, quem non cognovi, servivit mihi. Ab auditu auris obediunt mihi* (Psal. xvii). Et item: *Aethiopia, inquit, festinavit manus ejus dare Deo* (Psal. lxxvii). Convocabantur ergo haec duae plebes per doctores sanctos ad consortium fidei, et ad societatem electorum per Evangelium sunt copulatae, quatenus ex diversis gregibus, secundum sententiam Domini, unum fieret ovile et unus pastor (Joan. x).

## CAPUT II.

*Quod ibi eis morantibus decem annis ambo liberi eorum mortui sunt, Mahalon videlicet et Chelion, remansitque mulier orbata duobus liberis et marito.*

(*IBID.*) *Manseruntque ibi decem annis, et ambo mortui sunt, Mahalon videlicet et Chelion. Remansitque mulier orbata duobus liberis et marito. Et surrexit ut in patriam pergeret cum utraque nuru sua de regione Moabitide. Audierat enim quod respexisset Dominus populum suum, et dedisset eis escas. Manserunt ergo duo filii Elimelech in terra peregrinationis suae decem annis, et mortui sunt, cum apostoli et prophetae post perfectionem pii laboris, quem habebant in doctrina plebium et exercitio virtutum, de incolatu istius mundi ad caeleste regnum migrarent, ut pro expleto Decalogo mandatorum, denarium acciperent aeternae beatitudinis. Remansitque mulier orbata duobus liberis ac marito, cum sancta Ecclesia in peregrinatione hujus mundi persistens, post ascensionem Dominicam in caelos, corporali praesentia carebat Salvatoris, licet majestate divinitatis cum ipsa sit semper. Sed neque ipsi apostoli et prophetae post obitum praesentis vitae, corporali conversatione, cum ea esse poterant, licet orationibus eorum et scriptis quotidie adjuveret. Surrexit quidem mulier, ut in patriam pergeret cum utraque nuru sua, eo quod audierat quod respexisset Dominus populum suum, cum maximo studio hoc agit mater Ecclesia, ut plebes quas apostoli et prophetae tempore suo instruebant, ad unitatem fidei, et societatem religionis Christianae perducant; quia veraciter Scriptura referente, didicit, quod justus nunquam sit derelictus (Psal. xxxvi), nec semen ejus eguerit pane, illo videlicet pane, qui de caelo*

descendit, hoc est, pane vitæ, quem qui veraciter manducaverit, non morietur in æternum (Joan. vi).

### CAPUT III.

*Quod egressa Noemi de loco peregrinationis suæ; cum utraque nuru, in terram Juda reverti disposuit, nurusque suas regredi in terram natalitatis suæ suasit.*

(IBID.) *Egressa est itaque de loco peregrinationis suæ cum utraque nuru, et jam in via posita revertendi in terram Juda, dixit ad eas: Ite in domum matris vestræ, faciat Dominus vobiscum misericordiam, sicut fecistis cum mortuis et mecum; det vobis invenire requiem in domibus virorum, quos sortituræ estis et osculata est eas, et cætera. Quid est quod hæc mulier adversando nuribus suis resistere videtur, ne secum in terram Israel pergant? Nisi quod sancta Ecclesia non indiscreto, sed rationabiliter ea quæ agenda sunt, agit, et quæ recipienda recipit: sicut et apostolus Joannes in sua epistola admonet, dicens: Nolite omni spiritui credere, sed probate spiritus si ex Deo sint (I Joan. iv); et ut probet, quod dona Dei, quæ in divinis charismatibus consistunt, non invitis, sed voluntariis offeruntur. Gratia enim Christi, quæ ultro offertur hominibus, spontaneos quærit acceptores, nec placebit Deo opus sive donum, quod malo expenditur animo. Unde ipse Dominus in lege ab Israel primitias expetens, locutus est ad Moysen, dicens: Loquere filiis Israel, ut tollant mihi primitias: ab omni homine, qui offert ultroneus, accipietis eas (Exod. xxv). Hinc et ipse Salvator in Evangelio legisperito tentanti respondit: Si vis ad vitam ingredi, serva mandata. Et item: Si vis perfectus esse vade, vende omnia, quæ habes, et da pauperibus, et habebis thesaurum in cælo, et veni, sequere me (Math. xix). Ubi enim cujusque voluntas requiritur, jam non necessitas imponitur, sed electio melioris proprio arbitrio relinquitur. Cæterum si ad Synagogam prædicta verba reflexeris, potest ei convenire, quia retrahit eos qui ad fidem Christi convenire cupiunt, et maxime illud, ubi superata veritate, infirmum se agnoscit, et effectam, dicens: Revertimini, filia mee, cur venitis mecum? Num ultra habeo filios in utero meo, ut viros ex me sperare possitis? Revertimini, filia Moabitæ. Jam enim senectute confecta sum, nec apta vinculo conjugali. Etiam si possim hæc nocte concipere et parere filios, si eos expectare vellis, donec crescant, et annos impleant pubertatis, ante eritis vetula quam nubatis. Nolite, quæso, filia mee, quia vestra angustia me magis premit, et egressa est manus Domini contra me. Vide synagogam confitentem veritatem, et supervenientes in se culpas non tacentem, a viro ac filiis relictam, hoc est, a Deo desertam, et regibus ac sacerdotibus suis privatam, et jam sterilem atque infirmam ad concipiendos atque pariendos filios, aptos ad servitium Dei, quia hoc solummodo post adventum Christi sanctæ Ecclesiæ reservatum est. Elevata igitur voce rursum flere cæperunt; Orpha*

*osculata est socrum, ac reversa Ruth adhæsit socrui suæ. Cui dixit Noemi: En reversa est cognata tua ad populum tuum et ad deos suos, vade cum ea. Quæ respondit: Ne adverseris mihi, ut relinquam te, et abeam quocumque perrexeris pergam. Ubi morata fueris, et ego pariter morabor: populus tuus, populus meus, et Deus tuus, Deus meus. Quæ te morientem terra susceperit, in ea moriar, ibique locum accipiam sepulturæ. Hæc mihi faciat Deus, et hæc addat, si non sola mors me a te separaverit. Per has duas mulieres, quarum una licet dolorem separationis in luctu ostenderit, tamen a socru secessit; altera destinato animo cum illa perseveravit, significatur distantia credentium. Nam alii post perceptam gratiam baptismi et societatem fidei retro ad errores pristinos relabuntur: quorum typum gessit Orpha, quæ ad deos suos et ad populum suum reversa est; alii vero diffinito consilio et instanti studio sequuntur gratiam quam perceperunt; quorum figuram Ruth expressit. Hæc ergo suadenti socrui, ut rediret cum socia in patriam suam, ait: Ne adverseris mihi; quocumque perrexeris, ubi morata fueris, et ego pariter morabor, etc. Quæ vox sine dubio typum manifestat fidei gentium: sic enim Ecclesia ex gentibus, ad Dominum convocata, relicta patria sua, quod est idololatria, et omissa carnali conversatione ac desideriis, profitetur Dominum suum esse, in quem sancti crediderunt, et illuc se ituram, ubi caro Christi post passionem ascendit, et præ ejus nomine in hoc sæculo pati usque ad mortem, et cum sanctorum populo, patriarchis scilicet ac prophetis, consociandum, de quorum societate, quod sanctis ex stirpe Abraham venientibus consociaretur, Moyses in cantico ostendit, dicens: Letamini, gentes, cum populo ejus (Deut. xxxii), id est, hi qui ex gentibus estis, credituri cum illis qui primi electi sunt, æterna lætitia exultate.*

### CAPUT IV.

*Quod Orpha revertente, Ruth cum Noemi permansit ac in terram Judam pervenit.*

*Videns ergo Noemi quod obstinate Ruth animo decrevisset secum pergere, adversari noluit nec ultra ad suos reditum persuadere. Profectæque sunt simul, et venerunt in Bethleem quibus urbem ingressis, velox apud cunctos fama percrebuit. Dicebantque mulieres: Hæc est illa Noemi, quibus ait: Ne vocetis me Noemi, id est, pulchram, sed vocate me Mara, hoc est, amaram, quia valde me amaritudinis replevit Omnipotens. Destinato ergo animo plebs gentium secuta est sanctos prædicatores in terram sanctam, et in civitatem Dei Bethleem, ut ibi educata prepararetur ad suscipiendum sponsum, qui de stirpe Abraham natus est; semen videlicet illud, in quo benedicentur omnes nationes terræ (Gen. xxii). Quod autem dicentibus mulieribus Noemi respondit: Ne vocetis me Noemi, id est, pulchram, sed vocate me Mara, hoc est, amaram, etc., significat quod sancta Ecclesia, tribulatione persecutionum pressa, præsentis mundi gaudia non amat, sed futuram gloriam*

quærit in cœlis. Unde in Cantico canticorum sponsa dicit: *Nigra sum, sed formosa, filiæ Hierusalem, sicut tabernaculum Cedar, sicut pellic Solomonis. Nolite me considerare, quod fusca sum, quia decoloravit me sol. Filii matris meæ pugnaverunt contra me* (Cant. 1). Si autem ad synagogam referre volueris prædicta verba Noemi, invenitur agnovisse calamitatem suam, quam post adventum Christi merito perversitatis suæ perpessa est; atque ob hoc refugit se puleherrimam vocari, quia tempora prosperitatis suæ conspicit finiri.

## CAPUT V.

*Quod messis hordearæ tempus hoc erat, quando Noemi cum Ruth, nuru sua, reversa est in Bethleem.*

(IBID.) *Venit ergo Noemi cum Ruth Moabitide nuru sua de terra peregrinationis suæ, ad reversa est in Bethleem, quando hordea primum metebantur.* Rediit quippe Noemi de peregrinatione sua ad populum suum ac urbem Bethleem, quando lex de doctrina populorum narrationis suæ ordinem ad mysterium convertit incarnationis Christi, ut eam auditoribus suis exponat atque commendet, et hoc in tempore messis hordearæ. Quid enim messis hordearia exprimit, nisi tempus Dominicæ passionis, quæ mense novorata, hæc est, primo mense confecta est? Bene ergo dicitur quod Noemi cum nuru sua messe hordearia ad Bethleem veniret, quando lex Dominum Salvatorem, quem docet in Bethleem natum, in Pascha, hoc est mense novorum prædicat occisum. Similiter et sancta Ecclesia hoc toto nisu agit, ut plebes, quas ad fidem convocat, mysterio imbuat Dominicæ incarnationis, passionis ac resurrectionis. Potest et messis hordearia non inconvenienter Judaicæ plebis exprimere credulitatem, quæ peracto sacramento passionis Christi, prædicantibus apostolis ad fidem primum convenit. Quæ et affibi quinque panibus hordeaceis pasta ab ipso Domino legitur (Joan. vi). Unde et in Actibus apostolorum, quando Spiritus sanctus super apostolos in die Pentecostes venit (Act. 11), prædicante Petro, et testimonio legis ac prophetarum effusam gratiam Spiritus sancti super centum viginti credentes comprobante, tria milia Judæorum ad fidem conversa baptizabantur in nomine Domini Jesu.

## CAPUT VI.

*De eo quod Booz, cognatus Elimelech, videns Ruth colligentem spicas remanentes post messorum suos, accersitatus est quæ esset hæc mulier.*

(CAP. II.) *Erat autem Elimelech consanguineus, homo potens, ac magnarum opum, nomine Booz.* Erat, inquit, vir Elimelech consanguineus. Quis est iste vir, qui consanguineus erat Elimelech? nisi Redemptor noster, qui cognatus erat legis atque legislatoris, quia per legem promissus de patriarcharum stirpe est natus, et originem habuit secundum carnem de gente Judæorum, de quo etiam Moyses ipse ad Israelitas loquens ait: *Prophetam suscitabit vobis Dominus de fratribus vestris, tan-*

*quam meipsum audietis* (Deut. xviii). Homo hic potens ac magnarum opum esse describitur. Potens utique, quia mundi principem debellavit atque universum orbem suo imperio subjugavit. Ipse et magnarum opum, quia cœli terræque possessor est, in quo sunt omnes thesauri sapientiæ et scientiæ absconditi; ad cujus opes etiam omnium virtutum bonarum copia pertinet; quia, secundum Apostolum, ipse est Dei virtus, et Dei sapientia. Nomine Booz. Booz enim fortitudo Dei nominatur. Unde et Isaias, parvulum filium natum commemorans, de ejus magnitudine subjunxit, dicens: *Factus est principatus super humerum ejus, et vocatur nomen ejus, Admirabilis, Consiliarius, Deus, Fortis, Pater futuri sæculi, Princeps pacis, et reliqua* (Isai. ix).

*Dixitque Ruth Moabitidis ad socrum suam: Si jubes, vadam in agrum, et colligam spicas quæ metentium fugerant manus, ubicunque clementis in me patrisfamilias reperero gratiam. Cui illa respondit: Vade filia mea. Abiit itaque, et colligebat spicas post terga metentium.* Agrum hic Ecclesiam fidelium accipere possumus; messem autem homines sanctos, qui digni sunt recolligere in horrea Domini; messorum angelos bonos; spicas remanentes, quosdam credentes, qui translatis quibusdam sanctis post electos angelos ad regnum cœlestis relictis sunt ad exemplum in præsentia vita degentium. Item ager disciplinam studii cœlestis significare potest; messis intelligentiam spiritalem; messorum prædicatores sanctos; spicæ remanentes sententias sanctarum Scripturarum, quæ multis per mysterium occultatis quasi planiores remanere videntur ad exercitium meditantium. Plebs ergo gentium inhiante ecclesiasticam disciplinam appetit, ut ad meditationem divinæ legis, et ad societatem sanctorum admittatur, ut sive spiritualibus documentis, sive sanctorum exemplis reficiatur: ne forte vacua virtutibus esuriente anima perpetuam sentiat, sed alimenta spiritalia suæ salutis competentia acquirat, ut habeat unde veraciter vivat.

*Accidit autem, ut ager ille haberet Dominum nomine Booz, qui erat de cognatione Elimelech. Ecce ipse veniebat de Bethleem dixitque messoribus: Dominus vobiscum. Qui responderunt ei: Benedicat tibi Dominus.* Ager ille Booz esse describitur, qui erat cognatus Elimelech, quia sancta Ecclesia ad nullum alium pertinet, nisi ad Dominum solum Jesum, cujus solummodo sponsa et corpus est, de quo et Psalmista ait: *Fortitudo mea et laudatio mea Dominus* (Psal. cxvii). Et item: *Dominus fortis, Dominus potens in prælio* (Psal. xxiii). De quo et Hieremias ait: *Dominus mecum est, tanquam bellator fortis* (Jer. xx). Ipse cognatus erat Elimelech, quia de Bethleem et de stirpe David natus, testimonia habuit a lege et prophetis; qui salutis verba suæ familiæ attulit, quia in ejus nativitate multitudo militiæ cœlestis canebat, dicens: *Gloria in excelsis Deo, et in terra pax hominibus bonæ voluntatis.* Cui etiam ante passionem suam ad Hierusalem descendenti turba, quæ

convenerat ad diem festum obviam cum laudibus et a ramis palmarum processit, dicens: *Benedictus qui venit in nomine Domini* (Matth. xxi).

*Dixitque Booz juveni, qui præerat messoribus: Cujus est hæc puella? Qui respondit: Hæc est Moabitide, quæ venit cum Noemi de regione Moabitide, et rogavit ut spicas colligeret remanentes, sequens messorum vestigia; et de mane usque nunc stat in agro, et ne ad momentum quidem domum reversa est.* Quid est quod Booz interrogat priorem messorum de Ruth, unde esset? nisi quod Redemptor noster quemlibet de apostolis, seu de præcipuis doctoribus qui minori gradui sacerdotum præest, quasi ignorans, de fide gentium sciscitatur, cum provocat eum ad annuntiandum testimonium fidei et operibus Ecclesiæ gentium. Instanter ergo post metentes, hoc est prædicatores mysteria Scripturarum colligentes sancta Ecclesia perseverat in agro lectionis divinæ, quatenus recolligat in sinum mentis suæ testimonia atque exempla virtutum suæ salutis sufficientia; et hoc agit a mane illucescentis fidei usque ad perfectionem sui operis boni; nec ad domum superstitionis antiquæ, unde egressa est, unquam revertitur; quia ea quæ retro sunt obliviscens, in anteriora se extendit, si quo modo perveniat ad bravium supernæ vocationis.

#### CAPUT VII.

*Quod Booz jubet Ruth in agro suo sine molestia cujuslibet spicas colligere, eamque ad prandium vocavit.*

(IBID.) *Unde et Booz ad Ruth ait: Audi, filia, ne vadas ad colligendum in alterum agrum, nec recedas ab hoc loco. Jungere puellis meis, et ubi mesuerint, sequere. Mandavi enim pueris meis ut nemo tibi molestus sit. Sed etiam si sitieris, vade ad sarcinulas, et bibe aquas, de quibus et pueri bibunt.* Hæc quippe verba nulli melius conveniunt quam Redemptori nostro, qui plebi de nationibus ad se convenienti suadens præcipit, ne ad momentum quidem a statu rectæ fidei declinet in errores hæreticorum, atque schismaticorum, sed magis jungat se sanctis animabus, quas significant puellæ Booz, ut ibi metant ubi illæ messuerint, utique Scripturas sacras meditando et bonis operibus eas implendo, sicque haustum sapientiæ divinæ ex ibris duorum Testamentorum, unde pueri sui bibunt, sancti videlicet doctores, et ipsa salubriter bibat.

*Quæ cadens in faciem suam, et adorans super terram, dixit ad eum: Unde hoc mihi, ut invenirem gratiam ante oculos tuos, et nosse me dignareris peregrinam mulierem? Cui ille respondit: Nuntiata sunt mihi omnia, quæ feceris socru tua post mortem viri tui, et quod dereliqueris parentes tuos et terram in qua nata es, et veneris ad populum quem antea nescibas. Reddat tibi Dominus pro opere tuo, et plenam mercedem recipias a Domino Deo Israel ad quem venisti, et sub cujus confugisti alas. Gratias refert Ecclesia gentium Salvatori, quod eam respicere misericordiæ suæ intuitu dignatus est: cui ille in-*

*dicavit placere sibi quod post mortem prioris viri, hoc est erroris atque diaboli, reliquerit parentes suos idololatrias et terram nativitatis suæ, carnalia utique desideria, et associare se appetivit populo sanctorum, qui sibi antea ignotus fuit, cum veteris hominis cupiditatem et actus sequebatur. Reddat, inquit, tibi Dominus pro opere tuo, et plenam mercedem recipias a Domino Deo Israel.* Opus Ecclesiæ est fides Christi; unde ipsa Veritas in Evangelio ait: *Hoc est opus Dei, ut credatis in eum quem misit ille* (Joan. vi). Hæc plenam mercedem accipiet a Domino, quia post finitum præsentis vitæ aborem æterna Dei visione perfrui merebitur in gloria cælesti; unde Dominus apostolis suis ait: *Petite, et accipietis, ut gaudium vestrum sit plenum* (Joan. xvi). Hæc merces reddetur Ecclesiæ a Deo Israel, sub cujus ipsa confugit alas. Alæ quippe Dei sunt duo Testamenta, sub quibus protegit omnes, qui confugiunt ad se Christus unigenitus Dei Filius, ad quem Psalmista desideranter ait: *In umbra alarum tuarum spero, donec transeat iniquitas* (Psal. xvi).

*Quæ ait: Inveni gratiam ante oculos tuos, Domine mi, qui consolatus es me, et losutus es ad cor ancillæ tuæ, quæ non sum similis unius puellarum tuarum.* His verbis humilitas Ecclesiæ ex gentibus declaratur, quæ se imparem tantæ gratiæ asseverat, nec se Ecclesiæ primitivæ de Judæis aliquo modo æquiparare audet. Unde in Evangelio sub typo Chanaanæ mulieris Domino dicent: *Non est bonum sumere panem filiorum, et mittere canibus; respondit, dicens: Etiam, Domine, nam et catelli edunt de micis que cadunt de mensa dominorum suorum* (Matth. xv). Hinc et centurio præsentiam Domini ad se ire volentis reverebatur, dicens: *Domine, non sum dignus ut intres sub tectum meum: sed tantum dic verbo, et sanabitur puer meus* (Matth. viii).

*Dixitque ad eam Booz: Quando hora vescendi fuerit, veni huc, et comede panem, et intingue buccellam tuam in aceto.* Hora quippe vescendi fuerat, quando post resurrectionem suam Dominus discipulis suis præcepit, dicens: *Ite, docete omnes gentes, baptizantes eas in nomine Patris, et Filii, et Spiritus sancti, docentes eos servare omnia quæcunque mandavi vobis* (Matth. xxviii). Antea ergo dictum est eis: *In viam gentium ne abieritis, et in civitates Samaritanorum ne introieritis* (Matth. x). Intingue, inquit, buccellam tuam in aceto. Quid ergo per acetum, nisi lex vetus, exprimitur, quæ diu in populo priore perseverans, Pharissæorum traditionibus corrupta, nativum saporis servare non potuit? Jubetur ergo Ecclesiæ, ut intinguat buccellam suam in aceto, hoc est, ut mysterium incarnationis Christi discat in Veteri Testamento esse prænuntiatum, et eo fortius illud fide teneat, quo tam longe antea præfiguratum non ignorat.

*Sedit itaque ad messorum latus, et concessit poleam sibi, comeditque, et saturata est, et tulit reliquias atque surrexit, ut spicas ex more colligeret.* Ad latus ergo messorum Ruth sedit, cum gentilitas sanctis

prædicatoribus per fidem se conjunxit; conguessit sibi A polenta, cum singula verba quæ audivit, subtili discretionem rimavit; comedit, et saturata est, cum scientiam divinæ legis devota mente capescens salubriter refecta est: tulit reliquias, atque inde, ut spicas ex more colligeret, surrexit, quia in corde retinens verba quæ audivit, ut majora perciperet instanter meditando laboravit.

Præcepit autem Booz pueris suis, dicens: Etiam si vobiscum metere voluerit ne prohibeatis eam; et de vestris quoque manipulis projicite de industria, et remanere permitte, et absque rubore colligat, et colligentem nemo corripiat. Agnoscitur pietas patrisfamilias, qui advenientem ad se mysticam Ruth non solum relictas spicas testimoniorum colligere permisit, quin etiam manipulos scientiæ insperatæ ex largitate sua insuper ultro expendit. Et nota quod absque rubore eam colligere præcepit, et ut colligentem nemo spernât; quia rudis plebis infirmitatem non despicit, nec pristinæ vitæ errores ei improbare conversæ permittit; sed studii sui sagacitatem efficaciam habere concedit.

#### CAPUT VIII.

De eo quod Ruth usque ad vesperam in agro suo morans, et quæ collegerat virga excutiens, invenit tres modios quos portans reversa est ad socrum suam.

(Ibid.) Collegit ergo in agro usque ad vesperam, et quæ collegerat virga cædens et excutiens, invenit hordei quasi ephi mensuram, id est, tres modios, quos portans reversa est in civitatem, et ostendit socru sui. Insuper protulit et dedit ei de reliquiis cibi sui, quo saturata fuerat. Excudit Ruth de manipulis grana, cum sancta Ecclesia virga discretionis sensum spiritalem de legis elicit littera; invenitque hordei quasi ephi mensuram, cum in ipsa lectione per sanctæ Trinitatis confessionem fidem discit catholicam. Nihil aliud ergo in ephi mensura, quæ tres modios habet, designari puto, nisi in una fide trinam confessionem, quia in una deitatis substantia trium est personarum proprietas. Hæc ergo portans in civitatem ostendit socru sui, cum plebs gentilis credulitatem suam integram sanctæ matri ostendit Ecclesiæ. Vel secundum alium sensum, Ecclesia gratiam, quam sponsi sui munere percepit, Synagogæ genitrici præsentat, quatenus eam provocet ad fidem, et de concesso secum lætetur dono. Solus ergo Christus est sponsus, cui illa veniens ex gentibus sponsa, ante inops atque jejuna; sed jam Christo messe diviti innuba, quæ manipulos fecundæ segetis, verbique reliquias gremio ligat mentis interno, ut exhaustam illam viduam morte filii, atque inopem defuncti populi matrem novis pascat alimentis, non relinquens destitutam viduam, et novos quærens. Solus ergo sponsus est Christus, qui nec synagogæ ipsi manipulos suæ messis invideat, utinam se non ipsa excluderet. Habuit quoque per se colligere, sed quia populus ejus est mortuus, quasi filio egena defuncto, per Ecclesiam

manipulos, quibus viveret, colligebat, quos venientes in exultatione portabunt, sicut scriptum est: Venientes autem venient in exultatione, tollentes manipulos suos (Psal. cxxv).

Dixitque ei socrus sua: Ubi hodie collegisti, et ubi fecisti opus, sit benedictus, qui misertus est tui. Indicavitque ei, apud quem fuisset operata, et nomen dixit viri, quod Booz vocaretur. Cui respondit Noemi: Benedictus sit a Domino, quoniam eandem gratiam, quam præbuerat vivis, servavit et mortuis. Rursumque: Propinquus, ait, noster est homo. Et Ruth: Hoc quoque, inquit, præcepit mihi, ut tandiu messoribus ejus jungerer, donec omnes segetes meterentur. Agnoscit propinquum mater Ecclesia per beneficia gratuita, quæ pietas summi patrisfamilias contulit populo gentium, et nominis sui ratione recordatur beneficiorum antiquorum, quibus sæpius usa est. Unde cum Psalmista ad Dominum dicit: Memor fui dierum antiquorum, et meditatus sum in omnibus operibus tuis, et in factis manuum tuarum meditabor (Psal. cxlii). Cognoscit etiam Synagoga, prædicata Ecclesia gentium, bonitatem et potentiam Domini, fortitudinem ac benignitatem sui protectoris, et tandem, veritate cogente, nomen Domini benedicit, eo quod servaverit gratiam mortuis, quam præbuerat vivis. Mortuis utique gentilibus, qui peccatis et idololatria dudum sepulti erant, gratiam suæ largitatis impendens, quam quondam populo Judæorum exhibuerat, cum beneficiis ipsius largissime utebantur, profitetur eum suum esse cognatum, quia remaniscitur de sua stirpe Salvatorem sibi esse promissum. Propinquus ergo Synagogæ Christus est secundum carnis cognationem, propinquus Ecclesiæ secundum spiritus conjunctionem, quia ipse caput Ecclesiæ, et Ecclesia corpus ipsius est. Quod autem Ruth commemorat sibi Booz præcepisse quatenus cum messoribus ejus jungeretur, donec segetes omnes meterentur, notissima vox est ipsius veritatis, quæ omnibus ad se venientibus persuadet, ut magis cum suis ad messionem spiritualis segetis jungantur quam cum alienis. Cui persuasioni etiam consentit ipsa socrus, dicens: Melius est filia mea, ut cum puellis ejus eas ad metendum, nec in alieno agro quispiam resistat tibi. Quia hoc laudat Ecclesia, hoc contradicere non potest synagoga, quod veritatis amatores majorem profectum habeant in conjunctione prædicatorum Evangelii, quam in societate hæreticorum atque schismaticorum. Ager enim alienus est doctrina nefanda hæreticorum, ubi semper jurgia et contentiones sunt, et nunquam veræ pacis tranquillitas.

Juncta est igitur puellis Booz, et tandiu messuit cum eis, donec hordea et triticum in horreis condeantur. Quid per hordea, quæ pabula sunt brutorum animalium, nisi littera legis veteris, quæ Judæis, tanquam brutis et insensatis jumentis, ad pastum data est, exprimitur? Et quid per triticum, nisi gratia Novi Testamenti, quæ quasi rationabilibus

animantibus ad refectionem collata est, designatur? Ubi non jam taurorum, arietum atque hircorum carnes ad altare offeruntur; sed agni immaculati caro et sanguis in panis ac vini specie quotidie a fidelibus in ara mystica immolatur. Juncta est ergo spiritalis Ruth puellis Booz, mystice in metendi officio, donec hordea et triticum in horreis conderentur, id est, tandiu adhæsit doctoribus in meditatione sacrarum Scripturarum, donec Veteris et Novi Testamenti notitiam pleniter in cellaria cordis sui reconderet, quatenus haberet sufficientem animæ suæ pastum, nec egena stipe ultra juxta portas alienas mendicare indigerit.

## CAPUT IX.

*Consilium Noemi ad Ruth, qualiter sibi provideat per ingenium futuras nuptias Booz.*

(CAP. III.) *Postquam autem reversa est ad socrum suam, audivit ab ea: Filia mea, quæram tibi requiem et providebo ut bene sit tibi. Booz iste, cujus puellis in agro juncta es, propinquus noster est, et hac nocte aream hordei ventilat. Lavare igitur et ungeri, et induere cultioribus vestimentis, ac descende in aream. Dat consilium Ecclesia primitiva gentium plebi, qualiter perveniat ad consortium veri sponsi, et ad copulam Filii Dei. Nocte, inquit, hac Booz aream hordei ventilat. Area autem hæc hordei, quæ est alta, nisi synagoga Judæorum, ubi legis hordeum conditum est? Hanc Booz noster tunc ventilavit, quando in Judæa Evangelium prædicans, singulorum consilia et voluntates erga se discussit. Unde de eo scriptum est in Evangelio: Jesus autem non credebat semetipsum eis, eo quod ipse nosset omnes, et non opus ei erat, ut quis testimonium perhiberet de homine, ipse autem sciebat quid esset in homine (Joan. n). Lavare igitur, et ungeri, et induere cultioribus vestimentis, ac descende in aream. Lavare, ait, hoc est, munda temetipsam aqua baptismatis, seu penitentiæ lacrymis, et ungeri oleo chrismatis, seu spiritali unctione Spiritus sancti. Induere cultioribus vestimentis, hoc est, ornamento omnium virtutum temetipsam præpara; ac descende in aream: illuc utique propera, ubi cognoscis Filium Dei conversari in terra, et humanum genus ad suam fidem et gratiam convocare. Sequitur: Non te videat homo, donec esum potumque friserit. Quid est quod eam videri prohibet, donec esum potumque homo finierit; nisi quod Ecclesiæ gentium credulitas non antea manifestata apparuit, quam Salvator mysterium incarnationis suæ implevit, quando inter homines corporaliter vivens, cibo ac potu usus est, et novissime ante passionem suam cum discipulis suis cœnans, corporis et sanguinis sui sacramenta illis commendavit. Postquam enim impletum est mysterium dispensationis Christi, jam Ecclesia de gentibus ad fidem catholicam fiducialiter accessit.*

*Quando autem ierit ad dormiendum, nota locum, in quo dormiat; veniesque et discooperies pallium, quo operitur, a parte pedum, et projicies te, et ibi facies; ipse autem dicet tibi quid agere debeas.*

A Dormitionem somni non aliam hic significari puto quam soporem mortis, quem Christus in passione sua pro nostra salute suscepit, unde omnium rerum possessionem sibi acquisivit. Ait autem: *Et ego si exaltatus fuero a terra, omnia traham ad meipsum (Joan. xii)*. Præcipit ergo Ecclesia gentium, ut nolet locum passionis ac mortis Christi, veniatque et discooperiat pallium quo operitur a parte pedum, et projiciat se, et ibi jaceat; ac si dicat: *Agnosce Christum pro te passum, veniasque mento devota, et discutias operimentum litteræ Veteris Testamenti, in quo sub velamine figurarum tegitur incarnationis Christi sacramentum; et cum cognoveris inde salutem tibi esse promissam, humilitate præcipua ad ejus auxilium confugas, ibique omni tempore sine ulla erroris mutatione permanes. Ipse autem dicet tibi quid agere debeas; quia necesse est tibi, ut ab ipso salvationis tuæ ordinem discas. Si autem ad synagogam hæc verba Noemi retuleris, reperias hoc in legis et prophetarum omnium vocibus resonare, quod post Christi passionem ventura ad fidem de gentibus fieret Ecclesia. Unde est illud Isaie prophete: *Propter scelus populi mei percussi eum, et dabit impios pro sepultura, et divitem pro morte sua, eo quod iniquitatem non fecerit, neque dolus fuerit in ore ejus. Et Dominus voluit conterere eum in infirmitate. Si posuerit pro peccato animam suam, videbit semen longævum, et voluntas Domini in manu ejus dirigetur. Pro eo quod laboravit anima ejus, videbit et saturabitur. In scientia sua justificabit ipse justus servus meus multos, et iniquitates eorum ipse portabit. Ideo disperitiam et plurimos et fortium dividet spolia, pro eo quod tradidit in morte animam suam, et cum sceleratis reputatus est, et ipse peccatum multorum tulit, et pro transgressoribus rogavit (Isai. liv). Lauda, sterilis, quæ non parit, decanta laudem, et hinni quæ non parlebas, quoniam multi filii tui, desertæ magis quam ejus quæ habebat virum, dicit Dominus (Isai. liv)*.*

## CAPUT X.

*Quod Ruth obediens consilio socrus suæ notavit locum ubi Booz dormiebat, et veniens juxta pedes se projecit.*

(IBID.) *Quæ respondit: Quidquid præceperis, faciam. Descenditque in aream, et fecit omnia quæ sibi imperaverat socrus. Obedientia Ecclesiæ meruit desiderii sui effectum; consensit verbo et statim impleverat facto, et ideo justissimus judex ipsius annuit voto. Unde et ipse Dominus, laudans fidem ipsius Ecclesiæ in Chananitide muliere, mox concessit quæ petivit dicens illi: *O mulier, magna est fides tua: fiat tibi sicut vis (Matth. v)*.*

*Cumque comedisset Booz, et bibisset, et factus esset hilarior, ivissetque ad dormiendum, juxta acervum manipulorum venit abscondite, et discooperito a pedibus ejus pallio se projecit. Comedit Dominus noster et bibit, cum in cœna mystica corporis et sanguinis sui sacramenta apostolis suis tradidit, unde pueri ejus, sicut scriptum est, communicaverunt corpori et*



sanguini, et ipse similiter participavit idem. Factus est hilarior, quia certus erat de sua resurrectione et nostra redemptione; itaque ad dormiendum juxta acervum manipulorum, cum complevit passionem suam juxta testimonia sacrarum Scripturarum. Unde in eadem nocte qua tradebatur, ad discipulos ait: *Filius hominis vadit, sicut scriptum est de illo (Matth. xxvi)*. Et alibi: *quoniam, inquit, necesse est impleri omnia quæ scripta sunt in lege et prophetis, et psalmis de me (Luc. xxiv)*. Vel certe ejus dormire juxta acervum manipulorum est, turmas fidelium animarum in morte sua de claustris eripere inferorum; quia ipse postquam in cruce emisit spiritum, descendit ad inferos, portas mortis confregit, indeque triumphans resurrexit in gloria. Ad istum lectum Redemptoris nostri properavit Ecclesia, et discoperto a pedibus ejus pallio, hoc est, revelato de incarnatione ejus sacramento, illuc se humiliter veniam deprecando et salutem quærendo prostravit.

Et ecce nocte jam media expavit homo, et centurubatus est, viditque mulierem jacentem ad pedes suos, et ait illi: *Quæ es? Illaque respondit: Ego sum Ruth ancilla tua; expande pallium tuum super famulam tuam, quia propinquus es*. Quid est quod in media nocte homo hic videns mulierem expavit, nisi quod mundo tenebris errorum involuto, Christus Ecclesiæ post fidei adventum celerem mirandum nobis ostendit: unde legitur ipse mirari in centurionis fide, qui præfiguravit incredulitatem populi gentilis (Matth. viii); non quod ipse quasi ignorans aliquid novum obstupesceret, sed ut omnia sciens nobis mirandum ostenderet in fide gentium, quod apud eum semper fiebat certum. *Vidit mulierem jacentem ad pedes suos*, quia Ecclesiam incarnationis suæ sacramentum humiliter venerari conspexit. Quæ esset, quæsivit; quia ejus professionem expetivit. At illa pallium super se expandi postulavit, quia ejus fidei ac protectionis gratiam ante omnia desideravit.

Et ille: *Benedicta, inquit, es filia, quia priorem misericordiam posteriore superasti, quia non es secuta juvenes pauperes sive divites. Noli ergo metuere; sed quidquid dixeris mihi, faciam tibi*. Quæ pallium super se expandi postulavit, benedictionem accipere meruit: quia quisquis gratiam fidei pleniter percipit, benedictionem virtutum spiritualium pariter possidebit. *Priorem, inquit, misericordiam posteriore superasti, quia non es secuta juvenes pauperes sive divites*. Prior misericordia erat, quod sibimetipsi consulens errores idololatriæ deseruit. Posterior misericordia est quod postquam ad Christum venit, constanter in ejus fide perseveravit. *Non es, inquit, secuta juvenes pauperes sive divites*. Juvenes appellat hæreticos sive schismaticos, qui non maturitatem veri consilii habent, sed semper instabiles, varios errores sequuntur. Hos ergo Ecclesia nullo modo est secuta, quia omnem perfidiam hæreticorum atque lasciviam peccantium est abominata. *Quidquid, ait, dixeris mihi, faciam tibi*. Taliter et in Evangelio Dominus discipulis suis locutus est, dicens: *Petite,*

*et accipietis (Joan. xvi)*. Et item: *Petite, dabitur vobis; quærite, et invenietis; pulsate et aperietur vobis (Matth. xvii)*. Et iterum: *Si quid petieritis Patrem in nomine meo dabit vobis (Joan. xvi)*. Quidquid ergo fides plena postulat salubriter petentis, benignitas concedit summi largitoris.

*Scit enim omnis populus, qui habitat intra portas urbis meæ, mulierem te esse virtutis; nec abnuo me propinquum. Sed est alius me propinquior; quiesce hac nocte, et facta mane si te voluerit propinquitatis jure retinere, bene res acta est. Si autem ille noluerit, ego te absque ulla dubitatione suscipiam*. Portæ urbis Christi sunt prophetæ et apostoli, de quibus Psalmista ex persona Ecclesiæ ait: *Mihi autem adhærere Deo bonum est, pñonere in Domino Deo spem meam, ut annuntiem omnes laudes tuas in portis filia Sion (Psal. lxxii)*. Sive portæ sunt ipsius urbis divini libri, quorum documento ad fidem catholicam intravimus. Sciunt ergo omnes, qui juxta has portas inhabitant, hanc mulierem esse virtutis, quia omnium fidelium cordibus hoc firmiter persuasum est, quod Ecclesia gentium virtutum ope ditissima sit de qua muliere in Proverbiis ita scriptum est: *Mulierem fortem quis inveniet? Procul et de ultimis finibus pretium ejus, et cætera*. Unde et doctrinæ ejus claritas, scientiæ magnitudo, fidei veritas, bonorum operum copia, patientiæ constantia, et charitatis perfectio ubique prædicatur. Quid est autem, quod Booz hic non abnuo, se Ruth esse propinquum, sed alium asserit sibi esse propinquiorem? Quomodo ergo alius est propinquior Ecclesiæ, quam Christus qui caput ipsius est? Sed hæc propinquitas secundum mysterium non ad cognationem generis, sed ad moram temporis. Iste enim propinquus intelligitur esse Joannes Baptista, qui putabatur a Judæis esse Christus (Joan. i), sed ille sibi nomen sponsi nullo modo usurpavit; quin potius illud vero sponso venerabiliter reservavit, dicens: *Qui habet sponsam, sponsus est, amicus autem sponsi, qui stat et audit vocem ejus (Joan. iii)*. Propinquior enim erat Joannes, quia in mundo prior natus; sed, ipso renuente consortium conjugii, sponsam suam verus accepit sponsus. Sunt qui hunc propinquum ipsum Decalogum legis intelligi volunt, hic in eo videbatur propinquior esse Synagoga quam Evangelium, quod specialiter illi populo datus est per Moysen, et prior erat tempore quam gratia. *Dormivit itaque ad pedes ejus usque ad noctis abscessum; surrexitque antequam homines se cognoscerant mutuo*. Dormivit Ruth spiritualis ad pedes Christi, cum in spe incarnationis ejus, unde sibi certam salutem credebatur esse venturam, quasi requiescens, patienter eum expectabat: et hoc usque ad noctis abscessum, scilicet usque ad tenebrarum infidelitatis remotum. *Surrexit antequam homines se mutuo agnoscerent*; quia antequam carnales Judæi, per doctrinam legis imbuti, naturæ suæ jura bene cognoscerent, Ecclesia de gentibus convocata, de inertia somno se excutiens, diluculo nascentis fidei sur-

rexit, atque ad Christi gratiam venire properavit. *Et dixit Booz : Cave, ne quis noverit, quod huc veneris.* Quomodo ergo latere potuit conversio gentium ad fidem Christi, cum in toto orbe terrarum hoc prædicatur, hoc laudatur, hoc celebratur? Sed cavere eam præcepit, ne quis noverit, hoc est, ut caveat, ne de conversatione sua laudem humanam, sed gloriam divinam quærat. Sic et in Evangelio ipse Dominus de eleemosynarum donatione, et orationis exhibitione præcepit, dicens : *Cum facis eleemosynam, noli tuba canere ante te, sicut hypocritæ faciunt in synagogis et in vicis, ut honorificentur ab hominibus. Amen dico vobis, receperunt mercedem suam. Te autem faciente eleemosynam, nesciat sinistra tua quid faciat dextra tua, ut sit eleemosyna tua in absconso, et Pater tuus, qui videt in absconso, reddet tibi in propatulo. Et cum oratis non eritis, sicut hypocritæ, qui amant in synagogis et angulis platearum stantes orare, ut videantur ab hominibus. Amen dico vobis, receperunt mercedem suam. Tu autem cum oraveris, intra in cubiculum tuum, et clauso ostio tuo ora Patrem tuum in absconso; et Pater tuus, qui videt in absconso, reddet tibi in propatulo (Matth. vi).*

## CAPUT XI.

*Reversio Ruth ad socrum quæ portavit sex modios hordei, narrans socruæ suæ omnia quæ facta fuerant.*

(IBID.) *Et rursus : Expande, inquit, palliolum tuum, quo operiris, et tene utraque manu. Qua extendente et tenente, mensus est sex modios hordei, et posuit super eam.* Expandere jubet pallium, hoc est, dilatare fidem, et tenere utraque manu, opere scilicet exercendo, quod corde percepit credulo. Mensus est sex modios hordei et posuit super eam, cum juxta intellectas capacitatem ei tribuit perfectæ operationis modum, ut intus forisque fidei atque virtutum ditaretur munere, et gloriosa ubique appareret divina largitione. Nec non et illud senarius numerus hoc loco significare potest, quod sexta ætate Dominus ipse hordeum legis Ecclesiæ gentium ad pabulum per mysterium concessit, quatenus egena hactenus cibo spiritali per gratiam ipsius deinceps ditaretur.

*Quæ portans ingressa est civitatem, et venit ad socrum suam, narravitque et omnia quæ sibi fecisset homo, et cætera.* Ditata Ecclesia gentium donatione Christi, atque onerata fructibus virtutum, reddit ad socrum, hoc est, ad primitivam Ecclesiam, sive ad synagogam Judæorum, narrans ei omnia magnalia quæ sibi fecisset Dominus, quatenus Ecclesiam antiquam incitaret ad congratulationem, vel synagogam provocaret ad conversionem : quia hoc proprium est pietatis, ut non parca nec invida in datis, sed larga ac benevola sit in bonis possessis.

*Dixitque Noemi : Expecta, filia, donec videamus quem res exitum habeat; neque enim cessabit homo, nisi compleverit, quod locutus est.* Hoc fideliter prædicat Ecclesia omnibus gentibus, hoc fiducialiter, quod Veritas sua verba impleat, nec ullo modo

sua promissa implere cesset, dicens illud evangelicum : *Pœnitentiam agite, appropinquavit enim regnum celorum (Matth. iv).* Et item : *Qui crediderit et baptizatus fuerit, salvus erit; qui vero non crediderit, condemnabitur (Marc. xvi).* Et iterum : *Sic enim Deus dilexit mundum, ut unigenitum Filium suum daret, ut omnis qui credit in eo non pereat, sed habeat vitam æternam (Joan. iii).*

## CAPUT XII.

*De ascensu Booz ad portam civitatis et collocatio ejus ad consanguineum suum de, accipienda Ruth ut suscitaret semen consanguinei sui defuncti.*

(CAP. IV.) *Ascendit ergo Booz ad portam et sedit ibi.* Quid est Booz nostrum ascendere ad portam, nisi Christum ad effectum perducere prophetiam, quæ de ejus incarnatione conscripta est? Ibi sedebat, quia in virginis alvo, unde hominibus apparere posset, carnem sumebat; de hac quippe porta Ezechiel dudum scripserat, ita dicens : *Et converti me ad viam portæ sanctuarii exterioris, quæ respiciebat ad orientem; et erat clausa; et dixit Dominus ad me: Porta hæc clausa erit, non aperietur, et vir non transibit per eam, quia Dominus Deus Israel ingressus est per eam, eritque clausa. Princeps ipse sedebat in ea, ut comedat panem coram Domino. Per viam vestibuli portæ ingredietur, et per viam ejus egredietur (Ezech. xlii).*

*Cumque vidisset propinquum præterire, de quo prius sermo habitus est, dixit ad eum: Declina paulisper, et sede hic, vocans eum nomine suo. Qui divertit et sedit.* Vidit Booz propinquum præterire, dum Christus voluit legem temporaliter plebi Judæorum constitutam esse; quam ad se declinare jussit, quia ad suæ dispensationis mysterium testificandum eam inclinavit. Aliter : Vidit propinquum præterire, cum præcursoris sui adventum, quem more vitæ humanæ properare conspexit, ad officium præconis misericorditer convertit, vocans eum nomine suo, quando illi videlicet per Gabrielis archangeli relationem, nomen, quod Joannes vocaretur, præordinavit.

*Tollens autem Booz decem viros de senioribus civitatis, dixit ad eos: Sedete hic. Quibus residentibus locutus est ad propinquum: Partem agri fratris nostri Elimelech vendit Noemi, quæ reversa est de regione Moabitide; quod audire te volui, et tibi dicere coram cunctis sedentibus et majoribus natu de populo meo. Si vis possidere jure propinquitatis, eme et posside. Sin autem tibi displicet, et hoc ipsum indica mihi, ut sciam quid facere debeam. Nullus est enim propinquus, excepto te, qui prior es, et me, qui secundus sum. Decem viri isti seniores Patres significant Veteris Testamenti, qui Decalogum legis pleniter servaverunt, Christique incarnationem ibidem præfiguratam esse cognoverunt. Hos ad se Booz noster provocavit, cum sibi testes adventus sui adhibere voluit, conveniensque legisperitos partem agri Noemi ad emendum obtulit, cum plebis partem, quæ temporibus apparentis jam gratiæ remansit, ad sanandum*

magistris synagogæ ostendit, quatenus cognoscerent suam infirmitatem, et quod ipsi agere nequissent, ad perficiendum vero medico committerent. Unde et in Evangelio legitur, quod ipse Dominus leprosos a se mundandos ad sacerdotes primum ire præceperit, et offerre manus quod præcepit Moyses in testimonium illis; qui cum abirent, statim mundati sunt (Luc. xvii).

## CAPUT XXI.

Quod ipse nolens coram testibus suis solvebat homo calceamentum suum de pede, et tradidit Booz.

(IBID.) At ille respondit: Ego agrum emam. Cui dixit Booz: Quando emeris agrum de manu mulieris, Ruth quoque Moabitidem, quæ uxor defuncti fuit, debes accipere, ut suscites nomen propinqui tui in hæreditate sua. Qui respondit: Cedo jure propinquitatis, neque enim posteritatem familiæ meæ delere debeo; tu meo utere privilegio, quo me libenter carere profiteor. Quando per agri emptionem, uxoris simul copulationem emptori prædixit, significavit quod non alia est possessio plebis, quam copulatio Ecclesiæ in spiritale conjugium Christi, qui nomen antiquum filii Dei, quod habuerunt sancti ab initio, sicut legitur in Genesi, quod vidissent filii Dei filias hominum, eo quod essent pulchræ (Gen. vi); et Adam, scripsit Lucas, fuisse filium Dei (Luc. vi). Hoc Christus in Ecclesia gentium per gratiam suam suscitavit. Unde legitur in Evangelio Joannis, quia quotquot receperunt eum, dedit eis potestatem filios Dei fieri, his qui credunt in nomine ejus, qui non ex sanguinibus, neque ex voluntate carnis neque ex voluntate viri, sed ex Deo nati sunt (Joan. 1). Hoc ergo nomen in nationibus Decalogus legis, licet multos proseglytos sub se haberet, ullo modo suscitare non potuit. Sed postquam venit plenitudo temporis quo defungi, hoc est, finiri legem ordinatio omnipotentis Dei decreverat, ut ipse veniret benedictionem dans, qui ante legem dedit, veraciter effecit ut, ubi antea dictum est, non plebs mea vos, ibi vocarentur filii Dei vivi (Ose. 1). Si autem hæc verba ad Joannem præcursorem Domini retuleris, invenies eum cedentem Christo jure propinquitatis, quia his verbis similia in Evangelio dixisse probat. Nam iste propinquus historicus dixit ad Booz: Cedo jure propinquitatis; neque enim posteritatem familiæ meæ delere debeo, tu meo utere privilegio, quo me libenter carere profiteor; et Joannes sciscitantibus a se turbis de ejus baptismate respondit, dicens: Ego baptizo in aqua; medius autem vestrum stetit, quem vos non scitis: ipse est qui post me venturus est, qui ante me factus est, cujus non sum dignus ut solvam corrigiam calceamenti (Joan. 1). Et alibi, altercantibus ipsius Joannis discipulis cum Judæis de purificatione dixit: Non potest homo accipere quidquam, nisi fuerit ei datum de caelo. Ipsi vos mihi testimonium perhibetis, quod dixerim: Ego non sum Christus, sed quia missus sum ante illum. Qui habet sponsam sponsus est; amicus autem sponsi, qui stat et audit eum, gaudio gaudet prout vocem sponsi; hoc ergo gaudium meum im-

pletum est. Illum oportet crescere, me autem minui. Qui de sursum venit, super omnes est. Qui est de terra, de terra est, et de terra loquitur (Joan. iii). Cedebat ergo Joannes Christo, quia ejus dignitatis privilegium nullo modo sibi usurpavit. Cedit et lex vetus Evangelio, quia nequaquam salutem gentium sua industria efficere potuit: Lex enim, ut Paulus testatur, subintravit, ut abundaret delictum; ubi autem abundavit delictum, superabundavit gratia (Rom. v). Reprobatio quidem fit præcedentis mandati propter infirmitatem ejus, et inutilitatem: Nihil enim ad perfectum adduxit lex (Heb. vii). Introductio vero melioris spei, per quam proximamus ad Deum, collata est nobis per gratiam Domini nostri Jesu Christi.

Hic enim erat mos antiquus in Israel inter propinquos, si quando alter alteri suo jure cedebat, ut esset firma concessio, solvebat homo calceamentum suum, et dabat proximo suo: hoc erat testimonium cessionis in Israel. Dixit ergo propinquus Booz: Tolle calceamentum: quod statim solvit de pede suo. Et quid hic per calceamentum nisi velamen mysteriorum intelligere possumus? Lex ergo de pede suo calceamentum solvit et Christo dedit; quia velamentum sacramentorum in progressu litteræ per magistrōs suos ad intellectum populo manifestando perducere non potuit; sed Redemptori nostro hunc honorem attulit, quia ab ipso, et non ab alio, hæc gratia speranda et adipiscenda omnibus gentibus fuit. Joannes ergo non sibi, sed Christo calceamentum vindicavit; quia non sibi, sed ipsi sponsam nobilissimam competere intellexit. Unde et se indignum solvere ejus calceamentum perhibuit. Denique quia Joannem homines Christum esse putaverunt, quod idem Joannes negat, recte se indignum esse ad solvendam corrigiam ejus calceamenti denuntiat; ac si aperte dicat: Ego Redemptoris vestigia denudare non valeo, quia sponsi nomen mihi immeritus non usurpo. Quod tamen intelligi et aliter potest. Quis enim nesciat, quod calceamenta ex mortuis animalibus fiant? In carne vero Dominus veniens, quasi calceatus apparuit, qui in divinitate sua morticina nostræ corruptionis assumpsit. Unde etiam per Prophetam dicit: In Idumæam extendam calceamentum meum (Psal. lxxix). Per Idumæam quippe gentilitas, per calceamentum vero assumpta mortalitas designatur. In Idumæam ergo Dominus calceamentum se extendere asserit quia dum per carnem gentibus innotuit, quasi calceata ad nos divinitas venit. Sed hujus incarnationis mysterium humanus oculus penetrare non sufficit; investigare enim nullatenus potest quomodo corporatur verbum, quomodo summus et vivificator Spiritus intra uterum matris animatur, quomodo etiam is qui initium non habet, existit et concipitur; corrigia ergo calceamenti est ligatura mysterii. Joannes itaque solvere corrigiam calceamenti ejus non valet, quia incarnationis ejus mysterium nec ipse investigare sufficit, qui hanc per prophetiæ spiritum agnovit. Quid est ergo dicere:

*Non sum dignus solvere corrigam calceamenti ejus, nisi aperte et humiliter suam ignorantiam profiteri? Ac si patenter dicat: Quid mirum, si mihi ille prolatus est, quem post me quidem natum considero, sed natiuitatis ejus mysterium non apprehendo?*

## CAPUT XIV.

*Quod Booz coram testibus firmavit nuptias Ruth, et quod eis cuncti deprecabantur prospere.*

(*IBID.*) *At ille majoribus natu et universo populo: Testes vos, inquit, estis hodie, quod possederim omnia, quæ fuerunt Elimelech et Cheleon et Mahalon tradente Noemi, et Ruth Moabitidem uxorem Naalon in conjugium sumpserim, ut suscitem nomen defuncti in hereditate sua, ne vocabulum ejus de familia sua ac fratribus et populo deleatur; vos, inquam, hujus rei testes estis. Respondit omnis populus, qui erat in porta, et majores natu: Nos testes sumus. Booz testes de acquisita sibi legitimo uxore defuncti et de possessa substantia Chelion et Mahalon, tradente Noemi, adhibet: quia Christus ex utroque Testamento testamentationem sufficientem habet, quod gentium plebem, quam Decalogus finitus ad spiritualis sobolis procreationem perducere non potuit, hanc ipse semine verbi secundatam spiritualis germinis effecit parentem, omnia possidens quæ priores et posteriores sancti de virtutum possessione habuerint, quia ad ejus gloriam et largitatem pertinet quidquid unquam aut unquam veræ dignitatis et honoris fuit. Decem autem majorum nata benedictio hoc ostendit, in nomine Jesu omnes esse gentes salvandas ac benedicendas. Iota enim apud Græcos decem significat, quæ prima littera nominis Domini Jesu summam præscripsit: quæ res, ut diximus, omnes gentes per ipsum salvandas ac benedicendas esse demonstrat. Ne dubitet ergo quispiam hæc, ut dicta sunt, credere, cum videat universa et ab initio figuris antecedentibus præcurrisse, et per adventum Domini manifestata et adimpleta sic esse, et quæ super sunt, hoc modo perficienda, in veritate consonantibus omnibus vocibus et figuris sanctarum Scripturarum, et impletis his quæ pollicitus est per filium suum Jesum Christum, Dominum, Regem et Salvatorem nostrum.*

*Faciatur Dominus hanc mulierem, quæ ingreditur domum tuam, sicut Rachel et Liam, quæ ædificaverunt domum Israel, ut sit exemplum virtutis in Ephraïma, et habeat celebre nomen in Bethleem. Omnis populus sanctorum imprecatur prospera Ecclesiæ gentium, quatenus eandem gratiam fecunditatis, quam habuere primi parentes stirpis Israelitarum, hanc ista pleniter percipiat. Et quia hic partus spiritualis est, quid per has prædictas mulieres mystice significetur, dicamus. Quanquam enim duæ liberæ uxores Jacob ad Novum Testamentum, eo quod in libertate vocati sumus, existimentum pertinere, non tamen frustra duæ sunt, nisi quia duæ vitæ nobis in Christi corpore prædicantur: una quidem temporalis in qua laboramus; alia æterna, in qua dilectio-*

*nem Dei contemplabimur. Lia namque interpretatur laborans; Rachel autem, visus, principium, sive verbum. Actio ergo hujus vitæ, in qua vivimus ex fide, laboriosa est in operibus et incerta, quo exitu perveniat ad utilitatem eorum, quibus consulere volumus. Ipsa est Lia, prior uxor Jacob, ac per hoc et infirmis oculis fuisse commemoratur; cogitationes enim mortalium timida, et incerta providentiæ nostræ (Sap. ix). Spes vero æternæ contemplationis Dei, habens certam intelligentiam veritatis, ipsa est Rachel, unde etiam dicitur bona facie et pulchra specie (Gen. xxxix). Hanc enim amat omnis pie studiosus, et propter hanc servit gratiæ Dei, quia peccata nostræ, etsi fuerint sicut phaniciam, tanquam nix dealbentur (Isa. i).*

*Fiatque domus tua, sicut domus Phares, quam Thamar peperit Juda de semine, quod dederit tibi Dominus ex hac puella. Convenienter quidem in benedictione Booz cum Ruth Phares natiuitas de Thamar commemoratur, quia ille populi gentilis figuram tenuit in eo quod prævenit in partu fratrem suum Zara (Gen. xxxviii), qui prius misit manum suam, in qua obstetrix ligavit coccinum, sed illo manum intrinsecus retrahente, posterior, qui Phares vocatur, porrexit manum, et nascendo processit. Figurative quippe hoc ostendit, quod Israel in legis opera manum suam primus miserit, et eam prophetarum et ipsius Salvatoris pollutam cruore contraxerit; postea vero proruperit populus gentium, scilicet in futuri essent novissimi qui erant primi, et primi futuri essent qui erant novissimi (Matth. xx). Nec non et ipsum nomen Thamar ad idem mysterium competit, nam Thamar commutans interpretatur, sive amaritudo; ergo mutans habitum, mutat et nomen; quia quæ fuit ante in idololatria fœda et amara, modo in pœnitentia fit dulcis. Sed quod in ea prorsus nomen amaritudinis manet, non illius est amaritudinis in qua Domino fel ministravit, sed illius in qua Petrus amare flevit; nam et Juda Latine confessio est; confessioni ergo amaritudo misceatur, ut vera pœnitentia præsignetur. Hac pœnitentia fecundatur Ecclesia in omnibus gentibus constituta: Oportebat enim Christum pati et resurgere tertia die, et prædicari in nomine ejus pœnitentiam et remissionem peccatorum per omnes gentes, incipientibus ab Jerusalem (Luc. xxiv). Nam et ipse habitus meretricis confessio est peccatorum; typum quippe Ecclesiæ gerit Thamar ex gentibus evocata (Gen. xxxviii) sedens cum hoc habitu ad portam Evam vel Enahin, quod interpretatur fontes: cucurrit enim, velut cervus ad fontes aquarum, pervenire ad semen Abrahæ. Thamar enim nostra, Juda mystico non cognoscente, fetatur, quia de illo prædictum est: Populus, quem non cognovi, serviet mihi (Psal. xviii). Accepit illa in occulto annulum, et monile, et virgam: quia vocatione significatur, justificatione decoratur, glorificatione exaltatur. Quos enim prædestinavit, illos et vocavit; quos autem vocavit, illos et justificavit; et quos justificavit, illos et glorificavit (Rom. viii). Sed*

hæc, ut dixi, adhuc in occulto sunt, ubi sit et conceptio sancta ubertatis.

## CAPUT XV.

*De eo quod Ruth peperit filium Booz, nomine Obed, quem Noemi ponens in sinu suo, nutricia ac gerula officio fungebatur.*

(Inb.) Tulit itaque Booz Ruth, et accepit uxorem, ingressusque est ad eam, et dedit illi Dominus, ut conciperet et pareret filium. Postquam enim Christo per fidem gentium coadunata est Ecclesia, Spiritus sancti illi gratiam tribuens, spiritualis sobolis eam fecit esse parentem, ut quæ prius sterilis et despecta habebatur, postmodum multorum filiorum mater efficeretur. De qua per Annam prophetissam dicitur: *Sterilis peperit plurimos, et quæ multos habebat filios, infirmata est (I Reg. 11)*. Unde consequenter subjungitur: *Dixeruntque mulieres ad Noemi: Benedictus Dominus qui non est passus, ut deficeret successor familiæ tuæ, et vocaretur nomen ejus in Israel, et habeas qui consoletur animam tuam, et enutriat senectutem*. Semper enim mater Ecclesia, quam Christus Spiritus sui munere fecundavit, spiritualis gemitus abundans et dives est, et aliis de hoc sæculo decedentibus, atque ad locum perpetuam migrantibus, alii statim in locum eorum succedunt, ut nomen Christianum perpetuo in orbe terrarum permaneat, et ut mater hæc sanctissima de nova progenie consolationem habeat senectutis suæ, cum viderit genus suum de die in diem dilatari et crescere, ac nequaquam marcescere (*Psal. LXX*). Post enim hæc sententia ad patres Veteris Testamenti transferre, qui sub synagoga fuerunt, decedentibus enim patriarchis et prophetis succedebant apostoli atque evangelistæ: et sic fiebat, quod civitas Dei Hierusalem nunquam fuisset divino munere egena, sed semper plena, laudans et letabunda. Unde Psalmista ad regem et ad regis filium loquens ait: *Pro patribus tuis nati sunt tibi filii: constitues eos principes super omnem terram: memores erunt nominis tui, Domine, in omni generatione et progenie (Psal. XLIV)*. Sequitur:

*De nuru enim tua est qui te diligit, et multum tibi est melior quam si septem haberes filios*. Nurus enim synagoga Ecclesia est de gentibus congregata, quæ nupsit Christo Filio Dei de gente Judæorum nato. Dicunt enim mulieres, hoc est, singula animæ sanctorum, ad spiritalem Noemi, quæ est synagoga, quod melior sit ei filius qui de nuru natus est, populus videlicet Christianus, natus de Ecclesia matre, quam septem filii, hoc est, multitudo hominum, qui temporibus Veteris Testamenti per legis doctrinam imbuti nascobantur, de quibus scriptum est, quod semper aversi fuerint cordibus in Ægyptum, et quod irritaverunt Deum ascendentes in Rubro mare, et pro nihilo habuerunt terram desiderabilem, nec crediderunt in verbis ejus, et murmuraverunt in tabernaculis suis, nec exaudierunt vocem Domini, et immolaverunt filios suos et filias suas dæmoniis, et effuderunt sanguinem innocentem, sanguinem filio-

rum suorum et filiarum, quas sacrificaverunt scutillis Chanaan. Novissime autem post confectam cædem servorum, ipsum hæredem interfecerunt, ejicientes eum extra civitatem, et pupillos ejus occiderunt (*Math. XXI*), utique apostolos, dicentes: *Non videbit Dominus, nec intelliget Deus Jacob (Psal. XCIII)*.

*Susceptumque Noemi puerum vocavit in sinu suo, et nutricia ac gerula officio fungebatur*. Puerum ergo Noemi intelligibile, quem ipsa per legem non meruit gignere, susceptam per prophetiæ mysterium sub velamine litterarum ac figurarum typo portabat occultatum, et quodammodo nutricia ac gerula officio fungebatur, quæ matris privilegio honorari non merebatur.

*Vicinae autem mulieres congratulantes ei et dicentes: Natus est filius Noemi, vocaverunt nomen ejus Obed*. Vicinas autem mulieres ipsas hic intelligere possumus, quæ in Evangelio mulieri dragmam perditam inventi congratulabantur (*Luc. xv*), potestates utque cælestes, quæ tanto supernæ sapientiæ juxta sunt, quanto ei per gratiam continuæ visionis appropinquant. Gaudent ergo angelicæ virtutes atque potestates in partu spiritali Ecclesiæ, atque nomen ejus vocant *Obed*, quod interpretatur *serviens*, cum in superni regis castris secum militare illum ac servire exoptent. Unde in Apocalypsi angelus, debitum Deo cultum sibi ab homine exhiberi metuens, Joannem se adorare volentem prohibuit, dicens: *Vide ne feceris: conservus tuus sum, et fratrum tuorum prophetarum et eorum qui servant verba libri hujus: Deum adora (Apoc. XIX et XXI)*. Quid est quod ante Redemptoris adventum angelis ab hominibus adorantur et tacent, postmodum vero adorari refugiant? nisi quod naturam nostram, quam prius despexerant, postquam hanc super se assumptam conspiciunt, substratam sibi videre pertimescunt; nec jam sub se velut infirmam contemnere ausi sunt, quam super se, videlicet in cæli rege, venerantur nec habere dedignantur hominem socium, qui super se adorant hominem Deum. Quod autem de Obed subjungitur quod ipse esset pater Isai patris David, demonstrat spiritualis generatio prosapiam. Obed enim, ut prædiximus, *serviens* interpretatur; Isai, *insulæ sacrificium vel incensum*; et David, *fortis manu vel desiderabilis*. Qui enim Deo strenue deservit, sacrificium illi gratum atque incensum suavissimi odoris per virtutum opera et orationis studium impendit, atque roboratus fide et devotione desiderabilis erit, et nimium Deo placitus. Unde et Cornelio centurioni angelus in visione apuarens, orationes ejus assiduas et elemosynas frequentes Deo asseruit esse acceptabiles (*Act. x*). Nunc et per sapientiam dicitur: *Conclude elemosynam in corde pauperis, et hæc pro te exorabit ab omni malo; super scutum potentis et super lanceam adversum inimicum tuum pugnabit (Ecol. XXIX)*. *Timenti Dominum non occurrent mala, sed in tentatione Deus illum conservabit et liberabit ab omni malo (Ecol. XXXIII)*.

## CAPUT XVI.

*Recapitulatio generationis Booz a Phares filio Judæ usque ad David filium Jesse.*

(IBID.) *Hæ sunt generationes Phares : Phares genuit Esron, Esron genuit Aram, Aram genuit Aminadab, Aminadab genuit Naasson, Naasson genuit Salmon, Salmon genuit Booz, Booz genuit Obed, Obed genuit Isai, Isai genuit David.* Prudens lector, nota quod generationes decem sunt a Phares, filio Judæ, filii Jacob usque ad David : et cognosces quod totius legis intentio ad Redemptorem nostrum, qui de semine David natus est, tendit, quatenus illius adventum mundo salutarem prædicet, et totius legis plenitudinem atque perfectionem in eo consistere

A manifestet : *Finis enim legis, Christus ad justitiam omni credenti (Rom. x).* Ante legem ergo datam Jacob patriarcha in Judæ benedictione de incarnatione mediatoris Dei et hominum ita testatus est, dicens : *Non auferetur sceptrum de Juda, et dux de semoribus ejus, donec veniat qui mittendus est, et ipse erit expectatio gentium (Gen. xlix).* Ad David autem, qui decimus natu erat de semine Juda, taliter Scriptura refert, dicens : *Juravit Dominus David veritatem, et non frustrabitur eum : de fructu ventris tui ponam super sedem meam (Psal. cxxx).* Et sic tibi patebit omnium patriarcharum atque prophetarum oracula ad dispensationem pertinere Domini Salvatoris ac Redemptoris nostri Jesu Christi.

## ORDO RERUM

## QUÆ IN HOC TOMO CONTINENTUR.

## B. BABANUS MAURUS, MOGUNTINUS ARCHIEPISCOPUS.

## COMMENTARIORUM IN EXODUM LIBRI QUATUOR.

Præfatio ad Freculphum Lexoviensem episcopum.	9
LIBER PRIMUS.	9
Caput primum. — De ingressu Israel in Ægyptum, et fatigatione qua vexabant Ægyptii Israelitas.	9
Cap. II. — De obstetricibus Hebræorum et Pharaonis præcepto de interfecione masculorum.	13
Cap. III. — De nativitate Moysi et ejus expositione in flumine.	14
Cap. IV. — De Moyse quando interfecit Ægyptium altercantem cum Israelita, et fuga ipsius in terra Madian.	16
Cap. V. — De Moyse et uxore ejus, et quomodo apparuit ei Dominus in flamma ignis, in medio rubi, cum pasceret oves.	17
Cap. VI. — De eo quod jubet Dominus Moysi descendere in Ægyptum ad Pharaonem, ut dimittat Israelitas a terra Ægypti; et de signo virgæ in serpentem versæ, et manu leprosa.	20
Cap. VII. — Ubi excusat se Moyses ut non eat ad Pharaonem.	24
Cap. VIII. — De reversione Moysi in Ægyptum et angeli occursu in via.	25
Cap. IX. — De ingressu Moysi et Aaron ad Pharaonem.	27
Cap. X. — Ubi Pharaeo paleas prohibet dari Israelitis; et de querimonia ipsorum Israelitarum pro afflictione operis.	28
Cap. XI. — De eo quod Moysi nomen suum Adonai Dominus indicavit, et de præcepto ad Israel dato.	29
Cap. XII. — De eo quod Levi progeniem numerat et de mandato ad Pharaonem dato, et signorum demonstratione.	30
Cap. XIII. — De conversione aquæ in sanguinem.	34
Cap. XIV. — De ranarum productione.	35
Cap. XV. — De sciniphibus.	36
Cap. XVI. — De muscis prolatis.	37
Cap. XVII. — Ubi pestis valida immittitur in animantia Ægyptiorum.	39
Cap. XVIII. — De grandinis immissione.	41
Cap. XIX. — De locustis.	42
Cap. XX. — De tenebrarum immissione.	43
Cap. XXI. — De novissima plagarum decem, hoc est de primitivorum interitu, et mystica decem plagarum expositione.	45
Cap. XXII. — Mandatum Domini per Moysen ad filios Israel datum ut petant a vicinis suis et amicis, vasa aurea et argentea.	47
Cap. XXIII. — De sanctione Paschæ in terra Ægypti.	48
Cap. XXIV. — De transitu Domini in noctis medio per	

terram Ægypti, et percussione primitivorum.

LIBER SECUNDUS.

Præfatio.

Caput primum. — De profecione filiorum Israel ex Ægypto de Ramasse in Socoth prima mansione, et ritu Paschæ ibi exposito per Moysen.

Cap. II. — De secunda mansione, hoc est de Socoth in Ethan, et de columna nubis et ignis.

Cap. III. — De transitu filiorum Israel ad mare Rubrum, et Ægyptiorum suffocatione in aquis.

Cap. IV. — De cantico quod cecinit Moyses et filii Israel Domino, post transitum maris Rubri.

Cap. V. — De profecione filiorum Israel a mari Rubro in Marath, ubi Moyses, per Domini mandatum, ligno amarus indolcavit, ubi et Dominus constituit eis præcepta atque judicia.

Cap. VI. — De eo quod a Marath pergentes filii Israel venerunt in Elim, et de Kilim in desertum Sin, quod est inter Elim et Sinai; ubi et Dominus dedit illis vespere coturnices, et mane pluit manna.

Cap. VII. — De transitu filiorum Israel a deserto Sin in Raphidim, ubi murmuravit populus pro aquæ penuria.

Cap. VIII. — De pugna Amalec contra Israel.

Cap. IX. — De adventu Jethro cognati Moysi in desertum cum uxore et filiis Moysi; et de consilio quod dedit Moysi pro labore jurgiorum levigando.

Cap. X. — De adventu filiorum Israel ad montem Sinai; ubi mandavit populo per Moysen ut essent parati in die tertium.

Cap. XI. — De eo quod die tertio cœperunt audiri tonitrua, micare fulgura, et nubes operire montem : clangorque buccinæ vehementius perstreperet, cum Dominus descendisset de monte.

Cap. XII. — Sermo Dei ad populum, decalogum legis proferens.

Cap. XIII. — Comparatio Decalogi ad decem plagas Ægypti.

Cap. XIV. — De eo quod perterritus est populus, visionis magnitudinem non ferens.

Cap. XV. — Responsio Moysi ad filios Israel.

LIBER TERTIUS.

Præfatio.

Caput primum. — Præcepta juris, quæ constituit Dominus in monte Sinai, loquens ad Moysen.

Cap. II. — De eo quod vetat idolorum culturas, et instruit de charitate et cæteris justificationibus legis, quæ post hæc sequuntur in volumine.

Cap. III. — De tribus solemnitatibus præcipuis, in quibus omne masculinum Domino præsentari, in lege præceptum est.

Cap. IV. — Ubi prædicat expulsum se gentes per manum angeli a facie filiorum Israel, si tamen audirent præcepta Domini et facerent ea.

Cap. V. — Ubi enarrat se emissurum crathones ante

Israel, qui fugent alienigenas coram eis; et de benedictione de terra repositionis possidenda. 132

CAP. VI. — De eo quod ædificavit Moyses altare ad radicem montis; et de oblatione in eo holocausti. 134

CAP. VII. — De ascensione Moysi in montem, ut legem acciperet a Domino, scriptam in tabulis; quod et fecit. 136

CAP. VIII. — De eo quod locutus est Dominus ad Moysen de oblatione primitiarum. 139

CAP. IX. — De præcepto quomodo sanctuarium jubet construi. 140

CAP. X. — Descriptio arcæ quomodo facienda erat, propitiatorii et cherubim, necnon et vectum. 141

CAP. XI. — De mensæ factura, rasorum ejus; et de panibus propitiationis in ea offerendis. 146

CAP. XII. — De candelabro. 150

CAP. XIII. — De factura tabernaculi, hoc est cortinarum decem, sagorum undecim, operimenti tertiæ et quarti pelibus. 158

CAP. XIV. — De tabulis tabernaculi et positione earum, vectum eorum et anulorum. 167

CAP. XV. — De velo quod dividebat sanctuarium et sanctum sanctorum, et de columnis ipsius, et de propitiatorio ponendo super arcam, necnon et de tentorio in introitu tabernaculi suspendendo, et columnis ejus, vectibusque illius qui ab angulo usque ad angulum perveniebant. 174

CAP. XVI. — De altari holocausti et vasis ejus. 179

CAP. XVII. — De atrio tabernaculi et columnis ejus ac vectibus. 184

CAP. XVIII. — De oleo offerendo ex arboribus olivarum, ad luminaria instruenda in candelabro tabernaculi. 188

**LIBER QUARTUS.** 189

CAPUT PRIMUM. — De ædificatione Aaron et filiorum ejus in sacerdotium constituendum. 189

CAP. II. — De veste sacerdotali Aaron et filiorum ejus. 191

CAP. III. — De factura superhumeralis. 191

CAP. IV. — De factura rationalis. 193

CAP. V. — De tunica superhumerali. 193

CAP. VI. — De lamina aurea facienda, ad ornandam frontem pontificis. 199

CAP. VII. — De tunica linea et thihara byssina, ac balteo opere plumario facto. 201

CAP. VIII. — De eo quod Aaron et filii ejus induebantur vestibus sanctis. 203

CAP. IX. — De altari incensi et instrumentis ejus. 208

CAP. X. — De adolendo quotidie thymiamate super ipsum altare, mane et vespere. 211

CAP. XI. — De eo quod Dominus jubet pretium pro animabus singulorum, numerato populo, Domino impendi. 214

CAP. XII. — De faciendo labro æneo. 215

CAP. XIII. — De confectione unguenti optimi ad consecrandum tabernaculum ac vasa ejus. 218

CAP. XIV. — De confectione thymiamatis ex pretiosissimis aromatibus, et Beseleel artificis. 219

CAP. XV. — Præceptum de custodia Sabbati. 220

CAP. XVI. — De transgressione Aaron in fornicatione aurei vituli. 221

CAP. XVII. — De eo quod Moyses Dominum iratum populo pro idololatria, precibus mitigavit, et de objurgatione Aaron. 225

CAP. XVIII. — De ultione facta in idololatrias; deque eo quod Dominus jubet Moysi populum ducere in terram repositionis, et de abnegato suo cum eis transitu. 226

CAP. XIX. — De eo quod Moyses vultus Dei contemplationem appetivit et Domini coram eo transitu. 230

CAP. XX. — De eo quod Moyses tabulas legis secundo a Deo impetravit, et de mandatis ad populum datis. 234

CAP. XXI. — De descensione Moysi de monte, cujus faciem cornutam sine velamine filii Israel videre non poterant; qui eis exposuit verbum Domini; et de sabbati custodia. 239

CAP. XXII. — De eo quod Moyses ex sermone Domini præcepit populo ut præpararent primitias, et animo voluntario eas Domino offerrent, ad constructionem tabernaculi. 241

CAP. XXIII. — De eo quod Moyses ad magisterium tabernaculi ex præcepto Dei, Beseleel filium Uri de tribu Juda, et Ooliab filium Achisamech vocavit. 244

CAP. XXIV. — De erectione tabernaculi, et gloria Domini apparente super illud. 245

**EXPOSITIONUM IN LEVITICUM LIBRI SEPTEM.** 243

Prologus ad Freulphum episcopum Lexoviensem. 243

**LIBER PRIMUS.** 247

CAPUT PRIMUM. — Præceptum Domini de hostiis pecu-

CAP. II. — De oblatione avium, hoc est turturum sive columbarum in holocaustum. 258

CAP. III. — De sacrificio similæ cum oleo et thure sive in farina, sive in panibus cibano coctis, sive sartagine atque craticula. 260

CAP. IV. — Quod omnis oblatio quæ offertur Domino, absque fermento debet esse, sed cum sale offerenda. 262

CAP. V. — De oblatione primitiarum, frugum, et hostiis pacificorum. 264

CAP. VI. — De hostiis pro peccatis cum anima peccat per ignorantiam et transgreditur mandatum Domini, sive sacerdotis, sive populi, sive principis, seu cujuslibet hominis de populo terræ. 270

CAP. VII. — De eo quod anima peccat cum audierit vocem jurantismendaciter, nisi judicaverit facinus juramento velatum. 279

CAP. VIII. — De anima quæ tetigerit aliquid immundum, sive quod occisum a bestiis, aut per se mortuum fuerit, aut quodlibet reptile, sive immunditiam hominis; et de hominis voto incaute prolato. 280

CAP. IX. — De anima quæ prævaricat cæremonias Domini per errorem. 288

CAP. X. — De oblatione quæ offertur pro eo qui peccat per ignorantiam, feceritque unum ex his quæ Domini lege prohibentur. 289

CAP. XI. — Præceptum Domini ad Moysen de anima quæ peccaverit contemptio Deo negans depositum proximo suo quod fidei ejus creditum fuerat, vel vi aliquid extorsit aut calumniam fecerit. 290

**LIBER SECUNDUS.** 293

CAPUT PRIMUM. — De lege holocausti et ritu sacrificiorum ac libamentorum. 293

CAP. II. — De hostiis Aaron et filiorum ejus in die unctionis suæ. 298

CAP. III. — De hostiis pro peccato oblatiis quo ordine a sacerdote compleantur. 301

CAP. IV. — De hostiis pro delicto offerendis qualiter offerantur. 306

CAP. V. — De lege hostiæ pacificorum quæ offertur Domino pro gratiarum actione. 311

CAP. VI. — Quod non licet de hostiis sponte oblatiis, tertia die aliquid comedi, sed prima die vel secunda; si quid autem residuum fuerit die tertia consumat. 313

CAP. VII. — Quod non debet aliquis immunditiam hominis vel jumenti sive omnis rei tangere, nec hujusmodi carnes comedere, et quod non liceat alieni polluto vesci de hostiis pacificorum. 315

CAP. VIII. — Quod non oporteat adipem comedi qui offerri debet in incensum Domini. 316

CAP. IX. — Quod arinus dexter et pectusculum de hostiis pacificorum cadat in primitias sacerdotis. 318

CAP. X. — Unctio Aaron et filiorum ejus et cæremonia ad eam pertinentes, et de vestibus sacerdotalibus. 320

CAP. XI. — De eo quod jubet Moyses Aaron et filii ejus, quod non exeant septem diebus de ostio tabernaculi in tempore consecrationis suæ. 323

CAP. XII. — De fine consecrationis Aaron et hostiis tunc offerendis, tam pro se quam etiam pro populo, et de benedictione Aaron qua benedixit populum. 325

CAP. XIII. — Quod apparuit gloria Domini omni multitudini, et ignis egressus a Domino devoravit holocaustum. 340

CAP. XIV. — De Nadab et Abiu, filiis Aaron, qui ignem alienum in incensum offerre tentabant Domino, unde et ab eo occisi sunt. 341

CAP. XV. — Quod Moyses prohibet Aaron et Eleazar atque Itamar filios ejus capita nudare, vel vestimenta scindere, pro casu interfectorum. 344

CAP. XVI. — De eo quod Dominus prohibet Aaron et filios ejus bibere vinum ac siceram quando intreat in tabernaculum testimonii ut ministrent ibi. 345

CAP. XVII. — Præceptum Domini ad Aaron et filios ejus ut edant pectusculum et armum de oblationibus Domini in loco mundissimo, et quod Moyses reperit hircum qui oblati fuerat pro peccato exustum, unde indignatus est contra Aaron et filios ejus, sed illis pro hoc satisfaciendibus, placatus est. 358

**LIBER TERTIUS.** 351

CAPUT PRIMUM. — De animalibus quæ comedi debeant, et quæ munda sive immunda sint. 351

CAP. II. — De immunditiis morticinæ animalis. 360

CAP. III. — Quod fontes aquarum et cisternæ ab hujusmodi pollutionibus mundæ erunt, vasa vero fictilia inde polluta destruantur. 361

CAP. IV. — De reptilibus animalibus. 363

CAP. V. — De muliere masculum gignente ut immunda sit quadraginta diebus; si autem feminam pepererit, dies octoginta; et de oblationibus pro ea in die purificationis

<i>sua offerendis.</i>	367	<b>CAP. XVII.</b> — Ut homo de semine Aaron qui habuerit maculam non offerat panes Deo suo, et ut sacerdotes caveant ab his quæ consecrata sunt filiorum Israel.	484
<b>LIBER QUARTUS.</b>	371	<b>CAP. XVIII.</b> — Quod leprosus de semine Aaron aut patiens fluxum seminis non vescatur de his quæ sanctificata sunt Domino, donec sanetur; et de alienigenis ut non comedant de sanctificatis, nec inquilinus sacerdotis neque mercenarius, et de filia sacerdotis. Qui autem comederit per ignorantiam de sanctificatis, addet quintam partem cum eo quod comedit et det sacerdoti.	490
<b>CAPUT PRIMUM.</b> — De diversis coloribus obortis in carne hominis, et de plaga lepræ.	371	<b>CAP. XIX.</b> — Quod hostiæ quæ offeruntur Domino, immaculatæ debeant fieri.	494
<b>CAP. II.</b> — Quomodo recludendus sit tempore certo leprosus, ut probetur per sacerdotem.	380	<b>CAP. XX.</b> — Quod bos, ovis et capra cum genita fuerint, septem diebus maneant cum matre, die autem octavo et deinceps offerri possunt, et quod hostiæ pro gratiarum actione Domino oblata, eodem die comedi debeant, nec remanere quidquam in mane alterius diei.	498
<b>CAP. III.</b> — De plaga lepræ quæ exorta fuerit in carne exusta sive cicatrice, nec non et lepra capitis sive barbæ, et candore cutis.	381	<b>CAP. XXI.</b> — Præceptum de feriis et solemnitatibus Domini observandis, et de oblationibus quæ in eis offerre debeant.	501
<b>CAP. IV.</b> — De viro ex cuius capite capilli defluunt.	384	<b>LIBER SEPTIMUS.</b>	515
<b>CAP. V.</b> — De lepra vestium ac staminis atque subtegminis.	388	<b>CAPUT PRIMUM.</b> — De oleo offerendo ad concinnandas lucernas in tabernaculo Domini.	513
<b>CAP. VI.</b> — De oblationibus offerendis pro emundatione leprosi et purgatione ipsius.	391	<b>CAP. II.</b> — De simila exhibenda ad faciendos panes propositionis.	517
<b>CAP. VII.</b> — Quid offerre debeat pro emundatione sua filii qui pauper est, et non potest ea quæ sibi iussa sunt offerre.	396	<b>CAP. III.</b> — De blasphemo quodam quomodo adjudicatus est morti, ex Domini præcepto.	521
<b>CAP. VIII.</b> — De lepra domorum sive parietum, et recapitulatio de omni lepra.	398	<b>CAP. IV.</b> — De vice talionis percutientis atque interficientis proximum.	526
<b>LIBER QUINTUS.</b>	403	<b>CAP. V.</b> — De requie septimi anni.	527
<b>CAPUT PRIMUM.</b> — De viro qui fluxum seminis patitur et mundatione ipsius.	403	<b>CAP. VI.</b> — De observantia jubilæi et legitimis ejus.	529
<b>CAP. II.</b> — De muliere quæ fluxum sanguinis patitur non in tempore menstruali, vel quæ post menstruum, sanguinem fundere non cessat, et mundatione ipsius.	409	<b>CAP. VII.</b> — De usuris non accipiendis.	543
<b>CAP. III.</b> — De eo quod Dominus præcepit per Moysen et Aaron, ut filii ejus omni tempore non ingredientur sanctuarium quod est inter velum coram propitiatorio, sed quando ingredi debet, ante offerat vitulum pro peccato, et aritem in holocaustum, et duos hircos pro peccato, indutus videlicet sacerdotibus vestibus.	415	<b>CAP. VIII.</b> — De eo qui se vendiderit fratri suo in servitutem, qualiter tractari debeat.	544
<b>CAP. IV.</b> — De duobus hircis, quorum unus in sortem Domini pertinebat, alter in capram emissarium.	418	<b>CAP. IX.</b> — Quod servi et ancillæ non de filiis Israel, sed de aliis sint nationibus habendi.	548
<b>CAP. V.</b> — De expiatione sanctuarii ab immunditiis filiorum Israel per sanguinem vituli et hirci.	423	<b>CAP. X.</b> — De redemptione ejus qui se vendiderit proximo ex filiis Israel.	547
<b>CAP. VI.</b> — De emissionem hirci ac pompa.	426	<b>CAP. XI.</b> — Ubi prohibet idola et sculptilia facere vel titulos erigere.	550
<b>CAP. VII.</b> — Præceptum Domini de hostiis non alcubi immolandis nisi juxta tabernaculum Domini.	423	<b>CAP. XII.</b> — Ubi Dominus per Moysen prædicat filiis Israel quæ eis bona eveniant, si custodierint mandata ipsius, et quæ mala si prævaricaverint illa.	551
<b>CAP. VIII.</b> — De sanguine non comedendo.	431	<b>CAP. XIII.</b> — Ubi multiplices plagas prædicat propter peccata, et propter transgressionem Dei mandatorum sibi venturas.	556
<b>CAP. IX.</b> — De non comedendo morticino aut capto a bestiis.	434	<b>CAP. XIV.</b> — De eo qui votum fecerit, sive masculus sit sive mulier, qualiter illud observare debeat.	568
<b>CAP. X.</b> — De iudiciis et præceptis Domini observandis.	434	<b>CAP. XV.</b> — De eo qui voverit animal immundum Domino, sive domum suam seu agrum, qualiter inde faciendum sit.	574
<b>CAP. XI.</b> — De eo quod non liceat cuilibet ad proximam sanguinis sui accedere ut revelet turpitudinem ejus.	435	<b>CAP. XVI.</b> — De his quæ consecrantur Domino, quod non possint redimi, sed permanere debent in illius possessione.	582
<b>CAP. XII.</b> — Ubi contradicit illam fornicationem quæ est contra naturam.	439	<b>CAP. XVII.</b> — De decimis terræ, hoc est de frugibus sive pomis, quomodo possint redimi.	583
<b>CAP. XIII.</b> — Quod non sit populo Dei errores et contaminationes gentium sequendum.	441	<b>ENARRATIONEM IN LIBRUM NUMERORUM LIBRI QUATUOR.</b>	587
<b>LIBER SEXTUS.</b>	445	<b>Præfatio ad Freolphum Lexoviensem episcopum.</b>	587
<b>CAPUT PRIMUM.</b> — De præceptorum Dei custodia ac sublimi observantia.	445	<b>LIBER PRIMUS.</b>	587
<b>CAP. II.</b> — De messione segetum sive vinearum ac pæperum et peregrinorum cura.	443	<b>CAPUT PRIMUM.</b> — Sermo Domini ad Moysen de numerandis duodecim tribubus et principibus singularum tribuum, quid spiritualiter significant.	587
<b>CAP. III.</b> — Ubi vetat furtum, falsum testimonium, dolum contra proximum, juramentum mendax, et cætera crimina fieri, justumque iudicium facere proximo.	448	<b>CAP. II.</b> — De non numerandis Levitis cum filiis Israel: sed super tabernaculum testimonii constituendis.	590
<b>CAP. IV.</b> — De eo quod prohibet jumenta cum alterius generis animantibus commisceri, agrum diverso semine seri, vestemque ex duobus generibus texti.	452	<b>CAP. III.</b> — De castris filiorum Israel per gyrum tabernaculi fœderis, quid spiritualiter in Ecclesia significet faciendum.	600
<b>CAP. V.</b> — De eo qui dormierit cum muliere ancilla coitu seminis, ut vapulet ambo.	454	<b>CAP. IV.</b> — De filiis Aaron et ministerio eorum; similiter et de Levitis atque obsequio eorum.	605
<b>CAP. VI.</b> — De auferendis præputiis arborum.	455	<b>CAP. V.</b> — De Levitis, quomodo pro primogenitis filiorum Israel, Dominus eos tulit ad ministerium tabernaculi sui.	606
<b>CAP. VII.</b> — Quod non sit comedendum cum sanguine, non angurium servandum, neque somnia, sed nec in rotundum comam toadi, nec radi barbani, nec super mortuo incidendi carnem, neque figuras aliquas vel stigmata facienda.	457	<b>CAP. VI.</b> — De servitio filiorum Caath in ministerio Domini.	611
<b>CAP. VIII.</b> — Ubi vetat prosterni filiam ad fornicandum et sanctuarium Dei pro capite metuendum.	459	<b>CAP. VII.</b> — De ejiciendo leproso e castris.	616
<b>CAP. IX.</b> — De non sequendis hariolis sive magis nec ullis veneficis.	459	<b>CAP. VIII.</b> — De peccatis negligentis expiandis sacerdotum.	617
<b>CAP. X.</b> — De advenarum cura et regula æqua atque ponderibus et justa mensura atque statera.	460	<b>CAP. IX.</b> — De lege zelotypiæ.	619
<b>CAP. XI.</b> — De idolo Moloch quod non sit ei immolandum nec fornicari cum magis atque hariolis, patri matrique non maledicendum.	461	<b>CAP. X.</b> — De ritu Nazaræi et oblatione ejus.	621
<b>CAP. XII.</b> — Ubi prohibet adulterium atque omnem moechiam, indicens prævaricatoribus penam.	464	<b>CAP. XI.</b> — Ubi Dominus jubet quomodo benedicantur filii Israel.	626
<b>CAP. XIII.</b> — De possidenda terra repromissionis, atque omni immunditia cavenda.	471	<b>CAP. XII.</b> — De oblatione principum Israel, hoc est sex	
<b>CAP. XIV.</b> — De pythonicis sive divinantibus ut lapidibus obruantur.	472		
<b>CAP. XV.</b> — De eo quod præcipit Dominus sacerdotibus ut in morte civium suorum non contaminentur, non radant caput vel barbani, neque in carnibus suis ficiant incisuras, scortum et vile prostibulum non ducant uxores, nec eam quæ repudiata est a viro.	473		



plaustris teclis, cum duodecim bubus ad servitium tabernaculi.	627
CAP. XIII. — De oblatione ducum populi Israelitici, et dedicatione altaris Domini.	630
CAP. XIV. — De candelabro et lucernis ejus.	634
CAP. XV. — De purificatione Levitarum.	635
CAP. XVI. — De Levitis pro primogenitis filiorum Israel in ministeriis Domini suscipiendis.	637
CAP. XVII. — De ordine Levitarum quando ministri sunt, et quando custodes vasorum fiant.	639
<b>LIBER SECUNDUS.</b>	639
CAPUT PRIMUM. — De tempore Paschæ.	639
CAP. II. — De his qui non poterunt Pascha in tempore suo quo eis præceptum sit, celebrare.	643
CAP. III. — Quomodo proficisci debeant filii Israel.	645
CAP. IV. — De modo tubarum.	649
CAP. V. — De Obab filio Raguel Madianita cognato Moysi, et perfectione filiorum Israel a monte Sinai.	653
CAP. VI. — Ubi murmurat populus, et igne percussus comburitur; et de esu carnis, unde murmuravit promiscuum vulgus cum filiis Israel.	654
CAP. VII. — De septuaginta senioribus electis ad magisterium populi.	657
CAP. VIII. — De esu carnis coturnicorum.	661
CAP. IX. — De murmuratione Aaron et Mariæ contra Moysen propter Æthiopiissam uxorem suam.	661
CAP. X. — De duodecim exploratoribus missis a Moysese in terram Chanaan; et de his quæ inde gesta sunt.	666
CAP. XI. — De murmure populi et vindicta ob hoc in eos prolata.	669
CAP. XII. — De ritu sacrificiorum per species singulas.	675
CAP. XIII. — De primitiis Domino dandis.	677
CAP. XIV. — De peccatis ignorantie.	677
CAP. XV. — De peccatis per superbiam factis.	679
CAP. XVI. — De homine colligente ligna in die Sabbati; et de fimbriis faciendis per angulos palliorum cum vitis hyacinthis.	679
CAP. XVII. — De seditione Core, Dathan et Abiron contra Moysen et pœna eorum.	680
CAP. XVIII. — De thuribulis seditiosorum ab incendio sublati per Eleazar sacerdotem.	682
CAP. XIX. — De murmure populi contra Moysen et Aaron, et incendio ob hoc in eos immissio.	683
CAP. XX. — De virgibus duodecim tribuum jussu Domini ad tabernaculum allatis: inter quas sola Aaron virga fronderat.	687
CAP. XXI. — De sacerdotio Aaron atque ministerio Levitarum.	691
CAP. XXII. — Ubi omnes oblationes filiorum Israel atque primitias sacerdotibus atque Levitis concedit.	695
CAP. XXIII. — De decimis dandis in usu Levitarum.	701
CAP. XXIV. — De vacca rufa et cæremoniis ejus, atque munditiis ex cineribus ejus factis.	702
CAP. XXV. — De seditione Israelitarum ad aquam contradictionis.	709
<b>LIBER TERTIUS.</b>	711
CAPUT PRIMUM. — De transitu filiorum Israel a Cades in montem Hor, et pugna eorum atque victoria in Chanaanos.	711
CAP. II. — De protectione eorum a monte Hor, et tædio itineris, populique murmure: quare ignis serpentibus punitur, signoque serpentis ænei erecto, sanatur.	712
CAP. III. — Ubi Dominus aquam de puteo dedit filiis Israel, et canticum quod est super eum dictum.	715
CAP. IV. — De eo quod populus Israel contra regem Seon Amorrhæorum præliatus est, et victo eo possessit terram ejus.	719
CAP. V. — De pugna Israelitarum contra Og regem Basan.	725
CAP. VI. — De Balac rege Moabitaram, et Balaam hariolo, et asina ejus.	725
CAP. VII. — De adventu Balaam ad Balac et prophetia ejus.	731
CAP. VIII. — De eo quod fornicatus est populus cum filiabus Moabitaram.	767
CAP. IX. — De vindicta quam fecit Phinees filius Eleazari filii Aaron sacerdotis in scortatore Israelita, et muliere Madianitide.	769
CAP. X. — De secunda dinumeratione Israelitarum, quæ facta est per Moysen et Eleazarum filium Aaron sacerdotis.	771
CAP. XI. — De filiabus Salphaad, et præcepto Domini et jure hæreditario.	774
CAP. XII. — Ubi Moyses in montem ascendere jubetur, et radicitus ei quod non in terram repositionis ingre-	

diatur; Jesusque pro eo dux populi constituitur.	776
<b>LIBER QUARTUS.</b>	779
CAPUT PRIMUM. — De singulis speciebus sacrificiorum quæ offerebantur Domino in variis festivitibus, hoc est sabbato, Kalendarum, mensis primi, et mensis primitivorum, et mensis septimi.	779
CAP. II. — De voto viri complendo.	791
CAP. III. — De voto femine.	791
CAP. IV. — De vindicta in Madianitas et Balaam hariolum.	794
CAP. V. — Ubi Moyses indignatur propter Madianitas.	797
CAP. VI. — De divisionibus prædæ Madianitarum.	798
CAP. VII. — Ubi pars populi, hoc est tribus Ruben, et tribus Gad, et dimidia tribus Manasses, hæreditatem Domini postulabat sibi dari ultra Jordanem.	803
CAP. VIII. — De quadraginta duabus mansionibus filiorum Israel.	808
CAP. IX. — Præceptum Domini ad Moysen de idolis confringendis.	827
CAP. X. — De distributionibus terræ repositionis filiis Israel per sortem faciendis.	828
CAP. XI. — De urbibus refugii.	833
CAP. XII. — De judicio interfectorum.	834
CAP. XIII. — De filiabus Salphaad, ut proximis suis nubant.	836
<b>ENARRATIONIS SUPER DEUTERONOMIUM LIBRI QUATUOR.</b>	837
Præfatio ad Freculphum Lexoviensem episcopum.	857
<b>LIBER PRIMUS.</b>	859
CAPUT PRIMUM. — Verba Moysi quæ locutus est ad Israel trans Jordanem in solitudine campestri post interfectionem Seon et Og regum Amorrhæorum.	859
CAP. II. — Commemoratio sermonum Dei, quibus Israel jubet ire in terram Chanaan; et de prælatione septuaginta seniorum in populo.	843
CAP. III. — De duodecim exploratoribus missis ad terram Chanaan, et de indignatione Domini contra Israel.	844
CAP. IV. — De hoc quod prohibiti sunt pugnare Israelitæ contra Moabitas et Idumæos.	847
CAP. V. — Commemoratio itineris de Cadesbarne usque ad transitum Zareth, hoc est viginti octo annorum.	848
CAP. VI. — Recapitulatio, quomodo Moyses misit nuntios ad Seon regem Esebon et Og regem Basan.	850
CAP. VII. — Quod nulla urbs nec oppidum in regno Og effugerit, quod non vastatum sit, eorumque terra data sit Ruben et Gad et dimidia tribus Manasse.	853
CAP. VIII. — Exhortatio Moysi ad Israel, ut custodiant præcepta atque judicia Domini.	856
CAP. IX. — De eo quod prohibuerit facturam simulacrorum omnium animalium atque jumentorum, quæ sunt super terram.	856
CAP. X. — De eo quod se dicit Moyses sequestrum et iudicem inter Dominum et Israel in monte Sinai.	860
CAP. XI. — De decem mandatis legis in monte Sinai datis, in duabus tabulis conscriptis.	862
CAP. XII. — De diligendo Deo ex tota anima, et ex tota fortitudine, et de diligendis mandatis Dei in cordibus hominum et prædicandis eis soboli suæ, in omnes generationes.	868
CAP. XIII. — De ejiciendis septem gentibus Chanaanorum de terra repositionis, ac paulatim comminuentis.	867
CAP. XIV. — De cibo manna dato Israelitis, et dædæ eorum in solitudine.	869
CAP. XV. — Commemoratio quomodo Moyses quadraginta diebus jejunans in monte Sinai, adeptus est tabulas legis.	871
CAP. XVI. — Transitus filiorum Israel ex Berothi in Musra, ubi Aaron mortuus est et sepultus.	874
<b>LIBER SECUNDUS.</b>	875
CAPUT PRIMUM. — Præceptum de circumcidendis præputiis cordis, et commendatione pupillorum ac viduarum, atque peregrinorum.	875
CAP. II. — Quod terra repositionis non est sicut terra Ægypti, plana atque irrigua, sed montosa ac aspera, de celo expectans pluviam.	876
CAP. III. — De eo quod prohibet holocausta in omni loco Domino offerri, primitias decimasque comedi, sed tantummodo in loco quem elegerit Dominus.	878
CAP. IV. — Commendatio levitarum, et interdictio sanguinis.	879
CAP. V. — De probandis prophetis, nec felle credendum his qui vana prophetant, aut falsa somniant; et de non incidenda carne, nec calvitio faciendo super mortuo.	880
CAP. VI. — De mundis et immundis animalibus, et quæ	

- vesci vel non vesculatum est. 882
- CAP. VII. — De non coquendo lacte in lacte matris; et decimis dandis; nec tondi oportere primogenita ovium. 888
- CAP. VIII. — De remissione anni septimi, et de servo cui auris subula perforatur. 890
- CAP. IX. — De primogenitis sanctificandis Domino; nec operari debere in primogenito bovis. 893
- CAP. X. — Præceptum de faciendo Phase Domino in mense novarum frugum. 895
- CAP. XI. — De Pentecostes celebratione, ejusque caeremoniis. 897
- CAP. XII. — De observatione mensis septimi, et de solemnitate tabernaculorum; et quod tribus vicibus per annum omne masculinum in conspectu presentandam est. 899
- CAP. XIII. — De constituendis magistris atque iudicibus in portis, et non accipiendis personis atque muneribus, et iustis iudiciis faciendis. 901
- CAP. XIV. — De non plantando loco juxta altare Domini, nec status constitueendis nec maculosis animantibus immolandis. 901
- CAP. XV. — De apostatis qui Deum relinquentes, servierunt diis alienis; et duobus vel tribus testibus in causa singulorum adhibendis semper. 902
- CAP. XVI. — Quod iudicia difficilia ad sacerdotes referenda sint, et quod inobedientes morte multandi sint. 902
- CAP. XVII. — De constituendo rege super Israelitas a propriis et non ab externis et jure legis legitimo. 903
- CAP. XVIII. — De sacerdotibus et levitis, quod non debeant habere possessiones ac sortes suas inter ceteras tribus, sed dilationibus Domini sustentari. 904
- CAP. XIX. — De maledictis cunctis prohibendis, et de propheta qui ad similitudinem Moysi in gente Judæorum suscitandus erat. 906
- CAP. XX. — De urbibus refugii decernendis his qui non sponte homicidium faciunt. 907
- CAP. XXI. — De testibus falsis non recipiendis, sed si inventi fuerint, rite puniendis. 909
- CAP. XXII. — De ordinando jure belli, et de formidolosis et cæteris inababilibus personis ad bellandum remissis. 910
- CAP. XXIII. — De offerenda pace primum hostibus et si fœdus inire noluerint, funditus evertendis; et de pomiferis arboribus non excidendis. 911
- CAP. XXIV. — De cadavere hominis occisi invento. 913
- CAP. XXV. — De captiva muliere pulehæ. 915
- CAP. XXVI. — De duabus uxoribus, una dilecta, et altera odiosa. 916
- CAP. XXVII. — De filio contumace atque protervo; de homine adjudicato mortis, in patibulo suspendendo, sed tamen in eadem die sepeliendo. 918
- CAP. XXVIII. — De non præteriendo bove atque ove errante, sed fratri suo reducendo; similiter de asino et vestimento. 921
- CAP. XXIX. — Quod mulieres non debent veste virili uti, nec viri veste feminea. 922
- CAP. XXX. — De pulis et avibus et ovis, in nido inventis. 923
- LIBER TERTIUS.** 923
- CAPUT PRIMUM. — De edificatione domus novæ, ut murus per circuitum tecti ponatur, ne effundatur sanguis labente aliquo et in præcipiti ruente. 923
- CAP. II. — De non serenda vinea altero semine, nec in bove et asino simul arando. 925
- CAP. III. — De non induendo vestimento lana linoque contexto; et de funiculis in limbris per quatuor angulos pallii faciendis. 926
- CAP. IV. — De eo qui vituperat uxorem suam objiciendo ei nomen pessimum fornicationis ante nuptias contractas. 926
- CAP. V. — De adultero sive adultera; et de eo qui alterius sponsam rapuerit. 928
- CAP. VI. — De eo qui cum puella nondum desponsata concubuerit. 928
- CAP. VII. — De eunuchis atque manzeribus, et de Ammonitis atque Moabitibus, de rebus legis. 929
- CAP. VIII. — De non abominando Idumæo neque Egypcio. 930
- CAP. IX. — De eo qui nocturno pollutus fuerit somnio, et de digestionibus ciborum. 931
- CAP. X. — De non tradendo servo fugitivo domino suo. 932
- CAP. XI. — Quod non meretrix neque scortator de filiis Israel esse debet, nec mercedem prostituti, nec pretium canis oportet in domum Domini offerri. 933
- CAP. XII. — Usuram vetat et vvas de vincis proximi ferri; similiter et fœcæ segotem proximi meti prohibet. 934
- CAP. XIII. — De dimittenda uxore odiosa cum libello repudii. 935
- CAP. XIV. — De eo qui nuper nupsit, quod nulla necessitas publice injungenda est. 937
- CAP. XV. — De eo qui sollicitans fratrem suum vendiderit, et cautela leprose. 938
- CAP. XVI. — De non repetendo pignore, et de non neganda mercede indigentis et pauperis. 938
- CAP. XVII. — De non occidendis patribus pro filiis, nec filiis pro patribus, et non pervertendis iudiciis advenæ et pupilli. 939
- CAP. XVIII. — De manipulo in messe relinquendo, et de reliquiis olivarum atque arboribus. 941
- CAP. XIX. — De corripiendis peccantibus per flagellum; et ut bovi trituranti in area fruges non ligetur os. 941
- CAP. XX. — De eo qui sine liberis moritur, ut frater defuncti accipiat ejus uxorem, et suscitet semen fratri suo. 942
- CAP. XXI. — De duobus jurgantibus et uxore prociaci; et quod non oportet haberi in sacco diversa pondera. 944
- CAP. XXII. — De delendo Amalec sub cœlo. 945
- CAP. XXIII. — De primitiis frugum offerendis, et de decimis dandis Levitis. 946
- CAP. XXIV. — De lapidibus erigendis in monte Ebal et calce levigandis; et de edificando altari ex saxis informibus et politis, holocaustoque super illud offerendo. 947
- CAP. XXV. — De his qui stabunt ad benedicendum super montem Garizim; nec non de illis qui super montem Gebai stabunt ad maledicendum, et maledictionibus sive benedictionibus ibi recitatis. 948
- CAP. XXVI. — Commemoratio quomodo eduxit Dominus filios Israel per desertum quadraginta annis, nec sunt vestimenta eorum attrita, neque calceamenta vetustate consumpta. 961
- CAP. XXVII. — Quod mandatum Domini non sit procul positum, sed juxta. 964
- CAP. XXVIII. — De eo quod Moyses prædixit Josue ductum Israelis; et quod ipse Moyses scripsit legem, et tradidit sacerdotibus filiis Levi custodiendam. 965
- LIBER QUARTUS.** 965
- CAPUT PRIMUM. — Quod scripsit Moyses verba legis in volumine atque compilavit, præceptum Levitis, ut illud poneretur in arca fœderis Domini, ut ibi esset contra eos in testimonium. 965
- CAP. II. — Canticum Moysi præsagium futurorum, et Christi mysteris plenissimum. 968
- CAP. III. — De benedictionibus Moysi super singulas tribus. 981
- IN LIBRUM JOSUE LIBRI TRES.** 999
- Observatio prævia. 999
- Epistola dedicatoria ad Fridurichum episcopum Trajectensem. 999
- LIBER PRIMUS.** 1001
- CAPUT PRIMUM. — Sermo Domini ad Josue de ducatus sui ministerio. 1001
- CAP. II. — Præceptum Josue ad filios Israel de præparandis cibariis in itinere, et respouso populi ad eum. 1003
- CAP. III. — De exploratoribus missis ex Sethim ad urbem Jericho, et per mulierem meretricem salvatis. 1008
- CAP. IV. — De transitu filiorum Israel per Jordanis alveum, et aquis divisus ad introitum arcæ Domini. 1011
- CAP. V. — De filiis Ruben et Gad, et dimidia tribu Manasse; et duodecim lapidibus quos de Jordanis alveo translatos posuit Josue in Galgalis. 1015
- CAP. VI. — De secunda circumcissione filiorum Israel, quæ fuit cultris lapideis facta in Galgalis, et quod fecerunt Phase in quarto decimo die mensis ad vespertum in caespitibus Jericho: ubi comederunt de fraginis terre, die altera azymos panes, quia defecerat eis massa. 1017
- CAP. VII. — Ubi princeps exercitus Domini apparuit Josue, quem ipse adoravit; et sermo Josue ad populum de expugnatione urbis Jericho. 1021
- CAP. VIII. — De eo quod Raab meretricem, et domum ac familiam ejus Josue fecit vivere, et habitare in medio domo unum Israel, et de maledicto prolato contra urbem Jericho. 1021
- CAP. IX. — De eo quod Acham filius Charmi usurpavit sibi de azymate urbis Jericho, et vindicta in eum prolata. 1025
- CAP. X. — De expugnatione urbis Ahi, et interfectione regis ipsius. 1029

<b>LIBER SECUNDUS.</b>	1033
<b>CAPUT PRIMUM.</b> — De eo quod Josue Deuteronomium legis Moysi scripsit super lapides coram filiis Israel, et legem benedictionis atque maledictionis coram omni populo recitavit.	1033
<b>CAP. II.</b> — De gentium conventu adversum Josue, ut dimicaret contra eum, et de dolo Gabaonitarum, quo fallabant Josue et principes Israel.	1039
<b>CAP. III.</b> — De quinque regibus Amorrhæorum, qui congregati sunt ut pugnarent contra Gabaon, et de præliis Josue contra eos.	1043
<b>CAP. IV.</b> — De pugna Josue contra urbem Maceeram, et contra Lemam, et contra Aseioth, quas percussit in ore gladii.	1047
<b>CAP. V.</b> — De Jabin rege Asor, et cæteris regibus qui convenerunt in unum ut pugnarent contra Israel, quos percussit Josue in ore gladii, et subnervavit equos eorum, cursumque combussit igni.	1051
<b>CAP. VI.</b> — De eo quod Josue omnes reges Chanaan et civitates eorum pugnando cepit, absque Hevæum qui habitabat in Gabaon.	1057
<b>CAP. VII.</b> — De eo quod Josue cepit omnem terram, sicut locutus est Dominus ad Moysen, et tradidit eam in possessionem filiis Israel secundum partes et tribus: quæ vitæ terra præliis.	1060
<b>CAP. VIII.</b> — Numerus civitatum quas expugnabat Josue, et tradidit filiis Israel in possessionem.	1061
<b>LIBER TERTIUS.</b>	1063
<b>CAPUT PRIMUM.</b> — De senectute Josue, et sermone Domini ad illum.	1063
<b>CAP. II.</b> — De divisione terræ per singulas tribus Israel, et quod tribui Levi non dedit possessionem: sed sacrificia et victimæ Domini Dei Israel, ipsa est hæreditas eorum.	1068
<b>CAP. III.</b> — De eo quod novem tribus et dimidia acceperunt sortes suas per Eleazarum sacerdotem, et Josue filium Nun; duabus tribubus et dimidia partes suas accipientibus per Moysen ultra Jordanem.	1069
<b>CAP. IV.</b> — De locutione Caleb ad Josue pro terra Ebron, quam sibi postulavit dari.	1070
<b>CAP. V.</b> — De sorte filiorum Juda: et quod Caleb delevit ex Ebron tres filios Zenach, Sesai, et Achiman, et Tholmai.	1072
<b>CAP. VI.</b> — De eo quod dixit Caleb: Qui percusserit Charathsepher et ceperit, dabo illi Axam filiam meam uxorem. Et cepit eam Othoniel filius Cenez, frater Caleb junior. Et de eo quod postulavit Axa filia Caleb patrem suum, et daret sibi terram irriguam.	1075
<b>CAP. VII.</b> — Quod Jebusæum habitatorem Jerusalem non potuerunt filii Juda delere, habitavitque cum eis; et quod non interfecerunt filii Ephraim Chananæum, qui habitabat in Gazer.	1077
<b>CAP. VIII.</b> — Sermones filiorum Joseph ad Josue, et responsio ejus ad eos.	1081
<b>CAP. IX.</b> — De eo quod Josue misit nuntios ad metiendum terram Chanaan, et describendum eam juxta numerum uniuscujusque multitudinis: quam ipse divisit in septem partes, et tradidit illis Israel in possessionem, singulis secundum sortes suas.	1083
<b>CAP. X.</b> — De eo quod dederunt filii Israel possessionem Josue filio Nun in medio sui, juxta præceptum Domini.	1088
<b>CAP. XI.</b> — De urbibus fugitivorum, quæ constitutæ sunt ad defeusionem eorum qui percusserunt animam hominis nescientes et non sponte.	1090
<b>CAP. XII.</b> — De filiis Levi, qui postulerunt ab Eleazaro sacerdote, et de Josue filio Nun, urbes ad habitandum, et suburbana eorum ad alenda jumenta.	1092
<b>CAP. XIII.</b> — De eo quod omnis terra Chanaan data est a Domino Israel in possessionem; et possederunt illam cum pace.	1095
<b>CAP. XIV.</b> — De eo quod Rubenitas et Gadditas, et dimidium tribum Manasse dimisit Josue in possessiones suas cum pace.	1098
<b>CAP. XV.</b> — Sermones Josue ad populum, et commemoratio præceptorum Domini, et beneficiorum ejus, quæ collata sunt eis abundantissime ab ipso.	1100
<b>CAP. XVI.</b> — De eo qui percussit Josue frædus coram Domino in Sichem, scripsitque omnia verba fœderis in volumine legis Dei, et posuit super lapidem grandem, et subter quercum, quæ erit in sanctuario Domini.	1103
<b>CAP. XVII.</b> — De morte Josue, et sepultura ejus, et de morte Eleazar et sepulchra ejus; necnon et de ossibus Joseph translatis de Ægypto, et sepultis in Sichem, in parte agri quem emerat Jacob a filiis Emor patris Sichem centum novellis ovibus.	1105

<b>COMMENTARIA IN LIBRUM JUDICUM ET RUTH</b>	1107
Epistola Humberti episcopi ad Rabanum.	1107
Præfatio ad Humbertum episcopum dictata.	1109
Incipiunt Commentaria in librum Judicum.	1111
<b>LIBER PRIMUS.</b>	1111
<b>CAPUT PRIMUM.</b> — De eo quod filii Israel post mortem Josue consuluerunt Dominum quis eorum dux contra Chananæos fieri deberet. Et de interfectione Adonibezech regis, et oppugnatione Chananæorum ac urbis Hierusalem.	1114
<b>CAP. II.</b> — De eo quod Caleb spondit filiam suam uxorem viri qui percuteret Cariat Sepher. Et quod Axa filia Caleb petit patrem dare sibi terram irriguam.	1113
<b>CAP. III.</b> — Quod filii Cinzei cognati Moysi descenderunt de civitate Palmarum cum filiis Juda, et habitaverunt cum eis, et quod Judas montana possedit, nec potuit delere habitatores valis.	1114
<b>CAP. IV.</b> — Quod filii Benjamin non potuerunt delere Jebusæum in Hierusalem, nec Manasses, in urbibus sortis suæ, delevit Chanaanæum, sed habitaverunt cum eis. Postquam autem confortatus est Israel, fecit eos tributarios, et delere voluit.	1118
<b>CAP. V.</b> — Quod angelus Domini ascendit de Galgai ad locum gentium et increpavit Israel pro peccatis suis atque neigentia.	1117
<b>CAP. VI.</b> — Quod Josue populum dimisit in suas possessiones ire, servieruntque Domino, cunctis diebus ejus et seniorum qui longo post eum vixerunt tempore.	1118
<b>CAP. VII.</b> — Mortuus est autem Josue filius Nun, famulus Domini, centum annorum, omnisque generatio illa congregata est ad patres suos: feceruntque filii Israel malum in conspectu Domini, et servierunt Baalim, et dimiserunt Dominum Deum patrum suorum.	1120
<b>CAP. VIII.</b> — Quod iratus Dominus contra Israel, tradidit eos in manus dripiendum; sed eis precipientibus, suscitavit iterum judices qui liberarent eos de vastantium manibus.	1123
<b>CAP. IX.</b> — De eo quod iratus Dominus pro malefictis Israelitarum tradidit eos in manus Chusan Basathaim regis Mesopotamiæ. servieruntque ei octo annis; sed iterum cum clamaverunt ad Dominum, suscitavit eis salvatorem, et liberavit eos, per Othoniel videlicet, filium Cenez, fratrem Caleb minorem.	1123
<b>CAP. X.</b> — De eo quod peccantem Israel tradidit Dominus in manu Eglon regis Moab, sed eos iterum misericorditer liberavit per Aod, filium Ilierte, ambidextrum, qui interfecit Eglon.	1128
<b>CAP. XI.</b> — De Samgar filio Anath qui percussit de Philistinum sexcentos viros vomere, et defendit Israel.	1131
<b>CAP. XII.</b> — De Debbora et Barac, qui percusserunt Jabin, regem Chananæum, et Sisara ducem ejus.	1134
<b>CAP. XIII.</b> — De cantico mystico quod cecinerunt Debbora et Barac, filius Abinoem, post victoriam Domino.	1137
<b>CAP. XIV.</b> — Quod filii Israel traditi sunt, propter peccata sua in manus Madian septem annis et oppressi sunt valde.	1133
<b>LIBER SECUNDUS.</b>	1133
<b>CAPUT PRIMUM.</b> — Quod Dominus, humiliato Israel et ad se clamante, misit prophetam qui commoveret eos de præteritis beneficiis Dei.	1135
<b>CAP. II.</b> — De eo quod angelus Domini venit ad Gedeon in area virga frumentum cadentem, mandans ei ut liberet Israel de manibus hostium; de holocausto, quod ipse Gedeon Deo offerebat per mini terium angeli ad se missi.	1133
<b>CAP. III.</b> — Quod spiritus Domini induit Gedeon, qui clangens buccina convocavit domum Abiezer ut se sequeretur, et de siguo velleris quod idem Gedeon postulavit a Domino.	1139
<b>CAP. IV.</b> — Sermo Domini ad Gedeon, mandans ut a se dimitteret populi multitudinem, ubi eum viginti duo milia virorum dimiserunt, et tantum decem milia cum eo remanserunt.	1160
<b>CAP. V.</b> — De probatione populi ad aquas, ubi de decem milibus tantum ad bellandum trecenti permanserunt, quos cum tubis, lampadibus et lagenis armavit.	1160
<b>CAP. VI.</b> — Præceptum Domini ad Gedeon, ut ad castra Madianitarum descenderet, ubi somnum quemdam narrare audiens, confortatus est, et per trecentos viros castra Madian fugavit.	1163
<b>CAP. VII.</b> — Quod Gedeon misit nuntios in omnem montem Ephraim, mandans ut descenderent in occursum Madian, et occuparent aquas.	1166
<b>CAP. VIII.</b> — De eo quod Gedeon, Zebæe et Salmæa, duces Madianos, comprehendit, et viros Sochoth sibi insultantes simul cum iis, adjunctis spinis ac tribulis, contrivit atque comminuit.	1167

- CAP. IX. — Ubi Israelitæ postulantes dominari sibi Gedeon et filios ejus dederunt ei in aures aureas, quas tulerunt de præda Madiatarum, unde fecit Gedeon efod, et posuit illud in civitate sua Ephra, quod fuit domui ipsius in ruinam. 1168
- CAP. X. — Quod terra quievit per quadraginta annos, quibus præfuit Gedeon, et quod ipse Gedeon septuaginta habuit filios de uxoribus suis, de concubinis autem solum habuit Abimelech. 1170
- CAP. XI. — Quod Abimelech omnes fratres suos interfecit, excepto solo Joathan, filio Jerobaal minimo, qui absconditus necem evasit solus, et de paradigmate ejusdem Joathas ad viros Sichem prolato. 1171
- CAP. XII. — Quod post mortem Gedeon aversi sunt filii Israel et fornicati sunt cum Baalim, misitque Dominus spiritum pessimum inter Abimelech et habitatores Sichem, qui cœperunt eum detestari, et scelus interfectionis septuaginta filiorum Jerobaal. 1175
- CAP. XIII. — Quod Gad filius Obed, querens Sichimitas avertere ab Abimelech, ab eo interfectus est, qui viros turris Sichimorum, frondibus arborumque ramis cæcis, per fumum et ignem necavit. Et de obitu ipsius Abimelech. 1174
- CAP. XIV. — Quod post Abimelech surrexit in Israel Thola, filius Phua, patris Abimelech, cui post viginti et tres annos successit Jair, Galaadites, qui judicavit Israel per viginti duos annos. 1175
- CAP. XV. — Quod peccantem Israel Dominus tradidit in manus Philistinim et filiorum Ammon, sed iterum eis ad poenitentiam conversis defensorem misit, Jephthe volui Domino faciens adeptus est de hostibus victoriam. 1177
- CAP. XVI. — De Manue et uxore ejus sterili, quibus angelus Domini promisit filium Sampson Nazaræum Domini, et de holocausto quod idem Manue ab angelo admonitus offerebat Deo. 1190
- CAP. XVII. — De ultione quam fecit Sampson in Philistinæis, propter sponsam sibi ablatam. 1195
- CAP. XVIII. — Quod tria millia virorum de Juda Sampson voluerunt tradere in manus Philistinorum, quibus ille traditus percussit ex Philistinim in mandibula asini mille viros; et quod fores portæ urbis Gazæ cum postibus suis nocte tulit, atque in montem portavit. 1195
- CAP. XIX. — Quod Sampson concupivit in Gaza mulierem meretricem, a qua ipse per proditorem deceptus est. 1194
- CAP. XX. — Quod Sampson cæcus in convivium Philistinorum ad insultandum adductus, duas columnas domus concussit, et ruente tota fabrica secum plurimos hostium interfecit. 1197
- CAP. XXI. — De ultione stupri in Benjaminitas ab Israel confecta. 1199
- INCIPIT COMMENTARIUM IN LIBRUM RUTH. 1199
- CAPUT PRIMUM. — Transitus Elimelech et Noemi uxoris suæ cum duobus liberis de Bethleem Juda in terram Moab, ut peregrinarentur ibi. 1199
- CAP. II. — Quod ibi eis morantibus decem annis ambo liberi eorum mortui sunt, Mahalon videlicet et Gelion, remansitque mulier orbata duobus liberis et marito. 1202
- CAP. III. — Quod egressa Noemi de loco peregrinationis suæ, cum utraque nuru in terram Juda reverti disposuit, nurusque suas regredi in terram natalitatis suæ suasit. 1205
- CAP. IV. — Quod Orpha revertente, Ruth cum Noemi permansit ac in terram Juda pervenit. 1204
- CAP. V. — Quod messis hordearum tempus hoc erat, quando Noemi cum Ruth, nuru sua, reversa est in Bethleem. 1205
- CAP. VI. — De eo quod Booz, cognatus Elimelech, videns Ruth colligentem spicas remanentes post messorum suos, sciscitatus est quæ esset hæc mulier. 1205
- CAP. VII. — Quod Booz jubet Ruth in agro suo sine molestia cujuslibet spicas colligere, eamque ad pradium vocavit. 1207
- CAP. VIII. — De eo quod Ruth usque ad vesperam in agro suo morans, et quas collegerat virga excutiens, invenit tres modios quos portans reversa est ad socrum suam. 1209
- CAP. IX. — Consilium Noemi ad Ruth, qualiter sibi provideat per ingenium futuras nuptias Booz. 1211
- CAP. X. — Quod Ruth obediens consilio socras suæ notavit locum ubi Booz dormiebat, et veniens juxta pedes se projecit. 1212
- CAP. XI. — Reversio Ruth ad socrum quæ portavit sex modios hordei, utrans socri suæ omnia quæ facta fuerant. 1215
- CAP. XII. — De ascensu Booz ad portam civitatis et collocutio ejus ad consanguineum suum de accipienda Ruth ut suscitaret semen consanguinei sui defuncti. 1216
- CAP. XIII. — Quod ipse nolens coram testibus suis solvere homo calcamentum suum de pede, et tradidit Booz. 1217
- CAP. XIV. — Quod Booz coram testibus firmavit nuptias Ruth, et quod eis cuncti deprecabantur prospere. 1219
- CAP. XV. — De eo quod Ruth peperit filium Booz, nomine Obed, quem Noemi ponens in sinu suo, nutricis ac gerulæ officio fungebatur. 1221
- CAP. XVI. — Recapitulatio generationis Booz a Phares filio Judæ usque ad David filium Jesse. 1225